

BIBLIOTECA
DEL REAL MONASTERIO
DE HUERTA.
Núm. 32.

Est. 1837
Jan 2nd
1837

THEOLOGIA
CHRISTIANA
DOGMATICO-MORALIS

CONTRACTA IN TOMOS DUOS

A U C T O R E

F. DANIELE CONCINA
ORDIN. PRÆDIC.
TOMUS PRIOR

Complectens, præter APPARATUM, octo priores LIBROS.

Præmissa, in hac Neapolitana Editione, Encyclica
Emortuali, in Auctoris commendationem.



NEAPOLI MDCCLXI
EXPENSIS DOMINICI TERRES
TYPIS JOSEPHI RAYMUNDI
SUPERIORUM FACULTATE, AC PRIVILEGIO,

THEOLOGIA

CHRISTIANA

DOGMA-TICO-MORALIS.

CONTRACTA IN SOMOS EVA

ACTA

EDANTELE CONCINA

ORDINARIO

OMNIS TRADIC

COMPLIENS, TUNC AGO, NOTAEST A MELI, ANGELI

PROSPER, TUNC ET PRAECEPS, TUNC ET PRAECEPS,



MDCLXII 10 JULY 1662

EX LIBRIS DOMINI GREGORII RUMPHII

LIBRARIA HERCULANENSIS

EX LIBRIS GREGORII RUMPHII

EXEMPLUM LITTERARUM
PRORECTORIS & PP. COLLEGII SS. ROSARII
VENETIARUM

Ad Praesides Monasteriorum sui Ordinis de morte P. DANIELIS CONCI-
NÆ, qui obiit die xxxi. Februarii An. sal. MDCCLVI.

Reverende Admodum Pater Praes.

SI quando cum D. Hieronymo exclamare licuit: *O mors, quæ a filiis Patrem dividis, O amore sociatos crudelis, ac dura dissicias*, nunc profecto vel maxime decet, dum pro officii nostri munere luftuosissimum funus Reverendi Admod. P. F. DANIELIS CONCINÆ Vobis de more nunciamus. Ecquis tam claro, ac celeberrimo auditu nomine dignum plane lugendi argumentum in ejus obitu statim non agnoscat, & fateatur? Virum enim ereptum dolemus Congregationis nostræ decus, Ordinis ornamen-
tum, Verbi Dei Praæconem eximium, Morum doctrinæ acerrimum assertorem, ac vindicem, Ecclesiæ fidelem Ministrum, & de tota Chri-
stiana Rep. optime meritum. Hic adolescentiam egressus, Mundo (in quo ob ingenii præstantiam & indolem ad omnia comparatam non modicos sibi progressus polliceri poterat) nuncium remittens, Congrega-
tioni nostræ nomen dedit, in eaque receptus, & tyrocinio ac Studio-
rum curriculo feliciter obito, Artes & Theologiam docendi gradum obti-
nuit. Jamque hocce stadium plures annos in Cœnobiis nostris decurrentes,
cœperat in clarescere, cum repente Divina Providentia sic disponente,
quæ in illo sibi peculiarem Ministrum ad animarum salutem delegerat,
munus Prædicationis adgreditur. Haud facile dictu est, quantum Divina
suffultus gratia in hoc ministerio valuerit, & quam uberem inde messem
in horreum Domini comportaverit. Vix ulla est ex celebrioribus nostræ
Italiæ Urbibus, quæ ipsum quam enixe non efflagitaverit, avidissime
non audierit semel & iterum, & summis laudibus non concelebraverit.
Roma septies in augustioribus ejus Basilicis per integras Quadragesimas
concionantem exceptit, & frequentissima semper adivit, octava etiam
vice hoc eodem anno auditura, nisi morbus intercessisset. Ubique vero

tantus fiebat populorum concursus , ut ampliora templa multitudini
capiendæ vix sufficerent , & ne diuturna , ac inutili prorsus fatigatione
confluentis populi turba detineretur , horam prævenire quandoque co-
geretur . Nec Auditorum animos , aut exquisito verborum lenocinio de-
mulcebat , aut sententiarum acumine , vel figurarum industriosâ collocu-
tione rapiebat ; sed spretis persuasibilibus humanæ sapientiæ verbis ,
in ipso fortissimum contra vitia declamatorem , strenuum Divini Verbi
præconem , & sacrorum oraculorum fidelem interpretem suspiciebant
omnes & admirabantur . Nec tamen rudiori plebi se denegabat , quin-
immo per plures annos catechizandis rudibus adeo studiose amanter-
que se addixit , ut oblato in celeberrimo Templo Concionum haben-
darum honore , sub ea conditione ut interim ab illo demissiore , ut
reputabant , ministerio abstineret , mallet nuncium remittere , quam ab
humili caritatis officio cessare . Verum Prædicationis labor nonnisi cer-
tis diebus vel in hebdomada , vel in anno recurrebat , multum pro-
inde temporis utilius insumendum supererat viro adeo otii inimico , &
quietis impatienti , ut vix corporis levamini & necessitatibus indulge-
ret . Cibi & somni parcissimus tribus postremis ferme lustris duodecim
fere horas in singulos dies studio impendebat . Nil mirum proinde , si ad
quadraginta de rebus Theologicis Volumina jam ætate maturus edere
potuerit : & ea quidem vere profecto auro , cedroque digna , sive utili-
tatem spectetis , sive dignitatem . In illis quippe purioris Ethicæ dog-
mata traduntur , laxitatibus bellum indicitur , erroneæ opiniones dete-
guntur , incredulorum insaniam profligatur , Monastica Disciplina ad pri-
mævam formam instauratur , Ecclesiasticarum Legum vigor sustinetur ,
Pontificum Decreta explanantur , & quidem omnia summo ingenio ,
eruditione summa ; zelo insuper exarata plane mirabili , & cælesti qua-
dam unctione perfusa , qua corda emollit , & quæ asperiora carni &
sanguini videntur , efficacissime suadet . Sed quid immoror in Conso-
dalis nostri Doctrina vel exponenda , vel commendanda ? Ejus Volumi-
na studiose conquisita , summo plausu semper excepta , summis præco-
niis concelebrata omnium versantur manibus , omnibus acceptissima
simul , & utilia , adeo ut repetitis typis communibus votis satisfacere
necessum fuerit . His itaque ingenii , doctrinæ , & zeli sui argumentis
toties exhibitis immortalem sibi famam , & quidem non mendacem com-
paravit , magno proinde semper in pretio habitus non a Theologis sol-
lum , ceterisque eximiis totius pene Europæ Viris , ac Ordinis Nostri
Supremis Moderatoribus , verum etiam Regibus , Principibus , Eccle-
siæ

sæ Proceribus, Purpuratis Patr ibus carus acceptusque fuit: quorum plures absentem amplissimis Litteris honestarunt, plures ejus opera & studio in arduis negotiis usi sunt, plures denique, dum postremis annis Romæ versaretur, sibi familiarem esse voluerunt, suaque amicitia dignati sunt. Quinimmo Supremus ipse Ecclesiæ Pastor BENEDICTUS XIV. P. M. (qui pro summa sua humanitate hic se nominari patieatur) quanti faceret Consodalem nostrum non obscuris argumentis testatum voluit, dum illum ad Sacros Pedes accedentem benigne humaniterque excipiebat, diutius cum illo versabatur, in arduis difficultibus Congregationi Cardinalium Theologum & Consultorem adjunxit, privatis benignissimis Epistolis & in publico Diplomate commendavit; & quod maximum tantoque Pontifice dignum, nullaque unquam obliuione delendum, in summo discrimine constitutum Viri honorificentissimi nomen summa sapientia & suprema sua Auctoritate in tuto collocavit. Verum his aliisque cumulatus amplissimis favoribus nunquam sese extulit, nunquam quidpiam sive dignitatis, sive sublimioris gradus vir sui contemtor ambivit: quod adeo certum omnibus exploratumque erat, ut quicumque eum in urbe noverant (& quis CONCINAM non noverat?) communi voce testarentur, ceteros quidem in spe fructus arare, unum CONCINAM suis stipendiis omni spe abjecta militare; quinimmo ipse quoque repetitis vicibus, sive amicis laborum præmium exoptantibus, sive aliis callide versuteque animum pertentantibus reponere confueverat, vultu ad indignationem contracto, si optio datur, malle se ad abjectissimam conditionem detrudi, quam aliqua dignitate, vel Ecclesiastico munere onerari. Quod & factò quoque comprobavit: nam collatam a Generali Magistro Supremam Congregationis Nostræ Præfecturam modeste recusavit. Ita quidem dum de semetipso ageretur; verum pro veritate sive tuenda, sive vindicanda semper stetit infractus, nec pectoris sui constantiam & fortitudinem vel leviter dimovere potuerunt minæ, calumniæ, contumeliæ, dehonestamenta, queis haud leviter fuit lacefitus; immo nec sublimis illius animi tranquillitatem vel uno momento perturbarunt, quippe qui unice Deum contuens, & cetera cuncta despiciens, talis erat, qui nec benedictione moveretur nec maledictione.

Dum tamen Carissimus noster sic splendebat in sæculo, non minus Virtutibus & exemplis resulgebat in Claustro. Summa erat erga Deum ejus Pietas, & Devotio, in eumque tanto spiritu ferebatur, ut quotiescumque vel de ejus implenda voluntate, vel de ejus formidan-

dis iudiciis, vel de caducarum rerum contemtu sermonem sive cum suis Concellitis, sive cum extraneis eum habere contingeret, (contingebat autem saepissime praesertim postremis mensibus) ubertim fleret ipse, & alios ad collacrymandum compelleret. Consodales suos honorifice, blande, comiterque tractabat, summa caritate prosequebatur, ac ad Regularem Disciplinam sedulo custodiendam, aut suscipiendam adhortabatur, & urgebat; nec irrito labore: non pauci siquidem rigidioris Disciplinæ studio vel eo hortante, vel suorum Voluminum lectione ad Congregationes convolarunt. Ipse vero ejusdem Regularis Observantiae tenacissimus Custos, & promotor Legum nostrarum apices fideliter custodiebat, perpetuam carnium abstinentiam nunquam sanus, nec prædicationis gratia intermisit; consueta septem mensium jejunia etiam itineribus fessus servavit, quinimmo illud affirmare vere possumus, ab ipso postremos viginti ferme suæ vitæ annos perpetuo jejunio fuisse transactos, semel enim in die modicissima & quidem communi ac viliori contentus esca protraita longo studio vires vix resarciebat, quin ullo ulterius cibo, vel potu se recrearet, modicæ aquæ usu ad medicinam dumfaxat excepto; tantumque corporis & valetudinis suæ curam negligebat, ut nervorum dorsi, brachiorum, ac manuum tabe contracta per integrum annum nec Medicum, ad curationem acciverit, nec medicinæ auxilia adhibuerit, donec usu talium membrorum pene privatus, sero nimis, proinde incassum balnea adivit factus jam insanabilis. Verum o utinam hic constitisset Garissimi nostri adversa valetudo! Adhuc gratissima ejus præsentia frueremur. Sed sub finem mensis Septembris proxime elapsi, dum ad nos Florentia reverteretur, vitorio rheumatis ad pectus affluxu correptus est, a quo tamen solerti cura & peritissimi Archiatri studio, & diligentia pene ex integro levatum gratulabamur: cum inopinatè die vigesima hujus mensis novo abscessu invadente, & respirationem intercipiente intra paucas horas de Garissimi Consodalis nostri vita actum doluimus. Vix ipse imminere vitæ discrimen perfensit, statim Ecclesiæ Sacraenta enixe efflagitavit. Sacro itaque Viatico media subsequente nocte munitus, & oriente Sole Sacro Oleo delibutus, Ecclesiæ præces pro in agone constitutis sibi recitari petivit, quibus clara voce, promptoque spiritu respondit. Reliquum vero vitæ tempus, quo semper integris sensibus, & lucida mente a Deo donatus fuerat, a quo gratiam hanc quotidiana oratione exposcebat, in ferventioribus Virtutum actibus insumisit; cupiensque disfolvi, & esse cum Christo diem hanc felicem appellabat, cito ad Deum

rapi expetebat , dirum agonis eruciatum levem nimis appellabat , ma-
ioresque sibi dolores exoptabat , ut Christo , & Martyribus conformior
fieret ; nobis interim tanti Viri pietatem , & fortitudinem admirantibus ,
atque ubertim flentibus , donec tandem ipso non semel monente ut
consuetæ ad Deiparam Antiphonæ pro more Religionis nostræ cantus
inciperet , sub ejus finem erexit in cælum luminibus placidissime ob-
dormivit in Domino hora decima sexta , ætatis anno sexagesimo nono
jam a quatuor mensibus incepto , ab habitu Religionis suscepto qua-
dragesimo nono .

Hæc sunt Consodalis nostri Virtutum exigua & obscura lineamen-
ta : longe enim plura , & sublimiora dici possent , quæ de tanti Viri
obitu nos jure tristari compellunt ; sed hæc eadem solantur nos maxi-
ma fiducia injecta Carissimum nostrum laborum , zeli , & Virtutum sua-
rum amplissima retributione percepta jam partem habere cum Christo .
Nihilo tamen minus si quidquam eluendum forte superesset coram Deo ,
qui justicias judicat , & in Angelis suis reperit pravitatem , efflagita-
mus ardenterissime , ut vestris illum precibus & Sacrificiis juxta nostra-
rum legum præscripta sublevetis ; & si quid etiam pie supererogandum
tanti Viri meritis videtur , quantocius præstare non dedignemini . Va-
lete nostri quoque in vestris orationibus memores . P. V. A. R.

Datum in Collegio SS. Rosarii Venetiarum III. Cal. Martii Anno 1756.

Addictissimi & Humillimi Servi
F. Zeno Castagna Prorector , & FF. ejusdem Collegii .

L E C T O R I
V E N E T U S
B I B L I O P O L A



Heologie christianæ DANIELIS CONCINE Ordinis Prædicatorum Compendium ab ipso auctore elaboratum, tenebris conclusum, sapienti potentique obstetricante manu in lucem tandem eductum typis meis prodit. Viri tanti decora a non obscuri nominis scriptoribus multoties celebrata, a me semper prætermissa, probro mibi a nonnullis vertendum, nedum stupidi, verum etiam ingratii animi nota insuper inusta, timeo vereorque. Editis per me tamen operibus ab ipso conscriptis, vulgatisque ipsorum catalogis, meo me munere functum, prudentiores forte censebunt, sapientum cœtui, quorum jura piaculum est usurpare, auctoris doctrinæ, gestorumque reservato delatoque judicio. Hoc viri elogium mibi cum impune liceat, decere etiam quammaxime arbitror, sufficere item non ambigo. Unde enim melius certiusque quam ex fructibus arboris indoles agnosci queat? Quid enim, si ingenium, si pietatem, si studia, si zelum, si constantiam, si animi magnitudinem summis, ut decet, laudibus extollam, a viris fide dignissimis, a me metipso auditæ, visa, probata referens? Hæc omnia, & longe majora quæ dici possent, minora tamen justo essent, iis comparata quæ liquidio ex ejus operibus elici queunt, quorum censem hic quoque ad alterius Tomi calcem retexui. Quis ego præterea ut cum cl. nostri ævi scriptoribus, qui non laudes tantum ipsius, verum apologias etiam prolixas contexuere, eodem in studio currere ausim? Cui vero post solemnem auctoris commendationem a BENEDICTO XIV. fel. rec. pro suo in eum studio in Epistola encyclica ad Episcopos directa an. 1744. prolatam, magna de illo, & pro illo scribendi locus non datur? Hæc mibi, non præclarissimi auctoris meritis satis: quibus alii huic spartæ aptiores litare non sine laude poterunt. Vale lector, & hoc novum meæ pro tuo respectu sollicitudinis argumentum bilari gratoque animo suscipe.

IN-

I N D E X

Librorum, Dissertationum, Capitum, Paragraphorum, & Quæstionum,
qui in hoc Tomo continentur.

L I B E R I.

APPARATUS AD THEOLOGIAM CHRISTIANAM DOGMATICO-MORALEM.

- C**AP. I. *De iis quæ primum omnium sci-re moderator animarum debet.* pag. 1
 Quæst. 1. *Animarum medicus scire ne impi-mis debet humanae naturæ vulnera?* ib.
 Quæst. 2. *Quodnam fuit primum peccatum Adæ?* ib.
 Quæst. 3. *Peccatum Adæ pertinet aliquo modo ad ejus posteros?* ib.
 Quæst. 4. *Quinam sunt peccati originalis effectus?* ib.
CAP. II. *De Scriptura sancta.* 2
 Quæst. 1. *Quid sit sacra Scriptura?* 3
 Quæst. 2. *Quotuplex est Scripturae divine sensus?* ib.
 Quæst. 3. *Quænam est Scriptura authentica?* ib.
 Quæst. 4. *Pervia ne est omnibus Scripture sancte intelligentia?* ib.
 Quæst. 5. *Quæ via tenenda, ut germanum Scripturæ sanctæ sensum asequamur?* 4
CAP. III. *Necessitas summa qua Theologi omnes, sed præcipue qui Christianorum conscientias dirigunt, ad Scripturæ sanctæ studium adstringuntur.* 5
CAP. IV. *Christianæ professionis spiritum, & præcipias ejusdem regulas, & luculentissima principia callere imprimis Pastores, & Christianorum moderatores exacte debent.* 9
 Quæst. 1. *Quas servare regulas debeant Pastores animarum in sanandis agrotis?* ib.
 Quæst. 2. *In quo potissimum situs est christiane perfectionis spiritus?* ib.
 Quæst. 3. *Humilitas est ne potissima christiane perfectionis virtus?* 10
 §. UNIC. *Consectarium meditandum.* 11
CAP. V. *De paucitate electorum, & multi-tudine reproborum.* 13
CAP. VI. *Episcopi sacris Ordinibus initian-dos examinare potissimum debent super Evangeliorum notitia.* 17
CAP. VII. *De traditionibus.* 19
 Tom. I.

- C**AP. VIII. *De Ecclesia.* 20
CAP. IX. *De Conciliis.* 22
CAP. X. *De Summorum Pontificum, SS. Pa-trum, & Theologorum tum Scholasticorum, tum Moralistarum auctoritate.* 23
CAP. XI. *Nonnullæ objectiones diluuntur, & monita quedam affiguntur.* 26

L I B E R II.

APPARATUS AD THEOLOGIAM CHRISTIANAM DOGMATICO-MORALEM.

D I S S E R T A T I O I.

De conscientia.

- C**AP. I. *De conscientia, ejusque partitione* 31
 Quæst. 1. *Quid sit conscientia?* ib.
 Quæst. 2. *Quotuplex sit conscientia?* 32
 Quæst. 3. *Peccat ne qui conscientiam rectam non sequitur?* ib.
 Quæst. 4. *Obstringitur ne homo sequi conscientiam propriam sive rectam, sive errantem?* ib.
 Quæst. 5. *Peccat ne qui non agit secundum conscientiam erroneam?* ib.
 Quæst. 6. *Quomodo se gerere debeat qui ex conscientia erronea utrumque contradictionis extremum peccatum esse judicat?* ib.
 Quæst. 7. *Quomodo deponenda est conscientia erronea, & qua diligentia adhibenda?* 33
 Quæst. 8. *Ex quibus indiciis colligi potest conscientiam errantem esse vincibilem, aut invincibilem?* ib.
CAP. II. *De obligatione qua tenentur Confes-sari illuminare pœnitentes invincibili con-scientia erronea laborantes. Laxæ opiniones refelluntur.* ib.
CAP. III. *Opera ex conscientia invincibiliter erronea peracta, licet careant malitia for-mali, nulla tamen preedita sunt bonitate, aut merito.* 35
 Quæst. unic. *Quid sit conscientia perplexa?* 37
CAP. IV. *De conscientia dubitante.* ib.
 Quæst. 1. *Quotuplex sit dubium?* ib.
 Quæst. 2. *Uirum operari cum conscientia du-bio*

- bia de peccato, peccatum sit? 38
 Quæst. 3. Quid dicendum de discriminè quod a nonnullis constituitur inter dubium facti, & juris? 38
CAP. V. Exponuntur illæ due regulæ: In dubiis tuto r pars est eligenda: In dubiis melior est conditio possidentis: & que diligentia requiratur ad dubium deponendum. ib.
CAP. VI. De conscientia scrupulosa. 39
 Quæst. 1. Quænam scrupulorum remedia? ib.
 Quæst. 2. Quomodo se gerere Confessarius cum scrupulis debat? 40
 Quæst. 3. Licitum ne est contra scrupulos agere? ib.

DISSERTATIO II.

De Probabilismo, ejusque consectariis.

- CAP. I.** Opiniones a S. Sede damnata in controversia Probabilismi. 41
CAP. II. Quid, & quotuplex sit opinio probabilis, probabilior, tuta, & tuto r. Germanus sensus questionis proponitur. ib.
CAP. III. Argumento evidenti & ineluctabili evincitur, doctrinam de licto usu opinionis minus probabilis in conspectu probabilioris esse falsam, & antievangelicam. 43
 §. 1. Brevis explicatio prima propositionis. ib.
 §. 2. Brevis explicatio secunda propositionis. ib.
 §. 3. Probabilista simplex & perspicuum responsum præbere huic demonstrationi non possunt. 44
CAP. IV. Summi Pontificis Alexandri VII. auctoritate evincitur sistema probabilisticum pugnare cum lege evangelica. 45
CAP. V. Ven. Innocentii XI. Pontificis Summi auctoritate Probabilismus evincitur improbatus. 47
CAP. VI. Aliis rationum momentis Probabilismus profligatur. 49
CAP. VII. Expenduntur paradoxa Probabilistarum. 51
 §. 1. Paradoxon primum: Melior est conditio possidentis. ib.
 §. 2. Paradoxon secundum: Lex dubia non est lex. ib.
CAP. VIII. Absurda gravissima quæ necessario consequuntur Probabilismum. 53
 §. 1. De ignorantia, ejusque divisione. ib.
 §. 2. Datur ne ignorantia invincibilis cuius-

cumque juris naturalis?

ib.

§. 3. Paradoxon primum ignorantiae probabilistice, nullum nempe dari peccatum absque actuali advertentia.

54

§. 4. Alterum paradoxon ignorantiae probabilistice, peccatum philosophicum.

55

§. 5. Paradoxon tertium ignorantiae probabilisticae, summopere mirificum, & universæ antiquitati inauditum.

ib.

CAP. IX. Auctoritate Theologorum Probabilismus improbatur.

ib.

CAP. X. Licitum est amplecti opinionem evidenter probabiliorem pro libertate, relictâ minus probabili tuto r pro lege.

58

CAP. XI. Adhortatio ad Confessarios.

ib.

THEOLOGIA CHRISTIANA
DOGMATICO-MORALIS.

LIBER III.

IN-PRIMUM DECALOGI MANDATUM.

DISSERTATIO I.

De Fide, & Spe.

- CAP. I.** Recensentur propositiones damnatae ab Ecclesia in materia fidei. 60
CAP. II. Census propositionum quæ videntur laxæ, ex Casuistis decerptarum. 61
CAP. III. De fide, & ejus divisione. 62
 Quæst. 1. Quid sit fides? ib.
 Quæst. 2. Quotuplex sit fides? ib.
 Quæst. 3. Quodnam sit, & quotuplex objec-
tum fidei? ib.
 Quæst. 4. Fiducia qua quis certo credit sibi
esse peccata remissa, est ne fides theologica ad salutem necessaria? ib.
 Quæst. 5. Quæ ab Ecclesia credenda propo-
nuntur ut a Deo revelata, sunt ne eviden-
ter credibilia? ib.
 Quæst. 6. Pia voluntatis affectio precedere ne
fidem debet? ib.
 Quæst. 7. Quinam sunt homines apti ad
fidem theologicam? ib.
CAP. IV. De necessitate credendorum. 63
 Quæst. 1. Utrum necessaria fides sit ad sa-
lutem? ib.
 Quæst. 2. Quinam articuli credendi sunt ne-
cessitate medii? ib.
 Quæst. 3. Ignoranti mysteria Trinitatis, &
Incar-

INDEX LIB. CAP. &c.

III

- Incarnationis neganda ne absolutio est?* ib.
Quæst. 4. *Quenam sunt fidei capita que vi
precepiti credere adulii obstringuntur?* 64
CAP. V. *Quenam scire fideles debeant eorum
que mores instituant, & Christianorum vi-
tam conformant ad exemplar Magistri no-
stri Iesu Christi.* 64
Quæst. 1. *Quenam sunt precepta & media
que Deus jubet pro formandis moribus,
que scire Christiani astringuntur?* 65
Quæst. 2. *Excusari ne fideles aliqui rudes
possint ob ingenii hebetudinem a notitia
quorundam articulorum?* 66
Quæst. 3. *Satisfacunt ne fidei precepto fi-
deles qui Symbolum, decem Decalogi pre-
cepta, orationem dominicam, & angelici-
am salutationem latine discunt, quando
sunt lingue latine profus ignari?* ib.
Quæst. 4. *Quandonam fideles elicere actus
internos fidei astringuntur?* ib.
CAP. VI. *De precepto divino, & ecclesiasti-
stico confitendi doctrinam christianam tum
fidei, tum morum.* 67
Quæst. 1. *Datur ne preceptum confitendi ex-
teriorius fidem christianam?* ib.
Quæst. 2. *Qui interrogatur de fide catholica,
peccat ne, si taceat?* ib.
Quæst. 3. *Licatum ne est aliquando tyran-
num fugere, ut coactio ad fidem confiten-
diam evitetur?* ib.
Quæst. 4. *Qui curam animarum habent, te-
nentur ne fidei professionem palam edere?* ib.
Quæst. 5. *Negaret ne fidem qui negaret se
esse Christianum?* ib.
Quæst. 6. *Peccant ne contra preceptum con-
fitende fidei qui erubescunt publicam con-
fessionem doctrine que mores regit?* 68
Quæst. 7. *Licit ne aliquando falsam simu-
lare religionem verbis, aut factis?* ib.
CAP. VII. *De infidelitate, ejusque variis
speciebus virtuti fidei oppositis.* 69
Quæst. 1. *Tolerari ne infideles licite queunt
inter Catholicos?* 70
Quæst. 2. *Potest ne Ecclesia aut seipsa im-
mediate, aut Principum ope infideles non
subditos ad fidem suscipiendam cogere?* ib.
CAP. VIII. *De communicatione fidelium cum
infidelibus.* ib.
CAP. IX. *De heresi, & apostasia a fide,
& pœnis in hereticos latis.* 71
Quæst. 1. *Utrum dubius in fide, hereticus
habendus sit?* ib.
- Quæst. 2. Quid sit apostasia?* 72
*Quæst. 3. Quenam sunt pœne in hereticos
late?* ib.
*Quæst. 4. Quinam subjacent pœnis latis in
hereticos?* ib.
*Quæst. 5. Lata ne excommunicatio est in cre-
dentes, sautores, receptatores, & defenso-
res hereticorum?* 72
*Quæst. 6. Permissum ne Catholicis est dispu-
tare cum hereticis?* ib.
CAP. X. *De libris prohibitis.* ib.
CAP. XI. *Virtutis spei theologica notio, ob-
jectum, subjectum, preceptum, & tempus
quo urget obligatio.* 74
Quæst. 1. *Quid sit spes theologica?* ib.
Quæst. 2. *Datur ne spei preceptum?* ib.
Quæst. 3. *Datur ne timoris preceptum?* ib.
Quæst. 4. *Quenam sunt virtus spei opposita?* ib.

DISSERTATIO II.

De caritate erga Deum.

- CAP. I.** *Census propositionum proscriptarum.*
CAP. II. *Inventarium propositionum que la-
te videntur.* 75
CAP. III. *Caritatis theologica notio, objec-
tum, prerogative, & preceptum.* 77
Quæst. 1. *Quid sit caritas, ejusque objectum?* ib.
Quæst. 2. *Urget ne preceptum amandi Deum?* 78
Quæst. 3. *Amor quem preceptum hoc impe-
rat, debet ne esse appetitivus, vel etiam
intensivus?* ib.
CAP. IV. *Tempora designantur in quibus
hoc preceptum amandi Deum urget.* 79
Quæst. 1. *Obligat ne preceptum istud aliquo
determinato tempore?* ib.
Quæst. 2. *Satis ne est semel in vita actum
amoris Dei elicere?* ib.
Quæst. 3. *Obligat ne hoc preceptum singulis
dumtaxat quinquenniis?* ib.
Quæst. 4. *Obligat ne preceptum istud per se
in primo usus rationis instanti?* ib.
Quæst. 5. *Frequenter ne ad actus amoris Dei
obligat caritatis preceptum?* 80
Quæst. 6. *An satis fit semel in anno actus
caritatis elicere?* 81
Quæst. 7. *Utrum ex precepto caritatis o-
mnes adstringantur dirigere opera sua in
Deum?* 82
CAP. V. *Confectaria que theologiarum vir-*

tutum exercitia, & officia suadent.	83
§. 1. Qua ratione fidei excellentia, & exercitium suadendum.	ib.
§. 2. Spei christiane exercendae rationes.	84
§. 3. Caritatis exercendae regule.	85

DISSERTATIO III.

De caritate erga Proximum.

CAP. I. Recensentur propositiones damnatae aduersus caritatem proximi.	86
CAP. II. Propositiones laxae Casuistarum.	ib.
CAP. III. De praecepto divino, quo jubemur actu interno caritatis proximum diligere.	87
Quæst. 1. Datur ne præceptum diligendi proximum?	88
Quæst. 2. Præceptum istud obligat ne ut peculiariis internis actibus proximum diligamus?	ib.
Quæst. 3. Actus quo diligere proximum jubemur, debet ne esse distinctus ab actu amoris quo Deum diligimus?	ib.
Quæst. 4. Obligat ne per se hoc præceptum ad proximi dilectionem?	ib.
Quæst. 5. Quomodo diligere debes proximum sicut teipsum?	ib.
Quæst. 6. Quis ordo in caritate servandus?	89
Quæst. 7. Qui sunt in dilectione preferendi?	90
CAP. IV. De inimicorum dilectione.	ib.
Quæst. 1. In lege veteri urgebat ne præceptum diligendi inimicos?	ib.
Quæst. 2. Quænam benevolentia signa inimicis exhibenda?	ib.
Quæst. 3. Offensori petenti pacem tenetur ne offensus signa dilectionis exhibere?	91
Quæst. 4. Astringitur ne offensus non solum odium deponere, sed etiam satisfactionem remittere, & compensationem?	ib.
Quæst. 5. Licitum ne est de malo proximi gaudere ob bonum quod inde nobis obvenit?	ib.
CAP. V. De eleemosyna corporali.	92
Quæst. 1. Quid sit eleemosyna?	ib.
Quæst. 2. An iure naturali & divino eleemosyna imperetur?	ib.
CAP. VI. Selecta Patrum testimonia, quibus ad eleemosynam divites urgentur, & istorum excusationes vane refelluntur.	ib.
CAP. VII. De tempore quo eleemosyna præceptum urget. Varie quæstiones resolvuntur.	96

Quæst. 1. Extrema necessitate laboranti astringuntur ne divites succurrere non modo ex superfluis, sed etiam ex necessariis statui?	ib.
Quæst. 2. Tenentur ne divites captivos apud Turcas, aliosque infideles redimere?	97
Quæst. 3. Drives qui extrema penuria laboranti dat mutuo pecuniam, satisfacit ne præcepto eleemosyna?	ib.
Quæst. 4. Licitum ne divitibus est retinere superflua statui presenti ut ad altiorum ascendant?	ib.
Quæst. 5. In communi necessitate subveniendum ne pauperibus est ex superfluis?	98
Quæst. 6. Licitum ne pauperi est in gravi constituto necessitate furari ea quæ sibi necessaria sunt?	99
CAP. VIII. Qui facere eleemosynas, de quibus bonis, & quibus pauperibus astringuntur?	100
Quæst. 1. Quinam erogare eleemosynas posunt, & debent?	ib.
Quæst. 2. Filii familias, & uxores facere ne eleemosynas queunt?	ib.
Quæst. 3. Tenentur ne Regulares eleemosynas facere?	ib.
Quæst. 4. Quibus pauperibus eroganda eleemosyna est?	ib.
CAP. IX. Monitum ad Confessarios.	ib.
CAP. X. De correctione fraterna.	102
Quæst. 1. Divinum ne est correctionis fraternalis præceptum?	ib.
Quæst. 2. Peccata ex ignorantia commissa, sunt ne vi præcepti corrigenda?	ib.
Quæst. 3. Quæ sunt personæ quibus onus incumbit correctionis?	ib.
Quæst. 4. Concionatores gravi culpa polluti peccant ne mortaliter verbum Dei e publico suggestu predicantes?	103
Quæst. 5. Obstringuntur ne subditi superiores corrigere?	ib.
Quæst. 6. Qui sunt superiores qui peculiari jure obstringuntur ad correctionem?	104
Quæst. 7. Quæ spes profectus concipi debet ut fraternalis correctionis præceptum obliget?	ib.
Quæst. 8. Differri ne correctione debet, ut tempore opportuno peragatur?	105
Quæst. 9. Quis ordo in correctione servandus?	ib.
Quæst. 10. Obligat ne servandi ordinis præceptum, cum existimat securius Pratalatum correctorum fore delinquentem?	ib.
Quæst. 11. Quæ peccata deferri ad superiorum neglecto correctionis ordine debent?	106

DISSERTATIO IV.

De vitiis caritati oppositis, & præsentim
de scandalo.

CAP. I. Recensentur primo propositiones da-
mnatio, deinde que laxe videntur. 107
CAP. II. Quid sit odium Dei, & proximi.
De discordia, contentione, schismate, &
seditione. 109

Quæst. 1. Est ne peccatum proximo maledi-
cere? 110

Quæst. 2. Quid sit discordia? ib.

Quæst. 3. Quid sit contentio? ib.

Quæst. 4. Quid sit schisma? ib.

Quæst. 5. Quid sit seditio? ib.

CAP. III. De scandalo. ib.

Quæst. 1. Quid, & quotuplex sit scan-
dalum? ib.

Quæst. 2. Utrum scandalum sit speciale pec-
catum? 111

Quæst. 3. Quam grave sit declinandi scan-
dali debitum? ib.

Quæst. 4. Reticenda ne est veritas vita, ut
scandalum vitetur? ib.

Quæst. 5. Est ne doctrine veritas reticenda,
ut scandalum vitetur? 112

Quæst. 6. Dimittenda ne est justitiae veritas
propter scandalum vitandum? ib.

Quæst. 7. Sunt ne temporalia propter scan-
dalum dimittenda? ib.

Quæst. 8. Opera spiritualia sunt ne propter
scandalum aut occultanda, aut differen-
da? ib.

Quæst. 9. Quid de scando Naamani Syri
dicendum? ib.

Quæst. 10. Licitum ne est idola, & thus
ethnicis vendere, fana, & synagogas con-
struere, & cetera hujusmodi, quorum ma-
lus pravidetur usus? ib.

Quæst. 11. Graviter ne peccant Christiani
qui in Turcarum tremebus renigant ad-
versus Christianos? 113

Quæst. 12. Licitum ne est pecunias mutuo ac-
cipere a feneratore parato ad senora? ib.

Quæst. 13. Licitum ne est suadere illi qui
certo peccaturus est, levius, ut omittat gra-
vius crimen? ib.

Quæst. 14. Licitum ne est invitare ad canam
eum qui solvere jejunium paratus est? 114

CAP. IV. De vano mulierum ornatu. ib.
Tom. I.

Quæst. 1. Ornare ne mulieres se licite va-
lent? ib.

Quæst. 2. Immoderatus mulierum ornatus im-
probatur ne a Scriptura sancta? ib.

Quæst. 3. SS. Patres detestantur ne mulie-
bres pompas? ib.

Quæst. 4. Peccant ne mulieres fucis, & sti-
bio vultum adulterantes? 115

Quæst. 5. Quid hoc de arguento doceant non-
nulli? ib.

Quæst. 6. Quandonam mulierum ornatus cen-
sendus sit superfluus, & mortiferus? ib.

Quæst. 7. Peccant ne mortaliter feminæ nu-
dato pectore incidentes? 117

Quæst. 8. Peccant ne feminæ que se conspi-
ciendas præbent viris a quibus se turpiter
amandas prævident? ib.

Quæst. 9. Peccant ne mortaliter feminæ que
pollitulos suos sibi inservire permittunt,
& illorum familiari colloquio fruuntur,
dum ex pluribus indicis probabiliter col-
ligunt, illos erga se veneris amore flagra-
re? 118

Quæst. 10. Licitum ne est nautis, & aurigis
herum deferre in domum concubinæ, vel
concubinam in domum heri? ib.

Quæst. 11. Possunt ne deferri litteræ amato-
rie ad amasiam amici? ib.

Quæst. 12. Licitum ne est meretricibus inservi-
re, eas addomum amasii comitari, januant
amasio aperire, lectum sternere? ib.

Quæst. 13. Licitum ne est locare domum me-
retribus? 119

Quæst. 14. Licitum ne est commodare alicui
cubiculum ad fornicandum? 120

Quæst. 15. Pingens concubinæ imaginem dan-
dam amasio, perpetrat ne peccatum scan-
dali? ib.

Quæst. 16. Licite ne pictores imagines turpes
depingunt? ib.

Quæst. 17. Quid de illis dicendum qui ob-
scenas imagines palam in dominibus exposi-
tas tenent? ib.

Quæst. 18. Licitum ne est petere solutionem
maleficii a malefico, vel saga? ib.

Quæst. 19. Quid de frequentatione comedia-
rum, & promiscua virorum, & mulierum
conversatione dicendum? ib.

Quæst. 20. Quid agere illi debent qui falsa
doctrina, aut fraude alios in peccatum im-
pulerunt, aut a bono, ab ingressu in Re-
ligionem retraxerunt? ib.

DISSERTATIO V.

De Religione.

- CAP. I.** *Natura, & actus Religionis quam prescribit primum Decalogi mandatum.* 121
Quæst. 1. *Quid sit Religio?* ib.
Quæst. 2. *Quot sunt Religionis actus?* ib.
Quæst. 3. *Quid sit devotio?* ib.
Quæst. 4. *Quinam sit devotionis effectus?* ib.
CAP. II. *De oratione, ejusque necessitate.* ib.
Quæst. 1. *Est ne oratio necessaria necessitate medii?* 122
Quæst. 2. *Datur ne orandi præceptum?* ib.
Quæst. 3. *Quo tempore determinato urgeat orationis præceptum?* ib.
Quæst. 4. *Peccat ne contra Religionis virtutem qui gravi tentatione pulsatus Deum orare negligit?* 124
CAP. III. *De orationis conditionibus.* Num solus Deus orandus? Sint ne Sancti invocandi? Et pro quibus orandum? ib.
Quæst. 1. *Quæ, & quot sint orationis conditiones?* ib.
Quæst. 2. *Quinam sint orationis effectus?* 125
Quæst. 3. *Utrum solus Deus orandus sit?* ib.
Quæst. 4. *Invocandi ne Sancti sunt?* ib.
Quæst. 5. *Orandum ne est pro omnibus viatoribus, etiam pro animabus in Purgatorio detentis?* ib.
Quæst. 6. *Certo ne suffragia profunt Purgatorii animabus, quibus applicantur?* 126
Quæst. 7. *Utrum peccatores orare debeant, & exaudiuntur a Deo?* ib.

DISSERTATIO VI.

De horis canonicis.

- CAP. I.** *Recensentur propositiones damnatae.* 126
CAP. II. *Propositiones laxæ quorumdam auctotorum.* ib.
CAP. III. *De horarum canonicarum numero, & finitione.* 127
Quæst. 1. *Quot sunt horæ canonice?* ib.
Quæst. 2. *Quenam sit horarum canonicarum notio?* ib.
Quæst. 3. *Quenam sunt partes majores, & minores divini officii, & quo tempore olim celebratae fuere?* ib.

- Quæst. 4.** *Est ne peccatum separare Matutinum a Laudibus?* 128
Quæst. 5. *Vetus ne est consuetudo recitandi horas canonicas in choro?* ib.
Quæst. 6. *Adhibenda ne sunt instrumenta musicalia in canto ecclesiastico?* ib.
CAP. IV. *De obligatione recitandi horas canonicas in choro, & de tempore, ordine, & loco quibus recitari debent.* 129
Quæst. 1. *Tenentur ne omnes Ecclesie cathedrales, collegiate, parochiales, & regulares sub gravi culpa recitare in choro horas canonicas?* 130
Quæst. 2. *Quot Religiosi requiruntur ut præceptum recitandi horas canonicas in choro impleatur?* ib.
Quæst. 3. *Novitii soli valent ne chori præceptum implere?* ib.
Quæst. 4. *Quo tempore recitandæ sunt horæ canonicae in choro?* ib.
Quæst. 5. *Est ne gravis obligatio recitandi divinas laudes statim diffinitisque horis?* ib.
Quæst. 6. *Est ne peccatum grave omittere in choro officium defunctorum, & officium parvum B. Virginis?* 131
Quæst. 7. *Quem ritum servare tenentur recitantes Breviarium?* ib.
CAP. V. *De illis qui privatim recitare horas canonicas astringuntur.* 132
Quæst. 1. *Clerici in minoribus constituti astringuntur ne horas canonicas, vel aliquas preces recitare?* ib.
Quæst. 2. *An Religiosi nondum in sacris constituti, & Moniales emissæ professione teneantur sub gravi culpa horas privatim extra chorum recitare?* ib.
CAP. VI. *De obligatione recitandi horas canonicas qua astringuntur Beneficiarii.* ib.
Quæst. 1. *Qui habet beneficium sive simplex, sive curatum, astringitur ne sub gravi culpa horas canonicas recitare?* ib.
Quæst. 2. *Qui percepit præstimonia, tenetur ne ad canonicas horas?* 133
Quæst. 3. *Pensionarii tenentur ne canonicas horas recitare?* ib.
Quæst. 4. *Episcopi, & Cardinales astringuntur ne ad recitandas canonicas horas?* ib.
Quæst. 5. *Coadjutores beneficiorum tenentur ne ad horas canonicas?* ib.
Quæst. 6. *Qui habet beneficium sine fructibus, tenetur ne ad horas canonicas?* ib.
Quæst. 7. *Qui dubius est de tenuitate beneficii,*

- ficii, tenetur ne solvere horarum canoniarum pensum? 134
- CAP. VII. De restitutione Beneficiariorum ob omissionem divini officii. 135
- Quæst. 1. Peccat ne mortaliter cum onere restitutionis Beneficiarius qui primis sex mensibus divinum officium omittit? ib.
- Quæst. 2. Beneficiarius qui elapsis sex mensibus omittit recitare officium absque culpa, tenetur ne ad restitutionem? ib.
- Quæst. 3. Beneficiarius qui partem levem in singulis horis omitteret, esset ne restitutioni obnoxius? ib.
- Quæst. 4. Qui hodie omittit officium, & cras duplex officium recitat, tenetur ne ad restitutionem? 136
- Quæst. 5. Praesata restitutione facienda ne est ante judicis sententiam? ib.
- Quæst. 6. Beneficiarius absque ulla attentione recitans officium, tenetur ne restituere? ib.
- Quæst. 7. Beneficiarius curatus omittens horas canonicas, tenetur ne restituere omnes beneficii fructus, an solum fructus correspondentes recitationi omissa? ib.
- Quæst. 8. Qui unum officium pro alio recitat, tenetur ne ad restitutionem? ib.
- Quæst. 9. Cuinam restitutione fieri debet, fabrice, an pauperibus? ib.
- Quæst. 10. Fructuum restitutio suppleri ne potest eleemosynis facilis a Beneficiario antequam omitteret preces canonicas? 137
- Quæst. 11. Pensionarius tenetur ne fructus pensionis restituere pro rata, si officium recitare omittat? ib.
- CAP. VIII. De attentione, intentione, voce, tempore, & loco servando in recitandis canonicas horis. ib.
- Quæst. 1. Que attentio requiratur ad recitationem divini officii? ib.
- Quæst. 2. Sufficit ne ad implendum preceptum attentio habitualis? 139
- Quæst. 3. Satis ne est ad implendum preceptum, meditari mysteria passionis Christi, aut Sanctorum, vel B. Virginis acta? ib.
- Quæst. 4. Peccant ne Christiani qui animo distracto preces recitant? ib.
- Quæst. 5. Que sunt actiones externæ que in recitante horas canonicas attentionem interiorem impediunt? ib.
- Quæst. 6. Licitum ne est inter manuum labores preces recitare? 140
- Quæst. 7. Satisficit ne precepto recitandi horas canonicas qui simul Missam de precepto audit? ib.
- Quæst. 8. Quid de eo dicendum qui in choro somno vexatur? ib.
- Quæst. 9. Necessaria ne intentio est recitandi horas canonicas? ib.
- Quæst. 10. Satis ne sit sola mente, absque exteriore voce, canonicas horas recitare: Oran Regulares fruantur privilegio recitandi officium divinum mentaliter, dum privatim extra chorū illud persolvunt? ib.
- Quæst. 11. Peccat ne letaliter qui unicam ex minimis horis omittit? 141
- Quæst. 12. Peccant ne mortaliter qui brevius, loco longioris, officium recitant? ib.
- Quæst. 13. Que continuatio, & ordo servari debent in recitandis canonicas horis? ib.
- Quæst. 14. Quo tempore recitanda sunt horas canonice? 142
- Quæst. 15. Qui celebrat Missam ante recitatum Matutinum peccat ne mortaliter? ib.
- CAP. IX. De causis excusantibus a recitandis horis canonicas? ib.
- Quæst. 1. Qui solus nequit, cum socio vero potest, tenetur ne socium adhibere ut persolvere horas queat? ib.
- Quæst. 2. Que infirmitas excusat a recitandis horis? 143
- Quæst. 3. Que occupatio eximit ab officio recitando? ib.
- Quæst. 4. Qui non potest majorem, tenetur ne recitare minorem officii partem? ib.
- Quæst. 5. Quis dispensare ab officio recitando valet? 144
- CAP. X. De obligatione Canonicorum frequentandi chorū, ut quotidianas distributiones lucentur: & de causis excusantibus eos a chori frequentia. ib.
- Quæst. 1. Peccat ne letaliter Canonicus, sive Præbendatus, qui legitima sublata causa a choro abeat? ib.
- Quæst. 2. Tenetur ne Canonici psallere, & cantare in choro, ita ut non satisficiant sola presentia, vel submissa voce privatim recitantes? ib.
- Quæst. 3. Qui legitima causa a choro absunt, acquirunt ne distributiones, non modo propria presentia debitas, sed eas etiam que ab aliis absque causa absentibus accrescunt? 146
- Quæst. 4. Præbendi presentes jure ne valent absentibus absque causa distributiones dona-

- donare? ib.
Quæst. 5. Quanam sunt causæ excusantes
Canonicos a chori frequentia? 147

DISSERTATIO VII.

De adoratione, & cultu Dei,
& Sanctorum.

- CAP. I. De adoratione, ejusque partitione,
& precepto. 148
Quæst. 1. Quid, & quotuplex sit adoratio? ib.
Quæst. 2. Datur ne preceptum divinum
Deum adorandi actibus tum internis, tum
externis? 149
Quæst. 3. Christus Dominus adorandus ne
est ut homo cultu latræ? ib.
Quæst. 4. Crux Christi adoranda ne est la-
træ cultu? ib.
CAP. II. De cultu debito B. Virginis, An-
gelis, Sanctis, sacris imaginibus, &
reliquiis Sanctorum? ib.
Quæst. 1. Utrum B. Virginis, Angelis, &
Sanctis cultus debeatur? ib.
Quæst. 2. Licitus ne est & pius sacra-
rum imaginum usus? 150
Quæst. 3. Adorari ne sacre imagines pos-
sunt? ib.
Quæst. 4. Datur ne preceptum habendi, &
adorandi sacras imagines? ib.
Quæst. 5. Adoranda ne sunt sacre reli-
quia? ib.

DISSERTATIO VIII.

De superstitione, ejusque speciebus.

- CAP. I. Definitio, & divisio superstitionis.
Varii casus in quibus serpit superstitionis
explicantur. 151
Quæst. 1. Quid, & quotuplex sit superstitionis? ib.
Quæst. 2. Quid sit idolatria, & quot mo-
dis perpetretur? 152
Quæst. 3. Quid, & quotuplex sit divinatio? ib.
Quæst. 4. Quid est astrologia judicioria? 153
Quæst. 5. Licitum ne futura libera per
sonnia divinare? ib.
Quæst. 6. Licit ne ex cantu, volatu, mo-
tuque avium futura prædicere? ib.
Quæst. 7. Licitus ne est sortium usus in ele-
ctione ad ecclesiastica beneficia, vel se-
culares dignitates? 154

- Quæst. 8. Licitus ne est sortitio consultoria? ib.
Quæst. 9. Quid, & quotuplex sit vana ob-
servantia? ib.
CAP. II. De magia naturali, superstitione,
lamiis, & strigibus. ib.
Quæst. 1. Quid, & quotuplex magia sit? ib.
Quæst. 2. Quid dicendum de iis qui salu-
tatores vocantur? ib.
Quæst. 3. Datur ne ars magica supersticio-
sa? 155
Quæst. 4. Quid de lamiis, & strigibus di-
cendum? ib.
Quæst. 5. Transferuntur ne striges de loco
ad locum? ib.
CAP. III. De tentatione Dei, & sacrilegio. ib.
Quæst. 1. Quid sit tentatio Dei? ib.
Quæst. 2. Tentat ne Deum ille qui proba-
tionem ferri carentis, aut aquæ ferventis
suam manifestare innocentiam contendit? ib.
Quæst. 3. Quid sit sacrilegium, & quo-
tuplex? ib.

DISSERTATIO IX.

De voto.

- CAP. I. Recensentur propositiones damnatae,
& laxæ. 156
CAP. II. Votis notio, ejusque conditiones. 158
Quæst. 1. Quid sit votum, ejusque condi-
tiones? ib.
Quæst. 2. Quid significat altera particula
de meliori bono? ib.
Quæst. 3. Res indifferentes, inutiles, vi-
tiosæ sunt ne materia voti? ib.
Quæst. 4. An qui non potest implere totum
votum, teneatur implere partem? 159
Quæst. 5. Votum non ludendi validum ne est? ib.
Quæst. 6. Validum ne votum est numquam
peccandi? ib.
CAP. III. De votorum distinctione. ib.
CAP. IV. De votorum obligatione, variis
que votorum questionibus. 160
Quæst. 1. An detur parvitas materiæ in vo-
to? ib.
Quæst. 2. An qui violat plura vota in ma-
teria levi eadem die, graviter perceret? ib.
Quæst. 3. An vota parentum filii implere
debeant? ib.
Quæst. 4. Heredes tenentur ne vota testato-
rum implere? ib.
Quæst. 5. Quo tempore implenda vota sunt? 161.
Quæst.

Quæst. 6. Quid de voto dubio dicendum? ib.	privilegium applicare?	ib.	
Quæst. 7. Qui vovit abstinere a vino, tene- tur ne abstinere a cervisia, aliisque liquo- ribus e vino expressis?	162	Quæst. 18. An Prelati regulares valeant dispensare cum suis subditis in votis editis cum licentia majorum Prelatorum?	167
Quæst. 8. An error circa substantiam voti reddat votum invalidum?	ib.	Quæst. 19. An Confessarii regulares dispensare in votis hominum secularium valeant?	ib.
Quæst. 9. An votum metu extortum sit va- lidum?	ib.	Quæst. 20. Quid dicendum de votis reservata- tis summo Pontifici?	ib.
Quæst. 10. Quid de voto conditionali dicen- dum?	163	Quæst. 21. Quomodo intelliguntur reservata vota triplicis peregrinationis?	ib.
Quæst. 11. Quid sit votum conditionatum penale?	ib.	Quæst. 22. An ad validam licitamque dispensa- tionem causa rationabilis requiratur?	168
Quæst. 12. Quid dicendum de voto assu- mendi statum religiosum?	ib.	Quæst. 23. Quænam sunt legitime dispen- sationis cause?	ib.
CAP. V. De votorum cessatione, irritatione, dispensatione, & commutatione.	ib.	Quæst. 24. Quid sit voti commutatio, & quis commutare vota queat?	169
Quæst. 1. Qui valeant vota edere?	ib.	Quæst. 25. An in votorum commutatione ser- vanda sit equalitas materia?	ib.
Quæst. 2. Vota Religiosorum emissa absque prælati licentia de re honesta, que nec jurisdictionem, nec disciplinam perturbant, sunt ne valida?	ib.	Quæst. 26. Quæ causa requiritur ad lici- tam, validamque commutationem?	ib.
Quæst. 3. An Ecclesia valeat leges ferre que aliquas personas ad votandum inha- biles declarent?	164	Quæst. 27. Quid dicendum de commutatione votorum vi Jubilai aut bullæ Cruciate?	ib.
Quæst. 4. An cessante causa movente cessa- votum?	ib.	Quæst. 28. An votum erogandi eleemosynam tali Ecclesie, vel tali pauperi, possit post illius acceptationem commutari virtute Ju- bilai, aut bullæ Cruciate?	170
Quæst. 5. An notabilis materiae mutatio satis sit ad votum irritandum?	ib.	Quæst. 29. Licitus ne regressus est ad prio- rem materiam post factam legitimam com- mutationem?	ib.
Quæst. 6. An pro irritatione votorum causa aliqua requiratur?	ib.		
Quæst. 7. An facultas irritandi vota juris sit naturalis, vel positiva?	ib.		
Quæst. 8. Quibus competit potestas irritan- di vota?	ib.		
Quæst. 9. An vota filiorum impuberum ir- ritare parentes queant?	165		
Quæst. 10. Vota realia filiorum puberum subjiciuntur ne paterna irritationi?	ib.		
Quæst. 11. Tutores, & curatores possunt ne vota impuberum, & minorum irritare?	ib.		
Quæst. 12. Valet ne mater filiorum impu- berum, & filiarum vota irritare?	ib.		
Quæst. 13. An maritus uxoris vota post ma- trimonium edita irritare queat?	ib.		
Quæst. 14. Irritare ne domini valent servo- rum vota?	166		
Quæst. 15. Viget ne in Ecclesia facultas dispensandi ab obligatione votorum?	ib.		
Quæst. 16. Quibus jure ordinario competit facultas dispensandi in votis?	ib.		
Quæst. 17. Qui alii dispensationem a voto impertinent, possunt ne sibi ipsis idem			

LIBER IV.

IN II. ET IV. DECALOGI MANDATUM.

DISSERTATIO I.

De blasphemia, & juramento.

CAP. I. Recensentur propositiones ab Eccle- sia proscriptæ in materia juramenti.	170
CAP. II. Recensentur propositiones laxæ quas non pauci docent in materia blasphemie, & juramenti.	ib.
CAP. III. De blasphemie.	173
Quæst. 1. Quid, & quotuplex sit blasphemie?	ib.
Quæst. 2. Est ne blasphemia genere suo pec- catum morale?	174
Quæst. 3. Variæ ne sunt blasphemandi for- mule?	ib.
Quæst. 4. Quæ sunt poenæ in blasphemos constituta?	ib.
Quæst. 5. Qui blasphemos audit, debet ne eos ad judicem deferre?	ib.
Quæst.	

- Quæst. 6. *Quomodo se gerere cum blasphemis Confessarii debant?* 175
CAP. IV. *De juramento, variisque jurandi formulis. Laxa P. Tamburini doctrina rejicitur.* ib.
 Quæst. 1. *Quid sit juramentum, & quænam jurandi formule?* ib.
 Quæst. 2. *An jurent homines passim ajentes, Parvus, ut Hispani; Per Dio, ut Itali; Par Dio, ut Siculi, seu per Deum ita est?* 176
 Quæst. 3. *An qui passim nomen Dei assumunt in vanum, licet nihil affirment, aut negent, peccent mortaliter?* ib.
CAP. V. *Juramentorum divisiones, & conditiones explicantur.* ib.
 Quæst. 1. *Quot sunt juramenti conditiones?* 177
 Quæst. 2. *An qui in re levissima falsum jurat, peccet mortaliter?* ib.
 Quæst. 3. *Licetum ne est rem quam probabilem tantum esse judicas, jurare ut veram?* ib.
 Quæst. 4. *Quæ certitudo requiratur ad juramentum?* ib.
 Quæst. 5. *An defectus justitiae in juramento assertorio sit peccatum mortale?* 178
CAP. VI. *De juramento promissorio.* ib.
 Quæst. 1. *An defectus veritatis de presenti, vel de futuro in juramento promissorio semper sit peccatum mortale?* ib.
 Quæst. 2. *An mortaliter peccet contra Religionem qui jurat se aliquod grave peccatum patraturum?* 179
CAP. VII. *De juramento doloso, equivoco, & amphibologico, & de restrictionibus mentalibus.* ib.
 §. 1. *Quid senserint posteriores Theologi post damnatas theses ab Inn. XI.* 182
 §. 2. *Vera doctrina proponitur, & paucis resellitur doctrina plurim recentiorum.* 183
CAP. VIII. *De perjurio, & juramenti interpretatione, & dispensatione.* 185
 Quæst. 1. *Quid, & quotuples sit perjurium?* ib.
 Quæst. 2. *Quot modis juramentum cessebit?* ib.
CAP. IX. *De adjuratione, & exorcismo.* ib.

DISSERTATIO II.

De honorandis parentibus.

- CAP. I.** *Propositiones damnatae, & laxae.* 186
CAP. II. *De pietate filiorum in parentes.* 187
 Quæst. 1. *Peccant ne filii contra hoc preceptum, si parentibus grave malum desiderant?* ib.

- Quæst. 2. *Quid dicendum de opinione Leandri, & plurium aliorum Casuistarum inquietum, posse filium ob finem adeundi hereditatem mortem exceptare parentibus?* ib.
CAP. III. *De obedientia filiorum parentibus debita.* 188
 Quæst. 1. *Quæ sunt precipua officia que præcipere parentes filiis valent, & in quibus obedire filii parentibus debent?* ib.
 Quæst. 2. *Possunt ne filii, invitatis parentibus, licite matrimonium inire?* 189
 Quæst. 3. *Peccant ne filii qui parentes abducunt ne testamentum condant?* ib.
 Quæst. 4. *Quid in necessitate corporali parentibus prestare filii debeant?* ib.
CAP. IV. *De officiis parentum in filios.* ib.
 Quæst. 1. *Quid nomine alimentorum, que præbere filii parentes debent, intelligitur?* 190
 Quæst. 2. *Peccant ne parentes, si filios suos alendos in hospitali exponant?* ib.
 Quæst. 3. *Tenetur ne pater alimenta dare filio naturali?* ib.
 Quæst. 3. *Tenetur ne matres proprio lacte filios alere?* 191
 Quæst. 5. *Occurrunt ne cause cur pater denegare filiis alimenta queat?* ib.
CAP. V. *De obligatione mariti erga uxorem, & uxoris erga maritum; & de mutuo fratrum & sororum debito.* ib.
 Quæst. un. *Tenetur ne maritus alimenta uxori præbere?* ib.
CAP. VI. *De officiis Ecclesiasticorum, & Principum erga subditos; & de istorum erga hos superiores cultu & obsequio: item de servorum debito erga dominos, & istorum in servos & famulos.* 192
 Quæst. un. *Servi tenentur ne comitari dominos ad fornicandum?* 193

LIBER V.

IN V. VI. ET IX. DECALOGI PRÆCEPTUM.

DISSERTATIO I.

De homicidio, duello, & bello.

- CAP. I.** *Recensentur propositiones damnatae ab Alexan. VII. & Ven. Innoc. XI.* 193
CAP. II. *Propositiones quedam laxae.* 194
CAP. III. *Quid prohibeat quintum Decalogi mandatum Non occides, Quam grave sit homicidii scelus. De potestate Principum in facinorosos.* 195
 Quæst.

Quæst. 1. Unde habeant supremæ potestates facultatem occidendi facinorosos?	ib.	Quæst. 5. Utrum Rex catholicus in bello iusto contra alios catholicos vocare in auxilium queat gentiles & infideles?	ib.
Quæst. 2. Possunt ne Principes conferre cui libet privato potestatem occidendi bannitos, proposito premio?	ib.	Quæst. 6. Licitum ne est Clericis, & Religiosis in bello iusto propria manu pugnare?	209
Quæst. 3. Utrum iudex damnare possit ad mortem eum quem testes evincunt reum, si ipse privatim novit innocentem?	ib.	Quæst. 7. Licitum ne est Christianis capti-vis timore mortis percussis pro infidelibus pugnare adversus Christianos?	ib.
CAP. IV. De homicidio privata auctoritate perpetrato.	197	Quæst. 8. Qui modus servandus in bello peragendo sit?	ib.
Quæst. 1. Licitum ne sit marito uxorem in adulterio deprehensam occidere?	ib.	Quæst. 9. Quenam sunt peccata que patra-ri in bello solent?	ib.
Quæst. 2. Licitum ne est homicidium ob proprie vite defensionem?	ib.	Quæst. 10. Licitum ne est in bello iusto inno-centes fontibus permixtos occidere?	ib.
Quæst. 3. Licit ne sit calumniatoris occisio?	198	Quæst. 11. Licitæ ne sunt repressalia?	ib.
Quæst. 4. Occidendum ne sit calumniator ob defensionem honoris magni momenti, cum moderamine inculpata tutelle?	ib.		
Quæst. 5. Licit ne est hominis invasoris occisio ob conservationem bonorum temporalium?	199		
Quæst. 6. Licit ne est occisio invadentis pu-dicitiam?	201		
Quæst. 7. Licitum ne erit se ipsum occidere?	ib.		
Quæst. 8. Licit ne est alicujus membra mu-tatio?	ib.		
Quæst. 9. Quid de homicidio casuali dicendum sit?	ib.		
CAP. V. De Duello.	ib.		
§. 1. Recensentur propositiones damnatae in materia duelli a Benedicto XIV.	202		
§. 2. Quid sit duellum.	ib.		
§. 3. Animadversiones in primam proposicio-nem damnatam a Benedicto XIV.	203		
§. 4. Animadversiones in secundam damna-tam thesim.	204		
§. 5. Animadversiones in tertiam thesim.	205		
§. 6. Animadversiones in quartam proscrip-tam thesim. Idea status naturalis quam perhibet P. Daniel Stadler, arbitraria, & commentitia.	206		
§. 7. Animadversiones in quintam proscrip-tam thesim.	207		
CAP. VI. De bello.	ib.		
Quæst. 1. Quid, & quotuplex sit bellum?	ib.		
Quæst. 2. An utrumque bellum licitum sit?	ib.		
Quæst. 3. Quæ sint conditiones ad belli iustitiam necessarie, & qui possint illud indicer?	208		
Quæst. 4. Utrum Princeps habet opinionem probabilem quod sibi aliquod regnum, vel civitas debeatur, possit bellum indicere Princi-pi possessori?	ib.		
		D I S S E R T A T I O II.	
		De luxuria, ejusque speciebus.	
CAP. I. Propositiones damnatae ab Alexan-dro VII. & Innocentio XI.	210		
CAP. II. Propositiones laxæ Casuistarum quo-rumdam.	ib.		
CAP. III. De luxuria, & ejusdem specie-bus; atque de castitate opposita, que hoc mandato jubetur.	214		
Quæst. 1. Quid prohibet hoc preceptum, Non mœchaberis?	ib.		
Quæst. 2. Quid sit luxuria?	ib.		
Quæst. 3. Quæ sunt luxurie filie, & spe-cies?	215		
Quæst. 4. Utrum sextum preceptum præcipiat castitatem?	ib.		
Quæst. 5. In quo sita sit virginitatis notio?	ib.		
Quæst. 6. Qua ratione virginitas amittitur?	ib.		
CAP. IV. De fornicatione, & concubinatu.	ib.		
Quæst. 1. Quid sit fornicatio, & quo jure prohibita?	ib.		
Quæst. 2. In quo differt concubinatus a for-nicatione?	216		
Quæst. 3. Absolvendus ne est concubinarius antequam concubinam dimittat?	ib.		
Quæst. 4. Peccatum ne grave est aspectus mem-brorum turpium sive viri, sive mulieris?	ib.		
CAP. V. De choreis vi-orum, & mulierum, & de theatrorum, seu comœdiarum frequentia. De conversatione hodierna promiscua, de osculis, tactibus, & amplexibus.	217		
Quæst. 1. Sunt ne choreæ hodiernæ occasiones peccandi adeo propinque, ut Christiani communiter loquendo, & aliquo casu ex-cepto,			

cepto, sub gravi culpa abstinere ab iisdem debeant?	ib.	Quæst. 6. Licitum ne est in extrema necessi- tate furari?	ib.
Quæst. 2. Licitum ne est adesse theatris, & comœdiis nostri temporis?	219	Quæst. 7. Licitum ne est in necessitate gra- vi furari?	232
Quæst. 3. Quid de hodierna conversatione virorum & seminarum dicendum?	221	CAP. IV. De occulta compensatione.	ib.
Quæst. 4. Quandonam verba turpia, oscula, am- plexus, tactus sunt peccata mortalia?	ib.	Quæst. 1. Quid sit compensatio?	ib.
Quæst. 5. Quid sit deleſatio morosa, & an sit peccatum mortale?	222	Quæst. 2. Licitu ne est occulta compensatio, & quæ sint ejusdem conditiones?	ib.
Quæst. 6. Utrum vellicare genas, & tangere ma- millas mulierum sit peccatum mortale?	ib.	CAP. V. De furtis domesticorum.	234
CAP. VI. De stupro, raptu, adulterio, in- cestu, & sacrilegio.	ib.	Quæst. 1. Peccant ne filii qui bona furan- tur parentibus?	ib.
Quæst. 1. Quid sit stuprum?	ib.	Quæst. 2. Furtum ne perpetrant uxores que bona mariti surripiunt?	ib.
Quæst. 2. Que pene constituta sunt in stu- pratores?	ib.	Quæst. 3. Quid de furtis Religiosorum?	ib.
Quæst. 3. Quid sit raptus?	223		
Quæst. 4. Quid sit adulterium?	ib.		
Quæst. 5. Quid sit incestus?	ib.		
Quæst. 6. Quid sit sacrilegium?	ib.		
CAP. VII. De flagitiis contra naturam.	224		
Quæst. 1. Differunt ne specie hæc flagitia?	ib.		
Quæst. 2. Quid sit pollutio?	ib.		
Quæst. 3. Pollutio volita in causa peccatum ne mortale est?	ib.		
Quæst. 4. Quid sit sodomia?	226		
Quæst. 5. Quid sit bestialitas?	ib.		
§. unic. De remediis luxurie.	ib.		

LIBER VI.

IN VII. VIII. ET X. DECALOGI MANDATUM.

DISSESSATIO I.

De furto.

CAP. I. Propositiones damnatae ab Innoc. XI.	227
CAP. II. Propositiones laxæ Casuistarum.	ib.
CAP. III. De furti notione, & divisione, de rapina, de quantitate ad furtum grave requisita, & de furtis minutis.	230
Quæst. 1. Quid, & quotuplex sit furtum?	ib.
Quæst. 2. Quenam sit quantitas necessaria ad furtum mortale?	ib.
Quæst. 3. Quid de furtis minutis dicendum?	231
Quæst. 4. Plures ab eodem modica surri- piunt: peccant ne singuli mortaliter?	ib.
Quæst. 5. Quando plures seorsim modica furan- tur, quorum quilibet seit, & advertit ab aliis modica surripi, absque tamen communi con- filio, peccant ne singuli mortaliter?	ib.

DISSERTATIO II.

De falso testimonio.

CAP. I. Propositiones laxæ Casuistarum.	235
CAP. II. De falso testimonio, octavo precep- to vetito, & de mendacio.	236
Quæst. 1. Quid sit falsum testimonium?	ib.
Quæst. 2. Quid sit mendacium?	ib.
Quæst. 3. Sit ne semper mendacium, etiam ob finem bonum prolatum, malitia inse- clum?	237
CAP. III. De contumelia, susurratione, de- risione, maledictione, & detractione.	ib.
Quæst. 1. Quid sit contumelia?	ib.
Quæst. 2. Quid sit susurratio?	ib.
Quæst. 3. Quid sit deriso?	ib.
Quæst. 4. Quid sit maledictio?	ib.
Quæst. 5. Quid sit detracatio?	238
Quæst. 6. Est ne peccatum grave confidere li- bellos famosos?	ib.
Quæst. 7. Qui crimen publicum in uno loco scit, peccat ne, si narret illud in alio loco ubi non est publicum?	ib.
Quæst. 8. Est ne peccatum detractionis traducere Theologos ut Rigoristas, vel Laxones?	239
Quæst. 9. Peccat ne qui detractores audit?	ib.
Quæst. 10. Quid de secreti revelatione dicen- dum?	ib.
CAP. IV. De judicio temerario, suspicione, & dubitatione.	240
Quæst. 1. Quid sit judicium temerarium?	ib.
Quæst. 2. Quid sit suspicio?	ib.
Quæst. 3. Quomodo dubia in meliorem par- tem sunt interpretanda?	ib.
CAP. V. De restitutione fame denigrata per detractionem.	241
Quæst. 1. Necessaria ne est fame lese resti- tutio	ib.

- tutio ad salutem aeternam obtinendam? ib.
 Quæst. 2. Mortuo detractore transit ne ad heredes debitum restitutionis? ib.
 Quæst. 3. Quinam sit modus restituenda fama? ib.
 Quæst. 4. Occurrunt ne cause que a restituzione fama excusat? ib.
 CAP. VI. Pauca perstringuntur de nono, & decimo mandato. 242

LIBER VII.

IN QUINQUE ECCLESIAE PRÆCEPTA.

DISSERTATIO I.

De festorum sanctificatione.

- CAP. I. Recensentur propositiones damnatae. 243
 CAP. II. Propositiones laxæ plurium Casuistarum. ib.
 CAP. III. De obligatione servandi festos dies. 245
 Quæst. 1. Observatio festorum obligat ne sub mortali? ib.
 Quæst. 2. Quinam teneantur dies festos observare? ib.
 CAP. IV. De operibus servilibus vetitis diebus festis. 246
 Quæst. 1. Quenam sunt opera servilia vetita diebus festis? ib.
 Quæst. 2. An qui peccant mortaliter diebus festis, graviter violent præceptum sanctificandi festa? ib.
 Quæst. 3. Quenam sunt opera mechanica servilia diebus festis vetita? 247
 Quæst. 4. Quid de operibus naturalibus, Religionis, & pietatis dicendum? 248
 Quæst. 5. Licitum ne est mercatus, & judicia forensia diebus festis exercere? ib.
 CAP. V. De causis excusantibus ab observationia præcepti prohibentis opera servilia die festo. 249
 Quæst. 1. Quæ temporis parvitas excusat a transgressione præcepti vetantis opera servilia? ib.
 Quæst. 2. Quæ necessitas excusat laborantes die festo? ib.
 CAP. VI. De Missa audienda diebus festis, aliisque pietatis operibus peragendis. 250
 Quæst. 1. Qui notabilem Missæ partem audiire negliget, graviter ne peccaret? ib.
 Quæst. 2. Quæ praesentia requiritur ad Missam audiendam? ib.

- Quæst. 3. Que attentio, & intentio requireatur ut impleatur præceptum Missæ audientiae? ib.
 Quæst. 4. An Christiani diebus dominicis præter Missa auditionem teneantur interesse vesperis, conciones audire, aliaque pia opera exercere? ib.

DISSERTATIO II.

De jejunio.

- CAP. I. Propositiones damnatae ab Alex. VII. 252
 CAP. II. Propositiones laxæ Casuistarum. ib.
 CAP. III. De præcepto jejunii ecclesiastici. 256
 Quæst. 1. Quid sit jejuniū ecclesiasticum, & quenam ejus partes? ib.
 Quæst. 2. Quos cibos sub carnium nomine Ecclesia prohibeat? ib.
 Quæst. 3. Quandonam licitum est tempore jejunii carnes comedere? ib.
 Quæst. 4. Quid de hodiernis dispensationibus ad esum carnium dicendum? ib.
 Quæst. 5. Dispensatio abstinentie a carnibus infert ne dispensationem a jejunio? 257
 Quæst. 6. Quot peccata committit qui diebus jejunii carnes comedit? ib.
 CAP. IV. De abstinentia a lacticiniis, unicæ comediture in jejunio ecclesiastico, & qua hora peragenda? ib.
 Quæst. 3. Licitu ne est collatiuncula ferotina? 258
 Quæst. 4. An potus chocolatis licitus sit tempore jejunii? ib.
 CAP. V. De personis subjectis jejunio, & de causis excusantibus. 260
 Quæst. 1. Quo etatis anno juvenes subjecti sunt jejunii præcepto? ib.
 Quæst. 2. Senes expletio anno sexagesimo astrinxuntur ne præcepto jejunii, si firma sint valetudinis? ib.
 Quæst. 3. Qui non potest totum jejuniū implere, tenetur ne ad partem: & utrum sapientia modica comedentes graviter peccent? ib.
 Quæst. 4. Quenam sunt cause a jejunio excusantes? 261
 Quæst. 5. An conjugati liberi sint a jejunio, ut solvant debitum conjugale? ib.
 Quæst. 6. Quisnam labor a jejunio excusat? ib.
 Quæst.

Quæst. 7. Utrum Concionatores excusentur a jejunio?	ib.	me in lege gratia solvantur?	ib.
Quæst. 8. Quenam opera comitari jejunia Christianorum debent?	262	Quæst. 4. Quinam solvere decimas debent?	266
		CAP. II. De quibus rebus decimæ tam personales, quam prædiales, quove tempore solvi debeant?	ib.
		Quæst. 1. De quibus lucris solvende decimæ personales sint?	ib.
		Quæst. 2. De quibus rebus decimæ prædiales solvende sunt?	ib.
		Quæst. 3. An peccant qui decimas non solvunt?	267
		Quæst. 4. Late ne sunt aliquæ pœne contra defraudantes decimas?	ib.
		Quæst. 5. Quibus Ecclesiis, & personis solvenda decimæ sunt?	ib.
		CAP. III. De primitiis.	ib.
DISSENTATIO III.			
De tertio & quarto præcepto Ecclesiæ, nempe annuae confessionis, & paschalis communionis.			
CAP. I. Recensentur propositiones damnatae.	ib.		
CAP. II. Ecclesia præceptum edidit quod per se obligat omnes fideles ad peccatorum confessionem singulis annis.	ib.		
Quæst. 1. Qua anni parte obligat hoc præceptum?	263		
Quæst. 2. An præceptum impleatur per confessionem invalidam?	ib.		
CAP. III. De illis qui huic præcepto subiecti sunt, & de causis excusantibus.	ib.		
Quæst. 1. Quo etatis anno tenentur pueri confiteri?	ib.		
Quæst. 2. Quenam sunt cause ab hoc præcepto excusantes?	ib.		
Quæst. 3. Fidelis qui ignorat idioma Confessarii, tenetur ne confiteri per interpretem?	ib.		
Quæst. 4. Quæ pœne impositæ sunt omittentibus implere præceptum annuae confessionis?	264		
CAP. IV. De communione paschali.	ib.		
Quæst. 1. Datur ne præceptum communionis paschalis?	ib.		
Quæst. 2. Qua anni parte urget hoc præceptum?	ib.		
Quæst. 3. An qui prævidet se non posse infra intervallo paschale communionem suscipere, teneatur illam anticipare?	ib.		
Quæst. 4. An qui indigne communicant, hoc præceptum impleant?	265		

DISSENTATIO IV.

De decimis quinto Ecclesiæ præcepto impositis.

CAP. I. Decimarum notio, origo, & solvendarum obligatio.	ib.
Quæst. 1. Quid sint decimæ, & quenam earum origo?	ib.
Quæst. 2. Quot sunt decimarum genera?	ib.
Quæst. 3. An jure tantum ecclesiastico deci-	

ma in lege gratia solvantur?	ib.		
Quæst. 4. Quinam solvere decimas debent?	266		
CAP. II. De quibus rebus decimæ tam personales, quam prædiales, quove tempore solvi debeant?	ib.		
Quæst. 1. De quibus lucris solvende decimæ personales sint?	ib.		
Quæst. 2. De quibus rebus decimæ prædiales solvende sunt?	ib.		
Quæst. 3. An peccant qui decimas non solvunt?	267		
Quæst. 4. Late ne sunt aliquæ pœne contra defraudantes decimas?	ib.		
Quæst. 5. Quibus Ecclesiis, & personis solvenda decimæ sunt?	ib.		
CAP. III. De primitiis.	ib.		
LIBER VIII.			
DE OFFICIIS HOMINUM, SEU DE ACTIBUS HUMANIS, ATQUE DE LEGE, TUM NATURALI, TUM POSITIVA: ITEM DE VITIS, ET PECCATIS.			

DISSENTATIO I.

De officiis hominum.

CAP. I. De officiis voluntariis, & liberis.	268
Quæst. 1. Quid sit officium voluntarium?	ib.
Quæst. 2. Quotuplex voluntarium?	ib.
Quæst. 3. Quot sint involuntarii cause?	ib.
Quæst. 4. Quomodo ea que sunt ex meta, sunt involuntaria?	ib.
Quæst. 5. Que sunt ex concupiscentia, sunt ne involuntaria?	ib.
Quæst. 6. Quid requiritur ut voluntas libere agat?	269
Quæst. 7. Utrum ex parte solius objecti proficiatur voluntatis necessitas?	ib.
Quæst. 8. In quo sita est harmonia, & ordo actuum humanorum?	270
CAP. II. De actuum humanorum moralitate.	ib.
Quæst. 1. Sita ne est actuum humanorum moralitas in libertate, an in denominatione extrinseca?	ib.
Quæst. 2. Unde actus morales speciem capiant?	ib.
Quæst. 3. Utrum dentur actus indifferentes in individuo?	271

DISSERTATIO II.

- De lege tum naturali, tum positiva.
- CAP. I. De lege in communi. Unde suam repetat originem. Ejusdem notio, & divisio. ib.
Quæst. un. Sit ne in Deo lex aeterna, & quid sit lex ista? 272
- CAP. II. De lege naturali, & preceptis in eadem contentis. De ejusdem immutabilitate, & dispensatione. ib.
Quæst. 1. Quid sit lex naturalis? ib.
Quæst. 2. Utrum detur homo exlex, & an bonitas, & turpitudo insit rebus ante omnem legem formalem? 273
Quæst. 3. Quæ precepta continentur in lege naturali? ib.
Quæst. 4. Lex naturalis est ne immutabilis? 274
Quæst. 5. Quæ sunt naturæ juris, possunt ne aliqua potestate dispensari? ib.
Quæst. 6. Potest ne Deus sua absoluta potestate dispensare in aliquibus juris nature preceptis? ib.
Quæst. 7. Quid sit jus gentium? 275
- CAP. III. De lege positiva divina. ib.
CAP. IV. De lege positiva humana. 276
§. 1. Legum humanarum fundamentum humanae societas. ib.
§. 2. De jure civili, publico, & privato. ib.
§. 3. De jure canonico, seu ecclesiastico. ib.
CAP. V. De potestate leges condendi, & de personis eidem subjectis. 277
Quæst. 1. Utrum Principes supremi, æque ac subditi, subjecti legibus a se lati sint? ib.
Quæst. 2. Pueri septennes, infideles, amantes ebrii, subjecti ne legibus sunt? ib.
Quæst. 3. Quomodo Clerici, peregrini, & advenæ subjecti sint legibus sua patriæ, & locorum per quæ transeunt? ib.
CAP. VI. De legum humanarum effectibus, & vi obligandi. 278
Quæst. 1. Qui sunt legis effectus? ib.
Quæst. 2. Quænam sit legis humane materia? ib.
Quæst. 3. Valent ne legislatores humani, siue ecclesiastici, siue civiles, actus internos directe & absolute precipere? ib.
Quæst. 4. Obligat ne sub gravi lex humana? ib.
Quæst. 5. Leges injustæ pariunt ne obliga-

- tionem? 279
Quæst. 6. Unde colligenda sit gravis obligatio legis? ib.
Quæst. 7. Quid de lege penalí dicendum est? ib.
Quæst. 8. Unde nam argui potest legem penalem mixtam obligare sub gravi culpa? ib.
Quæst. 9. An leges in presumptione fundatae obligent in conscientia? ib.
CAP. VII. De lege tributorum. 280
Quæst. un. Lex tributorum obligat ne in conscientia? ib.
CAP. VIII. De lege irritante, & lege dubia. ib.
Quæst. 1. Lex irritans obligat ne in conscientia? ib.
Quæst. 2. Qui dubitat existat ne lex, an securus, liber ne a lege est? ib.
Quæst. 3. Qui certus de lege, dubitat vero an in hoc particulari casu subjectus legi sit, exemptus ne a lege est? 281
Quæst. 4. An homines cum mortis, vel gravis damni periculo teneantur leges servare? ib.
CAP. IX. De necessaria intentione legis implende, & de observantia plurium preceptorum unico actu. ib.
Quæst. 1. Necessaria ne est aliqua intentio vel expressa, vel virtualis adimplendi preceptum; aut sufficit intentio ponendi rem preceptam? ib.
Quæst. 2. Ut quis legem impleat, debet ne finem legis intendere? ib.
Quæst. 3. Impleri ne uno actu plura precepta valent? 282
Quæst. 4. Satisfieri ne potest eodem tempore diversis preceptis? ib.
Quæst. 5. Qui non potest totum implere opus preceptum, astringitur ne partem quam potest, exequi? ib.
CAP. X. De legis cessatione, interpretatione, dispensatione, & consuetudine. ib.
Quæst. 1. Utrum cessante fine legis in particulari, cesseret lex? ib.
Quæst. 2. An cessante negative fine ad squatto legis in particulari, cesseret lex? 283
Quæst. 3. Quid sit abrogatio legis, & quis abrogare eam valeat? ib.
Quæst. 4. Quid sit legis interpretatione? ib.
Quæst. 5. Quæ regulæ in interpretatione servandæ? ib.
Quæst. 6. Quid sit epikeja, & ubi nam locum habeat ib.
Quæst.

Quæst. 7. Quid sit dispensatio a lege?	ib.	Quæst. 1. Quænam sit peccati finitio?	ib.
Quæst. 8. Unde colligi possit Prælatum velle dispensare?	284	Quæst. 2. Quid, & quotuplex sit peccati ma- cula?	ib.
Quæst. 9. Quibus competit dispensatio a le- gibus humanis?	ib.	CAP. II. De distinctione peccati mortalis a veniali. Quorundam Probabilitarum, & plurium scitulorum axiomata resellun- tur.	290
Quæst. 10. Utrum licita & valida sit dis- pensatio absque iusta causa data?	ib.	Quæst. 1. Quomodo peccatum mortale possit definere in veniale?	ib.
Quæst. 11. Quænam sunt causæ justæ dispen- sationis?	285	Quæst. 2. Quomodo veniale fieri mortale pos- sit?	291
Quæst. 12. Quid de dispensatione subreptitia, obreptitia, & per metum extorta dicen- dum?	ib.	Quæst. 3. Quæ advertentia sufficit ut pecca- tum sit mortale, & quæ ignorantia excu- set?	292
Quæst. 13. Quibus de causis dispensatio ces- set?	ib.	CAP. III. De peccatis originali, commissionis, & omissionis.	294
Quæst. 14. Cessat ne dispensatio ob mortem dispensatoris?	ib.	Quæst. 1. Peccatum commissionis consistit ne in aliquo positivo, vel privativo?	ib.
Quæst. 15. Quid sit consuetudo, & quo- plex?	286	Quæst. 2. In quo situm est peccatum omis- sionis?	ib.
Quæst. 16. Quinam invehere consuetudinem queant, & quænam conditiones necessarie sint?	ib.	CAP. IV. De distinctione specifica, & nu- merica peccatorum.	295
Quæst. 17. Quot sunt conditiones ad veram consuetudinem necessarie?	ib.	Quæst. 1. Unde specifica peccatorum distin- ctio repetatur?	ib.
Quæst. 18. Quantum temporis requiritur ad introducendam consuetudinem?	ib.	Quæst. 2. An diversitas specifica peccatorum sumatur etiam ex circumstantiis?	ib.
Quæst. 19. Quinam sunt effectus consuetudi- nis, & quibus modis cesser?	287	Quæst. 3. Unde sumatur distinctio numerica peccatorum?	ib.
CAP. XI. De privilegiis.	ib.	Quæst. 4. Qui a venialibus abstinere non satagit, est ne in periculo labendi in mor- talia?	296
Quæst. 1. Quid sit privilegium, & quomo- do a dispensatione differat?	ib.	CAP. V. De septem vitiis capitalibus.	ib.
Quæst. 2. Quis impetriri privilegium valet?	288	§. 1. De superbia omnium vitorum fonte.	ib.
Quæst. 3. Uti ne privilegiatus potest extra di- tationem concedentis privilegio sibi concessos?	ib.	Quæst. unic. Quid sit superbia?	ib.
Quæst. 4. Quomodo interpretanda privilegia sint?	ib.	§. 2. De filiabus superbie, & inanis glorie.	297
Quæst. 5. Quot modis privilegia amittun- tur?	ib.	§. 3. Admonentur Confessarii, frequentem esse superbie culpam, cuius remedium est christiana humilitas.	298
Quæst. 6. Quid de communicatione privile- giorum inter Mendicantes?	ib.	§. 4. De avaritia.	299
Quæst. 7. Quid de privilegiis in particulari dicendum?	ib.	§. 5. De luxuria, & gula.	300
		§. 6. Malitia iræ, ejusque sex filie exponun- tur.	302
		§. 7. De invidie iniquitate, & que sint il- lius filie?	ib.
		Quæst. unic. Quid sit invidia?	ib.
		§. 8. De acedia, ejusque filiabus.	303
		Quæst. unic. Quid sit acedia?	ib.

DISSESSATIO III.

De peccatis universe, & sigillatim.

CAP. I. Virtù & peccati notiones, & divi-
siones.

289

THEOLOGIA CHRISTIANA¹ DOGMATICO-MORALIS.

LIBER PRIMUS

APPARATUS AD HANC THEOLOGIAM.

C A P U T I.

De iis, quæ primum omnium scire moderatorum animarum debet.

I.



UÆST. I. *Animarum medicus scire ne imprimit debet humanae naturæ vulnera?* RESP. affirmat. Natura humana pro libero arbitrio hic accipitur, intellectu nempe, & voluntate, non exclusis phantasia, appetitu sensitivo, aliisque affectionibus, quibus homo utitur ad suas exercendas operationes. Accipitur etiam pro corpore ipso, ex cuius diverso temperamento, & varia dispositione, ætatisque, & sexus differentia & affectus animi, & motus diversi manant.

II. Primum itaque omnium animarum curator descriptæ naturæ vires, infirmitates, vulnera, inclinationes pravas calleat apprime necessum est. Hoc patet in medico, qui ut infirmo curando opportuna remedia applicet, ejusdem vires, temperamentum, & morbi gravitatem explorare serio studet.

III. QUÆST. II. *Quodnam fuit primum peccatum Adæ?* RESP. Primum Adæ peccatum superbia fuit, unde cetera crimina tamquam a radice profecta sunt, ut habetur Eccl. x. *Initium superbie hominis, apostatare a Deo: quoniam ab eo, qui fecit illum, recessit cor eius: quoniam initium omnis peccati est superbia.* S. Thomas evincit 2. 2. q. 162. a. 1. primum Adæ peccatum non potuisse esse nisi superbiam: *Non potuit esse prima inordinatio appetitus humani ex hoc, quod appetierit aliquod sensibile bonum, in quod carnis concupiscentia tendit preter ordinem rationis.* Relinquitur igitur, quod prima inordinatio appetitus humani fuit ex hoc, quod aliquod bonum spirituale inordinate appetit.... Unde manifestum est, quod primum peccatum primi hominis fuit superbia. Hujusque superbiae ob-

Tem. I.

iectum fuit quædam Dei similitudo, regula contempta, quam Deus præscriptis; seu fuit appetitus propriæ excellentiæ, subjectione ad Deum rejecta. Peccavit enim tunc nimia erga uxorem Hevam complacentia, & indulgentia, tum inobedientia divini mandati, tum inordinata appetitione comedendi fructum & visu pulcherrimum, & gustu suavem.

IV. QUÆST. III. *Peccatum Adæ pertinet aliquo modo ad ejus posteros?* RESP. De fide est, omnes homines in Adam peccasse, primumque peccatum in Adæ posteros transfusum esse, quod peccatum *originale* idcirco appellatur. Quare hæresis reus damnatus Pelagius cum suis discipulis fuit, quod peccatum originale negasset contractum a filiis Adam. In aliud extremum lapsi sunt Lutherus, & Calvinus, qui peccatum originale contra Pelagianos confitentes, effutierunt, ejusmodi peccato extinctum in genere moris penitus esse liberum hominis arbitrium. Quem errorrem anathemate confixit Tridentinum Concilium *sess. 6. can. 5.* Non ergo extinctum, sed pluribus & quidem gravibus morbis lassum per peccatum originale est liberum hominis arbitrium.

V. QUÆST. IV. *Quinam sunt peccati originis effectus?* RESP. Primus peccati originis effectus, seu poena, est privatio justitiae originis, qua ornata anima Deo obediebat, & in omnes facultates inferiores dominabatur. Hac perturbata harmonia, & excusso jugo, intestino appetitionum tumultu obessa remansit anima.

VI. Secundus effectus, seu vulnus est mentis ignorantia: quam gravissimam plagam ut explicet S. Augustinus, eam tribuit in partes quatuor. Et primum ipsarum rerum, quæ vita conservandæ necessariæ sunt, ignoratione obducta mens nostra est, inquit Doctor S. lib. 1. de peccat. merit. & remiss. cap. 38. Alterum ignorantiae vulnus est mentis hebetudo, & fatuitas, quæ aliquibus ita a nativitate hæret, ut vix discernere, quid sibi profit, quidve obsit, valeant. Difficultas illa maxima scientias comparandi, tertio loco mentem nostram torquet. Quot in tenebris ignorantiae torpant, & voluntur, ne acqui-

A.

ren-

renderum scientiarum molestiam, tediumque perferant? Quid quod illi ipsi, qui acumine ingenii præstant, cæcutiunt in plurimis, quæ aut honestatem, aut turpitudinem actionum spectant? Undique mens nostra tenebris offusa est. Hinc illa opinionum multitudo & varietas, hinc tanta disputationum pugna: quæ mihi vera, tibi falsa videntur; cum tamen sola veritas via sit, quæ dicit ad vitam.

VII. Tertius peccati originalis effectus est inordinatus voluntatis amor, quo proprium bonum perverse appetit. Ex hoc perverse amore omnia mala proficiscuntur, ut fuse exponit S. August. lib. 22. de Civ. Dei c. 22.

VIII. Quartus effectus est inordinatio in parte sensitiva. Hæc est profunda plaga ex peccato originali relictæ, quæ totum naturæ ordinem invertit, & perturbat, & ultimos humani cordis recessus penetrat. Præstitutus naturæ ordo postulat, ut inferiora superioribus pareant, sensus, & appetitiones rationi, ratio Deo. Exturbata de solio ratione per primum Adæ peccatum, sensuum, & appetitionum factio tyrannidem usurpavit. Hæc sensitiva pars in concupisibilem, & irascibilem dividitur. Hi sunt duo hostes intimi, & domestici, quorum insidias, molestias, insultus, rebelliones, dolos, & molimina perferre usque dum peregrinamur a Domino, cogimur. E domo cordis nostri istos pellere minime possumus; sed contra eorum machinationes, & aggressus vigilandum, præliandum, vindicandumque est, si affequi bravium volumus. Militia quippe perpetua est in hac ærumnofa lacrymarum valle vita nostra. Luctam hanc, bellumque intestinum Sancti omnes experti sunt, secundo speciali privilegio. Ex his duobus hostibus concupisibilis prævalet, & infestior nobis est irascibili. Innumera demum sunt calamitates aliae, quæ peccatum originale consequuntur. Illud nunc serio perpendendum, peccatum actuale mortiferum animam interimere delinquentis, atque vulnera iis similia, quibus peccatum originale universam sauciat naturam, menti, & voluntati infligere, concupiscentiam quippe rebellem inflamat, voluntatis vires extenuat, libertatis captivitatem novis vinculis obstringit.

IX. CONSECTARIUM I. Lutherus, Calvinus, Jansenius penitus extinctum volunt in genere moris libertatis arbitrium. Catholici omnes lœsum gravissimis plagis illud fatentur, secus extinctum. Omnes defendant,

voluntatem humanam aliquod opus morale ex officio, seu objecto bonum efficere suis viribus posse. Disputant vero, num præceptum urgeat referendi semper hoc opus in Deum ut in finem supernaturalem. Adfirmant non pauci; negat contra communior, & mihi verisimilior sententia. Urget utique præceptum divinum ab Apostolo declaratum omnia referendi in Dei gloriam; at cum præceptum istud adfirmans sit, non urget semper, & pro semper: quare dum infidelis eleemosynam erogat, sistens in actionis honestate, quin eam in propriam gloriam detorqueat, opus bonum efficit, quod suæ naturæ tendit in honestum finem. Raro tamen id contingere fatentur omnes. Hanc Baji propositionem, *Omnia opera infidelium sunt peccata, & Philosophorum virtutes sunt virtus*, damnavit S. Pius V. Aliqua ergo opera infidelium non sunt peccata. Diffidium tamen hoc levis momenti est. Nam penes omnes convenit, communiter infideles peccare, quod in pravum finem omnia opera sua dirigant.

X. CONSECTARIUM II. Animarum itaque rector semper tragicam humanæ infirmitatis picturam habeat ante oculos oportet, ut præscribere ægroto curando queat, quæ cavere pericula, quæ adhibere remedia debeat. Agnoscit illum ardore & libidinis, & pecuniarum siti. Interdicet ergo illi & mulierum familiarem conversationem, & chorearum, & comœdiarum frequentiam, & contractus fenoris suspectos. Circumfusus est ignorantia tenebris, gravesque dæmonis, carnis, & mundi tentationes devincere suis viribus nequit. Præscribet ergo illi sacrorum librorum lectionem, ferventes, & assiduas preces, quibus lumen divinum imploret, quo videat veritatem, & auxilia, quibus erecta voluntas devitare malum, & exequi bonum queat. (a)

C A P U T II.

De Scriptura sancta.

I. D Escriptæ humanæ infirmitati duo res mediorum, quibus sanetur, genera providit Deus. Internum unum, externum alterum. Illud divina gratia nuncupatur, quæ vi sua mentis tenebras dissipat, voluntatem erigit, movet, applicat, & ex nolente volentem efficit, animæ maculas delet, curat-

(a) Vide Tom. I. Appar. Lib. 1. diff. 1.

CAP. II. DE SACRA SCRIPTURA.

ratque vulnera, & a solo Deo infunditur. Hoc externum est, nempe doctrina divinitus revelata, quæ mentem extrinsecus illustrat, dirigit, mores informat, viamque pandit, qua pergendum ad Patriam est. Doctrina hæc divinis concluditur libris, quibus Scriptura sancta constat.

II. QUEST. I. *Quid est sacra Scriptura?*
RESP. Est verbum Dei scriptum, seu epistola Dei ad homines, ut Patres docent. Multifariam locutus Deus ad homines est. 1. Librum naturæ edidit, inquit Paulus Apostolus ad Rom. cap. 1. ubi ait: *Invisibilia enim ipsius a creatura mundi per ea, que facta sunt, intellecta conspicuntur.* 2. Per se ipsum legem scriptis in cordium tabulis intus homines imbuendo. 3. Duas Decalogi tabulas proprio digito scriptas Moysi consignavit, ut habetur Exod. cap. 31. 4. Non per semetipsum tantum scripsit, sed etiam per suos Prophetas, Apostolos, aliosque scriptores sacros, quibus universam sacram Scripturam dictavit. Hæc Scriptura sacra modo appellatur *Dei verbum*, quia a Deo dictatum: modo *Testamentum Dei*, quia in eodem infinitam hereditatem nobis spondet, suamque declarat voluntatem: modo *Scriptura divina*, quid per Dei spiritum inspirata sit: modo *Scriptura sancta*, quia omnia in ea contenta ad sanctificationem ordinata sunt: dicitur quoque *Lex divina*, quia Legem Iudeis, & Christianis datam exponit: *Biblia* tandem nuncupatur, nempe libri per excellentiam a voce græca Βίβλοι.

III. Divina hæc Scriptura constat ex definitione Ecclesiæ libris LXXIV., quorum XLVII. constituant verus Testamentum, ceteri XXVII. novum Fœdus componunt. Tribuuntur priores in legales, historiales, sapientiales, & prophetales. In prima clasfe ponitur Moysis Pentatheucus. Ad secundam attinent libri Josue, Judicum, Ruth, quatuor Regum, duo Paralipomenon, duo Esdræ, unus Tobiae, Judith, Esther, Job, duo Machabæorum. Ad tertiam pertinent Psalterium, Proverbia, Cantica, Ecclesiastes, Sapientia, Ecclesiasticus. In quarta collocantur Isaías, Jeremias, Baruch, Ezechiel, Daniel, & duodecim Prophetæ minores. Simili partitione dividitur novum Testamentum: squidem ad legales quatuor Evangelia; ad historiales Acta Apostolorum; ad sapientiales quatuordecim S. Pauli epistolæ, S. Petri duæ, S. Joannis tres, S. Jacobi Apostoli una, S. Judæ Apostoli una; ad prophetales Apocalypsis S. Joannis Apo-

stoli revocantur. Libros istos canonicos esse, definitum est in Concilio Tridentino Sess. IV. *integros cum omnibus suis partibus*, prout in Ecclesia legi consueverunt, & in veteri Vulgata latina editione habentur.

IV. QUEST. II. *Quotuplex est Scriptura divina sensus?* RESP. Duplex, litteralis, & spiritualis, seu mysticus. Spiritualis dividitur in allegoricum, tropologicum, seu moralem, & anagogicum. *Sensus litteralis* est, qui immediate per ipsa verba significatur. *Spiritualis*, seu *mysticus* is est, quem esserunt res significatae per verba. *Allegoricus* est, juxta quem gesta aliqua veteris Testamenti quidam significant faciendum in novo, ut exaltatio serpentis in deserto, Christum protendebat in cruce exaltandum. *Tropologicus*, seu moralis morum integritatem respicit. *Anagogicus* ea significat, quæ æternam gloriam spectant. *Sensus litteralis* aliis est grammaticalis, ut hic, *Littera occidit*, qui interdum falsus est, quia non intentus a Spiritu sancto: alter theologicus, quem ut intentum a Spiritu sancto Theologi considerant, quippe nunquam falsus esse potest. *Sensus metaphoricus*, seu figuratus continetur sub litterali improppio. *Sensus litteralis proprius* est, quem verba prese accepta significant, ut sunt hæc: *Diliges Dominum Deum tuum*. *Improprius*, seu *metaphoricus* est, cujus verba a sua propria ad improppiam significationem transferuntur; ut hæc: *oves meæ vocem meam audiunt*. *Oves* metaphorice populum fidelem perhibent. Rursus allegoria altera vocum, altera rerum est. Recensiti quatuor sensus his duobus versibus comprehenduntur.

Littera gesta docet: quid credas allegoria:
Moralis quid agas: quid spes anagogia.
Hæc vox Jerusalem quadruplicem præfatum sensum exprimit. *Litteraliter* Palestinæ urbem; *allegorice* Ecclesiam; *tropologicæ* animam; *anagogice* æternam patriam exprimit.

V. QUEST. III. *Quænam est Scriptura authentica?* RESP. Nulla hodie reperiuntur factæ Scripturæ autographa, sed omnia sunt apographa, diversa lingua edita, Hebraica, Græca, Latina, & vernacula. Sola Vulgata ab Ecclesia declarata authentica est: & ab hac eruere Theologus suas conclusiones debet: quamquam primigenium etiam textum cum facilitioris intelligentia, tum eorum, qui Vulgata æuctoritatem non admittunt, revincendorum causa adire, & expendere nullatenus prohibeatur.

VI. QUEST. IV. *Pervia ne omnibus est A 2 Scri-*

LIB. I. APPAR. AD THEOLOG. CHRIST.

4 *Scripturæ sanctæ intelligentia?* RESP. Lutherani, & Calvinistæ omnibus, & singulis privatis, etiam femellis evidentem, & perspicuum esse contendunt Scripturæ sanctæ intelligentiam in iis, quæ fidei dogmata, & morum præcepta spectant. Delirium hoc est eum omnium sæculorum manifesta experientia pugnans. Nonne quælibet ex innumeris christianis sectis pro se stare Scripturas sanctas jactavit? Voluit enim Deus, plura ex divinis scripturis obscura esse, & profunda, ut in eisdem scrutandis, meditandisque exerceret humana ingenia, hominumque reprimere audaciam, & superbiam, utque divinis Scripturis venerationem conciliaret, & majestatem. Hoc primo deviato extremo, alterum illorum declinandum est, qui obscuritatis prætextu divinarum Scripturarum studium cum propria salutis dispendio negligunt. Quamquam aliqua Scripturarum oracula obscura sint, tamen in iis, quæ ad morum, & fidei regulas pertinent, communiter obviæ sunt, & perspicua Scripturæ divinae. Nonne vel ipsi legum latores humani suas leges verbis perspicuis, & luculenta phrasi exprimere satagunt, ut dissidia interpretationum, quoad fieri potest, auferant? Nonne in hunc finem eruditiores, doctioresque viros feligunt, qui leges scriptis conligant tali oratione, & verborum delectu, quo intelligi vel ab ipso populo, pro cuius regimine conduntur, queant? Porro hunc in finem suas leges Deus tulit, ut a fidelibus, qui exequi illas debent, percipientur. Cur Apostolus Paulus, cum ceteris sacris scriptoribus, suas Epistolas scriptis ad Romanos, ad Corinthios, ceterosque populos, nisi ut illos instrueret? Ea ergo perspicuitate scriptis, quæ opportuna erat populorum intelligentiae, licet aliqua altiora sint.

VII. Contrarietas interpretationum, & opinionum frequenter, non Scripturarum obscuritatem, sed opinantium, & interpretum contrarias cupiditates, affectusque declarant, qui mentes in contraria sensa detorquent. Et sane quam putas esse caufam, cur libri, quos spirituales vocant, adeo inter se consentiant? Percurre enim Granatensem, Tauerum, Scupoli, Kempis, Rodriguez, ceterosque omnes five Italos, five Gallos, five Hispanos, Germanosque: eamdem omnino in omnibus doctrinam repieres: nullum in his tibis dissidium, pugna nulla: sed eadem scita, eadem regulæ, præceptiones, adhortationes; eadem effata, præcepta, & consilia. Ratio unica est, quod eorum au-

tores animo ab affectibus vacuo veritates exquisierunt, & ferventi oratione eorum cognitionem petierunt, & cælesti quadam unctione easdem tradiderunt. Hinc tanta in illis confusio: quippe qui omnes doctrinam revera Evangelicam explicant, omnes Evangelia sincere, & semotis disputationibus, interpretantur. Quare eorum doctrina omnibus Christianis accommodata est. Errant enim qui putant, quod illa inserviat animabus dumtaxat illis, quæ ad singularem sublimemque perfectionem, & sanctitatem aspirant. Numquid enim Evangelium omnes Christianos non comprehendit, non obstringit? Cum igitur Evangelica sit ejusmodi librorum doctrina; omnes quadantenus obligati: Et quidem Christiani omnes ex præcepto gravissimo inhiate evangelicæ perfectioni debere, infra fusi exponam.

VIII. At vero unde Casuistarum volumen tanta sæpe dissidia, pugnæ, & disputationes interminatae? Quia istorum plurimi, missa Scripturarum doctrina, humanam rationem affectuum diversorum caligine obscuratam consulunt. Non quid Evangelia, sed quid anteriores Casuistæ doceant, plerumque scrutantur. Hæc est vera causa, cur libri isti litibus, tricis, pugnis, distinctionibus vanis scateant, doceantque, non morate vivere, sed acute cavillari. Excipio semper illos, qui re ipsa doctrinam evangelicam docent.

IX. QUÆST. V. *Quæ via tenenda, ut germandum Scripture sanctæ sensum usquamur?* RESP. Profunda animi demissio, ferventes preces, & divini luminis petitiones præcedere Scripturarum lectionem debent. Abjicienda præjudicia sunt, & anticipations, solaque Dei gloria præ oculis habenda, spredo mundi plausu, omniisque humano abscesso respectu. Non enim minus depravat Scripturæ sinceritatem interpretatio falsa, quam stilus, seu calamus, quo quis verba aut detrahit, aut addit divinis Scripturis, inquit lib. de Praescript. cap. 17. Tertullianus. *Tantum veritati, divineque Scripture obstrebit adulter sensus, quantum corruptor stilus.* Oppones, hæreticos quidem esse Scripturæ sanctæ corruptores, fecus Catholicos. Hæretici, respondeo, sunt obstinati Scripturarum depravatores, quod Ecclesiæ catholicæ definitions contemnunt; Catholici autem suas interpretationes definitioni Ecclesiæ subjiciunt. Ceterum & isti falli singuli in privatis interpretationibus queant. In tanta opinionum contrarietate in genere mortuum plus una vera esse nequit. Pilares contraria-

CAP. II. DE SACRA SCRIPTURA.

3

rias interpretationes Ecclesia tolerat. At tolerantia hæc minime impedit, quominus adulteratio sit adulteratio, & falsitas sit falsitas. An qui falluntur, falseque interpretantur, immunes a crimine vel negligentia, vel occultissimæ superbia sunt, Deo soli compertum est. Quando dubitationes occurserunt, consulendi Ecclesiæ Patres, & Conciliorum, & Romanæ Ecclesiæ definitiones, & Episcopi, quos Deus posuit regere Ecclesiæ suam.

X. S. Paulus 2. Cor. cap. 2. inquit: *Non sumus sicut plurimi adulterantes verbum Dei, sed ex sinceritate.* Non pauci, sed plurimi, vel ipso Apostolorum tempore verbum Dei adulterabant. Si tum plurimi, hodie ne pauci erunt? In hunc locum lect. 3. hæc habet S. Thomas. *Adulterantes verbum Dei, idest prædicantes vel propter questum, vel propter favorem laudis.... Si ergo finis tuus est quaestus; si intentio tua est favor; gloria propria adulterans verbum Dei.* Tum concionatores, tum Theologi, qui, ut suas præjudicatas sententias promoveant, ut populorum plausus captent, eminentiusque fulgeant, divinas Scripturas distinctionum artificio ad se pertrahere student, adulteratores verbi Dei evadunt. Ipsi judices, non factores legis dicuntur ab Apostolo Jacobo cap. 4. inquiete: *Si autem judicas legem, non es factor legis, sed judex.* Nemo se judicem divinæ legis jactat, quamvis plurimi proprio iudicio legem sanctam subjiciant. Audiamus S. Augustinum, qui lib. de vera Relig. cap. 31. sapienter distinguit hæc duo, cognoscere, & judicare legem. *Aternam igitur legem mundis animis fas est cognoscere, judicare non fas est.* Hoc autem interest, quod ad cognoscendum fatis est, ut videamus, ita esse aliquid, vel non ita; ad judicandum vero addimus aliquid, quo significemus posse esse, & aliter: *velut cum dicimus: ita esse debet, aut ita esse debuit, aut ita esse debebit, ut in suis operibus artifices faciunt; sed multiformis humana delectatio est.* Pauci itaque sunt, qui mundis animis, qui humilitate, docilique animo præditi, & proprio amore spoliati agnoscere Scripturarum veritatem studeant: plurimi contra, qui propriis affectibus præeuntibus judicent legem. Toties enim judicant legem, inquit Augustinus, quoties perverse decidunt, has opiniones esse, vel debere esse probables; hoc non esse, vel debere non esse peccatum: & ut has præconceptas

Tom. I.

opiniones confirment, Scripturarum testimonia aucupantur, eaque ad proprios sensus inflectunt. Praclarissimus Jesuita P. Michael Elizalde lib. 6. q. 14. §. 7. hanc thesim pro titulo paragrahi constituit. *Probabilistæ vero maxime omnium judices sunt, & leges omnes recte interpretandi Scripturas sanctas disfrumpunt.* Testimonium hoc verum est, quod plurimis rationum momentis evincit ille, (a) confirmatque tum ratione, tum Patrum auctoritate. Quoniam via Scripturarum arcta est, & solius veritatis; via Probabilismi latata est, & spatiofa, cum sit via tum falsitatis, tum veritatis, de quibus ait hom. 18. in cap. 7. Matth. S. Joannes Chrysostomus: *Voluntas eorum lex est ipsorum: & non ipsi sub lege sunt, sed lex est sub illis.* Via auctem vite est omnis justitia. Dicitur autem arcta esse, quia intra regulam veritatis, & discipline est inclusa. Sola via veritatis, via Domini est: & soli qui hanc viam ambulant, beati a David vocantur. *Beati immaculati in via, qui ambulant in lege Domini.* Psalm. 118.

C A P U T III.

Necessitas summa, qua Theologi omnes, sed precipue qui Christianorum conscientias dirigunt, ad Scripture sanctæ studium obstringuntur.

I. **D**Esunt mihi verba, quibus extremam propositi studii necessitatem pro dignitate patefaciam. Si hanc unicam veritatem altius animo tuo imprimarem, animarum moderator, illamque tibi plene persuaderem, fructum, quem mihi in suscepto labore proposui, assequerer. Verba hominum mores non reformat, sed sola lex Domini convertit animas. Socrates, Plato, Aristoteles, Cicero, & innumeri alii optimas plerunque morum institutiones tradidere; neminem tamen ad meliorem frugem revocarunt. Hinc collige, quem fructum parere apti sint tot libri sive veteres, sive recentes, qui solis hominum opinacionibus scatent. Ea est hominis indoles, & natura, ut nolit aliorum hominum judiciis fasces submittere. Divina auctoritas illa est, quæ hominum ingenia in sui obsequium captivat, moresque intra virtutis semitas coerset. Hinc est, quod Theologia illa, quæ ex Scripturis sanctis suas non haurit conclusiones, non Theologia, sed Ba-

A 3

to-

(a) *Vide Tom. I. Ap. Lib. 1. disp. 2. cap. 4.*

tologia vocanda merito est, inepta prorsus ad mores honestandos.

II. Divina ipsa Scriptura sui meditationem præcipit sexcentis in locis. Deuter. c. 6. hæc habentur: *Audi Israel, & observa, ut facias, quæ præcipit tibi Dominus, & bene fit tibi.... Diliges Dominum Deum tuum ex toto corde tuo, & ex tota anima tua, & ex tota fortitudine tua. Eruntque verba hæc, quæ præcipio tibi hodie, in corde tuo, & narrabis ea filiis tuis, & meditaberis in eis sedens in domo tua, & ambulans in itinere, dormiens, atque consurgens: & ligabis ea quasi signum in manu tua: eruntque, & movebuntur ante oculos tuos: scribesque ea in limine, & osii domus tuæ... Cave diligenter, ne obliuiscaris Domini.*

III. Oro te, obtestorque, animarum moderator, ut in hoc divinum testimonium serias meditationes tuas paulisper intendas. Duo hic præscribuntur: unum divini amoris exercitium; alterum divinæ legis studium. Poterat divini amoris mandatum clarioribus verbis, & luculentiori phrasí exprimi? Dic sodes, in mentem ne tuam venire poterat, reperiendos fore Theologos, qui tam gravissimum mandatum ferme in nihilum redigere pertentassent? Et tamen, ut omnibus patet, plurimi primum hoc, gravissimumque præceptum vanis extenuare commentis studuere. Nam alii præceptum istud numquam per se in toto vitæ cursu; alii dumtaxat in mortis articulo; alii per accidens aliquando; alii semel intra quinquennium; & alii semel intra biennium obligare, & urgere cavillantur. Hinc collige. Si mandatum adeo luctulentum, & tanta perspicuitate expressum; mandatum, quod est universa legis basis, & fundamentum, atque christianæ legis vinculum, quod Christus in suo Evangelio renovavit, & fortius imposuit Christianis: si, inquam, multi auctores cavillare, & eludere præceptum istud ausi sunt, quibus commentis non obscurabunt cetera præcepta, quæ non adeo perspicua sunt, sed ambigua, & veluti remotæ conclusiones? Quis Christianorum, sublati Casuistarum quorumdam præjudiciis, legens descriptam legem in discrimen adduceret ejusdem continuam moraliter obligationm? Comprehendisti nunc quam sit necessaria divinæ legis meditatio, quoniam secundum hanc, non secundum Casuistarum placita judicandus eris. Et eo gravius est onus, quo obstringuntur Theologi, præsertim animarum curatores, & moderatores, ad operam Scripturarum studio navan-

dam, quo Christiani idiotæ, linguae latine ignari, nequeunt Scripturam sanctum legere. Ecclesia ideo sapienter istis hanc lectionem vetuit, ut Pastores cælesti, divinumque hoc pabulum purum, & ab omni errore noxio defæcatum iisdem porrigan. Nec est, quod reponas, omnes etiam Casuistas Scripturis divinis studere. Esto. At ex eorum commentis in descriptam legem clare patet, eos præjudiciis, & anticipationibus onustos, atque in variis affectiones distractos, Scripturas sanctas legere; si tamen re ipsa legunt, & non potius quæ anteriores Casuistæ docuerant, transcribunt.

IV. Missis innumeriis veteris Testamenti Scripturis, quæ lectionem, & seriam meditationem legis sanctæ inculcant, aliqua novi Fœderis testimonia referam. Christus Dominus redarguit Phariseos, quod Scripturas sanctas ignorent, Matth. 22. inquiens: *Respondens autem Jesus ait illis: Erratis ne-scientes Scripturas, neque virtutem Dei. Rur-fus interrogatus a Phariseis de alia questio-ne, illos non ad Casuistas Judæos, & Rab-binos, sed ad Scripturas remittit: Scrutami-ni Scripturas: quia vos putatis in ipsis vitam aeternam habere: illæ sunt, quæ testimonium perhibent de me. Joan. 6. S. Paulus ad Rom. 15. indefessum Scripturarum studium jubet: Quæcumque scripta sunt, ad nostram doctri-nam scripta sunt, ut per patientiam, & con-solationem Scripturarum spem habeamus. Rur-fus ad Timotheum scribens, primum ob o-culos cap. 3. ponit mala, & calamitates fu-turi temporis, deinde, ut sibi a tantis ma-lis caveat, lectionem Scripturarum magnopere ei imperat. Tu autem affec-tus es me-am doctrinam, institutionem, propositum, fidem, longanimitatem, dilectionem, pa-tientiam.... Tu vero permane in iis, quæ didi-cisti, & credita sunt tibi, sciens a quo didi-ceris. Et quia ab infanta sacras litteras no-sti, quæ te possunt instruere ad salutem per fidem, quæ est in Christo Jesu. Omnis Scrip-tura divinitus inspirata utilis est ad docen-dum, ad arguendum, ad corripondendum, ad erudiendum in justitia, ut perfectus sis homo Dei ad omne opus bonum instrutus. Verum quæ continuo subdit cap. 4. Apostolus, altius animo imprimenda sunt, & serio medi-tanda. Prædicta verbum, insta opportune, im-portune, argue, obsecra, increpa in omni pa-tientia, & doctrina. Erit enim tempus cum sanam doctrinam non sustinebunt, sed ad sua desideria coacervoabunt sibi magistros pruidentes auribus: & a veritate quidem auditus aver-tens,*

CAP. III. DE SACRA SCRIPTURA.

ent, ad fabulas autem convertentur. Tu vero vigila, in omnibus labore: opus fac Evangelista, ministerium tuum implie. Tempus adveniet, inquit Paulus, quo sanam doctrinam non sustinebunt. Quænam est doctrina sana? Quæ sola constat veritate, inquiunt Patres omnes. Corrumperit doctrina admixtione falsitatis. Illa igitur doctrina certe corrupta est, quæ usum docet contrariarum opiniorum, quarum si una vera est, altera falsa sit oportet. Omnium suppliciorum tremendissimum, quod Deus minatur, est neglectus Scripturarum, earumque molesta lectio, & fastidiosa. Tempus jam advenisse videtur quod cap. 8. prædictus Amos. Mittam fænum in terram: non fænum panis, neque fænum aquæ, sed audiendi verbum Domini.... Circubunt quærentes verbum Domini, & non invenient. Subtrahit & lectionem, & intelligentiam Scripturarum Dominus illis, qui aut easdem negligunt, aut arbitriis commentis deludere student. Revolve innumeros plurium Casuistarum libros, qui a Parochis, & Confessariis leguntur tamquam magistri in regimine animarum. Vix ullæ in iisdem divinæ Scripturæ adhortationes, rarißimæ ex eisdem argumentationes. Si aliquod allegatur testimonium, illud frequenter ad laxas opiniones confirmandas detorquetur, ut patet in hoc textu: Jugum meum suave est: quo utuntur communiter Probabilis, ut christianam Moralem humanis appetitionibus accommodent. Vix unus illorum germano in sensu exponit evangelicum oraculum, quod nempe jugum Christi suave est, quia jugum est divini amoris, quia caritatisunctione delibutum, quia lex christiana lex amoris divini est. Amor autem divinus cum amore carnis, & mundi pugnat.

V. Concilia, & Patres omnes lectionem Scripturarum Sacerdotibus altius inculcant. Tridentinum *sess. 5. cap. 1.* jubet, ut Episcopi, & Archiepiscopi, & Primates, aut per se ipsos, ut sunt divino jure, cum possint, obstricti, aut per substitutum sacram Scripturam populo interpretentur. Reditus constitui præscribit, quibus alendi sint viri huic muneri destinati. Deinde, multis prætermis- sis, subdit: In Monasteriis quoque Monachorum, ubi commode fieri queat, etiam lectio sacrae Scripture habeatur.... In Conventibus vero aliorum, in quibus studia commode vigere possunt, sacrae Scripture lectio simili- ter habeatur. Concilium Toletanum IV. hæc statuit, quæ habentur in *Decret.*

dist. 37. cap. 1. Ignorantia mater cunctorum viuorum maxime in Sacerdotibus Dei vitanda est, qui docendi officium in populis suscep- sunt: Sacerdotes enim legere sanctas Scriptu- ras frequenter admonet Paulus Apostolus di- cens ad Timotheum: Attende &c. Sciant igitur Sacerdotes Scripturas sanctas, & canones, ut omne opus eorum in prædicatione consistat. Præcipua ergo, & fere unica occupatio Sa- cerdotum, & maxime Pastorum, est sanctæ Scripturæ studium. Quid si Pastores majo- rem vitæ partem in negotiis, in redditibus suppetandis, in litibus dirimendis, in curis domesticis, & economicis occuparent, & quibusdam Religiosis pabulum Scripturæ san- cte administrandum gregi sibi, non aliis, commisso, demandarent? Iste sane non Pa- stores, sed mercenarii, & proprii ministerii prævaricatores essent. Pastores ex se ipsis paſcere gregem obstricti sunt: adhibere mi- nistros, & adjutores queant in iis, quæ præ- stare ipſi nequeunt. Falluntur summopere, & turpiter sibi illudant, dum credunt alio- rum ope suum implere ministerium posse. Impendere isti debent vires omnes, studia, vigilias, curasque proprio obeundo ministe- rio: & cum soli nequeunt partes omnes ex- plere, tum in adjutorium ministros acci- piunt. Rerum temporalium regimen aliis committant, ut Deo, & gregi custodiendo, & formando vacare toti ipſi queant. Da- nationis viam percurrunt Pastores illi, qui spiritualia ministris committunt, sibi rei ter- renæ curis reservatis.

VI. Quinam præcipui sunt libri sacri, quos legere, & meditari sacri Pastores, & animarum moderatores debent? Sunt libri *Psalmorum*, *Proverbiorum*, *Ecclesiastes*, *Sapientie*, *Ecclesiastici*, & *Prophetarum* ex ve- teri Testamento. Uberior erit fructus quem ex novi testamenti lectione matura colliges. Quæstiunculas, casus, disputationes ibi non offendes, quia sancte vivere, non subtiliter disputare Evangelia docent. Legumlatorum nemo controversias, quæstiunculas, quas ex- cogitare hominum ingenia valent, suis in- feruit legibus. Sancti Ecclesiæ Patres, qui sunt Magistri nostri, Justinus Martyr, Cy- prianus, Athanasius, Basilius, Gregorius Nazianzenus, Chrysostomus, Hieronymus, Ambrosius, Augustinus, Gregorius Magnus, aliique innumeri Scripturis sanctis, divinit- que traditionibus morum questiones defi- niere, populosque sibi commissos moderati sunt. Altius animo insculptum habeant isti oraculum Christi Domini *Joan. 14.* inquien- tis

8 LIB. I. APPAR. AD THEOL CHRIST.

tis: *Paraclytus autem Spiritus sanctus, quem mittet Pater in nomine meo, ille vos docebit omnia, & suggeret vobis omnia.* In quenam textum hæc lect. 6. scribit S. Thomas: *Ille vos docebit omnia: quia quaecunque homo doceat extra, nisi Spiritus sanctus interius det intelligentiam, frustra laborat: quia nisi prius adfuit cordi audientis, otiosus erit sermo Doctoris.*

VII. Audio obstrepentes plures, theoretica hæc esse, secus practica. Qui confessiones non audiunt, qui in cubiculo scribunt, & humanæ societatis negotia non tractant, facillime regulas speciosas evulgant, quæ practica executioni, & directioni nihil inserviunt. *Bona, & solida practica opus est.* Edidisse nobis, ubinam in Scripturis sanctis doctrinæ reperiantur, quibus resolvi queant intentia illa quæstionum volumina, quæ edidere Carrauel, Diana, Sanchez, Escobar, Castropolanus, Candidus, Zanardi, Sporer, Tamberinus, Gobatus, & ceteri Doctores recentes?

VIII. Respondeo, paucis Scripturæ sanctæ oraculis elidi, & in nihilum redigi maximam quæstionum partem, quas luxuriantia ingenia suscitarunt: de quibus hæc ser. 143. de temp. scribit S. Augustinus. *Sunt ista, fratres mei, magna magnorum deliramenta Doctorum.* Neque is ego sum, qui improbem omnes controversias, quas novi Casuistæ agitant; sed dico, multas nullius esse momenti, & plures solis divinis Scripturis, traditionibus, & Patrum doctrina resolvi posse. Et quia non pauci ad præsum appellant, parere illis volo. Controversiae, quas novi Casuistæ inventerunt aduersus primum caritatis erga Deum, & proximum mandatum, nonne solis verbis, quibus Deus illud expressit, diluntur? Innumeræ illæ quæstiones, quas versant de tabubus impudicis, de re uxoria, de sodomia, aliisque turpissimis actibus, de choreis, de comædiis, de promiscua virorum, & mulierum conversatione, his solis divinis oraculis labefactantur. *Qui amat periculum, in illo peribit.* Eccl. 3. *Averte faciem tuam a muliere compita.* Eccl. 10. *Si oculus tuus scandalizat te, erue eum.... Si manus tua scandalizat te, abscede eam &c.* Matth. 5. *Ab omni specie mala abstine vos: ad Tessalon. 1. c. 5.* Si hæc, & sexcenta alia similia oracula divina, positis præjudiciis, & studio detorquendi ejusmodi mandata ad hominum desideria, & appetitiones, consultarentur, in fumum abirent inanissimæ illæ quæstiunculae, & distinctiunculae nostra æstate ad obscurandam evangelicam veritatem tanta contentio-

ne aëtitatæ. Disputationes, quas de homicidio, de duello honoris vindice, de mendacio materiali, de amphibolijs, de furtis, de compensationibus, de fenore, aliisque suscitarunt auctores novissimi, quæque implent intentia illa Casuistarum volumina, luculentissimis divinae Scripturæ testimoniis definiri possunt, si sola evangelica veritas spectetur, & studium illud hominibus placendi, humanaque favoris aucepandi penitus evelletur.

IX. Similiter Ecclesiæ mandata clara sunt, & manifesta, & sanctorum hominum exempla patent omnibus. Lubet audire quæ epist. 119. scribit S. Augustinus. *Sed hoc nimis doleo, quia multa, quæ in divinis libris saluberrime precepta sunt, minus curanter, & tam multis presumptionibus sic plena sunt omnia, ut gravius corripiatur, qui per octavas suas terram nudo pede tetigerit, quam qui mentem vino sepeliter.* Omnia itaque talia, quæ neque sanctorum Scripturarum auctoritatibus continentur, nec in Conciliis Episcoporum statuta inveniuntur, nec consuetudine universæ Ecclesiæ roborata sunt, sed diversorum locorum diversis moribus innumerabiliter variantur, ita ut vix, aut omnino nunquam inventiri possent causæ, quas in eis instituendis homines fecuti sunt, ubi facultas tribuitur, sine ulla dubitatione resecanda existimo. Prætereo multa, quæ ibidem S. Doctor scribit, & pauca exhibeo eorum, quæ sub epistolæ fine adjicit. *Et miror, quia hoc te latet, quod non solum in aliis innumerabilibus rebus multa me lateant, sed etiam in ipsis sanctis Scripturis multo nesciam plura, quam sciam.* Et ideo spem in nomine Christi non infructuosam gerò, quia non solum credidi Deo meo in illis duobus preceptis TOTAM Legem, Prophetæque penderem, sed etiam expertus sum, experiorque quotidie. *Quandoquidem nullum mihi Sacramentum, aut aliquis sermo admodum obscurior de sacris litteris aperitur, ubi non eadem precepta reperiām.* Finis precepti est caritas de corde puro, & conscientia bona, & fide non ficta: & plenitudo legis caritas. Itaque & tu Christiane, sive ista, sive alia, sic lege, sic disce, ut memineris verissime dictum; Scientia inflat, caritas ædificat. Caritas autem non emulatur, non inflat. Sic itaque adhibetur scientia tanquam machina quadam, per quam structura caritatis aſurgat, quæ manet in æternum, etiam cum scientia deſtrueretur.

X. Non solum, inquit Augustinus, credidi Deo meo revelanti, sed etiam quotidie expertus sum, universam legem, & Prophetas

tas in illis duobus caritatis præceptis contine-
ri. Si Christiani hæc duo mandata sola se-
rio meditarentur, deriderent, contemnerent
que innumeræ quorundam Casuistarum quæ-
stiones, & vanissimas tricas. Tantum vero
abest ut istorum plures ad hæc duo præcepta
insurgentes quæstiones revocent, ut contra
hæc duo mandata extenuent, vim obligatio-
nis coerceant, & limitent, ut delinire cete-
ras leges valeant.

C A P U T IV.

*Christianæ professionis spiritum, & præcipuas
eiusdem regulas, & luculentissima principia
callere imprimis Pastores, & Christianorum
moderatores exacte debent.*

I. **C**hristianæ professionis spiritus terrenum
ut 1. Cor. c. 15. inquit Apostolus Paulus. *Sicut
ut portavimus imaginem terreni, portemus &
imaginem cœlestis.* Imaginem terreni homini-
nis exiit Christianus in ipsa Baptismatis
professione, qua renuntiat satanæ, pompis,
& operibus ejus. Hæc renuntiatio fidei pro-
fessionem antecedit, inquit lib. 6. de Guber-
nat. Dei Salvianus. *Quæ enim in Baptismo
salutari prima Christianorum confessio? Quæ
scilicet, nisi ut renuntiare se Diabolo, ac pom-
pis ejus, atque spectaculis, & operibus prote-
stentur?... Et quid plura? Credo inquis, in
Deum Patrem omnipotentem, & in Jesum
Christum Filium ejus. Ergo primum renuntia-
tur Diabolo, ut credatur Deo. Quia qui non
renuntiat Diabolo, non credit Deo. Genuinum
& præcisum hujusce professionis sensum, cum
de Baptismate sermo erit, explicabo; pa-
lamque faciam, Pastores frequenter peccare,
propterea quod negligant patefacere juveni-
bus baptizatis istius professionis ab eisdem
emissæ onera.*

II. **Q**uest. 1. *Quas servare regulas de-
bent Pastores animarum in sanandis egois?*
RESP. Spirituales isti medici primum omnium
perspectam habeant oportet infirmitatis
gravitatem, ut dictum est; deinde quænam sint
sanitatis regulæ, scire debent. Si corporum
medici ignorent, quandonam ordinatus & re-
etus sit arteriarum pulsus, quomodo in firmum
a fano distinguere valent? Quis sit ergo Chris-
tianus sanus compertum esse debet anima-
rum moderatoribus. Porro Christiani illi sani
habentur qui Christo Iesu conformes sunt,
ut S. Paulus ad Rom. 8. testatur. *Quos pre-
scivit, & prædestinavit conformes fieri imagi-*

*nis Filii sui, ut sit ipse primogenitus in mul-
tis fratribus. Imaginem ergo vitæ Christi Je-
su quam in terris dedit, sistere sibi ob oc-
ulos debent animarum medici, ut curare eas-
dem, & ad firmam restituere sanitatem va-
leant.*

III. Hæc autem sunt istius divinæ imagi-
nis lineamenta, inquit epist. 1. c. 2. S. Petrus:
Vos autem genus electum, regale sacerdotium,
gens sancta, populus acquisitionis. Imago hæc
quoquo verbum sanctitatis radios effundit,
subdit 1. Tessal. c. 4. Paulus Apostolus: Hæc
est voluntas Dei sanctificatio vestra: & 2. Cor.
c. 7. Salutare omnes Sanctos: & alibi: Empi-
enim estis pretio magno: glorificate, & por-
tate Deum in corpore vestro. Quin corpora no-
stra membra esse Christi, iterum 1. Cor. 6.
testatur: Corpora vestra membra sunt Christi.
Et tandem Eph. 4. Crescamus in illo per o-
mnia qui est caput Christus. At qui fieri po-
test ut christianus homo similis Deo evadat?
paucis ostendamus.

IV. **Q**uest. II. *In quo potissimum situs
est christiana perfectionis spiritus?* RESP. In
caritate, & humilitate. De prima nunc,
de posteriore infra. Ignis divini amoris, con-
sumpto mundanorum carnaliumque affectuum
bitumine cælestem flammam succendit, at-
que similes Deo, & universæ legis suæ cul-
tores nos efficit, ut Christus ipse Matth. 22.
docet: *Diliges Dominum Deum tuum &c. Diligies proximum tuum sicut te ipsum.* In his
duobus mandatis universa lex pendet & Pro-
phetae. Quem amas, non lœdis, non affidis
injuriis; quæ illius sunt, non furaris, ejusdem
nomen non blasphemas, nec dolis, nec frau-
dibus illum circumvenis; quæ eidem placent,
exequeris, lites eidem temere non intentas;
ab iis abstines quæ ei displaceant. En quam
verum sit effatum Apostoli: *plenitudo legis*
dilectio.

V. **H**ic est homo Dei octo beatitudinibus
ornatus, inquit cap. 5. Evangelista Matthæus,
qui Deum imitatur, ejusque mandata se-
quentia implet. *Diligite inimicos vestros, be-*
*nefacite iis qui oderunt vos: orate pro perse-
quentibus, & calumniantibus vos ... Wade*
prius reconciliari fratri tuo. Hæc fieri mandat,
non ut hominibus, sed ut Deo placeamus.
Evenire non posse admonet ut Deo, & mun-
do serviamus; alterutrum enim odio habe-
mus neceste est: a divitiis avide congregan-
dis, & a rerum sollicitudine temperandum
nobis esse, frequenter Evangelia inculant.
Attendite ne justitiam vestram faciatis coram
hominibus ... Nolite thesaurizare in terra ...
Ne.

Nemo potest duobus dominis servire . . . Ne solliciti sitis . . . Si dimiseritis hominibus , dimittet & vobis Pater vester . Legenda sunt quæ idem Matib. c. 7. præscribit , ubi a via lata coercendum pedem , & per viam arctam , angustamque ingrediendum , clamat : Intrate per angustam portam : quia lata , & spatiose porta est quæ dicit ad perditionem : & multi sunt qui instant per eam . Quam angusta porta , & arcta via est , quæ dicit ad vitam : & pauci sunt qui invenient eam ! Per hanc angustam portam , & arctam viam ingressus est Christus exemplar nostrum in regnum celorum , & eandem ambulaverunt omnes ejusdem veri discipuli , quos certo sciimus Dei regnum ingressos esse . Promptos paratosque nos esse vult ad omnium quæ in hoc mundo possidemus , abdicationem . Qui non renuntiat omnibus quæ possidet , non potest meus esse discipulus .

VI. S. Paulus Apostolus a Christo Jesu edocitus , personam quam sustinere in hujus mundi theatro Christiani debent , vividis deppingit coloribus . Et primo nos in stadio currentibus ad consequendum pallium 1. Cor. 9. comparavit . Omnis autem qui in agone contendit , ab omnibus se abstinet : & illi quidem , ut corrupibilem coronam accipient . Altius hanc meditare veritatem . Suos sensus coercent , omnes vires , & studia in stadio currentes eo unice collineant , ut pallium assequantur . Numquid cursores isti , dum currunt , oculos divertunt ad spectandos ludos , comedias , choreas , spectacula , aliaque delirantis mundi præstigia ? Absit . Nil proorsus aliud in mente animoque habent , nisi assecutionem corona , & quidem corruptibilis . Nos omnes in stadio currimus , ut incorruptibilem , infinitam , æternamque coronam obtineamus . Et tanta laboramus fatuitate , ut hac æterna corona spreta , veluti pueri ratione carentes , animum intendamus ad mundi auram captandam , ad vana spectacula , ad fabulas , ad ineptias ? Ore jaclamus , nos consequi hanc coronam velle ; sed interim re ipsa tempus , vitamque totam impendimus in ludis , in seminarum colloquis , in conviviis , in solatis , quæ cum assecutione corona hostiliter pugnant . Si consulas Casuistarum quorundam volumina , levem , non mortiferam , hanc tibi pugnam referunt ; teque & coronam assequi , & recensitis mundi blanditiis , & deliciis frui posse , plures adfirmant variis distinctiunculis adjectis . Contra clamat 1. Cor. 7. Apostolus : Hoc itaque dico , Fratres : tempus breve est : reliquum est

ut & qui habent uxores , tamquam non habentes sint ; & qui flent , tamquam non flentes : & qui gaudent , tamquam non gaudentes ; & qui emunt , tamquam non possidentes ; & qui utuntur hoc mundo , tamquam non utantur : prætevit enim figura hujus mundi . En tibi statum hujus mortalis vita depictum . Sed fulgentiora supersunt linea menta . Quænam hæc ? conflixtare sensus , torquere carnem , coercere appetitiones , & quotidie exemplaris magistri nostri Christi crucem deferre . Si quis vult post me venire , abneget semetipsum , & tollat crucem suam QUOTIDIE , & sequatur me . Qui sunt Christi , carnem suam crucifixerunt cum vitiis , & concupiscentiis .

VII. Accedit quod omnes qui in hac lacrymarum valle Christi imaginem , & personam sustinere velint , mundi odium , irrationes , contemplationes , persecutions patienter , & animo constanti ferre debeant . Lamentabantur discipuli , quod mundus illos odio haberet . Reposuit Joann. 15. Christus Dominus : Si mundus vos odit , scitote quia me priorem vobis odio habuit . Si de mundo fuissetis , mundus quod suum erat , diligenter : quia vero de mundo non estis , sed ego elegi vos de mundo , propterea odit vos mundus . Et rursus ore Pauli intonat : Si hominibus placet , servus Christi non esset : & iterum : Omnes qui pie volunt vivere in Christo Jesu , persecutionem patientur .

VIII. Hæc sunt christiana professionis ornamenta , definitiones , effata , axiomata , & principia , quæ semper & animo insculpta , & in ore sonantia habere animarum Pastores debent . Hæc ipsi secum seria , & humili meditatione recogitent opus est , ut tamquam alimento optime dispositum & paratum porrigeret cum profectu gregi suo queant .

IX. QUÆST. III. Humilitas estne potissima christiana perfectionis virtus ? RESP. Unus ex præcipuis peccati originalis , quo homines inquinati , & vulnerati nascuntur , effectibus , superbia est , cuius antidotum humilitas nuncupatur . Ethnicorum sapientes & peccatum originale , & veram humilitatem ignorarunt . Præclarissime post Patres S. Thomas 2. 2. q. 161. a. 5. ad 2. declarat sublime excelsumque ædificium , quod Filius Dei excitavit , duabus potissimum constare , nempe humilitate , quæ fundamenti locum occupat , & caritate , quæ universi ædificii forma est , quæ valorem , pulchritudinem , firmitatem praebens , omnes fabricæ partes mirabili fædere

copulat, atque consolidat. Hæc sunt Angelici verba. Sicut ordinata virtutum congregatio per quamdam similitudinem ædificio comparatur; ita etiam illud quod est primum in acquisitione virtutum, fundamento comparatur, quod primum in ædificio jacit. Virtutes autem vere infunduntur a Deo. Unde primum in acquisitione virtutum potest accipi dupliciter: uno modo per modum removentis prohibens; & sic humilitas primum locum tenet, in quantum scilicet expellit superbiam, cui Deus resistit, & præbet hominom subditum, & patrum ad suscipiendum influxum divinae gratiae, in quantum evacuat inflationem superbie. Unde dicitur Jacobi 4. quod Deus superbis resistit, humilibus autem dat gratiam: secundum hoc humilitas dicitur spiritualis ædificii fundamentum. Quamobrem sicut nulla consistere fabrica absque fundamento potest, ita nulla resulgere virtus sine humilitate valet.

X. Quo magis est istius humilitatis antidotum necessarium ad expellendam superbiam, eo est ejusdem executio. & praxis difficilior. Nisi Dei Filius & verbo, & exemplo hanc docuisset virtutem, vix respenderet in hominibus superbie veneno tumentibus, inflatis, superciliosis. Exinanivit semetipsum Verbum divinum, formam induens servi, & peccatoris, ut homines ad tantæ virtutis studium, & exercitium induceret. Sapienter lib. de sanct. Virg. c. 45. exponit S. Augustinus hæc verba: *Dicite a me, quia mitis sum, & humilis corde: quæ sic interpretatur: Ille cui omnia Pater tradidit, & quem nemo cognoscit nisi Pater, & qui Patrem solus agnoscit, & cui voluerit revelare, non dicit: Dicite a me mundum fabricare, aut mortuos sufficiare; sed, quia mitis sum, & humilis corde. O doctrinam salutarem! O Magistrum, Dominumque mortalium, quibus mors poculo superbie propinata, atque transfusa est! Noluit docere quod ipse non esset, noluit jubere quod ipse non faceret. Verum plurimis missis, quæ hic in humilitatis commendationem scribit, pauca ex iis quæ epist. 56. ad Diocorum habet, ob oculos revocabo. Huic te, inquit, mi Diocore, ut tota pietate subdas velim, nec aliam tibi ad capessendam, & obtinendam veritatem viam munias, quam que munita est ab illo qui gressuum nostrorum, tamquam Deus, vider infirmitatem. Ea autem est prima humilitas, secunda humilitas, tertia humilitas; & quoties interrogas, totes hoc dicitem, non quod alia non sint precepta que dicitur, sed nisi humilitas omnia quecumque*

bene facimus, & precedat, & comitetur, & consecuta fuerit, & proposita, quam intuemur, & opposita, cui adhæreamus, & imposta, qui reprimamur, jam nobis de aliquo bono factio gaudentibus, totum extorquet de manu superbia. Vitia quippe cetera in peccatis, superbia vero etiam in recte factis timenda est, ne illa quæ laudabiliter facta sunt, ipsius laudis cupiditate amittantur. Itaque sicut Rethor ille nobilissimus, cum interrogatus esset, quid ei primum videretur in eloquentia preceptis observari oportere, pronuntiatione dicitur respondisse: cum quereretur, quid secundo, eandem pronuntiationem: quid tertio, nihil aliud nisi pronuntiationem dixisse: si interrogares, & quories interrogares de preceptis christiana Religionis, nihil aliud responderem nisi humilitatem, est forte alia dicere necessitas cogere &c.

S. UNICUS.

CONSECTARIUM MEDITANDUM.

I. **D**uo haec tenus delibavi: infirmitatem, & mortifera humanæ naturæ vulnera, quod est primum; alterum, remedia sananda naturæ opportuna. Vos nunc judices desidero animarum pastores. Nonne summopere necessaria est tum infirmitatis humanæ, tum remediorum, quibus curanda est, explorata notitia, & quidem in antecedentium Colloquiamur nunc mutuo, positis præjudiciis. Quotus enim quisque est qui hac instructione imbutus ad curandas animas accedat? Quis peccati originalis, superbie, & quæ inde proficiuntur mala in primis exponit? Quis gravissimi precepti humilitatis, quæ est superbie antidotum, vim, & necessitatem inculcat? Vix virtutis hujus, quæ basis, & fundamentum est universi ædificii evangelici, mentionem faciunt plurimi, quorum libri pro regimine animarum manibus teruntur. Quis horum axiomata, & regulas sanctitatis christianaæ, nempe quotidianam crucis delationem, carnis confitacionem, animum paratum ad sustinendum mundi odium, persecutions, derisiones, contumelias, calumnias, in medium producit, & clamat, hæc esse veluti præludia christianaæ vitæ, & caritatem formam illum quæ animat, & vivificat spiritum evangelicæ professionis? Si medicus curaturus ægrotum accederet, quin perspectas haberet sanitatis regulas, & explorare curaret infirmi naturam, & morbi gravitatem, nonne manifestæ stultitiae argueretur? Et tamen quot sunt medici animarum, qui professionis bas-

ptismalis vim , qui regulas quas Christus impfmet pro vita christiana instituenda præscripsit , & nos indicavimus , compertas habeant , eisque servandas peccatoribus imponant ?

II. Cum mundani homines aspiciunt Christianos , Sacerdotes , Religiososque viros in luxuriæ , avaritiæ , gulæ , & similia flagitia prolapsos , obmurmurant , stupent , admirantur : contra , eos qui ab his vitiis sunt imunes , extollunt . Plurimos damnari ob luxuriam , & avaritiam Scriptura sancta edocet . At pauci sunt qui ad superbiam , horum , aliorumque criminum radicem , animum intendant . Et tamen certum est homines majori ex parte propter occultissimum superbie crimen æternum perire . Superbia Lucifer cum tertia Angelorum parte cecidit: superbia corruit Adam humani generis caput . Morbus universum genus humanum inficiens superbia est : hæc est febris prævalens , & dominans , omniumque morborum infestissima , quæ omnes humani cordis latebras , & recessus penetrat : hæc est pestifera lues , quæ ex insidiis , & veluti per cuniculos animalium stragem parit . A carnalibus vitiis , quæ sensus hominum percellunt , & infamiant pariunt , sin virtutis amore , saltem ignominiae subeundæ formidine abstinemus . Frequenter vitium vitio obtegimus , & ut mundi favorem , plausum , existimationem , & obsequium captemus , sordida , & vilia peccata detestamur . At fulgidum est superbie crimen , quod supremi Angeli , & primi hominis mentem fascinavit . Vel ipsum bonorum operum meritum sæpe vel surripit , vel arrodit , aut insidiis eidem struit . Undique nos obsidet , & circumvenit , ut de ipsa gloriemur sanctitate . Illo ipso tempore quo humilitatis virtutem extollimus , & exageramus necessitatem , superbia , splendida induita ueste , in Angelum lucis , se transformat , & intra nos machinatur , suscitatque dulcis , & insensibilis complacentia auram . *Superbia* , inquit Augustinus , *bonis etiam operibus insidiatur* . Plura , cum de superbia , & humilitate sermo erit , manifestabo .

III. Ex his quæ obiter delibavi , colligit animarum Pastores , quam sit verendum timendumque illo ipso tempore quo nobis blandimur de casitate , de paupertate , de æquitate . Vaferrima philautia intra nos serpit , rodit , elationem excitat quin advertamus , tumentesque efficit animos nostros . Ad scupulos istos occultissimos animas allidimus nos ipsi Theologi Dei ministri , Confessarii , qui ut emineamus , & refulgeamus supra alios ,

ut mundanas potestates nobis conciliemus , placentia sæpe loquimur , & opiniones fugo benignitatis novæ illitas , quæ carni & sanguini indulgent , quæ divituni , & magnatum clientelas nobis comparant , pugnacissime defendimus .

IV. Omnes ergo libri illi qui præfatam evangelicam doctrinam , & regulas quas Christus ipse Servator noster pro morbis nostris curandis statuit negligunt , qui eaſdem non inculcant , qui definitionibus , distinctiunculis , quæſtiunculis , & disputationibus hominum ingenio excogitatis scatent , inepti sunt ad imbuendos in animalium regimine Pastores . Vos ergo Christi Ministri , si aliorum salus & vestra cordi est , primum omnium in Jesu Christi Evangelia , in Epistolas Paulinas animum , vires , & studia intendite . Nisi vobis explorata sit Christi doctrina , quomodo humanarum opinionum falsitatem deprehendere valitis ? Doctrina evangelica simplex est , quæ non cavillari , nec jurgari , nec disputare , sed humili docilique animo exequi divinam legem docet , cor inflammat , & divini amoris ignem succedit , mundi , & rerum terrenarum contemplationem parit .

V. Quæ hactenus dicta sunt , concionatoribus , virisque mysticis inserviunt , secus Theologiaz moralis cultoribus . Ita garriunt illi qui arte cavillandi præventi , novas & inauditas morum regulas invexere . Verum ut istos ad incitas reducam , quæ ex Evangelii hactenus delibavimus , vera ne sunt , an falsa ? Si falsa esse effutunt , ipsi Christiani non sunt . Si vera : ergo hæc imprimis exponenda , inculcanda , urgendaque sunt . Ergo libri illi qui præfatis præceptiōibus vacui sunt , qui solas hominum opiniunculas pro morum regulis constituant , inepti sunt ad curandas Christianorum infirmitates . Omnia sæculorum Patres sanctissimi hanc quam descripsimus , methodum servarunt . Temetipsum consule , lector optime . Nonne , dum recitata evangelica effata legis , & meditaris , te commotum experiris ? Nonne plurium humanarum opinionum , quibus scatent non pauca casuistica volumina , futilitatem sentis ? Tumet judex sede . Quandonam ex lectione quorundam Casuistarum te inflammatum erga Deum ; quandonam ad humilitatem colendam , ad divitias , hominum plausus , gloriamque mundanam proculcandam ; ad ferendam quotidie crucem , ad carnem , & appetitiones jejuniorum , & vigiliarum severitate crucifigendas cum suis concupiscentiis te animatum , & compulsum exper-

expertus es? Quandonam in ejusmodi libris legisti valide inculcati hujuscce evangelici oraculi observantiam: *Estate perfecti, sicut & Pater vester cœlestis perfectus est?* De humilitatis præcepto, quod est, ut diximus, & dicendum continentur occurrit, primum christiani ædificii fundamentum: de altero gravissimo mandato inhiandi evangelicæ perfectioni in caritate sitæ, aut nullus, aut aridus sermo in non paucis casuisticis libris reperitur. Si itaque primæ, & potissimæ christianæ professionis, & reformatorum morum regulæ negliguntur; quid mirum, si Christiani majori ex parte Sacraenta Christi profanant, vitamque vitiis perpetuis corruptam ducunt? Verum de hoc plura in loco. Tu interim animarum Pastor semper ob oculos habe, quod Christiani salvandi conformes esse debent divino exemplari Christo Iesu. Hæc sola certissima regula plura te docebit, quam plurium quorundam auctorum volumina.

C A P U T V.

De paucitate electorum, & multitudine reproborum.

I. **S**i ii soli salvantur qui conformes sunt Christo Domino, quique carnem cum suis concupiscentiis crucifigunt, ad oculum patet, parvum esse istorum numerum. Noli ergo commoveri, si ex multis qui ad te accedunt, absolutionem a peccatis implorantes, pauci sint revera contriti, quoniam pauci electi sunt.

II. Sermo est de Catholicis adultis. Innumerabilem esse electorum multitudinem omnes fatentur absolute spectatam. Disputatur de numero electorum in conspectu reproborum. Hac facta comparatione, paucos illos, plurimos istos esse affirmant Scripturæ, & Patres omnes cum antiqui, tum nobis proximi.

III. Oracula Christi Matth. 7. luculenta sunt. *Intrate per angustam portam: quia larva porta, & spatiovia est que dicit ad perditionem; & multi sunt qui intrant per eam.* Et continuo fere in admirationem aëtus exclamat: *Quam angusta porta, & arcta via est que dicit ad vitam, & pauci sunt qui intrant per eam!* Quid postea? *Attende a falsis prophetis, nempe a falsis magistris, qui blanda, & placentia loquuntur, qui sub benignitatis latva, Christi testimonium adulterant: nam in isto efflato solo-*

comprehendi infideles, & haereticos perperam effutunt nonnulli, repugnante universa Patrum traditione.

IV. Confirmat Christus Dominus hanc suam veritatem Luc. cap. 13. ubi interroganti, num pauci sint qui salvantur, respondit: *Contendite intrare per angustum portam: qui multi, dico vobis, querent intrare, & non poterunt.* Quis non expavescit ad hæc verba, inquit S. Augustinus. *Querent intrare, & non poterunt?* Querunt mundani homines dissolutionibus, & viæ spatiis addicti semel, bis, terque quotannis arctam castitatis, justitiae, pœnitentiae viam intrare, sed frustra. Hodie confitentur, & post paucos dies relabuntur in viam spatiosam, & latam viatorum. Hi omnes querunt intrare, sed vera non intrant. Sed parabolam quam ibidem protinus Evangelista subdit, luculentius explicat veritatem hanc: sic enim persequitur S. Lucas. *Cum intraverit Paterfamilias, & clauserit ostium, incipietis foris stare, & pulsare ostium, dicentes: Domine aperi nobis: & respondens dicet vobis: Nescio vos, unde sitis?* Tunc incipietis dicere: *Manducavimus coram te, & bibimus, & in plateis nostris docuisti:* & dicet vobis: *Nescio vos: discedite a me omnes operari iniquitatis.*

V. Qui sunt qui manducant, & bibunt sanctissimum Corpus, & Sanguinem Domini, nisi Sacerdotes, & Christiani? Non ergo sermo est de infidelibus, & haereticis, sed de domesticis catholicis, iniquitatis operariis. Altera Matth. 3. parabola huc recedit. *Ecce exit qui seminat, seminare.* Et dum seminat, quedam ceciderunt secus viam ... alia autem ceciderunt in petrosa ... alia autem ceciderunt in spinas ... alia autem in terram bonam ... *Qui habet aures audiendi, audiat.* Semen est verbum Dei. Quarta dumtaxat pars cecidit in terram bonam, reliquæ tres secus viam, inter petras, & spinas. Explicatio hæc est ipsius Christi Domini Luc. 8. inquietis: *Semen est verbum Dei. Qui autem secus viam, hi sunt qui audiunt: deinde venit diabolus, & tollit verbum de corde eorum, ne credentes salvi fiant.* De ea hic fide sermo est, non qua fideles evadimus, sed qua salutem assequamur. Dum Concionatores, animarumque Moderatores dictas parabolas Christi fidelibus interpretantur, illisque suadent ut abstineant a choreis, a ludis, a comædiis, aliisque insanientis mundi præstigiis, quot inveniunt credentes? quot iisdem fidem adhibent? Aut illos derident, fibilant, & traducunt ut Rigoristas,

Jansenistas, & phanaticos; aut illis contemptis adeunt Casuistas benignos, a quibus blanda linimenta suscipiant, & celerius per viam latam, & spatiosam currant. Sed rescribamus alteram parabolæ partem. Nam qui supra petram, qui cum audierint, cum gaudio suscipiunt verbum: & hi radices non habent: quia ad tempus credunt, & in tempore tentationis recedunt. Quod autem in spinae cecidit, hi sunt qui audierunt, & a sollicitudinibus, & divitiis, & voluptatibus vite euntes suffocantur, & non referunt frumentum. Quod autem in bonam terram, hi sunt qui in corde bono, & optimo audientes verbum retinent, & fructum afferunt in patientia. Haecenus Christus Dominus. Poterant ne luculentius describi Christiani, qui saepe accedentes tum ad conciones, tum ad sacramenta, divitiarum spinis, vita praesentis sollicitudinibus, & voluptatum præstigiis seducti, verbum Dei sterile reddunt? Nonne manifesta experientia patet, hos plurimos esse, paucos vero qui in corde bono, & optimo audientes verbum retinent, & fructum afferunt in patientia? Perpendenda apprime sunt haec ultima verba, quæ declarant satis haud esse abstinere a vitiis, ut multi faciunt aut ob timorem, respectumque mundanum, aut ob naturalem indolem; sed producendum insuper esse fructum bonorum operum in patientia, & humilitate. Non solum reproba, & maledicta terra est quæ spinas, tribulos, & zizania germinat, verum etiam ea quæ frumentum sparsò semini congruum non parit, ut alia parabola Christus Dominus Matib. 25. evidenter exponit.

VI. Decem virgines, quarum quinque fatuæ erant, quæ dicta sunt, clarius manifestant. Quinque reprobæ, non meretrices, non impudicæ, sed virgines erant. Non accusantur de meretricio, nec de furto, nec de negotiatione. Illarum crimen juxta S. Gregorium fuit elatio interior, & juxta Chrysostomum negligentia, & quædam avaritia species. Gratis a sociis oleum volebant, & tum solum ad vendentes acceperunt, cum tempus emendi defuit. Quis nunc benigna probabilitate easdem a crimine non excusat, & inter electas non collocaret? In Christi tamen tribunali elatio, superbia, omissione honorum operum crimina sunt, ob quæ fatuæ virgines, & fatui Christiani reprehabantur. Non minus tremenda est parabola alia Luc. 18. ubi Deus reprobos depingit his verbis: *Deus, gratias ago tibi, quia non sum sicut ceteri hominum, raptiores, injusti,*

adulteri, velut etiam hic publicanus. Jejunabis in sabbato: decimas do omnium que possum video. Non propriis viribus bona opera adscribit, cum Deo gratias agat. Bona erant opera, si re ipsa in se spectentur, quia mendacii non arguitur. Quod ergo ejusdem crimen? Occultissima philautia, elatio, & complacencia de suis bonis operibus, & contemptio aliorum hominum peccatorum. In libris plurim Cauistiarum vix hæc vitia reperiuntur; at in libris Evangeliorum hæc sunt crimina ob quæ homines plurimi damnantur.

VII. Finem imponat his sacris oraculis S. Paulus Apostolus, qui 1. Cor. cap. 9. inquit: *Omnes quidem currunt, sed unus accipit bracium. Deinde cap. 10. hæc adjicit: Nolo enim vos ignorare, fratres, quoniam patres nostri sub nube fuerunt, & omnes mare transferunt, & omnes in Moysi baptizati sunt in nube, & in mari, & omnes eandem escam spiritalem manducaverunt, & omnes eundem potum spiritalem biberunt (bebabant autem de spirituali consequente eos petra: petra autem erat Christus) SED NON IN PLURIBUS EORUM BENEPLACITUM EST DEO: nam prostrati sunt in deserto. Hæc autem in figura facta sunt NOSTRI, ut non simus concupiscentes malorum, sicut & illi concupiebant Neque fornicatus sicut quidam ex ipsis fornicati sunt, & ceciderunt una die vingtithria millia: neque tentemus Christum, sicut quidam eorum tentaverunt, & a serpentibus perierunt. Neque murmuraveritis, sicut quidam eorum murmuraverunt, & perierunt ab exterminatore. Hæc autem omnia in figura contingebant illis. Scripta sunt autem ad CORREPTIONEM NOSTRAM, in quos fines seculorum devenerunt. Itaque qui se existimat stave, vident ne cadat.*

VIII. Omnes baptizati fuere, omnes eandem escam comedenterunt, omnes eundem potum biberunt. Sed non in pluribus eorum beneplacitum est Deo. Garriet ne quis, de infidelibus Paulum loqui? Omnes catholici baptizati sunt: omnes eandem sacratissimam escam manducant, eundemque potum bibunt; omnes communiter eadem sacramenta frequentant. At non in pluribus eorum, inquit Apostolus, beneplacitum est Deo, ut eorundem mores patefaciunt. Plura in hoc Pauli testimonium S. Thomas lect. 1. & 2. scribit. Non in pluribus, inquit, eorum beneplacitum est Deo, in illis scilicet qui Deum offenderunt; sed tantum in duabus, scilicet: Caleb, & Josue, quibus solis concessum est ter-

terram promissionis obtinere Et notandum, quod sicut in bonis longe melius est quod figuratur, quam ipsa figura, ut regnum celorum quam terra promissionis; ita in malis longe peius est quod figuratur, quam ipsa figura significans. Secundum autem Augustinum illa supplicia quae sustinuerunt, figura gebenna fuerunt, que omni pena major est.

IX. Omnes Patres, cujuscumque saeculi paucitatem electorum in comparatione reproborum defendant. Pauca delibabo. S. Augustinus in psal. 47. haec scribit: Nunc populus Dei censentur omnes qui participant sacramenta ejus; sed non omnes pertinent ad misericordiam Dei. Omnes quippe sacramentum Baptismi accipientes, Christiani vocantur; sed non omnes digne illo sacramento vivunt. Sunt enim quidam de quibus dicit Apostolus: Habentes formam pietatis, virtutem autem ejus abnegantes: tamen propter ipsam speciem pietatis in populo Dei nominantur, quomodo ad aream, quandiu trituantur, non solum granum sed etiam palea pertinet, nunquid & ad horreum pertinebit? (Evidens est hic de Catholicis Augustinum loqui.) Nam & spine ipse non ad populum Dei pertinent. Vis audire? Ita posita est ipsa similitudo. Sicut lumen, inquit, inter medium spinarum, ita proxima mea in medio filiarum. Nunquid dixit in medio alienatum? Non, sed in medio filiarum sunt ergo filiae male. & inter illas est lumen in medio spinarum. Itaque illi qui sacramenta habent, & mores bonos non habent, & Dei dicuntur, & non Dei, & ejus dicuntur, & alieni. Ejus propter ipsius sacramentum, alieni propter proprium vitium. Ita filiae, & alienæ. Filiae propter formam pietatis, alienæ propter amissionem virtutis. Sit ibi lumen: suscipiat misericordiam Dei: teneat radicem boni floris: non sit ingratus pluviae de caelo venienti: ingratæ sint spine: crescent de imbibibus: ad ignem crescunt, non ad horreum jam hic occurrit cuique cogitanti, & quid? Iste populus qui in medio populi Dei suscepit misericordiam Dei, quantum numerum habet? Quam pauci sunt? Vix inveniuntur aliqui. Iulis ne contentus Deus erit? Et perdet tantam multitudinem? Dicunt hoc, qui tibi promittunt hoc quod a Deo promittente non audiunt. Et vere si male vivamus, si mundi hujus deliciis perfruamur, si nostris libidinibus serviamus, perditus est nos Deus. Quot enim sunt illi qui videntur servare precepta Dei? Vix inveniuntur unus, vel duo, vel paucissimi. Ipsos solos Deus liberaturus est, &

ceteros damnaturus? Absit, inquit. Cum vennerit, & videbit tantam multitudinem ad sinistram, miserebitur, & dabit indulgentiam. Hoc sane etiam SERPENS ille promisit primi homini. Nam minatus erat Deus mortem, si gustaret: ille autem: Absit, inquit, non morte moriemini. Crediderunt serpenti, invenerunt verum esse quod minatus est Deus, falsum quod promiserat Diabolus. ITA ET NUNC fratres, ponite vobis ECCLESIAM ante oculos ad instar similitudinemque Paradisi. Non cessat serpens suggerere quod TUNC suggestit. Sed casus primi hominis ad experimentum caverdi debet nobis valere, non ad imitationem peccandi. Ideo ille cecidit, ut nos surgamus. Respondeamus talibus suggestionibus, quod respondavit. Nam & ipsum per feminam tamquam per Eram tentavit, & vicit, in stercore vicius in Paradiso. Ergo non andiamus tales voces, nec putemus paucos esse justos. Multi sunt, sed inter plures latent. Non possumus etiam negare plures esse malos, & tam plures, ut inter eos boni prorsus non apparet, quomodo non apparent grana in area. Nam quisquis aream videt, potest putare quod palea sola sit. Da hominem inexpertum, & putat inaniter fieri quod boves inveniuntur, quod ibi homines sub astu desidunt, ut conterant; sed ibi est massa ventilatione purganda. Tunc procedit copia frumenti, que latebat in copia palearum.

X. Qui opiniunculam cum laxiore Ethice natam de pluralitate electorum, & paucitate reproborum propugnare audent, Evangelio, Augustino, & universæ Patrum traditioni adversantur. S. Augustinus de Catholicis in Ecclesiæ sūmū degentibus sermonem habet. Istorū electos paucos, & reprobos plures esse docet. Ecclesiam cum area comparat, electos cum frumento, reprobos cum palea. Plura sunt tritici grana, at palea ita superant, ut vix grana apparet. Opponit sibi divinæ misericordia magnitudinem. Suscepimus, Deus, misericordiam tuam in medio templi tui. In hunc Davidicum textum suum sermonem instituit, evincitque, infinitam esse Dei misericordiam, sed Christianos majori ex parte eadem abuti. Illos qui electos multiplicant, non quod isti vitam bene moratam ducant, sed quod misericordia Dei magna sit, serpenti assimilat primis parentibus suadenti: Non morte moriemini. Crediderunt illi, & mortem oppetiere. Credunt plurimi ex Christianis, Benignis ingressum in Paradisum spondentibus, & experiuntur damnationem, quam minatur Deus, & falsum

sunt esse quod spondent Benignistæ. Quemadmodum tunc accidit: ita & nunc, fratres, concludit Augustinus. Similia scribit Doctor S. serm. 18. de verb. Domini cap. 19. item lib. 10. cont. Faustum cap. 16. & rursus in psal. 25. serm. 32. de verb. Dom. lib. 1. cont. Donat. c. 2., & alibi. Augustini doctrinam defendunt ceteri Patres. S. Gregorius Nazianzen. orat. 33. S. Ambrofius lib. de Noe c. 2. S. Joan. Chrysost. hom. 11. ad pop. Antioch. S. Gregorius M. hom. 29. in Evang. S. Hieronymus. five Auctor Epist. ad Celant. S. Thomas 1. p. q. 23. a. 7. Lege V. Cl. Fogginum in opere non ita pridem hac de re emisso (a).

XI. Insistunt blandiloqui, & benigni homines, divinam misericordiam exaggerantes, & Christum Dominum mortuum pro omnibus esse, inclamantes. Quid heinc? Argutatio hæc aut nihil, aut neminem perire evincit. Aures obtundunt, Patres, dum parvum afferunt electorum numerum, universum genus humanum comprehendere. Qui talia blaterant, Patres non legerunt. Augustinus istorum commentum jam supra profiliavit. Verum, ut istorum ora penitus obstruam, iterum in medium veniat Augustinus, qui psalm. 73. hoc pacto increpat, atque redarguit hos Benignistas, qui consuunt pulvillo sub omni cubito manus. Nondum erat exemplum casus humani, quando dictum est Adam: Morte morieris, si tetigeris. Et venit de transverso serpens, & dixit: Non morte morieris. Creditus est serpens, contemptus est Deus. Factum est vetitum; mortuus est homo. Nonne impletum est potius quod minatus est Deus, quam quod promiserat inimicus? Sic est certe: agnoscimus hoc: ideo omnes in morte jam vel experti enati sumus. Non enim cessat & modo serpens insursum, & dicere: NUNQUID VERE DAMNATURUS EST DEUS TANTAS TURBAS? LIBERATUS EST PAUCOS? Quid est aliud, quam facite contra preceptum, non morte moriemini? Sed quomodo TUNC, sic & NUNC. Si feceris quod suggestit diabolus, & contempseris quæ præcipit Deus, venies judicii dies, & invenies verum quod minatus est Deus, & falsum quod pollicitus est diabolus. Exurge Domine, judica causam meam: mortuus es, & contemptus es.

XII. Pauca rationum momenta delibabo. Via arcta est. Hanc calcant vel innocentes, vel paenitentes. Rara innocentia, rara pœ-

nitentia. Regnum celorum vim patitur. Status violentus carni, & sanguini paucorum est. Quæ enim difficultia sunt, locum in paucioribus habent, ut compertum experientia est. Difficillima autem est regni æterni consecutio. Ergo pauci illuc perveniunt. Electi Christo conformes sint necessum est: Quos præsivit, & prædestinavit conformes fieri imaginis Filii sui. At pauci sunt qui hanc conformitatem, & similitudinem præferant. Quoniam, ut inquit Apostolus ad Philipp. 2. omnes que sua sunt, que runt, non que Jesu Christi.

XIII. Magnam quoque Sacerdotum partem æternum perire docent Patres. Chrysostomus hom. 3. in Act. Apost. inquit: Non arbitror inter Sacerdotes multos esse qui salvifiant, sed multo plures esse qui pereunt. Sanctus Hieronymus epist. ad. Damas. hæc scribit: Ecce mundus ubique fervet Sacerdotibus; & tamen sunt varissimi Sacerdotes boni, quod e centum bonus reperiatur unus. Rationum momenta pervia sunt. Pauci sacerdotio initiantur, Deo vocante, sed plurimi lucri, & dignitatis spe lenocinante. Scriptura sancta frequentius increpat, objurgatque Sacerdotes quam populum. Sacerdotes cap. 13. Ezech. Deus redarguit: Deceperunt populum meum dicentes, Pax, & non est pax. In Sacerdotes invehitur: Ve qui consuunt pulvillo sub omni cubito manus, & faciunt cervicalia sub capite universæ etatis ad capiendas animas. Et cum caperent animas populi mei, vivificabant animas eorum. Et violabant me ad populum meum propter pugillum bordei, & fragmen panis, ut interficerent animas quæ non moriuntur. Denique Christus Dominus Doctores, Sacerdotes, & Theologos severissime redarguit Matth. 15. inquiens: Sinite illos: ceci sunt, & duces cœcorum. Cœcus autem si cœco ducatum preslet, ambo in foveam cadunt.

XIV. Si Religiosorum claustralium cœtum spectemus, fortasse non major electorum numerus appareret. Parabolæ de servo pigro, & oscitante, de arbore sterili fructus non edente, Religiosorum oscitantiam, & damnationem præferunt. Claustra sunt evangelicæ perfectionis gymnasia, sunt uberrimæ mellis electæ vineæ, selectorum fructuum florida viridaria. Tu in Claustrales oculos intendito, ut colligere ipse valeas, num florent, an arescant vineæ istæ. Bono animo esto, si servens perfectionis monasticæ du-

(a) Vide Tom. I. Appar. Lib. I. Dis. 2. c. 7.

studium, si exactam a mundi illecebris separationem, si splendidum evangelicæ paupertatis cultum deprehendas. Interim S. Bernardum epist. 254. audiamus: *Ubi ergo sunt qui dicere solent: Sufficit nobis, nolumus meliores esse quam patres nostri? O Monache, non vis proficere? Non. Vis ergo deficere? non quaquam. Quid ergo? Sic mihi, inquis, vivere volo, & manere quo perveni, nec pejori fieri patior, nec melior cupio. Hoc ergo vis quod esse non potest. Quid enim stat in hoc seculo? Et certe de homine dictum est: Fugit velut umbra, & nunquam in eodem statu permanet. Ipse denique hominis seculique auctor, quamdiu in terris visus est, & cum hominibus conversatus est, numquid stetit? Et quidem, teste Scriptura, pertransit benefaciendo, & sanando omnes. Pertransit ergo sicut non infructuose, ita non remisse, non pregre, non lento gressu; sed quemadmodum item de eo scriptum est: Exultavit ut gigas ad currendam viam. Porro currentem non apprehendit qui & ipse pariter non currit. Et quid prodest Christum sequi, si non contingat consequi? Ideo Paulus ajebat: Sic currite ut comprehendantis. Ibi tu, Christians, fuge tui cursus, profectusque metu, ubi Christus posuit suam. Factus est, inquit, obediens usque ad mortem. Quantumlibet ergo cucurritis, si usque ad mortem non perverneris, bravium non apprehendes. Bravum Christus est. Quod si illo currente tu gradum sis, non Christo appropias, sed te magis elongas: timendumque tibi est quod ait David: Ecce qui elongant se a te, Domine, peribunt. Itaque si proficere currere est: ubi proficere, ibi & currere definitis; ubi vero non currere, ibi & deficere incipis. Hinc plane colligitur, quia nolle proficere non nisi deficere est. Haec meditare, & continuo evanescere vanæ illæ, & ineptissimæ quorundam distinguiacula, & opiniunculae ad excusandas excusationes in peccatis excogitatæ.*

C A P U T VI.

Episcopi sacris Ordinibus initiando examinare potissimum debent super Evangeliorum notitia.

I. **U**num ex præcipuis Sacerdotum officiis est sanctorum Scripturarum studium, ut 2. Paralip. c. 19. divina ipsa Scriptura declarat: *In Jerusalem quoque constituit Josaphat Levitas, & Sacerdotes ... præcepitque eis dicens ... Ubicunque questio est*
Tom. I.

de lege, de mandato, de ceremoniis, de justificationibus, ostendite eis, ut non peccent in Dominum. Ecclesia statuit ne ad sacros Ordines clerici admittantur, nisi titulum, aut patrimonium, unde vivere possint, habeant. Quorsum hoc? Ut a sæculi negotiis expediti, vacare impensis divinæ Scriptura studio, rebusque sacris queant, ut loc. cit. cap. 31. Ipsa divina Scriptura præscribit. Præcepit etiam populo habitantium Jerusalæ, ut darent partes Sacerdotibus, & Levitis, ut possint vacare legi Domini.

II. Quid plura? Episcopi antequam ad Sacerdotium Clericos promoveant, hanc pronuntiant orationem, Deumque precantur, ut in lege tua die ac nocte meditantes, quod legiverint, credant, quod crediderint, doceant. Omnes artifices super regulis propriæ artis examinantur. Professio Sacerdotum adjunctum habet studium Scripturæ sanctæ: ergo periculum faciendum est, num versati in hoc studio sint. Quomodo enim die noctuque meditari Scripturas sanctas queunt, si easdem ignorent? Hac nostra ætate urgentius obstricti sunt Sacerdotes divinarum Scripturarum studio: quoniam cum vernaculae versiones interdictæ laicis sint, Sacerdotum est explanare populo Scripturas divinas. Eodem quippe tempore quo Ecclesia abstulit idiotis lectiones vulgares, decrevit ut Sacerdotes impensis Scripturis sanctis operam navarent; ut aptiores essent ad easdem interpretandas, & exponendas.

III. Nonnulli Sacerdotes, dum pro confessionibus excipiendis subire examen debent, volvunt revolvunt ingentia volumina Diana, Bonacina, Tamburini, La Croix, Salmanticensium: memoria mandare student farraginem casuum, distinctionum, disputationum. Tota mentis indagine scrutantur medullas recentes, & vetustas, alphabetaria, promptuaria, examina ordinandorum. Ecquid? Improbabis ne istorum studium? Non improbo. Sed ajo, Sacerdotes animarumque Pastores, & directores, prius divinas Scripturas callere, meditari, & altius menti commendare debere. Cedo. Nonne ad divinæ legis normam instituendi, formandique sunt Christianorum mores? Si leges istæ ignorantur, quomodo ad earundem amissim revocanda est Christianorum vita?

IV. Præfati Casuistæ, inquier, legem sanctam, & divinas Scripturas interpretantur. Ita ne vero? vix in iisdem aliquis recurrat divinus textus: & si quæ testimonia sacra interdum allegantur, non raro distinctiunculae

lis, arbitrariis interpretamentis, & æquo benignioribus opinionibus eluduntur. Porro si Sacerdotes ipsi legis evangelicæ præcepta, & regulas compertas non habent, qua via deprehendere valeat, num præfati auctores recte, an secus easdem interpretentur? Approbati sunt, reponis, ejusmodi libri. Verum habet. Propterea ne ab erroribus immunes? Ex libris approbatis deceptæ sunt damnatae theses. Quid quod ipsa Ecclesia decrevit, non ideo aliquam doctrinam esse veram, probatamque, propterea quod sit alicuius approbati auctoris? Magnopere falluntur animarum Pastores, si credant, auctoritate hujus, aut illius Casuistæ excusari posse, cum doctrinas divinis Scripturis adversas doceant. An ignorant Sacerdotes supremum judicem Christum Dominum judicaturum animas fore non ad Casuistarum, sed ad Evangeliorum tribunal?

V. Non omnium, repones, est Evangelia interpretari. Deinde, discere ne Parochi, Confessarii, & Theologi memoriter Evangelia debent? Opus hand est ut omnia memoriae commendent; sed satis est illos spiritum legis, & mandata perspecta habere, & cum difficultates occurruint, sacros codices consulere, & graviores adhibere interptetes, & imprimis SS. Ecclesiæ Patres. Spissa, & ingentia volumina Dianæ, Bonacinzæ, Tamburini, Laymani, La-Croix, Salmanticensium, Castropalai revolvunt Parochi, & Confessarii: controversias, vitilitigationes, distinctiones, subdivinæ, definitiones, divisiones improbo labore memoriae mandant. Facilius sane addiscuntur divinae præceptiones quæ in codice sancto novi Testamenti, Proverbiorum, Sapientie, Ecclesiastici continentur, quam interminatae disputationes dictorum voluminum. Quid quod istorum rixosæ disputationes implexæ non raro sunt, obscuræ, ambagibus plenæ, tricis, & cavillis circumscriptæ, quæ omne aliud sæpe præter fervorem divini amoris, & evangelicæ perfectionis studium excitant? Contra evangelicæ præceptiones splendidæ, perspicuae, faciles, & recte vivere, non futiliter tricari docent. Accedit quod Deus lumen ad intelligendas Scripturas sanctas infundit illis qui humili, docilique corde ad eas meditandas accedunt. Divina illa documenta Proverbiorum, Ecclesiastici, parabolæ evangelicæ, ac Pauli aliorumque Apostolorum epistola, & singuli Scripturæ sanctæ versus plus illuminant, quam innumerae hominum disputationes. Hac sanctorum Scripturarum notitia imbuti Sacerdotes legere quæcunque morales Theologos possunt,

quia tunc discernere optime valent, numerorum opiniones, & sententiae conformes sint evangelicæ doctrinæ.

VI. Quid? Tu ne aedes improbare consuetudinem a tot annis inventam examinandi Confessarios, & Parochos super opinionibus quas Casuistæ in utramque partem disputant? Absit ut consuetudines quæ bona sunt, improbare ipse velim. Humili dumtaxat obsequio suggero quod mihi videtur optimum, & quidem necessarium. Sed hoc ipsum meum consilium superiorum, & sapientum iudicio subjicio. Si neglecto more qui nunc obtinet, nova introducenda consuetudo esset, improbus subeundus labor foret, & magna perturbatio, & confusio contingret. Falsa hæc omnia sunt. Nunquid sanctorum Scripturarum lectio, & meditatio confusionem parit? Immo hæc iurgia, & intestina dissidia tollit, & loco disputationum, legum observantiam inducit. Verum ut fortius urgeam argumentationem, iterum quaro: necessarium ne est Sacerdotibus, Pastoribus, & animarum moderatoribus Scripturarum studium, an secus? Si negas, Scripturas divinas inficiaris. Si adfirmas: ergo cotrigenda consuetudo, & Pastorum, Confessiorumque peritia etiam in Scripturis sanctis exploranda est. Sola istius subeundi examinis notitia urgeret omnes qui aut Sacerdotio initiari, aut animarum curam, aut onus excipiendi confessiones subire avert, ut vires omnes in Scripturarum studium intenderent. Quis inficias iherit sapientiores, moratoresque evasuros Sacerdotes, si bonam illius temporis partem quod terunt in legendis, & perdiscendis libris Dianæ, Bonacinzæ, Tamburini, La-Croix, Salmanticensium, impenderent in libris sanctis meditandis? Et si loco medullarum sive antiquarum, sive recentium epistolas Paulinas continententer versarent?

VII. Et qua ratione, inquis, peragi hoc examen debet? Summa moderatione, & prudenter. Clerici interrogentur quot sint veteris Testamenti libri, quot novi fœderis, quot epistola Pauli: illi super aliqua Evangelii parabola, isti super epistola ad Timotheum. Sacerdotes interrogari debent, qui sit evangelicæ legis spiritus, qualis christianæ vitæ imago: num Christiani precepto urgeantur inhibendi evangelicæ perfectioni: quid significant hæc verba: Estote perfecti sicut & Pater vester cœlestis perfectus est. Quid hac alia: Si oculus tuus &c. si manus tua scandalizat te, erue, abscinde &c. Qui non renuntiaverit omnibus quæ possidet, non potest meus esse discipulus.

Scipulus. Mutuum date nihil inde sperantes.
Facilius est camelum per foramen acus transi-
re, quam divitem intrare in Regnum eolorum.
Interrogentur quomodo SS. Augustinus, Chry-
sostomus, & alii Patres laudata, & similia
testimonia interpretentur, quoniam isti sunt
magistri, & veri Scripturarum interpretes.

VIII. De iis vero quæ spectant institutiones ecclesiasticas, legendus est Catechismus Tridentinus, seu Romanus, & super eodem, & Concilio Tridentino severius examinandi sunt. Quando tali doctrina instructi sunt, legere valent etiam morales auctores præsertim de præceptis ecclesiasticis, alisque, quæ cæmonias, & disciplinam spectant.

CONSECTARIUM.

Ad te nunc, CHRISTE JESU, humilem orationem meam converto. Tremendissimam vindictam tuam super filios hominum pavidi, & confusus suspicio. Spiritum soporis, & cæcitas, quo correpti homines viam perditionis inambulant, tremens perhorresco, quod sciam hoc esse omnium suppliciorum funestissimum, quod a tot saeculis prædictum est. Propheta Amos: *Ecce dies venient, dicit Dominus, & mittam famam in terram, non famem panis, neque suum aquæ, sed audiendi verbum Domini... Circuibunt querentes verbum Domini, & non invenerint.* Eo malorum nunc res devenit, ut plures nec querant, nec inveniant verbum tuum, Domine. Quærunt verbum hominum in libris hominum; at non querunt verbum Dei in libris Dei. Si ad nos Principes, Reges, Imperatores scriberent, & quidem familiari stilo, si præmia proponerent, si ad regia sua palatia, ad sua folia cum iisdem regnatores invitarent; qua diligentia, qua attentione ejusmodi epistolæ a nobis legerentur? Et Scripturas tuas divinas, quæ epistolæ sunt ad nos missæ, & nobis præsertim Sacerdotibus custodiendæ, legendæ, explicandæ quæ traditæ sunt, negligimus, fastidimus, immo his rejectis, glandibus, & quisquillis hominum delectamur? Tenebrosor est cæcitas, & funestior poena, quam exprimi congrua oratione a me queat. Experciscimini quæso, Sacerdotes Dei, animarumque Pastores & moderatores, & in spiritu contritionis, & humilitatis verbum Dei quæritæ in libris Dei.

C A P U T VII.

De traditionibus.

I. **T**raditio generatim accepta, doctrina est quæ alteri sive voce, sive scripto communicatur, ut S. Paulus 2. *Thessal.* 2. ait: *Tenete traditiones, quas didicistis, sive per sermonem, sive per epistolam nostram.* Præmissus accepta traditio est doctrina *viva voce* communicata. Si auctorem spectemus, divina una, humana altera. Si materiam, alia fidem, & mores, alia disciplinam, ritus, & cæmonias comprehendit. Rursus alia necessaria, alia libera: alia immutabilis, & perpetua, alia mutabilis, temporaria: alia denique universalis, alia particularis.

II. Traditio divina, doctrina Dei est, non scripta, sed a Deo majoribus nostris revelata, & successoribus de aure in aurem communicata. Hæc traditio vocari *Dominica* sollet, quod a Christo Domino Apostolis, & ab his, successoribus communicata sit. Ejusmodi est traditio de numero Sacramentorum, de perpetua B. Mariae Virginitate. Alia est *apostolica*, quam Apostoli dictante Spiritu sancto acceperunt, & Ecclesiæ communicarunt sine scripto, ut docet Tridentinum *sess. 4.*

III. Divinas, & apostolicas traditiones cujuscunque saeculi hæretici fere omnes negarunt, ut liberius suos evulgare errores possent. Ultimæ ætatis hæretici Lutherani, & Calviniani præ ceteris in traditiones debacchati sunt, utpote quæ illos jugulant. Catholicæ omnes docent præter verbum scriptum dari traditiones apostolico divinas, idque evincunt & divinarum Scripturarum, & Patrum testimoniis. Divinæ Scripturæ obviæ sunt. *Interroga patrem tuum, & annuntiabit tibi.* Deut. 3. Rursus Ecclef. c. 8. *Non te prætereat narratio seniorum, ipsi enim didicerunt a patribus suis.* S. Paulus ad *Thessal.* c. 2. inquit: *Itaque fratres statu, & tenete traditiones, quæ didicistis sive per sermonem, sive per epistolam nostram.*

IV. In omni Ecclesiæ statu obtinuerunt divinæ traditiones. Ab Adam usque ad Moysem nulla lex scripta. Unde sancti Patriarchæ, Adam, Abel, Seth, Enos, Noe, Abraham, Isaac, Jacob, & alii cultum Dei, sacrificiorum ritus, & Religionis mysteria didicere? Unde de mundi creatione, de Messia adventu, de remedio peccati originalis, de futuro statu doctrinam hauserunt? Ex verbo scripto? Nullum tunc erat. Ergo ex verbo

de ore in os, de aure in aurem tradito. Post mosaicam legem similiter divinæ obtinuerunt traditiones, ut ex adductis testimoniis patet. An Judæi libros sanctos in canone recensitos divina traditione non crediderunt? Christus Dominus sola sua voce instructos Apostolos per universum mundum prædicare suam divinam legem misit. Plurium annorum spatio hanc novam legem promulgavunt sine verbo scripto. Litteris confignavit Matthæus suum Evangelium, cum ad gentes prædicaturus ire destinaverat, & post habitam ad Hebræos prædicationem. Edisserant nobis Lutherani, & Calvinistæ, qua doctrina regebatur Ecclesia Christi, antequam Evangelista scriptis traherent Evangelia, & Paulus scriberet cum ceteris Apostolis suas epistolas? Non sane doctrina scripta. Ergo doctrina tradita. (a) Patrum testimonia brevitatis gratia prætereo.

C A P U T VIII.

De Ecclesia.

I. Ecclesia vox greca est, quæ latine *con-vocationem* significat; quæ sub statu gratiæ sic describi solet, Est *hominum societas ad Christi fidem vocata, quæ interius vivificatur fide, spe, & caritate; exterius vero regitur ejusdem christiane fidei professione, Sacramentorum communione, divini verbi predicatione a legitimis Pastoribus sub suo visibili capite in terris Christi Vicario, & S. Petri successore.* Ecclesia etiam sumitur pro ipsa materiali domo Deo dicata, quo fideles conveniunt, de qua Matth. 21. inquit: *Domus mea domus orationis vocabitur.* Sed communiter accipitur pro societate fidelium. Et hoc in sensu Paulus ad Galat. c. 1. loquitur: *Supra modum persequebay Ecclesiam Dei.*

II. Quemadmodum in corpore physico humano quedam membra anima vivificantur; quedam vero corpori harent, anima tamen non informantur; ita contingit in morali Ecclesiæ corpore. Christianorum alii, cum in externa sacramentorum participatione, aliisque ritibus, tum in fide, spe, & caritate communicant cum societate, & anima vivificantur, suntque viva Ecclesiæ membra: alii extrinsecus tantum cum aliis fidelibus fidem profitentur, & Sacraenta frequentant. Iti dicuntur de corpore Ecclesiæ, sed extra ejusdem animam sunt. Ecclesiam comprehendere bonos, & malos patet ex Matth. c. 3.

ubi illa comparatur cum area triticum, & paleam continente, & cum sagena omne pisciū genus congregante. Quare turpiter errarunt Chatari, & Donatistæ, qui omnes culpa inquinatos ab Ecclesia excludebant.

III. Hæretici, schismatici, excommunicati sunt extra Ecclesiam. Pueri ex hæreticis baptizati sunt intra Ecclesiam usque ad rationis usum, quem cum fuerint affectui, si criminose hæreticorum synagogæ adhærent, hæretici extra Ecclesiam evadunt; si ab eadem recedunt, & in catholicæ Ecclesiæ sicutum se recipiunt, catholici, & membra vere Ecclesiæ sunt.

IV. Ecclesiæ dotes quatuor. Una, sancta, catholica, & apostolica, Est una unitate corporis, quia fideles unum corpus morale, seu societatem constat. Unum corpus: ergo unum caput. Est una unitate spiritus, qui universum corpus animat. Est una unitate fidei, & doctrinæ, unitate spei, unitate caritatis, unitate Domini invisibilis Dei, & Iesu Christi, & ejusdem visibilis Vicarii Romani Pontificis. Unitatem negare nec ipsi hæretici audent. Unum corpus, unum spiritum, unam fidem, unam spem, unam baptismum, unam caritatem, unum caput ultra admittunt. Sed caput istud invisibile dumtaxat esse, nempe Christum Jesum contendunt. At turpiter errant. Visibile est Ecclesiæ corpus: ergo visibile caput. Reipsa Christus Dominus Petrum instituit Ecclesiam suæ caput, & Petri successores. Quemadmodum enim perpetuum voluit Ecclesiæ corpus, sic & caput. Quam veritatem perennis Ecclesiæ traditio confirmat. (b)

V. Altera Ecclesiæ nota est *Sanctitas*, quod Deo sit consecrata, & ob sanctitatem quæ in præcipuis ejusdem membris resulget, & ob doctrinæ puritatem quam profiteretur. *Catholica*, seu universalis tripli titulo nuncupatur. 1. ratione doctrinæ, quæ omnes errores excludit, & execratur. 2. ratione temporis, quia usque ad finem mundi non interrupta serie durabit. 3. ratione loci. *Euntes in mundum universum, prædicate Evangelium omni creature:* Marc. 16. Nec requiritur ut eodem tempore ad omnia loca se extendat: quin Christus ipse prædictis Religione suam de regno in regnum ob fidelium scelera transfiguram. Ab oriente in Occidentem, & ab Occidente in alias mundi partes transmigravit.

VI. Plura adversus hanc universalitatem obi-

(a) Vid. Tom. I. App. Lib. 1. Diff. 3. c. 2.

(b) Vid. Tom. I. App. Lib. 1. Diff. 3. c. 4.

objiciebant Donatistæ, exaggerabantque Arianae hæresis amplificationem. Donatistas imitati sunt Lutherani, & Calviniani. Iorum omnium ora obturat S. Augustinus *de unit.* *Ecol. c. 13. & 19.* & rursus epist. 103. Hæc sola epistola conterit Lutheranorum, & Calvinistarum andaciam. (a)

VII. *Apostolica* appellatur Ecclesia, tum quia a Christo per Apostolos fundata, & propagata est: tum quia in ea est Episcoporum perennis, & nunquam interrupta successio ab Apostolis derivata: tum denique quia istorum ministerio Apostolorum doctrina immaculata custoditur,

VIII. Ecclesiam visibilem esse fatetur vel ipse Calvinus lib. 4. *Inst. c. §. 2.*, cui subscribit Lutheranus Melanchthon *tit. de Eccl.* Discipuli Lutheri, & Calvini magistris demissiones, Catholicorum argumentis pressi commentari sunt Ecclesiam invisibilem. Et revera invisibilis & commentitia est illorum Ecclesia, non a Christo, non ab Apostolis, sed a Luthero, a Calvino, a Zuinglio, aliisque ejusdem furoris hominibus instituta. Idcirco illorum Ecclesiae *Lutherana*, *Calviniana*, *Protestantica*, non *Catholica*, non *Apostolica*, non *Christianæ* nuncupatur. Adeo explora sunt divinae Scripturæ testimonia, quæ visibilem demonstrat Ecclesiam, ut supervacaneum sit illa transcribere.

IX. Spiritum sanctum assistere Ecclesiam suam, ne in rebus fidei morumque erret, dogma est ineluctabile. Illud innumeri præclarissimi Theologi Melchior Cano, Petrus Soto, Bellarminus, Bossuetus, quibus accedunt Arnaldus, & Nicolius, omni argumentorum genere confirmarunt, penitus labefactatis Protestantium deliriis. Adeo luculenta est promissio, qua Christus Dominus *Matth. 28.* testatur, se præservaturum fore Ecclesiam suam ab omni errore, ut nulla eludi tergiversatione valeat. *Data est mihi omnis potestas in celo & in terra. Euntes ergo docete omnes gentes, baptizantes eos in nomine Patris, & Filii, & Spiritus sancti, docentes eos servare omnia quaecumque mandavi vobis.* Et ecco ego vobisum sum omnibus diebus usque ad consummationem seculi.

X. Adeo invicta Catholicorum argumenta, quibus evincitur, Ecclesiam falli nesciam, & a Spiritu sancto dirigi, ne erret, experti sunt Calvini discipuli, & adeo inepta esse sophismata olim ad hanc veritatem obscurandam excogitata, ut novum chimæricum si-

Tom. I.

stema fabricare coacti sint. Effutunt cum ministro Jurièu Ecclesiam esse visibilem, perpetuum indefectibilem, comprehendentem omnes sectas schismaticas, & hæreticas, quæ admittunt articulos fundamentales; & hoc late explicat Jurièu in suo libro inscripto *Verum Ecclesie sistema*, ubi pag. 51. redarguit Augustinum, eumque deceptum blaterat, quod ab Ecclesia catholica excluderit communiones schismatis, quæ fundamentum non destruunt. Error iste crassissimus seipso corruvit. Semper enim Ecclesia catholica a suo sinu præcidit communiones schismaticas, & hæreticas. Ediderat nobis Calvinista minister, quis desinivit hos articulos esse fundamentales, secus alios? Ubinam invenitur Ecclesia hæc, variis sectis, quæ mutuo sese censuris dilacerent, composta? Ecclesia hæc *Lutherana* est, & *Calviniana*, *Protestantica*, secus *Catholica*, & *Apostolica*. Scriptura divina, Patres, & Concilia semper sectas schismaticas, & hæreticas a communione, & ab apostolica successione, tamquam putrida membra reciderunt. Ecclesia anathema dixit in Origenistas, in Novatianos, in Donatistos, in Quartadecimanos, in Sabbatianos. Iorum errores erant nefundamentales? nec ipse Jurièu hoc afferere audebit. Ruit itaque seipso suum novum sistema, idcirco excogitatum, quod viderit, & cognoverit alia Lutheranæ, & Calvinianæ, & Protestanticæ synagogæ sistemata prorsus inepta.

XI. *Sola divina Scriptura dirimi de Religione controversie nequeunt, sed necessaria est Ecclesie definitio.* Hæc est veritas fundamentalis, unde omnes controversie hæreticos inter & Catholicos pendent. Fusco calamo alibi (b) hanc controversiam tractavi. Paucis nunc eam perstringo. Scriptura duplēm habet sensum, litteralem unum, spirituale alterum. *Littera occidit, & spiritus vivificat*, inquit Paulus Apostolus. Littera occidit Iudeos, qui Scripturarum oracula de Christi adventu in sensu alieno explicarunt. Littera occidit omnes hæreticos. Sabelliani unam solam divinam personam admittebant, quam tribus nominibus Patrem, Filium, & Spiritum sanctum appellabant propter diversa officia. Ariani Christum Deo inferiorem esse absolute blasphemabant. Manichei vetus Testamentum pugnare cum novo effutiebant. Pelagiani peccatum originale negabant. Omnes isti, & plurimi alii hæretici littera occidente perierunt. Omnes isti a se stare Scri-

B 3

ptu-

(a) *Vid. T. I. App. Lib. 1. Diff. 3. c. 4. & 5.*

(b) *Vid. T. I. App. Lib. 1. Diff. 3. c. 5.*

pturas sanctas contendebant : & alii adversus alios divinarum Scripturarum armis pugnabant.

XII. Non adeo miror Protestantes, Lutheranos, & Calvinistas, dissidere a Catholicis in articulis de reali Christi praesentia, de justificatione, de imaginum cultu, de Sacrificio, aliisque punctis : qui enim in ejusmodi punctis discutiendis acumine, & eruditione praestant, possunt errores ipsos quibusdam corollare fucis. Verum in hac capitali controversia, a qua ceteræ omnes pendent, se mentis sanitatem carere, & manifesta fatuitate laborare produnt. Contendant Lutherani, & Calvinistæ solam Scripturam esse judicem controversiarum ; & eodem tempore acerrime disputauit de horum verborum sensu: *Hoc est corpus meum*. In sensu litterali hæc verba accipienda esse defendant Lutherani, & Calviniani in sensu spirituali. Prolatis his verbis vere, & realiter sub sacris symbolis existere Christi corpus sustinent Lutherani ; contra Calviniani tantum in figura ibidem Christi corpus reperiri docent. Lutherani ibi reperiti realiter corpus Christi, extare substantiam panis, & Christi corpus in usu tantum esse asserunt, negantque ibidem permanere usu sublato. Contra Catholici sustinent, ipsam panis substantiam converti in Christi corpus, & hoc sub sacris symbolis permantere usum etiam præciso. Calviniani hæc omnia pernent. Articulus iste fundamentalis est, ut patet. Nam si ibi Christi corpus non existit, idololatræ Catholici sunt, quia panem adorant ; si realiter extat, impii sunt Calviniani, qui illud contemnunt. Si Scriptura sancta seipsa, non secus ac Sol, ut inquit Calvinus, splendida, & perspicua est, cæci sunt Lutherani, & Calvinistæ, qui a duobus scilicet super præfato verborum sensu disputant, & luceni splendidissimam non vident. Si sensus in variis distrahi partes valet ab hominum ingeniosis, ergo proflus fatui in hac controversia sunt Lutherani, & Calviniani negantes necessitatem judicis, qui hanc controversiam, & sexcentas alias definiat. Ab Ecclesia christiana condita semper haereses, & quidem plurimæ grassatae sunt, & in dies graffantur. Qualibet secta pro se Scripturas sanctas jactat. Et nihil secus Protestantes blaterare non puderit, haud requiri judicem qui has dirimat controversias. Lege quæ ex Joanne Lokio adduxi Tom. I. App. lib. I. diff. 3. c. 5. §. 4.

XIII. Circulus vitiosus, quem objiciunt Protestantes, puerile crepitaculum est, & putidissimæ calumniæ fetus. Calumniantur Ca-

tholicos docere, Ecclesiam tribuere divinis Scripturis auctoritatem, & ut ajunt, infallibilitatem ; & simul Ecclesiam ab ipsis Scripturis accipere auctoritatem. Catholici docent, Scripturam sanctam a Deo suam habere auctoritatem, & infallibilitatem. Verum quia ob hominum ingenia vana, hæc divina Scriptura excipere varios sensus potest, Deus Ecclesiam instituit judicem, qui declaret, quis sit germanus sensus a Deo intentus : Qui sensus a Deo auctoritate habet, & ab Ecclesia declarationem tantum, quod sensus talis a Deo sit. Et ne in hoc Ecclesia erret, Deus suum auxilium promisit. Et hanc promissionem suis divinis Scripturis consignavit. Ecclesia ipsa subjecta divinis Scripturis est, & sensum, quem judicat a Deo intentum, amplecti tenetur. Ubinam hic vitiosi circuli umbra ? Vide plura loc. cit.

C A P U T IX.

De Conciliis.

I. **C**ommunis Conciliorum descriptio hæc est : Congregatio Prælatorum Ecclesie ad fidem, morumque controversias finiendas a legitimo superiori convocata. Concilium aliud generale est, ad quod Episcopi universi catholicici orbis accedunt, Romano Pontifice per se, vel per Legatos suos præsidente; Nationale aliud, quo Episcopi regni, vel nationis convenienter sub Patriarcha, aut Primate moderamine. Provinciale coalescit ex Episcopis, quibus Archiepiscopus, vel Metropolitanus præst. Concilium diœcesanum constat Præbyteris, seu Parochis unius diœcesis, Episcopo præsidente, qui solus jus habet suffragii ; quamobrem non est Concilium proprie dictum.

II. Conciliorum origo a divino jure manat : nam in ipso veteri Testamento Concilia Deus ordinavit, ut cap. 11. Num. habetur : *Congrega mibi septuaginta viros de senibus Israhel &c. & rursus Deuter. c. 17. Si difficile, & ambiguum apud te judicium esse perspiceris... venies ad Sacerdotes &c.* Et Matth. c. 18. *Ubi sunt duo vel tres congregati in nomine meo, ibi sum in medio eorum.*

III. Concilia generalia, quæ a Romano Pontifice nec congregata, nec confirmata sunt, nulla firma auctoritate prædicta sunt, ut patet in Concilio Ariminensi in causa Arii, & in Conciliabulo Ephesino in causa Diöscori. Quæ vero Romani Pontificis auctoritate confirmata sunt, & accedente Ecclæ-

eclesiaz consensu recepta, juxta omnes Catholicos infallibilis sunt auctoritatis in fidei, morumque controversiis. Hæc Conciliorum in fallibilitate non ab Episcoporum multitudine, sed a Spiritu sancti præsidio manat; quod præsidium, & afflatum Christus ipse in Scripturis sanctis luculenter spondet. Concilia hæc non novos fidei articulos, aut novas morum veritates constituant; sed articulos, & veritates a Deo revelatas declarant, & ne in ejusmodi definitionibus errent, Spiritus sanctus assistit.

IV. Concilia nationalia, provincialia, diœcesana licet privilegio infallibilitatis praedita non sint, nihilominus tantæ sunt auctoritatis, ut gravissimæ temeritatis fontes forent qui eorundem canonibus non acquiescerent. Quamquam enim absolute falli queant ejusmodi Concilia, rarissime tamen re ipsa falluntur. Vix unum aut alterum, præter Carthaginense sub S. Cypriano de rebaptizandis hereticis, occurrit quod in fidei morumque articulis erraverit. Quamobrem Synodus VII. generalis hac de diœcesanis Synodis statuit art. 3. in litteris synodis Theodori Patriarchæ Hierosolymitani. Locales autem Synodos non aversamur, sed magis amamus, amplectimur, & recipimus; eorum etiam divinitus inspiratas canonicas constitutiones, correctiones, & utiles eorum legislationes summa observantia colimus.

V. Heinc proficiscitur Theologos debere has sacras Synodos consulere, eorumque decreta magno obsequio suscipere in iis quæ fidei, & morum regulas spectant. Quæ ad peculiarem nationum disciplinam attinent, & cæremonias, serventur juxta probatas regionum, & nationum consuetudines. Quamobrem quis deplorate sati valet non paucos Moralistas, qui dum sibi opponi Synodorum decreta audiunt, continuo reponunt, Synodos esse aut nationales, aut provinciales, aut diœcesanas infallibilitatis privilegio destitutas? Quid quod universæ Ecclesiæ Gallicanæ in suis generalibus Comitiis congregata decreta novi Casuistæ, aut Casuistarum tautores quidam derident, & convictionis fugillant? Neque nos defendimus, Synodos istas ab errandi periculo esse immunes, quemadmodum non fuerunt nec Augustinus, nec Chrysostomus, nec Thomas, nec quisquam Ecclesiæ Doctorum. Idecircone parvi faciendi Patres sunt? Præterea nunquid infallibilitatis dono prædicti sunt Caramuel, Bonacina, Machadus, Escobarus, Castropalaus, Tamburinus, Gobatus, La-Croixius, & ceteri Casuistæ? Plures noveræ benignitatis al-

sertores faciunt censem quendam etiam non valde numerosom Casuistarum, quorum volumina & proscriptis, & laxis opinionibus scatent, quam decreta Synodi aut diœcesanae aut provincialis, aut etiam nationalis. Recogitare isti deberent Spiritum sanctum Episcopos constituisse, non Casuistas, regere Ecclesiam suam. Episcopi, & Parochi pastores sunt populi christiani, secus Casuistæ. Pastorum voces audire oves debent. Synodis peculiari ratione assistit Spiritus sanctus, ut pro congregatis in fidelium utilitatem, & instructionem. Omnes Synodi a duobus sæculis habita legantur: vix una occurret, quæ laxam aliquam opinionem contineat: omnes decreta saluberrima, & optimas christiane disciplinæ regulas præferunt. Unde patet quam graviter hallucinantur Confessarii illi qui legentes Genetum, Pontasium, Natalem Alexandrum, Merbesium alioisque similes qui Morales controversias Synodorum decretis resolvunt, flocci faciunt, inquietantes: Quid ad nos Synodi Gallicanæ, Hispanæ, Italicae? Synodi non decidunt casus praticos, non afferunt rationum momenta, non distinguunt materialiter, & formaliter, ut Moralista nostri. His præstigiis non pauci fascinantur. Adeo invaluit mos rixandi, cavillandi, vitiligandi, distinguendi, subdividendi in simplicissima & sanctissima Morali evangelica tradenda, ut qui hac inveterata consuetudine præventi sunt, vix revocari ad meliorem frugem valeant. Nos tamen haec prætermittimus orare illos, enique obtestari ut sanctum Dei verbum in suo divino fonte legant: & si dubitationes occurrent, sacra Concilia, & sanctos Patres pro legitima interpretatione adeant.

C A P U T X.

De summorum Pontificum, SS. Patrum, & Thelogorum tum scholasticorum, tum moralistarum auctoritate.

I. Supremam Romanorum Pontificum auctoritatem in dirimendis morum, & fidei controversiis sapientes Theologi integris voluminibus illustrarunt. Catholici omnes eandem suscipiunt & venerantur. In hoc compendio fusius hoc argumentum illustrare brevitatis causa non est permisum.

II. Doctores, & Patres Ecclesiæ distinguendi sunt a Doctoribus qui sunt in Ecclesia. Probabilite, & Casuistæ se mutuo Doctoris titulo appellant. Nihil in istorum li-

bris frequentius hac phrasí : *Ita Doctores, ita communiter Doctores*. Quinam Doctores isti ? Caramuel, Diana, Gobat, Escobar, Tamburinus, La Cruz, Vera Cruz, Sporer, Candidus, La Croix, & sexcenti similes. Si isti in aliqua universitate Doctoratus lauream acceperunt, sicuti accipi facilime solet, Doctores in Ecclesia commorantes appellari possunt; secus Doctores & Patres Ecclesiae. Tres dotes requiruntur ut quis inter Ecclesiae Patres, & Doctores recensetur. 1. Doctrina eminentis. 2. sanctitas insignis. 3. Ecclesiae testimonium. Sal terræ, & mundi lux Ecclesiae Doctores *Math. c. 5.* nuncupantur. *Vos estis sal terre... Vos estis lux mundi... sic luceat lux vestra coram hominibus, ut videant opera vestra bona.* Sapientia tenebras dissipat, mentesque illuminat; morum sanctitas ad virtutis studium alijs inflamat. Ecclesiae testimonium & sapientiam, & sanctitatem adprobat.

III. Primi Ecclesiae Patres, & simul divini scriptores eminent Evangelistæ, & Apostoli, succeduntque discipuli Domini, qui omnes gradatim sunt Patres Patrum, ut S. Augustinus explicans versiculum *psal. 44. Pro patribus tuis nati sunt tibi filii*; id est, inquit, *Patres missi sunt Apostoli. Pro Apostolis nati sunt tibi filii, constituti sunt Episcopi.* Gradus episcopaloris singularis prærogativa est, qua conjuncta cum doctrina eminenti, & sanctitate insigni præstantiorem constituit Ecclesiae Patrem: siquidem Episcopatus est traditionis præcipuus canalis, per quem incorrupta Apostolorum doctrina ad nos pervenit.

IV. In ætates tres tribui Patres solent. Etas prima tria prima saecula; altera tria sequentia comprehendit; tertia ab initio septimi usque ad tertiumdecimum extenditur. Primaæ etatis Patres eo majore digni veneratione sunt, quo propinquiores fuerunt primæ apostolicarum traditionum origini, & fonti. Non ideo tamen secundæ etatis Patres minori auctoritate præstant, si doctrinæ uberioris, & heroicarum virtutum splendore copiosius Ecclesiam illustrarunt. Tertiæ etatis Patres tametsi antiquitate, eruditione, & eloquentia inferiores antecessoribus sunt; nihilosecunz cuni eamdem quam primi docuerint doctrinam, & interdum pressus & enucleatus tradant, summo & ipsi in pretio habendi sunt.

V. Latinorum Patrum præcipui sunt *Cyprianus, Ambrosius, Hieronymus, Augustinus, Hilarius, Leo Magnus, Prosper, Fulgentius,*

Gregorius Magnus. Græcorum celebriores sunt *Ignatius, Justinus, Ireneus, Clemens, Basilius, Athanasius, Gregorius Nazianzenus, Gregorius Nyssenus, Epiphanius, Chrysostomus, Cyrillus Hierosolymitanus, Cyrillus Alexandrinus, Theodoretus, Damascenus.*

VI. S. Bernardus, S. Thomas, S. Bonaventura Doctores, & Patres Ecclesiae sunt ob eminentem scientiam, sanctitatem insignem, & Ecclesiae testimonium. Antiquis Ecclesiae Patribus non accensentur Tertullianus, Origenes, Eusebius Cæsariensis, Rufinus: quoniam licet eminentis sit illorum eruditio & scientia, illos tamen in suis Doctores non adoptavit Ecclesia. Magna nihilominus est eorundem auctoritas in iis in quibus ab Ecclesiae doctrina non discrepant. Paucis perstringam quæ de Patrum auctoritate communia sunt.

VII. REGULA I. Plura in Theologia disputantur quæ neque ad fidem, neque ad mores pertinent: atque adeo nec revelata, nec tradita sunt. In similibus quæstiunculis nemo astringitur Patrum auctoritatem amplecti. REGULA II. In iis quæ ad fidem, & mores attinent, unanimis sanctorum Patrum consensus sententiam efficit certissimam, quam in discribendo adducere Catholicon nemo potest. Quoniam si omnes sancti Patres unanimi consensu in aliquem errorum inciderent, Ecclesia ipsa erraret, quod evenire non posse supra ostensum est: & hæc regula communis est, & auctoritate Concilii Tridentini firmata. REGULA III. Quando in iis quæ fidei sunt, pauci SS. Patrum disident, id amplectendum est quod reliqui unanimi consensu docent. REGULA IV. Auctoritas unius aut alterius Doctoris Ecclesiae tanto majori in pretio haberi debet, quanto clarius constat peculiari providentia datos eos a Deo esse in hac aut illa gravi controversia ad defendendam doctrinam Ecclesiae, præditosque fuisse excellentiori sanctitate. His dotibus inter antiquos resulget S. AUGUSTINUS, qui post S. Paulum a Deo datus est, ut doctrinam de gratia & prædestinatione contra Pelagianos, & Semipelagianos propagaret: & sinceritatem christianæ lingue adversus mendaciam, & restrictiones mentales assereret. Quid dicam de stupendo illo, & a saeculis inaudito christianæ fortitudinis portento, magno ATHANASIO, qui medio fere saeculo adversus Arianos impavide, strenueque dimicavit? AQVINATIS doctrinam clypeum & antidotum adversus omnes heres Pontifices jure appellant.

VIII. De Theologia scholastica, & auctoritate Theologorum plura differui *Tom. I.* *Appar. lib. I. Diss. 3. cap. 12. & 13.* Paucum nunc delibabo. Theologia scholastica officium est doctrinam in Scripturis, in Conciliis, in Patribus dispersam in unum colligere, in tractatus distribuere, & distributam via, & ratione, rectaque methodo explicare; fidei morumque dogmata rationum momentis firmare. Primus omnium dispersam Theologiam in unum corpus collegit, digessitque S. Joannes Damascenus natione Græcus, qui vixit saeculo VIII. S. Anselmus in Occidente saeculo XI. corpus Theologiae scholasticae edit. Damasceni, & Anselmi vestigia pressit saeculo XII. Petrus Lombardus Episcopus Parisiensis *Magister sententiarum* nuncupatus, qui ex Scriptura sancta, Conciliis, & Patribus potissimum ex S. Augustino, præcipuos Theologiae tractatus edidit. Saeculo XIII. plures Theologi scholastici floruerunt, quos inter eminent Alexander de Ales, B. Albertus Magnus, S. Thomas Aquinas, S. Bonaventura, aliquique non pauci.

IX. Concordi omnium scholasticorum sententiae in rebus fidei & morum restare, si hæresis non est, hæresi proximum est, inquit Melchior Cano. Is subdit, multitudinem scholasticorum obruere Theologum non debere. Spectanda tamen est Theologorum diversitas: nam communi graviorum Theologorum doctrinæ obsistere temeritate non vacat. Adversus vero Theologos qui neque sanctitate, neque doctrina eminent, licet plurimi sint, licet ratione cuique est pugnare, dummodo & solidæ rationes, & graviores Theologi, licet numero pauciores, suppetias ferant.

X. Saeculo XVI. labente & XVII. ineunte maximum detrimentum passa est Theologia scholastica. Idque ut perspicias, scias oportet, unam esse christianam Theologiam quæ hæc duo complectitur, *credenda*, & *agenda*. Varias excipit appellations ex diverso respectu. *Dogmatica* dicitur, & *Positiva* cum articulos fidei interpretatur: *Polemica*, cum ejusmodi articulos ab hæreticorum versutis commentis vindicat: *Scholastica*, cum via & ratione digerit, & ad certam ratiocinandi formam cuncta revocat: *Moralis* comprehendit cum *credenda*, tum *agenda*. Hæc fidei articulos explicat, & præcipuas hæreses a quibus sibi Christiani caveant, breviter quidem sobrieque indicat. Theologus moralis absolutus esse nequit, nisi simul dogmaticus sit, & polemicus, & scholasticus. Eiusmodi Theologus nunc pro tribunali sedens

judicia pronuntiat, non de filicidio, non de agrorum terminis, sed de æterna aut beatitudine, aut miseria: modo magister & orator docet, suadet, increpat: modo contra hostes tum domesticos, tum extraneos arma strinquit. Theologus sive dogmaticus, sive polemicus in suis dissertationibus semel constituto argumento inoffensa via percurrit. Contra Theologus moralis continenter scopulos, syrtes, & obstacula offendit: nunc una adveratur circumstantia, nunc altera: undique infidæ & fraudes. Quamobrem in Theologo morali præter scientiam & polemicam, & dogmaticam, & moralem, exquisitum iudicium, & acre ingenium, matura & cumulata prudentia, animi puritas, appetitionum moderamen, & terrenarum rerum contemptio requiruntur.

XI. Hæc porro nobilissima Theologorum notio, indicato tempore, tributa fuit in partes duas, in *Scholasticorum*, & *Moralistarum*. Illi quasi in eminentiori subsellio constituti ingenii acumen, disputandique artem sibi vindicantes, veluti de alta specula *Moralistas* in infima statione jacentes respectant, eosque fere ut truncos & bordos desplicantur. Veritas hæc facti est. In quolibet coenæ qui ingenii acumine præstant, ad cathedras scholasticorum moderandas deputantur, laureis, & gradibus insigniuntur. Scientia vero morum excolendæ, confessionibus audiendis, concionibus habendis illi nonnunquam destinantur qui sublimiori scholasticæ scientiæ inepti sunt. Quemadmodum autem Theologi scholastici plures eo majorem famam sibi compararunt, quo subtiliores, futilioresque quæstiones excitavere; ita Theologi morales plurimi scholasticorum gloriam æmulantes vanissimas subtilitates, & ineptissimas dissimiliculas in christianam Theologiam intraserunt, & congeriem male digestam, & arbitrarioris decisiones, veluti centones confuserunt.

XII. Heinc evenit ut præclarati Theologi faculi abusibus preventi, non bene propriæ gloria suæque litteraturæ consultum iri existimarent, si ad illustrandam Theologiam, *Casuisticam* appellatam, studium operamque conferrent. Hoc primum absurdum aliud consequutum est. Ad hanc quippe exornandam spartam non pauci accesserunt qui neque ingenio, neque eruditione, neque prudentia fatis valebant. Quare mirandum haud est, si in dies despiciator, si squalidior jaceat scientiarum princeps; si tricis, si captiōnibus, si vanissimis commentis ab evan gelica simplicitate alienis scateat illa, redūta.

dundetque. Hanc hodie dum *garula anus*, *banc delirius senex*, *banc sophista verbosus*, *banc universi presumunt*, *lacerant*, *docent*, *antequam discant*, inquit S. Hieronymus de tractatoribus alterius similis argumenti.

XIII. Quis lugere satis valeat, eo malorum christianam disciplinam pluribus in locis devenisse, ut supremum illud sanctissimumque munus apostolicum divini verbi explicandi, animarumque regendarum viris minus experrectis, minus doctis, minus ingenio, eruditione, dexteritate, atque adeo prudentia instructis committatur; contra ad cathedras disputandi, vitilitigandi, cavillandi in rebus nullius fere momenti evehantur viri perspicaces, eruditii, acuti, & docti? Male profecto consultum foret Reipublicæ christianæ, si ministeria excellentiora, sublimiora, sanctiora, quæ peregit Christus ipse, quæ Ecclesiæ Doctores tot sacerulis obiere, nunc viris minus peritis, minus doctis (quid, si minus sanctis?) consignarentur exercenda.

XIV. Auctoritas illorum qui neglectis Scripturis, Conciliis, & Patribus velut oves, & aves, inquietunt Navarrus, & Cardenæ, post alios vadunt, non plus roboris habet quam rationum momenta quæ afferunt, si tamen afferant. Longus ille citationum census nullius ponderis est, quando Scripturæ sanctæ, Patrum, Conciliorum, graviorumque Theologorum testimonia desunt.

XV. Juris canonici notitia necessaria Theologo est. Summopere autem utilis est historia ecclesiastica, quæ Martyrum, & Confessorum acta præsternit narrat, peritia, & frequens lectio. Plus enim, ut communis circumfertur proverbio, exempla movent quam verba. Non parvo quoque adjumento historiam profanam esse Theologo, Melchior Cano fuse docet. Usus autem naturalis rationis non Theologo modo, verum etiam cuique homini sanæ mentis necessarius est. In Theologia tamen servire divinæ auctoritati debet. In iis quippe quæ fidei & morum sunt, plurimum obscurata est humana ratio, & appetitus sum tyrannide in errorem detorquetur, nisi interiori gratia adjuvetur, & exteriori lege dirigatur.

C A P U T XI.

Nonnullæ objectiones diluuntur, & monita quedam assignantur.

I. **P**AUCIS perstrinximus quæ fusim de locis theologicis Tom. I. Appar. differui.

Non deerunt tamen qui vel hæc pauca sint vellicaturi. Quid, inquiet, vel in ipsum Theologitæ Compendium intrusa sunt quæ ad conciones magis attinent, quam ad Theologiam moralem? Hæc enim pressis interrogationibus & responsis constat: casuum qui occurunt, vel occurrere possunt, resolutiones exhibet. Hoc quippe pacto Confessarii protinus inveniunt resolutiones opportunas solvendis difficultatibus quibus, dum confessiones audiunt, torqueri solent. Iti stilum orationis, & concionatorium, salibusque aspersum fastidiunt. Paucis instrui volunt, cum tempore careant, quo Scripturis, Patribus, vel ipsis libris theologicis fusa oratione exaratis navare operam possint. Accedit quod nec divinæ Scripturæ, nec sancti Ecclesiæ Patres contineant casuum decisiones, quæ extant in Casuisticis. Hæc sunt præter propter objectiunculæ quæ obtrudi a non paucis solent. Ut recentitas objectiones dispellam, simulque Lectorem meum instruam, monita quedam dabo.

II. MONITUM I. Qui in corrigendis moribus, & refellendis pravis opinionibus improbat stylum vehementem, recedere videntur a divinarum Scripturarum instituto. Divini enim Scriptores tum veteris, tum novi Federis, forti, valido, & pro tempore acri stilo infectati sunt opiniones pravas. Sic Deus Isaiam cap. 48. alloquitur: *Clama, ne cesses: quasi tuba exalta vocem tuam. Jeremiām urget cap. 2. Vade, & clama in auribus Jerusalem.* Luget divinus Vates Thren. cap. 2. quod falsi doctores benignitatem beneficio delinirent divinæ legis severitatem. *Prophetæ tui viderunt tibi falsa, & stulta, nec aperiebant iniquitatem tuam, ut te ad penitentiam provocarent.* Viderunt autem assumptiones falsas. Pauca ex iis quæ in hunc textum scribit S. Hieronymus, ob oculos revoco. *Dificile, inquit, hoc maledicto careere quis potest, cum & malis frequenter adulermur propter POTENTIAM, & bonos despiciamus propter INOPIAM.* Altius Deus per Ezechielem cap. 3. objurgat benignos, & blandiloquos Doctores. *Quasi vulpes in desertis Prophetæ tui, Israel, erant: non ostenditis ex adverso, neque opposuitis murum pro domo Israel.* Flagella minatur Doctribus istis, qui blandis opiniunculis fovent populi flagitia. *Et erit manus mea super Prophetas qui vident vanam, & divinam mendacium ... eo quod deceperint populum meum ... Væ qui considunt pulvillo sub omni cubito manus.* Qua orationis vi, quo acri, & vehementi stilo

stile non est in eius Christus Dominus in Pharisaeos hypocritas, Decalogi adulteratores Matth. cap. 15. *Vae vobis Scribe, & Pharisaei hypocrite ... Vae vobis duces cœci ... Stulti & cœci ... Vae vobis Scribe & Pharisaei hypocrite ... Duces cœci excolantes culicem, camelum autem glutientes. Vae vobis Scribe, & Pharisaei hypocrite, qui mundatis quod de foris est calicis Pharisaei cœci, munda prius quod intus est calicis serpentes, geminae viperarum generatio mala & adultera ... vos ex patre diabolo estis.* Christus Dominus infinita mansuetudine, & clementia complexus est peccatores. In pseudoprophetas, in magistros assentatores, & adulatores populorum tremendissima maledicta frequentissime contorsit. Fere semper adversus istos illa terribilia *Væ, Væ; Væ,* tum in veteri, tum in novo Testamento Deus intonuit. Sanctus Paulus Apostolus Elymam subvertentem Proconsulem his verbis *Act. 13.* objurgavit: *O plene omni dolo, & omni fallacia, fili Diaboli, inimice omnis iustitiae, non desinis subvertere vias Domini rectas. Et nunc ecce manus Domini super te, & eris cœcus, & non videns Solem.* Rursus idem Apostolus ad Galat. cap. 3. clamat: *O infensati Galatae, quis vos fascinavit non obedire veritati? Sic stulti estis, ut cum spiritu cœperitis, nunc carne consummemini.*

III. Illud perpendendum, quod nunquam Deus reprehendit Prophetas & Doctores, quod nimia severitate interpretati sint suam legem: semel redarguit Pharisaeos, quod neglecta divina lege, suis arbitriis cæremoniis, devotiunculis, & precatiunculis populum gravarent. Illos semper objurgat, quod blandiantur, velificentur, & indulgeant populum desiderii. *Popule meus, qui te beatum dicunt, ipsi te decipiunt, & viam gressuum tuorum dissipant.* Isa. cap. 3. Hinc colligunt Patres sancti, nullum occurrere luculentius signum distinguendi, & cognoscendi falsos Doctores, & conscientiarum ineptos directores, quam sermonum blandimenta, & opiniones sensibus, & auribus pruriētes. *Singularis* (inquit Chrysostomus) *pseudoprophetarum nota est, si ab omnibus hominibus benedicantur. Quoniam pseudopropheœ semper dulcia pollicentur.* Mitto aliorum Patrum testimonia, quæ hoc idem testantur.

IV. MONITUM 11. Qui opponunt, methodum nostram concionatoriam potius esse quam theologicam, non satis tanguntur corruptelis in christianam Theologiam inventis. Latior utique est, cultiorque orato-

rum, & concionatorum dictio; pressior vero, atque exactior Theologorum stilas, re absolute spectata. At distinguant censores nostri oportet Theologum dogmaticum, polemicum, & theoreticum, qui sola credenda proponit, & explanat, a Theologo morali, qui præter credenda, agenda potissimum impónit, persuadetque. Ibi Theologi est non docere modo, sed reprehendere etiam, increpare, movere, urgere, licet parcus, sibrisque quam oratores. Verum ut qui dicere solent, exclamationibus non revinci hominum ingenia, nobis adversari non pergant, edifferant nobis, cur Christus Dominus tam frequenter parabolis, increpationibus, & persuasionibus suam legem aspersit? Cur tam frequenter increpaverit, obtestatusque fuerit? Sciant non mentem dumtaxat subigendam esse in Theologia moralis, sed sensus quoque devincendos, coercendas appetitiones, crucifigendam carnem cum suis concupiscentiis. Victoria hæc minime obtinetur solis argumentibus, & metaphysicis speculationibus; sed artis studio huic fini opportunissimo opus est. Operum, & quidem difficultium executio cum carne, & appetitu hostiliter pugnat. Ideo erigendæ vires sunt, concitandus, inflammandus spiritus est, ut obstacula removeantur. Hanc methodum observarunt Evangelista, Apostoli, & Patres omnes per decem & amplius secula.

V. Lubet hæc omnia confirmare auctoritate P. Michaelis Elizaldae doctissimi Jesuitæ, qui multas passus adversitates est, propterera quod corruptam Ethicem labefactare, & evangelicam morum doctrinam a novo opinandi modo, & perniciosa benignitate purgare conatus est. „ Neque enim, (inquit „ ille p. 2. q. 6. §. 6. p. 188.) Apostolorum „ imprimis tempore, alia ipsi concionibus „ dabant: & alii deinde Theologi, ex quo- „ rum dictis esset vivendum, supererant: „ aut alia ipsi tamquam ministri sermonum „ & verbi Dei annuntiabant; & alia dein- „ de tamquam Theologi epistolis suis, aut „ verbo edocebant. Neque Martyrum tem- „ pore, nec ætate Doctorum fuit ista sacro- „ rum Oratorum, Theologorumque divisio- „ ut alii quidem Theologi essent, & alii „ deinde verbi Dei annuntiatores & alia, „ & alia utrique doscerent: & Theologo- „ ram esset doctrinam tradere, Concionato- „ rum vero nescio quid aliud: & hi qui „ cœm ex Scripturis, illi autem aliunde dis- „ scriberent, causasque terminarent, atque ad „ hos ex illis appellaretur. Etenim, ut lo- „ n quæ

„ *quar clare*, atque omnes, si velint, intelligant, nequaquam *Augustini*, *Chrysostomi*, „ *Ambrosii*, *Gregorii*, ac similes viri Dei, „ ex alto quidem, & in templis dicebant; „ supererant autem dein alii quasi Theologici, ad quos appellaretur: & quorum Theologia vita institueretur. Nullibi uspiam hoc genus hominum erant. Neque rursus illi summi viri quasi unam facultatem, homilias suas, & conciones, sermonesque tradebant; ac deinde quasi rem prorsus aliam morum disciplinam, moralemque Theologiam, ex qua viveretur, consignabant: sed conciones, homiliae, sermones, & Theologia moralis, morum disciplina, & hoc genus; alii vero prorsus alii, qui Theologi morales vocarentur: & opera etiam illa quæ de concionibus non sunt, talia existunt quæ ex concione dari possent, ejusdem plane naturæ, unicæ dominæ, ex eisdem libris compaetæ, atque verbis Dei consertæ. At modo utraque illa facultas differt adeo, & distat, ut nullaz vix aliæ discrepent magis. Et concionatores nihil sibi opus esse doctrina censem, revidentur, & nescio quid aliud agunt: ac cum Theologia reliqua prætermittunt etiam, velut minime suam, primam secundæ, & secundam secundæ, quæ de vitiis, & virtutibus in genere, & in specie tam copiose instituant. Quam plane inconsiderationem Augustinus a cap. 16. lib. 4. de doct. Christ. repellit: & qui potens non est exhortari in doctrina sana, & eos qui tradicunt, arguere, & falsi dicti convincere, fallit in Ecclesia Dei Doctoris personam, & munus sine doctrina necessaria suscipit. Utinam ergo conciones eas habeamus quæ in scholis quoque valeant: utinam Theologiam eam quæ in Templis etiam adficiet: utraque ista facultas in unum conspirans, se se vicissim juvet, ne altera dissipet quæ altera plantavit, rigavitque. Certe prolixiorē digressionem claudam, atque citra metum dicam, vitam christianam nusquam vel in Templis, vel in foris addiscendam, ubi omnium capit non sit Jesus Christus, & hic crucifixus. Hunc continentem prædicabat cum ceteris Apostolis, & Doctoribus Apostolus Paulus.

VI. MONITUM III. Postrema objectio, quod in divinis Scripturis non occurrant casuum decisiones, quæ extant in Casuistis, omnium est ineptissima. Quare summopere admoneo interest omnes animarum pastores,

& moderatores ut a gravissima, & perniciosa hallucinatione sibi caveant: alioquin, & seipso, & gregem æternum perdent. Quænam hæc? Attentas præbete aures. Si quotidie casuum volumina ederentur, & resolverentur, ineptissima essent ad optimam & evangelicam Pastorum, & Confessariorum instructionem. Siquidem posita quacumque innumerabilium casuum multiplicatione, semper circumstantiæ ratione aut personarum, aut temporis, aut eventuum, aut alliorum accidentium, variant. Quare ejusmodi casuum centones male consarcinati non aliud saepe pariunt quam mentis confusionem, & legum neglectum.

VII. Quarumcumque artium profectores, ut recte exercere opera artis queant, principia, & certas regulas ejusdem artis apprime calleant opus est. Requiritur præterea ut eo ingenio, & prudentia artifices præsent, ut sciant pro operum diversitate regulas applicare. Regulae conscientiarum, & morum sunt divinae Scripturæ, sunt præcepta quæ Deus servanda præscribit. Si hæc perspecta habeant animarum moderatores, continuo apti sunt ad ministerium peragendum. Hæc est clavis cœlestis januæ, hæc norma conscientiarum. Rursus itaque in memoriam revoco, inculco, urgeoque quod jam supra indicavi, & repetendum sèpenumero est, licet nunquam fatis, videlicet animarum pastores, & moderatores imprimis scire debere quid sit spiritus christianævitæ, qui finis, quæ media tali fini comparando opportuna. Finis vitæ christianæ est: *Estate perfecti sicut & Pater vester cœlestis perfectus est*: est conformatio vitæ nostræ ad vitam Christi Jesu. *Quos præscivit, & predestinavit conformatos fieri imaginis Filiij sui*. Via quæ isthuc conductit, arcta, & angusta est, quæ vim patitur. Media sunt humilitas, tamquam universi ædificii basis, & caritas, tamquam forma vivificans. Sunt jejunia, carnis conflictationes, sensuum moderamina, castitas, æquitas, iustitia, animi candor, lingue sinceritas, pomparum, luxus, fastus, ambitionis contempcio, & abdicatio. Clarius rem expono. Tres sunt veluti viae quæ ducunt homines ad perditionem. Concupiscentia carnis, cupiditas divitiarum, superbia vitæ. Amor carnalis extinguit amorem cœlestem caritatis. Cupiditas divitiarum iustitiæ violandæ viam aperit, cor humanum huic mundo agglutinat, separatque a Deo. Superbia vita cum Deo dimicat, & primæ christianæ professionis fundamentum diruit.

VIII. Da mihi Christianum humilem, castum, justum, & caritate divina prædictum; & ego eum Paradisi possessorem futurum spondeo. Annis & ipse, nonne? Per cunctor nunc abs te. Quis sapientius, quis enucleatus servandæ caritatis regulas exponeat quam S. Paulus inquiens: *Caritas patiens est, benigna est, non querit quæ sua sunt?* &c. Quis doctius ipso Christo Iesu in suis Evangelii & humilitatis exercitanda, & castitatis custodienda preceptiones præscribit? Quis divitiarum, luxus, pomparum, voluptatum contemptione verbo, & exemplo efficacius docet? Cedo. Omnes Casuistæ simul clarius ne, efficacius ne, eloquentius ne dictaram virtutum cultum, & exercitium, in quo spiritus Christianæ vitæ situs est, docent? Pudet te vel id suspicari. Cur ergo lectionem sanctorum Evangeliorum, in quibus, te faciente, hæc sapientius docentur, negligis, & in lectitandis Casuistis tempus omne teris, & mentem torques?

IX. Aperi mihi arcanum istud. Non valles? Aperiam ego. Spiritus Christianæ sanctitatis in Evangelio vividis coloribus depictus est. Virtutum præcepta clara, perspicua, luculenta, simplicia: regulæ declinandi a virtutis, & excolendi atque custodiendi virtutes evidentissimæ nulli subjacent tergiversationi, aut effugio. Sermo autem iste adeo clarus, & manifestus tibi durus est. Quid heinc? Ad Casuistarum volumina accedis, ut ibi linimenta & blandimenta reperiras, quibus rigorem divinæ legis evidentissimæ delinias, & tempores. Et re ipsa in non paucis facultatem tibi concessam invenis gustandi poculum voluptatis subimpudicæ, & castitatem custodiendi: invenis potestatem celebrandi contractus fenebres, & servandi justitiam: mentiendi, & dicendi veritatem: calumniandi, & amandi proximum: serviendi Deo, & mundo, & componendi tenebras cum luce. Denique horum librorum lectione non observator legis, sed cavillator, & judex evadis. Audi prudens iudicium quod de similibus libris protulit doctissimus, & probissimus Jesuita P. Michael Elizalde 3. p. lib. 8. qu. 7. §. 2. p. 137. ubi hæc scribit: *Nuper percurri sumnam moralen multorum voluminum ... quæsivi Christianum, & NON erat. Quæsivi summam Prophatarum, & legis, scilicet caritatem, dilectionem Dei & proximi: & NON erat. Quæsivi Evangelium, & NON erat. Quæsivi beatitudinem, sine qua salvatur nemo; & NON erat. Etsi Paulum, aliumve Apostolum, San-*

ctumve percurras, contraria omnino invenies, & reserta cuncta Christo, caritate humiliante, & sanctitate. Ergo he doctrinæ nullum successionis, nullum consanguinitatis affinitatis gradum inter se habere videntur Evangelium ergo simplex est, & omni duplicati repugnant, & habet EST EST, NON NON. Modernus contra Moralismus DVPLEX EST, & BILINGVI illa probabilitate utitur, & habet EST, simul & NON; cum sua regula sit probabilitas contrariarum, & contradictionum propositionum.

X. Rursus insistis, contineri in Evangelii regulas generales virtutum, secus peculiares, & practicas, sicut in Casuistis. Confessari autem, & Pastores communiter ignorant applicare regulas evangelicas universales casibus practicis, & particularibus. Hoc praestant Casuistæ: idcirco istorum lectio necessaria magis est. Peregregie. Inepte ergo Christus Jesus suos docuit discipulos: ignoranter Evangelistæ, Petrus, Paulus, Jacobus, ceterique scriptores divini informarunt Christianos. Superflua sunt Evangelia, utpote continentia regulas dumtaxat abstractas, universales, & nimis ab executione remotas! O miseri osto & amplius sæculorum Christiani, qui Casuisticis libris caruerunt! Infelices, & ignorantibus SS. Ecclesiæ Patres, qui eo unice conatus, & studia sua contulere ut executionem, & observantiam suaderent, inculcarent, urgenter evangelicæ legis, rejectis disputationibus, controversiis, distinctiunculis, & casuum centonibus, & opinionibus, quas postremæ ætatis Casuistæ excogitarunt! Ceterum ultro concedo, quod plurimi Confessarii, & Pastores ignorant applicare regulas evangelicas practicis casibus, & reformandis moribus. Sed cur hoc? Quia, respondent Ven. Magister Avila, & S. Franciscus Salesius, vix ex mille decem inveniunt tanto muneri obeundo pares: quoniam pauci Deo vocante tantum onus suscipiunt, sed vel ambitione, vel cupiditate impellente. Sed isti tum Evangelio, tum Patribus, tum Casuistis abutuntur.

XI. Quid ergo, inquier, de tanta moralium voluminum multitudine agendum? Si quid ipse sentio tibi patefacerem, ingentem mihi crearem invidiam. Adeo in veterarunt præjudicatae opiniones, ut veritatem manifestare haud valeamus, quin iram, & indignationem in nos concitemus illorum qui pro novo opinandi modo veluti pro aris, & focis dimicant, belligerantque. Sed divina providentia factum, dispositumque est ut respon-

Ipsorum jam fere a saeculo praebeuerit sapientissimus Jesuita P. Michael Elizalde 3. par. lib. 8. q. 8. §. 8. p. 150. his verbis . „ Hæc „ sit nostra brevissima , & æquissima sane „ responsio: cum his scilicet libris id facien- „ dum esse quod per ipsos , eorumque au- „ tores cum SS. Patribus , Doctoribusque „ Ecclesiæ factum est: quod item factum est „ cum Prophetis , cum Evangelio , cum A- „ postolis : & sicut hi omnes pene derelicti „ sunt , tantisper illi derelinquantur , & ad „ usum proxime doctrina sacra , sancto- „ rumque restituatur ; atque sic eis vicem „ justissime rependimus .

„ Nimirum hoc loco offendit commoveri- „ que jure , vel injuria multi possunt , jure „ non possunt . Jacuit diu Avgustinus in „ foro conscientiarum regendarum . Quis , „ quofo , ab institutis christianis tam longe „ positus est qui non consultius arbitretur „ ut tantudem saltem jaceat Diana , & „ ad forum ejus loco redeat Avgustinus ? „ Si vel Ambrosium , vel Caramvelem „ vivere oportet , quis non Ambrosivm „ præhabeat ? Si populi vel ex Chrysosto- „ mo , & Gregorio , vel ex Tamburino „ , & Escobario regendi sint ; si vita „ fidelibns ex alterutris instituenda : quis eos „ non præferat quos Doctores vite nostræ „ Ecclesia sancta mater , & magistra nostra „ nobis porrexit ? Hæc clara sunt : nulli inju- „ riam facimus ; & si persecutionem propter ju- „ stitiam patiemur , beati a Domino habebimur . „ Sed dicas , utrosque simul vivere , re- „ gnareque posse . Respondeo . Primo oracu- „ lo pontificio (Alex. VII.) saepius comme- „ morato constat nobis , quibus (N. B.) Sedes „ Apostolica in suo loco est , irreplisse modum „ de rebus conscientiae opinandi ; omnino alienum a simplicitate evangelica , & doctri- „ na SS. Patrum . Hic porro modus , & ha- „ opiniones alicubi sane sunt , & in libris „ aliquibus sunt . Hi ergo libri cum Evan- „ gelio , & doctrina Sanctorum simul vivere „ regnareque non possunt . Si qui vero erunt , „ qui oracula pontificia pro se lata maximi- „ faciant , (N. B.) contra se vero nihil pen- „ dant , hoc sane bonum non est . Secundo „ ex constitutis hoc opere constat do- „ctrinam sacram , & Sanctorum conciliari „ non posse cum opinionibus multorum , non „ modo in particularibus quibusdam , & qua- „ siconclusionibus , sed in ipsis quidem prin- „ cipiis universalibus philosophandi . Utrique „ ergo simul vivere , & regnare nequeunt . „ Tertio apertis multis libris Moralistarum

„ notorie constat pene nullum usum in eis „ esse doctrinæ sacræ , & Sanctorum . Tan- „ tumdem ergo cum ipsis tantisper fiat . „ Quarto hi libri contrarietate , & contradic- „ tione pleni sunt : ex quo proinde dimidia „ saltem pars falsa sit : sed nulla falsitas cum „ sacra doctrina , & rara vel nulla cum do- „ctrina sanctorum Patrum de fide , & mo- „ ribus conciliari potest . Hi igitur libri , „ quandiu saltem falsa hæc omnia expungan- „ tur , una cum doctrina Scripturarum , San- „ctorumque vivere non possunt .

„ Dices iterum , in libro Dei , & doctri- „ na Sanctorum deesse doctrinam necessariam „ salutis ad regendos populos , dirigendas „ conscientias . Verum ostensum est , hanc „ doctrinam nunquam magis quam fidem in „ Ecclesia defuisse ; & monstrum monstrorum „ esse , si existiment se nunc venisse ad dan- „ dam scientiam salutis plebi ejus . Ad hoc „ quippe ille venit qui illuminat omnem ho- „ minem venientem in hunc mundum , qui „ Ecclesiam adficavit firmamentum , & co- „ lumnam veritatis , cuique depositum cu- „ stodiendum credidit , quod haud dubie illa „ servavit . Non hic doctrina , sed considera- „ ratione , & minimo saltem gradu humili- „ tatis opus est . Illud itaque faciendum in- „ cunetanter asserimus cum his libris , quod „ cum libris sanctis Dei , & Sanctorum „ per eos factum est , ut hi vivant , & „ regnent : & ad opinatores illud Apo- „ stoli dicere possumus : Jam sine nobis re- „ gnatis : utinam regnetis , ut & nos vobis- „ cum regnemus . Utinam , inquam , regne- „ tis , qui scilicet una cum illis regnare pos- „ sunt . Sin minus , si alterutri exulare de- „ berent , quemque christianum judicem com- „ pello , quos judicet regnare oportere .

XXII. Quæ hic paucis perstrinxit vir Dei , „ & servus , sociusque JESU CHRISTI , falso ca- „ lamo evincit in suo opere auro cedroque di- „ gno . Exemplum subjeciam in confirmatio- „ nem eorum quæ obiter dicta sunt . Pater Thomas Tamburinus liberat a gravi culpa filios qui inconsultis parentibus nubunt etiam indignis . Ad divinas Scripturas , ad Pa- „ tres Ecclesiæ oppositum docentes quid re- „ sponsi præbet ? Audi illum lib. 5. in Decalog. „ cap. 2. §. 3. n. 6. sic fantem . Si statuis Eva- „ ristus PAPA ut pro nuptia nequaquam habeat- „ tur puella quam pater ipse non despontat : si LEO Pontifex , si AMBROSIVS ajunt , non es- „ se virginalis pudoris maritum eligere , sed ju- „ dicium parentum expectandum : si in SACRIS „ LITTERIS parentibus tradidit hoc munus Sa- „ piens

pientie c. 7. Da filiam tuam viro prudenti: si S. PAULUS 1. Cor. 7. expresse docet a parentibus tradendas esse filias nuptiis: si multa sacrarum litterarum exempla quo affert Bellarminus, id MANIFESTE demonstrant: quid tum agendum est? Audi & expavesce. RESPONDEO cum SANCHEZ, hæc & similia probare quidem esse valde honestum ejusmodi consilium a patre conquirere, diram peccati mortalis necessitatem non probare.

VIII. Mirificam & prodigiosam sane vim continent hæc tria verba, RESPONDEO CUM SANCHEZ, adversus sacras litteras, adversus Paulum Apostolum, adversus Evaristum Papam, adversus Leonem, Ambrosium, Belarminum, ceterosque. Cessat tamen admirationis ratio, si P. Sanchez sistema consideretur. Primum gravissimumque primæ tabulæ mandatum de Deo amando in nihilum fere redigit, illud per se ad mortis articulam restringendo. Quid ergo mirandum, si primum secundæ tabulæ præceptum de honoriandis parentibus ad merum honestatis consilium revocet in re omnium gravissima, qualis est de matrimonio ineundo? In hujus operis cursu centena afferam exempla, quibus non pauci Casuistæ eludent divinæ Scripturæ, & SS. Patrum doctrinam.

XIV. MONITUM IV. Ideo inculco, & omni studio totoque virium conatu suadéo sanctæ Scripturæ lectionem, & humilem meditationem, quia homines nolunt se aliorum hominum judicis, & opinionibus subjicere. Heinc proficisciuit interminata illa Casuistica voluminum multitudo: dum enim homines legunt ejusmodi citationes: ita docent Diana, Bonacina, Caramuel, Tamburinus, Sanchez, Vasquez, Escobar, Zanardi, Candidus, Leander, Gobat, La-Croix. Pitchler, Sporer &c. continuo inferunt: Si hi autores ita docent; alii oppositum defendant, imo in citatis Moralisticis inveniunt citatos alios Casuistas oppositum docentes. Et en Eticen Christianam ad Septicismum, & Pyrrhonismum redactam. Homines illi sunt, inquiunt, ergo errori obnoxii. Heinc est quod tametsi Philosophi pagani optima morum documenta docuerint, mores non reformati. Quoniam documenta illa ut ab hominibus data habebantur: & ceteri homines noluerunt iisdem parere. Sola suprema Dei auctoritas hominum ingenia, & voluntates sibi submittit. Quando ego legens Scripturam sanctam, recogito Deum esse qui ad me loquitur, Deum esse qui mihi præcipit, continuo tremens, & pavens missis argumentationibus & cavil-

lationibus infero parendum esse, non disputandum cum Deo. Dum post divinas Scripturas SS. Patrum volumina revolvo, similiiter ratiocinor: hi sunt quos sancta Mater Ecclesia mihi in Magistros dedit: istorum ergo interpretationes Scripturarum amplecti debeo: Istorū methodo insistendum mihi est in christiana Theologia exponenda. Hi autem toti sunt in persuadenda qua uberrima eloquentia, qua vividis figuris, qua invictis argumentationibus legis observantiam. Si hos sequi obstringor utpote mihi ab Ecclesia in Magistros datos; ergo non omnino fidendum est illis auctoribus qui volumina implent tricis, disputationibus, effugiis: qui omnia in discrimen adducunt, & vix unquam lectorum animos ad legis executionem inflammat. Adeo arida, tricosa, & sterilis est plurium istorum oratio, ut extinguat potius quam accendat christianæ professionis spiritum. Non dubito quin lectores omnes hunc ipsum experti sint fructum. Absit tamen ut improbem graviorum Theologorum lectionem, & præcipue dum leges ecclesiasticae explicandas sunt.

LIBER II.

APPARATUS AD THEOLOGIAM CHRISTIANAM DOGMATICO-MORALEM.

DISSERTATIO I.

De Conscientia.

C A P U T I.

De conscientia, ejusque partitione.

I. Q UÆST. I. *Quid sit conscientia?* RESP. Est dictamen rationis nostræ ex principiis generalibus synderesis concludens, quid hic & nunc, spectatis omnibus circumstantiis, amplectendum sit ut bonum, fugiendumque ut malum. Dicitur dictamen, seu iudicium intellectus practici, non speculativi: quia in contemplatione non sicut, sed ad operis executionem dirigit. Discrepat a synderesi, quod hæc in primis illis dictatis veluti naturæ insitis constat, quibus judicamus; bonum est faciendum, malum fugiendum: quod tibi non vis fieri, alteri ne feceris: & id genus similia. Quare conscientia non est habitus, neque potentia; sed actus, non voluntatis, ut Durandus contendit, sed intellectus practici, ut dictum est.

II. QVEST. II. *Quotuplex sit conscientia;* RESP. Altera est antecedens, quæ operationem dirigit; altera consequens, quæ de bono opere lattatur, de pravo angitur. Rursus altera præcipit, altera consulit: illa ex præcepto, hæc ex consilio operationem præscribit. Præterea ex parte objecti dividitur in veram, seu rectam & bonam; & in falsam, seu malam & non rectam. Ex parte assensus tribuitur in certam, probabilem, dubiam, scrupulosam, & erroneam.

III. QVEST. III. *Peccat ne qui conscientiam rectam non sequitur?* RESP. Conscientia vocatur recta per ordinem ad regulam rectam. Regula operationis duplex: altera remota, quæ est lex æterna; altera proxima, quæ est ratio intellectus practici. S. Thomas 1. 2. q. 19. ar. 5. cui subscrribunt communiter Theologi, docet, peccare eum qui refragatur conscientiæ proponenti aliquid sub præcepto imperatum. Id perspicue constat ex Scriptura sancta: *Omne quod non est ex fide, (idest ex conscientia,) peccatum est:* ad Rom. 14. Si conscientia quidquam proponit ut prohibitum sub peccato mortali, peccat mortaliter qui eidem refragatur: peccatum erit veniale, si quod conscientia proponit ut veniale, veniale est. Disputant, peccat ne mortaliter qui resistit conscientiæ proponenti quidquam ut peccatum, quin definiat peccati gravitatem. Missis distinctiunculis, dico, graviter eum peccare qui operatur contra conscientiam istam. Ratio evidens est. Qui deliberato animo exponit se manifesto periculo peccandi mortaliter, peccat mortaliter, Scriptura ipsa testante: *Qui amat periculum, peribit in illo.* Huic periculo se exponit qui agit contra præfatam conscientiam: siquidem in illa malitia absolute proposita æque continetur malitia gravis, ac levis. Ergo nisi prius debita diligentia deprehendatur malitiæ gravitas, aut levitas, periculum grave est delinquendi mortaliter.

IV. QVEST. IV. *Obstringitur ne homo sequi conscientiam propriam sive rectam, sive errantem?* RESP. Adfirmant omnes. Eadem enim ratio quæ evincit debitum sequendi conscientiam rectam, probat quoque neminem posse operari contra conscientiam errantem. Quoniam tam conscientia recta, quam conscientia errans proponit quid agendum ut a lege divina imperatum. Utraque præscribit parendum esse divina legi. Qua de re lege S. Thom. 1. 2. qu. 19. ar. 5. ad 2. In conscientia erronea duplex distingui judicium debet: alterum quo judicatur aliquid a Deo

prohiberi quod non est prohibitum; alterum quo judicatur obediendum esse legi divinæ. Primum falso, secundum verum est.

V. QVEST. V. *Peccatne qui non agit secundum conscientiam vincibiliter erroneam?* RESP. Duobus modis conscientia erronea esse potest, 1. Invincibiliter, quando error, omni adhibita diligentia, superari nequit; & in hoc casu conscientia inculpata est. 2. Vincibiliter, quando error, diligentia adhibita, superari potest. Utraque hæc conscientia obligat, cum hoc discrimine quod conscientia vincibilis deponi potest, & debet, invincibilis vero deponi nequit. Hæc autem duo, nempe debitum deponendi conscientiam vincibiliter erroneam, & obligatio sequendi minime repugnant, quia ex diversis principiis manant. Primum ex principio oritur adhibendi diligentiam necessariam ad inventiendam veritatem, & ad expellendum errorem; alterum vero, nempe debitum sequendi conscientiam erroneam, oritur ex ipsis conscientiæ dictamine, quo proponitur obligatio obediendi legi divinæ. Lege S. Thom. q. 17. de verit. ar. 4.

VI. QVEST. VI. *Quomodo se gereat debet qui ex conscientia erronea utrumque contradictionis extreum peccatum esse judicat?* RESP. Si conscientia erronea vincibilis sit, deponenda est. Nisi eam deponas peccas, sive eam sequaris, sive eidem contradicas, ut S. Thomas qu. 17. de verit. ar. 4. ad. 8. docet. *Sicut in syllogisticis, uno inconvenienti dato, necesse est alia sequi; ita in moralibus, uno inconveniente posito, ex necessitate alias sequuntur: sicut supposito quod aliquis querat inanem gloriam, sive propter inanem gloriam faciat quod facere tenet, sive dimittat, semper peccabit: nec tamen est perplexus, quia potest intentionem malam dimittere.* Et similiter supposito errore rationis, vel conscientiæ, qui procedit ex ignorantia excusante, necesse est quod sequatur malum in voluntate: nec tamen est homo perplexus, quia potest ab errore recedere; cum ignorantia sit vincibilis, & voluntaria.

VII. Quid si conscientia erronea sit invincibilis, & judicet utramque contradictionis partem, peccatum esse? Hanc hypothesim vix probabilem reputo. Ea vero admissa, nullum peccatum patratur, quia nullum peccatum sine libertate: ignorantia invincibilis auferit libertatem: ergo, positione facta quod conscientia sit invincibiliter erronea, dici nequit quod homo peccet, quamcumque sequatur partem. Opponunt adversarii, hominem

nem etiam hac in hypothesi liberum esse ad omittendum, vel efficiendum actum suum: est liber libertate physica, secus libertate morali. Ad peccatum autem, cum sit in genere moris, necessaria est libertas moralis, quam omnes catholici contra Jansenium tolli per ignorantiam invincibilem fatentur. Pastor assistens gregi in die festo invincibiliter reputat se peccare, si sacrum omittat, & similiter peccare, si gregem deserat luporum incursionibus. Hic liber moraliter non est: idcirco quodcumque extremum eligat, non peccabit. Licet physice liber sit ad eligen-
dum alterutrum ex duobus his extremis, non est tamen liber moraliter: quia non est liber ad non agendum contra conscientiam, cum in utroque extremo peccatum apprehendat.

VIII. Disputatores solent, sit ne gravius agere contra conscientiam vincibiliter erroneam, vel eam sequi. Sed regula assignari certa nequit. Interdum gravius est eam sequi, interdum levius est contra eam age-
re. Absolute tamen gravius est contra eam agere: quoniam qui contra agit, scienter pec-
cat: qui eam sequitur, peccat *ex ignorantia*: ignorantia autem, tametsi vincibilis, minuit peccati malitiam. Qui ~~clausus~~ in carcere habet conscientiam erroneam se pecca-
re mortaliter, nisi sacrum audiat, juxta com-
munem sententiam non peccat ob defectum libertatis: quoniam dictamen illud erroneous non est causa omissionis.

IX. Qvæst. VII. Quomodo deponenda est conscientia erronea, & quæ diligentia adhiben-
da? RESP. Si conscientia erronea temere, &
imprudenter formata sit, tunc ad libitum de-
poni potest; satisque est advertere ad falsitatem judicii erronei, illudque deponere for-
mando contrarium judicium super honestate operationis. Si contra formata sit conscientia *ex probabili ratione*, tunc necessaria est
ratio contraria probabilior, quæ vincat prior-
rem falsam persuasionem. Diligentia ordina-
ria, secus extraordinaria, necessaria est ad deponendam conscientiam vincibiliter erran-
tem. Prior utitur mediis consuetis, puta stu-
dio, consilio, precibus, operibus piis, quibus a Deo lumen necessarium imploratur. Poste-
rior adhibet media extraordinaria: puta post
consilium Doctorum propriæ civitatis, ad alias
provincias quis pergit, ut doctiores consulat.
Diligentia adhibenda ex negotiorum magni-
tudine, & diversitate colligi debet. In ne-
gotiis insolitis, & extremi summi momenti,
diligentia quoque insolita, exacta, & summa adhiberi debet: contra in negotiis ordinariis

Tom. I.

sufficit diligentia ordinaria, qua uti pruden-
tes, & diligentes viri probi solent. Extrema
vitanda sunt negligentiae, & diligentiae extraordinarie. Hæc quippe scrupulis, anxiate,
& turbatione animum replet. Omissio di-
lignantiae ordinariæ, & exactæ, quam probi,
& vigilantes viri adhibere solent, in nego-
tiis gravis momenti grave peccatum est.

X. Qvæst. VIII. Ex quibus indiciis colli-
gi potest conscientiam errantem esse vincibilem,
aut invincibilem? RESP. Prudenter præsumere
potes invincibilem esse ignorantiam. 1. Si
res ignorata sit humani juris, vel positivi.
2. Si res sit difficultima vel inter ipsos do-
ctos. 3. Si nunquam præcessit scrupulus ul-
lus, dubitatio, vel aliqua confusa notitia.
4. Si homo advertens se deceptum, & ex
ignorantia violasse legem, dolet, tristatur.
5. Si homo sit probus, & integræ moratae
que conscientia. 6. Si falso sistimate, & pra-
vo opinandi modo non sit præventus. Ex his
similibusque circumstantiis, & signis collis-
gere Confessarius potest ignorantiam, seu in-
advententiam fasce invincibilem. Contra si
res sit juris naturalis, si aliqua præcessit du-
bitatio, si homo delinquere solitus sit, &
conscientia flagitiis implexa: si facilis sit in
adoptandis opinionibus quæ libertati, & ap-
petitionibus favent. Ceterum hæc deprehen-
sio difficilis est: ideo orandus cum Propheta
David Deus: *Ignorantias meas ne memineris.*

C A P U T II.

*De obligatione qua tenentur Confessarii illumi-
nare pœnitentes invincibili conscientia
erronea laborantes. Laxæ
opiniones refelluntur.*

I. **T**heologi omnes docent, instruendos es-
se pœnitentes ignorantia vincibili la-
borantes. Disputatur de sola ignorantia in-
vincibili. Distinguendum est præceptum fra-
ternæ correctionis a præcepto instructionis fa-
ciende pœnitenti qui suscipere Sacramentum
pœnitentia debet. Illud, quando deest spes
profectus, non urget; hoc vero obstringit
etiam sublata emendationis spe, ob reveren-
tiam debitam Sacramento. Docent quoque
omnes, illuminandos esse pœnitentes qui la-
borant ignorantia Trinitatis, Incarnationis,
Eucharistia, doloris supernaturalis ad confes-
sionem sacramentalem necessarii.

II. Sanchez, Lugo, Tamburinus, Salman-
tenses, Sporer defendant, Confessarios non
obstringi, immo non debere illuminare pœ-
nitentem.

nitentes laborantes ignorantia invincibili mysteriorum quæ non sunt necessaria necessitate medii, & aliorum veritatum juris sive positivi, sive naturalis.

III. Hæc sententia falsa mihi videtur. Omnes Christiani præcepto obstringuntur gravissimo addiscendi veritates moribus nostris formandis necessarias. Ergo Confessarii manifestare ejusmodi veritates debent pœnitentibus qui easdem ignorant. Qua, quælo, ratione dissimulare harum veritatum manifestationem valent Confessarii? Forte quod imparatos suos pœnitentes prævideant ad eam suscipiendam? Ergo pœnitentes isti violatores præcepti addiscendæ, & inveniendæ veritatis sunt; adeoque imparati sunt ad Sacramentum suscipiendum. Perfpicue rem expono. Quemadmodum Confessarius in tribunal personam sustinet judicis, ut absolvat, aut liget; medici, ut vulnera curet; doctoris, ut illuminet, instruat, doceat: sic pœnitentes ad hoc tribunal accedunt ut rei absolvendi, ut infirmi curandi, ut ignorantes illuminandi, instruendi, & corrigendi. Si Confessarius eos prævideat ita indociles, & pravis cupiditatibus addictos, ut nullum ex veritatis manifestatione profectum speret; qua ratione præsumere illos valet dispositos, paratosque ad Sacramentum? Prævidet illos indociles, rebelles lumini, & in sua ignorantia obstinatos, & simul eosdem judicabit pœnitentia Sacramento suscipiendo dignos?

IV. Pressius urgentur adversarii. Docent illi omnes, patefaciendam esse veritatem dum pœnitentes laborant conscientia erronea vincibili: atqui dum pœnitentes imparati prævidentur, & rebelles ad veritatis manifestationem suscipiendam, continuo illorum ignorantia, quæ haetenus invincibilis fuit, vincibilis, & crassa evadit: ergo juxta vel ipsorum principia Confessarius graviter peccat, si veritatem non manifestet, & pœnitentes sufficientes Sacramentum sacrilegi sunt. Probo minorem. Tunc ignorantia vincibilis est juxta omnes, quando Christiani via patet addiscendi veritatem ignoratam: in nostro casu hæc via patet: ergo si Christiani renunt discere a Confessario hanc veritatem, illorum ignorantia vincibilis, & crassa evadit. Hæc omnia luculentissima sunt. (a)

V. Laudati scriptores docent, non admonendos a Confessariis pœnitentes qui bona fide possident aliena, qui contractus usurarios ineunt, qui pollutiones exercent fide bona,

quoties prævidetur manifestatio veritatis nocturna, non profutura pœnitenti: immo aliqui addunt, inter quos Tamburinus, non esse manifestandam veritatem, etiamsi pœnitentes recte usi cognitione essent, quando medium est difficillimum, & infamia, vel scandalum timeatur. Si moribundus, inquietus, ignorat se magnam pecuniæ summam usuris, & injustis contractibus cumulasse, & admonitus a Confessario, prævidetur non restituatur, tunc relinquendus est in sua ignorancia. Hanc doctrinam apprime necessariam esse, ait Tamburinus, præsertim Confessariis Principum & mercatorum: at tanquam falsa responda est.

VI. Objiciunt 1. Quando manifestatio veritatis nocturna prævidetur, non profutura, nullus occurrit revelandæ veritatis finis iustus: immo, inquieti Salmantenses tr. 20. c. 5. punct. 3. n. 27. tunc Confessarii venenum propinan dum medicinam applicare videntur. Resp. Christus Dominus prævidit paucos suscepturos legem suam, plurimosque rebelles eidem fore, propterea ab ea promulganda abstinuit? Nullus est revelandæ veritatis finis justus? An non finis justus Sacramentorum custodia, ne profanentur ab indignis, & obcaecatis, qui aperire oculos lumini ultro se offerenti recusant?

VII. Objiciunt 2. auctoritatem S. Augustini, quæ habetur c. Si quis de pœnit. diff. 7. inquietis: Si scirem non tibi prodeesse, non te admonerem, non te terrerem. Resp. S. Augustinum loqui de correctione fraterna, inquietunt aliqui. Sed Doctor sanctus ibi sermonem habet de moribundo, cui suader pœnitentiam. Et subdit se ignorare num profutura eidem sit. Si enim sciret non profutram, eam non suaderet. Ignoranter ergo hæc auctoritas opponitur. (b)

VIII. Oppununt 3. Innocentius III. c. Quia circa, de consang. & affinit. inquit: Dissimilare poteris ut remaneat in copula sic contracta, cum ex separatione, sicut ascris, grave valeat scandalum imminere. Resp. Aliqui ajunt, Pontificem loqui de Episcopo, vel Parochio, secus de Confessario. Hac responsione relicta, vera exhibetur. Textus integer Pontificis loc. cit. hic est. Porro de vivo N. pro cuius dispensatione, indulgentia scilicet remanendi cum ea quæ ipsum quinto consanguinitatis gradu contingit, a Sede apostolica obtinenda, falsa nobis causa fuerit allegata, protestat; cum tamen ante dispensationem ob-

ten-

(a) Vid. Tom. 2. App. Diff. I. cap. 4.

(b) Vid. Tom. 2. App. Diff. I. cap. 4.

C A P U T III.

Opera ex conscientia invincibiliter erronea perfecta, licet careant malitia formalis, nulla tamen praedita sunt bonitate, aut merito.

tentam, unica filia quam habebat, viam fuerit universo carnis ingressa, prout tua consultatio continebat, dissimulare poteris ut remaneat in copula sic contraria, cum ex separatione (sicut assertis) grave videas scandalum imminere. Evidens est Pontificem approbare dispensationem, qua alioquin ob causam falso exposita nullam erat, ut caveat scandalum, quod ex separatione conjugium oriturum prævidebat. Vide quæ ibidem Glossa docet (a).

Inepte Navarrus cavillatur ejusmodi dispensationem, ut demonstratum loc. cit. luculentissimis rationibus est. Quare tum Augustini,

tum Innocentii testimonia laudati Casuistæ perperam opponunt.

IX. Paucis rem perfingo. Confessarii, ut absolvere pœnitentes valeant, hoc judicium forment necessum est: videlicet quod sincero corde, animoque contrito ad illud tribunal accedant: quod sincere velint observare omnia legis mandata: quod parati sint recipere instructionem omnium veritatum, quas divina lex sciendas, servandasque jubet. His ornatos dispositionibus præsumunt oportet Confessarii pœnitentes suos. Ergo nullo modo præsumere illos possunt aduersos, & rebelles ad suscipiendam notitiam divinæ legis, & præceptorum, quorum ignorantia laborant. Quod si tales præsumunt, consequitur necessario ut illos quoque indignissimos receptione Sacramentorum judicent. Vide plura loc. citat.

X. Berta bona fide nupsit. Illius matrimonium ob occultum impedimentum nullum est. Si admoneatur impedimenti, in proxima occasione fornicandi constituitur. Si reddere debitum nolit, vel interficitur a marito, vel mutua inter parentes inimicitia, & infamie oriuntur.

XI. Non pauci casus excogitant aut numquam, aut rarissime occurrentes, ut decisionem aliquam extorqueant, quam casibus postea paucim evenientibus applicent. Confessarius pro tribunali sedens, antequam Bertam absolvat, monere illam debet. Constituetur, inquis, in occasione proxima fornicandi, quia separari nequit sine scando. Occasio hæc necessaria, non libera erit: & opportunis remediis observari continentia potest, usque dum impetretur dispensatio. (b)

I. **P**robabilistæ communiter omnes defendunt, præfata opera bona esse, & meritaria. P. La-Croix lib. 1. q. 5. n. 14. & seq. auctoritate Terilli deceptus citat pro hac sententia S. Thomam; sed hæc est apertissima falsitas. Quia S. Thomas hanc sententiam validissime profligat, ut ex ejusdem sequenti doctrina constat. En eius doctrina 1. 2. q. 19. a. 6. **B**onum, inquit causatur ex *integra causa*, malum autem ex *singularibus defectibus*. Et ideo ad hoc ut dicatur malum id in quo fertur voluntas, sufficit sive quod secundum suam nativam sit malum, sive quod apprehendatur ut malum. Sed ad hoc quod sit bonum requiritur quod **UTROQUE** modo sit bonum. Quid luculentius? Quid quod communi fertur proverbio: *Bonum ex integra causa, malum ex quocumque defectu?*

II. Doctrina Angelici Doctoris illustratur. Voluntas recta esse nequit, nisi conformetur cum lege æterna Dei, quæ est fons universæ bonitatis. Hæc est prima regula, primum exemplar cuiuscunque voluntatis creatæ bonæ, & rectæ. Sed voluntas creata directa a ratione errante invincibiliter, quæ proponit mendacium, furtum, perjurium, & alia scelera ut bona, revocari in voluntatem divinam, suamque legem æternam nequit, nisi in Deum scelera refundere velimus.

III. Respondet P. Claudius La-Croix 1. 1. n. 24. Voluntas mentiendi non revocatur in Deum, nec approbatur a Deo per se concedo; per accidentis nego. Auditio? Mendacium ergo a Deo approbatur per accidentis. Deus confert præmium per accidentis mentientibus. Ut clarius horrem hujus doctrinæ percipias, in mentem revoca doctrinam invincibilis ignorantiae juris naturalis, quam defendant Probabilistæ: qui consequenter potiori jure propugnant ignorantiam invincibilem juris positivi divini, & humani, & vera Religionis. Quo certo facto posito, voluntates infidelitatis, ethanicismi, Mahometanismi, voluntates sectatorum Arianismi, Nestorianismi, Lutheranismi, Calvinismi: hæc, inquam, voluntates

C 2 tes

(a) Vid. Tom. 1. App. Diff. 1. c. 4. n. 28. & seq.

(b) Vid. Tom. 2. App. Diff. 1. c. 4. num. 48.

tes tot populorum invincibili ignorantia directæ, a Deo sunt approbatæ per accidens. Quid plura? In Deum revocandus est Atheismus ipse. Nam Deus ipse secundum Molinam, Arriagam, & Platellium, peccati philosophici propagnatores, ignorari invincibiliter potest. Secundum illos auctores dari potest conscientia invincibiliter erronea, quæ reputat licitam fornicationem, pollutionem, mendacium, & similia flagitia. Ergo hæc horronda sceleræ aeterno præmio coronabuntur.

IV. Confirmantur hæc omnia. Nulla actio meritoria vita æternæ sine divina gratia beneficio. Si fornicatio, si mollities, si mendacium, & alia similia crimina ignorantia invincibili reparata honesta, meritoria forent; jam gratia divina in hæc sciera influeret. Perhorrescis hæc inaudiens? At evadere heinc Probabilistæ nequeunt. Aut fateantur necesseum est, opera æterna gloria digna sine gratia divina; & est hæresis manifesta: aut concedere coguntur gratia divina adjuvari hominem ad fornicandum, adulterandum, mentendum, pejerandumque, quoties homo conscientia invincibiliter erronea judicat bonum esse mentiri, fornicari, pejerare, adulterari &c.

V. Respondet P. La-Croix loc. cit. n. 29. *Omnis voluntas (inquit) PERSE bona, est a Deo auctore; conceao. PER ACCIDENS bona, & nego. Plusquam egregie. Voluntas per accidens bona non est a Deo?* Voluntas per accidens bona significat quod voluntas bona est non absolute, sed ob ignorantiam invincibilem: iste enim est significatus ly per accidens. Ceterum hæc voluntas vere & realiter bona est: quoniam hæc bonitas meretur, ut adversarii fentur, præmium vitæ æternæ. Ergo datur bonitas moralis, & præmium vitæ æternæ, quod a Deo non est. Sed audi P. Carolum Casnedi, qui Tom. I. Disp. 6. sec. I. §. 3. n. 25. p. 167. hæc scribit. *Quoties ignorantiae moraliter invincibili prohibitionis, & malitia jungatur error invincibilis de honestate objecti, aut de precepto actionis, toties opus sub ea ignorantia, & errore elicitem, est honestum, & meritiorum.* Et patentius ibidem p. 192. subdit: *Ita quoque nullum absurdum, quod Christus Dominus dicat: Veni, benedictæ, accipe regnum, quia mentitus es, invincibiliter putans me in tali casu præcepisse mendacium.* Nonne hæc vel solum proposita quemdam horrorem ingerunt?

VI. Alio pacto urguntur adversarii. Si error hac prodigiosa efficacitate polleret ut posset vitiis atque sceleribus virtutis formam effingere, & meriti lauream circumducere; ejus-

dem dignitatis essent opera honesta veritatis lumine directa, ac opera flagitiosa errorum tenebris obiecta. Si erronea persuasio in operationem pravam refunderet bonitatem, quemadmodum vera cognitio in opus honestum; superflua foret illuminatio, superflus conciones, adhortationesque. Tandem nullum opus bonum est quod a prudentia virtute directum non sit. Hoc autem inter conscientiam & prudentiam discrimen est, quod conscientia, cum virtus non sit, modo vera, modo falsa est, modo recta, modo criminosa. Contra prudentia, cum natura sua virtus si intellectualis practica, aut vera est, aut prudentia non est; sed larva, & spectrum prudentiæ. Prudentia hæc numquam falli potest, tametsi fallantur interdum prudentes: nam si fallerentur, ipsa virtus non esset.

VII. Opponunt i. Qui errans existimat pauperem fictum, esse verum pauperem, ei que succurrit, vere exercet actum misericordiæ bonum, & meritorium. Ergo opus ex ignorantia invincibili proficisci bonum est. Petrus reputans hunc esse suum patrem, tenet illum honorare; fideles Missam audientes tenentur adorare hostiam, quamvis consecrata non esset. Hæc, & similia exempla opponunt Probabilistæ, ut imperitis fucum faciant, cum tamen sint nugæ Siculis vaniores.

VIII. Ut sophisma continuo deprehendas, distingue voluntatem succurrendi pauperi a voluntate mentendi, pejerandi &c. Quid iudicii tamen profers in utramque? Nonne istud? Prima potest esse bona, secus secunda. Homo, sive pauper sit, sive dives, nihil natura sua secum desert quod impedit eleemosynæ bonitatem, & meritum. Quoniam & dives, & quicumque ob bonum finem petere eleemosynam valet, & propter Christum se pauperem efficere. Quemadmodum in objecto indifferenti, ita multo minus in eleemosyna nulla est malitia que impedit actus bonitatem, & meritum. In mendacio & contrario, in perjurio, & in qualibet actione natura sua prava, malitia intrinsecus residet, quæ hostiliter pugnat cum bonitate, & merito. Iudicium autem in praefato casu dirigenς voluntatem est dictamen illud quod prescribit succurrendum esse pauperi; quod iudicium verum est. Præterea actus beneficentia erga hominem, quicunque ille sit, imperatus a caritate, semper bonus, & meritorius est: judicium vero, quo hic homo judicatur pauper, qui revera dives est, falsum est. Athoc judicium non dirigit voluntatem eleemosynæ. Sicut in voluntate saepe sunt mala

mala mixta bonis, non quod idem actus bonus sit, & malus: id enim chimericum est, sed quia reperiuntur actus boni, & mali, in vicem tamen disparati: ita & in intellectu falsa immiscentur veris; at numquam judicium falsum dirigere voluntatem rectam, vel virtutis actum potest. Insistunt argutantes. Materia eleemosynæ paupertas est. Hac sublata corruit virtus eleemosynæ. Resp. Falleres. Objectum eleemosyna est homo sublevandus; seu eleemosyna eo spectat ut homini succurrat. Si homo hic vere pauper est, eleemosyna omnino perfecta est. Si homo iste fingit se pauperem, tum eleemosyna caret hac prærogativa sublevandi pauperem. Propterea ne definit esse aetus bonus a caritate imperatus? Qui honorat patrem sicutum, non exercet honorationem filiale, quia deficit objectum, nempe paternitas; at exercet actum bonum, nempe honorat proximum, & seniorem. Qui adorat hostiam non consecratam, committit actum idolatriæ materialis, quæ non imputatur ad culpam ob ignorantiam invincibilem. Intentio autem adorandi Deum bona est, nec inficitur ab electione materialiter prava, sola quippe malitia formalis inficit intentionis aetum.

IX. Opponunt i. Quando ratio mihi quidquam proponit ut præceptum, teneor illud exequi. Ratio mihi hoc in casu proponit mentiendum, vel pejerandum ob proximi salutem. Ergo teneor hoc implere. Resp. Vera hæc omnia sunt, quando ratio, seu conscientia est invincibiliter errans. At unde infertur ejusmodi actus esse bonos? Actus isti pravi re ipsa sunt; at non imputantur ad culpam ob invincibilem ignorantiam.

X. Insistunt. Mendacium in hac hypothesi non est bonum. Atqui neque malum est. Ergo est opus indifferens. Actus in individuo indifferentes non dantur: ergo aut mali, aut boni sunt. Resp. Mendacium illud, perjurium, furtum, & cetera opera natura sua prava, semper mala sunt, etiam dum representantur ut bona; at ad culpam non imputantur, ut dictum est sapientius, in hypothesi quod ignorantia sit invincibilis. Non dantur opera indifferenter in individuo quæ ex deliberata ratione manant; sunt vero indifferenter quæ ex necessitate proficiscuntur.

XI. Mitto plura alia sophismata, quia omnia inepta sunt & vana. Legesis T. 2. App. Diff. i. c. 5. §. 2. &c. ubi omnes Terilli argumentationes profligatas reperies.

XII. QVEST. UNIC. *Quid sit conscientia perplexa?* RESP. Est judicium quo judicas te Tom. I.

peccare, sive hanc, sive alteram partem eligas. Si ignorantia vincibilis sit, peccas quamcumque partem elegeris: & ut peccatum evitetur, deponi judicium debet, cum sit erro-neum. Si autem ignorantia sit invincibilis, & deponi judicium nequeat, tum eligendum quod minus malum videtur, & quod minus propriæ favet libertati, & appetitionibus. Verum hæc rara sunt, & vix unquam eveniunt: idcirco latius discutienda non sunt.

C A P U T IV.

De conscientia dubitante.

I. **C**onscientia dictamen practicum est: dictamen autem seu judicium in se dubium non est, cum dubitatio sit judicij suspensio. Dicitur itaque conscientia dubitans *objective*, seu *terminative*, quatenus circa ipsam rem dubiam habet homo varia judicia practica in utramque partem, quæ sententiam super eadem re suspendunt.

II. Plures dividunt dubium in *positivum*, & *negativum*. Dubium *positivum* vocant quando pro utraque parte æquales dubitandi rationes occurunt, *negativum* dum nulla se offert dubitandi ratio. Hæc divisio chimærica est. Quando nulla occurrit dubitandi ratio, non dubium, sed *nescientia*, & ignorantia est, & vocatur. Neque enim ego dubito sintne astra paria, vel imparia; sed nescio. Vana quoque est aliorum divisio quæ dicunt, dubium negativum versari inter rationes leves, positivum inter rationes graves. Rationes leves non dubium, sed scrupulum inducunt, vel suspicionem; & spernendæ sunt. Prudens nemo ex levibus indicis ad dubitandum movetur, sed illa contemnit.

III. Dubium itaque positivum, quod verum dubium est, de quo in præfens disputatur, tunc est quando utrinque aequalia, aut fere aequalia rationum momenta intellectui sese offerunt. Tunc enim mens æqualibus pressa ponderibus suspensa, & anceps hæret, siuunque retinet judicium. Dubium itaque proprio dictum suspensionem assensus includit in utramque partem ob rationum æqualitatem.

IV. QWEST. i. *Quotuplex sit dubium?* RESP. Duplex, juris, & facti. Dubium juris est, cum quis dubitat de lege, de præcepto, de voto, seu de obligatione quacumque. Obligationis enim respectu illius rei ad quam obligat, legis rationem habet. Dubium facti tunc est cum dubitatur utrum aliquid sit factum, puta utrum heri jejunaveris, audieris

Sacrum, recitaveris Breviarium. Eadem res potest esse materia dubii juris, & facti substantiatione diversa. Dividitur insuper dubium in *speculativum*, & *practicum*: illud honestatem actionis absolute spectat, istud exercitum operis. Dubitas sine licitum pingere in die festo, an haec uestis tua sit. Haec dubia speculativa sunt. His perseverantibus dubitas utrum hic & nunc pingere tibi liceat hoc die festo, & retinere uestem quam possides. Haec sunt dubia practica. Dubitas incurris ne censuram, aut irregularitatem. Hoc dubium speculativum est. Hoc dubio persistente dubitas utrum tibi nunc liceat celebrare. Dubium hoc practicum est.

V. QUÆST. II. *Utrum operari cum conscientia dubia de peccato, peccatum sit?* RESP. Adfirmant omnes, te peccare. Dubitas licitus ne sit contractus iste; & dubitatione manente contractum celebras: certum est hoc in casu te peccare. Quoniam usque dum dubium non deponis de justitia, aut injustitia contractus, aneps intellectus manet; & si voluntas opus aggreditur, ita parata est ut illud exequi velit, sive sit, sive non sit contra legem Dei. Qui enim dubitans operatur, proximo periculo se exponit peccandi mortaliiter, cum aquæ probable sit peccatum ac non peccatum.

IV. QUÆST. III. *Quid dicendum de discrimine quod a nonnullis constituitur inter dubium facti, & juris?* RESP. Pater Cardenas in *Crit. Tr. i. D. 6. c. 6. a. 1.* docet, in quaestione facti paria testium momenta rem indecisam relinquere; itaut judex nequeat in alterutram partem sententiam ferre; oppositum vero in quaestione juris evenire contendit. Priorem partem invictis rationum momentis evincit; & in confirmationem plura utriusque & canonici, & civilis juris testimonia adducit. Verum haec argumenta idem dicendum esse evincunt in quaestione juris, ut fuse probavi *Tom. II. App. Diff. i. c. 6. §. unic.*

C A P U T V.

Exponuntur illæ due regulae: In dubiis tutior pars est eligenda: In dubiis melior est conditio possidentis: & que diligentia requiratur ad dubium deponendum.

I. **T**utius 1. sumitur compare ad oppositam partem tutam. Status religiosus tutior est laicali & matrimoniali; uterque tamen status, laicalis, & matrimonialis

tutus est. 2. *adversative* ad partem non tutam, sed dubiam: quo in sensu sola pars tutior in dubiis tutia est: idcirco tutior præcipitur eligenda. Pars *tutior* dicitur per recessum a peccato. Pars *probabilior* per conformitatem ad legem, & veritatem. Pars *tutior* in dubio positivo semper est eligenda, ut infra demonstrabitur.

II. Altera regula est: *In dubio melior est conditio possidentis.* Hac regula abutuntur Probabilista. Haec regula locum habet in materia justitiae. Bona fide agrum possides, titulum possessionis, & dominii in controvèrsiam vocat adversarius lite intentata. Jura omnino æqualia apparent post diligens examen. Tunc possessio tollit æqualitatem, & ager adjudicatur possessori. Haec itaque secunda regula optime conciliatur cum prima: *In dubiis tutior pars est eligenda.* Siquidem illa pars quæ ultra juris æqualitatem assertam possessionem, tutior evadit. Hac ratione vera quoque est regula altera: *In dubiis tutius est favere reo.* Quoniam dum dubium versatur inter reum & actorem, tutius est dubium reum absolvere quam damnare. De duobus enim malis necessariis tutius est minus eligere. Minus autem malum est reum absolvere quam innocentem damnare. Præfata regula extra justitiae confinia locum non habet, ut infra demonstrabimus contra Probabilistas, quos non pudet jactare possessionem libertatis adversus ipsum Deum, seu eus æternam legem.

III. Omnes adfirmant, diligentiam adhibendam esse in investigatione veritatis necessaria ad dubium deponendum. Qualis vero diligentia gradus necessarius sit, difficile est præscribere; sequentes tamen regulas prudentum judicio submitto.

IV. REGULA I. Spectanda sunt & materiæ gravitas, & consecratio quæ inde manant. Conditio personæ dubitantis præ oculis habenda est. Si haec scrupulis angatur, si sit conscientia bene morata, non parum deservit ad judicium formandum de dubii depositione. Non omnes ad eundem diligentia gradum tenentur. Homo doctus consulat aut doctiores, aut æquales. Non adstringitur adire omnes, sed quos in gravi negotio consuleret. REGULA II. Christiano ignato sat erit consulere Parochum, vel Confessarium, quando nulla solida ratio occurrit de ejus probitate, & doctrina dubitandi. REGULA III. Spectanda est temporis circumstantia. Nam interdum negotium moram non patitur: & tunc divino implorato auxilio quod prudenter

tia suggerit, decernendum est: REGULA IV. Requiritur animi sinceritas, desiderium, & studium inquirendæ, & comparandæ veritatis. Tunc autem hanc adesse sinceritatem, & comparandæ veritatis studium præsumitur, cum non in proprium commodum, & utilitatem animo indulgendi propriis appetitionibus res queruntur, sed omnia in gloriam Dei, proximique salutem ordinantur. Contra illi sincere veritatem non inquirunt qui opiniones propriæ libertati, & commodo saven-tes venantur, illosque Doctores consulere student quos blandiloquos & indulgentes cognoscunt. REGULA V. Ferventes, & humiles preces Deo, qui illuminat omnem hominem venientem in hunc mundum, fundendæ sunt. Clama, ne cesses: *Illumina tenebras meas. Da mibi intellectum, & vivam.* Qui sincero humiliisque corde ad Patrem luminum accedit, lucem assequetur: quia sicut non permittit ultra vires nos tentari, ita nec finit mentem nostram obcaecari, quando ferventer ejusdem lumen perimus, & rogamus.

C A P U T VI.

De conscientia scrupulosa.

I. **C**onscientia scrupulosa, seu scrupuli hæc est notio: *Est levis quædam suspicio peccati cum nimia operandi anxietate.* Distinguitur scrupulus a dubio, quod istud in judicio suspensione situm sit; ab opinione, quæ nititur gravi fundamento. Ultimæ particulae *cum nimia anxietate operandi* constituant verum scrupuloso hominis characterem, qui continuis angustiis premitur.

II. Ex hac scrupuli finitione, quam sit erronea vulgi opinio, patet. Mundani homines, & corruptelis addicti loco scrupulorum habent christianos viros æternæ salutis studiosos, & sollicitos: qui summa vigilancia & peccata, & peccati pericula declinare student; qui illecebros insipientis mundi, choreas nempe, ludos, comædias, spectacula queaque detestantur, & gravissimis præceptis humilitatis, & inibiandi evangelicas perfectioni operam sedulam navant. Verum caci sunt, qui præfatos Christianos scrupulorum numero accensent.

III. Plures assignari scrupulorum causæ solent. Primo naturæ dispositio. Temperamentum quod frigido, & melancholico humore abundet, ad suspiciones, & pavores declinat. Sulpicio tetro penicillo res depingit, & spectra fabricat; hæc phantasiam accen-

dunt, & timorem excitant. 2. Capitis infirmitas, & imaginativæ laeso, nimia corporis maceratio, & diurnæ vigiliae. Hæc cause ut expellantur, medicorum arte opus est.

IV. Aliæ cause aut a dæmone, aut a propria vitiis oriuntur. 1. Dæmones promovent humores melancholicos & tetros, unde scrupuli manare solent. 2. Societas, & familiaritas cum scrupulosis. 3. Ignorantia, quæ impedit distinctionem boni a malo. 4. Superbia, qua quis nimium proprio iudicio fit. 5. Deus etiam permittit interdum aliquas animas scrupulis vexari aut in criminum pœnitentiam, aut ad majorem perfecitionem.

V. Duplex scrupulorum genus. Alterum eorum qui re ipsa probi, & optime morati sunt, & nimia anxietudine declinandi vel ipsam peccati umbram torquentur scrupulis. Alterum eorum qui scrupulos sibi movent in rebus nullius momenti. Scrupulis se torque ri ajunt, quod mente distracta oraverint, quod temere de proximo iudicium tulerint, quod internis suggestionibus prompte non resistierint. Ceterum nullum sibi scrupulum movent, quod præceptum eleemosynæ non impleverint, quod laute vivant, suisque appetitionibus indulgere studeant, quod debita suæ professionis implere negligant: loco pro verbii fertur, quod scrupulosi sunt golosi, duræ cervicis, & commodorum amatores.

VI. QUEST. I. *Quænam scrupulorum remedia?* RESP. Plura assignant auctores. P. Hermanus Busembæum inter regulas quas pro scrupulis pellendis exhibet, unam assignat cap. 3. quæ illius *medulla dulcedinem patefacit*, & est n. 4. posita, hisque verbis concepta apud P. La-Croix p. 51. ASSUEFACERE se ad sequendas sententias mitiores, & minus etiam tutas. FIL. n. 181. Tò assuefacere emphasi præfert, & latissime divagatur per viam latam, & spatiofam. Non est opus persuasione ut homines assuefiant se opinionibus mirioribus, & minus tutis. Natura quippe sua proni sunt ad mitiora, & laxiora, & minus tuta. Hanc regulam ut falsam, & perniciosa rejicio.

VII. REGULA I. Scrupulosi ingrediantur viam arctam & angustam quam Christus prescribit, & caveant a via lata, & spatiofam, quæ dicit ad perditionem: id enim non ad scrupulos fovendos, sed potius abigendos perutile est. 2. Assuefiant humilitati, precibis, & pietatis operibus. 3. Exerceant se in virtutibus theologicis fidei, spei, & caritatis. 4. Sollicite caveant tum mortalia, tum ve-

nalia . 5. Sanctorum vitam imitantur . 6. Seligant directorem doctum , & pium , & sanæ doctrinæ assertorem . 7. Ejusdem consiliis pareant ad natum , & ejusdem decisiones suscipiant ut Dei . Acceptis semel regulis directionis , non debent importune directorem adire , & molestissimis interrogationibus vexare , & tædio summo afficere ; sed regularum quas acceperunt , beneficio abigere scrupulos , & spectra debent .

VIII. QUÆST. II. *Quomodo se gerere Confessarius cum scrupulosis debeat?* RESP. 1. De-nuntiet scrupulosis se nolle eorundem regi-men lascipere , nisi exactam & cæcam obedientiam omnino spondeant . 2. Iisdem suadeat sanitatem eorum in obedientia præser-tim sitam esse . 3. Scrupulorum causas ex-ploret . 4. Si præterita vita vitiorum , & sac-creligiorum plena causa sit scrupulorum , con-fessionem generalem , methodumque tenen-dam in eadem facienda præscribat . Hac per-acta severe iisdem vetet ne imposterum de-præteritis vitiis recognitent . Ad lumen ter-aut quater audiat aliquid præterita vita pec-catum . Deinde ostium elapsæ vita omnino claudat . 5. Exerceat eos in virtutum offi-ciis . Diabolus versatus & vafer est . Cum non potest animum scelerum repræsentatione recta aggredi , & subigere , conatur jugum Christi exasperare , & virtutis viam spinis , & tribulis aspergere : continuis spectris men-tem replet , & cæli iter impervium , atque humanis viribus impar depingere conatur , ut animus tandem desperatione oppressus in vetera flagitia relabatur . Curet igitur Confessarius scrupulorum vires erigere , spem in divinam misericordiam fovere ; & præter-itæ vita recordationem , quæ animum tur-bat , penitus ab eisdem aboleat .

IX. Sit benignus , & misericors Confessa-rius in animando inflammandoque spiritu ho-minis scrupulosi ; severus vero in admitten-da confessionum elapsæ vita repetitione . Ma-nifestet quam gravia mala scrupuli pariant . 1. professionem virtutis odiosam efficiunt . 2. desperationem inducent . 3. consolationem , & gaudium moratae vita impedient . 4. ani-mam afflictionibus replet : temporis jacturam in vanis cogitationibus , & innumera alia mala parint .

X. QUÆST. III. *Licitum ne est contra scrupulos agere?* RESP. Non licitum , sed debitum est scrupulos contemnere , & iis spre-tis contra eosdem agere . Quando aliqui scrupulosi dubitant aut de attentione necessaria in precibus recitandis , aut de omissione ali-

cujus psalmi , vel horæ , aliqui Casuistæ sug-gerunt petendi iuramentum a scrupuloso : Ju-rares ne te omisisse horam , non fuisse atten-tum , te consensisse tentationi &c. ? Hanc ju-ramenti petitionem ineptam , & vanam re-puto . Aut scrupulofus omnino contemnat e-jusmodi suspiciones ; aut Confessarius jubeat ut flexis genibus repeatat horas , psalmos , quos omisisse dubitat . Forte hæc vexatio in-tellectum dabit . Spectanda tamen est scrupulorum diversitas . Commune , & genera-le remedium est hæc omnia contemnere , & urgere scrupulorum ut imposterum vigilantiorem , & devotiorem se habeat in suis oeun-dis officiis . Repetitio precum inepta est , & elapsa negligentia melius non deletur quam si magis attente , devote , & ferventer pro-pria officia impleantur .

DISSERTATIO II.

De Probabilismo ejusque consequariis .

Probabilismus per universam Theologiam excurrit . Fermentum est quod univer-sam doctrinæ massam inficit . Utrum eam corrumpat , aut animabus utiliorem efficiat , in disputationem vocatur . Imbecillati meæ adeo evidens appetit Probabilismum univer-sam morum doctrinam corrumpere , & omnes christiana doctrinæ regulas pervertere , & ab imis fundamentis suffodere , ut verba desint quibus exprimere id pro dignitate valeam . Ne vero hanc meam sinceram , & ingenuam scribendi rationem carpere ullo modo possint Probabilistæ , in eorundem memoriam revo-co quod in *Pref. ad Reg. Mor. §. 11.* scri-bit doctissimus Jesuita P. Ignatius de Ca-margo . Nemo , inquit , jure reprehendat eum , qui disputans in sententiam benignam dedu-zerit ex ea sequelas plurimas , quas affirmet , aut probet esse longe HORRENDSIMAS , vel HÆRETICAS , aut blasphemias Alio-quin argumentum ab absurdo , quod ajunt , vel ab impossibili , quo nullum in Theologia , frequentius est , oportebit de medio tollere . Subdit vero ibidem celebrissimus hic Jesuita . At video plures esse Probabilistas sane DELI-CATISSIMOS , qui cum ipsi AUDACISSIME non modo de nostra sententia , verum etiam de PATRONIS ipsius quidvis loquantur , & scri-bant , benignam tamen suam opinionem vel LEVITER tangi nos ferunt . At velint , no-lint , sustineant patienterque ferant necessum est ut nos pro modulo nostro , omni huma-no respectu contempto , evangelicam morum doctri-

doctrinam a vanis commentis, & perniciosis
opinionis vindicemus.

C A P U T I.

*Opiniones a S. Sede damnatae in contro-
versia Probabilismi.*

I. IN universo hoc opere primum omnium
damnatas ab Ecclesia theses ob ocu-
los lectorum revocabo, ut in anteceßum ca-
vere sibi ab errandi periculo queant. Se-
quentes autem in Probabilismi controversia
proscriptis Romana Sedes sub Alex. VII. &
Ven. Innoc. XI. Pontifice O. M.

1. Si liber sit alicujus junioris, & moder-
ni, debet opinio censeri probabilis, dum non
constet rejectam esse a Sede Apostolica tanquam
improbabilem. 27. Alex. VII.

2. Non est illicitum in Sacramentis confe-
rendis sequi opinionem probabilem de valore
Sacramenti, relicta tutiore, nisi id vetet lex,
conventio, aut periculum gravis danni incur-
vendi. Hinc sententia probabili tantum uen-
dum non est in collatione Baptismi, Ordinis
sacerdotalis, aut episcopalis. 1. Innoc. XI.

3. Probabiliter existimo, judicem posse ju-
dicare juxta opinionem etiam minus probabilem.
2. ejusdem.

4. Generatim dum probabilitate sive intrin-
seca, sive extrinseca, quantumvis tenui, modo
a probabilitatis finibus non exeat, confisi ali-
quid agimus, semper prudenter agimus. 3.
ejusdem.

5. Ab infidelitate excusabitur infidelis, non
credens ductus opinione minus probabili. 4.
ejusdem.

6. Probabile est ne singulis quidem rigorose
quinquenniis per se obligare praeceptum carita-
tis erga Deum. 6. ejusdem.

C A P U T II.

*Quid, & quotuplex sit opinio probabilis, pro-
babilior, tuta, & tutor. Germanus sensus
questio[n]is proponitur.*

I. VERA opinionis probabilis finitio haec
est: Assensus intellectus ad unam par-
tem cum formidine partis oppositae propter moti-
vum probabile, ut S. Thomas cum ceteris
Theologis docet 1. p. q. 79. ar. 9. ad 4. Pro-
bable accipitur per ordinem ad veritatem.
Quæ veritas, si rationibus evidenteribus &
certis menti pateat, tunc mens elicit assen-
sum certum & evidentem, habetque de ta-

li veritate certitudinem omnis formidinis de
opposita parte expertem. Si haec veritas so-
lis rationibus probabilibus se menti offert,
tunc mens format assensum opinativum, seu
opinionem probabilem. Quare idem valet
probabilitas, ac verisimilitudo.

II. Una opinio verisimilior, seu probabi-
lior altera dicitur, quando occurunt solidiora
momenta pro illa quam pro hac. Quare
probabilior est quæ magis accedit veritati.
Opinio minus probabilis nuncupatur quæ mi-
nus accedit veritati, & ab eadem magis di-
stat quam probabilior. Ante ortum Probabi-
lismi sola opinio probabilior pro opinione pro-
babili habebatur. Nam opinio minus probabi-
lis in conspectu probabilioris antiquis omni-
bus probabilis non fuit, & re ipsa non est,
ut infra palam fiet. Ut cumque tamen res se
habeat, ab hoc discrimine nostra sententia
non pendet.

III. Opinio probabilis dividitur in specu-
lativam, & practicam. Haec partitio ab solu-
te accepta vera est. Nam scientia alia spe-
culativa sunt, quæ in sola speculatione, &
meditatione consistunt; aliae ad opus se exten-
dunt, & dicuntur practice. Hac distinctione
plures abutuntur, qui opinionem speculative
probabilem vocant, quæ spectat actionem a
suis peculiaribus circumstantiis praecisam; &
practicam, quæ considerat objectum, seu a-
ctionem suis circumstantiis vestitam. Heinc
colligunt opinionem quæ erat probabilis spe-
culativa, evadere practice improbabilem pro-
pter variationem circumstantiarum. Hanc di-
visionem hoc pacto explicatam merito impu-
gnat P. Valsquez tom. 1. in 1. 2. disp. 62.
cap. 4. & disp. 65. cap. 1. Nam quando va-
riantur circumstantiae in genere moris, opi-
nio non remanet eadem, sed altera evadit.
Eadem enim opinio dicitur speculative, qua-
tenus meditatur objectum cum omnibus suis
circumstantiis, & sicut in sola speculatione;
evadit autem practica, prout dirigit, & im-
perat executionem operis. A probabilitate
quippe speculativa oritur practica; seu ipsa
probabilitas speculativa extensione fit practi-
ca absque ullius circumstantiae variatione, &
diversitate.

IV. Rursus opinio est probabilis ab intrin-
seco, quæ nititur solido, & gravi fundamen-
to rationis, & est probabilis ab extrinseco,
quando nititur auctoritate Theologorum.
Haec auctoritas non tam ex eorum numero
quam ex eorum merito, doctrina, & sancti-
tate metienda est. Præterea altera est opinio
probabilis objectiva, quæ in se talis est,
qua-

quatenus pro se habet gravia rationum momenta, sive a ratione, sive ab auctoritate acserita; & altera opinio probabilis *subjectiva* dicitur, quæ viro serio, & mature consideranti rationes, & fundamenta ejusdem illi talis appetit. Si haec rationes revera solidae, & graves sint, tunc opinio est probabilis & *objective*, & *subjective*.

V. Tandem opinio alia tuta, alia tutior. Status laicalis, & matrimonialis tutus est: tutior est status religiosus: uterque tamen status tutus est. Et quia hoc exemplo utilitur P. Medina 1. 2. q. 19. ar. 6. in explicatione probabilis, & probabilioris, idecirco excusari a multis solet a *Probabilismo* recentiorum. Usus igitur istius distinctionis locum habet tum solum cum ambæ sententiae certæ sunt, sed una remotior est a peccandi periculo etiam materialiter. Contritio caritate imperfecta formata sufficit in omnium sententia ad Sacramentum pœnitentiae. Haec sententia tuta est. At si caritas perfecta sit, tutior sane sententia evadit.

VI. Imperitorum plurimi confundunt sententiam tutiorem cum probabiliore, & tamen cum minus probabili. Heinc *Probabilistæ* vocantur ab imperio vulgo *Tutoristæ*, & *Rigoristæ*. Sed haec putida calumnia est ex ignorantia, & quidem supina parta. Opinio itans pro lege *tutior* est, at non propterea *probabilior*. Quoniam opinio *tutior* dicitur quæ magis removet hominem a periculo peccandi. Si tamen interdum asseratur talem opinionem obstringere hominem ad ejusdem executionem, falsa, & improbabilis erit. Tutius sane quis servabit castitatem, si nunquam mulieres aspiciat, aut alloquatur, & tutius abstinebit ab usura, si nullus ineat contractus. At si obstringere absolute velis homines ut ab omnium mulierum colloquio, & ab omni contractu abstineant, opinio penitus improbabilis, & falsa est. Opinio quippe *tutior*, & opinio *probabilior* a diversis principiis manant: haec a majori accessu ad veritatem, & a gravioribus rationum momentis; illa a majori recessu a periculo peccandi.

VIII. Ultimo dividitur probabilitas in probabilitatem *conscientie*, & in probabilitatem *impunitatis*. Probabilitas *conscientie* ea est de qua hactenus. Probabilitas *impunitatis* ea est qua gaudent libri editi cum approbatione Revisorum seu Censorum: quæ probabilitas minime sufficit ad formandam *conscientiam probabilem*. Quare proscripta est ab Alexander VII. sequens opinio: *Si liber sit aliqui-*

*jus junioris & moderni, debet opinio censeri probabilis, dum non constet esse repletam a Se-de apostolica tamquam improbatam. Heinc patet quanta laborent ignorantia illi qui efficiunt: Liber approbatus est: ergo opinio sua fruitur probabilitate. Hac sola probabilitate *impunitatis* gaudent plures Ordinum Regularium constitutiones, quæ approbatæ sunt in forma communi, secus in forma specifica. Hac approbatione rite solemní omnes sententiae, & leges in libro contenta sigillatim discutiuntur, & approbantur. An hac approbatione in forma specifica, ut ajunt, aliquæ Ordinum constitutiones sint approbatæ, me latet. Communiter approbatæ sunt in forma communi; & tunc sola gaudent probabilitate *impunitatis*. Quamobrem sicut in aliis libris approbatis in forma communi, sic & in his constitutionibus occurrere opiniones possunt improbabiles. Et tunc inepit elegantur approbationes pontificiae, ut tales improbabiles opiniones propugnantur ut probabiles probabilitate *conscientie*, cum sint damnatax probabiles probabilitate *impunitatis*.*

STATUS QUESTIONIS exponitur.

VIII. Argumentum de quo disputatio instituitur, & quod per univerlam Theologiam excurrit, eiusmodi est. *Quis dubitat sit ne aliqua actio mala mortaliter, seu divina lege prohibita. Is agnoscit in utramque partem Theologos graves, & pios invicem pugnare, sibique contradicere. Omnibus mature expensis tum a ratione, tum ab auctoritate probationibus, deprehendit, & judicat verosimilium tam actionem esse vitiosam: videt fundamenta que evincunt malitiam, & probationem actionis esse graviora, & superare fundamenta opinionis opposita, que stat pro honestate ejusdem actionis. Queritur possit ne is, rejecta probabiliore, sententiam amplecti minus probabilem, & prefatam actionem libere exequi.*

IX. Negant *Antiprobabilistæ*. Adfirmant e contrario *Probabilistæ*, atque defendunt, licet esse usum utriusque opinionis, ita ut possit Christianus quam maluerit eligere. Probabiliori quidem ex confilio majoris perfectionis, minus vero probabilem ex libertate electionis; cum nullum præceptum urget ad priorem.

CAPUT III.

Argumento evidenti, & ineluctabili evincitur, doctrinam de licito usu opinionis minus probabilis in conspectu probabilioris esse falsam & antievangelicam.

PRIMA PROPOSITIO.

I. **A**rticulus fidei est Evangelium Christi continere solam & puram veritatem cum exclusione cujuscumque falsitatis, atque hoc Evangelium esse regulam certam & tutam, quam pro nostra conscientia dirigenda Deus nobis assignavit.

Hæc prima propositio articulus fidei est, & extra cujuscumque disputationis, & cavillationis aleam constituta.

SECUNDA PROPOSITIO.

II. Probabilistæ docent licitum usum utriusque propositionis contradictoriæ, quarum una si vera est, altera falsa sit necessum est. Utraque enim esse vera nequit, ut omnes factentur.

Hæc secunda propositio est ipse status quæstionis. Est veritas facti luculentissima, quæ revocari in controversiam a nemine potest, nisi quæstionis status destruatur.

TERTIA PROPOSITIO.

III. Ergo doctrina Probabilismi est anti-evangelica, cum doceat licitum usum falsitatis, quæ in alterutra opinionum continetur, quæque hostiliter cum Evangelio pugnat. Consequentia hæc legitima est, & necessario manat ex duabus primis propositionibus.

§. I.

Brevi explicatio prima propositionis.

IV. Utique lex evangelica est regula extrinseca & remota operationum moralium, & regula intima & proxima est mentis ratio, qua ipsa lex evangelica proponitur. At cum lex ista sit lex veritatis, uti de fide est, qui statuunt regulam conscientiæ esse falsitatem, ut *cognitam*, docent errorem antievangelicum. Quis hoc inficiabitur? Hoc docent Probabilistæ vi sui sistematis; quod evinco explicando secundam propositionem.

§. II.

Brevi explicatio secunde propositionis.

V. Fateor certo nobis non constare, quænam ex duabus opinionibus vera sit. Nam evenire, licet perraro, potest ut opinio quæ nobis probabilior videtur, falsa sit, & minus probabilis, vera. Quid heinc? Illud sane quod si post maturam diligentiam Antiprobabilista erret in eligenda falsitate veritatis loco, dignus excusatione error sit. Siquidem Antiprobabilista veritatem ut regulam certam, & evangelicam veneratur, & propugnat solam veritatem esse normam conscientiæ nostræ. Huic autem principio non contradicit, si ob suam imbecillitatem in sanguinea sententia quam veritati propinquiorem certo judicat, decipiatur.

VI. Probabilista e contrario loco sistematis & principii constituit sciens & volens, licitum esse usum opinionum contradictiorum, quarum si una vera est, altera falsa sit oportet. Certo, & evidenter scit Probabilista, quemadmodum sciunt omnes, alterutram contradictoriarum esse falsam. Ergo dum Probabilista loco principii constituit licitum usum contradictiorum opinionum, *dogmaticæ* errat: quia pro regula conscientiæ statuit falsitatem *cognitam*, quam scilicet in alterutra opinionum contradictiorum contineri certo scit. Quamvis enim ignoret quænam ex duabus vera sit; evidenter tamen scit, in alterutra contineri falsitatem. Ergo loco sistematis constituendo licitum usum utriusque opinionis contradictoriæ, sistematically docet licitum usum falsitatis etiam *cognitæ*. Nihil autem hostilius pugnat cum evangelica veritate, quam falsitas. Dupliciter ergo errat Probabilista. Primo *dogmaticæ*, ut ostensum est, quia pro sistente constituit licitum usum falsitatis *cognitæ* contentæ in alterutra contradictoriarum propositionum: secundo *moraliter*, contra prudentiam, & debitam inveniendæ veritatis, dum opinionem minus probabilem, seu minus propinquam veritati, & magis vicinam falsitati, feligit in conspectu verisimilioris prosua conscientiæ regula. Sed de hoc secundo infra. Nunc enim de solo errore, qui dogmaticus dici potest, sermo est.

§. III.

§. III.

*Probabiliste simplex & perspicuum responsum
præbere huic demonstrationi
non possunt.*

VII. Torquere ingenia sua Probabilistæ, & distinctionum centones infarcire possunt; at nunquam simplex, & perspicuum præfatae demonstrationi dabunt responsum. *Proposito prima articulus fidei est, millies in Scripturis repetitus. Lex tua veritas. Lex veritatis in ore ejus : psal. 118. Omnia mandata tua veritas. Mandasti justitiam testimonia tua, & veritatem tuam nimis.* Subdit Zacharias c. 8. *Veritatem tantum, & pacem diligite.* Deus veritatem custodiendam tradidit populo suo. *Gens justa custodiens veritatem : inquit Isaías c. 26.* Populus Dei hanc veritatem manifestat, repetit c. 28. Isaías. *Notam faciet veritatem.* Et per hanc veritatis semitam Filii Dei ambulant. 3. Reg. 3. *Ambulantes in veritate.* Hanc elegit David psal. 118. *Viam veritatis elegi, minime viam probabilitatis.* Hac veritate sancti evadimus. *Sanctificati in veritate.* Ipsi parati sunt ad veritatem propugnandam, inquit Paulus 2. Cor. 13. *Non enim possumus aliquid adversus veritatem, sed pro veritate.* Hæc est sanctitatis regula. In *sanctitate veritatis*, subdit idem Paulus Epheſ. 4. In mundum Christus venit ut hanc nos doceret veritatem, pergit Paulus 1. ad Timoth. 2. *Qui vult omnes homines salvos fieri, & ad agnitionem veritatis venire.* Electos suos filios veritatis appellat, Jac. c. 1. *Genuit nos verbo veritatis.* Quoniam Deus veritas est. Veritas est quæ nos a peccato liberat, subditur Joan. c. 8. *Cognoscetis veritatem, & veritas liberabit vos.*

VIII. Privatio veritatis nota est reproborum, ut habetur 1. Mach. Non est veritas in eis. Sunt isti, inquit 1. ad Timoth. 6. Paulus, veritate privati: additque 2. ad Thess. c. 2. Non crediderunt veritati: immo a veritate auditum avertent: 2. Tim. 4. Avertentes se a veritate: ad Tim. 1. Resistunt veritati: 2. ad Tim. 2. Ipsi veritatis amore destituti sunt: *Caritatem veritatis non receperunt:* 2. Thess. 2. Non acquiescent veritati: Rom. c. 2. Veritatem non loquuntur: Jer. c. 9. Qui veritatem in iniustitia detinent: Baruch. 4. atque opinionum pravitate in mendacium transformant: *Commutaverunt veritatem Dei in mendacium:* Rom. c. 1. Veritatis oblivio terram replevit, ait Isaï. c. 59. *Facta est veritas in oblivionem.* Ita est, clamat Oseas c.

4. *Non est veritas in terra.* Hanc obscurare & extenuare tentant homines: *Diminutæ sunt veritates a filiis hominum :* psal. 11. Quænam vero major diminutio veritatis, quam si rejiciatur quod magis accedit veritati, & eligatur quod plus distat a veritate, seu quod judicatur minus verum; cum Deus contra imperet? *Mandas mandata tua custodiiri nimis :* psal. 118. Tandem Deus Eccli. 37. hæc præcipit: *Ante omnia opera verbum VERAX præcedat te, & ante omnem actum consilium stabile,* non minus verax, nec minus stabile.

IX. Hinc itaque conficitur argumentum. Articulus fidei est, evangelicam legem, quam pro conscientiæ nostræ regula certa, tuta, & indefectibili Christus Jesus nobis dedit, puram & solam veritatem continere, & omnem falsitatem rejicere, & detestari. Hæc, ut dixi, veritas fidei est. Probabilistæ defendunt, & quidem pugnacissime, licitum esse usum contradictiorum opinionum, in quarum alterutra contineri falsitatem antievangelicam, certo & evidenter sciunt. Ergo Probabilista certo & evidenter docent falsitatem cognitam vi sistematis esse regulam reæ conscientiæ. Ergo Probabilistæ propugnant doctrinam antievangelicam.

X. Secunda propositio est evidentissima, cum sit argumentum disputationi subjectum. Negant ne Probabilistæ licitum usum opinio- nis probabilioris? Negant ne licitum usum minus probabilis contrariae de eadem proflus actione, & respectu ejusdem personæ? Utinam hoc negarent, quia repudiarent Probabilismum, & eundem diris dooverent. Non tantum id haud negant; quin potius disertissime affirmant, & omnium ore ita allo- quitur Christum P. Antonius CASNEDI tom. 2. in ipsa dedicatione operis. Cum Magister veritatis sis, adeo humanae condescendis insci- tie, ut in TUO veritatis TRIBUNALI ER- ROR inculpatus ipsam COÆQUET VERITA- TEM. Eum enim non accusas, sed excusas; non plectis, sed PRÆMIARIS, ipsam tuam legem habendo pro non lege, & tuam non legem habendo pro lege, si lex ut non lex, & non lex ut lex invincibiliter ignoretur.

XI. Hanc doctrinam, ut vidimus supra cap. 3. admittunt, & defendunt communiter omnes Probabilistæ. Ergo evidentissima est secunda demonstrationis nostræ propositio, videlicet Probabilistas docere licitum esse usum falsitatis Probabilismi pallio induitæ: & hanc falsitatem, & errorem ipsum ignorantiæ nu- be obiectum ingredi Paradisi januam, & æterno gloriæ præmio a Patre veritatis co- rona-

ronari. Hæc autem doctrina imbecillitati meæ, & salvo meliori judicio evidenter falsa, antievangelica, & scandali plena appetet.

XII. Lubet quæ dixi, sensibili exemplo confirmare. Sunt duo pocula vini, in quorum altero venenum latitat; at ignoro in quonam determinate residat. Si duobus hominibus ambo pocula bibenda traderem, homicidii sane reus forem: quoniam scio certe in alterutro venenum mortale contineri. Sunt duas opiniones contradictriae, in quarum altera continetur transgressio divinæ legis; adeoque reatus æternæ damnationis. Ignoras utique quænam determinate vera sit; at certissime scis in alterutra contineri falsitatem. Ambas sequendas proponis, Petro unam, Paulo alteram. Hæc propositio continet statum quæstionis, quam omnes Probabilistæ defendunt. Unum pre omnibus audiamus P. Paulum Laymanum, omnium Probabilistarum moderatissimum, qui lib. I. tract. I. cap. 5. hæc scribit: *Arbitror nihil a ratione alienum fore, si Doctor consultus significet consulenti, opinionem a quibusdam viris doctis tamquam probabilem defendi, quam proinde sequi ipsi licet. Quanvis idem Doctor ejusmodi sententiam speculative FALSAM CERTO SIBI persuadeat, ut proinde ipsem in praxi sequi non possit. Cum enim consulens in re dubia, jus habeat se conformandi opinioni quæ a QUIBUSDAM viris doctis defenditur, nihil obstante quod aliqui alii contradicant, & speculatively sententiam improbabilem judicent, hoc ipsum jus consulenti Doctor indicare non prohibetur: atque hinc existit quod vir doctus DIVERSIS secundum OPPOSITAS SENTENTIAS, OPPOSITA CONSILIA dare possit, servata tamen discretione, ac prudentia. Paucis hic habes totum Probabilissimi arcanum expositum. Tu judicas propositionem quæ tractat de peccato mortali, CERTO FALSAM speculative, idest absolute in se. Si fallam certo judicas, certo quoque judicas esse antievangelicum, atque adeo a Deo proscriptam; cum omnis falsitas improbata a Deo sit. Tibi eam sequi non licet, inquit P. Laymans; licet tamen tibi aliis eam suadere. Quid? Aliis suadere potes quod tibi non licet? Ubi ergo Christi oraculum: Quod tibi non vis fieri, alteri ne facias? ubi veritatis amor, quam sequi præciperis, & alios edocere?*

XIII. Ad ultimam nunc propositionem a me propositam devenio. *Vix doctus diversis secundum oppositas sententias opposita consilia dare potest. Vir doctus evidenter licet, ut di-*

ximus, & absolute cognoscit in alterutra sententiarum contineri venenum falsitatis, utrasque tamen diversis hominibus illas sequendas præbet, & suadet. Ergo sciens & volens veneno falsitatis unum consulentium occidit. Falleris, inquit. Venenum falsitatis fuso Probabilissimi illitum vim amittit occidendi. Ita ne vero? Quod falsitas ignorantia invincibili testa innoxia evadat, & ipse fateor. At quod falsitas evidenter cognita sit vitiosa, nemo negare valet. P. Layman, & cum eo omnes ad unum Probabilistæ docent duo hæc paradoxa, mihi sane monstrosa. Primum, quod tu suadere queas sententiam quam certe falsam in se cognoscis. Alterum, quod tu secundum oppositas sententias opposita consilia diversis hominibus præbere valeas; cum certissime scias in alterutra sententia falsitatis venenum latitare. Uni enim istorum hominum doctrinam in se antievangelicam, qualis est omnis doctrina falsa, suades. Doctrina autem antievangelica non in cælum extollit, sed ad infernum detrudit. Quis heinc evidentissime non colligit, Probabilissimum hunc Evangelium Christi ad purum purumque Scepticissimum, Pyrrhonissimum, & Academicissimum reducere?

C A P U T IV.

Summi Pontificis Alexandri VII. auctoritate evincitur sistema probabilisticum pugnare cum lega evangelica.

I. **Q**UE haec tenus dicta sunt, satis superflue sufficerent profigando, exterminandoque Probabilissimo. Verum quo luculentior veritas est, eo pluribus indigent cavillationibus, effugiis, latebris, & sophisticis distinctionibus qui obscurare, & oppugnare illam enituntur. Quamobrem & nos cogimur sermonem protrahere, & quæ diximus, summorum Pontificum auctoritate confirmare.

II. Alexander VII. an. 1665. die 24. Septembris hoc evulgavit decretum. „Sanctissimus D. N. audivit non sine magno animi sui mærore complures opiniones christianæ & disciplinæ relaxativas, & animarum pertinaciem inferentes partim antiquatas iterum suscitari, partim noviter prodire; & summa illam luxuriantium ingeniorum licentiam in dies magis excrescere, per quam in rebus ad conscientiam pertinentibus modus opinandi irrepsit alienus omnino

„ ab evangelica simplicitate, sanctorumque Patrum doctrina; & quem si pro recta regula fideles in praxi sequentur, ingens eruptura effet christiana vita corruptela. Quare ne ullo umquam tempore viam salutis, quam suprema veritas Deus, cujus verba in eternum permanent, arctam esse definitivit, in animarum perniciem dilatari, seu VERIUS PERVERTI contingeret: idem sanctissimus D.N. ut oves sibi creditas ab ejus MODI SPATIOSA LATIQUE, per quam itur ad PERDITIONEM, VIA pro pastorali sollicitudine in rectam semitam evocaret, ea rursumdem opinionum examen pluribus &c. III. Conferatur hoc decretum cum demonstratione antecedenti, & continuo apparebit Probabilismum non minus cum evangelica doctrina pugnare quam tenebras cum luce. Tria perpendenda in decreto Alexandrino. Propositiones damnatae, de quibus nunc disputatione nulla. Alterum, modus opinandi irrepsit in morum Theologia, seu in rebus ad conscientiam pertinentibus. Hunc modum intravit summa luxuriantium ingeniorum licentia. Modus iste opinandi seu probabilizandi alienus omnino est ab evangelica simplicitate, idest a spiritu, & sinceritate evangelice legis, sanctorumque Patrum doctrina. Quid heinc consequitur? Si fideles, si pastores, & animarum moderatores hunc modum sequentur, ingens in christianam vitam eruptura effet corruptela. Tertium est, modum hunc probabilisticum opinandi animas christianas in viam latam, & spatiösam, quæ ducit ad perditionem, detrudere. Quare SS. Pontifex ut easdem in semitam salutis, quam arctam esse Deus definitivit, revocaret, opiniones plures damnavit. Plantam probabilisticam veneficam, seu ab evangeliça lege, & Patrum doctrinā alienam declaravit; fructus vero plures inde proficiscentes reprobavit.

IV. Heinc luce meridiana clarius patet in hoc decreto Pontificem sermonem habere, non de opinionibus dumtaxat particularibus (nam has opiniones sigillatim damnat) sed de ipso probabilistico sistente. Modus opinandi irrepsit, quem si pro REGULA sequentur fideles, in viam perditionis prolaberentur. Regula autem formandi conscientiam est Probabilismus, ut late probat Terillus in suo tract. de reg. mor. Regula est, ipsis fatentibus Probabilistis, benigna. Pontifex vero declarat hanc regulam pugnare cum Evangelio, Patrumque doctrina. Edifferant nobis Probabilistæ, quinam alius modus, quænam alia regula aliena ab Evangelio, & Patrum

doctrina irrepsit in morum Theogiam, praeter Probabilismum? Designant nobis aliud modum, aliud sistema, aliam regulam.

V. Hæc omnia in obvio decreti sensu evidenter sunt. Accedit quod omnibus historicis fatentibus Probabilismus denuntiatus Pontifici summo fuit. Præterea Stephanus GRADIUS Vaticanæ Bibliothecæ Praefectus, & Alessandro VII. pupar, testatur tum in voto sacra Congreg. iussu edito, tum in disputacione anno 1670. Romæ edita adversus P. Honoratum Fabrum, Pontificem illis verbis modus opinandi &c. notasse Probabilismum. Si quidem Pontifex acceptis tot epistolis adversus Probabilismum ab Episcopis Galliarum, & Belgii, ceperat (inquit GRADIUS) imperium egregius Dei relator, gravia omnino, ac severa in hac re tota (de Probabilismo) & malum, ut ajebat, in sua fonte, & radice funditus excindendi, diserta edita CONSTITUTIONE ... Nec vero quidquam proprius fuit quam ut id faceret: fecissetque sine dubio, nisi intervenisse ejus consilio Cardinalis PALLAVICINUS, cui accuratiorem deliberationem ea visa res est postulare, quam ut celeriter, quod apparebat futurum, explicari posset; ac multo fore consultius, si dilata tantisper pleniori censura, ipse in praesentia opiniones nominatim configerentur, ut factum est ... adjectaque prefatio, que licet sub involucre verborum, VERE manifestum facit decernentis animum, ab hac philosophandi de moribus ratione alienum, quam properea, ut vides, APPELLAVIT modus opinandi contrarium evangelice simplicitati, sanctorumque Patrum doctrinæ.

VI. Alexandrum VII. his verbis (modus opinandi &c.) notasse Probabilismum testatur etiam universa Ecclesia Gallicana in Comitiis generalibus congregata anno 1700. his verbis: „ Nunc ut ad aliud fidei caput veniam, ad moralem scilicet Theogiam, his postremis temporibus, prava ingeniorum licentia, ac subtilitate corruptam, præmittenda putamus verba felicis mem. Alexandri VII.... MODUS OPINANDI irrepsit &c. qua sententia non modo errores increvisse queritur, verum etiam, quod CAPUT est, adnotari voluit, IPSAM rei tractanda RATIONEM esse introductam, unde de videremus corruptelam morum non modo securoram, verum etiam, facto veluti imetu, irrupturam, quam vix cohibere possemus.

„ Neque vero satis fuit sanctissimo Pontifici (perpendant hæc verba Probabilistæ) novam hanc methodum ludificandæ con-

scien-

„ scientia, & involvenda veritatis, hoc est
„ ipsum mali detexisse fontem, sed exitialis
„ doctrinæ rivulos insectatus &c. „

VII. Tandem post multa hoc solempne editum adversus Probabilismum omnium laxatum fontem edidit.

DE OPINIONUM PROBABILIUM USU.

„ Absit vero ut probemus eorum errorem
„ qui negant, licere sequi vel inter proba-
„ biles probabilissimam. Sed ad rectum u-
„ sum probabilium has regulas a jure præ-
„ scriptas cognoscimus.

„ Primum est ut in dubiis de salutis ne-
„ gotio, ubi æqualia utrimque animo se of-
„ ferunt rationum momenta, sequamur id
„ quod tutius, sive id quod est in eo casu
„ (N. B.) unice tutum: nec id consilii (ut
„ ajunt Probabilistæ) sed PRÆCEPTI loco ha-
„ beamus, dicente Scriptura: Qui amat peri-
„ culum, in illo peribit. Hec est prima regula.

„ Altera. Ut circa probabiles de christia-
„ na doctrina sententias sequamur id quod
„ Viennense Concilium acumenicum circa in-
„ fusas tam parvulis, quam adultis in ba-
„ ptismate virtutes decrevit his verbis: Nos
„ hanc opinionem tamquam PROBABILIOREM
„ & dictis Sanctorum, ac Doctorum moderno-
„ rum Theologie magis consonam, & concor-
„ dem duximus eligendam. Quod Concilii ju-
„ dicium eo magis ad dirigendos mores per-
„ tinere constat, quo magis ex ipsis fide-
„ lium sanctitas, ac salus pendet &c.

„ Quod ergo in praxi eam nobis liceat se-
„ qui sententiam quam nec IPSI, UT PROBA-
„ BILIOREM eligendam judicemus, HOC NO-
„ VUM, INAUDITUM, hoc certis aut nonis au-
„ toribus postremo (N. B.) demum seculo pro-
„ ditum, & ab eiusdem pro moriorum regula po-
„ situm, repugnat huic effato Vincentii Li-
„ rinensis &c.

„ Hoc initium malorum esse, atque omnium
„ antedictarum corruptelarum caput. Hoc in
„ censuris Apologia Casuistarum ab antecesso-
„ ribus nostris, viris fortibus, & religiosis cen-
„ sorie notatum. Vide Tom. 2. App. I. 3. dis. 2.

C A P U T V.

Ven. Innocentii XI. Pontificis summi auctoritate
Probabilismus evincitur improbatus.

I. Duo edidit decreta summus hic Pon-
tifex, quibus Probabilismus everti-
tur: alterum 1679. ad universalem eccl-
esiæ directum; alterum 1680. ad Genera-

lem Societatis Jesu datum, in quo perspi-
cue declarat, se Probabilismum detestari. Vi-
de Tom. 2. App. I. 3. dis. 3. c. 2.

II. In priori decreto quatuor propositiones
damnatae sunt, quæ sunt veluti quatuor Pro-
babilismi cardines. Paucis easdem expendan-
dam. 3. hæc est: Generatim dum probabili-
tate sive intrinseca, sive extrinseca, quantum-
vis tenui, modo a probabilitatis finibus non
exeatur, confisi aliquid agimus, semper præ-
denter agimus.

III. Respondent Probabilistæ, damnatam
thesim esse ob illas duas particulæ genera-
tim, & semper: quia, inquit, judices, &
Confessarii nequeunt uti opinione minus pro-
babili. Responsio futile. Quoniam Pontifex
sigillatim damnavit usum opinionis minus
probabilis in judicibus, & administratione Sa-
cramentorum. Cavillantur alii probabilitatem
tenuem non esse veram probabilitatem. Ef-
fugium vanum. Nam in thesi proscripta dici-
tur: Modo a probabilitatis finibus non exeatur.
Ergo usus veræ probabilitatis damnatus est.

IV. Altera propositio damnata hæc est:
*Probabiliter existimo, judicem posse judicare
juxta opinionem etiam minus probabilem.* Ante
Probabilismi nativitatem Theologorum ne-
mo, quod sciam, hanc thesim docuit. Est
legitimus Probabilismi fetus. Eam ante de-
cretum Pontificis communiter Probabilistæ de-
fendebant, ut testantur Salmantenses tr. 29.
c. 1. p. 4. & P. Camargo septuaginta circiter
Probabilistas propugnasse testatur ante decre-
tum, æque judicem posse uti opinione mi-
nus probabili, ac ceteros omnes. Ergo testi-
monio 70. Probabilistarum usus opinionis mi-
nus probabilis non minus damnatus absolute
est respectu omnium quam respectu judi-
cum. Et merito quidem id afferebant. Nam
hoc est unicum Probabilismi fundamentum:
Qui probabiliter operatur, prudenter operatur.
Ergo licite operatur. Ergo hoc principium
aut ubique, aut nullibi consistit. Reponunt,
eum prudenter operari qui opinionem præ-
dictam probabilem, secus qui opinionem spe-
culative probabilem sequitur. Opinio minus
probabilis in tribunali speculative tantum,
non autem practica probabilis est. Cur? Quia
probabilitas practica spectat licitum, aut il-
licitum; speculativa iura & leges meditatur.
Opinio quæ decidit cuinam fundi, feuda, &
arva debeantur, non est practica? Lepidissi-
mum commentum. Judge ergo adjudicans
Petro fundum secundum opinionem probabi-
liorem judicat secundum opinionem speculati-
ve, non practica probabilem?

V. Respondet Terillus, Probabilismi reflexi facile princeps, judicem obstringi sententiam dicere juxta id quod sibi verius apparet, omni humano affectu excluso. At cur & judices animarum id præstare non tenentur? Nequaquam, reponit P. Terillus de cons. q. 24. n. 26. pag. 476. his verbis. RESP. Disparitatem esse, quia Confessarius format dictamen sua conscientia DEPENDENTER a dictamine conscientia POENITENTIS. Pœnitens enim non peccat, nec excusatur a peccato per judicia Confessarii, sed solum per propria iudicia. Ergo Confessarius, qui judicare debet de peccato pœnitentis, respicere debet ad sententiam quam pœnitens bona fide fecutus est. Quæ est directe minus probabilis, excusat pœnitentem a peccato, adeoque DETERMINAT Confessarium ad dicendum, quod illa, licet directe minus probabilis, bona fide eam sequentem a peccato liberet. At judex suum iudicium per iudicium litigantium non regulat: alioquin in utriusque favorem deberet sententiam pronuntiare. Itaque judex suum iudicium, sicutque sententiam regulat per ea que sibi, non que aliis probabiliora videntur: id eoque sequi debet qua ipse omnibus pensatis judicat esse probabiliora.

VI. Conqueruntur Probabilistarum plures, cum nos elata voce clamamus hæc esse inaudita & portentosa paradoxa. Sed humilime illos deprecor, enique rogo, ut, positis præjudicis, expendere illi serio velint, num doctrina hæc conjungi non dico cum Evangelio, sed cum sensu communi queat. Confessarius format dictamen sua conscientia dependenter a dictamine pœnitentis? Quis audire hæc valet? Confessarius sedens in tribunali aut est, aut non est judex. Judicis personam agere quis negaverit? Ergo, quia judex, pendere non potest a iudicio pœnitentis. Si a pœnitentium iudicio penderent Confessarii, non a legibus Ecclesiæ, jureque divino, semper absolvendi, & numquam ligandi pœnitentes essent. Nam Catholicorum nemo ad tribunal accedit qui non habeat dictamen, quo se ablwendum esse judicet. Nam si indignos se absolutione judicarent, ad illud profecto non accederent.

VII. Alteram disparitatem inter judicem & Confessarium assignant communiter Probabilistæ. Ideo, inquit, nequit judex sequi opinionem minus probabilem, quia si hæc falsa sit, non evitatur malum quod inde evenit Cajo causa cadenti. Contra si opinio minus probabilis, quam sequitur Theologus, sit falsa, nullum consequitur malum:

violatio enim legis materialis tunc est: & aliunde Deus non patitur aliquod damnum. Sic docet de cons. qu. 24. num. 53. Terillus. Deus est incapax omnis danni, & solum de honorari potest per offendam. Omnis autem offendens per bonam fidem operantis rationabiliter constitutam manifeste vitatur. Atque homo in casu objectionis non tenetur judicare in favorem Dei; licet judex teneatur pro parte probabiliore sententiam ferre. Terillum sequuntur La-Croix, Viva, Segneri in suis epistolis, & ceteri Probabilistæ.

VIII. Cogor contra prædictæ brevitatis finem transcribere ipsa principalia Probabilistarum verba: quia lectores nullo modo credent hæc paradoxa excogitari a Theologis potuisse. Deus incapax est omnis danni. Verum habet. Ergo non est adhibenda tanta diligentia ut illius vitetur offensa, quanta adhibenda est ut damna temporalia unius hominis declinetur? Quid, quæso, christianis auribus indignius? Hæc responsio, quo communior inter Probabilistas, eo inceptor est, & scandali plenior. Nam hac data, bibenda, sicut aqua, iniquitas foret, quod nullum inde Deus damnum patitur. Quod quam sit horrendum, nemio non videt. Resellitur responsum istud duplice ex capite. 1. Violatio legis, quantumvis materialis, grave malum in se est. Quod tibi ad culpam non imputetur, ut contendunt Probabilistæ, per accidentis est, ob ignorantiam invincibilem, si tamen adsit: ceterum reapse transgressio realis est divinæ legis. Hæc autem longe gravius damnum est quam malum illatum Cajo prædii privatione. Ergo si peccat judex, gravius peccat Theologus utens minori probabilitate. 2. Evidenter falluntur Probabilistæ inquietantes, transgressionem hanc materialem esse in Theologo, secus in iudice. Cedo. Cur formalis est legis transgressio in iudice? Quia iudex non adhibet omnem diligentiam, & industriam, ut vitet legis transgressionem. Bene & recte. At non est forsitan necessaria absolute, & præcisa quacumque circumstantia, omnis diligentia, & industria mortali possibilis, ut vitetur offensa Dei? Si minori probabilitate utaris, præfata diligentiam non adhibes: quia non modo negligis, sed positive repudiias omnem probabilitatem tibi obviā. Ergo peccas, quemadmodum, apostolica Sede definiti, iudex peccat. Ergo usus opinionis minus probabilis æque criminosum efficit Theologum quemque qui negligit vitare periculum divinæ offensæ, ac iudicem qui negligit declinare peri-

periculum iædendi jus Caji. Quid hiscī? Major requiritur in judice rerum temporaliū diligentia inveniendæ veritatis, quam in judice salutis æternæ? Hæc ne est prudentia Probabilismi, pluris facere detrimentum temporale quam æternæ salutis jacturam? Nonne monstrosa prudentia est quæ in rebus minimis, quales terrenæ sunt, diligentiam summam, & in rebus summis, quales sunt æternæ, sollicitudinem minorem exigit? Severus nimium Deus esset, si in controversiis super sua lege dirimendis usum imperaret majoris probabilitatis suis judicibus; fœveri vero non sunt, nec Rigoristæ, sed benigni, Principes qui suis judicibus jubent ut in controversiis de Sillicidio, de tigno, de prædio amplectantur magis probabilem doctrinam? Universa Scriptura sancta præcipit ut divinam legem scrutemur, & diligamus super aurum, & topazion. Probabilistæ contra volunt ut legem civilem, quæ declarat jura contractuum, prædiorum, venditionum, plusquam legem Dei diligamus, & ut maiorem probabilitatem in his causis amplectamur. Hæc est benigna Theologia probabilistica. Quamvis verosimilius tibi sit actionem tuam legem Dei violare, Deum ipsum offendere; dummodo probabile sit te non violaturum fore legem, prudenter, & sancte agis, exercendo actionem quam probabilius judicas legem violare, & Deum contemnere. Contra injustus, sceleratus judex civilis esset, si hanc regulam adhiberet.

IX. Ultima tandem disparitas excogitata a Probabilistis hæc est. *Pactum* intercedit judices inter & Rempublicam, ut judicia ferantur secundum probabilem sententiam. Hoc autem *pacto* non astringuntur Theologi, & Confessarii. At unde evincunt hoc *pactum* Probabilistæ? Respondet eorum princeps q. 24. de *Confo.* n. 15. Terillus: *Hæc enim voluntas presumpta, ex ipsa naturæ constitutione, æquivaleat pacto, & habet vim PACTI.* Hoc *pactum* obtrudunt ceteri Probabilistæ, præsertim P. Paulus Segneri: obtrudunt, inquam hoc *pactum* tanquam ultimam anchoram cui alligant naufragantem Probabilismum.

X. Anchora hæc straminea est, & chimærica. *Pactum* istud solis judicibus civilibus limitatum fictitium est. Ajo vero, *pactum* istud ab auctore naturæ omnibus hominibus insitum esse. *Pactum* istud fructus est divini luminis signati super vultum animarum omnium. Respublica civilis suos eligit judices. Respublica ecclesiastica suos eligit judices, E-

piscopos, Parochos, Confessarios, Theologos. Unde, quæso, Probabilistæ habent, Rempublicam civilem, securus sacram, inire *pactum* ut judicia ferantur secundum probabilitem sententiam? Unde tanti arcani scientia illis assulgeret? Quodnam fundamentum urget ut in laica, securus in sacra Republica hoc *pactum* instituatur? Respublica quatenus sacra & ecclesiastica, minoris ne facit veritatem, & justitiam, quam Respublica laica, & ethica? Primis Ecclesiæ saeculis Episcopi, & Parochi judices eligebantur civilium causarum inter Christianos. Idem hodiendum sæpe evenit. Num judices isti extra confessionem judicant secundum opiniones probabiliores; in sacro vero tribunali secundum sententias minus probabiles? Nunquid litigantem quem in tribunali laico restitutioni obnoxium, aut fenoris reum judicarent secundum probabilitem opinionem, in sacro pœnitentiæ foro a restitutione, a fenore, a simonia liberabunt? Si civiles Principatus, & Respublicæ electis judicibus onus imponunt amplectendi in controversiis rerum temporalium majorem probabilitatem; Ecclesia catholica suos judices rerum æternarum ab isto ne absolvit onere? Si Respublica civilis eligit judices doctiores, & peritos; nunquid Ecclesia eligit minus doctos, minus peritos, minus probos? Scriptura sancta Exod. cap. 18. clamat: *Provide autem de omni plebe viros potentes, & timentes Deum, in quibus sit veritas: non ait probabilitas.* Item Eccl. cap. 7. *Væ vobis in æternum, & ultra, quia non est vobis veritas.*

C A P U T VI.

Aliis rationum momentis Probabilismus profligatur.

I. *P*rima & universalis morum regula extrinseca est lex æterna Dei. Secunda regula proxima, & formalis intrinseca est ratio, seu dictamen practicum nostræ conscientiæ, ut supra ostensum est. De hac prima propositione disputatio nulla. Ut actio honesta sit, utrique legi consona sit oportet, ut perspicue 1. 2. q. 21. a. 1. docet S. Thomas. In his vero quæ aguntur per voluntatem, regula proxima est ratio humana, regula autem suprema est lex æterna. Quandocumque ergo actus humanus procedit in finem secundum ordinem rationis, & legis æternæ, tunc actus est rectus; quando autem ab hac rectitudine obliquatur, tunc dicitur peccatum. Manifestum est autem ex premissis quod omnis actus voluntatis

tuntarius est malus per hoc quod recedit ab ordine rationis, & legis aeternae; & omnis actus bonus concordat rationi, & legi aeternae.

II. Lex aeterna Dei est lex veritatis: *Lex tua veritas: omnia mandata tua veritas: sola veritas est unica regula conscientiae honestae: sola, inquam, veritas aut evidenter & certo, aut probabiliter & obscure cognita.* Dum falsitas sub ratione veri nobis appareat, regula falsa est, & operatio non honesta, sed vitiosa est. Si falsitas invincibilis sit, aetio vitiosa non imputatur ad culpam; sed numquam evadit bona & meritoria, ut supra ostensum est.

III. Tertium principium ineluctabile est in ipsis Scripturis sanctis expressum, mandatum scilicet gravissimum inquirendae, & investigandae veritatis. Nihil frequentius in Scriptura hoc gravissimo precepto, quo omnes obstringuntur addiscere, & meditari legem. Dicitur Deut. 6. *Eruntque verba haec quae ego praeceperio tibi hodie, in corde tuo, narrabis ea filii tuis, & meditaberis in eis sedens in domo, & ambulans in itinere.* David continenter orat, & spondet se legem investigaturum. Legem pone mibi, Domine, viam justificationum tuarum, & exquiram eam semper. Da mibi intellectum, & scrutabor legem tuam. Matth. 28. Docentes eos servare quaecumque mandavi vobis. S. Paulus Ephes. 4. *Nolite fieri imprudentes, sed intelligentes quae sit voluntas Dei.* Ne multa, millies hoc gravissimum preceptum addiscendi, meditandi, scrutandi, non obliviscendi legem veritatis nobis repetitur. Quibus potitis tamquam certis sic urgeo Probabilistas.

IV. Si veritatem legis evidenter tenes, nonne implere illam astringeris? Ajunt. Ergo idem dicas oportet, dum probabilius illam existere judicas. Clara legis notitia implenda legis debitum imponit, omnibus factentibus. Ergo pro gradu notitiae gradus erit obligationis. Ergo dum probabilius lex obligat, servanda legis onus urget.

V. Qui operatur secundum minorem probabilitatem, repulsa majori, evidenter violat gravissimum preceptum investigandae, addiscendae, & meditandae legis. Qui enim operatur secundum opinionem minus probabilem, cognoscit, existimatque operationem suam magis esse contrariam quam conformem legi: cognoscit se magis recedere quam accedere ad legem. Ergo ex animi sinceritate legem non inquirit. Sincere ne, & animo deliberato thesaurum inquireres, si viam relinquieres quae probabilius te adduceret ad

inventionem ejusdem, & oppositam feligeres quam minus te adduceret, & magis abducet ab inventione?

VI. Si infirmus eligeret medicinam quam probabilius scit esse beneficam quam salubrem, immunis ne a peccato esset? Respondent, haec exempla inepta esse; quoniam si medicina benefica sit, mortem infert, nulla suffragante bona mentis intentione; opinio vero de honestate actionis, etiamsi falsa sit, a mortali excusat, beneficio ignorantiae invincibilis. Infra ostendam, hanc ignorantiam probabilisticam invincibilem esse portentum summopere monstrorum. Missa itaque chimérica disparitate, qua inter recentia exempla & opinionem minus probabilem assignari a Casuistis solet, sic urgeo Probabilistas.

VII. Edifferant nobis Probabilistæ. Audent ne ipsis affirmare hunc ægrotum sincero, & efficaci animo suam cupere, & amare sanitatem? Stultos se perhiberent, si id adfirmarent. Sed cur ægrotus iste sincero animo sanitatem non amat, neque cupit? Quoniam repudiat medicinam quam probabilius judicat comparanda sanitati magis idoneam. Ergo eadem ratione Probabilistæ sincero animo non querunt observantium legis Dei, si repudiata majore, minorem feligunt probabilitatem. Quidquid ergo sit de discrimine inter medicinam & opinionem, modo urgemos Probabilistas ut respondant, num sincero & efficaci animo implere preceptum gravissimum inveniendæ, & addiscendæ veritatis ille studeat qui in rebus obscuris rejicit quod verisimilius est, & amplectitur quod est minus verisimile. Ex alio latere eisdem urgeo.

VIII. Qui suam operationem conformat ad regulam quam judicat magis distortam, & primæ regula oppositam, peccat. Ita se gerunt Probabilistæ. Isti judicio suo directo judicant opinionem minus probabilem magis oppositam quam conformem primæ regulæ. Ergo illam magis distortam quam rectam iudicant. Quod de judicio reflexo subdunt, puerilis cavillatio est. Nam judicium directum est objectum judicij reflexi. Si illud, etiam istud distortum est. Rursus, qui legem aeternam contemnit, peccat. Probabilistæ usu opinionis minus probabilis aeternam legem contemnunt. Ergo &c. Evinco. Qui pro viribus aeternam legem non investigat, eam negligit, reque ipsa contemnit. Probabilistæ lequentes minorem probabilitatem, pro viribus aeternam legem non inquirunt, cum repudient majorem probabilitatem, seu ma-

majorem propinquitatem ad legem. Ergo eandem negligunt, & contemnunt. Quo aucto-
su adfirmare Probabilistæ queunt, se satis di-
ligentia in inquirenda lege veritatis adhibe-
re, si quod propinquius judicant veritati le-
gis, rejiciunt, & data opera feligunt quod
minus veritati accedere putant, immo quod
magis a veritate recedere noscunt? Tandem,
objectum intellectus est verum. At intellec-
tus nequit apprehendere objectum ut ver-
rum quando rationes probabiliiores evincunt
esse potius falsum.

CAPUT VII.

Expenduntur paradoxæ Probabilistarum.

§. I.

*Paradoxon primum: Melior est condi-
tio possidentis.*

I. IN dubio de honestate actionis *melior est
conditio possidentis*. Lex tollit jus liber-
tatis, inquiunt Probabilistæ. Cum de legis
obligatione Theologi disputant, lex dubia
evadit: ergo auferre jus libertatis nequit.
*Quandoquidem in dubio melior est conditio
possidentis.*

II. Ostensum supra est, hanc regulam valere in materia dumtaxat justitia pro foro exteriori: nunc in quacumque materia eam admitto, ut evincam hanc ipsam regulam penitus labefactare Probabilismum. Ad tri-
bunal itaque probabilisticum se sifunt volun-
tas æterna Dei, & voluntas humana. Utra-
que jura sua exponit, quæ æqualia appa-
rent, aut controversa. Tribunal probabilisti-
cum causam definit in hominis favorem con-
tra Deum, quia in pari causa melior est
conditio possidentis. Ne terreare, inquit
princeps Probabilistarum P. Terillus, inau-
diens hominem Deo litem intentare, quia
& Deus homini litem movet. Audi quæ
tract. de consc. q. 23. n. 48. pag. 426. scribit
Terillus. *Respondeo, eamdem regulam æque fa-
vere Deo contra nos, ac nobis CONTRA DEUM.*
*Favet nobis, quandiu sumus in possessione li-
bertatis; favet Deo, quandiu lex est in posse-
ssione.* Unde si lex certo existat, & dubium sit an
solverimus debitum, æqua teneor in illo dubio ad
solvendum, ac si certo non solvissim debitum.
Cum ergo regula hæc favet Deo, quando pos-
sessio stat pro lege; ita favet nobis, quando
possessio stat pro libertate, & dubium est de
lege.

III. Adebat ergo titulus qui æque homini

favet contra Deum, ac Deo contra homi-
nem? Quidni? reponit Terillus. *Eadem re-
gula æque favet Deo contra nos, ac nobis
contra Deum.* De libertate non physica, sed
moralis loquuntur Probabilistæ. Quando dis-
putatur, fit ne usurarius contractus, disputa-
tatur, num ego liber sim ad contractum cele-
brandum. Dum itaque disputatur, licitus
ne, an illicitus contractus sit, disputatur,
num ego liber sim, an secus ad contractum
perficiendum. Ergo dum Probabilistæ alle-
gant in rebus controversis dictam regulam,
Melior est &c. perridiculam committunt prin-
cipii petitionem. Ut in tribunali hanc alle-
gare regulam valeas, opus est possessionem
fundī certam esse, alioquin frustra opponere-
tur. Quis porro Christianorum certam liber-
tatis possessionem ostentare contra Deum pa-
test, qua celebret contractum illum de quo
in utramque partem Theologi disputant?
Nemo sane. Dum enim disputatur fit ne fe-
nebris contractus, disputatur, fit ne liber
homo ad eundem ineundum. Ergo contro-
versa est libertatis possessio, non certa re-
spectu talis contractus.

IV. Liberum dominium hominis in suas
actiones non ne subjectum est supremo Dei
dominio? Ais. Ergo quoties dubitatur, con-
cesserit ne Deus tale dominium in hunc aut
illum contractum, aut opus, citata regula,
Melior est &c. Deo, non homini favet. Quo-
niam possessio Dei certissima est, hominis
vero dubia. Ergo si regula valet, Deo cer-
to, supremo, absoluтоque possessori, non ho-
mini Deo subjecto & possessori dubio favet.
Igitur jus possessionis, quod in rebus con-
troversis libertati humanae adscribunt Proba-
bilistæ, falsum, atque omnino chimericum
est: lädet supremum dominium divinum,
tremendæ majestati injuriam irrogat, subje-
ctionem hominum ad Deum perturbat, ho-
minem Deo æquat.

§. II.

*Paradoxon secundum: Lex dubia
non est lex:*

V. De medio tollunt Probabilistæ omnes
leges naturales, divinas, & humanas, de
quibus in utramque partem Theologi dispu-
tant. Etiam hoc paradoxon incredibile ap-
paret, ideo rescribenda sunt eorum verba.
P. Terillus de reg. mor. 1. p. q. 2. n. 45. pag. 19.
hæc scribit: *Nulla lex obligat nisi sufficienter
promulgetur.* At quoties adiunt rationes proba-
biliter fundantes parte minus tutam esse lici-
tam,

iam, lex præcipientis partem tutiorem, non est sufficienter promulgata. Ergo illa lex neminem obligat, quandiu certo probabile est partem minus tutam non esse prohibitam. Terillum sequuntur La-Croix, Viva, Paulus Segneri, & communiter Probabilistæ omnes.

VI. Nulla lex sine promulgatione. Nullum peccatum, ne materiale quidem, sine lege. Hæc duo certa sunt apud omnes. Dum amplecteris opinionem sive minus, sive magis probabilem, peccas saltem materialiter, posito quod opinio falsa sit. Quæ culpa tibi non imputatur ob ignorantiam invincibilem, ut omnes Probabilistæ docent. At si lex ob probabilitatem majorem & minorem in utramque partem non esset lex, quia non esset promulgata, nullum esset nec materiale peccatum: quia, ut dixi, nullum sine lege peccatum.

VII. Super eadem lege dantur duas opiniones contrariae probabiles, quarum altera affirmat, negat altera actionem esse licitam, ut omnes testantur Probabilistæ. Atqui si verum esset legem controversam non esse sufficienter promulgatam, atque adeo non esse legem, falsa esset prima propositio. Immo admissò hoc principio, quod lex probabiliter controversa in utramque partem non esset lex, nulla daretur opinio probabilis. Nam opinio sive affirmans, sive negans actionem esse licitam, nulla extante lege, non probabilis, sed falsa & chimærica esset, utpote de subjecto non supponente, ut dicitur. Ergo &c.

VIII. Mandat Deut. 17. Deus: *Si difficile, & ambiguum apud te judicium esse perspexeris . . . surge . . . veniesque ad Sacerdotes levitici generis . . . & facies quod dixerint. Si lex controversa inter Doctores, non esset lex, & inane, & de re impossibili esset divinum mandatum. Et tamen hoc est principium quod altius exaggerant Probabilistæ. Perchè legge dubbia non su mai legge: quoniam lex dubia nunquam lex fuit: inquit epist. 3. P. Paulus Segneri. Contra clamant omnes graves Theologi cum S. Thoma, qui 1. 2. q. 106. ar. 6. ad 2. definit: si enim dubium sit, debet vel secundum verba legis agere, vel superiorum consuleere.*

IX. Datur opinio minus probabilis adversus legem civilem, aut canoniam, quæ verat contractum fenebrem, in conspectu probabilioris. In hac positione lex est controversa. Ergo dubia. Ergo nulla. Litigantes deferunt litem ad tribunal. Quid judex? Si sententiam dicit in favorem partis defenden-

tis opinionem probabiliorem, peccat, quia fenebrem contractum judicat vi legis quæ non extat in rerum natura juxta Probabilistas. Si judicat secundum minus probabilem, peccat, quia ex præcepto Ecclesiæ debet judicare secundum probabiliorem opinionem.

X. Aut Probabilistæ ajunt leges naturales, divinas, & humanas esse veras leges, & habere vim completam legum ante subditorum disputationes, & controversias; aut negant, Si secundum, turpissime errant, & se omnibus Theologis, & Jurisconsultis deridendos propinrant. Si primum, eorum Probabilismus in sumum occidit.

XI. Vix in Decalogo est mandatum a disputationibus immunit. Admissò principio probabilistico, quod lex controversa non sit lex, universum fere Decalogum corruit. Nec est quod opponas, controversias probabilisticas, non legum existentiam, sed legum extensionem spectare. Siquidem non minus turpiter aberrant, negando legum extensionem, ut ex Scriptura sancta Deut. 17. constat, ubi iubet ut consulantur judices, sit nec ne opus à lege vetitum. Sed ut doctrinæ probabilisticæ horrorem plenius teneas, audi Terillum de cons. q. 23. n. 19. pag. 413. sic faciat: „ Legislator humanus, si sit prudens, „ bene novit sensum suarum legum esse in „ multis dubium, multosque se doctiores prudenter existimare talem expressionem ad „ talia objecta non extendi. Unde manifesta „ præsumptio est, eum nolle sub lege sua „ talia sub obligatione comprehendere. Si „ enim voluisset ea comprehendere, id ex- „ preffisset: ergo censendi sunt pro non in- „ cluisis in lege. Maxime vero id valet, „ quia favores sunt ampliandi, & odia restringenda. Idem valet de lege aeterna, qua „ Deus leges humanas corroborat . . . immo „ idem de LEGE DIVINA, quam Deus ipse si- „ gnis talibus promulgat, quorū sensum ho- „ mines perfectè non intelligunt. Hinc enim „ evidens præsumptio oritur, Deum nolle nos „ ad ea obligare de quibus habemus motiva „ prudentia ad existimandum, ea ab ipso non „ fuisse per legem intenta. Deus enim, qui „ omnia comprehendit, si ALITER VOLUSET, „ ID IPSVM EXPRESSISSET, cum hoc ipsum „ aque facile ipsi fuisset ac oppositum. AT „ DEUS HOC NON EXPRESSIT. ERGO ET „ SUB OBLIGATIONE CADERE NOLUIT. „ Hoc est totum quod intendimus, illudque „ manifestissime sequitur ex defectu promulga- „ tionis sufficientis. „ Deinde addit n. 25. „ pag. 416. In his ergo tribuant sibi legislatores, „ si sua

*si sua imperia aliquando violari videant, cum
sufficienter non explicarint voluntatem suam.*

XII. Sufficienter legumlatores explicarunt voluntates suas, legeisque perspicuae sunt; sed cavillationes saepe illas obscurant, & perturbant, immo de medio tollunt. Si leges probabiliter controversæ in utramque partem, leges non sunt, exulent ab orbe catholico tribunalia omnia. Admissa hac probabilistica doctrina, Christiani maximam legum naturalium, divinarum, & civilium partem abolere continuo valent. Accipiant libros Diaz, Zanardi, Candidi, Tambarini, Escobarri, Gobat, La-Croix, Viva. Colligant e- lenchum numerosissimum opinionum quæ de jure naturali, divino, & humano in utramque partem probabiliter disputantur. Heinc hanc eruant conclusionem: *Jura controversa jura non sunt: lex dubia lex non est.* Ergo liberi sumus ab omnibus legibus de quibus probabiliter disperant in utramque partem Theologi. Hæc sunt paradoxa quibus sustentatur Probabilismus. Vide plura Tom. 2. Ap. par. Lib. 3. Diff. 8. &c. 3.

C A P U T VIII.

Absurda gravissima quæ necessario consequuntur Probabilismum.

I. **B**revissime perstrinxi rationes quæ evin- cunt manifestam falsitatem Probabi- lismi. Illorum cavillationes, & inaudita, quæ excogitarunt, paradoxa, ut tenebras splendidissimæ veritati opponerent, indicavi. Nunc aliqua absurdæ quæ novum opinandi modum consequuntur, patefaciam. Nonnulla præmittuntur.

§. I.

De ignorantia, ejusque divisione.

II. De fide est dari peccata ignorantiae, ut Levit. 5. habetur: *Anima si peccaverit per ignorantiam . . . offeret arietem immaculatum.* Rursus Joan. c. 16. *Venit hora ut omnis qui interficit vos, arbitratur obsequium se prestare Deo.* S. Paulus: *Blasphemus fui, & persecutor, & contumeliosus; sed misericordiam Dei confessus sum, quia ignorans feci:* 1. ad Tim. 1. Mitto innumera alia Scriptura sanctæ testimonia. Hæresiarcha Pelagius omnium primus errorem oppositum sustinuit, quem damnavit Synodus Palæstina.

III. Ignorantia est scientiæ privatio. Er- ror est approbatio falsitatis. Ignorantia alia Tom. I.

juris, quæ ignorat legem, vel præceptum alia facti, quæ admittit legis cognitionem, sed factum ignorat. Alia est *vincibilis*, seu voluntaria, consequens, & culpabilis. Hæc diligentia, & studio vinci potest, & ob ne- gligentiam non vincitur. Alia *invincibilis*, quæ nullo studio superari potest. Hæc caret omni culpa. *Vincibilis* alia est *affectata*, quæ scientiam repellit. *Noluit intelligere, ut be- ne ageret.* Alia *craffa* & *supina*, quæ nullam omnino diligentiam adhibet, ut sciat ea quæ potest, & debet scire.

IV. Error *Jansenii* oppositus errori Pela- gii est: Jansenius ipsam ignorantiam invincibilem, antecedentem, peccatum esse con- tendit, quem errorem proscriptis Ecclesia.

§. II.

Datur ne ignorantia invincibilis cuius- cumque juris naturalis?

V. Difficillimam quæstionem fuso calamo tractavi Tom. 2. App. Lib. 2. Dis. 2. cap. 3. Præstituta compendii brevitas non sinit ut rursus eamdem ac incudem revocem: aliquas tantum animadversiones subjiciam.

VI. ANIMADVERSIO I. Plura sunt Scrip- turæ oracula quæ ignorantiae peccata homi- nibus impropereant. *Est via qua videtur ho- mini recta, novissima autem ejus deducunt ad mortem.* Prov. 16. S. Jacobus cap. 1. inquit: *Si quis autem vestrum indigeret sapientia, po- stulet a Deo, qui dat omnibus afflueret, & non impropereat; & dabitur ei.* Postulet au- tem in fide nihil hæstians. Qui autem hæstat, similis est fluctui maris, qui a vento movetur & circumfertur.

VII. ANIMADVERSIO II. Antiqui Patres nulla facta distinctione juris naturalis in principia universalia, propinqua, & remotas conclusiones, negant juris naturalis invinci- biliem ignorantiam.

VIII. ANIMADVERSIO III. Præceptum inquirendæ veritatis luculentissimum est. Oracula Scripturarum quæ gratiam invenien- dæ veritatis promittunt sedulis investigatio- nibus, comperta sunt, & frequenta. Reli- eti sumus in hac tenebrarum valle, ut con- tinuis precibus lumen veritatis imploremus. Gratiam Deus non denegat, nisi culpa in nobis præcedat.

IX. ANIMADVERSIO IV. Ignorantia vin- cibilis frequentissima est, invincibilis rara. Dari ne possit in aliquo raro casu ignorantia invincibilis alicujus remotæ conclusionis juris naturalis, non audeo definire. Quæ ra-

ro occurunt, anxiis nos tenere non debent. Adversus ea que frequenter eveniunt, ut sunt peccata ignorantiae vincibilis, vigilandum incessanter est.

X. ANIMADVERSIO V. Meditentur Theologici, & Confessarii qua vigilantia, quo studio conentur assequi intelligentiam divinæ legis. Recogitent an cum David psal. 1. dicere queant: *Beatus vir qui non abiit in consilio impiorum . . . Sed in lege Domini voluntas ejus, & in lege ejus meditabitur die ac nocte.* Primum omnium ergo in lege divina cognoscenda, & ejusdem spiritu comprehendendo, & degustando se occupent Sacerdotes Domini, ut discernere queant, quānam doctrina huic divinæ legi conformis sit.

XI. ANIMADVERSIO VI. Missa igitur controversia utrum in aliquo perraro casu dari possit ignorantia invincibilis juris naturalis, summopere perpendendum est, & exequendum quod lib. 22. de Civit. Dei. c. 23. scribit S. Augustinus. *Vigiliis continuis excubamus, ne opinio verisimilis fallat, ne decipiat sermo versutus, ne se tenebrae alicuius erroris offendant, ne quod bonum est, malum; aut quod malum est, bonum esse credatur.* Pavemus & tremamus cum Paulo: *Nihil mibi conscientius sum; sed non in hoc justificatus sum.*

XII. ANIMADVERSIO VII. Turpiter erat, & fallum imponit lectoribus P. La-Croix, qui lib. de leg. n. 726. narrat an. 1685. damnatam fuisse sententiam omnium antiquorum, & recentiorum plurium, & quidem gravissimorum Theologorum negantem ignorantiam invincibilem eujuscumque juris naturalis. Veritus quidem illo anno est liber in quo errores continebantur; at non omnia quæ in eo docentur, sicut nec omnia quæ in Lutheri, & Calvini libris continentur, proscripta sunt.

§. III.

Paradoxon primum ignorantiae probabilisticae, nullum nempe dari peccatum absque actuali advententia.

XIII. Communius Probabilistæ docent, nunquam peccari absque actuali consideratione clara vel obscura malitia actionis. Hæc opinio, ut imbecillitati meæ videtur, eadem est ac error Pelagianorum negantium ignorantiae peccata, ut testantur Hieronymus, & Augustinus, ceterique Patres. Nullum, inquietant Pelagiiani, sine libertate crimen: nulla sine cognitione libertas: ergo nullum

sine cognitione peccatum. Probabilistæ negant peccari sine aliqua cognitione actuali malitia actionis posse: ergo eadem est & Pelagianorum, & Probabilistarum doctrina, quatenus ex vi ratiocinii appetit. Quod sic evinco.

XIV. Catholica veritas est peccare homines peccata ignorantiae. Admissa actuali advertentia evanescunt ignorantiae tenebrae. Probabilistæ docent, necessariam esse actualem cognitionem, seu advertentiam ut ignorantia vincibilis sit, & criminosa. Ergo eadem est utriusque partis doctrina. Cedo. Quid ignorantiae adversatur? Cognitione. Ergo fieri nequit ut ignoranter peccet qui scit, & considerat & quidem actualiter se peccare.

XV. Sublata actuali consideratione nullum est peccatum? Dum ergo homines inconsiderate perjuria, blasphemias, convicia, & maledicta in Deum, & homines evomunt, nullo modo peccant, quia actualiter non advertunt se peccare. Qui ira furoreque percipi sanguinem effundunt humanum, qui concupiscentia lenociniis obsecrati aliorum thalamos violent, qui virginum castitatem deturpant, nullius flagiti fontes sunt, quia passione abrepti minime reapse advertunt se Deum offendere. Quid de hæresum, & infidelitatis criminibus dicam? Tantum abest ut infideles plurimi existimaverint se veram Religionem contemnere, ut potius judicarent se Deum sacrificii colere. Numquid Circumcelliones se peccare credebant, dum se præcipites e rupibus agebant? Numquid se peccare Nestorius considerabat, dum Patriarchatu Constantinopolitano se abdicare potius quam suum ejurare errorem voluit?

XVI. Respondet nomine Probabilistarum P. La-Croix. lib. 5. n. 16. & n. 21. his verbis: *Quamvis ignorantia vel incognititia sit culpabilis, opus ex ea sequens non habet malitiam specialem, nisi PRÆCISE illius negligentiæ, vel neglectus in cognoscenda, vel advertenda illa malitia.* En blandientis benignitatis suavissimum jugum. Infideles, Ariani, Iconoclastæ, Wiclephistæ, Hussitæ, Lutherani, Calviniani, Sociniani suarum opinionum perversitate obsecrati peccarunt quidem peccatum negligentiæ in addiscenda catholica doctrina; ceterum dum furore abrepti Filium Dei creaturam effutiebant, imagines sacras lacerabant, Christi corpus conculcabant, cœnobia Monachorum solo æquabant, virgines Deo dicatas polluebant, hæc & alia scelera non habent specialem malitiam,

nisi

nisi PRÆCISE illius negligentie, vel negligens in addiscenda, vel advertenda malitia. Nullus dubito quin lectores perhorrescant hæc inaudientes.

XVII. Sophisima Pelagianorum, quod hodie obtrudunt, a libertate arcessitum, futile est, & inane. Nihil quippe frequentius a Patribus, & Theologis, quam duplex voluntarium, & liberum: aliud directum, aliud indirectum. Liberum directum requirit cognitionem & advertentiam actualem & formalem. Liberum indirectum postulat cognitionem, & advertentiam implicitam, virtualem, indirectam, seu in causa. Hæc obvia sunt vel ipsis tyronibus.

§. IV.

Alterum paradoxon ignorantie probabilistica peccatum philosophicum.

XVIII. Peccatum philosophicum ab Ecclesia damnatum ejusmodi est: *Peccatum philosophicum, seu morale est actus humanus disconveniens naturæ rationali, & recte rationi. Theologicum vero, & mortale est transgressio liberae divinæ legis. Philosophicum, quantumvis grave, in illo qui vel Deum ignorat, vel de Deo actu non cogitat, est grave peccatum, sed non est offensa Dei, neque peccatum mortale dissolvens amicitiam Dei, neque eterna pœna dignum.*

XIX. Qua ratione hic damnatus error separari possit a descripta ignorantia, sane non percipio, nec ullus præjudiciis non præventus percipiet. Hac enim admissa hypothesi, quod sublata actuali adverteantur, numquam peccetur, neque offendatur Deus, necessario consequitur peccatum philosophicum. In hac quippe hypothesi fornricantes, adulterantes, mentientes, pejerantes, quin actu adverteant se peccare, peccata patrabunt philosophica, non theologica. Idque confirmare lubet auctoritate inclytæ Soc. Jesu Theologi P. Ignatii de Camargo lib. 2. contr. 4. a. 6. n. 530, inquit: *Hic est IGNORANTISMUS, idest doctrina de ignorantie peccatis apud recentes Probabilistas, Probabilismi nescias an parens, an alumnus, an filius, an comes, an germanus frater. Ignorantismus, Probabilismus, & Philosophismus ita mutuo connexi sunt, ut vix definire valeas quis sit parens, & qui filii. Vide Tom. II. Ap. Lib. Diff. 2. c. 4.*

§. V.

Paradoxon tertium ignorantie probabilistica summopere mirificum, & universæ antiquitati inauditum.

XX. Hoc paradoxon ceteris præstat. Documentum Probabilistæ, ignorantiam esse invincibilem, quoties opinio minus probabilis in conspectu probabilioris est falsa: quo nihil in universa Theologia, & Philosophia monstruosius excogitari, & proferri posse videtur.

XXI. Ignorantia invincibilis ea est, ut vel ipsa vox præfereat, qua vinci & superari nequit. Sola dubitatio rei qua ignoratur, invincibilem, & criminosaam ignorantiam efficit. Cum dubiras, utrum actio talis prava sit, omnibus fatentibus, peccas, quia periculo peccandi te exponis. Et cum iudicas probabilius esse actionem malitia sordescere, & hanc probabiliorem opinionem repudias, & oppositam minus probabilem feligis, si hæc falsa sit, ignorantia tua invincibilis erit? Splendidius lumen refugis, eidem claudis oculos, ut opinionem minus probabilem, quæ tuæ favet libertati, & adversatur legi, feligas: & hoc in casu error tuus erit insuperabilis? Quis, amabo te, sensu communi præditus tantum defendere paradoxon valet? Hoc est autem paradoxon quod omnes propugnant Probabilistæ. Sed communi sensu hoc repugnat. Invincibile enim dicitur quod vinci & superari nequit. Quia autem fronte afflunt Probabilistæ superari, & vinci hunc errorem non posse, illo ipso tempore quo oculos avertunt majori lumini resplendenti, quo nolunt intelligere, ut bene agant, & veritati saltem proximius accedant.

C A P U T IX.

Auctoritate Theologorum Probabilismus improbat.

I. **P**robabilistæ prolixum Casuistarum censem pro se allegant; sed paucissimis exceptis, nullius sunt auctoritatis. Nolo verbis meis fidem adhibeas, sed audi Probabilistarum facile principem P. Antonium Terilium, qui in *Prolog. ad tract. de conse.* hæc scribit: „INNUMERABILES sunt qui a 30. „annis summis casuum, rerum moralium tra- „ctatibus bibliothecas impleverunt. Quid „autem facerent ut ad famam, quam au- „cupabant, pervenirent?... Ad nova pro- „menda animosiores effecti in *opiniones la-*

„ *xiores oculos animumque conjecerunt, gna-*
 „ *ri eas præ omnibus rudiori legentium vul-*
 „ *go mirum placituras. Verum ne propter*
 „ *apertam ab unanimi antiquorum opinione*
 „ *defectionem temeritatis arguerentur, cœ-*
 „ *perunt rationes aliquas excogitare, quibus*
 „ *& suum a majoribus recessum honestarent,*
 „ *& apud imperitum vulgus de sua senten-*
 „ *tia veritate plausum aliquem obtinerent...*
 „ *Vidi ego ex his recentioribus nonnullos*
 „ *viros, ceteroquin egregios, qui cum in re-*
 „ *bus summi momenti ad Dei legem, &*
 „ *conscientiæ obligationem pertinentibus ab*
 „ *unanimi omnium sententia ad intollerabi-*
 „ *lem opinandi laxitatem declinassent, aliud*
 „ *tamen, quo moverentur, quam argumen-*
 „ *tum a simili duclum, non habebant. Vi-*
 „ *di, & exhorri. Quis enim non horreret*
 „ *Dei præceptum ab omnibus prius agnitus,*
 „ *solidisque argumentis comprobatum, tam*
 „ *frivolo argumento a legis divinae, & ec-*
 „ *clesiasticæ tabulis non minus impudenter,*
 „ *quam imprudenter eradi? Neque hic stetit*
 „ *quorundam audacia. Plurimi enim et si do-*
 „ *ctrina longe inferiores similem quoque agen-*
 „ *di modum sibi licitum existimantes ex laxis*
 „ *resolutionibus ad alias laxiores iter sibi, re-*
 „ *stius dixerim & sibi & aliis precipitum*
 „ *aperuerunt.... Unde factum est ut qual-*
 „ *cumque opiniones, expresse ab Ecclesia*
 „ *non condemnatas, apud quemcumque re-*
 „ *perissent, pro vere probabilibus & ipsi*
 „ *haberent, & aliis pro regula ad conscienc-*
 „ *tiae tranquillitatem opportuna traderent:*
 „ *immo INCREDIBILE NON EST EOS SUB-*
 „ *TILI SATANÆ INSINUATIONE DECE-*
 „ *PTOS sub humanitatis cuiusdam lenocinio,*
 „ *mutuique honoris specie, quibusvis aliorum*
 „ *dictis probabilitatem ideo attribuisse, ut*
 „ *quam ipsi prærogativam prioribus ultro*
 „ *deditissent, eam ipsi posteriores non invi-*
 „ *derent. Hac arte dolosus inimicus, post-*
 „ *quam doctiores, qui & sibi invigilare, &*
 „ *aliis prospicere debuerant, prægustato plau-*
 „ *su amplioris famæ per laxarum opinionum*
 „ *evulgationem sibi certo acquirende facinat-*
 „ *set, per eos nimis incautos in campo mo-*
 „ *ralis Theologie optimo severarum opinionum*
 „ *tritico abunde sat, detestanda laxitatis zi-*
 „ *zania superseminavit, & abiit &c.*

II. Unum & alterum expendo. *Innumerabiles Doctores Casuistæ laxis opinionibus liberos repleverunt. Immo non defuerunt qui Satana insinuatione decepti prægustato plausu amplioris famæ detestanda laxitatis zizania in campo moralis Theologiae supersemina-*

runt. Hi omnes Terillo ipso teste sunt Probabilistæ, ut ostendi Tom. 2. App. lib. 3. disp. 4. c. 7. Si ego hoc Terilliano filio carperem Casuistas, clamoribus cælum replerent. Absit tamen a me hæc scribendi ratio a P. Terillo benignissimo Probabilista adhibita. Num pia intentione, an dæmonis insinuatione, & prægustato amplioris famæ plausu incensi (ut Terillus ait) scripserint, Deus solus iudex est. In solas ego laxas doctrinas calumnam acuio, officio erga autores servato. Alterum quod perpendendum occurrit, est quod *innumerabiles* isti laxitatum autores, omnes illi qui dæmonis & propriæ ambitionis suggestione evangelicam doctrinam teste P. Terillo deturparunt, sunt Probabilistæ. Omnes quippe istos P. Terillus laudat in Probabilismi patrocinium, ut fuse demonstravi Tom. 2. App. lib. 3. disp. 4. c. 7. adeoque eorum auctoritas aut nihil, aut parvi pendenda est. His delibatis, autores, qui detestantur Probabilismum, ex plurimis paucos recenseo.

THEOLOGI DOMINICANI ANTIPROBABILITY

post natum Probabilismum.

III. Ven. Seraphinus a Porrecta, Julius Mercorus, Petrus Pastrinus, Petrus Labat, Vincentius Contenfoni, Joan. Baptista Gonetius, Vincentius Baronius, Ludovicus Bancellus, Seraphinus Picinardus, Jacobus a S. Dominico, Majolus, Natalis ab Alexandro, Franciscus Sanchez, Franciscus Texeda, Martinus Wigandt, Joan. Martinez de Prado, Thomas Lucionius, Marius Diana, Joannes Conradus, Ludovicus Minutulus, Petrus Martyr Petrucci, Dominicus de Marinis, Cardinalis Capisucci, Cardinalis Gotti, Antonius Irribaren, Obliverius Richeceur, Marcellus Marona, Josephus Bono, Hyacinthus Amat de Graveson, Antonius Bordonius, Ildephonfus a S. Thoma, Norbertus del Becque, Franciscus Vaurast, Vincentius Ferreius, Hyacinthus Serry, Vincentius Bosius, Thomas Milante, Joseph Augustinus Orsi Sac. Palat. Magister, Joan. Baptista Molinari. Ne multa, omnes universi O. P. Theologi Probabilismo bellum implacabile indicunt.

THEOLOGI BENEDICTINI ANTIPROBABILITY

IV. Cardinalis de Aguire, Cardinalis Sondati, Gabriel Gerberon, Joannes Mabillon, Abbas Gardius, Facundus Torres, Anselmus Gomez, Baptista Larditus, Petit-Didier. Verbo, dicam, universi Benedictini Ordinis Theologi

logi præclari Probabilismo non secus ac Molinismo adversantur.

THEOLOGI FRANCISCANI ANTI- PROBABILISTÆ.

V. Antonius Cordubensis, Joannes Trovamala, Cardinalis Laurea, Philippus Faber, Antonius Mateucci, Bartholomæus Durant, Franciscus Henno, Cyrillus Rubeus, Bernardinus Ciaffoni, Bonaventura Recanati, Paulus a Lugduno, Cajetanus a Bergamo, Pambucus Donadoni, Cardinalis Casinus.

THEOLOGI AUGUSTINIANI ANTI- PROBABILISTÆ.

VI. Lambertus Le Drou, Ignatius Lacerda, Henricus Noris, Cardinalis Franciscus Farvacque, Christianus Lupus, Joan. Schervierterus, Bartholomæus Riccius, Fredericus Gavardi, Leonardus Vanroy, Nicolaus Girchen, Aurelius Piette, Joannes Libente, Fulgentius Belleli, Antonius Guerrerus, Joannes Laurentius Berti.

THEOLOGI CARMELITÆ, TRINITARII, ET MINIMI ANTIPROBABILISTÆ.

VII. Ex Carmelitis Carolus ab Assumptione, Henricus a S. Ignatio, Marinarius Brocardus, Christopherus a S. Joseph, qui contra Probabilismum laudat S. Matrem Theologiam, & S. Joannem a Cruce.

VIII. Ex Trinitariis Michael a S. Joseph librum edidit inscriptum *Estudio de la Verdad an. 1715.*

IX. Ex Minimis Maignanus, & sapientissimus Palanco, qui integro tomo in folio Probabilismum labefactavit.

THEOLOGI JESUITÆ ANTIPROBABILISTÆ.

X. P. Claudio La-Croix lib. 1. num. 169. scribit *Auctores fere OMNES e Societate Jesu Probabilismum defendere.* Similia docent Terrillus, Cafnedi, Fibus, & alii: isti sunt qui inclytæ Societatis splendori tenebras offundunt, & detrimentum inferunt magnum. Alii Theologi Jesuitæ calumniatorum loco habent qui præstantissimæ Societati Probabilismum affingunt. P. Stephanus de Camps librum edidit inscriptum *Quæstio Fæti*, quo a nota defendendi Probabilismum ut proprium Societatem liberat. Idem præstitere Fabri, Daniel, Moya, Gonzalez, Camargo. Si Probabilismus esset doctrina benigna solvendis animabus opportuna, cur hi Theologi calumniatorum loco haberent qui Probabilismum Societati adscribunt?

XI. Sapientiores Theologi Jesuitæ Proba-

bilismum labefactarunt; & imprimis tres Cardinales Bellarminus, Toletus, Pallavicinus. P. Christophorus Rasler Jesuita disp. 3. qu. 9. art. 2. n. 499. de Bellarmino scribit: *Contra-rius quippe est benigniori in hac questione sententie, statque pro rigidiore. Merito tamen dubitari potest, an non & ipse DEFLEXERIT in nimium rigorem.* Dubitari ergo potest num Bellarminus Rigorista sit? P. Jacobus Sanvitale absolute *Tusioristam* asserit Bellarminum.

XII. Alii celebriores Theologi Jesuitæ qui Probabilismum profligarunt, sunt Ferdinandus Rebellus, Paulus Comitolus, Mutius Vitelleschi, Andreas Blancaus, Ludovicus Scildere, Michael Elizalde, Tyrpus Gonzalez, Thomas Muniesa, Egidius Estrix, Edmundus Simonet, Adamus Ehrentreuch, Gilbertus, Gabriel Antoine.

XIII. P. La-Croix lib. 1. n. 327. hæc scribit: *Comitolus Theologiam non docuit, unde & minoris auctoritatis est, nec docuit Philaleetus, a superioribus probitus suum, aut Societ. nomen libro suo prefigere.* Unus Comitolus, sive elegantiam scribendi, sive doctrinam, & eruditionem spectes, prævalet sexcentis Probabilistis. Nec Ambrosius, nec Chrysostomus, nec Augustinus Theologiam sive scholasticam, sive casuisticam docuere. Quid inde?

XIV. Constitutiones Societ. Jesu Probabilismum improbat p. 4. cap. 5. n. 4. his verbis: *Sequantur in quavis facultate securiore, & magis approbatam doctrinam, & eos autores qui eam docent.* Ergo qui docent opiniones minus probabiles, huic constitutioni aduersantur.

XV. Ordo Carmelitarum p. 2. c. 15. §. 7. const. hæc sanxit: *Prefector casuum conscientiae dubia dissolvat, & omnes opiniones in tuuorem partem incumbens semper sequatur.*

XVI. Cardinalis Laurea in 3. disp. 12. narrat, Religionem seraphicam probabiliiores opiniones complecti. In *Dilectorio trium Ordinum Franciscanorum Romæ edito an. 1683.* hæc habentur: *Omnibus nostri Ordinis, ac aliis sub nostra directione seu obedientia degentibus personis in Domino suaremus, ac mandamus ut doctrinas tutiores, ac probabiliores semper doceant, & amplectantur.*

XVII. Ordo Prædicatorum in Comitiis generalibus an. 1656. Probabilismum exterminavit; & Alexander VII. hujuscce Ordinis Theologos animavit ut adversus hanc doctrinam calatum acuerent, testibus historicis tum domesticis, tum extraneis, præsertim Elizalde, & Cardinali Aguirre inquiete:

Sed

Sed laudandus est maxime inter Regulares Clarissimus Ordo S. Dominici, qui hortatu laudati Alex. VII. vexillum extulit adversus Moraalem laxam per doctissimos alumnos suos Joannem Martinez de Prado, Julium Mercorum, Vincentium Baronum, Vincentium Consenorum, Piccinardum, Gonetrum, aliosque similes amplissimo fructu. Ne malta, nec unum reperire licet Scriptorem in universo Praedicatorum Ordine Theologum qui Probabilismum in praesens non detestetur.

ALII THEOLOGI NON REGULARES ANTI-PROMOTORES PROBABILISTÆ.

XVIII. Fagnanus, Joannes Andreas, Fortunatus Garzia, Antonius de Brutio, Abbas Alexander, Baldus, Merenda, Episcopus Petrocicensis, Genet, Armandus, Bordonius, La Verdure, Bondort, Cabasutius, Merbeffius, Stejartius, Huigens, Florentius, Coque, Habert, Chartas, Pontas, Sinnichius, Le Hermenier, Pontasius, Vanvianen, Huygens, Neefsen, Ballerinus, aliquique plurimi.

XIX. Universa Ecclesia Gallicana Probabilismum damnavit. Integri Ordines eundem eliminarunt. Lutherani & Calviniani exprebrant, tametsi injuria summa, Catholicis, ut alibi patefeci, Probabilismum tamquam corruptissimam doctrinam. Legantur Heineccius, Pphaffius, Budæus, Jurejeu, Le Placette, & communiter alii. Catholicorum vero universæ Europæ eruditissimi, doctissimi, & antiquæ Ecclesiæ disciplinæ, Patrumque, & Evangeliorum doctrinæ callentissimi viri commentum probabilisticum improbant, & profligant. Quare tum rationum, tum auctoritatum momentis Probabilismus confossum jacet.

C A P U T X.

Licet est amplecti opinionem evidenter probabilem pro libertate, relicta minus probabili tuiore pro lege.

I. **H**ÆC vox tuior significare potest mandati etiam materialiter: & hoc in sensu non semper tenemur ad tuiora. Rursus iste terminus *tuior* significare potest securitatem a falsitate: & hoc in sensu opinio probabilior est etiam tuior. Sola veritas est legitima regula conscientiae honestæ: & ideo opinio quæ magis accedit veritati, probabilior, & tuior est. Opinio quæ magis removet a periculo peccandi, tuior utique est; at si dixeris sem-

per urgere præceptum amplectendi tallem opinionem, tum haec sententia falsa est. Tuitior est religiosus status quam laicalis, quia magis removet hominem a peccandi occasione; at si dixeris, obstringi christianos ad hunc statum fuscipendum, haec opinio tuitior falsa est.

II. Porro ut licitum sit amplecti opinionem probabilem, relicta minus probabilitate, requiritur ut haec major probabilitas sit notabilis, & nitatur rationum momentis quæ valde præstent rationibus opinionis minus probabilis tuitoris. His delibatis evincitur proposita sententia.

III. Licitum est exequi id quod omnibus serio expensis appareat prudenter verum, & honestum. At dum sententia adfirmans tallem actionem esse honestam, mihi post adhibitam omnem diligentiam necessariam, verosimilior opposita ex rationibus graviter præponderantibus appareat, prudenter judico tallem actionem esse honestam, & veram tallem opinionem. Licet enim ob imbecillitatem mentis humanæ interdum falsa verosimilia apparet, communiter tamen & plerumque quod probabilius est, verum est. In nostro casu opposita opinio est minus probabili, & quidem valde: ergo judicare prudenter nequeo esse veram. Verum autem est, ut dixi, conscientiae rectæ regula.

IV. Confirmatur auctoritate Alexandri VIII. dominantis hanc thesim: *Non licet sequi opinionem vel inter probabiles probabilissimam.* Sensus obvius damnatae thesis, est quod non licet sequi opinionem minus tutam, tametsi probabilissimam. Ergo licitum est sequi opinionem minus tutam, dummodo valde probabilior sit opposita tuiore minus probabili. Lege Tom. 2. App. lib. 3. disp. 10. c. 1.

C A P U T XI.

Abortatio ac Confessarios.

I. **M**Ultis opus non est, o Christi ministri, ut recessum a Probabilismi regno vobis suadeam, in quo non Deus, ut Episcopus Palanco vir non doctrina modo, sed morum sanctitate etiam celeberrimus ait, regnat, sed hominum inventiones, & vanæ eorundem cogitationes. Christus autem Magister vester Matth. 15. clamat: *Sine causa colunt me, docentes doctrinas, & mandata hominum.* Doctrinæ autem hominum, non Dei sunt, quas hactenus refellere studui.

II. Serio quæso perpendite securitatem, & tran-

& tranquillitatem quam vobis Probabilistæ spondent, illo ipso tempore quo lucem splendidiorem repellitis, vi reflexionis humanae, quam homines excogitarunt. Contra clamant Scripturæ divinae. Audite Paulum 1. Cor. 4. *Nihil mihi conscient sum; sed non in hoc iustificatus sum.* Reposuissent ne Apostolo Probabilistæ, ut formaret sibi syllogismum reflexum, quo excuteret timorem suum? At subdit continuo Paulus: *Qui autem iudicat me, Dominus est.* Iudicat autem non secundum doctrinas reflexas, quas excogitarunt homines, sed secundum legem suam æternam, immutabilem, & veram. Quare hortatur Paulus ad Phil. c. 2. *ut cum metu & tremore salutem vestram operemini.* Huic sanctum timorem & pavorem continenter suadent, & jubent Scripturæ divinae. *Servite Domino in timore, & exultate ei cum tremore:* Psal. 2. *Delicta quis intelligit? Ab occultis meis manda me:* Psalm. 18.

III. Quibus autem auscultandum? Divinis Scripturis, an Probabilistis? Scriptura clamant: *Est via qua videretur homini recta, novissima autem illius deducunt ad mortem.* Probabilismus contra contendit rectum evadere quod distortum & erroneum appareat, unius reflexæ propositionis ope. Sed quid ultra protraho manifestissimam oppositionem inter Scripturas sanctas, & probabilistica axiomata? Vos ipsi, Christi ministri, jam ad vertitis, nihil esse æternae salutis negotio perficiendo tam infestum quam est securitas inventa ab hoc novo opinandi modo, qui errorum ipsum subtilium reflexionum artificio, & ignorantiae tenebris obiectum, veritati coæquat. Sed Ecclesiast. c. 2. inquit: *Error & tenebrae peccatoribus concreata sunt:* & David adjicit: *Dominus scit cogitationes hominum, quoniam vanæ sunt:* Psal. 93.

IV. Illud autem animis vestris altius infixum hæreat, o Dei ministri, quod S. Paulus vobis commendat: *Predica verbum, in sua opportune, importune: argue, obsecra, increpa in omni patientia, & doctrina:* 2. ad Tim. 4. Verbum, non hominum, sed Dei prædicandum vobis est, non e suggestu tantum, sed ex ipso potissimum pœnitentiæ tribunalii. Duplicem doctrinam, alteram pro cathedra, alteram pro tribunali solvendi, & ligandi excogitarunt Scribæ & Pharisæi.

Una est & quidem simplex Christi doctrina, quam, addit S. Paulus, homines sustinere refugunt, quia inimicam carni, & appetitionibus: idcirco eam cavillationibus, paradoxis, commentis inauditis corrumpere sagunt. Erit enim tempus cum sanam doctrinam non sustinebunt, sed ad sua desideria coacervabunt sibi magistros pruriens auribus: & a veritate quidem auditum avertent, ad fabulas autem convertentur.

V. Illa doctrina corrupta est, inquit cum omnibus Patribus S. Thomas in hunc locum, quæ habet admixtam falsitatem. Probabilismus habet admixtam falsitatem, cum defendat licitum usum contrariarum de eadem actione opinionum. Num fabulae sint quæ haecenus refellimus, vos ipsi iudicate. Dotrinæ quas confutavi, pruriunt auribus, indulgent desiderii hominum, favent libertati humanæ contra legem Dei. Quid clarius expectatis? Quam opponere excusationem potestis, si decipi vos finatis? Immo ut omnem ad effugium rimam occluderet Apostolus, prædixit hanc doctrinæ corruptionem, has fabulas, hos magistros pruriens auribus furiosos esse in diebus novissimis. Hoc autem scioto, quod in novissimis diebus instabunt tempora periculoja. Hominum istorum dotes describit, ut cavere possimus, Erunt homines seipso amantes, cupidi, elati, superbi . . . habentes speciem quidem pietatis, virtutem autem ejus abnegantes . . . qui penetrant domos, & captivas ducunt mulierculas oneratas peccatis, que dicuntur viris desideriis, semper discentes, & numquam ad scientiam veritatis pervenientes. Semper confitentur, semper aut frequenter manducant Christi corpus: adsunt concionibus & sermonibus; frequenter & familiariter alloquia cum Dei ministris habent: numquam tamen pompas, luxum, & ambitionem saeculi dimittunt; sed peccatorum sarcinis onus, & variis desideriis inflatae veritatis scientiam refugiunt, & rejiciunt.

VI. Hoc autem sciote vos minime posse hanc divinæ veritatis doctrinam annuntiare, & exerte inculcare opportune, & importune, quin improperia, derisiones, & persecutions, & quidem graves sustineatis. Quoniam addit ibidem c. 3. Paulus: *Omnes qui pie volunt vivere in Christo Jesu, persecutionem patientur.*

THEOLOGIA CHRISTIANA

DOG MATICO-MORALIS.

L I B E R III.

IN PRIMUM DECALOGI MANDATUM,

seu de fide, spe, & caritate,
quibus Deus colitur.

D I S S E R T A T I O I.

De fide, & spe.

C A P U T I.

*Recensentur propositiones damnatae ab Ecclesia
in materia fidei.*

1. AB infidelitate excusabitur infidelis non credens, ductus opinione minus probabili.

2. Fides non censetur cadere sub preceptum speciale & secundum se.

3. Satis est actum fidei semel in vita eliciere.

4. Si a potestate publica quis interrogetur; fidem ingenue confiteri, ut Deo, & fidei gloriosum consulo; tacere, ut peccaminosum per se non damno.

5. Voluntas non potest facere ut assensus fidei in se ipso sit magis firmus quam mereatur pondus rationum ad assensum impellentium.

6. Hinc potest quis prudenter repudiare assensum quem habet supernaturalem.

7. Assensus fidei supernaturalis, & utilis ad salutem stat cum notitia solum probabili revelationis; immo cum formidine qua quis formidet ne non sit locutus Deus.

8. Non nisi fides unius Dei necessaria videtur necessitate medii, non autem explicita remuneratoris.

9. Fides late dicta ex testimonio creaturarum, similius motivo ad justificationem sufficit.

10. Absolutionis capax est homo, quantumvis labore ignoranterum mysteriorum fidei, & etiam si per negligentiam, etiam culpabilem, nesciat mysterium sanctissime Trinitatis, & incarnationis Domini nostri Jesu Christi.

11. Sufficit illa mysteria semel credidisse.

12. Duas alias propositiones proscriptis in

hac materia Clerus Gallicanus an. 1730. Prima haec est: *Religio christiana est evidenter credibilis: nam evidens est iprudentem esse quisquis eam amplexatur: non evidenter vera, nam aut obscure docet, aut que docet, obscura sunt. Immo qui ajunt, Religionem christianam esse evidenter veram, fateantur necesse est falsam evidenter esse. Infer hinc evidens non esse.* 1. *Quod existat nunc in terris aliqua vera Religio. Unde enim habes non omnem carnem corrupisse viam suam?* 2. *Quod omnium que in terra sunt, verisimillima sit christiana. An enim omnes terras peragasti, aut peragras ab aliis esse nosti?* 3. *Quod ab Apostolis, & demonibus manifestata fuerit Divinitas Christi: id enim si doces, docere te oportet, Christum manifeste Deum esse.* 4. *Quod afflante Deo fusa sint Prophetarum oracula: quid enim mibi opponas, vel si negem illa fuisse vera vaticinia, vel affirmem conjecturas?* 5. *Quod vera fuerint que a Christo edita fuisse commemorantur miracula; quamquam negare haec nemo prudenter potest.*

Censura quam Clerus Gallicanus tulit in propositionem prefatam, haec est: *Doctrina hac propositione contenta, impia est, blasphemica, erronea, & inimicis christiane religionis faverit.*

13. Altera haec est: *Evidens non est evidencia morali proprie dicta, & physica Religionem christianam veram esse.*

Censura: *Hac propositio, doctrinam superiori propositioni consentaneam continens, temeraria est, & in errorem inducens.*

14. *Infidelitas pure negativa in his quibus Christus non est praedicatus, peccatum est. Damnata fuit a Pio V. & Gregorio XIII.*

15. *Nihil credendum est quod excedat nostri intellectus virtutem. Concilium Rhemensis hanc Petri Abaelardi propositionem damnavit an. 1148.*

16. *Quando in magnis peccatoribus deficit omnis amor, deficit etiam fides: & etiam si videantur credere, non est fides divina, sed humana. Similis est 51. Paschafii Quesnelli.*

C A P U T II.

Census propositionum que videntur laxa, ex Casuistis decerpitatum.

I. „**E**T quidem in praxi existimo, num
,, quam, aut rarissime denegandam
,, absolutionem ob doctrinæ christianæ igno-
,, rantiam: quia rustici ignorantes non ha-
,, bant commode Doctorem, ET Confessor
,, potest illos instruere: **N**EC ipsi majorem
,, addiscendi capacitatem habent. **I**MMO (ut
,, n. 23. dicimus) **h**ec **p**erfecta **i**nstru^tio **n**on
,, est **n**ecessaria ad eos absolvendos,. Thomas Sanchez lib. 2. Sum. c. 3. n. 21.

Perpendant nunc religiosi censores, quam
immerito niendum typographicum *nec* loco
& carpferint, cum doctrina reipsa laxa sit.
Illiud enim & continuo terratatur a P. Sanchez,
& substituit: **I**MMO **h**ec **p**erfecta **i**nstru^tio **n**on
est **n**ecessaria.

II. „ Dum infidelis sibi persuasum habet
,, suam sectam esse probabilem, quamvis
,, contraria sit probabilior, tenetur utique
,, in articulo mortis constitutus veram fi-
,, dem, quam probabiliorem judicat, am-
,, pleti, utpote qui in eo articulo est con-
,, stitutus in quo de extrema salute agitur,
,, ac proinde partem quam tutiorem, & pro-
,, babiliorem judicat, amplecti tenetur; at
,, extra eum articulum non tenetur, quod
,, adhuc prudenter existimet se posse in sua
,, secta perseverare, tempusque rei melius
,, examinande supersit. Adde, mysteria fi-
,, dei tam sublimia esse, ac christianos mo-
,, res adeo carnis & sanguinis legibus repu-
,, gnare, ut non quævis major probabilitas
,, sufficiens reputetur ad inducendam creden-
,, di obligationem,. Thomas Sanchez lib.
11. Decal. c. 1. n. 6. Moya par. 11. ad tr. 6.
App. disp. 5. qu. 2. Hæc doctrina Pyrrhonismum invehit in Religionis negotium.

III. „ Eo assensu semel habito, præce-
,, ptum hoc affirmativum fidei per se direc-
,, te amplius non obligat: quia ex una par-
,, te nullum potest assignari tempus certum
,, & determinatum neque Christi, neque Ec-
,, clesiæ lege, quo per se directe obliget
,, præceptum fidei quo ad astum internum...
,, ideo Christus Dominus prudenter creditur
,, non voluisse imponere præceptum per se
,, distinctum fidei,. Patritius Sporer tr. 2.
in Decal. c. 2. scilicet 3. §. 3.

IV. „ Puto per se & directe numquam ob-
,, ligari fideles ad credenda mysteria nec im-

„ plícite, nec explicitè ex vi necessitatis præ-
,, cepti fidei,. Tamburinus lib. 2. in Decal. c. 1. §. 1. n. 9.

V. „ An obliget per se præceptum fidei
,, ad actu credendum semel in singulis an-
,, nis? ... Probabilius certo respondeo, non
,, obligare: quia non est unde talis obliga-
,, tio colligatur,. Leander a SS. Sacram.
tr. 2. de fide disp. 2. qu. 37.

VI. „ Probabilius respondeo, hoc divinum
,, præceptum *nullo modo obligare per se*, aut
,, ex vi ipsius præcepti ad eliciendos actus fi-
,, dei, in articulo mortis: quia nec ratio, nec
,, textus aliquis cogit ad oppositum affer-
,, dum,. Idem Leander tr. 2. in Decal. c.
2. scilicet 3. §. 3. n. 19. & alii.

VII. „ Immo existimo satis probabile,
,, ex magna causa, v. g. ad evitandam mor-
,, tem, victoriam ab hostibus reportandam,
,, posse christianos uti ueste instituta ad pro-
,, fitendam falsam sectam, v. g. ueste sacer-
,, dotali Turcarum, vexillo ubi depictus sit
,, Mahometus,. Antonius a Spiritu Sancto
tr. 1. disp. 1. scilicet 6. n. 26. pag. 4.

VIII. „ Rustici, aliqui homines simili-
,, ciores in Germania, qui haeretici haben-
,, tur, & tamen pertinaces non sunt, possunt
,, absolviri a suis Parochis. Ratio est, quia
,, non sunt haeretici formales, habentque fi-
,, dem catholicam in baptismo acceptam,
,, quæ non perditur nisi errando pertinaci-
,, ter,. Busembau apud La-Croix lib. 2. c. 4.
dub. 3. n. 5.

IX. „ Etiam facta promulgatione Evan-
,, gelii non est necessaria necessitate medii
,, notitia explicita Trinitatis, aut mysterii
,, Incarnationis, sed solum præcepti: atque
,, adeo contingere alicui potest salus, quin
,, explicitè cognoscat Filium Dei incarna-
,, tum fuisse, & pro nobis passum,. Ca-
,, stropalaus Tom. 1. tract. 4. disp. 1. punct. 9.
n. 3. n. 7.

X. „ Dubius in fide dubio voluntario,
,, sed mero suspensivo, haereticus non est,. Torrecilla Tom. 1. Sum. tract. 3. disp. 1. c.
1. scilicet 10. n. 144.

XI. „ Ut quis tamquam haereticus habeat
,, tur in foro interno, opus est ut cogno-
,, scat, & advertat in opinione sua proce-
,, dere contra quod definitum est ab Eccle-
,, sia, eus auctoritatem contemnens,. Tor-
recilla Tom. 1. Sum. tr. 3. disp. 1. c. 1..

C A P U T III.

De fide, & ejus divisione.

I. QUEST. I. *Quid sit fides?* RESP. Fides theologica ab aliis virtutibus distincta describitur ab Apostolo ad Hebr. 11. his verbis: *Fides est substantia sperandarum rerum, argumentum non apparentium.* Communis inter Theologos notio hæc est: *Fides est habitus infusus, quo firmiter assentitur veritatis a Deo revelatis, & ab Ecclesia propositis.* Fides itaque theologica divinae auctoritati nititur: quæ revelatio nobis per divinas Scripturas constat propositio ne Ecclesiæ accidente.

II. QUEST. II. *Quotuplex sit fides?* RESP. Dividitur fides in actualem, & habitualem. *Actualis* est assensus supernaturalis firmus & certus omnem excludens dubitationem, datus rebus a Deo revelatis propter auctoritatem ejusdem divinæ revelationis. *Habitualis* est virtus infusa, quæ nos habiles permanenter reddit ad eliciendos actus fidei cum auxilio gratiæ actualis. Rursus tribuitur in formatam seu vivam, quæ gratia habituali, & caritate alitur, quæque per dilectionem operatur, editque fructus vita æterna dignos; & in *informem*, seu mortuam, quæ gratia habituali, & caritate caret. Illa in justis, hæc in peccatoribus reperitur. Tandem fides alia est *explicita*, qua articulus a Deo revelatus exprefte creditur; alia *implicata* qua creditur articulus in altero revelato. Credis mysterium resurrectionis, & in eodem impli cite credis justorum resurrectionem.

III. QUEST. III. *Quodnam sit, & quotuplex objectum fidei?* RESP. Objectum fidei est quod menti credendum proponitur. Duplex est. Aliud *materiale*, quod etiam appellatur *formale quod*, & sunt res omnes quæ creduntur, quarum Deus est objectum primarium, & cetera omnia sunt objectum secundarium. Aliud est objectum *formale quo*, seu ratio, cur credimus; & est prima veritas obscure revelans. Hæc formalis ratio, seu divina veritas revelans, quæ nos ad credendum inducit, postulat tanquam conditio nem necessariam Ecclesiæ propositionem. Altera conditio est firmitudo assensus. Tertia est obscuritas. Triplex fidei actus distinguuntur, nempe credere Deo revelanti, credere Deum tanquam veritatem revealam, & credere in Deum, quatenus in ipsum tendimus tanquam in ultimum finem.

VI. QUEST. IV. *Fiducia quæ quis certo credit sibi esse peccata remissa, est ne fides theologica ad salutem necessaria?* RESP. Adfiantur Protestantes Lutherani, & Calviniani, quorum errorem damnavit Tridentinum Concilium sess. 6. cap. 9. Fides enim theologica est assensus prætitus articulis a Deo revelatis, ut dictum est. Fiducia vero de divina misericordia, qua sibi quisque promissio nes divinas de peccatorum remissione applicat, est actus spei, ad justificationem necessarius, minime vero justificationem efficiens, ut Lutherani fabulantur.

V. QUEST. V. *Quæ ab Ecclesia credenda proponuntur ut a Deo revelata, sunt ne evidenter credibilia?* RESP. Aliud est evidenter verum, aliud evidenter credibile. Veritas evidens se ipsa menti offertur. Illud dicitur evidenter credibile quod argumenta luculenta, & gravia proponunt tanquam dignum cui assensus præbeatur. Articuli fidei sunt evidenter credibiles, inquit psal. 92. Regius Propheta: *Testimonia tua credibilia facta sunt nimis.* Perstringuntur istius evidenter credibilitatis argumenta.

VI. 1. Prophetarum vaticinia. 2. Fidei propagatio per universum orbem, non armorum strepitum, non divitiarum copia, non eloquentiae lenociniis, non voluptatum illecebris; sed duodecim pescatorum imperitia, paupertate, & humilitate. 3. Religionis christiane sanætitas. 4. Immensa miraculorum multitudine. 5. Martyrum innumera copia. 6. Testium dignitas omni exceptione majorum. Hæc & alia credibilitatis argumenta, quæ explicui Tom. I. in Decalog. lib. I. Diff. I. cap. 5. exponere Parochi populo debent, ut rationabile sit ejusdem obsequium. Hæc quippe credibilitatis argumenta mentem præparant ad firmiorem fidei assensum.

VII. QUEST. VI. *Pia voluntatis affectio precedere ne fidem debet?* RESP. Affirmatur, ut fides prudens sit, argumenta si qui credit habeat oportet quæ evincant digna creditu esse ea quibus præbere assensum debet. At quia hæc credibilitatis argumenta rei credendæ obscuritatem non tollunt, idcirco intellectus assentiri fidei objecto nequit, nisi interno voluntatis motu adjuvetur. Objectum enim obscurum flectere mentem nequit. Hunc objecti defectum supplere pia voluntatis affectio debet.

VIII. QUEST. VII. *Quinam sunt homines apti ad fidem theologicam?* RESP. Sunt homines viatores. Quare neque in damnatis, neque in dæmonibus fides reperitur, cum sint

sint omni supernaturali dono privati. Credunt utique, & contremiscunt, sed fide naturali, non theologica. Neque in beatis fides reperitur, quia quæ crediderunt, vident. In animabus vero purgatorii remanet fides, quia quæ credunt, nondum vident, sicut in eisdem spes perseverat. Peccatores non infideles retinent fidem, tametsi languidam, & ut dicitur, mortuam. In hæreticis vero nulla fides: dum enim unum articulum negant, rationem formalem credendi, nempe divinam revelationem ab Ecclesia proposi-
tam, rejiciunt. Afferunt utique se credere propter revelationem; sed hæc divina reve-
ratio ab ipsis singulis, non ab Ecclesia pro-
ponitur.

De necessitate credendorum.

C A P U T IV.

I. QUÆST. I. *Uirum necessaria fides sit ad salutem?* RESP. Duplex necessitas: una medii, altera præcepti. Illud est necessarium necessitate medii, sine quo salus haberi nequit, etiamsi ejusdem omissione culpa careret. Sic infantes decedentes sine baptismo, non consequuntur gloriam æternam, etiamsi omissione baptismatis inculpata iisdem sit. Illud vero est necessarium necessitate præcepti, cuius inculpata omissione non impedit affectionem finis, culpabilis vero negligens impedit. Quod est necessarium necessitate medii, est simul necessarium necessitate præcepti; sed non e contrario. Præcepti necessitas adultos dumtaxat ligat. Necessitas medii duplex. Alia semper in re, ut necessitas gratiae habitualis, fidei, spei & caritatis; alia in voto, ut necessitas baptismatis respectu adulorum, qui gratia habituali ornati cum solo voto baptismatis salutem assequi queunt.

II. Fidem necessariam esse necessitate medii tum in parvulis, tum in adultis, nemo in disputationem vocat. De fide actuali sermo nunc est.

III. Omnibus adultis ratione præditis necessaria est necessitate medii fides interna aequalis explicita & supernaturalis tum ad justificationem, tum ad gloriam. Quare adultri ratione utentes, & in infantia baptizati nequeunt sine fide actuali salutem æternam assequi.

IV. QUÆST. II. *Quinam articuli credendi sunt necessitate medii?* RESP. Omni tempore omnibus necessaria semper fuit fides explici-

ta Dei auctoris supernaturalis, & remuneratores necessitate medii, ut docet ad Hebr. 11. S. Paulus. *Sine fide impossibile est placere Deo.* Credere enim oportet accidentem ad Deum, quia est, & inquirentibus se remunerator fit.

V. Post lapsum humani generis in peccatum, tum sub lege naturæ, tum sub lege Moyris fides actualis in Christum Redemptorem saltem implicita, omnibus adultis necessaria semper fuit necessitate medii, ut communiter Theologi docent.

VI. Adultis omnibus post promulgationem Evangelii, necessaria est explicita fides Trinitatis, & incarnationis necessitate medii ad æternam salutem consequendam. Veritas hæc expresse traditur in Evangelio. S. Matthæus cap. 28. *Docete omnes gentes, baptizantes eos in nomine Patris, & Filii, & Spiritus sancti.* S. Joannes cap. 16. *Predicate Evangelium omni creature: qui crediderit, & baptizatus fuerit, salvus erit; qui vero non crediderit, condemnabitur.* Opinio contraria quam defendit P. Sporer, qui pro eadem citat Laymam, Tanerum, aliosque juniores, falsa est, & luculentis Dei testimonis adversa.

VII. Salmantenses tr. 21. esp. 2. pun. 2. n. 18. Roncaglia tr. 6. c. 2. q. 3. aliquae Casuistæ defendant, contingere per accidens posse ut aliquis fide Christi tantum implicita justificetur. Quoniam, inquiunt, evenire potest ut cathecumeno proponatur Deus ut auctor, & finis supernaturalis, nulla expressa mentione facta Christi, & Trinitatis. Verum habet. Sed contingere etiam potest, quod neque mentio fiat Dei auctoris supernaturalis. Quid inde? Arbitraria & penitus commentitia est distinctio data per se, & per accidens in hac causa. Divinæ enim Scripturæ aperte sunt. Experientia quam adducunt Salmantenses, nimis lepida est, cum iustificatio impii experientiæ nostræ limites transiliat. Inepte pro hac opinione allegatur S. Thomas.

VIII. QUÆST. III. *Ignoranti mysteria Incarnationis, & Trinitatis neganda ne absolutionis capax est homo, quantumvis laboret ignorantia mysteriorum fidei, & etiamsi per negligientiam culpabilem nesciat mysterium sanctissime Trinitatis & Incarnationis D. N. Iesu Christi.* P. Viva in hanc thesim com. n. 7. distinguit absolutionem licitam ab invalida, & pla-

& plura ibi involvit quæ meo iudicio falsa sunt. Quamobrem adulti qui hac ignorantia obduci sacramenta frequentarunt, repete*re Confessiones*, utpote nullas, debent.

IX. QUÆST. IV. *Quænam sunt fidei capita que vi præcepti credere adulti obstringuntur?* RESP.— Omnes adulti ratione prædicti scire & credere tenentur explicite omnes articulos contentos in Symbolo. Nam Symbolum istud summam continet christianæ professionis, inquit lib. de fid. & Symb. cap. 1. S. Augustinus. Est autem fides catholica in Symbolo nata fidelibus, memorie mandata, quantum res passa est, brevitate sermonis, ut incipientibus, atque lactentibus, eis qui in Christo renati sunt, nondum Scripturarum divinarum diligentissima, & spirituali tractatione, atque cognitione roboratis, paucis verbis credendum constitueretur. Omnes itaque adulti præfata Symboli mysteria memoria tenere debent, ita ut de iisdem interrogati respondere sciant. Debent igitur credere & scire expresse, Deum esse unum, omnipotentem, creatorem universi, omnium visibilium, & invisibilium, salvatorem generis humani, omnis sanctitatis & gratiarum datorem, qui peccata dimittit, gloriae largitorem: & hunc Deum unicum esse, trinum in personis tribus distinctis, quarum una non est alia, & omnes tres unum sunt.

X. De articulis qui humilitatem Christi spectant, scire & credere omnes debent quod secunda persona, nempe Filius Dei factus homo sit, qui appellatur Christus, estque Deus-homo. Non requiritur ut expresse sciant unionem naturæ humanæ cum divina factam esse in persona, & alias difficultates &c. Scire quoque & credere debent quod Christus conceptus sit virtute Spiritus sancti, & ex Virgine Maria natus: item quod passus, & mortuus sit: nec requiritur explicita fides passionis sub Pontio Pilato. Tenentur pariter credere quod descendenter ad inferos secundum animam: quod tertia die resurrexerit a mortuis: & tandem quod ascenderit in cælum ad Patris dexteram; & venturus sit judicare vivos & mortuos in extrema iudicii die. Communio insuper sanctorum expresse credenda est, quamvis articulum distinctum non constituat a nono, qui est: *Credo sanctam Ecclesiam catholicam.* Et hujus articuli expressa fides summopere necessaria est. Vix autem credere possunt Ecclesiam esse unum cœtum, unum corpus unitate doctrinæ, & sacramentorum sub uno capite invisibili Christo, & visibili Romano

Pontifice, ejusdem Christi Vicario in terris congregatum, nisi simul percipiant, fideles, qui sunt ipsius mystici corporis membra, invicem juvari, & bona spiritualia omnia esse communia, quorum singuli participant.

XI. Implicite vero credere fideles debent ea omnia quæ Deus in Scripturis sanctis, & in verbo tradito revelavit, & quæ Ecclesia catholica credenda proponit.

C A P U T V.

Quænam scire fideles debeant eorum quæ mores instituant, & Christianorum vitam conformant ad exemplar Magistri nostri Christi Jesu.

I. **S**olliciti, & diligentes communiter & Theologi, & Catechistæ, & Parochi, & Confessarii sunt in explicandis fidei articulis qui mentem illuminant, & in mente fere sistent. Fideles quoque facile ejusmodi articulos memoria comiendant, cum isti grave incommodum carni, & appetitionibus non inferant. Contra & ministri in morum doctrina explicanda, & fideles in addiscenda negligientia quandoque laborant. Religio christiana, ut Lib. I. dictum, & dicendum saepius est, duobus constat, credendis nempe, & agendis, quæ mutuo adjuvantur, & separata vita cælesti destituuntur.

II. Si fides sine operibus mortua est, instructio quoque fidei absque instructione morum languida similiter est, & mortua. Accedit quod præcepta morum, cum hostiliter inimica sint carni, sanguini, & appetitionibus, difficile addiscuntur, & difficilius animo imprimuntur. Idcirco majori diligentia, & ferventiori studio evangelici gregis ministri imbuere, & docere fideles debent divina, & ecclesiastica præcepta.

III. Primum quod baptizandus spondet, est: *Abrenuntio Satanae, & omnibus pompis, & operibus ejus.* Hæc renuntiatio præcedit fidei professionem, tanquam preambulum, ut dicitur necessarium. Cum infantes baptizati adulti sunt, & ad Catechismum, seu doctrinam christianam addiscendam accedunt, Catechistæ primum omnium explicare exactissime astringuntur sensa legitima hujusc sponsionis, & renuntiationis. Docere illos debent, quid significent ejusmodi pompa, & opera, quibus nuntium remiserunt. Pompa istæ sunt indumenta vana, immodesta: sunt luxus, fastus, comediaz, spectacula theatralia, quæ diabolus excogitavit ad seducendos homi-

homines. *Opera ista sunt ea omnia quæ refiri in gloriam Dei nequeunt.*

IV. Post explicationem istius renuntiationis, quid sit *vita christiana* exponendum est. Hæc autem est imago vitæ Christi Jesu, cuius præcipua linea menta sunt humilitas, caritas, iustitia, castitas. Harum virtutum specimen delineandum illis est, explicandamque, vi professionis baptismalis fideles consecratis tum animam, tum corpus Deo: corpus ipsum, ut Paulus ait, templum est Spiritus sancti, adeo castum, pudicum, intaminatumque custodiendum. Edifferant Catechistæ Christianos constitutos unice in hoc mundo esse tanquam milites, qui continenter pugnare necessario debent adversus mundum, carnem, & diabolum. Sicuti tres isti hostes diu noctuque evigilant ut æternum animas perdant; sic Christiani excubias agere alstringuntur, ut seductionem evitent, ut vicitoriam assequantur. Altius inculcent assequi Regnum celorum illos non posse sine perpetuo conflictu adversus tres indicatos hostes, & omnes qui pie vivere volunt in Christo Jesu, persecutionem pati debere, sicut Christus Magister noster passus est usque ad mortem.

V. Hæc sunt præceptiones veluti generales, & alia plura, quæ Lib. 1. recensita sunt distincte, & perspicue explicanda, & continentur repetenda: quia, ut in duro marmore difficile effigies insculpitur, sic difficillime hæc axiomata contraria appetitionibus hominum eorum animis inhærescant. Hodie adiscuntur, & cras evanescunt. Et tamen nisi his præceptionibus purgati, & informati animi sint, difficile ipsa mysteria fide viva creduntur. Resipicunt ergo Christi ministri, intelligentique se gravissime proprium ministerium prodere, nisi juvenes & puellas adulatas exacte doceant doctrinam, qua instituenda ad exemplum Christi, & Sanctorum sit christiana vita. Præmissa hac generali instructione, quæ est veluti basis & fundamentum christiani ædificii, explicandæ sunt regulæ & præcepta quæ Christus præscriptis veluti media ad hunc finem comparandum.

VI. QUEST. I. Quænam sunt præcepta & media quæ Deus jubet pro formandis moribus, quæ scire Christiani alstringuntur? RESP. Sunt decem Decalogi mandata: de quibus singulis sermo erit. Ministri Dei diligentes & ferventes sint in explicandis his duobus mandatis: *Diliges Dominum Deum tuum & proximum tuum sicut te ipsum.* Scire ergo fideles decem Decalogi mandata debent, & Sacra menta septem; Baptismi, Pœnitentiæ, & Eu-

charistia notitia præsentim necessaria est, quod tria hæc Sacra menta omnibus adultis necessaria sint. Aliorum tamen quatuor ignorantia innoxia non est, cum numerus iste septenarius prærogativa sit Ecclesiæ catholicae. Sciant autem oportet horum Sacramentorum dignitatem, & efficaciam ad animas purgandas & sanctitatem ornandas: & præterea dispositiones quæ ad eorundem dignam suscep tionem præcedere in scipientibus debent, alioquin frustranea esset eorum scientia: ideo enim nosci debent, ut animabus profint.

VII. Præceptum orandi grave est. Oratio autem quam nobis Christus imposuit, est dominicalis. Sic enim Matth. 6. inquit: *Sic ergo vos orabitis: Pater noster &c.* & sancta Mater Ecclesia ait: *Præceptis salutaribus moniti, & divina institutione formati audemus dicere: Pater &c.* Hanc Christi orationem sapienter interpretatur Catechismus Tridentinus: ideo Parochi hanc interpretationem lingua vernacula explicare fidelibus debent. Necessaria insuper est notitia præceptorum S. matris Ecclesiæ, & salutationis angelicæ. Diligenter ergo Parochi current ut adulti pueri discant Decalogum, orationem dominicam, symbolum, & etiam salutationem angelicam.

VIII. Illud addendum, quemquam scire debere, præter fidei articulos, & morum præcepta omnibus communia, illa quoque præcepta, & obligationes quæ afficiunt proprium statum, & officium, seu dignitatem, & professionem, ut divinæ Scripturæ, Patres, & Theologi docent cum S. Thoma 1. 2. q. 76. a. 2. inquiete: *Omnes tenentur scire communiter ea quæ sunt fidei, & universalia juris precepta. Singuli autem ea quæ ad eorum statum, vel officium spectant.* Heinc uxorati scient necessum est ea quæ suum statum spectant: istorum est docere filios, famulos, & domesticos, si sint patres-familias.

IX. Ecclesiastici omnes vi proprii status ad majorem quam laici cognitionem astricti sunt. Ecclesiasticorum vero alii clerci sunt, alii Sacerdotes, alii Parochi, Episcopi &c. Parochorum, & Confessariorum scientia resurgere singulariter debet. Siquidem jure naturali, & divino cœlestis doctrinæ paulo alere grem pastores debent. Isti adeo exacte calle re doctrinam fidei, & morum tenentur, ut eam aptare rudi populi captui queant. Istorum enim est panem frangere parvulis, & nutricem imitari, quæ panem in lac transmutat, ut cibus congruus infantibus evadat. Prælati, Episcopi, Pontifices summi ad am-

plorem cælestium.... arcanorum scientiam astricti sunt.

X. QUÆST. II. *Excusari ne fideles aliqui rudes possint ob ingenii hebetudinem a notitia quorundam articulorum?* RESP. Fuerunt aliqui qui docuerunt, salvati aliquos rudes posse, tametsi nihil sigillatim credant dummodo implicite credant quidquid credendum proponit S. Mater Ecclesia. Sed hæc opinio penitus falsa est. Alii dicunt, sat esse si unum aliquem articulum explicite rudes isti credant. Sed hæc quoque opinatio improbabilis, & falsa est. Quare dicendum est, nullam in istis, dummodo compotes rationis sint, dari posse ignorantiam invincibilem articulorum quorum fides necessaria est necessitate mediæ. Articulorum vero quorum fides necessaria est necessitate præcepti, an occurtere ignorantia invincibilis in aliquo raro casu possit, nec negare, nec affirmare certe audeo. Forte affirmans sententia probabilis est. Facultas percipiendi veritates fidei non ex solis humanis viribus, sed potissimum repetenter est ex gratia Dei, qui illuminat omnem hominem venientem in hunc mundum.

XI. QUÆST. III. *Satisfaciunt ne fidei præcepto fideles qui Symbolum, decem Decalogi precepta, orationem dominicam, & angelicam salutationem latine discunt, quando sunt lingue latine proflus ignorari?* RESP. Hæc omnia vi præcepti ecclesiastici diuturna consuetudine firmati memoriter fideles scire saltem quantum ad substantiam, ut dicitur, debent, ut dictum est. Si nihil proflus intelligenter eorum quæ memoriter didicerunt, quid iisdem professet notitia? Verborum isti, non veritatum cognitionem haberent, & perinde esset ac si cognitione carerent.

XII. Præceptum sciendi articulos fidei in Symbolo contentos, & præcepta Decalogi, divinum est. Ecclesiasticum vero est illud quo jubetur ut hæc omnia memoriae consignentur, & memoriter recitentur.

XIII. QUÆST. IV. *Quandonam fideles elicere actus internos fidei astringuntur?* RESP. Duplicem obligationem Theologi distinguunt, unam per se, aliam per accidens. Prima ex ipso præcepto, præfiso quocunque alio respectu, manat. Secunda oritur ex altero præcepto, quod impleri nequit absque fidei actu; ut si elicere actum caritatis velis, fides prærequisitur: neque enim diligere Deum potes, nisi illum credas. Per se igitur obligantur pueri, comparato rationis lumine, elicere actum fidei, sicut etiam juxta graviores Theologos, & præsertim S. Thomam tenentur

Deum diligere amore caritatis. De alio tempore quo adulti astringuntur elicere fidei actus, disputant Casuistæ, & Probabilismi beneficio, olim maxime, ab hac obligatione eximebant fideles. Quare Innoc. XI. damnavit hanc propositionem: *Fides non censetur cadere sub præceptum speciale, & secundum se.* Hanc etiam alteram damnavit: *Satis est actum fidei semel in vita elicere.* Similis est altera damnata ab eodem Pontifice: *Sufficit illa mysteria semel credidisse.* Heinc apparat præceptum fidei per se obligare, & quod non sufficiat semel in vita, aut infra quinquennium actum fidei elicere. Casuistæ qui scripsierunt post damnatas propositiones, disputant, num satis sit semel infra biennium, alii infra annum actum fidei elicere. Disputationes istæ non sovent, sed debilitant fidei exercitium, &, ut mihi videtur, etiam vanæ sunt. Christiani justi, non semel, sed plures in diem fidei actus eliciunt. Nam quotidie Symbolum recitant, aliasque preces fundunt, quæ vix ac ne vix quidem absque fidei exercitio peragi valent. Peccatores quoque christiani, nisi sint sceleratissimi, symbolum, & alias preces recitant, Ecclesiæ frequentant, Missam audiunt, sacram Christi Corpus adorant. Quare pauci fideles reperiuntur qui frequenter actus fidei non edant. Vix Christianum reputarem qui infra annum semel tantum actum fidei eliceret. Hanc actum frequentiam definire non audeo, sed quisque meliori quo valet modo præceptum implet. Vita Christianorum vita fidei, spei, & caritatis est. Vita corporea quotidiano indiget alimento: & vita spiritualis & divina semel tantum in anno actus pariet? *Justus ex fide vivit.* Si vivit, frequenter vitæ officia peragit. Dum Sacraenta suscipiuntur, actus fidei necessarii sunt. Tempore mortis per se urget præceptum, non solum quia tum demon suos aggressus redintegrat: *cui resistire fortis in fine,* inquit S. Petrus ep. 1. c. 5. verum etiam quia illo potissimum tempore prohibere professionis suæ testimonium Christiani obstringuntur. Et ut paucis omnia complectar, cum Christianorum vita militia sit super terram, S. Paulus hortatur omnes ut sumentes scutum fidei strenue adversus potestates tenebrarum pugnent, si revera assequi bravium avert.

C A P U T V I .

De precepto divino, & ecclesiastio confitendi doctrinam christianam tum fidei, tum morum.

I. QUEST. I. *Datur ne præceptum confitendi exterius fidem christianam?* RESP. Adfirmant omnes. Hoc divinum præceptum duplex est, adfirmans, & negans. Nam de primo sermo est. Exterior fidei manifestatio fieri potest verbis, signis, nutibus, gestibus, & actionibus ex peculiari institutione, aut communis acceptione fidem exprimitibus.

II. Præceptum divinum fidei exterius confitendæ frequenter inculcat Christus Matt. c. 10. inquiens: *Omnis ergo qui confitebitur me coram hominibus, confitebor & ego eum coram Patre meo.* Urget præceptum istud 1. cum populo periculum instat descendeendi a fide, vel in eadem vacillandi. 2. cum is indiget in ea confirmari. 3. quando cogimur alios Religionem catholicam docere. 4. quando ex silentio nostro suspicio oritur, aut oriri potest nos a fide recedere. In his & similiibus casibus urget præceptum exterioris confessionis.

III. QUEST. II. *Qui interrogatur de fide catholica, peccat ne, si taceat?* RESP. Distinguere Theologi solent interrogationem factam a potestate publica, ab interrogatione facta a potestate privata. Convenit penes omnes peccare contra præceptum fidei confitendæ Christianos qui interrogati de rebus fidei a publica potestate sedente pro tribunali, silent; palamque fidem profiteri omittrunt. Quare damnata jure est lequens thesis: *Si a potestate publica quis interrogetur; fidem ingenua confiteri, ut Deo, & fidei gloriosum, consulo; tacere ut peccaminosum per se non damno.* Si interrogatio fiat a persona privata, tum spectandæ sunt circumstantiae personarum, temporis, & loci. Si enim circumstantes ex silentio periculum subirent, si Dei honor detrimentum pateretur, tunc præceptum confessionis urgeret, etiam si interrogatio facta a persona privata esset. Tenentur quoque respondere fideles superiori catholico interroganti de fide. Quod verum habet, etiam si princeps laicus sit: quia licet ad istos non attineat interrogare de rebus fidei, accidere tamen potest quod eorum sit scire, utrum proprii subditi sint Catholicci. Dum Catholicus videt sacras imagines conculcari,

profiteri fidem suam astringitur, ut quoad fieri potest, injuriam Deo, & sacrissimis imaginibus irrogatam propulsat.

IV. QUEST. III. *Licitum ne est aliquando tyrrannum fugere, ut coactio ad fidem confitendam evitetur?* RESP. Negavit Tertullianus in libro *de fuga in persecutione*; ejusque errorem amplexi sunt Montanistæ. Errorem Tertulliani confutarunt Patres manifestis Evangelii testimoniis. S. Matth. cap. 10. inquit: *Cum vos persecuti fuerint in civitate ista, fugite in aliam: & rursus c. 15. Qui in Iudea sunt, fugiant ad montes.*

V. Episcopi, Parochi, aliquique Pastores fugere licite possunt, & interdum debent cum tyranni in ipsos fæviunt, & alii ministri adfunt qui ministrare spiritualia subsidia queant gregi, ut exemplo invictissimi Athanasii constat; docetque Angelicus *lect. 2. in Joannem.* Contra, quando nulli ministri adfunt, & oves gravi premuntur necessitate, & sunt in gravi periculo fidei amittendæ, tunc fugere Pastores nequeunt, sed vitam exponere pro gregis salute debent, ut c. 10. Joannes ait: *Nam bonus Pastor animam suam dat pro ovis suis.* Mercenarius autem dimitit oves, & fugit. Qui non sunt Pastores, titulo caritatis, non iustitiae tenentur urgente gravissima necessitate fratribus succurrere.

VI. QUEST. IV. *Qui curam animarum habent, tenenturne fidei professionem palam edere?* RESP. Adfirmant omnes, idque decrevit Concilium Tridentinum *sess. 24. cap. 12.* Decretum Tridentinum confirmavit, & amplificavit Pius IV. in suo *motu proprio* cuius initium est *Injunctionem nobis.* Et rursus S. Pius V. in sua constitutione quæ incipit *In sacrosancta &c. jubet ut omnes Doctores, Magistri, Regentes, Lectores, Concionatores &c. fidei professionem emittant.* Et hæc decreta sub gravi culpa obligant, ut communis sententia docet. Beneficiarii curam animarum habentes tenentur intra bimestre a die pacifica possessionis fidei professionem emittere in manibus Episcopi, aut ejus Vicarii, alioquin non faciunt fructus suos, & ad restitutionem tenentur, ut communior & probabilior docet sententia. Vide *Tom. 1. in Decal. lib. 1. dis. 1. c. 13.* Præfatis constitutionibus subjecti sunt etiam Patriarchæ, Prelates, Archiepiscopi, & Episcopi.

VII. QUEST. V. *Negaret ne fidem qui negaret se esse Christianum?* RESP. Adfirmat tract. 103. in Joannem S. Augustinus. Qui enim

enim se Christianum negat, ipsum Christum pernegat. Idem dicendum de eo qui negaret se esse *Papistam*, *Pontificium*, *Romanensem*, quando interrogatio fieret ab hereticis religionis causa. Similiter fidem negaret qui interrogatus, utrum Turca sit, an Lutheranus, adfirmaret, dummodo finis interrogantis esset, ut religionem respondentis compertam haberet; secus si interrogatio alio spectaret. Qui negaret se esse Clericum, Sacerdotem, Religiosum, non negaret fidem; reus tamen mendicis esset, quidquid contra afferant quidam Probabiliter. Non est licitum vitandæ mortis causa adoletere thus *Idolo*, eidemque genua flectere, vel alia religionis signa exhibere, quamvis interius fides illibata servetur. Quando enim suapte natura actiones externæ religionem redolent, namquam exerceri licite valent ad testandam venerationem erga *Idolum*. Exemplum Naaman Syri, quod opponi solet, vanum est, ut suo loco palam fiet. Non est licitus usus cæremoniarum, quæ sunt falsæ religionis veluti tesserae, sa- piuntque superstitionem.

VIII. Non licet Christianis infidelium vestibus per se institutis ad falsæ sectæ protectionem uti, quicquid in oppositum assertat Azorius cum quibusdam aliis. Quamquam enim uestes absolute ad corporis ornatum institutæ sint, & sub hoc aspectu licitus sit earum usus: tamen cum determinatæ sunt ad falsam sectam profitendam, tunc nullo modo usurpari licite queunt. Vide *Tom. I. in Decal. lib. I. dis. I. c. 14.* Licitus est ingressus iustis de causis in templo hereticorum, in synagogas Judæorum, & infidelium: quoniam talis ingressus in communi hominum existimatione non reputatur religionis officium, seu protestatio. Si tamen Princeps hereticus juberet ut Catholici propriæ ditioni subjecti ingredenterur hereticorum templo religionis causa, mortem potius oppetere Catholici deberent, quam simili parere decreto. Urgente extrema necessitate licitum est hereticorum templo adire ad baptismum suscipiendum.

IX. Licitum quoque est comedere idolothysa, seu cibos consecratos Idolis, dummodo superstitionis suspicio, scandalum, & falsæ sectæ cultus absit, ut ex *S. Paulo I. Cor. 10. colligitur*. *Omne quod in macello venit, manducate, nihil interrogantes propter conscientiam*. Catholici transeuntes per regiones hereticorum nequeunt diebus vetitis

carnes comedere, sublata necessitate. Servanda enim ubique sunt Ecclesiæ præcepta. Ad mortem tamen vitandam, aliudve grave incommodum licitus est carnium usus. Si tamen in contemptum religionis comes tura carnis præciperetur, subeunda potius mors esset quam in contemptionem propriæ veræ religionis cibos vetitos comedere.

X. *Quæst. VI.* Peccant ne contra præceptum confitendæ fidei qui erubescunt publicam confessionem doctrine que mores regit? RESP. Religio christiana, ut dixi alias, credendis, agendisque veluti duobus cardinibus vertitur individualis. Utraque ergo pars & credendorum, & agendorum publice confitenda est. Primitus Ecclesiæ faculus credenda persequebantur ethnici tyronni, sed agenda venerabantur. Contra ultimis Ecclesiæ temporibus agenda insectantur nonnulli ipsius christianæ Religionis professores. *Qui me erubuerit* (inquit Christus *Luc. 9.*) & sermones meos, hunc Filius hominis erubescet &c. Christus non ait, qui erubuerit confiteri Divinitatem, Trinitatem, Deum Creatorem, & alia splendida arcana, quæ mentem dumtaxat illustrant; sed ait, *qui ME erubuerit*: id est me hominem humiliens, opprobiis, contumelias, derisionibus lacessitum, crucifixum, mortuumque: subdit: qui erubuerit sermones meos. Qui sunt Christi sermones? Sunt morum præcepta, quæ carnem crucifigunt, appetiones coercent, animum inflatum deprimit, pœnitentiam jubent, illecebras, tripudia, mundi pompas, luxum, libidinem, divitiarum amorem prohibent. *Qui me erubuerit coram hominibus*. Non sufficit hæc omnia corde confiteri, sed ea *coram hominibus* manifestanda, & defendenda sunt. Non sat est profiteri credenda utcumque, sed pura, & illibata, ut illa Christus revelavit, propugnanda sunt. Eadem ratione non sufficit quancumque Moralè profiteri; sed necessaria est confessio publica Moralis christianæ, quæ per arcam, & angustum viam dicit, quæ separat homines a mundi pompis, spectaculis, comedisiis, aliisque illecebris. Necessaria est professio Moralis puræ, & immaculatæ, quæ simplex est, & ingenua, quæ cavillationes, & bilinegues distinctiones detestatur.

XI. *Quæst. VII.* Licet ne aliquando falsam simulare religionem verbis, aut factis? RESP. Ex iis quæ dicta sunt, patet numquam hoc licitum esse. Adversus qualcumque simulationes constitutionem edidit Be-

DISS. I. DE FIDE

Benedictus XIV. insertam Tom. I. sui Bul-
larii n. 8o. cuius initium est *Inter omni-
genas. Ex qua pauca excerpto, & infra subji-
cio. (a)*

C A P U T VII.

*De infidelitate, ejusque variis speciebus
virtuti fidei oppositis.*

I. **T**riplex infidelitas. *Negativa*, quæ est
meta carentia, ut sic dicatur, fidei
in eo qui nullo modo fidem audivit. Hæc
peccatum non est, sed peccati poena. Qua-
Tom. I.

ET SPE CAP. VII.

69

re damnata hæc thesis est: *Infidelitas pura
negativa, in quibus Christus non est predica-
tus, peccatum est. Altera infidelitas est pri-
vativa. Hæc positive resistit fidei prædica-
tioni, recusatque fidem suscipere. Tertia est
infidelitas positiva contraria in eo qui non
modo fidei lumini, & prædicationi oculos
claudit, verum etiam errores veræ fidei con-
trarios obfirmate defendit. Hæc infidelitas
contraria triplex est. Paganismus, Judaï-
mus, Hæreticismus. Dicitur autem Paga-
nismus error voluntarius resistens fidei non-
dum suscepτæ. Ad Paganismum reducitur
Atheismus, Deismus, & Mahometismus.*

E 3

Ju-

(a) „ I. Ordientes itaque a negotiis fidei, sine qua impossibile est placere Deo, o-
„ mnis & singulis istius Regni Fidelibus, qui Ecclesiæ catholicae communionem reti-
„ nere cupiunt, districte præcipimus, & jubemus ut caveant, ne ad occultandam, quum
„ licitum & necesse est aliquando, Christianæ Religionis professionem, aliqua faciant,
„ aut admittant, contra evangelica præcepta, & instituta; præsertim vero, quæ prote-
„ fationem includunt mahometicæ sectæ; ideoque si circumcisio[n]em suscep[er]int, sciant
„ quod Christus ipsis, Apostolo attestante, nihil proderit. Nomina Turcica, quorum nec
„ memores esse deberent, per labia sua assumere: abominanda infidelium templo, que
„ Moscheas vocant, frequentare: ecclesiasticorum jejuniorum dies carnium e[st] profana-
„ re, & hæc eo fine, ut Mahometani credantur, prorsus devitent. Hæc enim omnia,
„ et si fides Christi in corde teneatur, fieri nequeunt, sine Mahometis errorum simula-
„ tione, sinceritati christianæ contraria, quæ mendacium in re gravissima continet, &
„ virtualem fidei negationem, maxima cum Dei injuria, proximumque scandalo includit.

„ II. Multo vero magis quam a publica potestate interrogantur, illicitum sibi esse
„ sciant mahometicæ sectæ se addictos profiteri; sed illud noverint esse tempus quo eos
„ oportet, sumentes scutum fidei, non solum corde credere ad justitiam, sed etiam ore
„ Christum confiteri ad salutem: alioquin si eum coram hominibus negare ausi fuerint,
„ & ipse negabit eos coram Patre suo.

„ III. Impius pariter, & illicitus est illorum Serviæ Christianorum abusus qui, ex
„ hac vita migraturi, cadavera sua Turcarum sepulturis mandari cum istorum assisten-
„ tia, & mahometicis adhibitis ritibus permittunt, aut jubent. Etenim si Christum in
„ vita erubescere minime debent, quanto minus, quum ejusdem tremendo judicio fisten-
„ di sunt; ne & ipse eosdem coram æterno suo Patre erubescat?

„ IV. Munus itaque Episcoporum, Parochorum, & Missionariorum erit, serio Chri-
„ stianos illos qui supradicta, cum ingenti fidei injurya, nefarie præsumunt, docere, &
„ admonere, quod frustra sibi de Christianæ legis custodia, & zelo, deque filiorum in ea-
„ dem educatione blandiantur: quoniam vel in uno istorum deficienes, facti sunt o-
„ mnium rei. Itaque ipsis aperte denuntient, quod quisquis metu cujuslibet potestatis,
„ vel temporalium amittendorum formidine, fidem suam prodit, iram Dei super se pro-
„ vocat, seque, nisi respiscat, ab omni salutis spe extraneum reddit: quoniam magis
„ timet hominem quam Deum, & momentanea retinere quam æterna acquirere mavult.
„ Si qui autem obstinati in hujusmodi via impiorum pergere velint, incapaces erunt Sa-
„ cramentorum in vita, & si impenitentes decesserint, suffragiorum post mortem: ad
„ quæ nullus Ecclesiæ minister illos admittere præsumat; alioquin a proprio Episcopo
„ canonicas penas, ad præscriptum etiam supradicti Albani Concilii, plectendus erit.

„ V. Arcendæ pariter a sacramentis Ecclesia sunt illæ mulieres quæ nuptiarum nomi-
„ ne in Turcarum contubernium admissæ, celantes Christianæ Religionis professionem,
„ ibi vitam agunt ab omni Religionis exercitio remotam; eisque a Pastoribus denun-
„ tiandum est, ne salutis æternæ fiduciam collocent in ea fide, quam sine operibus mor-
„ tuam, in corde tantum utiliter conservare posse sibi persuadent. „

Judaismus est error contra fidem suscepitam in figura. *Hereticismus* est error cum pertinacia resistens fidei in manifestatione veritatis suscepit.

II. QUEST. 1. Tolerari ne infideles licite queunt inter Catholicos? RESP. Absolute, & præciso omni respectu hæc tolerantia illicita videtur. Spes majoris boni, communis utilitatis, & majoris mali vitandi inducere Principes potest ut in suis ditionibus infideles tolerent, si nullum fidei præjudicium inferant. Hæretorum tolerantia majorem postulat causam.

III. QUEST. 2. Poteſt ne Ecclesia aut ſeipſa immediate, aut Principum ope infideles non ſubditos ad fidem ſuſcipiendam cogere? RESP. Negat communis ſententia cum S. Thoma 2. 2. qu. 10. art. 8. & eruitur ex D. Paulo 1. Cor. 5. ajente: *Quid mihi de his qui foris ſunt, iudicare?* quare infideles non ſubditos neque ad audiendam Evangelii prædicationem compellere Ecclesia potest: quia ſi nequit eisdem cogere ad fidem ſuſcipiendam, neque potest illos compellere ad eam audiendam. Si vero de Judeis ſubditis ferro fit, potest iſtos compellere ad audiendum Evangelium, quia de Judeis peculiari ratio vigeſt. Hi enim in figura, & in promiſſionibus veteris legis, quam profiſtentur, Evangelium ſuſceperunt. Et uſus Ecclesiæ Romanæ compellentis Judeos Romæ degentes ad audiendum Evangelium, ſententiam noſtram conſiſmat. Neque heinc ſequitur coactio ad fidem: quia licet auditoſ Evangelii præparet ad fidem, nullo tamen modo cogit. Auditores enim omnino liberi remanent. Infideles vero omnes, ſive ſubditos, ſive non ſubditos, qui prædicationem Evangelii impediunt, compescere Ecclesia valet. Prædicatores tamen non armis, aut militibus, ſed patientia, humiliitate, mansuetudine, pœnitentia, pace, & tranquillitate ornati annuntiare Christi Evangelium debent. Nequit vero Ecclesia priuare Principes infideles ſibi non ſubditos domino quo potiuntur in ſubditos, ſervosque christianos, ut ex ipſo Evangelio habetur Matth. 22. *Reddiſte ergo quaꝝ ſunt Cæſaris Cæſari, & quaꝝ ſunt Dei Deo.* Idemque docet S. Petrus epift. 1. c. 2. Infideles vero in catholicis regnis jurisdictionis in Catholicos capaces non ſunt. Quare non eſt permittendum ut Judæi habeant ſervos, & ancillas christianas, ut conſtat ex cap. *Cum Judæi,* 2. de Judeis.

CAPUT VIII.

De communicatione fidelium cum infidelibus.

I. **D**Uplex communicatio. Altera religioſa, civilis altera. Prima vetita eſt. Quare omnis communicatio in precibus, ritibus, ſacrificiis, aliisque Religionis exercitiis peccatum eſt contra fidem. Civilis absolute licita eſt, niſi occurrat periculum ſubversionis.

II. Heinc non licet Christianis vendere ea quaꝝ eorum ſacrificiis, & vanæ religioñi ritibus interficiunt. Quare peccarent Christiani qui Judeis fabricarent synagogas, & ceteris infidelibus templa, idola, altaria, vefteſ ſacerdotiales, delubra, & cetera id genus. Alia vero quaꝝ adiaphora ſunt, quibus male vel bene uti infideles valent, vendi licite poſſunt.

III. Decem ſunt caſus in quibus Eccleſia decreto prohibita eſt Christianis communicatione cum infidelibus. 1. Cohabitatio. 2. Interventus ad eorum convivia. 3. Eorum azymis vefci. 4. Cum iſdem balneum ingredi. 5. Medicinas ab illis accipere. 6. Illorum medicis uti. 7. Judæorum filios a Christianis nutriri. 8. Famulatum illis exhibere. 9. Servitutis jugo ſe illis ſubdere. 10. Illos legatarios instituere.

IV. Ad primum calum quod attinet, ea habitatio prohibetur quaꝝ veram familiaritatem praefert. Servos habere Judeos, & Saracenos vetitum Christianis absolute non eſt ad opera laborioſa, eisdem tamen domini retinere non expedit ob familiaritatis ſpeciem. Accessus ad Judeorum convivia vetitus eſt, quod Judæi cibos diſcernant, & plures ut immundos reſpuant. Azyma manducare ritu Judaico interdictum eſt, fecus neceſſitate impellente. Ingressus in balneum ex condicto vetitus eſt, fecus ſi caſu fortuito id eveniat. In quinto & ſexto caſu prohibetur acceſſi Medicos Judeos ad Christianorum curam, neceſſitate urgente ſublata. Quod dicitur de Medico, idem de Chirurgo Judeo dicendum eſt. Lactare Judeorum filios ſive in domibus Judeorum, ſive in domibus propriis, feminis christianis prohibitum absolute eſt: quoniam utrobique familiaritas intervenit. De famulatu in octavo, & nono caſu dictum jam eſt. Terras tamen Judeorum colere non prodit famulatus rationem. Quare coloni, & alii opifices non comprehenduntur ſub hac prohibi-

hibitione. Institutio Judæorum in hæredes, vel legatarios vetita est, sive legatum, aut hæreditas relinquatur universitatibus, sive collegiis, sive perlonis. In gravis tamen necessitate constitutis potest aliquid legari titulo eleemosynæ. Catechumeni exempti sunt ab hac lege, quia pro Catholicis habentur.

C A P U T I X.

De hæresi, & apostasia a fide, & pænis in hæreticos latis.

I. **H**æresis est error intellectus voluntarius, & pertinax contra aliquam veritatem fidei catholicæ, in eo qui fidem recepit. Dicitur error intellectus, quia fides in intellectu residet, atque adeo in intellectu quoque error eidem contrarius reperiri debet. Voluntarius, quia sine libertate peccatum nullum. Pertinax, quia cum hæresis electionem significet, requirit obstinatam in errore deliberationem. Ut quis pertinax dicatur, oportet ut sciens & advertens aliquem errorem deliberate teneat contra definitionem Ecclesiæ catholicæ. Quare sicut ad veram fidem requiritur conditio Ecclesiæ proponens, ita ad veram hæresim exigitur eisdem Ecclesiæ contemptio. Non requiritur tamen ut quis directe contempnere Ecclesiam velit, sed sat est quod sciat se tenere errorem contra Ecclesiæ definitionem. Pertinacia hæc accipitur pro deliberata electione voluntatis, sive ex infirmitate, sive ex furoris impetu oriatur: nec necessaria est mora, sed temporis momento crimen hæresis, sicut & alia crimina, patrare quis potest. *In eo qui fidem recepit.* Error in eo qui fidem catholicam non recepit, insidielem, paganum, judæum, secus hæreticum constituere valet.

II. Duplex hæresis, alia *formalis*, alia *materialis*. Formalis illa est quam nunc defini vi. *Materialis* est, cum quis aliquid contra fidem credit, aut profert, ignorans illud ad fidem pertinere. Si ignorantia sit invincibilis, hæresis materialis est sine culpa; si vincibilis, cum culpa; dummodo tamen error non sit affectatus ob finem liberius obloquendi, & vivendi, aut contradicendi Ecclesiæ auctoritati: quoniam tunc est hæresis formalis. Hæresis quoque materialis est, cum quis exterius errorem pronuntiat contra fidem, absque interno consensu. Rursus dividitur hæresis in *mentalem*, seu *mere internam*, atque in *internam simul, & externam*.

Illa intra mentem & animum sifit, & nullo exteriori signo manifestatur. Quando vero exterius prodit, tunc est interna simul & externa. Rursus hæresis formalis interna simul, & externa dividitur in eam quæ est *manifesta per se*, quæ etiam *publica* dici solet, quæque non modo signis, verbisque prolatâ est, sed etiam coram pluribus audiētibus; & in eam quæ est *occulta per accidens*, quæ etiam *privata* appellatur, quæque licet verbis, & signis exterius prolata sit, id tamen evenit nemine audiente, aut videente. Denique alia est *affirmativa*, dum quis errore contra fidem mente conceptum verbo, signo palam profitet coram omnibus: & alia *negativa*, cum quis de hæresi juridice convictus, hæresim suam fateri pertinaciter recusat.

III. QUÆST. I. *Utrum dubius in fide hæreticus habendus sit?* RESP. Disputant in utramque partem Theologi; sed dissidium de voce potius est quam de re. Convenit penes omnes dubium ex infirmitate ortum hæresim non sapere, neque hæreticum constitutere. De solo dubio pertinaci quæstio est. Si dubium juxta metaphysicæ leges spectetur, juxta quas intellectus suspensus manens & ancaps, nullum assensum, vel dissensum elicit, tunc non esse sic dubitantem hæreticum certum est. Verum quia in praxi contingere vix ac ne vix quidem potest aliquem pertinaciter dubitare quin aliquod judicium reflexum ferat, quo judicet res fidei dubias esse; idcirco in praxi hæretici communiter sunt qui pertinaci animo de rebus fidei dubitant. Heinc ortum est commune axioma: *Dubius in fide infidelis est.* Qui dubitant ob difficultates quæ in fidei articulis insurgunt, atque harum difficultatum pondere pressi imperant suspensionem assensus, peccant adversus fidem: quoniam dum deliberate assensum prohibent, eo ipso, si explicite, re ipsa tamen approbant difficultatum momenta contra fidem, contemnunt definitionem Ecclesiæ, quam sciunt talem articulum definitissime, & proprio iudicio res fidei metiri audent. Si vero ideo intellectum ab articulorum fidei contemplatione abstrahunt, ut defatigacionem declinent, & laborem, & a periculo dubitandi se subducant, nullo modo peccant. Qui his angustiis se exagitatum sentit, acutus fidei eliciat, & a confitu deflstat. Speculanda semper est dubitantis indoles, & status. Si qui dubitat, scrupulis angatur, dubitaciones hocci faciat, & alio mentem divertat. Qui deliberate dubitat ob difficultates quæ

sibi occurunt, paratus corrigi, non ob auctoritatem Ecclesie, sed ob rationes, quibus sicut fatis suis difficultatibus, tanquam haereticus habendus est. Quoniam is nec Deo, nec Ecclesiæ definiens talem articulatum a Deo esse, fidem adhibet; sed unice proprio cerebro fudit.

IV. QUEST. II. *Quid sit apostasia?* RESP. Apostasia est recessio hominis baptizati a tota fide, ut ait S. Thomas 2. 2. qu. 12. art. 1. Apostata differt ab haeretico. Hic enim unam aliquam veritatem evangelicam sciens, & pervicax denegat, plures alias admittit, & Christum, atque ejus Religionem se profiteri jactat; apostata vero Christo, & ejus universæ Religioni nuntium remittit, ut patet in Juliano Apostata. Apostata quoque vocantur qui ab aliquo, quem professi sunt, ordine recedunt. At isti eo ipso a christiana Religione non desciscunt.

V. QUEST. III. *Quoniam sunt poenæ in haereticos late?* RESP. Duo sunt poenarum genera. Primum poenarum genus spirituale est, nempe excommunicatio, irregularitas, privatio potestatis spiritualis in illis qui sacramenta sunt addicti. Quarta poena est privatio dignitatum, & beneficiorum, ac inhabilitas ad ea impostorum obtinenda. Quinta est privatio sepulturae.

VI. Quatuor sunt poenæ temporales. Prima est bonorum omnium confisratio. Altera est infamia, qua haeretici indigni quocumque honore, & dignitate evadunt. Tertia est poena carceris. Ultima est capitis damnatio.

VII. QUEST. IV. *Quinam subjacent penitentias in haereticos?* RESP. Haereticus qui haeresim mere internam concepit, recentitus penitus non subjaceret, quia, ut commune fert axioma, Ecclesia non judicat de internis. Similiter haereticus mere externus ab his poenis immunis est, quia hic non est verus haereticus. Excommunicatio autem late est in haereticos veros. Hoc autem in foro interiori intelligitur: nam si haereticus externus ad tribunal deferatur, judices illum ut haeresem fontem judicant. Quilibet ergo Confessarius absolvere eum potest qui aut mere internus, aut mere externus haereticus est. Qui vero haereticus est tum internus, tum externus, licet occultissimus, qui in proprio cubiculo, nemine praesente, haeresim mente conceptam pronuntiat, excommunicationi obnoxius est, nec valet a qualibet Confessario absolviri. Tum autem externa haeresis est quando verba vel signa expresse, & complete conceptam

haeresim produnt; ita ut adstantes vere conspicere haeresim possint. Si actio externa levius sit, non sufficit ad haeresim manifestandam. Similiter verba æquivoca non sufficiunt in foro exteriori ad constituendam haeresim vere externam: haereticus internus non fit externus, si dormiens in somno pronuntiet conceptam haeresim.

VIII. QUEST. V. *Lata ne excommunicatio est in credentes, fautores, receptatores, & defensores haereticorum?* RESP. Illi dicuntur credentes qui erroribus haereticorum fidem adhibent, & si hanc fidem signis, & verbis prodant, subiacent excommunicationi late in haereticos. Illi dicuntur haereticorum fautores, receptatores, & defensores qui in eorumdem errore conspirant, aut opem ferunt ne comprehendantur a judicibus, aut in propaganda haeresi auxilium portigunt: idque & omissione, ut si quis interrogatus a judicibus revelare haereticum recularet, si consignatum propriæ custodiae, illum custodire negligerer: & commissione dum quis verbis laudat, aut auxilio juvat haereticum, ut effugiat. Receptatores & defensores appellantur qui fugientem haereticum, aut se occultantem hospitio recipiunt in propria domo, ditione, aut regno.

IX. QUEST. VI. *Permissum ne Catholicis est disputare cum haereticis?* RESP. Laicos, tametū doctis, vetitum est sive publice, sive privativum cum haereticis de rebus fidei disputationem inire. Contendunt aliqui, laicos doctos non comprehendendi in cap. *Quicumque §. inhibemus de haereticis in 6. quia, inquit, dum laici docti sunt, cessat finis legis.* Contraria sententia mihi probabilior est. Si lex solos indoctos spectaret, frustranea esset, quia lege naturali indocti interdicti sunt disputatione. Occurrere tamen casus possunt in quibus laici valeant, immo & debeant, si re ipsa docti sint, cum haereticis disputationem suscipere. Nam si haereticis concionibus, aut disputationibus tentarent Catholicos pervertere, & apti Clerici deessent; tum debent in arenam descendere, & Catholicos defendere. Sub hoc decreto comprehendantur etiam Religiosi laici, cum sit eadem legis ratio.

C A P U T X.

De libris prohibitis.

I. Librorum prohibitio antiqua est, & habetur in Act. cap. 19. Multi autem ex eis

eis qui fuerant curiosa sectati, contulerunt libros, & combusserunt coram omnibus. Concilium Nicenum Arii libros comburi jussit, ut narrat Socrates lib. i. cap. 6.

II. Duplici ratione hæreticorum libri prohibentur, tum ut malum seductionis impediatur, tum ut hæretici confundantur. Libri hæretici proscripti sunt in *Bulla Cœne*. Sub hac prohibitione non comprehenduntur libri *Judæorum*, & *Mahometanorum*, vel *Ethnicorum*. Hæc prohibitio annexam habet excommunicationis pœnam quartuor occurrentibus conditionibus. 1. Ut libri sint hæreticorum. 2. ut hæresim doceant, aut de Religione tractent. 3. ut scienter legantur, recteantur, vel imprimantur. 4. ut absque auctoritate summi Pontificis id fiat. Illi libri de Religione tractant qui exponunt Scripturam sacram, & Theologiam; qui res Monachorum, Clericorum, Sanctorum cultum, & ritus interpretantur; secus qui res philosophicas, historicas, aliasque inferiores artes versant.

III. Qui legit librum auctoris catholici in quo essent descripti errores hæreticorum, pœnis *Bulle* non subjacet, quia liber non hæretici, sed catholici est. Idem dicendum de legente librum auctoris catholici in quo essent ob ignorantiam aliqua hæreses scriptæ. Nec refert quod libri hæreticorum sint calamo exarati, aut typis editi. Qui legit concionem, orationem, epistolam, disputationem hæretici continentem hæresim, sub jacet *Bulla* pœnis, quidquid in oppositum doceat Sanchez. Quare non est admittenda opinio P. Sporer, qui cum Sanchez, Layman, & aliis docet, non incurrire excommunicationem illum qui legeret scripturam hæretici minorem decem foliis. Datur tamen parvitas materiae in hac lectione. Quenam hæc? Azorius unum, vel alterum versiculum assignat; Suarez duas aut tres linæas; Sanchez folii paginam; Fagundez paginam cum dimidia assignat; & quisque pro arbitrio loquitur. Designari certa regula nequit. Deliberata lectio culpa veniali non carerit. Quare unica & tuta via est omnino abstineere ab hac lectione. Spectandæ tamen sunt circumstantiae per longæ legentis, rei quæ legitur, & alia ejusmodi, ut definiri culpa gravitas possit.

IV. Qui legit librum hæretici qui nullo modo de Religione tractat, non subjacet pœnis latis in *Bulla Cœne*. Libri tamen Hæreticorum, Lutheri, Calvini, aliorumque omnes in quacunque materia vetiti sunt.

V. Ut quis pœnas in *Bulla* contentas incurrit, oportet ut scienter legat, seu requiritur notitia juris, & facti: scire nempe debet & lectionem libri hæretici esse vetitam, & librum quem legit, esse hæreticum. Eisdem pœnis subjacet qui librum hæreticum alteri legendum tradit, ut legentem audiat. Qui vero casu fortuito alium legentem audit, non subjacet pœnis in *Bulla* contentis, sed peccare plus, & minus potest pro diversitate circumstantiarum. Theologus, Concionator, Confessarius urgente gravi necessitate legere libros hæreticorum valent, ut vel hæticos confundant, vel Catholicos confirmant. Tamen hoc accidit.

VI. Qui licentiam aut a ~~magis~~ Pontifice, aut a Congregatione S. Officii obtinueri legendi libros hæreticos, si periculum seductionis patiantur, sentiantque mentem gravibus concuti tentationibus, peccant mortaliter ejusmodi libros legentes. Quoniam a debito vitandæ occasionis graviter allicientis liberare nulla pontificia licentia potest. Qui vero nullam temptationem patiuntur, graviter non peccant, etiamsi ex sola curiositate legant. Non modo graviter peccant qui absque legitima facultate legunt libros hæreticos, & excommunicationem reservatam incurrint, sed etiam qui eosdem retinent quantumque ex causa, sive ad pompani & ornatum, sive ut bibliothecas impleant.

VII. Impressores librorum hæreticorum peccant mortaliter, & excommunicationem contrahunt, sicut omnes illi qui typographis manus adjutrices porrigunt, qui librum imprimendum tradunt, qui atramenta, vel characteres exhibent: quia omnes influant in impressionem, & hæreticis favent.

VIII. In Indice Tridentino, & Romano præter libros Hæreticorum prohibiti sunt plures libri Catholicorum. Illi *prima*, isti *secunda classis* nuncupantur. Prohibiti sunt Catholicorum libri qui errores continent doctrinæ fidei, aut morum infestos, aut suspicionem erroris ingerunt, piasque aures offendunt, aut scandalum præbent, vel opiniones laxas continent. Istius classis libri aliquando prohibentur *donec corrigantur*. Quod tunc accidit, quando in libro absolute sana doctrina continetur, sed aliqua propositio, quæ capitalis non est, calamo auctoris excidit præter intentionem, aut ex mentis subreptione, vel ob ignorantiam. Ejusmodi libri prohibentur sub peccato mortali, & excommunicatione non reservata.

IX. Plura alia sunt librorum genera in
pra-

præfato Indice prohibita. Primo omnes libri tractantes magiam. Secundo libri de astrologia. Tertio omnes libri obscuri sunt ipso jure prohibiti, nec pro istorum lectione facultas seu licentia suffragatur: sunt enim natura sua pestiferi. Denique in quarta regula Indicis Romani verita est lectio Bibliorum factorum in lingua vernacula absque superiorum licentia. Liber proscriptus in una lingua, proscriptus est in quacumque alia, nisi discrimen contingat, & correctio facta sit.

C A P U T XI.

Virtus spei theologica notio, objectum. & tempus quo urget obligatio.

I. QUÆST. I. *Quid sit spes theologica?*
RESP. Est virtus supernaturalis, qua voluntas humana sperat eternam beatitudinem Dei auxilio obtinendam. Dicitur virtus supernaturalis, quia vel accipitur pro habitu, qui a Deo infunditur, vel sumitur pro actu, qui vi divinae gratiae elicetur. Aliæ particulæ distinguunt spem ab aliis virtutibus theologicas: proprium quippe spei est Deum attingere prout est beatitudo nostra æterna, quam propriis viribus assequi non valemus: idcirco additur *Dei auxilio obtinendam*.

II. Objectum spei duplex, materiale, & formale. Illud est Deus possidens, & dicitur objectum materiale primarium. Istud, seu formale est Deus ipse ut omnipotens, seu omnipotentia auxiliatrix. Objectum secundarium sunt auxilia divina, bona opera gratiarum vi parta: item bona temporalia, quatenus illarum usus per gratiam bonus ad æternam beatitudinem vim sternit. Fundamenta itaque spei christiana sunt Dei omnipotentia, ejusdem misericordia, & immensa Christi Domini merita. Frequenter itaque repetendum nobis est ex imo cordis nostri: *Ego autem in misericordia tua speravi:* ps. 12. *Deus meus adjutor meus, & sperabo in eum:* ps. 17. illudque ante oculos habendum: *Ego protector tuus sum, & merces tua magna nimis:* Gen. 16. Macle igitur animo in spem vitæ æternæ, quam promisit, qui non mentitur, Deus: ad Tit. 1.

III. Subjectum spei non sunt neque beati, neque damnati, neque hæretici. De beatis, damnatisque nullum diffidium. In hæreticis sicut non est fides theologica, ita neque spes. In foliis itaque Catholicis, aut degentibus in via, aut commorantibus in Pur-

gatorio reperitur spes theologica. Licet enim securæ illæ animæ sint præmii obtinendi, absens tamen præmium est.

IV. QUÆST. II. *Datur ne spei præceptum?*
RESP. Adfirmant omnes, & perspicue illud Scripturæ sanctæ imponunt. *Sperate in Dominum.* Immo, ut subdit Prophetæ, vita fideliū vita spei est. *Quoniam tu Domine singulariter in spe constituisti me:* ps. 4. Quid enim est vita, seu potius peregrinatio nostra, nisi via ad Patriam? Illuc vota nostra conspirare omnia debent. Hanc veritatem definit Tridentinum *sess. 6. cap. 6.* & Alexander VII. damnavit sequentem thesim: *... unquam vita juxta tempore tenetur clericæ actus fidei, spei & caritatis ex vi præceptorum ad eas virtutes pertinentium. Obligat hoc præceptum, cum primum refulget rationis lumen, & quidem per se, sicut & cum exeundum de hoc mundo est. Urget denique per se præceptum istud ad frequentandos hiujuscemodi virtutis actus. Plures docent, nullum esse tempus determinatum in quo ejusmodi præceptum urgeat. Quia ratione asseri a viris christianis tantum paradoxon posset, sane non percipio. Vix christiani recitare sincere orationem dominicalem valent, quin eliciant actus spei. Per accidens urget præceptum istud quoties gravis tentatio animum pulsat contra spem; cum Sacramentum Pœnitentiæ peragendum est; quando urgenter præcepta caritatis, & orationis &c.*

V. Spem comitatur timor, qui est fuga mali ardui, quod vitari facile nequit. Dividitur in filiale, initiale, servile, & mundanum, qui turpis est. Servilis est bonus, quem Deus *Matth. 20.* suadet. *Timete eum qui potest corpus, & animam perdere in gehennam.* Timor iste a Spiritu sancto est, non tamen est donum Spiritus sancti. Timor vero filialis & castus donum est Spiritus sancti, sicut & timor initialis, qui non distinguitur a primo nisi tanquam imperfectum a perfecto.

VI. QUÆST. III. *Daturne timoris præceptum?*
RESP. Adfirmant omnes. Patet ex Scriptura sancta. *Deut. cap. 10.* inquit Deus: *Et nunc, Israël, quid Dominus tuus petit a te, nisi ut timeas Dominum tuum?* Et David ps. 33. *Timete Dominum omnes sancti ejus.* Præceptum illud peculiare est.

VII. QUÆST. IV. *Quænam sunt vitia spei opposita?*
RESP. Sunt desperatio, & præsumptio. Desperatio describitur, quod sit voluntas efficax abjiciendi salutem æternam ex divina misericordia consequendam. Gravissimum

tum peccatum est : male quippe sentit de divina misericordia.

VIII. Præsumptio est perversa, seu inordinata confidentia in divinam misericordiam. Grave peccatum est, & in illud frequentius quam in desperationem incident peccatores, qui confidunt gloriam æternam se affectuosos sine jejuniis, sine carnis conflictatione, & absque laboriosis operibus. Quare Christiani illi qui vitam ducant in ludis, in conviviali, in solatis, in promiscuis virorum & mulierum conversationibus, non sperant in Deum, sed Deum tentant; & quamvis non peccent peccatum præsumptionis proprie dictæ, quæ conjuncta cum hæresi est, sunt tamen in continuo peccato incuriae propriæ salutis æternæ. Perseverant in peccatis ex nimia fiducia in divinam misericordiam. Hæc sola crassa negligentia, hæc stupida torpedo, & indolentia in gravissimo æternæ salutis negotio, grave peccatum est. Diuturna perseverantia in peccatis ex spe divinae misericordiae supplicium est divinæ vindictæ, quæ spargit penales cætitates super illicitas cupiditates.

DISSERTATIO II.

De caritate erga Deum.

Ultimum inter virtutes theologicas locum occupat caritas, quia eamdem finis, & meta est. Hæc est vinculum christianæ perfectionis, sine qua nihil prosum cetera, & cum qua omnia prosum ad vitam æternam. Sed quod lugeri fatus non potest, non pauci Casuistæ hanc præ ceteris virtutibus, suis laxis opinionibus quasi extinguerunt, & ejusdem exercitium ad nihilum fere redigere pertantarunt, ut ex sequentibus thesibus palam fieri.

CAPUT I.

Census propositionum proscriptarum.

I. Alexander VII. quinque supra quadraginta propositiones proscriptis, quarum prima ejusmodi est. *Homo nullo unquam vite sue tempore tenetur eliceret actum fidei, spei, & caritatis ex vi præceptorum divinorum ad eas virtutes pertinentium.*

II. Innocentius XI. ex sexaginta propositionibus quas proscriptis, tres ad hanc materiam spectantes damnavit, suntque sequentes.

5. *An peccet mortaliter qui actum dilectionis Dei semel tantum in vita eliceret, condonare non audemus.*

6. *Probabile est ne singulis quidem rigorose quinquenniis pet se obligare præceptum caritatis erga Deum.*

7. *Tunc solum obligat quando tenemur justificari, & non habemus aliam viam qua justificari possimus.*

III. Alexander VIII. an. 1690. unam supra triginta damnavit propositiones, quarum sunt inter alias sequentes in ordine.

9. *Revera peccat qui odio habet peccatum mere ob ejus turpitudinem, & disconvenientiam cum natura sine ullo ad Deum offensum respectu.*

10. *Intentio qua quis detestatur malum, & prosequitur bonum, mere ut celestem obtineat gloriam, non est recta, nec Deo placens.*

12. *Omne quod non est ex fide christiana supernaturali que per dilectionem operatur, peccatum est.*

13. *Quisquis etiam eterna mercedis intuitu Deo famulatus, caritate si caruerit, vicio non caret, quoties licet intuitu beatitudinis operatur.*

16. *Attritio que gehenna, & penarum metu concipitur sine dilectione Dei propter se, non est bonus motus supernaturalis.*

CAPUT II.

Inventarium propositionum quæ laxis videntur.

I. **P** Thomas Tamburinus Lib. II. in Docal. cap. I. num. 9. de fide scribens, doctrinam præmittit qua omnium trium theologiarum virtutum præcepta in nihilum redigit. Puto (inquit) *per se*, & directe nunquam obligari fideles ad credenda predicta mysteria nec implicite, nec explicite ex vi necessitatibus præcepti fidei Ratio prioris dicti est, quia, ut diximus nunquam præceptum aliquod obligat, nisi sit determinatum. Cum enim non possit nisi ut determinatum exire in executionem, non sensetus prædicta esse completum.

Num. 10. ultra progreditur ad destruendum speciale præceptum caritatis. Confirmatur primo nostra sententia ex Azorio, qui docet, caritatis præceptum tunc solum obligare quando tenemur justificari, & non habemus aliam viam qua justificari possimus: quia hoc præceptum non videtur obligare, nisi ut medium justificationis, vel ut dispositio ad illam. Hæc ex illo. Ex quibus colligo *mi-*

militer dici posse de actu fidei, & consequenter de actu spei, ut cum de spe infra c. 2. §. 1. & cum de caritate agam, hoc me remittens rursus innuam infra c. 3. §. 2. n. 2.

II. Videndum nunc est quid de caritatis præcepto scribat loco a se citato. Resert n. 1. varia Doctorum placita his verbis. Laborant Doctores in assignando tempore quo debet fidelis ex obligatione actum positivum amoris elicere circa Deum; variaque tempora, ut varia sunt ingenia hominum, assignant. Primum tempus, quod aliqui assignant, est initium usus rationis. Secundum finis vite. Tertium tota vita indeterminate sumpta, ut saltem semel in ea ametur Deus. Quartum omnes dies festivi in quibus debemus Deo specialiter vacare. Quintum tempus, quo adulterii suscipit baptismum. Sextum tempus quo quis suscipit Eucharistiam. Septimum, quando forte sumitur martyrum. Octavum, quando a Deo magnum accipis beneficium. Nonum, quando audis aliquem contra Deum blasphemantem. Decimum, quando gravi ingeris tentatione, preferim odio Dei, cum periculus consensus, nisi ad Deum per amorem te convertas.

2. Mibi placet doctrina Azorii, qui doceat, hoc præceptum caritatis impositum fuisse ob justificationem impii: solum igitur tunc obligare, quando impius, quia Sacramentum Pœnitentie non est in promptu, non habet aliam viam qua se justificet, nisi eliciat aeternam contritionis, quae semper aliqua tandem modo actum amoris Dei super omnia dilecti involvit. Consequenter igitur, & indirecte, ratione sue justificationis, ad actum caritatis fideles obligantur. Vido supra c. 1. §. 1. n. 50. ubi idem loquendi modus mibi placuisse precepto actus fidei, & spei: nam per ibidem dicta & confirmabitur haec Azorii doctrina, & impugnari poterunt tempora modo assignata num. precedente.

3. Confirmatur: quia licet communis sententia doceat, dari præceptum speciale de amando Deo in illis verbis, Diliges Dominum Deum tuum, & alibi; tamen non ignobiles Doctores docent, hoc præceptum non esse speciale, & speciali tempore implendum, sed generale imbibitum in omnibus præceptis; sicut secundum præceptum de dilectione proximi non est speciale, sed in Decalogi præceptis contentum: nam propterea dicitur: In his duabus præceptis, idest dilectione Dei, & proximi, universa lex pendet, & Prophetæ: & qui habet præcepta mea, & servat ea, ille est qui diligit me: & plenitudo legis dilectio.

Si enim qui servat præcepta, diligit, quique diligit, servat; jam unum ex his continetur in alio, & consequenter præceptum caritatis indirecte solum, & ratione alterius obligabit.

4. Probabilis ergo, & tutissima sententia est illorum qui negant, fideles initio usus rationis (sic Castrop. cum Azor. Valent. Sanch. Suar. Coninch. ab eod. cit.) & fine vite (sic idem ibi n. 9. cum Azor. & Sanch. ab eodem cit.) obligari ad se convertendos ad Deum, illum amando: ponere enim hujusmodi obligationem, quæ certe solido fundamento non iniicitur, nihil aliud est nisi scrupulos ingere, non quidem indoctis, quia hi ad eam obligationem minus advertunt, sed doctioribus &c.

III. Patritius Sporer tract. II. in I. præcept. Decal. c. 5. n. 31. sui P. Tamburini, & Auctorum quos Tamburinus allegat, opinionem de more transcribit, ac fusius eam explicat, & quatenus fieri potest, propugnat. „ Probabilis mihi (inquit) haec tenus „ semper visa fuit sententia, præceptum il- „ lud nunquam obligare per se, quoad a- „ etum explicitum amoris Dei super omnia; „ sed ei satisficeri per voluntariam observan- „ tiam præceptorum, & exclusionem omnis „ peccati propter Deum, uti docent multi, „ & graves Doctores apud Tamburinum. „ Ratio est, quia ex una parte volens pro- „ pter Deum observare omnia præcepta e- „ jus, & pro nulla re ipsum peccando of- „ fendere, vere Deum diligit super omnia, „ saltem implicite, & virtualiter, & ex to- „ to corde negative... Ex altera autem „ parte non est astriuenda obligatio alicuius „ præcepti, & quidem gravis sub mortali, „ absque certo fundamento. Nullum autem „ certum & urgens adserri potest fundamen- „ tum, quod præceptum dilectionis obliget „ aliquando per se ad actum formalem, & „ explicitum amoris Dei, ut patet expen- „ dendo fundamenta communiter allata.

„ Unum & præcipuum fundamentum est „ ipsum magnum mandatum, & præceptum „ affirmativum caritatis: Diliges Dominum „ Deum tuum ex toto corde tuo: quod sane „ debet obligare aliquando ad actum suum „ proprium, ne frustra sit. Agnoscamus, & „ veneramur divinissimum mandatum, ejus- „ que exercitium, & frequentissimum nobis „ in omnibus optamus. Nulla tamen ratio, „ vel auctoritas convincit illud esse præceptum „ speciale, & speciali aliquo tempore per se „ obligare implendum; quin cum DD. re- „ latis probabilissime dici possit, esse præ- „ psum generale imbibitum in omnibus præ- „ ce- „ ce-

„ teptis , ut proinde illi abunde satisfiat a-
„ etibus amoris Dei implicitis , contentis in
„ observatione voluntaria præceptorum pro-
pter Deum , ut dictum est .

„ 2. Eadem prorsus ratione etiam alte-
„ rum præceptum caritatis , Diliges prox-
„ imum tuum sicut te ipsum , non est spe-
„ ciale , speciali aliquo tempore per se obli-
„ gatorie implendum per aliquem actum in-
„ ternum elicium amoris erga proximum
„ quando enim hoc ?) sed est præceptum
„ generale imbibitum in omnibus præceptis
„ Dei erga proximum : eique abundantan-
„ tisfit , dum quis vult servare præcepta
„ Dei erga proximum , & data occasione de-
„ facto serviat abstinentia ab omni odio , of-
„ fensa , & injuria , & dum opus est , ex-
„ hibendo opera externa caritatis .

3. „ Aliud novum urgentius fundamen-
„ tum exhibet propositio omnino prima in-
„ ter prohibitas , ac damnatas sub Alexan-
„ dro VII. anno 1665. ita sonans : Homo
„ nullo unquam vita sua tempore tenetur
„ elicere alium fidem , spei , & caritatis ex-
„ vi præceptorum divinorum ad eas virtutes
„ pertinentium . Sic propositio damnata . Ve-
„ rum nulla hic sit mentio de actu forma-
„ li explicito amoris Dei super omnia ; &
„ omnino sufficere videtur , præceptum ca-
„ ritatis sape obligare per se , saltem qua-
„ tenus est negativum , ut in casibus supra
„ positis , et si nunquam obliget ut affirmari-
„ cum . . . Ergo minus damnata censeri
„ debet nostra sententia .

„ 4. Sed ecce novissime anno 1679. fun-
„ damentum urgentissimum , meo iudicio ,
„ posuit Innocentius XI. inter complures
„ propositiones damnatas , tanquam scanda-
„ losas & in praxi perniciosas etiam has
„ tres ordine reposuit . An peccet mortaliter
„ qui actum &c. . . Hic ego do vietas
„ manus ob reverentiam , & obedientiam
„ sacrae Sedis apostolice .

IV. P. Castropalaus tr. 6. disp. 1. punct. 4.
num. 9. Quinto afferunt alii , instante pericu-
lo mortis , etiam si peccati mortalis conscius non
fis , immo etiam illius conscius sacramentaliter
confitearis , te obligatum esse Deum super
omnia diligere . . . Fatorum haec obligationem
esse satis probabilem , & in praxi semper con-
siderandam ; at non est omnino certa , si pecca-
ti mortalis conscius non es : nam illam reji-
cunt Azor. Sanch. Per caritatem , inquit An-
gelicus , affequimur ultimum finem , Deo
que conjugimur . Instante separationis mo-
mento ab hoc mundo , & conjunctionis can-

Deo , non jubemur actum elicere amoris ,
qui medium est quo reapse Deo copulemur ?

V. Idem loc. cit. num. 9. Septimo alii di-
cunt , obligare hoc præceptum primo , cum mar-
tyrium subeundum , vel aliud egregium diffi-
cileque opus aggregendum est : quia expedit
tunc firmare animum Dei obsequio . Sed ego
convenientiam agnoscam , obligationem impro-
bo . Christianus ergo , tyranno mortem mi-
nante , ac morte ipsa imminente , actum ca-
ritatis , qua & Deum , & tyrannum amet ,
atque se ipsum confirmet roboretque ab sub-
eundum agonem , immaneque supplicium ,
edere non astringitur ? Conveniens id erit ,
necessarium non erit ?

VI. Idem loc. cit. num. 10. Hac ergo ob-
ligatione existimo quemlibet adulterum teneri non
singulis annis , ut placuit Petro de Ledesma ,
quia hoc est nimis durum , & nullo firme fun-
damento nijitur ; sed aliquoties in vita . . .
Reputarem autem dilationem trium annorum
esse gravem . Nimis durum est suavibus ami-
citiae amplexibus singulis annis Deum paren-
tem , provisorem , conservatorem , redempto-
rem , benefactorem nostrum amare ?

C A P U T III.

*Caritatis theologicæ notio , objectum , præroga-
tive , & præceptum .*

I. Q UÆST. I. *Quid sit caritas , ejusque
objectum ?* RESP: Caritas accepta pro
habitu definitur : *Est virtus divini-
tus infusa , qua Deus propter se , & proxi-
mus propter Deum diligitur .* Caritas Deum
amat , ut est Deus , sive propter suam bo-
nitatem , ac perfectionem . In ea particula
proximus comprehenduntur omnes creature
rationales æternæ gloriae capaces .

II. Objectum materiale seu quod prima-
rium caritatis est Deus ; secundarium est
proximus propter Deum . Objectum forma-
le caritatis est infinita Dei bonitas propter
se amabilis . Hac ratione caritas distingui-
tur a diabolo aliis virtutibus theologicis .

III. Prima caritatis prærogativa est ami-
citia Deum inter & homines . Jam non di-
cam vos servos , sed amicos : Joan. 13. Hæc
amicitia reciprocam benevolentiam includit ,
& mutuam bonorum communionem , ut sub-
dit idem Evangelista c. 14. *Qui diligit me ,
diligetur a Patre meo , & ego diligam eum .*
Filius Dei humanam naturam sibi copula-
vit , & ad Divinitatis fastigium evexit , ut
cujusdam æqualitatis speciem adumbraret .

Secunda prærogativa caritatis est quod sit animæ vita, sicut corporis vita anima est, inquit Angustinus. Tertia prærogativa caritatis est quod sit donum a Deo infusum nullis nostris meritis antecedentibus, nullaque nostra naturali capacitatem spectata, Quarta prærogativa est valor quem caritas ceteris omnibus operibus tribuit. Habent utique ceteræ virtutes ex proprio objecto suam honestatem, & bonitatem; verum ut præmii corona redimitæ evadant, veste nuptiali caritatis ornatae sint necesse est. Quinta prærogativa caritatis est quod sit virtus omnium excellentissima, ut inquit 1. Cor. 13. S. Paulus. Major autem horum est caritas.

IV. Caritatis actualis officia, & actus sunt benevolentia, affectus unionis, complacentia de perfectionibus divinis, amor infinitæ bonitatis, desiderium ejusdem gloriae; velle Deo bona tum intima, quæ sunt omnes infinitæ perfectiones, tum extrinseca sita in manifestatione divinarum perfectionum, nempe quod Deus colatur, adoretur, laudetur, & ametur ab omnibus creaturis.

V. QUÆST. II. Urget ne præceptum amandi Deum? RESP. Hoc est omnium mandatorum maximum, & primum, inquit c. 22. Evangelista Matthæus. *Diliges Dominum Deum tuum ex toto corde tuo, & in tota anima tua, & in tota mente tua.* Hoc est maximum & primum mandatum. Conferas velim hæc Christi verba cum opinionibus quas ex Tamburino, Sancio, Sporer supra retuli c. 2. & cum thesibus proscriptis quas aliqui recentes Probabilistæ docuerunt: & inde collige, quæ adhibenda fides sit similibus auctoribus in ceteris morum controversiis obscuris, & implexis, si in explicando gravissimo, & primo mandato tam luculententer a Christo Domino expresso in tam laxas opiniones lapsi sunt.

VI. S. Thomas 2. 2. qu. 44. art. 1. pluribus rationum momentis evincit hoc speciale præceptum. Quia enim ratione caritas virtus specialis est, eadem præceptum imperans ejusdem actus peculiare est. Est autem (inquit Angelicus) aliquid debitum duplíciter: uno modo PER SE; alio modo propter aliud. Per se quidem debitum est in unoquoque negotio id quod est finis, quia habet rationem per se boni. Propter aliud autem est debitum id quod ordinatur ad finem . . . Finis autem spiritualis vite est ut homo uniatur Deo, quod fit per caritatem: & ad hoc ordinantur sicut ad finem omnia quæ pertinent ad spiritualem vitam . . . In quolibet

autem genere id quod est per se, potius est eo quod est propter aliud: & ideo maximum præceptum est de caritate.

VII. S. Augustinus lib. 1. de mor. Eccl. c. 11. explicans hoc mandatum inquit: Si igitur diligentibus Deum omnia procedunt in bonum; & summum bonum, quod etiam optimum dicitur, non modo diligendum esse NEMO AMBIGIT, sed ita diligendum ut nihil amplius diligere debeamus; idque significatur, & exprimitur quod dictum est: Ex tota anima, & ex toto corde, & ex tota mente: quis, quoque, dubitaverit, his omnibus constitutis & firmissime creditis, nihil nobis aliud esse optimum, ad quod adipiscendum, postpositis ceteris, festinare oporteat, quam Deum? Item si nulla res ab ejus caritate nos separat; quid esse non solum melius, sed etiam certius hoc bono potest? Sed angula breviter attendamus. Nemo nos inde separat minando morteni: idipsum enim quo diligimus Deum, mori non potest, nisi dum non diligit Deum, quod nihil est aliud quam ei quidquam in diligendo, atque sequendo præponere. Nemo inde separat pollicendo vitam: nemo enim ab ipso fonte separat pollicendo aquam &c.

VIII. Itaque mandatum istud speciale est, quod per se amoris actum imperat. Falsa ergo quorundam opinio, qua assertebant mandatum istud generale esse in aliis præceptis inclusum. Quare merito Alexander VIII. prescripsit sequentem thesim anno 1690. *Bonitas objectiva consistit in convenientia objecti cum natura rationali; formalis vero in conformitate actus cum regula morum.* Ad hoc sufficit ut actus moralis tendat in finem ultimum interpretative. Hinc homo non tenetur amare NEQUE IN PRINCIPIO, NEQUE IN DECURSU VITÆ SUE MORALIS.

IX. QUÆST. III. Amor quem præceptum hoc imperat, deberne esse appetitivus, vel etiam intensivus? Rrsp. Duplicem distinguunt Theologi amorem caritatis: appetitivum unum, intensivum alterum: quæ distinctio non valde antiqua est. Amore appetitivo Deum prosequimur, cum Deum omnibus rebus præferimus, & cum tali amore flagrantibus, mala omnia pati, & sustinere, & bona quæcumque amittere parati sumus, ne Deum offendamus. Amor intensivus addit fervorem vehementiorem, conatum intensiorem, & sensibilem etiam quasi teneritudinem majorem, & minorem. Convenit penes omnes, præceptum istud non jubere amorem intensivum hoc modo explicatum, seu prout intensio ultra præceptorum observantium impel-

C A P U T IV.

Tempora designantur in quibus hoc præceptum amandi Deum urget.

I. **Q**UEST. I. *Obligat ne præceptum istud aliquo determinato tempore?* RESP. Negarunt nonnulli, qui contendebant præceptum hoc non esse speciale; sed opinio hæc jam proscripta ab Ecclesia est.

II. **Q**UEST. II. *Satis ne est semel in vita actuam amoris Dei elicere?* RESP. Opinionem adfirmantem proscripti Ven. Innocentius XI. in hac thesi; *An peccot mortaliter qui actum dilectionis Dei semel tantum in vita eliceret, condemnare non audemus.* Hæc opinio detectionem potius quam confutationem mereatur. Præceptum maximum & primum, & tanta verborum severitate, & emphasi a Deo impositum; præceptum quod est vitæ christianæ anima, qua Deo unice vere vivimus, semel tantum exercendi actus vitales debitum imponit?

III. **Q**UEST. III. *Obligat ne hoc præceptum singulis dumtaxat quinquenniis?* RESP. Opinionem adfirmantem propugnarunt olim aliqui; sed hanc quoque damnavit Ven. Innocent. XI. *Probabile est ne singulis quidem rigorose quinquenniis per se obligare præceptum caritatis erga Deum.*

IV. **Q**UEST. IV. *Obligat ne præceptum istud per se in primo usus rationis instanti?* RESP. Adfirmant cum S. Thoma communiter graviores Theologi. Quandoquidem aliquo determinato vitæ tempore hoc præceptum per se obligat, ut definivit Ecclesia, ad ainandum Deum: ergo hæc obligatio potissimum urget in primo usus rationis instanti moraliter accepto. Lux quippe rationis aperit puero ingressum in hunc mundum, ostenditque viam quæ ducit ad portum. Tum igitur deliberare de se ipso debet, & ultimum sibi præstituere finem. Finis hic ultimus Deus est: ergo amandus, præligendumque est. Et sane dum prima illa rationis lux affulget, aliquid agere juvenis astringitur, Quid vero aptius, meliusque agere valet quam suum Creatorem, Redemptorem, & æternæ suæ felicitatis divinum Parentem salutare, diligere, & ejusdem amplexus anhelare? Nullum itaque tempus opportunius amandi Deum designari potest quam intervallum illud in quo deliberandum est de via arripienda, & de ultimo fine feligendo. Hoc autem est tempus illud in quo ulius acquiritur rationis.

V. OP.

pellit animum ad opera consilii execienda, & ad sublimiorem perfectionis viam percurrendam, & quæ in mutuis amplectibus delicias constituit. Præcipitur autem amor appetitiatus, quo Deum præelligimus, & præferimus omnibus aliis bonis; & hoc modo diligimus Deum ex toto corde, ex tota anima: quoniam solus Deus dominatur in corde nostro, & sibi omnes affectus nostros subjicit. Amor iste cum pugnet adversus amorem carnalem, & terrenam cupiditatem, non est sejunctus ab aliquo fervore, intensione, & conatu. Hæc tamen caritas augetur, & ejus fervor magis acceditur. Idcirco tres caritatis status cum Augustino, & Thoma distinguunt Theologi, nempe *incipientium*, *proficientium*, & *perfectorum*. Caritas incipiens hominem Deo subjicit, concupiscentiam, cupiditates, & appetitiones coercet, peccata omnia infectatur, & omnia amoris cælestis impedimenta removet. Caritas proficiens altius assurgit, flamas sursum extollit, gratia conatur, & tota in pietatis, & virtutum exercitia incumbit: non modo servare legem exacte fludet, sed consilia etiam evangelicæ perfectionis exequi contendit. Caritas perfecta quasi triumphans de prostratis hostibus Deo fruitur, & tranquilla deliciis cælestibus affluit. Verum magis experientia, & exercitio divini amoris, quam calamo hæc omnia exprimitur.

X. Desiderium deliberatum perpetuo manendi in hac vita a peccato mortali non excusant autores plures: quam sententiam veram judico, quando animo deliberato revera quis cuperet perpetuo commorari in hoc mundo, quia is præponeret hujus vitæ statum Deo, atque adeo præceptum amandi Deum super omnia violaret. Nec est quod reponas, hunc non præferre hanc vitam Deo, sed solum desiderare ne hac vita privetur, & ne in infernum incidat: direste ergo cupit æternas poenas declinare. Non, inquam, hoc oppones. Via siquidem declinandi infernum non est vitæ istius perpetuitas, sed fuga peccati, & virtutum exercitium. Qui permanere in hac vita perpetuo vellent, reipia, quamvis id non exprimant, peccatorum voluptatibus frui cuperent, & una infernum vitare. Desiderium istud perennitatis hujuscce vitæ ex perverso carnalium voluptatum amore proficiuntur; idcirco malum, & vitiosum est, atque caritati infestum.

V. Opposita opinionem communiter defendunt Probabilistæ, & inter plura quæ obtrudunt sophismata unum est, quod onus nimis grave imponitur pueris; Christus autem dicit: *Jugum meum suave est, & onus meum lewe*: Matth. II. Tunc autem suave jugum esse contendunt cum humanis appetitionibus, & libertati accommodatur. Quoties aliquid divinum mandatum onus imponit concupiscentiæ, cupiditatî, & cetetis illecebris infestum, toties repetunt dictum oraculum: *Jugum meum suave est &c.*

VI. Auctores isti falso in sensu præfato oraculo abutuntur. Omnes ad unum Patres testantur jugum Christi suave esse, quia est jugum amoris, caritatis, amicitæ, & benevolentiæ. Dura est carnis conflictatio, tolerantia persecutionum, concupiscentiæ & cupiditatis crucifixio, castitatis custodia, & plurima alia quæ Evangelium jubet. Durissima, & asperrima hæc sunt, nedum dura, & aspera. Verum dulcia, & suavia tum solum evadunt omnia cum divina caritas, cum cælestis amorunctionem, suavitatem, & delicias divinæ amicitiæ effundit. Si muliercularum affectus dulcia, & suavia reddunt suis amatoribus gravissima incommoda quæ hi sustinent, ut eisdem placeant, qua suavitatem, quibus deliciis non replebit Deus amantes suos? Benigni Casuistæ durissimum, & asperrium efficiunt jugum Christi, a quo frequens caritatis, quæ sola asperitatem & duritatem tollit, exercitium auferunt. Omnia divinæ legis mandata carni & sanguini infesta, inimica, & onerosa sunt. Caritatem, amicitiam, benevolentiam adde, & omnia dulcescunt amantibus. Hæc est omnium Patrum doctrina.

VII. Paucos ex multis S. Augustini textus adduco. In psal. 47. *Quidquid enim difficile est in præceptis, leve est amanti.* Nec ob aliud recte intelligitur dictum Matth. XI. 30. *Onus meum lewe est, nisi quia dat Spiritum sanctum, per quem diffunditur caritas in cordibus vestris.* Fusus loquitur serm. 66. cap. 1. *Durum videtur, & grave quod Dominus imperavit, ut si quis eum vult sequi, abneger seipsum.* Sed nec est durum, nec est grave quod ille imperat, qui adjuvat ut fiat quod imperat. Nam & illud verum est quod ei dicitur in psal. 16. Propter verba labiorum tuorum ego custodivi vias duras: & illud verum est quod ipse dixit Matth. XI. v. 30. *Jugum meum lene est, & onus meum lewe.* Quidquid enim durum est in præceptis, ut sit lene, caritas facit. Nevimus quanta ipse

anor faciat quanta homines pescessi sunt; quanta indigna, & intolerabilia pertulerunt ut pervenirent ad id quod amaverunt. Item lib. de natur. & grat. contra Pelagianos cap. 69. Valde autem bona sunt præcepta, si legitime his utamur. Eo quippe ipso quo firmissime creditur, Deum justum, & bonum impossibilia non potuisse precipere; hinc admonemus & in facilibus quæ agamus, & in difficultibus quid petamus. Omnia quippe sunt facilita caritati, cui Christi sarcina levis est: aut ea una est sarcina ipsa quæ levis est, secundum hoc quod dictum est 1. Joan. 5. ver. 3. Et præcepta ejus gravia non sunt. Et quod dicitur in Deuteronomio 30. . . . Propterea est verbum in ore tuo, & in corde tuo. . . . Conversus ergo quisque, sicut ibi precipitur, ad Dominum Deum tuum ex toto corde suo, & ex tota anima sua, mandatum Dei non habet grave. Quomodo est enim grave, cum sit dilectionis mandatum? Aut enim quisque non diligit, & ideo grave est; aut diligit, & grave esse non potest. Diligit autem, si, quod illic admonetur, Israel conversus fuerit ad Dominum Deum suum ex toto corde suo, & ex tota anima sua. Mandatum, inquit, novum do vobis, ut vos invicem diligatis: Joan. 13. &: Qui diligit proximum, legem implevit: &: Plenitudo legis caritas. Secundum hoc & illud dictum est: *Si ambularent semitas bonas inservient utique semitas justitiae leves.* Quomodo ergo dicitur: Propter verba labiorum tuorum ego custodivi vias duras, psal. 16. nisi quia utrumque verum est? Dura sunt timori, leves amori.

VIII. Haec tenus ostensum est 1. caritatis præceptum speciale esse, & actum expressum amoris imponere; 2. plures in vita obligare; 3. intra quinquennium illud per se urgere. Alia nunc tempora designanda sunt quibus hoc urget mandatum.

IX. Quæst. V. Frequenter ne ad actus amoris Dei obligat caritatis præceptum? RESP. Si verba quibus Deus præcipit amorem hunc, spectentur, temeraria appetet proposita quæstio. Non frequentiam modo, verum etiam moralem continuationem divini amoris jubet divinum mandatum adeo perspicue, ut nec revocari in disputationem possit. Legantur verba Deuter. 6. Joan. 6. inquit Christus: *Manete in dilectione mea.* Quæ verba constantem perseverantiam in divina dilectione produnt. Clarius hoc exprimit epis. I. c. 4. S. Petrus: *Ante omnia autem mutuam in vobis metipsis caritatem continuam habentes, quia caritas operit multitudinem peccatorum.* Et pro-

profecto Christiani vi propriæ professionis vitam vivere christianam astringuntur. Quid est hæc vita christiana, nisi conjunctio animæ cum Deo, quemadmodum vita corporalis est in unione animæ cum corpore?

X. QUEST. VI. An satis sit semel in anno actus caritatis elicere? RESP. Has similesque quæstiones, Patribus omnibus ignotas, dum propositas ab ultimæ ætatis Theologis lego, non levi perfundor admiratione. Hæc quippe quæstio simillima huic mihi videtur: Utrum homo vivens semel in anno actus vitae edere astringatur? vel an satis sit ut semel in anno actus vitae eliciat? Non ne perridicula quæstio esset? Magis vero ridicula quæstio faret, si de homine mortuo disputatio insti-tueretur.

XI. Proposita igitur quæstio aut est de homine justo, aut de homine peccatore. Si de homine justo, nimis vana appetit. Nam homo justus vitam vivit divinam: ergo moraliter continuat caritatis officia. Nullum enim opus deliberate voluntum est in homine justo, quod non sit aut meritorium, aut demeritorium, ut in 2. dist. 40. q. 1. a. 5. docet Angelicus. Nullus actus a voluntate deliberate progredivi potest esse qui non sit bonus, vel malus, non tantum secundum Theologum, sed etiam secundum moralem Philosophum. Et voluntarius non potest esse aliquis actus a deliberata voluntate procedens in habente gratiam qui non sit meritorius. Sed in non habente gratiam potest esse aliquis actus deliberatus qui nec sit meritorius, nec demeritorius. Et paulo infra: Sed tamen actus bonitate civili perfectus, non est susceptibilis efficacie meriti, nisi in eo qui gratiam habet: & ideo in eo qui caret gratia, indifferens est ad meritum, & demeritum; sed in illo qui gratiam habet, oportet vel meritorium, vel demeritorium esse: quia sicut malus erit demeritorius, sic & bonus erit meritorius. Quia cum caritas imperet omnibus virtutibus, sicut voluntas omnibus potentias, oportet ut quidquid ordinatur in finem aliquas virtutis, ordinetur in finem caritatis. Et cum omnis actus bonus ordinetur in finem caritatis, in finem caritatis ordinatus remanebit; & ita meritorius erit. Et sic comedere, & bibere servato modo temperantia, & ludere ad recreationem servato modo eutrapelia, quo medium tenet in ludis, ut dicitur 11. Ethicorum, meritorius erit in eo qui caritatem habet, per quam Deum ultimum finem vitae sue constituit. Hoc idem docet pluribus aliis in locis. Quæst. XI. de ma-lo art. 5. ad 11. Ad hoc quod aliquis sit actus

Tom. I.

meritorius in habente caritatem, non requiri-tur quod actu referatur in Deum; sed suffici quod actu referatur in aliquem finem conve-nientem, qui habitu referatur in Deum. Sicut si aliquis volens peregrinari propter Deum, emat equum, nibil actu de Deo cogitans, sed solum de via quam jam in Deum ordinaverat; hoc est etiam meritorium. Sed constat quod ille qui habet caritatem, se & omnia sua ordinavit in Deum, cui inheret ut ulti-mo fini. Ergo quidquid ordinaverit vel ad se, vel ad quocumque aliud sui, meritorie agit, etiamsi actu de Deo non cogitet; nisi impedia-tur per aliquam inordinationem actus, qui non sit referibilis in Deum. Hoc autem non potest esse, nisi sit peccatum falso veniale. Ergo omnis actus habentis caritatem vel est meritorius, vel est peccatum. Eadem habet quæst. XIV. ar. 5. Dicendum, quod in habente carita-tem non potest esse aliquis actus virtutis, nisi caritate formatus: aut enim actus ille erit in debitum finem ordinatus; & hoc non potest esse nisi per caritatem in habente caritatem: aut non est ordinatus in debitum finem; & sic non erit actus virtutis.

XII. Actus caritatis est amor efficax ulti-mi finis, nempe Dei: ergo omnia dirigit in Deum, & potissimum ipsum hominem ju-stum, ejusque voluntatem, & arbitrium. Hoc est enim Deum diligere toto corde, tota anima, & tota mente, nempe totam ani-mam hostiam Deo offerre. Si integrum plan-tam donat: ergo & fructus, nempe omnes actus, & officia, qui ab eadem voluntate proficiuntur. Disputant Theologi quandiu actus ille caritatis, quo justus se, suaque omnia in Deum dirigit, duret in impressio-ne relictâ in voluntate, ceterisque virtutibus? Salmanticenses respondent durare per totam vitam, nisi retractetur. Esto. At cito retrac-tabitur, nisi frequenti actuuum repetitione foveatur. Ex hac negligientia saepe erumpen-di in hos amoris actus proficiuntur frequen-tissimi justorum relapsus in peccata. Quis di-xerit fervore inter duos homines præsentes amicitiae amorem, si semel in anno amoris officia mutuo ederent?

XIII. Accedit quod caritatis amor in ani-ma justa perpetuo carnalium appetitionum tumultum patitur. Continenter dæmon spe-ctra immittit, & præstigia depingit, libidi-nem accedit, ut hunc amorem cælestem extingua. Comparare non immerito possumus ignem divini amoris, qui in justi volun-tate ardet in hoc corruptæ naturæ statu, cum ignis calore qui calefactæ aquæ hæret. Aqua-

calesfacta cito frigescit, ob continuum confitum, quo frigus aquæ pugnat adversus calorem sibi inimicum; & nisi calor iste in aqua receptus continuus flammis corroboretur, in nativam aqua recidit frigiditatem. Eadem ratione, proportione servata, calor amoris divini in voluntate justi ardens, paulatim tepercit, viresque in continua pugna adversus impurissimas concupiscentias flamas, & mundi, dæmonisque lenocinia & præstigia, amittit, & penitus frigescit, nisi opportuno alimento inflauetur, nisi frequenti actuum æstu inflammetur.

XIV. Heinc compertum exploratumque est, vanam esse quæstionem illam, utrum semel in anno elicere actum amoris fideles debeant, aut singulis Dominicis. Si enim sermo de justis sit, isti cum vitam vivant divinam, singulis diebus caritatis officia peragunt. Et si semel tantum, non dico in annum, vel in mensem, sed in hebdomadam actum amoris elicuerint paulatim tepidi, postea frigidi, & tandem peccatores evadent. Quid? Intertot tempestuarum fluctus, adversus tot temptationum imperius victores evadent, nisi fervens sit & æstuans divinus amor? Ad primum hostis aspectum, ad primum seducen-
tis mulierculæ illicium corrueunt, nisi in cœlesti amicitia fortes, & robusti fuerint. Si de peccatoribus sermo sit, isti implere divinum præceptum nequeunt, nisi Deo reconcilientur, & culpis oblitis, in gratiam fese restituant. Peccant vero isti, de die in diem suam conversionem diu differendo. Quæstio ergo de peccatoribus non est, sed de justis. Porro si dicamus justos plures in hebdomada, aut mense debere actus caritatis elicere, quidquam ne oneris, & rigoris imponimus præter id quod re ipsa in praxi justi peragunt? Quis namque justorum vel per unicum diem negligit suum salutare amantissimum Deum, & recitare precationem dominicam, quam pronuntiare sincero corde nequit, quin Deum Patrem suum amet? Si vero id negligant justi, in peccata & quidem gravissima facile relabentur. Hortandi ergo urgendi que fideles sunt ut continent Deum ardentis amore prosequantur, secus disputandum num semel in anno, in mense, in hebdomada exercete hunc amorem debeant. Disputationes istæ ex hominum cerebro proficiuntur, non ex Scripturis sanctis, quæ continuatum perennemque atorem impe-
jant.

XV. QUÆST. VII. Utrum ex præcepto caritatis omnes astringantur dirigere opera sua in

Deum? RESP. Disputatio est de directione virtuali, non actuali. Quod præceptum caritatis imperet hanc directionem omnium operum in Deum ultimum finem, constat ex ejusdem præcepti verbis. *Diliges Deum tuum ex toto corde tuo, & ex tota anima tua.* Si totum cor, totam animam Deus postulat, eodem jure omnes ejusdem partus, fructus, & opera requirit, ut interpretatur i. z. q. 100. ar. 10. S. Thomas. Sub præcepto caritatis continetur ut diligatur Deus ex toto corde, ad quod pertinet ut omnia referantur in Deum. Præceptum istud luculentius exprimit i. Cor. 10. S. Paulus. *Sive ergo manducatis, sive bibitis, sive aliud quid faciatis, omnia in gloriam Dei facite.* Ruisus cap. 14. subdit: *Omnia vestra in caritate fiant.* Huic doctrinæ subscrubunt omnes Patres, quorum testimonia dedi Tom. i. in Dec. lib. i. dis. 4. c. 12.

XVI. In errorem extremum lapsi sunt Bajus, & Jansenius. Hanc propositionem, quæ est 25. Bajus docuit: *Infidelium opera sunt peccata; & Philosophorum virtutes sunt virtus.* Defendit Bajus omnia opera referenda esse in Deum vi caritatis theologicæ, & proprie dictæ, quæ sane in infidelibus non reperitur. Heinc intulit omnia infidelium opera esse peccata: quem errorem omnes Catholicæ damnant. Catholicorum Theologi non pauci, præsertim Cardinalis Norisius, Francisco Macedo, Vincentius Contensonius, pluresque alii, docent, sine fide theologica, & caritate proprie dicta reperi posse opera bona moralia; Iecus vero sine auxilio actuали, speciali, seu caritate generatim, & communiter dicta. Docent, opera aliqua infidelium esse bona & honesta ex officio, & objecto: at quoties vi auxiliis specialis divini non referuntur in Deum, peccatum omissionis contingit, quod non inficit operationem, dummodo operans sistat in honestate operationis suæ natura bonæ, eamque non detorqueat in pravum finem: quia tunc opus esse pravum omnes fatentur. Paucis rem habet. Omnes fatentur opera infidelium plerumque esse peccata, quia illa in praxi communiter referunt in finem pravum. Omnes similiter fatentur interdum infideles aliqua bona moralia operari aut vi specialis auxiliis, ut contendunt plures, aut viribus naturæ cum auxilio generali, ut alii communius propugnant. Autores prioris sententiae docent præceptum referendi omnia opera in Deum vel actu, vel virtualiter obligare solum sub veniali. Totum ergo dissidium hoc recidit, num infideles aliquando perpetrent pec-

peccatum veniale omissionis, propterea quod negligant referre opus in Deum.

XVII. Quæ cum ita se habeant, quis sati mirari nonnullos Theologos potest, qui adversus priorem opinionem, quam tota Augustiniensium schola, aliqui gravissimi Theologi defendunt, tam impotenti impetu abripiuntur? Opinio ex una parte levioris momenti est: ex altera sua fruitur magha probabilitate. Nihilofecius non verentur nonnulli Theologi benignioris Ethices patroni hæresis notam inurere dictæ opinioni, & in hæresis suspicionem adducere ejusdem autores.

C A P U T V.

Consecularia, quæ theologicarum virtutum exercitia, & officia suadent.

I. **H**uc conferre Pastores, & Confessarii sua studia debent, ut altius fidelium animis theologicarum virtutum imagines imprimant, & in earundem praxi eosdem exerceant. Idque ut facilius præstent, sub finem tractatus ejusmodi trium virtutum, pauca in hunc finem perstringere constitui ad SS. Patrum Ecclesiae methodum sive in totum, saltent in partem accedere cupiens. Omnes namque Patres nullibi de morum doctrina tantummodo disputare docent, sed præsertim incumbunt in persuadenda ejusdem observantia.

S. I.

Qua ratione fidei excellentia, & exercitium suadendum.

II. Expergiscimini ergo viri Dei, animarum Pastores, & Confessarii, & pro eo quo ardetis zelo, gregem vestrum in perpetuo fidei exercitio instruite. Fides Christi vera & perfecta lumen in mente, amor in corde est. Ut in mente splendeat fidei lumen, oleum, quo lux ista sovetur, & alitur, in cordis lampade ardeat oportet. Sol terræ vaporibus obtenebratur, & fidei lux hebescit, dum ex corrupto corde impuræ exhalationes erumpunt. Vitia recta hominem non adoriantur, sed viam parant ad impietatem. Docete ergo filios ut corda, & animas a vitiis purgent, si illustrati mentes suas vivæ fidei splendore cupiunt. Si verborum apparatu, si eloquentiæ vi, si disputationum efficacitate hæretorum mentes in fidei obsequium subigere non valent, vitæ innocentia, virtutum ac

operum sanctitate illorum emollire obstinationem, & propria humilitate eorumdem devincere supercilium studeant.

III. Inculcandum vero illis altius est ut Filium Dei hominem factum, & hominum improperiis, irrisiōibus, & maledictis subiectum præ oculis habeant: ut stantes, ambulantes, laborantes frequenter meditentur Crucem, & in eadem pendenter Dei Filium, qui ideo mori voluit, ut animas nostras a dæmonis servitute redimeret, & ad æternam felicitatem perduceret. Crux hæc fax est, hæc lucerna, quam manu mentis tene-re debent, ut in hac tenebrarum valle dirige iter ad celestem Jerusalēm queant.

IV. Incredibilem fidei excellentiam, & infinitam Dei misericordiam, quæ tantum beneficium nobis impertiit, vivide ræpræsentare studeant: & hoc vel simili pacto illos alloquantur. Soporem aliquantisper excutite Christiani, & recitatate fidem vestram annulum pretiosissimum esse, quo animarum vestrarum sponsalia cum Deo obsignanda sunt. Fides vestra secretiora Dei arcana reservat vobis, nunc sub nube communicata, at suo tempore pulsa nube & dissipatis tenebris, videnda in seipsis, quod ultimum est intimæ amicitia argumentum. Fidem hanc Christi morte partam, Martyrum sanguine adulatam, miraculorum testimonii confirmatam, Doctorum sapientia defensam vobis Deus sola sua clementia motus impertiit. Mente percurrite tot mundi plagas, tot regna, provincias, imperia, & nationes, infidelitatis, & hæresis tenebrarum caligine obductas. Recogitate tot inter millia millium delectos vos esse in gentem sanctam, in regale sacerdotium, in filios & sponsos dei-ficæ Trinitatis. Verum recordamini simul regna, imperia, nationesque illas, quæ nunc infidelitatis & hæresis tremenda supplicia lunt, olim, non fecis ac nunc vos, fidei lumine perfusas fuisse. Respicite ad latera vestra fidei & religionis sublatæ formidandam stragem. Qui quondam fratres vestri, Dei filii, & Paradisi heredes erant, nunc eorum successores vestri hostes, divinæ vindictæ mancipia, dæmonum præcones, religionis prodi-tores evasere. Äquata sunt solo templa, di-ruta altaria, antiquata sacrificia; & scelerata, schismata, hæreses, impietas vexillum explicant ubi olim sanctior resulgebatur, & dominabatur fides Christi. Quid est quod præ millium millibus animas vestras fidei suæ annulo obsignaverit Deus? quod ab universali naufragio servatas in suæ religionis arca re-

posuerit ? quod tanta prædilectione easdem complexus sit ? Hanc religionis vicissitudinem , & revolutionem , qua Deus furem iræ suæ in ipsa misericordiæ vasa , & bonitatem in victimas vindictæ exercet , dum recognitabat Apostolus Paulus , perterrefactus , & tremebundus exclamabat : *O altitudo dicitiarum sapientie , & scientia Dei ! quam incomprehensibilia sunt judicia ejus & investigabiles viae ejus !* Mentem ergo in tantum arcanum desigite , ut hinc colligatis immensas - divinæ misericordiæ dicitias super vos effusas .

V. Post explicatam tanti doni celsitudinem , & majestatem instruite illos ut frequenter in dies singulos præsertim mane , meridie , & vespere actus fidei repeatant . Crucifixi imago nunquam a mente recedat , recognitantes ad ejusdem exemplum conformandos mores esse , & vitam . *Quos preservavit , & predestinavit conformes fieri imaginis Filii sui .* Hic clavum tundant sacri Pastores : professionis in baptismate emissæ significatus exponant , doceant illos , ideo Crucis signo frontes obsignari suas , & sacro chrismate ungi , ut coram universo mundo , etiam cum vita dispendio , si opus esset , Christi Religionem intrepide confiteantur . Solliciti Pastores sint & diligentes , & eo præcipue collineant vota sua , ut hanc Christi , & Sanctorum imitationem suadeant fidelibus suis . Hanc morum doctrinam altius exaggerent & commendent .

S. II.

Spe christiane exercende rationes .

VI. *Quoniam tu Domine singulariter in spe constituisti me :* inquietabat Sanctus Propheta David psal. 4. Spes in ardua , difficultia , & Iubilimia tendit . Serio recognite , quæ obstacula aggreditur amplificandi imperia , & triumphandi de hostibus fiducia . Nibili pendet thesauros exaurire , & patrimonia prodigere ; Nibili facit uxorum lacrymas , filiorum sortem : lato animo sustinet diras tempestates , temporum vices , & adversantis fortunæ ictus , ut gloriam bello partam assequatur . Quæ non suscipit incommoda , & molestias fugacium mercium acquirendarum fiducia ? quæ maria , quas diffitas regiones non peragratis , quos fluctus , & quas tempestates non sustinet ? Si spes hæc terrena tam dura , tam aspera , tam tetrica decoquit , ut vanæ & inania comparet ; qua animi fortitudine spes theologica aggredi obstacula debet ,

quæ ingressum remorantur in cælestem Patriam ? Qua pectoris fortitudine , carnis luætam , sensuum lenocinia , firenum muliercularum præstigia , & fascinia , mundi fraudes , hostium dolos , dæmonis insidias repellere cogitur ? Omnia ista strenue superarent homines , si certi forent se post victoriæ assecuturos principatum aliquem , regnum , aut imperium . Fides autem quam profitentur , revelat illis æternum regnum , imperium infinitum possidendum post brevissimum istiusvitæ cursum . Spes christiana possessionem sibi certain spondet , dummodo ea impleantur quæ Religio credenda & agenda præscribit .

VII. Erigit animum o viri christiani , vires exerite atque conatus , ut Deum assequamini . Spes christiana fortitudine nititur , qua hostes profligat , impedimenta repellit , & difficultates omnes superat . Perversa spes est quæ impunitatem spondet in peccatis , quin a peccatis removeat . Radix perversæ spiei est defectus timoris . Spes christiana inter fortitudinem & timorem ambulat . Timor a periculis removet , audaciam deprimit , & divinæ justitiae severitatem repræsentat . *In timore Domini fiducia fortitudinis ,* inquit Salomon . Timor avertit animum ne libere pericula subeat . Fortitudo animum erigit , ut pericula quæ vitare non valet , impavidè propulset .

VIII. At cuinam in mentem venire potest ut rationibus opus sit ad suadendum Christianis timorem spesi socium ? Circumstant undique versum pericula . Pericula in terris , inquit Apostolus , pericula in mari , pericula in magistris & directoribus , pericula in falsis fratribus : pericula in nobis ipsis , in cordibus , in sensibus , in cogitationibus nostris : & nos insensati in deliciis , & voluptribus ducimus dies nostros ? Unde quæso tanta dementia ? Perpendite , Christiani , vos in carcere hujus mundi constitutos esse . Recognite juventutis & virilis ætatis delicta . Omnes in hoc exilio constituti sumus sententiam aut æternæ mortis , aut æternæ vitæ expectantes . Hinc corona gloriæ , hinc gladius æterni supplicii impendet capiti nostro . Fidei oculos erigamus , ut coronam operibus bonis appensam , & supplicium operibus pravis destinatum meditemur . Decurrent tempora , fluunt dies , horæ , & momenta elabuntur : momentum instat , imminetque aut coronam assequendi æternam , aut cervicem supponendi æterno tremendoque supplicio . Et nos non concutimur , non trepidamus , non expavescimus ?

IX. Evangelicus Pastor, ut animas sibi creditas inspe exerceat, immensitatem mercedis, & præmii assequendi, omnipotentiam, & infinitam misericordiam paratam auxilia & gratiam conferre, quibus præmium obtineatur, palam faciat. Illas doceat frequenter repetere ictius fiducia æctus quotidie, quemadmodum exules, & peregrini continenter patriam anhelant, ut facile eosdem frequentare æctus queant, dum irruunt advesantis fortunæ & calamitatum fluctus.

§. III.

Caritatis exercenda regula.

X. Fides theologica repræsentat Dei bonitatem, clementiam, misericordiam, & beneficia infinita creationis, & redemptionis nobis jam collata, & præmia æterna confienda, quæ spes assequi cupit. Nisi ferreum, & saxeum sit cor humanum, continere se vix potest quin Deum adeo bonum, clementem, benefactorem, & liberalissimum largitorem amore prosequatur. Duo sunt amores, inquit Angustinus lib. 11. de Gen. ad litt. cap. 15. quorum alter sanctus, alter immunius. Amor caritatis cives efficit Jerusalem, amor iniquitatis servos constituit Babylonis. Pugnant invicem amores isti, & alter pellit alterum.

XI. Amandum Deum esse agnoscere, inquis, sed quomodo diligendus sit, ignoro. Verus dixisse, verbis exprimere modum quo Deum diligis, te nescire. Amor motus est, quo voluntas in bonum cognitum fertur, aut illud desiderando, aut de eodem gaudendo, aut in eodem complacendo, eidemque bona desiderando. Si Deum amas, quia te creavit, redemit, conservat, protegit, alit, uno verbo quia tibi beneficis est, amor appellatur castæ concupiscentiæ. Si illius amore flagras, quia bonus, quia dignus est ut omnes ejus amore ardeant, ut illi bonum velint, ut ejusdem laudes pangant, ipsumque colant, amor est caritatis & amicitiæ. Amor concupiscentiæ castæ imperfectior est, & naturæ nostræ intimior, ideo ab eodem initium capit, deinde altior fit ascensus. Quid est quod te ad amorem hominis accedit? Beneficia, reponis, quæ mihi contulit, & ejusdem in me prior effusus amor; & tandem ejusdem iustitiae, æquitatis, bonitatis, sinceritatis dotes, & plures aliae prærogatiæ. Excita in mente tua lumen fidei christianæ, quæ cum beneficia infinita tibi a Deo collata, tum bonitatem, æquitatem,

Tom. I.

majestatem, clementiam, misericordiam, sapientiam, benignitatem, & innumeræ alias dotes tibi vivide ante oculos proponat. Caritatem fides præcedit. Quo splendidius est fidei lumen, eo ardenter est amoris flamma. Cum fuerit mens fidei luce perfusa, & voluntas spei robore erecta, continuo accenditur amoris flamma, quam vix comprimere anima præfatis duabus virtutibus ornata, & excitata potest.

XII. Fuerunt qui, ut purissimam istius amoris flamam accenderent, docuerunt, amandum esse Deum, præcisa quacumque spe eundum possidendi. Dei possidendi fiduciam mercenarium efficere amorem contendebant. Quare ut amorem hunc purum redderent, ab omni consequendi præmii desiderio vacuum volebant. Sed doctrinam hanc improbat Innocentius XII. Deus noster est merces nostra, beatitudo nostra. *Diligere Dominum Deum tuum.* Homines sine Deo nihil sunt. Sui destructionem appetenter homines, quoties separare se a Deo vellent. Ille impurus & mercenarius amor est qui alia præter Deum amat, sine relatione ad Deum. Purus vero perfectusque amor est qui Deum amat, quia bonus est. Deum nobis volumus, quia ipse se coronam & mercedem nostram constituit. Ille nos suos filios, suos hæredes delegit. *Si filii, & heredes;* si heredes, & possessores. Amamus Deum ut summum bonum nostrum. Duo sunt respectus distincti; at unus alterum non excludit, sed unus alteri subjicitur. Anima caritatis igne succensa modo sub una, modo sub altera relatione Deum diligit, & tandem se, & omnia sua in Deum referit & ibi quiescit veluti in sue æternæ felicitatis centro.

XIII. Pastores animatum, & Dei ministri omnes, si gregem evangelicum a vitis purgare, & in virtutis semita continere velint, in his theologicis virtutibus illum exercant. Post auditam sacramentalem confessionem inter opera satisfactoria, quæ impone pœnitentibus debent, præscribant harum trium virtutum penitum Deo offerendum. Ignorant, inques, harum virtutum officia exercere. Ignorant? Non sunt ergo christiani. Non sunt ergo absolutionis capaces, cum harum virtutum exercitium præcedere & comitari sacramentum debeat. Quis ergo adeo rudis, qui nequeat meditari flexis genibus Filium Dei hominem factum, & crucifixum? Instruite illos ut mentem desigant in hac cruce, in hac Christi passione, recogitantes Christum Dominum hanc

mortem obiisse ob hominum amorem, ob eorum redemptionem, & ut eos ad aeternam felicitatem perduceret. Instrue ut recident symbolum singulos articulos parumper recogitando, & meditando. Monete illos ut preicationem dominicam recident implorantes a Deo hanc vivam fidem, invictam spem, & ardensem amorem. Harum virtutum exercitatio est fundamentum, & anima religionis christianæ. Ceteræ devotiones ornatus sunt, & veluti adjecti flores: at si bases & fundamenta ædificii christiani desint, omnia in fumum occidunt. Sed præcipue incalcent, illos in Deum credere, sperare, & diligere qui mores, & vitam ad Jesu Christi exemplar conformant.

DISSERTATIO III.

De caritate erga proximum.

CAPUT I.

Recensentur propositiones damnatae aduersus caritatem proximi.

SI nonnulli graviter extenuarunt, & fere de medio saltulerunt præceptam caritatis erga Deum, mirum non est quod laxas opiniones evulgarint aduersus caritatem qua proximum diligere astringimur. Propositiones ab Innocentio XI. proscriptæ in hac materia sunt sequentes.

10. *Non tenemur proximum diligere actu interno, & formati.*

11. *Præcepto proximum diligendi satisfacere possumus per solos actus externos.*

12. *Vix in secularibus invenies, etiam in Regibus, superfluum statui: & ita vix aliquis tenetur ad eleemosynam, quando tenetur tantum ex superfluo statui.*

13. *Si cum debita moderatione facias, potes absque peccato mortali de vita alicuius tristari, & de illius morte naturali gaudere, illum ineffaci affectu perere, & desiderare, non quidem ex displicentia personæ, sed ob aliquod temporale emolumenntum.*

14. *Licitum est absoluto desiderio cupere mortem patris, non quidem ut malum patris, sed ut bonum cupientis, quia nimis ei obvoluta est pinguis hereditas.*

15. *Licitum est filio gaudere de parricidio parentis a se in ebrietate patrato, propter ingentes divitias inde ex hereditate consecutas.*

CAPUT II.

Propositiones laxæ Casuistarum.

I. **M**arcus Vidal in *area de præcepto casuistarum inquis.* l. pag. 25. n. 56. & seqq. „ Licet DD. communiter afferant, in „ iuria affectum aliquando teneri particula- „ ria dilectionis signa inimico exhibere, tum „ ob vitandum scandalum, tum etiam quan- „ do ex tali signo exhibendo speraretur pro- „ babiliter salus spiritualis inimici; quia si „ fratrem errantem corripere debemus, si „ spes adest illius emendationis, ut illum „ Domino lucremur; ergo ut inimicum Deo, „ & nobis reconciliemus, jure cogimur ad „ eum v.g. salutandum, si quidem spes pro- „ babilis adest lucrandi illum salutatione no- „ tra.

„ 57. *Nihilominus ego ipse neutrum admitto, neque concedo.* Primo quoad scandalum „ grave, quod his temporibus fere nun- „ quam intervenit, cum quasi apud omnes „ in praxi habetur non salutare inimicum, „ neque cum illo loqui &c.

„ 58. Quo vero ad secundum dico: sicut „ ego ipse non teneor sub mortali „ providere saluti spirituali proximi, citra „ extremam ejus necessitatem, cum meo „ gravi damno temporali ita nequa- „ etiam teneor cedere honori meo, & famæ „ quæ sunt bona superioris ordinis quam „ sunt temporalia, sub mortali, ut proximi „ spirituali vita provideam extra necessita- „ tem extremam . . . sed si quis teneretur „ exhibere inimico signa dilectionis specia- „ lia, quando his signis speraretur ejus fa- „ lus spiritualis, etiam teneretur cedere ho- „ nori suo & famæ citra extremam neces- „ sitatem.

Auctor iste duo imponit christianæ Religionis cultoribus: alterum quod effutit, quasi in omnibus obtinere morem denegandi salutationem inimicis; alterum quod fiat honoris & famæ jactura dum his officiis inimicos amplectimur, ut illoram aeternam sa- lutem lucremur.

II. Tamburinus lib. 5. in Decal. c. 1. §. 3. n. 29., An filius possit mortem patris opta- „ re, vel de illa gaudere, non ut malum „ patris (hoc enim esset odium execran- „ dum) sed ut ipse filius paterna hereditas- „ te fruatur? An mater possit desiderare „ mortem filiae, ne illam alere, vel dotare „ cogatur? An possit subditus mortem cu- „ pere

„ pere sui Prælati, ut prælaturæ ipse succedat, vel ut ab eo Prælato sibi infenso liberetur? . . . Si solum desideres, vel cum gaudio excipias ejusmodi affectus, hereditatem, molestiæ carentiam, prælaturam . . . licet hæc optas, vel amplecteris: quia non gaudes de alterius malo, sed de proprio bono. . . . Si desideres sub conditione, facilis item est responsio, licet posse. Denique si absoluto desiderio desideres in hunc modum: cupio mortem patris, non ut malum patris est, sed ut bonum meum, seu ut causam boni mihi, nimisrum quia ex illius morte ego ejus hereditatem adhibeo; vel sic: utinam moriatur mea filia, nam sic sexcentas sollicitudines excutiam &c. si, inquam sic desideras, major est resolvendi difficultas: quia tunc eligis velle male illis, quamvis ut causam tui commodi; quod non videtur culpa vacare, & ita quidem putat Bonacina. . . Nihilominus Castropalaus docet contrariam opinionem *satis probabilem*.

III. Ferdinandus de Castropalaus *tract. 6. disp. 4. punct. 1. n. 11.*, „ Nihilominus credo, si cum debita moderatione facias, te posse absque peccato mortali de vita alii cuius trifari, & de illius morte naturali gaudere, illamque inefficaci affectu petere, & desiderare, non quidem ex dispensatione personæ, sed ob aliquod temporale emolummentum inde secutum. Sic edocere videtur Emanuel Sa verb. *Caritas n. 8.* ubi absolute docet te posse proximo optare malum corporale ad salutem animæ, & mortem ob Reipublicæ bonum, & hosti tibi alioquin valde nocivo mortem, non odio, sed ad vitandum damnum tuum, item de morte ejus gaudere ob bonum inde secutum. Azor. 1. part. lib. 3. cap. 12. qu. 2. & Bonacina *disp. 3. qu. 4. punct. ult. num. 7.* affirmant licere matri mortem filiarum optare, eo quod ob deformitatem, vel inopiam non possit eas iuxta suum desiderium nuptui tradere: & idem esse dicunt, si ob illarum causam male tractaretur a marito, posset illarum mortem optare, ut ab illo damno liberaretur”.

IV. Joannes Sanchez *disp. 2. select. n. 9.* Hinc infertur, licere sibi, vel proximo optare mortem ob vitandam molestam infirmitatem, mendicitatem, vitam penalem a marito feminæ inflistem, & alia hujus generis, dummodo desideretur mors

„ ut a Deo infligenda, non ab homine inuste, vel a dæmonie. Non enim digna est salus tanto dolore, & mors prolongata dicitur vita miseriis repleta”.

V. Marcus Vidal *in arca de caritatis precepto, inquis. 1. n. 85.*, „ Animadvertisendum tamen, hoc præceptum adimpleri per hoc quod nullum malum proximo inferatur: & ideo non est præceptum obligans ad habendum actum internum de dilectione erga proximum, cum per se non patet proximo, sicut Deo”.

VI. Idem *ibi n. 88.*, Colligitur secundo, viventes simul in aliquo collegio, vel in aliqua religione posse absque labore culpæ mortalis denegare simul signa particularia amoris, nempe salutationem, allocutionem, & his similia”.

VII. Idem *inquis. 11. n. 46.*, Quinta conclusio. Licitum est, servato tamen ordine & forma, optare alteri malum temporale ob honestum finem consequendi aliquod bonum temporale”.

VIII. Idem *n. 65.*, Colligitur quarto, posse licite alteri imprecari malum temporale ex motivo tantum propriæ, vel alienæ utilitatis, ut est optare alicui infirmitatem, ne ludo omnia dissipet, aut mortem ob vitandam inopiam, vel molestam infirmitatem, aut vitam poenalem, & hujusmodi”.

IX. Idem *n. 66.*, Colligitur quinto, posse licite optare mortem alicuius, & de illa gaudere ob hereditatem habendam. . . Nam objectum hujus actus non est malum, sed est commodum ex morte consequens, quod est bonum, & conforme rationi, ut supponitur. Unde mors ipsæ conducens ut medium ad tale commodum, & sequens ex causis naturalibus, erit quid bonum”.

C A P U T III.

De præcepto divino quo iubemur actu interna caritatis proximum diligere.

I. **N**omine proximi intelligentur omnes creature rationales æternæ beatitudinis capaces, sive infideles homines sint, sive justi, sive injusti, sive amici, sive inimici, sive prædestinati, sive reprobi. Dæmones, & creature irrationalis non comprehenduntur absolute sub proximo diligendo, sed solum creature irrationalis diligere possumus, quatenus volumus eas permanere ad gloriam

Dei, & utilitatem hominum, ut docet 2. 2. q. 25. art. 2. S. Thomas.

II. QUÆST. I. *Datur ne præceptum diligendi proximum?* RESP. Adfirmant omnes: *Diliges proximum tuum sicut te ipsum:* Matth. 22. & Joan. 12. *Hoc est præceptum meum, ut diligatis invicem.* Hanc dilectionem mutuam esse splendidissimum christianaæ professionis characterem, subdit ibidem Christus Dominus. In hoc cognoscunt omnes quia discipuli mei esis, si dilectionem habueritis ad invicem. Et S. Petrus epist. 1. cap. 4. *Ante omnia mutuam in vobismetipsis caritatem continuam habentes, quia caritas operit multitudinem peccatorum.* S. Paulus ad Galat. c. 5. *Omnis lex in uno sermone impletur: Diliges proximum tuum sicut te ipsum.* De fide ergo est dari præceptum diligendi proximum. Præceptum hoc naturale est, quatenus amorem naturalem imperat; supernaturale vero prout proximum diligere jubemur, non modo secundum quod est nobis in natura cognatus, vicinus, aliisque titulis, verum etiam prout homo est a Deo, redemptus, & æternæ beatitudinis capax.

III. QUÆST. II. *Præceptum istud obligat ne ut peculiariis internis actibus proximum diligamus?* RESP. Negarunt non pauci; sed illorum doctrina damnata est ab Innoc. XI. in his duabus thesibus: *Non tenemus proximum diligere actu interno.* 2. *Præcepto proximum diligendi satisfacere possumus per solos actus exteros.* Opera exteriora mortua ad vitam æternam sunt, nisi caritate vivificentur. Si caritatem non habuero, nihil mibi prodest. Ergo sublata interiori caritate, opera exteriora liberalitatis, beneficentia erga proximum inepta sunt ad implendum præceptum illud divinum quo jubemus proximum diligere.

IV. QUÆST. III. *Actus quo diligere proximum jubemur, debetne esse distinctus ab actu amoris quo Deum diligimus?* RESP. Negant aliqui benignioris ingenii auctores; sed istorum opinio falsa est. Quoniam duo sunt præcepta distincta, quorum alterum Dei, alterum proximi amorem jubet. Duobus ergo distinctis actibus duo præcepta implenda sunt? utique. Divina bonitas est ratio sub qua proximus diligitur: & non est ratio quæ diligatur. Deus objectum primarium est caritatis, & proximus secundum. Qui Deum ex toto corde diligit super omnia virtualiter diligit proximum. At hoc non sufficit. Immo damnata est doctrina in hac thesi contenta: *Non tene-
mur proximum diligere actu interno, & formali.*

V. QUÆST. IV. *Obligat ne per se hoc præceptum ad proximi dilectionem?* RESP. Si sermo sit de proximo in communi, certum est quemlibet teneri per se proximum diligere actu formali, præcisa quacumque circumstantia. Contra si proximus in particulati spectetur, convenit inter Theologos, amandum eum esse vi præcepti, necessitate tantum urgente.

VI. *Per accidens urget præceptum istud,* dum gravis tentatio odii animum pulsat, & amor oppositus judicatur remedium opportunitum ad expellendum odium. Secundo dum astringimur proximo periclitanti succurrere, aut quacumque gravi necessitate prepresso sine in spiritualibus, sine in temporalibus opena ferre, tum actu interno diligere proximum astringimur: quia lex caritatis sine actibus internis non impletur. Tertio dum gravis injuria sine in bonis fama, sine in bonis animæ, vel corporis proximo infertur, ob quam gravissime turbatur, & affligitur. Quarto dum proximus in extrema necessitate positus nostro eget consilio, auxilio spirituali, vel temporali.

VII. Animum paratum habere debemus ad diligendum proximum in particulari, si necessitas occurret. Quæ animi promptitudo in hoc est sita, ut animus noster caritate ardeat in communi. Hæc caritas neminem excludit ab ista communitate. Si autem scire cupis, num ardeat caritas in corde tuo erga proximum in communi, vide num occasione data vel acceptæ injuriæ, vel illatæ promptus sis ad dilectionem. A fructibus enim planta dignoscitur.

VIII. QUÆST. V. *Quomodo diligere debes proximum sicut te ipsum?* RESP. Hanc particulam sicut te ipsum exponit 2. 2. q. 44. a. 7. S. Thomas. Modus autem dilectionis tangitus cum dicitur, sicut te ipsum: quod non est intelligendum quantum ad hoc quod aliquis proximum sibi aequaliter diligat, sed similiter sibi. Et hoc tripliciter. Primo quidem ex parte finis, ut scilicet aliquis diligat proximum propter Deum, sicut se ipsum propter Deum diligere debet; ut sic sit dilectio proximi sanctæ. Secundo ex parte regule dilectionis, ut scilicet aliquis non condescendat proximo in aliquo malo, sed solum in bonis; sicut & sue voluntati satisfacere debet homo solum in bonis, ut sic sit dilectio proximi justa. Tertio ex parte rationis dilectionis, ut scilicet non diligat aliquis proximum propter propriam utilitatem, vel delectationem, sed ex ratione quod velit proximo bonum sicut vult bonum sibi ipsi; ut sic dilectio proximi sit vera.

IX. Aliquæ regulæ præscribuntur proximi diligendi. 1. Amandus est proximus amore affectivo, & effectivo, qui scilicet ex corde, & conscientia non ficta proficiscens pro viribus, & circumstantiis proximo opem fert. 2. Fraternæ dilectionis characteres exponit 1. Cor. 3. S. Paulus. *Caritas patiens est, benigna est: caritas non æmulator, non agit perperam, non inflatur, non est ambitiosa, non querit quæ sua sunt, non irritatur, non cogitat malum, non gaudet super iniquitate, congaudet autem veritati: omnia suffert, omnia credit, omnia sperat, omnia sustinet.* Deus est qui voce Pauli loquitur. Hæc ferio meditare lector, & doctor, ut caritatis executor evadas. In his verbis tota Theologia comprehenditur. *Benigna* est caritas in fratum conversione, eorumque curanda salute. *Patiens* in perferendis proximi defectibus. *Non æmulator* neque aperte, neque occulte, & per cuniculos, siue proximi merita silendo, siue ejus virtutibus detrahendo, & nubeculas ostendendo. *Non agit perperam* fraudes eidem intentando, aut impedimenta injiciendo. *Non inflatur* ob quascumque dotes sive animi, sive corporis, sive divitias, sive nobilitatem, sive scientiam. *Non est ambitiosa*, ut in proximum arroganter dominetur, & emineat. *Non querit quæ sua sunt*, ut proximo agenti succurrat, ut ejusdem levet necessitatem. *Non irritatur* injuria lacessita, ut vindictam sumat, aut quidquam mali repandat. *Non cogitat malum*, sed omnia in bonam partem interpretatur, salva tamen veritate: idcirco subditur: *Non gaudet super iniquitate*: sed peccata detestatur, & deflet, indolentiam, & funestam negligentiam improbat, contra eamdem vocem extollit, quia congaudet veritati. Hanc veritatem omnibus præfert. *Omnia suffert* ut vitam assequatur æternam. *Omnia credit* propter auctoritatem Dei revelantis, & Ecclesiæ proponentis. *Omnia sustinet*, ut Deo placeat, ejusdem legem servet, felicitatem æternam assequatur. Subdit c. 5. ad Gal. S. Paulus: *Alter alterius onera portate; & sic adimplebitis legem Christi.* Hæc panca luculentius te instruunt serio recognitata, quam plura quorundam volumina. Dictata enim a Deo sunt, & ex his tota lex pendet, & prophetæ.

X. QUEST. vi. *Quis ordo in caritate servandus?* RESP. Unicuique diligibili suus tribuendus locus est: si superioris subsellii sit, superior locus; si inferioris, inferior concedendum in corde est. Mensura dilectionis amantis est bonitas personæ amatæ. Duplex

ordo: alter amandi, alter subveniendi. Ordo amandi ex personæ dignitate & bonitate: ordo subveniendi ex egestate proximi ope nostra indigentis manat. Uterque ordo subveniendi ex egestate proximi ope nostra indigentis manat. Uterque ordo sub præcepto cadit, inquit 2. 2. q. 44. a. 8. S. Thomas. *Ordo autem caritatis pertinet ad ipsam rationem virtutis, cum accipiat secundum proportionem dilectionis ad diligibile.* Unde manifestum est quod ordo caritatis debet cadere sub præcepto.

XI. Quisque sicut se ipsum, proximum diligere debet, ut ex ipso evangelico textu patet. *Diliges proximum tuum sicut te ipsum.* Amor itaque erga temetipsum regula est & mensura amoris in proximum. *Qui sibi nonquam est cui alii bonus erit?* inquit Eccli. c. 14.. Propinquior enim sibi homo est quam ceteri omnes. Nequit ignis externam comburere materiam, nisi prius in se arrebat. Si vita propria, & vita proximi absolute specentur, præferenda est propria: si vita proximi utilior sit ad Dei gloriam, exponi propria valet, ex motivo virtutis, periculo mortis, ut salvetur vita proximi. Idem dicendum, si vitam tuam exponeres ad servandam vitam patris, domini, intimi amici, insignis benefactoris in testimonium christianæ gratitudinis. Pro fama tamen, honore, aliisque bonis proximi non licet vitam propriam exponere, quia ejusmodi bona inferioris, vita autem superioris ordinis est.

XII. Extremæ necessitati spirituali proximi astringimur succurrere cum vita, bonorumque temporalium jactura. Extrema spiritualis necessitas ea est in qua proximas aeternum damnatur, nisi illi opem feras. Hanc doctrinam docet epis. i. c. 3. S. Joannes. *Sicut Christus animam suam posuit pro nobis, & nos debemus pro fratibus animam ponere.* Heinc tenemur baptizare puerum cum vita periculo inter peste infectos derelictum. Si tamen vita tua bono communii Ecclesiæ, vel Reipublicæ necessaria sit, tum salus communis ex caritatis ordine præferenda est saluti unius privati. Similiter si tu mortalis peccati reus es, & difficilis tibi contritio foret, aut de ea dubitares, tum salus tua præferenda est saluti proximi.

XIII. Damnatus ut fame pereat nequit respuerre cibum clam oblatum: nec si id judex præciperebat, parendum esset, quia horrendum & inhumanum præceptum foret. Neque negligere defensionem vitæ tuæ astringeris, ne sequatur alterius occisio. Orandus tamen Deus est ne permittat in similes angustias incidence,

re, quia leges inculpatæ tutelæ servare difficultimum existimo. Obstetrics, qua invaleide pueros baptizarunt, tenentur cum mortis periculo crimen manifestare, quidquid in oppositum dicat P. Layman.

XIV. Mater gravida ad partum impotens non tenet pati sectionem mortiferam ventris, ut clausus in ventre puer baptizetur, quia non sunt facienda mala ut eveniant bona. Hanc sententiam docet in iv. dist. 6. q. 2 a. 1. ad 4. S. Thomas. Ideo homo debet potius dimittere perire infantem quam ipso pereat, homicidi crimen in matre committeas. Subscribunt Angelico graviores Theologi. Neque hoc opponitur priori sententiae, quia dictum est, puerum baptizandum cum mortis periculo: quia puer in ventre matris extanti nullum jus inest ad baptismum, sicuti inest puer in lucem edito. Ut spirituali saluti proximi consulas, non astringeris, immo non debes, probabili periculo peccandi te expovere, neque licet velle privationem gratiæ etiam ad tempus ob aliorum salutem.

XV. QVÆST.. VII. Qui sunt in dilectione preferendi? RESP. Primum omnium præfrendi sunt pater, & mater; deinde uxores, & filii. Uxores præferendæ parentibus sunt solum quantum ad habitationem, & amorem teneriorem. Fratres anteponendi sunt ceteris consanguineis: & istorum illi præferri debent qui sunt propinquiores. Confanguinei anteponi affinibus debent, fideles infidelibus, amici inimicis, benefactores non benefactoribus, spirituales benefactores temporalibus benefactoribus, concives extraneis. Tum autem urget solum istius prælationis præceptum, quando urget extrema necessitas succurrenti alterutri proximorum. Heinc extraneo in extrema necessitate constituto prius succurrentum est quam patri qui tali necessitate non laborat. Communitatì gravi necessitate spirituali laboranti succurrere etiam cum vitæ periculo debes, quia in tali communitate semper aliquis reperitur in extrema necessitate constitutus.

C A P U T IV.

De inimicorum dilectione.

I. QUÆST. I. In lege veteri urgebat ne præceptum diligendi inimicos? RESP. Adfirmat S. Thomas in III. dist. 31. q. 1. a. 1. & ante S. Thomam S. Augustinus lib. 18. contra Faustum c. 24. Quare nimis inconsiderate Maldonatus effutit, sequentem inter-

pretationem Angelici ex hæreticorum officina prodidisse. Inquit ergo Angelicus: *In veteri lege etiam homines tenebantur ad dilectionem inimicorum, sicut patet per auctoritatem.* Unde quod dicitur: Odio habebis inimicum tuum: non ex lege sumptum, quia nusquam hoc in litera inventur, sed est additum ex prava interpretatione Iudeorum, qui ex eo quod precipiebatur dilectio proximi, concludebant, quod inimici erant odiendi. Ipsa naturæ lex, nedium divina positiva hanc mutuam dilectionem imperat.

II. Hoc præceptum luculentius exposuit Christus Dominus in Evangelio inquiens: *Ego autem dico vobis: diligite inimicos vestros, benefacite his qui oderunt vos, orate pro persequentiis, & calunniantibus vos, ut siis filiis Patris vestri qui in celis est: Matth. 5.* Hæ sunt rationes istius amoris. Necessitas societatis, qua consistere sine amore mutuo nequit. Auctoritas Dei supremi Domini, Benefactoris, Creatoris, Conservatoris, Redemptoris, Patris, & Magistri præcipientis. Præmium remissionis culparum, siationis divine, hereditatis æterne.

III. Amandi inimici sunt amore tum affectivo, tum effectivo. Benefacite iis qui odunt vos. Duplex præceptum est: negans prohibet odium, & vindictam, quod semper & pro semper urget; affirmans jubet interiorem dilectionem, & exteriorum beneficentiam. Amor inimicorum includitur in amore universalis quo diligere proximum propter Deum astringimur. Ab hoc quippe universalis amore non licet excludere inimicum. Deinde necessaria est animi promptitudo ad diligendum inimicum in particulari, gravi urgente necessitate.

IV. QUÆST. II. Quanam benevolentia signa inimicis exhibenda? RESP. Duplicis generis. Alia generalia, quæ omnibus exhibentur, & haec vi præcepti semper debentur. Alia specialia, quæ non semper, sed aliquando dumtaxat cadunt sub præcepto. Salutare inimicum obvium, ubi vigeret mos salutantis, sub præcepto cadit. Quare si ante inimicitias, & dissidia intercedebat salutatio, post rixam, vel inimicitias communia benevolentia signa perseverare debent. Et quamquam alicubi salutatio, & allocutio non sint communia benevolentia signa, ejusmodi tamen sunt interamicos, cognatos, & consanguineos, sodales sociosque ejusdem cœtus, collegii, & communitatis. Et tunc si inimicitia exoritur, dicta communia signa suspenda non sunt. Non sunt tamen continuo gra-

gravis culpe damndandi qui hæc signa omittunt; sed circumstantiae spectandæ sunt, præfertim si inde scandalum oriatur, & si omissione signorum ex interno odio proficiscatur. Sæpe enim salutatio, & alia benevolentiae signa omittuntur non odii causa, sed ob quamdam aut verecundiam, aut animi vilitatem. Interdum neuter ea animi fortitudine pollet, ut primus esse velit ad ejusmodi signa exhibenda. Hæc signa sub præcepto cadunt quando opportuna sunt ad placandum inimicum, & animos odio æstuantes reconciliando. Salutantem resalutare debitur est, quod negligi absque gravi culpa animo liberato nequit. Quisque propriæ salutis cupidus in his præstandis signis liberalis esse debet. Nunquam licita est, odii causa, omissione salutationis, & allequii. Omitti vero posse a superiori punitioñis causa, Theologi communiter docent, ejusmodi signa quando talis omissione judicatur opportuna ad inimici emendationem, vel quando delictum publicum est, & valde enorme in signum detestationis. Patres, superiores, domini in punitioñem domesticorum delinquentium suspendere hæc signa jure valent, dummodo odium absit. Plures quoque circumstantiae excusant a gravi culpa omissionem ejusmodi signorum, puta inadvertentia, brevitas temporis, materia parvitas, doloris gravitas, & id genus similia. Heinc excusant nobilem matronam, si occisorem mariti salutantem non resalutat ob doloris acerbitas. Circumstantiae tamen spectandæ sunt.

V. QUÆST. III. Offensori petenti pacem tenetur ne offensus signa dilectionis exhibere? RESP. Vir christianus nequit denegare signa dilectionis offensori veniam petenti, signa, inquam, communia; specialia autem benevolentia signa sicut nemo tenetur exhibere vel illis qui inimici non sunt, multo minus ea debet inimicis. Spectandæ tamen circumstantiae sunt scandali vitandi, vel satutis spirituialis comparandæ, vel odii deponendi: nam si hæc benevolentiae testimonia congrua media essent ad frattis animam lucrandam, tum exhibenda forent.

VI. Qui aliquem injuste læsit, titulo iustitiae astringitur veniam petere, & satisfactionem exhibere offenso. Modus tamen ferendus est. Quando accidit rixa, & dissidium inter duos æquales, qui prior læsit, prior petere veniam, & signa reconciliationis offerre debet. Si sunt disparis conditionis prudenter opus est. Interdum differri reconciliatio potest, quando nempe offensus ex nimio dolore perculsus, prævidetur minus aptus ad

veniam impertiendam. Interdum etiam deferenda reconciliatio est, donec furor deferveat: interdum tandem sollicitanda, spectata personarum & circumstantiarum diversitate.

VII. QUÆST. IV. Astringitur ne offensus non solum odium deponere, sed etiam satisfactionem remittere, & compensationem? RESP. Odium continuo deponendum, immo antequam accendatur, comprimentum. Damnum vero temporaneum ab offensore illatum non tenetur offensus absque compensatione remittere. Res tamen periculi plena est. Sub justa compensationis titulo sæpe appetitus vindictæ latitat. Absolute consultius est omnia remittere. Occurrere tamen casus possunt in quibus condonare satisfactionem minime expediatur; ut si offensus pauper sit, & detrimentum grave patiatur; si sit membrum communis, vel familiæ, cuius temporalia damnna reparari nequeant, nisi reus satisfaciat; si offensor sit communis infestus. Si offensor congruam satisfactionem sponte exhibet, nequit eam offensus rejicere, ut illam coram judice exigat, ut contendunt non pauci: quoniam reparata injuria, & compensatio damnio ab ipso offensore, omni iustitiae satisfactione plene est. Ergo dum offensus ad tribunal appellat, non reparari jus læsum querit, sed vindictæ & odio indulgere.

VIII. QUÆST. V. Licitum ne est de malo proximi gaudere ob bonum quod inde nobis obvenit? RESP. Adfirmant Castropalaus, Tamburinus, Moya, & alii, quorum sententia damnata est ab Ecclesia. P. Viva in commentariis in thes. 13. Innoc. XI. æquo, ut mihi videtur, laxius extenuat proscriptioñem damnationis. Lege Tom. 1. in Dec. Lib. 1. Dis. 5. c. 8. n. 6. Nunquam ergo licet neque gaudere, neque optare malum proximo, & multo minus sibi. Quare falsa est Joannis la-Crux, & Tamburini doctrina, qui docent, posse sibi quemquam optare mortem, ut hujus vita erumnas declinet. Peccatoribus vero licitum est aliquod malum temporale appetere, ut a peccatis relipiscant, ut docet S. Thomas in III. dis. 30. a. 1. ad 4. Quam doctrinam confirmant Scripturæ sanctæ. Erubescant, & conturbentur vehementer omnes inimici mei: convertantur, & erubescant valde velociter. Psal. 6. Cavendum tamen est ne odium latitet, & sub prætextu conversionis peccatorum, vindicta soveatur.

C A P U T V.

De eleemosyna corporali.

I. Q UÆST. I. *Quid sit eleemosyna?* RESP. *Est opus quo datur aliquid indigeni ex compassione propter Deum; seu est alienæ miseriæ sublevatio propter Deum. Actus iste elicitor a virtute misericordiæ; & imperatur a caritate, ut docet 2. 2. q. 32. a. 1. S. Thomas. Duplex in eleemosyna respectus: alter ad Deum, alter ad proximum. Quatenus Deum respicit, ad justitiam legalem pertinet, quia Deus in omnes divitias quas hominibus concedit, tributum imponit pauperibus solvendum. Secundum quod proximi miseriæ sublevandam spectat, opus misericordiæ est, imperatum, & directum a caritate, ut dictum est. Quod enim Latinis misericordia, Gracis eleemosyna est.*

II. Septem autem sunt misericordiæ corporalis officia. 1. visitare infirmos, & carcere detentos. 2. potare sitientes. 3. pasce-re esurientes. 4. redimere captivos. 5. ve-stire nudos. 6. peregrinos hospitio suscipere. 7. sepelire mortuos: quæ omnia hoc versu clauduntur:

*Visito, poto, cibo, redimo, tego colligo,
condo.*

III. Septem quoque sunt spiritualis misericordiæ officia, nempe 1. consilium dubitantibus præbere. 2. ignorantes docere. 3. corrigerre delinqüentes. 4. consolari afflitos. 5. remittere offensam. 6. ferre patienter injurias illatas, & defectus proximi. 7. pro omnibus orare: quæ omnia hoc alio versu comprehenduntur:

*Confule, carpe, doce, solare, remitte,
fer, ora.*

Hæc omnia fuisus docet 2. 2. q. 32. a. 2. S. Thomas, & nos infra exponemus.

IV. Q UÆST. II. *An jure naturali & di-vino eleemosyna imperetur?* RESP. Affirmatur. Pauper, & dives duo sunt contraria, sed duo maxime necessaria. Si omnes iisdem affluenter divitiis, aut omnes egerent, nulla inter eos necessitudo, nulla societas: nemo alterius ope egeret, nec alteri alter subje-ctus foret: nemo servus, nemo dominus; caritatis & misericordiæ exercenda occasio decesset, & egestatis, paupertatisque patien-tia abesset. Quamobrem alii divites, alii pauperes sint oportet, ut omnes valido, per-petuoque amoris nexus devicti vivant. Qui igitur hunc ordinem abrumptum, procul du-

bio naturæ legem infringunt. Ni si hic ordo institutus esset, improvidus pauperum pater Deus esset, & in filios divites nimis prodigus; quod blasphemiam redolet. Patres pauperum instituti a Deo divites sunt, & in-justitia, ac perfidia fontes evadunt, dum pauperes illis a Deo commissos necessario præsidio defraudant.

V. Eleemosynam tributum esse jure divi-no impositum, ut pauperibus solvatur, Scri-pturæ sanctæ evincunt. I. ad Tim. c. 6. S. Paulus inquit: *Divitibus hujus seculi præci-pe . . . facile tribuere.* Christus Dominus Matth. 25. *Discedite a me maledicti &c. es-
rivi enim, & non dediis mihi potum; bos-
pes eram, & non collegisti me.*

VI. Multis privilegiis eleemosynam Deus ornavit. Beatus qui intelligit super egenum, & pauperem: *in die mala liberabit eum Do-minus:* Ps. 40. *Fæneratur Domino, qui mise-
retur pauperis:* Prov. 19. *Concluse eleemosynam
in corde pauperis, & hæc pro te exorabit:* Eccli. 29. *Si pauper ingratu erit, ipsa ele-
mosyna pro te clamabit ad Deum.* Peccata tua eleemosynis redime, & iniquitates tuas misericordiæ pauperum: forsitan ignoscet tibi Deus: Daniel. 4.

C A P U T VI.

Selecta Patrum testimonia, quibus ad eleemosy-nam divites urguntur, & istorum excusationes vanæ refelluntur.

I. C oncupiscentia carnis, & cupiditas di-vitiarum sunt duo frequentissimi, & funestissimi scopuli, ad quos divites præser-tim allidunt animas suas. Aut enim divitias a Deo concessas, pensione gravatas erogandi quod superest in pauperes, prodigunt in concupiscentia saturanda, & libidine explen-da, in saginandis scortis, luxuque & pom-pis sovendis: aut eas in scrinio retinent, & accumulant, ut avaritiæ insatiabili indul-geant. Quare quemadmodum Scripturæ sanctæ, & Patres; ita & Pastores, atque Con-fessarii omni argumentorum genere, & elo-quentiæ vi urgere divites debent ut hoc gra-vissimum præceptum implant. Hinc vitio mihi vertendum minime est, si vel in hoc compendio veritatem summi momenti latius inculcavero.

II. S. Basilius homil. 6. ex variis: *Ele-
mosyna, & fides ne te deserant. Item frange
esurienti panem tuum. Sed horrea multitudinem
fructuum gravata dirumpabantur; cor autem
ejus*

ejus parcum, ac tenax minime exsaturatum est Quid faciam? inquit Agnosce, homo, eum qui dedit qua gratia tam multis sis prælatus. Dei optimi minister es, tuorum dispensator conservorum. Ne putes omnia ventri tuo præparari, quæ in manibus habes, ut aliena existimat parvo te exhibilabunt tempore, deinde diffuentia preteribunt; quorum ratio abs te acriter exigetur Plaue imprudenti uteis consilio. Quid faciam? Parata tibi responso fuerat; esurientium animas explebo, aperiam horrea, & omnes vocabo indigos, imitabor Joseph &c. Et paulo infra: Imitare, o homo, vel terram: ut illa, fructus proferto, ut ne illa conspicariis esse deterior, quæ inanimis est. Sane illa non in suum usum, aut commodum, sed in tuum ministriare contendit Pulchram deinde similitudinem adjicit. Putei continuo exhausti & copiosiore, & pulchriore admodum fluunt aqua, dimissi vero, & quieti facile putent: sic & opes conditæ quiescentesque, inutiles, motæ autem, & traslatæ publicum commodum, & fructum pavunt Dixeris: Cui facio injuriam, si mea retineo? Quæ illa, dic mihi, tua? Unde accepta hæc ad traducendam presentem hanc vitam invexisti? Nonne nudus ex utero matris exivisti nudusque rursus reverteris ad humum? Cur tu dives es, ille pauper? Profecto non ob aliam causam, nisi ut tu benignitatis, ac fidelis administrationis mercedem accipias.... Esurientis est panis, quem tu retines; nudi est vestis, quam in arca custodis; discalceati calcus, qui apud te marcescit: egenitis argentum, quod tu terre infossum possides. Item homil. VII. contra divites avaros sermonem habens de illo adolescente qui audiens a Christo Dominino Math. 19. Vade, & vende omnia quæ habes, & da pauperibus, tristis abiit, hæc scribit Basilius: Mibi evenisse huic adolescenti, vel propinquis ipsius videtur quod illi sollet evenire qui iter facit civitatis alicujus spectaculi videndi studio, properatque usque ad mœnia: ibi reperio diversorio requiescit, modicumque quod restat viæ, ob pigritiam atque desidiam ire detrectat, simul & tolleratum itineris laborem inanem reddens, & spectaculo bonorum quæ videre poterat in urbe, exclusens. Sic & hujuscemodi sunt homines, qui cetera quidem mandata obseruant, ad bonorum vero suorum erogationem claudicant. Vidi ego multos jejunantes, orantes, presertim pœnitentia suspirantes, omnem denique sine sumptu pietatem ostendentes, egenitibus vero ne oboolum quidem præbentes. Quid his cetera vir-

tutum diligentia prodest? Non propterea regnum Dei consequentur. Idcirco, inquit Dominus, difficultius est divitem intrare in regnum cælorum quam camelum per foramen acus Quid miser judici respondebis? Parientes vestis, hominem non vestis? Equos phaleris ornas, fratrem tuum laceris amictum panis aspernaris? Frumentum retinendo perdis, esuientes non respicis?

III. D. Joannes Chrysostomus præ ceteris Patribus debitum, vim, meritum, & mercedem eleemosynarum disertissime exponit, & amplificat. Homil. 35. in Gen. hæc habet, Pecuariarum abundantiam in animarum salutem expendamus, superfluaque indigenibus insunnamus. Quare enim, dic mihi, permittis filium aurum & argentum prodigere, quæ oportebat in pauperum ventres evacuare, repnendo in tutum promptuarium, ut tempore quo maxime opus habes eorum adjutorio, consolacionem invenias: & qui a te hic pasti sunt, alibi fiducie fores tibi aperiant, & accipient te in eterna sua tabernacula? Vester quoque non sinamus a vermis rodi, & absque usu in arculis putrefactare, cum tot sint qui indigent, & obambulant nudi. Sed veneremur, bonorumque demus nudo Christo potius quam tineam; & induamus eum qui propter nostram salutem nudus obambulare vult, ut cum ipsum induerimus audiamus in die illa: Nudus eram, & vestisti me. Num onerosa sunt præcepta? Ea quæ pereunt, inquit, quæ a vermis arrestantur, que absque usu, & fructu consumuntur, hec dispensa, ut tibi fiant utilia, & ut detrimenti damnum effugias & ut ex ipsis lucrum maximum tibi pares.

IV. Idem homil. VIII. in Lucam: Rapina est, pauperibus non impertire de suis facultatibus. Ac fortassis mirum vobis esse videtur quod dico. Verum ne mireremini, testimonium vobis ex divinis Scripturis proferam. Itaque Dominus Iudeos accusans per Prophetam dicit: Produxit terram prouentum suum, & non intulistis decimas; sed rapina pauperis est in domibus vestris. Quoniam, inquit, oblationes soliditas non dedistis; rapuisis ea quæ sunt pauperis. Hoc autem dicit declarans, quod res pauperum possident, etiam si paternæ hereditates obvenerint.

V. Idem hom. IV. in Gen. Videamus quantum abundantiae vim possideat larga eleemosyna, ut cum didiceris lucrum quod inde nascitur, alacriter eam facias. Forte enim tantæ ejus potestas est ut non solum peccata purgare, sed & mortem fugare valeat. Et quis, dices aliquis, eleemosynam faciens superior morte

morte effectus est? Sane omnes vidimus sub mortis potestatem venisse. Ne turberis, dilecte; sed disce, quomodo eleemosyne vis & mortis vicit tyranidem. Tabitha vestiebat viduas, & alios sumpsus eis prebebat. Falem est autem ut infirmata moveretur. Sed quæ ab illa curabantur, & quas vestiebat, stabant circa Apostolum, & ostendebant ei uestes quas faciebat illis Dorcas, atque ad miserationem Apostolum provocabant: qui genibus flexis orans dixit: Tabitha surge. Illa autem aperuit oculos suos, & viso Petro resedit: & dans ei manum everxit eam, & accessit sanctis viduis assignavit eam vivam. Vidiisti, quanta retributio beneficentie in viduas etiam in presenti vita?

VI. S. Augustinus lib. i. homil. de exhortatione ad eleemosynas faciendas homil. xix. hæc incalcat: Lectio ista, fratres, quam modo audivimus de sancto Evangelio, ad eleemosynas faciendas nos horribatur, & sic horribatur, ut in iudicio suo Dominus has solas factas imputet dextris, has solas non factas imputet sinistris: non quo cetera facta hominum vel bona, vel mala non veniant in iudicium: scriptum est enim, omnia ventura ad iudicium: & tamen non elegit Dominus noster Jesus Christus, prænuntians nobis iudicium suum futurum, unde nos admoneret, nisi solas eleemosynas. Numquid dextris non erit dicendum, quia caste virgines, quia res alienas non rapuistis, quia fidem meam usque ad sanguinem confessi estis? Omnia enim facta ista bona necesse est bonorum in iudicio Jesu Christi. Rursus putatis non esse dicendum sinistris, quia fuistis impudicii, quia fornicati estis, quia res alienas rapuistis, quia superbia vestra, & malis moribus nomen meum blasphemari fecistis? Et cetera queque enumerat; tacet autem Dominus noster prænuntians nobis iudicium suum, omnia cetera recta facta iustorum, & solas eleemosynas commemorare dignatus est. Tacuit omnia mala iniuriorum, & solam sterilitatem eleemosyne increpandam esse judicavit, non nisi ad nos communendos. Quare hoc? Quia omnia crimina eleemosynis redimuntur. Ideo illam laudavit secunditatem, istam culparit, & damnavit ariditatem. Sed auditis, omnia malefacta eleemosynis redimi. Nolite sic intelligere, ut intelligent quidam perverse. Eleemosynæ enim possunt tibi prodeesse ad delenda peccata præterita, si mores mutaveris. Si autem in eisdem malis perseveraveris, eleemosynis ruis non corrumperet iudicium Dei. Item serm. 42. de

tempor. Certe videtis quod in lectione evangeliæ nihil aliud Dominus nominaverit de universis virtutib[us], nisi solam eleemosynam que cum caritate operatur. De ramis tacuit, radicem tantummodo nominavit, ita dicens: Venite benedicti, percipite regnum. Esurivi enim &c. Item exposit. in Psal. 44. Nolite vobis condere thesauros in terra, ubi sinea, & rubigo exterminant, & ubi fures effodiunt, & furantur; sed thesaurizate vobis thesauros in celo. Venite cum muneribus, date eleemosynam, & omnia munda sunt vobis. Venite cum muneribus ad eum qui dicit: „Misericordiam volo magis quam sacrificium.., Item serm. 62. de temp. Pro eo tamen quod nos potest jejunare, amplius debet ergo pauperibus, ut peccata que non potest jejunando curare, possit eleemosynas dando redimere. Bonum est jejunare, fratres, sed melius est eleemosynam dare. Si possibilitas non fuerit jejunandi, eleemosyna sufficit tibi sine jejunio; jejunium vero sine eleemosyna omnino non sufficit.

VII. Tremenda sunt Patrum testimonia, sed tremendissima sunt Christi oracula, & minæ. Ve. vobis divitibus: ve vobis, quia habetis consolationem vestram: ve vobis, quia lugebitis, & flebitis. Quam difficile (Christus est qui exclamat, non Rigorista, nec Jansenista) qui pecunias habent, in regnum Dei intrabunt! Facilius est enim camelum per foramen acus transire quam divitem intrare in regnum Dei. Ite maledicti in ignem eternum: esuriri enim, & non dedistis &c. Quis non tremit, quis non expavescit ad hæc formidanda Christi oracula?

VIII. Excusant se divites superfluis divitiis carere. Quem prætextum hoc pacto profligat in psal. 147. S. Augustinus. Multa autem superflua habemus, si non nisi necessaria teneamus. Nam si inania queramus, nihil sufficit. Fratres, querite quod sufficit operi Dei, non quod sufficit cupiditati vestre. Cupiditas vestra non est opus Dei..... Querite que sufficiant, & videbitis quam pauca sint. Videb[us] sufficerunt duo ministri nummi ad faciendam misericordiam, sufficerunt duo nummi ad emendum regnum Dei..... Quare quantum tibi dederit, & ex eo tolle quod sufficit. Cetera que superflua jacent, aliorum sunt necessaria. Superflua divitium necessaria sunt pauperum. Res alienæ possidentur, cum superflua possidentur. Superfluum, quod se habere divites pernegant, ubi repositum habent, ostendit D. Joannes Chrysostomus homil. xi. in epist. Pauli ad Rom. Rapinae, atque avaritia incumbit, non paupertate presus,

sus, non famis te ad id impellente; sed quo equi tui frenum, domus teclum, columnarum capita copiose inauentur. Hoc ipsum vero quantum gehennam miretur, cum tu fratrem tuum, qui videlicet bonorum arcanorum tecum particeps effectus, atque eo usque a Domino honoratus est suo, in infinitas calamitates precipitem agis, ut lapides, & domus tuae pavimentum, ut animantium ratione carentium corpora exornes? Te ne tam sollicitum alendi canes curam gerere, hominem autem, seu verius dicam Christum ipsum, propter canem ad summam famam adigi? Quid hac confusione pestilentius? Quid hac iniuitate letalius? Quot tandem ignei fluvii ad hujusmodi animalia depascendam satis esse possunt? En qui ad Dei similitudinem expressus est, pannosus, indecorusque jacet per tuam inhumanitatem; muli autem uxorem tuam portantes, tum autem pelles, & ligna, quibus teclum illud texitur, multo auro splendescunt; ac si sedile, ac scabellum conficiendum est, ubique aurum, ubique argentum. Christi autem membrum, is propter quem Deus de celo ad nos descendit, sanguinemque pretiosum effudit, avaritia tua ne necessarium quidem cibum habet? Et lectuli quidem argento undique cincti, undique ornati sunt; sanctorum vero corpora vel necessario operculo carent; ac tibi minoris fit ipse Christus, quam muli, quam lectus, quam sedile, quam scabellum.

IX. Alter divitum praetextus est commen-tia quedam voluntas largiendi pauperibus mortis tempore. Quam illusionem sic homili. VII. contra divites expludit S. Basilus. Sed, inquis, ego quidem bonis, dum vixero, frui volo; post mortem vero in testamento heredes facultatum meorum, ac dominos pauperes describam. Hec miser! Tunc benignus, ac liberalis hominibus eris, cum amplius inter homines non ages? Cum te cadaver aspiciam, sunc fratri amantem appellabo? Scilicet magna dignus eris liberalitatis laude, magnus tibi honor debetur, aut gratia, si in sepulcro jacens, & in terram conversus, magnificus ac sumptuosus apparebis. Dic, cuius mercedem temporis potissimum exposces, vita ne, an mortis? Nam si tempore quod ad promerendum darat, in voluptatibus absunto, pauperes nequam respexisti, mortua eiusnam actionis, aut operis mercedem petiturus es? Atravanto, & tabulis pulchra opera, & commendanda gerere studes? Quis exitus tui tempus numeriabit? Quis de mortis genere sponsor? Quot videmus repentina, ac vi, casuque extingui, qui pre doloris, & spiritus angustia nec vo-

cem quidem emittere potuerunt? Quot etiam febris a sensu alienos fecit? Quid igitur tempus expectas, in quo sepe rationis tuae compas non eris? Enimvero non profunda, morbus gravis, nullus circa adjutor: immo qui hereditati insidiatur, paratus aderit, omnia tantum quo ad eum faciant usum, abortans, ac tua irritare consilia querens.... Quod si nihilominus contigerit ut & verbo & scripto, res tuae palam mandentur, una tantum transposita littera, unum non probe appositum signum, totam sententiam mutare, ac irritum facere valebit. Duo item, aut tres improbi testes totam hereditatem in alios convertent.

X. Tertia divitum excusatio est amor in filios, in quorum commoda thesaurizare sibi licitum esse credunt. Quod inane commentum ita Lib. de decem cordis cap. 12. improbat S. Augustinus. Noli sub imagine pietatis augere pecuniam. Filiis, inquis, meis servo. Magna excusatio, filiis meis servo. Videamus. Servas tibi pater tuus; servas tu filii tuis; filii tui filii suis, & sic per omnes; & nullus facturus est praecepta Dei. Quare non illi potius impendis omnia qui te fecit ex nihilo? Qui te fecit, ille te pascit, & ex his quo se cit, ipse pascit & filios tuos. Neque enim melius committis filio tuo patrimonium tuum quam Creatori tuo. Et mentiuntur quidem homines. Mala est, inquit, avaritia. Palliare se volunt nomine pietatis, & dealbare, ut quasi propter filios videantur servare homines quod propter avaritiam servant. Nam ut no veritis quia sic plerumque contingit, dicitur de quodam: Quare non facis eleemosynam? Quia servit filii suis. Contingit ut amittat unum. Si propter filios servabat, mittat post illum partem suam. Quare illam tenet succulo, & illam relinquit ab animo? Redde illi quod suum est, redde quod illi servabas. Mortuus est, inquit. Sed praecessit ad Deum: pars ipsius debetur pauperibus: illi debetur ad quem perirexit, Christo debetur, ad ipsum enim perirexit: & ille dixit: Qui uni ex minimis meis fecit, mihi fecit; & qui uni ex minimis istis non fecit, mihi non fecit. Sed quid dicas? Servo fratribus ipsius. Si viveret ille, non erat cum suis fratribus divisurus? O fides mortua! Mortuus est enim filius tuus. Quidquid dicas, mortuo debes quod vivo servabas. Mortuus est filius meus; sed tamen partem filii mei servo fratribus ipsius. Si credis quia mortuus est; si pro illo Christus mortuus non est, mortuus ipse est. Si autem in te fides est, vivit filius tuus. Vivit profrus; non decessit, sed praecessit. Quia fronte ventu-

rus es ad filium tuum qui precessit, cui precedentis non mittis partem suam in celum? An non potest mitti in celum? Potest prorsus. Audi ipsum Dominum dicentem: Thesaurizate vobis thesauros in caelo. Si ergo ille thesaurus melius est custodius in caelo, numquid tunc mittendus est filio tuo quando si missus fuerit, non perire? Tenetur hic, ubi potest perire; non mittitur illuc, ubi Christus est custos? Videlis, fratres, quia mendacium est: fratres mei, mendacium est: avari sunt homines. . . . Quanta donatis venatoribus, quanta turpibus personis, quanta donatis eis qui vos occidunt?

XI. Quarta divitum illusio est nimia cogitatio de crastino: quam deceptionem sermon. 43. de divers. refutat S. Augustinus. Avaritia dicit, Consule in posterum, homini fontassis viatro nec in crastinum. Sed ecce vivat quantum putat avaritia; non quantum ostendit, non quantum docet, non quantum fidit, sed quantum putat, vixerit, senuevit, finierit: adhuc senex, incurvus, baculo innixus, lucrum querit, & audit avaritiam dicentem: Consule in posterum. In quod posterum? Jam expirans loquitur: Propter filios tuos, inquit. Utinam vel illos senes habeamus non avaros, qui non habent filios. Etiam ipsis, etiam talibus, etiam iniuritatem suam nulla pieratis imagine excusantibus, non cessat avaritia dicere: Consule in posterum. D. Hieronymus epis. 139. Nibil ita decipit humanum genus, quam quod, dum ignorant spatio viate longe, longiorem sibi seculi hujus possessionem repromittant. Unde & illud egregie dilectum est, nullam tam senem esse, & sic decrepitæ etatis, ut non adhuc uno plus anno vivere suspicetur.

XII. Opponere divites ultimo solent pauperum versutiam, fraudes, doles, quibus vulnera, & infirmitates effingunt. Hanc divitum crudelitatem his verbis profligat S. Joannes Chrysostomus hom. 37. ad populum. Etenim si simulat ex inopia, & necessitate, simulat propter crudelitatem tuam, & inhumanitatem, hujusmodi personarum simulationibus egentem, que nulla commoveretur misericordia. Itaque simulatio illius tua est inhumanitatis preco. Cum enim rogans, & supplex, & miserabilibus verbis, & anxius, & lacrymans toto die circumendo mendicans, ne necessarium quidem viatum comparat, fortasse hanc artem inventit, que non tantum illi, quantum tibi afferit ignominiam, & culpam. Nam si facile moveremur, nunquam sane ille ejusmodi sustinere eligeret. Et quid nudita-

tem, & tremorem memoro? Dicam quod longe horribilis est, quod nonnulli suos cecare filios etatis florem agentes coacti sunt. Siquidem cum sensu visus fruentes, & nudis circumdantantes, neque etate, neque calamitate, inhumanos, atque immisericordes moverent, tantis malis aliam addiderunt calamitatem, & quidem majorem: & ut famem lenirent, levius foce arbitrati sunt hoc communis lumine, & solaribus radiis, omni humano generi concessis, privari, quam perpetuo cum fame pugnare, & miserrima morte perire. . . . Alii quidem sine calceis incedunt, alii capiti acutos clavos infingunt, alii per ipsum gelu nudo corpore mendicantes petunt, alii etiam his graviora ferentes, miserabile de se praebent spectaculum. Quomodo autem dicis: Misere mei Deus secundum magnam misericordiam tuam: cum tu non secundum magnam misericordiam miserearis, fontasse neque secundum parvam?

C A P U T VII.

De tempore quo eleemosynæ preceptum urget.
Variae questiones resolvuntur.

I. Gestatis tempore eleemosynæ praeciprum urget. Triplicem necessitatis gradum Theologi distinguunt, extremæ, gravis, communis. Extrema est, cum pauper in proximo, vel probabili vita periculo versatur: non est expectanda ultima penuria, quia tunc forsitan egens non excipit auxilium. Ad necessitatem extreamam attrinet periculum perpetui carceris, mutilationis, & incurabilis morbi. Gravis egestas est, cum grave damnum imminet homini in honore, in vita, statu, aut re domestica. Communis est qua premuntur pauperes ostiatim stipem mendicantes. Triplici necessitati tria opponuntur bonorum genera. Bona alia necessaria sunt alendaria vita nostræ, & eorum quorum nobis cura incumbit. Alia statum, & conditionem spectant, quatenus absque ejusmodi bonis nequit homo propriæ conditionis, nobilitatis, & dignitatis gradum sustinere. Haec bona duplicitis sunt generis. Quædam ita necessaria sunt ut sine iisdem quisque a suo statu excideret; quædam ad decentiam, & decorum attinent. Postrema tandem bona superflua sunt vel vita, vel statui, vel utriusque simul.

II. QUEST. I. Extrema necessitate laboranti astringuntur ne divites succurrent non modo ex superfluis, sed etiam ex necessariis statui?

RESP.

RESP. Extrema necessitate laborantibus succurrendum vi præcepti esse adfirmant omnes ex superfluis statui. Communis quoque sententia & vera est, cum aliquo detimento proprii status levandam esse pauperis necessitatem. Non requiritur ut nobilis plebejus evadat ut pauperibus succurrat. Quoniam nunquam tanta divitiarum copia requiritur ad levandam extremam indigentiam pauperis, quæ non adeo frequens est, ut divites & nobiles debeant pauperes evadere. Aliqua tamen status diminutio necessaria est. Adstringuntur divites extrema urgente penuria, famulorum, & equitum multitudinem, pomparum splendorem, & conviviorum lauitias, aliosque sumptus, quos impendere ad decorum, & ornatum proprii gradus consuescunt, restringere. Christiana prudentia opus est. Grave status detrimentum vix nunquam occurrat, ut pauperes ab extrema miseria levantur.

III. QUÆST. II. Tenentur ne divites captivos apud Turcas, aliosque infideles redimere? RESP. Regula præcīta designari vix potest. Captivitas suapte natura extrema necessitatem secum non afferat. Grave tamen malum est, ad quod tollendum plus & minus divites adstringuntur. Si captivitati adjunctum sit grave malum fortuitum, ut periculum amittendæ vitæ, vel fidei, si captivus utilis Reipublicæ sit, tum gravior incumbit divitibus obligatio. Spectrandæ circumstantiæ sunt, & caritas christiana consilenda.

IV. Ex necessariis propriæ vitæ non adstringuntur divites succurrere pauperibus extrema penuria laborantibus: quia in pari necessitate ordo caritatis postulat ut quisque semetipsum præferat extraneo. Quid si homo extrema pressus egestate sit maxime utilis Reipublicæ? Hac de re prolixe Cicero disputat; sed raro hoc contingit ut homo extreme indigens adeo utilis reputetur Reipublicæ, ut pro ejusdem conservatione innocentis vita immolari debeat.

V. QUÆST. III. Dives qui extrema penuria laboranti mutuo dat pesuniam, satisfac ne præcepto eleemosyne? RESP. Sententia negans communis est, & vera, quia præceptum eleemosynæ distinctum est a præcepto mutuo dandi: & in extrema necessitate omnia sunt communia jure naturæ. Si tamen qui extrema premitur necessitate in hoc loco, alibi bona haberet, tum non esset absolute pauper, & ideo impletetur præceptum, si mutuo a tali miseria liberaretur. Si absolu-

Tom. I.

te pauper extrema prematur egestate, & divites reculerent opem ferre, tum potest aliena surripere, ut sibi consulat, & evadat extrema penuriæ.

VI. QUÆST. IV. Licitum ne divitibus est reuinere superflua statui presenti, ut ad altiora ascendant? RESP. Ut questio difficultis & implexa dissolvatur, pauca præmittenda sunt. Divites reperiuntur qui superflua habent, alioquin frustaneum esset præceptum: *Quod superest, date eleemosynam*: Luc. c. 11. Statuum quoque permutatio licita est. Nam hic est divinæ providentiae ordo, ut qui hac ætate divites sunt, futura in paupertatem decidant. Non igitur divites semper divites, nec pauperes semper pauperes, nec artifices semper artifices, nec mercatores semper mercatores, nec nobiles semper nobiles, sed perpetua vicissitudine, & mutatione nec divites, nec pauperes, nec artifices &c. unquam deerunt. Quapropter licitum est, debita moderatione servata, altiore statum appetere.

VII. Illud nunc discutiendum, quomodo & divites superflua distribuere pauperibus debant, simulque statum altiore appetere licite queant. Pecuniarum accumulatio ex sola libidine & ambitione occupandi altiore gradum illicita est, & malitiæ plenissima. Ipsa quoque graduum appetitio, nullo præstituto limite, nullaque propria virtutis consideratione habita, illicita est, & scelerum scaturigo. Ut itaque ascensus iste honestus sit & licitus, finem honestum habere debet. Paucis rem comprehendendo. Si divites omittant eleemosynam, & liberalitatem in pauperes, ut accumulent, & ad altiore statum ascendant, peccant adversus præceptum eleemosynæ. Divites autem, quorum viscera super pauperum calamitate vehementer afficiuntur, iisdem suppetias ferunt; qui non modo extrema, & gravem miseriam, sed communem etiam levare, & auferre student: qui in congregandis divitiis modum sibi præstituunt, rationemque servant, justitiam, & ceteras virtutes excolere student: isti ad altiora ascendere licite solent, quia ob virtutum cultum, & eleemosynarum liberalitatem centuplum a Domino recipiunt in hoc mundo, & vitam æternam in alio.

VIII. Jure Ecclesia damnavit sequentem thelinum, quam docuerunt nonnulli: *Vix in secularibus invenies, etiam in Regibus, superfluum statui*. Hæc doctrina antievangelica est, quia si in divitibus vix superfluum reperitur, vix eleemosynæ præceptum a Christo impositum locum habet, & in sumum

occidit. Tria divitum genera distinguo. Alii sunt qui ampla prodigunt patrimonia in luxum, pompas, vanosque sumptus, quin pauperum recordentur. Ipsi praeceptum eleemosynæ gravissime violant. Alii sunt divites nobiles, qui non causa ascendendi ad altiorum statum, sed solius avaritiae ardore thesauros congregant, neglecta eleemosyna. Tertiis tandem sunt inferioris conditionis, qui multas divitias superflua possident, sed omnia in crastinum congregant, ut ad altiorum statum ascendant. Divites tum secundæ, tum tertiaræ classis similes sunt divitiæ evangelico, qui *Luc. 12.* dicebat: *Destruam horrea mea, & majora faciam, & illuc congregabo omnia quæ nata sunt mibi: & dicam animæ mee: Anima, habes multa bona postea in annos plurimos: requiesce, comede, bibo, epulare.* Christus respondit: *Stulte, hac nocte animam tuam repetenter a te. Quæ autem parasti, cujus erunt?*

IX. Lubet isthuc transcribere S. Basilius Magni eloquentissimam & acerrimam redactionem in divites istos ex homil. in hunc text. *O verba stultissima! o dementiam singularē!* Nam si PORCINAM habuisses animam, quid aliud ipsi annuntiare potuisses? Ita ne pecunias tu, ita bonorum animæ ignarus, eam ut exceptes carnalibus epulis, & quemcumque alvi secessus recipit, animæ destines?.... Audi te dignam appellationem, quam tibi nullus hominum, sed ipse Dominus indidit: *Stulte,* hac nocte animam tuam abs te repetenter. Superat æternam pœnam irrisio stultitiae. Qui namque paulo post arripiendus est vita, & ad supplicium adducendus, quale init tacitus consilium? Destruam horrea mea, & majora faciam. Ipsi ego sane dicorem: *Benefacis: nam iniuritatis horrea procul dubio digna sunt ut diruantur.* Everte miser tuus ipse manibus quod male edificasti. Solve horrea, unde nullus unquam solamen consecutus est. A fundamentis eradica avaritie custodem, dirus teclum, everte muros, ostende Soli frumentum quod cariem, sicumque contraxit. Educ diutius illigatas hæc divitias: produc in publicum triumphum tenebris obsita domicilia manimonia. Destruam horrea mea, & majora faciam. Ubi vero & ista frumento adimplevis, quid, queso, amplius cogitabis? An rursus desirues, & rursus edificabis? Quid stultius quam laboribus nunquam finiendis se confidere, ac summo cum studio edificare, nec minore cura eadem demoliri? habes, si vis, apothecas, ventres pauperum. Thesauriza tibi thesauros in celo. Longa tibi vita tempo-

ra praefixisti. Vide ne te illud tempus quod certo, ac præstituto termino accelerare solet, forte corripiat. Et profecto vitam sibi hoc modo confidentius polliceri, non bonitatis, sed malitiae est indicium.

X. Plura alia congerit S. Pater in similes divites, deinde paulo infra divitis orationem refert his verbis: *Dixeris: cui facio injuriam si mea retineo conservoque?* Audi responsum Basilii: *Quæ illa, dic mibi, tua?* Unde accepta hæc ad traducendam presentem hanc vitam invenisti? Perinde enim facis ac si quis in theatro locum spectandi mox ut antevertit aliis arripere, ceteros abarcat ingressu, suo unius usui id adjudicans quod ad omnium communem usum proponitur. Tales & divites existunt. Communia namque cum priores obtinuerint, propria faciunt occupando. Nam si tantum quisque usurparet, quantum ad propriæ necessitatis solatium ficeret, superfluumque egeni tribueret; nemo profecto esset dives, nemo item pauper. Nonne nudus ex utero matris excidiisti, nudusque iterum reverteris ad humum? Hæc tibi bona presentia unde? Si a casu dixeris, impius es, eum non agnoscens qui te condidit; neque ei qui dedit, rependens gratiam. Quod si ex Deo te illa habere fatus es, dic mibi, quam ob rem hæc fortitus es? Non enim iustus est Deus, qui ea quæ sunt ad dictum, inæqualiter nobis divisit. Cur tu dives es, ille pauper? Profecto non ob aliam causam, nisi ut tu benignitatis, ac fidelis administrationis mercedem accipias; ille vero patientiæ maximis premiis honoretur. Tu vero insatiabilis avaritiae lacertis omnia circumplexus, & tot homines illis privans, neminem te lèdere putas? Quis, queso, est avarus? Ille qui eo quod satis esse debet, non est contentus. Quis vero peculator? Ille qui ad se unum transfert quæ singulatum sunt. Tu ergo non avarus, tu non peculator; cum ea quæ ad dispensandum, distribuendumque recuperis, tibi propria facis? Num qui vestem diripuerit, spoliator nominabitur; qui autem nudum non texerit, modo possit, alterius cuiusdam nominis appellatione dignus erit?

XI. QUÆST. V. In communi necessitate subveniendum ne pauperibus est ex superfluis? RESP. Ut paucis convellam laxas quorundam opiniones, doctrinam S. Thomæ transcribo. Docet ille in 4. dist. 15. p. 2. ar. 1. q. 4. *Dare eleemosynam de superfluo, cadit in præcepto; similius dare eleemosynam ei qui est in extrema necessitate.* Hanc doctrinam ediscit 2. 2. q. 118. art. 4. ad 2. ubi explicans sententiam Basilii, inquit: *Basilius loquitur*

in illo casu in quo aliquis tenetur ex debito legali bona sua pauperibus erogare , vel propter periculum necessitatis , vel etiam propter superfluitatem habitorum . Item q. 87. art. 1. ad 4. Tertia vero decimæ , quas cum pauperibus comedere debebant , in nova lege augentur , per hoc quod Dominus non solum acci-
mam partem , sed etiam omnia superflua pau-
peribus jubet exhiberi , secundum illud *Luc. 11.*
Quod superest date eleemosynam . Tandem
quodl. 8. q. 16. ar. 12. Supposito enim quod
aliquis habeat de superfluo & respectu indivi-
dui , & respectu persone , quod tenetur pau-
peribus erogare ; aut vides in paupere petente
evidentia signa extremae necessitatis , aut non .
Si videt , certum est quod tenetur dare , &
peccat non dando . In hoc enim casu loquitur
Ambrosius : Pisce fame mortientem : si non
paveris occidisti . Si vero non apparent ,
tunc non tenetur dare pauperi petenti : quia
quamvis teneatur dare superfluum pauperibus ,
non tamen omnibus dare , nec huic dare , sed
tenetur distribuere secundum quod sibi visum
fuerit opportenum ; nec tenetur inquirere , quia
hoc esset nimis grave quod de omnibus pau-
peribus inquireret .

XII. Duo principia constituit Angelicus
unde præceptum eleemosynæ proficisciatur .
Alterum est extrema , vel gravis necessitas .
Alterum superfluitas bonorum tum naturæ ,
tum statui . Præceptum ergo urget & ratio-
ne superfluitatis , & ratione necessitatis ex-
tremæ , vel gravis & urgentis . Quando oc-
currunt extrema , vel gravis necessitas , tum
danda est eleemosyna huic determinato pau-
peri egenti . Quando divitibus non occurront
pauperes tali necessitate pressi , tum illi di-
stribuere superflua naturæ , & statui in usus
pios , prout sibi bene in Domino visum fue-
rit , debent .

XIII. Heinc infert Angelicus , teneri di-
vites superflua & naturæ , & statui erogare
in pauperes communi necessitate pressos .
Plures adduxi rationes *T. 2. in Decal. Diff. 6.*
cap. 13. Satis nunc sit indicare bonorum ,
qua primum communia erant , partitionem
jure gentium inventam esse . Quorsum ?
Numquid in Republicæ detrimentum , per-
turbationem , & humanæ societatis confusio-
nem ? Absit . Porro qualis confusio , qualis
recti ordinis perversio foret , si pauperum
œctui sublata esset bonorum partitio , diviti-
busque concessa , ut avaritiae , aut pompis ,
illecebris , & vitiis indulgerent ? Gentium
jus seu humani generis consensus in bono-
rum partitione æquissimus fuit , solumque

pro fine habuit hominum commodum , &
tranquillitatem . Atqui si egentes homines
continenter cum fame , & siti luctari debe-
rent , & divites superfluis abundare , & ad
libitum superflua prodigere ; qua ratione ab
injustitia labore purgari hujusmodi partitio
posset ?

XIV. Opponit *P. Diana* cum pluribus a-
liis Probabilistis , heinc sequi , omnes divi-
tes , eorumque Confessarios damnari . Re-
spondeo , eos divites damnari , nisi resipiscant ,
qui præceptum eleemosynæ non implet , &
eos Confessarios qui absolvunt divites indi-
gnos , & violatores legis naturalis , & divi-
næ . Plura paradoxa laxitatis plena docet
cum nonnullis aliis *P. Diana* , quæ prosliga-
vi loc. cit. *cap. xi.* Sed audiant omnes qui
Diana doctrinam propugnant , responsum
quod tract. 2. de eleem. *cap. 6.* præbet Cardi-
nalialis Cajetanus . Quod si mibi illud objec-
ris , quod scilicet divitum confessiones audi-
non possent , & Confessores damnationem in-
curverent ; audi Dominum Jesum Christum in
Evangelio divitibus dicentem : Facilius est ca-
melum transire per foranæ acus , quam divi-
tem intrare in Regnum celorum . Confessori-
bus autem : Si cæcus cæco ducatum prebeat ,
ambo in foveam cadunt . Frequentissime mol-
lioris Ethices patroni pro absurdo obtrudunt
quod Christus Jesus severissime minatur .
Christus exclamat : *Quam difficile qui pecu-
nias habent , in Regnum Dei intrabunt !* Et
P. Diana cum ceteris hoc divinum oraculum
pro absurdo opponit ? Facile damnarentur
divites , & Confessarii , inquit isti novi
doctores , si superflua naturæ , & statui di-
stribuere pauperibus deberent . Sed re ipsa fa-
cile damnari divites Christus afferit . Ergo
vi evidenter ratiocinii falsa est istorum Ca-
suistarum opinio .

XV. Non modo ex superfluis , verum et-
iam ex necessariis ad status decentiam & de-
corem tenentur divites succurrere pauperibus
gravi necessitate oppressis , ut communior &
mihi vera sententia docet . Lege *Tom. 2.*
in Decal. Diff. 6. c. 12.

XVI. QUEST. vi. Licitum ne pauperi est
in gravi constituto necessitate furari ea quæ si-
bi necessaria sunt ? RESP. Opinionem adfir-
mantem docuerunt Vazquez , Lugo , Castro-
palau , Diana , & alii , quos citat Cardenas ,
qui eos secutus est ; sed postea hanc ipse o-
pinionem retractavit *Diff. 23. c. 1. a. 3. n. 34.*
& merito : quia eam damnavit Ven. Inno-
cent. XI. Permissum est furari non solum in
extrema necessitate , sed etiam in gravi . Beni-
gni

gni Casuistæ non pauci nunc plus justo farent pauperum rapacitati, nunc laxius indulgent divitum avaritiae.

C A P U T VIII.

Qui facere eleemosynas; de quibus bonis, & quibus pauperibus astringuntur?

I. **Q**UEST. I. *Quinam erogare eleemosynas possunt, & debent?* RESP. Omnes qui absolute rerum suarum dominio potiuntur. Quare servi, mancipia, cum rerum iure careant, qua in eleemosynam erogent, non habent; fecus dicendum, si peculium possiderent: adimere etiam valent eorum quæ sunt in propriam sustentationem determinate data, & in pauperes distribuere. Minores, pupilli, & prodigi parvas tantum facere eleemosynas; tutores, & curatores eas facere eleemosynas debent quas erogare astringentur domini.

II. **Q**UEST. II. *Filiæ familiæ, & uxores facere ne eleemosynas queant?* RESP. Filii familiæ ex iis bonis quorum dominium est penes parentes, nequeunt eleemosynas facere; neque bonorum quæ advenditia dicuntur, quorum ususfructus est penes parentes. Possunt vero ex bonis castris, & debent pauperibus succurrere: item ex iis bonis quæ a parentibus accipiunt ad honestam recreationem, & dum parentum negotia agunt, possunt moderatas eleemosynas facere, quia consentientes parentes presumuntur. Immo parentes debent aliquas pecunias filiis tradere distribuendas pauperibus, ut assuecant præceptum implere.

III. **U**xores de bonis maritorum absolute eleemosynas facere nequeunt. Consuetudine tamen obtinente, & Christianis maritis consentientibus possunt uxores congruas moderatasque eleemosynas facere. Item ad avertendum aliquid temporale, vel spirituale danum possunt eleemosynas erogare, præferentim si mariti negligentes sint in præcepto implendo. Rursus extreme indigenti, etiam invitatis maritis, possunt & debent uxores succurrere. De bonis vero propriis donatione, hereditate aliove justo titulo obtentis, quæque paraphernalia vocantur, tenentur uxores eleemosynas congruas facere.

IV. **Q**UEST. III. *Tenentur ne Regulares eleemosynas facere?* RESP. Si sermo sit de Regularibus privatis, planum est nullas istos erogare eleemosynas posse, cum omni domino careant. Extrema necessitate urgente,

DECAL. MAND.

etiam invitatis Prælatis, succurrere pauperibus debent. In aliis eventibus licentia Prælati necessaria est. Cœnobia vero Religiosorum ad eleemosynas astringuntur, cum bonis abundant.

V. **Q**UEST. IV. *Quibus pauperibus eroganda eleemosyna est?* RESP. Pauperes alii necessarii, alii voluntarii. Utrisque subveniendum est. In pari causa illis pauperibus subveniendum potius est qui majori pietate, & sanctitate fulgent. Pauperes qui simulant miseriari, & egestatem, ut eleemosynas extorqueant, peccant, & ad restitutionem tenentur. Qui revera pauperes sunt, & majorem qua premuntur, miseriari effingunt, peccant, quia mendacia sive in verbis, sive in factis, semper sunt vitiosa: ad restitutionem tamen non tenentur, cum re ipsa pauperes sint. Quamobrem graviter peccant Concionatores, qui confictas necessitates exaggerant auditibus, ut ubiores eleemosynas extorqueant. Eleemosynæ facta paupertate collectæ pauperibus sunt restituenda.

C A P U T IX.

Monitum ad Confessarios.

I. **C**UM Christi oracula, & omnium Patrum, graviorumque Theologorum doctrinam recogito, totis artibus super divitum salute contremisco: nec quorundam benigna lenocinia dolorem, pavoremque linunt. Extrema utique vitanda sunt. Cavendum ne Christi jugum plus justo gravetur in hac causa, quod difficile evenit. Cavendum ne plus justo relaxemus, quod ex proscriptis opinibus, & aliis æquo benignioribus facililime contingere compertum est. Divitum ergo Confessarii Evangelium Christi Jesu, & SS. Patrum doctrinam præ oculis habeant.

II. Cavere Confessarii debent ne divitibus adulentur. Christi doctrinam super eorum difficulti salute altius inculcent. Caveant ne timor alienandi a se divites, illisque displicendi efficiat ut evangelica doctrinæ severitatem nimia dulcedine deliniant, temperentque. Regula certa, & præcisa designari nequit sive super altiore statu comparando, sive super patrimonio augendo intra sphæram ejusdem status. Bonorum quoque superfluitas non est aliquo individuo puncto constituta. Plura in futurum servare divites valent ad dotandas filias, ad providendum liberis, ad onera civitatis, vel Reipublicæ sustinenda, & alia incommoda, quæ evenire probabiliter solent, reparanda. At sub his titulis ava-

ra cupiditas, ambitio, & proprius amor plura effingit, quæ præceptum gravissimum in nihilum redigunt.

III. Illud est certum superfluis divites abundare, omnibus eorum oneribus, sive præsentibus, sive futuris pensatis. Vana ergo, & mendax est plurium divitium excusatio dicentium, se superfluis carere. In istos Confessarii interqueant quæ orat. I. S. Gregorius Nazianzenus scribit. Qui molliter & delicate vivere instituerunt, necessario ad excogitandos magnificos ædificiorum apparatus alliciuntur. In his construendis, & exornandis maxima vis pecuniarum profunditur. Ad hæc extus hominum libenter convosant, & invitant, splendidam, & variam suppelleatim studiose comparant, innumerabilia poculorum genera, scurras, mimos, cytharistas, cantores, cantrices, saltatores, saltatrices, totum denique perulantia ludam. Atque dum hæc intus geruntur, assident ad vestibuli fores innumerabiles laceri, partim gravibus ulceribus pleni, partim oculis orbati, partim pedibus mutili, conclamant, nec tamen exaudiuntur. Si Deus hæc aspicit, ut profecto aspicit, quem exitum fore cogitatis, o pauperum inimici? An nescitis horum causa in sacro Evangelio ponit, & commemorari exempla omnia horrenda, & terribilia?

IV. In quantitate eleemosynæ distribuenda definienda aqua hæret. Omnia superflua distribuenda Christus jubet, & Patres inculcant. Sed hæc superflua cum nullo certo concludantur limite, non subjacent certæ & præcisæ mensuræ. Theologorum aliqui assignant decimam reddituum sive ex latifundiis, sive ex industria obvenientium, partem. Alii artiorem, alii ampliorem mensuram præscribunt.

V. Adrianus Relandus de Religione Mohammedica a pag. 99. narrat, Turcas aurum, argenteum, triticum, bordeum, daelylos, uvas passas, camelos, boves, & oves, & plantas certa eleemosynæ pensione gravare in annos singulos, multis adjectis conditionibus. Quæ pensio fere ad quinque in centum accedit. Quod ideo in transcursu adnoto, ne divites christiani in eroganda eleemosyna difficiles se præbeant. Cum vero præcisam mensuram designare ipse nequeam, rescribam quæ Doctores sancti suggerunt.

VI. S. Thomas de Villanova conc. 2. de S. Mart. hoc præbet responsum. Audi Joannem. Qui habet duas tunicas, det unam non habenti; & qui habet escas, similiter faciat. Dices forsitan: Dare medietatem multum est.

Tom. I.

Sunt mihi uxor, & familia, quam nutriam. His omnibus medietas reliqua non sufficeret. Ad quod ego: Erant hæc omnia Zachæus; sed approbante Domino medietatem bonorum suorum pauperibus erogavit. Ob, inquires, Zachæus publicanus erat: quid mirum, si dedit omnia qui prius rapuerat? Da igitur omne quod superest. Sed dices: Si quidem filii non accrescent, non ego quoque hereditatem & patrimonium meum augerem; sed accedentibus filiis patrimonium quoque augere necesse est. Bene sit ita: computa hæc omnia: da quod superest. Dices: libenter accepto: si omnia computo, multa desunt. Vere ita est: cupiditati tuae deficient multa, & decessent etiam, si totum orbem solus sine socio possideres. Nolo ergo ad ratiocinium te adducere. Fac sicut filio suo consulit Tobias IV. Quomodo potueris, ita esto misericors. Si multum tibi fuerit, abundantier tribue; si exiguum tibi fuerit, etiam exiguum libenter impertiiri stude: Non improbo, si certam portionem pecuniae ad arbitrium boni viri juxta tuos reditus quotannis pauperibus erogandam signaveris. Cum igitur certa & præcisa eleemosynarum quantitas præscribi nequeat, ea saltem dicamus quæ proximus accedere ad evangelicam doctrinam videntur. Et primo certum est divites illos eleemosynæ præceptum non servare qui ex amplis divitiis quasdam viles reliquias, paucosque obulos pauperibus impertinent, nullo habito ad divitiarum copiam respectu: qui lautius canes quam pauperes alunt: qui in luxum, pompas, convivia, ludos, aliaque oblectamenta larga manu pecunias effundunt, modice vero pauperibus subveniunt. Regula igitur sancti Tobiæ præ oculis habenda. Qui multa possidet, multa eroget, & quorum exigua sunt patrimonia, exigua sint pauperum subfida, quæ desiderio plura tradendi, si supeterent, impertiantur. Christum in pauperibus spectent divites; se tamquam fratres pauperum reputant; non mensæ divitiarumque viles quisquilius, sed justam portionem illis distribuant. Præter ergo mensæ nicas, illosque obulos qui mendicis occurrentibus distribui solent, certam quamdam suorum reddituum portionem assignent divites, majorem minoremve, juxta divitiarum redundantiam, pauperibus quotannis impertiendam.

VII. Filiorum numerum, filiarumque datum opponere divites solent. Quibus Augustinus hoc præbet responsum ser. de divers. 43. Fac locum Christo cum filiis tuis, accedat familiæ Dominus tuus, accedat ad prolem Creatoř tuus, accedat ad numerum filiorum tuorum

Frater tuus.... Duos filios habes, tertium illum computa: tres habes, quartus numeretur Christus: quintum habes, sextus dicatur: decem habes, undecimus sit. Nolo amplius dicere. Unius filii tui serva locum Domino tuo. Quod enim dabis Domino tuo, & tibi proderit, & filiis tuis. Quid autem male servas filiis tuis, & tibi obserit, & filiis. Dabis autem portionem unam, quam unius filii depastasi.

C A P U T X.

De correctione fraterna.

I. **C**orrectio fraterna describitur a S. Thoma 2. 2. q. 33. a. 1. quod sit spiritualis eleemosyna a caritate manans, qua quis secreta admonitione malum proximi, quatenus illi noxium est, removere studet. Correctio duplex. Fraterna, quam descripsi, & judicialis, qua actus justitiae est, bonumque justitiae spectat. Correctio haec ab illis solis praestari valet qui potestate publica prædicti sunt.

II. **Q**uest. 1. *Divinum ne est correctionis fraternae præceptum?* RESP. Adfirmant omnes. Inquit enim Matth. c. 18. *Si autem peccaverit in te frater tuus, vade, & corripi eum inter te & ipsum solum.* Præceptum hoc obstringit tum fideles, tum infideles, quia divinum & naturale est, inclusum in his verbis: *Quod tibi vis fieri, alteri feceris.*

III. Plures conditiones S. Thomas 2. 2. q. 33. a. 2. recenset, quæ revocari possunt ad quatuor, ut mandatum hoc obstringat. 1. Est gravis peccati notitia. 2. ut spes habeatur emendationis. 3. ut sit personæ, & temporis opportunitas. 4. ut praestari commode queat.

IV. Notitia peccati requisita moraliter certa esse debet, nec dubia sufficit, aut leviter probabilis, nisi periculum gravis damni imminerer, aut cum peccatum in proximi detrimentum vergeret, essetque emendationis spes: tunc enim sola probabilis dubitatio sufficeret ad delinquentis correctionem faciendam.

V. Peccatum correctioni obnoxium mortale est, secus veniale; nisi venialia proximum periculum annexum habeant prolabendi in mortalia: tum enim obligare præceptum existino. Si peccata venialia sint habitualia non ex infirmitate, sed ex malitia, præceptum obligat sub levi culpa.

VI. Superiores laici liberi sunt a corrigen-
dis venialibus culpis subditorum, quoniam istorum est tranquillitatem & pacem Reipu-

blicæ, & communitatis custodire: peccata autem venialia hanc pacem non turbant. Il- la isti peccata mortalia corrigerent potissimum debent quæ sunt proximo perniciosa. Superiores vero ecclesiastici, & præsertim Regulares astringuntur peccata venialia delibera- ta, & quæ ex malitia proficiuntur, corri- gere: quia haec perfectionis, ad quam incum- bunt Regulares tenentur speciali titulo, cur- sum intercipiant. Immo obligati sunt, & quidem graviter corrigerre frequentes confi- tutionum proprii Ordinis transgressiones, quæ grave Ordini detrimentum inferunt, & dis- ponunt ad disciplinæ regularis dissolutionem.

VII. Peccata præterita nondum emendata fraternæ correctioni obnoxia sunt, quidquid in oppositum dicant nonnulli: quoniam flagi- tium non modo patrandum, sed patratum, correctionis materia est: inquit enim evan- gelicus textus: *Si peccaverit (non si pecca- bit) in te frater tuus, corripi eum.*

VIII. **Q**uest. II. *Peccata ex ignorantia commissa, sunt ne vi præcepti corrindenda?* RESP. Adfirmant omnes, si ignorantia sit vincibilis. De ignorantia invincibili dissidium inter Theologos est. At communior & mihi vera sen- tentia est tum præsertim urgere præceptum, cum proximus duplice miseria laborat, & quod peccatum, licet materiale patravit, & quod tenebrarum caligine obductus peccatum ignoret. Urget ergo magnopere tunc præceptum proximum illuminandi. Si ignoran- tia invincibilis sit juris tantum ecclesiastici, etiam tunc urget præceptum: præsertim si jus istud universam spectet Ecclesiam, ut est illud quod præcipit quadragesimam, quatuor tempora, abstinentiam a carnis die vene- ris, & id genus similia. Horum quippe igno- rancia grave malum est, a quo eripiendus est proximus correctionis fraternæ beneficio.

IX. **Q**uest. III. *Quæ sunt personæ quibus onus incumbit correctionis?* RESP. Omnes sunt huic præcepto obnoxii, ut supra dictum est. At de quibusdam, & præsertim de peccato-ribus disputatur inter Theologos. Expediens est ut correctores sint iusti; immo id requiri- re Scriptura sancta videtur: inquit enim c. 7. S. Matthæus: *Hypocrita, ejice primum trabem de oculo tuo, & tunc ejicies festucam de oculo fratris tui,* item c. 4. S. Lucas: *Medice cura te ipsum:* & Rom. c. 2. S. Paulus: *In quo alium judicas, te ipsum condemnas.* Quæ omnia in corripiente desiderant a cri- mine munditiem, atque adeo humilitatem, mansuetudinem, prudentiam, aliasque virtutes quæ in justis splendent. Peccatores ut plu-

plutimum odio, superbia, fastuque perciti
aliorum criminum objurgatores sunt.

X. Respondeo tamen peccatores a praecipito correctionis immunes non esse, sed eodem devictos, ut 2. 2. q. 33. art. 5. docet S. Thomas. *Correlio delinquentis pertinet ad aliquem, in quantum in eo viget iudicium rationis: & secundum hoc potest sibi competere in subditis delictum arguere.* Sed tamen per peccatum precedens impedimentum quoddam affectus correctioni propter tria. Primo quidem quia ex peccato precedenti indignus redditur ut alium corrigat; & pricipue si maior peccatum commisit, unde non est dignus ut alium corrigat de minori peccato.... Secundo redditur indebita correlio propter scandalum quod sequitur ex correctione, si peccatum corripiens sit manifestum: quia videtur quod ille qui corrigit, non corrigat ex caritate, sed magis ad ostentationem..... Tertio modo propter superbiam corripiens, inquantum scilicet aliquis propria peccata parvipendens, se ipsum proximo prefert in corde suo, peccata ejus austera severitate dijudicans, ac si ipse esset iustus.... Ex his ergo patet quod si peccator cum humilitate corripiat delinquentem, non peccat, nec sibi novam condemnationem acquirit; licet per hoc vel in conscientia fratris, vel saltem sua pro peccato præterito condemnationem esse ostendat.

XI. Peccatorum est, antequam alios corripiant, propria detestari crimina, & magna animi humilitate aliena vitia increpare. Interdum peccatores naturali prudentia, & bono sensu prædicti plus energie, persuasionis, & efficacia habent ad exitandum peccati odium, quam justorum nonnulli, naturæ donis defituti, & nimium molesti. Peccatores ergo sicuti ad eleemosynam corporalem, ita ad spiritualem astricti sunt. Probabilius est ipsos Praelatos ecclesiasticos peccato inquinatos non peccare correctionem judicalem exercendo. Peccant tamen, & quidem graviter dum non se emendant, & in statu opportuno correctioni faciendæ non se constituant. Aut enim a præfectura se abdicare debent, aut suos componere mores, & impedimenta removere que obsunt rectæ & utili administrationi propriæ præfecturæ.

XII. QUÆST. IV. Concionatores gravi culpa polluti peccant ne mortaliter verbum Dei e publico suggestu prædicantes? RESP. Adfirman Caietanus, Navarrus, Paludanus, Sylvester, & alii. Non audeo huic sententiae subscribere: quia cum de peccato mortali agitur, periculose definitur, nisi veritas expresse

pateat. Porro si ministerii qualitas absolute spectetur, non videtur tantam requirere sanctitatem, ut Concionator mortisculpa maculatus nequeat illud obire quin sacrilegium, seu mortale crimen perpetret. Hoc tamen tremens & hærens, dico, quoniam ministerium apostolicum est, & sublime. Quare ad proxim quod attinet, si Concionator ex infirmitate lapsus in aliquod crimen sit, & ex necessitate conciones habere debeat, non credarem, illum graviter peccare. Ceterum Concionatores illi qui flagitiorum pleni apostolico ministerio funguntur, profanationem gravem patrare, sterile, quantum per ipsos stat, verbum Dei efficere mihi probabilius apparer. Nec est quod oponas, scelestos Concionatores interdum inveteratos peccatores ad meliorem frugem revocare: quoniam iniquorum Concionatorum opera Deum uti posse ad peccantium conversionem, neminem latet. Propterea ne Concionatores scelesti non deturpant suum ministerium? Propterea ne exempti a lege sunt eluendi propria crimina, ut impedimenta removeant sui officii, & ut aptos sese reddant ad sancta sancte tradenda? Concionatores publica corrigerem peccata debent, tametsi nullum fere fructum sperarent, quod raro præsumi potest, dum coram multitudine redargutio fit. Contemprio enim correctionis, argumentum est reprobationis. Quomodo autem præsumi prudenter potest omnes auditores reprobos esse? Tunc solum omittere Concionatores licite valent correctionem, quando ex eis prævidenter majus futurum malum.

XIII. QUÆST. V. Obstringuntur ne subdit superiores corrige? RESP. Gravissimam & summi momenti questionem discutiendam propono. Omnes ad unum Theologi adfirmantem sententiam propugnant, licet eam obiter tractent, cum tamen digna sit discussione severa. Si dispergendi timor, si rei mundanæ spes, si proprius amor saep in causa sunt, cur fraternæ correctionis præceptum negligatur, potiori jure hæc, & alia longe plura nos ab ejusdem observatione removent, cum superiores nostri, sub quorum virga vivimus, corrigiendi sunt.

XIV. S. Augustinus Lib. 1. cap. 9. de Civit. Dei animadvertit, vel ipsos viros sanctos plerumque istius præcepti observationem negligere, inquiens: Plerumque enim ab eis docendis, admonendis aliquando etiam objurgandis, & corripiendis male dissimulatur: vel cum laboris piget, vel cum eorum os eorum verescundamus offendere: vel cum inimicitias

devitamus, ne impediant & noceant (N.B.) in ipsis temporalibus rebus, sive quas adipisci adhuc appetis nostra cupiditas, sive quas amittere formidat infirmitas; ita ut quamvis bonis vita matorum displaceat, & ideo cum eis non incidant in illam damnationem, quæ post hanc vitam talibus preparatur; tamen quia propter ea peccatis eorum damnabilius pareunt, dum eos in suis licet levibus, & venialibus metuant, jure cum eis temporalibus flagellantur, quamvis in æternum minime puniantur..... Illud est culpabile quod si qui dissimiliter vivunt, & a malorum factis abhorrent, parcent tamen peccatis alienis, quæ deducere, & objurgare deberent, dum eorum offensiones carent, ne sibi noceant (N.B.) in his rebus, quibus licet boni, atque innocentes utuntur; sed cupidius, quam oportebat eos qui in hoc mundo peregrinantur, & spem supernæ Patriæ pre se gerunt. Omititur correptione, subdit ibi paupero post, quia delectat lingua blandiens, & humanus dies, & reformidatur vulgi iudicium, & carnis excruciatio, vel peremptio, hoc est propter quedam cupiditatis vincula, non propter officia caritatis. Tandem capit concludit, improporans tum superioribus, tum subditis negligientiae correctionis crimen. Quia in re non utique parem, sed longe graviorem habent causam quibus per Prophetam dicitur: „ Ille qui dem in suo peccato morietur, sanguinem autem ejus de manu speculatoris requiram.“ Ad hoc enim speculatores, hoc est populorum praefos constituti sunt in Ecclesiis ut non parcent objurgando peccata. Nec ideo tam ab hujusmodi culpa penitus alienus est qui licet praefos non sit, in eis tamen quibus vite hujus necessitate conjugitur, multa monenda, vel arguenda novit, & negligit, devitans eorum offensiones, propter illas quibus in hac vita, non indebitis uitetur, sed plusquam debuit delectatur. Tandem Lib. 10. cap. 29. animadvertis, superbos omnes correctionem contemnere. An forte corrigi puderet? Et hoc vitium non nisi superborum est.

XV. S. Thomas 2. 2. qu. 33. a. 4. rationem assignat. Correptione, inquit, est actus caritatis. Ergo ad eos omnes quos caritate profici debemus, se extendit. Superiores autem ferventiori caritate diligendi, qui quanto in loco sublimiori splendent, tanto in periculo majori versantur, inquit S. Augustinus. Ergo præ ceteris spirituali correctionis eleemosyna indigent. Si omnes mansuetudine, & humilitate, superiores potissimum summa reverentia, & animi demissione corrigi debent, ut inquit ibidem S. Thomas. Pauci superiori-

res corrigitur, quia pauci ea humilitatis argumenta perhibent, unde presumere, & sperare subditi queant emendationis fructum. Pauci subditi correctionis præceptum implent, quia pauci timoris, & spei expertes reperiuntur, pauci a culpis ita immunes, ut redargui a superioribus nequeant. Recogitent superiores, se de omnibus peccatis per subditos commissis ob eorum negligentiam in corrigoendo, rationem Deo reddituros. Vercent animo subditi, se minime liberos esse a corrigenidis in spiritu humilitatis suis superioribus, si spes profectus affulgeat: quod præceptum illos præfertim urget qui superiores adjuvant ex officio in subditorum regimine.

XVI. QUEST. VI. Qui sunt superiores qui peculiari jure obstringuntur ad correctionem? RESP. Prælati subditos, parentes filios, domini famulos, mariti uxores, tutores pupilos, Parochi populum. Confessarii penitentes, curatores minores corrigeri peculiari jure astringuntur. Iste non modo caritatis titulo, ut ceteri omnes, verum etiam justitiae lege astringuntur corrigeri inferiores. Superiores enim præter communis præcepti vinculum officii ligamine devincti sunt. Duplicem autem correctionem peragere Prælati debent, alteram judiciale, alteram fraternalm.

XVII. QUEST. VII. Quæ spes profectus concipi debet ut fraternali correctionis præceptum obliget? RESP. Quatuor esse conditions quæ præcedere correctionem fraternalm debent, jam supra indicatum est. De earumdem nunc intelligentia breviter differendum. De correctione non judiciali, quæ fieri etiam sine profectus spe debet, sed fraternali nunc sermo est. Hujuscce correctionis finis est delinquentis emendatio. Si istius emendationis spes desit, præceptum non obligat ut 2. 2. q. 33. a. 6. docet Angelicus. Alia vero est correptione fraternali, cuius finis est emendatio delinquentis, non habens coactionem, sed simpli-
com admonitionem. Et ideo ubi probabiliter estimatur quod peccator admonitionem non recipiat, sed ad pejora labatur, est ab hujusmodi correctione desistendum: quia ea quæ sunt ad finem, debent regulari secundum quod exigit ratio finis.

XVIII. Convenit penes omnes non requiri spem certam, sed sufficere probabilem. Frequenter homines violent correctionis præceptum, quia desperant de emendationis profectu. Mentitur iniqutitas sibi. Modo homines dicunt bene iudicandum de omnibus, omniumque sperandam esse salutem. Modo, cum implere correctionis præceptum debeat, teme-

temere de omnibus judicant, ajuntque, se non obstringi tali precepto, quia nulla profectus spes refulget. Non advertunt isti, superbos, reprobosque se judicare illos quos correctionem contempturos fore concipiunt. Rara est delinquentium emendatio, non tam ob illorum malitiam, quam ob corridentium defectum. Non inficior plures esse peccatores pervicaces, obstinatosque qui nolunt intelligere ut bene agant. Sed verum etiam est deesse correctores, qui aut preceptum implere velint, aut sint caritate, prudentia, mansuetudine, veroque zelo prædicti. Ad me quod attinet, plures inveni qui correctionem suscepserint quam qui contempserint. Si prima correctio non prodest, repetenda toties est, quoties concipitur spes emendationis. Ictus repetiti sæpe duritiem frangunt. Quando dubitatur correctionem plus mali quam boni paritaram fore, abstinentum ab eadem est. Si vero dubitatur non de majori malo, sed solum de profectu, facienda correctio est. In ludo si non dubitas de iactura, sed solum de lucro, aleam jacis. In extrema necessitate facienda correctio est, quamvis dubites nocitura ne sit, an profutura.

XIX. QUEST. VIII. Differri ne correctio debet, ut tempore opportuno peragatur? RESP. Altera conditio qua comitari correctionem debet, est temporis opportunitas. Accelerari, vel differri correctio debet, prout expensis circumstantiis judicatur correctio hoc aut illo tempore magis profutura. Non liberamur a correctionis precepto, propterea quod ab aliis faciendam prævidemus. Quoniam preceptum omnes & singulos obstringit. Et mandavit illis, unicuique de proximo suo: Eccli. 17.

XX. QUEST. IX. Quis ordo in correctione servandus? RESP. Praescriptus hic ordo est cap. 19. Evangelista Matthæi: Si peccaverit in te frater tuus, vade, & corripe eum inter te & ipsum solum. Si te audierit, lucratus eris fratrem tuum. Si autem te non audierit, adhibe tecum adhuc unum, vel duos, ut in ore duorum, vel trium testimoniis sit omne verbum. Quod si non audierit eos, dic Ecclesie. Si autem Ecclesiam non audierit, sit tibi sicut ethnicus, & publicanus.

XXI. Tria servanda præcipiuntur. 1. ut secreto correctio fiat. 2. ut si inutilis sit correctio, testes adhibeantur. 3. ut superiori delictum deferatur, quando præfata duo non prosunt. Hic ordo non consilii, sed præcepti est, ut communiter Theologi cum S. Thoma 2. 2. q. 33. ar. 7. docent. Ostendit

enim Angelicus ordinem hunc esse legi naturæ consentaneum. Nam ordo iste primum salutem æternam, deinde famam proximi spectat. Servandus autem ordo est meliori modo. Non advocentur testes, si privata & secreta correctio prodest: si testis unus sufficiat, non advocentur duo. In ordine isto servando spectanda sunt criminum genera. Si peccatum publicum est, aut damnum proximo inferens, publice arguendum est, ut i. ad Timoth. 5. S. Paulus docet: Peccantem coram omnibus argue, ut & ceteri timorem habeant. Deferri etiam tunc ad superiorem deberet.

XXII. QUEST. X. Obligat ne servandi ordinis preceptum, cum existimat securius Prælatum correcturum fore delinquentem? RESP. Disputant in utramque partem Theologi. Non nulli deferendum ad superiorem ut patrem, crimen defendant, cum prævidetur melius ab eodem correctio facienda.

XXIII. Probabilior mihi sententia est servandum esse communiter ordinem hunc, quia preceptum ordinis servandi & naturale est, & divinum: & quia raro contingit, spectatis omnibus, melius fieri per Prælatum quam per privatam personam. Adversarii concedunt bene fieri per hominem privatum correctionem posse, ideoque ajunt, melius fieri per Prælatum. Peccator infamatur certe apud Prælatum, dum eidem crimen revelatur peccantis. Porro hæc diffamatio conturbat delinquentem, eumque ad fructum correctionis ineptum reddit. Si comparetur hæc major Prælati aptitudo cum turbatione corrigendi, hæc illam communiter superat. Efficacitas correctionis plurimum pendet a dispositione illius qui suscipere correctionem debet. Quis autem est qui non aveat corripi potius a fratre suo peccati conscientia, quam a Prælato, qui delictum ignorat? Duo gravamina subit corrigendum. Unum quod suum peccatum notum dumtaxat homini privato, manifestetur alteri. Secundum, quod hæc manifestatio fiat Prælati, cuius gratia communiter pluris sit quam multorum particularium. Ergo communiter desiderant homines corrigi potius a privatis fratribus quam a Prælatis. Ergo communiter aptiores sunt privati quam Prælati ut patres ad corrigendum, propterea quod efficacitas correctionis pendeat a majori dispositione correndorum: isti autem, ut dixi, libentius privatorum quam Prælatorum correctionem suscipiant. Quare Christus Dominus nus absolute, & absque limitatione ordinem hunc servandum præscripsit.

XXIV. Sententiam nostram luculenter S. Thomas 2. 2. qu. 33. art. 7. docet. *Dicendum, quod Prelato non est obediendum contra preceptum Domini, secundum illud Act. 5.* Obedire oportet Deo magis quam hominibus. Et ideo quando Prelatus precipit ut sibi dicatur, quod quis scirent corrigendum, intelligendum est preceptum sane, salvo ordine correctionis fraternali; sive preceptum fiat communiter ad omnes, sive ad aliquem specialiter. Sed si Prelatus expresse precipitet contra hunc ordinem a Domino institutum, & ipse peccaret precipientis, & ei obediens, quasi contra preceptum Domini agens. Unde non esset ei obediendum: quia Prelatus non est iudex occulorum, sed solus Deus. Unde non habet potestatem precipiendi aliquid super occulis, nisi in quantum per aliqua indica manifestantur, pura per infamiam, vel per aliquas suspicitiones: in quibus casibus potest Prelatus precipere eodem modo, sicut, & iudex secularis, vel ecclesiasticus potest exigere juramentum de veritate dicenda.

XXV. Si neque Prelato præcipienti delegationem criminis occulti, prætermisso secretæ correctionis ordine, obediendum est, iudice S. Thoma, qua ratione homo privatus sponte prætermittere hunc ordinem valet? Præceptum istius ordinis divinum est, idcirco nisi evidens & manifesta necessitas ostendat melius per Prelatum exequandam fore correctionem, semper servandus ordo est. Raro autem, immo rarissime melius sit per Prelatum correccio isthac ob rationes quas supra delibavi: ideo implendum præceptum est. Quod opponunt ex quodlib. 11. a. 13. S. Thomæ, nullius momenti est. Nam concedimus & nos admisso casu in quo Prelatus efficacius corrigeret quam privatus, prætermitti ordinem posse; sed repetimus hoc perraro contingere, privatosque homines facillime sibi illudere, & effingere hanc maiorem efficacitatem pro arbitrio.

XXVI. QUEST. xi. *Quæ peccata deferri ad superiorum neglecto correctionis ordine debent?* RESP. Peccata nota, & publica deferri ad Prelatum ut judicem debent. Peccata nota dicuntur aut notorietate juris, cum in tribunal delata sunt, aut notorietate facti, quando factum nempe contingit coram pluribus. Si peccatum patratum sit coram duobus aut tribus testibus, non potest dici publicum. Probari utique in judicio, & fieri publicum potest; sed antequam ad tribunal deferatur, publicum non est: ideo præmitti correccio debet, si spes adsit emendationis,

dummodo peccatum non sit in damnum tertii. Lucrandus enim frater est cum minori ejusdem detimento.

XXVII. Peccata publica deferenda ad judicem sunt, ut præcipit 1. ad Timoth. c. 5. S. Paulus: *Peccantem coram omnibus argue, ut ceteri timorem habeant.* Qui publice peccat, in bonum commune delinquit. Si tamen quis ex fortuito impetu publice peccaret, & probabilissima emendationis spes ad esset, tunc corrigendum secreto esset, sublatto scandalo. Tunc autem ex fortuito impetu peccare quis præsumitur, cum in publica existimatione est homo probus, & ex aliquo inopinato eventu labitur in aliquod peccatum, quod non vergit in damnum tertii, nec communitatis. Semper enim præ oculis habendum est præceptum ordinis a Christo præscripti.

XXVIII. Delicta hæresis, præditionis civitatis, & similia denuntianda sunt superiori ut iudici. Opposita opinio dainnata est ab Alex. VII. in hac thesi: *Quamvis tibi constet Petrum esse hæreticum, non teneris denuntiare, si probare non possis.* Quamvis crimen hæresis occultum sit, denuntiandum est iudici, non ut puniat delinquentem, sed ut caveat bono publico, ut 2. 2. qu. 33. art. 7. S. Thomas docet. *Quedam enim peccata occulta sunt quæ sunt in nocumentum proximorum vel corporale, vel spirituale; puta si aliquis occulce tradet quomodo civitas tradatur hostibus, vel si hereticus privatis homines a fide avertat.* Et quia ille qui in occulto peccat, non solum in se peccat, sed etiam in alios, oportet statim procedere ad denuntiationem, ut hujusmodi nocumentum impediatur. Accedit præceptum Alex. VII. qui in sua Bulla data an. 1660. cuius hoc est initium *Licet alias, jubet ut crimen hæresis tametsi occultæ deferatur ad sanctæ Inquisitionis Tribunal.* De hæresi itaque denuntianda superiori obligatione adest præceptum ecclesiasticum. De manifestando præditionis crimine nullum extat præceptum Ecclesiae. Quare si certa emendationis argumenta occurrerent, præmitti posset correccio secreta. Verum raro occurruunt emendationis argumenta solida eorum criminum quæ vergunt in damnum aut communitatis, aut in detrimentum tertii: idcirco peccata hæc deferri communiter ad superiorum debent, ut innocentes præserventur. Interdum satis est innocentes moneri ut ab infidiis sibi caveant, non manifestatio reo, quando circumstantia id permittunt.

XXIX. De culpis carnalibus, quæ committit a

ti a Religiosis queunt, Theologi disputant, num neglecto fraternæ correctionis ordine, deferri ejusmodi crimina ad superiorum debeant. Certa, & generalis regula designari nequit. Quando concipi probabilis emendationis spes valet, semper est observandum præceptum divinum. In causa ancipiendi standum pro præcepto est. Qui spiritu caritatis succensi obedi Christo, & proximi famam servare student, securiorem amplectuntur partem.

XXX. Vellem ego ut Christiani, & Religiosi animosiores essent in objurgandis peccatis publicis, in redarguenda modeste quidem, & reverenter superiorum illorum funesta indolentia, qui grassari crimina permitunt. In deferendis ad superiorum occultis fratrum culpis saepe æmulatio, invidentia, & occultum odium habere locum possunt. Raro vero peccatur in admonendis superioribus illis qui palam & coram omnibus regiminis officia implere negligunt. Ab hac enim correctione omnes humani respectus, & politica rationes abducunt: quoniam communiter subditi omnes aut sperare, aut timere aliquid a superioribus valent. Quomodo præsumi spiritus evangelicæ caritatis potest, si occulta privatorum crimina ad superiorum deferantur, superiorum vero publicæ dissimulationes, indolentia, & negligentia, unde innumera mala, ruina, & desolatio communitatibus profiscuntur, silentio teguntur?

DISSESSATIO IV.

De vitiis caritati oppositis, & presertim de scandalo.

CAPUT I.

Reconsentur primo propositiones damnatae; dein de qua laxè videntur.

I. Innocentius XI. damnavit sequentes theses.

13. Si cum debita moderatione facias, potes absque peccato mortali de vita aliquis tristari, vel de illius morte gaudere; illam ineffaci affectu petere, & desiderare, non quidem ex displicientia personæ, sed ob aliquod temporale emolumenatum.

14. Licitum est absoluto desiderio cupere mortem patris, non quidem ut malum patris, sed ut bonum cupientis, quia nimis ei obvenientia est pinguis hereditas.

51. Famulus qui submissis humeris scienter

adjuvat herum suum ascedere per fenestras ad suprandam virginem, & multoties eidem subservit defensando scalam, aperiendo janum, aut quid simile cooperando, non peccat mortaliter, si id faciat metu notabilis detrimenti, puta ne a domino male tractetur, ne torvis oculis aspiciatur, ne domo expellatur.

II. Coninchius credit ob nullum metum licere pingere idolum, vestem sacerdotalem facere ad petitionem infidelis.... At credo gravissimo metu excusari posse, si a te non expostulentur fieri in contemptum religionis, neque scandalum adsit te ista contemnere. Nam fabricatio idoli, & concubinæ pictura intrinsece mala non est, sed saepe honestari potest. „ Castropalau tract. 6. disp. 6. punct. 12. n. 7. pag. 424.

III. De sculptura, aut pictura idoli est dubium: & quidem ea est licta, quando nec quaritur, nec timetur idolatria; cum autem timetur, dico peccatum contra religionem qui eam præbet absque urgentissimo damno. Pobatur tum ex legge caritatis, tum quia omnis virtus obligat ut vitentur omnes occasions eam violenti. Si autem non possum ego non præbere idolum absque gravi damno proportionato, non pecco in eo dando. „ Hurtado de Mendoza in 2. 2. dif. 66. seq. 6. §. 181. apud Dianam coord. Tom. 7. tract. 5. ref. 64.

IV. P. Antoninus Diana Tom. 7. coord. ref. 9. num. 6. a scandali peccato liberat mulieres superfluum, maximumque adhibentes ornatum. „ Sed ego (inquit) puto non peccare, etiamsi eset superfluus, & maximus ornatus, dummodo sit secundum morem patriæ. „ Mos ergo patriæ prævalet Evangelio talem superfluitatem prohibenti?

V. Mulieres fucus, vultuum, atque caputum exquisitos ornatus medium habere naturam tum ab honestate, tum a malitia secretam, scribit Lessius lib. 4. de justit. cap. 4. dub. 14. n. 114. „ Denique pingere faciem, eique varios colores inducere non est per se malum, sed indifferens. „ At divinas Scripturæ clamant adversus ejusmodi ornamenta, & lenocinia. Respondet, „ Scripturae illæ vel continent exhortationem, cum nullum verbum præceptivum habeant.... vel certe propter ædificationem ethnicorum expediebat illo tempore præcipi. „ loc. cit. num. 114.

VII. Caramuel in sua Theologia præterintentionali Tom. 11. præcep. 6. qu. 8. cap. 2. cas. 2. sequentes scribit conclusiones. „ Primæ. Possunt famuli tuta conscientia mea retrici-

„ retrici, aut pellicis mensæ ministrare ci-
„ bos, non solum communes, sed & cali-
„ dos, & provocantes ad venerem condire,
„ & lectum privatum sternere . „ Nu. 297.
laudat pro sua opinione Azorium, & Dia-
nam, & addit: „ Consulto non solum cibos
„ communes dixi, quia scio esse omnino ma-
„ jorem difficultatem, si essent tales qui ex-
„ citarent venerem: tunc enim juxta ali-
„ quos Theologos deberent famuli a tali ser-
„ vicio desistere, ne in venerem illicitam
„ cooperarentur indirecte. At prudentiores
„ credimus, etiam tales cibos posse sine culpa
„ condiri. „ Licitum ergo venerem incitare?
cibos eam accendentes coquere? & pruden-
tior tamen haberi Caramuel vult hæc do-
cendo? Sed audi rationem quam affert. Ta-
les cibi possunt sine culpa comedи etiam a præ-
vidente pollutionem futuram, modo consensum
non prebere paratus sit: ergo poterunt cibi con-
diri, & ministrari. Hæc sufficiat indicasse,
ut detectentur.

„ Secunda. Possunt lectum domino, & a-
„ masiae sternere citra culpam venialem,
„ consono Azorio, & Diana allegat, .

„ Tertia. Non est peccatum mortale do-
„ mino & pellici, alias rem habituris, aut
„ lectum procurare hospitio, aut parare me-
„ liorem solito, aut floribus fulcire. „

„ Quarta. Non est peccatum conducere
„ pellicem in domum sui domini, tametsi
„ eam peccaturam prævideas. „

VIII. P. Thomas Tamburinus lib. v. in
Decal. cap. 1. §. 4. „ An si amicus meus ve-
lit ut ego feram munuscula, & similja, tur-
pis scilicet amoris incitamenta, quæ ipse
mittit ad suam concubinam, possim ego si-
ne peccato deferre? Responso fuit absolute
negativa: quia ex una parte hæc actio, li-
cet alias insiferens, est conjuncta cum pec-
cato amici, ejusque concubinæ; & ex alia
parte non adest causa excusans, ducta ex fa-
miliatu (hoc enim famulis concedit) vel alio
detrimento, ut supponimus. Nec enim, si
adest quidam modicus rubor, videtur esse re-
gulariter tanti momenti, ut satis excusat. Fa-
teor tamen, si tibi magni esset ejusmodi ami-
citia, ac vere timeres eam amittere, excusari
te posse: quia tum notabilis detimento justus
metus accedit. „

Idem num. 30. „ Qui ex officio lectoris
humoris portant, vel rhedas agunt, possunt
ne liceat pretio conducedi puellam ad lasci-
vum adolescentem adducere? Resp. Ajo non
posse. Id nec excusat ratio famulatus: hi
enim famuli, seu subditi non sunt: nec

„ amissio lucri, quia hoc est satis exiguum,
„ Habeo tamen unum apud Navarrum, ex quo
„ aliquid benignius colligi probabilitè poteſt.
„ Ex his, inquit ille, videtur colligi ratio
„ defendendi multos a peccato, saltem mor-
„ tifero; modo, ut in casu proposito, non
„ placeat eis peccatum, & faciant obsequia
„ prædicta ob aliquem bonum finem, puta
„ eo quod exhibeant ea quæ sunt officiū sui,
„ vel ob justam mercedem. Licet enim hæc
„ officia, & obsequia sint valde conjuncta
„ cum peccato; non tamen sunt secundum
„ se, & suæ natura peccata: & ideo se-
„ jungi possunt a peccato per finem diver-
„ sum, & sejunctum. Hæc ille. „ Nota il-
lud, officiū, vel ob mercedem.

IX. P. Antoninus Diana Tom. 7. cord.
trah. 5. resol. 48. „ An ex aliqua justa causa
„ licitum sit commodare cubiculum alicui
„ petenti ad fornicandum; vel locare do-
„ mum meretrici, etiamsi ob loci circum-
„ stantiam aliquis peccatum admitteret; vel
„ si meretrix domum illam conducens plu-
„ rimum feminis honestis vicinis noceret?
„ De hoc casu olim interrogatus fui: nam
„ quidam vir nobilissimus instanter ab ami-
„ co domum ejus ad meretricandum pete-
„ bat. At si hoc illi denegasset, in gravissi-
„ sum damnum incidebat. Consuluit an
„ peccaret hoc faciendo. Et respondi nega-
„ tive: quia absque detrimento proprio pro-
„ portionato hoc denegare minime poterat:
„ & commodare cubiculum ex objecto non
„ est intrinsece malum, sed indifferens; &
„ ex sola prava abutentis intentione ad ma-
„ lum ordinatur. Ergo &c. Et ita hanc sen-
„ tentiam docet in terminis novissime Me-
„ rolla. „

„ Hinc a fortiori insertur contra Navar-
„ rum cap. 17. licitum esse, ex justa tamen
„ causa, locare domum meretrici; etiamsi
„ ob loci circumstantiam aliquis peccatum
„ admitteret, quod minime perpetraret, eo
„ loco sibi non concessu; ut ratione situs &c.
„ vel si meretrix domum illam conducens,
„ plurimum feminis honestis vicinis noceret. „
Idem Diana resol. 50. „ An sit licitum do-
„ nare judicis concubinæ, ut intercedat apud
„ illum, quia ipsa pergeret ad colloquen-
„ dum judicem, & est mortale ratione scan-
„ dali, cum exponat se vehementissimo pe-
„ riculo peccandi? Negative respondet no-
„ viissime Sanchez..... sed ego non minus
„ probabilem affirmativam sententiam esse exi-
„ stimo, si negotium grave sit, videatque ju-
„ dicem non tibi esse propitium, spes au-

„ tem intercessione concubinæ gratum fore ;
 „ neque alia via appareat , qua possis il-
 „ lum ad servandum tuum jus inflectere :
 „ quia non petis aliquid quod ipsa licite præ-
 „ stare non possit . Nam licet illa interces-
 „ sione judex , vel concubina foveant amo-
 „ rem turpem , hoc tu non intendis , neque
 „ ullius nocimenti es causa . Hæc omnia
 „ docet Castropalaus T. i. tract. 6. punt. 15.
 „ num. 2. „

Idem resol. 42. „ Adduxi Franciscum Me-
 „ rolam in disp. theolog. moral. Tom. i. di-
 „ sp. 2. ubi sic ait . Ex his colligitur , quid
 „ dicendum sit de aurigis deferentibus mere-
 „ tricem ab uno loco ad alium , quem scient
 „ illam illuc petere ad peccandum . Hi enim
 „ regulariter excusantur a peccato : quia ad-
 „ est causa non amittendi lucrum quod ex eo
 „ ministerio comparant . Ita ille , & ego . „
 X. P. Patritius Sporerius tract. 5. in 5. præ-
 cept. Decal. cap. 1. sect. 3. num. 92. „ Peccant
 „ sine dubio mortaliter regulariter loquendo
 „ pictores pingentes valde turpia , & obsec-
 „ na : & multo magis histriones ejusmodi
 „ valde turpia representantes..... Dico au-
 „ tem regulariter loquendo : nam in casu ra-
 „ ro , si tanta esset pictoris , vel histrionis
 „ necessitas , ut eo lucro indigeret ad victimum ,
 „ vestitum , vel ejusmodi quid necessarium ,
 „ semel aut iterum licere , donec alia victimus
 „ ratio occurrat , permittunt aliqui DD. cum
 „ Tamburino , dummodo absit periculum mor-
 „ tale impuræ delectationis venere . „ Hæc
 opinio est plusquam laxa , ut suo loco dice-
 tur . Secundum enim istos Theologos regula-
 riter loquendo scandalum valde turpe , & ob-
 scenum non est licitum . Ceterum si vietus ,
 aut vestitus , vel quid ejusmodi urgeat , tum
 scandalum valde turpe honestum erit , donec
 alia victimus ratio occurrat .

C A P U T II.

*Quid sit odium Dei , & proximi . De
 discordia , contentione , schisma-
 te , & seditione .*

I. **O**dium Dei duplex : alterum quod in
 omni peccato includitur ; alterum pec-
 culiare , quod describitur *aversio a Deo* , qua-
 voluntas Deum detestatur , prout peccata pro-
 habet , pœnasque infligit . Hoc Dei odium o-
 minum scelerum gravissimum est , cum oppo-
 natur præstantissimæ caritatis virtuti secun-

dum primarium ejusdem actum , nempe di-
 lectionis divinæ . Suo genere mortale est , nec
 parvitatem materiæ excipit , sed solum ve-
 niale evadere potest ex imperfecta delibera-
 tione .

II. Odium proximi est expressa malevo-
 lenta , qna illi malum optamus . Est gene-
 re suo mortiferum : fieri tamen veniale po-
 test tum materia parvitate , tum imperfecta
 deliberatione ; ut si leve malum proximo
 optas , aut si imperfecta deliberatione illud
 eidem cupias .

III. Licitum est abominari peccatorem
 ut peccatorem , juxta illud Prov. 29. *Ab-
 minantur justi virum impium* . Tunc enim
 odio habetur peccatum , non homo . Nun-
 quam enim licet optare malum homini ,
 quatenus ejus malum est , neque affectu inef-
 ficaci : neque licet de ejusdem bono tristari ,
 vel de malo illius gaudere , ut patet ex re-
 censita capite superiori thesi proscripta ab
 Innoc. XI.

IV. Quamvis nunquam licitum sit vel cu-
 pere , vel latari de proximi male , licet ta-
 men affectu inefficaci aliquod malum tempo-
 rale alteri optare , & de illo gaudere , qua-
 tenus malum hoc temporale conductit ad ejus-
 dem bonum spirituale , puta ut a peccato ,
 desistat , ut ad meliorem frugem revocetur -
 ut in 3. dist. 30. a. 1. ad 4. S. Thomas do-
 cet . *Quia caritas ordinem habet , & plus de-
 bet diligere quisque se quam alium , & pro-
 pinquos quam extraneos , & amicos quam ini-
 micos , & bonum commune multorum quam
 bonum privatum unius ; potest aliquis salva
 caritate optare malum temporale alicui , &
 gaudere , si contingat , non in quantum est ma-
 lum illius , sed in quantum est impedimentum
 malorum alterius quem tenetur diligere ,
 vel communitatis , aut Ecclesie . Similiter de
 malo temporali eis , secundum quod per ma-
 lum pœnae impeditur frequenter malum cul-
 pæ . Heinc licitum est optare victoriam in
 bello justo , excidium Turcarum ob com-
 mune bonum Ecclesie , vel Principatus : li-
 cet optare malefactori pœnam infligendam
 a judice , ut desistat ab infligendo malo
 communitati , vel proximo . Summa tamen
 vigilantia opus est in ejusmodi desideriis ,
 quantumvis inefficacibus , ne sub communi-
 nis boni specie latitat vindictæ privatae cu-
 pido . Similiter nunquam licet optare sibi ,
 aut aliis minus malum ad declinandum ma-
 jus . Quamobrem graviter peccant qui sibi
 mortem deliberate cupiunt ad evitandas alias
 molestias .*

V. QUÆST. I. *Est ne peccatum proximo male dicere?* RESP. Qui deliberato animo grave malum proximo imprecatur peccat mortaliter. Mulierculæ, vilesque homines frequenter in has erumpunt imprecations, & ut se excusent, iræ impetum allegant, quasi ira peccatum non esset. Quod interdum prævenire ira rationem queat, verum habet; verum frequenter ex prava consuetudine, & ex gravi negligientia cohibendi iram prorumpunt feminæ, & homines in ejusmodi maledicta. Sæpe dicunt, defervescente ira, sibi displicere quod talia maledicta intosserint; sed hoc non est indicium ipsos non peccasse: Quoniam effusa ira mens deprehendit malum quod patravit, ideo tunc displicet. Parochi ergo, & Confessarii instruant ejusmodi homines, illisque ostendant necessitatem frenandi efferatam iræ belluam: quoniam eorum frequentia maledicta manant ex prava consuetudine irascendi; Hæc autem iniqua assuefactio eosdem non excusat, sed accusat. Ut deprehendere Confessarii queant graviter ne, an leviter deliquerint, expendant omnes circumstantias, animi deliberationem, scandalum, mali optati gravitatem, & cetera ejusmodi.

IV. QUÆST. II. *Quid sit discordia?* RESP. Est dissensio voluntatum a bono divino, & proximi, in quo convenire debent. Opponitur concordia, quæ corda, & voluntates unit. Genere suo peccatum mortale est. Deus enim Prov. 6. detestatur eum qui seminat inter fratres discordias. Requiritur tamen ut quis scienter dissentiat a bono Dei, vel proximi, ut 2. 2. q. 37. a. 1. docet S. Thomas. Quare discordia non est quando unus existimat fide bona hoc ad Dei honorem, & proximi utilitatem attinere, & alius fecus judicat. Hoc enim contingit frequenter inter ipsos sanctiores viros.

VII. QUÆST. III. *Quid sit contentio?* RESP. Est verborum altercatio ad impugnandam veritatem; seu est impugnatio veritatis cum confidentia clamoris, ut inquit 2. 2. q. 38. a. 1. Angelicus, ubi opportune ait: *Si autem contentio dicitur impugnatio falsitatis cum debito modo acrimonie, sic contentio est laudabilis.* Acrimonia nunquam in personas, sed in solos errores debita parsimonia effundenda est. Acrimonia hæc est veluti obsonium, quod magna prudentia, & moderatione adhibendum est, praesertim in vocalibus disputationibus. Quando enim homines mutuus disputant verbis, si immoderato vocum clamore persistreant, si se salibus mutuo perfici-

caut, facile in criminosam contentionem debuit disputatio, quia personæ præsentes sunt. Dum autem scripto errores reselluntur, sæpe autores errorum aut defuncti, aut absentes sunt; idcirco contentionis culpabilis periculum non est. Heinc est quod mitissimi Patres, ut Augustinus, Bernardus, aliquæ, filio salibus asperso sæpe usi sunt. Tædet quippe lectorem frigidæ lectionis: ejusdem contra palatum acut scriptum acrimoniæ moderata pere delibatum.

VIII; QUÆST. IV. *Quod sit schisma?* RESP. Est deliberata ab unitate Ecclesiæ separatio. Separatur autem quis ab Ecclesia, dum aut communicare cum ejusdem membris, aut debitam præstare obedientiam Romano Pontifici illius visibili capiti refugit. Non omnis inobediens est schismaticus, quia deesse potest pertinacia. Omnis autem schismaticus est inobediens: sicut omnis hæreticus est schismaticus, non autem contra. Vix tamen in praxi hæc duo crimina, schisma, & hæresis, se junguntur, ut 2. 2. q. 39. a. 1. ad 3. S. Thomas docet.

IX. QUÆST. V. *Quid sit sedatio?* RESP. Est bellum aggressivum unius partis Reipublicæ contra aliam partem, vel contra proprium Principem. Peccatum mortale ex genere suo est, quia adversatur graviter paci, & unitati, atque communi bono. De bello & duello agam in explicatione quinti præcepti.

C A P U T III.

De Scandalo.

I. QUÆST. I. *Quid, & quotplex sit scandalum?* RESP. Est dictum, vel factum minus rectum præbens occasionem ruina spiritualis. Sub nomine dicti, vel facti omissione quoque comprehenditur. Gravissima quippe scandalum ingerunt qui in re gravi negligunt partes explere suas. Quæ heinc jacturæ, & spiritualis ruinæ, incredibilis, & irreparabiles! Dicitur minus rectum, ut intelligamus non modo malum, verum etiam speciem mali scandalum parere posse. Præbens occasionem ruine. Non requiritur ut ruina re ipsa sequatur, sed sat est occasionem præberi spiritualis ruinæ, sive sequatur, sive non.

II. Scandalum duplex, activum, & passivum. Activum est illud quod descripsi, quodque committi tripliciter potest. 1. Directe & formaliter, cum quis expresse spirituali proximi ruinam intendit, hocque dæmonum scandalum appellatur. 2. Directe, sed non for-

ma-

maliter, dum quis alium ad peccandum inducit, non quod malitiam intendat, sed suam explore volens appetitionem. 3. Indirecte, quando prævidetur, aut prævideri potest ex tali occasione proximum accepturum occasionem ruinæ spiritualis.

III. Scandalum passivum est ipsa ruina spiritualis illius qui scandalum patitur, accepta occasione ex dicto, vel facto alterius. Scandalum passivum cum activo sære conjungitur, ut cum quis dat, alter accipit peccandi occasionem. Interdum activum sine passivo est, ut cum quis præbet occasionem peccandi, alter vero tali occasione contempta, constans in virtute persistit. Scandalum passivum sine activo est, quando quis ex occasione innocentis ansam peccandi arripit, vel ex ignorantia, & infirmitate, & vocatur scandalum pusillorum; vel ex malitia, & dicitur scandalum pharisaicum.

IV. Ad scandalum in dicto situm revocantur cantilenæ, impudica colloquia verborum lenociniis, metaphoris, & allegoriis valde significantibus testa, verba contumeliosa, irridentia, seu quocumque modo injuste irritantia: item libri obscenæ, vulgo Romanzi, Poetæ impudici, & similes, qui hodiecum vel ipsarum muliercularum manibus teruntur. Pictura lascivæ, & innumeræ alia facta que proximo occasionem præbent spiritualis ruinæ, ad facti scandalum revocantur. Non requiritur ut peccans expressam intentionem habeat inducendi proximum ad peccandum; sed sat est ut actionem ponat, aut dictum proferat quod suapte natura ad peccandum iudicat. Hoc autem scandalum indirectum, & interpretativum nuncupatur.

V. QUÆST. II. Utrum scandalum sit speciale peccatum? RESP. Adfirmant omnes esse peccatum peculiare distinctum ab ipso opere malo, & oppositum caritati. Quare in confessione exprimenda est hæc duplex malitia, altera contra caritatem, altera contra virtutem cui opponitur factum, aut dictum pravum quod scandalum generat. Idque ex Scriptura sancta patet. *Væ mundo a scandalis: necesse est enim ut veniant scandalæ; verum tamen ne humani illi per quem scandalum venit.* Qui autem scandalizaverit unum de pusillis istis qui in me credunt, expedit ei ut suspendatur mola asinaria in collo ejus, & demergatur in profundum maris. Matth. 18. Illa particula *væ* enormem scandalii malitiam præfert. In altera particula, *væ mundo a scandalis*, Evangelista scandalorum multitudinem indicat. Maxima quippe Christiano-

rum pars scandalorum causa damnatur. Mutuo se se homines, non secus ac leprosi, malitia inficiunt, & ad peccandum alliciunt. Quoquoversum grassatur, & ubique serpit scandalorum contagium. Blasphemiarum, & juramentorum clamoritate terra resonat, & æther. Impudicitæ virus verbis, vestitu, fastigio se effundit in oculos, in aures, ac intimos pervadit sensus. Inundant quoquoversum simoniæ, calumniarum, detractionum, oppressionum sceleræ, & sanæ doctrinæ persecutions, atque laxarum opinionum sensibus lenocinantium lues.

VI. QUÆST. III. Quam grave sit declinandi scandali debitum? RESP. Gravissimam obligationem, sumمامque vigiliam adhibendam in scandalio vitando exprimit Christus Dominus Matth. cap. 5. his verbis: *Si oculus tuus dexter scandalizat te, erue eum, & projice abs te: & rursus Marc. 9. subdit: Si scandalizaverit te manus tua, abscede illum. Bosum est tibi debilem introire in vitam quam duas manus habentem ire in gehennam.* Quid fortius, quid vehementius proferri a Christo poterat, ut exprimatur gravissimum vitandi scandali debitum? Heinc collige quam adversentur doctrinæ Christi opiniones quorundam qui variis distinctiunculis, & inepitis commentis scandali remoti, & proximi frequenter Christianos fovent & obfirmant in peccandi occasionibus.

VII. QUÆST. IV. Reticenda ne est veritas vita, ut scandalum vitetur? RESP. Triplicem veritatem distinguit Angelicus 2. 2. qu. 43. art. 7. ad 3. vitæ, doctrinæ, & justitiæ. In veritate vita, doctrina, & justitia non solum comprehenditur id quod est de necessitate salutis, sed etiam id per quod perfectius pervenitur ad salutem. De his tribus sermo erit: nunc vitæ veritas explicatur, quæ sita est in humanarum actionum ad Christi vitam, sicutque divinam legem conformitatem. Hac divina lex altera adfirmans, altera negans est. Numquam violare licet præceptum juris naturalis negativi propter scandalum vitandum. Præceptum juris adfirmantis dimitti interdum potest ob scandalum vitandum. Hac ratione omittitur præceptum correctionis fraternalis, cum prævidetur, fratrem pejorem evasurum fore, quia tunc præceptum non urget. Nunquam omittenda sunt opera bona ob scandalum pharisaicum. Opera necessaria omnino ad salutem nunquam negligi queunt ob quocumque scandalum etiam pusillorum. Opera vero bona sine quibus sequi æternam salutem possimus, occultari, vel

vel differri interdum possunt, & debent, ut scandalum pusillorum vitetur, donec isti instruantur.

VIII. QUÆST. v. Est ne doctrinæ veritas reticenda, ut scandalum vitetur? RESP. Doctrinæ veritas aut voce, aut scripto prædicanda est, præsertim cum ex opinionum falsitate detrimentum imminet morum integritati. Præceptum confitendæ veritatis, & spiritualis eleemosynæ tunc urget. Quare graviter peccant Concionatores, Theologi, & Confessarii, qui vel vano timore correpti, vel captandæ popularis auræ spe allecti, vel ob mundi favorem consequendum, evangelicæ doctrinæ veritatem aut occultant, aut pigmentis, & lenociniis noxiæ benignitatis eamdem tempori & genio accommodant. In hos Christus invehitur: *Qui me erubuerit, & meos sermones, hunc Filius hominis erubescet, cum venerit in maiestate sua.* Luc. c. 9. Non inficior prudentia opus esse, & dexteritate, atque interdum differenda, aut prætermittenda quædam ob varias circumstantias, dummodo id fiat caritate impellente; non cupiditate seducente.

IX. QUÆST. vi. Dimitienda ne est iustitiae veritas propter scandalum vitandum? RESP. Iustitia veritas eas humanas actiones dirigit quæ proximum nostrum spectant, & quæ iura cuique sua reddunt. Prælati, superiores non raro altioris gradus, & dignitatis delinquentes corrigeri negligunt ob futuri mali, & scandali timorem. Sed plerumque scandalum ipsum commentitium est. Frequenter populi scandalum gravissimum patiuntur, quod videant minutos delinquentes vel ob levia crimina sevère plexos, & contra graviorum scelerum fontes impunitos & indemnes a quacumque poena, quia sunt alicuius gradus, & dignitatis.

X. QUÆST. vii. Sunt ne temporalia propter scandalum dimitienda? RESP. Vel sermo est de bonis alienis custodiæ nostræ commissis, aut de bonis propriis, ut sapienter 2. 2. q. 43. ar. 8. Angelicus docet, resolvitque, bona aliena quorum nos custodes sumus, vel administratores, non esse propter scandalum dimitienda. Contra bona quorum nos domini sumus, sunt interdum propter scandalum pusillorum vitandum negligenda, aut alia via scandalum auferendum.

XI. QUÆST. viii. Opera spiritualia sunt ne propter scandalum aut occultanda, aut differenda? RESP. Opera quæ omnino ad salutem sunt necessaria, nunquam ob quodcumque scandalum sunt omittenda. Opera vero

confilii, ut pusillorum scandalum vitetur, occultari interdum, & differri debent, nisi tamen inde majora sequantur mala. Quamobrem dum evangelica doctrina prædictio multorum saluti necessaria est, dissimulari, vel negligi licet nequit, etiamsi inde aliqui pusilli scandalum patientur. Scandalum autem pharisaicum contemnendum est.

XII. QUÆST. ix. Quid de scando Naaman Syri dicendum? RESP. Fusco calamo quæstionem hanc tractavi Tom. 2. in Decal. Diff. 9. cap. 7. Paucis nunc illam perstringo. Textus sanctus hic est: *Non enim faciet ultra servus tuus holocaustum, aut victimam diis alienis.* Hoc autem solum est de quo deprecari Dominum pro servo tuo, quando ingredietur dominus meus templum Remon, & illo invitente super manum meam, si adoravero in templo, adorante eo in eodem loco, ut ignorat mibi Dominus servo tuo pro hac re. Qui dicit ei: *Vade in pace.* Naaman spondet se nunquam in posterum sacrificaturum, diis alienis. Verum quia adhuc erat regiae addictus servituti, verebatur ne comitari Regem templum ingredientem deberet, illi ante idolum procumbenti manum porrigit, & cum illo procumbere, sicut antea solebat. Hoc factum timebat; ignorabat tamen, num id evenire deberet. Quemadmodum qui in occasione proxima necessaria versantur, timent futurum lapsum, licet vere contriti sint. Neque enim dixit Naaman *cum adoravero, sed si adoravero.* Cum Eliseus suum profelytum scrupulis, & angoribus agitatum spectaret, respondit: *Vade in pace;* ac si dixisset: *Macte animo: nil tale eveniet.* Esto robustus. Deus in cuius potestate sunt Regum corda, non permittet ut Regi procumbenti ante idolum inservias. Confide in Domino, *vade in pace.* Sic nos ipsi solari, & animare poenitentes ab aliqua consuetudine prava conversos, & verentes relapsum ad aspectum amasæ, vel alterius occasionis occursum, solemus. *Nolite timere: in Domino confidite, ipse qui incepit, perficiet opus suum.*

XIII. QUÆST. x. Licitum ne est idola, & thus etnicis vendere, fana, & synagogas construere, & cetera ejusmodi, quoram malus previdetur usus? RESP. Adfiant plures, posse artificem gravissimo metu perculsum infideli petenti idolum construere. Hæc opinio falsa est. Constructio idoli, & edificatio synagogæ, aut fani, opera sunt natura sua mala spectatis omnibus circumstantiis, cum nullum alium usum præter cultum super

perstitione pollutum habeant. Nullo itaque metu etiam amittendæ vitæ purgari a crimen valent. Similiter vetita est venditio idoli illi qui non ad domus ornatum, sed idolatriæ excercenda causa illud emit. Peccant similiter qui ethnici thus, Judæis agnum vendunt, dum certo, aut probabilitate prævidetur ejusmodi merces in superstitionis usum adhibendas fore. Quæ hac de re docent plures, adversantur omnium antiquorum Patrum doctrinæ.

XIV. QUEST. XI. Graviter ne peccant Christiani qui in Turcam vires remigant adversus Christianos? RESP. Disputant in utramque partem Theologi. Adfirmantem sententiam probabiliorem judico, vero in sensu explicatam. Distinguenda sunt diversa remigandi tempora. Primum cum explotatum captivis Christianis est in pugna committenda victores Christianos futuros adversus Turcas. Secundum cum bellum est injustum, imminetque Christianis libertatis, bonorum, ac vitæ jaæta. Tertium cum Christianis imminet dumtaxat bonorum externorum jaæta, remigibus vero captivis vitæ amissio, aut membrorum mutilatio. In primo, & tertio casu licite remigare captivos Christianos posse adfirmant omnes. De secundo casu Theologi disputant: & sententia quæ gravis culpa reos captivos remigantes adversus innocentibus Christianos damnat, mihi probabilior est. Quoniam nullo jure permisum est suppetias ferre alteri adversus innocentibus, quos ledere crimen est. Peccant autem Turcas bello injusto Christianos occidentes: peccant ergo & Christiani auxilium Turcicis præbentes in hac injusta actione. Nec video qua ratione opposita opinio non contineatur in damnatione Innocentii XI. Si nequeunt famuli heros suos cymbæ pergentes ad constuprandas virginis adjuvare remigando, aut ascendentis per fenestras ad forniciandum, ad occidendum scalam tenere, vel humeris eos sustinere: qua ratione possunt captivi Christiani sua remigratione Turcarum classem impellere ad Christianorum perniciem? Remigatio indifferens est absolute speclata, sicut tenere scalam, & humeris alium sustinere; at spectatis circumstantiis noxia est, ut innumeris patet exemplis.

XV. QUEST. XII. Licitum ne est pecunias mutuo accipere a feneratore parato ad fenera? RESP. Respondet 2. 2. q. 78. ar. 4. S. Thomas his verbis. Inducere hominem ad peccandum nullo modo licet; uti tamen peccato alterius ad bonum, licitum est: quia & Deus

Tom. I.

utitur omnibus peccatis ad aliquod bonum, ut dicitur in Enchiridio cap. xi. Et ideo Augustinus Publicola querenti, utrum liceret uti juramento ejus qui per falsos deos jurat.... responderet, quod qui utitur fide illius qui per falsos deos jurat, non ad malum, sed ad bonum, non peccato illius se sociat, quo per dæmonia juravit, sed pacto ejus bono, quo fidem servavit. Si tamen eum induceret ad jurandum per falsos deos, peccaret. Ita etiam in proposito dicendum est, quod nullo modo licet inducere aliquem ad mutandum sub usiris; licet tamen ab eo qui hoc paratus est facere, & usuras exercere, mutuum accipere sub usiris, propter aliquod bonum, quod est subventio sue necessitatis, vel alterius. Homo necessitate pressus rem bonam, nempe mutuum petit: quod is nolit absque fenere exercere sua culpa est, quæ in eo sifit quæcumque actionem exteriorem accipientis non inficit. Remigatio a captivis Christianis peracta adversus innocentibus Christianos noxia est, quia spectat objectum exterius malum, nempe insontium Christianorum ruinam: ascensus per fenestras ad stuprandam virginem malus est, quia objectum pravum est. Mutuatio autem pecunie objectum bonum respicit, nempe indigentis proximi levamen. Heinc sublata necessitate, petere pecuniam etiam a feneratore parato, peccatum est, ut probabilius sententia docet. Urgente, contra, gravi necessitate, licitum est mutuum petere a quocumque etiam non parato ad fenera exerceenda, tametsi pecuniam is credere nolit absque usura.

XVI. Mercator nequit pecunias fenebres petere ad augendam, amplificandamque negotiationem; licite vero easdem petere vallet, premente necessitate gravi, a qua sublevetur, ut se & familiam suam sustentet. Neque licet deponere pecunias apud feneratorem, dum deponens prævidet eumdem illas pecunias distracturum fore ad fenerandum mutatione usuraria. Similiter non licet vinum dare tabernario, dum certo prævidetur quod illud vendituras sit aqua mixtum. Si vinum alteri vendere nequeas sine gravi incommmodo, te posse illud vendere præfato tabernario, docet Sanchez, & Castropalans. At in praxi vix occurrit ut vendor nequeat impedire ejusmodi injustas venditiones: quia tales tabernarios judici, vel communiat manifistare potest. Ceterum si urgente necessitate pressus non posses aliis vinum vendere, tunc jure tuo uti posses, & permettere venditiones injustas.

XVII. QUEST. XIII. Licitum ne est suadere illi qui certo peccaturus est, levius, ut ormittat

mittat gravius crimen? RESP. Negat probabilior, & mihi vera sententia: quoniam nunquam licet consulere malum, quantumvis minimum. Rogari delinquens potest, ut deficat a gravi scelere, permittendo minus, & leve; at hoc suaderi nullo modo potest. Quare non licet suadere parato ad furandum pauperi, ut furto surripiat pecuniam a divite, quidquid in oppositum dicant Molina, & Sanchez, ob rationem datam: quia nunquam permisum est consulere malum. Fursum autem divitis malum est, licet gravius sit furtum factum pauperi.

XVIII. QUEST. XIV. *Licitum ne est invitare ad coenam eum qui solvere jejunium paratus est?* RESP. Negat communis sententia, quia invitatur ad actionem que attenta legge prohibente, & spectatis circumstantiis nequit a malitia separari. Peccatum autem est quempiam invitare ad actionem que omnibus inspectis objective noxia est. Quare nec famuli dominis, nec caupones hospitibus carnes ministrare licite possunt jejuni tempore, nec bene prans subministrare coenam valent, dum sciunt non esse aut dispensatione, aut necessitate exemptos a jejunio. In dubio favendum reo est, & presumendum legitime dispensatos esse.

XIX. Caupones excusantur vinum vendentes militibus ad ebrietatem abutentibus, cum denegare nequeunt sine vel vita vel bonorum jactura: qui non tenentur cum tanto discrimine impedire peccata aliena. Hoc gravi periculo sublato, nequeunt caupones vinum vendere illis quos inebriando praevident. Frequenter peccant venditores isti, quoniam lucri causa vibum distrahere cupiunt. Parochus peccatori occulto publice petenti Eucharistiam subministrare tenetur, ut scandalum publicum evitetur.

C A P U T IV.

De vano mulierum ornatu.

I. **G** Ravissimam quæstionem discutiendam aggredior, cuius notitia apprime Confessariis & Concionatoribus necessaria est. Paucis quoad fieri potest eam perficiam.

II. QUEST. I. *Ornare ne mulieres se licite valent?* RESP. S. Paulus 1. ad Tim. 2. inquit: *Mulieres in habitu ornato, cum reverentia, & sobrietate ornantes se.* S. Thomas 2. 2. q. 169. ar. 2. ad 4. perspicue hac de re differit. *Mulieres licite se possunt ornare, vel ut conservent decentiam sui status,*

vel aliquid superaddere, ut placeant viris. Indumenta instituta sunt non modo ad verenda tegenda, naturamque conservandam, tandemque a frigore, & astu, sed etiam ad gradus distinguendos, & sexus. Quare viri nobiles, & magistratus cultioribus præ aliis utuntur vestibus. Mulieres quoque nobiliores elegantius quam plebejæ ornare se licite valent, vel ut maritis placeant, vel ut nuptias ineant.

III. QUEST. II. *Immoderatus mulierum ornatus improbatur ne a Scriptura sancta?* RESP. Vehementes & acerrimæ sunt Propretarum declamationes adversus superfluum, & inverecundum mulierum ornatum. Isaías cap. 3. hæc habet: *Et dixit Dominus: Pro eo quod elevata sunt filia Sion, & ambulaverunt extento collo, & nutibus oculorum ibant, & plaudebant, ambulabant pedibus suis, & composito gradu incedebant; decalvabit Dominus verticem filiarum Sion, & Dominus crinem earum nudabit.* In die illa auferet Dominus ornamentum calceamentorum, & lunulas, & torques, & monilia, & armillas, & mitras, & discriminalia, & periscelidas, & murenulas, & olfactoriola, & inaures, & anulos, & gemmas in fronte pendentes, & mutatoria, & paliola, & linteamina, & acus, & specula, & sindones, & vittas, & theristra. Et erit pro suavi odore fator, & pro zona fusiculos, & pro cristante crine calvitudin, & pro fascia pectorali cilicium.

IV. S. Petrus cap. 3. his verbis muliebrem ornatum coerct. Quarum non sit extinscus capillatura, aut circumdatio auri, aut induimenti vestimentorum vultus. S. Paulus 1. ad Tim. 2. inquit: *Non in tortis crinibus, aut auro, aut margaritis, vel ueste pretiosa, sed quod decet mulieres promittentes pietatem.* Plurima alia Scripturarum oracula contra vanas mulierum pompas prætereo.

V. QUEST. III. SS. Patres detestantur ne mulieres pompas? RESP. Integros libros ediderunt Tertullianus, Cyprianus, Chrysostomus, Augustinus, Hieronymus, ceterique Patres contra mulierum ornamenta. Numquid SS. Patres adeo vehementer investi essent in mulieres pompas, nisi criminosæ istæ essent? Tertullianus lib. de cult. fem. cap. 11. inquit: *Propter ipsum etiam conventum, & mutuum videre, ac videri pompe in publicum profervuntur, ut aut luxuria negotietur, aut gloria insolecat.* S. Cyprianus lib. de discipl. & hab. virg. clamat: *Si te sumptuosius ornas, & per publicum notabiliter inceas, oculos in te juventutis illicias, suspitia adolescentum post*

post te trahas, concupiscendi libidinem nutrias, suspirandi fomenta succendas, ut, et si ipsa non pereas, alios tamen perdas, & velut gladium te, & venenum videntibus prohebas, excusari non potes, quasi mente casta sis, & pudica. Brevitatis gratia mitto aliorum Patrum testimonia.

VI. QUEST. IV. Peccant ne mulieres fuis, & stibio vultum adulterantes? RESP. Adfirmant omnes. Tertullianus loc. cit. cap. 5. acriter invehitur aduersus tantam corruptelam. In illum etiam delinquent, quod cutem medicaminibus ungunt, genas rubore maculant, oculos fuligine colliniunt. Dispicet illis nimirum plastica Dei. In ipsis redargunt, & reprehendunt artificem omnium. Reprehendunt enim cum emendant, cum adjiciunt, utique ab adversario artifice sumentes additamenta ista, idest diabolo Video quasdam & capillum croco vertere. Pudet eas etiam nationis suae, quod non Germanæ, aut Gable sint procreato: ita patriam capillo transerunt. Etiam Tertulliani tempore mulieres Gallæ ceteras luxu, vanitate, fuis, stibiis, & cœrussa praebant.

VII. Cyprianus lib. de hab. virg. similia habet. Dicit Deus: Faciamus hominem ad imaginem, & similitudinem nostram. Et audet quisquam mutare, & convertere quod Deus fecit? Manus Deo inferunt, quando id quod ille formavit, reformare, & transfigurare contendunt, nescientes quod opus Dei est omne quod nascitur; diaboli quodcumque mutatur.

VIII. Missis Ambrosii, Hieronymi, Augustini testimoniosis, S. Thomas 2. 2. qu. 169. ar. 2. ad 2. hæc docet: Mulierum facatio.... non potest esse sine peccato Non semper tamen talis facatio est cum peccato mortali; sed solum quando fit propter lasciviam, vel in Dei contemptum. S. Bernardinus Senensis cum A'leandro Alensi tom. 1. serm. 47. a. 1. hac scribit. Mulieres se minio linientes, aut adulterinos crines portantes propter tria mortaliter peccant Querit enim Alexander de Ales in 4. dist. de Euch. Sacram. Utrum fucate, aut adulterinos crines seu vivorum, seu mortuorum ad ornatum sibi usurpantes debeant accedere ad sacram Communionem? Et respondeat, quod tales mortaliter peccant, & indignas se efficiunt sacra Communione. Et hoc esse dicit maxime propter tria que inde sequuntur. Primo offendit Dei, secundo offendit proximi, tertio offendit sui. Hæc pauca delibasse sufficiat ex plurimis quæ afferre ex Patribus debuisse.

IX. QUEST. V. Quid hoc de argumento docent nonnulli? RESP. P. Diana tom. 7. coord. ref. 9. n. 6. de ornato mulierum hæc scribit: Sed ego puto non peccare, etiam si esset superfluus, & maximus, dummodo sit secundum morem patriæ. Patriæ ergo consuetudo derogare Scripturis sanctis, omnium Patrum doctrinæ, & ipsi naturæ, quæ a superfluis abhorret, potest.

X. P. Lessius ad Scripturarum, & Patrum testimonia lib. 4. cap. 4. dub. 14. n. 114. respondet. Scripturae illæ vel continent exhortationem, cum nullum verbum præceptivum habent: vel si continent præceptum, agitum de illis que se ornabant ut aliis placent, ut notat D. Thomas in Gloss. vel certe propter edificationem ethnorum expediebat illo TEMPORE PRÆCIPSI. Admissa hac methodo interpretandi Scripturas, istæ in fumum occidunt. Expediebat illo tempore præcipi honestum & pudicum mulierum ornatum, fecus nostro? Quidni & ad alia plura divina Scriptura oracula simile venustum præberi responsum potest? Temporaneæ ergo sunt divinæ præceptiones? Exhortationes sunt, non præcepta? Clamat in oppositum universa Patrum traditio. Verum commentum istud adeo vanum est ut seipso corruiat.

XI. QUEST. VI. Quandonam mulierum ornatus censendus sit superfluus, & mortiferus? RESP. Ex variis capitibus mortiferus esse potest mulierum ornatus. 1. Ex nimio affectu ostentandi pulchritudinem. 2. ex pravo fine placendi, & accendendi libidinis ignem. 3. ex effectibus. Non solvuntur debita, non erogantur eleemosynæ, defraudantur artificum mercedes, patrimonia prodiguntur. Mulieres vano ornamento addicte fræquentissime castitatem profluit, & sub splendidissimo vestium apparatu putidissima scorta occultantur. Nam communiter homines familiarum redditus non ignorant: heinc conspicientes uxores tot pompis onustas inferunt easdem meretricio sibi acquirere, unde pomparum splendore resulgeant.

XII. Certa & præcisa regula designari nequit, quandonam superfluus mulierum ornatus sit peccatum mortale. Illud tamen certum est frequentissime mulieres peccare mortaliter in hoc genere, maxime tempore nostro ob continuas feminarum & virorum conversationes. Eo enim hujusmodi feminæ studia sua conferunt, ut his in congressibus resulgeant, & singulæ præstare ceteris student in peregrinis vestium formis. Malitia istius ornatus, non tam ex superfluo pretio & valo-

re vestium, quani ex vana, & immodesta ornamenti forma colligenda est. Vestitus enim pretiosus esse potest, elegans, magnique pretii; & simul pudicus, & verecundus. ut contingere in nobili matrona, & principe femina potest. Verum communiter harum seminarum vestitus vanus immodestus, & impudicus est, qui evincit feminas istas effrontes, superbas, & expudoratas esse: feminæ istæ sunt concupiscentiæ flabellæ, pudoris, & castitatis profligatrices, & civitatum scandala, atque perpetuum murmurationum argumentum.

XIII. Cajetanus in hac materia nimium laxavit habendas, & laxam doctrinam docet. Benigniores plures ultra progressi sunt. Ne-
gligenda est, præfertim in hac materia, istorum lectio, & divinarum Scripturarum, atque SS. Patrum doctrina præ oculis habenda est. An Scripturæ, an Patres tam vehe-
menter adversus has seminarum illecebras, & lenocinia invecti essent, si ornatus earumdem indifferens, vel leviter noxiis esset?

XIV. Opportunissima est argumentatio Dio-
nysii Carthusiani, qui Tom. 1. opus. art. 14.
hæc scribit: Sancti Patres, & gloriösi, illu-
minatissimique Doctores contra ornatum super-
fluum & exquisitum, curiosum superfluumque
vestitum tam rigorose non scriberent, nisi in
eis mortalem culpam existere judicassent. Ve-
nalia quippe peccata talem reprehensionem, &
condemnationem non promoverentur. Hinc quidam
Nobilis scribit in suo tractatu. Mulieres ina-
niter ornantes plus sibi nocent quam aliis:
quia mortaliter peccant, etiam si non allicitant
alios Præterea si mulier nec appetat vi-
sum, nec appeti cupiat, indiscreta tamen, &
inordinate ornatum suum, pulchritudinemque
ostendat; laqueum aliis injicendo, mortaliter
peccat, quemadmodum in Ecclesiastico scriptum
est: Qui laqueum alteri ponit, peribit in
illo: & qui fudit foveam, incidet in eam....
Denique Apostolus juber: Mulier debet habe-
re velamen super caput suum propter Ange-
los, idest Sacerdotes, & Clericos, spiritualeſ-
que viros, ne cadant per eam. Præcedenti
quoque articulo ex verbis sanctorum Cypriani
Hieronymi, Chrysostomi, atque Ambrosii est
probatum, quod mulieres & virginis se ita
ornantes, & offendentes præbent viris, & ju-
venibus peccandi fomenta, incitamenta libidi-
nis, & veluti gladium, ac venenum intuen-
tibus se exponunt. Insuper Hieronymus ait:
Nitor, ornatus, & species mulieris ignis est
juvenum, fomenta libidinum, impudice men-
tis indicium. Quomodo potest sua peccata de-

ſtere que cutem nudat, & sulcos in faciem
ducit? Ornatus igit non decor Dei, sed vela-
men est antichristi. Quia fiducia vultus ad ce-
lum erigit, quos Conditor non agnoscit?

XV. B. Henricus Suso O. P. evangelicæ
pœnitentiæ prodigium, ac divinæ Sapientiæ
lumine magnopere illustratus, in suo Tracta-
tu quæ inscriptis Colloquia spiritualia JE-
SUM inter & F. HENRICUM SUSONEM.
cap. 10. hæc docet. Sed insuper recogita,
quo sint prolapsæ mulieres, & quam a
feminæ ſexu his temporibus timor, ac
honor Dei contemnatur, atque pessumde-
tur. Quippe tot in mundo reperiuntur mu-
lieres quæ pudore omni exuta, præ viris
ipsis impudicæ sunt, & effrontes. Mulie-
res honestas, pias, ac religiosas non allo-
quor; sed illas quæ mundo deditæ, verbis,
faciis, vestibus, moribusque tempus te-
runt, corda & sensus hominum amorphis
immolant, plusque viris quam Deo pla-
cere student. Hæ sunt latronum speluncæ,
voragineſque infernales. Illarum flagitia
Deus dissimulat, magnaſque illas patientia
ſustinet absque ullo profectu. Ipsæ interim
honestæ, morataque matronæ haberi vo-
lunt; & tamen fatidius Deo olenet quam
publica ſcorta. Quoniam hæc ſæpius fal-
tem tremunt, atque in timore, & tre-
more vitam agunt, ſuæque ſalutis angore
percelluntur. Verum illæ fronte fracta,
magnaſque perditionis viam ſacraſ obam-
bulant, atque impotenti, & tacita inho-
neſtate captæ in tremenda Dei, ſuarum
que animarum cæcitate ducunt dies ſuos.
Quare cariores dæmonibus ſunt quam me-
retices. Quippe superbis induitæ vestibus
prodeunt, gestu, inceſtu, verbis, oculis
ſemper impudicæ, & inhoneſtæ plus inci-
tant, & movent homines ad venerem
quam feminæ proſtitutæ. Qua ratione plu-
res illarum quam iſtarum lenocinio animas
lucrantur diaboli. Credas mihi velim,
centum letalia crima animo in dies ſin-
gulos ab his perpetrari: nec præterea vel
unum dignoscunt; ſed pudicas, beneque
moratas ſeſe reputant. Et tamen quot
juvenes, quot viri illarum pulchritudi-
ne, ac tam liberæ impudicitæ prospectu
obcecati deliberato animo eadem concu-
piscunt; quod ſæpius accidit, etiamſi af-
fequi illas nequeant. Quapropter omnium
iſtatum conſefionum, ac letalium crimi-
num reæ ſunt, & participes feminæ iſtæ.
Quoniam lasciva vestæ, inceſtu impuden-
tiū, oculisque impudicis peccandi occasio-
nem

„ nem videntibus præbent, & ansam easdem
„ percipiendi. Quin, si homo has mulieres
„ vanas in plateis, & in templis spectans,
„ ita ad libidinem accendatur, ut ignem ex-
„ tincturus prostibula petat, omnibus his fla-
„ gitiis obnoxiae sunt misellæ iste; quamvis
„ credere hoc, neque intelligere velint. Sci-
„ to morte instantे, dæmonem in illarum
„ mentis oculos superbiarum, delectationum,
„ indignarumque vanitatum, & aliorum sce-
„ lerum, quæ nunquam agnoverunt, spectra
„ ingerere, ut securius in desperationem, &
„ æternæ mortis abyssum illas detrudat. Nec
„ earum saluti prosumt paschalia sacramenta,
„ nec sacra viatica, eo quod in vita sacra-
„ menta fuscipunt animo perseverandi in lu-
„ xus, pomparum, pravarumque consuetudi-
„ num abulu. Nec in mortis extremo pec-
„ catorum quæ propria malitia ignorant, re-
„ cordantur. Idcirco me in corde sordido,
„ putridoque recipiunt; meliusque illis foret
„ centum millia dæmoniorum quam Deum
„ vivum tremendumque in pectus mortali cri-
„ mine pollutum admittere. SED VÆ CON-
„ FESSARIIS, qui has miserias, infelicissimas-
„ que mulieres illuminare negligunt „.

XVI. Auditis, o Confessarii sanctarum Scripturarum, Patrum, & graviorum Theologorum testimonia. Faceant ergo distin-
„ giunculae, quibus nonnulli mundum sociare cum Evangelio contendunt. Pompis renun-
„ tiarunt in professione Baptismatis Christiani. Quænam sunt pompæ istæ? Non sane aliæ
„ nisi quæ mundanam redolent vanitatem, quæ
„ hominum corda emolliunt: quæ concupiscentiam accendant. Cedo. Si mulieres christia-
„ næ promisissent Satanæ, & mundo se pom-
„ pas exquisitiores sectaturas fore: si spopondi-
„ fent toto studio, & omni virium conatu se
„ operam navaturas luxui, fastui, ambitioni.
„ & vanitati, an insanire impotentius possent?
An mulieres mahometanæ, paganae, lutheranæ,
„ vaniores, ambitiosiores, & effrenatio-
„ res feminis catholicis? Quid ergo in Baptis-
mate Christo promiserunt? Quænam est pro-
„ fessionis renuntiandi pompæ, & operibus Sa-
„ tanæ obligatio? Quisnam significatus? Væ vœ
„ Confessariis, qui vanas istas, & theatrales
„ matronulas, expudoratas, atque profligati
christiani pudoris feminas ad Christi sacra-
menta admittunt.

XVII. QUÆST. VII. Peccant ne mortaliter
feminæ nudato peccore incidentes? RESP. Plu-
res recentiores innoxiam a gravi culpa de-
pendunt hanc uberum nuditatem, si sit se-
cundum morem patriæ. Hanc opinionem fal-

Tom. I.

sam, improbabilem, & laxam existimo. Pa-
triæ mos merum commentum est. Quid? Mos
Patriæ honestabit corruptelam scandali plenis-
simam, atque a divinis Scripturis, a Patri-
bus, & a Theologis improbatam? Si divinae
Scripturæ, & Patres omnes velari mulieris
caput jubent; si intortos & cincinnatos cri-
nes dannant: quæ zeli jacula non intorque-
rent in hanc putidissimam consuetudinem? Tantæ impudentiæ non meminerunt Patres,
quia illorum tempore adeo procaces, & ef-
frenatae feminæ non erant. Continuo ac ap-
paruit impudicissimus abusus, eudem ex-
erati sunt omnes viri Dei.

XVIII. Paucis rem perstringo. Ille mulie-
bris ornatus jure naturali, & divino vetitus
asseritur qui libidinis illicium est, & proca-
titatis argumentum. At nuda ubera ad ve-
nerem viros provocant: ergo verita est ea-
rumdem exerta ostensio. Nec refert quod
vaferrimæ, & impudicæ feminæ fasciolis ni-
gellis, & translucidis mammillas ornent:
quia non occultant, neque operiunt, sed his
præstigiis magis irritant, & alliciunt ad con-
templationem. Velamina illa sunt diabolica
irritamenta, quæ efficacius accendent curio-
sitatem. Nec blateres, inventa consuetudine,
mammillas istas nudatas vim amittere al-
lisciendi, & accendendi libidinem, quia quæ
familiaria sunt minus movent. Deliria quippe
haec sunt, & infantium spectra. Epulae
laute familiares, & quotidianæ numquid
vim amiserunt irritandi famelicos? Appeti-
tiones humanæ usu non coercentur, sed ro-
borantur, & saginantur. Sola abstinentia, &
a periculis, & irritamentis substractio concu-
piscentiam in servitutem redigit. Mos ita-
que, vel consuetudo quæ obtruditur, abusus
est detestabilis, & profligatae honestatis, &
impudicitiae monumentum. Denegent ergo
Confessarii mulierculis istis quæ per publicas
vias prostitutionis, & scortationis vexilla ex-
plicant, absolutionem.

XIX. QUÆST. VIII. Peccant ne feminæ,
quæ se conspicendas præbent viris a quibus
se turpiter amandas prevident? RESP. Si mu-
lier nulla justa causa necessitatis, vel utili-
tatis ducta, domo egrediatur, prevideatque
se turpiter ab hoc aut illo viro amandam
fore, graviter peccat juxta communem Theo-
logorum sententiam. Nec voluntas exercen-
dæ libertatis ratio justa est quæ a culpa
eam liberet. Libertas quippe humana cari-
tatis legibus subjecta est. Caritas autem ju-
bet, ut spiritualis proximi iactura vitetur,
præsertim cum id præstari abique gravi de-

trimento potest. Nec loco notabilis detrimenti habere impedimentum breve propriæ libertatis valet. Alia ergo ratio præter exercitum propriæ libertatis assignari debet, ut licite hoc in casu egrediatur. Legitima autem causa egressus esset necessitas eundi ad Ecclesiam, invisendi infirmos, tractandi propria negotia.

XX. Distinguendm est tamen scandalum pusillorum a scandalo pharisaico. Ut illud eviter mulier, quando prævidet se turpiter amandam ab hoc determinato viro, debet pro aliqua vice vel omittere sacram, vel aliam adire Ecclesiam, vel differre auditio nem Sacri: quoniam præceptum vitandi scandali prævalet præcepto audiendi Sacri. Verum in praxi raro hoc contingit, quia raro scandalum pusillorum, qui vel ex ignorantia, vel ex mera imbecillitate peccant, contin git. Peccant enim communiter ex malitia, atque adeo scandalum est pharisaicum, quod juxta omnes contemnefidum est, quando vi tari nequit sine ordinis perturbatione. Puella, & mulier formosa prævidet se ab aliquibus in tali convivio turpiter amandam, quia scit illuc interventuros fore aliquos impudicos viros libidine astuentes: si absque gravi incommodo abstinere tali convivio potest, tenetur se continere, quia præceptum caritatis urget, ut vitetur periculum peccati mortalis perpetrandi a proximo, dum id præstari potest absque notabili detimento. Lege plura Tom. II. in Decal. Diff. IX. c. 10.

XXI. QUEST. IX. Peccant ne mortaliter mulieres que pullulos suos sibi inservire permittunt, & illorum familiari colloquio fruuntur, dum ex pluribus indicis probabiliter colligunt illos erga se venoris amore flagrare? RESP. Adfirmant omnes, mulieres istas letaliter peccare, quamvis ipsæ alienæ omnino sint a quacumque libidine, quia cooperantur aliorum peccato, & scandalum præbent. Quare mulieres, & matronulæ ætatis nostræ, que venustulos, & bellulos suos clientes, & venoris candidatos quotidie ad familiaria colloquia excipiunt, ad latera affidentes habent, eorumque fruuntur servitute in incessu, ascensu, & discensu: mulieres, inquam, istæ, in data hypothesi, sunt in continuo peccato mortali. Aut resipiscant igitur, aut sacramentis vale dicant, ne quoties sic recipiunt, sacrilegia multiplicant. Confessari vero secum putent, absolutionum quas fictis pœnitentiibus impertiti fuerint, duram æternæ Judici reddendam esse rationem.

XXII. QUEST. X. Licitum ne nautis, &

aurigis heros deferre in domum concubinæ, vel concubinam in domum heri? RESP. P. Diana Tom. 7. coord. tract. 5. resol. 42. frequenter contingere hunc casum testatur, & cum Merolla adfirmantem opinionem defendit. Hæc opinio falsa mihi est, & contenta in the si 51. proscripta ab Innocentio XI. de famulis adjuvantibus herum suum ascendentem per fenestram ad fornicandum: quæ thesis supra rescripta est. Nisi hoc officium nautæ, & aurigæ præstant, lucrum amittunt, inquit Diana. Næ ægregia ratio! Quando nautæ, & aurigæ evidenter sciunt hanc esse concubinam, & herum exercere concubinatum, adjuvant herum, & influunt in fornicationes natura sua malas. Sporer tract. 5. in Decal. cap. I. sec. 3. n. 99. has actiones esse licitas cum Diana, Tamburino, Castropalao, aliisque contendit. Sed auctores isti falluntur: quia licet actiones istæ præcisæ a circumstan tiis indifferentes sint, in casu tamen expositi turpes re ipsa sunt, ut patet ex eadem thesi damnata de famulis qui adjuvant herum ad fornicandum:

XXVI. QUEST. XI. Possunt ne deferri litteræ amatorie ad amasiam amici? RESP. Negat absolute P. Tamburinus lib. 5. in Decal. c. I. §. 4. n. 20. subdit vero continuo: Fateor tamen, si tibi magni effet hujusmodi amicitia, ac vere timeres eam amittere, excusari te posse: quia tunc notabilis nocimenti metus accedit: Hæc doctrina mihi falsa est, sicut alia quam ibidem auctor docet, de his qui ex officio humeris deferunt, quos probabiliter a peccato mortali excusat, dum puellam con ducent ad lascivum adolescentem, dummodo non placeat illis peccatum, & faciant obsequia prædicta ob bonum finem, puta ob justam mercedem. Addit Tamburinus: Si hi vectores, seu bajuli, adeo sint religiosi, ut non lunt se, suasque operas locare in ejusmodi vocationibus, facile in suo lucro notabiliter lendentur. Ut mea minima præfert opinio, doctrina hæc scandalum ingerit. Peccat maritus dum uxori occasionem peccandi præbet, ut eam deprehendat in adulterio; licet permettere possit adulterium quod impidire nequit, ut uxor deprehensa in actuali delicto resipiscat. Vetus quoque est deferre litteras amatorias turpia continentis, aut librura provocantem ad duellum, quidquid in contrarium effusiant nonnulli: quia tales participes fiunt peccatorum.

XXV. QUEST. XII. Licitum ne mere tricibus inservire, eas ad domum amasii comitari, januam amasii aperire, lectum sternere?

RESP.

RESP. Layman, Tamburinus, Sporer, Caramuel, aliqui Probabilistæ laxam, & aliqui laxissimam doctrinam hoc de arguento docent. Pauca verba ex Caramuele transcribo. *Possunt famuli tuta conscientia meretricis, aut pellicis mensa ministare, cibos non solum communes, sed & calidos, & provocantes ad venarem condire, & lectum privatum sternere..... Non effet peccatum mortale domino, & pelli- ci alias rem habituris aut lectum procurare hospitio, aut parare meliorem solito, aut floribus fulcire. Ratio est, quia aliud est fornicari, aliud majorem in ipsa fornicatione babere delectationem in genere luxuriæ. Lege Tom. 2. in Decal. Diff. 9. c. 12. ubi laxa theorematum quorundam auctorum invenies.*

XXVI. Ad quæstionem respondeo, non modo non posse famulos, & ancillas licite aperire januam amasio ingredienti ad fornicandum cum sua pellice, neque eam adducere in domum heri, aut facem præferre, illam comitari, sternere lectum; sed dico, nullo modo licitum esse famulari, vel inservire meretrici. Serio expende verba propositionis damnatae, & præsertim illa, *aut quid simile cooperando;* & inde colliges oppositam opinionem plurium esse proscriptam. Quid quod ipsa Scriptura sancta hunc famulatum vetat, & execratur? *Recedite a tabernaculis hominum impiorum, & nolite tangere quæ ad eos pertinent, ne involvamini in peccatis eorum:* Num. 16. Rursus Isajas c. 3. clamat: *Recede, recedite, exite inde, pollutum nolite tangere, exite de medio ejus:* & Jerem. c. 48. *Fugite, & salvate animas vestras.* Unde sic arguo.

XXVII. Malorum consortium declinandum Deus jubet. Dicant nobis qui famulatum meretricibus exhibitum licitum docent, an sit consortium meretricio pejus, & societas scelerior? Reponunt, ancillas famulari meretricibus, non quatenus meretricibus, sed quatenus mulieribus: eisdem inservire non in meretricio, sed in rebus indifferentibus, ut sunt cibos coquere, domum verrere, lectum parare, & id genus cetera. Esto. At dum hæc ancillæ præstant, numquid non habitant in domo Babylonis, in tabernaculis impiorum, in domibus scortorum, unde recendendum esse Scripturæ sanctæ imperant? Navarrus, inquit novissimus quidam scriptor, benignius loquitur, & quidem forte, subdit, *in aliquibus circumstantiis poterit inveniri excusatio.* Hic scriptor frequenter dubitans, & verecundus perniciosaam animabus benignitatem insinuat. In nulla circumstantia ancillæ christia-

næ famulari meretricibus licite possunt: quoniam & divinæ Scripturæ, & lex naturalis jubet ut ab iniqñorum confortio & societate fugiamus. Idem dicendum de famulis qui inserviunt publicis usurariis, quos laudatus scriptor excusat, dum numerant pecunias dan-das, cum timent ejectionem a servitio, & difficultatem inveniendi alium herum. Famuli isti nequeunt licite publicis usurariis in fenebri nundinatione inservire. Idecirco dimittere continuo famulatum debent, & alia via vitam sustentare.

XXVIII. QUÆST. XLII. *Licitum ne est locare domum meretricibus?* RESP. Adfirmant communiter Probabilistæ Sanchez, Azorius, Diana, Vasquez, Castropalaus, Tamburinus, Salmanticenses, Sporer, & alii. Novissimus quidam scriptor eamdem opinionem defendit, quando domus sit in loco civitatis non multum frequentato, & valde exposito, & alioquin locator gravaretur, quia tenuis forfunæ, nisi domum locaret: quoniam domus non conceditur ad peccandum, sed ad habitandum. Hæc sunt lenocinia, quibus animæ venenum obtegitur. Etiam Benignistæ, qui defendebant thesim proscriptam ab Innocentio XI. dicebant, famulos tenere scalam, & adjuvare herum non ad fornicandum, sed ad ascendendum. Citati auctores, ut veritatem obscurant, sophistice loquuntur. Quis inficiatur licitam esse locationem domus ad habitandum? Disputatur nunc utrum licitum sit locare domum meretrici, quæ in præfata domo lupanar aperire, & corporis sui prostitutione quæstum facere intendit. Hoc autem illicitum, & vitiosum asserimus. Permittunt Principes meretrices. Quid inde? Si illicita est locatio domus meretricibus facta, sicut permisso Principis non purgata a crimine meretricium, ita neque domus locationem; nisi forte in remotioribus locis jam ab ipso Principe pro foliis meretricibus specialiter deputatis.

XXIX. Quod dictum de meretricibus est, idem de feneratoribus publicis, & de lenoni-bus dicendum, atque de illis qui vestes, le-sternia, & totius cubiculi ornamenta meretricibus locant, ut optimis vestibus indu-tæ, & eleganti ornatu splendida ditiores ex-cipere scortatores valeant. Quid? An non licet meretricem vestire, & lectulum, in quo dormiat, præbere? Licet sane. Sed aliud est induere pauperem, aliud fulgida locare ornamenta ad meretricandum. Primum officium est caritatis, alterum nundinatio ini-quitatis.

XXX. QUÆST. XIV. *Licitum ne est commo-
dere alicui cubiculum ad fornicandum?* RESP.
P. Diana resol. 48. adfirmantem opinionem
defendit his verbis: *Vir nobilissimus instanter
ab amico domum ejus ad meretricandum pete-
bat; &, si hoc illi denegasset, in gravissi-
mum damnum incidebat. Consuluit, an pec-
cavet hoc faciendo? & respondi negative. Quia
commodare cubiculum ex objecto non est intrin-
sece malum.* Commodare cubiculum, non modo
ex objecto non est malum, sed bonum.
Commodare vero ad fornicandum scelus est
flagitiostissimum. Non minus laxa est opinio
quam idem P. Diana defendit, allegatque
pro ea Castropalaum, inquiens, licitum esse
donare judicis concubinæ, ut apud eumdem
intercedat.

XXXI. QUÆST. XV. *Pingens concubinæ ima-
ginem dandam amasio, perpetrat ne peccatum
scandalii?* RESP. P. Sporer trac. 5. c. 1. sec. 3.
n. 93. citans Tamburinum, Dianam, aliosque
Probabilistas docet, posse pictorem concubinæ
imaginem pingere amasio gravissima urgente
necessitate, puta metu mortis, mutilationis,
& alterius similis mali. Hanc opinionem de-
fendunt etiam Salmanticenses, qui citant A-
zorium, Sanchez, Castropalaum, Bonacinam,
& alios. Et loquuntur eo in sensu in quo
pictor scit se pingere concubinæ imaginem
illius amasio, quem probabiliter prævidet ab
usurum eadem fore ad venerem sibi accenden-
dam. Hæc opinio sua manifesta laxitate se-
ipsum destruit, quin egeat confutacione.

XXXII. QUÆST. XVI. *Licite ne pictores
imagines turpes depingunt?* RESP. Absolute
negant omnes. P. Sporer loc. cit. n. 92. refert
Tamburinum cum aliis junioribus docentem
posse licite pictorem pingere *valde turpia*,
& *obscena semel aut iterum*; si tanta esset
pictoris necessitas ut eo lucro indigeret ad
victum, vestitum, & aliud hujusmodi. Hæc
opinio falsa est, & scandali plena. Licitum
ergo erit secundum istos peccare *semel aut
iterum* ad victum, & vestitum comparandum?
Quod quam sit absurdum, nemo non videt.
Regula præcisæ definiendi, quæ sit pictura
obscena, designari nequeunt. Puellæ venustæ
imago vultu, mammillis, pectore vividis col-
loribus expressis suapte natura ad venerem incitat,
tametsi pudenda obiecta sint. Quæ nuditas
licita est in feminis, virisque dum vi-
vunt, eadem præter propter est in eorum
dem imaginibus. Prudentia christiana opus est.

XXXIII. QUÆST. XVII. *Quid de illis di-
cendum, qui obscenas imagines palam in do-
mibus expositas tenent?* RESP. P. Diana Tom. 7.

tract. 5. ref. 63. adfirmat quidem istos pecca-
re mortaliter, nisi, inquit, illas retineant or-
natæ causa, & aliquo velo tectas. Quem
præferre ornatum valent, si tectæ sint, &
occultatae? Imagines lascivæ idola sunt ve-
neris, & dæmonum simulacra. Scimiam Chri-
sti agere diabolus pertentat. Religio christiana
sacras invexit picturas, ut fideles excitaret ad
pietatem, & ad heroica gesta Sanctorum imi-
tanda. Diabolus, ut mundanos homines im-
potentius ad libidinem accenderet, lascivas
Veneris, Didonis, Cleopatræ imagines exco-
gitavit. Quodnam tanti scandali remedium?
Unicum. Aut pennicillo abolere totum quod
obscenitatem redolat, aut tales imagines com-
bure. Hoc est unicum remedium. Minime
satis est velo easdem tegere, & occlusas in-
tra clausum cubiculum servare; sed combu-
rendæ omnino sunt, aut pennicillo delendum
totum quod obscenum est. Nec vendi, aut
distrahi queunt, sicuti vendi, aut donari ne-
queunt merces peple infectæ. Qui has obscen-
nas imagines servant, rejici omnino a sacra-
mentis debent, donec hæc scandalâ sustulerint,
& alias sacras imagines substituerint, ut præterita scandalâ, quoad possunt, com-
pensent.

XXXIV. QUÆST. XVIII. *Licitum ne est pe-
tere solutionem maleficii a malefico, vel saga?*
RESP. Adfirmant aliqui, dummodo absque
maleficio auferri possit; etiamsi prævideas ma-
leficum ope dæmonis probabiliter usurum.
Hæc opinio mihi falsa est. Dum enim præ-
vides, maleficum probabiliter arte dæmonis
usurum, influis in ejusdem peccatum, & ejus-
dem iniquitati assentiris. Debes ergo a ma-
lefico solutionem maleficii petere cum expressa
protestatione, quod fiat absque dæmonis ope.

XXXV. QUÆST. XIX. *Quid de frequen-
tione comædiarum, & promiscua virorum,
& mulierum conversatione dicendum?* RESP.
Hujus quæstionis resolutionem dabo in sextum
Decalogi mandatum. Adversus spectacula
theatralia dissertationes duas publici juris fe-
ci, adjecta tertia de Presbyteris personatis.
Theatra publica, quæ hodie communiter,
aut faltem sapientissime representantur, obscena
sunt, & turpia: idcirco peccant qui illa fre-
quentant. De pestifera mulierum, & viro-
rum conversatione loc. cit. dicam, & Confessio-
narium, qui tales mulierculas, & barbatulos
ad sacramenta admittunt, inscitiam, &
negligentiam explicabo.

XXXVI. QUÆST. XX. *Quid agere illi de-
bent, qui falsa doctrina, aut fraude alios in
peccatum impulerunt, aut a bono, ab ingressu
ip*

in Religionem retraxerunt? RESP. Tenentur, quod fieri potest damnum compensare: & primo falsam doctrinam retractare, & a peccato subducere: quia isti qui dolo, fraude, vel falsa doctrina in peccatum alios impellunt, peccant non contra caritatem modo, verum etiam contra justitiam. Qui absque fraude, & falsa doctrina alios ad peccandum seduxit solo malo exemplo, tum peccat dumtaxat contra caritatem: quia scienter, & libere, licet pravo exemplo allesti, peccato consenserunt isti. Qui ab ingressu in Religionem alios retrahit sine pravo, scandalum perpetrat, quod reparare tenetur. Nullum vero peccatum committit, si a Religione retrahat eo fine ut consulat aeternae alterius saluti. Qui scienter, & ob humanas rationes impediunt candidatos, ne Religiones, in quibus viger spiritus evangelicæ perfectionis, ingrediantur, peccant contra caritatem, si foliis suactionibus, & precibus, quæ libertatem non auferunt, utantur. Nam si vim & fraudes adhibeant, peccant etiam contra justitiam. Quo in casu diligentiam omnem adhibere deberent, qua damnum illatum tum ingredi volenti, tum Religioni repararent.

DISSEMINATIO V.

De Religione.

CAPUT I.

Natura, & actus Religionis, quam prescribit primum Decalogi mandatum.

I. **D**uo præcipit primum Decalogi mandatum. Prout adfirmans est, Dei cultum præscribit. *Dominum Deum tuum adorabis, & illi soli servies.* Matth. 4. Quatenus negans est, vetat exhiberi cultum diis alienis. *Non habebis deos alienos coram me: nec facies tibi sculptile, non adorabis ea, neque coles:* Exod. 20.

II. QUEST. I. *Quid sit Religio?* RESP. Communis finitio Religionis hæc est: *Religio virtus est qua debitum cultum Deo exhibet tanquam primo omnium principio.* S. Thomas 2. 2. q. 81. a. 1. etymologiam Religionis accersit a relegando ea quæ sunt divini cultus, quia hujusmodi sunt frequenter in corde revolvenda. Religio virtus est non theologicæ, quia Deum proxime non spectat; sed moralis, & quidem inter has virtutes princeps, cuius objectum cultus est Deo exhibendus, ut Angelicus 2. 2. q. 81. ar. 5. docet.

III. QUEST. II. *Quot sunt Religionis actus?* RESP. Duo sunt Religionis actuum genera: alterum interiorum, ut *devotio, & oratio;* alterum exteriorum, qui in tres classes dividuntur. Alii corpus ipsum Deo subjiciunt, ut *adoratio;* alii res exteriores Deo immolant, ut *sacrificia, oblationes, decima, primitia, ceteraque id genus, quæ uno oblationis nomine comprehenduntur; postremi sunt ii quibus in divini honoris protestationem aliquid adhibetur, ut sunt *juramenta;* quibus nomen Dei invocatur, *vota,* quibus aliiquid Deo promittitur. De his omnibus agendum est.*

IV. QUEST. III. *Quid sit devotio?* RESP. Hanc finitionem 2. 2. q. 82. ar. 1. tradit S. Thomas: *Voluntas quedam prompte tradendi se ad ea quæ pertinent ad Dei famulatum.* Voluntas in finitione posita non potestatem, sed actum exprimit. Ceteræ particulae peculiarem devotionis naturam produnt. Hæc quippe promptitudo, quæ animum constitutum expeditum in divino servitio, & celerem in executione eorum quæ in Dei honorem cedunt, est singularis devotionis tessera.

V. QUEST. IV. *Quinam sunt devotionis effectus?* RESP. Sunt cordis lætitia, interior animi suavitas, gustus, & delectatio. Necesse tamen haud est ut semper devotio hos pariat effectus, cum plures pii sanctique viri his omnibus non raro priventur, nec propterea minus fervidi, & expediti sunt in Religionis officiis. Maturior devotionis fructus est exacta mandatorum observantia, quæ frequenter recensitos effectus edit.

VI. Duplex devotionis causa. Prima & princeps Deus est, qui ubi vult spirat, uberiorumque effundit gratiarum copiam. Altera est interior meditatio divinæ bonitatis, clementiæ, aliorumque divinæ naturæ attributorum, & simul nostræ egestatis, & infirmitatis. Priorem meditationem lætitia, hilaritas, & gaudium consequuntur. Posteriorum humilitas, animi demissio, vanitatis, & superbiæ contemptio. De tempore quo præceptum devotionis urgeat, mox dicam.

CAPUT II.

De oratione, ejusque necessitate.

I. **A**lter Religionis actus oratio est, quam sic 2. 2. q. 83. a. 1. definit ex Damasco S. Thomas: *Oratio est petitio decentium a Deo.* Locum generis petitio tenet: altera particula indicat decentia esse in oratione petenda: ultima particula *a Deo orationem actum*

actum Religionis constituit. A Deo enim pertenda dona sunt tum naturalia, tum supernaturalia. Hac petitione confitemur Deum omnium rerum principium, ejusdem excellentiam reveremur, eidem subjicimur, & nostra egestatis praesidia ab eodem imploramus. Oratio actus est intellectus, quamvis Religio in voluntate resideat.

II. Oratio altera interior, seu mentalis; altera exterior, seu vocatis. Utramque commendat Scriptura sancta. De priori inquit psal. 38. regius Propheta. *In meditatione mea exordescit ignis.* Hac oratio sita haudquaquam est in quodam mentali otio, seu in sola suspensione intellectus, & in passiva quadam inertia, ut contendebant Quietistæ; sed in actibus intellectus, & voluntatis, quibus divina attributa, bonitatem, clementiam, iustitiam, & beneficia infinita quæ nobis confert Deus, ferventi studio recolimus, & quibus nostram infirmitatem, egestatem, & paupertatem perpendimus: in actibus amoris, desiderii, fiducia, aliisque piis affectibus, quibus cœlestia concupiscimus, tota resplendet. Altera oratio *vocalis* est, quæ mente, & verbis perficitur. De hac loquitur Hebr. 13. S. Paulus: *Per ipsam offeramus hostiam laudis Deo, id est fructum laborum confitentium nomini ejus.* Quamvis verba necessaria absolute non sint, cum Deum nihil latet, sciatque infirmitatem nostram; nihilominus necessaria sunt hæc exteriora signa: tum quia homo mente, & corpore conflat; & secundum utramque partem Deo se subjicare debet, illique inservire: tum quia non anima modo, verum etiam corpus divinis egit auxiliis: tum denique quia hæc exteriora verba interiores affectus excitant, piosque animi motus facilius accidunt, & favent, & proximum ad devotionem alliciunt.

III. QUEST. I. *Est ne oratio necessaria necessitate mediæ?* RESP. Adfirmat S. Thomas 2. 2. q. 83. a. 2. & 4. & in 4. dist. 15. q. 4. a. 1. cui subscribunt graviores Theologi. Hanc doctrinam hausit Angelicus ex Gennadio, qui lib. de eccl. dogm. c. 56. inquit: *Nulum credimus ad salutem nisi Deo invitante venire; nullum invitatum salutem suam nisi Deo auxiliante operari; nullum nisi orantem auxilium promoveri.* Tandem sententiam nostram confirmat Ieff. 6. c. 11. Concilium Tridentinum inquiens: *Deus impossibilia non jubet; sed iubendo monet & facere quod possis, & petere quod non possis, & adjuvat ut possis.*

IV. Hæc necessitas ab humanæ quoque naturæ infirmitate accessitur. Tanta siqui-

dem est humanorum appetituum adversus rationem rebellio, & collectatio tanta, ut sine gratia vix pugnare, nedum vincere possumus. Hic porro est a Divina providentia institutus ordo, ut gratia hæc non impetratur, nisi præviis precibus flagitetur. Quod Deus possit non potenteribus dare dona sua, quis est qui revocare hoc in controversiam queat? At in præsentiarum nobis sermo est de orationis necessitate, spectato divinæ providentiae ordine. Nonne ipsius naturæ instinctus & mendicum ad eleemosynæ petitionem, & infirmum ad implorandum a medico medicinam excitat? Conjunctio tandem Deum inter & hominem, mutuumque commercium evincit. Si enim Deus ignavis, & mutis dona sua distribueret, vix divini Benefactoris recordarentur homines ad terrena propensi. Quare magnopere resulget Dei misericordia in hoc ipso imposito onere petendi sua dona, cum eo spectat onus istud ut Deo homines strictiore vinculo perpetuoque ligamine, atque mutua conjunctio sint devincti.

V. Deus Paulum non orantem, sed perseverantem Christum prævenit. Quid inde? Primas illustrationes, primamque gratiam prævenientem, & excitantem absque precibus Deum elargiri ultro fatemur. Sed necessitatem orationis defendimus ad obtinendam secundam gratiam, ad perseverandum in eadem, & ad gloriam obtinendam.

VI. QUEST. II. *Datur ne orandi preceptum?* RESP. Adfirmant omnes, illudque perspicue Scriptura sanctæ manifestant. Vigilate, & orate, ut non intreitis in temptationem: Matth. 17. & S. Lucas c. 18. Oportet semper orare, & non desistere: & S. Paulus: *Sine intermissione orate:* ad Gal. 5. & iterum ad Timot. 1. cap. 2. *Vota viros orare in omni loco similiter & mulieres.* Quod præceptum 2. 2. qu. 83. ar. 3. ab 2. sic explicat S. Thomas. Non solum petere, quæ desideramus, sed etiam rebus aliquid desiderare sub precepto cadit: sed desiderare quidem cadit sub precepto caritatis, petere autem sub precepto Religionis: quod quidem ponitur Matth. 7. Petite, & accipietis. Ratio ex iis quæ dicta sunt, patet. Oratio necessaria est necessitate mediæ, ut dictum est: ergo potiori jure necessaria necessitate præcepti.

VII. QUEST. III. *Quo tempore determinato urgeat orationis præceptum?* RESP. Omnes Patres continenter juxta Scripturæ divinæ oracula orandum suadent. Casuistæ recentes non pauci suis distinctiunculis fere de medio tollunt orandi præceptum. Distinguunt isti

isti obligationem per se, & obligationem per accidens; directe, & indirecte. Et ne impo-
nere illis videar, audiamus Tamburinum be-
nigniorum Casuistarum facile principem, qui
l. 2. in Dec. cap. 4. §. 2. n. 4. hæc scribit.
Ego hic sentio, quod sup. cap. 1. §. 1. num. 8.
dixi de præcepto fidei, spei, & caritatis: non
dari scilicet certum tempus, & determinatum,
in quo directe obligat; sed esse illud, in quo
obligat indirecte, quando scilicet urget necessi-
tas alicujus boni acquirendi, vel mali, vel
temptationis avertende, que acquirere, vel a-
vertere sine Dei auxilio non posse tunc ani-
madverius. Doctrina hujus auctoris de fi-
de, spe, & caritate, ad quam hanc de ora-
tionis præcepto suam tententiam revocat,
proscripta est, nisi me omnia fallunt, ab
*Alexandro VII. in 1. thesi: *Homo nullo un-**

quam vita sue tempore tenetur elicere actum
fidei &c. & ab Innocentio XI. in 6. thesi:
Probabile est ne singulis quidem rigorose quin-
quenniis per se obligare præceptum caritatis er-
ga Deum. Eandem esse orationis, & dicto-
rurn præceptorum obligationem, Tamburinus
ipse fatetur. Proscripta est prior tentatio:
ergo & secunda. Ex hac Tamburini doctri-
na consequitur necessario exemptos Christianos
per se esse a præcepto Religionis colen-
di Deum. Actus enim primarius Religionis
oratio est. Si absolute, directe, & per se
Christiani non astringuntur Deum invocare,
eique pro acceptis beneficiis gratias agere,
comptum est Religionem in nihilum per-
se, & directe occidere: sublatu quippe actu
primario Religionis, deficiat Religio ipsa ne-
cessum est.

VIII. Missa itaque Tamburini, & alio-
rum similium laxa doctrina, omnes Patres,
& graviores Theologi adfirmant, per se obli-
gare orationis præceptum. Divisi recentiores
Theologi sunt in designando tempore in quo
præceptum hoc urgeat. Plures defendant, ut
Salmanticenses, & alii semel tantum in anno
obligare. Hanc opinionem rejicio ut evidenter
falsam. Alii docent obligare semel singulis
mensibus, quam opinionem ut asperam &
duram Salmanticenses, & alii improbant,
sed etiam in hac censura turpiter falluntur.

IX. His opinionibus missis, servanda est
divinarum Scripturarum doctrina, quæ oran-
dum sine intermissione jubet. Numquid sine
intermissione orat qui semel tantum vel in
annum, vel in mensem precatur? Continen-
ter igitur orandum est non physice, sed mora-
liter. Hæc moralis continuatio consistit,
frequenter oremus. Quanta autem & qua-

lis frequentia requiratur, ut moraliter con-
tinua oratio sit, definiri præcise nequit. Quæ
certa sunt præmitto.

X. Singulis diebus dominicis orandi præ-
ceptum urgere mihi certum est. Præceptum
enim sanctificandi sabbatum, & nunc diem
Dominicum divinum est. Sanctificari sine ora-
tione nequit. Ergo qua oratione colere
diem dominicum debemus, eadem astringi-
mur tali die orare, cum sine elevatione men-
tis in Deum, seu oratione servari præceptum
nequeat. Eo ne festorum institutio pertinet
ut otio diffuant, & solatiis vanis, atque re-
creationibus operam navent Christiani? Du-
plici itaque præcepto astricti sunt Christiani
orandi Deum: altero naturali, divinoque;
altero ecclesiastico, vi cuius festis diebus, dum
Missæ sacrificio assistunt, Sacerdotum precibus
addere suas debent, ut in 4. dis. 15. qu. 4.
art. 1. q. 3. S. Thomas docet. *Oratio cadit*
sub precepto & determinate, & indetermina-
te. Determinate quidem ad alias orationes ex
*præcepto tenentur illi qui ex officio sunt medi-
inter Deum & populum constituti, sicut mini-
stri Ecclesie: unde ex officio eis incumbit pre-
ces ad Deum in persona Ecclesie fundere: &*
ideo ex statuto Ecclesie tenentur ad horas ca-
nonicas dicendas. Sed indeterminate quilibet ad
orationem tenetur ex hoc ipso quod tenetur ad
bona spiritualia sibi procuranda, quæ non nisi
divinitus dantur: unde alio modo procurari
*non possunt, nisi ut ab ipso petantur: & eti-
am ex hoc ipso quod caritatis præcepto tene-
tur proximum sicut seipsum diligere, tenetur eti-
am in necessitate beneficus esse, non solum per cor-
porales eleemosynas, sed etiam per spirituales:*
quavum una est oratio, ut prius dictum est.
Sed omnibus etiam qui Ecclesie ministerio non
funguntur, videtur ab Ecclesia determinatum
tempus orandi statutum esse, cum ex canonum
statuto teneantur diebus festis divinis officiis in-
teresse, ut ministris pro populo orantibus suam
intentionem conforment.

XI. Obtrudent Rigorismi spectrum non-
nulli. Sed ut illorum ora obstruam, quæro.
Quid quoquo oneris Christianis imponimus,
quod re ipsa Christiani vel ipsi peccatores,
nedum bene morati, non præstent? Quis
Christianorum solo naturæ lumine illustrat-
us vitio non sibi verteret, si die dominico,
si integra hebdomada Deo nullas preces fun-
deret? Quid quod vel ipsi peccatores in fa-
cramentali confessione se accusant, ut fre-
quenter ipse audivi, de omisis consuetis in
diem precibus, culpaque reos se reputant,
dum quotidie non recitant orationem domi-
nicam,

nicam , & symbolum apostolicum ? Christiani optimis instructi moribus singulis diebus , non semel , sed ut minus bis in die Deum orant . Christiani mendici , superbi , ægroti , ac stupidi , qui singulis diebus Deum non recordantur , neque auxilia , quibus temptationum continuos fluctus declinant , implorant , in continuo vitiorum cœno voluntant , & frequenter præceptum orandi violent . Quis enim superbæ , stultitiae , & cæcitatis non arguet , si extrema necessitate pressi aperire labia nolint , quibus pharmaca , & subsidia propriæ infirmitati levandæ necessaria postulent ?

XII. Heinc colligas , nihil severitatis doctrinam hanc continere , sed Scripturas sanctas sincere , & in obvio sensu interpretari . Sine intermissione orandum Deus jubet . Hæc orationis continuatio non physica , sed moralis est , ut dixi , nempe congruo tempore . Præceptum istud affirmans parvitatem materiæ excipit . Quare nullis se torquere scrupulis Christiani debent , num graviter deliquerint contra orandi præceptum ; sed corrigerem suam negligentiam satagant , & orandi fervorem succendere . Neque Confessarii debent , si quos tepidos invenerint , negligentesque in orando , protinus gravis culpæ damnare ; sed illos instruant ut frequenter orent , ut bis saltem in die , mane nempe , & sero , mentem in Deum elevent . Omnia Christi præcepta suavissima sunt illis qui eadem observant , qui jugum legis re ipsa sustinent . Asperum vero , durumque jugum est illis dumtaxat qui portare illud nolunt , & bestiarum more mancipia sunt flagitorum .

III. QUÆST. IV. Peccat ne contra Religionis virtutem qui gravi tentatione pulsatus Deum orare negligit ? RESP. Gravissimam quis patitur temptationem ex. gr. contra castitatem . Implorare divinum auxilium negligit , & temptationi assentitur . Duo ne hic crimina perpetrat , alterum contra castitatem , alterum contra Religionis virtutem ? Negant Lessius , Villalobosius , Prado , Salmanticenses , aliquie . Adfirmant contra cum S. Thoma graviores Theologi . Hæc sententia mihi probabilior est , & vera . Nam præceptum orandi per se obligat plures saltem in annum ; & juxta ipsos adversarios urget per accidens temptationis gravissimæ tempore . Ergo violatur , dum oratio negligitur in tali eventu . Ergo iste Christianus duo peccata committit , unum contra castitatem , alterum contra Religionis virtutem . Præceptum Deum orandi temptationis gravis , vel gravissimæ tem-

pore , non eo solummodo spectat , ut tentatio supereretur , verum etiam ut debitus cultus Deo offeratur . Ideo enim talis a divina prævidentia constitutus ordo videretur , ut tribulationum tempestates , & temptationum fluctus nos cogant ad Deum confugere , eumque colere , & interpellare in adjutorium , & præsidium nostrum . An gravis culpæ crudelitatis contra semetipsum non argueretur pauper qui extrema pressus miseria omitteret implorare eleemosynam ab eo qui paratus est eandem erogare ? Et gravis culpæ reus non erit qui æternum periturus a Deo paratissimo ad succurrentum præsidium necessarium petere recusat ? Dominus quippe dicit : Petite , & accipietis . Quid peccata multiplicas ? inquires . Immo ne peccata multiplicentur , præceptum applicandi remedia quibus peccata impediuntur , urgeo . Ideo enim in peccata frequenter labuntur homines , quia adhibere remedia non peccandi recusant : quia ferventer gratiam , qua temptationum victores evadant , petere negligunt . Sine peculiari Dei gratia vincere gravissimas temptationes non valemus : ergo præceptum orandi æquale est præcepto vincendi temptationes . Illi peccata multiplicant qui orationis præceptum extenuant , qui remedia contra peccata a divino Medico constituta de medio tollunt , qui frequenter orandi obligationem pernegant . Moneant ergo Confessarii suos penitentes , ideo illos frequenter in flagitia labi , quia orare sincere Deum negligunt , quia tempus quod orationi consecrare deberent , terunt , prodigante in otiosis colloquiis , in vanis solatiis . Vita namque Christianorum vita orationis est , & perpetui commercii , & negotiationis cum Deo , a quo arma , & præsidia aduersus dia-bolum , carnem , & mundum petenda sunt .

C A P U T III.

De orationis conditionibus . Num solus Deus orandus ? Sint ne Sancti invocandi ? & pro quibus orandum ?

I. QUÆST. I. Que , & quot sint orationis conditions ? RESP. I. orationis conditio est quod sit a voluntate deliberata . Hæc deliberatio vel expressa , vel virtualis esse debet . Si Psalterium legeres ut studeres , non orares . Si breviarium accipis animo persolvendi Deo debitum pensum , quamvis expressa formalis intentione careas , virtualis adest , & sufficit . 2. conditio est attentio , quæ pariter aut expressa , aut virtualis ,

equalis sit oportet. Triplicem distinguunt Theologi attentionem, prima ad verba, alteram ad sensum, tertiam ad Deum. Hancum quælibet sufficit. 3. conditio est pietas, quæ eo spectat, ut pia, honesta, decentia, atque propter bonum finem a Deo dona pertantur. 4. est humilitas, qua precursor demissio animo se divinæ listat Majestati, cui suam extremam paupertatem manifestat. *Ego vero egenus, & pauper sum: Deus adjuva me:* inquit psal. 69. regius Propheta. 5. est servor quo Deo preces fundimus. Tepida enim, & frigida oratio nulla est. Dives ipsi languidas dedignantur pauperum preces tanquam indica animi, qui parvus pendit quod petit, parumque exaudiri curat. 6. conditio est fides, qua firmiter credimus nos assueturos fore quod petimus. *Quidquid orantes petitis, credite quia accipietis.* Item spes, seu fiducia, quæ fidem comitantur. 7. est perseverantia, quam plures Evangelistæ inculcant, & præsertim Luce 9. parabola, seu exemplo amici, qui media nocte ab amico tres panes petuit, quicunque sua amicitia titulo, saltem propter importunitatem illos obtinuit.

II. QUÆST. II. *Quinam sint orationis effectus?* RESP. Tres, meritum, satisfactio, & impetratio. Meritum ei debetur, quatenus ex caritate, media Religione, proficiuntur. Satisfactio quolibet opus meritorium comitantur. Impetratio rei quam petimus, proprius est orationis fructus. Hæc quoque oratio ut impetrans, a gratia suam efficacitatem habet, ut Angelicus 2. 2. q. 83. art. 15. docet. *Efficaciam autem habet ex gratia Dei, quem oramus, qui nos etiam ad orandum inducit.* Quatuor conditions necessariae sunt ad impetrationem, nempe 1. quod pro se præcipue orans petat, 2. quod necessaria ad salutem, 3. quod pie, 4. quod perseveranter petat. *Orationes peccatorum Deus audit, non ex justitia, sed ex misericordia,* ut ait idem Angelicus ibi art. 16.

III. QUÆST. III. *Utrum solus Deus orandus sit?* RESP. Adfirmat S. Thomas 2. 2. qu. 83. art. 4. solum Deum orandum esse, & quidem ut trinum, hoc in sensu, quatenus solum Deus est auctor gratiæ, gloriæ, ac omnium rerum præpotens effector, & conservator. Oratio enim est Religionis actus. Religio autem solum Deum spectat seu finem, cui cultum exhibet.

IV. QUÆST. IV. *Invocandi ne Sancti sunt?* RESP. Sancti invocandi non sunt ut auctores divinorum beneficiorum, aut gratiæ, vel glo-

riæ. Nihil sub hac ratione ab iis petendum, ut Catholicæ omnes docent. Sancti vero invocandi sunt ut pro nobis apud Deum orient, & intercedant. Iste est omnium Catholicorum sensus, quidquid fabulentur & calumnientur Calvinistæ, & reliqui Protestantes. Quare dum aliquando in similia verba erumpimus, *S. Petre salva me,* non aliud intelligimus, nisi ut intercessione salutem a Deo nobis intercedat. Similiter dum Virginem sanctissimam alloquimur, *Maria tu nos ab hoste protege,* ut meram deprecaticem & mediatricem invocamus. Immo in hoc intercessorum genere Christus Dominus primus, & princeps, advocatus, & intercessor noster est, qui solus Deo mundum reconciliavit, solusque dignam, & superabundantem oblationem pro peccatis nostris Deo obtulit. Dum itaque Sanctos invocamus, rogamus ut per JESU CHRISTI merita apud Deum pro nobis intercedant: petimasque ut ipsi id orient quod nos oramus: sed quia ipsi propinquiores Deo, magisque digni sint, idcirco ad eorum patrocinium confugimus, & intercessionem.

V. Concilium Tridentinum sess. 25. definitivit, pie & utiliter sanctos five Angelos, five homines invocari. Disputant vero Theologi sit ne Catholicæ hæc invocatio vi alijus præcepti imposita. Quam questionem tom. 2. in Decal. 1. 2. Diff. 1. cap. 8. fuse tractavi, eamque ibi legere poteris.

VI. QUÆST. V. *Orandum ne est pro omnibus viatoribus, etiam pro animabus in Purgatorio detentis?* RESP. Adfirmant Catholicæ omnes. De his qui in terris degunt, nec heretici in discrimen id vocant. Inquit enim S. Jacobus cap. 5. *Orate pro invicem, ut salvemini:* & S. Paulus in 1. ad Timoth. 2. subdit: *Obsecro primum omnium fieri obsecraciones, orationes, postulationes, gratiarum actiones pro omnibus hominibus.* Orandum itaque pro omnibus, five amici sint, five inimici, five fidèles, five infideles, five justi, five peccatores. Sicut Christus pro omnibus mortuus est, ita & nos pro omnibus orare debemus. Pro peccatoribus orandum ut convertantur, & pro justis ut perseverent, & proficiant, inquit 2. 2. q. 83. a. 7. S. Thomas.

VII. A precibus nostris excluduntur Beati, qui sunt in termino, sicut & damnati, qui similiter sunt in damnationis termino, ubi nulla spes salutis adest.

VIII. Pro animabus Purgatorii orandum docent omnes Catholicæ aduersus Lutheranos & Calvinianos; idque ex lib. 2. Mach. c. 12.

perspicue eruant. Judas enim Machabeus duodecim millia drachmas argenti misit Jerosolymam offerri pro peccatis mortuorum sacrificium, bene & religiose de resurrectione cogitans. Ut ab hoc argumento sese expediant Lutherani, negant librum hunc divinis accensendum esse. At Ecclesia catholica Dei spiritu ducta divinum esse librum hunc definitur. Ratione quoque doctrina catholica confirmatur. Ecclesia sive militans, sive triumphans unum corpus constituit, cuius caput Christus est. Ergo omnia membra communicare invicem, & cum capite debent. Si itaque animæ Purgatorii Ecclesiae membra sunt, consequitur ut viventes juvare easdem animas debeant, quemadmodum unius corporis membrum adjuvat alia membra. Accedit perpetua, & universalis Ecclesiae consuetudo.

IX. QUÆST. VI. Certo ne suffragia profunduntur Purgatorii animabus, quibus applicantur? RESP. Quemadmodum ex divina lege habetur quod hæc suffragia defunctis profint, ita ex divina voluntate pendet ut plus vel minus huic aut illi defuncto operem ferant. Illud est certum quod suffragia pro mortuis oblata alicujus defuncti poenas aut in totum, aut in partem tollant, quia sic Deus disposuit. Ceterum quod huic vel illi animæ suffragia hæc operem ferant, quod totam aut partem poenæ auferant, totum ex divina voluntate pendet.

X. QUÆST. VII. Utrum peccatores orare debeant, & exaudiuntur a Deo? RESP. Peccatores qui in publicis ministeriis nomine Ecclesiae orant, compertum est ad preces recitandas obstringi, & aliquid impetrare a Deo iis pro quibus orant. Certum quoque est peccatores privatos orare debere. Ad impetrationem quod attinet, docet S. Thomas 2. 2. qu. 83. a. 16. quod si peccator quidquam a Deo petit secundum desiderium peccari, nunquam exauditur ex misericordia, sed interdum ad vindictam. Quamobrem dicebat David psal. 45. *Iniquitatem si aspexi in corde meo, non exaudiet Dominus.* Contra peccatores qui peccata sua detestantur, pioque desiderio afficiuntur, plerumque quod implorant, impetrant. Sic exaudiiti fuere Manasse, Publicanus, mulier peccatrix, latro, & innumeri alii. Nec officit peccatores gratia sanctificante destitutos esse: quoniam hinc tantum infertur eorum orationem non esse meritoriæ, non autem quod non sit impetratoria, ut indicatum supra est. Dum in Scriptura interdum dicitar, Deum non audire

peccatores, intelligitur de peccatoribus quantum peccatores sunt, & peccatum diligunt, secus de peccatoribus qui sua detestantur peccata.

XI. Denique Angelos, Sanctosque in celo regnantes orare pro nobis posse, & quod re ipsa orent, certum est. Orant & petendo quæ nobis profutura vident, & preces nostras Deo offerendo. Omnes viatores sive iusti, sive peccatores orare valent, & debent. Omnes enim mendici sumus, & extrema penuria laborantes: ideo omnes implorare a divino Patre nostro necessaria quotidiana subsidia necessum est.

DISSERTATIO VI.

De Horis canoniciis.

CAPUT I.

Recensentur propositiones damnatae.

I N die Palmarum recitans officium paschale satisfacit præcepto. Alexander VII. propos. 34.

Unico officio potest quis satisfacere duplice præcepto pro die presenti, & crastino. Idem propos. 35.

Restitutio a Pio V. imposta Beneficiatis non recitantibus, non debetur in conscientia ante sententiam declaratoriam judicis, eo quod sit pœna. 20.

Habens capellaniam collativam, aut quodvis aliud beneficium ecclesiasticum, si studio litterarum vacet, satisfacit sue obligationi, si officium per alium recitet. 21.

Restitutio fructuum ob omissionem horarum suppleri potest per quascunque eleemosynas, quas antea Beneficiarius de fructibus sui beneficii fecerit. 33.

Qui non potest recitare Matutinum, & Laudes, potest autem reliquias horas, ad nihil tenetur: quia pars major trahit ad se minorem. 54. Innocentius XI.

CAPUT II.

Propositiones laxæ quorundam auctorum.

I. P Thomas Tamburinus lib. 1. in Decal. cap. III. §. 7. verb. Beneficiarius num. 1. & 2., Dicemus infra Lib. II. „ Beneficiarium tenue beneficium possident, „ tem non obligari ex probabili sententia ad horas canonicas persolvendas. Quid ergo „ erit,

„ erit, si quando, omnibus expensis, ambi-
„ gatur utrum beneficium sit tenue nec ne?
„ Resp. Puto probabile cum Vasquez obli-
„ gari, & item probabile non obligari cum Ca-
„ ramuele. Quare alteram ex his sententias,
„ quam tibi libet, amplecti licet,, .

II. Idem Tamburinus Lib. II. meth. cele-
br. Miss. cap. VI. num. 5. „ Itaque qui dum
„ Missam ex præcepto audit, vel officium
„ divinum persolvit, questionem philosophi-
„ cam secum mente voluntarie obvolveret,
„ vel sua negotia cogitaret, modo externam
„ attentionem haberet, quia scilicet non po-
„ neret distractiones externas ejus generis
„ quam diximus num. I. ex probabili dicta o-
„ pinione præceptum satis adimpleret,, .

III. P. Gregorius Gobat tract. 5. num. 821.
„ Probabilis multo est essentiam orationis
„ confidere cum perpetuis distractionibus,
„ seu evagationibus mentis. Ita Cardinalis
„ de Lugo ex instituto. Tamburinus Lib. IV.
„ in Decal. cap. 2. §. I. „

IV. Joannes Caramuel in Theol. Fundam.
num. 442. „ Homo sum, temetipso fragilior,
„ prædictus acri, & igneo ingenio. Uno mo-
„ mento cælos verso, altero ad subterranea
„ descendo. Nulla in Oratorio movetur mu-
„ sca qua mihi non sit impedimento. At-
„ tendere lectioni desidero, & quoad pos-
„ sum attendo; sed distractiones non evito.
„ Involuntarias millies, interdum etiam vol-
„ luntarias; & nihilominus nullo cruci-
„ scrupulo, nullo dubio angor: quia pru-
„ denter suppono, me ad actionem inter-
„ nam non teneri: eam habere bonum es-
„ se, & ea carere nequidem esse levem cul-
„ pam: me ad lectionem tantum, & at-
„ tentionem externam obligari: ne legisse
„ totum quod Rubricæ jubent, ita certo
„ scio, ut possim jurare: ergo me ne ve-
„ nialiter quidem peccavisse in hac materia
„ certo scio, & ita certo, ut possim jurare,, .

V. Leander de SS. Sacram. tract. 8. disp. 5.
quest. 37. „ Respondeo secundo etiam proba-
„ bilius, quod etiam Concionator quotidiana-
„ nus, qui solum voluntarie, aut etiam ex
„ mercede concionatur quotidie in Quadra-
„ gesima, excusat ab horis quotidianis di-
„ cendis, si commode illas recitare non pos-
„ sit. Et certe si hæc nostra sententia non
„ esset probabilis, & in praxi tuta, vñ vñ
„ Prædicatoribus quadragesimalibus: vñ mil-
„ lies illis,, .

VI. Idem Leander loc. cit. q. 45. „ Opti-
„ me potest quis se exercere, & occupare
„ in contemplatione divinorum, etiam si ex

„ illa ita in extasim rapiatur, ut postea mi-
„ nime recitare queat, vel quia raptus est
„ per totum diem, vel quia ex illo manet
„ ita fatigatus, ac defessus, quod facile non
„ valeat,, .

VII. Gobat tract. 5. disp. 11. num. 842.
„ Probabilis est non teneri ad restitutionem
„ ullam qui cum voluntariis, & perpetuis
„ distractionibus recitavit horas omnes,, .

C A P U T III.

*De horarum canonicarum numero,
& finitione.*

I. QUÆST. I. *Quot sunt horas canonicae?*
RESP. Octo aliqui esse contendunt, quia distinguunt Laudes a Matutinis; sed communis sententia ad septem eas restringit; suntque Matutinum cum Laudibus, Prima, Tertia, Sexta, Nona, Vesperæ, & Completorium. Hujuscemodi septenarii numeri congruae assignantur rationes. David psal. 118. inquit: *Septies in die laudem dixi tibi.* Item septem sunt Spiritus sancti dona, & septem sunt orationis dominica petitio-nes, septem sunt peccata mortalia, septem dæmonia, & septem nequitiae, septem tubæ quarum sonitu Jerichontina civitas corruit, septem candelabra Ecclesiaz, quæ adumbrant septem horas canonicas. Pluries aliæ figuræ affterri solent, quæ aliquo modo indicare videntur ejusmodi septem horas canonicas.

II. QUÆST. II. *Quenam sit horarum canonicarum notio?* RESP. Divinum officium est certa ratio publice laudandi Deum mente simul, & voce, auctoritate Praefulm Ecclesiaz instituta. Dicitur *certa ratio*, quia prescripta ab Ecclesia est designatis psalmis, hymnis, & precibus. Additur *publice*, quoniam divinum officium publico totius Ecclesiaz nomine in bonum commune persolvitur a publicis ministris. Additur *laudandi*, *præcandique Deum*, quod prodit soli Deo persolvendum esse divinum officium, quoniam in omni officio sive de Sanctis, sive de tempore, sive pro mortuis Deus laudatur. Ultimæ particulae declarant mente simul, & voce recitandum divinum officium esse, quia hanc formam Ecclesia in pluribus Conciliis prescriptis.

IV. QUÆST. III. *Quenam sunt partes maiores, & minores divini officii, & quo tempore olim celebrata fuere?* RESP. Majores par-tes sunt Nocturni, Laudes, Prima, Tertia, Sex-

Sexta, Nona, Vesperæ, Completorium. Minores psalmi, hymni, lectiones, cantica, antiphonæ, responsoria, capitula, collectæ. Ad tempus quod attinet, olim apud Judæos secabatur tempus in duodecim horas nocturnas, totidemque diurnas. Nocturnæ horæ in quatuor vigiliis, quarum prima incipiebat ab occasu Solis, & desinebat hora tertia noctis: secunda a tertia ad sextam definebat: tertia a sexta in nonam fluebat: quarta tandem, quæ proprie dicebatur matutina, a nona incipiebat, & terminabatur in duodecimam. Harum vigiliarum meminerunt Evangelistæ. Quatuor nocturnis vigiliis correspondent quatuor diei horæ, nempe tertia, sexta, nona, & vespertina:

V. QUEST. v. Estne peccatum separare Matutinum a Laudibus? RESP. Nullum peccatum includit separatio hæc, sed licita prorsus est: quoniam ex primæva institutione semper licuit hæc separatio, nullaque occurrit ratio cur id non liceat extra chorum præsentem. Immo fatius est, si qui sub initium noctis seu ad vesperam nocturnas horas recitant, dimittant Laudum recitationem ad diluculum sequentis auroræ, ut hymni opportuno tempore juxta eorum sensum recitentur. Methodus tamen in ejusdem separatione servanda est, nempe sub finem nocturnorum recitanda collecta est.

VI. QUEST. vi. Vetera ne est consuetudo recitandi horas canonicas in choro? RESP. Nomine chori ecclesiastici intelligitur cœtus Religiosorum qui una convenient ad fundendas Deo preces juxta præscriptam formam ab Ecclesia. Hanc precandi rationem ab ipsis Apostolis traxisse originem certum est, rei substantia spectata. De primis Christianis AÆ. i. legitur: Erant perseverantes unanimiter in oratione.

VII. Waldenses, Wiclesfistæ, aliquæ recentiores haeretici in hunc Ecclesiæ ritum debacchati sunt, cantumque ecclesiasticum carpsere. Verum istorum ora obstruunt Scripturæ sanctæ. Nam Moysis tempore consuetudo obtinebat canendi sacra cantica. Psalmi Davidici in cithara & cantu recitabantur. Chrysostomus homil. 83. in Matth. de Christo Domino inquit: Hymnum cecinit, ut & nos similiter faciamus. Isidorus, Basilius, ceterique Patres cantus hujuscæ utilitatem describunt.

VIII. QUEST. vii. Adhibenda ne sunt instrumenta musicalia in cantu ecclesiastico? RESP. S. Thomas 2. 2. q. 91. ar. 2. ad. 4. respondet his verbis: Sicut Philosophus dicit

in 8. Politic. neque fistulas ad disciplinam est adducendum, neque aliud artificiale organum, puta citharam, & si quid tale alterum est; sed quecumque faciunt auditores bonos. Hujusmodi enim musica instrumenta magis animum movent ad delectationem, quam per ea formetur interius bona dispositio. In veteri autem Testamento usus erat talium instrumentorum: tum quia populus erat magis durus, & carnalis: unde erat per hujusmodi instrumenta provocandus, sicut & per promissiones terrenas: tum etiam quia hujusmodi instrumenta corporalia aliquid figurabant. Cajetanus animadvertisit in commentariis in hunc locum, tempore S. Thomæ organorum usum non obtinuisse in Ecclesia, sicut nec Ecclesia Romana coram summo Pontifice organis utebatur. Hæc autem adjicit Cajetanus: Et si rationem in littera allatam ex 8. Politic. attentius meditati fuerimus, apparebit quod in ecclesiastico officio, ad quod suscipiente divinitate interioris discipline gratia convenimus, juxta illud, Sacrificium laudis honorificabit me, & illic iter quo ostendam salutare Dei, non sunt admittenda instrumenta musica. Tantoque magis excludenda sunt, quanto divina disciplina interior excellenter est omnibus disciplinis humanis hujusmodi instrumenta repellentibus. Et licet per se loquendo hoc verum sit, potest tamen per accidens tolerari jam extensa consuetudo organorum propter nimiam elongationem hominum a divino cultu, ut vel sic alleli divinis interficiantur.

IX. Consuetudo nunc universe inventa licet reddit organorum usum, & cantum musicalem, dummodo cantus iste talis sit quo auditores præter vocis sonitum, percipere divinas laudes queant, quæ recitantur. P. Suarez docet solum harmonicum concentum plus devotionis interdum excitare quam psalmos ipsos, & hymnos. Hec sensitilia, inquit, magis nos movent. Magis utique sensus moyent, plusque carnalis voluptatis afferunt. Ceterum quod efficacius mentem, animumque in Deum excitent instrumenta musicalia, quam psalmi Deo afflante dictati, mihi fallum videtur. Nec omnia musicalia instrumenta probare audeo. Plura prohibuit BENEDICTVS XIV. feliciter regnans. Quid si homines evirati, & theatralem professionem exercentes a theatris ad canendum in Ecclesiis transirent? quid si divinos psalmos, hymnosque theatraли more, gestu, & modulatione canerent? quid? Improbare ne audebis talem consuetudinem? An eam probabo? Absit. Lugebo potius amaris lacrymis,

mis quod abrogate nequeo. Audi que in hanc rem scribit Cajetanus in Sum. v. Organum. Nec excusantur ex eo quod sonus abs trahit ab omni materia, & quilibet melodia soni potest ad sacra verba applicari: tum quia secundum rei veritatem isti soni sunt ut accommodati ad delectationem auditorum, qui non moverunt illos nisi ut sonos illorum verborum profanorum, aut turpium; cuius signum audientes ex illo sono excitantur ad illa profana, seu turpia, ut experientia testatur; ita quod non est locus inficiacionis: tum quia cantus etiam abstrahit ab omni materia; & tamen Ecclesia interdit profanos cantus in Ecclesia, ut cantus theatrales, ut patet dist. xcii. cap. Cantantes. Memento hic apostolica sententia: Nolite errare: Deus non irridetur, aut fallitur. Involvuntur autem eodem criminis non solum pulsantes, sed qui conducunt, & consentiunt pulsantibus hoc, ut impleantur Scripturae: Glorianti sunt qui oderunt te in medio solennitatis tue.

X. Quoties plus mali quam boni in exercitio cuiusque artis evenit, hanc artem auferendam esse docent Plato, S. Thomas, & ipse communis sensus. Audiamus S. Augustinum, qui lib. x. Confess. cap. 33. hæc scribit. *Voluptates aurium tenacius me implicaverant, & subjugaverant. Sed resolvisti, & liberasti me. Nunc in sonis, quos animant eloquia tua, cum suavi, & artificiosa voce cantantur, fateor aliquantulum acquiesco, non quidem ut hæream, sed ut surgam, cum volo..... Sed delelatio carnis meæ, cui memorem enervandam non oportet dari, sepe me fallit, dum rationem sensus non ita comittatur, ut patienter sit posterior; sed tantum quia propter illam meruit admitti, etiam præcurrere, ac ducere conatur. Ita in his pecco non sentiens, sed postea sentio. Aliquando autem hanc ipsam fallaciam immoderatus cavens, erro nimia severitate, sed valde interdum, ut melos omnem canilenarum suavium, quibus Davidicum Psalterium frequentatur, ab auribus meis removeri velim, atque ipsius Ecclesie: tutiusque mihi videtur quod de Alexandrinico Episcopo Athanasio sepe mihi dictum commenini, qui tam modo flexu vocis faciebat sonare lectorum Psalmi, ut pronuntianti vicinior esset quam canenti. Verumtamen cum reminiscor lacrymas meas, quas fudi ad cantum Ecclesie tue in primordiis recuperatae fidei mee, & nunc, cum moveor non cantu, sed rebus quæ cantantur, cum liquida voce, & convenientissima modulatione cantantur, magnam institui hujus utilitatem rursus agnosco. Ita*

fluctuo inter periculum voluptatis, & experimentum salubritatis, magisque adducor, non quidem irretractabilem sententiam proferens, cantandi consuetudinem approbare in Ecclesia, ut per oblectamenta aurium infirmiter animus in affectum pietatis affurgat. Tamen cum mihi accidit ut me amplius cantus quam res que canitur, moveat, penaliter me peccare confitor; & tunc mallem non audire cantantem.

XI. Respondit P. Suarez lib. 4. c. 8. n. 2. peccatum quod in se recognoscet Augustinus, fuisse vel penale, vel veniale. Esto utrumque. Quid inde? Semper consistit Augustini doctrina, nempe cantum illum qui fuji immoderata harmonia, & vocis inflexione impedit perceptionem sensus verborum, & divinarum laudum, illicitum esse. Legge plura Tom. 2. in Decal. lib. 2. diff. 2. cap. 4.

XII. Patres, Concilia, gravioresque Theologici improbant, & detestantur theatrali cantu ab eviratis hominibus celebrari divinas laudes. Musicales concentus, quibus hodie majores solemnitates celebrari solent, an totidem sint templorum profanations, & divini cultus conculationes, ceteri judicent. Illuc conveniunt homines, & vanissimæ famina mundi & diaboli fasciniis & præstigiis comptæ, ut videant, & videantur, & non minorem præferunt impudentiam quam si in theatro federent. Quis pravum abusum, & sacrilegam corruptelam a crimine purgabit?

XIII. Servandus ergo est cantus ecclesiasticus gravis, & simplex, organorumque usus Ecclesiæ consuetudine probatus; sed modus & ratio adhibeatur. Regula generalis præscribi nequit. Qui præfunt Ecclesiæ, & chorus, rationem Deo reddituri sunt, nisi pro viribus impediant eorum profanationem.

C A P U T IV.

De obligatione recitandi horas canonicas in choro, & de tempore, ordine, & loco quibus recitari debent.

I. **N**omine chori non solum intelligitur locus materialis in quo divinæ cantantur laudes, sed etiam, immo potissimum conventus Religiosorum qui ejusmodi horas cantant. Hi quippe præcepto astringuntur ad canendas in choro horas canonicas, quod præceptum a nemine Theologorum negatur, obligatque omnes cathedrales, collegiatas, & Regularium Ecclesiæ.

II. QUÆST. I. Tenentur ne omnes Ecclesiæ cathedralæ, collegiate, parochiales, & regulares sub gravi culpa recitare in choro horas canonicas? RESP. Rigore juris spectato omnes tenentur. Attenta vero consuetudine, quæ præceptum temperavit, aliquæ diebus dumtaxat dominicis, aut festis huic oneri subjacent: aliæ omnino exemplaræ sunt, ut communiter Theologi docent, & usus patefacit.

III. Regularium ordines qui chorum frequentant, tenentur sub gravi culpa horas canonicas in choro recitare. Quæ obligatio fundatur in jure communi, cui nunquam derogatum est. Præceptum hoc spectat totam communitatem, cùjus caput prælatus est, qui vi sui officii tenetur sub gravi culpa efficere ut divinæ laudes in choro celebrentur. Dispensare cum suis subditis valet, prout bono communi expedire videbitur.

IV. QUÆST. II. Quot Religiosi requiruntur ut præceptum recitandi horas canonicas in choro impleatur? RESP. Tamburinus cum aliis ait probabile esse communitatem excusari a choro, si constet solum ex quatuor, vel quinque. Hæc opinio falsa est, & laxa. Quatuor Religiosi, nedum quinque, sufficere ad implendum chori præceptum, docet communis opinio. Aliqui docent sufficere tres, ut ad chorum geneantur pro aliquo tempore non longo. Nimis enim onerosum est tres, aut quatuor diurno tempore chori jugum solos sustinere. Quare hoc in casu Religiosi isti deberent prælatum urgere, ut numerum augeret.

V. QUÆST. III. Novitii soli valent ne chori præceptum implere? RESP. Adfirmant Salmantenses, Pelizarius, Tamburinus, & alii: quia, inquit, in favorabilibus Novitii, quamvis nondum professi, gaudent privilegiis professorum. Hæc opinio mihi non videtur vera. Quoniam præceptum istud afficit communitatem Religiosorum. Novitii ante professionem non sunt pars communitatis, nec præcepto astringuntur recitare officium. Si igitur adsint professi in cœnobio, istorum aliqui saltē adesse choro debent.

VI. QUÆST. IV. Quo tempore recitande sunt hore canonicae in choro? RESP. In Clement. de celebr. Miss. præcipitur ut hore canonicae in Ecclesiis debitissimis horis devote persolvantur. Congrua tempora, quibus, jure antiquo spectato, celebrari hore canonicae debent, sunt hæc. Matutinum circiter medium noctem, ut colligitur ex cap. 1. de celebr. Miss. quod tempus semper designarunt antiqui Patres Athanasius, Basilius, aliquique,

indicatumque a Davide est: *Media nocte surgebam ad confitendum tibi.* Consuetudo hæc temporis tractu variata est. Singulæ Ecclesiæ suam servent probatam consuetudinem.

VII. In quatuor Regularium Mendicantium Ordinibus pervetusta consuetudo obtinuit recitandi Matutinum circa medium noctem. Tempus istud non modo congruit Regularium statui, qui est pænitentiae, & perfectionis, verum etiam assertum commodum incumbendi in litterarum studia, eo quod plus temporis supereft iisdem vacandi. Hoc temporis punctum moderatur universas alias disciplinæ regularis horas. Religiosi, qui surgere ad Matutinum debent, hora debita ire dormitum coguntur, & sic superflua colloquia impediuntur.

VIII. QUÆST. V. Estne gravis obligatio recitandi divinas laudes statis definitisque horis? RESP. Negant Cajetanus, Bonacina, Layman, Diana, Caramuel, & alii, quia circumstantia temporis extranea est divino officio. Opposita sententia, quam defendunt Navarrus, Suarez, Soto, Tamburinus, Castropalans, & alii, probabilior est. Tempus istud individuum non est, sed latitudinem admittit. Prælatus ex legitima causa anticipare, vel postponere potest harum horarum recitationem. Parvitas quoque materiæ datur tum respectu temporis, tum respectu unius vel alterius horæ. His constitutis, prælatus qui absque legitima causa, & ex merito arbitrio, vel negligentia notabiliter præveniret, aut differret divini officii recitationem graviter peccaret. Quoniam non modo sacri canones divinum officium recitandum in choro præcipiunt, verum etiam statis horis, & temporibus. Utique temporis circumstantia extranea est recitationi officii, sed præscripta circumstantia ista est a sacris canonibus.

IX. Ordinis recitandi horas canonicas perturbatio, si urgenti causa contingat, culpa vacat; si absque causa, & ex arbitrio fiat, in choro tamen, gravis culpa est, ut citati Theologi defendunt.

X. Locus recitandi horas canonicas est Ecclesia, seu chorus, qui est Ecclesiæ pars. Salmantenses defendunt graviter peccare eos qui in Sacristia, aut Capitulo celebrant divinum officium. Verum si Sacristia contigua Ecclesiæ sit, & consuetudo obtineat, ut re ipsa alicubi obtinet, ut mihi videtur, nulla culpa contingit. Qui ad chorum, incepto officio, accedunt, tenentur supplere officii partem ante eorundem accessum recitatam. Si qui

qui choro inserviunt omittent notabilem officium patrem, puta unum aut alterum psalmum, deberent illam supplere. Chorus submissa voce recitare versus illos debet qui organo pulsantur.

XI. QUEST. VI. Estne peccatum grave omittere in choro officium defunctorum, & officium parvum B. Virginis? RESP. S. Pius V. declaravit, illos qui Romanum Breviarium recitant, haud peccare mortaliter, si praefata officia in choro omittant ut pater ex Bulla sub initium Breviarii praemissa. Eos vero qui alium ritum a Breviario Romano servant, Pontifex non eximit ab obligatione, qua obstringuntur aut vi constitutionum, aut vi consuetudinis. Praeceptum recitandi praedicta officia afficit communitatem, & chororum, secus privatos, nisi sit peculiaris lex id præcipiens, ut est in ordine Prædicatorum, in quo Capitulum generale sub Magistro Cloche celebratum Bononiae declaravit singulos extra chororum astringi ad hoc officium B. Virginis recitandum. Die secunda Novembris omnes sub gravi culpa tenentur recitare officium defunctorum. Hoc autem officium recitari non potest in festo omnium Sanctorum post Vespertas in choro, nisi presente Episcopo, vel suffragante consuetudine propter populi concursum; sed Matutinum cum Laudibus recitandum est die 2. Novembris, ut Rubrica, & Decreta Sac. Congreg. declarant. Privata autem officii defunctorum recitatio pro generali illorum commemoratione absolvitur licite potest post vespertinas horas festi omnium Sanctorum, ut respondit Sac. Rituum Congr. 4. Septembr. 1745. in Ratipson. Qui ritum Romanum sequuntur, tenentur recitare Litanias die S. Marci, & tribus diebus Rogationum, ut tenet communior, & probabilius sententia.

XII. Recitantes in choro divinum officium una pars chori attente audire alteram debet, quia quisque integrum officium recitare tenetur: qui autem medium officii partem nec pronuntiat, nec audit, nullo modo recitat. Si una chori pars ita confuse, & submissa voce officium recitarer, ut ab altera audiri non posset, tum non impleretur præceptum. Quoniam tunc nulla esset inter has duas partes communicatio. Astringitur qualibet pars ita clare, & distincte suos versus recitare, ut ab altera chori parte audiri possit. Nihil autem refert quod unus & alter ita submissa voce pronuntiet, ut audiri ab altera parte nequeat, dummodo clare, & distincte pronuntiet. Quoniam sat est ut integra pars audiatur ab al-

tera parte, quamvis singuli non audiant singulos.

XIII. QUEST. VII. Quem ritum servare tenentur recitantes Breviarium? RESP. Omnes tum sæculares, tum regulares Ecclesiastici persolvere divinas laudes debent juxta formam Breviarii Romani iussu Pii V. editi, iis dumtaxat exceptis qui peculiari privilegio fruuntur. Ecclesiae Mediolanensis, & Laodicensis, & aliæ peculiarem ritum habent, sicuti & Ordines Benedictinus, & Dominicanus. Qui mutarent hunc ritum, graviter peccarent, necessitate sublata. Qui enim careret Breviario Romano, & haberet in manibus Breviarium Dominicanum, aut contra, hoc uti deberet. Præceptum autem recitandi officium prævaleret præcepto recitandi juxta hunc aut illum ritum. Et quamvis unicum esset præceptum, servanda est pars præcipua, qualis est recitatio laudum divinarum: quidquid in oppositum dicant Salmantenses cum aliis nonnullis. Falsam quoque reputo alteram opinionem Salmantensem, qui docent Religiosos privatos alicujus Ordinis puta Dominicani, vel Benedictini, qui proprium Breviarium habent, posse uti Breviario Romano. Possunt utique Ordines renuntiare proprio privilegio; at usquedum privilegium obtinet, & ritus in communi servatur, omnes & singuli servare tales ritum debent, etiam dum Romæ degunt. Alioquin magna confusio, & deformitas succederet. Quare nec Benedictini uti Breviario Dominicanorum, nec contra possunt. Religiosus factus Episcopus uti Breviario debet sua Ecclesiae, cuius caput est, relicto proprii Ordinis ritu. Episcopus plurium Ecclesiastarum, quæ diversis utuntur Breviariorum, illius Ecclesiae ritum servare debet in qua residet. Lege S. Thomam Quodlib. t. a. 13. ubi plura distinguit. Nequit aliquis ante tempus recitare Breviarium cum socio habente privilegium illud sic recitandi, aut brevius solito, quia privilegium unius non extendit ad alium, quidquid in oppositum dicat Leander cum aliis. Clericus nulli Ecclesiae additus, & patrimonio factis initatus nequit eligere Breviarium, sed Romano uti tenetur ex præcepto S. Pii V. Nec Episcopus dispensare cum Clericis valet ut divertium a proprio ritum amplectantur. Peccarent quoque qui alterarent ritum Breviarii Romani, & illi qui in Latina Ecclesia lingua Graeca, vel Hebreæ, aut vernacula officium persolverent, quia violarent ritum præscriptum a S. Pio V.

C A P U T V.

De illis qui privatim recitare horas canonicas astringuntur.

I. **Q**UEST. I. Clerici in minoribus consti-tuti astringuntur ne horas canonicas, vel aliquas preces recitare? RESP. Negant communiter omnes, clericos istos tene-ri sive ad horas canonicas, sive ad alias pre-ces, niū in aliqua Ecclesia consuetudo obti-neret quæ clericos astringeret, ob eleemosy-nas perceptas, ad recitandum officium Beatæ Virginis. Nec Episcopi absolute cogere cle-ricos valent ad aliquod prectionum pensum. Quoniam clerici subjecti Episcopis sunt in iis quæ proprium statum spectant, secus in iis quæ præter eorum statum sunt.

II. Clerici qui sacris initiati sunt, tenen-tur divinum officium persolvere, saltem vi generalis consuetudinis graviter obligantis. Immo etiam si metu iniuste incusso sacros ordines fulcepissent, ad hoc onus tenerentur, quia metus extrinsecus incussum non aufert voluntarium. Potiori jure obstricti essent, si metus juste incussum fuisset.

III. Subdiaconus qui ordinem suscipit, & clericus qui vel beneficium recipit, vel profes-sionem emittit, eo die quo sacris initia-tur, vel professionem, vel beneficium acci-pit, tenetur recitare eam officii partem quæ superest recitanda; quidquid in oppositum nimis laxe fabuletur quispiam. Episcopus ex gravi causa dispensare privatos clericos valet a recitatione officii, sicut ab aliis præceptis. Initiandi sacris ordinibus, aut beneficium suscep-turi paratum habere Breviarium, mo-dumque recitandi illud scire debent: alio-quin periculo præcepti violandi se se expo-nerent.

IV. **Q**UEST. II. An Religiosi nondum in sacris constituti, & Moniales emissæ profes-sione teneantur sub gravi culpa horas privatim extra chorum recitare? RESP. Novitos ante profesionem exemptos ab hoc onere esse do-cet communis, & vera sententia. Bordonius, Caramuel, Marchant, Lessius, Martinus a S. Joseph, quos citat Diana, negant Reli-giosos professos ante susceptionem facrorum Ordinum teneri sub gravi culpa ad persol-vendas horas canonicas. Sed hæc opinio fal-sa est: quoniam Regulares omnes, & Mo-niales chorum profitentes post emissam profesionem vi perennis consuetudinis, & vi propriarum constitutionum astringuntur pri-

vatum extra chorum persolvere divinas la-des.

V. Opponunt auctores citati consuetudi-nem invectam ab iis qui potestate carent eam introducendi, nullius esse roboris. Con-suetudo autem recitandi officii invecta est a Monialibus, & juvenibus, qui nulla potiun-tur facultate ad eam invehendam. Ergo nul-la est. Nugæ istæ sunt. Quoniam consuetu-do hæc ab auctoritate SS. Patrum, & a sa-crorum ordinum Patriarchis manat. Quare Religiosus professus chorista nondum sacris initiatus, dispensatus ut extra claustrum ma-neat, tenetur recitare horas canonicas. Religiosus fugitus professus ante ordinum sa-crorum susceptionem tenetur horas canonicas persolvere. Idem dicendum de Religiosis cho-ristis judicis sententia e Monasterio ejectis. Quid de Religiosis ad triremes damnatis, & sacris initiatis? Adfirmant plures Theologi eos ad horas canonicas persolvendas astric-tos esse. Verum mihi probabilius sententia est hos infelices, sive sint, sive non, sacris initiat-i, exemptos ab hoc onere esse, tum ob continua impedimenta, tum quia dum Pon-tifex eos tanto supplicio subjicit, videtur eos dem tacite dispensare ab onere, ne religio-sus status opprobrio exponatur.

VI. Privilegium indicavi Tom. 2. Theol. Chriſt. lib. 2. diff. 2. cap. 7. §. 2. n. 18. q. 7. pag. 404 concessum Benedictinis professis, quo eximuntur ab horis canonicas recitandis donec fuerint sacris initiati. Sed nunc de-prehendi privilegium istud haud satis authen-ticum esse. Quare retracto quod loc. cit. scripsi de hoc privilegio.

C A P U T VI.

De obligatione recitandi horas canonicas, qua-astringuntur Beneficiarii.

I. **Q**UEST. I. Qui habet beneficium sive simplex, sive curatum, astringitur ne sub gravi culpa horas canonicas recitare? RESP. Beneficia ecclesiastica sunt Episcopatus, Ca-noniciatus, Plebanatus, Rectoria, Præpositura, Dignitas, Præstmonia, Capellania Epi-scopi auctoritate erecta. Hos beneficiarios omnes teneri ad divinum officium persol-vidum, definitum est in Concilio Lateranensi sub Leone X. sess. 9. 5. Statuimus: & jure, quia qui libere aliquod beneficium suscipit, subire ejusdem onera debet: sed beneficium confertur cum onere recitandi horas canonicas: ergo persolvere easdem astringitur. Qua-

re Beneficiarius omittens divinum officium, si sit sacris iniciatus, duplex preperat crimen, alterum contra religionem, alterum contra iustitiam. Si metu coactus beneficium suscipit, & fructus percipiat, astringitur recitare horas canonicas; si percipere fructus nolit, liber ab officio recitando evadit.

II. Qui habet beneficium redactum in commendam, donec alteri detur, aut manuale, seu regulare, tenerur recitare officium, quia beneficium istud est, & ejusdem fructus percipit. Nihil enim officit quod ad nutum reverari queat. Tamdiu enim durat onus, quamdiu durat commodum. Si cui detur beneficium, ut pulset organa, recitare officium debet. Si solum conferantur fructus beneficij in mercedem, tunc nullum est recitandi officii debitum.

III. Quæst. II. Qui percipit præstimo-nia, tenetur ne ad canonicas horas? RESP. Negant nonnulli; sed probabilius, & communior opinio adfirmat, quod hæc præstimo-nia sunt portiones ex redditibus beneficij deductæ, atque adeo vera beneficia, ut S. Pius V. *motu proprio* declaravit. Si inter beneficia reputantur, beneficii oneribus subjacent. Similiter qui capellaniam obtinuerunt auctoritate Episcopi erectam, & ab eodem collata-m, tenentur canonicas horas persolvere. Si vero neque erecta sit ab Episcopo, neque ab eo conferatur, qui illam habet, liber est ab onere officii persolvendi. Si vero ex institutione non sit collativa, & postea conferatur semel vel bis ab Episcopo, non evadit collativa, atque adeo obtinens non est recitationi horarum subiectus. Contra si fre-quenter illam Prælati conferrent, tempore nempe congruo ad præscriptionem, tunc il-lam retinentes tenerentur ad horas canonicas, quia per hanc frequentem collationem induit rationem beneficij ecclesiastici.

IV. Qui ante legitimam ætatem obtinet ex dispensatione Pontificis capellaniam col-lativam, tenetur recitare horas canonicas; Missas vero per alios celebrare debet.

V. Quæst. III. Pensionarii tenentur ne ca-nonicas horas recitare? RESP. Si pensio sit o-minino laicalis, & conferatur titulo mercedis ob servitium præstitum Ecclesiæ, nulla est recitandi officii obligatio; contra si confera-tur Clerico ut Clerico, & necessarius sit in recipiente aliquis ordo, seu tonsura, tunc re-cipiens tenerur non ad horas canonicas, sed ad officium parvum B. Virginis, quia sic de-crevit S. Pius V. sub onere restituendi fru-citus pensionis. Exemptus vero est ab officio

Tom. I.

parvo B. Virginis recitando ille in cuius capite reservata pensio est ad alterius commo-dum: quia ille solus subire pondus recitandi officii debet qui commodo fruitur.

VI. Qui titulo clericali pensionem obti-nuit, & postea matrimonium contrahat, te-netur recitare officium B. Virginis, eo quod pensio ecclesiastica sit, quæque titulum cle-ricalem in recipiente requirit: idemque di-cendum de eo qui post initum matrimonium titulo clericali pensionem obtinet. Qui totam pensionem resignat, ad nihil tenetur: si par-tem tantum pensionis resignet, obnoxius re-manet recitandi officii oneri. Clericus bene-ficiarius, si obtineat pensionem, non tenetur recitare officium Marianum, cum horas ca-nonicas recitet. Mens enim S. Pii V. est ut alterutrum officium recitetur, secus utrumque.

VII. Quæst. IV. Episcopi, & Cardinales astringuntur ne ad recitandas canonicas horas? RESP. De Episcopis nullum est dissidium, sed omnes adfirmant illos obstringi. De Car-dinalibus anceps hæret P. Diana, suumque suspendit judicium. Verum Theologi omnes adfirmant, Cardinales obstrictos esse ad di-vinum officium persolvendum, cum Cardinali-latus sit maximum & eminens beneficium. Si omnes Beneficiarii oneri recitandi officii obnoxii sunt, strictiori jure devincti sunt Cardinales, onusque istud subeunt eo die quo birellum rubrum accipiunt.

VIII. Quæst. V. Coadjutores beneficiorum tenentur ne ad horas canonicas? RESP. Coadju-toria non est beneficium, etiam dum assi-gnatur aliqua congrua, quia beneficium remanet apud proprietarium, nec in duobus esse potest. Si vero coadiutoribus assignentur aliqui fructus non in stipendium, sed per modum pensionis, tunc sicut ceteri pen-sionarii tenentur recitare officium parvum B. Virginis. Si Parochio absenti, vel infirmo de-tur coadjutor; ut vices eiusdem gerat, tum astringitur omnia Parochi munia obire. Tan-dem si coadiutores expresse se se obligaverint, & in pactum deduxerint cum proprietario, Pontifice dispensante, tunc ad horas canonicas tenentur.

IX. Quæst. VI. Qui habet beneficium sine fructibus, tenetur ne ad horas canonicas? RESP. Si culpa sua careat fructibus, tenetur, quia ex sua iniuritate colligere fructum non de-bet. Si beneficium quocumque fructu careat, etiam tum teneri ad horas canonicas defen-dunt Medina, Paludanus, Turrecremata: quia sponte acceptans beneficium fructibus destitutum, etiam onera ejusdem sponte &

libere suscipit. Alii negant. Ego dicerem Beneficiario: aut dimittit beneficium, aut recita officium.

X. Si Beneficiarius contra juris ordinem non residet, astringitur ad horas canonicas. Si vero servato juris ordine, ex justa causa non residueat, etiam tum eum obstringi ad horas canonicas docent Paludanus, Soto, Turrecremata, Ledesma, Navarrus, Corduba. Negat vero Leander. Si causa absentiæ sit in bonum commune Ecclesiæ, forte tunc posset dici exemptus. Ceterum si abest ob suum peculiare commodum etiam honestum, puta studiorum causa, ut evadat Doctor, Magister, tum astringitur recitare horas canonicas. Neque opponas studium, & scientiarum acquisitionem in Ecclesiæ decorum, & commodum cedere: quoniam effugia hæc vana sunt. In solo casu defendenda Ecclesiæ, aut tuendi ejusdem jura, disputari posset, num Beneficiarius esset exemptus. Et etiam tum si posset horas canonicas recitare, non video rationem solidam, cur non debeat. Si Beneficiarius renuntiat fructus amicis, vel consanguineis, dubio procul obnoxius est recitationi divini officii. Similiter Beneficiarius qui ob excommunicationem non percipit fructus, astringitur recitare divinum officium. Qui vero injuste beneficium obtinet, ut per simoniam, aut quia est excommunicatus, irregularis, vel legitima destitutus ætate, non tenetur recitare horas canonicas; sed debet dimittere beneficium, & restituere fructus. Qui vero obtento legitime beneficio, eodem sententia judicis per annum aut longius intervallum privatur, astringitur toto illo tempore perfolvere canonicas horas: quoniam ex sua culpa colligere commodum non debet.

XI. Qui beneficium tenue acceptat, obligationi recitandi horas canonicas obnoxius est, ut communis & vera sententia docet. Siquidem onus istud non ex redditibus, sed ex beneficio oritur. Ergo qui vult beneficium, vult eo ipso onera beneficii. Si displicet onus, dimittat beneficium.

XII. Beneficiarius qui capta beneficii possessione impeditur pro aliquo tempore a fructuum perceptione, obligatur ad horas canonicas recitandas. Qui enim pro aliquo tempore privatur fructuum perceptione, & probabilititer sperat se eosdem suo tempore percepturum, habet beneficium, & jus percipiendi fructus. Astringuntur canonicas recitare preces Beneficiarii illi quorum primi anni fructus ex statuto Ecclesiæ, aut consuetu-

dine distribuantur inter antiquiores: tum quia voluntarie huic oneri se subjiciunt, tum quia ius habent fructus percipiendi. Hanc tamen consuetudinem ut pravani improbarunt Concilium Tridentum *sess. 24. c. 14. & S. Pius V. const. Dudum anno 1570.* Quando vero per vim & fraudem Beneficiarius impeditur a fructuum perceptione sine spe eosdem percipiendi, exemptus est ab onere divini officii, & dimittere beneficium potest. Si tamen impedimentum non esset perpetuum, neque ad tempus valde longum, & Beneficiarius retinere beneficium vellet, tum obligatus esset ad horas canonicas: quia & beneficium possidet & spem habet fructus percipiendi.

XIII. Beneficiarius qui post collatum beneficium, lite sibi intentata impeditur a capienda possessione beneficii, non tenetur ad horas canonicas. Quoniam onus recitandi horas canonicas non ex sola collatione, sed ex tranquilla possessione beneficii oritur. Ex collatione jus nascitur, sed mutuum, & imperfectum; perficitur autem possessione. Ex hoc absoluto titulo onus horarum canoniarum consurgit. Quando igitur beneficiarius nullo modo est in causa cur a possessione impediatur, sed lite intentata re ipsa impeditur ne beneficium possideat, exemptus ab onere est, donec possessionem assequatur. Usquedum enim possessio est sub lite, beneficium una cum fructibus contingens est: & ex re contingenti debitum certum manare nequit.

XIV. Si contra Beneficiarius assecutus sit beneficii possessionem, & fructuum administrationem, & postea lite impetratur, tunc tenetur ad horas canonicas: quia tunc fruatur titulo, possessione, & administratione beneficii. Et hæc est sententia communis.

XV. QUEST. vii. *Qui dubius est de tenuitate beneficii, tenetur ne sovero horarum canoniarum pensum?* RESP. Negant Probabilium plures. P. Tamburinus lib. 1. in Dec. c. 3. §. 7. v. Beneficiarius hæc scribit. „Dilectus infra, Beneficiarium tenue beneficium possidet entem non obligari *ex probabilitate sententia* ad horas canonicas perfolverandas. Quid ergo erit, si quando omnibus expensis ambigatur, utrum beneficium sit tenue, nec ne? Respondeo, puto *probabilitatem obligari*, & *nem probabile non obligari*. Quare alteram *ex his sententiis* quam tibi licet, amplecti licet. „Interest vel in hoc ipso Compendio ob oculos lectorum ponere *Probabilium* suavissimos fructus. Alteram *ex sententiis*, quam tibi licet, amplecti licet. Si una est vera, altera falsa sit necessum est.

Licet

Licet ergo tibi falsitatis venenum pro ingenio suavissime sorbillare. Sed lacrymis potius hæc lugenda sunt quam deridenda propinare. Heinc colligat lector quam verum sit quod supra dixi, nempe Probabilisimum esse, salvo meliori judicio, antievangelicum: quia pro sistente constituit licitum esse usum falsitatis, quæ in alterutra contrariarum propositionum reperiatur necessum est. Tamburini doctrinam sequitur Probabilista benignissimus Leander. Qui habet duo beneficia, quorum quodlibet ita exile est ut non sufficiat, sufficiunt tamen ambo ad honestam sustentationem, tenetur ad horas canonicas, ut omnes adfirmant. Qui vero plura pinguia beneficia habent, non duo, sed unicum officium divinum persolvere astringuntur. Si tamen plura beneficia injuste possideat Beneficiarius, tunc plures Theologi docent, hunc debere plura divina officia recitare. Dicerem ego falem Beneficiarum debere unum beneficium retinere, & cetera dimittere. Si Beneficiarius sit Sacerdos, habeatque plura beneficia, perpetrat ne plura peccata, si officium omittat? Adfirmant non pauci Theologi. Verum probabilius mihi est, unum solum peccatum patrare contra justitiam, alterum contra Religionem.

C A P U T V I I .

De restitutione Beneficiorum ob omissionem divini officii.

I. QUEST. I. Peccat ne mortaliter cum onere restitutionis Beneficiarius qui primis sex mensibus divinum officium omittit? RESP. Qui post elapsos sex menses horas canonicas omittit, secundum omnes, fructus restituere tenetur correspondentes omissionibus illorum dierum quibus omissum officium est, vel in totum, vel in partem pro rata portione. Si Matutinum cum Laudibus omissum est, diuidia pars fructuum illius diei, si omnes aliae horæ, altera diuidia pars; & pro singulis horis sexta pars, & pro integro officio omisso omnes fructus illius diei restituendi sunt, ut S. Pius V. declaravit. Quod intelligendum est de omissione culpabili, legitimo impedimento cessante.

II. De omissione intra sex primos menses Soto, Suarez, Medina, Graffius, aliquique plures defendunt Beneficium peccare mortaliter, & ad restitutionem teneri. Contra Navarrus, Toletus, Lessius, Castropalaus, Salmanticenses, & alii concedunt quidem

hunc Beneficiarium peccare mortaliter, negetant vero teneri ad restitutionem. Quoniam, inquit, Concilium Lateranense, & S. Pius V. definiunt peccare quidem mortaliter qui intra sex primos menses officium omittit, sed nullam faciunt restitutionis mentionem. Olim in hanc secundam sententiam ultro me propensum patefeci. Ibidem tamen animadversi restitutionem fructuum ex commutatrice justitia proficisci. Ius enim ecclesiasticum declarat id ad quod jus divinum obstringit Beneficiarios, qui omittentes obire propria munia, in Deum peccant, & in populum Christianum. Quamvis Concilium, & S. Pius V. non meminerint restitutionis sex priorum mensem, non propterea heinc inferri evidenter potest, exemptos esse Beneficiarios omittentes officium infra hoc intervallum ab onere restitutionis, quæ ex jure divino oritur. Quare cum ambigua res sit, tunc pars eligenda est, & cum priore sententia dicendum, Beneficiarium hunc restitutioni obnoxium esse. Quid enim presumendum de Beneficiario isto, qui vel ipsa beneficii sui exordia flagitiis profanat? Sicut iste gravius peccat, ita severius puniendus est, & restitutionis pena plestendus.

III. QUEST. II. Beneficiarius qui elapsis sex mensibus omittit recitare officium absque culpa, tenetur ne ad restitutionem? RESP. In rebus corporalibus non solum ex iusta acceptione, sed potissimum ex re accepta restitutionis oritur obligatio. Verum in restitutione orta ex jure spirituali hic titulus locum non habet. Quamobrem qui absque culpa omittit officium, a restitutione liber est. Et hoc colligitur ex ipsa S. Pii V. constitutione, in qua obligatur Beneficiarius ad restitutionem qui legitimo cessante impedimento non dixerit &c.

IV. Docent nonnulli, Beneficium qui uno aut altero die omittet officium, non teneri ad restitutionem; immo istorum aliqui dilatant omissionem ad octo dies. Sed haec opinio omni caret probabilitate, cum sit evidenter contraria constitutioni S. Pii V. dicentis: *Qui omnes horas canonicas UNO, vel pluribus diebus intermisserit.* Beneficiarius qui unam integrum horam intermittit, tenetur ad restitutionem, ut ex citata constitutione piana constat. Immo qui notabilem horæ partem negligret, cum mortaliter peccaret, & horam non recitaret, deberet restituere fructus correspondentes illi integræ horæ.

V. QUEST. III. Beneficiarius qui partem levem in singulis horis omittet, effet ne re-

sitioni obnoxius? RESP. Negant Salmanticenses, licet leves istæ omissiones simul accepta efficerent peccatum grave. Sed hæc opinio mihi falsa est. Quoties Beneficiarius omittit talem officii partem quæ sufficiat ad peccatum mortale, toties obligatur restituere partem correspondentem omissioni.

VII. QUEST. IV. *Qui hodie omittit officium, & cras duplex officium recitat, tenetur ne ad restitutionem?* RESP. Negant Salmanticenses, & alii. Quia, inquit, sicut Capellanus hodie Missam omittens, satisfacit, si postea duas celebret; ita si postea recitet officium omissum. Peccavit utique Beneficiarius, inquit, contra præceptum quotidiane recitationis, secus contra præceptum restitutionis, cum omissum officium altero officio compenset. Hæc opinio mihi falsa est: quoniam Ecclesia jubet fructuum restitutionem, declaravitque omittentem hodie officium non facere fructus suos. Si suos non facit fructus, eisdem restituere astringitur. Qui grossum canonicatus, ut vocant, seu certos redditus acquisivit, si officium omittat, tenetur ad restitutionem, quidquid in oppositum dicant Salmanticenses. Quia licet Canonicus acquirat, & jure possideat redditus; hæc tamen acquisitio, & possessio gravata est restitutionis onere, si omittatur recitatio officii. Siquidem quod fructus isti percipiuntur sive ante, sive post recitationem, perinde est. Semper enim gravati sunt recitandi officii debito fructus isti. Ergo cum officii debitum non solvit, facienda restitutio est.

VIII. QUEST. V. *Prefata restitutio facienda ne est ante judicis sententiam?* RESP. Adfirmant communiter Theologi etiam benigniores. Ratio est evidens. Qui omittunt officium, non faciunt fructus suos, ut lex Ecclesie definivit. Nemo autem retinere jure valet quod suum non est. Quamobrem merito Alexander VII. proscriptit sequentem thesim: *Restitutio a Pio V. imposta Beneficiatis non recitantibus, non debetur in conscientia ante sententiam declaratoriam judicis, eo quod sit pax.* Obspringuntur itaque illico Beneficiarii isti restituere fructus injuste perceptos.

X. QUEST. VI. *Beneficiarius absque ultra attentione recitans officium, tenetur ne restituere?* RESP. Negant nonnulli. Verum probabilior est opposita sententia, atque communior. Qui enim data opera animo distraet recitat canonicas horas, non implet recitationis præceptum, quemadmodum non impletur præceptum annua confessionis per confessionem sacrilegam: ergo urget præce-

ptum restitutionis perinde ac si omissum officium esset. Qui vero peccato mortali inquinati attento animo recitant, implet præceptum, & nihil restituere tenentur.

XI. QUEST. VII. *Beneficiarius curatus omitens horas canonicas, tenetur ne restituere omnes beneficii fructus, an solum fructus correspondentes recitationi omissæ?* RESP. Benignioris Ethices patroni plures defendunt, restituendam esse dumtaxat partem fructuum correspondentem horis omissis. Sed adfirman tem sententiam graviores Theologi defendunt, nisi constitutioni pianæ inquieti: *Qui horas omnes canonicas uno, vel pluribus diebus intermisericorditer, amittat OMNES BENEFICIUM, vel beneficiorum fructus, qui illi vel illis diebus correspondent.* Ponamus hypothesim, voluisse nempe S. Pium V. declarare Beneficiarium debere restituere omnes beneficii fructus, poterat ne clarioribus verbis uti? Omnes ergo beneficii, vel beneficiorum fructus restituere isti tenentur, tam recitationi, quam aliis ministeriis correspondentes. Accedit quod nimium arbitria est juxta oppositæ sententiae auctores restitutio, si in arbitrio cuiusque Parochi, & Beneficiarii constituta esset. Si enim quilibet Beneficiaius secernere deberet, & eos retinere qui respondent aliis ministeriis, ceteros vero restituere; restitutio correspondens recitationi omissæ vix occurreret, & in nihil occideret. Quare omnibus aequalitate libratis hæc secunda opinio probabilior est.

X. QUEST. VIII. *Qui unum officium pro alio recitat, tenetur ne ad restitutionem?* RESP. Qui unum officium pro altero voluntarie recitat, puta de Sancto cum sit de feria, non implet præceptum, quia præceptum istud impletum est juxta formam præscriptam ab Ecclesia. Porro qui præceptum non implet, restitutioni obnoxius est. Opposita opinio includitur meo facile judicio in propositione damnata, qua dicebatur unum officium pro alio valere.

XI. QUEST. IX. *Cuinam restitutio fieri debet, fabricæ, an pauperibus?* RESP. Responso patet ex constitutione: piana præcipiente Beneficiarios debere hos fructus injuste perceptos vel in fabricam ipsorum beneficiorum, vel in pauperum eleemosynas erogare. In libertate itaque est Beneficiarii omittentis officium, fructus injuste perceptos vel fabricæ, vel pauperibus restituere. Nomine fabricæ veniunt vel domus, agri, redditus beneficii, vel Ecclesia ipsa instauranda; non vero templo alterius beneficii. De pauperibus nihil de-

decernit constitutio. Ratio tamen naturalis dictat ut pauperes loci preferantur pauperibus extraneis. Specienda tamen sunt circumstantiae majoris paupertatis. Si Beneficiarius qui restituere debet, revera pauper sit, sibi ut pauperi, fide bona, partem aliquam fructuum potest applicare. In hoc tamen negotio consulere Beneficiarius debet virum pium, & prudentem, quia avara cupiditas omnibus insita facile effingit paupertatem ubi non est. Debet quoque Beneficiarius partem dumtaxat, pro maiori, vel minori paupertate, fructuum sibi ut revera pauperi applicare, non ut ditior, vel commodior evadat, sed tantum ut sua paupertati succurrat: alioquin se ipsum decipit. Falsa mihi est sententia eorum qui docent posse Beneficiarium hunc applicare fructus restituendos ad sorores, ad fratres, ad matrem, non solum si sint mendicci, sed etiam si necessariis ad decentiam personae, vel status careant. Hac doctrina admissa vix dabitur casus in quo aut fabricæ beneficiorum, aut pauperes aliquid percipiunt: decentia enim matris, sororum, & fratrum vix confinia admittunt. Docent insuper Theologici, ejusmodi fructus erogari posse in suffragium mortuorum. Ego dico erogandos esse fructus pauperibus hac conditione, ut isti preces pro animabus Purgatorii fundant. Hoc pacto securius lex servatur.

XII. Disputant nonnulli num Beneficiarius possit retinere fructus sibi a pauperibus donatos, antequam iisdem tales fructus contulerit? Promisit Beneficiarius fructus restituendos huic aut illi pauperi: antequam fructus pauperes accipiant, eosdem Beneficiario donant. Si donatio fiat ante fructuum traditionem, non audent licitam assere retentioinem; si vero fiat post traditionem fructuum, tum validam aliqui asserunt. Haec sunt quaestiones antiquis Patribus incognitæ. Si pauperes revera tales sunt, quomodo donare valent subsidium quo ipsi indigent? Quæstio haec futile est.

XIII. QUÆST. x. *Fructuum restitutio superlieri ne potest eleemosynis factis a Beneficiario antequam omittaret preces canonicas?* RESP. Adfirmat Leander, & pro hac sua opinione citat Suarez, Pellizarium, Pasqualigum, Laymanum, Eusembaum. Haec opinio continetur in hac thesi damnata ab Alex. VII. Restitutio fructuum ob omissionem horarum superlieri potest per quascumque eleemosynas quas Beneficiarius de fructibus sui beneficii fecerit. P. Viva in commentariis in hanc propositio nem n. 9. defendere nititur P. Suarez doctrinæ

nam a thesi proscripta. Quam felici eventu id præstet, aliorum esto judicium. Plura ibidem docet P. Viva quæ mihi laxa videntur, quia de medio tollunt constitutionis Lateranensis, & S. Pii V. præceptum. Lege Tom. 2. in Decal. lib. 2. cap. 8. q. 16. n. 29. Beneficiarius qui nullo habito respectu ad restitutioonis suæ debitum eleemosynas elargitur, liberaliter donat. Liberali autem & gratuita donatione non solvit id quod ex justitia debetur.

XIV. QUÆST. xi. *Pensionarius tenetur ne fructus pensionis restituere pro rata, si officium recitare omittat?* RESP. Adfirmant omnes. Si Beneficiarius prætermitrat solvere pensionem, debet pensionarius illum urgere ut solvat, non ut fructus istos sibi retineat, cum officium omittat, sed ut creditoribus, nempe pauperibus, vel beneficii fabricæ eroget. Nec Beneficiarius negare absolute valet pensionario non recitanti solutionem pensionis: quoniam Beneficiarius debitor, non judex est.

C A P U T VIII.

*De attentione, intentione, voce, tempore,
& loco servando in recitandis
canonicis horis.*

I. QUÆST. i. *Quæ attentio requiratur ad recitationem divini officii?* RESP. Duplex attentio, exterior, & interior. Exterior præcripta est cap. Dolentes. De interiori Theologi in utramque partem disputant. Negant Diana, Machadus, Tamburinus, Coninchus, Cardinalis de Lugo, Gobat, & alii multi, quos citat P. La-Croix. Adfirmantem sententiam defendant Cajetanus, Navarrus, Vasquez, Valentia, Suarez, Genet, Van-Roy, Henricus a S. Ignatio, Natalis ab Alexandro, Antoine, & alii pluri.

II. Salmantenses referunt utramque sententiam, contenduntque Theologos utriusque sententiaz idem sentire. Triplicem distinguunt attentionem: 1. qua quis attendit ad verba; 2. meditatur verborum sensum; 3. Deum spectat; & est omnium perfectissima, quia mentem Deo conjungit. Unam ex his tribus sufficere fatentur omnes. Loco principii constituant Theologi isti distractiōnem voluntariam non opponi attentioni verborum, quæ attentio sufficit ad debitam recitationem. Sola quippe voluntas, qua quis deliberat se expresse nolle attendere ad verba, retractat priorem attentionem. Conten-

dunt

dunt mentem humanam posse simul ad diversa disparata attendere, & ideo per voluntarias distractio[n]es non interrupi priorem attentionem. Eo solum in casu ajunt interrupi, & retractari priorem attentionem ad verba, cum quis dicit intra se, Nolo attendere; vel per actus exteriores fabulandi, scribendi, legendi &c. re ipsa attentionem virtualem interrupat.

III. Hæc doctrina, qua asseritur per voluntarias distractio[n]es non interrupi attentionem virtualem, quam ipsi admittunt, mihi falsa est. Qui enim animo deliberato aliorum mentem distrahit, quacumque attentionem & formalem, & virtualem interrupit. Vanissimum commentum est, quod loco principii constituant adversarii, nempe humanam mentem posse eodem tempore simul & deliberate contraria & disparata meditari. Et quoniam experientiam nobis opponunt, ad hanc causam revoco. Applica ferio & deliberato animo mentem ad aliquam quæstionem, aut negotium, dum psalmos recitas, & continuo experieris linguam balbutire, mentem vim pati, oculos revolvi, & temetipsum astantibus veluti alio abreptum præberi. Quando distractio[n]es patimur involuntarias, intellectus noster occultissima inclinatione, & naturali quodam pondere in illa rapitur objecta in quæ magis propendet, & cum nullus tunc pugnet actus contrarius, ideo lingua verba absque impedimento pronuntiat. Meditetur quæstiones, negotiumque disparatum, continuo vel exterius in vultu appetit interna pugna. Evidens igitur, & ipsa experientia compertum, non posse hominem eodem momento deliberato animo contraria meditari.

IV. Ex his infertur, Salmanticensium sententiam falsam, & laxam esse; illam nihilominus transcripsit, & sua Medulla recenti inseruit eorumdem Salmanticensium Compilator novissimus.

V. Ad propositam quæstionem itaque respondeo, dari præceptum recitandi horas canonicas cum attentione interna. Quod præceptum duo includit: propositum attendendi, & quod hoc propositum non revocetur vel contrario actu, vel voluntaria distractio[n]e, vel actione externa quæ natura sua alio mentem rapiat. Hanc sententiam defendunt communiter graviores Theologi. Istorum plures contendunt, hanc interiorem intentionem ab Ecclesia præceptam esse. Valeat nec ne Ecclesia actus interiores præcipere, ab hoc nunc supersedeo: illud mihi

verosimilius videtur quod in hac materia non præcepit saltem directe hanc interiorem attentionem: aliunde quam ab humano præcepto positivo hæc obligatio recitandi attente & devote divinum officium proficiscitur. Dico itaque lege naturali, & divina hanc intentionem præscriptam esse. Et hoc ex Scripturis sanctis eruitur. S. Paulus i. Cor. 14. inquit: *Qui loquitur lingua, oret, ut interpretetur. Nam si orem lingua, spiritus meus orat; mens autem mea sine fructu est. Quid ergo est? Orabo spiritu, orabo & mente; psallam spiritu, psallam & mente. Christus Dominus Matth. 15. increpat Phariseos. Hypocrite, bene prophetavit de vobis Isaías dicens: Populus hic labiis me honorat; cor autem eorum longe est a me. Rursus Joannes cap. 4. Veri adoratores adorabunt Patrem in spiritu, & veritate: nam & Pater tales querit. Patrum testimonia, ne sim longus, prætero.*

VI. Rationum momenta obvia sunt. Oratio est actus virtutis Religionis: quilibet autem virtutis actus debit[us] peragi circumstantiis debet. Potissima autem circumstantia quæ comitari orationem debet, attentio est. Virtus Religionis, cuius actus oratio est, Deum spectat tamquam finem, cui cultum suum offert. Cultus iste seu adoratio Deo exhibita fieri in spiritu, & veritate debet: alioquin si solo corpore fieret, hypocrisis, & larva adorationis esset. Quid quod ipsa oratio definitur *mentis elevatio in Deum, & petitio eorum quibus indigemus?* Hæc autem præstari absque mentis elevatione nequeunt. Accedit quod secundum omnes necessaria est intentio saltem virtualis orandi. Hæc virtualis intentio consistere absque saltem virtuali attentione nequit. Tum quippe desinit etiam virtualiter consistere, cum homo sciens & advertens se de aliis cogitare, & non attendere ad id quod pronuntiat, negligit ad se mentem revocare. Hoc enim in statu re ipsa vult non orare, sed more meruli, & psittaci, vel picæ verborum sonitum edere, non humano modo Deum honoreare.

VII. Attentionem virtualem ad precum verba sufficere dictum est. Hæc virtualis attention, quæ fructus est primi propositi, quo constituimus nos applicare animum velle ad ea quæ oraturi sumus, tandem perseverat, quandiu deliberata electione non retractatur. Hæc autem retractatio duabus modis fieri potest. Primo si solvens horarum pensum, alio in negotio occuperis, quod natura sua adverteretur attenta orationi, ut si pingas, scribas, legas, quidve simile agas. Si enim bre-

brevi tempore te indias, laves, aliqua objecta aspicias, præceptum attente orandi non violas, dummodo hæc obiter peragas. Secundo retractatur prior intentio attendendi, dum quis orans advertit se ad alia distractum esse, nec coercet animum suum, sed voluntarie persistit in distractione. Nec requiritur ut dicat, *nolo attendere*, ut contendunt Salmanticenses; sed sicut est ut re ipsa advertens & volens distractus perseveret.

VIII. Plura adversarii congererent solent, ut evicant orationem sine attentione confitentes, & voluntarias distractiones non obstatre quin impleatur præceptum orandi. Verum hæc omnia fuse labefactavi *Tom. 2. in Decal. lib. 2. diss. 2. c. 9. §. 1.* Eadem nunc brevitatis studio prætero. Adeo enim laxa sunt, ut lector solo lumine naturali perfusus eadem detestetur. Audi quæ scribit tract. 5. num. 821. P. Gobat. „ *Probabilis multo est essentiam orationis vocalis confistere cum perpetuis voluntariis distractionibus, seu evagationibus mentis.* Ita *Cardinalis de Lugo ex instituto. Tamburinus lib. 4. in Decal. cap. 2. §. 1.* Cotonius, atque omnes, qui concedentes recitationem Breviarii impetrari ab Ecclesia per modum orationis, excusant a mortali *foventes perpetuas distractiones.* „ *Num. 842. subjungit: „ Probabilis est non teneri ad ullam restitutio nem qui cum voluntariis, & perpetuis distinctionibus recitavat horas omnes, aut unam, modo integræ, & cum intentione orandi.* „ *Plurima alia prætero.* Sufficit identidem fructus Probabilismi indicare, ut lectors cauiores sint in his libris legendis. Quis enim non commoveatur, dum talia legit paradoxa? His laxis opinionibus, quæ non ut probabiles modo, verum etiam ut probabiliores evulgantur, imbuti tot miseri Sacerdotes & Breviarium, & Missam non celebrant, sed blaterant, & mufitant.

IX. QUÆST. II. *Sufficit ne ad adimplendum præceptum attentionem habitualis?* RESP. Negant omnes qui defendunt necessitatem interiore attentionis. Quando in S. Thoma legis satis esse attentionem habitualem, scias velim nomine attentionis habitualis eum intelligere virtualem, ut in plurimis testimoniosis liquer.

X. QUÆST. III. *Satis ne est ad impletum præceptum, meditari mysteria passionis Christi, aut Sanctorum, vel B. Virginis acta?* RESP. Adfirmat communior, & probabilius sententia. Ex tribus quippe attentionibus, ad verba, ad sensum, ad Deum, hæc tertia

est omnium perfectissima, ut dictum est alias. Porro cum quis meditatur passionis Christi mysteria, vel Sanctorum acta, quæ relationem ad Deum exprimunt, mentem ad Deum elevatam habet.

XI. QUÆST. IV. *Peccant ne Christiani qui animo distracto preces recitant?* RESP. Quando præceptum orationis urget, ut urget diebus festis, tum ex præcepto necessaria attentionis est. Quare rejicienda est, ut enormiter laxa, quorundam doctrina qua statuitur, non teneri fideles audientes Missam die festo attentionem adhibere. Hac admissa doctrina, Christiani, veluti animalia solum corpus, secus animam Deo subjiciunt. Nisi tempore quo præceptum urget assistendi incruento Sacrificio, Christiani elevent in Deum mentem, quando id præstabunt? Et nisi Deum, & Christi mysteria meditentur, quid discriminis eos inter & bruta? In ceteris precibus, quas ex devotione fideles recitant, distractiones non excedunt culpam venialem. Omitti sine culpa oratio potest; at recitari mente distracta sine culpa aliqua nequit. Non teneris alloqui Pontificem summum; at posito quod alloqui eum velis, ea servare debes quæ pontificiæ Majestati congruent. Oratio sine attentione simulacrum orationis est. Levis tamen est culpa hæc, præsertim quod raro distractio sit omnino deliberata. Qui enim ex devotione orant, omittunt orationem, cum ad alia attendere cupiunt.

XII. QUÆST. V. *Quæ sunt actiones externe que in recitante horas canonicas attentionem interiorem impediunt?* RESP. Exteriorem devotionem directe præcipit cap. *Dolentes* ut dictum est. Quare omnes adfirmant abstinentiam ab actionibus externis, dum divinum officium recitatur. Difficultas est designare actiones illas quæ attentionem interiorem impediunt. Omnes adfirmant, scribere, pingere, aliud legere, vel audire, pugnare cum interiore attentione. Qui officii partem recitant dum se induunt, aut lavant, præcepto attentionis satisfaciunt. Communior quippe opinio, & probabilius docet ejusmodi actiones non pugnare cum attentione interna. Sunt enim ejusmodi opera adeo facilia, & familiaria ut nullam præter habitualem assuetudinem requirant attentionem. Intellige tamen de vestitu familiari & consueto. Nam si sermo esset de ornatu exquisito & eleganti, nullo modo impleretur præceptum. Nihil nunc dico de ornatu vano, & de artificiose pomparum dispositione: quia certum est hæc omnia pugnare cum elevatione mentis in Deum in ora.

oratione recitanda necessaria. Loquimur ergo de Christianis, & Religiosis, qui e lecto surgentes signant se signo crucis, & induentes se preces recitant. Ipsæ Rubricæ Missalis Romani præscribunt quasdam preces recitandas a Sacerdotibus dum manus lavant, & sacras vestes induunt.

XIII. QUÆST. VI. *Licitum ne est inter manuum labores preces recitare?* RESP. Omnia munda mundis, & sanctis sancta. Si Christiani ex devotionis fervore labores suos manuales, & corporales Deo offerant, Deumque precentur, hymnos sacros canant, quis pium hunc morem improbabit? Si vero clerici, & Religiosi singulari ritu dicati, qui tempore abundant quo Deo vacare queant, laudes divinas defatigationibus corporalibus inniscerent, necessitate sublata, proculdubio peccarent, & proprio statui a terrenis curis segregato injuriam afferent. Circumstantia ergo, & principia spectanda sunt, unde orationes istæ manant.

XIV. QUÆST. VII. *Satisfacit ne precepto recitandi horas canonicas qui simul Missam de præcepto audit?* RESP. Adfirmat communior opinio. Nihil quippe peculiare habet auditio Missæ quod cum divini officii recitatione pugnet. Ambo vero præcepta eodem conspirant, & euindem finem spectant, nempe Dei cultum. Nonne si Missa audiatur ex devotione, recitari divinum officium ex præcepto impositum valet? Auditio ergo Missæ non pugnat cum recitatione officii. Consulitius tamen est diverso tempore distincta implere præcepta.

XV. QUÆST. VIII. *Quid de eo dicendum qui in choro somno vexatur?* RESP. Certum est illum non satisfacere qui per notabilem officii partem dormiret. Qui in choro somno vexatur, recitat tamen omnes versiculos, & somnum excutere conatur, licet aliquem versiculum per subreptionem omitteret, non esset obligandus ad repetendum officium. Esset enim pondus nimis grave talis repetitio, & occasionem pareret abstinenti a choro. Qui extra chorū somno vexatur, in tempus magis opportunum differat recitationem. Qui somno obnoxii sunt, & differunt recitationem divini officii prope medianam noctem cum prævisione in præterita experientia fundata succumbendi somno, letaliiter peccant, ut communiter Theologici docent.

XVI. QUÆST. IX. *Necessaria ne intentio est recitandi horas canonicas?* RESP. Adfirmant omnes. Duplex intentio: altera formalis, & expressa, dum quis hunc elicit actum:

volo implere præceptum recitandi canonicas horas: altera implicita & virtualis, quæ continetur in ipsa deliberata voluntate exequendi opus præceptum. Omnes adfirmant sufficere virtualem, & implicitam intentionem. Hæc autem habetur eo ipso quod accipias Breviarium ad recitandas dictas horas. Quare rejicienda est illorum opinio qui dicunt non debere repetere officium illum qui inciperet recitare officium divinum cum expresso animo non satisfaciendi. Qui enim recitat officium cum expressa voluntate non satisfaciendi, revera non satisfacit; sicut si debes centum aureos Paulo, & alios centum eidem dones, cum expressa voluntate non solvendi debitum, numquid debitum solveres? Idem dicendum in casu nostro.

XVII. QUÆST. X. *Satis ne sit sola mente, absque exteriore voce, canonicas horas recitare: & an Regulares fruantur privilegio recitandi officium divinum mentaliter, dum privatim extra chorū illud persolvunt?* RESP. Voce recitandum esse divinum officium docent omnes, & hoc in pluribus Conciliis, & cap. Dolentes præceptum est. Aliqui tamen citati a Leandro defendant, spectato jure communi, probabile esse sola mente recitari horas canonicas posse. Quam opinionem non rejicit Leander, immo dolet quod a P. Suarez declaretur improbabilis: quæ tamen opinio non improbabilis modo, verum etiam falsa penitus est, & perridicula.

XVIII. Ad Regulares quod attinet, respondet ipse Leander, probabilius esse istos frui privilegio recitandi mentaliter Breviarium: & pro hac opinione citat Tamburinum, Hurtadum, Joannem de Cruz.

XIX. Salmantenses tract. 16. cap. 3. p. 8. num. 51. hanc opinionem probabiliorem, nedeni probabilem reputant, referuntque privilegium Leonis X. confirmatumque ajunt a S. Pio V. & concludunt Regulares posse re ipsa vi istius privilegii mentaliter officium persolvere.

XX. Hæc opinio falsa est mihi, commentatio privilegio nixa. Dixi privilegium istud commentitium esse in sensu allegato ab auctoribus citatis. Quoniam, ut Pejerinus ipse, qui refert hoc privilegium, testatur, Pontifex concedit dumtaxat ut fratres scrupulosi valeant aliqua quæ secreto in choro recitatur mentaliter recitare, adjecta conditione, si majorem experiantur devotionem. Vide Tom. 2. in Decal. lib. 2. diff. 2. cap. 9. §. 5. ubi plura alia privilegia relata a Salmanticensibus reselluntur.

XXI. QUEST. XI. Peccat ne letaliter qui unicum ex minimis horis omittit? **RESP.** Negant plures, quorum opinio falsa mihi est, & contrariam docent communiter Theologi. Disputant aliqui, num peccarent mortaliter qui omitterent aut dimidiam, aut tertiam horam, puta Sextam, aut Nonam, partem: & quisque pro arbitrio adfirmat, & negat. Quæstiunculae istæ superfluae sunt. Quis enim, nisi amens sit, recitat dimidiad horæ canonice, puta Primam, vel Nonam, & aliam dimidiad, vel tertiam partem omittet? Caramuel defendit non peccare mortaliter eum qui unum nocturnum omittit in Matutinum cum Laudibus. Hanc opinionem ut manifeste falsam improbat communiter Theologi. Unius quippe nocturni omissionis gravis est. Leander, Sanchez, Diana docent non peccare mortaliter eum qui in Matutinis feriae, aut simplicis officii alicuius Sancti omitteret voluntarie tres lectiones cum tribus responsoriis, quia hæc est materia parva. Franciscus Pellizarius defendit non peccare graviter qui omitteret Vesperas Sabbati sancti. Omnes istas opiniones Theologi graviores recipiunt ut falsas.

XXII. QUEST. XII. Peccant ne mortaliter qui brevius, loco longioris, officium recitant? **RESP.** Caramuel, Antonius a Spiritu sancto, Leander, Vasquez, Azorius, Salmanticenses, & alii defendant, non peccare mortaliter illos qui sine causa, & ex sola cupiditate sese celerius expediendi, permutant divinum officium ad libitum, feliciterque brevius loco longioris, puta de sancto cum fit de feria, vel de Dominica.

XXIII. Recensita opinio falsa est, & nisi me fallunt omnia, continetur in hac damnata thesi ab Alex. VII. In die palmarum recitans officium paschale satisfacit præcepto. Non solum urget præceptum recitandi divinum officium, sed etiam præceptum adest illud recitandi juxta formam ab Ecclesia præscriptam. Reponunt laudati juniores, S. Pium V. non imposuisse præceptum, sed exhortationem tantum præscriptissime; vel præceptum esse in re levius. Levis ne res dicenda est quæ ritum recitandi divinas laudes moderatur? Præceptum est, & quidem in re gravi.

XXIV. Damnares ne culpæ gravis eum qui bona fide recitavit officium existimans revera illud esse talis diei officium, si nollet illud repetere? Non auderem afferere hunc nolentem repetere aliud ejusdem diei officium reum esse peccati mortalis. Ego ta-

men repeterem. Qui ex errore omittunt officium duplex, & supra, debent primo die vacuo illud recitare, si privatim recitant extra chorū; fecus qui recitant in choro. In praxi quicque videat quid ordinis congruat, quid a confusione magis distet. Qui hodie recitat divinum officium ex errore recitandum crastina die; debet crastina die illud recitare, quia error privatus non debet pervertere ordinem præscriptum ab Ecclesia. Qui omittit totum officium, unicum non plura peccata commitit.

XXV. QUEST. XIV. Quæ continuatio, Ordo servari debent in recitandis canonice horis? **RESP.** Salmanticenses defendant, nunquam graviter peccare eum qui intra naturalem diem recitat divinum officium, etiam si maxima contingat interruptio, etiamsi interruptio fiat in medio unius psalmi, unius lectionis. Mane incipit recitare unum psalmum, in psalmi medietate, vel lectionis, negotium suscipit; ad meridiem, vel ad vesperas resumis medietatem alteram psalmi, vel lectionis: si absque causa id facis, peccas venialiter, nunquam vero mortaliter, inquit laudati Patres, & pro hac opinione citant Leandrum, Bonacinam, Lessium, Dianam, Laymanum, & alios. Hæc opinio mihi non probatur, quia tollit orationis continuatatem, & maximam redolet deformitatem. Quare graviores Theologi hanc adeo enormem interruptionem gravis culpæ damnant. Verum in praxi vix hæc continentur. Quis enim psalmum, quem mane recitavit, coniunget cum psalmo sub Solis occasu recitando, aut medietatem unius lectionis recitatæ mane, cum altera medietate sero recitanda? Levis interruptio absque causa venialis, cum causa nulla culpa est.

XXVI. Ordo autem servandus est ut primo Matutinum & Laudes, deinde Prima, Tertia, Sexta, Nona, Vesperæ, & Completorium recitentur. Hunc ordinem non cedere sub præcepto, docet communis sententia; ita ut qui recitaret Primam, Tertiam, Sextam, Nonam, Vesperas, Completorium ante Matutinum non peccaret mortaliter, sed tantum venialiter, ablata justa causa. Si enim justa causa adsit, nulla patratur culpa. Qui tamen ex consuetudine hunc perturbarer ordinem, vix excusari posset a contemptu ordinis præscripti ab Ecclesia. Quare non probo opinionem Salmanticensium inquit, nunquam ordinis istius perturbationem pertingere ad culpam mortalem. Nunquam contingit culpa mortalis, quia vix

ac ne vix quidem in praxi occurrit hæc habitualis perturbatio. Quis enim adeo stupidus est ut velit sine causa ex consuetudine hunc ordinem pervertere? In choro hæc perturbatio nimis esset deformis, & scandalum ingereret: & si frequenter hoc fieret, non excusarem a gravi culpa.

XXVII. *Quo tempore recitande sunt hore canonicae?* **RESP.** Singulis diebus recitandum est totum officium. Dies incipit ex consuetudine post horam vesperrum diei antecedentis pro recitando Matutino cum Laudibus diei subsequenti. Tempus autem recitandi Primam, & ceteras horas ipitum dicit a puncto mediae noctis antecedentis diei, & definit in puncto mediae noctis diei sequentis. Aliqui defendunt licitum recitare post horam vespertinam, sicut Matutinum cum Laudibus, ita ceteras omnes horas diei sequentis. Sed hæc opinio falsa videtur, quia ex laudabili consuetudine Matutinum tantum cum Laudibus citata hora licite recitat. Ceteræ autem hora recitari debent sequenti die. Qui nimium aut anticipat, aut postponit absque causa horas canonicas, venialiter peccat; minus tamen malum est anticipare quam postponere. Justa causa anticipandi est publica lectio, concio, studium, periculum supervenientis occupationis, labor manuum, & cetera id genus: & tunc nulla culpa patratur, ne venialis quidem.

XXVIII. Leander cum aliis junioribus docet, implere præceptum qui paulo ante medium noctem diei sequentis incipit recitare, & deinde persequitur persolvere totum officium diei præcedentis; sed hæc opinio manifeste falsa mihi est. Officium enim est pensum diei. Qui autem paulo ante medium noctem diei sequentis incipit recitare, maximam officii partem recitat elapsò jam die. Ergo diurnum præceptum non implet. Caronuel docet hanc opinionem: *Unico officio potest quis satisfacere duplice præcepto pro die praesenti, & crastino: quam thesem damnavit Alexander VII.*

XXIX. *Quæst. xv.* *Qui celebrat Missam ante recitatum Matutinum peccat ne mortaliter?* **RESP.** Adfirmantem opinionem defendunt Gabriel, S. Antoninus, Ledesma, Tabiena, Navarrus, Zanardus. His accedit P. Antoine. Sententia negans mihi probabilior est, & vera. Nam præceptum officii duo sunt disparata præcepta. Non peccat mortaliter qui ordinem horarum pervertit; & tamen major est or-

do inter horas canonicas ipsas, quam sit inter officium divinum & Missam. Tandem non celebrata Missa absque culpa recitatur Breviarium. Ergo Missam inter & Breviarium talis connexio non est ut mortaliter peccet qui hanc ordinem pervertit.

XXX. Consuetudo, quam adversarii oppnunt, non obligat sub gravi. Utique Rubricæ præscribunt recitandum Matutinum ante Missam. At non propterea infertur violationem hujus ordinis esse letalem. Omnes Rubricæ conjunctim acceptæ, quæ formam ritus præscribunt, obligant utique sub gravi; minime tamen divisim acceptæ singulæ. Numquid alia Rubricæ sive Breviarii, sive Missalis, totidem sunt præcepta quæ sub letali obligent? Nequaquam. Perturbatio ergo hujus aut illius Rubricæ divisim venialis, fecus mortalis, culpa est. Major deformitas esset, si ante Matutinum Missa choralis celebraretur. Si tamen scandalum absit, neque hic mortale crimen agnosco. Cavendum tamen a consuetudine transgrediendi leges quacumque, etiam illas quæ politiam, & pios ritus spectant: quia continuata violatio contemptiōnem præfert. Non sunt humana præcepta multiplicanda, immo quoad fieri jure potest coercenda præferim a Superioribus. At neque fovenda est tepidoram desidia, & negligentia.

XXXI. Privata recitationi quicumque locus opportunus est, dicente Psalmista: *In omni loco dominationis ejus benedic anima mea Domino.* Seligendus tamen locus est a rume, & strepitu dissipatus, ut occasio distractionum vitetur. Locus publicæ recitationi destinatus est Ecclesia, seu chorus, vel Sacristia Ecclesiæ conjuncta.

C A P U T IX.

De causis excusantibus a recitandis horis canonicis.

I. *P*lures sunt cause excusantes ab officio recitando, ut impotentia, infirmitas, repentina & continua occupatio gravis, idque genus similia. Plures has causas plus æquo amplificarunt.

II. *Quæst. i.* *Qui solus nequit, cum socio vero potest, tenetur ne socium adhibere ut persolvere horas queat?* **RESP.** Quæstio intelligitur cum haberi socius commode potest. Nam si opus esset soluto pretio socium perquirere, verosimilis est neminem cum tanto onere obligari. Optime id ageret, si re-

citans dives esset: adjuvaret quippe pauperem clericum, & ambo Deum laudarent. Laymanus, Fillius, Lessius, Villalobosius, & alii distinguunt. Si sanus adhibebas socium, adhibere quoque eundem debes, dum in commode oculorum, aliove impedimento labores; secus si sanus sine socio recitabas. Leander, Joannes Sanchez, Diana absolute negant adhibendum socium esse. Vera sententia adfirmat. Quia præceptum Ecclesiæ meliori quo fieri modo potest, implendum est. Ergo qui socium habere commode potest, adhibere eundem debet. Cæcus non astringitur memorie officium mandare ut recitare illud queat. Si vero cæcus, aut alii Breviario carentes memoriter officium tenant, recitare illud tenentur. Heinc si officium de communi cæci vel alii impedimento ligati memoriter sciant, cum obtinet officium de feria, aut proprium alicujus Sancti, illud recitare debent. Ipsi tamen ut angustias declinat, commutationem in officium B. Virginis a Superiori implorare solent. Cæcus habens præbendam assilere choro astringitur, & ibidem recitare horas quod ad potest.

III. Qui Breviario caret citra culpam, excusatur a recitatione; si tamen memoriter horas sciat, easdem recitare debet. Qui propria culpa Breviario se privat, ut impotens fiat ad pensum horarum solvendum, non solum peccat graviter ea actione qua Breviario se spoliavit, sed peccat quamdiu in prava deliberatione persistit non recitandi. Continuo vero æ voluntatem mutat, & pœnitent prioris actionis, tunc peccare desinit, & a recitatione excusatur, eo quod impotens sit ad recitandum. Qui beneficium obtinuit antequam sciret officium recitare, peccavit obtinendo, & sedulo addiscere modum officii recitandi astringitur.

IV. QUÆST. II. *Quæ infirmitas excusat a recitandis horis?* RESP. Regula certa & præcisa designari nequit. Præcepta Ecclesiæ, sicut & evangelica, præcepta sunt caritatis, quatenus omnia caritatem promovent: quare non obligant cum propriæ sanitatis gravi detimento. Ægrotus decumbens benigne tractandus est. Qui pluribus diebus febrem passus est, congruo temporis intervallo ab officio eximitur. Aliqui nimis laxe hoc de argumento loquuntur. Docent non peccare eos qui fabulas legunt, vel historias, vel confabulantur cum amicis, etiam si omittant officium, dum laborant febri quartana: quia, inquiunt, fabularum lectio, confabulationes

cum amicis animam recreant, recitatio omniæ affligit spiritum. Ad tollendas dubitaciones, & perplexitates a superiore petenda dispensatio est.

V. QUÆST. III. *Quæ occupatio eximit ab officio recitando?* RESP. Occupatio quæ differri nequit, quæque in bonum spirituale proximi cedit, eximit ab horis canonici. Leander excusat ab officio dicendo eos qui habentur sunt publicam lectionem ad cathedram, aut lauream acquirendam. Hæc opinio abfoliuta falsa est mihi. Accidere aliquando exemptionis casum posse non inficiat; at perquam raro id evenit. Laxiora docet Leander de Concionatoribus quotidiani tempore Quadragesimæ, quos omnes, etiam illos qui non ex obedientia, sed voluntarie, & ex mercede concionantur, eximit ab officio divino recitando. Audi ejusdem verba. *Respondeo etiam probabilius, quod etiam Concionator quotidianus, qui solum voluntarie, aut ex mercede concionatur quotidie in Quadragesima, excusat ab horis quotidiani dicendis, si commode illas recitare non possit..... Et certe si hæc nostra sententia non est probabilis, ac in praxi tutæ; vñ, ve Prædictoribus quadragesimalibus, vñ millies illis.* Haec Leander inter Probabilistas benignissimus. Verum vñ, & millies vñ Casuisticis illis qui talia scribere audent. Qui voluntarie & ex mercede concionatur quotidie, exemptus a recitandis canonici horis est? Quis audire hæc absque scandalo valet? Si præceptum orationis frequentissime urget, quandonam fortius obligat quam cum ministerium apostolicum exercetur? Et alias etiam per id tempus persolveri posse hoc debitum pitorum omnium Concionatorum experientia contraria evincit.

VI. Opera pia voluntarie suscepta absque urgente necessitate non excusat ab officio. Qui prævidet futurum impedimentum, tenetur anticipare officium, quidquid in oppositum dicant aliqui.

VII. QUÆST. IV. *Qui non potest majorem, tenetur ne recitare minorem officii partem?* RESP. Leander a SS. Sacram. tract. 8. disp. 5. qu. 52. opinionem negantem non modo probabilem, sed probabilem esse defendit. Eamdem defendit P. Thomas Tamburinus lib. 2. in Decal. c. 5. §. 8. n. 3. & citat pro eadem Azorium, Castropalaum, Sanchez, Fillium, & multos alios allegat Leander. Opinio hæc damnata fuit ab Innocentio XI. Illius falsitas manifesta est. Officium enim divinum totum quoddam morale est, septem constantibus partibus, quarum quilibet totum quod-

quoddam peculiare constituit. Quilibet enim ex septem horis integrum perfectamque orationem perficit. Qui non potest solvere integrum debitum, puta centum, potest vero solvere viginti, nunquid solvere viginti non tenetur? *Major pars*, inquit, *trahit ad se minorem*: *accessorium sequitur principale*. Inepte morum decisionibus ejusmodi axiomata accommodantur. Quando res individuae sunt, *accessorium sequitur principale*, secus quando dividi & separari valent. Illud axioma locum habet in calculis, quorum major pars rem definit, secus in aliis dividuis materiis, ut ex propositione damnata constat.

VIII. Qui non potest medium partem officii recitare, potest vero alteram, ad hanc tenetur, quidquid dicant Leander, Castropalaus, Diana, & alii. Qui caret Breviario, habet vero diurnum, tenetur psalmos Matutini recitare, quamvis pro opinione negante Leander q. 60. citet Pellizarium, Tamburinum, Filliucium, Dianam, & alios.

IX. QUÆST. v. *Quis dispensare ab officio recitando valet?* RESP. Summus Pontifex, ut pote supremus legum custos, & juris ecclesiastici conditor dispensare ex justa causa in universa Ecclesia valet. Episcopi quoque in propria diœcesi dispensare non in perpetuum, sed pro circumstantiarum varietate, justa occurrente causa, possunt. Similiter Prælati regulares dispensare ad tempus cum suis Religiosis valent justa urgente causa.

C A P U T X.

De obligatione Canonicorum frequentandi chorum, ut quotidianas distributiones lucrentur: & de causis excusantibus eos a chori frequentia.

I. QUÆST. i. Peccat ne letaliter Canonicus, sive Præbendatus, qui legitima sublata causa a choro abest? RESP. Adfirmant communiter Theologi, idque colligunt ex Concil. Trid. sess. 24. c. 12. Arctiori enim vinculo isti quam Regulares choro additi sunt. Quare Tamburinus non excusat a choro Canonicos, si duo tantum essent, sicut excusat Regulares. Peccant quoque Canonicci absentes a choro animo cedendi distributiones debitas tempore quo absunt, quia præbendati non solum frequentare chorum astringuntur ob distributiones tanquam mercede conducti, sed in primis ob primariam beneficij institutionem. Et hanc sententiam defendunt graviores Theologi Suarez, Vasquez, Sal-

manticenses, atque Leander. An vero mortaliter peccet Canonicus qui ultra sue vacationis tempus semel aut bis, vel unico die sine justa causa a choro abest, definire non audeo: quia absque evidenti ratione questiones de peccato mortali dirimenda non sunt.

II. QUÆST. ii. Tenentur ne Canonici psallere, & cantare in choro, ita ut non satisfaciant sola presentia, vel submissa voce privatim recitantes? RESP. Non tenentur Canonicci canere cantu quem figuratum vocant, sed astringuntur psallere, & cantare juxta consuetum propriæ Ecclesiaz ritum.

III. Salmantenses docent consuetudine inventa maxime in Hispania Canonicos, seu Beneficiarios non astringi per se in choro canere, vel psallere; sed suo muneri satisfacere, & distributiones lucrari assistendo, one re cantandi relicto ministris, & capellani. Allegant etiam Suarez, sed falso.

IV. Hæc opinio falsa mihi est, & improbata non modo a gravioribus Theologis, verum etiam a pluribus Conciliis. S. Carolus Borromæus 2. p. tit. 38. Concilium Burdigalense an. 1583. Concilium Turonense eodem anno. Concilium Mediolanense 4. p. 2. cap. 13. Concilium Basileense sess. 21. Concilium provinciale Florentinum anno 1573. jubent ut Canonicci & Præbendati psallant in choro juxta ritum præscriptum ab Ecclesia. Non ergo sola presentia satisfacunt Canonicci, sed vocali psalmodia, & cantu. Canunt, inquires, per mansionarios, & capellanos. Atonus frequentandi chorum, & persolvendi divinum officium Canonicos primum tangit, & afficit. Sicuti per alios illorum residentia, & præsentia suppleri nequit, ita neque debitum recitandi in choro officium simul clara, & elata voce.

V. Confirmat sententiam nostram summus Pontifex BENEDICTVS XIV. qui in sua const. Cum semper, quæ extat in Bullario Tom. 1. n. 103. pag. 366. hæc §. 24. præscribit. „ Evidem scio in aliquibus metropolitaniis, & cathedralibus Ecclesiis inter Canonicos eam opinionem invaluisse, ut se manus suum satis implere contendant, dum choro præsentes affilunt, licet ipsi sibi silentium imperent, neque psallentibus Beneficiatis, aut mansionariis in cantu se adiungant. In hujuscemodo vero opinionis confirmationem adduci ab iisdem solent inveteratas consuetudines, statuta peculiaria, aut etiam prætensa Ecclesiarum suarum privilegia. At quam Synodus Tridentina sess. xxiv. cap. xi. loquens de Dignitatibus, &

„ Ca-

„ Canonicis , qui choro interesse debent ,
 „ unum ex eorum officiis esse dicat , in cho-
 „ ro ad psallendum instituto , hymnis , & can-
 „ icis Dei nomen reverenter , distincte , dovo-
 „ teque laudare ; quunque pauca omnino sint
 „ Capitula in quibus eo modo a Canonicis
 „ in choro assistitur , ideoque receptæ in
 „ universa Ecclesia disciplinæ paucos illos
 „ adversari dignoscatur ; quum insuper opi-
 „ nio illa nunquam in Congregatione Conci-
 „ lii Tridentini interpretationi præposita ,
 „ examinata sit , quin statim explosa fuerit ,
 „ & improbata ; quamvis præsumptis con-
 „ suetudinibus , aliisque fundamentis , & ra-
 „ tionibus innixa perhibetur , Canonicis
 „ etiam Ecclesiarum patriarchalium hujus no-
 „ stræ urbis super hoc instantibus ; quum de-
 „ nique idem judicium prolatum reperiatur
 „ a pluribus Conciliis provincialibus , ab hac
 „ etiam apostolica Sede approbatis & confir-
 „ matis ; nihil jam reliquum esse videtur ,
 „ quominus pauciores universorum legi se ac-
 „ commident . Evidem minime nobis com-
 „ pertum est , quo peculiari titulo suffulti
 „ persuasum habeant unius vel alterius Ec-
 „ clesiæ Canonicæ se muneri suo satisfacere
 „ per simplicem in choro assistentiam absque
 „ divinæ psalmodiæ cantu .

„ Verum , nisi illis præsto sit apostolicum ,
 „ non præsumptum , vel abrogatum , sed le-
 „ gitimum ac vigens privilegium , sive in-
 „ dultum ; jure ac merito verendum est ne
 „ isti , dum ita se gerunt , præbendarum , ac
 „ distributionum fructus minime suos faciant ,
 „ & consequenter ne ad eorum restitutionem
 „ teneantur . Quapropter vestrum erit , ve-
 „ nerabiles Fratres , hæc omnia illis aperire ,
 „ ut neque Nobis , neque Vobis apud divinum
 „ Judicem fraudi sit , si in hujusmodi re ,
 „ quæ tanti est momenti , utope quæ ad
 „ ipsius Dei cultum proxime spectat , abusus
 „ & corruptelas , quas arguendo & increpan-
 „ do evellere debebamus , dissimulatione , ac
 „ silentio nostro fovisse , & confirmasse inve-
 „ niatur &c. Datum Romæ apud S. Ma-
 „ riham Majorem die xix. Augusti 1744.
 Pontificatus nostri anno quinto .

VI. Projectæ , ac desperatæ conscientia fo-
 rent Canonici illi qui in tanta luce cœcu-
 tientes , & tam luculentis documentis aures
 occludentes in depravata corruptela persisten-
 tent . Oppositæ consuetudinis larvam explodit
 Pontifex summus Concilii Tridentini allega-
 ta auctoritate . Addit sacram Congregatio-
 nem Concilii Romæ erectam putidam conlue-
 tudinem hanc hanc toties improbasse , quoties ei-

Tom. I.

dem fuit proposta . Quo se nunc recipient
 Canonici & Præbendati ?

VII. Pontifex , inquiunt , rem non defi-
 nit . Concludit enim : *Jure ac merito veren-
 dum est , ne isti , dum ita se gerunt , preben-
 darum , ac distributionum fructus minime suos
 faciant .* Verendum , inquit , Pontifex , non
 definiendum . An denuo definendum quod
 toties a pluribus Conciliis definitum Ponti-
 fex declarat ? Ali non declarat Pontifex , &
 Concilii Congregationem , & plura Concilia
 Provincialia a S. Sede confirmata laxam opini-
 onem , & pravam corruptelam improbasse ?
 Sola ne Vaticana fulmina deprimit pervi-
 cacium cervices ? Nisi hæc tela jugulum pe-
 tant , rationibus tametsi luculentissimis haud-
 quaquam acquiescent nonnulli , qui verba ca-
 villantur , non spiritum apostolicarum consti-
 tutionum serio , ac docili animo meditantur .

VIII. Rursus ergo audiant BENEDI-
 CTUM XIV. qui in altero suo diplomate
 dato ad Patriarcham Danielem Delphinum
 Aquilejensem , cuius initium est , *Dilecte Fi-
 lii Praedicta decora ,* confirmat quæ di-
 xit in laudâ constitutione , & omnem ad
 effigiam rimam occcludit . „ Porro nolumus
 „ inter tot tantaque privilegia eidem Capi-
 „ tulo , & Canonicis concessa , numerandum
 „ esse illud quod , quemadmodum Tibi ,
 „ æque ac Nobis notum est , antiqua tradi-
 „ tione contra sacrorum canonum sanctio-
 „ nes , ac nostram præsertim constitutionem ,
 „ cuius initium est , *Cum super oblatas , in-*
 „ *vectum ab ipsis Canonicis , non modo con-*
 „ *tenditur , sed etiam servatur , interessendi*
 „ *dumtaxat choro , & cum ceteris Mansiona-*
 „ *riis , Capellanis , Acolytis , & Clericis ca-*
 „ *nentibus , psallentibus adiustandi , nun-*
 „ *quam vero cum iisdem canendi , psallen-*
 „ *dive ; et si nonnullos eorumdem esse acce-*
 „ *pimus qui aliter sentientes a conscientiæ*
 „ *angoribus agitantur ex eo quod ea propter*
 „ *se non fecisse fructus suos existimat . Ita-*
 „ *quæ a Te , dilectæ Filiæ noster , poscimus*
 „ & flagitamus , ut non solum hujusmodi
 „ ABUSUM , ET CORRUPTELAM ab ecclesiâ
 „ stica disciplina absonam , & canonicis or-
 „ dinationibus , ac nostræ quoque constitutioni
 „ contraviam penitus evellere , & eradicare
 „ adiutaris ; verum etiam ipsis suaviter , for-
 „ titerque admoneas , & horriter ut imposte-
 „ rum ea qua decet , ac tenentur , reveren-
 „ tia choro intersint , adstantque , nec non
 „ pari pietate , attentione , ac vigilantia o-
 „ mnino canere , vel psallere cum ceteris stu-
 „ deant , & contendant . Deinde iisdem edic-

„ cas, & notum facias, Nos, quemadmo-
„ dum per hanc nostras in forma Brevis lit-
„ teras Tibi declaramus, & injungimus, de-
„ cernere, atque statuere, sicut in eadem
„ constitutione nostra innuimus ipsos, suosque
„ successores Canonicos, choro quidem inter-
„ essentes, adfissentesque, minime vero ca-
„ nentes, psallentesve, NULLO PACTO ex
„ præbendis, & distributionibus facere fru-
„ tus suos, atque adeo RESTITUTIONI ob-
„ noxios esse, ac fore. Verum cum iis qui
„ hac super re conscientia stimulis acti ad
„ Te confugiunt, benigno indulgentes, Tibi
„ facultatem tribuimus, & impertimur, ut
„ siue per Te ipsum, siue per alios a Te
„ deputandos, unusquisque Canonicus, qui
„ se in canendo, psallendo, in choro cum
„ aliis defecisse animadverterit (dummodo
„ promittat se deinceps omnino curaturum
„ ut in choro & præsens assistat, & cum aliis
„ canat, psallatve) absolutionem a culpa,
„ & ab omnibus fructibus indebito perceptis
„ dispensationem obtinere possit, & valeat.
„ Ceterum volumus & mandamus ut nulli
„ eorumdem Canonicorum, qui licet præsens
„ in choro adficitur, tamen minime canat,
„ psallatve, suffragentur hujusmodi indulta,
„ ac privilegia, que unicuique moderno, &
„ pro tempore existenti Canonicu, ad tuo-
„ rum meritorum intuitum per easdem præ-
„ sentes litteras concedimus, & elargimur.
„ Ceterum Te, dilecte Fili noster, rogamus,
„ & in Domino hortamur, ut iisdem studiis
„ quibus Nos, supplicationibus tuis inclina-
„ ti, eosdem Canonicos novis apostolicæ be-
„ nignitatibus, auctoritatibusque privilegiis au-
„ ximus, nostris, tuisque rationibus Pasto-
„ rum Principi Iesu Christo eterno judici-
„ reddendis, satisfaciendum cures; & abusu,
„ & corruptela hujusmodi penitus sublara,
„ divinum cultum per divinæ psalmodiæ can-
„ tum promovere, & augere satagas, ut non
„ minus ipsi Canonicci quam Nos ipsi invi-
„ cem aeternam mercedem a bonorum omni-
„ um largitore Deo consequi mereamur. In-
„ terim celestis præsidii auspiciem, & studio-
„ sa nostræ ad Tibi gratificandum voluntatis
„ pignus esse cupimus apostolicam benedictio-
„ nem, quam Tibi, dilecte Fili noster, &
„ iisdem Canonicis peramanter impertimur.
„ Datum Romæ apud Sanctam Mariam Ma-
„ jorem sub annulo Piscatoris die xix. Ja-
„ nuarii MDCCXLVIII. Pontificatus nostri an-
„ no octavo.”

IX. Si Pontifex in priori constitutione di-
xit verendum est, in hoc prosterno diploma-

te pronuntiat nullo pacto facere fructus suos,
& Canonicos restitutio*n*i, obnoxios declarat.
Non modo rationibus, & Conciliis, & ponti-
ficis auctoritatibus, sed ipsi communis sensu
repugnat opposita opiniuncula. Pi fideles,
christiani Principes, bona, pinguesque redi-
tus Ecclesiis donarunt, ut Ecclesiastici a man-
danis curis segregati, Deum inter & popu-
lum intercessores & advocati constituti, di-
vinas celebrent laudes, Deumque placabilem
populo reddant. Quid? Ideo ne fideles redi-
tibus Ecclesiis ditarunt, & quidem uberimis,
ut domini Præbendati, & Canonicci sta-
tuas, truncos, stipitesque in choro sese ex-
hibeant? Hæc, inquit, citati autores,
non indecentiam sapient, sed decorem, at-
que splendorem præferunt: quoniam Cano-
nici, & Dignitates propria præfentia, & mu-
tis labiis Ecclesiam ornant decorantque, præ-
sertim in celebrioribus Basilicis: Capellani
vero, & Mansionarii psallunt, & canunt.
Dedecet ne dominos Canonicos Deum seipso
recta alloqui, laudare, celebrare ejusdem lau-
des? Per tuos ministros Capellanos, & Man-
sionarios Deum alloqui audent. Cedo. Si tu
soluto pretio advocatum desinas, ut apud
Principem causam tuam oraret, illumque ti-
bi proprium redderet: suo ne ille fungere-
tur officio, si nullo ad Principem pro te ver-
bo facto, tanquam statuam se Principi siste-
ret? Quid si per servos suos tantum Princi-
pem alloqueretur? Inclamares: Te conduxi,
tibi solvi ut causam ageres meam. Eadem
adversus Canonicos, & Præbendatos in cho-
ro mutos intorque. Cur Christiani, & Prin-
cipes annuis reditibus vos ditarunt? Cur ad
frequentandum chorum vos obstrinxere? Qui-
nam chori finis? Psalmodia, qua Deus lau-
datur, & propitius fideli populo efficitur. Ideo
ergo adesse choro debetis ut psalmis, & hym-
nis divinam vindictam a populo avertatis.
Ergo vobis non psallentibus, corporis præ-
sentia ludrica est, & irrisoria. Peccatis, si
corpore abestis: ergo peccatis, si ore tacetis,
& spiritu alio evagamini. Hæc tam luculen-
ta sunt, ut vel iplos illuminate cœcos valeant.

X. Quæst. III. Qui legitima causa a cho-
ro absunt, acquirunt ne distributiones, non mo-
do propriæ præsentie debitas, sed eas etiam
que ex aliis absque causa absentibus acre-
scunt? Resp. Adfirmant aliqui; sed probabili-
or, & vera sententia negat. Sat est ut ac-
quirant quæ propriæ præsentie debita sunt.
Si alicubi opposita obtineat consuetudo, ei-
dem standum est.

XI. Quæst. IV. Præbendati presentes jure
ne

que valent absentibus absque causa distributiones donare? RESP. Hanc donationem, & mutuam collusionem prohibet Concilium Tridentinum *sess. 24. c. 12.* Disputant Theologum Tridentinum ita hæc prohibeat, ut sint invalida, nedum illicita? Negant aliqui; sed adfirmans sententia vera est: quoniam Concilium omnem collusionem, remissionem, & donationem vetat, ut omnis spes præcidatur absentibus asequendi distributiones quocumque modo ob injustam absentiam deperditas. Nonne quisque donare sua potest? Verum habet. Præbendatus perceptas distributiones cui voluerit donare potest; sed ante perceptio-
nem, & possessionem, cum jus dumtaxat ad illas habeat, remitteret, non donaret. Remissio autem vetita a Concilio est. Insuper donatio prohibita est, si tacita collusio interveniat. Canonici absentes, & præsentes mutuam inire collusionem possent, & sub donationis larva invicem sibi remittere distributiones. Donent sibi invicem, si velint, bona sua extra hunc casum distributionum.

XII. QUEST. v. *Quænam sunt causæ excusantes Canonicos a chori frequentia?* RESP. Tres assignantur. Infirmitas corporis, justa & rationabilis necessitas, evidens Ecclesiæ utilitas. Ad primam quod attinet, sola gravis, secus levis infirmitas excusat. Quænam vero gravis, quænam levis infirmitas sit, definiri absolute non potest, sed prudentis viri judicio standum est. Si Canonicus commoretur extra locum residentiae absque justa causa, & ibi infirmetur, non fruitur privilegio infirmis concessio, quia ex malitia reputatur absens, atque adeo suas non facit distributiones. Laborantes podagra impidente egressum a domo, & accessum ad chorum distributiones acquirunt. Idem dicendum de senibus, qui absque probabili periculo gravis infirmitatis egredi domo nequeunt. Laxa, & falla opinio est afferentium senes septuagenarios exemptos a choro esse, eo quod ipsa grandæva ætas morbus est. In quibusdam morbus est qui excusare potest, secus in aliis. Ideo propositio absolute prolatâ falsa est: sepiugenarii enim, ut supra, si viribus pollent, recitare astringuntur.

XIII. Rationabilis necessitas tunc reputatur, cum chori frequentia parit aliquid grave dampnum honoris, vitæ, fortunæ. Qui ex medici consilio domi moratur ad medicinam sumendam, ad venam seindendam, non amittit distributiones: neque qui ab hostibus capitur, qui per vim detinetur, aut qui domo non egreditur ob justum hostis timorem.

Qui absunt a loco residentiae ob pestis timorem, percipere fructus beneficij valent, secus distributiones: quoniam si nolunt subjacere communi periculo, neque percipere commodum debent. Qui curam habet animarum, nullo modo abesse valet. Injuste in carcere detenus acquirit, secus qui juste, distributiones. Similiter juste excommunicatus amittit, secus qui injustæ excommunicationi subjet, distributiones, dummodo curet absolvi ab excommunicatione. Juste excommunicatus choro assistens non acquirit distributiones, nec fructus beneficij. Contrarium obtinere consuetudinem in Hispania asserit Garzia. Juste suspensus amittit fructus beneficij, & distributiones, quamvis choro assistat; secus injuste suspensus, qui etiam absens a choro distributiones acquirit. Similiter quando Ecclesia est interdicta, si Canonicus causam interdicti non dedere, acquirunt distributiones. Tempore vero cessationis a divinis officiis, quo Canonicus celebrare divinas laudes nequeunt, distributiones perdunt, quia sic declaravit Gregorius X. cap. *Si Canonicci.* Nec eadem ratio est de interdicto, & de cessatione: quia respectu hujus est prohibitio, secus respectu illius. Quando Ecclesia est polluta, Canonicus acquirunt distributiones, quia per ipsos non stat quod sit polluta. Irregularis acquirit distributiones, quia irregularitas non impedit assistere officiis divinis.

XIV. Tertia causa excusans a chori frequentia est evidens Ecclesiæ utilitas, quæ esse debet gravis, & manifesta propriæ, non alienæ Ecclesiæ. Dubia utilitas hoc privilegium non confert. Utilitas vero Ecclesiæ universalis & fructus, & distributiones parit, dummodo manifesta sit. Tunc vero est gravis, & manifesta utilitas, quando consensu Capituli, vel Ordinarii talis judicatur: & tunc absens acquirit distributiones, & fructus, etiamsi sit extra locum beneficij. Canonicus qui a proprio Episcopo mittitur ad visitanda limina Apostolorum, acquirit distributiones, quia tunc negotium Ecclesiæ agit. Idem dicendum de Canonicco comitante suum Episcopum ad eadem limina. Episcopus unum dumtaxat mittere valet, duos vero secum ducere potest ad limina præfata. Canonicus vero qui alienæ Ecclesiæ nomine, vel alienum Episcopum ad limina prædicta comitaretur, non acquireret distributiones. Si Parochus mitteretur ab Episcopo ad visitanda limina Apostolorum, folius bimestris tempore distributiones percipere posset, quia ultra hoc intervallum nequit Episcopus animarum curato-

rem in alio negotio occupare, si impediatur pastorale ministerium. Canonicus missus ab Episcopo ad Concilium generale, vel provinciale tanquam Theologus, Canonista, vel Procurator, acquireret distributiones. Si vero Canonicus Episcopus sit, pergaque ut Episcopus, non ut Canonicus, tunc non acquireret distributiones, nisi negotia Ecclesiae suæ ageret. Similiter Canonicus qui a Capitulo occupatur in suppeditandis Ecclesiæ redditibus, mense, fabricæ, acquirit distributiones. Canonicus qui vacante Sede eligitur Vicarius a Capitulo, seu provisor, acquirit distributiones, dum abest a choro ob evidentem utilitatem Ecclesiæ, secus si eligetur Vicarius Episcopi, quia tunc Episcopo, non Ecclesiæ inserviret. Archidiacus quoque visitans Ecclesiam, aut prædia Ecclesiæ acquirit distributiones. Qui tempore divini officii confitetur peccata sua, non acquirit distributiones. Pœnitentiarius Cathedralis, qui tempore divini officii confessiones excipit, non amittit distributiones; neque alii Præbendati, qui ex mandato superioris ob magnum concursum occuparentur in tali ministerio: amitterent vero distributiones alii qui sponte confessiones audirent. Præbendatus cui annexa est animarum cura, acquirit distributiones, dum sacramentis ministrandis operari navat, quemadmodum acquirit ille qui in defendendis beneficii juribus occupatur.

XV. Canonicus Theologus absens a choro, ut lectiones habeat, vel concionetur, acquirit distributiones diebus quibus hæc munia exercet; secus diebus quibus ad eadem ministeria sese preparat. Spectandæ tamen sunt rationabiles locorum consuetudines. Præbendati legentes Theologiam in aliqua universitate, seu in studio generali acquirit fructus præbenda, secus distributiones. Solus enim Præbendatus qui legit in propria Ecclesia, distributiones acquirit. Parochi vero legentes Theologiam publice non fruuntur privilegio, si absint lectionis causa a propriis parochiis. Præbendati qui studio vacant in aliqua universitate, acquirunt fructus beneficii, secus distributiones; dummodo incumbant in jus canonicum, in Theologiam, in sacram Scripturam; si discant jus civile, hoc privilegio non fruuntur. Debent tamen ejusmodi Præbendati studentes obtinere licentiam ab Ordinario, ut queant fructus percipere. Si Præbendati isti Parochi sint, nequeunt etiam ex licentia Episcopi abesse a propriis parochiis, ut Tridentinum præscribit. Qui studii causa absunt a choro, acqui-

runt fructus beneficii per annos quinque, etiam si beneficium constet ex solis distributionibus: quia in hoc casu distributiones succedunt loco fructuum, eorumque naturam induunt. Canonici non curati qui tribus mensibus singulis annis absunt, lucrantur fructus, secus distributiones. Ut hoc fruuntur privilegio, requiritur ut toto anno resideant, & chorum frequentent. Hinc Canonicus qui in anni medio possessionem capit, non fruuntur privilegio trium mensium, sed tantum medietatem ejusdem privilegii. Hoc privilegio uti possunt sive ante, sive post residentiam novem mensium. Qui per notabilem anni partem absunt a choro, indigni hoc privilegio sunt. Canonicus qui habet duplex beneficium, ut Canonicatum, & Decanatum, simplices, non duplices acquirit distributiones, quæ dantur propter assistentiam, quæ una cum sit, una quoque distributione eidem respondere debet. Et haec de canonicis horis sufficiat. Nam de variis Ecclesiæ consuetudinibus nihil dicendum occurrit, quia quilibet fere Ecclesia suos habet usus, & mores.

DISSERTATIO VII.

De adoratione, & cultu Dei,
& Sanctorum.

CAPUT I.

De adoratione, ejusque partitione, atque precepto.

I. **Q**UÆST. I. *Quid, & quotuplex sit adoratio?* RESP. Generatim accepta est actus quo quis se alteri subjicit in ejusdem excellentiæ testimonium. Tot sunt adorations, quot sunt dignitatum genera. Duæ sunt dignitates, increata, & creata. Increatae divinae Majestati debetur adoratio quæ appellatur *Latria*. Creaturis vero ob excellentiam supernaturem gratiæ, sanctitatis a Deo participatae debetur adoratio longe inferior, quæ dicitur *Dulia*. B. Virgini, quæ post Deum supra omnes Sanctos eminet, debetur adoratio quæ vocatur *Hyperdulia*.

II. Adoratio alia interior, exterior altera. Illa intus Deo spiritum subjicit, hæc in exteriore actus erumpit. Rursus adoratio altera est absolute, & altera respectiva. Absoluta soli Deo debetur, Sanctis respectiva: Sanctos enim propter Deum colimus, seu Deum adoramus in Sanctis suis. Cultus enim quem Sanctis offe-

efferimus, semper in Deum refertur tanquam in supremum Dominum, a quo Sancti suam participant dignitatem, & excellentiam.

III. Adoratio quæ creaturis exhibetur obdotes naturales, & dignitates, observantia nuncupari solet, & potest iisdem externis signis exhiberi quibus Deus colitur. Exteriores quippe corporis actiones absolute adiaphora sunt, seu indifferentes. Genuflexione, corporis prostratione Deus adoratur. Similiter his signis Judith viso Holopherne adoravit eum prosternens se super terram: c. 10. Genuflexione, corporisque flexione colimus summos Pontifices, Principes, & Reges. Exterior ergo adoratio ut hat divina, ab intentione adorantis pendet, nisi aliqua peculiari lege, ritu, consuetudine, circumstantia ad Deum adorandum destinata sit. Quare dum privati tales actiones exerceant publice, non lat est eos bonam habere intentionem, sed circumstantia temporis, loci, nationis, consuetudinis spectandæ sunt.

IV. QUEST. II. Datur ne preceptum divinum Deum adorandi cibis tum internis, tum externis? RESP. Sententia adfirmans certa est de fide. Mandatum illud & adfirmans est quatenus Dei cultum præcipit, & negans quatenus cultum soli Deo debitum prohibet semper, & pro semper tribui creaturis. Hoc præceptum quatenus adfirmans est, per se obligat statim temporibus. Deus in omni loco colendus est; templa tamen sunt erecta in quibus sacrificia, & solemnes ritus divini cultus celebrantur.

V. QUEST. III. Christus Dominus adorandus ne est ut homo cultu latræ? RESP. Cultus latræ soli Deo uni trinoque debetur. Dominum Deum tuum adorabis, & illi soli servies: Matth. 4. Singulæ ergo personæ divinæ & conjunctim, & seorsim adorari a nobis possunt, & debent. Quare quod Christus ut secunda persona Trinitatis adorari a nobis debeat cultu latræ certum est. Disputari solum posset, num ut homo tali cultu adorari debeat. Et hoc etiam in sensu adfirmant Theologi omnes: quia in Christo Domino est una hypostasis, & unum suppositum infinitæ dignitatis, cui latræ cultus debetur. Humanitati vero Christi, ut a Verbo divino abstractæ, cultus dumtaxat hyperdulia debetur, quia sic prodit solam dignitatem finitam. In triduo mortis corpus Christi cultu latræ adorari debuit, quia conjunctum cum Verbo divino. Idem dicendum de corpore Christi in sacramento Eucharistiae

Tom. I.

hypostatico conjunto divinae personæ, ut Concilium Tridentinum definit contra Lutherum. Hostia consecrata absolute adoranda est, nulla expressa conditione adjecta. Sat est ut Catholicus sit ea affectione dispositus, ut si sciret eam non esse consecratam, ab adoratione abstineret.

VI. QUEST. IV. Crux Christi adoranda ne est latræ cultu? RESP. Adfirmant Catholicæ omnes: quoniam Crux Christi ejusdem imago est. Imago autem Christi eodem ac ipse Christus cultu adoratur. Crux autem cuius fixus Christus fuit, non solum quia symbolum, & imago Christi est, sed etiam ob contactum physicum, & sanguinem illum pretiosum quo aspersa fuit, adorari cultu latræ debet. Cetera quoque instrumenta inanimata passionis Christi ob contactum physicum adorari cultu latræ debent.

VII. Argumenta quæ opponi ab hereticis soleant, nos nempe colere ligna, metallæ, mendacia sunt, & calumniae: nam in reccensis figuris & symbolis Christum ipsum colimus. Colitur Crux Christi, non ut infame patibulum a Judæis electum, ut turpisissima morte Christum plecerent, sed ut vexillum victoriae, & instrumentum quo Christus usus est, ut nos a potestate diaboli liberaret. Nec est quod obganniant, manus B. Virginis, Joseph, discipulorum quæ tetigerunt Christi corpus, adorandas latræ cultu fore, quoniam instrumenta anima destituta non sunt cultus capacia, prout in se considerantur: ideo totus cultus quem iisdem exhibemus, in Christum referitur. B. Virgo, & ceteri Sancti sunt intima excellentia ornati, atque adeo cultu digni, tametsi & cultum ipsum quem Sanctis tribuimus, in Deum referamus, ut docet S. Thomas 3. p. q. 25. art. 5. ad 3. Cruces illas adoramus quæ institutæ & destinatae sunt ad representandam Christi passionem. Ceteræ crucis quæ casu in lignis, paleis, aliisque rebus fortuito confurgunt, non sunt adorandæ, sed ut cetera ligna negligenda.

C A P U T II.

De cultu debito B. Virginis, Angelis, Sanctis, sacris imaginibus, & reliquis Sanctorum.

I. QUEST. I. Utrum B. Virginis, Angelis, & Sanctis cultus debeatur? RESP. Quamvis solus Deus latræ cultu adorandus sit, hoc tamen minime impedit quoniamus alias

alias personas inferiore cultu ob peculiarem cum Deo conjunctionem veneremur. B. Virginem super omnes creaturas secundum Deum eminet, ideo peculiari cultu, quem *hyperdulia* appellamus, colitur. Angeli, & ceteri sancti viri Dei cultu *dulia* adorantur. Igitur de fide est B. Virginem, Sanctosque cum Deo regnantes aliqua adoratione colendos esse: idque definitum est in Concilio Niceno II. act. 2. & 3. & in Tridentino. Innumera Scripturarum, & Patrum testimonia in hujuscemodi veritatis confirmationem adducunt catholici Theologi adversus novissimos haereticos. Natalis ab Alexandro dissert. 25. in his. secul. 5. cuiuscumque facili documenta promit in medium.

II. Angelus Apocal. 22. prohibuit se adorari, sicut & SS. Petrus, & Paulus, ut habetur in Actibus Apostolorum. Respondet 2. 2. qu. 84. art. 5. ad 5. S. Thomas: *Alia veneratione veneramus Deum, quod pertinet ad latriam, & alia veneratione quasdam excellentes creaturem, quod pertinet ad duliam.... Secundum reverentiam ergo quae creature excellenti debetur, Nathan adoravit David; secundum autem reverentiam quae debetur Deo, Mardochaeus noluit adorare Aman, timens ne honorem Dei transferret ad hominem, ut dicitur Esther 13. Et similiter secundum reverentiam debitam creature excellenti, Abraham adoravit Angelos, & etiam Josue, ut legitur Josue 5. quamvis possit intelligi quod adoraverint adoratione latrue Deum qui in persona Angelii apparebat, & loquebatur. Secundum autem reverentiam quae debetur Deo, prohibitus est Joannes Angelum adorare, Apocal. ultim. tum ad ostendendam dignitatem hominis quam adeptus est per Christum, ut Angelis aequaliter: unde ibi subditur: *Conservus tuus sum, & fratrum tuorum: tum etiam ad excludendum idolatriæ occasionem: unde subditur: Deum adora.**

III. Hac angelica doctrina profligantur omnia haereticorum sophismata. Quod obtrudunt, hanc distinctionem cultus *latriae*, & *duliae* nullibi in Scripturis sanctis indicari, incognitamque fuisse primis Ecclesiæ facultis, nullius momenti est. Utique verbalis distinctione non habetur in Scripturis sanctis, sed re ipsa docetur. Distinctionis nostræ meminit S. Augustinus lib. 10. de Civit. Dei cap. 1. & lib. 20. cont. Faustum cap. 21. ubi plura habet contra haereticos calumniantes nos Sanctis templo & altaria erigere. Nam Deo soli templum, & altaria erigimus, eique soli sacrificia offerimus, quamvis sub invocatione

& nomine Sanctorum id praestemus.

IV. QUEST. II. Licitus ne est & pius sacrarum imaginum usus? RESP. Adfirmant omnes Catholici, idque definitivit Synodus Tridentina sess. 24. decr. 2. Respectiva est omnis sacrarum imaginum adoratio. Licitum est ipsius Dei Patris, & cujusque Trinitatis personæ imaginem formare. Quare merito Alexander VIII. damnavit sequentem thesim: *Dei Patris sedentis simulacrum nescis est christiano in Templo collocare.* Hæc sacra symbola pinguntur, ut mens nostra his sensibilibus signis excitetur ad Deum colendum. *Nam invisibilia Dei per ea quæ facta sunt, intellectu conspicuntur.*

V. QUEST. III. Adorari ne sacre imagines possunt? RESP. Non modo pius est sacramentum imaginum usus, sed pius quoque, & utilis est earumdem cultus, ut definire sacra Concilia, præsertim Nicenum II. Florentinum, & Tridentinum. Non aliud tamen, ut Bellarminus cum aliis contendit, exhibetur sacris imaginibus cultus, quam ille qui tribuit prototypo.

VI. QUEST. IV. Datur ne preceptum habendi, & adorandi sacras imagines? RESP. De usu sacrarum imaginum nullum datur præceptum sive naturale, sive divinum. Præceptum vero ecclesiasticum consuetudine invectum esse respectu communitatis fidelium, certum est. Tempia & altaria ornare sacris imaginibus jubemur, & sacrificium celebrari absque Crucifixi imagine vetitum est. Hoc tamen præceptum non videtur singulos fidèles obligare, quamquam vix excusari a culpa Catholicus posset qui ab omni sacrarum imaginum usu abstineret. Præceptum quoque urget vetans earumdem contemptionem. Porro in praxi aut Catholicus adorat, aut contemnit: præscindi enim in praxi vix potest ab utroque extremitate.

VII. QUEST. V. Adoranda ne sunt sacrae reliquie? RESP. Adfirmant omnes Catholici, sacras reliquias dignas esse adoratione, ut definitum est in pluribus Conciliis Niceno II. act. 3. Carthagin. V. cap. 5. Lateranensi II. cap. 42. Tridentino sess. 24. & ea adoratione colenda sunt sacrae reliquie quæ coluntur personæ quarum sunt partes. Reliquiae enim sunt sanctorum corporum particulae, ut capilli, ossa, unguis, sanguis, dentes, cineres, vestes, vela, panni, & alia quæ istorum corpora tetigerunt, aut quibus Sancti usi sunt. Vermes corporum Sanctorum, neque privatim neque publice colere licet, quidquid in oppositum dicant Vasquez,

Sanchez, & Castropalaus. Ut sacræ reliquiæ coli licite, & publice queant, debent esse alicujus Sancti, vel Beati publico Ecclesiæ iudicio; & ut habeatur certitudo necessaria ad cultum exhibendum, requiritur testimonium Episcopi afferentis hanc reliquiam esse hujus aut illius Sancti. Surreptio sacratum reliquiarum furtum sacrilegum est: & eamdem venditio simonia non caret. Similiter agni sacri solemní ritu a summis Pontificibus benedicti, & in sacrum cultum destinati digni sunt veneratione. Vetus est eosdem coloribus, minioque pingere, & posteriori jure eosdem vendere. Solum exigi premium potest pro materia ex qua confecti sunt. Cavendum tamen est ne sub prætextu aut materia, aut thecæ, qua includuntur, premium augeatur, & simonia latitet.

VIII. Vester sacerdotales, vasa sacra, & templa digna sunt veneratione, cum sint in Dei cultum destinata. Calices, corporalia tangi a laicis nequeunt, nisi vi privilegii concessi laicis Regularium, dum sacrificia inserviunt.

IX. Confessarii, & Concionatores instruere fideles diligenter debent in cultu Sanctorum, eosque monere omnem cultum referendum tandem in Deum esse, quem colere in Sanctis suis debent. B. Virgo, Angeli, & Sancti omnes creaturæ sunt, quæ solum coluntur propter Deum, seu propter intimam conjunctionem cum Deo. Populus propensus est ad superstitionem: idcirco diligenter instruendus est.

DISSESTITATIO VIII.

De superstitione, ejusque speciebus.

CAPUT I.

Definitio, & divisio superstitionis. Varii casus in quibus serpit superstitionis, explicantur.

I. QUEST. 1. *Quid, & quotuplex sit superstitionis?* RESP. Superstitionis est vitium Religioni oppositum secundum excessum, non quia plus exhibeat in cultum divinum quam vera Religio, sed quia exhibet cultum divinum vel cui non debet, vel eo modo quo non debet, ut inquit S. Thomas 2. 2. q. 92. art. 5.

II. Primum dividitur in duas species. Altera modo indebito colit Deum; altera cultum Deo debitum creaturæ tribuit. Prima

superstitione in alias dividitur superstitiones. Prima in eo sita est quod Deo tribuatur cultus falsus, seu perniciosus, ut si quis nunc Iudaeorum cæremoniis Deum adoraret, vel si quis falsis miraculis confirmare catholicam Religionem intenderet, aut divinis officiis turpia admisceret. Altera superstitionis species ex parte modi indebiti colendi Deum est, quando cultus superfluus Deo tribuitur; ut si quis aliquos precandi modos ex arbitrio præstitueret, ut si vellet tantum post Solis occasum, vel post Solis ortum orare; aut Missam Sacerdotis qui vocetur Antonius, & non alio nomine; aut cum tot candelis, & non pluribus, nec paucioribus; aut istius, & non alterius coloris, audire; aut si neglectis cæremoniis ab Ecclesia præscriptis ex arbitrio alias sibi fingeret; reus esset superstitionis.

III. Secunda superstitionis species ex parte rei cultæ est cum exhibetur cultus cui non debet exhiberi, ut si tribuatur creaturæ cuicunque cultus institutus in divinam reverentiam, tunc *idolatria* appellatur. Si Deo spretu, quis dæmones consulit, aliquo initio vel expresse, vel tacite pacto, haberet ex parte rei cultæ altera superstitionis species, quæ nuncupatur *divinatio*. Tertia superstitionis species ex parte objecti culti est, cum divinus cultus, qui ordinatur ad humorum actuum directionem, secundum instituta Dei, qui colitur, offertur dæmoni, a quo petitur auxilium, & dicitur *vana obseruantia*.

IV. Superstitione ex parte modi colendi Deum exhibendo ei cultum falsum, natura sua grave peccatum est. Similiter profana & turpia immiscere divino cultui peccatum est. Gravissimum quoque scelus perpetrant qui commentitia miracula prædicant, & falsas reliquias adorandas proponunt.

V. Plures occurruunt casus in quibus superstitione latitat. 1. Superstitionis rei sunt qui zona prægnantis campanam pulsant, ut prosper eveniat partus, sicut qui projiciunt imaginem Sancti in flumen, aut appendunt ad ripam fluminis, ut pluviam obtineant, quia nulla inter causam & effectum datur connexio. Secus si res sacra in fluvium, vel ignem projiceretur ea spe ut ejusdem Sancti intercessione moveretur Deus ad extinguendum ignem, vel coercendas inundantes aquas. 2. Superstitiones sunt preces quibus sagæ benedicunt Rosaria pro parturientibus: similiter recitare aliquos definitos versus alicujus Psalmi ad compescendos canis

latratus, vel ad impediendum sanguinis fluxum, aliumve morbum cum vana certi eventus credulitate superstitionem olet; secus si quis preces recitet ad divinam opem implorandam. 3. Superstitione sunt verba quæ insufflantur in equorum aures ad intestinos dolores expellendos. 4. Superstitione est herbarum collectio die S. Joannis Baptista, si fiat ea credulitate ut existimetur has herbas plus virtutis habere, quod die talis Sancti collectæ sint. 5. Superstitione est nolle sedere ad mensam, si sint tredecim, eā persuasione ut illorum unus moriturus sit tali anno: & nolle scindere unguis die venoris. 6. Superstitionis r̄f̄ sunt qui gladium quo hostem lacerent, medicamentis ungunt, & fovent, ut Iesus sanitatem recipiat: item qui filo utuntur digitis appenso, a quo pendeat annulus intra vas vitreum, vel amphoram ad pulsandas, & internoscendas horas. Denique regula generalis est, quando nulla inter causam & effectum connexionio est, & tunc actiones ut minimum superstitionis suspecte sunt.

VI. QUÆST. 11. *Quid sit idolatria, & quot modis perpetrat?* RESP. Est cultus divinus exhibitus creaturæ, non ut est imago Dei, sed ut creatura est. Quinque sunt modi perpetranda idolatriæ. 1. adoratio simulacrorum. 2. adoratio creaturarum, puta cœli, terræ &c. 3. adoratio hominum mortuorum. 4. adoratio dæmoniorum. 5. adoratio mundi, ut animati. Idolatriæ scelus gravissimum est.

VII. QUÆST. 111. *Quid, & quot uixit sit divinatio?* RESP. Divinatio est prænuntiatio futurorum. Futura prænoscit possunt uno modo in suis causis, altero modo in seipsis. Causarum aliæ sunt naturales, & necessariae, quæ necessario producunt effectus. Qui has causas cognoscit, ignorare effectus nequit. Aliæ cause non necessario, sed probabiliter, seu ut plurimum pariunt effectus. Effectus isti probabili tantum conjectura prænosci valent. Causarum liberarum contingentes effectus a solo Deo cognoscuntur. Prædictio futurorum ex divina revelatione prophetia nuncupatur. Prædictio futurorum vi causarum naturalium divinatio naturalis dicitur. Prædictio futurorum quæ nec vi causarum naturalium, nec Deo revelante, sed sola dæmonis ope fit, proprie divinatio est, quæ constituit speciem superstitionis, quæque definitur Præsentio futurorum ope dæmonis. Dæmones cognoscunt omnes effectus qui necessario pendent a causis naturalibus; qui non necessario pendent, conjecta-

re illos dumtaxat valent. Nullo vero modo cognoscere possunt quæ ex sola Dei voluntate, vel libero hominis arbitrio pendent. Verum quia in homine ordo libertatis aliquo modo connexus est cum causis naturalibus, ideo aliqua prædicere conjecturaliter dæmones solent eorum quæ pertinent ad causas liberas. Dæmones variis modis divinatores suos instruunt, nempe aut verbis expressis, aut in aere verba proferendo, & quandoque animalium voce. Similiter divinatores interdum expresse dæmones invocant, Religionem abnegantes; quandoque invocant dæmonem quibusdam formalis ab eodem dæmonе præscriptis. Utroque modo pactum expressum est. Implicitum pactum est dum quis scire pertinet ea quæ mentis humanæ aciem fugiunt, & mediis vanis, incongruis, & a Deo vetitis utitur, quamvis nolit sibi a dæmonе opem ferri: siquidem eo ipso quod prefatas res vanas, & infanas adhibet, vult reapse a dæmonе edoceri. Dæmon quippe ultro sese ejusmodi vanis signis, & chimaericis observationibus immiscet præter hominis intentionem. Hæc omnia ad implicitum pactum attinent.

VIII. Varias recenset divinationis species 2. 2. q. 95. art. 3. S. Thomas, quæ fiunt per pactum expressum. 1. est *præstigium*, quibusdam apparitionibus peractum: his enim spectris oculi hominum perstringuntur. 2. fit per somnia, & vocatur *divinatio somniorum*. 3. est per alicujus mortui apparitionem, & vocatur *necromantia*. 4. futura prænuntiat per homines vivos, & vocatur *divinatio per pythones*. 5. utitur ferro, ligno, lapide, certeisque rebus inanimatis, & dicitur *geomantia*. 6. utitur aqua, & dicitur *hydromantia*. 7. utitur aere, & vocatur *aeromantia*. 8. adhibet ignem, & dicitur *pyromantia*. 9. futura prænuntiat per viscera animalium dæmonibus immolatorum, & nuncupatur *aruspicium*.

IX. Divinatio quæ absque expressa dæmonis invocatione fit, in duo tribuitur genera. Primum genus præsentit futura in causis omnino disparatis, quod dividitur in sex species. 1. est *genethliologia*, quæ pertinet ad *astrologos genethliacos* nuncupatos, qui ex siderum motu natæs hominum, eorumque eventus prædicunt. 2. est *augurium*, quod fit ex avium garritu. 3. *auspicium*, quo ex avium volatu, vel aliorum animalium motu futura prædicuntur. 4. *omen* appellatur, & est prædictio ex hominum verbis præter intentionem prolatis. 5. est *chyromantia* ex linea-

lineamentis manuum. 6. *spatulamantia* nuncupatur, cum divinatio sit ex aliquibus signis in spatulis animantium apparentibus.

X. Ad secundum divinationis genus sine expressa dæmonis invocatione pertinent duas aliæ species. Prima est *geomantia*, quæ futura prænuntiat ex punctorum protractione. Altera nuncupatur *sortilegium* cum futura investigantur sive per considerationem figurarum, quæ consurgunt ex plumbo liquefacto in aquam projecto sive ex quibusdam schedulis scriptis in occulto repositis, vel ex fustis inæqualibus propositis, vel ex taxillorum projectione, quæ omnia fortium nomen habent.

XI. Divinatio cum pacto sive *expresso*, sive tacito, peccatum mortale est, ut docent omnes. Quid de illis dicendum qui numerorum, & versum suppurationem insti-tuant, & eam quod vulgo *Cabalam* vocant, in ludo exercant, ut numeros futuros divinent? Istos mortaliter peccare cum fide adhibita huic *cabale* eandem exercent, nemo est qui negare possit.

XII. QUEST. IV. *Quid est astrologia iudicaria?* RESP. Est divinatio per astra; & duplē Theologid distinguunt. Unam naturalēm, qua homines ex situ, ortu, motu, & occasu astrorum, ea quæ naturaliter continent, ut sunt pluviae, tempestates, eclypses portendunt. Hanc licetam esse inficiatur nemo. Hæc tamen astrologia prædicere tantum valet effectus qui necessario consequuntur. Si enim sermo sit de tempestate, desiccitate, de pluvia, de serenitate, vana plurimque est astrologia ista ob incognitam vim astrorum, & propter ventorum, vaporumque obstacula, quæ sâpe impediunt astrorum influxus. Ephemerides, quæ in annos singulos prodeunt, quæque excantant idiotas, eorumque evacuant crumenas, experientia fallaciam prædictionum manifestant.

XIII. Altera est astrologia iudicaria, qua homines ex stellarum motu, plantarum aspectu, astrorumque cursu quædam futura, contingentes scilicet fortuitosque casus ex sola libertate pendentes divinant. Et hæc quadruplicē est. 1. quæ ex astrorum aspectu terræ sterilitatem, mercium abundantiam, hominum morbos, & obitus prænuntiat. Hæc superstitione non est, si non ut certa, sed tantum ut conjecturalia prædicantur. 2. est *genethliaca*; quæ hominum dignitates & gradus prænuntiat. 3. est *electionum*, qua in omni negotio divinatur, quid futurum sit quid agendum, quid omittendum quando do-

mo egrediendum, ut fausti evenitus respondeant. 4. est *imaginum fabricatarum*, qua astrologi figuræ, numeros, caræcteres efficiunt, quoque cum figuris quas in cælo reperiiri comminiscuntur, conserunt: & ex collatione & mutua sympathia futuros casus prædicunt.

XIV. Has tres ultimas divinationes superstitiones, & vetitas esse, omnes Catholici affirmant. Prædicare futura libera etiam probabiliter peccatum est: quia assensus probabilis determinatus est. Neque conjecturaliter futura libera prædicti ab astrologis valent.

XV. Divinatores restituere tenentur præmium acceptum, propterea quod præixerunt futura contingentia libera. Nimis laxa est opinio quam lib. 2. in Decal. cap. 38. n. 96. defendit P. Sanchez inquietus: *Si vero astrologus ille, vel divinator operam suam apposuit, & arte diaboli res ita evenit, non tenetur premium restituere, quia ipse suam operam etiaturpem apposuit &c.* Pretio itaque æstimabilis est ars diabolica?

XVI. QUEST. V. *Licetum ne est futura libera per somnia divinare?* RESP. Negant omnes, quia futura libera a sola voluntate pendent. Licit medici observant somnia quæ ex causis naturalibus proficiuntur, ut ex humorum copia, ex qualitate temperamenti morborum causas scrutentur. Qui ex somniis habitis occasionem accipit interdum mendandi mores suos, non iisdem fidem adhibendo, nullam committit superstitionem. Cavendum tamen ne frequenter id fiat, quia tunc periculum saltem superstitionis esset. Extrema cavenda sunt.

XVII. QUEST. VI. *Licet ne ex cantu, volatu, motuque avium futura prædicere?* RESP. Effectus naturales colligi heinc posse absque superstitionis nota, affirmant omnes. Cantis enim, & volatus avium sunt interdum signa effectuum naturalium. Superstitione vero manifesta est, futura contingentia libera ex præfatis avium, & quorūcumque animalium signis prædicere.

XVIII. Superstitione quoque est prædictio futurorum contingentium ex vocibus humanais casu prolatis; vel ex hominum membris. Tria sunt, nempe caput, manus, & pedes, quæ observare astrologi solent. Prædictio ex observantia linearum manus dicitur *chiromantia*; quæ ex pedum lineis, *pedomantia*; quæ ex frontis & vultus qualitate, *metoposcopia*; quæ ex universo corpore *physiognomia* vocatur. Ex his omnibus divinare futura libera contingentia superstitionis est. Se-cus

cus si ex præfatis quis mera naturali astrologia temperamentum , sanitatem , morbos conjectaret . Quare graviter peccant qui Ægyptiis , vulgo Cingaris fidem adhibent .

XIX. QUÆST. VII. *Licitus ne est sortium usus in electione ad Ecclesiastica beneficia , vel seculares dignitates ?* RESP. *Triplex fors , divisoria , consultoria , divinatoria . Sortes divisoriae licetæ sunt , cum nihil aliud sint quam pactum mutuum quo homines conveniunt ut ex sortium eventu decidatur cui honor , dignitas , res debeantur . Idcirco dignitates laicales , quando paria sint merita , liceat per sortes conferri valent ; secus beneficia ecclesiastica , quia id cavetur cap. Ecclesia extra , de sortilegiis . Electio tamen hæc ad beneficia ecclesiastica per sortes illicita tantum est , non invalida . Electio vero Prælati Ecclesie , qui habet jurisdictionem tum in criminalibus tum in civilibus , sortium ministerio facta nulla est : quia sic determinatur cap. Quia propter de electione . Licet similiter lites dirimere de bonis temporalibus vi sortium ; secus lites de electionibus ad beneficia Ecclesiastica , nisi auctoritate publica in re obscura declaranda id fiat .*

XX. QUÆST. VIII. *Licita ne est sortitio consultoria ?* RESP. Sortitionis consultoria causa duplex , nempe Deus , aut dæmon . Si eventus sortitionis consultoria expectetur a dæmon , nuncupatur fors divinatoria , quæ superstitionis est . Si eventus futuri cognitio imploretur a Deo , licita est , ut multis divinae Scripturae testimoniis constat , servatis conditionibus urgentis necessitatis , obsequii in Deum , & exclusionis cuiuscumque rei profanæ .

XXI. QUÆST. IX. *Quid & quotuplex sit vana observantia ?* RESP. Vana observantia est superstitionis vanis & ineptis instrumentis utitur ad aliquem exteriorem effectum producendum . Hæc triplex est . 1. notoria . 2. observantia sanitatum . 3. futuorum eventuum observantia . Notoria & illicita , & vana est , quia utitur mediis ineptis ad acquirendam scientiam , ut 2. 2. q. 96. docet S. Thomas : atque adeo dæmonis ope indiget , paclumque implicitum intervenit cum dæmon . Ars sanatoria , seu observantia sanitatum , similiter media disparata adhibet nempe cæremonias , imagines astronomicas , orationes arbitrarias ad morbos curandos , nulla in Deum spe habita ; ideoque superstitionis plena est . Si enim sacrae imagines , & reliquæ Sanctorum applicentur infirmis , & preces recitentur ad divinum auxilium implorandum , quacumque vana observatione

exclusa , tum non modo res licita est , sed etiam commendabilis .

XXII. Superstitionis res est sacra verba proferre ad movendum annulum e filo pendentem , quia hæc verba nullam habent virtutem ad tales motum inferendum . Quare si motus contingat , a dæmoni est . Superstitionem quoque committunt qui ad collum suspensas deferunt phylacterias ; seu ligaturas remediorum , quæ suæ natura ineptæ sunt ad morbos pellendos .

XXIII. Observantia futuorum eventuum est prædictio prosperæ vel adversæ fortunæ ex vanis proribus signis ad ejusmodi prænoscendam , ut si quis dies , tempora , hominum occursus , & id genus similia observet , & ex his moveatur ad quidquam agendum , vel omittendum tanquam infustum . Plures hujus generis superstitionis species recenset S. Augustinus lib. 2. de Doctr. christi .

C A P U T II.

*De magia naturali , superstitionis , la-
misi , & strigibus .*

I. QUÆST. I. *Quid , & quotuplex magia sit ?* RESP. Magia generatim accepta , ars est mira quædam & insolita operandi , estque duplex , naturalis & superstitionis . Illa applicatione naturalium causarum , hæc ope dæmonis utitur . Naturalis licita est , cum sit naturalis philosophia , quæ causarum naturalium vim , & efficacitatem penetrat , earumque effectus . Per difficile est internoscere , & distinguere magiam naturalem a superstitionis . Regula generalis est , quando causa inepta est ad producendum effectum , tum magia superstitionis est .

II. QUÆST. II. *Quid dicendum de iis qui salutatores vocantur ?* RESP. Theologi salutatores vocant , qui virtutem ostentant medendi pluribus morbis , & vulneribus letalibus signo Crucis impresso , aut insufflatione , aliisque signis . Azorius cum aliis reperi contendit ejusmodi salutatores , qui virtute naturali sanitatem inducant . Alii sentiunt virtute dæmonis hæc fieri , quod verosimilius est . A Deo Christifideles , Sanctorum intercessione implorata , sanitatem implorent , missis his præstigiatoribus , & ensalmatoribus vafris , qui commentitis precationibus pro cerebro compactis sanitatem restituere mentiuntur . Fascinatio naturalis seminarum solo visu inquinantium spectatores non satis firmo nititur fundamento .

III. QUEST. *III. Datuſ ne ars magica ſuperſticioſa?* RESP. Chriſti Evangelium Matth. 7. & Marc. 9. & omnes Doctores catholici da-ri artem magicam teſtantur. Magia ſuperſticioſa tribuitur in maleſicium ueneficum, & amatorium: illud ad nocendum, hoc ad concitandum amorem carnalem dirigitur. Maleſicium amatorium, quod p̄iltrum Gra- ci vocant, dupliciter executioni mandatur, nempe aut cibo, potuſe ad uenerem in-flammante, aut rebus ſacris adjectis, quæ interdum uestibus alligantur, aut ſub lecto in quo jacet perſona uafinanda, ponuntur,

IV. Non licet maleſicium per maleſicos curare, quidquid nonnulli fabulentur. Licitum tamen eſt cogere maleſicium ut licito medio maleſicium auferat, dum certo conſtat maleſicium prompta habere media ho-nesta, quibus maleſicium auferat: ſecus ſi ineuctus ſis, & dubites maleſicium media li-cita habere, quibus tollat maleſicium. Li-citum quoque eſt maleſicii ſigna deſtruere, quia id fieri abſque dæmonis ope poſteſt. Maleſicus qui dæmoni chiropographum proprio fanguine ſubſcriptum tradidit, non debet il-lud a dæmonē reperere, ſed eundem deteſſari, atque ejurare, & ſinceram agere po-nitentiam, veniamque a Deo implorare ama-nis lacrymis.

V. QUEST. *IV. Quid de lamiis, & ſtrigibus dicendum?* RESP. Mulieres maleſicæ tri-pliciter nuncupari ſolent. *Lamiae* vocantur ob analogiam cum *lamia*, quæ animal mon-ſtroſum eſt muliebreū præferens vultum. A-fagacitate, & vaſritia *sage* dicuntur. Stri-ges vero appellantur a ſtrige avicula ſic di-cta. Dicuntur etiam *venefice*, eo quod ma-leſiciei utantur. Feminae præ viris deditæ ſunt maleſiciei, tum ob majorem credulita-tem, & curioſitatem, tum ob impotentem iram, & libidinem.

VI. QUEST. *v. Transferuntur ne ſtriges de loco ad locum?* RESP. Possibilem eſſe hanc translationem nemo jure inficiari valet, cum dæmonis vires non excedat.

C A P U T III.

De tentatione Dei, & ſacrilegio.

I. QUEST. *i. Quid ſit tentatio Dei?* RESP. Eſt probatio, ſeu experimentum in-ordinatum alicuius divinae perfectio-nis verbis vel factis. Particula inordinatum diſtinguit tentationem licitam ab illicita. Licta eſt quando urgente neceſſitate ex Dei

infuſtu fit, ut quando Abraham, Gedeon, Elias, allique plures viri sancti Deum in arduis tentaminib⁹ ſibi propitium repre-miſerunt. Illicita vero eſt, & inordinata, cum abſque neceſſitate, & ex mero arbitrio ex-perimentum ſumitur de aliqua divina perfe-ctione, ut de iuſtitia, de misericordia, de omnipotentiā. Duplex eſt tentatio hæc: ex-preſſa, ut cum quis ea intentione ſe præci-pitem e fenefra agit ut experiatur an Deus veſit eum liberare. Tacita altera eſt, & in-terpretativa, cum quis ita operatur ut ex-facto colligatur, eum veſle Deum tentare. Hac ratione Deum tentat qui abſque neceſſitate periculo gravi ſe exponit ioperans a Deo ſe liberandum fore. Quando quis ani-mo deliberato Deum tentat, gravis culpa eſt; ſi animo ſemideliberato, levis ut plu-rimum.

II. QUEST. *ii. Tentat ne Deum ille qui pro-batione ferri candentis, aut aquæ ferventis ſuam maniſtare innocentiam conveſtit?* RESP. Ad-ſiſmat vera & communis ſententia. Suppo-tunt enim media naturalia, quibus maniſtetur, nempe ſpontanea confefſio, & teſtium probatio. ut 2. 2. qu. 95. art. 8. ad 3. S. Thomas evincit. Exempla de muliere adultera amaris aquis probanda, ut habetur Num. 5. & de Monacho furti fuſpecto iuſſo ut sumptione Euchariftie, ſuam pateſaceret innocentiam, ut ſtatiuit cap. Sæpe 2. q. 5. nullius momenti ſunt. Nam præceptum mu-lieris adultera cærimoniale fuit, quod anti-quarum eſt. Ad ſecundam auctoritatē re-ſpondet 3. p. qu. 80. ar. 6. ad. 3. S. Thomas, quod decretal illa ſunt abrogata per contraria documenta Romanorum Pontificum. Dicit enim Stephanus Papa: ferri candentis &c. & idem habetur extra de purgationibus cap. Ex tua-rum. In omnibus etiam talibus eſſe videtur Dei tentatio. Unde ſine peccato fieri non poſſunt. Quod ſi miracula interdum viſa ſunt in his probationibus, ea Deus patravit in deſcenſionem innocentiaꝝ accuſati, permiſſo peccato in hominibus tentantibus.

III. Qui miraculum a Deo patrandum of-fert, ut hæreticum convertat, Deum ten-tat: quia pervia ſunt luculentissima veri-tatis argumenta, quibus catholica Religio con-firmetur. Quod ſi viri sancti hæc miracula hæreticis interdum exhibere, id ex ſingu-lari Dei infuſtu contigit. Nihil tamen ve-tat quominus humili obſequio, & debita ſubjeſſione aliquando ejuſmodi miracula a Deo petantur.

IV. QUEST. *iii. Quid ſit ſacrilegium, & quo-*

& quotuplex? RESP. Sacrilegum est rei sacrae violatio. Res dicitur sacra quæ cultui divino deputata est. *Et ideo omne illud quod ad irreverentiam verum sacrarum pertinet, ad injuriam Dei pertinet,* *& habet sacrilegii rationem,* inquit Angelicus 2. 2. q. 99. ar. 1.

V. Triplices distinguit sacrilegium S. Thomas ibidem ar. 3. Primum est injuria irrogata personæ sacrae, ut clero, monacho, fancktoniali, aut fornicatio cum persona voto castitatis obstricta. Alterum spectat locum sacrum, ut Ecclesiam, vel cæmeterium. Tertium committitur contra res sacras, & cultui divino singulariter dicatas, ut sunt sacramenta, calices, vestes sacris peragendas destinatae, Sanctorum imagines, reliquiae &c.

VI. Primum sacrilegium contra personas sacras quatuor modis committi potest. 1. Si ejusmodi personæ sacrae vi detineantur, & percutiantur. 2. Si ad forum laicum deducantur. 3. Si eisdem absque legitima auctoritate tributa, & vedigalia imponantur. 4. Si fornicatio aut impudicitia cum ipsis personis voto castitatis astrictis peragatur. Ad hanc quoque sacrilegii speciem reducitur impudicitia peracta a Confessario cum filia spirituali.

VII. Pluribus quoque modis committitur secundæ speciei sacrilegium. 1. Si quis locum sacrum incendat, infringat, diruat, altaria demoliat. 2. Si ab Ecclesia etiam minante ruinam, vel polluta, vel interdicta, & ab ejus cæmeteriis, atrisi, claustro, & quocumque ejusdem loco non sejuncto; item si ab oratoriis legitima auctoritate fundatis, ab Episcoporum palatiis, a Regalium conventibus, eorumque ambitu clauso aliquem hominem quis per vim extrahat. 3. Si quis ibi hominem occidat, vel per vim sanguinem effundat humanum: si quis voluntariam pollutionem sive manifestam, sive occultam exerceat. 4. Si mercatus quis, & nundinationes peragat in Ecclesia, convivia, ludos, turpia colloquia, & scænas aperiat. 5. Si quis in Ecclesia furetur sacram de sacro, vel non sacram de sacro, sive sacram de non sacro.

VIII. Tertia species est sacrilegium reale, quo res sacrae indigne tractatur. Res sacrae in quatuor veluti classes distinguuntur. 1. Veniunt sacramenta. 2. Vasa sacra, imagines sacrae, reliquiae Sanctorum. 3. Ornamenta Ecclesie, seu ministrorum, ut sunt casulae, vela, & cetera ejusmodi. 4. Bona mobilia, vel immobilia ministrorum susten-

tationi deputata, ut decime, primitiae &c.

XI. Is luc quoque revocantur abusus verborum sacrae Scripturæ. Qui verba sacra detorquent ad evulgandas hæreses, qui eadem profanis concionibus inimicent, aut eisdem abutuntur ad libellos famosos compingendos, ad res profanas exprimendas, sacrilegi sunt, ut habetur in Concilio Tridentino sess. 4.

X. Omissione quoque committi sacrilegium valet. Istius sacrilegii rei sunt sacrificia dum negligunt debita vigilantia sacra chrismata custodiæ, & Eucharistiam, clavis bus adhibitis juxta sacrorum canonum præscripta: item dum corporalia, vasa sacra, altaria, vestimenta ecclesiastica munda & nitida non servant, sed maculata, lurida, fædaque ad incuruentum sacrificium peragendum porrugunt. Sacrilegi quoque sunt, si corrumpi in pixide sacras particulas negligenter finant.

XI. Sacrilegium natura sua letale crimen est. Veniale esse potest propter vel indeliberationem, vel materiæ parvitatem. Duplicitis generis sunt pœna lata in sacrilegos. Aliæ sunt pecuniariæ, quæ non infliguntur ante judicis sententiam; aliæ sunt spirituales, quas ipso facto sacrilegi subeunt, suntque sequentes. Excommunicatio lata in clericorum percussores: item in eos qui immunitatem ecclesiasticam violant, bona immobilia Ecclesie usurpant, tributa imponunt personis ecclesiasticis, easque ad forum laicum deducunt, & in eos qui effringunt Ecclesie janus ad res sacras surripriendas.

DISSEMINATIO IX.

De voto.

CAPUT I.

Recensentur propositiones damnatae, & laxæ.

I. **W**icclefistæ, Lutherani, Calviniani in sacra vota præsertim monastica debacchati sunt, quorum errores damnavit Concilium Tridentinum: Michael Molinos quoque impius in vota fuit, cuius duas sequentes theses proscriptis Innocentius XI. quarum prima est: *Vota de aliquo faciendo sunt perfectionis impeditiva.* Altera est: *Præpositis obedendum est in exteriore, & latitudo voti obedientia Religiosorum tantummodo ad exteriū pertingit.* In interiori vero alter se res habet, quo solus Deus, & director intrant.

II. „ Nam conjugatus impeditus ad peticionem debiti ob votum , aut incestum , „ aut cognationem spiritualem , possit petere , quoties vehementibus carnis stimulis „ agitur , ne periculo exponatur in gravia „ luxuria peccata labendi ? . . . Affirmati- „ vam sequor , si ita vehementibus carnis „ stimulis conjugatus agitur , ut proximo „ periculo se exponat incidendi in peccatum „ fornicationis , vel aliud turpius , nisi de- „ bitum petat . . . Quia cum ex observatione „ voti periculo proximo quis expo- „ natur incidendi in aliqua peccata luxu- „ riæ intrinsece malæ , & tunc non obser- „ vario voti (scilicet petere debitum a pro- „ pria uxore) non sit intrinsece malum , „ manifestum est nec votum , nec observa- „ tionem voti esse de re meliori &c. Hæc „ & longe plura in hanc rem doctissimus P. „ Quintanadvenas . . . Perdifficile mihi vi- „ detur nunc negare omnem practicam pro- „ babilitatem sententiae P. Quintanadvenæ . . . „ Ita expertissimus Casuista Gobat , cui ego „ merito assentior . “ P. Patriitus Sporer tr. 3. in 2. precept. Decal. cap. 2. sess. 2. §. 3. n. 65. pag. 234.

III. „ An votum castitatis vel Religionis , „ vel non nubendi factum ab eo cui „ salubrius est matrimonium ob incontinen- „ tiam , sit validum , impeditaque matrimo- „ nium licite iniri ? Negativam sententiam , „ videlicet neque esse validum tale votum , „ nec matrimonium impedire , suadere pot- „ est quis his argumentis . . . Quia votum „ castitatis , vel Religionis factum ab eo „ quem carnis molestiæ , & frequentes rui- „ nae antecedunt , non est de materia fatis „ idonea ac justa ; immo potius contra con- „ filium D. Pauli .

„ Idem forte docerent autores hujus sen- „ tentiae in casu quo alicui , dictis tribus vo- „ tis , aut aliquo eorum emissis , consultius „ esset ob frequentes carnis tentationes , & „ lapsus in res venereas supervenientes ma- „ trimonium contrahere . . . Quia quod an- „ te emissum votum efficit ut res promissa „ sit inepta voti materia , si eo emissu fu- „ pervenit , tollit voti obligationem . . . „ Ergo iidemmet lapsus irritabunt vota an- „ tecedentia . . . Hæc opinio est probabi- „ lior speculative . . . Sed ego probabili- „ ter respondeo esse prædictam opinionem „ practice etiam loquendo aliqualiter probabilem , tutoque amplecti posse . Ratio est , „ quia est probabile (quidquid imminero du- „ bitet Diana) quod id quod hic & nunc est

speculative probable , sit etiam practice . . . „ Ergo hic & nunc talis opinio etiam pra- „ etice erit probabilis . Ergo tuto amplecti pot- „ est ab eo cui salubrius est matrimonium , „ quam ob suam incontinentiam sunt vota Re- „ ligionis , vel castitatis &c. Ergo absque dis- „ pensatione poterit matrimonium inire . Sic „ expresse tenuit præfatus Joannes Sancius . “ Leander a SS. Sacram. tract. 8. de matrim. disp. 24. qu. 2. & 3. pag. 324. & 325.

IV. „ Aliquando votum tauros agitandi in „ Sanctorum honorem potest esse validum , „ etiam in Hispania . . . Unde in Hispania „ videmus canonizationes Sanctorum sole- „ mnizari agitationibus taurorum , ultra so- „ lemnitates processionum , Missarum , & fi- „ miles . “ Joannes Martinez de Prado tom. 11. cap. 31. §. 4. Summario n. 30. & in fine illius num. pag. 640.

V. „ Votum in gratiarum actionem pro- „ actu turpi jam facto validum est . “ Lean- „ der tract. 1. de voto disp. 4. qu. 31. pag. 341. ex Filliucio tract. 26. de voto cap. 2. qu. 6. num. 54.

VI. „ Quid de voto abstinenti a vino ? „ Obligat sub gravi culpa ne bibatur in ea „ quantitate quæ vino temperate utentibus „ sufficeret pro una comedione , “ Castro- „ palauis tract. 15. disp. 1. punct. 12. num. 21. pag. 72.

VII. „ Probabile est eum qui vovit vir- „ ginitatem , non teneri ad perpetuam ca- „ stitatem ; sed tantum ad servandam inte- „ gritatem carnis , quam illa vox virginis- „ tatis proprie significat . “ Marin. tract. 9. disp. 3. sess. 2. num. 39. ex Burgh. cent. 1. cuf. 9.

VIII. „ Si voluisti redimere jaætura tem- „ poris , comprehendisti ludum etiam mode- „ ratum , itemque ludum pro alio : quia „ vere luderes cum jaætura temporis . Pote- „ ris tamen per alium ludere , licet aspi- „ ciendo perdas tempus . . . Si eo fine vo- „ visti , ut vitares rixas , blasphemias , jura- „ menta . . . licebit tibi ludere nomine a- „ lieno , vel per alium ; immo & ludere li- „ cebit per alium , licet hæc incommoda „ timeantur , quia re ipsa non ludis . “ La- „ Croix lib. 3. par. 1. num. 454. pag. 175. ex Tamburino , Palao , & aliis .

C A P U T II.

Voti notio, ejusque conditiones.

I. QUÆST. I. *Quid sit votum, ejusque conditiones?* RESP. Est promissio de liberata & spontanea Deo facta de re meliori. Quinque assignantur conditiones. 1. est deliberatio. 2. est voluntas promittendi, & exequendi promissum. 3. est ipsa promissio. 4. quod hæc promissio Deo fiat. 5. quod sit de re meliori, seu Deo grata. Singulae conditiones explicandæ.

II. Ad votum requiritur plena deliberatio, quæ in hoc sita est ut votens sit compos sui, & advertat, cognoscaturque id quod promittit. Ne multa; ea libertas quæ sufficit ad patrandum peccatum, ad perficiendum contractum, fatis est ad votum. Quare vota, licet repentina, valida esse possunt, quando procedunt ex deliberata voluntate. Imprudentia tamen laborant ejusmodi vota, quæ ob talen præcipitem emisſionem juxta circumstantiarum varietatem dispensari, vel commutari queunt. Sufficit autem deliberatio virtualis, sicut in omnibus aliis actionibus, contenta in aliis præcedentibus actionibus, dummodo votens compos sui sit. Propositum non sufficit ad votum, cum propositum aliud non sit quam voluntas aliquid faciendi. Necessaria itaque promissio est. Sæpe idiotæ confundunt propositum cum promissione, & contra. Quare prudens animarum moderator ex circumstantiis colligit emissum necne votum sit. Si quis voeat cum animo promittendi, & se obligandi, sed cum voluntate non implendi promissum, votum eliceret, & confiteretur: quia posterius propositum non implendi inefficax est, & ineptum.

III. Altera particula *promissio facta Deo* indicat vota soli Deo fieri. Cum quis aliquod opus se facturum in honorem alicujus Sancti spondet, non est votum propriæ diætum, sed voti materia. Quare vota quæ in honorem alicujus Sancti fiunt, vota nuncupatur in latiori significatu, quæ tamen vim obligandi habent. Hæc vota non sunt actus latræ soli Deo debitæ, sed dulæ, vel hyperdulæ. Catholici ergo voentes B. Virginis, SS. Augustino, Benedicto, Dominico &c. Deo vovent coram istis Sanctis tanquam testibus, patronis, & adjutoribus.

IV. QUÆST. II. *Quid significat altera particula de meliori bono?* RESP. Materia voti

debet esse honesta, possibilis, libera, non indifferens, nec majus bonum impediens. Quæ lege divina, vel ecclesiastica præcipiuntur, possunt esse voti materia, ut communis sententia docet. Particula *de meliori bono* duplēcēm habet sensum: primo compareat ad aliud bonum, ut melius est succurrere puellæ periclitanti quam alteri pauperi nullo animæ periculo exposito. Secundo respectu omissionis ejusdem boni, ut melius est dare eleemosynam quam non dare. Ad materiam idoneam voti sufficit ut hoc secundo modo sit bonum melius. Materia opposita consiliis evangelicis nullo modo est voto apta. Hinc invalidum est votum contrahendi matrimonium, quia opponitur consilio evangelico. Si matrimonium esset necessarium Reipublicæ conservandæ, ad pacem firmandam inter Principes, quod vix ac ne vix quidem contingit, dicunt tum votum validum esse: quia materia voti non tam est matrimonium, quam bonum commune Reipublicæ, & Ecclesiæ. Votum nubendi, ut concupiscentiam frenet & coercat, nullum est.

V. Si conjugatus impeditus ob votum emissum a debiti petitione stimulis concupiscentiæ vexetur, potest ne debitum petere? Adfirmat P. Sporer, qui citat P. Gobat. Sed hæc opinio laxa & falsa est. Laxior est altera opinio Leandri negantis valere votum castitatis, religionis, non nubendi emissum ab illo cui salubrius matrimonium est, quique patitur graves concupiscentiæ rebelliones. Immo adjicit idem benignissimus Leander, supervenientes tentationes & angustias carnis reddere votum non nubendi nullum. Lege Tom. 3. in Decal. lib. 4. diff. 1. cap. 4. n. 12. & seq. Votum non vovendi invalidum est. Votum non petendi dispensationem validum esse, si utilius animæ sit non petere dispensationem; contra nullum esse, si salubrius sit animæ dispensationem postulare, docent sanctus Antoninus, & Richardson.

VI. QUÆST. III. *Res indifferentes, iniuriantes, vitiosæ sunt ne materia voti?* RESP. Negant omnes. Si tamen res quæ suapte natura indifferens est, ob aliquam circumstantiam induat honestatem, idonea est voti materia. Votum cuius executio peccatum est, nullum est. Quare peccavit Jepheth occidens filiam suam. Similiter votum emissum de re bona ob finem pravum nullum est: quoniam tunc votum sumitur ut instrumentum ad comparandum finem pravum. Invalida quo-

quoque sunt vota offerendi Deo munera, celebrandi Missas, erogandi eleemosynas, quæ edere Christiani aliqui solent, hac adjecta conditione, si in duello, vel in bello injusto evaserint victores. Item votum pro actu turpi jam facto in gratiarum actionem Deo nuncupatum invalidum est, & Deum dedecens, ut pro lucro ex ludo injusto comparato. Validum vero est, factum ad impe-trandam incolumentem filii suscepti ex concubina: quia sanitas filii bona est, licet præ-verit peccatum. Valida pariter sunt vota pnniendi propria crimina. Vota rei bonæ ob finem indifferentem nulla sunt. Votum de-re impossibili nullum est.

VII. QUÆST. IV. *An qui non potest im-pleve totum votum, teneatur impleve partem?* RESP. Vovisti ædificare Ecclesiam: nequis integrum, teneris ne ad partem? Ad nihil teneri hanc voventem docent Tamburinus, Leander, Castropalaus, & alii. Sed distin-guendum. Si pars separata cedat in hono-rem Dei, tunc hanc exequi vovens debet; secus si pars separata inanis est. Sed in hoc casu deberet vovens in alia Ecclesia fa-bricare Capellam, sive quid aliud in ali-quo templo, quod cederet in Dei honorem. Quando materia voti mixta est partim bona, & partim mala, vel vana, implenda est pars bona, neglecta alia. Hinc votum ve-niendi Romam nudo corpore validum est quantum ad iter peragendum; modus dum-taxat nuditatis omittendus.

VIII. QUÆST. V. *Votum non ludendi va-lidum ne est?* RESP. Adfirmat vera & com-munis sententia, quia est de meliori bono. Nam ludus est quid fortuitum in ordine ad lucrum, vel jacturam, malorumque origo. Ergo abstinentia a ludo est de meliori bono.

IX. P. Claudius La-Croix laxas opiniones lib. 3. p. 1. n. 453. & seq. hoc de argumen-to docet. Irrepsit mendum in meo Tom. 3. in Decal. pag. 117. n. 8. ubi in edenda laxa opinione hujus auctoris loco *volvisti* errore certe typographorum, editum est *vovisti*. Quod mendum materiale licet, & nullius momenti, nunc corrigo, ut censoribus meis faciam satis, & gratias agam, quod ejusmo-di levissimos nævos mihi objicendo, univer-so mundo patefaciunt, Theologiam christia-nam immunem tum a Rigorismo, tum a La-xismo esse.

X. „Si eo fine *vovisti* (*vovisti* hic, non „*volvisti* , inquit P. La-Croix loc. cit. num. „ 454.) ut vitares rixas, blasphemias, ju-„ ramenta . . . Indere licebit per alium,

„ licet hæc inconvenia timeantur, quia re-„ ipſa non ludis. „ Non iudic fane nomine proprio, sed alieno; sic nec ore proprio blas-phemas, rixaris, pejeras, sed alieno ore. Quam laxa hæc sint, & alia quæ ibidem do-cet La-Croix, ceteri judicent.

XI. QUÆST. VI. *Validum ne votum est num-quam peccandi?* RESP. Si votum sit abstinen-dii ab omni peccato mortali, validissimum est. Si autem votum sit de vitandis omnibus culpis etiam venialibus collective accep-tis, nullum est votum, utpote de re hu-manæ imbecillitatí moraliter impossibili. Va-lidum tamen votum est vitandi hoc vel il-lud determinatum veniale peccatum delibe-ratum, puta non mentiendi. Sed in his votis enucleandis immorandum non est, cum suadendum Christianis sit ut absineant rei-psa a peccatis, non votorum sarcina se fe-oppriant.

C A P U T III.

De votorum distinctione.

I. Dividitur 1. votum in absolutum, con-ditionatum, & poenale. 2. in solemne, & simplex. 3. in necessarium, & liberum. 4. in commune, & singulare. 5. in reale, per-sonale, & mixtum. 6. in adfirmans, & ne-gans. 7. in perpetuum, & temporale. 8. in reservatum, & non reservatum. 9. in pu-blicum, & occultum. 10. in expressum & tacitum, seu in mentale, & vocale.

II. Votum *absolutum* immune est ab omni coditione: *conditionatum* adiectam habet con-ditionem, ut si dicas: voveo eleemosynam, si convaluero. *Poenale* est dum poena adjici-tur, ut si dicas: si luero, voveo discipli-na. Differt poenale a conditionato, quod in hoc apponitur conditio ut conditio, in il-lo ut poena.

III. *Solemne* fit in conspectu Ecclesiæ, a qua per superiorem acceptatur. *Simplex* a perso-na privatim editur. *Necessarium* illud est quod omnes in Baptismate emittunt, diabo-lo, & pompis ejus renuntiantes. *Necessari-um* nuncupatur, quia est de observanda le-ge evangelica ad salutem necessaria. *Libe-rum* est de re non necessaria ad salutem, ut de ingressu in Religionem; aut si est de re præcepta libere quispiam votum adjicit. *Commune* idem est ac necessarium, & parti-culare idem ac liberum.

IV. Votum *reale* illud est quo res exter-na Deo offertur. *Personale* quo actio, vel omis-

omissio personam afficiens Deo promittitur. *Mixtum* utrumque concludit, nempe & rem, ut eleemosynam, & actionem, ut peregrinationem. Adfirmativum est illud quo aliquid positivum Deo spondet, ut eleemosyna. *Negativum* abstinet ab aliqua re, ut a carnisbus, a ludo, a peccato.

V. *Perpetuum* durat usque ad mortem videntis, ut votum professionis monasticæ, perpetua eleemosynæ &c. *Reservata* dicuntur, a quibus praælati inferiores dispensare nequeunt, possunt vero a non reservari. *Expressum* votum est quod conceptus formulis editur. *Implicitum*, seu *tacitum* est quod non emititur verbis expressis; sed afixum est alteri rei, seu statui, ut votum castitatis quod edunt Subdiaconi suscipientes sacros ordines. *Publicum* est illud quod fit palam. *Occultum*, quod fit secreto. Hæc omnia obvia sunt.

C A P U T IV.

De votorum obligatione, variisque votorum questionibus.

I. **V**eritas fidei est votum parere obligacionem, & quidem gravem, qua videntes obstringitur exequi id quod Deo spondet, ut habetur Deuter. 23. *Cum votum voveris Domino Deo tuo, non tardabis reddere.* Hæc obligatio pertinet ad virtutem religionis, & fidelityatis. Majoris meriti est actio ex voto facta quam sine voto, ut docet 2. 2. qu. 88. *a. 6.* S. Thomas.

II. **Q**uest. i. *An detur parvitas materiæ in voto?* Resp. Obligatio voti sua natura gravis est: ejusdem violatio levis fieri potest ex imperfecta deliberatione, ex animi subreptione. Difficultas est num levis esse queat ex parte materiæ. Si materia voti sit dividua, ut si vovisisti recitare Rosarium integrum, & omittis unam decadem, levis omissione est ex parvitate materiæ. Si parva materia sit integra voti materia, ut votum recitandi unum *Pater*, tunc Cajetanus cum aliis docet omissionem esse mortalem; sed opposita sententia probabilior est. Quæstiuncula hæc, ad proxim quod attinet, inepta est. Communiter enim homines vota sua edunt de re gravium ob finem, tum ob ipsius voti dignitatem. Disputant Theologi num videntes possit in materia levi graviter, & in materia gravi leviter se se obligare. Ad primam quæstionem partem dico, quod quando materia omni ex parte levis est, nequit graviter sub mortali se obstringere. Contra quando materia natu-

DECAL. MAND.

ra sua gravis est, non potest se leviter tantum obligare. Quoniam qui vult votum, vult eo ipso quæ votum necessario consequuntur. Votum autem in materia gravi gravis obligatio consequitur. In potestate autem videntis non est rerum naturas pervertere. Inepta allegatur S. Thomas pro contraria opinione. Libere edere, & non edere homines vota queunt, inquit S. Thomas; at posito quod vota edant, ad votorum naturam & legem se conformare debent. Nec quæstio tanti est ut egeat majori discussione. Lege Tom. 3. lib. 4. diff. 1. c. 1. n. 20.

III. **Q**uest. ii. *An qui violat plura vota in materia levi eodem die, graviter peccet?* Resp. Adfirmat communior & probabilior opinio. Quamvis enim vota numero differant, ad eandem tamen virtutem attinent, & ejusdem sunt rationis. Quando ergo ex pluribus levibus materiis voto subjectis efficitur materia gravis, tum gravis injurya Deo irrogatur. Nonne qui homini pluribus promissionibus gravem pecuniæ quantitatem sponderet, letaliter peccaret, si notabilem pecuniæ promissæ summam sibi retineret? Disputant quoque, num qui vovit recitare per plures annos quotidie unum *Pater*, & *Ave*, peccet mortaliter, si per plures dies illud omittat: & communiter adfirmant; quamvis aliqui distinguant de voto sufficiente, & non sufficiente diem; sed disputationes ista excogitatae ab ipsis sunt ad exercendum ingenii acumen. Quare missis distantiunculis dico, deliberatam voti violationem per integrum annum mortalem esse.

IV. **Q**uest. iii. *An vota parentum filii implere debeant?* Resp. Vota personalia a videntes impleri debent, quia sufficiunt ipsam personam. Vota hæc parentum nullo modo filios obligant. Vota quippe libera esse debent. Vota parentum quandoque filios obligant, quatenus filii in eadem vota consentiunt. Heinc sequitur videntem qui implere votum nequit, non astringi ut per alium illad impleat. Vota realia impleri per alios valent, etiam insciis, sed non invitis videntibus. Si videntes sit factus impotens ad solvendum votum reale, liber evadit, ut patet in aliis debitis. Quando votum est mixtum, partim videlicet personale, & partim reale, si videntes factus sit impotens ad implendum votum personale, debet per alium implere votum reale.

V. **Q**uest. iv. *Heredes tenentur ne votum testatorum implere?* Resp. Ad vota personalia non tenentur. Realia vero vota tenentur her-

fedes solvere, etiam si testator expresse dicere, se nolle heredes astringere ad ejusmodi vota persolvenda. Quoniam semel aggravata justo debito hereditate non est amplius in potestate testatoris eam liberare. Heredes autem non tenentur vota haec realia persolvere ultra vires hereditatis, neque ante aditam hereditatem, cum possint eamdem repudiare. Neque cum detimento propriæ legitimæ tenetur heres implere vota testatoris qui gravare legitimam non potuit. Heredes implere vota realia testatoris per alios valent, sicut poterat ipse testator. Monasterium quoque jure hereditario succedens in bona Religiosi profecti, tenetur implere vota realia, quæ ille ante professionem ediderat, quia hereditas transit ad Monasterium cum hoc gravamine. Quando hereditas gravata est pluribus debitis, prius solvenda sunt debita ex iustitia, & post legata, & vota. Si plura sint vota, solvi prius debent ea quæ sunt maioris momenti. Si plures sint heredes, quisque solvere partem suam tenetur. Si tamen res debita Deo sit penes unum heredem, tenentur alii heredes ad compensationem. Donatarius tenetur implere realia vota quæ afficiunt rem donatam, si donator factus sit impotens; quidquid in oppositum dicant plures: quia debitum semper sequitur rem cui affixum est. Legatarius vero, juxta omnes, astringitur solvere legantis vota realia.

VI. QUEST. v. *Quo tempore implenda vota sunt?* RESP. Quando tempus determinatum est pro executione, tunc implendum est. Quando tempus est indeterminatum, tunc votens cum primum commode potest, illud implere debet, ut dicitur *Deuter. 23.* nisi causa rationabilis differendi adsit, ut melius votum impleatur. Si praevides futuro tempore impediendum fore ab implendo voto nulli diei affixo, teneris anticipare voti executionem. Votum non impletum tempore designato, implendum est elapso tempore. Vovisti reddere Petro centum, quæ debes infra mensem, elapso tempore teneris implere. Si tamen vovisti jejunare in vigilia talis festivitatis, elapso festo extinguitur votum. Qui tamen vovent jejunare singulis sextis feriis hujus mensis, mihi probabilius est elapso mense eos astrinxi ad jejunium singulis sextis feriis sequentis mensis: quoniam omnes sextæ feriæ totius anni sunt ejusdem rationis. Qui vovit jejunare in vigilia S. Francisci, non tenetur praevenire, etiam si prevideat tali die se non posse servare jejunium: quia votum affixum est diei determinatae.

Tom. I.

VII. QUEST. vi. *Quid de voto dubio dicendum?* RESP. Dubitate potes 1. num votum emiseris. 2. num emissum impleveris. 3. de quantitate rei promissæ. Sermo est non de leví suspicione, aut vanis scrupulis, sed de dubio gravi, orto ob probabiles rationes oppositas, quæ suspensum teneant intellectum. Probabilista nixi illo principio, *Melior est conditio possidentis*, hunc voventem dubitatem absolvunt ab obligatione voti. Quæ opinio non minus falsa est quam Probabilismus, cui nititur. Quare Antiprobabilistæ oppositum defendunt. S. Thomas in *IV. dist. 38. q. 1. ad 83.* haec habet: *Si autem dubiter, quomodo in votando se habuerit, debet tutiorem viam eligere, ne se discrimini committat.* Idem docent S. Antoninus, & facri canones. Vide *Tom. 3. in Dic. Lib. 4. diff. 2. cap. 4.*

VIII. Si certus sis de voto, & dubites de executione impleta, juxta omnes teneris ad votum implendum. Si dubites de quantitate rei promissæ, tutiorem partem eligere debes, ut facri canones præscribunt. Dubitas voventis ne centum, an quinquaginta, teneris solvere centum. Quis vovit dare calicem Ecclesiæ, dubitat vero an aureus, vel argenteus dandus sit: aureum, vel argenteum offerre debet juxta morem sibi notum Ecclesiæ cui promisisti, excluso ære vel cupro. Qui vovit se non accessum ad feminam, dubitat vero de accessu fornicario, an conjugali: abstinerre debet ab utroque accessu. Qui dubitat emiserit ne votum ante septennium, seu usum rationis, ad votum tenetur, ut communis sententia docet: quoniam constat de voto emissio, & solum dubitatur de tempore emissionis. Vix est qui ante usum rationis vovat: ergo præsumendum est completo rationis usu emissum votum fuisse. Certus de voto emissio, & dubitans de animo sese obligandi, tenetur implere votum: quia probato facto, præsumuntur omnia quæ tale factum naturaliter comitantur. Similiter qui votum metu extortum emisit, præsumi debet, eum in casu dubio habuisse intentionem sese obligandi: quia præsumere simulationem in vovente, vel jurante est præsumere de delicto; nemo autem præsumendus criminis reus. Si votens dubitet in præfato eventu, verborum amphibologia, aut mentis restrictione se usum fuisse, aliqui dicunt votum non tenere; sed haec opinio falsa est ob datam rationem, & quia in dubio tutior pars est eligenda. Qui ira percitus emitit votum, postea vero dubitat se habuisse necessarium usum rationis, implere absolute votum debet: quia raro ira

ita turbat rationem ut auferat libertatem sufficientem ad peccandum, atque adeo ad vendendum. Quare si deponi dubium nequeat, servanda est regula: *In dubiis tutior pars est eligenda.*

IX. QUEST. VII. *Qui vovit abstinere a vi-*
no, tenetur ne abstinere a cervisia, aliisque li-
quoribus e vino expressis? RESP. Qui vovit ab-
 stinere a vino ut vitet ebrietatem, debet ab-
 stinere ab omnibus liquoribus qui pariunt ebrie-
 tam. Quare fallitur P. La-Croix, qui lib. 3.
 p. 1. n. 459, cum suo Gobat docet, posse vo-
 ventem, licet intenderit in suo voto vita-
 re ebrietatem, sumere alios quoscumque potus
 aptos ad inebriandum. Non minus laxa
 est opinio P. Castropalai, qui tract. 15. dif.
 1. pun. 12. n. 21. docet, eum qui vovit ab-
 stinere a vino, posse tantum vini bibere,
 quantum temperate uteribus sufficeret pro una
 componere. P. Patritius Sporer tr. 3. in 2. De-
 cal. c. 2. sec. 3. §. 2. n. 86. pag. 238. hoc pro-
 fert judicium: *Certe nimis laxa, etiam Ger-*
manorum sensu, Castropalaus requirit eam qua-
ntitatem quæ alicui vino temperate utenti suffi-
ceret pro uno prandio. Quorundam Probabilis-
 starum laxitas interdum adeo ampla est, ut
 vel ipsis Probabilistis displiceat.

X. Qui vovit jejunare nihil determinando, debet servare votum juxta ritum Ecclesiæ. Quare nimis laxe docent Sanchez, & Tam-
 burinus, hunc tempore Quadragesimæ non
 debere abstinere a lacticiniis. Quæ opinio in-
 cedit in sequentem, ut mihi videtur, damna-
 tam thesim: *Non est evidens quod consuetu-
 do non edendi ova, & lacticinia in Quadra-
 gesima obligas.* Qui vovit jejunare, nullo
 præfinito dierum numero, satisfacit voto, si
 unico die jejunet. Qui plura jejunia vovit,
 non videtur satisfacere duobus jeuniis: quia
 per numerum binarium non significatur plu-
 ralitas juxta communem significationem. Qui
 vovit jejunare per mensem, liber a jejunio
 est diebus dominicis: quia jejunium inter-
 pretandum est juxta ritum Ecclesiæ. Aliquis
 tamen Catholicus singulari devotione ductus,
 omni superstitione sublata, diebus dominicis
 jejunare posset: & præsertim ad domandam
 carnem, & concupiscentiam, ut tot viri sancti
 peregrinæ, continuum servantes jejunium.

XI. Qui vovit audire Missam quotidie, satisfacit voto diebus festiis unam audiens Mis-
 sam: quoniam rationabilis intentio esse vide-
 tur, nullam transfigere diem velle quin Mis-
 sam audiat. Puella quæ vovit virginitatem,
 tenetur eam servare post primum patratum
 actum turpem. Secus si vovisset expresse vi-

tare dumtaxat primum actum terpum: quia
 votum pendet a voluntate voventis. Qui per-
 egrinacionis votum edit, satisfacit peregrina-
 tione equestri: quia hæc vera peregrinatio
 est, dummodo non intenderit se obligare ad
 pedestrem: minime vero satisfaceret aut mer-
 cede conductus, aut vi adactus: quia execu-
 tio voti est actio virtutis; si tamen animo,
 & intentione consentiret, etiamsi extrinsecus
 coactus esset, votum impleret.

XII. QUEST. VIII. Qui vovit eleemosynam, non deter-
 minando quantitatem illius, potest determi-
 nare post emissum votum, sicut poterat ante
 votum. Qui vovit donare unum ex suis
 animalibus, vel vasis Ecclesiæ, potest offerre
 ex rebus promissis quid sibi placuerit: neque
 enim astringitur donare vel pretiosius vas,
 vel melius animal. Mediocritas in his casis
 servanda. Si ex rebus promissis omnia,
 excepto uno, perierint, hoc unum offerendum
 est. Si vovisti donare uni ex duabus Eccle-
 siis, neutram designando, seligere quam ma-
 lueris, vales.

XIII. QUEST. VIII. *An error circa substan-*
tiam voti reddat votum invalidum? RESP.
 Adfirmat communis sententia: quia error
 tollit voluntarium: nihil enim volitum quin
 præcognitum. Error vero circa adventitia,
 & circumstantias voti non efficit votum nul-
 lum. At unde colligendum, utrum circum-
 stantiae redundant nec ne in substantiam voti?
 Ea redundant in substantiam voti quæ
 finem voti spectant; illa vero sunt vovendi
 occasions, quæ excitant ad vovendum. Vo-
 ves eleemosynam conferendam pauperi probo.
 Sublevatio paupertatis est finis voti: probi-
 tas pauperis occasio est quæ te excitat, im-
 pellitque ad vovendum. In dubio an aliquæ
 circumstantiae habeant rationem finis voti,
 aut occasionis, inspiciendum est, num illis
 sublati consistat finis voti: nam si consistat,
 cetera omnia habent rationem dumtaxat oc-
 casionis. Si contra illis deficientibus finis vo-
 ti corrueret, tunc haberent rationem finis.

XIV. QUEST. IX. *An votum metu extor-*
tum sit validum? RESP. Alius est metus gra-
 vis cadens in virum constantem, alias levis.
 Gravis intrinsecus oriri potest, ut ab infir-
 mitate, tempestate, aut naufragio imminente.
 Votum emissum vi timoris intrinseci tum
 iure naturæ, tum iure positivo validum est:
 quia tunc vovens a nemine cogitur, nisi a
 se ipso. Valida itaque sunt vota emissa
 ut mortem, naufragium, aliudque infortu-
 nium declines. Validum quoque votum est
 ob metum incussum juste extrinsecus emissum:
 quia

quia quando metus juste incusus est ad votum extorquendum, vovens irrationaliter invitum est. Metus levis non irritat votum, quia leviter laedit consensum liberum.

XV. Difficultas est de voto ex gravi metu injuste extrinsecus illato ad illud extorquendum. Votum istud jure naturae validum esse, communis est Theologorum sententia, posito quod homo, licet injuste coactus, vere & sincere votum velit, & re ipsa edat. Metus enim diminuit, non tollit voluntarium, ut S. Thomas 2. 2. q. 89. a. 7. ad 3. docet. Eadem subscribunt communiter Theologi. Ad ius ecclesiasticum quod attinet, si sermo sit de voto solemnis in professione monastica emisso, omnes adfirmant votum hoc nullum esse, ut jura omnia declarant. Si sermo sit de aliis votis, disputant in utramque partem Theologi, & omnes adfirmant utramque sententiam esse probabilem. Prior sententia tenet, valida esse ejusmodi vota, quia jura non lequantur nisi de voto solemnis, & aliunde irritatio voti odiosa est, cum deroget natura juri. Et haec opinio videtur probabilior, quia re ipsa adversarii nullum haec tenus texum adduxerunt, qui nulla ejusmodi vota declareret.

XVI. QUEST. X. *Quid de voto conditionali dicendum?* RESP. In quolibet voto etiam absoluto includuntur aliquae generales conditiones, quales sunt, si potuero, si Deo placuerit, si superior aliud non decreverit. Conditiones particulares ab ipsa libera voventis voluntate pendent, & adjiciuntur. Voti conditionati executio suspenditur, donec conditio eveniat. Conditio tamen de praesenti, vel de præterito, aut de futuro necessario non efficit votum conditionatum; sed sola conditio de futuro eventu contingent. Conditio turpis contra substantiam voti, illud irritat, quia error substantiae contradictrius reddit actuum involuntarium; secus si sit contra accidentia contractus. Votum sub conditione honesta futura contingent non obligat usquedum evenierit conditio. Si conditio pendeat a sola voluntate voventis, is potest illam ad libitum suspendere antequam eveniat, & a voto se liberare; si a voluntate alterius pendeat, ejusdem expectare adventum tenetur; ut si dixerit: voveo Religionem, si pater consenserit, si soror nupferit &c. si sua malitia impedit conditionis, quæ ab alterius voluntate pender, eventum, tenetur implere votum: quia qui sua culpa fit impotens ad voti executionem, tenetur ad voti compensationem, ut docet S. Thomas in 4. diff. 38. q. 1. a. 3.

XVII. QUEST. XI. *Quid sit votum conditionatum penale?* RESP. Est illud quod quis edit non ex affectu ad rem quam spondet, sed ex studio vitanda actionis quam detestatur; ut si voveas hoc modo: promitto me ædificaturum altare, si lusero, si fornicatus fuero. Hoc voto in primis vitare peccatum intendis. Qui absolvitur ab ejusmodi voto, absolvitur etiam a pena. Qui vovit vitare aliquid, puta ludum, si votum violaverit, non tenetur toties subire penam, quoties luserit, sed semel tantum luere penam debet, nisi expresse sibi imposuisset tot penas, quot vices luserit.

XVIII. QUEST. XII. *Quid dicendum de voto assumendi statum religiosum?* RESP. Is qui vovit ingressum in Religionem, omnem adhibere curam debet ut in eadem recipiat, ut 2. 2. q. 189. a. 2. docet S. Thomas. Si quæ impedimenta vovens habeat, manifestare Religionis prælato tenetur. Si Religio quam vovens designavit, relaxata sit in substancialibus sue regulæ, non tenetur eam ingredi: quia tunc votum non est de meliori bono, ut communiter Theologi docent. Si de hac materia plura cupis, vide Tom. 3. Theolog. Christ. Lib. 4. in Decal. diff. 2. c. 9.

C A P U T V.

De votorum cessatione, irritatione, dispensatione, & commutatione.

I. QUEST. I. *Qui valeant vota edere?* RESP. Qui ulu rationis potiuntur, & dominium habent earum rerum quas Deo nuncupant. Quare vota impuberum, cum dominio careant, irritari a parentibus valent: nec firma sunt nisi sub tacita conditione, quod parentibus placeant.

II. QUEST. II. *Vota Religiosorum emissi absque prælati licentia de re honesta, quæ nec jurisdictionem, nec disciplinam perturbant, sunt ne valida?* RESP. Negant plures; sed probabilior sententia adfirmat, cum nullum detrimentum inferant sive jurisdictioni prælatorum, sive Ordinis disciplinæ, sive de re honesta. Irritare utique haec vota prælati valent, cum iisdem comperta facta sint. At subditi eadem manifestare illis non tenentur; & sic, quandiu occulta manent, valida sunt, & voventes eadem exequi tenentur. Vota vero Religiosorum sive Regulæ, sive superiorum jurisdictioni opposita, nulla sunt. Similiter vota Religiosorum edita elargiendi in eleemosynam quidquam de bonis ad proprium

usum concessis sine licentia prælatorum nulla prorsus sunt.

III. QUÆST. III. *An Ecclesia valeat leges ferre quæ aliquas personas ad votendum inhabiles declarant?* RESP. Si sermo sit de votis solemnis, quæ publicam spectant Ecclesiæ disciplinam, nulla est difficultas. Patet enim ex Ecclesiæ sanctione nullam esse professionem monasticam ante completum annum sexagintaquattuor emissam. Respectu votorum simplicium, etiam internorum, potest Ecclesia aliquas prescribere conditiones, quibus non servatis vota nulla sint; & sic indirecte potest promissiones etiam internas irritare. Episcopi nequeunt, inconsulto summo Pontifice, Episcopatus abdicationem votare, quia talis abdicatione vetita illis est. Neque votare peregrinationem queunt ultra illud intervallum quo abesse ab Ecclesiis suis jure valent, summo Pontifice inconsulto. Parochi, & Beneficiati residentia vinculo adstricti votare Religionis ingressum queunt, inconsulto Episcopo. Ingredi vero Religionem eodem inconsulto Episcopo votentem non posse, concedunt aliqui. Sed haec opinio omnifundamento destituta est, cum nulla lex extet quæ id prohibeat. Lege tamen convenientiæ, & urbanitatis consulere proprium Episcopum Parochi debent.

IV. QUÆST. IV. *An cessante causa movente cessat votum?* RESP. Causa altera movens, altera impellens. Causa proxima votente cessante, cessat votum, ut omnes communiter docent. Quia cessante omnino causa finali, cessat materia voti. Exemplo res patet. Votisti eleemosynam ergondam tali pauperi: hic dives effectus est: cessat omnino finis eleemosynæ. Cessat ergo & votum. Cessante vero causa impellente, non cessat votum.

V. QUÆST. V. *An notabilis materie mutatio satis sit ad votum irritandum?* RESP. Adfirmsat communis sententia cum S. Thomas 2.2. q. 110, a. 3. ad 3. dummodo materiæ mutatio sit valde gravis. Tunc reputatur valde gravis cum status rei promissæ variatur. Debet præterea haec mutatio esse evidens & manifesta. Heinc si edito voto occurrit in ejusdem executione periculum vitæ, vel honoris, vel alterius rei gravis momenti detrimentum, cessat votum.

VI. Supervenientes difficultates, quæ superari valent in executione voti, non irritant votum, quamvis si easdem cognovisset votans abstinuisset a voto. Quoniam pauci sunt contractus in quibus graves postea non occurrant difficultates, quæ si prævisæ fuissent, contractus initi non essent.

VII. QUÆST. VI. *An pro irritatione votorum causa aliqua requiratur?* RESP. Ad validam votorum irritationem, nullam requiri causam plures adfirmant. Irritatio, inquit, voti est ejusdem ablato ab eo facta qui potestate dominante pollet, qua potiuntur patres in filios, & superiores in Religiosos subditos. Duplex irritatio: altera directa, quam descripsi; altera indirecta, quæ materiam promissam spectat, quæque illius executionem impedit. Sententia quæ adfirmsat ad votorum irritationem causam requiri, valde probabilis mihi est. Irritatio enim actus jurisdictionis est. Examen ergo præcedat oportet, ut actus ille judicetur nec ne conveniens. Denique qui honeste operatur, aliquo recto moveri fine debet.

VIII. QUÆST. VII. *An facultas irritandi vota juris sit naturalis, vel positivi?* RESP. Pro iure positivo stant plures inquietes vota solemnia Regularium indissolubilia tantum esse jure ecclesiastico. Contraria sententia mihi probabilior est, quam defendit S. Thomas 2.2. q. 189. & cum eo graviores Theolog. Filii vi juris naturali paternæ potestati subjecti sunt. Religiosi subduntur prælatorum voluntati & dominio vi solemnis professionis, seu voti obedientiæ. Ergo iure naturali, & divino patres, & superiores in filios, & Religiosos dominantur; & vi istius dominii vota irritare valent subditorum. Accedit quod licet aliqua lex sit tantum juris positivi ecclesiastici, ea tamen posita consurgit ius naturale, & divinum. Consecratio calicis juris est ecclesiastici. Sed ea posita, iure divino calici consecrato reverentia, & obsequium debetur.

IX. QUÆST. VIII. *Quibus competit potestas irritandi vota?* RESP. Alii sunt superiores qui potestate dominante, ut parentes in filios, domini in servos, ut dictum est; alii, qui potestate jurisdictionis in votentes potiuntur. Summus Pontifex irritare directe vota Regularium, & Monialium potest, quia est supremus omnium Religiosorum Prælatus, item omnium Ecclesiasticorum vota, quæ ad beneficia ecclesiastica pertinent; vota vero laicorum indirecte prohibendo materiam, irritare valet.

X. Episcopi irritare directe vota Monialium sibi subjectarum valent; secus Monialium quæ eorumdem jurisdictioni non subjacent, aut Regularium exemptorum: immo nec suorum clericorum, & multo minus laicorum. Itaque si tantum irritare directe vota queunt qui potestatem, quam vocant dominan-

minantem, in voventes habent. Sic Regularium prælati vota Religiosorum, parentes vota filiorum, tutores vota pupillorum, curatores vota minorum, domini vota mancipientium, mariti vota uxorum irritare valent: quia omnes isti potestate dominante fruantur. Superior valet vota subditorum irritare, subditis repugnantibus.

XI. Superiores Regularium, qui irritare vota queant, sunt Generales in universo Ordine, Provinciales in universa Provincia, Superiores Conventuum seu domorum in iisdem. Superiores secundarii, ut vicarii, subpriors præsentibus prælatis nequeunt subditorum vota irritare, valent autem prælati istis absentibus. Absentes vero non dicuntur quando domo exeunt, eodem die reversuri; sed absentes intelliguntur quando per unum & alterum diem naturalem a Conventibus absunt. Abbatissæ, & Priorissæ Monialium irritare vota Monialium subitarum valent, quemadmodum Prælati regulares vota subditorum irritare possunt. Prælati regulares nequeunt irritare vota novitiorum ante professionem, quia nullam potestatem dominantem in eosdem habent.

XII. QUEST. ix. *An vota filiorum impuberum irritare parentes queant?* RESP. Infancia filiorum incipit a nativitate, & definit in septennium completum. Aetas pupillaris seu impubertas ab anno septimo initium dicit, & definit in filiis anno quartodecimo completo, in filiabus anno duodecimo pariter expleto. Pubertas in femina ab anno duodecimo, in viris ab anno quartodecimo incipit, & secundum ius commune fiacem habet anno vigesimo quinto completo. Intra hoc intervallum ab anno duodecimo, & quartodecimo usque ad vigesimum quintum vocantur tam filii, quam filii puberes, & minores, sicuti ab anno septimo usque ad duodecimum, & quartumdecimum vocantur impuberis. Vota autem filiorum, & filiarum impuberum emissâ post usum rationis, atque adeo valida, irritare parentes valent, sive sint vota personalia, sive realia, sive mixta. Filiorum vero, & filiarum puberum vota, quæ domesticum regimen non turbant, irritare parentes nequeunt, ut docet S. Thomas 2. 2. q. 88. a. 8. ad 2. Vota vero quæ domesticum regimen turbant, cum inferant documentum patriæ potestati, irritare parentes valent. Vota filiorum impuberum semel a patre confirmata nequeunt postea ab eodem irritari.

XIII. QUEST. x. *Vota realia filiorum puberum subjiciuntur ne paternæ irritationi?*
Tom. I.

RESP. Quamdiu filii sunt in ætate minori, seu intra tempus pubertatis, paternæ administrationi subiecti sunt, nulla ratione disponere de paternis bonis valent. Nulla ergo sunt realia illorum vota, quibus paterna bona spondent, non accedente parentum consensu. Item de votis mixtis, quantum ad illam partem quæ realis est. Vota autem filiorum puberum, quæ sunt de bonis castrenis, irritari a patre nequeunt; neque vota quæ sunt de bonis adventitiis, quorum administrationem filii habent. Si vero pater horum honorum administrationem habeat, irritare vota de iisdem potest: quia tunc vota contraria essent rectâ administrationi.

XIV. QUEST. xi. *Tutores, & curatores possunt ne vota impuberum, & minorum irritare?* RESP. Tutores, & curatores irritare vota impuberum, & minorum possunt eo modo quo parentes queant filiorum vota rescindere, quia veluti patres reputantur. Curator datus majori ob culpam prodigalitatis ejusdem, realia vota irritare valet: quia administratio omnis adempta majori est dominio curatoris subiecta.

XV. QUEST. xii. *Valet ne mater filiorum impuberum, & filiarum vota irritare?* RESP. Vivente, & præsente patre, caret mater potestate irritandi filiorum & filiarum vota: quia solus pater caput familiæ est, ut docet communior & probabilius opinio. Mortuo patre succedit avus, tutor, & curator, quibus extantibus nequit mater filiorum vota irritare. Deficientibus vero avis, tutoribus, curatoribus, & mortuo patre, tunc mater irritare filiorum impuberum vota potest, cum iure naturali filiorum curam habeat. Filiorum vero puberum mater nequit vota realia irritare, nisi instituta sit curatrix. Deficientibus parentibus, tutore, & curatore, avus, & avia filiorum impuberum vota irritare queunt: quoniam ii succedunt loco parentum. Magistris discipulorum, domini servorum, heri famulorum vota personalia in impubertate emissa irritare nequeunt, ut docet communior opinio.

XVI. QUEST. xiii. *An maritus uxoris vota post matrimonium edita irritare queat?* RESP. Eiusmodi vota irritare maritus potest quæ sunt de rebus mariti potestati subiectis. Nec enim uxor in omnibus marito subest, sed in iis tantum quæ matrimonium, familiæ regimen, honorum administrationem, filiorum educationem spectat. Ergo ea tantum irritare maritus vota potest quæ ordinem præfatum turbant; secus alia quæ nul-

lo modo iis quæ recensui, obstant. Contraria opiniōnem graves, & plures Theologi defendant, nempe maritum posse omnia uxoris vota irritare. Quæ opinio, si sermo sit de votis realibus, quæ uxores edere valent de rebus, & de bonis paraphernalibus, falsa est: nam sicut de his bonis, inconsultis maritis, disponere possunt; ita de iisdem vota edere queunt. Similiter maritus nequit irritare uxoris vota de audiendo sacro diebus festis, de non mentiendo, de non adulterando, de confessione facienda, aliisque rebus præceptis. Neque maritus irritare valet votum quod emisit uxor, illo inconsulto, non petendi debitum. Imprudenter tamen uxor hoc votum ederet, quia minuit conjugalem benevolentiam, & amorem matuum saltem indirecte. Maritus nequit irritare vota uxoris quæ ipse semel approbavit. Similiter quando mutuo consensu uoverunt castitatem, nenter retinet potestatem resiliendi a voto. Rursus quando ambo vovent mutuo consensa Religionem, nequeunt amplius tale votum irritare neque mutuo consensu, neque separatim. Vota emissa ab uxore ante matrimonium, implenda tamen initio matrimonio, irritare maritus nequit, sed solum suspendere executionem potest, si absint officio conjugali. Idem dicendum de votis emissis tempore legitimi divorthii. Uxor quoque irritare mariti vota quæ juri matrimoniali repugnant, potest; sicut irritare vota potest quæ maritus ederet deserendi habitum Eremitæ vel alicujus religionis, quod talis delatio habitus minuit amorem conjugalem, & viam sternit ad separationem. Irritare insuper uxor valet vota mariti longioris peregrinationis, excepto voto peregrinationis Hierosolymitanæ ad tempus edito ob bonum publicum. Tunc enim tenetur uxor servare continentiam ob aliquod bonum publicum defendendum, vel perditum recuperandum. Hac causa sublata dissuadenda sunt vota conjugatis quæ vel indirecte opponuntur benevolentiae conjugali. Deferant conjugati christiana patientia, & reciproco caritatis amore jugum gravissimum matrimoniale, & sancti Christiani erunt.

XVII. QUEST. XIV. *Irritare ne domini valent servorum vota?* RESP. Distinguendi sunt famuli a servis. Illi pacto pretio dominis inferviunt, suntque sui juris, votaque edere valent, quorum executionem dumtaxat suspendere domini possunt, si debitum famulatum impediunt. Iste, nempe servi prese accepti, sunt mancipia in servitutem redacta, nullaque libertate fruuntur quantum

ad servitium corporale dominis reddendum. Prima sententia defendit, dominos omnia servorum vota irritare posse. Sententia probabilior est dominos posse irritare omnia servorum vota quæ debitam servitutem impedient: quoniam dominus jus habet ut servitutis officia sibi a servo praestentur. Ergo ea irritare valet quæ huic juri derogant. Nequeunt vero irritare vota de servandis præceptis divinis, castitatis, precum, elargiendi eleemosynam de bonis quorum dominium servi habent, nec alia similia quæ nullo modo debitam impediunt servitutem.

XVIII. QUEST. XV. *Viger ne in Ecclesia facultas dispensandi ab obligatione votorum?* RESP. Ajunt omnes Catholicos allegantes illud Matth. 6. *Tibi dabo claves regni celorum; quodcumque solveris super terram, erunt soluta & in celis.* Hæc autem dispensatio est ablato vinculi voti facta nomine Dei ab habente jurisdictionem spiritualem in foro externo propter aliquam rationabilem causam. Hæc notio dispensationis suapte natura clara est. Quomodo hæc dispensatio fiat, declarat S. Thomas 2. 2. q. 88. a. 10. ad 2. Qui dispensare valent, commutare quoque possunt.

XIX. QUEST. XVI. *Quibus jure ordinario competit facultas dispensandi in votis?* RESP. Convenit primum summo Pontifici universalis Ecclesiæ Pastori & capiti, & Christi in terris Vicario; deinde Concilio generali, summī Pontificis Pœnitentiario, Legatis a latere, Nuntiis pontificiis respectu totius Provinciæ, aut Regni, Archiepiscopis, Episcopis, Capitulo cathedrali sede vacante, Abbatibus jurisdictionem quasi episcopalem habentibus, omnibus Prælatis Regularium respectu suorum subditorum. Hi omnes jure ordinario cum suis subditis dispensare valent in votis tum personalibus, tum realibus, exceptis reservatis. Cardinales Prostatores Ordinum nequeunt jure ordinario dispensare in votis. Vota communis dispensari ab Episcopo, justa occurrente causa, possunt.

XX. QUEST. XVII. *Qui aliis dispensationem a voto impertinent, possunt ne sibi ipsis idem privilegium applicare?* RESP. De summo Pontifice nulla est difficultas, cum superiore non habeat, a quo dispensari possit. Salmantenses defendant, quoscumque Prælatos qui cum aliis dispensare valent, eodem secum ipsi uti privilegio posse, & pro sua opinione citant Sanchez, Tamburinum, Azorium, Snarez, & alios. Opposita sententia mihi probabilior est: quia nemo judex

judex est in propria causa : idcirco Prælati isti recurrere ad suos Superiores debent.

XXI. QUÆST. XVIII. *An Prælati regulares valeant dispensare cum suis subditis in votis editis cum licentia majorum Prælatorum?* RESP. Jam dictum est, ea posse Prælatos regulares, nempe Generalem in universo ordine, Provincialem in tota Provincia, & superiores domorum in tota familia, quæ valent praestare Episcopi in tota sua diœcesi. Ad quæsitum propositum aliqui respondent, negantes Prælatis hanc facultatem. Sed communis, & vera opinio docet in proposito casu, Prælatos regulares dispensare posse. Quia licet licentia concessa a majori Prælato subducatur emissum votum a potestate dominante inferioris Prælati, qui irritare illud nequit, non tamen illud extrahit a jurisdictione spirituali. Idcirco dispensare ab eodem potest Prælatus inferior. Dispensare quoque cum suis Novitiis possunt Prælati regulares.

XXII. QUÆST. XIX. *An Confessarii regulares dispensare in votis hominum secularium valeant?* RESP. Adfirmant communiter fere omnes Casuistæ, qui plura privilegia allegant; sed *Tom. 3. Theol. Christ. l. 4. diff. 3. cap. II.* palam feci, ejusmodi privilegia commentitia esse, & nullius auctoritatis; atque adeo Confessarios regulares nullo modo posse dispensare cum secularibus hominibus a votis quibuscumque sive reservatis, sive non reservatis. Et hanc nostram sententiam docent Pasterinus, Martinez de Prado, & Lezana, quam *loc. cit.* confirmavi auctoritate BENEDICTI XIII. qui in sua constitutione *Pretiosus in conspectu Domini facultatem commutandi vota, secus dispensandi impertitur Confessariis O. P.* Vitilitigant super verbo *relaxari* contento in constitutione. At hanc cavillationem explosi *loc. cit.* ubi ostendi in materia jurisdictionis tutiorem partem esse eligendam.

XXIII. QUÆST. XX. *Quid dicendum de votis reservatis summo Pontifici?* RESP. Communis sententia est, quinque esse vota reservata summo Pontifici, nempe simplex votum perpetua continentiae, Religionis, & triplicis peregrinationis Hierosolymitanæ, Romanæ, & Compostellanæ. Nullum aliud votum, præter hæc quinque, reservatum est Pontifici summo. Excipe tamen vota simplicia quæ fiunt in aliquibus Religionibus de non ambiendis, nec acceptandis dignitatibus. Ut hæc vota sint reservata summo Pontifici, debent esse certa, expressa, absoluta, & perfecta. Si de iis dubitatur, non sunt reservata.

ta. Stricte enim hæc reservatio, cum sit odiosa, interpretanda est. Quare si quis ederet unum ex his quinque votis cum expressa intentione se obligandi tantum sub veniali, non esset votum perfectum, & ideo neque reservatum.

XXIV. Episcopi urgente necessitate, dispensare valent in ejusmodi votis, ut dum adest periculum violandi voti, infamiae, scandalii, alteriusque gravis damni sive temporalis, sive spiritualis, si dispensatio differatur. Violasti virginem voto castitatis adstrictus. Ad ejusdem honoris reparationem matrimonium necessarium est. Impedimenta apponenda timentur, si matrimonium differatur. In hoc, & similibus casibus dispensare Episcopi valent, dummodo damna quæ imminent, alia reparari via nequeant.

XXV. Salmanticenses hanc eamdem facultatem dispensandi a reservatis concedunt Prælatis regularibus. Sed hæc opinio falsa est: quia etiam admissis privilegiis, quæ allegari solent, quæque ut apocrypha rejicimus, nulla in iis conceditur facultas Prælatis regularibus in vota reservata. Seclusis autem privilegiis, nullam habent potestatem regulares vel commutandi vota secularium. Votum non contrahendi matrimonium non est reservatum, quia non est perfectum in hoc genere. Neo enim excludit fornicationem, pollutionem, aliosqæ actus castitati contrarios. Vi consuetudinis Episcopus potest concedere facultatem petendi debitum conjugale ei qui voto castitatis astrictus matrimonium contrahit. Votum Religionis non approbatæ non est reservatum.

XXVI. QUÆST. XXI. *Quomodo intelliguntur reservata vota triplicis peregrinationis?* RESP. Tunc sunt reservata quando edita fuerit ob devotionem peculiarem erga præfata loca. Vota hæc cum aliqua circumstantia emissa, ablata circumstantia, remanent integra, & reservata. Vovisti peregrinationem Romanam pedestrem: potest Episcopus dispensare in circumstantia itineris pedestris, secus in voto peregrinationis, quæ curriri potest. Votum disjunctivum non est reservatum antequam altera pars a voiente eligatur. Vovisti religionem, aut elemosynam: castitatem, aut jejunium, quin alternutram partem elegeris. Hoc in casu dispensare Episcopus potest. At selecta a voiente parte reservata, puta castitate perpetua, tunc nobis probabilius videtur esse reservatum.

XXVII. Hæc vota: *Si lausero, voveo casie-*
L 4 *ta-*

tatem : si pater meus obierit , ingrediar Religionem : hoc secundum communiter autores docent esse reservatum , quia votum revera absolutum est , solamque apparentem conditionem explicat : nempe quando pater meus obierit , ingrediar Religionem . Aliud votum , & similia , impleta conditione , probabilius videntur esse reservata . Sic reservatum est istud : *Voco Religionem , si incolunis evaseris* : impleta conditione , secus ante . Oppositam opinionem fuso calamo defendunt Salmantenses , quorum rationes loc. cit. expositi .

XXVIII. Quando præfata quinque vota ob aliquam conditionem adjectam non sunt reservata , possunt eadem Confessari regulares relaxare commutando , secus dispensando , ut supra dictum est . Nec enim relaxare includit dispensare , ut non pauci falso existimant . Quando enim Pontifices facultatem dispensandi tribunt , expresse adhibent verbum *dispensare* . In facultate concessa dispensandi , aut commutandi omnia vota , non intelliguntur reservata , nisi sint expressa .

XXIX. QUÆST. XXII. An ad validum licet tamque dispensationem causa rationabilis requiritur ? RESP. Potestas dispensatori data est in ædificationem , non in destructionem , ut Concilia , canones , Patres , & Theologi docent . Igitur non solum illicita , sed invalida etiam dispensatio voti est , sine rationabili causa concessa , quia esset in destructionem , non in ædificationem Ecclesiæ . Si dubitetur utrum habeatur nec ne causa dispensandi , tunc dispensationi locum non esse docent communiter Theologi omnes . Votum quippe certum est , & ob incertam causam solvi nequit . Si autem aliqua certa causa habeatur , & solum dubitetur num sit sufficiens , tunc dispensari posse docet communis sententia . Quando dispensatio bona fide tam ex parte potentis , quam ex parte concedentis impetrata est , si postea deprehendas , causam quam utraque pars legitimam existimat tempore concessionis , & petitionis , esse falsam , & nullam , quid agendum ? Validam esse dispensationem defendunt Salmantenses , Sanchez , Tamburinus , Leander , Sporer , Roncaglia , & alii . Sed contraria sententia probabilior est . Siquidem vel ipsi citati adversarii fatentur ad validam dispensationem justam requireti causam . Ergo quoties causa hæc deficit , nulla est dispensatio . Bona fides fuit tum in postulante , tum in concedente , quid inde ? Sequitur solum istos non peccasse . Numquid bona fides egit ut fal-

sa causa evaderet vera ? Absit , inquis . Ergo falsa extante causa , nulla est dispensatio . Sed ad divinam benignitatem attinet confirmare , ratumque habere quod bona fide petitum , & concessum est . Ita ne vero ? Divina ergo benignitas errorem confirmabit ? Non decet sane benignitatem divinam . At animæ torquentur scrupulis , turbantur conscientiæ . Nugæ hæ sunt . Errores , figmenta , & falsa interpretamenta non sedant conscientias , non evellunt scrupulos ; sed vera legis observantia parit tranquillitatem .

XXX. QUÆST. XXIII. Quenam sunt legitime dispensationis cause ? RESP. Tria advertenda sunt . 1. quid liceat secundum aquitatem ; 2. quid deceat secundum honestatem ; 3. quid expedit secundum utilitatem . Quo gravius est votum , eo graviores requiruntur pro dispensatione causæ , ita ut proportio quædam congrua sit inter votum relaxandum , & relaxationis causam . Heinc est quod in quinque præfatis votis raro dispensationes impertiantur , sed aliquid commutationis vel ipsi Pontifices summi permiscere solent . Neque heinc inferendum est , nunquam concedendam esse dispensationem ; sed solum tunc concedendam esse cum legitima occurrit causa . Neque semper requiritur causa evidens , cum in moralibus sæpe haberi nequeat . Sat est ut causa verosimilis solide appareat , ita ut serio omnibus expensis judicetur expediens esse & bono communis , & voventis honestæ utilitari votum relaxari .

XXXI. Causæ autem peculiares quæ sufficiere ad dispensationem concedendam valent , sunt dubitatio de voto emiso , imperfecta deliberatio in votendo , difficultas executio ejusdem , morale periculum sæpe violandi voti ob fragilitatem voto obstricti , metus etiam levis injuste incussus ad votum extorquendum .

XXXII. Imperfecta deliberatio vel fuit ita repentina , & imbecillis , ut votum nullum efficerit , & quæstio cessat . Si vero talis fuit ut votum validum efficerit , se sola non sufficit ad dispensationem . Quando autem dubitatur de perfecta deliberatione , & additur difficultas executionis , tunc dispensationi locus est . Vehemens timor naufragii , periculi gravissimi ita interdum perturbare animum valet , ut perfectam impedit deliberationem , ita ut sufficiens interdum ratio esse queat ad dispensationem concedendam . Similiter gravissima difficultas non prævia , sed tota post editum votum apparet , potest esse dispensandi causa . Tamburinus , Salmantenses , Spor-

Sporer contendunt difficultatem etiam prævisam fatis esse ad dispensationem; sed mihi hæc opinio falsa est. Si difficultati adjectum sit periculum grave violandi voti, tunc potest esse dispensationi locus. Dubium de emissio voto non est sufficiens causa ad dispensandum, sed tantum ad commutandum.

XXXIII. QUÆST. xxiv. *Quid sit voti commutatio, & quis commutare vota queat?* RESP. Est permutation unius materiæ pro alia sub eadem voti obligatione. Differt a dispensatione, quæ tollit omnem obligationem, & ab irritatione, quæ potest valide fieri etiam sine causa. Commutatio est effectus jurisdictionis spiritualis. Quisque augere, non diminuere vota sua potest. Vovisti centum aureos, potes dare ducentos: quia hæc est abundantior solutio non commutatio. Disputant num quisque propria commutare vota queat. Adfirmant nonnulli; sed negant S. Thomas, S. Bonaventura, & alii antiqui. Commutatio est enim actus jurisdictionis spiritualis. Sæculares personæ carent hac jurisdictione spirituali; ecclesiasticæ vero personæ exercere in semetipsas jurisdictionem spiritualem nequeunt: & ideo non valent propria commutare vota. Gratis afferunt adversariæ sententiæ patroni hanc commutationem esse actum prudentiæ, non jurisdictionis spiritualis: nam in vera commutatione rescinditur prius vinculum, & aliud substituitur. Rescissio autem contractus actus est jurisdictionis. Ita est, inquit, quando commutatio non est in evidenter melius. Adversariorum plures statum quæstionis confundunt. Quando materia promissa augetur, non est commutatio, sed redundantior solutio. Vera commutatio est quando pro una materia, puta jejuno, substituitur alia, velut elemosyna. Ad hanc autem permutationem requiri jurisdictionem evidens est. Id concedunt adversarii, quando materia substituenda est vel inferior, vel æqualis: quidni etiam, quando est major, & diversi generis? Accedit quod nemo sit iudex in propria causa: & difficile cognoscere homines valent quid sit Deo gratius. Ergo standum promissis est, qui infringi nequeunt absque mendacio, nisi interveniat jurisdictione, quæ rescindat vinculum contractum. Nemo itaque propria auctoritate commutare materiam proprii voti in aliam materiam diversi generis potest; sed necessaria est jurisdictione spiritualis. Heinc qui vovit usam Religionem, nequit propria auctoritate aliam ingredi.

XXXIV. QUÆST. xxv. *An in votorum com-*

mutatione servanda sit æqualitas materia? RESP. Bonacina, Leander, Diana docent commutari vota posse in materiam minorem; sed communior, & probabilior sententia defendit servandam esse æqualitatem moralem. Commutatio siquidem contractus est: in omni autem contractu servanda æqualitas est, plus, & minus juxta contractum diversitatem. Hæc æqualitas non est arithmeticæ, & mathematicæ accipienda, sed moraliter, seu qua prudenter existimatur æquivalere materiæ quæ prius voto subjecta erat.

XXXV. QUÆST. xxvi. *Quæ causa requiritur ad licitam, validamque commutationem?* RESP. Quando commutatio fit in evidenter melius a Prælato legitima auctoritate prædicto, nullam requiri causam concedunt omnes; idemque dicendum subdunt, quando materia substituenda evidenter æqualis est, & probabiliter melior. Quando vero summus Pontifex in Jubilæo vel bulla Cruciatæ, aut aliquo privilegio dat facultatem commutandi vota, non requiritur aliqua causa peculiari, sed sufficit executio operum quæ in præfatis bullis præscribuntur: quia summus Pontifex talem impertitur facultatem ob bonum commune totius Ecclesie. Dum vero Prælati potestate ordinaria vota commutant in materiam diversi generis, semper aliqua justa causa requiritur; non est tamen semper necessaria gravis, sed interdum levis sufficere potest, ut commutatio sit licita: nam quando est in materiam æqualem valida est, etiam si sit sine causa, non tamen licita: si vero sit in materiam inferiorem sine causa, & illicita, & invalida est, ut probabilior opinio docet. Prælatus vero sine causa vota commutans graviter peccat, quia aburitur facultate sibi concessa.

XXXVI. QUÆST. xxvii. *Quid dicendum de commutatione votorum vi Jubilei, aut bulle Cruciatæ?* RESP. In bulla Jubilæi amplior conceditur facultas, nempe commutandi vota triplicis peregrinationis Romanæ, Compostellanæ, & Hierosolymitanæ, & excipiuntur sola vota castitatis, & Religionis. In bulla Cruciatæ præter hæc duo vota excipiuntur etiam votum peregrinationis ultramarinæ. Duo vota castitatis, & Religionis, quæ in utraque bulla excipiuntur, sunt perfecta, & absoluta. Quare non sunt excepta non nubendi, non fornicandi, castitatis conjugalis, castitatis ad tempus limitatum, nec vota dolore, metu, aut errore edita. Hæc commutatio fieri tum intra, tum extra confessionem potest: quia privilegia quæ concedunt facultatem

tatem vota commutandi, non illigant confessioni sacramentali hanc commutationem, nisi superiores aliter decernant. In hac commutatione servanda est regula generalis commutandi aut in melius, aut in bonum moraliter prudenterque æquale.

XXXVII. QUEST. XXVIII. An votum ergandi eleemosynam tali Ecclesia, vel tali pauperi, possit post illius acceptationem commutari virtute Jubilæi, aut bulle Cruciatæ? RESP. Mihi affirmans opinio falsa est. Quoniam sive pauper, sive Ecclesia post acceptationem promissionis voto firmatae jus acquirunt in rem promissam. Præfata autem privilegia facultatem non concedunt lœdendi justitiam. Qui post suscepimus Jubilæum recordatur aliquius voti, potest curare ut sibi commutetur, quia illius oblivio innoxia fuit. Transacto vero anno bullæ Cruciatæ, gratie in eadem concessæ obtineri nequeunt. Qui principio hebdomadæ Jubilæi commutari sibi vota fecit sincero animo lucrandi Jubilæum, commutatio consistit, etiam postea negligenter, aut oblivione opera Jubilæi non impletat. Quoniam obligatio semel extinta, non reviviscit. Qui tempore Jubilæi commutare vota recusat absque justa causa, peccat plus & minus juxta varietatem circumstantiarum.

XXXIX. QUEST. XXIX. Litus non regressus est ad priorem materiam post factam legitimam commutationem? RESP. Si commutatio facta sit in minorem obligationem, & admixta fuit dispensatio, ad pristinam materiam regredi vovens potest, relieta materia substituta: quia nemo cogitur uti privilegio dispensationis sibi faventis, ut communiter auctores docent. Disputant vero Theologici, an liber sit regressus ad materiam priorem, quando commutatio facta est in melius, vel æquale legitima auctoritate. Adfirmant Salinaticenses, Leander, Castropalaus, Laymanus, & alii. Quoniam, inquit, commutatio fit in favorem voventis. Contra sententia mihi probabilior est. Siquidem ideo commutatio est in favorem voventis, quia austerius prius vinculum, & aliud substituitur. Hic concluditur totus voventis favor. Porro quando vovens acceptavit commutationem, seu onus substitutum, vinculo religionis se ad illud astrinxit. Ergo nequit ab hoc debito se liberare, præferim quando commutatio facta est in melius, quoniam hoc majus onus libere acceptavit, & se eidem astrinxit.

LIBER IV.

IN II. ET IV. DECALOGI MANDATUM.

DISSERTATIO I.

De blasphemia, & juramento.

CAPUT I.

Recensentur propositiones ab Ecclesia proscriptæ in materia juramenti.

I. EX sexaginta quinque thesibus quas anno 1679. damnavit Innocentius XI. sequentes spectant juramenti, & amphibologia argumentum, quas juxta ordinem quo in pontificio decreto recensentur, transcribam.

II. 24. Vocare Deum in testem mendacii levis non est tanta irreverentia propter quam velit, aut possit damnare hominem.

25. Cum causa licitum est jurare sine animo jurandi, sive res sit levis, sive gravis.

26. Si quis vel solus, vel coram aliis, sive interrogatus, sive propria sponte, sive re-creationis causa, sive alio quocunque fine, jurat se non fecisse aliquid quod severa fecit, intelligendo intra se aliquid aliud quod non fecit, vel aliam viam ab ea in qua fecit, vel quodvis aliud additum verum, revera non mentitus, nec est perjurus.

27. Causa justa utendi his amphiboliis est quoties id necessarium, aut utile est ad salutem corporis, honorem, res familiares tuendas, vel ad quemlibet alium virtutis actum; ita ut veritatis occultatio censeatur tunc expediens, & studiosa.

28. Qui mediante commendatione, vel munere ad magistratum, vel officium publicum promotus est, poterit cum restrictione mentali prestare juramentum quod de mandato Regis a similibus solet exigi, non habito respectu ad intentionem exigentis, quia non tenetur fateri crimen occultum.

CAPUT II.

Recensentur propositiones laxæ quas non paucidunt in materia blasphemie, & juramenti.

I. P. Thomas Tamburinus lib. 2. in Decal. c. 6. §. 4. n. 17. Verba contra Deum in ebrietate, vel phrenesi, vel ex

„ ex inadvertitia orta ex inveterata con-
„ fuetudine, blasphemiae nequam sunt.“
II. Leander a SS. Sacram. tract. 1. de ju-
ram. disp. 5. q. 17., Qui ex habitu blasphem-
„ mat absque plena & sufficienti adverten-
„ tia ad peccatum mortale, tunc non com-
„ mittit novum peccatum mortale, sed so-
„ lum peccavit in causa, quatenus non ab-
„ tulit certitudinem, ad quam advertit. „
Citat Bonacinam, Filliucium, Toletum,
Sanchez, Tamburinum.

III. Idem Leander ibidem: „ Peccat ne
„ mortaliter qui inadvertenter blasphemat,
„ quippe ita habitualiter dispositus est, ut
„ etiam si adverteret, blasphemaret? Proba-
„ bilius respondeo, nec illum peccare mor-
„ taliter actu in proposito casu. Nam ut
„ quis actu peccet, novumque peccatum
„ committat, non sufficit quod habitualiter
„ sit dispositus, & proclivis ad peccandum,
„ sed requiritur necessario quod actualiter
„ & in actu secundo sit. „ Citat pro hac
opinione Sanchez, Filliucium, Laymanum,
Trullenchum, & alios.

IV. P. Patritius Sporer tract. 3. in 2. pre-
cept. Decal. cap. 1. sect. 1. num. 9. pag. 203.
„ Per quaecumque verba, etiam expressum
„ juramentum continentia, juretur, in foro
„ conscientiae omnino semper attendenda est
„ mens, & intentio jurantis ad dignoscen-
„ dum, an vere juraverit necne. Aut enim
„ positive quis intendit invocare Deum in
„ testem, aut positive noluit invocare Deum,
„ aut negative se habens, vel ignorans præ-
„ scindit ab invocatione Dei. Si primum,
„ certum semper est juramentum. Si secun-
„ dum, certo non est juramentum in foro
„ conscientiae, sed tantum mendacum, si fal-
„ sum sic assertur. Si tertium, iterum non est
„ juramentum, quia eo ipso Deus non invo-
„ catur ut testis, aliquin semper jurarent,
„ & sepissime perjurarent qui ad singula fe-
„ re verba effutunt illud suum per Deum,
„ per Sacramentum &c. Unde Confessarius
„ audiens paenitentem, falso jurasse se accu-
„ santem, non statim eum perjurasse confere
„ debet, sed interrogare, an intenderit Deum
„ invocare in testem, & quidem falsitatis.
„ Et longe sepissime deprehendit, non fuisse
„ perjuria, sed tantum mendacia ex materia
„ sua dijudicanda, aliquando inofficiose, ali-
„ quando jocosa, & sic venialia. „ Neque
cum jurans se falso jurasse testatur, ei fides ha-
benda; sed interrogandus, utrum quando per
Deum affirmavit rem ita esse, intenderit Deum
invocare in testem, & quidem falsitatis?

V. P. Thomas Tamburinus lib. 3. in De-
cal. c. 1. §. 3. n. 6. pag. 78. Felix Potestas
tom. 1. par. 2. de 2. præcept. Decal. c. 2. n.
1153. pag. mibi 111. „ Per quæcumque ver-
„ ba, etiam perspicue Deum continentia,
„ multo magis dubie, emittatur juramen-
„ tum, erit omnino, & semper in foro con-
„ scientiae ad intentionem jurantis attenden-
„ dum, si velimus deprehendere, an vere ju-
„ ramentum sit. Velenim, quæcumque tan-
„ dem verba proferantur, intendit quis pri-
„ mo positive invocare Deum, vel secundo
„ positive non invocare, vel tertio (sive
„ quia non adverterit, sive quia nescit) præ-
„ scindit ab ejusmodi invocatione, hoc est
„ nec intendit, nec non intendit invocare.
„ Partitio videtur adæquata: continet enim
„ contradictiones, & præcisionem ab ipsis.
„ Jam si primum, certo erit juramentum
„ ut ex se patet. Si secundum, certo jura-
„ mentum non erit, ut fatentur communi-
„ ter Doctores . . . Licet enim ego dicam,
„ juro per Deum, si nolim per hæc verba
„ Deum ut testem mei dicti implorare, uti-
„ que non implorabo, nisi valde materiali-
„ ter, sicuti psittacus a magistro edocetus ea-
„ dem verba proferret. Certe in Sicilia igno-
„ biles viri unoquoque verbo per Dio ju-
„ rant. Quis autem dicat eos ignobiles ve-
„ re jurare, cum nec ipsi aliquando sciant
„ quid significet illud per Dio? Videtur au-
„ tem ex sua notione significare per Deum.
„ Denique si tertium, certo item juramen-
„ tum non erit, quia non invocat Deum.
„ Cum enim hic abstrahat ab invocatione,
„ clare appetat invocationem non exhibere.“
VI. Leander a SS. Sacram. tract. 1. de ju-
ram. disp. 7. q. 8. pag. 46. „ ad veritatem
„ juramenti assertorii exigitur, & satis est
„ ut jurans ita rem se habere arbitretur pru-
„ denter, & non levi conjectura duclus, sed
„ certa aut verisimili, atque probabili . . .
„ Tamburinus tamen addit, quod ad juran-
„ dum non sufficiat quælibet probabilitas;
„ sed ea quæ ad certitudinem moralem fa-
„ ciendam perveniat, necessaria fit. Sed cer-
„ te quælibet probabilitas facit moralem cer-
„ titudinem, ut sepe diximus cum commu-
„ ni. Unde, ut bene ait PALAUS, suffi-
„ ciet, si prudenter, hoc est secundum pro-
„ babilem rationem, ita esse arbitretur . . .
Quod quælibet probabilitas faciat moralem
certitudinem, est propositio quæ in altera
ab Ecclesia damnata continetur. Sequitur
ex hac doctrina ut quisque valeat eandem
rem juramento aut adfirmare, aut negare.

VII. P. Thomas Tamburinus Lib. 11. in explic. Decal. cap. 2. §. 2. n. 1. „ Juro u. g. „ per Deum me bac nocte non dormivisse, „ intelligendo vestitum; me non habere pecuniam, intelligendo, quam tibi elargiri ve- „ lim; uxorem, vel maritum matrimonii leges non fregisse, intelligendo manifeste; non deberi a me tibi centum, intelligendo, ita ut non possim ea mibi compensare cum aliis centum que tu mibi debes.

„ Resp. licere, ut idem docent (nempe Lessius, Castropalaus, Rebellus, Bonacina) & docetur passim, præscindendo tamen a damno quod doloso hoc juramento iniuste facerem, etiam si quis non sit rogatus jurare, sed se offerat.

VIII. Antonius a Spir. sanct. tract. 5. de juram. disp. 1. sect. 9. n. 52. pag. 142. „ Rogerius a judge de delicto quod solum sub opinione probabili non tenetur manifestare, ut si solum detur semiplena probatio, negare potest se illud commisisse, subintelligendo in carcere, vel ad dicendum... Immo potest se offerre ad sic jurandum, quando id opus esset.

IX. Idem ibid. n. 54. pag. 143. „ Mulier quæ adulterium commisit, potest sub iuramento negare se commississe, subintelligendo, ut manifestare tenetur.

X. Castropalaus tract. 14. disp. 1. punct. 7. Lessius lib. 2. c. 42. dub. 9. num. 4. Leander tract. 1. disp. 45. quest. 27. Candidus disp. 2. art. 3. dub. 14. „ Mercatores qui non posunt justum pretium ab emitoribus obtinere, nisi jurent tanti, vel tanti sibi mercem stare, cum de facto non sit, jurare quidem possunt tanri sibi stare, subintelligendo computatis omnibus expensis, vel tanti sibi stare cum alia merce quam habent domi, vel alibi emerant.

XI. Candidus disp. 26. ar. 4. dub. 14. Leander tr. 1. disp. 45. qu. 28. Palaus, Bonacina, Rebellus, & alii penes Leandrum. „ Idem dicendum de emitoribus, qui, ne cogantur emere mercimonia a mercatoribus super justum pretium, adfirmant sub iuramento, res ab aliis minoris emissae, vel sibi offerri minori pretio, ut venditores descendant ad justum vel infimum pretium, intra justum tamen, mente concipiendio res minoris emissae, vel sibi oblatas minori pretio, quas alio tempore emerunt.

XII. Castropalaus tr. 14. disp. 1. punct. 7. n. 16. pag. mibi 11. Leander tr. 1. disp. 45. q. 37. & penes istos Sanchez, Bonacina,

Suarez, Lessius, Trullench, Diana, & alii: „ Etiam si rogans omnem æquivocationem vellet excludere, & ultra juramentum tum de re facta, petat juramentum de cœlum, exigatque juramentum dicendi veritatem sincere absque alla æquivocatione, adhuc poteris jurare amphibologico jumento, & restrictione facta: quia subintelligere potes, te juraturum absque æquivatione injusta. Nulla enim propositio tam ampla sumi potest quia aliquam restrictionem habere possit in mente.

XIII. „ Titius qui inducit testem ad jurandum falsum, quod testis putat esse verum, non peccat, licet ipse Titius sciat esse falsum. Petrus Hartado, Diana, Tancredus apud Tamburinum, qui hanc opinionem ut probabilem suscipit Lib. 2. c. 1. §. 6. n. 7. pag. 80. P. Matthæus Moya Tom. 2. ad tract. 2. disp. 1. qu. 7. n. 2. pag. 116. Ego puto in praxi securam. Probabilem dixerant Tamburinus, Diana, Leander, Hartado, & alii similes: securitatis incrementum adjecit P. Moya.

XIV. Patrius Sporer tr. 3. in 2. precep. Decal. c. 1. sec. 4. n. 151. pag. 223. ex Tamburino lib. 3. c. 1. §. 3. & alii: „ Confusudo culpabiliter retenta jurandi falsum deliberate, seu indifferenter verum, & falsum, probabilius non est peccatum distinctum aperiendum in confessione ab ipso peccato actuali perjurii; sed sufficit confiteri ipsum actum perjurii.

XV. Idem ibidem: „ Moraliter enim minus deliquisse censendus est qui consuetudinis contractæ impetu pejeravit, quamvis deliberate, quam qui recenti, & spontanea mente, ac deliberate.

XVI. Joannes Sanchez in selectis disp. 9. apud Tamburinum lib. 3. c. 1. §. 5. n. 3. pag. 79. „ Igitur impertienda est poenitenti ab solutio volenti & proponenti cessationem peccati, & nullam externam habenti occasionem, quantumcumque consuetudini peccati addicto.

XVII. Tamburinus Method. exped. Confess. lib. 2. cap. 3. §. 3. n. 21. pag. 109. „ Qui ex in veterata consuetudine advertenter jurat falso, satis est ne dicere, semel juravi falsum; an potius necesse erit etiam addere, id fuisse ex mala consuetudine? Respondeo, non esse necesse. Idem dic, ut semel hac occasione dicam, de inventerata consuetudine fornicandi, blasphemandi, & ceterorum similium: par enim est ratio.

XVIII. Patritius Sporer loc. cit. n. 154. „ Intellige tamen , dummodo actu positivo illam pravam consuetudinem non accep- „ ptet , vel approbet ; sed solum negative „ se habens eam vincere negligat , vel de- „ speret : quod sane non rarum , & valde no- „ tandem Confessario, ne nimium vexet con- „ scientias afflitas „ . Non est vexandus qui desperat vincere consuetudinem jurandi : quia non raro contingit eos sic desperare vi- etoriam ; ideo urgendi non sunt ad praefatam consuetudinem evelendam . Hæc do-ctrina obtrudit quorundam præceptorum ob-servandorum impossibilitatem .

XIX. P. Dominicus Viva Tom. I. part. 2. q. 7. art. 7. num. 3. pag. 86. & plures alii : „ Qui vero habet consuetudinem tam ju- „ randi , quam mentiendi , non tamen con- „ jungendi juramentum cum mendacio , si „ quoties jurat , advertenter jurat , & pro- „ curat non coniungere cum juramento men- „ dacium , neque tenetur sub mortali talem „ consuetudinem extirpare „ .

XX. Castropalaus Tom. 3. tr. 14. disp. 1. punt. 7. n. 4. „ Si enim aliqua causa hone- „ sta occultandi veritatem intercedat , qua- „ lis esset , si ad tuam , tuorumque salutem , „ honorem , rem familiarem tuendam con- „ veniret occultatio ; aut si conveniret ne an- „ nueres interroganti injuste ; nullam cul- „ pam committis sic amphibologice jurans . „ Quod verum habet , etiamsi non rogatus „ iures , sed te offeras ad jurandum ; si ta- „ men jurandi , occultandique veritatem ho- „ nesta causa intercedat .

XXI. „ Rogatus de delicto , quod saltēm „ sub opinione probabili non teneris mani- „ festare , vel ex eo quod non juridice ro- „ garis , vel ex eo quod tibi grave nou- „ mentum ex manifestatione provenit ; ne- „ gare poteris te fecisse , subintelligendo in „ carcere , vel ad dicendum „ . Idem ibi- dem .

XXII. „ Rogatus , an promiseris matri- „ monium , a cuius obligatione secundum „ opinionem probabilem imminuis es , jurare „ poteris non promisisse , subintelligendo , ut „ tenearis „ . Idem ibid. n. 5.

XXIII. „ Exemptus probabiliter a gabell- „ lae solutione , jurare poteris te non porta- „ re tales aut tales rem , esto portes , sub- „ intelligendo , ita ut gabellam debebas „ . Idem ibi .

XXIV. „ Pro supra dictis est maxime ad- „ vertendum , utentem aliqua ex dictis am- phiboliis debere scire , saltēm in gene-

„ re , se posse absque mendacio veritatem „ tegere . Non tamen opus est in particulari- „ cognoscere modum quo debet tegi . Quocir- „ ca si intendat jurare eo sensu quo vir do- „ ctus verum reperiet , & sciat verum re- „ periri posse , sufficiet ad executionem per- „ jurii . “ Idem ibi .

XXV. P. Dominicus Viva in comment. pro- pos. 27. Innocentii XI. „ Quando tamen non „ occurrit commoda æquivocatio , aut restri- „ ctio externa , si causa sit gravis , rusti- „ ci possunt usu duplicitis scientiæ facile ob- „ vio veritatem occultare , non animo de- „ cipiendi , sed solum permittendo deceptio- „ nem „ .

XXVI. Consuetudinarius , ut in pejeran- „ do , etiæ sæpe promiserit , & emendatus num- „ quam fuerit , absolvī potest , dummodo do- „ lorem habeat , & emendari promittat „ . P. Torrecilla Tom. I. Sum. tract. 3. disput. 1. cap. 2. sect. 1. num. 105. Laudat Palaum , & Bonacinam .

XXVII. „ Etsi verba secundum se æqui- „ voca non sint , nec nisi verum sensum ha- „ beant , nihilominus ratione circumstantia- „ rum loci , temporis , officii , interrogan- „ tis , & respondentis &c. restrictio , quæ „ alias esset pure mentalis , fieri potest sen- „ sibilis , & a mendacio , & perjurio excu- „ sari , ac cum iusta causa ejus usus licitus „ fieri . “ Idem consult. 23. n. 134.

XXVIII. „ Immo nec opus est quod ju- „ rans vel attestans agnoscat speciūm mo- „ dum quo veritatem celare possit . Sufficit „ enim præcipue pro indoctis quod etiæ ver- „ bis negantibus utatur , in animo addat , „ Volo veritatem celare quin mentiar , vel „ perjurem eo modo quo Doctores id fieri „ posse docent . “ Idem ibi n. 188. citans Sanchez , Suarez , Castropalaum .

XXIX. „ Similiter non esset plusquam ve- „ niale mendacium , dicere uro , ablata j , „ cum vere nihil urat . “ P. Thomas San-chez lib. 3. in Decal c. 6. n. 3.

C A P U T III.

De blasphemia.

I. QUÆST. 1. *Quid , & quotuplex sit blas-phemia ?* RESP. S. Thomas 2. 2. q. 13. art. 1. hanc blasphemie definitionem tradit : *Blasphemia est derogatio divine bo-nitatis.* Idque bifariam accidit. Primum af-fingendo Deo quod nec habet , nec habere potest. Secundo ab eo removendo , quo ca- rere

rere nequit. Hoc autem fieri potest vel intellectu tantum, vel simul etiam affectu pravo. Si corde tantum fiat, est blasphemia cordis: si foris erumpat, erit blasphemia oris.

II. Dividitur blasphemia in hereticalem, quæ mentis assensu Deo affingit aliquid, vel removet aliquid ab eo quod ei convenit; ut si quis effutiat: *Deus est injustus, non est omnipotens, non est bonus*: & in simplicem, quæ solo pravitatis affectu absque mentis assensu aliquid Deo affingit, vel imprecatur; ut si quis dicat, *Sit maledictus Deus, qui mentis assensu credit Deum dignum esse maledictione*. Ad hæresim enim semper requiritur assensus mentis cum pertinacia voluntatis. Forum exterius reum hæresis tamē damnaret, quia exterior prolatio hereticalis est; & de internis Deo judicium reservatum est.

III. Dividitur rursus blasphemia in eam quæ est in Deum, & in eam quæ est in Sanctos. Illa proxime & directe Deum, hæc Santos spectat. Rursus alia est enuntiativa, ut si quis dicat: *Ad injuriam Dei hoc volo facere: alia detestativa, ut si dicatur, Perreat Deus. Alia irrisoria, ut fuit illa: Vah qui destruis templum Dei*. Blasphemiae in Deum, & in Sanctos differunt specie, quia licet opponantur uni virtuti Religionis, specie tamen differunt vitia eidem opposita: cultus enim Dei, cui opponitur blasphemia in Deum, plusquam specie differt a cultu Sanctorum, cui opponitur blasphemia in Sanctos. Explicandæ ergo in confessione sunt blasphemiae istæ, ut vel ipsi adversarii fatentur. Quare nimis laxa est sequens opinio P. Tamburini, qui lib. 2. Metb. Confess. cap. 3. hæc docet: *Quamvis probabilius sit cum Suarez, & Sanchez, blasphemias contra Deum, contra beatissimam Virginem, & contra Sanctos, differre specie; tamen cum probabile sit ex Azorio apud Dianam non differre, satis evit, si in confessione aperiatur numerus blasphemiarum; nec explicare opus erit &c. fuisse contra Deum, vel beatissimam Virginem, vel contra Sanctos*.

IV. QUEST. II. *Est ne blasphemia genere suo peccatum mortale?* RESP. Adfirmat communis sententia; immo blasphemia quæ habet adjunctum errorem intellectus, & Dei odium, est peccatum omnium gravissimum.

V. Qui ex inveterata consuetudine blasphemant, scelerissimi sunt; & opiniones in excusationem eorum qui ex consuetudine

blasphemant, lacrymis potius defendæ quam rationibus oppugnanda sunt. Nam habitus, & consuetudo per pœnitentiam non retractata non auferunt libertatem, sed eam firmant in malo.

VI. QUEST. III. *Vario ne sunt blasphemandi formulae?* RESP. Multiplices sane sunt, quas breviter recensebo. Jurare serio per falsos deos, per Jovem, per Mercurium &c. blasphemia est, quia cultus Deo debitus demonibus tribuitur. Qui vero joci caula, & animo deridendi, non colendi falsos deos iurat per Jovem, non blasphenat, nec culpam perpetrat. Blasphema verba sunt illa quibus ea quæ fidei sunt, renegantur, ut si dicatur: *Renego Deum, sacramenta &c.* si dicatur: *Vellet, nolit Deus, hoc faciam: vulgo al dispetto di Dio*. Laudare Deum verbis obscenis, aut Christi, Sanctorumque pudenda membra nominare blasphemæ sunt. Jurare vero per caput, per corpus Christi, non est blasphemia. Ab his tamen juramentis omnino apartinendum est. Blasphemæ est enuntiare diabolum omnipotentem, aut sanctum. Amatam puellam deam vocare non est blasphemia, quia re ipsa eidem deitas non tribuitur: indignæ tamen homine christiano locutiones sunt. Blasphemæ quoque sunt ejusmodi expressiones: *Non credo Deum, Crucem, Evangelia, Sacra menta, si ita res se habeat; quidquid in oppositum dicat Tamburinus*. Qui falsum iurat, non est blasphemus.

VII. QUEST. IV. *Quæ sunt pœna in blasphemos constituta?* RESP. Pœna capitis blasphemii pletebantur in veteri lege, Lev. 24. ubi hæc habentur: *Qui blasphemaverit nomen Domini, morte moriatur. Lapidibus operimet eum omnis multitudo, sive ille civis, sive peregrinus fuerit. Jus civile ultimo supplicio puniendos blasphemos decernit, quæ leges desuetudine evanuerunt quantum ad capitis pœnam; omnes tamen Principes se vere in blasphemos animadvertis.*

VIII. QUEST. V. *Qui blasphemos audit, debet ne eos ad judicem deferre?* RESP. Adfirmat communis sententia: idque præcipiunt & Julius III., & Concilium Lateranense ses. 9. cap. Ad abolendum. Quod intelligendum est, si blasphemiae sint hereticales, ut clarissimo loco dicitur. Corrigendi vero omnes blasphemæ sunt. Sæpe correctio omittitur sub prudentiæ carnis obtentu, & humanorum respectuum fuso. Si hereticales blasphemiae fuerint, denuntiandæ sunt judici legitimo juxta morem regionum.

DISS. I. DE BLAS. ET

IX. QUEST. VI. *Quomodo se gerere cum blasphemis Confessarii debeant?* RESP. Si blasphemiae sint simplices, ab eisdem absolvere Confessarius valet pœnitentem. Similiter absolvere potest a blasphemia exterius tantum hereticali, quando nullus adsit error interior. Antequam Confessarii blasphemos absolvant, gravem pœnitentiam imponere iisdem debent, ut Concilium Lateranense sess. 9. §. *Ad abolend.* præcipit his verbis: *In foro pœnitentie nemo blasphemie reus absque gravissima severi Confessarii arbitrio injuncta pœnitentia possit absolviri.* Respondent communiter benigni Probabilistæ, hoc Concilii decretum non esse usu receptum. Ecur non est usu receptum? Ad hoc nullum responsum præbent Leander, Sanchez, Castropalaus, Salmanticenses, auctores istius interpretationi. Revera non est usu receptum, seu executioni mandatum decretum istud. Sed cur? Quid causas inquiris? Quia benigni Confessarii noluerunt illud executioni demandare: ad istos enim executio attinet. Ergo si non est usu receptum, benigni Confessarii in causa sunt cur facri generalis Concilii decretum desuetudine jaceat. At numquid hæc Casuistarum, & Confessariorum negligentia efficere valet ut conciliare decretum in sumum occidat? Nonne Tridentinum præcipit ut pro criminum qualitate pœnitentiae congruae imponantur? Nonne lex & natura lis, & divina id præcipit ut gravissimum scelus, quale blasphemia est, gravi pœnitentia plectatur? Caveant itaque Confessarii ab hac & simili quorundam Casuistarum benignitate. Leander *disp. 5. qu. 67.* docet ab solvendos esse illos qui ex consuetudine blasphemant, si vere doleant, & pro hac sua opinione citat Castropalaum, Hurtadum, Trullenchum, & alios. Sed hæc opinio damnata est. Numquid enim vere dolent consuetudinarii, qui a prava consuetudine recedere negligunt? Prudenter judicare non potest Confessarius, immo oppositum arguere debet.

C A P U T IV.

De iuramento, variisque jurandi formulæ.
Laza P. Tamburini doctrina rejicitur.

I. **N**ON assumes nomen Domini Dei tui in vanum: nec enim habebit insontem Dominus eum qui assumpserit nomen Domini Dei sui frustra: Exod. cap. 20. Meditare, christiane lector, hæc Dei verba. Non mi-

JURAM. CAP. III. & IV.

175
natur Deus perjuris, sed illis qui frustra, qui in vanum assumpserint nomen Dei. Frustra autem, & in vanum sanctissimum Dei nomen assumunt qui absque urgenti necessitate illud usurpant. Hæc paucissima Dei verba sufficent ad resolvendas innumeræ de juramento quæstiunculas, nisi subtilia, & cavillatoria nonnullorum Casuistarum interpretamenta splendidissimam & gravissimam veritatem obscurassent.

II. QUEST. I. *Quid sit juramentum, & quænam jurandi formulæ?* RESP. Juramentum est invocatio divini nominis ad fidem faciendam, aut promissionem firmandam, ut cum S. Thoma 2. 2. *qu. 89. ar. 1.* Theologi docent. Juramentum, jusjurandum, & sacramentum in hac materia synonima sunt. Igitur juramentum prese acceptum est *invocatio divini testimonii in confirmationem veritatis.* Quod pluribus modis agere possumus. 1. *Expresse*, cum verbis Deus in testem vocatur. 2. *Tacite*, ut si rogaris numerus, nutu, capite, gestu, oculis annuas. 3. *Fæcio*, ut dum tibi juramentum præstandum proponitur cum libro Evangeliorum, librumque tangas; juras, etiam si nihil proferas. 4. *Mente*: dum animo juras te aliquid facturum, in foro interiori juramento astringeris. Si jurares librum putatum Evangeliorum tangendo, si postea deprehenderes librum esse profanum, juramentum teneret, illudque servare deberes, quia materialis diversitas est.

III. Variæ sunt jurandi formulæ. *Juro per Deum. Mibi Deus testis est. Vivit Deus. Testem invoco Deum vivum. Per Deum; per fidem Dei, per fidem Christi.* Hæc omnes sunt formulæ juratorię. Ad has revocantur quæ sunt per creaturas: *per celum, per terram, per animam meam, per salutem meam, per Angelos, per B. Virginem, per Sanctos.* Hæc creature peculiarem habent respectum ad Deum, sicut & istæ, *per tempora, per altaria, per Evangelia, per elementa.* Secus dicendum, cum juratur per creaturas infimas, vilesque, ut si quis juraret: *per meam barbam, per meos capillos, per meum canem &c.* Licet enim omnes sint creature Dei, iu his tamen juxta communem acceptionem peculiari modo non resplendet divina bonitas: ideo non efficiunt juramentum. Si tamen in obliquo Deus invocaretur, ut si quis dicaret: *Per hunc Dei panem, per Dei ignem, per aerem Dei, per hanc creaturam Dei,* verum esset juramentum. Juratorię quoque sunt sequentes formulæ. *Sic me Deus adjuvet,*

vet, demon me arripiatur, moriar, peream, si ita non est. Immo haec sunt juramenta execratoria. Qui vero dicunt, in rei veritate, profecto, per fidem meam, in fide boni viri, in mea conscientia, non jurant.

IV. QUEST. II. An jurent homines passim nientes: Par Diros, ut Hispani, Per Dio, ut Itali, Par Dio, ut Siculi, seu per Deum ita est? RESP. Negat P. Patrius Sporer tract. 3. cap. 1. sect. 1. num. 9. rationemque assignat. Alioquin semper jurarent, & sepiissime perjurarent qui ad singula fere verba effutunt illud suum per Deum, per Sacramentum &c. Næ robustissima ratio! & hoc principio utuntur frequenter non pauci Casuistæ. Eamdem doctrinam docet P. Tamburinus lib. 3. in Decal. cap. 1. §. 3. n. 6. his verbis. *Licet ego dicam, Juro per Deum, si nolim per hæc verba Deum ut testimoniū mei dicti implorare, utique non implorabo nisi valde materialiter, scitū p̄futacū a magistro edocitus eadem verba proferret.* Hanc eamdem doctrinam repeatit, & clarius explicat ibidem c. 3. §. n. 1. his verbis P. Tamburinus. Certum est jurare sine animo jurandi, sive res sit levius, sive gravis, vel jurare verbis equivocis non esse licitum sine causa; LICITUM esse cum causa juxta ea qua diximus c. 2. §. 2. Quid dicit Tamburinus citato c. 2. §. 2. quo se remittit? En eisdem verba. Questio est an licet jurandi accipere verba in alio sensu ab illo quem ea prefererunt. *Juro v.g. per Deum me hæc nocte non dormivisse, intelligendo venitum...* Resp. licere... At est ne saltem veniale sic per equivocationem jurare? Resp. Si aliqua subsit causa... nullum est peccatum. Si nulla sit causa, veniale erit. Propositio damnata ab Innocentio XI. hæc est, nempe 25. Cum causa licitum est jurare sine animo jurandi, sive res sit levius, sive gravis. 26. Si quis vel solus, vel coram aliis, sive interrogatus, sive propria sponte, sive recreationis causa, sive quocumque alio sine jure se non fecisse aliquid quod revera fecit, intelligendo intra se aliquid aliud quod non fecit, vel aliam viam ab ea in qua fecit, vel quodvis aliud additum verum, revera non mentitur, nec est perjurus. Quisque conferat has duas proscriptas theses cum doctrina P. Tamburini, judiciumque ferat num sit vel leve discrimen.

V. Censores Theologiae Christianæ hæc scribunt. Ergo inique Concina calumniatus est tum in libro, tum in indice TAMBURINUM tanquam docentem propositionem damnatam. Ut autem probent me calumniam esse Tam-

burinum, P. Suarez, inquit docet lib. I. de juram. cap. 1. num. 8. ipsam Tamburini doctrinam. Ergo falso imponitur Tamburino, quod docuerit propositionem damnatam. Respondere jure possum. Certum est Tamburinum defendere propositionem damnatam, & quidem totidem verbis, ut omnibus sensu communi præditis, & utramque doctrinam conferentibus compertum est. Quod porro P. Suarez juxta censores eandem Tamburini doctrinam doceat, quid inde? Immunis ne ab errore P. Suarez? Ego sategeram liberare Doctorem eximium ab hac proscripta doctrina P. Tamburini. Si censores contendunt eamdem esse Tamburini, & Suarez doctrinam, ipsis litem movere ob hoc amplius nolo. Advertant autem censores, P. Tamburinum aperte docere quæ sequuntur. *Jurare sine animo jurandi, sive res sit levius, sive gravis, vel jurare verbis equivocis LICITUM esse cum causa.* Hæc autem est ipsa propositio 25. damnata. Et propositio 26. similiter damnata contra usum equivocationum assertit: *Revera non mentitur, non est perjurus.* Jurant ergo isti. Sed quia mentitur iniquitas sibi, jurant ficte, & dolose, & non jurant revera, & sincere, uti astricli sunt. Hæc obiter.

VI. QUEST. III. An qui passim nomen Dei assumunt in vanum, licet nihil adfirmant, vel negant, peccant mortaliter? RESP. Recole christiane lector Dei verba: Non assumes nomen Domini Dei tui in vanum &c. Plurimi sunt qui quacumque iræ, tædii, gaudii occasione, immo passim sanctissimum Dei nomen usurpant. Isti nomen Dei in vanum, & frustra assumunt. Peccare istos certum est, etiam semper verum affererent. Porro ultra peccatum in periculum se conjiciunt pejerandi. Ergo indigni sunt absolutione, nisi prius evellant hunc pravum habitum. Caveant itaque Confessarii absolvere istos sanctissimi divini nominis temeratos, & sacrilegos profanatores. Nec se decipi sinant a quibusdam Casuistis, qui, ut perversam hanc consuetudinem exculent, scribunt, invocationem divini nominis non esse juramentum. Ex hac enim laxa doctrina proficiunt abusus nomine christiano indignissimus.

C A P U T V.

Juramentorum divisiones, & conditions explicantur.

I. *Juramentum aliud assertorium, aliud praemissorium.* Illud in confirmationem veritatis praesentis, vel præteritæ; illud ad rei fu-

futuræ promissionem confirmandam fit. In promissorio includitur assertorium: quia qui jurat se aliquid facturum, primo Deum in testem vocat veritatis præsentis, nempe se nunc habere animum efficiendi quod promittit; secundo Denm invocat tamquam fidejusforem veritatis futuræ, nempe quod executioni mandabit rem promissam. Licet autem promissorium includat assertorium, non tamen contra.

II. Ex parte modi jurandi dividitur juramentum in *contestatorium*, quod fit per simplicem invocationem divini nominis; & in execratorium, quo invocatur Deus non tantum ut testis veritatis, sed etiam ut falsitatis punitor, ut si dicas: *sic me Deus adjuvet, si falsum pronuntio*. Reddit enim hunc sensum: *Deus me non adjuvet, si falsum dico*. Sunt aliae plurimæ execratoria formulæ, quas recensere non intereat.

III. Rursus juramentum aliud simplex, quo utuntur privati homines; aliud solemne, quod fit quoddam solemnni ritu, jure, vel consuetudine inventa, ut fit contactu Evangeliorum, vel sacrarum reliquiarum. Hoc juramentum solemne aliud *verbale*, quod verbis fit; aliud *reale*, quod contactu rei sacrae peragitur; aliud *mixtum*, quod ex utroque constat. Juramenta solemnia adhiberi in iudiciis solent, suntque varia. 1. nuncupatur *juramentum calumniae*, quo actor jurat se item intentare non animo calumniandi, sed ob veritatem declarandam. 2. est juramentum *malitia*, quod in progressu litis judex partibus imponit, ut abstineant ab ordinariis dilationibus. 3. est juramentum *suppletorium*, quo probationum inopia suppletur, ut inquit *Hebr. 6. Apostolus: Omnis controversie eorum finis ad confirmationem est juramentum*. 4. tandem aliud est *necessarium*, quod in causa dubia judex imponit, quia desunt probationes; aliud *voluntarium*, quod pars parti offert, quodque vitari potest.

IV. Disputant in utramque partem Juris consulti, utrum reo, vel actori in causa dubia deferendum juramentum sit, quod *suppletorium* vocant. Communior sententia est, hoc juramentum reo, non actori deferendum esse. Non licet tamen hoc adhibere juramentum, nisi gravissima urgente causa. In causis vero criminalibus huic juramento *suppletorio* locus non est.

V. QUEST. I. Quot sunt juramenti conditiones? RESP. Tres, nempe veritas, justitia, & judicium. In omni juramento primum necessaria est veritas, in cuius confirmatio-

nem divinum testimonium invocatur. Certitudo veritatis consideratur tum ex parte rei juratae, quæ debet esse vera juxta communem intelligentiam, & consuetudinem; ut cum juratur discipulum frequentasse scholam, quod verum est, licet aliquando absuerit: tum ex parte jurantis, videlicet requiritur quod homo rem confirmet juramento, qualiter in mente habet, seu prout illam seit: si arbitratur rem esse dubiam, illam jurare ut certam non potest. In juramento promissorio duplex veritas: altera præfens, seu dicti: altera futura, seu facti. Prior sita est in hoc quod jurator nunc habeat animum implendi quod spondet; posterior in rei promissæ executione consistit.

VI. Secunda conditio est *justitia*, quæ excludit a re confirmanda juramento quamcumque rem, dictum, vel factum culpabile, iniquum, & improbum, sive *justitiae*, sive alteri cuique virtuti aduersetur. Ille igitur in *justitia* jurare dicitur qui rem justam, honestam, licitamque jurat. Tertia conditio est *judicium* in eo situm, quod homo antequam juret, mature serioque perpendat utilitatem, & necessitatem jurandi. Hæc conditio prudentialis summopere necessaria est, ut juramentum licitum sit, & virtutis actus: priores duas requiruntur, ne juramentum sit peccatum.

VII. QUEST. II. An qui in re levissima falsum jurat, peccet mortaliter? RESP. Ne gantem sententiam proscriptis Innocent. XI num. 24. *Vocare Deum in testem mendacii levis non est tanta irreverentia propter quam velit, aut possit damnare hominem*. Gravitas perjurii non desumitur a mendacio sive levi, sive gravi, sive joco, sive perniciose, sed ex irreverentia quæ Deo irrogatur. Gravissima autem injuria Deo fit quoties ille in testem mendacii vel levissimi invocatur. Qui rem dubiam ut certam jurat, perjurus est.

VIII. QUEST. III. Licitum ne est rem quam probabilem tantum esse *judicias*, jurare ut veram? RESP. Affirmans opinio mihi improbabilis est, quia materia juramenti est veritas non absolute spectata, sed eo modo quo cognoscitur. Ergo si jurator cognoscit rem ut probabilem tantum, nequit illam jurare nisi ut probabiliter veram. Quod alii dicunt, ad juramentum in iudicio præstandum requiri certitudinem moralem, in privatis vero juramentis sufficere probabilem, merum commentum est. Eadem quippe ratio formalis est juramenti publici & privati.

IX. QUEST. IV. Quæ certitudo requiratur ad

ad juramentum? RESP. Certitudo alia evidens, & metaphysica, alia experimentalis, alia moralis, alia probabilis. Aliqui docent, sufficere certitudinem probabilem de re aliqua, ut jurare licite valeas. Quam opinionem rejicio tamquam falsam, ut dictum est: quia juxta Probabilistas, qualibet opinio probabilis parit certitudinem moralem: aliunde quisque amplecti opinionem probabilem vallet ex duabus contrariis: ergo quisque potest eamdem rem juramento vel negare, vel affirmare prout sibi placuerit. Hoc est legitimum Probabilistis consuetudinaria.

X. Ad juramentum itaque non sufficit certitudo probabilis, quæ dubitationem non excludit; sed necessaria est certitudo, non mathematica, sed moralis, omnis prudentis dubitationis experts. Certitudo necessaria pro licito juramento nisi debet *certissimis argumentis*, ut inquit Catechismus Tridentinus 3. p. in 2. prec. Decal. sec. 2. & communis Theologorum doctrina hæc est. Docent quoque aliqui, ad juramentum præstandum in judicio requiri certitudinem experimentalem, qualis habetur per visum: quia testes de auditu non admittuntur. Extra judicium vero sufficere testem unum fide dignum, ut jurare quis licite possit. Sed dicendum tam intra, quam extra judicium neminem posse jurare ut veram rem quam ab unico teste audivit, sed debet eam jurare eo modo quo illam scit; nempe vel quia oculis compertam eam habet, vel quia narratione, aut attestatione ab aliis accepit. Cur coram judece jurare veritatem est quod ab unico teste, licet fide digno, scitur? Quia unicus testis tantam non præbet certitudinem, quanta necessaria est ad licitum juramentum, institutum ad confirmandam veritatem. Qui narrat rem ut auditam ab unico teste, suo juramento non confirmat veritatem, cum nihil ponderis ipse præbeat sed quod auditum, testatur. Ne multa: quod ex auditu & relatione tantum scis, jurare dumtaxat debes te ex auditu scire: & quod tibi constat ex visu, jurare debes tibi ex visu constare.

XI. Gravissima diligentia adhibenda est in inquirenda veritate necessaria ad juramentum. Si accedat quod res confirmanda juramento sit magni momenti, in qua nempe agitur de damno, aut utilitate proximi, ex alio titulo, nempe justitiæ, major requiritur diligentia, ut vitetur damnum proximi. Prior diligentia requiritur ex titulo Religiosis, ut vitetur perjurium. Quare qui negligens graviter est in inquirenda veritate

juranda, graviter peccat, quia periculo perjerandi se exponit. Similiter graviter peccat qui persuaderet alicui ut juret rem quam iste ignorat, ut omnes adfirmant.

XII. QUEST. v. An defectus justitiae in juramento assertorio sit peccatum mortale? RESP. Si assertio jurantis sit peccatum mortale defectus justitiae, est peccatum mortale: si vero assertio quæ juramento firmatur, est tantum peccatum veniale, veniale quoque erit abusus juramenti. Defectus iudicij communiter est peccatum veniale, quando res quæ iuratur, evidens juranti est, solumque absque necessitate iurat. Si vero defectus iudicij sit in inquirenda juramenti veritate, tunc negligentia potest esse gravis, & mortifera.

C A P U T VI.

De juramento promissorio.

I. QUEST. i. An defectus veritatis de praesenti, vel de futuro in juramento promissorio semper sit peccatum mortale? RESP. Omnes fatentur defectum veritatis de praesenti esse peccatum mortale: quia respectu veritatis praesentis juramentum promissorium convenit cum assertorio. Similiter defectus veritatis de futuro in gravi peccatum mortale est, ut omnes adfirmant. Disputant vero, num peccatum mortale sit, quando res iurata levis est? Alii adfirmant, alii negant. Aliqui distinguunt materiam levem in integrum, & in partiale. Jurasti erogare decem obolos: erogas novem, retento uno. Iste leviter te peccare ajunt: quia, inquit, non deest tota veritas juramento, sed tantum minima pars. Auctores utriusque sententiae hanc tertiam rejiciunt in inutilem, & ineptam: quia admisso quod defectus integræ materiae sit mendacium, etiam defectus materiae partialis mendacium est. Mendacium autem in juramento infert perjurium. Inepita quoque est opinio hæc, quia vix in praxi accidit. Quis enim adeo demens est ut velit ob rem levissimam, impleta majori parte, lacerare juramentum? Rejecta igitur hac opinione, quænam ex duabus extremis opinionibus est probabilior, quando tota & integra materia levis juramento confirmata omittitur?

II. Mihi probabilior videtur sententia adfirmans, te peccare mortaliter in proposito cafu: Eam S. Thomas 2. 2. qu. 89. art. 7. docet his verbis: *In juramento quod praestatur*

*tur de his que sunt fienda a nobis, obligatio cedit e contra super rem, quam aliquis juramento firmavit. Tenetur enim aliquis ut faciat verum esse id quod juravit, alioquin defet VERITAS a juramento. Eamdem doctrinam defendit S. Antoninus, & S. Raymondus, Catechismus Tridentinus, Gersonius, & alii gravissimi Theologi. Ratione confirmatur sententia hæc. Juramenti promissorii veritas est executio rei futuræ, sicut veritas assertorii est res præsens. Defectus veritatis præsentis etiam levissimæ rei in assertorio est perjurium mortale. Ergo similiter defectus veritatis futuræ in promissorio est perjurium letale. Confirmatur. Ideo in juramento assertorio defectus veritatis in re levissima est semper peccatum mortale, quia Deus adducitur in testem falsitatis. Sed quoties non impletur res promissa confirmata juramento promissorio, Deus adducitur in testem mendacii. Ergo committitur perjurium mortale. Mirifica sunt responsa quæ Cardenas, La-Croix, & alii præbent: idcirco brevitatis studio illa prætereo. Lege Tom. 3. Theol. Christ. lib. 5. diff. 2. cap. 1. Vix eximi potest contraria opinio a thesi damnata: *Vocare Deum in testimoniū mendacii levis &c.* Sententia nostra intelligitur de juramentis serio & animo deliberato factis; secus de illis quæ edunt matres verberandi filios aliisque similibus. Peccat mortaliter juxta omnes, qui sub juramento rem promittit animo dubio illam implendi.*

III. QUEST. II. An mortaliter peccet contra Religionem qui jurat se aliquod gravi peccatum patraturum? RESP. Adfirmant omnes. Excusant vero non pauci a peccato gravium qui juraret se patraturum peccatum veniale, ut videre licet apud Salmantenses tract. 17. cap. 2. punct. 5. n. 54. Verum opinio hæc mihi non probatur. Qui jurat sine animo jurandi, mortaliter peccat. Cur? Quia abutitur juramento. Sed pejor, ut mihi videtur, abusus est, dum quis juramento abutitur ad confirmandam iniquitatem patrandam.

IV. Quod peccatum mortale sit jurare sine animo jurandi, patet ex thesi 25. proscripta ab Innoc. XI. Qui jurat falsum sine animo jurandi etiam in materia levi, peccat mortaliter, quia abutitur juramento in confirmationem mendacii. Qui jurat commissionem peccati venialis, Deum adducit in patrocinium iniquitatis. Gravitas autem perjurii non tam defumitur a gravitate materiae, quam a gravi injuria illata maiestati, & sanctitati divinae.

V. P. La-Croix lib. 3. p. 1. dub. 14. n. 277. docet cum multis, quos citat, non peccare mortaliter qui jurat verum sine animo jurandi in materia levi, dummodo non fiat juramentum in judicio, in contractu, aut in simili negotio. Pro hac opinione citatur etiam P. Suarez. Verum quomodo eximi a præfata thesi damnata hæc opinio possit, mihi non constat. Quare probabiliorem judico sententiam contrariam Cajetani, Armille, & aliorum docentium, hunc peccare mortaliter ob sacrilegum juramenti abusum. Qui enim jurat sine animo jurandi, intentionem efficacem jurandi habet, & inefficacem non jurandi. Pendet utique juramentum ab intentione hoc in sensu ut homo non ex subreptione, non ex lapsu lingue, sed sciens & advertens, seu de liberato animo jurare debeat. Porro quando sciens & advertens jurat, non est in ejus potestate suspendere intus intentionem jurandi. At re ipsa suspendit, inquis, animum jurandi, licet extrinsecus juret. Respondeo suspendere inefficaciter. Quoniam dum extrinsecus jurat, hæc intentio quæ foras erumpit, efficax est, & prævalet intentioni interiori: ideo sic jurans revera pejerat. Similiter qui jurat animo non se obligandi, re ipsa obligatur. Juramentum enim includit obligationem. Ergo qua voluntate quis vult juramentum, eadem vult, aut velle debet quod necessario juramentum consequitur.

C A P U T VII.

De juramento doloso, æquivoco, & amphibologico, & de restrictionibus mentalibus.

I. **P**AUCA delibabo ex diff. 3. lib. 5. Tom. 3. Theologie Christ. Plato, Origenes, S. Hilarius, S. Joannes Climacus, Martinus Dumensis, Cassianus licitum mendacii usum in extrema necessitate docuerunt. Ex ethniciis Aristoteles, ex Patribus Lactantius, S. Basilis, S. Gregorius, sed præ omnibus S. Augustinus calamus acuit contra mendacium duobus integris libris, quorum unus est *de mendacio*, alter *contra mendacium*. Eorumdem synopsm texui loc. cit. Doctrinam Augustini utpote evangelicam adoptarunt omnes christiani Doctores, quorum nemo post Augustinum, licitum in quovis casu mendacium propugnavit unquam.

II. Decimo sexto cadente saeculo, Probabilismo invento, restrictionum mentalium u-

sus maxime prodiit. Inter ceteros recentiores Theologos, qui latius, simulque laxius, ut mihi videtur, restrictionum mentalium inventum amplificarunt, sunt P. Sanchez, & P. Tamburinus. Paucis doctrinam istorum perfringam.

III. Sanchez lib. 3. in Decal. cap. 6. n. 15.
 „ Possunt absque mendacio verba usurpari,
 „ licet ex sua significatione non sint ambi-
 „ gua, nec eum verum sensum admirant
 „ ex se, nec ex circumstantiis occurrenti-
 „ bus; sed tamen verum sensum reddant ex
 „ aliquo mente proferentis retento, quodcum-
 „ que illud sit; ut si quis (hic incipit pro-
 „ positio damnata ab Innoc. XI.) vel solus
 „ vel coram aliis, sive interrogatus, sive pro-
 „ pria sponte, sive recreationis causa, sive
 „ quocunque alio fine juret se non fecisse ali-
 „ quid quod revera fecit, intelligendo intra se
 „ aliquid aliud quod non fecit, vel aliam
 „ viam, (Sanchez habet aliam diem: &
 „ hæc est vera lectio: mendum siquidem
 „ irrepit in propositionem damnatam) vel
 „ quodvis aliud additum verum; revera non
 „ mentitur, nec est perjurus. (Hucusque pro-
 „ positio damnata.) Sed tantum (persequi-
 „ tur Sanchez) non dicit veritatem deter-
 „ minatam; quam audientes concipiunt, &
 „ verba in se significant, sed aliam verita-
 „ tem disparatam,. Plures sive opinionis
 patronos recenset, nimurum Navarrum, Va-
 lentiām, Salonēm, Toletūm, Manuelem,
 Philiarchum, Suarez, Leonardum. Probat ve-
 ro suam sententiam auctoritate Christi Do-
 mini, qui Joan. 7. dixit: *Non ascendam ad
 diem festum: & tamen (inquit Sanchez)*
statim alcedit: quæ tamen oratio vera
fuit ex addito mente Christi retento, sci-
licet, non ascendam manifeste: quem sen-
suum ea verba ex se non faciebant,,. Plu-
ra alia argumenta tum ex Scriptura, tum
a ratione petita promit, quæ missa facio,
ut alias hujus doctrinæ regulas describere
persequar.

IV. Eodem capite num. 19. hæc habet, *Causa vero utendi his amphiboliis est, quo-*
ties id necessarium, aut uile est ad salutem
corporis, honorem, res familiares tuendas,
vel ad quemlibet alium virtutis actum, ita
ut veritatis occultatio confeatur tunc expediens, & studioſa. Hæc est propositiō 27.
 ab Innoc. XI. damnata. Addit vero n. 22.
 sub finem, causam utendi his amphiboliis
 esse posse jocum, seu recreationem. Ve-
 rum, inquit, sit iuramentum ad effet, effet
 manifesta culpa; at sola effet venialis.

V. Idem num. 24. *Potest testis predidis-*
equivocationibus uti, etiam si alias juride-
regetur, quotiescumque tenetur ob aliquam cau-
sam ferre testimonium, ut quia notabite da-
num ipsi sequetur &c. Quia cum ea cau-
*sa excusante non teneatur, vere dicit se neſci-*re, non vidisse, non audiuisse, intelligendo,**
ita ut dicere teneatur.

VI. Idem num. 29. hæc scribit. „ Quan-
 „ do taxa alicuius rei est injusta, pluris
 „ veadeus, aut defraudans in pondere, &
 „ mensura, ita ut sibi satisfaciat pro pretii
 „ injustitia, & reddat correspondentes mer-
 „ ces pretio dato, potest hic rogatus a ju-
 „ dice, an pluris vendiderit, vel defecserit
 „ in pondere, id negare, assertereque, se pre-
 „ tio taxato vendidisse, & integre pondus,
 „ & mensuram tradidisse intelligendo hæc:
 „ Ita ut pluris vendens, aut deficiens in pon-
 „ dere, & mensura deliquerit. Quippe ab-
 „ que delicto utrumque fecit. Atque ita ve-
 „ re dicit se integre tradidisse, nempe qua-
 „ tenus tenebatur eo pretio accepto, nec ex-
 „ cessisse delinquendo. Atque ad hoc satis est
 „ opinionem esse probabilem, eam taxam non
 „ obligare. „ Non modo restrictiones men-
 tales, seu mendacia hic docentur, verum eti-
 am Reipublica regimen penitus convellitur.
 Si opinio probabilis satis est ut subditi va-
 leant Principatus sanctiones contempnere, a-
 liaisque, quas ipsi probabiliter justiores exi-
 stimant, substituere; actum est sane de Re-
 publica.

VII. Idem num. 31. hæc scribit. „ Quin-
 „ to deducitur, eum cui licitum est aliqua
 „ bona abscondere, eo quod illis ad vitam
 „ sufficiendam egeat, ne a creditoribus ca-
 „ piatur, & sic cogatur mendicare, posse
 „ rogatum a judice jurare se nulla bona ab-
 „ condita habere (atque idem possunt ju-
 „ rare id scientes, dummodo ipsi confit, &
 „ licite eum abscondere ad hunc finem) in-
 „ telligendo secum: *Non habere bona ab-*
condita que judici manifestare teneatur. “
 Sermo est non de extrema, sed gravi neces-
 sitate. Vult siquidem, debitorem posse reti-
 nere bona creditoris, ne cogatur mendica-
 re, & insuper jurare se ea non retinuisse.
 Quid validius ad fraudes invehendas omnes,
 & debitorum solutionem eludendam?

VIII. Idem num. 32. „ Sexto deducitur,
 „ quoties quispiam a cuiusvis debiti obliga-
 „ tione liber est, posse rogatum a judice de-
 „ illo id negare, intelligendo intra se, ita
 „ ut debeat: quia respondet ad debitam ju-
 „ dicis mentem. Qua ratione optime Co-

„ varriuſias , Cepola , & Azorius docent ,
 „ eum qui mutuo nummos acceptos solvit ,
 „ poſſe a judece rogitum de matuo , jurare
 „ ſe illud non accepiffe , intelligendo , ita
 „ ut teneatur ſolvere . Idem docent Suarez ,
 „ Porraldus . Atque idem dicendum eſt , ſi
 „ quacumque alia ex cauſa ab eo mutuo ſol-
 „ vendo liber eſſet . Arque idem credo , ſi
 „ tunc non tenetur ſolvere , eo quod terminus
 „ ad quem mutuum datum fuis , non eſt im-
 „ pletus , vel pre paupertate excusat⁹ debi-
 „ tor a tunc ſoluendo „ .

IX. Idem num. 36. „ Nono deducitur , cre-
 „ ditorem virtute instrumenti publici exi-
 „ gentem coram judece debitum , vulgo ex-
 „ cutando por la deuda , poſſe iure jurando af-
 „ ferere quantitatem in eo instrumento con-
 „ tentam eſſe ſibi debitam prout jure debe-
 „ tur ; eti pars illius ſumme debitæ ſoluta
 „ ſibi ſit ; ſi tantumdem pecuniaæ , quantum-
 „ dem ſolutum eſt , ſit alia via ſibi debitum ;
 „ de quo nullum eſt instrumentum publicum ,
 „ virtute cuius exigatur . . . dummodo ta-
 „ men prajudicium non contingat alterius
 „ creditoris „ .

X. Idem num. 37. „ Decimo deducitur , ſi
 „ per injuriam extorqueatur promissio jura-
 „ ta alicuius pecuniaæ dandæ , licere juranti
 „ uti hac æquovatione : Juro tibi me nu-
 „ meraturum pecuniaæ , intelligendo ut ille
 „ caſus tibi regatur a verbo juro ; ita ut
 „ ſenſus ſit : Tibi juro fore ut numerem pe-
 „ cuniaæ , ſive tibi , ſive alteri : quod ea ora-
 „ tio patiatur utrumque ſenſum „ .

XI. Idem num. 38. „ Sed an liceat tunc
 „ jurare , retinendo mente hanc conditio-
 „ nem : Juro me daturum , ſi tibi ſeculo ſu-
 „ ramento ſum debitor ? Aliqui negant , du-
 „ eti quod ea verba hanc amphibologiam
 „ non patiantur in communi hominum ſen-
 „ ſu : Cajetanus , Aragon , Soto . At reten-
 „ ta noſtra ſententia , numero decimo quinto
 „ tradita , dicendum eſt , id licere . Quia ni-
 „ hil refert verba eam amphibologiam non
 „ pati , & cogit neceſſitas ea uti . „ Porro
 „ numero decimo quinto citato docet : Cur er-
 „ go eris mendacium uti verbis ex ſe non am-
 „ biguis , ſi ex conditione in mente retenta ve-
 „ rum ſenſum efficiunt ? . . . Hoc eſt utiliſſi-
 „ mum ad tegenda multa que tegere opus eſt ,
 „ nec tegi abſque mendacio poſſent , niſi modus
 „ hic eſſet licitus . Quia verba ex ſe ambigua non
 „ paſſim inveniuntur .

XII. Idem num. 39. „ Undecimo deduci-
 „ tur , coactum aliquam accipere in ſpon-
 „ ſam , quam ducere non tenetur , poſſe ju-
 „ tem I.

„ rare ſe acceptum , intelligendo intra ſe :
 „ Si tenor , vel ſi poſta placuerit mihi . „
 „ XIII. Idem num. 40. „ Decimo tertio ad-
 „ ulteram rogitam a marito , an adulte-
 „ riū admiserit , poſſe jurare ſe non fre-
 „ giffi matrimonium . . . Similiter potest
 „ jurare ſe non feciſſe , intelligendo intra ſe
 „ ut tibi revelem .

XIV. Idem num. 43. „ Decimo quinto de-
 „ ducitur , eum a quo mutua pecunia peti-
 „ tur , quam revera habet , poſſe iure ju-
 „ rando affirmare ſe eam non habere , in-
 „ telligendo intra ſe , ut mutuo det , quan-
 „ do non tenetur mutuare . Ita Nayarrus ,
 „ Philiacus , Sayro . . . At contrarium te-
 „ nent Corduba , Lopez , Henriquez . At cre-
 „ do priorem ſententiam eſſe veriorem quo
 „ ad hoc ut ille non ſit perjurus : quia in
 „ ſuo ſenſu verum dicit ; cum ſenſus ſit :
 „ Non habeo ut tibi mutuare velim . Qua-
 „ re ad veritatem hujus juramenti nihil re-
 „ fert , utrum ille teneatur mutuare , nec ne-
 „ Et ita non oportet addere illam limitatio-
 „ nem , quam praedicti Doctores addunt , quan-
 „ do non tenetur mutuare „ .

XV. Idem num. 44. „ Ultimo deducitur ,
 „ poenitentem temere rogitum , an hoc vel
 „ illud peccatum fassus ſit , poſſe jurare ſe
 „ non confeſſum , intelligendo , ita ut tenea-
 „ tur illi explicare „ .

XVI. Ut plenior recentioris Theologiae
 notitio habeatur , lubet pauca adjicere ex
 Tamburino , qui praे ceteris antiquis doctri-
 nae regulas temperavit , atque humanitati
 accommodavit . Libro itaque 2. in explic . De-
 cal. cap. 3. §. 2. n. 1. hæc docet . „ Questio
 „ eſt an liceat juranti accipere verba in a-
 „ llio ſenſu ab illo quem ea praefuerunt . Ju-
 „ ro v. g. per Deum , me hac nocte non dor-
 „ mivisse , intelligendo , vefitum : me non
 „ habere pecuniam , intelligendo , quam ti-
 „ bi elargiri velim : uxorem , vel maritum
 „ matrimonii leges non fregiſſe , intelligen-
 „ do manifeſte : non deberi a me tibi cen-
 „ tum , intelligendo , ita ut ea non poſſim
 „ mihi compensare cum aliis centum que-
 „ tu mihi debes &c.

„ Resp. Licere , ut idem docent (nem-
 „ pe Lessius , Castropalaus , Rebellus , Bo-
 „ nacina) & docetur paſſim , praefcindendo
 „ tamen a damno quod dolofio hoc juramen-
 „ to in iuste facerem ; etiamsi quod non ſit
 „ rogiſtus jurare , ſed ſe offerat . „

XVII. Idem ibi num. 4. „ Quando ver-
 „ ba nullo modo ex ſe patiuntur talem æ-
 „ quivocationem , ſeu mentis restrictionem ;
 „ M 3 „ li-

, licet ne aliud intelligere solum ex mea
„ mera voluntate ? Juro v. g. me non dor-
„ minuisse , intelligendo me non comedisse . Quo
„ pacto materialiter solum dico me dormi-
„ viisse , non significative .

, Resp. Sanchez negat licere : quia non
„ est in cuiusvis arbitrio significationem ver-
„ borum imponere . Verum hæc ratio non
„ potest avellere me a probabilitate , quod
„ licet . „

XVIII. Martinus Bonacina fere omnes propositiones , quas ex Sanchez retulimus , exscriptis & laxitatem clarius docuit . Unam & alteram isthuc transcribam . Itaque Tom. 2. disp. 4. qu. 1. punc. 12. num. 5. hæc habet . „ Quinto eum qui habet justam causam celandi aliqua bona , ne capiantur a creditoribus , quæ sibi necessaria sunt ad vitæ sustentationem , & sine quibus cogitur mendicare , posse negare se occultasse , intelligendo quæ non posset occultare , vel quæ teneatur manifestare . Idem respondere possent testes scientes ipsum licite occultasse : tum quia hæc responso non est contraria intentioni interrogantis , sed potius est ipsius menti conformis : tum quia adest justa causa utendi restrictione , vel amphibologia . „

XIX. Idem Bonacina ibidem . „ Sexto a dulteram quæ petitur a marito , an sit a dulterata , posse negative respondere , intelligendo , ut teneatur illi revelare „ .

XX. Idem Bonacina ibid. num. 8. „ Hinc colligi potest , venditores qui , cum non possint alia via pretium justum ab empto re obtainere , jurant rem tanti sibi stetisse alio sensu quam emptor participat , non solum ad quidquam non teneri præcise ratione juramenti , ut patet ex primo quærito ; verum neque videri mortaliter peccare , si non afferant damnum notabile partiti , nec intendant eo pacto decipere , aut obtinere aliquid supra justum , aut extorquere pretium rigorosum , quo noluisseret emptor emere „ .

§. I.

Quid senserint posteriores Theologi post damnatas theses ab Innoc. XI.

I Antequam ultra provehor , ne invidiam conflare videar , sciat lector testari Lumbier apud Cardenas diff. 19. c. 1. n. 5. plusquam quinquaginta autores cuiuscumque instituti propugnasse theses proscriptas de mentalibus restrictionibus . Ex Dominicanis citantur Fer-

re , Candidus , Zanardus , La-Cruz , & alii :

II. Postiores Theologi variis distinctionibus eludere tentarunt thesum proscriptiōnem . Distinxere restrictiones in *pure mentales* , & in *non pure mentales* . Illeas , secundas , damnatas contendunt . Alii distinxerunt veritates in duas classes , aentes alias esse *communicabiles* , alias *incommunicabiles* . Postremi docent nos posse usurpare verba in *suppositione materiali* , ut ipsi dicunt , seu in sensu in quo nihil significant . Interrogatus Sempronius num sciat , num commiserit delictum , respondet , *Nescio , non feci* . Hæc verba nihil significant ac si essent prolatæ a psittaco quando causa gravis adest veritatis occultandæ . Hanc doctrinam præ ceteris dilatavit P. Carolus Ambrosius Cattaneus .

III. P. Viva in commentariis ad propositiones damnatas num. 1. hæc scribit . *Utrumque propositio a plurimis primi subsellii DD. videbatur doceri apud Dian. p. 2. tr. 15. resol. 25. & p. 3. tr. 6. resol. 3. & apud Sanchez lib. 3. cap. 6. n. 15. & 19. & non nemo ad quinquaginta DD. laudat pro utraque propositione . Verum , si attente mens plororumque istorum cum eodem Sanchez inspicatur , & si advertatur ad eas in quibus docent has amphibologias licere , & eorum fundamenta , liquido apparebit eos nolle licitas esse restrictiones *pure mentales* , quas Pontifex ut mendacia damnat , sed solum restrictiones non *pure mentales* , aut equivocationes , & ad summum locutionem materialem .*

IV. Damnarunt ergo Pontifices summi propositiones chimæricas , quæ in nullo reperiuntur Theologorum ? Dum Jansenistæ simili effugio argutantur , se damnare quinque propositiones , ut *iacent* , at easdem non reperiuntur in Jansenio ; quid respondet P. Viva cum ceteris ? Utique Romana Sedes definivit quinque propositiones reperiri in libro Jansenii ; at non definivit theses de restrictionibus mentalibus reperiri in Sanchez , in Tamburino , in Escobario , & ceteris quinquaginta indicatis a Lumbier . Ceterum licet hoc factum non declaraverit Ecclesia ; juxta tamen omnes critices regulas verum est : & dum illud negat P. Viva , necessario infertur , damnationem pontificiam frustraneam esse . Nulla quippe doctrina damnata est , juxta P. Viva , quæ reperiatur in aliquo Theologorum . Nam Sanchez , Tamburinus , & alii citati a Lumbier laxius ceteris scripserunt de restrictionibus mentalibus : in ipsis teste P. Viva non reperiatur doctrina damnata : ergo nulli in rerum natura reperitur doctrina da-

mnata. Ergo chimæricas theses damnavit Romana Sedes. Hæc absurdæ consecutaria merito omnes improperamus Janfeñistis. At qua via possit P. Viva se ab iisdem defendere, sane non video. Ad Casuistas Dominicanos supra indicatos quod attinet, sincere ego fateor illos docuisse damnatas aliquas theses. At hanc sinceram confessionem de Sanchez, de Escobar, de Tamburino, de Castropalao, aliisque edere recusat P. Viva cum aliis.

V. P. La-Croix lib. 3. cap. 2. dub. 4. §. 13. n. 295. hæc scribit: Secundum ante dicta debent nunc post damnationem propositionum relatarum limitari multa, quæ passim inveniuntur apud graves auctores, quos referunt Wilh Sandæus ad propositionem 26. damnatam supra Moya Tom. 2. disp. 1. qu. 6. qui uti Cardenas c. 6. caute est legendus, quia quedam ponunt que merito limitari debent.

VI. Addo ego, cautissime legendos esse in hac materia PP. Viva, & Spover, qui ultimus tract. 3. cap. 1. scil. 3. n. 106. contra iudicium P. La-Croix, legendum de hoc arguimento proponit P. Cardenas tanquam *satis liberalē* in explicando dictas theses. Non raro discrepant inter se benigni Casuistæ. P. Didacus de la Fuente Hurtado, & P. Carolus Cafnedi, ut mihi videtur, post damnatas theses defendunt restrictiones pure mentales esse licitas ex causa honesta, vel non esse damnatas, ut palam feci loc. cit. c. 16.

§. II.

Vera doctrina proponitur, & paucis refellitur doctrina plurim recentiorum.

I. Licitum est locutione amphibologica, seu æquivocatione, quæ aut vi verborum, aut ratione circumstantiarum, juxta communem intelligentiam, plures excipit sensus intelligibiles ab audiiente, veritatem occultare; sed non semper hæc amphibologia occurrit, neque semper sufficit ad occultandam veritatem, potissimum dum interrogans urget ut sine æquivocatione loquamur; propterea alia via occultanda sunt secreta, quæ revelari sine peccato nequeunt.

II. Prima pars propositæ sententiæ constat ex pluribus Scripturæ sanctæ exemplis. *Vos ascenditis ad diem festum hunc, ego autem non ascendo ad diem festum istum, quia meum tempus nondum impletum est &c.* Jo. cap. 7. Rursus Luc. 24. Et ipse se fixit longius ire. Advertendum cum S. Augustino, Christum Dominum plurima in Evangelio

figurate, & sub parabolârum tegumentis locutum fuisse: & quæ imperitis mendacia videntur, mysteria esse, figurataisque locutiones. Porro locutiones figuratas, quibus usi sunt Scriptores divini, adhibere minime possunt homines privati. Alioquin commercium, & societas humana continuo perirent. Quod ut caveret Christus Dominus dixit: *Sit sermo vester, est est, non non.* Urgente dumtaxat necessitate occultandi aliquod grave secretum, licitum est uti illa æquivocatione quæ plures admittit sensus ab audiente aut vi verborum, aut ratione circumstantiarum intelligibiles. Quod autem audiens non advertat sensum quem qui loquitur intendit, ex illius oscitantia proficiuntur. Doctrina hæc communis est penes omnes.

III. Non semper tamen occurunt locutiones istæ amphibologicae, quibus occultari absque mendacio possit veritas. Et hoc est punctum præcipuum adversus plures recentiores, qui post damnatas restrictiones mentales ab Innoc. XI. scripserunt. Iste enim contendunt semper adesse locutiones amphibologicas ad occultandam quamcumque veritatem alicujus momenti. Nos contra dicimus aliqua occurrere facta quæ admittunt locutiones æquivocas, quarum usus licitus est in tali casu. Plura vero facta de quorum veritate, vel falsitate interrogamur, sunt quæ nulla locutione amphibologica occultiari valent. Et tum veritas aut custodienda, aut manifestanda est juxta circumstantiarum diversitatem. Exemplo res clarior fiet. Uxor adultera vitam amittit, si adulterium, marito pugione disticto illam impetranti fatur: nulla occurrit vera, & extrinseca amphibologica locutio, qua occultare crimen queat. Quid tum agendum? Nos cum S. Augustino dicimus, moriendum potius esse quam mentiendum. Contra nonnulli docent, semper adesse locutiones æquivocas, quibus occultari veritas possit, & in tuto collocare vitam propriam. Quænam sunt istæ locutiones æquivocæ, & amphibologæ? Sunt sequentes, reponunt illi. *Datur scientia communicabilis, & incommunicabilis.* In tali casu verba nihil significant. Quando, inquiunt, manifestari veritas nequit absque vita jaætura, tunc adhibenda est scientia incommunicabilis; seu neganda est absolute veritas, quia non est communicabilis; vel tunc verba nihil significant. Si hæc non sunt restrictiones omnino mentales, quænam erunt? Recentiores non pauci, ut elu-

derent damnationem thesum, cœperunt vocare restrictiones omnino mentales non omnino mentales, sed exteriores. Alii dicunt, damnatum esse usum restrictionum mentalium passim, & pro quacumque re levi, seclusum moderatum, & in re gravioris momenti. Quæ interpretamenta rei cimus tamquam commentitia & vana.

IV. Auctores qui ante Vener. Innoc. XI. propugnabant licitas restrictiones mentales, defendebant quoque licitum esse easdem juramento confirmare. Et quia res incredibilis apparet, lubet verbis eorumdem factum describere. *Ex his collige cum Trullench. quandam regulam notatu dignam: quotiescumque licitum est ut oratione ambigua, vel tacita restrictione, licitum est etiam uti iuramento, si necessitas, vel notabilis causa id postulet, vel utilitas corporis, aut honoris, aut rerum familiarium, vel si intercedat injusta interrogatio facta illi qui amphibolice loquitur.* Ita Antonius a Spiritu saucto tr. 5. de *jur. disp. I. qst. 9. n. 52.* & pro hac opinione citantur Lessius, Castropalaus, Trullenhus, Mallæus, Diana, & alii. Hinc collige quam periculosis sit usus Probabilismi. Ante Innoc. XI. vulgata penes non paucos erat doctrina & de licto restrictionum mentalium usu, & quod eadem restrictiones confirmari juramento possent. Damnatæ sunt restrictiones ut mendacia, & iuramenta eisdem confirmantia ut perjuria. Plures nunc viginti opiniones magnopere laxæ. Forsan posteriori Pontifices eisdem damnabunt. Cavendum itaque nobis est ab eisdem.

V. Confessarius interrogatus num sciat aliquod peccatum quod audivit in confessione, respondere jure, & licite absque mendacio potest se nescire, & suam negationem iuramento firmare: quoniam præsumitur interrogari ut homo, & ut homo revera ignorat peccatum istud, ut cum S. Thoma in *Supplm. quest. II. artic. I. ad 3.* omnes Theologi docent. Quandoquidem jure præsumitur, ut dictum est, Christianorum neminem interrogate Confessarium ut Confessarium.

VI. Quid, si interrogator iniquus impletet Confessarium ut Confessarium, illumque urget ut revelaret crimen auditum in confessione? Docent aliqui, posse hoc quoque in casu Confessarium negare se audiisse peccatum quod revera audivit. Nos vero dicimus, nullo modo posse, vel debere Confessarium hoc modo respondere. Ta-

lis quippe responsio manifestum continet mendacium. Siquidem dum improbus interrogator limitat suam interrogationem ad notitiam habitam in confessione, seu ad Confessarium ut ministrum Dei, tunc fieri distinctione nequit duplicitis personæ, humanæ, & divinæ. Quid ergo? Revelandum ne peccatum est, & violandum sigillum sacramentale? Absit. Qua itaque via custodiendum? Hoc in casu debet Confessarius apostolico pectori, & evangelica fortitudine scleratissimam interrogationem his verbis repellere: An ignoras, insanum caput, interrogationem tuam esse sacrilegam? An te latet Dei ministrum de auditis in sacramentali confessione neque adfirmare, neque negare quidquam posse? Divino ministerio, quo fungor, gravem inferrem maculam, si quidpiam in utramque partem hiscerem. Apage ergo cum iniqua tua interrogatione. Hanc doctrinam sanguine confirmavit invictus Martyr S. Joannes Nepomucenus. Hanc viam insistere Confessarius debet, sive audierit, sive non audierit in confessione crimen de quo interrogatur. Haec ratio custodiendi sigilli sacramentalis non securior modo est, & sacramenti sanctitati, & ministerii dignitati magis consentanea, verum etiam necessaria. Idque sequenti exemplo evinco. Mater flagitiæ a filia patrati conscientia eam ad Confessarium dicit, ut crimen confiteatur. Post confessionem filia continuo mater se tribunali sistit, doloremque conceptum ob violatam pudicitiam filia patefacit Confessario, eumque rogit ut in quale qua solamen sibi dicat, num filia saltem sincere, & dolenter suum confessa sit flagitium. Quo se vertet tunc Confessarius? Si adfirmet filiam confessam esse peccatum suum, sigillum violat. Si neget, pariter sigillum infringet. Falluntur qui pro custodia sigilli sacramentalis, vel alterius secreti negationem suggerunt ceu unicum remedium. Unica enim ratio secura & tutæ est repulsio, & obiurgatio severa interrogatoris, eidemque patefacere, quam sit sacrilega sua interrogatio. Si plura cupis de restrictionibus mentalibus, & de iuramento doloso, consule *Disp. 3. 4. 5. & 6. Tom. 3. & 4. Theol. Christ.*

C A P U T VIII.

*De perjurio, & juramenti interpretatione,
& dispensatione.*

I. QUEST. I. *Quid, & quotuplex fit perjurium?* RESP. Perjurium preesse acceptum est mendacium juramento firmatum. Triple distingui perjurium solet. 1. cui deficit veritas, cui deficit justitia, dum quis rem illicitam jurat. 3. cui deficit judicium, cum quis temere, sine justa causa jurat. Hæc duo ultima improprie, & lato modo perjuria vocantur.

II. Perjurium gravissimum peccatum est, & post blasphemiam, & idolatriam, excedit omnium delictorum malitiam. S. Thomas, & alii graviores Theologi docent, perjurium esse ipso homicidio gravius. Quandoquidem perjurium est contra præceptum primæ Tabulæ, & directe ac proxime contra Deum. Homicidium vero est contra præceptum secundæ Tabulæ, & contra humanam justitiam. Tandem perjurium elevat, & destruit certitudinem divini testimonii. Quare leges cum civiles, tum canonicae gravissimas statuerunt adversus perjuros pœnas, quas hic recensere non vacat.

III. PRIMA REGULA interpretandi jura-
menta traditur 2. z. q. 89. a. 7. ad 4. a. S.
Thoma, & est ejusmodi. Jurans sine dolo
obligatur secundum intentionem jurantis; ju-
rans vero cum dolo secundum sanum intel-
lectum ejus cui juratur. In juramento pro-
missorio, in quo interpretatio proprie locum
habet, juramentum accipiendum est secun-
dum intentionem jurantis, quando is bona
fide jurat.

IV. REGULA SECUNDA. Multæ condicio-
nes subintelliguntur in juramento promis-
sorio. 1. Si Superiori placuerit. 2. Si res in
eodem statu permanerit, seu si non fuerit
graviter immutata. Promisisti cum juramen-
to nuptias puellæ bonæ famæ, & sanæ. Si
hæc malæ famæ, infirma evadat, eam du-
cere non astringeris. 3. In donatione, si al-
ter ingratuus non existat. 4. Si is cui facta
promissio est, eam acceptavit, aut tacite
non remiserit. 5. Juramentum personale est,
nec transit ad heredes, ad quos tamen
transit obligatio contractus jurati. 6. Si ju-
ramentum fit alicui in dignitate constituto,
transit ad ejusdem successores, si nomen ex-
primatur dignitatis. Si nomen dignitatis si-
leatur, successori renovandum juramentum

est. 7. Qui jurant stare sententia arbitrorum
tali die ferendæ, transacto die cessat jura-
mentum. 8. Juramentum nunquam cedere
debet in damnum tertii. 9. Juramentum du-
biu[m] pro lege, non pro libertate interpre-
tandum est.

V. QUEST. II. *Quot modis juramentum
cesser?* RESP. Quatuor modis. 1. Superioris
absolutione; 2. commutatione; 3. remissione
creditoris; 4. relaxatione judicis. Juramenta
Deo facta votorum naturam imitantur. Qui
possunt vota, possunt & juramenta irritare.
Similiter qui habent potestatem dispensandi,
vel commutandi vota, possunt dispensare,
vel commutare juramenta Deo facta. Dele-
gati tamen ad dispensandum in votis neque-
unt dispensare in juramentis. Quoniam duo
hæc vincula sunt diversi generis, nec unum
ab altero pendet.

VI. Pontifex nequit juramentum homini
factum relaxare, nisi adsit justa causa. Justa
causa duplex; altera bonum commune, al-
tera pœnam creditoris respicit. Indignitas
quoque personæ cui factum juramentum est,
causa relaxandi esse valet. Juramenta insu-
per gravi metu, aut dolo extorta relaxari
queunt.

C A P U T IX.

De adjuratione, & exorcismo..

I. A djuratio est obtestatio divini nominis,
seu rei sacræ, qua quis urgetur vel
imperio, vel obsecratione ad aliquid facien-
dum, vel omittendum, ut 2. z. q. 90. a. 1.
S. Thomas docet. Adjuratio alia est depre-
cativa, alia imperativa; alia solemnis, alia
privata; alia propria, alia impropria. De-
precativa est cum aliquid petimus ab ipso
Deo, ejus misericordiam, aut merita Iesu
Christi, vel Sanctorum contestantes. Impe-
rativa est cum subditis per divini nominis
contestationem quidquam præcipitur, ut fecit
1. ad Thessa. 5. S. Paulus. *Adjuro vos per
Dominum ut legatur epistola hæc omnibus san-
ctis fratribus.* Solemnis adjuratio est quæ per-
agitur a sacris ministris secundum ritum Ec-
clesiæ. Privata a quocumque fieri potest.
Adjuratio actus religionis est, & ut licite
fat, easdem ac juramentum conditions po-
stulat.

II. Adjurare solemniter secundum ritum
Ecclesiæ solis ministris ab Ecclesia consecra-
tis convenit, quales sunt insigniti gradu exor-
cista. Alii vero fideles valent adjurare pri-

vatim dæmones, non publice, & solemniter. Solæ creaturæ rationales adjurari queunt, quia hæc solæ verba percipiunt adjurationis. Nec obest quod Ecclesia exorcismos adhibeat contra brucum, locustas, grandines, aliaque ratione destituta: quoniam tunc non ejusmodi creaturæ irrationales, sed spiritus invisibles, seu dæmones, qui istas creaturas moveat ad hominum nocimentum solent, directe adjurantur, ut 2. 2. q. 9. a. 3. Angelicus docet.

III. Antiquissimus in Ecclesia est exorcismi usus. Salmantenses contendunt exorcismum effectum producere ex opere operato. Sed hæc opinio pugnat cum manifesta opposita experientia. Dicimus itaque, exorcismos divina virtute suos parere effectus, quando, & quomodo divina placuerit voluntati. Frequenter peccata obfessorum, & quandoque exorcistarum impediunt effectus exorcismi.

IV. Non semper necesse est ut formulæ ab Ecclesia præscriptæ adhibeantur ad exorcismos peragendos, sed abigi dæmones queunt sola nominis JESU invocatione, ut Marc. 16. habetur: *In nomine meo dæmonia ejicent.* Veritas fidei est dæmones aliquando in hominum corporibus inhabitare. Tria vero requiruntur ut dicatur homo dæmoniacus, seu arreptitus. 1. ut dæmon ingrediatur corpus obfessi: exterior quippe assentia haud sufficit ut quis energumenus appelletur. 2. oportet ut dæmon non media aliqua re naturali vexet hominem, sed seipso ingredi ejusdem corpus debet: alioquin maleficiati dicerentur obfessi. 3. requiritur ut dæmon habeat potestatem manendi in corpore obfessi ceu in domicilio, illudque torquendi tum intus, tum extra. In qualibet corporis parte residere dæmones possunt. Si alicui corporis membro, puta linguae, pedi, brachio peculiarem molestiam dæmon inferat, ibi eum residere probabile est.

V. Signa quibus energumeni, seu arreptiti, & dæmoniaci cognosci valent, plura sunt. 1. si peregrinis linguis loquantur. 2. si occulta revelent, & secreta qua humanam facultatem excedunt, & nulla virtute naturali sciri valent. 3. stupor omnium membrorum. 4. terribilis & truculentus vultus. 5. vires ingentes, qua humanas excedunt. 6. vox inusitata. 7. dum energumenus proferre nomen JESU renuit. 8. dum energumenus conturbatur, quando ministri exorcismos peragunt. Quamquam hæc postrema signa separatim certa non sint, conjuncta tamen cum primis certitudinem pariant.

VI. Arma quoq; adhibere exorcista debet in expellendo dæmon, sunt sequentia. 1. scuto vivo fidei se muniat minister. 2. spem erigit. 3. caritatem accendat. 4. iuges preces praemittat. 5. divinum auxilium imploret. Iffis quoque armis munire energumenum studeat. His præsidii instructus impavido & audenti animo bellum adversus nequissimum hostem aggreditur. Præcipiat dæmoni ut a torquendo energumeno desistat. Interroget de iis quoq; ad ejusdem expulsionem conducere judicabit. Caveat ne quicquam interroget quod ad expulsionem necessarium non fuerit. Non permittat ut dæmon loquatur præter ea quoq; necessaria sunt.

VII. Signa egressus dæmonum e corpore energumeni varia sunt; nullum tamen certum, & infallibile. Signum quod verisimilius reputatur, est, si obfessus multos dies, & longum tempus nihil incommodi patiatur. Egressum dæmonis e corporibus comitari solent hæc signa. Aspectus hominis nigri, cani, hirci, muscæ, formicæ, ingens vomitus, halitus fætidus, magni ejulatus, clamores resonantes, timor inusitatus, in terram collisione ac deiectione energumeni, ut habetur Marc. 9. *Exclamans, & multum discerpens eum, exiit ab eo, & factus est sicut mortuus.* Hæc signa aliqualem egressus probabilitatem inserviant, fallere tamen possunt.

DISSERTATIO II.

De honorandis parentibus.

CAPUT I.

Propositiones damnatae, & laxæ.

I. *Licitum est absoluto desiderio cupere mortem patris, non quidem ut malum patris, sed ut bonum cupientis, quia nimis ei obuentura est pinguis hereditas.* 14. Innocentii XI.

II. *Licitum est filio gaudere de parricidio parentis a se in ebrietate pavato propter ingentes divitias inde ex hereditate consecutas.* 15. Innoc. XI.

III. „ Alii contra affirmant, immunem „ else tunc a culpa gravi illum qui parentibus suis exoptat mortem ob bonam aliquod „ temporale ipsi inde secuturum, nempe ut „ quamprimum in hereditatem succedat, vel „ ut liberetur a dura eorum custodia. Quia „ hujusmodi desiderium de morte parentum „ tunc non tam est desiderium de malo il-

„ lo-

„ lorum quam de bono inde secuturo: ergo „ non habet malitiam peccati, cum illam „ habere non possit, nisi finis illius malus „ sit; cum tota species actus inefficacis ex „ fine desumatur“ Leander a SS. Sacram. tr. 1. disp. 2. q. 4. Castropalaus, & alii.

IV. „ Licit matri mortem filiarum opta- „ re, eo quod ob deformitatem, vel ino- „ piac non possit eas juxta suum desiderium „ nuptui tradere. Et idem esse dicunt, si „ ob illarum causam male tractaretur a ma- „ rito, posset illarum mortem optare, ut ab „ illo damno liberaretur.“ Castropalaus Tom. 1. tract. 6. disp. 4. punct. 1. n. 2.

V. „ An cum indignis possint filii licite „ contrahere, patre, vel genitrice dissentiente?.. Fateor probabile esse ac tutum quod „ possint.“ Tamburinus lib. v. in Decal. c. 2. §. 3. n. 5.

VI. „ Filius ut eligat matrimonii statum, „ etsi consulere parentes teneatur, nisi cau- „ sa justa illum excusat; non tamen tenetur „ eorum acquiescere consilio, etiam sine il- „ la.“ Torrecilla Tom. 1. Sum. tr. 3. disp. 2. sec. 1. num. 29. fol. 348. Diana, & alii.

VII. „ Etsi parentes teneantur corrigerre, „ & diligere filios, & domini servos, non „ ita famulos suos.“ Torrecilla Tom. 1. Sum. tr. 5. par. 2. c. 13. n. 41. fol. 699. Sanchez, & alii.

C A P U T II.

De pietate filiorum in parentes.

I. P*rae*ceptum honorandi parentes his ver-
bis expressum Exod. 20. est: *Honora*
patrem tuum, & matrem tuam, ut sis lon-
gævus super terram, quam Dominus Deus
tuis dabit tibi. Qui nos genuerunt secundum
Deum, patris nomen sibi jure vindicant.
Deinde Pastores, & Sacerdotes, qui sacramen-
torum administratione ad vitam aeternam nos
regenerant, ut 1. Cor. 4. inquit S. Paulus.
In Christo Jesu per Evangelium ego vos ge-
nui. Succedunt qui ius civile moderantur,
ut Principes, & Magistratus Reipublicæ ad-
ministratores. Tandem tutores, & curatores.

II. Peculiaris virtus, qua parentes hono-
ramus, pietas est, qua cujusque status per-
sonas, ordine servato, veneratur. Officia qua
parentibus debentur, plura sunt. Primum
amore summo post Deum prosequi illos de-
bemus. Secundum officium honorem exhibet.
Tertium officium est obedientia, qua illorum
mandatis parere astringimur. Quartum officium

est suppeditas illis ferre tum in spiritualibus pro-
iisdem preces Deo offerendo, tum in temporalibus necessitatibus, iis congrua alimenta
subministrando. Si in lege evangelica igno-
rantes sint, instrui; si in peccatis fordescant,
corrigi summa reverentia debent; si penuria
laborant, adjuvandi sunt; si ægrotant, in-
serviendum illis est.

III. Quest. 1. Peccant ne filii contra hoc
præceptum, si parentibus damnum grave desi-
derant? Resp. Hoc mandatum præcipit dilec-
tionem tum internam, tum externam; &
simil odium prohibet. Quare peccant mortaliter
contra hoc mandatum, nedium contra
præceptum proximum diligendi, & odio non
habendi, filii qui mortem, infamiam, aliud-
ve grave malum parentibus desiderant.

IV. Quest. 2. Quid dicendum de opinio-
ne Leandri, & plurium aliorum Casuistarum
inquietum, posse filium ob finem adeundi her-
editatem mortem exoptare parentibus? Resp.
Leander a SS. Sacram. tract. 1. disp. 2. q. 4.
post relatam communem Theologorum sen-
tentiam adverfus tantam impietatem hæ scri-
bit. „ Alii contra affirmant, immunem esse
„ tunc a gravi culpa illum qui parentibus
„ suis exoptat mortem ob bonum aliquod
„ temporale ipsi inde secuturum, nempe ut
„ quam primum in hereditatem succedat,
„ vel ut liberetur a dura eorum custodia. Quia
„ hujusmodi desiderium de morte parentum
„ tunc non tam est desiderium de malo il-
„ lorum quam de bono inde secuturo: ergo
„ non habet malitiam peccati, cum illam
„ habere non possit, nisi finis illius malus
„ sit; cum tota species actus inefficacis ex
„ fine desumatur.“ Sic tenet Castropalaus
Tom. 1. tract. 6. disp. 4. de car. punct. 1. n. 2.,
qui citat pro se Emmanuel Sa verb. Car.
num. 8. Azotium 1. P. lib. 3. cap. 12. quest. 2.
Bonacinam disp. 3. quest. 4. punct. ulti. &
Joannem Sanchez. disp. 1. num. 9.

V. Expositis his duabus oppositis senten-
tiis, sic concludit P. Leander. „ Sed ego
„ respondeo dicendum, quod ex his duabus
„ sententiis prima sit valde probabilis; se-
„ cunda vero non minus: & quia favorabi-
„ lior est pœnitentibus, illa in casu occur-
„ renti, ne in peccatum ex fragilitate ir-
„ ruant, est eis CONSULENDÆ. Adeoque di-
„ co, quod si quis ABSOLUTE desideret in
„ hunc modum: Exopto, & cupio mortem
„ patris mei, non ut malum patris mei est,
„ sed ut bonum meum, seu ex causa mei
„ boni, nimurum quia ex illius morte ego
„ ejus hereditatem adibo: tunc sic exoptans
„ mi-

„ minime peccet mortaliter : quia tale desiderium est de bono fine , non de malo . „ Sic sentit Thomas Tamburinus , secutus Palaum Lib. 5. in Decal. cap. I. §. 3. art. 31. & alii Doctores , .

VI. Tom. 4. Theolog. Chrift. pag. 206. scripsoram hæc verba . „ Hæc sunt monstra , & portenta omnium horrendissima , quorum in universa ethnicorum morali Philosophia nec leve vestigium occurrit . En Probabilissimi abortivos fetus : en inaudita laxitatis commenta , . Has phrases , & exclamations acuti censores in quodam libello suppli- ci , tamquam immane crimen produxere , alto silentio sententia , contra quam invectum est , compressa . Porro transcripta sententia pejor est hac ab Innoc. XI. proscripta : *Licetum est absoluто desiderio cupere mortem patris , non quidem ut malum patris , sed ut bonum cupientis , quia nimis ei obvenientia est pinguis hereditas . Detestabilior insuper est Leandri , & aliorum doctrina , qua asseritur licetum esse cupere mortem patris non modo adeundæ hereditatis , verum etiam vitandæ severioris educationis causa . Immo addunt , hanc doctrinam consulendam pœnitentibus esse . Dicant quæso censores humanissimi , num submissa voce , & languido stilo refellenda hæc laxitatis paradoxa sint ? Vetus nolis ergo erit vocem extollere contra doctrinam ab Ecclesia damnatam , immo ipsa damnata immaniorem ? Casuistæ illi qui doctrinam & communi sensui , & pietati naturali erga parentes evidenter oppositam docent , digni ne sunt ut à Confessariis legantur tamquam directores & magistri spiritualis regiminis ? Si contra prima principia lumine naturali nota adeo turpiter errant , quanto gravius errabunt in questionibus obscuris , & implexis ? Censores qui me accusarunt , quod severius invectus sim aduersus doctrinam scandali plenissimam , caveant ne ansam perhibeant aliis credendi illos præfamatam doctrinam amare . Negant ? Cur ergo justissimam censuram criminati sunt ? Provoco censores ut quid simile in universa sapientum ethnicorum Philosophia reperiant . Injuria ergo summa nos accusant , quod , occasione data , laxissimas opiniones quorundam Casuistarum vehementi filio detestandas exhibeamus .*

VII. Filii qui deliberato animo , & frequenter parentes torvis oculis spectant , peccant mortaliter ; fecus si casu fortuito & inopinato id agant . Quoniam præceptum honoriandi parentes non modo interiorem , sed etiam exteriorum benevolentiam , & reveren-

tiam præcipit . Qui parentes vel leviter percipiunt , graviter peccant : quoniam licet percussio in se levis sit , tamen inficta parentibus enormis evadit . Immo minax brachii elatio potest esse letalis , quia gravem prodit contumaciam . Licitum filii est a parentibus injuste perculsis cum moderamine inculpatæ tutelæ se se defendere . Filii qui deliberato animo patri maledicunt , graviter peccant . Qui maledixerit patri suo , morte moriantur : Lev. 20.

VIII. Filii nequeunt accusare parentes de aliquo crimine apud judices , heref eos criminis excepto , & crimine in patriam . Quæde re hæc scribit lib. 3. de officio c. 9. Cicero . Quid si pater fana explicet , cuniculos agat in aerarium ? Indicet ne magistratibus filius ? Nefas id quidem est : quin etiam defendat patrem , si arguitur . Non igitur patria præstat omnibus officiis ? Immo vero . Sed ipsi patriæ conductis pios habere filios in parentes . Quid , si tyrannidem occupare , si patriam prodere conabitur pater ? Silebit ne filius ? Immo vero obsecrabit patrem ne id faciat . Si nihil proficiet , accusabit , minabitur etiam . Ad extremum , si ad perniciem patriæ res spectabit , patriæ salutem anteponet saluti patris . En quam enucleate ethni naturæ mandatum explicit . Etiam de his criminibus admonitus primus pater est , exorandusque . Si inutilis fuerit admonitio , & deprecatio , solendum silentium est .

C A P U T III.

De obedientia filiorum parentibus debita .

I. **Q** UÆST. I. Quæ sunt præcipua officia quæ præcipere parentes filii valent , & in quibus obediere filii parentibus debent ?

RESP. Potissima sunt ut a peccatis abstineant , ut ludos fortis & pecuniarios evitent , ut prævia consortia fugiant , & maxime mulierum familiarem conversationem , ut pompas , luxum , & fastum devitent , ut legem Dei observent , preces recitent , Ecclesiam frequentent , & Christiani officia exacte obeant : ut artem convenientem addiscant , ut de bonis patris absque licentia non disponant : næ multa . filii tenentur obediere parentibus in iis omnibus quæ aut animi , Deique cultum , aut civile regimen spectant . Antequam autem filius gravis calpa damnetur , plura spectanda sunt præsertim materiæ gravitas , & patris deliberatum mandatum .

II. In rebus prævias filii obediere parentibus nec

nec possunt, nec debent. Inquit enim Act. 5. S. Petrus : *Obedire oportet Deo magis quam hominibus* : & Christus Matth. c. 10. Qui amat patrem, aut matrem plusquam me, non est me dignus. Heinc parentibus dissidentibus statum religiosum in regulari disciplina florentem, non tenentur filii obedire. Si vero parentes impeditent, non statum religiosum, sed ne hanc, aut illam Religionem collapsæ disciplinæ amplectenterentur, & suaderent ut hanc, aut illam Religionem eligerent, in qua disciplina regularis vigeret; tunc parentibus bene moratis, & prudentibus obedire filii deberent. Immo felices filii quibus tales Deus parentes concessit. Et quamvis parentes nequeant a statu religioso filios retrahere, possunt tamen, immo tenentur parentes expendere, num Ordo quem ingredi filius deliberat, servet disciplinam propriæ professionis, morumque sanctitate fulgeat: & tunc confirmare filios in vocatione debent. Si contra res se habeat, instruant filios ut exactæ disciplinæ Religionem feligant. Vx parentibus illis qui ut familiam exonerent, curant ut filii indiscriminatum quamcumque Religionem ingrediantur.

III. QUEST. II. Possunt ne filii, invitatis parentibus, licite matrimonium int̄re? RESP. Si sponsi sint ejusdem conditionis, Salmantenses cum aliis contendunt peccare dumtaxat venialiter filios, si inconsultis parentibus, & invitatis nuptias celebrant. Quam opinionem rejiciendam puto. Liberi sunt filii in matrimonio contrahendo; at liberi non sunt a præcepto colendi parentes. Matrimonium est maximum familie negotium, & tam grave negotium peragere inconsulto patre filius poterit? Peccant mortaliter filii hoc in casu, quia in re gravissima contemnunt parentes. Peccant parentes, si ab honestis nuptiis filios retrahant. Laxior est doctrina quæ asserit, nec tunc peccare mortaliter filios, cum inconsultis parentibus indignam sponsam ducunt. Sed nimis laxam opinionem communiter Theologi improbant.

IV. QUEST. III. Peccant ne filii qui parentes abducunt ne testamentum condant? RESP. Adfirmant communiter Theologi. Letalis culpa rei filii sunt qui avertere parentes student ne de bonis propria industria partis disponant, ne pia legata pauperibus distribuant. Peccarent quoque parentes, qui nullo filiorum respectu habito, extraneis patrimonium distribuerent, & in piis legatis designandis nimis excederent cum filiorum detimento. Advertendum tamen, quod non raro parentes in-

certis debitis obstricti sint, & quod multa debeant quæ veris restituere dominis nequivere, aut noluerunt, dum sani erant: idcirco instante mortis articulo, ut suæ prospiciant conscientiæ, & justitiæ onera solvant, plura bona pauperibus, aut piis locis legant. Quare cauti filii esse debent in abducendis parentibus a piis eleemosynis. Curent dumtaxat ut doctos, probosque Theologos consulant.

V. QUEST. IV. Quid in necessitate corporali parentibus prestare filii debeant? RESP. Parentibus gravi necessitate pressis alimenta exhibere filii tenentur, naturæ jure eos ad id astringente. Non tenentur filii Religionem egredi, ut parentibus gravi necessitate pressis succurrant, quia Deo dicati, & consecrati sunt, ut 2. 2. quest. 101. a. 4. ad q. S. Thomas docet. Debent tamen ex Superiorum licentia omnem adhibere industriam ut eisdem suppetias ferant.

VI. Filius habens liberos, & parentes in extrema necessitate constitutos, prius parentibus quam filiis succurere tenetur. Prius enim filius erga parentes, quam erga proprios filios debitum contraxit. Similiter parentes in extrema necessitate præferendi sunt creditoribus.

C A P U T I V.

De officiis parentum in filios.

I. PRimum omnium alere, educare, custodire, a malis præservare filios parentes debent. Legatur Catechismus Tridentinus par. 3. n. 21. de 4. præcep. Potissimum instruere filios parentes debent in divina legis mandatis, fideique articulis, continenter in Dei amore, & proximi exercere eos debent. Communiter diligentes sunt tum parentes, tum Parochi in explicandis pueris fidei articulis; at negligentes ut plurimum esse solent in expoundendis morum præceptis. Immo si verbis, saltem praxi opposita via eisdem edocent. Caveant parentes ne filii iurationes superfluas, luxum, fastum, superbiam, avaritiam, aliaque vitia ab ipsis addiscant.

II. Continuo ac rationis usum adepti pueri sunt, debent parentes explicare iisdem verum sensum professionis quam in Baptismate edidere. Abrenuntio Satanae, & omnibus pompi, & operibus ejus. Quæ sint pompa istæ exponere debent. Sunt autem theatra, comediaz, choreæ, vanus & impudicus vestitus,

tus, & opera omnia quæ referri in Dei gloriam nequeunt. Eos edoceant natos esse ut Deum aiment, ut vitam suam ad vitam Christi crucifixi conforment. *Quos preservit, & predestinavit conformes fieri imagini Filii sui.* Non posse eos duobus dominis servire, Christo nempe, & mundo; sed alterutrum habere odio debent. Imprimant in eorumdem aūmis vitam hanc campum esse continui prælli adversus diabolum, mundum, & propriam carnem, & sensus theatrum & scānam brevissime duraturam, in qua nos Deus constituit tanquam milites in vivo & ardenti bello, ut hostium victoria regnum æternum indipiscamus: hoc omnia studia nostra dirigere debere. Hæc christiana Moralis imprimenda est in filiorum mentibus. Hic clavus perpetuo tundendus est. Fidei mysteria facile addiscuntur, quia non incommodant; at christiana Moralis, utpote contraria carni, sanguini, & appetitionibus humanis, si hodie addiscitur, cras dediscitur: quia adversus hanc christianam Moralem hostes, caro scilicet, mundus, & dæmones, incredibile impetu beligerant: idcirco instaurare continenter bellum debemus, & divinæ legis meditationem renovare. Studia ergo & diligentiam omnem hue conferant parentes, & Parochi, ut legis præcepta, & sinceram Christianismi professionem filios doceant. Parentes, & Parochi in hac instructione negligentes peccant in Deum, in Rempublicam, in societatem, in naturam ipsam.

III. Curare deinde parentes debent ut eas artes, & disciplinas addiscant filii quæ proprio statui convenient. Illos instruant ut in statu eligendo Deum consulant, & continua precibus ab eodem postulent lumen, & gratiam illum statum eligendi in quo facilius salvas facere proprias animas queant. Caveant parentes ne impedimenta filii apponant in status electione, dummodo prudenter, & docti probique viri consilio approbata electio sit.

IV. Insuper parentes non verbis modo, verum etiam virga corrigere, & punire filios suos tenentur, ut Scriptura divina Prov. 13. prescribit: *Qui parcit virgæ, odit filium suum.* Qui autem diligit illum, instanter erudit. Et rursus cap. 22. *Stultitia colligata est in corde pueri.* Virga discipline fugabit eam. Moderatam virgam adhibeant parentes in pueritia filiorum; dum puberes evaserunt, & adolescentes, virga rationis & instructionis utantur. Difficillima est filiorum educatione. Extrema aut nimia familiaritatis, aut

nimia severitatis declinanda sunt; sed medium tenere viam arduum est. Donum educationis ferventi oratione a Deo petendum est. Corrigere, & moderate verberare filios clericos parentes posse minoribus ordinibus initiatos, quin excommunicationem incurvant, docent omnes. Probabilius quoque & eosdem sacris ordinibus insignitos, gravi urgente causa, & solo correctionis studio, non temere, neque ira percitos, posse parentes virga plectere filios suos, quin excommunicationem incurvant.

V. QUEST. I. *Quid nomine alimentorum, quæ præbere filiis parentes debent, intelligitur?* RESP. Jure naturæ pater filio alimenta præbere astringitur, usquedum sub patria potestate filius permanet. Nomine alimentorum intelliguntur vietus, vestitus, & habitatio. Sub nomine vietus, & vestitus veniunt quoque medicinae: item expensa in artibus addiscendis, quæ proprio competit statui, & in funere eorumdem. Uxores quoque filiorum, quas consentientibus parentibus iidem duxerunt, alere parentes tenentur. Hæc alimenta præbere parentes debent juxta proprii status conditionem.

VI. QUEST. II. *Peccant ne parentes, si filios suos alendos in hospitali exponant?* RESP. Si parentes alere filios suos queunt, mortaliiter peccant, si eosdem nutriendos hospitali tradant; secus si eos alere nequirent sine gravissimo incommode, & vita periculo. Peccant similiter parentes divites, qui ad evitandam matris infamiam filios illegitimos hospitali tradunt alendos, nisi solvant expensas. Et hoc in casu ad restitutionem tenentur: & hospitale, si parentes divites resciat, jure repetere expensas valet. Domini quoque tenentur alere seruos suos, peccantque, si Ecclesiæ, aut alteri pio loco alendos exponant, cum ipsi eosdem alere queant. Peccarent quoque divites quorum janujs expositi infantes sunt, si aliorum janujs exponebrent: quia in tali necessitate omnes astrin-guntur elemosynam alimentorum erogare. Parentes qui exponunt filios suos, privantur potestate patriæ, & filii expositi liberi evadunt.

VII. QUEST. III. *Tenetur ne pater aliamenta dare filio naturali?* RESP. Filii alii sunt naturales tantum, qui extra matrimonium ex viro & femina solutis, sed tempore conceptionis nubere simul volentibus procreati sunt. Legitimi & naturales ex matrimonio valido nascuntur. Spurii ex adulterio, & incestu, & sacrilego concubitu pa-

riuntur. Legitimi denique, & non naturales dicuntur illi qui ex legum præscripto adoptantur. Filios naturales alere parentes astringuntur, ut omnes docent: si filiis legitimis carent, instituere heredes naturales valent, nisi vetitum lege sit. Filios quoque spurious nutrire parentes tenentur. Quoniam hæc spuriæ macula non tollit quin ejusmodi filii naturales sint. S. Pius V. constitutio nem edidit, qua vetat spurious heredes instituere. Similiter filias spuriæ dotare astringitur. Filii clericorum, vel Religiosorum ali a patre debent, quandiu pater vivit, si tamen is alere eos valet. Nam si Religiosus sit voto paupertatis ligatus, nihil habet de quo disponere queat. Onus alendi filios spurious primum incumbit patri, deinde matri.

VIII. QUEST. iv. Tenentur ne matres proprio lacte filios alere? RESP. Adfirmant omnes non Christiani modo, verum etiam ethnici. Quare propriam professionem infamant christiane matres, quæ alias mulierculis filios laetandos tradant. Recentiores plurimi docent, solam nobilitatem causam sufficientem esse cur matres tradere alias mulieribus filios laetandos possint. Et cur hoc? Quia sic consuetudo obtinet. Hanc opinionem rejicio ut falsam, & legi naturæ infestam. Peccare matres istas quæ nulla alia præter causam nobilitatis, & commodi ductæ alias feminis laetandos filios tradunt, mihi certum est. Grandum vero culpæ levis, aut gravis ignoro. Causæ excusantes a culpa sunt imbecillitas matri, paupertas, mamillarum siccitas. Frequentissime matres lactare filios negligunt, ut venustiores conserventur, & veneri liberius indulgeant. Quare mirandum non est, si filii communiter dissoluti sint. Plantæ ipsæ, si in asperius solum transferantur, si oleastris silvestribus inferantur, si agni ovium capris lactantia tradantur, deteriores evadunt.

IX. Mater quæ ex aliqua justa causa nequit lactare filios, graviter peccat, si negligat bonam querere nutricem, quando tamen gravis fit oscitantia. Quando lactare mater nequit filium pater tenetur expensas facere, & nutricem conducere.

X. Dotare filiam pater astringitur, quia dos succedit loco alimentorum. Si indigno nubere velit, & minor sit viginti quinque annorum, non tenetur pater dotem dare; si vigintiquinque annorum major sit, dotem præbere astringitur pater, etiamsi indigno nubat: quia culpa patris vertitur, quod indignum ducat sponsum: si enim tempore

congruo illam nuptiæ tradidisset, dignum forte sponsum duxisset.

XI. QUEST. v. Occurrunt ne cause cur pater denegare filiis alimenta queat? RESP. Quas ob causas exheredare pater filios valet, potest & alimenta statui congrua denegare. Alimenta vero necessaria ad naturæ sustentationem nunquam denegari valent, cum nunquam licitum sit quemquam interimere. Quatuordecim autem numerantur causæ ob quas exheredare pater filios potest. 1. si filius manus violentas in patrem injecerit. 2. si verba judicis sententia injuriosa potulerit in patrem. 3. Si in judicio patrem, matremve accusaverit, excepta patriæ proditione, vel hæresis delicto. 4. si filius veneficus sit, aut cum beneficis convergetur. 5. Si parentum vitæ infidias filius struxerit. 6. si patris uxorem, aut concubinam cognoverit. 7. si delatione filii in judicio facta grave dispendium pater expertus sit. 8. si pro patre noluerit filius fide jubere. 9. si patrem, aut matrem impedierit testamentum conde re. 10. si filius cum mimis, & arenariis, qui pacto pretio has artes exercent, societatem inierit. 11. si patrem, matremve ammentem curare filius neglexerit. 12. si filia nubere, patre dotem præbente, recusaverit, ut luxuriosam vitam ducat. 13. si captivos parentes redimere contempserit filius. 14. si a fide catholica filius desciverit. Hæc quatuordecim causæ in Authentica Justiniani recessentur.

C A P U T V.

De obligatione mariti erga uxorem, & uxoris erga maritum; & mutuo fratrum, & sororum debito.

I. QUEST. UNIC. Tenetur ne maritus alimenta uxori præbere? RESP. Adfirmant omnes, etiam quando sine do te libere eam duxit. Si vero uxor promis sam dotem solvere negligerat, suspendere maritus alimenta valet. Quando uxor sine iusta causa a marito recelit, non tenetur maritus alimenta subministrare. Si vero maritus in causa fuerit cur recesserit, tunc eam alere astringitur. Mulieri adulteræ non astringitur maritus alimenta dare in foro interiori. In foro vero exteriori eidem denegare alimenta nequit, usquedam considererit judicis sententia eam esse adulteram.

II. Maritus tenetur cum uxore cohabita re, cum in hunc finem institutum matrimonium

nium sit, ut conjuges prolem generent. Ad generationem autem necessaria est cohabitatio. Plures tamen occurrere causæ valent cur hæc suspendi coabitatio possit. 1. consensus mutuus. 2. exilium judicis sententia præscriptum. 3. bellum Principis mandato suscepsum. 4. brevis peregrinatio. Denique cum vir mulieris sit caput, debet maritus curare ut uxor christianæ professionis munia impleat, ut promissionem in Baptismate Deo factam renuntiandi mundi pompis servet. Si mariti obedientes uxores avert, continuo ac ingrediuntur propriam domum in ordinem redigant, intra modestiæ & subiectionis regulas coercent. Si initio vel tantillum habebas laxent, jaæta alea est.

III. Honorem, & obedientiam debent maritis suis uxores, peccantque dum illorum mandatis refragantur, quibus vertant vanos ornatus, & incompositos mores. Inservire præterea marito uxor tenetur in domus regimine, & agrotanti marito suppetias ferre. Peccaret uxor quez cohabitare cum marito, ant maritum alio commigrantem sequi recusaret, nisi pactum ante matrimonium præcesserit non mutandi domicilium. Si tamen infirmitatis causa mutare cælum maritus cogitur, si in exilium agatur, sequi eum uxor astringitur, etiamsi pactum præcessisset. Cum gravi tamen sanitatis detramento non astringitur uxor maritum sequi, neque ei debitum reddere: neque maritum vagum, si ante matrimonium non vagabatur, sequi uxor astringitur. Maritum pauperem debet uxor alere, cum abundat bonis dotalibus, vel paraphernalibus. Similiter si maritus debita contraxit ut uxorem alereret, defuncto marito solvere hæc debita uxor debet. Secus si maritus, cum debita contraxit, dives erat. Tunc enim tenebatur uxorem alere.

IV. In gravi necessitate tenetur frater fratris providere, & multo magis sorori, quam dotare etiam juxta vires debet. Frater succedit fratri ab intestato, jus autem succendi in hereditate comparatur juri præbendi alimenta. Hoc intelligitur, cum fratres ab eodem patre geniti sunt: si sint tantum uterini, tunc frater alere fratrem & sororem debet in gravi necessitate; hanc vero dote non astringitur.

V. Clericus beneficiatus potest in gravi necessitate alimenta præbere fratribus, & sororibus ex fructibus beneficii, quos in pauperes erogare debet. Fratres autem pauperes præferri aliis pauperibus debent. Fratres in bonorum partitione debent omnia bona

in commune acervum conferre, si cum aliis portionem habere velint, iis tamen exceptis quæ aliquo peculiari jure unus fratum possidet.

C A P U T VI.

De officiis Ecclesiasticorum, & Principum erga subditos; & de istorum erga hos superiores culta, & obsequio. Item de servorum debito erga dominos, & istorum in servos, & famulos.

I. **P**arentum nomine potissimum spirituales pastores Parochi, Prælati, Episcopi, Sacerdotes, & magistri veniunt. Nec refert quod istorum aliqui mali sint: quoniam ratione dignitatis & gradus parentum loco habentur, & eorum dignitati honor, cultus, & obsequium debetur. Illi autem verbo, & exemplo instruere fideles debent, & cælesti veritatis pabulo alere: a vitiis, quoad possunt, revocare, & in virtutis semitam redigere. Si exigere reverentia, & obsequii tributum velint, parentum spirituallia officia ipsi obeant.

II. Principum officium est subditorum pacem, & tranquillitatem sovare, Ecclesiam defendere, iustitiam administrare, viduas, pupilloisque protegere, dignioribus gradus, & dignitates exercendas distribuere.

III. Subditorum erga Principes officia sunt honor, reverentia, & obedientia, ut divinae Scripturæ, & jus ipsum naturale clamant. Inquit enim epist. I. cap. 2. S. Petrus: *Subiecti igitur estote omni humanae creature propter Deum Servi subditi estote in omni timore dominis, non tantum bonis, & modestis, sed etiam discolis.*

IV. Triplex est servitus, naturalis, legalis, & conductitia. Naturalis est ea qua voluntaria deditione imbecilliores fortioribus subjiciuntur, ut ab eisdem regantur, gubernentur, & defendantur. Legalis legibus inventa est, & hac homines subjiciuntur dominis in eorum utilitatem, & commodum. Conductitia ea est qua homines conducuntur ad certas operas faciendas. Prima nullum jus in personam, sive in actiones includit; secunda tum in personam, tum in actiones jus præbet; tertia in operas locatas tantum.

V. Servi justo bello capti fugam arripere jure valent, quamquam aliqui negent. Quoniam ius gentium, vi cuius invicta servitus ista est, hanc adjectit conditionem, ut cuique liberum sit fugam arripere, si possit.

Acce-

Accedit praxis universalis, & nationum consensus. Advertunt tamen istius sententia Theologi, tunc licitam fugam esse cum libertatem acquirere, & in patriam se recipere servi queunt.

VI. Urgente necessitate licita est servitus titulo venditionis. Qui enim suæ libertatis dominus est, eam justam ob causam vendere jure valet. Quare nemini licitum est lucri causa seipsum vendere: neque pater vendere filium potest ut lucretur, sed solum ut seipsum indemnem servet ab aliquo gravi imminentि periculo. Qui a se, vel a parentibus venditus legitime est, arripere fugam nullo modo valet, ut omnes docent, quia justum contractum violaret, & ad restitucionem teneretur. Nativitas legitimus servitatis titulus est. Natus ex matre serva, servus evadit, etiam si pater liber sit: quia partus sequitur ventrem.

VII. Vita, & mors servorum non est in arbitrio dominorum constituta. Solus enim Deus vita, ac mortis Dominus est. Romanis licita erat servorum occisio; sed legibus coercita illorum potestas fuit. Moderate eosdem punire, in carcerem detinere ne fugiant, queunt. Dominus occidens servum tenetur recompensare heredibus interficti damnum quod passi sunt. Domini servis alimenta tum corporalia, tum spiritualia praebere debent, ut omnes adfirmant.

VIII. QUEST. UNIC. Servi tenentur ne comitari dominos ad fornicandum? RESP. Opinio affirmans falsa est & laxa. Servi honorare dominos, revereri, & illis obediare tenentur in omnibus quæ non repugnant divina legi; in iis vero quæ repugnant, obedire non possunt. Debent dominorum bona ex justitia custodiare. Quidquid acquirunt servi, acquirunt dominis suis.

IX. Domini solvere salarium famulis debent, quando famulatum impleverint. Famuli qui locarunt industriam per annum, si intra hoc temporis spatium ægrotent, non tenetur dominus solvere salarium pro tempore quo famulus ægrotavit: si ante annum expletum famulus libere discedat, & dominus revera patiatur ob talem discessum detrimentum, potest compensationem repetere; si nullum subeat detrimentum, salarium solvat pro tempore quo laboravit. Domini solvere mercedem famulis tenentur juxta quantitatem, & qualitatem laboris secundum communem exihibitionem, etiam si paucum deducta merces non sit. Neque assignari præcisa justæ mercedis regula potest. Sed præ-

Tom. I.

xis, & consuetudo consuli debent. Si domini minus solvunt quam mereatur servitum famuli, ad restitutionem tenentur. Dominus qui famulum conductum ad annum absque justa causa ante completem annum dimittit, tenet integrum mercedem solvere, quia famulus ob talem expulsionem grave patitur damnum. Et etiam si damnum per accidens non subiret famulus, semper dominus in iustitia crimen patraret. Peccant domini, si impediane famuli contrahant matrimonium.

L I B E R V.

IN V. VI. & IX. DECALOGI PRÆCEPTUM.

D I S S E R T A T I O I.

De homicidio, duello, & bello.

C A P U T I.

Recensentur propositiones damnatae ab Ale-
xand. VII. & Ven. Innoc. XI.

I. **V**est eques ad duellum provocatus posse illud acceptare, ne timiditatis notam apud alios incurvat. 2. Alex. VII.

II. Est licitum Religioso, vel Clerico, calumniatoris gravia crimina de se, vel de sua Religionis spargere minantem occidere, quando alius modus defendendi non suppetit, uti non suppetere videtur, si calumniator sit paratus vel ipse Religioso, vel ejus Religioni publice, & coram gravissimis viris predicta impingere, nisi occidatur. 17. Alex. VII.

III. Licet interficere falsum accusatorem, falsos testes, ac etiam judicem, a quo inique certe imminet sententia, si alia via non potest innocens damnum evitare. 18. Alex. VII.

IV. Non peccat maritus occidens propria auctoritate uxorum in adulterio deprehensam. 19. Alex. VII.

V. Fas est viro honorato occidere invasorem qui nititur calumniam inferre, si aliter haec ignominia vitari nequit. Idem quoque dicendum, si quis impingat alapam, vel fuste percussat, & post impactum alapam, vel ictum fustis fugiat. 30. Innoc. XI.

VI. Regulariter occidere possum furem præconseruatione unius aurei. 31. Innoc. XI.

VII. Non solum licitum est defendere defensione occisiva que actu possidemus, sed etiam ad quæ jus inchoatum habemus, & quæ nos possesturos speramus. 32. Innoc. XI.

VIII. *Licitum est tam heredi, quam legatario contra ius iuste impudentem ne vel hereditas adeatur, vel legata solvantur, se taliter defendere, sicut & jus habenti in cibedram, vel præbendam contra eorum possessionem iuste impudentem* 33. Innoc. XI.

IX. *Licet procurare abortum ante animatem fetus, ne puella deprehensa grava occidatur, aut infametur.* 34. Innoc. XI.

C A P U T II.

Propositiones quedam laxæ.

I. „ **U**bi est scripta expressa permisso a Deo ut Reges, & Republicæ possint interficere reos? An est in Scriptura? an in traditione? est ne fidei articulus? Si solo lumine naturali eo ducimur, patet re ex eodem lumine naturali judicemus, quid cuique privato liceat in occidendo aggressore, non solius vitæ, verum etiam honoris, & rei. “ Clerus Gallicanus anno 1700. in Comitiis generalibus hanc doctrinam damnavit ut scandalosam, erroneam, & hereticam, Regibus, & Rebus publicis injuriosam, vanis ratiociniis, & regulis vietam hominum, & morum decreta subficienter.

II. „ An homo religiosus, qui fragilitati cedens feminam vilem cognovit, quæ homini dicens se prostituisse viro tanto, rem enarrat, & eundem infamat, possit illam occidere? Resp. *Quid scio?* “ Caramuel in Theol. fund. num. 1153. Hæret suspensus; & hoc sat est ut ex Probabilismi doctrina colligatur, id licere: quia quando lex est dubia, homo liber a lege est.

III. „ *Regulæ ille occidere possum furem pro conservatione unius aurei.* Propositio dñna minata solum vult, id non licere regulariter; esto in aliquibus circumstantiis possit id licere. “ Dominicus Viva in Trut. in prop. 19. Alex. VII. num. 10.

IV. „ Potest quidem vir nobilis volentem impingere alapam gladio impedire, &, ut multi docent, etiam defensione occisi, va se defendere. “ Idem Viva in propos. damn. 17. & 18. Alex. VII. num. 9.

V. „ Vir equestris non tenetur fugere a gressore cum suo dedecore; sed potest ab illo se se defendere defensione occisi, va se defendere. “ Idem Viva in prop. damn. 17. Alex. VII. num. 5.

VI. „ Etiam ad honorem necessarium tueri, dum viro honorato licere occidere inju-

, sum, ac contumeliosum aggressorem, dent DD. & sine dubio verissimum est in hac suppositione quod vir honoratus in aliquo casu aliter ignominiam, vel contumeliam repellere, honoremque sibi afferendum aliter tueri non possit, nisi occidente aggr efforem contumeliosum. “ Partritus Sporer tract. 5. in 5. precep. Decal. cap. 2. sec. 3. §. 4. num. 159.

VII. „ Licet ad honorem tuendum, invasorem post impactum alapam, sustem, vel vulnus fugientem insequiri, & occidere. Censeo hanc sententiam esse probabilem, & tutam in praxi: quia dum adversarius fugit, & percussus insequitur, moraliter adhuc durat congressus. “ Diana Tom. 8. coord. tract. 5. resol. 7. num. 3. & 6. items resol. 8. n. 2.

VIII. „ An si judex desit, possit quis intrare in locum ubi rem furatam in pacifica possessione fur constituit, & illum occidere cum moderamine &c. Respondeo affirmative, “ Idem Diana loc. cit. resol. 131. in titul. & num. 1.

IX. „ Si re accepta fugias, tunc possumus insequiri & ferire; vel si necesse sit, eminus telo petere. . . . si invadas res meas per famulum, vel arte magica per demonem, nec alia ratione quam nece tua possit impediti; si conjuraveris in mea damnna; si impediatis inique meos creditores ne mihi satisfaciant; si falsa accusatione, vel falso testimonio me fortunis coneris everttere; nec alia ratio impediendi superpetat. “ P. Leonardus Lessius l. 2. de just. c. 9. dubit. 2. num. 74. & 75.

X. „ Petes, an sit contra justitiam, si furem procul fugientem conficias, quando res judicio est recuperabilis? Respondetur, verius videre non esse. “ Idem Lessius loc. cit. num. 70. & 71.

XI. „ *Fas universum est interficere eum qui nos interficere decrevit, quando aliter non patet via evadendi mortem, graveve periculum mortis, quod nequitia illius ex eo decreto nobis imminet; sive qui id ita decrevit, dicendus jam aggressor sit, sive non: id enim quæstio est de vocabulo.* “ Ludovicus Molina de just. Tom. IV. tract. 3. disp. 12. num 2.

XII. „ Probabilius respondeo licere, & absque metu irregularitatis, occidere occulæ culte litigatorem, si constet aperte & omnino certo, dictum litigatorem omnino iuste, & per calumniam procedere, & etiam sit omnia certum quod innocens,

„ sua

„ sua bona irrecuperabiliter amissurus est,
„ nec aliud sibi remedium ad ea recuperan-
„ da suppetat. " P. Leander a SS. Sacram.
Par. V. tract. 2. disp. 13. quest. 50.

XIII. „ An post decretum Innocentii XI.
„ licitum sit invasorem honoris cum mode-
„ ramine inculpatæ tutelæ occidere? Proba-
„ bilius multo respondeo, etiam post decre-
„ tum SS. P. N. Innocentii XI. licitum es-
„ se: quia ex propositione particulari ad u-
„ niveralem non tenet consequentia. " Em-
manuel a Conceptione, seu continuator Le-
andri a SS. Sacram. Par. IV. in ordin. IX.
tr. 2. disp. 3. quest. 6.

XIV. An post dictam P. N. Innocentii
„ decretum licitum sit occidere eum qui di-
„ cit, *Mentiris*; aut contumeliam profert
„ perfecte, ut *tu es infamis*, *male caste* &c.
„ vel imperfecte, ut *tu es infam.* *male*
„ *gen.* si aliter injuria repellit non po-
„ test? Probabilius respondeo affirmative. " Idem Emmanuel a Concept. loc. cit. qu. II.

XV. „ Qui invalidus ab altero sive armis,
„ sive contumeliis, si potest fugere, & ma-
„ lum declinare non tamen fugit, sed cum
„ debita moderatione se defendit, & alterum
„ occidit, non tenetur ad restitutionem. " Dominicus Viva in suo cursu theologico
moral. Tom. I. Par. 3. de rest. qu. 7. art. I.
num. 2.

XVI. „ Si rarissimo casu eo loco sita res
„ est ut miles in exercitu, vir equestris in
„ aula regia, officio, dignitate, Ducis aut
„ Principis favore, ob ignaviam suspicionem
„ excidere debeat, nisi idem tempore provocan-
„ ti se sisca; non audeo damnare eum qui
„ meret defensionis gratia paruerit. " Paulus Layman lib. 3. de just. tract. 3. part. 3.
cap. 3. num. 3.

XVII. „ Dubium autem est an liceat in-
„ nocenti id duellum acceptare, sive offer-
„ re, quando certum est fore ut actor per
„ fraudem in judicio ipsum opprimat, &
„ ejus injustam condemnationem impetrat.
„ Quidam neutrum licere ajunt... sed me-
„ lius alii dicunt, licere huic innocentium duellum
„ *ad vitam, honorem, & res familia-*
„ *res* in notabili quantitate tuendas, quan-
„ do constat omnino injuste, & per calu-
„ mniā actorem procedere; & certum o-
„ mnino est fore ut innocens hæc amittat,
„ nec aliud sibi evadendi remedium suppe-
„ rat.... Atque optime Bannez ait, licere
„ innocentium in his casibus acceptare, & of-
„ ferre duellum.... Immo & non provo-
„ cando ad duellum interficere occulte acto-

„ rem illum calumniosum, cum hæc occiso
„ vera sit defensio. Immo bene Nav. ait,
„ teneri innocentem non acceptare duellum,
„ nec indicere, si potest *occulte illum occi-*
„ *dendo* id vitæ, honoris, rerum familiarium
„ periculum evadere. Quippe sic proprium
„ vitæ periculum in duello imminens vita-
„ bit, & peccatum auctoris offerentis, aut
„ acceptantis duellum. Thomas Sanchez
lib. 2. in Decal. cap. 39. n. 7.

XVIII. „ Pro re minima non videtur con-
„ cessum jus defensionis cum tanto alterius
„ malo. Est enim valde iniquum ut *pro po-*
„ *mo*, vel etiam uno aureo servando alicui
„ vita auferatur. Si tamen verteretur pro-
„ bro tibi, nisi rem furi extorqueas, posses
„ conari, & si opus esset, etiam *occidere*
„ juxta Sotum. Tunc enim non tam rei,
„ quam honoris esset defensio. " Lessius *de*
just. & jur. lib. 3. c. 9. dub. 2. n. 68.

XIX. „ In propositione 17. damnata ab
„ Alexandro VII. quæ ajebat, licere Reli-
„ gioso, vel Clerico occidere calumniatorem
„ gravia criminis in eos minitatem, si alio
„ modo vitari non possit, non venit damnati-
„ tum dicere, licitum illis esse calumniato-
„ rem occidere, quando actu injuriosa ver-
„ ba in eos profert famæ valde laetiva, si
„ alia via non est tantum malum vitandi. " Torrecilla in propos. damn. ad dic. propos. n.
14. fol. 471.

XX. „ Immo nec damnatum venit dice-
„ re, solunmodo esse peccatum veniale in
„ Religioso, vel Clerico, in casu propositi-
„ onis damnata, occidere calumniatorem. " Idem Torrecilla ibi n. 22. fol 471.

XXI. „ In propositione 18. ab Innoc. XI.
„ damnata de occidente falsi accusatoris,
„ falsi testis, & judicis, a quibus imminet
„ damnum quod evitari non potest, non ve-
„ nit damnatum dicere, doctrinam propo-
„ sitionis esse speculative probabilem, nec
„ inhibitum dicere, quod si practice id fiat,
„ tantummodo veniale peccatum erit. " Idem Torrecilla. Ibid. ad dic. prop. num. 9.
fol. 472.

XXII. „ Adhuc stante damnatione præ-
„ dictæ propositionis 18. probabile est in-
„ telligendam venire & propositionem, &
„ ejus damnationem de aggressore in actu
„ primo, non de aggressore in actu secun-
„ do, seu de actuali offendente. " Idem Torrecilla ibid. num. 25.

XXIII. „ Potest vir honoratus alium oc-
„ cidere absque letali, quando aliter hono-
„ rem in re gravis momenti tueri non po-

„ test „. Idem Torrecilla Tom. 1. summ. 21. 3. disp. 2. cap. 2. sect. 3. §. 3. num. 121. fol. 476.

XXIV. „ Negari non potest quin saltem „ honorem , famamque illam qua ex virtute „ te , & sapientia nascitur , quippe verus „ honor est , juste defendere Clerici , & Re- „ ligiosi valeant , ac saepe debeant , cum hic „ sit proprius professionis ipsorum , quem si „ amittant , maximum bonum amittunt . „ Nam per hunc redduntur suminopere asti- „ mabiles & conspicui secularibus , quos sua „ virtute dirigere , ac juvare possunt : quo sub- „ lato , nec illos dirigere , nec juvare pote- „ runt . Ergo saltem hunc honorem poterunt „ Clerici , ac Religiosi cum moderamine in- „ culpatæ tutelæ ETIAM CUM MORTE IN- „ VASORIS defendere . Quin interdum , lege „ saltem caritatis , videntur ad illum de- „ fendum teneri , si ex violatione propriæ „ famæ integra Religio infametur „ . Fran- ciscus Amieus Tom. 5. disp. 36. n. 118.

C A P U T III.

*Quid prohibeat quintum Decalogi mandatum
NON OCCIDES. Quam grave sit ho-
mocidii scelus. De potestate Prin-
cipum in facinorosos.*

I. **Q**uintum præceptum Decalogi prohi-
bet homicidium . Homicidium defini-
niri solet : *Injuncta hominis occisio* , sive hæc fiat
publica , sive privata auctoritate . Homicidii
quippe rei sunt vel ipsi Principes , si injun-
ctam imperent occisionem . Quæ autem au-
toritate privata fit , semper injusta est , ne-
cessitate inculpatæ defensionis sublata . Tri-
plex distingui homicidium solet , voluntar-
ium , necessarium , fortuitum . Voluntarium ,
quod malo animo occidendi committitur .
Necessarium , quod lege publica , vel necel-
sariae defensionis jure imperatur . Fortuitum ,
quod præter intentionem accidit .

II. Omnia scelerum , quæ committi in
proximum valent , homicidium est gravissi-
mum ; cum vitam auferat , quæ est omnium
terrenorum bonorum supremum . Præceptum
hoc non modo exteriorem hominis occisio-
nem injustam , verberationem , mutilationem
prohibet , verum etiam quamecumque interio-
rem voluntatem nocendi proximo sive ope ,
sive consilio , sive desiderio .

III. QUÆST. 1. Unde habent supremæ po-
testates facultatem occidendi facinorosos ? RESP.
A Deo supremo vitæ , & mortis Domino , re-

spondet Rom. cap. 3. S. Paulus . Non sine cau-
sa gladium portat : *Dei enim minister est* ,
vindex in iram ei qui male agit . Quare tur-
piter errant illi qui negant a Deo collatam
Regibus , & Principibus potestatem occiden-
di facinorosos : quorum errorem proscriptis
Clerus Gallicanus an. 1700. Immo ipso na-
turæ jure spectato necessario confitenda est
in supremis potestatibus dicta facultas . Nam
necessarius est custos , & defensor , qui natu-
ra ordinem sartum tectum propugnet . Non
potest hunc ordinem custodire Princeps , nisi
coercere , & de medio auferre perturbatores
posset .

IV. Principes clerici , qui temporali juris-
dictione in aliquam civitatem , provinciam ,
aut regnum fruuntur , potestate carent occi-
dendi facinorosos ; sed jus sanguinis confe-
runt judicibus a se delectis . Utrum autem
laici judices a Principibus ecclesiasticis ele-
cti potestatem occidendi facinorosos habeant
a potestate laica , vel ecclesiastica , quæstio
est nullius momenti . Judices damnare reos
nequeunt parte inaudita , nisi evidentissime
confiteat de crimine .

V. QUÆST. II. Possunt ne Principes con-
ferre cuilibet privato potestatem occidendi ban-
nitos , proposito præmio ? RESP. Difficile in
examen voco Principum potestatem , quia
ejusdem confinia ignoro . Hanc potestatem
omnes concedunt Principibus intra proprium
territorium , secus extra . Quia quilibet Prin-
ceps est custos ordinis naturalis & civilis in-
tra proprium principatum , minime extra
eundem ; nisi tamen accedat mutus Prin-
cipium consensus . Quare veram judico Soti
doctrinam , quam olim rejeceram , non omni-
bus scilicet probari morem illum quo supre-
ma aliqua potestas facultatem exilibus suis
a patria impertit alium occidendi proposito
vitæ , & libertatis præmio . Nisi enim alio-
rum Principum consensus accedat , nihil po-
test Princeps in alio principatu concedere .

VI. Accedit quod Principes ob unicam ra-
tionem boni communis costodiendi hanc fa-
cultatem concedunt . Similiter privati solum
amore communis boni exequi hanc occisio-
nem licite queunt . Quis autem est qui in
praxi non odii , non vindictæ impetu , aut
lucri , vel commodi privati spe has occisio-
nes non perpetret ? Præterea judex christia-
nus tenetur concedere tempus congruum pro
sacramentorum susceptione .

VII. QUÆST. III. Utrum judex damnare
possit ad mortem eum quem testes evincunt
reum , si ipse privatim novit innocentem ?
RESP.

RESP. Convenit penes omnes innocentem occidi direcere non posse. Republica nequit tradere tyranno innocentem occidendum: at ipse innocens astringitur se offerre Reipublicæ occidendum, ut servet a tyranno patriam: & tum Republica potest tyranno innocentem tradere, ut Theologi plures docent. Verius tamen dicendum, teneri innocentem pugnare pro patriæ conservatione, & omittere sui defensionem, seu permittere sui occisionem, ut patriam a tyranno præservet. Similiter & Republica cessare ab ejusdem protectione valet in hoc casu. Verum hæc in praxi vix contingunt: ideo obiter ea indicasse sat est, ut compertum sit quid pro servando communis naturæ ordine quisque agere debeat.

VIII. Ad propositam questionem dico, vix occurrere in praxi posse quod judex nequeat liberare innocentem, quem certo tamē ipse cognoscit. Nam si judex supremus sit, potest hoc in casu sua suprema potestate uti, & contra, vel præter allegata & probata agere. Si sit judex inferior, tunc potest accusatum innocentem tradere iudici supremo liberandum, ut fatentur omnes. Potest protrahere iudicium, accusatores falsos, aut deceptos instruere. Tot quippe viæ patent liberandi innocentis, ut vix unquam in praxi contingat casus in quo judex cogatur secundum allegata & probata damnare innocentem. Judicium non potest esse rectum, nisi sit conforme prima veritati: nequit autem esse conforme, si sit falsum. Quare semper ab innocentem damnando abstinentum est.

C A P U T IV.

De homicidio privata auctoritate perpetrato.

I. **Q**UEST. I. Licitum ne sit marito uxori in adulterio deprehensam occidere? **R**ESP. Adfirmantem opinionem propugnariunt plures Juristæ. Sed hanc opinionem damnavit Alexander VII. in hac thesi: *Non peccat maritus occidens propriam uxorem in adulterio deprehensam*. Leges quæ allegantur in favorem damnatae thesis, permittentes sunt, non approbantes. Neque supremus Princeps deprehendens uxorem, aut filiam in adulterio potest secreto & privatim easdem occidere; sed solum ut publicus judex. Et hoc in casu necessaria est publica notitia.

II. **Q**UEST. II. Licitum ne est homicidium
Tom. I.

ob proprie vite defensionem? **R**ESP. Neminem astringi ad sui defensionem cum occisione invasoris, fatentur omnes, sed quisque ob Dei amorem, & caritatis fervorem permittere sui occasionem, ne alterum occidat, ut amici, vel proximi vitam servet, licet, & strenue potest: & tum locum præfertim obtinet hæc doctrina, cum scitur invasorem esse in peccato mortali: eo autem ipso quod quis alterius vitam invadat, sceleste gravissimo inquinatus est.

III. Num vero homo invalidus occidere invasorem licite queat, disputant in utramque partem Theologi. Omnes tamen convenient, servandas esse regulas *inculpate tutela*; videlicet, si vita servari aliqua via possit sine invasoris morte, abstinentum a cæde est: si sola mutilatione, si fuga, si denique aliquo excogitabili medio servari vita potest, occidi licite invasor nequit. Immo homo invalidus numquam licite intendere invasoris cædem, sed dumtaxat propriam defensionem potest, quam consequitur præter intentionem invasoris occisio. In his convenient omnes.

IV. Verum etiam his servatis regulis, negant aliquo in casu licitam esse invasorem iniusti occisionem Theologi plures. Alanus Magnus de Insulis contendit, saeculo 12. inventam esse contrariam opinionem, & antea communem fuisse Patrum doctrinam damnantem talenm occasionem ob propriam defensionem, & contendit hanc esse S. Thomæ mentem. Hanc sententiam defendit ex recentioribus Henricus a S. Ignatio, qui citat Augustinum de Ancona, Hugonem, Richardsonem, Gersonem, Gossam Accursium, Almainum, Cardinalem Norisium, Genetum, Neessem, Van-Rois, & plures alios Lovanienses.

V. Opposita sententia communis est inter Theologos, eamque perspicue 2. 2. quest. 64. art. 7. discutit S. Thomas. Doctrinam S. Thomæ approbat Catechismus Tridentinus p. 3. sec. 8. Ratio est, quia in pari causa quisque potest propriam vitæ alterius preferre, neque plusquam semetipsum proximum diligere astringitur.

VI. Confitendum tamen sincere est, difficillimam esse in praxi hanc innoxiam occisionem. Quis est qui invalidus ad mortem, solam sui defensionem, nequaquam occasionem alterius intendat? qui iram moderetur, qui regulas *inculpate tutela* serveret, & animi tranquillitate se defendere studeat? Quare unice orandus Deus est ne permitrat

nos tali tentatione obsideri. Si invalus peccato mortali inquinatus sit, periculo mortis se exponit, atque adeo damnationis: elicit ne, gladio disticto, contritionem perfectam? Hanc contritionem elicere posset, si ne vel se, vel invasorem in infernum destruderet, permitteret sui occisionem. Quare adeo mihi difficilis in praxi videtur innoxia haec defensio occisiva juxta regulas inculpatæ tutelæ, ut securior permisso occisionis propriæ mihi appareat quam innoxia invasoris cædes.

VII. Innoxia uxor cum marito in lecto eubat. Deprehendit maritum sub cervicali pugionem habere ad se occidendum. Nulla ad fugam rima patet. Nisi præveniat, occiditur. Quid agendum? Non pauci præveniendum invasorem docent. Quam doctrinam evidenter falsam & sanguinolentam dannavit Clerus Gallicanus anno 1700. Num quam enim prævenire aggressorem licet, sed solum se defendere etiam juxta mitiorem secundam opinionem, quam retulimus. Reponunt adversarii, non aggredi, sed se defendere mulierem eo in casu. Ita ne vero? Dormientem maritum necat, & non aggreditur? Aggressio haec, ajunt, materialis est. Similiter ajunt provocatum ad duellum posse illud acceptare, ut suum honorem defendat: quia, inquiunt, talis acceptatio non est duelum acceptare, sed se defendere. His vanissimis commentis non infreuerter non pauci laxant sanctam Evangelii legem.

VIII. Qui defendant, numquam licitam esse occisionem invasoris, hoc potissimum argumento nituntur. Lex caritatis jubet ut salus spiritualis & æterna proximi præferatur vitæ meæ temporali. Vera doctrina haec est, quando vita mea temporalis medium necessarium est. Laborat quis ignorantia vincibili eorum quæ necessaria sunt ad salutem. Ego solus occurrere possum: teneor animæ æternum periclitanti succurrere cum vitæ discrimine. At invasor armata manu libere me aggreditur, & desistere, si velit, potest. Quare doctrina de licita defensione, ex qua sequitur invasoris occisio, vera absolute est. Sed praxis, ut dixi, difficillima, & æterni periculi plenissima est. Propterea item inculco orandum Deum esse ut a tali occasione præservet.

IX. QUEST. III. *Licita ne sit calumnioris occisio?* RESP. Adfirmarunt plures. Sed thesim damnavit Alexander VII. quam descripsi cap. I. Thesim docuit P. Amicus, sed disputationis gratia, inquit P. Viva in Tru-

tina ad thesim 17. Sola lectio doctrinæ P. Amici declarat vanam esse interpretationem P. Viva.

X. QUEST. IV. *Occidendum ne sit calumnioris ob defensionem honoris magni momenti, cum moderamine inculpatæ tutelæ?* RESP. Adfirmant aliqui etiam post damnatas ab Alex. VII. theses. Quin hanc opinionem communem appellant Salmanticenses, & pro eadem referunt Molinam, Lessium, Fagundez, Vasquez, Dicastillum, Tamburinum, Leandrum, Antonium a Spiritu sancto, Bannez, Lugo, Tapia, Serra, Navarra, & alios similes Doctores. Eamdem defendunt P. Viva, Sporer, Antonius Casnedi, qui ait omnes TT. eamdem defendere. Quoniam, inquiunt, honor vitæ comparatur. Ergo sicut ob vitæ, ita & pro honoris licta est calumniatoris occisio.

XI. Præfata sententia hostiliter pugnat cum Christianismi spiritu, & antievangelica est. Inquit enim Evangelium Matth. 5. *Orate pro perséquentibus, & calumniantibus vos.* Et laudati auctores dicunt: *Occidite calumniantes vos.* Quare rejicio hanc propositionem P. Viva in trut. ad thes. 17. Alex. VII. num. 9. *Potest quidem vir nobilis voluntem impingere alapam, gladio impedire, &, ut multi docent, etiam defensione occisiva se defendere.* Christus Jesus dicit: *Si quis te percussir in dexteram maxillam tuam, præbe illi & alteram.* RESP. P. Daniel Stadler in suo de duello honoris vindice opere: *Rara avis in terris.* Et si haec Probabilistarum doctrina obtineat, rariissima haec avis erit. Non minus bellum Evangelio indicit haec altera doctrina P. Viva ibidem num. 5. pag. 58. *Vir equestris non tenetur fugere aggressorem cum suo dedecore, sed potest ab illo se defendere defensione occisiva.* Nimis quoque laxa est haec doctrina P. La-Croix: *Non tenoris fugere invasorem, si per hoc incurras gravem ignominiam.* Lib. 3. p. 1. n. 803. pag. 207. Plura alia laxa paradoxa, quæ idem Viva, Sporer, Diana, & alii Probabilistæ docent, prætero. Haec pauca indicavi, non ut auctoribus istis, quorum intentionem, animumque pium fuisse credo, invidiam crearem; sed ut lectors cautos efficerem in legendis hujusmodi libris.

XII. Præfamat doctrinam contineri in thesi 30. damnata ab Innocentio XI. & supra rescripta, mihi certum apparet: & quod plus est, pugnare cum Evangelio evidens. Nam tolerantia calumniarum, & fuga persecutionum aut infamis est, aut fecus. Si primum;

infamem rem Christus præcipit, cum jubet orandum pro calumniatoribus. Hæc vero blasphemia est. Si secundum; ruit adversantium fundamentum. Paucis rem conficio. Fugere invasorem, alapam pati, calumnatores tolerare dedecet virum equestrem nobilem antichristianum, Evangelii hostem, & mundani honoris idolatram, verum est: summopere vero decet nobilem equestrem, virum christianum, Evangelii professorem, Dei famulum, & Iesu Christi discipulum.

XIII. Duplex distingendus honor est: alter in opinione humana, & mundi apprehensione fundatus, alter operum honestate partus. Hunc magni facere, illum contemnere Christianus debet. Fuga invasoris, tolerantia alapæ, percussionis, calumniarum, actiones sanctæ sunt, honoremque viro christiano dignum pariunt. Mundi, & diaboli aseclæ hinc infamiam, & dedecus proficiisci blaterant. Consilii hæc sunt, repouunt aliqui. Gravissimi præcepti hæc sunt, intonant Evangelistæ, necessitate urgente vitudi homicidi.

XIV. QUÆST. V. Licitæ ne est hominis invasoris occiso ob conservationem bonorum temporalium? RESP. Adfirmat major Theologorum recentium pars, quando bona magni momenti sint. Evincere contendunt auctoritate Scripturæ. Nam Exod. 22. dicitur: *Si effringens fur domum, sive suffodiens furem inventus, & accepto vulnere mortuus fuerit, percussor non erit reus sanguinis.* Adducunt cap. Interficiisti, 2. de homicidio. Ratione autem sic arguant. Bona temporalia necessaria sunt ad vitæ sustentationem. Ergo qua ratione licitum est sustentare, & defendere vitam propriam etiam cum occisione invasoris, eadem licitum erit occidere furem bonorum temporalium. Accedit quod si fures impune rapere bona possent, omnia plena essent latrociniis.

XV. Hæc sententia mihi falsa est, & divino mandato aduersa. Si auctoritatem consulo tum Evangelii, tum Patrum, tum canonum, nec probabilis appetat. Ab auctoritate solum postremis sacerulis probabilitatem extrinsecam recentiorum Theologorum acquisivit. Nec unum serie SS. Patrum recentiores Theologi allegare pro se valent. S. Augustinus vix permittit occisionem invasoris vitæ; exerte vero improbat occisionem furem sicut & ceteri Patres, quorum nec unus approbat hanc occisionem.

XVI. Joannes Riardus Lovaniensis quodlib. 7. testatur anno 1570. communem suis-

se sententiam penes Theologos, & Canonistas negantem licitum esse occidere furem bonorum dumtaxat invasorem. Perdoctus, probusque Canonista FAGNANUS ad caput Interficiisti de homic. inquit: Secundum canones in foro salem penitentiali, & quoad Deum absoluto credimus, non posse laicum sine peccato occidere spoliatorem. Henricus a S. Ignatio pro hac eadem sententia citat Alensem, Scotum, Summam Tabienam, Germonem, Augustinum de Ancona, Tostatum, Vulpem Scotistam, Merbesium, Gennetum, Du-Hamel, Neesen, Van-Rois, Du-Rois. Diana Tom. 8. tr. 5. ref. 29. pro eadem sententia citat Acursum, Panormitanum, Archidiaconum, Felinum. Eamdem sententiam tuetur Joannes Pontas verb. Occidere; laudatque præter citatos Innocentium IV. super cap. Si vero 3. de sent. excom. Alexandrum III. in cap. Suscepimus ib. de homic. volunt. Auctoritas igitur extrinseca summa est tum Theologorum, tum Canonistarum.

XVII. Sed quod decretorum est, lex evangelica Non occides absoluta est, a qua Patres solam defensionem propriae vitæ excipiunt. Quid quod luculentissime Christus Dominus Matth. 5. vetat occisionem ob defensionem bonorum temporalium? inquiens: *Qui vult tecum in iudicio contendere, & tunicam tuam tollere, dimitte ei & pallium.* Consilium hoc esse non inficior, si exercitium spectetur. At quantum ad animi præparationem præceptum est, ut docet S. Thomas cum omnibus Theologis. Sed vim, & efficacitatem horum verborum expendamus. Si in ipso tribunali, ubi licita est defensio, intentanti litem super propria tunica, remittendum pallium est, nedum tunica, ut lites, jurgia, dissidia, expensæ, & odii occasionses vitentur; numquid licitum est occidere tunicæ propriæ raptorem? Consilium istud vim præcepti Non occides summa perspicuitate exponit. Nihil tam necessarium homini post cibum, quam tunica, qua nuditas operitur. Christus Dominus, ut altius imprimet animis nostris amorem erga proximum, horrorem contra odium, & vindictam, consulit omnia dimittenda, ut dissidia vitentur. Recentiores Theologi oppositæ sententiæ defensores non modo propter vestitum necessarium, sed propter quæcumque bona magni valoris licite occidi furem posse docent. Rescribamus theses damnatas. 31. Regulariter occidere possum furem pro conservatione unius aurei. 32. Non solum licitum est defendere defensione occisiva que actu pos-

possidemus, sed etiam ad que jus inchoatum habemus, & que nos possessuros speramus.

33. Licitum est tam heredi, quam legatario contra iuste impedientem se taliter defendere; scut & jus habenti in cathedram, vel prebendam contra eorum possessionem iuste impedientem.

XVIII. Quis dixerit doctrinam harum trium thesium non esse trucem, crudelēm, sanguinariam, antievangelicam? Et tamen non pauci probabilistæ, qui benigni appellari ambiunt, non cessant easdem proscriptas theses variis fucis obiectas propugnare. P. Viva advertit, primam thesim defendi a Molina, & Lugo, si furto addatar contumelia adversus virum nobilem, furtamque evadat rapina: additque P. Viva, quod si aliquando amissio unius aurei foret alicui pauperi ingens damnum, ut si artifici tollatur instrumentum sua artis, quo sublato non possit suam ac suorum vitam sustentare, tunc poterit illud defensione occisiva custodire: & ideo propositio damnata solum vult, id non licere REGULARITER; esto in aliquibus circumstantiis possit id licere.

XIX. Viden, quam apprime hæc doctrina cum evangelica doctrina conveniat? Regulariter, inquit P. Viva, non licet occidere furem unius aurei; at in aliquibus circumstantiis id licet. Quid si furtum sit non unius, sed duorum? Quid si trium, quid si decem, si viginti, si quinquaginta, si centum aureorum sit? Tum tutum, nedum licitum erit furem occidere regulariter. Et altissimum mandatum Non occides subiectum hominum opinunculis, nihil certi vetat. Nam alii ob duorum, alii ob trium, alii ob decem, alii ob viginti, alii ob centum aureorum furtum juxta paupertatem, aut divitias illorum a quibus aurei surripiantur, occidere licite homines possunt, hac recentium Theologorum sententia admissa. Praeceptum Non occides vetat homicidium, etiam gravi causa data. Quis enim hominum ratione præditus sine gravi causa homines occidit? Juxta vero horum recentium Theologorum opiniones regulariter ob furtum unius aurei homicidia patrari nequeunt. Ceterum, si aureus iste sit necessarius ad viatum comparandum, si aurei sint multi, tum occidi homines poterunt.

XX. Heinc evidenter patet, admisso licto homicidio ob furtum rerum temporalium, gravissimum quintum Decalogi mandatum ferme commentitum evadere, & quasi in nihilum occidere. Nam tot sunt de lictis

homicidiis opiniones, quot sunt varia furtorum genera. Siquidem alii occidi possunt ob furtum juxta hos autores unius, juxta alios duorum, juxta alios decem, juxta alios quinquaginta, juxta alios centum aureorum. Heinc consequitur licitum esse defendere defensione occisiva non modo ea que actu possidentur, sed etiam ea ad que jus habetur. Et propterea licitum erit occidere illos qui impediunt consecrationem dignitatis, & gradus, unde ingentia emolumenta proficisciuntur. Eiusmodi theses damnatae utique sunt. At nihilominus communiter recentiores Theologi propugnant, occidi hominem posse ob furtum rerum temporalium. Quoniam reponunt damnatum homicidium esse ob furtum unius aurei, secus ob furtum unius aurei adjecto verbo contumelioso, secus ob furtum duorum, decem, viginti, quinquaginta, centum aureorum. Conferto christiane lector hanc doctrinam cum doctrina evangelica, & tum & ipse hostilem, & manifestam deprehendes oppositionem.

XXI. Non modo cum Evangelio, cum Patrum, sacrorumque canonum doctrina pugnat hæc ob bonorum temporalium furtum occisio hominis, sed ipsi naturæ juri adversatur. Vita quippe hominis est ordinis adeo superioris, ut nulla omnino sit proportio cum bonis temporalibus ordinis longe inferioris. Ergo homicidium patrum propter furtum bonorum temporalium pervertit naturæ ordinem. Quamobrem ipsæ supremæ potestates, quæ juris naturæ ordinem custodiunt, conservantque, ob simplex furtum poena capitii non plectunt fures. Tunc solum eos ad mortem damnant, cum furtum est qualificatum, ut ajunt, seu aliqua enormi circumstantia affectum. Longius non protraho argumentum, cum natura sua pateat.

XXII. Argumenta opposita sententiaz nullius momenti sunt. Scriptura sancta concedit homicidium furis nocturni, quia præsumitur pravus animus occidendi dominum, ut evidenter colligitur ex prohibitione immediate adjecta occidendi furis diurni. Continuo enim additur ibidem: Quod si oro Sole hoc fecerit, homicidium perpetravit, & ideo morietur. Canones qui opponuntur, permittunt homicidium latronis qui bona, & vitam invadit. Cap. Interfecisti dicitur: Te, tuaque &c. Lege Fagnanum in hoc caput. Quæ a ratione perita obruduntur, futile sunt. Bona temporalia sunt utique necessaria ad vitam sustendandam; at negatur la-

tronem posse umquam ita omnia bona auferre ut homo bonis spoliatus nequeat vitam degere. Nam si qui furtum patitur, dives est, numquid latro auferre omnia bona potest? Tandem vix contingere casus potest ut homo furtum patiens nequeat se sustentare. Ineptissimum ergo est sophisma a necessitate vita sustentande accessitum.

XXIII. Si plura cupis, consule Tom. 4. lib. 7. diff. unic. Salmanticenses tr. 25. c. 1. p. 3. §. 4. n. 96. recensent sententias varias recentiorum, quorum alii docent ob unum, alii ob duos, alii ob quatuor aureos occidi hominem posse. Huc recedit benignitas probabilistica.

XXIV. QUÆST. VI. Licitum ne est occisio invadentis pudicitiam? RESP. Adfirmant communiter recentiores; sed negat S. Augustinus, cuius doctrinam veram judico: & de lege permittente tales occidi, respondet lib. 1. de lib. arbit. c. 5. S. Doctor: Legem quidem non reprehendo, quæ tales permittit interfici; sed quo pacto istos defendam, qui interficiunt, non invenio. Caftitas vi impedita nullam patitur maculam, si virgo animo fortis resistat. Grave, inquis, periculum imminet succumbendi temptationi. Audio. Sed non ne gravissimum imminet periculum occidendi ex ira & vindicta stupratorem? Ad Deum ergo solum recurrendum hoc in casu est, qui cum admodum rarus sit, longiorum non postulat discussionem.

XXV. QUÆST. VII. Licitum ne est seipsum occidere? RESP. Soli hæretici circumcelliones suicidium propugnarunt: catholica fides illud damnat: repugnat enim iustitia, nedum caritati seipsum occidere. Deo præcipienti suicidium parendum esset, secus euicunque judici humano. Sancti, qui sibi mortem consicerunt, peculiari Dei instinctu id peregere.

XXVI. QUÆST. VIII. Licitum ne est alicuius membra mutilatio? RESP. Negant absolute omnes. Si tamen membra mutilatio necessaria esset ad corporis sanitatem, tunc licita foret. Peccant qui semetipsos castrant ad evadendas tentationes. Similiter peccant mortaliter parentes qui filios suos castrari curant, sive consentiant filii, sive repugnant. Gravius peccant, dum eos castrari student, ut mimos in theatris agant, vitamque theatralem, idest infamem & damnabilem inter psaltrias, & saltatrices ducant.

XXVII. Permitti tamen indirecte suici-

dium non modo licitum, sed sanctum esse potest. Quoniam Christus Dominus, ejusque sancti Martyres illud permiserunt: & defensionem contra vim illatam negligere ob Dei gloriam licitum esse potest. Similiter licitum est id agere, unde securita indirecta mors prævidetur, ut patet in militibus, qui licite in bello justo prælantur, & in iis qui serviant lue infectis. Tenentur tamen omnes remedij ordinariis, secus extraordinariis, & summi valoris uti, ut mortem declinet naturalem, & non vi illatam. Virtutis causa potest quis alteri extreme indigenti panem relinquere, & naufraganti tabulam, quam quis tenet, dare potest, si ille utilior sit Reipublicæ. Verum casus isti rarissimi sunt. Femina mortem potius subire debet quam permettere sui violationem.

XXVIII. QUÆST. IX. Quid de homicidio casuali dicendum sit? RESP. Homicidium casuale illud dicitur quod est præter intentiōnem occidentis. Duplex est. Alterum quod est præter voluntatem tum in se, tum in sua causa; & hoc proprie fortuitum est, omnique peccato caret. Alterum quod licet volitum in se non sit, in sua tamen causa indirecta volitum est; & hoc homicidium peccatum est, quando datur opera rei illicitæ, unde homicidium sequitur. Qui vero rem licitam agunt, & omnem adhibent diligentiam, ut homicidium declinent, quod inde sequi posse prævidetur, a peccato imminentes sunt. Quare qui projiciunt e tegulis, aut lapides, si diligenter clament, moneantque transeuntes, illis nullo modo attribuuntur percussionses, & occisiones quæ sequi possent.

C A P U T V.

De duello.

BENIGNITAS non paucorum Casuistarum in dies latius manat, non modo in demulcendis humanis appetitionibus, chorearum, comœdiarum, ludorum, & promiscuarum conversationum approbatione, sed etiam in fundendo humano sanguine, & hominum occisione vi duellorum peracta. Quamvis Concilium Tridentinum, & plures Pontifices summi, præfettim, missis antiquioribus, Clemens VIII. Gregorius XIII., & Alexander VII. gravissimas tulerint poenas in duellorum autores, & casuisticas opiniones duellis faventes damnaverint; nihilosecius Casuistæ non pau-

pauci consuetis distinctiunculis decreta & Concilii Tridentini, & summorum Pontificum eluserunt, & duella ut licita in quibusdam casibus propugnarunt. Et eo processit novæ benignitatis humanæ spiritus, ut nuper volumen integrum prodierit in duelli defensionem. Rem clarius exponam.

§. I.

Reconsentur propositiones damnatae in materia duelli a BENEDICTO XIV. feliciter regnante.

P. Daniel STADLER volumen emisit clauso anno 1741. inscriptum: DE DUELLO HONORIS VINDICE. Continuo ac opus istud lucem aspergit publicam, omnes evangelicæ doctrinæ, & christiane disciplinæ peritos communovit, & istorum justæ lamentationes adversus dicti voluminis opiniones ad Petri solium pervenere. Quare vigilantissimus Pontifex BENEDICTUS XIV. Congregationem EE. Cardinalium, & Theologorum instituit, in qua præfati libri doctrina serio & mature discussa, & expensa, CONSTITUTIONEM edidit die 24. Novembris au. 1752. cuius initium est, *Destabilitem, ac divina, naturalique lego damnatum duellorum abusum.* In hac constitutione quinque sequentes propositiones damnavit tamquam falsas, scandalosas, & perniciose. Advertere tamen letores interest, P. Daniel Stadler singulari humilitatis exemplo sua retractasse errata, atque secundis typis suum tomum emendatum recudisse, ut ex publica fama intellexi. Siquidem hanc secundam editionem ego non vidi, atque adeo meam sententiam proferre nequeo, num revera excerpta omnia sint quæ spongia indigent.

I.

Vir militaris qui nisi offerat, vel acceptet duellum, tamquam formidolosus, timidus, abjectus, & ad officia militaria ineptus habebetur, indeque officio quo se, suoque sustentat, privaretur, vel promotionis alias sibi debite, ac promoteria spe perpetuo caere deberet, culpa & pena vacaret, sive offerat, sive acceptet duellum.

II.

Excusari possunt etiam honoris tuendi, vel humane vilipensionis vitande gratia, duellum acceptantes, vel ad illud provocantes, quando certo sciunt pugnam non esse secuturam, utpote ab aliis impediendam.

III.

Non incurrit ecclesiasticas penas ab Eccle-

sia contra duellantates latus dux, vel officialis militiae acceptans duellum ex gravi metu a missione famæ, & offici.

IV.

Licitum est in statu hominis naturali accipere & offerre duellum ad servandas cum honeste fortunas, quando alio remedio eorum iusta propulsari nequit.

V.

Asserta licentia pro statu naturali applicari etiam potest statui civitatis male ordinatae, in qua nimis vel negligentia, vel malitia magistratus, iustitia aperte denegatur.

§. II.

Quid sit duellum.

I. Definiri communiter solet, quod sit pugna singularis ab utraque parte ex condicto acceptata, loco, & tempore designato, cum periculo occisionis, aut gravis vulneris. Distinguitur a bello, quod est pugna communis, non singularis, ut duellum, quod est inter duos, & appellari etiam solet monomachia, vel inter quatuor, aut octo in æqualem numerum tributos hinc, & inde prælantes. Dicitur ex condicto, idest mutuo initio patro, ad pugnam tali loco, & tempore inveniendam. Non esse duellum, inquiunt multi juniores, si tempus tantum, aut contra locus, non assignato tempore pugnæ, indicatur, tametsi mutuo pugnantes se se percutiant. Ultima particula cum periculo occisionis, aut vulneris gravis indicat, duellum non esse, ubi nullum periculum vitæ, aut gravis vulneris occurrit, ut solent esse quædam certamina ad vires exercendas absque armis. Duellorum affectæ imitantur quoddam Casuistæ, qui una adjecta distinctiuncula leges elidunt. Similiter isti, ut duelli & leges, & poenas declinent, non se provocant expresse, & consuetis formulis, sed re ipsa. Dicit offensus: *Satisfactionem volo.* Reponit offensor: *Ambulo per urbem, neminem timens:* vel hac alia phrasí, nempe se intrepide esse paratum ad justam defensionem propria manu & ense suscipiendam contra quoscumque injustos aggressores. Hæc est vera, &, ut dicitur, realis provocatio, larvis, & figmentis palliata.

II. Duellum incognitum fuit vel ipsis ethniciis. Florente christiana Religione a barbaris inventum fuit, & (quod pejus est) a quibusdam Christianis probatum in nonnullis eventibus.

III. Descriptum duellum vetitum absolute

te esse iure naturali , divino , canonico , & civili adfirmant omnes . Rationi quippe repugnat aut propriam vitam periculo mortis voluntariae expondere , aut alterius mortem intentare . Præterea modus iste decidendi controversias est absurdissimus , cum æque innocens , ac reus perire queat . Quod jure divino prohibitum duellum sit , compertum est in lege vetante homicidia , & injuriarum vindictam . Decreta Pontificum , & Concilii Tridentini omnibus manifesta sunt , sicut & Principum leges .

§. III.

Animadversiones in primam propositionem damnatam a Benedicō XIV.

I. Quamvis omnes auctores christiani vetitum duellum afferant jure naturali , divino , canonico ; nihilominus non pauci auctores moralistæ casus excogitarunt in quibus licitum duellum sit . Primum dixerunt , ad evitandam timiditatis , ignavie , & pusillanimitatis notam licitum duellum esse . Istorum opinionem damnavit Alexander VII . in hac thesi : *Vir equestris ad duellum provocatus potest illud acceptare , ne timiditatis notam apud alios incurrat .*

II. Alii , videntes nimis vanum & ineptum esse hunc titulum honoris mundani , & evadendæ timiditatis notæ ad honestandum duellum , excogitarunt aliud titulum , nempe defensionem fortunarum , quæ ab honore pendent . Ablato enim honore homo evadit ineptus ad officia , ad gradus , & dignitates , unde & se , & familiam sustentat . Quare , inquiunt , ut quis periculum evadat honoris & fortunarum , potest duellum acceptare , & etiam offerre .

III. Salmantenses tract . 10. c. 4. punc . 3. n. 39. inquiunt : " Si sit periculum vita , honoris , aut fortunarum , nisi acceptes duellum , illud licite acceptare poteris ; ut si minetur adversarius mortem , infamiam per falsum testimonium , vel se domos , vel agros incensurum &c. nisi duellum acceptes , & credis illud malum tibi eventurum , & non sit alia via illud evadendi , poteris acceptare ; immo indicere illud : quia tunc est justa defensio , si alius provocet ; & si tu provokes , eligis minus malum ut majus evites , & majus periculum in id quod minus est , commutare contendis : quod licitum esse nemo dubitat . Ita Sanchez lib. 1. Decal. c. 39. n. 8. Bonacina n. 18. Diana 5. parte tract . 13. ref. 17.

" Valentia punc. 1. vers. Si talis autem . Men-
dozza 2. 2. disp. 170. sec. 85. §. 76. & seq.
" 9. §. 82. Lessius lib. 2. cap. 9. dub. 8. n. 49.
" Palaus n. 9. Wiggers. 2. 2. quest. 41. a. 1.
" Stephanus a S. P. n. 60. , Hi omnes da-
mnatam primam propositionem propagnarunt .

IV. P. Patritius Sporer tr. 5. in 5. Decal.
Mand. cap. 2. sec. 4. n. 204. ait , : Quod si
tamen in raro casu eo loco res sit ut si
duellum respuat miles in exercitu , vel no-
bilis in aula Principis debeat cedere armis ,
officio , dignitate , aut excidere Ducis , vel
Principis favore , & gratia ob ignavia su-
spicionem , adeout tunc sub titulo honoris
ipsius vita vel familia conservatio pericli-
tetur ; omnino fatendum est cum Navarro
Layman cit. aliisque communiter , licite tunc
duellum acceptare , & meræ defensionis gra-
tia provocanti se sistere : quia tunc esset
vera , & mere justa defensio contra inju-
stum aggressorem , scilicet provocantem ,
qui sui provocatione de facto , vel actu ag-
reditur meum honorem , officium , dignita-
tem , adeoque conservationem vitæ , vel fa-
milia mea , ut illa mihi violenter eripiat .
Proinde lege naturæ eadem vi defendere
possum , ac debeo , cum absque eorum amisi-
tione retrocedere nequeam .

V. Alii , ut fucatius eluderent thesim proscriptam ab Alex. VII. in qua continetur do-
ctrina P. Sporer , & aliorum , negarunt licitum esse duellum ob periculum amittendæ dignitatis , vel Principis favoris . Propterea addunt , reducto casu ad illas angustias , quod nisi acceptet , certus mortaliter sit se ad mendicitatem redactum iri ; ita ut acceptare , & pugnare non tam sit duellum inire , quam se defendere ab injusto omnium bonorum suo-
rum expoliatore , licite posse duellum accep-
tari .

VI. Omnes isti Casuistæ defendant primam damnatam thesim . Ut vero eluderent artifi-
cioso verborum involucro thesim proscriptam ab Alex. VII. quæ ob timiditatis notam declin-
nandam licitum asserebat duellum , alia com-
menta excogitarunt . Paucis omnia perstrigam . Et primo quidam ajunt , aliquem posse timi-
ditatis notam declinare dicendo , se non pos-
se acceptare duellum , quia Christianum id dedecet . Nihilominus se intrepide esse para-
tum ad justam defensionem propria manu &
ense suscipiendam contra quoscumque injuriosos
aggressores . Hac responsione , inquiunt , eva-
dit quisque timiditatis notam . Esto . Sed re-
nuntiat quoque Evangelio dicenti : Si quis te
percusserit in una maxilla , praebet illi & alter-

ram : Matth. c. 5. Recensita responsio est , sin expressa , saltem tacita provocatio ad duelum , nedum acceptatio . Adversus hominem ira furentem te sis , eique intonas , te paratum esse ad justam defensionem propria manu & ense suscipiendam ? Iste ne Christianus qui sic loquitur ? Provocator talia audiens , coactus re ipsa est ad ensim distingendum , & aggrediendum talem respondentem , ne ipse vilis , timidus , abjectus appareat . Christianus ad duellum provocatus , ut fratrem suum provocantem placet , & ad meliorem frugem revocet , tenetur subire timiditatis notam apud mundum insanum : tenetur aut humili sermonē , aut fuga iratum fratrem demulcere , & omni possibili modo evitare aeternæ damnationis utriusque periculum . Hæc est doctrina evangelica . Distinguendus semper est honor honestate & virtute partus , ab honore fictio , & chimærica , opinione infantis mundi nixo .

VII. Expendamus nunc commenta alia quibus alii obscurant , & evertunt tum evangelicam doctrinam , tum decreta Pontificium , & Concilii Tridentini . Duellum , inquit , non est licitum ob solum honorem defendendum . At si ab hoc honore fortunæ officium , gradus , & reditus pendeant , quibus & se , & familiam suam sustentet provocatus , tunc & acceptare , & indicere duellum potest . Alioquin ad mendicitatem se & familiam reduceret . Numquid cum tanto incommodo Christi Evangelium obligat ? Adde tum non esse duellum acceptare , sed se , & sua defendere . En omnia horum argumenta paucis expressa .

VIII. Defensio isthæc chimærica omnino est . Quid provocatus defendit ? Vitam propriam ? Non : quoniam provocator non aliud intendit nisi humiliationem , & demissionem provocati . Si iste se humiliat , & confiteatur provocatorem viribus prævalere , fortiorumque se esse , & magis strenuum , omnia in tuto sunt , & dissidium omne evanescit . At , reponunt laudati auctores , si provocatus hoc se gerat modo , ignominiam contrahit , timidum & vilem se prodit : atque adeo amittit & dignitatem , & officium , quo se & familiam sustentat . A quo , amabo te , privandus officio est ? A provocatore ? Non certe . A quo ergo ? A Principe , ab Imperatore exercitus ? Adversus istos ergo defendere bona sua debet provocatus , non contra provocatorem nihil de his cogitantem . At a provocatore , cui si se humiliat , ignominiam incurrit , ob quam spoliabitur officio , originem mala im-

minentia arcessunt . Peregrie . Connexa ne hæc sunt , & necessario conjuncta ? Julie ne Imperator exercitus spoliat vitum equestrem provocatum ad duellum officio , propterea quod strenuum Christianum se prodidit , & evangelicæ fortitudinis argumentum splendifissimum perhibuit ? Non minus fere disparata hæc sunt , quam si dices , debuisse paganos gladium distingere adversus Apostolos persuadentes fidem Christi , ob cujus professionem occidendi a Nerone , a Diocletiano erant . Allegata ergo defensio sophistica , cavillatoria , & chimærica est . Idecirco jure prescripta in prima thesi ; In deque officio , quo se , suosque sustentat , privaretur . Immo hoc effugium damnatum jam erat ab Innocentio XI. in thesi 32. Non solum licitum est defendere defensione occisiva que actu possimus , sed etiam ad que jus inchoatum habemus . Reditus ex officio manentes actu non possidentur , sed inchoatum jus ad eosdem habetur . Addunt auctores citati , provocatum respuentem duellum spe ascendendi ad superiores gradus privati . Sed & hoc commentum damnatur in prima thesi : Vel promotionis alias sibi debita , ac promerita spe perpetua carere deberet .

XI. Tandem defensionis oppositæ futilitas ex aliis capitibus horrida apparet . Qui duellum acceptat , periculo mortis se se exponit . Si moriatur , quis tunc familiam sustentabit ? Quando homo vivit , potest industria sua & se , & familiam sustentare . Et proximo mortis periculo poterit quis se exponere , ne officium amittat ? Ubi confidentia in illa divina providentia que alimenta omnibus in se confidentibus spondet ? Si provocatus provocatorem occidat , ad infernum ejus animam detrahit , & semetipsum aeternæ damnationis evidenti periculo exponit . Adde occisorem debere aliud cælum , alium Principem quærere , ut poenam mortis in occisorem latam declinet . Vitam igitur propriam , animam , & familiam perdendam exponit provocatus , dum duellum acceptat . Prima itaque sacrosancti Evangelii principia evertunt duelli in descripto casu defensores .

§. IV.

Animadversiones in secundam damnatam thesim .

I. Hanc thesim totidem verbis defendit ex Probabilistis P. Patritius Sporer cit. n. 5. c. 2. sec. 4. n. 204. sic prosequens : “ Denique ex , cuius possunt ex simili rationabili causa , etiam

„ etiam honoris tuendi , vel humanae vili-
„ pensionis vitandæ gratia duellum acceptan-
„ tes , vel ad illud provocantes , quando cer-
„ to sciunt pugnam non esse securam , ut
„ pote ab aliis impediendam &c. Vide Dia-
„ nam p. 1. tr. 16. vers. 52. & multo magis ,
„ si ex condicto occulte certo promittant ,
„ quod impediendi sint ab omni damno , etsi
„ descenderint ad locum pugnae , gladios strin-
„ xerint , ictus aliquot sine aliquo periculo
„ contorserint &c. uti observat Bassæus v.
„ Duellum n. 8. Tamburinus lib. 7. Decal. c.
„ 1. §. 3. in fine , & alii apud ipsos , . Tambu-
„ rinus præter Bassæum , & Dianam citat
Escobarium .

II. Nullum non movent lapidem aliqui ut
mundanum honorem , & axiomata insanorum
hominum cum Evangelio componant . Quæ
duo tamen hostiliter pugnant , non fecus ac
lux , & tenebrae . Non modo effectus duelli ,
sed duellum ipsum lex evangelica , & sacri
canones vetant . Duellum ictus partim ver-
rum , & partim fictum est , & utroque ex
capite flagitiosum . Verum duellum ex una
parte est , cum ea omnia quæ ad verum duellum
requiruntur , ponantur . Pugna ex con-
dicto indicitur , & locus , tempusque designa-
tur : & certatur ad locum designatum tem-
pore indictio prodeunt . Hæc omnia verum
duellum constituant , quod scandalum parit ,
quod Ecclesia detestatur . Quod postea peri-
culum mortis , vel gravis vulneris non se-
quatur , non tollit quin in conspectu publico
duellum verum appareat . Deinde quorsum
hoc fictum certamen ? Ut declinetur nota vi-
lipensionis , & timiditatis , ut honor mundanu-
sus resulgeat . Publicum ergo scandalum pa-
trandum est ob spectum honoris mundani ,
quem conculcare , ut Christi Evangelio obe-
dias , verumque honorem virtute partum con-
serves , astringeris ? Aut patet hominibus con-
silium fictæ pugnae , aut fecus . Si primum ,
honor mundanus obtenebretur , & infama-
tur . Si secundum , scandalum publicum non
declinatur . Ergo & in conspectu Dei , &
coram mundo hoc fictum duellum abomina-
tione , & iniustitate plenum est .

§. V.

Animadversio in tertiam thesim .

I. Eam docet P. Milante in suis exercita-
tionibus in 2. prop. Alex. VII. his verbis :
„ Si Dux vel Officialis militiæ acceptaret
„ duellum non ex levi quidem timore , sed
„ ex gravi metu cadente in virum constan-

„ tem , amissionis nempe famæ nedum , ve-
„ rum etiam & officii , quo procul dubio spo-
„ liaretur , quia recusans duellum haberetur
„ ut vilis , nec milites amplius gererent mo-
„ rem , ut consuetum est apud alias na-
„ tiones : certe iste non incurrit ecclesiastि-
„ cas pœnas ab Ecclesia contra duellantæ la-
„ tas , eo quia Ecclesia , ceu pia mater ,
„ numquam alligare , tantoque onere grava-
„ re intendit filios in tam immani discrimi-
„ ne positos . Hinc Castropalaus &c. Confir-
„ mat etiam Laymanus &c.

II. Auctor iste solidam doctrinam contra
duellum propugnat ; at erravit nimia beni-
gnitatem in pœna ecclesiastica minuenda . Id
circo B E N E D I C T U S XIV. P. M. hanc fi-
ctitiam benignitatem damnans antecessorum
Pontificum pœnas contra duellantæ confirma-
vit , & uberior explicavit in laudata consti-
tutione his verbis . *Statuimus atque decernim-
mus ut si quis in duello sive publice , sive pri-
vatim indicto , hominem occiderit , sive hic
mortuus fuerit in loco conflictus , sive extra il-
lam ex vulneri in duello accepto , hujusmodi
homicida tanquam interficiens proximum suum
animi premeditato , ac deliberato ad formam
conflit. fel. record. Pred. Nostræ B E N E D I C T I
XIII: &c. ab ecclesiastice immunitatis benefi-
cio exclusus , & repulsus omnino censeatur ;
ita ut a cuiusque sacri aut religiosi loci asylo ,
ad quod confluget , servatis tamen de jure ser-
vandis , extrabi , & judicis competentiis curiæ ,
pro merito puniendus tradi possit , & debeat .
Vide ibi alia plura . Subdit : *Præterea simili-
motu , & auctoritate decernimus , ac declara-
mus sepulture sacre privationem a sacrosan-
cta Trid. Synod. inflictam morientibus in loco
duelli , & conflictus incurriendam perpetuo fo-
re etiam ante sententiam judicis , a decedente
quoque extra locum conflictus ex vulneri ibi-
dem accepto , sive duellum publice , sive pri-
vatim indicium fuerit , etiam si vulneratus
ante mortem non incerta pœnitentie signa de-
derit , atque a peccatis , & censuris absolutio-
nem obtinuerit ; sublata Episcopis & ordina-
riis locorum super hac pœna interpretandi , ac
dispensandi facultate &c. Si ipsis Episcopis
sublata est facultas interpretandi hanc ponti-
ficiam constitutionem , eam ne sibi usurpa-
bunt Casuistæ aliqui ? Quare proscripta ma-
net opinio alterius novissimi Moralista in-
quientis : *Si tamen cadaver ab excommunicati-
one jussu superioris facultatem habentis absolu-
veretur , posset etiam honorari ecclesiastica se-
pultura . Hoc aperte constat ex recitatis con-
stitutionis verbis .***

§. VI.

§. VI.

Animadversiones in quartam proscriptam thesim. Idea status naturalis quam perhibet P. Daniel Stadler, arbitraria, & communitia.

I. Quoniam P. Daniel Stadler in suo volumine de *Duello honoris vindice quartam & quintam thesim damnatam ex instituto, & fuso calamo propugnat, operæ pretium estimavi breviter perstringere principia illa quibus proscriptam defendere doctrinam conatur, & ceteris Theologis se altius fodere velle ait. cap. 3. pag. 117.*

II. Ideam status naturalis his verbis ibidem §. 2. pag. 119. describit: „ Status naturalis prout ab adventio discernitur, scilicet a statu conjugali, herili, a statu Civitatis, Reipublicæ &c. est conditio hominum inter se æqualium, neque alterius quam Dei arbitrio subjectorum.... Et hæc præcipua status naturalis prærogativa, sine subjectione ne vivere: spectata namque natura omnes æquales & liberi nascimur, nec unus alteri subjectus est.”

III. Hæc status naturalis idea chimærica est. Quod Deus potuerit efficere ut homines prodirent velut fungi e terra, nemo est qui dubitet. At status iste possibilis a statu conjugali distinctus, chimæra est, & ad ea explicanda quæ in statu nostro, qui re ipsa est, eveniant, ineptissime productus. Et tamen hunc in finem hanc commentitiam notionem auctior præmisit. Sic enim ibidem persequitur: Homines inter se æquales sunt, non illit tantum qui societas omnis experies vitam solitariam agunt; sed & ii qui licet societatem colant, quadam tamen ratione libertatem a natura congenitam retinent, eo quod nemini subjecti vivant: & hæc est præcipua status naturalis prærogativa, sine subjectione vivere: spectata namque natura omnes æquales, & liberi nascimur, nec unus alteri subjectus est. Primum describit statum naturali a conjugali, & herili distinctum: qui status possibilis utique divinae omnipotentiæ est: deinde hunc statum chimæricum cum statu conjugali, herili &c. confundit, & pro eodem accipit. Spectata, inquit, natura omnes æquales & liberi nascimur, nec unus alteri subjectus est.

IV. In recensita doctrina error Hobesianus non cubat modo, sed patenter se prodit. Quid? Omnes æquales, & liberi nascimur? Äquales ergo patri liberi sunt? Nec unus

alteri subjectus est. Uxor ergo non est marito subjecta, nec filii parentibus? Subdit utique continuo, nempe n. 173. aliquos dubitasse, num status hic naturalis hominum detur, eo quod homo sit animal sociale. Dubitarunt ergo aliqui de hujuscemodi chimærici status existentia? At quinam sunt isti dubitatores? Christiani non certe, cum sciamus omnes ex Scriptura sancta a primo homine ceteros homines descendere. Quid ergo chimæricos status effingunt, ut legis evangelicæ præcepta implicent, & obscurant? Dividit postea auctor iste hominum statum in naturalem, & mixtum; sed subdit pag. 183. n. 192. Nobis de mixto formo est, habente tamen præcipuum characterem status naturalis, libertatem scilicet non dependentem ab altiore judice. Postea plura conjectaria antievangelica ex hoc chimærico statu naturali eruit, nempe duellum licitum esse in tali statu contra calumniatores, verberatores, raptioresque bonorum. Fingit deinceps plures homines ex pluribus civitatibus confluere ad habitandum in aliquo terræ trætu nullius subjectos protestati. Homines isti facile se offendunt, & mutuo lèdunt, proprium honorem calumniis, verberibus corpora reciproce percutiunt, bona sibi rapiunt: judice carent, qui jus dicat. Unde colligit Hector colapho lassum a Leandro, provocatumque ad duellum, non debere fugere, etiamsi possit, sed acceptare duelum. Et pro hac sententia refert P. Molinan de just. tr. 3. disp. 17. Postea subdit pag. 136. Assentitus Lessius, testatus, hanc esse communem DD. sententiam. Certe Vindex GOBATI recenset omnino nonaginta sex ei faventes. Heinc infert: Si sana est MOLINÆ, & aliorum doctrina, multo facilius admittetur mea; primo quia illi Theologi loquentur non de statu naturali solum, sed etiam de civili. P. Stadler loquitur dumtaxat de statu naturali, quem supra descripsit, quemque licet chimæricum, statui naturali nostro applicat, & inde colligit suas proscriptas opiniones.

V. Damnatam tamen thesim quartam docet cap. 4. pag. 181. ubi eam sic proponit: An pro servandis fortunis ex illibato honore dependentibus liceat ei provocationem acceptare, vel etiam provocare, siquidem hoc ignominiam passo necessarium sit ad servanda bona? Exponit claritatis gratia casum in Hectore, & Leandro, & postea pag. 182. §. 1. sic resolvit: Probatur quod licite ad duellum contparuerit provocatus HECTOR... expresse de duello Bonacina nixus assensu Navarri, Bocai, Sanchez docet.... Unde infero. Ergo etiam lici-

licite pugnat, & duello congregatur Hector, dum Leander inique provocans similis damni ei causa est. Ex erronea Bonacinae, & aliorum doctrina, qua afferitur duellum honestum esse ad defendenda bona quae quis re ipsa possidet, infert licitum esse duellum ut defendantur bona quae ex honore profiscuntur, ad quae Hector jus inchoatum habet. Et eo, inquit, P. Stadler, firmior est doctrina mea, quod ego in statu naturali licitum duellum affero; citati vero auctores licitum duellum in statu civili propugnant. Sic ille argumentatur.

VI. Proponit deinde pag. 195. An ad servandas una cum honore opes etiam liceat provocare? Respondebat vero pag. 196. his verbis: AJO, licere Hectori provocare Leandrum, sicut in casu priore licebat acceptare.

VII. Ut jam indicavi, sibi singit auctor iste statum naturalem in alia providentia possibilem, ut heinc in hoc statu naturali qui re ipsa viget, sua erronea consequentia eliciat; ut mox evidentius patebit.

§. VII.

Animadversiones in quintam proscriptam thesim.

I. P. Daniel Stadler loc. cit. cap. 5. proponat quintam damnatam thesim fusculo calamo. Proponit capititis initio an asserta pro statu naturali licentia applicari etiam possit statui civitatis male ordinata? Describit, quid sit civitas bene, & quid male ordinata. Alia est societas perfecta, cum debita parentium, & imperantium subjectione. Hæc vero est cum magistratum socordia negliguntur leges pro optimo regimine institutæ. Si vir militaris degat in hac civitate male ordinata, in qua judices prætermittant læsa jura reparare, & injustos honoris, & inde manantium opum aggressores punire, quid ager, si læsum in honore, & consequenter in fortunis se sentiat? Respondebat P. Stadler pag. 204. Itaque AJO, me non posse damnare Theologum qui viro illi militari, aut nobili declareret, quod absque gravi conscientie noxa acceptare duellum possit, vel etiam, si ita res ferat, offerre: adeoque quod in statu naturali licitum esse diximus, etiam in hoc statu civitatis male ordinata, certo modo licitum afferimus. Jam probanda erit doctrina.

II. Sincere fatetur n. 284. auctores antiquiores casum nostrum non attigisse. Similia quippe paradoxa ante Probabilismi ortum non apparuerent. Ex recentioribus pro hac sua sen-

tentia citat P. Reiffenstuel, P. Seybold, P. Pichler, P. Uib, item P. Sporer saltem quoad licentiam acceptandi provocationem. Huic numero, inquit, accensendus quoque venit celeberrimus Laymanus. Allegat deinde P. Pichlerum ajentem, omnes eos auctores pro hac doctrina nostra adduci posse, quotquot duellum permitunt ob necessariam defensionem rerum temporalium magni momenti, qui sunt plurimi. Inter alios, subdit P. Stadler Lessius adducens Bannesium, & Angelum Wiesner. Sed quæ continuo subdit P. Stadler ibi pag. 206. digna sunt ut notentur. Non enim inquit, videtur pertinere ad rei summam, sive recta potentem fortunas meas duello compescam, sive potentiem recta honorem, & per connexionem fortunas.

III. Animadvertis in transcursu velim probabilisticam propagationem. Primo constituant licitum esse occidere invasorem bonorum temporalium. Secundo te posse vel acceptare, vel offerre duellum ob eorumdem bonorum defensionem. Tertio licitum duellum esse ajunt ob honoris defensionem. Quartto, ut deluderent Concilii Tridentini, & Pontificum decreta quæ damnant absolute duella, & præsertim ob honoris defensionem, adiecerunt hæc duo verba, sive potentem recta honorem, & per CONNEXIONEM fortunas. Fortunæ semper connexæ cum honore sunt. Ergo semper licitum duellum est, quo defendatur honor fortunam parens secundifimus. Hæc omnia ex damnata propositione rejecta jam sunt.

C A P U T VI.

De bello.

I. QUÆST. I. Quid, & quotuplex sit bellum? RESP. Est conflictus multorum contra multos extraneos, vi & armis, Principis iussu peractus. Dicitur conflictus multorum contra multos, & iussu Principis peractus, ut distinguitur a duello, quod est certamen unius contra alterum ex condicione initum designato loco, & tempore; & a rixa, quæ est pugna paucorum contra paucos; & a editione, quæ fit non contra extraneos, sed inter homines ejusdem civitatis, aut regni invito Principe. Bellum aliud est defensivum, quo ab invasione defenditur. Aliud offensivum, quo Princeps exercitu armato hostem aggreditur juris vindicandi, aut compensationis obtinenda gratia.

II. QUÆST. II. An utrumque bellum lici-

tum sit? RESP. Adfirmant Catholici omnes, idque constat ex divina Scriptura. Nam Abraham bellum gessit, & benedictionibus repletus est: tum enim patresfamilias, & Patriarchæ potestate regia prædicti erant.

III. QUÆST. III. *Quæ sint conditiones ad belli justitiam necessariae, & qui possint illud indicere?* RESP. Conditiones tres: 1. causa justa; 2. auctoritas Principis; 3. recta intentio bellantium. Bellum indieere soli Principes valent qui suprema potestate fruuntur. Principes supremi instituti sunt a Deo custodes legum, & ordinis in societate servandi. Illorum est hunc societatis ordinem promovere, atque ejusdem perturbatores plectere. Justa igitur præliandi causa est vel defensio proprii status, vel innocentis vindicatio, vel injuriæ acceptæ punitio.

IV. QUÆST. IV. *Utrum Princeps habens opinionem probabilitem quod sibi aliquod regnum, vel civitas debentur, possit bellum indicere Principi possessori?* RESP. Adfirmantem opinionem sustinent plures Casuista, Diana, Filiuci, Escobar, Azorius, Sanchez, & alii, nisi principio, quod qui probabiliter agit, prudenter agit. Hæc opinio, qua est fetus Probabilismi, falsa est, & proscripta quoad principium cui innititur, ab Innocentio XI. Possesso quippe certa auferri sola probabilitate nequit. Probabilia jura sapientum discussione dirimi, non bello cum tanto subditorum detramento, & innocentum strage debent. Moralem certitudinem habere Principes tenentur se lœsos esse, vel sibi deberi id quod volunt, ut indicere bellum iure queant. Innumera sunt mala, scandala, flagitia, innocentum oppressiones quæ bellum consequuntur. Quare non nisi gravi urgente necessitate certa moveri licite bellum valet, ipso ethnico Livio testante: *Piaarma quæ necessaria.* Si ambitio amplificandi confinia, angendi ditionem, deprimenti vicinos, causa belli sit, omnia quæ consequenter mala, in caput Principis detorquentur. Antequam igitur bellum moveatur, non viri politici tantum, sed juris periti, & Theologi serio, & sèpe consulendi sunt, curandumque ut scripto consignent vota sua. Quoniam facile est lingua, & privato sermone adulari, jura fucis arbitrariis pingere; difficultius est scripto decipere: scripta quippe consilia, & vota aliis viris Theologis examinanda tradi queunt, & ex plurium discussione, & oppositionum diversitate erui veritas potest. Neque dicas, hæc gravia esse, & fastidii plena. Siquidem gravissimum est

belli negotium: idcirco gravissimam postulat, antequam suscipiatur, diligentiam.

V. Milites extranei antequam militiæ exter Regis nomen dent, justitiam belli habere peripectam debent. Isti quippe liberi cum sint, nullo obedientiæ prætextu excusari valent. Milites autem subditi Principis bellum inferentis, sat est ut ipsis non constet de injustitia belli. Præsumere isti debent proprium Regem nonnisi bella justa gerere. Si isti in examen revocare belli justitiam vellent, omnis imperandi potestas everteretur.

VI. QUÆST. V. *Utrum Rex catholicus in bello justo contra alios Catholicos vocare in auxilium queat gentiles & infideles?* RESP. Quamquam licitum sit Principi juste prælianti auxilium ferre, etiamsi diversæ sit religionis, dummodo id prestari sine scandalo, & fidei periculo queat, ut ex Scriptura sancta colligatur; (nam Machabæi, ut ex lib. I. cap. 8. colligitur, fœdus cum Romanis iniere) verum non video, quomodo fieri sine scandalo, & absque fidei periculo possit ut infideles in auxilium vocari possint in bello quod fit a Principe catholico adversus alios catholicos. Odium enim intellinum, & vehemens aversio inter diversæ religionis profectores innumera sacrilegia pariunt, & virtutum strages. Quid si referre vellem templorum profanationes, sacrarum imaginum conculationes, virginum constuprations, & cetera absurdæ quæ ejusmodi fœdera consequuntur? Alta mente repositum esse Principibus catholicis debet documentum S. Cælestini I. ad Theodosium Imperatorem datum, & in actis Concilii Ephesini descriptum: *Major vobis fidei causa debet esse quam regni, ampliusque pro parte Ecclesiæ clementia vestra debet esse sollicita, quam pro omnium securitate terrarum.* Subsequentur enim omnia prospera, si primitus, quæ sunt Deo cariora serventur.... Pro vestri enim imperii salute geritur, quidquid pro quiete Ecclesiæ, vel sanctæ Religionis laboratur. Similia scriptit S. Leo Magnus epis. 75. ad Leonem Augustum. *Debet incunctanter advertere, regiam potestatem tibi, non solum ad Mandi regimen, sed maxime ad Religionis præsidium esse collatam.* Hæc serio meditentur omnes supremæ Potestates, & ob oculos habeant flagella quæ Prophetæ Hanani minatus est Aſa Regi Iuda, propterea quod contra Regem Israel in subsidium vocaverat Benadab Syriæ Principem. *In tempore illo venit Hanani Prophetæ ad Aſa Regem Juda, & dixit ei: Quia ha-*buisti

Qui si fiduciam in Rege Syriae, & non in Dominino Deo tuo; idcirco evasisti Syriae exercitus de manu tua Stulte igitur egisti: & propter hoc ex presenti tempore adversus te bella consurgent. 2. Paralip. Mitto plura alia Scripturarum sanctarum testimonia.

VII. QUÆST. VI. Licitum ne est Clericis, & Religiosis in bello justo propria manu pugnare? RESP. Negat communis sententia. Clerici enim, & Religiosi a curis mundi segregati, divino cultui dicati sunt, ut professe, & populo Deo vota offerant, & animarum spiritualia negotia tractent. Huic autem eorum præcipuo instituto recta adversatur bellica pugna. Urgente tamen necessitate defendendi patriam, & Religionis jura, lege naturali, & pietate in patriam, ad necessariam se armare defensionem valent. Immo Episcopi ipsi præesse suis Clericis, & Religiosis aduersus Turcas, & infideles queunt, ut Religionem & patriam propugnent. Raro tamen occurre existimo casum in quo justa Religiosi occurrit bellandi ratio. Nam absolute Christi Religio non armis, non pugna, sed manuetudine, patientia, pace, & tolerantia defendenda est. Quare antequam Religiosi arma capessant, sapientum virorum consilio opus est.

VIII. QUÆST. VII. Licitum ne est Christianis captiuis timore mortis perculsis pro infidelibus pugnare aduersus Christianos? RESP. Negat communis sententia, si de bello directo, & immediato sermo sit aduersus Christianos. Cum enim hoc bellum Religionis causa injustum sit, intrinsecum malum est se se tali pugnæ immiscere. Quare ejusmodi captivi nequeunt tormenta bellica explodere, naves gubernare, bombarbas emittere ob metum mortis: quia haec omnia in Christianorum cladem recidunt. De hoc vix est dissidium. Disputant vero num præfatis captiuis Christianis licitum sit in Turcarum traremibus remigare, scalas apponere, pro pugnacula deferre, sulphur porrigerre, obmetum mortis. Adfirmant plures, quod actiones istæ indiferentes sint, nulloque modo natura sua noxiæ, sed sola Turcarum malitia in Christianorum damnum, & necem dirigantur. Verum hanc probare doctrinam nequeo. Actiones præfatae indiferentes essent, dum in Lunæ campo bellum perageretur. At in vero & non fictio bello actiones noxiæ sunt circumstantis spectatis. Aliunde bellum injustum creditur: ergo præfatae actiones minime licita christianis captiuis sunt.

IX. QUÆST. VIII. Qui modus servandus Tom. I.

in bello peragendo sit? RESP. Indictio bello justo, feligere Principes debent belli Duces non modo artis militaris peritos, verum etiam optimis moribus integritate, & justitia ornatos; ilisque districte jubere ut milites in officio contineant, neque permittant, aut pro viribus tollerent, quidquam sine in itinere, sine in bello fieri quod justitia, & pietati repugnet, utque a Deo justitia vindice imprimis expectent prosperam pugnæ christiano more peractæ eventum.

X. QUÆST. IX. Quænam sunt peccata quæ parari in bello solent? RESP. Numerus cali stellas si potes. Cursim communiora indica bo. Adversus justitiam peccant, & ad restitutionem tenentur belli duces, si Principum suorum mandata transgrediantur, damna inferentes, quæ ad victoriam non conducunt: si militibus stipendia solvere congruo tempore negligant: si in militum rapinas stupra, depredationes injustas non animadver tant, & pro viribus non impediunt, cum ad id ex officio adstringantur: si munieribus & civitatibus, pagisque acceptis, ne iisdem onera tributorum imponant, aut ne in eorumdem dominibus milites collocent, postea alias civitates & provincias, quæ munera illis non solvunt, plus justo gravant, onerant que: si militum censum non compleant, fictios milites substituentes.

XI. Peccant milites, si castra deserant; si officii sui partes implere negligant; si præter stipendia accepta quidquam surripiant; si hostibus ultra jus, & fas incommoda inferant.

XII. QUÆST. X. Licitum ne est in bello justo innocentes sanguibus permixtos occidere? RESP. Innocentes reputantur agricola, rustici, infantes, mercatores, peregrini, feminæ, advenæ, legati, & inter Christianos Religiosi, Sacerdotes, qui arma non stringunt ad præliandum. Hos occidere nefarium est, & inhumanum, nisi ita permixti nocentibus forent, ut sine illis occidi non possent.

XIII. QUÆST. XI. Licitæ ne sunt repressalia? RESP. Repræssalia sunt compensatio nes malorum quæ ab hostibus sunt illata. Ut liceant plura requiruntur. 1. ut legitima auctoritate Principis læsi fiant: 2. ut mala illata manifesta sint: 3. ut hostes, qui mala intulerunt, debitam compensationem dare detrectent: 4. ut non plus danni inferatur quam receptum sit: 5. ut non fiant cum damno innocentum & Sacerdotum.

XIV. Disputare Theologi solent utrum bellum instituere diebus festis licitum sit? Absolue non licet, & res de se patet. Ceterum

terum bellum non instituitur, nisi opportunitate data. Porro si opportunitas occurrat die festo, tum necessitas urget. Idcirco longius hac de re disputare non vacat.

DISSERTATIO II.

De luxuria, ejusque speciebus.

CAPUT I.

*Propositiones damnatae ab Alexandro VII.
& Innocent. XI.*

I. **M**ollities, sodomia, & bestialitas sunt peccata ejusdem speciei infime: ideoque sufficit dicere in confessione, se procurasse pollutionem. Est 24. Alex.

II. Qui habuit copulam cum soluta, satisfacit confessionis precepto, dicens commisi cum soluta grave peccatum contra castitatem, non explicando copulam. 25.

III. Est probabilis opinio que dicit, esse tantum veniale osculum habitum ob delectationem carnalem, & sensibilem que ex osculo oritur, secluso periculo consensu ulterioris, & pollutionis. 40.

IV. Non est obligandus concubinarius ad efficiendam concubinam, si hæc nimis utilis esset ad oblectamentum concubinarii, vulgo regalo, dum deficiente illa, nimis agra ageret vitam, & aliae epule rado magno concubinarii afficerent, & alia famula nimis difficile inveniretur. 41. Alex.

V. Tam claram videtur fornicationem secundum se nullam involvere malitiam, & solum esse malum, quia interdicta, ut contrarium omnino rationi dissonum videatur. Est 48. Innoc.

VI. Mollities juve naturæ prohibita non est. Unde si Deus eam non interdixisset, sepe esset bona, & aliquando obligatoria sub mortali. Est 49.

VII. Copula cum conjugata, consentiente marito, non est adulterium; adeoque sufficit in confessione dicere, se esse fornicatum. 50.

VIII. Famulus qui submissis humeris scienter adjuvat herum suum ascendere per fenesulas ad stuprandam virginem, & multories eidem subseruit deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti, puta ne a domino male tractetur, ne torvis oculis aspiciatur, ne a domo expellatur. 51.

IX. Poteſt aliquando absolvi qui in proxi-

ma occasione peccandi versatur, quam potest, & non vult omittere; quinimmo direkte, & ex proposito querit, aut ei se ingerit. 61.

X. Proxima occasio peccandi non est fugienda, quando aliqua causa utilis, aut honesta non fugiendi occurrit. 62.

XI. Licitum est querere indirecte occasionem proximam peccandi pro bono spirituali, vel temporali nostro, vel proximi. 65. Innoc.

CAPUT II.

Propositiones laxæ Casuistarum quorundam.

I. „ **R**Ogas, utrum fornicatio, & pollutio, aut quæcumque alia non naturalis carnis commixtio, habita secrete in Ecclesie, sit sacrilegium, & hoc debeat in confessione explicari? Respondeo, esse probabile quod non. “ Caramuel in Regul. disp. 66. num. 1017. Vasquez in 1. z. D. Thomæ quest. 72. disp. 98. cap. 6. num. 6. pag. 493.

II. „ Possunt famuli tutæ conscientia metrericis, aut pellicis mensa ministrare cibos non solum communes, sed & calidos, & provocantes ad venerem condire, & lectum privatum sternere. Consulto non solum cibos communes dixi, quia scio esse majorem difficultatem, si essent tales qui excitarent venerem. Tunc enim juxta aliquos Theologos deberent famuli a tali servitio desistere, ne in venerem illitam cooperarentur indirecte. At prudenter credimus etiam tales cibos posse sine culpa condiri. “ Idem Caram. in Theol. præterient. Tom. 4. precep. 6. quest. 8. c. z. num. 1974.

III. „ Possunt lectum domino, & amasæ sternere citra culpam veniam, consono Azorio, & Diana. “ Idem ibid. n. 2976.

IV. „ Non esset peccatum mortale dominio & pellici alias rem habituris aut lectum procurare hospitio, aut parare meliorem solito, aut floribus fulcire. Ratio est, quia aliud est fornicari, aliud melior rem in ipsa fornicatione habere delectationem in genere luxuriæ, aliud & omnino diversum, habere majorem requiem in genere commoditatis. Sane hanc ultimam dominio etiam fornicaturo procurare malum non est. “ Idem ibid. n. 2977.

V. „ Non est peccatum conducere pellicem in domum sui domini, tametsi eam peccaturam prævideas. “ Idem ibid. n. 2981.

VI. „ Scio ex verbis amatoriis fecuturam pollu-

„ pollutionem , vel ex curioso feminæ asper-
 „ étu , vel ex nimia comedione , aut ebrie-
 „ tate . Num sit mortale ? Docet Vasquez
 „ non esse , et si previsa . “ P. Escobar in
 Sum. tr. 1. exam. 8. c. 3. n. 80.

VII. „ Circa verba quæstorum , an pecca-
 „ ret mortaliter qui feminam sollicitaret si-
 „ ne intentione executionis ob solam ostend-
 „ tionem amoris , si sciat certo illam mi-
 „ nime ad assensum alliciendam ? Peccat pla-
 „ ne , quia ad scandalum illam adserit . Quid ,
 „ si tam effrenata libidinis sit qui sollici-
 „ tat , tantaque jam infamia circa libidinem
 „ laborat , ut nullatenus femina ad scanda-
 „ lum afferenda sit ? Non delinquit morta-
 „ liter . Idem loc. cit. n. 97.

VIII. „ Seit mulier in choreis se ab ali-
 „ quo tangi intentione prava : peccat ne e-
 „ jusmodi tactus admittendo ? Respondeo ne-
 „ gative . Idem loc. cit. n. 80.

IX. „ Valde probabile est opinionem af-
 „ firmantem oscula , & tactus , dummodo
 „ non sint in partibus ad generationem de-
 „ stinatis immediate , & proxime , si fiant
 „ absque intentione carnali , non esse pecca-
 „ ta mortalia , sed ad summum venialia ...
 „ Unde colligo , quod confessor sollicitans
 „ in confessione ad ejusmodi oscula , & ta-
 „ ctus absque intentione prava , non sit de-
 „ nuntiandus vi motus proprii Gregorii XV.
 „ & aliorum summorum Pontificum . “ P.
 Thomas Hurtado Tom. 1. variar. resol. tra-
 ctat. 3. cap. 3. resol. 27.

X. „ Dicendum est , peccata luxuriae con-
 „ tra naturam , etiam magis turpia appa-
 „ reant , & majori nota infamiae digna sint ,
 „ ex genere tamen suo minora esse quam
 „ peccatum furti . “ P. Vasquez in 1. 2. D.
 Thome tom. 1. quæst. 73. art. 4. in notation.
 2. 3. pag. 480.

XI. „ Habens delectationem venereum ,
 „ cessante tamen periculo consensus in eam ,
 „ vel periculo in pollutionem consensus ,
 „ nullo modo peccabit , nequidem veniali-
 „ ter , si solum permittat appetitum delecta-
 „ ri negative se habendo . “ Joannes San-
 chez in disp. select. disp. 21. n. 3. pag. 102.
 edit. Venet. an. 1639.

XII. „ Qui ederet calida , ut somnia im-
 „ munda haberet , non peccaret : quia so-
 „ mnium impudicum necessarium in causa
 „ nullo jure prohibitum est . “ Idem loc. cit.
 num. 13. pag. 106.

XIII. „ Quando est dumtaxat solum pro-
 „ bable te succubiturum tentationi , certe
 „ etiam probabile est te non succubiturum .

„ Atque sicut in plurimis aliis materiis fas
 „ tibi est ex utralibet sententiarum specula-
 „ tive probabilium deducere conclusionem ti-
 „ bi gratam ; ita licebit tibi argumentari .
 „ Occurrunt mihi graves rationes , ob
 „ quas vir prudens sapienter judicare potest
 „ me lapsurum in novum crimen mortale ,
 „ si accessero hanc domum . Viceversa sunt
 „ alias rationes etiam graves , ob quas alias
 „ æque prudens pronuntiaret me non lapsu-
 „ rum . Ergo possum sine nota temeritatis ,
 „ & imprudentiae me committere illi occa-
 „ sioni , certo non commissurus , si liquido
 „ sciremi me in illa admissurum illud grave pec-
 „ catum . Atque adeo fas est per se loquen-
 „ do committere se periculo probabili pec-
 „ candi mortaliter . “ P. Georgius Gobat in
 experim. Theolog. vol. 1. tr. 7. cas. 16. n. 725.
 pag. 585. edit. Monachii n. 1669.

XIV. „ Liquido scio crebro fieri , præser-
 „ tim inter plebejos , & rusticos , ut eodem
 „ in lecto puerilla cum proco cubent aliquot
 „ horas induiti , & exuti ; & tamen nihil o-
 „ mnino impudicum agant ; vel nonnisi oscu-
 „ la , & turpes attractiones exercant : unde
 „ judico non posse a Confessario negari abso-
 „ lutionem omnibus illis puellis plebeiis . . .
 „ quæ non videntur habere propositum num-
 „ quam amplius admittendi procum in lec-
 „ tum sum . “ Idem Vol. 2. cuius titulus
 Quinarius Tractatum &c. tract. 5. cap. 32.
 sect. 2. num. 19. & 20. pag. 553. edit. Con-
 stant. anno 1670.

XV. „ Si concubinarius nequeat dimitte-
 „ re suam concubinam sine iactura centum
 „ aureorum , seu ducatorum , poterit Con-
 „ fessarius pro re nata amplecti sententiam
 „ vel Joannis Sanchez , vel Oviedi , paullo
 „ ante relatam . . . Idem tract. 7. cas. 16.
 num. 530. pag. 596.

XVI. „ Si ipsa est ita effrons , ut dimis-
 „ sa , propalatura sit occultum concubina-
 „ tum , retinere eam volenti patrocinabuntur
 „ plerique ex citatis ; sed utique munien-
 „ dus erit peculiaribus propositis , & aliis
 „ mediis ; sicut & patrocinabuntur , si ipsa
 „ sit ejus ancilla , & nequeat aliam adipisci
 „ absque pari periculo ; cum tamen haud
 „ possit ullo modo carere ancilla omni . . .
 Idem ibid.

XVII. „ Si rusticus a viro existimato do-
 „ cto , ac pio audisset , fornicationem , & fur-
 „ tum externa esse peccata , at licere torni-
 „ candi , aut furandi desiderium , quibusdam
 „ Neotericis doctis videtur , hanc ignoran-
 „ tiam minime excusare , quod hic libere

„ velit objecsum externum , quod esse peccatum novit . . . Quamvis hoc probabile sit , probabilius tamen credo , illum actum internum excusari omnino a malitia „ . P. Thomas Sanchez lib. 1. in Decal. c. 16. n. 16. & 17.

XVIII. „ Licet Nav. Philiar. Azor. existimant , etiam conjugatum peccare mortaliiter , si voluntarie delectetur commotio sensitiva , ac venerea , orta ex conjugis absentis apprehensione , eo quod talis commotio tunc ordinari non possit ad actum conjugalem , sed potius ordinetur ad pollutionem ; opposita tamepe sententia probabilitate non caret „ . P. Paulus Layman Tom. 1. lib. 1. tr. 3. c. 6. n. 14.

XIX. „ An si amicus meus velit ut ego feram munuscula , & similia , turpis scilicet amoris incitamenta , quae ipse mittit ad suam concubinam , possim ego sine peccato deferre ? . . . Fateor , si tibi magis sit ejusmodi amicitia , ac vere timeres eam amittere , excusari te posse : quia tunc notabilis documenti justus metus accedit . Simile quid erit , si a te amicus petat , ut cubiculum ei accommodes , in quo scis eum fornicaturum „ . P. Thomas Tamburinus lib. 5. in Decal. c. 1. §. 4. num. 20.

XX. „ An ex aliqua justa causa licitum sit commodare cubiculum alicui petenti ad fornicandum , vel locare domum meretrici , etiamsi ob loci circumstantiam aliquis peccatum admitteret , vel si meretrrix domum illam conducens plurimum feminis honestis vicinis noceret ? De hoc casu olim interrogatus fui . Nam quidam vir nobilissimus instanter ab amico dominum ejus ad meretricandum petebat . At si hoc illi denegasset , in gravissimum damnum incidebat . Consuluit an peccaret hoc faciendo . Et respondi negative , quia absque detrimento proprio proportionato hoc denegare minime poterat „ . P. Antoninus Diana Tom. 7. coind. tr. 5. resol. 48. §. 1. pag. 241. edit. Ven. an. 1698.

XXI. „ Ex hoc colligitur quid dicendum sit de aurigis deferentibus meretricem ab uno loco ad alium , quam sciunt illuc pere ad peccandum . Hi enim regulariter excusantur a peccato , quia adeo causa non amittendi lucrum , quod ex eo ministerio comparant . Ita ille (Merolla) & ego . „ Idem Diana loc. cit. resolut. 42. pag. 239.

XXII. „ An sit aliqua causa excusans prae-

bentem munera concubinae judicis , ab iliaque petentem ut judicem in negotio interpretellet ? . . . Si negotium grave sit , videasque judicem tibi non esse proprium ; speres autem intercessione concubinae gratum fore , neque alia via appearat qua possis illum ad servandum tuum jus inflectere ; crederem tibi licere petere a concubina ut in tali negotio intercedat . . . Quid vero media illa intercessione , concubina & judex pericolo pecunandi exponantur , non obstat quominus id licite fieri possit , urgente gravi causa . „ P. Ferdinandus de Castropalao Tom. 1. tr. 6. disp. 6. punc. 15.

XXIII. „ Peccant sine dubio mortaliter , regulariter loquendo , pictores pingentes valde turpia , & obscena , & multo magis histrio ejusmodi valde turpia representantes , ex quibus moraliter certum est multos lapsulos graviter quoad castitatem , & pudicitiam . . . Dico autem regulariter loquendo : nam in casu raro , si tanta est pictoris , vel histrionis necessitas ut eo lucro indigeret ad victimum , vestitum , vel ejusmodi quid necessarium , semel aut iterum licere , donec alia victimus ratio occurrat , permittunt alii DD. cum Tamburino , dummodo absit periculum mortale impuræ delectationis venereæ . „ P. Patritius Sporer Tom. 2. tract. 5. in 5. precept. Decal. c. 1. sec. 3. n. 92.

XXIV. „ Utrum pictori liceat pingere imaginem amasias pro eo quem pictor certo scit in illam turpiter esse affectum ; idque extra finem matrimonii , praesertim si etiam essent matrimonii ad invicem incapaces ? Resp. non licere citra peccatum mortale regulariter loquendo , cum praebat momentum & incitamentum turpis amoris ; nisi iterum causa gravissima necessitatibus pictoris excusaret : cum enim talis pictura de se sit indifferens , & etiam bono usui deservire possit , ob causam gravis necessitatis poterit pictor permittere peccatum alterius . „ Idem Sporer loc. cit. n. 93.

XXV. „ Utrum liceat famulo , domino ascendere volenti ad rem habendam cum femina , pedem sustinere , aut scalam apponere ad mortem sibi imminentem vietandam ? Negabunt forsan aliqui post decreta SS. P. N. Innocentii . Sed probabilius multo respondeo affirmative . . . Nec obstat quod ea cooperatio daminetur in 51. propositione memorata decreti Innocentii , quia in eo decreto damnatur ea

„ cooperatio facta ob causas in propositio-
„ ne ipsa memoratas „ . Emmanuel a Con-
ceptione , seu continuator Leandri a SS. Sa-
cram. in 10. Decal. precep. par. 4. in ord. 9.
tr. 7. disp. 5. qu. 2.

XXVI. „ An famulus scribens , vel defe-
„ rens scripta ad venerem provocantia ad
„ evadendum mortis , vel gravis nocimenti
„ periculum , peccet mortaliter ? . . . Pro-
„ babiliter respondeo negative „ . Idem loc.
cit. qu. 28.

XXVII. „ An liceat famulo concubinam
„ portare , ne a domino male tractetur ,
„ aut e demo expellatur ? . . . Probabilius
„ respondeo affirmative . . . De casu au-
„ tem hujus quæstionis mentionem nullam
„ fecit propositio damnata (51. ab Innoc.
„ XI.) ac proinde non est propter illam
„ recedendum ab affirmativa sententia „ .
Idem loc. cit. q. 26.

XXVIII. „ Interesse comœdiis , ubi tur-
„ pes res repræsentantur , ob solam vanam
„ curiositatem absque periculo probabili la-
„ psus in aliquod mortale , non est letale .
„ Immo quando audiuntur hujusmodi tur-
„ pia in comœdiis repræsentata ob solam de-
„ lectionem resultantem ex verbis turpibus ,
„ non est mortale „ . P. Vincentius Candi-
„ dus Tom. I. disquisit. II. art. 2. dubit. 5.

XXIX. „ In re venerea , sive in delecta-
„ tione propria luxuriæ deliberate admissa ,
„ in solutis potest practice admitti parvi-
„ tas materiæ „ . Torrecilla Tom. I. trac.
3. disp. 2. cap. 3. tota fere sec. I. a. num. 14.
fol. 514.

XXX. „ Femina cui mors , infamia , vel
„ detrimentum in bonis , vel aliud simile
„ immineret , sub letali non tenetur voca-
„ ferare , vel cum tanto incommodo resisten-
„ te ; sed , seclusio periculo consensus , poten-
„ tit se finere oppressori „ . Idem ibid. sec.
2. n. 15. fol. 324.

XXXI. „ Possunt conjuges , ut saluti con-
„ sulant , vel ne onerentur prole , cessare
„ mutuo consensu a copula incepta , si ab-
„ sit periculum pollutionis , saltem ut vo-
„ luntariae ipsis , quin letaliter peccent „ .
Idem ibid. sec. 5. n. 92. fol. 550. cum Dia-
na , & alii.

XXXII. „ Secluso periculo pollutionis ,
„ saltem ut ipsis voluntariæ , gravis culpa
„ non est in conjugatis delectari de copu-
„ la præterita , vel futura ut præsenti fibi
„ proposita , etiam in tempore in quo co-
„ pulam exercere non valent , et si absentes
„ sint „ . Idem ibid. n. 134. fol. 554.

Tom. I.

XXXIII. „ Secluso item periculo pollu-
„ tionis , saltem ut ipsis voluntariæ , grave
„ non est in sponsis de futuro , aut viduis
„ mente , vel etiam sensu delectari in co-
„ pula licite in matrimonio habenda , vel
„ habita „ . Idem ibid. num. 149. & 152.
fol. 556.

XXXIV. „ Secluso rursus periculo pollu-
„ tionis , saltem ut ipsis voluntariæ , gravia
„ non sunt in sponsis de futuro oscula , &
„ amplexus , & tactus (qui prorsus libidi-
„ nosi non sunt) ob turpem aliquam dele-
„ ctationem . Idem ibid. n. 165. fol. 557.

XXXV. „ Pollutio prævisa , secluso peri-
„ culo consensu , & intentionis erga ipsam ,
„ non est sufficienter voluntaria , & imputa-
„ bilis ad culpam , si proveniat ex causa quæ
„ etsi nec necessaria , neque utilis sit , remo-
„ te tamen ad pollutionem se habeat , vel in
„ illam notabiliter non influet „ . Idem ibid.
sec. 9. num. 39. fol. 586.

XXXVI. „ Pollutio , secluso eodem peri-
„ culo consensu , & intentionis , quoties cau-
„ sa ex qua provenit , non est graviter pec-
„ caminofa in materia luxuriæ , etsi illa in
„ se sit graviter peccaminosa in alia specie ,
„ & in illa prævideatur futura , non est pec-
„ catum mortale „ . Idem ibid. num. 63.
fol. 596.

XXXVII. „ In propositione 48. damnata
„ ab Innocentio XI. (quæ ajebat : Tam clari-
„ rum videtur fornicationem secundum se nu-
„ lam involvere malitiam ut contrarium omni-
„ no rationi diffonum videatur) non damna-
„ tur dicere fornicationem non esse malam
„ secundum se ; sed modus propositionis ,
„ quatenus ait : Tam clarum videtur „ .
Idem in propos. damn. trac. 8. ad propos. 48.
Innoc. concl. 2. fol. 456.

XXXVIII. „ In propositione 49. damna-
„ ta ab Innocentio XI. quæ ajebat : Mollis-
„ ties jure naturæ prohibita non est : non ve-
„ nit damnum dicere , jure naturæ sub ve-
„ niali tantum esse prohibitam „ . Idem ibid.
ad propos. 49. Innoc. concl. 5. fol. 457.

XXXIX. „ Non est grave desiderare pol-
„ lutionem quæ vel in somniis , vel etiam
„ in vigilia , nulla data culpabili opera ,
„ eveniat , vel sanitatis causa , vel ob se-
„ dandas tentationes , aut ex aliquo quovis
„ motivo honesto „ . Idem Tom. I. Sum. tr.
3. disp. 2. c. 3. sec. 9. n. 99. fol. 593.

XL. „ Potest uxor , quin graviter pec-
„ cet , mere passive se habere (saltem se-
„ cluso periculo consensu) ad sodomitam ,
„ ad quam magis cogit sub mortis com-

minatione,, . Idem *ibid. sec. 10. num. 9.*
fol. 594.

XLI. „ Audire , loqui , scribere , canere
„ turpia , & similiter turpia gesticulari ob
„ solam levitatem , ex se non est grave,, .
Idem *ibidem sec. 12. n. 171. & 172. fol. 610.*

XLII. „ Pari modo choreæ , et si turpes ,
„ sunt indifferentes , neque intrinsece ma-
„ le : unde ex levitate animi tantum , va-
„ nitateve , vel vana recreatione eas duce-
„ re , vel spectare peccatum veniale non ex-
„ cedit „ . *ibid. n. 173. fol. 610.*

XLIII. „ Scenis assistere , illasque specta-
„ re de rebus etiam turpibus , & amatoriis ,
„ secluso periculo consensu , gravis culpa
„ non est „ . Idem *ibid. n. 176. fol. 610.*

XLIV. „ Similiter gravis culpa non est ,
„ secluso periculo scandali , & prava provo-
„ candi intentione , tales comedias turpes
„ repræsentare , aut facere „ . Idem *ibid. n.*
181. fol. 611.

XLV. „ Fucare se feminas , si ad majo-
„ rem pulchritudinem ostendendam fiat ,
„ dummodo prava intentio absit , si juxta
„ consuetudinem patriæ fiat , nec veniale
„ forsitan erit „ . Idem *ibid. n. 182. fol. 611.*

XLVI. „ Mulier , si se ornat juxta con-
„ suetudinem patriæ , non peccat ut mini-
„ mum graviter , etiam si ornatus sit super-
„ fluus , & maximus , licet animadvertis tur-
„ piter adamari posse , dummodo animo pro-
„ vocandi non fiat „ . Idem *ibid. disp. I. c.*
1. sec. 3. n. 120. & 121. fol. 257.

XLVII. „ Ornatus muliebris , et si maxi-
„ me insignis , cosuetudinem patriæ non
„ excedens , nullam figuram , speciemve ma-
„ li habet , dummodo non sit habitus pecu-
„ liaris meretricum Idem *idid. n. 122.*

XLVIII. „ Gravis culpa non est in fe-
„ minis notabilis denudatio ad mamillas ad
„ ostendendam pulchritudinem , si fiat juxta
„ consuetudinem patriæ , dum animus pro-
„ vocandi desit „ . Idem Torrecil. Tom. I.
Sum. tract. 3. disp. 2. cap. 3. sec. 12. num.
186. fol. 611.

XLIX. „ Gradus intra quem committitur
„ incestus , etiam si primus , non venit
„ necessario in confessione exponendus „ .
Idem *ibid. sec. 6. num. 24. fol. 562. & seq.*
cum Diana , & aliis .

L. „ Nec est circumstantia incestus neces-
„ sario confitenda , impudice tractare , vel
„ etiam sodomitice confanguineos , vel affi-
„ nes masculos , vel feminas „ . Idem *ibid.*
num. 45. fol. 564.

LI. „ Dubitatur hic , an possit absolviri qui

„ in occasione peccandi proxima versatus est ,
„ antequam illam tollat , praesertim si in a-
„ lia confessione id promisit , & deinde non
„ stetit promissis . Nonnulli putant , absolviri
„ non posse extra casum necessitatis
„ Communius tamen cum Suarez , Tabie-
„ na , & aliis censem , posse hujusmodi po-
„ nitentem absolviri semel ac iterum , si ap-
„ parent hic & nunc vera signa doloris , &
„ propositi efficacis tollendi statim occasio-
„ nem proximam . Ratio cur videatur po-
„ se prima & secunda vice absolviri , est , quia
„ poterit penitentis aut immediate ante , aut
„ audiendo concionem , aut audiendo ipsius
„ Confessarii admonitiones excitari ad verum
„ & efficax propositum non peccandi , in quo
„ casu est sufficienter dispositus . Sic passim
„ absolvuntur penitentes per hoc quod pro-
„ ponant restituere , quamvis ante confessio-
„ nem non restituerint , prout poterant . . .
„ Neque ex propositione illa 61. Innocen-
„ tii XI. eruitur quod absolviri non possit .
„ Nam qui proponit occasionem statim tol-
„ lere , non potest dici , quod illam velit de
„ praesenti „ . P. Dominicus Viva *in sua Tru-*
tina in prop. 41. Alex. VII. n. 16.

LII. „ Quæritur tertio , an reservatione
„ afficiatur qui cum moniali peragat , vel
„ attinet actus subimpudicos de le venia-
„ les , v. g. genas vellicare , mammillas tan-
„ gere , & solum ex pravo affectu , vel ex
„ prava intentione mortales . Resp. negati-
„ ve : nam juxta nostram regulam octavam
„ non nisi peccata per externam malitiam
„ mortalem reservantur „ . In *dissertatione*
in casus reservatos Venetæ Diocesisos.

C A P U T III.

*De luxuria , & ejusdem speciebus ; atque de
caeritate opposita , quæ hoc mandato
jubetur .*

I. **Q**UEST. I. *Quid prohibet hoc preceptum
Non mæchaberis?* RESP. Communis
Catholicorum doctrina est , Deum his
verbis *non mæchaberis* non modo adulterium ,
quod proprie significat hoc verbum *mæchor* ,
sed quemcumque illicitum concubitum , &
omnem libidinis actionem prohibere . Lege
Catechismum Tridentinum p. 3. in 6. præc. n. 5.

II. **Q**UEST. II. *Quid sit luxuria?* RESP.
Est usus venereorum contra rationem . Ve-
nerea licita esse queunt ; si rationis ordo ser-
vetur , sicut cibus , & potus : nam sicut ci-
bus ad individui , ita illa ad speciei conser-

vationem destinata sunt. Luxuria genere suo peccatum capitale & mortale est.

III. QUEST. III. Quæ sunt luxuriae *filiæ*, & species? RESP. Filiae octo, nempe cæcitas mentis, inconsideratio, præcipitatio, incontinentia, amor sui, odium Dei, affectus præsentis sæculi, & horror futuri. Species vero luxuriarum sunt septem. 1. Simplex fornicatio, 2. adulterium, 3. incestus, 4. stuprum, 5. raptus, 6. vitium contra naturam, 7. sagrilegium. Longius disputant Scholastici de specifica & essentiali distinctione horum criminum. Convenit penes omnes fornicationem, pollutionem, bestialitatem, sodomitam esse species atomas, maxime post 24. thesim damnatam ab Alex. VII. Disputant, an idem dicendum sit de adulterio, incestu, stupro, raptu, & sacrilegio. Sed quia ejusmodi questiones ad proximam ineptæ sunt, easdem prætero. Quisque enim Christianorum distinguit incestum ab adulterio &c.

IV. QUEST. IV. Utrum sextum preceptum præcipiat castitatem? RESP. Quodlibet preceptum vitium prohibens, oppositam virtutem jubet. Idcirco Deus luxuriam vetat, ut castitatem colamus. Pespicue hoc explicat Catechismus Tridentinus p. 3. in 6. præc. n. 2. *Istius precepti*, inquit, *duplex vis est*: altera *que disertis verbis adulterium vetat*; altera *que eam sententiam inclusam habet ut animi corporisque castitatem colamus*. Non modo animum ab omni pravo desiderio, & venerea delectatione immunem custodire debemus, verum etiam corpus ipsum purum, & immaculatum tamquam templum Spiritus sancti servandum est. Castitas quippe a castigando effrenatas appetitiones dicitur.

V. Castitas prese accepta peculiaris virtus est, quæ concupiscentiam compescit, & coerget a delectatione venerea. Castitas hæc duplex. Altera perfecta, quæ ab omnibus voluptatibus carnis, sive illicitis, sive licitis abstinet, nuptiis exclusis, & appellatur *virginalis*. Altera imperfecta, quæ solas illicitas voluptates rejicit; & hæc est duplex, altera *conjugatis*, quæ omnem copulam praeter uxoriā rejicit, servatque in matrimonii usu regulas loci, temporis, finis a recta ratione præscriptas; *vidualis* altera, quæ ab omni carnis copula sibi temperat.

VI. QUEST. V. In quo sita sit virginitatis notio? RESP. In proposito perpetuo abstinendi a delectatione venerea. Duplex est. *Materialis*, seu naturalis in carnis integritate a cuiusque impuræ contagionis labore im-

mani sita, quæ amitti per matrimonium potest absque peccato. Altera *moralis*, quæ præter naturalem virginitatem includit propositum constans custodiendi eamdem integritatem. Si propositum istud temporarium sit, & non perpetuum, non habetur virtus virginitatis. Hinc puellæ ante matrimonium virgines appellantur, sed virginitatis virtute præditæ non sunt ob defeculum propositi perpetui. Virginitas hæc virtus distincta est a castitate. Virginitatis virtus excellentior est matrimoniali statu, omnium Catholicorum sententia, quidquid blaterent hæretici.

VII. QUEST. IV. Qua ratione virginitas amittitur? RESP. In paucis virginitas materialis perit ob voluntariam claustrum virginalis violationem, sive claustrum aperiatur copula, sive actibus turpibus. Vir amittit suam virginitatem ob voluntariam carnalem copulam, & pollutionem. Ut femina virgo sit tria necessaria sunt: claustrum virginalē incorruptum, privatio delectationis venereæ, & propositum perpetua abstinentia. Horum unum virginitatem destruit. Vir amittit virginitatem per pollutionem voluntariam, per voluntariam copulam, per delectationem venereum voluntariam. Sine culpa extra matrimonium amitti virginitas nequit. Violatio integratatis materialis vi illata puellæ non tollit virtutem in proposito perpetuo abstinendi a delectatione venerea sitam.

C A P U T IV.

De fornicatione, & concubinatu.

I. QUEST. I. Quid sit fornicatio, & quare prohibita? RESP. Est concubitus humanus naturalis soluti cum soluta corrupta. Duæ primæ particulæ distinguunt fornicationem a concubitu bestiali, idcirco dicitur *humanus*; & a mollitie, quæ est contra naturam, propterea dicitur *naturalis*. Aliæ particulæ soluti cum soluta secernunt fornicationem & a concubitu matrimoniali, & a concubitu cum persona affine, vel consanguinea, vel voto castitatis ligata. Ultima particula corrupta distinguit fornicationem a stupro.

II. Dogma fidei est fornicationem simpli-
cem grave scelus esse a Deo severissime ve-
titum. Inquit enim. Cor. 6. S. Paulus *Nec que fornicarii regnum Dei possidebunt*. Non defuit qui docuit fornicationem non esse ju-
re naturæ prohibitam: quem errorem pro-
scri-

scripsit Innocentius XI. in hac 48. thesi : *Tam clarum videtur fornicationem secundum se nullam involvere malitiam, & solum esse malam, quia interdicta, ut contrarium omnino rationi consonum videatur.* Et 49. *Mollities jure nature probita non est. Unde si Deus eam non interdixisset, sepe esset bona, & aliquando obligatoria sub mortali.*

III. Omnis effusio seminis a natura instituta est ad prolem generandam, & educandam. Huc non tendit fornicatio. Siquidem fornicatores duæ personæ sunt nullo naturali vinculo copulatae. Coitus fornicarius vagus est natura sua, impeditque non raro prolis generationem. Solutio autem cuiuscumque vinculi tollit educationem, quæ postipat lac a matre, & sustentationem a patre, & educationem. Nec refert quod fornicator cum fornicatrice inire pactum queat & prolis educanda, & sustentanda, dotemque eidem fornicatrici assignandi: quoniam hæc omnia fortuita sunt, & accidentalia, quæ impedit nequeunt mala quæ natura sua coitum fornicarium consequuntur contra præstitutum a natura ordinem.

IV. QUÆST. II. *In quo differt concubinatus a fornicatione?* RESP. Fornicatio est concubitus vagus modo cum hac, modo cum illa femina. Concubinatus est cum eadem femina frequens copula, sive soluta hæc sit, sive matrimonio ligata. Canonistæ describunt concubinatum hoc pacto. Est concubitus viri cum femina soluta, quam quis vel in domo propria, vel extra retinet, vel ad quam frequenter, vel ex consuetudine accedit, sive retineat at concubinam, sive ut pedissequam, sive quocumque alio titulo. Alter describit civile jus concubinatum; sed id scire nostra non interest. Veritus concubinatus est non naturali, & divina tantum lege, verum etiam canonico, & civili jure. Gravitatem iniqui concubinatus exponit Tridentinum sess. 24. de refor. c. 8.

V. QUÆST. III. *Absolvendus ne est concubinarius, antequam concubinam dimittat?* RESP. Adfirmabant olim aliqui; sed eorum opiniones proscripsit Alex. VII. Non est obligandus concubinarius ad ejiciendam concubinam, si hæc nimis uilis esset ad oblectamentum concubinarii, vulgo regalo, dum deficiente illa, nimis ægre ageret vitam, & alicui epule tadio magno concubinarium afficerent, & alia famula nimis difficile inveniatur Et Innocentius XI. Poteſt aliquando absolvī qui in proxima occasione pecandi versatur, quam poſteſt, & non vult o-

mittere, quinimmo directe, & ex proposito querit, aut ei se ingenerit.

VI. Plures Calvistæ consuetis distinctiunculis elidunt thesum istarum damnationem. Moya, Antonius a Spiritu sancto docent semel, vel bis absolvī posse concubinarium promittentem dimissionem concubinæ. Salmantenses publicum numquam, secretum vero concubinarium in aliquo raro casu, in quo signa gravia daret contritionis, absolvī prima vice posse, priusquam concubinam is dimittat, defendant. Sed has opiniones ut falsas rejicio. Laxam quoque, & falsam reputo opinionem P. Viva, qui in Trutina sua in thes. 41. Alex. VII. num 16. docet, absolvī posse semel & iterum eum qui in occasione proxima versatur, si hic & nunc apparent vera signa doloris, & propositi efficacis tollendi statim occasionem proximam. His benignis interpretamentis eludi proscriptæ theses solent. Regula generalis esto. Numquam absolvendus concubinarius est, aut qui in occasione proxima libere versatur, nisi prius concubinam, aut occasionem proximam dimittat. Sola physica, & realis impotentia, ut mors instans, ab hac regula eximere valet. Dimissa concubina, vel occasione proxima, nulla permittatur familiaritas, nulla visitatio. Plura dicam cum de occasione proxima sermo erit.

VII. QUÆST. IV. *Peccatum ne grave est aspectus membrorum turpium sive viri, sive mulieris?* RESP. Salmantenses trac. 26. c. 2. p. 1. n. 6. pro sententia negante citant Sanchez, sed immerito, cum oppositum doceat. Deliberatus aspectus verendorum mulieris est peccatum mortale, quia graviter ad venerem provocat. Idem de muliere spectante viri verenda dicendum est. Excipiendi sunt aspectus fortuiti, & indeliberati, aut qui necessitatis causa sunt, ut in medicis, & chirurgiis accidit. Excipiendi quoque sunt puerorum, & puellarum infantilis ætatis aspectus. Similiter grave peccatum absolute non est aspicere verenda brutorum. Spectandæ tamen circumstantiae sunt, & spectantium imbecillitas, & propensiō.

C A P U T V.

De choreis virorum, & mulierum; & de theatrorum, seu comœdiarum frequentia.

*De conversatione hodierna promiscua,
de osculis, tactibus, & amplexibus.*

I. **C**HOREÆ, & theatra duo sunt præstigia, & beneficia, quibus dæmon inficit, & in gehennam detrudit magnam humani generis partem. Utriusque gravissimam iniquitatem paucis perstringam.

II. Saltare ex se nihil mali prodit. Saltavit David ante arcum: saltavit Maria soror Aaronis ob submersionem Pharaonis. De his, & similibus choreis disputatio nulla. Illud in præsens queritur, sint ne choreæ prout re ipsa inter viros & mulieres, inter amasios & amasiusculas, omnibus spectatis, aguntur, gravi periculo obnoxiae. Quare hæc est quæstio disputanda.

III. QUÆST. I. Sunt ne choreæ hodiernæ occasionses peccandi adeo propinquæ, ut Christiani communiter loquendo, & aliquo casu excepto, sub gravi culpa abstinere ab eisdem debent? R E S P. Negantem sententiam defendant non pauci. Salmantenses, Azorius, Bonacina, Filliarius, Wigandt, & alii. Citari etiam solent Sylvester, Angelus, Summa Tabiena; sed falso & injuria, cum oppositum doceant.

IV. Scripturæ sanctæ choreas improbat. Eccli. 9. Cum saltatrice ne assiduus sis, nec audias illam, ne forte pereas in efficacia illius. SS. Ecclesiæ Patres uno ore detestantur choreas tamquam paganicæ superstitionis reliquias, & diaboli inventa. Chrysostomus hom. 48. in Matth. *Ubi enim saltus lascivus, ibi diabolus certe adebat.* Non enim ad tripudia pedes nobis prebuit Deus, sed ut modeste incedamus &c. S. Ambrosius lib. 3. de virg. cap. 5. *Nemo, ut dixit quidam sacerdotalium doctor, saltat sobrius, nisi insanit.* Quod si juxta sapientiam sacerdotalium saltationis aut temeraria author est, aut amentia: quid divinarum Scripturarum cautum putamus exemplis, cum Joannes prænuntiatus Christi saltaricis optione jugulatus exemplo sit, plus nocuisse saltationis illecebram, quam sacrilegi furoris amenitiam? S. Augustinus in Psalm. 32. conc. 1. *Observa diem Sabbati, non carnaliter, non judaicis deliciis, qui otio abutuntur ad nequitiam.* Melius totam diem foderent, quam totam diem

saltarent. Præterea innumera Concilia, que choreas ut diaboli præstigia execrantur.

V. S. Antoninus 2. p. tit. 6. c. 6. *De chorizantibus potest moraliter exponi illud Psalm. 26.* Inflammabit in circuitu inimicos ejus ignis . . . Istud autem est iter diaboli: ipse enim circuitus querens quem devoret. Qui ergo tripudiant, cum faciant iter diaboli, cum eo se reperient in termino inferni. Non solum autem sequuntur tripudiantes iter diaboli, quinimmo diabolus ipse insidians eis, ut affessor equo dicit eos; quod pulchre ostendit Joannes Apocal. 9. ubi dicit quod de puteo abyssi ascenderunt locustæ super terram . . . Locustæ ille sunt mulieres chorizantes. Puteus abyssi, unde iste ascendunt, est profunditas inferni, unde suggeritur tale exercitium chorizandi a dæmonibus.

VI. S. Carolus Borromæus lib. mem. p. 2. c. 6. inquit: *Valeant execranda illæ publicæque saltationes. Christianorum castitati adeo exitiose, rixarum, jurgiorum, inimicitiarum, impudentiarum, pugnarum, cediumque radices, & occasiones, immo cuiuscumque lascivie seminaria.* Quid plura? Ex ejusmodi saltationum consortiis oriuntur corporum, famæ, rerum, & christianæ denique postbac disciplinæ detrimenta. Eliminantur ergo choreæ, & una cum his tot aliae morum corruptricibus, quibus hoc maxime tempore solet Satanæ hominum mentes suo imperio vindicare, profusus abrogentur.

VII. Hac voce loquuntur Patres omnes. Mirifica sunt responsa P. Francolinæ, qui in suo Cler. Rom. lib. 2. disp. 7. calum. 7. num. 33. hæc scribit: „Quæro, instituunt ne Patres, tres citati has quæstiones: an omnes choreæ reæ sint illicitæ? an hujusmodi sint chontrarie inter ejusdem sexus personas ad saltandum tempus duclæ? an semper sint illicitæ, quæ exercentur inter personas diversi sexus? an quæ licitæ per se sunt, exerceri ab omnibus, aut in omni loco possint? Has certe quæstiones non instituunt Patres, ut faciunt Theologi moralites, sed invehuntur in choreas utique non omnes: alioquin peccasset David animo simul, & corpore ante Arcam exultans: ergo solum alias: ita profecto explicandi sunt.“

VIII. En quam verum sit, novum opinandi modum distinctionum legionibus stipatum adversus Scripturarum, & SS. Patrum luculentissima testimonia præliari. SS. Patres fide bona detestati sunt acriter choreas quæ & nunc temporis, & nostra æta-

te peraguntur inter personas diversi sexus : quia non iophiftas , non cavillatores agebant. Sed David saltavit ante arcum . Maria foror Aaronis saltavit. Papæ ! Quot sunt nunc Davides saltantes ante Arcam ? Quot nunc Mariæ chorizantes , ob victorian reportatam de Pharaone prostrato ? Patres , & Theologi Patrum sectatores choreas quæ in usu sunt damnant , & execrantur , misso aliquo casu perperam opposito . Quid ? Saltavit David ante Arcam , saltavit Maria , ut Deo gratularentur , & exultationem patefacerent sanctam . Ergo choreæ inter amasios & amasunculas licitas per se sunt ? Ineptissimum commentum , quod ipse P. Paulus Segneri præstantissimus Jesuita in suo Christ. Instruct. p. 3. ser. 29. improbat his verbis latine redditis . *Doctores morales choreas enuntiant licitas : SS. Patres easdem dominant ut diabolicas . Illi ajunt : ad choreas ire non est peccatum : & isti ajunt : ire ad choreas est adire inferni festa . . . Morales loquuntur de choreis speculative , & secundum se . . . Sed sancti Patres choreas spectant ut sunt in praxi : & quia in praxi existentes sunt animabus christianis , propterea adeo easdem determinantur .*

X. Ipsi duo celebres autores mutuis antilogis sese jugulant . Casuistæ , inquit Francolinus , sunt Doctores nostri temporis , qui decidunt casus practicos , & licitas asserunt hodiernas choreas . Patres vero abstracte locuti sunt & speculative : idcirco easdem damnarunt . Contra clamat P. Segneri : SS. Patres dominant choreas quæ re ipsa aguntur inter viros & mulieres . Casuistæ vero , qui easdem licitas asserunt , speculative loquuntur . P. Segneri vere interpretatur Patres , sed frustra Casuistas . P. Francolinus falso exponit Patrum doctrinam , sed sine re interpretatur Casuistas , qui praticas choreas licitas propugnant . At tales Casuistæ evidenter errant , dum hodiernas choreas a crimine purgant .

X. Prima chorearum institutio narratur Exod. 32. ubi diabolo instigante , vitulum , petulcum animal , Hebræi conflagrunt , & ante eumdem choreas duxerunt : ab idolatria igitur sua arcessunt primordia choreæ hodiernæ . Loco vituli aurei animalium lascivissimi , saltatores juvenes , puellas , qui buscum saltant , habent : eisdem adorantium modo procumbunt , ut ad libidinem inflammant . In his saltationibus capitalia virtutia triumphant . Puellarum , & procorum studia hoc pertinent , ut luxum , pompas ,

& fastum in triumphum agant . Non industria , non artificio , non superbia , non ambitioni , non fucis , non præstigiis parcunt puellæ , ut in sui idolatriam juvenes subjiciant .

XI. Plurima , invicta rationum momenta paucis perstringo . In his choreis , ubi pudor muliebris , quo sublato omnis castitas periclitatur ? ubi verecundia ? ubi modestia ? ubi humilitas , sine qua ædificium evangelicum corruit ? ubi oculorum moderatio ? ubi specimen decoris christiani ? ubi insignia baptismalis professionis ? Sensus omnes laxatis habenis circumvolant , omnia lustrant . Quam formosorem , & sibi cariorem vident adolescentes mulierculam , & erga quam vehementiori inardescunt concupiscentia , portrecta manu deligunt , & per circuitum saltant . Mutui tactus , & frequenter pressi , reciproci aspectus loquacissimi , corporum agitationes , inflexiones , posituræ significantissimæ , familiaria colloquia , suspiria , nutus , gestus , concentus harmonici , sonitus , musica , omnia denique inferni præstigia venerem succedunt . Ergo choreæ hodiernæ viros inter & feminas sunt diaboli castra , sunt vitiorum gymnasia , ubi dæmones universale bellum Christi Evangelio intentant . Ergo qui choreas hodiernas , quæ communiter aguntur inter personas diversi sexus , licitas asserunt , ignorant quid sit peccatum originale . Si enim peccatum originale , ut Catholici omnes credunt , admittunt , fateantur necessum est rebellionem carnis , & concupiscentiae impetum masculos inter & feminas . Ergo quemadmodum flappa igni adjecta ardet ; ita concupiscentia effrenata chorearum nexus conjungens procum cum proca ardet , & universæ castitatis virtutem extermimat . Lubet quæ dixi confirmare auctoritate non alicius Patris , non alicius rigidi Theologi , non alicius severioris Concionatoris , sed Francisci Petrarchæ beneficij chorearam peritissimi , qui in suo dialogo 24. hæc scribit : *In choreis non tam delectatio præsens , quam sperata delectationis auspicium . Veneris præludium illud quidem solet stupidas , ac misellas circumducere , atque urgere , ac stringere , ac specie urbanitatis attenere . Libera ibi manus , liberi oculi , liberae voces : pedum strepitus , & multarum cantus diffoni , & tubarum clangor , concursatio , & pulvis , & que sepe ludis additur , hostis pudicitia , & amica scelerum , nox ipsa . Hæc sunt quæ timorem , ac pudorem pellunt . Hi sunt libidinum stimuli , hæc laxamenta licentiae ,*

tie, & hæc est, ne me falli facilem putas,
illa delectatio quam simpliciter, & velut in-
nocua chorearum appellatione profitemini, &
ludi tegmine crimen obnubilatis.

XII. Aliqui in chorearum patrocinium allegant S. Franciscum Salesium. Finge hunc Sanctum choreas inter personas diversi sexus, ut communiter ducuntur, defendisse ut licitas. Quid inde? Omnes Patres, omnia Concilia omnes Sancti Salesio suppares choreas damnant luculentissime. Ergo si S. Franciscus Salesius chores defendisset ut licitas, quidni erraverit? Errarunt alii Ecclesie Patres in aliqua controversia Salesio longe doctiores, nec sanctitate inferiores. Quid itaque mirum quod S. Franciscus Salesius erravisset recedens ab universa Patrum, & Conciliorum doctrina hac in causa? En plene convulsu sophisma, si aliquod facesseret negotium Salefii auctoritas, quæ obtruditur.

XIII. Verum enim vero enormem impingunt injuriam Salesio illi quos ejusdem patrocinio defendere hodiernas chores non pudet. Ait Salesius in Isagoge ad vitam devotam 3. p. c. 33. & 34. *Le danze, e i balli sono cose indifferenti di lor natura. Chorea natura sua indifferentes sunt.* Hæc verba transcribunt omissis quæ continuo subdit S. Præful. At juxta modum quo communiter peraguntur, in malum valde propendent, atque adeo discriminibus, periculisque scatent. Istius compendii brevitas restringere hand finit conditions, & limitationes quas S. Episcopus præscribit, ut licite chores duci queant. Legge Tom. 4. Theol. Chris. l. 8. diss. 2. c. 3. Pausis concludo, chores hodiernas esse bellum diabolicum, quo animæ trucidantur, circumulum infernalem, & veneficum pestiferum, quo non modo saltatores, & saltatrices inficiuntur, sed ipsi quoque spectatores inquinantur. Quare Confessarii neque chorizantes, neque spectatores absolvere debent, nisi abstineant a tam perniciosissimo spectaculo. Spectatores enim omnium saltantium motus, nutus, gestus, colloquia, & cetera præstigia atque fascinia, qua libidinis venenum in oculos transfundunt, animisque lasciviae imagines imprimunt, contemplantur. Quamobrem ab aspectu chorearum discedunt ipsi spectatores veneris spectris, & larvis plenissimi, atque omni ex parte fauciati.

XIV. QUEST. II. *Licium ne est adesse theatris, & comœdiis nostri temporis?* RESP. Theatrum absolute acceptum nihil mali præfert. Mundus, cælum, astra, montes, colles, flumina, florida prata, pulcherrima thea-

tra sunt, & venustum exhibent spectaculum quod ad Dei majestatem meditandam excitat. Calvarium, Christi passio, Martyrum tormenta sacrum efficiunt theatrum, & ad imitationem incitant. De istius generis theatris sermo nullus.

XV. Comœdæ, & theatra de quibus nunc sermo est, illa sunt quæ publice in Europa obtinent re ipsa. Sunt autem ejusmodi. Feminæ christiana lascive induitæ, & omnibus fucis, calamistris, lenociniis ad placendum ornatae in scenam prodeunt una cum histrionibus suis similiter omni pomparum illiciis instruti. Mimax istæ profani amoris causam plerumque cum suis mimis ludunt, & agunt. Eo studia, gestus, cantus, corporis inflexiones, motus omnes suos dirigunt, ut spectatores delectent, ut vel concupiscentiam, vel iram, aut vindictam, aut fastum, aut superbiam, ambitionemque concident. Et nisi aliquam passionem, seu humanam appetitionem commoveant, & titillent, theatrum frigescit, inepti sunt mimi, & mimæ, & spectatores desunt. Quod vero alicubi feminarum vices gerant juvenes evirati muliebri ueste, & feminis fucis & præstigiis ornati, perinde est; culpaque additur, quod vir uestem muliebrem induat. Ut autem efficacius mimæ, & mimi concupiscentiam commoveant, accedit musica mollis, seu meretricia, & cantus harmonicus, seu fornicatorius, ut Chrysostomus ait. Deinde intermedia obscena, & chores impudentissimæ complent actionem theatram. Hæc sunt theatra, hæc comœdæ, hæc opera, quæ tum antiquis, tum postremis sæculis semper obtinuerunt.

XVI. Hæc autem theatra quæ re ipsa attente nostra repræsentantur, fæda, turpia, obscena esse, nemo, nisi communi sensu defstitutus sit, inficiari potest. Ergo illicita: ergo flagitiosa. Quis adeo insanus, ut neget feminam christianam profligate pudore, peccare mortaliter, dum compræ & exquisito pomparum apparatu phalerata in scenam prodit, ac voce, gestu, cantu, & saltu artificio, gestuque arguto aut concupiscentiam succidit, aut alteram passionem commovet, fraudesque, dolos, thecnas, & artificia, quibus deluduntur conjugati, denique artem amatioriam edocet spectatores, vel alterius passionis exercitium? Peccant ergo, & quidem graviter mimi, & mimæ talia actitantes. Ergo peccant spectatores, qui stipendiis solvunt, ejusmodi mimis peccata perpetrantibus. Agentes enim, & consentientes

pari pena puniuntur. Consentire enim aliorum peccatis peccatum est, ut testatur Apostolus, & ratio ipsa evincit.

XVII. Edifferant nobis theatrorum patroni, quid significet haec solemnis professio in Baptismate ab omnibus Christianis emissa: *Abrenuntio satane, & omnibus pompis, & operibus ejus.* In aliquibus Ritualibus ex-primebatur etiam *& spectaculis ejus.* Omnes ad unum Patres, nemine excepto, tam antiqui, quam nobis propinquai intelligunt in hac professione contineri etiam renuntiationem, & detestationem theatrorum. Adversus universalem Patrum traditionem cervicem extollent Catholici? Alterutrum ergo. Aut factum negent, aut fasces submittant veritati. Edifferant nobis verum emissae christianæ professionis significatum. Si theatra non sunt pompe diaboli, quænam erunt? Dispicent ergo. Mala ergo sunt. An dirigi in gloriam Dei theatra valent, si sunt Paganissimi obscenæ reliquiae?

XVIII. Quare evanescit quod reponunt spectatores theatrorum, se nempe nullam experiri commotionem, nullum libidinis motum pati. Hanc ipsam excusationem obtrudebant Christiani primis Ecclesiæ saeculis, ut S. Joann. Chrysostomus hom. 38. in c. 11. Matth. narrat. Sed ego, inquires, ostendam, nihil multis hujusmodi ludos obsuisse. Audi responsum. Nam eti tu quodam excelsi animi labore nihil inde tibi mali contraxisti; attamen quoniam alios imbecilliores exemplo tui spectaculorum studiosos fecisti, quomodo non ipse matutin contraxisti, qui causam mali committendi aliis prebueristi? Qui enim ibi corrumpuntur, tam viri, quam mulieres OMNES CORRUPTIONIS CRIMINA, ET CAUSAM IN CAPUT TUUM TRANSFERUNT. Nam quemadmodum si non essent qui spectarent, nec etiam essent qui luderent; sic quoniam intersunt, causaque peccatorum que committuntur, sunt, ignem etiam patiuntur. Quare quamvis animi tui modestia effecisti ut nihil tibi inde obsuerit, quod ego fieri posse non arbitror; quoniam tam alii causa ludorum, multa peccarunt, grates propter hoc penas lues.

XIX. Centies hanc doctrinam repetit & inculcat Chrysostomus. Eamdem altius exaggerant Tertullianus, Cyprianus, Nazianzenus, Hieronymus, Augustinus, omnesque Ecclesiæ Patres omnium saeculorum. Nam postremis saeculis Concilia, & Episcopi sancti, instauratis theatris, antiquorum Patrum doctrinam allegarunt. Hæc ergo doctrina Ecclesiæ, hæc omnium saeculorum tra-

ditio. Ergo penitus ignorant antiquam disciplinam quidam hodierni sophistæ, qui blaterant, antiquos Patres improbasæ theatra ob idololatriæ crimen, vel quod nimis illa impudica erant. Nam, ut Augustinus de Civitate Dei narrat, ipsi sapientes ethnici theatra damnabant, quod esent luxuriæ fomenta. Nostra vero, ut omnes sanæ mentis scriptores advertunt, impudentiora, & sceleriora sunt. Nam eadem argumenta tractantur hoc solo discrimine quod antiquorum aliquæ comœdæ, vel tragediæ, quæ paucæ sunt, verbis crassioribus lasciviam reserebant; hodierna vero drammatæ eamdem veneris voluptatem epotandam propinat fucus, & leiocinias artificiosus testam, & exquisitoribus pigmentis illitam. Quamobrem ea facilius animum penetrat, altius vulnerat, securius dominatur, & profundius inficit. Prætereo, quod multæ & comediæ, & tragœdiæ hodiernæ etiam materialiter, ut dicitur, obsceniores sint antiquis. Musicam sui temporis meretriciam, & cantum fornicatorum appellat Chrysostomus. Et tamen mollior, & lascivior est hodierna musica, suavior verso & magis harmonicus cantus. Quid quod in antiquis theatris feminæ christianæ numquam prodibant in scenam, immo nec feminæ paganæ communiter mimas agebant; sed viri muliebri veste induiti seminarum partes explebant, ut Patres narrant, adducto Scripturæ sanctæ testimonio, hanc vestium mutationem prohibente. Quare omnibus serio perpensis, perniciose antiquis sunt hodierna theatra. Idcirco omnes Sancti, omnes canones, omnes ad unum veri Theologi hæc theatra damnant. Ergo evangelicam doctrinam prætereunt illi qui licitam theatrorum frequentiam defendunt. Insuper nimis incaute & audacter adversus omnes Patres, adversus omnia Concilia, omnesque veros Theologos tantam corruptelam propugnare noverubescunt. Quid si concederem turpiora non stris fuisse antiqua? Quid inde? Satis est turpia & obscena esse quæ nunc obtinent, ut illa damnamus.

XX. Reponunt, illicita, & obscena theatra utique devitanda esse; at hodierna honesta esse, & pudica. Ecce ultimum perfugium. Turpitudinem honestatem, obscenitatem pudicitiam, impudentiam modestiam vocant. Pudicitiam ergo præfert mima theatralis quæ irritat concupiscentiam, quæ artem amatoriam docet, quæ ambitionem, superbiæ, iram, designationem, luxum, fastumque extollit? Modestiam instillat salatix

tatrix , & psaltria ; quæ choreis in triumphum venerem defert ? Licetum ne est humanas , rebellesque passiones natura tua impotentes , ad libidinem , ad superbiam , ad ambitionem , ad iram , ad fastum pronas , & effrenatas irritare , titillare , provocare , inflammare ? Eo cæcitatis deuentum est ut hoc asseratur ?

XXI. Concedunt nonnulli , hodierna theatra omnibus inspectis non esse indifferentia ; negant vero graviter peccare eos qui eadem frequentant , sed tantum venialiter . Fac me certo asserere non posse , te peccare mortaliter . Numquid tu certo affirmare vales te solum venialiter peccare ? Peccat mortaliiter mima christiana artem infamem exercendo . Tu illi mercedem suppeditas ut talem profiteatur artem , & non peccas letaliter ? Jure clamat S. Augustinus : *Hinc accedit quod peccata , cum in consuetudinem venierint , aut parva , aut nulla esse creduntur . Vt peccatis hominum , que sola inusitata exhortescimus .* Ench . 77. Vide infra Lib . 7. Diff . 3. c . 2. Si plura adversus theatra cupis , lege opus nostrum inscriptum *De spectaculis theatralibus &c.*

XXII. QUÆST. III. Quid de hodierna conversatione virorum , & feminarum dicendum ? RESP. Tertia libidinis fax , & incentivum est funestissima corruptela a medio circiter saeculo in Italiam invecta . Sermo est non de civili , honesto , & necessario commercio , a quo mundi homines abstinere nequeunt ; sed de corruptissima illa conversatione in qua quisque suam habet *Divam* , cui inservit , quacum ludit , quam familiarissime alloquitur , cuius brachia susinet . Non modo illicitum hunc morem , sed ajo diram esse pudoris , verecundiæ , castitatis pestem , familiarium ruinam , divitarum jacturam , filiorum scandalum , temporis dissipationem , & aliorum malorum caput . Hæc conversatio ut minus est dimidiata communitas uxoria , quam Plato excogitavit . Nam uxor unius mariti alteri vel marito , vel juveni solatum praebet , & mutuo conversantur tota die , simul ludunt diu nocteque . Mulieres ob insitam vanitatem , & ambitionem , obsequia , servitutem , ne dicam adorationes virorum captant , & anhelant . Vel ipsæ pudicæ , castæque amari , suspici , & inserviri sibi ambient . Ergo ut sibi inservientes viros habeant , plura iis permittere coguntur : nec enim adeo stolidi viri essent ut tot obsequia præstarent , tot incommoda subirent , nisi compensationem aliquam reportarent . Quæ

minus divites sunt , ut in vanitatis theatro eminant , non secus ac ditiones , munera ab amasio accipiunt , quæ fastum sustinere possint . Ne multa , conversations istæ palæstræ veneris sunt , gymnasium impudicitæ , ambitionis , superbiae , fastas , & vanitatis castra , ubi diabolus universale bellum Christi Evangelio intentat . Mulieres istæ pluribus indicis sape intelligunt , se impudice adamari , suspiria audiunt , obtutus fixos spectant , luxuriaz igniculos erumpentes conspicunt , tactus amatorios nonnumquam patiuntur . Ista omnia honesta esse mentiuntur ; seque nullam experiri commotionem ajunt , unde a culpa immunes le reputant , quasi participes non essent omnia flagitorum quæ sui amasii perpetrant , etiam admissa hypothesi quod ipsæ nullam experientur delectationem .

XXIII. QUÆST. IV. *Quandonam verba turpia , oscula , amplexus , tactus sunt peccata mortalia ?* RESP. Ab omni turpiloquio abstinentia S. Paulus docet . Turpia verba immiscere sermonibus cum puellis , cum feminis , cum adolescentibus frequenter peccato mortali non caret . Regula præcisa designari nequit .

XXIV. Tactus , oscula , & amplexus mutui etiam inter personas diversi sexus juxta morem patriæ , absolute peccata non sunt , cum sint in signum benevolentia , vel mutuae caritatis . Mos tamen iste , si alicubi obtineat inter viros , & mulieres , abolendus omnino est , plenus enim periculi est . Medicis , chirurgis muliebria tangere curationis gratia , aut alia necessitate licitum est .

XXV. Oscula , tactus , amplexus inter personas diversi sexus , si sint ob delectationem carnalem , peccata mortalia sunt . Quidam distinguunt triplicem delectationem , carnalem seu venereum , spiritualem , & sensibilem . Hæc ultima delectatio sensibilis consurgit ex tactus proportione , quæ potest esse sine peccato , ut dum matres osculantur infantes . Absit tamen ut excuses eam a culpa , dum haec oscula sint inter juvenes & puellas adulatas . Antequam Alexander VII. damnaret hanc thesim 40. Est probabilis opinio quæ dicit esse tantum veniale osculum habitum ob delectationem carnalem , & sensibilem , quæ ex osculo oritur , secluso periculo consensus ulterioris , & pollutionis : plures propugnabant non excedere culpam veniale delectationem venereum ortam ex osculo . Verum doctrina hæc proscripta est . Nonnulli distinctiunculas , & præcisiones metaphysicas in hanc lubricam , & lutulentam materiam invexerunt ,

qua^e rejiciend^a sunt tamquam periculi plementissimae.

XVI. Licit^a ne sunt oscula, tactus, amplexus, & litter^a amator^a inter sponsos futuros? Adfirmant non pauci, dummodo absit periculum pollutionis, & delectationis venerear^a, solaque adsit delectatio sensitiva. H^ac opinio prorsus falsa mihi est. Sponsalia enim nullum jus præbent ad talia peragenda. Exceptio periculi delectationis venerear^a, & pollutionis chimærica est, & fictitia. Ardet concupiscentia inter juvenes & puellas, neque sponsalia extingunt, sed fovent, & inflammant amorem reciprocum. Peccat mulier sentiens se impudice tangi, nisi resistat.

XVII. QUÆST. v. *Quid sit delectatio morosa, & an sit peccatum mortale?* RESP. Morosa nuncupatur non a temporis mora, sed a voluntate, qua^e deliberate in eadem moratur, & sibi libere complacet. Peccatum mortale est. Distinguitur a desiderio, quod fertur in operis executionem. Delectatio vero præscindit ob operis executione, & de ipsius operis practica cogitatione delectatur, quin erga operis executionem feratur. Morosa h^ac delectatio per omnia peccatorum genera divagatur. Nam perinde delinquit qui de proximi malo, de homicidio, de perjurio, ac de re venerea gaudet. Ad illam peccati speciem revocatur h^ac delectatio morosa ad quam pertinet objectum de quo quis delectatur.

XVIII. Peccant mortaliter qui in mortibus venereis post sufficientem advertentiam negative se habent, seu neque consentientes, neque dissentientes, quidquid in oppositum dicant aliqui. Qui enim tacer, consentire censetur. Quod aliquis argutatur, hoc axioma in contractuum dumtaxat materia valere, secus in aliis, vana distinctio est. Quoniam urget præceptum positivum resistendi. In materia luxuriae nulla datur parvitas materiæ, ut communiter Theologi docent, si sit deliberate volita.

XIX. QUÆST. vi. *Utrum vellicare genas, & tangere mamillas mulierum sit peccatum mortale?* RESP. Prodiit anno 1743. libellus, in quo docetur vellicare genas, & tangere mamillas Monialium esse actus subimpudicos de se veniales, & solum ex pravo affectu, vel prava intentione fieri mortales. Proscriptus a Romana Sede libellus fuit an. 1744. At non propterea defensores benignioris doctrinæ siluere, sed pluribus libellis damnatam propugnarunt doctrinam. Synopsis hujusc^e funestæ historiæ lege Tom. iv.

Theol. Christ. lib. 8. diff. 2. c. 5. Nec enim vulnera refricare interest. Sat nunc est indicasse doctrinam esse proscriptam. Tactus quippe mamillarum natura sua vehementissime venerem accedit, & in puella sive moniali, sive laica qua^e tangitur, & in viro tangente.

XXX. Mulier vi compressa non potest licite negative se habere, & permittere extrinsecus actus turpes, & sui violationem ob periculum vitæ, vel honoris; sed debet positive resistere quoad potest, & clamare, ut adjuvetur. Opposita quorundam opinio falsa reputanda est, talemque reputant communius Theologii.

C A P U T VI.

De stupro, raptu, adulterio, incestu, & sacrilegio.

I. QUÆST. i. *Quid sit stuprum?* RESP. Est concubitus cum femina virgine. Non pauci contendunt, virgine libere consentiente, tametsi sub cura parentum, non perpetrari stuprum, atque adeo cessare in stuprato restitutionis debitum. Quam opinionem rejicio ut falsam. Quoniam virgo non est suæ integratatis domina, sicut nec aliarum corporis partium. Eruere ne sibi oculos, abscondere ne pedem virgo sibi licite valet? H^ac enim membra ab auctore naturæ virgo recepit, ut eisdem utatur, & eadem custodiat. Hanc sententiam docet S. Thomas 2. 2. q. 154. a. 6. Præterea h^ac defloratio gravem parentibus injuriam infert: eorum quippe jus quod in filiam habent, turpiter lœditur. Accedit quod etiam si tam virgo, quam parentes consentirent in deflorationem, non propterea stuprator crimen stupri evaderet; quemadmodum consensus mariti, & uxoris reatum adulteri non aufert. Si virgo invitis parentibus violatur, compensandum damnum est. Si sit sui juris, & libere consentiat, cessat restitutionis debitum.

II. Heinc colliges, tam virginem, quam stupratorem debere in confessione exprimere circumstantiam deflorationis: idem dicendum de delectatione, & desiderio deflorandæ virginis.

III. QUÆST. ii. *Quæ pœna constituta sunt in stupratores?* RESP. Jura omnia pœnas in stupratores constituere. Jus divinum Exod. 22. h^ac statuit. Si seduxerit quis virginem needum despontatam, dormierisque cum ea, detabit eam, & habebit eam uxorem. Si pa-

ter virginis dare noluerit, reddet pecuniam juxta modum donis quam virgines accipere consueverunt. Jus canonicum eadem statuit cap. 1. Si seduxerit de adult. & stupr. Civili iure flupratores honestæ conditionis puniuntur publicatione dimidiæ partis bonorum; si abjeccæ plebis sint, fustigatione & exilio plecti debent, ut habetur in textu §. Item Lex Julia Inst. de public. Judic. §. 2. & 4. Qui vi deflorarunt virginem, capite puniendi sunt, ut fancitum est textu Inst. de public. judic. §. 8. Immaturæ virginis, quæ est nempe minor 12. annis, deflorator poena quoque mortis damnandus est. Clericus virginis deflorator in foro interno decem annorum poenitentia punitur; in foro exteriori deponendus est. Varia nunc obtinet disciplina juxta judicis arbitrium. Nam interdum suspensione, quandoque depositione, aut pecunia multatur. Caveant judices ne nimis indulgentes sint. Si severior vigeret disciplina, pauciores es- sent flupratores.

IV. QUÆST. III. *Quid sit raptus?* RESP. Est violenta personæ abductio de loco ad locum explendæ libidinis causa. In raptu necessaria est vis illata aut personæ abductæ, aut patri, aut tutori. Debet transferri de loco patræ potestatis ad alium locum qui sit sub potestate raptoris. Pluta de hoc tract. de Matrim.

V. QUÆST. IV. *Quid sit adulserium?* RESP. Est accessus ad alienum thalamum. Committitur 1. dum solitus accedit ad conjugatam; dum conjugatus accedit ad solutam; 3. quando conjugatus agnoscit conjugatam alienam. Gravissimum est adulterii crimen. Lev. cap. 20. hac poena punitur: *Si mæcbatus quis fuerit cum uxore alterius ... morte moriantur mæcbus, & adultera.*

VI. Olim aliqui propugnabant uxorem non patrare adulterium consentiente marito. Sed benignam opinionem proscriptit Innocent. XI. *Copula cum conjugata, consentiente marito, non est adulterium: adeoque sufficit in confessione dicere se esse fornicatum.* Reus est adulterii qui agnoscit alterius uxorem antequam matrimonium a marito consummetur: quia matrimonium ratum verum est matrimonium. Qui contra violat sponsam de futuro, non perpetrat adulterium. Coniux habens copulam sodomitacum cum proprio marito adulterium committit monstruosum, specie diversum ab adulterio communi.

VII. QUÆST. V. *Quid sit incestus?* RESP. Est copula indebita cum persona cognata vel affini, vel consanguinea intra gradus ab Ec-

clesia prohibitos. Omnia incestus crimina ejusdem speciei esse contendunt non pauci. Sed hæc opinio falsa est, & contraria vera. Incestus enim cum confanguinis linea rectæ differunt specie ab incestibus cum consanguineis linea transversalis. Lumen ipsum naturæ prodit singularem, & distinctam deforsitatem in concubitu cum matre, cum filia, cum forore, a deformitate concubitu cum consobrina, cum affine. Accessus ad matrem, vel filiam iure nature vetitum est. Quare exprimendi in confessione sunt ejusmodi gradus sive consanguinitatis linea rectæ, vel transversalis, vel affinitatis. Incestus cum cognatis legalibus, vel spiritualibus est specie distinctus ab incestu cum consanguineis, vel affinibus. Specie quoque differunt inter se incestus legalis, & spiritualis. Cognatio spiritualis duobus sacramentis Baptismate, & Confirmatione solemni ritu celebratis contrahitur, ut declarat Trident. sess. 24. cap. 2. Cognatio legalis contrahitur assumptione extraneæ personæ in filium, ne- potem &c.

VIII. QUÆST. VI. *Quid sit sacrilegium?* RESP. Est violatio rei sacræ per actum carnalem, quatenus est luxuriæ species. Cujuscumque rei sive animata, sive inanimis, quæ sit divino cultui applicata, violatio impudica sacrilegium est. Triplex est sacrilegium istud. 1. in personam sacram, ut quando vir, vel mulier est Deo voto dicata: 2. in rem sacram, ut si quis sperma effundet in calicem, in vestes sacras &c. 3. in locum sacrum, cum quis copulam exercet in loco divino cultui consecrato. Sacrilegium cum persona sacra tripliciter committitur. 1. cum persona voto ligata peccat cum persona libera vel copula, vel pollutione, vel desiderio, vel delectatione, vel tactibus impudicis: 2. quando utraque persona est voto consecrata: 3. quando persona non sacra peccat cum persona sacra. Quando utraque persona est consecrata, duplex committitur sacrilegium: quia duo violantur vota. Si regularis Sacerdos fornicaretur, sin duo, unum certe gravissimum sacrilegium patraret: quia duo vota violaret, alterum professionis monasticæ, alterum Sacerdotio annexum. Qui voto castitatis adstrictus alium ad peccandum inducit, peccat contra votum ut communis sententia docet. Similiter Religiosus qui de aliquo luxuriæ flagitio delectatur, sacrilegium perpetrat.

IX. Coniuges qui in Ecclesia coeunt, sa- crilegium perpetrant. Quare ut laxam rejiciamus

cimus opitionem afferentium copulam forniciariam in Ecclesia non esse sacrilegium , si occulte exerceatur, violatur enim reverentia loco sacro debita . Occultatio copulae tollit scandalum , non aufert profanationem sacri loci . Conjuges in Ecclesia tempore belli inclusi , se ut absentes reputare debent . Absunt enim a loco civili , ubi licita coniunctio est . Oculi , tactus impudicii , verba turpia , desideria , & aspectus obsceni in Ecclesia contrahunt sacrilegii rationem : debent itaque se accusare de hac circumstantia loci sacri , etiam si desideretur executio operis extra locum sacrum : qui peccatum mortale pravi desiderii in Ecclesia patratur . Sacerdos gestans Eucharistiam , si aliquod luxuriæ crimen committeret , sacrilegium patraret in rem sacram . Similiter qui gestat reliquias , aliquam sacrilegam profanationem contraheret , si luxuriæ flagitium patraret .

C A P U T VII.

De flagitiis contra naturam.

I. **V**Itia contra naturam describuntur , quod sunt inordinatus venereorum usus prolis conceptionem impediens . Quatuor sunt species : pollutione seu immundities , bestialitas , sodomia , concubitus inordinatus cum femina impediens prolis conceptionem .

II. Quæst. I. Differunt ne specie hæc flagitia ? RESP. Negantem opinionem damnavit Alex. VII. in hac thesi : *Mollities , sodomia , & bestialitas sunt peccata ejusdem speciei infime : ideoque sufficit dicere in confessione se procurasse pollutionem .* Istius opinionis falsitas natura sua patet . Nam quodlibet horum vitiorum peculiari modo opponitur castitatis virtuti .

III. Quæst. II. *Quid sit pollutione ?* RESP. Est deliberata feminis effusio extra vas feminine , & hæc est peccatum mortale gravissimum . Involuntaria pollutione , qua repugnante voluntate natura semen effundit sive in somno , sive in vigilia , nullum peccatum est .

IV. Quispam olim negavit pollutionem natura sua esse peccatum mortale his verbis : *Mollities jure nature prohibita non est : unde si Deus eam non interdixisset , saxe efficit bona , & aliquando obligatoria sub mortali .* Errorem hunc damnavit Innocentius XI . Pollutione procurata contactu alieno , sive feminæ sive pueri , duplicitem malitiam continet , & specie differt a pollutione procurata propriis actibus . Si pollutione sit cum deside-

rio , vel delectatione personæ sacræ , inducit circumstantiam exprimendam in confessione .

V. Pollutio ita mala intrinsecus est , ut ob nullum finem sive sanitatis , sive vitæ , sive Reipublicæ servandæ evadere licita queat . Quoniam semen humanum ad generationem individui , & propagationem speciei unice ordinatum est , & nullo modo ad propriam sanitatem , vel vitam servandam . Quare qui voluntarie se polluit extra vas feminine , naturæ ordinem pervertit , ut communis sententia docet . Heinc illicitum est confricare membra ad expellendum semen corruptum , dum timetur veri semenis effusio , quidquid in oppositum dicant nonnulli , contra communem Theologorum sententiam .

VI. Quæst. III. *Pollutio volita in causa peccatum ne mortale est ?* RESP. Causa pollutionis duplex : altera per se & directa , ut confricationes , & tactus turpes pudendorum , verba valde lasciva , & cogitationes obscenæ . Causæ per accidens sunt nimius cibus , & potus , studium rerum venerearum , equitatio , colloquia familiaria cum mulieribus . Causæ istæ aliae graves , aliae leves sunt . Gravitas causarum , quæ mediæ dicuntur , seu quæ ex se non inferunt pollutionem , ex respectu ad diversitatem personarum accipi debet . Quoniam causa quæ respectu Sempronii levus est , respectu Pauli gravis evadit .

VII. Pollutio volita in causa peccatum est mortale . Quare qui cognoscit probabile periculum pollutionis , peccat mortaliter dum applicat causam unde fecuturam pollutionem prævidet , excepto necessitatis casu ; ut si aliis medicis deficientibus curanda mulier esset , tunc posset medicus periclitanti feminæ succurrere , etiamsi prævideret inde pollutionem sequi , dummodo virtutum actibus , & firma deliberatione non consentiendi ad cumram accederet .

VIII. Pollutio prævisa in causa , quæ natura sua eam parit , etiamsi non intendatur , peccatum mortale est : quia qui libere vult causam , eadem actione vult effectum ex eadem causa manantem . Nullum contra peccatum est applicare causam quæ bonum producit effectum , quamvis simul producat pollutionem per accidens , dummodo gravis urget necessitas , & solus bonus intendatur effectus .

IX. P. La-Croix lib. 3. p. 1. c. 3. n. 923. refert doctrinam P. Sporer , Vasquez , Filicci , Salas , & aliorum , qui dicunt pollutionem fecutam ex osculis , tactibus , & aspectibus levitatis , vel curiositatis causa perfectis

actis esse tantum veniale: simul etiam refert contrariam sententiam, qua docet peccare mortaliter eum qui indicatas causas applicaret. Ipse vero La-Croix more suo alterutrius sententiæ electionem arbitrio lectoris relinquit. Quam pyrrhonicam methodum frequenter adhibet novissimus hic Probabilista. Hæc methodus in morum magistro periculi plena est, sicut & recensita prior opinio laxa est, & improbanda. Sed clamat P. Sporer: *Difficillimum fore Confessario statim damnare peccati mortalis juvenes, & procos, passim aliquibus tactibus, osculis, amplexibus utentes erga puellas honeste amatas, eti volutatem aliquam sensibilem captent, dummodo abſit periculum consensus in veneera: & longe difficultius foret talibus, si similibus abstinerent nollent, denegare absolutionem.* Doctrina ejusmodi, nisi me omnia fallant, laxitatis plena est.

X. Non minus laxa videtur doctrina P. Viva, qui in prop. 40. Alex. VII. num. 16. ait: *Distinguenda tamen sunt actiones male leviter influxivæ ad commotionem spirituum, & pollutionem, ab actionibus graviter influxivis.* Nam si leviter sunt influxivæ, ut nonnulli aspectus mulierum, nonnulli tactus, nonnullæ comedie, & lectiones librorum obscenorum, nonnulla verba amatoria V. G. dicendo cor meum, anima mea, ob solam vanitatem, & ad conciliandum VANUM amorem, communis docet cum Vasquez, Salas, Lessio, Bonacina, apud Dianam & Tamburinum, quod non excedunt culpam venialem, quamvis in eis PRÆVIDEATUR ETIAM POLLUTIO SECUTURA; dummodo abſit periculum consensus, aut grave scandalum... Immo communius etiam docent cum DIANA, quod non solum actiones leviter influxivæ in pollutionem, atque adeo in genere luxurie teves, careant culpa mortali, si prævideatur pollutio, & non intendatur, nec subsit periculum consensus; sed etiam actiones mortaliter male, sed non in genere luxurie, ut sunt crapulae, nimius potus, NON contrahunt malitiam gravem spectantem ad luxuriam, si prævideatur ex eis pollutio secutura citra periculum consensus.

XI. Hæc rescribere volui, ut lectors cautos efficiam in ejusmodi Casuistis legendis. Dicturi sunt, quemadmodum dixerunt, adversarii mei, odio me percitum, & invidentia contra auctores, & eorum Institutum talia palam facere. Sed Deus mihi testis est, eo unice studia mea tendere ut animas Christi sanguine redemptas a peccatis submoveam. Sed cur hos, & non alios Casuistas frequen-

Tom. I.

tius allegas? Quia isti sunt in manibus Confessorum. Casuistæ Dominican La-Cruz, Zanardus, Serra, Candidus, & alii, quos laxissimas opiniones docuisse fateor, vix scuntur, nedum leguntur a Confessariis. Latiunt enim tineis, & blattis devorandi in bibliothecis. Eorum ergo Casuistarum, cujuscumque sint Instituti, opiniones laxas refello qui communiter legi a Confessariis solent. Hæc frequenter repetere cogor, ut occasione data, animi mei intentionem, & finem pandam: satisque mihi est Deum esse conscientia meæ judicem.

XII. P. Viva testatur passim se legisse autores apud Dianam, & Tamburinum, quos laxis opinionibus, & proscriptis scatere compertum omnibus est. Admissa doctrina quam rescripti ex P. Viva, qui communem inter Probabilistas esse ingenue adfirmat, mirandum non est, si juvenes, & pueras pollutionibus, tactibus mammilaribus, aliisque obscenitatibus inquinatas & deturpatas audiant Confessarii, & omnes ejusmodi absolvant. Nam Confessarii legunt in his Casuistis, posse amoris mutui causa se se appellitare cor meum, anima mea, & præterea nonnullos aspectus, nonnullos tactus, nonnullas comedias, & lectiones librorum obscenorum, nonnulla verba amatoria exercere, quin excedant culpam venialem, ut docet communis; quamvis in eis prævideatur etiam pollutio secutura. Quis hic non videt innumerabilem turpidum & voluptatum venerearum apertam scaturiginem? Quid exaggeras! reponis. Rescribe quod continuo additur: *Dummodo abſit periculum consensus, aut grave scandalum.* Næ istud efficax antidotum! Venenum propinatur, & deinde additur dummodo abſit periculum mortis. Næ isti peritissimi medici! Amasiunculi, & amasiunculae, procæ, & proci se vocant *corculum meum, anima mea,* se tangunt, se verbis amatoria inflamant, impotenti concupiscentia ardent, libidinem undique versum spirant, eisdem præfata conceduntur: & postea additur, *dummodo abſit periculum consensus?* Quid hoc prodit? nisi applica stupram igni, dummodo abſit periculum incendi: bibe venenum, dummodo abſit periculum mortis. Et postea lamentantur dum hæc & innumera alia detestanda proponimus. Reprehendi jure possemus, si aliquem lapsum fortuitum, insolitum, & innoxium, vel occultum in apicum traduceremus. At ejusmodi laxæ opiniones frequentissimæ sunt adversus omnia plus & minus Decalogi mandata, ut patet

P

ex

ex rescriptis opinionibus contra Dei, & proximi caritatem, contra præcepta de honordis parentibus, de non occidendo, de duello &c. Ergo jure summo moneo Confessarios ut vel abstineant a talium lectione, vel cautissime eisdem legant. Libri publici sunt. Cur ergo nobis vetitum est eorum opiniones, quas falsas reputamus, refellere?

XIII. Peccant mortaliter contra castitatem qui non abstinat ab ebrietate, in qua prævident secuturam pollutionem, quidquid dicant aliqui in oppositum. Pollutio nocturna in somnio nullum peccatum est quando abest consensus, & nulla sit apposita voluntaria causa. Pollutio incepta in somno absque ulla culpa, si antequam consummetur, excitetur dormiens, potest permittere egredsum semenis noxii, dummodo ab sit omnis complacentia. Falsa mihi est doctrina sentientium licitum esse in vigilia desiderare ut in somno pollutio ob finem honestum, nempe ob sanitatem, accidat. Aliud est gaudente de levamine naturæ ex pollutione naturali secuto, aliud gaudere de ipsa pollutione, eamque desiderare etiam desiderio inficaci. Primum licitum; secundum flagitiosum. Plures ratinunculas metaphysicas, quas obtrudere citati autores solent, explosi Tom. 4. lib. 8. diff. 2. c. 13.

XIV. QUEST. IV. *Quid sit sodomia?*
RESP. Est concubitus ad non debitum sexum, puta masculi ad masculum: vel feminæ ad feminam. Est vera sodomia, si femina coeat cum altera femina sive in vase anteriori, sive in posteriori. Quando vir agnoscat mulierem in vase præpostero, peccat contra naturam, quia si servat debitum sexum, non servat debitum vas. Concubitus sodomiticus inter consanguineos, affines, cognatosque addit circumstantiam incestus, ut diuum de fornicatione est.

XV. Pœna mortis plectuntur sodomiti in Scripturis sanctis, tum in jure civili. Jus canonicum excommunicationi subjicit laicos, ut colligitur ex cap. Clerici de excessibus Prælator. Clerici vero dejiciuntur e clero, & omni officio, beneficio, & dignitate privantur, ut in const. S. Pii V. edita an. 1568. statutum est. Qui semel aut bis ex imbecillitate labitur in hoc flagitium, has pœnas non incurrit. Qui vero illud pluries perpetrant, pœnis constitutis obnoxii sunt post judicis sententiam, si sodomita occultus sit. Si vero notorius, & publicus fuerit, non expectata Judicis sententia pœnas luere astringitur.

XVI. QUEST. V. *Quid sit bestialitas?*
RESP. Est concubitus cum individuo alterius speciei. Crimen istud non variatur juxta diversas animalium species, sed unicum est specie infima, sive coitus sit cum pecude, sive cum capra, sive cum asina &c. Ad peccatum bestialitatis revocatur concubitus cum dæmone. Crimen bestialitatis excedit omnia flagitia contra naturam.

§. U N I C U S.

De remediis luxurie.

I. REmedium primum est divinæ in tantum crimen ultionis seria meditatio. Ob luxuriaz flagitium universali diluvio absorptum est totum humanum genus, octo personis exceptis, ut habetur Gen. 1.

II. Remedium secundum, & omnium validissimum est fuga mulierum, chorearum, theatrorum, comædiarum, ut Scriptura sancta Eccli. 42. admonet. In medio mulierum noli commorari. De vestimentis enim ejus procedit tinea, & a muliere iniqitas viri. Melior est iniqitas viri quam mulier benefaciens, idest lenociniis blandiens. Et rursus ibi c. 9. Speciem mulieris alienæ multi admittunt, reprobati facti sunt. Colloquium enim illius quasi ignis exardescit. Cum aliena muliere ne se deas omnino. Hæc sunt Dei oracula, & monita.

III. Christiani autem atatis nostræ continent sedent cum mulieribus alienis; & ac si essent Pelagiani, negant re ipsa effectus originalis culpe. Reciprocam, & familiarem conversationem cum mulieribus innoxiam ab omni gravi periculo effutunt. Se æneos, & adamantinos jaſtant. Nullum concupiscentiae motum se pati mentiuntur. Mendacii, & falsitatis Deum arguant, cum Deus certes testetur ex hac reciproca, & familiari conversatione ignem exardescere concupiscentia, & reprobos conversantes fieri. Libido nec Regum ſceptra, nec squalorem mendicanum, nec Ecclesiasticorum dignitates reformidat. Cum hac immanissima lue totum humanum genus invadente conferas velim plurium Probabilistarum suavissimam benignitatem. Quis, inquit, confessiones exciperet, quinam sacramenta frequentarent, si illis qui ejusmodi oblectamentis indulgent, deneganda absolutio effet? Hac via se blandos, & benignos exhibent omnibus, & turbas amplissimas, & acclamations conciliant. Benignitas ergo est, infirmorum fore vulnera, & eorumdem corruptelas,

qua

quæ in infernum æternum pertrahunt, honestatis velo obducere?

IV. Tertium remedium est cibi, & potus sobrietas, & jejuniorum moderata frequentia, vestitus modestia, oculorum custodia, ut Evangelia Christi, & Prophetæ inculcant. Ecce hac fuit iniqüitas Sodome fororis tuæ, superbia, saturitas panis & abundantia, & opium ipsius, & filiarum ejus: Ezech. c. 16. & rursus Eccli 9. Virginem ne conspicias, ne forte scandalizeris in decore ejus.... Averte faciem tuam a muliere compta.

V. Remedium quartum est abstinentia a libris obscenis, vulgo Romanzi, & a poetis drammatibus, quæ eo sunt perniciose, quo delicatoria; ut sunt quædam hac nostra ætate, & nostris diebus, repetitis typis evulgata in Italia. Verba turpia, obscena, & impudentia non sunt; sed elegansissimus sermo est, & exquisitis lenociniis, atque fucis illitus. Quamobrem ultimos animi recessus subit, & penetrat, passiones, appetitionesque ita permovet, atque in affectus dominatur, ut animus voluptatis mancipium evadat. Libri isti sunt opera diaboli, pluresque habent auditores, & assecras quam Evangelia & ministri Christi. Istrom librorum lectio ceu animarum pestis, & fascinum devitanda est. Qui hos libros flammis addicere renuent, ab altari omnino arcendi sunt. Neque illorum excusationes audias qui hosce libros amatorios, seu Romanzos, modestos, castosque effutint. Sunt utique alii aliis turpiores; at omnes communiter pestiferi sunt: idcirco concremandi una cum omnibus picturis, seu tabellis obscenis.

VI. Libris obscenis substituantur sanctæ Scripturæ, & librorum piorum lectio, asperitus Crucifixi, & sacrarum imaginum, æternitatis, & novissimorum meditatio, atque sacramentorum frequentia. Sed Confessarius eligatur experectus, evangelica doctrina peritus, atque totius mundi, & humanorum respectuum, propriæque gloriae proculcator strenuus.

LIBER VI.

IN VII. VIII. ET X. DECALOGI MANDATUM

DISSERTATIO I.

De furto.

Non furtum facies: Exod. 20.

Non concupisces rem proximi tui: ibid.

CAPUT I.

Propositiones damnatae ab Innocentio XI.

I. **P**ermissum est furari non solum in extrema necessitate, sed etiam in gravi. Est 36.

II. **F**amuli, & famulæ domesticæ possunt occulte heris suis surripere ad compensandam operam suam, quam majorem judicant salario quod recipiunt. Est 37.

III. Non tenetur quis sub pena peccati mortalis restituere quod ablatum est per pauca furtæ, quantumcumque sit magna summa totalis. Est 38.

*Aliæ propositiones in hac materia
damnatae a Cleve Gallicano.*

IV. **P**otest uxori viro surripere pecuniam, etiam ad ludendum, si mulier talis conditionis sit, ut ludus honestus pari loco cum alimentis, ac virtute debeatur. 47.

V. **Q**ui alium movet, aut inducit ad inferendum grave damnum tertio, non tenetur ad restitucionem istius damni illati. 49.

VI. **E**tiamsi donatario perspectum sit bona sitibi donata fuisse a quopiam ea mente ut creditores frustrentur, non tenetur restituere, si eam donationem suaserit, vel ad eam inducerit. 50.

CAPUT II.

Propositiones laxæ Casuistiarum.

I. „**S**i aliquem qui injustum damnum alteri inferre decreverat, consilio, „vel hortatu magis etiam confirmasti, utrum „ad restitucionem damnificato tenearis? „**R**esp. probabiliter negari posse,, . P. Paulus Layman in Theol. Mor. l.3. iij. 2. cap. 5. n.5.

II. „**N**eque obstat videtur, etsi hortatus, tu tuo causa fueris ut citius atque expeditius damnum inferretur,,. Idem loc. cit.

III. „**S**i furi furandi gratia ascendentis

P 2 „ sca-

„ scalam teneas , quam etsi nemo teneret ,
 „ tamen ascenderet ; etsi asportando rem fur-
 „ tivam , adjuves aliquem , quam sine tuo
 „ subsidio ausseret , & furaretur ; non tene-
 „ ris ad restitutionem . Hæc omnia multum
 „ ad præxi m̄ conductum . Ex quibus multos
 „ scrupulos , & onera restitutionis prudens
 „ Confessarius tollet . „ P. Antoninus Diana
 Tom. 8. coord. tr. 7. ref. 39. §. 2.

IV. „ Notandum tertio , compensationem
 „ etiam licitam esse , quamvis debitum actu
 „ non debeatur . Potest enim aliquando cre-
 „ ditor prævenire , & compensare sibi nunc
 „ pro eo quod debitor nondum debet , si ta-
 „ men tempore solutionis debitum non sit
 „ solvendum . „ Idem Tom. 6. coord. tr. 3.
 ref. 150. §. 5.

V. „ Non solum creditor juste ficeret
 „ compensationem existentibus creditoribus
 „ anterioribus sed etiam licet posside-
 „ ret rem jure depositi . „ Idem loc. cit. ref.
 153. §. 4.

VI. „ An si quis tradat aliquibus vinum ,
 „ ut nomine suo vendatur , si agnoscat illos
 „ minnendo mensuram , & admiscendo a-
 „ quam vendituros peccet ? . . . In hoc posse
 „ excusari sic tradens vinum , si duo suppo-
 „ nantur , ex istimo . Primo , si ad sit causa
 „ justa tradendi , quia videlicet pateretur
 „ grave damnum : secundum , quod tradat
 „ ministris vinum vendendum justo pretio :
 „ nec obstat quod sciat dictos ministros frau-
 „ dibus usuros . „ Idem ibid. ref. 94. §. 2.

VII. „ An quis possit vendere aliquid cum
 „ vicio occulto , quod si emptor sciret , non
 „ esset empturus saltem eodem pretio ? Resp.
 „ affirmativa , dummodo vendor de pretio
 „ diminuat quanto minus res propter defe-
 „ ctum valet . „ Idem ibid. ref. 112.

VIII. „ Aliquis ludendo falsis aleis pecu-
 „ nias lucratus est , earumque partem ali-
 „ quam socio suo donavit , quamvis scienti ,
 „ tamen non cooperanti ad fraudem com-
 „ mittendam . Recte dici potest , socium ad
 „ nullam restitutionem obligari , si lusor ille
 „ pecunias ludo iniquo acceptas cum propriis
 „ miscuerat . „ P. Layman in Theol. Mor.
 lib. de just. tr. 4. l. 3. n. 22.

IX. „ Observandæ sunt conditiones a DD.
 „ requisitæ ut fieri possit occulta compensa-
 „ tio . Quarum prima est &c. Tertia , quod
 „ non possit facile via juris debitum obtine-
 „ ri . Quamvis probabiliter si hæc conditio
 „ desit , non peccet mortaliter qui utitur oc-
 „ culta compensatione . „ P. Dominicus Vi-
 va in Trut. theol. in prop. 37. Innoc. XI. n. 1.

X. „ Quod in hac thesi proscriptitur , est
 „ posse famulos occulte compensare id quod
 „ ipsi judicant ex justitia sibi deberi in fal-
 „ rium idcirco ad occultam hanc com-
 „ pensationem faciendam requiritur judicium
 „ viri docti simul & periti . „ Idem Viva
 loc. cit. n. 7. & in Cursu Theol. Tom. 1. par. 2. q. 6.

XI. „ Si non potest creditor fine gravi
 „ incommodo ad judicem recurrere , poterit
 „ sententiam quam judex proferret , ample-
 „ cit . Et si compensare sibi debitum proba-
 „ bile probabilitate juris , quamvis in praxi
 „ sit valde periculorum . „ Idem in Cursu
 Theol. loc. cit. a 3. n. 2.

XII. „ Quarto docet Less. posse heredem
 „ ab intestato uti compensatione occulta con-
 „ tra eum qui bona defuncti possidet ex te-
 „ stamento minus solemnis : quia probabilis
 „ est sententia , quod ea bona debeantur he-
 „ redi ab intestato , cui opinio potest se
 „ conformare . „ Idem Viva loc. cit. n. 12.

XIII. „ Famulus , vel officialis , qui ob-
 „ errorem , necessitatem , vel aliam similem
 „ causam operam suam minoris justo loca-
 „ vit , quia saltum secundum quid involun-
 „ tarius fuit , adeoque animum donandi non
 „ habuit , poterit defectum stipendiū jure exi-
 „ gere ; & si aliter habere nequeat , occulte
 „ compensare : & dominus sibi imputet . „
 P. Patritius Sporer Tom. 2. tr. 7. in præcep. Dec.
 c. 5. sec. 3. §. 4. n. 83.

XIV. „ Pro omnibus casibus licitum non
 „ est uti compensatione occulta , cum solum
 „ datur opinio probabilis pro utraque parte ,
 „ debitoris scilicet , & creditoris ; sed in ca-
 „ sis particularibus id licet : & etiam li-
 „ cet in omnibus , quando datur major pro-
 „ babilitas ex parte creditoris quod tale
 „ debitum sibi debetur . „ Collegium Salman-
 ticense in Curs. Theol. Mor. Tom. 3. tr. 13.
 cap. 1. pun. 19. §. 3. n. 319.

XV. „ Si dominus occupet famulum vel
 „ aliis horis , vel in aliis ministeriis quam
 „ conventum est , potest famulus uti com-
 „ pensatione . „ Idem Collegium loc. cit. §.
 2. num. 316.

XVI. „ Si tu alium injuste infamasti , qui
 „ te antea infamaverat , non teneris ei ad
 „ restitutionem , si ipse tibi restituere nolit;
 „ sed potes uti compensatione , servata ta-
 „ men æqualitate , quantum fieri potest . „
 P. Leonardus Lessius de just. & jur. lib. 2.
 dub. 25. n. 152.

XVII. „ Quando unus alterum injuste in-
 „ famasset , neque , ut teneretur , vellit eam
 „ famam illi restituere ; tunc ipius infama-
 „ tus ,

„ *tus, qui damnum in fama alteri non debet, posset in pecunia compensare dampnum famae, in quo est, idque non solum non solvendo debitum antiquum occultum, quantum ad aequalitatem sufficere judicaretur ad competenter compensationem famae, in quo est, sed etiam occulte accipiendo de novo quantum satis esset ad eamdem compensationem; dummodo non interveniret scandalum; & aliter commode obtinere non posset restitutionem suae famae; & denique dummodo intervenirent conditiones omnes requisita ut licite in conscientiae foro fiat occulta compensatione debiti.* „ P. Ludovicus Molina de iust. & iure Tom. 4. tract. 4. disp. 49. n. 5.

XVIII. „ Confessario dedi pecunias meo creditoris restituendas, & post elapsum temporis, pus scio Confessarium non restituisse: tamen neor denuo restituere? ... Affirmo non teneri. „ P. Antonius Escobar in Sum. Theol. Mor. tr. 3. exam. 2. cap. 6. n. 20.

XIX. „ An cedens bonis, tuta conscientia possit sibi, & familiae suae, ne indecore vivat, necessaria retinere? ... Afferro posse: quod quidem est verum, licet debita pro quibus cedit, sint ex iniustitia, & notorio delicto contracta, quamvis tunc non possit tantum quantum alias sibi retinere. „ Idem Escobar loc. cit.

XX. „ Si tu, dum occulte tibi compensas debitum, prævides alicui tertio, tamquam furtum ab ipso fuisse commissum, fore imputandum, non obligaris id præcavere, nisi facile possis. „ P. Thomas Taburinus lib. 8. in Dec. tr. 2. cap. 5. § 1. n. 5.

XXI. „ Furatus es v. g. decem aureos nudius tertius, utique cum peccato; verum hodie existens in gravi necessitate, puta in gravi morbo, sine ulla spe habendi pecuniam, illos ad vitam conservandam expendis: obligaberis ne ad meliorem fortunam rediens ad restitutionem? Non est improbabilis sententia te nunc liberans ab omni restitutione. „ Idem Tamburinus loc. cit. c. 6. §. 2. n. 3. Castropalaus Tom. 1. sum. tr. 3. disp. 2. c. 4. sect. 2. a. num. 12.

XXII. „ Si quis ab eodem per parva furtiola gravem furatur quantitatem, letaliter non peccat in ultimo jam compleente, dummodo tempus quatuor mensium inter ea mediet. „ Torrecilla tom. 1. tr. 6. dis. 2. pun. 10. n. 3.

XXIII. „ Non est grave retinere alienum ex iusta acceptione, quamdiu quis est in gravi necessitate, saltem si creditor a-

Tom. I.

„ quali non urgeatur, immo et si urgeatur, „ Idem ibid. sect. 3.

XXIV. „ Non est de gravi damnandus debitor qui ratione contractus aliquid restituere teneretur, licet in mora sit restituendi creditori sepius satisfactionem petitenti, et si justam causam differendi non habeat; dummodo absque gravi damno creditoris, periculoque, ut debitum nusquam satisficeri valeat, & cum intentione satisfaciendi id fiat. „ Idem Torr. in propos. damn. tr. 5. consult. 10. n. 2.

XXV. „ Ex contractu trino aliquid ultra fortem in pactum deducere, non est letale. „ Idem ibid. consult. 3. sect. 3. num. 24.

XXVI. Etiam deficiente titulo lucri cessantis, & damni emergentis, pignoribus adhuc pro securitate capitalis acceptis, potest exigi lucrum, et si ad 7. pro 100. accedat, ex solo titulo periculi, & difficultatis (quae semper accidit) fortem recuperandi. „ Idem ibid. num. 25.

XXVII. „ Adhuc deficiente in praefato trino contractu titulo lucri cessantis, & damni emergentis, & periculo capitalis perdendi, potest quis ex alio titulo lucrari; immo & 5. vel 8. pro 100. ferre, videlicet pecuniam ad quemque mercatoris exponendo, ut cum ea lucretur, etiam cum capitalis assecuratione. „ Idem ibid. num. 26.

XXVIII. „ Probabile est justum pretium rerum venalium esse totum id quod absque violentia, vel fraude extorqueri potest ab emptore. Sic Tr. de Jesu Maria in quadam consult. quæ apud prædictum P. Torrecilla habetur Tom. 2. consult. tr. 4. consult. 7.

XXIX. „ Quando merces in publica subasta hastione exponuntur, etiamsi dimidio tantummodo sui valoris pretio eas quis emat, nil restituere tenetur. Et idem dicendum de qualibet specie venali omnibus exposita. „ Idem ibid. num. 2.

XXX. „ Mercator in qualibet merce potest plusquam 15. pro 100. ab emptore exigere, et si ad 24. accedat. „ F. Joannes ab Assumptione ibid. num. 14.

XXXI. „ Mercator qui pretio ad annua solvendo rem vendit, lucrum exigere vallet, et si ad 8. vel 11. pro 100. accedat. „ Idem Fr. Joannes ab Assump. ibid. n. 18.

XXXII. „ Qui per unum, vel duos annos multoties repetit se restituere nolle quod ex iusta tenetur, unicum tantum peccatum mortale committit; dummodo per actus contrarios intentionem non re-

„ tractet „ . Torrec. Tom. 2. Sum. tr. 2.
dist. 2. c. 1. n. 14.

XXXIII. „ Satis probabile existimo tri-
„ buta, tametsi justa, fraudare, sive in to-
„ to singulorum, sive in parte, grave non
„ esse conscientiae, si ab exactoribus non pe-
„ tantur „ . Idem *ibid. disp. 4. c. 3. n. 8.*

XXXIV. „ Nec probabilitate caret de eis-
„ dem tributis dicere, etiam merces occul-
„ tare licere, ne tributa ab exactoribus exi-
„ gantur „ . Idem *ibid.*

XXXV. „ Probabile, & securum in praxi
„ est, quod qui tenetur restituere, satisfa-
„ ciat obligationi sua, si Confessario, vel a-
„ lio viro prudenti det ut restituat, etsi id
„ non praestitisse postea animadvertat „ . Idem
ibid. disp. 5. c. 4. n. 12.

XXXVI. „ In provisione beneficii, prae-
„ benda, vel cathedra, facta precedente
„ vocatione per edictum, & oppositionem
„ litterariam, probabilissimum est electores
„ non teneri ex iustitia ad eligendum di-
„ gniorem, dummodo dignum elegant „ .
Idem *ibid. tr. 3. sec. 1. c. 2. 4. n. 9.*

C A P U T III.

*De furti notione, & divisione, de rapina,
de quantitate ad furtum requisita,
& de furtis minutis.*

I. QUÆST. 1. *Quid, & quotuplex sit fur-
tum?* RESP. Furti notio haec est;

*Occulta acceptio rei alienae invito do-
mino.* Furtum multiplex. Primum est sim-
plex, quod descripsi. Alterum est *pecula-
tus*, quod etiam *qualificatum* dicitur, & est
illud quo patrimonium publicum dilapidatur.
Tertium est *plagium* in hoc furtum quod ho-
mo liber in servitutem reducatur, aut sur-
ripiatur alienus servus. Quarta furti species
est *abigeatus*, in abduktione pecorum, equo-
rum, idque genus animalium positus.

II. Theologi duas furti species distinguunt.
Altera est *sacrilegium*, quando nimurum au-
fertur vel sacram de sacro, vel non sacram
de sacro, vel sacram de non sacro. Furtum
cromenæ in Ecclesia est sacrilegium, quid-
quid dicant nonnulli recentiores. Altera furti
species est *rapina*, quæ varias significatio-
nes admittit. Aliquando enim sumitur pro-
quamcumque illicita alienæ rei usurpatione.
Ceterum proprie rapina est rei alienæ vio-
lenta, & injusta usurpatio facta præsente,
& invito domino. Peccatum est natura sua
gravius furto, ob contumeliam quam per-

sonæ infert. Quare evenire potest ut contu-
melia sit mortalís, licet res ablata sit levis
materia furti. Rapinæ reus est qui incusso
metu alteri rem extorquet. Quare rapa-
ces sunt viri potentes, & ministri publici,
qui rem indebitam ab aliis inferioribus po-
stulant; cum isti ob timorem negare illam
non audent. Quamvis enim exterius vis
non inferatur, interiori tamen animo non
audenti reluctari vis incutitur. Lege Cate-
chismum Tridentinum 3. part. cap. 8. n. 9.
& seq. ubi varia furtorum genera perspicue
describuntur.

III. QUÆST. II. *Quænam sit quantitas no-
cessaria ad furtum mortale?* RESP. Furtum,
& rapina genere suo peccata mortalia sunt;
sed evadunt venialia ex materia parvitate.
Novem circiter sunt Theologorum sententiae
super quantitate ad furtum letale necessa-
ria. Navarrus ait, septem, vel octo asses
constituere furtum mortale. As valet bajoc-
cum Romanum, seu duos solidos Venetos.
Alii unum, alii tres, alii quatuor, alii sex
julios requirunt. Communis sententia qua-
tuor personarum genera distinguit. 1. sunt
Reges, Magnates, & opulenti; 2. honesti
cives, qui ex redditibus vivunt; 3. artifices;
4. mendici. Autores communiter fatentur,
unum aureum esse materiam gravem etiam
respectu Regum; respectu secundi generis
tres julios; respectu tertii duos; respectu
quarti unum julium.

IV. P. Antoine contendit tres libras, seu
rem quæ exæquat valorem sexaginta assuum,
esse materiam gravem etiam respectu Re-
gum, atque alios Doctores minorem quan-
titatem exigere respectu ditissimorum. Ab-
solute non auderem ego peccati mortalís
damnare qui Regi ditissimo surreiperet sex
julios. Sat est statuere terminum magnitu-
dinis constituentem furtum letale, & hunc
esse unum aureum respectu etiam opulentis-
simi Regis, ut dictum est. Hinc tamen non
inferas furtum medii aurei non posse esse
letale etiam respectu Regis. Nam aliud est
quod major summa, juxta communem exi-
stimationem requiratur ad mortale pecca-
tum; aliud, quod summa inferior non pos-
sit esse crimen mortiferum. Nam etiam
medius aureus surreptus Principi, vel Regi
potest esse gravis materia. Datur ergo ma-
teria gravis absolute respectu omnium jam
indicata; & similiter levis respectu omnium
sicut furtum unius oboli.

V. Communiter tamen in praxi gravitas,
vel levitas furti desumitur relate ad perso-
nas:

nas: nam eadem res respectu divitis est levis, & respectu pauperis est gravis. Materia quæ sufficit ad alimentum unius diei personæ cui res auferunt, solet juxta communiorum sententiam constitui materia gravis. Hac ratione dicitur, quod tres vel quatuor iulii ablati etiam ditissimo sint materia gravis; duo surrepti mediocriter diviti; unus ablatus artifici; & medius surreptus pauperi, quia medius julius reputatur materia sufficiens ad alendum pauperem.

VI. Heinc colligas velim, quam diligenter cavendum a furto sit. Nam varia Theologorum placita securitatem tibi non dant. Ne ergo dicas: Numquid suavissima Christi lex ob paucos asses ad infernum damnabit animas? Hoc pasto ratiocinabatur Eva, antequam furtum pomi patraret. Ad Dei mandatum animum intende: *Non furtum facies*. Lex non distinguit nec furtum leve, nec furtum grave, sed absolute omne furtum prohibet. Ab omni ergo furto abstinentum.

VII. QUÆST. III. *Quid de furtis minutis dicendum?* RESP. Triplici pacto committi furtu minuta queunt. 1. ab eadem, & unica persona levia bona surripi plures valent: 2. a pluribus personis: 3. plures ab eadem persona parvas res auferre valent. Qui ab uno vel pluribus leves res minutam surripit animo pervenienti ad notabillem quantitatem, prima vice mortaliter peccat ob animi pravitatem: si tamen reipsa non pertingat ad notabilem quantitatem, non tenetur sub gravi ad restitutionem. Qui modica ab aliquo surripit, tametsi animo non attingendi summanam gravem, dum repetitis furtulis pertingit ad gravem quantitatem, peccat mortaliter in ultimo parvo furto, & ad restitutionem tenetur. Post completum furtum grave, si modicum surripias, non peccas mortaliter, sed venialiter: si vero additis novis furtulis perveniantur ad gravem quantitatem, novum peccatum grave patratur. Qui modica multis furatur, licet singulis grave damnum non inferat, dum pervenit ad quantitatem gravem, peccat mortaliter, & ad restitutionem tenetur, quia graviter justitiae ordinem laedit.

VIII. QUÆST. IV. *Plures ab eodem modica surripiunt: peccant ne singuli mortaliter?* RESP. Si mutuo consensu furantur ab eodem modica, quæ constituant materiam gravem, omnes peccant mortaliter, quia omnes conspirant in grave damnum tertii, & singuli

in solidum, ceteris deficientibus, tenentur ad restitutionem. Si vero separatim absque omni conspiratione, sed prorsus fortuito singuli modica surripiant, nemo mortaliter peccat, & nemo ad restitutionem tenetur sub gravi.

IX. QUÆST. V. *Quando plures seorsim modica furantur, quorum quilibet scit, sed advertit ab aliis modica surripi, absque tamen communi consilio, peccant ne singuli mortaliter?* RESP. Negant Salmanticenses, Sanchez, Trullench, Lessius, Salas, Busembau, La-Croix, Antoine, & alii: quoniam, inquit, admissa contraria sententia affirmante, mortaliter peccaret qui unum assent a Rege surriperet, cum sciat plures esse qui Regibus furantur.

X. Contrariam sententiam affirmantem propugnant graviores Theologi, Suarez, Vasquez, Medina, Tapia, Rebello, Major, Ledesma, & alii plures; & si vero in sensu explicetur, probabilior est. Sermo ergo est de furtis minutis conjunctis. Videt aliquis vineam ex pluribus angulis obserari, illi paucos fructus, isti alios paucos, alii paucos surripiunt cum maximo domini detimento. Omnes sunt, vel plures istius damni illati consciæ, & nihilominus furantur & ipsi. Nemo alium hortatur ad furtum, & sic nemo est causa consulens, seu impellens; at omnes consciæ, & cognoscentes damnum illatum sunt causa cooperans, & influens in tale damnum. Qui levem rem surripit Regi, vel alteri diviti, non peccat mortaliter, licet sciat diversis temporibus multa eisdem auferri, quia talia furtula non sunt mortaliter conjuncta. Tunc itaque parva furtula a pluribus patrata evadunt mortalia, & singuli scienter & advertenter illa perpetrant, cum sunt mortaliter conjuncta, quia eodem tempore patrata cum gravi domini detimento.

XI. Qui post furtum mortale ab eodem modica furatur, si prioris furti penituit, & restitutionem vel fecit, vel proposuit, non peccat mortaliter, si postea modicum furetur. Contra si forem prioris furti non penituit, immo perseverat in voluntate augendi domino detrimentum, furtula posteriora, & si modica evadunt mortifera.

XII. QUÆST. VI. *Licetum ne est in extrema necessitate furari?* RESP. Adfirmant omnes: quia in tali casu positus non furatur, sed sua accipit, cum omnia tunc communia sint quantum ad vitæ sustentationem. Quisque ex justitia, nedum ex caritate, tenetur

extreme indigenti succurrere. Nec, transacta necessitate, bona accepta quæ consumpsit, tenetur restituere; bona tamen accepta extremae necessitatis tempore, si elapsa necessest, supersint, restituenda sunt. Bona surrepta a non egente, si is in extremam egestatem incidat, eaque consummat in tali necessitate constitutus, restituenda sunt, necessitate sublata, quidquid in oppositum afferant nonnulli. Delictum enim adversus iustitiam perpetratum, semper compensandum est, tametsi extremae necessitatis tempore debitum restitutionis suspendatur.

XIII. QUÆST. VII. *Licitum ne est in necessitate gravi furari?* RESP. Adfirmantem opinionem defenderunt aliqui. Eam damnavit Innoc. XI. in hac thesi ordine 36. *Permissum est furari non solum in extrema necessitate, sed etiam in gravi.* P. Viva exponens in sua Trutina hanc thesim n. 3. imponit P. Bannez, quod docuerit, esse in extrema necessitate constitutum illum cui gravissimum dedecus esset mendicare. Bannez narrat solum non deesse opinantes qui asserunt. Inter istos vero opinantes est ipse P. Viva, qui non raro laxa edocens eadem alii imponit, ut frequenter in Theologia Christiana animadverti testimonio luculentissimis adductis. Nobilis qui propria industria vel laborando, vel mendicando sustentare vitam potest, non est in extrema necessitate constitutus. Pudor illius, qui obtruditur, mundanus est, & virtiosus. P. Viva, ut mihi videtur loc. cit. n. 2. eludit thesi damnationem asserens, in necessitate valde gravi licitum esse furari; quia necessitas valde gravis, non infert vita ja&cturam; alioquin non valde gravis, sed extrema esset. Ideo falsa est doctrina P. Viva, & P. La-Croix, qui eamdem ac P. Viva doctrinam propugnant. Nunquam igitur licitum est furari in necessitate gravi, tametsi urgente, & magna, quæ agentis industria reparari valet: quæ enim reparari nequit, extrema est, non gravis. Ea vero necessitas dicitur extrema, quæ nisi repellatur, infert vita ja&cturam. Specrandæ semper sunt circumstantiae, distinguendi sunt casus rari, & bona fides, & conscientia status indigentis, ut extrema rigor, & laxitatis declinentur.

C A P U T IV.

De occulta compensatione.

I. QUÆST. I. *Quid sit compensatio?* RESP. Est debiti, & crediti inter se invi-

cem cocontributio. Tu mihi debes centum, & ego tibi totidem. Mutua compensatione remitti haec duo debita posse adfirmant omnes, dum ambæ partes libere convenient.

II. QUÆST. II. *Licita ne est occulta compensatio: & quæ sint ejusdem conditiones?* RESP. Antequam ad quæstionem respondeo, rescribo thesim damnatam ab Innoc. XI. quæ est 37. *Famuli, & famulae domesticæ possunt occulte heris suis surripere ad compensandam operam suam, quam majorem judicant salario, quod recipient.* P. Viva in expositione hujus thesis inquit: *Quod in hac thesi proscribitur, est posse famulos occulte compensare id quod judicant ex iustitia sibi deberi in salario.* Hoc est proscriptum in thesi, ceterum si non ipsi famuli judicent, sed accedat viri docti judicium, quo decernatur majus deberi salariū, tum licita est occulta compensatio. Subdit enim ibi n. 7. *Idcirco ad occultam hanc compensationem faciendam requiritur judicium viri docti, ac periti, & passione denudati, qui spectatis omnibus judicent moraliter certum esse quod majus salariū debeatur.* Hoc idem docet P. La-Croix lib. 3. p. 1. n. 974. & alii Casuistæ.

III. Hæc opinio mihi laxa videtur, & in damnata thesi contenta. Nec enim plus juris in dominorum bona habent docti & periti Casuistæ quam famuli. Quid? In causa iustitiae una sola parte, & quidem ignobiliori audita, nempe famulis, sententia pronuntiatur, & adversus dominos judicium fertur? Quænam lex hoc concedit? Commentum igitur istud proscriptum est, nisi fallor ipse, in dicta thesi. Sed missa famulorum compensatione damnata, videndum num compensatio occulta aliquando licita sit, & quæ conditiones requirantur.

IV. Ad licitam compensationem prima conditio necessaria est quod debitum sit liquidum, & omnino certum, & quod tempus solutionis elapsum sit. Docent aliqui, compensationem fieri posse, etiam quando res actu non debetur, si timetur rem non esse solvendam tempore debito: quæ doctrina falsa est. Secunda conditio est ut res quæ occulta accipitur, sit debitoris, & non alterius: & hæc conditio necessaria est, non in foro exteriori modo, sed etiam in interiori. Volunt alii, te posse accipere rem quam debitor tuus mittit ad alterum in donum, vel in solutionem debiti, dummodo ab altero non sit acceptata, sed sit sub debitoris tui dominio: quæ etiam opinio nobis falsa videtur.

V. Tertia conditio est ut rem tibi debitam nequeas *commode*, seu facile obtinere. Tum autem facile, & commode obtinere ne quis, cum pro illa obtinenda litem intentare, tribunalia adire magnis expensis debes; vel periculum incurris amittendæ amicitiae ipsius debitoris, vel judicis, inquit qui asserunt defectum istius conditionis non inducere culpam mortalem. Hanc quoque opinionem ut falsam rejicio. Si enim ordo iustitiae a legitimo judge exercenda non cadit sub præcepto, omnia perturbantur, & Respubli ca fraudibus, & furtis obnoxia est.

VI. Quarta conditio est ut occulta compensatio fiat absque detimento ipsius debitoris, ne plus videlicet accipias quam tibi debetur: præterea curandum est ne compensatione facta debitum tibi, aut heredibus solvatur, atque adeo ut debitor conscius fiat solutionis factæ, ne in culpa conscientia persistat.

VII. Quinta conditio est ut compensatio fiat absque damno tertii: si enim dum tu rem occulte surripis, Sempronius accusaretur furti a tuo debitore, & cogeretur ad restitutionem, compensatio esset cum damno tertii. Dicunt aliqui hoc per accidens esse, & consequenter te posse uti compensatione; sed hoc legi evangelice adversari videtur.

VIII. Sexta conditio est ut compensatio fiat, si possit, in eadem specie; si non possit, in quacumque specie.

IX. Septima conditio est ut compensatio fiat absque detimento aliorum creditorum, ut si essent creditores anteriores, compensatio fieri non posset cum istorum detimento. Juniores acriter mutuo disputant de hac conditione, aliis negantibus, aliis adfirmantibus esse necessario servandam.

X. Descriptis, & explicatis conditionibus occultæ compensationis, decidendum nunc superest, num ea licita sit, & justa, dum tales conditiones servantur. Adfirmsat communior Theologorum sententia. Doctissimus Jesuita P. Elizalde lib. 8. q. 7. §. 4. negantem opinionem defendit gravissimis rationum momentis nixus.

XI. In situum gentibus omnibus est ne quispiam inauditus condemnetur. Sed opinio occultæ compensationis inauditos debitores, qui plura in sui favorem allegare possent, condemnat. Ergo falsa. Preterea contra naturæ lumen est quod quisquam iudex sit in propria causa. Sed opinio adducta constituit creditores judges in propria causa. Ergo falsa. Rursus, leges quæ commune Reipublicæ bo-

num spectant, & confusionem perturbat nemque civilis regiminis impedit, observandæ sunt etiam cum detimento hujus vel illius privati. Heinc lex præscriptionis iure gentium inœcta ad tollenda innumeræ mala, & confusionem possessionum, consistit etiam cum detimento interdum legitimi domini. Accedit quod rerum dominia nequeunt transferri, nisi aut voluntate privati domini, aut publica potestate. Rem quam tu compensator accipis, revera est sub dominio creditoris. Qua via transit in tuam potestatem? Via compensationis; sed hec via injusta est, quia non accedit neque voluntas legitimi domini, neque potestas publica. Cedo. Nemo iudex in propria causa. Nemo inauditus damnatur. Leges istæ justæ ne sunt? Ergo servandæ tum in interiori, tum in exteriori foro.

XII. Quid? Damnabis ergo compensationem occultam, quam communiter Theologi defendunt? Ego non damno, sed rationes quas obiter perfirxi, summum mihi facerunt negotium. Addo, conditiones quas Theologi assignant, perquam raro in praxi observari. Ergo in praxi Theologi nobiscum sentiant. Sententia adfirmsans licitam esse occultam compensationem, periculorum plena est. Nam conditiones præscribit quæ vix in praxi servari queunt. Viam aperit ad violandas leges tum divinas, tum humanas, ad tribunalium iudicia pervertenda, ad rerum dominia transferenda absque legitima potestate. Denique ansam præbet furtis, & fraudibus, ordinemque Reipublicæ, & societatis perturbat; ut privatorum quorundam dannis occurat innumeræ injusticias, dolos, & iurium omnium confusionem invehit.

XIII. Quod si a Theologorum sententia valde communis recedere nolis, saltet cato a plurim opinationibus contrariis communis Theologorum doctrinæ. Conditiones enim quas graviores Theologi pro licita compensatione præscribunt, adeo laxarunt recentiores non pauci, ut in nihil fere redegerint. Famulis, ministris, officialibus numquam occultam compensationem permittas, causa augendi mercedem, quam justo minorem asserunt, quia id damnavit Ecclesia. Reponunt plures damnatam esse hanc compensationem iudicio famuli, ministri, vel officialis, secus iudicio Confessarii, vel docti & periti viri peractam. Unius voculæ additione eludetur pontificalia condemnationis? Si domini, si mercatores, si Princes perciperent damna, & furta quæ vi benignitatis probabili.

bilicæ patiuntur, non adeo plaudent opinionibus laxis fuso benignitatis obiectis. Si ego rescribere vellem bona quæ familiæ dominis, officiales mercatoribus, ministri Principibus surripiunt titulo compensationis honestata, horrorem excitarem adversus saltem plurium Probabilitarum opinaciones.

XIV. In foro exteriori omnis occulta compensatio, facta invito domino, damnatur. Quindi ergo & in foro interiori? Leges quibus utuntur judices fori externi ad damnandam compensationem, illæ ipsæ sunt quibus utuntur judices fori interni. Ergo utrobique damnanda est occulta compensatio. Si reponis, forum exterrnum respicere publicam tranquillitatem, & bonum commune illæsum a fraudibus, & furtis; respondeo ego, potiori jure judices fori interioris hæc omnia spectare debere.

C A P U T I.

De furtis domesticorum.

I. QUÆST. 1. Peccant ne filii qui bona furantur parentibus? RESP. Filii etiam sub patria potestate constituti habent dominium, & administrationem bonorum castrensem, & quasi castrensem. De his disponere pro arbitrio valent. Bonorum quæ adventitia nuncupantur, proprietatem filii, administrationem, & usumfructum parentes habent. Profectiorum vero & proprietas, & usumfructus penes parentes sunt. Filii qui surripiunt gravem quantitatem bonorum quorum parentes vel dominium, vel administrationem habent, absque eorumdem parentum consensu, peccant mortaliter. Quenam autem quantitas requiratur ut surta filiorum sint mortisera, varia sunt Theologorum placita. Spectandæ sunt circumstantiæ & præfertim finis ob quem filii furantur parentibus, parentum divitiae, numerus filiorum, expensæ domus, & plura alia, ut omnibus perensis possit prudens sacer minister definire quandonam surta filiorum mortisera sint, quando parentes sint, nec ne inviti. Filii excusantur a furti reatu, quando parentes omittunt subministrare ipsis congrua pro viatu & vestitu juxta propriam conditionem.

II. QUÆST. 11. Furtum ne perpetrant uxores quæ bona mariti surripiunt? RESP. Communis sententia docet, furtum letale patrare uxores quæ invitis maritis bona quorum dominium, & administratio est penes eosdem, surripiunt. Bonorum quæ paraphernalia nun-

cupantur, dominium, & administratio est penes uxores, & de his disponere valent uxores pro arbitrio. Quantitatem majorem in ejusmodi furtis Theologi requirunt quam in furtis extraneorum, ut gravis culpa committatur. Sed regula designari præcisa nequit. Illud certo scimus, furtum esse vetitum. Porro quoties uxores verum furtum committunt, cur in eisdem major requiritur quantitas? Quia mariti præsumuntur consentientes? At tunc furtum non perpetrant. Ergo quoties uxores verum furtum perpetrant, non video cur major in his furtis quantitas requiratur quam in furtis extraneorum. Nihilominus circumstantiæ spectandæ sunt.

III. Plures casus assignantur in quibus uxores absque furti reatu surripere maritis quædam bona valent. 1. Quando mariti præbere omittunt necessarios sumptus ad familiæ onera sustinenda. Quoniam tunc irrationabiliter inviti mariti sunt. 2. Ad impedendum grave familiæ damnum. 3. Ad erogandas congruas eleemosynas, & confuetas; vendum tamen ne uxores falsa pietate deceptæ exceedant justos limites. 4. Si pater filiis necessaria non porrigit ad discendas artes statui necessarias, mater de bonis mariti supplere potest. 5. Si maritus fatuus sit, & uxor administratrix. 6. Si prudenter præsumatur mariti consensus. 7. Quando occurrit casus succurrenti extreme indigenti.

IV. Regula tamen generalis esto. Nihil uxores disponant de maritorum bonis ipsis insciis, & invitis, exceptis casibus evidenter, & grayiter urgentibus. Facile sibi uxores arrogant facultatem, & dominium in bona mariti. Quare Confessarius curet diligenter ut uxores subditæ in omnibus viris suis sint; & necessaria tam sibi, quam familiæ a maritis petant quoad fieri potest.

V. QUÆST. IIII. Quid de opificum furtis dicendum? RESP. Opifices qui materiam elaborandam a domino sicutiunt, ut sartores, textores, moltores, & similes, furtum perpetrant, dum quidquam materiæ sibi traditæ surripiunt, invito domino. Sartores fere in more habent surripere fragmenta, & lacinias: isti omnes fures sunt, quoties hæc fragmenta utilia domino sunt. Si autem nihil domino profint, tum nullum furtum perpetrant.

VI. QUÆST. IV. Quid de furtis Religiorum? RESP. Si Religiosi claustrales furen- tur ab extraneis, perinde se habent sicut alii fures. Si furentur de communi Monasterii pena gravem quantitatem, peccant & contra justitiam, & contra votum, atque adeo

adeo & injusti, & sacrilegi sunt. Quantitas sufficiens ad mortale in homine laico sufficit etiam in Religioso. Quare falsam existimo opinionem illorum qui furta Claustrium comparant cum furtis filiorum. Parentes enim domini sunt bonorum, & filii nullo voto astringuntur. Praelati autem regulares custodes tantum sunt & administrari bonorum Monasterii: quare nequeunt consentire in surreptionem bonorum: & Religiosi solemniter paupertatis voto devincenti sunt. Nulla ergo occurrit ratio cur quantitas in furtis Religiosorum augenda sit. Si bona surrepta a Religioso constanter, restitui debent. Si consumpta fuerint, a restitutionis onere imunes Religiosi sunt.

DISSERTATIO II.

De falso testimonio.

Non loqueris contra proximum tuum falsum testimonium. Exodi 16.

CAPUT I.

Propositiones laxae Casuistarum.

I. „ **A**d tormenta, damnaque gravia vindicta posse quemlibet sibi falsum grave crimen imponere, etiamsi mors fit sibi secutura,, . P. Thomas Tamburinus lib. 9. in Decal. c. 3. §. 6. n. 6.

II. „ An si alio modo te ab injusto teste tueri nequeas, licite falsa crimina illi possis objicere, quanta sufficiunt ad tuam justam defensionem? Duo assero. Unum mihi satis probabile; alterum fastis incertum. Probabile mihi est te, si id facias, non peccare contra justitiam: unde nec obligari ad restitutionem... In certum minime est an id possit fieri licite sine ulla culpa,, . Idem Tamb. loc. cit. c. 2. §. 2. n. 4. 5. & 6.

III. „ Si sit necesse publicas scripturas ementiri, possit ne notarius publicus ad hoc induci, si notario constaret mea innocentia? Quidni? respondebis. Id enim non est esse infidelem Reipublicæ, sed maxime fidelem; dum ejusdem Reipublicæ innocentes sic defenduntur. Verum si aperiatur hujusmodi ostium, quomodo stabunt publica judicia? Inveniantur, respondebis, testes veri, ut sancta requirunt tribunalia. Dum enim falsi testes quacumque arte repelluntur, publica judicia fir-

mantur potius quam infirmantur. Sed ego iterum audio: libenter nodum hunc in aliud tempus evolvendum reservo,, . Idem Tamb. loc. cit. n. 7.

IV. „ Quando taxa aliquius rei est injesta, si pluris vendens, aut defraudans in pondere, ita ut sibi satisficiat pro pretio, in justitia, & reddat correspondentes mercies pretio dato, potest hic rogatus a judece, an pluris vendiderit, vel defeccerit in pondere, aut mensura, id negare, asserereque se pretio taxato vendidisse, & integre pondus, & mensuram tradidisse, intelligendo haec, ita ut pluris vendens, aut deficiens in pondere, & mensura defiquerit. Atque ad hoc satis est opinio nem esse probabilem, eam taxam non obligare,, . P. Thomas Sanchez lib. 5. in Decal. c. 6. n. 29.

V. „ Quoties five vere, five fidele promittens matrimonium, immunit est ob aliquam causam ab implenda obligatione, probavimus, posse eum a judice vocatum jurare se non promisisse, intelligendo, ita ut teneat implere. Quod diximus procedere non tantum quando est certa causa non implendi; sed etiam quoties sapientum iudicio est probabile non teneri servare. Quia potest amplectendo opinionem probabilem existimare se tuta conscientia non obligatum. „ Idem Sanchez loc. cit. num. 32.

VI. „ Clericus rogatus a custodibus, an aliquā portet, eo fine ut gabellam solvere compellatur, potest jurare se nihil portare, intelligendo, ex quo gabellam debeat,, . Idem Sanchez loc. cit.

VII. „ Idem credo, quoties laicus aliquā portat, aut habet, aut vendidit ex quibus gabellam aliqua ratione non debet, aut non debet integrum juxta probabilem opinionem. Potest enim juramento negare se habere, portare, vendidisse eam solam quantitatem ex qua gabellam non debet, intelligendo intra se, ita ut ex illa debeat,, . Idem Sanchez loc. cit.

VIII. „ An habens justam, vel probabilem causam occultandi Fisco, vel creditoribus aliqua bona, possit uti restrictione mentali, jurando se non occultasse? Respondeo probabilius, posse., . P. Leander a SS. Sacramento in Decal. Tom. 2. tr. 1. disp. 45. qu. 16.

IX. „ An sit peccatum mortale jurare cum restrictione mentali absque iusta causa? Probabilius respondeo, non esse mortalia ta-

,, tale , sed veniale tantum,, . Idem Leander loc. cit. qu. 12.

X. „ Is a quo mutua pecunia petitur ,,, quam revera habet , potest jurejurando affirmare absque perjurio , & peccato , se eam non habere pecuniam in alio loco „ . P. Vincentius Candidus Tom. 2. disquis. 26. art. 3. dub. 12.

XI. „ Mutuo accipiens centum aureos solvendos post annum , si terminus ad quem mutuum datum fuit , non est impletus , rogatus a judice de mutuo , jurare potest se illud non accepisse , intelligendo , ita ut teneatur solvere ante terminum impletum,, . Idem P. Candidus loc. cit. dub. 18.

XII. „ Mercatores qui non possunt justum pretium ab emporiis obtainere , nisi jurent tanti vel tanti sibi mercem stare , cum de facto non stet ; jurare quidem possunt , tanti sibi stare , subintelligendo cum alia merce quam habent domini , vel alibi emerant,, . Ferdinandus de Castropalao par. 3. tr. 14. punc. 7. n. 6.

XIII. „ Etiamsi rogans omnem æquivocationem vellet excludere , & ultra iuramentum de calumnia , exigat juramentum dicendi veritatem sincere absque ulala æquivocatione ; adhuc poteris jurare amphibologico juramento , & restrictione facta : quia subintelligere potes te iuratulum absque æquivocatione injusta . Nulla enim propositio ita ample sumi potest quin aliquam restrictionem habere possit in mente,, . Idem Castrop. loc. cit. versic. Denique.

XIV. „ Quando tamen non occurrit commoda æquivocatio , aut restrictione externa , si causa sit gravis , rustici possunt usu duplicitis scientiæ , communicabilis , & incommunicabilis facile obvio veritatem occultare , non animo decipiendi , sed solum permittendi deceptionem,, . P. Dominicus Viva in Trut. Theol. in propos. 26. & 27. Innoc. XI. n. 14.

XV. „ Qui consuetudinem habet leviter mentiendi , etiamsi eam habeat verum absque necessitate jurandi , non ex hoc in statu peccati mortalis est constituendus ; et si quandoque ex intraque consuetudine perjuret,, . P. Martinus Torrecilla Tom. I. Sum. tr. 3. disp. 1. c. 1. sec. 1. n. 87.

XVI. „ Contumelias , conviciaque erunt venialia , si ex defectu cautelæ inter risantes proferantur , ut accidit in mulierculis , quæ ira correptæ mutuo sibi gra-

,, viter conviciantur „ . Idem ibid. sec. 6.

§. 1. n. 5.

XVII. „ Grave non est adhuc temerarie judicare de alio , stirpe esse Judæum , vel spuriū , & quævis mala non moralia ; dummodo ex hoc eum non contemnamus , neque diffamemus,, . Idem ibid. sec. 7. §. 1. n. 5.

XVIII. „ Non est judicium temerarium malum , et si grave , de proximo ex solis indiciis , vel conjecturis probabilibus judicare,, . Idem ibid. n. 6.

XIX. „ Suspicio de crimen quantumvis enormi de persona honesta , etiamsi sit temeraria , numquam est grave peccatum ; licet de crimen hæresis , vel incensus , & simili suspicio sit,, . Idem ibid. n. 22.

C A P U T II.

De falso testimonio , octavo precepto vetito , & de mendacio.

I. QUÆST. I. *Quid sit falsum testimonium?*

RESP. Testimonium est dictum illud quod testis interrogatus a judice in ipso judicio judici profert : est verum , aut falsum prout respondet , aut dissonat vel mentis conceptioni , vel rebus a teste conceptis . Quando falsum testimonium coniunctum perjurio est , mortiferum quoque est . Si vero a perjurio separatum sit , tum erit peccatum letale contra justitiam , cum justitia graviter læsa fuerit adversus proximum . Qui testificatus est in judicio falsum , tenetur illud retractare cum suæ famæ dispendio , etiam quando nulla est spes liberandi innocentem .

II. QUÆST. II. *Quid sit mendacium?* RESP. Est enuntiatio falsi cum voluntate ad fallendum prolatæ , inquit Angelicus 2. 2. qu. 110. art. 1. Sub enuntiatione comprehenditur verbum scriptura , signis , nutibus , aut voce expressum . Voluntas fallendi auditorem est complementum mendacij ; cum natura mendacij consistat in prolatione falsi cum deliberatione falsum dicendi , hoc est contra mentem loqui . Contra si falsum enuntiet quis reputans esse verum , non mentitur , sed materialem profert falsitatem , & vocatur mendacium materiale ; cum primum de scriptum sit formale .

III. Ratione finis dividitur mendacium in *jocosum* , quod vel proprium , vel alienum spectat oblectamentum ; in *officiosum* , quod uti-

utilitatem propriam , vel aliorum respicit ; & in *pernicioſum* , quod in aliorum dānum profertur , & est genere suo peccatum mortale , & veniale evadit ob materiæ levitatem . Aliud est mendacium *factualia* , cum quis majora de se prædicat quam conveniat . Aliud mendacium *ironie* , quod minorata , quæ vera sunt , negat .

IV. QUÆST. III. *Sit ne semper mendacium , etiam ob finem bonum prolatum , malitia inflexus ?* RESP. Mendacia omnia sive jocosa , sive officiosa , sive perniciosa natura sua mala sunt , ut Catholici omnes docent . Jocosum , & officiosum natura sua non sunt peccatum mortale , cum neutrum inferat proximo nocumentum . Ceterum cum omne mendacium natura sua malum sit , humanae societati adversum , nullo fine quantumvis optimo , honestari valet .

V. Si quis in confessione negaret aliquod peccatum veniale patratum , non peccaret letaliter , ut ego quidem arbitror . Si tamen interrogatus pœnitens a Confessario num consuetudine peccandi venialiter laborebat , eamque , quando vera est , negaret , non videatur immunis a gravi culpa , quoniam notabile detrimentum infert animæ suæ , & in periculo se se constituit labendi in mortale .

C A P U T III.

De contumelia , susurratione , derisione , maledictione , & detractione .

I. QUÆST. I. *Quid sit contumelia ?* RESP. Est dehonratio alicujus per verba , quibus id quod est contra honorem illius deducitur in notitiam ejus , & aliorum , inquit 2. 2. quæst. 72. art. 1. S. Thomas . Contumelia in verbis in faciem hominis prolatis sita in primis est ; ut si dicas ; *tu es latro , mæches &c.* Si defectus qui objicuntur , sint naturales , ut si dicatur , *tu es claudus , cæcus , gibbus &c.* appellatur *convicium* . Si in memoriam revores eidem præteritam indigentiam , beneficia collata &c. *improperium* nuncupatur .

II. Contumelia ex genere suo est peccatum mortale , quia lœdit honorem . Continuit vero esse veniale tum respectu honoris qui leviter lœditur , tum ex intentione impropriantis , qui non ut honorem lœdat , sed ut delinquentem corrigat , verba contumeliosa profert , aut si ex subreptione ex ore contumelia prolabitur . Communiter sua-

vitate , & benignitate lucrandi sunt fratres nostri . Interdum tamen ad deprimentam pervicacem superbiæ delinquentis adhibenda est contumeliosa objurgatio ad aliorum exemplum , & instructionem . Tolerantia contumeliarum est singularis Christianorum prærogativa : in præparatione animi semper est in præcepto , quando id gloriæ Dei expedit . Quandoque tamen (inquit Angelicus 2. 2. quæst. 72. art. 3.) oportet ut contumeliam illicitam repellamus maxime propter duo . Primo quidem propter bonum ejus qui contumeliam infert , ut videlicet ejus audacia reprimatur , & de cetero talia non attentet ; secundum illud Prov. 26. Responde stulto juxta stultitiam suam , ne sibi sapiens videatur . Alio modo propter bonum multorum , quorum profectus impeditur propter contumelias nobis illatas . Unde Gregorius dicit super Ezech. 9. Hi quorum vita in exemplo imitationis est posita , debent , si possunt , detrahentium sibi verbum compescere , ne eorum predicationem non audiant qui audire poterant , & ita in pravis moribus remanentes bene vivere contemnantur .

III. QUÆST. II. *Quid sit susurratio ?* RESP. Est verbum seminans inter amicos discordias . Genere suo peccatum mortale est . Susurratores enim sunt bono communi , nedum privato , infesti . Malitia tamen specifica susurrations ex fine desumitur . Susurratio quæ honestam amicitiam , perversa ; quæ pravam amicitiam dissolvere studet , bona est laude que digna . In his tamen semper præ oculis habenda est regula illa : *Quod tibi non vis fieri , alteri ne feceris* . Quare huic regulæ adversatur quorundam doctrina qua defendant licitum esse manifestare defectus naturales , ut aliquis expellatur ab officio , eo fine ut ipsi manifestatores locum expulsi occupent .

IV. QUÆST. III. *Quid sit deriso ?* RESP. Est verborum ludus ex proximi defectibus , ut erubescat . Si jocosa sit deriso de levi malo , aut nullum , aut veniale peccatum est . Quandoque tamen peccare quis graviter potest deridendo alterum ob malum non grave , si prævideat gravissime contristandum proximum suum . Communiter tamen levium defectuum derisores gravis culpe damnandi non sunt , quia vehementis commotionis causa non est deriso , sed fatuitas derisi , qui ob levem derisionem graviter perturbatur .

V. QUÆST. IV. *Quid sit maledictio ?* RESP. Est mali imprecatio , quæ fieri potest vel oportando , vel imprecando ; quod peccatum frequens

quens est in rusticis, in mulieribus, quæ quo imbecilliores sunt, eo impotentiori abripuntur ira. Tum est peccatum mortale, cum ex animo deliberato grave malum optatur proximo. Nec semper impetus ira excusat a gravi culpa, quando grave malum quis imprecatur proximo. Quoniam ipsa vehementis ira peccatum est, & si ex consuetudine accidat, gravior culpa est. Nec diabolo, nec creaturis irrationalibus, quæ humanæ sustentationi interficiunt, maledicendum est, ut docet Angelicus 2. 2. q. 76. art. 2.

VI. QUÆST. v. *Quid sit detraction?* RESP. Est denigratio alienæ famæ per occulta verba. Si præsente proximo ejus fama denigratur, detractioni additur contumelia. Est genere suo peccatum mortale, ut docet 2. 2. q. 73. art. 2. S.Thomas, ubi duplum distinguunt detractionem: alteram formalem, qua ex animo infamandi proximi ejus crimina occulta patet; alteram materialem, quæ non denigrandæ famæ animo, sed alio fine proximi occulta flagitia reteguntur. Prima temper est peccatum: secunda juxta finis bonitatem, aut malitiam bona, aut mala est. Octo recensentur modi, quibus detrahitur, his verbis comprehensi.

Imponens, augens, manifestans, in mala vertens,

*Qui negat, aut reticet, minuit, laudat-
ve remissit.*

VII. Quando falsum crimen imponitur, gravissimum scelus est, & dicitur *calumnia*. Similiter dum crimen augetur, *calumnia* immissetur. Quando verum crimen occultum revelatur, proprie detractione est. Quando actio indifferens, aut bona in pravum finem traducitur, & promulgatur, detractionis crimen committitur. Hi quatuor modi recta famam proximi lœdunt; & ideo vocatur detraction *directa*. Indirecte, & per cuniculos fama proximi denigratur vel negando illius bonum; vel malitiose reticendo, dum prævidetur silentium esse confirmationem detractionis; vel bonum, quod narratur, minuendo; vel denique frigide laudando, quando hæc versuta, & ironica laus in proximi detrimentum cedit. Sola reticentia non inducit debitum restitutionis, quando ex officio non sit peculiare debitum manifestandi alterius merita.

VIII. QUÆST. vi. *Est ne peccatum grave conficer libellos famosos?* RESP. Affirmant omnes; eoque est gravius, quo latius fama proscinditur. Scriptum enim manet, & apud ipsos posteros, nedum in præfens famam denigrat.

Peccant ejusmodi libellatores tum contra iustitiam, tum contra caritatem; nec assequi salutem æternam valent, nisi altera scriptura, aut Praeconis voce vitia evulgata retrahent. Immo præter peccatum poenas jure & civili, & canonico latae incurunt. Jus civile capitum damnat auctores libelli famosi 1. t. cap. de libellis famosis. Jus canonicum eosdem virgis verberandos decernit cap. Qui in alterius. Inventores libelli famoli peccant mortaliter, si eum agnoscentes ut tales non lacerant, aut comburant. Qui contra Papam, aut Cardinales scribunt libellos famosos, incurunt ipso facto excommunicacionem.

IX. Detrahere defunctis peccatum est juxta materiæ gravitatem, vel levitatem. In detractionibus spectare prudens Confessarius debet circumstantias præsertim personarum. Quoniam communiter afferere tales juvenes qui cum amasis conversantur, esse lascivos, vanos, impudicos, nullum peccatum est, quia ipsi se de ejusmodi peccatis jaestant. Contra talia afferere de honesto, vel juvene, vel puella, vel Religioso grave scelus est, aut facile esse potest. Auctoritas quoque detrahentis spectanda est: quia viri probi, & magnæ estimationis, vel auctoritatis altius feriunt. Infidiosissimum detrahendi genus illud est quo maledici sigillatim nihil revealant, sed confuse plurima indicant. Revelare viro gravi probeoque aliquod grave crimen, consilii capiendi causa, nullum peccatum est. Si tamen vel uni soli manifestetur absque rationabili gravique causa, peccatum est gravius, & levius juxta circumstantiarum diversitatem.

X. QUÆST. vii. *Qui crimen publicum in uno loco fecit, peccat ne, si narret illud in alio loco ubi non est publicum?* RESP. Delictum notorium est. 1. factio, quod coram multitudine actum est: 2. jure, quando iudicis sententia declaratum est; 3. fama quando majori parti civitatis, loci, conventus &c. notum est. Crimen publice patratum coram multitudine, narrari absolute potest in quocumque alio loco, quia hic peccator amisit jus ad famam. Idem dicendum de crimine iudicis sententia declarato & publicato, tametsi criminis notitia facile pervenire ad talerum locum non posset: quia iudex publicando crimen, juris ordine servato, privat reum jure ad famam. Spectandus tamen finis est ob quem quis notoria crimina in loca diffusa desert, & ibidem evulgat. Nam si finis pravus sit, & animus odio percitus, tum a culpa

culpa excusari non posset. Quando sententia publicata est contra delinquentem in aliqua congregatione, collegio, vel Religione, referri extra talia loca peccata nequeant: e-jusmodi enim sententiae non sunt absolute publicæ, nisi intra eamdem Congregationem, vel Religionem. Quare graviter peccarent qui extra hæc loca delicta manifestarent. De delicto noto notorietate famæ cauti omnes sint oportet, quia facile fingitur hæc publica fama.

XI. Quid si diffamatus honeste vivendo post publicatam sententiam suam famam recuperaret? Tum & contra caritatem, & contra iustitiam peccaret, qui præterita criminis in memoriam revocaret. Quoniam legitima præscriptione abolita erat talium crimini notitia.

XII. Licitum est ob delinquentis emendationem revelare superiori, & judici delictum occultum, præmissa tamen correctione fraternali, si delictum non aduersetur directe bono publico. Si innocens accusatur de gravi criminis, pandendus reus est, quando fecit. Qui iniuste acquisivit notitiam alicujus criminis, quod cedit in publicum grave datum, tunc revelare crimen valet. Peccavit utique, dum iniuste notitiam comparavit, pura aperiendo litteras obsignatas; at uti in bonum finem tali notitia potest. Ignorantia alicujus publici professoris, puta medici, advocati, quæ vergit in damnum aliorum, manifestari potest, animo non detractandi, sed succurrenti innocentibus. Animadvertisendum tamen serio est, ne spiritus æmulationis, odii, & invidiae latitet.

XIII. QUÆST. VIII. Est ne peccatum detractionis traducere Theologos ut Rigoristas, vel laxones? RESP. Novum detractionis genus hoc nostro sæculo grassatur. Rigoristæ illi sunt qui doctrinam evangelica rigidorem, & laxones qui evangelica laxiorem docent. Qui utrosque patefaciunt, & refutant, non modo non peccant, sed virtutis actum exercant. Hoc tamen fieri servato caritatis ordine debet. Auctorum quoad fieri potest excusanda pia intentio est. Scripsisse illos judicare nos decet aut æquo rigidius, aut æquo laxius, quia id expedire Ecclesiæ bono existimarent. Illorum animus divino relinquendus judicio est. Eorumdem opinaciones nostro subsunt examini. Detractionis virus quod hodie serpit, eo pertinet, ut hæc Rigorismi larva sanguinis doctrinæ Theologis affingatur. Ut quis Rigorista traducatur, sat est quod Probabilismum improbet, & quo-

rumdam Probabilistarum opiniones nimium a christiana doctrina declinantes oppugnet. Porro qui sic pro libito ut Rigoristas traducunt Theologos, nullam rigidorem evangelica doctrina sententiam docentes, detractio-nis rei sunt: & nisi eosdem ignorantia, vel mentis subreprio excuset, graviter peccant, & ingentem invidiam creant sanæ doctrinæ, perniciemque invehunt in animas christianas, & demum infamant evangelicam morum doctrinam apud infideles, & hereticos.

XIV. Nemo infamare seipsum potest. Utique dominus quisque est suæ famæ; at si eam absque justa causa prodigat, peccat contra caritatem. Curam habe de bono nomine: hoc enim magis permanebit tibi, quam mille thesauri pretiosi, & magni: Eccli. 41.

XV. QUÆST. IX. Peccat ne qui detractores audit? RESP. Qui verbis, gestu, delectatione alios inducit ad detrahendum, peccat & contra caritatem, & contra iustitiam, quando detractio est de re gravi; si de re leviori, peccatum veniale erit. Si vero nullo exteriori signo auditores provocent detractorem, sed tantum interiori gaudio, & lætitia audiant detractorem in re gravi, peccant letaliter contra caritatem, secus contra iustitiam. Si vero gaudium, vel delectatio sit de lepore, de jocis, & eloquentia detractoris tantum, peccatum leve est. Superiores, & Prælati impedire, quoad possunt, subditorum detractiones debent. Immo privati homines compescere detractores debent, cum possint. Varii sunt correctionis modi. Silencium, vultus tristitia, interruptio sermonis &c. Plures tamen spectandæ circumstantiae sunt antequam auditores gravis culpa damnentur, eo quod detractori non resistant.

XVI. QUÆST. X. Quid de secreti revelatione dicendum? RESP. Secretum dicitur quod occultum est. De secreto sacramentalis confessionis nullus nunc sermo est. Secretum de quo in præsens, triplex. 1. quod rei naturam consequitur, ut cum alienum occultum crimen noveris, quod sua natura occulti debet. 2. est quod tu promisisti servare. 3. quod ab alio tibi commissum est. Omnes alstringuntur servare secretum quod rei naturam consequitur, iustitiae lege. Secretum secundi generis revelare, quando nullum sequitur damnum vel in fortunis, vel in fama, peccatum grave non est, nisi tu sub gravi obligatione tuendi te obstrinxeris. Obligatio servandi secretum tertii generis, quod est commissum, & promissum, gravissima est, ab ipsa iustitia commutante manans.

XVII. Tria sunt capita quæ a secreto servando excusant: 1. materia tenuitas; 2. in advertentia, & imperfecta deliberatio; 3. commodum, & utilitas illius qui secretum commisit. Si enim ex secreto custodia grave, qui secretum commisit, subiret detrimentum, tum in commodum ejusdem revealandum esset, etiam si juramento firmatum, quia juramentum promissionis naturam consequitur. Peccatum est alienum secretum insidiis, & versutis interrogatiunculis extorquere. Obsignatas litteras aperire peccatum est. Qui desperitas invenit apertas, peccat legens, si prævideat quidquam grave occultum contineri in eisdem; & si legerit, tenetur sub secreto custodiare quod legerit, si dignum secreto sit.

C A P U T . IV.

De judicio temerario, suspicione, & dubitatione.

I. QUÆST. I. *Quid sit judicium temerarium?* RESP. Est firmus assensus de aliquo proximi peccato ex levibus indiciis conceptus. Si enim indicia non levia sint, sed gravia, tum judicium temeritate vacat. Difficile autem est discernere quando conjecturæ & indicia solida sint, quæ temeritatem judicio adimant. Quare quisque cavere sibi a judicandis proximi actionibus debet. Judicium enim temerarium genere suo peccatum mortale est, nisi parvitas materiae excusat. Judicium temerarium est, etiam si verum sit, quando indicia levia sunt. Contra temerarium non est, tametsi falsum, quando gravia, & solida indicia sunt. Interdum inadvertentia excusare a gravi culpa valet.

II. QUÆST. II. *Quid sit suspicio?* RESP. Est assensus de malo proximi cum formidine alterius partis contrariae. Differt ab opinioni, quod hæc indifferenter se habeat ad bonum, & malum. Suspicio vero est infirmus assensus de malo. Quamobrem definiri etiam solet quod sit *debilis opinio mali*. Suspicio includit majorem formidinem quam opinio.

III. Disputant Theologi, sit ne suspicio genere suo peccatum mortale, quando probabilitus conjecturis constituta est. Negat Cajetanus, quem sequuntur Navarrus, Lessius, Laymanus, Tamburinus, & alii recentiores communiter. Affirmant alii. Quo familiarior est materia, eo est perniciönsior aberratio. Sermo est de suspicione, sublata

quacumque passione odii, invidiae, & alterius prævariae affectionis. Nam quando ex his radicibus proficiscitur, facile malitia letalem induere potest. Imbecillitati meæ videatur suspicionem, quæ ex nullo pravo affectu ortum dicit, sed ex solo intellectus errore proficiscitur, quæque levia indicia æquo majora reputans inducit ad suspicanda peccata communia, & consueta, & non valde infamantia, non esse genere suo peccatum mortale. Hanc doctrinam tradit S. Thomas *Quodlibeto 12. art. 34*, ubi inquit: *suspicio autem est quid imperfectum in genere judicij;* & ideo est imperfectus motus: & ideo non est mortale ex genere suo; quanvis si fiat ex odio, erit aliquando mortale. Suspicionem collocat in genere judicij: includit enim mentis assensum: at quia imperfectus est assensus iste in genere judicij, idcirco genere suo peccatum mortiferum non est, præcisis circumstantiis odii, invidiae, & alterius prævariae affectionis. Cavendum tamen diligenter ab his suspicionibus, quia *caritas non cogitat malum*, præfertim quia periculum est ne invidia, & odium occulte latent. Et saepè ex his suspicionibus gravia oriuntur mala. De opinione alibi dictum est.

IV. QUÆST. III. *Quomodo dubia in meliorem partem sunt interpretanda?* RESP. Dubium est quando intellectus equalibus rationum ponderibus pressus, anceps hæret, quin in unam vel alteram partem inclinet. Intellectus voluntatis imperio subjectus est. Quæritur num voluntas in partem meliorem inclinare dubitantem intellectum debet? Duplex distinguit dubium 2. 2. q. 60. art. 4. S. Thomas: aliud quod circa res, aliud quod circa personas versatur. Dubia de rebus seu factis non in meliorem, sed in virorem partem sunt interpretanda. Audis propositionem: si hæretica appetit ob solidas rationes, ut hæretica; si laxa ut laxa; si rigida, ut rigida habenda est. Auctorem autem propositionis, nisi evidenter occurrant rationum momenta, non debes neque hæreticum, neque laxonem, neque rigoristam judicare; quia dubia de hominum malitia in meliorem partem sunt interpretanda, ut loc. cit. Angelicus docet: nemo quippe in dubio privandus est possessione sive fortunarum, sive famæ: melior enim est conditio possidentis famam suam. Leges ipsæ clamant, *in dubio non esse presumendum delictum*. In dubiis de malo evitando præser-tim Superiores cauti sint oportet: suspen-dant judicium circa personas; sed diligen-tiam

tiam adhibeant ut mala declinent. Suspicioſos prabere non se debent, quia cum ſuſpicioſis nulla eſt amicitia; ſed ſimil vigiles, experci, & providi ſint neceſſum eſt. Si dubium oritur ſuper proximi fama, non debes ſuſpendere judicium, ſi ejusdem optimaſſa präconceperas opinionem, quia ſuſpicioſi judicii minuit exiſtimationem; ſed pulſo dubio conſirmare animum tuum debes in ſententia de illius fama.

C A P U T V.

De reſtitutione famæ denigratæ per detractionem.

I. QUEST. I. Neceſſaria ne eſt fama leſſa reſtitutio ad ſalutem aeternam obtinendam? RESP. Affirmant omnes. Quoniam non remittitur peccatum, niſi reſtituatur ablatum. Porro non minus eſt neceſſaria reſtitutio famæ quam pecunia. Si alium infamasti etiam bona fide, vel inadverterter, continuo ac reſcis ejusdem infamacionem, lege iuſtitiae, nedum caritatis, ut aliqui contendunt, aſtringeris ad reſtitutionem: quoniam ſi präceſſit res accepta, ſequi reſtitutio debet.

II. Reſtitutio hæc omni meliori quo fieri modo potest facienda eſt. Reſtitui priuim hæc fama debet coram auditoribus quiibus revelatum delictum eſt: & ſimil, ſi potest, coram auditoribus mediatis, ſeu illis quiibus immediati detractoris auditores narrarunt. Ne multa, detractor teneſtur quoad potest omne detrimentum proximi ſui reparare. Quare ſi Sempronio impoſuisti furtum, vel aliud delictum, ob quod ad tribunal traductus plura expendit ut ſe defendat; omnia hæc compensare damaſta aſtringeris: quia hæc per ſe conſequuntur infamiam a tua detractione inductam. Nec refert quod delictum ſit verum, ſi fuerit omni no occultum: quia quamdui occultum crimen eſt, nil damaſti infert auctorit: ergo omnia damaſta proſificuntur ex tua iuſta detractione.

III. QUEST. II. Mortuo detractoro tranſiſione ad heredes debitum reſtitutionis? RESP. Reſtituenda famæ onus ceſſat detractoris morte. Reſtitutio vero damañorum, quæ diſfamacionem conſequuntur, ad heredes tranſiſt. Siquidem reſtitutio famæ ſolam afficit perſonam detractoris; reſtitutio vero damañorum afficit bona ejusdem detractoris, quæ bona ad heredes tranſeunt cum hoc gravamine.

Tom. I.

IV. QUEST. III. Quinam ſit modus reſtituende fama? RESP. Qui alteri calumniā affinxit, tenetur teſtari ſe falſum dixiſſe. Si agnoscit ſimplicem atteſtationem languidam, & ineſſicacem eſſe, addere juramen- tum debet. Diffiſilior eſt reſtitutio famæ ve- ri criminis maniſtatione denigratæ. S.Thomas 2. 2. qu. 62. art. 2. ſuggerit ut detractor dicat ſe male dixiſſe, vel quod iuſte diſfamaverit: vel ſi non poſſit famam reſtituere, debet ei aliter recompensare. Si vero hæc reſtitutio ob verſutam hominum malitiā no- cumentum ſit illatura, omittenda eſt; ſed alia via curet reparationem laſſæ famæ: laudibus occaſione oportuna oblata efferat diſfamatum. Numquā mendaciū dicere de- bet ut famam reſtituat. Salmanticenses cum aliis docent, poſſe detraactorem aſſerere ſe di- xiſſe falſum: quia ejusmodi aſſertio non con- tinet mendaciū. Finge detraactorem ve- lie mentiri in famæ reſtitutione: alia ne ex- preſſione uti potest, quam afferendo ſe di- xiſſe falſum, dum verum crimen narravit! Pulſis itaque mendaciū ille feligatur modus qui aptior iudicatur ad famam reſtituendam.

V. QUEST. IV. Occurrunt ne cauſe que a reſtitutione famæ excuſent? RESP. Plures af- ſignant Theologi. 1. eſt quando detrac- tio fuſt abſque culpa, ut ſi peccatum fuſt pu- blicum, immo tunc non eſt detrac- tio. 2. cum detrac- tio fuſt tantum contra caritatem: ſola enim iuſtitiae laſio onus infert reſtitu- tionis. 3. ſi peccatum detractoris veniale fuſt. 4. ſi detractionem conſecuta non ſit infamia. 5. ſi crimen quod tu narras, erat jam publicatum, aut brevi erat publican- dum. 6. ſi auditores fidem non adhibuerint detractioni; aut ſi infamatus jam erat an- tea de tali crimine diſfamatus. 7. imposſi- bilitas reſtitutionis. Haec ſunt generales cauſe quas Theologi afſignant ad excuſandum detraactorem a debito reſtitutionis.

VI. Si in reſtituenda fama periculum ſit vel animæ, vel vita corporalis, vel ſervi- turis, reſiſtio alicuius membra, aut famæ, non urgere preceptum reſtitutionis, communiter Theologi docent, cum fama ſit bonum inferioris ordinis ipſa vita. Si tamen diſfamatus in eodem vita, aut ſerviſtis pericu- lo reperiſtetur, tunc detractor etiam cum vita, vel ſerviſtis periculo deberet famam reſtituere: quia in pari cauſa innocens reo praferendus eſt. Crimen capitale impoſuisti proximo, qui propterea poena mortis ple- ctendus eſt: in hoc caſu cum periculo vita pandere veritatem aſtringeris. Potiori jure

Q

ſub-

subeunda est moderata pecuniarum iactura, quando necessaria est ad famæ restitutionem. Si infamatus alia via recuperavit famam suam, ad nihil detractor tenetur. Similiter quando obliuione antiquata infamia sit, liber a restitutione detractor est.

VII. Quando restitui fama nequit, compensari pecunia debet, si fieri potest, ut S. Thomas 2. 2. quest. 62. art. 2. ad 1. docet. Nec admittenda est mutua compensatio in famæ restitutione, sicut in pecuniis. Duo se mutuo infamarunt. Unus recusat famam restituere; alter nequit uti compensatione: quoniam hæc compensatio non restituit famam denigratam, sicut evenit in pecuniis. Ergo actio vindictæ est. Præterea lex evangelica vetat ne maledictum pro maledicto reddamus; immo jubet ut in bono vincamus malum, & mutuam foveamus benevolentiam. Reciproca dumtaxat amicitia remittere ambo sibi possunt injurias illatas.

VIII. Recentiores plures docent, te infamatum a Petro, si is restituere famam nolit, posse uti compensatione, nempe surripiendo Petro tot pecunias quæ aequivalent tuæ famæ laesæ. Hæc opinio falsa est. Quis enim est justus judex quantitatis pecuniaæ accipiendæ pro famæ laesæ compensatione? Ipse infamatus? Ipse judex erit in propria causa? Lege Tom. 4. lib. 10. diff. 2. c. 15.

C A P U T VI.

Paucæ perstringuntur de nono, & decimo mandato.

I. **Q**uamvis in explicatione sexti, & septimi mandati de duobus postremis aliqua dicta sint, lubet nihilosecū paucæ obiter addere. Nono præcepto alienæ uxoris concupiscentia vetatur. *Non concupises uxorem proximi tui:* Deut. 5. Uxor alienæ nomine omnes libidines prohibentur. Decimo prohibetur concupiscentia rerum. Additur enim ibi, *non dominum, non agrum, non servum, non ancillam, non bovem, non asinum, & universa que illius sunt.*

II. Concupiscentia altera bona, quæ a Deo est, quæque rationis regimine & terrena, & in primis cælestia appetit. *Transste ad me omnes qui concupiscitis me.* Eccli. 24. *Concupiscite sermones meos:* Sap. 6. Altera concupiscentia mala, quæ triplex est, ut S. Joannes ait epist. 1. *Omne quod est in mundo, concupiscentia carnis est, concupiscentia*

tia oculorum, & superbia vite; que non est ex Patre, sed ex mundo est.

III. Concupiscentia uxoris alienæ tum peccatum est, inquit Catechismus Tridentinus, cum animus vel assentitur, vel non repugnat. Ipsa enim non repugnantia peccatum est, quatenus interpretativus consensus reputatur. Quare falsa est mihi illorum opinio quæ defendit, concupiscentia sensus demulcente, & animum tentante, licitum esse negative se habere.

IV. Sacramento Baptismatis abstergitur ab anima omne id quod propriam peccati rationem habet; ipsa tamen concupiscentia, quæ materiale peccati dicitur, & radix, seu fontes, remanet in regeneratis ad certamen, & coronam. Nam qui legitime certaverit, coronabitur, ut Concil. Trident. sess. 5. declarat.

V. Qui rem alienam contra iustitiam, & voluntatem domini desiderant, peccant contra decimum mandatum. Nec adeo rarum est hoc desiderii peccatum præsertim in divitibus, qui amplificare patrimonia, augere divitias vehementer percupiunt: & ideo ex his prævis desideriis incident in laqueos diaboli.

VI. Tandem ad pleniorum Decalogi intelligentiam advertendum est, quod sicut cetera mandata, quæ dum vitium vetant, oppositam virtutem præcipiunt; sic hoc ultimum, dum injusta desideria vetat, jubet ut voluntatem nostram, & appetitiones supremæ divinæ voluntati subiiciamus, & sursum desideria nostra erigamus, ut ad Tit. 2. S. Paulus ait: *Ut abnegantes impietatem, & secularia desideria, sobrie, iuste, & pie vivamus in hoc sæculo, expectantes beatam spem, & adventum glorie magni Dei.* Hæc passionum pondera, & desideriorum sarcinas nobis reliquit Servator noster divinus, ut veluti presi, & fessi, ad ipsius imploranda auxilia, & gratias continenter accedamus, quemadmodum ille ipse explicat his verbis: *Venite ad me omnes qui laboratis, & onerati estis, & ego reficiam vos. Tollite jugum meum super vos.... Jugum meum suave est:* Matth. 11.

LIBER VII.

IN QUINTA ECCLESIAE PRÆCEPTA.

DISSERTATIO I.

De festorum sanctificatione.

CAPUT I.

Recensentur propositiones damnatae.

I. P*raeceptum servandi festa non obligat sub mortali, seposito scandalo, si absit contemptus.* Est 52. Innoc. XI.

II. Satisfacit precepto Ecclesiae de audiendo Sacro qui duas ejus partes, immo quatuor simul a diversis celebrantibus audit. Est 53. eisdem.

CAPUT II.

Propositiones laxe plurium Casuistarum.

I. V*ere impleret audiendi Sacri præceptum, illud ex contemptu audiens.*
Ergo a fortiori cum intentione non satisfaciendi. Thomas Sanchez in Decal. lib. I. cap. 13. num. 13. pag. 65. edit. Parm. 1723.

II. Colligo, posse te brevissimo temporis interstilio Missam audire, si quantum tuor v. g. altaribus variae Missæ proportionata temporis anterioritate sic celebrentur, ut dum una inchoatur, secunda ab Evangelio tunc in consecrationem procedat, tertia a consecratione in consumptio nem, quarta denique a consumptione usque ad terminum. Ita ille (Antonius Escobar) & novissime Gesualdus in Theol. Moral. Tom. I. trac. 17. cap. 2. num. 16. Unde patet quam parum modeste locuti sunt Turrianus in select. disp. 16. dub. 7. & Ledesma part. I. cap. 27. post 5. conclusionem, qui hanc affirmativam sententiam improbabilem vocant. Est enim satis probabilis. P. Antoninus Diana Tom. 2. operis coord. ref. 29. pag. 166. edit. Venet.

III. Dominus qui habet oratorium, non tenetur rogare, aut ullo expendio conducere Sacerdotem qui faciat sacram sibi non valenti adire Ecclesiam. P. Georgius Gobat trac. 5. num. 350. pag. 252. edit. Venet.

IV. Pridie festum læsi nimio potu va-

letudinem, ut nequirem altero die ædem sacram subire, hanque impotentiam orientationem prævidi. Resp. Tametsi peragre sufficiens patrocinium Iurionum; attamen illum de quo proponitur hæc quæstio, excessu a mortali, inquantum præcise ponit impedimentum Sacri de jure audiendi die sequenti. Idem Gobat loc. cit. n. 425. pag. 256.

V. Dico 2. Nemo obligatur pridie festi non ponere impedimenta Sacri postrem die audiendi. Sic docui cit. cap. 27. num. 35. cum Suario, Becano, Bonacina, Palao, Dicastillo, quos ibidem refero, ubi etiam expressi, licet impedimentum potius natura per actionem pessimam, non tam men esse necesse in confessione quidquam dicere de omisso Sacro Confirmo hanc doctrinam resolutione casus quem Tamburinus in Decal. lib. 4. cap. 2. §. 3. num. 9. recenset de duabus adolescentibus, destinantibus proficiendi die sabbati ad venationem instituendam loco tam remoto ab omni Ecclesia, ut fuerit impossibile die dominico audire Missam.

CASUS VENATORIUS.

VI. . . . Quidam ex congregatione nobilium selecti adolescentes (verba sunt Tamburini loc. cit.) ad feras in remoto nemore venandas se egressuros, ut fit, ex compatio decreverunt, quo in nemore opportunitas audiendi Sacrum nequaquam suspetebat. Agebatur autem dies veneris illius hebdomadæ, & die consequenti iter arripere cum contendebant, interrogaverunt a P. Sodalitatis Prefecto, an illis licet, quandoquidem fore praevidebant ut die dominico instanti, in eo loco ab Ecclesiis remotissimo Missæ non essent interfuturi? Respondit Pater, sine culpa licere . . . Verum adolescentis quidam ex illis, paulo ceteris religiosor, hujus Patris consilio non acquiescens, P. Rectorem ejusdem Collegii, quid de hoc ipse sentiret, interrogavit, qui nequaquam licere respondit . . .

Hactenus non solum narratio, sed etiam judicium P. Tamburini, qui licet utrumque responsum merito habeat pro probabiliter, ego tamen pro probabiliori habeo. Prædictis, utpote nixi & melioribus rationibus, & auctoritate quinque DD. Idem Gobat tr. 5. n. 447. & seq. pag. 258.

VII. Excularetur a mortali qui tertiam parte diei festi insumeret in opere servi li, sumpta hac tertia parte dumtaxat de eo tempore quod regulariter solet insumi

„ in opere servili. „ P. Zicharias Pasqualius decif. 300. n. 6. & seq.

VIII. „ An die festo liceat torneamenta, „ choreas, alias similes ludos exercere? ... „ Tenenda est sententia (affirmativa) quia „ huiusmodi torneamenta, & alii ludi hujus „ generis ex sua natura, & intrinseco fine „ ordinantur ad relaxandos animos: quia cum „ causent delectationem, faciunt ipsos quiete „ scere, atque adeo refocillari. . . . & hoc „ habet locum etiam respectu eorum qui exercent hujusmodi ludos: quia licet fatigentur in corpore, recreantur tamen in animo. „ Idem Pasqualius decif. 151.

IX. „ Non peccaret mortaliter qui efficeret ut plures per totum integrum diem festum laborarent, sed singuli solum pro modico tempore, si id faceret ob lucrum quod inde percipit. „ P. Leander a SS. Sacram. de observat. festor. tract. 1. disp. 6. quest. 10.

X. „ An satisfaceret qui, etiamsi toto Missæ tempore cum aliis confabularetur, luderet &c. hoc non faceret continuo, sed interpolate modo ad Missam attendendo, & modo confabulando &c.? Respondeo satisfacere in hoc casu, dummodo attente afflatis consecrationi, & aliis quæ in Missa principalia sunt. „ Idem Leander Par. 2. in 5. p rec. Ecclesiæ tr. 2. de audit. Missæ diff. 1. quest. 78.

XI. „ An qui ex vi præcepti, voti, & pœnitentia obligatur audire tres Missas, satisfaciat his omnibus obligationibus audiendo eas simul? Respondeo satisfacere. Quia præfatus audiens vere audit tres Missas. Quod vero faciat eodem, vel diverso tempore, unico, aut pluribus actibus, hoc nihil obest. „ Idem Leander loc. cit. quest. 59.

XII. „ Probabiliter respondeo, licitum est, se typographis in diebus festis characteres componere, seu ordinare. „ idem loc. cit. tr. 1. de observ. fest. disp. 4. q. 1.

XIII. „ Maxime probabile judico accedenter ad audiendum Sacrum tempore quo præfatio dicitur, & non extet aliud celebrandum, minime teneri reliquis illius Missæ interesse. „ Joannes Sanchez in disp. selectis 15. n. 5.

XIV. „ An opinio quæ dicit, satisfieri, si successive audiatur duas medietates Missæ, sit adhuc probabilis: ut v. g. si quis ad elevationem unius Missæ veniat in tempore plumbi, & postea audiat sequentem Missam

, usque ad elevationem tantum? ... Dicendum est, opinionem illam adhuc manere probabilem, „ P. Claudius La-Croix Tom. 1. Lib. 3. de observ. fest. n. 611.

XV. „ An autem ille qui per longum tempus confiteretur, Missam audiat, variæ sunt sententiae ... Alii dubitant ... Alii absolute negant ... Alii absolute adfirmant ... Alii distinguunt... Omnes hæc sententiae sunt probabiles, „ Idem La-Croix loc. cit. n. 665. §. 6.

XVI. „ Multi negant, propter lucrum notabile posse omitti Missam; adfirmant tandem Azor. Bass. Jord. Tamb. num. 7. Gob. a num. 492. qui etiam putat, si sis tenuis fortunæ, te excusat ob lucrum duorum ducatorum; si sis vere pauper, unius ducati: quia hoc lucrum respectu illorum est notabile, quo non censetur Ecclesia velle eos privari, „ Idem La-Croix loc. cit. num. 681. §. 6.

XVII. „ Si Missam negligas ut iter agas cum aliquo socio, qui faciet expensas item, aut multum sublevabit, excusat te Suar. Dicastil. & alii cum Gobat. Immobil & secundum aliquos sola derelictio sociorum itineris videtur esse causa sufficiens, ter excusans, „ Idem La-Croix loc. cit. num. 682. §. 7.

XVIII. „ Autige qui per consuetudinem habent jus vehendi aliqua die festo, etiam habent jus omittendi Missam, si hac audiita vehere non possunt. ... Addunt alii, qui, et si tu posses vecturam omittere sine notabili damno, tamen plerosque non posses; & ideo te posse cum illis uti privilegio consuetudinis, „ Idem La-Croix loc. cit. num. 684. §. 9.

XIX. „ An peccet mortaliter qui die festo mandat sex famulis ut singuli una hora laborent? Respondeo, si mandet ut laborent simul, secluso scandalo, est veniale tantum, „ Idem La-Croix loc. cit. num. 580.

XX. „ Excusat item, saltem a gravi peccato, parvitas operis, seu temporis. Unde de grave non videtur una hora laborare (die festo)... Inimo durum videtur mortali damnare, si quis duas aut tres horas impendat, „ P. Hermanus Busembau lib. 3. cap. 3. dub. 2. septima causa, apud Claudiom La-Croix ejusdem interpretem lib. 3. par. 1. num. 583.

XXI. „ Tainquam certum respondeo, non teneri fideles ex vi præcepti colendi Deum in festo ad exercendum intra illum diem aliquem actum internum divini cultus, „ P. Leander

P. Leander a SS. Sacramento in 5. p̄cept. Eccl. par. 3. tract. 2. disp. 2. quest. 72.

XXII. Præcepto Ecclesiæ de audiendo „ Sacro satisfacit qui duas Missæ partes audiunt, non simul a duplice celebrante, sed „ divisiū.” Torrecilla *ibid.* n. 26.

XXIII. „ Præcepto Sacrum audiendi satisfacit qui externe compositus, interne voluntarie distrahitur. „ Idem Torrecilla. *ibid.* num. 21.

XXIV. „ Etsi digni reprehensione sint qui „ Sacrificio Missæ ludendo, ridendo, & con- „ fabulando assistunt; dummodo tamen con- „ secrationi, & consumptioni attenti sint, „ tantummodo peccatum veniale committent . . . quatenus peccatum grave tan- „ tummodo constituit in eo qui toto tē- „ pore Sacrificii est ludens, ridens, & con- „ fabulans. „ Idem Torrec. *ibid.* n. 28.

XXV. „ Opinio DD. dicentium, præcep- „ ptum Missæ usque ad annos pubertatis, „ vel circiter non obligare, probabilitate non „ caret. Et idem dicendum venit de præ- „ ceptis etiam confessionis, & communionis „ annualis. „ Idem Torrec. *ibid.* cap. 3. a num. 7. ad num. 23.

XXVI. „ Distantia unius leucæ, vel trium „ millium passuum excusat ab obligatione „ Missam audiendi etiam hominem robu- „ stum. „ Idem Torrec. *ibid.* n. 15.

C A P U T III.

De obligatione servandi festos dies.

I. **J**ure naturali, & divino tribuendus Deo cultus est. In lege Mosaica dies sabbati Deo consecratus erat. *Memento ut diem sabbati sanctifices.* Exod. 20. Morale, & naturale est hoc mandatum, quatenus tempus designat quo colendus Deus est; legale vero, & ceremoniale prout sabbati diem determinavit, in memoriam liberationis a captivitate Ægyptiaca.

II. Dies sabbati ab Apostolis in diem dominicum translatus est, quia cum jure naturali, & divino aliquis dies in cultum Dei determinandus sit, aptior ab illis iudicatus est primus hebdomadæ dies, dictus ab ethnicis dies Solis. Hoc quippe die & mundus initium accepit, & Christus a mortuis resurrexit, & eodem die Spiritus sanctus Apostolis apparuit, & Apostoli initium duxerunt prædicationis evangelicæ, & tandem hunc diem selegerunt Apostoli, ne quid commune cum Judæis haberent.

Tom. I.

III. Observantia istius diei dominici non est juris divini, sed ecclesiastici, ut S. Thomas 2. 2. qu. 122. art. 4. ad 4. & Catechismus Tridentinus 3. p. in 3. p̄cept. Decal. n. 19. & communiter Theologi docent. Utique jure naturali, & divino aliquo die cultus offerri Deo debet; sed determinatio prima, vel secundæ, vel tertia diei juris est ecclesiastici.

IV. Concilium generale, summi Pontifices habent potestatem instituendi festa in universa Ecclesia; Episcopi in sua diœcesi, habito cleri, & populi consensu. Principes sæculares possunt dies festos instituere, ut subditæ a laboribus vident, & publica lætitia indulgent; secus in Dei cultum: quoniam sub hac acceptione ad spiritualem potestatem pertinet festorum institutio.

V. **Q**uest. I. *Observatio festorum obligatio sub mortali?* RESP. Adfirmant omnes, & contrariam opinionem proscripti Innocentius XI. in hac thesi: *Præceptum servandi festa non obligat sub mortali, seposito scandalo, si absit contemptus.* Obligatio hæc incipit a media nocte, & perdurat usque ad alteram medium noctem.

VI. **Q**uest. II. *Quinam teneantur dies festos observare?* RESP. Omnes usurrationis prædicti, secus infantes tali usu destituti. Infideles quoque liberi sunt ab hoc præcepto. Festa universalia Ecclesiæ omnes, & ubique observare obstringuntur. Homines vagi teneantur celebrare festa locorum ubi reperiuntur. Peregrini, seu viatores non tenentur ad festa propria suæ patriæ, a qua absunt. Quoniam institutio alicujus peculiaris festi in aliquo territorio, vel diœcesi, non afficit personas, sed locum. Astringuntur vero peregrini observare festa locorum per quæ transiunt, sicut & jejunia. Quoniam hoc expedit optimo regimini: & Episcopi jure animadvertere possent in viatores non servantes festa, & jejunia suæ diœcessis, in qua reperiuntur, licet in transuersu. Similiter scholares, milites, mercatores, mercenarii servare debent festa, & jejunia illius civitatis in qua majori anni parte commorantur. Et his legibus subiecti sunt peregrini, & viatores, licet uno aut altero die in tali civitate commorentr, ut communis sententia docet. Immo etiamsi media dumtaxat die morentur in tali civitate ubi viget festum, vel jejunium, debent illa observare; nempe abstinere ab opere servili, audire Missam, si opportunitas adsit, non manducare carnes. Si peregrini dormiunt in loco ubi celebratur festum,

festum, si mane discedere debent, & pervenire ad locum ubi festum non est, audire Missam astringuntur, quia subjecti sunt legibus loci ubi dormierunt, ut opinio mihi probabilior docet. Similiter incolæ egredientes mane e loco, ubi celebratur festum, debent, cum possint, ante discessum Missam audire: neque enim discessus iste liberat ab observatione præcepti. Mane enim astringit: ergo si fieri potest, implendum est.

VII. Non licet discedere a propria civitate, vel territorio, in quo urget præceptum festi, aut jejunii, hac expressa intentione adeundi alium locum, ubi tale præceptum non urget, sublata necessitatibus causa. Et quamvis præceptum istud non afficiat personas, sed locum, non materialem, sed formalem, seu communitatem ipsam; tamen qui hac expressa intentione discedunt ut legis obligationem declinent, legi, & Deo illudere tentant, ut ex se patet. Rationabilis, & prudens ejusmodi præceptorum interpretatio videtur hæc esse. Si justa discedendi causa occurrat, tum videtur qui discedit liber a præcepto. Qui contra, nulla causa ductus, & sola intentione declinandi præcepti observationem discedit, illusor præcepti est. Sic enim omnes cives discedere possent, & perridiculum reddere tale præceptum.

VIII. Regulares tenentur observare festa quæ pro universa diœcesi Episcopi indicunt, vel diœcesana Synodus, ut *sess. 25. cap. 12.* declarat Tridentinum. Immo servare festa debent ex populi voto, Episcopo approbante, indicta pro hac aut illa civitate. Episcopi, & omnes legislatores subjecti sunt legibus, quas ferunt in subditos pro communib[us] bono Reipublicæ.

C A P U T IV.

De operibus servilibus vetitis diebus festis.

I. QUÆST. 1. *Quænam sunt opera servilia vetita diebus festis?* RESP. Præceptum sanctificandi festa adfirmans est, cultum Dei præcipiens; & negans, opera servilia prohibens. Duplex operum genus. *Liberale* primum, quod ab anima in primis pendet, & licet organo corporeo exerceatur, eo tendit animam illuminare. *Servile* alterum, quod licet ab anima pendeat, corpore tamen exercetur, & corporis commodo, & utilitati inservit, ut terram colere, domos ædificare, & cetera opera artificiosa construere. Tri-

plex opus servile. Religiosum, quod famulatum Deo præstat, vitiosum, quo homo peccatum indulget; humanum, quo homo rebus corporalibus vacat. De triplici hoc genere differendum est.

II. QUÆST. II. *An qui peccant mortali- ter diebus festis, graviter violent præceptum sanctificandi festa?* RESP. Omnes adfirmant peccata die festo patrata peculiarem aliquam malitiam contrahere. Disputatur solum sit nec ne mortalis malitia hæc. Adfirmantem sententiam defendant Catechismus Tridentinus *3. p. de 3. precep. n. 21.* S. Antoninus, Tostatus, Alexander Alensis, Albertus Magnus, Germonius, S. Bonaventura, Lyranus, Scotus, Gabriel, Adrianus, Nyder, Medina, Catharinus, Major, Natalis Alexander, Henricus a S. Ignatio, Gennetus, Pontas, Cordubensis.

III. P. Franciscus Suarez *tom. 1. de Relig. lib. 2. cap. 18. num. 3.* ingenue fatetur contrariam sententiam recens invectam esse, cui tamen ipse subscribit, eamque communiter defendant Moralista recentes.

IV. Prioris sententiae argumenta hæc sunt. Omnis irreverentia loco, vel tempori sacro impæcta præter propriam deformitatem, sacrilegii malitiam induit. Furtum in loco sacro patratum malitiam sacrilegam & mortiferam induit. Porro non minus sacrum est tempus Deo dicatum quam Ecclesia. Eadem ergo utriusque ratio. Præterea omne peccatum externum magis cultui divino adversatur quam opus servile sua natura indiferens. Si igitur opera mechanica vetita sunt, utpote cultui debito opposita; potiori jure prohibita sunt peccata mortalia, & ipsa servilia, cum hominem servum diaboli efficiant. Scriptura sancta has profanations vehementer detestatur. Isa. cap. 1. *Iniqui sunt cœtus vestri, calendas vestras, & solemnitates vestras odivit anima mea. Facta sunt mibi molestia.* Iterum Malach. 2. *Dispargam super vultum vestrum sterco solemnitatum vestrum.* Neminem fugit Judæos summa religione diebus festis semper abstinuisse ab operibus mechanicis. Sua ergo festa profanabant flagitorum perpetratione.

V. Sermo non est de peccatis internis, neque de omnibus externis. Nam qui mentitur die festo, non censetur gravem injuriam inferre tempori sacro. Illa peccata gravi profanatione polluere tempus sacrum festorum videntur quæ professionem baptismalem publice violent; ut sunt pompæ immoderatae mulierum, quæ in triumphum festis diebus defe-

deferunt luxum, fastum, & ea omnia quibus in baptismate renuntiarunt; ut sunt ebrietates, rixæ, choreæ, comœdiæ, fornicationes, adulteria, idque genus similia. Adverto tamen, non esse fideles, qui in præteritis confessionibus omiserunt se de hac circumstantia accusare, vexandos ut generalem confessionem instarent: quoniam in iis sumus in quibus ignorantia excusare valet. Sed instruendi sunt ut de præteritis culpis patratis diebus festis se se accusent, & ut in posterum diligentiores in festis sanctificandis sint.

VI. QUEST. III. Quenam sunt opera mechanica servilia diebus festis vetita? RESP. Hæc sequenti versu continentur:

Rus, nemus, arma, rates, vulnera, lana, faber.

Rus agriculturam, Nemus venationem, Arma militarem, Rates navalem, Vulnera chirurgiam, Lana textrinam, & sutoriæ, & id genus alia, Faber argentariam, ferrariam, carpentariam, ceterasque similes indicant. Hæc omnes artes, si preesse loqui velimus, mechanicae sunt, & serviles; licet unius vel alterius ex ipsis exercitium quandoque licitum sit etiam diebus festis, ut infra dicetur.

VII. Aliqui negant pingere in die festo peccatum esse, opusque servile. Sed communior, & vera sententia jure improbat talam opinionem ut laxam, & falsam. Ars enim pingendi sive acu, sive penicillo omnino mechanica est, sicut & sculpere statuam. Quod enim hæc opera acu, vel scalpro, vel penicillo efficiantur, perinde est.

VIII. Venatio opus servile est, & ideo prohibitum diebus festis. Et tamen auctor Doctrinæ christianæ Tridenti edita anno 1736. in tertium Decalogi mandatum pag. 81. inquirit: *Si può andare alla caccia in giorno di festa?* idest *Licitum ne venavi est festo die?* Et respondet: *Dalla consuetudine è reso lecito, e dalla ragione ancora, perchè quest'azione non è di sua natura servile.* Nempe: *Vi consuetudinis hoc licitum factum est;* & etiam vi rationis, quia hec actio natura sua servilis non est. Peregrie. Si hoc opus ex se servile non est, cur consuetudine licitum evasit? Quæ servilia non sunt, natura sua licita sunt. Quæ genere suo licita sunt, consuetudinis beneficio non egent ut licita evadant. Responsio præfata seipsum jugulat, ut omni falsæ doctrinæ evenit, quia falsa constare sibi nequeunt.

IX. A recta norma nimis pariter exorbitant quæ ibidem continuo auctor subjicit

hac interrogatione: *Qual è l'occasione pubblica, che permette il poter senza peccato lavorare il giorno di festa?* videlicet: *Quenam est occasio publica que permittit laborare absque culpa festo die?* Respondet ibi pag. 82. *Per occasione di qualche pubblica allegrezza, o di spettacoli, o di COMEDIE: e questo comunemente è stimato lecito: perchè tali opere sono necessarie per il condesciente stato del Pubblico, e Comunità. Sarà però conveniente prendere licenza dal Prelato: idest: Communiter existimatur licitum (opera servilia exercere) occasione alicujus publicæ letitiae, aut spectaculorum, aut COMEDIARUM. Quoniam ejusmodi opera decori publici status, & communilitatis necessaria sunt. Conveniens tamen erit a Prelato licentiam petere.*

X. Quod in aliquo laxiore Casuista similia paradoxa occurrant, malum est; at quod in ipso Catechismo pro rudibus instruendis tam laxæ præceptiones evulgentur, deplorari pro dignitate nequit. Quodnam scandalum hæc & hæreticis, & infidelibus non pariunt? Festis diebus comedias repræsentare, & spectacula, vel ipsæ civiles leges, nedum sacri canones severissime vetant. Et tempore nostro pro christiana doctrina obtruditur, licitum esse opera servilia diebus festis peragi, ut spectacula & comedias repræsententur? Eo malorum delapsi sumus, ut paganorum corruptelæ tanto habeantur in pretio, ut Christianorum festa profanare licitum sit causa eidem vacandi. Certus sum, hos & alios laudatæ christianæ doctrinæ errores latere præclarissimum Episcopum, cuius imperio evulgata asseritur. Conveniens inquit est, non necessarium, petere licentiam ab Episcopo exercendi diebus festis opera servilia, ut spectacula, & comedias repræsententur. Opus haud est severiore confutatione. Inaudita enim paradoxa seipsis horrorem auribus christianis incutint.

XI. Piscatio quoque, necessitate sublata, vetita est festis diebus, ut patet ex cap. *Licet, de fer. ubi Alexander III. inquit: Indulgemus, ut licet parochianis vestris diebus dominicis, & aliis festis, si aiecia terre se inclinaverint, earum captioni, ingruente necessitate, intendere.* Ob solam urgente necessitatem dispensationem Pontifex impertitur. Neque absolute dispensat, sed cum onere quod post factam capturam Ecclesiis circumpositis, & Christi pauperibus congruam faciant portionem: Similiter iter inter opera servilia reputatur. Monendi itaque fideles sunt ne sine rationabili causa iter diebus fe-

stis arripiant. Iter enim abstrahit a divino cultu.

XII. Agasones, & muliones nequeunt diebus festis, necessitate sublata, bestias oneratas conducere: quia diei festi pars in servilibus operibus insumitur. Iter tamen inchoatum die non festo licitum est illud persequi die festo, quia nimis incommodum miseri hominibus esset iter intercipere. Frequens quoque necessitas istos excusat vel publica, vel privata transferendi merces. Missam tamen agasones, & muliones audire tenentur.

XIII. Chorea ducere, ludos theatrales repræsentare omni tempore, sed in primis diebus festis vetitum est. Innumera sunt Conciliorum decreta quæ hæc omnia severissime prohibent. Plura reruli *Tom. 5. lib. 1. diff. 2. c. 4.* quæ ibi videre poteris. Severi, ad hoc quod attinet, sint Confessarii in negandis sacramentis illis qui ab his corruptelis, unde innumera manant flagitia, & absurdæ, abstinere recusant.

XIV. Docere quascumque scientias, ad easdem incumbere, & eas scribere licitum est. Hæc enim ars liberalis est. Officium vero transcribendi opus mechanicum esse, idcirco illicitum, nisi rationabilis causa excusat, docent plures, & graves Theologi. Contra alii longe plures defendunt licitum esse: quoniam sicut scribere in doctore non est opus servile, ita neque in amanuensi, seu transcriptore. Verum ratio ista consistere non videtur. Dum magister seu doctor interpretatur scientias, mentem imbuat, veritates meditatur, easque comparare studet. At professio transcribendi lucri causa, ars mechanica est, quæ manuum labore victum comparat. Licet transcribere absolute opus mechanicum non sit, nec finis lucri rerum naturas transmutet, tamen in morali acceptione, & juxta prudentum existimationem, artem istam exercere ad vitam sustentandam mechanica consideratur, non secus ac typographica. Ante typorum inventionem isti transcriptores erant publici impressores. Ars autem impressorum mechanica juxta omnes est. Occurrunt tamen non infrequentes causæ, quæ librarios istos transribentes excusant, ut necessitas, licet non adeo urgens, & publica utilitas. Heinc illicita sunt ratiocinia, & longæ supputationes mercatorum diebus festis peracta, & hæc de uno in alium librum transcribere, nisi necessitas exculet.

XV. QUÆST. IV. Quid de operibus naturali-

bus, Religionis, & pietatis dicendum? RESP. Comedere, & bibere sunt actus naturales. Ars vero præparandi, & coquendi cibos servilis est quæ in lege evangelica prohibita non est. Ad ea tamen ars culinaria arcta est quæ nec anticipari, nec postponi valent. Quamobrem non licet coquere die festo panem, nec molere frumentum in pistrino, nisi aliqua urgeat necessitas, quidquid argutentur nonnulli. Licit chirurgi diebus festis venas scindunt, & suos ægrotos curare satagunt; quia hæc necessaria sunt.

XVI. Opera quæ proxime cultum divinum promovent, ut pulsare campanas, & organa, deferre imagines, canere divinas laudes, non modo licita, sed debita sunt. Quæ remote divino cultui inserviunt, ut confidere hostias pro sacrificio, scopis templum mundare, tabulata erigere ad solemnitatem, aulæ ornare parietes, sublata aliqua non adeo frequenti necessitate, nequeunt in diem festum transferri, sed anticipari debent.

XVII. QUÆST. V. Licitum ne est mercatus, & iudicia forensia diebus festis exercere? RESP. Hæc prohibentur cap. *Omnes tit. 9. de fer. his verbis: Omnes dies dominicos a vesperis in vesperam omni veneratione decernimus observari, & ab omni illicito opere abstine: ut in dies mercatus minime fiat, neque placitum, neque aliquis ad mortem, vel ad paenam judicetur, nec sacramenta, nisi pro pace, vel alia necessitate presentetur.*

XVIII. Mercatus, qui primo loco inhibetur, comprehendit & publicas nundinas, quæ semel vel bis in anno fiunt, & quæ semel in hebdomada peragi solent. Abrogatum hoc jus canonicum, & civile contraria consuetudine plures contendunt, sed alii clamat, non consuetudinem hanc esse, sed corruptelam. Quoniam ut legi prævaleat consuetudo opposita, necesse est ut bonum commune promoveat, vel saltem ne eidem adverteretur. At vix sperari potest hunc nudinarum morem auferri. Ex alia parte cum superioris consensus accedat, non videtur absolute improbadus. Festa enim mutationi obnoxia sunt. Nec deest congrua mutationis ratio, & necessitas tum rusticorum, tum pauperum artificum, qui profestis diebus adire nundinas nequeunt. Audire tamen isti missam debent, & quoad possunt, pietatis opera exercere. Adverto tamen, superiores licite posse has publicas nundinas permittere, quia respectu multitudinis, & locorum, vel ob mercium penuriam necessaria sunt: & ideo qui aliqua rationabili causa urgentur, licite

licite easdem frequentare valent. At qui nulla premuntur necessitate, non video cur illas adire valeant sola negotiandi, & lucrandi, augendique divitias spe duci. Spectanda igitur circumstantiae sunt. Tabernarii, falsamentarii, salarii, porcinarii, aliqui similes, qui merces vendunt ad sustentandum, vel curandum corpus; sicuti qui in parvis oppidis vendunt merces ad rusticorum, & pauperum commodum, excusantur. Recensere singula non vacat. Prudens Confessarius spectet locorum, & circumstantiarum diversitatem. Boni moratique Christiani seipsis discernere in his casibus solent quid liceat nec ne, quando ab immoderata cupiditate liberi sunt. SS. D. N. BENEDICTUS XIV. duas constitutiones edidit attinentes ad nundinas & mercatus. Prior incipit *Paterno caritatis* Tom. 1. Bull. pag. 378. & in ea statuit Senogalliensum nundinarum tempore abstinentium esse ab operibus servilibus diebus festis. Altera incipit *Ab eo tempore* ibi pag. 582. ubi statuit, *mercatus, & nundinas festis diebus non licere*. Lege plura ibi: praefituta enim brevitas non finit plura huc transcribere.

XIX. Placitum, quod secundo loco prohibetur, prodit judicium tum civile, tum criminale, seu comprehendit omnes actiones quae ad tribunal attinent: sunt autem citationis partis, formatio processus, causa cognitio, & prolatio sententiae. Et haec omnia vetita sunt diebus festis excepta necessitatis, aut pietatis causa.

C A P U T V.

De causis excusantibus ab observantia praecepti prohibentis opera servilia die festo.

I. **Q**UÆST. I. *Quæ temporis parvitas excusat a transgressione præcepti veterantis opera servilia?* RESP. Plures in hac materia sunt laxæ opiniones, quas nec refellere vacat. Datur in hac re absolute materia parvitas, ut est unius horæ quadrans. Similiter laborem duarum, vel trium horarum certo reputarem materiam gravem. Num postea labor unius horæ, vel unius cum dimidia sit materia gravis, quis definire certo valet? Regula certa præfiniri nequit. Spectandæ circumstantiae sunt, necessitas, finis, paupertas. Abstinentiam ab operæ servili est festis diebus. Hoc est certum: hoc igitur servandum. Si Christianus cupiditate lucrandi, non necessitate se sustentan-

di, per integrum horam laboraret, nisi promitteret cessationem futuram, non absolvrem: quia licet ignorem criminis gravitatem, certo tamen scio hanc peccare: & cum certo definire nequeamus sine levitatem, sine gravitatem culpæ, juxta omnes abstinentiam est. Nimis laxa est opinio Tamburivi inquietis, posse Christianum per duas horas laborare singulis diebus festis. Si quereras ab eo cur hoc afferat; reponit, quia sic docent Sanchez, & Bonacina. Sed iterum reponimus, auctores istos ex arbitrio legem inflectere. Prudens ergo Confessarius circumstantias serio expendat, consideret paupertatem, & finem laborantis.

II. Domini cogentes famulos servosque laborare alios una, alios altera hora, gravioriter, & insidioso peccant. Servi vero non peccant, si talem omittere laborem nequeunt abisque gravi damno. Curare tamen debent, si possint, omissis his malis dominis, inseruire dominis Christianis, qui Ecclesiæ leges servent.

III. QUÆST. II. *Quæ necessitas excusat laborantes die festo?* RESP. Prima est necessitas sustentandæ vitæ. Itaque excusantur pauperes laborantes, ut se, & familiam alant. Excusantur coqui cibos parantes, agricultæ fructus terræ colligentes ut grandini aliove periculo, quod probabiliter proximum prævidetur, subducant. Altera necessitas spectat aliorum salutem: chirurgi liceite venas secundunt, morbosque curant, & pharmaco-polæ medicamina parant.

IV. Barbitonores absolute nequeunt suam artem, utpote servilem, exercere diebus festis. Excusantur dum barbam radunt pastoribus, pauperi artifici, agricultis, qui profissis diebus sine gravi incommodo adire barbitonores nequeunt. Similiter dum ipsi barbitonores atere se, & familiam nequeunt, excusari videntur. At minime excusantur Christiani illi qui otio diffuentes tota hebdomada, dominico die, aut altero festo aduent barbitonores, ut comptuli, pulituli, & formosuli appareant. Ipsi minime excusantur, quia licet parum temporis insumatur in hac aut illa barba radenda, nihilominus corruptelam scandali plenam fovent coguntque barbitonores festa violare. Ad quam corruptelam tollendam Episcoporum desideratur vigilantia, & sollicitudo.

C A P U T VI.

De Missa audienda diebus festis, aliisque pietatis operibus peragendis.

I. QUÆST. I. *Qui notabilem Missæ partem audire negliget, graviter ne peccaret?* RESP. Præcepto astringuntur fideles integrum audire Missam. De parte, cuius omissione sit graviter vitiosa, breviter dico, quod ille qui omitteret audire introitum, collectas, & Epistolam, non satis faceret præcepto; illud vero impleret, si ab Epistola inclusive assisteret Missæ usque ad finem. Vetus ineptimus nos tales instituendo quæstiones. Nam vel adest necessitas omissendi partem Missæ; & tum si necessitas vera sit, excusat. Sublatâ vero necessitate peccatum contingit. Hoc sat est ut vitetur. Quænam autem pars constituat culpam gravem, cum vix definiri queat, urgendi fideles sunt ut integrum, quoad possunt, Missam audiant: & quidem damnata est opinio aliorum in hac thesi: *Satisfacit præcepto Ecclesiæ de audiendo Sacro qui duas ejus partes, in uno quatuor simul a diversis celebrantibus audit.* Plures alias similes opiniones excogitarunt nonnulli, quas præterire interest. Obiter dumtaxat rejicio opinionem aliorum qui docent, satisfacere præcepto fideles qui median Missæ partem audiunt ab uno, & median ab altero successive. Hæc sunt inventa ex disputandi nimia cupiditate excogitata. Opinio hæc falsa est, & improbanda.

II. QUÆST. II. *Quæ presentia requiritur ad Missam audiendam?* RESP. Moralis, quæ tunc est cum auditor est intra Ecclesiam, vel in loco ita contiguo ut censeatur unam conflare societatem cum his qui sunt intra Ecclesiam. Moraliter præsentes sunt qui extant in platea, in campo ante templum populo plenum, & qui existunt in atrio exteriori, in cancellis, in cubiculis, & oratoriis Ecclesiæ annexis, ibique Missam audiunt. Qui tamen Missam audiret in sacello separato, aut nimis distante a templi parte in qua Missa celebratur, aut e fenestra propriæ domus via aliqua licet angusta sejuncta non impleret, mea quidem sententia, præceptum. Omnes enim Missæ assistentes simul cum Sacerdote Deo sacrificium offerunt: ergo moraliter conjuncti sint oportet. Prudentia semper opus est in morum decisionibus. Quando ob templi angustiam aut populi mul-

titudinem omnes ingredi templum nequeunt, animo tamen & corpore conjuncti cum aliis sunt, præcepto satisfaciunt.

III. Locus in quo audiri Missa debet, est Ecclesia. Quamvis congruum sit ut fideles in propria parochiali Ecclesia Missam audiant, satisfaciunt tamen, si Missæ assitant in quacumque Ecclesia, etiam Regularium. Implet quoque præceptum qui audiunt Missam in Oratoriis Episcoporum, Conventuum Regularium, & in parvulis Ecclesiis quæ januam habent expositam publico ingressui. De Oratoriis privatis laicorum suæ disputant Theologi. Certum existimo neminem ibi satisfacere præcepto audiendi Missam præter illos qui in privilegio speciali exprimuntur: quos tamen ipsos, nisi infirmitas, aut alia gravis honesta causa excusat, vehementer hortandos censeo ut cum ceteris fidelibus publica aedant templo, ut supremum omnium Dominum in loco majestatis suæ venerentur & adorent, ut revera solent Christiani pii primores vel inter nobiles.

IV. Ad tempus quod attinet, singulis diebus festis audire Missam vi præcepti fideles astringuntur. De hora nihil præscriptum habemus. Sacerdotibus vetitum est vel ante auroram, vel post meridiem celebrare. Si tales vel ante, vel post celebrent, & fideles audiunt, implet præceptum.

V. QUÆST. III. *Quæ attentio, & intentio requiratur ut impletatur præceptum Missæ audiende?* RESP. Requiritur voluntas libera Missam audiendi, quin sit necessaria intentio satisfaciendi præcepto. Contendunt plures, præceptum implere illos qui ob finem pravum spectandi impudice mulierem pergerent ad audiendam Missam: quam opinionem ut laxam, & falsam rejicio. Audito enim Missæ ita sancta est ut per actum malum ejusmodi impleri præceptum nequeat; sicuti communionis paschalis præcepto non satisfit per communionem sacrilegam.

VI. Attentio aliqua necessaria est. Externam omnes afferunt necessariam; interioris necessitatem negant plures recentiores: sed communis, & vera sententia illam requirit. Vide quæ de attentione ad horas canonicas persolvendas necessaria dicta sunt. Eadem quippe ratio est.

VII. QUÆST. IV. *An Christiani diebus dominicis præter Missæ auditionem teneantur interesse vesperis, conciones audire, aliaque pia opera exercere?* RESP. Communiter recentes Theologi defendunt solam auditionem Missæ cadere sub præcepto adfirmante, sub præcepto

cepto negante cessationem ab opere servili. Quid si Christiani, audita Missa, ludis, oblectamentis, confabulationibus toto die festo operam darent, otioque diffluerent? Pecarent, inquiunt, contra alias virtutes, securus contra præceptum sanctificandi festa: quam opinionem defendit vel ipse perdoctus P. Suarez Tom. 1. de Relig. lib. 2. c. 16.

VIII. Hæc opinio, licet magna Theologorum multitudine vallata, mihi videtur Parvum, Conciliorumque doctrinæ adverba, & ex ipsorum Theologorum principiis falsa. Concedo præceptum ecclesiasticum [nihil aliud] præter Missæ auditionem imponere; sed ajo præceptum divinum, *Memento ut sabbatum sacrificies*, alia pia opera præscribere, ut omnes Patres, & Concilia, quorum testimonia dedi Tom. 5. lib. 1. diff. 3. cap. 6. testantur.

IX. Ratione ex principiis adversariorum arcessita evincitur hujuscæ opinionis falsitas. Docent laudati Theologi omnes, unicam diei festi horam in conspectu totius diei parvam esse materiam; ita ut qui per integrum horam (alii addunt dimidiā, & alteram integrum alii) laboraret, non violaret graviter præceptum negans, & prohibens opera servilia. Ergo qui per quadrantem circiter horæ audit Missam, longe minus implet præceptum adfirmans, & præcipiens cultum divinum. Igitur missa nunc præcepto ecclesiastico imponente onus Missæ audiendæ, spectandum est divinum mandatum, quod abrogatum non est per præceptum ecclesiasticum. Hoc divinum præceptum duplex est, negans, & adfirmans. Christiani qui laborant per unam integrum horam, & juxta alios per duas, non violent divinum præceptum prohibens opera servilia. Quoniam una laboris hora parvitas materiae est, & parum pro nihilo reputatur, inquiunt omnes citati Theologi. Ergo potiori jure non implet præceptum ut adfirmans, & præcipiens satisfactionem diei festi, qui per solum circiter quadrantem Deo cultum offerat, quia parum pro nihilo reputatur. Quid? Hora una erit parvitas materiae respectu præcepti negantis; erit vero satis respectu præcepti adfirmantis? In genere mali una integra hora pro nihilo reputatur; & quarta pars horæ in genere boni totam diem sanctificabit?

X. Institutio festorum eo spectat ut fides Deo cultum offerant, & divina meditentur mysteria; ut propriam conscientiam a soribus per hebdomadam contractis purgent;

ut languores, & vulnera sanent; ut visitandis infirmis, pauperibusque juvandis operam navent; ut corpus laborum cessatione recreant. Ita clamant Concilia, & Patres. Et miseri Christiani unico quadrante in audienda breviore Missa, quæ aliquando vix decem minuta perdurat, insumpso, integrum diem festum dilapidant modo in otio sordido, modo in tabernis, choreis, venationibus, spectaculis, & dissolutionibus. Quamobrem jure exclamat part. 2. tit. 9. §. 4. S. Archipræsul Antoninus: O miseranda cæcitas Christianorum! Quia plura peccata faciunt, & graviora diebus festivis. Aliis diebus laborant, ut possint vivere; diebus festivis, quando laborare deberent pro anima, & Deo vacare, implicant se in multis vitiis. Sed liceat & mihi exclamare: O miseranda illorum Parochorum, & Confessariorum cæcitas qui ejusmodi profanatores ad sacramenta admittunt, qui desideres sunt, & oscitantes in eorum instructione!

XI. Causæ excusantes ab auditione Missæ sunt impotencia, damnum grave, ignorancia, consuetudo, caritas. Impotencia triplex. Spiritualis, dum quis est interdictus, vel excommunicatus: physica, si quis infirmitate, vel carcere detineatur: moralis, ut est nimia distantia a loco ubi Missa celebratur: quæ distantia definiri nequit: nam respectu unius tria milliaria erit distantia sufficiens, secus respectu alterius. Quare spectandæ circumstantiae sunt. Damnum grave quod probabiliter imminet, ut contingere potest in custodibus arcium, ovium, armentorum, vinearum, & mercium. Si tamen plures sunt, & Missæ etiam plures, vices mutare debent, & successive Missam audire. Ignorantia excusat, quando est invincibilis. Consuetudo, ut excusat, debet esse approbata, & rationabilis. Alicubi viduæ ratione consuetudinis post mariti mortem excusantur ab audienda Missa. Verum an alicubi nunc vigeat talis consuetudo vix crediderim. Nam vix occurserunt nunc viduæ, quæ moxore, & tristitia afflita intra domum per plures dies se se contineant. Caritas interviendi proximo iusta esse causa potest Missæ omittendæ. Christiani astringuntur non ponere impedimenta Missæ audiendæ.

DISSERTATIO II.

De jejunio.

CAPUT I.

Propositiones damnatae ab Alexandro VII.

I. **F**rangens jejunium Ecclesiæ, ad quod tenetur, non peccat mortaliter, nisi ex contemptu, vel inobedientia hoc faciat, puta quia non vult se subjecere præcepto. Est 23.

II. In die jejunii qui sacerdos modicum quid comedat, est notabilem quantitatem in fine commendat, non frangit jejunium. Est 29.

III. Omnes officiales qui in Republica corporaliter laborant, sunt excusati ab obligatione jejunii; nec debent se certificare, an labor sit compofibilis cum jejunio. Est 30.

IV. Excusantur absolute a præcepto jejunii omnes illi qui iter agunt equitando, utcumque iter agant, etiam si iter necessarium non sit, & etiam si iter unius diei conficiant. Est 31.

V. Non est evidens quod consuetudo non comedendi ova & lacticinia in Quadragesima obliget. Est 32.

CAPUT II.

Propositiones laxæ Casuistarum.

I. „ **D**ormire quis nequit nisi sumpta vespera cœna: tenetur ne jejunare? „ Minime. Si sufficit mane collatiunculam sumere, & vespera cœnare, tenetur ne ad id? Non tenetur. Quia nemo tenetur per vertere ordinem refectionis, . Ita Fillius, Escobarius Theol. moral. tr. 1. exam. 13. cap. 3. num. 67. Leander trac. 5. disp. 8. queſt. 30.

II. „ Qui in die jejunii dat operam ludendo pilæ, venationi, vel actibus venereis, ex intentione, ut factus impotens non jejunet, non peccat contra præceptum jejunii, . Rocafull. in praxi Theol. moral. Tom. 2. lib. 3. cap. 9. num. 193. apud Dianam coord. Tom. 4. trac. 6. resp. 18. ubi ait num. 2. „ Hanc sententiam impugno, quatenus ait, dantem in die jejunii mere voluntarie operam ludo, venationi, immo, quod pejus est, & nimio coitui in fraudem jejunii, ea intentione ut effectus impotens non jejunet, non peccare ullo modo contra præceptum jejunii, neque et-

„ iam quando opponit tale impedimentum „ jejunii, cum illa expressa intentione, ut „ postea non jejunet, . Hanc sententiam docet etiam Martinus a S. Joseph Tom. 1. lib. 2. tr. 12. n. 5. & alii Casuistæ.

III. „ Dicendum nobis est, quod per se, & universaliter loquendo, feminæ quinque quageneriae omnino liberæ maneant a legge jejuniiorum, . Leander tr. 5. disp. 8. queſt. 19.

IV. „ Religiosi sexagenarii, & Religiosæ quinquagenariae non tenentur ad jejunia suæ Regulæ, . Pasqualius decis. 259. n. 3. Tamburinus de jur. Abbatis disp. 12. qu. 5. num. 7. Sed luter referre rationem quam in favorem mulierum obtrudit Leander qu. 19. „ Feminæ, ut communis fatetur sententia, post quinquagesimum annum, nullum modo possunt generare ob defectum virtutis naturalis . . . Ergo in hac ætate jam vere reputandæ sunt senes, & consequenter libera a jejunio Ecclesiæ, .

V. „ Qai noctu dormire per notabile tempus non potest, nisi cœnet, nimis onerosum effet sic jejunare. Ita Fag. loc. cir. Joan. Sanc. d. 54. n. 13. Layman lib. 4. cap. 3. n. 4. Neque hunc obligo manente, seque sero plane reficere: quo pacto jam jejunium sartum tectum, ut ex supradictis patet, conservaret. Non obligo, inquam, licet id commode facere queat: quia nemo in jejunando est obligandus ad extraordinaria remedia, & ad relinquendum suum jus comedendi circa meridiem, . Tamburinus lib. 4. cap. 5. §. 7. n. 14. Viden quantum suavitatis? Etiam si commode ad vesperam cœnam differre, sumpto circa meridiem jentaculo posset Christianus de quo loquitur, eum ad jejunium non obligaret. Cur? Quia non est obligandus ad extraordinaria remedia, neque suo jure comedendi circa meridiem spoliandus? Extraordinarium ergo remedium est ad vesperam jejunium solvere? Et tamen id familiare pluribus facultus fuit nostris patribus: familiare etiam est & pluribus Christianis, & aliis gentibus. Non tenetur ergo relinquere suum jus manducandi circa meridiem, etiam dum commode potest, ut jejunii præceptum observet.

VI. „ Dico denique, propter auctoritatem Doctorum esse probabile, nullos artifices, atque adeo futores, obligari ad jejunia: quia Eugen. vel concessit (auctor) iis privilegium non jejunandi, vel declaravit eos non comprehendi a lege je-

„ ju-

„ junii. Ita Trull. lib. 1. n. 9. citans Fag.
 „ Sa. Azor. Sp. lib. 7. cap. 17. quest. 8.,
 Hucusque Tamburinus loc. cit. num. 28. Ut
 de eo quod rem facti spectat, obiter duo
 proferam verba, quibus sinceritas quorum-
 dam Casuistarum ubique, data occasione,
 comperta fiat; referam quod scribit Azorius
 loco proxime laudato. „ Octavo qua-
 „ ritur, an ii qui laborant, cuiusmodi sunt
 „ agricultæ, & plerique artifices, justam et
 „ iam jejunii excusationem habeant? Re-
 „ spondeo eos habere. Tales sunt fabri, si-
 „ ve ferrarii, sive lignarii, sive cœmenta-
 „ ri, agrorum cultores, & ceteri hujus ge-
 „ neris operarii, & artifices: his enim ci-
 „ bus non sufficit semel tantum in die sum-
 „ ptus ob immodosos, & nimios corporis la-
 „ bores . . . Et addit Rosella Eugenium
 „ IV. concessisse, aut potius declarasse ut
 „ opifex qui laboriosas artes exercent, &
 „ agrorum cultores, sive divites sint, sive
 „ pauperes, liberi sint a lege jejunii. „ Li-
 queat Azorium hic sermonem minime habe-
 re de omnibus indiscriminatim artificibus; sed
 solum de agrorum cultoribus, de fabris
 ferrariis, aliisque id genus, quibus propter
 immodosos, nimiosque labores unica refe-
 ctio non sufficit. Et istos ajunt quidam,
 ab Eugenio LV. fuisse declaratos a lege je-
 junii solutos. Porro quam recte, ac valide
 auctoritas Azorii adducatur a Tamburino,
 sive a Scriptoribus qui ab eodem laudantur,
 pro omnibus artificibus, judicent æqui re-
 rum æstimatores; colligantque quid fidei tri-
 buere communiter debeant longo illi aucto-
 rum censui, quem saepe penes Casuistas of-
 sendunt. Si enim tempus, & otium sup-
 terent omnes singillatum consulendi; plures
 fane reperiem qui non plus ac Azorius il-
 lis favent opinionibus in quarum præsidium
 citantur. Quod de Eugenio IV. referunt,
 nullo producio documento, nullam meretur
 fidem. D. Antoninus, Eugenio suppar, nec
 verbum habet de hoc privilegio: quod re-
 tulisset certe, si extitisset. Quare mirari sa-
 tis non possum auctum Leandri, qui traxit
 5. disp. 8. qu. 69. nullo addusto documen-
 to præter attestationem Navarri, qui pariter
 nil producit in confirmationem ejusdem
 privilegii, tamquam factum manifestum ob-
 trudit, Eugenium IV. dispensasse omnes ar-
 tifices: impugnatque Pasqualigum contrarium
 adfirmantem.

VII. Caramuel in sua Theologia funda-
 mentali querit num. 1537. edit. Rom. „ An
 „ usus matrimonii sit causa sufficiens ad o-

mittenda jejunia? Et ratio dubitandi est,
 „ nam futores, fartores, barbitonfiores, &
 „ alii mechanici solent a jejunio excusari,
 „ cum tamen certum sit magis debilitati ho-
 „ minem venerem exercendo, quam suen-
 „ do, fartiendo, tondendo. „ Deinde lau-
 dato Diana, atque alio casu matrimonii u-
 sum spectante narrato, non amplius in per-
 sona propria, ut fecerat in editione priori
 Francofordiensi, sed alienam induens perso-
 nam, ne videatur ex propria sententia lo-
 qui, sic persequitur. „ Hos duos casus vi-
 „ ris doctis decidendos proponis. Si respon-
 „ deant severe; repetes an tantum proba-
 biliter stringant? Qui enim probabiliter
 „ stringit, ipsissimus probabiliter laxat. Si
 „ dicant seyeram certam, benignam impro-
 babilem esse; debebunt hauc ipsam im-
 „ probabilitatem demonstrative persuadere:
 „ non enim improbabilitas alicuius senten-
 „ tie probabiliter potest probari. Si beni-
 „ gnam esse certam, aut probabilem di-
 „ cant, voles scire, qui sint in mundo
 „ qui debeant jejunare. Sutores, fartores,
 „ barbitonfiores, follores, ferrarii, & limi-
 „ les: Prædicatores, Lectores, Confessarii
 „ &c. advocati, procuratores, scriptores &c.
 „ etiam musici: iter agentes, prægnantes,
 „ & lactantes? Qui ergo manent? Sane ci-
 „ ves qui nullum munus habent. At isti
 „ omnes, aut fere, conjugati sunt. Quem
 „ igitur tenet jejunii ecclesiastici lex, si et-
 „ iam conjugati excusantur? „ Adjicit ve-
 ro hanc exilem decisionem. „ Respondeo ni-
 „ hilominus conjugatos hoc solo nomine non
 „ excusari. „ Istius autem sua decisionis nul-
 lam proferi rationem, nec probabiliter, nec
 demonstrative suadentem: neque argumen-
 ta quæ pro laxa opinione opponit, resol-
 vit. Consistit ergo laxa opinio, suaque frui-
 tur probabilitate: quoniam juxta Caramue-
 lem, non potest improbabilitas alicuius senten-
 tie probabiliter probari; sed debet demon-
 strative persuaderi. Porro, ut dictum est,
 Caramuel oppositam tantum assertit o-
 pinionem; nullo vero modo nec tenui pro-
 babilitate, nedum valida demonstratione eam
 firmat. Ergo laxam opinionem, sua assertio-
 ni contrariam inconcussam relinquit. Quomodo
 ergo (ut ille ait) tenet jejunii ecclesiastici lex,
 si etiam conjugati excusantur? Quisque sibi
 in animum inducat, huic legi Monachos sal-
 tem, religiososque viros subjectos esse. At
 misericors Caramuel & istos iugo legis sub-
 ducere enititur num. 1539. his verbis. „ An
 „ Religiosi teneantur jejunare? Legis titu-
 „ lum,

„ lum , mirarisque , in dubium reduci rem
 „ tam claram . Teneri ecclesiasticos aīs , &
 „ præcipue Monachos , qui majorem perfe-
 „ ctionem sunt professi . At ego te non in-
 „ cuso ; sed hunc syllogismum propono .
 „ Musici , inquam , a jejunio excusantur ,
 „ at omnes Religiosi sunt musici , nec in
 „ mundo sunt musici qui plus cantent quam
 „ Monachi , & Benedictini præcipue : ergo
 „ Monachi non tenentur jejunare . Quæ ra-
 „ tio idem de ceteris Religiosis evincit :
 „ nulli enim qui non cantent plus quam
 „ saeculares . Puto quidem consequentiam le-
 „ gitimam ; minorem certam , & majorem
 „ probo citando Sancium , Dianamque . „
 Productis autem utriusque rationibus , con-
 cludit Caramuel : Ergo si etiam Religiosos ex-
 cludimus , qui erunt in Ecclesia Romana qui
 teneantur observare jejunia ? In priori edi-
 tione hæc alia sex vocabula reperiuntur ,
 quæ sublata sunt in hac postrema Romana :
Volo non severa , sed sincere erudiri . Hac via
 inducere laxitatem conatur Caramuel ; si-
 mulque ab omni censura se se constitueret
 immunem : quoniam personam non afferen-
 tis , sed referentis Diana sententiam gerit .
 At umbra ista cito evanescit , si id quod de
 Diana ille prædicat , in memoriam revoce-
 mus . Caramuel autem in epistola ad Dia-
 nam , quæ in præludio Theologiæ funda-
 mentalis Francofordianæ editionis habetur ,
 hæc in Diana ejusdem doctrinæ laudem ef-
 fatur : *Diana est Agnus Dei tollens peccata
 mundi .* Deinde paulo inferius subdit : „ Se-
 „ quimur hunc Agnam (nimirum Dianam)
 „ quocumque ierit . Certi enim sumus , tan-
 „ to illius dogmata Theologorum firmari nu-
 „ mero , ut querenti an hoc , vel illud li-
 „ ceat ? sufficiat respondere , *Diana dixit .* „
 Sufficit ergo juxta Caramuel quod Dia-
 na docuerit , Religiosos solitos esse a jeju-
 nii lege ratione cantus , ut opinio isthæc
 probabilis sit . Diana in posteriore editione
 recenset hanc Caramuelis opinionem *Tom.*
4. tract. 6. ref. 26. his verbis . „ Sed , pace
 „ viri amicissimi , hæc argumenta aperiunt
 „ viam ad opinionem singularem *contra pra-*
xim omnium Religiosorum . Et cum hanc
 „ sententiam viris doctis referrem , alii rise-
 „ runt , alii in atram bilem iverunt . Et
 „ quidam Pater Societatis Jesu jocose , &
 „ facete : Si sententia Caramuelis esset ve-
 „ ra , mallem Societatem esse adstrictam ad
 „ canendum in choro , nam essem deobli-
 „ gatus a jejunio . „ Persequitur deinde Dia-
 „ na amicissimi Caramuelis argumenta refel-

lere . Sed ego persequar alias recensere non
 minus laxas propositiones .

VIII . „ Non peccant caupones qui in die je-
 „ junii nolunt suscipere hospites , nisi coenent :
 „ quia non intendunt violationem jejunii ;
 „ sed intendunt lucrum . „ Pasqualigus *de-*
cis. 367.

IX . „ An possint parentes ministrare cœ-
 „ nam filiis nolentibus jejunare , quando ad
 „ id tenentur ? . . . Respondeo posse , *inno-*
& teneri : quia ad parentum manus per-
 „ tinet providere filiis de victu ; non vero
 „ regere conscientias ipsorum (maxime quan-
 „ do sunt in ætate proiecta) ita ut debeant
 „ peccata ipsorum punire , & hoc modo im-
 „ pedire : unde subministrando cœnam faciunt
 „ quod suorum munerum est . Nec per hoc
 „ cooperantur peccato filiorum ; cum cœna
 „ de se sit indifferens , utsi ordinata ad su-
 „ stentationem naturæ ; & potest bene vel
 „ male exhiberi . Unde quod male a filiis
 „ adhibeat , imputandum est malitia ipsorum
 „ non parentibus exhibentibus cœnam . „
 Leander *v. 5. disp. 9. quest. 12.*

X . „ Domini non tenentur negare cœnam
 „ famulis nolentibus jejunare ; etiamsi sci-
 „ rent id famulis profuturum . „ Pasquali-
 gus . *decis. 361. n. 9.*

XI . „ Excusandi a jejunio qui labore ali-
 „ quo defatigantur , quamvis illum in alium
 „ diem commode differre queant ; & etiam
 „ si data opera , ut non jejunent , hoc age-
 „ rent ; etiamsi in fraudem jejunii id age-
 „ rent , nullius negotii causa , itinerando ,
 „ sed solo desiderio non servandi jejunium . „
 Sancius in *Selectis diss. 4. n. 14.* apud Dianam
 coord. *tr. 6. ref. 16. tom. 4.*

XII . „ Excusantur a jejunio qui noctu ca-
 „ lesfieri non possunt , nisi coenent . „ Lean-
 der *trad. 5. disp. 8. q. 29.*

XIII . „ Qui assumit media illicita , &
 „ ita laboriosa , ut sint incompatibilia cœni
 „ jejunio , ex intentione non servandi jeju-
 „ nium , non peccat contra præceptum jeju-
 „ nii . „ Pasqualigus *decis. 320. n. 9.*

XIV . „ Qui non haberet vinum , aut
 „ quod solet loco vini adhiberi , in regioni-
 „ bus ubi adest penuria vini , neque tenere-
 „ tur jejunare : quia eo subtracto , subtrahi-
 „ tur magna refocillatio , & quæ plurimum
 „ roboris afferat . „ Pasqualigus *decis. 275.*
 num. 5.

XV . „ Si precibus , alioque modo posset
 „ conjux removere alterum a petendo debi-
 „ tum ; adhuc tamen non tenetur uti hoc
 „ remedio ; atque adeo posset non jejunare ,
 „ & sic .

„ & sic reddere . Ita Thom. Sanch. Ratio est , quia personalis obligatio reddendi est ex iustitia , quae non obligat nisi ad redendum personaliter debitum , non vero ad conquirenda , vel ponenda remedia , ne alter petat . „ Tamburinus lib. 4. in Decal. c. 5. §. 7. n. 37.

XVI. „ Cathedratici legentes magno cum plausu eximuntur a lege jejunii . . . Ad do , idem affirmandum esse de legentibus unam aut alteram lectionem ostentationis , aut oppositionis causa . „ Leander tr. 5. disp. 8. quest. 118.

XVII. „ Si quis excipiat hospitio virum magnatem , non videtur posse sine gravi incommodo servare jejuniū . Nam si non parat cœnam , hospes censebit se non excipi cum illa magnificentia quæ sibi debetur ; & proinde concipiet malum animum erga hospitantem . Si vero parat cœnam , & ipse accumbat , & non comedat , aut saltem patum , etiamsi præferat jejuniū obligans ; hoc imputabitur ad quandam importunam correptionem aliorum , aut quod ægre ferat expensas cœnæ : unde vice meriti quod mediante hospitio deberet acquirere apud talem magnatem , aut Principem , potius ipsum offendet . „ Pasqualig. decis. 350.

XVIII. „ Concionatores qui in Quadragesima concionantur ter , vel quater in hebdomada , communiter , & regulariter excusantur , ita ut in nullo die Quadragesimæ teneantur jejunare . . . Quia hoc videtur requisitum ad robur necessarium ad bene , & fructuose concionandum . „ Thom. Sanchez lib. 5. Consil. cap. I. dub. 13. num. 6.

XIX. „ Dispensatus ad carnes edendas liber est a jejunio . Hinc illi cui conceduntur ob dispensationem carnes , licet sero cœnare , immo pluries in die se reficere . „ Tamb. tom. I. lib. 4. in Decal. cap. 5. §. I. num. 2.

XX. „ An difficultas in jejunando sit sufficiens causa ad dispensandum in jejunio ? . . . Probabilis respondeo , esse sufficientem causam ad dispensandum . „ Leander tr. 5. disp. 10. q. 32.

XXI. „ Tenendum est quod labor ingenii eximat ab obligatione jejunandi . „ Pasqualig. decis. 325. n. 2.

XXII. „ An labor voluntarie susceptus , si fit magnus , extinguat obligationem jejunandi ? Probabilis respondeo extinguere . „ Leander tr. 5. disp. 8. q. 154.

XXXIII. „ An labor voluntarius possit sumi in diebus jejunii semper , quantum & quoties libuerit ? Probabilis respondeo , posse assumi semper , & toties quoties libuerit . „ Idem Leander loc. cit. q. 155.

XXXIV. „ Probabilis respondeo , esse exceptum a jejunio , nec peccasse adhuc in causa contra præceptum jejunii qui talem laborem assumpsit ob inboneatum finem (ob querendam concubinam , aut alium malum finem .) „ Idem Leander loc. cit. q. 156.

XXXV. „ Non tenentur parentes cogere filios ad jejunandum , quando nollent jejunare , etiamsi constaret quod non habent causam excusantem . . . Quia licet parentes debeant habere majorem curam filiorum quam servorum . . . non tamen habent supra ipsos jurisdictionem spiritualem ; & ideo in ordine ad spiritualia non possunt supra ipsos exercere aliquam vim coercitivam , nec punire , quando delinquant in spiritualibus . „ Pasqualig. decis. 362. n. 4.

XXXVI. „ Si probabiliter , vel certo moraliter sciunt tabernarii quod hospites pertinent cœnando , DD. (Navar. Tolet. &c.) permittunt quod illis cœna ministretur . . . quia ministratio illa , immo & ultronea invitatio , non fit directe ad non jejunandum ; sed solum ex intentione lucri invitatur ad cœnam . P. Dominicus Viva in cursu theologico morali tom. I. part. 2. qu. 10. art. 4. n. 7.

XXXVII. „ Dicendum est , senes sexagenarios , quamvis fortes , & robustos , liberos esse ab obligatione jejunii . „ P. Sebastianus Geribaldi in Theolog. moral. Tom. I. tr. 8. c. 3. dub. I. §. I. n. 95.

XXXVIII. „ In feminis autem probabiliter . . . desinit obligatio jejunandi , inchoato anno quinquagesimo . „ P. Viva in cursu theor. mor. Tom. I. part. 2. q. 10. art. 6. n. 8.

XXXIX. „ An qui ex justa causa non tenetur jejunare , possit sine peccato invitare amicum , quem scit sumptuose prandium , & obligatum jejunare , ad secum cœnandum ? Respondeo nullo modo peccare qui urbanitatis causa alium jam paratum , & alibi cœnaturum , invitaret ad cœnam . „ P. Geribaldi loc. cit. n. 143.

XL. „ Certum est jentaculum sumi posse ; dubium vero , an hi cibi substantiales sint exclusi . Igitur prævalet libertas illos assumendi . Sic discurrit Tamburin. cuius sententiam non amplectenter , nisi putarem

„ consuetudinem jam introductam ut etiam
„ exigua parte pisces majoris, cum pane ve-
„ sci possimus in debita quantitate octo un-
„ ciarum: quam si quis parum excederet
„ addendo unam vel alteram unciam, non
„ nisi venialiter peccaret. “ P. Viva loc.
cit. art. 3. n. 3.

XXXI. „ Non est letale prohibitis vesci
„ carnibus absque dispensatione, consultatio-
„ neve, etiam si necessitas dubia tantum
„ existimetur. “ P. Martin. Torrecilla tom. 2.
tr. 1. disp. 4. c. 2. sect. 1. n. 74.

XXXII. „ In privilegio cruciatæ pro ve-
„ scendis carnibus diebus prohibitis, conce-
„ ditur quod etsi causa sufficiens non existi-
„ metur ad eas vescendas; dum tamen suf-
„ ficiens sit ut Papa dispenset, Medicus spi-
„ ritualis dispensare valeat. “ Idem Torre-
cilla ibid. n. 78.

XXXIII. „ In jejunii collatione, vel re-
„ fectioncula serotina binæ unciae ultra con-
„ suetas octo gravem adhuc non inferunt
„ transgressionem. “ Idem ibid. sect. 3. n. 8.

XXXIV. „ Jejunans, ne potius noceat,
„ potest toties quoties aliquam parvitatem
„ sumere, etiamsi quælibet parvitas dimi-
„ diam unciam attingat. Idem Torrecilla
ibid. cap. 4. n. 9. & 10.

XXXV. „ Non frangitur jejunium iteran-
do parvitates cibi usque ad gravitatem, si
„ sumantur ne potus noceat; dummodo in
„ fraudem legis non fiat. “ Idem ibid. n. 15.

XXXVI. „ Generatim senes, sive viri se-
„ xagenarii, seu feminæ quinquagenariæ, je-
junio non tenentur. Idem ibid. c. 6. n. 7.

XXXVII. „ Opera etiam ingenii, & men-
„ tis continuata a jejunio excusat. “ Idem
ibid. num. 15.

C A P U T III.

De precepto jejunii ecclesiastici.

I. QUÆST. I. *Quid sit jejunium ecclesiastici-
cum, & quænam ejus partes?* RESP.
Jejunium generice acceptum significat
abstinentiam ab omni cibo, & potu; ut ec-
clesiasticum, est pars monachorum, & absti-
nentia ciborum juxta formam ab Ecclesia præ-
scriptam. Præceptum istud natura sua obli-
gat sub peccato mortali, ut patet ex thesi
proscripta ab Alex. VII.

II. Tres sunt jejunii ecclesiastici partes,
unica refectio, abstinentia a carnibus, tem-
pus definitum. Unica refectio est veluti pars
essentialis, & abstinentia a carnibus pars se-
cundaria.

III. QUÆST. II. *Quos cibos sub carnium
nomine Ecclesia prohibeat?* RESP. Omnes car-
nes animalium terrestrium. Generatim ea
omnia animalia quæ diu extra aquam vive-
re solent, computari inter carnes debent.
Aves licet aliquæ nutriantur in aquis, car-
nium nomine veniunt. Corvi marini, fuli-
cae, vulgo folega, quamvis piscium quem-
dam saporem habeant, diebus jejunii come-
di nequeunt. Idem dic de camæ leone, de
carnium iuscule, de sanguine, & larido.
Locustæ, rane, limaces, testudines, & con-
chæ comedи diebus jejunii possunt.

IV. QUÆST. III. *Quandonam licitum est tem-
pore jejunii carnes comedere?* RESP. Convenit
penes omnes peccare mortaliter fideles qui
die jejunii carnes comedunt, nisi materiæ
parvitas, vel necessitas excusat. Qui ta-
men nullum alium cibum haberet, comedere
carnes posset: quia præceptum Ecclesiæ
non obligat cum periculo vita, vel salutis.
Qui tamen panem sufficienter haberet, non
posset carnes illo die comedere, quidquid
effundant aliqui. Quoties enim homines fa-
ni solo pane, uno die vivunt, etiam subla-
to præcepto jejunii? Licitum est pueris ante
septennium, & perpetuo amentibus car-
nes comedere. Dispensatus a carnibus tem-
pore jejunii solas salubres potest comedere:
quia talis est facultas quæ a dispensante im-
pertinet, ut patet ex decreto Clementis XI.
Romæ publicato anno 1702. in quo hac ha-
bentur. *Animadvertisant & Medici, & qui
petunt licentiam, ut attendant qualitatem car-
nium, quo nempe sint salubres: quia hæ so-
lum permittuntur in quadragesima bis qui ex
justa causa nequeunt vesci cibis quadragesimæ-
libus.*

V. QUÆST. IV. *Quid de hodiernis dispen-
sationibus ab eis carnium dicendum?* RESP.
Deploranda amaris lacrymis corruptela est
potius quam refellenda. Lanienæ carnibus
cujuscumque generis abundant, & publice pa-
tent in amplioribus civitatibus tempore Quad-
ragesimæ, ferme ac tempore bacchanalium.
Ut mundi, & diaboli pomps, idest choreis,
larvis, comœdis operam dent, ita vegeti,
robusti, & fortes Christiani sunt, ut diu no-
ctuque vigilent, ut corpora exagitent crapa-
larum, & saltationum ictibus. Continuo ac
Quadragesima urgere incipit, debiles, lan-
guidi, infirmique reperiuntur. Parochos, &
Superiores adeunt, immo Medici nonnum-
quam ipsi domos magnatum, nobilium, &
divitium petunt, & dispensationes distribuunt,
non secus ac pharmaca. Hoc est tremendum
Dei

C A P U T IV.

*De abstinentia a lacticiniis, unica comedura,
& collatiuncula serotina.*

I. QUÆST. I. *Obligat ne sub gravi culpa abstinentia a lacticiniis?* RESP. Confusio-
tudo hæc in ipsa primitiva Ecclesia ob-
tinebat. Nonnulli negabunt evidenter obliga-
tionem hujuscem consuetudinis, quorum opinio-
nem proscriptis Alexander VII. in hac the-
si: *Nos est evidens quod consuetudo non comendit ova, & lacticinia in Quadragesima obli-
get.* Quod vero in Quadragesima obligatio
hæc gravis sit, communis est, & vera Theo-
logorum sententia. De diebus dominicis ejus-
dem Quadragesimæ negarunt non pauci, quo-
ram opinio communiter improbatur. Extra
Quadragesimam vero varia est regionum con-
suetudo, & omnes suæ patriæ morem ser-
vent. Universales regionum consuetudines ob-
servare tenentur etiam Regulares, quia &
ipsi in talem consuetudinem consenserunt.

II. Pauperes qui ostiati cibos querunt,
si cibo quadragesimali pro unica comedura
careant, possunt vesci lacticiniis, secus si ha-
beant cibos esuriales. Rustici, agricolæ,
pauperesque degentes in oppidis, & villis,
qui mendicato non vivunt, abstinere a la-
cticiniis debent, quia isti assueti sunt, & pos-
sunt cibis esurialibus vesci. Neque enim isti
manducare pisces solent. Verum utinam di-
vites, ac nobiles sic abstinenter a carnibus,
quemadmodum isti abstinenter a lacticiniis,
quibus istorum plures non vescuntur, etiam
quando obtenta est dispensatio! Si usus la-
cticiniorum necessarius sit, servandum jeju-
num est. Ne multa, ea pœnitentia agenda
est quæ fieri potest, declinatis extremis.

III. QUÆST. II. *Necessaria ne est obser-
vantia unicæ comedure in jejunio ecclesiastico,
& qua hora peragenda?* RESP. Sensus non
est quod jejunantes debeant necessario come-
dere semel in die, immo possunt, si valetu-
do & vires permittant, abstinere per plures
dies ab omni cibo. Sed posito quod come-
dere velint, semel tantum in die prandere
queunt. Et qui repeteret comeduras, mul-
tiplicaret peccata, ut probabilior tenet opi-
nio. Hora istius comedionis primis Ecclesiæ
seculis fuit vespertina in jejunio quadrage-
simali. Postea redacta fuit ad nonam, &
tandem ad sextam, seu meridianam, quæ
nunc obtinet. Hoc enim ab Ecclesiæ au-
toritate pendet, cui standum est. Notabilis

R

anti-

Dei judicium, quo istorum jejunia improban-
tur. Resput enim Deus mundi, & dæmonis
mancipiorum impura jejunia, & tremenda
permissione disponit ut non minus Quadra-
gesimæ, quam bacchanalium tempore diabo-
lo inserviant. Caveant Parochi, & superio-
res, ne istorum criminum complices fiant.
Scandalum cum hereticis, tum Catholicis
facta est sancta Quadragesima nostra, & pœ-
nitentia tempus evasit dissolutionum, & fla-
gitorum occasio. Ad pauperes, & rusticos
redacta est jejuniorum observantia. *Nisi pœ-
nitentiam egeritis omnes similiter peribitis,*
clamat Christus. Si divites, & nobiles nec
in ipsa Quadragesima pœnitentiam agunt,
numquid eamdem peragent post Pascha, vel
æstatis, vel autumni, vel bacchanalium tem-
pore? Sed mittamus istos mundi affecas, &
ad alia pergamus.

VI. QUÆST. V. *Dispensatio abstinentie a
carnibus infert ne dispensationem a jejunio?* RESP. Tandem BENEDICTUS XIV. decretum
evulgavit, quo jejunio addictos declarat il-
los qui non infirmitatis titulo, sed ob solum
ciborum quadragesimalium nocumentum, u-
sum carnium obtinent. Evulgatum decre-
tum nonnulli emollire pertentarunt. Idcirco
opus fuit ut SS. Pontifex aliud decretum ede-
ret quo istorum ora obstrueret. Nec defuere
qui ambo decreta vanis distinctiunculis elu-
dere ausi sint, quorum lepida commenta
recenset P. Eusebius AMORT in suo cursu
Theologico, & post varias confutationes Ger-
maniae Theologorum, qui ajunt hæc decreta
pontificia neque esse *Brevia*, neque *Bullas*,
respondet, Christum Dominum jubere ut oves
audiant vocem Pastoris. Non ait Christus,
inquit Amort, audiendum esse vocem *bul-
lam*, aut *breviatam*, sed absolute Pastoris vo-
cem, & Pastori obediendum. Lepida sane,
sed vera responsio. Obediant ergo Pontifici
præcipienti, & christiano jejunio pro virium
facultate se fideles subjiciant. Tria hac de
re volumina edidi 1. *La Quaresima Appel-
lante.* 2. *La Disciplina antica, & moderna &c.*
3. *In rescriptum BENEDICTI XIV.*

VII. QUÆST. VI. *Quot peccata committit
qui diebus jejunii carnes comedat?* RESP. To-
ties peccat, quoties carnes comedit, quia
præceptum negativum est. Idem dicendum
de eo qui comedet ova, & lacticinia, ubi
vètita sunt. Toties quoque peccaret, quo-
ties carnes comedet ille qui votum edidis-
set non comedendi carnes tali die.

anticipatio, necessitate sublata, culpa non vacat. Hora vero jejunii incipit a punto medie noctis, & definit in punto medie noctis sequentis.

IV. QUÆST. III. Licitum ne est collatiuncula serotina? RESP. Unicam comedetur amittere jejunium ecclesiasticum fatentur omnes, & haec consuetudo pluribus saeculis viginit. Investitus postea est collatiuncula serotina usus, qui in solo potu saeculo XIIII. confitebat. Saeculo XVI. usus iste dilatatus fuit, & potui aliquid cibi adiectum fuit. De hac refectione loquens S. Carolus in Actis Eccl. Mediol. pag. 812. ait: *Vespere panis unicam, cum amidia, & vini poculum tantum accipere liceat.* Adhuc amplius postea jejunium relaxatum est. Nam alii amplificarunt hanc collatiunculam ad tres, alii ad quatuor, alii ad sex, alii ad octo uncias, & alii ad quartam coenæ partem. Ajunt natum humanam ætate nostra debiliorem evasisse, aliasque fabulas nonnulli excogitarunt. Quos omnes redarguit disciplina Græcorum, etiam schismaticorum, qui semel tantum in die comedunt tempore Quadragesimæ. Quid de tot Religiosis dicam, qui in hac collatiuncula fruitulum panis, ne potus noceat, tantummodo sumunt?

V. Recensitis opinionibus rejectis, non improbo consuetudinem dictæ refectiunculae, sed ejusdem abusum. Expensa disciplina tum antiqua, tum propinquiore etate nostra, dicere, sumi posse in dicta collatiuncula duas uncias panis, & unam fructuum, aut nucum, aut amygdalarum, aut ficuum, rejetis piscibus, & pisciculis cuiuscumque generis, etiam sale conditis, aut fumo exficiatis. Finis enim afflictio corporis est, & carnis repressio. Rigidam vocabis hanc opinionem, & alteram octo unciarum acelamabis, inquit Diana tom. 4. tract. 6. dec. 116. ubi haec habet: *Cum quantitatem unciarum octo in dicta collatione licitam esse statutum sit, in hoc punto non multos habebimus adversarios: quia talem quantitatem ab omnibus cum acclamatione, & brachis expensis sustinendam esse video.* Et P. Patritius Sporer in Append. ad 3. præcep. Decal. Sec. 2. §. 3. indignantur Layman, quod in hac sola materia sit austerus. Ego miror P. Paulum Layman, alias tam bonum Germanum, in hac sola materia patioris suis fuisse tam austерum. Haec sunt plurimum etatis nostra axiomata, hi canones, haec Scripturarum testimonia. Dum ventri, & gulæ bellum indicimus, Rigoristæ audiimus: dum eisdem favemus, brachiis expansis nos extollunt.

VI. QUÆST. IV. An potus chocolatis licetus sit tempore jejunii? RESP. Eques Francisus Felinus opusculum Genue anno 1676. edidit inscriptum, *Risposta dimostrativa, che la cioccolata rompe il digiuno, seu Responsum demonstrativum, quod chocolates frangat jejunium.* Eques iste artem medicam Genue profitebatur, & ejusdem peritissimum se prodit. Omni argumentorum genere evincit, chocolatem alimentum esse, & quidem valde nutriti. Adducit Medicorum celebriorum auctoritatem, & experimenta omnium sorbillantium suavem liquorem, qui post potum instauratas sentiunt vires. Narrat pag. 51. Serenissimum Carolum secundum Mantua Ducem sententiam capitis in facinororum latam mutasse in solum chocolatis potum quindecim dierum intervallo. Singulis diebus infelix dominatus ad mortem mane, & sero cyatum chocolatis portavit, & elapsi intervallo vegetus & robustus, ac si pleno cibo nutritus fuisset, e carcere prodiit.

VII. Pag. 43. adducit auctoritatem ipsius Dianæ; qui p. 4. resol. 194. scribit: *Plus nutrunt due unciae chocolatis, quas tres carnis, immo quod unica uncia chocolatis nutritas per 24. horas absque corporis debilitatione, & efficiat quod homo non egeat somno.*

VIII. Quid quod omnes qui negant potum chocolatis frangere jejunium, uno ore fatentur illud frangere, si pastillum quod aqua diluitur, manducetur. Aliorum testimonia transcribam. P. Thomas Hurtado tr. 10. c. 1. n. 10. haec scribit. *Conveniunt omnes, quod si ea materia que aqua diluta est, manducetur, frangit jejunium: amittit enim formam potus.* Leander tract. 5. Disp. 5. q. 5. haec candide fatetur: *Non est difficultas inter Doctores (Casuistas) nec quæstio, an videlicet sumptio chocolatis in se, hoc est en pasta, sit fractiva in se jejunii: nam hoc apud omnes certum est, quod chocolates in se sumptus sit vere cibus.* Cardinalis Cozza tom. de jun. p. 3. a. 1. dub. 9. inquit: *In hoc concordant, quod chocolates in se, & ex natura sua habet rationem cibi.*

IX. Si cibus iste, inquit, aqua solvatur, & tertium mixtum fiat potabile, tunc non frangit jejunium, quoniam liquida non frangunt. Communi sensu renuntiandum est, ut tale formetur ratiocinium, inquit laudatus Medicus & Eques Felinus pag. 41. clamans: *Si in substantia solida sumptus chocolates frangit jejunium, ut fatentur oppositores, cur non frangat aqua liquatus? Aqua non tollit, sed auget vim nutriendi.* Plurimis argu-

gumentis hanc luculentissimam veritatem confirmat ab arte medica arcessitis, allegatae verba Caldera, qui tract. de Chocol. pag. 494. docet: *Si ingredientia compositionem & massam sumantur per se antequam massam conficiant, & in aquam injiciantur, violent certe jejunium, ut patet.* Ergo idem dicendum postquam soluta sunt in aqua, si bibatur. Num propria substantia cujusque non mutatur illo artificio, sed tantum variatur figura, dum ex solida massa fit potus, & solum superveniente aliquo occidentali. Addit Aeques Felinus pag. 108. aquam sua humiditate, subtilitate, & igne calefacta efficacius, celeriusque vim nutrientem perferre ad stomachum, & per corpus diffundere vires, instaurare, & forvere, dulcius & suavius palatum vellicare, & famem auferre, adducta Hypocratis auctoritate.

X. Concludit tandem laudatus Felinus pag. 130. his verbis: „Meis rationibus haud contentus adiit Parres Societatis Jesu, velut illos qui sunt Magistri Magistrorum, & merito reputantur Cresi spirituales omnium virtutum thesauros possidentes. Illos rum aliqui prudenter Arpocratem imitantes siluerunt ... Alii laconismo respondebunt, multorum Theologorum sententiam esse chocolatem non frangere jejunium... Inter alios tamen unus P. Jesuita more illustri insignis, & illustrissimae Religionis doctissimus, quamvis prius fuisse invictissimus Achilles pro potu chocolatis, nihilominus, auditis meis rationum momentis, non modo mihi testatus est se persuasum esse potum chocolatis frangere jejunium, verum etiam adjecit, reos illos esse aut manifestae obstinationis, aut vitiosae ignorantiae, qui veritati adeo evidenti resistunt... Haec tenus Medicus Felinus elapsi saeculo scripsit, cuius idcirco memini, ut nonnullos pudeat Casuistas, quorum laxa commenta vel ipsi laici & mundani homines improbant. Audiant isti quid de Casuisticis ejusmodi scribat Felinus pag. 145. & seq. Mirum haud est, Casuistas, qui medicam artem ignorant, adeo enormiter errasse, docentes chocolatem non frangere jejunium. Quare merito deridentur, & in fabulam adducuntur a doctis Medicis: & eo rationabilius exhibentur, quod isti non scriptores, sed transscriptores sint. Dummodo typis publicis libros edant, hoc illis sufficit. Debuissent a Medicis banc veritatem inquirere. Plura alia adversus similes Casuistas, qui se mutuo Doctores appellant, scribere persequitur Aeques Felinus.

XI. Paucis ergo rem expediam. Chocolates componitur ex cacao, cinnamomo, saccharo, & vaginula. Cacao distribuitur pauperibus Indis in eleemosynam a divitibus, quemadmodum apud nos panem pauperibus dant divites, ut omnes testantur. Nemine itaque dissentiente chocolates est cibus valde nutriens, palato suavis, & gulæ titillans opportunissimus. Atqui comedibilia suapte natura nutritia, sive solida sumantur, sive liquata, jejunium violent. Alioquin lac, ova forabilia & bene liquata potari, ubi lacticinia permittuntur, tempore jejunii possent. Qui dispensantur ut carnes in Quadragesima comedant, jejunio servato, liquefacere capones, & pullos columbarum possent, eosque potare. Nihil itaque valet dictum istud: *Liquida non frangunt: Chocolates sumunt per modum potus.* Ergo non frangit jejunium. Liquida quæ veram rationem potus habent, sumuntur in mensa ad faciliorem cibi distributionem, & digestionem: sumuntur extra mensam ad situm extinguendam, aridasque fauces refrigerandas. Quis est qui loco potus sive in mensa, sive extra mensam chocolatem poterit ut situm extinguat? Nemo unus. Immo chocolatores communiter vel ante, vel post potum chocolatis poculum aquæ sumunt ad temperandum calorem & siccitatem chocolatis. Ergo minus recte, minusque vere dixeris panem & chocolatem frangere jejunium, si solida mandacentur, secus si liquata sorbeantur.

XII. Opponunt 1. Cervisia ex hordeo, & frumento, vinum ex uva non frangunt jejunium. Ergo neque chocolates. Resp. Si quis ex hordeo, vel frumento comminuto & trito, & ex aqua simul mixtis & calefactis faceret papparium, siccat fit ex chocolate & aqua, posset ne tempore jejunii tale papparium sumi? Ex frumento, vel uvis extra hunc finem adhibentur in mensa, & extra mensam. Numquid chocolates potus est institutus ad situm temperandam?

XIII. Opponunt 2. Consuetudo obtinet sorbendi chocolatem. Ergo licitus est ejusdem potus. Resp. Consuetudo haec putida est corruptela, quæ obtinet penes gulæ mancipia. Nec viri docti & pii illum absque vera necessitate sumere solent.

XIV. Opponunt 3. Licitus saltem erit chocolatis usus ratione parvitas materia. Resp. Parvitas materia excusat a peccato mortali, secus a veniali. Qui deliberate quotidie venialiter peccant summo mane tempo-

re pœnitentia agendæ, in proximo versantur periculo prolabendi in mortalia. Deinde quis definiet confinia hæc parvitatis materiæ? Pasqualigus hanc parvitatem restringit ad octavam, vel sextam uncia partem. Alii majorem quantitatem assignant. Nemo certam parvitatem designare valet. Abstine ergo ab hac potionis voluptate, si cavere peccata cupis. Nisi vel ipsa jejunia præcepta serves, demptis effigiis, quandonam pœnitentiam ages? Chocolates non modo jejuniū frangit, sed libidinem accedit & venarem inflamat.

XV. Heinc collige si plures in re adeo manifesta, & cum sensu communi pugnante errant, & habēnas laxant; quanto facilius, & laxius errabunt in quæstionibus a sensibus remotis, & difficilioribus? Audi Vincentium Gravinam nullius rigoris suspeatum in *Orat. de rep. font. doct. sic clamantem*: *Faceant & Christianorum scolis fallaces illæ distinctiunculae liquidorum, & solidorum, quibus jejuniū restinguendarum cupiditatum remedium potentissimum suſtulerunt, quibusque, ut verbis D. Hieronymi utar, abstinentia nomen quæſiveri deliciis, ut audeant (o frontem hominum!) præter horas cibo statutas permettere jejunantibus indicas potionis non modo contra jejuniū naturam, & legem tristitia nutritientes, ac sensus oblectantes, verum etiam contra commune fas hominum vetitas cupidines incendentes. Pelagianos, dixerim, se iſti produnt, si putent se non indigere vel in ipsa Quadragesima concupiscentiæ depressione, & carnis mortificatione.*

C A P U T V .

De personis subjectis jejuniō, & de causis excusantibus.

I. QUÆST. 1. *Quo etatis anno juvenes subiecti sunt jejuniī præcepto?* RESP. Communis tentatio jam obtinet, juvenes post expletum annum vigesimum primum præcepto astringi. Ex aliis vero titulis, demandæ nempe concupiscentiæ, publicæ calamitatis, & in pœnitentiam deliciarum, sæpe adolescentes jejunare astringuntur, plus & minus juxta virium, & sanitatis diversitatem. Debent quoque aliquot dies in hebdomada jejunare juvenes, ut affuecant, & præparantur ad præceptum servandum. Jejunium enim in communis cadit sub præcepto juris naturalis & divini; determinatio autem temporis est juris ecclesiastici. Qui infra Quadra-

gesimam complent annum vigesimum primum, obnoxii sunt præcepto, etiam si unius dies supereſſet.

II. QUÆST. 11. *Senes expleto anno sextagesimo astringuntur ne præcepto jejuniī, si firmæ sint valetudinis?* RESP. Negant aliqui. Hæc opinio falsa mihi est. Senes sæpe excusantur non ratione senectutis, sed quia plura in senectute experiuntur incommoda, & infirmitates. Ceterum plurimi senes firmæ valetudinis facilius jejunant quam viri triginta, vel quadraginta annorum. Quare adversa opinio nullo probabilitatis gradu fruitur, sed penitus rejicienda est. Oraculum S. Pii V. quod obrudunt aliqui, fabulosum est, ut ostendi Tom. 5. lib. 2. diff. 2. c. 19. n. 9.

III. QUÆST. 111. *Qui non potest totum jejuniū implere, tenetur ne ad partem:* & utrum sæpius modica comedentes graviter peccant? RESP. Negabant olim primam partem non pauci, unde inferebant, exemptos ab abstinentia a carnibus liberos esse a jejuniō: quorum opinio improbata est. Solvendum est pœnitentia debitum eo modo quo solvi potest. Dividuum enim est jejuniī debitum. Qui non potest totum, solvat partem, ut ratio naturalis dictat. Qui non potest vesci piscibus, utatur lacticiniis: qui carnibus vere indiget, servet unicam comeduram: qui nihil potest, nihil solvat. Quid benignius excogitari potest? Sed quisque cogitet quod Deus non irridetur.

IV. Qui extra unicam comeduram, & collatiunculam in die jejuniī comedere integrum unciam cibi, graviter juxta communem prudentum exillationem peccaret. Idem dicendum de illis qui modica sæpius comedenter, quando hæc modica efficerent quantitatem gravem. Negabant hoc olim nonnulli; sed istorum opinio proscripta est ab Alex. VII. in hac thesi: *In die jejuniī qui sæpius modicum quid comedit, et si notabilem quantitatem in fine comedere, non frangit jejuniū.*

V. Advenæ, peregrini, viatores jejunia universalia Ecclesiæ, ubicumque fuerint, servare tenentur. Tenentur quoque servare jejunia peculiaria locorum ubi commorantur, ut communiter Theologi docent.

VI. Qui jejuniū non est adstrictus, graver peccat, si alium invitet & alliciat ad cœnandum secum, sciens quod jejuniū frangere. Caupones nequeunt cœnam ministrare hospitibus quos sciunt tempore jejuniī prandisse. Neque audiendi sunt oppositum sustinentes. Neque refert caupones prævide-

re hospites suos ad alios accessuros: quia non licet propter commodum temporale cooperari ruinæ spirituali proximi. Si vero caupones dubitent, num hospites teneantur jejunare, aut dubium deponant, aut modeste interrogent. Graviter peccant caupones, qui hospites recipere nolunt, nisi coenent, cum jejunare astringuntur. Peccant quoque graviter caupones qui carnes in Quadragesima hospitibus ministrant non requisiti, excepta necessitate, aut privilegio. Famuli, & ancillæ, quæ coguntur a dominis parare tempore jejuni cibos veritos, cum patet dominos non egere carnibus, neque esse dispensatos, debent, quoad possunt, alios perquirere dominos. Communiter famuli, & ancillæ præsumere debent dominos suos aut dispensatos, aut indigos ejusmodi escarum. Ceterum si ita scelestos cognoscerent ut jejunia contemnerent, recedere ab illis deberent.

VII. Patresfamilias, & domini curare debent ut domestici, filii, famuli, & alii jejunia præscripta observent, tum exemplo, tum adhortatione. Peccant domini cogentes servos ad opera gravia, que jejunium impediunt, quando ejusmodi opera gravia comode deferri in aliud tempus queunt.

VIII. QUÆST. IV. Quænam sunt cause a jejunio excusantes? RESP. Prima est impotencia. De hac impotentia innumeræ quæstiunculas instituunt aliqui. Impotentes vocant qui dormire, qui calefieri nequeunt. Distinguenda est difficultas ab impotencia: hæc, non illa excusat. Si difficultas, & molestia infirmitatem induceret, tunc prudentis arbitrio temperandum jejunium est. Qui collatione mane sumpta, prandio in vesperam dilato, jejunare posset, deberet hunc ordinem servare, quamvis negent aliqui ut eximant similes a jejunio.

IX. QUÆST. V. An conjugati liberi sint a jejunio, ut solvant debitum conjugale? RESP. Patres, & antiqui tum Theologi, tum Canonistæ docuerunt, conjugatos servare continentiam debere jejuni tempore: idque ex Scriptura sancta eruunt, Joele inquirente cap. 2. Sanctificate jejunium... Egregiatur sponsus de cubili suo, & sponsa de thalamo suo. Plures recentiores adeo distant ab hac cœlesti doctrina, ut afferant uxorem frangere jejunium posse ut debitum reddat, neque debere precibus removere maritum a pente, quod reddere sine violatione jejunii nequit. Doctrina hæc tamquam adversa Scripturæ, Patribus, & antiquioribus Theologis

Tom. I.

reicienda est: multoq[ue] magis doctrina illorum qui afferunt, uxores, & pueras jejuniū frangere posse, ne macilenta apparet. Prudentes tamen sint oportet Confessarii in suadenda conjugatis continentia.

X. QUÆST. VI. Quænam labor a jejunio excuset? RESP. Certum est quemcumque laborem a jejunio non excusare, ut patet in hac thesi ab Alex. VII. proscripta: Omnes officiales qui in Republica corporaliter laborent, sunt excusati ab obligatione jejunii, nec debent se certificare, an labor sit incompatibilis cum jejunio. Artifices ergo aliqui robusti & sani jejunare astringuntur. Sutores, fartores, barbitonsores, pictores nullo modo vi artium a jejunio excusantur. Si aliquis debilis sit, & labori adstrictus, ut se, & familiam alat, dispensationem obtineat. Itinerantes, equitantes, & similes non excusantur absolute a jejunio, ut defendebant non pauci, quorum opinionem proscriptit Alex. VII. in hac thesi: Excusantur absolute a precepto jejunii omnes illi qui iter agunt equitando, utcumque iter agant, etiam si iter necessarium non sit, & etiam si iter unius diei conficiant. Si iter longum sit, & ita necessarium quod differri nequeat, & componi cum jejunio non possit, tunc tales itinerantes excusantur a jejunio.

XI. QUÆST. VII. Utrum concionantes excusentur a jejunio? RESP. Duo sunt in jejunio consideranda: abstinentia a carnibus, & unica comedio. Quantum ad primum Concionatores, qui præire exemplo debent, non excusantur ab abstinentia a carnibus. Constitutiones Ordin. Præd. titulo de Prædicat. ita decernunt apud Fontanam. Concionatores qui tempore Quadragesime a carnibus abstineant, per Quadragesimam ad populum concionari non possint, ne plus tanto scandalo offendant quam verbis edificant. Constitutiones Servitarum tom. 2. pag. 124. hæc decernunt: Qui cibis quadragesimalibus vesci non possunt, hi propter edificationem proximi extra domos nostras concionantur non mittantur. Concionatores non pauci vescuntur carnibus, populo non ignorante, singulis Quadragesima diebus. Mirum ergo haud esse debet, si parum, aut nihil in populo proficiant. Clamabat Paulus: Castigo corpus meum, & in servitutem redigo, ne cum aliis predicaverim, ipse reprobis efficiar. Quantum ad secundum, qui singulis diebus concionantur, si jejunare nequant, dispensationem a Superiori petant. Mihi falsa est opinio P. Thomæ Sanchez, qui lib. 5. conf. 6. l. dub. 13.

R. 3

n. 6.

n. 6. eos excusat a jejunio qui ter vel quater in hebdomoda concionantur : quoniam, inquit, debent conservare vires pro futuris Quadragesimis. Confessarii, Magistri, Lectores nullo modo a jejunio excusantur.

XII. Altera causa quæ a jejunio excusat, est dispensatio, quam Superiores ecclesiastici impertiri valent. Medici nullo modo dispensare queunt, sed solum judicium proferre, quod infirmitas, vel debilitas grave nocumentum inferat, nisi jejunium solvatur. Non enim quælibet difficultas, vel capititis dolor sufficiens est dispensandi causa. Sed plurimi ex medicis potissimum in causa sunt cur jejuna passim violentur: isti enim, ut auram populorum aucupentur, & multiplacent clientum turbas, omnibus, & præcipue nobilibus, adulantur, & attestacionem pro dispensatione offerunt etiam non quæsiti. Causas justæ dispensationis alibi explicabo.

XIII. QUÆST. VIII. Quænam opera comitari jejunia Christianorum debent? RESP. Jejunium Christianorum officium virtutis est. Quare primum omnium abstinentium a peccatis est. Declina a malo, & fac bonum. Gravia & difficillima sunt plurimis Christianis jejunia, quia cum anima onusta sit peccatorum pondere, fructum, & dulcedinem pœnitentia non gustant. Ecce (inquit Isa. cap. 48.) in die jejunii vestri invenitur voluntas vestra. Mundata anima a peccatis exercere debent Christiani virtutum officia, præsertim eleemosynam, orationem, & infirmorum visitationem. Totam fere dissertationem insumpsi in resolvendis casibus, in ditimendis quæstiunculis, quæ inutiles & ineptæ forent, nisi necessitas vindicandæ veritatis ad id urgeret. Patres omnes eo studia sua conferunt ut jejuniorum observantiam suadeant, & virtutum, præsertim eleemosynam, & orationis, officia inculcent. Et hæc est optima differendi ratio. Verum eo infelicitatis devenit ætate nostra tradendæ morum Theologia ratio, ut tota litigiosa, sophistica, & pugnacissima sit, quæ vitilitigatores, & argutatores efficiat lectores, minime vero humiles & exactos observatores. Hoc saepius indicavi, & millies repetam. Vide plura Tom. 5. lib. 2. dis. 2. cap. 27. & 28.

DISSERTATIO III.

De tertio, & quarto præcepto Ecclesiæ, nempe annuae confessionis, & pa-

schalis communionis.

CAPUT I.

Recensentur propositiones damnatae.

I. **Q**ui facit confessionem voluntarie nullam, satisfacit præcepto Ecclesiæ. Est 14. ex damnatis ab Alex. VII.

II. Qui habuit copulam cum soluta, satisfacit confessionis præcepto, dicens, Commisum soluta grave peccatum contra castitatem, non explicando copulam. Est 25.

III. Præcepto communionis annuae facit per sacrilegam Domini mandationem. Est 55. Innocentii XI.

CAPUT II.

Ecclesia præceptum edidit, quod per se obligat omnes fidèles ad peccatorum confessionem singulis annis.

I. **I**nnocentius III. Pontifex summus in Concilio generali Lateranensi IV. anno 1215. hunc edidit canonem. *Omnis utriusque sexus fidelis, postquam ad annos discretiōnis pervenerit, omnia sua solus peccata confiteatur fideliter saltem semel in anno proprio Sacerdoti, & injunctionem sibi pœnitentiam studiat pro viribus adimplere, suscipiens reverenter ad minus in Pascha Eucharistie sacramentum, nisi forte de consilio proprii Sacerdotis ob aliquam rationabilem causam ad tempus ab eis perceptione duxerit abstinentiam: alioquin & vivens ab ingressu Ecclesie arceatur, & moriens christiana caret sepultura.* Hoc Concilii Lateranensis statutum confirmavit Tridentina Synodus sess. 14. can. 8. his verbis. *Si quis dixerit confessionem omnium peccatorum, qualem Ecclesia servat, esse impossibilem, & traditionem humanam a piis abolendam, aut ad eam non teneri omnes, & singulos utriusque sexus Christifideles, juxta magni Concilii Lateranensis constitutionem, semel in anno, & ob id suadendum esse Christifidelibus ut non confiteantur tempore Quadragesime; anathema sit.*

II. Hoc præceptum astringit non Catholicos modo, verum etiam hæreticos, illos proxime, istos remote, quatenus tenentur recon-

conciliari Ecclesiarum, ut ab excommunicatis soluti fiant Ecclesiarum membra. Præceptum enim astringit omnes baptizatos, atque adeo etiam hæreticos, qui valide baptizati sunt.

III. Vi istius præcepti fideles obstringuntur confiteri peccata mortalia tum externa, tum interna Sacerdoti, ut omnes Theologi fatentur, & Tridentinum definivit sess. 14. cap. 5. his verbis. *Ex his colligitur oportere a penitentibus omnia peccata mortalia, quorum post diligentem sui discussionem, conscientiam habent, in confessione recenseri, etiam occultissima illa sunt.* Præceptum hoc mortalia, secus venialia comprehendit. Qui nullum mortale per totum annum perpetraverit, esset ne obnoxius huic præcepto? Fusa disputatio est. Quoniam qui abstinet a mortalibus, pluries in annum confitetur, & evanescit diffidium. Utcumque autem res se se habeat, fidelis qui vi præcepti tenetur sufficiere communionem paschalem, debet se sistere Confessario, eique manifestare conscientiam suam.

IV. QUEST. I. *Qua anni parte obligat hoc præceptum?* RESP. Communior sententia docet obligare semel in anno, nulla anni parte designata. Petrus Soto auctor gravissimus *lett. de Confess.* defendit præceptum istud in determinata anni parte obligare, nempe in Quadragesima, & in Paschate. Hac secunda sententia proxim fidelium spectat, qui re ipsa cum in Paschate communicare debeant, confiteri etiam solent. Itaque si præceptum absolute spectetur, semel in anno confiteri jubet, nulla determinata anni parte; si vero simul cum paschali communione accipiatur, in Quadragesima, & in Paschate executioni demandatur. Annus vero computatur a Paschate ad aliud Pascha. Si per integrum annum quis confessus non fuerit, tenetur cum primum commode potest confiteri, ut communis & vera sententia docet. Qui prævidet infra annum se impediendum fore, tenetur prævenire confessionem. Qui confessus est omnia peccata quæ memoriae occurrint, si postea recordetur peccati mortalis oblii, tutius erit intra annum illud confiteri, licet plures negent. Idem dicendum de eo qui propter justam causam scienter omittit. Tenerit enim cum primum commode potest illud confiteri. Quoniam præceptum totum annum respicit, & qui non potest in una anni parte, tenetur in altera parte illud implere.

V. QUEST. II. *An præceptum implieatur per confessionem invalidam?* RESP. Adfirmarunt olim nonnulli, quorum opinio damnatrix est ab Alex. VII. in hac thesi: *Qui facit confessionem voluntarie nullam, satisfacie præcepto Ecclesie.* Qui facit confessionem voluntarie nullam, non suscipit sacramentum. Præceptum autem divinum jubet, ut suscipiatur sacramentum. Præceptum vero ecclesiasticum determinat ut suscipiatur semel in anno.

C A P U T III.

*De illis qui huic precepto subjecti sunt,
& de causis excusantibus.*

I. QUEST. I. *Quo etatis anno tenentur pueri confiteri?* RESP. Communis & vera sententia docet, cum primum ipsis afferetur rationis lumen, quod circiter septennum contingit. Prudentia tamen, & patientia Parochis, & Confessoribus opus est ut discernatur quandonam pueri isti apti sunt ad præceptum implendum. Plures tum patresfamilias, tum Parochi, & Confessarii negligentes sunt in hac puerorum instructione. Ceteri quoque fideles omnes sive viri, sive feminæ, sive senes, sive juvenes huic præcepto subjecti sunt, nemine, neque ipso summo Pontifice excepto.

II. QUEST. II. *Quænam sunt cause ab hoc præcepto excusantes?* RESP. I. Est impotentia physica, quando omni adhibita diligentia Confessarius reperiri nequit. Impotentia quoque moralis, quando nempe absque gravissimo incommodo reperiri Confessarius non posset. Regula præcisa hujuscem impotentiarum moralis præscribi nequit. Iter unius & alterius diei excusabit puellam, secus hominem. Quare prudentis arbitrio hoc relinquitur. Vix hoc accidere potest in regionibus nostris, ubi Confessarii abundant.

III. Grave periculum famæ, honoris, vel fortunæ excusat quoque ab istius præcepti observantia: quia lex ecclesiastica cum tanto periculo non obstringit. Detrimentum tamen famæ, vel honoris, quod subire deberes apud Confessarium, qui de te optimam conceperat opinionem, te non excusaret a præcepto implendo.

IV. QUEST. III. *Fidelis qui ignorat idioma confessarii, tenetur ne confiteri per interpretem?* RESP. Negat communis & vera sententia, præceptum ecclesiasticum obligare cum

cum tanto onore. In articulo vero mortis divinum præceptum urgere etiam per interpretem ad confessionem mihi videtur valde probabile, & est doctrina S. Thomæ in *Suppl. q. 9. ar. 3. ad 2.* Immo probabilius mihi videtur Sacerdotem in peccato mortali existentem, & volentem celebrare præcepto divino obstringi ad confessionem per interpretem prudentem & probum, si adsit. Scio plurimos Theologos oppositum docere; sed ratio quam produnt, non videtur convincere. Supplendum, inquit, est per contritionem justificantem. At isti ipsi Theologi docent contritionem donum esse adeo rarum, ut nolint eam esse necessariam ad confessionem: & nunc illam obviā omnibus prohibent. Detrimentum famæ quod opponitur, nullius est momenti. Nam æque interpres, ac Confessarius sigillo sacro obstringuntur. Quid quod communiter homines sua peccata communicant aliis, nulla urgente necessitate? Et ut in tuto collocent salutem suam, divinumque præceptum impleant, famæ detrimentum opponunt? Verum hoc raro contingit: idcirco longiorem non postulat distinctionem.

V. Mutus, qui nequit voce, debet per natus, aut scripturam confiteri, ut probabilior, & communior sententia docet.

VI. QUÆST. IV. Quæ pœnae sunt omittentibus implere præceptum annua confessionis? RESP. Jure communi nulla pœna imponitur ipso facto incurrenda. Nam in cap. *Utriusque sexus* solum arcentur transgressores ab ingressu Ecclesiæ, & ab ecclesiastica sepultura post judicis sententiam. Plures tamen Epilcopi in suis diœcesis ferunt excommunicationem ipso facto incurrandam in transgressores hujus præcepti, vel utriusque confessionis, & communionis. Quam excommunicationem incurront etiam illi qui faciunt confessionem voluntarie nullam. Pueri tamen ante annum decimum omittentes hoc præceptum excommunicationem non contrahunt. Huic excommunicationi subjectæ sunt meretrices, quia tenentur se se convertere.

C A P U T IV.

De communione paschali.

I. QUÆST. I. Datuſ ne præceptum communionis paschalis? RESP. Adfīmant omnes catholici, latumque est in Concilio Lateranensi cap. *Utriusque se-*

xus. Hoc præceptum obligat solos fideles baptizatos. Hæretici huic præcepto subditi sunt, quatenus redire in Ecclesiæ sinum astringuntur. Antiquitus infantes statim post Baptisma sacram recipiebant Eucharistiam; & hæc disciplina, qua pluribus obtinuit scelus, solum post *III.* penitus exolevit.

II. In præsentia disputant Theologi, quo anno ætatis accedere pueri ad communionem teneantur. P. Suarez cum pluribus alis designat annum duodecimum. Quia sacramentum Eucharistiae dignius est sacramento Pœnitentiae: & hoc præ illo magis necessarium est. Verum mihi probabilius videtur tempus illud quod opportunum judicatur pro confessione, aptum esse pro communione. Immo facilius suadetur infanti adoratio, & fides Eucharistiae, quam instruatur pro confessione peragenda. Conceptionem doloris, & firmi propositi non adeo facile infantes percipiunt. Quare si circiter septennium vel octennium judicantur habiles pro confessione, habiliores erunt pro communione. Accedit quod hæc nostra sententia perspicue eruitur ex Concilio Lateranensi, & Tridentino, & Cathechismo Tridentino par. 2. n. 63.

III. QUÆST. II. Qua anni parte urget hoc præceptum? RESP. Ecclesiæ initio communio quotidiana erat: defervescente fidelium caritate fuit trina, & tandem unica sub præcepto. Tempus præcepti istius implendi est paschale, ut ex Lateranensi colligitur: *Ad minus in Pascha.* Paschatis nomine quindecim dierum spatium comprehenditur. De consilio tamen Confessarii ultra tempus paschale differri observantia hujus præcepti potest, ut omnes fatentur. Quare si Confessarius non deprehendit pœnitentem satis dispositum pro obtainenda absolutione, differre illam potest donec eundem ex certis moraliter signis contritum agnoscat. Qui vero absque consilio Sacerdos omisit communionem five ex impotentialia, five ex malitia, five ex obliuione, cum primum potest, implere communionis paschalis præceptum astringitur, ut communior, & probabilior sententia docet.

IV. QUÆST. III. An qui prævidet se non posse infra intervalum paschale communionem fuscipere, teneatur illam anticipare? RESP. Negant Suarez, Azorius, Reginaldus, Ghetius, Leander, & alii apud ipsum. Contraria sententia mihi probabilior est. Quoniam dum præceptum in primis jubet substantiam actus, deinde circumstantiam ejusdem, si u-

trumque impleri nequit, saltem ponenda est actus substantia. Porro quod primum imponit mandatum, est communio semel in anno. *Nisi manducaveritis carnem Filii hominis, & biberitis ejus sanguinem, non habebitis vitam in vobis.* Secundario vero prescribit circumstantiam temporis paschalis. Ergo qui prævidet non posse se hanc circumstantiam exequi, tenetur prævenire, & anticipare communionem, ut observet substantiam, & quod primum præceptum imponit. Idem dictum est de præcepto annuae confessionis. Similiter qui prævidet circa mediodiem impediendum fore ab audiendo Sacro, tenetur cum potest summo mane Sacrum audire.

V. QUEST. iv. *An qui indigne communicant, hoc præceptum impleant?* RESP. Sententia affirmans damnata ab Alex. VII. fuit, ut patet ex thesi supra scripta.

VI. Excommunicati, & interdicti excusantur a sumptione Eucharistiae, dummodo ipsi in causa non sint cur a censuris non absolvantur. Si autem ipsi sua contumacia obicem ponunt ne absolvantur, tunc ipsi peccant contra hoc præceptum.

VII. Quilibet parochianus tenetur in sua propria parochia communionem sumere, aut alibi de licentia proprii Parochi. Sacerdotes tamen celebrantes in quacumque Ecclesia implent hoc præceptum. Regulares & in mortis articulo, & in tempore Paschatis suis familiaribus, & servitoribus in suis Monasteriis, & locis a Parochorum jurisdictione exemptis administrare valent Eucharistiam. Item contendunt nonnulli, posse Regulares tempore paschali saecularibus administrare Eucharistiam pro præcepto impledio, & adducunt privilegia Nicolai V. & Iulii II. Sed privilegia haec commentitia mihi sunt, nec in Ballariis reperiuntur. Idcirco rejicienda omnino sunt tamquam praxi universali contraria; sicuti rejicienda est opinio docentium, in articulo mortis posse Regulares administrare laicos Eucharistiam per modum Viatici. Allegata quippe privilegia Pauli IV. apocrypha sunt. Solum Parocco deficiente, Regulares, & singuli Sacerdotes administrare in articulo mortis viaticum fidelibus valent.

VIII. Advenæ, & peregrini qui ad proprias Parochias redire nequeunt, Paschatis tempore satisfaciunt præcepto communionis paschalis in quacumque Ecclesia five Regulare, five aliorum Sacerdotum, si sufficiuntur.

plant Eucharistiam a Sacerdotibus facultatem habentibus illam administrandi. Plura alia dicentur de sacramentis Pœnitentiæ & Eucharistiae.

DISSERTATIO IV.

De decimis quinto Ecclesiæ præcepto impositis.

CAPUT I.

Decimarum nōtio, origo, & solvendarum obligatio.

I. QUEST. i. *Quid sint decime, & quænam earum origo?* RESP. Decima est illa fructuum pars quæ quotannis Ecclesiæ ministris persolvitur. Decima nuncupatur, quia est omnium bonorum mobilium, five fructuum jure quæsitorum pars decima. Decimam origo quamcumque legem scriptam antecedit. Abraham quippe ante legem Mosaicam decimas solvit Sacerdoti Melchisedech. Lex enim ipsa naturalis suggerit alegendos esse Sacerdotes divino cultui applicatos, & pro populo apud Deum precantes, & intercedentes peccatorum remissionem. Lex autem positiva, seu scripta definitivit hanc alimentorum quantitatem debere esse decimam bonorum mobilium partem.

II. QUEST. ii. *Quos sint decimarum genera?* RESP. Tribuuntur communiter in *reales, personales, & mixtas.* *Reales*, seu *prediales* solvuntur de fructibus prædiorum, agrorum, vinearum, pratorum, hortorum, arborum, domorum locatum, silvarum. *Prædia*, alia quæ semper fuerunt culta; alia quæ vocantur *novalia*, quæ nempe ex hominum memoria ante culta non fuerunt. *Personales* sunt quæ solvuntur ex bonis propria industria, puta militia, negotiatione, scientia, officio, & quavis alia arte acquisitis. *Mixtae* partim reales sunt, partim personales. *Prediales* dividuntur in *majores*, quæ de frumento, vino, & oleo solvuntur; & in *minores*, quæ de vitulis, agnis, pullis, butyro, caseo, leguminibus, & hortorum fructibus offeruntur. Tandem aliæ *ecclesiastice*, quas ministris Ecclesiæ pro eorum sustentatione populus solvit; aliæ *laicales*, quæ ex concessione Ecclesiæ a laicis percipiuntur.

III. QUEST. iii. *An jure tantum ecclesiastico decime in lege gratie solvantur?*

RESP.

RESP. Sermo est de decimarum quantitate, quam Canonistæ aliqui contendunt esse juris divini. Quam opinionem omnino falsam improbant Theologi plures defendantes hanc quantitatis determinationem esse juris ecclesiastici. Quamobrem confuetudine abrogari posset debitum decimarum, si alia via provisum ministris Ecclesiae esset. Quia cestante titulo, cessat debitum. Titulus decimarum est sustentatio ministrorum. Ergo si aliunde ministri haberent unde viverent, jam cessaret titulus decimarum. Verum hoc nunquam eveniet. Consuetudo dumtaxat obtinet quod decimæ solvantur ex his rebus, non item ex aliis.

IV. QUÆST. IV. *Quinam solvere decimas debent?* RESP. Omnes fideles baptizati vi juris communis per se loquendo, nisi aliquo fruanter privilegio, ad solvendas decimas astringuntur. Heinc infideles, Turcæ, Judæi, ceterique qui baptizati non sunt, decimarum oneri non subjiciuntur, si sermo sit de decimis personalibus. Nam si infideles prædia possiderent in provinciis subjectis Principibus christianis, decimas pendere tenentur, quæ talia prædia consequuntur. Summus Pontifex, & Episcopi decimas personales solvere non tenentur. Pontifices vero solvere decimas prædiales tenentur de illis terris, & fundis, quos possident titulo patrimonii privati temporalis. Quoniam onus istud reale est prædiis annexum, solvendum illis Parochis intra quorum territorium prædia constituta sunt. Idem potiori jure dicendum de Episcopis est. De prædiis Episcopatus solvere decimas non debent, sed solum de prædiis quæ titulo hereditatis possident. Idem quoque dicendum de Parochis & Curatis est. Clerici simplices tenentur decimas solvere tum personales, tum reales. Quoniam decimæ personales debentur ratione sacramentorum, quæ Clerici a Parochis suscipiunt. Duplii titulo lucrari Clerici valent, nempe spirituali Missam celebrando, aut defunctorum cadavera sepeliendo &c. & de his solvere decimas non astringuntur; & temporali, seu profano, & de his quæ hac industria lucrantur, offerre decimas tenentur. Pauperes gravi, vel extrema necessitate laborantes a decimarum solutione liberi sunt. Qui vero sunt in communi paupertate, non eximuntur a decimarum solutione, sicuti non liberantur a pendendo Regi tributo. Cavendum autem est ne effingatur paupertas gravis ubi non est.

V. Regulares vi suorum privilegiorum exempti sunt a solvendis decimis non solum de novalibus, sed etiam de aliis terris ante & post Concilium Lateranense acquisitis propriisque sumptibus cultis, ut communis sententia docet, & aperte declaratum est in textu cap. *Audientiam*. De terris vero traditis colonis colendis solvere decimas tenentur, dum coloni propriis sumptibus terras excolunt. Contendunt Salmantenses, exemptiones esse Regulares etiam a pendendis decimis de illis prædiis quæ ipsi Religiosi conducunt, aut in emphyteusim accipiunt, propriisque sumptibus, aut manibus excolunt, & adducunt ex Garcia privilegium Martini V. cuidam Ordini concessum, & per communicationem ad ceteros Ordines amplificatum. Hæc communicatio utpote odiosa & noxia juri Parochorum, rejicienda est. Quare dicta opinio Salmantensem, & aliorum plurium non mihi videtur vera.

C A P U T II.

De quibus rebus decimæ tam personales, quam prædiales, quoque tempore solvi debeant.

I. QUÆST. I. *De quibus lucris solvenda decimæ personales sint?* RESP. De omnibus proventibus per industriam acquisitis decimæ solvenda vi juris communis sunt, ut omnes Canonistæ, & Theologi docent. Quare omnes mercatores, milites, advocati, notarii, judices, venatores, pescatores, artifices, famuli, & ancillæ, de lucris, & mercede acquista ad decimas tenentur. De turpi vero lucro, ut de meretricio, Ecclesia non recipit decimas, ne videatur peccato consentire.

II. Recensitæ decimæ, quæ vi juris communis debentur, vi oppositæ consuetudinis omnes abrogatae sunt, & nullibi jam solvuntur. Si alicubi tamen solvantur, patriæ mos servandus est.

III. QUÆST. II. *De quibus rebus decimæ prædiales solvenda sunt?* RESP. Vi juris communis Ecclesiae decimæ debentur de omnibus terra fructibus, etiam de pratis, de pastuis, de lino, canapo, de auri, argenteique fodinis, de proventibus domorum, molendorum, clibanorum; verum hodie de his omnibus, aliisque decimæ non penduntur. Quare cujuscumque patriæ consuetudo servanda est.

IV. QUEST. III. *An peccant qui decimas non solvunt?* RESP. Solutio decimarum, quibus aluntur Ecclesiæ ministri, est actus iustitiae, & quatenus Deo offeruntur, est actus Religionis. Quare qui easdem defraudant, peccant tum contra iustitiam, tum contra Religionem.

V. QUEST. IV. *Latæ ne sunt aliqua pœna contra defraudantes decimas?* RESP. Latam esse pœnam excommunicationis, quam ipso facto incurrit, docet Rebussus, cuius opinio falsa est, ut ex Tridentino sess. 25. cap. 12. colligitur. Qui decimas aut subtrahunt, aut impediunt, excommunicentur; nec de hoc criminе, nisi plena restitutione secura, absolvantur. Non ergo decimorum defraudatores sunt ipso facto excommunicati, sed excommunicari jure valent. Huic enim pœna contumacia præire debet. Qui fructus non decimatos furatur, ad restitutionem tenetur, sicut & illi qui comburunt segetes, ceterosque fructus terræ.

VI. QUEST. V. *Quibus Ecclesiæ, & personis solvenda decima sunt?* RESP. Olim solvabantur cœtui clericorum, quorum distributor erat loci Episcopus, qui Ecclesiæ ministris easdem distribuebat. Facta bonorum distributione, jure communii hodierno solis Parochis decima debentur. Olim Episcopis Quarta debebatur; sed vi juris hodierni nulla decimorum portio Episcopis solvitur. Quando vero prædia non sunt alicui Ecclesiæ adnexa, vel sunt adfixa Ecclesiæ cathedrali cuius Parochus sit ipse Episcopus, tunc huic solvenda decima sunt.

VII. Ut paucis rem perstringam, fideles diligentes & prompti sint in decimis redendis juxta consuetudinem hodiernam cuiuscumque patriæ, ut mercedem a Deo recipiant, qui in præmium etiam temporale terras secundabit, ut cap. 3. Malachias Prophetæ spondet. *Inferte omnem decimam in horreum, & sit cibus in domo mea: & probate me super hoc, dicit Dominus, si non aperuero vobis cataractas celi, & effuderò vobis benedictionem usque ad abundantiam, & increpabo pro vobis devorantem, & non corrumper fructum terre vestre: nec erit sterilia vinea in agro, dicit Dominus exercituum.* Et beatos vos dicent omnes gentes: *eritis enim vos terra desiderabilis, dicit Dominus exercituum.* Peccant fideles decimorum solutionem omittentes; sed gravius peccant ministri Dei quoties eisdem decimis abutuntur, quoties quod victui, & vestitui superest, non distribuunt pauperibus.

C A P U T III.

De primitiis.

I. **M**Ultiplex primitiarum significatio. 1. Temporis initia prodit, ut inquit Rom. 8. S. Paulus: *Nos ipsi primitias spiritus habentes.* 2. Dignitatem quamdam præfert, & peculiarem bonitatem, ut fructus terræ selectiores, & præstantiores. Primitia, de quibus nunc sermo est, sunt primi fructus agrorum, & arborum, qui Deo offeruntur, de quibus S. Thomas 2. 2. q. 86. fuit loquitur.

II. Primitia a decimis distinguuntur, quod hæ in ministeriorum Ecclesiæ sustentationem, & pauperum subsidium exhibeantur; illæ vero in grati animi argumentum pro acceptis beneficiis Deo offeruntur.

III. Omnes fere gentes naturali lumine perfusaæ aliquid frugum Deo offerre in more habent, ut advertit Angelicus loc. cit. a. 4. In veteri lege fuisse preceptum a Deo impositum filiis Israel de primitiarum oblatione, aperta Scripturarum testimonia declarant, ut habetur Exod. c. 22. & 23.

IV. In lege gratiæ jus divinum non imponit solutionem primitiarum: fuit olim præceptum ecclesiasticum, sed nunc consuetudine abrogatum est experientia teste.

V. Oblatio ad Deum relata comprehendit sacrificium, decimas, primitias, easque res omnes quas fideles sponte in divinum cultum conferunt. Quæ vero liberaliter Dei ministris donantur in sustentationem, oblationes proprie nuncupantur. Oblationes quæ a fidelibus sunt, soli Parochio debentur, sive fiant intra, sive extra Ecclesiam. Similiter oblationes factæ sacris imaginibus in facellis aliquibus pertinent ad Parochum illius parochiæ in qua sunt imagines. Item si imago sit depicta in pariete alicujus domus, per quam patrare Deus miracula vellet, oblationes eidem factæ ad Parochum attinent. Si plura de primitiis scire cupis, consulite S. Thomam loc. cit. & Tom. 5. Theol. Christi lib. 3. diss. 2.

LIBER VIII.

DE OFFICIIS HOMINUM, SEU DE ACTIBUS
HUMANIS, ATQUE DE LEGE TUM NA-
TURALI, TUM POSITIVA: ITEM
DE VITIIS, ET PECCATIS.

DISSERTATIO I.

De officiis hominum.

CAPUT I.

De officiis voluntariis, & liberis.

I. QUÆST. I. *Quid sit officium voluntarium?* RESP. Est actus a principio intrinseco procedens cum cognitione finis. Primæ particulæ distinguunt motum voluntarium a motu per vim, aut per artem producto, seu a motu violento, & artificiali, qui a principio extrinseco proficiuntur. Ultimæ particulæ cum cognitione finis prese- accipiendæ sunt prout cognoscitur finis ut finis, seu ut bonum movens voluntatem, & ut respectum explicans ad mediorum proportionem cum eodem fine. Heinc actiones brutorum non sunt voluntariae: quia licet ab intrinseco manent, carent tamen cognitione comparante finem cum mediis.

II. QUÆST. II. *Quotuplex voluntarium?* RESP. Multiplex. Aliud *in actu*, quod est actio ipsa egrediens a principio intrinseco cum cognitione finis; aliud *in potestate*, quatenus in voluntate continetur. Tribuitur deinde voluntarium *in elicitorum*, quod a voluntate immediate producitur; & in *imperatorem*, quod voluntate imperante ab aliis potentiis efficitur. Rursum voluntarium aliud *directum*, quod voluntatis reali influxu producitur; aliud *indirectum*, seu interpretativum, quod ex omissione, qua non impedit quis, cum possit & teneatur, resultat. Tandem voluntarium aliud *perfectum*, aliud *imperfectum*; aliud *necessarium*, aliud *liberum*. Necessarium dupli ex capite oritur: aut ex perfectissima cognitione summi boni clare visi, & posse, ut est amor beatorum; aut ex imperfectissima apprehensione finis, ut est brutorum appetitio necessaria, & imperfecte voluntaria.

III. Omissio non est voluntaria absque omni actu voluntatis vel præcedente, vel comitante. Ut omissio sit vitiosa, antecedat præceptum seu debitum illam evitandi

oportet. Absque præcepto tamen voluntaria esse potest, & meritoria, ut patet in omissione nubendi, vescendi cibis delicioribus, aliisque similibus.

IV. QUÆST. III. *Quot sint involuntariæ cause?* RESP. Quatuor. 1. Violentia, 2. metus, 3. concupiscentia, 4. ignorantia. Violentia parit involuntarium, cum vis extrinseca infertur. Duo requiruntur ad violentiam: alterum, quod principium vim inferens sit extraneum; alterum quod qui vim patitur, resistat: si enim indifferens esset, vim non pateretur.

V. QUÆST. IV. *Quomodo ea que sunt ex metu, sunt involuntaria?* RESP. Metus est mentis trepidatio instantis periculi causa. Alius metus justus, qui grave malum probabiliter objicit menti, & dicitur *cadens in virum constantem*, quia etiam viri fortes ejusmodi metu percussuntur. Gravitas metus a diversitate etiam personarum sumitur. Metus qui respectu viri levis est, respectu mulieris, vel pueri potest esse gravis. Metus dupliciter se habere potest respectu agentis timidi: vel tamquam causa moraliter movens ad agendum, vel omittendum; vel concomitante, quando revera non est causa cur homo agat, vel omittat; sed tantum comittatur actionem, qua fit cum metu, sed non ex metu.

VI. Responsio communis ad quæsumum est. Ea que sunt ex metu, simpliciter sunt voluntaria; sunt vero involuntaria secundum quid, ut fuse cap. 2. q. 6. art. 6. explicat S. Thomas. Hinc contractus celebrati ex metu, jure naturæ sunt validi, quia voluntarii simpliciter, & liberi.

VII. QUÆST. V. *Quæ sunt ex concupiscentia, sunt ne involuntaria?* RESP. Concupiscentia duplex: altera antecedens, qua præcedit voluntatis actum, estque ejusdem causa; altera consequens, qua actionem voluntatis consequitur. Hæc non diminuit, sed auger voluntarium actionis quam consequitur. Concupiscentia vero antecedens potest diminuere voluntarium quatenus liberum est, quia obscurare, dum vehementer est, judicium potest, & diminuere ejusdem indifferentiam, atque adeo malitiam. Ceterum illa voluntarium ut voluntarium præcisum a libero non minuit, sed auger, ut docet loc. cit. art. 7. Angelicus.

VIII. Ignorantia antecedens & invincibilis auferit voluntarium, & liberum, secus ignorantia consequens, & vincibilis. Hæc minuere, minime tollere voluntarium potest.

Verum quia de ignorantia fuse egimus supra, ideo ab eadem nunc abstinemus.

IX. QUÆST. VI. *Quid requiritur ut voluntas libere agat?* RESP. Si plura de libertate cupis, lege Tom. 6. lib. 1. diff. 1. cap. 6. Pancis nunc rem expediam. Tria requiruntur ad libertatem: 1. ut voluntas sit activa, tam seipsum, tum ceteras facultates movens ut causa princeps; 2. ut sit indifferentia ad agendum, & non agendum, ad agendum hoc, vel illud; 3. ut plenum suorum actionum dominium habeat, sive iste elicitæ sint, sive imperatae. Vera hæc omnia sunt; sed quia vera istius indifferentia notio, & unde dimanet, non explicatur, idcirco perpetuae lites fervent. Quoniam dum voluntas & a se, & a Deo ad operandum determinata infallibiliter operatur, & fieri nequit ut non operetur, præsupposita libera determinatione, clamitant multi veram libertatis notionem ignorantes, liberam non esse voluntatem: quia indifferens non est, inquiunt, ad elicendum actum contrarium. Dico, numquam voluntatem sua privari libertate, nisi auferatur judicij indifferentia, quæ est radix proxima libertatis. Indifferentis autem judicij causa est immaterialitas, seu spiritualitas animæ, ut 1. 2. qu. 17. art. 1. ad 2. S. Thomas docet. Clarius rem explico. Ratio voluntati objectum proponit ut bonum finitum, & limitatum, quod æquare ejusdem voluntatis amplitudinem nequit. Si bonum finitum est, ergo cum indifferentia proponitur ab intellectus judicio, atque adeo acceptari, vel respici a voluntate potest. Præter hoc primum judicium proponens bonum cum indifferentia, intervenit aliud quod practicum appellatur. Quoniam in qualibet actione deliberata quadam syllogistica rationcinatio occurrit, ut ista. Bonum amandum est: hoc est bonum: ergo amandum. Secunda propositio expendi solet, quia de prima nemo ambigit. Et expensis in utramque partem rationibus evincitibus hoc revera bonum esse, & conveniens hic & nunc voluntati, judicium practicum decernit tale bonum esse eligendum. Nec quidquam præjudicij interfert libertati, quod post media proposita cum indifferentia eligenda, peracta consultatione voluntas certo eligat bonum per judicium practicum determinatum. Quoniam libertas consurgit ex collectione actuum, & consultatione præcedente hoc practicum judicium, quod infallibiliter voluntatis operatio libere consequitur, ut perspicue S. Thomas q. 24. de verit. art. 2. explicat. Unde

legitime sequitur, posita indifferentia judicij, libertatem perfectam integrumque confistere. Quoniam si judicij indifferentia causa proxima libertatis est, fieri nequit ut, consistente hac judicij indifferentia, non consistat libertas. Clarius mox hoc patebit.

X. QUÆST. VII. *Utrum ex parte solius objecti profiscatur voluntatis necessitas?* RESP. Quia multi diversas, variasque libertatis notiones sibi effingunt, idcirco lites, & jurgia fervent. Plurimi considerant libertatem veluti bilancem inter duo pondera, quasi in æquilibrio ad alterutram partem, seu in quædam indifferentia sola subjectiva ad utrumque extremum. Sub hoc aspectu bruta ipsa libera dicenda forent, cum certum sit in illud indifferentiam subjectivam ad fugam, & prosecutionem reperiri. Præ oculis ergo semper habenda est vera & germana libertatis notio, sita in ratione proponente bonum cum indifferentia jam explicata. Hæc autem indifferentia auferri nequit, nisi duobus modis. Primo si ratio ipsa tollatur, ut contingit in amentibus. Secundo si bonum infinitum clare visum proponatur, quod æquet, & superet ipsam voluntatis amplitudinem. In his duobus casibus libertas perit. Homo in amentiam lapsus eamdem omnino indifferentiam subjectivam voluntatis retinet quam ante amentiam habebat. At quia ratione ordinante proponente objecta caret, libertate destitutus est.

XI. Heinc evidentissime consequitur voluntatem humanam ratione descripta ornatam a sola infinita bonitate objectiva clare visa necessitatem posse suscipere. Quoniam hæc sola infinita bonitas indifferentiam auferit judicij, cum expletat, & superet voluntatis sphæram. Ergo quacunque motionis efficacitate Deus præveniat, & prædeterminet voluntatem nullam eidem imprimit necessitatem. Quid? Numquid Deus imprimeret necessitatem voluntati nequit? Valer sane, sed libertatis causam, nempe judicij indifferentiam destruendo. Ceterum usque dum ratio, & indifferentia judicij non auferuntur, illæsa consistant libertatis jura necessum est. Qui enim vult primum, & alterum velit oportet cum eodem induisse conexum. Hæc autem indifferentia judicij tolli non potest nisi per claram infiniti boni visionem. Bonum enim finitum, & limitatum inferius est voluntatis capacitate, & latitudine: idcirco cum indifferentia ad illud respuendum, & amplectendum ab intellectu proponitur. Quocumque igitur auxilio, quantum

tum vis efficacissimo Deus moveat voluntatem, promoveat, & prædeterminet; nullam necessitatem imprimere eidem valet, nisi vel auferat judicij indifferentiam, vel eidem proponat bonum infinitum clare visum. Quid igitur jurgantur, quid clamitant gratiam natura efficacem libertatem lñdere? Clamores isti, & oppositiones ex ignorantia notionis libertatis humanæ profiscuntur. Invidiam conflare student huic voci prædeterminatio doctrinæ S. Augustini oppugnatores, comparantes hominem a Deo prædeterminatum homini catenis ligatum: quo nihil ineptius, nihil inscitius excogitari potest. Sed omnes istorum oppositiones profiscuntur, ut dixi, ex veræ libertatis humanæ notionis ignorantia. Si enim Deus intrinsecus voluntatem movet, ut de fide certum est, profecto, cum sit primum movens, illam præmoveat oportet. Movet vero illam auxilio non versatili, non ductili in utramque partem, & ab humana voluntate determinabili, alioquin voluntas esset primum determinans; sed auxilio, & gratia sanante, & determinante ad bonum. Et quo gratia hæc efficacior est, eo liberior voluntas evadit. Impossibile enim est ut voluntas necessitatem recipiat ex parte principii operantis, nisi tollatur judicij indifference. Hoc autem judicium indifferens Deus non modo non tollit, sed lumine cælesti perfundit, perficitque ut discernere bonum a malo queat, & sub hoc judicio indifferentia sua efficacissima, & potentissima gratia voluntatem erigit, sanat, determinaque.

XII. Heinc est quod Lutherus, Calvinus, & Jansenius destrutum blasphemarunt librum arbitrium per primum peccatum Adami. Unde consequitur istorum errore posito voluntatem humanam semper necessario agente, quocumque auxilio etiam versatili moveatur, quemadmodum bruta destituta ratione, atque adeo libertate. Si plura cupis, lege Tom. 6. lib. 1. Diff. 1. c. 6. De his enim nunc plusquam sat.

XIII. QUEST. VIII. In quo sita est harmonia & ordo actuum humanorum? RESP. Duplex ordo in animæ nostræ officiis distinguitur, intentionis nempe, & executionis. Actio prima est *finis cognitio*: nil quippe voluntum, quin præcognitum. Hanc consequitur *simplex volitus*, quæ etiam velleitas, seu actio languida vocatur. Succedit postea *finis intentio*, quæ finem spectat, ut est ratio volendi media. Intentioni succedit *consilium sumum* in iudicio intellectus practici, media, quibus finis obtinetur, explorantis. In

hoc judicio includuntur duo actus, nempe *inquisitio mediorum*, & *judicium*, quo eorumdem mediorum utilitas, & convenientia cum fine judicatur. *Consilium* agendorum summopere inculcat Scriptura: *Ego sapientia in consilio habito*: Prov. 8. Consilium sequitur voluntatis consensus, quo proposita media approbantur. Post voluntas unum præ alio medium eligit, quæ actio *electio* nuncupatur. Electionem comitatur *imperium*, jubens mediorum executionem. Imperio succedit *usus activus* voluntatis. In hoc usu difficultas sita est. Postremus & nonus actus est *fructus finis*, in quo voluntas sistit, & sibi complacet.

C A P U T II.

De actuum humanorum moralitate.

I. QUEST. I. *Sita ne est actuum humanorum moralitas in libertate, an in denominatione extrinseca?* RESP. Omnes docent libertatem præcedere moralitatem, tamquam eius fundamentum, & causam effectricem. Actio enim quæ libera non est in hoc statu via, nec bona esse valet, nec mala. Hæc autem moralitas in ordine, & conformitate ad regulas morum sita est, ut Angelicus I. 2. q. 18. a. 8. docet.

II. Hæc morum regulæ duæ sunt: altera extrinseca, quæ est lex æterna Dei; altera intima, quæ est mentis ratio, sive practicum dictamen.

III. QUEST. II. *Unde actus morales species capiant?* RESP. Ab objecto. Si objectum absolute spectetur, actio ab eodem sumit bonitatem genericam. At nullum re ipsa repeatitur objectum quod non sit in aliqua specie constitutum: idcirco ab eodem actio suscipit suam specificam bonitatem, vel malitiam, quæ sunt duæ moralitatis species.

IV. Objectum & finis operis eodem recidunt, & pro eodem habentur. Finis operis intrinsecus eleemosynæ est pauperum levamen, simulque est objectum quod præbet primam speciem moralitatis. Heinc dicitur actionem speciem capere a fine, videlicet operis. Ut vero actio digna sit præmio æterno, dirigi debet ab operante in finem æternum, nempe Deum. Præter hanc primam essentialiæ bonitatem, vel malitiam occurruunt alia bonitates, vel malitiaæ accidentiales, quæ a circumstantiis suam speciem recipiunt majorem, aut minorem. Hujusmodi circumstantiae sunt sequentes:

Quis,

Quis, quid, ubi, quibus auxiliis, cur, quomodo, quando.

Quis personæ conditionem, seu gradum designat. Quid indolem actionis determinat. Ubi loci circumstantiam prodit, puta locum sacrum. Quibus auxiliis, nempe quibus instrumentis usus peccator est. Cur actionis finem significat. Quomodo qualitatem præfert actionis. Quando temporis horam designat.

V. Idem actus successive potest esse bonus, & malus, secus eodem tempore. Quare si quis furetur ut det eleemosynam, furtum illud semper est malum, quin honestari queat a fine bono. Malitia quippe qua est ex objecto, utpote essentialis, ineptum reddit actum ad suscipiendam bonitatem ex fine. Commune axioma est: sæpe sunt bona mixta malis, & mala mixta bonis. Non desunt Theologi qui hoc in eodem actu evenire contendant; ita ut idem actus bonus sit ex objecto, malus ex fine. Quæ sententia penitus falsa est. Sunt sæpe mala mixta bonis, & contra, quia plures interveniunt actus.

VI. QUEST. III. *Utrum dentur actus indifferentes in individuo?* RESP. Dari actus indifferentes ex objecto, & specie sua, affirmat communis sententia. Disputatur solum utrum in individuo detur actus indifferens ab homine deliberate agente. Negat S. Thomas 1. 2. quest. 18. art. 9. & tota ejus schola, atque celebriores Theologi. Plura sunt divinarum Scripturarum testimonia quæ negant hanc individualem, ut sic loquar, indifferiam, præcipiuntque omnia in finem honestum dirigenda. Inquit enim 1. Corintb. 10. S. Paulus: *Sive ergo manducatis, sive bibitis, sive aliud quid facitis, omnia in gloriam Dei facite: & Christus Jesus Matth. 12. ait: Dico autem vobis, quoniam omne verbum otiosum quod locuti fuerint homines, reddent rationem de eo in die iudicii.*

VII. Ratio evidens id quoque evincit. Omnis actus dicitur humanus qui ab homine deliberate agente elicitor. Homo enim, ex quo ratione prædictus sit, tenetur operi propter finem honestum. Porro aut bonus, aut malus finis est. Si bonus, bona; si malus, mala erit actio.

VIII. Sententia oppositæ patroni negant hoc luculentissimum S. Thomæ principium. Sat enim est, inquiunt, hominem agere propter commoditatem naturæ, & voluptatem sensuum. An licitum non erit appetitui humano suis frui actibus, auribus cantus sua-

vitate, & instrumentorum sonitu, oculis florū varietate, palato ciborum sapore deleteri? Hanc doctrinam damnavit Innocentius XI. Comedere, & bibere usque ad satietatem ob solam voluptatem, non est peccatum, modo non obstat valetudini: quia licet potest appetitus naturalis suis actibus frui. Altera quoque thesis in hac materia ab eodem Pontifice proscripta est: *Opus conjugii ob solam voluptatem exercitum caret culpa, ac defectu veniali.* Postremo omnis locutio otiosa mala moraliter est, ut Christus ipse testatur. Illud autem est verbum, vel opus otiosum quod aut honesta intentionis restringit, aut justa necessitatibus, vel convenientiæ ratione caret. Ergo omnis actio, vel locutio in honestum finem non directa, otiosa, atque adeo in die iudicij punienda est. Ergo nulla actio re ipsa datur quæ speccatis omnibus indifferens sit.

DISSERTATIO II.

De lege tum naturali, tum positiva.

CAPUT I.

De lege in communi. Unde suam repetat originem. Ejusdem notio, & divisio.

I. JUS pro lege, & lex pro jure usurpatum. Lex, seu jus est norma & regula actuum humanorum. Jus istud tribuitur in naturale, & positivum. Positivum in divinum, & humanum. Istud in sacrum, & profanum. Profanum in illud quod est omnibus commune, & dicitur jus gentium, & in illud quod civile nuncupatur. Civile aliud publicum, quod est publica auctoritate institutum, & respicit publicam utilitatem, & coalescit partim ex præceptis naturalibus, partim ex placitis gentium, quod idem fere est ac universale, quod omnes ferre gentes, & civitates comprehendit. Aliud vocatur particolare, quod unam gentem & populum, ut Atheniensem, Romanum, Germanum, Venetum &c. spectat.

II. Hanc legis notionem tradit 1. 2. qu. 90. art. 4. S. Thomas. Est ordinatio, inquit, rationis ad bonum commune ab eo qui curam communitatis habet, promulgata. Ordinatio haec præcipiens est, ex quo lex a consilio distinguitur. Particula ad bonum commune legem a præcepto distinguit. Ultima particula requirit legitimam potestatem in eo qui legem condit, promulgatque.

III. Acriter Theologi disputant, sit ne lex intellectus, an voluntatis actus. Verum disputatio hæc nullius momenti est. Nos cum S. Thoma, ejusque schola ad intellectum pertinere asterimus.

IV. Promulgandam legem esse, docent omnes, ut obligandi vim obtineat. Porro juxta legum diversitatem varia reperitur promulgationis ratio. Lex aeterna promulgatur divina illustratione. Lex naturalis lumen est in hominum frontibus signatum. Lex divina positiva modo promulgatur interna revelatione, qua Deus multa Prophetis manifestavit; modo exteriori solemnitate, ut lex Mosaica in monte Sinai, & lex evangelica in die Pentecostes.

V. Promulgatio hæc conditio necessaria est. De modo promulgationis dissident autores, num videlicet in sola Regia, an in singulis provinciis fieri debeat. Si praxis spectetur, leges Conciliorum in singulis diocesisbus promulgari solent. Hoc tamen non impedit quoniam leges pontificiæ Romæ solemniter promulgatae obligent omnes continuo, ac subditæ moraliter certi sunt legem Romæ promulgatam esse. Principes supremi lege justa, & legitime promulgata cogere subditos valent ad tales legem acceptandam: quoniam inquit *ad Romanos 13*. S. Paulus: *Omnis anima potestatis sublimioribus subdita sit. Non est enim potestas nisi a Deo. Que autem sunt a Deo, ordinata sunt. Itaque qui resistit potestati, Dei ordinationi resistit.* Peculiari vero ratione summus Pontifex, potest leges ferre, non expectato consensu, & justas leges singulari obligatione acceptare subditæ fideles astrin- guntur.

VI. Notanda propositio damnata est ab Alex. VII. in hac thesi: *Populus non peccat, etiam si absque ulla causa non recipiat legem a Principe promulgatam.* Legem non acceptatam invalidam evadere docet nonne- mo, unde insert non peccare eum qui contra eamdem operatur. Etiam hic error proscriptus est.

VII. QUÆST. UNIC. *Sit ne in Deo lex aeterna, & quid sit lex ista?* RESP. In qualibet Republica bene instituta reperitur legislator, qui omnia administrat in bonum commune. Deus autem est supremus Princeps totius universi, qui sua indefectibili & immobili lege omnia dirigit, & disponit. Iltius autem legis notionem tradit 1. 2. q. 93. a. 1. S. Thomas inquiens: *Lex aeterna dicitur ratio divine sapientie, secundum quod est di-*

rectiva omnium actionum, & motionum creaturarum in ordine ad bonum commune totius universi. Dupliciter accipi hæc lex potest. Primo pro ipsa passiva creaturarum directio- ne; & hoc in sensu temporanea, non æterna lex est. Secundo active ex parte Dei; & sub hoc respectu æterna est in Deo existens.

C A P U T II.

De lego naturali, & preceptis in eadem contentis. De ejusdem immutabilitate, & dispensatione.

I. Q UÆST. I. *Quid sit lex naturalis?* RESP. Sub duplice considerari aspe- ctu potest, hominis, & Dei. Respec- tu hominis duplē profit respectum: alterum objectivum, qui est ordo ille qui ipsis rebus inheret, de quo infra; alterum formalem ipsi intellectui harentem, & est lu- men illud quo ordo ipsis rebus affixus con- gnoscat. Respectu Dei auctoris legis natu- ralis duplex quoque in eadem lege respectus concipitur: alter objectivus, qui est ipsa es- sentia divina, idea archetypa & exemplaris omnium ordinum, rerumque creatarum; alter formalis, qui est ipsa æterna ratio, qua Deus suam infinitam essentiam, omnesque ordines, & rerum relationes cum eadem ne- cessario connexas contemplando, omnia de- cernit, præcipit, aut vetat juxta ordinem, relationem, aut repugnantiam cum eadem sua essentia.

II. Aliqui pro eodem accipiunt legem na- turalem, synderesim, & conscientiam; que tria tamen maxime differunt. Nam lex naturalis est ordinatio rationis nobis a Deo im- pressa; synderesis est lumen quo ipsam di- vinam ordinationem cognoscimus; con- scientia vero est practicum dictamen intellectus, quo legem ipsam applicamus, & judicamus quid hic & nunc agendum sit. Synderesis versatur circa ipsa principia generalia absque ullo discursu, que ignorare nemo valet, ut *bonum est amandum, malum fugiendum.* Con- scientia contra medio *syllogismo pratico* suas elicit conclusiones. Heinc tot conscientiaz, quot homines. Lex vero naturalis eadem semper est.

III. Lex naturalis non est habitus pro- prius acceptus, neque potentia, neque actus; sed propositiones universales, non enuntiati- væ, ut sunt propositiones intellectus specu- lativi, sed intellectus practici, præcipientes bonum, & vetantes malum. Haec proposicio- nes,

nes, seu hæc dictata sunt nobis insita ab ipso Deo, sunque participationes legis æternæ Dei; & quamquam habitus, non sint, fixæ tamen sunt, constantes, & immobiles. Lex ista eo spectat ut hominem imbuat in cognitione veri practici, non meditandi, sed exequendi.

IV. Ex pictura delineata legis naturalis hæc ejusdem notio, seu descriptio colligi potest: *Lex naturalis est rationis practica in bonum commune ordinatio, menti nostræ a Deo indita, eaque præcipiens, aut vetans quæ lumine naturali cognosci possunt.* Descriptio ex iis quæ dicta sunt, patet. Quælibet lex est rationis practicæ ordinatio in bonum commune. Legis autem naturalis differentia propria est quod menti nostræ a Deo impressa sit, & quod ea præcipiat, aut vetet quæ lumine naturali cognoscuntur. Hæc lex naturalis in nobis participative lex est secundaria, & proxima, quæ dirigit operationes nostras per conformitatem ad primam regulam, nempe ad legem æternam Dei, ut i. 2. q. 71. a. 6. ad 4. docet S. Thomas.

V. QUÆST. II. *Utrum detur homo exlex, & an bonitas, & turpitudo instat rebus ante omnem legem formalem?* RESP. Homo natura sua exlex nuncupatur qui nulla lege ante suam liberam determinationem obstringitur, sed ei pro ratione & lege stat sua voluntas. Hominem hunc repugnare asserimus, quia ante ejus liberam determinationem infunti intrinsecus rebus, seu officiis bonitas, aut malitia. Bonum sirum in ordine est, remque cui inest, perficit. Malum in recessu ab ordine residet, eamdenique rem inficit. Si res omnes ante quamcumque legem formalem indifferentes essent, homo natura sua esset exlex: quia obligatione conformandi actiones suas ad res ipsas ordine directas minime astringeretur. Obligatio enim connexionis est actionis cum ordine rebus ipsis hærente.

VI. Ut Iuculentius hunc ordinem concipiatis, omnia cum Angelico revocanda sunt ad unum. Hoc primum unum est divina natura, quæ Dei intellectum, & voluntatem præcedere concipitur, & est rerum omnium fons, & exemplar. Omnia creata ad hanc divinam naturam, tamquam ad primam normam, essentialē ordinem, & subjectionem exprimunt. Deus hanc suam essentialē contemplans videt quæ necessariam connexionem cum eadem habent, & hæc ut honesta probat, & præcipit: videt similiiter illa quæ cum eadem pugnant, & hæc

Tom. I.

ut turpia seu mala improbat. Hæc sunt prima principia.

VII. Hinc sponte & necessario consequitur, homines constitutos in aliqua remotissima insula, absque ullo superiore, vel Principe dirigente, non esse ex leges, sed omnes subjectos esse ordini isti, qui omnia in principium primum dirigit, eosque homines subjicit huic naturali ordinationi, quæ bonum commune spectat. Singuli itaque homines quocumque in loco constituti, licet Princeps carerent, essent subjecti legi naturali, & illorum quisque evitare deberet ea quæ huic legi repugnant, & exequi ea quæ ordini sunt conformia. Nemo alterum lèdere jure posset; & laetus deberet patienter perferre injuriam, nec quidquam agere deberet quod hunc ordinem turbaret. Hæc omnia servanda essent, sola naturali lege spectata. Quid quod Adamo primo homine creato legem Deus tulit, qua naturalem confirmavit, impresumque hominum animis? Omnes autem homines a Deo creati huic divinæ legi subjecti sunt: & ea omnia exequi naturali, & divino jure astringuntur quæ homines ipsos Deo conjungunt, eosque mutuo pacificos, & benevolos efficiunt. Si plura cupis, lege Tom. 6. lib. 1. diff. 2. Disputant auctores num hæc bonitas, aut malitia ante omnem legem fundamentalis sit, an formalis. Verum disputatio tanti non est ut discussio-nem nostram nunc postulet.

VIII. QUÆST. III. *Quæ præcepta continentur in lego naturali?* RESP. Lex naturalis plura continent præcepta, quæ ab uno tamquam a prima radice pendent. S. Thomas i. 2. q. 94. a. 2. omnia revocat ad hoc primum principium: *Quodlibet est, vel non est.* Itaque quod primum menti occurrit, est esse, seu ens. Et primum quod voluntati se se offert, est bonum. Primum igitur principium in genere appetibilium est istud: *Bonum amandum, malum fugiendum.* Ex hoc primo principio manant naturalia præcepta in primis, quæ propriæ vita conservationem spectant, removentque opposita. Huc pertinent præcepta comedendi, sobrietatis servandæ, & abstinentiæ ab iis quæ sunt noxia sanitati. Altera inclinatio hominis speciem suam propagandam spectat. Hinc oriuntur præcepta quæ matrimonii officia, & prolis educationem respiciunt. Tertia inclinatio rationis naturam consequitur, unde manant omnia mandata quæ Dei cultum, & proximi societatem moderantur. Hinc primæ tabulæ præcepta, quæ cultum Dei, vota, &

juramenta custodienda præscribunt. Reliqua secundæ tabulæ mandata de honorandis parentibus, de homicidiis, de vago concubitu, de adulteriis, de furtis, de mendaciis, de pravis desideriis vitandis, fugiendisque, sunt pariter ipsi naturæ insita. Alia præcepta tum universalia, tum particularia ad Decalogum revocantur, vel tamquam principia in conclusionibus, vel tamquam conclusiones in suis principiis.

X. QUÆST. IV. *Lex naturalis est ne immutabilis?* **RESP.** Præcepta juris naturalis sunt diversi generis. Alia sunt quæ humanum consensum præsupponunt, quo constituto, surgit naturæ jus, quod in pactis, in promissionibus, in contractibus, in jumentis, in votis, ceterisque resplendet. Huc quoque pertinent præcepta quæ bonorum proprietatem respiciunt. Gentium quippe consensu rerum partitio innecta est, qua posita, jus naturæ vetat, quempiam invitum suis bonis spoliari.

X. His constitutis respondeo, aliqua præcepta juris naturæ ita esse immutabilia, sibi constantia, & firma, ut semper, & in quocumque casu obligent, ut, *Deus est co-tendus, non mentiendum, non pejerandum, non falsum testimonium dicendum, non calumniandum, non odio habendum: servanda justitia, amplectende virtutes, temperate vivendum.* Hæc, & similia præcepta nullam excipiunt circumstantiam, nullamque subeunt mutationem. Alia sunt præcepta juris naturæ secundaria, quæ absolute spectata simili-ter immutabilia sunt, sed circumstantias excipiunt, quarum ratione id prohibent quod tali circumstantia sublata præcipiunt. Hæc quoque præcepta sunt in se immutabilia, quia eadem semper absolute aut præcipiunt, aut vetant; sed non præcipiunt, vel vetant sub hac aut illa circumstantia. Dicuntur hæc præcepta mutabilia quatenus sub hac aut illa circumstantia non obligant. Verum hæc non est mutatio proprie dicta. Quoniam ab æterno semper verum fuit, depositum absolute esse reddendum, non esse vero reddendum sub hac aut illa circumstantia: homicidium esse licitum publica auctoritate iussum, illicitum vero privata auctoritate patratum: illicitum furtum, licitum vero in tali circumstantia. Hæc igitur præcepta dicuntur mutabilia non in se, sed ratione circumstantiarum; seu circumstantiaz mutantur, non præcepta: & ab æterno verum fuit quod sub hac circumstantia non obligant, sub altera obligant.

XI. Lex itaque naturalis sita est in ordine rerum, & officiorum ad essentiam divinam, ideam archetypam omnium ordinum, & naturalium, quæ indissolubili nexu cum eadem conjunctæ sunt. Porro ordinem hunc antecedere rationis signo vel ipsam divinam voluntatem, dictum supra est. Lex ergo naturalis absolute, & in se ipsa cuiuscumque variationis, & dispensationis expers est. Totæ mutatio quæ contingere potest in præceptis five primariis, five secundariis, nullo modo afficit ipsam legem naturalem, sed circumstantias quæ mutantur. Quare jure hæc mutatio vocatur *materialis*, secus *formalis*.

XII. QUÆST. V. *Quæ sunt nature juris, possunt ne aliqua potestate dispensari?* **RESP.** Primum certum est nullam potestatem humanam posse ab hac naturali lege dispensare, quia nullus inferior dispensare in lege superioris valet. Lex autem naturalis superior est omni humana potestate tum laica, tum ecclesiastica. Ergo huic potestati subiecta minime est.

XIII. QUÆST. VI. *Potest ne Deus sua abso-luta potestate dispensare in aliquibus juris nature præceptis?* **RESP.** Adfirmant plures absolute respectu cuiuscumque juris naturæ præcepti: alii ajunt, posse dispensare Deum in præceptis secundariis, secus in primariis: alii denique defendant, dispensare posse in solis præceptis remotis, seu quæ sunt conclusiones remotæ juris naturæ. Sed his opinionibus missis, cum S. Thomas dico, in nullo juris naturæ præcepto fieri posse ut Deus revera dispensem. Dispensatio enim est solutio a lege, quæ manet, & obligat alios. At fieri nullo modo potest ut Deus licentiam impertiat agendi contra legem naturalem, quæ in his circumstantiis in quibus dispensat, vigeat urgeatque. Quoniam actio opposita legi naturali sua natura mala est. Ergo probari a Deo nequit. Lege S. Thomam 1. 2. q. 100. a. 8. Omnia præcepta juris naturæ dirigunt homines, ut ordinate fe- gerant erga se ipsos, erga Deum, & erga proximum. Hic autem ordo non excipit dispen-sationem.

XIV. Opponunt, quemlibet legislatorem posse dispensare in legibus a se latis. Ergo & Deus dispensare a lege naturali a se lata potest. Responsio patet ex dictis admissa hypothesi quod Deus creare voluerit universum, quod non create absolute poterat, cum omnia quæ extra ipsum sunt, libere producat, necessitate hypothetica manante ex sua ini-

infinita perfectione, astringitur ut omnia producat juxta ordinem, quem in signo rationis antecedente suam divinam voluntatem exprimunt cum sua divina essentia, & recta ratione, ut dictum est.

XV. Opponunt. Deum re ipsa dispensasse ut Abraham perimeret filium suum, ut Samson conficeret semetipsum, ut Israelitæ vasa Ægyptiorum suripererent. Responsio ex dictis patet. Plura, ut aderti, sunt juris naturæ præcepta que varias suscipiunt circumstan- tias, in quibus præcipiunt quæ absolute ve- tant, & vetant quæ absolute præcipiunt. At hæc ipsa mandata sunt in se immutabilia, & solum eorum materia subest variis circum- stantiis, in quibus illa præcepta excipiunt, & ab æterno exceperunt ejusmodi casus. Deus autem supremus ordinis naturalis con- ditor comprehendit casus omnes in quibus officia humana aut convenienti, aut pugnant cum fine ultimo. Lex naturalis vetat occi- sionem injustam privata auctoritate peractam, fecus justam, quæ publica potestate jubetur. Occisio innocentis Isaac Deo liranda gloriæ Dei promovebat. Bona Ægyptiorum subjecta erant Dei dominio, sicut & Samsonis vita. Si plura cupis, lege Tom. 6. lib. 1. diss. 2. cap. 14.

XVI. QUÆST. VII. *Quid sit jus gentium?*
RESP. Est jus medium inter jus positivum, & naturale. Gentium jus nuncupatur, quod omnium gentium, vel plurimarum consensu inventum est. Heinc omnes fere gentes, nulla sive Principum, sive subditorum facta distinctione obstringit. Gentium nomine non intelliguntur omnes populi barbari incogniti, aut stupidæ nationes, quæ morum honestate destituta brutalē vitam ducunt; sed gen- tes cultæ, moratæque, quales semper fuerunt plurimæ, ut gens Judaica, Græca, Ægyptiaca, Europea, & præfertim Roma- na. Consensio istarum gentium non fuit ver- bis expressa, sed tacite, & re ipsa consense- runt in certas fixas regulas; ut inire socie- tam, sancire fœdera, agere commercia, celebrare contractus, plectere fraudes, & do- los. Porro has leges tacito consensu firma- tas *jus gentium* appellamus. Aliqua quæ ad jus gentium attinent, scriptis consignata sunt, ut illa quæ fœdera, pacta, & cetera id ge- nus spectant. Dividi solet jus gentium in affirmativum, & negativum. Hoc jus muta- tioni obnoxium est. Jus istud obligat in con- scientia plus & minus juxta materiæ gravi- tatem.

C A P U T III.

De lege positiva divina.

I. **L**EGI naturali succedit lex voluntaria in divinam, & humanam tributa. Pau- ca nunc de divina. Prima lex scriptis con- signata, quam Deus mundo intimavit, est mosaica. Præcesserunt utique multa præcep- ta indita in cordum humanorum tabulis. Præceptum intimavit Deus Adæ in statu innocentiae. Post Adæ lapsum aliqua alia Deus præscripsit quæ spectant sacramentorum usum, quo tam adulti, quam infantes mundarentur a peccato originali. Item ante diluvium quædam animalia munda, quædam immunda reputata fuere.

II. Post legem mosaicam Deus per Filium suum unigenitum legem evangelicam promul- gavit: quæ lex *nova* appellatur, quod re- novet homines, Deique filios constitutat gra- tiæ dono. Appellatur etiam *Testamentum*, seu *pactum*, quo nobis Deus suum Filium donavit. Lex evangelica differt a mosaica, quia hæc ordinata fuit ad novam, a qua per- ficienda erat. Mosaica lex erat servitutis, & timoris; evangelica lex libertatis, & amoris. Præcepta legis evangelicæ tribuuntur in clas- ses tres. Alia *moralia*, quæ juris naturæ sunt, & ad illud revocantur, quæque Christus non instituit, sed clarius explanavit, ab erroribus quibus hominum pravitate impli- cata erant, purgavit, atque consiliorum præ- fidio munivit. *Ceremonialia* alia sunt, seu sacramentalia, quæ Christus ipse instituit, abrogatis quæ a mosaica lege præscripta erant. Alia tandem sunt *fidei* præcepta, quæ prius umbris, & figuris involuta erant, quæque Christus nova luce perfudit, atque declara- vit. Quare quæ prius ante Christi adventum confuse, & implicitè credebantur, nanc ex- presse credenda sunt. Præcipuum discrimen legis mosaicæ ab evangelica est quod hæc vim justificandi, & sanctificandi continet, fecus illa, ut S. Paulus ad Galat. cap. 2. do- cet. Scientes autem, quod non justificatur ho- mo ex operibus legis nisi per fidem Jesu Christi; & nos in Christo Jesu creditimus ut justi- ficemur ex fide Christi, & non ex operibus legis: proper quod ex operibus legis non justi- ficative omnia caro.

CAPUT IV.

De lege positiva humana.

§. I.

*Legum humanarum fundamentum
humanae societas.*

I. **A**ntequam legis humanæ notionem, & effectus explicem, paucis ejusdem fundamenta exponam. Legum itaque humanae fundamentum societas est. Prima humanae societas est *conjugalis*, matis & feminæ sobolis procreandæ causa inita. Hanc confequitur *paterna*: liberi quippe absque parentum subfido vivere nequeunt. Ex debito parentum alendi filios oritur *potesas patria* in eosdem. Altera societas *herilis* nuncupatur, quæ est servorum cum dominis. Ex hac triplici societate *conjugali*, *paterna*, & *herili* coalescit societas *domestica*, seu familiæ, que spectato naturæ jure, perfecta quodammodo dici potest. Has quatuor societates confequitur altera, nempe *civica*, quæ per se ceteris est.

II. Homo ita est animal sociale ut sine societate consistere humanum genus non queat. Tolle societatem maris cum femina, & tota humana species evanescit. Porro ita conexæ sunt descriptæ societates, ut una alteram pariat. Hæc pauca indicasse sufficiat de fundamento legum humanarum. Admissa enim societate, sine qua consistere humanum genus nequit, necessario admittendæ leges sunt quæ societatem moderentur. Si plura aves, *lege Tom. 6. lib. 1. diff. 3.*

§. II.

De jure civili, publico, & privato.

I. **C**omininis juris civilis publici finitio hæc est: *Jus est quod directe, & principaliiter ad publicas causas, & utilitatem universalem constitutum est.* Tribuunt illud in antiquum, & hodiernum. Istius auctor est summa potestas, in Imperio Imperator, in regno Rex, in principatu Princeps, in republika Magistratus. Hoc jus legale vocatur, cum sit vera lex. Quilibet respublica, immo quæque civitas non subjecta alicui sua habet jura tum publica, tum privata.

II. Juris civilis privati notio hæc est: *Jus auctoritate supremæ Potestatis conditum, ad singulorum civium utilitatem immediate, & prin-*

cipaliter ordinatum. Per hanc finitionem jus civile privatum distinguitur a quolibet alio: a naturali, quod non pendet a voluntate humana; a jure gentium, quia istud non est alicuius civitatis, aut Principatus, sed omnium gentium; a jure publico, quod istud proxime, & per se ad publicam utilitatem dirigatur, unde singulorum utilitas manat: contra jus civile privatum directe singulorum commodum respicit, ex quo postea communne bonum, & publica utilitas coalesceat.

III. Hoc jus privatum multiplex. Aliud vocatur *merum*, quod ex sola hominum voluntate pendet: aliud *mixum*, quod jus naturale vel gentium includit. Kursus aliud *commune*, quod extenditur ad universum Principatum; aliud *particulare*, seu *municipale*, quod intra fines provinciæ, vel civitatis concluditur. Aliud est *scriptum*, aliud *non scriptum*.

IV. Juris civilis idea hæc est. Modo interpretatur juris naturalis, & gentium ambiguos casus; modo plura adjicit solo humano arbitrio, prout tali nationi, aut populo expedire judicat. Plura consectaria ex jure naturæ, vel gentium deducuntur, quæ juxta mentium humanarum diversitatem in variis trahi partes queunt. Jus autem civile sensum definit in quo hæc ambigua accipienda sunt. Plura adjicit, ut illa jura magis confirmet.

§. III.

De jure canonico, seu ecclesiastico.

I. **C**anon vox Graeca est quæ regulam latine significat. Jus itaque canonicum *jus regulare* est, quod regulis constet. Hac ratione etiam jus civile nuncupari canonicum posset, cum regulis constet. Verum usus obtinuit ut solum jus ecclesiasticum appelletur canonicum.

II. Jus canonicum est *jus positivum ab Ecclesia catholica conditum*, approbatumque, quo societas universalis Christi Jesu ad tranquillitatem, pacem, eternamque beatitudinem dirigitur. Dicitur ab Ecclesia conditum, vel in Concilio generali congregata, vel a Romano Pontifice ejusdem capite approbatum, vel institutum.

III. Jus canonicum suam repetit originem ab Apostolis, qui pro Ecclesiæ regimine omnium primi Concilia celebrarunt. Plura alia pro Ecclesiæ disciplina constituerunt Apostoli non scripturis, sed cordibus impressa. De cursu temporis Ecclesiæ Pastores vel in Sy-

nodis, vel extra plurimos ediderunt canones, & Pontifices summi plures constitutiones, bullas, & decreta, quæ in magnam creverunt molem; & decem circiter constituant collectiones, quas recensere in præsens non vacat. Lege Tom. 6. lib. 1. diff. 4. c. 5.

C A P U T V.

De potestate leges condendi, & de personis eiusdem subjectis.

I. **O**MNES Catholici fatentur, supremas Potestates facultate condendarum legum instrutas esse. Christus Dominus legem Cæsaream de tributo pendendo observari præcepit. *Reddite ergo quæ sunt Cæsaris Cæsari.* Hac potestate possunt omnes Principes supremi, aliis non subjecti, in propriis principatibus. Disputant Jurispublicistæ, valeat ne Regina leges condere: & communiter affirmant, Reginam non conjugatam condere leges posse, non secus ac Regem. Si quidem qua ratione capax est Regni, eadem condere leges valet. Si conjugata Reginæ sit, multi contendunt ad maritum Regem transire fendarum legum potestatem. Sed hæc opinio falsa mihi est. Jure quippe matrimonii non sit hæc translatio, nisi voluntaria pactio Reginæ accedit. Dare marito dotem uxor debet, secus suam hereditatem.

II. **Q**UÆST. I. *Urum Principes supremi æque ac subditi, subjecti legibus a se lati sunt?* RESP. Subditi sunt legibus subjecti vi coactiva, qua cogi possunt ad earum observationem. Principes supremi subjecti sunt legibus a se lati vi directiva. Quando potestas condendi leges residet penes Rempublicam, seu communitatem, tum singula membra vi coactiva cogi ad observantiam queunt. Principes vero supremi, ut Pontifices summi, Imperatores, & Reges, & ceteri legum latores astringuntur vi directiva servare leges a se latas, secus vi coactiva, ut docet S. Thomas 1. 2. q. 96. a. 5. ad 3.

III. Salmantenses cum Bonacina, Azorio, Castropalao, aliisque, se numquam intellexisse ajunt, quod legislator queat per legem a se latam obligari, quia par in parem non habet potestatem. Lex autem est imperium superioris in inferiorem. Unde colligunt, legislatores ex sola convenientia, ex jure naturali orta, legum observationi obstringi.

IV. Hæc opinio mihi falsa est. Recta ratio supra omnes Principes, & legumlatores

Tom. I.

dominatur. *Huic rectæ rationi parere omnes Principes supremi debent.* Ab hac recta ratione omnes leges justæ manant. Hæc recta suprema ratio, quid bono communi expediat, quid repugnet, decernit, legesque condit. Hæc suprema ratio in terris parem non habet, sed omnibus supremis Potestatibus imperat, & dominatur. Principes itaque soluti sunt a lege coactiva, & penali in hac vita, secus in altera, quia subjecti sunt legi dirigenti. Peccant, & quidem graviter, si legem in materia gravi a se latam violent. Accedit quod subditi scandalum patiuntur, dum violari leges a Principe vident.

V. **Q**UÆST. II. *Pueri septennies, infideles, amantes, ebrii subjecti ne legibus sunt?* RESP. Continuo ac pueris affulget rationis lumen, subjecti legibus sunt. Et quia communiter hoc evenit circiter septennium, ideo dicitur pueros septennies legibus subjectos esse. Infideles legibus ecclesiasticis subjecti non sunt, quia in eosdem Ecclesia jurisdictionem non habet. Amantes, & ebrii comprehensi sub lege sunt, sed ab actuali legis observantia excusantur ob amentiam, vel ignorantiam, vel infirmitatem.

VI. **Q**UÆST. III. *Quomodo Clerici, peregrini, & advenæ subjecti sint legibus sue patriæ, & locorum per quæ transeunt?* RESP. Clerici, sublato privilegio exemptionis, subjecti legibus civilibus sunt, utpote Reipublicæ membra. Hoc tamen non impedit quominus Clerici privilegio ecclesiasticæ immunitatis fruantur: quæ immunitas alicubi major, alicubi minor est.

VII. Peregrini dicuntur qui a loco proprii domicilii recedunt, animo redeundi. Vagi nullibi sedem fixam habent. Advenæ, & forenses in uno loco habent domicilium, in alio habitant. Certum est peregrinum, advenam, foresem ad aliquem locum accedentes animo ibidem perpetuo commorandi, continuo obnoxios esse ejusdem loci legibus. Idem dicendum quando majori parte anni ibidem commorantur. Certum quoque est servare eosdem debere leges contractuum, testamentorum, matrimoniorum solemnitates spectantes. Mihi quoque probabilius est ejusmodi peregrinos, & advenas servare debere leges loci per quem transeunt, etiam si ibi per unum & alterum diem maneant. Quoniam id expedit tranquillitati, paci, & optimo regimini. Adversa sententia quoad hoc ex leges facit homines istos, cum non teneantur neque legibus suæ patriæ, neque legibus locorum per quæ transeunt.

S 3

VIII.

VIII. Peccant, ut jam diximus supra, qui deliberato animo discedunt a proprio territorio ut declinent observantiam jejunii, aut diei felli: quia nemini sua fraus debet patrocinari. Aliæ similes quæstionculæ solutæ sunt in explicandis præceptis jejunii, & feitorum dierum.

C A P U T VI.

*De legum humanarum effectibus,
& vi obligandi.*

I. QUÆST. I. *Qui sunt legis effectus?* RESP. Primum legis officium est subditos bonos, virtuososque efficere. Alter effectus est subditos obligare ad ea præstanta quæ leges præscribunt. Leges autem jubent, ve-tant, permittunt.

II. QUÆST. II. *Quenam sit legis humanae materia?* RESP. Sunt actus humani, qui præcipi, aut vetari possunt, quatenus aut con-ferunt, aut repugnant bono communi, quod lex unice respicit. Ea potissimum vetare leges humanæ solent quæ societatem turbant; leviora autem permittunt, ut graviora de-vitent. Actus indifferentes, ut indifferentes, non sunt materia legis: at quia in in-dividuo nullus actus indifferens est, ideo qui-libet actus indifferens secundum speciem, po-test in hac aut illa circumstantia præcipi, aut vetari, quatenus conducit, aut repugnat bono communi.

III. QUÆST. III. *Valent ne legislatores humani sive ecclesiastici, sive civiles actus internos directe & absolute præcipere?* RESP. Adfirmant plures. Glossa cap. cogitationes dist. 1. de pœnit. Major in 4. dist. 12. q. 7. Pighius lib. 6. de Hierarch. c. 16. Adrianus in 4. qu. 4. Jacobus Latomus de Confes. secret. Medina, Rosella, Sylvius 2. 2. q. 104. Henricus a S. Ignatio tom. 2. lib. 16.

IV. Oppositam sententiam communiter de-fendunt recentiores Theologi. Quæ mihi vi-dentur probabiliora, paucis expediam. Et primo dico, legislatorem ecclesiasticum, nedum civilem, præcipere haud posse actus me-re internos directe, & per se lege coactiva coactione exteriore. Hanc sententiam conce-ptis verbis defendit S. Thomas 1. 2. q. 91. a. 4. quoniam de his potest homo legem ferre de quibus potest judicare. At judicium ho-minis de actibus internis esse nequit. Ergo hos præcipere directe & per se nequit lege cogente coactione exteriore. Hanc doctrinam utraque sententia admittit, & penes omnes communis est.

V. Illud in disputationem cadit, num le-gislator possit præcipere directe actus inter-nos lege dirigente, coactione interna, idest obligante ad culpam, sublato judicio exte-riore, & pœna. Mihi valde probable est, posse legislatorem ecclesiasticum præcipere le-ge directiva actus mere internos in iis casi-bus in quibus judicaverit id consentaneum esse ad salutem æternam. Nam Princeps ec-clesiasticus, ut distinguitur a civili, non solam exteriorem subditorum felicitatem, sed primo & per se spectat salutem animarum æternam. Huc enim spectat potestas quam Christus Ecclesiæ contulit: inquit enim Pe-tro, ejusque successoribus: *Pasce oves meas:* Joan. 21. & Matth. 16. *Quicumque ligaveris super terram, erunt ligata & in celis.* An-imæ non solum exterius, sed interius quoque nutri indigent. Confirmat hoc Ecclesiæ mos. Innocentius XI. damnavit hanc thesim: *Non tenemur proximum diligere actu interno.* Nec reponas, Pontificem nihil hic præcipere, aut vetare, sed id tantum declarare quod natu-rali, & divina lege vetitum est: quoniam Pontifex præcipit ut interius omnes hanc do-ctrinam defendant. Alexander VII. damna-vit quoque hanc thesim: *Qui facit confessio-nem voluntarie nullam, satisfacit præcepto Ec-clesiæ:* & aliam similem damnavit Innocen-tius XI. de communione sacrilega. In his thesibus de interioribus actibus sermo est. Quid quod Tridentinum *eff. 6.* in proœmio prohibet ne aliter credatur quam quod in suo decreto statuitur?

VI. Ratio quoque id evincit. Ecclesia moderatur societatem non modo civilem, ve-rum etiam christianam, quæ ut talis ad fi-nem supernaturalem tendit, cuius finis salus æterna est. Porro actus interiores media op-portuna sunt ad hujusmodi finem. Ergo ani-marum pastor, cuius est animas in hunc fi-nem dirigere, præfata jubere media valet. Et re ipsa Ecclesia præcipit attentionem orationi necessariam. Et licet attentio hæc con-nexa sit cum exteriore oratione, non appa-ret cur Ecclesia præcipere non possit per ho-ram, aut horæ medietatem interiorem me-ditationem. Quod autem Ecclesia possit in-directe actus internos cum externis connexos præcipere, communior est Theologorum sen-tentia.

VII. QUÆST. IV. *Obligat ne sub gravi-lex humana?* RESP. Qui legem humanam violant, non modo contra hanc, sed adver-sus ipsam æternam legem peccant: quoniam Principes Dei nomine imperant. *Per me Re-ges*

ges regnant, & legum conditores iusta decernunt: Prov. 8. Omnis itaque vera lex ad culpam obligat, & ad poenam. Quare constitutiones Ordinum regularium quae ad culpam non obligant, sed ad poenam, non sunt veræ leges. Nec propterea minus astringunt ad observantiam, non sub culpa, sed sub poena.

VIII. QUEST. v. Leges iustæ pariant ne obligationem? RESP. Leges iustæ, quia contraria sunt bono divino, numquam observandæ sunt. Leges iustæ, vel quia excedunt limites potestatis legislatoris, vel quia opponuntur bono communi, licet nullam pariant obligationem, servandæ interdum sunt ad evitandum scandalum quod parere inobservantia posset.

IX. QUEST. vi. Unde colligenda sit gravis obligationis legis? RESP. Ex voluntate legislatoris, & voluntas legislatoris ex ejusdem verbis, quæ produnt imperium, & obligationem legis. Communiter legislator, ut manifestet suam voluntatem, adhibet sequentia verba, *Jubeo, mando, præcipio, volumus, discernimus, intendimus &c.* Obligatio vero sub mortali colligitur ex gravitate materiae, ex verborum efficacitate, ex poenæ impositione, & his similibus. Prudens quippe legislator materiam gravem sub gravi, & levem sub levi obligatione imponit. Disputant Theologi, num legislator possit in materia gravi obligare sub levi. Sed disputationes istæ superfluae sunt. Nam, ut dictum est, prudenter legislatoris est rem gravem sub gravi obligatione præcipere, & levem sub levi. Gravis materia esse potest vel in se, vel respectu finis.

X. QUEST. vii. Quid de lege penalii dicendum est? RESP. Lex penalii a poena, quam imponit, nomen subit, & distinguitur a lege morali, quæ conscientiam obstringit, nulla adiecta transgressoribus poena. Lex ista duplex. Altera simplex, & pure penalii, quæ nullo imposito præcepto solam poenam imponit, ut si legislator dicat: *Si quis arma detulerit, tantum pecuniae solvet.* Altera mixta, quæ præceptum, & poenam includit. Pœnæ aliae positivæ, ut pecuniarum solutio, flagellatio &c. aliae privativæ, ut excommunicatione, irregularitas; aliae tandem mixtæ, quæ ex positivis, & negativis coalescent. Pœnæ aliae temporales, aliae spirituales, quæ bonis divinis privant.

XI. QUEST. viii. Unde nam argui potest legem pœnalem mixtam obligare sub gravi culpa? RESP. Leges aliae ecclesiasticae, aliae civiles. Ecclesiasticae quæ aliquid præscribunt

sub excommunicationis majoris poena, semper obligant sub gravi culpa; illæ vero quæ solam minoris excommunicationis poenam adjiciunt, communiter non obligant sub gravi. Attendenda igitur est materiae gravitas, vel parvitas, quæ legi subest. Nam si materia præscripta gravis sit, trangressio gravis erit; si materia levis, similiter levis erit violatio. Leges pœnales mixtæ in materia gravi obligant sub gravi culpa.

XII. Disputant Theologi, num lex mere penalii obliget sub culpa, an dumtaxat sub poena adiecta. Plures recentiores propugnant legem mere pœnalem non obligare in conscientia. Hanc opinionem defendunt *Salmanticenses*, qui citant *Sanchez, Suarez, Castropolauum, Bonacinam, Aravium*. Opposita opinio mihi est probabilior: quia Principes in materia gravi intendunt obligare totius potestatis conatu: poenas quippe adjiciunt, ut heinc subditi evidentius intelligent obligationis gravitatem. Lex enim quæ conscientiam non ligat, non est lex, ut dictum est supra.

XIII. Pœnæ late sententia inficitæ a legislatore, si spirituales sint, subeundæ a transgressoribus sunt ante judicis sententiam; secus si sint ferende sententiae. In hac tamen materia spectrandæ sunt Tribunalium consuetudines. Poenas quæ inhabiles reddunt homines ad aliqua bona, seu jura acquirenda, sive illæ adiectæ sint a jure canonico, sive a jure civili, incurri ante judicis sententiam, communiter Theologi docent. Quare beneficiarii, qui officium divinum non recitant, incurront pœnam restitutionis ante judicis sententiam. Similiter qui sponte resilit a contractu, subire pœnam conventionalem iuste appositam debet ante judicis sententiam, ut mihi probabilius videtur. Si quidem conventionio ista penalii quidam contractus est liberò consensu celebratus. Sed quilibet honestus, ac justus contractus non expectata judicis sententia executioni demandandus est. Ergo etiam dictus contractus conventionalis.

XIV. QUEST. ix. An leges in presumptio-ne fundatae obligent in conscientia? RESP. Duplex præsumptio. Alia juris, alia facti. Præsumptio juris ea dicitur quæ in tali aut tali contractu dignoscit periculum fraudis, damni, fallaciarum communiter occurtere: idcirco legem absolutam condit legislator, qua talem contractum in omni casu vetat, quamquam in aliquo casu periculum illud non adesse. Præsumptio facti, quam etiam definitionis vocant, determinat in hoc particulari casu rem accidere: & ex hac suppositione judex,

aut legislator decernit rem ita se habere, in quo iudicio tacita conditio includitur: si *fatum re ipsa ita se habeat*. Quare si falsitas præsumptionis in foro exteriori probaretur, liber subditus a lege esset. Tridentinum prohibuit matrimonia clandestina ex præsumptione fraudum, damnorum &c. quæ communiter ejusmodi matrimonia consequuntur. Idcirco legem absolutam tulit, ut absolute talia matrimonia nulla sint, etiam si fraus nulla in aliquo matrimonio contingere. Præsumptio juris non est proprie dicta præsumptio, quia lex quæ prohibet in omni eveniu absolute aliquem alium, non innititur præsumptione, sed iudicio certo & absoluto.

C A P U T VII.

De lege tributorum.

I. QUÆST. UNIC. *Lex tributorum obligat, ne in conscientia?* RESP. Negant Návarrus, Medina, & alii: quorum opinio falsa est, & Dei verbo repugnans. Inquit enim Rom. 13. S Paulus: *Ideo & tributa praefatis. Ministri enim Dei sunt in hoc ipsum servientes. Reddite ergo omnibus debita: cui tributum, tributum; cui vecligal, vecligal.* Rursus Matth. 22. *Reddite ergo que sunt Cæsari Cæsari.* Ratio naturalis id evincit. Tributa enim sunt patrimonia, unde Principes sustentantur, & populos protegunt, & defendunt. Populi siquidem conducunt Principes ad regendam moderandamque Rempublicam; & Principes locant suam industriam in regimine principatus, sicuti ministri, & famuli locant servitutem dominis suis pacto pretio. Jure ergo naturæ, nedum positivo lex tributorum obstringit subditos ad tributum solvendum.

II. Consuetudo opposita, quæ obtruditur, corruptela est. Injusta, inquis, sunt tributa. Quis est justitiae iudex? Numquid subditi? Numquid Principes injustitiae rei sunt, dum quidquam præscribunt subditorum copiditati adversum? Absit. In dubio, num justum nec ne tributum sit, solvendum est: quia in dubio æquali pro Principis justitia præsumendum est.

C A P U T VIII.

De lege irritante, & lege dubia.

I. LEX irritans non prohibet modo, verum etiam nullos efficit actus. Le-

gum latores autem & prohibere, & irritare actus valent. Lex irritans duplex, alia quæ re ipsa contractum irritat, nullumque ipso facto declarat. Altera quæ irritum declarandum decernit. Prior lex dicit: *Sit ipso fatio nullus:* posterior dicit: *Si hoc modo fiat, abrogetur.* Prior ante, secunda post judicis sententiam actum nullum facit.

II. QUÆST. I. *Lex irritans obligat ne in conscientia?* RESP. Adfirmant communiter Theologi: quia lex irritans vera lex est. Leges autem veræ, & justæ obligant in conscientia. Ut autem cognoscatur, num lex irritet nec ne substantiam alicuius actus, consulenda sunt legis verba, & sincere interpretanda.

III. QUÆST. II. *Qui dubitat, existat ne lex an fecus, liber ne a lege est?* RESP. Intrepide adfirmant Probabilistæ, dubitanten de legum existentia ab observanda lege liberum esse: idque probabilius esse definit P. Viva tom. 1. de leg. q. 4. a. 4. n. 2. quia, inquit, *in dubio melior est conditio possidentis.* Hoc loco indefectibilis regulæ, & primi principii constitunt Probabilistæ. Audi P. Carolum Casnedi Tom. 2. diff. 16. n. 179. pag. 510. sic fantem: *Ergo homo ex natura sua & pro priori ad omnem legem est liber libertate theologica, seu est liber ab omni lege.* Ergo nisi lex certo probetur, cum possessio libertatis theologice sit certa, non potest homo ea spoliari. Ergo dubium de existentia legis, seu dubium de libertate, hic & nunc ab obligatione hujus legis particularis optime solvitur per possessionem libertatis universalis ab omni lege, in qua homo nascitur. Hæc doctrina rejicienda omnino est.

IV. Si in materia justitiae dubia esset agri possessio, quid tum? Numquid allegari tum potest pro inconcuso principio hæc regula: *Melior est conditio possidentis?* Nemo id asseruerit. Certa ergo sit oportet, & extra disputationem posita agri possessio, ut Petrus possessor contra adversarium Paulum, qui æquali jure poritur in agrum, super quo lis penderit, perseverare in possessione queat. Unde evincunt Probabilistæ, subditos evidenter possidere libertatem adversus legem? Non fecus ac pisces, obmutescant oportet. Certo sciunt homines se libertatem habere. At quis iudex definivit, in dubio de legis existentia homines certo possidere libertatem adversus talem legem? Adfirmant Probabilistæ; negant Probabilioristæ hanc libertatis possessionem. Dubia ergo evidenter est hæc possessio libertatis, quam obtrudunt Probabilisti.

bilistæ . Ergo non bene allegatur illa , ut eximantur homines ab observanda præfata lege .

V. QUÆST. IIII. *Qui certus de lege , dubitat vero , an in hoc particuliari casu subiectus legi sit , exemptus ne a lege est ?* RESP. Mutuo pugnant super hac quæstione vel ipsi Probabilistæ inter se . Nam alii negant , ut Salmantenses cum aliis , quia cum certus sis de lege , & dubites an tenearis in hoc casu , possidet lex . Ergo melior est conditio legis possidentis .

VI. P. La-Croix lib. I. de. leg. n. 589. q. 86. censum texit opinionum Probabilistarum mutuo pugnantium ; & more suo eosdem lectorum arbitrio porrigit , ut beneficio *Probabilismi* quisque quod sibi magis arridet felicitat . Censum opinionum contrariarum rescripsi ex hoc auctore Tom. 6. lib. I. dist. 5. c. 7. ut cuique notum sit methodum probabilisticum propendere , ut mihi videtur , in plurimum putumque *Pyrrhonismum* .

VII. Ad quæstionem igitur propositam respondeo , præfatum dubitantem obstringi ad legis observantiam . Nam cum lex certa sit , posse huc in casu evidenter stat pro lege . Vera autem Doctorum tum Canonistarum , tum Theologorum regula est : *In dubio tuior pars est eligenda* .

VIII. QUÆST. IV. *An homines cum mortis , vel gravis danni periculo teneantur leges servare ?* RESP. Quæ natura sua mala sunt , ut fornicari , mentiri , pejerare &c. obligant semper , & in omni casu . Quæ vero natura sua mala non sunt , sed ideo mala , quia vertita , absolute cum periculo mortis , aut gravis damni non obligant . Heinc observatio jejuniorum , festorum , abstinentia a carnis die veneris , non obligant neque cum vita , neque cum gravis danni periculo . Tum dumtaxat hæc præcepta obligarent cum vita , vel danni periculo , cum eorumdem transgressio cederet in contemptione legis , vel scandalum aliorum .

IX. Lex humana sive ecclesiastica , sive civilis absolute non obligat cum vita , aut infamia , aut amissionis bonorum periculo . Quisque tamen ex virtutis amore potest periculo mortis propriam vitam exponere . Quilibet Christianus caritatis amore inservire lue infectis valet : amore pudicitiae negligere verendorum curationem potest : donare tabulam in naufragio fratri pereunti , dummodo sincero virtutis amore id fiat . Ipsæ divinæ leges naturales suas exceptions habent ob diversitatem circumstantiarum .

Lex naturalis vetat absolute furtum , homicidium &c. at in extrema necessitate defendendæ propriæ vitæ , aut alendæ non urgenter .

C A P U T IX.

De necessaria intentione legis implendæ , & de observantia plurium præceptorum unico actu .

I. PRÆCEPTA legis alia sunt positiva , alia negativa . Hæc per cessationem ab opere vetito , illa per executionem operum , seu per actus positivos implentur . Duplex distinguitur actus voluntatis in lege positiva implenda : alter intentionis , quo voluntas intèndit præceptum implere ; alter imperatus , quo res præcepta executioni demandatur .

II. QUÆST. I. *Necessaria ne est aliqua intentione vel expressa , vel virtualis adimplendi præceptum , aut sufficit intentio ponendi rem præceptam ?* RESP. Convenit penes omnes non requiri expressam intentionem legis implendæ . Præter hanc expressam intentionem aliam Theologi vocant interpretativam . Hanc illi habent qui deliberate e. g. Missam audiunt die festo , divinum officium recitant : isti absque alia intentione implent præceptum .

III. QUÆST. II. *Ut quis legem impleat , debet ne finem legis intendere ?* RESP. Finis legis alius intrinsecus , & est ipsa res præcepta ; alius extrinsecus , & est id quod legislator intendit . Sine primo consistere res præcepta nequit . Absque posteriori rei præceptæ substantia reperiri valet . Non est necesse ut quis finem extrinsecum legis intendat ; sed sat est intendere finem intrinsecum præcepti , seu rem præceptam , quam eo ipso intendit quod deliberato animo eam executioni demandat . Si legislator expresse præcipiteret finem extrinsecum , puta jejunandi ad avertendam calamitatem , tum subditi conformare se deberent ad legislatoris finem .

IV. Actu vitioso non impletur præceptum . Accedit quis ad Ecclesiam ob finem ridendi , & contemplandi mulierem affectu venereo , & simul Missam audit . Actus istius substantia vitiosa est . Finis intrinsecus audiendi sacri est religiosum obsequium . Qui animo videndi amasæ ad sacram audiendum accedit , non religionis officium , sed veneris flagitium exercet . Ergo præceptum non implet . Impleret vero , si præcipue ad audiendum

dum sacrum accederet, & aliqua prava circumstantia inficeret non opus præceptum, sed ipsum auditorem.

V. QUEST. III. Impleri ne uno actu plura præcepta valent? RESP. Plura præcepta justitiae uno actu impleri nequeant; puta solvendi centum ex contractu, & restituendi quinquaginta ex furto debita. Certum quoque est plura præcepta qua eamdem materia afficiunt, unico impleri actu posse: eadem quippe Missæ auditione satisfacit præcepto diei dominicæ, & præcepto alterius festivitatis eodem die recurrentis: Sacerdos unica officii recitatione satisfacit præceptis tum ordinis, tum beneficij. Certum similiiter est posse superiorem aliquod præceptum imponere peculiari actu implendum. Edidisti votum jejunandi: Confessarius tibi imponebit jejunium in culparum pœnitentiam. Unico jejunio nequis utrius debito satisfacere; sed duo jejunia requiruntur.

VI. QUEST. IV. Satisfieri ne potest eodem tempore diversis præceptis? RESP. Adfirmant communiter omnes, quando eodem tempore præcepta cadunt. Vales igitur eodem tempore & Missam audire, & horas canonicas persolvere: quia hæc duo præcepta eundem finem spectant. Si Confessarius imponat pro pœnitentia tres Missas audiendas, non potes eodem tempore omnes simul audire a tribus Sacerdotibus. Falsa quoque est plurimum opinio, qua asserunt, non peccare eum qui voluntarie impedimentum apponit ut liber a servanda lege sit. Qui enim impedimentum apponit ne lex servetur, eodem animo vult legis transgressionem. Respondent adversarii, hunc non habere animum legis violandæ, sed liberandi se ab observantia legis. Callida, & versuta cavillatio hæc est. Lex enim quæ officium imperat, simul prohibet oppositionem obstaculi officium istud impeditis: alioquin ludrica lex est. Peccant quoque contra præceptum qui non removent, cum possunt sine gravi danno, impedimenta quæ obstant ne præceptum observetur.

VII. QUEST. V. Qui non potest totum implere opus præceptum, astringitur ne partem quam potest, exequi? RESP. Adfirmant nunc omnes, quando dividuum præceptum est. Tunc autem dividuum est præceptum, cum partes separatae acceptæ fini a legislatore intento conducunt. Sic quia in qualibet horarum canoniarum recitatione, in abstinentia a carnibus, vel in unica comedenda resplendet finis præceptorum; ideo servanda est pars,

quando servari non potest totum. Princípio illud, Major pars trahit ad se minorem, proscriptum ab Innocentio XI. est in hac thesi: *Qui non potest recitare Matutinum & Laudes; potest autem reliquias horas, ad nihil tenetur: quia major pars trahit ad se minorem.* Quando duo occurront præcepta, quæ simul servari nequeant, præferri quod præstantius est, inferiori debet.

C A P U T X.

De legis cessatione, interpretatione, dispensatione & consuetudine.

I. QUEST. I. Utrum cessante fine legis in particulari, cesseret lex? RESP. Finis legis duplex, ut dictum est, unus instantius, extrinsecus alter. Primus est ipsa res præcepta, alter est intentus a legislatore. Quando actus præcepti natura sua honesti sunt, finis extrinsecus legislatoris conjungi solet cum fine intrinseco. Quando lex præcipit actus natura sua honestos, tunc constat lex, etiamsi cesseret finis extrinsecus legislatoris: quoniam ipsa actuum internorum bonitas finis est præcipiuus legis. Quando res præcepta est indifferens, pluresque sunt fines intenti a legislatore, ex quibus coalescit totus finis adæquatus, deficiente uno fine particulari non cessa lex. Cum vero finis adæquatus legis omnino cessat respectu omnium, cessa lex. Prohibita est communicatio unius civitatis ob pestis periculum vitandum. Sublato omni periculo pestis, cessa lex. Prohibitus est ingressus in talem domum ob mulierem malæ famæ. Hæc mulier alio abiit: tum cessa lex vetans ingressum in talem domum.

II. Non requiritur expressa declaratio Principis definitis legem cessasse, nec sufficit judicium hujus aut illius particularis, ut dicatur legem cessasse; sed requiritur, ut docet Dominicus Soto, vel consuetudo, vel communis Reipublicæ consensus.

III. Falsa mihi est opinio afferentium, sat esse opinionem probabilem, qua judicetur legis cessasse finem adæquatum, ut lex ipsa amplius non obliget. Lex quæ firma possessione fruitur, sola auferri probabilitate nequit.

IV. Animadvertisendum ex Cajetano est, finem legis cessare duobus modis posse. Primo negative, quando lex inutilis est bono communi; tamen si illam impleas, malum non est. Secundo contrarie, quando legis obser-

servantia in hoc casu vitiosa est, quem casum a lege exceptum esse docet S. Thomas.

V. QUEST. II. *An cessante negative fine adæquato legis in particulari, cessa lex?*
RESP. Adfirmat prior sententia, quam defendunt Henriquez, Navarrus, Ledesma, Diana, Viva.

VI. Recitata opinio falsa est mihi, & opposita vera, & sola probabilis, quam communiter defendant Moralistæ. Ratio patet. Lex fertur propter bonum commune, & propter id quod communiter accedit. Hoc fine adæquato legis in commune vigente, numquam lex cessat in particulari, seu nullus particularis subditus exemptus a lege est. Quoniam lex non fertur propter particularem casum, sed propter id quod communiter accedit. Quare licet respectu hujus vel illius privati non eveniat malum quod lex vetat, non propterea cessat finis legis etiam respectu talis particularis: quoniam finis legis est obstringere omnes ad implendum, aut vitandum id quod communiter accedit.

VII. Tandem plura absurdâ contrariam opinionem consequuntur. Ea quippe admis-
sa, omnes fere humanæ leges in nihilum occiderent. Siquidem quilibet pro suo inge-
nio, & affectu contendet respectu sui le-
gis finem locum non habere. Quisque dice-
ret: Lex vetans theatra respectu mei non
urget, quia nullam experior commotionem.
Divites contendenter finem veritatem fornicationis non urgere respectu illorum, quia pa-
trimonium habent, unde & concubinam, &
prolem suscepit alere. Librorum hæretico-
rum lectionem, accessum ad moniales, dela-
tionem armorum, & plurima alia quisque
sibi licita fore judicaret.

VIII. QUEST. III. *Quid sit abrogatio legis, & quis abrogare eam valet?*
RESP. Abrogatio de medio tollit legem promulgatam. Duplex est: alia *negativa*, qua lex defuetudine aboleatur; alia *positiva*, qua lex lata revocatur, nova ejus loco substituta. Leges etiam justæ abrogari queunt, dummodo rationabilis & gravis causa occurrat. Et quando lex nova simul cum antiqua servari ne-
quit, abrogata censetur, etiamsi desit vox abrogationis. Qui fert legem, eam abroga-
re valet. Inferior legem superioris abrogare non potest.

IX. QUEST. IV. *Quid sit legis interpreta-
tio?*
RESP. Interpretatio est declaratio le-
gis, quæ duplex est: alia *authentica* dici-
tur, seu *jurisdictionis*, quæ a solo legislatore
sit, & habet vim legis; alia *doctrinalis*,

quæ vi legis caret, & Doctorum judicio ini-
nititur. Quando legislator vetat legis suæ
interpretationem, non licet Doctoribus eam-
dem interpretari. Opposita opinio mihi fal-
sa est, & superiorum jurisdictioni infesta.

X. QUEST. V. *Quæ regula in interpreta-
tione servanda?*
RESP. I. Spectanda est legislatoris intentio, quæ est veluti legis anima. Verba autem sunt instrumenta, quibus le-
gislator suam prodit intentionem. Quare
verba intentioni, non verbis intentio sub-
denda est. Si intentio legislatoris ambigua
sit, hærendum verbis est. 2. Quando idem
sermo duas sententias exprimit, ea accipia-
tur quæ rei agenda aptior erit. 3. Quando
legis verba ambigua apparent, interpretan-
da sunt juxta communem loci, & patriæ
intelligentiam. 4. Quando de valore actus
disputatur, sit nec ne validus, interpretan-
da lex est ut valeat actus, quia nemo præ-
sumitur quidquam inutile agere velle, ser-
vatis tamen servandis, & præsertim verbo-
rum proprietate. 5. Lex in favorabilibus am-
plienda, in odiosis restringenda est. 6. Lex
non extenditur ad casum non comprehen-
sum ob similitudinem rationum; quando ta-
men est omnino eadem adæquata ratio, ni-
si quidquam in oppositum urgeat, extenden-
da lex videtur ad casum non comprehensum
seu non expressum. 7. Lex generalis non ex-
tenditur ad casum non comprehensum ob ra-
tionum similitudinem, quantum ad pœnam.

XI. QUEST. VI. *Quid sit epikeja, & ubi
ea locum habeat?*
RESP. Epikia, seu epikeja est legis correctio, emendatio, &
exemptio casus particularis, ob circumstan-
tias, quæ si legislatori innotuissent, illum
casum exceperisset. In iis ergo casibus epike-
ja locum habet in quibus si lex servetur,
peccatum committitur; ut si redderes depo-
situm gladium illi qui in patriæ proditio-
nem illum verteret. Ne multa, tunc epike-
ja locum habet, ut perdocte more suo
Cajetanus ait, cum finis legis cessat con-
trarie, idest quando legis observantia vitio-
sa evadit.

XII. Ut usus epikejæ licitus sit, non sa-
tis est quælibet probabilitas, sed requiritur,
inquit 2. 2. quest. 147. art. 4. S. Thomas,
certitudine evidens.

XIII. QUEST. VII. *Quid sit dispensatio a
lege?*
RESP. Est juris relaxatio ab habente
legitimam potestatem ex justa causa facta.
Differt ab interpretatione, & epikeja, quæ
non sunt jurisdictionis actus, sicut dispen-
satio. Aliquando tamen dispensatio pro inter-
pre.

pretatione accipitur. Sed dispensatio prese accepta actus est jurisdictionis. Includit interpretationem, quia dispensator expendere, & bene interpretari legem debet.

XIV. Ut subditus liber a lege sit, sat minime est ut præsumat superiorum fore dispensaturum. Dispensatio enim est vulnus legis, atque adeo odiosa: ergo restringenda, non amplianda.

XV. Dividitur dispensatio in partiale, quæ partem; & integrum, quæ totam obligationem tollit. Item tribuitur in expressam, quæ verbis; & in tacitam, quæ signis exhibetur.

XVI. QUÆST. VIII. Unde colligi possit Prælatum velle dispensare? RESP. Quando superior præcipit actum qui exerceri absque dispensatione nequit; ut si Episcopus sciens te esse irregularē, super qua irregularitate dispensare valet, te promoveat ad sacros ordines, tecum dispensare præsumitur.

XVII. Solam taciturnitatem Prælati signum sufficiens esse dispensationis docent non nulli. Sed illorum opinio mihi falsa est, quam rejiciunt communiter Theologi, & Canonistæ. Nam taciturnitas Prælati quid aliud prodit nisi permissionem? Nihil sane aliud, saltem certum, colligi ex ejusdem taciturnitate potest. Taciturnitas Prælati proficisci valet, & sapissime proficiscitur 1. ex negligentia, 2. ex nimia conniventia, 3. ex pusillanimitate, 4. ex ignorantia, 5. ex malitia, 6. ex studio vitandi scandali, 7. ex prævisione rebellionis subditorum. Ex aliqua harum causarum oriri taciturnitatem posse, nemo negaverit. Immo Patres omnes clamant, ex oscitacione, & negligentia Prælatorum disciplinæ oriri dissolutionem. Et ex istorum perniciosa taciturnitate mali subditi dispensationem a legibus colligunt.

XVIII. QUÆST. IX. Quibus competit dispensatio a legibus humanis? RESP. Poteſtas duplex: una ordinaria, altera delegata: illa annexa dignitati est, hæc imperititur ab eo qui dignitatem possidet. Qui legem tulit, dispensare ab ea valet. Pontifex dispensare in universa Ecclesia potest ab omnibus ecclesiasticis legibus justa occurrente causa. Patriarchæ, Archiepiscopi, Episcopi dispensare in suis dioecesibus valent in legibus aut a se, aut a Synodis latis. Inferior nequit in legibus superioris dispensare absque ejusdem consensu. Legislator supremus potest cum dispensatione aliquid commutationis adiungere.

XIX. QUÆST. X. Utrum licita, & valida

sit dispensatio absque justa causa data? RESP. Dispensationum necessitas ipsam legis naturam consequitur, quia lex quæ communiter accident, spectat, secus casus particulares. Idcirco legum custodes pro casuum diversitate tempore legum obſervantiam debent. Ab extremis sibi cavere magnopere superiores debent, quod adeo difficile est ut Christus *Luc. 22.* exclamaverit: *Quis putas est fidelis dispensator?*, quem constituit dominus super familiam suam? Peccant superiores, si nimium legum cortici haerent. Frequentius in laxitatis quam in rigoris extremum impingunt. Hostibus domesticis, nempe affectuum diversitate continenter obſidentur.

XX. Salmanticenses trahit. 11. cap. 5. part. 6. num. 66. defendant, superiores non peccare mortaliter pro ingenio absque justa causa dispensantes in lege a se condita, præciso scandalo, & damno tertii. Concedunt tamen talem superiorem peccare venialiter.

XXI. Præfata opinio mihi falsa est. Sermo est enim de legibus graviter obligantibus. Porro Patres omnes, & graviores Theologi docent, peccare mortaliter superiores etiam supremos qui in legibus graviter obligantibus etiam a se latis dispensant absque justa causa. Dispensatores isti a Patribus vocantur proditores, infideles, destructores, & perditores universæ disciplinæ. Patrum autem, Conciliorum, aut canonum aliquis numquam pronuntiavit ejusmodi prodigos dispensatores sine justa causa peccare venialiter. Unde ergo recentes hauserunt hanc distinctionem in hac materia? Legumlatores etiam supremi subjecti legibus direxitivis sunt. Ridicularia autem subjectio est, si dispensare pro ingenio possent. Omnis lex justa grave commodum confert communi bono. Ergo qui tali legi absque causa derogant, grave damnum inferunt Reipublicæ. Ergo graviter peccant.

XXII. Non modo illicitæ, sed etiam invalidæ sunt dispensationes istæ. Quoniam dispensationes sine justa causa concessas subrepticias, nullas, prævaricationes, & legum dissipationes Patres appellant. Innumeræ testimonia rescribere possem; sed unicum Concilii Tridentini ex sess. 25. cap. 18. afferro. *Quod si urgens justaque ratio, & major quandoque utilitas postulaverit: cum aliquibus dispensandum esse, id causa cognita, ac summa maturitate prestandum erit, Aliterque facta dispensatio SUBREPTITIA ERIT.* Quid ad hæc oppositum sentientes? Quid si S. Bernardi, S. Thomæ, Bellarmini,

ni, Toleti, alliorumque gravium Theologorum testimonia afferrem? Toletus lib. 5. c. 85. *Pape dispensatio sine causa non habet locum in foro interiori & coram Deo, sed tantum in foro exteriori &c.* Bellarminus in epistola ad Nepotem plurima de hoc argumento habet.

XXIII. QUEST. xi. *Quenam sunt causæ justæ dispensationis?* RESP. Nulla designari certa regula potest. Causarum quippe æquitas a pluribus pendet circumstantiis. Generalis regula, quam Parres, & Theologi tradunt, est quod sufficientia causæ pro legitima dispensatione accipienda, pensandaque sit ex respectu ad bonum commune. Huc semper spectare quisque dispensator debet. Quando de sufficientia causæ dubitatur, tutior pars est eligenda. Valida est dispensatio, dum revera adsit justa causa, licet dispensator illam ignoret. Peccat vero dispensator dispensans absque justa causa cognita. Causa legitima occurrente vitandi mali dispensator tenetur dispensationem concedere. Est enim custos legum in bonum commune subditorum. Sicuti autem observationis, sic interdum & relaxatio legis confert ad bonum commune. Ergo sicuti peccat dum omittit dispensator promovere legis observantiam, ita etiam peccare potest, si recusat eamdem pro temporis opportunitate relaxare. Verum in primo, secus in secundo capite peccari solet: sæpe delinquent, quod cum amicis, sibiique bene affectis benignius quam par sit dispensent, cum ceteris æquo severiores aliqui esse soleant.

XXIV. QUEST. xii. *Quid de dispensatione subreptitia, obreptitia, & per metum extorta dicendum?* RESP. Subreptitia dispensatio est quando a petente dispensationem tacentur ea quæ dicenda sunt. Obreptitia, quando exponitur falsitas. Utraque nulla est. Disputant auctores cuiusnam veritatis reticentia efficiat dispensationem subreptitiam? Regula generalis designari nequit. Si quidquam eorum reticetur, etiam sine dolo & fraude, quæ secundum jura, & stilum Cancelleriae dicenda sunt, dispensatio nulla est. Si quidpiam reticeatur veritatis, aut exponatur falsitatis, quæ judicem impellat ad dispensandum, nulla dispensatio est.

XXV. Dispensatio per metum extorta absolute valida est, quia metus simpliciter voluntarium non tollit. Si vero dispensator absolute consensum non præberet, tunc nulla dispensatio esset.

XXVI. QUEST. xiii. *Quibus de causis dispensatio cesset?* RESP. Si dispensatio sortita sit suum ultimum effectum, revocari nequit. Contractum matrimonium est, suscepti sunt sacri ordines vi dispensationis datae. Hæc revocari amplius non potest. Disputatur a Theologis, num si post obtentam dispensationem, & nondum executioni demandatam cesset omnino causa finalis ejusdem, cesset dispensatio? Negant Salmanticenses trac. II. cap. 5. par. 8. num. 88. quia, inquit, semel ablata per dispensationem lege, hæc iterum non reviviscit. Laudant pro hac opinione Castropalaum, Suarez, Salas, & alios.

XXVII. Opposita sententia mihi probabilius & vera est. Quid? Christianus dispensatus est ab audienda Missa diebus festis, a jejunis, a recitando officio per mensem ex justa aliqua causa. Hæc omnino evanuit antequam dispensatio executioni demandetur: & Christianus iste dispensatione tali utetur? Nemo profecto Christianorum, qui sit sincerus suæ salutis æternæ amator, talem adhibebit dispensationem. Quare recessio sequentem Salmantensem loc. cit. n. 91. opinionem. *Si detur infirmitas, quæ moraliter judicetur perpetuo duratura, & obtinetas a Pontifice dispensationem comedendi carnes pro tota vita, non recitandi divinum officium, non jejunandi, etiam postmodum salutem perfectam acquiras poteris uti tali dispensatione.* Idem dicimus, si pro hoc anno, pro hac Quadragesima obtinebas dispensationem a superiori non jejunandi, vel abstinenti a carnis, quia infirmitas pro tota illa censetur duratura, etiam per accidens cesset, potes uti tali dispensatione. Ita auctores citati, qui licet non omnes ita in particuliari loquantur, mens tamen illorum est quam diximus.

XXVIII. QUEST. xiv. *Cessat ne dispensatio ob mortem dispensatoris?* RESP. Si dispensatio absolute concessa sit, duretque ejusdem causa, non cessat ob mortem dispensatoris. Contra si conditioni illigata dispensatio sit, tunc cessat morte dispensatoris; ut si ejusmodi clausulis circumscripta fuerit: *Donec nobis placuerit, ad arbitrium nostrum &c.* Si inceptus actus sit, poteris illum persequi. Dispensationem iuste concessam revocare dispensator nequit absque iusta causa: iusta vero causa occurrente revocare eamdem valet. Injustam vero dispensationem revocare astringitur. Inferior superioris dispensationem revocare non potest;

est ; superior vero valet inferioris dispensationem revocare . Dispensatus potest renuntiare dispensationi absque damno tertii ; si contra renuntiatio lœdat jus tertii ; dispensatus non valet renuntiare dispensationi , sed ut renuntiatio valida sit , voluntas dispensatoris requiritur .

XXIX. QUEST. XV. Quid sit consuetudo , & quotuplex ? RESP. Est jus quoddam moribus institutum , quod pro lege suscipitur , ubi deficit lex . Dupliciter accipi consuetudo solet . Pro jure iempe , & pro facto . Consuetudo facti non aliud est quam actuum repetitio , & usus , seu mos , & format materiam consuetudinis juris . Hoc enim jus consurgit ex hac actuum humanorum frequentatione . Hoc quippe jus non voce , non scripto , sed moribus paritur . Quare alii describunt hoc pacto consuetudinem : Est jus rationabile , legitimo tempore prescriptum , moribus perfecta communitatis volentis se obligare , & Principis consensu inductum . Rationabilis sit consuetudo oportet , non secus ac lex , quia utraque bonum communitatis publicum spectare debet . Quare nulla consuetudo vim legis obtinere valet , si sit contra bonum commune societatis . Non cujuscumque communitatis , sed perfectæ dumtaxat mores invehere consuetudinem queunt . Ad consuetudinem obligantem inducendam non sufficit actuum frequentia , sed requiritur voluntas se se obligandi .

XXX. Hæc consuetudo differt a stilo , & præscriptione , & cum eisdem aliquo modo convenit . Cum stilo convenient , quia & hic quædam consuetudo est ; differt vero , quia stilos restringitur ad fori judicia . Differt consuetudo a præscriptione , quod hæc etiam in singulari persona locum habeat , secus illa , quæ communitatem dumtaxat respicit . Cum eadem convenient quatenus requirit determinatum tempus non interrumpit .

XXXI. Consuetudo triplex . Alia contra legem , quæ novam legem non inducit , sed abrogat antiquam . Alia est secundum legem , quæ non tam consuetudo , quam interpres legis est , & lege abrogata , ipsa consuetudo cessat . Tertia est præter legem . Hæc ex frequentia actuum producitur in materia de qua lex scripta nihil decernit . Hæc sola novum jus inducit , quando necessariæ conditiones ad sint . Ratione materiae dividitur in ecclesiasticam , & civilem .

XXXII. QUEST. XVI. Quinam invehere

consuetudinem queunt ; & quenam conditiones necessariae sint ? RESP. Consuetudinem abrogantem legem illi soli invehere possunt qui legem servare tenentur , quia lex abrogatur per actus contrarios . Nullus privatus , neque Princeps ipse , sed sola communitas , & quidem perfecta , qualis est civitas , provincia , regnum , inducere consuetudinem potest . Communitas quippe imperfecta , ut familia , collegium parere consuetudinem nequit . Requiritur ut major perfectæ communitatis pars in actuam frequentia , aut in eorumdem omissione concurrat , ut consuetudo introducatur .

XXXIII. QUEST. XVII. Quot sunt conditiones ad veram consuetudinem necessariae ? RESP. Quinque . 1. Quod sit rationabilis ; 2. quod sit ex publica frequentia actuum liberorum ; 3. quod congruo temporis intervallo duret ; 4. quod interveniat Principis consensus ; 5. quod ex animo se obligandi inducatur . Ea autem consuetudo rationabilis est quæ bono communi congrua , & utilis est . Contra legem sive naturalem , sive divinam nulla prevalere consuetudo potest : quia actus contrarii istis legibus sua natura vitiosi sunt .

XXXIV. Contra legem humanam prævalere dumtaxat consuetudo potest . Quotiescumque tamen consuetudo bono communi societatis adversatur , non consuetudo , sed corruptela vocanda est .

XXXV. Triplicem consuetudinis statum distinguunt Theologi , inceptionis , progressus , & præscriptionis . Qui contra legem consuetudinem introducunt , peccant toto tempore quo lex prævalet : quare non solum in exordio , sed etiam in progressu isti legem violant : usquedum lex prævalet .

XXXVI. QUEST. XVIII. Quantum temporis requiritur ad introducendam consuetudinem ? RESP. Omnes adfirmant , longum tempus requiri ad consuetudinem inducendam ; sed circa ejusdem quantitatem non una est omnium sententia . Communior opinio est decennium sufficere ad consuetudinem contra legem civilem . Contra legem canonicam vero requiri quadraginta annos . Ceterum circumstantia spectandæ sunt , & natura legis abrogandæ . Tempus istud continuum sit oportet , sicut & in præscriptione . Quare si hoc tempore aut major communitatis pars oppositum consuetudini quidquam agat , aut Princeps resistat , interrumptum tempus est , & elapsum amplius non computatur .

XXXVII.

XXXVII. Actus qui necessarii sunt ad consuetudinem, debent esse liberi, publici, & frequentes. Aliqui contendunt duos aut tres actus sat esse, sed haec opinio communiter rejicitur ut falsa. Nemo tamen desinere potest numerum horum actuum; sed prudentum arbitrio id remittitur. Profecto in longo tempore nec tres aut quatuor, immo nec sex nec octo frequentiam parvunt. Actus isti liberi sint oportet, quia sicut lex, ita & consuetudo a recta ratione profici debet. Quare si populus metu coactus quidquam agit, non presumitur velle consuetudinem introducere. Ignorantia quoque impedit ne consuetudo introducatur. Tandem actus isti liberi & frequentes publici sint necessum est: quoniam actus occulti dici nequeunt facti ex consensu Principis, & communitatis. Non requiritur tamen juridica manifestatio, sed satis est publica notitia facti.

XXXVIII. Quinta conditio, ut indicatum est, postulat ut populus animo se obligandi consuetudinem incipiat, eamque tali animo toto tempore necessario pro consuetudine continuet. At undenam colligi poterit populum incepisse, & continuasse consuetudinem animo se se obligandi? Haec assignari indicia solent. 1. Quando populus in materia sua natura gravi, uniformi observantia tales consuetudinem servavit. 2. Si superiores istius consuetudinis violatores severre puniant. 3. Si viri prudentes optimeque morati culpæ damnent ejusmodi consuetudinis transgressores. Quando haec tria concurrunt, argumentum est communitatem animo se se obligandi consuetudinem invixisse.

XXXIX. Ne vero corruptela sub consuetudinis larva occultentur, advertendum est, non omnem tolerantiam, & patientiam Principum signa esse taciti consensus. Quando superiores zelo Dei ardent, suntque vigiles & experrecti in eliminandis corruptelis, & extirpandis zizaniis, quando nullum obest impedimentum aut vitiorum rebellionis, aut declinandi majora mala, tunc patientia, & tolerantia esse potest argumentum taciti consensus. Ceterum, ut dictum supra est, patientia, & tolerantia superiorum non raro oritur ex eorumdem ignavia, & nimio quietis, & vitiosæ pacis amore, quia tranquillam & hilarem ducere vitam avert.

XL. QUEST. xix. *Quinam sint effectus consuetudinis, & quibus modis cesset?* RESP. Tres. 1. Consuetudo legitimam vim legis ha-

bet: quare sicut lex, ita consuetudo obligare sub gravi culpa potest. 2. est antiquæ legis abrogatio. 3. est legis interpretatio.

XLI. Consuetudo iis modis cessat quibus lex. Præcipue tamen duobus modis consuetudo abrogatur, nempe per legem expressam, & per consuetudinem oppositam. Tuna vero lex consuetudinem abrogat, cum eidem expresse adversatur. Si in lege sit clausula generalis abrogans omnes, & singulas consuetudines oppositas, tam licet non fieret peculiaris mentio hujus aut illius consuetudinis, singula abrogatae essent. Excipi tamen solet consuetudo innominabilis quæ nisi expresse revocata sit, consistit. Consuetudo alia consuetudine abrogari potest, si necessariis fruatur conditionibus. Advertendum tamen, neque legem, neque consuetudinem per non usum abrogari, sed solum per actus oppositos.

C A P U T XI.

De privilegiis.

I. **A**mplum esset de privilegiis disputatione argumentum; sed in hoc compendio paucis rem expediam, tum quia parum necessaria est pro animarum regimine, tum quod disputatio pluribus implexa sit commentis, & vitilitigationibus nullius saepe momenti. Ad rem igitur.

II. QUEST. *I. Quid sit privilegium, & quomodo a dispensatione differat?* RESP. est facultas constans, & permanens agendi, aut non praefandi aliquid contra, vel præter legem. Distinguitur a dispensatione, quod lex casum peculiarem spectet, & transeuntem, illud vero permanens, & constans est. Dividitur in *reale*, quod attingit ipsas res, ut merces, statum, dignitatem, locum; & in *personale*, quod personam ipsam afficit, & cum eadem transit, reale vero transit de uno ad alterum. Rursus dividitur privilegium in *scriptum*, & *non scriptum*, seu ore traditum. Aliud quod gratis, & liberaliter datur, vocaturque *gratisum*. Aliud quod meritis conceditur, & appellatur *remuneratorium*. Aliud absolutum nulla affectum conditione; aliud quod cum pacto impertitur, & vocari solet *conventionale*. Item aliud *commune*, quod totam communitatem spectat. Aliud *privatum*, quod privatæ dumtaxat personæ hæret. Aliud *odiosum*, quod uni favendo, alterum lædit. Aliud *favorabile*, quod favet privilegiato quin alteri incom-

commodum afferat. Aliud quod in utroque foro tum interno, tum externo valet. Aliud quod in solo conscientiae tribunali vim habet. Aliud *perpetuum*, aliud *temporale*.

III. QUEST. II. *Quis impetrari privilegium valet?* RESP. Qui legem ferre valet. Privilegium enim a lege eximit: ergo ille solus impetrare privilegium valet, qui eximere a legis obedientia potest. Ut vim habeat privilegium, acceptari ab eo debet cui concessum est, si gratiosum sit. Remuneratorium autem privilegium acceptationem non postulat.

IV. QUEST. III. *Uti ne privilegiatus potest extraditionem concedentis, privilegio sibi concessio?* RESP. Si privilegium absque limitatione ad locum, & tempus impetratum sit personale, eo uti privilegiatus potest extraditionem concedentis, nisi aliqua lex obstat, vel scandalum. Nam si in territorio ad quod privilegiatus accedit, vigeret lex pugnans cum privilegio, aut scandalum patenterunt incole talis loci, tunc licitus haud esset talis privilegii usus. Si privilegium sit reale, res ipsas afficiens, tunc intra solam ditionem concedentis mandandum executio- ni est. Privilegiati renuntiare valent privilegio personali privato afficieni solam personam, secus privilegiis realibus, vel communibus, quae transeunt ad alios, quia talis renuntiatio esset cum damno tertii.

V. QUEST. IV. *Quomodo interpretanda privilegia sunt?* RESP. Communis sententia docet, privilegium quod favorable vocant, late in sensu, servata tamen verborum proprietate, explicandum esse, cum nemini damnum inferat. Privilegium contra quod odiosum appellatur, strictioris est interpretationis, quia laedit jus aliorum, & damnum infert. Ita tamen interpretandum est ut inutile non reddatur. Præterea duplex interpretatione. Alia *authentica*, quam solus qui privilegium concessit, dare valet; alia *doctrinalis*, quam quilibet vir doctos exhibere potest. Prælati Regularium, nempe Generales pro universo Ordine interpretari privilegia valent doctrinaliter. Addunt aliqui etiam authentice, ex concessione Julii II. Immo addunt etiam Provinciales, & Visitatores ex concessione Clementis VI. & Sixti IV. Libenter viderem istas concessiones, quibus parum fidei habeo usquedum in medium astherantur.

VI. QUEST. V. *Quot modis privilegia amittuntur?* RESP. Pluribus. Personale privilegiati morte evanescit. Reale vero du-

rat cum rebus quas afficit, & cum eisdem transit ad alios. Privilegium absolute concessum non cessare, cessante causa finali movente, &, ut vocant, *totali*, contendunt non pauci. At opinio hæc falsa mihi est. Quoniam sicuti concessio privilegii absque ulla causa vitiosa esset, ita duratio privilegii, omni, & integra concessionis causa sublata, injusta foret. Cessat quoque privilegium quo alicui conceditur aliqua actio in gravamen aliorum, & amittitur præsertim per non usum facultatis concessæ: quoniam illi qui dato privilegio gravantur, præscribunt contra privilegatum, dummodo tempus præscriptioni congruum accedat. Præterea privilegium cessat per voluntariam renuntiationem acceptatam a concedente: qui si acceptare recuset, consistit privilegium, eoque uti privilegiatus, mutata voluntate, potest. Tandem amittitur privilegium per ejusdem abusum post sententiam judicis, qui declareret re ipsa privilegatum abuti suo privilegio. Similiter cessat privilegium per revocationem concedentis. Quamobrem damnata fuit ab Alexandre VII. hæc thesis: *Regulares possunt in foro conscientia uti privilegiis suis que sunt expresse revocata per Concilium Tridentinum*. Revocatis privilegiis unius Ordinis, non censentur revocata hæc ipsa privilegia respectu aliorum Ordinum.

VII. QUEST. VI. *Quid de communicacione privilegiorum inter mendicantes?* RESP. Diffusa, & implexa questio discutienda se se offert; at ea tanti momenti non est ut nostram requirat industria, præsertim in hoc compendio. Omnes Religiones mendicantes communicant in omnibus privilegiis tum concessis, tum concedendis, nisi inseparatur privilegio aliqua clausula, quæ expresse & perspicue hanc impedit communicationem.

VIII. QUEST. VII. *Quid de privilegiis in particulari dicendum?* RESP. Si de privilegiis singulis concessis tum Clericis omnibus absolute, tum Regularibus agere vellem, plura volumina non sufficerent. Quare, missa vasta disputatione, pauca in transcursu indicabo. Jure divino omnes Ecclesiastici in iis omnibus quæ Ecclesiae disciplinam spectant, a laica potestate exempti sunt. Jure vero canonico, & civili ecclesiastici pluribus fruuntur privilegiis, quæ & eorum personas, & res plures eximunt a potestate laicari. Quare vi privilegii, quod *Canonis* vocatur, nequeunt in carcerem detрудi, juri-

dicari, puniri a magistratu sæculari. Neque solum ecclesiasticæ personæ, verum etiam illorum bona tum ecclesiastica tum patrimonialia libera sunt a tributis, & gabellis sæcularium Principum. De clericis in minoribus constitutis, aut sola tonsura insignitis hæc sess. 23. cap. 6. statuit Tridentinum: *Fori privilegio non gaudent, nisi aut clericalem habitum, & tonsuram deferentes aliqui Ecclesiæ de mandato Episcopi inserviant, vel in seminario clericorum, aut in aliqua schola, vel universitate de licentia Episcopi, quasi in via ad suscipiendos majores ordines, veretur.* His conditionibus deficientibus privilegio fori clericus non gaudet, nec exemptione a tributis.

IX. Plura hic dicenda essent de locorum immunitate, & de ejusdem imunitatis violatoribus: item de privilegiis regularium Ordinum. Verum hæc omnia nimium ab instituto mihi præstituto abducerent: idcirco silentio obvolvo.

DISSENTATIO III.

De peccatis universo, & sigillatim.

CAPUT I.

Vitii, & peccati notiones, & divisiones.

I. **V**itii nomen a vitando accersitur. Amplius acceptum in quilibet defectu a regula situm est. In præsentia pro recessu a regula rationis usurpatur. Illud naturæ, vel artis; hoc morum vitium appellatur.

II. Vitium, seu peccatum in communione describi potest, quod sit *perturbatio voluntaria naturæ rationalis in iis que mores respiciunt*. Vitium, & peccatum accipi promiscue solent. Differunt tamen sicut actus, & habitus. Nam peccatum prese acceptum est actus malus moraliter; vitium autem prava dispositio natura sua tendens, & inclinans in officia moraliter mala. Vitium virtuti opponitur: quia sicut virtus disponit animum secundum naturæ suæ convenientiam, ita vitium pervertit animum contra naturæ suæ regulas. Peccatum actibus virtutis opponitur, & pejus vitio est: quia qui male agit, pejor illo est qui ad malum agendum est dispositus. Hæc omnia

Tom. I.

i. 2. qu. 71. fuso calamo S. Thomas discutit.

III. QUÆST. I. *Quænam sit peccati finitio?* RESP. S. Augustinus lib. 22. c. 27. contra Faustum respondet: *Peccatum est dictum, factum, vel concupitum contra legem æternam.* Hæc Augustini finitio omnia comprehendit peccata, cordis, oris, & operis. Ultima particula *contra legem æternam* includit peccata omnia etiam quæ sunt direæte contra leges humanas: quia qui justas humanas leges violant, etiam in legem æternam peccant saltem mediate.

IV. Contra datam Augustini finitionem opponi solet, in illa non includi nec peccatum omissionis, nec habituale, nec originale. Respondet loc. cit. S. Thomas: *Adfirmatio, & negatio reducuntur ad idem genus.... & ideo pro eodem est accipendum dictum, & non dictum, factum, & non factum.* Peccatum habituale actibus voluntatis gignitur, & ideo sub illis includitur. Peccatum originale dici factum voluntarium potest, in primi parentis voluntate situm. Peccatum veniale non est contra, sed præter legem.

V. QUÆST. II. *Quid, & quotplex sit peccati macula?* RESP. Maculam in anima relinqui ex peccati commissione, Scriptura sancta testatur. *Si abluerit Dominus fôrdes filiarum Sion:* Isa. 4. & S. Paulus: *Inquitæ sunt eorum mens, & conscientia: ad Tit. 1.* Ad peccandum concurrunt actus intellectus, voluntatis. Per voluntatis affectus, quibus peccator afficit erga terrenas voluptates, anima polluta concupiscentiæ luto inquinata, & illecebrarum fôrdibus confusata remanet. Macula hæc in privatione gratiæ in ordine ad actum præteritum malum sita est. Duplicem distinguit Theologi maculam, juxta duplîcem nitorem quem in anima considerant. Primus nitor ex rationis lumine dirigente; secundus ex lumine fidei, & gratiæ illustrante consurgit. Prima macula lumen rationis obscurat. Secunda, expulso niture, qui ex divina gratia resulgebatur, divinæ inimicitiæ, seu aversionis a Deo, & conversionis ad creaturam, imprimit notam, & deformè signaculum in anima peccatrice. Tertiæ addunt maculam a peccato veniali inductam, quæ caritatis fervorem minuit, & decorem, atque pulchritudinem ex fervore caritatis resulgentem aliquantulum obnubilat.

VI. Prima peccati divisio est in originale, & actuale. Illud ex Adamo contrahitur;

T

tur;

tur; istud propria peccantis voluntate committitur. Peccatum personale duplex. Aliud actuale quod est ipse actus inordinatus, & disformis a moralitatis regulis. Aliud habituale, & est macula remanens ex actu male non retractato.

VII. Secundo aliud est peccatum commissionis, quod in transgressione præcepti negativi consistit; aliud est peccatum omissionis contra præceptum affirmativum, quo omittitur actus bonus præceptus. Peccatum commissionis absolute gravius est omissionis culpa. Hoc absolute certum est. Ceterum omissiones in superioribus secum pertrahere solent horrendissima consectaria, & absurdas, quæ funestissimam disciplinæ, & gregis evangelici stragem inducunt.

VIII. Tertio alia sunt peccata simpliciter talia; alia sunt peccata in Spiritum sanctum. Hæc sunt lex, desperatio, præsumptio, impenitentia, obstinatio, impugnatio veritatis cognitæ, & inadvertia fraternæ gratiæ.

IX. Quarto alia vocantur peccata carnalia, alia spiritualia. Ex septem capitalibus quinque sunt spiritualia, scilicet superbia, avaritia, invidia, ira, acedia; & duo carnalia, nempe luxuria, & gula.

X. Quinto alia sunt peccata propria, quæ ipse peccans committit; & alia aliena, ea quæ sunt quæ alii nostro consilio, iussu, patrocino, exemplo, adulacione, dissimulazione, silentio vitiioso, omissione correctionis, aliquisque modis perpetrant.

XI. Sexto tandem alia sunt peccata cordis, oris, & operis. Alia item sunt contra Deum, contra proximum, contra seipsum. Utique omnia peccata sunt contra Deum; verum quædam sunt quæ modo peculiari Deo adversantur, quatenus recta impetrunt virtutes illas quæ pro objecto Deum habent, ut fides, spes, caritas, religio. Peccata contra proximum illa dicuntur quæ violent virtutes proximum respicientes, justitiam, misericordiam &c. Peccata contra seipsum illa vocantur quæ violent virtutes ad proprias passiones demandas directas, ut temperantiam, castitatem &c.

C A P U T II.

*De distinctione peccati mortalis a veniali.
Quorundam Probabilium, & plurimum scitorum axiomata refertuntur.*

I. **P**erdificilem quæstionem disputandam aggredior. Pauca primam delibabo quæ certa sunt. Luterani & Calvinistæ omnia peccata natura sua mortalia esse pro-pugnant. Istorum errorem damnavit Concilium Tridentinum *sess. 14. c. 24.* Scripturas sanctas luculentissimis testimoniis allatis. De fide itaque est dari peccata venialia a mortalibus distincta.

II. Sex potissimum sunt quæ peccato mortali adscribuntur. 1. Solvit amicitiam cum Deo, corruptum gratiam, caritatem, omnesque virtutes morales infusas. 2. Parit animæ mortem. 3. Infert peccatori malum infinitum. 4. Malum hoc natura sua irreparabile est. 5. Est offensa Dei infinita 6. Peccatorem æternum damnat. Hæc omnia manant ex peccato mortali, cuius natura & essentia sita est in *aversione a Deo*, & *conversione ad creaturam tamquam ad ultimum finem*.

III. Peccatum mortale, & veniale aliud *ex genere suo tale*, aliud *per accidens*. Peccatum mortale *ex genere suo tale* illud est quod ex se opponitur caritati Dei, & proximi: ut sunt ea quæ opponuntur fidei, spei, caritati, justitiae. Peccatum veniale *ex genere suo illud* vocatur, quod ex se non opponitur caritati Dei, & proximi, ut mendacium simplex, verbum otiosum, risus immoderatus &c. Peccatum mortale & veniale *per accidens* est quod ex mortali fit veniale, aut contra.

IV. **Q**uest. 1. *Quomodo peccatum mortale possit definiri in veniale?* RESP. Non est sensus quod peccatum veniale evadere mortale, aut mortale veniale fieri queat. Sed sensus est quod actus ille qui natura sua est peccatum mortale, possit fieri veniale. Duobus modis inquit 1. 2. q. 88. a. 6. S. Thomas. 1. Ex imperfecta deliberatione. 2. Ex parvitatem materiæ. Plura tamen sunt quæ parvitatem materiæ non excipiunt, ut infidelitas, odium Dei, perjurium, & alia quæ directe Deo adversantur. Omnia vero peccata *ex genere suo* mortalia fieri venialia queunt ex imperfecta deliberatione, quia nullum peccatum sine libertate.

V. At

V. At unde cognoscemus materiam esse gravem, aut levem? Rem difficultem postulasti. Hæ sunt regulæ quas Theologi assignant. 1. Materia tum gravis est quando actus præceptus valde conductit ad caritatem aut Dei, aut proximi. Contra si parum conferat, levis reputabitur. 2. Si res præcepta, tametsi in se levis sit, nihilominus multum confert in legislatoris finem, gravis existimanda est. 3. Videndum si materia sufficiat magis & minus. Si enim hos gradus non admittit, gravis reputanda est. Si autem hos gradus admittat, tum spectanda est persona peccantis, finis legis, seu ordo ad legem ipsum. Interdum enim quod est veniale in subdito, mortale est in Superiori.

VI. QUEST. II. Quomodo veniale fieri mortale posse? RESP. Repondet 1. 2. q. 88. a. 4. S. Thomas, tripliciter id posse intelligi. Primo ut idem numero actus primo sit peccatum veniale, & postea mortale: & hoc fieri nullo modo potest. Alio modo potest intelligi ut id quod est veniale ex genere, fiat mortale; & hoc quidem possibile est, quatenus in eo finis ultimus constituitur, vel refertur ad peccatum mortale sicut ad finem. Tertio modo quod multa peccata venialia constituant unum mortale: & hoc quoque fieri omnino repugnat, non secus ac ut multæ formicæ constituant unum leonem.

VII. Unde infert Angelicus: *Si vero intelligatur quod multa peccata venialia faciant unum mortale dispositive, sic verum est, sicut supra ostensum est secundum duos modos dispensationis quibus peccatum veniale disponit ad mortale.*

VIII. Heinc collige quantum a veritate aberrent non pauci ajentes, illum qui haberet animum committendi omnia peccata venialia, non peccare mortaliter, sed patrare dumtaxat unum peccatum veniale gravissimum. Doctrina hæc mihi falsa est, & plurimum absurdorum plenissima. Christianus iste similis aliquo modo esset naucrero qui animum haberet introducendi in navim omnes guttas aquæ, vel omnia arenæ grana. Multiplicata enim peccata venialia ita rodunt omnes virtutes, & animam ipsam affligunt, ut hæc seipsum occidat mortalia patrando. Qui autem tantam malorum multitudinem deliberato animo suæ animæ vult, eo ipso velit oportet ejusdem mortem. Qui enim dispositionem proximam vult ad mortem, &

mortem ipsam velle cogitur. Singula peccata venialia deliberata disponunt ad mortalia. Omnia autem venialia simul accepta, proxima ad mortalia dispositio sunt. Ergo qui vult hanc proximam dispositionem, vult quoque ipsum peccatum mortale. Itaque ex hoc solo capite dictus Christianus peccat mortaliter. Quod postea inter peccata venialia aliqua sint ita propinqua mortalibus, ut qui vult prima, velit posteriora; aliud caput est cur Christianus ejusmodi peccaret mortaliter. Præclare S. Augustinus tract. 12. in Joannem inquit: *Plura minuta peccata, si negligantur, occidunt; quemadmodum minuta grana arenæ, si multa sunt, premunt, atque opprimunt; & aqua paulatim per sentinam intrando, si non exhaustiatur, mergit navim.* Quamvis enim similitudo, si ad Metaphysicæ regulas expendatur, non sit omnino exacta, cum omnes guttae aquæ, & grana arenæ sint ejusdem speciei, & simul conjunctæ pondus gravissimum constituant, quod seipso navim mergit; in sensu tamen morali & prudenti similitudo optima est, quia hæc peccata venialia deliberata re ipsa disponunt ad mortem. Pluries labuntur iusti ex subreptione, ex infirmitate, & inadvertentia. Nisi a deliberatis abstineamus, periculum grave est ne repetitæ guttae, & multiplicata arenas grana naviculam animæ ad æternam disponant submersionem.

IX. Haecenus facilia perstrinxii. Quæ sumum facessunt negotium, quæ vel ipsos sanctissimos viros perterrefaciunt, illa sunt quæ peccata esse scimus, eorum vero confinia ignoramus. Audi Augustinum, qui lib. 21. cap. 27. de Civ. Dei hæc scribit: *Sed quis iste sit modus, & quæ sint ista peccata quæ ita impedit pervectionem ad regnum Dei, ut tamen sanctorum amicorum meritis impetrante indulgentiam, difficillimum est invenire, periculostimum definire.* Ego certe usque ad hoc tempus, cum inde satagerem, ad eorum indaginem pervenire non potui. Et fortassis propterea latent, ne studium proficiendi ad omnia peccata cœvenda pigreescat. Doctorum aquila Augustinus difficillimum invenire, periculostimum definire, ait, quænam peccata sint quæ ita impedit assecutionem regni æterni, ut tamen sanctorum meritis impetrant indulgentiam. Quid ad hæc nos? cum iterum in enc. c. 7. clamet S. Augustinus; *Quæ sint autem levia, & quæ gravia peccata, non humano, sed divino sunt pensanda iudicio Hinc accedit quod peccata, cum*

in consuetudinem venerint, aut parva, aut nulla esse creduntur. Vix peccatis hominum que sola iniustitia exhorrescimus.

X. Ex his collige quam cæci sint spectaculorum, seu coimèdiaturū atatis nostræ defensores, blaterantes ad summum peccare venialiter illos qui eadem frequentant. Unde, quæso illos, eruerunt hæc peccati venialis confinia? Viri probi, & docti, inquis, ita sentiunt, cum frequentantes theatra ad sacramenta admittant. Viros istos probos, doctosque omnium Scripturarum testimoniis, & SS. Patrum traditione perenni illulos, & deceptos esse multi constanter adfirmant. Superbia, luxus, ambitio, invidia; luxuria in triumphum efféruntur: avaritia omnia confinia justitiae prætergreditur, in explenda siti mīmarum & mīmorum, qui plura aureorum millia exigunt, ut infamem artem exerceant: & quo sunt ad demulcendos sensus, & excantandas passiones impudentiores, eo majorem pecuniarum summam colligunt. Hæc omnia theatro eveniunt. Et hæc omnia peccati venialis limites non transilire asseremus? Finge nos non posse definire hæc omnia efficere peccatum mortale, uti Patres omnes definitiūt: numquid tu certas bilances habes peccati venialis? Fac incertum esse malitiæ gradum, & principia solida deesse quibus definiatur gravitas, aut parvitas iniquitatis: tunc omnibus consentientibus mortaliter peccant qui ejusmodi iniquitati certæ quidem quantum ad genus, incertæ vero quantum ad gravitatem, patrandæ se exponunt.

XI. Quid de nimio fucato, & phalerato ornatu mulierum dicam? Capillos ignito ferro cincinnatos, & crispos cum sanitatis etiam detimento efficiunt: tumentia ubera nigro, alboque ornatu distincta ostentant, ut vehementius spectatorum oculos allificant. Luxum, & pompas, quibus renuntiarunt in Baptismate, & non raro pauperum, & artificum sanguine partos, explicant, & in triumphum deferunt; & mulierculas istas peccare venialiter blaterabis? Cavete Confessarii, & iterum dico cavete, ne istas ad sacramenta admittatis. Scriptura sancta clamat: Declina a malo & fac bonum. Non ait, declina a malo mortali, vel veniali, sed absolute ait a malo. Nisi igitur istæ absolute declinet ab hoc malo deliberato, nolite vos Sanctum dare canibus. Sancti Ecclesie Patres sapissime ignorarunt malitiæ confinia: & vos fidem adhibetis nonnullis Scripturarum, canonum, traditionisque Patrum; prout ex

eorumdem libris constat, valde insciis, dum sibi scientiam arrogant definiendi iniquitatis gravitatem, aut parvitatem? Audite iterum Augustinum. Sunt autem quædam que levissima putarentur, nisi in Scripturis demonstrarentur opinione graviora. Quis enim dicentem fratri suo, Fatue, reum gehenne putaret, nisi veritas diceret? Aut quis estimaret, quam magnum peccatum sit dies observare, sicuti obseruant, qui certis diebus, sive mensibus, sive annis volunt, vel nolunt aliquid inchoare, eo quod secundum vanas doctrinas hominum, fausta, vel infasta existimant tempora, nisi hujus mali magnitudinem ex timore Apostoli pensaremus? Qui talibus ait: Timeo vos ne forte sine causa laboraverim in vobis. In Ench. c. 77.

XII. Expergiscimini ergo filii hominum, & oculos in Scripturas sanctas clamantes: Declina a malo, & fac bonum: Ab omni specie mala cavete: Est via quæ videtur homini recta, & novissima deducunt ad mortem: intendite Patres sanctos, & Concilia serio meditamini. Scitulorum atatis nostræ plurimorum axiomata evangelicæ sanctitati infesta contemnите. Multitudine peccantium putidissimis corruptelas honestare, & consuetudinis larvam induere eodem non pudet. Iстos omnes, inquit Paulus, devitate.

XIII. QUEST. III. Quæ advertentia sufficit ut peccatum sit mortale, & quæ ignorantia excusat? RESP. Tria ad peccatum mortale requiri dictum est, nempe materiæ gravitatem, advertentiam mentis, consensum voluntatis. Dictum quoque est, peccatum mortale ex genere fieri posse veniale ex mentis inadvertentia. Graviores Theologοi concedunt non requiri advertentiam actualem, & expressam ad constitendum peccatum mortale; sed sufficere virtualem, interpretativam, & indirectam. In quo sita est hæc advertentia indirecta, & interpretativa? In hoc quod tu tenearis, & valeas actionis malitiam cognoscere. In hoc quippe ignorantia invincibilis a vincibili distinguitur, quod illam non potes, hanc superare vales. Quare falluntur apertissime qui ajunt, te non peccare mortaliter, dum cares advertentia actuali. Nam videndum est, num potueris, & debueris tallem advertentiam habere. Si enim potuisti, & debuisti advertere, licet non adverteris, peccasti, quia habuisti advertentiam interpretativam, & indirectam, ut 1. 2. q. 8. a. 8. docet S. Thomas. Alio modo dicitur ignorantia voluntaria ejus quod quis scire potest,

& debet. Sic enim non agere, non velle, voluntarium dicitur. Hoc igitur modo dicitur ignorantia, sive cum aliquis actu non considerat quod considerare potest, & debet; quo est ignorantia male electionis, vel ex passione, vel ex habitu proveniens; sive cum aliquis notitiam quam debet habere, non curat inquirere.

XIV. Sed unde potero deprehendere, me posse, & debere scire istius aut illius actionis malitiam? Respondet i. 2. q. 76. a. 2. idem S. Thomas hoc pacto. *Ignorantia in hoc a nescientia differt, quod nescientia dicit simplicem scientie negationem. Unde cuicunque deest aliquarum rerum scientia, potest dici nescire illas . . . Ignorantia vero importat scientie privationem, dum scilicet alicui deest scientia eorum quae natus est scire. Horum autem quedam aliquis scire tenetur, illa scilicet sine quorum scientia non potest debitum actum exercere: unde omnes tenentur communiter sci- re ea quae sunt fidei, & universalia juris præcepta; singuli autem ea quae ad eorum statum, vel officium spectant. Quedam vero sunt quae eti si aliquis natus est scire, non tamen ea scire tenetur, sicut theoremata Geometriae & contingentia particularia, NISI IN CASU. Manifestum est autem quod quicunque negligit habere, vel facere id quod tenetur habere, vel facere, peccat peccato omissionis. Unde propter negligentiam ignorantia eorum quae aliquis scire tenetur, est peccatum. Non autem imputatur homini ad negligentiam, si nescit ea quae scire non potest: unde horum ignorantia invincibilis dicitur, quia studio superari non potest.*

XV. Plura sunt in hac angelica doctrina animadversione digna. Scire Christianus debet quae sunt fidei idest articulos Symboli apostolici; & universalia juris præcepta, nempe mandata Decalogi, præcepta Ecclesiæ, septem sacramenta, septem peccata capita- lia. Conclusiones vero remotas, quae ex præceptis Decalogi universalibus deducuntur, scire absolute Christianus non tenetur, nisi dum re ipsa agenda occurrent. Alioquin omnes deberent esse Theologi, & omnes causum particularium resolutiones perfectas habere. Hoc non requiritur, inquit Angelicus; sed sat est ut dum celebrandus contractus est, dum agendum hoc vel illud est, notitiam ejusdem habeat. *Quedam autem sunt quae eti si aliquis natus est scire, non tamen ea scire tenetur, sicut theoremata Geometriae, & contingentia particularia, NISI IN CASU. In*

Tom. I.

casu itaque celebrandi contractus, audeundi theatri, ludendi, saltandi, scire Christianus hic & nunc tenetur talium actionum mali- tiam, aut honestatem.

XVI. Singuli autem tenentur scire ea quæ ad eorum statum, & officium pertinent. Primus est status christiani hominis. Singuli ergo Christiani tenentur scire quid primum omnium significet hæc solemnis professio baptismalis, *Abrenuntio satanae, & omnibus pompis, & operibus ejus. In aliquibus Ritualibus exprimebatur olim etiam hoc verbum spectaculis, quod alioquin continetur in priori voce pompis. Quot Christiani, ne dicam quot Sacerdotes, qui germanum hujus- ce professionis sensum comprehendant? Deinceps singuli scire tenentur ea quæ ad eorum statum, & officium pertinent. Viri ecclesias- tici, Prælati, Episcopi, judices, advocati, patres & matres familiæ, mercatores, me- dici, artifices &c. Singuli scire astringuntur ea omnia quæ ad proprium statum, & offi- cium attinent.*

XVII. Quam, quæso, diligentiam adhibere Christiani debent ut scientiam illam comparent quæ ad proprium ministerium recte & scite obeundum requiritur? Regula designa- ri præcisæ nequit. Theologi tractantes de con- tractibus docent, quod contrahentes, dum ini- re contractum volunt in utriusque utilitatem cedentem, illam diligentiam adhibere debent quam adhibent diligentiores in simili casu; si vero contractus cedit in utilitatem unius, hic uti ea diligentia astringitur quam adhi- bent diligentissimi. In laudata professione ba- ptismali initus solemnî ritu contractus est Deum inter & nos super unico omniumque maximo æternæ salutis negotio. Deus æter- nam nobis spondet mercedem, æternamque vitam beatam. Nos evangelicæ legis suæ obseruantiam promisimus. Singulari provi- dentia Deus disposuit ut in quolibet statu, & professione essent, & sint viri sive ecclæ- siastici, sive laici, diligentes, diligentiores, & diligentissimi in æternæ salutis negotio. Hos ergo imitari omnes possunt, & debent. Ergo si imitari eorum diligentiam, & solli- citudinem recusant, istorum negligentia, & ignorantia vitiosa, criminosa, & vincibilis est. Percurre singulos hominum status, gra- dus, professions, dignitates, & artes. Pau- cos invenies qui aptiora media ignorent quæ conducunt ad augendas divitias, ad compa- randos gradus, dignitates, & honores. Fe- minæ ipsæ peritissimæ sunt, consuluntque ce-

lebriores artifices, qui elegantius eas in hoc ampio vanitatis, & ambitionis theatro ornare sciant.

XVIII. In æterno autem salutis negotio, in implendo contractu cum Deo inito, communiter quisque leges contractus ad propriorum appetitionum commodum temperat: quisque doctor, & interpres legum est. Communiter eos magistros, & Confessarios consulunt qui liberalius absolutionis beneficium impendunt, qui benignius eorum appetitionibus indulgent, & adulantur. Istorū ne ignorantia, & inadvertentia innoxia & invincibilis? Absit. Istorū desidia vafra, versuta, fraudulentia. Isti nolunt intelligere ut bene agant. Istorū ignorantia affectata, supina, & crassa est. Eam quippe diligentiam adhibere in æternæ salutis negotio re-eusant quam in quolibet rei transeuntis & vanæ contractu adhibent.

C A P U T III.

*De peccatis, originali, commissionis,
& omissionis.*

I. Eccati originalis notionem, & effectus supra lib. I. cap. I. descripsi. Quare ne actum agam, vide quæ ibidem scripsi. Peccati originalis notitiam, & humanæ per Christum Jesum redemptionis fidem, duos esse Religionis christianæ cardines præcipios, docet S. Augustinus epist. 89. Missa itaque de peccato originali disputatione, de aliis duabus peccatis propositis differam.

II. QUÆST. I. *Peccatum commissionis consistit ne in aliquo positivo, vel privativo?* RESP. Disputant in utramque partem Theologi. Prior opinio, quæ illud constituit in aliquo privativo, mihi probabilior est. Verum tempore abuterer, si longius eam discuterem.

III. QUÆST. II. *In quo situm est peccatum omissionis?* RESP. In carentia, seu prætermissione actus præcepti. Nullus quippe actus positivus ejusdem essentiam ingreditur, cum per hoc distinguatur a commissionis peccato. Requiritur tamen actus qui causa, vel occasio omissionis sit.

IV. Peccatum commissionis, & omissionis, dum idem motivum, ut ajunt, formale spestant, sunt in genere moris ejusdem specie. Peccata enim specie distinguuntur ex diversa ratione formalis. Ergo quando eadem est

utriusque formalis ratio, eadem quoque est malitia species.

V. Actus qui sunt omissionis causa, aut occasio, licet secundum se boni sint, mali evadunt. Qui enim libere vult omissionis pravæ causam, vult ipsam omissionem. Ergo qui libere tamē causam, ponit, peccat. Quare qui omittetur die festo Sacri auditio-nem propter studium, propter venationem, propter scriptio-nem, non solum mala omis-sio est, verum etiam malum studium fo-ret, mala venatio, mala scriptio.

VI. Disputant Theologi num actus qui est causa omissionis, habeat malitiam distinctam ab ipsa omissione? Communior, & vera sententia negat: quia studium in casu posito malum est ob solam omissionem Sacri.

VII. Qui causam culpabiliter omissionis ponit, peccare incipit tempore quo libere ponit causam; peccatum vero consummatur tempore quo urget præceptum. Causæ positiō voluntaria est; ergo mala, cum sit effec-tus mali, & criminosi causa. Deinde in-stante præcepto denuo peccat; nisi retractet deliberationem. Disputant Theologi num omissionis vitiosa sit, & imputabilis ebrio, vel dormienti, cum isti libertate careant. Ve-rum respondent alii sufficere voluntarium & liberum in causa, in qua prævisus effectus est, aut prævideri poterat, & debuerat. Ve-rum disputatio hæc, ad praxim quod attinet, inutilis est.

M O N I T U M.

VIII. Illud potius cum timore & trema-re meditandum, nempe aeternam Christianorum perditionem ex omissione pravitate tamquam ex funesta radice proficiendi. Negle-cetus orationis, reflexionis, & meditationis fons existialis est, & caput omnium malorum. Quot sunt Christianorum qui quotidie aliquod temporis intervallum, qui horæ quadrandem in evangelicis punctis meditandis impendant? Hæc meditatio, inquiunt, ejus-modi preces, monachis, & claustralibus com-petunt, secus laicos. Sed heu cæcorum infe-licissimi! Si Religiosi a sæculi curis segregati his præsidii indigent, ut hostium evadant victores; quanto magis iidem opus habent Christiani qui in aperto campo dimicant, & undique verbum hostium aggressibus obsiden-tur? Si armatura, & scuto fidei, & meditationis æternæ vita clypeo instructi continen-ter, quoad valent, non incedunt, inimico-rum

sum istibus succumbent, & tandem eorum præda evadent. Si corpus cito succumberet, quando congruo careret cibo; profecto & animus deficiat in via opus est, nisi æternarum veritatum pane dentibus meditationis bene manso nutritur. Quid? Animæ intrinsecus superbia, ambitione, inadvertia, odio, concupiscentia ardentes, & extrinsecus pravis exemplis, dæmonum, hominumque machinationibus obsecræ eternum afflentur bravium, cum per totam fere vitam sub hominum tyrannide contradicatae jaceant?

IX. Animadvertunt Patres, in extremo tremendoque judicio Christum Dominum solas omissiones improprieturum: quia non dedistis mibi manducare, non dedistis mibi bibere, non suscepistis me &c. quasi flagitia commissionis sua manifesta malitia seipso sceleros damnant.

C A P U T IV.

De distinctione specifica, & numerica peccatorum.

I. **Q**UEST. I. *Unde specifica peccatorum distinctio repetatur?* RESP. A specifica objectorum diversitate. Peccatum enim est actus malus a libera voluntate, quæ in objectum tendit, procedens: ergo ab eodem objecto speciem capit. Objecta autem in morali ordine specie differunt per diversam disformitatem, aut conformitatem ad legem æternam, & rectam rationem. Sumitur quoque distinctio præceptorum ex diversitate rerum præceptarum.

II. **Q**UEST. II. *An diversitas specifica peccatorum sumatur etiam ex circumstantiis?* RESP. Circumstantiae morales sunt extra essentiam actuum moralium, & illas extrinsecus dumtaxat comitantur, seu circumstant; septemque numerantur. *Quis* personam, statumque prodit; *ubi* locum sacrum, vel profanum; *quibus auxiliis* instrumenta adhibita ad peccandum; *cur* finem; *quomodo* modum actus; *quando* tempus denotat.

III. Dupliciter circumstantia afficere actum potest, aut transferendo illum ad aliam speciem distinctam ab ea quæ intrinsecus actui hæret ex proprio objecto, ut si quis fornicietur cum persona Deo consecrata per votum; aut augendo actum intra eamdem speciem, ut si quis furetur in maxima quantitate. Circumstantiae prioris generis vocantur mutantes speciem, posteriores aggravantes

intra eamdem speciem: istæ aliae leviter aliae graviter aggravant. De his fusior sermo erit in lib. de pœnit.

IV. Ad quæstum respondeo, peccata novam suscipere malitiæ speciem ex circumstantiis quæ speciem mutant. Interdum circumstantiæ possunt primam malitiæ speciem tribuere, ut si quis elargiatur eleemosynam propter inanis gloriae finem, vel Sacrum audiat propter finem spectandi impudice mulierem.

V. **Q**UEST. III. *Unde sumatur distinctio numerica peccatorum?* RESP. Ex interruptione eorumdem actuum: quæ interruptio ex triplici capite valet accidere: 1. per expressam retractationem; 2. per cessationem voluntariam; 3. per cessationem naturalem, aut oblivionem, aut distractionem, vel per somnum.

VI. Falsa est mihi opinio Salmanticensium, qui tract. 20. c. 12. par. 5. §. 1. n. 37. docent, unum peccatum committere illum qui per unum annum persistat in voluntate non restituendi, quando hunc actum non retractet, & pro hac opinione citant Diana, Lugo, Vasquez, & alios. Falsa quoque mihi videntur quæ ibid. n. 36. docent, afferentes, eum qui intendit occidere inimicum, arna preparat, viam capessit, & per multos dies illum querit, & tandem occidit, unum committere peccatum, & satisfacere preceptio confessio dicendo, se homicidium perpetrasse, quin sit necessarium declarare, quo tempore duravit in illa prava voluntate, & quoties eam inculcavit. Sincere patefacienda omnia in confessione sunt, nempe temporis diurnitas, dies, hebdomadae, menses &c. ut hinc colligat Confessarius criminum multitudinem, & gravitatem. Peccata quoque multiplicantur ex multiplicatione objectorum. Sicut enim peccata specie multiplicantur ex objectis specie diversis, ita quoque numero distinguuntur ex distinctione objectorum. Hinc qui diversis calumniis hominem eundem infamaret, plura committeret peccata. Similiter qui plures homines eadem contumelia infamaret, tot peccata patraret quot essent homines infamati. Item qui uno actu quatuor homines occidit, quatuor committit peccata.

VII. Heinc mihi falsa est opinio Salmanticensium, qui ibi n. 46. docent, Confessarium peccato mortali inquinatum plures successive audientem confessiones, & absolventer pœnitentes, unum committere pecca-

tum. Falsa quoque est opinio Bonacinae, Fillucci, & aliorum docentium, illum qui uno actu intendit occidere integrum familiam, aut eam infamare, unum patare peccatum. Familia enim pluribus constat personis. Ergo plura is peccata committit.

VIII. Disputant recentiores, utrum in eodem physico actu possint esse plures malitia numero distinctæ? Opinionem negantem defendunt Suarez, Layman, Fillius, Leander, & alii. Sed affirmantem in 2. sent. dist. 42. a. i. propugnat S. Thomas, & cum eodem omnes Thomistæ, gravioresque Theologi extranei. Ratio evidens est. Idem numero actus physicus plures malitias specie distinctas habere potest. Ergo potiori jure pluribus affici pravitatibus solo numero distinctis potest.

IX. QUÆST. IV. *Qui a venialibus abstine non satagit, est ne in periculo labendi in mortalia?* RESP. Tremenda atque formidanda est proposita quæstio, non speculativa, sed practica, cuius discussio centum quæstionculis, quæ agitari a Scholasticis de peccatorum distinctionibus solent, prævalet. Patres autem omnes, & graviores Theologi super proposita quæstione affirmantem sententiam defendunt. Sunt enim peccata venialia ceu vermiculi quidam spiritualis vitæ medullam corrodentes, sunt nubeculae quædam nitorem virtutum offuscantes, & caritatis fervorem refrigerantes, sunt tineaæ quædam, quæ ad gratiæ jacturam disponunt. Porro qui se amittendæ divinæ gratiæ periculo exponit, & peccandi mortaliter, parum abest a peccato mortali.

X. Innumera sunt Scripturarum oracula quæ hanc terribilem veritatem inculcant. *Maledictus qui facit opus Domini fraudulenter:* (alii legunt negligenter;) inquit Jerem. cap. 48. Non minus formidanda sunt Joannis verba: *Utinam frigidus es, aut calidus sed quia tepidus es. . . . incipiam te evomere de ore meo:* Apoc. 3. Qui languidi, & desides sunt in Dei amore, Dei vomitum, & detestationem provocant. Quid si isthuc traducerem parabolas illas de virginibus fatuis, de servo pigro, de ficalnea flerili, de talentis absconditis, quæ vel ipsis sanctissimis viris terorem ingerunt? An ferventes, & calidæ in Dei amore dicendæ sunt Christianæ illæ quæ omni pomparum apparatu, & vanitatum sarcinis onusæ ad ipsum sacrum Pœnitentiæ tribunal, divinamque mensam accedunt? An Christiani

qui totam fere vitam ducunt aut terrenis curis distractam, aut otio, vanis solatiis, ludis immersam, calidi & vigiles sunt in Dei servitute? Quid de Ecclesiasticis, quid de Sacerdotibus, illis qui torosuli, & formosuli, qui barbatuli, & cincinnati, qui mente ineptissimis cogitationibus occupata & gravida ad tremendissimum Sacrificium accedunt, nulla aut brevissima præparatione præcedente, nulla devoritione comitante: immo tam indevote, & tanta festinatione sacra illa mysteria tractant, & perficiunt, ut credere omne aliud, præter realem Christi præsentiam, Deique Majestatem ibidem residere, videantur? Isti ne ex toto corde, ex tota anima, ex totis viribus Deum diligunt? Clamat S. Bernardus epist. 91. *Minime profecto est bonus qui melior esse non vult: & ubi incipit nolle fieri melior, ibi etiam definit esse bonus.* Et rursus epist. 203. addit: *Nolle proficere deficere est. Non vis proficere, o Christiane? Non? Vis ergo deficere.*

C A P U T V.

De septem vitiis capitalibus.

PAUCIS perstrinxí disputationem de peccatis universæ, & generatim spectatis, quod plurimæ quæstionculæ, quas fuso calamio versare Theologi solent, parum aut nihil ad reformatos mores conferant. In præsentia instituendus sermo est de septem illis vitiis capitalibus quæ conflant legionem illam infernalem quæ modo conjunctim, modo divisim animas obsidet. Singula distinctis §§. discutiam.

§. I.

De superbia omnium vitiorum fonte.

I. QUÆST. UNIC. *Quid sit superbia?* RESP. Est, inquit 2. 2. q. 162. S. Thomas, *inordinatus appetitus propriæ excellentiæ.* Gravissimum est superbiæ peccatum, præser-tim ex aversione a Deo, & postea etiam ex conversione ad creaturam. Augetur ejusdem pravitas, quod sit omnium vitiorum caput, & quod omnibus virtutibus bellum intentet, & justis magnopere insidias struat. Justum enim Angelum, justum Adam superbia impetravit, & devicit. Quare S. David continenter Deum precabatur: *Non veniat mibi per*

per superbiam: Psal. 35. Quis est qui, dum serio incredibilem istius vitii nequitiam, fraudem, astutiam meditatur, qui dum victimum Luciferum, & cum eo tertiam Angelorum partem, dum primum humani generis parentem omnium virtutum splendore coruscantem prostratum cum universo humano genere considerat, non paveat, non contremiscat?

II. Quatuor enumerat 2. 2. q. 162. a. 4. S. Thomas superbiam species: 1. aestimare bonum a seipso habere: 2. sibi datum bonum desuper credere pro meritis accepisse: 3. jaētare se habere quod non habet: 4. despiciens ceteris appetere singulariter videri habere id quod non habet. Primae duæ species sunt peccata mortalia, cum ex deliberata voluntate procedunt. Tertia, & quarta ob materiam levitatem excusari a gravi culpa possunt; si tamen gravem Dei irreverentiam, & grave proximi damnum, vel contemptum conjuncta habeant, gravia peccata sunt.

III. S. Bernardus duodecim superbiam gradus totidem humilitatis gradibus oppositos enumerat, nempe curiositatem, mentis levitatem, ineptam lætitiam, jaētantiam, singularitatem, arrogantiam, præsumptionem, defensionem peccatorum, simulatam confessionem, rebellionem, libertatem, peccandi consuetudinem. Quia de re lege S. Thomam 2. 2. q. 162. a. 4. ad 4.

IV. Superbia nunc descripta vitium speciale est. Nunc indico modos quatuor quibus esse vitium generale potest. 1. Secundum causam finalem, quatenus alia peccata ordinantur ad finem superbiam, qui est propria excellentia. 2. Superbia initium est & causa omnis peccati, prout parit inordinatam concupiscentiam erga bonum commutabile, quae est universalis proxima causa peccandi. 3. Superbia causa peccati est removendo Christi gratiam, cuius ope peccatum declinatur. 4. Denique superbia generale peccatum dicitur ratione objectorum in quæ velut in propriam materiam tendit. Excellentia enim persona objectum superbiam est. Hæc autem excellentia ex variis rebus assurgit.

§. I.I.

De filiabus superbiam, & inanis gloria.

I. **T**Res sunt filiae superbiam. *Inanis gloria, ambitio, & præsumptio. Vana gloria*, quæ a S. Gregorio primum vitium capitale reputatur, & ab aliis ut filia primogenita superbiam habetur, a S. Thoma 2. 2. q. 132. art. 1. describitur, quod sit *perversus, & inordinatus appetitus manifestacionis propria excellentia*. Vide plura ibi. Superbia appetit propriam excellentiam, hanc manifestare studet vana gloria.

II. *Ambitio* est perversus appetitus honoris & dignitatis; ut si ambias officia, & dignitates ad quas assequendas, vel exercendas meritis cares. Tripliciter hoc continet, inquit S. Thomas. 1. Cum homo appetit testimonium de excellentia quam non habet; 2. cum honorem ambit, illum in Deum non referendo; 3. cum quiescit in honore, eum non referendo ad aliorum utilitatem.

III. *Præsumptio* aut est de Dei misericordia, aut de propriis viribus. De hac nunc, fecus de illa, sermo est; & definitur *appetitus inordinatus aggrediendi aliquid supra vires*; ut cum quis appetit officium judicis, advocati, superioris, Confessarii, Concionatoris &c. dotibus necessariis ad talia munia destitutus.

IV. Præmogenitam superbiam diximus esse vanam gloriam, cuius septem sunt filiae. 1. *Inobedientia*, quæ ex contemptu violat superioris præceptum. 2. *Jactantia*, quæ est inordinata propria excellentia deprædicatio per verba. 3. *Hypocrisia*, quæ interdum affectat probitatem, ut viam ad honores, & dignitatess sibi paret, quam voco *negotiatoriam*; interdum simulat sanctitatem: quia de re lege S. Thomam 2. 2. qu. 111. art. 4. ubi plura offendit scitu digna. 4. *Contenatio*, quæ est impugnatio veritatis cum altercatione verborum. Peccant graviter, inquit Merbesius Sum. Chriſt. p. 2. qu. 7. Sacerdotes illi qui novis imbuti opiniunculis, regulas a S. Carolo Borromao pro ministrando sacramento Pœnitentiæ ex Patribus excerptas contentiose oppugnant. Peccant quoque plurimi scituli qui e scholis abeuntur, in quibus nihil fere præter insanabile dispiciendi cacoethen didicere, nihilosecius sanctoris doctrinæ regulas in disputationem magno,

obstinatoque clamore adducunt. Verum serio, & humili animo animadvertisendum nefasitas pro veritate accipiatur, ne intus latitet infidiosissimus, & vaserrimus opinonis semel imbutæ, aut propriæ scholæ defendenda perverlus amor. Præ oculis habe regulam quam tr. 8. in 1. epist. Joan. tradit S. Augustinus: *Dilige, & quodvis fac: sive taceas, dilectione taceas; sive clames dilectione clames; sive emedes, dilectione emedes; sive parcas, dilectione parcas.* Radix sit intus dilectionis. Non potest de ista radice nisi bonum existere. De iis disputa in terris quæ profundit in celis. De rebus vanis, & ineptis ad salutem contendere ad solam famam, vanamque gloriam captandam, instituere pugnacissimas disputationes peccato non caret. Quamobrem clamat 2. ad Tim. 2. S. Paulus: *Studias autem, & sine disciplina questiones devita.* Lege ibi plura. 5. *Pertinacia*, quæ est adhæsio propriae sententiae plusquam operret, dum quis in ea perseverat contra agnitam veritatem, inquit 2. 2. q. 128. ay. 2. S. Thomas. Mortalis est, dum manifestæ doctrinæ fidei, vel morum resistit, & in proprio errore obfirmate persistit. 6. *Discordia*, quæ in voluntatum contrarietate sita est. 7. *Præsumptio novitatum*, ut cum quis inani gloria inflatus novas excogitat opiniones, novasque vestitus formas in animarum, & professionis baptismalis perniciem.

§. III.

Admonentur Confessarii frequentem esse superbie culpam, cuius remedium est christiana humilitas.

I. **P**LURA de superbia dicta sunt lib. 1. Verum quia superbia initium est omnium malorum, nonnulla adjicere lubet: quia numquam nimis quod numquam fatis. Communiter recentes obiter dumtaxat de superbia disputant: de gula vero, de luxuria fusissime. Heinc & Confessarii, & Christiani tantu sceleris pravitatem ignorant.

II. Nobile & splendidum reputatur superbie crimen, & vix inter virtutes non colitur. Erubescunt communiter honesti viri de gula, de ebrietate, de luxuria, de fraude. At quis est quem superbia, quem vanægloriæ, ambitionisque pudeat? Habent enim hæc vitia sua splendida vela, sub quibus ambitionis, superboque exultant, atque triumphant. Quis Confessiorum examen insti-

tuit pœnitentium, quis pœnitentium se accusat de his criminiibus?

III. Recentiores Theologi vix patrari a Christianis existimant peccatum mortale superbie: inquiunt enim: quis est qui ultimum finem constitutat in propria excellencia, aut se Deo æqualem reputet? Vix aliquis adeo stultus est qui tam furenter insaniat. Ita ratiocinantur non pauci.

IV. Ut nos ab his spectris caveamus, fidei capita meditanda sunt. Nos omnes veluti exesse heredes a protoparente nostro Adam crimen istud accepimus, & contraximus. Hæc est infirmitas originaria, hic est morbus prævalens, & dominans in totum humanum genus. An non imperitissimi mediici illi qui neglecta infirmitate prævaleat, & omnium morborum radice prætermissa, surculos dumtaxat, & consequentes morbos curarent, radice ipsa venefica intacta relata? Nonne dum aliquis morbus veneficus in aliqua dominatur provincia, communiter ex illo morbo moriuntur homines? Pestis nostra superbia est, lues nostra ambitio est, & vana gloria. Serpit intra nos, & ultimos subit animi nostri recessus, quin nos stragem, quam parit, advertamus. Dum Theologi explicare modum quo Lucifer, & Adam superbia crimen patraron, conantur, balbutiunt, distinguunt, & vix esalebitis exire queunt, nullamque claram imaginem modi quo illud peccatum commissum fuit, perhibere sciunt. Factum istud verum est. Et illos postea non pudet tam audacter definire, raro nunc homines mortale superbie crimen patrare? Clamabunt: Numquid tu certo asserere vales letaliter istos superbiam infectos peccare? Absit. Sed ajo superbiam dominari in genus humanum. Hic est morbus prævalens, & dominans. Ergo plurimi ex hoc morbo pereunt. Confucio hæc necessaria videtur.

V. Et quia eo est lues ista perniciosior, quo est occultior; idcirco Patres omnes tantum hostis infidias trementes reformatabant. Et hæc sunt illa peccata superbie, ambitionis, vanægloriæ, quorum confinia ipsos latebant, quorum malitiam mortalem, aut veniale ignorabant; & ideo pavidi, vigilantesque orabant Deum ne deciperentur, & continenter se se in humilitatis virtute exercabant. Hanc virtutem a Christo magistro nostro in primis nobis commendatam sciebant tamquam efficacissimum superbie antidotum.

VI. Sed heu nos miseri! Quemadmodum in aliquibus libris pro conscientiarum regimine destinatis brevis est de superbiae virtutis capitali instructio; sic de humilitatis præcepto aut nullus, aut exiguis, aridusque sermo est. Hanc virtutem explicanda communiter relinquunt magistris asceticis, seu librorum, ut vocant, spiritualium auctoribus, ac si virtus hæc propria dumtaxat esset & conveniens animabus illis quæ ad quamdam perfectionem aspirant, non ex præcepto impositam, sed consilio tantum propositam. Superbia virtutem capitale est, & quidem primum, quia caput omnium malorum existit. Ejus antidotum humilitas est, & hæc est illa virtus omnibus necessaria quæ totius evangelici ædificii basis, & fundatum vocatur.

VII. Hanc humilitatem verbo, & exemplo Christus magister noster nos docuit: hanc commendavit, hanc inculcavit. *Discite a me quia mitis sum & humiliis corde:* Matth. 11. & rursus c. 18. clamat: *Amen dico vobis, nisi conversi fueritis, & efficiamini sicut parvuli, non intrabitis in regnum cælorum.* Quicumque ergo humiliaverit se sicut parvulus iste, hic major est in regno cælorum. Et iterum Luc. 18. Omnis qui se exaltat, humiliabitur, & qui se humiliat, exaltabitur. Da mihi hominem humilem, & eum ut sanctum Christianum colam. Si humilitate caret, regno Dei ineptus est, Christo ipso teste. Experciscimini ergo Confessarii omnes. Evangelium Christi legite, si sinceram humilitatis imaginem contemplari, & addiscere cupitis, ut in eadem instruere fideles valeatis. Plurima mihi dicens de gravissimo hujusce tam necessariae virtutis præcepto essent; sed hujusce compendii brevitas non finit.

§. IV.

De avaritia.

I. **A**varitia est inordinatus divitiarum amor, ut 2. 2. qu. 118. art. 1. S. Thomas docet. Hic perversus habendi amor considerari potest primo erga proximum, aut per excessum in accipiendo, aut per defectum in tribuendo, quo in sensu est peccatum in proximum. Secundo erga se ipsum, dum quis immoderate divitias amat, aut desiderat, aut delectatur in eis. Et hoc modo avaritia est peccatum hominis in se ipsum,

Priori modo avaritia est peccatum mortale ex suo genere, si sit contra justitiam, & caritatem, aut misericordiam. Posteriori modo poterit esse peccatum veniale.

II. Avaritia vitium capitale est, non carnale, sed spirituale, ut loc. cit. art. 6. inquit Angelicus. Hoc peccatum perpetrant homines 1. dum per fas & nefas divitias congregant; 2. quando tanto divitiarum amore flagrant ut in eisdem constituant ultimum finem; 3. dum ita cupide temporalia bona amant ut eadem nullo modo diminuere nec propter Deum, nec propter proximum velint; 4. cum nullum terminum propriæ cupiditati imponunt, & ita lucro inhiant ut negligant ea quæ ad salutem æternam requiruntur. Præ oculis habendum oraculum S. Pauli Apostoli est. *Nam qui volunt divites fieri, incident in temptationem, & in laqueum diaboli, & desideria multa iniuria, & nociva, quæ mergunt homines in infernum, & perditionem. Radix enim omnium malorum est cupiditas, quam quidam appetentes erraverunt a fide:* 1. ad Tim. Innumeræ sunt Scripturarum oracula adversus avaritie pestem. Clamat Dominus per Isaiam: *Væ qui conjungitis domum ad domum, & agrum agro copulatis usque ad terminum loci: num quid habitabitis vos soli in medio terre?* Isa. 5. & Propheta Amos cap. 6. *Væ qui opulentis estis in Sion . . . Qui dormitis in lectis eburneis, & lascivitis in stratis vestris, qui comeditis agnum de gregi, & vitulos de medio armenti, qui canitis ad vocem psalterii, bibentes vinum in phialis, & optimo ungauento delibuti, & nihil patiebantur super contritione Joseph.*

III. Non minus tremenda sunt oracula novi fœderis, & supplicia in avaros contorta. Describit c. 12. S. Lucas divitem avarum intra se dicentem: *Quid faciam, quia non habeo quo congregem fructus meos? Eo dixit: Hoc faciam: destruam horrea mea, & majora faciam, & illuc congregabo omnia quæ nata sunt mibi, & bona mea; & dicam anime mee: Anima habes multa bona posita in annos plurimos: requiesce, comede, bibe, epulare.* Dixit autem illi Deus: *Stulte, hac nocte repetent animam tuam a te. Que autem parasisti, cuius erunt?*

IV. Sed omnium tremendissimum est Iesus Christi oraculum Marc. 10. ubi exclamat: *Quam difficile qui pecunias habent, in regnum Dei introibunt!* Discipuli autem obstupescabant in verbis ejus. At Jesus rurus

Ius respondens ait illis: Filioli, quam difficile est confidentes in pecuniis in regnum Dei introire! Facilius est camelum per foramen acus transire quam divitem intrare in regnum Dei. Qui magis admirabantur dicentes ad semetipos: Er quis poterit salvus fieri?

V. Si Confessarii in hæc oracula Christi, qui nec fallere, nec falli valet, anima humilem, & serium intenderent, fastidirent sane plures opiniunculas, quibus divitibus mollia cervicalia submittantur; detestarentur illa commenta quibus fenora fucantur. Adeo distat hæc Christi doctrina a quorum-dam Moralistarum sententiis ut componi simul nullo pacto queant. Porro judicium divinum secundum hæc evangelica oracula fiet. Evangelium Christi ergo, o Confessarii, missis sophisticis disputationibus hominum diurna & nocturna manu revolvi-te. Responsum discipulorum S. Augustino admirationem ingerit. *Quis poterit salvus fieri? Quid? Divites pauci sunt: nec omnes ad unum damnari, asserere possumus: nonne ergo plurimi salvandi superfunt? Quid ergo clamitant: Quis poterit salvus fieri? Ineptum ergo discipulorum videtur responsum. Sed ego ineptissimus, & ignorantissimus, si minus opportunum judicare responsum istud. Pauci, inquit S. Doctor, divites sunt; sed communiter omnes affectu divites sunt, idcirco reposuere discipuli: Quis poterit salvus fieri? Difficile quippe salutem assequuntur sive qui divitias possident, sive qui divitias ardentius appetunt. Ut vero hanc reprimamus cupiditatem, & intra justos limites coerceamus, Dei gratia singulari opus est, ut Christus ipse subdit. Et intuens illos Jesus ait: *Apud homines impossibile est, sed non apud Deum. . . . Et cœpit ei Petrus dicere: Ecce nos dimisimus omnia, & secuti sumus te. Si seria meditatione animarum moderatores divina hæc oracula contemplati fuerint, & semetipos, & suos pœnitentes in viam salutis dirigent.**

VI. Avaritiae filiae sunt proditio, fraus, fallacia, perjuria, inquietudo, violentiae, obduratio, furtum, homicidium, usura, simonia, divinorum neglectus, fiducia in rebus sæculi, & mala pene omnia.

§. V.

De luxuria, & gula.

I. Inter septem vitia capitalia duo tantum carnalia sunt, quæ facilime ab omnibus cognoscuntur: cetera quinque spiritualia sunt, idcirco cognitu difficultissima; immo ita saepe nos decipiunt ut vitii effigie abscondita, virtutis larvam præferant. Contra luxurias, & galæ crimina omnibus comperta sunt.

II. De luxuria, quæ est *inordinatus appetitus voluptatis venereæ*, satis dictum est in explicatione sexti præcepti Decalogi.

III. Gula, luxuriæ soror, & mater, est *inordinatus comedendi, & bibendi appetitus*. Appetitus iste semper perversus est, dum in delectatione, & voluptate cibi, & potus finem constituit. In galæ favorem erat thesis damnata ab Innoc. XI. Comedre, & bibere &c. post damnationem detestabilis evasit. Idque omnes qui debito obsequio Sedis apostolicæ decreta suscipiunt, facile, non difficile intelligunt.

IV. Neque heinc inferas, saporem cibi, & potus peccatum esse. Humana enim infirmitas non modo cibo, verum etiam sapore indiget, quo medio sumere cibum, potumque valeat. Tunc peccatum est, dum hoc saporis medium in finem convertitur. Idem dicendum de aliis sensuum oblectationibus. Hinc patet falsitas doctrinæ P. Viva, qui in commentariis in dictam thesim &c. num. 6. inquit: *Verum quidem est quod possit PROPTER SE intendi directe oblectatio aliqua quæ reperitur in ludo v. gr. in olfactu floris, in auditione musicæ, & aliis actibus moraliter indifferentibus. Voluptas cibi, & potus necessaria est ut medium ad sustentationem corporis: & nihilominus si propter se directe intendatur, damnata est. Numquid voluptas ludi, musica, olfactus rosæ necessaria est ad vitam sustentandam? Ergo voluptas captata ex musica, ex ludo &c. & propter se directe intenta damnabilis est æque ac cibi, & potus voluptas.*

V. Tribuitur gula in duas species: in *comestitionem*, seu *crapulam*, & *ebrietatem*. Utraque vita sunt genere suo peccatum mortale. Nihilominus scribit P. Busembaum lib. 5. c. 3. dub. 5. apud P. La Croix n. 293. pag. 43. „Hinc probabile est quod „do-

„ docet *Navar. Tolst.* &c. & non repugnat
„ *Layminus*, secluso scandalo, & aliis ve-
„ miate tantum esse usque ad vomitum se
„ cibo, & potu IMPLERE: idque etiam si
„ quis VOMAT, UT ITERATO POSSIT BI-
„ BERE. Num hæc doctrina Epicureis-
„ sum sapiat, doctiores judicent. Scriptu-
„ ra sanctæ clamant: *Væ qui potentes estis ad*
bibendum vinum: Isa. cap. 5. & Evange-
lista Lucas: Væ qui saturati estis, quia esu-
rietis: cap. 6.

VI. Ebrietas est excessus in potando us-
que ad violentam usus rationis privatio-
nem. Malitia itaque ebrietatis in hoc si-
ta est ut homo volens & sciens bibat cum
tanto excessu, ut rationis usu se se privet.
Contra ebrietatis flagitium clamant Scriptu-
rae sanctæ: *Væ qui consurgitis mane ad e-*
brietatem noctandam, & potandum usque ad
vesperum, ut vino astuetis: Isa. cap. 5. &
Luc. cap. 21. Attendite vobis, ne forte gra-
ventur corda vestra in crapula, & ebrie-
tate.

VII. Laxa paradoxa de ebrietate non
pauci Probabilistæ docent. P. Busembau
lib. 5. cap. 3. dub. 1. artic. 2. apud P. La-
Croix num. 308. docet, peccare eum qui
se inebriat absque justa causa. Occurrit er-
go justa causa se inebrandi? Quidni? Re-
ponit enim ibi: Non est peccatum inebris-
tre se ex prescripto medicorum, si aliter sa-
nitas recuperari non possit. An ab Hypocrate
ethnico prescripta occurrit ebrietas ista.
hæc? Adjicit ibid. P. La-Croix num. 313.
„ Ad morbum gravem, etiam non leta-
„ lem curandum, aut cavendum licitam
„ esse inebriationem, docent multi cum
„ Gobat a num. 15. si aliter curari, aut
„ caveri nequit. Quam laxa sit opinio
hæc, judicent sapientiores. Pergit ibi P.
Busembau: Non item est peccatum (se
inebriare) si quis cogatur intento ene. E-
brietas genere suo peccatum mortale est.
Et hæc ebrietas licita erit ad mortem evi-
tandam? Licitum ergo erit forniciari, ad-
ulterare, pejerare ad declinandam mor-
tem.

VIII. P. La-Croix plures loc. cit. opinio-
nes recenset excusantes ebrietatem. P. Ill-
sung docet cubantes super lupulum, & se
inebriantes non peccare: quia, inquit, talis
inebriatio caret magno voluptatis illico. Ad-
dit P. La-Croix ibi num. 317. Ang. Tan-
ner. Fagund. Gobat cap. 6. num. 37. univer-
saliter docent ebrietatem nullam esse morta-

le, nisi diu privet usu, & potentia ratio-
nis. Non parum, sed diu privare ebrie-
tas debet non modo usu, sed etiam poten-
tia rationis, ut sit peccatum mortale. Et
quæ temporis longitudo requiritur? Una
hora, inquiunt, videtur esse longum tem-
pus. Qui vero per tres quadrantes mero
ingurgitatus, & destitutus esset usu, &
potentia rationis, ut bestia, venialiter tan-
tum peccaret, juxta Tannerum, Fagun-
dez, Gobat, & La-Croix, qui ibidem n.
329. hæc addit: Si quis ex gravi causa fa-
ciat inebriari alterum ad elicienda secreta
que alter tenet manifestare, multi dicunt,
non peccare si ad materialm tantum ebrio-
tatem inducat. Alium casum ibi num. 332.
adjicit. Injuste in custodia detentus non pe-
ccat inducendo custodes ad materialem ebrieta-
tem. Judicent docti, & christiani viri,
num hæc sint theorematia opportuna pro
conscientiarum regime.

IX. Sed quando dicendus ebrius homo
est? Respondebit P. Busembau lib. 5. c. 3. ar-
tic. 2. his verbis. Si quis post potum disser-
nere adhuc posset inter bonum, & malum,
licet nonnihil phantasia turbata sit, aut se-
quatur vomitus, lingua titubet, pedes vacil-
lent, oculi cernant duplicita, vel domus gy-
rari videatur; nondum plena est ebrietas:
ideoque tantum peccatum veniale, quamvis
ex gravioribus, si DELIBERATE sit commis-
sum. V. Layman loc. cit. Plena ebrietas no-
tatur ex his signis que dat *Iesus* num. 30.
&c. Si quis non meminerit dictorum, facto-
rum, quomodo, vel quando domum deductus.
2. Si commisit ea que numquam sana men-
te solet, v. gr. si preter morem turpia sit
locutus, turbavit domum, uxorem verbera-
vit &c.

X. Quamvis ergo homines mero se in-
gurgitent usque ad vomitum re ipsa secu-
tum; quamvis oculi emissiæ, & revolu-
ti cernant duplicita; quamvis domus gyra-
ri videatur, & lingua titubet; quamvis do-
mum, ceu porcelli, deportentur; si tamen
meminerint se portatos esse, quamvis de-
liberate usque ad hunc excessum potent,
& se se vino impleant; nihilominus liberi
sunt a peccato mortali, & solum venialem
culpari ex gravioribus perpetrant. Quis ab
hac doctrina non abhorreat?

§. VI.

Malitia iræ, ejusque sex filiæ exponuntur,

I. **I**RA definitur quod sit *injustæ vindictæ inordinatus appetitus*. S. Augustinus vindictam appellat *libidinem ulciscendi*. Injusta, & indebita vindicta est 1. quando quis innocentem punire concupisicit ; 2. dum reum æquo majori poena plebi cupit ; 3. cum Iesus præter ordinem iustitiae puniri reum desiderat vel a se ipso, vel ab alio auctoritate destituto ; 4. dum quis vindictam appetit ob indebitum finem.

II. Distinguendus est vindictæ appetitus de quo dictum est, ab ira, quæ animum commovet, & ad concitationem excitat absque vindictæ desiderio. Hæc ira aut nullum, aut veniale peccatum est, nisi sit excessus. Qui repentinæ iræ motu commoventur, ut senes, mulieres, pueri, melancholici, communiter venialis culpæ limites non transiliunt; dummodo nullus sit deliberatus vindictæ appetitus. Si sit appetitus levis vindictæ, leve erit crimen. Qui se sentiunt *ex naturæ conditione propensos ad iram*, vel imprecations, diligenti industria comprimere, & coercere hanc inclinationem debent: alioquin præsumitur voluntatis deliberatus assensus.

III. Tres iræ gradus distinguit Evangelista Matthæus cap. 5. *Ego autem dico vobis, quia omnis qui irascitur fratri suo, reus erit iudicio.* Primis verbis reprehendantur Pharisæi, qui homicidium & adulterium damnantes, licitam internam vindictam, & moechiam defendebant. Primo itaque letaliter peccat qui ira inflamatus grave damnum proximo expedit. *Omnis qui irascitur fratri suo, reus erit iudicio;* idest capitis poena puniendus non humano, sed divino iudicio, cui peccatum internum patet. Non solum itaque homicidium externum, ut contendebant Pharisæi, sed etiam internum peccatum est.

IV. Secundus iræ gradus est cum quis hunc internum injustum vindictæ animum signo aliquo externo manifestat. *Qui autem dixerit fratri suo, Racha, reus erit concilio.* Vox ista racha interjectio est, quæ convicium aliquod significat, vel sine cerebro, ut vult S. Hieronymus, vel morum pravitatem, ut contendunt alii.

V. Tertius denique iræ præfatae seu appetitus injustæ vindictæ gradus in aliquo extero convicio compleetur. *Qui dixerit fratri suo, Fatue* (idest exprobrando stultitiam, quæ convicium gravius priori racha est,) *reus erit gehennæ ignis.* Hoc ultimum peccatum gravius est duobus prioribus. Vide S. Thomam 2. 2. q. 158. a. 5. ad 3.

VI. Ira vitium capitale est, ut *ibid. a. 9.* ostendit S. Thomas, habetque sex filias sequentes: quarum 1. est *indignatio*, 2. *tumor mentis*, 3. *clamor*, seu inordinata, & confusa vocis elatio, 4. *contumelia*, seu injuria locutio contra proximum præsentem, & audientem, 5. *blasphemia*, 6. *rixæ*. De his duabus postremis dictum supra est.

§. VII.

De invidie iniquitate, & quæ sunt illius filie.

I. **Q**UEST. UNIC. *Quid sit invidia?* RESP. Est tristitia de bono alterius, perinde ac si nostrum malum foret, quatenus illo æquari nostram excellentiam, aut minui conspicimus. Invidia communiter fervet inter æquales juxta tritum proverbium, *Figulus fugo invidet*, ut 2. 2. q. 36. a. 1. explicat S. Thomas.

II. Invidia monstruosus superbæ abortus est; & quemadmodum superbæ plus & minus dominatur in omnes, sic invidia capitale, & universale vitium est. Monstrum istud vividis coloribus depingit S. Joannes Chrysostomus homil. 41. in Matth. cuius verba rescripta invenies Tom. X. Theol. Christ. lib. 4. diff. 2. c. 9.

III. P. Thomas Tamburinus lib. 5. in *De cal. c. 1. §. 3. n. 35.* & seq. hæc scribit. „ Inquires tertio, an sicut potest quis modo haec tenus explicato gaudere de malo alterius, quia sibi bonum fit; ita & contra liceat queat tristari de alterius bono ut sibi malum est. Respondeo. Hic videtur esse actus invidiae, quam sic communiter describunt Doctores ex S. Thoma 2. 2. q. 36. a. 2. & 3. Valent. Conin. Suar. Bonac. aliquique apud Castropal. Est inordinata tristitia, qua quis dolet de bono alterius, non quatenus est illius bonum, sed quatenus videtur diminuere propriam excellentiam, seu proprium bonum. „ Num. 36. Hæc communiter. Quæ tam

„men mihi semper difficultia visa sunt . „
Contra hanc communem Theologorum do-
ctrinam sic persequitur ibid. num. 37.

„ Jam sic arguo . Quando doleo de bono
„ alterius ut est diminutivum meæ excellen-
„ tiaz , non doleo de bono alterius absolute,
„ sed formaliter de malo meo , seu de di-
„ minutione meæ excellentiaz , quæ mihi ma-
„ la est . . . Sicut enim si gauderem de
„ malo alterius , v. g. de morte patris , ut
„ causante immediate bonum meum , puta he-
„ reditatis successionem , non esse peccatum ,
„ supra omnes vidimus ; sic contra si doleam
„ de bono alterius ut causante immediate ma-
„ lum meum , culpa non erit . „

IV. Ut invidiam capitale crimen de me-
dio tollat P. Tamburinus , præmittit doctrinam a S. apostolica Sede damnatam . Sicut ,
inquit , si gauderem de morte patris ut cau-
sante immediate bonum meum , puta heredi-
tatis successionem , non esse peccatum supra vi-
dimus omnes . Quid ? Qui sunt isti omnes qui
hanc damnatam doctrinam docent ? Antipro-
babilitæ ? Nequaquam . Quinam ergo sunt
isti omnes ? Penes Tamburinum sit , qui ex
hac damnata doctrina ab Innoc. XI. in thesi
13. hanc aliam sententiam infert : Sic con-
tra si doleam de bono alterius ut causante
immediate malum meum , culpa non erit .

V. An æque dannabilis , vel damnabilius
sit hæc de invidia doctrina , quam defendit
P. Tamburinus , ac illa quam docet cum
aliis de gaudio mortis patris ob futuram
successionem in hereditate , docti judicent .

VI. Filiae invidiae sunt odium , simulatio ,
detractio , exultatio in adversis proximi , affli-
ctio in prosperis , quas ex S. Gregorio defcri-
bit S. Thomas 2. 2. q. 36. a. 4.

§. VIII.

De acedia , ejusque filiabus .

I. QUEST. UNIC. Quid sit accedia ? RESP.
Est tristitia de bono spirituali in
quantum est bonum divinum non in
se spectatum , sed prout in nobis . Odium Dei
adversatur bono divino prout in Deo . Ace-
dia est tristitia de bono divino prout in no-
bis , seu de bono divino imperato , & ne-
cessario ad salutem .

II. Acediam peccatum esse , Scriptura di-
vina testatur . Subjice humerum tuum , &
porta illam , & ne accederis vinculis ejus :

Eccl. 6. Plura de hoc vitio scribit S. Tho-
mas 2. 2. q. 35.

III. Quam sit virulenta , & immanis a-
cedia pravitas , ex bello quod divinis pra-
ceptis intentat , colligere quisque valet . In
primis adversatur primo & maximo manda-
to diligendi Deum ex toto corde , ex tota
anima , & ex totis viribus . Acediosus con-
tinenter hoc præceptum violat , cuius tem-
por vomitum , & indignationem divinam contra
se provocat . Violat præterea acedia præcep-
tum , quo astringimur in Domino exulta-
re , & delectari . Gaudete , & exultate , quo-
niam merces vestra copiosa est in celis : Mat-
th. 5. Adversatur denique acedia præceptis
vigilandi , orandi , operandi cum tremore &
timore salutem nostram , & præcavendi
tentationes , atque proficiendi in via Do-
mini .

IV. Acedia filiae sunt malitia , rancor , pu-
sillanimitas , desperatio , torpor circa præcepta ,
evagatio mentis circa illicita .

V. Malitia est voluntarius horror , deri-
sio , & contemptio bonorum spiritualium , &
proborum hominum , qui concionibus , &
exhortationibus ; atque virtutum exemplis
ad christianæ professionis observantiam exci-
tare acediosos student .

VI. Rancor est indignatio , qua acediosi
turgentes , & astuentes cervicem erigunt
contra Superiores , Pastores , Confessarios , &
Scriptores , qui aut voce , aut scripto illu-
minare , & corriger eosdem student .

VII. Pusillanimitas est propriarum vi-
rium diffidentia , qua quis officia , & ope-
ra ardua refugit . Hanc pusillanimitatem
peccatum esse , ex parabola servi pigri , qui
acceptam pecuniam domini sui fudit in ter-
ram , constat .

VIII. Desperatio scelus est quo quispiam
de ultimi finis consecutione desperans , omne
salutis studium deponit . De hujuscce sce-
leris gravitate dixi supra . Ex hac despera-
tione , ex vitiorum multitudine & gravitate
proficiecente , oritur incredulitas , quæ hodie
adeo late patet .

IX. Torpor est animi ignavia , seu lan-
guor , quo quis præceptorum observantiam
vel omittit , vel oscitanter implet . Pericu-
losissimus est torpor iste . Quemadmodum in
negotiis mundi torpidi , & ignavi marce-
scant miseria , nihilque magni conantur ; sic
in æternæ salutis stadio torpidi pereunt ,
quia media ad salutem necessaria negligunt ,
& præliari adversus tentationes carnis , mun-
di ,

di, & dæmonis refugunt; contra quos Rom. 11. S. Paulus inquit: *Sollicitudine non pigri, spiritu ferventes, Domino serviientes.* Languor iste spiritus omnem devotionem exsiccatur, vires extenuat, quotidie zi-

zania vitorum spargit , mentis stuporem , & obscuritatem inducit , & ita animam habet , atque corrumptit , ut eam ineptam ad solida virtutum officia reddat .

F I N I S

P R I M I T I V E

THEOLOGIA
CHRISTIANA
DOGMATICO-MORALIS

CONTRACTA IN TOMOS DUOS

A U C T O R E

F. DANIELE CONCINA
ORDIN. PRÆDIC.
TOMUS ALTER

Complectens reliquos quinque LIBROS.




NEAPOLI MDCCLXI.

EXPENSIS DOMINICI TERRES

TYPIS JOSEPHI RAYMUNDI

SUPERIORUM FACULTATÆ, AC PRIVILEGIO

THEOLOGIA
CHRISTIANA
DOGMATICO-MORALIS
CONTRACTA IN TOMEOS Dous
A U C T O R E
EDANIELE CONCINA
ORDINIPREKPIE
TOMUS ALTER
Complētissimae etiudiorum dīpīndit F. Iheros.



NAPOLI MDCLXII
EXTHNIS DOMINI TERRAE
TULIS. Iosephus RAYMONDI
LUPICRATORUM FACULTATIS AC MICHIGENI

INDEX

Librorum, Dissertationum, Capitum, Paragraphorum, & Quæstionum
qui in hoc Tomo continentur.

THEOLOGIÆ CHRISTIANÆ DOGMATICO-MORALIS

LIBER IX.

DE JUSTITIA, ET JURE, DISSERTATIO I.

De justitiæ notione, & divisione.

- C**AP. I. *Propositiones dannate ab Alex. VII. & Innocentio XI.* pag. 1
CAP. II. *Opiniones laxæ plurim Casuistorum.* ib.
CAP. III. *Variae juris acceptiones: justitiæ notiones, & divisiones.* 12
 Quæst. 1. *Quid, & quotuplex sit justitia?* ib.
 Quæst. 2. *An justitia commutativa distinguitur a justitia vindicativa?* ib.
 Quæst. 3. *Justitia commutativa distinguitur ne specie a justitia distributiva?* ib.
 Quæst. 4. *Quenam sunt vitia justitiae opposita?* ib.
CAP. IV. *De dominio, ejusque divisione, & bonorum partitione.* 13
 Quæst. 1. *Quid, & quotuplex sit dominium?* ib.
 Quæst. 2. *Quinam sunt fructus quibus fruis ususfructuarius potest, & quid præstare iste debeat?* ib.
 Quæst. 3. *Quid sit contractus emphyteusis, & feudi?* 14
 Quæst. 4. *Quid sit possessio, & modus eam comparandi, vel amittendi?* ib.
 Quæst. 5. *Qui sint dominii capaces?* ib.
 Quæst. 6. *Animalia mansueta natura sua capere ne alicui licet?* ib.
 Quæst. 7. *Quid de punctione, auncupio, venatione dicendum?* 15
 Quæst. 8. *Cujus sunt silvæ, montes, & pa scua?* ib.
CAP. V. *De rerum inventarum, & eorum quæ vi alluvionis, aut alio modo accrescunt, dominio, & de prescriptione.* ib.
 Quæst. 1. *Quid dicendum de dominio vi at-*

- luvionis? &c.* ? 16
 Quæst. 2. *Quomodo acquiratur dominium via prescriptionis, seu usucaptionis?* ib.
 Quæst. 3. *Quid sit prescriptio jure civili inducta?* ib.
 Quæst. 4. *Quid de dominio filiorum patris potestati subjectorum?* 17

DISSERTATIO II.

De restitutione tum in communi, tum in particulari.

- C**AP. I. *Restitutionis notio, & principia e quibus proficiuntur. Debtores morosi, & eorum Confessarii momentur.* ib.
 Quæst. 1. *Quid sit restituto, & unde nascatur?* ib.
 Quæst. 2. *Utrum statim facienda sit restitu tio?* 18
 Quæst. 3. *Quid de Confessariis absolvientibus debitores morosos dicendum?* ib.
 Quæst. 4. *Qualis injustitiae culpa insert debitur restitucionis?* 19
 Quæst. 5. *Sola ne culpa theologica debitum inducit restitucionis?* ib.
 Quæst. 6. *An professores alicujus artis teneantur ad restitutionem ex culpa levi, vel levissima?* ib.
 Quæst. 7. *Quenam culpa juridica requiri tur in contractu, ut inducat restitucionis debitum?* ib.
 Quæst. 8. *Quomodo possessor bona, aut male fidei tenetur ad restitutionem?* 20
 Quæst. 9. *Qui res usu consumptibiles bona fine a latrone emit, vel recipit, tenetur ne rem, si extet, restituere, aut in quo factus est ditior?* ib.
 Quæst. 10. *Si fur rapiat rem quæ apud dominum perierit, tenetur ne eamdem restituere, si illum conservet; aut pretium, si perierit?* ib.
 Quæst. 11. *Cuinam crescit res furto sublata?* 21
 Quæst. 12. *Quomodo dubie fidei possessor rem alienam restituere debet?* ib.

- Quæst. 13. Quos fructus restituere tenetur possessor bona fidei? ib.
 Quæst. 14. Quos fructus restituere possessor male fidei debet? 22
 Quæst. 15. Quas expensas detrahere possessor sive bona, sive male fidei debet? ib.
 Quæst. 16. Qui rem bona fide emit, valet ne eam furi reddere, premium repetendo, an restituere domino tenetur sine pretio? ib.
 Quæst. 17. Qui mala fide rem alienam a latrone emit, domino nō, an furi restituere debet? ib.
 Quæst. 18. Qui bona fide rem emptam a latrone vendit alteri, tenetur ne premium domino reddere, an emptori? ib.
 Quæst. 19. Qui monetam falsam accipit, & alteri eam expendendo tradit, ad quid tenetur? 23
 Quæst. 20. Si vendis rem tuam furi, a quo bona fide in premium accipis furtivas pecunias, obnoxius ne restitutione es? ib.
 CAP. II. De illis qui aut impediunt alios ne aliquod bonum assequantur, aut cooperantur ad damnum aliorum. ib.
 Quæst. 1. Qui efficax impedimentum adjicit ne quis assequatur beneficium ad quod jus habet sive in re, sive ad rem, obnoxius ne restitutione est? ib.
 Quæst. 2. Ad quid tenetur qui impleri promissionem factam impedit? 24
 Quæst. 3. Quid de cooperantibus alterius danno dicendum? ib.
 Quæst. 4. Quando dubitas num aliqua ex recensis cooperationibus in duobus versibus contentis causa efficax damni fueris, tenoris ne ad restitutionem? ib.
 Quæst. 5. Qui suo pravo exemplo causa est ut alii malum perpetrent, tenetur ne ad restitutionem? 25
 Quæst. 6. Quid de illis qui jussione, consilio, consensu in proximi damnum influunt? ib.
 Quæst. 7. Quid de iis qui negative cooperantur ad alterius malum, ut sunt mutus, non obstante, non manifestans? 26
 Quæst. 8. Quem servare ordinem debent in restitutione cooperantes actioni injuste? ib.
 Quæst. 9. Quomodo causa recensis omnes tenentur restituere in solidum? 27
 Quæst. 10. Utrum ex flagitiosa promissione oriatur obligatio exequendi rem promissam? ib.
 Quæst. 11. Quid de questu meretricio dicendum? 28
- Quæst. 12. Utrum virgines, matrone, & honeste femine premium accipientes pro vendita pudicitia, restituere illud teneantur? ib.
 Quæst. 13. Scorta sive publica, sive occulta tenentur ne restituere premium ob turpem concubitum acceptum a Religioso? 29
 Quæst. 14. An recipiens premium pro injusta sententia ferenda, restituere illud debeat? ib.
 Quæst. 15. Quando id quod restituitur, ad manus creditoris non pervenit, astringitur ne debitor denuo restituere? 30
 Quæst. 16. Quo in loco, & cujus expensis fieri restitutio debet? ib.
 CAP. III. De illis quibus fieri restitutio debet; & de ordine in restitutione servando. ib.
 Quæst. 1. Cuinam restitui res debet accepta a possessore bona fidei? ib.
 Quæst. 2. Cuinam facienda est restitutio quando dominus est ignotus? 31
 Quæst. 3. Qui ordo servandus in restitutione est? ib.
 Quæst. 4. An creditoribus privilegiatis preferri venditor debeat, dum res in specie extat apud emptorem? ib.
 Quæst. 5. Qualis ordo servandus est inter debita aut ex contractu oneroso, & gratuito, aut ex contractu, & ex delicto? ib.
 Quæst. 6. Quomodo creditores hypothecarii preferendi aliis sint? 32
 Quæst. 7. Qualis ordo servandus est inter creditores simplices non privilegiatos? ib.
 Quæst. 8. Poteſt ne debitor admonere secreto amicum creditorem, ut prior petat, eique integrum debitum solvere cum aliorum creditorum detrimento? ib.
 CAP. IV. Cuinam sint cause ob quas omitti, aut differri restitutio possit? ib.
 CAP. V. De restitutione propter homicidium, vel mutilationem, vel stuprum, vel adulterium. 33
 Quæst. 1. Occisor, aut mutilator tenetur ne compensare injuriam personalem fortuna bonis? ib.
 Quæst. 2. Quæ damna compensare interfector debet? ib.
 Quæst. 3. An ex homicidio casuali oriatur debitum restitutionis? 34
 Quæst. 4. Quibus facienda sit restitutio dannorum quæ ex homicidio sequentur? ib.
 Quæst. 5. Quid restituere debet deflorator virginis? ib.

- Quæst. 6. Quid ob adulterium quod partus
consequitur, restituendum est? 35
Quæst. 7. Adulter certo sciens ex suo adulterio
procreatam prolem esse, quid reddere
filiis legitimis tenetur? ib.
- D I S S E R T A T I O III.**
- De contractibus universæ & partite.
- CAP. I. Contractus finitio, ejusque causæ,
& proprietates. 36
Quæst. 1. Quid sit contractus? ib.
Quæst. 2. Quomodo perficiuntur contractus? 37
CAP. II. De variis contractibus. ib.
Quæst. 1. Utrum contractus ex metu gravi
celebratus sit validus? ib.
Quæst. 2. An dolus irritet contractum? 38
Quæst. 3. Quid de contractibus initis sub
causa, modo, demonstratione, & condi-
tione dicendum? ib.
Quæst. 4. Quomodo interpretandus est con-
tractus ad diem, vel sub disjunctione? ib.
Quæst. 5. Quomodo obligat contractus con-
ditioni illigatus? 39
CAP. III. De illis qui valide & licite ini-
re contractus valent: de solemnitate juris
necessaria. Quid firmitatis addat juramen-
tum contractui. Quibus competat re-
stitutio in integrum. ib.
Quæst. 1. Quinam possunt contractum ini-
re? ib.
Quæst. 2. Que juris solemnitas ad contractus
valorem requiritur? ib.
Quæst. 3. Quomodo juramentum confirmet
contractus jure nature, vel positivo irri-
tos? 40
Quæst. 4. Quibus competat beneficium resti-
tutionis in integrum? ib.
CAP. IV. De contractu venditionis, & em-
ptionis. De illis qui vendere, & emere
possunt. Quænam sint res venales. ib.
Quæst. 1. Quid sit emptio? ib.
Quæst. 2. Res vendita duobus emptoribus,
cui tradenda? cui perit ante traditio-
nem? ib.
Quæst. 3. Ad quem pertinent fructus rei
venditæ ante pretii solutionem? ib.
Quæst. 4. Possunt ne contrahentes pactum
inire ut emptor fructus rei, aut eorumdem
pretium reddat venditori, donec pretium
solverit? 41
Quæst. 5. Cujusnam sint fructus medio tem-
pore percepti, quando venditionis contra-
etus dissolvi contingat? ib.
Quæst. 6. Qui vendere queant, & que res
venales sint? ib.
Quæst. 7. Que pecuniis alienis emuntur,
sunt ne emptoris, an pecuniarum do-
mini? ib.
Quæst. 8. Valida ne est rei alienæ vendi-
tio? ib.
Quæst. 9. Utrum licita venditio sit earum
rerum que adhibentur in pravos usus? 42
Quæst. 10. Peccant ne qui vendunt venena,
succos muliebres, chartas aleatorias, idola,
& cetera id genus? ib.
Quæst. 11. Utrum Probabilismus sit vendi-
bilis a judice? ib.
CAP. V. De negotiatione, & de his quibus
vetita, aut permitta est. 43
Quæst. 1. Sit ne Clericis, & Religiosis ve-
tita negotiatio? ib.
Quæst. 2. An Clerici, vel Monachi negotia-
ti per alios possint? 44
Quæst. 3. Quot modis negotiatio illicita lai-
cis fiat? ib.
Quæst. 4. Qui mercaturam exercent, licite
ne carius merces vendere queunt quam ii
qui negotiationem non exercent? ib.
CAP. VI. De monopolis licitis, & illicitis.
De venditione cum pacto retrovendendi. ib.
Quæst. 1. Licitum ne venditoribus est conspi-
rationem inire non vendendi merces nisi
pretio summo? ib.
Quæst. 2. Constituto semel monopolio a mer-
catoribus vendendi merces pretio injusto,
alii mercatores monopolii istius non parti-
cipes, peccant ne contra justitiam, si hoc
pretio injusto suas merces vendant? 45
Quæst. 3. Quid de pacto retrovendendi, &
retroemendi dicendum? ib.
Quæst. 4. Licitus ne est contractus gentili-
tius? ib.
Quæst. 5. Licitus ne est contractus moham-
bra? ib.
Quæst. 6. Qui merces vendendas a domino
suscipiunt, aliquid ne sibi retinere valent,
si pluris easdem vendant quam a domino
prescriptum fuit? 46
CAP. VII. De justo rerum pretio, & de ejus-
dem augmento ob dilatam solutionem. ib.
Quæst. 1.

- Quæst. 1. Qui rerum pretium augent, vel diminuant, sunt ne restitutio*n* obnoxii? ib.
 Quæst. 2. Sunt ne aliqua causa ob quas licitum sit aut pluris vendere, aut minoris emere quam merx absolute valeat? ib.
 Quæst. 3. Que in subha*s*tatione exponuntur venalia, emi ne, aut vendi possunt quocumque pre*io* sive vili, sive summo? 47
 Quæst. 4. Unde desumatur pretium vulgare, seu naturale, & quenam sint illius augendi causæ? ib.
 Quæst. 5. Quenam sunt circumstantia in quibus rerum pretia decrescent? ib.
 Quæst. 6. Possunt ne mercatores pretio currenti merces vendere, dum sciunt brevi mercium copiam superuenturam, atque adeo rerum pretium diminuendum? ib.
 Quæst. 7. An is qui Principis legi monetari interdictum iri, aut ejus valorem minuendum prescit, queat ante promulgationem legis suam distrahere monétam? 48
 Quæst. 8. Que notanda sunt circa pretium publica auctoritate prescriptum? ib.
 Quæst. 9. An exquisitoribus mercibus immisceri viores possint, & taxato pretio vendi? ib.
 Quæst. 10. Pote*st* ne mercator ob dilatam solutionem pretii carius merces vendere? ib.
 Quæst. 11. Licitus ne est contractus quo in Hispania, & alibi certe merces communiter credito venduntur majori pretio quam vendi pecunia numerata soleant? 49
 Quæst. 12. Licitum ne est emere credita, vel chirographa minori pretio quam valeant, ob anticipatum solutionem? 50
 Quæst. 13. Quid de obligatione vendoris patescendi defectus mercium dicendum est? ib.

DISSE^TRATI^O IV.

De mutuo, & usura.

- CAP. I. Mutui finitio, ejusque proprietates. 51
 Quæst. unic. Quid sit mutuum? ib.
 CAP. II. Usure notio: omnis usura, sive parva, sive magna, sive a divite, sive a paupere exacta, divino iure verita est. 52
 Quæst. 1. Quid sit usura? ib.
 Quæst. 2. Est no*m*nis usura, sive a divitiis, sive a pauperibus percepta, jure na-

- turali, nedum divino prohibita? 53
 CAP. III. Quedam questiuncula de usura resolvuntur. 54
 Quæst. 1. Datur ne materia parvitas in usu re peccato? ib.
 Quæst. 2. Sit ne pecunia præsens numerata estimabilior absente, & titulus accipendi aliquid ultra sortem? ib.
 Quæst. 3. Licitum ne est aliquid accipere supra sortem ob molestiam ortam ex privatione pecunie mutuo tradita? ib.
 CAP. IV. De periculo amittende sortis. Nonnullæ opiniones laxæ refelluntur. Caput Naviganti in suo vero sensu exponitur, rejectis juniorum commentis. 55
 Quæst. 1. Quid, & quotuplex sit sortis periculum? ib.
 Quæst. 2. Quid dicendum de titulo quem excogitarunt Lugo, & Tamburinus? 57
 Quæst. 3. Licitum ne est aliquid exigere supra sortem ratione laboris in numeranda pecunia? 60
 Quæst. 4. An licitum sit aliquid exigere ob obligationem mutuandi, vel non repetendi mutuum infra tempus præfinitum? ib.
 CAP. V. De damno emergente. ib.
 Quæst. 1. Quid sit damnum emergens? ib.
 Quæst. 2. Periculum danni emersuri est ne verus titulus vi cuius fieri conventio possit aliquid supra sortem solvendi? ib.
 Quæst. 3. Utrum licet initio contractus permanentem panæ conventionalis, si debitor sit in mora? 61
 CAP. VI. De lucro cessante, ejusque conditionibus. 62
 Quæst. 1. Quid sentiat S. Thomas de hoc lucro cessante? ib.
 Quæst. 2. Utrum mutuator ultroneus possit aliquid exigere ratione lucri cessantis? 63
 Quæst. 3. Quot conditiones assignant propugnatores lucri cessantis, ut in pactum deduci queat? ib.
 §. unic. Auctoris consilium. ib.
 CAP. VII. De usura mentali, & de pactis mutuo adjectis. 65
 Quæst. 1. Licet ne sperare aliquid ex mutuo? ib.
 Quæst. 2. Qui celebravit contractum usurarium bona fide, potest ne retinere lucrum, cognita usura, dum poterat alium licitum contractum intire? ib.
 Quæst.

- Quæst. 3. Cujus sunt fructus pignoris traditi mutuatori in assecrationem fortis? ib.
 Quæst. 4. Licitum ne est pactum legis commissoriae in pignorum traditione? ib.
 Quæst. 5. Quid de usuris pupillaribus, & dotalibus dicendum? ib.
 Quæst. 6. Fenerator ne est qui mutuum dat ut beneficium, vel officium, vel munus a lingua, ab obsequio, a manu assequatur? 66
 Quæst. 7. Qui mutuum dat cum pacto ut ad ejus molendinum, officinam &c. mutuatarius accedat, fenerator ne est? ib.
 Quæst. 8. Licet ne mutuum dare cum pacto ut alter in posterum remutuet? ib.
 Quæst. 9. Fenerator ne est qui obligat mutuatarium ad reddendam eamdem tritici, vini, olei &c. mensuram, si pretium auctum sit? ib.
 Quæst. 10. In restitutione pecunia mutuatariae valor ne an species consideranda? ib.
 Quæst. 11. Probabilis ne opinio est, mutuatarium eligere posse in fidejussorem ipsum mutuantem? ib.
 Quæst. 12. Probabilis ne est eorum opinio qui mutuatori accipienti pignus, simul lucrum concedunt? 67
CAP. VIII. De montibus pietatis. 68
 Quæst. 1. An qui revera pauperes non sunt, neque ob paupertatem levandam mutuam pecuniam a sacro monte accipiunt, peccant, & ad restitutionem teneantur? ib.
 Quæst. 2. Qui in his montibus pecunias collificant, possunt ne licite accessionem accipere dempto titulo? ib.
CAP. IX. De contractu trino, aliisque contractibus. 69
 Quæst. 1. Quid sit contractus trinus? ib.
 Quæst. 2. Licitus ne est contractus societatis duplex, in quo aut capitale, aut lucrum assecuratur? 72
 Quæst. 3. Quid de societate animalium dicendum? 73
 Quæst. 4. Sunt ne feneratores domini lucri quod usuris acquirunt? ib.
 Quæst. 5. Licitum ne est ab usurario mutuum petere sub usuris? 74

DISSERTATIO V.

- De cambiis, censibus, locatione, ludo, & sponsione, promissione, donatione, & testamentis.
- CAP. I. De cambio, ejusque divisione, & conditionibus.** ib.
 Quæst. 1. Quid, & quotuplex sit cambium? ib.
 Quæst. 2. Quo titulo licitum est cambium manuale? ib.
 Quæst. 3. Quo titulo licitum est cambium locale cum lucro? ib.
 Quæst. 4. Quid de cambio cum recambio dicendum est? ib.
 Quæst. 5. Quid de cambio ad nundinas dicendum? 76
 Quæst. 6. Quid de cambio civico dicendum? ibid.
CAP. II. De censibus realibus, & personalibus, eorumque divisione. 77
 Quæst. un. Quid, & quotuplex sit census? ibid.
CAP. III. De censu personali, mirifice usura pallio. 78
 Quæst. 1. Jure naturæ spectato licitum ne est pactum quo obstringitur censuarius, ut redimat censum ad arbitrium emptoris? 80
 Quæst. 2. Pereunte fundo subjecto censui, perit jure naturæ census? ib.
 Quæst. 3. Licitus ne est census cui ampliores fundi subjiciuntur, non designata parte determinata? ib.
 Quæst. 4. Licitus ne est census vitalitus? ib.
CAP. IV. De ludo, & sponsione. ib.
 Quæst. 1. Ludus propter lucrum principaliter intentum vitiosus ne est? ib.
 Quæst. 2. Licitus ne est ludus aleæ, seu fortune? 81
 Quæst. 3. Sponsones, vulgo scommesse, licita ne sunt? ib.
CAP. V. De assecratione, pignore, transactione, emphyteusi, feudo, commodato, præcario, deposito, locatione, conductione, promissione, & donatione. ib.
 Quæst. 1. Quid sit assecratio? ib.
 Quæst. 2. Quid sit fidejussio, pignus, hypotheca, & transactio? 82
 Quæst. 3. Quid sit emphyteusis? ib.
 Quæst.

VIII	INDEX	LIB.	CAP. &c.	
Quæst. 4.	<i>Quid sit feudum?</i>	ib.	§. 1. <i>De judice.</i>	ib.
Quæst. 5.	<i>Quid sit commodatum?</i>	ib.	Quæst. 1. <i>Quænam sint judicis munia, ut recte judicet?</i>	ib.
Quæst. 6.	<i>Quid sit depositum?</i>	ib.	Quæst. 2. <i>Quomodo se gerere judex debet quando jura dubia sunt?</i>	87
Quæst. 7.	<i>Quid sit locatio?</i>	ib.	Quæst. 3. <i>Accipere ne munera a partibus judex valet?</i>	88
Quæst. 8.	<i>Peccant ne qui domos locant ad usurpas exercendas, ad meretricandum?</i>	ib.	Quæst. 4. <i>Quomodo inquisitio fieri a judice debet?</i>	ib.
Quæst. 9.	<i>Quid sit promissio, & quænam obligatio?</i>	ib.	Quæst. 5. <i>Sententia justa judicis obligat ne in conscientia?</i>	ib.
Quæst. 10.	<i>Quid sit donatio?</i>	83	§. 2. <i>De accusatore, & denuntiatore.</i>	ib.
CAP. VI.	<i>De testamentis.</i>	ib.	Quæst. 1. <i>An quis astringatur accusare, vel denunciare?</i>	ib.
Quæst. 1.	<i>Quid, & quotuplex sit testamentum?</i>	ib.	Quæst. 2. <i>Si delictum occultum sit, & probari possit, debet ne accusatio fieri?</i>	ib.
Quæst. 2.	<i>Quæ solemnitates requirantur ad testamentum nuncupativum?</i>	ib.	§. 3. <i>De reo.</i>	89
Quæst. 3.	<i>Quas solemnitates postulat testamentum ad pias causas?</i>	ib.	Quæst. 1. <i>An reus teneatur fateri veritatem?</i>	ibid.
Quæst. 4.	<i>Quid sit testamentum imperfectum?</i>	ibid.	Quæst. 2. <i>Num licitum reo sit fugere, ut personam evitet?</i>	ib.
Quæst. 5.	<i>Quinam possunt testamentum condere?</i>	84	§. 4. <i>De testibus.</i>	90
Quæst. 6.	<i>Quinam in heredes institui queant?</i>	ib.	Quæst. 1. <i>Quandonam homines tenentur testificari?</i>	ib.
Quæst. 7.	<i>Quomodo filii sparrii, & naturales succedunt patri?</i>	ib.	Quæst. 2. <i>Quinam liberi sint ab obligatione testificandi?</i>	ib.
CAP. VII.	<i>De heredibus necessariis, eorumque substitutione.</i>	ib.	Quæst. 3. <i>Quandonam testis graviter peccat, & tenetur ad restitucionem?</i>	91
Quæst. 1.	<i>Quomodo filii parentibus, & patres filiis succedunt?</i>	ib.	§. 5. <i>De obligationibus advocatorum, aliorumque fori ministrorum.</i>	ib.
Quæst. 2.	<i>Quibus de causis exheredari filii a parentibus, & parentes a filiis possunt?</i>	ib.	Quæst. 1. <i>Quæ sint advocatorum obligationes?</i>	ibid.
Quæst. 3.	<i>Quid de heredibus ab intestato dicendum?</i>	85	Quæst. 2. <i>An liceat advocato defendere causam minus probabilem?</i>	ib.
Quæst. 4.	<i>Quid sit substitutio vulgaris, pupillaris &c.?</i>	ib.		
Quæst. 5.	<i>Quomodo testamenta valida revocari queant?</i>	ib.		
Quæst. 6.	<i>Quam obligationem habeant heredes?</i>	ib.		
Quæst. 7.	<i>Quanam sit obligatio executoris testamentarii?</i>	ib.		
CAP. VIII.	<i>De legatis, eorumque diversitate.</i>	ib.		
Quæst. 1.	<i>Quid, & quotuplex sit legatum?</i>	ib.		
Quæst. 2.	<i>An legatum destinatum puellis hujus Civitatis, tradi extraneis possit?</i>	86		
Quæst. 3.	<i>Valeat ne aliquis testamento derogare?</i>	ib.		
Quæst. 4.	<i>Quando ex legatis deduci Falcidia possit?</i>	ib.		
CAP. IX.	<i>De obligationibus eorum qui foro afflunt.</i>	ib.		

L I B E R X.

DE SACRAMENTIS NOVÆ LEGIS.

D I S S E R T A T I O I.

De Sacramentis generatim.

CAP. I.	<i>Propositiones ab Ecclesia damnatae.</i>	92
CAP. II.	<i>Propositiones laxæ Casuistarum.</i>	93
CAP. III.	<i>De Sacramentis novæ legis latæ per Christum.</i>	96
Quæst. 1.	<i>Quid sit Sacramentum novæ legis?</i>	ib.
Quæst. 2.	<i>Quænam sunt partes Sacramentorum novæ legis?</i>	ib.
Quæst. 3.	<i>Materiam, & formam Baptismi, & Eu-</i>	

- Questio** 1. *Eucharistiae determinavit ne Christus Dominus?* ib.
- Questio** 4. *Aliorum quinque Sacramentorum determinavit ne Christus res, & verba in specie?* ib.
- Questio** 5. *Quae mutatio materie, vel forma reddat nullum Sacramentum?* 97
- Questio** 6. *Quot variari modis forma sacramentalis potest?* ib.
- Questio** 7. *Licatum ne est in perficiendis Sacramentis uti materia, aut forma dubia?* ib.
- Questio** 8. *Licitus ne est usus formae conditonalis?* ib.
- Questio** 9. *Quot sunt Sacraenta novae legis?* ib.
- Questio** 10. *Quenam sit Sacramentorum efficacia in conferenda gratia?* ib.
- Questio** 11. *Sacraenta nova legis physice ne, an moraliter gratiam producunt?* 98
- Questio** 12. *Quenam sit gratia quam novae legis Sacraenta conferunt?* ib.
- Questio** 13. *An sacraenta novae legis, praeter gratiam sanctificantem, peculiarem aliquam gratiam, quae sacramentalis dicitur, conferant?* ib.
- Questio** 14. *An sacraenta vivorum per accidens producant primam gratiam?* ib.
- Questio** 15. *An Sacraenta novae legis imprimant characterem?* ib.
- Questio** 16. *Quomodo differant Sacraenta novae a sacramentis veteris legis?* ib.
- Questio** 17. *An Christus Dominus immediate omnia Sacraenta instituerit?* ib.
- Capitulo** IV. *De Sacramentorum ministris.* 99
- Questio** 1. *Quinam sint Sacramentorum ministri legitimi?* ib.
- Questio** 2. *Utrum in perficiendis Sacramentis requiratur intentio in ministris?* ib.
- Questio** 3. *Ut validum sit Sacramentum, requiritur ne in ministro fides, aut intentio producendi effectum sacramentalem?* ib.
- Questio** 4. *An ad Sacramenti integratem requiratur ut minister intendat facere id quod facit Ecclesia Romana?* 100.
- Questio** 5. *An necessaria sit intentio actualis, vel sufficiat virtualis?* ib.
- Questio** 6. *Validum ne Sacramentum est forma conditionaliter administratum?* ib.
- Questio** 7. *Peccant ne letaliter Sacerdotes qui sibi gravis culpa conscientia ex officio administrant?* ib.
- Questio** 8. *An peccet mortaliter Sacerdos qui Tom. II.*
- mortalis culpa reus Eucharistiam administrat?** ib.
- Questio** 9. *Peccat ne Sacerdos qui in peccato mortali audit confessiones?* 101
- Questio** 10. *An minister sibi peccati mortalis conscientia teneatur confiteri sacramentaliter antequam Sacramentum administrat, si ad sit copia Confessariorum, & non urgeat necessitas succurrenti periclitanti?* ib.
- Questio** 11. *Quando, & quibus administrant sacramenta debent?* ib.
- Questio** 12. *Licite ne administrantur sacramenta indigni?* ib.
- Questio** 13. *Licet ne simulare sacramentorum administrationem?* 102
- Questio** 14. *Licatum ne est petere sacramenta a ministro indigno?* ib.

DISSERTATIO II.

De Baptismo, & Confirmatione.

- Capitulo** I. *Baptismi notio, ejusque materia.* ib.
- Questio** 1. *Quid sit Baptismus novae legis?* ib.
- Questio** 2. *Quenam Baptismi materia?* ib.
- Questio** 3. *Num vetustus, & probanus usus sit quo Ecclesia Romana consecrat aquam Baptismo inservientem?* 103
- Questio** 4. *Quenam aqua dicenda sit naturalis?* ib.
- Questio** 5. *Quenam sit materia proxima baptismi?* ib.
- Questio** 6. *Infans in utero matris inclusus baptizari ne valet utero matris abluto?* ib.
- Questio** 7. *Licatum ne est secare album mulieris desperatae sanitatis, ut baptizetur infans?* ib.
- Capitulo** II. *De forma, & triplici Baptismo.* 104
- Questio** 1. *Legitima ne est forma verborum qua Ecclesia Latina utitur?* ib.
- Questio** 2. *Requiritur ne al valorem Baptismi ut exprimatur actus baptizantis per verbum baptizo, aut baptizatur.* ib.
- Questio** 3. *Qui deliberate omitteret hanc particularē ego in forma Baptismi, graviter ne peccaret?* ib.
- Questio** 4. *Qui baptizaret hac forma, Ego te baptizo in nomine Patris, in nomine Filii, in nomine Spiritus Sancti, validum ne conferret Baptisma?* ib.

Quest. 5. <i>Quotuplex est Baptismus?</i>	105	<i>suscipiendi?</i>	ib.
Quest. 6. <i>Quæ dispositiones requirantur in adultis ad suscipiendum martyrium?</i>	ib.		
CAP. III. <i>De ministro Baptismi, ejusdem institutione, obligatione, & necessitate.</i>	ib.		
Quest. 1. <i>Quotuplex est Baptismi minister?</i>	ib.		
Quest. 2. <i>An unus minister unica aspersione possit baptizare plures?</i>	ib.		
Quest. 3. <i>Quandonam Baptismus institutus est?</i>	106		
Quest. 4. <i>Quenam est suscipiendi Baptismi necessitas?</i>	ib.		
Quest. 5. <i>Quo tempore suscipi Baptismus debet?</i>	ib.		
Quest. 6. <i>Preceptum suscipiendi Baptismi obligat ne ut adulti quamprimum commode possunt, suscipiant Baptismum?</i>	ib.		
Quest. 7. <i>Baptizari ne possunt infantes infidelium reluctantibus parentibus?</i>	107		
CAP. IV. <i>De dispositionibus adulorum ad suscipiendum Baptismum, & de ejusdem effectibus, & ceremoniis.</i>	ib.		
Quest. 1. <i>Requiritur ne in adultis ad Baptismum rite suscipiendum fides, dolor de peccatis, & caritas inchoata?</i>	ib.		
Quest. 2. <i>Qui sunt Baptismi effectus?</i>	ib.		
Quest. 3. <i>An Baptismus facte susceptus, recedente fictione peccata deleat?</i>	108		
Quest. 4. <i>Quenam sunt Baptismi ceremonie?</i>	ib.		
CAP. V. <i>De professionis baptismalis obligatione.</i>	109		
CAP. VI. <i>De sacramento Confirmationis.</i>	110		
Quest. 1. <i>Est ne Confirmatio Sacramentum nova legis?</i>	ib.		
Quest. 2. <i>Quenam est hujus sacramenti materia?</i>	ib.		
Quest. 3. <i>Quenam est forma Sacramenti Confirmationis?</i>	111		
Quest. 4. <i>Quisnam istius Sacramenti auctor?</i>	ib.		
Quest. 5. <i>An solus Episcopus sit ordinarius hujus Sacramenti minister?</i>	ib.		
Quest. 6. <i>Quinam sunt capaces suscipiendi hoc Sacramentum?</i>	ib.		
Quest. 7. <i>Quenam dispositiones in adultis confirmandis requirantur?</i>	ib.		
Quest. 8. <i>Quinam sunt Confirmationis effectus?</i>	ib.		
Quest. 9. <i>Datur ne preceptum suscipiendi hoc sacramentum?</i>	112		
Quest. 10. <i>Qui sunt ritus istius sacramenti</i>			

DISSERTATIO III.

De augustissimo Eucharistiae Sacramento.

CAP. I. <i>Eucharistiae notio, ejusque materia, ac forma.</i>	113
Quest. 1. <i>Quid sit Eucharistia?</i>	ib.
Quest. 2. <i>Utrum solus panis triticus, & vinum de vite sit materia Eucharistie?</i>	ib.
Quest. 3. <i>Utrum panis consecrandus debeat esse azymus, aut fermentatus?</i>	ib.
Quest. 4. <i>Utrum vinum de vite sit materia Eucharistie?</i>	ib.
Quest. 5. <i>Utrum aqua vino admiscenda sit in calicis consecratione?</i>	113
Quest. 6. <i>Utrum haec sola dominica verba, Hoc est corpus meum, sint essentialia consecrationi panis eucharistici?</i>	114
Quest. 7. <i>Sola ne haec verba, Hic est calix Sanguinis mei, seu Hic est Sanguis meus, sunt de essentia consecrationis calicis; an vero etiam alia que sequuntur Novi, & aeterni Eccl.</i>	ib.
CAP. II. <i>Nonnullæ questiones que super reali Christi presentia in Eucharistia excitari solent.</i>	ib.
Quest. 1. <i>An Christus sit totus in qualibet specierum parte?</i>	115
Quest. 2. <i>An accidentia, seu species sacramentales corrumpi, & nutritre valeant?</i>	ib.
Quest. 3. <i>An Christus in Eucharistia adorandus sit cultu latrice?</i>	ib.
CAP. III. <i>De Eucharistiae ministro, & de illis quibus administrari debet.</i>	ib.
Quest. 1. <i>An solus Sacerdos sit dispensandæ Eucharistie minister ordinarius?</i>	ib.
Quest. 2. <i>Tenetur ne Parochus tempore pestis cum vita periculo communicare suos parochianos?</i>	116
Quest. 3. <i>Administranda ne parvulis est Eucharistia?</i>	ib.
Quest. 4. <i>An concedenda sit Eucharistia publicis peccatoribus?</i>	ib.
Quest. 5. <i>Potest ne Sacerdos ob metum mortis, aut notabilis sue infamie administrare Eucharistiam publico peccatori?</i>	ib.
CAP. IV. <i>De necessitate istius Sacramenti, ejusque effectibus.</i>	ib.
Quest. 1. <i>Est ne Eucharistia necessaria pro-</i>	

- precepti divini? 117
Quæst. 2. Qui paulo ante quam incideret in mortis periculum, communicavit, astringitur ne iterum sunere sacrum viaticum? ib.
Quæst. 3. An hoc divinum preceptum plures obligent? ib.
Quæst. 4. Obligat ne hoc divinum preceptum ut Eucharistia sumatur sub utraque specie? ib.
Quæst. 5. Quinam sint Eucharistia effectus? ib.
CAP. V. De dispositionibus ad Eucharistiam; & de frequenti communione. Plures quorundam opiniones refelluntur. ib.
Quæst. 1. An preceptum de premittenda Confessione ab eo qui est in peccato mortali, sit divinum, vel humanum? 118
Quæst. 2. Quid sentiendum de interpretatione aliquorum in preceptum Tridentini confitendi quamprimum? ib.
Quæst. 3. Quid dicendum de interpretatione P. La-Croix, Viva, & aliorum in praesatum Tridentini decretum? ib.
Quæst. 4. Quid de contritione, quam premittendam a laico conscientia peccati mortalis docet P. Tamburinus, urgente necessitate? ib.
Quæst. 5. Quid dicendum de opinione afferenti, Sacerdotem mortaliter peccantem in ipso celebratione Missæ non obstringi ad confitendum quamprimum? 119
Quæst. 6. Quid dicendum de opinione afferente, dari posse casum in quo communicans in mortali novum peccatum non committat? ib.
Quæst. 7. Quid de dispositionibus corporis ad Eucharistiam necessariis dicendum? 120
Quæst. 8. An licitum sit accedere ad Eucharistiam post conjugalem copulam? ib.
Quæst. 9. Quid de frequenti communione dicendum? ib.
- CAP. II. De valore Sacrificii Missæ. Pro quibus offerri, & a quo ministro possit. 122
Quæst. 1. Est ne infinitus valor Sacrificii Missæ? ib.
Quæst. 2. Qui sunt effectus sacrificii Missæ? ib.
Quæst. 3. Cui, & pro quibus Missæ Sacrificium offertur? ib.
Quæst. 4. Utrum offerri Sacrificium possit pro animabus in Purgatorio detentis? 123
Quæst. 5. Quisnam est minister Sacrificii Missæ? ib.
Quæst. 6. An Sacerdotes scelesti, heretici, schismatici, suspensi, excommunicati, degredati valide Sacrificium perficiant? ib.
CAP. III. De eleemosynis pro Missis celebrandis. ib.
Quæst. 1. A quo taxanda est eleemosyna conferenda Sacerdoti Missam celebranti? ib.
Quæst. 2. An licet Sacerdoti diviti eleemosynam accipere ut Missam celebret? ib.
Quæst. 3. Quinam Sacerdotes in celebrando suspicionem simonie prebeant? ib.
Quæst. 4. Utrum Sacerdos possit per aliun celebrare, retenta sibi parte stipendii accepti? 124
Quæst. 5. An Sacerdos possit accipere duplex stipendum, alterum pro officiatura, ut dicitur, in Ecclesia designata, alterum pro applicatione? 125
Quæst. 6. Potest ne unica Missa pluribus satisficeri obligationibus? 125
Quæst. 7. Quibus diebus animalium curam habentes applicare Missam pro commissione sibi grege debent? 126
Quæst. 8. Qua hora celebrare licet? ib.
Quæst. 9. Quandonam licet plures eodem die celebrare? ib.
Quæst. 10. Quo in loco celebrandum est? ib.
Quæst. 11. Quid de Oratoriis privatis dicendum? ib.
Quæst. 12. Quid dicendum de Ecclesiæ consecratione, ejusdemque pollutione? 127
Quæst. 13. An Sacerdos teneatur Missam offerre? ib.
CAP. IV. De ritu, seu ceremoniis, & rubricis, quibus Missa celebrari debet. ib.
Quæst. 1. Quotuplex est ceremoniarum Missæ genus? ib.
Quæst. 2. Quot in partes Missa tribuitur? 128
Quæst. 3. Est ne peccatum mortale negligere rubricas in Missa celebranda? ib.
Quæst. 4. Qui omitteret aliquam Missæ partem,

DISSERTATIO IV.

De Sacrificio Missæ.

- CAP. I.** Sacrificii notio, ejusque necessitas. 121
Quæst. 1. Quid, & quotuplex sit Sacrificium? ib.
Quæst. 2. An fidei dogma sit, Missam esse Sacrificium? ib.
Quæst. 3. Utrum essentia Sacrificii Missæ sit in oblatione? ib.

tem, peccaret ne mortaliter?

LIBER XI.

DE SACRAMENTO PÆNITENTIÆ.

DISSERTATIO I.

De virtute, & Sacramento Pænitentia.

CAP. I. §. 1. Propositiones a S. Sede damnatae. 129

§. 2. Opiniones plurium Casuistarum que videntur a quo laxiores. 130

§. 3. Opiniones que P. Balhassari Francolinus a quo rigidiores videntur. 140

CAP. II. Axiomata quorumdam Casuistarum, que sunt veluti loci theologici, seu fontes, unde isti suas hauriunt conclusiones, & resolutions. 143

CAP. III. De virtute pænitentia. 148

Quæst. 2. Quid sit pænitentia generatim accepta? ib.

Quæst. 2. Quot gradibus ad pænitentia virtutem pervenitur? ib.

Quæst. 3. Quinam sint pænitentia effectus? ib.

CAP. IV. De Sacramento Pænitentia, ejusque materia remota, & proxima. 149

Quæst. 1. Quid sit Sacramentum Pænitentiae? ib.

Quæst. 2. Quænam est materia istius Sacramenti? ib.

Quæst. 3. Quænam est materia proxima istius Sacramenti? ib.

CAP. V. De contritione prima Pænitentiae parte, ejusque naturali, divinoque precepto? ib.

Quæst. 1. Quid sit contritio generatim sumpta? ib.

Quæst. 2. Preceptum contritionis obligat ne statim ac homo peccavit? 150

Quæst. 3. Quid de opinione Leandri afferentis, preceptum contritionis obligare per se tantum in articulo mortis, dicendum? ib.

Quæst. 4. Quid sentiendum de opinione P. Sporer? ib.

Quæst. 5. An preceptum contritionis ex caritate concepta desierit in lege evangelica, admissio Sacramentorum usu? ib.

Quæst. 6. Peccator qui per annum confiteri nequit ex defectu Confessarii, tenetur ne ad contritionem? 151

ib. Quæst. 7. Utrum sit nimium laxa opinio De-Lugo negantis preceptum contritionis in articulo mortis? ib.

CAP. VI. De insufficientia attritionis formidolosa, seu servilis ad Sacramentum Pænitentiae valide suscipiendum. 152

§. 1. Status questionis aperitur. ib.

§. 2. Præjudicium primum. Evidenter falsum est, Tridentinum definiisse attritionem servilem sufficere ad Sacramentum Pænitentiae; immo aperte repugnat tali opinioni. ib.

§. 3. Præjudicium secundum, quo plures preventi falso existimant, caritatem in quocumque gradu etiam remisso justificare impium extra Sacramentum. ib.

§. 4. Præjudicium tertium, quo Attritionarii Rigorismi notam inurunt caritati evangelica, & formidolosam attritionem benignitatis larva induunt. 154

§. 5. Pauca promittuntur de diversitate timoris. ib.

§. 6. Insufficientia attritionis servilis ad Sacramentum Pænitentiae ostenditur. 155

§. 7. Diluuntur adversariorum objectiones. 156

CAP. VII. De necessitate amoris, seu caritatis inchoata ad Sacramentum Pænitentiae. ib.

§. 1. Scripturarum, & Concilii Tridentini testimonii evincitur amoris initialis necessitas in quacumque peccatoris conversione. ib.

§. 2. SS. Augustini, & Thome testimoniis necessitas caritatis inchoata demonstratur. 158

§. 3. Rationibus e Scripturis sanctis huius evincitur necessitas caritatis inchoata ad Pænitentiae Sacramentum rite suscipiendum. 159

§. 4. Diluuntur adversariorum objecta. 160

§. 5. Sententia formidolosa attritionis in 1. thesi ab Innoc. XI. proscripta vi evidenter ratiocinii evincitur contenta. 161

§. 6. Paradoxon Salmanticensium paucis refellitur, & sententia nostra confirmatur. 163

CAP. VIII. Nonnullæ questiones de dolore, & proposito non peccandi resolvuntur. 164

Quæst. 1. An pænitens elicere dolorem debat de peccato cum intentione confitendi? 164

Quæst.

- Quæst. 2. An dolor procedere confessionem debeat, an satis sit ut post confessionem ante absolutionem eliciatur? ib.
- Quæst. 3. Quid dicendum de opinione P. Viva afferentis, dolorem conceptum ex motivo damni temporalis sat esse ad confessionem? ib.
- Quæst. 4. Quid dicendum de opinione P. Tamburini docentis, non esse inculcandum peccatori ut doleat de illo peccato cuius magno afficitur amore? 165
- Quæst. 5. Requiritur ne propositum formale, & explicitum non peccandi de cetero? ib.
- CAP. IX. Imago justificationis christiane sanctorum Scripturarum lineamentis depicta. 166
- §. 1. Justificationem christianam firmam ac stabilem Scripture sancte representant. ib.
- §. 2. Rationum momentis, & communis hominum sensu justificationis christiana stabilitas confirmatur. 168
- §. 3. Nova, & falsa inter Christianos divine justificationis idea concipitur. Cur Christiani factarum justificationum horrenda spectra non perhorrescant? Quia via media invicta est. ib.
- CAP. X. Conditiones propositi necessarii ad confessionem. 171
- Quæst. 1. Quid dicendum de opinione que docet, propositum sufficere ad confessionem, litteret penitens certo sciat se relapsurum? ib.
- Quæst. 2. Quid dicendum de censura quam P. Francolinus inuit Episcopo Gennet, quia is vult propositum esse firmum & constans? 172
- Quæst. 3. Quid dicendum circa propositum universale vitandi omnia mortalia? ib.
- Quæst. 4. Quas vitare occasions debet penitens, ut propositum dicatur efficax? 173
- Quæst. 5. Quid de proposito vitandi occasions proximas doceant Probabilite plures? ib.
- Quæst. 6. Quid dicendum de regula quam proponunt PP. Sporer, Gobat, Caramuel, & alii circa propositum vitanda occasionis in qua probabiliter scis te lapsurum? ib.
- Quæst. 7. Quid sit occasio propinqua, & an penitens habere propositum debeat illam evitandi? ib.
- Quæst. 8. Quid dicendum de opinione PP. Sporer, Layman, & aliorum circa debitum derelinquendi occasions propinquas? ib.
- Quæst. 9. Quid dicendum de opinione docente, Tom. II.

absolvendos adolescentes qui laborando cum feminis, consensu, tactibus, & copula peccant, quia non habitant in eadem domo? 174

Quæst. 10. Quid dicendum de illorum opinione qui in peccatore justificando non requirunt expressos actus fidei, & spei? ib.

DISSERTATIO II.

De confessione sacramentali, & satisfactione.

- CAP. I. Quid sit confessio sacramentalis, & quando divinum ejus preceptum obliget. 175
- Quæst. 1. Quo tempore divinum hoc preceptum per se obliget? ib.
- Quæst. 2. An quando adeat periculum obliviosi alicujus, vel multorum peccatorum mortalium, tenatur quis confiteri ante annum? ib.
- Quæst. 3. Quid dicendum de infra scripta opinionie P. Gobat? ib.
- Quæst. 4. Quid dicendum de opinione Leandri, negantis debitum confitendi illorum qui recipere alia sacramenta volunt preter Eucharistiam? ib.
- CAP. II. De confessionis sacramentalis conditionibus. 176
- Quæst. 1. Utrum formaliter integra esse debat confessio? ib.
- Quæst. 2. Que diligentia adhibenda in examen conscientia est? ib.
- Quæst. 3. Quid dicendum de regula examinis quam P. Viva proponit? ib.
- Quæst. 4. Exprimendus ne est peccatorum numerus? ib.
- Quæst. 5. Qui diuturna consuetudine peccavit, satis ne eidem est tempus sui vitiostus status exponere non explicato peccatorum numero? 177
- Quæst. 6. Quid dicendum de opinione negante debitum confitendi effectus peccati? ib.
- CAP. III. De obligatione confitendi circumstantias peccatorum. ib.
- Quæst. 1. Quid dicendum de opinione negante debitum confitendi circumstantias mutantes speciem, dum peccator de eisdem non dubitat? ib.
- Quæst. 2. An Religiosus initiatus sacris Ordinibus explicare teneatur circumstantiam voti solemnis? 178
- Quæst. 3. An Confessarius peccans cum penitente teneatur id fateri? ib.

- Quæst. 4.** Quid dicendum de opinione negantiam debitum confitendi consuetudinem peccandi? ib.
- Quæst. 5.** Quid dicendum de peccatis ex consuetudine patratis? 179
- Quæst. 6.** Quid dicendum de opinione P.Tamburini dicentis, non esse manifestandos gradus consanguinitatis peccati patrati cum matre, cum consobrina O.c. ib.
- CAP. IV.** De obligatione confitendi circumstantias aggravantes mortaliter intra eamdem speciem. Vindicatur D.Thome doctrina. 180
- CAP. V.** De ceteris circumstantiis. 181
- Quæst. 1.** Quænam sit significatus circumstantia quid? ib.
- Quæst. 2.** Quid prodit circumstantia ubi? 182
- Quæst. 3.** Quid dicendum de opinione negante tacitus impudicos in Ecclesia esse sacrilegos? ib.
- Quæst. 4.** Quid indicant circumstantiae quibus auxiliis, & cur? ib.
- CAP. VI.** An peccata dubia confitenda sint? 183
- Quæst. 1.** Quid dicendum de opinione docente, non teneri ad confitendum peccata certo commissa, si dubitas an confessus illa fueris? ib.
- Quæst. 2.** Utrum qui dubitat an peccatum quodam commiserit, teneatur illud confiteri? ib.
- Quæst. 3.** An peccatum mortale dubium debamus confiteri ut dubium? 184
- CAP. VII.** De causis excusantibus ab integritate materiali confessionis. De moribundo sensibus destituto, & de iterandis confessionibus. Laxe opiniones refelluntur. 186
- Quæst. 1.** Quænam sint cause excusantes ab integritate materiali confessionis? ib.
- Quæst. 2.** Quid dicendum sit de opinione asserente, frequentiam magnam penitentium ratione solemnitatis excusare ab integritate materiali? ib.
- Quæst. 3.** Utrum persona complicis manifestanda sit in confessione? ib.
- Quæst. 4.** Absolvi ne potest moribundus sensibus destitutus, quando petiit confessionem ante adventum Sacerdotis? ib.
- Quæst. 5.** An moribundus sensibus repente destitutus, qui nec petiit, nec signa dedit confessionis, si tamen pie & christiane viserit, sit absolvendus? ib.
- Quæst. 6.** Quid dicendum de opinione P.Gormaz? 187
- Quæst. 7.** Quid dicendum de opinione P.Gobat, qua eludit sue Societatis decretum prohibens absolutionem moribundi destituti sensibus? ib.
- Quæst. 8.** Datur ne confessio valida, & informis? ib.
- Quæst. 9.** Quo in casu iteranda confessio est? ib.
- CAP. VIII.** De satisfactione, tercia Pœnitentiae Sacramenti parte integrali. ib.
- Quæst. 1.** Quid sit satisfactio sacramentalis? ib.
- Quæst. 2.** Quæ sunt opera quibus satisfare homo potest Deo pro peccatis? 188
- Quæst. 3.** Qui sunt satisfactionis effectus? ib.
- Quæst. 4.** Quænam fuit antiqua Ecclesie disciplina in satisfactionibus imponendis? ib.
- CAP. IX.** De qualitate, quantitate, & tempore satisfactionis injungende pœnitentibus. 189
- Quæst. 1.** Quotuplex sit satisfactionis genus? ib.
- Quæst. 2.** Quid prescripsit Tridentinum circa quantitatem pœnitentie injungenda? ib.
- Quæst. 3.** In pœnitentiis injungendis respicere ne Confessarii debeat ad antiquos canones? ib.
- Quæst. 4.** Quid dicendum de quorundam praxi imponentium levem pro gravibus delictis satisfactionem? ib.
- Quæst. 5.** Quid dicendum de opinione docentium, nullam, aut modicam injungendam esse penitentiam, dum penitentes confitentur ad lucrandam indulgentiam? 190
- Quæst. 6.** Quid dicendum de opinione docentium, leves penitentias pro gravissimis delictis imponendas esse? 191
- CAP. X.** De obligatione pœnitentium acceptandi satisfactionem impositam a Confessario pro peccatis mortiferis. ib.
- Quæst. 1.** Tenentur ne sub mortali pœnitentes acceptare penitentiam impositam a Confessario? ib.
- Quæst. 2.** An penitentie ideo sint suspecte, quia a Mendicantibus injunguntur? 192
- CAP. XI.** De indulgentiis. 193

DISSENTATIO III.

De ministro Pœnitentiae Sacramenti, ejusque jurisdictione.

- CAP. I.** De sublimi dignitate, & dotibus Confessarii. 196
- §. 1. De spiritu fortitudinis, & libertatis Confessarii. ib.
- §. 2. De caritate, & prudentia Confessarii. 197
- §. 3. De scientia Confessarii. Unde illam hanc

- baurire debeat. PP. La-Croix, Gobat, &c. 199
 aliorum axiomata reselluntur.
- §. 4. Extrema laxitatis, & rigoris aequo se-
 verioris vitanda. 202
- §. 5. Sanctorum Patrum tum antique, tum
 postreme etatis auctoritate confirmatur pe-
 riculum labendi in Lazifsum. 203
- CAP. II. De jurisdictione ministri Pœnitentia-
 tis Sacramenti. 205
- Quæst. 1. Solus ne Sacerdos est minister Sa-
 cramenti Pœnitentia. ib.
- Quæst. 2. Quotuplex sit Sacerdotis potestas? ib.
- Quæst. 3. Utrum Regularis presentatus Epi-
 scopo, & injuste rejectus, jurisdictionem
 acquirat, & valide absolvat? ib.
- Quæst. 4. Quid sit jurisdictione ordinaria, &
 delegata? 206
- Quæst. 5. Utrum omnis Sacerdos in articulo
 mortis habeat jurisdictionem absolvendi a
 peccatis, & a censuris? ib.
- Quæst. 6. Quisnam sit proprius minister va-
 gorum, peregrinorum, & eorum qui in du-
 plici parochia habent domicilium? 207
- Quæst. 7. An jurisdictione expiret morte con-
 cedentis? 207
- Quæst. 8. An error communis deficiente ti-
 tulo colorato, sit satis ut dicatur jurisdictionem
 conferri? ib.
- Quæst. 9. An sufficiat jurisdictione dubia, &
 probabilis? 208
- CAP. III. De casuum reservatione. ib.
- Quæst. 1. An ignorantia excusat a casuum
 reservatione? 209
- Quæst. 2. An peccata intelligentur reservata,
 quando dubitatur de eorum reservatione? ib.
- Quæst. 3. Quinam possit a reservatis absol-
 vere? 210
- CAP. II. Vera peccatoris conversi imago ex
 Scripturis sanctis, & Patribus. ib.
- §. un. Pauci peccatores habituati, vel recidi-
 vi facile relabentes in pollutiones, in for-
 nicationes, in oscula, & tactus, brevi tem-
 poris intervallo convertuntur: idque omnium
 Concionatorum auctoritate confirmatur. Mo-
 nitum pro Missionariis. 215
- CAP. III. Plures quæstiones de absolutione im-
 pertienda, vel differenda peccatoribus recidi-
 vis, & in occasione peccandi versantibus. 217
- §. 1. Propositiones de occasione proxima ab
 Ecclesia damnata. ib.
- §. 2. False opiniones quorundam Casuista-
 rum reselluntur. 219
- Quæst. 1. An possit absolvi concubinarius
 antequam expellat concubinam? ib.
- Quæst. 2. An possit absolvi concubinarius,
 non ejecta e domo concubina, quod nequeat
 absque magno detimento sua vita, hono-
 ris, vel pecunie? ib.
- Quæst. 3. An possit absolvi concubinarius,
 non ejecta e domo concubina, eo quod fa-
 miam amitteret, si concubinam expellere? ib.
- Quæst. 4. An possit absolvi, non ejecta con-
 cubina, concubinarius qui dictæ femine de-
 dit mutuo v. gr. centum aureos, & credit
 se illos esse amissurum, si domo illam ex-
 pellat? ib.
- Quæst. 5. An possit absolvi pœnitens qui ad-
 huc post repetitam monitionem modo cum
 una, modo cum altera fornicatur? 220
- Quæst. 6. An possit absolvi Confessarius qui
 ex devotione excipit confessiones, in quibus
 audiendis crebro voluntarie polluitur? ib.
- Quæst. 7. An possit absolvi medicus, vel
 chirurgus, qui in medendis feminis sepe
 peccant, si propositum cessandi a curatione
 non habeant? ib.
- Quæst. 8. An possit absolvi hospita sine pro-
 posito non recipiendi hospitem quocum plu-
 ries peccavit, quando absque magno scan-
 dalo, aut detimento non posset eum hospi-
 tio suo prohibere? ib.
- Quæst. 9. Absolvendi ne sunt histrioines, mi-
 me, cantatrices, & saltatrices comedie? ib.
- Quæst. 10. An liceat adire occasionem in qua
 probabile est te lapsurum? 221
- Quæst. 11. Quid dicendum de opinione que
 defendit, non esse denegandam absolutio-
 nem plebeis juvenibus exutis in eodem lecto

DISSERTATIO IV.

De absolutione sacramentali impertienda,
 differenda, deneganda; de sigillo Con-
 fessarii, & de sollicitatione.

- CAP. I. De forma absolutionis sacramentalis. 211
- Quæst. 1. Licitum ne est forme absolutionis
 conditionem adjicere? ib.
- Quæst. 2. Impertienda ne est absolutio absen-
 ti? 212
- Quæst. 3. Que presentia pœnitentis requiri-
 tur ut concedi absolutio possit? ib.

- cum puellis cubantibus, & nolentibus proponere separationem? ib.
Quæst. 12. Utrum absolvī possit persistens in occasione propinqua mortaliter peccandi, quia sine gravi incommodo corporis, fame, vel fortunā eam tollere non potest? 222
Quæst. 13. Quid dicendum circa absolutorum recidivorum? ib.
Quæst. 14. Quid dicendum de quadam P. La Croix opinione? ib.
Quæst. 15. Quid sentiendum sit de doctrina recens tradita in quadam dissertatione typis vulgata an. 1754.? 223
§. 3. Nonnullæ quæstiunculae de officio Confessarii, quæ praxim spectant, resolvuntur. 229
Quæst. 1. Quid in primis obserware Confessarius debet confessiones auditurus? ib.
Quæst. 2. Quid obserware debet Confessarius in interrogatione pœnitentium? ib.
Quæst. 3. Utrum Confessarius interrogare de socio criminis debeat? ib.
Quæst. 4. An Confessarius adstringatur admonere pœnitentes eorum quæ ignorant sive vincibiliter, sive invincibiliter? ib.
Quæst. 5. Quid si Confessarius interrogetur a pœnitente ut veritatem eorum quæ ignorat, pandat? 230
§. 4. Accommodare ne Confessarii se debent opinionibus pœnitentium, relictis propriis? 231
§. 5. Quomodo se gerere debeat Confessarius in concedenda, aut differenda absolutione? 232
CAP. IV. De sigillo confessionis. 234
Quæst. 1. Quo jure Confessarii custodire secretum eorum quæ audierunt in confessione, debent? ib.
Quæst. 2. Quam gravis sit sigilli custodia, & an liceat aliquo in casu illud violare? ib.
Quæst. 3. Potest ne Confessarius loqui de auditis in confessione ex licentia pœnitentis? ib.
Quæst. 4. Quid respondere Confessarius debet rogatus an audierit confessionem concubinæ, meretricis &c.? 235
Quæst. 5. Potest ne Confessarius dicere, in tali oppido, communitate, collegio gravia crimina patrari, dum ea in confessione audivit? ib.
Quæst. 6. Quomodo se gerere Confessarius debet quando interrogatur de auditis in confessione? ib.
Quæst. 7. Quinam teneantur ad hoc sigilum? 236
CAP. V. De sollicitatione. ib.
Quæst. 1. Denuntiari ne debent Confessarii sollicitantes masculos ad turpia? 239
Quæst. 2. Denuntiandus ne est Confessarius qui chartam provocantem ad turpia mulieri confitentis legendam tradit? ib.
Quæst. 3. Sacerdotes qui fingunt se Confessarios, cum non sint, denuntiari ne debent, si sollicitent ad turpia? ib.
Quæst. 4. Quem sensum haec verba, in actu sacramentalis confessionis, vel ante, vel immediate post, preferunt? ib.
Quæst. 5. Quem sensum haec verba, vel occasione, vel praetextu confessionis, produnt? ib.
MONITUM ad Confessarios. 240

LIBER XII.

DE SACRAMENTIS EXTREMÆ UNCTIONIS,
ET ORDINIS: DE SIMONIA,
ET BENEFICIIS.

DISSERTATIO I.

De extrema unctione, & Ordine.

CAP. I. Propositiones damnatae, & laxe recessentur quæ reliqua tria sacraenta extrema unctionis, ordinis, & matrimonii respiciunt. 241

§. 1. Theses proscriptæ ab Alexandro VII. & Innocentio XI. ib.

§. 2. Propositiones laxe quorundam Casuistarum. 242

CAP. II. De Sacramento extrema unctionis, ejusque materia, & forma; de ministro, subiecto, & dispositionibus ad illud suscipiendum. 247

Quæst. 1. Extrema unctio est ne verum Sacramentum? ib.

Quæst. 2. Quænam est istius Sacramenti materia? ib.

Quæst. 3. Quænam sit istius Sacramenti forma? ib.

Quæst. 4. Quis fit extrema unctionis minister? 248

Quæst. 5. Quibus ministrandum est hoc Sacramentum? ib.

Quæst. 6. An istius Sacramenti susceptio sit sub

INDEX LIB. CAP. &c.	XVII
sub precepto?	ib.
Quæst. 7. Quæ dispositiones procedere hoc Sacramentum debent?	ib.
CAP. III. De Sacramento Ordinis.	ib.
Quæst. 1. Quid sit Ordo sacer, quo conseruantur personæ ecclesiasticae?	ib.
Quæst. 2. An sunt plures sacri Ordines?	249
Quæst. 3. Quid sit Ostiarius, & quænam ejus munia?	ib.
Quæst. 4. Quid sit Lectoratus, ejusque munia?	ib.
Quæst. 5. Quid sit Exorcistatus, & quænam ejus officia?	ib.
Quæst. 7. Quid sit Subdiaconatus, & quæ illius munia?	ib.
Quæst. 8. Quid sit Diaconatus, & quænam ejus officia?	ib.
Quæst. 9. Quid erant Diaconiſſæ?	ib.
Quæst. 10. Quid sit Presbyteratus, & quænam ejus munia?	250
Quæst. 11. Quid Episcopatus, & quæ illius munia?	ib.
Quæst. 12. Sunt ne singuli Ordines Sacra menta?	ib.
CAP. IV. De materia, & forma Sacramenti Ordinis.	ib.
CAP. V. De ministro, & subjecto Sacramenti Ordinis, ejusque effectibus.	251
Quæst. 1. An solus Episcopus fit hujus Sacramenti minister?	ib.
Quæst. 2. Ad consecrandum Episcopum quot Episcopi requiruntur?	ib.
Quæst. 3. Quo tempore administrari liceat sacri Ordines queant?	ib.
Quæst. 4. Quinam apti sunt ad sacros Ordines?	252
Quæst. 5. Qui non confirmatus Ordines suscipit, peccat ne mortaliter?	ib.
Quæst. 6. Quotuplex est titulus clericalis?	ib.
Quæst. 7. Quot sunt effectus Sacramenti Ordinis?	253
CAP. VI. De vocatione initiandorum, & signis quibus dignosci queat.	ib.
Quæst. 1. Quænam sunt signa vocationis ad statum religiosum, & clericalem?	254
Quæst. 2. Licitum ne Clericis est dignitates ecclesiasticas, & animarum regimen appetere?	255
CAP. VII. De iis quæ prestare, & de iis a quibus abstinere Clerici debent.	255
Quæst. 1. Peccant ne mortaliter Clerici qui	
	nec vestem clericalem, nec tonsuram deferunt?
	ib.
Quæst. 2. Peccant ne Clerici qui habitum clericalem ad formam habitus laicalis accommodant, comasque adscititiis, & cincin natas, & pulvere odorifero aspergas deferunt, tonsura vix apparente?	256
Quæst. 3. Peccant ne mortaliter Clerici accipientes beneficium cum animo deserendi statum clericalem, si opportunitas occur rerit?	ib.
Quæst. 4. A quibus abstinere Clerici debent?	ib.
Quæst. 5. Peccant ne Presbyteri ſeculares qui matronis ancillantur?	ib.
Quæst. 6. Utrum negotiatio Clericis fit interdicta?	257
Quæst. 7. An venatio fit interdicta Clericis?	ib.
Quæst. 8. Utrum Clericis vetiti sint ludi alearum?	ib.
§. Un. De scientia ordinandorum.	258

DISSERTATIO II.

De simonia.

CAP. I. Simonie notio, ejus variae species:	
& quæ pretii rationem habent in simonia contrahenda.	259
Quæst. 1. Quid sit simonia?	ib.
Quæst. 2. Quotuplex sit simonia?	ib.
Quæst. 3. Utrum fidelis simoniatus veram simoniam committat?	ib.
Quæst. 4. Quæ habent rationem pretii in simonia?	ib.
CAP. II. Quomodo simonia committatur dum res temporalis traditur aut tamquam premium, vel tamquam motivum, vel ut gratuita compensatio.	260
Quæst. 1. Qui dat pecuniam tamquam motivum non immediate obtinendi rem spiritualem, sed tamquam motivum medium honestum, ex quo expectatur res spiritu lis, committit ne simoniā?	261
Quæst. 2. Utrum licet dare temporale sub spe obtinendi a donatario spirituale, & contra titulo amicitiae, & gratitudinis?	ib.
Quæst. 3. An Sacramentorum venditio fit simoniaca?	262
Quæst. 4. An sit simonia vendere, aut emere actus jurisdictionis potestatis ecclesiasticae?	ib.
Quæst.	

Quæst. 5. <i>Simonia ne est quidquam accipere pro ingressu in monasteria?</i>	ib.
Quæst. 6. <i>Est ne simonia jure divino vetita, beneficia quocumque conferre intuitu temporalis emolumenti?</i>	ib.
Quæst. 7. <i>Permutari ne beneficia valent absque simonia?</i>	263
Quæst. 8. <i>Quomodo resignari beneficium absque simonia possit?</i>	264
Quæst. 9. <i>An renunciatio confidentialis beneficiorum sit simoniaca?</i>	ib.
CAP. III. De pœnis contra simoniacos, & de restituzione eorum que per simoniam acquisita sunt.	ib.
Quæst. 1. <i>Subjacent ne pœnis contra simoniam conventionalem latis, quando simonia non est completa ex utraque parte?</i>	ib.
Quæst. 2. <i>Que pœna imposita sunt sacros Ordines simoniace recipientibus?</i>	265
Quæst. 3. <i>An simonia in beneficiorum collatione privet beneficiis ante rite obtentis?</i>	ib.
Quæst. 4. <i>An acquisita per simoniam restitui debeant?</i>	ib.

DISSENTATIO III.

De beneficiis.

CAP. I. Beneficii ecclesiastici notio, & varia beneficiorum genera.	ib.
Quæst. 1. <i>Quid sit beneficium ecclesiasticum?</i>	ib.
CAP. II. De pensionibus, & coadjutoriis.	ib.
Quæst. 1. <i>Quid sit pensio, & quis imponere eam jure queat?</i>	ib.
Quæst. 2. <i>Quænam requiruntur cause ut imponi licite pensiones queant?</i>	ib.
Quæst. 3. <i>Quinam sint clericalis pensionis capacities?</i>	ib.
Quæst. 4. <i>Quotuplex sit coadjutoria?</i>	267
CAP. III. De pastorum residentia.	ib.
Quæst. 1. <i>Utrum animarum pastores jure naturali & divino residere in suis Ecclesiis teneantur?</i>	ib.
Quæst. 2. <i>Romanus Pontifex, ejusque Cardinales tenentur ne residere, ut ceteri pastores?</i>	ib.
Quæst. 3. <i>Que cause excusant Episcopos a personali residentia?</i>	268
Quæst. 4. <i>Possunt ne Episcopi unius anni trimestre conjungere cum trimestri alterius anni?</i>	ib.

CAP. IV. De qualitatibus ad validam, & licitam beneficiorum acquisitionem necessariis.	ib.
Quæst. 1. <i>Quæ actas requiruntur in promovendis ad beneficia ecclesiastica?</i>	ib.
Quæst. 2. <i>Quæ scientia, & morum probitas requiruntur in promovendis ad beneficia?</i>	ib.
Quæst. 3. <i>An licitum sit desiderare regimen animarum?</i>	269
Quæst. 4. <i>Licum ne est petere vacantem Ecclesiastiam?</i>	ib.
Quæst. 5. <i>Quot modis acquiriri beneficia possunt?</i>	ib.
CAP. V. De dignioribus ad beneficia ecclesiastica eligendis.	270
Quæst. 1. <i>An dignior, omisso digno, ad beneficia ecclesiastica eligi debeat?</i>	ib.
Quæst. 2. <i>Translatio Episcoporum est ne jure naturali & divino, an tantum ecclesiastico prohibita?</i>	271
Quæst. 3. <i>Quid sit resignatio beneficii?</i>	272
CAP. VI. De pluralitate beneficiorum.	ib.
Quæst. un. <i>Utrum pluralitas beneficiorum jure naturali, nedum canonico vetita sit?</i>	ib.
CAP. VIII. Beneficiarii ex justitia, nedum ex caritate astringuntur dispensare omnia superflua pauperibus.	273

LIBER XIII.

DE MATRIMONIO, CENSURIS, ET STATU RELIGIOSO.

DISSENTATIO I.

De matrimonio.

CAP. I. De matrimonii essentia, & institutione.	275
Quæst. 1. <i>An in lege veteri matrimonium fuerit Sacramentum?</i>	276
Quæst. 2. <i>Matrimonium in lege evangelica est ne verum Sacramentum?</i>	ib.
Quæst. 3. <i>Utrum matrimonium inter fideles absentes per procuratorem celebratum, sit verum Sacramentum?</i>	ib.
CAP. II. De materia, forma, & ministro Sacramenti matrimonii.	ib.
Quæst. 1. <i>Quenam est matrimonii Sacramenti materia?</i>	ib.
Quæst. 2. <i>An Sacerdos assistens contrahentibus</i>	ib.

- fit Sacramentii minister, ejusque verba habent rationem forme? ib.
- CAP. III.** De conditionibus consensu mutui ad matrimonium necessariis. 279
- Quæst. 1. An ut matrimonium sit validum, requiratur utriusque conjugis consensus? ib.
- Quæst. 2. An consensus metu extortus nullum efficiat matrimonium? ib.
- CAP. IV.** De proprietatibus matrimonii, & de polygamia simultanea, & successiva. 280
- CAP. V.** De indissolubilitate vinculi conjugalis, & de divorcio. 281
- Quæst. 1. An vinculum matrimoniale sit indissoluble? ib.
- Quæst. 2. Quid de matrimonio infidelium dicendum? ib.
- Quæst. 3. Si conjux infidelis consentiat pacifice habitare cum conjugi fidei, potest ne fidelis conjux aliam ducere? ib.
- Quæst. 4. An matrimonium Iudeorum per libellum repudii nullum evaserit? 282
- Quæst. 5. Utrum matrimonium Christianorum per adulterium dissolvatur? ib.
- Quæst. 6. Solvitur ne Christianorum matrimonium ratum non consummatum, per solemnem professionem Religionis approbatam? ib.
- Quæst. 7. Utrum matrimonium Christianorum ratum, & consummatum dirimatur per ingressum in Religionem? ib.
- Quæst. 8. Quid sit divorcium, & an in utroque conjuge jus ad illud par sit? ib.
- Quæst. 9. Quibus iuris casibus licitum divorcium est inter Christianos? 283
- Quæst. 10. Quot sunt casus in quibus ob fornicationem licitum divorcium non est? ib.
- CAP. VI.** De sponsalibus, eorumque conditionibus. ib.
- Quæst. 1. Quid sint sponsalia? ib.
- Quæst. 2. Quibus verbis contrahenda sponsalia sint? 284
- Quæst. 3. Quæ actas requiritur tum ad sponsalia, tum ad matrimonium contrahendum? ib.
- Quæst. 4. Quando tempus præfinitum sponsalibus non est, celebrari ne illico matrimonium debet? ib.
- Quæst. 5. Utrum licitum sit sponsalibus adiungere obligationem ad pœnam? ib.
- Quæst. 6. An dissolvi mutuo consensu sponsalia queant? 285
- Quæst. 7. An post sponsalia contracta iuramento firmata possit altera pars licite ingredi Religionem? ib.
- Quæst. 8. Licitum ne est, contratis sponsalibus, emittere simplex castitatis votum? ib.
- Quæst. 9. An sponsalia dirimantur aut per temporis dilationem, aut per unius sponsi absentiam, vel domicili mutationem? 286
- Quæst. 10. Quanam sunt cause subvenientes que sufficient ad sponsalia dirimenda? ib.
- Quæst. 11. Quæ causa antecedentes dirimant sponsalia? 287
- Quæst. 12. Quis judex legitimus dirimendi sponsalia? ib.
- Quæst. 13. Peccant ne mortaliter filii qui in seipsis & invitis parentibus sponsalia, vel matrimonium contrahunt? ib.
- CAP. VII.** De matrimonio clandestino, & de proclamationibus quæ præcedere matrimonium debent. ib.
- Quæst. 1. Quid sit matrimonium clandestinum? ib.
- Quæst. 2. An in aliquo casu post Tridentinum validum sit matrimonium clandestinum? ib.
- Quæst. 3. Quis sit Parochus præscriptus a Tridentino? 288
- Quæst. 4. Qui præter Parochum, vel Sacerdotem ab eo designatum, assistere matrimonio valent? 288
- Quæst. 5. Urum ad valorem Sacramenti matrimonii requirantur duo testes? ib.
- Quæst. 6. Que præstare Parochus debet in matrimonii celebratione? 289
- Quæst. 7. An denuntiationes futuri matrimonii sint necessariae necessitate Sacramenti, an præcepti? ib.
- Quæst. 8. Peccant ne conjuges, si consummationem matrimonium ante benedictionem nuptiale? ib.

DISSERTATIO II.

De impedimentis dirimentibus, & impedientibus, eorumque dispensatione.

- CAP. I.** De impedimentis dirimentibus. 290
- Quæst. 1. An error personæ dirimat matrimonium? ib.
- Quæst. 2. Quid nomine conditionis intelligitur? ib.
- Quæst. 3. Quid sit impedimentum voti, & Ordinis sacri? ib.
- Quæst. 3. Quid sit impedimentum cognationis? ib.
- Quæst. 5. Quid, & quotplex sit consanguinitas? 291
- Quæst.

- Quæst. 6. Quæ sunt regule quæ a Theologis,
C' Canonistis assignantur pro gradu
consanguinitatis computatione? ib.
- Quæst. 7. Quid sit impedimentum criminis? 292
- Quæst. 8. Quid sit impedimentum disparis
cultus? ib.
- Quæst. 9. Quid sit impedimentum coactionis,
C' ligaminis? 293
- Quæst. 10. Quid sit impedimentum publice
honefatis, C' inter quos contrahatur? ib.
- Quæst. 11. Quid sit impedimentum affinitatis?
ib.
- Quæst. 12. Quid sit impedimentum impotencie?
ib.
- Quæst. 13. Quid sit impedimentum clandestinitatis, C' raptus? 294
- CAP. II. De impedimentis impedientibus. ib.
- CAP. III. De potestate, C' causis dispensandi
in his impedimentis recentis. 295
- Quæst. 1. Quis potestatem habet dispensandi
ab impedimentis dirimentibus? ib.
- Quæst. 2. An Episcopi, urgente necessitate, dis-
pensare ab aliquo impedimento dirimente
ante matrimonium contractum valeant? ib.
- Quæst. 3. Requiritur ne quod bona fide con-
tractum matrimonium sit, ut dispensare
ab impedimento Episcopus queat? ib.
- Quæst. 4. A quibus impedimentis extra necessi-
tatis casum dispensare Episcopus potest? ib.
- Quæst. 5. Peccant ne Superiores absque ius-
ta causa ab his impedimentis dispensan-
tes? 296
- Quæst. 6. Valida ne est hujusmodi dispensa-
tio sine causa concessa? ib.
- Quæst. 7. Quænam sunt justæ dispensationis
causa? ib.
- Quæst. 8. Quid sit dispensatio subreptitia? ib.
- Quæst. 2. Licitu ne sunt tacitus, oscula, C'
amplexus inter sponsos? ibid.
- CAP. III. De peccatis conjugum in contra-
bendo matrimonio: C' de obligatione ea-
rundem in mutua debiti redditione. 301
- Quæst. 1. Quanta est conjugum obligatio ad
officium uxorum solvendum? ib.
- Quæst. 2. Quæ causæ excusant ab officio uxo-
rio reddendo? ib.
- Quæst. 3. Quomodo ex impedimento affinitatis,
vel cognationis spiritualis impedi-
tur conjuges a debiti petitione? 302
- Quæst. 4. Qui certus est matrimonium esse ir-
ritum, potestne debitum reddere conjugi
petenti, C' ignorantia matrimonium esse
irritum, ut evitet infamiam, aut grave
damnum? ib.
- Quæst. 5. An Confessarius certo sciens matri-
monium esse nullum, teneatur monere con-
jugem paenitentem ignorantia invincibili
credentem esse validum? ib.
- Quæst. 6. An si conjugum alter dubitet pru-
denter validum ne sit matrimonium con-
tractum, petere debitum, aut reddere
queat? 304
- Quæst. 7. Quomodo redintegranda sint ma-
trimonia nulla? ib.
- Quæst. 8. Quando matrimonium est irritum
ob aliquod impedimentum dirimens, requiri-
tur ne ut uterque conjux certior fiat? ib.
- Quæst. 9. Matrimonium ob impedimentum
occultum dirimens, vel ob defectum con-
sensus irritum, redintegrari ne coram Pa-
rocho, C' testibus debet? 305
- CAP. IV. De peccatis que perpetrare conjuges
valent in exercito officii uxori contra finem,
situm, locum, C' bonum prolis. ib.
- Quæst. 1. Quomodo peccare conjuges contra
matrimonii finem valent? ib.
- Quæst. 2. Quinam est finis ob quem actus
conjugalis est licitus, C' meritorius? ib.
- Quæst. 3. An liberi sint a culpa veniali qui
matrimonio utuntur contra propriam incon-
tinentiam, C' contra alia graviora fla-
gitia? 306
- Quæst. 4. Peccant ne conjuges actum matri-
moniale exercentes diebus festis, jejuniou-
rum, C' ipso Eucharistia suscepta die? ib.
- Quæst. 5. An officium conjugale ratione loci
aut publici, aut sacri sit vitiosum? 307
- Quæst. 6. Quomodo peccare conjuges valent con-
tra modum exercendi officium conjugale? 308
- Quæst.

DISSERTATIO III.

De obligatione, & peccatis sponsorum,
& conjugum.

- CAP. I. De fine sponsalium, obligatione, C'
peccatis sponsorum. ib.
- Quæst. 1. Quis sit sponsalium finis? ib.
- Quæst. 2. Quæ sint Parochorum munia in
sponsorum instructione? 297
- CAP. II. Plures opiniones de peccatis spon-
sorum resolvuntur. 299
- Quæst. 1. An sponsi peccent mortaliter dele-
ctando se morose de copula futura? ib.

- Quæst. 7. Si vir consuecat, dum officium prestat, se retrahere, ut generationem impedit, peccat ne uxori debitum reddendo? ib.
- Cap. V.** Unde potissimum eveniat quod plurima matrimonia incommodis, & arum-nis abundant. Monita ad Confessarios, & Parochos. ib.
- D I S S E R T A T I O N . I V .**
- De censuris in communi, & sigillatim.
- CAP. I.** Censuræ notio, partitio, & qui pos-sint censuras ferre. 310
- Quæst. 1. Quid sit, & quotuplex censura? ib.
- Quæst. 2. Quis jure ordinario ferre censuras valet? ib.
- CAP. II.** De culpa ob quam censura ferri potest, & quæ causæ excusent a censuris. 311
- Quæst. 1. An pro ferenda censura requiratur culpa, & contumacia propria? ib.
- Quæst. 2. Utrum censura lata contra executores criminis comprehendat etiam mandantes, & consilentes? 312
- Quæst. 3. Que conditiones requirantur ut quis possit censuris irretiri? ib.
- Quæst. 4. Quæ causæ excusent a censuris? ib.
- CAP. III.** De absolutione a censuris. 314
- Quæst. 1. An irretitus censura teneatur sub mortali quamprimum potest absolutionem petere, & sollicitare? ib.
- Quæst. 2. Quotuplex sit absolutio a censurâ? ib.
- Quæst. 3. Quis absolvere a censuris valeat? 315
- Quæst. 4. Quis valeat absolvere a censuris latâ ab homine? ib.
- Quæst. 5. Quinam sunt censuræ, & casus reservati summo Pontifici, a quibus Episcopi jure ordinatio absolvere possunt? ib.
- Quæst. 6. Quam facultatem habent Regulares absolvendi a casibus, & censuris reservatis summo Pontifici? 316
- CAP. IV.** De censuris sigillatim, nempe de excommunicatione majori, & minori. ib.
- Quæst. 1. Quid, & quotuplex sit excommuni-catio? ib.
- Quæst. 2. Quinam dicantur excommunicati tolerati, quinam vitandi? 317
- Quæst. 3. Quam pœnam incurrit excommunicatus qui illicite Sacra menta adminis-trat? ib.
- Quæst. 4. Quæ damna infert tertius excom-municationis effectus? ib.
- Quæst. 5. An electio sit nulla ad quam ex-communicatus vitandus concurrit? 318
- Quæst. 6. Quam inabilitatem incurrint ex-communicati vi septimi effectus? ib.
- Quæst. 7. Utrum excommunicatus amittat & fructus, & beneficium? 319
- Quæst. 7. Quid sit excommunicatio forensis, & civilis? ib.
- Quæst. 9. In quibus casibus licitum est com-municare cum excommunicato? ib.
- Quæst. 10. Quid sit excommunicatio minor, & quinam illius effectus? 320
- Quæst. 11. Quando incurrit excommunica-tio canonis ob Clerici percussione? ib.
- Quæst. 12. Quenam actio violenta in Cleri-cum dicatur, vi cuius percussor excommu-nicationem incurrat? ib.
- Quæst. 13. Quenam causæ excusant injici-en tes manus violentas in Clericum ab excom-municatione contrahenda? ib.
- CAP. V.** De suspensione, ejusque effectibus, atque de depositione, & degradatione. 321
- Quæst. 1. Quid, & quotuplex sit suspensiō? ib.
- Quæst. 2. An suspensus ab officio sit suspensus a beneficio, aut contra? ib.
- Quæst. 3. Quinam sunt effectus suspensionis ab officio, a jurisdictione, a beneficio? ib.
- Quæst. 4. Quam ob causam ferri suspensiō potest? 322
- Quæst. 5. Quid significat depositio, & de-gradatio? ib.
- CAP. VI.** De Interdiccio, & cessatione a divinis. ib.
- Quæst. 1. Quid, & quotuplex sit interdi-cuum locale? ib.
- Quæst. 2. Quinam tenentur observare inter-dictum locale? ib.
- Quæst. 3. Quis, & quam ob causam ferre interdictum valet? 323
- Quæst. 4. Quinam sunt interdicti effectus? ib.
- Quæst. 5. Quenam Sacra menta prohibentur ministrari tempore interdicti? ib.
- Quæst. 6. Quibus tempore interdicti prohibe-tur ecclesiastica sepultura? 324
- Quæst. 7. Quodnam peccatum perpetrant, & quas pœnas incurrint violatores interdi-cti? ib.
- Quæst. 8. Quid intelligatur per interdictum ab ingressu Ecclesie? ib.
- Quæst. 9. Quis ab interdicto absolvere potest? ib.
- Quæst. 10. Quid sit cessatio a divinis, & quinam illius effectus? ib.
- Quæst.

- CAP. VII.** De irregularitate in communi, & in particulari ex delicto, & ex defectu. 325
Quæst. 1. Quid sit irregularitas, & quinam ejus effectus? ib.
Quæst. 2. Quotuplex sit irregularitas? ib.
Quæst. 3. Quenam excusat ab irregularitate contrahenda ex delicto? ib.
Quæst. 4. An irregularitas ex delicto tollatur per Baptismum, professionem religiosam, & dispensationem? ib.
Quæst. 5. Quid requiratur ut quis contrahat irregularitatem ex homicidio voluntario? ib.
Quæst. 6. Quandonam contrahitur irregularitas ex homicidio, & mutilatione casuali? 326
Quæst. 7. Quandonam contrahatur irregularitas ex homicidio, aut mutilatione causa defensionis contra injustum aggressorem? ib.
Quæst. 8. Quenam sunt irregularitates ex defectu anime? 327
Quæst. 9. Quinam sunt corporis defectus irregularitatem parientes? ib.
Quæst. 10. Quinam dicuntur irregularares ex defectu libertatis, & tatis, & obligationis? ib.
Quæst. 11. Quid sit irregularitas ex defectu Sacramenti? 328
Quæst. 12. Quomodo contrahitur irregularitas ex defectu lenitatis? ib.

DISSERTATIO V.

De statu religioso.

- CAP. I.** Status religiosi notio, & ejusdem obligatio aspirandi ad perfectionem evangelicam. 329
Quæst. 1. Quid sit status religiosus? ib.
Quæst. 2. Utrum Religiosi teneantur sub gravi precepto tendere ad perfectionem? ib.
CAP. II. De voto paupertatis. 332
CAP. III. Regulares voentes paupertatem evangelicam vovent ipsam bonorum communitatem. ib.
CAP. IV. Decreta Concilii Tridentini, & constitutiones summorum Pontificum urgent Regulares ad exactam vitam communem, pulsis privatis peculiis. 333
CAP. V. Communitate sublata, nec votum obedientie, nec regularis discipline observantia confondere diu valent. 337
CAP. VI. Quam hostiliter pugnant cum voto

- paupertatis monastice census vitalitii. Excusationes, & sophismata quibus incrassari peculiorum corruptela solet. 339
CAP. VII. De iudicis Regularium, & aliis quæ cum voto paupertatis pugnant. ib.
Quæst. 1. Licitu ne sunt Regularibus iudi alearum & sortis? ib.
Quæst. 2. An paupertatis voto repugnet quod Regulares habeant instrumenta argentea, ut cochlearia, cultrum, furculam, arcuam pro tabacco, horologia, idque genus similia? ib.
CAP. VIII. Quam gravis sit Prælatorum obligatio invehenda communitatis. Quid age re debeant Regulares de gentes in claustris ubi pulsa vita communi peculia serpunt: & an juvenes suscipere habitum religiosum in his locis liceat queant. 340
Quæst. 1. Sunt ne in continuo statu peccati mortalis Prælati Regularium qui sincero animo, & totis viribus non conantur instaurare vitam communem ubi collapsa est? ib.
Quæst. 2. An subditi Regulares resistentes introductioni vite communis, pulsis peculiis, sint in statu peccati mortalis? 341
Quæst. 3. Quomodo se gerere debeant Regulares qui in iis conventibus commorantur ubi, sublata vita communi, peculiorum pestis serpit, ut propriæ consulant salutis? 342
Quæst. 4. Licitum ne est juvenibus suscipere habitum Religionis, & profiteri in iis claustris, ubi non servatur communitas rerum, & aliae precipue regule? ib.
Quæst. 5. Utrum habere redditus redundantes in communi pugnet cum voto paupertatis? ib.
CAP. IX. De voto castitatis, & obedientie. 344
Quæst. 1. Quid sit votum castitatis religiosæ? ib.
Quæst. 2. Quid ratione voti obedientie praefare Regularis obstringitur? ib.
CAP. X. De tyrocinio, seu novitiatu Regularium. 345
CAP. XI. De professione Regularium. 346
CAP. XII. De litterarum studio, in quod incumber Regulares adstringuntur: & quæ methodus in scientiis addiscendis servanda. 348

EMINENTISSIMO SIGNORE.

Domenico Terres pubblico Mercadante di Libri di questa Fedelissima Città, supplicando espone a V. Em., come desidera stampare il *Compendio della Teologia Cristiana* del P. Daniele Concina divisa in due Volumi in quarto; per tanto supplica l'Em. Sua di commetterne la revisione a chi meglio li parerà, e l'avera da V. Em. a grazia ut Deus, &c.

Reverendissimus Dominus D. Fabius Massa Sac. Theol. professor, & Curie Archiepiscopalis Examiner Synodalis revideat, & in scriptis referat. Datum Neapoli die 5. Februarii 1761.

I. EPISCOPUS PHILADELP. VICAR. GENER.

JOSEPH SPARANUS CAN. DEF.

EMINENTISSIME DOMINE

Ecce Eminentia tua jubente a me Liber inscriptus *Theologia Christiana* &c., quia jam satis probatus mea laude non indiget. Jure ergo illum edi posse censeo, si E. T. placitum adcedat. Datum Neapoli 9. Junii 1761.

Humillimus Additissimus Famulus
Fabius Massa Principis Ecclesiae Vicarius Curatus:

Attenta relatione Domini Revisoris imprimatur. Datum Neapoli Die 16. Iunii 1761.

I. EPISCOPUS PHILADELP. VICAR. GENER.

JOSEPH SPARANUS CAN. DEF.

S. R. M.

S. R. M.

SIGNORE:

Domenico Terres publico Negoziante di Libri di questa Fedelissima Città, posto a piedi di V. M. umilmente la supplica; come volendo dare alle stampe un nuovo corpo di libro intitolato: *Compendio della Teologia Cristiana del P. Daniele Concina dell'Ordine de' Predicatori in più tomi*. Per tanto supplica la M. V. degnarsi ordinare la revisione a chi meglio stima, e l'avrà a grazia ut Deus &c.

Adm. Rev. P. Albertus Sacco Ordin. Praedic. in hac Studiorum Universitate Professor revideat & in scriptis referat. Datum Neap. die 8. Januarii 1761.

NICOLAUS DE ROSA EPISC. PUTEOL. CAP. MAJ.

S. R. M.

Nihil erat optandum magis aetate hac nostra, quam ut illa Theologica Disciplina, quae tota de bene instituendis hominum moribus est, a Deo primùm in sacris Bibliis, & ab Ecclesiae Patribus, Conciliis, ipsisque Summis Pontificibus tradita nobis sancta, christianaque perfectioni conformis; deinde verò nescio qua confidentia a quibusdam hominibus Theologis levata, dejecta, perturbatisque humani animi motibus accommodata, ad suam demum sanctitatem revocaretur. Id autem nuper communi iudicio sapientum egregie factum est per R. P. F. Danielem Concinam Ordin. Praedic. quampluribus, partim ad amplificandam Jesu Christi, Ecclesiaeque doctrinam, partim ad infirmandas, convellendasque oppositas opiniones hominum, perscriptis libris. Quorum omnium summam, ut cujuspiam commodo consuleret maximè, paullò antequam e vita decederet, in unum volumen coegit, quod Compendium Theologiae suae Dogmaticae moralis inscripsit. Atque id istud est, quod jussu planè M.V. cum legerim, ita probavi, ut judicare non dubitem, maximo futurum esse illud quidem tam civili cuique, quam christiane Reipubl. emolumento, si typis quam diligentissime committatur. Datum Neapoli die 19. mensis Januarii an. M. D. CC. LXI.

*Humillimus Addicissimus Servus, Subditus, & Vass.
F. Albertus Sacco Sac. Theol. Mag. & Publ. Professor.*

Die 6. Mensis Februarii 1761. Neapoli.

Viso Rescripto Sue Regalis Majestatis sub die 29. proximi elapsi mensis Januarii currentis anni, ac Relatione Reverendi Patris Alberti Sacco de Commissione Regii Reverendi Cappellani Majoris ordine prefatæ Regalis Majestatis.

*Regalis Camera Sanctæ Claræ providet decernit, atque mandat, quod impri-
matur cum inserta forma supplicis libelli, ac approbatione dicti Reverendi Revi-
soris. Verum in publicatione servetur Regia Pragmatica hoc suum.*

FRAGGIANNI. GAETA. ROMANUS. SCASSA.

Ill. March. Danza Präf. S.R.C. temp. subscr. imp.

Reg. f. 90. at.

Carulli.

Athanafius.

THEO-

THEOLOGIA CHRISTIANA DOGMATICO-MORALIS.

LIBER NONUS
DE JUSTITIA, ET JURE.

DISSERTATIO I.

De justitiae notione, & divisione.

CAPUT I.

Propositiones dammate ab Alex. VII. &
Innocentio XI.

I.  Quando litigantes habent pro se opiniones aequae probabiles, potest judex pecuniam accipere pro ferenda sententia in favorem unius pro aliо. Est 26. Alex. VII.

II. Licitum est mutuanti aliquid supra sortem exigere, si se obliget ad non repetendam sortem usque ad certum tempus. Est 42. Alex. VII.

III. Permissum est furari non solum in extrema necessitate, sed etiam in gravi. Est 36. Innocentii XI.

IV. Famuli, & famulae domesticæ possunt occulte horas suis surripere ad compensandam operam suam, quam majorem judicant salario quod recipiunt. Est 37. Innoc.

V. Non tenetur quis sub pena peccati mortalis restituere quod ablatum est per pauca furtæ, quantumcumque sit magna summa totalis. Est 38. Innoc.

VI. Qui alium movet, aut inducit ad ferendum grave damnum tertio, non tenetur ad restitutionem istius damni illati. Est 39. Innoc.

VII. Contractus Mohatra licitus est etiam respectu ejusdem personæ, & cum contractu retrovenditionis prævie inito cum intentione lucri. Est 40. Innoc.

VIII. Cum numerata pecunia pretiosior sit numeranda, & nullus sit qui non majoris faciat pecuniam presentem quam futuram, potest creditor aliquid ultra sortem a mutuatario exigere, & eo titulo ab usura excusari. Est 41. Innoc.

IX. Usura non est, dum ultra sortem aliquid
Tom. II.

exigitur tamquam ex benevolentia, & gratitudine debitum, sed solum si exigatur tamquam ex iustitia debitum. Est 42. Innocentii.

CAPUT II.

Opiniones laxe plurim Casuistarum.

I. P. Thomas Tamburinus Lib. III. Method. Confess. cap. IV. num. 5. „ Si prævideat Confessor pœnitentem non restituturum, si illi detegatur nullitas tituli quem pro se adesse pœnitens putat, non erit ex San-chez talis nullitas illi a Confessario patefacienda, quamvis sit in præjudicium tertii, qui suo carebit. „ Quam sit principium istud justitiae, negotiationi, & societati perniciosum, quisque judicet.

II. P. Dominicus Viva quest. I. art. 5. num. 2. „ Quod si ex opinione probabili pœnitens putet hic & nunc se non teneri, debet Confessarius accommodare se opinioni pœnitentis, si vere talis opinio sit probabilis, quamvis ipse contraria sententiam sequatur. Ratio est, quia quando pœnitens est rite dispositus, debet absolvī. Est autem rite dispositus, si opinionem probabilem sequatur, quod non debeat restituere. Ergo tunc absolvī debet. „

III. Tamburinus Lib. III. Meth. Confess. cap. IV. num. 5. „ Si prævides pœnitentem non restituturum, quamvis item advertas id esse in damnum publicum, cur tu sis obligandus ad admonendum, quandoquidem prævides adhuc tua accidente monitione illum non fore restituturum, atque adeo non fore amovendum damnum publicum? Certe frustra erit talis monitio, immo nocens ipsi admonitio, bono autem publico nequaquam favens . . . Atque hæc omnia ex de Lugo etiam procedunt, quando Confessarius speraret pœnitentem suscepturnum quidem monitionem: sed tamen advertit remedium esse difficultimum . . . Unde etiam infertur, idem esse dicendum, quando pœnitens sub peccato mortali tenetur ad aliquid adeo difficile, ut non credatur tunc æquo animo rece-

A

, ptu-

L I B . IX . D E J U S T . E T J U R .

pturus , & alia vice melius suscepturnus es-
se judicetur : poterit enim tunc prudens
Confessor relinquere illum in sua bona fi-
de , quæ a peccato excusat , & monitio-
nem in tempus opportunius differre , ne
scilicet territus Pœnitens a confessione se
abstineat , majusque detrimentum patia-
tur . Et hoc notetur permaxime pro Con-
fessariis Mercatorum & Principum .

IV. Leonardus Lessius *Lib. II. de just. cap. 14. dub. 8. num. 52.* „ Etsi opus malum ,
pro quo dedit , non sit estimabile pretio ,
qua malum ; tamen qua delectabile , vel
utili uni , & alteri detrimentosum , peri-
culosum , laboriosum , inter homines pre-
tio estimatur : ergo quod hac ratione pro
eo est acceptum , non est restituendum ,
nisi forte quis estimationem excederit ; ut
si meretrix quæ usuram sui concedere so-
let uno aureo , ab aliquo juvene extor-
rit 50. tamquam pretium . Hoc tamen lo-
cum non habet in ea quæ putatur honesta ; ut
si matrona aliqua , vel filia 100. aureos pro
usura corporis accipiat ab eo qui dare
poterat , RETINERE POTEST : NAM TAN-
TI ET PLURIS POTEST SUAM PUDICI-
TIAM ESTIMARE . Res enim quæ cer-
tum pretium non habent , nec ad vi-
tam sunt necessariae , sed voluntatis can-
sa queruntur , arbitrio venditoris pos-
sunt estimari , ut probabiliter docet Pe-
trus Navarra , & alii .

V. Idem Lessius *loc. cit. num. 55.* „ Dices :
Divus Augustinus epist. 54. ad Macedonium
ait , sceleratus accipi pecuniam pro sententia
injusta quam pro justa , pro testimonio falso
quam pro testimonio vero . Atqui pecunia ac-
cepta pro sententia justa est restituenda :
ergo pro sententia injusta . Ita Sotus .

„ Resp. negando consequentiam . Non enim
quia aliquid est sceleratus , ideo magis ,
vel æque obligat ad restitutionem . Hæc
enim obligatio non sequitur magnitudi-
nem sceleris , sed damnum per injuriam
datum . At qui accipit pro sententia injusta ,
nullam infert injuriam danti , siue is qui
pro justa . Porro illud est sceleratus quam
hoc : tum quia pejus est ferre sententiam
injustam (ad quam ferendam jam habet
animum qui pecuniam accipit ,) propter
injuriam quæ fit alteri parti , quam acci-
pere pecuniam pro sententia justa ferendam :
tum quia (ut ibidem Augustinus ait)
sceleratus datur pro injusta quam pro ju-
sta ; quamvis detur voluntarie & libenter .
Loquitur enim de sententia ferenda . Ad-

de , ibidem Augustinum significare pecu-
niā istam , et si sceleratus acceptam , non
esse opere impleto restituendam , dum di-
cit datam a volentibus . Volenti enim non
fit injuria . Secus si data sit pro sententia
justa , quæ censetur data coacte metu sen-
tentia injustæ ” .

VI. P. Lessius *Lib. II. cap. 19. dub. 3. num.*

22. „ Tertio , si heres ab intestato retineat
hereditatem , & legata , possunt illi qui-
bus aliquid per tale testamentum erat re-
lictum , uti occulta compensatione : nam
revera res erat ipsorum . Silvester v. He-
reditas ” .

VII. P. Dominicus Viva *Curs. Theolog.*
Tom. I. p. 3. quest. 4. art. 5. num. 12.
Tertio docent multi cum Lessio *cap. xix.*
dub. 3. Molina , Granados , & aliis , quod qui
ex testamento minus solemnī habere de-
bet legatum , possit illud sibi retinere , vel
compensationem facere , eo quod probabilis
sit sententia , quod jure naturæ hujusmo-
di testamentum sit validum , atque adeo
in foro conscientiæ debeantur legata in
eo facta ; quamvis contraria opinio sit sa-
tis communis , & probabilis ” .

„ Quarto docet Lessius ibidem , posse here-
dem ab intestato uti compensatione oc-
cultæ contra eum qui bona defuncti pos-
sideret ex testamento minus solemnī : quia
probabilis est sententia , quod ea bona de-
beantur heredi ab intestato , cui opinioni
potest se conformare ” .

VIII. P. Lessius *loc. cit. num. 30.* „ Tertio
heres ab intestato potest illud retinere :
& si alter possidet , repetere de iudicio .
Quarto quod si non possit ob potentiam
adversarii , uti potest occulta compensa-
tione ” .

IX. P. Antoninus Diana *Tom. VI. tr. 3. ref.*
149. „ Qui ex testamento minus solemnī le-
gatum debet habere , cum sit opinio proba-
bilis debere in foro conscientiæ ea lega-
ta , licet contraria sit satis communis ,
& probabilis , potest tamen legatum de-
tinere , vel de novo accipere , aut occulte
compensare , ut fatetur Granado , Moli-
na . Lessius addit , heredem ab intestato
posse etiam uti compensatione occulta con-
tra eum qui bona defuncti possidet ex te-
stamento minus solemnī , quia contraria
etiam sententia probabilis est , cui se potest
conformare .

X. P. Diana *loc. cit.* „ An in compensatio-
ne occulta facienda debitum debeat esse
liquidum & certum ? Ex his Eminentissi-
mus

sumus Cardinalis de Lugo propositam questionem late pertractat tom. i. de just. disp. 16. sect. 5. a num. 94. usque ad num. 107. & negativam sententiam cum distinctionibus ab ipso adductis valide & docte, ut semper solet, firmare conatur. Afferit itaque, quod quando opinio probabilis aequa vel probabilior favet creditorū volenti facere compensationem, quae versatur non circa factum, sed circa jus, videtur probabile quod possit creditor, antequam res ad judicium deducatur, positis aliis conditionibus ad licitam compensationem supra requisitis, sibi compensare occulte suum debitum. Hanc conclusionem probare vindicantur argumenta supra facta, & exempla supra adducta, in quibus exemplis auctores ipsi compensationem admittunt; cum tamen in iis procedat solum opinio probabilis, ut in compensatione pecuniae pro fama ablata, & in legatario, vel herede ex testamento minus solemnem, & simili bus. Ratio enim supra adducta id videatur probare, quia in praedicto casu, non obstante possessione debitoris, judex proferret sententiam, vel certe proferre posset pro creditore, amplectendo sententiam probabilem, vel probabiliorem, quae ipsi favet. . . . Item quando assert pro se bonos Doctores certificantes, quod in talibus circumstantiis jura ei favent, & reus debet condemnari, jam ostendit, juxta illorum Doctorum sententiam, causam suam non esse parem, sed meliorem quam sit causa rei. Cur ergo ipsemet creditor, quando sine incommodo gravi non potest ad judicem recurrere, non poterit amplecti eamdem sententiam quam judex amplecti debuisset, vel potuisset, & compensare sibi debitum,?

XI. P. Diana loc. cit. „ Nec obstat quod iniquum videtur, debitum certum cum debito incerto compensare: qui autem solum habet probabilitatem quod ipsi aliquid Petrus debeat, cui ipse tantum certum debet, si compensatione utatur, videtur jam debitum certum cum incerto compensare, atque adeo solutione certa debitum incertum extingueare. Respondetur, hoc idem argumentum, si aliquid probat, probare non solum contra compensationem, sed etiam contra solutionem, quod scilicet habens jus solum probabile ad petendam rem tibi debitam, non posses petere, nec accipere illam a debitore: quia tunc etiam iniquum esset

solutionem certam, & integrum, ac rem certam pro debito incerto petere. Unde neque in judicio liceret umquam agere, nisi cum evidenti iure. Sicut ergo licitum est potere debitum probabile, & a debitore solente accipere; sic licitum erit in probabilitate proxima de qua locuti sumus, facere compensationem, & accipere rem certam. Ratio autem in utroque casu eadem est, quod scilicet rationes illa probabiles, auctoritas Doctorum, & opinio illa, licet in se sit probabilis, non tamen habet pro objecto probabilitatem, sed solutionem, vel compensationem certam: non enim dicitur debere, vel posse fieri solutionem, vel compensationem probabilem; sed probabilitas dicit debere, vel posse fieri solutionem, vel compensationem certam, quod sufficit ad illam petendam, vel faciendam, sicut in aliis materiis. Sic enim opinio probabilis circa jejuniū, vel circa officii recitationem facit quod possit sumere cibum non probabilem, sed certum, & ponere omissionem certam officii divini. Ratio vero oritur ex principio supra positio, quod ad operationem licitam sufficit probabilitas proxima, qua probabilitas judicas licitum esse taliter operari. Cum ergo habeas probabilitatem proximam, qua probabilitas judicas te habere hic & nunc jus ad tantam pecuniae summam, totam illam poteris accipere: quia non potest esse jus ad illam accipendiā, nisi sit jus ad certe illam accipendiā.

Et hæc omnia, & plura alia pro hac firmando sententia adducit ubi supra Eminentissimus Cardinalis de Lugo; licet postea in fine num. 106. ab ultimo judicio circa illam abstineat.

XII. PP. Salmantenses tr. 13. c. 1. dub. 19. n. 318. „ Utrum quis cum opinione, quod sibi debetur, possit uti compensatione occulta,? Resp. nu. 319. „ Dicendum itaque est, quod in generali, & in genere, ut sic loquamur, id est pro omnibus casibus licitum non est uti compensatione occulta, cum solum datur opinio aequa probabilis pro utraque parte, debitoris scilicet, & creditoris; sed in casibus particularibus id licet. Et etiam licet in omnibus, quando datur major probabilitas ex parte creditoris, quod tale debitum sibi debetur.

XIII. PP. Salmantenses loc. cit. num. 322. „ Sed ecce difficultas objecto: quia si in hoc casu particulari, & in illo li-

„ cet talis compensatio, ergo in omnibus
 „ erit licita : quia a singularibus ad uni-
 „ versale valet inductione argumentatio....
 „ Hac objectione (me judge) probatur
 „ recte quod loquendo per principia intrin-
 „ seca , vel est dicendum , quod in omni-
 „ bus casibus in quibus datur probabilitas
 „ facti quod res debetur , est licita compen-
 „ satio , & sic dari probabilitatem juris, &
 „ proximam ; vel est negandum in casibus
 „ particularibus : & sic merito Eminentissi-
 „ mus Cardinalis Lugo dixit, auctores in-
 „ constanter , & inconsequenter procede-
 „ re.... Fateor me non capere disparita-
 „ tem. Sed non inficior apud viros sic do-
 „ cissimos esse aliquas speciales rationes
 „ ob quas moverentur ad id asserendum in
 „ uno casu, & non in alio ; & quæ apud
 „ me latet, apud illos patescere: & ideo al-
 „ sero, quod probabilitate extrinseca, desum-
 „ pta ex Doctorum probabilitate, licitum est
 „ in casibus illis , in quibus dantur austro-
 „ res classici sufficietes ad efficiendam op-
 „ nionem probabilem , compensatione uti
 „ cum probabilitate debiti „ .

XIV. An qui se obligavit ad debiti solu-
 tionem sub juramento , possit uti compensatione
 non solvendo debitum?

P. Diana Tom. 6. tr. 3. resol. 151. inquit:
 „ Casus est quotidianus, & tres circa illum
 „ invenio sententias . Prima negat
 „ secunda sententia affirmat ; & ideo asse-
 „ rit jurantem solvere pecuniam, posse com-
 „ pensare sine metu perjurii Tertia
 „ opinio distinguit Quid ego sen-
 „ tiam, dicam breviter. Omnes istas tres
 „ opiniones existimo probabiles. Secundæ ve-
 „ ro tamquam probabiliori adhæreo „ .

XV. Cardinalis de Lugo Tom. de just. &
 „ jur. disp. 4. n. 117. tertiam amplectitur senten-
 „ tiam hac distinctione . Si promisisti non
 „ uti compensatione , addito juramento sol-
 „ vendi debitum , non potes compensatione
 „ uti ; si vero absolute jurasti te soluturum de-
 „ bitum , uti poteris compensatione . Quo-
 „ niam , inquit , licet juramentum additum
 „ promissioni novum obligationis vinculum in-
 „ ducat , „ non tamen obligat ad aliud objec-
 „ tum novum . Solum enim confirmat pro-
 „ missionem: ergo ad id solum obligat quod
 „ erat objectum promissionis. Promissio au-
 „ tem solvendi non excludit compensatio-
 „ nem. Nam qui compensat, vere solvit „ .

XVI. Utrum valeas uti compensatione pre-
 „ senti pro debito futuro?

Cardinalis de Lugo loc. cit. sec. 5. n. 93.

respondet . „ Aliquando tamen licere cre-
 „ ditori prævenire , & compensare sibi nunc
 „ pro eo quod Petrus nondum debet , sed
 „ debet post mensem v. g. & prudenter cre-
 „ ditor timet non sibi solvendum , affirmat
 „ Tannerus 2. 2. disp. 4. q. 6. dubio 14.
 „ num. 406. Diana resol. 48. Ceterum
 „ quidquid sit de foro externo , in quo lex il-
 „ la procedere videtur , in foro interno proba-
 „ bilis videtur sententia illorum Doctorum ut
 „ possit creditor compensare sibi ante tempus
 „ pro debito FUTURO , dupli conditione po-
 „ sita. „

XVII. P. Diana Tom. 6. tract. 3. resol. 150.
 „ num. 5. recensitam opinionem quam prius
 „ docuerat , confirmat his verbis . Ita ego
 „ olim docui , & novissime me citato , docet E-
 „ minentissimus de Lugo , & etiam , me citato ,
 „ Machadus.

XVIII. An qui per occultam compensatio-
 „ nem surripit quod sibi debetur , possit jurare se
 „ nihil accepisse ?

P. Thomas Tamburinus lib. 8. tract. 2.
 „ cap. 5. §. 1. n. 1. respondet . Non esse in
 „ conscientia furem , nec peccare , nec in
 „ excommunicationem incidere quæ forte
 „ fit contra furantes imposita , & posse jura-
 „ re etiam coram judge nihil accepisse , in-
 „ telligendo quod sibi non deberetur ; cer-
 „ tum jam hodie est apud omnes ; etiam si res
 „ quam usurpat , fuerit ipsi in depositum a
 „ debitore consignata. Vide Molinam, Lessium,
 „ de Lugo , aliosque mox citandos , quibus
 „ adde Dicastillum. „

XIX. P. Didacus de la Fuente Hurtado
 „ disp. 23. cap. 1. num. 5. „ Hæc omnia demon-
 „ strant quam confuse & indigeste illa pro-
 „ positio (scilicet 37. damn. ab Innoc. XI.)
 „ fuerit tradita , tot diversos casus compre-
 „ hendens pari regula , cum sint valde dis-
 „ pares ; & quantis additamentis , limita-
 „ tionibus , fulcrisque indigeat ut ad pra-
 „ xim secure revocetur . „

XX. P. Dominicus Viva in Tract. Theol.
 „ in hanc propos. 37. n. 7. „ Quod in hac
 „ thesi proscribitur , est , posse famulos oc-
 „ culte compensare id quod ipsi judicant ex
 „ justitia sibi deberi in salario Id-
 „ circo ad occultam hanc compensationem
 „ faciendam requiritur judicium viri docti
 „ simul & periti . „

XX. Salmantenses tr. 13. c. 1. pun. 19. §.
 „ 2. n. 316. „ Similiter si dominus occupat
 „ famulum vel aliis horis , vel in aliis mi-
 „ nisteriis quam conventum est , potest fa-
 „ mulus uti compensatione , si a domino id
 „ non

DISS. I. DE JUST. NOTIONE &c. CAP. II.

3

„ non compensatur : quia illud obsequium
„ est pretio estimabile, ad quod famulus
„ ex vi conventionis non obligatur . „

XXII. P. Patrius Sporer Tom. 2. tr. 5.
in 7. preep. Dec. c. 5. soc. 3. §. 4 n. 83.

„ Famulus, vel officialis qui ob errorem,
„ necessitatem, vel alias similem causam
„ operam suam minoris justo locavit, quia
„ saltem secundum quid involuntarius fuit,
„ adeoque animam donandi non habuit,
„ poterit defectum stipendi jure exigere,
„ & si aliter habere nequeat, occulte com-
„ pensare. Et dominus sibi imputet. „

XXIII. Gar. Lessius apud Mattheum
Moya Tom. 2. select. qq. tr. 6. Misc. disp.

4. q. 3. „ Quando famulus nihil petit sti-
„ pendii, immo expresse respuit in suo cor-
„ de omnem intentionem petendi, & ser-
„ vit sperans a domino aliquod officium,
„ vel beneficium sibi procurandum, quando
„ Dominus id procuraverit, et si nihil obti-
„ nuerit, non potest quidquam petere, vel
„ compensare. Si vero dominus nihil pro-
„ curaverit, quia vitanda labis simoniaca
„ causa procurare noluit, aut ob alias cau-
„ sas, poterit petere stipendum more pa-
„ tria consuetum ; & si non det, liceat sibi
„ consulere compensatione. Ita Lessius cap. illo
„ 24. dub. 4. n. 26. prope finem Secun-
„ da pars probatur : quia et si habuerit in-
„ tentione non petendi quidquam ; tamen
„ cum ea intentio non sit vorum, per eam
„ non admetit sibi potestatem acquirendi id
„ ad quod jus habet. „

XXIV. An in debitis ex justitia dari pos-
„ sit compensatio cum bonis, vel obsequiis gratui-
„ tis ? P. Diana Tom. 6. tr. 3. ref. 152. re-
„ spondet affirmative. „ Quando volui cum
„ dono gratuito satisfacere obligationibus
„ ex justitia quas debere sciebam ; sed dif-
„ ficitas est, an quando praebui donum,
„ vel obsequium, ignorabam debitum ex
„ justitia, an possim tunc facere compensa-
„ tionem ? Et affirmativam sententiam pro-
„ babilem esse putat ex Rodriguez, Aegid.
„ Trullenbach. in Decal. Tom. 2. lib. 7. c. 4.
„ dub. 5. ubi sic afferit. Ego debeo tibi ex
„ justitia centum aureos, & postea gratis
„ praesto obsequium ejusdem valoris, aut
„ æquivalens tibi confero titulo donationis :
„ manebo ne exemptus ab obligatione ju-
„ stitia ? Respondeo, si quando contuli il-
„ lud donum, eram memor obligationis ex
„ justitia, & nolui per illam rem, seu do-
„ num obligationi ex justitia satisfacere,
„ sed gratis rem illam praestare, certum

Tom. II.

„ est me non satisfecisse obligationi ex ju-
„ stitia, nec posse postea uti compensatio-
„ ne, quia res illa scienter fuit gratis do-
„ nata & liberaliter Quid si quando
„ contulit obsequium, ignoraverit debitum
„ ex justitia ? Rodriguez in Summa Par. 2.
„ c. 49. concl. 2. non improbabiliter afferit,
„ posse, quando debiti ex justitia recorda-
„ tur, posse facere compensationem per rem
„ illam donatam cum tali ignorantia : quia
„ præsumitur quod non fuisset tam libera-
„ lis, si debiti fuisset memor. At Sanchez
„ lib. 1. oper. mor. c. 13. n. 2. & cum aliis
„ Bonacina probabilius censem contrarium ...
„ Nihilominus tamen, ut dixi, sententia Ro-
„ driguez non est improbabilis, cui favet Lay-
„ man citatus a nobis. Hucusque Trullenbach. „

XXV. An compensatio sit valida in foro
conscientiae, etiam si ad sint creditores anteriores ?
Respondet P. Diana loc. cit. ref. 153. „ Hic
„ casus multum practicabilis est, & his die-
„ bus præteritis accidit in morte cujusdam
„ argentarii : & tunc multi viri docti ne-
„ gative responderant, quia debitor in ta-
„ li casu accipit rem alteri obligatam ; &
„ ita docent communiter Doctores. Sed ego
„ contrariam sententiam PROBABLEM existi-
„ mo. Quid si creditor possideret rem de-
„ bitoris jure depositi ? Ego puto probabi-
„ liter cum Tannero qui citat Na-
„ varrum, & Lessium, illam legem (de-
„ positi) & alias spectare solum ad forum
„ externum, vel certe intelligendas, si ali-
„ ter obtineri possit compensatio. Unde in
„ nostro casu non solum creditor juste fa-
„ ceret compensationem, existentibus cre-
„ ditoribus anterioribus, ut dictum est ;
„ sed etiam contra Comitolum liceat posside-
„ ret rem jure depositi. „

XXVI. P. Dominicus Viva Tom. 1. par. 3.
q. 6. n. 9. „ Sequitur quarto posse Sacer-
„ dotem qui pecunia credita decem Missas
„ celebravit, si non possit hanc pecuniam
„ recuperare, oblatis deinde decem carole-
„ nis pro aliis decem Missis, pecuniam
„ hanc retinere, & alias Missas NON ce-
„ lebrare, ut notat Pejerinus apud Tam-
„ burinum lib. 3. de Sacrif. Missæ. c. 1. §. 3.
„ dummodo tamen vitet damnum tertii,
„ videlicet aut animæ purgantis, aut infir-
„ mi &c. „

XXVII. P. Didacus Hurtado de la Fuen-
„ te Theol. reform. diff. 23. cap. 5. num. 41.
„ Quæ autem de famulis diximus, & ad
„ quofvis alios stipendiarios extendimus,
„ servata proportione locum habent in Sa-

cerdotibus qui Missas celebrant: in vicinia namque Domini operantur, & sicut alii operarii, digni sunt sua mercede. Quapropter si merces justa, & recepta lege, consuetudine, aut conventione taxata, eis non perfolvatur, optimo jure feso compensare poterunt, & quod justo deest, si bi occulte accipere ex aliis pecuniis ejus qui ipsis Missas commendavit, servatis his quæ in istis compensationibus ab aliis servari debent.

XCVIII. Idem P. Didacus *ibidem n. 43.* Gravis tamen insurgit difficultas, num scilicet is Sacerdos cui recompensatio ex justitia debebat, supplementumque exiguum stipendi, possit se idemnem servare non offerendo tot Missas, quot promisit iniquo contrahenti, sed pauciores, & eas solum quæ diminutis stipendiis simul sumptuis respondent justo stipendio? ... (Post multa quæ brevitatis studio omittuntur, responderet.) Sicut alii operarii injuste laeti in contraclu locationis circa stipendii justitiam, bifariam sibi consulere possunt, cum alia media deficiunt: nempe vel exhibendo totam operam promissam, dignam majori stipendio, & sibi accipienti occulte quod justo stipendio deest, saltem usque ad gradum infimum; vel potius minuendo operas, nec praestando nisi illas quibus ad æqualitatem correspondet stipendum quod tribuitur: ita pariter huic Sacerdoti similiter injuste laeti circa stipendum Missarum licebit consumere, quocumque ex prædictis mediis: neutrum enim est injustum &c.

Num. 45. Negotium tamen facientes decreta S. Congregationis auctoritate speciali Urbani VIII. &c.... Responderi tamen potest, *decretum non loqui in casu.*

XXIX. P. Leonardus Lessius *Lib. 2. c. 2. dub. 25. n. 133.* Si tu alium injuste famasti qui te antea infamaverat, non teneris ei ad restitutionem, si ipse tibi restituere nolit; sed potes uti compensatione, servata tamen æqualitate, quantum fieri potest.

XXX. Idem Lessius *loc. cit. n. 136.* huic quæsito utrum compensari infamia possit occulta pecuniarum retentione, vel surreptione? responderet: Probabile est hanc compensationem fieri posse: quia probabilis est ea sententia quæ asserit, infamiam pecunia esse compensandam, quando in suo genere non restituitur.

XXXI. P. Ludovicus Molina *de just. & iur. Tom. 4. disp. 47. n. 5.* Quando unus alterum injuste infamavit, neque, ut tenebatur, vellet eam famam illi restituere, tunc injuste infamatus, qui damnum in fama alteri non dedisset, posset in pecunia compensare damnum famæ, in quo est, idque non solum non solvendo debitum antiquum occultum, quantum ad æqualitatem sufficere judicaretur ad competenter compensationem famæ, in qua est; sed etiam occulte accipiendo de novo quantum satis esset ad eamdem compensationem, dummodo non intervenire scandalum; & aliter commode obtinere non posset restitutio suæ famæ, & denique dummodo intervenire conditiones omnes requisiæ, ut licite in conscientia foro fiat occulta compensatio debiti.

XXXII. P. Dominicus Viva *Tom. 1. pars. 3. q. 7. ar. 1. n. 2.* Qui invitus ab altero sine armis, sine contumeliis, si potest fugere, & malum declinare, non tamen fugit, sed cum debita moderatione se defendit, non tenetur ad restitutionem. Ratio est: quia quamvis aliquando non fugiendo peccet contra caritatem, si scilicet fine dispendio honoris fugere poterat; at non peccat contra justitiam. Ergo non tenetur ad restitutionem.

XXXIII. Salmanticenses *tr. 14. c. 1. punt. 6. n. 52.* Cum ergo utraque dicta sententia probabilis sit, qui primam sequi vellet, poterit, si heres, aut legatarius institutus testamenti minus solemnis, hereditatem, vel legatum procurare, & si adipiscatur, retinere; & idem est de aliis contractibus. Et secundum nostram sententiam poterit heres ab intestato non dare hereditatem, aut legatum testamenti minus solemnis: quia secundum illam in validum manet testamentum etiam in foro conscientiae; ideoque succedit heres ab intestato ac si consecutum non esset. Sed quia probabilem diximus hanc sententiam, poterit dictus heres uti occulta compensatione, si legatarius, aut heres constitutus aliqua via legatum, aut hereditatem adierit: quia, ut diximus (*tract. 13. c. 1. punt. 19. §. 3.*) datur locus compensationi, quando est probabilius sententia quod sibi talia bona debentur. Sed hoc non poterit heres, aut legatarius facere, si heres ab intestato nolit reddere quod in testamento minus solemnis reditum est, etiamsi conformare se velit,

alie-

DISS. I. DE JUST. NOTIONE &c. CAP. II.

7

„ alienæ opinioni , nisi eam judicet probabilem : quia , eo quod sit probabile aliquid deberi , locus compensationi non datur , ut ibidem §. 3. n. 319. probavimus . Sed adhuc posse utramque sequenda opinionem solum ut probabilem , tenent Villalobos , & Lessius , .

XXXIV. P. Dominicus Viva Tom. 1. part. 4. quæst. 2. ar. 2. „ Quare licitum est , vendere aleas , & taxillos , quamvis aduersam emptores iis male usuros : possum etiam vendere Judæis agnum , & flores , possum vendere fucos , & ornamenta metrericibus , cibos iis quos scio violaturos jejunium .

XXXV. PROBABILISMUS , materia ne venditionis est ? P. Thomas Tamburinus lib. 8. in Decal. c. 7. §. 3. n. 13. proponit hanc quæstionem sub hoc titulo : *Venditio sententia probabilis* : & eam his verbis exponit . Occurrit hic non absimilis difficultas ac in judice . Supponamus probabilem esse eam opinionem de qua late dixi Lib. 1. c. 3. quam præter ibi citatos sequitur Dicastillus lib. 2. de just. nu. 5. disp. 5. dub. 7. licere judici ex duabus opinionibus æque probabilibus unam eligere , & juxta illam proferre sententiam . Jam inquirō , lícite ne , & justè accipiet iudex pecuniam , ut potius illam eligat quæ mihi favet , quam illam quæ meo adversario ? (Respondet se improbase haec opinionem ; at subdit :) Eam tamen legat qui velit apud Lessium lib. 2. c. 14. dubit. 9. n. 64. Valentiam 2. 2. q. 63. ar. 4. dist. 5. q. 7. part. 4. Salon. 2. 2. qu. 62. a. 4. cont. 2.

XXXVI. P. Leonardus Lessius lib. 2. cap. 14. dub. 9. n. 64. „ Si aliquid accipiat (iudex) ut hanc potius quam illam in iudicando sequatur , videtur non peccare . Quia non tenetur ad alteram determinate ; sed liberum ei est sequi quam maluerit . Ergo si aliquid accipiat , ut hanc sequatur potius quam illam , non facit ulli injuriam . Consequentia patet . Quia cum res non est debita , non est contra justitiam (si solum jus naturæ spectemus) exigere pro ea pretium , si alioquin pretio sit estimabilis . Tertio . Quia non accipit pretium pro iustitia sententiae ; sed quia in hac causa hanc opinionem præfert isti , ad quod nullo modo tenebatur . Hoc autem est pretio æstimabile : tum quia utilissimum est parti ; tum quia sequendo hanc opinionem amittit favorem alterius partis , cui potuisset

„ gratificari „ . Ita quidem docet solo iure naturæ spectato .

XXXVII. Cardinalis de Lugo tom. 2. de just. disp. 26. sect. 13. n. 208. „ Infertur tertio , neque reddi injustum hunc contractum (Mabatre) ex natura rei , per hoc quod venditor suam intentionem manifester emptori dicendo : Ego libere tibi credito vendo has merces ; si tamen volueris eas postea viliori pretio vendere ad habendam pecuniam præsentem , ego paratus sum ad eas emendas „ .

XXXVIII. P. Lessius lib. 2. c. 21. dub. 16. n. 131. „ Adverte tamen hunc modum contrahendi sape non carere culpa in mercator , qui ex COMPOSITO ita vendit , ut pretio infimo redimat . Nam primo peccare potest contra caritatem ; ut si cogat miserum aliquem hominem emere merces , quibus non eget , magno illius dispendio , cum possit illi facile , & absque suo incommodo mutuum dare . Secundo peccare potest præbendo malum exemplum . Nam contractus ille habet speciem mali , & suspicionem usuræ . Tercio se ipsum & suos infamando . Non tam tenetur ad restitutionem , ut inquit Navartus : quod intellige non teneri ex justitia .

XXXIX. Salmantenses tr. 14. c. 2. pun. 9. §. 1. n. 84. querunt , peccent ne venditores , & emptores contra iustitiam , dum mendaciis & perjuriis se decipiunt , ut augentur , vel diminuantur pretium intra gradus præfinitos ? Negant : quia hæc , inquietunt , sunt communia mendacia vendentium , & ementium , & homines communiter norunt , hæc esse stratagemata negotiatorum , quibus fidem non prestant ; & si fidem incaute præfent , sibi imputent , quia faciles sunt ad credendum .

XL. Caramuel Lib. 2. Theol. mor. disp. 14. n. 778. „ Distinguo molestiam a periculo , vel a damno emergente , & a luxuria cessante . Est vere aliqua recreatio in videndis rebus pretiosis , cur non & possidendis ? Pro audienda comædia , vel videnda bestia datur pretium ; & nemo contradicit : cur non pro videndis , vel possidendis optimis auri partibus ? Ratio ne ergo hujus molestia , a carentia pecuniarum laborum , præciso omni alio periculo , posse quid supra sortem accipi , affirmat Medina : & D. Thomæ interpres , q. 78. ar. 1. indicant speculative probabile . Sed Dicastillus contradicit , & inquit : mihi hæc sententia est speculative

„ improbabilis, & moraliter in praxi vide-
„ tur perniciosa. Vid. CENSORIUM CATO-
„ NEM severo supercilio doctrinam condemnan-
„ tem. Audi tamen num. 154 sibi contra-
„ dicentem. Unum solum superest, in-
„ quicunque, sane difficile, nempe tristitia ex
„ carentia rei quam amabant, & de qua
„ habita apud se delectabatur. Non haec re-
„ stat; sed de hac unica disputatur: & re-
„ spondet. Recentiores aliqui docent, eam
„ tristitiam sufficienter recompensari per re-
„ compensationem rei similis conditionis...
„ Verum enim vero carentia illa non vi-
„ detur recompensari per redditionem rei
„ similis, sed ex solutione rei mutuatae ite-
„ rum redit delectatio; quam delectatio-
„ nem, si non mutuasset, mutuans & eo
„ usque habuisset quo caruit, & modo et-
„ iam haberet. Ergo non satis fit præter-
„ ta tristitia per præsentem lœtitiam: quia
„ hanc etiam haberet, si non mutuasset.
„ Ideo probo posse in hoc casu aliquid ul-
„ tra sortem recipere, si id a principio de-
„ duxit in pactum, & declaravit mutuata-
„ rio juxta dicta in superioribus: atque in
„ eo eventu vera est sententia Medinæ.
„ (Haec tenus Dicastillus: & Caramuel hoc
„ pacto resumit sermonem.) Parturunt
„ montes & nascetur parvulus mus. Cur
„ illa dicta prius? Sententia quæ a paucis li-
„ neis erat speculative improbabilis, practice
„ perniciosa, jam tandem afferitur vera. Ve-
„ ritas enim est veritas, & tametsi aliis ideis
„ praeventus eam condemnes, tandem affulget,
„ & te ipsum condemnans ejus sinceritatem pro-
„ pugnabis.

XLI. P. Claudius La-Croix Lib. 3. par.
2. de usura num. 854, „ Sylvius, Serra,
„ aliquie apud Mendo in statera disp. 6.
„ ar. 2. n. 54. docuerunt SEMPER esse per-
„ iculum sortis, quando datur mutuum;
„ ideoque ratione periculis SEMPER posse ali-
„ quid exigi.

XLII. P. Thomas Tamburinus lib. 8. ty.
3. cap. 8. §. 4. n. 1. „ Quando rationabi-
„ liter timetur periculum, vel difficultas,
„ vel expensæ in recuperando mutuo, at-
„ que haec oriuntur ratione personæ mu-
„ tuatarii, potest aliquid exigi proportiona-
„ natum supra sortem: si pericula timean-
„ tur ex sola pusillanimitate, negant ple-
„ rique.... Verum de Lugo innuit posse,
„ licet denique aliorum iudicio relinquat.
„ Ratio est.... angor & molestia quæ mu-
„ tuans passurus est, toto v. g. anno pro-
„ pter timorem amittendi sortem, quæque

„ subire ipse non obligatur sine pretio. At-
„ que haec jam in eo pusillo adsunt: er-
„ go &c.

XLIII. Cardinalis de Lugo Tom. 2. de
„ just. disp. 25. sect. 6. num. 81. „ Ceterum
„ cum hoc stat quod ipsum periculum sit
„ damnum diversum a forte, & pro quo
„ possit aliquid ex pacto præcedenti exigi.
„ Negari enim non potest quod licet debi-
„ tum postea recuperetur, molestiam ta-
„ men mutuanti non attulerit periculum il-
„ lud, & timor amittendi sortem. Sicut
„ ergo mutuum dari non potest sine cor-
„ poris, vel mentis labore, vel mole-
„ stia, & timore amittendi sortem; poten-
„ tis pro hac molestia subeunda aliquid
„ exigere.

„ Ratio autem a priori est: quia labor, &
„ dolor mentis licet non sint in genere bo-
„ norum fortunæ, & ideo injuriæ circa il-
„ los illatæ non obligent ex se ad compen-
„ sandum pecuniis, sunt tamen aliquid quod
„ in pactum deduci potest, ut pecuniis com-
„ pensentur. Sicut enim pro labore corpo-
„ ris potes pretium exigere, ita & pro la-
„ bore mentis: & sicut potes exigere pre-
„ tium, ut aliquis sit tibi dolor capitinis,
„ quanti doloris illius molestia æsimari
„ possit; ita pro molestia, & angore men-
„ tis subeundo poteris pretium exigere, cum
„ non minus, sed aliquando magis cruciet
„ quam dolor corporis. Si ergo posses ultra
„ sortem exigere, quando mutuum futurum ti-
„ bi esset causa doloris capitinis, poteris et-
„ iam exigere, quando mutuum futurum
„ tibi esset causa doloris, & timoris inter-
„ ni propter periculum sortis amittendæ:
„ quia dolor ille, & timor, prout contra-
„ distinctus a forte ipsa, est aliquid quod
„ in pactum possit pro pretio afferri.

XLIV. Idem de Lugo loc. cit. num. 85.
„ Cum enim ratio licite exigendi aliquid
„ propter periculum, sit, quia mutuans
„ non potest hic & nunc mutuare quin
„ subeat molestiam illam, & timorem;
„ parum videtur referre quod res ipsa, vel
„ indeoles mutuantis, & ejus dispositio ta-
„ lem molestiam afferat. Quia si ego, quia
„ claudus v. g. sum, debeo subire peculiarem
„ molestiam, ut pecuniam ex domo afferam ad
„ tibi mutuandum, quam molestiam alii non
„ subirent, possum bene (N. B.) peculiare
„ pretium exigere pro illa molestia a me sub-
„ eunda. Si ergo similiter quia meticulosus
„ sum, & pavidus, non possum tibi mutua-
„ re sine magno angore, & timore amittendæ
„ sortem.

„ fortis , videtur quod possim aliquid exigere
„ pro hac molestia , & onere , sine quo ego
„ tibi mutuare non possum . Hoc tamen alio-
rum iudicio relinquo .

XLV. P. Thomas Tamburinus Lib. 8. in
Dec. 1. §. 5. n. 18. „ Dixi jam posse pro
hoc titulo promissionis non repetendi pe-
cuniam mutuam , pro qualibet anno lici-
te in hac nostra aetate PECUNIOSA exi-
gi quinque pro centenario . Ita Car-
muel .

XLVI. P. Leonardus Lessius Lib. 2. c. 20.
dub. 10. n. 74. „ Adverte tamen , si reve-
ra ex mutuo 100. aureorum certo sis ac-
cepturus detrimentum aureorum decem ,
non erit usura peccatum , etiam si non
monito mutuatario de hoc damno , paci-
scaris tibi reddendi 110. „

XLVII. Idem Lessius loc. cit. num. 90.
Tertius modus est . Si pecuniam destinari
negotiationi , & mutuum peterent : de
quo modo est difficultas . Quidam enim
doctissimi viri putant etiam tunc posse
aliquid exigi ratione lucri cessantis . „
(Post quinque rationes in praesidium hujus
opinionis allatas sic concludit n. 95.) „ Ob-
has rationes haec sententia mihi olim vi-
sa est probabilis , & etiam nunc videtur ,
praesertim speculative considerata , mo-
do ille non exigat amplius quam spes
illa lucri , detracta laborum , & expen-
sarum aestimatione , valebat ; & semper
retineat animum negotiandi , si mutuum
non peteretur . In praxi tamen ob peri-
culum palliandi usuras non est facile ad-
mittenda . Eamdem opinionem docent
P. Tamburinus lib. 9. c. 3. §. 4. n. 2. Lay-
manus Lib. 3. tr. 4. c. 16. num. 8. Sporer
tr. 6. in 7. praecpt. c. 4. sec. 2. n. 44.

XLVIII. P. Thomas Tamburinus Lib. 9.
tr. 1. c. 3. §. 4. n. 2. „ Si habes domi
aliam pecuniam otiosam , hanc tamen
quam mutuas , negotiationi destinaveras ,
adhuc potes , si hanc destinatam mutues ,
exigere lucrum cessans : quia revera ra-
tione mutui cessat tibi ejusmodi lucrum
ex hac destinata pecunia . Eamdem de-
fendit lib. 8. c. 8. §. 3. n. 2. ubi pro se
cit Aragonum , & Valentiam Tom. 3.
disp. 5. q. 20. par. 2. Quia , inquit , haec
tibi fructificatura erat , & non alia . Hec ea-
dem verba Tamburini de more transcribit
Patritius Sporer tr. 6. in 7. praecpt. c. 4. sec.
2. §. 3. n. 44. ubi citat Molinam , Lessium ,
Layman , Lugo .

XLIX. P. Claudius La-Croix lib. 3. par.

2. n. 861. „ Si quis aliam pecuniam quam
habet , exponere non audeat , sed ex ni-
mia etiam sollicitudine refervet familiae ,
poterit petere lucrum cessans pecuniam mu-
tuata : quia mutuator re ipsa fuit causa
luci cessantis . Molin. Pirh. Lugo disp.
25. n. 90. Si autem ideo praeceps pecu-
niam aliam reservavit , nolens ad nego-
tiationem exponere , ut semper haberet
ad manum pro casu quo quis mutuum
peteret , docent Molin. Laym. Lugo ,
Tambur. Hannold. Illsfung. num. 438. et
iam posse petere lucrum cessans : quia mu-
tuatio partim proterita , partim futura vi-
detur fuisse causa ; & voluntas praeempta
etiam eorum qui mutuum sunt petituri ,
movet ad non exponentem pecunias ne-
gotiationi , ex quo cessat lucrum .

L. De Lugo disp. 25. sec. 6. §. 91. „ Cir-
ca eamdem conditionem queritur secun-
do an dicatur lucrum cessare causa mu-
tui , ita ut pro eo possit aliquid a mu-
tuatario exigi , quando aliquis servat ali-
quam pecuniam apud se , quam ideo no-
luit ad negotiationem applicare , ut ha-
beret ad manus pecuniam pro iis qui
mutuo peterent .

„ Lessius num. 88. & sequentibus hunc
casum dividit in alios duos .

„ Primus est , quando scio te postea pe-
titurum mutuum , & in gratiam tui sub-
traho negotiationi pecuniam aliquam , ut
possim tibi postea mutuare : in quo casu
dicit posse ultra sortem exigi .

„ Secundus casus est , quando non scis de
aliquo in particulari mutuum petituro ;
sed quia multi postea multo indigebunt ,
subtrahis pecuniam negotiationi , ut pos-
sis iis , quicumque sint , mutuare : quo
casu dicit , probable videri quod possit
postea exigi lucrum cessans , praesertim
speculative loquendo , si animus retine-
tur negotiandi , si pecunia illa non mu-
tuo daretur &c. „

„ Claritatis gratia possumus primum ca-
sum in alios duos subdividere . (Post mul-
ta respondet num. 93.) Unde ad rationem
dubitandi dicere possumus , etiam tunc
mutuum esse causam lucri cessantis , quod
dupliciter explicari potest .

„ Primo in genere causae finalis : ideo
enim a negotiatione , & lucro praeenti cel-
fas , ut postea possis mihi mutuare . Nec
videtur requiri quod mutuum sit causa
efficiens , & antecedens PRIORITATE REA-
LI cessationem lucri ; sed videtur suffice-

„ re quod in genere causa finalis sit causa
„ cessandi a lucro: sicut etiam NOSTRA SA-
„ LUS ET JUSTIFICATIO dicitur causa PAS-
„ SIONIS CHRISTI , quia fuit finis propter
„ quem Christus mortuus est . Nec minus
„ gratus esse debo ei qui damnum patitur
„ ut me liberet , quam si me petente ut
„ patiatur; licet in primo casu mea libera-
„ tio sit causa finalis , & in secundo meæ
„ preces sint causa moralis efficiens .

„ Secundo addere possumus , voluntatem
„ mutuatarii futuram prævisam esse causam
„ moralem efficientem desistendi a lucro
„ negotiationis . Nam licet non movearis a
„ mutuo præviso futuro absolute ad subtra-
„ hendam pecuniam : non enim ideo desi-
„ stis a negotiatione , quia mutuaturus es ;
„ sed ideo mutuaturus es , quia desistis a
„ negotiatione : sed tamen moveris a præ-
„ via voluntate mea futura petendi mu-
„ tuum . Quare vere mea voluntas , & pe-
„ titio mutui est causa moralis cessantis
„ lucri ; quod sufficit ad exigendum inter-
„ esse &c.

LI. Idem de Lugo loc. cit. num. 94. „ His
„ suppositis circa utramque partem prioris
„ casus dicendum videtur consequenter , in
„ posteriori etiam posse exigi lucrum cef-
„ sans , quando nullus in particulari prævi-
„ detur petiturus , sed aliqui in communi ,
„ in quorum gratiam pecuniam a negotia-
„ tione subtraxisti ; prout absolute & sine
„ scrupulo concedit Malderus Ratio
„ ex dictis colligi potest : quia inter hunc
„ secundum casum & primum ea sola dif-
„ ferentia esse videtur , quod in primo ego
„ in particulari prævisus fuerim mutuum
„ petiturus ; in secundo autem non sum ego
„ prævisus in particulari , sed aliqui in con-
„ fusio , & indeterminate . Hoc autem ad
„ propositum parum referre videtur
„ Quod explicari potest exemplo supra ad-
„ ducto PASSIONIS CHRISTI . Licit enim
„ Christus ante voluntatem patiënti non
„ præviderit determinate peccatum futurum
„ hujus hominis ; seu aliquos homines mor-
„ taliter peccaturos , ad quorum justificatio-
„ nem voluit sanguinis pretium solvere :
„ adhuc vere dicitur peccatum hujus homi-
„ nis fuisse causa ut pateretur . Ratio au-
„ tem est , quia sub illa distinctione cogno-
„ scuntur omnia futura disjunctim ; & ita
„ volendo mori pro his liberandis qui pec-
„ cati erant , voluit mori pro hoc , si hic
„ de facto peccasset . Si ergo vis reservare
„ pecuniam pro illo qui petiturus est , qui-

„ cumque ille sit , prævidens aliquem peti-
„ turum , pro illo de facto voluisti reserva-
„ re , quamvis indeterminate cognito .

LII. P. Joannes Azorius 3. Part. lib. 5.
c. 5. q. 3. „ An lucrum cessans possit solvi
„ anticipata solutione ? Respondetur ex com-
„ muni consensu , non posse . Sed notandum
„ est , hoc intelligi sic . V. g. mutuat Ti-
„ tius Cajo , & quia convenit inter eos ut
„ ratione lucri cessantis Cajus solvat Titio
„ quinque , dicitur anticipata solutio , si Ti-
„ tius det Cajo nonaginta quinque . Hoc
„ omnino est illicitum , quia est usura ma-
„ nifesta . Nam perinde est ac si mutuet
„ nonaginta quinque , ut postea sibi reddan-
„ tur centum .

At vero non est illicitum , si anticipata solutio
intelligatur sic . Mutuat Titius centum Cajo ,
& convenit inter eos ut ratione lucri cessantis
Cajus solvat Titio quinque , v. g. certam por-
tionem olei , vini , frumenti , vel paria galli-
narum , que dat Cajus ratione illorum quin-
que de quibus solvendis convenit inter eos ra-
tione lucri cessantis .

LIII. P. Thomas Tamburinus lib. 9. c. 3.
§. 3. „ Nos aliqua remedia , seu justa arti-
„ ficia tradidimus lib. 8. in Decal. tr. 3. c. 8.
„ §. 3. n. 16. quorum auxilio aliquid anticipa-
„ to sumi possit . (Artifacia justa tradita loc.
„ cit. hæc sunt .) Caramuel lib. 2. Theolog.
„ Mor. n. 755. tollit sic difficultatem . Fiant
„ duo contractus , alter mutuationis , alter ven-
„ ditionis ; & sic poterit mutuans sumere nunc
„ decem , seu saltum octo , vel sex . Explico
„ (inquit Tamburinus .) Mutuans nunc
„ mutuat centum aureos cum spe ut reci-
„ piat hinc ad annum ex lucro lictio præ-
„ ter sortem alia decem . Vendat nunc an-
„ ticipato hanc spem denarii lucri ipsi mu-
„ tuatario , quæ spes valebit v. g. omnibus
„ ab experto viro expensis , sex vel octo
„ aureis : nam statim nunc poterit sine la-
„ be usuræ hos sex vel octo aureos sume-
„ re , non quidem ex vi mutui , sed ex vi
„ venditionis sperati a se lucri , & venditi
„ mutuatario . “

LIV. Idem Tamburinus ibidem num. 18.
Lessius lib. 2. c. 2. n. 100. ab eadem diffi-
„ cultate sic se liberat . Mutuet quis tibi cen-
„ tum , ita ut mutuet cum interesse solum 91.
„ & 9. sine interesse . Nam max hæc 9. red-
„ dere mutuanti potes sine ulla ipsius injustitia
„ pro interesse debito illis 91. Tunc enim tu-
„ mutuarius non solves lucrum ex ipsa sum-
„ ma mutuata cum interesse sed ex alia ; quo
„ pacto plus æquo non gravaberis . Dices : Gra-
„ vabor

„ vabor ex eo quod anticipato solvo quod
„ nondum debo. Respondeo sic pro Lessio.
„ At certo debebis: & ex alia parte mole-
„ stia dandi nunc quod debebis postea, comi-
„ pensari sufficienter videtur ex eo quod
„ mutuans gratis mutuat tibi, & sine inte-
„ resse illa novem...”

LV. P. Antoninus Diana Tom. 6. tr. 3.
resolut. 47. num. 3. „ Ostendam Confessariis
duos modos quibus poenitentes mutuando
possunt pacisci ut statim sibi lucrum red-
datur ex illo mutuo. Primus est Leonar-
di Lessii &c. Secundus modus est
Joaannis de Salas, & Joannis Azorii, sci-
licet non accipiendo illud lucrum cessans
ex ipsa summa pecuniae, vel ex aliqua
re frugifera, sed v. g. in tanta quantita-
te olei, frumenti, vini &c. Notabunt haec
Confessarii, & in praxi se expedient. Ad
tollendas occasiones peccatorum his MO-
NITIS UTANTUR.

LVI. An sit usura, ut mutuarius initio
mutui solvat lucrum occasione mutui? „ Se-
culo scandalo negative respondet Baunius
in Theol. Mor. Tom. 5. lib. 2. q. 22. (apud
Dianam loc. cit. reg. 45.) Primo quia est
tempus quidpiam usurae extrinsecum: er-
go ab eo lucri cessantis solutio non tra-
hit usurae maculam, ac vitium. Secundo
simal ac aliquid est debitum, illud solve-
re non est malum; at est mutuanti lu-
crum cessans illico debitum ac fit mutuum:
solvere ergo tum poterit.”

LVII. P. Paulus Layman l. 3. tr. 4. c. 16.
n. 2. „ Civis majore anni parte pecunias para-
tas habet, ex quibus indigentibus opifici-
bus, praetertim tentoribus, mutuum dare
possit, relictio ipsi in securitatem solutionis
pignore, v. g. tela. Cum autem recepto
pignore, solutio facienda est, post annum
medium in singulos florenos mutuo datos
auctarium adjiciendum est, v. g. unus pa-
zius. Considerandum enim est auctarium
istud non accipi ratione mutui, sed ra-
tione obligationis, oneris, & curæ quam
civis ille ob gratiam tentorum in se fu-
scipit, ut toto ferme anno pecunias pro
illis in promptu habeat, quocumque tem-
pore in dominum suam adventantes intro-
mittat, pecunias numeret &c. quæ obliga-
tio pretio æstimabilis est.”

LVIII. P. Leonardus Lessius lib. 2. c. 21.
dub. 16. n. 130. „ Quidam DD. existimant
id esse injustum, & palliatam usuram,
quando idem redimit qui vendidit. Sed
verius est non esse injustum, etiam si reven-

„ dat ipse venditor, modo infra limites ju-
sti pretii consistat . . . Ratio est: quia
& venditio prima justa est, quia eadem
merces revenduntur. Nec refert quod haec
revenditio fiat pretio infimo: tum quia
merces que a venditore ingeruntur, vi-
lescunt. Nec etiam refert, quod idem sit
emptor qui ante erat venditor. Quia se
ALIAS QUIVIS POTERAT ILLO PRETIO
EMERE, CUR NON ET ILLE QUI VEN-
DIDIT?”

LIX. P. Thomas Tamburinus lib. 9. tr. 3.
c. 5. §. 1. n. 6. „ Primus titulus est, quia
emptor carebit pecunia quam sibi ipse tra-
dit, post tres vel plures menses, unde
privabitur, etiam si non sit mercator, op-
portunitate, & libertate aliquid lucrandi
cum illa pecunia a te reddenda per alias
forte negotiations se se offerentes . . .”

LX. P. Lessius lib. 2. c. 23. dub. 9. n. 85.
Petes, utrum id quod camporibus debe-
tur ratione provisionum, & interesse, pos-
sit ab ipsis continentem adjici sorti, ut
cambium augent?”

„ Resp. Id fieri non posse, nisi morali-
ter certi sint se illud potuisse aliis sta-
tim ad recambio dare, & per illud lu-
crari. Tunc enim ratione lucri cessantis
possunt illud sorti unire ad cambii aug-
mentum.”

LXI. PP. Salmantenses tract. 14. cap. 4.
punct. 2. §. 4. „ Res non supponuntur, ut
ex ipsis necessario census solvantur; sed
ut ipsa solutio secundior sit: & ideo sup-
ponuntur ut pignus, & hypotheca, non
ut fundamentum census; sed sic est quod
etiam pignora pereant, vel hypotheca,
non cessat obligatio, leg. advers. Cod. de
act. & oblig. Ergo nec pereuntibus rebus
censi suppositis census evanescit.”

LXII. P. Thomas Sanchez lib. 1. Consl.
moral. c. 7. dub. 2. „ An qui habet licen-
tiam Papæ, vel Episcopi ad petendam
eleemosynam uno anno per se, vel per
alium, ut sua necessitatibus consulat, possit
hoc jus locare alteri pretio aliquo . . .
Secunda sententia probabilior dicit posse,
nec causari obligationem restituendi: quia
expresso aliquo jure non prohibetur loca-
re; nec sit inhabilis ad pretium locatio-
nis recipiendum; & locat illud jus quod
habet, estque contractus fortunæ, quo
uterque lucri, & jacturæ periculo expo-
nitur. Sic Henriquez lib. 7. de Indulgent.
n. c. 55. n. 5. . .”

C A P U T III.

*Variae juris acceptiones: justitiae notiones,
& divisiones.*

I. **T**Res sunt juris acceptiones. I. Pro legge definitio quid cuique ex justitia tribuendum sit: qua in acceptione lex ipsa jus dicitur, seu juris regula. II. Jus significat potestatem ad aliquid agendum, exigendum, recipiendum. III. Jus usurpatum pro æqualitate inter rem & rem. Jus aliud in re, quod actionem tribuit tum in rem, tum in personam. Hoc jure potiuntur homines in res quas possident, valentque vendere, alienare, locare &c. Aliud jus ad rem, quod tribuit actionem in personam, & non in rem, seu tribuit actionem personalem, non realem. Vendis rem tuam alteri, qua traditione illius fit. Emperor habet jus in hac re empta, tu retines jus ad rem, seu habes actionem in personam ad exigendum pretium.

II. Jus istud potestativum, aliud *jurisdictionis*, quo potiuntur Principes, Prælati, Superiori in proprios subditos. Aliud *proprietatis*, quo quis portatur in rem suam. Justitiae materia remota sunt res, pecunia, merces, agri, domus, animalia &c. Materia proxima sunt actiones humanæ exteriores.

III. **Q**uest. i. *Quid, & quoniam sit justitia?* RESP. Est perpetua & constans voluntas jus suum cuique tribuendi. Triplex est, *commutativa, distributiva, & legalis*. *Commutativa* justitia est inter duos æquales homines ementes, vendentes, locantes &c. In his enim contractibus æquales sunt, quamvis aliunde Princeps unus esset, & alter subditus. *Distributiva* justitia est totius ad partes nempe principis ad subditos in distribuendis gradibus, dignitatibus, premiis &c. *Legalis* est partis ad totum, seu subditorum ad Principem, quatenus omnes tribuunt quæ communitatí convenientia legum præscripto. Hanc legalem justitiam non esse in toto rigore justitiam contendunt Salmanticenses, aliquie; sed opposita sententia probabilior est mihi.

IV. *Justitia distributiva bona communitatis* distribuit inter partes ejusdem communitatis juxta proportionem meritorum. Hæc virtus justitiae residet in Superiore, cuius est distribuere bona communia: reperitur quoque in subditis quatenus huic justitiae acquie-

scunt. Medium rei, quod hæc justitia respicit, non est æqualitatis arithmeticæ, sed proportionis & geometricæ: quæ proportio versatur inter bona distribuenda, & merita subditorum.

V. **Q**uest. ii. *An justitia commutativa distinguatur a justitia vindicativa?* RESP. Justitia commutativa, ut dictum est, reddit unicuique rem suam secundum jus quod habet illam exigendi: ponit enim æqualitatem inter debitum, & creditum; quæ oritur ex exemptionibus, venditionibus, mutuis, ceterisque contractibus: item ex furtis, ex homicidiis, aliisque injuriis, quarum damnum compensandum est. Præcipius justitiae commutantis actus restitutio est.

VI. *Justitia vindicativa spectari potest aut in judice vel Principe; aut in privatis personis lœsi, quæ postulant vindictam.* Secundum priorem considerationem est actus veræ justitiae commutativæ; in personis autem lœsi non est vera justitia, sed pars potentialis ejusdem, ut 2. 2. qu. 80. a. 1. ad 1. docet S. Thomas. Ratio prioris partis evidens est. Quoniam judex vi justitiae commutativæ astringitur non modo bono communi providere, sed etiam subditos ab injuriis, & oppressionibus defendere. Adebat præterea medium rei. Judex enim tenetur infligere poenam equantem jus lœsum persona offendæ. Secunda pars se ipsa patet.

VII. **Q**uest. iii. *Justitia commutativa distinguitur ne specie a justitia distributiva?* RESP. Adhuc communis sententia. Siquidem virtutum specifica diversitas ab objectorum diversitate formaliter sumitur. Sed utraque hæc virtus objectum formaliter diversum spectat. Ergo inter utramque diversitas specifica residet. Objectum enim virtutis justitiae est juris æqualitas constituenda inter jus unius & debitum alterius. Commutativa respicit æqualitatem arithmeticam, & distributiva geometricam. Jus commutantis justitiae est jus rigorosum; jus justitiae distribuentis imperfectum est, fundatum non in re vel ad rem, ut prius, sed in convenientia, & habilitate personali. Prima justitia rei pretium; altera personæ prærogativas spectat, ut 2. 2. q. 61. a. 2. S. Thomas docet.

VIII. *Adverteadum tamen, justitiam distribuentem fere semper habere individuam justitiam commutantem.* Qua de re lege Tom. 7. lib. 2. diss. 1. c. 4. n. 10.

IX. **Q**uest. iv. *Quenam sunt virtus justitiae opposita?* RESP. Justitia hic sumitur, non pro gratia sanctificante, qua justus quis dicitur,

citur, neque pro justitia generali in omnium virtutum complexione sita; sed pro virtute peculiari morali, quæ voluntatem inclinat ad tribuendum cuique quod suum est, ut jam diximus. Ceteræ autem virtutes duo habere vitia contraria solent: alterum per excessum, alterum per defectum. Justitiae opponitur dumtaxat defectus, quatenus quis non reddit quod debet. Excessus reddendi plusquam debetur, cum aliis virtutibus, securus cum justitia pugnat, nisi nocumentum alteri inferatur.

X. Vitium oppositum justitiae est injustitia, quæ, ut justitia, in varias tribuitur species. Nam alia est injustitia legalis, quæ leges relaxat: alia opposita justitiae distribuenti, & est acceptio personarum. Justitia commutanti opponuntur furta, homicidia, rapina, contumelia, calumnia, fallæ accusations, advocatorum impostura, injuria judicum judicia &c. Injustitia genere suo peccatum letale est, & ex parvitate materialiæ, aut ratione indeliberationis culpa venialis est.

C A P U T IV.

De dominio, ejusque divisione, & bonorum partitione.

I. QUÆST. I. *Quid, & quotuplex sit dominium?* RESP. Dominium plures excipi significationes. Nunc accipitur pro dominio proprietatis, quod proprie dominium est, & definitur, quod sit facultas utendi retamquam propria in omnes usus a lege permisso in suum commodum. Dominium istud aliud perfectum, & plenum, aliud imperfectum, & semiplenum. Illud olim dicebatur mancipium, quod manu caperetur, estque dominium in substantiam rei, ejusque commoda; & ideo dicitur etiam dominium in solidum, quia non solum habet proprietatem, vi cuius dicitur dominium directum, sed etiam commoda, & usus rei, propterea quod dicitur dominium utile. Dominium imperfectum hæc duo separat, nempe proprietatem rei ab usu rei. Nam Titius saepè habet proprietatem rei sine usu; & vocatur dominus proprietarius, seu directus. Sempronius saepè habet rei usum, seu usumfructum sine proprietate; & vocatur usufructarius, emphyteuta, vassallus, seu datarius.

II. Heinc tamen haud sequitur dominium directum carere omni utilitate. Caret utique directe fructibus, qui produci a re so-

lent, & ideo distinguitur ab utili; at multas habet alias commoditates. Valet enim dominus proprietarius rem alienare: præterea accipit canones, seu pensionem ab usufructario, vel emphyteuta: & tandem saepe dominium utile redit ad proprietarium. Et quando cum licentia proprietarii fit alienatio medio novo contractu, ipsi laudem solvendum est. Ultimo aliud est dominium ultum, quod Principibus convenient aliud humile, quo potiuntur subditi in propria bona.

III. Dominium transfertur vel titulo, vel traditione rei. Qui enim alteri præbet rei titulum, seu jus, in hunc transferre dominium intendit. Hæc translatio dominii describi solet, quod sit transmissio rei ab eo qui legitime possidet, in alterum qui incipit esse dominus. Triplex istius translationis principium. Deus, homo, Princeps. Radix translationis dominii a rerum divisione proficitur. Rerum divisio jure gentium invecta est. Non omnia tamen jure gentium divisa sunt: plura enim communia remanent, ut viae, plateæ, civitates, flumina, mare, feræ &c.

IV. Dominium utile est jus utendi, & fruendi aliena re, salva ejusdem substantia. Aliud jus dicitur usus juris, aliud usus facti. Sed usus facti non est jus, sed juris executio. Jus proprium est jus utendi, quod distinguitur ab aliis juribus, quæ nullum præbent usum, quale est jus depositarii in rem depositam, creditoris in pignus. Additur & fruendi, quæ particula distinguit usumfructum ab usu nudo: nam usuarius uti tamquam re in proprium commodum valet; usumfructarius contra & uti re, & ejusdem fructus vendere, alienare, locare, salva ejusdem rei substantia, potest. Dominus vero proprietarius rem ipsam alienare valet. Usufructus aliis legalis, aliis conventionalis. Ille lege, hic conventione peragitur.

V. QUÆST. II. *Quinam sunt fructus, quibus frui usufructarius potest, & quid præstat re iste debeat?* RESP. Quidquid fructus patrit, & ex eo percipi potest, nomine fructus comprehenditur. Dominium fructuum usufructarius non acquirit, nisi sint collecti: quare si ante collectionem moriantur, ad dominum pertinent. Usufructarius, ut bonus paterfamilias, conservare substantiam rei debet. Si aliqua gregis capita moriantur, aut inutilia feddantur, plantæ arescant vinearum; alia fructifera capita, aut plantas substituere tenetur. Si absque ejus negligentia res, aut rerum partes pereant, aut gelu, gran-

grandine, invasione, ad nihil tenetur. Potest ususfructarius consentiente, secus repugnante, domino proprietario alteri jus suum cedere.

VII. QUEST. III. *Quid sit contractus emphyteusis, & feudi?* RESP. Emphyteusis est contractus quo in perpetuum, vel ad tempus, non brevius decennio, fundus alicui traditur fruendus cum onere pensionis solvendæ domino directo in dominii recognitionem. Potest emphyteuta, domino inscio, emphyteusus alteri per decenium locare. Feudum definitur, quod sit concessio rei immobilis, translato dominio utili, & retento directo apud proprietarium, cum onere fidelitatis, & obsequii personalis exhibendi. Differt ab emphyteusi feendum, quod emphyteuta solvat pensionem realem domino directo; feudatarius vero, sive vassallus teneatur ad obsequium personale certo tempore præstandum infeudatori sive in aula, sive in bello.

VII. QUEST. IV. *Quid sit possessio, & modus eam comparandi, vel amittendi?* RESP. Est detentio rei, corporis & animi, jurisque adminiculo. Ad veram possessionem requiriatur ut quis animo & corpore, modo a jure præscripto, nempe manibus, pedibus, aliave formula in lege definita rei possessionem capiat. Possessio duplex. Alia justa, seu juris simul & facti. Altera injusta, & facti tantum. Illa dicitur *detentio rei sue cum jure detinendi*. Hæc contra *detentio rei tamquam sue sine jure detinendi*.

VIII. Quatuor sunt possessionis prærogativa, seu privilegia. 1. Est bona fides. 2. Si dubitatio insurgat super jure, possessoris melior est conditio. 3. In judicio actori, non possessori probatio incumbit. 4. Possessori concessum est suam defendere possessionem modo licto & honesto. Aliqui recentes non solum licite asseruere defendi posse occisiva defensione quæ actu possidemus, sed ea etiam ad quæ jus inchoatum habentur. Quam doctrinam damnavit Innocentius XI. duabus thesibus. 32. Non solum licitum est defendere defensione occisiva quæ actu possidemus, sed etiam ad quæ jus inchoatum habemus, & quæ nos possessuros speramus. Altera est 33. Licitum est tam heredi, quam legatario contra injuste impedientem ut vel hereditas adeatur, vel legata solvantur, se taliter defendere; sicut & jus habent ad cathedram, vel præbendam contra eorum possessionem injuste impedientem.

IX. Possessio tribus modis obtinetur. 1. Apprehensione vera, quando manibus, ut

rem mobilem, pecuniam, mērces &c. pe-
dibus, ut rem immobilem, domum, agrum,
assequeris. 2. Apprehensione ficta, dum quis
accipit claves domus, scriptum, instrumen-
tum, in quo jus continetur ad fundum,
domum &c. 3. Civilissima, quæ executioni
demandatur sola dispositione legis.

X. Res possessæ mobiles amittuntur, 1. voluntate possessoris sui compotis, & abso-
luti domini. Quare pupilli, amentes, abs-
que tutoris consensu nihil alienare valent.
2. Per furtum, & rapinam. 3. Fortuita per-
ditione, puta crumenæ, annuli, gemmæ &c.
Animalia perduntur fuga, nisi ex illorum
genere sint quæ redire solent. Servus au-
tem fuga non perditur. Res immobiles amit-
tuntur, longa absentia possessoris, qui nec
per se, nec per alium protestatur se nolle
rem dimittere. Hanc absentiam alii ad de-
cenium limitant, alii ultra extendunt. 2.
cum dominus scit rem suam possideri ab
alio, & eam, cum possit, recuperare negli-
git. 3. quando res ita occupatur ab alio,
ut non sit probabilis spes eamdem recupe-
randi. 4. per oblivionem longam.

XI. QUEST. V. *Qui sunt dominii capaces?* RESP. Omnes homines, peccatores, infideles, hæretici &c. Pueri ante usum rationis dominii perfecti non sunt capaces. Supple-
re puerorum consensum possunt curatores &
tutores a Republica destinati.

XII. QUEST. VI. *Animalia mansueta natu-
ra sua capere ne alicui licet?* RESP. Animalia mansueta, ut boves, oves, canes, gallinæ, suis &c. si egrediantur a domi cu-
stodia, longiusque discedant, domini semper
remanent, & nemini licet eadem sibi
usurpare; & qui eadem caperet, præter pec-
catum grave, restitutioni esset obnoxius.
Animalia natura sua fera, sed hominum in-
dustria facta mansueta, ut accipitres, cer-
vi, apes alveariis reconditæ, pisces in sta-
gnis dominorum inclusi, sub dominio pos-
sessoris manent, nec possunt ab aliis usur-
pari. Cum vero e custodia fugiunt, & nulla
sit eadem recuperandi spes, tum acqui-
runt pristinam libertatem, fiuntque communi-
nia, eorumque dominus evadit qui primus
eadem capit. Animalia silvestria fiunt pri-
mi occupantis, ut omnes docent: sunt enim
hæc natura sua communia. Et quando in
alieno fundo inveniuntur, capientis sunt,
& non domini; quamvis prohibere domini
queant ne quis in proprios fundos ingredia-
tur. Quo in casu damnum illatum ingre-
dientes compensare astringuntur; at captura-

rum ferarum domini evadunt. Fera letali-
ter vulnerata, est vulnerantis; secus si vul-
nus letale non sit, nullaque sit vulneratori
spes eam capiendi. Tunc enim fera est pri-
mi capientis.

XIII. QUÆST. VII. *Quid de pescatione, au-
cupio, venatione dicendum?* RESP. Hæc o-
mnia jure naturæ communia sunt; jure po-
sitivo alicubi, & aliquo tempore vetita sunt.
Qui habent prædia, fundosque in quibus
sunt lacus, silvæ &c. jure vetare possunt
ne quisquam in his locis venari, vel pescati-
ri valeat. Principes prohibere queunt pescationem,
venationem, aucupium in fundis
alicujus civitatis; civitates tamen quæ fun-
dorum dominium habent, compensare Prin-
cipes tenentur. Similiter compensare Prin-
cipes astringuntur dominos fundorum, quos
suis vexationibus devastant, aut iis damnum
inferunt. Qui venantur in locis prohibitis
contra edictum Principis, hos non peccare
mortaliter, plures auctores docent, quod
talia edicta pœnalia sint, & quod ejusmodi
edicta desuetudine cessarint. Spectanda ta-
men circumstantiæ sunt. Venatio clamorosa
vetita clericis, & monachis est.

XIV. QUÆST. VIII. *Cujus sunt silvæ, mon-
tes, & pascua?* RESP. Horum dominium ad
populos viciniores jure gentium spectat,
suntque hæc omnia inter populos vicinos,
& conterminos communia, nisi aliquo pecu-
liari titulo populus quispiam sibi eadem
vindicaverit. Principes, & communitates
vetare jure vaient ne statis temporibus quis-
piam cedat ligna, aut ad pascua mittat
animalia ob bonum commune. Hoc fine
sublato prohibitiones fieri non debent, quia
singuli oppidanæ jus habent ad ejusmodi com-
munium locorum fructus.

C A P U T V.

*De rerum inventarum, & eorum quæ vi allu-
vionis, aut alio modo accrescunt, do-
minio, & de prescriptione.*

I. **T**RIA sunt bonorum genera distinguen-
da. Alia quæ nemo possedit um-
quam, ut gemmæ, & margaritæ. Alia
sunt thesauri, qui jure naturæ sunt inven-
toris. Tertiæ generis sunt bona perdita,
quæ de propinquo dominum habent, & in-
ventor, qui sibi eadem retinet, furtum pa-
rat, si domini notitiam habeat, vel habe-
re possit. Si tamen longo tempore domino
caruerint, pro derelictis habentur, suntque
primi inventoris.

II. Bona naufragantium pro derelictis a
nemine habentur: qui eadem inventa sibi
usurpat, peccant, & ad restitucionem te-
nentur, & sèpius Bullæ cœna excommuni-
cationem incurront. Bona vacantium dicun-
tur illa quæ quis absque testamento mor-
iens relinquit, nullosque habet heredes ne-
cessarios. Hæc applicari fisco solent. Bona
peregrinorum decadentium absque testamen-
to in pia opera erogare Episcopus debet.

III. Qui bona perdita inveniunt, domi-
no eadem restituere tenentur. Si dominum
ignorent, diligentiam adhibere astringun-
tur, ut eum deprehendant. Res inventa e
suggestis publicis denuntianda est, & publi-
cis locis affigenda sunt folia, in quibus
cautionibus adhibitis, manifestetur. Nihil
repeteret inventor jure valet pro inventio-
ne. Si dominus munus exhibet, accipere
potest. Si post adhibitam diligentiam do-
minus non invenitur, plures docent bona
illa sibi retinere inventorem posse; sed mihi
probabilius est distribuenda esse pauperi-
bus, vel piis operibus applicanda. Tandiu
tamen servanda sunt, quamdui spes adit
domini inveniendi. Si res diuturnam con-
servationem non patitur, vendenda est,
servandumque pretium tempore congiuo ad
dominum inveniendum. Si inventores pau-
peres sint, consulant prudentes viros, num
partem, aut tota bona inventa retinere queant.

IV. Thesaurus proprie dicitur vetus de-
positio pecuniaæ, cuius non extet memoria.
Thesaurus hic est inventoris naturæ jure,
& lege civili communi. Ceterum plures le-
ges positivæ peculiares decrevere, quibus ap-
plicandi sint thesauri inventi. Pecunia, aut
res aliae pretiosæ, metus caussa, puta belli,
pestis, grassatorum &c. absconditæ, non ve-
niunt nomine thesauri. Furti reus est qui
eas invenit, & non restituit. Si casu in-
domo aut fundo alienis verus thesaurus re-
periatur, media pars inventoris, & media
pars domini est. Si ex industria in fundo
alieno quæsusitus fuerit, totus domino debe-
tur, ut communiter docent omnes; qui ta-
men subdunt non teneri inventorem thesau-
ri ad restitucionem ante judicis sententiam,
quod lex vetans fodere in alieno fundo
pœnalis sit. Ejusmodi leges in conscientia
obligare mihi probabilius est, atque adeo
teneri in conscientia inventorem ad restitu-
cionem. Dominus tantum proprietatis dicitu-
dominus fundi, in quo reperitur thesaurus.
Quare si thesaurus inveniatur in via, in
platea, & in alio quocumque loco publico,

casu , vel industria , totus est inventoris , nisi obstat aliqua lex peculiaris . Thesaurus inventus in agro empto est inventoris .

V. QUÆST. I. *Quid dicendum de dominio vi alluvionis &c.?* RESP. Alluvionem fluminis inducunt , dum uni prædio partem decerpunt , & alteri adjungunt ; quod accidere potest sensim sine sensu , vel modo instantaneo , & patenti . Insensibilis alluvionis dominus est ille cui prædium augetur ; sensibilis contra & patentis dominus est possessor prædii , a quo dempta terra est , nisi hic avulsam terram pro derelicta habeat . Verum de hac alluvione leges statutæ sunt .

VI. *Accessio* est quæ rei tuæ quidquam aggerit . Duplex est . Altera naturalis , ut sunt partus ancillæ , pecorum , plantarum , quæ in proprio fundo nascuntur . Altera artificialis , seu industrialis , qualis est quæ fit per picturam , per inædificationem , scriptiōnem , intexturam , insitionem &c. Dominus ancillæ , fundi &c. est dominus frumenti .

VII. Alter modus acquirendi dominii est *specificatio* , quæ tunc est quando ex alterius domini materia nova rei species coalescit , ut ex uvis vinum , ex olivis oleum , ex argento vas . De his lib. 2. *Justit. tit. I. §. 25.* fatus habetur sermo . Quando ex duabus fit unum tertium , vocatur *confusio* , & tum dominium evadit commune : commixtio autem est , cum res ita miscentur ut partes eadem permanentes conflent unum tertium ; ut cum pecunia , frumenta &c. permiscantur . Quando corpora mixta discerni , & separari valent , tum attinent ad suos respective dominos . Quando contra præfata corpora ita miscentur ut nec discerni , nec separari queant , dominus eorum evadis , pretium tamen alienæ rei tuæ permixta solvere astringeris .

VIII. QUÆST. II. *Quando acquiratur dominium vi prescriptionis , seu usucaptionis?* RESP. Præscriptio duplex . Alia quæ ab ipso naturali jure suam trahit originem , alia quæ jure positivo investita est . De prima nunc , de altera postea . Ab eodem fonte , unde rerum dominia manarunt , profecta quoque usucatio , seu præscriptio est . Jure naturali permisso omnia communia erant , & natura ipsa in hanc communionem inclinat , si a suis turbatis appetitionibus præcisa consideretur . Ceterum considerata natura , uti nunc est , divisio necessaria erat . Præscriptio itaque ab ipso naturæ jure suam arcessit originem , & jure gentium executa-

tioni demandata est . Hæc enim præscriptio basis , & præsidium est pacis , & tranquillitatis mutuæ inter homines . Neque enim deservire bonorum divisio reciprocæ concordiæ posset , nisi diuturna possessio securos tutosque redderet possessores . Sublata quippe hac securitate ex usucapione acquisita , incerta semper hærenter dominia , & suspensa .

IX. Præscriptionem hanc jure divino confirmatam esse , clare colligitur ex ipsa divina Scriptura . Hæc quippe *Judic. c. 2.* habentur : *Quare tanto tempore nihil super bac repetitione tentasti?* Jepheth igitur contra Ammonitas præter bellum titulum allegavit possessionem trecentorum annorum ; & Ammonitis opposuit , quod in tam longo intervallu nihil umquam tentaverint , ut propriam terram repeterent . Hæc præscriptio jure gentium innecta nullas alias conditiones habet nisi longavam possessionem , & fidem bonam .

X. QUÆST. III. *Quid sit præscriptio jure civili inducta?* RESP. Est acquisitionis dominii , & juris alieni pereemptio , cum continuacione possessionis bona fide , tempore a lege præscripto . Hanc finitionem omnes admittunt . Ut præscriptio , seu usucatio (licet enim aliqui dicant præscriptionem res mobiles , usucaptionem res immobiles alienas ad alterum transferre , communius tamen hac distinctione rejecta , una pro altera usurpatur) tibi dominium adjudicet , perimatque jus alienum , debet secum adferre continuatam possessionem bona fide inceptam , cum titulo aut reali , aut præsumpto , & tempore a lege præfinito .

XI. Heinc est quod auctores quatuor communiter assignant conditiones ad præscriptionem necessarias . 1. Est possessio , de qua dictum est . 2. Est titulus probabilitate præsumptus . Si enim verus adsit , & certus , non est præscriptione opus . Titulus igitur necessarius est , vel præsumptus , qui probari non potest , sed præsumi debet ; vel coloratus , qui probari queat . Coloratus dicitur qui putatur verus , licet re ipsa falsus sit . Infra spatium viginti aut triginta annorum titulus coloratus probandus est , & nisi probetur , præscriptio non admittitur . Post quadraginta , vel quinquaginta , vel centum annos titulus non probatur , sed præsummitur . 3. Conditio est temporis quantitas , de qua in variis partes auctores absunt . Communior sententia hæc est . Ad usucaptionem rerum mobilium tres inter præsentes , & quatuor inter absentes anni requiruntur . Excipitur sola Romana Ecclesia ,

siz, contra quam sive in rebus mobilibus, sive in immobilibus, nulla admittitur præscriptio, nisi post longissimum tempus centum annorum. Contra pupillos, quamdiu pupilli sunt, nulla prævalet præscriptio sive mobilium, sive immobilium rerum. Tempus ad præscriptionem necessarium continuum sit oportet. Hæc temporis continua-
tio duplice deficere valet. 1. dum per actus oppositos interrupitur. 2. dum præscriptio dormit. Tum vero juxta Jurisconsultos dormire dicitur cum propter impedimenta currere illa nequit, ut tempore belli, pestis &c.

XII. Ultima & potissima conditio est *bona fides*, qua quis persuasus sit, rem quam possidet, ad se pertinere, aut saltem ignoret rem esse alienam. Duplicem distinguunt autores ignorantiam. Aliam juris, aliam facti. Si crederes Sempronium tibi vendere posse rem suam, juris ignorantia laborares. Si crederes rem esse suam, quæ revera non est, facti ignorantia tunc esset. Omnes sententur, ignorantiam facti non impedire præscriptionem.

XIII. Disputant Theologi, num ignorantia juris clari invincibilis (de vincibili, quæ stare cum bona fide nequit, nulla est disputatio) oblitus præscriptioni. Negant Lugo, Castropalaus, & alii. Sed probabilior sententia adfirmat, & evincit textus, qui habetur *fl. 22. tit. 6. l. 4.* & est ejusmodi: *Juris ignorantiam in usucacione negatur prodeesse; facti vero ignorantiam prodeesse constat.* Lex ista, sicut & alia quæ habetur *l. Numquam 31. ff. de usucacionibus*, non modo in foro externo, sed etiam in interno locum habet. Quare vana omnia est, & inepta adversariorum distincio, qua ajunt leges laudatas in foro externo, secus in interno locum habere. Leges enim istæ, quæ exponunt ius naturæ & gentium, non minus in uno ac in altero foro obstringunt.

XIV. Heres qui ab auctore malæ fidei recipit hereditatem, præscribere nequit, ut docent omnes, quia heres personam defuncti refert, unamque personam cum eodem constituit. Qui vero bona fide ab auctore malæ fidei rem accipit alio titulo, præter hereditatem, puta emptionis, legati, donationis, præscribere valet, ut communis sententia docet.

XV. Præscriptio suis omnibus conditionibus prædicta acquirit dominium præscribenti, non modo in foro externo, sed etiam in interno, ut communior & vera senten-

Tom. II.

tia docet: quandoquidem præscriptio ab ipso naturæ jure ortum ducit, & jure gentium, atque divino confirmata est tamquam bono publico, paci & tranquillitati consentanea. Coæva est ipsi rerum divisioni, veluti ejusdem præsidium, & supplementum.

XVI. QUÆST. IV. *Quid de dominio filiorum patræ potestati subjectorum?* RESP. Quatuor sunt bonorum genera quæ ad filios-familias pertinere queunt. *Castrænsia*, *quasi castrænsia*, *adventitia*, & *profectitia*. Bona castrænsia a bello, seu castris nomen capiunt, & titulo militiae conferuntur. Quasi castrænsia sunt quæ filii-familias a sequuntur publica officia exercentes, puta offici a medici, advocati, procuratoris. Quæ filii-familias consequuntur titulum hereditatis, legati non intuitu patris relieti, negotiacionis, successionis avorum maternorum, bona adventitia nuncupantur. Quæ vero filii obtinent parentum intuitu, profectitia dicuntur.

XVII. Filii sub patria potestate constituti pleno potiuntur dominio in bona tum castrænsia, tum quasi castrænsia, & directo, & utili; eaque distrahere, alienare, & donare valent inconsultis parentibus post ase-
cutam pubertatem. Ante pubertatem vero administratio est apud tutores, vel parentes, quibus insciis alienare eadem nequeunt. In bona adventitia dominio directo, secus utili potiuntur filii-familias. In bona profectitia parentes dominium tum directum, tum utile habent. Hæc pauca deli-
basse sufficiat de justitia, & dominio generatim acceptis.

DISSEMINATIO II.

De restitutione, tum in communi,
tum in particulari.

CAPUT I.

Restitutionis notio, & principia e quibus præficiuntur. Debitorum morosi, & eorumdem Confessarii monentur.

I. QUÆST. I. *Quid sit restitutio, & unde nascatur?* RESP. Est actus justitiae commutantis, quo damnum alteri irrogatum aufertur, vel acceptum redditur, & inter partes justitia, seu æqualitas constituitur. Heinc est quod restitutio ex duplice principio oritur: nempe vel ex *injusta acceptione*, vel ex *re accepta*. Injustæ acceptio nominis res quæcumque intelli-

B

gi-

gitur, non modo furto aut rapina ablata, sed etiam qualibet injuria irrogata famæ, vel honori, per adulterium, calumniam, diffamationem. Quare omne damnum oppositum justitiae commutanti, cuius jus violatur, reparari restitutione debet ad æquitatem. *Ex re accepta* restitutio dicitur quando res aliena apud te est sive iuste, sive injuste. Hæc duo principia interdum conjuncta sunt, ut in fure, qui & ex re accepta, & ex injusta acceptance restitutio ni obnoxius est: interdum separata, ut in eo qui rem alienam possidet bona fide putans esse suam.

II. QUEST. II. *Utrum statim facienda sit restitutio?* RESP. Restitutio ex injusta acceptance illico facienda est. Restitutio ex re accepta intra præfinitum inter partes tempus, ut contingit in mutuo, in venditione, & emptione, deposito &c. facienda est. Si res aliena (inquit S. Augustinus epis. 54.) reddi potest, & non redditur, pœnitentia non agitur, sed simulatur. Ratio id ostendit. Quoniam non minus est contra justitiam invito domino retinere, quam surripere, ut S. Thomas 2. 2. qu. 62. a. 8. docet. *Sicut accipere rem alienam est peccatum contra justitiam, ita etiam detinere eam.*

III. Heinc inferas, peccare illos qui operariorum mercedes in dies differunt, contra quos Scriptura sancta clamat: *Non morabitur opus mercenarii tui apud te usque mane: Levit. 19. & rufus Tob. 4* *Quicumque tibi aliquid operatus fuerit, statim ei mercedem restitue;* & merces mercenarii tui apud te omnino non remaneat. Vehementius inclamat adversus mercenariorum oppressores S. Jacobus Apostolus c. 5. *Ecce merces operariorum, qui mesuerunt regiones vestras, quæ fraudata est a vobis, clamat, & clamor eorum in aves Domini Sabbathi introivit.* Tribus modis merces defraudatur. 1. quia non redditur. 2. cum diminuitur. 3. cum differtur reddere. Clamat ad divinæ justitiae tribunal merces, & non pauper, quia pauper sæpe ob divitis timorem clamare non audet. Merces vero nihil timet, ideo vindictam in divitis caput implorat. Salomon Eccli. 41. sanguinis effusione comparat crimen istud. *Qui effundit sanguinem, & qui fraudem facit mercenario, fratres sunt.* Nec valet excusatio eorum qui dicunt se non solvere, quia carent pecunia. Si carent pecunia, cur mercenarios vocant ad operandum? Fures isti sunt, & latrones, cum sciunt se non esse solvendo, & tamen operarios vocant ad

laborandum, & eorum pellem excoriant.

IV. Quid de debitoribus morosis dicendum, qui emunt a mercatoribus, & continuo non solvunt? Solvemus, dicere solent, quamprimum. In præsentia opus est ut rebus nostris prospiciamus. Nobiles proprii status splendorem, filiorum, uxorum, famulorumque sustentationem opponunt. Debitorum solutio detruderet te a proprio statu: idcirco efficis ut alii mendicent? Esuriem ferre nescis, & ideo alios in famem conjicis? Diminuere isti statum debent, famulorum, equorumque numerum, pompas uxorum & filiorum restringere, & ad vivum resecare. Qui bonis abundant, communiter debitores sunt: pauperibus enim nemo fidit merces suas. Isti qui restituere, & solvere valent, etiam cum incommodo (numquam comoda restitutio est) & prætermittunt, sunt in statu damnationis, & peccata in dies multiplicant. *Retentio rei alienæ* (inquit in Suppl. qu. 6. a. 5. S. Thomas) *invito domino contrariatur præcepto negativo, quod obligat semper, & ad semper: ideo tenetur semper ad statim reddendam.* Ergo omittens restitutionem, nisi sint revera impotentes, sunt in continuo peccato mortali.

V. QUEST. III. *Quid de Confessariis absolventibus debitores morosos dicendum?* RESP. Peccant isti, & sacrilegia multiplicant. Neque sat est solvere debitum per partes. Truncata hæc solutio detrimentum grave infert creditoribus: Totum simul, cum revera possunt, solvere debitum debent, etiam cum incommodo. Debitor reus est; creditor innocens. Ergo reus debitor, non innocens creditor sustinere incommodum astringitur.

VI. Regula ergo generalis esto. Quoties moraliter possibilis restitutio est, priusquam tales debitores absolvantur, peragenda est. Confessarius cum debitore moroso se gerat quemadmodum cum concubinario, quem non absolvat, nisi prius concubinam ejiciat. Prius ergo pauperum debita, & mercenariorum labores solvantur, & postea absolvantur. Caveat Confessarius ab opinione quorundam Casuistarum, præsertim Tamburini lib. 3. Metib. c. 4. n. 5. inquietis: „Si prævideat Confessor pœnitentem non restituturum, si illi detegatur nullitas tilit, quem pro se adesse pœnitens putat, non erit ex Sanchez talis nullitas illi, a Confessario non interrogato patefacienda, quamvis sit prejudicium tertii, qui suo

„suo carebit“. Confessarius ex officio suo astringitur non judicare modo, sed etiam docere. Plura alia ibi docet laxiora P. Tamburinus. Vide Tom. 7. Lib. 2. diss. 2. cap. 3. & Hist. Probabilismi, & Rigorismi diss. 1. c. 5. §. 2.

VII. QUEST. IV. Qualis iniquitatem culpa infert debitum restitutio? RESP. Iniquitatem culpa alia theologica, alia juridica. Theologica peccatum est aut mortale, aut veniale. Culpa juridica, seu civilis est omissione debitis diligentiae, qua quis astringitur ad cognoscendum, cavendum, providendum, vel agendum aliquid, unde damnum sequitur. Quod haec culpa contineat malitiam nec ne, non attenditur. Triplex est. Lata, levi, levissima. Lata est omissione diligentiae quam adhibere communiter homines prudentes solent ejusdem professionis. Culpa haec vocatur etiam latissima, ut est dolus manifestus, puta dum custos rei alienae dormit, vel fingit se dormire: & latior; est que dolus presumptus, ut dum quis sciens, & potens impedire, non impedit. Culpa levi est omissione diligentiae quam prudentiores adhibere solent. Culpa levissima est omissione diligentiae quam homines solertissimi adhibent. Haec culpa juridica interdum conjungitur, interdum separatur a culpa theologica.

VIII. Quando nulla ex his culpis patratur, nullum restitutiodebitum oritur, tribus casibus exceptis. 1. est, si animal tuum alterius animal occidat, aut segetes conculceret, teneris damnum compensare. 2. si mancipium tuum alterum laedit absque tua culpa, similiter damnum resarcire astringeris, ut habetur in Instit. §. Domino. 3. Si e domo tua aliquid in via projiciatur, & non fuerit proclamatum, & si damnum absque tua culpa transeuntibus evenerit, damnum compensare astringeris. Haec autem leges ante judicis sententiam non obligant, quia sic usu receptae sunt.

IX. QUEST. V. Sola ne culpa theologica debitum inducit restitutio? RESP. Extra officium, vel contractum, sola culpa theologica non interior, sed exterior inducit debitum restitutio, quia sola culpa theologica laedit jus alienum. Itaque si culpa juridica separata sit a culpa theologica, non infert debitum restitutio, nisi peculiarius interveniat contractus. Ex culpa, theologica levi levi, & ex gravi gravis obligatio restitutio oritur; interdum tamen culpa levis exterior conjuncta cum voluntate inter-

na nocendi, potest inducere obligationem gravem restituendi. Advocatus adhibet omnem diligentiam, ad quam vi sui officii tenetur, & quam adhibere solent diligentiores professores ejusmodi artis, noluit tamen maiorem adhibere diligentiam ex odio & invidia interiori contra clientem, ut inde jactura litis sequeretur: quamvis haec exterior omissione sit levis, conjuncta tamen cum interno pravo affectu nocendi, parere restitutiodebitum potest. Lege Tom. 7. Lib. 2. diss. 2. cap. 5. n. 8.

X. QUEST. VI. An professores alicuius artis teneantur ad restitutiodebitum ex culpa levi, vel levissima? RESP. Dictum jam est, neminem extra officium, vel contractum teneri ad restitutiodebitum ex culpa juridica levi, & levissima, sublata culpa theologica. Nunc queritur, num artifices, medici, advocati, & ejusmodi, qui pacto pretio exercent artes suas, teneantur restituere ob culpatem levem, aut levissimam? Communis sententia negat. Quoniam praefati non astrin-guntur neque ex re accepta, neque ex inusta acceptione: quia inusta acceptio non reperitur absque culpa lata juncta culpa theologica; nec tandem ex contractu, quia nemo dictorum sese obligat ad exercendam artem suam majori diligentia quam adhibere prudentes earundem professionum homines solent. Ex sola igitur culpa lata juridica conjuncta cum culpa theologica oritur in istis restitutiodebitum. Si tamen praefati maiorem diligentiam sponderent quam adhibere ceteri professores solent, tum plus & minus pro circumstantiarum diversitate tenerentur ex culpa levi, aut levissima ad restitutiodebitum.

XI. QUEST. VII. Quenam culpa juridica requiritur in contractu, ut inducat restitutiodebitum? RESP. Prima sententia docet, ut ex culpa levi, aut levissima teneri ad restitutiodebitum, si contractus cedat in solam utilitatem tuam, ut in commodato, pereatque res, aut fiat deterior. Et haec est dispositio juris ff. 13. tit. 6. l. 18. In rebus commodatis talis diligentia prestanta est, quamvis quisque diligentissimus pater-familias suis rebus adhibet. Dispositio haec æquitati naturali congrua est, ut nempe qui re aliena utitur gratis, summam in custodia adhibeat diligentiam. Niisi enim diligentissimus in hoc contractu sis, quandonam eris? Ipse communis sensus dicit ut majori diligentia commodatarius quam ceteri adstrictus sit. Si ergo ceteri tenentur ex culpa lata,

hic adstrictus erit ex culpa levi, vel levissima. Excipitur *precarium*, in quo solum ex dolo, aut culpa lata, qui accipit, tenetur. Quoniam dominus quocumque tempore rem preario concessam repetere valet. Si contractus utriusque parti utilis sit, ut in contrahibus locationis, conductionis, pignoris; uterque restitutio subjectus est ex culpa lata, & levi, non vero ex levissima. Si contractus cedat in utilitatem solius dantis, ut accidit in deposito, qui accipit, ex culpa lata tantum, & dolo tenetur ad restitucionem.

XII. QUEST. VIII. *Quomodo possessor bonae, aut male fidei tenetur ad restitucionem?* RESP. Possessor bona fidei est qui rem alienam invincibiliter existimans esse suam, possidet. Possessor male fidei est qui scienter rem alienam retinet; aut ignorantia viciibili, vel affectata in rei alienae possessione persistit. Possessor bona fidei rem alienam consumere, & vendere potest, usque dum in bona fide perseverat; continuo vero ac advertit rem esse alienam, restitutio obnoxius est: quia si in mora sit, possessor male fidei evadit, nisi completa præscriptio antecedat. Si postquam rem consumpsit, advertit rem esse alienam, tenetur restituere id in quo factus est ditior. Si autem res consistat sibi in specie, saltem in æquivalenti, tunc eam restituere teneris. Rem alienam comedisti, putans esse tuam, & tuam conservasti. Tunc res aliena æquivalenter existit in tua. Ergo restituere eam debes. Si vero nihil ex tua comedisses, ad nihil teneris, quia in nulla re factus es ditior. Si dubitas, num ex re aliena factus sis ditior, tum pro rata dubii componendum negotium sapientum arbitrio.

XIII. QUEST. IX. *Qui res usi consumptibiles bona fide a latrone emit, vel recepit, tenetur ne rem, si extet, restituere, aut in quo factus est ditior?* RESP. Recepisti a latrone pecuniam, aut emisti vinum, triticum, vescem, & id genus similia: intervenisti ad cœnam ex cibis furto surreptis in aliena domo, tantumdem comedistris in domo propria. Si fur factus impotens sit ad restitucionem, omnes fatentur te restituere deberre rem, si extet, aut re ipsa, aut in æquivalenti, seu in quo ditior factus es. Disputatur vero, num restituere tu debebas, cum fur bona habeat, quibus restituere ipse queat. Et sermo est de possessore tum bona, tum male fidei. Ad hoc enim quod attinet, parres sunt. Si res extet, uterque totum re-

stituere tenetur: Si res non extet uterque pretium æquivalens reddere debet cum solo discrimine, quod possessor bona fidei id tantum in quo factus est ditior, possessor contra malæ fidei restituere totum astringitur.

XIV. Probabilior mihi sententia est, utrumque possessorem sive bonæ, sive malæ fidei cum solo assignato discrimine ad restitucionem teneri. Quoniam res ubicumque sit, clamat ad dominum suum, qui jus habet eam repetendi ubicumque extet sive in se, sive in æquivalenti. Res hæc quocumque perveniat, secum onus afferit inseparabile redeundi ad dominum suum. Aliqui distinguunt de rebus permixtis, & non permixtis cum bonis latronis. Verum permixtio hæc spoliare dominum nequit jure repetendi rem suam ubicumque extet, vel in se, vel in æquivalenti, dummodo certum sit rem alterutro modo extare.

XV. Qui rem alienam possidet usu non consumptibilem, nempe equum, librum, picturam &c. sive bona, sive mala fide, eamdem, si extet, restituere tenetur, quia hæc, dum extat, ad dominum suum clamat, ut communis & vera sententia docet. Possessor male fidei, sive extet res, sive consumpta, aut vendita sit, sive perierit, etiam absque ejusdem culpa, vel rem, vel pretium ejusdem restituere debet. Præterea omnia damna qua passus dominus est ob privationem rei sue, compensare injustus raptor, aut retentor astringitur. Rapuisti, aut retinuisti pecunias mercatoris, quas si is habuisset, easdem negotiationi exposuisset, aut imminentia damna reparasset, ultra restitucionem pecunia raptæ, aut injusile retentæ, damna & lucra non obtenta ob ejusdem pecuniæ privationem compensare teneris.

XVI. QUEST. X. *Si fur rapiat rem que apud dominum periisset, tenetur ne eamdem restituere, si illam conservet, aut pretium, si perire?* RESP. Si dubites rem potuisse perire apud dominum, restituere eamdem debes, aut ejusdem pretium, etiam si absque tua culpa perire, saltem secundum dubii astimationem. Idem dicendum de depositario, aut debitore qui est in mora restituendi res alienas. Rursus etiam certum esset quod res apud dominum periisset injuste, puta quia fur illam surrepturus fuisset, restitutio obnoxius es, quia furtum alterius tuum non excusat. Hæc extra disputationem sunt. Similiter quando tu certo scires rem apud dominum perdendam fuisse casu for-

fortuito , puta incendio , vel naufragio , si illam eriperes , restituere eam , vel ejusdem pretium deberes , etiamsi casu res apud te perierit tempore illo quo periisset quoque apud dominum : quoniam rem illam rapuisti non ut domino servares , sed ut in tuum commodum converteres . Ergo rapuisti cum restitutionis onere . Quod res hæc apud te perierit , tibi imputare debes . Injusta acceptio sua natura injuriam assert domino ; neque hæc injuria auferitur , propterea quod hæc res perdenda fuisset apud dominum . Ergo debitum restitutionis , quod contraxisti actu illo quo rem abstulisti , semper perseverat usque dum illud a te compensetur . Non me latet plures oppositum defendere . At hæc sententia mihi videtur probabilior . Rem incendio flagrante furatus es certo comburendam . Si res apud te extet , vel ejusdem pretium , eam restituere teneris , etiamsi alio incendio fortuito apud te perierit . In urbis vastatione rem alienam furaris , quæ ab aliis furibus certo surripienda fuisset , eam restituere domino debes , si extet , aut pretium , si vendidisti illam .

XVII. Si rem alienam incendio eripias , & elapo periculo retineas , pereatque apud te , non perdenda apud dominum , teneris ad restitutionem , omnibus fatentibus . Qui mala fide rem alienam surripit , quæ servata melior evaderet ; (puta devastasti vineam , segetes immaturas tempore quo valabant quinquaginta , tempore vero matritatis valerent centum ;) si dominus venditurus erat res istas tempore quo easdem rapuisti , restituere debes pretium secundum valorem quem habent in priori statu : si vero conservaturus præfatas res fuisset , restituendum est quantum secundum prudentum existimationem valet spes illas res servandi usque ad meliorem statutum .

XVIII. QUEST. XI. Cuiam crescit res furto sublata ? RESP. Crescit domino , non furi . Quare restituenda res est cum incremento facta apud furem , etiamsi dominus servaturus non fuisset usque ad hoc tempus . Heinc si pretium augetur ob multitudinem emptorum , juxta hunc valorem fieri restitutio debet . Si res in viliori statu furto sublata , & melior facta , deinde ad deteriorem statum redacta sit , restituenda est secundum incrementum , si dominus usque ad hoc tempus servaturus illam fuisset : si tempore vilioris pretii rem vendidisti , & similiter dominus hoc tempore eamdem vendidisset , restitutio secundum hunc valorem

Tom. II.

fieri potest . Hoc fatentur omnes ; dissident vero quid restituere debeas , quando tempore incrementi vendidisti rem , quam dominus usque ad hoc tempus non fuisset servaturus . Plures defendant te restituere dum taxat debere secundum valorem pretii vilioris , cum hoc tempore vendita a domino fuisset . Alii propugnant te debere restitutio facere , secundum incrementi valorem sive intrinsecum , sive extrinsecum , quando tu tempore hujus majoris valoris rem vendidisti , aut consumpsisti , licet dominus usque ad hoc tempus eam rem servaturus non fuisset . Quoniam valor tei rem ipsam comitatur . Ergo si res domini est , ut re ipsa est , ita & rei valor . Rem vendis , aut consummis tempore majoris valoris : ergo hic valor restituendus est . Cedo . Nonne tempore quo rem injuste vendis , aut infumis , restituere illam domino astringeris ? Porro pretium rei æquivalenter est res ipsa . Ergo hoc pretium restituentum est . Hæc opinio secunda mihi videtur probabilior .

XIX. QUEST. XII. Quomodo dubie fidei possessio rem alienam restituere debet ? RESP. Dubiæ fidei possessor spectari potest & sub initium possessionis , & in progressu . Qui dubitat rem esse alienam , & eam emit , non domino tradendam , sed ut sibi retineat , fur est , & tenetur ad restitutio ratione tum rei acceptæ , tum injustæ acceptio nis , etiam cum periculo pretii amittendi : quia sponte huic periculo se subjicit . Quare diligentiam adhibere debet ut verum dominum inveniat , cui rem emptam tradat . Si post moralem diligentiam dominum non invenit , dubiumque cesseret , possessor bonæ fidei evadit , remque sibi retinere jure valet . Si dubium practicum perseveret , dividenda res est inter pauperes , retento pro rata dubii pretio in emptione soluto . Si dubium in progressu occurrat , res que ante omnem dubitationem consumpta fuit , restituere debet id in quo factus est ditor : si res existat , adhibenda diligentia est , ut dominus inveniatur , & pro rata dubii prudentum consilio transigenda res est : nec illa suffragatur regula : Melior est conditio possidentis .

XX. QUEST. XIII. Quos fructus restituere tenetur possessor bonæ fidei ? RESP. Omnes fructus naturales restituere tenetur , si extent , deductis expensis : si consumpti fuerint , id in quo factus est ditor . Quoniam res fructifera domino fructus parit . Idque verum

habet, etiam si dominus rem incultam reliquisset.

XXI. QUEST. XIV. *Quos fructus restituere possessor male fidei debet?* RESP. Omnes fructus naturales, & industrielles quos percepturus fuisset dominus, detractis expensis, restituere astringitur, sive extent, sive non extent, sive factus dicitur sit, sive fecus. Idem dicendum de possessore bona fidei, a tempore quo conscient factus est, rem esse alienam. Is si differat restitutionem, evadit debitor morosus, & restituere tenetur omnes fructus quos percipit, & compensare tum damna emergentia, tum lucra cessantia. Si fur non percipit fructus, quos percepturus dominus fuisset, eorumdem pretium restituere debet. Contra si dominus nullos fuisset percepturus fructus, & similiter latro eodem non percipit, tum ad istorum compensationem non tenetur. Si vero fur fructus naturales percipit quos dominus percepturus non erat, eodem restituere debet, quod res domino fructificet.

XXII. QUEST. XV. *Quas expensas detrahere possessor sive bone, sive male fidei debet?* RESP. Expensarum aliæ necessariæ, ut agrotum cultura, animalium alimenta, & custodia, domorum instauratio, sine quibus res aut detrimentum patiuntur, aut fructus non pariant. Aliæ utiles, quæ eo pertinent ut res aut meliores fiant, aut augeantur, ut arborum plantatio, gregis multiplicatio &c. Aliæ voluntariae, ut vitidaria, picturae, ornatus, & cerera id genus, quæ voluptati deserunt. Industria, labor, incommode in fructibus colligendis, & rebus conservandis, expensarum nomine veniunt.

XXIII. Omnes expensæ utiles, & necessariae ab utroque possessor factæ detrahendæ in restitutione sunt: & dominus eisdem computare tenetur, quia nemo in alienis laboribus reportare commodum debet. Si tamen dominus sine his expensis, propria industria res suas conservaturus fuisset, tum possessori injusto reddendæ non sunt, sed tantum possessori bona fidei. Si expensæ excederent fructus, non teneretur dominus illas solvere, quia tum res in suam non cederet utilitatem, remque suam carius emere cogeretur. Disputant auctores super restitutione expensarum quæ voluntariae sunt. Ad primum quod attinet, prudentum arbitrio restitutio fieri debet.

XXIV. QUEST. XVI. *Qui rem bona fide emit, valet ne eam furi reddere, pretium re-*

petendo, an restituere domino tenetur sine pretio? RESP. Si prudenter judicat emptor suam restituturum domino rem, procul dubio rescindere contractum valet & pretium repetere. Difficultas est, quando emptor dubitat num res sit a latrone restituenda domino, neque valeat emptor a fure pretium accipere, nisi rem emptam restituat. Si enim recuperare pretium posset, omnes factentur domino restituendam rem esse.

XXV. Prima sententia negat teneri emptorem domino restituere rem cum jactura pretii sui. Sententia mihi vera est quod emptor in proposito casu teneatur rem domino restituere, ut S. Thomas 2. 2. q. 62. a. 6. docet. Circa illum, inquit, qui rem alienam accepit, duo sunt consideranda, scilicet res ipsa accepta, & ipsa acceptio. Ratione autem rei tenetur eam restituere, quamdiu eam apud se habet: quia quod habet ultra id quod suum est, debet ei subtrahi, & dari ei cui deest, secundum formam commutativa justitiae. Emptor in casu positivo habet ultra id quod suum est, quia res empta a fure sua non est, sed domini. Huic ergo redi debet. Neque emptor rem furtivam vendere alteri valet, quia vendere rem alienam nemmo potest, invito domino. Ergo neque furi qui eam redditurus domino non est. Emptor enim vendens rem furi non restituturo, furti particeps evadit.

XXVI. Opponunt adversarii. Emptor bona fidei nullam injuriam infert domino. Quid inde? Ideo non tenetur restituere ex injusta acceptance, sed ex re accepta. Insistunt. In pari casu innocentiae emptor sibi potius quam domino consulere debet. Sicut dominus jus habet ad rem, ita emptor ad pretium. Recte, & bene. Ergo fur restituat pretium emptori, & emptor rem domino: & omnia iusta sunt. At quia fur nequam restituere pretium recusat, ideo ne emptor iniquus fieri debet rem alienam retinendo? Quia fur patrat injustitiam, tu similiter rem injustam agere debes? Alia sophismata prætereo. Lege Tom. 7. Lib. 2. diff. 2. cap. 7. n. 17.

XXVII. QUEST. XVII. *Qui mala fide rem alienam a latrone emit, dominus ne, an furi restituere debet?* RESP. Restituendam rem latroni contendunt Lugo, Diana, & alii. Verum ex iis que dicta sunt, patet opinacionem potiori jure falsam esse. Hic enim non solum ex re accepta, verum etiam ex injusta acceptance restituere domino astringitur.

XXVIII. QUEST. XVIII. *Qui bona fide rem*

DISS. II. DE RESTITUTIONE CAP. I. & II.

23

Item emptam a latrone vendit alteri , tenetur ne pretium domino reddere , an emptori ? RESP. Aliqui docent te nec domino , nec emptori restituere debere nisi id in quo factus es dicitur . Opposita sententia mihi est probabilior . Si praefatus bona fidei vendor rem apud se retineret alienam , veritate cognita , domino restituere eam deberet . Sed pretium succedit rei : ergo hoc pretium domino restituendum est , non emptori . Emptor solvere pretium intendit vero domino . Tu qui vendis rem alienam , non es verus dominus . Neque tu in venditione transfers dominium , cum illo careas . Tandem res semper ubicumque sit clamat ad dominum suum : ergo aut fur , aut tu , aut emptor resarcire domino astringimini . Primus qui resarcire dominum tenetur , est fur . Secundus tu qui rem furtivam emisti , posito quod restituere fur nolit . Porro sicut fur respectu tui solus restitutio obnoxius est , quia primus reus ; ira tu respectu emptoris , qui tertio loco succedit , prior es in restitutio- nere . Ergo si emptor restitueret rem domino , tu emptori restituere pretium debebas . Contra si emptor rem domino non reddit , tu pretium restituere domino debes .

XXIX. QUÆST. xix. *Qui monetam falsam accipit , & alteri eam expendendo tradit , ad quid tenetur ?* RESP. Diana cum aliis respondet , eum qui bona fide monetam expendit , ad nihil teneri ; etiam si postea resciat fuisse falsam ; astringi vero , si mala fide illam expendit . At vera sententia in utroque casu docet teneri ad damnum compensandum . Numquid si plumbum loco argenti expendis sive bona , sive mala fide , ad damnum resarcendum non astringeris ? Nemo ergo monetam falsam etiam si bona fide accipiat , distrahere illam jure valet : & si distraxerit , dum id novit , tenetur de domino .

XXX. QUÆST. xx. *Qui rem alienam majori pretio vendit , tenetur ne incrementum domino restituere ?* RESP. Quod incrementum pretii proficiscitur ab ipsa re immutata manente tum in substantia , tum in circumstantiis loci , & temporis , illud restituendum domino est . Si contra incrementum sit fructus solius industria , venditionis , vel quia mercem servavit , vel quia ad alium locum transfluit , tunc restitui domino non debet , sed vendor retinere illud fibi valet .

XXXI. QUÆST. xxi. *Si vendis rem tuam furi , a quo bona fide in pretium accipis fur-*

tivas pecunias , obnoxius ne restitutio es ? RESP. Respondent Salmanticenses , si pecunias impermixtas , & separatas habeas , te teneri ad restitutio- nem , secus si pecunia permixta tuis sint . Jam supra dixi , hanc permixtio- nem non impedire quominus tenearis ad restitutio- nem . Quando enim certus es in pecuniarum tuarum cumulo alienas pecunias reperi- riti , nulla appetat ratio , cur vi istius permixtio- nis dominium acquiras . Teneris ergo ad restitutio- nem rei acceptae .

C A P U T I I .

De illis qui aut impediunt alios ne aliquod bonum assequantur , aut cooperantur ad damnum aliorum .

I. NOvem personarum genera Theologi ree- sentent quæ in aliorum damnum aut positive , aut negative concurrunt : quæque his verbis comprehenduntur .

*Jusso , consilium , consensus , palpo , re- cursus ,
Participans , mutus , non obstans , non ma- nifestans .*

II. Qui alicui parato ad malum inferendum , sublati omni consilio , & suasione , annuit interius , peccat quidem contra cari- tam , secus contra justitiam : ideo a resti- tutione liber est , quia non influit in alterius damnum . Sed antequam de causis cooperantibus ad malum sermo instituatur , de impedientibus boni assecutionem pauca pralibanda sunt .

III. QUÆST. i. *Qui efficax impedimentum ad- dicit , ne quis assequatur beneficium ad quod jus habet sive in re , sive ad rem , obnoxius ne restitutio es ?* RESP. Adfirmat communis sententia , sive hoc impedimentum fraude , dolo , vi , sive precibus , suasione , donisque apponatur . Advertendum tamen , quod si collator constanter decreverat conferre bene- ficium , totum damnum resarcendum est . Si ambiguus collator erat , compensandum damnum est secundum spei gradum . Ut im- pedimentum inducat restitutio debitum , efficax sit oportet , seu quod ob tale impe- dimentum sequatur effectus . Ratio obvia est . Qui impedit vi , dolo , fraude , ne quis assequatur beneficium , ad quod jus habet sive inchoatum , sive consummatum , injuriati eidem irrogat : qui consilio & suasio- ne impedit confectionem , lœdit justitiam & distribuentem , & commutantem . Ergo impediens tenetur resarcire damnum aut to- tum ,

tum , aut partem , secundum qualitatem juris majoris , vel minoris quod candidatus ad beneficium habebat . Si vero ipsum candidatum precibus , suasione , consilio avertis , ad nihil teneris , quia volenti , & consentienti non fit injuria . Si collator secreto detegeres crimen occultum , sed verum , vi cuius candidatus privaretur beneficio , nihil restituere deberes , quoniam id cederet in bonum publicum , dummodo delictum indignum , aut minus dignum redderet candidatum .

IV. QUÆST. II. *Ad quid tenetur qui impleri promissione factam impedit?* RESP. Si promissio sit acceptata , resarcendum damnum est , quia promissarius jus habebat ad rem sibi promissam . Si promissio non sit acceptata , si consilio , vel suasione retrahas collatorem , ad nihil teneris . Qui dolo , vel fraude retrahit divitem a conferenda pauperi eleemosyna , tenetur resarcire damnum illatum pauperi . Si testatori decumbenti , qui destinavit legatum Sempronio , aut illum heredem instituere , suadeas ut tibi potius , aut amico legatum relinquat , neglecto Sempronio , nec te peccare , nec ad restitutionem teneri docent communiter autores : ego vero , ne unquam id facias aspergo . Excipitur casus Clem. de Privileg. ubi severe præcipitur Religiosis ne retrahant testatores a legandis bonis Ecclesiis matricibus . Omnes qui testatoribus assistunt , consulant ut legata juste & prudenter distribuant servato caritatis , & justitiae ordine . Qui absque fraude , & dolo alicui persuaderet ne bonum indebitum Petro conferat ex vehementi odio , probabilius mihi est hunc ad restitutionem astringi . Quoniam licet odium internum non inferat hoc debitum , coniunctum tamen est cum externa suasione , quæ licet absolute spectata innocens sit , in his tamen circumstantiis mala evadit . Hanc tamen sententiam aliorum judicio submitto .

V. Qui impedit ne bona fisco applicentur , quæ ob aliquod crimen applicanda forent , post judicis sententiam ad restitutionem tenetur , secus ante sententiam prolatam : quoniam post latram sententiam fiscus jus habet ad ejusmodi bona . Qui impedit ne legata relista a testatore , ut distribuantur inter virgines hujus aut illius civitatis , & talibus prærogativis ornatas , eisdem distribuantur , curatque ut exteris conferantur , peccat & tenetur ad restitutionem : quia virgines talis civitatis jus habent ad ejus-

modi bona . Quid si dispensatio a Superiore obtineatur ? Dispensationes ejusmodi communiter sunt absque justa causa . Quo in casu & petens , & concedens peccant , & restitutioni obnoxii sunt . Si autem justa sit dispensandi causa , nullum restitutionis debitur .

VI. Qui collatorem impedit ne beneficium ecclesiasticum digniori conferat , ad restitutionem tenetur tam impediens , quam collator , qui scienter digniorem privat beneficio . Quæ restitutio facienda est tum digniori excluso , tum Ecclesiæ ; ut fusius dicetur , dum de beneficiis sermo erit .

VII. QUÆST. III. *Quid de cooperantibus alterius damno dicendum?* RESP. Qui alicui parato ad malum inferendum , sublato omni consilio , & suasione , annuit , peccat contra caritatem , secus contra justitiam : ideo a restitutione immunis est : quia nullo modo influit in læsionem alterius . Ut igitur cooperator restitutioni subjectus sit , illius cooperatio influat , & causa sit oportet . Si vero non parato ad furandum , ad lædandum jus alterius , consilio suadeas , tunc ad restitutionem teneris . Nec refert quod executor ab altero persuasus fuisset : quia hoc non tollit quin tu causa damni sis . Idem dicendum videtur de eo qui parato ad furandum suadet ut celerius furtum exequatur , quando inter consilium & executionem tantum temporis interfluit , quo executor mutare voluntatem queat . Lege Tom. 7. Lib. 2. diss. 2. cap. 9. §. 1.

VIII. QUÆST. IV. *Quando dubitas , num aliqua ex recensis cooperationibus in duobus versibus contentis caussa efficax damni fueris , teneris ne ad restitutionem?* RESP. Dubitare potes num consulueris , jussieris &c. aut certus de consilio , iussione &c. dubitas , num malum fecutum sit : aut dubitas num tuum consilium , suasio &c. efficax damni caussa fuerit . Salmantenses nulla facta distinctione absolute negant hunc dubitantem restitutioni obnoxium esse , nisi axiomatice : *Melior est conditio possidentis* .

IX. Verum explicatione quæstio indiget . Si dubitas primo modo , num scilicet dederas consilium , ad nihil teneris : quia nemo presumitur malus , nisi probetur . Quando certus de consilio , iussione , mandato &c. dubitas de damno inde secuto , tum programma dubii compensare damnum astringeris . Siquidem dum certo constat causam suapte natura inferentem damnum esse positam , & dubium est secutum ne damnum sit , tum peri-

periculum est ne damnum reapse secutum fuerit. Periculum ergo est te lassisse justitiam. Ergo subducere te huic periculo debes. Quando tandem certus es & de consilio pravo, mandato &c. & de damno secuto, dubitas vero num tuum consilium, mandatum &c. fuerit efficax causa damni; restitutioni te obnoxium afferunt *Molina*, *Bonacina*, *Leffius*, *Sanchez*, & alii totius damni, alii pro rata dubii. In hanc secundam sententiam inclino. Quoniam æquum non videtur ut eodem onere obstringatur qui dubitat, & qui certus de damno illato est. Spectandæ tamen circumstantæ sunt. Heinc collige, me in severiora non propendere, sed in ea quæ solida ratione patent.

X. QUÆST. v. *Qui suo pravo exemplo causa est ut alii malum perpetrent, tenetur ne ad restitutionem?* RESP. Plures videntes Sempronium furantem, alterius vineam devastantem, adulterantem &c. moventur hoc exemplo ad similia mala patranda: tenetur ne Sempronius ad restitutionem? Negat communis, & vera sententia, quia licet exemplum pravum occasio illis sit, causa tamen influens non est. Porro sola mala causa influens in damnum illatum parit restitutio- nis debitum. Peccat solum Sempronius, ad hoc quod attinet, contra caritatem.

XI. QUÆST. vi. *Quid de illis qui iussione, consilio, consensu in proximi damnum influant?* RESP. Eos omnes iusso comprehen dit qui injuritiam fieri mandant, ad quam exequendam paratus alter non erat. Hoc mandatum imponi tacite, vel expresse potest. Quando vi istius mandati damnum sequitur, mandans semper ad restitutionem tenetur. Tacite hoc mandatum variis modis imponi valet. Quid? inquit dominus suis servis, aut amicus amicis: nemo vestrum meam ulciscitur injuriam? Summam gratiam mihi faceret qui meum occideret inimicum. His & similibus expressionibus fieri mandatum tacitum potest. Spectandæ tamen circumstantæ omnes sunt, antequam definitur quempiam, vi mandati taciti, obnoxium esse restitutio ni.

XII. Si mandatum, antequam executio se quatur, retractatum fuerit, idque innotuerit mandatario, deficit restitutio nis debi tum. Si vero vel animo tantum, vel exte riū revocetur, quando ad aures mandatarii non pertingit, a restitutio nre mandans non liberatur. Si mandatarius excedit limites mandantis, in praxi difficile liberatur mandans a compensatione totius damni. Quare

cap. Is qui mandat de homicidio in 6. decerni tur ut ille qui mandat verberationem ex qua sequitur homicidium, subjaceat irregu laritati, tametsi mandans non intenderit ho micidium. In praxi enim vix unquam mandatarii se continent intra præscriptos limi tes. Quare libere mandantes se conjiciunt in hac iniqua conlectaria. Ergo mala omnia quæ ex mandato re ipsa sequuntur, resarcire tenentur. Si tamen mandans aliquid licitum præcipiteret, ex quo nullum fecutu rum malum prudenter prævideri valet, tum liber esset a restitutio nre, etiamsi malum se queretur.

XIII. *Consilium*, quo consulens dolo, fronde, maloque animo suadet, debitum inducit restitutio nis. Disputant autores, num consiliator, revocato consilio, restitutio nre obnoxius sit, quando qui consultus fuit ma lum re ipsa patravit. Probabilior mihi sententia est, consiliatorem qui sincero animo, & omni industria suum revocat consilium, liberum esse a restitutio nre. Differunt utique mandatum, & consilium; at quando consiliator veris & solidis rationibus dissuadere clienti suo, quod consuluit malum, nititur, nihilque intentatum relinquit, ut votorum compos suorum evadat, tum ex sola clientis malitia malum proficiuntur. Si mandatarii, vel consilia accipientibus, & petenti bus mala superveniant, liber est sive mandans, sive consiliator a restitutio nre, quia in istorum potestate erat respire sive mandatum, sive consilium. Si tamen mandans esset dominus, seu Superior, tunc teneretur ad restitutio nrem, quia superioris imperium quamdam coactionem inducit. Si quis nomine tuo furetur, occidit nullo a te accepto consilio, vel mandato, non astringeris restituere, vel compensare malum fecutum te inscio, quamvis ratum haberes malum patratum, quia ratihabitio nullum præbere influxum valet in malum jam patratum. Si vero executor tua complacentia, & ratihabitione moveretur ad omittendam restitutio nrem; tunc obnoxios fore restitutio nrem.

XIV. *Consensus* inducens restitutio nis debitum non est mera complacentia de alterius malo; sed est causa efficaciter influens in malum resarcendum. Subscribis injustæ liti, suffragium præbes ad bellum injustum, ad furtum, ad homicidium perpetrandum, ad magistrum indignum eligendum, restitutio nre damni secuti subjectus es; quando tamen suffragium tuum necessarium sit ad sententiam ferendam, ad indigni electionem &c. Si

&c. Si enim absque tuo suffragio sententia, electio &c. conclusa jam erat, tunc suffragium tuum non influit in effectum: ideo liber es a restitutione, sed non a peccato. Si tamen prior suffragium dares, licet prævideres ceteros omnes suffragium datus, tunc obnoxius es restitutio, quia revera suffragium tuum in malum influit. Quare in praxi vix quispiam liber est qui injusæ sententiæ subscriptibit, qui suffragium indigno prebet, a restitutione, quia raro scire potest ceterorum suffragia sive antecedentia, sive posteriora. Quare quisque sibi caueat ab hoc periculo.

XV. *Palpo eos indicat*, qui laudibus, præconis, & plausu, aut conviciis & irrisiōibus aliquem ad malum patrandum irritant, impelluntque. Exprobras marito, quod toleret uxoris adulterium, quod patiatur injuriam sibi irrogatam: ille tuis irrisiōibus percitus occidit uxorem, conviciatorem, offendorem. Tu causa efficax es mali patrati. Ergo restitutioni obnoxius. Nec est quod reponas, te hoc malo animo non peregrisse, nec vindictam, aut homicidium intendisse: quia sat est exteriorem sermonem tuum induisse ad malum committendum. Num ignorantia, inadvertentia, aliaeque circumstantiæ excusare interdum queant, prudenterum iudicio relinquo.

XVI. *Recursus* significat acceptatores furum atque malefactorum, quibus refugium præbent, & securitatem, atque commoditatem ad malum patrandum, qui omnes restitutioni obnoxii sunt. Qui post patrata mala recipiunt malefactores misericordiæ titulo, ut eos ad fugam arripiendam adjuvent, liberi a restitutionis onere sunt.

XVII. *Participans* est qui aliquid præpercipit, aut aliquid auxilii confert ad malum patrandum. Quare participans dicitur aut injusæ actionis, aut rei acceptæ. Injusæ actionis participantes dicuntur omnes qui ad malum concurrunt; ut fabriferrarii claves falsas fabricando, exploratores vigilantes ut latrones secure furentur, qui scalas movent ad domos ingrediendas, qui res furto sublatas custodiunt, occultant, vendunt latronum nomine, aut ipsi emunt. Hi omnes ad restitutionem tenentur.

XVIII. QUEST. VII. *Quid de iis qui negative cooperantur ad alterius malum, ut sunt mutus, non obscurus, non manifestans?* RESP. Ipsi tres indirecte cooperantur ad alterius malum patrandum, nempe non clamando, non impediendo, non manifestando, cum

possint, & ex justitia teneantur. Ipsi ad restitutionem tenentur. Ex iustitia autem teneantur qui vel officio, vel contractu ad id destinati sunt. Restitutioni igitur devincti sunt gubernatores, ministri publici, medici, chirurgi, tutores, curatores, custodes, qui non impedit malum, quod ex eorum officiis impedit debent; naucleri, qui navis submersionem non impedit; patres-familias qui filiorum dissolutionibus non obstant: belli duces qui milites ab injustis prædis non retrahunt; Principes qui homicidia, latrocinia, monopolia, quoad possunt, non impedit.

XIX. Qui solo titulo caritatis astricci sunt, etiamsi malo animo taceant, ad nihil tenentur. Quia debitum restitutionis supponit iustitiae lationem: isti ex iustitia non sunt obligati. Ergo nullum est restitutionis debitum. Salmantenses defendunt cum aliis, istos non teneri ad restitutionem, etiamsi acciperent a fure pecuniam pro silentio servando. Siquidem, inquit, si possunt tacere sine pecunia, quidni & pretio accepto? Næ isthæc egregia ratio? Qui pretium accipit, ut taceat, influit in furtum, & sedus iniquum cum fure init: ergo ad restitutionem tenetur.

XX. Servi qui vident extraneos bona domini surripientes, ad restitutionem tenentur, si taceant, si pro viribus non obstant. Quoniam ratione famulatus ex iustitia custodire & defendere ab extraneis invaditoribus bona dominorum debent. Famuli quoque qui vident a domesticis furibus surripi bona propriæ custodiæ concredita, si taceant, si non obstant, si non manifestent. Si autem videant furari res communes, peccant contra caritatem, si taceant; sed a restitutionis onere liberi sunt: cum ex iustitia præfatas res communes custodire contræ fures domesticos non teneantur. Spectandæ tamen sunt circumstantiæ, consuetudines, & pacta.

XXI. Custodes agrorum, vinearum, pratorum, silvarum constituti pacto pretio a domino, ut vigilent, custodianque præfata bona a quocumque invasore, resarcire damnata tenentur, si taceant, si non resistant pro viribus. Idem dicendum de custodibus a Principe constitutis, ne merces extrahi, aut importari sinant, gabellis non solutis.

XXII. QUEST. VIII. *Quem servare ordinem debent in restitutione cooperantes actioni injusæ?* RESP. Quando plures ad furandum concurrunt, illi primi omnium restituere ten-

nentur in quorum manibus bona extant, aut eorumdem pretium. Restitutione ab ipsis facta, ceteri liberi sunt. Quando bona non extant, quia nihil surreptum est, sed malum dumtaxat irrogatum, resarcendum primo est ab illis qui principales fuerunt, ab aliis vero in istorum defectu. Illi dicuntur causa principalis qui dirigunt, qui incitant, animantque alios ad damnum inferendum. Qui vero minis, dolis, fraudibus alios inducunt ad patrandum malum, principales debent restituere. Post causam tamen principalem tenentur ipsi executores furti & damni resarcire. Ipsi tamen haberent actionem adversus causam principem, que semper tenetur compensare executores, si ipsis restituerent. Quando plures causae secundariae, aut principales æque concurrunt, tenentur singulæ secundum commodum quod reportarunt. Quod si una restituere negligat, tum singulæ tenentur in solidum, & ceteri semper compensare tenentur illum qui totum restitutionis onus subiit. Causis principaliibus, & executoribus deficientibus, & renumeribus restituere, succedunt in restitutio- nis debito causæ negativæ; quæ in solidum restituere debent, plus minusve juxta majus aut minus debitum impediendi, semper habito respectu ad causam quæ arctius impedi- re tenetur.

XXIII. QUÆST. IX. *Quomodo cause re- censitæ omnes tenentur restituere in solidum?* RESP. Sermo est de pluribus causis exequentiibus idem furtum, damnumve, non de pluribus participantibus de eadem re furto sublata. Certum quippe est te invitatum ad cœnam factam ex rebus furto ablatis teneri dumtaxat ad restitutio- nem partis solius quam comedisti. Similiter quando plures ingrediuntur ad vineam devastandam, nulla habita invicem con spiratione, sed alius alterius ignorans consilium, & quisque damnum ex se inducit, tum quisque tenetur compensare damnum a se illatum, cum nullum influxum in damnum ab aliis illatum contulerit. Hæc extra disputationem sunt.

XXIV. Quando plures in idem malam patrandum concurrunt, si unus sit principalis motor, is primum in solidum restituere debet. Sic Principes, & ejus consiliarii resarcire damna belli: duces, tribuni damna militum tenentur: quia hi sunt principales motores. Milites inferiores in defectu principalium, ea compensare damna debent quæ ipsi immediate exequuntur; quando ad idem damnum individuum concurrunt, puta ad

eamdem navim, aut domum incendiam, ad eundem hominem necandum, ad eumdem indignum eligendum, omnes & singuli in solidum resarcire damnum quod communis con spiratione induxerunt, tenentur, ut docet communis & probabilior sententia: quoniam licet physice singuli partem damni exequantur, moraliter tamen singuli in to- tum damnum influunt. Ratione enim mutui consilii, & reciprocæ con spirationis omnes constant unam causam moralem totius da- mini. Ergo singuli tenentur in solidum.

XXV. QUÆST. X. *Utrum ex flagitiosa pro- missione oriatur obligatio exequendi rem promis- sam?* RESP. Sempronius, ut virginem ad stu- prum, uxorem ad adulterium, sciarum ad homicidium induceret, mercedem certam pro- misit. Ante executionem promissum nullam inducere obligationem, & esse rescindendum fatentur omnes. Disputatur num promisso impleto solvendum sit pretium promissum? Adfirmant Salmantenses tract. 13. cap. 1. punct. 6. n. 154. & hanc esse communem Do-ctorum sententiam asserunt.

XXVI. Oppositam opinionem defendunt Adrianus, Joannes Medina, Navarrus, Vi- gers, Paulus Comitolus, Henricus a S. Ignazio, Continuator Tournely. Quandoquidem jura tum sacra, tum civilia decernunt, stipula- tiones, pacta, promissa ob turpem cau- sam inita nullam habere vim, & pro infe- ctiis habenda. Gregorius IX. in cap. Paetio- nes hæc statuit. *Juxta legitimas sanctiones pa- etum turpe, vel rei turpis, aut impossibilis, de jure, vel de facto nullam obligationem in- ducit.* Jura Civilia in L. Generaliter 26. ff. de verb. oblig. tit. 1. hæc decernunt. Gene- raliter novimus turpes stipulationes nullius effe- momenti. Rursus L. Mercedem cod. de condit. hæc adjiciuntur. Ob turpem causam ex stipula- tionis contra bonos mores interposita, denegandas esse actions, juris autoritate demonstratur. Tandem L. Paetia que, Cod. de paetis. Paetia que contra leges, constitutionesque, vel contra bonos mores sunt, nullam vim habere in- dubitati juris est. Plura alia utriusque juris prætero.

XXVII. Recensita jura, cum absoluta sint, æque ante, ac post patratum scelus urgent: & rationibus evincitur. Nam si post patratum malum solvendum pretium est, vim habet stipulatio. At nullam habere vim le- ges declarant. Quid quod Doctores ipsi com- munis sententiaz defensores docent, rescin- dendas esse ejusmodi stipulationes? Ergo ipso- rum confessione nullius momenti sunt. Præ- terea

terea si stipulatio hæc post factum vim habet, ut contendunt Doctores isti, eam profecto non habet ex novo pacto, seu conventione inter contrahentes, sed ex pacto, quod factum præcessit. Alterutrum ergo fateantur necessum est Doctores isti, aut stipulationem hanc validam esse & ante, & post factum, aut nullam esse & ante, & post factum.

XXVIII. Tandem numquid obligatio semel omnino extincta revivisicit? Negant omnes. Ergo longe minus obligatio quæ nulla fuit ante factum, & ab omni jure naturali, divino, & humano nulla habetur, reviviscere potest. Deus, & leges omnes severius puniunt pravitatem commissi sceleris quam committendi. Ergo si propter turpitudinem rei nondum factæ vim obligacionis a stipulatione auferunt, multo magis auferre eam debent ob rei factæ iniquitatem. Rursus obligationes quæ ad malum impellunt, foventque crimina, tolerari haud debent. Sed si stipulations, & pacta solvenda mercedis pro scelere patrando servanda forent, peccandi licentia liberius grassaretur, & aditus ad infinita sclera pateficeret. Denique vota, & juramenta de peccato patrando ex communi sententia nulla sunt: ergo longe magis nulla promissiones humanæ, quæ sane minus stringunt quam vota & juramenta Deo facta.

XXIX. OBJICIUNT citati Doctores. Distinguenda in flagitio duo sunt: unum, actionis pravitas, Deique offendio; alterum voluptas, delectatio, entitas actionis, molestia, periculum cui flagitiosus exponitur. Primum venale esse nequit. Secundum natura sua, & per se vendibile est. RESP. Hac distinctione posita, vendibilis anima, Angeli, Sacraenta, quatenus entia sunt. Praefata flagitia sub contractu non cadunt, quatenus entia sunt precisionis metaphysicæ, sed ut suis conditionibus involuta. Voluptates quæ insunt flagitiis, improbae sunt. Ergo si flagitia ipsa venalia non sunt, neque voluptates quæ comitantur flagitia, vendiqueant. Ergo falsa censenda est citata Doctorum sententia.

XXX. QUEST. xi. Quid de questu meretricio dicendum? RESP. Quæstum meretricium fetineri posse, & solvi debere communiter fatentur omnes. Ergo falsa est haec tenus defensa sententia, & vera adversariorum opinio. Respondeo, meretricem posse repetere, & retinere pretium scortationis suæ, non ob aliquam stipulationem, non ob con-

sensum in fornicationem, non ob voluptatem, non propter periculum aliquod, molestiamve, non denique quod sui corporis copiam locare queat; sed quia leges, quæ ob majora vitanda mala meretricium permittunt, hac muleta plectunt scortatores, ut mercedem solvant scorto in pœnam patrati sceleris. Addo leges istas pertinentes esse. Num ante divinum tribunal justæ semper sint, nobis non constat. Illud certum est, posse Principes minora permittere mala, ut majora declinent. At heinc non sequitur subditos posse eisdem legibus uti. Quare meretrices omnes sincero corde compunctas adigerem ego, ut meretrici quæstum in pauperes distribuerent, illisque ut pauperibus pro sustentatione aliquid plus & minus pro circumstantiarum diversitate cederem.

XXXI. QUEST. xii. Utrum virgines, matrone, & honeste feminine pretium accipientes pro vendita pudicitia, restituere illud teneantur? RESP. P. Leonardus Lessius hæc lib. 2. de just. c. 14. dub. 8. n. 52. scribit. „Etsi opus malum, pro quo dedit, non sit æstimabile pretio, qua malum; tamen qua delectabile, vel utile uni, & alteri detritum, periculose, laboriosum, inter homines pretio æstimatur. Ergo quod hac ratione pro eo est acceptum, non est restituendum, nisi forte quis existimatorem excesserit; ut si meretrix, quæ usuram sui concedere solet uno aureo, ab aliquo juvene extorserit 50. tamquam premium. Hoe tamen locum non habet in ea quæ putatur honesta; ut si matrona aliqua, vel FILIA 100. aureos pro usura corporis accipiat ab eo qui dare poterat, RETINERE potest. Nam tanti, & pluris potest SUAM PUDICITIAM ÆSTIMARE. Res enim quæ certum pretium non habent, nec ad vitam sunt necessaria, sed voluptatis causa queruntur, arbitrio vendoris possunt æstimari, ut PROBABILITER docet Petrus Navarra, & alii. Haec tenus ille: quam profecto doctrinam, sicut & alias huiusmodi, non commendavit S. Franciscus Salesius, licet commendarit opera ejusdem auctoris, sane laudanda ob multa recte tradita documenta. Posse ejusmodi mulieres, vel puellas, justitia tantum inspecta, retinere donum sponte datum ab eo qui facultatem habet donandi, absolute non inficior. De his tamen muneribus idem faciendum inculco quod de pretio simoniæ accepto tradit S. Thomas 2. 2. qu. 100. art. 6. ad 3. vide-

vitelicet non ipsi correco restituenda, sed vel in Dei cultum, vel pauperibus eroganda: tum ut peccandi ansa mulieribus in avaritiam pronis tollatur, tum ut destruatur monumentum præterite impudicitæ, tum ut per quæ peccat quis, per ea & torqueatur, juxta Spiritus Sancti effatum. Huic tam æquæ sententiae repugnare non potest nisi forte qui non pœnitentiam agit, sed fingit.

XXXII. QUEST. XIII. Scorta sive publica, sive occulta tenentur ne restituere pretium ob turpem concubitum acceptum a Religioso? RESP. Similes questiunculas non excitarem, nisi agitatas ab aliis invenirem. Pellizarius in Manual. Reg. tr. 4. cap. 2. sect. 4. q. 3. Mafchardus tom. 2. lib. 5. par. 2. tr. 1. docum. 2. Lugo disp. 3. sect. 3. Joannes a Cruce lib. 1. c. 3. dub. 10. & alii opinionem negantem defendant. Quando, inquit, Religiosus obtinet facultatem a Superiori disponendi de bonis sibi ad usum concessis, dum in turpes res ea distrahit, licet in modo alienandi contra Superioris voluntatem agat, ipsa tamen alienatio valida est. Et in hanc alienationem absolute spectatam Superior consentit. Hæc non tam refellenda argumentis, quam lugenda amaris lacrymis sunt. Nulli Superioris licentiam concedere queunt pendendi premium pro casu turpi. Invalida ergo est alienatio. Ergo restitutio necessaria.

XXXIII. QUEST. XIV. An recipiens pretium pro injusta sententia ferenda, restituere illud debeat? RESP. Leges positivæ detestantur, & prohibent omnes donationes facientes judicibus ob injustas sententias, advocatis ob injustam defensionem clientum, testibus ob falsum testimonium. Salmanticenses tr. 13. c. 1. punt. 7. 169. docent, ejusmodi donationes spectato jure naturali validas esse. Verum hæc opinio falsa mihi est, & rejicienda.

XXXIV. Disputatur, utrum vi legis positivæ prohibentis ejusmodi donationes, restituui debeant? Duplex reperitur sententia, & utraque probabilis reputatur a Salmanticensibus. Prior negat restitutionis debitum, quod indicatae leges obligant tantum in foro exteriori, inquit ejusmodi auctores, fecis in foro interiori. Hanc opinionem rejecio ut falsam, & improbabilem. Siquidem præfatae leges jure naturæ nixæ in utroque foro obligant. Audiatur de hoc arguento S. Augustinus, qui epist. 54. ad Macedonium ita scribit: Sed non ideo debet vendere iustum judicium, aut testis verum testimonium, quia vendit advocationis iustum patro-

cium, & juris peritus verum consilium. Illi enim inter utramque partem ad examina adhibentur; & isti ex una parte constunt. Cum autem judicia, & testimonia, quæ nec justa, nec vera vendenda, iniqua & falsa venduntur, multo sceleratus utique pecunia sumitur: quia scelerate etiam, quamvis a voluntibus, datur. Qui vero pro iniquo iudicio dedit, vellet quidem repetere, nisi timeret, vel puderet emisse . . . Verumtamen si iustitia sincerius consulatur, iustius dicitur advocate: Redde quod accepisti, quando contra veritatem steti, iniqüitati affusi, judicem secessisti, iustum causam oppresisti, de falso te vicisti.

XXXV. Hoc testimonium sibi objicit P. Leonardus Lessius Lib. 2. de iust. c. 14. dub. 8. n. 55. his verbis. ,,, Dices: Divus Augustinus epistola quinquagesima quarta ad Macedonium ait, sceleratus accipi pecunia pro sententia injusta quam pro iusta, pro testimonio falso quam pro testimonio vero. At qui pecunia accepta pro sententia iusta est restituenda. Ergo & pro sententia iusta. Ita Sotus. ,,, Subdit vero:

,, Resp. negando consequentiam. Non enim quia aliquid est sceleratus ideo magis vel æque obligat ad restitutionem. Hæc enim obligatio non sequitur magistrinam sceleris, sed damnum per injuriam datum. At qui accipit pro sententia injusta, nullam infert injuriam danti, sic ut is qui pro iusta. Porro illud est sceleratus quam hoc: tum quia pejus est ferre sententiam injustam (ad quam ferendam jam habet animum qui pecuniam accipit) propter injuriam quæ fit alteri parti, quam accipere pecuniam pro sententia iusta ferenda: tum quia (ut ibidem Augustinus ait) sceleratus datur pro injusta quam pro iusta, quamvis detur voluntarie, & libenter. Loquitur enim de sententia ferenda. Adde, ibidem Augustinum significare pecuniam istam, et si sceleratus acceptam, non esse opere impleto restituendam, dum dicit datam a voluntibus. Volenti enim non fit injuria. Secus si data sit pro sententia iusta, quæ censetur data coacte metu sententiae iustæ. ,,,

XXXVI. Si in explicando aliquo fidei articulo hac libertate, & vanissimo distinctiōnum involucro quis SS. Patrum sententias implicaret & eluderet, actum de fidei articulis esset: & quia in morum mandatis explicandis re ipsa Patrum sententiaz varils cavillationibus adulterantur, ideo deplorabili

bili modo relaxata, & obscurata a non paucis Casuistis est Theologia christiana. Doctrina S. Augustini inconcussa est. Quare Vasquez, & Lugo *disp. 18. sect. 5. num. 57.* fatentur S. Augustinum a nobis stare, nec tamen ipsi verentur defendere opinionem ab Augustino improbatam. Ratio nostræ sententiae evidens est. *Judex vi sui officii tenet sententiam ferre.* Ergo recipere pretium nequit. Pro sententia justa, inquit aliquis, concedo. Pro injusta nego. Quoniam sententiam justam vi officii ferre cogitur: ideo pro ferenda justa sententia recipere pretium nequit, & si recipit, restituere astringitur. At injustam sententiam dicere non est obligatus, ideo pro injusta sententia ferenda recipere & retinere pretium valet. *Vin' lepidiora?* Dum ejusmodi paradoxa, quæ sensum communem feriunt, deridenda propinamus, redarguant nos nonnulli. At illos exoramus, ut evincant hæc non esse paradoxa digna severa confutatione. Sed prodeat in medium M. Tullius, qui *lib. 2. offic. c. 16.* hæc adversus improbatam opinionem scribit. *Caput autem est in omni procuratione negotii, & muneris duplicitis ut avaritia pellatur etiam minima suspicio.* Utinam, inquit C. Pontius Samnis, ad illa tempora fortuna me servasset, & tunc essem natus, quando Romani dona accipere cœpissent: non essem passus diutius eos imperare. Næ illi quidem secula expectanda fuerunt. Modo enim hoc malum in hac Rempublicam invasit. Itaque facile patior tunc potius Pontium fuisse . . . Nullum igitur vitium tetius . . . quam avaritia, præsertim in Principibus, & Rempublicam gubernantibus. Habere enim quæstui Rempublicam non modo turpe est, sed sceleratum etiam & nefarium.

XXXVII. QUÆST. XV. Quando id quod restituitur, ad manus creditoris non pervenit, astringitur ne debitor denuo restituere? **RESP.** Plura impediunt immediatam restitutionem, quæ propterea fieri debet aut medio Confessario, aut alia persona. Si persona media designetur a creditore, vel facultatem concedat debitori eam diligendi; isque bona fide eligat personam existimatam dignam, certum est rem perire creditori, & debitorem immunem esse a nova restitutione. Idem dicendum, quando persona designatur a judeice. Disputatur dumtaxat quando debitor ex se hanc personam eligit. Plures defendant furem non esse novæ restitutioni obnoxium postquam homini fideli proboque rem restituendam consignavit, etiamli pereat.

XXXVIII. Opposita sententia mihi est probabilior. Siquidem natura, & essentia restitutionis est constituere æqualitatem læsam injusta acceptione; creditor semper est invitûs usque dum rem suam non obtinet, aut de ipsa disponit, & redintegratur æqualitas. Hæc autem æqualitas non redintegratur, nisi res ablata redeat in creditoris manum. Fur in causa est finistri evenitus. Ille rem alienam auferendo his periculis libere sese exponit.

XXXIX. Si possessor bonæ fidei rem inventam mittat per virum probum ad dominum suum, si pereat, non est novæ restitutioni obnoxius. Quoniam non tenetur neque ex injusta acceptione, neque ex re accepta. Si vero res debeatur ex contractu mutui, depositi, pignoris &c. distinguunt auctores. Si res restituenda sit eadem in specie, ut hæc vestis, hic equus, quem commodato accepisti, mittatur per virum probum; res perit creditori, quia illius erat, atque adeo domino perit. Contra si res non sit eadem in specie, sed in genere, ut pecunia, triticum, vinum, quæ mutuo accepisti, tibi, non creditori pereunt, quia res istæ tuæ erant. Hæc communia sunt.

XL. QUÆST. XVI. *Quo in loco, & cujus expensis fieri restitutio debet?* **RESP.** Possessor bonæ fidei in loco restituere debet, ubi res extat. Si dominus fuerit absens, admonendus, & ejusdem expensis res deferri ad illum debet. Si vero hic bonæ fidei possessor rem alio transstulerit, tum propriis expensis rem mittere ad dominum debet. Contra malefici possessor proptio incommmodo rem restituere tenetur eo in loco ubi res extaret, si ablata non fuisset. Restitutio ex contractu debita, ubi celebratus contractus est, fieri debet, nisi aliter a contrahentibus statutum sit. Mutuum expensis mutuatarii, cum in ejusdem commodum cedat, restitendum est. Contra depositum cum in deponentis utilitatem cedat, istius expensis repetendum est.

C A P U T III.

De illis quibus fieri restitutio debet; & de ordine in restituzione servando.

I. QUÆST. I. *Cuinam restitui res debet accepta a possesso bonæ fidei?* **RESP.** Domino restituenda res est, quia hæc semper clamat ad dominum suum. Si is cui facienda restitutio est, mortuus sit, hereditibus

bus vel ex testamento , vel ab intestato bona restituui debent . Si bona accepisti a Religiosis , Monasterio , si a filio-familias , parentibus , si ab uxore , marito restituenda sunt , nisi de consensu dominorum constaret in ejusmodi alienationes .

II. Si res restituenda perniciofa domino fit , illam restituere eidem non debes tempore quo eidem noxia est . Quare deposita arma apud te reddere non debes furioso , aut alteri eisdem male usuro . Similiter ex caritate non debes restituere pecuniam , quam dilapidandam in scorta , aut alia flagitia prævides a domino .

III. QUEST. II. Cuinam facienda est restitutio quando dominus est ignotus ? RESP. De rerum inventarum restitutione dictum supra est . Nunc de rebus furto ablatis , aut alio titulo , quæ apud possessorem reperiuntur , sermo est . Primo omnis adhibenda diligentia est ut dominus reperiatur . Si dubitetur , an res restituenda Petri sit , an Joannis , pro rata dubii dividenda restitutio est . Si denique nullo modo reperiri dominus potest , distribuenda bona sunt in pauperes . Similiter bona per simoniam acquisita in pia opera eroganda esse docet probabilior sententia . Bona feneratitia , seu usuris collecta , si illi a quibus fenera extorta sunt , innotescunt , iisdem restitui debent . Si ignorantur , pauperibus conferri debent . Quando emptores alicujus communitatis læsi fuerunt venditionibus injustis , tunc compensari ejusdem loci emptores debent venditionibus viliori præcio , quando emptores læsi ignorantur . In his casibus consulendus est Parochus , aut Episcopus .

IV. Disputant auctores , num solutio facta non tuo creditori , sed alteri , cui creditor tuus tantumdem debet , valida sit ? Adfirmant Lessius , Castropalaus , Laym . Bonac . qui citant Molinam , Valentiam , & alios . Hæc opinio falsa mihi est . Quoniam Petrus creditor tuus jus habet exigendi a te creditum suum . Paulus vero Petri creditor nullo potitur jure quidquam a te repetendi . Quia ergo ratione pervertere hæc jura vales ? Quis te constituit Petri curatorem , ut ejusdem debita solvas ? Numquid surripere bona a Petro vales , ut ejusdem debita solvas ? Cur ergo centum quæ tu illi debes , quæque illius sunt , solvere ejusdem creditori poteris ?

V. QUEST. III. Qui ordo servandus in restituzione est ? RESP. Quando debitor solvendo non est omnibus creditoribus , ex his alias

aliis præferendos leges statuant . Alii enim sunt creditores qui jure naturæ præferri ceteris debent . Alios præferendos leges positive decernunt . Leges istæ obligant in conscientia , quidquid in oppositum dicant Diana , Michadus , Serra , & alii ; quorum opinionem immerito probabilem , seu non improbabilem reputant Salmantenses .

VI. Creditores quorum bona in specie extant apud debitores , & quorum dominium translatum non est , ut sunt pignora , commodata , deposita , omnibus creditoribus preferri jure naturæ debent , ut omnes factentur . Debita certa , licet in propria specie non extent , præferenda esse debitibus incertis , tenet communior opinio . Quid tuus sit vix percipio . Quare spectandæ circumstantiae sunt , & prudentum judicio causus qui in praxi raro occurrit , resolvendus .

VII. QUEST. IV. An creditoribus privilegiatis præferri venditor debeat , dum res in specie extat apud emptorem ? RESP. Excipiuntur communiter bona Ecclesiæ , minorum , & fisci , quorum dominium non transfertur in emptorem usque dum pretium solutum repila non sit . Disputatur solum de aliis creditoribus , qui credito merces vendunt emptoribus , num scilicet isti , quando eorum merces in specie extant apud emptores , pretio non soluto , præferri aliis creditoribus debeant . Adfirmat communior opinio , quæ fori etiam exterioris usui conformior videtur : idque æquitati naturali videtur magis consentaneum , ut cum res venditoris extat in propria specie , non applicetur extremitas , domino aut venditore invito .

VIII. QUEST. V. Qualis ordo servandus est inter debita aut ex contractu oneroso , & gratuito , aut ex contractu , & ex delicto ? RESP. Debta ex contractu oneroso , nimirum ex venditione , permutatione , locazione &c. præferri omnino debent debitibus ex liberali promissione etiam acceptata ex legato , & testamento &c. Idque verum habet , etiamsi debitum contractum sit ob promissionem dotis solvendæ filia , legati donandi Ecclesiæ , pauperibus &c. Quoniam Deus sacrificia ex rapinis facta non acceptat .

IX. Dissidium est , num debita ex delicto præferri debeant debitibus ex contractu oneroso ? Prima opinio defendit præferenda esse debita ex delicto , quando cetera debita non sint hypotheca firmata , aut non extet res in specie . Altera opinio oppositum defendit , nempe prius esse solvenda debita ex contractu oneroso . Tertia senten-

37
tia contendit , nullum esse servandum ordinem , sed omnibus pro rata solvendum . Salmantenses ajunt , omnes tres istas sententias esse probabiles . Et tamen sola una vera est . Quod mihi in re satis obscura & implexa videtur probabilius , est quod debita prius contracta prius solvi debeant , sive sint ex delicto , sive ex contractu . Ratio est , quia dum debitor priora debita contraxit , erat , ut supponitur , solvendo : & creditor jus certum acquisivit . Porro hoc jus legitimum , & certum laedi nequit per debita posteriora : quia dum debitor contrahit haec posteriora debita , non habet unde solvat , cum ejus bona obligata jam sint priori creditori .

X. Q U E S T . VI. Quomodo creditores hypothecarii preferendi aliis sint ? RESP. Hypotheca jus praebet in bona qua eidem subjiciuntur . Quare creditores quibus bona debitoris designata sunt sub hypotheca sive expressa & speciali , sive tacita & generali , preferri aliis omnibus creditoribus personalibus etiam privilegiatis debent , ut omnes docent : quia isti non in personam modo , verum etiam in bona hypothecata jus habent . Inter creditores vero hypothecarios qui prior est tempore , potior est jure .

XI. Qui pecunias conferunt expendendas in domus aedificio , in colendo agro , in redimendo , aut emendo stabili , qua bona hypotheca gravantur in securitatem creditorum , qui expresse postulant haec bona sibi obligari , preferendi sunt creditoribus anterioribus habentibus hypothecam tantum generalera . Verum ad hoc quod attinet , variæ sunt consuetudines tribunalium , juxta quas debita solvenda sunt .

XII. Inter creditores simplices seu personales , qui actionem tantum habent in personam , praferuntur illi qui funerum causa pecunias dant . Funerum nomine veniunt etiam expensæ in infirmitate curanda . Sponsa tradens dotem ante matrimonium , matrimonio non fecuto , contrahit creditum privilegium preferendum aliis creditoribus personalibus , qui non habent vel expressam , vel tacitam hypothecam . Qui deponit pecunias apud publicum depositarium , vel nummularium , usura non percepta , praferuntur omnibus creditoribus personalibus ejusdem publici depositarii ; secus autem si usuram perciperet , quia tunc non deponens , sed mutuans est .

XIII. Q U E S T . VII. Qualis ordo servandus est inter creditores simplices , non privile-

giatos ? RESP. Prælatio inter istos ad juris naturæ regulas revocanda est , cum nihil de iisdem leges statuant . Una sententia defendit , nullam admittendam inter ejusmodi debitores prælationem , sed partienda esse bona , & pro rata temporis distribuenda . Altera sententia contendit , illos creditores præferendos esse qui tempore priores sunt . Et ratio supra assignata satis urgens videntur : & ideo haec sententia probabilior est , sive creditores pauperes sint , sive divites . Plura sunt jura quæ favent primis petitoribus . Quare quisque propriæ Patriæ leges spectare debet .

XVI. Q U E S T . VIII. Potestne debitor admonere secreto amicum creditorem , ut prior petat , eique integrum debitum solvere cum aliorum creditorum detrimento ? RESP. Non defunt qui id adfirmant , præsertim P. La Croix , qui lib . 3. p. 2. n. 405. haec scribit . Secundum sententiam probabilem , quod prior petens preferendus sit , poterit debitor admonere creditorem sibi amicum , quod ipse prius petenti possit prius solvere , & sic procul dubio alter movebitur ut petat . Fraudibus , & dolis viam parat sententia haec , quæ se ipsa falsitatem prodit . Quam haec & alia similia paradoxâ a christiana æquitate , & simplicitate abhorreant , nemo non videt .

C A P U T IV.

Quænam sint cause ob quas omitti , aut differri restitutio possit .

I. I Mpotentia , quæ excusat a restitutio-
ne , duplex est . Altera physica , de
qua nemo dubitat ; altera moralis , quæ
gravissimam , aut gravem peculiarem diffi-
culturam affert . In antecessum tamen ad-
vertas velim , cuiilibet restitutioni insitam
difficultatem esse ob hominum cupiditatem
& avaritiam . Haec autem difficultas nullo
modo excusat a restitutione facienda . No-
mine ergo difficultatis , quæ moralem im-
potentiam constituit , intelligitur aut extre-
ma egestas , aut notabile graveque malum ,
vel scandalum , aut peccandi periculum ob
restitutionem subeundum .

II. Heinc inferas , primum debitorem dif-
ferre posse restitucionem , quando imminet
periculum gravis damni , puta si creditor
abusurus re sua esset in damnum boni com-
munis , vel proximi . Secundo si debitor ipse
grave damnum subiret statim restituendo ,
creditor vero parum aut nihil incommodi
pateat .

pateretur. Restitutio enim ordinata est ad servandam aequalitatem inter partes. Non esset autem aequalitas, quando debitor cum tanto dispendio restituere creditori deberet, si hic vix incommodum sentit propter dilatationem. Et hoc in casu irrationabiliter invitus homo esset. Tertio non urget restitutioonis praeceptum, quando ex ejusdem executione imminaret periculum spirituale; ut si ob restitutionem prostituenda esset pudicitia filiarum, si filios re ipsa alere non posses. Artifex non tenetur vendere instrumenta artis sua, quibus laborando ad vitum necessaria acquirit; debet tamen artem exercere, ut debita solvat. In pari causa, excepta extrema necessitate, alicuius damni, creditor praeferrri debet sicut innocens reo. Dilatio restitutioonis licita non est ad comparandum lucrum, potissimum si creditor damnum patiatur.

III. Quare maxima cautione opus est cum debitoribus, quoniam homines proni sunt ad retinendum aliena. Debtores, ut alias dixi, communiter sunt divites, aut nobiles, qui praetextu status sustinendi differunt solutionem debitorum, & mercenariorum, & mercatorum sanguine & sudoribus splendorum pomparum & fastus fovere contendunt. Quare iterum atque iterum monendi Confessarii sunt ut istos a Sacramentis omnino arceant usque dum solverint debita sua. Sunt enim isti cuiuscumque justitiae proculatores inhumani & truces, tum quod differant solutionem mercedum & debitorum, tum quod crudeliter cogant pauperes debtores, quemadmodum creditor ille evangelicus, ut sibi usque ad ultimum quadram solvant.

C A P U T V.

De restitutione propter homicidium, vel mutilationem, vel stuprum, vel adulterium.

I. Hactenus de restitutione in communali agendum est: & primum omnium de restitutione ob homicidium voluntarium, in quo duo spectari damna queunt. Primum vitæ, aut membrorum ablato; alterum quod vitæ privationem, aut membrorum mutilationem consequitur. Qui alteri vitam voluntarie (nec enim nunc sermo est de mutilatione, aut homicidio quod consequitur ad necessariam defensionem) eripit, lædit justitiam commutantem. Vita autem

Tom. II.

semel crepta, aut membrum recisum restitui nequit. Quid itaque agendum, ut lefa justitia reparetur? Si judex occisorem, vel mutilatorem punit, nulla alia satisfactio requiritur: quoniam judex omnia quæ ex justitia reparanda damna sunt, jubet ut reparentur. Disputatur igitur de restituendis ab occisore, aut mutilatore a justo judge non punio.

II. QUEST. I. *Occisor, aut mutilator tenetur ne compensare injuriam personalem fortunæ bonis?* RESP. Duplex sententia est. Una negat aliquid restituendum esse ob injuriam personalem, seu ob solius vitæ, aut membra mutilationem. Altera sententia, quæ probabilius est, adfirmat. Quia qui alterum occidit, mutilat, lœdit, violat justitiam commutantem. Ergo reparari hæc justitia debet ea via qua potest. Quamvis autem restituiri vita, membrum recisum nequeat, potest tamen fortunæ bonis aliquomodo compensari. Qui restituere mille debet, & non potest nisi centum, liber ne a restitutione partis erit, quia reddere totum non valet? Ad proxim igitur quod attinet, Confessarii est tradere ut homicida, aut mutilator, præter compensationem tam lucri cessantis, quam damni emergentis faciendam heredibus, aliquid largiatur pro vita, aut membro ablato: sacrificia offerri curet, & elemofynas eroget: atque universam familiam occisi aut mutilati solari, & adjuvare pro virili studeat.

III. QUEST. II. *Quæ damna compensare interfector debet?* RESP. Cuncta damna quæ ex occidente, aut mutilatione consequuntur, resarcienda sunt. Compensanda sunt expensæ curationis, & lucra omnia, quæ occisus, aut mutilatus sua arte, negotiatione, & industria assequi poterat, quando filii sunt, vel sorores, uxori, aliisque conjuncti, qui talia damna patiantur ex occidente, aut mutilatione. Si vero nemo sit qui damnum patiatur, nihil restituendum est. Disputant auctores, quot vitæ anni computandi sint in occiso? Ut rem paucis conficiam, hac omnia prudentum judicio subjicienda sunt. Occisiones inter nobiles nulla solent compensatione resarciri. Si homicida poenam lueret talionis, nulli restitutioni obnoxia forent heredes, quia poena mortis inficta omnia remissa censentur: & ita communis obtinet consuetudo. Si alicubi oppositus rationabilis mos vigeat, servandus est.

IV. Si provocatus ad pugnam occidat provocantem cum inculpatæ tutelæ modera-

in fine, nihil restituere astringitur. Si vero graviter limites moderaminis excessisset, tum pro rata restituere deberet. Si mutuo se provocaverat, nihil restituendum est, quia uterque cessit iuri suo. Si unus alterum provocaverit impropperando ignaviae notam, provocatus occisor non tenetur ad restitucionem, inquit juniores plures: quia respuere sine dedecore duellum non poterat. Hæc ratio pugnare cum Evangelio mihi videatur. Quare mihi falsa est, nisi me fallant omnia, sequens opinio P. Viva, qui Tom. I. p. 3. q. 7. a. 1. n. 2. inquit: „Quamvis alii quando non fugiendo peccet contra caritatem, si scilicet sine dispendio honoris fuisse poterat; at non peccat contra iustitiam. Ergo non tenetur ad restituendum“ nem. Quid? Peccat Christianus contra caritatem quando sine dispendio honoris mundani fugere nequit, non autem contra iustitiam peccat? At hanc doctrinam quis non improbet? Fugam enim arripere tenetur, dum via patet, cum dispendio honoris, qui in opinione insanientis mundi fitus est.

V. QUEST. III. An ex homicidio casualioriatur debitum restitutio? RESP. Titius vulneravit Sempronium vulnera minime letali: negligenta chirurgi, aut medici Sempronius moritur. Titius compensare damna astringitur, que non mortem, sed vulnus consequuntur. Si tamen Sempronius ex accepto vulnere moritur, quia chirurgus non invenitur, Titius vulnerator compensare tenetur damna quæ mortem consequuntur. Ex homicidio per accidens sequuntur nihil restituendum est. Clericus venationem vetitam exercet, omnem diligentiam adhibet, ut homicidium declinet: hoc si sequatur, nihil restituere astringitur. Si contra ex negligenta graviter culpabili homicidium sequeretur, tum restituenda omnia damna essent.

VI. QUEST. IV. Quibus facienda sit restitutio dannorum que ex homicidio sequentur? RESP. Facienda est heredibus, non liberis, sed necessariis. Fratres, consanguinei, licet succedant ab intestato, non sunt heredes necessarii, atque adeo ipsis nulla facienda est restitutio. Uxores, filii, parentes sunt heredes necessarii, quibus facienda restitutio est.

VII. Dissident Moralistæ, num homicida solvere creditoribus occisi debita teneatur? Communior sententia negat: quoniam nulla datur actio creditoribus contra occisorem,

aut mutilatorem in foro exteriori, immo neque in interiori. Circumstantiae tamen spectandæ sunt, & sapientum confilia audienda, dum similia facta occurront, ut in gravissimis delictis id quod justum est, definiatur.

VIII. Si vulneratus dominus absolutus sit, & antequam decebat remittat una cum injuria sibi illata, etiam damna resarcenda, liber occisor est a restitutione. Ceterum licet vulneratus astringatur remittere omnem injuriam sibi illatam, & diligere suum vulneratorem, non tamen obligatus est dimittere damna inde emergentia; immo si uxor, si filii, nepotes, vel parentes graviter indigerent, peccaret contra caritatem, si cum tanto istorum dispendio & detimento expensas, & damna condonaret.

IX. QUEST. V. Quid restituere debet deflorator virginis? RESP. Communiter autores absolvunt defloratorem a restitutione, quando virgo sponte consensit, sitque illa sui juris. Leges civiles statuant ut stuprator vel doceat, vel ducat virginem stupratam, quia semper presumunt blanditiis & fraude seductam. Et sane in praxi vix absolvendus stuprator est vel a ducenda, vel a dotanda virgine. Circumstantiae tamen spectandæ sunt. Si defloratio publica sit, minnis, vel fraude peracta; tum non solum compensanda est corruptæ virginitatis macula, sed etiam infamia nota parentibus illata. Deflorator integrum dotem dare non astringitur, sed dandam a parentibus augere. Si tamen pauper sit deflorata, tum integra dos danda est a stupratore. Si dubium occurrat, num virgo antea fuerit deflorata, tunc pars est eligenda, quia nemo presumitur malus, nisi probetur. Quamobrem etiam in casu dubio compensanda damna sunt. Quin si re ipsa virgo non erat, talis tamen reputabatur, & stuprator eam diffamavit, tum damna compensanda sunt. Si vero ex tali coitu nullam passa infamiam est, nihil restitui debet. Idem quod dictum est de virginie, dicendum de honesta vidua est.

X. Si solis precibus, blanditiis, manusculis virginem pertrahat in consensum, ad nihil teneri communiter autores docent, ut dictum est, quod hæc omnia libertatem non adimant. Si tamen preces essent adeo repetitæ, & blanditiæ adeo assidue ut violentiæ æquivalerent, tum compensanda damna essent. Quicumque sub spe matrimonii virginem defloravit, eam ducere tenetur, quia contractus iste onerosus est utramque

partem astringens, etiamsi promissio facta fuerit. Quamvis enim contractus de re turpi nullus sit; subeunda tamen poena est admissi sceleris.

XI. Hæc absolute vera sunt: ceterum si nostri temporis puellæ sp̄etentur, adeo non raro inverecundæ, expudoratae, effrontes, vaſtræ, & audaces sunt, ut ipsæ juvenes, & viros aggrediantur; ipsæ eosdem circumveniunt, fascinant, & suis blanditiis & præstigijs dementant, ut vel eorum crumenam expilent, vel in matrimonium pertrahant. Quare ad tantam puellarum audaciam comprimentam lex statuenda esset, ut defloratæ in perpetuum ligerent stupratam virginitatem. Illud semper præ oculis habendum, virgines modestas, verecundas, solitudinis amantes, juvenum & virorum congreſsus, & alloquia fugientes a nemine violari. Si igitur ipsæ procaces sunt, & propriæ virginitatis nundinatrices, ut alia dicant, & publico sint exemplo, plectendæ, non dotandæ essent; præfertim si defloratores sint nobilioris & altioris status. Prudentum tamen judicio, & decisioni hæc subiecio, ut id definiatur quod bono publico expediat.

XII. QUEST. VI. Quid ob adulterium quod partus consequitur, restituendum est? RESP. Quando ex certis signis evidenter constat prolem conceptam fuisse ex congressu cum adultero, vel quia maritus absens, vel quia æger, vel quia impotens; tum compensanda sunt damna omnia quæ maritus passus est a tertio ætatis anno in pueru aſſendo: primo enim triennio mater; post, usque ad tempus quo sibi providere filius potest, pater alere filium aſtrigit. Quid si dubium occurrat cuius sit proles? Aliqui eo nixi axiomate, Melior est conditio possidentis, negant debitum reſtitutionis.

XIII. Que mihi probabiliora videntur sunt sequentia. Quando adulter, & adultera mutuo consensu adulterium perpetrarunt, ambo pro rata tenentur puerum alere, & damna compensare marito, vel heredibus legitimis; si unus deficit, alter tenetur in solidum. Contra si adulter provocet adulteram, eamque blanditiis, & munusculis in adulterium pertraxit; tum adulter solus, utpote cauſa princeps, compensationi obnoxius est. Deficiente tamen adultero, tenetur adultera. Quando dubitatur cuiusnam sit proles, tum in favorem matrimonii jucicandum est. Quod si dubium perficit, & rationes aequæ probabiles, aut probabiliore

ſuadeant prolem esse ſpuriam, pro rata duci compensationem faciendam existimarem.

XIV. Quando adultera duos admittit unum post alterum, & ignoratur cujusnam proles sit, quisnam istorum ad compensationem tenetur, si conſtet alterutrius operceptam prolem esse? Lugo, Lopez, Trulencbus, Sanchez, Sotus, & alii ambos liberant: & hanc opinionem defendunt quoque Salmanticenses, & Cardinalis Gotti. Hæc opinio mihi improbabilis est. Quid? Certum est alterutrum esse verum parentem, & ambo liberi erunt? Si uterque adulterium perpetravit, uterque subire poenam debet. Si uterque homicidium intentasset, licet ignoraretur quis illorum re ipsa homicidium perpetrasset, in quo foro uterque liber evaderet? Uterque adulterium perpetravit, uterque actionem procreaticem exercuit. Ergo neuter innocens, licet unus filium genuerit. Ergo uterque pro rata alere filium, & compensare damna aſtrigit. Oppositæ ſententia arguments non urgent. Innocentem volunt illum qui non genuit. At quomodo innocens, si adulterium, si actionem generatricem posuit? Duo ergo ſunt rei. Ergo ambo puniendi: ambo ad damna refarcenda concurrere debent: & uno deficiente alter tenetur in solidum.

XV. QUEST. VII. Adulterio procreatam prolem esse, quid redde filiis legitimis tenetur? RESP. Diana, Henriquez, Sotus, Ledesma, & alii contendunt non teneri adulterum compensare damna quæ filii legitimi ſubeunt in portione hereditatis, aut legatorum, quæ accipit filius ſpurius, quando is adulteræ non ſuafit filii ſpuriū ſuppositionem. Hæc opinio communiter improbatur; docentque utrumque, adulterum, & adulteram, debere omnia damna compensare quæ adveniunt filiis legitimis ratione filii ſpuriū, etiamsi adulter non ſuafit ſuppositionem. Quoniam uterque cauſa fuit cur ſpurius filius reputetur legitimus: ergo uterque damnorum reparationi ſubiectus est. Primum itaque uterque omnem adhibere diligentiam debet, ut legitimæ prolis damna evitentur, dum id abſque famæ diſpendio fieri potest. Si bona paraphernalia uxor habeat, aut alia libera, ea filiis legitimis dare debet. Si vero adulter bonus liberis non potiatur, quid tum? Debet ne adultera ſe prodere, ut filiorum damna eviter? Si adultera ſpem moraliter certam non concipiat, præcavendi damna quæ filiis legitimis imminent ob prolem ex

adulterio procreatam, non tenetur filio spuriu crimen detegere, etiamsi compensare damna nequeat: quoniam imprudenter famam prodigeret, dum prudenter dubitat sui criminis manifestationem profuturam. Nec est quod opposas, infamatem cum sua famæ dispendio debere revocare quæ dixit, etiam cum dubitat suam revocationem profuturam: quandoquidem infamator proximum laesit in fama, & ideo in eodem genere debet cum famæ sua dispendio famam denigratam resarcire. At mater adultera damna filiis intulit non in fama, sed in pecunia. Quare dum in genere pecuniæ compensare nequit, non videtur astringenda ut cum famæ, honorisque sui dispendio ejusmodi damna resarciat.

XVI. Filius matri testanti etiam cum juramento se esse spuriū fidem adhibere non tenetur, ut communis fert opinio: quia dictum unius testis non inducit necessitatem credendi, praesertim dum propriam pandit turpitudinem cum detimento illius qui credit. Accedit quod cum filius communi & sua persuasione reputetur legitimus, jure non potest hereditate privari, nisi certis testibus constet, & evincatur ipsum esse spuriū. Si mulier vilioris conditionis sit, & exiguae famæ, & a filio spurius ingens hereditas capienda sit; tunc revelare crimen suum debet, ut communiter docent omnes: hæc quippe mulier exiguae famæ induci facile potest ad ejusdem iacturam faciendam. Contra mulierem honestam & fama claram liberant communiter auctores a sui criminis manifestatione, etiamsi ingens hereditas capienda a filio esset. Verum ad hoc quod attinet, circumstantiae spectandæ sunt, & omnibus pensatis decernendum quid magis expedit. Certa enim regula assignari vix potest.

DISSERTATIO III.

De contractibus universo, & partite.

C A P U T I.

*Contractus finitio, ejusque cause, &
proprietates.*

I. QUÆST. 1. *Quid sit contractus?* RESP. Communis notio ejusmodi assignatur. Est duplicitis voluntatis dantis, & recipientis deliberata consensio de re

quapiam agenda, vel non agenda, signo aliquo exteriori manifestata. Quatuor igitur sunt quæ in quolibet absoluto perfectoque contractu requiruntur. Primum est istius duplicitis voluntatis declarata consensio. Prior voluntas appellatur offerens, provocans, & lacescens; posterior recipiens, provocata, & lacesita. Venditum voluntas offert, & provocat, voluntas ementis recipiens est, & provocata; tametsi interdum emens offerat, provocetque. Alterum est conjunctio istius duplicitis voluntatis. Tertium obligatio. Quartum actio efficax, qua uterque contrahens suum expletum debitum. Contractus itaque prior est obligatione; & hæc actionem præcedit. Obligatio & actio altera est *civilis*, altera *naturalis*. *Civilis* eget aut tabularum, aut chirographi, vel singraphæ probatione. *Naturalis* mentis, & conscientiæ testimonio contenta est. Duplex itaque in quolibet contractu spectari forma potest. Prima essentialis, quæ semper & ubique apud omnes gentes obtinet. Altera adventitia, seu accidentaria, quæ in jure alicujus populi, vel Principiis constituta est. Ex quatuor recentis prærogativis duæ primæ ad formam contractus pertinent: nam contractus pressæ acceptus est mutua de re aliqua agenda conventionis. Hanc reciprocam voluntatum concordiam obligatio consequitur tamquam formalis effectus.

II. Materia proxima contractus sunt actus humani ad justitiam attinentes. Omnes contractus ad hos quatuor revocantur. *Do ut des: Do ut facias: Facio ut des: Facio ut facias.* Dum executioni ejusmodi contractus demandantur, aliquam speciem seu formam determinatam induant. Et hoc apprime notandum est ad fraudes, & fenera præcavenda.

III. Conradus triginta species contractuum assignat, quam partitionem improbat P. Dominicus Soto, qui contractus nominatos in tres ordines digerit, & ad septem species revocat. Primus ordo est eorum quibus dominium transfertur: secundus eorum quibus ususfructus: tertius eorum, quibus usus. In primo ordine collocat liberalem donationem, cambium, emptionem, venditionem, mutuum: in secundo emphyteum: in tertio commodatum, locationem, conductionem. A speciebus contractuum removet depositum, pignus, fidejussionem.

IV. Primus contractus in Scripturis sanctis probatus est *Matrimonii*. Alii sunt contractus generatim probati, ut colligitur ex Apostolo 1. ad Thessal. c. 4. ubi dicitur:

DISS. III. DE CONTRACTIBUS CAP. I. II.

37

Ne quis supergredietur, neque circumveniat in negotio fratrem suum. Contractus mutui perspicue commendatur Luc. 6. Mutuum date, nibil inde sperantes. Locationis contractus in parabola vineæ locata agricolis homicidis, & flagitiis Luc. 20. & contractus conductionis in altera parabola de conductis operariis declaratur. Contractus emptionis recensetur Gen. 47. ubi Josephus emit Ægypti prædia, & eadem certa pacta mercede locatione ipsi Ægyptiis.

V. QUÆST. II. *Quomodo perficiuntur contractus?* RESP. In quolibet contractu distinguitur duplex perfectio: substantialis una, adventitia altera. Habetur illa, quando ea omnia apponuntur quæ ad speciem contractus necessaria sunt. Sic venditio quantum ad speciem perfecta est, simul ac inter emptorem & venditorem de pretio conventum est. Mercis autem traditione accidentaliter, & quantum ad integratatem contractus perficitur. Quatuor modis perfici contractus solent. *Consensu* signo exteriore declarato. *Verbis*, seu determinata verborum forma. *Scriptura*, quando necessario requiritur. *Rei traditione*, sine qua aliqui contractus non constituantur. Confessione perficiuntur illi contractus qui mutuam contrahentium conventionem significant, ut sunt emptio, venditio, locatio, conductio. *Scriptura*, seu instrumentum, quod post conventionem mutuam contrahentes conficiunt, non ad naturam, sed ad probationem contractus requiritur. Alii contractus determinatam verborum formam postulant, ut in stipulatione sit, in qua uno interrogante: *Spondes mihi mille?* reponit alter, *Spondeo. Dabis mihi librum?* *Dabo.* Quæ verborum forma, licet olim apud Romanos obtainuerit, nunc penitus obsolevit, & sat est ut quibuslibet verbis consensus probetur contrahentium. Scriptura perficitur emphyteusis, aliisque contractus, qui antequam a notario scribantur, vim non habent, sic consuetudine, vel legge obtinente. Possunt quoque contrahentes suum suspendere consensum usque dum scriptura conficiatur. Rei traditione perficiuntur mutuum, donatio, commodatum, depositum, permutatio, pignus. Hi ante traditionem non reputantur perfecti, sed nulla pacta.

VI. Si contrahentes verbis externis contractus celebrent absque interiori animo contrahendi, contractus nullus est: quamquam in foro exteriori deceptor merito adiungatur ad contractum impletum, quia con-

Tom. II.

fensus præsumitur. Immo in foro quoque interiori astringitur deceptor ad conlensem prebendum. Paucis obligationis naturam perstringam.

VII. Obligatio est vinculum quo quis se obstringit ad aliquid præstandum. Apud Ictos alia est *antidotalis* rei honestate nixa, qua quis gratus est suo benefactori; hujus debitum morale est, non iustitiae præceptum. Alia obligatio fundatur in lege præcipiente, & dicitur *debitum legale*, quod oriti vel a caritate, vel a religione, vel a iustitia, vel ab obedientia potest. Sola obligatio ex iustitia profiscens inducit debitum restitutioonis. Obligatio ex iustitia manans alia est naturalis tantum, quæ in foro conscientia obstringit, sed in foro exteriori non dat actionem; alia solum civilis, quando secundum allegata, & probata evincitur quis debitor, qui revera non est, & cogitur ad solvendum; alia est & naturalis & civilis simul, quæ in utroque foro obstringit.

C A P U T II.

De variis contractibus.

I. Q UÆST. I. *Utrum contractus ex metu gravi celebratus sit validus?* RESP. Plures conditiones requiruntur ut metus gravis dicatur. 1. ut malum immunitus grave sit. 2. Ut adsint fundamenta probabilia timendi malum. 3. Ut metum incutiens soleat minas intentatas executioni demandare. 4. Ut vir perterrefactus declinare mala nequeat. Mala mortis, mutilationis, exilii, stupri, amissionis status, bonorum ingentium, juxta omnes, gravia sunt. Timor infamie, excommunicationis iniuste latæ gravis quoque est.

II. Dissident Theologi super valore contractus hujus ex metu gravi celebrati. Prima sententia negat iure naturæ validum esse; altera adfirmat, quam perspicue docet 1. 2. q. 6. a. 6. S. Thomas: quia quæ fiunt ex metu, sunt absolute voluntaria, & involuntaria secundum quid. Metus itaque non tollit libertatem necessariam ad contractum ineundum.

III. Leges positivæ plures contractus ex metu gravi celebratos nullos declarant. Sunt autem matrimonium, sponsalia, professio religiosa, dotis solutio, vel promissio, electio Prælati, tutorum auctoritas, vota Deo facta, traditio rerum ecclesiasticarum, absolutio ab excommunicatione.

C 3

IV.

IV. Dissidium Theologorum in hac causa nullius momenti est : quia licet validus jure naturæ contractus sit , tamen qui metum incutit gravem , jure naturæ rescindere contractum tenerur , ut resarciat injuriam irrogatam . Immo communiter autores defendant contractum etiam ex levi metu irritum rescindendum esse , quoniam etiam levis metus injuriam irrogat , quæ reparari debet .

V. QUÆST. II. An dolus irritet contractum ? RESP. Dolus sumitur pro fallacia , vel pro fraude , aut calliditate , qua unus alterum decipit . Error , sive dolus , qui antecedit , aut comitatur contractum , si sit circa substantiam contractus , eundem nullum & inanem efficit , quia aufert omnino consensum voluntarium . Quando igitur dolus , error , vafrities sunt causa contractus , nullum esse certum est . Contra , si dolus , sive error sit non adversus substantiam , sed contra aliquam qualitatem accidentiarum , non irritat contractum , quia non aufert libertatem in substantiam contractus . Quid si error , aut dolus circa qualitatem esset causa contrahendi ; ita ut si dolus , vel error sciretur a contrahente decepto , nullo modo is contractum iniret ? Hoc in casu nullum esse contractum ego judico . Nam licet qualitas in genere physico sit accidentaria , dum tamen dat causam contractui , in genere moris induit rationem causæ principialis . Nihil frequentius in contractibus emptionis , & venditionis , quam qualitates mercium esse causam principem ad emptionem peragendam , qua sublata causa , consensus voluntarius deficit . Heinc est quod leges civiles re ipsa rescindant contractus quibus ineundis dolus sive error causam dedit . Si damna sequuntur , pars quæ alterum contrahentem circumvenit , eadem resarcire astringitur . Sive igitur contractus sit stricti juris , sive bonæ fidei , nulli omnino sunt , quando dolus , vel error causa princeps est eosdem celebrandi . Non nego tamen , in contractibus stricti juris severius inhærendum esse verborum , & expressionum formulæ : idcirco enim stricti juris nuncupantur , quia verborum rigor standum est . Verum semper æquitas naturalis , quæ est anima cuiuscumque contractus , spectari debet .

VI. Adulationes , blanditiae non impedient , sed alliciunt potius contrahentes ad ineundum contractum . Sed distinguenda sunt duo blanditiarum genera . Blanditiae , importunæ preces , assentationes , quæ sermo-

nis comitate , gestus lenocinio , vocum suavitate , falsitate , & fraude exclusis , animos permulcent atque delectant . Hoc assentationum genus contractus non perimere , convenit penes omnes . Blanditiae alias versutæ , malitiosæ , fraudibus , mendaciis , fallendique artibus instructæ , quæ animum a virtute , & a veritate detorquent . Hoc assentationum genus contractus elidi , & perimi , nemo negare jure valet , quando contractui causam dant .

VII. QUÆST. III. Quid de contractibus initis sub causa , modo , demonstratione , & conditione dicendum ? RESP. Tum celebrari contractus sub causa dicitur , quando causa inducens ad contrahendum proditur . Causa duplex . Finalis una , quæ ita permovet contrahentem , ut , ea sublata , non contraheret . Impellens altera , quæ allicit contrahentem , ut facilius contrahat ; contraheret tamen , etiam ea sublata . Valet contractus in posteriori , nullus in priori casu est .

VIII. Modus contractui adjectus , onus quoddam est , implendum ab eo qui contractum suscipit , & acceptat . Modus iste non suspendit , sed perfectum contractum supponit . Demonstratio in contractu est , quando aliquid indicatur vel rei , de qua fit dispositio , vel ejus , quocum contrahitur ; v. g. si dicatur : Vendo tibi equum , quem emi Patavii tui gratia : Tecum contractum in eo , quod amicus meus sis . Circumstantia istæ communiter non vitiant contractum , quia contractui causam non dant . Nec ideo omnis causa princeps est illa quam si scivisset contrahens , abstinuissest a contractu ; sed illa dicitur causa principalis quæ re ipsa gravem mutationem inducit , & quæ cognita retraxisset contrahentem a contractu inundo .

IX. QUÆST. IV. Quomodo interpretandus est contractus ad diem , vel sub disjunctione ? RESP. Si dies designatus determinate sit , eodem die celebrandus contractus est . Debitor non tenetur ante præfinitum diem complere , nec post præfinitum diem differre valet . Si dies non præfinitus , sed incertus sit conditioni annexus , tum expectanda conditio est . Si nulla adiecta conditio fuerit , arbitrio prudentum designari tempus debet . Disjunctio species diversas comprehendet ; ut si dicas : Promitto tibi equum , vel quinquaginta aureos : ambæ species disjunctive sub obligatione manent , sed electio in arbitrio promissoris est . Pereunte tamen una species , altera sub obligatione manet .

X. QUÆST.

DISS. III. DE CONTRACTIBUS CAP. II. & III.

39

X. QUEST. v. *Quomodo obligat contractus conditioni illigatus?* RESP. Conditio contractui adiecta spectat tempus aut preteritum, aut præsens, aut futurum. Quæ duo prima tempora spectat, non est proprie conditio, cum contractum non suspendat, sed absolutum efficiat. Conditio itaque proprie accepta futurum respicit. Conditions intrinsecus necessariæ non suspendunt contractum. Conditions impossibilis nullum efficiunt contractum, sicut & conditions turpes, exceptis duobus contractibus matrimonii, & ultimæ voluntatis, in quibus turpes conditions pro non adiectis habentur.

C A P U T III.

De illis qui valide, & licite inire contractus valent: de solemnitate juris necessaria. Quid firmitatis addat juramentum contractui, quibus competit restitutio in integrum.

I. QUEST. I. *Quinam possunt contractum inire?* RESP. Omnes qui usu rationis prædicti sunt, & liberam bonorum suorum administrationem habent. Heinc infantes carentes usu rationis, furiosi, amantes, ebrii, dormientes, prodigi, pupilli ante decimum quartum annum, minores ante vigesimum quintum sine curatorum & tutorum assensu inire contractus non valent. Prodigii tamen inepti ad contractum declarati sint oportet a judice. Pupillus dicitur qui annum pubertatis non est assecutus. Hic annus in masculis est quartusdecimus, in feminis duodecimus. Ætas proxima pubertati est in masculis annus decimus usque ad quartum decimum; in feminis est nonus cum dimidio usque ad duodecimum. *Minores* appellantur qui annum vigesimum quintum non impleverunt: post vocantur *Majores*. Pupilli, & minores, quando sunt doli capaces, inire contractus possunt de bonis quorum ipsi liberam habent administrationem, qualia sunt bona quæ ipsis vel a parentibus, vel a tutoribus, vel ab amicis conferuntur, ut iisdem pro libertate utantur. Iti tamen communiter etiam pro hac bonorum dispositione requirunt ætatem proximam pubertati, quæ lenientia & mihi probatur: quia ante hanc ætatem non ita rationis usu potiuntur, ut cum hominibus astutis & versutis inire contractus queant. Bona vero immobilia, aut mobilia, quæ servando servari queunt, distractare pupilli, & minores non valent abs-

que judicis facultate, quæ sine justa causa concedi non potest, quia jura sic disponunt. Minor de bonis mobilibus contrahere potest, si curatore caret; & uti beneficio restitutionis in integrum, si lœdatur: fecus pupillus, cui interdicta est administratio. Habita vero curatoris, & tutoris facultate, tam minor, quam pupillus possunt de bonis mobilibus, quæ servando servari nequeunt, contrahere, & obligationem tam naturalem, quam civilem subire. Illa bona mobilia dicuntur *servando servari posse*, quæ ultra triennium servari possunt, ut aurum, gemma, & cetera ejusmodi. Quæ vero ultra triennium non durant, dicuntur *servando servari non posse*. Si pupilli, & minores absque tutorum, & curatorum licentia contractus ineant de illis bonis, de quibus cum eorumdem facultate disponere valent, contractus nulli sunt in utroque foro civili, & conscientiæ.

II. QUEST. II. *Quæ juris solemnitas ad contractus valorem requiritur?* RESP. Duplex solemnitas: altera accidentalis, substantialis altera. Quæ substantialiam contractus spectat, ea deficiente, nullus contractus est: prior vero solemnitas si desit, contractum factum non perimit. Unde colligenda est hæc diversitas solemnitatis accidentalis, & substantialis? Ex legum diversitate. Lex alia prohibet contractum absque hac aut illa formula, eum tamen non irritat. Hæc accidentalis dicitur, & contractum non solvit: unde est illud proverbium: *Multa facta tenent quæ fieri prohibentur*. Alia lex, quæ non modo prohibet, sed etiam irritat contractum factum absque hac, aut illa formula, substantialis est, nullumque efficit contractum, si praescriptus titus desit.

III. Disputant auctores, num contractus destitutus solemnitate substantiali, valeat saltem in foro conscientiæ? Fatentur omnes, contractus matrimonii, & professionis monasticae nullos esse, si desint solemnitates praescriptæ in utroque foro. Dissident vero de aliis contractibus. Adfirmant plures, contractus destitutos solemnitate substantiali, qui in foro exteriori nulli sunt, in foro conscientiæ validos esse. Mihi probabilius est in utroque foro esse nullos: quoniam omnia subditorum bona supremarum potestatum regimini & directioni subiecta sunt, spectato ordine ad publica commercia peragenda. Ergo subditi in utroque foro servare tenentur formas, & ritus a summis potestatibus praescriptos, quibus re-

gitur humanae societas, & publica commercia in bonum publicum diriguntur. Nisi me omnia fallant, error est manifestus societati humanae, & publico commercio infestus asserere quod subdit in conscientiae foro istarum legum observationi astricli non sint. Inquit enim Apostolus ad Rom. 13. *Omnis anima potestatis sublimioribus subdita sit. Non est enim potestas nisi a Deo. Plura alia prætereo brevitatis gratia.*

IV. QUÆST. III. *Quomodo juramentum confirmet contractus jure naturæ, vel positivo irritio?* **RESP.** Certum est juramentum non confirmare contractum jure naturæ nullum, quia contractuum naturam & essentiam mutare juramentum nequit. Quod ad contractus jure positivo irritabiles pertinet, dum jus irritat, aut rescindibilem contractum declarat in creditoris odium, tum juramento contractum non confirmari certum est: quia tunc jus privat creditorem quacumque actione adversus jurantem. Sic qui jurat latroni, usurario, aliisque ex metu gravi se soluturum centum, hæc promissio juramento rata non fit, nec valida, nullumque latrones, vel feneratores jus acquirunt adversus talē promissorem jurantem. Juramentum tamen ob divini nominis majestatem, & reverentiam eidem debitam, servandum est. Quando contractus a jure rescindibilis decernitur ob bonum publicum, communemque utilitatem, similiter juramento non firmatur: quia tum contractus illicitus nullusque est. Juramentum autem non est vinculum rei illicitæ & prævae.

V. QUÆST. IV. *Quibus competit beneficium restitutio in integrum?* **RESP.** Restitutio in integrum est pristini statut redintegratio judicis auctoritate facta: quod beneficium in favorem minorum præcipue institutum est: & tunc locum habet, quando contractus juris forma spectata validus ratusque fuit; sed in eo lœsus minor est ante completum annum xxv. idcirco judicis auctoritate in priorem statutum revocatur. Hæc in priorem statutum revocatio fit aut contractum rescindendo, aut pretium, in quo lœsus minor fuit, augendo. Requiritur tamen notabilis lœsio, ut peti hoc beneficium possit. Hæc restitutio in integrum locum habet in venditionis contractu, si minor lœsus fuit, vel quia justo minus vendidit, vel quia rem vendidit quam vendere non debebat. Rursus si minor pecuniam mutuam accipiat, eamque prodigat, non tenetur restituere nisi id in quo factus

est locupletior. Si vero contractus sit juxta juris formulas, & æquitatis regulas, restitutio in integrum locum non habet.

C A P U T IV.

De contractu venditionis, & emptionis. De illis qui vendere, & emere possunt. Quenam sint res venales.

I. QUÆST. I. *Quid sit emptio?* **RESP.** Est pactio determinati pretii pro mercie dandi. Venditio est pactio mercis dandæ pro determinato pretio. Hi duo partiales contractus in unum coalescent. Contractus ille onerosus est. Dominium mercis non transfertur ante ejusdem traditionem. Emptor ante traditionem jus habet ad rem, secus dominium. Quare si ante traditionem secundus emat, & res tradatur, hic dominium acquirit, nec rem tradere priori emptori astringitur. Ut itaque dominium transferatur, & pretii solutio, & rei traditio requiruntur. Si alterutra ex his conditionibus desit, dominium non transferri communiter auctores asserunt. Quamobrem si emptor rem alienaverit pretio non soluto, jus venditor retinet eam repetendi ubicumque invenerit. Si tamen venditor rem emptori fidat, habeatque pretium pro soluto, tum dominium translatum est.

II. QUÆST. II. *Res vendita duobus emptoribus, cui trudenda? cui perit ante traditionem?* **RESP.** Danda est priori emptori, qui cum prior tempore fit, prior quoque jure est. Si uni sit vendita solum, & alteri vendita & tradita, res istius est, nisi emptor sit privilegiatus, ut pia loca, Ecclesia, civitates. In hoc quippe casu priori emptori res debetur, etiamsi tradita merx sit secundo emptori. Idem dicendum, quando priori emptori etiam non privilegiato datum fuit pignus in majoris securitatis testimonium. Res vendita ante traditionem perit venditori, quia res perit domino. Dominium autem ante traditionem attinet ad venditorem. Si res tradita emptori sit, pretiumque habeatur pro soluto, perit emptori.

III. QUÆST. III. *Ad quem pertinent fructus rei venditæ ante pretii solutionem?* **RESP.** Si fructus pendeant ex plantis, tempore rei venditæ, pertinent ad emptorem, quia tum sunt partes rei venditæ. Disputant auctores de fructibus futuris, antequam solvatur pretium. Pretium dupliciter spectari potest. Pri-

Primo quando habetur pro soluto: cum nempe venditor concedit emptori definitum tempus pro solutione: & tunc fructus pertinere ad emptorem certum est. Secundo consideratur pretium promissum ab emptore continuo, aut tali tempore solvendum, ita ut venditor pro soluto non habeat pretium istud. De hoc secundo casu disputatur.

IV. Prima sententia defendit fructus pertinere ad venditorem, quia hic solus est dominus rei venditæ, antequam pretium solvatur, vel habeatur pro soluto. Altera opinio defendit, pertinere ad emptorem, quia leges civiles, quæ negant transferri dominium ante pretii solutionem, abrogata sunt jure canonico vetante omnem usuram. Verum ad hoc quod attinet, spectanda est consuetudo & mos cujusque regionis, & quæ leges in hac materia obtineant in foro: & juxta hæc decidenda est quæstio.

V. QUÆST. IV. Possunt ne contractantes pa-
cium inire ut emptor fructus rei, aut eorum-
dem pretium reddas venditori, donec pretium
solverit? RESP. Adfirmant Molina, Bonacina,
Viva, & alii. At hæc sententia mihi
falsa est, quoniam feneratium est pactum
istud, mutuumque pallio fucatum. At, in-
quit P. Viva, emptor non solvit propter
dilationem solutionis, sed propter lucrum,
quod cessat venditori ratione protractæ so-
lutionis. Effugia hæc sunt. Si venditor da-
mnum patitur, aut differat rei traditionem
usque dum pretium solvatur: aut damni
quod re ipsa patitur, compensationem exi-
gat. Si venditor temporis dilationem con-
cedit pro pretii solutione, & emptor morosus
fuerit, tunc iste tenetur damnum com-
pensare, & venditor jure potest repetere
damni istius, quod revera patitur, repara-
tionem. Hæc justa, & æqua sunt. At præ-
fata venditio cum onere reddendi fructus rei
traditæ, se ipsa usuræ speciem præsert, adeo-
que cavenda.

VI. QUÆST. V. Cujusnam sint fructus me-
dio tempore percepti, quando venditionis con-
tractus dissolvi contingat? RESP. Quatuor mo-
dis dissolvi contractus posse, auctores do-
cent. 1. Si vendas hoc modo: vendo tibi
domum hoc pacto, ut si intra annum me-
lior mihi occurrerit conditio, dominus libera-
bit: vel si adjicias pactum legis commissoriae;
ut si dicas: vendo tibi domum, ut intra
annum pretium solvas: alioquin contractus
nullus sit. 2. Si venditio celebretur cum pa-
cto retrovendendi: ut si hoc modo contra-
has: do tibi pecunias, ut domum mihi ven-

das, ea lege, ut quoties pecunias reddide-
ris, domum iterum vendam. 3. Si mutuo
confensu post annum rescindatur contractus.
4. Si contractus sit conditionatus, & con-
ditio non impleatur. His positis *Salmanticenses*, *Lessius*, *Bonacina* docent, contractum
cum pacto adjectionis in diem, aut legis
commissoriae expresse & manifeste celebra-
tum, ipso facto nullum esse, atque adeo fruc-
tus pertinere ad venditorem. Similiter si
venditio sit affecta pacto retrovendendi, me-
dii temporis fructus productos a tempore
venditionis usque ad tempus quo rescinditur
contractus, ad emptorem pertinere; eos vero
qui retrovenditionis tempore colliguntur,
ad venditorem attinere docent. Num iste
contractus speciem usuræ præserat, ali-
bi dicetur. Si autem venditio mutuo con-
sentu dissolvatur, ad emptorem pertinent
fructus, juxta dicta num. 4. quia contractus
ante dissolutionem validus erat. Si denique
conditio impleatur, fructus sunt emptoris;
si non impleatur, sunt venditoris. Ceterum
in his contractibus voluntates contrahentium
spectandæ sunt, dolis, & fucis sublati.

VII. QUÆST. VI. Qui vendere queant, &
quæ res vendales sunt? RESP. Omnes qui apti
sunt ad contractus celebrandos, vendere, &
emere jure valent, nisi leges vetent; ut tu-
toribus, & curatoribus prohibitum est ven-
dere res pupillorum, & minorum, & exe-
cutoribus testamentorum vetitum est eme-
re res defuncti. Res autem quarum domi-
nia transferri queunt, sunt vendibles. Heinc
vendi, aut emi res spirituales nequeunt,
aut quæ spiritualibus annexæ sunt, ut be-
neficia, ius patronatus, olea sancta, Sancto-
rum reliquæ, templum, & cetera id ge-
nus. Interdicta quoque est venditio heredi-
tatis ante mortem testatoris.

VIII. QUÆST. VII. Quæ pecuniis alienis
emuntur, fiunt ne emptoris, aut pecuniarum
domini? RESP. Fiunt emptoris, quando hic
suo nomine aliena pecunia utitur, puta de-
posita, & proprio commodo, & periculo emit,
nulla obstante lege. Quando vero bona
emuntur pecunia pupillorum, militum, Ec-
clesiarum, minorum, tum emptores non fi-
bi, sed Ecclesiæ, militibus, pupillis, mino-
ribus bona acquirunt.

IX. QUÆST. VIII. Valida ne est rei alienæ
venditio? RESP. In venditione transfertur
dominium. Rei alienæ venditor dominium
non habet. Ergo transferre illud nequit.
Si latro tibi rem alienam vendit, cum ejus-
dem dominio careat, transferre illud ne-
quit.

quit . Dominum vero si acquirit pecuniae acceptae ab emptore ; eam tamen restituere , & damna inde illi obvenientia compensare astringitur .

X. QUÆST. ix. *Utrum licita venditio sit earum rerum quæ adhibentur in pravos usus?* RESP. Quædam natura sua mala sunt , ut maleficia , libelli famosi , anuli , quibus illicata dicuntur dæmonia , & id genus cetera . Quod ejusmodi merces vendi nequeant certum est . Qui evulgant libellos famosos , aut vendunt contra Papam , Cardinales , & Mendicantes , excommunicationem incurruunt . Auctor libelli famosi contra laicos poena capitis multatur , *Cod. de libel. fam.* l. i. jure canonico cædendus est virgis . *Cap. Qui in alterius.* Lege Constitutionem S. Pii V. quæ incipit *Romani Pontificis providentia anno 1572. editam.*

XI. QUÆST. x. *Peccant ne qui vendunt venena , fucos muliebres , chartas aleatorias , idola , & cetera id genus?* RESP. Qui absolute venena divendunt nullo habito emptorum respectu , graviter peccant , & puniri tamquam humanæ societatis proditores debent , quia aliena manu occidunt homines . Qui autem venenum divendunt emptori probbo , prudenter judicantes in bonum usum illud adhibitum , sicut re ipsa adhiberi potest , non peccant .

XII. Fucos muliebres vendi posse docent Salmantenses , & pro hac opinione cicat S. Thomam , qui 2. 2. qu. 169. a. 2. ad 2. hæc scribit . *Mulierum fucatio , de qua Cyprianus loquitur , est quædam species fictionis , quæ non potest esse sine peccato . Decretoria hæc verba sunt . Cyprianus loquitur de feminis , quæ ad ementiendam , & ostendendam pulchritudinem fucos adhibent . In suæ doctrinæ confirmationem S. Augustini auctoritatem allegat S. Thomas . Fucari pigmentis , quo vel rubicundior , vel candidior apparet , adulterina fallacia est , quæ non dubito etiam ipsos maritos se nolle decipi , quibus fodi permittendæ sunt feminæ ornari secundum veniam , non secundum imperium . Licitum est feminis & viris occultare deformitates , gibbam , cicatricem , & cetera ejusmodi : at vultuum deformitates fucis non occultantur . Fuci communiter adhibentur ad mendacium pulchritudinis confingendum . Mulieres , dum domi maritorum oculis expositæ morantur , communiter omnia negligunt ornamenta ; dum in publicum prodeunt , ac si in scenam mimas acturæ erumperent , tunc fucatae , pœtae , cristatae , coucinnatae , phaleratae , &*

omnibus mundanæ seu infernalis vanitatis præstigijs circumseptæ apparent . Quis dixerit istas non peccare , arque adeo ipsos venditores , qui scienter ejusmodi feminis fucos tradunt ? Si vero fuci vendantur ad occultandas deformitates , illicita tunc venditio non est . Si fuci dumtaxat inferviant ad pulchritudinem ementiendam , & ex condizione ementium id deprehendatur , peccant venditores . Quare ex circumstantiis deprehendi debet , num licita , aut illicita venditio sit .

XIII. Aleas , taxillos , chartas aleatorias vendi licite posse passim docent juniores . S. Thomas , S. Raymundus , S. Bonaventura , S. Antoninus , ceterique sancti , gravioresque Theologi peccati damnant ludos fortuitos alearum , & chartarum in illis qui ex instituto ejusmodi ludis operam dant . Chartæ adhiberi in illis ludis valent qui ab industria , & arte pendent , & recreationi aut solamini infervire queunt . His ludis laici absque culpa indulgere valent pro aliquo brevi tempore . Quæ enim recreationis gratia adhibentur , brevia confinia habent : homo quippe ad laborem , & serua opera peragenda natus est . Recreatio , solatium honestum sunt medicinæ destinatae ad vires instaurandas . Si hos medicinæ limites homines transiliunt , in vitia continuo declinant . Damnari igitur absolute nequeunt venditores taxillorum , chartarum & idolorum : quia adhiberi hæc possunt ad ludos non fortuitos , sed industriellos ; & idola ad ornatum , ad rem antiquariam illustrandam adhiberi valent . Verum quia taxilli , chartæ , fuci ut plurimum ad pravos usus adhibentur ; ideo hortandi mercatores sunt ut ab his mercibus vendendis abstineant . Rrigida hæc sunt , inquires . Fateor . Sed via calciæcta est , & vita Christianorum lucitus & pœnitentia est .

XIV. QUÆST. ix. *Utrum Probabilismus sit vendibilis a judice?* RESP. Ne quis suspicetur me ad invidiam creandam Probabilismo , hanc quæstionem proponere sane festivam , admonere lectorum interest , P. Thomam Tamburinum hanc disputare controversiam lib. 8. in Decal. tract. 3. c. 7. §. 3. n. 13. ubi hunc proponit titulum : *Venditio sententia probabilis :* & his verbis propositam quæstionem discutit : „ Occurrit hic non assimilis difficultas , ac in judice . Supponamus probabilem esse eam opinionem de qua late dixi lib. 1. c. 3. quam præter ibi citatos Dicastillus lib. 2. de just. tr. 1. D. 5. dub. 7. licere judici ex duabus opinionibus æque „ pro-

C A P U T V.

*De negotiatione, & de his quibus vetita,
aut permitta est.*

„ probabilibus unam eligere, & juxta il-
„ lam proferre sententiam. Jam inquiri li-
„ cite ne & juste accipiet judex pecuniam,
„ ut potius illam eligat quæ mihi faveat,
„ quam illam quæ meo adversario, „ ?
XV. Respondet, se improbase hanc op-
niōne loc. cit. Eam tamen (subdit) legat
qui velit apud Lessium lib. 2. o. 14. dubit. 9.
n. 64. Valentiam 2. 2. q. 63. a. 4. d. 5. q. 7.
p. 4. Salon 2. 2. qu. 62. a. 4. contr. 2. Porro
P. Lessius loc. cit. præter Valentiam, Salo-
nem, Dianam, & plures alios hanc propu-
gnat opinionem, quod nempe judex pecu-
niā accipere iure valet pro ferenda sen-
tentia juxta unam opinionem probabilem
potius quam juxta aliam, his verbis. „ Du-
„ bitari potest, utrum contra iustitiam pec-
„ cet, si aliquid accipiat (judex) ut hanc
„ potius quam illam in judicando sequatur.
„ Videtur non ita peccare . . . quia non
„ tenetur ad alteram determinate, sed li-
„ berum ei est sequi quam maluerit. Ergo
„ si aliquid accipiat ut hanc sequatur po-
„ tius quam illam, non facit ulli injuriam.
„ Consequentia patet. Quia cum res non
„ est debita, non est contra iustitiam (si
„ solum jus nature spectemus) exigere pro
„ ea pretium, si alioquin pretio sit æstimata-
„ bilis. Tertio quia non accipit pretium
„ pro iustitia sententiae, sed quia in hac
„ causa hanc opinionem præfert isti, ad
„ quod nullo modo tenebatur. Hoc autem
„ est pretio æstimabile, tum quia utilissi-
„ mum est parti, tum quia sequendo hanc
„ opinionem amittit favorem alterius par-
„ tis, cui potuisset gratificari. „ :

XVI. *Vin' meliora?* *Probabilismus* docet
liberum esse ex duabus opinionibus probabi-
libus alterutram feligere. Quando occurront
duæ opinions probabiles contradictoræ, pot-
est judex sententiam ferre secundum illam
quæ magis illi placuerit. Porro quod hanc
præ alia feligat, pretio est æstimabile. Er-
go vendere hanc unius præ alia opinionis
prælationem iure potest. Ergo *Probabilismus*
est materia venditionis, & emptionis. Quid
itaque mirum, si merx adeo pretiosa tanto
disputationis æstu defendantur? En quā ve-
rum sit oraculum Alexandri VII. modum
nempe hunc opinandi esse omnium malo-
rum caput.

I. **T**riplic distingui negotiatio solet. Pri-
ma, qua emuntur ad victum neces-
saria, & quæ supersunt, venduntur. Secun-
da, qua emitur materia, puta ligna, me-
talla, & cetera plura, ex quibus artis la-
bore ea conficiuntur quæ vel ad ornatum,
ad commodum, vel ad vitæ necessitatē
conducunt. Tertia, qua merces emuntur,
ut eadem immutata carius vendantur. Daz
primæ minus proprio sensu negotiationis no-
men subeunt. Tertia negotiatio est de quæ
nobis sermo erit. Hanc dolis, fraudibus,
perjuriis, mendaciis obnoxiam asserunt Scrip-
tūræ divine, & SS. Ecclesiæ Patres. Di-
citur enim Eccli. 26. *Due species difficiles. . .*
difficile exuitur negotians a negligentia, & non
justificabitur capo a peccatis labiorum. Diffi-
cile mercator negligentia exuitur in æternæ
salutis negotio, quia augendarum dicitar-
um cupiditate fascinatur. Heinc Apostolus
1. ad Timoth. 6. inquit: *Nam qui volunt di-
vites fieri, incident in tentationem, & in la-
queum diaboli, & desideria multa inutilia, &*
noriva, quæ mergunt homines in interitum &
perditionem. Radix enim omnium malorum est
cupiditas, quam quidam appetentes erraverunt
a fide, & inseruerunt se doloribus multis. Tu
*autem, o homo Dei, hæc fuge; sectare iusti-
tiam.* Plurima Patrum testimonia prætero
brevitatis studio.

II. **Q**uest. I. *Sit ne Clericis, & Religio-
sis vetita negotiatio?* RESP. Plures sunt cano-
nes, qui sub excommunicationis poena Cle-
ricis & Religiosis negotiationem prohibent.
Cap. Secundum ne Clerici, vel Monachi, ubi
hæc habentur: *Sub interminatione anathema-
tis prohibemus ne Monachi, vel Clerici causa
lucri negotientur.* Rursus cap. Consequens 88.
dist. Clementina 1. de vita & honestate Cle-
ricorum. Cap. Canonum 14. q. 4. Poenæ im-
positæ per hos canones sunt excommunica-
tio, & suspensiō, quas innovavit, quibusque alias adjecit Tridentinum sess. 22. Com-
muniter autores docent, has poenæ non es-
se latas, sed ferendas, quas nemo, nisi post
judicis sententiam, incurrit. Leges istæ com-
prehendunt omnes Clericos in sacris consti-
tutos, imo etiam in minoribus, si benefi-
ciarii sint. Juniores plures excipiunt ab hac
prohibitione Clericos in minoribus constituta-

tos, etiam si beneficiarii sint; sed gratis & sine ullo fundamento: ubi enim lex non distinguunt, nec nos distinguerebis.

III. Disputant Moralistæ num Clerici, vel Monachi qui semel & iterum negotiantur, peccent mortaliter? Verum ego a definiendo malitiæ gradu abstinere soleo, nisi veritas expressa sit. *Salmantenses* defendunt Clericum, aut Monachum non peccare mortaliter, si bis vel ter negotiantur, & citant *Dianam*, *Lugo*, *Malorum*, *Fillium*, & alios. Ego autem respondeo, servandam legem esse. Utrum grave, an leve sit peccatum nostrum fugit mentem. Quod servanda lex sit, mens nostra evidenter agnoscit. Ergo distinctiunculae effugia sunt ad eludendam legem.

IV. QUEST. II. An clerici, vel Monaci negotiari per alios possint? RESP. Adfirmant *Salmantenses*, qui citant *Molinam*, *Leffum*, *Lugo*, & alios: quia, inquit, sacri canones prohibit negotiationem Clericis, & Monachis a semetipsis peragendam: hoc quippe indecentiam præfert, & distinctionem animi secum adferit: secus quando Clerici, & Monachi totam curam alteri relinquunt & aliorum ministerio mercaturam exercent.

V. Nisi hæc circumventio legis sit, quantum erit? Prohibentis legis finis, & spiritus eo tendit, ut Clericos & Monachos Deo consecratos a congregandis divitiis avellat, ut ipsi divino cultui totos se dedant, ut Deum & sibi, & populo propitium reddant. Clerici autem, & Monachi, qui aliorum industria negotiantur, avaritia, cupiditatibus, curis, angustiis, & continuis perplexitatibus, & sollicitudinibus anguntur. Quantum negotiatio permitta Clericis, & Monachis sit descripta est *Tom. 7. Lib. 3. dist. 2. c. 3. n. 10. & seq.*

VI. QUEST. III. Quot modis negotiatio illicita laicis fiat? RESP. Illicita evadere potest 1. si finis ejusdem sit solum lucrum. 2. si fraudes, mendacia, perjuria, monopolia eidem imminisceantur. 3. si materia vendibilis non sit, ut res sacræ, aut merces quæ vendi infidelibus prohibentur, ut arma, ferrum, aliaque quæ in *Bulla Cœne* numerantur. 4. si mercatura aut diebus sacris, aut in loco sacro exerceatur.

VII. QUEST. IV. Qui mercaturam exercent, licite ne carius merces vendere queunt quam ii qui negotiationem non exercent? RESP. Adfirmant omnes, quoniam mercatorum professio Reipublicæ necessaria est; & hac

professione vivere, ac plura gravamina sustinere isti debent, a quibus liberi sunt qui mercaturam non exercent. Consueti tamen inter mercatores pretii limites excedere nequeunt. Vetus illis est congregare frumentum, dum minus valet, ut carius vendatur. Hæc negotiatio juri naturali, & positivo repugnat. Nam ejusmodi divites accumulatores frumenti, ut tempore penuria carius illud vendant, sunt prius opressores, & Reipublicæ perniciosi. Jus ipsum positivum, non commune modo cap. *Quicunque 14. q. 4.* sed peculiare etiam cuiuscumque regni, talem negotiationem prohibet.

C A P U T VI.

De Monopolis licitis & illicitis. De venditione cum pacto retrovendendi.

I. **M**onopolium est conventio, seu conspiratio, qua plures deliberant de tali merce non vendenda nisi hoc aut illo pretio ab ipsis designato. Quatuor sunt (alii duodecim numerant) monopolii præcipua genera. 1. Quando unus, aut plures merces conquirunt, & emant, ut inducta inopia ceteti cogantur ab iisdem emere cariori pretio. 2. Cum unus a Principe privilegium impetrat, vi cuius ipse solus, ceteris exclusis, vendere tales merces possit. 3. Quando plures impediunt ne merces extra-neæ invehantur in civitatem, ut ipsi suas ex propriis prædiis perceptas, aut aliunde conquistas distrahere caro pretio queant, cum boni communis detimento. 4. Dum mercatores una conspirant, statuuntque, merces tanti, & non minoris vendendas esse: aut contra quando emptores una conspirant, statuuntque tanti, & non pluris merces solvendas esse.

II. Monopolium primi generis omnes improbat. Secundum probant, quando privilegium obtentum a Principe justum est, & bono publico consentaneum. Si enim privilegium arte versata, & fraude obtentum a Principe esset, & in pæjudicium subditorum cederet, tum injustum foret, & ejusdem usus illicitus. Tertium monopolii genus omnes damnant tamquam injustum, & monopolias restitutioni subjectos esse docent. Quartum similiter injustum est, ut mox patet.

III. QUEST. I. Licitum ne venditoribus est conspirationem iniire non vendendi merces nisi pretio

DISS. III. DE CONTRACTIBUS CAP. VI.

45

pretio summo? RESP. Adfirmant Salmanticenses, qui citant Lessium, Lugo, Tapiam, Navarrum, & alios: quia mercatores jus habent vendendi pretio summo, alioquin iusto. Contraria sententia mihi probabilius est. Licet enim pretium summum sit intra confinia justi pretii; conspiratio tamen non vendendi nisi pretio summo, & non emendi nisi pretio infimo, injusta est, & Reipublicæ detrimentosa. Exclusa enim hac perversa conventione plures mercatores emerent, & venderent pretio modo medio, modo infimo, modo supremo, quod in magnum Rei publicæ commodum cederet. Finis mercaturæ est bonum publicum. Ergo vitiosa evadit negotiatio, quoties hujus fini opponitur.

IV. QUÆST. II. *Constituto semel monopolio a mercatoribus vendendi merces pretio injusto per excessum, alii mercatores monopolii istius non participes, peccant ne contra justitiam, si hoc pretio injusto suas merces vendant?* RESP. Negant Salmanticenses cum Diana, Bonacina, Reginaldo: quia, inquiunt, quod pretium auctum sit ex *injustitia aliorum*, mibi per accidens est. Næ isthæc egregia ratio? Tibi accidens est quod pretium sit injustum? Per accidens est quod monopolæ auxerint pretium; at per se pretium injustum. An non peccant monopolæ hoc injustum pretium exigentes? Ais. Cur? Quia pretium injustum est. Ergo peccabis & tu injustum pretium accipiendo. Distingue peccatum quod commiserunt monopolæ pretium augendo, ab *injustitia constituti pretii*. Illud *tibi per accidens est*. Exactio vero *injusti pretii per se* tibi peccatum est. Falsa ergo mihi est dicta opinio. Lege quæ scribit Cicero lib. 3. de offic. cap. 7.

V. QUÆST. III. *Quid de pacto retrovendendi & retroemendi dicendum?* RESP. Hoc pactum adjici potest vel in favorem vendoris, vel in favorem emptoris, vel in favorem utriusque simul. Fit in favorem emptoris, si dicas: *emo a te librum hoc pacto, ut tempore a me præstituto tu illum a me redimas.* Fit in favorem vendoris, si dicas: *vendo tibi hunc librum hoc pacto, ut tempore statuto tu mihi eundem revendas.* Fit in favorem utriusque, quando utrique facultas relinquitur resiliendi a contractu.

VI. *Licitum est ejusmodi pactum, quando fit in favorem solius vendoris, si sequentes conditiones observentur.* 1. ut ejusmodi contractus bona fide celebrentur cum sincero animo vendendi, & emendi, exclusa

omni usura palliata. 2. ut pretii quantitas temperetur juxta adjectam conditionem gravaminis. 3. conditio est ut res vendatur pretio currenti tempore retrovenditionis. 4. Quod periculum rei venditæ, aut commodum rejiciatur in venditorem, & quod servetur identitas rei venditæ; ut si vinea vendita cum fructibus sit, cum fructibus pariter retrovendi debeat.

VII. QUÆST. IV. *Licitus ne est contractus gentilicius?* RESP. Italice contractus iste vocatur *jus di ricupera*, seu *jus redimendi* rem venditam. Hoc jus concessum est consanguineis vendoris recuperandi intra præfinitum tempus fundum venditum. Mobilia enim tametsi pretiosa, redimi nullo modo valent. Jus retrahendi fundos venditos omnium nationum, & Principum legibus firmatum est. Hic autem ordo in tali contractu servatur. Pretium quo emptus fuit fundus, solvi emptori debet. Hoc jus concessum est consanguineo proximiori, & gradatim ceteris. Si proximior huic juri cedat, succedit propinquior. Qui dolis & fraudibus impedit hoc jus, peccat contra justitiam. Peccant quoque consanguinei, dum venditos fundos recuperant in favorem amicorum, a quibus pecuniam accipiunt, quibus fundum redimant. Item quando recuperant ut majori pretio vendant. Saltem operantur contra finem & spiritum legis, quæ familiarum conservationem spectat, minime vero ansam præbet detrudendi legitimos possessores, pacemque publicam perturbandi.

VIII. QUÆST. V. *Licitus ne est contractus mobatra?* RESP. Contractus mobatra initur, cum quis pecunia egens numerata, emit a mercatore merces quibus non eget, pretio summo puta 56. pacto adjecto a mercatore ut illi retrovendantur ab emptore pretio infimo puta 50. Pactum adjici potest vel expresse, vel tacite. Celebrari etiam contractus potest absque omni pacto sive tacito, sive expresso, aut cum diverso, aut cum eodem mercatore. Primo modo feneratitius contractus est, & damnatus ab Innoc. XI. in hac thesi: *Contractus mobatra licitus est etiam respectu ejusdem persone,* & cum contractu retrovenditionis prævie inito cum intentione lucri. Sub pallio contractus venditionis, & emptionis occultatur usura, ut omnibus patet. Factus quippe vendor dat multo 50. ut recipiat 56. Nunc omnes improbant hunc contractum olim defensum a non nullis. Cardinalis de Lugo tom. 2. disp. 26. sec. 3. n. 208. licet communi sententiae ad-
hæ-

hæreat, fibulas tamen dilatat. Legem Tom. 7.
lib. 3. cap. 5. n. 9.

IX. Disputant Theologi an excluso omni pacto tum tacito, tum expresso, tum scandalo, & periculo infamiae, licitus praefatus contractus sit? Communis juniorum sententia adfirmat. Verum in praxi vix accidit ut praescriptæ conditiones serventur. Quare fecernendus est animo, & re contractus venditionis a contractu mutui, larvis detractis.

X. QUÆST. VI. Qui merces vendendas a domino suscipiunt, aliquid ne sibi retinere valent, si pluris easdem vendant quam a domino prescriptum fuit? RESP. Si isti, quos Rigattieros S. Antoninus appellat, justi pretii limites excedant in venditione, emptori excessum restituere tenentur. Si hi merces ad meliorem statum propria industria revocant, incrementum pretii quod suæ industriae respondet, retinere sibi valent. Similiter quando dominus consentit ut sibi retineant quod accipiunt ultra pretium quod prescriptum est, si tamen limites justi pretii non transiliuntur, nullo modo peccant. Sublato hoc pacto, & peculiari industria, totum pretium reddere proxeneta domino astringuntur. Quoniam nullo titulo aliquid retinere sibi valent. Non ratione mercis, quia domini est: non vi industria communis sit in venditione, quia hanc industriam pacto pretio locarunt domino. Nec est quod opponas, dominum designasse pretium, quoniam is designavit tanti, & non viliori pretio vendendam mercem esse: ceterum ejus intentio non fuit, nec presumi jure valet, ne pluris venderetur, occasione data, nisi expresse, ut dixi, id declararit. Bona itaque fide agere rem domini eiusmodi internuntii debent, cum locupletari alienis mercibus nequeant. Quod dictum de venditione est, idem dicendum de emptione. Quare fures sunt fatores, dum pannos ad vestes conficiendas ex commissione domini ementes aliquid sibi retinent, obtentu quod vilius emerint.

C A P U T VII.

De justo rerum pretio, & de ejusdem augmento ob dilatam solutionem.

I. **P**retium justum duplex. Aliud legitimum Principis lege taxatum, & hoc individuum est, quodlibet incrementum, aut decrementum excludens. Aliud naturale, quod juxta rectam rationem, omnibus spectatis, justum censetur, & appellatur vulgare. Hoc

in tres tribuitur gradus, *infimum, medium, & supremum*. A judicio prudentum, & communis usu repetenda est pretii justitia. Quando medium pretium aliquius merces vallis est 5. *infimum* erit 4. *supremum* erit 6. Si rei pretio ex parte pretium medium erit 100. *infimum* erit 95. & *supremum* 105. & sic latitudo erit 10. Quando pretium *legitimum* non est præfinitum, vendi merces debent pretio *naturali, & vulgari*.

II. QUÆST. I. Qui rerum pretium augent, vel diminuunt, sunt ne restitutioni obnoxii? RESP. Qui fraude pretium auget, proximum decipit. Etiam si seclusa fraude, pretium plus justo augeat, aut vilius quam res valeat emat, peccat contra justitiam. Dum vendor damnum non patitur ob rei venditionem, licet emptor magna commodum percipiat ex emptione, non propterea licitum est pretium augere, ut 2. 2. qu. 77. a. 1. docet S. Thomas. Qui testatur se vendere mercem pretio infimo, aut medio, nequit emptorem decipere accipiendo supremum. Alioquin peccat, & ad restitutionem tenetur. Præterea jurat mercator tanti sibi mercem stare: idque falsum est. Jurat emptor tanti potuisse emere: quod similiter falsum est. Salmantenses tr. 14. c. 2. p. 9. §. 1. docent, hos peccare quidem peccatum mendacii, aut perjurii, secus contra justitiam: quia, inquit, *hac sunt communia mendacia vendentium, & ementium, & homines communiter norunt hac esse stratagemata negotiatorum, quibus fidem non præstant, & si fidem incaute præstant, sibi imputent, quia faciles sunt ad credendum*. Communia hæc sunt inter vendentes, & ementes? Idecirco sibi imputent homines, si faciles sint ad credendum? Ista ne evangelica Theologia? Multitudine & usu peccantium injustitia defenditur. Recensita doctrina falsa est, istisque versuti, mendaces, perjurii restitutioni obnoxii sunt.

III. QUÆST. II. Sunt ne aliquæ cause ob quas licitum sit aut pluris vendere, aut minoris emere quam merx absolute valeat? RESP. Quando venditio damnum venditori affert, tum augeri pretium potest, quo damnum reparetur. Justum enim pretium non taxatur per comparationem ad mercem absolute speciatam, sed circumstantiis vestitam. Porro incommodum quod vendor patitur, & utilitas qua privat, sunt pretio estimabila, & cadunt sub dominio vendoris. Ergo sunt justæ angendl pretii causæ, quando tamen emptor sollicitat, & urget venditorem ad mer-

mercem distrahadam; secus si venditor ipse ultro mercem offerat: nam hoc in casu venditor ipse sponte damnum subit, si quod patitur. Affectus purus venditoris erga mercem non est absolute augendi pretii justa causa. Quoniam affectus iste nullum commodum afferit emptori. Si affectus sit rationabilis, ut si merx aliquibus prærogativis ornata sit, & damnum venditor patiatur, tum pro reparando damno hoc moderate augeri pretium valer. Sæpe cum proprio affectu confundunt venditores commodum, & utilitatem emptoris. Emptoris autem commoditas non est augendi pretii causa justa, ut communis & vera sententia docet. Gemmæ pretiosæ, statuæ, picturæ vendi, & emine possunt quocumque pretio? Adfirmant plures Theologi. At probabilior sententia docet, & merces istas pretium habere debere prudentum, & peritorum judicio præfiniendum.

IV. QUEST. III. *Quæ in substaſtione exponuntur venalia, emi ne, aut vendi poſſunt quocumque pretio ſive vili, ſive ſummo?* RESP. Eiusmodi merces, quocumque pretio vendi poſſunt, de quo inter partes conventionio fiat. Quoniam publica potestas, quæ hoc forum instituit, ſimul decernit, illud pretium eſſe juſtum quod venditorum & emptorum conſenſu oblatum fuerit. Quare si emptores aut vilius emant, aut carius ſolnant, pretii excessus in hoc certamine ultro citroque remitti, & condonari censetur. Cavendum dumtaxat a fraudibus in ejusmodi licitationibus, præfertim dum ſacrorum montium oppignoratae merces venduntur. Siquidem modo emptores monopolium ineunt non offerendi niſi tantum pretium, ut venditores cogantur vilius vendere. Modo venditores, & proxenetae eo tempore merces vendendas proponunt, quo ſciunt paucos emptores concurrere ad emendum, ut amicis faveant, a quibus munuscula accipiunt, & pauperum cauſam produnt, & de mamma iniquitatis ſibi amicos comparant. Contra interdum ipsi licitatores fictos emptores immittere ſolent, qui pretia ſimulate offrant, provocentque emptores veros ad pretium augendum. Omnes fraudes istas juſtitiae & æquitati adverſantur, & ad reſtitutionem obligant.

V. QUEST. IV. *Unde defumatur pretium vulgare, ſeu naturale, & quenam ſint illius augendi cauſe?* RESP. Jam dictum eſt ſupra. communi hominum estimatione pretium illud conſitui, latitudinemque excipere mediis,

infimi, ſupremi. Quæ latitudo non conſtant, ſed varia eſt propter diuersas circumſtantias temporis, loci, & perfonarum. Et ad tempus quod attinet, ſi merx præſens vendatur, pretio vendi tum obtinente debet. Si contra vendatur merx futura, ut fructus naſcuntur, habenda eſt ratio pretii quod vigebit tempore traditionis. Quare qui emuat triticum mense Februario pretio tunc vigen- te tradendum mense Julio, aut Auguſto, quo creditur pluris vendendum, peccant contra juſtitiam, & ad reſtitutionem audi pre- ti tenentur. Definiendum ergo pretium eſt juxta valorem quem merx habet tempore quo tradenda eſt.

VI. Quod locum ſpectat, ſi venditor exiſtat Romæ, & merces habeat Bononiæ, pre- tio quo Bononiæ, non quo Romæ valent, vendi debent. Si tamen Romæ eadē aſ- portaturus eſſet, detracſis expenſis, pretium quo hic valent, exigere potest. Si venditor ſuo periculo, & expenſis conducere merces velit eo ubi pluris venduntur, ejusdem loci pretio vendere illas jure valet.

VII. Circumſtantia perfonarum mercato- res ſpectat, qui ratione professionis Reipu- blicæ utilis, & ad propriam ſuſtentationem neceſſariae pluris vendere merces queunt quam alii privati homines. Pretium tamen a le- ge conſtitutum nec iſi excedere liceat valent, nec pretium vulgare ſemel conſtitu- tum augere poſſunt.

VIII. QUEST. V. *Quenam ſint circumſtantiae in quibus rerum pretia de- crescent?* RESP. 1. Ob emptorum paucitatem, & mer- cium affluentiam minui terum pretia ſolent. 2. Quando in gratiam venditoris ultro mer- cem offerentis emitur, quæ alioquin non emeretur, quia utilis & commoda merx tunc emptori non eſt; quemadmodum pretium augetur, cum in commodum emptoris ven- ditur, quando ceteroquin tunc non vendetur. Adhibendus tamen modus eſt, & qui- dem caute in his circumſtantiaſ, cavendum que ne ex fratriſ egeſtate & penuria dite- ſcere quis velit. Semper præ oculis haben- da eſt regula evan- gelica: *Quod tibi non viſ fieri, alteri ne feceris.* Augeri, & minui pro circumſtantiarum varietate pretium potest; at ſemper æquitas & juſtitia ſervanda eſt. Neceſſitas perſonalis ſive ementis, ſive ven- dentis nunquam iusta variandi pretia eſſe cauſa potest: alioquin carius pauperibus ven- di merces poſſent.

IX. QUEST. VII. *Poſſuntne mercatores pre- tio currenti merces vendere, dum ſciunt brevi-*

mer-

mercium copiam superventuram, atque adeo rerum pretium diminuendum? RESP. Negat M. Tullius casum narrans lib. 3. de Offic. de mercatore frumentario Alexandrino, ut supra indicavi. S. Thomas 2. 2. q. 77. art. 3. ad 4. inquit: *Unde venditor qui vendit rem secundum pretium quod invenit, non videtur contra justitiam facere, si quod futurum est, non exponat. Si tamen exponeret, vel de pretio, subtraheret, abundantioris esset virtutis, quamvis ad hoc non videatur teneri ex justitiae debito.* Doctrina Ciceronis, ait Angelicus, ad virtutis perfectionem attinet, secus ad justitiae debitum. Rem Christiano dignam agit mercator, si futuræ mercium copiæ admoneat. Verum ad id manifestandum justitiae vinculo non videtur obstrictus. Si mercator prævideat pretium auctum iri, carius vendere nequit. Ergo neque si præsciat pretium diminuendum, vilius vendere astringitur. Illud diligenter cavendum ne mercatores per proxenetas suos allicitant emptores ad emendum imminentे futura mercium copia, tunc enim contra justitiam peccarent. Si occasio se offerat vendendi pretio currenti, vendant omni artificio sublato. Ceterum si occasiones captarent vendendi, tum a restituzione eos non liberarem.

X. QUÆST. VII. *An is qui Principis lege monetam interdictum iri, aut ejus valorem minuendum prescit, queat ante promulgationem legis suam distrahere monetam?* RESP. Marchio Bellonus argentiariæ mensa professor cum paucis ab hinc annis casus propositus occurrit, plura scutorum millia perdere voluit, potius quam suos aureos cum aliorum mercatorum detimento distrahere. Hunc probum, & ingenuum Christianum idcirco memoravi, ut exemplum imitationis ceteris proponerem. Ex præcedenti questione patet, justitiae vinculo ad id non urgeri nummularium. Fateor posse exequi solutiones, & exactiones, quæ naturaliter occurrent. At si versute quereret distractionem suæ pecunia, eamque collocare in manibus aliorum, ut ipsi jacturam proximam subirent, eum ego a restitutionis debito non liberarem: quoniam quod tibi non vis fieri, alteri ne feceris. Nemo autem in his casibus decipi vellet.

XI. QUÆST. VIII. *Quæ notanda sunt circa pretium publica auctoritate præscriptum?* RESP. Negat Navarrus, expediens esse Principem taxare rerum pretia, quia legem talem consequunt multæ fraudes: quæ ratio si valeret, abrogandas omnes leges essent. Qua-

re communis sententia docet, quam maxime expediens esse ut Princeps rerum pretia præfiniat, ut 2. 2. q. 95. a. 1. ad 2. S. Thomas docet inquiens: *Melius est omnia ordinari lege, quam dimittere judicum arbitrio &c.* Quando tamen merx inferioris valoris est, non potest venditor taxato pretio illam vendere, sed ita minuere pretium debet, ut æquet mercis defectum: quoniam taxatio facta est, posito quod merces habeant communem valorem. Præterea qui definiendis pretiis præsident, takare pretium pro rerum penuria, vel abundantia debent. Venditor nequit cogere emptorem ut pecunia aurea vel argentea pretium solvat, quia hoc onus esset supra taxatum pretium. Quando merces ita pretiosæ sunt, ut excedant communem valorem, tunc proportione servata augeri pretium potest, dummodo valoris excessus sit evidens, & huic valori excedenti pretii augmentum respondeat: nec enim quilibet excessus sat est ad pretium augendum. Alioquin pretii taxatio frustranea esset, cum merces communiter aliæ aliis meliores aliquo modo sunt.

XII. QUÆST. IX. *An exquisitiōribus mercibus immisceri viliores possint, & taxato pretio vendi?* RESP. Quando merces per talem mixtione reducuntur ad communem bonitatem illarum mercium quæ venduntur taxato pretio, juxta opinionem plurium juniorum, licita est hujusmodi immixtio. Verum ejusmodi immixtiones mili rei cienda videntur tamquam fraudibus plenæ, & sinceritat contraria. Præterea raro accidit ut vinum generosum aqua mixtum (idem dic de ceteris rebus) non fiat deterioris conditionis, ac vinum vulgare.

XIII. QUÆST. X. *Potestne mercator ob dilatam solutionem pretii carius merces vendere?* RESP. Omnes absolute fatentur, usuram larvata comittere qui ob solam dilatam pretii solutionem merces carius vendunt. Quidquid (inquit 2. 2. qu. 78. a. 2. ad 7. S. Thomas) ultra justum pretium pro ejusmodi expectatione exigitur, est quasi pretium mutui. Allegari solent tituli lucri cessantis, & damni emergentes, de quibus infra. Obtrudunt etiam expensas, quas probabiliter mercator facturus est in asequendo pretio, quas expensas tamquam damnum emergens reputant. Si revera adsit hoc periculum, & emptor aucti pretii admoneatur, & ipse consentiat, non videtur improbandum augmentum moderatum respondens damno quod patitur vendor. Disputant quoque Moralitæ, num

num licet minoris emere anticipata solutione, si merces tempore traditionis minoris valitura sint; & contra carius vendere ob expectatam solutionem, si credatur quod tempore tradendi pretii merces pluris valebunt? In utroque casu communiter adfirmant auctores, dummodo mercatores conservatur merces suissent usque ad tempus quo pluris valitatem erant; negant vero hac conditione deficiente. Hinc inferunt, licitum esse emere frumentum mense Januario anticipata solutione tradendum mense Augusto pretio currente, non mense Januario, sed quod recurret mense Augusto. Quare iniustitia manifesta foret, viliori pretio emere ob anticipatam solutionem merces, quae pluris valitura forent traditionis tempore.

XIV. QUEST. XI. Licitus ne est contritus quo in Hispania, & alibi certa merces communiter credito venduntur majori pretio quam vendi pecunia numerata soleant? RESP. Naves mercibus onustæ ex Indiis in Hispaniam adveniunt. Vendit merces ista pecunia numerata omnes nequeunt. Et quæ pecunia numerata venduntur, minori pretio venduntur. Theologi Hispani suse discutiunt casum istum, præsertim *Navarrus*, *Gutierrez*, *Medina*, *Corduba*, *Molina*, *Lugo*, *Salmantenses*. Omnes negant ob dilatam solutionem augeri premium posse, ut advertit Sylvester v. *Usura contra quendam*, inquit *Lugo*, *Raphaelis Pernasium*. Mirum haud esse debet Pernasium hunc laxa in re usuria docuisse, si laxissima scriptit de paupertate monastica.

XV. Itaque sublati titulis extrinsecis *Navarrus*, *Gutierrez*, *Valentia*, *Garzias*, *Medina*, *Bartholomeus a S. Fausto* negant vendicarius posse pecunia non numerata: quoniam, inquiunt, pretii incrementum exigitur solum ob dilatam solutionem, quod juxta omnes usura est. Urgent ulterius. Si venditio pecunia non numerata majori pretio sit justa; emptio minori pretio pecunia numerata erit iniusta: quoniam sive pecunia numeretur in præsens, sive in futurum, non efficit ut merces crescant, vel decrescant. Sed emptio pecunia numerata est iusta, ut fatentur omnes: ergo venditio ad creditum, ut vulgo dicitur, minori pretio est iniusta.

XVI. Oppositam opinionem propugnant *Bannez*, *Serra*, *Rebellus*, *Villalobosius*, *Lugo*, *Sanchez*, *Lessius*, *Diana*, *Castropalaus*, *Salmantenses*. Varias isti rationes assignant. Si quæ ratio honestate hunc contractum pot-

Tom. II.

est, ea est quam prodit *Sotus lib. 6. qu. 4. a. 1. ad 4.* Merces istæ ex India aportantur plurimi maximisque periculis: & aliunde nequeunt nisi in magna copia traduci, quanta sat est ad ingentes naves onerandas. Unde evenit quod institores ipsi, qui naves onerant, cogantur multas emere merces ad creditum, cariore pretio. Ergo necessitas exonerandi illico naves cogit ut magna saltem mercium copia *creatio* vendantur majori pretio. Peculiares itaque circumstantiae longinqua regionis, ubi merces emuntur, & pericula maritimæ navigationis posse videntur titulum specialem, vi cuius carius vendantur, non ob dilatam solutionem, sed quia mercatura talis naturæ est ut cogat ad cito merces distrahendas. Ex hoc autem peculiari contractu nequit ullo modo inferri licitum hoc esse in aliis contractibus communibus.

XVII. Disputant similiter Theologi Hispani, num licitum ibi sit emere lanas viliori pretio anticipata solutione? Negant *Bannez*, *La-Crus*, *Pradus*, *Navarrus*, *Martinez*, *Valentia*, *Rebellus*, *Meneatus*, & alii, illo principio nisi, quod manifesta usura sit vilius emere ob anticipatam solutionem. Sed lanae re ipsa emuntur mense Decembri, vel Januario pretio 20. tradendæ mense Majo, quo valent 30. Ergo premium minuitur ob solam anticipatam solutionem, quod omnes usura damnant. Cur enim lanæ in antecedsum vilius venduntur? Ut emantur herbæ ad pascenda pecora. Nullus itaque titulus occurrit minuendi pretii, nisi inopia venditoris.

XVIII. Oppositam opinionem defendunt *Sotus*, *Serra*, *Covarruvias*, *Medina*, *Lugo*, *Sanchez*, *Bonacina*, *Trullenhus*, *Lessius*, *Diana*, *Salmantenses tr. 14. c. 2. p. 2. n. 153.* Quoniam, inquiunt isti, non est omnino condemnanda praxis tam continua in Hispania; & durissimum est condemnare multitudinem talium negotiatorum, qui emunt mense Octobris, vel Novembris 30. aureis v. g. lanam, que mense Maji, quo est tradenda, vallet 40. ob anticipatam solutionem, qua indigent domini ad solvenda pascua.

XIX. En christiane Lector unum ex principiis, unde evangeliæ Moralis relaxatio proficiuntur. Durissimum est condemnare multitudinem talium negotiatorum? Hoc eodem principio pagani utebantur ad religionem Numinum propugnandam. Omnes gentes a tot sæculis Numinis colunt. Durissimum est dammare tantas nationes præscire

prione adeo longinqua fultas. Sic garriebant Ethnici aduersus christianam Religionem, quam ipsi novam superstitionem appellant. Futilissimum ergo est argumentum a multitudine peccantium repetitum, toties a Scriptura sancta, & ab Augustino improbatum. Quid quod haec usura plusquam judaica sit? Non quinque, non octo, non decem, sed plusquam viginti in centum exiguntur. Haec itaque secunda opinio falsa est, & prima vera, atque adeo tuta, & amplectenda. Lege Tom. VII. lib. 3. dis. 2. cap. 7. n. 11.

XX. QUEST. XII. Licitum ne est emere credita, seu chirographa minori pretio quam valeant, ob anticipatam solutionem? RESP. Contractus iste frequentissimus est. Habet ille chirographum exigendi a Principe, sive ab alio debitore 100. post annum. Tu emis 95. aut 93. numerata pecunia. Si creditum ambiguum sit, vel difficilis solutionis, aut periculis obnoxium, omnes fatentur minoris valere, & pro qualitate & gravitate difficultatum minui pretium posse. Disputatur dumtaxat, an quando debitum sive creditum est facilis solutionis, liquidum, & certum, licitum sit emere viliori pretio ob anticipatam solutionem? Adfirmant Sanchez, Diana, Rosella, & alii: quoniam, inquit, minus est habere actionem ad rem aliquam quam rem ipsum. Sed qui emunt ejusmodi chirographa, seu credita, non ipsam rem emunt, sed actionem ad illam habendam. Ergo minori pretio emi potest. Præterea ista sunt merces venales, quemadmodum aliae, quæ habent suum pretium. Sed in communi hominum aestimatione pretium talium debitorum de præsenti solutum minus est quam sit summa solvenda in futurum. Ergo emi minori pretio jure valet.

XXI. Contraria sententia communis est. Quoniam injustum est pretium, dum pro centum solvuntur 95. intervenit enim mutuum virtuale. Distinctio inter jus ad 100. aureos, & aureos ipsos sophistica est, & fraudulenta in hoc contractu, & ad usuram fucandam excogitata. Evinco. Ponamus creditum 100. aureorum liquidum, certum, & facilis solutionis, hodie, dum illud emis, esse exigendum absque difficultate: hoc in causa pretium 95. estet ne æquale & justum? Negas profecto. Ergo evidens est quod pretii diminutio est propter temporis expectationem. Ergo pluris facis pecuniam præsentem quam futuram. Hoc autem proscriptum ab Ecclesia est. Insistis. Communiter ho-

mines minoris estimant hanc creditorum mercem solvendam post annum, quam pecuniam præsentaneam. Verum habet homines avaritia æstuantes, & vulgi opinionibus præventos hoc estimare, secus homines christianos divino jure imbutos. Quandoquidem si 100. reddenda post annum non tanti valent, quanti 100. hodie numerata, quidni cogi mutuarius poterit ut pro centum acceptis hodie 106. reddat post annum? Audi auctorem opus. 67. D. Thoma tributi, qui ita scribit: Ille qui ad certum tempus debet, si ante terminum solvat, ut ei de debito aliquid dimittatur, usuram committere videtur, quia manifeste tempus solutionis vendit. Unde ad restitutionem tenetur. Nec excusat, quod solvendo ante terminum gravatur: vel quod ad hoc ab alio inducitur: quia eadem ratione possent usuariorum excusari omnes. Hanc doctrinam defendunt communiter tam antiqui, quam juniores. S. Antoninus, Sylvester, Salas, Banez, Tapia, Malderus, Sotus, Lessius, La Croix, Billuart, Viva, & alii plures. Cardinalis de Lugo contendit quæstionem istam speculativam esse, non practicam, eo quod vix in praxi ejusmodi credita sive debita libera sint ab omni periculo, & molestia exactionis, aut luci cessantis, & damni emergentis. Verum homines sæpe lucrum celsans, & damnum emergens pro libito sibi effingunt. Quando emuntur Principis debita, quinam titulus verus hic occurrit? Vix unus ex tot ejusmodi emptoribus per seculum passus est damnum emergens, nempe quod tempore præscripto debitum non exigerit. Ergo titulus est tantum possibilis, qui esse nequit iusta minuendi pretii causa.

XXII. QUEST. XIII. Quid de obligatione venditoris patefaciendi defectus mercium dicendum est? RESP. Mutua est obligatio tum venditoris, tum emptoris manifestandi mercium vitia, aut bonitatem. Si vendor occultum vitium mercis non manifestat emptori non solum pretii quantitatem, si pluris vendat quam merx tali vicio affecta valebat, restituere astringitur, sed etiam damnna quæ emptor incurrit ob mercis vitium. Triplex in merce esse defectus potest. Primus circa substantiam, ut si argentum pro auro, vitrum pro gemma vendas. Ad hunc defectum revocatur mixtio mercium diversæ speciei, ut si frumento hordeum immisceas, vino aquam infundas. Alii defectus spectant aut qualitatem accidentalem, aut quantitatem; ut quando mensura minori merces videntur, & majori emuntur. Quod dicitur de

DISS. III. DE CONTRACTIBUS CAP. VII.

51

de venditore, idem dicendum de emptore est. Si is pretio injusto, puta viliori insimo, rem emeret sive bona, sive mala fide, detecto vitio, compensare venditorem debet quando pretii quantitatem. Si mercem ut corruptam emeret, quæ revera erat sana; si prædium ut hypothecatum, quod liberum erat; si aurum pro argento, gemmam pro vitro emit: hæc quia vendori aut ignorant, aut oscitanti manifestare emptor debet; & pretium augere juxta mercium valorem. Si vendor mercis vitium raceat nullo modo noxiū emptori, pretiumque diminuat pro vitii qualitate & quantitate, nullam fraudem committit, dummodo emptor non interroget: si enim interrogat, sincere manifestare defeluum vendor altringitur: immo si vendor prævidet emptorem non empturum mercem detecto vitio, etiam diminuta pretii quantitate, astringetur eumdem monere. Sincere enim exercenda negotiatio est, & quod tibi non vis fieri, alteri ne feceris.

XXIII. Fraudenti proinde sunt mercatores, & dolosi, qui equorum, & asinorum auribus guttam mercurii infundunt, ut celeres, strenui, & generosi appareant, quando natura sua tardi, pigri, & veluti stupidi sunt: qui in suprema superficie sacci, vasis &c. optimum triticum, optimas merces collocant, ut deceptus emptor ceteras merces ejusdem esse bonitatis credat.

XXIV. Regula certa & generalis circa varios mercium defectus respectu tam emptoris, quam vendoris assignari vix potest. Nam si vitium non reddit notabiliter minus utilem mercem emptori, diminuto proportione pretio, non tenetur absolute vendor non interrogatus vitium manifestare. Circumstantiae tamen occurrere queunt, ob quas manifestandus defectus sit. Habenda quoque commercii & negotiationis ratio est. Nam merces ejusdem generis, non omnes ejusdem qualitatis & bonitatis sunt. Et si negotiatores declarare etiam minimos defectus deberent, & solas perfectas merces vendere, actum de negotiatione esset. Siquidem etiam emptores sape morosi sunt, & tetrici, qui ob levissimum defectum plus justo diminuere pretium vellent. Servanda ergo bona & sincera fides est, & ab omni circumventione cavendum.

XXV. Venditores potissimum cavere a mercibus permiscendis debent. Vitia monetarum declaranda omnino sunt. Qui monetam falsam pro vera distrahit scienter, fur

est & grassator. Si ignoranter id faciat, non peccat, sed ubi resciverit ad restitutionem tenetur. Si leviter a justo pondere deficiat, communiter pro nihilo reputatur. Contra quando non modicum deficiat, tunc manifestandum est.

XXVI. Quid de iis qui minori mensura vendunt? Penes omnes certum est, venditorem teneri ad restitutionem, si aliquid de quantitate mercis detrahit, ut quando statuta, vel mensura inferiori vendit. Disputant juniores num licitum sit vendoribus mensura minori uti, quando pretium injuste taxatum a Principe sit? Adfirmat cum aliis Cardinalis de Lugo, & adhaerent eidem Salmantenses. Si taxatio pretii esset manifeste inusta, nec ipse repugnaret. Ceterum privati homines, & in causa propria, non sunt legitimi judices taxati pretii. Pretii taxatio facta a Principe bonum commune spectat, & pauperum solamen. Quare licet re ipsa merces mercatoribus pluris sint, & dum taxato pretio illas vendunt, damnum patiuntur, non propterea inustum pretium est, quia ad Principem vel Magistratum attinet definire, secus ad mercatores, que pretia expediant bono communis civitatis. Quare non sunt excusandi qui amphoram vini, qui pondera diminuunt, qui unam vel alteram unciam detrahunt praetextu inusti pretii. Peccant isti, & ad compensationem tenentur. Si enim jacturam patiuntur, id adversæ negotiationis sorti adscribendum, non pretii inustitia est. Talis quippe mercaturæ conditio est ut modo lucram, modo jacturam pariat.

DISSERTATIO IV.

De mutuo, & usura.

CAPUT I.

Mutui finitio, ejusque proprietates.

I. **Q**UEST. I. *Quid sit mutuum?* RESP. Est traditio rei consumptibilis in consumptionis usum, & dominium mutuatarii, ut aliquo clapsu tempore tantumdem restituatur. Materies subjecta mutuo sua natura consumptibilis est, & in consumptionis usum tradita. Duo haec necessaria ad mutuum sunt. Si monetæ non ad consumptionem, sed ad ostentationem & pompa tradarentur, commodatum; si ad custodiam, depositum, non

mutuum diceretur. Quoniam ad mutui naturam & essentiam requiritur quod res mutuatitia sit consumptibilis, & in consumptionem tradita: & quamvis moneta non consumatur materialiter, consumitur tamen formaliter, dum distrahitur: nec enim eadem numero restituitur domino, sicut nec idem triticum, nec idem vinum &c. In commodato autem eadem res numero restituitur. Rerum consumptio duplex. Naturalis una, qua res ipsa perit, ut vinum, frumentum, oleum &c. Civilis altera, qua res alienatur, ut pecunia, qua dum in alterius dominium transit, domino suo perit, si fit alterius. Ultima particula, *ut elapso tempore tantumdem restituatur*, significat aliquod interfluere tempus debere traditionem inter & restitutionem. Qui enim mutuatur, sponte obligationem sibi imponit, non statim, sed post aliquod tempus repetendi rem traditam. Si temporis punctum praescriptum sit, illo elapso, fieri restitutio debet, alioquin debitor motosus erit. Si nullus praestitutus dies sit, spectatis dantis & accipientis circumstantiis, repeti & restitui debet. Certa enim praescribi regula nequit. Res restituenda ejusdem esse valoris debet cum re accepta, & ejusdem specie: ut vinum pro vino, pecunia pro pecunia. In hac ratione, restitutione non tam attenditur species physica, nisi de ea conventum fuerit, quam formalis valor. Res mutuata crescit, & decrescit mutuatario. Quare si valor monetae augetur, aut minuitur, in utilitatem, aut damnum mutuatarii id cedit. Res quas Theologi vocant *consumptibles*, Iti appellant *fungibles*, seu quae in suo genere *functionem recipiunt*, seu *consumptionem*. Explicatam definitionem approbat Catholici omnes verborum diversitate sublata.

II. Potissima mutui proprietas, qua ex ejusdem natura necessario consequitur, est dominii *translatio*. Si enim res mutuo subjectæ usu consumuntur, & vi mutui ad consumptionem dantur; infertur ut qui res mutuo dat, jus quoque conferat consumendi eisdem, & distrahendi alienandique. Pecunia sola alienatione consumitur: aliae res mutuatitiae fungibles consumptione pereunt. Qui mutuo pecunias accipit, eisdem merces emit: mercium venditor pecuniarum dominus absolute evadit. Unde is acquirit dominium istud? A mutuatario certe. Hic ergo pecuniarum dominus erat: quia *nemo plus juris ad alium transferre potest quam ipse habet*.

III. Fatentur haeretici Salmasius, & alii usurarum patroni, dominium corporum, fucus quantitatis in mutuo transferri. Iste, qui distinctiunculas casuisticas deridere solent, hoc lepidum commentum producere non erubescunt. Quisque acciperet perlitter aureorum corpora, Salmasio relieta ideali quantitate. Corpora ita affecta quantitate sunt, ut consistere sine illa nequeant. Ergo dum alienantur corpora, alienatur & quantitas, que separari a corporibus nequit. Amittit igitur mutuator dominium rei mutuatitiae, sed jus retinet tantumdem repetendi. Jus istud nimis crasse confundit usurarum patroni cum dominio, cum sint duo omnino distincta. Siquidem dominium est jus in re, & facultas utendi re pro arbitrio domini. Hoc dominio rei mutuatitiae caret mutuator: sed jus seu actionem retinet ad repetendum tantumdem: & hoc jus seu actionem vendere, legare, donare potest. Haec omnia perspicua sunt.

IV. Heinc mutuum differt a venditione, in qua pretium pro merce solvitur: a permutatione, in qua una res pro alia traditur: a donatione, in qua nullum jus aliquid repetendi retinetur: a locatione, in qua pro usu rei pretium solvitur: a commodato, in quo non transfertur dominium, sed usus, & eadem numero res restituenda est: a deposito, in quo res custodienda consignatur: a pignore, quod securitatis causa datur absque dominii translatione, & cum onere restituendi eamdem omnino rem.

C A P U T II.

Usuræ notio: omnis usura sive parva, sive magna, sive a divite, sive a paupere exacta, divino iure vetita est.

I. **Q** UÆST. I. *Quid sit usura?* RESP. Est lucrum perceptum ex mutuo vi mutui. Quandocumque lucrum est exactum vi mutui, sive a divite, sive a paupere, senebre est. Vulgaris indectum constitutere usuræ crimen solet in lucri excessu. Quem vulgi errorem adoptarunt juniores haeretici, & unus & alter imperitus catholicus. Sed omnes istos turpiter aberrare infra patefaciam.

II. Nonnulli contendunt nova distinctione doctrinam de fenere sicare. Duplex mutui genus distinguunt: unum *consumptionis*, quod traditur indigentibus; alterum appellant *negotiationis*, quod mercatoribus tradi-

tur ad amplificandam pecuniam, ad augendam mercaturam & negotia, unde ingentes proveniunt Reipublicæ utilitates. Lucrum quod percipitur a primo mutuo *consumptio-*
nis, usurarium fatentur. Quod exigitur ex altero mutuo *negotiatorio*, licitum afferunt, dummodo moderatum sit, & Patriæ legibus consentaneum.

III. Hæc vafra, & inepta commenta explidunt tum Scripturæ divinæ, tum Patres. *Levit. c. 25.* hæc habentur: *Ne usuras accipiias ab eo, nec amplius quam dedisti.* Hæc particula amplius quam dedisti excludit omnem omnino accessionem additam sortitraditæ. Similiter Christus Dominus ait: *Mutuum date, nihil inde sperantes.* Hoc verbum *nihil* non excessum modo, sed quodcumque vel minimum incrementum improbat. Mitto Patrum testimonia, ne sim longus.

IV. Usura dividitur in *realem*, & *mentalem*. Realis est ipsum lucrum senebre. Mentalis est voluntas qua intenditur aliquid percipi ultra sortem vi mutui, tamquam debitum, licet id pacto aliquo non exprimatur. Dividi etiam solet in *lucratoriam*, *compensatoriam*, & *punitoriam*. *Lucratoria* vocant lucrum illud quod vi mutui ultra sortem percipitur. *Compensatoria* est quæ ad damnum, quod patitur creditor, compensandum, exigitur. *Punitoria* est lucrum quod mutuatario moroso solvendum imponitur. Sola usura *lucratoria* est usura proprie dicta, & viriola. Et hæc sola communiter usuræ nomine intelligitur.

V. Dividunt præterea usuram in *conventionalem*, & *necessariam*. Illa ex conventione debetur; hæc ex mora, seu ob dilatationem solvendi pretium ex contractu venditionis, & emptionis, aut ob dilationem reddendi sortem mutuatitiam, redditur. Alii dividunt usuram in *formalem*, seu expressam, apertamque ex mutuo perceptam, & in *palliatam*, seu *virtualem*, quæ aliis contractibus confictis occultatur. Tribuitur etiam in usuram *sortis*, & in *usuram usura*. Lucrum quod percipitur ex sorte, vulgo *capitale*, dicitur *usura sortis*. Usura usuræ est, quando non solvit paustum lucrum, sed constituitur in sorte, ut iterum usuram pariat. Lucrum itaque ex lucro usurario vocatur *usura usuræ*, & ab Ulpiano dicitur *interusurum*. Postremo apud Romanos alia erat usura *centesima*, seu qua solvebatur unus in centum quolibet mense, atque adeo duodecim in annum. Inferiores usura erant *decunes*, quæ solvebant undecim in

Tom. II.

centum; *dextantes*, decem; *dodrantes*, novem; *bessales*, octo; *septunces*, septem; *semifiles*, sex; *quicunces*, quinque; *trientes*, quatuor; *quadrantes*, tres; *sextantes*, duo, *unciarie*, seu *uncia* unum in centum. Aliqui contendunt nomine *unciarie* intelligi centesimam. As quippe *unciarius* constabat duodecim uncii. Ceterum communiter usuræ *unciarie* habentur pro minimis.

VI. QUÆST. II. *Est ne omnis usura, sive a divitibus, sive a pauperibus percepta, jure naturali, nodum divino prohibita?* RESP. Adfirmant communiter Catholicæ. Fuso calamo hanc controversiam dispxi *Tom. 7. lib. 3. diff. 3.* Paucis hic eamdem perstringam. In quolibet contractu, si quidpiam ultra justum pretium exigitur, justitia lœditur. Dum in contractu mutui aliquid ultra sortem recipis, excedis mensuram justi pretii: ergo iustitiam lœdis. Nullus quippe titulus est vi cuius aliquid ultra sortem exigere valens. Nam pecunia natura sua sterilis est. Rident feneratores, dum audiunt pecuniam sterilem dici. At ipsi se se turpiter derident propinat, dum talia effutiunt. Etiam ager, inquit, sterilis est, domus sterilis est, & tamen ex eorum usu pretium solvit. RESP. Stupidores his se produnt. Domus usu deterior fit, ideo usus separatur a dominio. Si ruit domus, domino locatori ruit. Ager natura sua ferax est, licet adjuvari industria egeat, ut hos potius quam alios fructus pariat. Si ager alluvione, aut alio infortunio perit, domino perit. Sola pecunia mutuo tradita mutuatario perit. Ideo distingui in hac usus a dominio nequit. Quid ad hæc usurarum patroni? Si locari pecunia, quemadmodum domus, ager, equus, potest, cur pecunia sola perire mutuatario debet, & cetera omnia locatori? Perspicuum responsum præbeant. Nunquam aliud dabunt, nisi quod pecunia usu civili consumitur, & ab hoc usu inseparabile dominium est. Ut paritas urgeat, mutuatores debent subjacere periculo pecuniae, sicut locatores subiacent periculo equi, domus, agri. Nolunt hoc. Nolint ergo & lucrum necessarium est. Negant usurarum patroni, lucrum ex pecunia mutuo tradita pauperibus exigi posse. Et tamen ex domo, agro, equo locatis pauperibus lucrum jure percipitur. Ergo non bene ratiocinantur, dum ex lucro percepto ex locatione domus, agri, equi, inferunt exigi lucrum posse ex pecunia mutuo tradita.

VII. Opponunt rursus feneris patroni.

D 3

Tam-

Tametsi pecunia sterilis sit natura sua, æquivalet tamen rei frugiferæ. Nam pecunia emuntur prædia, domus, & alia quæ frumentum parvunt. Nec campus parturit pecuniam, sed quia parit fructus, ex quibus pecunia colligitur, frugifer dicitur. Similiter licet pecunia non pariat pecuniam, quia tamen pecunia comparantur res frugiferæ, dicenda secunda est, non secus ac campi, domus &c.

VIII. Verba hæc sunt nulli solido fundamento subnixa. Mutuatarius emere res frugiferas jure valet, quia dominus pecuniae est. Si prædium pecunia mutuatitia emptum evadat evictum, si flumine absorbeatur, si domus incendio pereat, cui perit? Mutuatorio. Mutuatori vero integra reddenda fors est. Edisserant nobis isti, qui ostentare solent juris naturalis peritiam, quodnam jus naturale præscribit ut ille qui non patitur incommode, experiri commode debeat? Omnia mutuatorio pereunt, & pecunia mutuatitia, & quæ pecunia empta sunt. Nullum istius iacturæ periculum sine incommode subire vult mutuari. Si vero mutuatarius sua industria, obsecundante fortuna, aliquid lucretur, istius lucri partem sibi vindicare mutuator audet? Quodnam jus naturæ, quænam æquitas hoc permittit?

IX. Insistunt iterum. Usura moderata utilis est Reipublicæ. Ea sublata concidunt commercia, nundinæ, & omnia turbantur. Pecuniosi homines gratis mutuari recusant. Tot mercatores, tot artifices negotia sua agere absque pecunia mutuatitia nequeunt. Tolle moderatas usuras, & negotia sustulisti.

X. Quid ergo? An christiana Religio humana dirimit societatem, civilia destruit commercia, divitias, & mercaturam amplificare interdicit? Nequaquam. Immo hæc omnia ad æquitatis leges revocat, eorumque usum sobrium, moderatumque homini infirmo, & divitiarum siti laboranti permettit. Expergiscantur usurarum patroni, & e tenebris tandem emergant. Hactenus palam feci usuræ iniquitatem spectato solo naturæ jure, & omni alia circumstantia sublata. Nunc vero ajo, quod etiamsi usura, omni præcisione facta, liceret, tamen in hoc lapsæ corruptæque naturæ statu, existiosa humanæ societati, civilique commercio esset, atque adeo prohibenda foret. Ex peccato originali duo, inter cetera, gravissima vulnera contraxit homo, nempe con-

cupiscentiam carnis, & divitiarum. Tanto impetu in divitias, quibus omnes suas explet appetitiones, abripitur, ut nullum sibi præstituat modum. Finge usuram commodam fuisse homini sano suarumque cupiditatum absoluto moderatori. Propterea ne homini infirmo, vulnerato, & pecuniarum impotenter sitibundo expediet? Salubris viro sano vini potus, beneficus esse viro ægrotanti potest. Audiant isti feneratores Christi Jesu severissimas declamationes in homines ditescendi cupidos. *Ve vobis divitibus.... Agite nunc divites, plorate ululantes. Facilius est camelum per foramen acus transire, quam divitem intrare in regnum cœlorum.* Audiant Apostolum Paulum detonatorem: *Qui volunt divites fieri, incident in tentationem, & in laqueum diaboli, & in desideria multa nociva, que mergunt homines in inferitum & perditionem.* Aures iterum erigaant intentas. Radix enim omnium malorum est cupiditas: quam quidam appetentes erraverunt a fide, & inseruerunt se doloribus multis. *Tu autem, o homo Dei, hac fuge, sectare vero justitiam.* I. Ad Timoth. c. 6.

C A P U T III.

Quedam quæstiuncula de usura resolvuntur.

I. **Q**UÆST. I. *Daturne materie parvitas in usuræ peccato?* RESP. Negant aliqui. Verum cum usura adveretur justitia, sicut datur materiæ parvitas in aliis contra justitiam culpis, ita & in usura admittenda videtur. Quæstionem hanc fusus non discutio, quia ad praxim quod attinet, frustranea est. Quis enim feneratorum pecuniæ plurimum mutuum tradit ob lucrum unius, aut alterius julii?

II. **Q**UÆST. II. *Sitne pecunia presens numerata estimabilior absente, & titulus accipiendi aliquid ultra fortem?* RESP. Adfirmat Caramuel lib. 2. Theolog. moral. disp. 14. ubi plures alios laudat. Hæc opinio est falsa, laxa, & ab Innocentio XI. merito proscripta in thesi 41. ex hac opinione sequetur omnem usuram licitam esse.

III. **Q**UÆST. III. *Licitum ne est aliquid accipere supra fortem ob molestiam ortam ex privatione pecunie mutuo tradite?* RESP. Caramuel loc. cit. festivis verbis hanc quæstionem proponit, & doctrinam evangelicam jocose deludit. Paucæ ejusdem verba transcribo. *Est vere aliqua recreatio in videndis rebus pretiosis, cur non & in possidentis?* Pro

audenda comœdia, vel videnda bestia datur pretium; & nemo contradicit: cur non pro videndis, vel possidendis optimis auri partibus? Ratione ergo hujus molestie a carentia pecunie suborta, preciso omni alio periculo, posse quid supra fortē accipi, affirmat Medina; & D. Thomae interpres q. 78. ar. 1. judicant speculative probabile. Dicastillus contradicit, & inquit: „Mihi hæc sententia & speculative „improbabilis, & moraliter in praxi vide- „tui perniciosa“. *Videte censorum Cava- nem severo supercilio doctrinam condemnantem.* Audite tamen n. 154 sibi contradictem. Relata contradictione, qua Dicastillus probat doctrinam quam perniciosa assuererat, sic resumit discursum suum Caramuel. *Par- turiunt montes, & nascentur parvulus mus. Cur illa dicta prius? Sententia quæ a paucis li- neis erat speculative improbabilis, practice per- iculosa, jam tandem afferitur vera. Veritas tamen est veritas, & tametsi aliis ideis pre- ventus eam condemnes, tamen affulget, & te ipsum condemnans, ejus sinceritatem propu- gnabis.*

IV. Papæ! Qui opiniones laxas scandali plenas refellunt, severi sunt censorii Catones, qui de supercilio loquuntur. Errorem gravissimum fulgentem veritatem appellat Caramuel? P. Lessius lib. 2. c. 20. D. 14. n. 103. & ipse ut probabilem exhibit opinionem damnatam, quæ ob pecunia carentiam, & voluntatem non repetendi mutuum intra certum tempus aliquid exigit. *Quia, in- quire, sicut aliis rebus, & oneribus potest ali- quod pretium imponi, ita etiam oneri carendi sua pecunia tanto vel tanto tempore.* Cum enim pecunia sit instrumentum negotiandi, & privare se instrumento suæ artis sit pecunia estimabile, cur non etiam mercatores poterunt carentia pecunia pretium aliquod communi con- sensu imponere, presertim si ratio boni communi- nis id postuleret? Subdit tamen, non esse tam laxas habendas mercatoribus dandas, quia sententia hæc nova est, ac proinde non est facile admittenda. Si falsa, semper rejicenda. Quare toto ostio aberravit P. Nocte- tius, qui excusare ab hac laxitate suum Lessium infelici conatus studuit. P. Thomas Tamburinus incertam sibi esse ait hanc doctrinam Caramuelis.

V. Hæc cursim indicavi, ut heinc lector colligat, quo nova theologizandi ratio impellat vel ipsos Theologos probos doctosque, qualis præcipue fuit P. Lessius. Hæc doctrina Caramuelis penitus destruit dogma evangelicum contra usuram, ideo damnata

ab Ecclesia est: sicut pro videnda cometæ vel bestia pretium solvit, ita pro viden- dis possidendisque auri partibus? Semper ergo licita usura erit. Nam mutuo dari pecunia nequit sine privatione visionis ejusdem. Et quo avariores homines sunt, eo majori afficiuntur tristitia, & molestia, dum se eadem ad tempus privant. Ergo si ho- mines avari ob tristitiam præfamat exigunt quinque in centum, homines avarissimi po- terunt exigere septem, aut decem. Non est opus ut fuis hanc inauditam sententiam refellamus, cum & se ipsa horrorem pro- dat, & damnata ab Ecclesia sit. Non mi- nus falsa est alia opinio quam ibidem docet Caramuel, nempe posse mutuatorem aliquid accipere, quia se privat facultate pecunie negotianda. Privatio istius facultatis est pre- tio æstimabilis, inquit aliquis. Hæc parti- ter doctrina de medio tollit omnes usuras idcirco improbanda tanquam antievangelica

C A P U T IV.

De periculo amittendæ sortis. Nonnullæ opinio- nes laxæ refelluntur. Caput Naviganti in suo vero sensu exponitur, rejectis juniorum commentis.

I. QUEST. 1. *Quid, & quotus lex sit for- tis periculum?* RESP. Est incertus amittendæ, vel recuperandæ sortis eventus. Duplex est: facti, & juris. Nun- de primo, postea de secundo. Ratione per- iculi facti non pauci juniores Probabilitæ defendant, absque usuræ labore exigi in mu- tuo lucrum posse. Afferunt enim, omni mutuo insitum semper hoc periculum esse. Unum pro multis allego P. Claudium La- Croix qui lib. 3^o p. 2. de usura n. 854 hæc scribit. *Sylvius, Serra, aliqui apud Mendo in flatera disp. 6. n. 58. docuerunt SEMPER esse periculum sortis, quando datur mutuum:* ideoque ratione periculi SEMPER posse aliquid exigi. Neque Calvinus, neque Salmasius, neque ceteri usurarum patroni tam laxam doctrinam propugnant. Nam illi, dum mu- tuo traditur pecunia pauperi, aut diviti ne- cessitate presso, nihil exigi posse docent, so- lamque usuram negotiatoriam defendant. Ideo clamant, quod Calvini catholici ver- bis improbent usuram abstractam, re ipsa vero laxius ceteris eam sustineant. Si semper mutuo periculum inest, semper licitum lu- crum est. Ubi ergo in mundo usura? Er- rorem hunc profligavit BENEDICTUS XIV.

in sua Encycloca aduersus usuram n. 5. his verbis. Sed illud diligenter animadvertendum, falso sibi quemquam, & non nisi temere persuasurum, reperiri SEMPER, & præsto ubique esse vel una cum mutuo titulos alios legitimos, vel &c. Lege commentarium nostrum in præfata Encyclicam.

II. Alii juniores, ut aliquo fuso hunc errorem contegant, distinguunt periculum in ordinarium, & in extraordinarium. Ratio ne secundi, non primi, lucrum exigi ex mutuo posse defendant. Periculum extraordinarium est, inquit, si mutuo tradas pecunias mutuataris dubiæ fidei, prodigis, decoctoribus, lusui deditis &c. Chimærica paradoxa hæc sunt ad incrustandam usuram excogitata. Quis prudente mutuas dabit pecunias prodigis, decoctoribus, lusui deditis, litigiosis, & dubiæ fidei cognitis? Alii juniores Probabilistæ, misso hoc periculo extraordinario afferunt, posse pretium exigi in mutuo, quando hoc periculum facti verum, & non fictum est.

III. Propositio mea hæc est. *Lucrum ex mutuo ob periculum fortis amittenda, sive ordinarium sit, sive extraordinarium, feneratum est.* Ubinam quæso in universa Scriptura sancta, ubi in Patribus istius periculi mentio? Sed distinguendum est periculum quod est apud creditorem, a periculo quod est apud debitorem: que duo pericula communiter confundunt juniores. De primo periculo nunc differam. Hoc cuique mutuo inest: hoc enim ipso quod quis mutuatur ad aliquod tempus, adest semper verum periculum vivi amittendi. Ergo si hujus periculi ratione exigi lucrum ex mutuo potest, nullum erit mutuum gratuitum, nulla inter Christianos usura. Periculum quod est apud creditorem, inde habere ortum potest, quod res mutuatarii desperatae sint, vel erunt, vel possunt esse. In primo casu periculum evidens est, & certum. Sed nullus mutuator pecuniam suam tradet tali mutuatori, nisi caritate flagrans succurrere eidem velit cum fortis, & lucri dispendio. Similiter in secundo casu, dum nempe futura ruina mutuatarii prævidetur, nemo prudens eidem pecunias crederet. Tota ergo difficultas reducitur ad tertium casum, scilicet ad periculum possibile. Hoc periculum est, sed non certum, & inest cuilibet mutuo. Nam quilibet homo, etiam dives, ad miseriam reduci potest ob varias circumstantias: semper enim securior est pecunia absolute loquendo in manu mutuatoris quam

mutuatarii. Si igitur ob hoc periculum possibile licitum lucrum est, nulla apud homines usura erit.

IV. Respondent Diana, Tamburinus, falsum esse cuique mutuo inesse periculum amittendæ fortis. Quoniam, inquit, mutuum est sine periculo, si mutuarius pignus, aut fidejussorem tradat. Peregregie. Sed acuti Probabilistæ in casses semet ipsos detruerunt. Vi pignoris, vel assecurationis separari a mutuo periculum potest. Ergo sublatu pignore, vel assecuratione, mutuo semper periculum inest. Ergo semper ex mutuo sine pignore, vel fidejussione, exigi lucrum poterit. Hæc autem doctrina antievangelica est, quia omnes usuras licitas facit.

V. Alia ratione evinco recensitæ opinio nis falsitatem. Ut mutuator exigete ratio ne periculi dicti lucrum queat, suscipere in se periculum fortis debet. Atqui mutuator non suscipit amittendæ fortis periculum. Ergo lucrum perceptum feneratum est. Quod mutuator non suscipiat in se periculum istud, veritas facti est. Nam si sors mutuo tradita, aut furto erepta, aut naufragio, aut in negotiatione pereat; mutuatorius, si solvendo sit, restituere sortem debet. Periculum ergo est penes non credito rem, sed debitorem: ergo injuste gravatur debitor, dum obligatur ad solvendum pre tum pro periculo, cui non creditor, sed debitor ipse obnoxius est. Insistunt. Contingere potest ut debitor solvendo non sit, & decoctus evadat; & hoc in casu creditor sortem perdit: & hoc periculum est semper penes creditorem. Effugium vanum est. Nam hoc periculum possibile, & remotissimum dumtaxat est. Nam omnes mutuatores, antequam pecunias suas fidant mutuatarii, eorumdem statum, substantias, & cetera omnia severe expendunt: & dum periculum probabile fortis amittendæ prævident, a mutuo abstinent. Ergo periculum istud remotissimum est, & cuiquam mutuo insitum. Si justus titulus esset repetendi pretii, nulla foret in orbe usura. Confirmatur. Si fur paenitentia ducus furrium restituat, nihil pro periculo solvere cogitur, ut omnes fatentur: & tamen majus est periculum pecunia rapra, quam pecunia mutuatis. Non tenetur, inquit, fur pretium periculi solvere, quia nulla præcessit conventio inter furem, & dominum. Effugium ineptum. Nam nunc sermo est utrum periculum istud justus titulus sit pretii sol ven-

vendi. Quid respondes? Negas? Usura ergo est pretium pro illo exigere. Ais? Ergo potiore jure solvere sur quam mutuarius tenetur. Conventio supponit titulum, sine quo conventio iusta est. Quando adest verus titulus, etiam sine conventione solvi pretium debet. Quia damnum emergens verus titulus est, compensare hoc damnum sur astringitur, etiamsi nulla conventio praecesserit. Præterea singe aliquem per vim, & fraudem cogi ad mutuandum. Quid restituere violentus mutuarius debet? Sortem, & omnia damna, quæ passus mutuator coactus est, quamvis nullum de his damnis resarciebant pactum praecesserit. Quid solvere debet pro periculo fortis amittendæ? Nihil omnino, ut omnes fatentur. Ergo periculum istud non est titulus pretii vendi.

VI. QUÆST. 11. *Quid dicendum de titulo quem excogitarunt Lugo, & Tamburinus?*
RESP. Cardinalis de Lugo disp. 25. secl. 6. n. 81. & post ipsum Tamburinus lib. 8. tract. 3. c. 8. §. 4. n. 1. lepidissimum titulum excogitarunt aliquid exigendi supra sortem. Hic autem est molestia, mentis turbatio, animi angor, quem patitur mutuator in distrahenda, & numeranda pecunia, si mutuator meticulosus sit. En verba ejusdem Lugo. „ Si ergo posses ultra sortem „ exigere, quando mutuum futurum tibi „ esset causa doloris capit is, poteris etiam „ exigere quando mutuum futurum tibi es- „ set causa doloris, & timoris interni pro- „ pter periculum fortis amittendæ: quia do- „ lor ille, & timor, prout contradistinctus „ a forte ipsa, est aliquid quod in pactum „ possit pro pretio afferri. „ Clarius ibi- dem n. 85. confirmat hanc suam doctrinam Lugo. *Quia si ego, quia claudus vng. sum, debeo subire peculiarem molestiam, ut pecu- niam ex domo auferam ad tibi mutuandum, quam molestiam alii non subirent, possem be- ne (N. B.) peculiare pretium exigere pro il- la molestia a me subeunda. Si ergo similiter quia meticulosus sum, & pavidus, non pos- sum tibi mutuare sine magno angore, & timore amittenda fortis, videtur quod possim ali- quid exigere pro hac molestia, & ovore, sine quo ego tibi mutuare non possum. Hæc tamen aliorum judicio relingo.*

VII. Hac doctrina admissa, horrenda consequuntur absurdæ. Claudi omnes liberi erunt ab usura, quia repetere ex mutuo pretium poterunt ob majorem inferenda ex scrinio pecunia labore. Qui oculorum hebetudine

laborant, adhibere perspicilla in numero randis nummis debent, & ob hanc molestiam repeteret pretium possunt. Quid de feminis, quid de nobilibus pavidis, & meticulosis, qui quo sunt avariores, eo sunt pavidiiores? Et pro majori pavore, & angore angendum pretium erit? Allata doctrina itaque falsa est, & omnino repudianda.

De celebri Cap. Naviganti.

VIII. Duplex sub initium periculum distinctum est: Alterum *facti* quod est apud debitorem, quatenus debitor ex omnibus suis bonis tenetur in quocumque eventu etiam amissa sortis, & lucri tantumdem restituere. Alterum *juris* quod creditor in se suscipit, novumque contractum init, quo sortem *asscurat*, ita ut si fors quocumque casu absque fraude, & culpa mutuatarii perierit, ipsi creditori pereat. Hoc periculum *juris* extrinsecum ipsi mutuo est, quia per novum *asscurationis* contractum suscipitur a creditore. Et tamen hoc quoque periculum rejicitur a Gregorio IX. in Decretali ad S. Raymundum O.P. directa anno 1260. in qua haec habentur. *Naviganti, vel eundi ad nundinas certam mutuans pecunie quantita- tem, eo quod suscipit in se periculum, rece- ptiurus aliquid ultra sortem, usurarius est con- fensus.* Si neque tum cum mutuator in se periculum recipit, licet exigere pretium, quanto minus id licebit cum totum periculum est penes mutuatarium?

IX. Multi juniores, criticos in hac causa agunt. Inquit mendosum esse pontificium *textum*, in quo deest particula *Non* librariorum oscitantia prætermissa. Sed effugium istud ineptum, vanum, & commen- titium est, ut fuse palam feci diff. 1. c. 5. §. 2. de *usur. contr. trini*. Non modo codi- ces omnes carent particula *Non*, verum quod peremptorium est, S. Raymundus, ad quem, ut dixi, directa fuit Decretalis, *textum* pontificium refert absque præfata particula. Insistunt. In eadem Decretali adjicitur secundus casus, cuius initium est. *Ille quoque qui dat &c. non debet ex hoc usurarius repa- tari.* Quis Grammatista, ait quidam novil- sum scriptor, non animadvertis illam particulam quoque significare uniformitatem ad ante dicta? At Theologi in laudata Decre- tali duos contractus specie diversos legunt: *mutui* in primo casu; *venditionis*, & *em- ptonis* in secundo. Quæ uniformitas, quæ- do, inter hos duos contractus? Auctoritati S. Raymundi accedit auctoritas *Lancellotti*,

qui lib. 4. Inst. tit. 7. §. 10. de usur. Decretalis casum exponit his verbis. Aliud autem juris, si quis naviganti, vel eunti ad nundinas certam pecuniae quantitatem mutuatur, & ex eo quod in se mutuans periculum suscipit, aliquid ultra sortem ut recipiat convenit: nam hic usurarius reputandus erit. Quid plura? Glossa ipsa hoc quoque modo casum exponit. Aliquis mutuavit certam pecuniae quantitatem naviganti, vel eunti ad nundinas, & pro eo quod mutuans recipit in se periculum sortis, recipit aliquid ultra sortem: queritur utrum usurarius sit? Respondet Pontifex, quod sic.

X. Hanc sententiam defendit S. Thomas, sive auctor opusc. 73. c. 6. inquiens: Si quis pecuniam alicui naviganti commiserit mutuo propter spem alicujus lucri, licet periculum etiam sortis super se repperit, nibilominus judicatur usurarius, etiam si totum amiserit. S. Raymundus in summ. tit. de usur. §. 7. ubi exponit Decretalem Naviganti ad se datam, haec scribit: Tales semper faciunt eadē mutuum propter spem lucri pecuniarii, quod non licet. Auctores isti synchroni erant Gregorio IX. si damnant lucrum ob periculum juris, quod aliunde pretio estimabile est, ut patet in tertio assecutore, quanto magis damnant lucrum ob merum periculum facti, cuique mutuo insitum?

XI. Graviores quoque Theologi SS. Thomae, & Raymundo subscrubunt. Navarrus, Soto, Bannez, Gutierrez, Rebellus, Toleatus, Tapia, Conradus, Lopez, Genettus, Ballerinus, Gennaro, Theologi Lovanienses, & Parisienses. Accedunt quoque communiter Canonistæ. Honoratus Leonardus de usuris q. 23. animadverrit, olim permisum fuisse civili jure nauticum fenus ob periculum susceptum. Nunc vero, inquit, usura haec nautica omnino dannata est, & leges civiles nauticum fenus permittentes, abrogatae sunt ex Constitutione D. Gregorii IX. c. ult. de usur. cap. Naviganti. Postquam vero demonstravit fenebre esse lucrum ob periculum juris susceptum a creditore, n. 27. improbat potiori jure tanquam feneratitium lucrum perceptum ob periculum facti, cui se exponit creditor: quamvis, inquit, id licitum esse sentiant Leonardus Lessius, & Theologi sane plurimi . . . sed nostra sententia tuior est, & inter Jurisperitos recepta. Quare exclamat P. Nicolaus Genarro p. 1. n. 36. his verbis. Ita sentiunt Doctores laici in confusione Theologorum. Et, o bone Deus! in quas sententias abeunt tot capita? Ad quid?

Ad justificandum nauticum fenus. Infudant, ut cupiditati favent humane, Jordidaeus & varitie.

XII. Et quod mihi luculentius manifestat periculum istud puram putamque esse larvam ad obtregendum fenus excogitatum, est quod isti juniores numquam praescribunt mutuatoribus istis ut abstineant a mutuo, quando tradere illud absque lucro recusant. Quare eos sic ad incitas redigo. Aut verum reputant periculum istud, aut falsum. Si falsum, cessat quæstio. Si verum; ineant contractum societatis, in qua juxta omnes adest & verum periculum, & verus titulus lucrandi. Renuunt? Ergo vero periculum nolunt. Adest certus & tutus titulus lucrandi omnium Doctorum consensu probatus. Cur nolunt hoc tutum lucrum? Rationem edisserant. Non aliam sane dabunt nisi quia lucrum volunt, periculum nolunt nisi fictitium. Quod si pericula societatis nolunt, abstineant a mutuo. Abstinere a mutuo? Lex evangelica mutuum prescribit. Verum habet; sed mutuum gratuitum, vetatque mutuum fenebre. Mutuum evangelicum est fructus caritatis absque villa lucris spe. Hoc mutuum gratuitum recusas ut feneratitium lucrum assequaris. Cum Christi igitur evangelio tibi denuntio, aut ut mutuum gratuitum, si vales, & si frater indiget, tradas; aut si nequis, vel alter non egit, abstine a mutuo dando. Si tandem frugiferam efficere intendis pecuniam tuam, licitos contractus vel societatis, vel alterius negotiationis inito.

XIII. Objectiones adversariorum haec ferme sunt. Opponunt decretum sacræ Congregationis de propaganda fide datum anno 1645. ad Missionarios Sinenses, in quo haec habentur . . . In praefato regno lege stabilitum est ut in mutuo triginta pro centum accipiantur abique respectu lucri confessantis, aut damni emergentis: queritur, utrum Sinensibus sit licitum pro pecuniarum suarum mutuo, licet non interveniat lucrum cessans, aut damnum emergens, prædictam pro centum triginta, regni lege taxaram quantitatem acciperre: & causa dubitationis est, quia in recuperanda pecunia est aliquid periculum, scilicet quod qui accipit mutuatum fagiatur, vel quod tardet in solvendo, vel quod necessarium sit coram judice repetere, vel propter alia hujusmodi. . . Resolutionis S. Congregationis ad quæstum istud sequentis tenoris est . . . Censuerunt ratione

„ mutui immediate , & præcise nihil esse
„ accipiendum ultra sortem principalem ; si
„ vero accipient ratione periculi probabili-
„ ter imminentis , prout in casu , non esse
„ inquietandos , dummodo habeatur ratio
„ qualitatis periculi , & probabilitatis ejus-
„ dem , ac servata proportione inter pericu-
„ lum & id quod accipitur „.

XIV. Henrico a S. Ignatio hoc decre-
tum in publica disputatione alleganti re-
ponsu fuit . 1. ut ipse narrat lib. 9. c. 31.
n. 377. de eodem non satis constare . 2. re-
solutionem non esse approbantem , sed to-
lerantem . Contra primum responsum pro-
ducit P. Thomam Hurtadum C. M. qui au-
thenticum exemplum producit . Sed auctor
iste & alia pontificia decreta obtrudit ut
authentica , quæ sunt omnino apocrypha .
Dico igitur , laudatam responsum aut
nullius esse fidei , aut permittentem dumta-
xat , & tolerantem . Nonne sub decreti ja-
ctati finem hæc reperitur clausula ? *Donec
Sanctitas sua , vel Sedes apostolica aliud ordina-
verit .* Porro apostolica Sedes anno 1679.
triginta quatuor annis post darum respon-
sum damnavit opinionem Theologorum in-
quientium : *Cum numerata pecunia sit pre-
fior &c.* Quid quod Sedes apostolica pluri-
bus iam faculis definierat cap. *Naviganti fe-
nus committere illum qui suscepto sortis
periculo , quidquam ex mutuo recipet .*
Hæc est constitutio pontificia sacrorum Ca-
nonum codici inserta , neque ullam exce-
ptionem patitur .

XV. Tandem ipsa lex Regni Sinensis pro-
posita Sac. Congregationi iniquissima est .
Hac lege taxata est quantitas triginta in
centum quotannis solvenda ob fugam debi-
torum , aliaque pericula . Talis autem lex
seipso injustitiam patefacit . Romani usuram
mordentem reputabant centesimam . Hæc
lex Sinensis non duodecim , sed triginta sol-
venda imponit . Quis iniquissimam , & fer-
ritatis plenissimam non deprehendit legem
istam ?

XVI. Opponunt 2. S. Thomas 2. 2. q.
77. a. 4. ad 2. docet , posse augeri pretium
propter periculum , cui se exponit mercator ,
transferendo rem de loco in locum . Ergo &
propter periculum fortis . Argumentatio in-
epitissima . Audi integrum Angelici textum .
*Non quicunque carius vendit aliquid quam
emerit , negotiatur ; sed solum qui ad hoc
emit ut carius vendat . Si autem rem emit ,
non ut vendat , sed ut teneat , & postmodum
propter aliquam causam eam vendere velit , non*

*est negotiatio , quamvis carius vendat . Poteat
enim hoc licite facere , vel quia in aliquo rem
melioravit , vel quia pretium rei est mutatum
secundum diversitatem loci , vel temporis , vel
propter periculum cui se exponit transferendo
rem de loco ad locum , vel eam ferri faciendo .
Et secundum hos nec empius , nec venditio est
injusta .*

XVII. Quid ? In contractu venditionis &
emptionis augeri pretium potest , ut docet
Angelicus : ergo etiam in mutuo ? Pecunia
ergo mutuatitia merx est majori & minori
pretio subjecta , sicut alia merces , propter
periculum ? Nulla ergo in mundo usura ?
Mercator transferendo merces de loco in
locum multos labores sustinet & pericula .
Si merces a latronibus , a piratis surri-
piuntur , ipsis mercatori pereunt . Contra si
pecunia mutuatitia , aut merces eadem pe-
cuniaempta pereunt , non mutuatori , sed
mutuari pereunt . Ergo paritas nulla est .

XVIII. Opponunt 3. Periculum fortis est
mutuo extrinsecum , & per accidens eidem
conjunctum , quia oritur ex qualitatibus mu-
tuatarii prodigi , lusoris , fallacis &c. Hoc
autem periculum est pretio estimabile , cum
tertius possit pro afferatione ejusdem pre-
tium accipere . Resp. Dum Christus præci-
pit , *Mutuum date nibil inde sperantes , igno-
rabat ne homines esse fallaces , prodigos ,
lusores ? Distinctiuncula hac admissa , nul-
la est in mundo usura . Cedo .* Quis , nisi
stultus , mutuas tradit pecunias suas prodi-
gis , decoctoribus , lusoribus ? Quæ lex jubet
ut istis mutuum tradatur ? Si hæc immi-
neant pericula , cur non abstinent a mutuo ?
Responsum præbe . Mutuum præcipit , ut
succurratur fratribus egentibus , non ut fo-
veantur vitia & sclera prodigorum , deco-
ctorum , & ludentium . Volunt mutuum ,
quia ex mutuo lucrari cupiunt . Nunquam
enim homines prudentes vero periculo ex-
ponerent centum ob spem lucrandi quin-
que . Sed quia cognoscunt pericula esse com-
muniter chimærica , & lucrum certum ; ideo
mutuari volunt , & alios contractus veris pe-
riculis obnoxios iniuste recusant .

XIX. Opponunt 4. Licta est lucri ex-
actio ob periculum damni emergentis : ergo
etiam ob periculum fortis amittenda . Rep.
Ultraque propositio in sensu ab adversariis
producta falsa est . Pacisci utique contrahen-
tes valent de solvendo damno , quod mu-
tuatori imminet , si reipsa evenerit . At si
damnum revera non emergit , nihil accipi
potest , ut infra patefaciam . Consequentia
ve-

vero heinc deducta vana est. Distinctio periculi intrinseci , & extrinseci communiter chimærica est. Omnes homines fallaces esse possunt. Heinc oritur periculum intrinsecum , ut fatentur adversarii , vi cuius nemo lucrari potest . Periculum vero extrinsecum vocant cum pecunia mutua traditur mutuataris prodigis , lusoribus , decoctoribus , vulgo falliti . Intetrogentur omnes mutuatores : si candide loqui velint , vix unus in centum occurret qui descriptis hominibus mutuum tradat . Singuli mutuatores dicent , omnem se adhibere diligentiam , ut securioribus , & fidelioribus mutuataris pecuniam suam fidant . Ergo distinctio de periculo intrinseco , & extrinseco vana & chimærica est . Quod interdum mutuatores fidant talibus mutuataris pecuniā suā , id ex impotenti lucri cupiditate , & ardentī avaritia est . Similiter quod interdum mutuarī probi , & fidi decoctores evadant , per accidens est . Quod est per accidens , & raro contingit , nequit stabilire regulam de periculo extrinseco , & intrinseco . Mutuum dandum pauperibus est , & indigentibus juxta legem evangelicam . Istorū respectu majus periculum est quam si tradatur dīvitibus . Ergo plus lucrī a pauperibus ratione majoris periculi exigi poterit quam a dīvitibus . Hæc est necessaria consecutio ex doctrina juniorum . Hanc autem antievangelicam doctrinam detestantur vel ipsi hæretici Calvinus , Salmasius , Heinecius , & alii usurarum patroni .

XX. QUÆST. III. Licitum ne est aliquid exigere supra sortem ratione laboris in numeranda pecunia &c.? RESP. P. Thomas Tamburinus lib. 9. tr. 1. c. 3. §. 1. n. 1. docet , licitum esse aliquid exigere pro parandis pecuniis in magna quantitate , in mensurando tritico &c. & citat pro hac opinione Molinam , Medinam , Navarrum . Hæc opinio falsa est : numeratio enim pecunia ipsita mutuo est .

XXI. QUÆST. IV. An licitum est aliquid exigere ob obligationem mutuandi , vel non repetendi mutuum infra tempus prefinitum? RESP. Adfirmantem opinionem damnavit Alexander VII. n. 42. Licitum est mutuanti aliquid supra sortem exigere , si se obliget ad non repetendam sortem usque ad certum tempus . RESP. P. Tamburinus lib. 8. in decal. c. 8. §. 5. num. 18. hoc pacto . Dixi jam , posse pro hoc titulo promissionis non repetendi pecuniam mutuam pro quolibet anno lícite in hac nostra ætate pecuniosa exigi quinque pro cente-

nario . Ita Caramuel . Pecuniosa ætas nostra ? Hac ætate pecuniosa vivebat Alexander VII. qui anno 1666. damnavit præfamat doctrinam . Tamburinus autem obiit 1675. Idcirco refero laxas Casuistarum , & proscriptas opiniones , ut lectores sibi caveant . Recolant opiniones proscriptas principia esse , unde plura alia conjectaria erronea manant .

C A P U T V.

De damno emergente .

I. Q UÆST. I. Quid sit damnum emergens ? Est detrimentum illud quod solius mutui causa patitur mutuator . Pecunias paratas habes ad domos ruinosas refaciendas , vel agros colendos , vel ad triticum ementum pro toto anno . Caritate succensus has pecunias mutuas tradis fratri egenti . Si heinc ædes diruantur , agri inculti maneat , damnum quod sustinet , compensandum jure est . Hoc est damnum emergens , quod deduci in pactum potest . Quis est qui tale subire damnum velit ut mutuo succurrat fratri egenti ? Rarissimi sunt ; & tamen nihil frequentius aliqui in ore habent quam damnum emergens .

II. Quamobrem plures conditiones necessariæ sunt ad verum damni emergentis titulum .

1. Quod damnum verum sit , certum , & reale . 2. Quod ratione mutui unice emergat . 3. Quod mutuum sit causa per se , & non per accidens talis damni . 4. Quod hoc damnum manifestetur mutuari . 5. Quod damnum in pactum deductum non compensetur , antequam emergat . 6. Quod servetur æqualitas damnum inter & compensationem .

III. Heinc evidenter falsa est opinio dcens , non esse usuram , si ex mutuo 100. aureorum certo sis accepturus detrimentum aureorum decem , etiam si non monito mutuari de hoc damno , pacificari tibi reddendi 110. Hæc opinio est contra quartam indicatam conditionem . Injustitia manifesta est quod mutuarius subire onus , illudque solvere debeat absque suo consensu .

IV. QUÆST. II. Periculum damni emersu-
ni est ne verus titulus vi cuius fieri conventio
posset aliquid supra sortem solvendi ? RESP.
Jam dictum est supra , periculum esse incer-
tum rei eventum . De periculo sortis amittendæ dictum quoque satis est : de periculo da-

damni quod causa sortis mutuo traditæ evenire potest, dicendum nunc est. Adfirmant aliqui juniores, quorum sententia mihi falsa est. Quoniam titulus qui licitam reddit accessionem supra sortem, est damnum verum, reale, & certo futurum, quodque non compensatur nisi post eventum. Si enim damnum non evenit, recompensatio habere locum nequit. Si tamen mutuator probabiliter prævideret futurum damnum determinatum, posset cum mutuariario pacisci de compensatione futura in casu quo eveniret causa mutui damnum illud. Dixi determinatum; ut excluderem damna indeterminata, & aliunde obvenientia. Debet ergo mutuator perspicue declarare tale damnum in individuo, quod futurum timeret, ut posita conditione eventus, teneatur mutuatarius ilud compensare.

V. Hinc collige, nunquam licitum esse quidquam ultra sortem exigere ob solum periculum probabile, sive probabilissimum damni emersuri, nisi re ipsa emergat. Probabilistarum nonnulli id affirmant, immo etiam aliqui non Probabilistæ. Sed hæc opinio evidenter falsa est, & omnibus usuris viam aperit.

VI. QUÆST. III. Utrum liceat initio contractus pactum pœnae conventionalis, si debitor sit in mora? RESP. Debitor est in mora, & morosus nuncupatur, dum præstituto tempore debitum non solvit, quando solvere potest, & omittit. Duplex mora: altera *ex re*, quæ se ipsa monet debitorum ut solvat; altera *ex persona*, dum debitor monitus a creditore ut solvat, negligit solutionem. Præsumptum pœnae conventionalis pactum, mutuo consenserit firmatum plures juniores defendunt: *Henrius a S. Ignatio, & P. Bilharci vocant* hanc sententiam communem.

VII. Opinio probabilior mihi hæc est. *Pœna conventionalis*, nisi interveniat id quod interest creditoris, seu nisi imponatur pro quantitate damni emergentis, usuria est. Evinco. Ideo pactum pœnae conventionalis de accessione supra sortem in mutuo licitum dicitur, quia mutuator hoc pacto servat se indemnum. Sed pactum istud ineptum est ad servandum indemnum mutuatorem, nisi imponatur pro quantitate damni emergentis. Ergo fenebre est. Patet prima propositio. Mutuator ideo adjicit pactum pœnae solvendæ, vel quia timeret sortem esse in periculo post præstitutum tempus, vel quia prævidet mala sibi imminere, si præstituto tempore fors non reddatur, vel denique quia existi-

mat pactum istud esse stimulum ad sollicitandum debitorem, ut solvat. Prima ratio est manifestum usura pallium. Qui enim timet non esse restituendam sortem, puta centum, magis timere debet non esse reddendum 105. Sed exigere lucrum ob periculum amittendæ sortis est usura, ut supra ostendi. Ergo in casu de quo differimus, pœna conventionalis est pallium usuræ. Si secundam afferant adversarii, nobiscum sentiant. At ipsi expresse afferunt, licitum esse lucrum pacto pœnae conventionalis impositum, scilicet titulus damni emergentis, & lucri cessantis. Quod enim pœna hæc imponi queat ad compensandum damnum emergens, omnes fatemur. Tertium momentum inane est. Nam si mutuator prævideat mutuarium fore infidum, & contumacem in differenda sortis restitutione, nunquam credet ei pecuniam suam; aut pigius, vel fidejussorem exiget.

VIII. Licitum itaque est pactum pœnae conventionalis, quando revera occurrit id quod interest mutuatoris, nempe damnum emergens, & lucrum cessans, infra explicandum. Utique jura plura approbant pœnam conventionalem, nullo habito respectu ad id quod interest creditoris; sed, ut observat Honoratus Leonardus celebris Jurisconsultus de usur. q. 81. hæc jura sunt abrogata, sicut & illa quæ usuras moderatas concedebant. Rem clarius explico. Mutuo tradito tibi centum infra annum solvenda: elapsio anno in pœnam moræ, nisi restituas, conventione me inter & te peragitur ut debeas solvere decem. Si revera damnum decem passus sim in casu dilatæ solutionis non ex impotentia, sed ex malitia, tum iuste accipiam decem, posito quod tale damnum passus sim; si minus damnum passus sum, minus accipere debeo; si nihil damni mihi evenit, nihil exigere valeo, quia accipere ex mutuo, quod est usura; si denique maius damnum passum sum, plus exigere valeo, ut sit æqualitas inter damnum, & compensationem. *Pœna conventionalis* non est pretio æstimabilis: imponitur ad terrorem, & apparentiam. Idecirco quando creditor nihil mali patitur, nihil exigere vi pœnae conventionalis potest. Si plura cupis de hac pœna, lege Tom. 7. Lib. 3. Dis. 3. cap. 14. §. 3. & 4.

CAPUT VI.

De lucro cessante, ejusque conditionibus.

I. **A**ltum apud omnes Patres istius tituli silentium, ut etiam advertit Dominicus Soto lib. 6. q. 1. a. 3. S. Thomas expresse illum improbat, quidquid cavillentur nonnulli. Item Durandus, Scotus, Innocentius super cap. *Naviganti*, doctrinissimus P. Ignatius de Camargo, & alii hunc titulum rejiciunt. Primus qui hunc titulum lucri cessantis cum timore, & pavore pro-pugnavit, fuit *Conradus Sunhemars* pluribus conditionibus septum. Post Sylvester, Cajetanus, Adrianus, qui fatentur doctrinam hanc esse modernorum.

II. **Q**UEST. 1. *Quid sentiat S. Thomas de hoc lucro cessante?* RESP. Aperte negat, ali-
quid exigi posse supra sortem ratione lucri
cessantis, absolute loquendo. Sic enim 2. 2.
q. 78. art. 2. ad 1. dicendum, quod ille qui
mutuum dat, potest absque peccato in pactum
deducere cum eo qui mutuum, accipit, recom-
pensationem damni, per quod subtrahitur sibi
aliquid quod debet habere. Hoc enim non est
vendere usum pecuniae, sed damnum vitare:
& potest esse quod accipiens mutuum, maius
damnum evitet quam dans incurrat. Unde
accipiens mutuum, cum sua utilitate damnum
alterius recompensat. Recompensationem vero
damni quod consideratur in hoc quod de pecu-
nia non lucratur, non potest in pactum deduc-
ere: quia non debet vendere id quod nondum
habet, & potest impediri multipliciter ab ha-
bendo.

III. Opponit post alios Thomistas Syl-
vius ex 2. 2. qu. 62. a. 4. hunc S. Thomae
textum. Dicendum, quod quicumque damni-
ficat aliquem, videtur ei auferre id in quo ipsum
damnificat. Damnum enim dicitur ex eo quod
aliquis minus habet quam debet habere . . .
Et ideo homo tenetur ad restitutionem ejus in
quo aliquem damnificavit. Sed aliquis damni-
ficatur dupliciter. Uno modo quia auferitur ei
id quod actu habebat; & tale damnum est
semper restituendum secundum recompensationem
equalis: puta, si aliquis damnificat aliquem
diruens domum ejus, tenetur ad tantum, quan-
tum valet domus. Alio modo si damnificet
aliquem, impediendo ne adipiscatur quod erat
in via habendi, & tale damnum non oportet
recompensare ex aequo: quia minus est habere
aliquid virtute quam habere actu: qui autem
est in via adipiscendi aliquid, habet illud so-

lum secundum virtutem, vel potentiam. Et ideo si redderetur ei ut haberet hoc in actu, re-
stitueretur ei quod est ablatum, non simulum,
sed multiplicatum: quod non est de necessitate
restitutionis . . . Tenetur tamen aliquam re-
compensationem facere secundum conditionem per-
sonarum, & negotiorum.

IV. Familiare est omnibus illis qui San-
ctorum implicare, & obscurare doctrinam
conantur, aliquid aucupari dictum omnino
extra controversiam, ut inculentissimi tes-
timoniis fucum faciant. Loco a me citato
expresse, & ex instituto S. Thomas loqui-
tur de lucro cessante; & adeo aperte & cla-
re negat vi ejusdem quidquam percipi su-
pra sortem posse, ut nihil reponere solidi
adversarii valeant. Idcirco ad aliam qua-
stionem citatam afflictam causam appellant.
Tantum vero abest ut illis faveat, ut & ibi
illorum doctrinam labefactet. Manifestum est
ibi S. Doctorem loqui de vero damno quod
invitus creditor patitur a debitore moroso
illatum. Idque evidenter constat ex arg. 2.
quod sibi ibidem opponit inquiens; *Hoc qui
detinet pecuniam creditoris ultra terminum pre-
fixum, videtur eum damnificare in toto eo quod
lucrari de pecunia posset, quod tam n. ipse non
aufert.* Ergo videtur quod aliquis teneatur re-
stituere quod non abstulit. Cui objectioni sic
respondet. *Hoc qui habet pecuniam, nondum
habet lucrum in actu, sed solum in virtute:*
& utrumque potest multipliciter impediri. De-
bitor ergo morosus, de quo hic certe lo-
quitur S. Thomas, non tenetur compensa-
re totum damnum quod ex carentia pecu-
niae creditor patitur, quia lucrum pecuniae
potest multipliciter impediri. Distinguendus,
inquit Angelicus, mutuator qui sponte
se pecuniae lucro privat, a debitore moroso,
qui vim infert mutuatori, dum tem-
pore praefinito pecuniam non restituit. In
primo casu allegari non potest titulus lucri
cessantis, cum huic titulo sponte, & libere
renuntiet mutuator, dum libere mutuum
dat. Alioquin abstineat a mutuo, si velit
sua pecunia lucrari. In secundo casu licitum
lucrum est, quia mutuator invitus fustinet
vim sibi a debitore illatum. Non debet ta-
men, inquit Angelicus, totum damnum re-
compensari, quia lucrum pecuniae potest mul-
tipliciter impediri. Hanc esse S. Thomae
mentem fatetur vel ipse Cajetanus, qui in
assequenda Angelici mente, & Sylvio, &
ceteris interpretibus valde præstat. Accedit
ratio extrinsecus arcessita. Tempore S. Tho-
mae neimmo unus Theologorum propugnavit
tit.

titulum lucri cessantis. Porro S. Thomas nunquam recessit a doctrina communi Theologorum sui temporis. Futilē, & ineptum est quod obtrudi solet, Angelicū sibi tradicere, nisi admittatur mutuatorem voluntarium posse exigere lucrum ratione lucri cessantis. Nam loco a nobis allegato de mutuator voluntario, loco vero ab adversariis opposito loquitur de debitore moroso. Ubi ergo vel umbra contradictionis? Et alia de consistit fana doctrina. Hinc sit

V. QUÆST. II. *Utrum mutuator ultroneus possit aliquid exigere ratione lucri cessantis?*
RESP. Illi ipsi Theologi qui defendunt titulum lucri cessantis, inter alia duo postulant. 1. ut pecunia mutuo tradenda sit negotiatio vere & reapse destinata. 2. ut mutuator velit potius ex negotiatione quam ex mutuo lucrari. Ergo necessario fateri debent, non posse mutuatorem ultroneum de lucro cessante pacisci. Quare falsa est doctrina Bonacinzæ, qui de *Contr. disp. 3. q. 3. p. 4. n. 12.* inquit: *Et hoc valet, etiam si mutuator se offerat ad mutuandum, ut inquiet multi ex Doctoribus contra Conradum qu. 30. & apud Emmianuelem sa.*

VI. QUÆST. III. *Quot conditiones assignant propugnatores lucri cessantis, ut in pactum deduci queat?*
RESP. Conradus Sunhemart, qui juxta Sotum primus fuit qui lucrum cessans titulum reputavit sufficientem ad aliquid exigendum supra sortem, octo requirit conditiones. 1. Quod lucrum istud vere, & non fidei cestet. 2. Accessio exacta supra sortem non debet excedere lucrum istud. 3. Neoesse est ut mutuator malit lucrum ex negotiatione quam ex mutuo. 4. Lucrum cessare debet præcise ratione mutui. 5. Quando mutuum cadit sub præcepto caritatis, nullum exigi lucrum potest, sed solum quando est meri consilii. 6. Abesse scandalum debet tam activum, quam passivum. 7. Exactio lucri fieri nequit ante, sed solum post tempus quo mutuator lucrum obtineret. 8. nequit totum lucrum exigi, sed diminuendum ex juxta expensas pericula, labores, & alia quæ necessaria erant ad lucrum asseendum.

VII. Posteriores auctores ad quatuor redigerunt conditiones istas. 1. Ut mutuum sit revera impedimentum lucri cessantis. 2. Ut mutuator non habeat aliam pecuniam otiosam. 3. quod lucrum ex negotiatione sit probabiliter futurum. 4. Quod mutuator moneat mutuatarium ante contractum, & secum pacificatur.

VIII. Continuo ac aliqua opinio favens cupiditati investa est, tractu temporis laxior evadit. *Sunhemart* exigit quod lucrum vere & re ipsa cestet: novissimi juniores requirunt dumtaxat, quod lucrum sit probabiliter futurum. Lucrum istud deberet esse certo moraliter futurum saltem in genere, & solum quantum ad quantitatem majorem, vel minorem dubium. Quod est enim tantum probabiliter futurum, est simul probabiliter non futurum, seu est indifferens ad futuritionem, & non futuritionem. Hæc autem indifferentia vendi nequit.

IX. Fufo calamo *Tom. 7. Lib. 3. Diff. 3. cap. 15.* pluribus §. §. explicui has conditio-nes, & laxas opiniones plurium, præsertim *Bonacine, Lessi, Tamburini, & aliorum* op-pugnavi. Ad hunc locum, ne longus sim, te remitto. Hic paucis sententiam meam, quam similiter ibidem explicui, perstringam.

S. Unicus.

AUCTORIS CONSILIUM.

I. C on sideratio prima. Exoro te, Lector, ut evangelicam legem, missis parum per casuisticis commentis, in mentem revo-ces. Serio quæso meditare illud: *Facilius est camelum &c. & rursus aliud: Væ vobis di-vitiibus &c. & iterum illud: Qui volunt di-vices fieri, incidunt in tentationem, & in la-queum diaboli &c.* Secundum hanc legem, non secundum Casuistarum opiniones, ju-dicandus eris. De damno emergente loquuntur antiqui Patres; de lucro cessante pro-fundum apud eosdem silentium. Nihil ho-die avari homines ad fenera fucanda inve-nerunt, quod oppositum ab antiquis avaris Basilio, Gregorio, Ambrofio, Hieronymo, Augustino non fuerit. Videbant & commer-cii, & negotiationis necessitatem: nec mi-nus quam juniores Theologi astabant æter-na hominum salutis desiderio. At non pro-pterera legis evangelicæ severitatem delinie-runt, nec titulum lucri cessantis approba-runt; sed quo acutiores homines erant in usuræ palliis, & larvis excogitandis, eo ipsi vehementius in fenera inventi sunt. Quor-sum tam ardenter usuras damnassent, si uno aut altero verbo, & fuso adjecto, usuræ in nihilum occiderent?

II. C on sideratio secunda. Si opiniones con-sisterent, quas juniores Moralistæ excogita-runt, & quarum aliquas indicavi, & pluri-mas recenti Tom. 7. loc. cit. exularet a mun-do omnis fere usura. Et illi soli fenerato-res

res essent qui talium auctorum ignorarent opiniones. Calvinus, Molinæus, Salmasius, Budæus, & cæteri hæretici juniores a Lutherò ipso in hoc recedentes usuras moderatas negotiatorias a dicitibus exactas propugnant, secus a pauperibus, & indigentibus. Nonnulli Moralistas probi alioquin & docti catholici, qui usuras omnes damnant, & pro hæreticis habent, qui illas five moderantes, five moderatas, five parvas defendunt, tot titulos excogitarunt ad honestandum lucrum ex mutuo, ut ad praxim quod attinet, fenera fere omnia de medio sustulerint; & ipsis Lutheranis laxior videtur doctrina quorundam nostrorum Moralistarum de usura, a quocumque exigenda ratione alicujus tituli ab iisdem conficti, quam propria sententia de usura moderata negotiatoria a solis dicitibus repetenda. Quare Franciscus Budæus Lutheranus in *Inst. Theolog. moral.* 2. p. c. 3. sec. 5. §. 27. adversus Catholicos obganniens sic bacchatur. *Turpiter autem hic se traducunt Pontificiorum Moraliste, qui dum acriter contendunt omnes usuras esse illicitas, adeo ut hæresis sit, si fenus carere peccato dicatur, lepidissimis tamen commentis, aliisque rebus impositis nominibus, usuri iniquissimis locum concedant.* Injuria summa Lutheranus homo traducit indiscriminatim Moralistas Pontificios, quia istorum aliqui aberrarunt, & usuras pia intentione decipi fecerunt. Istorum opiniones plures damnavit Ecclesia catholica, & alias tolerat, sed non probat. Immo graviores Ecclesiæ catholicae Theologi istorum laxas opiniones refutant, & convellunt. Sed his misfis ad rem venio.

III. *Conſilium meum paucis expoно.* Re-compensationem damni emergentis juxta regulas supra traditas cum antiquis Patribus & Theologis probo. Lucri cessantis titulum ob moram culpabilem debitoris admitto. Ad merum lucrum cessans quod attinet, quod nempe cessat mutuatori libero, vix ego alii cui auctor ero ut hoc titulo quidquam lueretur. Occurrere ne aliquando calus possit, in quo licitum sit lucrum istud, ignoro. Unum scio vix in praxi omnes conditiones illas occurrere quas vel ipsi adversarii profecto lucro requirunt. Et tamen si vel una deficiat, ipsis fatentibus, lucrum fenebre est. Interrogentur omnes mutuatores, qui continent mutua tradunt, num memoria has conditiones teneant. Risu excipient interrogacionem. Homines lucro inhiant, & pecuniarum cupiditate abripiuntur. Concupiscentia

carnis, & cupiditas divitiarum duo sunt scopuli, ad quos communiter homines impingunt, & æternum naufragium patiuntur. Pietatis, & beneficentiae suo usuras incurvant. Quid? Si caritatis preceptum urgeat, gratis tradendum mutuum est. Quando consilium suadet, absinere sine crimen a mutuo potes. Cur ergo mutuum tradis? Ut succurras amico postulanti mutuum? At si subvenire amico negligis, & a peccato, & a peccandi periculo liber es. Ergo manifeste stultus es, qui cum periculo æternum pereundi dislrahere pecuniam tuam vis, quando absque peccato retinere in arca pecuniam tuam vales. Verum re ipsa stultus non es, sed manifestus fenerator, quia non animo succurrendi amico, sed cupiditate lucrandi ex mutuo, tradis pecuniam mutuam. Quamobrem, ad praxim quod attinet, juxta ipsis lucri cessantis patronos, communiter mutuatores usurarii sunt, quia vix unus ex centum servat conditiones quas illi ipsi prescribunt. Communiter plures pecunias conservant mutuo tradendas, quia securius, & minori molestia lucrantur ex mutuo quam ex aliis contractibus: ideo, his contractibus missis, mutuo negotiantur, & fenerantur. Ajunt utique ore, se posse alios contractus innire, sed re ipsa mutuum exercere volunt, quia haec via facilius avaritiae indulgent.

IV. Ceterum si quis vero caritatis zelo succensus erga indigentes, & animo christiano iisdem succurrendi, exclusa omni cupiditate lucrandi ex mutuo, omitteret emere parata & prompta prædia, promptaque merces, ut medio mutuo succurseret indigenti, nec ipse improbo anderem, si proportionatam lucri, quod sponte omittit, ut officium beneficentiae exerceat erga indigentem, recompensationem exigeret. Verum quia in praxi vix hoc contingit, & me latet an studio adjuvandi indigentem, an cupiditate lucrandi ex mutuo id præsent mutuatores, ideo nemini consulerem ut ratione lucri cessantis accessionem supra sortem mutuo traditam exigeret. Aliorum sententiam in hac causa nec approbo, nec improbo. Sed doctrinam, quæ tempore Innocentii III. communis erat, queque a peccato, & a periculo peccandi liberat, confulo. Si plura cupis, lege Tom. VII. lib. 3. diss. 3. c. 15.

C A P U T . V I I .

*De usura mentali, & de pactis mutuo
adjectis.*

I. **Q**ui mutuum tradit ea intentione, & spe, ut lucrum assequatur tamquam sibi debitum, licet nullum pactum sive tacitum, sive expressum interveniat, usuræ peccatum committit.

II. Usura mentalis duplex. Altera, quæ intra mentem sifit omni actione exteriore seclusa, cum quis videlicet, quamquam cum spe accessionis supra sortem mutuum det, tamen delusus nihil præter sortem recipit. Hæc nunquam onus restitutionis inducit. Altera, quæ actum exteriorem conjunctum habet, scilicet cum quis citra pactum expressum, juxta spem accessionem recipit; & hæc affert debitum restitutionis. Distinguitur hæc a reali usura, quia realis præter acceptiōnem realem adjicit pactum; seu usura realis accipit accessionem supra sortem ex patēto aut tacito, aut expresso. Contra mentalis accessionem sperat, & recipit, omni exteriori pacto sublato.

III. **Quæst. i.** *Licet ne sperare aliquid ex mutuo?* RESP. Licitum est cuique sperare benevolentiam, & amicitiam. Lucrum vero sperare nullo modo licet, ut ex evangelico textu patet, neque tamquam ex benevolentia debitum. Idcirco Innocentius XI. hanc damnavit thesim: *Usura non est, dum ultra sortem aliquid exigitur tamquam ex benevolentia, & gratitudine debitum; sed solum si exigatur tamquam ex justitia debitum.* Exigere itaque, vel sperare aliquid tamquam ex benevolentia, & gratitudine debitum usura est. Cajetanus, Serra, Pradus, quos sequuntur plures juniores, docent non modo licitum esse sperare in mutuo lucrum ex benevolentia, & ex gratitudine, sed insuper manifestare te posse hanc intentionem, ajunt, dicens te sperare officia amici, & beneficium mutui fore remunerandum, dummodo ex pacto nulla imponatur obligatio. Salmantenses inquiunt, non esse coram avaris expoundam. Si falsa est, uti est, neque coram avaris, neque coram aliis proponenda est. Tamburinus lib. 8. cap. 8. §. 2. n. 6. docet, licitum per se, & speculative esse, mutuantem etiam antequam mutuet, rogare, vel excitare mutuatarium, immo & cum illo pacisci, ut aliquid supra sortem impetratur ex mera liberalitate, & vere voluntarie, quia nihil exp-

etatur vi mutui. Ita Molina. Palliota usuræ speculative proponuntur, & ceteri ad proxim reducent, & feneratores iisdem se induunt.

IV. *Mutuum date nihil inde sperantes,* inquit Christus. Mutuator absolute gratis mutuum tradat, ita paratus, ut cessante quamcumque remuneratione, mutuum traderet. Si hanc absolutam voluntatem aliqua spes gratuitæ remunerationis comitaretur, non esset usuræ mentalis damnandus, ut docet S. Thomas. Ceterum si lucri spes esset causa princeps, ab usura liber non esset. Improbandi tamen sunt mutuatarii, qui liberalitatis, & grati animi officia exhibere negligunt. Propter avaritiam mutuanticum, & infidelitatem, & ingratitudinem debitorum accipientium mutuum, caritatis officia exulant a Christianis plurimis.

V. **Quæst. ii.** *Qui celebravit contractum usurarium bona fide, potest ne retinere lucrum, cognita usura, dum poterat alium licitum contractum inire?* RESP. Adfirmant aliqui; sed hæc opinio falsa mihi est. Conditiones quæ adjici solent, licet laxitatem temperent, probabilem tamen, ut ego quidem arbitror, opinionem non efficiunt. Siquidem mutuator re ipsa consentit in contractum fenebrem. Ejus habitualis dispositio ad celebrandum alium contractum justum non tollit quin hic & nunc consentiat in usuram, ut vocant, *materialē*. Quod bona fide recipiat lucrum, non impedit quominus cognita lucri usura, restituere debeat. Qui bona fide vendit supra justum pretium, cognito errore restitutiōni obnoxius est. Bona fides excusat a peccato, secus ab onere restitutiōnis. Vide Tom. VII. lib. 3. diss. 3. c. 17.

VI. **Quæst. iii.** *Cujus sunt fructus pignoris traditi mutuatori in assūcationem sortis?* RESP. Sunt mutuatarii, quia penes hunc pignoris dominium manet. Res autem quælibet domino suo fructus parit.

VII. **Quæst. iv.** *Licitum ne est pactum legis commissoria in pignorum traditione?* RESP. Hoc pactum perperam lex vocatur. Est enim mera conventio, ut pignus sit mutuatoris, quando præfixo tempore fors non restituitur. Illicitum esse hoc pactum leges decrevere, & hoc adfirmant omnes: quoniam pignus communiter sortis mutuatitæ excedit pretium.

VIII. **Quæst. v.** *Quid de usuris pupillaribus, & dotalibus dicendum?* RESP. Usuras pupillares vocant, quas tutores, & curatores ob fraudem in administranda pupillorum pecunia solvere debere contendunt aliqui:

ut quando pecuniam pupilli in proprium commodum tutores convertunt: aut quia prefatam pecuniam otiosam servarunt: aut quia pupillis non succurrerunt tempore necessitatis. In his, & similibus casibus pupillis usurpas deberi jus civile decrevit. Sed hoc jus civile abrogatum est jure naturali, divino, & canonico. Neque enim aliud Evangelium est pro pupillis, & viduis, aliud pro Christianis. Nisi ergo alius justus titulus adsit, nihil pro pecunia pupillis debetur.

IX. *Fructus pignoris dotalis suscipere gener valet, sicut & fructus dotis, ut decrevit Innocentius III. cap. Salabiter de usur. Dos ad onera matrimonii sustinenda datur. Ergo usque dum gener dote caret, fructus pignoris jure percipit, cum pignus loco datis datum sit.*

X. QUEST. vi. *Fenerator ne est qui mutuum dat ut beneficium, vel officium, vel munus a lingua, ab obsequio, a manu asequatur?* RESP. Si in pactum deducatur, inquit aliqui, ut mutuatori beneficium, vel officium ex mera liberalitate, & antidotali, ut ajunt, gratitudine, & amicitia conferatur, nulla per ipsos usura est; secus si pactum apponatur, ut ex justitia remuneratio fiat. Hæc distinctio usuræ larva, & pallium esse videtur. Appositio pacti onus est quod mutuum grave, non gratuitum efficit, ut docet S. Thomas opusc. 21. & 22. qu. 78. ar. 2. ad. 3. Præfata officia a lingua, ab obsequio, a manu pretio estimabilia sunt. Quamobrem eadem deducere in pactum sive expressum, sive tacitum usura est.

XI. QUEST. vii. *Qui mutuum dat cum pacto, ut ad ejus molendinum, officinam &c. mutuatorius accedit, fenerator ne est?* RESP. Quidquid oneris imponitur præter sortis restitucionem usura est. Præfatus itaque mutuator, qui obligat mutuatorium ad emendas merces in sua officina, ut ad molendum frumentum in summ molendinum conveniat, & similia, fenerator est. Quando duo invicem sibi mutuas res sponte tradunt, nihil usurae perpetrant; sed mutuæ caritatis, vel benevolentia officia exercent.

XII. QUEST. viii. *Licet ne mutuum dare cum pacto ut alter in posterum remutuet?* RESP. Negat S. Thomas loc. cit. Hæc omnia pacta abesse a mutuo debent.

XIII. QUEST. ix. *Fenerator ne est qui obligat mutuatorium ad reddendam eamdem tritici, vini, olei &c. mensuram, si pretium auctum sit?* RESP. Licitum pactum est reddendi eamdem mensuram, quando æque dubi-

tatur, num minuendum, vel augendum dicatur, rerum pretium sit, quoniam tunc æquale est commodum, vel incommodum. Similiter, quando bona fide mutuum traditur, nullo habito respectu ad augmentum, vel detrimentum pretii, restituenda eadem mensura, si rem reservasse. Mutuo traditi mense Januarii tres modios tritici reddendos mense Maji, quos ad sustentandam familiam reservare destinaveram. Tempore restitutionis auctum pretium est. Reddenda omnino est eadem mensura ejusdem quantitatis, & qualitatis. Disputant Moralistæ, num qui mutuum dat frumentum servatur in tempus majoris pretii, possit exigere hoc majus pretium. Sed hæc disputatio futilest. Nam vel mutuatorius restituit ante tempus præfixum, & tu serva illud usque in tempus majoris pretii; vel restituit tempore majoris pretii, & tu vende illud hoc tempore. Vel denique mutuatorius morosus est: & tunc ratione moræ compensationis regulis obnoxius debitor est, juxta dicta cap. 5. n. 6. & seq.

XIV. QUEST. x. *In restituzione pecuniae mutuatio valor ne, an species consideranda?* RESP. Mutuos tradidisti centum aureos tempore quo singuli valebant viginti juliis, tempore vero restitutionis valent viginti quatuor, aut duodeviginti. Innumeræ sunt subtilitates, quas excogit arunt Jurisconsulti super hac quæstione. Sed vera sententia est in restituzione pecuniae mutuatio, non speciem, sed pretium spectandum esse: atque adeo non monetam ejusdem speciei, sed pretium, quo valebat traditionis tempore, restituendum esse. Quamquam enim in mercibus usu physico consumptibilibus tantumdem ejusdem speciei in numero, pondere, & mensura restituendum sit aliquando juxta dicta numero præcedenti; tamen pecunia excipitur, in qua non consideratur ejus physica species; sed valor extrinsecus, qui a Principis lege pendet. Regula generalis semper præ oculis habenda est, nempe rem quamlibet domino crescere vel decrescere. Dominium autem rei mutuatio est penes mutuatorium.

XV. Quando mutuator pactum apponit, ut mutuatorius eamdem specie monetam restituat, spectandæ sunt regulæ generales. Si periculum æquale sit incrementi, & detimenti, licitum pactum est. Si periculum non sit æquale, sed majus respectu mutuatorii, fenebre pactum est.

XVI. QUEST. xi. *Probabilis ne opinio est, mutuatorium eligere posse in fidejussorem ipsum*
mut.

mutuantem? RESP. Mutuarius, inquit non nemo, potest eligere tertium pro fidejusso re: ergo & ipsum mutuatorem; & sicut solvere pretium tertio jure valet, ita & mutuatori. Ut hujuscem opinionis falsitatem deprehendas, considera discrimen inter fidejusforem, & assecuratorem. Assecuator sortis periculum in se suscipit, & pretium pacificatur. Si furto, incendio, naufragio, aliove casu fors perit, ipsi assecuatori perit. Fidejusfor periculum dumtaxat quod est apud mutuatarium suscipit, quatenus si mutuarius aut impotens, aut infidelitate sortem non restituat, ipse fidejusfor reddere tenetur, & actionem retinet in mutuatarium, quem ad compensandum, si solvendo sit, cogere jure valet. Assecuator autem nullam actionem retinet in debitorem. Brevi assecuator suscipit periculum juris; fidejusfor periculum facti. His positis patet quam sit commentitia opinio relata. Nam si ipse mutuarius pro seipso fidejuberet apud mutuatorem, nonne ridiculum & stultum se proderet? Ergo non minus ridicula, & stulta est fidejusso quam ipse mutuator suscipit pro mutuatorio. Numquid haec fidejusso magis securum, magis divitem, magis fidum efficit mutuatarium? Ergo haec fidejusso mutuatoris est purum putumque usuræ pallium improbatum a Gregorio IX. in cap. Naviganti.

XVII. Lepidior est fidejusso quam quidam excogitavit. Petes secundo, inquit, an detur usura in fidejussione facta. V. G. Petrus petit a te mutuum. Tu dicis: nolo tibi mutuare, sed Paulo, qui postea mutuabit tibi. Paulus mutuat Petro id quod a te mutuo accepit, & vult te fidejubere pro Petro. Tu fidejubes, & pro fidejussione pretium exigis a Petro, quod jam ultra sortem lucraris. Dicitur autem haec fidejusso facta, quia recta non te obligas ad solvendum Paulo, licet Petrus non solvat, cum Paulus tantumdem tibi debeat.

XVIII. Mutuum istud circulatorum vocare possumus. Haec sunt quæstiones quas ignorarunt Patres, quasque versant, ut verbis utar P. Reginaldi, Doctores temporum. Vis dare mutuum Petro petenti; sed ut lucrum assequaris absque usura, hoc mutuum debet pervenire ad manus Pauli; deinde a manibus Pauli ad manus Petri, ut hoc circuitu faciem usuræ exuat lucrum, quod inde captare anhelas. Concludit qui haec confixit, nullam in hoc contractu reperiiri sive injuriam, sive usuram, si fidejusso pro Petro

sit revera periculosa. Hæc fidejusso, quam factam appellant, pejor est præcedenti. Est quippe versata, & fraudulenta. Tota hæc machinatio eo tandem recidit, ut Petrus mutuarius tibi solvat lucrum supra sortem mutuo traditam. Verum usura leipsa inter hæc artificia visendam se præbet. Nec in re manifesta diutius immorandum est.

XIX. QUÆST. XII. Probabilis ne est eorum opinio qui mutuatori accipienti pignus, simul lucrum concedant? RESP. P. Paulus Layman hunc casum proponit lib. 3. tract. 4. cap. 16. n. 2. his verbis. „ Civis majore anni parte „ pecunias paratas habet, ex quibus indi- „ gentibus opificibus præfertim textoribus, „ mutuum dare possit, relatio ipsi in secu- „ ritatem solutionis pignore, v. g. tela. Cum „ autem, recepto pignore, solutio facienda „ est, post annum medium in singulos florenos „ mutuo datos auctarium adjiciendum est, „ v. g. unus paizius. Considerandum enim „ est, auctarium istud non accipi ratione „ mutui, sed ratione obligationis, oneris, „ ac curæ, quam civis ille ob gratiam tex- „ torum in se suscipit, ut toto ferme an- „ no pecunias pro illis in promptu habeat, „ quocumque tempore in domum suam ad- „ ventantes intromittat, pecunias numeret „ &c. quæ obligatio pretio æstimabilis est..

XX. P. Patritius Spoter tr. 6. c. 4. sec. 2. §. 2. n. 39. hanc opinionem Laymani adoptat, & pro eadem citat Molinam, aitque esse communem. Eam quoque defendit Tamburinus. Admista Laymani, Spoterii, Tamburini, & aliorum opinione, nemo tam immunis ab usura, quam manifesti feneratores. Nam isti, non anno medio, non toto ferme anno, sed per plura lustra, & per totam vitam pecunias paratas tenent, non pro textoribus modo, sed pro omnibus indigentibus. Quin isti exigere pignus non solent, sed alicui se exponunt periculo. Libenter suscipiunt omnes in domum suam adventantes, pecuniam numerant &c. Quid ni ergo exigere pro singulis florenis unum paizium, pro singulis scutis duos paizios, pro singulis duoplionibus sex paizios poterunt? Ubi ergo usura in mundo? Telam opificum in pignus ac- cipiunt cives Germani, & simul paizorum auctarium exigunt? Si haec usura non est, quænam erit? At recipiunt auctarium, reponunt benigni Probabilistæ, non mutui vi, sed quia se obligant ad mutuum tradendum, & ob onus excipiendi in domos suas adven- tantes mutuarios, & numerandi pecuniam, & custodiendi pignus tela. Fuerunt ab orbe

condito feneratores, qui pecunias mutuo traditas non numeraverint, qui non excepterint in domos suas mutuatarios? Scandalum patiuntur vel ipsi avari, dum audiunt, aliquos feneratores ita effeatos, ut cum pignore in manu lucrum exigant. Effugia, quibus fucare hanc improbam usuram P. Layman conatur, labefactavi Tom. VII. Lib. 3. Diff. 3. cap. 19. Excusanda est bona piorum Theologorum intentio. Viderunt illi in propriis regionibus, Tambutinus in Sicilia, Layman, & Sporerius in Germania, Lefsius in Flandria, ejusmodi similesque negotiations invectas, consuetudine roboratas, populorum multitudinem vallatas. Ausi illi non sunt patrias improbare consuetudines, & contractus diu obtinentes damnam. Inquietabant isti: Si fenebris declaramus hos contractus, bonam fidem tollimus, & spes emendationis non apparet, & sic infinitam hominum multitudinem in oreum detrudi mus. Centies P. Diana haec ratiocinia inculcat Confessariis. Pia juniorum Theologorum salvandi omnes animas intentio laudanda, commendandus illorum zelus. Verum si falsae opiniones sint, si populi usura perpetrent, neque pia Theologorum desideria, inquit S. Augustinus, nec error, quia publicus, subdit S. Cyprianus, animas inferno subtrahunt.

C A P U T VIII.

De montibus pietatis.

I. **P**AUCA de *montibus pietatis*, qui alio nomine vocantur *montes Christi*, vel *deposita apostolica* delibabo. *Mons pietatis* summa pecuniae est ex piorum fidelium eleemosynis in pauperum levamen, & subsidium collata, ut iisdem indigentibus mutuo tradatur, pignore deposito, & accessionis contributione, qua ministri alantur.

II. Concilium Lateranense sub Leone X. celebratum sacros istos montes approbat. Decreto Concilii subscripte Theologi omnes, exceptis Cajetano, & Soto, qui nimio sane ausu, etiam post decretum Concilii, usura arguere montes istos non cessarunt. Et ad hoc quod attinet, tametsi Dominicani, improbamus eorumdem errorem, quia personarum acceptatores non sumus, nec contra personas, cuiuscumque sint instituti, sed contra errores stilum armamus.

III. Declaravit Concilium accessionem supra fortem exigi ad solas ministrorum expen-

sas, & aliarum rerum ad illorum conservacionem, ut praefertur, pertinentium, pro eorum indemnitate dumtaxat, ultra fortem, absque lucro eorumdem montium. Si accessio cederet in lucrum montium, fenebris esset.

IV. Tres conditiones requiruntur. 1. ut pecunia pauperibus tradatur intra limites certae summae pro tempore determinato restituenda. 2. ut pignus a debitoribus exhibeat, quod a ministris proprio custodiri periculo debet. Si pecunia tempore praefinito non restituatur, sub hasta pignus venditur, & pretio quod monti debetur, retento, id quod superest, domino pignoris restituitur. 3. ut tenuis supra fortem accessio exigatur in ministrorum mercedem, montiumque expensas, quæ domorum conductione, & aliis rebus fieri debent. Si quid ex accessionibus supersit, non in montium augmentum, sed vel ipsis mutuatariis pro rata, si fieri potest, restituendum, vel in pauperum eleemosynam convertendum est.

V. QUÆST. I. An qui revera pauperes non sunt, neque ob paupertatem levandam mutuan pecuniam a sacro monte accipiunt, peccant, & ad restitutionem teneantur? RESP. Aliqui æstu avaritiae succensi, levi accessione monti sacro solvenda allecti, pecunias ab eodem mutuas accipiunt, ut vel negotiationi easdem applicent, vel mutuas aliis cum majore accessione tradant. Hi omnes & furti, & avaritiae rei sunt. Animo quippe fraudulentio montem decipiunt, atque pecuniam pauperum indigentis sublevandis destinatam surripunt, ut propriae avaritiae indulgeant. Tendentur isti illico monti pecuniam restituere, & damnum, si quod contingit, compensare.

VI. QUÆST. II. Qui in his montibus pecunias collocant, possunt ne licite accessionem accipere dempro titulo? RESP. P. Pasqualigus Decis. 183. Contendit ex pecunia collata in montes pietatis percipi lucrum posse, dempro titulo damni emergentis, vel lucri celsantis. In aliquibus pietatis montibus, quos mixtos vocant, pecunias conquirunt ut pauperibus subveniant. Pecuniarum collatoribus pensionem præter fortem solvent. Disputari coepit est, num haec accessio licita sit? Theologi omnes, & Canonistæ usuræ eam damnarunt. P. Pasqualigus eamdem ab usura purgare natus est, quem secuti sunt Bassæus, & Pignatellus. Ut suam opinionem evincat P. Pasqualigus obtrudit litteras Pauli III. quibus id conceditur Monti Ferrarensi. Cl. Petrus Ballerinus in opusc. de his mon-

tibus §. 3. invictis argumentis evincit has litteras apocryphas, & suppositias esse.

VII. Paulus III. litteris datis pro monte Mutinensi an. 1542. Julius III. pro monte Vicentino an. 1555. Pius IV. pro monte Veronensi an. 1563. non aliis solvi accessionem concedunt, nisi illis qui caritatis zelo adducti, ac pro pauperum subventione, non fenerandi animo, pecunias deponunt tempore illo, quando merces paratas ac prædia ad emendum parata haberent, ex quorum reditu quatuor & ultra pro centenario percipere possent. Quare falsa mibi est P. Pasqualigi opinio, qua licitam ejusmodi accessionem afferit, sublato omni titulo.

VIII. Quid de illis dicendum qui pecunias collocant in montibus istis, non zelo subveniendi pauperibus, sed cupiditate lucrandi? Ne easdem domi otiosas habeant, ut lucentur, in montibus pietatis easdem reponunt, repetendas continuo, ac occasio occurrit emendi prædia, census, vel exercenda negotiationis. Hi omnes manifesti feneratores sunt.

IX. Quid de istorum sacrorum montium ministris dicendum? Montes isti, ut dixi, deposita apostolica nuncupantur, & patrimonia pauperum. Ministri eorumdem sunt ministri pauperum, & pauperum mercede conducti, pauperum stipendio aluntur. Et tamen non raro contingit ut hi ministri splendide vestiant, laute nutriantur. Isti non raro magnam accessionum portionem absorbent, & pauperum sanguine saginantur. Respectu istorum montes isti non pietatis, sed impietatis sunt. Ejusmodi corrupctela causa fuere cur Cajetanus, & Soto inventi fuerunt adversus montes istos. Sed in hoc errarunt, quod non distinxerunt abusus, & hominum vitia ab ipsa re honesta & pia. Sed profecto non minus errant illi qui benignitatis humanæ fuso tam enormes abusus honestant.

C A P U T IX.

De contractu trino, aliisque contractibus.

I. QUÆST. 1. *Quid sit contractus trinus?*
RESP. Trinus vocatur, quia tripli ci contractu constat. est societas. 2. *afsecrationis.* 3. *venditionis.* Contractus societas est conventio duorum, vel plurium de contribuendo aliquid pretio æstimabile in commune lucrum, & damnum pro rata. Omnim consensu licitus est contractus iste.

Tom. II.

Quatuor conditions postulat. 1. Qui vivum ponit, periculum subire debet. 2. Negotiatio, aut ars, in qua colloquandum vivum est, honesta sit oportet. 3. Equitas servetur. 4. Vivum seu capitale tradendum est viro industrio, pecunia mercatori, animalia rusticis &c. In hoc primo contractu Caius ponit pecuniam, Mevius negotiator industria, & ambo lucri, & iacturae pro rata participes sunt. Secundus contractus *afsecrationis capitalis* vocatur. Caius, qui pecuniam contulit, paciscitur cum Mevio ut suum capitale immune ab omni periculo restituat; & pro hac *afsecratione* partem lucri remittit. Dedit 100. Lucrum ex negotiatione percipiendum est, ut præsumitur, duodecim. Remittit quatuor pro capitalis securitate a Mevio præstanta. Tertius est *venditionis majoris lucri incerti pro lucro minori certo.* Lucrum incertum speratum, est præter propter duodecim in 100. ut dictum est. Hoc Caius vendit pro lucro certo quatuor. Itaque Caius ex suo capitali afsecrato quatuor vel quinque plus minus ve percipit in centum omni molestia, labore, & periculo sublati.

II. Sola simplex, & perspicua questionis expositio usuram tibi in oculos ingerit. Si Caius dicat simplici sermone Mevio: Do tibi, Mevi, centum mutuo, ut quatuor vel quinque in annos singulos mihi pendas, fenerator est. Si præfato versuto verborum involucro & circuitione utatur, usuram declinavit.

III. Istius trini contractus inventum tribuit P. Tamburinus lib. 9. cap. 5. §. 3. n. 1. & 2. acuminj juniorum Casuistarum sic scribens. „ Ex vi solius contractus societatis „ non licere totum periculum in socium re- „ jicere, nimis clare patet. . . Verum IN- „ GENIOSI THEOLOGI, forte ab ipsis mercato- „ ribus, quorum re interest, admoniti, inver- „ nerunt modum rejiciendi totum periculum in „ unum ex sociis SINE INJUSTITIA.

IV. Ingeniosi Theologi, inquit, ab ipsis mercatoribus admoniti modum invenerunt lucrandi ex mutuo absque usura. At modus iste latuit Patres, & Theologos, qui non a mercatoribus, sed a lege evangelica, & a sacris canonibus Theologiam didicere. Sed reponit P. Joseph Gibalinus acerrimus contractus trini propugnator lib. 6. de usur. c. 5. a. 2. pag. 383. n. 3. hoc monitum. „ Mono- „ dumtaxat impræsentiarum, plurimas sen- „ tentias ubi primum in scholis inductæ sunt „ contra opiniones receptas, & vulgares, non- „ „ nisi

„ nisi timide admodum a suis auctoribus
 „ fuisse prolatas , tum ne *vulgaris Doctorum*
 „ offendarent . . . Ubi vero aliquandiu pen-
 „ siculatius examinatae sunt ejusmodi senten-
 „ tiae , & discussa nube , luce veritatis per-
 „ fusæ magno consensu recipiuntur , quæ pri-
 „ mum natæ vix parentem prodere aude-
 „ bant . . . Idem in nostro casu accidit .
 „ Cum enim societas æqualitatem consti-
 „ tuat inter socios , hæc obligations certi-
 „ luci , quamvis minoris , & securitatis for-
 „ tis præstandas ab altero socio , cum socie-
 „ tatis natura pugnare jure merito sapienti-
 „ bus vise sunt . Ubi vero adverterunt hæc
 „ onera non imponi socio vi contractus so-
 „ cietatis , sed per nova pacta &c. „

V. Mirifica vis istius novi modi opinandi . Olim *vulgaris Doctorum* , nempe SS. Pa-
 trum , SS. Thomæ , Raymundi , Bonaventurae , Antonini , Bernardini , & discipulo-
 rum eorumdem offendebatur ad novitatem
 contractus trini . Sub initium pavebant no-
 vi opinatores , & vix audebant prodere talis
 contractus parentes . At postea discussa
 nube , sub qua caligarunt sanctissimi Patres ,
 lux veritatis apparuit junioribus . Et isto-
 rum opiniones magno consensu recipiuntur ,
 quia cupiditati faciunt .

VI. Hunc contractum damnavit perspic-
 uis verbis Sixtus V. peculiari constitutione
Destabilis avaritie an. 1586. ex qua sequen-
 tia decreto . „ Multi speciosum & hone-
 stum societatis nomen suis feneratitiis con-
 tractibus prætexendo , hoc quasi colore &
 suco mercatoribus , opificibus , & negotiato-
 ribus , & eadem conditione , ut sors ipsa ,
 seu capitale tam pecuniarum , quam ani-
 malium , & rerum salvum semper & in-
 tegrum existat pro eo qui non industria ,
 aut operas , sed pecunias , & animalia ,
 aut res ejusmodi in societatem confert ,
 ut omne periculum & damnum ab altero
 socio recipiente sustineatur contra *equita-*
tem , & societatis justitiam diversimode
 paciscuntur : eos denique socios cum qui-
 bus contrahunt , plerumque pauperes , &
 egenos , suoque labore , & industria victi-
 fantes , quicumque tandem casus , & re-
 rum eventus consequatur , pacto & obli-
 gatione constringunt , simulque etiam certi
 luci quantitatem , & summam , veluti tot
 pro qualibet centenario in singulos annos , aut
 menses , per alterum socium , durante socie-
 tate solvendam preficiunt , ac prescribunt . . .
 Proinde nos . . . hujusmodi morbi con-
 tagium , antequam in communem fide-

„ lium perniciem serpat , quantum Deo fa-
 „ vente possumus , tollere cupientes , de at-
 „ tributæ nobis apostolicæ potestatis pleni-
 „ tudine , hac nostra perpetuo valitura con-
 „ stitutione *damnamus , reprobamus omnes &*
 „ *quoscumque contractus , conventiones , & pa-*
 „ *tiones post hac insundos , seu ineundas , per*
 „ *quos , seu quas cavebitur personis , pecu-*
 „ *nias , animalia , aut quaslibet alias res*
 „ *societatis nomine tradentibus , ut etiam*
 „ *si fortuito casu quamlibet jacturam , da-*
 „ *mnum , aut amissionem sequi contingat ,*
 „ *sors ipsa , seu capitale semper salvum sit ,*
 „ *& integrum a socio restituatur : sive ut*
 „ *de certa quantitate , vel summa in singulos*
 „ *annos , aut menses , durante societate , respon-*
 „ *deatur : statimque hujusmodi contractus*
 „ *conventiones , & pactiones usuarios , &*
 „ *illicitos posthac censeri debere : atque in*
 „ *posterum non licere iis qui pecuniæ ,*
 „ *vel animalia , aut alias res in societatem*
 „ *tradent , de certo lucro , ut præfertur , per-*
 „ *ficiendo inter se pacisci , & concordare ,*
 „ *neque etiam sive ad certum , sive ad in-*
 „ *certum lucrum convenerint , socios qui ea*
 „ *recipient , ad sortem , seu capitale sal-*
 „ *vum , & integrum , ubi illud casu fortui-*
 „ *to perierit , vel amissum erit , quovis pa-*
 „ *cio , aut promissione sibi obligare . Ac ne*
 „ *de cetero sociates ineantur sub hujusmodi*
 „ *pactis & conditionibus , quæ usuariam pra-*
 „ *vitatem sapient , directe interdicimus , &*
 „ *prohibemus . „*

VII. Sanctissimus Pontifex BENEDICTUS XIV. Lib. VII. de Synodo c. 1. declarat Six-
 tum V. damnasse tamquam fenebrem con-
 tractum trinum his verbis . „ Hic porro est
 „ trius ille contractus quem celebrem fe-
 „ cit exorta inter Dominicum Sotum , &
 „ Martinum Navarrum discordia . Putabat
 „ nimirus Navarrus , tres prædictos con-
 „ tractus simul , & cum eadem persona , tu-
 „ ta conscientia iniri posse , atque ab usu-
 „ raria pravitate imunes esse ob rationes
 „ quas adducit in suo Manuali cap. 17. num.
 „ 254. & seq. Sotus ex adverso assertebat ,
 „ trium illorum contractuum conjunctionem
 „ degenerare in mutuum feneratitum , &
 „ societatis leges , quæ lucri damique com-
 „ munionem exposcunt , evertere : suamque
 „ assertionem pluribus propugnabat argu-
 „ mentis , quæ videri possunt in ejus opera
 „ de justitia Lib. VI. quest. 6. art. 2.

„ Causa delata est ad Sextum V. Ponti-
 „ ficem maximum , qui diligenter quæsti-
 „ one discussa , duplicitis securitatis pactionem ,
 „ sociæ

„ societati adiectam , USURARIAM PRONUN-
 „ TIAVIT : eamque deinceps FIERI PROHIBI-
 „ BUIT sua constitutione 68. quæ incipit
 „ Detestabilis , edita anno 1586. tom. 4.
 „ Bull. pag. 263. “

VIII. P. Leonardus Lessius vanam redere Sixtinam constitutionem , & ea promulgata , defendere contractum trinum præ ceteris aggressus est . Missis plurimis ejusdem commentis , hæc l. 2. c. 25. dub. 3. num. 33. scribit . Nec obstat quod *Sixtus V.* in constitutione edita anno 1586. 12. Kal. Nov. damnet , & reprobat omnes contractus impostorum ineundos , per quos cavebitur &c.... Quia non obstante hac constitutione , in Italia maxime viget , & semper viguit forma ista contrahendi .

IX. Nonne hæc venusta argumentandi ratio ? Evangelio promulgato grassantur furta , perjuria , fraudes , adulteria . Ergo hæc sceleræ Evangelio non adversantur ? Post constitutiones pontificias contra propositiones Bajanas , Jansenianas , Quesnellianas , superstitiones Sinenses , & Malabaricas , viagent errores Bajani , Janseniani , Quesnellianni , superstitiones Sinicæ , & Malabaricæ . Quid inde ? obsolevere ne propterea pontificæ constitutiones ?

X. Reponit ibidem P. Lessius , in Italia nunquam receptam fuisse Sixtinam constitutionem . Multo minus , inquit , fuit recepta hic in Belgio , ubi neque fuit unquam promulgata , neque cognita . Simili modo *Pius V.* an. 1569. multa statuit de censibus v. g. ut stauantur super re immobili , frugifera &c.... Tamen quia hic in Belgio illa constitutio non est recepta , nemo sibi facit scrupulum , etiam si eam non servet .

XI. Quam ansam Jansenistis præbeat hic opinandi modus resistendi pontificiis constitutionibus , sapientiores me judicent . Tandem ibidem concludit P. Lessius . Hæc fuisus præter morem meum persecutus sum , quod videam adhuc a quibusdam propter UMBRAS quasdam usure , hunc contractum damnari , cuius probationem hoc tempore cum danno publico futuram non dubitaverim . Umbras ergo usuræ , non usuras ipsas constitutiones pontificiæ damnarunt ? Non potest contractus iste improbari absque damno publico ? Damnum publicum ergo intulit constitutio Sixtina ? Nam hæc adeo luculenter rejicit , & fenoris damnat contractum trinum ; ut vel ipse P. Lessius , Theologus alioquin celebris & perdoctus , non audeat negare hanc damnationem : idcirco fese recipit ad non

acceptationem Italæ , & Belgii : ac si constitutiones pontificiæ , quæ legem evangelicam interpretantur , a populorum acceptatione penderent . Tom. 7. lib. 3. diff. 3. c. 21. rescripti acceptationes Episcoporum , & Synodorum , & fusi Tom. de usur. contrar. rationibus evincitur usura contractus trini .

XII. Contractus trinus ex tribus contractibus specie diversis & mutuo pugnantibus coalescens , purum putunque commentum est sola mente conceptum : quod ita probatur . Natura & essentia contractus societatis est quod socii damni & lucri participes sint . Secundus contractus *affecutionis* suscipit rei alienæ periculum , quod excludit omnem communionem damni & lucri *societati* necessariam . Essentia tertii contractus venditionis , & emptionis lucri majoris incerti spe rati transfert dominium a venditore in emptorem talis lucri . Hoc autem dominium in societate commune sit necessum est . Ergo contractus iste trinus ex tribus invicem pugnantibus coalescens purum putumque commentum est ; commentum scilicet , ut usuræ larva sit .

XIII. Ulterius societas quæ omnia pericula in unum sociorum rejicit , injustitiam prodit . Verum est , inquis , nisi pericula compensentur pacto pretio . Quodnam premium istud ? Diminutio futuri lucri incerti . At lucrum istud incertum est . Hoc autem lucrum incertum , licet majus , æquare sortem certo restituendam , & premium certo solvendum nequit . Monstrum inæqualitatis exemplo declaro . Confert Sempronius capitalista mille scuta negotianda Cajo mercatori , quocum societatem init per decem annos . Cajus ponit industriam , quæ æquat sortem . Una paciscuntur , quod Cajus elapsò decennio reddere sortem debeat , & singulis annis solvere quatuor in centum , ut premium certum , deducendo ex lucro incerto negotiationis . Cajus elapsò anno vel naufragio , vel furto , vel incendio sortem amittit . Quid tunc ? Solvere singulis annis quadraginta scuta debet , & elapsò decennio debebit restituere sortem . Quamvis prospetto eventu succederet negotiatio , æquare unum ex his casibus , qui probabiliter in negotiatione eveniunt , nequit .

XIV. Præterea ut paclum securitatis iustum sit , premium solvendum proportionatum esse debet periculo sortis reddendæ . Porro assecuratio , quam pro trino contractu excogitarunt ingeniosi Theologi , adeo

singularis ; & peregrina est , ut nulla lex negotiationis illam probet . *Affecuratio*nis *contra*ctus quem jura probant , ab hoc , aut illo periculo , puta piratarum incursione , tempestatis naufragio , aut incendio liberat . Verum affecuratio adjecta trino contractui cavit ab omnibus periculis possibilibus terra , maris , diminutionis pretii , difficultis venditionis , mercium corruptionis , a periculis infidelitatis famulorum , vel emptorum , qui decoctores sunt . Ubinam , quæso , simile affecurationis spectrum ? Animadverunt rei mercatoriae peritissimi , quod negotiatio deberet reddere quadraginta in centum , ut lucrum istud æquaret affecurationi contractus trini . Nam altera pars istius lucri detrahenda est ad affecurandam industria , & operas socii mercatoris : altera pars lucri detrahenda est ad affecurandam pecunia sortem . Postremum altera portio detrahenda est ad affecurandum lucrum incertum majus emptum pro incerto minori . Hæc sola tria capita absorbent omne lucrum cuiuscumque negotiationis etiam secundissimæ . Et tamen duæ adhuc portiones superesse deberent . Altera pro solvendo certo minori lucro empto quatuor in centum , & tandem altera pro affecurando socio negotiatore . Hæc obvia sunt , & sub sensu cadunt , inquit Cardinalis de Luca , cuius auctoritas in hac materia non parvi certe facienda est . Is lib . 5. de usur . discurs . I . n . 16. hæc scribit . *Hoc autem impracticabile videtur in lucro retrahendo ex pecunia numeraria . Quoniam ad effectum ut creditor , seu mutuarius affecuratus tam de sorte , quem de lucro obtineat quinque pro centenario , oportet dare lucrum in plusquam quadraginta pro centenario , dum ex lucro detrahere prius oportet portionem quodammodo colonicam , debitum ipsi mutuariario , tamquam socio ponenti operas , pro istarum congrua , & proportionata remuneratione . Deinde vero de eo quod superveniet ad commendum creditoris , tamquam species portionis dominicalis , detrahenda est magna , & notabilis quantitas , quæ verisimiliter sit congrua merces dictæ duplicitis affecurationis , etiam a quolibet tertio negotiatore facienda , quod videatur impracticabile . Hoc idem advertunt duo celebres Theologi Siculi Minutulus , & Genarus .*

XV. Tandem contraftus iste societatis duobus aliis circumseptus recidit in merum mutuum : siquidem pecunia tradita in societatem , accendentibus duobus aliis contrahibus , transit in dominium socii mercato-

ris , quia ipsi vel stat , vel perit . Quælibet autem res domino perit . Exempla commodatarii , depositarii , locatarii , quæ opponunt adversarii , sunt evidenter falsa . Et si concedatur locari pecuniam posse , sicut locatur dominus , ager &c. nulla usura in mundo est . Si cetera sophismata convulsa vide re cupis , lege Tom . 7. diss . 3. c . 16. § . 8. & aliud volumen de usur . contr . trin .

XVI. QUEST . II. *Licitus ne est contractus societatis duplex in quo aut capitale , aut lucrum affecuratur ?* RESP . Adfirmant plures etiam eorum qui oppugnant contractum trium . Quoniam , inquit , licet socius affecuret sortem , tamen de ea ad libitum disponere nequit , sed illam impendere negotiacioni debet . Si affecurat lucrum , non affecurata sorte , res evidentior est .

XVII. Hæc sententia falsa mihi est quantum ad primam partem , quæ spectat affecurationem sortis , quia fors affecurata ab omni periculo , non potest esse lucrosa capitalistæ neque ratione industria , nec ratione periculi . Hi autem sunt duo tituli solidi quibus lucrosa in mercatura pecunia redditur . Accedit quod re ipsa nunquam solvit pretium quod æquet omnia pericula tum extrinseca , tum intrinseca . Est periculum , inquit , nihil lucrandi . Sed hoc periculum non est illud quod pecuniam secundam reddat . Periculum istud pretio redimitur vere , & non ficte , ut in contractu triplici . Et ego repono non minus fictam esse hanc affecurationem in contractu duplice ac in contractu triplici . Quis enim valet iustum pretium constituere pro affecuratione ab omni periculo solvendum ? Pretium pro affecuratione ab hoc aut illo periculo extinsecus occurrente usus platearum introduxit , & jura approbat . Sed nulla lex , nulla fori , aut negotiacionis consuetudo approbat , aut præscripsit taxationem pretii , quo affecuretur fors ab omni periculo tum juris , tum facti : & supra ex Cardinali de Luca , & aliis ostensum est , nullam negotiacionem , quantumvis uberrimam , in Europa saltem parere lucrum adeo magnum quo affecurari fors possit ab omni possibili periculo juris , & facti , ut fit in contractu triplici , & duplice .

XVIII. De secunda parte , nempe de affecuratione lucri certi disputari potest . Sors periculo exposta lucrum parit . Hoc lucrum incertum est . Quidni contractus iniiri valet inter socium & capitalistam super hujus lucri quantitate ? Lucrum istud modo ma-

majus, modo minus est: ut plurimum est octo vel decem in centum. Illud emit *capitalista*, seu qui ponit sortem pro quatuor aut quinque. Nulla hic absolute loquendo videtur injustitia: nam sors periculo exposta revera parit lucrum majus, & minus. Est igitur verus contractus aleæ, & quidem æqualis pro utraque parte. Verum quia Sixtus V. hæc pacta absolute vetat, ideo ab eo probando abstineo.

XIX. At, inquires, si contractus iste nullam prodit injustitiam, cur initio non debet? Quia summus Pontifex eum improbat. Quia doctrina revelata a Christo Jesu sive in fidei, sive in morum materia subjacere non debet hominum privatorum opinio nculis; sed standum est, & quidem simplici corde, decisionibus Romanorum Pontificum, qui sunt judices a Deo constituti. Nonne si homines fideles, sinceri, & æqui essent, omnes mutuo sibi tradarent ad lucrandum? Qui pecuniis abundarent, & carerent industria, & arte negotiandi, easdem tradarent iis qui pecunia sunt destituti, sed industria & ingenio valent ad easdem frugiferas efficiendas. Et revera hic est ordo divinae Providentiae. Quia vero homines dolosi, vetratores, injusti, & fraudulenti sunt; ideo ne ingeniosi Theologi exquisitis interpretationis eludere, aut inflectere, aut delinire possunt legis evangelicæ rigorem, & pontificia oracula, clamantes hæc non esse recepta?

XX. QUÆST. III. *Quid de societate animalium dicendum?* RESP. In hoc contractu animalia gerunt vices vivi, seu *capitalis*, & qui ea tradit, vocatur *capitalista*, qui eadem accipit, dicitur *socius*. Hic illa pascre, & custodire debet; & fructus dividendi sunt. Easdem conditions servandas in hoc contractu præscribit Sixtus V. ac in contra-*etu* societatis pecunia; videlicet, quod capita animalium pereant domino, dummodo sine fraude & negligentia *villici* socii pereant. Quare societates illæ quæ fieri alicubi solent, & vocantur a *capo salvo*, nempe salvo capitali, omnes injustæ sunt, ut Sixtus V. definivit, & plura Concilia provincialia declararunt, & præsertim Mediolanense I. sub S. Carolo, in quo dicitur: *In societate non fiat pactio ut fors salva sit, fructus vero communiter dividantur.*

XXI. In hoc contractu, sicut & in ceteris, servanda semper æqualitas. Communiter majori gravamini succumbit *socius pauper*, cum contra res se habere deberet,

Conferenda sunt incommoda, labores, paœua, industria socii cum capitali collato a divite. Si hæc duo æqualia sint, tum dividendi & fructus, & sors ipsa pro rata est: nam præfata, quæ ponit *socius*, locum fortis obtinent. Si vero *capitalista* ultra animalia simul paœua tradat, tum prudentum judicio fieri divisio potest: sed tum locatio potius quam *societas* est. Præcisa regula præscribi nequit, ideo pro regionum diversitate servanda æquitas est.

XXII. QUÆST. IV. *Sunt ne feneratores domini lucri quod usuris acquirunt?* RESP. Adfirmant non pauci. Sed negat S. Thomas 2. 2. qu. 78. a. 3. cui communius Theologi subscribunt. Ratio evidens. Contractus feneratitius jure tum naturali, tum divino nullus est. Ergo impar ad dominium transferendum. Bona feneratitiae, si frugifera sunt, crescunt mutuatariis, non feneratori; pertinet vero feneratori, quia is possessor malæ fidei est. Heinc consequitur non posse feneratorem in alios transference dominium bonorum quæ senore asseditus est. Et qui præfata bona ab usurario accipiunt, restituere eadem debent non secus ac si a latronibus emissent. Omnes enim Theologi ad restitutionem feneratores obligant sive dominio potiantur, sive secus. Qui enim dominium iisdem concedunt, docent simul tale dominium gravatum esse onere restitutionis.

XXIII. Si bona quæ fenerator acquirit, sint sterilia, ut pecunia, frumentum &c. quæ usu consumuntur, eaque negotietur, & alia bona acquirat, hæc restituere non astringitur, quia sunt fructus industriae. Si frugifera bona sunt, restituendi quoque fructus sunt. Qui consulunt contractus feneratitios, tenentur ad restitutionem. Qui deponunt pecuniam apud feneratores eum in finem ut fenerentur, peccant, non secus ac illi qui furi instrumenta porrigit ad furandum. Ideo isti tenentur ad restitutionem. Rectores, judices, advocates, qui aliquo statuto in causa sunt ut usuras solvantur, peccant contra justitiam, & restitutioni obnoxii sunt, feneratoribus non restituentibus. Ministri qui dominorum nomine usuras percipiunt, peccant, & tenentur, deficientibus dominis, ad restitutionem. Excipiunt autores ministros qui officia minus proxima ad usuras exercent, ut scribere, numerare pecunias, illas custodire &c. Si præxim speches, communiter isti impares sunt ad restitutionem. Unum mihi certum est ejusmo-

di ministros cogendos esse ut a ministerio recedant. Ceteri ministri qui propinquius arti feneratitiae inserviunt, qui contractus senebres ineunt, qui cogunt mutuários ad solvendum, peccant, & restitutioni subjecti sunt, ut vel ipsi juniores docent.

XXIV. QUÆST. v. *Licitum ne est ab usurario mutuum petere sub usuris?* RESP. Negat 2. 2. q. 78. a. 4. S. Thomas, quia non licet alium inducere ad peccandum. Solum licita petitio est, ut ibidem subdit Angelicus, ut propriæ, vel alienæ necessitati subvenias. Non igitur, ut negotiationem amplifices, non ut majora lucra captes, sed solum ob veram gravem necessitatem, quæ reparari alia via non potest, licitum est mutuum petere: quæ actio natura sua licita est, & fenerator ex sola sua pravitate te cogit ad pendendam usuram. Mutuum enim dare, officium caritatis est, illudque petere licet. Quod vero mutuator nolit absque usura impetrari, illius nequitia est. Quare tu offerre usuras nequis, sed solum mutuum petere, & coactus dare potes, ut tuae consulas necessitatibus.

DISSERTATIO V.

De cambiis, censibus, locatione, ludo, & sponsione, promissione, donatione, & testamentis.

CAPUT I.

De cambio, ejusque divisione, & conditionibus.

I. QUÆST. i. *Quid, & quotplex sit cambium?* RESP. Est contractus commutationis pecuniarum pro pecuniis cum lucro camporis. Qui dat pecunias, vocatur *Campor*, & qui petit cambium, *Campsarius*, & ars ipsa *Camporia* appellatur.

II. Dividitur in *reale*, & *factum*, seu *sicutum*. Cambium siccum larva usuræ est, seu est mutuum palliatum, nempe traditio pecuniæ absque loci distantia. Indiges pecunia hic Romæ, & hic restituenda est, sed juxta valorem cambiorum Neapoli, Genuæ, Medionali &c. Cambium *reale* est in quo vere pecunia pro pecunia commutatur, sive præsens pro præsenti qualitatis diversæ, sive præsens pro absente & distante. Dividitur in *manuale*, seu *minutum*, in quo pecunia

aurea pro argentea, aut argentea pro aurea, vel contra commutatur; & in *locale*, seu per litteras, in quo permittatur pecunia præsens pro distante in alio loco, aut distans in alio loco pro præsenti.

III. QUÆST. ii. *Quo titulo licitum est cambium manuale?* RESP. 1. est commodum Reipublicæ. 2. est labor, & incommodum congregandi pecunias cuiuscumque generis, & eadem conservandi, distribuendi: ad quæ omnia peragenda requiruntur ministri, domus, & expensæ non leves. 3. juxta aliquos est ipsa intrinseca diversitas monetarum. Taxatio lucri communii & publico consensu definita in emporiis est. Non licet famulis camporum permittare monetas in proprium commodum, & lucrum: quia cum locarent operas & industrias dominis, nequeunt de pecuniis dominorum lucrari, quidquid in oppositum dicant nonnulli.

IV. QUÆST. iii. *Quo titulo licitum est cambium locale cum lucro?* RESP. Omnes affirmant, licitum esse cambium istud, quo pecunia in uno loco traditur, & alibi solvit, aut contra: quia justus titulus lucrandi est pecuniarum asportatio Reipublicæ valde necessaria, quia liberat a periculis latronum, a labore, & a multis aliis incommodis, quæ omnia sunt pretio æstimabilia.

V. QUÆST. iv. *Quid de cambio cum recambio dicendum est?* RESP. Cambium cum recambio, vulgo *con la ricorsa*, paradoxum est negotiatorum, tot gyris & circuitibus involutum, ut ne videar jocari, & lectoribus illudere, illud exponam verbis P. Tamburini, qui lib. 9. de cont. c. 5. §. 2. n. 1. sic cambium istud exponit. „Praxis hujus „cambii (quod *Bisuntinum* vel *Placentinum* „apud Lessium lib. 2. c. 23. n. 59. appellatur) nostro ævo frequentissima, hujusmodi est. Titius campor hic Panormi v. g. dat *Cajo* centum aureos, solvendos ab eo „*Cajo* in proximis nundinis *Placentia* celebrandis, vel in aliquo Italiæ, vel Siciliæ loco. Quoniam vero *Cajus* neminem habet *Placentia*, vel in illis aliis locis, qui ejus nomine solvat quod ipse *Cajus* debet, ideo *Titius* offert eidem *Cajo* suum correspondentem nomine *Sejum* residentem in illis locis. Offert, inquam, ut sicuti est correspondens *Titii* cum omni potestate, ipsi *Sejo* concessa ab eodem *Titio*, ita in hoc negotio, ut sit etiam correspondens *Caji*, & solvat „cambium idest dictos centum aureos cum „lu-

„ lucro, ibi apud mercatores, seu apud forum decerni solito. Sit autem hoc lumen nunc v. g. aureorum quinque. Accipitata oblatione scribit ad Sejum Titius, nomine utriusque, puta ejusdem Titii, & dicti Caji, ut scilicet Sejus acceptet creditum Titii, & debitum Caji, &, ut correspondens jam Caji, solvat cambium, ejusque lucrum, idest centum & quinque aureos, &, ut correspondens Titii, eos aures recipiat, & sic extinguitur cambium. Sed quia Sejus, ut correspondens Caji, pecuniam non habet, ideo ipse idem Sejus, ut correspondens Titii, seu Titii nomine offert, & dat illam pecuniam sibi eidem, ut correspondenti, seu procuratori praedicti Caji: dat, inquam, ad cambium (quod certe erit secundum cambium, seu, ut loquuntur, recambium) solvendum a Cajo Panormi. Cum accepta ergo hac pecunia Sejus, ut correspondens Caji, extinguit, seu solvit, ut dictum est, praedictum cambium primum, Panormi celebratum, ita ut nihil omnino amplius debeat pro dicto primo cambio Cajus. Lege Lessium, qui recte notat, si dictus Sejus fugeret, vel decoqueret, camporem Titium non posse agere nomine suo contra camparium Cajum: is enim Cajus jam solvit cambium ipsi cam- psori Titio.

„ 2. Quoniam vero dictum secundum cambium parere suum lucrum debet, quod erit v. g. aliorum quinque aureorum, qui solvendi erunt a Cajo Panormi; ideo Cajus debebit Panormi solvere Titio centum & decem aureos, idest centum ex primo capitali, quinque ex lucro primi cambii extinti Placentiae cum pecunia habita a procuratore Titii, & quinque ex lucro cambii extingendi Panormi ab eodem Cajo.

„ 3. Suppono ad justitiam secundi cambii Cajus, seu ejus procuratorem non cogi ad dictum secundum cambium. Posset enim Cajus, seu ejus procurator extinguere primum cambium pecunia praesenti, sine necessitate sumendi recambio; vel certe posset sumere recambio ab alio quam a correspondente Titii.

„ 4. Solet autem occurrere ut Cajus ne Panormi quidem promptam eam summam habeat quam debet Titio, unde rursus totam illam eamdem summam, ac si illam iterum accepisset a Titio ad cambium, ie obligat solvere cum suo lucro

„ iterum Placentiae, vel alibi, ubi rursus fieri: quod modo num. i. diximus; & sic continuantur per multos aliquando annos cambia, & recambia, donec reipsa, & numerata pecunia totum capitale cum omnibus lucris intercurrentibus solvat Titio Cajus. Nam propterea mercatores hoc appellant etiam cambium cum recursa. Recurrit enim, unde incepérat. Et ad verum permaxime, totum hoc negotium præter primam traditionem illorum centum aureorum, Cajo a Titio numerato datorum, & præter hanc ultimam solutionem quam numeratam denique fieri oportebit, tractari, & expediri per solas syngraphas, seu per acceptationes, & dationes crediti, & debiti, quæ in libris datae, & accepti scribantur. -

VI. Adverte permaxime, inquit P. Tamburinus, totum hoc negotium, præter primam traditionem, & ultimam restitutionem, expediri per solas syngraphas datas & acceptas, medio illo Sejo, qui & numerat, & solvit sibi ipsi cambium. Heinc idem P. Tamburinus loc. cit. § 3. testatur multos improbare hoc cambium, alioquin, ait, frequentissimum. Multi tamen (subdit) ut Navarrus, referens ita sensisse virum quemdam doctissimum Soc. Jesu Boninsig. Sa. v. Cambium, Diana, Lessius, de Lugo, & fatatis probabiliter, quos ego sequor, licitum esse docent cum explicatione danda § 4. Probatur. Quia si Cajus camparius haberet Placentiae aliquem anicum, qui ibi solveret cambium contractum Panormi, esset justum cambium, ut vidimus. Ergo etiam etc.

VII. Argumentatio eorum qui hoc cambium licitum faciunt, ni fallor, huc recedit. Si cambium esset reale, licitum foret. Ergo licitum quoque erit, tametsi fictum sit. Quoniam, inquiunt, licet non adsit Placentiae realiter & vere pecunia; adegit tamen virtualiter, & equivalenter. Felicissimi debitores, si hac pecunia virtuali solvere sua debita possent! Lapis iste omni lapide philosophico pretiosior foret.

VIII. Ut usuræ iniquitatem deprehendas: Cajus necessitate coactus petit a Titio 100 aureos, nihil prorsus de cambio cogitans. Versutus Titius videt se feneratorem prodere, si aureos tradat cum accessione supra sortem. Idcirco ut usuram declinare se finiat, suggerit ei cambium Placentinum. Ecqui fieri reponit Cajus, hoc potest? Facillime reponit Titius vafer. Habeo ego ibi procuratorem meum Sejum, qui illa omnia

mnia quæ narrata sunt, peraget. Quis manibus non tangit verlutam circuitionem ad palliandam usuram excogitatam? Siquidem, sublati circuitionibus, non aliud *Titius* re ipsa intendit nisi lucrum ex mutuo quod tradit *Cajus*. Et non aliud intendit *Cajus*, nisi recipere pecuniam restituendam *Titio* eo in loco ubi illam accipit. Cetera omnia commenta sunt. Quomodo velle cambium potest *Cajus*, si eo non eget; sed eget pecuniis ibi, ubi easdem restituere debet?

IX. S. Pius V. an. 1571. constitutionem edidit, qua ejusmodi cambia *sicca* omnia damnavit, cuius initium est, *In eam pro nostro &c.* Lege illam integrum Tom. 7. lib. 3. diff. 4. cap. 3. Respondent, constitutio nem Pianam paucis in locis & fere nullibi esse receptam. Itaque videndum, quid ius naturæ prescribat. Sed qui sunt interpres istius juris naturæ? Nonne Pontifices? Non vidit S. Pius V., non viderunt Theologi, quorum studio usus ille est, quid ius naturæ prescribat? An bullæ pontificiæ in rebus fidei, secus in morum præceptis obligant? Sed cur Piana constitutio usū recepta non est? Quia a pluribus mercatoribus non observatur. Næ isthac egregia ratio? Plura alia, quæ in hac constitutione damnat S. Pius V. explicata sunt *loc. cit.*

X. QUÆST. V. *Quid de cambio ad nundinas dicendum?* RESP. Mercatores nundinas in certis locis, vel urbibus ter aut quater in annum celebrant, ubi debita solvuntur: pecuniam ibi numerant restituendam ad secundas, vel quartas nundinas tanto majori lucro, quanto longius tempus interfluit. Lessius, Layman, & alii licetum hoc cambium afferunt; sed tamen non esse suadendum. Alii graviores Theologi illud tamquam fenebre improbant, quia exigitur lucrum ob solam temporis dilationem. Allegari solent tituli lucri cessantis, & damni emergentis; sed, ut advertit *Genetus*, vix unquam mercatores damnum patiuntur ex tali cambio. Quia vix cambiunt, dilata solutione, nisi dum otiosa pecunia abundant: ideo hoc cambium, inquit ille, est fere semper usurarium.

XI. QUÆST. VI. *Quid de cambio civico dicendum?* RESP. *Cajus* indiget 100. aureis Romæ, quos a *Titio* campore petit, ibidem cum lucro restituendos ad terminum, nempe ad 1. vel 2. vel 3. nundinas. Nemo est qui cambium istud tamquam fictum, & fenebre non damnet. Quoniam campsarius nec Romæ, nec alibi pecuniam habet per-

mutandam. Ficare cambium istud solent hoc modo. *Cajus* Romæ testatur campori se nummos accipere vel ad cambium exercendum Neapol., Lugduni, Mediolani &c. vel ad alios contractus negotiatorios ineundos. Et hoc, si opus fuerit, juramento confirmat. Omnia tamen falsa sunt. *Cajus* enim recipit Romæ pecuniam expendendam vel in collocanda filia, vel in propriis indigenitiis sublevandis. *Titius* refugit pecuniam credere *Cajo*, nisi aut pignore, aut fidejusfoe accepto. *Cajus* debet solvere lucrum fidejussori, & simul campori. Quot facinora in uno crimine! Campores, & proxeneta communiter hæc omnia figura perspecta habent. Est ne aliquis titulus tegens hanc usuram? Ajunt aliqui: quoniam, inquit, aut *Cajus* negotiatur pecuniam acceptam a *Titio*, aut fecus? Si primum, cambium est. verum. Si secundum, per *Cajum* stat, ne pecunia lucrosa fiat. Porro ex culpa *Caji* referre damaum *Titius* non debet. Verum hæc omnia mera figura sunt: quoniam contractuum tituli reales sunt, & esse debent, non ab aliis confici.

XII. Alio pacto hoc cambium, quod obliquum vocant, exercere solent. *Sempronius* mutuatarius dicit *Cajo* mutuatori: Tu mihi trade mutuos mille aureos: ego parem pecunia sumمام negotiationi destinabo, aut ad cambium tradam in commodum, & utilitatem tuam: & quotannis tibi solvam quantum ex negotiatione, vel ex cambio lucrabor, donec reddidero acceptam sumمام. Hæc omnia chimærica sunt, ut *Benedictus XIV. Pontifex* summus lib. 7. c. 48. n. 9. de *Synod.* declaravit inquiens: *Quid enim absurdius, quid incredibilius fingi potest, quam quod Titius indigena mille aureis, quos mutuos accipit a Cajo toridem statim habeat paratos ad nundinas transmittendos, atque in activa cambia erogandos in mutuantis Caji utilitatem?*

XIII. Circuitio hæc adeo puerilis, & inepita est, ut confutatione non egeat. Nec refert quod decisiones Rota in confirmationem adducantur. Quoniam in Tribunalis mendacis, & circuitionibus partes evincunt quod fictum cambium fuerit verum. Ceterum si in foro appareret cambium esse merum figurum, nunquam judices illud probarent. Et hoc in sensu intelligendus est *Cardinalis de Luca*, qui lib. 5. tit. de camb. probare videtur descriptum cambium. Nemo quippe rationis compos probare potest tale cambium, si fictum sit, quomodo vera

vera est, & passim ad primum reducitur. Si plura de cambiis cupis, lege Tom. 7. lib. 3. diss. 4.

C A P U T I I.

De censibus realibus, & personalibus, eorumque divisione.

I. QUEST. UNIC. *Quid, & quotuplex sit census?* RESP. Est ius exigendi pensionem ex re alterius frugifera. Ju-niores addunt aliam particularam, vel *ex persona*, ut communis census definitione inclu-dant censum personalem. Verum cum cen-sus iste commentitius mihi sit, & usuræ pallium; ideo a census finitione eum ex-cludo.

II. Tribuitur census in *reservativum*, & *confignativum*. Dum quis rem suam alteri tradit, hoc onere adjecto ut quotannis qui rem accipit, solvat pensionem praescriptam, constituit censum *reservativum*. Census *confignativus* ille est, quando retento dominio rei tua, prædii, domus &c. alteri vendis ius percipiendæ pensionis in annos singulos.

III. Confignativus rursus dividitur 1. ex parte rei, in qua fundatur, in *realem*, *per-sonalem*, & *mixtum*. 2. ex parte pensionis in *pecuniarium*, & *fructuarium*. 3. ex parte temporis in *temporale* & *perpetuum*. 4. ex parte modi quo celebratur, in *redimibilem*, & *irredimibilem*.

IV. *Realis* constituitur super agro, domo, vel terra aliqua fructifera. Si alienetur, transeatque ad plures dominos, transit quo-que onus istius census, donec redimatur. Si res pereat, perit census. *Personalis* consti-tuitur immediate in persona, que obligatur ad solvendam pensionem ex industria, la-bore, & operibus, & etiam ex bonis suis, si habeat. Census iste immediate afficit, & comittatur personam, non rem. Quare si bona pereant, & non persona, census con-sistit. Et quamvis pro assecuratione tra-datur hypotheca, non propterea transit in rea-lem, quia hypotheca non manet immedi-ate obligata, sed tantum in defectum perso-nae. *Mixtus* constituitur tum super re, tum super persona. Et ideo si res perit, & non persona, haec solvere debet: si contra per-sona perit, & non res, ex hac pensio exi-gitur. *Pecuniarius* pecunia, *fructarius* fru-ctibus solvit. *Temporalis* habet fixum tem-pus. *Perpetuus* durat semper. *Vitalitus* illig-a-tur tempori incerto, nempe persona. Re-

dimibilis redimi potest arbitrio censualista, vel censuari, vel utriusque. Irredimibilis nunquam redimi potest. Qui emit censem, *Censualista*, qui solvit, *Censuarius* vocatur.

V. Censem realem probarunt Martinus V. Callixtus III. S. Pius V. in constitu-tione *Cum onus &c.* an. 1568. Licitus, & ju-stus est contractus iste. Consentient ambæ partes. Pretium justum est. Quoniam licet pensiones omnes simul sumptæ supérent pre-tium rei, successive tamen acceptæ minoris valent.

VI. Objiciunt censum oppugnatores, & usuræ defensores. Census est purum putum-que mutuum. Ego trado tibi 100, ut sin-gulis annis reddas mihi quinque. Elapsis 20. annis, redditia sors est. Et nihilominus recipiam quotannis quinque in centum. Quid autem hoc est nisi mutuum perpetuum?

VII. Varia, quæ præbent autores, re-sponsa evincunt objectionem non esse levio-ris momenti. Unica vera responsio hæc mihi videtur. Improbatur accessio supra for-tem in mutuo, quia pecunia natura sua sterilis est, & usu civili consumitur. Fit frugifera industria mutuatarii, non mutua-toris. Contra fundi censuari natura sua frugiferi sunt, in quibus ususfructus a domi-nio distinguitur. Si hæc duo distincta reipsa sunt, vendi unum sine altero potest. Ne-que hoc gratis asseritur. Nam si ager, si domus, si fundus, in quo fundatur census, alluvione, incendio, aliove modo perit. ipsi *censualista*, minime *censuarius* perit. Con-tra in mutuo mutuatario, non mutuanti perit. Discrimen ergo verum est, & reale. Huc res recidit, ut census celebrentur juxta constitutiones apostolicas. Quod reipsa in-terveniat verus contractus venditionis, & emptionis juris ad percipiendas pensiones: quod fundus census sit reipsa frugifer, & li-ber, & correspondens sorti. Frequentissime census isti fictiti sunt, quia non servantur conditiones praescriptæ a constitutionibus pon-tificiis. Autores illi qui negligunt condi-tiones a S. Sede praescriptas, hereticorum calumniis exponunt pontificias bullas. Si plura scire aves de discrimine inter censem & pecuniam mutuatitiam, leges comm. no-strum in *Encyclicam Benedicti XIV. diss. 3. c. 4. §. 5.*

C A P U T III.

De censu personali mirifico usurae pallio.

I. **S**i ipsi census reales, pontificia auctoritate probati, difficultatem praeferrunt, & inde usuruarum patroni ansam arripiunt honestandi moderatas usuras, quisque videt quid de personalibus censibus dicendum sit. Censum realium iustitia defenditur, si serventur praescriptae conditions. Haec conditions deficiunt in censibus personalibus. Ergo feneratii sunt.

II. Martinus Navarrus de *usur.* n. 80. testatur, *fere omnes Theologos, & Canonistas* damnare censem personalem. P. Lessius citat Biel pro patrone censu personali. Sed Biel in 4. dist. 15. q. 12. ait: *Hoc dico recitative &c.* Respondet P. Lessius lib. 2. c. 22. dub. 10. n. 56. hoc non obstat, inquiens: *Sic enim loqui solemus ad declinandum invidiam, quando aliquid novi, & recepta opinioni adversum ex nostra sententia proferimus. Intellexistin?* Sic loqui solemus cum aliquid novi, & receptae doctrinae adversum procedimus. Licitum ergo est in morum controversiis *novas doctrinas* producere receptae antiquorum doctrinæ oppositas? Ad declinandum *invidiam* ambigua adhibentur verba. Aut vera doctrina est, aut falla. Si vera, timenda ne est Iesu Christi discipulis invidia? Sed divina providentia disponit ut ab ipsis auctoribus vocetur *nova*, & antiquæ doctrinæ opposita, doctrina quam ipsi propugnant. Si enim *nova* est, nec ab Evangelio, nec a Patribus, nec a Conciliis tradita, profecto falsa est.

III. P. Paulus Layman lib. 3. n. 4. c. 18. scribit: *Census personalis utrumque redimibilis super persone industria locatus, probabiliter defenditur. Attamen periculo usurariae intentionis non caret. Ita contra communem docent DD. Defendant DD. contra communem probabiliter?* Qui sunt hi DD. qui communis Ecclesiæ doctrinæ se se opponunt?

IV. P. Patritius Sporer Tamburini, Laymani, Sanchez, Diana collector tract. 6. c. 6. n. 16. scribit: *Probabilissime quoque licitus est census personalis . . . etiam redimibilis ex utraque parte, etiam adjuncto pacto asecuracionis spectando præcise rei naturam, licet ubique subsi periculum usurariae intentionis: ideo merito prohibitus per Bullas Pontificum. Licitus est census personalis, & quidem probabilissime, & simul merito per Bullas pontifi-*

cum improbat? Meliores ne juris natura, & evangelici interpretes Casuistæ novi, quam Pontifices summi? Si merito per Bullas Pontificum est improbat census iste, missis disputationibus, eundem & nos manibus collatis improbemus. At resilit P. Viva, qui p. 4. q. 4. a. 3. n. 6. docet, DD. *communissime negare censem personalem esse fenebrem.*

V. Considera ortum, incrementum, & propagationem opinionis hujus. Biel coepit recitative, P. Lessius secutus est speculative P. Layman probabiliter, P. Sporer probabilissime, P. Viva communissime. Sic propagantur novaæ opinions adversus antiquam sanctorum Pontificum doctrinam.

VI. Verum si Baile pontificie prohibent censem personalem, ut fatentur adversarii, qua ratione illu[n] propugnare possunt? Et quod Bullæ pontificie improbent hunc contractum, præter adversarios testatur Benedictus XIV. lib. 7. c. 48. n. 5. de *Syn.* ubi ait: *Superfluum est novis argumentis censem personalem insectari, quem jam proscriptit S. Pius V. in laudata constitutione, Cum onus: ubi ad censu honestatem, inter ceteras conditiones hanc quoque requirit ut censu constituantur in re fructifera, non qualicumque, sed immobili, certa, ac nominatio designata.*

VII. P. Paulus Comitolus doctissimus Jesuita antiprobabilista lib. 3. Resp. mor. q. 27. clamat: *Quis existimare posset omnes christiani imperii provincias, ac regna non teneri hac lege . . . Verum mibi minime dubium est, vim habere constitutionem in omnibus Regnis, ac provinciis: id quod non obscurè declarant verba illa ejusdem constitutionis.* Volumus autem &c. . . Accedit hoc firmissima ratio. Pontifex perniciose censibus necessaria lege potuit mederi, debuit, potuit, ac voluit in omnibus locis mederi. Quare maxime generali hanc legem esse oportuit: alioquin omnium christianarum Nationum, & sua item saluti Romanus Pontifex non valde prudenter consiluisset, cum non suslulit illud malum ex omnibus Provinciis orbis christiani, quod aqua sanctione tollere patet, ac debebat.

VIII. Sed quodnam non acceptationis argumentum promet aliquis? quod non sit promulgata in singulis provinciis? Finge etiam hanc hypothesis. Quenam provincia, quodnam regnum examen, juris forma servata, instituit, sit ne acceptanda, an seclusa Piana Bulla? Nullum omnino. Cur ergo non acceptata? Quia homines avari, cupidi, feneratores fenebres istos census & usu-

usuraria cambia continuarunt? Quis id assertere audeat? Non alia ergo de causa non acceptata dici potest, nisi quia aliqui Theologoi videntes populos majori ex parte censu personales, cambia sicca, contractus trinios celebrantes non secus post Bullam ac antea, pia intentione, ut sentire nos convenit, eosdem præservandi ab usuræ flagitio scribere cœperunt: *Bulla non est usu recepta*. Tum non pauci post illos continuarunt scribere, *Bullam non esse usu receptam*; quamvis his temporibus Benedictus XIV. eamdem Bullam allegaverit contra censu personales. Sed audiant, & imitentur per celebrem Jesuitam P. Comitolum lib. 3. q. 27. n. 5. sic fantem: *Querunt enim arbori sacrarum Confessionum: quid igitur nobis cum iis agendum erit... qui ex censibus, qui ad prescriptam rationem constitutionis non sunt facti, nec celebrantur, fructus percipiunt? quid item cum dominis provinciarum? Ego id agerem. Dominos Provinciarum, nisi vellent accipere Pianam Constitutionem, non absolvarem. Ceteris, si quid post auditam legem Pii V. per fraudem, aut dolum, contrabendo censu commiserint, prouintiam inanx esse quidquid fecerunt, contractum fuisse nullum, ac propterea nullum iis jus fuisse percipiendarum pensionum; & ita necessaria restitutioni esse obnoxios.*

IX. Propugnatores censu personalis divisi sunt in classes duas. Alii defendunt censum personalem solum ex parte vendoris, seclus ex parte emptoris, ut *Henricus a S. Ignatio*, cuius opus proscriptum est, & in materia usuræ fortassis est æquo laxior, quod dictum sit ob imperitos, qui hunc auctorem citant, ac si semper sanam propugnaret doctrinam. Alii defendunt eundem utrumque redimibilem, adjecta etiam hypotheca.

X. Sic autem argutantur auctores isti. Possum ego tibi vendere jus percipiendi fructum agri mei. Ergo eadem ratione possum tibi vendere partem fructuum industria meæ. Aut ergo improbandus censu realis, aut probandus censu personalis.

XI. Futilis & inepta argutatio. Terra natura sua fructus parit in perpetuum. Persona humana in dies mutatur. Hodie secunda, cras sterilis. Hodie contrahit censum personalem, cras in morbum incidit diuturnum. Interim censum quotidie currit. Spectato ergo naturæ jure, ad quod appellant defensores, fenebris est censu iste, & ut talem damnarunt Pontifices, sapientiores quam alii, juris istius interpres.

XII. Clausula quæ præscribit subjicendum esse censui fundum frugiferum, & immobilem, jus naturale spectat, ipsamque contractus substantiam. Hanc clausulam præcipiunt quatuor Romani pontifices Martinus V. Nicolaus V. Callixtus III. S. Pius V. Nunquam disputatum inter Theologos ante Pianam constitutionem, esset ne tantum humani juris præfata clausula, sed an usurarius esset hac sublata clausula. Usurarium declararunt censem, deficiente fundo frugifero immobili, & determinato. Ergo nunc quoque ut tale habendum.

XIII. Paucis omnia perstringo. Si rationes cum rationibus conferantur, rationes pro censu personali sunt inventa primum recitative, post speculative, inde probabiliter, rursus probabilissime, & tandem communissime propagata inter juniores. Si auctoritas Theologorum, & Canonistarum cum auctoribus comparetur, fatetur vel ipse P. Lessius suo tempore nostram sententiam fusse communem. Finge omnia utriusque partis argumenta esse paria. Pontifices summi damnant censem personalem. Finge etiam, quod prorsus nego, pontificiam prohibitio nem esse juris positivi. Quid inde? An leges quæ vertant aliquem contractum ob usuræ speciem, ob pericula gravissima fraudum, oppressionum, & usurarum, non obligant ubique gentium? An obligatio vitandi gravia pericula, & scandalum hæreticorum non est naturalis & divini juris? An non obstringit provincias omnes? An in re gravissima, qualis est avaritia, & usura, quorumdam interpretamentis adhærendum, neglectis graviorum Theologorum & summorum Pontificum sanctionibus? Tu lector christiane judex sede.

XIV. Certum ergo firmumque habeo, censum personalem sive utrumque redimibilem, sive irredimibilem, sive quocumque modo conceptum, fenebrem esse. Evidentius quidem usura se prodit in censu utrumque redimibili; at non propterea probabilis est opinio de hoc censu irredimibili. S. Pius V. fatentibus adversariis, damnavit censum personalem. Opinio autem a S. Sede damnata omni caret probabilitate. Saeculis xiv. Christiana Respublica vixit sine censibus. Ipsum Romanum Imperium censuales contractus ignoravit. Ut primum inventi fuere, quatuor Romani Pontifices, præscriptis clausulis, ab usuræ labi reales purgavunt. Si plura de censibus realibus & personalibus cupis, lege Tom. 7. lib. 3. diss. 4.

c. 12. ubi plura invenies, quæ spectant historiam, & omnia adversariorum sophisma convulsa.

XV. QUÆST. I. *Jure naturæ spectato licitum ne est pactum, quo obstringitur censuarius ut redimat censem ad arbitrium emptoris?* RESP. Adfirmant aliqui. Sed hæc opinio falsa mihi est, spectato solo naturæ jure. Quoties tradis pecuniam cum pacto ut tantumdem restituatur, usura est, si accelerationes præter fortem exigas. Id in præsenti evenit. Siquidem emis censum mille aureorum pretio: 50. in annos singulos percipis: censuarium cogis ut post triennium, aut sexenium censem redimat eodem pretio. Quid amplius ad verum mutuum, & usuram requiritur? E contrario res se habet, dum ex parte solius venditoris remanet facultas census redimendi. Hæc quippe facultas non tollit veram emptionis & venditionis rationem: quia venditor non potest unquam redimere censem, ex illius parte timeri mutuum nequit. Quare emptor vere emit, cum pretium datum repeteret non queat. Hanc sententiam defendunt graviores Theologi. Obligari venditor potest, ut eadem moneta censem redimat, dummodo æquale periculum sit incrementi, & decrementi.

XVI. QUÆST. II. *Pereunte fundo subiecto censi, perit jure naturæ census?* RESP. Adfirmat S. Pius V. in sua constitutione, pereunte fundo censi subiecto sive in totum, sive in partem, perire quoque censem. Negantem tamen opinionem defendunt Salmantenses tract. 14. c. 4. p. 2. §. 4. quia, inquieti, fundi non supponuntur censibus, ut ex iisdem pensiones solvantur, sed ut pignus & hypotheca ad census securitatem. Hæc opinio falsa est mihi. Ea enim admissa, census sunt verum mutuum, adjecto pignore.

XVII. QUÆST. III. *Licitus ne est census cui ampliores fundi subiectiuntur, non designata parte determinata?* RESP. S. Pius V. ad fraudes, & usuras tollendas præcipit ut determinata fundi pars censi subiectatur. Quoniam si pars subjecta censi perit, emptori census perire debet. Nec obstat quod in omni instrumento census, omnia bona venditoris substituantur in assecrationem ejusdem. Quoniam ejusmodi substitutiones & hypothecæ sunt, ut securus reddatur fundus subiectus censi ab evictione; nempe si fundus esset alio censi gravatus, fideicommisso suppositus, aut alio debito onustus,

tunc supplere alia debitoris bona deberent. Ceterum si fundus periret, censuistæ perire debet: & hoc certum est.

XVIII. QUÆST. IV. *Licitus ne est census vitalitus?* RESP. Adfirmat communis opinio. Est enim contractus fortis, in quo æquale periculum utriusque partis est. Sors quippe exposita periculo frugifera evadere potest, quando periculum æquale sit tam respectu vendentis, quam ementis. Quia tamen contractus iste speciem aleæ habet, nisi necessitas urgeat, non probarem respectu illorum qui ex instituto census vitalitos celebrant, unice ut lucrentur. Mihi hac de re aqua hæret. Quare, sublata necessitate, ut ab hoc censu abstineant Christiani suadeo.

XIX. QUÆST. V. *Licitus ne est contractus vulgo datus a godere, ad gaudendum?* RESP. Frequentissimum in Italia hunc contractum ait Diana. Hoc pacto celebratur. Sempronius dat tibi suam domum, vel suum agrum; & tu eidem pecuniam respondenter valori domus vel agri, sic mutuo pacientes. Tu utere pecunia mea, & ego utar agro tuo. Ego quando voluero repeatam pecuniam, & tu agrum: vel tu quinquennio, decennio utere pecunia mea; & ego utar agro tuo. Honestare hunc contractum aliqui juniores cum Diana contendunt, larva venditionis, cum pacto retrovenditionis. Sed est aperta, & versuta circuitio, & mutui larva. Licta utique est venditio cum pacto redemptionis in favorem venditoris. Pactum vero istud in favorem emptoris fenebre est, ut supra dixi. Et hæc de usura, & usuræ palliis sufficiant. Lege Tom. 7. lib. 3. Diff. 4. & tom. de usura contra. Trin. & comment. in encyclicam.

C A P U T IV.

De ludo, & sponso.

I. QUÆST. I. *Ludus propter lucrum principaliter intentus vitiatus ne?* RESP. Adfirmant Gabriel, Tostatus, & alii. Sed negant alii. Non est peccatum, inquit Hugo disp. 31. ordinare medium ad finem qui utilis sit, si finis licitus est. Lucrum est finis licitus. Ergo & ludus. Hanc opinionem, quam falsam reputo, improbat S. Thomas 2. 2. q. 77. a. 4. ubi statuit, mercaturam ipsam quæ est propter lucrum querendum, quandam turpitudinem habere, quia defert cupiditati. Eam licitam reddit publica vel privata utilitas. Ludus suapte natura in-

institutus est ad animum recreandum. Finis ludi, animi solamen est, non lucrum. Ergo lucrum perturbat ordinem, & detorquet ludum a fine suo.

II. Ludum hunc lucratorium inter contractus collocant juniores, eumque definiunt: *Est contractus, in quo victori certaminis res ab utroque exposita tribuitur.* Tres assignant conditiones ut licitus sit. 1. Ut ludentes liberam habeant facultatem disponendi de re quam ludo exponunt. Heinc peccare eos ajunt qui ludunt cum latrone, puer, depositario, stulto, filiofamilias, prodigo, Religioso claustralii. 2. Ut lodus sit licitus requiritur ut alter alterum ad ludum fraudibus, dolis, conviciis non inducat. 3. Ne fraudes contra ludi leges interveniant.

III. Ludum hunc lucratorium tanquam illicitum rejicio, & tanquam perniciosum familiis, & Republicæ. Conditiones quas juniores praescribunt, majorem malitiam impedire valent, at honestatem tribuere ludo lucratorio nequeunt. Gradum malitiae ignoro, quamvis sciam ludum lucratorium vitiosum esse. Qui accidentaliter & præter consuetudinem aliquid pecunia etiam principaliiter propter lucrum impenderent, gravis culpa non damnarem. Contra, qui in consuetudine ludendi principaliter propter lucrum versarentur, a gravi culpa non liberarem, nec absolverem, nisi consuetudinem hanc relinquerent. Quoniam vix ac ne vix quidem contingit quin talem consuetudinem gravia consequantur absurdia. Suscipitur primum ludus oblectandi animi causa; at progressum & finem occidere in avaritiam, & familiarum ruinam, experientia docet.

IV. Q UÆST. II. *Licitus ne est ludus aleæ, seu fortune?* R E S P. Leges ipsæ civiles ff. de aleæ usu l. 1. 2. & 3. severè prohibent hunc ludum. Accedunt leges peculiares cujuscumque regni, & jus canonicum cap. Episcopus diff. 35. ubi laici aleæ operam dantes communione privantur, & clericis Diaconis, aut Presbyteris poena depositionis imponitur, & Concilium Tridentinum fess. 22. cap. 22. antiquos canones adversus Clericos aleæ operam dantes innovat.

V. Itaque ludus fortis, seu aleæ propter lucrum natura sua vitiosus est. Præterea ludi chartarum qui non ab industria, sed a fortuna pendent, ut sunt ludi vulgo *Bassetta*, *Fayson*, *Trifflac*, taxillorum, tot pericula secum asterunt, ut neminem ad sacramenta admitterem, nisi prius desideret, & his ludis vale dicaret. Aristoteli lusores isti, &

Tom. II.

latrones idem sunt. De Iudis Claustralium vide ea quæ scripsi in *Disciplina apostolico-monastica diff. 6. c. 4.*

VI. Qui exponunt publicas mensas ad lendum, & in propriam domum ludentes recipiunt, peccant mortaliter, & arcendi sunt a Sacramentis, ut adfirmant communiter vel ipsi benigniores. Similiter artifices chartarum, & taxillorum non esse absolvendos, docet S. Antoninus in sua *summula confessional. par. 2. c. 2. & 2. p. sum. tit. 1. c. 23. §. 13.* Oppositum docent non pauci. Vide quæ de scandalo dicta sunt.

VII. Q UÆST. III. *Sponsiones vulgo scommesse licite ne sunt?* R E S P. Negant Sylvester, Gabriel, S. Antoninus, & alii. Adfirmant vero communiter juniores. Sermo non est de sponsionibus quæ recreationis causa per accidens fieri solent; sed de sponsionibus lucratoriis, quæ communiter fieri solent super bellorum eventu, super ludentium victoria, vel jactura. Sponsiones hujusmodi a vito purgari vix possunt.

VIII. Cardinalis de Lugo diff. 31. sec. 6. n. 74. licite fieri sponsionem docet, quæ cum damno proximi eveniet: quia, inquit, licet spondenti detur occasio optandi mortem Petri, hoc tamen per accidens est. Et n. 75. subdit: *Infertur secundo, non esse etiam de iure naturæ illicitum sponsionem facere super peccato committendo ab aliquo terro. Ita Sanchez cum aliis.* Quodnam istius sponsionis objectum? Peccatum. Nonne honestum? Quinam finis? Lucrum. Nonne sanctum? Sanctum, inquit Augustinus, est quod volunt. At sanctum sæpius non est, sed primum, ac vitiosum. Paradoxa de ludis lucratoriis P. Cæsarini Callini vide Tom. 7. lib. 3. diff. 4. cap. 15.

C A P U T V.

De affecuratione, pignore, transactione, emphyteusi, feudo, commodo, precario, deposito, locatione, conductione, promissione, & donatione.

I. Q UÆST. I. *Quid sit affecratio?* R E S P. Est contractus quo pacto pretio aliquis rei periculum suscipit, dampnum sive in totum sive in partem compensatur. Pretii quantitas taxata est platerum legibus. Contractum hunc licitum asserunt omnes. In cap. *Naviganti* prohibita affecratio est respectu mutuatoris ob usuræ periculum

F

II.

II. QUEST. II. *Quid sit fidejusso, pignus, hypotheca, & transactio?* RESP. Fidejusso est aliena obligationis in se suscepit, qua quis se ad eam implendam obstringit, principali debitore deficiente. Vocatur contractus iste subsidiarius, & accessorius, quia substitutus fidejusso principali debitori. Qui se principalem pro altero debitorem constituit, non est proprie fidejusso. Sæpe tamen fidejusso se constituant debitores principales, qui appellantur *Mallevadori in principaliâ*. Iste cogi ad solutionem directe valent, relictio debitore primo.

III. *Pignus, & hypotheca* pro eodem accipi solent. Presse tamen accepti contractus isti differunt: nam *pignus* est de solis mobilibus, *hypotheca* de immobilibus. *Pignus* definitur contractus quo res mobilis creditor traditur in securitatem debiti. *Hypotheca* est contractus quo res immobilis, nulla coventione, absque traditione obligatur creditori in securitatem debiti, ut si alter non satisfaciat, inde peti satisfactio possit. *Hypotheca duplex*: altera *generalis*, qua omnia bona obligantur; altera *particularis* qua quis aliquam rem determinatam obligat.

IV. *Transactio* est conventio onerosa, qua dubia jura, & incerta inter partes componuntur. Hec legitime inter partes constituta, eadem vi pollet, ac judicis sententia. Quare ea semel peracta, non conceditur jus in integrum, nisi laesio enormis apparet. Utinam frequentior esset hic contractus utriusque parti utilis, missis tot litibus victoribus perniciosis.

V. QUEST. III. *Quid sit emphyteusis?* RESP. Est contractus quo rei immobilis dominium utile ad longum tempus transfertur, directo retento, onere imposito annua pensionis solvendæ. *Emphyteusis* vox græca est, quæ latine inscriptionem, seu implantationem significat: quia olim inculti fundi inferendi tradebantur.

VI. Si emphyteuta per triennium domino laico, & per biennium Ecclesiæ non solvit paciam pensionem integrum, ipso facto cadit in penam *committi*, valetque dominus proprietarius eum privare re emphyteutica cum omnibus meliorationibus factis.

VII. QUEST. IV. *Quid sit feudum?* RESP. Est contractus quo rei immobilis dominium utile transfertur, retento dominio directo sub onere fidelitatis, & obsequii personalis. Differet ab emphyteusi, quia feudatus, seu vassallus non pendit domino annuam pensionem, sicut emphyteuta, sed tantum obse-

quum personale defensionis, auxiliij, & fidelitatis præstare debet re iusitus a domino.

VIII. QUEST. V. *Quid sit commodatum?* RESP. Est rei alicujus quoad usum solum gratuita concessio ad certum tempus. *Precarium* vero est rei alicujus quoad usum solum gratuita concessio ad nutum concedentis revocabilis. Attines sunt ejusmodi contractus; discrepant solum, quod precarium repeti ad nutum concedentis potest, commodatum vero solum elapsò tempore præstito.

IX. QUEST. VI. *Quid sit depositum?* RESP. Est contractus quo sola res custodia alterius fidei committitur, ut integra reddatur. Requiritur mutuus consensus & deponentis, & depositarii. Depositarius nequit uti re deposita absque consensu deponentis. Si tamen pecunia sit, quæ damnum ex usu patitur, ea uti potest, si tamen semper promptus sit ad eam reddendam ad nutum deponentis. Adhibere diligentiam debet in custodia. Si damnum sequatur, tenetur ex culpa lata tantum ad recompensationem. Religiosi claustrales suscipere depositum nequeunt absque licentia Prælati: Cœnobium non tenetur ad compensationem, si depositum pereat apud privatum Religiosum, vel apud Prælatum, nisi cum capitulo consensu illud suscepissent. Ceteri ratione utentes capaces sunt recipiendi depositum.

X. QUEST. VII. *Quid sit locatio?* RESP. Est contractus onerosus, quo usus, vel fructus rei, vel personæ venditur pro pretio. Conductio est contractus quo usus rei, vel personæ emitur pro pretio.

XI. QUEST. VIII. *Peccant ne qui domos locant ad usuras exercendas, ad meretricandum?* RESP. Adfirmant Patres omnes, ut alibi palam feci. P. Claudius La-Croix lib. 3. p. 2. dub. z. n. 1042. congerit opiniones oppositas probabiles, improbabiles, & laxas, & more suo, arbitrio lectorum easdem subjecit, ac si Pyrrhonismus esset Moralis christiana. Inclinare se tamen ostendit in opinionem docentem licitam esse talem locationem: quia hæc, inquit, tendit proxime ad dannam habitationem, remote vero præbet occasionem peccandi. Opinio hæc, ut mihi videtur, falsa est. Vide quæ dicta sunt ubi de scandalo.

XII. QUEST. IX. *Quid sit promissio, & quænam obligatio?* RESP. Est libera, & spontanea fidei datio de re licita possibili. Requiritur enim ad veram promissionem obligatio præstandi ex virtute fidelitatis id quod pro-

promittitur, nec sufficit sola voluntas facienda; & ideo dicitur *datio fidei*. Dicitur libera, & spontanea, quia promissio contractus gratuitus est.

XIII. Ut promissio obligationem inducat, acceptata sit oportet ab illo cui sit. Promissio juramento firmata ante acceptationem revocari nequit, quia promissor vinculo religionis, se obstringit ad non revocandam promissionem, quidquid in oppositum dicant aliqui. Gravitas obligationis in promissione gratuita pendet ex intentione promissoris, qui ad hoc quod attinet legislator est.

XIV. QUEST. x. *Quid sit donatio?* RESP. Est liberalis alicujus rei traditio. Alia *realis* in rei traditione sita; alia *verbalis* quae quis donat rem absentem, quae imperfecta donatio est, & potius promissio. Rursus donatio tribuitur in absolutam, quae perfecta est; & in conditionatam, quae conditionem annexam habet. Denique alia est donatio *inter vivos*, quae continuo transfert dominium in donatarium, etiam vivente donatore; alia est donatio *mortis causa*, in qua quis rem nunc donat, sed post mortem possidendam. Hæc revocabilis est, secus illa, exceptis paucis casibus.

XV. Donare valent qui absoluto dominio "rei donandæ potiuntur. Heinc Religiosi donare nequonit. Revocandæ donationis causæ sunt. 1. Donatarii ingratitudine probata in judicio. 2. Proles noviter suscepta. 3. Si donatio sit inofficio contra pietatem paternam erga filios, ut si lœdat jus legitimæ debitæ filii. 4. Si quid donatum sit ob causam, non secuta causa.

C A P U T VI.

De testamentis.

I. QUEST. i. *Quid, & quotiplus sit testamentum?* RESP. Est ultima voluntatis humanæ justa sententia de eo quod quis vult fieri post mortem, cum directa heredis institutione. Proprietas vera testamenti, ut distincti a ceteris ultimis voluntatibus, est *heredis institutio*, qui personam defuncti repræsentet. *Codicillus* est veluti testamenti appendix, & scribitur ad aliquid mutandum eorum quae in testamento disposita sunt, aut declarandum, adjicendumve. Ex privilegio dumtaxat potest in codicillo heres institui. Alicubi valet testamentum sine heredis institutione.

II. Testamentum duplex. Aliud *scriptum*,

seu *clausum* & sigillis munitum. Aliud *nuncupativum*, seu *apertum*, quod absque scriptura, sola verborum nuncupatione formari potest. Si quis plura conficit testamenta, ultimo standum est.

III. *Legatum* est donatio facta a testatore, & ab herede præstanda alicujus rei particularis. *Fideicommissum* est legatum, vel hereditas fidei legatarii vel heredis ita commissa, ut alienare eam nequeat, sed debet ilam tradere, & restituere, cui testator præscribit. *Duplex fideicommissum:* generale, quo tota hereditas gravatur; & particulare, quo res determinata fidei legatarii committitur restituenda.

IV. QUEST. ii. *Quæ solemnitates requiruntur ad testamentum nuncupativum?* RESP. Jure communī requiruntur septem testes masculi puberes, qui annos 14. expleverint, quique liberi, & invitati, ac rogati omnes audiant voluntatem testatoris. Ad testamentum *scriptum*, seu *clausum*, requiritur ut testator coram septem testibus declaret hoc esse suum testamentum. Omnes testes debent subscribere. Si quis ignorat scribere, aliis pro eo scribat, & proprio, vel communī sigillo testamentum signare debet. Excluduntur muti, surdi, impuberes, pater heredis, & qui sub potestate testatoris sunt, cæci, amentes, prodigi, infames a numero testium. Hæc de jure communī. Ceterum singuli Principatus suas habent pecuniales leges, quæ servandæ sunt.

V. QUEST. iii. *Quas solemnitates postulat testamentum ad piæ causas?* RESP. Testamenta quæ hereditatem destinant pauperibus, Ecclesiis, monasteriis, hospitalibus, virginibus, viduis, nuncupantur ad piæ causas. Si legatum in testamento relinquatur præfatis, non dicitur testamentum ad piæ causas. Quoties constat de consensu testatoris aut ex ejus privata scriptura, aut ex duobus testibus, five viris, five feminis, valet testamentum ad piæ causas, sublatis solemnitatibus jure communī præscriptis.

VI. Ad testamenta cæcorum nuncupativa septem testes requiruntur. Milites testantes extra bellum sunt subjecti juri communī; in bello vero ea servare debent quæ iure naturæ præscripta sunt, nempe testamenta fieri coram duobus testibus five viris, five feminis debent. Ad *Codicillos* quinque testes requiruntur. Sed leges municipales consulendæ sunt.

VII. QUEST. iv. *Quid sit testamentum imperfectum?* RESP. Testamentum imperfec-

Etum dicitur, quia aut deficiunt solemnitates a jure præscriptæ, aut testator morte percussus illud perficere nequivit. Hoc jure communi nullum est. Dum dubitatur validum necne sit testamentum, communiter autores validum afferunt. Et si sit ad pias causas, validum in utroque foro est, sicut & legata pia. Si testator afferat in testamento se schedulam dedisse Confessario, vel alteri persona subscriptam, velleque omnia in ea contenta valere, implenda sunt non sequens ac testamentum.

VIII. Si testator plena libertate caret, si dolo, lenociniis, fraudibus deceptus est, nullum est testamentum ab eo factum. Qui decipiunt testatorem, peccant contra justitiam, & ad restitutionem tenentur. Idem dicendum de illis qui versute impediunt ne testamentum condatur.

IX. QUÆST. V. *Quinam possunt testamentum condere?* RESP. Omnes usu rationis prædicti possunt de bonis suis testari, nisi aliqua lex ob sit, ut obest Religiosis vi voti paupertatis, & Episcopis de redditibus Ecclesiæ. Impuberis maleculi ante 14. & feminæ ante 12. annos testari nequeunt. Filiis familias de bonis castris, & quasi castris testari valent.

X. Crimina judicis sententia probata, qua testari vetant, sunt. 1. hostilis Cardinalium percussio, incarceratio, aut cooperatio ad hæc crimina. 2. Hæresis, vel hæreticis favere, & eosdem receptare. 3. Condemnatio ob libellum famosum. 4. Usurarii publici. 5. Damnati ad mortem, & quibus aqua, & ignis interdicuntur, inhabiles sunt ad testandum.

XI. QUÆST. VI. *Quinam in heredes instauri nequeant?* RESP. 1. Hæretici, & apostatae, si intra annum non egerint penitentiam. 2. Qui non possunt testari ob delictum. 3. Percussores Cardinalium post judicis sententiam. 4. Civitates inimicæ. 5. Qui occidunt testatorem. 6. Qui prohibent condere testamentum, vel conditum revocare. 7. Si heres accessit ad uxorem testatoris, judicatur indignus hereditate. 8. Si testator captivus erat, & heres eum liberare neglexit, privari hereditate meretur. Verum hæc omnia ad forum civile attinent.

XII. QUÆST. VII. *Quomodo filii spuri, & naturales succedunt patri?* RESP. Filius naturalis jure communi succedit in duabus uncis parenti non habenti filios legitimos. Due unciae sextam bonorum partem comprehendunt. Hoc tamen alicubi limitatur,

si pater uxorem non habeat. Filius spurius nihil præter alimenta sive ex testamento, sive ab intestato recipere jure valet etiam si pater filii legitimis careat. Filii naturales succedunt matri non secus ac legitimis. Variæ tamen sunt regionum leges, quibus standum est.

C A P U T VII.

De heredibus necessariis, eorumque substitutione.

I. TRIPLEX heredum genus. Alii necessarii, qui absque legitima causa priuati hereditate nequeunt. Si hos testator præterit innominatos, nullum est communi jure testamentum. Alii sunt heredes ab intestato, qui succedunt defuncto absque testamento. Tertio loco sunt heredes extranei, qui libere a testatore heredes instituantur.

II. QUÆST. I. *Quomodo filii parentibus, & patres filiis succedunt?* RESP. Filii legiti mi succedunt necessario parentibus in legitima, quæ comprehendit tertiam bonorum partem, si filii fuerint quatuor, vel pauciores. Si plures quam quatuor legitima includit medietatem bonorum. De reliquis bonis libere disponere pater valet. Etiam in hoc varia obtinent rationum leges.

III. ORDO in successione servandus, ut propinquiores stipiti succedant: ideo viventibus filiis non succedunt nepotes. Inter filios dividitur hereditas per capita. Pater habet tres filios, quorum unus moritur, plures filios relinquens. Filii isti succedunt hereditati avi, vel aviæ non per capita, sed per stipitem, quia omnes simul representant unum patrem, & ideo succedunt portioni quæ debebatur patri inter fratres dividenda. Parentes nequeunt negare legitimam filiis debitam. Similiter ascendentibus succedunt descendantibus, quando isti carrent successoribus servato ordine propinquitatis. Fratres, & sorores, sublatis ascendentibus, & descendantibus, non sunt heredes necessarii, & multo minus ceteri consanguinei.

IV. QUÆST. II. *Quibus de causis exhibendi filii a parentibus, & parentes a filiis possunt?* RESP. I. Est si filius manus impias in parentes injecerit, culpa interveniente mortali. Secus si id faceret ut se, vel Patriam defenderet. 2. Contumelia gravis illata patri verbis, vel factis. 3. Si filius parentem criminis accuset, ob quod poena mortis plectendus sit, excepta hæresi, vel cri-

crimine læse majestatis, aut prodigionis Patriæ. 4. Si filius maleficus fuerit, aut maleficorum socius. 5. Si filius machinatus sit patris mortem, etiam effectu non secuto. 6. Si filius uxorem, vel concubinam patris scienter agnoverit. 7. Si patre detento in carcere, noluerit filius pro eodem fidejubere. 8. Si filius impedierit ne pater testamentum conderet, aut conditum revocaret. 9. Si filia dotem repudiavit, ut luxuriose vivet. 10. Si filia nupserit servo non libero. 11. Si parentes amentes curare filii noluerint. 12. Si filii captivos parentes liberare noluerint. 13. Si filii catholici a Religione apostataverint. Similiter filii exheredare parentes ingratos, sceleratosque valent.

V. QUEST. III. *Quid de heredibus ab intestato dicendum?* RESP. Heres ab intestato ille dicitur, qui ratione propinquitatis sanguinis succedit defuncto. Iste autem sunt filii, nepotes, pronenepotes &c. Si filii sint, succedunt per capita, si nepotes, per stirpes. Sublati descendantibus, succedunt ascendentibus, servato semper propinquitatis ordine. Sublati ascendantibus, & descendantibus succedunt consanguinei collaterales, sive agnati sint, sive cognati. Si plura cupis, vide Tom. VII. Lib. 9. Diss. 5.

VI. QUEST. IV. *Quid sit substitutio vulgaris, pupillaris &c.?* RESP. Substitutio vulgaris est qua quis heredi a se instituto alium quemlibet substituit, qui capax sit successoris testamentariae. Substitutio pupillaris ea est qua pater substituit filio decedenti ante pubertatem alium heredem. Substitutio exemplaris imitatur substitutionem pupillarem, quatenus pater pro filio amente testamentum condere valet. Substitutio fideicommissaria gravat heredem, qui vocatur commissarius, ut reddat hereditatem aut integrum, aut partem personæ alteri, quæ appellatur fideicommissaria. Substitutio reciproca ea est in qua instituti heredes sibi succedunt. Substitutio compendiosa ea est quæ plures substitutions comprehendit quantum ad diversa tempora.

VII. QUEST. V. *Quomodo testamenta valida revocari queant?* RESP. Testator ad libitum revocare testamentum suum valet. Aliqui contendunt, licite testatorem qui juravit se non revocaturum testamentum, posse absque perjurii culpa illud revocare. Sed hæc opinio falsa est, ut communiter auctores docent. Juramentum enim de re licita servandum est. Revocationem tamen testamenti validam esse multi contendunt, quia

Tom. II.

perjurium afficit ipsum testatorem, minime vero invalidam efficit revocationem. Verum probabilior mihi sententia est invalidam esse revocationem, quia medio jureamento potestatem sibi ademit testator revocandi testamentum conditum.

VIII. Secundum testamentum omnibus solemnitatibus munitum ipso facto revocat prius. Quando duo simul condunt testamentum unica scriptura, uno mortuo potest superfes revocare testamentum, quod suam bonorum partem tangit. Quoniam licet una sit materialis scriptura, duo tamen sunt testatores. Quando dominus facultatem concedit alteri, puta uxori marito, ut pro se testamentum condat, mortuo hoc testatore uxor revocare testamentum nequit, quia testamentum firmatur morte testatoris; si tamen testator proprio nomine testamentum instituat, & ut dominus. Si enim ut minister, vel ut commissarius testamentum condat, non proprio, sed domini nomine, tunc dominus revocare testamentum valet. Specienda ergo est facultas in his casibus a domino concessa condenti testamentum.

IX. QUEST. VI. *Quando obligationem habeant heredes?* RESP. Tenentur solvere omnia defuncti testatoris debita, nisi acceptent hereditatem beneficio legis, & inventarii: quo fit ut heres ultra vires hereditatis non tenetur solvere. Dum inventarium conficitur, vexare credidores heredem nequeunt. Si vero heres intra intervallum a lege praescriptum non conficerit inventarium, vel non repudiaverit hereditatem, tenetur omnia testatoris debita solvere, etiamsi superent hereditatem. Debta realia, quæ comitantur hereditatem, secus personalia quæ afficiunt personam, tenetur heres solvere. Praeter debta realia, legata quoque implere heres debet.

X. QUEST. VII. *Quenam sit obligatio executoris testamentarii?* RESP. Executores testamentarii alii sunt universales, alii particulares. Illi sunt qui eliguntur, quando in testamento non est facta heredis institutio, ut testatoris debita solvant, & omnia bona distribuant. Iste ut validum testamentum execuantur.

C A P U T VIII.

De legatis, eorumque diversitate.

I. QUEST. I. *Quid, & quotuplex sit legatum?* RESP. Est donatio aliqua quam testator praestandam relinquit ab herede, de

eo quod sorēt heredis. Legatum aliud *purum*, quando nulla conditione, nullo prae-
nito tempore relinquitur: aliud in *diem quo
tempus prescribitur illud reddendi*: aliud
conditionatum, quod aliquo onere gravatur.
Durat legatum juxta voluntatem testatoris.
Quare Alexander VII. damnavit oppositam
opinionem n. 43. *Annum legatum pro anima
relictum non datur plusquam per decem annos.*
Si heres repudiavit hereditatem, nulla le-
gata sunt iure communis. Legata ad pias
causas solvere heres ab intestato debet. Plu-
ra tamen iura particularia decernunt solven-
da legata quæcumque, etiam repudiata he-
reditate. Legata *pura* continuo solvenda sunt.

II. Legato aliquo fundo five immobili,
five mobili censemur legata ea omnia quæ
fundum consequuntur. Hinc legato virida-
rio, legata intelliguntur plantæ; legata ve-
ste, etiam ornamenta five aurea, five ar-
gentea legata sunt. Legata ad pias causas;
si testator eligat talen pauperem, aut ta-
lem locum pium, his sublati, impleri le-
gatum debet, nisi constaret legatum reli-
ctum esse ut bonum ipsius pauperis. Con-
ditio turpis, vel impossibilis pro non adje-
cta legato habetur. Conditio adjecta, ut le-
gatarius huic, aut illi puella nubat, valida
est, & nullum legatum efficit, nisi legatari-
us designata puella nubat. Si haec renuit,
valet legatum. Invalida est conditio nun-
quam nubendi, exceptis viduis, quarum re-
spectu conditio adjecta non nubendi valida est.

III. Legatum relictum pro nubenda vir-
gine determinata tradi potest eidem, etiamsi
ingredi religionem velit. Si legatum inde-
finitum sit pro nubendis orphanis, viduis,
& virginibus, eisdem dandum legatum est:
alia quippe formula relinquuntur legata pro
virginibus ingressuris Religionem. Si defi-
cient virgines nubere volentes, quod raro
accidit, tunc, nisi expresse constaret de op-
posita testatoris mente, tradi virginibus pos-
set ingredientibus Religionem. Legatum re-
lictum pullis nubere volentibus tradi nequit
nuptis etiam pauperibus.

IV. QUÆST. II. *An legatum destinatum puel-
lis hujus civitatis tradi extraneis possit?* RESP.
Non posse certum est, quia esset aperte con-
tra mentem testatoris. Si tamen extranei fi-
gerent ibi domicilium, tunc transacto de-
cennio, tradi sicut ceteris incolis legatum posset.
Legatum relictum pro nubendis vir-
ginibus tradi nequit corruptis, si juridice
constet esse tales. Si corruptio esset secreta,
tradi legatum posset.

V. QUÆST. III. *Valet no aliquis testamento derogare?* RESP. Testator est supremus le-
gislator jure gentium, & civili. Expressa
ejus voluntas, iusta causa sublata, mutari
nequit. Si dubia fuerit, illius mentis in-
terpretationi, non commutationi locus est:
Commutatio tunc locum habet quando mens
testatoris clara est, sed impleri nequit. In
hoc casu si legatum profanum sit, caducum
evadit, & transit ad heredes. Si fuerit ad
pias causas, commutari in similem pium usum
Episcopi arbitrio potest.

VI. QUÆST. IV. *Quando ex legatis deduci Falcidia possit?* RESP. Caius Falcidius tem-
pore Cæsaris Augusti legem rogavit pro he-
reditibus, quibus facultatem concessit detra-
hendi quartam partem bonorum testatoris,
ut hac via eosdem alliceret ad hereditatem
acceptandam, vel ne solo nomine heredes
essent. Hæc quarta pars *Falcidia* vocatur a
suo auctore Falcidio. Ex bonis testatoris
qualia sunt tempore ejusdem mortis, detra-
henda est hæc quarta pars. Verum vix ali-
cubi hodie obtinet jus commune circa *Fal-
cidiam*; sed peculiares leges vigent, quæ præ-
scribunt quid in casibus occurrentibus agen-
dum sit.

C A P U T IX.

De obligationibus eorum qui foro assistunt.

A D calcem hujus libri de justitia & jure
lubet quædam delibare quæ spectant
viros forenses. In Theologia christiana in-
dictam præterii materiam hanc, quod tem-
pus tunc non erat hanc exornandi provin-
ciam. In præsentia puncta præcipua brevi-
ter illustrabo. Ad rem.

S. I.

De judice.

I. QUÆST. I. *Quanam sint judicis munia,
ue rebile judicet?* RESP. Primum o-
mnium scientia judici necessaria est eorum
de quibus ferre judicium debet. Tremenda
sunt oracula quibus Spiritus sanctus Sap. c 6.
invehitur adversus judices socrates, & igno-
rantes. *Melior est sapientia quam vires . . .*
*Audite ergo Reges, & intelligite, & discite
judices finium terra . . . quoniam durissimum
judicium his qui presumunt, fiet . . .* *Ad vos er-
go, Reges, sunt hi sermones, ut discatis sapien-
tiam, & non excidatis.* Non ministros judi-
ces tantum, sed Reges ipsos Deus alloqui-
tur.

tar. His tremendissimum judicium minatur, nisi scientiam didicerint qua & rege-re, & deprehendere judicium inferiorum er-rores queant. Funesta detinentur cæcitate, si credant se liberos esse a discenda sapien-tia regimi necessaria; si sibi blandiantur sat esse eligere bonos judices, & ministros, quibus totum onus committant. Adjutores isti sunt, & auxiliares copiae. Ceterum ipsi Reges & Principes reddituri Deo sunt ra-tionem, & quidem severissimam tum judi-cum, tum populi. Error est enormissimus, quo credunt suas explevisse partes, quoties optimos elegerint ministros. Hoc est unum, quod prætare debent; sed præcipuum est assidua vigilancia, & studium, quo populo sibi commisso assistere, & Principatus nego-tia tractare debent. Qui vult dignitatis splen-dorem, & reditus, velit necessum est one-ra gravissima quæ dignitatem consequuntur.

II. Judicibus omnibus præter scientiam ad rectum judicium formandum, necessaria est fortitudo, & constantia, qua parvipedant potentes, nullamque personam timeant. Inquit Deus Eccl. 7. *Noli querere fieri iudex, nisi valeas virtute irrumpe iniquitates: ne forte extimescas faciem potenteris, & ponas scandalum in æquitate tua.*

III. Heinc graviter peccant qui destituti scientia, fortitudine, ceterisque necessariis dotibus officium judicis suscipiunt: & isti absolvii nequeunt, nisi se magistratu abdi- cent. Maximo enim in salutis æternæ dis-crimine versantur: si namque judex reputans se recte judicare, ex mera imperitia falsam sententiam promat, gravi ignoran-tia peccato inquinatur, utpote in iis quæ scire ex officio tenetur, deficiens, & ad re-stitutionem omnium damnorum quæ litigan-tibus obveniunt, adstringitur.

IV. Præter recensitas dotes auctoritate judicandi instructus sit oportet judex, vel ordinaria, vel delegata, vel partium con-sensu. Habere quoque debet certitudinem moralem causæ quam decernit. Hæc cer-titudo moralis formari debet ad legum nor-mam, & secundum allegata, & probata. Neque enim condemnare eum potest quem privata scientia scit esse reum, si juridice probatus reus non sit. Quoniam iudicat non ut persona privata, sed ut persona publica.

V. QUÆST. 11. *Quomodo se gerere iudex debet, quando jura dubia sunt?* RESP. No-tanda propositio quam damnavit Innoc. XI. n. 2. *Probabiliter existimo, judicem posse judi-care iuxta opinionem minus probabilem.* Tene-

tur ergo iudex secundum opinionem vere probabiliorem judicare in quæstionibus sive juris, sive facti, exclusa omni personatum acceptione, ut Deut. c. 1. Deus jubet. *Quod justum est judicate sive civis ille sit, sive pe-rigrinus. Nulla erit distantia personarum.* Ita parvum audietis ut magnum; nec accipietis cujusquam personam: quia Dei judicium est. Nec iudex quid vulgus, aut multitudo di-cat, attendere debet, sed ipse scrutari le-ges debet, & juxta eadem sententiam fer-re ut Exodi c. 23. Deus jubet. *Nec in iudi-cio plurimorum acquiescas sententia, ut a vero devies.* Si utrimque rationes æque probabi-les urgeant, tunc res, de qua his ferveret, di-videnda inter partes est, si a nemine possi-deatur. In causis tamen criminalibus, quan-do jura sunt æqualia, favere reo iudex deberet.

VI. Celeriter expedire causas, seu siles judices debent. Si negligentes in hoc sint, peccant contra justitiam, & partem lafam compensare astringuntur. Si noverint advo-catos, qui veritate lites protrahant, conti-nuo a foro eos expellere satagant.

VII. Acriter autores disputant, num ju-dex capite plestre debeat cum quem certo novit innocentem, quando juxta allegata & probata appetat evidenter reus. Omnes adfirmant obstringi judicem omnes inire vias, artesque adhibere, & judicium differendo, & causam ad superiorem remittendo, & apud eundem testimoni agere, ut liberet in-nocentem. Quid si hæc omnia inutilia sint? Si id quod sentio promere debeam, vix contingere posse judico, ut iudex nequeat effi-cere ut innocens talis appareat. Nam si innocens hic est, falsi testes sunt. Testium autem falsitas difficillime occulta persistere valet, si experrectus iudex sit. Utique ju-dex tenetur ut persona publica judicare se-cundum allegata & probata; at in casu ra-rißimo curandum est ut innoxens non pereat. Et quia casum in praxi vix contingere posse existimo, nempe quod accusatus sit innocens, quod hæc innocentia soli iudici comperta evidenter sit, quodque nulla suppetat via ca-piendo in sermone falsos testes; idcirco a lon-giore discussione abstineo.

VIII. Peccat iudex qui reum condemnat ex confessione injuste extorta. Quoniam con-fessio injuste extorta nullum præbet jus, ne-que iudex uti eadem potest, cum non li-ceat medio injusto uti. Injuste autem iudex confessionem extorquet, si absque indicis congruis, vel præcedente infamia, aut fe-miplena probatione id præstet; si dolo vel

promissione impunitatis reum alliciat; si contra juris ordinem eum torqueat.

X. Quæst. III. Accipere ne munera a paribus judex valet? **RESP.** Pro ferenda sententia sive justa, sive injusta accipere munera judex nequit. Hinc sequentem thesim proscripsit Alexander VII. Quando litigantes habent pro se opiniones æqua probabiles, potest judex pecuniam accipere pro ferenda sententia in favorem unius præ alio. Severe Deus improbat, & detestatur tantam pravitatem pluribus in locis Scripturæ sanctæ. *Deut. c. 16.* inquit: *Non accipies personam, nec munera: quia munera excœcant oculos sapientum, & mutant verba iustorum. Iuste quod iustum est, persequeris.* Hic excluduntur munera & magna, & parva. Levia munuscula accipiuntur ad declinandam inurbanitatis notam: inepta excusatio. Venerantur populi judices cum vident talia respuerre, eosque non ut inurbanos, sed ut viros fortes, & integros justitiae administratores suspiciunt.

X. Quæst. IV. Quomodo inquisitio fieri a judice debet? **RESP.** Inquisitio triplex. Generalis, quæ generatim inquirit serventur ne leges? Altera peculiaris, qua de certo crimen, & determinata persona inquiritur. Tertia mixta, quæ generatim de persona, & singulariter de crimen vel contra inquiritur. Inquisitio generalis, nulla data occasione fieri a judice debet. Si crimen publicum sit, & occultus reus, generatim inquirere judex debet. Contra personam determinatam inquirere nequit, nisi præcesserit vel infamia, vel semiplena probatio, vel indicia gravia. Hæc quoque requiruntur ad torquendum reum. Tortura instituta est ad constituendam ejusdem rei confessione plenam probationem, cum gravissima indicia urgent, at non sufficiunt ad sententiam descendam. Semel tortus si nihil confessus est, nequit rursus torqueri ob idem crimen. Si reus confessum in tortura crimen revocet coram judice, torqueri iterum potest; si tertio confessus, tertio iterum revocet coram judice, absolvendus est, nisi indicia sint vehementissima. Verum habent Tribunalia suas præscriptas, ad hoc quod attinet, regulas.

XI. Quæst. V. Sententia justa judicis obligat ne in conscientia? **RESP.** Adfirmant omnes, quia legitimi superioris præcepto ex conscientia parentum est. Contra sententia evidenter injusta non astringit. Quamobrem qui vi injustæ sententiaz accipit bona alterius, restituere eadem tenetur, cum digno-

scit sententiaz injustitiam. Si bona fide eadem accipit, si ante tempus legitimæ præscriptionis deprehendat sententiam injustam, evadit possessor malæ fidei, & restitutioni obnoxius. Servanda tamen sententia injusta est a litigante læso ad evitandum scandalum, & perturbationem; nec licet per vim contra judicem, ejusque ministros agere, sed ob bonum publicum tolerandum est malum privatum, & solum servato juris ordine fieri appellatio, vel implorari sententiaz recognitio potest.

XII. Judex tenetur imponere pœnas a lege præscriptas. Non raro judices ex arbitrio has pœnas aut remittunt, aut temperant. Dum id fieri absque boni publici detrimento potest, laudo benignitatem. At saepe judices, ut sint misericordes erga reos, sunt fævi, & inhumani erga innocentias. Ejusmodi pœnae non modo ad punitionem delinquentium, sed etiam ad terrorem aliorum impositæ sunt. Dum mali homines impunitos vident facinorosos, ansam arripiunt vexandi innocentias. Ergo benignitas erga reos viam aperit ad innocentum depressionem.

§. II.

De accusatore, & denuntiatore.

I. Quæst. I. An quis astringatur accusare, vel denuntiare? **RESP.** Hanc distinctionem accusatorem inter & denuntiatorem constituit *2. 2. q. 68. a. 1.* S. Thomas, quod denuntiator fratri emendationem, accusator criminis punitionem intendit. Qui ex officio deputati sunt ad hoc munus, quique stipendium a Republica accipiunt, tenentur ex justitia accusare reos damna publica inferentes, ut sunt fiscales, vigiles, custodes agrorum, nemorum &c. Si crimen vertat in damnum publicum vel temporale, vel spirituale, aut accusare, aut denuntiare tenentur etiam personæ privatæ. Crimina quæ vergunt in damnum publicum, sunt proditio patriæ, adulteratio monetarum, beneficia, hæresis &c. Quare Alexander VII. sequentem thesim proscripsit: *Quamvis evidenter tibi constet Petrum esse hæreticum, non teneris denuntiare, si probare non possis.* Denuntiator non tenetur probare, sed accusator dumtaxat. Qui enim probare crimen nequeunt, accusare non tenentur.

II. Quæst. II. Si delictum occultum sit, & probari possit, debet ne accusatio fieri? **RESP.** Si detur spes emendationis, præmit-

ten-

tenda est fraterna correctio : quia & fama proximi consistit , & emendatio obtinetur , quando , ut dixi , prudenter speratur delinquentis emendatio . Si tamen crimina sunt contra bonum publicum sive temporale , sive spirituale , difficile praesumti emendatio potest . Et ideo de his criminibus loquens in 4. d. 18. qu. 2. a. 3. ad 4. S. Thomas docet , reos ejusmodi accusari posse non praemissa secreta monitione . Accusator abstine-re ab accusatione debet , quoties deprehen-dit crimen esse dubium , vel se illud proba-re non posse .

§. III.

De reo.

I. QUÆST. I. An reus teneatur fateri veritatem ? Resp. Judici interroganti juridice fateri reus veritatem tenetur sub gravi culpa , ut docet S. Thomas 2. 2. q. 69. a. 1. cui subscripti communiter Theologi . Quoniam judex hoc in casu jus habet interro-gandi , & exigendi veritatem ob bo-num publicum societatis . Ergo debitum in reo est veritatem manifestandi . Primum enim sine altero consistere nequit . Præterea negare reus veritatem nequit sine mendacio , quod semper illicitum est . Mentiri autem in judicio peccatum mortale est , cum sit in re gravi , & contra justitiam , inquit 2. 2. q. 59. a. 1. ad 3. S. Thomas . Ille qui mentitur in judicio , se excusando , facit & contra dilectionem Dei , & contra dilectionem proximi , tum ex parte judicis , cui debitum negat , tum ex parte accusatoris , qui punitur , si in probatione deficiat . Insuper a reo exigitur jura-mentum de veritate manifestanda . Ergo est perjurus , si veritatem occultet . Et ita communiter docent graviores Theologi .

II. Disputant auctores , num teneatur reus confiteri veritatem post latam sententiam capitis . Adfirmant Navarrus , Corduba , Ca-bassutius , & alii : quia , inquit Navarrus , hoc requiritur ad consulendum famam judi-cis . Repones , satis jam notum esse reos negare solitos delicta a se patrata . At difficile mihi appetat reum christianum dispositum esse ad mortem sancte obeundam , qui per-severat in negatione veritatis . Confessus utique mendacium est : verum sicut publice veritatem negavit , ita publice eam manifestare , ut mihi videtur , debet . Omnes autem fatentur astringi reum ad confitendum veritatem ad tollendum scandalum , vel proximi damnum , vel detrimentum publici be-

ni , quod immineret ex occultatione veri-tatis .

III. Fateri quoque reus veritatem astin-gitur , dum a judice interrogatur de com-plicibus , quia superiori legitime præcipi-entum est . Reus non interrogatus juri-dice respondere non tenetur , nunquam ta-men mendacium dicere potest . Restrictio-nes mentales ineptæ sunt ad impedigendum mendacium .

IV. Reus qui sibi imponit falsum cri-men , ob quod morte plectendus est , ut tor-menta declinet , peccat mortaliter ; quia in-fluit directe & positive in mortem propriam , & infamator sui est . Quare absolvit nequit , nisi reveler calumniam sibi impactam , cum non sit sua vita dominus . Licitum reo est appellare ad superiorem judicem , dum per-suasus est de sententia injustitia , vel quia servatus ordo non sit , vel quia sententia æquo severior est . Iniqua vero est appella-tio , dum cognoscit sententiam esse justam .

V. QUÆST. II. Num licitum reo sit fugi-re , ut pœnum eviter ? Resp. Reus damnatus ad mortem potest ire ad locum supplicii , collum subjicere , & manus aptare , dum fugam arripere nequit . Ei tamen non licet mortem sibi inferre , venenum sumere , pro-jicere se e scala , transfigere se gladio , vel laqueo se suspendere : quia haec per carnifi-cem fieri debent .

VI. Licitum est reo nocenti fugere , ut mortem declinet , & ante , & post judicis sententiam , nisi peculiari promissione , vel juramento se obligaverit ad permanendum , ut docet S. Thom. 2. 2. q. 69. a. 4. ad 2. Si tamen judex præcipiter ne fugeret , cum absolute præceptum justum sit , parere reus deberet . Verum cum difficultis sit talis præ-cepti observatio , cum insita a natura sit vita conservatio ; ideo judices communiter a tali præcepto abstinet : nec , ut mibi vi-detur , est illis suadendum ut illud impo-nant ob obstantiæ difficultatem : & aliunde impediti fuga potest severiori custodia adjecta .

VII. Heinc communiter inferunt aucto-res , licitum reo esse vitandæ mortis causa frangere carceres , parietes , ut viam sibi ad fugam aperiat . Si enim licita ei fuga est , licitum quoque erit ea exequi quæ ad fugam necessaria sunt . Disputant vero num licitum aliis sit , reo porrigere instrumen-ta , quibus carcerem frangat . Negant plu-res Toletus , Navarrus , & alii . Adfirmant vero Cajetanus , Salomon , aliquique . Quoniam , in-

inquit, si fuga ei licita est , cur non licet præbere instrumenta , quibus lictus finis obtineatur ? Res hæc tanti non est , ut severius discuti mereatur . Omnes adfirmant , id non licere custodibus , & ministris . Similiter omnes auctores negant , licere aliis adjuvare reum januas , vel parietes carceris effrigendo . Quia tametsi hoc liceret reo ob insitum jus conservanda vita , non propterea id permisum est aliis , qui non sunt in casu consulendæ vita propriæ . Si hoc liceret , nihil firmum tutumque esset , & potestas suprema careret mediis ad conservandum bonum publicum .

VIII. Reo , contra quem lata est mortis sententia , non licet se defendere , & resistere judici , vel ministris , & executoribus mortis . Similiter innocens damnatus per sententiam justam juxta allegata , & probata , sed veritate destitutam , tenerur suffferre christiana patientia inflictam poenam , quando licita via absque publico scandalo evitare eam nequeat : mulctamque pecuniarium impositam a legitimo judice solvere tenetur . Plures contendunt , licitum esse fugere e triremibus , nisi data sit fides ibidem permanendi , cum damnatus reus sit , ut ibidem detineatur , non ut sponte maneat . Et sane satis difficile videretur definire ut reus in conscientia astriktus sit sponte manere intam per molesto carcere .

§. IV.

De testibus .

I. A factum aliquod confirmandum , & plenam in judicio probationem consituendam duo testes requiruntur , ut S. Matth. c. 17. testatur : *In ore duorum vel trium testimoniū stat omne verbum .* Hoc idem docet S. Thomas 2. 2. q. 70. a. 2. In factis levioris momenti sufficit unus testis , ut publici custodis testimonium sat est ad puniendos furres lignorum in silvis , fructuum in vineis . Unus testis sufficit ad impediendum matrimonium . In testamentis , ut dictum est , non sufficiunt absolute duo testes . Requiritur ut testes sint omni exceptione majores . A jure aliqui excluduntur . 1. Mulieres in criminalibus excluduntur , in civilibus admittuntur . 2. Servi . 3. Minores 20. annis in criminalibus rejiciuntur , & in civilibus impuberes . 4. inimici . 5. consanguinei , & domellici . 6. infames . 7. perjuri . 8. socii criminis , exceptis flagitiis difficilis probationis . 10. deliri , & fatui .

II. Question. 1. *Quandonam homines tenentur testificari ?* Respon. Versat hanc quæstionem 2. 2. q. 70. a. 1. S. Thomas . Cum grave malum sive temporale , sive spirituale , sive publicum , sive privatum innocentii imminet , quisque testificari tenetur , etiamsi non requiratur a judice . Caritas enim Christi urget nos ut liberemus innocentem ab injusto damno , ab immanibus oppressionibus , ut inquit Psalmista : *Eripite pauperem , & egenum de manu peccatoris liberate .* In ceteris vero nemo tenetur , nisi a judice requisitus .

III. Testis tenetur testificari judici legitime interroganti . Ut judex legitime respectu testis interroget sat est ut præcesserit accusatio , vel denuntiatio , vel querela interposta . Hæc autem non sufficiunt ut judex juridice interroget reum , sed respectu hujus oportet ut præcedant vel infamia , vel indicia gravia , vel semiplena probatio , ut dictum est . Plus itaque requiritur ut quis teneatur testificari contra semetipsum , quam contra extraneum .

IV. Question. 11. *Quinam liberi sint ab obligatione testificandi ?* Respon. Confessarii , qui facta sciunt vi confessionis sacramentalis . Item illi omnes qui facta sciunt sub secreto naturali , aut consilii , vel auxiliī dandi causa , ut sunt advocati , medici , obstetrices , chirurgi , Theologi &c. Nec judicis intentio eo spectat , ut ea quæ his viis nota sunt , revelentur . Quia observantia secretorum necessaria est ad civilem societatem , & bonum commune . Excipiunt tamen omnes cum S. Thoma testificationem necessariam ad impediendum grave damnum communitatis . Tunc enim secretum est de re illicita , excepto sigillo sacramentali , quod in nullo casu revelari potest . Qui viderunt delictum , & postea jurarunt se illud non revelatueros , obedere præcepto superioris debent , quamvis de damno proximi avertendo non agatur , quia juramentum illud est contra jus superioris . Continuo enim ac quis rem scivit , nascitur jus in superiore ad interrogandum , & posterius juramentum est de re illicita respectu superioris , quamvis servandum sit secretum juratum respectu aliorum . Immunes testes sunt a testificatione , quando ex eadem ipsis vel consanguineis imminet grave damaum , nisi vel publicum bonum , vel proximi danum ex caritatis præcepto impedire tenearis . Nam leges humanæ absolute , & exceptis quibusdam casibus , non obligant cum detimento valde gra-

gravi. Pater, filius, maritus, uxor, fratres, sorores, consanguinei, affines delinquentis usque ad secundum, & juxta plures usque ad quartum gradum non tenentur testificari, ut conservetur domestica concordia. Excipiuntur semper casus hæresis, læsa majeſtatis, prædictionis patriæ &c. Alicubi existunt quoque famuli a testimonio ferendo contra dominum.

V. QUEST. III. *Quandonam testis graviter peccat, & tenetur ad restitutionem?* RESP. Peccat. 1. si ut verum adfirmat quod certo non scivit. 2. si occultet veram sibi notum legitime interroganti. 3. si falsum testetur, quia, ut Prov. 21. dicitur, *testis mendax peribit.* 4. Qui falsa instrumenta scribunt, aut vera lacerant. 5. Qui aliquam syngrapham, vel scripturam adulterant. Iſi omnes ultra peccatum grave, tenentur compensare omnia damna quæ inde sequuntur. 6. Qui bona fide testimonium falsum dixit, tenetur illud retractare. Regula tandem generalis esto. *Judices sunt custodes, & defensores societatis, & boni publici.* Omnes subditi parere suis superioribus, dum legitime præcipiunt, tenentur. Nec privati judicare valent, quando legitime præcipiunt, sed obedire iſi debent. Quamobrem dum citantur etiam generatim, nequeunt se occultare, vel fugam arripiere, sed sistere se ante tribunal debent.

§. V.

De obligationibus advocatorum aliorumque fori ministrorum.

I. QUEST. I. *Quæ sint advocatorum obligations?* RESP. Primum omnium scientiam, & peritiam habeant advocati necessum est, qua valeant exercere suam professionem. Regula præcisa istius scientiæ designari nequit. Advocati ex perfecti sint oportet, acutoque ingenio, atque eloquentiæ vi prædicti. Qui ingenio tardi sunt, & lingua sterili, gravissimo periculo se exponunt, non secus ac illi qui natura pavidi, debiles, & meticulosi bellum suscipiunt.

II. Audita clientis causa ejusdem æquitatem, vel injustitiam manifestare advocatus debet, nullo habito respectu ad proprium lucrum. Utinam qui advocati professionem suscipiunt, haberent unde vivent sine professione, ne pecunia coacti acceptarent causas quaslibet, ut victum, & sustentationem sibi comparent. Sæpe dignoscunt non pauci injustitiam causæ, verum si eam patesciunt, dimittuntque clientes,

non habent unde vivant. Heinc inopia astricet facile sibi ut probabilem depingunt causam quæ aperte injusta est.

III. Debet advocatus pro causæ qualitate studium adhibere, & diligentiam, ut causæ victoriam apud judicem assequatur; & hoc ex officio exequi astringitur, cum stipendio conductus sit.

IV. Sinceri, & ingenui sint oportet advocates: alieni a fraudibus, a conviciis, a protractionibus, a falsis probationibus, ab injuriis contra partem adversam. Non debent accipere nisi justum stipendum vel a lege, vel a iusta consuetudine taxatum. Veritatem advocato est pacisci cum cliente de aliqua parte rei controversæ, si vincat. Quia hinc ansam arriperet per fas, & nefas victoriam assequendi, omni ad justitiam sublato respectu.

V. QUEST. II. *An licet advocato defendere causam minus probabilem?* RESP. Adfimant aliqui. Paucis rem perstringam. Peccat 1. advocatus, si defendit causam cognitam injustam. 2. si defendat causam minus probabilem. Si causa civilis sit æque probabilis, potest eam tractare ante judicem; sed debet sincere monere clientem de periculo amittendæ litis. Quando enim jura apparent æqualia, tunc utraque pars habet jus proponendi rationes suas. Hoc tamen verum est, quando cliens est possessor. Si enim adversarius sit possessor, nequit advocatus defendere clientem contra possessorem. Quoniam quando jura sunt paria, atque adeo causa dubia, melior est conditio possidentis. Ut advocatus queat licite defendere clientem contra possessorem, oportet ut judicet causam suam esse certo, & evidenter probabiliorem, & talem judici apparituram. Dum autem eadem dubia appetat, nequit eam judicare probabiliorem, & quidem evidenter. Cavere sibi advocati debent ne aviditas, & cupiditas lucrandi induat opinionem defendendam gradu majoris probabilitatis quem non habet.

VI. Heinc peccant advocati, & tenentur ad restitutionem, 1. si imperiti, & non factis idonei exerceant tales professionem: 2. quando defendunt causam cognitam injustam: 3. si indiscriminatim causas defendendas suscipiunt non considerata & quidem severe & mature earundem justitia: 4. si in progressa litis, cognita injustitia, non moneant clientem, ut desistat a lite: 5. si parti adversæ revealent secretum clientis: 6. si ob eius imperitiam, negligentiam, aut malitiam

litiam cliens causa cadat, vel expensas superfluae faciat: 7. si causæ expeditionem plus justo differat: 8. si clienti periculum perdendæ litis clare & perspicue non manifestent, & multo pejus, si eum vanis propagationibus alliciant, ut litem intentet: 9. si in defendenda lite utantur falsitate, fraude, falsis testimoniis, scripturis apocryphis, aut adulteratis: 10. si plures causas suscipiant quam expedire recte valeant, & cuique impendere debitum studium: 11. si scripturas suas plus justo extendant, ut maius premium accipiant: 12. si falsa crimina parti adverba imponant, vel vera, sed occulta revelent, vel injustis cavillationibus vexent. 13. Peccant tandem contra caritatem, si pauperum gravi vel extrema necessitate laborantium causas gratis non defendant.

VII. Ceteri procuratores, scribe, notarii, secretarii omnes diligenter exercere suum officium ex iustitia, cum stipendum accipiunt, tenentur. Peccant quoque illi pro diversitate officii, si litem injustam suadeant; si scripturas sine necessitate multiplicent; si secreta partium violent; si scripturas fallas repreäsentent, aut veras adulterent.

VIII. Pauca adjiciam quæ spectant medicos, pharmacopolas, & chirurgos. Peccant 1. medici, & chirurgi, si absque opportuna scientia artem medendi exerceant: 2. si negligentes sint in morbis curandis: 3. si plures infirmos curandos suscipiunt, quin valeant omnibus opportune assistere: 4. si remedia tutiora, vel saltem probabiliora adhibere negligant: 5. si curam infirmi protrahant, ut redditus multiplicent: 6. si pauperum morbos curare omittant: 7. si graviter decumbentes monere prætermittant ut sacramenta suscipiant, quum S. Pius V. statuerit ne medici visitent infirmum, nisi post tertium diem de ejusdem confessione sacramentali ipsis constet: 8. si pudendos occultos morbos infirmorum evulgent.

IX. Quæ dicta sunt de recensitis profissionibus applicanda sunt ceteris artificibus proportione servata. Omnes enim & pharmacopæ, & ceteri artifices peccant, si necessaria artis suæ notitia desituti talem artem exerceant; si fraudes dolosve adhibeant. Quilibet enim ars suas peculiares fraudes habet. Quare periti Confessarii erit suos pœnitentes severe examinare super reæ administratione propriæ artis.

LIBER X.

DE SACRAMENTIS NOVÆ LEGIS.

DISSERTATIO I.

De Sacramentis generatim.

CAPUT I.

Propositiones ab Ecclesia damnatae.

Alexander VII. damnavit sequentes.

I. **D**Uplicatum stipendum potest Sacerdos pro eadem Missa licite accipere, applicando petenti partem etiam specialissimam fructus ipsiusem celebranti correspondentem, idque post decretum Urbani VIII. Est 8.

II. Post decretum Urbani potest Sacerdos cui Missæ celebrande tradundur, per alium satisfacere, collato illi minori stipendio, alia parte stipendiū sibi retenta. Est 9.

III. Non est contra iustitiam pro pluribus sacrificiis stipendum accipere, & sacrificium unum offere; neque etiam est contra fidelitatem, etiam promissam promissione etiam iuramento firmata, danti stipendum, quod pro nullo alio offeram. Est 10.

IV. Mandatum Tridentini factum Sacerdoti sacrificanti ex necessitate cum peccato mortali, confidendi quamprimum, est consilium, non preceptum. Est 38.

V. Illa particula quamprimum intelligitur, cum Sacerdos suo tempore confitebitur. Est 39. Innocentius XI. sequentes confixit.

VI. Non est illicitum in sacramentis confundis sequi opinionem probabilem de valore sacramenti, relitta tutoire, nisi id vetet lex, conventio, aut periculum gravis damni incurriendi. Hinc sententia probabili tantum utendum non est in collatione Baptismi, Ordinis sacerdotalis, aut episcopalis. Est 1.

VII. Urgens metus gravis est causa justa sacramentorum administrationem simulandi. Est 29.

VIII. Frequens confessio, & communio etiam in iis qui gentiliter vivunt, est nota predestinationis. Est 56.

Alexander VIII. sequentes.

IX. Sacrilegi sunt judicandi qui jus ad communionem percipiendam prætendent, antequam condignum de delictis suis pœnitentiam egerint. Est 22.

X. Similiter arcendi sunt a sacra communi-

one

nione quibus nondum inest amor Dei purissimus,
Et omnis mixtionis expers. Est 23.

XI. Valuit aliquando baptismus sub hac forma collatus, In nomine Patris, & Filii, & Spiritus sancti, pretermis illis verbis, Ego te baptizo. Est 29.

XII. Valet baptismus collatus a ministro qui omnem ritum externum, formamque baptizandi observet; intus vero in corde suo apud se resolvit: non intendo facere quod facit Ecclesia. Est 30.

C A P U T II.

Propositiones laxae Casuistarum

I. **P** La Croix lib. 6. p. 1. n. 102. „ Di-
cendum est . . . eum non peccare
mortaliter qui in mortali formam sacra-
menti inchoat, dummodo ante expressio-
nem ultimae partis essentialis sit in statu
gratiae; quidquid in contrarium dicant
„ Averfa, & alii. „

II. P. Matthæus Moya in *quest. select.*
Tom. 1. tr. 5. Miscellan. quest. 2. §. 3. n. 13.
¶ 14 „ Non est cur ob metum, saltem
mortis, non licet simulatione hujusmodi
in omnibus sacramentis uti. Hinc si ha-
reticus (non in odium fidei) minaretur
mortem Sacerdoti, nisi omnem panem in
foro existentem consecraret; posset ille
consecrationis verba proferre ablique in-
tentione consecrandi, absque ullo peccato
contra religionem, vel justitiam, & ab-
que ulla mendacii labe. „

III. Joannes Sanchez in *select. disp. 35.*
n. 6. „ Nec obstat aliquos adorare talem
panem tamquam consecratum: erit enim
idolatria materialis, quam Sacerdos in
illo cafu vitare non tenetur. „

IV. P. Hieronymus Llamas in *Method. 1.*
part. c. 1. §. 5. ¶ part. 2. c. 2. §. 12. apud
Leandrum a SS. Sacramento *part. 1. tract. 1.*
disp. 6. q. 8. „ Ad alia administranda sacra-
menta, inimo & Eucharistia sacram alius
dandum non credimus obligare præceptum
contritionis; quia qui sacramentum admini-
strat in mortali, non ponit obicem gra-
tiae . . . ergo non est nova culpa, cum
dans sacramentum non sit recipiens. „
Granados *ibidem* probabilem reputat hanc
opinione.

V. Torrecilla *Tom. 2. sum. rr. 4. disp. 1.*
cap. 5. n. 5. „ Capax est baptismi infans in
utero matris, et si nulla ejus pars in lu-

„ cem prodeat, dummodo aqua introduci ibi
possit. „

VI. Idem ibidem *disp. 2. c. 7. n. 3.* „ Nul-
lum est peccatum sacramentum confirma-
tionis non recipere, etiam in eo qui com-
mode potest, nisi ex contemptu illud omit-
tat. Nec illud contemnere est judican-
dum, nisi illud non recipere eo sit vel
quia parvi momenti, vel indignum sibi,
vel ut puerile id habeat. „

VII. Idem *ibid. c. 3. n. 8.* „ Necesse est
sacramenti in confirmatione non requiri-
tur quod unctio fiat digito Episcopi: suf-
ficit enim ad valorem quod aliquo instru-
mento fiat. „

VIII. P. Dominicus Viva in *Curs. Theol.*
part. 5. qu. 3. art. 2. n. 6. „ Respondeo cum
communi apud Dianam . . . non esse mor-
tale illud (sacramentum confirmationis)
nolle suscipere, praeciso contemptu & scan-
dalo. Inimo ex Trull. & Henr. contra
Navar. apud Coninch, nec veniale qui-
dem, cum nullibi extet præceptum de il-
lo suscipiendo. „

IX. P. La-Croix lib. 6. *part. 1. dub. 3. n.*
365; *q. 72.* „ Quid præterea notandum sit
circa necessitatem confirmationis? Resp.
Fuisse olim præceptum ecclesiasticum ut
suscipieretur confirmatio, colligit Dicastil-
lo hic num. 105. ex variis Conciliis, &
dictis SS. PP. Reele autem docet dub. 10.
cum communi per desuetudinem nunc de-
fuisse illud præceptum.

X. P. Thomas Tamburinus *lib. 3. de con-*
firmat. c. 3. §. 4. n. 2. „ Non tamen iidem
peccant nec mortaliter, nec venialiter,
si citra contemptum, vel quid simile,
data occasione, id negligant; quia de hoc
nullum apparet præceptum: quæ est sen-
tentia Suarez . . . contra Cajetanum,
& alios nonnullos, putantes esse venia-
le. Unde non est fides adhibenda Leandro . . .
qui trahit ad se Suarezium, quasi conce-
dentem esse veniale. „

XI. Sylvester verb. *Eucharistia 3. §. 1.*
„ Videtur mortale in tali articulo (mor-
tis) contemnenti, ideo negligenti com-
municare. . . sed quia sumptio Eucha-
ristia non est ex necessitate salutis, sed
ex statuto Ecclesie, ideo verius est, hoc
non esse mortale, ubi sola negligentia est
in causa. „

XII. P. Paulus Layman *lib. 5. rr. 4. c. 5.*
„ 4. „ Infirmus paulo ante, puta octo vel
decem diebus, communicavit, cum sanus
esset, & nihil de mortis periculo cogitans:
tunc

„ tunc non tenetur iterum communicare in
„ morbum lapsus . „

XIII. P. Didacus Nugno Cabaxudo *in 3. part. D. Th. q. 72. art. 8. dub. 2.* „ Fide-
„ les non habent divinum præceptum susci-
„ piendi sacramentum confirmationis . . .
„ Nullum est positum præceptum ab Eccle-
„ sia de sacramento confirmationis . . . Per
„ se loquendo non est peccatum etiam venia-
„ le non velle suscipere hoc sacramentum . „

XIV. P. Matthæus Moya *in quæst. select. Tom. 1. tr. 4. Miscellan. de sacram. quæst. 11. n. 7.* „ Unde facile diluitur fundamen-
„ tum afferentium esse peccatum veniale ,
„ eo quod sit spiritualis quedam prodigali-
„ tas se privare tanto fructu hujus sacra-
„ menti (confirmationis) quando quis com-
„ mode percipere potest . Quæ quidem ratio
„ nimium probat , ac proinde nihil . „

XV. Idem *ibidem n. 11.* „ Ex eo quod
„ non detur præceptum confirmationis per
„ se loquendo , inferunt non esse veniale
„ ejus omissionem . . . ergo ex eo quod nul-
„ lum detur præceptum prohibens suscipere
„ ordines , non præcedente confirmatione ,
„ inferrur similiter non esse veniale ante
„ confirmationem illos suscipere . „

XVI. PP. Salmanticenses *n. 1. c. 7. p. 2.*
„ n. 107. „ Immo si confessionem sacramen-
„ talem in peccato mortali tantum audiat ,
„ dummodo habeat propositum confitendi ,
„ vel habendi actum contritionis , antequam
„ verba absolutionis proferat (non peccat mor-
„ taliter) ut dicunt Henriquez , & Diana . „

XVII. P. Leander *tr. 7. disp. 9. q. 6.*
„ Ego vero sub distinctione respondeo . Si
„ particula enim (in verbis consecrationis)
„ omittatur ex contemptu formalis , mortale
„ erit illud omittere : quia contemptus for-
„ maliter est direste se opponere præcepto
„ superioris , quod est mortale . Si vero o-
„ mittatur ex contemptu materiali , nempe
„ quia præceptum est de re levi , tunc non
„ erit mortale illud omittere . „

XVIII. Idem *loco citato disp. 7. q. 61.*
„ In casu quo maritus minaretur mortem
„ uxori , nisi communicet , ut sic suspicio-
„ nem adversus illam abjeceret : tunc enim
„ optime poterit simulare se Eucharistiam
„ suscipere , sicut potest simulare se sacra-
„ mentaliter confiteri : quia in eo casu opti-
„ me potest absque mendacii crimen uti
„ æquivatione : ergo & Sacerdos etiam
„ simulare se hostiam in os ejus immittere . „

XIX. P. Claudio La-Croix *lib. 6. par. 1.*
„ de Euchar. num. 546. §. 4. „ Docent Suar.

„ Vasq. Say. Marchant. Nugh. Lugo n. 150.
„ Diana par. 2. t. 14. ref. 61. Dicastil. n.
„ 155. Avver. §. quinto . Jo. Sanch. d. 21.
„ n. 12. Gob. n. 440. Pelliz. de Regular.
„ t. 6. cap. 1. n. 69. Leander n. 385. & in
„ hoc convenient fere omnes , inquit Moya
„ t. 4. q. 6. §. 1. citans valde multos ,
„ quod Sacerdos non teneatur hoc præcepto , si
„ habens copiam Confessarii non sit confessus ex
„ malitia : quia licet gravius peccet , ta-
„ men in præceptis positivis non valet ar-
„ gumentum a minori ad majus , vel ad si-
„ mile , uti cum communi Lugo in *Resp.*
„ mor. lib. 4. dub. 47. n. 5. Tridentinum
„ autem loquitur de eo qui necessitate ur-
„ gente celebravit sine confessione prævia .
„ Sed si fuerit copia Confessarii , non sicut
„ necessitas urgens celebrandi absque con-
„ fessione prævia . Ergo nec tunc tenebitur ad
„ confitendum quamprimum . Hec sententia
„ est probabilis .

XX. P. Thomas Tamburinus *lib. de me-
thod. commun. c. 1. §. 6. n. 50.* „ In casu
„ dubio an verba aliqua legis præceptum
„ obligans importent , an consilium , tan-
„ quam regulam certam ponunt Doctores ,
„ reputanda esse consilia , & non præcepta :
„ & ratio est , quia cum lex sit gravis , &
„ onerosa , semper in benigniorem subditio-
„ rum partem est intelligenda . Adeo quod
„ in dubio melior est conditio possidentis .
„ Ergo in dubio , lex ne sit obligans , an
„ non obligans , melior est conditio huma-
„ nae libertatis , quæ a tali obligatione im-
„ munis est . „

Num. 51. „ Tertio quia optabile est , ut
„ enixe optat Navar . . . a legislatoribus
„ neminem obligari ad peccatum , & juvat
„ humanas leges sub præcepto obligantes
„ diminuere , ne tanta præceptorum multi-
„ tudine Hebreis pejores efficiamur . Quare
„ hoc de quo agimus præceptum (confiten-
„ di quam primum) diminuere etiam operæ
„ pretium est . „

XXI. Idem Tamburinus *loc. cit. §. 7. n.*
„ 56. „ De laico non est difficultas : satis
„ enim est , si eliciat immediate ante ipsam
„ sumptionem : & quia sumptio , seu man-
„ ducatio substantialiter fit , cum cibum de-
„ glutimus , seu trajicimus , non autem dum
„ ille est in ore , quando solum initiative
„ est sumptio ; ideo *probabilissimum* puto ,
„ satis esse , si actus contritionis fiat , cum
„ ore habetur sacratissima hostia . Ita de Lugo
„ de Euch. disp. 12. n. 22. Hurtad. de Eucha.
„ disp. 8. aliisque .

XXII. Idem *ibid. n. 59.* „Quanvis non nulli cum Layman afferant, Sacerdotem mortali criminis deturpatum mortaliter delinquare, si Eucharistiam fidelibus porrigit, tamen id aliqui merito negant, ut Valsquez, quem citat, & sequitur de Lugo *disp. 8. de Sacram. in com. sec. 9.* quia tunc Sacerdos non conficit sacramentum, sed solum dispensat consecratum, ad quod tanta dignitas nequaquam requiritur. Idemque est de Diacono, quando ex speciali Sacerdotis commissione lacram Eucharistiam aliis porrigit: siquidem tunc non conficit, sed solum dispensat. Si ergo probabile id est, quanto magis probabile fiet mortalem culpam non esse solum attingere?“

XXIII. P. Leander *qu. 7. disp. 7. q. 50.* „An Sacerdos qui in ipsa actione sacrificandi recordatur peccati mortalis, aut forte illud committit, teneatur postea ex vi dicti praecepti quampotius confiteri? Probabiliter respondeo, non teneri eo praecepto, quia Concilium fuit locutum de Sacerdote qui necessitate urgente, absque previa confessione celebravit, idest de Sacerdote qui necessitate coactus non praemisit confessionem, antequam ad celebrandum Sacrificium accederet: hoc enim clare significant illa verba *prævia confessione*, idest confessione ante Missam: non vero de Sacerdote qui celebrando committit peccatum, aut illius recordatur. Ergo quantumvis tunc conficeret, atque communicet absque confessione, non tenebitur postea quamprimum confiteri. Sic Valsquez *disp. 208. cap. 3. n. 20.* Sayrus, Diana.“

XXIV. Idem Leander *ibid. q. 32.* „Si Sacerdos est pauper, & vivit ex consueta eleemosyna Missæ, vere in eo reperitur necessitas corporalis, qua sufficiens est ad celebrandum sine prævia confessione.“

XXV. P. Tamburinus *lib. de metb. com. c. 1. §. 10. n. 71.* „An sit casus in quo communicare quis sine confessione, & etiam sine contritione, atque adeo in peccato mortali possit? ... Tam benigna sunt viscera misericordie Domini, ut non dedit gemitus excusare aliquando perverbaciam nostram. Invenio enim unum vel alterum causum in quo quis purissimam communionem in peccato sumere sine peccato possit.“

XXVI. Idem *loc. cit. n. 72.* „Etenim ex supradictis constat Sacerdotem qui incepit bona fide Missa, recordatur se mortalis culpa reum debere elicere actum saltēm

a se existimatæ contritionis. Sed jam si non possit, seu experitatur actum illum sibi valde difficultem, quid agat? Confiteri non potest, conteri nequaquam valet, Sacrificium inchoatum relinquere ob infamiam sibi resultantem, difficultimum est. Quid ergo ab anima sic affecta superest extorquendum? Probabile esse ex aliquorum sententia judico, hunc non peccaturum mortaliter, si cum hujusmodi conscientia peccati mortalis, & cum eo dolore quem tunc potest elicere, Missam prosequatur, consecret, communicetque. Ita Valsquez de *Euch. disp. 207. c. 1. n. 34.* Hurt. *disp. 9. de Euch. diff. 1.* De Lugo *de Sacr. dis. 9. scđt. 1. n. 8.* Ratio est, quia præceptum digne communicandi non videtur tam arcte fideles astringere, ut cogat Sacerdotem cum tanto suo dedecore ab imperio sacro discedere. Tum autem ejusmodi Sacerdos non acquiret gratiam, sed tamen non peccabit.“

XXVII. Idem Tamburinus *ibidem n. 73.* „Idemque erit de laico qui jamjam receperitus sacram synaxim ante linternam, nec sub aliquo prætextu sese removere valens, peccati mortalis recordetur, nec conteri possit. Ita ibi: par enim est ratio. Nontent hanc doctrinam scrupulosi, animo que semper timidi.“

XXVIII. Idem *lib. 3. metb. miss. celebr. c. 1. §. 5. n. 15.* „Si quis, cum sit procurator, ut centum v. g. Missæ celebrentur, quæ Missæ in hac urbe solent dici v. g. pro ducentis iuliis: si quis, inquam, per industriam suam mittat, seu eat ad aliam urbem, ubi intra expostulationum tempus dicantur pro centum iuliis: puto enim non esse improbabile, posse tandem procuratorem retinere sibi alios centum. Ratio est, quia sumi potest paritas a servo, qui per extraordinariam industriam (nam ad ordinariam & moralem obligatur ex ipso famulatu) per suum laborem emit res minoris quam valeant communiter in foro; potest enim retine re quod superest, utpote fractum suæ industrie. Pari ergo modo in casu nostro.“

XXIX. P. Dominicus Viva in *Trut. in prop. 9. Alex. VII. n. 8.* „Præterea si collectores eleemosynarum pro Missis sint Sacerdotes, & non tradantur iis Missæ celebrandæ, sed se habeant ut laici, qui curant Missarum celebrationem, poterunt ex Nav. Cord. Tambur. probabiliter contra Pelliz. Soto *lib. 9. de just. qu. 3. mo.* de-

„ deratam pro labore mercedem ex datis pro
„ Missa suscipere , cum id videatur licitum
„ jure naturæ . “

XXX. P. La-Croix lib. 4. n. 1341. „ Pon-
„ tifices scient sententiam quæ ejusmodi
„ obligationem (attentionis internæ) ne-
„ gat , defendi ; & tamen cum facile pos-
„ sent , non contradicunt . Ergo agnoscent
„ legem illam non esse certam : ergo nec
„ obligat ; sed libertas nostra est in posse-
„ sione contra eam . “

C A P U T III.

*De Sacramentis novæ legis latæ per
Christum .*

I. QUÆST. I. *Quid sit Sacramentum novæ
legis ?* RESP. Est signum rei sacre
in quantum est sanctificans homi-
nes , inquit 3. p. q. 60. a. 2. S. Thomas .
Sacramentum itaque reducitur ad genus si-
gni sensibilis . Signum autem , subdit S. Augu-
stinus lib. 2. de doct. Christ. c. 1. est res pre-
ter speciem quam ingerit sensibus , aliquid aliud
faciens in cognitionem venire . Signum aliud
insensibile , ut est character , quem impi-
riment Baptismus , Confirmationis , & Ordo ;
aliud sensibile , quod sensibus percipitur , ut
est ablutio baptismalis . Rursus signum aliud
naturale , aliud a libera voluntate institutum .

II. Sacraenta novæ legis sunt signa non
speculativa , sed practica a Deo instituta ,
quæ significant gratiam quam producunt .

III. QUÆST. II. *Quenam sunt partes sa-
cramentorum novæ legis ?* RESP. Duæ , mate-
ria , & forma . Hæc nomina non occurunt
in priscis Patribus . Vocabula tamen ista
adoptavit Ecclesia tum Græca , tum Lat-
ina , utpote rei sacramentariæ explicande ac-
commodata . Materiæ nomine non modo res
ipsæ sensibiles , sed actiones quoque sensibili-
es , ut unctio , ablutio , confessio , confes-
sus nutu , vel verbo expressus intelliguntur .
Materia alia remota , ut aqua in Baptismo ,
alia proxima , ut ablutio .

IV. QUÆST. III. *Materiam , & formam
Baptismi , & Eucharistia determinavit ne Christus
Dominus ?* RESP. Adfirmant Theologi o-
mnes , Christum determinasse non modo ge-
neratim , sed in specie etiam hujus duplicitis
sacramenti materiam , & formam . Nam
quam pro materia Baptismi determinatam
esse a Christo , testatur S. Joannes c. 3. *Nisi
quis renatus fuerit ex aqua , & Spiritu san-
cto &c.* Materiam similiter Eucharistia pa-

nem & vinum determinasse Christum , te-
stantur S. Matth. c. 26. & ceteri Evange-
listæ . Formam Baptismi designavit Chri-
stus his verbis : *Baptizantes eos in nomine Pa-
tris , & Filii , & Spiritus sancti :* Matth. 28.
Formam Eucharistia determinavit Matth. 26.
*Hoc est Corpus meum . Hic est Sanguis meus
novi testamenti , qui pro multis effundetur in
remissionem peccatorum .* Et ad hoc quod at-
tinget , nullum est inter Theologos dissidium .

V. QUÆST. IV. *Aliorum quinque sacra-
mentorum determinavit ne Christus res , & verba
in specie ?* RESP. Duplex est inter Theolo-
gos catholicos sententia . Prima adfirmat .
Nam Confirmationis materia habetur Act.
c. 8. *Tunc imponebant manus super illos .* Ma-
teria sacramenti pœnitentia remota sunt
peccata , proxima actus pœnitentis ; forma
vero Sacardotis verba . Extremæ unctionis
materia est olei unctio ; forma oratio . *In-
firmitur quis in nobis ? Inducat Presbyteros
Ecclesie , & orent super eum , ungentes eum
oleo in nomine Domini .* Jacob. 5. Materia
Ordinis est manuum impositio , forma ora-
tio . *Hos statuerunt ante conspectum Apostolo-
rum , & orantes imposuerunt eis manus .* Act.
6. Materia matrimonii est mutua corporam
traditio . *Erint duo in carne una .* De forma
suo loco dicetur .

VI. Planum itaque est Christum Domi-
num materiam horum quinque sacramento-
rum in specie determinasse . Ipse enim in-
stitutor est omnium sacramentorum , ut de-
finivit sess. 7. Tridentinum can. 1. *Si quis
dixerit , sacramenta novæ legis non fuisse omnia
a Christo Domino nostro instituta , anathema sit .*
Et quamquam non definerit Concilium ,
Christum esse immediate institutorem , id con-
sequi tamen necessario videtur .

VII. Opponunt secundæ opinionis auto-
res , qui contendunt Christum generatim ,
secus in specie designasse sacramentorum
Confirmationis , & Ordinis materiam . Quo-
niam inquiet , nulla habetur mentio chris-
tianis , seu unctionis pro materia Confirmationis ,
Act. c. 8. Neque septem primis Ec-
clesiæ sacerulis instrumenta tangenda porrige-
bantur pro materia sacramenti Ordinis . Re-
spondent prioris sententia Theologi , im-
positionem manuum esse utriusque sacra-
menti materiam veluti essentiale ; unctionem
vero , & instrumenta esse materiam acciden-
tariam , seu accidentalem ritum ab Ecclesia
additum . Addunt , in Confirmatione chris-
tiana adhibitum fuisse primis Ecclesiæ sacerulis
instrumenta ritum esse Ecclesiæ Latinæ ,
cum

cum Ecclesia Græca sola manuum impositione conferat sacros Ordines. Et tamen Ecclesia Latina ratas habet sacras Ecclesiæ Græcæ Ordinationes. Ergo in utraque Ecclesia manuum impositio est materia essentialis, & cetera sunt ritus accidentales.

VIII. QUÆST. V. *Quæ mutatio materia, vel forma nullum reddit sacramentum?* RESP. Duplex mutatio: altera substantialis, altera accidentalis. Sola substantialis nullum reddit sacramentum. Hæc mutatio variis modis fieri potest. Aqua congelata converfa in nivem, in grandinem, licet physicæ eadem sit, in sensu tamen theologicæ substantiali mutationem respectu Baptismi inducit, cum inepta sit ad usum abluendi. Chrisma benedictum in chrisma non beneficium muratum substantiali mutationem infert. Vinum naturale in vinum crematum mutatum non est apta materia Eucharistie. P. Claudius La Croix l. 6. p. 1. n. 24. defendit vinum congelatum esse materiam Eucharistie, & laudat P. Suarez. Negant alii Theologi.

IX. QUÆST. VI. *Quot variari modis forma sacramentalis potest?* RESP. Oculo enumerat Soto. 1. fit per diversum idioma. 2. per alicujus verbi additionem. 3. detractio ne alicujus verbi. 4. verborum corruptione. 5. verborum transpositione. 6. interpolatio ne verborum. 7. verbis synonymis. 8. verbis æquivocis. Diversitas idiomatis, & diversa synonyma inducunt tantum mutationem accidentalem. Idem dicendum de verborum transpositione, & de additione, quæ sensum priorem non tollunt. Interrupcio pariter verborum non infert absolute mutationem substantiali, nisi destruat sensum. Corruptio verborum initio vocis tollit sensum, ut patet in voce *Patris*, in qua si literam P. in M. mutes, confurgit vox *matris*. In fine autem vocis communiter non fit mutatio substantialis. Ut dignoscere queas sit ne substantialis, an accidentalis mutatio, præ oculis habe sensum obvium verborum. Quando hic non mutatur, accidentalis mutatio est. Altera regula memoria hæreat. In sacramentis conferendis dum de valore agitur, tertijs pars est amplectenda. Quæcumque vero deliberata mutatio sive in materia, sive in forma sacramentorum culpam secum defert majorē, aut minorem juxta mutationis diversitatem.

X. QUÆST. VII. *Licitum ne est in perficiendis sacramentis uti materia, aut forma dubia?* RESP. In sacramentis quæ sunt necessaria.

Tom. II.

faria necessitate medii ad salutem, ut sunt Baptismus, & Pœnitentia, extrema urgente necessitate, licitus est materia, vel formæ dubiæ usus, ut communiter Theologi docent. Extra casum vero extremæ necessitatis illicitus est ejusmodi usus; immo extrema etiam urgente necessitate illicitus talis usus in illis sacramentis quæ non sunt necessaria necessitate medii ad salutem.

XI. QUÆST. VIII. *Licitus ne est usus formæ conditionalis?* RESP. Forma conditionalis hæc est: *Si nondum es baptizatus, ego te baptizo &c.* Convenit penes Theologos primis Ecclesiæ sæculis incognitam suisse formam conditionalem. Hæc obtainere coepit v i i i. Ecclesiæ sæculo; & tandem sæculo x i i i, apud omnes Latinorum Ecclesiæ hujus conditionalis formæ consuetudo, extrema necessitate urgente, communis evasit, & inserta est in corpore juris, auctoritate Gregorii IX. Primum adhibita fuit hæc forma in Baptismi collatione. Ante Tridentinum nulla mentio istius formæ in administratione Pœnitentie. Post Tridentinum plures auctores eam adhibere coepérunt etiam extra casum necessitatis, ut dum Confessarii dubitant, sit ne pœnitens sufficienter contritus. Qui mos mihi non probatur, & rejicietur loco suo. Extrema itaque urgente necessitate licitus est usus formæ conditionalis in baptissimi administratione. De sacramento Pœnitentie dicetur infra.

XII. QUÆST. IX. *Quot sunt sacramenta novæ legis?* RESP. Lutherani, & Calviniani duo hodie tantum admittunt sacramenta, Baptismum, & Eucharistiam. Horum errorem damnavit Concilium Tridentinum sess. 7. & definivit septem esse Ecclesia catholica sacramenta, quæ sunt Baptismus, Confirmatio, Eucharistia, Pœnitentia, extrema Unio, Ordo, & Matrimonium. Obvia sunt Scripturarum testimonia, quibus numerus iste septenarius evincitur, quæque brevitatis causa prætereo.

XIII. QUÆST. X. *Quænam sit sacramentorum efficacia in conferenda gratia?* RESP. Concilium Tridentinum sess. 7. c. 8. hæc definivit. *Si quis dixerit per ipsa novæ legis sacramenta ex opere operato non conferri gratiam, sed solam fidem divinæ promissionis ad gratiam consequendam sufficere; anathema sit.* Duplex producendæ gratiæ modus, nempe ex opere operantis, & ex opere operato. Ex opere operantis producitur, cum Deus illud confert intuitu fidei, pietatis, seu meriti illius qui suscipit, aut administrat sacra-

G

men-

mentum. Gratiam ex opere operato produc dicimus, cum vi, & efficacitate ipsius externi signi sacramentalis a Christo Domino instituti, & congruo modo applicati, praeter suscipientis, vel administrantis meritum, re ipsa producitur. Necessario tamen requiritur ut homo sacramenta percepturus, fidei, & pietatis dispositionibus animam suam præparet.

XIV. Ignoranter, & maligne carpunt hæretici hanc phrasim *ex opere operato*, cum optima & necessaria sit ad illorum errorem confutandum, & ostendendum sacramenta novæ legis non esse mera signa externa, sed signa efficacia quæ vi sua ex Christi passione derivata gratiam producunt. Vide plura Tom. 8. Lib. 1. diff. unic. c. 8.

XV. QUÆST. XI. Sacra menta novæ legis physice ne, an moraliter gratiam producunt? RESP. S. Thomas, & omnes ejus discipuli defendant sacramenta novæ legis, quæ, ut definivit Tridentinum, ex opere operato gratiam producunt, esse instrumenta physice concurrentia ad gratiæ productionem. Hæc sententia est conformior Tridentino, & probabilior mihi videtur. Sed cum scholastica sit, & ad mores formandos parum utilis, eam longius non discutio. Vide plura loco citato.

XVI. QUÆST. XII. Quenam sit gratia quam novæ legis sacramenta conferunt? RESP. Duplex gratia, habitualis, & actualis. Illa quidem inhærens animæ, & permanens; hæc motio transiens dicitur. Gratia quæ sacramentorum vi confertur, est quid intrinsecus animæ hærens, distinctum a motione fluente, & transitoria, ut definitum est in Concilio Tridentino sess. 6. c. 11. adversus hæreticos, qui sola exteriori imputatione justificari impios efficiunt. Si quis dixerit, homines justificari vel sola imputatione justitiae Christi, vel sola peccatorum remissione, exclusa gratia, & caritate, quæ in cordibus eorum diffunditur, atque illic INHÆRET; anathema sit. Fusus id explicat c. 7. Abstinuit Concilium a verbo *habitus*, & *qualitatis*; sed definivit gratiam esse quid intrinsecus animæ inhærens.

XVII. QUÆST. XIII. An sacramenta novæ legis praeter gratiam sanctificantem, peculiarem aliquam gratiam, que sacramentalis dicitur, conferant? RESP. Duplicem distinguunt Theologi gratiam. Unam omnibus sacramentis communem, alteram cuique propriam. Communis sententia est singula sacramenta praeter gratiam sanctificantem omnibus sacra-

mentis communem, peculiarem aliquam gratiam conferre. Istius gratiæ peculiariis notio, occulta nobis est. Eam ex se sacramenta æqualem conferunt quando eadem omnino dispositio est ex parte suscipientium. Si diversa sit dispositio, majorem, aut minorē producunt.

XVIII. QUÆST. XIV. An sacramenta vivorum per accidens producant primam gratiam? RESP. Sacramenta mortuorum sunt Baptismus, & Pœnitentia, quæ per se producunt primam gratiam. Alia sacramenta vivorum dicuntur, quia vivos in gratia presumunt homines, & hæc per se secundam gratiam conferunt. Disputant Theologi, num hæc sacramenta vivorum per accidens conferre primam gratiam valeant? Adfirmat communis sententia cum S. Thoma 3. p. q. 79. a. 3.

XIX. QUÆST. XV. An sacramenta novæ legis impriment characterem? RESP. Præter effectum gratiæ tria novæ legis sacramenta, Baptismus, Confirmatio, & Ordo, impriment characterem, ut omnes catholici docent contra novatores hæreticos, quorum errorum damnavit Tridentinum sess. 7. c. 9. Charakter iste est quid reale permanens in anima indelebiliter. Curiosas & inutiles Scholasticorum hac de re quæstiones prætero.

XX. QUÆST. XVI. Quomodo differentia sacramenta novæ a sacramentis veteris legis? RESP. Sacramenta evangelica discrepant pluribus titulis a sacramentis mosaicis. Sacramenta veteris legis ex opere operantis dumtaxat gratiam conferebant, ut communis docet sententia; evangelica vero eam producunt ex opere operato, ut vidimus. Mitto plura alia discrimina.

XXI. QUÆST. XVII. An Christus Dominus immediate omnia sacramenta instituerit? RESP. Antiquorum Scholasticorum aliqui propugnarent, Apollonius ex Christi concessione aliqua instituisse sacramenta. Sed communis, & vera sententia docet, omnia & singula sacramenta immediate a Christo Domino instituta esse. Innumera sunt Scripturarum testimonia, quæ hoc evincunt. S. Paulus 1. Corintb. 3. inquit: Quid est Apollo? quid vero Paulus? Ministri ejus cui credidisti. Et rursus c. 4. Sic nos existimet homo ut ministros Christi, & dispensatores mysteriorum Dei. Et tandem sess. 7. c. 1. Tridentinum definit: Si quis dixerit, sacramenta novæ legis non fuissent omnia a Jesu Christo Domino nostro instituta, anathema sit.

C A P U T IV.

De sacramentorum ministris.

I. QUÆST. I. *Quinam sunt sacramentorum ministri legitimi?* RESP. Solus homo viator est minister idoneus sacramentorum. Non tamen omnes, sed illi tantum qui in Ecclesia legitime ordinati potestatem habent administrandi sacramenta, ut omnes Catholici docent aduersus Lutheranos.

II. QUÆST. II. *Utrum intentio in perficiendis sacramentis requiratur in ministris?* RESP. Intentio est voluntatis propositum, quo minister deliberat sacramentum conferre. Triclicem distinguunt Theologi intentionem. Altera *habitualis* dicitur, quæ est quædam prompta facilitas operandi. Altera *actualis*, quæ est præsens animi applicatio, & attention ad opus, quod re ipsa agitur; v. g. Sacerdos dum confert sacramentum actu cogitat de eo conferendo, & re ipsa intendit illud ministrare. Tertia tandem est *virtualis*, quæ ex præcedente actuali manat, quæ non est per contrariam intentionem retractata, neque per longum tempus interrupta.

III. Convenit penes omnes Catholicos *habitualem* intentionem non sufficere ad sacramentum perficiendum, nec *actualem* esse necessariam, sed sufficere *virtualē*. Lutherus ministros sacramenta conferre docuit, etiam si jocantes, & ludentes baptizent, scurrasque, & mimos se prodant. Errorem hunc prescripsit Leo X. & tandem *sess. 7. c. 11.* Tridentinum definit: *Si quis dixerit, in ministris, dum sacramenta conficiunt, & conferunt, non requiri intentionem saltem faciendi quod facit Ecclesia: anathema sit.*

IV. Disputant Theologi, num præter intentionem quam vocant exteriorem, quæ ex verbis serio prolati consurgit, necessaria sit interior animi intentio. Negarunt quidam, contendentes, ministrum valide perficere sacramentum dum serio profert verba necessaria, licet interius dicat: *nolo perficere sacramentum.*

V. Hanc opinionem rejicio. Siquidem aut exterior administratio sacramenti secundum ritum a Christo institutum peracta, natura sua, seclusa omni prorsus intentione ministri interna, validum efficit sacramentum, aut secus. Si primum; ergo nullo modo administratio sacramentorum ab interiori ministri intentione pendet. At hoc est damnatum a Tridentino. Si secundum; er-

go necessaria est ministri intentio. Rutsus. Aut minister serio pronuntians formam, & applicans materiam sacramentalem juxta ritum legitimum potest intendere oppositum facere ab eo quod facit Ecclesia, aut secus. Si non potest, sed posita externa administratione seria, cogitur velle facere illud quod facit Ecclesia, superfluu omnino est Tridentinus canon. Frustra quippe præcipitur ponendum quod omittere minister nequit. Juxta oppositam sententiam, posita externa seria administratione, minister necessario intendit facere quod facit Ecclesia: quia hæc exterior seria administratione collidit, proligatque contrariam intentionem internam. Ergo frustra Tridentinum requirit ministri intentionem. Sed illam requirit. Ergo falsa est opposita opinio. Juxta sistemam aduersiorum sic formandus erat canon Tridentinus. *Si quis dixerit, in ministris, dum conficiunt sacramenta, satis esse jocosam, & non requiri seriam administrationem; anathema sit.* Quid quod Tridentinum *sess. 14. can. 9.* damnavit administrationem jocosam, & alio canone jam rescripto requirit ministri intentionem? Duo ergo Concilium necessaria asserit, & seriam administrationem, & interiorum intentionem ministri.

VI. Alexander VIII. proscriptit sequentem thesim, n. 30. *Vale Baptismus collatus a ministro, qui omnem ritum externum, formamque baptizandi observat; intus vero in corde suo apud se resolvit: non intendo facere quod facit Ecclesia.* Respondet Ivenus Canonicista Gallos rata non habere decreta Romana quæ a Pontifice summo proxime non emanant. Sed hæc responsio futile est. Reponunt Serry, Milante, Le Druin, merito esse thesim proscriptam, quod absoluta sit, comprehendatque omnem ritum sive jocorum, sive seruum. Sed hæc responsio falsa videtur. Damnatur in hac thesi doctrina, qua docetur, non requiri intentionem: *intus vero in corde suo dicat, non intendo.* Quid ergo pueriliter cavillaris de externa seria administratione, si thesis proscripta perspicue excludit interiorum animi intentionem? Ineptiem ipse, si longius hanc protraherem questionem. Lege Tom. 8. *Diss. unic. c. 11.* ubi omnia aduersiorum sophismata convulsa invenies.

VII. QUÆST. III. *Ut validum sit sacramentum, requiritur ne in ministro fides, aut intentio producendi effectum sacramentalem?* RESP. Sententia Ecclesiæ semper fuit, in Baptismo conferendo non requiri in ministro

fidem, valideque ab heretico, & infideli conferri, dummodo ritus evangelicus servetur. Tempore S. Cypriani definita non erat veritas ista: idcirco S. Martyr litteras S. Stephani Papæ refutavit. Omnes similiter fatentur non esse in ministro necessariam intentionem producendi effectus sacramentalis.

VIII. QUEST. IV. An ad sacramenti integratem requiratur ut minister intendat facere id quod facit Ecclesia Romana? RESP. Negat communis & vera sententia: sat enim est ut minister velit generatim facere quod facit Ecclesia Christi: quia huic intentioni generali non officit error privatus, quo quis credit Ecclesiam Lutheranam, Calvinanam esse orthodoxam, quia minister non agit ut persona privata, sed ut publica, nec privatus ejus error inficere opus Dei valet.

IX. QUEST. V. An necessaria sit intentio actualis, vel sufficiat virtualis? RESP. dictum supra est, non sufficere intentionem habitualem, nec requiri actualem, sed sufficere, & necessariam esse virtualem. Quomodo perseveret hæc intentio virtualis, quandiu duret non retractata, explicari vix potest; sed ex circumstantiis, & prudentium iudicio colligi potest. Qui somno, ebrietate, amnesia captus baptizat, consecrat &c. licet antequam caderet in ebrietatem deliberate determinaverit baptizare, non baptizat, non consecrat: quia actio sacramentalis humana sit necessum est; actio autem ebrii, amnis, hominis est, sed non humana, ut communis & vera sententia docet.

X. QUEST. VI. Validum ne sacramentum est forma conditionali administratum? RESP. Aut conditio est de re præterita, ut si non es baptizatus, ego te baptizo: aut de re præsenti, ut si capax es, ego te baptizo: aut de re futura, ut si crastina die rem alienam reddideris, ego te absolvō. Valere sacramentum sub conditione de re præterita, vel præsenti, si conditio vera sit, secus si falsa, docent omnes. Sub conditione futura perfici sacramentum nequit. Quoniam dum materia applicatur, & profertur forma, intentio præsens suspenditur: si futuro tempore conditio erit, tunc non aderunt materia, & forma.

XI. QUEST. VII. Peccant ne letaliter Sacerdotes, qui sibi gravis culpe consciæ, sacramenta ex officio administrant? RESP. Adfirmant omnes, idque perspicue 1. ad Tim. c. 3. docet S. Paulus. Probentur primo, & sic ministrent, nullum crimen habentes. Et Concilium Tridentinum sess. 13. c. 7. decla-

rat, eam probationem necessariam esse, ut nullius sibi conscius mortali peccati, quantumvis sibi contritus videatur, absque præmissa sacramentali confessione, ad sacram Eucharistiam accedere debeat, quod a Christianis omnibus, etiam ab iis Sacerdotibus, quibus ex officio incubuerit celebrare, hæc sancta Synodus perpetuo servanda esse decrevit.

XII. Peccatum istud mortale esse dicimus. Legatur Catechismus Tridentinus part. 2. §. 23. Qui tamen non ex officio, sed necessitate urgente culpa gravi inquinatus administret baptismum, sive Sacerdos, sive laicus, non peccat mortaliter, ut docet 3. p. q. 44. a. 6. ad 3. S. Thomas. Sacerdos tamen administrans sacramentum Pœnitentiae etiam moribundo elicere actum contritionis debet, si sibi peccati mortalibus conscius sit. Sacerdos qui indigne celebrat, duplex crimen perpetrat, unum, quia indigne conficit; alterum, quia indigne suscipit sacramentum.

XIII. QUEST. VIII. An peccet mortaliter Sacerdos qui mortalis culpa reus Eucharistiam administrat? RESP. P. La-Croix loc. cit. n. 94. cum Vasquez, Lugo, Amico, Berna, Sporer, Illsfung, Diana, & aliis probabile esse docet, hunc non peccare mortaliter; & simul addit probabile esse juxta Suarez, Valentiam, Gonet, & alios, peccare mortaliter. P. Viva q. 1. ar. 4. n. 4. ait: Non videtur improbabile quod docent multi, & graves auctores. . . . apud Dianam, Sacerdotem administrantem Eucharistiam in mortali non peccare mortaliter. Rituale Romanum iussu Pauli V. editum hæc n. 1. decernit. Sacerdos ergo si fuerit peccati mortalibus sibi conscius (quod absit) ad sacramenti administrationem non audeat accedere, nisi prius corde pœnitentiat. Sed si habeat copiam Confessarii, & temporis, locisque ratio ferat, convenit confiteri. Accedit Catechismus Concilii Trid. p. 2. c. 1. §. 26. ubi hæc statuuntur. Pastores, aliquæ sacramentorum ministri . . . meminisse semper debent, sacramenta divinam quidem virtutem que illis inest, nunquam amittere; at vero impure a ministrantibus aeternam perniciem, & mortem affere. Sancta enim (quod semel atque iterum, ac sepius admonere operatur) sancte, & religiose tractanda sunt.

XIV. Quid ergo obtrudunt PP. La-Croix, & Viva graves auctores? Qui sunt isti graves auctores? An præferendi Rituall Romano, & Catechismo Romano, seu Tridentino? Hi sunt graves auctores, quos sequi debemus, ut Ecclesia nos admonet. Jure ergo

ergo rejicienda est tamquam falsa præfata opinio. Falsam quoque existimo alteram opinionem ejusdem P. La-Croix, qui loc. citato num. 96. afferit, Episcopum non peccare mortaliter, chrisma in mortali conferantem.

XV. QUEST. IX. Peccat ne Sacerdos qui in peccato mortali audit confessores? RESP. Putat non nemo, cum non peccare mortaliter qui in mortali formam sacramentii inchoat, dummodo ante expressionem ultima partis essentialis sit in statu gratiae. Quid hic mirari magis debeamus, nam speculationis vim, an doctrinæ novitatem, ceteri judicent. Non peccat Sacerdos qui gravi pollutus scelere inchoat formam sacramentalem? An inchoans formam non est minister Christi? Cur initium istud sacrilegum non erit? Dum eam inchoat in mortali, periculo gravissimo se exponit eamdem in mortali complendi. In instanti ne elicit actum perfectæ contritionis, adeo difficilis? Verum quid fusius refello opinionem seipsa corruentem?

XVI. Contendit quoque P. La-Creix, Diaconum solemniter, & ex officio ministrantem Eucharistiam non peccare mortaliter, si sit in peccato mortali. Hanc pariter opinionem falsam reputo, & oppositam in 4. dist. 24. q. 1. a. 3. q. 5. docet S. Thomas. Quicumque autem cum peccato mortali aliquid sacrum officium pertrahat, non est dubium quin illud indigne faciat. Unde pater quod peccat mortaliter.

XVII. Cajet. Merbesius, Farvaquesius, Turnely, Bouchat, Henricus a S. Ignatio, & ali docent, concionatores peccato mortali inquinatos peccare mortaliter verbum Dei prædicantes. Hanc eandem sententiam docere videtur S. Thomas in 4. dist. 19. q. 2. a. 2. ad 2. Vide Tom. 8. Lib. 1. diff. unica c. II. n. 5.

XVIII. QUEST. X. An minister sibi peccati mortalis conscius, teneatur confiteri sacramentaliter antequam sacramentum administret, si adsit copia Confessarii, & non urgeat necessitas succurrenti periclitanti? RESP. Negant plures, & præsertim P. Viva qu. 1. art. 4. n. 4. ubi ait, sat esse si conteratur, nullumque adesse præceptum confitendi. Nullum præceptum adest? An præceptum istud non est: Sancta sanæ tractanda sunt? Contritione fit sanctus. At contritione perfecta opus est. Hanc vero contritionem perfectam difficillimam esse peccatori, docent omnes, & præcipue Catechismus Tridentinus p. 2. c. 5. §. 36. Et ipse Pater Viva ipsam con. Tom. II.

tritionem imperfectam adeo difficilem reputat ut eam excludat a sacramento Pœnitentiae. Præfatam ergo opinionem reputo falsam & adversam Catechismo Tridentino, & gravioribus Theologis. Accedit contritionem non abolere peccatum nisi cum votio sacramenti. An præsumi hoc votum potest in ministro qui cum & tempus opportunum, & copiam Confessarii habeat, sacramentum deliberate omittit? Concilium Tridentinum sess. 13. c. 7. perspicue definit, præmittendam esse a Sacerdote sibi conscientia peccati mortalitatem confessionem sacramentalem, quantumvis sibi contritus videatur: subditque, quod si desit copia Confessarii, quanprimum confiteatur. Et hoc consilium nouum est, sed præceptum prima opportunitate complendum. Oppositum damnavit Alexander VII. prop. 28. & Catechismus Concilii Tridentini 2. p. c. 5. §. 45. conceptis verbis hoc idem afferit de Sacerdote sibi gravis culpæ conscientia. Cum sacramenta administramus, aut percipimus, toties confessio præmittenda non est. Idem statuit Rituale Romanum, cuius verba supra dedi.

XIX. QUEST. XI. Quando, & quibus administrari sacramenta debent? RESP. Parochi jure divino administrare suis parochianis sacramenta astringuntur, ut declarat Tridentinum sess. 23. c. 1. Tempore pestis cum vita periculo hoc exercere munus astringuntur. Plures hoc limitant ad duo sacramenta Baptismi, & Pœnitentiae; sed restrictio injusta est. Cur sacrum viaticum, & extremam unctionem administrare non debent? Non modo pestis, verum etiam persecutio tempore assistere ovibus suis Parochi astringuntur. Deficientibus Parochis tempore pestis, Sacerdotes privati etiam cum periculo vita administrare extreme gentibus debent sacramenta. Et ad hoc potissimum astricti sunt Sacerdotes mendicantes, cum sint Episcoporum, & Parochorum cooperantes, & auxiliares copie. Huc enim pertinet eorum institutum, & in hunc finem fidelium eleemosynis aluntur.

XX. QUEST. XII. Licitne administrantur sacramenta indignis? RESP. Negant omnes, idque expresse Christus prohibet. Nolite sanctum dare canibus. Peccatori tamen occulto sacramento publice petenti deneganda non sunt, quemadmodum Christus Dominus perfido Iudeo Eucharistiam non denegavit. Occulte vero petenti peccatori, nisi signa pœnitentiae dederit, denegari debent. Peccatoribus autem publicis & private, & publice

ce sacramenta deneganda sunt , ut comicis , tragœdis , mulierculis mimis , seu scortis , saltatricibus in theatris , publicis concubinariis , feneratoribus , adulteris .

XXI. Nonnulli contendunt doctrinam hanc veram esse ordinarie , secus si mortis metus immineret : tunc enim administranda sacramenta dicunt , nisi petantur in odium fidei , vel contemptum Religionis : quia , inquit citati auctores , præceptum de quo agimus , non est mere negativum , sed resolvitur in affirmativum prudenter dispensandi sacramenta . Papæ ! Prudens ergo studium servandæ vitæ præscribit ut sacramenta administrentur publicis peccatoribus , qui Sacerdotis jugulum petunt , nisi administret ? Non est præceptum mere negativum istud : *Nolite sanctum dare canibus , neque mittatis margaritas vestras ante porcos ?* Omnibus itaque spectatis falsa mihi est recentior opinio .

XXII. QUEST. XIII. *Licet ne simulare sacramentorum administrationem ?* RESP. Duplex simulatio . Altera expressa & formalis , qua directe intenditur alterius deceptio , altera materialis , quæ fit ob justam causam , permettendo alterius deceptionem . Simulationem formalem dominant omnes . De simulatione materiali nonnulli disputarunt olim , quorum opinionem damnavit Innocentius XI . qui hanc thesim 29. damnavit : *Urgens meatus gravis est causa justa sacramentorum administrationem simulandi .*

XXIII. P. Claudius La-Croix lib. 6. p. 1. n. 153. docet , juste damnatam thesim ut pote indefinitam , & abstrahentem a simulatione formalis , vel materiali : inquit enim : *An autem damnatio extendi debeat ad simulationem materialem , colligi non potest ex verbis decreti . Hinc dividuntur auctores : nam non debere ad eam extendi tenent aliqui ; econtra debere extendi , fuse contendit Gormaz . En quam verum sit unius distinctiunculae beneficio non raro eludi decreta pontificia . An disputatum unquam fuit inter Casuistæ de simulatione formalis ? Si ais ; ergo Casuistæ tales propugnarunt licitam esse formalem deceptionem , quod nemo vel ex ethnicis Philolophis asseruit . Si negas ; ergo extra disputationem est quod damnatio thesis comprehendit simulationem materialem : de qua solum disputarunt Casuistæ . Ergo ex verbis decreti pontificii , velit , nolit P. La-Croix , expresse damnatur simulatione materialis .*

XXIV. QUEST. XIV. *Licitum ne est petere sacramenta a ministro indigno ?* RESP. Dum certo constat ministrum indignum esse , non

licet extra necessitatis casum ab eodem sacramenta petere , dum non est Parochus , vel paratus sacramenta ministrare . Si Parochus fit , vel ejusdem vices sustinens , licitum parochianis est ab eodem sacramenta petere , etiam cognito ut malo . Si tamen minister probus adesset , titulo caritatis ab hoc , & non ab illo petenda sacramenta essent .

XXV. In extremæ necessitatis casu , nempe in mortis articulo licitum est ab hereticis , & schismaticis ab Ecclesia præcisis petere duo sacramenta Baptismi , & Pœnitentiæ , ut declaratum est a Tridentino sess. 14. c. 7. Ut sacramenta liceat petantur a ministro malo , sed tolerato , sufficit gravis necessitas , puta adimplendi præcepti paucaliter , quando tamen nullus adest Sacerdos probus . In tali enim casu nullam petens occasionem peccandi præbet , sed tantum consulit saluti suæ æternæ .

XXVI. De cæremoniis sacramentorum , & de iis quæ sacramentalia dicuntur , vide Tom. 8. diss. unic. lib. 1. cap. 14. ubi fuse hæc omnia explicata invenies , & hic brevitatis causa omitto , quia graviora instant explicantia , & prolixitatem vereor .

D I S S E R T A T I O II.

De Baptismo , & Confirmatione .

C A P U T I.

Baptismi notio , ejusque materia .

I. QUEST. I. *Quid sit Baptismus novæ legis ?* RESP. Est , inquit Catechismus Tridentinus 2. p. c. 2. §. 5. *Sacramentum regenerationis per aquam in verbo .* Hæc definitio paucis materiam , & formam , & proprietatem Baptismi exponit . *Esse Baptismum sacramentum regenerationis constat ex Evangelio . In verbo sita est sacramenti forma .* S. Thomas 3. p. q. 66. a. 1. hanc Baptismi descriptionem tradit : *Est sacramentum quo homo exterior abluitur , & spiritualliter regeneratur per aquam sub forma verborum a Christo prescripta .* Utraque definitio eodem recedit .

II. QUEST. II. *Quænam Baptismi materia ?* RESP. Duplex , remota , & proxima . De illa nunc ; de hac infra . Aqua sola naturalis est materia remota Baptismi , ut Joan. 3. habetur : *Nisi quis renatus fuerit ex aqua ,*

aqua, & *Spiritu sancto*, non potest introire in regnum Dei. Cur potius aquam Christus Dominus elegerit quam alium liquorem, nulla vera assignari ratio potest præter divinam voluntatem. Plures congruentias assignant Patres, Ambrosius, Hieronymus, quas 3. p. q. 69. a. 3. recenset S. Thomas.

III. Quæst. III. Num *vetus* usus, & *probatus* usus sit, quo Ecclesia Romana conferat aquam Baptismo inservientem? RESP. Vetus tam esse hanc factam consuetudinem, evincunt Patres, Basilius, Cyrillus, Cyprianus, & alii. Vide testimonia Tom. 8. Lib. 2. diff. 1. cap. 2.

IV. Quæst. IV. Quænam aqua dicenda sit naturalis? RESP. Solam aquam naturalem esse Baptismi materiam adfirmant Catholicæ omnes. Quænam dicenda sit aqua naturalis, responderet Rituale Romanum jussu Gregorii XIII. editum, esse aquam fontium, puto, maris, fluminum, lacuum, stagnorum, patudum, cisternarum, & pluvialem; & sic quacumque simplicem & puram, quæ propriam aquæ speciem retineat: nec referre frigida sit, an calida: non autem esse aquam artificialē, ut ex rosis, floribus, herbis, seu similibus rebus expressam, aut distillatam, neque quenvis alium liquorem. Quomodo, & quot modis corrumpi aqua naturalis possit, explicat 3. p. q. 66. a. 4. S. Thomas. Ceterum opus non est Philosophorum disputationibus; commune hominum judicium sufficit ad aquam naturalem dignoscendam.

V. Disputant num una vel altera gutta aquæ sufficiat ad Baptismum. Verum disputationes istæ vanæ sunt. Ea aquæ quantitas necessaria est qua sufficiat ad abluendum. Una autem aut altera gutta vere non ablut. Aquam ex sale liquatam extra necessitatibus calum non censerem esse materiam Baptismi; bene vero aquam resolutam ex nive, glacie, gelu, vel rore cœli, ut docet communis sententia: ipsa vero nix, glacies, grando, cum non sint materia apta ad abluendum, non sunt materia Baptismi. Neque aqua quæ manat ex vite, aliisve arboribus, est apta materia Baptismi, quia non est aqua naturalis. Lixivium, juscum, si non spissa, sed diluta sint, sunt aqua apta ad baptizandum, ut loc. cit. docet S. Thomas.

VI. Quæst. V. Quænam sit materia proxima Baptismi? RESP. Est aquæ usus, quo abluitur corpus. Triplex modus abluendi obtinuit, per immersionem, per infusionem, per aspergitionem. Immersio primum tria;

post simplex obtinuit. Priscis Ecclesiæ saeculis disciplina trinæ immersionis vigebat, & seculo XIII. adhuc obtinebat. Circa saeculum XIV. usus obtinuit baptizandi per aspergitionem, vel infusionem. Quocunque modo conferatur Baptismus sive per immersionem, sive per infusionem, sive per aspergitionem, validus est. Servandus tamen est propriæ Ecclesiæ ritus, & qui absque cogente necessitate illum mutaret, graviter peccaret. Talis infusio, vel aspergitione fieri debet, ut baptizatus juxta communem sensum vere ablutus dicatur.

VII. Quæst. VI. Infans in utero matris inclusus baptizari ne valeat utero matris ablutio? RESP. Si nullum infantis membrum appareat, nullo modo baptizari potest; & collatum Baptisma nullum esset. Vide S. Thomam 3. p. q. 68. a. 2. ad 4. & Rituale Romanum. Quare falsa est opinio aliquorum, quos citat Leander, nempe validum esse Baptismum collatum infanti inclusu in utero matris arte obstetricis, quæ in ipsum manu aquam immittit. Ad valorem Baptismi requiritur ut vel totum, vel aliqua pars corporis infantis baptizandi ex alvo mulieris appareat. Infans pelle secundina involutus, si periculum mortis immineat, fraga pellicula baptizetur; si non urgeat periculum mortis, pelle hac exutus infans baptizandus est. Non sufficit ut capilli, vel vestes abluantur, sed aliqua ejusdem corporis pars ablui debet.

VIII. Si quis ob aquæ penuriam in puerum, aut flumen puerum morti proximum projiciat ut eum baptizet, formamque proferat, validum Baptisma est. Quoniam habetur verbum, elementum, ac ministri intentio. Validum quoque baptisma est aqua venenata administratum, aut ferventi, & cum intentione necandi infantis, dummodo adsit intentio baptizandi, & debita servetur forma. Hæc tamen omnia licite fieri nequeunt: non enim sunt facienda mala, ut eveniant bona.

IX. Quæst. VII. Licitum ne est secare alvum mulieris desperata sanitatis, ut baptizetur infans? RESP. Id posse fieri ait lib. I. q. 14. P. Comitolus, quod æterna salus infantis præferenda sit vîte corporeâ matris prægnantis. At S. Thomas, cui communiter subscribunt Theologi, oppositum docet 3. p. q. 68. a. 11. ad 3. ubi ait: Non sunt facienda mala ut veniant bona: Rom. 3. Et ideo non debet homo occidere matrem, ne baptizetur puerum. Si tamen mater mortua fuerit,

sit, vivente prole in utero, debet aperiri, ut baptizetur. Axioma istud: salus æterna præferenda est vitæ corporis: non infert quempiam aut sibi, aut aliis mortem inferre corporis posse, sed eo pertinet, ut pro alterius æterna salute, sustinenda interdum mors sit.

C A P U T II.

De forma, & tripli Baptismo.

I. QUEST. I. Legitima ne est forma verborum qua Ecclesia Latina utitur?

RESP. Ecclesia Latina forma hæc est: *Ego te baptizo in nomine Patris, & Filii, & Spiritus sancti.* Pervetustam esse hanc formam plura evincunt documenta antiqua. Sacramentarium S. Gregorii Magni, Ordo Romanus, & Missale Gothicó-Gallicum apud Thomasium, & Liturgia Gallicana a Cl. Mabillonio edita, & illustrata *iii. 25.*

II. Valida similiter est forma Græcorum, quæ est ejusmodi: *Baptizatur servus (vel serva) Dei, N. in nomine Patris, & Filii, & Spiritus sancti.* Non optativa, ut olim multi contendebant, sed enuntiativa est, nempe baptizatur, hæc forma Græcorum, ut Arcudius, Goarius, & Martene evincunt.

III. QUEST. II. Requiritur ne ad valorem Baptismi, ut exprimatur actus baptizantis per verbum baptizo, aut baptizatur? RESP. Adfirmant omnes, idque definivit Alexander III. in 3. decret. tit. 42. c. 1. Contra hanc pontificiam definitionem, & communem Ecclesiæ doctrinam scripturam juniores nonnulli ausi sunt, quorum errorem damnavit Alexander VIII. in hac thesi 29. „ Valuit „ aliquando Baptismus sub hac forma col- „ latus: *In nomine Patris, & Filii, & Spi- „ ritus sancti; prætermis satis, Ego te ba- „ ptizo.* „ Formam suam hausit Ecclesia ex verbis evangelicis: *Baptizantes eos in nomine &c.* Qua ratione omnes ex his verbis colligunt necessitatem invocandæ SS. Trinitatis, eadem infertur necessitas exprimendæ actionis baptizantis.

IV. QUEST. III. Qui deliberate omittent hanc particulam ego in forma Baptismi, graviter ne peccaret? RESP. Omnes adfirmant præfamatam particulam ad substantiam Baptismi non pertinere: peccare tamen qui deliberate, aut ex negligientia illam omittere, pariter omnes adfirmant. Disputant solum de gravitate culpæ. Alii affirman, esse gravem, alii levem. Fateor hunc mali-

tia gradum me non tenere. Deliberata omissione excusari non posse videtur a contemptu ritus ecclesiastici: quo in casu culpa gravis esset. Hæc particula te pertinet ad essentiam Baptismi, quia designari persona baptizanda debet. *Baptizantes eos.* Peccaret qui in forma Baptismi exprimeret nomen baptizati dicendo, *Ego te baptizo Petrum &c.* Quoniam nihil addi, nihil detrahi de forma Baptismi debet. Ratum validumque esset Baptisma, si quis omisso verbo baptizo diceret, *mergo, intingo, lavo, abluo,* dummodo non recederet ab intentione Ecclesiæ, quæ sacramentalem, non profanam ablutionem intendit; semper tamen peccaret minister verba immutans ab Ecclesia statuta. Particula in probabilius attinet ad essentiam baptismi: piaculum ergo illam omittere.

V. QUEST. IV. Qui baptizavet hæc forma, Ego te baptizo in nomine Patris, in nomine Filii, in nomine Spiritus sancti, validum ne conferret Baptisma? RESP. Negat Martinus Bonacina, cum aliis. Cur non validum hoc Baptisma? *Nominis repetitio nullo modo immutat sensum formæ a Christo institutæ.* Si quis vero diceret: Ego te baptizo cum Patre, cum Filio, cum Spiritu sancto: probabilius mihi est Baptismum non valere, quia in præfata forma non exprimitur clare unitas essentiaz.

VI. Qui omitteret in nomine, & substitueret in virtute, validum ne conferret Baptisma? Alii adfirmant, alii negant. Dubia ergo res est. Ergo sententia negans tutior est, & probabilior. Similiter invalidum judico Baptisma collatum hoc modo: *Ego te baptizo in nomine sanctissime Trinitatis, vel in nomine Unius, & Trini, vel in nomine trium personarum.* Quoniam non proferunt expesse tres divinas personæ. Invalidum multo magis esset Baptisma hoc modo collatum: *Ego te baptizo sub nomine Jesu Christi.* Negat quoque communis, & vera sententia validum esse Baptisma hac forma collatum: *Ego te baptizo in nomine Genitoris, Geniti, & Procedentis ab utroque:* quia in re sacramentaria communiori sententiaz adhærendum est, & tutiori. Validum autem existimare Baptismum hac forma collatum: *Ego te baptizo in nomine Patris, & Jesu Christi, & Spiritus sancti:* quia Jesus Christus vere est Filius Patris. Similiter ratum haberem Baptisma collatum hac forma: *Ego te baptizo in nomine Patris omnipotentis, & Filii unigeniti, & Spiritus sancti*

Paraclyti. Qui uteretur hac forma: *Ego te baptizo in nomine Patris; Ego te baptizo in nomine Spiritus sancti; Ego te baptizo in nomine Filii;* non conferre validum Baptisma defendit P. Paulus Comitolus. Sed probabilior sententia adfirmat, quam communiter Theologi defendunt. Validum quoque Baptisma esset, si quis omitteret particulam &. Peccarent tamen omnes isti, qui adderent, aut omitterent quidquam formae praescripte ab Ecclesia, & hanc ex ipso Evangelio. Baptismum collatum a balbo, qui in fine vocis demeret, aut mutaret unam litteram, validum esset, ut si diceret *baptizo loco baptizo.* In nomine Patri, pro in nomine Patris. Verum quæstiones illæ arbitriæ sunt, quæ vix unquam occurruunt. Idcirco prætereundæ.

VII. QUÆST. V. *Quotuplex est Baptismus?* RESP. *Triplex, Fluminis, Flaminis, & Sanguinis.* Baptisma *Fluminis*, seu aquæ est sacramentum hactenus explicatum. *Flaminis* est perfecta contritio cum voto Baptismi. Hoc baptismus sufficere ad salutem, cum Baptismus aquæ haberi nequeat, docent omnes. Baptismus *Sanguinis*, seu martyrium præstat Baptismo aquæ, & *Flaminis* non ratione sacramenti, sed ratione caritatis, & gratiæ, cum solus Baptismus aquæ sit sacramentum. Baptismus autem sanguinis includit Baptismum *flaminis*, at non econtra. Quare omnes adfirmant in adultis martyrium supplerre Baptismum fluminis. Idem adfirmant respectu parvulorum. De parvulis enim tradicatis ab Herode canit Ecclesia: *Cujus præconium Innocentes martyres non loquendo, sed moriendo confessi sunt.*

VIII. Disputant Theologi, num martyrium supplet Baptismum aquæ ex opere operato? Negant plures; sed communis & vera sententia defendit martyrium justificare tam adultos, quam parvulos ex opere operato. Nam Baptismus sanguinis Baptismo aquæ comparatur. Ergo si ille, cur non iste justificat ex opere operato? Hanc sententiam defendit S. Thomas in 4. dñst. 4. q. 3. 4. 3. q. 3. ad. 1.

IX. QUÆST. VI. *Quæ dispositiones requiruntur in adultis ad suscipiendum martyrium?* RESP. *sequentes.* 1. voluntaria acceptatio mortis illatae a persecutore in fidei odium. Martyrium enim est actus fortitudinis, & caritatis. Ergo necessaria est deliberata elecio. 2. Ut martyrium acceptetur ob fidem Christi, & ex motivo supernaturali per fidem proposito. 3. Necessaria est caritas sal-

tem initialis, & imperfecta, quæ postea perfecta evadat vi ipsius martyrii. Adulti qui alicuius peccati sibi consciæ sunt, purgare conscientiam suam debent, eo modo quo ad Baptismum aquæ, aut Pœnitentiam se disponerent. Si catechumenus sit, & adhuc occasio, Baptismum præmittere debet: & si Baptismo tintitus sit, confessionem, si opportunitas adhuc. Quæ omnia confirmari possent Ecclesia disciplina: nam persecutione sæviante, vel imminente, Episcopi animabant omnes ad Baptismina suscipiendum, ad pœnitentiam peragendam, & ad Eucharistiam participandam, ut his roborati præsidis alacriores, fortioresque fierent ad luctam, & certamen sustinendum.

C A P U T III.

De ministro Baptismi, ejusdem institutione, obligatione, & necessitate.

I. QUÆST. I. *Quotuplex est Baptismi minister?* RESP. *Triplex.* 1. Ordinarius ex officio. 2. Extraordinarius ex delegatione. 3. Necessitatis. Minister ordinarius & solemnitatis est Episcopus, tum Parochi, deinde Presbyteri. Dum Episcopi olim solemniter baptizabant, licitum non erat Presbyteris, seu Parochis idem præstare. Et etiam nunc si Parochus adhuc, non debet Sacerdos eo inconsulto baptizare. Diaconus non ex officio, sed ex commissione administrare Baptismum valet. Laici sunt ministri necessitatis, qui baptizant absque solemnii ritu. Mortaliter peccaret laicus, si præsente Sacerdote baptizaret, quia in re gravi sibi usurparet jus proprium Sacerdotis. Graviter quoque peccaret laicus, si præsente Diacono baptizaret, quia absente Sacerdote hoc jus devolvitur ad Diaconum, ut probabilior sententia docet. Laicus baptizans sine necessitate, & cum solemnii ritu, incurrit irregularitatem.

II. QUÆST. II. *An unus minister unica aspersione possit baptizare plures?* RESP. Adfirmant communiter, quia non mutatur sensus formæ adhibendo vos protè; confirmantque exemplo S. Petri, qui una die magnam multitudinem baptizavit. Qui tamen absque necessitate sic baptizaret, peccaret & quidem graviter. Advertendum præterea, talem esse debere aspersionem quæ ablutione dici revera possit, ut aqua fluat super baptizatum: una enim aut altera gutta non sufficit. Si duo quorum unus lingua, alter

manibus careret, baptizarent; nullus esset baptismus, ut docet S. Thomas 3. p. q. 47. a 4. ad 4. Si puer periclitant præsentes essent Sacerdos excommunicatus, & obstatrix, hac præferenda esset Sacerdoti excommunicato, & recilo a corpore Ecclesie. Nec obstat, Sacerdotem excommunicatum in extrema necessitate absolvere posse, quia in nullo casu laicus absolvere valet. Nemo baptizare seipsum potest. Ideo, inquit 3. p. qu. 66. o. 5. ad 4. S. Thomas, Christus a Joanne baptizari voluit. Idem a pluribus baptizari nequit: quare non valeret Baptismus, si plures dicerent, *Nos te baptizamus*, ut 3. p. q. 47. a. 6. docet S. Thomas: quia nos non est idem quod *ego & ego*, sed *ego & tu*: & sic immutaretur forma.

III. Parochus peccat qui ut saluti infantis consulat, privatim Baptismum administrat domi, expectans patrimum, ut postea in Ecclesia solemnam ritum peragat. Quoniam in Concilio Viennensi sub Clemente V. statutum est in Clement. l. 3. tit. 15. c. unic. ut non in aulis, vel in cameris, sed in Ecclesiis, in quibus sunt sacri fontes ad hoc deputati, baptismus conseratur.

IV. Parentes qui in extrema necessitate filios suos baptizant, non amittunt jus petendi debiti. Extra vero extremam necessitatem si suos filios baptizant, illud jus amitterent. Baptismus collatus a Pagano, vel Judæo validus est. Et hæc est hodie universalis Ecclesiæ doctrina.

V. QUÆST. III. *Quandonam Baptismus institutus est?* RESP. Institutum a Christo Domino Baptismum satentur omnes & catholici, & heretici. De tempore institutionis disputatur. Plures contendunt, Christum instituisse Baptismum post resurrectionem cum dixit Matth. 28. *Euntes docete omnes gentes, baptizantes eos &c.* Probabilior mihi opinio est Christum instituisse hoc sacramentum cum ipse baptizatus in Jordane fuit, ut docent S. Augustinus, S. Ambrosius, S. Thomas, & ipse Catechismus Romanus. Obligare cœpit lex Baptismi continuo ac post resurrectionem promulgata fuit. *Euntes ergo docete . . . baptizantes &c.* Quando autem sufficienter promulgata fuerit, ita ut omnes obligaret, alii afferunt post Pentecosten, alii paulo longius potrahunt. Vide Tom. 6. Dis. 3. de leg. ubi hæc omnia explicata sunt.

VI. QUÆST. IV. *Quænam est suscipienda Baptismi necessitas?* RESP. Duplex necessitas, medii, & præcepti. Sine eo quod primo modo necessarium est, obtineri finis non pot-

est, nisi habeatur vel in re, vel in voto. Et hujusmodi sunt Baptismus omnibus, & Pœnitentia peccatoribus adultis. Necessarium secundo modo dicitur, quod præcepto imponitur, quod sine peccato omitti scilicet nequit. Haberi tamen salus sine eo potest vel ex ignorantia, vel ex alio obstaculo, quod observantiam impedit. Nulla vero ignorantia, nulla impossibilitas suffragatur respectu eorum quæ necessaria sunt necessitate medii. Rursus duplex necessitas medii distinguitur. Altera exterior, ut ablutio baptinalis; & hæc suppleri per fidem, & caritatem cum voto potest. Altera intrinseca, ut est gratia sanctificans; & hæc nullo suppleri modo potest. Nisi re ipsa habetur, impossibilis est æterna salus. Votum similiter duplex est. Aliud implicitum, ut est votum, seu desiderium generale servandi omnia Christi præcepta, quod sejungi a caritate perfecta nequit. Aliud est votum, seu desiderium expressum, quod ex rei cognitione oritur, & requiritur quando res est necessaria necessitate medii.

VII. Quare sine baptismo vel in re, vel in voto nemo ingredi in Paradisum potest. Ipsi infantibus ex fidelibus procreatis parentibus necessarius re est Baptismus, quidquid blateret in oppositum Calvinus. Adultis vero omnibus necessarius est vel re, vel in voto. Et hoc votum, seu desiderium suscipiendi Baptismi in adultis expressum sit oportet, ut probabilior sententia docet.

VIII. QUÆST. V. *Quo tempore suscipi Baptismus debet?* RESP. Multa occurruunt antiquorum exempla de Baptismi dilatione. S. Ambrosius ante ordinationem, S. Paulinus Nolani an. 28. S. Augustinus an. 33. baptizati sunt. Viri sancti humilitatis causa catechumeni longo tempore perseverabant. Alii, ut vitam voluntariam ducerent, Baptismum differebant. Rationes cur differi Baptismus non debeat, obviæ sunt. Quis prudens sua servitutis vincula: aut sua infirmitatis antidotum procrastinare vellet?

IX. QUÆST. VI. *Præceptum suscipiendi Baptismi obligat ne ut adulti quamprimum commode possint Baptismum suscipiant?* RESP. Quæ sunt necessaria necessitate medii, potiori iure necessaria sunt necessitate præcepti. Disputatur num secundum præsentem Ecclesiæ disciplinam præceptum obliget sub gravi, ut adulti quamprimum commode valent tenentur Baptismum suscipere? Negant non nulli; sed communis & certa sententia affirmat. Quoniam dilatio hæc gravi pericu-

lo exponit. Quamobrem graviter parentes delinquent, dum absque rationabili causa infantium Baptismum differunt, quia illos exponunt periculo aeternæ damnationis.

X. Prater antiquos haereticos Anabaptistæ seu Rebaptizantes, Valdenses, Cathari effutierunt, parvulos ante usum rationis non esse baptizandos, quorum errorem damnavit *sess. 7. can. 12. & 13.* Tridentinum. Satyri, vel concepti ex bruto & femina non sunt baptizandi. Mostrum procreatrum ex viro & muliere, si appareat humana persona, præsertim in capite, baptizandum est. Si dubitur, consulatur Episcopus. Si dubitatio persistat, baptizari adjecta conditione potest.

XI. QUEST. VII. *Baptizari ne possunt infantes infidelium reluctantibus parentibus?* RESP. Sermo est de infantibus ratione destitutis. Negat S. Thomas, cui subscribunt communiter Theologi, & hæc consuetudo Ecclesiæ obtinet, nempe infidelium, licet sub civili potestate Principum christianorum degentium, infantes non esse baptizandos, dum parentes reluctantur. BENEDICTUS XIV. in epistola data an. 1747. ad Archiepiscopum Tarsensem controversiam hanc pleno in lumine exposuit. Potissima ratio sententia nostræ est Ecclesiæ consuetudo, & periculum apostasie, cui exponuntur infantes baptizati reluctantibus parentibus. Accedit patria potestas, cui subjecti infantes sunt.

XII. Hisce diebus hic Romæ disputatum fuit, qui parentum nomine veniant. Omnes adfirmabant patrem, avum præferendos esse matri, quia linea virilis prævalet feminæ. In disputationem vocatum est, num avia præferri debeat matri? Avia Judæa, sed Christiana facta consentiebat ut nepos baptizaretur. Mater Judæa repugnabat baptismu filii sui. Alii contendebant præferendum esse consensum avia. Alii propugnabant standum esse dissensui matris. Res delata fuit ad summum Pontificem BENEDICTUM XIV. Qui epistola data ad Illustrissimum Guglielmi Assessorem S. Officii, decrevit attendendum esse consensum avia, & baptizandum puerum, repugnante matre Judæa.

XIII. In periculo proximo mortis filii infidelium baptizandi sunt, quia tunc nullum est apostolæ periculum. In hujus sententia confirmationem refert BENEDICTUS XIV. decretum S. Officii an. 1678. & aliud datum 1705. Baptizandi similiter filii infidelium, qui dicuntur *expositi*, seu *projecti* nempe a parentibus derelicti, quia tunc nemini

fit injuria. Item infidelium pueri capti a piratis christianis, quia extracti sunt a patria potestate. Si unus parentum infidelium consentiat, licet alter repugnet, baptizandus puer est, quia consensus in favorem religionis præferendus est. Validum quoque baptismum est collatum pueris quos infideles offerunt baptizandos, non ut regenerentur ad vitam aeternam, sed ut curentur ab infirmitate, ut docet S. August. epist. 98. ad Bonifacium. Amentes a nativitate baptizandi sunt in fide Ecclesiæ, inquit 3. p. q. 68. a. 2. S. Thomas. Adulorum qui ex sana mente in amentiam incident, spectanda est voluntas quam habebant dum fani erant. Dormientes baptizandi non sunt, nisi immeiat mortis periculum proximum.

C A P U T IV.

De dispositionibus adulorum ad suscipiendum Baptismum, & de ejusdem effectibus & ceremoniis.

I. QUEST. I. Requiritur ne in adultis ad Baptismum rite suscipiendum fides, dolor de peccatis, & caritas inchoata? RESP. Fidem necessariam esse declarat S. Marcus c. 16. inquiens: *Qui crediderit, & baptizatus fuerit, salvus erit.* Necesitatem pœnitentiae manifestat S. Petrus Act. 2. ubi ait: *Pœnitentiam agite, & baptizetur unusquisque vestrum.* De amore saltem initiali, de quo infra sermo erit, inquit S. Joannes epist. 1. cap. 3. *Qui non diligit, manet in morte.*

II. QUEST. II. *Qui sunt baptismi effectus?* RESP. Primus & præcipuus Baptismi effectus est delere tum peccatum originale, tum cetera omnia peccata, & animam sanctificare, ut habetur Act. 2. *Baptizetur unusquisque vestrum in remissionem peccatorum.* Et S. Paulus ad Rom. 8. *Nihil ergo nunc damnationis est iis qui sunt in Christo Jesu.* Turpiter ergo errant protestantes effutientes, per Baptismum peccata tantum non imputari, fecis tolli, & penitus deleri: quorum errorem damnavit Tridentinum *sess. 5. c. 5.*

III. Nec est quod opponant, remanere in baptizatis concupiscentiam, quæ teste Apostolo Paulo peccatum est: quandoquidem peccatum concupiscentia ab Apostolo dicitur, non quod ipsa proprie peccatum formaliter sit, sed quia ex peccato proficietur, & ad peccatum inclinat, & allicit, ut *sess. 5. c. 5.* Tridentinum de finivit ex personni PP. traditione.

IV. Alter Baptismi effectus est remissio poena æternæ, & temporalis, ut in Decreto ad Armenos Concilium Florentinam definitur, & Tridentinum loc. cit. confirmavit. Tertius Baptismi effectus est impressio characteris, ut ex perpetua Ecclesiæ traditione habetur, & Tridentinum definitivit sess. 7. can. 9.

V. Baptismus rite administratus nunquam iterandus est. Si aliquis in hæresi baptizatus sit, examinari debet, num juxta veram Ecclesiæ, seu evangelicam formam baptizatus fuerit, & si juxta hanc formam baptizatus sit, rebaptizari non debet. Si comprehendamus formam evangelicam non fuisse servatam, baptizandus denuo est. Attente tamen examinari debent qui fuerunt ab hæreticis baptizati.

VI. Qui baptizati ab obstetricie sunt, non debent rebaptizari, quando Parochus reprehendit obstetricem prudentem, experrectam, & in examine super formæ exacta observantia constantem. Infantes expositi collati Baptismi schedulam collo appensam habentes rebaptizandi ne sunt? Præcisa resolutio dari nequit. Quando vel minima suspicio oritur de baptismô valide collato sub conditione rebaptizandi sunt, ut statuit Rituale Romanum, jussu Pauli V. editum.

VII. QUEST. III. An Baptismus ficte susceptus, recedente fictione peccata deleat? RESP. Duplex fictio. Altera, qua quis simulat se suscipere Baptismum, sed intus nec intendit, nec credit, nec vult suscipere Baptismum. De hoc quæstio nulla. Altera fictio est, qua quis revera vult suscipere Baptismum, peccata tamen non detestatur, nec credit, nec sperat; Baptismum tamen recipit, quia revera vult illum suscipere, sed effectum ejusdem non recipit ob indicata impedimenta. Quæritur num recedente hac fictione peccatorum remissionem sequatur? Negantem sententiam defendunt plures; sed affirmantem defendunt S. Augustinus, S. Thomas, & communiter Theologi. Quia causa natura sua productrix effectus, remoto impedimento, illum producit.

VIII. QUEST. IV. Quænam sunt Baptismi ceremonia? RESP. Plures, quarum paucas delibabo. Quædam præcedunt, ut presentatio baptizandorum ante Ecclesiæ januam, quam ingredi nequeunt, cum sint per culpam originalem filii iræ. Deinde quid petant ab Ecclesia Dei, Sacerdos inquirit; reponuntque, Baptismum. Succedit exorcismus ad expellendum dæmonem. Sal in os

ejusdem baptizandi immittitur, ut vitiorum pulsæ putredine, bonorum operum saporem baptizatus gustet. Crucis signo obsignantur frons, oculi, aures, humeri, pectus: nares, & aures saliva liniuntur, & ephphata, est adaperire pronuntiatur.

IX. Cærenonæ quæ baptismum comitantur, & consequuntur, sunt sequentes. Sacerdos ad sacram fontem baptizandum adducit, eumque ter interrogat: Abrenuntias Satane, & omnibus pompis ejus, & omnibus operibus ejus? Respondet baptizandus aut per se, si sit adultus, aut per patrinnum, si sit infans, ad singulas interrogations, Abrenuntio. Deinde Sacerdos interrogat: Credis in Deum Patrem omnipotentem? Respondet, Credo: & iterum de aliis symboli articulis interrogat Sacerdos, & baptizandus responderet, Credo. Tandem interrogatur: Vis baptizari? & consentientem vel per se, vel per patrinos Sacerdos baptizat. Cærenonæ quæ baptismum consequuntur, sunt sequentes. Sacerdos baptizati capitis verticem inungit, veste candida illum induit, si sit adultus; si infans linteolum capiti imponit dicens: Accipe vestem candidam, quam immaculatam perferas ante tribunal Domini nostri Jesu Christi, ut habeas vitam eternam. Cœrum ardenter in ejusdem manum Sacerdos tradit in fidei, & caritatis symbolum. In Baptisma te proprium cuique nomen imponitur.

X. Requiritur aliquis qui de sacro fonte baptizatum suscipiat, ut 3. p. qu. 67. a. 7. declarat S. Thomas, & congruentes rationes assignat. Nec quilibet indiscriminatim eligendus est, sed catholicus, & quoad fieri possit optimis moribus instructus, qui que vires pædagogi, & magistri docentis, & instruentis supplere queat. Parochi administrantes baptismum sine patrinis peccant mortaliter, sublata urgente necessitate. Quoniam ritus isti sunt de necessitate non sacramenti, sed præcepti. Sufficit unus, vel una, aut ad summum unus & una admitti possunt, ut statuit sess. 24. c. 2. Tridentinum. Monachi & Regulares mendicantes exclusi sunt ab hoc officio, ut probabilior sententia docet. Patrini contrahunt cognationem spiritualem cum baptizato, cum patre, & matre ejusdem, ut sess. 24. c. 2. Tridentinum declarat.

C A P U T V.

De professionis baptismalis obligatione.

I. **M** Tullii eloquentia mihi opus est, ut patefacere pro dignitate possem incredibilem locordiam, & oscitantiam quorumdam Parochorum in exponendis adultis juvenibus gravissimis oneribus, & obligationibus quas professio baptismalis secum defert. Paucissimos inter Christianos offendes, qui vim & significatum teneant professionis christiana, quam solemni ritu Deo in baptisme edidere. Antequam Christi Ecclesiam ingrediantur, seu in fidelium Christi societatem recipiantur primum omnium renuntiant diabolo, pompis, operibus, & spectaculis ejus. Quid prodit renuntiatio haec? Quenam sunt haec pompæ, quenam opera, quenam spectacula quibus bellum denuntias? o Christiane? Responde. An mutescis, quia instrutus non es? Audi, & cordi tuo infige. Professio in baptisme emissa illa est quæ Christianos a mundo separat, quæ carni, sanguini, pompis, deliciis carnalibus contraria est, quæ Christianos a paganis distinguit. Pagani servabant justitiam, pudicitiam, æquitatem, & omnia quæ ad tranquillam societatem vendam necessaria sunt. Quid ergo in professione baptismali renuntiant Christiani, ut a paganis distinguantur? edidere. Respondent uno ore PP. omnes, nemine excepto, præsertim Tertullianus, Cyprianus, Nazianzenus, Cyrillus Alexandrinus, Basilius, Chrysostomus, Ambrosius, Hieronymus, Augustinus, Salvanus, & ut ceteros mittam, S. Carolus Borromæus, Christianos renuntiasse theatris, comœdiis, tragediis, choreis, ceterisque insanienti mundi spectaculis vanis, pompis, modestiæ, & pudori oppositis, ut sunt uberum in feminis nuda ostentatio, stibia, fuci, cincinni, & cetera ejusmodi præstigia. Patrum testimonia dedi in Lib. de spectaculis theatralibus. Unum & alterum brevitatis causa nunc transcribam.

II. In Lib. de catechizandis rudibus S. Augustinus c. 6. instruit rudem ut abstineat a theatris, si velit esse Christianus. Cum vero adversus eos instruitur quorum perverse turbæ corporaliter implent Ecclesiæ, simul etiam precepta breviter & decenter commemorantur Christianæ atque honestæ conversationis; ne ab ebriosis, avaris, fraudatoribus, aleatoribus . . . spectaculorum amatoribus . . . atque

bujuſmodi ceteris seducatur, & impunitum si bi forse arbitretur. Quia videt multos qui Christiani appellantur, hæc amare, & agere, & defendere, & suadere, & persuadere.

III. Viden? Etiam tum suadere, & persuadere studebant carnales Christiani, qui corporaliter sicut nunc implebant Ecclesiæ, licet ambe theatrorum frequentiam, a quo rūdum mendaciis rudem Christianum Augustinus præservare conatur. Rursus cap. 25. eundem rudem adversus theatrorum frequentiam instruit subdens: *Animadversurus etiam, quod illæ turbe implent Ecclesiæ per dies festos christianorum quæ implent & theatra per dies solennes paganorum, & ad imitandum tentaberis.* Tandem sub Libri finem sic alloquitur rudem suum. *Tu itaque credens ista, cave tentationes, quia diabolus querit qui secum pereant: ut non solum per eos qui extra Ecclesiæ sunt, sive pagani, sive judei, sive heretici, non te hostis ille seducat; sed etiam, quos in ipsa Ecclesia catholica, videris male viventes, aut immoderatos voluptatibus ventris, & gutturis, aut impudicis, aut vanis curiositatibus, vel illicitis deditos sive spectaculorum . . . sive in pompa, & typbo avaricie . . . non eos imiteris, sed potius conjungaris cum bonis quos inventurus es facile, si & tu talis fueris.*

IV. Nisi choreæ, quæ etiam in theatro aguntur, nisi comœdiz, & tragediz sint pompæ, & spectacula diaboli, quenam erunt? Opportuna sunt quæ scribit Lib. 6. Salvianus: *In spectaculis quedam fidei apostasia est, & a symbolis ipsius, & celestibus sacramentis letalis prævaricatio. Que est enim in baptismo salutaris Christianorum prima confessio? quæ scilicet, nisi renuntiare se diabolo ac pompis ejus, atque spectaculis, & operibus protestantur? Ergo spectacula, & pompe etiam juxta nostram professionem opera sunt diaboli.*

V. Sed audiamus ultimi temporis Patrem S. Carolum Borromæum, qui homil. in Dom. 7. post Pentecosten hæc scribit agens de cœitate spirituali. *Et quid, me miserum! audio? adeo nempe in hac civitate sœvissimam illum libidinum, ac impudicitarum officinam patere, ut frequentes comœdia recitentur, ac in scenis bistriones indignissimi homines personati in diaboli retia innumeros urbis bujus juvenes incertos adducant . . . Fatoe sane, filii, me forte dormiente inimicum hominem hæc super seminasse zizania, & me nesciente pestem hanc irrefuisse. Sed subebimus certe impotestum eam, Deo dante, reprimere . . . Mimus, atque hystrio vos schedulis parieti affixis ad satanicum*

inventum, quod comœdiam vocant, invitant. Sed mihi credite, tragedia vobis est semper... vocat vos Christus per nos... . & tamen ejus voces contemnuntur... . Tempus veniet, dilectissimi, cum adcurrere cupietis, & non poteritis... . sed ad patriam mimes, & hystrionibus, ac impudicis mulieribus præparata transmittemini. Lege quoq[ue] integrum homiliam.

VI. Quid ad hæc illi qui autumant diversa fuisse, & obscuriora theatra, quæ imptobarunt PP. a theatris quæ ætate nostra vigent? PP. damnant, quod in scenam prodeant viri muliebri ueste induiti, quos butallos, & feminas vocant. Damnant quod feminæ, profligato pudore mimas agant. Damnant choreas, damnant musicam quam meretriciam vocant; damnant cantum, quem fornicatorium appellant. Veritas ineluctabilis est, cui subscrubunt vel ipsi theatrorum patroni, nempe molliorem esse musicam, & effeminationem cantum ætatis nostræ. Ergo ex hac parte turpiora sunt ætatis nostræ theatra, quam antiqua. Quid quod in antiquis feminæ christianæ (& raro paganæ) in scenam non prodibant. Ergo perperam ætatis nostræ theatra omnia velut honesta traducuntur.

VII. Abrenuntiatis ergo pompis, spectaculis, comœdiis, tragediis, choreis, & iis omnibus, quæ in gloriam Jesu Christi referri nequeunt, baptizandi admittuntur in Ecclesiam ad profitendam christianam religionem: quia rebellis antequam suo Principi reconcilietur, debet prius hosti terga vertere. In Ecclesia symbolum fidei profertur, & vitam christiahæ. Quid est vita christiana? Est imitatio vitæ Jesu Christi; est bellum perpetuum adversus diabolum, mundum, concupiscentiam carnis & oculorum, superbiam vitæ, ambitionem, fastum, luxum, pompas; est perpetua conflitatio carnis, & lucta interminabilis contra humanas appetitiones; est vita pœnitentia, humilitatis, & patientia; est vinculum caritatis, qua omnes Christiani & Deo, & invicem intima unione conjunguntur; est professio sanendi laudes Deo, orandi, precantri, & petendi divinam gratiam; est tolerantia injuriarum, persecutionum, calumniarum. Non sufficiunt hæc omnia. Orandum pro persecutoribus, & calumniatoribus est. Nec sat est hæc omnia secreto præstare. Debet Christianus impavido pectore palam, & publice confiteri, quid? Unitatem & Trinitatem Dei, incarnationem Christi, symbolum, sacramenta? Debet hæc omnia; at

non sufficit. Debet insuper profiteri Moralis christiana integritatem, & sanctitatem, quæ hac nostra ætate, non secus ac olim symboli articuli, non levem patitur persecutionem. Neque mundanorum hominum odium & persecutio absterre Christianum debet ab hujusmodi professione: nisi enim tale periculum subeat, Christi servus esse non potest. Querebantur & Christi discipuli, quod mundus eos odio haberet: quibus Christus ipse reposuit: *Scitote, quia me priorem vobis odio habuit.* Si de mundo fuissetis, mundus quod suum erat diligenter. *Quia vero de mundo non estis, propterea odit vos mundus.* Non est servus maior domino suo. *Qui me erubuerit,* & sermones meos, mea præcepta, mea exempla, meam patientiam, humilitatem, jejunitam, persecutio[n]es, & ego eum erubescam coram Patre meo: & qui me confessus fuerit coram hominibus, & ego confitebor eum coram Patre meo. Eritis odio omnibus mundi assecilis propter nomen meum. Hicce paucis delineata est imago christianæ professionis. Si hæc desint, devotio[n]culæ, Ecclesiarum frequentia, libelli pii nihil profundunt. Promissio in Baptismate, votum baptismale primum omnium servandum est. Et ut hæc peragi observatio possit, adjicienda sunt devotiones, exercitia spirituallia, piorum librorum lectio. Sed Evangelia, iterum dico, Evangelia profunda humilitate, & animi demissione legenda continenter sunt. De hac christiana professione lege plura Tom. 8. *Diss. I. c. 17.*

C A P U T VI.

De sacramento Confirmationis.

I. **Q**UÆST. I. *Est ne Confirmatio sacramentum novæ legis?* RESP. Adfirmant omnes Catholicæ luculentis Scripturarum testimoniis, & perenni Patrum traditione, quam veritatem adversus protestantes defivit Tridentinum sess. 7. de confirm. can. I.

II. **Q**UÆST. II. *Quænam est hujus sacramenti materia?* RESP. Omnes Catholicæ aduersus Lutherum, Calvinum, Dallæum, aliosque novatores docent, esse vel chrisma, vel manuum impositionem, vel utrumque simul. Mihi probabilior sententia est quæ statuit, materiam adæquatam hujus sacramenti esse manuum impositionem, & chrisma, quod conficitur ex oleo, & balsamo. Disputant Theologi, an balsamum necessarium sit in chrismatis confectione, necessitate sacra-

men-

menti, vel præcepti? Alii affirmant, alii negant. Utraque opinio abque fidei dispensio defendi valet. Mihi probabilior est sententia quæ defendit, oleum mixtum balsamo necessarium esse necessitate sacramenti. Chrifma istud consecratum esse necessum est necessitate sacramenti, ut probabilior defendit sententia. Minister consecrationis est Episcopus. Disputant Theologi num ab apostolica Sede committi simplici Sacerdoti possit facultas benedicendi chrifma. Negant Suarez, Salmeron, Toletus, Sylvius, Goonet, & plures alii. Adfirmant Sirmondus, Cajetanus, Soto, Vitassius, & plures alii. Hæc secunda sententia mihi est probabilior.

III. QUEST. III. *Quenam est forma sacramenti Confirmationis?* RESP. Forma quam adhibet Ecclesia Latina, hæc est: *Signo te signo crucis, & confirmo te chrismate salutis. In nomine Patris, & Filii, & Spiritus sancti.* Forma quam adhibet Ecclesia Græca, hæc est: *Signaculum Spiritus sancti.* Rata habet Ecclesia Latina formam hanc. Plura Theologi de utraque forma disputant; sed tanti non sunt ut discutiantur.

IV. QUEST. IV. *Quisnam istius sacramenti auctor?* RESP. Missis variis disputationibus, cum communis Catholicorum sententia dico, Christum Dominum esse istius sacramenti immediatum, seu proximum institutorem. Idque supra ostensum est. De tempore quo illud instituit, num ante mortem, an post resurrectionem, vel in die Pentecostes, nihil certi statui potest.

V. QUEST. IV. *An solus Episcopus sit ordinarius hujus sacramenti minister?* RESP. Adfirmant omnes Catholicos, idque definitum est tum in Concilio Florentino in *Instruct. Armen.* tum in Tridentino *sess. 7. can. 3.* Concedi tamen potest a summo Pontifice simplici Sacerdoti facultas confirmandi, ut plura exempla evincunt. Hæc facultas concedi ab Episcopis nequit, ut probabilior sententia defendit. Peccat mortaliter Episcopus omittens administrationem hujus sacramenti, quia pastor astringitur pacere gregem suum.

VI. QUEST. VI. *Quinam sunt capaces suscipiendi hoc sacramentum?* RESP. Omnes baptizati sive viri, sive mulieres sint, sive infantes, jure istius sacramenti sunt capaces, ut consuetudo Ecclesiæ tum Latinæ, tum Græce evincit: olim enim pluribus sacerulis infantibus chrifma post baptismum conferebatur. Cum tamen sacramentum istud necessarium non sit necessitate medii, con-

venienter statutum fuit in pluribus Conciliis ut administraretur baptizatis post adeptum rationis usum. Num amentes confirmandi sint, prudentiæ Episcoporum remittitur. Egotris, energumentis, administrari hoc sacramentum debet, ut robustiores in lucta evadant.

VII. QUEST. VII. *Quenam dispositiones in adultis confirmandis requiruntur?* RESP. 1. Debent esse in gratia. 2. Si concisi sibi sunt peccati mortalis, præmittere confessionem sacramentalem debent. 3. Debent callere symbolum apostolicum. 4. Valde decet esse jejunos. Parochorum est eos instruere, & docere dignitatem tanti sacramenti. Illos præsertim imbuant obsignari in fronte signo crucis, ut hac sacra tessera muniti audeant palam, & in conspectu totius mundi, humanis respectibus, & ratiunculis proculeatis confiteri fidem Christi, & ejusdem Moralis evangelicæ sanctitatem adversus omnes corruptelas. Hæc altius illorum mentibus insigenda a Parocho sunt.

VIII. QUEST. VIII. *Quinam sunt Confirmationis effectus?* RESP. Dao, gratia, & character, ut ex divina Scriptura patet. Tunc imponebant manus super illos, & accipiebant Spiritum sanctum: Act. 8. Spiritus sancti communicatio sine gratia infusione non fit. Accedit quod omnia sacramenta novæ legis gratiam sanctificantem conferant. Secundam, non primam gratiam Confirmationis confert, cum sit vivorum, non mortuorum sacramentum. Hæc gratia intrepidum, fortis, robustumque reddit baptizatum. Primitus Ecclesiæ sacerulis dum immannissimi persecutores in Dei Ecclesiam sevabant, confirmati Christiani non equuleos, non ardentis fornaces, non frementes bestias, quarum faucibus tradebantur, pavebant; sed incredibili fortitudine diriora tormenta, & immannissimam suorum corporum lanienam patiebantur, ut Christi fidem propugnarent. Quæ nunc pugna, quinam hostes superandi? Respectus humani, rationes politicæ, saceruli amor, pompa, luxus, & insanientis mundi lænoscinia. Omnes qui pie volunt vivere in Christo Jesu persecutionem patientur. Sunt ergo omni tempore persecutores, & quidem intra, nedum extra Ecclesiam, ut omnes Patres testantur. Fidei dogmata nulli sunt persecutioni obnoxia intra Ecclesiam. Ergo præcepta, & quidem potissimum caritatis, persecutionem patiuntur, non aper tam, sed subdolam, & lænoscinantem. Indue re ergo fortitudine, o Christiane, explica sigillum

signum Crucis fronti tuae impressum . Palam confitere evangelicam Moralem non verbo tantum , sed moribus . Characterem ex hoc sacramento animae tuae infixum defers , ut 2. Cor. 1. testatur S. Paulus . *Unxit nos Deus , & signavit nos , & dedit pignus Spiritus in cordibus nostris ,* Vide plura Tom. 8. lib. 2. Diff. 2. cap. 5.

IX. QUÆST. ix. *Datur ne præceptum suscipiendi hoc sacramentum ?* RESP. Plures benigni probabilitæ negant quodcumque præceptum sive divinum , sive Ecclesiasticum hujus sacramenti suscipiendi . P. Leander tr. 3. diff. 1. qu. 5. probabilius respondet non dari tale præceptum divinum ; & qu. 6. similiiter probabilius respondet , non dari præceptum ecclesiasticum . Tandem q. 7. definit probabilius peccare *venialiter* qui ex negligencia hoc sacramentum omittet .

X. P. Viva ultra pergit in suo Curs. Th. p. 5. q. 3. a. 2. num. 6. ubi statuit , præciso scandalo , & contemptu , ne venialiter quidem peccare qui omittit hoc sacramentum , quia , inquit ex Trull. nullibi extat præceptum de illo suscipiendo .

XI. P. Claudius La-Croix lib. 6. p. 1. dub. 3. n. 395. q. 72. asserit ex Dicastillo , fuisse olim præceptum ecclesiasticum , sed per desuetudinem nunc desisse illud præceptum . P. Thomas Tamburinus lib. 3. c. 3. §. 4. acriter invehitur contra Leandrum , quod docuerit peccare venialiter omittentem ex negligencia hoc sacramentum : quia de hoc nullum appetet præceptum : que est sententia Suarez contra Catelanum .

XII. Hæc Casuistarum opinio falsa est . Rescripti Tom. 8. lib. 2. Diff. 2. c. 6. Paratum testimonia , decreta Conciliorum , & præsertim testimonia Cathechismi Tridentini , qui 2. p. de Confir. §. 16. & 17. incusat vehementer adhortatione istius sacramenti susceptionem .

XIII. Convenit penes omnes hoc sacramentum non esse necessarium necessitate medii . Verum præceptum tum divinum , tum Ecclesiasticum , quamvis expressis verbis latum non sit , colligitur tamen ex communione & consensu Ecclesiae . Licet adiuvare verba BENEDICTI XIV. feliciter regnantis , qui in Constit. de rit. Greecor. §. 3. ait admonendum ab Episcopis , eos gravis peccati reatu teneri , si cum possint ad confirmationem accedere , illam renunt , ac negligant . Revolvantur omnes Synodi , & Catechismi postremæ atatis , nedum antiquæ ; & cuique competitum erit , quo zelo , quo studio

Patres , & Episcopi , atque celebiores Theologi inculcent istius sacramenti susceptiōnem , & administrationem . Quare omnia Concilia nobis propinquiora , præsertim Vormatiense , Mediolanense IV. Burdigalense , Aquense , & Catechismus Tridentinus evincunt commentum ipsis Conciliis injuriosum , esse doctrinam excusantium a veniali culpa fideles negligentes susceptionem istius sacramenti . Quamobrem jure Academia Parisiensis an. 1625. hanc opinionem proscriptit : *Omnes Theologi dicunt , confirmationem non præcipi , nisi cum commode haberri potest , vel ut alii dicunt commodissime , quando sine ullo , vel minimo prorsus incommodo . In quam opinionem hanc tulit Sorbona censuram : Ista propositio est scandalosa , in maximum sacramenti Confirmationis contemptum , maligno animo proposita .*

XIV. QUÆST. x. *Qui sunt ritus istius sacramenti suscipiendi ?* RESP. Eligendus est patrinos , qui offerat neophyton confirmandum . 2. In patrinos eligi non debent qui non sint confirmati , quia non sunt perfecta Christi membra . 3. Assumi in patrinos non debent parentes ob cognitionem spiritualem quam contracturi essent , neque qui non attigerint annum 14. nec feminas mares , nec mares feminas , nec adolescentes senes in sacramento Confirmationis suscipiendo offerant , & compatrios agant , nisi necessitas aliud ageare cogat . 4. Tempus Confirmationis olim erat Pentecostes . Hæc disciplina mutationem passa est . Peroptime tamen Episcopi agent , si hoc tempore , quando opportunitas adsit , Sacramentum istud administrent . 5. In quolibet templo administrare hoc Sacramentum Episcopus valet . 6. His dispositis Episcopus accedit ad signandos neophytes genuflexos , manusque ante pectus tenentes . Formam pronuntiat : *Signo te signo Crucis &c. chrismate eos ungendo .* 7. Confirmatum alapa leviter percudit , ut hinc colligat , se paratum esse debere ad injurias , contumelias , & persecutio-nes pro Christi nomine sustinendas . 8. Postea circumligatur frons confirmati vitta , seu fascicula linea candida , ne chrisma defluat , & ut confirmatus intelligat quanto studio custodire acceptam gratiam debet . Hanc cærementiam præscribit Pontificale Romanum . Septem diebus olim ligata frons confirmati manebat . Deinde contractum tempus fuit ad tres dies , & tandem ad horas xxiv. sed in hoc serventur consuetudines uniuscujusque Ecclesiae . Vittæ istæ in usum profanum converti nequeunt , sed cremari debent . DIS.

DISSE

De augustinissimo Eucharistiae Sacra-
mento .

C A P U T I.

Eucharistie notio, ejusque materia, & forma,

I. QUÆST. I. *Quid sit Eucharistia?* RESP. Omissis variis acceptacionibus, est *Sacramentum corporis & sanguinis Christi sub speciebus panis & vini realiter contentorum, ad spiritualem fidelium alimoniam a Christo ipso institutum.* Corpus, & sanguis sunt res, & sacramentum simul, quæ significantur per species consecratas, & insuper significant spiritualem animæ nutritionem. Unde patet Eucharistiam sacramentum esse, cum eidem competit ratio signi sensibilis divinitus instituti, habeatque annexam gratiæ promissionem, & divinum mandatum illius signi observandi: quæ tria ex divina Scriptura Eucharistiae convenire evincitur. Panis, & vinum sunt signum sensibile. Matth. 26. *Accipit Jesus panem &c.* Observantibus hoc signum promittitur gratia Joan. 6. *Qui manducat hunc panem, vivet in eternum.* Urget mandatum istius signi adhibendi. *Hoc facite in meam commemorationem.* Luc. 22.

II. QUÆST. II. *Utrum solus panis triticeus, & vinum de vite sit materia Eucharistiae?* RESP. Adfirmant omnes, quia hæc est materia a Christo instituta. *Accipit Jesus panem &c.* Matth. 26. Et de materia calicis subdit ibi: *Non bibam amodo de hoc genimine vite &c.* Accedit universalis & perpetua Ecclesiæ traditio. Quæcumque materia quantitas apta est consecrationi. Eam tamen quantitatem consecrare Sacerdos debet, quam fidelium usui prudenter agnoverit consentaneam.

III. Hæc materia præsens sit oportet Sacerdoti consecranti. Præsentia hæc moralis est, non physica. Quare improbandus est mos quorundam Sacerdotum, qui os, & labia admovere panī, & calici solent, halitumque in ipsum calicem inspirare. Talis præsentia requiritur ut demonstrari queat dicendo, *Hoc est, vel hic est.* Innumeris excitant aliqui super hac præsentia quæstiones, quas omnes ut inutiles, & arbitrarias prætereo. Disputant etiam num panis consecratus ex amygdalis, castaneis, & fabis,

Tom. II.

lentibus, farre, hordeo sit materia consecrationis. Et communis sententia negat, *De sibigne in utramque partem disputationem.* Sed distinguendum est. Si sibigo accipiatur cum Plinio pro candidi frumenti genere, seu pro tritico selecto, tunc est materia apta consecrationi, si vero accipiatur pro secale, vulgo *segala*, materia inepta est, & consecrari nequit.

IV. QUÆST. III. *Utrum panis consecrandus debat esse azymus, vel fermentatus?* RESP. Concilium Florentinum in decreto unionis hæc statuit: *Definimus in azymo, sive in fermentato pane triticeo Christi corpus veraciter effici.* Valide confici in azymo Eucharistiam, exemplo Christi Domini constat, cui accedit perpetua Ecclesiæ traditio. Valide quoque eam confici in fermentato patet, quod nunquam Ecclesia Latina reclamaverit contra ritum Ecclesiæ Graecæ in fermentato consecrantis. Nec Latini in fermentato, nec Graeci in azymo consecrare debent; sed tam Graeci, quam Latini Sacerdotes propriæ Ecclesiæ ritum servare tenentur, ut tota de cuncta præcipiunt, & novissime BENEDICTUS XIV. feliciter regnans in Constit. super ritibus Graecor. edita an. 1732. confirmavit.

V. QUÆST. IV. *An vinum de vite sit materia Eucharistie?* RESP. Adfirmant omnes, ut patet ex texu evangelico jam adducto, & ex petenti Ecclesiæ traditione. Tantum vini quantitatem consecrare Sacerdos Ecclesiæ Latinae debet, quantam juxta Ecclesiæ suæ consuetudinem sumere potest. Solum ergo vinum de vite sive album, sive nigrum, sive dulce, sive asperum, est materia consecrationis calicis. Congruum tamen est ut vinum album sit ad evitandas maculas quas vinum nigrum, seu rubrum relinquit in purificatorio, quæ indecentiam praferunt. Vinum congelatum non est materia apta, quia bibi nequit. Quare liquefieri debet, si in calice congelatum evaderet.

VI. QUÆST. V. *Utrum aqua vino admiscenda sit in calicis consecratione?* RESP. Lutherus humanum figmentum hanc mixtione reputavit; sed perpetua Ecclesiæ traditione constat vino admixtam semper suffisse aquam. Concilium Carthaginense III. an. 397. can. 24. Synodus Quinti-sexta, seu Trullana an. 692. testantur ritum hunc ab Apostolis descendisse. Accedunt omnium Patrum testimonia, & tandem Tridentinum sess. 22. c. 4. can. 9. omnia anteriora decreta confirmavit. Necessaria est hæc admixatio necessitate præcepti ecclesiastici, non

sacramenti. Aqua immiscenda naturalis sit oportet. Modica quoque quantitas immiscenda est. Hanc aquam vi consecrationis converti in sanguinem Christi tenent Catholici omnes. Disputant vero Theologi num modica hæc aqua prius convertatur in vinum, & postea in sanguinem. Alii sustinent immediate converti in sanguinem. Communior sententia defendit prius converti in vinum. Et hanc secundam sententiam adoptavit Catechismus Tridentinus p. 2. de Euch. §. 17. Ratio etiam suffragatur, quia aqua nullo modo est materia etiam partialis calicis. Et ideo ut facilior sit conversione parum aquæ immisceri præcipitur. Neutra tamen opinio ad fidem attinet.

VII. Disputant Theologi possit ne una species sine altera consecrari urgente necessitate, & ex dispensatione summi Pontificis. Adfirmat Diana cum nonnullis aliis. Certum est valide unam sine altera specie consecrari posse. Sed disputatur, utrum aliquando liceat urgente necessitate id præstare? Negat 3. p. q. 74. a. 1. S. Thomas, cui subscripti graviores Theologi. Et hanc doctrinam confirmare videtur Tridentinum sess. 22. c. 1. Sacramentum enim Eucharistiae institutum est per modum convivii spiritualis, & ut sacrificium. Porro hoc sacrificium nequit una sola specie immolari, eum sit cruentus Sacrificii commemorationis, in quo Sacrificio separatus a corpore sanguis fuit.

VIII. QUEST. vi. Utrum hæc sola dominica verba, Hoc est corpus meum, sint essentialia consecrationi panis eucharistici? RESP. Sententia adfirmans certa est, & definita in Concilio Florentino, seu in decreto pro Instruct. Armen. & in Tridentino sess. 13. c. 3. ubi statuitur, consecrationem fieri verbis Christi. Christus autem hæc verba protulit: *Hoc est corpus meum*. Hinc consequitur verba, qui pridie quam pateretur &c. non attinere ad essentialiam consecrationis, quia præfata verba non sunt dominica, seu Christus illa non protulit, sed sunt Evangelistarum.

IX. QUEST. vii. Sola ne hæc verba, Hic est calix Sanguinis mei, seu hic est Sanguis meus, sunt de essentialia consecrationis calicis? An vero etiam alia que sequuntur: Novi & æterni testamenti, mysterium fidei, qui pro vobis, & pro multis effundetur in remissionem peccatorum, ad essentialiam consecrationis pertinuerint? RESP. Disputant in utramque partem Theologi etiam Thomistæ. Probabilior mihi sententia est sola hæc verba, *Hic est sanguis meus*, vel quod eodem recidit, *Hic est calix*

Sanguinis mei, constituere formam essentiam confectionis calicis. Sicut enim hæc sola verba, *Hoc est corpus meum*, constituant formam essentialiem panis; ita alia præfata verba efficiunt formam essentialiem calicis. Siquidem hæc sola verba exprimunt, & efficiunt conversionem vini in sanguinem; sicuti priora significant transubstantiationem panis in corpus Christi. Hæc verba non historicæ, ut protestantes contendunt, sed assertive, & significative a Sacerdote pronuntiantur.

X. Particulam enim non adhibuit Christus, ut contendunt nonnulli; sed adjecta fuit ab Ecclesia. Disputant autores peccaret ne mortaliter ille qui voluntarie hanc particulam omittet. Probabilior sententia docet peccare mortaliter eum qui voluntarie hanc particulam omittet. Quoniam licet in se quid leve sit, in forma tamen sacramentali magni momenti est. Gravius peccaret qui illam particulam ex contemptu live formalis, sive interpretativo omittet.

C A P U T II.

Nonnullæ questiones, que super reali Christi presentia in Eucharistia excitari solent.

I. P Lures sunt hereticorum errores adversus hoc Sacramentum, a quibus carevere Catholicus debet. Missis Capharnaitis, Manichæis, Marcionitis, Phantasiastis, Mefsalianis, Enthusiastis, qui Christi carnem negabant, primus qui male de Eucharistia sensit saeculo ix. fuit Joannes Scotus Hiberna, & saeculo xi. Berengarius, cuius doctrina proscripta fuit an. 1050. in Concilio Romano. Retractionem sui erroris obtulit Berengarius Gregorio VII. Pluries in suos errores relapsus, pluries eosdem retractavit, & catholicus obiit an. 1088. Successore Petrusbussani, Henriciani, & Albigenes, qui de medio tollere Sacramentum Eucharistiae tentarunt. Inter Novatores nobis proximiiores primus fuit Carlostadius, qui an. 1524. realem Christi presentiam negavit in Eucharistia. Huldricus Zwinglius Eucharistiam meram esse figuram corporis Christi hoc eodem anno effutti. Zwinglii doctrinam amplexus est Bucerius; sed ut invidiam declinaret Lutheri, qui acriter præsentiam realem propugnabat, variis linimentis eam temperate studuit.

II. Calvinus Arianis, & veterotoribus omnibus fraudulentior, modo a Bucero, quem ut

at magistrum colit, recedit, modo eidem, & Zwinglio adhæret, modo utroque refellit, & ad Lutheranos declinat; nunc Ecclesiæ catholicae doctrinam versuto artificio propugnare se singit; & tandem larva posita, catholicum dogma detestatur.

III. Erroris istos Concilium Tridentinum sess. 13. can. 1. damnavit his verbis. *Si quis negaverit in sanctissime Eucharistia Sacramento contineri vere, realiter, & substantialiter corpus, & sanguinem una cum anima, & Divinitate Domini nostri Iesu Christi, ac proinde totum Christum; sed dixerit tantummodo esse in eo ut in signo, vel figura, aut virtute; anathema sit.* Hunc canone eruit Tridentinum ex perpetua Ecclesiæ traditione.

IV. Lutherus nobiscum hæresis Calvinistas postulat, quod negent veram, realem, & substancialē Christi præsentiam in Eucharistia. Contendit vero simul cum substancialia corporis Christi permanere substancialiam panis. Heinc ejus gregales *Impanatores*, seu *Panistæ* dicti sunt. Hunc errorem damnavit sess. 13. c. 4. Tridentinum, & dogma perpetuum Ecclesiæ catholicae confirmavit his verbis. *Quoniam autem Christus Redemptor noster corpus suum id quod sub specie panis offerebat, vere esse dixit, ideo persuasum semper in Ecclesia Dei fuit, idque nunc denuo sancta hæc Synodus declarat, per consecrationem panis, & vini, conversionem fieri totius substancialiæ panis in substancialiæ corporis Christi Domini nostri, & totius substancialiæ viæ in substancialiæ sanguinis ejus: quæ conversione convenienter, & proprio a sancta catholica Ecclesia Transubstantiatio est appellata.*

V. Paucis exposito dogmate catholico, Tridentinum exponit modum quo Christus existit in hoc Sacramento. Vi horum verborum, *Hoc est corpus meum, directe ponitur corpus Christi. Per hæc alia verba, Hic est sanguis meus, directe ponitur sanguis Christi.* Vi autem concomitanæ ea omnia ponuntur quæ corpori Christi sunt unita: & quia corpus sanguini, & animæ, & Divinitati unitum est; immo corpus ipsum subsistit per substantiam Verbi: ideo ubi est corpus Christi, cum eodem hæc omnia sunt. Et sic in Eucharistia per concomitantiam anima, substancialiæ Verbi, Divinitas speciali modo in hoc Sacramento sunt, ut sess. 13. c. 3. Tridentinum perspicue exponit.

VI. Quæst. i. *An Christus sit totus in qualibet specierum parte?* RESP. Si partes separantur, in qualibet totum Christum exi-

stere definitivit sess. 13. can. 3. Tridentinum. Disputant vero Theologi, num ante separationem hostiæ totum Christi corpus sit in tota hostia, & totum in qualibet parte? Adfirmantem sententiam 3. p. q. 76. a. 6. defendit S. Thomas. Non est corpus Christi in hoc Sacramento tanquam in loco, quia est ibi modo sacramentali. Sed modus iste fugit ingenioi nostri aciem.

VII. Quæst. v. *An accidentia, seu species sacramentales corrumpi, & nutritre valent?* RESP. Certum est remanere post consecrationem accidentia quæ afficiebant panem, & vinum. Experientia vero constat ea corrumpi post consecrationem posse, sicut antea. Quantum temporis requiratur ad corruptionem in stomaco recipientis Sacramentum, nihil certi statui potest. Non requiri vel horæ medietatem omnes adfirmant. In uno citius, in alio tardius corrumpuntur. Quare per quadrantem saltem se colligere Sacerdos debet post celebrationem in tanti sacramenti reverentiam.

VIII. Quæst. iii. *An Christus in Eucharistia adorandus sit cultu laicæ?* RESP. Adfirmant omnes Catholicæ, & veritas definita est sess. 13. can. 3. a Tridentino. Religiose quoque, & sancte custoditum in templis Eucharistia, quidquid blaterent Protestantes, sicut pie & sancte publicæ fidelium adorationi exponit.

C A P U T III.

De Eucharistia ministro, & de illis quibus administrari debet.

I. Quæst. i. *An solus Sacerdos sit dispensandæ Eucharistie minister ordinarius?* RESP. Episcopi, & Sacerdotes sunt administrandi Eucharistie ministri ordinarii, ut 3. p. q. 82. a. 3. evincit S. Thomas, & confirmat Tridentinum sess. 13. c. 8. Ministri extraordinarii sunt Diaconi in utraque Ecclesia orientali, & occidentali. Præcis sæculis Diaconi dispensabant calicem Sanguinis Domini, etiam sublata necessitate. Juxta præsentem Ecclesiæ disciplinam, justa dumtaxat ex causa Episcopi, & Sacerdotes committere Diaconis queunt ut Eucharistiam administrent. Non tamen Clericis Diacono inferioribus, & multo minus laicis licitum est vel sibi, vel aliis communionem administrare in Ecclesia Latina, quia plures canones id vetant. In extremo necessitatis casu potest Sacerdos seipsum communicare.

sicut & Diaconus. Immo solius devotionis fine, si desit idoneus minister, posse semetipsos communicare Sacerdotes, & Diaconos, contendunt multi. Sed spectanda est hodierna disciplina.

II. QUEST. II. Tenerit ne Parochus tempore peritis cum vita periculo communicare suos Parochianos? RESP. Omnes curam animarum habentes, Papa, Archiepiscopi, Episcopi, Parochi, Rectores, Superiores tempore peritis, vel epidemiarum astricti sunt cum vita periculo administrare subditis suis Sacramentum Eucharistiae. Disputant, num administrare tali tempore queant in cochleari argenteo praefati ministri Eucharistiam infirmis. Alii adfirmant, negant alii. Spectandae circumstantiae sunt, & Episcopi iudicio liberandum. Tunc licite instrumentis maxime uti possunt, cum ministrorum penuria vigeret. Superiores, qui mortis periculum in his casibus pertimescerent, non pastores, sed mercenarios se proderent.

III. Urgente articulo mortis licitum esse petere Eucharistiam a Sacerdote excommunicato, schismatico, & haeretico docent Theologi plures, dummodo absit scandalum, & Religionis contemptus. Graviter peccant Sacerdotes administrantes Eucharistiam absque superpelliceo & stola, ut communis & vera sententia docet. Ritus itaque Ecclesia in hoc augustissimo Sacramento administrando observantur exactissime.

IV. QUEST. III. Administranda ne parvulis est Eucharistia? RESP. Certum est olim in utraque Ecclesia orientali, & occidentali una cum Baptismo administratam fuisse Eucharistiam parvulis; quæ disciplina etiamnum obtinet in Ecclesia orientali. Quinque abhinc saeculis disciplina haec abrogata fuit in Ecclesia Latina. Utramque disciplinam commendat Tridentinum *eff. 21. c. 4.*

V. Energumenis, qui diuturna turbatione vexabantur a maligno spiritu, denegatam fuisse sacram communionem colligitur *ex can. 29. Concilii Illiberitani:* sub vita termino illis concedebatur. Exempla plura perhibent, energumenos vi hujus Sacramenti sanatos esse. De his, & de amentibus *3. p. q. 80. a. 9.* loquitur S. Thomas. Amentibus a nativitate non esse hoc Sacramentum administrandum; illis vero qui antequam in amentiam incidenter, dederunt pœnitentie signa, & in extremo sunt periculo constituti, administrandam esse Eucharistiam docent. Verum ad hoc quod attrinet, spectari circumstantiae debent, nec regula generalis prescribi potest.

VI. Suppicio extremo plectendis non est deneganda Eucharistia, ut olim siebat in Hispania, cuius morem improbat Dominicus Soto. Disciplina quæ nunc obtinet, servanda.

VII. QUEST. IV. An concedenda sit Eucharistia publicis peccatoribus? RESP. Animadvertisit S. Thomas *3. p. q. 80. a. 6.* duplicitate modo peccatorem dici publicum. Primum per confessionem ipsius delinquentis, per testium depositionem, & iudicium publici sententiam: & is dicitur publicus publicitate juris. Secundo per evidentiam facti, ut sunt feneratores, raptores, histrioines, mimi, mimæ, saltatrices. Publicis peccatoribus denegandam esse Eucharistiam petentibus, satentur omnes. Ministri enim instituti sunt dispensatores prudentes mysteriorum Dei. His dictum est Matth. 7. *Nolite sanctum dare canibus.* Peccatori publico secreto emendato deneganda Eucharistia est, si publice petat, usquedum publicum scandalum auferat. Peccatori occulto publice petenti Eucharistiam, concedenda est, quando denegari nequit sine eiusdem infamia. Si occulte petat, denegari debet. Si peccatum tamen notum sit ex confessione, denegari Eucharistia non potest, & oppositam opinionem damnavit Innocentius XI. Si peccator hoc in loco publicus, alio perget ubi sit occultus, denegari eidem Eucharistia non debet, ut opinio mihi probabilior defendit.

VIII QUEST. V. Potestne Sacerdos ob mentem monis, aut notabilis sue infamie administrare Eucharistiam publico peccatori? RESP. Adfirmans opinio mihi falsa est. Nam sanctum dare canibus non licet, etiam vitanda mortis causa. Nec minus falsa est opinio docens, posse Sacerdotem peccatori occulto porrigerre hostiam consecratam. Quoniam, inquit *3. p. q. 80. a. 6.* S. Thomas, Sacerdos iste facit idolatrias illos qui credunt hostiam consecratam. Non minus peccat Sacerdos qui ad evitandam infamiam peccatoris in os ejusdem simulat se immittere hostiam. Haec mendax simulatio sive Eucharistiae, sive Pœnitentiae sacrilega est, & scandali plena.

C A P U T IV.

De necessitate istius Sacramenti, ejusque effectibus.

I. D ivinum nunc mandatum paucis exponam. De fide est Sacramentum Eucharistiae in re suscepimus non esse necesa-

sarium necessitate medii, ut definivit Tridentinum *sess. 21. can. 4.* Disputant Theologi num faltem necessarium sit in voto necessitate medii? Negat Turnely, si sermo sit, inquit, de voto proprio dicto. Dissidium potius de voce est quam de re. Sententia probabilior est quam docet ex Augustino S. Thomas 3. p. q. 73. a. 3. necessariam esse Eucharistiam in voto non explicito, sed implicito. Eucharistia est finis omnium sacramentorum, quae strictiori vinculo nos Christo conjungit, & membra ejusdem peculiari ratione nos efficit. Ergo dum quis Baptismum suscipit, votum faltem implicitum habet suscipiendo Eucharistiam.

II. Quæst. i. *Est ne Eucharistia necessaria vi præcepti divini?* **RESP.** Adfirmant communiter omnes cum S. Thoma 3. p. q. 80. art. 2. probaturque Christi verbis: *Nisi manducaveritis carnem &c.* idque definitum est a Concilio Tridentino *sess. 13.* Quod præceptum obstringit omnes adultos. Quoniam divinum mandatum absolutum est, & universale. Ergo omnes comprehendit. Urget vero hoc præceptum præsertim mortis articulo urgente. Consuetudinem deferendi Eucharistiam ad infirmos antiquissimam esse afferit Tridentinum *sess. 13. c. 6.*

III. Quæst. ii. *Qui paulo ante quam incideret in mortis periculum communicavit, astringitur ne iterum sumere sacram Viaticum?* **RESP.** Adfirmat probabilior, & communior sententia. Qui tamen eodem die ex devotione communicavit, si in mortis periculum incidat, non tenetur eodem die Viaticum sumere, quia consuetudo Ecclesia est ut bis non sumatur Eucharistia eodem die. Si quis vero fervore succensus in extrema constitutus lueta peteret sacram Viaticum, ut securius saluti sua consuleret; ego sane eidem illud administrarem, licet olim fuerim anceps.

IV. Qui semel sumpsit Viaticum, si post incidat in peccatum, non tenetur eodem, aut altero die sumere Viaticum. Si vero plures supervixerit dies, puta octo, decem, poterit eidem iterum administrari.

V. Quæst. iii. *An hoc divinum præceptum pluries obliget?* **RESP.** Adfirmant omnes. Regula generalis prescribi nequit. Ecclesia pro fidelium communitate statuit semel in anno esse communicandum. Quisque fidei sui propriæ infirmitatis, & fervoris conscientia, & prudens Confessarius, qui ejusdem conscientiam dirigit, possunt determinare istius sacrae medicinæ frequentiam.

Tom. II.

VI. Quæst. iv. *Obligat ne hoc divinum præceptum ut Eucharistia sumatur sub utraque specie?* **RESP.** Distinguenda est disciplina Ecclesiæ a præcepti obligatione. In Ecclesia Latina usque ad sæculum xii. in Græca etiamnum obtinet disciplina communicandi sub utraque specie etiam quoad laicos. Sæculo xiv. nonnulli Boemi carpere Ecclesiæ Latinæ disciplinam ausi sunt, dictique Calixtini, quorum audaciam comprescit Concilium Constantiense an. 1415. statuitque servandam esse inventam disciplinam, & tandem Concilium Tridentinum *sess. 21. can. 1.* definitivum communionem sub utraque specie non esse laicos, seu non sacrificantibus necessariam neque necessitate sacramenti, neque necessitate præcepti divini. Dicit enim c. 6. Joannes: *Si quis manducaverit ex hoc pane, vivet in aeternum.* Suffragatur quoque Ecclesiæ traditio. Vide Tom. 8. lib. 3. diff. 1. cap. 9.

VII. Quæst. v. *Quinam sint Eucharistiae effectus?* **RESP.** 1. Est augmentum gratiæ. 2. Intima cum Christo, & cum fratribus coniunctio. 3. Spiritus delectatio, & interna cordis dulcedo. 4. Spirituale robur adversus dæmonis tentationes, mundi præstigia, & peccatorum illecebras. 5. Remissio venialium peccatorum. 6. Remissio poenæ. 7. Sensum, & appetituum compressio. 8. Immortalitatis, & resurrectionis semen. 9. Perseverantia finalis, cui vita æterna succedit.

C A P U T V.

De dispositionibus ad Eucharistiam: & de frequenti Communione. Plures quorundam opiniones refelluntur.

I. **D**Uplex dispositionum genus. Primum removet impedimenta, nempe peccata mortalia; alterum animam virtutibus exornat. De primo in præsens. Novatores solam fidem pro dispositione requirunt; sed horum errorem proscriptit *sess. 13. can. 5.* Tridentinum. Prima dispositio est mundities a culpa mortali. Qui post absolutionem recordatur se aliquod crimen perpetrasse, quod ex inculpabili oblivione non est confessus, debet ante communionem illud confiteri, ut communis, & vera sententia docet. Non desunt Theologi, & quidem magni nominis, qui requirunt immunitatem ab affectu ad peccata venialia, ut fructus Eucharistiae percipientur. Alii docent affectum ad venialia diminuere quidem servo-

H 3

rem,

tem , secus impedire Eucharistiae fructus . Hoc dissidium excitare nos debet ad detestanda ipsa venialia crimina , cum juxta omnes caritatis fervorem diminuant .

II. QUEST. I. *An præceptum de premitenda confessione ab eo qui est in peccato mortali , si divinum , vel humanum ?* RESP. Humanum dumtaxat esse contendunt plures . Theologi communiter divinum esse adfirmant , declaratum a S. Paulo 1. Cor. 11. inquit : *Probat autem se ipsum homo , & sic de pane illo edat , & de calice bibat : & rursus : Sancta sancte tractanda sunt .*

III. QUEST. II. *Quid sentiendum de interpretatione aliquorum in præceptum Tridentini confitendi quamprimum ?* RESP. Si Sacerdos urgente necessitate in peccato mortali celebravit contritus , jubet Tridentinum ut quamprimum confiteatur . Disputare non pauci cœperunt de more , utrum præceptum hoc sit , an consilium ? Consilium dumtaxat esse aliqui adfirmarunt ; sed horum opinionem damnavit Alexander VII. n. 38. *Mandatum Tridentini factum Sacerdoti sacrificanti ex necessitate cum peccato mortali confitendi quam primum , est consilium , non præceptum .*

IV. QUEST. III. *Quid dicendum de interpretatione P. La-Croix , Viva , & aliorum in prefatum Tridentini decretum ?* RESP. P. Claudius La-Croix l. 6. p. 1. de Euch. n. 546. §. 4. hæc scribit . „ Docent Suar. Vasqu. „ Sayr. March. Nug. Lugo , Diana , Dicac „ fili. Avver. Joan. Sanch. Gob. Pelliz. Lean „ der. & in hoc convenienter fere omnes , „ inquit Moya citans valde multos , „ quod Sacerdos non tenetur hoc precepto , si „ habens copiam Confessarii non sit confessus „ ex malitia : quia licet gravius peccet , ta „ men in præceptis positivis non valer ar „ gumentum a minori ad majus , vel ad si „ mile , uti cum communi docet Lugo „ Tridentinum autem loquitur de eo qui „ necessitate urgente celebravit sine confessio „ ne pravia . Sed si fuerit copia Confessarii , „ non fuit necessitas urgens celebrandi absque „ confessione prævia . Ergo tunc non tenetur „ ad confitendum quamprimum . Hæc sententia „ est PROBABLIS . „ Hanc eamdem opinio „ nem defendit P. Viva in Trut. in prop. 38. Alexand. VII. n. 12. & in Cur. Th. q. 4. a. 7. n. 3.

V. Tridentinum jubet ut Sacerdos qui , necessitate urgente , & Confessarii copia de flitutis in peccato mortali celebravit , quamprimum confiteatur : quoniam jure naturali , & divino *sancta sancte tractanda sunt*. Qui

vero nulla urgente necessitate , qui habens copiam Confessarii ex mera malitia in peccato mortali celebra , neglecta confessione , is , inquiunt citati Probabilistæ , non tene tur quamprimum confiteri : quia in præceptis positivis non valer argumentum a minore ad majus , vel ad simile , uti cum communi Lugo . Nisi hoc sit paradoxon inauditum , fat ector me nihil sapere . Præceptum Tridentinum declarat ius naturale , & divinum , quod *sancta sancte tractanda sunt* , definitque ut , si urgente necessitate , & deficiente copia Confessarii Sacerdos confiteri non possit ante Missæ celebrationem , quamprimum con fiteatur . Hoc præceptum Tridentinum , ut dixi , est declaratio juris naturalis , & divini . Ergo si quamprimum tenetur confiteri Sacerdos qui necessitate coactus ad evitandum scandalum , & ut populo fideli succurreret , celebravit in peccato mortali ; jure longe , & quam maxime potiori astringitur quamprimum confiteri Sacerdos qui nulla necessitate pressus , sed ex mera malitia in peccato mortali celebravit . Et hoc adeo evidens est ut sufficiat sensus communis a præjudiciis vacuus ad hanc veritatem per cipendam . Porro si in veritate adeo lucu lenta præjudicia excant vel ipsos pios doctosque autores ; quid expectandum est in questionibus ambiguis , & difficultatum involucro implexis ?

VI. QUEST. IV. *Quid de contritione , quam præmittandam a laico conscienti peccati mortalis docet P. Tamburinus , urgente necessitate ?* RESP. P. Tamburinus loc. cit. §. 7. n. 56. sequentem opinionem scribit . „ De laico „ non est difficultas . Satis enim est , si eli „ ciat (contritionem) immediate ante ipsam „ sumptionem : & quia sumptio seu man „ ducatio substantialiter fit cum cibum de „ glutinus , seu trajicimus , non autem dum „ ille est in ore , quando solum initiative „ est sumptio , ideo PROBARILLISSIMUM pu „ to satis esse , si actus contritionis fiat , cum „ ore habetur sanctissima hostia . Ita de Lu „ go de Euchar. dis. 12. n. 22. Hurtas „ do de Euch. diff. 8. alike . „

VII. Dum has , similesque opiniones modo deridendas , modo deplorandas exhibemus , clamores contra nos ingeminantur . Sed ora obtestorque vel ipsos prudentes Probabilistas , ut ipsi definiant , num permit tentum sit ut a christianis Lectoribus hæc paradoxa inaudita legantur , sine prævio monito , quo ab iisdem sibi caveant . Quid ? Hostia sacrosancta Christi in ore , & dia bo-

bolus regnans in corde? In eodem homine Deus, & diabolus? Recipiat sceleratus homo Sacramentum in ore; & antequam hostiam trajiciat in stomachum, tunc elicit actum contritionis: quia dum est in ore, est initiative sumptio, dum trajicimus, manducatio substantialiter fit? Quis sine lacrymis sustinere potest hæc proponi, & suaderi populo christiano, ut probabilissima, nedum probabilia morum documenta? Docet Tamburinus cum ceteris Probabilistis, vel ipsam imperfectam contritionem sola inchoata caritate formatam, adeo difficilem esse, ut Rigorismi notet sententiam requirentem ejusmodi contritionem: & nunc adeo facilem existimat, ut inter sumptionem hostiae initiative, & deglutionem consummative judicet elici posse non imperfectam, sed perfectam contritionem. Sat est descripsisse opinionum istarum deplorabili commenta: nec enim longius confutari merentur.

VIII. QUENT. v. *Quid dicendum de opinione P. Vasquez, & Leandri assertorum, Sacerdotem mortaliter peccanteum in ipsa celebratione Missæ non obstringi ad confitendum quamprimum?* P. Leander ir. 7. disp. 7. q. 1. proponit hanc questionem. his verbis: „*An Sacerdos, qui in ipsa actione sacrificandi recordatur peccati mortalis, aut forte illud committit, tenetur postea ex vi dicti precepti quamprimum confiteri?* Probabiliter respondeo, non teneri eo præcepto, quia Concilium fuit locutum de Sacerdote qui necessitate urgente absque prævia confessione celebravit, idest de Sacerdote qui necessitate coactus non præmisit confessionem, antequam ad celebrandum sacrificium accederet.... non vero de Sacerdote qui celebrando committit peccatum, aut illius recordatur. Ergo quantumvis tunc confessio cret, atque communicet absque confessione, ne, non tenebitur postea quamprimum confiteri. Sic Vasquez disp. 208. cap. 3. n. 2. *Sayrus, Diana.*“

IX. Quæ lex consistere valet ejusmodi interpretamentis admissis? Qui in ipsa celebratione Missæ perpetrat mortale flagitium, non tenetur quamprimum confiteri? Inauditum mihi est paradoxon istud. Nec minus laxa est altera opinio Tamburini de meth. Com. c. 1. n. 63. & Leandri q. 8. qui docent laicum assidentem mensæ communioonis posse suscipere Eucharistiam, non præmissa confessione mortalis peccati, cuius recordatur, etiamsi absque scandalio recedere valeat: quia, inquit Leander, *cum quodammodo*

do inchoata sit actio sacra, non debet ob reverentiam Eucharistie recedere a divina illa mensa. Sic docent, & resolvunt casus temporum Doctores temporum. Verum enim vero Evangelium Christi clamat, seu Christus ore Evangelistæ Matth. c. 5. Si ergo offers munus tuum ad altare, & recordatus ibi fueris, quod frater tuus habet aliquid adversum te; relinqu te ibi munus tuum (N. B.) ante altare, & vade prius reconciliari fratri tuo, & tunc veniens offeres munus tuum. Quid ad hæc Casuistæ citati? Hic non est sermo de sumptione sacratissimi corporis Christi, sed de oblatione munieris. Non est sermo de peccato mortali offerentis, sed de ita, & indignatione in alterum fratrem. Oh quam distat Theologia Christi a Theologia istorum Casuistarum! Tamburinus, & Leander docent non recedendum a mensa sacra, etiamsi nullum timeatur scandalum; alii cautores docent, tunc recedendum non esse cum timetur scandalum. Sed scandalum istud, quod exaggerant Casuistæ, contemnendum Christus docet in laudato textu. An tribunal Pœnitentia non admis omnes? An prætermittendum sacramentum Pœnitentia, ne homines dicant nos esse flagitorum reos? Quod vir, aut femina christiana recedant a sacra mensa, non scandalum, sed probitatis argumentum perhibent. Adstantes enim inferunt: Recordatus ille est alicuius culpæ, vel dubius evasit, & noluit conscientia perplexa sacrosanctum Christi corpus suscipere. Ergo scandalum quod plures Casuistæ obtradunt, chimericum est. Tot Sacerdotes, tot Christiani, & Christianæ gravissimum ingerunt scandalum propter frequentes celebrations, & communiones, ex quibus nullum fructum, nullam morum reformationem præserunt. Tot procaces feminæ, impudentes, expudoratae, quæ continenter cum amasiunculis converuantur, quæ choreas, theatra, ludos, comedias frequentant, simulque ad altaria accedunt, quæ Christum cum Belial conjungere pertentant, & lucem cum tenebris, scandalum gravissimum populo christiano ingerunt. Hoc est scandalum in quo tollendo toti simus oportet.

X. QUENT. vi. *Quid dicendum de opinione P. Tamburini docentis, dari posse casum in quo communicans in mortali novum peccatum non committat?* RESP. P. Tamburinas lib. de meth. Com. c. 1. §. 10. n. 71. ut viam sibi sternat ad sacrilegium honestandum lectorem suum animat his verbis. *Tam benigna*

Sunt visceria misericordiae Domini, ut non dignetur excusare aliquando pervicaciam nostram. Invenio enim unum, vel alterum casum, in quo quis purissimam communionem in peccato sumere sine peccato possit. Ne vero adversarii mei de more imponere imperitis queant, me truncatas referre Casuistarum opiniones, rescribam totidem verbis Tamburini decisionem, quæ ejusmodi est.

XI. „ Etenim ex supradictis constat, Sa-
„ cerdotem qui incepta bona fide Missa,
„ recordatur se mortalis culpæ reum, de-
„ bere elicere actum saltem a se existima-
„ tæ contritionis. Sed jam si non possit,
„ seu experiatur actum illum sibi valde esse
„ difficultem, quid agat? Confiteri non pot-
„ est, conteri nequaquam valet, sacrificium
„ inchoatum relinquere, ob infamiam sibi
„ resultantem, difficultimum est. Quid ergo
„ ab anima sic affecta superest extorquen-
„ dum? Probabile esse ex aliorum senten-
„ tia judico, hunc non peccatum mortaliti-
„ ter, si cum hujusmodi conscientia pecca-
„ ti mortalisi, & cum eo dolore quem tunc
„ potest elicere, Missam prosequatur, con-
„ fecerit communicetque. Ita Vasquez de
„ Euch. diss. 207. c. 1. n. 34. Hurt. disp.
„ 6. de Euch. disp. 1. De Lugo de Sacr. disp.
„ 9. sett. 1. n. 8. Ratio est, quia præce-
„ ptum digne communicandi non videtur
„ tam arête fideles astringere, ut cogat Sa-
„ cerdotem cum tanto suo dedecore ab in-
„ cepto sacro discedere. Tum autem ejus-
„ modi Sacerdos non acquiret gratiam; sed
„ tamen non peccabit.“

XII. Veritas fidei est Deum impossibilita-
„ non jubera, ut definit Tridentinum sess. 6.
c. 11. Si impossibile afferunt citati auctores
præceptum contritionis, Lutheranismum,
& Jansenismum docent. Si possibile conce-
„ dent præceptum; ergo qui illud non im-
„ plent, peccant. Ergo falsa, & scandali ple-
„ na est doctrina Tamburini, & aliorum as-
„ ferentium, casum dari in quo quis purissimam
communionem in peccato sumere sine peccato
possit.

XIII. Pergit ibidem n. 73. P. Tamburi-
nus: *Idemque erit de laico, qui jam jam re-
cepturna sacram Synaxim ante linteum, nec
sub aliquo pretextu se removere valens, pec-
cati mortalis recordetur, nec CONTERI POSSIT
ita ibi . . . Par enim est ratio. NOTENT
HANC DOCTRINAM SCRUPULOSI, ANIMO-
QUE TIMIDI. Hæc doctrina, quam adoptat
ipse P. Viva, non refellenda verbis, sed
lacrymis deploranda est.*

XIV. QUÆST. VII. *Quid de dispositionibus
corporis ad Eucharistiam necessariis dicendum?*
RESP. Primum est necessarium jejunium na-
turale Ecclesie statuto præscriptum: & hæc
disciplina antiquissimam habet originem.
Plurimas disputationes quas excitant aliqui,
prætero. Infirmi urgente mortis periculo
communicare non jejni valent, sicut, &
Sacerdos ob necessitatem perficiendi sacrifici-
um, ab alio morte occupato, vel alio in-
opinato casu imperfectum relictum.

XV. QUÆST. VIII. *An licitum sit accede-
re ad Eucharistiam post conjugalem copulam?*
RESP. Plura Concilia, & communiter Pa-
tres suadent ut die ante communionem con-
juges continentiam observent. Missis pluri-
mis testimoniis unum & alterum promam.
S. Paulus 1. Cor. 7. inquit: *Nolite fraudare
invicem, nisi forte ex consensu ad tempus, ut
vacatis orationi.* Similia docet S. Petrus epist.
1. c. 3. Catechismus Tridentinus 2. p. c. 4.
§. 58. inquit: *Postulat tanti Sacramenti di-
gnitas ut qui matrimonio juncti sunt, aliquot
dies a concubitu uxorum abstineant, Davidis
exemplo admoniti, qui, cum panes propostio-
nis a Sacerdote accepturus esset, purum se, &
pueros suis ab uxorum consuetudine tres ipsos
dies esse professus est. De corporis ornatu ex-
trema vitanda sunt. Sordidas dedecet, &
irreverentiam redolet. Honesta mundities
in veste, in vultu in manibus elucere debet.
Arcendæ vero omnino sunt a sacra com-
munione mulieres illæ quæ sinn nudato, &
vanis vestibus luxum, fastum, & mundanæ
pompis præferentibus ad tantum Sacra-
mentum accedere non erubescunt. Illarum
odores, pulveres, ementita pulchritudo ani-
marum fætorem, & spurcitem longius ex-
halant.*

XVI. QUÆST. IX. *Quid de frequenti com-
munione dicendum?* RESP. Prodiit an. 1745.
Parisiis liber inscriptus, *L' Esprit de Jesus
Christ & de l' Eglise sur la frequente commu-
nion.* Hoc opus editum a P. Pichon plures
Episcopi Galliarum perdoctis epistolis pro-
scripere, & Romana Sedes damnavit. La-
ixa ejusdem paradoxa refellere in hoc compen-
dio non expedit. Extrema hac in re,
sicut in ceteris declinanda sunt. Concilium
Tridentinum sess. 22. c. 6. inquit: *Optaret
quidem sacrosancta Synodus ut singulis Missis
fideles adstantes non solum spirituali affectu,
sed sacramentali etiam Eucharistiae perceptione
communicarent, quo ad eos sanctissimi bujus
Sacrificii fructus uberior proveniret. Utinam
Christianorum mores tales essent, ut Conci-*

iii istius vota executioni mandari possent.

XVII. Laxa paradoxa in hac quoque materia docuerunt aliqui, ut ex sequentibus thesibus proscriptis patet. Ven. Innoc. XI. sequentem damnavit n. 56. *Frequens confessio, & communio, etiam in his qui gentiliter vivunt, est nota predestinationis.*

XVIII. In aliud extremum lapsi alii sunt, quorum errorem damnavit Alexander VIII. n. 22. *Sacrilegi sunt iudicandi qui jus ad communionem percipiendam pretendent, antequam condignam de delictis suis paenitentiam egerint.*

XIV. *Similiter arcondi sunt a sacra communione, quibus nondum inst amor Dei purissimus, & omnis mixtione expers.*

XX. Regulas frequentis communionis prescrispsit Innocentius XI. in suo decreto *Cum ad autes*, quod legere poteris Tom. 8. lib. 3. diss. 1. cap. 12. sicut & plura SS. Patrum testimonia pro plena istius rei instructione, qua legere poteris loc. cit. ibi invenies sacrilegarum communionum luculentissima argumenta.

DISSERTATIO IV.

De Sacrificio Missæ.

CAPUT I.

Sacrificii notio, ejusque necessitas.

I. QUÆST. I. *Quid, & quotuplex sit Sacrificium?* RESP. Sacrificium in sua ampla significatione omne opus bonum comprehendit, sive internum, sive externum, quod in Dei gloriam dirigitur. Notio Sacrificii prese accepti haec est: *Oblatio externa, soli Deo facta, qua in recognitionem supremi ejus dominii a legitimo ministro res aliqua sensibilis, & permanens ritu mystico consecratur.* Locum generis oblatio tenet. Dicitur externa, seu sensibilis, quia est actus Religionis, qua homines una convenient. Convenire autem nequeunt nisi signis sensibilibus, quibus id manifestant quod animo intrinsecus gerunt. *Rei sensibilis* Sacrificium dicitur, ut distinguatur a sacrificio cordis contriti. *Soli Deo facta.* Solus quippe Deus conditor, & moderator hominum est, principium, & finis. *In recognitionem supremi dominii.* Sacrificio hoc exteriori protestatur homo Deo servitutem, & quidquid boni habet, ab eo accepisse. Primarius enim Sa-

cificii finis est cultus Deo exhibitus. *A legitimo ministro oblatio immolanda est, scilicet a persona quæ ad hoc officium destinata est.*

II. Sacrificium dividitur 1. ratione materiæ, quæ alia est solida, ut animal, quod offerebatur in veteri lege post partam de hoste victoriæ: & ideo dicebatur *hostia*, & a victoria *victima*. Solidæ quoque res sunt panis, sal, thus, spicæ, triticum. Alia est materia liquida, ut vinum, oleum, sanguis, aqua, quæ aliquando offerebantur, & dicebantur *libamen*. 2. Ratione formæ tribuitur in holocaustum, in sacrificium seu hostiam pro peccato, & hostiam pacificam. Omnia sacrificiorum perfectissimam erat holocaustum, quod torum consumebatur. Sacrificium pro peccato partim consumebatur, partim celebrat in usum Sacerdotum. 3. Ratione finis dividitur in latreuticum, eucharisticum, impetratorium, & propitiatorium.

III. QUÆST. II. *Ad fideli dogma sit, Missam esse Sacrificium?* RESP. Variis nominibus Missæ Sacrificium appellatur. 1. dicitur *Liurgia*. 2. *Synaxis* seu conjunctio fidelium cum Christo. 3. *Oblatio* quæ in expiationem peccatorum offertur. 4. *Collecta*, seu congregatio fidelis populi. 5. dicitur *Missæ* a verbo *mittere*, sive quod Christus hostia sit a Deo missa nobis, sive quod ex donis a populo fidei missis Sacrificium fieret, sive quia peracto sacrificio populus mittitur, Diacono canente: *Ite Missæ est.*

IV. Tripli canone definit Tridentinum *seff* 22. Eucharistiam esse verum Sacrificium. Can. 1. *Si quis dixerit in Missa non offerri Deo verum & proprium Sacrificium &c. anathema sit.* Similia habentur can. 3. & 4. His tribus canonibus profligavit Tridentinum Novatorum errores. Accedit perpetua Ecclesiæ traditio, & Patrum consensus, quorum testimonia dedi Tom. 8. Lib. 3. diss. 2. c. 2.

V. QUÆST. III. *Utrum essentia Sacrificii missæ sit in oblatione?* RESP. Oblatio quæ præcedit consecrationem, est mera præparatio ad Sacrificium: est enim oblatio panis, & vini. Panis autem, & vinum non sunt victimæ Sacrificii; sed victimæ est ipse Christus Dominus. Oblatio quæ sacrificium consequitur, similiter ad Sacrificii essentiam non pertinet, cum non sit a Christo instituta, sed ab Ecclesia, sicut & prima.

VI. Oblatio sita in consecratione constituit essentiam Sacrificii Missæ. Nam Sacrificium consistit in oblatione & immolatione

victimæ sensibilis. Porro certum est in consecratione esse veram oblationem. Siquidem Christus vi consecrationis tamquam verus agnus, & victima sicutur in altari sub speciebus panis, & vini, & in quodam statu mortis constituitur, quatenus per spirituali-
lem verborum gladium, sub diversis, & separatis speciebus immolatur, & offertur Deo Patri. Hæc autem separatio mystica, quæ vi verborum fit corporis ac sanguinis, apte repræsentat separationem cruentam sanguinis a corpore in cruce peractam.

VIII. Communio Sacerdotis est pars saltem integralis Sacrificii Missæ, ut omnes fatentur. Quidam propugnant partem esse essentialiem. Quoniam sacrificium Missæ est omnium perfectissimum, & holocausti rationem obtinet. Porro sicut in holocausto tota victima consumebatur; ita in Sacrificio Missæ per communionem Sacerdotis tota victima consumitur. Sed dissidium istud parvi momenti est. Consumptio enim sacrificii de jure divino est. Quare si Sacerdos post consecrationem moritur, alter Sacerdos etiam non jejunus consumere sacrificium debet. Quare consecratio essentialiter ordinatur ad consumptionem. Similiter consecratio utriusque speciei ad essentiam pertinet Sacrificii, ut omnes Theologi affirmant. In consecratione enim fit repræsentatio passionis dominicæ. Ergo non debet corpus sine sanguine consecrari. Heinc si Sacerdos post consecrationem panis moritur, substituendus alius Sacerdos est qui inchoatum perficiat Sacrificium.

VIII. Si post consecrationem venenum deprehendatur, non debet sumi, sed debet in vasculo apto conservari, & aliud vinum consecrari, & sumi. Si animal ceciderit, debet caute capi, lavari, & comburi, & una cum cineribus mitti in Sacrarium, ut 3. q. q. 83. a. 6. ad 3. S. Thomas docet.

C A P U T II.

De valore Sacrificii Missæ. Pro quibus offerri, & a quo ministro possit.

I. **Q**UÆST. I. *Est ne infinitus valor Sacrificii Missæ?* RESP. Duplex valor: unus ex opere operato, qui ab ipso opere immediate a Christo instituto proficitur; alius opere operantis, qui est effectus meriti, & dignitatis ministri. Disputant in utramque partem Theologi, sit ne infinitus valor ex opere operato: aliam enim esse finitus omnes fatentur. Paucis questio-

nem resolvō. Si valor spectetur absolute, & quatenus exprimit virtutem, & sufficientiam, dubio procul est infinitus: quoniam Sacrificium Missæ idem est quantum ad sufficientiam ac Sacrificium Crucis. Modus dumtaxat offerendi diversus est. Si vero spectetur ut a ministris offertur in actu secundo, sic limitatus est, & finitus. Quid quod ipsum Sacrificium Crucis quantum ad applicationem effectum limitatum in nobis producit, quia dispositio subjecti finita est? Si effectus Sacrificii Missæ esset infinitus, æque prodesset omnibus ac uni vel alteri; & una sola Missa omnes Purgatori animas liberaret; & tamen Ecclesia numquam cessat ab offerendis Sacrificiis pro defunctis.

II. **Q**UÆST. II. *Qui sint effectus Sacrificii Missæ?* RESP. Concilium Tridentinum *sess. 22. c. 2.* hæc docet. *Sacrificium Missæ non solum pro fidelium vivorum peccatis, paenitentiationibus, & aliis necessitatibus, sed & pro defunctis in Christo, nondum ad plenum purgatis, rite iuxta Apostolorum traditionem offeruntur.* Cum Sacrificium Missæ sit propitiatorium, valet ad peccatorum veniam, & satisfactionem, ut idem Concilium *ibidem can. 3.* definivit. Per Sacrificium remittuntur peccata mediate, quatenus Deus peccatori gratias actuales largitur, quibus excitatur, & disponitur ad paenitentiam. Justis confert augmentum gratiæ, illisque prodest ad peccatorum venialium remissionem. Hoc quoque Sacrificio impetrantur bona temporalia, quatenus istorum usus ad vitam æternam conductit. Missæ itaque Sacrificium ordinatur ad bona temporalia, non tamquam ad finem, sed tamquam ad media quorum usus ad finem viam sternit.

III. **Q**UÆST. III. *Cui, & pro quibus Missæ Sacrificium offeruntur?* RESP. Soli Deo Missæ sacrificium offeruntur, ut Catholicæ omnes docent, sicut templa & altaria soli Deo eriguntur, & consecrantur, ut Tridentinum definit *sess. 22. c. 3.*

IV. Offerri vero Sacrificium Missæ potest pro omnibus hominibus paganis, Judeis, schismaticis, haereticis, excommunicatis, catechumenis, maxime tamen pro fidelibus. Et hoc eruditus ex ipso S. Paulo, qui *1. ad Tim. 2.* inquit: *Hoc bonum est, & acceptum coram Salvatore nostro Deo, qui omnes homines vult salvos fieri, & ad agnitionem veritatis venire.* Pro omnibus passus Christus est: ergo pro omnibus offerri Sacrificium valet. Potiori tamen jure offertur pro fidelibus, qui vinculo fidei Christo conjuncti sunt.

C A P U T III.

De eleemosynis pro Missis celebrandis.

sunt. Pro damnatis nou esse sacrificium offerendum docent omnes. Neque pro sanctis cum Deo regnantibus offertur sacrificium, quia nihil expiandum in ipsis est.

V. QUÆST. iv. *Utrum offerri Sacrificium possit pro animabus in Purgatorio detentis?* RESP. Adfirmant omnes Catholici, idque ex perenni Ecclesiæ traditione colligitur, & ex Scriptura sancta, præsertim ex 2. *Mætabœorum cap. 12.* Et hoc Tridentinum *sess. 22. c. 2.* definit: *Sacrificium Missæ non solum pro fidelium vivorum peccatis, pœnis, & satisfactionibus, & aliis necessitatibus, sed & pro defunctis rite juxta Apostolorum traditionem offerri.* Hoc idem declaravit *can. 3.* Patrum, & aliorum Conciliorum testimonia præterea brevitatis causa.

VI. QUÆST. v. *Quisnam est minister Sacrificii Missæ?* RESP. Solos sacerdotes esse ministros hujus Sacrificii semper docuit Ecclesia catholica, & adversus Novatores definit *sess. 7. can. 10.* Tridentinum. *Si quis dixerit, Christianos omnes in verbo, & omnibus Sacramentis administrandis habere potestatem; anathema sit.* Et rursus *sess. 22. can. 2.* subdit: *Si quis dixerit illis verbis, Hoc facite in meam commemorationem, Christum non instituisse Apostolos Sacerdotes, aut non ordinasse ut ipsi, aliqui Sacerdotes offerrent corpus, & sanguinem suum; anathema sit.* Christus Dominus, ut aëternus Sacerdos secundum ordinem Melchisedech, est principalis offerens. Sacerdotes offerunt ut ministri, & vicarii ejusdem Christi. Offerunt quidem ut veri Sacerdotes ad hoc ministerium ordinati sed ministerialiter. Populus fidelis offert desiderio, voluntate, & spirituali conjunctione cum offerente.

VII. QUÆST. vi. *An Sacerdotes scelerati, heretici, schismatici, suspensi, excommunicati, degradati valide sacrificium perficiant?* RESP. Sacerdotes peccato mortali inquinatos valide consecrare docent Catholici omnes. Ceteros quoque recensitos valide Sacrificium perficere docent cum S. Thoma 3. p. q. 82. a. 7. ad 3. Theologi omnes. Quoniam licet exercitium ordinis suspendi a legitimo superiore possit; potestas tamen ordinis deleri nequit. Non licet tamen vel assistere Sacrificio, vel petere communionem a Sacerdotibus excommunicatis, suspensis, degradatis, hereticis, vel schismaticis.

VIII. Licitæ sunt Missæ privatæ, in quibus soli communicant Sacerdotes, ut definit *sess. 22. cap. 6.* Concilium Tridentinum aduersus Novatores.

I. SAPIENTISSIMUS Pontifex BENEPICTUS XIV. hoc argumentum pleno in lumine posuit tum in tract. de *Sacrif. Missæ*, tum in opere *de Synodo*. Decreta integra retuli *Tom. 8. Lib. 3. Diss. 2. c. 6.* summorum Pontificum, & *Sac. Cong. Concil. Tridentini*. hoc de arguento, qua ibi videre poteris. Nunc quasdam quæstiunculas resolvam.

II. QUÆST. i. *A quo taxanda est eleemosyna conferenda Sacerdoti Missam celebranti?* RESP. Ab Episcopo, ut Congregatio Concilii determinavit, cum non possit regulæ generalis præscribi. Si Sacerdos plus eleemosynæ, quam taxatio Episcopi præscribat, exigat, non modo Ecclesiæ legem, sed ipsam justitiam commutantem lœdit. Nec requiritur, ut docent Theologi omnes, ut eleemosyna sufficiat pro integra unius diei sustentatione, quia actio Sacrificii non requirit totum diem, sed horæ medietatem. Quare Sacerdotes sacerulares non promoven-
tur ad sacros Ordines absque titulo vel patrimonio, vel beneficii.

III. QUÆST. ii. *An licet Sacerdoti diviti eleemosynam accipere, ut Missam celebret?* RESP. Si consuluntur plures antiqui canones, concedere videntur eleemosynam Sacerdoti celebraturo propter sustentationem; verum consuetudo universalis Ecclesiæ, cui standum semper est, omnibus Sacerdotibus indiscriminatim eleemosynam pro Missa celebranda permittit. Quæ consuetudo Scriptura sancta nixa est, inquit quippe *cap. 10. S. Lucas*: *Dignus est enim operarius mercede sua;* & *1. Cor. 9. S. Paulus*: *Nescitis, quoniam qui in Sacrario operantur, qua de Sacrario sunt edum; & qui altari deserviunt, cum altari participant?* Legatur integrum Apostoli caput. Quod Sacerdotes divites, aut pauperes sint, ad hoc quod attinet, per accidentem est. Qui servit altari, de altari vivat.

IV. QUÆST. iii. *Quinam Sacerdotes in celebando suspicionem simoniae præbeant?* RESP. Qui eleemosyna deficiente a celebrando defistunt. Inquit enim auctor opuscul. de officio Sacerdot. *cap. 1. S. Thomæ olim tributi*: *Non potest tamen Sacerdos illa intentione celebrazione ut ex hoc pecuniam consequatur, quia peccaret mortaliter.* Facillime sibi blandiuntur plures, & variis fucare prætextibus hanc intentionem student. Sed consulant Sacerdo-
tes

tes fervorem, & profectum quem ex celebratione capiunt, & hinc, quando mentiri sibi nolunt, colligent num principaliter celebrent ob finem Sacrificii, an ob panem lucrandum.

V. QUEST. IV. *Utrum Sacerdos possit per aliud celebrare, retenta sibi parte stipendii accepti?* RESP. Adfirmant plures, quorum opinionem damnavit Alexander VII. n. 9. Post decretum Urbani potest Sacerdos cui Missa celebrande traduntur, per aliud satisfacere, collato illi minori stipendio, alia parte stipendii sibi retenta. P. Viva in hac prop. 9. num. 8. refert laxam opinionem Bordoni afferentis non peccare contra iustitiam, sed solum contra obedientiam debitam Pontifici Sacerdotem praefatum: in quam opinionem hoc probabilisticum judicium profert P. Viva: *Quamvis hoc non careat sua probabilitate, videtur tamen probabilius &c.* Si sua non caret probabilitate haec opinio; ergo vi Probabilismi executioni demandari potest.

VI. P. Tamburinus lib. 3. Meth. Miss. cel. c. 1. §. 5. n. 15. inquit: „Si quis, cum sit procurator, ut centum v. g. Missæ celebrentur, quæ Missæ in hac urbe solent dici v. g. pro ducentis juliis: si quis, inquam, per industriam suam mittat, seu eat ad aliam urbem, ubi intra expostulum latum tempus dicantur pro centum juliis, puto non esse improbatum posse tales procuratorem retinere sibi alios centum. Ratio est, quia sumi potest paritas a servo qui per extraordinariam industriam (nam ad ordinariam, & moralem obligatur ex ipso famulatu) per suum laborem emit res minoris quam valeant communiter in foro: potest enim retinere quod superest, utpote fructum sue industrie. Pari ergo modo in casu nostro. „ Lepidissima comparatio profani famulatus cum procuratoribus quibus celebrandarum Missarum cura demandata est. Omnia per probabile, & per non probabile licita sunt. Sordidissimus questus in ipsa Missarum celebratione insinuat. Vir christianus vix talia cogitaret, nisi scripta illa offenderet. Famuli locarunt operas suas domino. Quare vix contingere, aut saltem raro potest ut extraordinaria industria lucrari sibi valeant, cum tempus impendendum in industria extraordinaria venditum domino sit. Sed gratis concessio famuli lucro, id extendere ad procuratores Missarum a veritate, & honestate abhorrente videtur.

VII. P. Dominicus Viva in Trut. in prop.

Alex. VII. n. 8. inquit: „Si Collectores eleemosynarum pro Missis sint Sacerdotes, & non tradantur iis Missæ celebrantes, sed se habeant ut laici, qui curant Missarum celebrationem, poterunt ex Nav. Cord. Tambur. probabiliter contra Peliz. Soto l. 9. de iust. q. 3. moderatam pro labore mercedem ex datis pro Missa suscipere, cum id videatur licitum iure naturæ. “ Papæ! ius naturæ permittit ut de oblationibus collatis a fidelibus pro sacrificio Missæ Sacrificio celebrando, mercedem accipiant Sacerdotes, dummodo in colligendis eleemosynis se habeant ut laici, non ut Sacerdotes? Ambarum opinionum Tamburini, & Viva praxim prohibuit BENEDICTUS XIV. in sua Constitutione 22. cuius initium *Quanta cura*; ubi inter alia haec habentur. Prohibentur mercimonia super eleemosyna Missarum; hoc est, qui eleemosynas colligunt in iis locis in quibus stipendia, sive eleemosyna pro missis sunt pretii majoris, Missas vero celebrare curant in locis in quibus pro minori pretio celebrari solent; si laici sint, excommunicationem; si vero clericci, vel Sacerdotes, suspensionem a solo Romano Pontifice absolvendam incurvant. Vide quæ idem Pontifex scribit lib. 5. de Synod. cap. 8. num. 9. & cap. 9. n. 2.

VIII. Beneficiarius, quando per aliud celebrare cogitur, liceo præbere valet consuetam eleemosynam, tametsi ex beneficio majorem ille percipiat, ut sacra Congregatio determinavit. In Missis itaque quas Manuales vocant, vetitum est celebrare per alios, collato minori stipendio quam acceptum sit. Dum quis Sacerdoti singulari probitate instituto Missam celebrandam committit, collato majori stipendio, is celebrare per aliud non debet, etiam collato integro stipendio. Plures alias quæstionculas excitant hic aliqui quæ mercimonium redolent, & fastidium ingerunt.

IX. Sacerdos, qui exigua stipendia accipit a pluribus, singulis Missam promittens nequit una sola Missa satisfacere. P. Viva qu. 5. arr. ult. n. 9 inquit: „Verum Trul. lench. & Tamburinus lib. 3. cap. 1. §. 3. probabilem putant sententiam Suarez docentis, eo in casu posse id concedi Sacerdoti pauperi, quando paupertate coactus consentit. “ Haec opinio improbata est c. 14. decr. Sagr. Congreg. Plura ex Tamburino, aliisque Probabilistis congerit P. Viva, ut ostendat sententia Suarez non opponi decretum sacre Congregat. sed num. 10. fate-

fatetur cum Lugo, decreto Congreg. prohibeti ne sententia P. Suarez ad praxim reducatur. Et tandem præter morem concludit: *Censo tertio sententiam Suarez esse falsam.*

X. QUEST. v. An sacerdos possit accipere duplex stipendium, alterum pro officiatura, ut dicitur, in Ecclesia designata, alterum pro applicatione? RESP. Adfirmant Lugo, & Tamburinus, dummodo constet unum voluisse solam præsentiam, alterum solam applicationem. P. La-Croix refert pro hac opinione Suarez, Vasquez, Pasqualigum, Averfam, aliosque; & ipse more suo nihil profert.

XI. Pontifex summus BENEDICTUS XIV. Tom. 3. Nos. 15. refert decretum Sacra Congregationis Concilii die 9. Jan. & 6. Febr. anno 1627. quod hæc continet. *An Sacerdotes qui nulla alia obligatione in Confraternitatibus, vel Monasteriis Monialium celebrant, quam pro ornato Ecclesie, vel ut Confratres, vel Moniales satisfaciant precepto audiendi Missam, possint ultra stipendium, quod recipiunt a Confraternitatibus, vel Monialibus, aliud stipendium accipere? Sacra Concilii Congregatio 9. Januarii, & 6. Februarii an. 1627. in Tragurienſi respondit, non posse.*

XII. Nequit Sacerdos duplex stipendium accipere, unum pro fructu imprecatiōnis Missæ, aliud pro fructu satisfactionis, quidquid in oppositum nonnulli olim commenti fuerint. Qui stipendium accepit pro Missa celebranda ubi, & quando voluerit, & deinde eum roget aliquis, ut certo loco, vel tempore celebret, poterit ne pro tali obligatione aliquid accipere? Sunt qui adfīment: mihi videntur ejusmodi subtilia commenta turpis mercimonii fuligine tincta esse. Similiter mihi non probatur opinio P. La-Croix lib. 6. par. 2. n. 141. quam ex P. Gobat refert his verbis: *Si tamen convenient de fructu specialissimo, aut alia parte fructus non petiti applicanda tercio, ut ei profit quantum potest, posse aliquid ideo sumi notat Gobat n. 52. dummodo admoneat dantem de incertitudine, an ei profit talis applicatio. Ejusmodi distinctiones in re gravissima mihi non probantur.*

XIII. QUEST. vi. Potest ne unica Missa pluribus obligationibus satisfieri? RESP. Quamvis Urbanus VIII. Pontifex summus hoc prohibuerit, non propterea defuere qui oppositum propugnaverint. Istorum opinionem proscripsit Alexander VII. in hac 10. thesi. *Non est contra iustitiam pro pluribus sacrificiis stipendium accipere, & sacrificium unum offerre. Neque enim est contra fidelitatem, et-*

iam si promittam, promissions etiam juramento firmata, danti stipendium, quod pro nullo alio offeram. Animadvertis Lector, hanc thesim propugnatam, & excogitatum fuisse a quibusdam Catholicis, & recogitetur serio quid expectari ab istis possit in rebus controversis, si contra veritatem adeo luculentam talia scribere potuerunt. Promisisti, jurasti pro nullo alio te sacrificaturum fore, & nihilominus sacrificias, nec peccas nec contra quidem fidelitatem? Talia ne Socrates, Plato, Cicero, Seneca, Plutarchus scripserunt unquam?

XIV. Quando quis stipendia pro Missis celebrandis accepit, non debet diu diffiri celebrationem. Diana, Lugo, Pasqualigus docent diffiri non posse ultra tres mensēs. Urbanus VIII. vetat in suo decreto ne plures Missæ acceptentur, quam quæ intra modicum tempus celebrari valeant. Tempus autem trium mensium non videtur modicum. Definiri quantitas temporis nequit; sed circumstantiae, & præfertim voluntates offerentium, & necessitates pro quibus levandis Missæ præscribuntur, attendendæ sunt. Qui celebrare Missas pro quibus stipendia accepit, non potest, id præstare debet quod vallet. Admonere offerentes, si circumstantiae permittunt, debet, ut Missas celebrari current. At fama laeditur. Heu miser! famam tuam inquis actionibus, quæ Christi Sacerdotem dedecet, prodigis; & dum satisfaciendum Deo, & proximo est, famam jactas?

XV. Qui vovit sacrificium offerre pro gratiarum actione, non potest stipendium accipere, quia præsumuntur hanc habuisse intentionem. Qui accepit stipendium ut celebret Missam de Requie graviter non peccat, si aliam Missam celebret; servanda tamen quando Rubricæ permittunt, fides offerenti, & monendus est tales Missam celebrari non posse. Anticipata Missarum celebratio, scilicet ut Missa celebranda crastino die, celebretur hodie, cum sit in offerentis comodum, culpa caret, nisi alia sit offerentis intentio. Qui celebrare tenetur omni die, semel in hebdomada reverentia causa omittere valet; nequit tamen stipendium accipere, & celebrare pro alio. Qui ex onere Capellaniæ celebrare astringitur quotidie, si ob flagitia pollutionis, fornicationis, ebrietatis &c. a Confessario suspenditur, utpote indignus, per alium Sacerdotem implere onus suum debet.

XVI. Quando testator Capellaniæ non præscribit numerum Missarum, consulendus Episcopus

scopus est. Si Capellanus ægrotet, per duos circiter menses a celebrando per alium communiter autores liberant. Verum ut ab omni dubio eximantur Sacerdotes, consulendæ sunt cujusque diœcesis leges Synodales, vel probatæ consuetudines. Nimis laxa est opinio quæ omni tempore quo ægrotat Capellanus, eum liberat ab onere celebrandi. Qui laborat caduco morbo, abstinere a celebratione debet. Si raro cadat, consulatur Episcopus, qui spectatis omnibus decidat.

XVII. Intentio applicandi Missam pro offerentibus requiritur. Non sufficit habitualis, quidquid dicant aliqui, nec necessaria est actualis; sed sufficit virtualis. Nec licita, nec valida est applicatio Missæ pro illo quem Deus novit primo daturum stipendiū, aitque La-Croix ex Bassœo Clementem VIII. id prohibuisse, quod decretum ego non vidi.

XVIII. Reductionem Missarum pleno in lumine posuit BENEDICTUS XIV. lib. 5. de synod. c. 10. ubi post multa indicata Pontificum decreta, concludit: "Attamen post Urbanum VIII. alii Romani Pontifices, videlicet Alexander VII. Clemens X. Clemens XI. Innocentius XIII. & Benedictus XIII. fere omnibus religiosis Institutis concederunt privilegium, ut Superiores generales, adhibito maturo consilio, ac nonnullis servatis regulis, in eorumdem privilegiorum litteris expressis, possent in sua quisque Religione onera Missarum, antea relicta, & acceptata, moderari: eodemque facultas a san. men. Benedicto XIII. facta fuit omnibus Episcopis, qui per se, vel per suos procuratores interfuerunt Concilio Romano, habitu 1725. ut videre est in eadem Concilio tit. 15. cap. 8."

XIX. QUEST. vii. Quibus diebus animarum curam gerentes applicare Missam pro commissso sibi grege debent? RESP. Variæ de hac re olim inter autores disputationes fuere. Eas omnes absulit doctissimus Pontifex BENEDICTUS XIV. feliciter regnans in sua epistola encyclica super Missa parochiali, & conventuali; cuius initium est, Cum semper oblatas, data an. 1744. Integræ epistolam retuli Tom. 8. l. 3. dis. 2. c. 6. Nunc pauca verba transcribo. Opportunum censemus Fraternitatibus vestris declarare, nobis abunde satis factum fore, vobisque prouinde satis esse posse, dum ii qui animarum curam exercent, sacrificium Missæ pro populo celebrent, atque applicent in Dominicis, aliisque per annum die-

bus festis de precepto. Lege integræ epistolam, in qua saluberrima pro Parochis documenta invenies. Rejiciuntur quoque excusationes illorum pastorum, qui applicare dictis diebus Sacrificium pro grege sibi commisso omittebant ob tenuitatem redditum.

XX. QUEST. viii. Qua hora celebrare licet? RESP. Ab aurora usque ad meridiem, ut communis sententia docet. Variæ occurseræ causæ possunt anticipandi, vel protractandi per horam hanc celebrationem. Qui sine causa legem prescripti temporis violat, peccat. Raro graviter peccari in hac materia existimo ob varias locorum consuetudines.

XXI. QUEST. ix. Quandonam licet plures eodem die celebrare? RESP. Olim plures Sacerdotes celebrabant. In praesens solum die Nativitatis Domini concessum est tres Missas celebrare. Nemo tamen ad tres celebrandas astringitur. Plures assignari casus solent in quibus iterare Missas licet. Si Parochus habeat plures parochias, & nisi plures celebret Missas, aliqua parochia Mis sa careat, tunc, inquit, binare potest. Verum etate nostra, in qua Sacerdotum copia uberrima est, vix occurrit hæc necessitas.

XXII. QUEST. x. Quo in loco celebrandum est? RESP. In Ecclesia vel consecrata vel saltem benedicta ab Episcopo, & ad Altare aut consecratum, aut in quo sit petra consecrata. Episcopus facultatem impetrare valet celebrandi extra Ecclesiam in aliquo honesto loco ob justam causam. Episcopus in itinere valet celebrare in Altari portatili tum in propria, tum in aliena diœcesi. Qua de re decretum edidit Clemens XI. an. 1703. quod integrum retuli Tom. 8. Lib. 3. Dis. 2. cap. 7. In navi quoque celebrare licitum est, dummodo absit periculum sanguinis effundendi.

XXIII. QUEST. xi. Quid de Oratoriis privatis dicendum? RESP. Concilium Tridentinum sess. 22. de celeb. Miss. prohibet ne Episcopi permittant in domibus privatis celebrari. P. La-Croix lib. 6. p. 2. n. 267. narrat Episcopos potestatem exercere concedendi oratoria privata. In Italia a solo summo Pontifice hæc facultas erigendi Oratoria in domibus sæcularium conceditur.

XXIV. In ejusmodi Oratoriis vetitum est celebrare in festis Nativitatis Domini, Epiphaniae, Paschatis, Pentecostes, Annuntiationis, Assumptionis, Apostolorum Petri, & Pauli, & omnium sanctorum, nisi aliter exprimatur in privilegio.

XXV. Satisfaciunt præcepto audiendæ Missæ die festo in his privatis Oratoriis omnes qui habitant in domo privilegiati, ut pater, mater, nurus, gener, uxor, filii, filiæ, nepotes, pronepotes, & alii per lineam regiam descendentes, & manentes sub regimine privilegiati: verbo uno, illi omnes, & soli qui in privilegio sunt expressi. Optandum esset ut Christiani hoc incommodum sustinerent invisendi supremum Dominum in illius domo. Non pauci hæc privilegia extorquent otii, & torporis causa.

XXVI. Probabilistæ plures Azorius, Cästropalaus, Pellizarius, Busenbaum, Burghaber, Gobat, quos refert P. La-Croix lib. 3. p. 1. 628. docent, satisfacere præcepto audiendæ Missæ diei festi etiam illos qui non sunt de familia in ejusmodi privatis Oratoriis, eorumque opinionem *probabilitatem* vocat ipse La-Croix. Sed hæc opinio non probabilis, sed penitus falsa est, eamque improbat Pontifex his verbis contentis in Bulla; *Volumus autem ut alii qui non sunt de familia, non censeantur liberi ab obligatione audiendi Missam in Ecclesia.* Plura alia interpretationa prætermitto.

XXVII. QUÆST. XII. *Quid dicendam de Ecclesiæ consecratione, ejusdemque pollutione?* RESP. Benedici a simplici Sacerdote Ecclesia potest ex commissione Episcopi, consecrari a solo Episcopo potest. Summus Pontifex committere simplici Sacerdoti potest ut Ecclesiæ consecret.

XXVIII. Polluitur Ecclesia 1. propter homicidium in ea patratum etiam sine effusione sanguinis, aut si vulnus sit ita letale ut ibi, vel alibi mors sequi debeat. 2. per sanguinis, aut semenis publicam effusionem mortaliter malam, atque adeo per sacrilegum actum conjugalem. 3. per sepulturam excommunicati vitandi, vel infidelis. 4. per destructionem Ecclesiæ, aut demolitionem majoris partis.

XXIX. Altare sacrificio aptum debet esse a proprio Episcopo consecratum, fixum, vel portatile. Ejusdem enormis fractio reddit illud exsecratum. Si lapis frangatur in partes duas, quarum quælibet apta sit sustinere calicem, patenam & hostiam, utraque pro ara defervire valet.

XXX. QUÆST. XIV. *An sacerdos teneatur Missam offerre?* RESP. Omnes fideles præcepto naturali, divino, & ecclesiastico per publicos ministros astringuntur Deo Sacrificium offerre. Ergo eodem jure Sacerdotes astringuntur, cum hæc duo reciproca sint. Vide

Tom. 8. Lib. 3. Diff. 2. cap. 8. Cajetanus in 3. p. q. 82. ar. 10. docuit *venialiter* dumtaxat peccare Sacerdotes qui raro aut nunquam sacris operantur. Hanc opinionem ut fallam, & laxam S. Pius V. expungi e commentariis Cajetani mandavit.

XXXI. Parochi, & omnes curam animarum habentes tenentur per seipso, & si fuerint impediti, per alios toties celebrare, quoties fideles assistere Missæ astringuntur. Neque heinc colligas solis diebus festis celebrare istos debere: nam cum pastores sint, sive quotidie, frequenter tamen celebrare tenentur, ut exemplo suo oves alicant ad divinum pabulum suscipiendum. Ceteri Sacerdotes diebus saltem dominicis, & ceteris festis celebrare debent, ut Concilium Tridentinum sess. 23. c. 14. præscribit. Ceteris diebus plus & minus iuxta majorem aut minorem fervorem celebrarent. Quamvis olim absque ministro celebrarent persecutionis tempore Sacerdotes, cessante tamen persecuzione, opposita disciplina semper obtinuit celebrandi cum ministro. Idcirco de S. Sixto dixit S. Laurentius: *Tu nunquam sine ministro sacrificium offerre consueveras.*

C A P U T IV.

De ritu, seu ceremoniis, & rubricis, quibus celebrari Missa debet.

I. QUÆST. I. *Quotuplex est ceremoniarum Missæ genus?* RESP. Duplex. Aliæ ceremoniaz præcedunt, quæ spectant locum, tempus, & personam; aliæ conitantur, suntque ipsius Liturgiæ sacrae partes. Nomine loci intelliguntur templæ, altaria, vasa sacra, lumina. Tempus indicat horam celebrandi. Ad personam attinent vestes sacræ, suntque sex; amictus, alba, cingulum, manipulus, stola, casula, seu planeta, quarum usus antiquissimus est. Vestes istæ benedictæ sint oportet.

II. Sublato urgentis necessitatibus casu nunquam licitum est absque sacris vestibus celebrare. Dum sacræ vestes induuntur, devote recitandæ sunt præscriptæ preces.

III. Necessaria sunt vasa sacra ad licitam Missæ celebrationem, nempe calix, & patena ab Episcopo consecrata. Necessaria quoque sunt linteamina, nempe corporale, pallia, & purificatorium, similiter a superiori benedicta. Corporale, & pallia linea esse debent, alba, & nitida. Mappæ super altare tres sint oportet, & crux in medio

dio altaris, quæ imaginem Crucifixi præferat non pictam, sed sculptam. Sacra vasa tangi a laicis nequeunt. Requiritur præterea velum cum bursa, quæ tangi ab omnibus possunt. Hostia consecranda apud Latinos debet esse figuræ orbicularis tam magna, quam parva. Græci utuntur hostia quadrangularis figuræ. Nemo memoriae fidens absque Missali celebrare debet. Si Missale desit, sat est ut Missam scriptam habeat.

IV. Sacerdotes veste talari ad Ecclesiam pergere debent. Non audent, inquit BENEDICTUS XIV. Tom. 2. Notif. 14. se ante Magnates absque veste talari sistere, & postea illos non pudet domo discedere veste breviore induitos & cum ea templum Domini celebraturi accedere? Vide Tom. 8. Lib. 3. Dif. 2. cap. 9. De capillitio, vulgo parrucca, plura dicenda forent, paucis dicam nudato capite celebrare Sacerdotes debere. Aliqui docent aliqualem causam sufficere ut Sacerdotes recto capite celebrent. Hoc verat Urbanus VIII. in Missali reformato. Capillitium expresse vetuit Innocentius XI. litteris encyclicis datis ad Sedis apostolicae Nuncios an. 1689. quas refert P. La-Croix lib. 6. p. 2. n. 401. qui subdit tamen: „Non obstantibus illis, videmus quotidie Sacerdotes celebrantes in capillitio facto, qui putant se per hoc satisfacere conscientiæ, si ita celebrant, habitu judicio unius, vel alterius prudentis Medici, quod aliter non possint absque periculo gravis incommode“. Nec P. La-Croix contra tantam corruptelam quidquam hiscit. Videmus quoque quotidie Sacerdotes plures Missam præcipitanter celebrare, aut potius profanare indignis gesticulationibus, lingua balbutienti, & celerrima legere, & plura alia absurdâ quotidie conspicimus. Quid Medici obtruduntur in scenam? Mutata ne est ætate nostra natura Sacerdotum divitum, & nobilium, ut factis capillitiis egeant? Antequam capillitia hæc, quæ antiqua sane non sunt, introducerentur, celebrabant Sacerdotes nobiles, & divites: celebrant hodie Sacerdotes plebejii, & mediocris conditionis. Qui celebrare, nisi sint comati, nequeunt, abstineant a celebratione. Disciplinæ ecclesiastice ritus, non adulantium Medicorum vana axiomata in Missa celebranda consuli debent.

V. QUEST. II. Quot in partes Missa tribuitur? RESP. Quatuor in partes tribuitur. 1. ab initio usque ad offertorium, & dici-

tur Missa cathecumenum. 2. ab offertorio usque ad consecrationem. 3. a consecratione usque ad communionem. 4. a communione usque ad finem.

VI. QUEST. III. Est ne peccatum mortale negligere rubricas in Missa celebranda? RESP. Sententia adfirmans communis est, nisi materiae parvitas excusat. Quoniam gravi præcepto a summis Pontificibus, & præsertim a S. Pio V. illarum observantia jubetur. Duplex rubricarum genus. Aliæ *præceptivæ*, aliæ *directivæ* appellantur. Præceptivæ dicuntur quæ jubent ut celebretur in loco sacro, in ara, in vasibus, & vestibus sacris, in materia & forma præscriptis, jejunio præcedente, & alia plura. Directivæ dicuntur quæ juxta communem Theologorum sensum non obligant sub mortali; ut orare ante & post Missam, numerus collectarum, & alia id genus.

VII. QUEST. IV. Qui omittet aliquam Missæ partem, peccaret ne mortaliter? RESP. Missæ partes ordinariae sunt confessio, introitio, Dominus vobiscum, collecta, epistola, evangelium, offertorum, præfatio, canon integer &c. Non ordinariae sunt Gloria in excelsis &c. orationum numerus, Credo, pluralitas epistolarum &c. Qui omittit deliberate partem notabilem canonis, peccat mortaliter. Qui omitteret materiam levem, etiam canonis, puta nomen unius Sancti, peccaret venialiter. Qui tamen aliquid deliberate in canone omittenter, quod corrumperet sensum, peccaret mortaliter. Nihil itaque addendum, nihilque omittendum. Sed omnia clare & distincte pronuntianda sunt. Plura hic dicenda forent de Sacerdotibus quinvis festinanter, qui intra labia missantes truncant verba, qui elata voce recitant quæ voce submissa dicenda sunt, aut contra. Tempus congruum pro Missæ celebratione nec brevius tercia hora parte, nec longius media hora esse debet. Brevitas compendii non sinit de hoc argumento latiore habere sermonem.

LIBER XI.

DE SACRAMENTO PÆNITENTIÆ.

DISSERTATIO I.

De virtute, & sacramento
Pœnitentiaæ.

CAPUT I.

Propositiones a S. Sede damnata.

§. I.

ALEXANDER VII.

Damnavit sequentes propositiones, quas ordine in decreto servato transcribo.

3. **S**ententia afferens, Bullam cœna solum prohibere absolutionem heresis, & aliorum criminum, quando publica sunt, & id non derogare facultati Tridentini, in qua de occultis criminibus sermo est, anno 1629. 28. Iulii in Concistorio sacrae Congregationis Emin. Cardinalium visa, & tolerata est.

4. Prelati regulares possunt in foro conscientiae absolvere quoscumque seculares ab heresi occulta, & ab excommunicatione propter eam incursa.

5. Quavis evidenter tibi constet Perrum esse hereticum, non teneris denuntiare, si probare non possis.

6. Confessarius qui in sacramentali confessione tribuit pœnitenti chartam postea legendam, in qua ad venerem incitat, non censetur sollicitasse in Confessione, ac proinde non est denuntiandus.

7. Modus evadendi obligationem denuntiande sollicitationis est, si sollicitatus confiteatur cum sollicitante: hic potest ipsum absolvere absque onere denuntiandi.

11. Peccata in Confessione omissa, seu oblitera ob instantis periculum vite, aut ob aliam causam, non tenemur in sequenti confessione exprimere.

12. Mendicantes possunt absolvere a castib[us] Episcopis reservatis, non obtenta ad id Episcoporum facultate.

13. Satisfacit precepto annuae confessionis qui confitetur Regulari Episcopo presentato, sed ab eo in iuste reprobato.

14. Qui facit confessionem voluntarie nullam, satisfacit precepto Ecclesie.

Tom. II.

15. Pœnitens propria auctoritate substituere sibi alium potest, qui loco ipsius pœnitentiam adimpleat.

16. Qui beneficium curatum habent, possunt sibi eligere in Confessarium simplicem Sacerdotem non approbatum ab Ordinario.

24. Mollities, Sodomia, & bestialitas sunt peccata ejusdem speciei infime; ideoque sufficit dicere in confessione, se procurasse pollutionem.

25. Qui habuit copulam cum soluta, satisfacit confessionis precepto dicens: commisi cum soluta grave peccatum contra castitatem: non explicando copulam.

38. Mandatum Tridentini factum Sacerdoti sacrificanti ex necessitate cum peccato mortali, confitendi quamprimum, est consilium, non preceptum.

39. Illa particula quamprimum intelligitur, cum Sacerdos suo tempore confitebitur.

41. Non est obligandus concubinarius ad ejiciendam concubinam, si hec nimis utilis esset ad obiectamentum concubinarii, vulgo Regalo, dum deficiente illo, nimis agre ageret vitam, & aliae epule tædio magno concubinarium afficerent, & alia famula nimis difficile inventaretur.

INNOCENTIUS XI.

I. Non est illicitum in Sacramentis conferrendis sequi opinionem probabilem de valore Sacramenti, velicta tuitore, nisi id vetet lex, convenio, aut periculum gravis danni incurriendi. Hinc sententia probabili tantum utendum non est in collatione Baptismi, Ordinis sacerdotalis, aut episcopalis.

56. Frequens confessio, & communio, etiam in iis qui gentiliter vivunt, est nota predilectionis.

57. Probabile est sufficere attritionem naturaliem, modo honestam.

58. Non tenemur Confessorio interroganti fateri peccati alicuius consuetudinem.

59. Licet sacramentaliter absolvere dimidiate tantum confessos, ratione magni concursus pœnitentium; qualis v.g. potest contingere in die magna alicuius festivitatis, aut indulgentiae.

60. Pœnitenti habenti consuetudinem peccandi contra legem Dei, naturæ, aut Ecclesie, et si emendationis spes nulla appareat, nec est neganda, nec differenda absolutio, dummodo ore proferat se dolere, & proponere emendationem.

61. Potest aliquando absolviri qui in proxima occasione peccandi versatur, quam potest, & non vult omittere; quinimmo directe, & ex proposito querit, aut ei se ingerit.

62. Proxima peccandi occasio non est fugienda, quando aliqua causa utilis, aut honesta non fugiendi occurrit.

63. Licitum est querere directe occasionem proximam peccandi pro bono spirituali, vel temporali nostro, vel proximi.

64. Absolutionis capax est homo, quantumvis laboret ignorantia mysteriorum fidei, & etiam si per negligentiam etiam culpabilem nesciat mysterium SS. Trinitatis, & Incarnationis Domini nostri Iesu Christi.

ALEXANDER VIII.

14. Timor gehennæ non est supernaturalis.

15. Attritio que gehennæ, & pœnarum metu concipitur sine dilectione benevolentie Dei propter se, non est bonus motus, ac supernaturalis.

16. Ordinem præmittendi satisfactionem absolutioni, induxit non politia, aut institutio Ecclesie, sed ipsa Christi lex, & prescriptio, natura rei id ipsum quodanmodo dictante.

17. Per illam præsum mox absolvendi ordo pœnitentia est inversus.

18. Confusitudo moderna quoad administrationem pœnitentiae, etiamsi eam plurimorum hominum sustentat auctoritas, & multi temporis diutinarias confirmet, nihilominus ab Ecclesia non habetur pro usu, sed abusu.

19. Homo debet agere tota vita pœnitentiam pro peccato originali.

20. Confessiones apud Religiosos factæ, plereque vel Sacilegæ sunt, vel invalide.

21. Parochianus potest suspicari de mendicantibus, qui elemosynis communibus vivunt, de imponenda nimis levi, & incongrua pœnitentia, seu satisfactione ob quæsum feū lucrum substidi temporalis.

§. II.

Opiniones plurium Casuistarum que videntur æquo laxiores.

HAS ego propositiones, & ceteras omnes, quas in universo hoc opere retuli, non tamquam censor affero, sed sapientum, & eorum ad quos pertinet, iudicio subjicio. Quam protestationem, tametsi pluries fecerim, iterum renovare placuit. Nemo ergo me carpere jure valet, quod judicium, & censuram superiorum præveniam, cum nullam ego his opinionibus censuram inuram; sed dumtaxat quæ imbecillitat meæ videntur falsæ, & laxæ, superiorum, & lectorum iudicio submitto.

I. P. Dominicus Viva in trut. in propos.

Innoc. XI. n. 26. „ Hinc cum videatur esse moraliter certum non requiri in Sacramento Pœnitentiae . . . propositum non peccandi de cetero formale, sed sufficere virtuale, ut videre est apud Dicastillum, AC SUFFICERE ETIAM ATTRITIONEM SUPER NATURALEM EX METU PŒNARUM TEMPORALIUM, ut a Deo vindice infligendarum, & alia hujusmodi; idcirco licite sequimur hujusmodi opinones PROBABILISSIMAS, omisssis tutoribus. „

II. P. Patrius Sporer de Sacram. par. 3. cap. 2. sec. 2. §. 2. n. 174. „ Präceptum contritionis etiam in articulo mortis non obligat hominem peccatorem usu Sacramenti cum attritione justificatum; sed ipsa attritio cum Sacramento Baptismi, vel Pœnitentiae universaliter semper est sufficiens dispositio ad justificationem, adeoque etiam in ARTICULO MORTIS. Ita Henr. Vasq. Canus, pluribusque alligatis Cardinalis De-Lugo hic disp. 7. sec. 13. Dicastillus hic disp. 6. num. 19. Layman cit. l. 5. tr. 6. c. 2. n. 7.

III. Idem P. Sporer loc. cit. 173. „ Präceptum contritionis non obligat eos qui usu Sacramenti cum attritione justificati sunt, aut justificari volunt. Communissima apud citandos infra. Ratio est, quia Christus in nova lege singulari privilegio aliud quoque medium justificationis instaurauit, scil. Sacramenta mortuorum, Baptismi, & Pœnitentiae, ut proinde modo solius contritionis perfectæ NECESSITAS DESINAT: alioquin certe Christus instituens ac præcipiens Confessionem sacramentalem, medium per se satis durum, & difficile, si INSUPER ETIAMNUM REQUERETUR CONTRITIO PERFECTA, & ipsa peccatori satis difficilis, non alleviasset, sed multum aggravasset onus legis; esse musque PEJORIS conditionis modo Christiani quam veteres olim, qui ad solam contritionem obligati per eam justificantur. „

IV. Idem P. Sporer loc. cit. §. 2. n. 175. „ Quando obligat? Per se quidem satis probabiliter in articulo, vel periculo mortis tantum. „ Postea n. 177. „ Präceptum contritionis per se tantum obligare in articulo mortis, & NUNQUAM ante, docent gravissimi Doctores D. Thomas, Cajetanus, Sotus, Navarrus, Medina, Adrianus, & aliis congestis probabilem ipse Suarez, ac mordicus defendit Dicastillus... Cum hoc præceptum pœnale sit & onerosum,

„ sum , non est extendendum , sed restrin-
 „ gendum potius ad illa tantum tempora
 „ pro quibus ejus obligatio certo nobis con-
 „ stat . At non constat nobis certo hujus
 „ præcepti obligatio pro ullo tempore , præ-
 „ ter quam in articulo mortis . Ergo &c.
 „ Vides probabilitatem hujus sententia . „

V. P. Georgius Gobatus tr. 6. n. 139.
Dico 6. Probabile quidem est nullum extare
præceptum de contritione , per se loquen-
do , elicienda ante articulum mortis ; con-
traria tamen sententia (abstrahendo a
perceptione Sacramenti) est verisimilior,
& in praxi sequenda . Prima pars proba-
tur auctoritate , & rationibus , quas pro
ea adferunt Suarez disp. 15. sec. 6. , atque
Dicastillo cit. disputatione par. 3. dub. ultimo .
Qui Dicastillo mordicus defendit illam prio-
rem partem , Suarez habente eam solum
pro probabili . „

VI. P. Dominicus Viva c. 3. q. 5. n. 8.
hanc questionem proponit . „ An peccator
qui non potest aliquo anno ex defectu Con-
fessarii confiteri , teneatur ad contritionem , an-
tequam annus elabatur ? „ Ita respondet .
Adfirmat Dominicus Soto quia præ-
ceptum pœnitendi divinum , quod ex se
indeterminatum est , jam ab Ecclesia est
determinatum ad singulos annos . . . jux-
ta illam regulam : Qui non potest quan-
tum debet , solvat quantum potest : & juxta
illam aliam : Qui non potest totum , reddat
partem quam potest .

„ Respondeo equidem cum Con. & aliis
Community NEGATIVE . Falsum est enim
quod Ecclesia determinavit tempus illud
indeterminatum pœnitendi in genere , ad
quod obligamus ex divino præcepto . So-
lum enim determinavit tempus confitendi
indeterminatum . Cum autem in tali ca-
su sit impossibilis confessio , non videtur
peccator teneri ad contritionem . Et ra-
tio ulterior est , quia cum conteri sit ali-
quid mere internum , non cadit sub præ-
ceptum Ecclesiae neque ratione sui , &
direcete , ut patet , neque ratione alterius ,
& indirecte , hoc est ratione Sacramenti
&c.

„ Ad regulas adductas : Qui non potest
totum &c. respondeo eas valere , quando
totum , & partes sunt homogenea . . .
non vero quando sunt heterogenea . „

VII. Idem P. Viva ibidem . „ Verum
quidem est quod præceptum divinum con-
tritionis obliget peccatores ad non diffe-
rendum diu , & usque ad mortem pœni-

„ tentiam . Hinc tamen non sit quod im-
„ potens aliquo anno suscipere Sacramen-
„ tum pœnitentia , teneatur saltem conteri . „

VIII. De Lugo de pœnit. disp. 7. sec. 13.
n. 261. „ Utrum in articulo mortis sufficiat
babere attritionem cognitam ? Quintum du-
biu magis difficile est , an ille qui su-
scipit Sacramentum Pœnitentia cum at-
tritione cognita , debeat adhuc sub pec-
cato mortali habere contritionem saltem
in articulo mortis . Affirmant multi ,
Suarez . . . Nugus . . . Sanchez . . . Gra-
nado . . . Valentia &c. Contrarium tamen
sententiam docent alii multi , Coninch . . .
Becanus . . . Layman . . . Figuadez . . .
Faber . . . Diana . . . Turrianus . . . Sa-
las , & alii recentiores . 262. Hec poste-
rior sententia semper mihi verior visa est . „

IX. Idem De Lugo loc. cit. n. 272. „ Di-
ces : Negari etiam non potest quod sit
probabilis sententia contraaria , quæ docet
obligationem esse eliciendi contritionem
propter illud periculum . Non potest er-
go in re tanti momenti conformare se
practice cum nostra sententia , licet sit pro-
babilius . Quia esto in aliis materiis pos-
simus sequi sententias probabiles , & ha-
bere judicium practicum juxta illas ad li-
cite operandum , id tamen locum non
habet quando id cederet in detrimentum
salutis propriæ vel aliorum . Et ideo non
possimus adhibere Baptismum cum materia
aut forma probabiliori , reliqua magis secura
& certa , quia exponeremus periculo fa-
lutem æternam , si forte illa sententia es-
set falsa . Cum ergo probabilis sit senten-
tia quam modo impugnamus , & illa sit
magis secura , non possimus practice am-
pliceti nostram , licet , speculative loquen-
do , sit probabilior .

„ 273. Respondeo , aliter loquendum ei-
se de sententia quæ negat attritionem
cum Sacramento sufficere ; aliter de illa
quæ obligationem ponit contritionis ha-
bendæ propter incertitudinem hujus re-
medii . Prior quidem probabilis non est post
Tridentinum , ut diximus , neque habet
fundamenta quæ ad probabilitatem suffi-
cient ; immo a multis gravioribus consu-
ra noratur . Posterior vero probabilis est .
Sed ejus probabilitas non impedit judi-
cium practicum , quo alquis possit in o-
perando amplecti nostram tentiam . Re-
gula enim illa , quod in operando licet se-
qui sententiam probabilem , VERA EST IN
UNIVERSUM , si sermo sit de ultimo judi-

„cio circa licitum, vel illicitum hic & nunc. Nec obstat illa regulâ, que dicit, circa materiam & formam Sacramenti Baptismi, & Ordinis, saltem Sacerdotii, non licere sequi sententiam probabilem. Nam ibi non est sermo circa licitum, sed circa valorem, verbi gratia materiæ, vel formæ.”

X. Henricus Henriquez lib. 4. Sum. c. 6. n. 5. „Qui cum attritione per absolutio- nem justificatur, non tenetur ad præce- prium connaturale de contritione formalis, quia jam remedio per se instituto, & COMPENSATIONE ex applicatione merito- rum Christi consecutus est remissionem, & in EQUIVALENTI implevit potiori, & meliori ratione finem totum, in quem contritio ordinatur. Contritio enim non remittit peccatum, nec compensat, nisi ut includit votum, & vicem Sacramenti pœnitentiae. Quare compensatione per Sacramentum applicata magis contentus est creditor Deus, quam compensatione contritionis. Alias si contritio, dum ha- beri potest, esset necessaria, obligaret PER SE, etiam dum suscipitur absolutio, quia tunc haberi potest. Ac subinde Christus in lege evangelica non LEVIGAS- SET ONUS, SED ADJECISSET GRAVE ONUS CONFESSIONIS præter necessariam contri- tionem.”

XI. P. Dominicus Viva in trut. in propos. 15. Alex. VIII. n. 20. „Nec lex gratiæ præstaret legi antiquæ, aut Mosaicæ, aut naturæ, in quibus sufficiebat contritio si ne confessione sacramentali. UNDE NON POSSET JUGUM CHRISTI DICI SUAVE, ET ONUS LEVE.... Ergo dicendum, contritionem in Sacramento non prærequiri, sed sufficere meram attritionem ex mero pœnarum metu conceptam.”

XII. P. Tamburinus lib. 1. meth. Conf. c. 1. §. 4. num. 2. „Inter motiva attritionis, de quibus num. 4. diximus, licet aliqui non admittant aliud quartum, idest timorem mali temporalis, atque adeo qui peccata execraretur propter timorem in famiæ, carceris, ægritudinis, & similium, quæ propter peccata incurri solent, legiti- tum dolorem pro Sacramento Confessionis per hos Doctores non afferret: quia hujusmodi dolor naturalis est (ajunt) non autem supernaturalis, & prout oportet ad gratiam supernaturalem obtinendam: ta- men in sententia probabilissima etiam hoc motivum est sufficiens, si hujusmodi ma-

„la temporalia timeantur ut a Deo inflicta, seu infligenda.”

XIII. Idem Tamburinus loc. cit. §. 2. n. 5. „Unde quando advertis pœnitentem tuum valde alicui criminis addictum, ne incul- ces doloris actum circa illud peculiare pec- catum. Periculum enim suberit ne illud ex animo detestetur, dum ejus specialis memoria refricatur, quod in universum, & simul cum aliis, detestandi difficulta- tem vel nullam seniat, vel exiguum.”

XIV. P. Patritius Sporer Par. 3. c. 2. sec. 4. n. 310 pag. 204. „Potest enim quis vere dolere, & detestari peccatum, ac vere & absolute proponere se de cetero non peccatum, seu firmum propositum, ac sufficiens concipere abstinenti imposte- rum; tametsi valde timeat, aut etiam existimet, immo CERTO CREDAT se ob expertam voluntatis sue instantiam, & fragilitatem suam denus relapsurum, non omnia peccata mortalia, vel hoc certum peccati genus non evitaturum. Unde si pœnitens dicat: Omnino quidem doleo, ac firmiter propono imposterum abstinere; inter- rim tamen scio, iterum faciam, iterum la- bar, jam toties expertus sum: is tanquam BENE DISPOSITUS, præmissa confirmatio- ne, ac consolatione debita, ABSOLVEN- DUS EST. Quia sensus verbi, iterum fa- ciam, est tantum indicativus, seu enuntia- tivus ex parte intellectus.”

XV. Idem Sporer loc. cit. q. 2. §. 1. n. 324. „Quando enim solum est probabile te succubitorum in tali occasione tentationi, certe etiam probabile est te non succubi- turum. Occurrunt enim graves rationes ob quas vir prudens judicat te lapsum in hac occasione; contra vero sunt etiam graves rationes aliae, ob quas alius aque prudens judicat te non lapsum. Certe hujus judicium sequendo, sine nota te- meritatis ob rationabilem causam poteris te committere huic occasioni, certo non commissurus, si scires, vel CERTO cre- deres te lapsum. Quare Confessarius non judicabit esse in occasione proxima peccandi, v. g. se inebriandi, fornicandi &c. qui in tali loco decies tentatus succum- bit solum ter, vel quater; fecus si vices, vel septies, & bis vel ter tantum peccatum vivavit, & superior evasit. Quapropter huic, non illi nolenti hanc occasionem relinquere, neganda erit absolutio. QUA Joannes Caranuel Theol. Reg. disp. 20. n. 1036. vult etiam dandam absolutio- nem

„ nem illi qui toties fuit vicit, quoties vi-
 „ etus, referente, & non contradicente P.
 „ Gobat casu 16. “

XVI. P. Georgius Gobat tr. 5. c. 32. sec.
2. n. 19. & 20. pag. 552. 553. „ Liquido
„ scio crebro fieri, præfertim inter plebe-
„ jos, & rusticos, ut eodem in lecto puel-
„ la cum poco cubent aliquot horas induit,
„ & exutis, & tamen nihil omnino impudi-
„ cum agant, vel nonnisi oscula, & turpes
„ obsecrations exerceant. Unde judico, non
„ posse a Confessario negari absolutionem o-
„ mnibus illis puellis plebejis (aliud ob va-
„ rias considerationes sentio de nobilibus)
„ quæ non videntur habere propositum nun-
„ quam amplius admittendi in lectum procum-
„ suum. “

XVII. P. Dominicus Viva q. 3. a. 4. n.
5. „ Unde inferunt Perez, Leander, Lugo,
„ aliique, posse absolviri adolescentes qui ver-
„ santur cum feminis laborando: vel con-
„ versando cum iis que in eadem domo non
„ habitant: quia licet aliquando in tali oc-
„ casione mortaliter peccent consensu, tacti-
„ bus, & etiam copula, ea tamen occasio
„ censemur de se remota. Quandoquidem
„ non solent homines ex tali occasione
„ SEMPER, AUT FERE SEMPER PECCARE
„ MORTALITER. “

XVIII. P. Gobat tr. 6. n. 261. „ Dico 6.
„ tametsi Confessionem differendo usque ad
„ articulum mortis, vel Pascha, certus sis te
„ ob hanc dilationem esse oblitum multa
„ crimina, haud tamen inde oritur tibi obli-
„ gatio confitendi citius. Ita sane tenet
„ communis sensus, ut reor, tum confiten-
„ tium, cum Confessoriorum. “

XIX. Leander tr. 5. disp. 3. q. 19. Qui
„ recipere alia Sacra menta volunt (præter Eu-
„ charistiam) tenentur ne divino jure confiteri?
hæc scribit: „ Sed certissime respondeo, non
„ teneri: quia nullum extat præceptum cir-
„ ca hoc impositum, ut clare colligitur ex
„ Trident. Sic Victor, Sylvester, An-
„ gel, P. Soto, quos citat & sequitur Suá-
„ rez, Fagundez, Lugo, Villalobos, & o-
„ mines communiter. “

XX. P. Claudius La-Croix lib. 6. par. 2.
n. 944. „ Mors, exustio domus, privatio ra-
„ tionis, motus venereus dicuntur effectus
„ peccati: & de illis queritur, an, &
„ quando secuti sunt, etiam sint simul ex-
„ plicandi in confessione; an e contra fatis
„ sit dicere: Transfodi, intendens mor-
„ tem proximi, incendi domum proximi,
„ potavi prævidens periculum ebrietatis, lo-

Tom. II.

„ cutus sum turpia prævidens motus vene-
„ reos, tacendo quod omnia ista re ipsa fecu-
„ ta sint. “

„ Probabilius videtur non esse obligatio-
„ nem per se loquendo confitendi talem ef-
„ fectum. Ita Vásquez, Salas, Granad,
„ Lugo, Bonac, &c. Licet effectus fue-
„ rit in peccato, veluti causa prævisus, aut
„ etiam intentus, tamen talis effectus pro-
„ prie dici non potest peccatum, ut pro-
„ batum est lib. 5. n. 33. cum neque in se
„ sit peccatum, neque etiam externe com-
„ pleat peccatum, secundum dicta n. 943.
„ Ergo non est obligatio illum confitendi
„ quia non est obligatio confitendi aliud
„ quam peccatum. Non obstat quod non
„ retractarit causam. Nam sive retractarit,
„ sive non, effectus manet suo modo equa-
„ liter immutabilis, non tanquam culpa,
„ sed tantum tanquam effectus culpæ præ-
„ teritæ, uti explicatum est lib. 5. n. 42.
„ & consequenter talis homo satisfaciat di-
„ cendo, Projeci Breviarium, prævidens me
„ tanto tempore non posse orare: Porrexi
„ proximo venenum, intendens ejus mor-
„ tem: tacendo, an horas nox orarit, &
„ an mors sit secuta necne. “

XXI. P. Gobat tr. 7. num. 324. „ Non
„ contrahitur, adeoque confitenda non est
„ malitia circumstantiæ mutantis speciem:
„ nisi poenitens, quando peccatum committe-
„ bat, saltem dubitaret, an non ad esset cir-
„ cumstantia talis, & an non contrahere-
„ tur propter illam peculiare peccatum.
„ Ita fert communis sensus Theologorum.
„ Utene, mi bone vir, frequenter hac regula,
„ præsertim in excipiendis confessionibus ru-
„ dium, & nominatim, quando malitia cir-
„ cumstantia est nota soli doctorum vulgo. “

XXII. P. Domin. Viva in cur. Theol.
mor. Tom. 2. par. 6. q. 5. n. 2. „ Licet te-
„ neatur poenitens respondere Confessario
„ interroganti consuetudinem peccati, cum
„ opposita sententia sit damnata ab Innoc.
„ XI. tamen per se loquendo non est
„ aperienda hujusmodi consuetudo. “

XXIII. De-Lugo disp. 16. sec. 4. §. 7. n.
202. „ Ille qui per plura perjuria compa-
„ rat consuetudinem pejerandi, eo ipso
„ constituit se in periculo & occasione pro-
„ xima pejerandi postea. Ergo debet in con-
„ fessione explicare illam circumstantiam
„ consuetudinis, quatenus includit pericu-
„ lum moralem, & occasionem proximam ad
„ peccata subleuentia &c.

„ Adhuc tamen regulariter non videtur
I 3 , ne-

„ necessario explicanda illa circumstantia : „ tum quia homines non attendunt communiter ad illud periculum morale sequentis peccati , quando aliquod peccatum committunt , nec facile discerni potest , quando consuetudo perveniat ad eum gradum , ut inducat occasionem moralem proximam aliorum subsequentem peccatorum : tum etiam quia exponere se periculo fornicationis , verbi gratia , non habet malitiam specie diversam ab ipsa fornicatione . Cum ergo explicuit in Confessione praecedenti suam fornicationem , jam explicuit totam malitiam specificam illius peccati . Nam circumstantia illa periculi , quod subiicit alterius fornicationis , non addit malitiam specie diversam , licet aggravet intra eamdem species . Unde regulariter non videtur obligandus poenitens ad fatendam necessario consuetudinem , nisi interrogetur . “

XXIV. Idem De-Lugo ibi n. 204. „ Major difficultas esse potest de consuetudine posterioris generis , quæ scil. est causa faciendi similes actus absque deliberatione sufficienti , vel advertentia . In quo casu certum imprimis videtur actus subsequentes sine deliberatione praesenti factos non esse nova peccata ; sed solum esse peccata in sua causa , nempe in consuetudine praecedenti libere volita , seu esse effectus peccati , ut cum aliis probat Thomas Sanchez . . . Suarez . . . Unde non erit necesse iuramenta sequentia absque advertentia protata in confessione explicare , sed solum causam culpabiliter antea positam , nempe consuetudinem illam volitam , aut permissam , ut notat idem Sanchez . “

XXV. P. La-Croix querit lib. 6. par. 2. n. 973. an illa que ex consuetudine mortali- ter mala postea inadvertenter fuit , sint confenda ? Resp. n. 974. „ Si supponamus , quando ista fuit , nullam proflus adesse advertentiam malitiae , talia non habebunt ullam novam malitiam , ut constat ex dictis lib. 5. a num. 16. Et consequenter cum ista in se non sint peccata , nec externe compleant peccatum aliquod internum , sed tantum sint effectus peccati secundum dicta n. 944. non est obligatio illa confendi . . . quod verum est , secundum multos cum Dicastill. quamvis illa consuetudo non sit retractata . “

XXVI. P. Tamburinus lib. 2. meth. Conf. c. 7. §. 7. n. 48. „ Dico probabile esse , nec consanguinitatem ab affinitate ex S. Thom. 2. 2. q. 16. a. 9. & Cajet. ibi-

„ dem , nec unum gradum ex his differre specie ab aliis . Sic Filliuc. dicens esse opinionem S. Th. Cajet. Soti , & fere Thomistarum , Griptus . . . Megala . . . uterque apud Dianam . Unde licet sine dubio gravius sit contra unum gradum delinquare , v. g. contra primum cum MATER , quam contra alium , v. g. cum consobrina ; tamen quia non mutatur species , puto non esse ea speciatim manifestanda in Confessione . “

XXVII. Salmantenses tr. 24. disp. 8. dub. 4. §. 2. n. 202. pag. 140. inquunt : Secundo modo contingit Confessarium inquirere de his circumstantiis , non ob motiva aliqua specialia , & accidentalia , qualia proxime recensuimus ; sed quia in ea opinione est , quod aggravantes notabiliter intra speciem debent in confessione explicari . Et tunc poenitens , quia scit saltem practice , & ex aliorum testimonio nostram sententiam negantem esse tutam , communiores , & probabiliorem contraria , non tenetur ad illam Confessarii interrogationem respondere ; sed potest cum reverentia dicere , se explicuisse quod debuit , & posse retinere quod tacet , nec ad amplius teneri : quia scit circumstantias notabiliter aggravantes , v. g. quantitatem rei ablatae , de qua inquiritur , non esse materiam necessariam confessionis . Et his dictis nequit Confessarius illum amplius cogere : nec illi ex vi hujus absolutionem denegare : quia poenitens procedit secundum tutam , & probabilem opinionem , atque adeo recte agit , & cum eo se potest , ac DEBET Confessarius conformare . “

XXVIII. P. Viva q. 5. art. 4. n. 2. „ Quare satis est in confessione dicere : Toties morose delectatus sum de copula illicita , non explicando , an cum nupta , vel cum moniali , consanguinea &c. vel toties morose delectatus sum de occisione hominum , non explicando , an sit circa patrem , vel Sacerdotem , vel inimicum , aut alterius conditionis . “

XXIX. P. La-Croix . lib. 6. par. 2. n. 1030. „ Qui sine ullo desiderio personam venere aspicit , non tenetur dicere (in Confessione) qualis persona fuerit . “

XXX. Idem La-Croix ibidem num. 103. „ Qui sine ullo desiderio venere attigit puerilam , secundum Dianam . . . Satisfacit dicendo se toties attigisse turpiter , nihil dicendo de partibus in quibus attigit . “ Subdit : „ Alii probabiliter dicunt , exprimen-

„ mendum, si partem turpem attigerit . „
 XXXI. Idem *ibidem n. 1040.* „ Qui for-
 „ nicatus est cum tribus diversis, vel ter
 „ cum una, satisfacit dicendo, se ter for-
 „ nicatum, nec tenetur dicere, an fuerit
 „ una, vel plures, an fuerint meretrices,
 „ an alia, dummodo non sit cooperatus ad
 „ impediendam generationem. Bonacina,
 „ Tamburinus. „

XXXII. Idem *ibidem n. 1041.* „ Si Sa-
 „ cerdos fornicetur cum filia confessionis, S.
 „ Th. Sot. Sanchez., & alii gravissimi auto-
 „ res, quos refert, & sequitur Aversa q. 16.
 „ §. 14. adhuc dicunt contrahi novam spe-
 „ ciem malitiæ, quia jus canonicum vocat
 „ quoddam adulterium, vel incestum: &
 „ reipsa videtur esse species irreverentiae,
 „ & sacrilegii in Sacramentum. Econtra
 „ esse simplicem fornicationem, ac posse ta-
 „ ceri, quod fuerit filia Confessionis, docent
 „ Ledesm. Vasq. Sa, Bon. Fillinc. J. San.
 „ Pontias, G. Hurt. Ochag. Dic. Tamb.
 „ Dian. Lugo: quia ex Confessione nulla
 „ oritur cognatio spiritualis, ut certum est,
 „ nec appetet cur censeatur fieri irreveren-
 „ tia Sacramento jam præterito, cum pec-
 „ catum non habeat respectum ad illud.
Utraque sententia est probabilis. Prima est
 „ conformior juri canonico; sed secunda vi-
 „ detur ex ratione probabilior. „

XXXIII. De Lugo *de pænit. disp. 16. sec.*
 3. *n. 142.* „ De circumstantia sollicitantis
 „ feminam ad fornicationem, an sit expli-
 „ canda, an vero sufficiat fateri fornicatio-
 „ nem; placet quod cum aliis docet Vas-
 „ quez, non esse explicandum illam cir-
 „ cumstantiam: quia illa malitia habetur,
 „ licet non ita gravis, quando aliquis non
 „ sollicitat: adhuc enim participat cum il-
 „ la in suo peccato, & est causa coopera-
 „ tionis ad ejus ruinam. „

XXXIV. P. Viva *q. 5. art. 4. n. 10.* „ Si
 „ quis aliam sollicitavit, & peccatum non
 „ est secutum, debet id in confessione ex-
 „ plicari: si tamen peccatum est secutum,
 „ putat probabiliter De Lugo & Tamburi-
 „ nus contra Sanchez, & Bonac. non esse
 „ explicandum, quod primus invitaveris,
 „ quia quamvis graviter peccaveris invi-
 „ tando, adhuc tamen es particeps peccati
 „ illius, etiamsi non invitaveris. „

XXXV. P. La-Croix *lib. 6. par. 2. num.*
 1072. „ Probabile est quidem quod oscula,
 „ tactus, amplexus, turpiloquia, etiam pu-
 „ blice facta in loco sacro, non habeant ra-
 „ tionem sacrilegii; ideoque opus non sit

„ dicere esse ibi facta, uti tenent Sanchez,
 „ Aversa, & alii cum Diana. „
 XXXVI. Leander *disp. 8. q. 42.* „ An si
 „ aliquis peccatum committit in die qua
 „ Eucharistiam sacram sumpsit, teneatur
 „ hanc temporis circumstantiam fateri? Pro-
 „ babilius respondeo non teneri per se lo-
 „ quendo, quia alias Sacerdos, qui quoti-
 „ die celebrat, deberet in singulis peccatis ex-
 „ plicare illam circumstantiam *Messe celebra-*
 „ *ta illo die, quod nemo facit.* „ Sic Homo-
 „ bonus, Lugo, Diana, Trullench. Vas-
 „ quez &c. „

XXXVII. Idem Leander *tr. 5. disp. 8.*
 „ q. 25. „ An debeat explicari effectus subse-
 „ cutus, an vero sufficiat confiteri causam:
 „ v. g. an satis sit in confessione dicere te
 „ letale venenum dedisse aljci, ut more-
 „ retrur; an vero necesse sit addere, quod
 „ interfecisti cum veneno?... Probabilius
 „ respondeo, sufficere confiteri actionem
 „ non internam voluntatis, sed externam,
 „ qua yenenum preparasti, & dediti,
 „ quarevis non confitearis effectum, seu
 „ mortem ex illo fecutam: quia in confes-
 „ sione solum debent necessario explicari
 „ peccata: sed ille effectus, quando conse-
 „ quitur, non est actu *peccatum*, sed effe-
 „ ctus *peccati*. Sic Vasquez, Granados, A-
 „ zor., Bonac., Diana, Suarez, Cariel,
 „ quos omnes refert, & sequitur Lugo *disp.*
 „ 16. art. 2. n. 470. ubi doctissime de hoc
 „ puncto agit. „

XXXVIII. P. Viva *q. 2. art. 2. n. 3.*
 „ An qui certus est de peccato mortali commis-
 „ so, dubitat tamen positive, an illud con-
 „ fessus fuerit, ita ut habeat rationem pro-
 „ babilem, quod confessus fuerit, & pro-
 „ babiles etiam, immo *probabiliores ratio-*
 „ *nes*, quod non fuerit confessus, teneatur
 „ illud confiteri? Respondeo patiter nega-
 „ tive cum communi Doctorum, quos ci-
 „ tat Martinus Perez contra Conink apud
 „ Dianam. „

XXXIX. Idem P. Viva *in Curs. Theol. mor.*
 „ de pænit. q. 2. a. 2. n. 6. „ Respondeo, fere
 „ communissimam antiquorum Doctorum
 „ sententiam fuisse, quod teneatur homo
 „ peccata negative dubia clavibus subjicere.
 „ Et Thomas Sanchez id *omnino* certum re-
 „ putat... Hac de causa P. Matthæus Mo-
 „ ya nostræ Societatis, qui fuit a Confes-
 „ sionibus Mariae Annae Hispaniarum Re-
 „ ginæ, in selectis quæstionibus de Sa-
 „ cramento Pœnitentia, postquam alserue-
 „ rat opinionem se contrariam per triginta

„ annos etiam in Scholis docuisse , dis. I.
 „ quæst. 5. hæc habet : Nihilominus re ma-
 „ turius considerata standum censeo pro contra-
 „ ria & communi sententia afferente obliga-
 „ tionem peccati dubii : ad quod hoc uno effi-
 „ caci argumento ducor , quia Sacramentum
 „ Pœnitentie institui potuit a Christo Domino
 „ cum hac obligatione . Quod autem institue-
 „ rit , suadet communior Catholicorum sensus ,
 „ & traditio a tempore Apostolorum usque ad
 „ nostra continuata tempora , ratione cuius ve-
 „ lut INCONCUSSUM DOGMA præceptum con-
 „ fidendi peccata dubia æque ac certa non tam
 „ probarunt , quam supposuerunt Doctores . Ut
 „ enim ait August. lib. IV. contra Donat. quod
 „ universa tenet Ecclesia &c. Hactenus P. Mo-
 „ ya . His adde Leandrum , ac Tamburinum
 „ ipsum , quamvis patronos in benigniores
 „ opiniones . „

Num. 7. „ His tamen non obstantibus ,
 „ puto probabilem esse ac TUTAM opinionem
 „ contrariam afferentem peccata dubia nega-
 „ tiva non esse materiam necessariam Sa-
 „ cramenti Pœnitentiae , quam sequuntur
 „ plurimi auctores apud Mendo , & Dianam ,
 „ & alios quos usque ad viginti duos
 „ numerat Caramuel quibus adde Lef-
 „ sum , Sa , Layman , Prepos. Amicum ,
 „ Leandr. Haunold. necnon Ferdinandum de
 „ Scandallo q. 77. ubi citat Revisores Societa-
 „ tis JESU sentientes posse NUNC in Scholis
 „ nostris banc sententiam permitti , quam aper-
 „ te , & ex professo Con. Marchant. Joseph
 „ de Januario , Martinonus , & alii multi
 „ scriptores judicant probabilem . Quamvis
 „ OLIM secundum nostras regulas permitti
 „ non poterat ; cum vix reperiatur unus
 „ scriptor qui illam aperte tueretur , ut
 „ iidem Revisores apud Tamburinum te-
 „ stantur . NUNC TAMEN , ut notat Diana ,
 „ IN DIES MAGIS RADICES AGIT . „

XL. Idem P. Viva q. 2. a. 2. n. 7. „ Ne-
 „ que dicas præxim Ecclesiæ , & consensum
 „ Doctorum per sexdecim sæcula uniformi-
 „ ter existimantium institutum esse a Chri-
 „ sto Domino Sacramentum Pœnitentiae cum
 „ obligatione confidendi peccata dubia , redi-
 „ dere nos certos de tali lege , & institu-
 „ tione .

„ Nam quavis VERUM sit quod usque ad
 „ præteritum sæculum vix unus AUCTOR
 „ reperiatur qui aperte nos deobliget a con-
 „ fidendi peccatis negative dubiis ; at non
 „ inde id ortum est , quia in sententiam obli-
 „ gantem omnes scriptores calamo iverint ,
 „ sed quia ab ea quæstione abstinuerunt .

„ Cum autem NUNC in terminis agitetur , &
 „ plurimi sententiam deobligantem sequan-
 „ tur , hæc redditæ est PROBABLIS . „

XLI. P. Gobat tr. 6. n. 479. „ Negat
 „ P. Conink lib. 6. n. 98. esse probabilem
 „ opinionem arbitrantium , quando adest
 „ tanta multitudo confiteri volentium pro
 „ aliquo celebri festo , ut Sacerdos nequeat
 „ omnibus satisfacere audiendo omnes inte-
 „ gre , posse singulis dicere , ut aperiant fo-
 „ lum graviora e mortalibus , reliqua diffe-
 „ rent ad aliud tempus . Censeo ego , fal-
 „ vo meliori judicio , eam opinionem pos-
 „ se probabiliter sustineri , casu quo multi
 „ ex longinquò advenissent , obtinenda ali-
 „ cuius grandis indulgentiaz Confessionem
 „ & Communionem requirentis causa . „

XLII. P. Joannes Baptista Gormaz disp.
 „ de abs. sec. 2. §. 2. n. 266. pag. 775.
 „ & seqq. „ Quapropter etsi forte quis ACTUA-
 „ LITER PECCANDO subito defituatur sen-
 „ sibus , REGULARITER sine absolitione di-
 „ mittendus non est ; cum rarissime con-
 „ tingat ut morti vicinus non velit saluti
 „ suæ consulere saltem per attritionem , qua-
 „ non constat interne carere , quamvis ex-
 „ terne sit sensibus privatus : per conditio-
 „ nem enim evitatur injuria Sacramenti &c.
 „ Sic Bonagratia supracitatus . Vide Gobat
 „ tr. 7. n. 597. usque ad 625. „

XLIII. P. La-Croix lib. 6. par. 2. num.
 „ 1255. „ Rigoristæ dicunt , causam relaxandi
 „ disciplinam quoad pœnitentiam esse refri-
 „ gescentem caritatem fidelium . Sed contra
 „ est : nam potius inter causas fuit , 1. ne
 „ Confessio ab hereticis impugnata velut
 „ impossibilis per duras pœnitentias magis
 „ redderetur odiosa . 2. Quia successu tem-
 „ poris plures fuere Sacerdotes , apud quos
 „ frequentarentur Confessiones ad emenda-
 „ tionem utilissimæ , & qui in hoc foro in-
 „ terno aliter mederentur peccatis per me-
 „ dicinas benigniores . 3. Quia animadversum
 „ est benignas pœnitentias plus prodesse quam
 „ rigidas , quod per benignas magis attice-
 „ rentur fideles ad Sacramentum Pœnitentiae
 „ & Eucharistie . 4. Quia occasione
 „ belli sacri contra Turcas inductus est usus
 „ indulgentiarum , qui est modus sa-
 „ tisfaciendi pro peccatis utilior , & certior ,
 „ quam observatio canonum pœnitentialium.
 „ 5. Quia successu temporis instituti sunt
 „ Ordines Religiosi , qui sunt status pœni-
 „ tentium utilissimi . Vide Francolinum Cle.
 „ Rom. par. 2. cap. 1. „

XLIV. P. Patriitus Sporer par. 3. c. 4.
 „ q. 1.

q. i. §. 3. n. 45. pag. 237. „ Excusatur Confessarius, ut nullam vel levissimam pœnitentiam injungat . . . quando quis luctatur indulgentiam plenariam, potest dimitti sine **ULLA ALIA MINUTA** poenitentia; cum per illam indulgentiam satisfiat debito poenæ. Et si autem id raro procereto, sufficiat quod probabilitate credatur. „

XLV. P. Viva qu. 6. de pœnit. a. 1. n. 1. „ Immo Lugo disp. 27. sec. 2. n. 24 putat eum qui lacratur indulgentiam, non obligari ad poenitentiam, etiam si derur in medicinam: quia medicus non præcipit, sed suadet remedium, & solus judex præcipit poenam. Quare si non tenetur poenitens ratione indulgentiæ ad poenam quæ præcipitur, nec tenebitur ad medicinam, quæ solum suadetur, nisi forte aliquando ad illam obligetur jure naturali, ne facile labatur. „

XLVI. P. Sporer p. 3. c. 4. q. 1. §. 5. n. 548. „ Sententia sane gravium Doctorum Sotii, Cajetani, Sylvestri, Medinae, ac Navarri Man. c. 26. n. 20., nimirum liberum esse poenitenti acceptare, vel repudiare poenitentiam a Confessario impositam, et si maxime post Tridentinum, non intrinsece, tamen extrinsece probabilis, ad hoc servire potest Confessario ut **NEMINEM** sine absolutione remittat qui eam sententiam securus, nollet acceptare poenitentiam impositam, paratus Deo satisfacere in hac vel in altera vita, dummodo aliquam vel **LEVISSIMAM** poenitentiam subire velit, v. g. aliquot **PATER** & **AVE**, tunctionem pectoris &c. „

XLVII. P. La Croix lib. 6. par. 2. num. 1788. „ Putant Lamas, & Stoz ad hoc minus (Confessarii) satis DOCTOS esse illos qui integrum **SUMMAM CASUUM** diligenter legerint, vel attente **AUDIERINT explicari**. Quod si quis de se ipso dubitet, fistat se examinatoribus ab Episcopo vel superiore constitutis; qui si eum satis scire judicent, potest acquiescere, & cum fiducia in Deum aggredi functionem, quamvis omnium maximam, & gravissimam. Stoz, Sporer. „

XLVIII. Idem La Croix ibidem n. 1795. pag. 284. „ Recite notat GOSAT tr. 6. n. 321. Confessarium debere scire SENTENTIAS PLURES, quæ vere probabiles sunt, circa materias morales, eo quod sœpe, ubi non agitur de valore Sacramenti, non possit, nec expedit poenitentes dirigere SECUNDUM UNICAM DOCTRINAM. „

XLIX. P. Viva qu. 8. a. 1. n. 7. „ In noc. XI. an. 1679. voluit ut Episcopi non permittant venialium confessionem fieri simplici Sacerdoti non approbatu ab Episcopo, aut Ordinario . . . Puto tamen cum Card. & aliis apud Croix quod non sit invalida, & quod non exponeretur periculo frustrationis Sacramentum: cum enim probabile sit jurisdictionem conferri Sacerdoti immediate a Christo Domino; & cum jurisdictione probabili valide conferatur Sacramentum Poenitentia, ut dicemus quæsto nono: idcirco valide confertur Sacramentum a simplici Sacerdote dumtaxat a venialibus, aut a mortalibus alias absolutis. „

L. Salmanticenses tr. 6. c. 2. pun. 2. n. 16. „ Rogabis primo, an si contingit quempiam bona fide confitentem de solis venialibus alicui simplici Sacerdoti, habere fortasse occultum, & invincibiliter oblitum aliquod mortale, adhuc confessio & absolutio valeat, qua indirecte etiam mortalia remittantur? Negat Candidus . . . Affimant tamen probabilitate, in casu posito adhuc confessionem, & absolutionem valere, qua indirecte etiam mortalia remittentur, cum onere tamen confitendi mortalia invincibiliter obliterata legitimo Confessario, cum postea venerint in memoria, & aderit tempus præcepti Confessionis. Suarez, Granados, Leander, Henrix. „

LI. Leander tr. 5. disp. II. q. 14. „ An saltem possit omnis Sacerdos nullo modo expositus valide absolvere poenitentem qui bona fide confitetur peccata venialia, & mortalia simul? . . . Probabilis respondeo, posse in utroque casu valide absolvere a mortalibus, licet certior factus poenitens, quod Sacerdos ille non habeat jurisdictionem super mortalia, teneatur iterum confiteri. „

LII. P. Viva q. 8. a. 1. n. 16. „ Respondeo, jurisdictionem conferri non solum quando errori communis adjungitur titulus coloratus . . . sed etiam probabilitas, si error communis non conjugatur cum titulo colorato; puta, si Sacerdos non habens jurisdictionem bona vel **mala fide** exponat se confessionali ad audiendas confessiones, communiter censetur Confessarius approbatus. Ita Diana, Molfensis . . . Debet autem hic error esse probabilis, non vero supinus aut crassus. „

LIII. Idem Viva q. 8. a. 2. n. 1. & 2. „ Vi-

„ Videtur non licere confidere Sacramen-
„ tum Poenitentiae cum jurisdictione proba-
„ bili, saltem quando potest haberi jurisdi-
„ ctio certa. Nihilominus censeo licetum
„ esse absolvere cum jurisdictione probabi-
„ li . . . Heinc sequitur ab Innoc. XI. in
„ prima ex ejus proscriptis thesibus non es-
„ se damnatam hanc sententiam: **QUIA DE-**
„ **BUISSET ILLAM APERTE DAMNARE**, si
„ voluisset, quod non solum in iis quæ per-
„ tinent ad materiam & formam Sacramen-
„ ti, sed etiam in iis quæ pertinent ad ju-
„ risdictionem sequamur opinionem tuiorem,
„ omisla probabili, ut multi viri docti cen-
„ sent. „

LIV. P. Franciscus Fegelli par. 1. c. 2. n.
31. pag. 14. „ Praxis & usus omnium Con-
„ fessiorum obtinuit ut impendant absolvi-
„ tionem cum jurisdictione probabit. Ergo
„ ne tot eorum actus sint irriti cum maxi-
„ mo poenitentium damno, recte judicatur
„ Ecclesiam certissime conferre jurisdic-
„ nem, si antea non dabatur. „

LV. P. Viva in Curs. Theol. q. 9. a. 3.
n. 2. hæc disputat, & resolvit. **Queritur se-**
condo, an ignorantes reservationem, illam in-
currant; & idem queritur de non advertenti-
bus ad illam dum ACTU peccant. Post mul-
ta sic concludit. „ Quare a primo ad ulti-
mum nec reservationem, neque excom-
municationem incurvant qui illas igno-
rant; & quia communiter Doctores in-
advertisserunt actualem, & oblivionem
æquiperant ignorantia invincibili, & in-
culpabili, inde fit quod non advertens ad
poenam sive reservationis sive censure, il-
lam non incurrat; non fecit ac si ignoraret.
Unde Sanchez lib. 4. c. 12. docet, quod
si quis v. g. in poenam perjurii vovisset
jejunare, quoties mentitur, si deinceps
mentiatur advertens ad votum non men-
tiendi, non vero ad poenam impositam
jejunandi, peccaret quidem, sed non te-
neretur jejunare, ex hoc scil. principio,
quod poena extraordinaria, & medicinalis
non incurritur ab eo qui illam ignorat,
AUT NON ADVERTIT ad illam. „

LVI. P. Sporer par. 3. cap 6. sec. 1. §. 3.
n. 735. „ Quintanadvenas rotunde scribit:
„ Ignorantia reservationis, sive juris, sive
„ facti, etiam si vincibilis, excusat a re-
„ servatione. Et sane sequitur manifeste ex
„ dictis. Si enim dubium de reservatione
„ ab eo excusat, multo magis excusat
„ ignorantia reservationis etiam vincibilis. „

LVII. Idem Sporer ibidem. „ Bene ob-

„ servat Gobat, merito censens, Confessa-
„ rium regularem non fore fidelem suo Prä-
„ lato, si nactus poenitentem implicitum
„ peccato reservato, sed reservationis igna-
„ rum, non dicat expresse: Te quidem ab-
„ solvo hac vice (scilicet ex probabili opi-
„ nione D. D. & benigna interpretatione
„ mentis Superioris, ne bona fide proce-
„ dens idem peccatum mortale bis debeas
„ confiteri) scito impostorum te a me non
„ posse absolviri sine expressa voluntate Su-
„ perioris: quod ipsum consulere soleo Pa-
„ rochis, & Vicariis de reservatis casibus
„ episcopalibus sollicitis. „

LVIII. P. Viva in trat. in proposit. 41.
Alex. VII. a. 16. „ Dubitatur hic, an pos-
„ sit absolviri qui in occasione peccandi pro-
„ xima versatus est, antequam illam tollat;
„ præsertim si in alia Confessione id
„ promisit, & deinde non stetit promissis?
„ Nonnulli cum Con. disput. 8. de poenit.
„ n. 133. Filii Azor. Sanch. putant absolv-
„ vi non posse extra casum necessitatibus:
„ immo Cardenas diff. 40. c. 5. a. 4. n. 108.
„ putat id colligi ex propositione 61. In-
„ noc. XI. ubi damnatur, quod absolviri pos-
„ sit qui in proxima occasione peccandi
„ versatur, quam potest, & non vult omit-
„ tere. Et ratio videtur esse, quia qui ad
„ Sacramentum Poenitentiae accedit, ante-
„ quam occasionem illam tollat, censetur
„ eam nolle ejicare, atque adeo sine debi-
„ to proposito etiaci non peccandi de ce-
„ tero accedere; quandoquidem in hoc ipso
„ quod occasio peccandi non tollatur, quan-
„ do potest tolli, peccatur. Neque obstat
„ quod dicat habere propositum tollendi;
„ nam si solum proponit illam tollere de
„ futuro, & non statim tollit, eo ipso vult
„ de præsenti in ea occasione manere, at-
„ que adeo peccat; sicut qui appropinquan-
„ te leone proponit fugere, & non statim
„ fugit, censetur velle in periculo mortis
„ manere.

„ Communius tamen cum Suar. disp. 32.
„ sec. 3. Tabiena, & alii censem, posse hu-
„ jusmodi poenitentem absolviri semel ac ite-
„ rum, si apparent hic & nunc vera si-
„ gna doloris, & propositi efficacis tollendi
„ statim occasionem proximam; immo Cor-
„ duba, Cajet., & alii putant, quod pos-
„ sit etiam tertia, & quarta vice absolviri;
„ esto sape expediat absolutionem differre,
„ quoisque proxima illa occasio tollatur.
„ Debet tamen omnino absolviri etiam an-
„ te separationem ab illa, tum si instet
„ pe-

„ periculum mortis , tum si dilata absolu-
 „ tione , credatur non habiturus opportuni-
 „ tatem redendi , aut ex alia causa non
 „ redditurus . Ratio cur videatur posse pri-
 „ ma & secunda vice absolvi , est , quia
 „ potuit poenitens aut immediate ante , aut au-
 „ diendo concionem , aut audiendo ipsius Con-
 „ fessarii admonitiones excitari ad verum &
 „ efficacem propositum non peccandi , in quo ca-
 „ su est sufficienter dispositus . Sic passim ab-
 „ solvuntur poenitentes per hoc quod proponant
 „ restituere , quamvis ante Confessionem non re-
 „ stituerint , prout poterant : quia ex admoni-
 „ tionibus Confessarii potest hic & nunc con-
 „ surgere verum propositum restituendi , quod
 „ ante Confessionem vel erat debile , vel
 „ putabatur sufficiens , esto per aliquod tem-
 „ pus opportunum restitutio esset differen-
 „ da . Ergo hoc idem fieri potest in eo qui
 „ tenetur proximam occasionem tollere . Ne-
 „ que ex propositione illa 61. Innoc. XI.
 „ eruitur , quod absolvit non possit : nam
 „ qui proponit occasionem statim tollere ,
 „ non potest dici , quod illam velit de præ-
 „ senti ; sicut nec dicitur velle periculum
 „ mortis qui appropinquante leone propo-
 „ nit fugere statim ac potest . Caute tamen
 „ in hoc procedendum , eo quod passim hu-
 „ jusmodi propositum non est efficax in eo
 „ qui potuit antecedenter occasionem pec-
 „ candi tollere , & nondum sustulit .

LIX. P. Martinus Torrecilla plures opini-
 „ ones laxas de sacramento Poenitentiaz do-
 „ cet . Advertendum tamen , ab aliis quoque
 Casuistis easdem defendi , quos ego citare
 prætereo brevitatis causa . „ In propositio-
 „ ne 57. damnata ab Innoc. XI. circa at-
 „ tritionem naturalem , videtur non venire
 „ damnatum dicere , sufficere attritionem
 „ supernaturalem existimatam , et si in re
 „ naturalis sit . „ Idem Torrecilla in pro-
 „ pos. damn. ad propos. 57. Innoc. XI. tr. 8.
 „ concl. 3. n. 19. fol. 10. fol. 461.

LX. Idem Torrecil. tom. 3. consult. con-
 „ sult. 12. Misecl. n. 2. fol. 454. „ Quando con-
 „ fessio est tantum de venialibus , non re-
 „ quiritur dolor , attritio illa de qua Tri-
 „ dent. sess. 12. cap. 3. sed sufficit quod poe-
 „ nitens ad confessionem accedat desiderio .
 „ & voluntate confitendi , sine actuali pec-
 „ candi complacentia . „

LXI. Idem tom. 2. sum. tr. 4. disp. 4. sec. 1.
 „ cap. 3. n. 17. fol. 418. „ Peccata sub dubio ,
 „ et si stricte tali positivo , negativove , non
 „ sunt confienda necessario . „

LXII. Idem loc. cit. n. 1. disput. 2. c. 4.

§. 2. „ Grave saltem non est in confessio-
 „ ne sacramentali (præsertim si ea sit ge-
 „ neralis , licet voluntaria) simulare pecca-
 „ ta gravia præterita , nunquam exposita in
 „ confessione , quasi ante acta esset . „

LXIII. Idem ibidem §. 7. n. 512. fol. 75.
 „ Qui in confessione omisit letale , quod ex
 „ conscientia erronea vincibili tale non pu-
 „ tabat , non tenetur eo animadverso , con-
 „ fessionem repetere : sed tantum peccatum
 „ quod omisit , confiteri . „

LXIV. Idem ibid. §. 10. n. 633. fol. 86.
 „ Generatim rudes & ignorantes ad confes-
 „ sionem perficiendam possunt admitti , eti-
 „ nullum premisserint examen . „

LXV. Idem tom. 2. sum. tr. 1. disp. 2. c. 4.
 §. 10. n. 643. fol. 87. „ Confessor potest ab-
 „ solvere poenitentem , et si certo sciat in
 „ peccato mortali esse , quod nec interro-
 „ gatus confitetur : credere enim debet ju-
 „ stam causam illud negandi habere . „

LXVI. Idem ibid. tr. 4. disput. 4. sect. 2.
 c. 1. n. 30. fol. 426. „ In tribus casibus pot-
 „ est simplex Sacerdos actu administrare Sa-
 „ cramentum poenitentiaz . 1. Si confessio sit
 „ de venialibus . 2. Si sit de mortalibus jam
 „ confessis , immo & de oblitis in aliis con-
 „ fessionibus . 3. in periculo mortis & pro-
 „ babiliter etiam præsente Parochio , vel Sa-
 „ cerdote approbato . „

LXVII. Idem ib. c. 3. n. 28. fol. 432. „ Quili-
 „ ber Sacerdos approbatus potest in vi crucia-
 „ ta absolvere toties quoties a casibus occul-
 „ tis Bullæ Coenæ Domini , hæresi excepta . „

LXVIII. Idem ibid. sec. 3. c. 1. num. 54.
 fol. 442. „ Parochus eligibilis est in Con-
 „ fessarium vi Cruciatæ , aut Jubilæi in to-
 „ ta dioecesi , immo & in alienis . „

LXIX. Idem ibid. tr. 1. disp. 1. c. 4. §. 5.
 n. 289. fol. 57. „ Regulares privilegio Bul-
 „ lae Cruciatæ uti possunt , ut independen-
 „ ter a Prælatis suis a quolibet Confessario
 „ absolvantur , etiam a casibus in Ordine
 „ suo reservatis . „

LXX. Idem ibid. tr. 4. disp. 4. sec. 2. c. 3.
 fol. 436. „ Probabile est Regulares approba-
 „ tos posse adhuc vi suorum privilegiorum
 „ absolvere a casibus occultis Bullæ Coenæ ,
 „ excepta hæresi . „

LXXI. Idem Tom. in propos. damn. tr. 2.
 „ conf. 1. a n. 34. fol. 97. Sacerdos saltem
 „ Regularis limitate approbatus pro certo
 „ genere personarum , vel pro hoc vel illo
 „ loco , virtute Bullæ Cruciatæ , vel Jubi-
 „ lai eligi a quibusvis illimitate ad Con-
 „ fessiones potest . „

LXXII.

LXXII. Idem *in propos. damn. dict. tr. 2. conf. 1. n. 37. fol. 97.* „ In propositione 13. „ ab Alexand. VII. damnata , non venit „ comprehensa sententia dicentium , Sacer- „ dotem approbatum pro determinato tem- „ pore , eo transacto eligibilem esse per Bul- „ lam , vel Jubilæum , immo & locum ha- „ bere potest , quando limitatio temporis „ absque ulla causa fuit posita vel mala , „ vel libera voluntate Ordinarii . „

LXXIII. Idem *ibid. tr. 4. disp. 4. sect. 3. c. 3. n. 17. & 18. fol. 446.* „ Approbatio se- „ mel absolute concessa Regularibus , nisi „ sit justa causa revocandi , saltem ab eo- „ dem Episcopo concedente neque juste , „ neque valide revocabilis est . „

LXXIV. Idem *ibid. n. 20. & 21. fol. 447.* „ Nulla alia censenda est causa sufficiens ut „ Episcopus revocare licite , & valide pos- „ sit approbationem semel absolute conces- „ sam Regularibus , nisi quia Regularis scan- „ dalose vivit , errores seminarit , omnimode „ infodescit , vel mente captus sit . „

LXXV. Idem *ibid. n. 9. fol. 449.* „ Pro- „ babile est Regularem ab Episcopo appro- „ batum , etiam si diœcесim mutet , semper , „ & ubique approbationem illi durare , so- „ lummodoque concessione jurisdictionis il- „ lius Episcopi , ad cuius diœcесim transit , „ indigere . „

LXXVI. Idem *Tom. de Episc. tr. 2. q. 3. sec. 2. difficult. 3. n. 82. 83. & 88. fol. 208.* „ Regulares semel approbati ab Episcopo „ unius dioecesis nequeunt ab eodem , ne- „ que a successore ejus novo examini sub- „ jici ; immo nec Sacerdotes sacerulares , nisi „ licentia ipsiis fuerit absque examine con- „ cessa , vel si examen præcesserit , alia ju- „ sta causa interveniente , ut examini sub- „ jiciantur . „

LXXVII. Idem *in propos. damn. tract. 2. consult. 4. a n. 3. fol. 107.* „ Sacerdos Regu- „ laris approbatus ab Ordinario suo ad au- „ diendas Confessiones Religiosorum , ubi „ non est recepta Constitutio Gregorii XV. „ Inscrutabili , potest ex vi talis approba- „ tionis audire confessiones Monialium , et „ iam earum quæ Episcopo subjiciuntur : & „ ubi est recepta , id ipsum virtute Crucia- „ ta potest . „

LXXVIII. Idem *Tom. 3. Consult. conf. de pœnit. n. 1. & 2. fol. 342.* „ Episcopus qui in „ ingressu suo per publicum edictum præci- „ pit ut omnes Confessarii tam sacerulares , „ quam regulares examini præsententur , & „ quod dicto termino transacto a confessio-

„ nibus cessent , non solum injuste , sed nul- „ liter procedit . „

LXXIX. Idem *in propos. damn. tr. 2. de pœnit. consult. 1. n. 26. & 27. fol. 96.* „ O- „ mnes Regulares , adhuc & Religiosi , ac „ Equites S. Jacobi , Calatravæ , & Alcan- „ taræ , & pariter Moniales virtute suorum „ privilegiorum possunt confiteri cum quo- „ libet Sacerdote simplici , etiam ad annum „ præceptum adimplendum , ut minimum „ que hoc non veit datum in propos. „ 13. ab Alex. VII. damnata . „

§. III.

Opiniones quæ P. Balthassari Francolino aquo rigidiores videntur .

Propositiones quas aquo rigidiores P. Fran- colinus in Merbesio , Genneto , & Ju- venino reprehendit , tales mihi visæ non sunt . Nihilosecius , ut iterum palam faciam me a partium studio liberum esse , easdem transcribere , atque lectorum studio subjicere opere præsum existimavi , quales referuntur a P. Francolino , cujus etiam animadversio- nes referam . Præmittrit P. Francolinus , se non tamquam censorem has propositiones rescribere , sed ut ex illis judicet lector , an sit aliqua in scholis doctrina justo rigidior . Inquit enim : *Si ergo eorum doctrina rigidior est , jam rigidior doctrina , ac prainde RIGORISMUS multorum est .*

Aliquot BONI MERBESII propositiones , excerptæ a P. FRANCOLINO in suo opere inscripto FRANCOLINUS VINDICATUS , c. II.

pag. 123. edit. Venet.

I. Merbesius . *Veri nominis contritio , seu conversio cordis ad Sacramenti valorem necessaria , Dei super omnia dilectionem exigit .* In Summ. Christ. Tom. II. pag. 37.

II. Francolinus . „ Quamvis postea dicat , „ sufficere dilectionem Dei initialem , seu „ inchoatam , & non perfectam , significat „ præcise non requiri dilectionem intensam ; „ ceterum veram caritatem theologicam re- „ quirit . Constat enim quod caritas , etiam remissa , est vera caritas theologica , sic- „ ut calor remissus est verus calor . „

III. Merbesius . *Ad veram contritionem non solum requiritur dolor de universis peccatis mor- talibus generatim , & confuse conceptus ; verum etiam specialis & distinctus de singulis pecca- tis tam quoad numerum , quam quoad speciem conceptus .* pag. 54. col. i.

IV. Francolinus pag. 123. „ Quamvis au- „ tem

„ tem moneat satis esse ut id fiat unico
„ acto , vult tamen ut is actus tendat in
„ peccata singillatim recognita secundum spe-
„ ciem , & numerum .“

V. Merbesius . Ab sanctis Patribus quatuor afferuntur rationes , ob quas Sacerdos pœnitentium reconciliationes differre tenet . Si quis dixerit , id jam nec fieri posse , nec debere , tametsi sit priscis temporibus facilitatum ; respondeo , quod olim factitum est , nostris etiam hisce temporibus esse faciendum , si eadem illæ rationes , propter quas id olim usurpatum est , nostra etiam hac etate vigeant . pag. 94. Afferit autem ibidem solas has quatuor rationes . Prima , inquit , ut ex diuturnitate temporis , & difficultate curationis , mali ab semetipso perpetrati magnitudinem peccator intelligeret . Secunda ut ipse peccator reconciliationem , ad quam per tot gemitus & labores per venerat , affectus , studiosus peccatum effugeret , atque ita partam tot lacrymis gratiam diligentissime reinneret . Tertia , ut inde liqueret , quanta obstinatos peccatores alia ex aliis peccare solitos , maneat supplicia , si tam agre ad Deum reverii properantibus , & pœnitentie labores obeuntibus , remissionis gratia conceditur . Quarta denique , ut intima cordis conversio soli cordium scrutatori bene perspecta , & cognita , tandem per aliquod saltem tempus inter pœnitentie labores exhibita , in Sacerdotum notitiam deveniret .

Vl. Francolinus pag. 124. „ Cum autem hæ rationes etiam modo vigeant , si olim viguere , sequitur quod etiam modo debeat differri absolutio . . . Loquendo de pœnitentibus qui habent inveteratum habitum peccandi , sic differit (Merbesius . Eiusmodi homines non sunt cito absolvendi , quia non nisi agre admodum convertuntur ad Deum , sicut opertet . Nam , ut ait S. Thomas 1. 2. q. 78. a. 2. ad 3. , ille qui peccat ex habitu , semper gaudet de hoc quod ex habitu operatur , quamdiu habitu utitur ; sed quia potest habitu non uti , sed per rationem , quæ non est totaliter corrupta , aliquid aliud meditari , potest contingere quod non utens habitu , doleat de hoc quod per habitum commisit ; & sic plerumque tales pœnitent de peccato , non quia eis peccatum secundum se displiceat , sed propter aliquod incommodum quod ex peccato incurruunt . “ Hæc S. Thomas . Ergo cum peccantibus ex habitu vitijs non displiceat peccatum secundum se , quatenus scil. est offensa Dei sed propter aliquod detrimentum , vel incommodum tempora-

le , quod ex ipso percipiunt , ita affectis , sicut & quibuslibet aliis ita animatis , ad tempus deneganda est , & differenda sacramentalis absolutione , donec eorum conversio per dignos pœnitentiæ fructus ex inchoato saltem Dei amore concepta cornatur & appareat .

VII. Francolinus pag. 124. „ Omitto quod hic Merbesius addit de suo verbum illud temporale , quod non est in textu D. Thomæ , quem ipse allegat : quodque S. Thomæ non agit ibi de accedentibus ad Confessionem , ad quam qui sponte accedunt , non solent dolere de peccato ad vitandum aliquod incommodum temporale , sed saltem ex timore gehennæ cum spe venia , & ut reconciliantur Deo , adeoque cum aliquo amore Dei . Illud videtur in tollerabile , quod tam multa is auctor exigat ut hi pœnitentes tandem absolvantur .“

VIII. Duo obiter in doctrina P. Francolini animadyetto , minime ut sive Merbesi , sive Juvenini , sive Genneti vindicias suscipiam , sed ne imperiti errent . Utique in textu S. Thomæ non est illud temporale , sed est in P. Viva , & alius infra citandis Qui sponte accedunt (inquit Francolinus) non solent dolere de peccato &c. Spontaneus ergo accessus ad Confessionale argumentum est sufficiens doloris pro sacramento suscipiendo ? Hanc doctrinam , quæ mihi videatur justo laxior , quamque multi probabilitas docent , infra refellam . Eam nunc indicasse sufficiat .

IX. Merbesius : Contraria vitijs habitibus adhibenda sunt remedia : ergo perperam agunt Confessarii qui ad profigandos superbitas , avaritias , libidinis , ebrietatis , & maledicentias habitus , qui radices habent aliiores , aliquod dumtaxat preces injungunt . pag. 121.

X. Francolinus pag. 124. „ Hos Confessarios sic generatim nec S. Thomas , nec S. Aatonius damnat , apud quos excusat , aut etiam laudatur Confessarius benignus agens cum pœnitentibus infirmæ virtutis , in quibus gravius onus pœnitentia exiguum contritionis ignem extinguebit .“

XI. Merbesius : Si pœnitens crebro in peccata letitia caderet , probari posset per duos menses , vel toto trimestri ; quo exente , si vera prospiceret emendatio profecta ex integra ejus fidelitate , & ex vi qua peccata diurna consuetudine insita ex animo revellere conatus esset , posset absolvi . pag. 141. col. 2.

XII. Francolinus pag. 124. „ sed quid fieri cum illis qui aut redire non possunt amplius ,

„ plius , aut redire non possunt tempore con-
„ stituto , qui certe sunt innumerū ? „

XIII. Merbesius . Satisfactionem admissio-
rum non potest pœnitens alteri reservare seca-
to , ut in Purgatorio implatur . pag. 165. col. 2.

XIV. Francolinus pag. 125. „ Si sensus sit
„ quod neque pars possit alteri saeculo re-
„ servari ; propositio opponitur doctrinæ Ray-
„ mundi , Humberti , Antonini , ut pate-
„ bit consilienti eorum summas . „

XV. Merbesius . Pœnitens cui certo confi-
terit sibi leviorum quam sua mereantur crimi-
na , ex præxi Ecclesiæ satisfactionem ab Sacer-
dotibus impositam esse , ad aliam ulro assumen-
dam tenetur , qua quidem tota ad aliquam æ-
qualitatem cum pœna temporali pro peccatis de-
bita perveniat .

XVI. Francolinus pag. 125. „ Addit ratio-
„ nem , quam dicebam , nempe præceptum
„ naturale , & divinum satisfaciendi Deo per
„ pœnam culpæ correspondentem . Quæ hinc
„ angustia in miseros pœnitentes , qui de
„ hoc ipso dubitabant , an vere careant hac
„ certitudine , quique , ut prudenter judi-
„ cent , quod ipsi servent hoc divinum præ-
„ ptum , tenebuntur scrutari , quæ sit pra-
„ xis Ecclesia circa hoc . Et hinc iterum
„ angustia . „

XVII. Merbesius . Oportet quemcumque Sa-
cerdotem animas in pœnitentie tribunali rite
moderari , & regere cupientem , imbutum es-
se , & instructum notitia canonum , seu regu-
larum , quas sancti Patres , & Concilia ad
plectenda mortalium flagitia & condiderunt ,
& promulgaverunt : alioquin perrummet decretum
Cælestini Pontificis sanctissimi , insertum in cor-
pus juris , hisque verbis conceptum : Nulli Sa-
cerdotum licet suos canones , ignorare , aut quid-
quam facere quod Patrum possit regulis obvia-
re . pag. 182. col. 2.

XVIII. Francolinus pag. 125. „ Utile pro-
„ fecto est hos canones perdiscere , & ideo
„ Confessarii monentur ut eos nosse sata-
„ gant ; at necessarium id esse , & lege præ-
„ ceptum , non probatur eo mandato Cæle-
„ stini , quod aut modo non adstringit , cum
„ canones pœnitentiales non sint in usu ;
„ aut non loquitur de illis , cum eorum no-
„ titia non esset omnibus Sacerdotibus quos
„ ibi alloquitur Cælestinus , necessaria , &
„ forte nec omnibus Confessariis . „

XIX. Rigorissimi Merbesium arguit P. Fran-
colinus . Sed audiunt omnes judicium quod
de Summa Merbesi tulit sapientissimus Car-
dinalis de AGUIRRE diss. x. in concil. Hispan.
excur. 2. ubi hæc habet : „ Merbesius Do-

„ ctor Theologus , & valde versatus in ca-
„ nonibus sacris , ut ostendit Summa Chri-
„ stiana ipsius edita duobus vastis volumi-
„ nibus Parisiis an. 1683. . . . Non sum
„ nescius id opus a nonnullis incusari ni-
„ mia severitatis , sive rigoris . Sed fortas-
„ se ut ita censeant , in plurimisque rebus ger-
„ mana causa est , non quia sententiæ ipsius
„ strictiores justo sint , sed quod illorum con-
„ scientia laxa est ; ut hic quodammodo lo-
„ cum habeat dictum illud vetus . Pedes tui
„ non calcant spinas , sed habent .

GASPARIS JUVENIN propositiones .

I. Juvenin pag. 503. edit. Lugd. col. 2.
init. hanc statuit conclusionem : Eo intensius
debet esse peccati odium , quo graviora sunt
crimina .

II. Francolinus pag. 126. n. 5. „ Addit-
„ que id esse in præcepto secundum ali-
„ quos , licet secundum aliquos non sit .
„ Ipse autem jam ingerit scrupulum , dum
„ vult ut ad admovendum scrupulum impen-
„ sius , & si quis debitat contritionis intensio-
„ nem a Deo postulemus . „

III. Juvenin : Qui solo timore pœna do-
let , de sua contritionis supernaturalitate cum
fundamento dubitabit . pag. 509. col. 2.

IV. Juvenin : Divinum præceptum confes-
sionis obligat lapsum intra breve tempus , ita
ut lapsus non licet in multum tempus secun-
dum prudentem estimationem suam confessionem
diffire . pag. 63. col. 2.

V. Francolinus pag. 127. „ Hæc proposi-
„ tio est contraria omnibus Doctoribus , uno
vel altero excepto , ut dictum est . „

VI. Juvenin : Jure divino est necessaria sa-
tisfactionis post Baptismum . pag. 676. col. 2.

VII. Francolinus pag. 127. „ Et quidem
„ condigna , ita ut levis injungi non possit
„ pro gravibus , ut postea probare contem-
„ dit . Igitur cum Ecclesia non possit dis-
„ pensare in præceptis divinis & natura-
„ libus , male dispensavit in hoc , ut certe
„ fecit sapientissime . „

VIII. Juvenin : Periculum est ne viri no-
„ biles , qui magno fine famæ desiderio tenentur ,
„ ruant ad duellos , si in iis locis permaneant in
„ quibus prævident suam famam , quam depo-
„ reunt , adducendam esse in discrimen . Dimit-
„ tendi sunt igitur absque sacramento , si ex il-
„ lis locis discedere detrectent . pag. 742. col. 2.

IX. Francolinus pag. 127. „ Hoc pericu-
„ lum non videtur proximum , nec ea pre-
„ visio efficere videtur , si alioquin habeant
„ firmum propositum abstinenti ab omni
„ pec-

„ peccato. Alioquin vix ullus miles nobis
„ lis potest absolvit. „

Rigorismus FRANCISCI GENNETI Episcopi
Vaisonensis.

I. Gennetus Tom. 4. tract. 6. cap. 5. q. 19.
„ Requiritur, ut possit Confessarius pruden-
„ ter judicare, contritionem pœnitentis in-
„ cludere quatuor circumstantias quas Tri-
„ dentina Synodus censuit necessarias &c.
„ Tertia est firmum constansque, seu non va-
„ cillans novæ vite propositum.

II. Francolinus Lib. 2. disp. 10. num. 26.
pag. 99. edit Venet. „ At ipsi forte non
„ vident sua doctrinæ consequentias, ut cer-
„ te eas nou vidisse dicendus est Franciscus
„ Gennetus in sua recentissima Theologia
„ morali edita Parisiis anno 1703. Ex plu-
„ ribus exemplis rigidissime ipsius doctrine,
„ unde gravia sequuntur absurdia, unum af-
„ feram ex Tom. 4. tr. 6. de Sacram. Pœnit.
„ ubi cap. 5. q. 19. docet, ad veram con-
„ tritionem in hoc Sacramento requisitam,
„ esse necessarium constans propositum: non
„ inquit propositum, sed constans propositum,
„ idque debere innoscere Confessatio. „

III. En rigorismum Genneti. Ad veram peccatoris in Deum conversionem non modo requirit propositum uicumque, ut fieri solet, sed firmum, constansque, seu non vacillans. Hæc autem doctrina, clamat P. Francolinus, non rigida tantum est, sed etiam rigidissima. Rigorista ergo est S. Paulus, qui 2. Cor. 7. docet: Quæ enim secundum Deum tristitia est, pœnitentiam in salutem stabilem operatur. Et tamen hoc est potissimum exemplum quod affert P. Francolinus, ut demonstret doctrinam Genneti esse rigidissimam, nedum rigidam. Si quis diceret, oppositam P. Francolini doctrinam, nempe ad veram pœnitentiam sacramentalem sat esse propositum incostans, & vacillans, esse laxissimam, abluderet ne a vero?

B R E V I S A N I M A D V E R S I O .

Conferat nunc lector præjudiciorum vanus propositiones quas ex Merbesio, Juvenin, & Genneto refert P. Francolinus, cum propositionibus quas ego §. antecedenti ex permultis Probabilistis recensui. Deinde concludat, quisnam potionis jure vocis sonitum extollere jure valeat, & debeat. Verum luctuentiora in univerlo hoc opere argumenta istius judicii formandi dabimus.

C A P U T II.

Axiomata quorundam Casuistarum, que sunt
veluti loci theologici, seu fontes, unde isti
suas hauriunt conclusiones, &
resolutiones.

P R A E L O Q U I U M .

I Nitio Tomi primi hujus Compendii locos Theologæ christianæ brevi calamo exposui. In præsens axiomata quædam exponam quæ plures Casuistæ, invento Probabilismo, pro locis veluti theologicis, unde suas eruunt conclusiones, habent. Probabilismus, ut ostensum suo loco est, pro conscientiæ & honestatis regula constituit tum veritatem, tum falsitatem, dummodo haec probabilitatis, & ignorantiae invicibilis veſte induta sit. Et sane, novo opinandi modo invento, principia excogitanda erant quæ essent tali sistematici consentanea. Nihil dico quod non prædixerint Alexander Papa VII. Ecclesia Gallicana, atque graviores Theologi. Ne vero quisquam suspicari ju-
re queat, me haec scribere ad invidiam o-
mnibus Casuistis creandam, testor primo, me
autores omnes venerari, & suspicere; de-
inde aperte, & perspicue declaro, me non
adscribere generatim omnibus Casuistis AXIO-
MATA, quæ mox subjiciam, sed illis dum-
taxat qui totidem verbis eadem docent, &
iisdem utruntur. Denique si minus vera,
quæ scripturus sum, aliquibus apparebunt,
eadem confutandi, atque labefactandi plena
libertas esto. Quæ mihi certa videntur, pro-
mo. Falli dubio procul possum: idcirco alio-
rum iudicio refellenda subſicio. In hunc por-
to locum remisi haec axiomata refellenda,
quia eorumdem usus præcipue in admini-
ſtrando sacramento Pœnitentiæ obtinet, ut
experiencia oīnibus nota patet. Ad rem.

A X I O M A I .

*Cave a Rigorismo, cave a Rigoristis. Sa-
cta benignitas propugnanda est: & Rigorismus
quotidie magis invalescens exterminandus in ad-
ministrando Pœnitentiæ sacramento.*

A N I M A D V E R S I O .

Publica, & omnibus comperta experien-
tia istius primi axiomatici falsitatem arguit.
Matronæ, & matronulæ, amasæ, & ama-
si, mimi nonnunquam, & mimæ sacra-
mentum Pœnitentiæ frequentant. Quæ isto-
rum pœnitentia, quæ jejunia, quæ cicilia,
quæ

quæ vigiliæ, quæ disciplinæ, quæ morum correctio? Ubinam ergo rigorismus cavedus? Chimera ergo est Rigorismus iste. Fallaris. Profecto apud illos qui indicatis Christianis sacramentum Pœnitentiaæ administrant, Rigorismum non offendes. Ubinam ergo? Apud illos qui præfatis Christianis administrare sacramentum recusant, nisi arti amatoriz, ludis pecuniaris, & fortuitis, comediiis, tragœdiis, theatris, choreis, usurris prius vale dicant. At hæc doctrina evangelica est, & universæ Ecclesiæ, nisi me omnia fallunt. Si isti Christiani, & peccata, & peccandi occasionses re ipsa derelinquent, continuo absolvuntur ab ipsis Theologis qui ut Rigoristæ proclamantur. Cavendum itaque a Laxismo, qui altius vexillum explicat, secus a Rigorismo ab omnibus Catholicis in exilium pulso. Appellas ab experientia omnibus pervia ad libros? Ecce ex una parte Merbesius, Morinus, Gennetus, Natalis ab Alexandro, Pontasius, Be-sombes, Antoine, qui rigoristæ appellantur. En ex altera parte Caramuel, Bordon, Diana, Bonacina, Zanardi, Moya, La-Cruz, Veracruz, Leander, Tambarinus, Gobat, Castropalaus, Sanchez, La-Croixius, Escobar, Alcozer, Bizozer, Burgaber, Sporer, Razemberger. Rogo onnes ut vel unicam solam propositionem Rigorismi damnatam, vel damnandam ex prioris classis operibus extractam objiciant, & tum Rigoristas illos vocent. Ego contra ex secundæ classis libris non unam, sed centenas & centenas dabo; partim certe damnatas, & partim quæ imbecillitati meæ damnandas videantur. Judicent nunc sapientes, an de Rigorismo conquerendum sit. Vide præfationem in Tomum IX.

AXIOMA II.

Lex queque gravis, & onerosa est. Ergo in favorem subditorum exponi debet.

ANIMADVERSIO.

Hic est secundus locus, quod veluti pro theologico Casuisticæ nonnulli habent, ut heinc benignas opiniones deducant. Dubio procul leges omnes adversantur appetitionibus humanis, carni, & sanguini. Admisso autem hoc casuistica axiome corrunt omnes leges divinæ, & humana. Passim Evangelium Christi clamat, & jubet ut crucifigamus carnem cum concupiscentiis nostris, ut quotidie crucem humeris nostris imponamus, & feramus, ut bellum continuum appetitioni-

bus intentemus, ut mundanis spectaculis, deliciis, pompis renuntiemus, ut denique oculos, & sensus a vanitate avertamus. Quid gravius, quid onerosus humanitat? Si in favorem humanæ libertatis leges istæ interpretandæ sint, actum conclamatumque est de universo Evangelio, ceterisque humanis legibus.

AXIOMA III.

Tanta est divine misericordie benignitas erga homines, ut eodem loco habeat veritatem, & falsitatem pallio probabilitatis ornatan. Quare Christus Dominus in die tremendo iudicij extremi dicit: Venite benedicti Patris mei, quia fuistis meadacos, perjuri, avari, probabiliter judicantes talia licita, & honesta esse.

ANIMADVERSIO.

Blasphemiæ forsitan probis Christianis hæc videbuntur. Sed pro certo habent hoc axioma esse præcipuum, & veluti primum Theologiaz probabilitisticae locum theologicum, & fontem, unde Probabilista inferunt homines mentientes, pejerantes, forniciantes, se polluentes, fenerantes ex ignorantia invincibili, & probabiliter judicantes hæc, & ejusmodi opera esse honesta, & laude digna, præmium æternum, per accidens quidem, mereri. Scriptura sancta contra clamat: *Lex tua veritas. Omnia mandata tua veritas. Deus est veritas. Ignorantia invincibilis a peccato excusat, at in virtutem æternio regno dignam mutare peccatum nequit neque per se, neque per accidens. Probare falsitatem, & iniquitatem nullo excitabili modo Deus potest, quia hæc sunt divinæ naturæ repugnant. Bonum ex integra causa, malum ex quocumque defectu. Hæc Tom. 2. Apparatus ad Theologiam Christianam penitus profligata sunt.*

AXIOMA IV.

Lex in controversiam, & in utramque partem disputata, dubia est, nec satis promulgata, ut obliget. Lex autem dubia non obligat, quia melior est conditio possidentis. Libertas humana possidet adversus omnes leges sive divinas, sive humanas hoc modo dubias.

ANIMADVERSIO.

Hic est alter locus theologicus præcipuus & universalis novi opinandi modi, seu Probabilismi. Eundem labefactavi loc. cit. Humana libertas subjecta nascitur legi æternæ Dei. Quare hæc lex contralibertatem, non liber-

libertas contra legem in dubio possidet. Heinc est quod sacri canones clamant: *In dubiis tutior pars est eligenda.* Sophismata Probabilistarum loc. cit. convulsa sunt.

AXIOMA V.

Peccata dubia positive non sunt confitenda. Et hic locus, inquit celebris Probabilista, IN DIES MAGIS RADICES AGIT.

ANIMA DVERSIO.

Fatentur vel ipsi Probabilistæ, ut infra adductis eorumdem verbis ostendam, hanc doctrinam novam esse, sed invalecente probabilistica benignitate, *in dies magis radices agere*, & invalefcere. Securis ad has veneficas, ut ego quidem arbitror, radices adiicienda est, ne antiquam & sanam Evangelii doctrinam inficiant, & corruptant, juxta prædictionem Apostoli Pauli: *Erit enim tempus cum sanam doctrinam non sustinebunt ad fabulas autem convertentur.* Infra ex instituto hunc Probabilismi surculum penitus præcidam.

AXIOMA VI.

Quod docent auctores probi, pii, & graves, licitum est, & honestum. Auctores pii, probi, & graves docent, licitum esse frequentre theatra, comedias representatas a personis sub diversi sexus specie prodeunibus in scenam, ut artem amatoriam edoceant auditores: docent hos contritus, hos ludos, hos conversationes, hac solertia licita esse. Ergo Christiani sequentes opiniones istorum virorum piorum proborum, & gravium, tuti in conscientia sunt.

ANIMA DVERSIO.

Clamat ad Galatas c. 1. S. Paulus firmiter inhærendum esse Evangelio Christi; quidquid blandiloqui homines in oppositum dicant. Sed licet nos, aut Angelus de cœlo evangelizet vobis, præterquam quod evangelizavimus vobis; anathema sit An quero hominibus placere? Si adhuc hominibus placarem, servus Christi non essem. Quinam isti auctores graves, pii, & probi? Suntne Ecclesiæ Patres? sunt ne Ecclesiæ Doctores? Quid quod, si etiam Angeli essent, nullam iisdem adhibendam esse fidem docet S. Paulus? Unde sciām veros, aut falsos Doctores esse? *A fructibus eorum, respondet Christus.* Si mores, & vitam tuam conformant ad vitam Christi; si te per viam arctam, & angustam cum paucis ducunt: hi sunt viri graves, probi, & pii. Si contra per viam

Tom. II.

latam, & spatiösam, cum multitudine dirigunt: si mundi solatiis, & deliciis te saginari permittunt: si indulgent ut pompas, luxum, & mundanas vivendi rationes amplectaris: hi sane falsi prophetæ, & cæci directores sunt: & si cæcus cæcum dicit, ambo in foveam cadunt.

AXIOMA VII.

Jugum meum suave est. Favores ampliandi odia restringenda.

ANIMA DVERSIO.

Hoc fere unicum est Evangelii testimoniū quod passim inculcant Probabilistæ plurimi. Verum ab iisdem inquirō, quomodo Christi jugum sit suave, si continuam carnis crucifixionem, quotidianam crucis delationem, orare pro persequentiis, & calumniantibus jubet; si castitatem immaculatam, & perpetuum mundi, & eorum quæ mundi sunt, odium præscribit; si per arctam, & angustum viam ambulare; si sanguinem fundere, & vitam cum morte commutare imperat, ut ejusdem coram tyranno fides propugnetur. Istud ne jugum suave? istud ne onus leve? Scilicet, respondent Patres omnes, quia caritatis robore, & divini amoris unctione ita foventur, instaurantur, eriguntur humanæ vires, ut jugum leve & suave fiat. Unum ex Patribus allegare sufficiat S. Augustinum. *Vide quia oneratus non eris, si ipsum audieris:* Jugum enim meum leve est.... *Hec sarcina non est pondus onerati, sed ale volaturi.* Habent & aves pœnaruū suarum sarcinas.... Portant illas in terra, & portantur ab illis in cœlo. Tu si misericordiam velis præbere avi, præsertim æstate, & dicas: *Miseram istam aviculam onerant penae: & detrabas onus hoc, in terra remanebit, cui subvenire voluisti.* Porta ergo pennas pacis, alas accipe caritatis. *Hec est sarcina.* Sic implebitur lex Christi. De verb. Apost. serm. 24,

Quid ad hæc Probabilistæ, quorum plures ita extenuarunt divini amoris mandatum, ut alii per totam vitam, alii per quinquennium, alii per biennium vix semel obligare doceant, & communiter omnes vel inchoato divini hujus amoris necessitatem ad sacramentum digne suscipiendum negent? Ergo Probabilistarum sensu lex evangelica suavis non est unctione caritatis, sed sensuum carnalium delectatione. Ergo Probabilistæ adversantur communi omnium Patrum doctrinæ. Siquidem Probabilistæ in

K

sen.

sensu evidenter falso, ne dicam erroneo, opponunt hoc evangelicum oraculum, *Jugum meum suave est*. Heinc enim inferunt, deliniendum esse legis rigorem, & relaxandam atque accommodandam esse legem humanis appetitionibus, & desideriis: atque vi Probabilismi in favorem hominum interpretandam: quoniam favores sunt ampliandi, & perofa humanitati lex restrin-genda. Hæc autem evidenter pugnant cum universa Ecclesiæ doctrina. Præcidunt alas divini amoris, qui sociari nequit cum amo-re insanientis mundi. Porro sublata caritate lex dura duris, ut S. Augustinus ait, eva-dit. Heinc est quod justis suavis lex est, pec-catoribus vero dura, & molesta.

AXIOMA VIII.

Affusfaciendi sunt Christiani sacramentorum frequentationi: quia licet dum juvenes, & robusti sunt, mores non reformati: dum tamen ad senectutem declinant, tunc *affusfaci* frequentare sacramenta dignos edunt fructus. Quare nun-quam. aut rarissime deneganda iisdem absolutio est. Alioquin in reprobum sensum sese detrudunt.

ANIMADVERSIO.

Adolescentiam ergo, & virilem vitam amasii, & amasæ, mimi, & mimæ, avari, & adulteri sacrilegiis, & flagitiis nu-triant, foveant, sagittantque; cum vero de-ficient vires, tunc candidi, & candidæ, tunc sancti, & sanctæ evadent? Quid si in medio cursu deficiant? Quid si cæcitatibus caligine obducantur? Unde sibi spondere do-num conversionis valent? A Deo, cui per totam vitam bellum intentarunt, ut diabolo, & mundo inservirent? Axioma istud erroneum est, & scandali plenissimum.

AXIOMA IX.

Pluris faciendus est bonus Summissa, seu Casuista in regimine animarum, quam omnes Pares simul. *Querunt casus temporum Do-thores temporum. Bellulus miki eris, si ex Basilio, Augustino, Gregorio resolues casus qui state nostra occurruunt.*

ANIMADVERSIO.

Oh infelices primæ ætatis aureæ Christia-ni, qui directi fuere ab illis sanctissimis Patribus, qui ab ipsis Apostolis, & hi a Chri-sto Iesu lumen acceperunt! Præferendus est junior Casuista omnibus Patribus in animarum regimine? Quid si ab hereticis hæc audiremus? Et tamen hæc a Theologis ca-

tholicis typis publicis eduntur. Clamat con-tra Scriptura sancta: *Non te prætereat nar-ratio seniorum: ipsi enim didicerunt a Patri-bus suis: Eccli. 8. & rursus Deut. 32. Interroga patrem tuum, & annuntiabit tibi; maiores tuos, & dicent tibi.* Innumeræ sunt Scripturarum testimonia quæ nos ad senio-rum consilia mittunt. Quid acciderit Ro-boam, qui derelicto consilio seniorum, opi-niunculas juniorum amplexus est, narratur 3. Reg. v. 12. Theologia illa quæ neglectis Scripturis, & Patribus, & Conciliis, consulit dumtaxat juniores quosdam Casuistas, num dicenda sit christiana, judicent sapien-tes. In istorum libris non paucis quæ alia occurruunt, nisi hæc? Licet, & non licet: peccat, & non peccat: est mortale, non est mortale: tenetur, & non tenetur: est veniale, non est veniale: obligat, non obli-gat: potest, & non potest: probabile est urgere, probabile est non urgere: est proba-bile, non est improbable: qui probabiliter operatur, refutata probabiliore sententia, pru-denter operatur? Hoc est commune proba-bilisticum idioma. Num hæc opinandi ra-tio, & modus aptus sit morum reformatio-ni, alii, qui communè sensu a præjudiciis vacuo prædicti sunt, judices sedeant. Illud mihi certum est, quod præferre juniores Ca-suistas antiquis Ecclesiæ Patribus temeritate non vacat, & scandalum ingerit vel ipsis hæreticis, qui heinc anlam arripiunt con-temnendi SS. Patres. Quid responsuri sunt iisdem opponentibus pluris fieri a Catholi-cis nonnullis unum bonum Casuistam, quam Patres omnes, Probabilistæ, penitus igno-ro. S. Paulus ab ipsa mali specie cavendum esse monet. Omnes Scripturæ, omnes Patres vitanda peccandi pericula in clamant. Contra hodie a plurimis appropinquandum esse pecca-to, & abstinentiam ab eodem, docetur. An non appropinquandum esse peccato sua-dent qui licitas conversations familiares utri-usque sexus, licitos ludos fortuitos, licitam frequentiam theatrorum, comædiarum, cho-rearum &c. docent?

AXIOMA X.

Datur ignorantia invincibilis fere omnium præceptorum naturalium. Si non advertis te non peccare, non peccas. Quando Confessarius prudens advertit pœnitentem sub aliquo pecca-to mortali teneri, & difficultem ad suscipiendum remedium, poteris illum relinquere in bona fide, que a peccato excusat, & monitiones in tempus opportunitum differre. Hoc notetur per-

maxime pto Confessariis mercatorum, & Prin-
cipium.

ANIMA DVERSIO.

Ratam ignorantiam invincibilem esse ju-
ris naturalis, saltem præceptorum Decalo-
gi, & eorum quæ inde proxime consequun-
tur, supra jam ostensum est. Necessestas
quoque advertentia actualis jam profligata
est. Ultimam partem, quæ docet, pruden-
tem Confessarium debere penitentes relin-
quere in peccato mortali sordescentes, quan-
do prævidet monitionem non profuturam,
quia bona fides illos excusat, insta ex in-
stituto profligabo.

AXIOMA XI.

Communiter fideles Ecclesiæ catholice diri-
guntur doctrina probabilistica. Confessarii in
animatum regimine communiter adhibent Ca-
suiſtas probabilistas. Probabilisnus per omnes
cuſuscumque ſtatuſ homines divagatur. Num-
quid omnes iſti damnati, numquid omnes re-
probi? Vab trucem Rigorismum.

ANIMA DVERSIO.

Vel ipse paganus Seneca lib. de vit. beat.
sophisma iſtud improbavit. Nulla res nos
majoribus malis implicat quam quod ad rumo-
rem componitur, optima rati ea que magno
offenſu recepta ſunt; quorum exempla multa
ſunt: nec ad rationem, ſed ad ſimilitudinem
vivimus. . . . Non eſt quod mihi repondeas:
Hæc major pars eſſe videtur. Ideo enim pejor.
Non tam bene cum rebus humanis agitur ut
meliora pluribus placeant. Argumentum pefſimi
turba eſt. Quæramus quid optime factum ſit,
non quid uſtatiſſimum; & quid nos in poſ-
ſeſſione felicitatis eterne conſtituat, non quid
vulgo veritatis pefſimo interpreti probatum ſit.
Paganorum ore evulgare Deus voluit veri-
tates iſtas, ut æterno pudore ſuffunderet
Christians, quos in media luce evangeli-
ca non pudet, inquit S. Basilius, multitudi-
ne mendacium defendere. Clamat olim
sanctissimus Martyr Cyprianus epift. ad Do-
natum: Inter jura peccatur, & caput licitum
eſſe quod publicum eſt. Pluries hoc sophisma
ſibi opponit S. Augustinus: Quam multi hoc
faciunt? Quis non facit? Num omnes perditu-
rus eſt Deus? quibus ita occurrit S. Doctor:
Non afferamus dolofas ſed offeramus divinam
ſtateram de Scripturis sanctis. Iſtorum autem
ora obſtruit Scriptura sancta Exod. 23. Non
ſequaris turbam ad facientium malum: nec in
judicio plurimorum acquiescas ſententiae, ut a

verò devies. A vero deviare Probabilistas
vel iſpi fatentur, cum præſcindant a veri-
tate, & falsitate, ut probabilitates contra-
rias ſequantur. Verum eſti universus mun-
dus probabilista fieret, quod nunquam eve-
niat, non propterea verbum Dei, quod eſt
verbum veritatis, vel tantillum deficiet.
Clamat autem Scriptura sancta psal. 24.
Universæ viæ Domini misericordia, & ve-
ritas. Non aliqua, ſed universa, ſed omnes
viæ Domini ſunt viæ veritatis, & misericor-
die. Clament Probabilistæ, crefcat in im-
mensum Probabilistarum multitudine; nu-
nquam divinum oraculum mutationi obno-
xiū evadet. Gratia divina a ſola Dei mi-
ſericordia, non ob aliquod noſtrum meri-
tum, non ob aliquod chimæricum pactum
nobis collata, & veritas a Deo revelata nos
ducunt ad Regnum caeleſte. Quia, inquit
Joan. c. 1. Christus eſt Verbum caro factum
plenum gratiæ, & veritatis... Gratia & ve-
ritas per Iesum Christum facta eſt. Qui gra-
tiæ Chriſti ſuam intimam, inſtamque effi-
caciatię adiungit; & qui veritati Chriſti
falsitatem immiſcent, viam claudunt regni
caeleſtis, nulla ſufragante probabilitate;
quæ ſi excuſare interdum a malitia potest,
ducere ad aternam patriam nequit. Quid
ergo multitudinem objicitis? clamat ſerm.
224. ad infant. S. Augustinus. Timeo vobis
non tantum a paganiſ, non tantum a Judeis,
non tantum ab hereticis, quantum a malis
Catholicis. Eliche vobis in populo Dei quoſ
imitemini. Nam ſi TURBAM imitari volueri-
tis, inter paucos anguſtam viam ambulantes
non eritis. Turbam non ſequimur, ſed viros
graves, pios, & probos. Bene habet. Iſi
viri pii, probi, & graves ducent ne vos
cum paucis per viam arctam, & anguſtam,
an cum magna turba per viam latam, &
ſpatiosam pomparum, theatrorum, ludo-
rum, comædiarum, chorearum, & ſolatio-
rum? Quid ad hæc? Si per blandam, &
deliciis asperſam viam vos ducent, ſint pii,
ſint graves, vos decipiunt, & ſeducunt,
inclamat idem S. Augustinus. Venturi ſunt
homines, & dicturi: Magnus ille vir, ma-
gnus ille homo.... Videris, quia lucet de il-
lis aliqua flamma sermonis, & aliquis de iſis
ignis accenditur. Quid inde reponit S. Do-
ctor? Principes ſunt, docti ſunt, magni ſunt,
lapides preioſi ſunt. Quid adhuc dicturus eſt,
Numquid Angelii ſunt? Et tamen (ipſum Paulum
audite). Si Angelus de celo annuntiaverit
vobis, præterquam accepifit, anathema ſit.
Advertas velim, homines ineptos, flagito-

fos raro seducere bonos , quia isti communiter ut lupi rapaces vitantur . Illi seducunt , qui in vestimentis ovium , inquit lib. 3. Confess. colorant sermones suos . Sunt qui seducunt magno , & blando & honesto nomine colorantes , & fucantes sermones suos . Innumerata alia Patrum testimonia nunc prætereo .

AXIOMA XII.

Qui confiteri , qui audire Confessiones , & administrare Pœnitentie sacramentum possent , si , missis libris casuisticis , & Probabilisticis , legenda essent Evangelia , aut opera Genneti , Pontastri , Natalis Alexandri , Merbesi , Antoine , & Similium ? Sacraenta rari suscipi- rent . Ecclesia nostra deserta evaderent .

ANIMADVERSIO.

Plurimorum ore circumferri & evulgari hoc axioma notissimum est . Quid in hac hypothesi accideret , divinare nolim . Illud scio , evangelicam doctrinam , animarumque salutem æternam , pro quibus Christus mortuus est , Dei ministris cordi esse debere . Ut vero in hunc finem recta tendunt sacramenta rite frequentata ; ita maxime avertunt ab eodem sacramenta indigne , aut oscitantur suscepcta , tantum ut invento mori fiat satis . In id totis artibus incumbere faci ministri debent ut Christianorum mores ad divinæ legis normam ita componantur quo digne sacramenta frequentare queant .

CAPUT III.

De virtute pœnitentie .

I. QUEST. 1. *Quid sit pœnitentia generaliter accepta ?* RESP. Pœnitentie vocabulum late patet . 1. Significat dolorem de quacumque re sine bona , sine mala , quam quis aliter vellet . 2. Est dolor ob crimen patratum conceptus non Dei , sed sui ipsius causa , qualis fuit dolor Esau . 3. Est dolor de peccato , propterea quod est offensa Dei .

II. Tria apud Theologos pœnitentia includit . 1. prioris vita resipiscientiam , & mutationem . 2. ejusdem vitæ dolorem , & detestationem . 3. punitionem quam peccator sibi imponit , vel sibi impositam libenter sustinet , ut Deo satisfaciat .

III. Pœnitentia , altera vera , & est in-

ternus animi dolor de patrato peccato , Dei causa conceptus cum detestatione præterita vita , & proposito melioris , & cum satisfaciendi deliberatione conjunctus . Altera falsa , qua quis affligitur non Dei , sed sui ipsius causa , puta quia peccata infamiam generant , aut temporale damnum . Vera pœnitentia , altera interior , quæ est ipsa virtus pœnitentia jam descripta ; alia exterior , quæ est ipsum sacramentum novæ legis a Christo institutum .

IV. Pœnitentia est vera virtus . Quoniam quæ præcipiuntur a Deo , ad virtutem attinent . Pœnitentia autem frequenter a Deo præcipitur Matth. 3. *Pœnitentiam agite . . . Facite fructum dignum pœnitentie . Rursus Luc. 6. Agite pœnitentiam .* Vide S. Thom. 3. p. q. 85. a. 1.

V. Pœnitentia hæc virtus infusa est , ut ex Scripturis sanctis colligitur , & definitiv sess. 6. can. 8. Tridentinum . Si quis dixerit , sine preveniente Spiritu sancti inspiratione , atque ejus adjutorio hominem credere , sperare diligere , aut pœnitere posse , sicut oportet , ut ei justificationis gratia conferatur , anathema sit . Hæc pœnitentia virtus quovis tempore necessaria iis qui peccaverunt , fuit , necessitate mediis , & præcepti divini , ut definit Tridentinum sess. 14. c. 1.

VI. QUEST. II. *Quot gradibus ad pœnitentie virtutem pervenitur ?* RESP. Sex numerantur a Theologis . 1. Dei operatio nos convertentis . 2. motus fidei . 3. motus timoris servilis . 4. motus spei . 5. motus caritatis . 6. motus timoris filialis . Quam doctrinam explicat 3. p. q. 85. a. 5. S. Thomas , & Tridentinum sess. 6. c. 6.

VII. QUEST. III. *Quinam sint pœnitentie effectus ?* RESP. 1. Est remissio omnium peccatorum . 2. est remissio pœnæ æternæ . Pœna tamen temporalis non semper tota remittitur . Remittuntur quoque peccata venialia . Peccata semel per pœnitentiam remissa , absolute & simpliciter per sequens peccatum post pœnitentiam patratum non reviviscunt . Redeunt tamen secundum quid , inquit 3. p. q. 88. a. 1. S. Thomas , in quantum scilicet virtualiter in peccato sequenti continentur . Quare tanto gravior est malitia peccati sequentis , quanto plura & celestiora fuerint peccata per pœnitentiam dimissa . Per pœnitentiam recuperantur quoque virtutes amissæ , non tamen semper in æquali gradu , sed juxta majorem aut minorem ferorem pœnitentis .

C A P U T I V .

De sacramento Pœnitentiaæ, ejusque materia remota, & proxima.

I. QUEST. I. *Quid sit sacramentum Pœnitentiaæ?* RESP. Definiri solet: *Est sacramentum a Christo Domino institutum, quo per iuridicam Sacerdotis absolutionem homini contrito, & confessio remittuntur peccata post Baptismum commissa.* Primæ particula rationem genericam produnt; ceteræ particulae exprimunt potestatem in Sacerdote remittendi peccata post Baptismum patrata homini contrito, & confessio. Hæc ultimæ particulae declarant dispositiones necessarias in pœnitentiæ, qui suscipere hoc sacramentum velit.

II. Novatores ex albo sacramentorum rejiciunt Pœnitentiam. Sed istorum errorem improbat ex S. Matth. c. 16. ubi Petro Christus inquit: *Tibi dabo claves regni celorum: quodcumque ligaveris super terram, erit ligatum & in celis; & quodcumque solveris super terram, erit solutum & in celis.* Mitto alia plurima testimonia divina. Institutum fuisse hoc sacramentum a Christo præcipue post resurrectionem, declarat *Jeff. 14. c. 1. Tridentinum.*

III. Sacramentum istud est omnibus post Baptismum lapsis necessarium ad salutem obtinendam, ut *Jeff. 14. c. 2. Tridentinum* definit. Hoc sacramentum iterari posse Catholici omnes docent.

IV. QUEST. II. *Quænam est materia istius sacramenti?* RESP. Duplex istius sacramenti materia, remota, & proxima. De illa nunc, de hac postea. Materia remota sunt peccata vel mortalia, vel venialia post Baptismum commissa. Originale enim, vel actualia crimina ante Baptismum patrata non sunt istius sacramenti materia. Nullum est scelus, quantumvis gravissimum, quod remitti hoc sacramento nequeat, ut contra Montanistas, & Novatianos Ecclesia definit.

V. QUEST. III. *Quænam est materia prima istius sacramenti?* RESP. Sunt tres actus pœnitentis, nempe contritio, confessio, & satisfactio, ut innuit Tridentinum *Jeff. 14. c. 3.* De singulis sermo nobis instituendus est.

C A P U T V .

De contritione prima Pœnitentiaæ parte, ejusque naturali, divinoque precepto.

I. QUEST. I. *Quid sit contritio generativæ sumpta?* RESP. Universæ spectata, prout a perfecta, & imperfecta abstrahit, a verbo contero suam dicit originem. Contero idem sonat ac dividit, scindo, confingo. Ideo Propheta Joel c. 2. clamat: *Scindite corda vestra.* Concilium Tridentinum *Jeff. 14. c. 4.* sic eam definit: *Contritio animi dolor, ac detestatio est de peccato commiso, cum proposito non peccandi de cetero.* Dicitur *animi dolor,* quia intra animum sicut. Additur *detestatio,* quia poenitentia non solum est resipiscientia, ut contendunt Lutherani, sed etiam anteactæ vitæ odium. *De peccato commiso,* idest de omnibus peccatis. *Cum proposito &c.* Propositum istud expressum communiter esse debet. Hæc duo, dolor de peccato patrato, & propositum non peccandi de cetero ita connexa sunt, ut unum consistere sine altero nequeat.

II. Proprietates contritionis sunt istæ. Libera, bona, supernaturalis, vera, sincera, magna, vehemens. Contritio itaque est actus non coactus, ut blateravit Lutherus, sed liber, & bonus. Preterea supernaturalis sit oportet, tum ratione divini auxilii, sine quo conteri nemo potest, tum ratione motivi, a quo speciem capiat. Addit Concilium *loc. cit.* cum voto præstandi omnia quæ requiruntur ad sacramentum Pœnitentiaæ, nempe confitendi, & satisfaciendi. Votum istud necessarium est. Præter divinum auxilium, & fidem, timor æternæ pœnae, & beatitudinis amittendæ, turpitudine peccati quatenus offensa Dei, & amor saltem inchoatus divinæ bonitatis influunt in contritionem. Vera & sincera contritio esse debet, quæ non in quibusdam lacrymis, non in lectione alicuius libelli, sed in intimo summoque voluntatis dolore sita est.

III. Contritio hæc summa appretiative esse debet, quæ Deum omnibus creaturis anteponat, & vehemens, quæ maximo ardore in odium peccati, & amorem Dei feratur. Propheta Michæas dolorem contritionis parturientis doloribus assimilat c. 4. *Dole, & Satage filia Sion quasi parturiens:* & Isaïas c. 59. *Rugiemus quasi ursi omnes, & quasi columbae meditantes gememus.* Necesse haud est ut erumpat in lacrymas, quæ interdum fluant

fluunt ex indole, & sensum dispositione.
 IV. Quæst. II. *Præceptum contritionis obligare continuo ac homo peccavit?* RESP. Necesariam esse contritionem jure naturali, divino, & ecclesiastico fatentur omnes. De tempore obligationis disputant Theologi. Plures docent hoc præceptum urgere singulis diebus festis, quibus audiendum est Missæ Sacrificium. Alii quoties peccatum commissum memorie occurrit. Alii continuo ac patratum peccatum est. Illorum opinio qui limitant hoc præceptum ad mortis articulum, & ad receptionem, vel administrationem sacramentorum, penitus falsa est, & vi justi ratiocinii proscripta.

V. Tom. I. in Decalog. lib. I. diff. 4. c. 10. fuso cálamo dispexi quæstionem de obligatione contritionis statim post patratum crimen letale. Tò statim moraliter, non physique accipiedum est. Latitudo temporis præcise definiri nequit. Graviores Theologi Scripturarum, & Patrum testimoniis nixi docent mortaliter peccare illos qui diu differunt conversionem. Quantum temporis comprehendit tò diu? Aliqui dicunt mensem. Ego hebdomadim præter propter intelligerem. Sententia hæc, quæ defendit peccatorem differentem ultra hebdomadam suam conversionem media contritione, graviter peccare, mihi videtur probabilior. Scriptura sanctæ passim, sicut & Patres omnes inveniuntur contra peccatores differentes suam conversionem ad Deum. Admissa plurium opinionem, qua efficacitatem concionatores e suggestu revincere peccatores valent ut non differant de die in diem suam conversionem, ut statim se convertant, quia incertum est mortis tempus, & qua hora non putamus Filius hominis veniet? Qui in peccato persistunt, periculo moriendi in peccato se exponunt. Homo peccato mortali inquinatus mancipium diaboli est. Licitum ne est diabolo inferire, aut in ejusdem famulatu perseverare? Expedit ne sub ira Dei, & in ejusdem rebellione persistere? Experciscimini filii hominum, & Deum audite clamantem: *Ne differas de die in diem:* non dicit de mense in mensem, de anno in annum, sed de die in diem. Legite divina testimonia, & Patrum documenta quæ loc. cit. adduxi, quæque hic repetere opus non est.

VI. Quæst. III. *Quid de opinione Leandi, afferentis præceptum contritionis obligare per se tantum in articulo mortis, dicendum?* RESP. P. Leander rr. 5. dif. I. q. 38. allegat pro proscripta opinione Vasquez, Hur-

tadum, Diana, Villalobosum, Lugo citantem Navarrum, Durandum, Sotum, Bonacinam citantem Suarez, Mollesium, Fillicium. Hæc opinio falsa, & laxa est. Num onnes citati auctores eam doceant, penes Leandrum esto. Præterea hæc opinio damnata est. Evinco. Ecclesia damnavit opiniones casuisticas defendantes præceptum caritatis non urgere per se extra articulum mortis, vel extra quinquennium. Ergo damnata quoque est præfata opinio. Probo. Peccatores astringuntur ne extra articulum mortis, & intra quinquennium amare Deum? Ais? Ergo etiam tenentur conteri. Nemeant enim amore caritatis Deum prosequi, nisi conterantur de patratis culpis. Ergo damnatio prioris doctrine necessario infert damnationem alterius.

VII. Quæst. IV. *Quid sentiendum de sequenti opinione P. Sporer?* RESP. P. Sporer 3. p. c. 2. sect. 2. §. 2. n. 174. ait: „Præceptum contritionis etiam in articulo mortis non obligat hominem peccatorem usu sacramenti cum attritione justificatum . . .“ Ita Henriquez, Vasquez, Canus, pluribus allegatis Cardinalis De-Lugo . . . „Dicastillus, Layman. . .“ Hæc opinio falsa est, & ut imbecillitati meæ videtur, æternæ Christiahorum saluti pernicioſissima. Præceptum enim caritatis imperi sine contritione aut implicita, aut explicita nequit. Ergo relata opinio contenta videtur in theſe 7. proscripta ab Innoc. XI.

VIII. Quæst. V. *An præceptum contritionis ex caritate conceptæ DESIDERAT in lege evangelica admissio sacramentorum usu?* RESP. Adhucmat P. Sporer loco cit. n. 173. his verbis. „Præceptum contritionis non obligat eos qui usu sacramenti cum attritione justificati sunt, aut justificari volunt. Communissima apud citandoꝝ infra. Ratio est, quia Christus in nova lege singulari privilegio aliud quoque medium justificationis instituit, scilicet sacramenta mortuorum Baptismi, & Pœnitentiae, ut proinde modo solius contritionis perfectæ NECESSITAS DESINAT: alioquin certe Christus instituens, ac præcipiens confessionem sacramentalem, medium per se satis durum, & difficile, si insuper etiamnum requireretur contrito perfecta, & ipsa peccatori satis difficilis, non alleviasset, sed multum aggravasset onus legis, essemusque PEJORIS conditionis Christiani quam olim veteres, qui ad solam contritionem obligati per eam justificabantur. . .“

IX. Lacrymis amarissimis hæc inaudita paradoxa defenda sunt potius quam acri stilo perstringenda. Evertunt primum Religionis christianæ fundameatum, nempe caritatis legem. Et tamen hanc doctrinam communissimam vocat P. Sporer, & pro ea citat Henriquez, Vasquez, Canum, De-Lugo, Dicastillum, Laymanum. Lex evangelica est lex amoris, ut universum Evangelium Christi, ut Patres, & Concilia, & tota Ecclesia clamat. Sacramentum confessionis est durum, & difficile, reponit citatus Casuista cum aliis a se allegatis. Sed caritate suave fit, respondent Patres omnes. Quid? insurgunt Casuista isti: si amor caritatis necessarius esset cum sacramento, Christus non alleviasset, sed multum aggravasset onus legis, effemisque pejoris conditionis quam olim Hebrewi. Hæc meditentur lectors, & lacrymas, si valent, contineant. Hæc paradoxa rescribo, ut aliquando dedoceantur qui sunt his casuisticis commentis præventi, & recognitent recitatam doctrinam esse principium quoddam, unde innumera alia paradoxa proficiuntur. Vide plura Tom. 9. lib. 1. disp. 1. c. 8.

X. Subdit ibidem n. 177. „ Præceptum contritionis per se tantum obligare in articulo mortis, & NUNQUAM ante, docent gravissimi Doctores. „ P. Georgius Gobat tract. 6. n. 139. Similiter scribit: „ Di- co 6. Probabile quidem est, nullum extra re præceptum de contritione per se lo quando elicienda ante articulum mortis. „

XI. Ecce quomodo per rō probabile vel ipsa prima christianæ Religionis mandata ad nihilum rediguntur. Jam supra ostensum est, ejusmodi opinio inculcas fallas, laxas, & vi justi ratiocinii proscriptas esse.

XII. Quæst. vi. Peccator qui per annum confiteri nequit ex defectu Confessarii, tenetur ne ad contritionem? RESP. Hanc questionem proponit P. Dominicus Viva q. 2. a. 1. n. 8. & eam his verbis resolvit. „ Respondeo quidem cum Conink, & aliis communiter NEGATIVE. Falsum est enim quod Ecclesia determinavit tempus illud indeterminatum poenitendi in genere.... Ad regulas adductas, Qui non potest totum &c. respondeo, eas valere quando totum, & partes sunt homogeneæ, non vero quando sunt heterogeneæ. „

XIII. En distinctiunculae a Peripatetica Philosophia haustæ, quibus primaria Christi præcepta eluduntur. Præcepta evangelica his quisquiliis homogeneæ, & heterogeneæ

involuntur? Damnata, nedum falsa, & laxa imbecillitati meæ videtur hæc doctrina P. Viva. Nam damnata est hæc thesis: Tunc solum obligat (præceptum caritatis) quando tenemur justificari, & non habemus aliam viam qua justificari possimus. Tenemur justificari singulis annis ex præcepto Ecclesiæ; & damnata est thesis, quia solum iunctum mandatum caritatis urgere afferet. P. Viva autem neque intra annum teneri nos ad justificationem, deficiente Confessario, docet quia præceptum caritatis & contritionis non urget. Ergo vi justi ratiocinii, nisi fallor ipse, magis damnata est hæc doctrina P. Viva quam cum suo Conink communem appellat. Et revera ipse communis sensus hanc doctrinam detestatur. Quoniam qui non potest totum, nempe conteri, & simul confiteri, saltem conteratur. Qui non potest solvere centum, solvat saltem decem dum potest. Hoc verum habet, reponit P. Viva, quando partes sunt homogeneæ, tenuis quando sunt heterogeneæ. Peregregie. Commenta hæc, & similia que passim occurunt in pluribus libris casuisticis, mihi terorem ingerunt. Siquidem universa Scriptura sancta, & omnes Patres oppositum docent.

XIV. Animos addit P. Sporer adversus Scripturas, & Patres n. 178. & seq. his verbis. „ Absterrent te gravissimæ SS. Partium, & sacræ Scripturæ sententiæ tam serio, & minaciter urgentes maturam pœnitentiam, & damnantes feram dilatatio nem pœnitentiæ. „ Audi responsum. At quidni commode intelligi possunt de consilio sane optimo, ac saluberrimo; aut ad summum de precepto non debere nos nimis diu permanere in statu peccati mortalis? Nimis diu, id est usque ad mortem, vel per quinquennium. Consilium tantum est ne peccatores christiani perseverent sub tyrannide diaboli, & rebelles a Deo?

XV. Quæst. VII. Utrum sit nimium laxa opinio De-Lugo negantis præceptum contritionis in articulo mortis? RESP. Hæc scribit disp. 7. de pœnit. sect. 13. n. 271. Cardinalis de Lugo, „ An ille qui suscipit sacramentum Poemnitentiarum cum attritione cognita, debeat adhuc sub peccato mortali habere contritionem saltem in articulo mortis? Affirmant multi, Suarez.... Nugnus.... Sanchez.... Granado.... Valentia &c. Contrariam tamen sententiam docent alii multi, Coninch, Becanus, Layman, Fangundez, Faber, Diana, Turrianus, Salas, & alii recentiores.... n. 262. Hec

„posterior sententia semper mihi VERTIOR VI-
„sa est“.

XVI. Audistin' ? Non probabilis modo , sed *vertior* etiam semper illi visa est . Nobis autem semper falsa , & vi justi ratiocinii damnata vis etar præfata doctrina . Neque in articulo mortis contritionis naturale , divinumque præceptum urget ? Desit , & in nihilum occidit in evangelica lege respectu illorum qui confitentur , præceptum contritionis , etiam in extrema lucta . Neque in hoc extremo Christiani amore caritatis Deum prosequi , neque conteri ex dolore offensæ interrogatæ infinitæ Dei bonitati astringuntur .

C A P U T VI.

*De sufficientia attritionis formidolosæ , seu
servilis ad sacramentum Pœnitentie
valide suscipiendum .*

Q Uæstionem summi momenti discutien-
dam aggredimur : idcirco ut clare , &
perspicue pleno in lumine veritatem consti-
tuamus , caput istud in sequentes §. §. tri-
buemus .

§. I.

Status questionis aperitur .

I. A Ttritio formidolosa , seu servilis illa dicitur quæ concipitur ex metu gehennæ , & peccati turpitudine . Sub hoc timore gehennæ comprehenditur etiam amissio beatitudinis . Alii addunt necessitatem amoris spei , seu concupiscentiæ , quo Deus diligitur ut nobis bonus , seu ut beatitudo nostra . Hanc attritionem quocumque caritatis etiam inchoatae amore destitutam sufficere ad sacramentum Pœnitentie defendunt plurimi ; negant vero graves alii Theologi , & ego cum illis . Pro controversiæ decisione primum omnium præjudicia adversariorum convellenda sunt .

§. II.

PRÆJUDICIUM PRIMUM .

Evidenter falso est Tridentinum definiisse attritionem servilem sufficere ad sacramentum Pœnitentie ; immo aperte repugnat tali opinioni .

I. N duabus sessionibus nempe 6. & 14. sermo habetur in hoc Concilio de dispositionibus ad Baptismum , & Pœnitentiam . In priori aperte necessitas amoris caritatis

inchoatae asseritur , ut infra ostendam . In posteriori nullo modo favet adversariis .

II. Cardinalis Pallavicinus in Hist. Concil. Trident. lib. 12. c. 10. narrat , in decreto primum formato insertum fuisse verbum *sufficere* , & contradictibus Episcopis substitutum fuisse verbum *disponere* . Hoc factum extra controversiam est . Ergo Tridentinum non modo non declaravit attritionem formidolosam *sufficere* , sed hanc opinionem abrogavit , & substituit contrariam , quæ docet attritionem servilem *disponere* quidem , sed non *sufficere* .

III. Innumera sunt sophismata , quibus Attritionarii implicare , & obscurare hoc decretum pertinent . Huc fere omnia recidunt . Td disponit , inquit , idem sonat ac *sufficit* , quia attritio servilis etiam extra sacramentum disponit . Ergo Tridentinum loquitur de dispositione proxima quæ idem valet ac *sufficit* .

IV. Ergo illusoria est reformatio decreti . Ergo cum Tridentinum delevit verbum *sufficit* , & substituit verbum *disponit* , fucum fecit Catholicis , iisdemque illusit , si ambo verba idem significant . Extra sacramentum attritio servilis disponit remote ; in sacramento minus remote , seu propinquius . Ergo proxime ergo sufficit ? Ineptæ hæ sunt .

§. III.

PRÆJUDICIUM SECUNDUM ,

*Quo plures preventi falso existimant , caritatem
in quocumque gradu etiam remisso justifica-
re impium extra sacramentum .*

I. U T hoc præjudicium penitus labefactem in medium adduca doctrinam communem penes omnes Theologos scholasticos , ut celeberrimi Salmantenses scholastici tom. 12. tract. 24. disp. 7. dub. 1. §. 1. n. 8. testantur . Est autem ejusmodi . Omnes actus tum naturales , tum supernaturales attingentes idem profusus formale objectum , seu sub eodem formali motivo , sive fidei , sive spei , sive caritatis , sive temperantiae , sive justitiae , sive castitatis &c. alii sunt perfecti , alii imperfecti , alii producunt ultimum effectum , alii disponunt , sed non producunt hunc effectum . Ergo communis Theologorum sensu causa nostra finita est . Ergo caritas imperfecta , & in gradu remisso non expellit maculam peccati , cum hæc expulsio sit ultimus operis justificationis , pluribus actibus constantis , effectus .

II. Confirmat hanc doctrinam Catechismus Concilii Tridentini 2. p. c. 5. ubi 79. sectionibus hanc materiam dispicit, & nec verbulum habet de attritione servili. Hæc autem scribit §. 36. Primum itaque dicendum est, Confessionis institutionem nobis summopere uilem, atque adeo necessariam esse. Cur? Attente perpende. Ut enim concedamus, contritione peccata deteri, quis ignorat ADEO VEHEMENTEM, ACREM, & INCENSAM esse oportere, ut doloris acerbitas cum scelerum magnitude aequari, conferrique possit? At quoniam PAUCI ADMODUM ad hunc GRADUM pervenirent, fiebat etiam ut a PAUCISSIMIS HAC VIA peccatorum venia speranda esset. Quare necesse fuit ut clementissimus Dominus faciliori ratione communi hominum saluti consuleret: quod quidem admirabili consilio effecit, cum claves regni cœlestis Ecclesie tradidit.

§. 37. Confessio contritionem perficit. Etenim ex fidei catholicæ doctrina omnibus creditum, & constanter adfirmandum est, si quis ita animo affectus sit ut peccata admissa doleat, simulque in posterum non peccare constituat, et si hujusmodi dolore non afficiatur qui ad imperandam veniam satis esse possit, ei tamen, cum peccata Sacerdoti rite confessus fuerit, vi clavium sclera omnia remitti, ac condonari.

III. Adeo hæc luculenta sunt, ut penitus omnium adverfariorum ora mihi videantur obstruere. Catechismus explicat contritionem, quæ est principalis pars materiae sacramenti. Docet hanc contritionem esse caritatis actionem §. 27. Distinguit istius contritionis gradus, & declarat admodum paucos esse qui ad hunc fervoris gradum necessarium ad justificationem extra sacramentum perveniant. Quare, subdit, necesse fuit &c. Quid præstat hoc sacramentum? Contritionem perficit. Quomodo? quia si peccator hujusmodi dolore non afficiatur qui ad imperandam veniam satis esse possit, ei tamen, cum peccata Sacerdoti rite confessus fuerit, vi clavium omnia sclera remitti, ac condonari constat.

IV. Missis testimoniosis Patrum, & præsertim S. Augustini, unus in medium produsat S. Thomas, qui in 2. dist. 3. qu. 4. ad 1. hæc scribit: Dicendum, quod actus caritatis potest dici duplicer: vel qui est ex caritate; & hoc non est nisi in habente caritatem: vel qui est ad caritatem, non sicut meitorius, vel generativus, sed sicut PRÆPARATIVUS, & sic actus caritatis ANTE CARITATIS habitum haberi potest, sicut facere iusta est ANTE habitum iustitiae. Vel potest dici,

quod in amicitia caritatis movetur animus ad amandum Deum ex similitudine gratiæ; sed in dilectione naturali ex ipso bono naturæ, quod etiam est similitudo summe bonitatis. Et propter hoc dicendum, quod cum dicitur, quod habens caritatem diligit Deum PROPTER SE IPSUM, ly propter aerotat habitudinem finis, & efficientis, quia ipse Deus superaddit naturæ, unde in ejus dilectionem tendit. Sed cum dicitur de CARENT CARITATE, quod diligit propter se ipsum, ly propter denotat habitudinem finis, & non efficientis.

V. Hanc eamdem doctrinam explicat ibi dist. 28. qu. 1. a. 3. ad 2. his verbis. Dicendum, quod sicut aliarum virtutum actus duplicer considerari possunt, vel secundum quod sunt a virtute, vel secundum quod antecedunt virtutem; ita etiam est de caritate: potest enim aliquis etiam caritatem NON HABENS diligere proximum, & Deum etiam super omnia, ut quidam dicunt: & hoc diligere intelligitur ACTUS CARITATIS sub precepto directe cadre, & non solum secundum quod a caritate (habituali) procedit.

VI. Rursus 2. 2. q. 19. a. 8. hæc docet. Perfectum, & imperfectum non diversificant substantiam rei; sed timor initialis, & filialis differunt secundum perfectionem, & imperfectionem caritatis, ut patet per Augustinum. Deinde in cor. art. hæc resolvit. Sic non accipitur initialis timor secundum quod distinguatur a timore servili, & filiali; sed accipitur secundum quod competit statui incipientium, in quibus inchoatur quidam timor per inchoationem caritatis. Non tamen inest eis timor filialis PERFECTE, quia nondum pervenerunt ad perfectionem caritatis. Et ideo timor initialis hoc modo se habet ad filiale, sicut caritas imperfecta ad perfectam. Caritas autem perfecta, & imperfecta non differunt secundum ESSENTIAM, sed solum secundum STATUREM.

VII. Luculentius hanc doctrinam confirmit 1. 2. 113. a. 10. hoc pacto. Est enim iste communis & consuetus cursus justificationis ut, Deo movente interius animam, homo convertatur ad Deum, primo quidem conversione imperfecta, ut postmodum ad perfectam deve-niat, quia CARITAS INCHOATA MERETUR AUGERI, ut aucta mereatur perfici, sicut Augustinus dicit (tract. 5. in epist. Joan.) Quandoque vero Deus tam vehementer animam moveat, ut statim quamdam perfectionem iustitiae assequatur; sicut fuit in conversione Pauli, adhibita etiam exterius miraculosa prostratione: & ideo conversio Pauli tanquam mi-

miraculosa in Ecclesia commemoratur celebriter.

VIII. Tandem 3. p. q. 86. a. 3. hanc eamdein doctrinam declarat inquiens; *Pecatum mortale non potest sine vera pænitentia remitti, ad quam pertinet deservere peccatum, in quantum est contra Deum; quod quidem commune est omnibus peccatis mortalibus: ubi autem est eadem ratio, & idem effectus. Unde non potest esse vere pænitens de uno peccato qui non pænitet de alio. Si enim displiceret ei illud peccatum, quia est CONTRA DEUM super omnia dilectum (QUOD REQUIRITUR AD RATIONEM VERÆ PÆNITENTIÆ) sequetur quod de omnibus pænitentes. Unde sequitur quod impossibile sit unum peccatum remitti sine alio. Ad rationem itaque pœnitentia necessario requiritur displicentia de peccato, quia est contra Deum super omnia dilectum. Et loquitur Angelicus de pœnitentia cum sacramento necessaria, ut constat ex articulo præcedenti, ad quem hic se remittit.*

IX. Hæc adeo comperta sunt, & decretria, ut fateamur oportet, Thomistas illos qui oppositum docent, non attigisse fontem angelicæ doctrinæ, sed ex corruptis rivulis aquas suas derivasse. Quod isti opponunt ex 4. distinc. 17., seu in suppl. q. 5. a. 3. ubi ait, quod *quantuncunque sit parvus dolor, dummodo ad contritionis rationem sufficiat, omnem culpam delet, ex ignorantia opponentis oritur.* Ibi enim Angelicus loquitur, ut ex argumento prolusorio constat de contritione gratia sanctificante informata, quæ et si remissa, delet omnem culpam. Vnum itaque commentum est omnem caritatem actualem in gradu remisso peccata delere.

§. IV.

PRÆJUDICIUM TERTIUM,

Quo Attritionarii Rigorismi notam inuinxerunt caritati evangelico, & formidolosam attritionem benignitatis larva induunt.

I. **N** veteri Testamento, inquunt Attritionarii, sola contritio delebat peccata. In nova lege institutum est sacramentum Confessionis. Si necessaria in hac lege esset contritio ex caritate inchoata concepta, Christus non legivasset, sed aggravasset jugum: quod dici non potest, cum ipse testetur: *Jugum meum suave est.*

II. Hoc adversariorum paradoxon hostiles pugnat cum Evangelio. Clamat Paulus Rom. 8. Non enim accepisti spiritum servituis iterum in TIMORE, sed accepisti spiritum adoptionis filiorum, in quo clamamus,

*Abba, Pater. Clamat S. August. tract. 13. in Joan. Verum est quod ipse dicit: Jugum meum suave est. Quidquid enim durum est in preceptis, ut sit love caritas facit. Et rursus in epist. ad Rom. idem Augustinus docet: Evidenteris duorum Testamentorum distincte sunt tempora: illud enim ad timorem pertinet, novum ad caritatem. S. Thomas in c. 4. Matth. inquit: *Vetus erat lex timoris, nouus vero amoris.* Hæc est doctrina omnium Patrum. Durum est Confessionis jugum; sed caritate suile fit. Adversarii auferunt ab hoc iugo caritatem. Ergo jugum durum, & durissimum remanet. Ipsi existimant suave reddi jugum, si ala caritatis, inquit Augustinus, ab eo praeceditur. Sed mirum in modum falluntur, ut Patres omnes docent. Contendunt suave reddi jugum, si accommodetur carni, & sanguini, si diminuantur præcepta; sed in hoc graviter errant: & gravius errant, dum sententia nostræ notam Rigorismi, Jansenismi, & Bajanismi inurunt. Jansenistæ defendunt primum caritatis mandatum, defendant præceptum contritionis, necessitatem caritatis inchoatae ad sacramentum. Jansenistæ defendunt mysteria Trinitatis, Incarnationis, Eucharistiae &c. Ideo neganda hæc omnia? Jansenistarum, & Protestantium errores strenue refellendi sunt. Sed ut Victoria obtineatur, purganda est a laxarum opinionum commentis, unde scandalum accipiunt hæretici, evangelica Moralis. Alioquin inanis erit omnis vociferatio contra Jansenistas, & Bajanistas.*

§. V.

Paucæ premittuntur de diversitate timoris.

I. **T**Imor triplex. 1. Naturalis, quo quis, natura duce, temporalia malia reformidat. 2. Mundanus, quo dumtaxat hominum respectu, a malo abstinetur. 3. Divinus, qui Deum respicit. Hic divinus timor duplex: servilis alter, dum quis non justitiæ amore, sed gehennæ metu a malo abstinet; alter castus, qui Deum ut supremum Dominum reveretur, & ne ei displiceat, a peccato se coeret. Timor iste duplex: initialis, qui est timor culpæ cum formidine pœnæ coniunctus; filialis, quo quis ad Deum convertitur, non formidine poenæ, sed amore justitiae, & caritatis, ut 2. 2. q. 59. a. 2. docet S. Thomas.

II. Timor naturalis malitiam vel bonitatem

tem recipit a bono, vel pravo voluntatis affectu. Timor mundanus suapte natura malus est.

III. In timore servili duo distinguenda. Timor ipse, & ejus servilitas. Timor poenæ bonus est. Servilitas mala, cum sit affectus peccati in animo latitans, quo, nisi poena imminaret, peccatum eligeretur. Hinc duplex timor servilis distinguui a Theologis solet: unus qui dicitur absolute servilis; alter qui nuncupatur serviliter servilis. Ille bonus, iste malus est.

IV. De fide est attritionem ex gehennæ, & poenarum metu conceptam bonam & utillem esse ad justificationem, ut Tridentinum *sess. 6. can. 8.* definit. Tandem attritio ex gehennæ timore concepta, precedente fide, supernaturalis est, cum disponat ad justificationem.

§. VI.

Insufficientia attritionis servilis ad sacramentum Pœnitentiae ostenditur.

I. **T**imor sufficiens ad sacramentum Pœnitentiae debet penitus excludere omnem voluntatem peccandi, ut omnes faintur: timor servilis hanc voluntatem penitus non excludit: ergo est insufficientis. Demonstratur secunda propositio. Voluntas peccandi, seu peccatum excludi nequit nisi per ejus oppositum. Inter timorem poenarum, & peccatum absolute spectatum, prout est offensa Dei, non est directa oppositio. Timor enim directe poenas infligendas a judice spectat. Timor iste contumaciam coercet animi tormenta spernentis, & huic contumaciae directe opponitur. Ergo nequit excludere peccatum absolute, & secundum se, prout est offensa Dei, cum sub hac consideratione peccatum non respiciat. Neque hoc est vitium timoris, quia ad officium timoris hoc non attinet.

II. Ut clarius haec percipias, scias oportet, cujuscumque virtutis, & doni limitatam vim esse, & sphæram. Fides excludit infidelitatem, spes desperationem. At neque fides intemperantiam, neque spes iniquitatem, aut incontinentiam convellunt. Propterea ne five fides, five spes, five aliæ virtutes quidquam vitii continent? Absit. Quoniam quælibet virtus limitata est, & solum suum vitium oppositum expellit. Similiter timor bonus est, & utilis: quia poenas a judice statutas reformidat, & coercet impii contumaciam, cui opponitur; & coer-

cendo contumaciam impii aliquo modo etiam excludit peccatum, quatenus impio poenas parat. Hoc est totum & plenum timoris officium. At excludere omnem peccandi voluntatem excedit timoris sphæram, quia timor non respicit peccatum, ut dixi, absolute, & ut est offensa Dei.

III. Hanc doctrinam confirmant omnes Patres. S. Augustinus *serm. 15. de verb. Apost. c. 6.* hæc habet. *Qui timore pœna non concupiscit, puto quia concupiscit.* Terrore ingenti armorum, atque telorum, & circumdantibus forsitan multiitudinis, & obviam evanis, etiam leo revocatur a præda; & tamen leo venit, leo redit: prædam non rapuit, non malitiam posuit. *Si talis es, adhuc justitia est:* quia justitia tibi consulis ne torquearis. *Quid magnum est pœnam timere?* quis enim non timet? quis latro, quis sceleratus, quis nefarius? Sed hoc interest inter timorem tuum, timoremque latronis, quod latro timet leges hominum; tu autem leges ejus times, ejus pœnam times, quem fallere non potes. Nam si fallere posses, quid non fecisses? Ergo, & concupiscentiam tuam malam non timor tollit, sed timor premit. Ad ovile venit lupus; latrato canum, & clamore pastorum ab ovili reversus est lupus: ipse tamen semper est lupus. Audistin? Leo venit, leo redit: prædam non rapuit, sed malitiam non posuit. Semper est lupus præda avidus, semper latro. Similis autem leoni, lupo, latroni est voluntas, Augustino teste, non peccandi formidine poenæ.

IV. *Similia in Psalm. 118. con. 11.* scribit, *qui timore pœna, non amore justitiae opus legis facit, profecto invitus facit.* Quod autem invitus facit, si posset fieri, mallet utique non jaber: ac per hoc legis, quam vult non esse, non est amicus, sed potius inimicus; nec mundatur opere, qui immundus est cogitatione, & voluntate.

V. S. Thomas, qui Augustinus contra eius nuncupatur, perspicue hanc doctrinam propagnat pluribus in locis. Hec *i. 2. q. 6. a. 6.* statuit. *Quia ex metu aguntur, mixta sunt ex voluntario, & involuntario.* Id enim quod per metum agitur, in se consideratum, non est voluntarium, sed fit voluntarium in casu, scilicet ad vitandum malum quod timeretur.

VI. Item ibidem *art. 7. ad 2. subdit:* *Dicendum, quod in eo qui per metum aliquid agit, manet repugnatio voluntatis ad id quod agitur, secundum quod in se consideratur...* Et ideo quod per metum agitur, quodammodo est

est involuntarium . . . Timidus agit contra id quod etiam nunc secundum se vult.

VIII. Rursus ibidem q. 107. a. 1. ad 2. hæc docet. *Lex vetus dicitur cobibere manum, non animum: quia qui timore pœne ab aliquo peccato abstinet, non simpliciter ejus voluntas a peccato recedit, sicut recedit voluntas ejus qui amore iustitiae abstinet a peccato: & propter hoc LEX NOVA, QUÆ EST LEX AMORIS, dicitur animum cobibere.*

VIII. Tandem 2. 2. q. 19. a. 9. hæc habet. *Timor servilis non est numerandus inter septem dona Spiritus sancti, licet sit a Spiritu sancto: quia, ut Augustinus dicit in lib. de nat. & grat. c. 57. potest habere annexam voluntatem peccandi. Dona autem Spiritus sancti non possunt esse cum voluntate peccandi, quia non sunt sine caritate.*

§. VII.

Diluuntur adversariorum objectiones.

I. Opponunt. Tridentinum sess. 14. c. 4. damnat eos qui afferunt, attritionem esse coactam, non liberam, non voluntariam. Resp. Tridentinum eò loci Lutherum damnavit, quod blateraret, contritionem, quæ a timore gehennæ oria sua capit, esse vitiosam, hominemque magis peccatorem efficere: definitique timorem gehennæ esse bonum, & honestum poenitentiarum initium, atque ad caritatem disponere. Quare dolor iste liber, voluntarius, honestus, supernaturalis est, & ad poenitentiam perutilis.

II. Opponunt 2. Aut attrito ex solo metu poenarum sufficiens est, aut mala est. Ideo enim non sufficit, quia voluntatem peccandi penitus non excludit. Sed quod voluntatem peccandi non excludit, malum est. Resp. Antecedens fallum est, sicuti & id quod subditur. Aliud est carere perfectione, aliud vitio infici. Primordia rerum tum naturalium, tum supernaturalium imperfetta sunt. Ideone vitiosa? Fides non excludit peccatum: ideo ne mala? attrito servilis incipit oppugnare peccatum formidine pœnæ: idcirco bona, honesta, & utilis, quia disponit ad justificationem. At totum quod necessarium est implere nequit, quia id extra ejusdem sphæram est, ut dixi supra.

III. Opponunt 3. Tridentinum sess. 14. c. 4. inquit: *Illam vero contritionem imperficiam que attrito dicitur . . . si voluntatem peccandi excludat cum spe venie; declarat, non solum non facere hominem hypocritam, & magis peccatorum, verum etiam donum Dei*

esse, & Spiritus sancti impulsum, non adhuc quidem inhabitantis, sed tantum moventis, quo penitens adjatus, viam sibi ad iustitiam patrat. Si nulla vero attritio voluntatem peccandi excluderet, superflua foret illa particula conditionalis. Resp. Tridentinum hoc decreto damnat Novatorum errores, & honestatem atque utilitatem attritionis servilis aduersus eosdem definit. Attritio servilis mala esse potest, utpote si concepta sit ex timore serviliter servili. Idcirco Concilium adjectit dictam particulam, si voluntatem peccandi excludat, eo modo qui eidem competit, quatenus nempe disponit ad justificationem, non quatenus sufficit, quia hæc sufficientia est extra ejusdem sphæram. Si plura cupis, consule Tom. 9. lib. 1. diff. 2. c. 7. §. 5.

C A P U T VII.

De necessitate amoris, seu caritatis inchoatione ad sacramentum Pœnitentie.

L Abefactatis præjudiciis, & rejecta opinione attritionis formidolosæ, illud nunc superest ut caritatis inchoatione necessitatem patefaciam. Quod, ut perspicue & evidenter præstem, in sequentes §§. rem tribuo.

§. I.

Scripturarum, & Concilii Tridentini testimoniis evincitur amoris initialis necessitas in quacumque peccatoris conversione.

I. Christus Dominus Matth. 22. Diliges Dominum Deum tuum ex toto corde tuo, & in tota anima tua, & in tota mente tua. Hoc est maximum & primum mandatum. S. Paulus 1. Cor. 6. Si quis non amat Dominum Jesum Christum, sit anathema. Et Joannes: Qui non diligit, manet in morte.

II. Tridentinum sess. 14. c. 4. damnavit errores Novatorum, ut indicatum est. Porro sess. 6. c. 6. de qua silent adversarii, explicat dispositiones necessarias ad sacramenta. Hæc autem statuit. Disponuntur autem ad ipsam iustitiam dum excitati divina gratia, & adjuti, fidem ex auditu concipientes, libere moventur in Deum, credentes vera esse quæ divinitus revelata, & promissa sunt, atque illud in primis, a Deo iustificari impium per gratiam ejus, & redemptionem, quæ est in Christo Iesu, & dum peccatores se esse intelligentes, a divina iustitiae timore, quo utiliter concutiuntur, ad considerandam Dei miseri-

sericordiam se convertendo, in spem eriguntur, fidientes Deum sibi propitium fore, JESUMQUE TAMQUAM OMNIS JUSTITIAE FONTEM DILIGERE INCIPIUNT, ac propterea moventur aduersus peccata per odium aliquod ac detestationem, hoc est per eam pœnitentiam quam ANTE Baptismum AGI OPORTET.

III. Primum omnium adverte, hic Tridentum non damnare aliquem Novatorum errorem, ut præstat *sess. 14. c. 4.* sed imbuere Catholicos, & explicare dispositiones necessarias ad sacramenta suscipienda, seu ad justificationem obtainendam. Varia sunt interpretamenta quæ defensores attritionis servilis excogitarunt. Alii dicunt, Concilium explicare dispositiones necessarias ad justificationem extra Baptismum. Hoc interpretamentum directe pugnat cum decreto, in quo dicitur: *Per eam pœnitentiam, quam ANTE Baptismum agi oportet.* Alii afferunt, Concilium recensere omnes illos actus, non quia necessarii, sed quia regulariter semper habentur. Concilium ergo, non de necessariis, sed de arbitrariis dispositionibus agit? Hoc pacto omnes eludi canones possunt.

IV. Turnely pag. 158. fatetur Concilium præter fidem, & spem exigere dilectionem Dei, sed qualis illa sit, aperio non explicare. Fatetur Theologus iste hanc dilectionem quam requirit Concilium, esse distinctam a dilectione spei, sed ignoratur an sit distincta tamquam res a re, vel tamquam effectus a causa. Quid? Duos tantum amores & Philosophi, & Theologi agnoscunt, concupiscentie, & amicitiae seu benevolentie & caritatis. Fatentur adversarii, Concilium præter amorem concupiscentie, qui spem comittatur, & eam præcedit tamquam fundamentum cui innititur, aliam dilectionem exigere. Ergo hæc dilectio distincta a dilectione spei, est dilectio caritatis, seu amicitiae, & benevolentiae. Nulla hic ad evadendum latebra.

V. Pergunt ulterius Tridentini Patres *c. 7.* ubi hæc docent. *Hanc dispositionem, seu præparationem justificationis ipsa consequitur, que non est sola peccatorum remissio, sed & sanctificatio, & renovatio interioris hominis per voluntariam susceptionem gratiae, & donorum, unde homo ex injusto fit justus, & ex inimico amicus.*

VI. In justificatione fit renovatio interioris hominis. Qua ratione fit hæc renovatio? *Per voluntariam susceptionem gratiae.* Hæc verba produnt liberam, & actualem confessionem voluntatis. Quid produnt alia posteriora verba? *Unde homo ex injusto fit justus, ex ini-*

mico amicus. Duo hostes transire ne ex ini-
micitia in sinceram, & mutuam amicitiam
valent, nisi ambo sincero, & reciproco ami-
citiae amore se se prosequantur? Quid est
amicitia Deum inter & nos? Caritas. In
hanc amicitiam, inquit Concilium, libere
homo consentit. Ergo consensus iste caritatis
est. Luculenta hæc sunt.

VII. Cavillabuntur ne hæc intelligenda
esse de prioritate naturæ, non temporis, de
consensu comitante, & consequente, non
antecedente justificationem? Verum has di-
stinctiunculas huic argumento ineptissimas
labefactat Concilium ipsum declarans con-
fessionem liberam in futuram justificationem.
Præterea ibidem *c. 5.* hæc præmittit:
Istius justificationis exordium in adultis a Deo
*per Jesum Christum, præveniente gratia, su-
mendum esse, hoc est ab ejus vocatione, qua,
nullis eorum existentibus meritis, vocantur, ut*
*qui per peccata a Deo aversi erant, per ejus
excitantem & adjuvantem gratiam ad conver-
tendum se ad suam ipsorum justificationem, ei-
dem gratie libere assentiendo & cooperando dis-
ponantur, ita ut tangente Deo cor hominis per
Spiritus sancti illuminationem, neque homo ipse
nihil omnino agat, inspirationem illam recipiens,
quippe qui illam abjicere potest; neque tamen
sine gratia Dei movere se ad justitiam coram
illo libera sua voluntate possit.*

VIII. Libere homo se movet, disponit, & preparat ad futuram suam justificationem, eidem libere assentitur, eam respuere valet, eidem cooperari debet. Tandem Concilium ibidem *can. 13.* hæc definit: *Si quis dixerit, sine præveniente Spiritu sancti inspira-
tione, atque ejus adjutorio hominem credere,
sperare, diligere, aut pœnitere posse, sicut ope-
ret, ut ei justificationis gratia conservatur; ana-
thema sit.* Tota Concilii doctrina sub unica
oculorum acie in hoc canone proponitur. Distincto ordine primum proponitur fides;
post spes, atque adeo amor concupiscentiae,
sine quo spes non datur; & tandem cari-
tas. Ergo Concilium præter amorem spei,
qui amor, ut dictum est, necessario spem
præcedit, requirit caritatem incipientem, qua,
ut Concilium ait, *incipimus diligere Deum*
ut omnis justitiae fontem. Sapientissimus
BOSSUETUS de doctr. Concilii Trident. *p. 1.*
n. 14. testatur, hanc doctrinam ex S. Thoma
*depromptiam esse, immo ex ejus verbis conte-
xtam.*

IX. Reponent ne, hanc Tridentini doctrinam pro Baptismo, secus pro sacramento
Pœnitentiae traditam esse? Minus ne pro hoc
quam

quam pro illo sacramento requiritur? Primus Baptismus est aquæ frigidæ; secundus Pœnitentia est laboriosior, est aquæ ferventis, & excoquentis pellem. Nonne Pœnitentia est sacramentum mortuorum, sicut est Baptismus? Heinc doctissimum Bossuetus loc. cit. pag. 32. jure clamat: *Quare hæc opinionum ludibria procul a Scholæ gravitate, & auctoritate amandari deceret: ac revera certum est responsionem hanc, ne quid dicam gravius, haberi improbabilem, ac remerariam.* Merito episcopali gravitate has quorundam opinatio[n]es improbat Bossuetus, ut opinionum ludibria.

X. Doctrinam Tridentini declarat ejusdem Catechismus p. 2. c. 5. §. 9. his verbis: *Secundum est etiam, quibus GRADIBUS ad hanc divinam virtutem licet ascendere. Primum itaque Dei misericordia nos preuenit, cordaque nostra ad se convertit . . . Deinde hoc lumine illustrati, per fidem ad Deum animo tendimus . . . Preterea motus timoris consequitur, & suppliciorum acerbitate proposita animus a peccatis revocatur . . . Huc deinde accedit spes in perpetrande a Deo misericordie, qua erecti, vitam & mores emendare constituimus. Postremo CARITATE CORDA NOSTRA ACCENDUNTUR, ex quo liberalis ille timor probis & ingenuis filii dignus oritur: atque ita unum illud veriti ne qua in re Dei majestatem tendamus, peccandi consuetudinem omnino deserimus. Hisce igitur quasi GRADIBUS ad hanc præstantissimam pœnitentia virtutem pervenitur.*

§. II.

SS. Augustini, & Thome testimoniis necessitas caritatis inchoata demonstratur.

I. **S**a Augustinus epist. 45. ad Anastasium hæc scribit; *Inanite purat victorem se esse peccati qui pœne timore non peccat: quia eti[us] non impletetur foris negotium male cupiditatis, ipsa tamen mala cupiditas intus est hostis . . . Inimicus ergo justitiae est qui pœne timore non peccat; amicus autem erit, si ejus amore non peccat: tunc enim vere timebit peccare: nam qui gehennas metuit, non peccave metuit, sed ardore: ille autem peccare metuit qui peccatum ipsum, secus gehennam, odit. Item tract. 5. in Joannem. Filii Dei discernuntur sola dilectione, & caritate a filiis dia-boli. Denuo in expositione epist. ad Galatas: *Non auferuntur peccata, nisi gratia fidei quæ per dilectionem operatur.* Sexcenta alia S. Doctoris testimonia rescribere possem, quæ prætereo.*

II. S. Thomas i. 2. qu. 107. a. 1. ad 2. hæc scribit: *Lex vetus dicitur cohibere manum, non animum: quia qui TIMORE PÆNIT ab aliquo peccato abstinet, NON SIMPLICITER ejus voluntas a peccato recedit, SICUT recedit voluntas ejus qui AMORE JUSTITIE a peccato abstinet: & propter hoc lex nova, quæ est lex amoris, dicitur animum cohibere. Rursus lib. 4. contra Gentes cap. 72. hæc docet. Primum quod in Pœnitentia requiritur, est ordinatio mentis, ut scilicet mens convertaatur ad Deum, & avertatur a peccato, dolens de commissio, & proponens non committendum, quod est de ratione contritionis. Hec vero mens reordinatio sine gratia esse non potest: nam mens nostra debite ad Deum converti non potest sine CARITATE.*

III. Tandem missis pluribus aliis testimoniis, 3. p. q. 85. a. 5. luculentissime exponit necessitatem caritatis ad Pœnitentia sacramentum, ubi ex instituto controversiam discutit. Inquit enim, *utrum principium pœnitentia sit ex timore?* Respondebat autem his verbis: *Primum principium est Dei operatio convertentis cor, secundum illud Thren. ultim. Converte nos Domine ad te, & convertemur: secundus actus est motus fidei: tertius est motus timoris servilis, quo timore suppliciorum a peccatis retrahitur: quartus actus est motus spei, quo quis sub spe venie consequenda assumit propositum emendandi: quintus actus est MOTUS CARITATIS, quod alicui peccatum displicet SECUNDUM SE IPSUM, & non jam propter supplicia: sextus actus est motus timoris filialis, quo propter reverentiam Dei aliquis emendam Deo voluntarius offert. Sic igitur patet quod actus pœnitentie a timore servili procedit sicut a primo motu affectus ad hoc ordinato; a timore autem filiali sicut ab immediato, & proximo principio. Hanc doctrinam repetit in Suppl. qu. 3. art. 1. ad 4. Malitia autem in culpa mortali mensuratur ex eo in quem peccatur, inquantum est ei indigna; & ex eo qui peccat, inquantum est ei nociva. Et quia homo debet magis Deum quam seipsum diligere; ideo plus debet odire culpam, inquantum est offensa Dei, quam inquantum est nociva sibi.*

IV. Hæc est splendidissima christiana pœnitentia pictura, quam vividis coloribus delineavit S. Thomas, & ad cuius exemplar Concilium Tridentinum sess. 6. formavit 6. decretum, teste Dominico Soto. Sed prætermisso Soto Dominicanu[m], hoc testatur Bossuetus, hæc loc. cit. pag. 90. scribens: *Non ergo immerito diximus, tantam esse sacra-* san-

sanc&ae Synodi Tridentinae cum S. Thoma doctrina confessionem, ut ex hac illa quodammodo contexta esse videatur.

V. Ulterius præfatam doctrinam mirum in modum confirmat, & declarat S. Thomas i. 2. qu. 113. a. 10. his verbis: *Est iste COMMUNIS, ET CONSUECUS cursus iustificationis ut, Deo movente interiori animam, homo convertatur in Deum, primo quidem conversione imperfecta, ut postmodum ad perfectam deveniat. Quia CARITAS INCHOATA MERETUR AUGERI, ET AUCTA MEREATUR PERFICI, sicut Augustinus dicit: QUANDOQUE vero tam vehementer Deus animam mouet, ut STATIM quamdam perfectionem iustitiae asequatur, sicut fuit in conversione Pauli &c.*

VI. Hanc ipsum doctrinam præmiserat ibidem art. 5. ad 1. inquiens: *Ergo dicendum, quod ad eandem virtutem pertinet prosequi unum oppositorum, & refugere aliud: & ideo sicut ad caritatem pertinet diligere Deum, ITA ETIAM DETESTARI PECCATA, per quem anima separatur a Deo.*

VII. Rursum ibidem art. 7. ad 2. subdit: *Liberum arbitrium potest simul in duo moveri, secundum quod unum ordinatur ad aliud. Motus autem liberi arbitrii in peccatum ordinatur ad MOTUM LIBERI ARBITRII IN DEUM. Propter hoc enim homo defestatur peccatum, QUIA EST CONTRA DEUM, cui vult adhaerere (per dilectionem scilicet.) Ideo liberum arbitrium in justificatione impii SIMUL DETESTATUR PECCATUM, ET CONVERTIT SE IN DEUM SICUT ETIAM CORPUS SIMUL RECEDENDO AB UNO LOCO ACCEDIT AD ALIUM.*

VIII. Aut Concilio Tridentino, SS. Augustino, & Thomæ, & Catechismo Tridentino nuntium remittant adversarii: aut huic doctrinæ fasces submittant, vietasque manus dent necessum est. Plura alia testimonia SS. Patrum omitto brevitatis causa.

§. III.

Rationibus ex Scripturis sanctis huius evincitur necessitas caritatis inchoatæ ad Pœnitentias sacramentum rite suscipiendum.

I. Primum maximumque mandatum dilectionem Dei imponit. Nullum tempus assignari potest quo præceptum istud magis urgeat quam dum agitur de recuperanda per poenitentiam Dei amicitia. Ideo enim Christianus peccavit, quia Deum non amavit. Ergo tum potissimum divino flagrare amore obstringitur cum dolet de Dei

amicitia amissa, eamque redintegrare toto virium conatu satagit.

II. Confirmare opportuno exemplo doctrinam hanc lubet. Audi Filium prodigum patrem alloquenter. Doleo pater, & quam valeo, vehementer doleo, quod peccaverim. Antea factæ flagitiæ & sceleratæ vitæ veniam enixe rogo, efflagitoque. Ingensis hereditatis tuæ adeundæ amore deflagro, firmamque concipio spem eamdem asequendi. Sed quia toties peccavi contra mandata tua, vehementer timeo ne illam sim amissurus: & ob hunc timorem subeundi tam grave damnum vehementer me pœnitet peccasse. Scias tamen velim, mi pater, quod intus in corde meo latitat, non amor erga te, erga bonitatem tuam, cujus nec levem, inchoatamque scintillam experior; sed solus timor damni sustinendi, sola spes opulentii patrimonii obtinendi unica mihi est ad te redeundi causa. Non te amo amantem; sed te timeo pœnas & supplicia minitantem. Non amo bonitatem tuam erga me profusissimam; sed reformido exhereditationem meam mihi perniciössimam. Hanc hereditatem concupisco; & ex hoc concupiscentiæ amore erga divitias tuas, spes in me consurgit easdem asequendi. Ama ergo pater filium te non amantem, sed pertimescentem. Ah fili nequam, & indigneissime! Siccine patrem alloqueris? Apage in malam crucem. An clementissime pater! Tempera, quæso, parumper indignationem tuam. Si meus te ferme concitavit, causam cur ira locutus fuerim, audire supplex deprecor efflagitoque ne dedigneris. Theologi illi, magistri illi, quos tumet, o pater, pro conscientiæ meæ regimine mihi assignasti, hanc me docuere doctrinam. Isti præfatum sermonem altius animo meo imprimere conati sunt. Isti, isti, inquam, mihi suasere, haudquaquam necesse esse ut in hac mea pœnitentia, & reconciliatione te vel inchoatæ caritatis, & initialis amicitiæ dilectione prosequar; sed sufficere ut ob cladium, pœnatumque metum de peccatis meis doleam, amoreque concupiscentiæ erga infinitam hereditatem tuam mihi obveniendam ardeam. Hanc servilem doctrinam, o pater, egomet, vel ipso lumine quo me tu magna clemencia perfudisti, ut falsam communique sensui adversantem reputabam. Quid? ipse dicebam. Inimicus offensorque evasi amantissimi patris mei: & novum amicitiæ fœdus cum eodem instaurabo, quin illum sincera caritate sua vique benevolentia redamem? Quid? Ille me

me caritate impensa diligit; & ego ipsum ob hereditatem possidem dumtaxat concupiscam? Dum talia effari audierunt Theologi tui, continuo vociferantes, me tetrici rigoris, stultitiaeque insimularunt, & velut hæreticæ sententia fautorum redarguerunt: quarum vocum strepitu perterrefactus, illorum tandem placitis auscultavi. Adjecerunt illi solummodo, ne illos gravare, ut mihi caveam, videar, postquam in ius hereditatis capienda restitutus, & plene, media absolutione, tecum reconciliatus fuero, me postea mortis tempore, singulisque quinquenniis, bienniisve semel faltem te caritatis amore prosequi debere. Illos ergo, pater optime, redargue, increpa, in illos, non in me, animadvertisco. Hæc est autem viva imago peccatoris qui solo gehennæ timore, & spe beatitudinis æternæ obtinendæ, & dolore amittendæ concussus ad Deum reddit, ut cum eodem reconcilietur, omni amore vel initiali erga illius bonitatem sublato. *Ex inimico amicus fieri vult: & amare amicum patrem non studet, non curat, non nititur?*

III. Altera ratio sic proponitur. Vita cordis amor. Amore peccator ad creaturam convertitur, receditque a Deo. Hæc aversio a Deo, & conversio ad creaturam per solam aversezionem a creatura, & conversionem ad Deum auferri potest. Amor quippe erga creaturam auferri nequit, nisi per amorem erga creatorem.

IV. Adultus cum primum moraliter usum rationis attingit, Deum amore prosequi, ei- que & se, & omnia subjecere obstringitur ut ultimo fini, sicuti omnes Thomistæ, & alii Theologi docent: ergo potiori jure, dum post patrata peccata Dei rebellis evasit, amore in Deum se convertere debet.

V. Qui odio in proximum ardet, absolutionis capax non est, nisi posito odio, erga proximum amorem accendat. Christiani mortaliter peccantes rursus crucifigunt Filium Dei, & cum Deo inimicitiam contrahunt. Quomodo hæc auferri inimicitia potest nisi amore? Petrus amare Paulum offendit astrin- gitur, ut cum illo novum amicitiaœ foedus ineat: & Sempronius, qui Dei Filio pec- cato mortem intentavit, reconciliationem cum eodem inibit quin illum amet? Solo amore concupiscentia, solo timore gehennæ divinum illud amicitiaœ foedus redintegrabit? Vulgare axioma, *Si vis amari, ama, respe-ctu divinae amicitia locum non habebit?* Deus testatur: *Diligentes me diligo. Cor est*

quod Deus petit: Fili prebe mibi cor tuum. Quomodo præberi cor istud Deo potest nisi amicitia amore?

VI. Qui voluntatem deliberatam non habet omnia mandata servandi, non est absolutionis capax: sed nemo servare omnia mandata absque caritate initiali valet: ergo ad sacramentum Pœnitentia digne suscipiendum est necessaria caritas inchoata. Primam propositionem admittant omnes. Secundam evinco. Voluntas constans, & firma servandi omnia mandata includit voluntatem servandi primum & maximum mandatum caritatis, quod est universæ legis caput, & ad quod cetera omnia mandata ordinata sunt. Implicat autem in terminis, ut ajunt, propositum efficax & deliberatum diligendi Deum sine amore Dei. Quid enim est velle sincere servare caritatis mandatum nisi re ipsa Deum amore prosequi? Quare sapienter S. Augustinus tract. 74. in Joan. scribit, *Quomodo ergo Dominus dicit: Si diligitis me, mandata mea servate: & ego rogabo Patrem, & alium Paraclytum dabit vobis: cum hoc dicat de Spiritu sancto, quem nisi habeamus, nec Deum diligere possumus, nec ejus mandata servare? Quomodo diligimus, ut eum accipiamus, quem nisi habeamus, diligere non valemus? Aut quomodo mandata servabimus, ut eum accipiamus, quem nisi habeamus, mandata servare non possumus?*

VII. Non me latet, orta attritionis servilis opinione, una cum Probabilismo Salmanticæ, ut fuse ostendi Tom. 9. plures Probabilistas caritatis mandatum fere evacuasse. At istorum doctrina proscripta est, ut alibi retuli.

§. IV.

Diluuntur adversariorum objecta.

I. **O**pponunt i. Dolor qui requiritur ad Pœnitentia sacramentum dispone-re, non destruere sacramentum debet. Dolor caritate inchoata formatus delet omnia peccata. Ergo nihil restat sacramento destruendum; & tamen est sacramentum mor-tuorum, quod delere peccata debet.

II. Hoc est potissimum adversariorum ar-gumentum, quod nihil efficacius falsitatem opinionis formidolosæ attritionis patefacit. Nihil falsius quam caritatem inchoatam delere peccata. Quid ad hæc Attritionarii? Edifferant nobis eruditæ adversarii an per xiiii. saecula in aliquo SS. Patrum reperi-rint caritatem destruere sacramentum Pœ-ni-

nitentia? Hec doctrina & universa antiquitati, & Tridentino, & ejus Catechismo incognita fuit. Dico itaque, Pœnitentiam esse sacramentum mortuorum, & producere primam gratiam habitualem vivificantem, quæ diffunditur per Spiritum sanctum inhabitantem illis qui caritate inchoata dispositi sunt per Spiritum sanctum moventem, & nondum inhabitantem. Et sine hac gratia actuali, & amore initiali nemo potest credere, sperare, diligere, & pœnitentiam agere, sicut oportet, ad justificationis donum obtainendum, ut definivit Concilium Tridentinum. Omnibus virtutibus habitualibus praesunt actus imperfecti ejusdem species, ut Theologi omnes fatentur. Adversarii legant S. Augustinum lib. de nat. & grat. cap. ult. ubi inquit: *Caritas inchoata, inchoata iustitia est; caritas proiecta, proiecta iustitia est; caritas magna, magna iustitia est; caritas perfecta, perfecta iustitia est.* Jure proscriptæ fuere propositiones Bajanæ 62. & 63. quod negarent hujus duplicitis vivificationis, & duplicitis caritatis imperfectæ, & perfectæ distinctionem, sicut & aliae similiter hanc duplē caritatem negabant. Quare nonnisi ab illis qui ignorant errores Bajanos, adversus sententiam propugnantem necessitatem caritatis initialis ad sacramentum Pœnitentia digne suscipiendum obtrudi iidem valent.

III. Opponunt z. S. Thomas 2. p. q. 70. docet: *Minima gratia potest resistere cuilibet concupiscentie, & vitare omne peccatum mortale... Minima caritas plus diligit Deum quam cupiditas millia auri & argenti.*

IV. Resp. Ibi S. Thomas loquitur de circumcisione, quæ Baptismum portendebat. Integrum articulum rescripsi Tom. 9. lib. 1. diff. 2. cap. 9. §. 2. & palam feci ibi expresse loqui Angelicum de gratia sanctificante quæ in Baptismo infunditur, atque adeo de caritate habituali. Quid quod S. Thomas hoc ipsum adversariorum argumentum 3. p. q. 84. a. 5. sibi opponit argum. 2. Universa delicta operit caritas... Ergo habendo caritatem, & fidem, & misericordiam potest quisque salutem consequi etiam sine Pœnitentia sacramento. Audiant nunc S. Thomæ responsum. Ad secundum dicendum, quod ex quo aliquis peccatum incurrit, CARITAS, fides, & misericordia NON liberant hominem a peccato sine pœnitentia. Requirit enim CARITAS, quod homo DOLEAT DE OFFESA IN AMICUM COMMISSA, & quod amico studeat satisfacere. Requirit etiam ipsa fides ut per viv-

Tom. II.

tutem passionis Christi, quæ in SACRAMENTIS Ecclesie operatur, QUÆRAT JUSTIFICARI a PECCATIS. Requirit etiam ipsa misericordia ordinata ut homo subveniat poenitendo sue miseriae, quam per peccatum incurrit, secundum illud Proverb. 14. Miseros facit populos peccatum. Unde Eccles. 30. dicitur: *Miserere anime tue placens Deo.* En adversariorum principium a S. Thoma convulsum. Caritas ainalis inchoata tollit effectum, & voluntatem peccandi. Gratia vero sanctificans detracit maculam peccati.

V. Quod opponunt ex Appendice adjecta ad Concilium Romanum sub Benedicto XIII. nihil adversus nostram sententiam evincit, ut mox ostendam, sed potius contra adversarios urget.

§. V.

Sententia formidolose attritionis in 1. thesi ab Innoc. XI. proscripta vi evidenter ratiocinii evincitur contenta.

PROPOSITIO DAMNATA.

Non est illicitum in sacramentis conferendis sequi opinionem probabilem de valore sacramenti, relata tuitore, nisi id vetet conventione, aut periculum gravis damni incurriendi. Hinc sententia probabili tantum utendum non est in collatione Baptismi, Ordinis sacerdotalis, aut episcopalis.

I. Fuso calamo Tom. 9. lib. 1. diff. 2. c. 10. recensui interpretamenta, quibus adversarii præservare suam opinionem studient a prefata damnata thesi. Fatentur uno ore, quod opinio de attritione servili, si sit solum probabilis, vel probabilior, vel probabilissima, contingatur in thesi damnata. Sed ajunt hanc suam opinionem prætergredi probabilitatis confinia, & esse moraliter certam.

II. Audi P. Cardenas, qui in Crisi D. 2. c. 6. a. 2. q. 1. n. 6. inquit: *Decretum loquitur de probabilibus. Hec autem doctrina non est mere probabilis, sed omnino certa, & indubitabilis propter definitionem Concilii Tridentini.*

III. P. Dominicus Viva in prop. 1. Innoc. XI. n. 21. hæc scribit: *Opinionem de sufficientia attritionis... non esse mere probabilem, aut probabilissimam, sed practice & moraliter certam.* Et rursus in Cur. q. 3. a. 2. n. 7. hæc docet: *Afferere attritionem non esse sufficientem &c.* Hæc opinio post Tridentinum tamquam improbabilis rejicitur communissime... Post Tridentinum amissit omnem probabilitatem.

L

Ite-

Ierum in prop. 14. Alexandri VIII. Hæc adjicit: *Prohibitio autem illa Alexandri VII. ne alterutra ex iis opinionibus censuretur, non infers utramque opinionem esse probabilem.* Et n. 31. addit: *Cum hujusmodi PROHIBITIONES SÆPE FIANT IN BONUM PACIS.* His paucis verbis eludit decretum Alex. VII.

IV. Similia docent communiter Probabilistæ defensores attritionis formidolosæ. Porro hæc jactata moralis certitudo est facti falsitas luce meridiana clarior, est commentum, imaginaria & manifesta chimæra, improbatæ ab Alexandro VII. prohibente censura notari alterutram opinionem.

V. Plusquam centum Theologi ex universo orbe catholico celebiores, quibus comparati Casuistæ defensores attritionis formidolosæ parum resplendent in Republica litteraria, quos Tom. 9. recentui; doctissimi Cardinales Denhoffius, Aguirius, Le-Camus, Monilianus; plurimi Archiepiscopi, & Episcopi, quos inter doctissimus bossuetus, qui solus prævalet centum Casuistis; celebriores universitates Parisiensis, Lovaniensis; omnes fere Theologi Augustinianæ Religionis, & hodie Dominicanæ. Quid si celeberrimi BENEDICTINI Ordinis, quid si aliorum Ordinum Theologos recenserem? Illud satis sit vix hodie reperiri alicujus nominis Theologum præjudiciis vacuum qui opinione de attritione servili non refutet.

VI. Tota hæc numeroſissima multitudine insignium Cardinalium, Episcoporum, Universitarum satis non est ad constituendam opinionem probabilem apud Probabilistas, qui defendunt quatuor Casuistas, immo unum, juxta P. Viva, si sit doctissimus, efficere opinionem probabilem? Quid quod Probabilisti defendunt attritionem servilem esse certam, quia contendunt definitam esse in Concilio Tridentino? At evulgata Historia Cardinalis Pallavicini, vel ipsi defensores attritionis servilis fatentur, nihil hac de re definitisse Tridentinum.

VII. Ergo evidentissimum est jactatam certitudinem moralē esse falsissimam, vanumque commentum, injuriosum decreto Alexandri VII. tot Cardinalibus, Archiepiscopis, Episcopis, & tot gravissimis Theologis, pernicioſissimum imperitis lectoribus, qui ex tali afferta certitudine decipiuntur. Ergo hæc moralis certitudo retractanda, & eliminanda est. Unde hanc formo argumentationem.

VIII. Si opinio attritionis servilis esset tantum probabilis, vel probabilior, vel pro-

babilissima, fatentibus adversariis, esset damnata ab Innoc. XI. Sed veritas facti evidentissima, luculentissima est universo litterario orbi, talem opinionem non esse moraliter certam elidente probabilitatem contrariae sententiae. Ergo tam evidens est opinionem de attritione servili contineri in decreto Innocentiano, quam evidens competunque est certitudinem moralē dictam esse arbitrarium commentum, & inauditum paradoxon.

IX. Illud dicitur moraliter certum quod unanimi consensu a Theologis defenditur. Illud probabile, vel probabilius, quod a gravibus Theologis in utramque partem disputatur. Tam certum est hanc controversiam in utramque partem disputari, ut Alexander VII. prohibuerit ne alterutra opinio censura notaretur, donec aliquid a S. Sede definitum fuerit. Post duodecim annos Ven. Innoc. XI. definitivit in perficiendis sacramentis ex opinionibus controversis tutiorem amplectendam esse. Post hoc decretum defensores attritionis servilis evulgarunt, suam opinionem, quæ sub Alexandro VII. erat tantum probabilis, & inter Probabilistas communior, evasisse certam, & extra controversiam. Illud autem certum est post decretum Alexandrinum sententiam attritionis servilis coercitam fuisse inter Casuistas, & evulgato decreto Innocentiano contrariam doctrinam prævaluisse inter graviores Theologos.

X. Celeberrimi Theologi Salmantenses Scholastici Tom. 12. p. 2. tract. 24. diff. 7. dub. 1. §. 6. n. 51. quamquam defensores attritionis servilis, candide fatentur relatam certitudinem moralē esse purum putumque commentum. En illorum verba. „ Hæc „ responsio non satisfacit, nec sustineri potest. Defert enim assertioni nostræ omnium modam certitudinem fundatam in definitione Concilii Tridentini . . . Philaetus „ refert centum auctores productis nominibus „ contrariam nobis sententiam instituentes. „ Et quidquid sit de hoc, assertiōnem non „ esse definitam in Concilio Tridentino constat suis evidenter ex decreto Alexandri VII. . . . Pontifex prohibet censuras in „ unam & alteram partem, donec, inquit, „ ab hac S. Sede fuerit aliquid definitum, „ palam supponens NIHIL haec tenus definitum esse ab Ecclesia circa istam controversiā. ”

XI. En novam ineluctabilem confirmationem chimæricæ certitudinis moralis, & indu-

dubitare. Alterum responsum præbent Attritionarii, nempe decretum Innocentianum prohibet usum opinionis probabilis relictutio*nre in sacramentis conferendis*, securus vero in recipiendis. Hæc responso, inquit Salmantenses, est mera fuga speculativa, menti Pontificis in illa propositione repugnans. Similia docent Touenely, & alii attritionis servilis propugnatores. Evidens ergo est, vel celebriorum adversariorum confessione, certitudinem moralē, cui unice fidunt communiter Casuistæ, esse chimæram; & decretum Innocentianum prohibere usum opinionis probabilis, relictutio*nre, tum in conferendis, tum in recipiendis sacramentis.*

§. VI.

PARADOXON Salmanticenſum paucis refellitur,
Et ſententia noſtra confirmatur.

I. R Eſpondent itaque Salmanticenses p. 53. his verbis: „Ut autem non vi-
„deāmūr difficultatem fugere, aut timore vel
„in his quæ ad praxim ſpectant, respondetur
„admitiendo totum ſyllogiſmum... No-
„ſta namque ſententia non ſolum eſt pro-
„babilior, & communior, ſed etiam TUTIOR,
„quam contraria.“

II. Legiones ſcholaſticorum numquam ter-
ga vertunt, ſed trucidari potius volunt. Ab
orbe condito ſimile paradoxon, ut mihi vi-
detur, non eſt auditum. Hæc doctrina eſt
contra omnes Catholicos: evertit funditus
Christi regnum caritate partum, caritate
erectum, caritate perfectum.

III. Sed rationes cur Theologi iſti pro-
pugnant opinionem attritionis servilis eſte
tutio*nre*, & tutiſſimam, indicemus. Hæc eſt
eorum argumentatio. Amor caritatis Dei
super omnia conjungi nequit cum peccato
mortali. Hic enim eſt error Baji. Ergo ut
hic error declinetur, dicamus oportet, at-
tritionem ſervilem omni caritate vacuam
eſte longe tutio*nre*, immo unice tutam,
qua sacramenti praxim defendit.

IV. Mirum eſt potuisse perdoctos viros
tam crassum & erronem sophisma objice-
re. Ipsi fatentur Alex. VII. prohibuisse,
ne alterutra ſententia censura notareretur, ni-
hil Tridentinum definiſſe: & eadem pagina
centuram Bajanifmi inutere ſententia noſtræ
illios non pudet? Ignorant perdocti vi-
ri Bajus errasse, quia caritatem habitualē
cum peccato coniunxit. Erravit præterea
Bajus, quia caritatem actualē imperfectam

ab habituali non distinxit. Nos dicimus, ca-
ritatem actualē imperfectam conjungi cum
peccato proxime expellendo per gratiam fa-
tificantem poſſe. Dicimus cum S. Thoma,
attritionem caritate imperfecta formatam
eſte materiam sacramenti Poenitentia*e*; ut
fiat sacramentum expellens peccatum, re-
quiritur forma. Couruit ergo undique ver-
sum vaniſſimum sophisma Salmanticenſum.

V. Quam inauditum fit recensitum para-
doxon, paucis habeto. Si doctrina formidolo-
ſa attritionis eſt longe tutior; ergo omnes Theo-
logi, omnes Concionatores clamare debe-
rent: Christiani cavete a caritate Christi
etiam imperfecta. Longe magis cavetote
ab amore Dei ferventiori, & ferventissimo:
cavete, quoſo, ab hac divina caritate, dum
acceditis ad sacramentum Poenitentia*e*: ca-
vete, inquam, cavete ab hac divina ca-
ritate, quia caritas iſta deſtruit, exterminat
ſacramentum Poenitentia*e*. Cavete: quia
ſi caritate flagrantes ad tribunal poenitentia*e*
acceditis, heretici Bajanifci eſtis. Accedite
ſolum perterrefacti poenarum gehennæ timo-
re, & amore concupiſcentiæ proprie beatifi-
tudinis ſuccensi. Ceterum amor Dei ſuper
omnia longe a vobis ſit, exuler ab anima-
bus vestris: quia iſte amor Dei ſuper o-
mnia hostiliter pugnat cum ſacramento Poen-
itentia*e*, illudque exterminat. In ſacra-
mentis recipiendis tutiora ex definitione Eccle-
ſiae ſequi debetis. Longe tutius eſt, ſi ac-
cedatis ad ſacramentum Poenitentia*e* ſolo ti-
more ſervili percusi, quam ſi adeatis di-
vina caritate flagrantes. Blasphemia iſtæ
ſunt legitima, niſi me omnia fallunt, & ne-
cessaria conſectaria doctri*n*a Salmanticenſum.

VI. Heinc collige ſententiam noſtram el-
ſe certam, & adversariorum, ut mihi vi-
detur, opinionem contineri in decreto Inno-
centiano. Jactata certitudo moralis eſt me-
ra chimæra, ut doctiores adversarii faten-
tur. Quod propositio damnata comprehen-
dat ſolos miniftriſſos conſerentes ſacramentum,
non fideles recipientes, eſt, inquit Salmanti-
cenes, mera fuga speculativa, menti Pontificis... repugnans. Tandem quod opinio attritionis ſervilis ſit tutior eſt paradoxon quod
universum Christi Evangelium & Religionem
cristianam evertit. Adversarii ipſi, non ſe-
cuſus ac ædificatores Turris Babelicæ, pro-
priam ſententiam lacerant, deſtruunt, da-
mnant. Nam dum unus trullam petit, al-
ter cæmentum porrigit. Si plura hoc de ar-
gumento cupis, confule Tom. 9. lib. 1. diff.
2. ubi omnia adversariorum sophismata la-

befactata, & plura quæ ad historiam hujus controversiæ attinent, invenies.

C A P U T VIII.

Nonnullæ questiones de dolore, & proposito non peccandi resolvuntur.

I. **Q**UEST. I. *An pœnitens elicere dolorem debeat de peccato cum intentione confitendi?* RESP. Negant Lugo, Aversa, Tamburinus, Gobat, Moya, Sporer, Il Sung, & alii. Sed hæc opinio rejicienda est ut minus probabilis. Dolor iste actio est sacramentalis. Ergo per intentionem pœnitentis subjicienda est formæ sacramentali. Neque enim in solo ministro, sed etiam in pœnitente necessaria est intentio. Non sunt tamen hæc metaphysice & subtiliter discutienda, quoniam eo ipso quod quis confiteri velit, doleatque de peccatis, re ipsa dolor illius respectum dicit ad sacramentum. Non sunt ergo, ad hoc quod attinet, pœnitentium mentes torquendæ.

II. **Q**UEST. II. *An dolor precedere confessionem debeat, an satis sit ut post confessionem ante absolutionem eliciatur?* RESP. Omnes affirmant, dolorem præcedere absolutionem debere, cum sit ejusdem proxima materia. Disputant vero Theologi in utramque partem, num antecedere confessionem, quæ dolorosa dicitur, debeat. Navarrus, Toletus, Vasquez, Hurtado, Diana, Bonacina, Suarez, Lugo, Sporer, Gobat, Moya, Tamburinus, & alii defendunt sat esse ut subsequatur confessio nem, & antecedat absolutionem. Alii sustinent oppositum. Præcisus casibus repentinis, & insolitus, communiter loquendo mihi probabilius est quod debeat præcedere confessionem: tum quod in sacramentis tutiora, dum res in controversiam vocatur, sequi debeamus: tum quod medio isto dolore pœnitens de statu peccati mortalis, & diabolice servitutis ad statum filiorum Dei transire debet. Transitus iste, communiter loquendo, non sit in instanti, aut paucis momentis. Habenda tamen pœnitentium ratio est. Nam dum iusti confitentur, facillime dolent, & conterruntur, cum habitualiter dispositi sint. Contra, peccatores gravi sarcina onusculi difficultius hunc concipiunt doloris partum. Confessorum est instruere pœnitentes ut antequam ad sacrum tribunal accedant, aliquod congruum tempus inserviant in hoc dolore concipiendo. Proponant illis quæ meditari

puncta debeant, quas considerationes formare, ut se ad hunc pariendum dolorem excitant: doceantur precibus opus esse, quibus a Deo auxilium implorent, quo, ut oportet, conteri queant.

III. Dolor iste ita perdurare moraliter debet, ut vi ejusdem absolvendus pœnitens sit, cum iste dolor sit solutionis materia. Diana refert plures defendantes, dolorem ante plures annos elicitem perdurare, dummodo retractatus non sit. Quæ opinio falsa, & laxa est. Escobarius, Diana, Arriaga admittunt præcedentiam longi temporis. Alii dicunt, dolorem ante quatuor, aut sex dies, alii ante mensem elicitem sufficere. Sed quid in congerendis his falsis opinionibus tempus tero? Dolor moraliter praesens sit oportet. Pro praxi concipiendus dolor est ante confessionem, & renovandus in ipsa confessione, dum impertienda absolutio est.

IV. Etiam in confessione venialium necessarii est dolor iste. Non est necesse ut de omnibus venialibus dolor concipiatur, cum venialia non sint materia necessaria, sed libera: sat est ut de aliquo veniali graviori dolor concipiatur, & propositum expressum habeatur illud evitandi, quando nulla materia necessaria clavibus subjicitur.

V. **Q**UEST. III. *Quid dicendum de opinione P. Viva afferentis, dolorem conceptum ex motivo damni temporalis sat esse ad Confessionem?* RESP. P. Dominicus Viva in Trut. in proposit. I. Innocentii XI. n. 26. docet, sufficere attritionem supernaturalem ex metu temporalium pœnarum, ut a Deo vindice infligendarum, concluditque: *Licet sequimus hujusmodi opiniones probabilissimas, omisisst taurioribus. Quis definitivit ejusmodi opiniones esse probabilissimas? Probabilistæ? At Romana Sedes, etiam admisso quod essent probabilissimæ, jubet ut in sacramentis, dum de materia & forma agitur, sequamur ratiōres sententias omisisst probabilibus.*

VI. P. Tamburinus lib. I. meth. Confess. c. I. §. 4. n. 11. inquit: „ Inter motiva „ attritionis, de quibus n. 4. diximus, li- „ cet aliqui non admittant aliud quartum, „ idest timorem mali temporalis timorem „ infamie, carceris, ægritudinis &c. tamen „ in sententia probabilissima etiam hoc mo- „ tivum est sufficiens, si hujusmodi mala „ timeantur ut a Deo inficta, vel infli- „ genda.”

VII. Hanc opinionem existimo non modo falsam, & laxam, sed contentam in de-

decreto Innocentiano. Fatetur ibi Tamburinus, *Doctores oppositum docere*. Ergo opinio est controversa. Ergo tutior amplectenda. Opponit Tamburinus. Tridentinum non definit dolorem concipientium ex timore soli gebenne, vel alieviis poenæ spiritualis seu aeterna, sed addit in universum ex timore paenarum. Evidenter fallitur Tamburinus cum aliis. Concilium dicit: *ex gebenna & paenarum metu*. Propositio est copulativa. Cur ergo mittis gebennam primo loco positam, ac per particulam & copulatam cum poenis? Poena mortali peccato debita est aeterna. Ergo de malo aeterno a Deo infingendo dolere peccator debet. *Nolite timere eos qui occidunt corpus... sed potius timete eum qui potest & animam, & corpus perdere in gehennam*: Matth. 10. Sic Evangelista, sic Tridentinum. Ergo evidenter falsa est opinio Tamburini, Viva, & aliorum.

VIII. QUEST. iv. Quid dicendum de opinione P. Tamburini docentis non esse inculcandum peccatori ut doleat de illo peccato cuius magno afficitur amore? RESP. Ipsi ratio naturalis dictat ut illud vulnus praecipue curetur quod intimius animæ insidiat. Sed P. Tamburinus lib. 1. meth. Conf. c. 1. §. 2. n. 5. scribit: „Unde quando advertis poenitentem tuum valde alicui criminis additum, ne inculces doloris actum circa illum peculiare peccatum. Periculum enim suberit ne illud ex animo detestetur, dum ejus specialis memoria reficatur, quod in universum, & simul cum aliis detestandi difficultatem vel nullam sentiet, vel exiguum.“

IX. Cavete, o Confessarii, inquit. P. Tamburinus, ne suadeatis pœnitentibus ut eliciant actum doloris de illa culpa quam veleti amasiam effictim depereunt, & in illam impotenter feruntur: quia periculum suberit ne ex animo illam detestentur. Non ergo necessum est ut peccator ex animo detestetur culpam illam quam vehementi dilectione prosequitur? Sat est, reponit Tamburinus, ut de hac culpa valde dilecta, cum aliorum scelerum turba confusa, & obiecta doleat. Hoc enim pacto facile pœnitens peccatum istud latitans intra multitudinem peccatorum detestabitur: & tunc difficultatem nullam, vel exiguum sentiet. Contra si amatam hanc suam culpam nudato vultu spectet, periculum suberit ne ex animo illam detestetur.

X. Quisque hominum aliqua passione, & appetitione dominante, & regnante obstrin-

Tom. II.

gitur. Omnes Patres, & Concionatores clamant ut Christiani coercent, depriment, subigant hanc passionem dominantem, hunc affectum regnante. Non regnet peccatum in vestro mortali corpore, ut obediatis concupiscentiis vestris, inquit Rom. 6. S. Paulus. In illo dominatur avaritia, in hoc libido, in alio ira, in altero vindicta. Nisi quisque sese peculiari dolore, & fortitudine armet adversus hanc bellum ferocientem, & regnante, actum de sua salute est. Quam falsa ergo, & quam laxa sit præfata doctrina, quisque judex sedeat.

XI. QUEST. v. Requiriturne propositum formale, & explicitum non peccandi de cetero? RESP. P. Tamburinus loc. cit. §. 3. n. 7. subdit: *In probabili aliorum opinione satis est implicitum, hoc est illud quod involuitur in ipso actu detestationis, seu displicentiae*. Hanc opinionem similiter docent Diana, Gormaz, Lugo, Vasquez, & plures alii. Sed falsa aperte est: oppositum enim docent S. Thomas, Albertus Magnus, Durandus, Scotus, Cajetanus, Cano, Soto, Cardinalis Bellarminus, qui lib. 2. de pœnitentia c. 6. haec scribit. Sed nobis communis ac trita a veteribus via semper est tueri ac commodi. Probatur igitur ad contritionem requiri explicitum, & formale propositum vite meliori. Utinam hanc tritam a veteribus viam calcare omnes vellent. Tridentinum præter dolorem efficacem, & universalem, in quo sane continetur propositum virtuale, requirit propositum non peccandi de cetero. Si sufficeret propositum virtuale contentum in dolore efficaci, superfluum foret quod Concilium requireret propositum præter dolorem efficacem. Contra clamat aliquis, si præter dolorem efficacem universalem requireretur propositum, non tres, sed quatuor essent pœnitentiaz partes. Inane sophisma est. Tres sunt pœnitentiaz partes. Sed contrito duobus constat, dolore nempe de peccato commiso, & proposito non peccandi de cetero. Contingere tamen potest ut pœnitens ita vehementi dolore abrepitus sit ut de proposito non cogitet; at si adverteret, firmissimam resolutionem conciperet non peccandi de cetero. Sermo nunc est de his quæ communiter & passim contingunt, non de aliquo raro, & repentina casu.

C A P U T I X.

IMAGO justificationis christiana sanctorum
Scripturarum lineamentis depicta.

I. DUÆ de justificatione sunt hæreses.
Calvinistæ *inamisibilem* effutiunt.
Novatiani veniam negabant lapis, & ali-
qua scelera irremissibilia asserebant. Utro-
que hæreses damnavit Ecclesia.

§. I.

*Justificationem christianam firmam ac stabilem
Scriptura sanctæ representant.*

I. CHRISTIANI pœnitentes qui valide reci-
piunt sacramentum Pœnitentiæ, ju-
stificationis dono ornantur, eorumque ani-
ma templum Spiritus sancti inhabitantis,
& totius Trinitatis evadit. Olim Judæi &
Pagani servitute diaboli, & falsorum numi-
num idolatria abjecta, & fide Christi sus-
cepta continuo in arenam pro Christo de-
scendebant, & intrepidi tigres, leones, &
ferociores bestias despiciebant, illarumque
fieri epulas minime pertimescebat: equole-
rum, plagarum, & Crucis Christi ingenti
cupiditate flagabant: non ignes, non cra-
ticulas ardentes, non fornaces, non vulne-
ra pavebant; sed cruciatus atrocissimos, in-
finitasque procellas forti & invicto animo
subibant. Nos Christiani eadem ac illi fide
perfusi, eisdem disciplinis imbuti, eodem
divino cibo alti, eodem pretiosissimo San-
guine potati, eadem justificatione sanctifica-
ti sumus. Justificatio effectibus se prodit,
cum omnem vitam nostram ad Dei vo'untat-
em, & ad Jesu Christi exemplar conformam-
mus, teste Apostolo: *Vivo ego, jam non
ego, vivit vero in me Christus:* & rursus:
*Quos præscivit, & prædestinavit conformes fieri
imaginis Filii sui.*

II. Hoc novum foedus inter Christum &
pœnitentes rite confessos, natura sua fir-
mum, stabile, & perpetuum est. Heinc
Joan. 14. Christus inquit: *Si quis diligit me,
sermonem meum servabit: & Pater meus di-
liget eum;* & ad eum veniemus, & MANS-
TIONEM apud eum faciemus. Non ait Chri-
stus, si quis formidat, si quis pavescit, sed
si quis diligit, & filiorum, non servorum
mortis etiam timet, sermones, leges Christi
servabit. Et Christus, & tota Trinitas man-
sonem statuet in anima ejus.

III. Sed audiamus Paulum Apostolum,

qui firmitatem & stabilitatem pœnitentie
2. Cor. c. 7. his verbis describit: *Quæ enim
secundum Deum tristitia est, pœnitentiam in
salutem STABILEM operatur. Pœnitentia,
inquam, quæ secundum Deum, idest secun-
dum regulas quas Deus præscripsit, forma-
ta, stabilem operatur sanctitatem, ut subdit
ibi c. 15. S. Paulus. Itaque fratres mei dile-
cti, STABILES estote, & immobiles, abundan-
tes in opere Domini semper, scientes quod la-
bor vester non est inanis in Domino. Hanc
ipsum reconciliationis per mortem Filii Dei
initæ firmitudinem, & stabilitatem, & con-
fiantiam inculcat c. 1. Colossensibus. Et
vos cum essetis aliquando alienati, & inimici
sensi in operibus malis, nunc autem reconcili-
avit in corpore carnis ejus per mortem exhibe-
bere vos sanctos, & immaculatos, & irrepre-
hensibles coram ipso; si tamen permanetis in
fide fundati, & stabiles, & immobiles a spe
Evangelii quod audistis.*

IV. Ubique intonat, & altius hanc sta-
bilitatem, & perseverantiam in divino con-
tracto foedare commendat & urget Aposto-
lus, ut coronam assequamur. Hujus vero
firme & stabilis justificationis effectus, at-
que triumphos exponit, Romanos c. 8. al-
loquens hac grave & vehementi oratione.
*Quis ergo nos separabit a caritate Christi? An
tribulatio? an angustia? an famæ? an nudici-
tas? an periculum? an persecutio? an gladius?
(sicut scriptum est: quia propter te mortifica-
mur tota die, estimati sumus sicut oves occi-
sionis.) Sed in his omnibus superamus propter
eum qui dilexit nos. Certus sum enim, quia
neque mors, neque vita, neque Anglii, neque
Principatus, neque virtutes, neque instantia,
neque futura, neque fortitudo, neque altitudo,
neque profundum, neque creatura alia poterit
nos separare a caritate Dei que est in Christo
Jesu Domino nostro.*

V. Ob oculos expositis prærogativis chri-
stianæ justificationis funestissimum exitium
manifestat S. Paulus quod iis imminet qui
hoc sacrosanctum foedus violant, & abrum-
punt. Ipse catenis hic Romæ vincitus nun-
tium accepit, Ecclesiam Hierosolymitanam
ex solis Judeis conflatam, languescere, ten-
tationibus concuti, atque gravi periculo ac-
ceptæ justificationis amittendæ obnoxiam es-
se. Elapsi jam erant a Christi morte anni
30. & Hebrei Hierosolymitani ad Christum
conversi nullum prædictionis a Christo factæ
eventum spectabant. Templum, Sanctuarium,
Altare, Candelabrum, Sacerdotum
multitudo, summus Pontificatus, Sacrificia
ma-

magna pompa celebrata , ritus Mosaici solemnitas , cantus symphoniarum , & cetera antiquæ Religionis , quam cum lacte suixerant , mysteria , & ceremoniaæ uisquequaque coruscabant . Ipsi autem Judei Christiani parvulum manipulum formantes , pro templo parvum cubiculum , pro altari tabulam , pro candelabro laternam , pro aureis & argenteis vasis ligneum poculum habentes , illinc a perfidis Judæis dominantibus , hinc a gentilibus exagitati , angustiati , oppressi , vix privatim celebrare divinas laudes poterant . Tot inter tempestates , & procellas , quodammodo vacillabant . Quid nos talibus pressi angustiis ageremus , licet tam immensa miraculorum multitudine corroborati ? S. Paulus epist. ad Hebreos inscripta præsidium fratribus afferit . Novi testamenti supra vetus præstantiam , & excellentiam incredibili eloquentia describit . Eja fratres inquit , quid formidatis ? Templum Christi non materiale , ut Mosaicum , sed vivum est omni lapide pretioso ornatum , quod estis vos . Christus tamquam filius in domo sua , que domus sumus nos , si fiduciam & gloriam spei usque in finem FIRMAM retineamus : c. 3 .

VI. Postquam fratres suos erexit , animavitque ad fiduciam locandam in Christo Iesu , transit ad miseram funestamque illorum qui a sublimi justitiae statu in peccatum relabuenter , infelicitatem , extremamque difficultatem resurgendi manifestandam his verbis c. 6 . Impossible est eos qui semel sunt illuminati , (per Baptismum fidei) gustaverunt etiam donum celeste , (sacramentissimum nempe Christi corpus) & participes facti sunt Spiritus sancti , (per sacramentum Confirmationis) gustaverunt nibilominus bonum Dei verbum , virtutesque facili futuri , & prolapsi sunt , rursum renovari ad pœnitentiam , rursum crucifigentes fibinetipſis Filium Dei , & ostentui habentes . Quam veritatem ut ad illorum captum accommodet , altiusque in eorum cordibus imprimat , eis præbet similitudinem ab ipsa rerum natura repetitam . Terra enim sœpe venientem super se bibens imbre , & generans herbam opportunam illis a quibus colitur , accipit benedictionem a Deo ; proferens autem spinas ac tribulos , reproba est , & maledictio proxima : cuius consummatio in combustionem . Confidimus autem de vobis , dilectissimi , meliora , & viciniora saluti ; tametsi ita loquimur .

VII. Duplex est Patrum expositio hujus vocis impossibile . Alii interpretantur difficile , & difficillimam . Alii in obvio & litterali

sensu vocem hanc accipiunt , inquietes impossibile esse rursum renovari lapios post Baptismum ad pristinam illam innocentiam quam semel in sacro lavacro infusam accepterunt . Licet enim per pœnitentiam novum deleatur peccatum , remanent tamen communiter cicatricum , & vulnerum vestigia , & malignæ reliquiæ , remanent cupiditatum libidinum saginatæ , & incrassatæ concupiscentiaæ impressions , & radices , quæ vires extenuant , & ad relapsum viam aperiant laxiorem .

VIII. Sed audiamus iterum Paulum suum sermonem c. 10 . persequentem , & eandem veritatem hoc pacto altius exaggerantem . Teneamus spei nostræ confessionem indeclinabilem . . . Voluntarie enim peccantibus nobis post acceptam notitiam veritatis , jam non relinquitur pro peccatis hostia . Terribilis autem quedam expectatio judicii , & ignis ænulatio , quæ consumptuæ est adversarios . Irritam quis faciens legem Moysi , sine ulla miseratione duabus vel tribus testibus moritur : quanto magis potatis deteriora mereri supplicia qui Filium Dei conculcaverit , & sanguinem Testamenti pollutum duxerit , in quo sanctificatus est , & spiritui gratiæ contumeliam fecerit ? Scimus enim qui dixit : mibi vindicta , & ego retribuam : & iterum : quia judicabit Dominus populum suum . Horrendum est incidere in manus Dei viventis . Rememoramini autem pristinos dies , in quibus illuminati , magnum certamen sustinueris passionum , & in altero quidem opprobriis , & tribulationibus spectaculum facti ; in altero autem socii taliter conversantium effecti . Nam & vincitis compassi estis , & rapturam bonorum vestrorum cum gaudio suscepistis , cognosentes vos habere meliorem , & manentem substantiam . Nolite itaque amittere confidentiam vestram , que magnam habet remunerationem . Patientia enim vobis necessaria est , ut voluntatem Dei facientes , reporteris promissionem . Ahduc enim modicum aliquanculum qui venturus est , veniet , & non tardabit . His ultimis verbis prædictit Apoliolus imminentis civitatis Hierusalem , templi , & altaris excidium , desolationem , & funestissimam destructionem , quæ quinque circiter annos post hanc exaratam epistolam contigit . Qua horrenda catastrophe prædictiones a Christo factæ altius in eorum mentibus impressæ fuerunt , atque Ecclesiam illam ex primitiis eleeti populi coactam confirmarunt .

§. II.

*Rationum momentis, & communi hominum
sensu justificationis christiana stabilitas
confirmatur.*

I. **H**ec *justificatio christiana*, quæ suas firmitatis vires a Christi passione haurit, *jugum evangelicum*, quod est *durum durissimum*, et *et hoc suave, & leve*, & homines iustos, laetos, felices, quietos, & constantes in mandatorum Dei observatione reddit.

II. Communem Christianorum sensum, & proxim consulamus. Vides hominem exterioris virtutis, & pietatis speciem præferentem. Vides illum simul in manifesta scelera lapidum, & nulla urgente vehementi occasione in libidinis luto revolvi. An non continuo illum ut hypocritam, veratum, veteratorem, & sepulcrum dealbatum improbas? unde hoc? Nonnisi ex intimo sensu stabilitatis, & firmitatis *justificationis Christianæ*. Habis amicum, cuius castissimos mores, vita probitatem, sinceritatem, aequitatem, & justitiam pliorum annorum intervallo certo novisti. Longius proficiscitur. Post aliquot annos occasio se præbet aliquid de amico resciendi. Rogas quomodo se habeat, qualis sit ejus vivendi consuetudo. Audis hominem vafrum, libidinosum, fraudulentum factum. Renuis credere. Arguis calumniæ relatorem. Is reponit rem certo ita se habere. Quid tum? Heu, exclamas, heu! quam tremenda, quam formidanda sunt judicia Dei! Revera terribilis Deus in consiliis super filios hominum. Unde, quæso, tanta admiratio, tanta repugnantia ad credendum hominis iusti mutationem? Profecto non aliunde nisi ex intimo illo instinctu, & altius impressa persuasione, qua judicas *justificationem christianam* infusam per Spiritum sanctum, & sanguine Christi obsignatam, ejusque sacratissimi corporis pabulo altam, stabilem esse, difficileque mobilem. Quæ enim a Deo sunt, firma sunt & stabilia.

III. Fateor occasionses occurrere posse, & tales temporum calamitates, & persecutions, in quibus ipsæ firmiores columnæ contremiscant. *Justificatio* natura sua stabilis est; sed imbecillitas humana natura magna est: idcirco amitti potest. Sed dona quæ hanc *justificationem* comitantur, vires instaurant humanas, infirmitatem curant, animos & fortitudinem infundunt. Consulatur ipsa Christianorum, & Religiosorum

vivendi consuetudo. Qui revera conversi, & justi sunt, raro labuntur, occasiones peccandi fugiunt, mundi præstigia detestantur, precibus & jejuniis divinam implorant gratiam. Si casu aliquo repentina urgentis occasionis labuntur, protinus resurgent, & amarissimis lacrymis ablueret maculam satagent. Quemadmodum vera & sincera amicitia, quæ rara est inter homines, frequenter non violatur; ita sincera amicitia per *justificationem sacramentalem* Deum inter homines inita, dum vera est, non adeo facile iufringitur.

§. III.

Nova & falsa inter Christianos divine justificationis idea concipitur. Cur Christiani fidavum justificationum horrenda spectra non perborrescant? Quia VIA MEDIA invenienda est.

I. **J**ustificationis christiana characteres, ut vidimus, constituent hominem justum, Dei filium, sanctum, liberalem, castum, sincerum, injuriarum tolerantem, pro persecutoribus orantem, mitem, humilem, misericordem, pauperum patrem, ceterisque christianis virtutibus ornatum. Hæc est *justificationis christianæ* imago, quam nobis Scripturæ sanctæ depingunt, ut ostensum supra est.

II. Toto cælo diversa est *imago* quæ in plurimorum Christianorum moribus spectatur. Videlicet avaros, feneratores, libidinosos, prodigos, amatorculos, amalias, mimos, & mimas, saltatrices, & cantatrices, lusores, perjuros, fraudulentos, molles, mochos, bis aut quater in annum sacramenta & Pœnitentia, & Eucharistia frequentate. Quænam motum emendatio? Nulla. Percurrent apostolici ministri provincias, sacras, ut vocant, missiones exercentes. Accurrunt ingentes cujuscumque status turbæ multæ: gehennalis fornacis timore percussæ flagitorum sarcinam deponunt, confitentur, absolvuntur, communicantur. Vix profecti sunt sacri Missionarii, cursum præteritæ vitæ resumunt, & denuo pro futuro anno scelera agglomerant. Eadem consuetudines, libidines, fenora, fraudes, mendacia, adulteria, perjuria, injustitiae. Et hic confessionum, & relapsuum circulus totam feræ vitam comprehendit. Ex tanta pœnitentium multitudine vix quinque in mille veræ christianæ *justificationis* signa præbent, & fructus pariunt. Visibilis, & omnibus comperta experientia *judex* esto.

III. Sed unde, inquis, evenit quod ejusmodi fictarum iustificationum spectra nullam ingerant terrorem? Unde, quod Confessarii Christianis istis fictis sacramenta administrent? Unde, quod Christiani ipsi, suorum relapsuum consciit, non dignoscant sacrilegas esse confessiones? Nonne ipsi perspectum habent, amicitiae foedera sincere, & constanter inita facile non violari? Unde ergo tam horrenda hallucinatio? Unde tam monstrosa deceptio?

IV. Ex illo humani moris torrente, reponit S. Augustinus, ex illa universalis consuetudine prævalente, quæ secum abripit vel ipsos quandoque sapientes, nisi diligenter vigilent, & strenue dicentes. Ex illa denique *VIA MEDIA*, quæ pro formandis moribus, quemadmodum pro dirigendis divinis decretis, inquit doctissimus Episcopus *Palanco*, inventa est. Duas tantum vias Christus patefecit, arcam & angustum unam, latam & spatiösam alteram. Prioris via pauci ambulatores teste ipso Christo, posterioris multi. Nova *VIA MEDIA* ab hominibus, non sane a Deo, excogitata immensam comprehendit Christianorum multitudinem. Istius viae Christiani corpus oppiate nutriunt, sensus demalcent, voluptati, illecebris, choreis, theatris, comediis, & mundi deliciis indulgent: suas habere matronulas, amasias honestulas, volunt, quibus cum convertentur, epulentur, jocentur. Jejunia, disciplinas, cilicia perhorrescant. Concupiscentias, ambitionis, superbiæ impensis coercere, carnis stimulos comprimere omnino recusant. Ut tamen a sceleratis, improbis, obstinati peccatoribus, qui per viam latam & spatiösam laxatis habenis, & larva posita percurrent, se se distinguant, suas recitant precatiunculas, pios libellos legunt, frequentant Ecclesias, & ad sacramenta festis Christi, & B. Virginis sole-majoribus accedunt. Hæc *VIA MEDIA* ingentiorem peccatorum multitudinem claudit ætate nostra, quam olim via lata & spatiofa ab Evangelio descripta. Quoniam hæc via lata dicit ad perditionem. Sed **NOVA VIA MEDIA** una conjungit paganicos mores, & regni æterni præmium; sacramenta Christi, & voluptates mundi; lucem, & tenebras; bonum, & malum. Hæc autem *VIA MEDIA* seducentior est via lata. Qui hanc calcant, sciunt se esse peccatores, & ad sacramenta, nisi prius eam derelinquant, non accedunt. Verum enim vero *MEDIA* via ambulatores se se beatos reputant, &

per hanc viam pervenire posse ad æternum regnum existimant amasios, & amasias, mimos, & mimas, saltatrices, & psaltrias, ceteroque omnes qui frequentant sacramenta.

V. Doctissimus Joannes Morinus lib. 9. c. 34. apud Judæos has tres vias etiam obtinuisse, declarat his verbis. „Judæorum recentiorum, & antiquorum celebre est „effatum, tria esse hominum genera, per- „fecte justorum, perfecte impiorum, & „intermediorum: Deum tres libros habe- „re: in primo perfecte justos describi: in „secundo perfecte impios; in postremo in- „termedios. Deum initio anni omnium „hominum actiones celebri judicio exami- „nare; perfecte justos tum statim primo „libro inscribi, malos secundo, intermedio- „rum autem judicium in decimum diem „mensis suspendi: si perfectam poenitentiam „egerint, justis; si non, impiis adnume- „randos.“

VI. Porro sicut istorum *via media* est, sic eorumdem iustificatio *media* est. Via media nova est, ideo non evangelica, sed mun- dana. Similiter istorum iustificatio *media* est, *nova est*, non a Christo Iesu, non a Deo infusa, sed ab hominibus confusa. Ad commentitiam iustificationem effingendam coagit hominum malitia. Sacramentorum ministri nonnulli hominum salutis zelo fla- grantes, pia & sancta intentione, ut sentire nos convenit, cum adducere homines ad exactam Evangelii observantiam, & ad reformatos mores juxta baptismalis professio- nis normam non possent, levigare Christi ju- gumi, delinire legis rigorem, & evangelicam normam humanis appetitionibus accommodare satagerunt, inquit in *Psa. 98*. S. Augustinus. *Hec est enim in hominibus magna, & usitata perversitas: quia cum debeant vivere ipsi secundum voluntatem Dei, Deum volunt vivere secundum voluntatem suam. Et cum ipsam nolunt corrigi, illum volunt depravari; rectum non arbitrantur quod ille vult, sed quod ipsi volunt.*

VII. En referatam, & patefactam cau- sam cur hodie homines non mirentur, dum vident Christianos hac hebdomada ad poenitentia tribunal, ad mensam eucharisticam accedere, altera, si minus eadem, ad mensam lusoriam cum amasunculis, & matronulis, ad choreas, ad theatra, ad comedias, & etiam ad fornicandum, ad adultere- randum aut re, aut oculis, aut tactibus, & ad omnia mundi præstigia frequentanda. Rursus ad tribunalia poenitentia; & rursus

inter amasios , & amasias , ubi procant , & procantur , amant , & amantur , tangunt , & tanguntur , spectant , & spectantur , inhiant & inhiantur , suspirant , & suspirantur . Iste ne divinæ justificationis fructus ? Iste ne filii Dei ? Iste ne vitam moreisque suos ad Christi exemplar conformant ? Non commoventur Christiani super hoc justificationis spectro , super hoc sacramentorum , & sacrilegorum fœdere . Cur ? Quia ab infancia assueti sunt videre hunc perpetuum circulum sacramentorum , & relapsum : quia reputant satis esse peccata confiteri ministris pœnitentia , licet nulla succedat emendatio , licet perpetuo fœse in libidinis luto , veluti sues , volvant revolvantque . Confirmantur in hac persuasione auctoritate non paucorum Casuistarum , & Confessariorum . Clamant isti & voce , & scriptis , reflore reatæ nostra aurea æcula . Quandonam , inquietunt , tanta sacramentorum frequentia , tantus ad tempora concursus , tam splendidus cultus , tam magnificus apparatus , tanta Sacrificiorum multitudo , tanta cantus melodia , tanta devotionum varietas ?

VIII. Si reponatur , quandonam mores dissolutores ? Quandonam tantæ templorum profanationes ? Quandonam patrimonia pauperum , & Christi prodigalius dilapidata in scortis , in canibus , in pompis , & luxu ? Quandonam tandem impietas , & increduli audacius Religionem aggressi sunt ? si ita inclamerit , continuo regerunt : sic erocitant Rigorista truces , sœvi , immisericordes , tetrici , semper murmurantes adversus florentissimam ætatis nostræ disciplinam .

IX. En unam ex causis cur Christiani non commoventur super instabili , & fluxa plurium ætatis nostræ Christianorum justificatione . Moralistæ doctores plurimi invehunt contra Theologos qui inculcant pœnitentibus ut præcipue de illo peccato doleant cui sunt valde addicti , ut propositum firmum & certans concipient non peccandi de cetero , ut mox clarius videbimus . Et ut ad incitas te , lector , redigam ; revolvo plurimos Casuistarum libros , qui præcipue omnium manibus teruntur : severe perquirito , ubi sit depicta vera justificationis christianæ imago juxta exemplar quod Scriptura sancta proponunt . Inquirito ubi descripsi sint ejus effectus , excelsi characteres , splendidissimæ prærogativæ . In quorum Casuistarum libris hec invenies ? In Gobat , in Tamburino , in Diana , in Viva , in La Croix , in Caramuele , in Leandro , in Spo-

ter , in Burgaber , in Bonacina ? Invenies contra innumeræ distinctiunculas , sophismata , dissidia , quibus vera justificationis christianæ imago obscuratur . Ita imbecilitati meæ videtur . Num ipse fallar , & deceptus sim , tu judex esto , & sapientes omnes . Neque enim me in censorem erigo , sed quæ exiguitati meæ vera videntur , sapientum judicio submitto .

X. Quid ergo mirum , si Christiani , & ipsi minus periti Confessarii his præjudiciis educati existiment , justificationem divinam natura sua stabilem , & firmam , sitam esse in hoc confessionum , & relapsum perpetuo circulo , in hac flagitorum , & sacramentorum successione ? Vident ab ipsis incunabulis non paucos Dei ministros ad sacramenta admittere Christianos qui licet pluries in annum confiteantur , tamen , ac si non confiterentur , indulgent luxui , immodestis pompis , iudis , fenori , ambitioni , & insanieatis mundi voluptatibus . Clamant præterea : Quid ? An nos decipient Dei ministri ? An hæc disciplina confederandi sacramentorum frequentiam cum recensitis mundi solatiis , & illecebribus tantorum virorum piorum , gravium , & proborum auctoritate fulta , reputanda erit viciofa , & corrupta ? Magna , clamat S. Augustinus tentatio . Hac ipsa tentatione exagitati vacillabant Christiani Ecclesia Hierosolymitanæ ; sed eosdem confirmavit , roboravitque S. Paulus . S. Augustinus testatur se gravissimas persecutions passum , ut sui temporis Christianos ab errore eriperet , quod adversarii aliter opinantes illos in suavi , & benigna vivendi consuetudine detinerent firmos & constantes . Nec præterea inclamare cessavit Doctor sanctissimus . Propter hominum errores , qui per vaniloquias seductiones , & pravas consuetudines nobis molestam pro vobis curam inferre non cœsant , tacere non possumus . Serm. 157. jam inde usque possesso propria libertatis adversus divinæ legis controversa mandata opponebatur , licet Probabilismi suco non calamistrata . Sunt aliqui (inquit S. Augustinus , sive auctor serm. 4. ad Fratr. in Erem.) qui spiritu libertatis vivere volunt : et si ab aliquo reprehenduntur , latrant ut canes , mordent ut serpentes , dolent ut parturientes , dicentes malum bonum , & bonum malum , verum falsum , & falsum verum .

XI. Paulum , rogo obtestorque , Paulum tubam Spiritus sancti audite , Paulum legitte , Evangelium Christi serio meditamini , si vestram æternam salutem amatiss . Aures arra-

arrigite, ut doctrina Pauli de justificatione insculpta hæreat cordibus vestis. Justificatio quam Paulus docet, constans, firma & stabilis est. Novis autem Doctoribus, si a Paulo dissentientes, de sacramentorum frequentia, & fucato devotionis splendore gloriantur, cum S. Paulo t. Corinth. 4. respondeat; Non est bona gloriatio vestra. Nescitis, quia modicum fermentum totam massam corrumpt? Expurgate vetus fermentum, ut suis nova conspersio, sicut estis azymi . . . Itaque epulemur non in fermento veteri, neque in fermento malicie, & nequitie, sed in azymis sinceritatis & veritatis . . . Nunc autem scripti vobis non commiseri. Si is qui frater nominatur, est fornicator, aut avarus, aut idolatris serviens, aus maledicus, aut ebriosus, aut rapax: cum ejusmodi nec cibum sumere. Numquid dicturi sunt nonnulli novi Casuistæ: Communis opinio Doctorum oppositum docet? Disciplina hæc absolvevit, & alia id genus?

C A P U T X.

Conditiones propositi necessarii ad Confessionem.

I. **U**T veram, christiane lector, imaginem formare queas justificationis quam nonnulli juniores Casuistæ depingunt, in mentem revoca istos docere, sat esse ad sacramentum attritionem servilem conceptam ex timore pœnæ æternæ. Et hic paululum animadverte quod quea fiunt ex timore, non sunt firma, & stabilia, cum timor vim quandam inferat. Quea enim formidamus, delere ex mente cupimus.

II. Secundo recognites velim, Doctores istos ultra pergere, docentes non esse necessarium dolorem conceptum ex metu gehennæ, seu pœnarum æternarum, sed sat esse dolorem conceptum ex malo aliquo temporali inflicto, vel infligendo a Deo, auctore supernaturali, puta ex infamia, ex carcere, ex ægritudine. Transeuntes postea ad propositum, quod Tridentinum necessarium definit, docent non requiri expressè, sed sat esse implicitum, contentum in illo dolore concepto ex malo temporali, ut dictum est. Audi nunc quid de hoc proposito doceant, & continuo formabis veram imaginem novæ justificationis inventæ ab hominibus.

III. Prærogativæ seu conditiones veri propositi sunt tres: 1. quod sit universale; 2. quod sit stabile, constans, & firmum; 3. quod sit efficax. Non debet tamen Confessarius proponere, nec pœnitens formare has

hypotheses. Quid agerem, si mors crudelissima a tyranno intentaretur, si ingens patrimonium mihi exhiberetur, ut rursus peccarem &c.? Hæ hypotheses turbare aliquorum poenitentium mentem possunt: ideo ab his abstinentem; sat est ut firmiter proponant abstinere ab omnibus peccatis, & instaurent propositum præcipue contra illa peccata quibus sunt valde addicti; sat est ut in communis proponant se velle potius mori, & bona omnia amittere quam Deum graviter offendere, quin necesse sit ad hoc vel illud acerbissimum tormentum descendere. Tres istas conditiones Theologi communiter necessarias esse ad verum propositum docent. Quid plures Casuistæ doceant audiamus. Neque enim tam docendi, quam dedocendi sunt lectores, ut abstineant, vel deponant falsas opinaciones.

IV. QUEST. I. Quid dicendum de opinione que docet propositum sufficere ad Confessionem, licet pœnitens certo sciat se relapsurum? RESP. Ne dicant me impouere Casuistæ, hæc 3. p. c. 2. sec. 4. n. 210. pag. 304. scribit Sport: „Potest enim quis vere dolere ac detestari peccatum, ac vere & absolute propone, re se de cetero non peccatum, seu firmum propositum, ac sufficiens concipere abstinendi imposterum; tametsi valde timet, aut etiam existimet, immo CERTO CREDIT se ob expertam voluntatis sue instantiam, & fragilitatem suam denuo relapsurum: non omnia peccata mortalia, vel hoc certum peccati genus evitaturum. Unde si pœnitens dicat: Omnis quidem doleo, ac firmiter propono imposterum abstinerem; interim tamen scio, iterum faciam, iterum labar, jam roties expertus sum: is tamquam BENE DISPOSITUS, præmissa confirmatione, ac consolatione debita, ABSOLVENDUS: quia sensus verbi iterum faciam est tantum indicatus, seu enuntiativus ex parte intellectus...”

V. Contra rescriptam doctrinam clamat lib. 8. Confess. c. 9. S. Augustinus: Unde hoc monstrum? Imperat voluntas sibi, & non sit quod imperat? Ergo non ex toto corde imperat. Si iste pœnitens certo existimat se relapsurum; ergo non sperat a Deo gratiam qua resistere temptationi valeat: & nisi speret, indignus est absolutione. Aut pœnitens iste justificatur per absolutionem, aut securus. Si negas; sacrilegium ergo pœnitens patrat. Si justificatur; ergo re ipsa gratiam habet, qua abstinere a peccato possit. Negas? Jansenista ergo es. Heu quot Jansenisticae proportionatio.

sitiones in quorundam Ethice , ubi media ignorantia invincibili passim jactata , & peccantium infirmitate , impossibilia plura Decalogi mandata traducuntur ! Et tamen isti obsecratis , & obduratis semper adesse divinam gratiam clamant . Sed quia gratia hæc versatilis est , ideo docent pœnitentem certato se credere relapsurum . Pœnitens iste descriptus a P. Sporer sincerus saltem est , licet sacrilegus . Scit præteritas Confessiones fuisse sacrilegas , ex defectu veri propositi : ideo experientia doctus sincere fatetur , se credere , & scire se relapsurum : quia scit se non relictum amasiam , senora , perjuria , & similia crimina . Sed simul sciunt pœnitentes se repertos Casuistas , & Confessarios a quibus absolutionem , & sacram Eucharistiam accipient . Subdit P. Sporer : *fæcias si sensus esset optativus . Papæ ! Hoc solum deficeret quod peccatum optaret .*

VI. QUÆST. II. *Quid dicendum de censura quam P. Francolinus inurit Episcopo Gennet , quia is vult protosium esse firmum , & constans ?* RESP. P. Francolinus in suo Cler. Rom. lib. 2. col. 10. dif. 10. n. 26. pag. 99. ultim. edit. Venet. hæc scribit : Franciscus „ Gennetus in sua recentissima Theologia „ morali edita Parisis an. 1703. Ex pluribus exemplis RIGIDISSIMÆ ipsius doctrinæ , unde graviæ sequantur absurdia , unum afferam ex Tom. IV. tract. 6. de Sac. Pœnit. ubi c. 5. q. 9. docet , ad veram contritionem in hoc sacramento requisitam esse necessarium CONSTANS propositum : non inquit propositum , sed constans propositum , idque debere innotescere Confessario antequam absolvat . „

VII. Redarguit insuper ibidem P. Francolinus Gennetum Episcopum afferentem , non esse sæpe credendum lacrymis peccatorum . Deinde concludit P. Francolinus ibi n. 27. *Quis unquam audivit tam ABSURDAS doctrinas , tam SEVERAS ?*

VIII. Quis unquam audivit catholicum Scriptorem contra ipsum Apostolum Paulum , nedum contra Episcopum Gennetum tam aperte insurgentem ? Nam doctrina Genneti est ipissima S. Pauli inquit : *Quæ secundum Deum tristitia est , pœnitentiam operatur STABILEM .* Et rursus docet Paulus : *Si tamen permanetis in fide fundati , & stabiles , & immobiles .* Et constantes , & stabiles , & immobiles vult esse pœnitentes S. Paulus , & cum eodem Gennetus . Sed P. Francolinus in oppositum vociferatur : *Quis unquam audivit tam absurdas doctrinas ?* Ab-

surga ne docuit sanctissimus Apostolus Paulus ?

IX. Doctrinam Francolini transcriptit P. La-Craig lib. 6. p. 2. n. 1824. Quero , debet ne pœnitens habere voluntatem constantem , aut inconstantem . Si primum ; doctrinam rigidissimam doces , inquit Francolinus cum P. La-Croix . Ergo sufficit habere voluntatem inconstantem . Quis vero hanc consequentiam , D. Paulo adversante , falsitatis aperte non arguat ? Dic lector : fides ne tu pecunias mutuo illis qui haberent voluntatem non constantem , sed inconstantem illas restituendi ?

X. QUÆST. III. *Quid dicendum circa propositum universale vitandi omnia mortalia ?* RESP. Conditio secunda propositi requisiti ad confessionem , est voluntas universalis abstinenti ab omnibus & singulis mortalibus . Hæc doctrina certa & manifesta est , quam docet S. Thomas 3. p. q. 87. art. 1. ad 1. Pœnitentia , ait de peccatis mortalibus requirit quod homo proponat abstinere ab omnibus & singulis mortalibus . Omnes antiqui Theologi idem docent . Contrariam opinionem sustinent Aversa , Hurtado , Platellius , Dicastillo , qui priorem doctrinam vocat singulariem . Horum scriptorum opinionem falsam judico , & divinis Scripturis contrariam . Non satis lectorum periculo consuluit P. La-Groix , scribens lib. 6 p. 2. n. 898. , Probabilius videtur pro absolutione a mortalibus requiri propositum universale impo- „ terum cavendi omnia mortalia . „ Si enim est tantum probabilior , juxta ipsum est adhuc probabilitas opposita opinio Platellii , Hurtadi &c. quam proinde sequi quisque potest secundum Probabilistas . Quis vero asserere audeat accedentem ad sacramentum Pœnitentia sine proposito universali vitandi omnia mortalia , justificari ?

XI. Quodnam pœnitentia genus istud est quod ab his auctoribus est excogitatum ? Sufficit juxta nonnullos dolor servilis etiam ex mali temporalis a Deo infligendi timore conceptus . Non requiritur propositum explicitum . Non requiritur quod sit constans . Non requiritur quod sit universale . Hæc ne pœnitentia quam Christus , quam Evangelista docent ?

XII. Tertia conditio propositi requisiti ad confessionem est ut sit efficax , ideo ut efficiatur quod proponitur , ut in Psal. 48. sapienter declarat S. Thomas . *Propositum optime manifestatur per operationem .* Porro ut propositum dicatur efficax , oportet ut pœnitentia

nitentes habeant voluntatem abstinenti non solum a peccatis, verum etiam a periculis, & occasionibus quæ ad peccata impellunt.

XIII. QUEST. IV. *Quas vitare occasiones debet paenitens, ut propositum dicatur efficax?*
RESP. Duplex occasionum genus. Aliæ remote, quæ ubique fere occurunt. Aliæ proximæ quæ natura sua, omnibus spectatis, ad peccatum inducunt: seu in quibus constitutus homo aut raro, aut nunquam a peccato abstinet. Harum occasionum aliæ liberae, aliae necessarie. Primi generis occasions libere homo querit, aut retinet. Secundi generis sunt illæ a quibus homo recedere nequit, ut filii familiæ, & alii servituti obnoxii. Præterea alia est occasio proxima absoluta, ut concubinatus, habitatio cum amasia &c. Alia occasio proxima relativa, ut colloquium familiare cum tali puerla, muliere &c. Titio erit occasio proximi, secus Sempronio.

XIV. QUEST. V. *Quid de proposito vitandi occasiones proximas doceant Probabilistæ plures?*
RESP. Volumen implerem, si omnes opiniones quæ mihi videntur falsæ, recensere vellem: in transcurso pauca delibabo. 1. Mulieres absolvendas docent quæ non propoununt nudata ubera modeste tegere. 2. Quæ non proponunt superfluum ornatum, & luxum moderari. 3. Quæ nolunt dimittere fuscos, & artificiales faciei colores. 4. Docent aliqui posse famulos inservire pellici, eique porrigerre cibos calidos provocantes ad venerem. 5. Posse domino, & amasiæ lectum sternere circa culpam venialem, & floribus fulcire circa mortalem. 6. Posse conducere pellicem in domum sui domini, etiamsi prævideant eos peccaturos. 7. Posse deferre muscula turpis amoris incitamenta ad amasiæ. 8. Licitum esse locare domum alicui petenti ad forninandum. 9. Licitum esse donare judicis concubinæ, ut intercedat apud ipsum. Nullus esset scribendus finis, si recensere omnia paradoxa vellem.

XV. QUEST. VI. *Quid dicendum de regula quam proponunt PP. Sporer, Gobat, Caramuel, & alii circa propositum vitandæ occasionis in quam probabiliter scis te lapsurum?*
RESP. In hac materia Probabilismus suas exerit vires. Hec p. 3. c. 2. sec. 4. q. 2. §. 1. n. 324, docet P. Sporer. „ Quando enim solum est probabile te succubitarum in tali occasione tentationi, certe etiam probabiliter est te non succubiturum: occurunt enim graves rationes ob quas vir prudens iudicat te non lapsurum. Certe hujus judi-

cium sequendo, sine nota temeritatis ob rationabilem causam poteris te committere huic occasioni, certe non commissuras, si scires, vel CERTO crederes te lapsurum. Quare Confessarius non judicabit esse in occasione proxima peccandi, v. g. se ineibriandi, fornicandi &c. qui in tali loco decies tentatus succubuit solum ter, vel quater; fecus si octies, vel septies, & bis vel ter tantum peccatum vitavit, & super rivo evasi. Quapropter huic, & non illi nolenti hanc occasionem relinquere neganda erit absolutio. Quid Joannes Caramuel Theolog. Reg. diss. 20. num. 1056. vult etiam dandam absolutionem illi qui toties fuit vitor, quoties vicitus, referente, & non contradicente P. Gobat casu 16.

XVI. Hac probabilistica doctrina animati luxuriosi, ebrii, & ceteri adibunt amasiæ, tabernam, aliamve occasionem quater, aut ter in diem, in biduum, in triduum, bis vel ter se abstinebunt; bis vel ter peccabunt. Immo ut securius absolvantur octies in diem visitabunt amasiæ, & semel vel bis peccabunt. Tum enim, non solum juxta Gobat, & Caramuel, verum etiam secundum alios Probabilistas cautores absolvi poterunt, & eucharistico pabulo nutriti. Si ab his perconteris, cur absolvi queant qui bis aut quater in occasione peccant, secus qui sex, respondent: Ita docent Doctores.

XVII. QUEST. VII. *Quid sit occasio propinqua, & an paenitens habere propositum debet illam evitandi?*
RESP. Occasio propinqua illa dicitur quæ omnium circumstantiarum plexu spectato, graviter allicit ad culpam, ita ut sine magna difficultate, & cautione abstinere a culpa homines non soleant. Haec occasionses, quæ propinquæ a pluribus appellantur, sunt sapientis occasionses proximæ respectivæ.

XVIII. QUEST. VIII. *Quid dicendum de opinione PP. Sporer, Layman, & aliorum circa debitum derelinquendi occasionses propinquas?*
RESP. P. Patritius Sporer loc. cit. n. 322, hæc scribit: „ Unde absolvendi sunt milites, mercatores, ancillæ &c. quibus ex officio, negotio, domo &c. imminent propinquum peccandi periculum, quo sapienter peccare solebant, si absque magna difficultate, vel damno notabili dimittere nequeant, dummodo serio proponant peccatum vitare imposterum. Ex communione Layman c. 4. n. 9. „

XIX. Si peccare sapienter solent, occasionses istæ, quæ ex communi Probabilistarum sensu sunt

sunt propinquæ, re ipsa proximæ relativæ sunt. Hæc doctrina, quæ ut testatur P. Sporer, est communis inter Doctores Probabilistas, dupli ex capite falsa est. Nam vel *sapius peccare solent ex efficacia occasionis fragilitatem pulsantib; & tunc est proxima, atque adeo deferenda ante absolutionem ex doctrina Ecclesiæ, vel sapius peccare solent ex malitia, & tunc indispositi & indigni sunt absolutione.* Hæc ne poenitentia stabiliſ, immobiliſ, quam Scriptura sancta docet? Difficile est derelinquere ejusmodi occasio-nes. Fatoꝝ. Quid inde? Quid docet Evan-gelium Christi? Arrigite aures, & audite Christum Iesum: *Amen dico vobis quia di- ver difficile intrabit in regnum celorum. Fa- cilius est camelum transire per foramen acus, quam divitem intrare in regnum celorum.* Matth. 19. Et rursus Marc. c. 10. *Quam dif- ficulte qui pecunias habent, in regnum Dei in- troibunt!* Obstupescabant discipuli tantum Ri-gorismum audientes. Sed Christus iterum clama-t: *Discipuli autem (pergit Marcus) ob- stupecebant.* At Jesus rursus respondens ait illis: *Filioli, quam difficile est confidentes in pecuniis in regnum Dei introire!* Quid tandem præferunt hæc oracula? Si oculus tuus scan-dalizat te, erue eum &c. Si manus tua scan-dalizat te, abscinde eam. Matth. 5. Et iterum Paulus 1. Thessal. 5. intonat: *Ab omni spe- cie mali abstinetis vos.* Sic docent Doctores evan-gelicæ. Sed opp̄stum docent Doctores Probabilistæ. Si hæc sola Iesu Christi ora-cula, & quæ superius adduxi, præ oculis haberetis o Confessarii, o Dei ministri, non-ne omnes, quas de poenitentia stabili, de amore Dei, de proposito constanti, & de occaſionibus dereliquendis controversias ex-citant Casuistæ, resolvere vobis ipsis luce Scripturarum præente sciretis? Nonne fal-sissimas deprehendereris similium Casuista-rum opinio[n]ulas Christi Evangelio adver-sas? Legite ergo, iterum clamo, legite Evangelium Christi, legite verbum Dei: quoniam secundum Evangelium, & non se-cundum Doctores casuistas judicandi a Deo una cum poenitentibus vestris estis.

XX. QUÆST. IX. *Quid dicendum de opinio-ne docente, absolvendos adolescentes qui labo-rando cum feminis consensu, tactibus, & co-pula peccent, quia non habitant in eadem do-mo?* RESP. Hæc est doctrina quam qu. 3. a. 4. n. 5. docet P. Dominicus Viva ex suis citatis Casuistis. „ Unde inferunt Perez, „ Leander, Lugo, aliique, posse absolvi „ adolescentes qui versantur cum feminis

„ laborando, vel conversando cum eis, quæ „ in eadem domo non habitant: quia licet „ aliquando in tali occasione mortaliter pec- „ cent consensu, tactibus, & etiam copula, „ ea tamen occasio censemur remota. Quan- „ doquidem non solent homines ex tali oc- „ casione SEMPER, aut fere SEMPER PECCA- „ RE MORTALITER. „ Sit ne hæc doctri-na antievangelica, judicent sapientes: nulla enim est accommodatio fôvendis carnalibus peccatis inter amasios & amalias, qui fere numquam in eadem domo habitant, sœpi- simè vero una convenienti.

XXI. QUÆST. X. *Quid dicendum de illo-rum opinione qui in peccatore justificando non requirunt expressos actus fidei, & spei?* RESP. Hæc scribit P. Dominicus Viva qu. 3. a. 4. n. 11., Respondeo cum Leandro . . . San- „ chez, Bonacina, Filliucio, Valentia con- „ tra Hurtadum, Turrianum, & alios, non „ requiri hos actus expressos, cum num- „ quam fideles, nec Confessarii fuerint de „ iis solliciti, sicut sunt solliciti de dolore. „ Quare vel sufficit actus fidei, & spei præ- „ teritus non retractatus, vel actus fidei, „ vel spei imbibitus in ipso dolore.

XXII. Concilium Tridentinum sess. 6. c. 6. docet: *Disponuntur autem ad ipsam justitiam, dum excitati à divina gratia, & adjutti, FI- DEM ex auditu concipientes . . . a divina ju- sticie timore, quo utiliter concutiuntur . . . in SPEM eriguntur &c.* Clarius hos actus, cre-dere, sperare, diligere, explicat can. 3. ut vi-dimus supra. Si actus isti imbibiti in dolore sufficerent, ut contendunt Leander, San-chez, Bonacina, Viva, & alii, superflue expressi a Concilio forent. Meditare isto-rum auctorum genium, quo communiter se-runt ad deliniendam, temperandam, & levigandam legem sive Scripturarum, sive Conciliorum.

XXIII. Oro iterum letores meos ut po-sitis præjudiciis, & partium studio vacui, mature expendant universam istius disserta-tionis doctrinam, quam ex una parte ex Scripturis sanctis, ex Concilio Tridentino, ex Patribus haustam; & ex altera parte ex Doctoribus Casuistis formidolosa attritionis defensoribus excerptam adduxi, serio conse-rant, & meditentur, tum judicium profe-rant. Omnia enim quæ scripsi, & scriptu-rus sum, & sapientum, & superiorum ju-dicio plenissima voluntate subjicio.

DISSERTATIO II.

De Confessione sacramentali, &
satisfactione.

CAPUT I.

*Quid sit Confessio sacramentalis, & quando
divinum ejus preceptum obliget.*

I. **D**E præcepto annuae Confessionis supra disputatum est. Confessionem peccatorum institutam esse a Christo Domino, semper docuit Ecclesia catholica, ad ductis his verbis Christi Iesu: *Tibi dabo claves regni celorum: quodcumque ligaveris &c.* Matth. 16. Potestatem hanc judicariam esse evidens est. Porro ut rectam iudex proferre sententiam queat, qua solvat solvendos, & liget ligandos, perspecta habeat delicta necessum est. Agnoscere autem delicta iudex nequit, nisi reus eadem patet. Ergo ex Christi institutione confessio peccatorum necessaria est. Et hanc veritatem definit Tridentinum *sess. 14. c. 5.* aduersus Protestantes. Nec mihi nunc longius hoc dogma illustrare permisum est.

II. Quæst. I. *Quo tempore divinum hoc preceptum per se obligat?* RESP. In probabili articulo mortis per se obligare hoc præceptum omnes communiter adfirmant. Nam si aliquando urget (certum est autem urgere) profecto in mortis articulo obligat, cum potissimum illo tempore quisque saluti sua eterna consulere teneatur. Oligare quoque hoc præceptum extra mortis articulum, adfirmat communis, & vera sententia. Si quidem præcepta affirmativa non modo obligant in extrema necessitate, verum etiam cum prudenter necessaria judicatur eorumdem observatio. Regula certæ obligationis pro hoc aut illo tempore, præter eam quam prescribit Ecclesia, designari absolute nequit; sed quisque consilio prudentis Confessarii applicare sibi hoc remedium debet.

III. Quæst. II. *An quando adest periculum oblivionis alicuius, vel multorum peccatorum mortalium, teneatur quis confiteri ante annum?* RESP. P. Leander *tr. 5. disp. 3. q. 5.* sententiam negantem ut probabiliorem defendit, & pro eadem citat Valeatiam, Vasquez, Sylvestrum, Sotum, Lugo, & alios: quia, inquit, fere omnes in anni decursu toties peccamus, ut in Quadragesima veri numeri

non meminerimus: tunc quia nulla lege ad id obligamur; & sine lege noi est afferenda obligatio.

IV. Hæc opinio, ut mea minima præfert sententia, falsa est. Toties peccamus omnes mortaliter? Omnia ergo poenitentia instabilis est? Nullus ergo poenitens verus in Ecclesia? Verum quod toties mortali ter peccent omnes in annum, ut in Quadragesima certi numeri non meminerint, assertio videtur infamans Ecclesiam catholica, in qua plurimi sunt electi, qui aut numquam, aut rarissime scienter mortaliter peccent. Si talia nos scriberemus; quos rumores non excitarent Probabilistæ? Ipsum jus naturæ nos obligat ad præcavendum periculum oblivionis peccatorum mortalium.

V. Quæst. III. *Quid dicendum de infra-*
scripta opinione P. Gobæ? RESP. P. Georgius Gobat hæc tract. 6. n. 261. scribit: „ Tam „ etsi confessionem differendo usque ad ar- „ ticulum mortis, vel Pascha, certus sis te „ ob hanc dilationem esse oblitum multa „ crimina; haud tamen inde oritur tibi ob- „ ligatio confitendi citius. Ita sane tenet „ communis sensus, ut reor, tum confiten- „ tium, tum Confessorum. „

VI. Communis sensus lumine naturali & evangelico illustratus, & non Probabilismi præjudiciis obscuratus a tam falsa & laxa opinione abhorret.

VII. Quæst. IV. *Quid dicendum de opini-
one Leandri negantis debitum confitendi illo-
rum qui recipere alia sacramenta volunt præ-
ter Eucharistiam?* RESP. P. Leander a SS. Sacram. *tr. 5. disp. 3. q. 19.* hæc ad proposi-
tam quæstionem responderet: „ Sed certissime „ respondeo, non teneri: quia nullum ex- „ tat præceptum circa hoc impositum, ut „ clate colligitur ex Trident. . . Victor. „ Sylvester, Angel. Soto, quos citat, & „ sequitur Suarez, Fagundez, Lugo, Vil- „ labos, & omnes communiter. „

VIII. Communiter ergo Casuistæ defendunt, non debere fideles confessionem præmittere, dum alia sacramenta recipere, præter Eucharistiam, debent. Audiant omnes Cathechismum Concilii Tridentini *p. 2. c. 5. §. 45.* ubi hæc statut. Verum si quid salutis nostræ ratio postuleret consideremus, profecto quoties vel mortis periculum inninet, vel aliquam rem tractare aggredimur, cuius tractatio homini peccatis contaminato non conveniat, vel cui cum sacramenta administramus, aut percipi-
mus, toties confessio pretermittenda non est. Atque idem OMNINO, cum veremur ne nos ali,

alicujus tulpa, quam admiserimus, oblio ca-
piat: neque enim peccata confitevi possumus,
cum non meminerimus: neque peccatorum ve-
nientia a Domino impetramus, nisi ea Pænitentia
sacramentum per confessionem debeat.

C A P U T II.

De Confessionis sacramentalis conditionibus.

I. **C**ondiciones sacramentalis Confessionis sunt his verbis comprehensæ:

*Sit simplex, humilis confessio, pura, fidelis:
Atque frequens, nuda, discreta, libens,
verecunda:*

*Integra, secreta, lacrymabilis, accelerata:
Fortis, & accusans, & si parere pavata.*

II. Conditio 1. significat ut exponantur peccata simplici sermone, relictis episodiis. Feminae frequenter, ut sua peccata exposant, totam familiam infamant. Cavendum ab hoc defectu est. 2. Conditio sit humilis in gestu, in habitu modello, sine ense, siue luxu, quem ad ipsam deferre tribunal mulieres solent, ideo rejicienda. 3. Puræ ob rectam justificationis finem. 4. Fidelis absque furo, & mendacio. 5. Frequens iuxta prudentis ministri consilium. 6. Nuda absque æquivocis, & excusatione. 7. Discreta, verbis honestis expressa. 8. Libens, seu spontanea, & libera. 9. Verecunda cum modestia, & pudore. 10. Integra, explicando numerum, speciem, & circumstantias. 11. Secreta ad evitandum scandalum, infamiam &c. 12. Lacrymabilis, idest cum vero cor dis dolore. 13. Fortis in proposito abstinentia a peccatis. 14. Accusans, non excusans peccata. 15. Accelerata absque dilatatione nimia post patratum peccatum. 16. Parere pavata Confessario dirigenti, docenti, & mendenti.

III. QUÆST. I. Utrum formaliter integræ esse debeat Confessio? RESP. Adfirmant omnes contra Lutherum, & veritas de fide est definita in Concilio Tridentino s̄s. 14. c. 5. idest, debet esse confessio omnium peccatorum mortalium quæ quis post diligens examen conscientiæ recordatur.

IV. QUÆST. II. Quæ diligentia adhibenda in examine conscientiæ est? RESP. Duo in hoc gravissimo negotio extrema cavenda sunt. Diligentia nimia, quæ angorem, & torturam conscientiæ inducit, quæ mentem & animum turbat, vitanda est. Neque enim confessio est carnificina animarum, ut blaterant Calvinistæ, sed evacuatio vulnerum,

& salutis remedium. Vitandum quoque aliud extreum negligentia est. Serio & mature recogitentur commissa peccata. Pauca motu adjiciam.

V. I. Fundendæ Deo preces sunt, quibus divinum imploret auxilium ad fugiendas mentis tenebras. Fidei actus eliciantur, quibus firmiter credatur hoc sacramento peccata remitti. Excitetur obtinendæ venia spes. Accendatur caritas erga Deum offendit, & dolor ex toto corde. Contritio antidotum peccati est. Si omnia evomere crima cupis, initio examinis ferventem accende contritionem.

VI. 2. Quisque spectare suum statum & conditionem debet, & quid contra hunc statum peccaverit, expendat. 3. Severius peccata spiritus quam carnis examinatur. Adulteria, fornicationes, ebrietates seipso panduntur. At peccata superbiæ, invidiæ, similitatis, ambitionis, avaritiae, amor ille vaferimus refulgendi in hoc mundi theatro, & cetera ejusmodi adeo fucata, & splendida incedunt, ut totam oculis nostris malitiam abscondant, nisi penitus inspiciantur. 4. Quisque habet suam passionem regnante, & dominantem, quæ alii peccatis stipita incedit: hæc severius sub examen inducatur.

VII. QUÆST. III. Quid dicendum de regula examinis quam P. Viva proponit? RESP. P. Viva qu. 5. a. 2. n. 3. inquirit, quandam confessio ob examinis defectum sit reputanda invalida? Et responderet: „Si quis „examinando diligentius conscientiam re- „perit plura esse peccata quorum erat obli- „tus, quam ea quæ confessus est, potest si- „bi persuadere, quod non præmisserit ex- „amen debitum.“

VIII. Si ergo tertia, aut quartæ partis peccatorum repererit se esse oblitum, potest tunc sibi persuadere quod præmisserit examen debitum. Falsa itaque, & vana est præfata regula. Temporis quantitas in examine conscientiæ insumenda præscribi nequit. Quo conscientia gravioribus flagitiis vulnerata est, eo diligentius inspicienda.

IX. MONITUM gravissimum de examinando peccatis injustiziæ, & dilatatione in solvendis debitis, & operariorū atque artificiū mercedibus. Hæc omnia severissime discutienda sunt detractis larvis conservandi status, induendæ uxoris &c. Vide plura Tom. 9. Lib. I. Diff. 4. cap. 4.

X. QUÆST. IV. Exprimendus ne est peccatorum numerus? RESP. Adfirmant omnes. Et quan-

quando certus numerus non constat, exprimatur verisimilior. Confessio non est, ut dixi, conscientiarum tortura. Eo praeципuum studium dirigatur ut cor vehementi contritione emolliatur, & tunc crimina se ipsis exequunt, sicut venenum potato efficaci antidoto evomitur. Statum conscientiae sua pœnitens, & numerum peccatorum quæ menti post serium examen occurrant, sincere exponat. Regula Tridentini sess. 14. c. 5. optima est. Reliqua peccata quæ diligenter cogitanti non occurunt, in universum in eadem confessione inclusa esse intelliguntur, pro quibus fideliter cum Propheta dicimus: *Ab occulis meis munda me Domine*. Si vera erit contritio, numquam examen deficiens erit. Frequentissime in examine negligentia occurrit, quia facta contritio est ex quibusdam temporalibus, aut etiam poenis æternis concepta, & cuiuscumque caritatis vacua.

XI. QUEST. v. Qui diuturna confuetudine peccavit, satis ne eidem est tempus sui vitiosi status exponere non explicato peccatorum numero? RESP. Pœnitens meliori quo potest modo suum representare statum debet. Frequentiam peccandi exponat, si nequit numerum, puta toties in diem, in hebdomadam, in mensem, & tempus quo in vitio moratus sit. Si meretrix sit, diversas species declarat, & tempus meretricii. Qui concubinam domi habuit ut uxorem, tempus concubinatus dicat, & numerum fornicationum, si possit. Qui inscinter numerum peccatorum auxit, si postea deprehendit, se toties non peccasse, non tenetur hoc decrementum manifestare, nisi aliqua circumstantia id postuleat. Qui uno actu pluribus detraxit, sicut plura patravit peccata, ita eadem exprimere tenetur. Qui communitatē detraxit, manifestare communitatem debet.

XII. QUEST. vi. Quid dicendum de opinione negante debitum confitendi effectus peccati? RESP. In peccato consideratur voluntas peccandi, seu actus internus, actio exterior, & effectus consequens. Voluntas comburendi domum completur per ignis applicationem: voluntas occidendi per vulnus letale: mors, combustio domus sunt effectus peccati. P. La-Croix lib. 6. p. 2. n. 944. inquit: „ *Probabilis videtur non esse obligatio per se loquendo confitendi effectum.* Ita Vasq., Salas, Grañado, Lugo, Bonac. &c. . . . Et consequenter talis homo satisfaciet dicendo: projeci Breviarium, prævidens me tanto tempore non

„ posse orare: porrexi proximo venenum, „ intendens ejus mortem: tacendo an horas „ non oravit, & an mors sit secuta nec ne. . . .

XIII. Hæc opinio mihi falsa videtur: & rationes quæ adducuntur a P. La-Croix, aliisque ab eo citatis, vanæ sunt. Nam licet mors, domus combustio non sint in se peccata, sunt tamen peccati effectus: & horum effectuum notitia variat statum. Subdit ibidem La-Croix: Per accidens sape addi debent tales effectus secuti: immo, inquit, pœnitentes communiter addunt tales effectus secutos, in quo non sunt prohibendi, sed porius suaviter juvandi. Hoc unum debet quod etiam forent prohibendi. Cedo. Cur pœnitentes communiter confitentur ejusmodi effectus? Quia sequuntur intimum naturæ sensum, & lumen illud signatum in frontibus eorum, ignorantque novas istas quorundam Casuistarum speculationes.

C A P U T III.

De obligatione confitendi circumstantias peccatorum.

I. Circumstantia id appellatur quod accidentaliter circumstat actum humanum, qui speciem capit ab objecto aut bono, aut malo. Circumstantia alia physica, ut si quis hominem pugione, veneno, scorpiono occidat; alia moralis, quæ in genere moris mutat speciem, seu addit novam malitiae speciem, ut si quis occidat patrem, Religiosum &c. Præter enim homicidium adest crimen parricidii, sacrilegii &c. Obligationis est confitendi circumstantias non physicas, sed morales, quæ speciem mutant, ut fatentur omnes. Septem enumerantur circumstantia hoc versiculo contentæ.

Quis, quid, ubi, quibus auxiliis, cur, quomodo, quando.

II. Circumstantia quis pœnitentis prodit statum, qualitates, professionem, ut si sit Clericus, Sacerdos, Monachus, uxoratus, voto adstrictus, advocatus, judex, paternamilias &c.

III. QUEST. i. Quid dicendum de opinione negante debitum confitendi circumstantias mutantem speciem, dum peccator de eisdem non dubitat? RESP. P. Georgius Gobat tract. 7. n. 324. inquit: „ Non contrahitur, adeo que confitenda non est malitia circumstantia mutantis speciem, nisi pœnitens quantum do peccatum committebat, saltem dubitavit, an non adest circumstantia talis, & an

„ non contraheretur propter illam peculia-
„ re peccatum . Ita fert communis sensus
„ Theologorum . Utete mi bone vir frequenter
„ hac regula , præsertim in excipiendis con-
„ fessionibus rudium , & nominatim quan-
„ do circumstantia est nota soli Doctorum
„ vulgo . „

IV. Quodnam istud Doctorum vulgus ? Peccatores dum adulterantur , fornicantur , aut incestum perpetrant , flagiti voluprate animum absorptum habent , & quidquid aliud præter circumstantiam mutantem speciem cogitant . Nemo igitur confiteri astrin-
gitur circumstantias mutantes speciem , nisi pænitens , inquit P. Gobat , quando peccatum committebat , saltem dubitaret ? Quod post pa-
tratum cum sorore , cum aliena uxore , cum virgine Deo consecrata , sciat debitum man-
ifestandæ circumstantie specie diversæ ni-
hil refert . Debet quando peccat , saltem du-
bitare , ut teneatur confiteri . Utete mi bone
vir frequenter hac regula . Cavete Confessarii
omnes , subdo ego , ab hac falsa regula .

V. QUEST. II. An Religiosus initiatus sa-
cris Ordinibus explicare teneatur circumstantiam
voti solemnis ? RESP. Negant Salmanticenses , Diana , Molseius , Castropalans , Anto-
nius a Spiritu sancto . Sed affirmant alii gra-
ves Theologi , quorum sententia vera est . Peccans cum novitio , aut novitia anno pro-
bationis tenetur confiteri hanc circumstan-
tiæ , quidquid in oppositum dicant aliqui . Quoniam licet non emiserint votum , sunt
tamen primitiæ , & hostiæ destinatæ in sa-
cificium Deo immolandum . Violare has
hostias & victimas Deo placentes communi-
fensi præfert enormem deformitatem . Spon-
sa , & sponsi carnaliter se cognoscentes , aut
alii cum eisdem se commiscentes juxta pro-
babiliorem sententiam debent hanc circum-
stantiam manifestare .

VI. Virgo , quæ sponte primo fornicatur , debet hanc circumstantiam patesfacere : quia virgo hæc peculiarem injuriam sicut pa-
rentibus , ita Deo , a quo virginitatis do-
num accepit , infert , dum tales prodigit virginitatem .

VII. QUEST. III. An Confessarius peccans
cum pænitente teneatur id fateri ? RESP. Ser-
mo non est de Confessario sollicitante , sed de Confessario absolute peccante cum pænitente . Negant , ut referunt Salmanticenses , aliqui . Adfirmant vero alii graves Theolo-
gi , quorum sententia vera est . Quid ? Con-
fessarius judex , doctor , & medicus est . Lu-
pus evadit devorans ovem , & hoc manife-

standum in confessione non est ? Suffragatur nostræ sententia reservatio sibi facta ab E-
piscopis in variis diœcesibus circa actum ,
vel attentionem ad turpia cum filia spiri-
tuali .

VIII. Si Episcopus , Prælatus Religionis
fornicetur , adulteretur , inebrietur &c. te-
netur explicare circumstantiam ob grave scand-
alam , quod saltem complici affert , quid-
quid in oppositum dicant aliqui . Similiter
gubernatores civitatis , judices , rectores , &
similes , qui furtæ , & injustiæ crimina im-
pedire ex officio tenentur , si ipsi furentur ,
non tenentur , ut inquiunt aliqui , manife-
stare hanc circumstantiam , licet debeant pa-
tesfacere omissionem qua non impedierunt
aliena furtæ . Sed hæc opinio mihi falsa est .
Tenentur enim hanc circumstantiam confi-
teri . Similiter falsa est mihi opinio docens
Sacerdotem percutientem laicum cum sanguini-
effusione , non teneri in confessione ma-
nifestare se esse Sacerdotem . Sacerdos enim
ratione suæ dignitatis perpetrat malitiam
distinctam a malitia simplicis percussione .
Eunuchus , aut frigidus fornicator tenetur
explicare circumstantiam impotentiae ad co-
pulam naturalem , quia perpetrat peccatum
contra naturam .

IX. QUEST. IV. Quid dicendum de opinio-
ne negantium debitum confitendi consuetudinem
peccandi ? RESP. P. Claudius La-Croix lib. 6.
p. 2. n. 968. respondet , per se loquendo non
esse aperiendam talen consuetudinem ; &
pro hac opinione citat Suarez , Vasquez , Re-
ginaldum , & Lugo . Eamdem opinionem de-
fendunt Salmanticenses , & citant Dianam ,
& Castropalaum . Hæc est ratio quam assi-
gnat P. La-Croix . „ Nemo per se loquen-
do tenetur bis confiteri idem peccatum .
Peccata autem præterita , per quæ est
causata consuetudo , sunt antehac confes-
sa , uti supponitur , & peccatum præsens
non aggravatur , sed potius minuitur ratio-
ne precedentis consuetudinis , quæ aliquo mo-
do minuit libertatem . Ergo non est neces-
sarium facere mentionem peccatorum præ-
territorum , vel illius consuetudinis . „

X. P. Dominicus Viva in Curs. Theolog.
tom. 2. p. 6. q. 5. n. 2. „ Licet teneatur por-
nitæ respondere Confessario interroganti
consuetudinem peccati , cum opposita sen-
tentia sit damnata ab Innocentio XI.
tamen per se loquendo non est aperienda hu-
jusmodi consuetudo . ”

XI. Per se loquendo doctrina hæc falsa
est , & in propol. 58. damnata ab Innoc. XI.
con-

contenta. Per se loquendo, infirmus non tenetur patefacere medico infirmitatis sua corporalis statum, consuetudinem, longitudinem? Si turbæ, si agricola, si ipsi plebeji homines, & anima non academis eruditæ, sed rudes & solo naturæ lumine exultæ legerent ejusmodi doctrinas, grave paterentur scandalum. Quid? Peccatum ex consuetudine inveterata minuitur? Peccatores ergo obstinati, indurati, inveterati minus peccant quam qui semel vel bis? Consuetudo, inquis, minuit libertatem. Quid heinc? Diminutio hæc voluntaria est. Ipsi peccatores sibi comedes libere fabricant. Patres omnes adfirmant peccantes ex habitu peccare ex depravata malitia. Hæc diminutio libertatis in iis qui ex habitu perjurant, blasphemant, fornicantr, est consequens, non antecedens, ut veri Theologi cum S. Thoma 1. 2. q. 78. a. 2., & q. 76. a. 4. ad 1. docent. Aggravat ergo, non minuit peccati malitiam.

XII. Evincit descriptam doctrinam PP. La-Croix, Viva, Lugo, & aliorum contineri in hac damnata thesi §8. Non tenemur Confessario interroganti fateri peccati alicujus consuetudinem. Confessarius de iis solum peccatis interrogare jure valet quæ manifestare pœnitens tenetur. Ergo si Confessarius interrogare jure valet de peccandi consuetudine, manifestare illam pœnitens adstringitur. Quid ad hæc? Manifestare illam debet, reponunt Casuistæ, si interrogetur, scimus si Confessarius fileat. Cavillatio vana. Debitam manifestandi præcedit jus interrogandi. Nisi enim in pœnitente esset debitum manifestandi, Confessarius interrogare non posset; cum de iis solum interrogare queat quæ patefacere pœnitens astringitur. Verum missis ratiociniis, consulatur sensus communis omnium Christianorum, qui sincere contriti primum omnium exponunt statum, consuetudinem, & habitum peccandi. Vix alicui Christiano in mentem venisset recensita doctrina, nisi Casuistæ illam excogitassen. Heinc collige, quam verum sit quod sapientius indicavi, nempe una arbitraria distinctioncula eludi & theses ab Ecclesia damnatas, & ipsa Scripturæ sanctæ luculentissima testimonia.

XIII. QUEST. v. Quid dicendum de peccatis ex consuetudine patratis? RESP. P. Claudius La-Croix hanc questionem proponit, nempe an peccata, quæ ex consuetudine moraliter mala, postea inadvertenter sunt, sunt confitenda? Respondet lib. 2. p. 2. num. 974. his verbis. „Si supponamus, quando

„ista sunt, nullam prorsus adesse adver-
„tentiam malitiae, talia nullam habebunt
„novam malitiam, uti constat ex dictis 1. 5.
„a. 2. n. 16. & conseq. cum ista ex se non
„sint peccata, nec externe compleant pec-
„catum aliquod internum, sed tantum sint
„effectus peccati, secundum dicta n. 974.
„Non est obligatio illa confitendi... Quod
„verum est secundum multis cum Dicastulo,
„quamvis illa consuetudo non sit retractata...“

XIV. Quando igitur Christiani blasphemant, perjurant, desiderant adulterare ex consuetudine non retractata moraliter mala, si nulla adsit advertentia, non sunt con-
fita hæc sceleræ? Cur? Quia non sunt peccata nova. Ergo præcepta non pejerandi, non blasphemandi, non desiderandi uxori alterius sunt istis ex consuetudine non retractata peccantibus impossibilia. Ergo Jan-
senium defendis. De hac opinione judi-
cent sapientes.

XV. QUEST. vi. Quid dicendum de op-
nione P. Tamburini dicentis non esse manife-
standos gradus consanguinitatis peccati patrati
cum matre, cum consobrina? RESP. P. Tam-
burinus lib. 2. Meth. Confess. cap. 7. §. 7. n.
48. hæc scribit. „Dico probabile esse nec
„consanguinitatem ab affinitate ex S. Tho-
„ma 2. 2. qu. 16. a. 9. & Cajet. ibidem;
„nec unum gradum ex his differre specie
„ab aliis. Sic Fillius dicens esse opinio-
„neam S. Thom., Cajet., Sotii, & fere Tho-
„misti. Griptus... Megala uterque apud
„Dianam. Unde licet sine dubio gravius sit
„contra unum gradum delinquere v. g. con-
„tra primum cum MATRE, quam contra
„alium v. gr. cum consobrina; tamen quia
„non mutatur species, puto non esse spe-
„ciatim manifestanda in confessione.“

XVI. Vix rusticorum aut idiotarum aliquem reperire fas est, qui si concubuerit cum matre, cum sorore, horrendam malitiam non concipiat, & quem summopere tantum scelus manifestare non pudeat. Et P. Tamburius cum P. Filliucio eximit Christianos tanti criminis reos ab obligatione patefaciendi tam enormous circumstantiam? Sat istis erit dicere, Commisi incestum, quin declarant an cum matre, an cum sorore? Opus non est ut longius hanc fallam opinio-
nem refellam. Sapientes judicent. Inuria summa hæc opinio affingitur S. Thomæ, ut mox patebit.

C A P U T IV.

*De obligatione confitendi circumstantias aggravantes mortaliter intra eamdem speciem.
Vindicatur doctrina S. Thomæ.*

I. **F**uso calamo tractavi hanc quæstionem Tom. 9. lib. 1. differt. 4. c. 6. Paucis nunc illam perstringam. Furaris unum aureum, aut centum, aut mille. Peccatum est intra eamdem speciem furti. At furtum mille aureorum notabiliter gravius est quam furtum unius aurei. Disputant in utramque partem Theologi num pœnitentes teneantur confiteri ejusmodi circumstantias intra eamdem speciem mortaliter aggravantes.

II. Primam omnium vindicanda est doctrina S. Thomæ. Opponunt Salmantenses Scholastici præstantissimi doctrinæ S. Thomæ propugnatores sequens testimonium ex 4. Sent. distinct. 16. q. 3. a. 2. *Quidam enim dicunt, quod omnes circumstantie que aliquam notabilem quantitatem peccato addunt, confiteri necessitatis est, si memorie occurvant. Alii vero dicunt, quod non sint de necessitate confitenda, nisi circumstantie que ad aliud genus peccati trahunt. Et hoc probabilius est. Hic sicut stant præclari Theologi, atque a se stare S. Thomam definiti. Verum si integra doctrina spectetur Angelici Doctoris non video, unde de ejusdem patrocinio in hac causa gloriari Salmantenses valeant. Sic enim continuo persequitur S. Thomas. Sed addendum est, que ad aliam speciem mortalis trahunt... Cujus RATIO EST (N. B.) quod venialia non sunt de necessitate confessionis, SED SOLUM MORTALIA, que quantitatem infinitam quodammodo habent: & quia circumstantie que aliam speciem peccato non tribuunt, vel que tribuunt quidem, SED NON MORTALIS PECCATI, non sunt de necessitate Confessionis. Ita tamen eadem confiteri perfectionis est, sicut & de VENIALIBUS dictum est.*

III. Triplicem malitiam adjicere circumstantias possunt. 1. quæ mutat speciem 2. quæ auget malitiam intra confinia peccati venialis. 3. quæ mortaliter malitiam adauget. S. Thomas in allato testimonio docet circumstantias quæ aut non mutant speciem, aut non augent mortaliter malitiam, non esse necessaria confitendas. Si enim auget solum venialiter, & intra limites peccati venialis etiam notabiliter, eorum confessio non est necessaria. Nam unum peccatum veniale gravius est altero, ut patet in furto

unius oboli, & unius iulii. Hæ circumstantiae non sunt de necessitate confitendas, inquit Angelicus. Quid enim produnt hæ verba, quæ universam articuli doctrinam regunt? Cujus RATIO EST, quia venialia non sunt de necessitate confessionis, sed solum MORTALIA, que quantitatem infinitam quodammodo habent. Clamat oppositores, S. Thomam expresse agere de circumstantiis quæ aliquam notabilem quantitatem addunt. Verum habet id sub articuli initium docere Angelicum; sed hæc verba, quæ ambiguatem praferunt, num S. Thomas loquatur de notabili quantitate veniali, aut mortali continuo in decursu articuli exponit idem S. Doctor, intelligenda esse de notabili quantitate veniali. RATIO EST, quia venialia non sunt de necessitate confessionis. Cedo. Datur ne unum peccatum veniale notabiliter gravius altero? Adfirmant omnes. Quo ergo ausu hanc notabilem quantitatem vi summa detorques ad mortale, cum Angelicus perspicue afferat se loqui de additione notabili veniali. Ratio est, quia venialia &c. Sed ut ora adversariorum penitus obstruantur, sub oculos revocanda sunt hæc alia Angelici verba. Circumstantie aggravantes que aliam speciem peccato non tribuunt; vel que tribuunt quidem, SED NON PECCATI MORTALIS non sunt de necessitate confessionis. Cujus ratio est, quia venialia necessario confiteri non astringimur. Adeo decretoria, adeo peregrinia hæc sunt, ut nullum argutandi, & cavillandi locum reliquant. Si plura cupis, consule tom. 9. loc. cit.

IV. Paucis vindicata S. Thomæ doctrina, dico, circumstantias mortaliter aggravantes intra eamdem speciem manifestandas in confessione esse. Evinco sententiam hanc, quam graviores Theologi defendunt, auctoritate Catechismi Tridentini, qui p. 2. c. 5. §. 47. hæc docet. „Peccatorum circumstantie, dum quis confiteritur, sunt patefaciæ. Sed in confessione summa illa cura, & diligenter adhibenda est, quam in rebus gravissimis ponere solemus; omneque studium in eo conferendum, ut sanemus animæ vulnera, & peccati radices evellamus. Neque solum peccata gravia narrando explicitare oportet, verum etiam illa quæ unumquodque peccatum circumstant, & pravitatem valde augent, vel minuant. Quædam enim circumstantie adeo graves sunt ut peccati mortiferi ratio ex illis tantum constet. Quare hæc omnia confiteri semper oportet. Si quis enim hominem in-

„tere-

teremerit, explicandum est, utrum ille
sacris initiatus, aut profanus fuerit; item,
que si cum muliere concubuit matrimonio,
nisi ne lege libera, aut alterius uxore,
aut propinqua, aut alicujus voti sponsione
Deo consecrata, aperiat necesse est.
Hæc enim diversa peccatorum genera
constituant; ita ut primum quidem sim-
plex fornicatio, alterum adulterium,
tertium incestus, quartum sacrilegium a
divinarum rerum Doctoribus appelletur.
Furtum etiam in peccatis numerandum est.
Verum si quis aureum nummum furetur, lo-
vius omnino peccat quam qui centum, vel
ducentos, vel ingentem aliquam auri vim,
presertim vero qui sacram pecuniam abstulit.
Quæ etiam ratio ad locum, & ad tem-
pus pertinet: quorum exempla notiora sunt
ex multorum libris, quam ut a nobis com-
memorenur. Hæc igitur, ut diximus, ENU-
MERANDA SUNT. Quæ vero pravitatem
rei magnopere non augent, sine criminie
omitti possunt.

V. Sicuti Patres Tridentini, ita auctores
Catechismi semper doctrinam S. Thomæ,
quam hic declaratam, & confirmatam vi-
des, sequuti sunt. Hanc meditari doctrinam
debuissent perdocti Salmantenses, mihi mul-
tis nominibus suspiciendi.

VI. Ven. Innoc. XI. damnavit thesim
hanc: Non tenemur Confessario interroganti fa-
teri peccati alicujus confessitudinem. Hæc duo,
jus interrogandi, & debitum manifestandi,
ita conjuncta sunt, ut confidere unum sine
altero nequeat. Immo debitum manifestandi
præcedit jus interrogandi, ut dixi. Con-
fuetudo fornicandi, pejerandi non mutat
speciem, sed solum malitiam intra eamdem
speciem aggravat. Damnata est doctrina
negans debitum respondendi. Ergo damnata
est doctrina negans debitum manifestandi
circumstantiam aggravantem.

VII. Ratione demonstratur sententia no-
stra. Qui scienter reticet accessionem mor-
talis malitiæ, non facit confessionem for-
maliter integrum. Qui furatur centum num-
mos aureos, quorum singuli constituent ma-
teriam furti mortalis, furtum perpetrat,
quod æquivaler centum furtis mortiferis.
Ergo qui confitetur solum materiam gra-
uem, nempe unius aurei, reticet 99. peccata
mortalia. Unico actu voluntatis con-
cupiscentie decem personas specie diversas in
genere moris, puta matrem, filiam, mo-
nialem, uxoratam, virginem, puerum &c.
Facit ne confessionem formaliter integrum

Tom. II.

qui non confitetur has personas morali spe-
cie diversas unico actu concupitas? Negas?
Ergo non facit confessionem formaliter in-
tegram qui unico actu patravit centum fur-
ta mortalia numero distincta; aut qui uni-
co actu plures personas solo morali nume-
ro distinctas concupivit. Probo consequen-
tiæ. Æque confiteri adstringeris peccata
mortalia numero, ac specie distincta, ut
omnes docent. Ergo æque confienda est
virtualis multiplicatio numerica, ac virtua-
lis multiplicatio specifica. Vide plura l.c.

C A P U T V.

De ceteris circumstantiis.

I. Q UÆST. I. *Quinam sint significatus cir-
cumstantiae quid?* RESP. Significat
quantitatem, qualitatem peccati,
& personam cum qua peccatur. Disputant num
exprimenda sit persona de qua quis morose
delectatur, qua manifestanda foret, si opus
accessisset? Sententia adfirmans mihi vera
est, & negans falsa: quoniam ipse sensus
communis execratur ut quid enorimissimum
venereum delectationem conceptam ex con-
cubitum cum matre.

II. P. La-Croix lib. 6. par. 2. num. 1030.
scribit: „ Qui sine ullo desiderio personam
venere aspicit, non tenetur dicere (in
confessione) qualis persona fuerit. „ Sub-
dit ibi n. 1031. „ Qui sine desiderio venere
attigit puellam, secundum Dianam... sa-
tisfacit dicendo, se toties attigisse turpi-
ter nihil dicendo de partibus, in quibus
attigit. „ Subdit iterum: „ Alii proba-
biliter dicunt exprimendum, si partem tur-
pem attigerit. „ Relinquit lectori, sce-
pticò more, ut sibi eligat quod magis pla-
cket. Ecur exprimere non debet se venere
aspxisse matrem, sororem, monialem &c.?
Cur manifestare non debet se tetigisse ma-
num, genas, mamillas, pudenda? Quæ-
nam reticentia ratio? Opiniones probabili-
ter negantes debitum manifestandi p̄fata
circumstantiam, falsæ sunt.

III. Pergit ibidem n. 1040. P. La-Croix:
„ Qui fornicatus est cum tribus una vice,
vel ter cum una, satisfacit dicendo, se
ter fornicatum, nec tenerur dicere an fue-
rit una vel plures, an fuerint meretrices
an alia, dummodo non sit cooperatus ad
impediendam generationem. Bonacina,
Tamburinus.“

IV. Nisi Casuistæ excogitassen ejusmodi

commenta, quilibet Christianus lumine naturali exprimeret tres feminas, quia sunt tria gravissima scandala diversa. Sed cur exprimere tres feminas non debet? Quia *jus suave est*, inquit, & non debet gravari. Præfata opinio falsa est, & improbabilis.

V. Idem La-Croix *ibidem n. 1041.* „Si Sacerdos fornicetur cum filia confessionis, S. Thomas, Sot., Sanch., & alii gravissimi auctores, quos reserit, & sequitur Aversa p. 16. §. 14. adhuc dicunt contra hi novam speciem malitiæ: quia jus canonicum vocat quoddam adulterium, vel incestum: & re ipsa videtur esse species irreverentiae, & sacrilegii in sacramentum. E contra esse simplicem fornicationem, ac posse taceri, quod fuerit filia confessionis, docent Ledesm., Vasq., Sa., Bonac., Filliuc., Sanc., Pontius, P. Hurt., Ochag., Dic., Tambur., Dian., Lugo, quia ex confessione nulla oritur cognatio spiritualis &c. . . . Utraque sententia est probabilis. Prima est conformior juri canonico; sed secunda videtur ex ratione probabilior.“

VI. Probabilismus ubique serpit. *Utraque probabilis*, vera, & falsa. Prima conformior juri canonico, secunda ex ratione probabilior, inquit P. La-Croix. Ecce? Quia Vasq., Bonac., Filliuc., Hurt., Ochag., Dicast., Tambur., Dian. altius rationis iura comprehendenterunt quam Patres, quam Concilia, quam Pontifices conditores juris canonici. Hæc opinio, quam probabiliorem vocat P. La-Croix, falsa est & laxa, ut sapientissimus Pontifex Benedictus XIV. eam declaravit, dum abstulit Confessariis auctoritatem absolvendi ab hoc crimine. An Pontifices sine ratione carones edunt? A sacris canonibus appellatur ad rationis tribunal? An non obtenebrata ratio ex peccato originali? Plura dicenda occurrerent de hac prima circumstantia *Quid?* sed ea vide *Tom. 9. dis fert. 2. c. 7.*

VII. Quest. III. *Quid prodit circumstantia ubi?* RESP. Indicat locum, mutatque speciem, ut si quis in loco facio effundat sanguinem humanum, fornicetur, polluatur, furetur, violetque immunitatem ecclesiasticam. Qui in loco sacro furatur rem sacram, sacrilegium dupli titulo perpetrat, & id exprimi in confessione deber. Qui furatur in loco sacro rem profanam, putacrumenam & divite, sacrilegium perpetrat, ut communiter auctores docent. P. Viva tamen de more advertit, *Lugo, Lessium, Henriquez*

probabiliter putare non esse sacrilegium, nisi quando res posita est in Ecclesia ad custodiā. Sed commentum hoc arbitriatum & falsum est. P. La-Croix *tib. 6. p. 2. n. 1090.* introduceit *Dicastillum*, qui agnoscit parem fere in utraque sententia probabilitatem, attamen in primam inclinat. Sola prima vera est, altera falsa.

VIII. Homicidium in Ecclesia perpetratum sine sanguinis effusione sacrilegium est. Qui in Ecclesia existens alteram occidit extra Ecclesiam, sacrilegus est. Similiter qui extra Ecclesiam existens telo occidit alium intra Ecclesiam, sacrilegus est. Qui alium percudit cum effusione sanguinis, sacrilegium committit. Requiritur tamen, inquit aliquis, ut effusio sanguinis sit magna: quia effusio copiosum fluxum significat. Vulner mortale pugione inflictum paucas guttas sanguinis emittit. Is ergo qui pugione ferit ad mortem, non erit sacrilegus. Quænam erit illius magni fluxus mensura? Sed quid in refellenda falsa opinione tempus tero? Falsa quoque est opinio aliorum docentium pollutionem in Ecclesia occulte factam non esse sacrilegium.

IX. Quest. III. *Quid dicendum de opinione negante tactus impudicos in Ecclesia esse sacrilegos?* RESP. Eam esse falsam mihi certum est.

X. Nam unde colliges, osculari feminas, tangere earum mamillas, aliasque partes etiam publice in Ecclesia non esse sacrilegium? Hæc doctrina me perterritur. Meticulosum, & pusillum me dicturi sunt Prohibiliæ. Esto. Sed hanc opinionem rejicio ut omnino falsam. Tum solum, subdit P. La-Croix, committeretur sacrilegium, quando quis mireriter ante altare publice impudice tangeret. Si quis vero post altare, aut longius ab altari in medio Ecclesiæ mereetricem, aliamve seminam publice impudice tangeret, non committeret sacrilegium? Non deberet exprimi id factum esse in loco sacro? An hæc sint paradoxæ communis sensui repugnantia, aliorum esto judicium.

XI. Quest. IV. *Quid indicant circumstantiae quibus auxiliis?* & cur? RESP. Circumstantiae quibus auxiliis significat consilia, suffisiones, media quibus aliquis utitur ad peccandum. Cur finem prodit propter quem quis peccat, ut si quis furatur adulterandi causa. Peccatum ex se veniale evadere letale potest propter finem mortaliter pravum, sicuti cum quis mentitur, ut seminam inducat ad fornicandum.

XII. Circumstantia *quomodo* includit culpa durationem, contemptum, consuetudinem. Occidisti hominem. *Quomodo?* Proditione. Savasti in cadaver? Quanto tempore animum habuisti occidendi? Circumstantia *quando* indicat tempus quo peccatum patratum est. Etiam super his duabus circumstantiis non paucas quæstiones disputant aliqui; sed illas ut minoris momenti missas facio.

C A P U T VI.

An peccata dubia confitenda sint?

I. **T**RIPPLICITER dubitare potes. 1. Dubitas an peccaveris mortaliter in hac aut illa materia alioquin mortali. 2. Scis te peccasse, sed dubitas an peccatum sit mortale, vel veniale. 3. Scis certo te peccasse mortaliter, sed dubitas an confessus fueris.

II. Dubium, ut docet S. Thomas q. 24. de verit. est quando intellectus inter rationes quæ utrinque æqualiter occurruunt tum ad affirmandum, tum ad negandum, anceps & suspensus hæret, neutri parti assentiens. Aliqui excogitarunt dubium *negativum*, quando ex neutra parte occurruunt rationes dubitandi; sed hæc est mera *nescientia*, seu ignorantia. Primum itaque est verum, & proprium dubium quod *positivum* vocatur, de quo disputandum est.

III. QUÆST. 1. *Quid dicendum de opinione docente non teneri ad confitendum peccata certissima, si dubitas an confessus illa fueris?* RESP. P. Dominicus Viva in curs. q. 2. a. 2. n. 3. hanc proponit quæstionem. An qui CERTUS est de peccato mortali commisso, dubitat tamen positive, an illud confessus fuerit, ita ut habeat rationem probabilem, quod confessus fuerit, & probabiles etiam, IMMO PROBABILIORES RATIONES, quod NON fuerit confessus, teneatur illud confiteri? Respondeo pariter NEGATIVE cum communi DOCTORUM, quos citat Martinus Perez contra Conink apud Dianam.

IV. QUÆNAM est hæc DOCTORUM communitas? Quid quaris? Vide apud Dianam. Lubet ipsorum Probabilistarum testimonio opinionem P. Viva refellere. Salmanticenses scholastici tom. 12. p. 2. tr. 24. dub. 6. §. 1. n. 178. pag. 173. hæc scribunt. Censemus eum qui certo scit se aliquod mortale tale commisisse, & dubitat an illud con-

fessus fuerit, obligari ad ejus confessio- nem. Ita Navar., Suarez, Sanchez, & alii communiter ... Unde vel ipse CARA- MUEL, qui in his rebus censetur aliis la- zior, aut liberior, cum scivisset quosdam JESUITAS Vienne defendisse ibesim huic COMMUNI doctrine contrariam, & Cara- muelem pro se allegasse, renuit palam, se excusavit, atque asseruit, se aliter philo- sophari de dubio, aliter de peccato certo commisso, & dubia confessione.

V. En novum, & quidem luculentum Probabilistæ argumentum. Dupliciter imponit lectoribus P. Viva, dum ait suam doctrinam Communiter Doctores defendere. Quoniam etiam omnes Probabilistæ illam de- fenderent, hi non conflant Communitatem Doctorum. Secundo quia vel ipsi libiores Casuistæ, qui immerito Doctores appellantur, doctrinam P. Viva improbat. Si hæc doctrina e publico suggestu prædicaretur, Christiani commoverentur, & scandalum pa- terentur, ut mihi videtur.

VI. Quid? Certo scis te venenum mor- tiferum bibisse, dubitas vero num antidotum applicaveris, & antidotum adhibere re- cussas? Numquid certo debito satisfit dubia solutio? De fide est peccatum certum sub- jiciendum esse confessioni. Sed per dubiam confessionem non satisfit huic certissimo debito. Ergo confiteri illud astringeris.

VII. Sophismata ex Probabilistæ fodina eruta, quæ P. Viva adducit, vana sunt. Probabilistæ usus damnatus est in foro ci- vili ab Innoc. XI. Probabilius existimo judi- cem posse judicare juxta opinionem minus pro- babilem. Ergo longe severius improbatus est in foro sacro. Quid quod P. Viva de- fendit te dubitante non astringi ad con- fessionem, etiamsi habeas rationes probabilio- res te non fuisse confessum? Doctrinam P. Vi- va docet etiam P. La-Croix Lib. 6. p. 2. n. 602. & pro eadem citat Gobat, Stoß, Boſco, & alios similes Doctores.

VIII. QUÆST. II. Utrum qui dubitat an peccatum quoddam commiserit, teneatur illud confiteri? RESP. P. Dominicus Viva loc cit. n. 2. hanc quæstionem proponit. Utrum qui positive dubitat, an peccatum commiserit, ita ut rationes probabiles habeat quod non peccaverit, quamvis æque probabiles, immo forte PROBABILIORES habeat rationes quod peccaverit, teneatur peccatum illud confiteri? Hanc præbet responcionem. Respondeo cum communi Docto- rum NEGATIVE.

IX. Soli ne Probabilistæ conflant Docto- rum

rum Communitatē? Certum est inclita nationis Gallicæ, Dominicanæ, Augustinianæ Religionis celebriores Theologos, Doctores Jesuitas, ut cuiuscumque Instituti doctissimos viros, acriter improbare præstatam doctrinam P. Viva. An isti Doctores non sunt? Soli ne in Ecclesia catholica Probabilistæ Doctores? Quo ergo ausu scribit P. Viva *cum communī Doctrinā*. Quinam hi Doctores, quos citat P. Viva? Sunt ne Sanchez, Alcozer, Bizozer, Burgaber, Sporer, Stoz, Kazemberger, Leander, Escobar, Caramuel, Gormaz, Busenbaum, La-Croix, La-Cruz, Veracruz, Zanardi, aliique similes? Tot Parochi, tot Confessarii minus peccati, dum in P. Viva, aliove Probabilista legunt, *Ita communiter Doctores docent*, bona fide credunt communiter Doctores Ecclesiæ id docere, atque adeo laxas opiniones clausis oculis adoptant, & ad executionem reducent. Heinc sequitur, Probabilistas nullos Doctores præter suos Probabilistas plerumque citare. Num hoc sit decipere imperitos Confessarios, num hæc scribendi ratio redoleat sinceritatem, humilitatem, & prudentem scribendi formam, judicent sapientes. Falsa est descripta Doctrina.

X. QUÆST. III. *An peccatum mortale dubium debeamus confiteri ut dubium?* RESP. Adfirmant omnes communiter antiqui Theologi, præsertim S. Thomas in 4. distibl. 21. a. 3. ad 3. Salmantenses tam scholastici, quam morales testantur hanc esse communem sententiam omnium Theologorum etiam Probabilistarum.

XI. Quamquam Probabilistæ ipsi, ut ajunt Salmantenses, defendant communem Ecclesiæ doctrinam, istorum tamen plures illam fucis Probabilismi implicant. Distinguunt dubium duplex. Quando intellectus anceps omnino est, quia ob æqualia rationum pondera in alterutram partem declinare nequit, dicunt intellectum dubitare: & hoc dubium appellant NEGATIVUM. Et communiter adfirmant omnes Probabilistæ, Christianum sic dubitatem se peccasse mortaliter, teneri ad confessionem. Quando vero intellectus habet pro una parte rationes probabiliiores quæ ostendunt se peccasse, & pro alia parte rationes probabiles evincentes se non peccasse, tunc, inquiunt, dubium est positivum, quod vi Probabilismi reflexi deponi juxta illos potest, & cessat obligatio confessionis.

XII. Hactenus refutavi doctrinam P. Viva, & aliorum excusantium Christianos pa-

sitive dubitantes a debito confessionis, & indicavi futilem esse hanc distinctionem, & vanum commentum dubii positivi, & negativi. Verum ut luculentius species quo Probabilismus in dies suam amplificet jurisdictionem, lubet rescribere quæ contra communem Ecclesiæ doctrinam juniores plures Probabilistæ docent de dubio negativo.

XIII. P. Dominicus Viva q. 2. a. 2. n. 6. hæc de obligatione confitendi peccata negative dubia scribit. „Respondeo, fere „communissimam antiquorum Doctorum sententiam fuisse, quod teneatur homo peccata negative dubia clavibus subjecere, & „Thomas Sanchez id omnino certum reputat . . . Hac de causa P. Matthæus Moya nostræ Societatis, qui fuit a confessionibus Mariae Annae Hispaniarum Reginæ in selectis questionibus de sacramento Pœnitentiæ, postquam asseruit opinionem se contrariam per triginta annos etiam in scholis docuisse, dist. 1. q. 5. hæc habet: *Nibilominus re maturius considerata standum censio pro contraria, & communis sententia afferente obligationem peccati dubii, ad quod hoc uno efficaci argumento ducor: quia sacramentum Pœnitentiæ institui potuit cum hac obligatione.* Quod autem instituit suadet communior Catholicorum sensus, & traditio a tempore Apostolorum usque ad nostra continuata tempora, ratione cuius vel ut INCONCUSSUM DOGMA præceptum confitendi peccata dubia æque ac certa non tam probarunt, quam supposuerunt Doctores. Ut enim ait Augustinus l. 4. cont. Donat. quod universa tenet Ecclesia &c. Hactenus P. Moya. His adde Leandrum, ac Tamburinum ipsum, quamvis patronos in benigniores opiniones . . .

XIV. Confiteretur ergo sponte vel ipse P. Viva communissimam esse doctrinam obligantem Christianos ad confitenda peccata negative dubia. Hæc vero subjungit. „His tamen non obstantibus puto probabilem esse ac tutam opinionem contrariam assertentem, peccata dubia negative non esse materiam necessariam sacramenti Pœnitentiæ, quam sequuntur plurimi auctores apud Mendo, & Dianam, & alios . . . quos usque ad viginti duos numerat Caramuel . . . Quibus adde Lessium, Sa, Layman, Præpos. Amicum, Leand. Hauoldum, nec non Ferrandinum de scandalo q. 77. ubi citat revisores Societatis Jesu sentientes, posse NUNC in scholis nostris hanc sententiam permitti, quam

„aper

„ aperte , & ex professo cont. Marchant.
 „ Joseph de Januario , Martinonius , & alii
 „ multi scriptores judicant probabilem ,
 „ quamvis OLIM secundum nostras regulas per-
 „ mitti non poterat ; cum vix reperiatur u-
 „ nus scriptor qui illam aperte tueretur ,
 „ ut iidem apud Tamburinum testantur .
 „ NUNC TAMEN , ut notat Diana , IN DIES
 „ MAGIS RADICES AGIT . „

XV. Securis ad has veneficas radices , quæ inficere communem Ecclesiæ doctrinam pertinent , adjicienda est , ne , ut vaticinatur Diana , in dies magis crescant . Olim in inclyta Societate Jesu vetitum erat laxam opinionem doceri in scholis , nunc publicis typis a P. Viva cuditur , ut in dies magis radices agat ? Si ego talia scriberem , clamarent adversarii , me Jesuitis detrahere , imponere , calumniari . Et sane quæ P. Viva scribit de sua Societate , nunc annuente defendi sententiam contra communem Ecclesiæ doctrinam , quam olim veterat , ego publicare non auderem ; nec illa rescriptissim , nisi necessitas dedocendi imperitos urget . Fatetur P. Viva doctrinam esse fere omnium antiquorum , quæ docet obligationem confitendi peccata dubia negative . Fatetur , ipsos Probabilistas benigniores , Sanchez , Leandrum , Tamburinum , defendere illam ut certam . Quid plura ? Vel ipse P. Matthæus Moya in suo opere damnato ob coacervationem opinionum laxarum ait , quod hanc doctrinam suadent communiter Catholicorum sensus , & traditio a tempore Apostolorum usque ad nostra continuata tempora , ratione cuius velut INCONCUSSUM DOGMA preceptum confitendi peccata dubia æque ac certa non tam probarunt , quam supposuerunt Doctores . Hoc idem testantur omnes fere Theologи , & ipsi Probabilistæ , immo ipse P. Viva .

XVI. Et contra Apostolorum traditionem , contra torius sacræ antiquitatis doctrinam , contra communem omnium Theologorum , & doctorum fere omnium Probabilistarum sententiam , & contra ipsius Societatis diu firmatas regulas audet P. Dominicus Viva propondere christiano populo tanquam probabilem , immo tanquam tutam , falsam , improbabilem , & , ut mitissime loquar , laxitatis plenam opinionem ? Hanc invexere Caramuel , Ferentinus , Martinonius , Verde , Januarius , laxioris Ethices patroni . Eam detectantur communiter Theologi omnes , & perillustris Societas nec in scholis olim dictari illam permisit . Sed nunc , inquit P. Viva , in dies magis radices agit . In quo so-

lo , in quibus scholis , quibus agricolis , & cultoribus radices hæc laxa opinio agit in dies ?

XVII. Falso pro hac opinione citat P. Viva S. Antoninum , Tabienam , & Pallidanum , quos apud Dianam de more , & apud Mendo legit . An vere citet Laymannum , & Lessium , ceteri videant . Laymannum ab hac laxitate vindicant Salmanticenses loc. cit. n. 195 . Sed P. Viva patronos multiplicare studet , ut latius serpent radices suæ opinionis .

XVIII. P. Claudius La-Croix lib. 6. p. 2. n. 598. more suo colligit omnes opiniones veras , & falsas super hac controversia , & pro opinione negante debitum confitendi peccata negative dubia , contra communem Ecclesiæ doctrinam allegat , quos ? Totdīf , Stoz , Caramuel , Commarcb. Deinde n. 609. sic concludit . „ Sententia adfirmans obligatio- „ nem confitendi mortalia negative dubia , est , „ spectata auctoritate , probabilius , ut pa- „ tet ex dictis n. 607. Spectatis tamen præ- „ cise rationibus intrinsecis , negans videtur „ probabilius , ut patebit comparanti rationes „ intrinsecas allatas n. 607. & 608. „

XIX. Papa ! Intende animum . Totdīf , Stoz , Commarcb. Caram. rationes validiores , robustiores , luculentiores excogitarunt pro negando debito confitendi peccata negative dubia , quam sapientiores Theologi Jesuitæ duorum sæculorum , qui hanc doctrinam in scholis veterant . Altius Totdīf , & Stoz cum paucis aliis rem penetrarunt quam SS. Ecclesiæ Doctores , quam S. Thomas , quam Patres Catechismi Tridentini , quam ceteri omnes Theologi tum antiprobabilistæ , tum probabilistæ ? Fatetur utique P. La-Croix n. 610. sententiam nostram esse absolute probabilitem . Sed quid inde ? Beneficio enim Probabilismi sat ipsi est ut contraria sit probabilis . Doctrinas certissimas Ecclesiæ , larva induunt Probabilismi , & sic ambiguae reddunt veritates quæ olim extra controversiam regnabant . Quo res christianæ tendant , nisi eliminetur hic opinandi modus , judicent christiani lectores . Sophisnata , quæ obrudi solent , cum omnia nitantur Probabilismo jam a me convulso , prætero . Consule Tom. 9. diss. 4. c. 7.

C A P U T VII.

*De causis excusantibus ab integritate materiali confessionis. De moribundo sensibus destituto, & de iterandis confessionibus. La-
ze opiniones refelluntur.*

I. QUÆST. I. *Quænam sint cause excusan-
tes ab integritate materiali confes-
sionis?* RESP. Sequentes. 1. Impotentia physi-
ca, vi cuius excusantur primo qui ignoran-
tia invincibili laborant. 2. muti. 3. qui in-
ter confitendum deliquium patientur. 4. i-
gnorantes idioma Confessarii, si defint alii
ministri. 5. qui imminente bello, incendio,
naufragio, tempore destituantur integre con-
fittendi. 6. quoties est grave periculum in
mora, puta in naufragio. Hoc in casu si
plures sint poenitentes, dicat Sacerdos: *Ego
absolvo vos &c.*

II. Impotentia moralis etiam excusat ab
integritate materiali primo quando Sacerdos
absque frâctione sigilli nequit pandere ali-
quod peccatum. 2. infirmus morbo conta-
gioso infectus, cuius confessio nec a longe
audiiri valet. 3. quando ex integra confes-
sione infirmus graviter opprimeretur. 4.
quando ex integra manifestatione peccato-
rum gravissimum immineret Confessario, vel
poenitenti detrimentum.

III. QUÆST. II. *Quid dicendum sit de op-
nione afferente, frequentiam magnam penitentium
ratione solemnitatis excusare ab integritate ma-
teriali?* RESP. Hæc tract. 6. n. 479. docet
P. Georgius Gobat. „ Negat P. Conink
„ lib. 6. n. 98. esse probabilem opinionem
„ arbitrantium, quando adest tanta multi-
„ tudo confiteri volentum pro aliquo ce-
„ lebri festo, ut Sacerdos nequeat omnibus
„ satisfacere audiendo omnes integre, posse
„ singulis dicere ut aperiant solum graviora
„ e mortalibus, reliqua differant in aliquid
„ tempus. Censeo ego, salvo meliori judi-
„ cicio, eam opinionem posse probabiliter su-
„ stineri, casu quo multi e longinquò adve-
„ nissent obtainendæ alicujus grandis indul-
„ gentiæ, confessionem, & communionem
„ requirentis, causa. „

IV. Hanc opinionem damnavit Innoc. XI.
in hac 59. thesi: *Licet sacramentaliter ab-
solvere dimidiate tantum confessio ratione ma-
gni concursus penitentium, qualis v. gr. potest
contingere in die magna alicujus solemnitatis,
aut indulgentie.*

V. Poenitens habens casus reservatos, &

impeditus adire superiorem, non excusat, ab integritate materiali, ita ut absolvit
a Sacerdote inferiore a ceteris peccatis
cum onere postea adeundi superiorem. Ne-
que potest superiori manifestare sola reser-
vata, & ab iisdem absolvit, & cetera pec-
cata confiteri Sacrdoti inferiori. Opposi-
tam opinionem communiter auctores im-
probant.

VI. QUÆST. III. *Utrum persona complicis
manifestanda sit in confessione?* RESP. Num-
quam sine necessitate. Quare quando cir-
cumstantia complicis manifestanda est, in-
quirere debet poenitens, dum potest, Con-
fessarium cui ignota sit persona complicis.
Si tales invenire Confessarium nequeat, ma-
nifestare complicem debet. Hæc semper fuit
Ecclesiæ disciplina, ut Morinus lib. 2. c. 12.
& sequ. patescit. Cessit enim complex
peccando juri suo. Ita docet S. Thom. I.
2. q. 73. a. 2. Præterea poenitens vel pro-
pter suam, vel proper complicis utilitatem
potest ipsum complicem manifestare Con-
fessario.

VII. QUÆST. IV. *Absolvi ne potest mori-
bundus sensibus destitutus, quando petiit con-
fessionem ante adventum Sacerdotis?* RESP. Ad-
firmant communiter omnes. Etiam si non
expresse petiit, si tamen peccatum tundat, vel
signa det confessionis, absolvendus est.

VIII. QUÆST. V. *An moribundus sensibus
repente destitutus, qui nec petiit, nec signa de-
dit confessionis, si tamen pie & christiane vi-
xit, sit absolvendus?* RESP. Adfirmant plu-
res & graves Theologi, & Joannes Mori-
nus præ ceteris hanc sententiam affirmans
illustravit lib. 10. c. 10. Negant contra
alii plures. Utriusque sententia argu-
menta dedi Tom. 9. diff. 4. c. 10.

IX. Paucis nunc rem perstringo. Senten-
tia negans mihi probabilior videtur: quo-
niam Christus instituit hoc sacramentum per
modum judicii sensibilis & humani. Quan-
do Deus vult alicujus salutem, vult eadem
voluntate & media quæ ille ipse præscribit.
Ergo quem vult alicujus salutem, tempus
illi concedit quo signa talia perhibeat, ut
absolvi jure queat. Sacramenti materia sunt
actus poenitentis. Si hi defint, deficit ma-
teria. Et quemadmodum deficiente aqua
nequit Baptismus administrari, ita sublatis
actibus poenitentis nequit perfici sacra-
mentum Poenitentia. S. August. in testimoniis
quæ producuntur pro sententia affirmante,
loquitur de catechumeno, vel de poenitente
moribundo, qui re ipsa sit in statu poeniten-
tiæ,

tis, qui sin voce, operibus absolutionem pertierint.

X. QUEST. VI. Quid dicendum de opinione P. Gormaz? RESP. Probabilem judico opinionem illorum qui defendunt, Christianos sensibus destitutos, de quorum optima vita constat, absolvendos esse. Sed ultra pergit P. Joannes Baptista Gormaz, qui disp. 5. sec. 2. §. 2. pag. 775. & seq. hæc docet. „Fit sexto, etiam esse absolvendum eum de quo non constat an vita discernere, præviderit, sive bene, sive male vixerit, & invenitur sensibus destitutus, & morti proximus.... Quapropter etsi forte quis ACTUALITER PECCANDO subito destitutus sensibus, REGULARITER sine absolutione dimittendus non est, cum rarissime contingat ut morti vicinus non velit salutem suæ consulere *salem per attritionem*, qua non constat interne carere, quamvis externe sit sensibus privatus: per conditio nem enim evitatur injuria sacramenti &c.... Sic Bonagratia supracitatus. Vide Gobat tract. 7. n. 597. usque ad 625. „

XI. Scelerati ergo, & flagitosi Christiani actualiter peccando, actualiter in duello, in fornicatione, in adulterio, in blasphemia sensibus destituti, & lassati in via iniquitatis absolvendi, & quidem regulariter sunt? Peccator actualiter fornicans consulere salutem suam vult *salem per attritionem*? Sed vel laziiores Casuista docent, urgere contritionis præceptum in articulo mortis. Præterea attritio nonne est donum Dei supernaturale? Et hoc donum Deus dabit peccatori actualiter adulteranti? Si Deus permisit illum in peccatum labi, quomodo præsumi potest eodem momento, & quidem regulariter Deum velle eidem tale donum impertiri?

XII. QUEST. VII. Quid dicendum de opinione P. Gobat, qua eludit sua Societas decretum, prohibens absolutionem moribundi destituti sensibus? RESP. P. Gormaz citat P. Gobat, & P. Gobat citat tract. 7. n. 602. decretum suæ inelytae Societatis his verbis: „Sexto merito inhibuere recentissime superiores Societatis nostræ suis ne imposterrum doceant hanc propositionem: Moribundus, etsi nullum signum det, aut dedicerit contritionis, adeo ut Sacerdos nec sciatur, nec prudenter putare posse præcessisse sensibiliem aliquam confessionem, absolviri potest. „ Duo excogitavit P. Gobat, ut hoc prudens decretum eluderet. En illius verba loc. cit. n. 614. „ Porro circa ordinationem illam nostræ Ordinis de qua num. præcedente dispe-

„ruimus, notanda sunt duo. Primum quod loquatur de casu quo non potest prudenter præsumi, quod dederit signum.... „ Alterum quod ordinatio expresse solum pronibet ne illa sententia DOCEATUR, non autem expresse ne PRACTICETUR. „ Vin' pulchriora? Quid? si vel ipsius Societatis decreta lepidis eluduntur commentis, quam expectare obedientiam de cuncta extranea valent? Alto prætero silentio conjectaria quæ hinc sponte sua proficiuntur. An dicent, textum P. Gobat minus sincere esse productum. Oro omnes ut legant in fonte & Gobat, & Gormaz, & La-Croix, & Viva, & omnes quos in hoc opere cito.

XIII. QUEST. VIII. Daturne confessio valida, & informis? RESP. Sacramentum validum, & informe illud vocant, quod omnes habet partes essentiales ad valorem, sed propter subjecti indispositionem non confert gratiae effectum. Plures Theologi defendunt dari confessionem validam, & informem, plurimi negant. Questio est mere speculativa.

XIV. QUEST. IX. Quo in casu iteranda confessio est? RESP. Plurimis in casibus. 1. si defuit dolor sufficiens. 2. si poenitens scienter reticeat aliquid peccatum. 3. si negligenter mortaliter culpabili omnissum sit aliquid mortale. 4. si quis confiteatur ob finem pravum. 5. si graviter quis mentitus in confessione fuerit. 6. si conscientis excommunicationis sive majoris, sive minoris eamdem occultet. 7. Qui Confessarios semidocet, aut nimium benignos sollicite querit, ut a peccatis in quæ frequenter relabuntur, absolutionem obtineant, communiter sacrilegas efficiunt Confessiones. Si Confessarius ex confessionum, & communionum frequentia non videt morum reformationem, nec flagitorum emendationem, sed eadem præter propter patrari crimina, non ambigat, sed judicet confessiones esse sacrilegas.

C A P U T VIII.

De satisfactione, tertia Pœnitentiae sacramenti parte integrali.

I. QUEST. I. Quid sit satisfactio sacramentalis? RESP. Est poenæ acceptatio, & voluntaria perpeccio a Confessario inuncta ad redintegrandam amicitiam cum Deo per peccatum laſam, & ad compensandam injuriam ipsi irrogatam. Hæc satisfactio non men poenæ haberet, a quo poenitentia nuncupatur.

patur. Jejunia, eleemosynæ, preces, vigilæ, disciplinæ pœnæ sunt, quia contraria corpori. Brevis oratio vix pœnæ nomen obtinet. Quare meminerint Confessarii, satisfactionem pœnam esse. Dicitur voluntaria acceptatio &c. quia invita, & coacta non esset Deo accepta. A Confessorio injuncta: per hanc particulam satisfactio sacramentalis distinguitur a pœnitentiis quæ sponte suscipiuntur.

II. Satisfactio hæc necessario adhibenda Deo in delictorum vindictam est, ut omnes Catholici docent contra Novatores. Obvia sunt Scripturarum testimonia. Convertimini ad me in toto corde vestro, in jejunio, fletu, & planctu. Joel. c. 2. Matth. 3. Facite fructus dignos pœnitentie.

III. QUEST. II. *Quæ sunt opera quibus satisfacere homo potest Deo pro peccatis?* RESP. Tria, oratio, jejunium, eleemosyna. Ad hæc tria revocantur cetera. Oratio includit omnia quæ cultum divinum spectant. Jejunia omnes corporis castigationes, cilicia, humicubationes, disciplinas, vigilias comprehendit. Eleemosyna avaritiam, cupiditatem, & oculorum concupiscentiam coeret. Ad hæc tria opera revocantur quoque flagella, calamitates quæ a Deo nobis infliguntur.

IV. Executio satisfactionis non est necessaria ad sacramenti essentiam, quod ipsam satisfactionem præcedit. Idcirco dicitur pars integralis. Disputant Theologi in utramque partem num satisfactio facta in peccato mortali sit valida. Sed utraque sententia facile conciliatur, si distinguamus satisfactionem meritoriam a præcepto implendi satisfactionem. Pœnitentes qui in statu peccati mortalis implet præceptum satisfactionis, non tenentur rursus eadem opera satisfactoria peragere, ut præceptum impleant. Hæc vero satisfactio non est meritoria, utpote facta in peccato mortali.

V. Satisfactio altera medicinalis ad infirmitates animæ curandas destinata, & hanc unus pro altero exequi nequit; altera pœnalis, qua solvit pœna peccato debita; & hoc in sensu unus pro altero satisfacere potest, ut docent Catholici omnes, excepta quæ in sacramento injungitur facienda ipsi pœnitenti.

VI. QUEST. III. *Qui sunt satisfactionis effectus?* RESP. Plures. 1. Peccatorum reliquias satisfactio convellit. 2. appetitiones, & concupiscentiam cohibet. 3. sinceræ conversionis argumentum perhibet, quando re-

ipsa vera est. 4. iram Dei avertit. 5. pœnitentes similes Christo capiti quodammodo reddit. 6. Ecclesiæ læsa jura redintegrat. 7. solvit debitum pro reatu temporali, qui post remissam culpam remanet.

VII. QUEST. IV. *Quenam fuit antiquæ Ecclesiæ disciplina in satisfactionibus imponendis?* RESP. Plura dicenda forent, quæ præstituta brevitas prohibet. Sub initium Ecclesiæ severissima peragebatur pœnitentia, nullo præstituto modo, aut mensura. Occasione Novatiani schismatis quatuor instituti fuere pœnitentium status. 1. *Flebitum*, qui sacco, & lugubri ueste induiti ante Ecclesiæ foræ fidelibus ingredientibus, flagitiis patetatis, se illorum precibus commendabant. 2. *Audientium*, qui in vestibulo Ecclesiæ lectiones sacrae Scripturæ, & Sacerdotum sermones audiebant. 3. *Substratorum*, qui intra templi ambitum ad ambonem usque recipiebantur. In hac statione pro Episcopi arbitrio manebant, & lectione Scripturarum, lacrymis, jejuniiis, & precationibus delicta expiantes absolutionem accipiebant. 4. *Consistentium*, qui in Ecclesia consistebant omnium orationum participes.

VIII. Hæc pœnitentia disciplina viguit in Ecclesia Latina usque ad saeculum VII. Hoc circiter tempore prodire contra antiquorum canonum severitatem nonnulli libelli pœnitentiales, qui fuso benignitatis temperare ausi fuere antiquos pœnitentiales canones. Concilium Cabilonense II. hos libellos abrogavit: quorum, inquit, certi sunt errores, incerti autores.

IX. Omnes antiquorum canonum scientiam Confessariis inculcant, ut advertit BENEDICTUS XIV. lib. 7. de Synod. c. 42. ut heinc colligant, qua ratione temperare, augere, diminuere pœnitentias imponendas queant. Quamvis enim exteriores poena diminutæ sint, spiritus tamen pœnitentia immutabilis, idemque semper perseverat in Ecclesia. Si mitior nunc exterior pœnitentia pro gravissimis flagitiis imponitur, servor interius spiritus supplere debet.

X. S. Carolus Borromæus antiquos canones pœnitentiales simul collegit, atque per decem Decalogi præcepta distribuit; quam collectionem integrum dedi Tom. 9. diss. 5. ad Confessariorum commodum.

XI. Pœnitentia spiritus idem semper in Ecclesia perseverat, immutabilis, ut dixi. Exterior pœnitentia disciplina mitissima vigeat ætate nostra. Singuli pro ingenio illam diminuunt, quum canones istius immutabiles

les nunc non obtineant. Regulam tamen præscriptit Tridentinum, quam mox dabo.

XII. Sed quod altius commovere, & conterere animum nostrum debet, est quod non modo exterior poenarum disciplina immutata sit, verum ipse poenitentia spiritus interior penes maximam Christianorum partem penitus fere sit extintus. Quum severior poenitentia exterior vigebat, ardebat in cordibus Christi caritas, seruebat vera contritio. Temperata, & quasi obsoleta antiqua disciplina externa, successit attritio servitis concepta ob poenarum, non æternarum modo, verum etiam juxta nonnullos Casuistas temporalium timorem. Successit propositum inconstans, & implicitum. Denique præcepta caritatis & contritionis apud quosdam benigniores Casuistas in desuetudinem abiere. Aggravasset, inquit Viva, Sporer, & ceteri similes, Christus jugum Christianorum, non levigasset, si una cum confessione dolorem caritatem vel inchoata formatum exigeret. Plura mihi dicenda forcent, si pro dignitate exponere inventas laxitates vellem. Vos ministri Christi consulete antiquos canones, & ipsi manibus tangatis, quo res sacramentaria ætate nostra deducta sit.

XIII. MONITUM ad Confessarios. Recogitate ministri Christi, ætate nostra superbiam, concupiscentiam, luxuriam, avatiatam, luxum, fastum, ambitionem, molliitatem impudentius grassari ac primis Ecclesiæ sæculis. Non minorem nunc adulterium, fornicatio, perjurium &c. injuriam Deo inferunt ac olim. Ergo eadem solutio. Solvent, inquit aliqui, in Purgatorio. Esto. At poenitentia ut medicinales curantes morbos & coercentes concupiscentiam, & ceteras effrenatas appetitiones, nisi validæ sint, & severæ, ægrotos non sanant. At numquid inventa est nova medicina blandior incognita hæcenus Ecclesiæ, qua deprimitur superbia, crucifigatur suaviter caro, & benigne coerceatur concupiscentia? Expergi scimini ministri Dei, & juxta Christi Evangelium instituite rationes vestras.

C A P U T I X.

De qualitate, quantitate, & tempore satisfactionis injungenda pœnitentibus.

I. QUÆST. I. *Quotuplex sit satisfactionis genus?* RESP. Duplex, ut ex dictis constat, & Concilium Tridentinum

declarat. Altera satisfactio vocatur *medicinalis*, curandis morbis animæ apta; altera *vindictans* dicitur, quæ pro patratis delictis castigationem imponit.

II. QUÆST. II. *Quid prescriptit Tridentinum circa quantitatem pœnitentia injungenda?* RESP. Concilium Tridentinum *sess. 14. c. 8.* hanc præscriptit regulam, quæ Confessariorum animis altius impressa sit oportet. Debent ergo Sacerdotes Domini, quantum spiritus & prudentia suggererit pro qualitate criminum, & pœnitentium facultate salutares, & convenientes satisfactiones injungere; ne si forte peccatis connivcant, & indulgentius cum pœnitentibus agant, levissima quedam opera pro gravissimis delictis injungendo, alienorum peccatorum participes efficiantur. Habeant autem pre oculis ut satisfactio quam imponunt, non sit tantum ad novæ vite custodium, & infirmitatis medicamentum, sed etiam ad præteriorum peccatorum vindictam, & castigationem.

III. QUÆST. III. *In pœnitentiis injungendis respicere ne Confessarii debent ad antiquos canones?* RESP. Adfirmant Catechismus Concilii Tridentini *p. 2. c. 5. §. 79.* his verbis. In irroganda autem satisfactio pœna Sacerdotes nihil suo arbitriatu statuendum esse, sed omnia iustitia, prudentia, & pietate dirigen da existimabunt. Atque ut hac regula peccata mei videantur, & pœnitentes suorum scelerum gravitatem magis agnoscant, opere pretium erit, eis interdum significare, que pœna quibusdam delictis ex veterum canonum præscripto, qui pœnitentiales vocantur, constitute sunt. Igitur universæ satisfactionis modum cultæ ratio temperabit.

IV. Hoc Concilium, hunc Catechismum diurna nocturnaque manu revolvere, & serio animo meditari post Scripturas sanctas debent sacramentorum ministri. Rescribenda hic esset doctrina S. Catoli Borromæi, & pluriñorū Episcoporum de hac re. Sed confule *Tom. 8. diss. 5. c. 7.*

V. QUÆST. IV. *Quid dicendum de quorundam præxi imponentium levem pro gravibus delictis satisfactionem?* RESP. P. Claudio Lacroix *lib. 5. p. p. 2. n. 1255. §. 5.* hæc scribit. „ Rigoristæ dicunt cautam relaxandi discipli- „ nam quoad pœnitentias esse refrigescen- „ tem caritatem fidelium. Sed contra est, „ nam potius inter causas fuit 1. ne con- „ fessio ab hereticis impugnata velut im- „ possibilis per duras pœnitentias magis red- „ deretur odiosa. 2. quia successu tempo- „ ris plures fuere Sacerdotes, apud quos

„ tre

„frequentarentur confessiones ad emenda-
„tionem utilissimæ , & qui in hoc foro in-
„terno aliter mederentur peccatis *per me-*
„*dicinas benigniores*. 3. quia animadversum
„est, *benignas pœnitentias plus prodesse quam*
„rigidas , quod per benignas magis *allice-*
„*rentur fideles ad sacramentum Pœnitentie-*
„*& Eucharistie*. 4. quia occasione
„belli sacri contra Turcas *inductus est usus*
„*indulgentiarum . . . qui est modus satis-*
„*faciendi pro peccatis utilior & certior*
„*quam observatio canonum pœnitentialium*.
„5. Quia succelus temporis instituti sunt
„Ordines Religiosi , qui sunt status pœni-
„tentie utilissimi. Vide Francolinum Cler.
„Rom. p. 2. cap. 1. “ Fuisus has rationes
exaggerat P. Balthasar Francolinus cit. lib.
c. 1. Cler. Rom.

VI. Rigorista ne sunt Patres Synodi Tridentinae , ejusdemque Catechismi? Rigorista ne omnes Ecclesiæ Patres? Rigorista ne sancti Evangelistæ? Rigoristatum ergo somnium est quod causa relaxandi disciplinam fuerit refrigerans fidelium caritas? Scilicet, reponit La-Croix ; sed contra est, inquit. Audiat ergo, & cum illo audiant omnes benigni Casuistæ PP. Catechismi Tridentini p. 2. c. 5. §. 67. Verum postea tantum de veteris disciplina severitate remissum est , atque ita caritas refrinxit , ut jam plerique ex fidelibus ad peccatorum veniam impetrandam nullum intimi animi dolorem , atque gemitum cordis , nec forsitan iutent , sed illud suis esse arbitrentur , si speciem tantum dolentis habeant.

VII. Sed in examen veniant velut in transcursu rationes PP. La-Croix , & Francolini. 1. Laxata est disciplina , non quia resfixit caritas , sed ne confessio ab hereticis velut impossibilis per duras pœnitentias reddetur odiosa . Nam ista egregia ratio . Sancti ergo Ecclesiæ Patres , qui sacros canones condiderunt adversus Novatianos clavium potestati infestos , impossibile , & odiosum reddidere sacramentum Pœnitentie? 2. Sacerdotes multiplicati arcana invenire mendendi animabus per medicinas benigniores . Hæ medicina benigniores latuere Patres sanctos Ecclesiæ xiiii. sæculorum. Scilicet , reponit P. La-Croix . Audi ejusdem tertiam rationem . Quia animadversum est , benigniores pœnitentias , plus prodesse quam rigidas , quod per benignas magis allicerentur fideles ad sacramentum Pœnitentie , & Eucharistie . Fausta & felix animadversio , que luculentius confirmat universam sacram antiquitatem calligasse in animarum regime . Alliciun-

tur sane per pœnitentias benigniores ad frequentanda sacramenta , & Ecclesiæ , quemadmodum alliciuntur emptores ad illas officinas frequentandas , ubi merces minori pretio venduntur . Hæ benigniores pœnitentiae efficacius ne medentur morbis ? Validius ne deprimunt superbiam , concupiscentiam ? Santiores ne mores efficiunt ? Sunt ergo ætatis nostre Christiani sanctiores , castiores , & ferventes Christianis trium priorum sæculorum sub disciplina Apostolorum , & SS. Patrum : quid hiscīs ? Aīs ? Totus mundus reclamat . Negas ? Ergo felicius per severas quam per benignas pœnitentias sanctificantur fideles . Solam arctam , & angustam viam Christus designat . At novo opinandi modo investito blandior , & benignior via detecta est .

VIII. Ratio quarta digna est meditacione . Quia , inquit , occasione belli sacri contra Turcas inductus est usus indulgentiarum , qui secundum dicenda n. 1314. est modus satisfaciendi pro peccatis UTILIOR , ac CERTIOR quam observatio canonum pœnitentialium . Legi ne hæc valent quin commoveatur animus ? Qui attritione servili confessus est adulteria , fornicationes , blasphemias , si ingrediatur aliquod templum solemnii festo , visitet altaria , oret per horæ quadrantem , ut indulgentias lucrari intendat ; securius , ac certius Deo satisfacit quam Christiani illi qui per septem , per decem , per viginti annos , aut per totam vitam jejuniis , ciliciis , disciplinis , cinere & sacco induiti Deum placare vindicem satagebant ? Usus indulgentiarum est modus utilior ac certior satisfaciendi pro peccatis , quam observatio canonum pœnitentialium ? Nolo longius hanc doctrinam novo opinandi modo consentaneam refellere . Sapientes judicent quam sit felicia .

IX. Ratio quinta venustior est . Quia succelus temporis instituti sunt Ordines Religiosi , qui sunt status pœnitentium utilissimi . Vide Francolinum Cler. Rom. An seculis quibus observatio canonum pœnitentialium florebat , innumeræ sanctorum Monachorum , & Anachoretarum falanges non refulgebant ? Sanctiores ne nunc clanstrales nostri ? Severior ne istorum paupertas ? Severiora ne jejunia , humiliora ne ædificia ? Verum ut ut hæc se habeant , numquid pœnitentie , cilicia , jejunia Regularium comprimunt concupiscentiam , superbiam , ambitionem amariorum , & amasiarum ?

X. QUEST. v. Quid dicendum de opinione docen-

docentium, nullam aut modicam injungendam esse poenitentiam, dum poenitentes confitentur ad lucrandam indulgentiam? RESP. P. Sporer hæc p. 3. c. 4. q. 1. §. 3. num. 45. pag. 237. scribit. „ Excusatur Confessarius, ut nullam, vel levissimam poenitentiam injungat... Quando quis lucratur indulgentiam plenariam, potest dimitti sine ultimis. LA ALIA MINUTA poenitentia, quum per illam poenitentiam satisfaciat debito poenitentem. Et si autem id raro pro certo, sufficiat quod probabiliter credatur.“

XI. Similia, & benigniora docet Lugo, ut ipse P. Dominicus Viva q. 6. de Poenit. a. n. 1. testator his verbis. „ Immo Lugo disput. 27. sec. 2. n. 24. putat, eum qui lucratur indulgentiam plenariam, non obligari ad poenitentiam, etiam si detur in medicinan: quia medicus non præcipit, sed suadet remedium, & solus judex præcipit poenam. Quare si non tenetur poenitentis ratione indulgentia ad poenam, quæ præcipitur, nec tenebitur ad medicinam, quæ solum suadetur; nisi forte aliquando ad illam obligetur jure naturali, ne facile labatur.“

XII. Verba de Lugo loc. cit. hæc sunt. Dicunt, poenitentiam non solum imponi ad satisfaciendum, sed etiam in medicinam &c. . . . Respondetur, imponi quidem frequenter ut medicinam. Confessarius tamen non potest obligare, nisi quidem illam imponit in poenam peccatis. Sicut licet judex debeat procurare quod poena delinquentis sit talis ut simul sit medicina in futurum; non tamen posset imponere illam poenam, nec verberare reum, si poena fuisset a Principe condonata. Sic Sacerdos, qui simul est medicus, & judex, potest punire peccata imponendo poenam pro illis, quam, quia medicus est, debet simul curare, quod sit talis ut sit etiam remedium, & medicina in futurum. Ceterum si poena totaliter condonetur, non potest obligare ad medicinam: quia medicus ut medicus non obligat, sed consultit. Quod semper intelligendum de medicina non simpliciter necessaria ad vitanda mala futura.“

XIII. Vix, & naturam sacrarum indulgentiarum, quæ sunt in supplementum eorum quæ infirmitas nostra reddere Deo negavit, penitus ignorant. Ratio adducta, supra quam dici potest, acuta est. Confessarius ut medicus non jubet, sed consultit; Confessarius ut judex imponit, aut remittit

poenam satisfactoriam. Verum poenitentias medicinales imponit ut medicus, & ut medicus consulere, non præcipere potest. Confessarius autem Confessarii implere poenitentiam non tenetur. Judicium lectores ferant in hanc doctrinam, quam ego falsam judico, & divinis Scripturis, ut & Concilio Tridentino, universæque Ecclesiæ traditioni adversam.

XIV. QUEST. VI. Quid dicendum de opinioni dicentium, leves poenitentias pro gravissimis delictis imponendas esse? RESP. Clamat Confessarius. Si jejuna, si humicubationes, si cilicia imponimus, fugiant poenitentes, & Ecclesiæ nostræ deserta remunent. Respondet Lugo disp. 25. de Poenit. sect. 5. n. 60. his verbis. „ Primo loco attendi debet ad utilitatem spiritalem poenitentis, ne scilicet laquei ei injiciantur, ut nova peccata committat. Ex hoc potissimum capite exculari potest *hodierna praxis*, quæ leves poenitentie imponuntur pro gravissimis peccatis: id enim sepe fit propter spiritualem infirmitatem poenitentium, quia gravioribus poenitentiis scandalizabuntur, & vel confessionem fugient, vel certe Confessarios inespitos adibunt, qui eos curare neceſſent. Hec & alia de Lugo verbâ transcribit P. Tamburinus lib. 4. Mrb. Confess. c. 1. n. 12. ubi sic concludit: *Hoc prudenter de Lugo.*“

XV. Imprudens immo consilium ineunt omnes illi qui Patrum Ecclesiæ, & Tridentini Concili monita posthabentes, nimia satisfactionum sacramentalium benignitate peccatoribus blandiuntur, & peccatis horrorem detrahunt, quo sit ut facilius relabantur in criminis. Si cui animarum salus cordi est, iis profecto medicinam ægrotantibus propinabit depellendis morbis aptam, licet carni & sanguini invisam; nec poenitentium favori captando, vel multitudini sibi concilianda inhibit; sed unice Deo reconciliare peccatores admittetur. Qui fecus fecerit, thesaurizat sibi iram in die iræ.

C A P U T X.

De obligatione poenitentium acceptandi satisfactionem imponitam a Confessario pro peccatis mortiferis.

I. QUEST. I. Tenenturne sub mortali poenitentia acceptare poenitentiam imponitam a Confessario? RESP. Salmantenses Morales tract. 6. c. 10. punt. 4. ex aliis advertunt, non teneri ad eam acceptandam, quando con-

constaret esse injustam, astringi vero illos quando non constaret de excessu. Poenitentes ergo erunt judices mensuræ poenitentiaæ injungendæ? An litigantes tenentur acceptare sententiam judicis supremi, quando ipsi illam judicant justam, secus vero quando injustam illam existimant? Quid si poenitentiaæ essent injustæ, quia nimis leves, & blandæ? Injustitia enim ob defectum æque ac ob excessum contingere potest. Poenitentes callent ne sacros crvones, Ecclesiæ disciplinant, ut in propria causa rectum proferre judicium queant? Quid quod plures Casuillæ, ut Ruiz, Villalobosius, Zerola citati a Salmanticensibus negant astringi poenitentes ad ipsam justam poenitentiam acceptandam? Hæc opinio falsa est, & universæ Ecclesiæ traditioni contraria. Quare communis Theologorum sententia adfirmans est, nullaque sive extrinseca, sive intrinseca probabilitate fruitur opposita opinio. Heinc est quod poenitentes qui poenitentiam pro mortalibus primo confessis impositam omitterent, mortaliter peccarent, ut docet communis sententia, sive poenitentia imposta sit gravis, sive levis. Poena enim pro mortiferis primo confessis sua natura gravis est. Et quamvis Confessarius ob imperitiam imponeret solum Psalmum Miserere pro dictis culpis; qui pœnam hanc deliberate omittret, graviter peccaret, quia hæc pœna prout est satisfactoria, est pars integralis sacramenti, & pro letalibus imposta, licet materialiter levis sit, formaliter tamen, ut sic loquar, gravis est.

II. Similiter poenitentia imposta pro venialibus, aut mortalibus alias confessis acceptanda est a poenitente; & si illam deliberate omitteret, graviter peccaret, quidquid in oppositum dicant nonnulli. Quoniam licet dicta peccata non sint materia necessaria, posito tamen quod poenitens illa subjiciat clavibus, tamquam materiam sacramenti, partes sacramenti implere debet. Satisfactio autem pars est integralis sacramenti.

III. Disputant, quo tempore implenda sit poenitentia? Aliqui docent differri per annum posse, quando Confessarius tempus non definit. Hæc opinio falsa est. Hoc enim in casu, cum primum poenitens potest, solvere debitum debet. Si Confessarius determinat tempus, diem alicujus festi, hebdomadam, mensem &c. intra tempus præscriptum impleri poenitentia debet, nisi impedimentum legitimum excusat.

IV. Pœnitens nequit sibi pœnitentiam impositam commutare, aut per alium implere, ut contendunt aliqui, quorum opinionem damnavit Alexander VII. n. 15. Pœnitens propria auctoritate substituere alium potest qui loco ipsius pœnitentiam adimpleat. Confessarius quisque commutare pœnitentiam valet, audita tamen confessione peccatorum ob quæ imposita fuit. Quare nequit hanc pœnitentiam commutare extra confessionem. Similiter non potest commutare pœnitentiam impositam a superiori ob peccata reservata, quia sicut peccata, ita & poenitentia illi reservata est.

V. Quid de peccatore versato dicendum, qui ob gravem pœnitentiam adit alium Confessarium, & occultata priore confessione, iteram confitetur, ut leviorem accipiat satisfactionem? P. La-Croix hæc scribit. „Tamen Dicastillo n. 119. putat nec esse immobile quod confitens eadem peccata possit tacere, & postea peragere pœnitentiam quam voluerit, primam, aut secundam. „Hoc pacto peragere emptores solent. Plures officinas explorant, & ubi venditur minori pretio, ibi merces emunt. Et qui hoc pacto vendunt, habent majorem concursum, inquit S. Bernardinus Senensis. Occurrit in confessionibus sicut in mercatura: & sicut mercatores qui dant minori pretio, habent maiorem concursum &c. Hanc opinionem, quam ex Dicastillo proponit P. La-Croix, quin illam more suo confutet, ut falsam, & poenitentium versutiæ, non Scripturis sanctis faventem rejicio cum communi Theologorum consensu.

VI. QUÆST. II. *An poenitentia ideo sint suspectæ, quia a mendicantibus injunguntur?* RESP. Hanc calumniam olim impactam fuisse mendicantibus constat ex thesi sequenti 21. damnata ab Alexand. VIII. Parochianus potest suspicari de mendicantibus, qui de elemosynis communibus vivunt, de imponenda nimis levi, & incongrua poenitentia, seu satisfactione ad quæstum, seu lucrum subsidii temporalis. Vetera est calumnia hæc, quam primus omnium mendicantibus imposuit Guilielmus a S. Amore. Sicut extremæ temeritatis est, & malitiæ tale de mendicantibus judicium formare; ita summopere vigilandum est, cavendumque ne ulia tam iniquæ suspicionis formandæ, occasio præbeatur.

C A P U T X I .

De indulgentiis.

I. **P**AUCIS indulgentiarum doctrinam perstringo. Hæc de indulgentiis Tridentinum sess. 25. præscribit. Cum potestus conferendi indulgentias a Christo Ecclesiæ concessa sit, atque hujusmodi potestate divinitus sibi tradita, antiquissimis etiam temporibus illa uia fuerit; *faciosancta Synodus indulgentiarum usum christiano populo maxime salutarem, & sacrorum Conciliorum auctoritate probatum, in Ecclesia retinendum esse docet, & precipit, eosque anathemate damnat qui aut iniuriles esse afferunt, vel eas concedendi in Ecclesia potestatem esse negant.* In his tamen concedendis moderationem, juxta veterem, & probatam in Ecclesia confustudinem, adhiberi cupit, ne nimia facilitate ecclesiastica disciplina enervetur. *Abusus vero &c.*

II. Tria Concilium statuit. 1. Potestatem a Christo Ecclesiæ datam concedendi indulgentias; 2. salutares esse; 3. moderationem in earumdem largitione. Indulgentia est remissio poena temporalis. Indulgentiæ ex communi thesauro Ecclesiæ imperiuntur. Thesaurus autem iste sunt infinita merita Christi, & postea SS. omnium, quæ ab ipso Christo capite valorem accipiunt.

III. De fide est, extare in Ecclesia potestatem concedendi indulgentias, & earum usum salutarem fidelibus esse.

IV. Nonnulli falsam concipiunt indulgentiarum ideam, quia putant, & re ipsa docent extenuari opera satisfactoria indulgentiarum uia. Ut hæc falsa idea deléatur, scias oportet, nos impares esse ad premium solvendum pro contractis debitibus cum divina justitia ob peccata post Baptismum commissa. Partem tamen istius debiti nostris laboriosis operibus solvere valemus. Clemensissima mater Ecclesia thesaurum meritorum Christi, & B. Virginis, & Sanctorum aperit, ut id suppleat quod nostra infirmitas reddere nequit. Indulgentiæ itaque sunt in supplementum paupertatis nostræ: indulgentiæ non liberant nos ab ea solvenda debiti parte quam possumus reddere, sed supplet id quod præstare non possumus. Si indulgentia nos a laboriosis operibus, a debitis satisfactionibus, quas præstare valemus, liberarent, soverent Christianorum fidiam, & torporem, atque enervarent Ecclesiæ disciplinam.

Tom. II.

V. Cardinalis Cajetanus sapienter more suo veram indulgentiarum doctrinam expavit *tract. de Indulg. qu. 1.* ubi hæc habet. „ Sunt (pœnitentes) duplicis ordinis. Qui- „ dam solliciti ad satisfaciendum per se ipsos „ pro peccatis suis; quidam negligentes sa- „ tisfacere per se ipsos. Primi condignas „ poenitentias vel petunt a Confessario sibi „ imponi, parati eas implere; vel sponte „ illas assumunt, dum continuo student per „ sua sancta opera satisfacere, jejunando, „ orando, eleemosynas dando &c. Secundi „ vero levissimam poenitentiam aut rogant, „ aut læti suscipiunt, & cum illam imple- „ verint, quam sciunt esse minimam, non „ curant amplius de satisfaciendo: & hi sunt „ quibus indulgentiæ non prosunt judicio „ meo. Nullus enim indignus aliena satis- „ factione pro poena sibi debita cosequitur „ veraciter fructum indulgentiæ. Sed quili- „ bet negligens satisfacere per se ipsum, est „ indignus aliena satisfactione pro poena „ propriis peccatis debita. Ergo nullus ne- „ gligens satisfacere per se ipsum, acquirit „ fructum indulgentiæ. Præterea in qualis- „ bet bene ordinata republica, quantumcumque „ rationabilis adesset quandoque causa „ dispensandi communem thesaurum in ci- „ ves aggravatos ære alieno, negligentes „ tamen solvere, indigni censerentur adju- „ torio thesauri. Ex eo enim quod possunt „ de suo solvere, & non curant, indignos „ se reddunt tali sublevamine: & nisi tales „ pro indignis haberentur, soveretur eorum „ negligentia, quorum alii exemplo ad „ similem negligentiam provocarentur. Legi- „ gis autem est facere non negligentes, sed „ virtuosos. Quum igitur Ecclesia sit a Deo „ ordinata, æquum non est ut spiritualis „ dispensatio thesauri negligentes satisface- „ re pro dignis habeat: hoc enim vere ef- „ set enervare satisfactiones poenitentiales. „ Non prosunt igitur indulgentiæ negligen- „ tibus satisfacere per se ipsos, quoniam in- „ digni sunt indulgentia... Parati autem „ ad satisfaciendum per se ipsos sunt, non „ qui negligunt per se ipsos satisfacere, sed „ illi soli quorum voluntas sic est ad satis- „ faciendum parata, quod non retardat opus „ nisi impedita: „

VI. Celeberimus Episcopus BOSSU ETUS in sua Instruct. pro Indulg. Cajetani do-ctrinæ consentaneas regulas tradit haustas ex ipso Concilio Tridentino. Animam in-staureat o Dei ministri, & vera sanctæ ma- tris Ecclesiæ documenta voce Tridentini ex-

N

pref.

pressa audite. Sic enim sect. 14. c. 2. Tridentinum loquitur. *Alius est preterea Baptismi, alias Pœnitentie fructus. Per Baptismum enim Christum induentes, nova proorsus in illo efficiunt creatura, plenam & integrum peccatorum omnium remissionem consequentes: ad quam tamen novitatem, & integritatem per sacramentum Pœnitentiae sine magnis nostris fluctibus, & laboribus, divina id exigente justitia, pervenire nequaquam possumus; ut merito Pœnitentia laboriosus quidam Baptismus a sanctis Patribus dictum fuerit.*

VII. Præmisso hoc Ecclesiæ testimonio, sic alloquitur *Bosuetus* populum suum. „ *Audite, filii, Ecclesiæ matris vestrae verba. Illa vobis proponit magnos fluctus, magnosque labores, Baptisma laboriosum: illa vos edocet, divinam justitiam id exigere. Hic Ecclesiæ rigor a suo primo spiritu oritur, qui numquam extingueretur; nec ipsa umquam cessabit bellum indicere laxitati. Quid refert cum Concilio mollietatem detestari hæreticorum, qui sanctos satisfactionum rigores rejecerunt; si nos in similem languorem incidiamus, & id re ipsa contemnamus quod verbis confitemur?* ”

VIII. Paucis evincitur parum prodeste indulgentias plenarias illis qui pro virili laboriosis operibus divinae justitiae satisfacere negligunt, ut Tridentinum docet. *Facite fructus dignos pœnitentia: inquit Matthæus. S. Paulus non indulxit Corinthio incestuoso nisi post austera & diuturnam poenitentiam. Ab Apostolorum tempore usque ad saeculum circiter xiv. nullam legimus indulgentiam plenariam generalem indiscriminatam pro omnibus fidelibus. Frequens nunc obtinet indulgentiarum usus, quæ juxta dispositiones fideliū impertiuntur. Indulgentia plenaria dicuntur, quia Ecclesia ex parte sua totam temporalem poenam, quam exequi fideles nequeunt, remittit illis qui dispositi ad tantum beneficium suscipiendum sunt. At dicimus illos fideles ad hoc beneficium indispositos esse qui ea opera laboriosa, & satisfactoria quæ possunt, non exequuntur. Reddere ipsi debiti partem quod valent, debent; id quod remanet, plene supplet indulgentia plenaria.*

IX. In mentem revoca exemplum a Cætano indicatum. Dicitissimus Christianus totum suum patrimonium opulentissimum fundis fructiferis numquam interitus secundum legat Reipublicæ, ut singulis annis pauperum civium debita solvantur. Si cives ali-

qui solvere sua debita possent sin integræ, saltem in parte, & recusarent, vellentque suis pecuniis laius vivere, ambitiosus vestire, ut ex dicto publico ærario omnia sua debita solverentur; nonne clamares, debitores istos vagros, versutos, & veteratores esse? Reddite, dices, quod potestis, deinde ærarium supplebit inopiam vestram. Similes profecto his fraudulentis debitoribus illi poenitentes sunt qui abutentes clementia S. Matris Ecclesiæ thesaurum suum aperientis ad supplendum id quod illis deest, ingrati, & versuti sensus foos demulcent, corpus saginat, concupiscentiam, post partata adulteria, fornicationes, perjuria, furent, deliciis & illecebris indulgent, ut integrum debitum ex Ecclesiæ thesauro solvatur. Possent isti propria jejunia, eleemosynas, vigilias, flagella, humicubationes, alia que pietatis opera contribuere ad solvendam debiti portionem; at perniciose errore occupati omnia debita ex Ecclesiæ ærario solvere contendunt. Sed falluntur cæci & miseri homines.

X. Indulgentiarum dispensator est summus Pontifex. Quas indulgentias concedere Episcopi, & Archiepiscopi valeant, mea non interest discutere. Indulgentia sine causa concessæ, ratæ Deo non sunt.

XI. Soli fideles baptizati apti sunt ad lucrandas indulgentias, si peccato mortali careant. Quoniam indulgentia remittunt poenam temporalē, quæ remitti nequit, quamdiu reatus culpæ manet. Non est tamen necesse ut omnia opera in bulla indulgentiarum præscripta in statu gratiæ peragantur, dummodo animo poenitenti impletantur. Requiritur tamen status gratiæ saltem cum ultimum opus impletur, quia tunc indulgentia sortitur effectum suum.

XII. Præmittenda est confessio sacramentalis ad lucrandas indulgentias etiam ab illis qui sunt in statu gratiæ, quia in bulla conceditur indulgentia contritis, & confessis. Et hæc est communis sententia. Quando in bulla præscribuntur eleemosynæ, fieri debent plus, & minus juxta divitias personarum. Falsa quippe est opinio inquietum, sat esse vel minimam eleemosynam a divitibus fieri, ut indulgentia obtineantur; sicuti falsum est sufficere quamcumque brevem præcatiunculam. Innumeræ alias questiunculas prætero, utpote nullius momenti, & quas graviores Theologi improbat: quia anfam hæreticis præbent deridendi indulgentias, ac si extinguerent pœnitentia spiritum, & de

medio tollerent opera satisfactoria. Quare cavendum ab hujusmodi opiniunculis est.

XIII. Indulgentias extendi ad animas Purgatorii posse, docent Catholici omnes adversus Novatores, per modum suffragii, non iudicavit, & absolutionis: quia Ecclesia exercebat in illas animas jurisdictionem nequit.

XIV. Indulgentia multiplex est. Alia perpetuae, aliae temporarie; aliae plenarie, aliae partiales. Iste indulgentiae partiales, quae ad plures dies, aut annos tantum conceduntur, respectum habent ad antiquos canones poenitentiales, qui tot dies, aut annos poenitentiae injungebant.

XV. Indulgentiae plenarie sunt duplicitis generis. Alia absoluta tales, quae totam poenam dimittunt dispositis fidelibus. Alia est indulgentia quae vocatur *jubilaeum*, a voce Hebraica *jobal*, quae significat libertatem, & remissionem, qua Judæi quolibet anno quinquagesimo possessiones suas recuperabant. Plura hic dicenda de jubilao forent. Verum quia istorum discussio magis ad vitilitigandum, quam ad instruendum conduceret, illa prætero. Doctrina paucis data de indulgentiis sufficit ad Confessiorum instructionem.

XVI. Finem huic capiti imponat doctrinus *bosuetus*, qui loc. cit. punct. 7. & sequ. hæc scribit. „Doctrina Concilii Tridentini in adducto decreto sat est ut instaretur in præxi tum poenitentiaz, tum indulgentiarum præscus Ecclesiæ spiritus. „Opus minime est texere curiosam indulgentiarum historiam, neque gradus indicare, quibus laxatus est vetus canonum rigor. Neque discutiendum est, subsistant ne aliquo modo in præsentia canones isti, & num Ecclesia in indulgentiis concedendis ad eosdem respiciat, ut doctores communiter existimant. Indulgentiae plenarie oppositæ indulgentiis 7. annorum, 14. annorum, 20. annorum, 20. dierum, 40. dierum, aliisque similibus, indicare videtur, canones poenitentiales non esse penitus oblivioni traditos, cum ad illos in his indulgentiis respiciat. Verum, his scholarum questionibus missis, ut ea quæ ædificationi nostræ inserviunt, meditemur, Concilium Tridentinum abunde nobis ostendit, Ecclesiam ius conservare, & intentionem habere exercendi suos sanctos rigores, & injungendi poenitentias convenientes & proportionatas: poenitentias quæ nos conformes efficiant Christo crucifixo, & satisfacenti pro nobis justitiae Patris

„sui: poenitentias quæ licentiaz frenum in-
„jiciant, & quæ non modo nobis adversus
„vitiosos habitus remedio sint, sed etiam
„Deo satisfactioni in vindictam & punitio-
„nem præteriorum criminum. Ea speci-
„men paucis perstrictum doctrinæ Concilii
„Tridentini sess. 14. c. 2. & 8. An hoc non
„sufficit ut intelligamus, perpetuum esse
„Ecclesiæ propositum continuandi vetustum
„jus, quo prædicta est, & severe exercen-
„di in poenitentes justitiam, quam Deus
„in ejusdem manibus deposituit? Hæc Con-
„ciliæ doctrina virtute continet totam an-
„tiquorum canonum austoritatem. Pecca-
„torum quæ Christiani perpetravit, minor
„non est gravitas: ingrati animi scelus in
„Spiritum sanctum, quem in Baptismate
„suscepimus, haud est minus horrendum:
„Dei justitia suas regulas non immutavit:
„pravorum habitum inclinatio non est mi-
„nus pernicioса, nec peccandi licentia mi-
„nus formidanda quam primis sæculis. Ec-
„clesia in Concilio Tridentino has omnes
„rationes confirmat tanto labore, ut nihil
„cedat iis quæ Patres adduxere. Neque
„poenitentia est secundus Baptismus, nisi
„hoc pretio, &, ut Concilium dicit, nisi
„sit magnis nostris fletibus, & laboribus so-
„ciata: neque erit Baptismus laboriosus, qui
„nos ad pristinam morum puritatem, &
„integritatem reducat. Quod si vigor an-
„tiqui spiritus Christianismi toto suo ro-
„bore consistit, semper opus habemus in-
„dulgentia, & clementia Ecclesiæ
„Omnia in his Concilii decretis redolente
„& pietatem, & antiquitatem; nec satis
„admirari valemus sive sapientiam Eccle-
„siæ, sive ejusdem doctrinæ puritatem. Et
„principio constat, sanctum Concilium omnia
„revocare ad veterem disciplinam in Ec-
„clesia, & in Conciliis approbatam. Atqui
„spiritus antiquorum Conciliorum, & pre-
„aliis Nicæni, totus in eo est ut iisdem
„indulgentias concedat qui spiritus fervore
„delimatam corporis austoritatem compen-
„sant. Heinc consequi appetet, eumdem
„quoque esse hodie Ecclesiæ spiritum, ut
„scilicet fideles hunc spiritum restaurantes,
„ardentius ament, dum plus accipiunt,
„quemadmodum Christus proprio ore pro-
„nuntiavit. Secundo Concilium optat in-
„dulgentiarum moderationem, ne nimia fa-
„cilitate disciplina energetur. Et, ut ea
„prætereamus quæ pastorum vigilantium
„spectant, nihil validius occurrit ad impe-
„diendam hanc funestam disciplinæ rela-

„ xationem , quam ut fideles indulgentia-
rum usu spiritus fervorem Evangelio , &
antiquitati consentaneum instarent . „

DISSERTATIO III.

De ministro Pœnitentiæ sacramenti ,
ejusque jurisdictione .

C A P U T I.

De sublimi dignitate , & doribus
Confessarii .

I. **O**MNES Theologæ morum tractatus plas & minus ad Pœnitentiæ sacramentum viam sternunt , & omnia quæ de sacramento Pœnitentiæ dicta sunt , aut dici possunt , huc omnia recidunt , ut probus , evangelicæ doctrinæ , & disciplinæ ecclesiasticæ peritus , ac prudens Confessarius inveniatur , qui administrare recte hoc sacramentum sciat . Sed periti in arte paucissimi .

II. Nulla in christiana republica eminentior dignitas , nullus sublimior gradus . Confessarius vices Dei gerit , cui omnes vel ipsi Pontifices summi subjiciuntur . Clamabant Judæi : *Quis est hic qui eritiam peccata dimitit?* censem soli Deo hanc facultatem convenire , & illis qui vices Dei in terra sustinent .

III. Confessarii sunt patriæ christianæ patres , publicæ tranquillitatis conservatores , flagitorum vindices , sanctitatis evangelicæ custodes . Hi civium felicitatem promovent , atque reciprocum tranquillitatem dum subditos obediunt principibus , iisdem tributa solvere , eorum parere legibus cogunt : Principes in subditos clementes , justos , providos , malorum vindices efficiunt : inter ipsos subditos mutuam benevolentiam , & justitiam sovent : & tandem Principes , & subditos Deo devincent .

IV. Hinc patet , probis , doctis , prudentibus experientiis viris hoc munus unice committendum . Illi qui inepti sunt ad ministerium , ad cathedras moderandas , qui obtuso ingenio sunt , & ad qualibet gravia negotia civilia tractanda impates , ab hac provincia arcendi : in ipsorum enim , fideliumque perniciem & traderetur , & suscipetur onus hujusmodi angelicis humeris formidandum .

§. I.

De spiritu fortitudinis , & libertatis Confessarii .

I. **C**ONFESSARIUS homo Dei sit oportet , quum officium Dei exerceat . Deum ergo imitetur , se supra omnia quæ mundi sunt , erigendo : nullam personam respiciat , ut in hoc ministerio illam reformidet . Omnia propter Christum contemnat . Audi Paulum ad Philipp. 3. clamantem : *Verumtamen existimo omnia detrimentum esse propter eminentem scientiam Jesu Christi Domini mei , propter quem omnia detrimentum feci , & arribor ut fierora , ut Christum lucrisfaciam .*

II. Ministri Christi , dum in tribunali vi- ces Dei gerentes sedent , non magnatum , non matronarum , non Principum favorem , auram , existimationem querere ; aut contemptionem , aut exilium pavere debent . Impressa altius cordi habeant Christi docu- menta , omnibus Christianis necessaria : *Qui me erubuerit , & sermones meos , hunc Filius hominis erubescet , quum venerit in maiestate sua :* Luc. c. 9. & iterum Matth. 10. *Omnis enim qui confitebitur me coram hominibus , confitebor & ego eum coram Patre meo qui in celis est . Qui autem negaverit me coram hominibus , negabo & ego eum coram Patre meo qui in celis est .*

III. Cessarunt a multis sæculis contra christianæ fidei mysteria persecutio- nes . Ardent bella , & quidem intestina , ideoque funestiora aduersus evangelicæ sanctitatis regulas , & mandata . Opinionum prælia fer- vent , pugnæ pro humanis appetitionibus demulcendis in dies instaurantur , quia hæ favorem , & acclamationem delirantis mundi sibi conciliant . Sed Augustinum audite o Christi ministri serm. 1. in Psalm. 38. intonantem ; *Frontosus es tu , quando audis opprobrium de Christo , prorsus es tu frontosus . Quid times fronti tua , quam signo crucis obarmasti ? Rursus in psalm. 39. fuliore oratione hanc fortitudinis , & libertatis dotem inculcat . Dicant ergo labia quod habet cor : hoc contra timorem habeat cor quod dicunt labia : hoc contra simulationem habeant labia quod credit cor . Aliquando enim timor est , & non aedes dicere quod nosti , quod credis : aliquando simulatio est : dicis , & non habes in corde . Consentiant labia tua cordi tuo .*

IV. Primis Ecclesiæ sæculis Nerones , Domitianiani , Diocletianiani , ceterique effera- ti leones , non per cuniculos , sed recta Christi milites aggrediebantur . Nullus erat ambi- gen-

gendi locis, aut Christo renuntiandum, aut mors subeunda erat. Verum ætate nostra opiniones mundo, pompis, theatris faventes, suos habent christianos patronos, & quidem potentes, quæque tanto efficacius menti ardent, quanto benignius cupiditati & concupiscentiæ favent. Accedit multitudinis per viam latam & spatiosem ambulantis auctoritas, quæ instar torrentis omnia secum abripit; ita ut in errorem inducantur, si fieri posset, etiam electi.

V. Hæc duo persecutionis genera millies repræsentant Patres omnes, præsertim S. Augustinus. Intestinus propriæ gloriæ amor præstundi ceteris, & occupandi prima subfelia attemperat plus justo Christi Theologiam hominum desideriis. Confessarii non nulli rogati a Christianis, a pueris, num hiceat adire theatra, choreas, reponunt quod quidam reponebant tempore S. Augustini lib, de Pastor. c. 3. Securi estote: Deus neminem perdit. Tantummodo fidem christianam tenete. Non perdet ille quos redemit: non perdet pro quibus sanguinem suum fudit. Et si spectaculis volueritis oblectare animos vestros; ne, quid mali est? Nonne palam hæc talia loquuntur hodie? Quid mali præferunt oblectamenta theatrorum, comoediæ, saltationum? Ite, quid mali est? Persequitur S. Doctor: Magna est Dei misericordia, que totum ignoscat. Coronate vos rosis, antequam marcefaciant... Hæc si dixerimus, forte congregabimus turbas ampliores: & si sine quidam (Rigorista) qui nos sentiunt hoc dicentes non recte sapere, PAUCOS offendimus, sed MULTITUDINEM conciliamus. Multitudo blandoquos nostros, & benignos sermones amore proprio partos audit. Pauci evangelicæ legis gnari offenduntur; sed interim multitudo confluit, plaudit, nobisque acclamat. Viden, quam sit immanis, quam fæva, quam subdola, quam continua persecutio isthac?

VI. Auctoritas postea multitudinis, consuetudo, & mos universalis tyrannus est Neronibus, Diocletianis, & Domitianis truculentior, & sævior, qui continenter vociferatur, subdit in Psalm. 73. Augustinus. Non enim cessat & modo serpens infusurare, & dicere: Numquid vere damnaturus est Deus tantas turbas? Liberatus est paucos? Quid est aliud quam facite contra preceptum, non morte moriemini? Sed quomodo TUNC, sic & NUNC. Si feceris quod suggestum diabolus, & contempseris quæ precipit Deus, veniet iudicium dies, & invenies verum quod minatus est Deus,

Tom. II.

& falsum quod pollicitus est diabolus. Rursus in Psalm. 43. refert S. Doctor hanc insidiosam persecutionem: Quam multi hoc faciunt, & quis non facit? Numquid omnes perditurus est Deus? O magna tentatio! O magna persecutio! clamat alibi Augustinus. Quomodo vincenda, quomodo superanda? Dilectores mundi (persequitur Augustinus in Psalm. 136.) aliquando interrogant nos, & dicunt nobis: exponite rationem . . . quid respondemus? Audi responsum Augustini, quod continuo ibidem exhibet. Babylonia te portat, Babylonia te continet, Babylonia te nutrit, Babylonia de te loquitur. Non nosti capere nisi quod fulget ad tempus: æterna meditari ignoras, non capis quod interrogas. Verum insistit, & furit persecutor amor proprius. Si hoc pacto respondemus, despiciuntur, derideuntur, diffamamur. Magna tentatio! Magna persecutio! Vere fratres (pergit ibidem Augustinus) sic est. Sed incipite velle prædicare veritatem, quantulancumque nostris, & vide, quam necesse sit ut tales patiamini irrisores, & exactores veritatis, plenos falsitatis . . . sed vide, quomodo versaris inter eos, ne si amantur a te, & affectas amicitias eorum, & times talibus displicere, incipiat te dilectari Babylonia, & obliviscaris Jerusalem. Hoc ergo timens, vide quid subjiciat, vide quid sequatur . . . Si oblitus fuero tui Jerusalem &c. Ecce inde erat civis ille qui Dominum interrogavit: Magister bone, quid faciam ut vitam æternam consequar? . . . & Dominus dixit illi quiddam de canticis Sion, & noverrat quod non caperet; sed exemplum dedit nobis, quomodo multi querant quasi consilium ad vitam æternam; & tamdiu nos laudant (N. B.) quandiu respondemus quod querunt. Sed quod inter istos obstrepentes versamini obstringit vos non eis velle placere, ne obliviscamini Jerusalem hic agentes in terra. Si oblitus fuero Jerusalem, obliviscatur mei dextera mea.

§. II.

De caritate, & prudentia Confessurii.

I. **A**xioma illud vulgare, *Nemo dat quod non habet*, quam maxime opportunitum est arguento nostro illustrando. Si Confessarius vacuus sit Dei amore, quomodo accendere in poenitentibus caritatis ardorem potest? Qui sibi nequam est, cui ali' bonus erit? inquit Eccli. c. 14.

II. Ignorantes se fatentur plures, nemo se imprudentem agnoscit, ut Seneca ipse

epist. 56. animadvertisit. Scientia prærogati-
vam plurimi aliis cedunt; at ipsi pruden-
tiam sibi arrogant, & quo sunt ignorantes,
eo se prudentiores existimant. Dost
imprudentes esse quennt; ignorantes, inge-
nio obtusi, mente tardi prudentes esse non
queunt. Prudentia enim mente acuta, &
perspicaci indiget, quæ futura prævideat,
memoria valida, quæ præterita habeat præ-
sentia, ingenio acri, quo conferre simul e-
venitus possit, & inde deliberare. Obmu-
scientes, ignavi, torpidi prudentes reputari
vulgo solent. Verum isti saepè hoc uno vi-
tio carent, quod non sint lingui, & va-
niloqui.

III. Nisi fundus a Deo datus sit, vix
comparari hæc pretiosa gemma valet. Si
fundus adsit, industria, studio, & experien-
tia perfici valet. Prudentia Confessarius ne-
cessaria, non tam industria, & studio, quam
jungi oratione, & humilitatis cultu acquiri-
tur. Confessarius pacificator est peccatorum
cum Deo. Nisi cautus sit, & prudens in hoc
altissimo procurando negotio, nihil profi-
ciet. Paucas exhibebo prudentiæ regulas.

IV. REGULA PRIMA est ut Confessarius,
antequam Dei tribunal ascendat, omnes car-
nis, mundi, spei, & timoris affectiones pro-
fus exuat, Dei armaturam, fortitudinis spi-
ritum, & redundantis misericordiæ evange-
licæ, non humanæ ornamentum induat,
quum super thronum non solum ira, sed cle-
menciat, & vindictæ simili federe arbiter de-
beat. Evangelicæ doctrinæ spiritum, & me-
dullam in mentem revocet, evangelicas tru-
tinias in manibus firmas teneat. Illud me-
lius judicet quod propius ad incorruptam E-
vangelii sanctimoniam accedit, illudque pe-
jus quod longius ab evangelica veritate ab-
est. Id altius recogitet, eo fine se illuc
conferre, ut peccatores in gratiam & ami-
citiam Dei restituat, efficiatque conformes
imagini Filii sui.

V. REGULA SECUNDA. Confessarius im-
primis exploret indolem, & qualitatem poe-
nitentis, & pro temperamenti diversitate
alliciat, incitet, animet ad nudandam con-
scientiam, intumioresque recessus, & occul-
tiora vulnera aperienda, omniaque manife-
stanta Dei vices gerenti. Si pudorem, &
quandam repugnantiam deprehenderit, soler-
tia, dexteritate, & mansuetudine erigit, ad-
juvet, animos adjiciat. Cum ad sextum deca-
logi mandatum ventum fuerit, linguam opti-
me instructam adhibeat: verbis utatur quæ ca-
simoniam oleant: caveat summopere ne

ignotorum criminum notitiam inducat,
aut quid curiosus interroget. In hoc nego-
tio studeat summopere brevitati: in id in-
cumbar, ut emolliat cor poenitentis, &
pus, saniesque sponte sua effluet, & conti-
nuo breve manu vulnera clauder, ne au-
res, & mentem tum loquentis, tum audiens
inquinent. Temperabit aut continuabit
interrogationes suas, prout prudentia sugges-
terit.

VI. REGULA TERTIA. Dolorem expendat
poenitentis, videatque, sit ne conceptus ex
amore Dei super omnia. Si viderit poeni-
tentes hoc amore carere, ad eum illos inci-
tet, ac inflammet. His immeusa Dei be-
neficia, & in primis mortem illam crude-
lissimam quam Jesus Christus pro nobis op-
petit, illis inferorum supplicia, extremi ju-
dicii terrorem proponat. Varia variis adhi-
beat incitamenta, stimulis diversis urgeat
pro poenitentium diversitate; alios terreat,
alios animet. Incipiat, natura ipsa duce,
ab imperfectioribus astibus; a timore sup-
pliciorum ascendat ad spem; at non inter-
cipiat iter donec ad caritatem tandem per-
venerit. Eo industriam omnem suam Con-
fessarius dirigat, ut hanc sinceram peccato-
ris conversionem perspectiam, quoad fieri po-
test, habeat. Hanc vero vivam poenitentia plantam ex fructibus cognoscet. Instruct
poenitentes suos, veram conversionem fitam
non esse vel in pectoris tensionibus, vel
in criminum narratione, vanisque pollicitationibus Sacerdoti factis. Nam & Pharisæi,
& Sadducæi sanctitatem preferentes ad ba-
pismum Joannis suscipiendum accedebant,
at fructus poenitentia dignos non edebant.
Sed de hoc iterum sermo redibit.

VII. REGULA QUINTA. Prudentia Con-
fessarii in hoc maxime elucere debet quod
christiana patientia, & mansuetudine evan-
gelica suscipiat, audiat, amplectatur poen-
itentes suos, ut fratres, quos eripere a dia-
boli servitute, Deoque lucrari debet. Pa-
tientia vobis necessaria est, omnibus certe,
sed vobis imprimis.

VIII. REGULA QUINTA. Cum benigni-
tatis oleo conjungat prudens minister seve-
ritatis acetum, ne plaga tabescens pericu-
losior fiat. Postquam patientia, & mansue-
tudine peccata audivit, curandis vulneribus
opportuna remedia applicet, & opera satis-
factoria ætati, statui, valetudini, criminum
que gravitati consentanea imponat. Si poe-
nitentes jugo satisfactionis subeundo, a te
prudenter, & moderate juxta evangelicas

& Tridentinas regulas imposito difficiles se
præbent , dubitandi de eorum dispositione
fundamentum occurrit , nisi evidentes , & ma-
nifestas allegent rationes .

IX. REGULA SEXTA . Munera Confessarii non accipiunt a pœnitentibus : quia Spiritus sanctus ait : Non accipies personam , nec munera , quia munera excitant oculos sapientum , & mutant verba iustorum : Deut. 16. Familiaritatem omnino declinet , præsertim seminarum . Eva suis blanditiis Adamum seduxit . Halitus , vox , suspitia , lacrimæ ipsæ , veneficia , & præstigia sunt , que magnetica quadam vi hominum corda inficiunt . Ea cautione , & circumspectione tractandæ feminæ sunt , qua tractarentur , si immannissima peste laborarent .

§. III.

*De scientia Confessarii . Unde illam haurire
debeat . P. P. La-Croix , Gobat , &
aliorum axiomata reselluntur .*

I. A Qua hæret , & unde orsa capiam
ignoro . Confessarius judex sedet ,
ut crima contra legem Dei patrata judi-
cet , vindicetque . Exacta ergo divinarum
legum notitia necessaria plus minusve est ,
quantum humana imbecillitas permittit . Ubinam lex ista ? In Scripturis sanctis , in
Evangelio , in Pauli , Petri , Jacobi , alio-
rumque Apostolorum epistolis . Libros istos
diurna nocturnaque manu revolvere Con-
fessarius debet . Ratio evidens . Quilibet ju-
dex Principum callere leges : quilibet arti-
fex artis sua regulas habere perspectas debet .

II. Attente legi Moralistas , qui præ ce-
teris hodie in Confessariorum manibus sunt ,
Salmantenses , Tamburinum , Leandrum ,
Spörer , Gobat , Viva , La-Croix , Reisen-
stuel , aliosque similes , qui de Confessario-
rum scientia disputant . Istorum nemo ad
Scripturam sanctam , ad Patres , ad Concil-
lia addiscenda te mittit . Summistas , & Ca-
suistas proponunt ; sed de Evangelio , sed
de Paulo , sed de Tridentino , ejusdemque
Catechismo silent .

III. P. Claudius La-Croix lib. 6. p. 2.
n. 1788. hæc scribit . „ Putant Lamas , &
„ Stoz ad hoc munus (Confessarii) satis
„ doctos esse illos qui integrum SUMMAM
„ diligenter legerint , vel attente AUDIE-
„ RINT explicari . Quod si quis de seipso
„ dubitet , fletat se examinatoribus ab Epi-
„ scopo , vel superiore constitutis : qui si

eum satis scire dicent , potest acque-
scere , & cum fiducia in Deum aggredi fun-
ctionem , quamvis omnium maximam , &
gravissimam . Stoz , Spörer .

IV. Lamas edidit summulam parvulam
laxarum opinionum redundantem , ut quis
que videre potest . Auctor est nullius nomi-
nis . Stoz non vidi . Spörer legi , & , ut ipse
testatur , collector est Tamburini , Sanchez ,
Gobat , & aliorum similium auctorum , sa-
pe concludens : Ita mei Doctores . Minus
apte itaque P. La-Croix proponit Confessarii
regulam prescriptam a Lamas Casuista
nullius sane auctoritatis , & scientie , quan-
tum ex ejus libro imbecillitati meæ appareat .

V. Subdit ibidem n. 1791. P. La-Croix :
Recte monit GOBAT trahit . 7. n. 321. Con-
fessarium debere scire SENTENTIAS PLURES ,
que vere probabiles sunt , circa materias mora-
les , eo quod sepe , ubi non agitur de valore
sacramenti , non possit , nec expedit pœnitentes
dirigere SECUNDUM UNICAM DOCTRINAM ,
tam parum , quam medicus possit omnes unica
medicina sanare ; sed pro diversitate subjecti ,
& circumstantiarum debet has , aut illas ap-
plicare ; attamen observare debet hoc quod di-
xi n. 1737.

VI. Crumenam ergo plurimum contraria-
rum opinionum (si enim contrariæ non es-
sent , una sufficeret) habere Confessarius de-
bet , & pro pœnitentium diversitate illas
expendere . Non expedit pœnitentes dirige-
re secundum unicam doctrinam ? Quis talia au-
divit ? Non ergo unica lex divina , non unica
doctrina Christi , non unicum Evangelium ,
non unica fides , non unum Baptisma ? Siste gradum , & audi quæ scribit P.
Gobat tr. 7. n. 321. „ Plurimum juvat ad
„ prudenter administrandum hoc sacra-
„ mentum habere in recenti memoria & usu quas-
„ dam regulas , documenta , seu APHORIS-
„ MOS , sparsa hinc inde per libros sapien-
„ tissimorum Theologorum . “ Quinam isti
sapientissimi Theologi ? Lamas , Stoz , Bur-
gaber , Spörer , Caramuel , Tamburinus ,
Diana , Bonacina , Leander , Zanardi , La-
Cruz &c.

VII. Sed meditemur unum ex aphorismis ,
quem P. Gobat ibidem num. 325. assignat .
„ Quandoquidem in Clypeo clem. judicium
„ ostendemus , esse moraliter fere certum ,
„ per se loquendo licere utramlibet ex dua-
„ bus opinionibus vere & practice probabi-
„ libus sequi ; & tamen certum est etiam
„ quandoque ratione variarum circumstan-
„ tiarum incumbere Confessario obligationem

„ una potius quam altera utendi : idcirco
„ notent Confessarii verissimam doctrinam P.
„ Lessii , quam tradit in præf. sui oper. de
„ jur. & just. scil. contrariarum opinionum
„ practice probabilium cognitionem esse commo-
„ dißimam , & fere necessariam conscientie fo-
„ ro . Quare non censeo illos Confessarios
„ sat bene suo officio fungi posse qui sunt ,
„ ut dici solet , tantum unius sententiæ do-
„ ctores . “

VIII. Duo hic docet P. Gobat , alterum verum , alterum falsum . Verum dixit , dum ait crumenam contrariarum opinionum practice probabilium esse COMMODISSIMAM . Quid enim commodius quam abundare variis opinionibus contrariis , nempe veris , & falsis , & juxta poenitentium diversitatem modo unam , modo alteram adoptare , & omnes tamquam regulam tutam ? Alterum falsum est , nempe quod Confessarii , qui rejecto barum contrariarum opinionum usu , utuntur una evanglica doctrina , vel ea quam iudicant Evangelio propinquorem , non bene fungantur officio suo . Si contrariarum doctrinarum una est vera , altera falsa sit necessum est . Confessarius ergo si uni poenitenti porrigit remedium , alteri impartitur venenum . Falsitas autem venenum est , & præsertim si falsitas cognita sit , quaæ animas occidit . Cognita autem falsitas in casu proposito est . Quoniam Confessarius adhibens doctrinas contrarias , scit unam esse falsam , si altera vera est , cum doctrinæ contrariaæ simul veræ esse nequeant .

IX. Alius aphorismus quem ibidem exhibet P. Gobat , est ejusmodi . „ Quando Confessarius videt poenitentem salutis sua ad modum studiosum , valdeque cupidum per se adimplendi vel in omnibus rebus , vel in CERTIS QUIBUSDAM voluntatem divinam , communiter consultum est ut HIC CUM TALI procedat secundum doctrinas tuiiores , adeoque rigidiores : censetur enim ita tacite velle ejusmodi poenitens . Et quidni huic optimæ opinioni laudansimæque voluntati acquiescat Confessarius . “

X. Aphorismus iste mirificus est . Quando poenitens est salutis sua admodum studiosus , tunc dirigendum secundum doctrinas tuiores adeoque rigidiores . Recte , & bene . Sed cur hoc ? Quia , responderet P. Gobat , censetur ita tacite velle ejusmodi poenitens . Aptanda ergo doctrina evanglica ingenio poenitentis ? Quid si poenitens non esset admodum studiosus adimplendi vel in omni-

bus rebus , vel in certis quibusdam voluntatem divinam ? Quid si nollet dirigi secundum doctrinas rigidiores ? Quid tunc agendum ?

XI. Respondet P. Gobat ibidem n. 326 . „ Ita etiam propter eamdem omnino rationem mitigandæ sunt , aut potius dese rende opiniones severæ , quando ita expedit ad salutem ejusdem poenitentis , & sicut idem Coninch n. 73. monet , Confessarium numquam debere talem poenitentiam injungere quam credit poenitentem non esse perfectum ; ITA NEC Confessarius debet poenitenti ALIQUAM e certo probabilibus sententiæ tanquam necessario sequendam proponere , si videat illum eam repudiaturam . (N. B.) Quare dubitandum non est quin Confessarius in legem caritatis possit quandoque impingere , dum Catoni nam (ut loquar ex Tullio) severitatem imitatur , insuperhabita lenitate Cæsaria na , ut si præfracte neget absolutionem reo confessio , cum impertiiri possit ex OPINIONE PROBABILI . “

XII. Cum olim legebam in quadam libro quosdam Confessarios trahere ad se plurimos bonos Christianos , pios , probosque , similique dissolutos , prævaricatores , luxuriosos , feneratores &c. quia probos , & pios , atque studiosos implendi divinam voluntatem vel in omnibus , vel in certis quibusdam dirigunt doctrina sana , tuiore , rigidiore ; alios vero doctrina opposita mitiore , benigniore , minus probabili : dum , inquam , hæc legebam , certo existimabam atrocissimam esse calumniam impactum Confessariis quibusdam . Verum an ex doctrina P. Gobat , qui pro eadem citat Lessium , Coninch , & quam adoptat P. La-Croix , inferatur hanc esse veritatem , judicent sapientes .

XIII. Primo doctrina P. Gobat absolutè prolata de impertienda absolutione ex opinione probabili damnata est ab Innoc. XI. Ideo P. La-Croix adjectit , ubi non agitur de valore sacramenti , adhibendas esse plures opiniones probabiles . Ut clare & perspicue intelligatur istorum Moralistarum inaudita doctrina , distinguenda sunt remedia ab ipsa doctrina .

XIV. Unica Christi doctrina , ut ex Tridentino explicatum est , præscribit ut pro diversitate criminum , & consuetudinum peccandi applicentur medicinæ . Nam peccatoribus inveteratis , juvenibus luxuriosis , vanis , superbis remedia præscribenda sunt diversa ab iis quæ præscribi debent poenitentibus

tibus ex infirmitate raro labentibus. De hoc nemo ambigit. Et omnes admissunt, quod loc. cit. docent Gobat, & La-Croix. Medicus non potest omnes unica medicina sanare; sed pro diversitate subjecti, & circumstantiarum debet has aut illas applicare.

XV. Quod cum Christi Evangelio pugnare mihi videtur, est quod Confessarius habeat plures sententias, & non unicam doctrinam circa idem omnino testamentum, circa eundem prorius contractum, eamdem occasionem peccandi, eamdem actionem. P. La-Croix loc. cit. remittit lectorum ad n. 1737 ubi docet, Confessarium debere sequi, si possit, tutores; si non possit, debere se accommodare opinioni pœnitentis. „ Preterea (inquit) si possit, debet sequi tutores. Nam sine justa causa velle se, aut pœnitentem exponere periculo erroris, quantumvis materialis, est imprudentia. „ Unde si poenitens ostendat se præparatum ad sequendum id quod est probabilius, vel tuius, tenetur Confessarius PER SE (N. B.) loquendo dirigere eum secundum opiniones probabiliores, & tutores. „ Quomodo autem Confessarius possit, aut debeat se ACCOMMODARE OPINIONI PŒNITENTIS, dixi lib. I. a. 2. n. 443. „

XVI. Confessarius ergo, si possit, debet dirigere pœnitentes secundum opiniones probabiliores PER SE LOQUENDO. Nam etiam si possit, per accidens loquendo, expediet illos dirigere secundum opiniones contrarias minus probabiles, quæ falsæ certo sunt, si probabiliores vera extant, cum opiniones contradictoriae simul esse vera nequeant. Quomodo autem cum Confessarius non possit dirigere pœnitentes secundum opiniones probabiliores, debeat per se loquendo accommodare se opinioni pœnitentis, docuit lib. I. num. 443.

XVII. Hoc sistema imbecillitati meæ reæta cum Christi Evangelio pugnare videtur. An fallar ipse, judicent sapientes. Evangelium Christi præcipit sermonis simplicitatem. Sermo vester sit EST EST, NON NON. Apostolus Paulus cum ceteris Evangelistis jubet ut idipsum sapiamus omnes, nempe unicam & simplicem Christi doctrinam. Quid plura? Christus Dominus nos admonet, ut has varias opiniones declinemus, & ab eisdem nobis caveamus, ne in seductionem labamur. Videte ne quis vos seducat.... Audituri enim estis prælia, & opiniones præliorum. Videte ne turbemini. Oportet enim hæc fieri. Non ergo nobis oppo-

nant: ita docent Doctores: Usus contrariarum opinionum, & oppositarum doctrinarum plurium Doctorum auctoritate confirmatus est: Ita practicatur a Doctoribus multis probis, & gravibus: non, inquam, hæc nobis opponant, quia Christus respondet: Oportet enim hæc fieri ad probationem electorum.

XVIII. Confessarii itaque legant Christi Evangelium, legant Paulinas epistolas, legant Patres, legant Tridentinum, & ejusdem Catechismum, ut sæpius dixi, & millies repetam, & nunquam satis inculabo. Oppones, in Scripturis sanctis non inveneri resolutiones casuum, nec sufficientem doctrinam pro animarum regimine. Itane vero? Clariorem ergo lucem effundunt pro regendis animabus Doctores Casuistæ, Caramuel, Reisenstuel, Sporer, Tamburinus, Leander, Gobat, La-Croix, & certi similes, quam Dei Prophetæ, quam Evangelistæ, quam Paulus, quam Concilia, quam Christus Jesus? In Scripturis sanctis non invenies opiniones præliorum, non invenies resolutionem controversiarum quas plures homines excitarunt ad circumveniendam legem; sed invenies omnem doctrinam necessariam ad sanctificandas animas. Invenies in Conciliis, & Catechismis, & Episcoporum Synodis, & Pontificum constitutionibus, quæ disciplinam spectant. Sed nunc sermo nobis non est de ecclesiasticis sanctionibus; sed de doctrina, quam pro fidei, & morum regulis Deus nobis revelavit in Scripturis sanctis.

XIX. Verum loquatur sapientissimus Jesuita P. Michael Elizalde, qui præfatam objectiunculam lib. 8. q. 8. §. 8. his verbis labefactat. „ Apertis multis libris Morali- „ starum notorie constat pene nullum usum „ in eis esse doctrinæ sacræ, & Sancto- „ rum.... Hi libri contrarietate, & con- „ tradictione pleni sunt: ex quo proinde „ dimidia saltem pars falsa sit oportet. Sed „ nulla falsitas cum sana doctrina... con- „ ciliari potest. „

„ Dices iterum, in libro Dei, & in do- „ctrina Sanctorum deesse doctrinam necessa- „ riæ salutis ad regendos populos, dirigen- „ das conscientias. Verum ostensum est hanc „ doctrinam nunquam magis quam fidem „ in Ecclesia defuisse, & MONSTRUM MON- „ STRORUM ESSE SE NUNC VENISSE ad „ dandam scientiam salutis plebi ejus. Ad hoc „ quippe ille venit qui illuminat omnem ho- „ minem venientem in hunc mundum, qui „ Ecclesiam ædificavit firmamentum, & co- „ lu-

,, lumen veritatis , cuique depositum cu-
,, stodiendum credit quod haud dubie illa
,, servavit . Non hic doctrina , sed considera-
,, ratione , & minimo saltē gradu humi-
,, litatis opus est .

XX. Neque suspiceris , difficilem & nimis laboriosam esse istius divinæ scientiæ acquisitionem . Da mihi Sacerdotem probum , optimi sensus , seu mentis quadrata (& nisi hæc adsint , omnia superflua sunt ,) & evangelicæ legis studiosum : & hunc ut optimum , doctum , prudentemque Confessorem habeto . Scientia Confessarii eo præcipue spectat ut sciat cor poenitentis emollire , mentem illuminare , donumque habeat persuadendi , increpandi , & conformandi suos poenitentes ad Christi Jesu exemplar . Hæc autem scientia non a quorundam Casuistarum libris , sed ab Evangelio hauritur . Christiani damnantur , quia observare recusant legem evangelicam : quia ejusdem spiritum ignorant . Sacerdos ille qui sciat evangelicæ caritatis ignem in suis poenitentibus accendere , doctus sapiensque Confessarius est . Si aliqui casus occurrent contra legem Dei , præcepta positiva Ecclesiæ , aliasque disciplinæ leges ; poterit , ut dixi , confulere Casuistas , sed graviores . In manu tamen semper habeat lapidem lydium , seu amassim evangelicæ legis , & quod huic magis , non minus conforme viderit , feligat . De spiritu legis evangelicæ lege meum Tom. 2. Hist. Probabil. diff. 4. cap. 3. Ubi uberrime ex S. Thoma explicatur , in quo situs sit spiritus iste .

§. IV.

Extrema laxitatis , & rigoris æquo severioris vitanda .

I. Nihil difficultius est quam ab his duobus extremis declinare ; & solam viam arctam , & angustam calcare . Quis sibi securus est ne vel nimia remissione , vel æquo distictiori severitate a vero unico trahite recedat ? Quisque Domino canat misericordiam & judicium , idest , inquit S. Gregorius Magnus , insit ipsi justo consolans misericordia , & seviens disciplina , sicut in arcu testamente erat virga , & manna . Misericordia vera Dei remittit patrata flagitia contritis corde , sed non sovet , neque concedit libertatem frequentandi pericula , relabendi in peccata ; non concedit frequentare theatra , comedias , choreas , ludos aleæ lucratorios , reciprocas utriusque sexus conver-

sationes , quæ vel te alliciunt ad peccatum ; vel si tu non peccas , scandalum alis præbes , & eorumdem criminum particeps evadis .

II. Hæc omnia nimis universalia . Quæ cavere extrema Confessarius debet , ut securi-
re suos poenitentes dirigat ? Duo assigno .
Jansenismum , & *Probabilismum* . S. Augustinus animadvertisit , Manichæum , & Pelagium pugnantes docuisse errores , formida-
batque ne Christiani declinantes Manichæum
inciderent in Pelagianismum . Inter
utrumque sit cautus , ut sic declinet Mani-
cheum , ne se inclinet in Pelagium ; rursum
que ita se sejungat a Pelagio , ne se conjun-
gat Manicheis : in Psalm. 118. Idem ergo
cum tanto Doctore suggero consilium in
morum causa . *Jansenismus* nimio in aliqui-
bus punctis rigore addendo , *Probabilismus* ni-
mia laxitate diminuendo legem Christi , sunt
duo extrema vitanda . *Jansenista* impossibili-
lia quedam Dei præcepta constituant : in-
vincibilem , præceptorum ignorantiam non
excusare a culpa contendunt : extrellum vi-
tandum , sed in Italia , Hispania , Germania , immo nec in Gallia occurruunt libri
morales a Catholicis editi in quibus extre-
num istud reperiatur , quantum mihi videre
licuit . Rarum ergo extrellum istud . Con-
tra *Probabilistæ* non pauci ignorantiam vin-
cibilem frequenter invincibilem vocant , &
hac ignorantia impossibilia efficiunt respectu
ignorantium plurima Dei præcepta . Gra-
tiam Dei universe infundi obsecratis . & in-
duratis peccatoribus ajunt , & simul igno-
rantiam esse invincibilem contendant . Nisi
adertas te peccare , a peccato te liberant .
Legem Dei in controversiam vocatam a
Casuistis dubiam effici docent ; & dubiam
factam de medio tollunt vi reflexarum . Illi
ad impossibilia nos urgent ; hi a possibili
mandatorum observantia beneficio ignoran-
tiæ , inadvertentiæ , Christianos plures libe-
rant . Illi ad desperationem ; isti ad præ-
sumptionem , ut mihi videtur , viam ape-
riunt . Illi nimium , isti parum oneris po-
nunt . Clamat autem S. August. in Psalm.
118. conc. 4. Parum , & nimium dico sunt
inter se contraria . Parum est quod minus est
quam oportet ; & nimium est quod plus est
quam oportet . Horum in medio modus est quod
dicitur satis est : & utique utile est ut in vi-
ta , & in moribus non plusquam oportet , ni-
bil omnino faciamus . Ab his igitur extremis
cavendum prudenter est . *Jansenista* nimiam
laxitatem *Probabilistis* improberant ; *Proba-*
babilistæ exprobant *Jansenistis* , non tam erro-
res

res contra mores quam hæreses contra fidem. In simili causa hæc tract. 71. in Joan... scribit S. Augustinus: *Est quod invicem ex vobis alteri ex alteris admoneri utrique debeatis . . . Errando in diversa itis. In medio est via quam relinquitis.*

III. Gravius semper fuit, & hodie longe gravius est periculum ne Confessarii in Laxifimi, quam in Rigorismi extremum declinent. Vix in universa Italia, Germania, Hispania invenies unum Rigoristam, quantum ex libris conjicere, & ex manifesta experientia licet, qui Christianis sincere contritis sacramenta denegat. A Rigorismo detrahunt omnes humanæ rationes. Qui nimio rigore peccat, stultus omnino est, quia & Deum, & mundum contra se provocat. A mundo traducitur ut phanaticus, ut mysan-tropus, ut Rigorista, ut Jansenista; a Deo vero punitur ob erroneam severitatem. Infelix ergo est Rigorista & in hoc, & in futuro sæculo. Contra Laxiste, si infelices erunt in futuro, felices saltem sunt in præsenti sæculo.

IV. Ad extremum Laxismi imprimis sagacissimus ille præstigiator impellit, amor nempe proprius, amor placendi hominibus & mundo. Homines communiter arctam viam crucis, & evangelicæ poenitentiae plerumque perhorrescant; illos Doctores & Confessarios extollunt qui placentia loquuntur, qui cervicalia mollia, & blandos pulvillo consuunt. Secundo timor derisionum, & censorum. Tertio pavor conciliandi sibi hostes, qui dignitatum cursum intercipiant, & ambitioni nostræ bellum intentent. Quarto vehemens illud desiderium habendi multitudinem poenitentium qui decorem Ecclesiarum, & splendorem communitatibus sua affluentia augeant, nosque tamquam prudentes magistros, & doctores graves deprædicent. Cuiuscumque status, & conditionis plebei, & nobiles, pauperes, & magnates, matronæ, & ancillæ inquirunt, & amant Confessarios blandiloquos, indulgentes, dulces, benignos, suavissimos. Istorum splendor, favor, gratia, plausus, acclamatio humanitatem nostram commovent, mentem acuant ad emolliendam inflectendamque Dei legem. Isti tyranni sunt Nerone, Caligola, Diocletiano immaniores, & truculentiores ad constantiam nostram deprimendam. Quinto illicium quoque validum est tenerimus amor patris spiritualis in filios, & filias spirituales. Sexto seductionis illecebra est naturalis commiseratio, & propensio solandi, & non turbandi illos qui ad nos veniunt.

V. Quare nisi divinæ fortitudinis spiritu obarmati Confessarii sint; nisi sub pedibus habeant universum mundum; nisi terunt faciant hominum favorem, patrocinium; nisi in peccatore ardeat disciplinæ evangelicæ amor, facile in Laxismum præcipites ruunt.

§. V.

Sanctorum Patrum tum antique, tum postremæ etatis auctoritate confirmatus periculum labendi in Laxismum.

I. **V**ehementes & ignitæ sunt invectivæ S. Martyris Cypriani lib. de laps. adversus laxitates Confessorum. *Quum scripsit sit:* „Qui vos felices dicunt, in errore vos mittunt, & semitas pedum veris strorum turbant: „qui peccantem blandimentis adulantibus palpat, peccandi somnem subministrat, nec comprimit delicta ille, sed nutrit . . . Oportet Dei Sacerdotem non obsequiis decipientibus fallere, sed remediis salutibus providere. Imperitus est medicus qui tumentes vulnerum sinus manu parcente contractat, & in aliis recessibus viscerum virus inclusum, dum servat, exaggerat. Aperiendum vulnus est, & secundum, & putamini amputatis, medela fortiore curandum. Vociferetur, & clamet licet, & conqueratur ager impatiens pre dolore; gratias ager postmodum, quem senserit sanitatem. Emergit enim FRATRES DILECTISSIMI, NOVUM GENUS CLADIS . . . ACCESSIT SUB MISERICORDIA TITULO MALUM FALLENS, ET BLANDA PERNICIES contra EVANGELII RIGOREM, contra DOMINI ac DEI LEGEM, temeritate quorundam LAXATUR incautus communio (seu peccatorum remissio.) Irrita, & falsa pars, periculosa dantibus, nihil accipientibus profutura . . . Pacem putare esse, quam quidam verbis fallentibus venditant. Non est pars illa, sed bellum . . . Quid injuriam beneficium vocant? Quid impietatem vocabulo pietatis appellant?

II. Præterea testimonia Ambrosii, Hieronymi, Chrysostomi, Augustini, & aliorum, ne sim longus. Pauca posteriorum Patrum delibabo. S. Gregorius VII. lib. 7. epist. 10. inquit: *Ex imperitia, & negligencia Sacerdotum, quasi ex pestifera radice, innumera mala exorta sunt, adeo ut usque ad haec nostra tempora inter cetera quæ male pullulant vitia, falsæ nibilominus penitentie consuetudo invaluerit.*

III. Concilium Lateranense II. can. 21.

Quæ

Quia inter cetera unum est quod sanctam maxime conturbat Ecclesiam, falsa videlicet pœnitentia: confratres nostros, & Presbyteros admonemus, ne falsis poenitentiis animas decipi, & in infernum derribi patientur.

IV. S. Thomas de Villanova con. 6. Dom. 4. Quadrag. haec scribit: *Illum qui a Domino vivificatus desiderio saluis a vitiorum sepulcro foras egreditur, vos o Sacerdotes solvite... Prius ergo vadat, ex concubinam e domo expellat, pecuniam alienam restituat, contractus usurarios rumpat, famam proximi lesam, prout potest, resarciat, mercenariorum labores, & pauperum debita solvat, offenso fratri reconcilietur, & veniam petat: & tunc ad Confessarium redeat, & absolvatur. Hic rectus est ordo: hic in Lazari suscitatione a Domino servatus est. Hunc ordinem ne transgrediaris.*

O medice, cur fietentem solvis? Cur indigno veniam promittis? Cur absolutionis beneficium exhibens non discernis? Duas tibi Dominus claves dedit, unam discernendi, alteram judicandi, absolvendi scilicet, & ligandi. Et tu sine discretionis examine neminem ligas, omnes absolvis? Una tantum clave nec integra quidem uteris, sed dimidiata.

Heu! heu! ventrem meum doleo. In domo Dei horrendum vidi. Pastores Domini sui oves jugulantes, medicos populi sui agrotos occidentes, judices turpibus blandientes, censores flagitia palpantes, cæcos gregem Domini dirigen tes. An non horrendum hoc...? Ob MISERI ANIMARUM NON CURATORES, SED INTERFECTORES, NON CONSULTORES, SED DECEPTORES, quid respondebitis Domino pro grege quem vestris blanditiis decepistis, vestris consiliis jugulastis?

QUID ECCLESIAM DEI HODIE PERDIT, NISI CONFESSARIORUM BLANDIENS ADULATIO?... *Vae miseris!.... Vulnera liniunt, vermem conscientiae extinguunt, stimulum peccati auferunt, & securos peccatores ad inferna dimittunt. Qui, si timorem populo incuterent, forsitan illum a vitiis revocassent. Cui COMPARABIMUS ADULATORES ISTOS?.... Similes sunt hominibus qui a riva parentibus in flumine manum porrigit, & violentia fluminis ipsi cum aliis demerguntur. Pondere namque peccatorum assentatores suos post se peccatores in precipitia rapiunt, & secum ad infernum deducunt.*

Hæc contra Confessarios quosdam nostri temporis PIE IMPIOS, & IMPIE PIOS dicta sint, qui, ne confitentes aliqualiter contristent, illos in sua nequitia manere permittunt. At quan-

to melius esset ad modicum contristare, quam in eternum damnare?... Non te pigeat, o Sacerdos, agros moribus ad poenitentiam contristare.

V. S. Carolus Borromæus in instruct. p. 2. c. i. hæc docet. *Summopere cavendum est multis Confessariis ne in gravem reprehensionem inciderit eorum industria, cum de tanto numero confitentium, exiguum emendationem videmus in iis qui toties, vel tam multis annis hoc sacramentum frequentarunt. Rursus subdit in Instr. Confes. c. 12. Vel incuria, vel negligenter, vel alia de causa sepe accidit quod absolutionis beneficium itis impertiatur qui revera indigni sunt; ac proinde in iisdem sepe peccatis hærent cum animarum suarum lamentabili ruina. Iterum in eadem Instr. Conf. c. 17. Atque hic vigilandum est eo diligentius quo manifestum est hac in parte Confessarios incuria sua maximum præbere causam cur in omnibus fere opificiis, & exercitationibus publicis peccata gravissima inveniantur, & abusus intolerabiles. Item c. 18. invehitur contra eosdem Confessarios qui absolvendi facilitate sovent luxum, pompas, & fastum. Hac tempestate, inquit, luxus vestium ad summum quem confundere potuit verticem videatur evasisse, magna ex parte culpa, & negligentia Confessorum, qui nullo... cum scrupulo eos solvunt.*

VI. S. Franciscus Salesius in constitutio nibus suis synodalibus tit. 1. c. 5. hæc habet. *Nihil periinde Ecclesiam dedecorat, nihil ita ejus violat disciplinam, nihil ita fovet peccatores in somnolenta peccandi consuetudine, quam probosus ille mos, quo quidam Presbyteri peccata relaxant, non tanquam judices, qui prudenti & gravi criminum discussione discernant num pro eo possint pronuntiare; verum tamquam mancipia qua precipiti & adulanti indulgentia peccatoribus blandiuntur. De istis adulatoribus dicit Cyprianus, quod inducunt in Ecclesiam dulcem crudelitatem, misericordia, & clementia nomine palliatam, eamque pandant pacem (absolutionem.) Idem Cyprianus irritam esse, & falsam pacem assert, danibus periculosam, & nihil accipientibus profuturam. Nam si detur absolutione sine spe probabili, quod poenitens habet promissi SANGUIS CHRISTI profanationi exponitur, & Presbyteri iteraturum prolapsionum, & illorum malorum se reos constituant que ex falsis nascentur absolutionibus: QUILIBUS PERIT TUM PRESBITERORUM, TUM PŒNITENTIUM INFINITA MULTITUDO.*

VII. Innumera alia documenta tum san-

etorum Episcoporum, tum graviorum Theologorum brevitatis studio prætermittit. Si plura cupis, consule Tom. 9. lib. 2. diss. 1. c. 9. & 10. ubi testimonia, quæ quatuor doctissimi Jesuitæ Bellarminus, Elizalde, Camargo, de Albertis exhibent, rescripsi.

VIII. Paucis rem totam concludo. Doctes Confessarii sunt. 1. Singularis vocatio Dei: nisi enim singulari gratia vocatus a Deo sit, ad Dei vices gerendas ineptissimus minister erit, qui & le, & alios perdet. 2. Fortitudo, mundi contemptio, & folius Dei glorie studium. 3. Prudentia, mansuetudo, humilitas, caritas. 4. Imaginem justificationis christianæ præ oculis semper habeat, & quid sit spiritus christianæ professionis apprime sciat necessum est. Ex Scripturis sanctis, ex Evangelio, ex Pauli epistolis veram imaginem spiritus Christi, & justificationis concipiatur.

C A P U T . II.

De jurisdictione ministri Pænitentie sacramenti.

I. QUÆST. 1. Solus ne Sacerdos est minister sacramenti Pænitentie? RESP. Negant Novatores, Valdenses, Hussitæ, Wicelistæ, Lutherani, quorum errores damnavit Tridentinum sess 14. c. 9. & 10. Igitur dogma fidei est, solos Episcopos, & Sacerdotes posse sacramentum Pænitentie administrare. Constat ex cap. 20. Joan. *Accipite Spiritum sanctum: quorum remiseritis peccata, remittuntur eis, & quorum retinueritis, reten-tes sunt.* Quæ verba perpetua Ecclesiæ traditio ad solos Apostolos, eorumque successores, seclusis laicis, pertinere declaravit. Patrum, & Conciliorum testimonia, quæ hanc traditionem confirmant, obvia sunt, & id eo illa prætero.

II. P. Claudius La-Croix lib. 6. p. 2. n. 1483. docet, quod quamvis communior & probabilius opinio sit quod laicus absente clero, ne quidem in articulo mortis valide absolvet ex censuris; oppositum tamen, subdit, defendunt graves autores *probabiliter*, quos referunt Diana, & Miya, eo quod putant pian matrem Ecclesiam idem concedere. Unde infert Sanchez, teneri laicum pro tali casu absolvere a censuris. An hæc pia commenta Probabilismi sint arbitraria, & ansam hereticis præbeant extendendi hanc facultatem ad absolendum etiam a peccatis, judicent doctiores. Ex pietate matris

Ecclesiæ omnia inferri queunt, nisi certa præstitutatur regula. Præfatam opinionem rejicio ut falsam. Sed graves autores probabilius illam docent. Hi autores, qui per rō probabiliter communem Ecclesiæ doctrinam in controversiam vocant, mihi graves non sunt.

III. QUÆST. 2. Quotuplex sit Sacerdotis potestas? RESP. Duplex: ordinis altera, quæ per ordinem confertur; altera jurisdictionis, quæ est facultas regendi animis subjectæ, & populum gubernandi, ut Tridentinum sess. 14. c. 7. declaravit.

IV. QUÆST. 3. Utram Regularis praesentatus Episcopo, & injuste rejectus, jurisdictionem acquirat, & vaide absolvet? RESP. Omnes fatentur approbationem Episcopi necessariam esse Sacerdotibus omnibus tam secularibus, quam regularibus, ut valide suscipiant secularium confessiones. Opposita sententia fuit damnata ab Alexandre VII. prop. 12. *Satisficit precepto annue Confessio-nis qui confiteat Regulari Episcopo presenta-to, sed ab eo injuste reprobato.* Regulares ergo approbati sint ab Episcopo oportet. Approbati ab Episcopo unius diœcesis non sint approbati pro aliis diœcesisibus: & contraria opinio improbata est tum a Clero Gallico-no, tum ab Alexandre VII. in decreto ad Enricum Andegavensem. Approbati pro secularibus, non sunt approbati pro Moniali-bus: & oppositam opinionem improbavit Gregorius XV. an. 1621. Regulares approbati pro uno Monasterio, nequeunt absque nova approbatione audire confessiones Mo-nialium alterius Monasterii.

V. Regulares, tametsi laureati, & etiam docti, subire Episcopi examen tenentur, quo-ties Episcopis id expediens visum fuerit. Ad hoc itaque quod attinet, prudentiam Episco-pi adhibeant.

VI. De Regularibus approbatis ab Epi-scopo absque presentatione superiorum regu-larium, ipsique insciis, vel repugnantiibus, disputant in utramque partem autores. Invalidi, nedum illicite istos Regulares sic approbatos absolvere docent plures Theolo-gi. Valide contra, sed illicite absolvere de-fendunt Salmantenses, pluribus auctoribus citatis. Disputant quoque num isti Regula-res sic approbati peccent mortaliter confes-siones audientes. Missis disputationibus de valida, aut invalida solutione, dico, Re-gulares qui insciis, vel invitis superioribus approbationem hanc obtinent, non esse ad hoc munus a Deo vocatos, sed intrusos.

Quæ

Quæ hinc consecraria fluant, nota omnibus sunt. Imprudentissime Episcopi approbarent Regulares, invitatis superioribus, saltem nisi repugnancia causa cognita, palam constaret superiores iuste repugnare. Quælibet enim regula humana interdum suas admittit exceptiones.

VII. Regulares approbati in una diœcesi valent absolvere fideles alterius diœcesis ad ipsos adventantes, ut communis sententia docet, & consuetudo universalis obtinet. Superioris quoque Regularium approbatione indigent, ut Provinciales, Priors, Guardiani &c. quia Tridentinum neminem excipit. Quare opposita opinio penitus falsa est. Possunt tamen absolvere sine approbatione sæculares in eorum dominibus commorantes tamquam de familia, secus si ibi non continue, & non tamquam de familia commorenatur, & mensa non fruantur. Regulares iter agentes, si defint Confessarii proprii ordinis, debent confiteri Sacerdoti approbato, quia hæc est tutior sententia.

VIII. QUÆST. IV. *Quid sit jurisdictione ordinaria, & delegata?* RESP. Prima competit alicui ratione sui officii, idest curato animarum, quarum est pastor. Ejusmodi sunt Papa, Episcops, Abbas, Parochus, Vicarius perpetuus Episcopi, Vicarius capitularis, summus Pœnitentiarius, Cardinalis in Ecclesia sui tituli, Vicarii generales Papæ, Legati a latere in provincia legationis. Inter Regulares sunt Generales, Provinciales, Superioris locales. Hi omnes veniunt nomine Ordinarii, & nomine proprii Sacerdotis. Heinc Papa non habet ordinarium, cum sit omnium pastor supremus. Ordinarius Episcopi est Papa, & Parochi est Episcopus. Archiepiscopus habet facultatem ordinariam absolvendi sacramentaliter dum visitat dioecesim suffraganei.

IX. Jurisdictione delegata illa est quæ alicui Sacerdoti conceditur, non ratione curæ animarum, sed ex voluntate illius qui habet jurisdictionem ordinariam, & legitimate delegare eam valet, si capax sit ille cui deleganda jurisdictione est: suspensi enim, & excommunicati non tolerati capaces non sunt. Episcopus delegare potest, secus Parochus, qui non potest delegare jurisdictionem in proprias oves Sacerdoti non approbato ab Episcopo proprio.

X. Sacerdotes non approbati nequeunt absolvere a venialibus, ut declaravit Innocentius XI. in decreto pro frequenti communione dato an. 1679. In hoc decreto com-

prehensi sunt etiam Patres Societatis. Quare fallitur P. La-Croix, qui n. 1553. excipit Jesuitas, & tamen decretum non ignoravit.

XI. P. Viva q. 8. a. 1. n. 7. inquit: „ In „ noc. XI. anno 1679. voluit ut Episcopi „ non permittant venialium confessionem „ fieri simplici Sacerdoti non approbato ab „ Episcopo, aut Ordinario Puto ta „ men cum Carden. & aliis apud La-Croix „ quod non sit invalida, & quod non ex „ poneretur periculo frustrationis sacramen „ tum. Cum enim probabile sit jurisdictione „ conferri Sacerdoti immediate a Christo „ Domino; & cum jurisdictione probabili „ valide conferatur sacramentum Pœnitentia „ , ut dicemus quæsto nono; idcirco „ valide confertur sacramentum a simplici „ Sacerdote absolvente dumtaxat a veniali „ bus, aut a mortalibus alias absolutis. „

XII. Summus Pontifex prohibet ne simplices Sacerdotes queant absolvere a venialibus; & P. Viva probabiliter docet oppositum: quia Sacerdotes habent jurisdictionem immediate a Christo Domino. Ecce quam verum sit Probabilismus adversum esse potestati Pontificum, & Episcoporum, atque adeo Principum. Utique Sacerdotes habent potestatem a Christo Domino, sed vi ecclesiastica hierarchia subjectam Pontifici, & Episcopo. Alioquin dicendum esset vi doctrinæ P. Viva, simplices Sacerdotes posse absolve re quoque a mortalibus non absolutis. Quod magis displicet, est progressus Probabilismi. Primo dicunt posse simplicem Sacerdotem absolvere a venialibus; post a mortalibus confessi; deinde a mortalibus invincibiliter oblitis, ut Salmantenses tr. 6. c. 11. n. 16. & tandem a mortalibus bona fide confessi simplici Sacerdoti, ut cum aliis Probabilistis Leander tract. 5. disput. 11. q. 14. docet. Hæc omnia falsa sunt, & improbata ab Innocentio XI.

XIII. QUÆST. V. *Utrum omnis Sacerdos in articulo mortis habeat jurisdictionem absolvendi a peccatis, & a censuris?* RESP. In mortis articulo, si adsit Sacerdos approbatus, non potest simplex Sacerdos absolutionem imperfiri, quia tum nulla urget necessitas. Secus dicendum, si approbatus nollet audire confessionem, aut si simplex Sacerdos jam incipisset audire confessionem.

XIV. Mendicantibus approbatis ab Ordinario delegatur jurisdictione absolvendi ab omnibus casibus, & censuris Papæ reservatis, exceptis casibus Bullæ Goenæ, & sex aliis à Cle-

Clemente VIII. extra urbem, & intra Italiā reservatis. Benedictus vero XI V. reservavit sibi, & successoribus facultatem absolvendi complicem criminis contra sextum praeceptum, ut infra dicetur.

XV. Qui habent potestatem ordinariam, possunt, inquit communiter auctores, illam exercere in aliena dioecesi cum propriis subditis, dummodo in facultatis formula limitatio non sit pro tali loco, ut frequenter fieri solet. Verum spectanda consuetudo est.

XVI. QUEST. VI. *Quisnam sit proprius minister vagorum, peregrinorum, & eorum qui in duplice parochia habent domicilium?* RESP. Vagi dicuntur qui non habent proprium domicilium; & istorum Parochus est ille sub quo reperiuntur tempore confessionis. Qui peregrinantur, licet habeant proprium domicilium, confiteri valent cuilibet Confessario approbato ad quem declinant. Qui habent duplex domicilium in duplice parochia, confiteri utriusque Parochio queant.

XVII. Jurisdictio non acquiritur sola consuetudine, nisi accedat consensus saltem tacitus superioris. Nec sufficit consensus presumptus, & interpretatus. Confessarius excommunicatus non toleratus amittit omnem jurisdictionem. Excommunicatus toleratus illicite, sed valide absolvit. Parochum excommunicatum non toleratum non privatum parochia, posse concedere alteri, ut matrimonio assistat, secus delegare jurisdictionem audiendi confessiones plures docent: quia, inquit, assistere matrimonio non est jurisdictionis, sed testimonii actio. Sed haec opinio falsa est. Quid? Assistere matrimonio non est jurisdictionis actio? Omnes ergo indiscriminatim poterunt esse matrimonii ministri, sicut possunt esse testes. Hoc autem absurdum est. Nenrum ergo concedere valet praefatus Parochus. Sacerdos absolvens excommunicatum, debet praemittere absolutionem a censuris antequam absolvat a peccatis.

XVIII. Episcopi limitare ex justa causa queant jurisdictionem audiendi confessiones in templo ante solis ortum, & post Solis occasum, mulierum. Absque vero justa, & rationabili causa hanc jurisdictionem limitare nequeunt saltem respectu Regularium. Si tamen limitaret Episcopus, etiam absque justa causa, limitatio confisteret, & absolutiones invalide essent, sicuti quando sine justa causa reprobantur, reprobati manent.

XIX. QUEST. VII. *An jurisdictio expirat*

morte concedentis? RESP. Jurisdictio in hoc foro delegata in generali a summo Pontifice non definit morte concedentis, ut communis opinio docet. Disputant vero Theologoi de jurisdictione concessa ab inferioribus praelatis, ab Episcopo &c. Adfirmant plures exprimere; sed communius docent continuare, donec vel labatur tempus praefinitum, vel revocetur a successore. Et hoc colligunt ex communi consuetudine, consentientibus praelatis. Nec officit quod mortuo Episcopo, ejus Vicarius caret potestate, quia Vicarius generalis unum cum Episcopo efficit tribunal.

XX. Delegatus non potest subdelegare, quia delegatio est personalis, huic personæ concessa, & non alteri. Ergo qui illam accipit, nequit eam alteri communicare. Opinio contraria quam defendant aliqui, mihi non probatur.

XXI. QUEST. VIII. *An error communis, deficiente titulo colorato, sit fatis ut datur, jurisdictionem conferri?* RESP. Aliquis est simplex Sacerdos carens omni jurisdictione. Illum ut pastorem, aut Confessarium habent omnes alicujus loci fideles. *Hic est error communis de jurisdictione illius Sacerdotis.* Si autem Sacerdos simplex obtineat ab Episcopo beneficium parochiale, verum ob aliquod canonicum impedimentum, puta excommunicationem, aut simoniam, aliudve obstaculum invalide obtineat, & possideat beneficium parochiale; vi hujus ab omnibus habetur ut Parochus, vel Curatus. *Hic est error communis, conjunctus cum titulo colorato:* possidet enim titulum, nempe collationem beneficii parochialis collati a legitimo superiore, nempe ab Episcopo; sed quia invalide beneficium collatum fuit, possidet quidem titulum, non tamen verum, sed falsum, & apparentem, ideo coloratum nuncupatum. Qui vero beneficium non obtinet, sed falsis litteris se Parochum fingit, nullum titulum, ne coloratum quidem, habet.

XXII. Communis sententia docet, *communem errorem conjunctum cum titulo colorato,* quo aliquis habetur ut Parochus, aut Curatus, satis esse ad jurisdictionem, qua possit talis valide absolvere, & alia sacramenta administrare: quia ob publicam utilitatem Ecclesia in hoc casu collati beneficii, licet ob impedimentum occultum invalide, confert re ipsa jurisdictionem, ut communis Theologorum, & Canonistarum sententia docet.

XXIII. P. Viva cum aliis docet sufficere etiam

etiam solum errorem communem, dummodo error non sit supinus & crassus, sed probabilis.

XXIV. Celeberrimus Canonistarum Fagnanus in lib. 5. de crim. fals. cap. supra eo, ut evincat titulum coloratum conuentum cum errore communi sufficere ad jurisdictionem, adducit in suffragium juris canonici ipsum jus civile, nempe leg. Barbarius, ubi servus cum putaretur liber ex delegatione, sententiam dixit. Rejicit vero solum errorem communem defensum a quibusdam.

XXV. QUÆST. IX. *An sufficiat jurisdictione dubia, & probabilitas?* RESP. Adfirmant aliqui. P. Viva haec in cursu qu. 8. ar. 2. n. 1. & 2. docet. „ Videtur non licere confidere re sacramentum Poenitentiae cum jurisdictione probabili, saltem quando potest haberi jurisdictione certa. Nihilominus censetur licitum esse absolvere cum jurisdictione probabili . . . Hinc sequitur ab Innoc. XI. in prima ex ejus proscriptis theses non esse damnatam hanc sententiam: „ **QUIA DEBUISSET APERTE ILLAM DAMNA- RE**, si voluisset quod non solum in iis quæ pertinent ad materiam, & formam sacramenti, sed etiam in iis quæ pertinent ad jurisdictionem, sequamur opinionem tutiorem, omissa probabili, ut multi viri doctri censem. “

XXVI. Nisi me omnia fallunt, hæc opinio continetur in 1. propos. damnata ab Innoc. XI. In ea enim damnata thesi mentio non fit neque materia, neque forma. Altum de his silentium: **indefinita** thesis est, omnemque comprehendit opinionem de valore sacramenti. Neque enim assignari potest ratio cur hanc, & non illam damnarit. Quisque dicere potest: hæc opinio probabilis relata tutoire, est damnata, secus illa: alter diceret: illa est damnata, secus hæc: & hoc pacto decretum pontificium esset illusorium, nihilque damnasset. Propositio itaque indefinita damnata comprehendit omnem opinionem probabilem in conspectu tutioris, agentem de valore sacramenti. Sed omnibus fatentibus, etiam P. Viva, jurisdictione pertinet ad valorem sacramenti. Ergo opinio probabilis de jurisdictione probabili, relata tutoire, damnata videtur.

XXVII. Reponit P. Viva, in proscripta thesi damnari usum opinionis minus tutæ in his quæ adversantur juri ecclesiastico. Quæ responsio falsa omnino est, & ab ipso P. La-Croix lib. 6. p. 3. n. 37. pag. 359. improbata; immo testatur ab omnibus illam improbari.

XXVIII. Insistit P. Viva, „ Non est probabile centum tringinta Doctores a Gobat, & relatos in re tanti momenti esse decepsos, & indigne censura. „ Falsum est Gobat citare 130. Doctores, immo nec 100. Nisi brevitas præstitura impediret, velle transcribere verba P. Gobat: sed vide Tom. 9. l. 2. diff. 2. c. 5. n. 5. Ceterum etiam si P. Gobat citaret sexcentos Probabilistas, his prætermis standum esset pontificio decreto.

XXIX. Insistunt, piam matrem Ecclesiam supplere, quando adest opinio probabilis de jurisdictione. Respondeo, piam matrem Ecclesiam medio suo capite Innoc. XI. damnasse hanc doctrinam. Ergo recusat supplerie.

XXX. Opponunt Probabilistæ gravissimos autores Suarez, Filliucum, Reginaldum, Leisum, Bonacinam, Dianam, & alios, quos citat Gobat, defendere usum jurisdictionis probabilis. Respondeo, præfatos autores, sicut & P. Gobat, scripsisse antequam Innoc. XI. damnaret hanc opinionem, ideoque excusandos; sed non in hoc sequendos esse.

C A P U T III.

De casuum reservatione.

I. **P**otestas reservandi atrociora quædam scelera, ut Tridentinum sess. 14. c. 7. declarat, a nemine in discrimen adducitur. Reservare peccata illis convenit quibus competit conferre jurisdictionis potestatem. His sunt summi Pontifices respectu universæ Ecclesiæ, Episcopi respectu inferiorum Presbyterorum, & superiores regulares respectu subditorum. Reservatio hæc invalidam, nemus illicitam reddit absolutionem.

II. Peccata venialia non reservantur, quia inutilis esset talis reservatio; cum hæc peccata deleri absque sacramento queant. Reservari posse peccata mortalia interna docent graviores Theologi, Suarez, Soto, Sylvius, Vasquez, & alii: quia hæc peccata mortalia re ipsa subjiciuntur foro interiori Ecclesiæ, & judiciali sententia remittuntur. Ergo reservari valent. Eiusmodi tamen reservatio expediens minime est. Nec haec tenus aut Romani Pontifices, aut Episcopi talia interna peccata reservarunt umquam.

III. Casus reservati Romano Pontifici continentur in Bulla Coenæ Domini, quos brevitatis causa non rescribo. Clemens quoque VIII. sibi reservavit sex sequentes casus.

1. Violationis immunitatis ecclesiastice in terminis constitutionis fel. record. Greg. XIV. cuius initium, Cum alias nonnulli. 2. Violationis clausure Monialium ad finem malum. 3. Provocantium, & pugnantium duello juxta decretum sacri Concilii Tridentini, & constitutionis fel. record. Greg. XIII. incipientem, Ad tollendam. 4. Injicentium violentias manus in Clericos juxta cansem, Si quis suadente &c. 5. Simonia realis scienter contrafacta. 6. Confidentialia beneficialia.

IV. Alii quoque Pontifices reservarunt sibi nonnullos alios casus. Excommunicacionem summo Pontifici reservatam incurrit qui confessionem audit complicis in aliquo peccato turpi, & in honesto contra sextum Decalogi præceptum commisso. BENEDICTUS XIV. in sua constitut. *Sacramentum Pænitentie* edita an. 1741. jurisdictione privat Confessarios absolvendi ab hoc crimine. Eamdem constitutionem confirmavit altera constitutione edita ann. 1745. cuius initium est *Apostolici munera partes*. Declaravit tamen in mortis articulo Sacerdotibus interdictum non esse confidentem personam complicem audire, illamque rite dispositam absolvere, dummodo tamen non adsit alius Sacerdos, qui si absque scandalo haberi possit, etiam si simplex Sacerdos, iste excipere confessionem debet. Immo criminis socius omnem adhibere curam debet ut alius Sacerdos inventiatur, qui talem audiat confessionem, quando id fieri absque scandalo potest. Alioquin, si Sacerdos flagitiis socius negligens fuerit in curando ut alius Confessarius reperiatur, & ipse confessionem audiat, valida quidem absolutione erit, respectu poenitentis complicis, at Confessarius complex excommunicationem latam in dicta constitutione incurrit.

V. Qui indulto apostolico absolvit a culpa in his casibus quibus annexa est excommunicatione, absolvit quoque a censura. Praefati casus etiam tempore Jubilæi reservati sunt, nisi expresse excipiuntur.

VI. De casibus quos reservare sibi Episcopi valent, non est nostrum ferre judicium. Ea tantum atrociora crimina reservare sibi solent quæ magnopere turbant Ecclesiæ disciplinam, & scandalum graveingerunt.

VII. QUEST. I. An ignorantia excusat a casuum reservatione? RESP. Omnes subditi superioris reservantis subjecti sunt reservationi. Ad propositam questionem respondet aliquis, eum qui ignorat sive reservationem, sive censuram, sive eum qui dum actu pec-

Tom. II.

cat, ad illam non advertit, neutram incurrit. Hæc sententia falsa mihi est. Nam qui impotenti libidine, qui ira perciti peccant, nihil de reservatione cogitant. Qui censuram ignorant, non incurront, quia hæc lata est contra contumaces. Contumacia autem sine cognitione haberi nequit. Reservation contra est subtractio potestatis absolvendi a certis peccatis. Distinguunt aliqui reservationem medicinalem, & poenalem. Illam, secus istam incurri ab ignorantibus asserunt. Distinctio hæc vana, & arbitraria est. Omnis quippe reservatio & medicinalis, & poenalis est.

VIII. Paucis refello hanc opinionem. Reservation est subtractio jurisdictionis a Confessario, ut omnes docent, respectu crimini reservatorum. Numquid ignorantia poenitentium confert jurisdictionem Confessario illam non habent? Numquid poenitens ignoranter, & bona fide accedens ad Confessarium non approbatum a superiori, valide absolvitur? Numquid Confessarius ignorans casum reservatum valide absolvit? Negant omnes. Ignorantia Confessarii non impedit quominus casus sit reservatus. Ergo neque ignorantia poenitentis tollit quin Confessarius privatus sit facultate absolvendi a reservatis.

IX. Quando reservatur casus effectu secuto, ut procuratio abortus, homicidium, si effectus non sequatur, casus non est reservatus. Si proponit venenum, vel mortaliter vulneret, & confiteatur, antequam effectus succedit, casus non est reservatus, & valide absolvitur, dummodo Confessarius obliget poenitentem, ut si effectus sequatur, se presentet ad tribunal superioris pro absolutione a reservatione. Alioquin procurantes abortum, propinantes venenum, possent eludere omnem reservationem continuo post datum venenum confitendo peccatum. Quare mihi probabilius est ut effectu secuto, adeant isti Confessarios qui facultatem habent absolvendi a reservatis.

X. QUEST. II. An peccata intelligentur reservata, quando dubitatur de eorum reservatione? RESP. Duplex dubium. Alterum iuris, ut si quis dubitaret hoc vel illud peccatum esse reservatum. Tunc enim dubitaret de jurisdictione, & tunc absolvere Confessarius non posset. Quoniam quando constat certo peccatum esse materiam reservationis, & dubitatur an superior illud reservaverit, dubitatur de jurisdictione. Porro cum jurisdictione dubia absolvere Confessarius

rius nequit, ut supra ostensum est. Præterea Clemens VIII. prohibuit omnibus Confessariis in Italia degentibus, ne quis eorum sub praetextu privilegiorum ab ullo ex casibus clave, vel DUBIE in bulla Cœnæ &c. contentis, vel alias quomodocumque Sedi apostolice reservatis, vel reservandis absolvet. Ex quibus infertur in peccatis omnibus Sedi apostolicæ reservatis includi etiam casus dubios. In dubio autem facti communiter auctores docent posse simplicem Confessarium absolvare. Peccatum ebrietatis est reservatum: dubitas an in veram ebrietatem inciderit: dubium hoc facti vocatur.

X. Quando quis absolvitur a peccato dubbio ab inferiori Sacerdote, si postea deprehendit esse certum, tenetur adire Confessarium potestate prædictum absolvendi a reservatis, quidquid in oppositum dicant nonnulli.

XI. QUÆST. III. *Quinam possit a reservatis absolvere?* RESP. Omnes qui possunt reservare, possunt quoque absolvere: insuper omnes illi qui habent jurisdictionem delegatam a superiori. Dupliciter delegari jurisdictione valet. Primo directe quando Ordinarius delegat hunc, aut illum Confessarium ut absolvat a reservatis. Secundo indirecte, quando Ordinarius facultatem concedit alicui poenitenti ut sibi eligat aliquem Confessarium, a quo absolvatur a reservatis.

XII. Peregrini bona fide, & omni fraude sublata venientes a dioecesi, in qua peccatum est reservatum, ad dioecesim in qua non est illud peccatum reservatum, possunt a simplici Confessario absolviri. Secus si in utraque dioecesi esset reservatum, vel si esset reservatum in dioecesi in qua fieri confessio debet.

XIII. Episcopi valent absolvere ab omnibus casibus occultis, etiam Sedi apostolicæ reservatis subditos suos in sua dioecesi, aut per se ipsos, aut per Vicarium ad id specialiter deputatum. Ab heresi vero occulta dumtaxat per se ipsum in foro conscientiae ut Tridentinum *ses. 24. c. 6.* declarat. Nominis Episcopi non veniunt Abbates, vel Praepositi regulares, quamvis id affirmant plures.

XIV. Hæc tamen facultas a Tridentino concessa Episcopis absolvendi ab heresi occulta revocata est per Bullam Cœnæ, & contraria opinio proscripta est ab Alexandro VII. n. 3. Certum itaque est ab heresi occulta neque Episcopos, neque Praepositos regulares absolvere posse subditos suos religiosos,

fos, nedum laicos. Clemens VIII., & Urbanus VIII. expresse prohibuerunt regularibus prælatis absolvere a casibus in Bulla Cœnæ. Sed solum possunt respectu subditorum, quod possunt Episcopi cum subditis suis. Damnata quoque est opinio quæ defendebat mendicantes absolvere posse a casibus Episcopis reservatis, non obtenta ab Episcopo facultate.

XV. Superior auditis reservatis nequit sacramentaliter absolvere poenitentem, remittendo eum ad alium Confessarium pro absolutione a non reservatis. Neque Confessarii carentes potestate in reservata valent directe absolvere a non reservatis, & indirecte a reservatis. Invalidæ essent ejusmodi absolutiones. Immo neque a non reservatis solis, qui caret potestate in reservata absolvere potest. Integra enim confessio esse debet.

XVI. Qui tempore jubilæi facit confessionem irritam, non absolvitur a reservatis. Similiter qui confitetur animo lucrandi jubilæum, postea mutat voluntatem, recusatque opera implere, si in ea confessione inculpabili oblivione omittat aliquid reservatum, non potest dum recordatur, a quolibet Sacerdote absolviri: quia Pontifex afferit reservationem respectu illorum qui re ipsa intendunt lucrari jubilæum. Ergo si sponte recusat lucrari jubilæum, eo ipso recusat privilegium reservationis.

XVII. Si tempore jubilæi differatur absolutione poenitenti indisposito, si post elapsum jubilæum incidat in reservatum, nequit absolviri a quolibet Confessario, sed solum ab eo qui prædictus est facultate absolvendi a reservatis. Absolviri vero potest a reservatis ante jubilæum patratis, & invincibiliter oblitis, si operam dederit lucrando jubilæo.

XVIII. Qui habent facultatem absolvendi a casibus reservatis summo Pontifici, absolvere quoque a censuris valent. Qui in articulo mortis confitetur Sacerdoti non approbato, vel excommunicato, absolvitur etiam a reservatis, si dispositus sit, nec tenetur, si convalescat, adire Superiorem: quia, ut dictum est, in articulo mortis nulla est reservatio, nisi aliter a Superiore dispositum sit, ut contingit in peccatis adnexam habentibus censuram, & præcipue contentam in bulla Cœnæ. Disputant auctores in utramque partem, num moribundus absolviri possit ab excommunicato non tolerato, vel a Sacerdote heretico. Adfirmant multi, & multi negant. Cum resolutione hæc pendeat a sola

a sola auctoritate Ecclesiae, Episcopi consilendi sunt, ut vera & tuta habeatur decisio. S. Raymundus lib. 3. §. 16. dissuadet fidelibus taliem confessionem.

XIX. Sacerdos qui potestate deslitutus absolvit inadvertenter a reservatis, debet, si possit, admonere poenitentem. Si omni adhibita diligentia, ignorat, excusatetur apud Deum, inquit S. Antoninus i. p. tit. 17. c. 4. Poenitens quoque absolutus est, si invincibiliter ignorat reservationem. Dixi supra, contrahi reservationem etiam ab ignorantie illum. Ceteram cum reservatio sit juris humani, dari ejusdem potest ignorantia invincibilis tam in poenitente, quam in Confessario. In casu autem necessitatis nulla est reservatio. Quoniam autem major necessitas quam inculpata oblio, & ignorantia invincibilis?

XX. Agendum hic esset de casibus, quos Prælati regulares sibi reservare valent. Verum casus isti ex Decreto Clem. VIII. & Urbani VIII. omnibus Regularibus noti sunt. Et plures disputationes, quas super his excitant aliqui, prætero ut superflua.

DISSERTATIO IV.

De absolutione sacramentali impertinenda, differenda, deneganda; de sanguine Confessarii, & de follicitatione.

CAPUT I.

De forma absolutionis sacramentalis.

I. QUÆST. 1. *Quibus verbis constet forma sacramentalis?* RESP. Formam deprecativam olim obtinuisse usque ad medium saeculum XIII. & etiamnum obtainere apud Græcos, docent plurimi Theologi; & præsertim Morinus lib. 8. c. 8. Nonnulli tempore S. Thomæ contendebant formam indicativam esse nullam. Horum errorem convellit Angelicus opusc. 22. c. 2. Formam indicativam propugnatam a S. Thoma probavit Tridentinum sess. 14. c. 3.

II. Penes omnes Catholicos certum est haec verba, *Absolvo te*, ad formam essentiam pertinere. Disputant num hoc pronomen *Ego* ad essentiam pertineat.

Vitiligant etiam super pronomine *Te*. Verum missis ipsis arbitrariis quæstionibus usurpanda est forma præscripta a Conciliis

tum Florentino, tum Tridentino. *Ego te absolvo a peccatis tuis.* In nomine Patris &c. Communiter tamen Theologi docent hæc verba a peccatis tuis non ingredi formæ essentiam; idque clare docere Catechismus Tridentinus videtur p. 2. §. 14.

Graviter tamen peccaret Confessarius, nisi integrum formam proferret, ut si omitteret sequentia verba a peccatis tuis. In nomine &c. Peccarent quoque Confessarii, si dicerent. *Ego tibi peccata dimitto: Remittuntur tibi peccata tua: Condono tibi omnia peccata tua:* Quamvis enim validæ sint ejusmodi formæ, cum sint æquivalentes; tamen negligere ritum Ecclesiæ in re gravissima letali criminis non vacat.

III. Sensus horum verborum, *Ego te absolvo*, non declarat peccata esse a Deo dimissa; sed ipse Sacerdos eadem verba pronuntians, auctoritate a Christo accepta, peccata dimittit, ut definivit contra Novatores Tridentinum sess. 14. c. 9. Non modo præfata verba proferre Confessarii debent, sed ritum etiam præscriptum ab Ecclesia servare exacte tenentur. Ideo præmiti preces ista debent: *Dominus noster Jesus &c. Misereatur &c. Indulgentiam &c. & alia quæ formam subsequuntur Passio Domini nostri &c.*

In frequentioribus, & brevioribus confessiōnibus ex Rituali Romano omitti possunt. Consultius tamen erit, excepta necessitate, integrum ritum perficere.

IV. QUÆST. II. *Licitum ne est forma absolutionis conditionem adjicere?* RESP. Convenient penes omnes conditionem appositam de præsenti, vel de præterito, v. g. *Si capax es, si nondum es absolutus*, non revertere sacramenti valorem. Baptismum, necessitate urgente, conferri sub conditione posse, dictum supra est. Casus moribundi de quo dubitatur vivus ne, an mortuus sit, ille est in quo plurimi graviores Theologi usum defendunt absolutionis conditionalis.

V. Plures, ut mihi viderit, nimis facile adjiciendam hanc conditionem docent. P. Spoter 3. p. c. 5. qu. 2. §. 4. n. 622. imperitiandam absolutionem sub conditione docet.

1. Quando Confessarius dubitat sit ne poenitens recte dispositus.
2. Quando dubitat an pueri rudes sint usi rationis prædicti.
3. Quando poenitens asserta sola dubia peccata in materia mortali.
4. Quando Confessarius dubitat, an habeat jurisdictionem in hunc poenitentem, vel in ejus peccata.

VI. In his 4. casibus absolutione conditonalis, ut mihi viderit, otiosa est, & rever-

rentia sacramento debitæ contraria. In i. casu dubitat de materia, nempe de sincero dolore. Vetus autem est extra necessitatis articulum uti materia dubia. Quando Confessarius dubitat sive ne poenitentes recte dispositi, sive ne pueri usu rationis praediti, cur non differt absolutionem, donec disponantur, comparentque rationis usum? Cur haec obvia media instructionis negligunt? Cur? Quia, inquit, magna est poenitentium affluentia. Si differenda absolutionis esset, vel instruendi poenitentes, aut tempus concedendum pro dispositione &c. plurimi dimittendi absque confessione essent: murmur, & censuræ in Confessarios audiuntur. Utinam timor displicendi hominibus, aut minuenda poenitentium affluentia in causa non sit cur usus iste conditionalis absolutionis interdum usurpetur. Absolvuntur poenitentes recidivi, dubie dispositi, absolutione conditionata. Quot hec facilegia? Poenitentes hunc ritum conditionalis absolutionis ignorantes, se revera absolutos reputant. Quid inde? Animos ad peccandum resumunt, horrorem peccandi exunt, cum videant absolutionis facilem usum, creduntque vitam christianam sitam in perpetuo peccandi, & confitendi circulo. Magno in discrimine, ut mea minima præfert opinio, versantur Confessarii illi qui extra necessitatis articulum, nempe mortis, aut dubii phreneticæ, absolutionem conditionalem adhibent. Condicio de futuro omnino improbanda est, & re ipsa communiter a Theologis rejicitur.

VII. QUÆST. III. *Impertienda ne est absolutionis absenti?* RESP. Adfirmarunt olim aliqui; sed Clemens VIII. istorum opinionem proscriptus. Interpretatum continuo fuit, decretum Clementinum intelligendum esse copulative, non divisive. Sed hanc quoque interpretationem prohibuit Pontifex summus. Decreta tum Clementis VIII., tum Pauli V. integra dedi tom. 9. lib. 2. diff. 3. c. 2. Attuli quoque ibi documentum, quod extat in per celebri *Bibliotheca Angelica*, quo perspicue evincitur Doctorem eximium propagasse opinionem proscriptam a Clemente VIII. Nunc addo hoc adductum documentum extare quoque in *Bibliotheca Vaticana*, ubi auctor *Historie litterarie* legere illud poterit, & corrigere quæ hac de re scriptus.

VIII. QUÆST. IV. *Quæ presentia poenitentis requiritur ut concedi absolutionis possit?* RESP. Præsentia moralis, non physica. Illa præ-

senta sufficit ad absolutionem quæ satis est ad colloquium commune inter homines. Si Sacerdos e fenestra naufragantes, aut vitam agentes videat, & tempus absit quo descendat, illoque aeat, & mortis articulus urgeat, potest eos unica absolutione absolvere, dummodo non sit nimia distantia, sed ea quæ sufficit ad colloquium voce elata inter homines. Si Confessarius oblitus sit poenitentem absolvere, debet illum revocare, eumque monere oblitæ absolutionis, eumque absolvere.

IX. Absolutio danda est statim post peccatorum confessionem completam. Quando opus fuerit, præmittat admonitiones, & exhortationes. Quando poenitens post acceptam absolutionem recordatur alicuius peccati mortalis, vel circumstantiæ mortalis, vel majoris numeri mortalium, tam contrito, quam absolutioni repeti debet. Si Sacerdos distractus pronuntiavit absolutionem, non debet eam repeteret, quia distractio non impedit ejusdem valorem. Peccat tamen, si voluntarie distractus illam impertit. Absolutioni a peccatis præmittenda est absolutio a censuris. In articulo mortis dici potest: *Ego absolu te a censuris, & peccatis tuis.*

C A P U T II.

Vera peccatoris conversi IMAGO ex Scripturis sanctis, & Patribus.

I. **N**unquam nimis, quod nunquam satis, fert commune axioma. Depinxi supra imaginem justificationis christianæ. Hæc fatis esset ut Confessarius reprehendere posset, quandonam poenitens sit re ipsa conversus. Verum quia negotium summi momenti est, cum ex hoc, fin unice, saltem maxime pendeat recta poenitentia administratio, operæ pretium existimavi paucis perstringere veræ conversionis specimen, & ideam. Hinc enim colligit Confessarius quando impetriri, quando suspendere absolutionem debeat.

II. Illis Deus veniam spondet qui toto corde ad illum convertuntur. Deuter. c. 6. *Cum quæsieris Dominum . . . invenies eum, si tamen toto corde quæsieris eum, & tota tribulatione anime tua.* Ezechiel Propheta c. 18. *Projicite a vobis omnes prævaricationes vestras, in quibus prævaricatus es sis, & facite vobis cor novum, & spiritum novum.* Hæc vita spiritualis novi cordis, & novi spiritus a Deo infunditur, divina est. Ergo robusta, firma, fortis, & stabilis.

III. Paulus Apostolus Rom. 6. hæc scribit : *Quid ergo dicemus ? Permanebimus in peccato, ut gratia abundet ? Absit . Quid ergo mortui sumus peccato, quomodo adhuc vivemus in illo ? An ignoratis quia quicunque baptizati sumus in Christo Iesu, in morte ipsius baptizati sumus ? Consequlii enim sumus cum illo per Baptismum in mortem, ut quomodo Christus surrexit a mortuis per gloriam Patris, ita & nos in novitate vite ambulemus . . . Hoc scientes, quia vetus homo noster simul crucifixus est, ut destruatur corpus peccati, & ultra non serviamus peccato . Qui enim mortuus est, justificatus est a peccato . . . Scientes, quod Christus resurgens ex mortuis iam non moritur, mors illi ultra non dominabitur . . . Ita & vos existimate mortuos quidem esse peccato, viventes autem Deo in Christo Iesu Dominino nostro . . . Non ergo regnet peccatum in vestro mortali corpore, ut obediatis concupiscentiis vestris . Sed neque exhibeatis membra vestra arma iniquitatis peccato, sed exhibete vos Deo, tamquam ex mortuis viventes, & membra vestra arma iustitiae Deo . . . Sicut enim exhibitis membra vestra servire immunitatice & iniquitati ad iniquitatem; ita nunc exhibete membra vestra servire iustitiae in sanctificationem .*

IV. En imaginem Prophetarum, & Apostolorum penicillo expressam . Habes hic plenam, & integrum cordis mutationem . Internorem non vides . Verum hæc vera, & integra animi mutatio foras erumpit . Sicut perfecta corporis sanitas sita in puro sanguine, in optimâ viscerum, nervorum, & stomachi dispositione, exterius in vultus colore, in oculis, & universis membris visibilem & manifestam se prodit omnibus; ita vita spiritualis animæ sincera conversione divinitus infusa exterius se patescit visibilem, fructus novos parit, & in ipsa membra corporis scelerum socii & complicis severe animadvertis . Oculos lascivos, & petulantes lacrymis affligit, a vanitate avertit cum Davide: vultum stibio olim delibutum ad capiendas animas, modestia, moestitia, & pallore comprimit: & cetera membra, quæ luxuriæ, ebrietati, conviviis, & crapulæ indulseré, jejuniis, disciplinis, humicubationibus plus & minus, prout magis vel minus recalcitrant, deprimit, cruciat, tortquet . Pompas, luxum, fastum in humilem ornatum, in planctum, & ululatum transmutat . Hæc sunt signa peccatoris absolvendi, & absoluti . Nullus hic tergiversationi locus, nulla ad effugium latebra pa-

tit . Quoniam omnia sanctarum Scripturarum testimonia signa hæc petunt; & his coloribus veram conversi peccatoris imaginem delineant .

V. Omnes paenitentes testantur Confessario se toto & pleno corde peccata detestari, & conversos se ad Deum esse; & post paucos dies in eadem flagitia relabuntur . Hanc eorum ementitam & mendacem voluntatem lib. 8. Confess. c. 9. sic carpit S. Augustinus . Unde hoc monstrum ? & quare istud ? Imperat animus corpori, & paret statim: imperat animus sibi, & resistitur . Imperat animus ut moveatur manus, & tanta est facilitas, ut vix a servitio discernatur imperium . Et animus, animus est; manus autem corpus est . Imperat animus ut velit animus, nec alter est; nec facit tamen . Unde hoc monstrum ? & quare istud ? Imperat, inquam, ut velit, qui non imperaret, nisi vellet, & non sit quod imperat . Sed non ex toto corde vult: ergo non ex toto imperat . Nam in tantum imperat, in quantum vult; & in tantum non sit quod imperat, in quantum non vult . Quoniam voluntas imperat ut sit voluntas, nec alia, sed ipsa . Non unice plena imperat, ideo non est quod imperat . Nam si plena esset, nec imperaret ut esset, quia jam esset . Non igitur monstrum parum velle, parum nolle; sed aegritudo animi est, quia non rotus assurgit veritate sublevatus, consuetudine prægravatus . Et ideo sunt due voluntates, quia una earum tota non est, & hoc adeo alteri quod deest aeterni .

VI. Acutam S. Augustini argumentationem confirmat communis hominum sensus in singulis humanæ vite officiis . Quis dixerit, eum plene ex toto corde velle qui id non exequitur quod se velle testatur, si in potestate ipsius sit ut fiat ? Duo quippe ad executionem promissi requiruntur, potestas, & voluntas . Quodnam in peccatore deest ? An potestas ? Absit hoc astere, clamant omnes Theologi catholici . Adeo ergo potestas . Et non sit quod se velle facere paenitentes ajunt ? Ergo deest voluntas . Ergo fista & larvata est, quam ementuntur, voluntas . Quamobrem scite S. Thomas l. 2. q. 20. ar. 4. docet: *Non est perfecta voluntas, nisi sit talis que data opportunitate operetur* . An miles pleno corde anhelans gloriam omnia non praefat huic fini assequendo consentanea ? An avarus aliquid eorum neglit quæ comparandis divitiis necessaria judicat ? An infirmus vel amariora medicamina non deglutit, cum plena voluntate sa-

nitatem desiderat? Si itaque peccatores totum corde, plenaque voluntate reformare mores suos vellent, nihil eorum omitterent quæ huic fini asequendo conducunt. Præfertim quod majori ardore, & potentiori conatu, & diligentiori studio velle emendationem suam per mandatorum observantiam debeat, quam miles gloriam, quam avarus aurum, quam infirmus sanitatem.

VII. Caveas ergo, o Confessari, fidem pœnitenti adhibere, qui, cum posit sese emendare, recusat ab iis abstinere quæ cum emendatione pugnant. Experientia diurna didicit, ludos, comoedias, amicitias, illecebras mulierularum esse suorum relapsuum causam. Hæc abrumpere iniquitatis foedera negligit. Ergo ex toto corde non vult emendationem. Habent, inquis, pœnitentes plenam sese emendandi voluntatem, dum confitentur; sed postea humanæ ægritudinis inconstantia eamdem mutant.

VIII. Hæc est vanissima hallucinatio, eo perniciosior, quo frequentior. Plenam, & constantem liberationem humanam mutari posse nemo inficiatur. At hoc raro accedit, ut omnes justi testantur. Cedo: cur contingit avaros, lusores, libidinosos raro mutari? Quia, responder Propheta psal. 72. *transierunt in affectum*: quia voluntas fornicandi, divitias acquirendi, easque in ludos expendendi, plena est, & dominatur in eosdem. Cur veri justi, casti, sinceri, ingenui raro labuntur, raro aut nunquam mentiuntur, raro aut nunquam fornicantur? Quia voluntas eorum plena est, integra, & constans. Ergo voluntas pœnitentium, quam plenam, dum confitentur, ostentant, quamque frequenter & frequentissime mutant, non est voluntas plena & firma; sed debilis, infirma, & mera velleitas, ex merito servili timore extorta, & amore virtutis, justitiae, & Dei penitus vacua. Cur Judæi inconstantes fuere in Dei obsequio? Cito defecerunt, (inquit David psal. 105.) oblii sunt operum ejus, & non suslinuerunt consilium ejus. Quia ex mero timore, minime ex amore, Deo inserviebant. Imbecillus est humana natura, fragilis, mutabilis. At gratia Dei, & debita vigilancia, robusta, & dominans evadit. Quid fragilitatem obtrudis clamat hom. 28. inter 50. nunc serm. 17. S. Augustinus. *Vitrum, et si fragile est, tanten servatum diu durat.* Invenies cælices ab avis, & proavis, in quibus bibunt nepotes. Tanta fragilitas custodita est per an-

nos. Urgeo iterum. Nunquid in solo æternæ salutis negotio inconstans & mutabilis homo est? Cur in aliis quibuslibet negotiis raro recedit ab eo quod sincere & toto corde concepit, & deliberate promisit, nisi promissi rationes mutentur, vel circumstantiae? Quia, licet mutabilis, & imbecillus sit, tamen quando tota voluntate, plenaria animo vult, revera id præstat quod toto corde promisit. In solo unico gravissimoque æternæ salutis negotio pleno corde promittit, non homini, sed Deo morum emendationem; & post paucos dies mendax, perfidus, rebellis evadit? Quænam tam subite, & frequenter mutationis causa? Potestatis defectus? absit. Mutatio circumstantiarum, aut finis? minime. Nam idem Deus qui prohibet, idem infernus, idem paradiſus, eadem scelerum malitia, eadem emendationis sanctitas. Quid quod in hoc negotio unico præ ceteris prompta adsunt divina auxilia, & sacramentum ipsum Pœnitentiæ gratiam sanantem, & roborantem confert? Ergo evidens est pœnitentes frequenter relabentes in eadem scélera, ideo non emendari, quia toto corde, & plena voluntate nolunt emendationem. Ergo imprudenter Confessari fidem pœnitentium dicitis adhibent, cum illorum frequentes relapsus fallacia ejusmodi promissa evincunt. Prona fallacia est ad voluptates, ad illecebras, ad delicias; repugnat vero virtuti, & rebus cælestibus. Esto. Et tamen ab his omnibus abstinent homines mundani, ut uni soli passioni inserviant. Quæ non sustinet miles, ut gloriam asequatur mendacem? quæ non perfert mercator, ut ditescat? quæ non patitur luxuriosus, ut brutescat? lusor, ut victor evadat; & regnum cælorum, quod vim patitur, indisciri absque labore, & dolore contendis? O stultorum omnium stultissimus, si id credis!

IX. Innumera SS. Patrum testimonia, quæ dedi Tom. 9. lib. 2. diff. 3. c. 4. possem hoc transcribere; sed sufficit pauca ex Cardinali Bellarmino conc. 8. Dom. 4. *Adventus subjecere.* Multi hodie reperiuntur imperiti œconomii, qui nec munus, nec locum, nec gradum suum intelligunt.... Illi postremo se ministros & dispensatores non agnoscunt qui, quasi non essent Domino rationem reddituri, summa facilitate omnibus manum imponunt; & tam contritos, quam non contritos, tam plene & perfecte confitentes, quam peccata confusa quadam generalitate involventes, tam sa-

tisfacere paratos , quam non paratos quasi pro-
priæ potestate , & auctoritate ABSOLVUNT .
ISTI SUA IMPERITIA , & SUPERBIA COR-
RUMPUNT POPULOS , & EIS VERE PÆNI-
TENTIA VIAM PRÆCLUDUNT . Nec enim
eret hodie tanta facilitas peccandi , si non es-
set tanta facilitas absolvendi . Veniunt homines
onusti peccatis , & qui millies in eadem ceci-
derunt , & veniunt sepe sine ullo signo doloris
vel pridie , vel ipso die summae celebritatis ; &
statim absolvvi , & ad sanctorum mysteriorum
communionem accedere volunt . Et nos judices
inconsiderati , dispensatores infideles manum im-
ponimus , omnibus dicimus : Ego te absolvo :
Vade in pace . Sed ve nobis , cum Dominus
rationem ponet cum servis suis .

§. UNICUS.

Pauci peccatores habituati , vel recidivi facile
relabentes in pollutiones , in fornicationes , in
oscula , & tactus brevi temporis intervallo
convertuntur . Idque omnium Concionatorum
auctoritate confirmatur . MONITAM pro Mis-
sionariis .

I. C Hristianus per peccatum mortale Deo
terga vertit , foedus cum Christo in
Baptismate initum frangit , Christum ipsum
rursus ex parte sua crucifigit , æternam her-
editatem repudiat , & diaboli mancipium
evadit , ut spiritus mundi voluptatibus indulgeat , & veluti sus in luto libidinis , aut
avaritiae se revolvat . Omnes Patres , &
omnes Evangelistæ testantur brevi temporis
intervallo communiter non redintegrari foedus
inter similes peccatores & Deum . Sed
audiamus ipsum Tridentinum sess. 14. c. 2.
ubi hæc habet : Plenam & integrum peccato-
rum omnium remissionem consequentes (per Ba-
ptismum ;) ad quam tamen novitatem , & in-
tegritatem per sacramentum Pœnitentia sine ma-
gnis nostris fletibus , & laboribus , divina id ex-
igente justitia , pervenire nequaquam possumus ;
ut merito pœnitentia laboriosus quidam Baptis-
mus a sanctis Patribus dictus fuerit .

II. Qui sincera poenitentia , & vero do-
lore tacti sunt , ita odio prosequuntur sce-
lera , ut omnia quæ ad peccatum impel-
lunt , execrentur . Et quia concupiscentia ,
caro , & sensus ad peccata continenter ur-
gent ; ideo in proprium corpus fletibus ,
magnisque laboribus , ut Tridentinum ait ,
severe animadvertisunt . Quid prodest (inquit
S. Gregorius M. sive alius auctor lib. 6.
in 1. Reg. c. 2.) confiteri flagitia , si con-

fessionis vocem non sequitur afflictio pœnitentie ? Tunc namque bene conversum peccatorum
cernimus , cum digna afflictionis austeritate de-
lere nititur quod loquendo confiteatur . Unde &
Dominus arborem foliis decoram , sed fructuose
rilem maledixit , quia confessionis ornatum non
recipit sine fructu afflictionis .

III. Similia habent Chrysostomus , Basilius , Hieronymus , Augustinus , & ceteri Pa-
tres omnes . Cedo . An dum hæc Scriptu-
rarum , & Patrum testimonia serio medita-
ris , non te commotum sentis ? Mußitant ,
Doctores temporum resolvere casus temporum .
Edisserant nobis . Imago conversionis , &
justificationis depicta in Scripturis sanctis , &
in Patribus diversa toto caelo est ab ea
quam delineatam spectas in quorundam li-
bris . Quibus fides adhibenda ? Tu judex
esto .

IV. Omnes Concionatores ætatis nostræ
uno ore e suggestu clamant difficultiam
esse peccatoris consuetudinarii , habituati , &
recidivi , ut vulgo dicitur , conversionem . Ur-
gent hanc fieri non posse sine jejuniis , la-
crymis , laboribus , vigiliis , & laboriosis o-
peribus præviis . P. Claudius de la Colom-
biere Soc. Iesu Concionator servidus ser. 72.
adversus eos qui dumtaxat jejunia quadrage-
simalia violant , & Paschate confitentur ,
hæc scribit latine a me redditæ . Vos auditores
persuadere mihi contenditis pœnitentiam ver-
stram veram esse ? Adeo falsam ego illam exi-
stimo , ut vobiscum Redemptoris sauguinem pro-
fanare veterer , si vos absolverem , antequam
vos elapsi festis (N. B.) quadragesinta dierum
jejunis ad pœnitentiam disponerem , ut hoc ex-
perimento colligerem , num revera vos violate
Quadragesime pœnitentia .

V. Neque Rigorista plane , neque Janse-
nista est P. de la Colombiere . Hæc dum
auditores audiunt , impallescunt , lacryman-
tur , perterrefacti adeunt Confessarios quo-
rumdam Casuistarum libris & opinionibus
præventos , & manifestatis culpis , quæ pœ-
nitentia propter a pluribus annis eadem sunt ,
absolvuntur , & exsiccatis lacrymis , pulso-
que pavore lati se justos reputant . Sed
quia facta justificatio est , post paucos dies
in eadem relabuntur flagitia . Accedit
quod aliqui Confessarii , ut latabundos ,
& triumphabundos suos pœnitentes efficiant ,
dicere solent : Prædicatores oratione , figu-
rate , emphaticè declamant , exaggerant , am-
plificant .

VI. Hæc universo mundo comperta sunt ;
nempe Concionatores luculentissimis Scriptu-

rz sanctæ testimoniis evincere raram, & difficultissimam esse recidivantium, habituorum, & consuetudiniorum conversionem; ex altera parte consuetudinarios habitibus irrestitos ter quaterque in annum absolvit. Hæc, inquam, universo mundo explorata sunt. Quibus fides habenda? Unde, quæso, tanta Concionatōris inter & Confessarios diversitas? Unde? Ex librorum quos legunt varietate. Concionatores formant suas conciones ex Scripturis sanctis, & ex Patrum testimoniis; ideo veram conversionis pœnitentium ideam repræsentant. Confessarii contra, missis fere Scripturis sanctis, & Patribus, Summistas opinionum contrariarum plenos versant. Opiniones autem istæ ideo oppositæ, quia non ex limpido, & unico Scripturarum fonte, sed ex ingeniorum humorum diversitate prodeunt.

VII. Quid, si iidemmet apostolici ministri qui e suggestu optimam conversionis peccatorum ideam tradunt, ab eo ad Confessionale transeuntes aliam prorsus rationem inirent, & inveteratos peccatores concione, Deo adspirante, perterritos, nondum tamen ut oportet convertos, statim nullo facto discrimine absolverent? Quo fit ut peccatores hujusmodi, culparum horrorem, propter nimiam venie facilitatem, exuentes, statim ac timor incussus evanuit (quo solo compulsi, non illeisti divina caritate, culpas exacerbabant) ad pristinum vomitum redeunt quantocius, & fiunt novissima eorum pejora prioribus. Recogitate, Poenitentiæ ministri, unicam esse veritatem, quocumque in loco dicere oporteat, proximique rectæ theoriae consentire debere: hanc vere eam esse quam Christus, quam Apostoli, quam Patres, quam Ecclesiæ perennis traditio firmarunt. Nihil ergo de mundi favore solliciti, nihil de multorum concursu ad velstras Ecclesias, in animarum salutem Agni immaculati sanguine redemptarum tantummodo intendite.

VIII. Finem hnic capiti imponat doctissimus Guido de Seve &c. Episcopus Attrebatensis, qui in sua amplissima pastorali instruct. 3. hæc inter plurima alia scribit. i. Quot mercatores qui quavis arte lucrantur? Quot operarii iniquitatis inter eos qui debent administrare, vel curare administrari justitiam? Quot Sacerdotes in vita omnino otiosa? Religiosi, qui postquam se a saeculo separarunt, in viam mundi spatiostam redeunt? &c. Hi omnes incedunt ne per viam astiam? Numquid

incedunt per viam spatiostam, ac proinde per viam perditionis? Hi omnes.... Ecclesiæ præceptis de confessione, & communione annua satisfacunt. Nulla inter rim mutatio. Unde hoc? An quod practice convicti non sumus tenendam esse viam arham, ut veniatur ad cælum? An quod hec veritas salutis sterilis maneat in mente, nec ad cor usque transeat? An quod nec ad mentem forte ipsam pervenias? An quod excedet ipsa cupiditas? An quod versentur in ignorantia? An quod forte Directores, & Confessarii veritatem illam ignorent, & sine duces cœci, qui aliis ducatum prestant? An quod negligant pœnitentes suos de hac instruere, aut pœnitentes monita ipsorum contemnant? Quæ breviter est origo illius cœcitatæ, quæ tantum non eversum it FUNDAMENTUM CHRISTIANISMU, STABILITQUE SPECIEM QUAMDAM HERESIOS IN RE MORALI PERICULOSIorem (si dicere licet) Christianis quam quæ ad mentem spectat? Cum tam frequens sit in Ecclesia impugnari hujusmodi veritates practicas, quam est rarum (apud Catholicos) illic impugnari eas, quæ in sola hærent speculatione. Aliunde saeculum nostrum suppeditat exempla, de quibus non ingemiscere non possumus. Et omnes errores isti quibus MORALIS RESPERSA est, & e quibus aliqui in ipsa principia & legem naturæ impingunt, ex quo alio fonte scaturire poterant, nisi quod ignoraretur tum magnum illud principium de necessitate ingrediendi viam æratam, tum indispensabile præceptum quo teneatur Christianus naturæ suæ sensa, ac desideria oppugnare?

Porro cum ignorantia illa non aliunde natatur quam quod istiusmodi malorum dogmatum auctores, qui in caput suum Sedis apostolicae & plurimorum Episcoporum fulmina, & anathemata provocarunt, consulere pro suis decisionibus NON SOLEANT SACRAS LITTERAS, AUT S. S. PATRES, AUT CONCILIA, quæ apud ipsos tam raro citata invenies, quam illic frequenter videbis ingenies quorundam Theologorum ULTIME SAECULI CATervas &c.

IX. Plurima similia in eadem instructione habet doctissimus Episcopus, quæ brevitatis studio prætereo. Nisi veritates fidei sacra Scriptura, definitionibus Sedis apostolicae, & Conciliorum immobiles consisterent, actum de Religione esset. Idem prorsus eveniet veritatibus morum,

nisi ob oculos habeamus Scripturam sanctam, decreta pontificia, traditionem Patrum, & canones Conciliorum. Et æque heresis est negare veritates morum, ac veritates fidei. Aliunde versutus amor proprius, concupiscentia, & cupiditas impotens insidiantur morum, quam fidei veritatibus. Quoniam morum præcepta cruciant carnem, coercent sensus, afflidunt appetitiones, & ambitionis idolum, atque illecebras, voluptates, & omnia infantis mundi præfigia damnant, & exercentur. Quare facilius in morum quam in fidei regulis erratur. Convertimini ergo filii hominum ad Dei verbum, ad Patres, ad sacra Concilia: ista ante oculos versentur, ut discatis, quæ sit via æcta calcanda. His divinis Scripturis imbuti, & furnimorum Pontificum, S. S. Patrum, Conciliorum canonibus roborati, inoffenso pede legere autores morales poteritis, & distinguere verum a falso; & quæ vera sunt tenere, & quæ falsa quacumque tecta larva proflus rejicere.

C A P U T III.

Plures questiones de absolutione impertienda, vel differenda peccatoribus recidivis, & in occasione peccandi versantibus.

I. **D**E occasione peccandi aliqua supra dicta sunt, ubi propositum non peccandi exposui. Verum quia summi momenti est istius argumenti notitia, latius explicandum est: ideo enim Christiani a peccatis non abstinunt, quia dulcia peccandi illicia, & fomenta derelinquere recusant. Casuistæ plures finitiones arbitrarias sibi effingunt occasionis proximæ, propinquæ, propinquioris, proximæ per se, proximæ per accidens, occasionis probabilis, occasionis probabilioris: denique ratiocinantur de periculis, & occasionibus, sicuti de opinionibus probabilibus.

II. Sapientissimus Jesuita P. Michael de Elizalde falle deficat lib. 8. q. 15. §. 3. istorum cogitationes. Sunt enim (inquit) qui de periculis tamquam de opinionibus probabilibus imperitissime philosophantur, dicendo alia esse magis, alia minus, alia æque probabilia. Illa æque probabilia ajunt in quibus toties plus minusve peccatur, & toties non; illa pericula magis probabilia in quibus pluries, illa minus in quibus non toties, sepe ramen delinquitur.

Resolvunt tamen juxta viam opinionum probabilium, nullum horum discriminum nos tenet vitare: quia in eis omnibus oppositum quoque, id est me peccatum non esse, est probabile. Ergo grave fundamentum sequor, prudenterque periculum adeo.

Consecutio, & Logica optima est ex VIA PROBABILIA sed que una viam illam (paradisi) evertat, & INFERNUM IMPLEAT. Quis enim sibi plene constans fateatur, licet juveni domum illam adire in qua vel ipse, vel similes, vel instar sui adeuntes toties, vel etiam pluries labuntur, caduntque? Patet hoc dici non posse ex pr. i. esseque sorti, vel casu animam committere: quod scelus est. Ac postremo, ne in re absonta conterenda morem, hoc uno verbo est ad nullum periculum vitandum obligare, sed dumtaxat ad vitandam necessitatem peccandi: nam post ea probabilitia pericula sequitur necessitas; & quæ infra necessitatem existunt, ajunt esse utrimque probabilitia. At nulla probabilitia vitare teneor: ergo nulla pericula, sed solum necessitatem. Necessest autem periculum non est. Et de propria periculazione est contingens aliqua in oppositum, & nemo non fatuus ignem ad stuprum applicatum videntis dicit, periculum esse ne comburat; & ita in aliis necessariis. O HOMINES!

§. I.

Propositiones de occasione proxima ab Ecclesia damnatae.

I. **A**lexander VII. sequentem propositionem, quæ est 41. damnavit: Non est obligandus concubinarius ad ejiciendam concubinam, si hæc nimis utilis esset ad oblationem concubinarii, vulgo regalo; dum deficiente illa nimis ægre ageret vitam, & alia epule tedium magno concubinarium afficerent, & alia famula nimis difficile inveniretur. Ven. Innocentius XI. sequentes.

Poenitenti habenti consuetudinem peccandi contra legem Dei, nature, aut Ecclesia, et si emendationis spes nulla appareat, non est neganda, nec differenda. absolutio, dummodo ore proferat se dolere, & proponere emendationem. Est n. 60.

Potest aliquando absolvi qui in proxima occasione peccandi versatur, quam potest, & non vult omittere, quinimo directe, & ex propositione querit, aut ei se ingredit. Est 61.

Proxima occasio peccandi non est fugienda, quando causa aliqua utilis, aut honesta non fugiendi occurrit. Est 62.

Licetum est querere direkte occasionem proximam peccandi pro bono spirituali, vel temporali nostro, vel proximi. Est 63.

II. Ex recentis proscriptis opinionibus cum Evangelio Christi clamante Si oculus &c. præfæcie pugnantibus, collige cuius passilli sit Theologia illorum qui easdem pugnarunt. Et tamen illi ipsi eas docuerunt quorum libris Confessarii plurimi utuntur. Improbant utique damnatas theses; sed conjectaria quæ inde sequuntur venefica securè absorbent; immo ipsas proscriptas theses arbitrariis commentis aut elidunt, aut extenuant nonnulli Casuistæ. Ne hoc gratis asseri a me videatur, exemplum subjicio.

III. P. Viva in *Trut. in prop. 41. Alex. VII. n. 16.* hæc scribit. „ Dubitatur hic, an possit absolvi qui in occasione peccandi proxima versatus est, antequam illam tollat; præsertim si in alia confessione id promisit, & deinde non stetit promissis. Nonnulli cum *Con. disp. 8. de pænit. n. 123.* Fill. Azor. Sanch. putant, absolvit non posse extra calum necessitatis; immo Cardenas *diff. 40. cap. 5. art. 4. n. 108.* putat, id colligi ex *prop. 61. Innoc. XI. ubi damnatur, quod absolvi possit qui in proxima occasione peccandi versatur, quam potest & non vult omittere.* Et ratio videtur esse, quia qui ad sacramentum Pœnitentia accedit, antequam occasionem illam tollat, censetur eam nolle ejicare, atque adeo sine debito proposito efficaci non peccandi de cetero accedere; quandoquidem in hoc ipso quod occasio peccandi non tollatur, quando potest tolli, peccatur. Neque obstat quod dicat, habere propositum tollendi. Nam si solum proponit illam tollere de futuro, & non statim tollit, eo ipso vult de præsenti in ea occasione manere, atque adeo peccat; sicut qui appropinquante leone proponit fugere, & non statim fugit, censetur vel le in periculo mortis manere.

„ Communius tamen cum *Suar. dif. 32. sec. 3. Tabiena,* & alii censem, posse hujusmodi poenitentem absolvi semel ac iterum, si apparent hic & nunc vera signa doloris, & propositi efficacis tollendi statim occasionem proximam. Immo Corduba, Cajet. & alii putant, quod possit etiam tertia & quarta vice absolviri: esto sèpe expediat absolutionem differe, quousque proxima illa occasio tollatur. Debet tamen omnino absolvi, et iam ante separationem ab illa, tum si

, instet mortis periculum, tum si, dilata opportunitatem redeundi, aut ex alia causa non redditurus. Ratio cur videatur posse prima, & secunda vice absolviri, est, quia potuit poenitens aut immediate ante, aut audiendo concessionem, aut audiendo ipsius Confessarii admonitiones, excitari ad verum & efficax propositum non peccandi; in quo casu est sufficiens depositus. Sic passim absolvuntur poenitentes per hoc quod proponant restituere, quamvis ante confessionem non restituerint, prout poterant: quia ex admonitionibus Confessarii potest hic & nunc confusurere verum propositum restituendi, quod ante confessionem vel erat debile, vel putabatur sufficiens; esto per aliquod tempus opportunum restitutio esset diffrena: ergo hoc idem fieri potest in eo qui tenetur proximam occasionem tollere. Neque ex propositione illa 61. Innoc. XI. eritur, quod absolvi non possit. Nam qui proponit occasionem statim tollere, non potest dici, quod illam velit de præsenti; sicut nec dicitur velle periculum mortis qui appropinquante leone proponit fugere statim ac potest. Cautem tamen in hoc procedendum, eo quod passim hujusmodi propositum non est efficax in eo qui potuit antecedenter occasionem peccandi tollere, & nondum sustulit.“ IV. Ut auctor evincat, posse semel & iterum concubinari, de quo sermo est in thesi proscripta ab Alex. VII., absolvi, paritatem opponit debitorum, qui passim, inquit, absolvuntur per hoc quod proponant restituere, quamvis ante confessionem non restituerint, prout poterant. Passim sane, & utinam non passim, absolvuntur debitores, quamvis ante confessionem non restituerint, prout poterant, a Confessariis falsis doctrinis præventis. Numquid valide? Numquid non sacrilegio? Audiamus S. Francisci Xaverii Indianum Apostoli doctrinam relatam lib. 6. c. 17. a Tursellino. Confessionem continuo sequatur absolutio.... Si quid debent, restituant.... Similares, si quas habent, deponant, redant cum inimicis in gratiam, a libidinis consuetudine, & a ceteris flagitiis, quibus impliciti sunt, expediuntur. Hec omnia absolutio nem PRECVRANT. An non pluris facienda istius Orientis Apostoli doctrina hausta ex divinis Scripturis & Patribus, quam Leandri, Tamburini, Busembau, Escobarii, Dianæ, Bonacina, Viva & aliorum interpre-

pretamenta? Sed audiamus alium Italie nostræ Apostolum S. Carolum Borromæum, qui in concilio I. Mediolanensi hæc præscribit. *Caveant Confessarii ne ante debitam satisfactionem illos absolvant quibus, cum facultas adit aliena restituendi, vel legata que ad pias causas facta sunt, persolvendi, illisque, ut id facerent, superiori. . . . confessore præceptum fu, prestare tamen neglexerunt. Quid quod ipsa Scriptura sancta Job. 4. clamat: Quicunque tibi aliquid operatus fuerit, statim ei mercedem restitue?*

V. Doctrina P. Viva, ut mihi videtur, includitur in hac thesi damnata ab Innoc. XI. *Potest ALIQUANDO absolvii qui in proxima occasione peccandi versatur &c.* Hæc proscripta thesis non asserit absolvendum versantem in occasione proxima *totis quoties*, aut bis, terve, quaterve; sed aliquando. Ergo juxta decretum pontificum nunquam talis absolvendus est, nisi prius, cum possit, occasionem deserat. Et citatus auctor docet, hunc absolvii posse *prima & secunda vice*. Cur hoc? quia, inquit, *qui proponit occasionem statim collere, non potest dici quod illam velit de presenti.* Et quis inter Catholicos adeo insanivit, ut docerit absolvendum esse eum qui *de presenti* velit peccati occasionem? An damnatae thesis autores non requirebant propositum *de presenti* dimittendæ occasionis? *Cave tamen,* subdit P. Viva, *in hoc procedendum.* Hoc unum deerat quod ejusmodi peccatoribus incaute etiam, & indiscriminatim impertienda absolutione esset. Falsum est Doctorem eximium Suarez, & Cajetanum, quos in sui prædictum allegat auctor, docere hanc falsam doctrinam. P. Suarez ab hac laxa doctrina vindicavi Tom. 9. l. 2. disp. 3. c. 7. §. 3. n. 7. & seq. sicut & Cajetanum, ut omnibus compertum sit, me a partium studio immunem esse.

§. II.

False opiniones Leandri, Tamburini, Gobat, Spoter La-Croix, & aliorum refelluntur.

I. QUÆST. I. *An possit absolvii concubinarius, antequam expellat concubinam?* RESP. P. Leander tr. 5. disp. 7. q. 35. hæc scribit, „ Probabilius respondeo, posse licet, te semel ac iterum absolvii concubinarius, antequam ejicat concubinam, dummodo denuo proponat Confessario firmiter illam e domo ejicere... Ratio est, quia ex secunda, immo ex tertia, aut quarta pro-

„ missione facta de ejicienda concubina, aut „ alia occasione proxima non sumitur iudicium „ cium grave de defectu dispositionis penitentis. Ego licete potest absolviri. “ Expende, lector, rationem quam promit hic benignissimus Probabilista; & inde collige indolem recentis Theologie benignæ. Ex hoc auctore suam transcriptis sententiam P. Viva, non advertens hunc auctorem scripsisse ante damnatas theses.

II. QUÆST. II. *An possit absolvii concubinarius, non ejcta e domo concubina, quod nequeat, absque magno detimento sue vita, bonis vel pecunia?* RESP. P. Leander q. 36. „ Probabilius respondeo, posse absolviri, immo & debere toties quoties vere posse nituerit, & non solum quando adest alibi qua emendatio, verum etiam quando nullus apparat prospectus; dummodo ut diximus, talis concubinarius dolorem habeat de peccatis, & verum propositum de illis cavendis in futurum &c. . . . Probabilis nostra responsio; quia adhuc post experientiam illam nullius profectus potest stare dolor verus, & propositum requisitum absque voluntate auferendi illam occasionem cum tanto detimento. Ergo potest absolvii penitentis. . . . Sic Vivaldus, Sanctius, Diana, & novissime & doctissime (ut solet) De Lugo disp. 14. num. 152. & 156. Hurtado, Candidus, Bonacina, Sa, Layman, Baunius &c. Vides, quomodo hi Probabilistæ conciliant cum retentione occasionis propositum emendationis? Vides, quomodo eam propugnant doctissime primores Probabilistæ? Sed damnata est, & antievangelica.

III. QUÆST. III. *An possit absolvii concubinarius, non ejcta e domo concubina, eo quod famam amitteret, si concubinam expelleret?* RESP. P. Leander q. 38. „ Probabilius respondeo, posse absolvii ipsum, immo & ipsam, si eadem nota infamiae incurritur, aut absque gravi damno, aut scandalo eam ejicere non posset. . . . Sic Sanctius, Lugo, Bonacina, Candidus. “ Hæc opinio filia est præcedentis, & ab Ecclesia damnata.

IV. QUÆST. IV. *An possit absolvii, non ejcta concubina, concubinarius qui dictæ semine dedic munus v. g. centum aureos, & credit se illos esse amissorum, si domo illam expellat?* RESP. P. Leander q. 39. „ Probabilius Respondeo, posse absolvii ipsum, sicut & ipsam feminam, casu quo non recuperaturus esset centum aureos sibi „ de-

„ debitos , si illam e domo ejiceret , dum-
„ modo proponat amplius non peccare .
„ Quia nemo tenetur vitare occasionem pro-
„ ximam cum magno suo detrimento et
„ iam temporali . Sic Sanctius , Lugo , Bo-
„ nacina . “ Evangelium Christi clamat :
Quid prodest homini , si mundum universum lu-
cetur , anime vero sue detrimentum patiatur ?
Et juniores Casuistæ citati ad evitandam ja-
sturam centum aureorum non dimittendam
concubinam defendant .

V. QUÆST. v. *An possit absolvi pænitens*
qui adhuc post repetitam monitionem modo cum
una , modo cum altera fornicatur ? RESP. P.
Leander q. 44. „ Respondeo , posse toties
quoties ad confessionem cum dolore , &
proposito non peccandi accedat , dummo-
do nullam feminam alibi retineat , aut
alat . Sic Bonacina , Sa , Lublinus , Trul-
lenchus . “ Concubinarius propriis expen-
sis alere domi , vel alibi concubinam astrin-
gitur , & cum eadem sola peccat . Hic au-
tem peccator absque tot incommodis potest
modo cum una , modo cum altera coire ,
id est multiplicare scandalum , plures seduce-
re feminas ; & nihilominus toties quoties
accedit ad confessionem cum dolore absolvendus
erit . Dolor iste chimericus est . Hæc
doctrina in proscriptis thesibus continetur ,
& ab omnibus improbanda est .

VI. QUÆST. vi. *An possit absolvi Confes-
farius qui ex devotione excipit Confessiones , in*
quibus audiendis crebro voluntarie polluitur ?
RESP. P. Leander q. 46. „ adfirmat Jose-
phus ab Horto in specul. Paroch. cap. 10.
& Castropalao apud Dianam , docentes ,
posse talēm Confessarium absolvī , dum-
modo cum dolore , & proposito non pec-
candi accedat . “ Hæc opinio falsa , la-
ixa , & scandali plena est . Adjectio doloris ,
& propositi mera est chimera , sicut & alia
devotio excipiendi confessiones , in quibus
voluntarie , & quidem crebro , polluitur
Confessarius iste .

VII. QUÆST. vii. *An possit absolvi me-
dicus , vel chirurgus qui in medendis feminis*
sæpe peccant , si propositum cessandi a curatio-
ne non habeant ? RESP. P. Leander q. 48.
Probabilius respondeo , posse absolvī , quan-
tumvis nequeant suum deferere officium ,
dummodo poeniteant , & proponant am-
plius non consentire . Patet ex dictis . “ Ex
dictis scilicet patet falsitas & laxitas hu-
hujuscemodi benefici antecedentis . Aut emenda-
re se , aut relinquere artes suas debent me-
dici , chirurgi ; & idem esset de advocatis ,

judicibus , ceterisque , quando professiones
propriæ essent illis occasio proxima peccandi .

VIII. QUÆST. viii. *An possit absolvi hos-
pita sine proposito non recipiendi hospitem quo-
cum pluries peccavit , quando absque magno*
scandalu , aut detrimento non possit eum hospi-
tio suo prohibere ? RESP. P. Leander q. 55.
Probabilius respondeo , posse absolvī , dum-
modo promittat ac proponat nunquam se
solam cum eo solo in aliquo cubiculo se-
parato versaturam , & se præteriti ex ani-
mo poenitere , etiamsi confessa fuisset ,
proposuisseque nunquam se amplius cum
eo peccaturam . Sic Navar. & alii DD.
quibus addit Stephanum Baunum sic di-
centem : *Sequitur ex dictis , absolvi posse*
feminam que domi sue virum excipit , cum
quo sepe peccat , si eum honeste inde non
potes ejicare ; aut causam habet eum reti-
nendi , dummodo firmiter proponat cum eo
amplius non peccaturam .

IX. Plura alia similia inaudita commen-
ta prætero , nihilque in rescripta repono ;
sed eadem lectorum judicio submitto , nihil
dubitans quin omnes qui eadem lecturi sunt ,
debeant eadem improbare & detestari .

X. QUÆST. ix. *Absolvendi ne sunt bistro-
nes , mime , cantatrices , & saltatrices conve-
de ?* RESP. Nisi prius artem suam relin-
quant , quæ spectatis omnibus , re ipsa vi-
tiosa est , & mala , non sunt absolvendi .
Patres Ecclesiæ , & Concilia omnium sa-
culorum theatrales repræsentationes detesta-
ti sunt tanquam paganæ superstitionis ini-
quas reliquias . Blaterant nonnulli , antiquos
Patres damnasse theatra , quia erant
turpissima , & superstitione inquinata . Ibi
nunquam Patres legerunt . Patres damnant ,
quod virti induant vestem muliebrem , ut-
pote a Deo vetitum : damnant musicam
meretriciam , & cantum fornicatorium : da-
mnant congressum virorum , & mulie-
rum , videri , & videre . Hæc omnia ho-
die fiunt . Immo theatra nostra turpio-
ra plerumque sunt illis quæ tempore Pa-
trum repræsentabantur : nam tunc mulie-
res mimas non agebant , sicut ætate no-
stra ; si excipias theatra *Dea Flore* , &
Mabiuma , quibus nec honesti pagani assi-
stebant .

XI. Opponere quosdam non pudet S. Tho-
mas auctoritatem . Alibi ex instituto luce
meridianâ clarissim evici oppositores istos su-
pina laborate ignorantia . In 4. dist. 10. q.
4. a. 2. q. 2. inquit , quod spectacula si sint
veram turpium , & ad peccatum provocantium ,
studio-

Studioſa eorum iſpectio peccatum eſt, & quan-
doque in eiſ tanta potest libido adhiberi, ut ſit
etiam mortale. Unde a tali iſpectione omnes
ſe arcere debent. Omnes ergo juxta S. Thomam ſe arcere debent. Quandoque ergo, non
ſemper, eſt mortale. Inepiſſima oppoſitio.
Utiqe quis turpia ſpectare quandoque po-
eft quin mortaliter delectetur. Verum ſi
frequenter id egerit, mortaliter peccabit,
quod ſe periculo exponat peccandi mortaliter.
Ceterum, ut ignorantia objicientium
evidentijs pateat, quæ ſubdit Angelicus. 2.
2. qu. 168. a. 3. ad 3. adducenda in medium
funt. Quamvis ſpectantes turpia nullam ex-
perirentur delectationem, peccant peccatum
cooperationis. Hæc enim ibidem S. Thomas adjicit. Si quis autem ſuperflua in tales
conſumunt, vel etiam iſtantant (N. B.) il-
los hiftiones, qui illicitiſ ludis utuntur, pec-
cant, quaſi eos in peccato foventes. Unde Au-
gustinus dicit ſuper Joannem (tract. 100.) quod
donare res suas hiftionibus vitium eſt immane.
Omnes frequentantes theatra, quamvis a li-
bidine eſſent immunes, peccant mortaliter,
quia fovent in peccato mortali hiftiones eis
mercedem ſolvendo. Tempore S. Thomæ erant
hiftiones, ſeu joculatores, vulgo Sal-
timbanchi, qui ludoſ licitos exercebant. Iſto-
rūm artem non eſſe ſecundum ſe illicitam,
ait loc. cit. quod verum habet, ſi ludi ſint
liciti, ut tempore S. Thomæ erant. Quod
evidenti demonstratione evinco. S. Thomas
loc. cit. qu. 169. a. 2. ad 3. hæc docet. De
ſe vitiosum eſt quod mulier utatur ueste virili,
aut e converso, & precipue quia hoc poterit eſ-
ſe cauſa laſcivie, & ſpecialiter prohibetur in
tege. Ergo dum quæſiſione præcedenti ar. 3.
ad 3. dicit Angelicus quod officium hiftionum
non eſt ſecundum ſe illicitorum, non lo-
quitur de hiftionibus quorum unus induit
vestem virilem, & alter uestem muliebrem
ut fit ætate noſtra. Hoc enim de ſe vitio-
rum eſt, inquit S. Thomas. Ergo luce me-
ridiana clarius eſt S. Thomam improbare ut
vitiosa theatra noſtri temporis in quibus
aut evirati homines muliebrem uestem in-
duunt, aut ipſæ mulieres expudoratae in ſee-
nam prodeant; quod nemo negaverit grave
eſſe peccatum.

XII. QUÆST. X. An liceat adire occaſionem in qua probabile eſt te lapsurum? RESP. Respondeſ P. Georgius Gobat tr. 7. cas. 16. n. 525. pag. 595. „ Quando enim eſt dum-
 , taxat ſolum probabile te ſuccubituru-
 , tentationi, certe etiam probabile eſt te
 , non ſuccubituru. Atqui ſicut in pluri-

, bus aliis materiis fas tibi eſt ex utralibet
 , ſententiarum ſpeculative probabilium de-
 , ducere conclusionem TIBI GRATAM; ita
 , licebit hic argumentari. Occurrunt mili-
 , graves tentationes, ob quas vir prudens
 , ſapienter judicare potest me lapsurum in
 , novum crimen mortale, ſi acceſſero hanc
 , domum. Vice versa ſunt alia rationes
 , etiam graves, ob quas alius æque pru-
 , dens pronuntiaret me non lapsurum. Er-
 , go poſſum ſine nota temeritatis, & impru-
 , dentie me committere illi occaſioni, certo
 , non commiſſurus, ſi liquido ſcirem me
 , in illa admiſſum iſtud grave peccatum.
 , Adeoque fas eſt per ſe loquendo commit-
 , tere ſe periculo probabili peccandi mor-
 , taliter. „

XIII. Hoc principio probabilistico poſi-
 to, confeſtaria tanto principio digna elicit
 P. Gobat ibidem num. 530. pag. 596. „ Si
 , concubinarius nequeat dimittere ſuam con-
 , cubinam ſine jactura centum aureorum,
 , ſeu ducatorum, poterit Confessorius pro re
 , nata amplecti ſententiam Joannis Sanchez,
 , vel Oviedi paulo ante relata. „ Aliud
 confeſtarium deducit P. Gobat non mi-
 nus deteſtandum ibidem num. 532. Audi.
 „ Si ipſa eſt ita effrons, ut dimiſſa propa-
 , latura ſit concubinatum occulatum, reti-
 , nere eam volenti parrocinabuntur pleri-
 que ex citatis; ſed utique muniendus erit
 , peculiaribus propositis, & alii mediis:
 „ ſicut patrocinantur, ſi ipſa ſit ejus ancil-
 , la, & nequeat aliam adipisci abſque pari
 , periculo; cum tamen haud poſſit ullo mo-
 , do carere ancilla omni. „

XIV. QUÆST. XI. Quid dicendum de op-
 niōne quæ defendit non eſſe denegandam abſu-
 lutionem plebeis juvenibus exutis in eodem le-
 cto cum puellis cubantibus, & noleñibus pro-
 ponere ſeparationem? RESP. Hæc P. Geor-
 gius Gobat tr. 5. c. 32. n. 19. & 20. pag.
 552. & seq. ſcribit. „ Quæres forte, an
 , actiones quas diximus ſufficere ad violen-
 , tam præumptionem adulterii, ſufficient
 , ad violentam præumptionem fornicationis;
 , ſi videlicet verſentur circa perſonas omnino
 , ſolutas? Respondeo absolute non ſufficere
 , omnes, & ſingulas, eo quod conſtet val-
 , de ſæpe inter ſolutas exerceri ejusmodi
 , actiones nonnullas ea ſolum intentione
 , ut aliquam diſpoſitionem ad ſponsalia fa-
 , ciant. Liquido ſcio crebro fieri, præfer-
 , tim inter plebejos & ruficanos, ut eo-
 , dem in lecto aliquot horas induit, & ex-
 , uti cubent, & tamen nil omnino impa-
 „ die

„ dicum agant, vel non nisi oscula, & turpes attrectationes exerceant.

„ UNDE judico, non posse a Confessario „ negari absolutionem omnibus illis puellis „ plebeis (alind ob varias considerationes „ sentio de nobilibus) quæ non videntur „ habere propositum nunquam admittendi „ in lectum procum suum. Sed si qua, ut „ quandoque sit, afferat illum sexies, vel „ octies secum in eodem lecto jacuisse, ve- „ rum nihil mali petiisse, aut fecisse; ab- „ solvendam videri, esto non proponat „ non amplius admittere. Ratio est, quia „ Confessarius non debet absolutionem ne- „ gare pœnitenti ea solum de causa, quod „ hic nolit deserere occasiones remotas pec- „ candi, nec enim tenetur eas vitare pœ- „ nitens. . , Hæc sine horrore audiri ne- „ queunt.

XV. QUÆST. XII. Utrum absolvî possit per-
sistens in occasione propria mortaliter peccan-
di, quia sine gravi incommodo corporis, fa-
mæ, vel fortunarum eam tollere non potest?
RESP. P. Layman lib. 5. tr. 6. c. 4. num. 9.
hæc docet., Excipe, nisi propinquum peri-
culum, seu occasio mortaliter peccandi,
sine gravi incommodo corporis, famæ, vel
fortunarum tolli non possit: tunc consi-
lium quidem est minorem illam jacturam
majori bono securitatis animæ posthabe-
re, sed non præceptum. Quare absolven-
di sunt qui officio: negotiatione, domo,
in qua peccandi periculum propinque im-
minet, discedere nolunt, quia sine maxi-
ma difficultate non possunt, interim pa-
rati adhibere peccatorum remedia, præ-
fertim ea quæ a Confessario ipsis præscri-
buntur, ut docent Sa, Henriquez &c.
Ratio est, quia occasio peccandi in se pe-
catum non est, neque necessitatem infert, aut
animi libertatem auferit: quare cum ea con-
sistere potest peccatorum detestatio, & abso-
lutum propositum adhibendi operam, & co-
natum ut impostorum peccata vitentur, quam-
vis interim adjunctus sit timor, aut exi-
stimatio voluntatem aliquando immuta-
tum iri, ut supra dixi. Deinde sic ratio-
cinor. Vel præceptum declinandi occa-
siones peccati affirmativum est; & tunc
manifesto liquet non obligare in tali ne-
cessitate. Vel si contendas, negativum es-
se præceptum non adeundi periculum,
aut in eo non persistendi; tum respondeo,
intelligendum esse præceptum, ne quis ul-
tro, ac voluntarie in peccandi periculum
se conjiciat, aut in eo persistat. „

XVI. Hic est totus Probabilismi succus, qui, ut vidimus, per universam Theologiam serpit. Nec minus fallitur, nisi fallor ego, illustrator P. Layman posterioris editionis inquiens, doctrinam Layman non contineri in thesi damnata, quia auctor requirit non quacumque, sed gravem causam non de-
serendi occasionem. Omnia paradoxa exco-
gitanda sunt, ne concedatur Catuistam er-
rasse. Hæc omnia recidunt. Et quis, velex
ipsis damnatarum thesum auctoribus, non
requirit grave incommode, ut occasio li-
cite retineatur? An lascivi, feneratores,
debitores morosi, amasi & amasæ, sine dif-
ficultate valde gravi derelinquere occasionem
valent?

XVII. QUÆST. XIII. Quid dicendum circa
absolutionem recidivorum? RESP. P. Layman
lib. 5. tr. 6. cap. 4. n. 2. hæc scribit. „ Qui
„ est recidivus, si afferat aliquid signum emen-
„ dationis, est SEMPER absolvendus. Signa
„ autem sunt vel. RARIUS peccare, vel ali-
„ quis major dolor, ex vero animo conce-
„ ptus, vel IPSUM SPONTE CONFITERI, in
„ his qui non urgentur præceptore, patre,
„ vel paedagogo, consuetudine congregato-
„ rum ad confitendum &c. Tunc enim ba-
„ betur signum emendationis; fecus non item. „
Placet quod docet Layman, inquit Tamburi-
nus; & idem dicunt La-Croix, & Viva.
Mirum esset, si doctrina benigna, mihi tam-
amen falsa, non placeret Tamburino, & aliis
Probabilistis.

XVIII. Spontanea, & libera confessio est
signum in recidiis ita certum emendationis,
ut debeant semper absolvî? Et re ipsa
absolvuntur amasi, & amasæ semper con-
versantes simul, convivantes, sese procantes,
osculantes, tangentes, & mœchantes.
Sponte enim isti absque paedagogo, vel præ-
ceptore accedunt ad Patrem spiritualem, &
absolvuntur. Aliud emendationis signum est,
si rarius peccent. Quod isti pœnitentes sere
semper sint diaboli mancipia, & inimici
Dei, dummodo rarius Christum crucifigant,
rarius multiplicant offensas divinæ Majesta-
tis, absolvendi sunt. Conferte letores hanc
doctrinam cum doctrina Christi, voce Evan-
gelistarum, & Pauli promulgata, qua de-
claratur veram pœnitentium conversionem
esse stabilem, firmam, immobilem, & raro re-
labentem; & ipsi judices sedete, num re-
scripta doctrina sit falsa, & antievangelica
nec ne. Ego enim proferte sententiam no-
lo. Sed venustiora audiamus.

XIX. QUÆST. XIV. Quid dicendum de se-
quençie

quenti P. La-Creix *opinione?* RESP. P. Claudio La-Croix Lib. 6. p. 2. n. 1729. inquit: „Frequentem relapsum esse signum, quod defuerit dolor, aut propositum, tenent „Jansenistæ, & Rigoristæ plurimi cum Op- „straedt in Pastore bono; sed certum est id „non esse universaliter verum. „

XX. Quod aliquis casus rarus, & specialis excipiendus a præfata regula sit, nemo sanæ mentis inficiatur. Ceterum quod frequens relapsus sit communiter signum quod defuit dolor cum proposito, soli Laxiste negare possunt. Jansenistæ, & Rigoristæ Evangelistæ, & Paulus Apostolus, qui stabilem requirunt conversionem? Sub hac larva Rigoristi Laxismus usquequaque grastatur. Vel ipsæ veritates evangelicæ luculentissimæ tetra Jan-senismi, & Rigorismi censura a quibusdam Probabilistæ notantur. Et hæc est ætatis nostræ funestissima calamitas.

XXI. Opponit P. La-Croix ibidem. „Non „est major obligatio vitandi peccata anti- „qua quam nova: ad omnia enim debet „se æqualiter extendere propositum: im- „mo facilius est vitare nova quam anti- „qua, quia consuetudo & habitus virtiosi „magis impellunt ad antiqua. Sed ex eo „quod quis affterat NOVA, nemo prudenter „judicat, quod defuerit dolor, vel propositum „in priori confessione: ergo neque ex eo quod „affterat antiqua. „

XXII. Nemo prudenter judicat? Quinam sunt qui prudenter non judicant defuisse dolorem, vel propositum in his qui affterant nova peccata? Non plane qui Evangelium audiunt, & christianæ pœnitentiæ veram ideam efformarunt. Sed hoc modo prætermisso, quæro. Donum justificationis, gratia triumphans Jesu Christi infusa pœnitenti revera converso, nonne vires præbet, & fortitudinem ad evitanda omnia peccata mortalia sive nova, sive antiqua? Quænam, quæfo, idea formatur de Christi gratia sanante, vivificante, & sanctificante? Profecto gratia Christi efficax atque triumphans natura sua vires præbet ad vitanda sive antiqua, sive nova peccata. Ergo frequens relapsus (de-hoc enim nunc sermo est) sive in antiqua, sive in nova peccata, argumentum est quod sincerus dolor, & confians, stabileque propositum defuerit. Cedo. Christi gratia dat vires ad vitanda omnia peccata, & implenda omnia præcepta, an securus? Si primum concedis; ergo recensita doctrina tua falsa est. Utique, ut dixi, quilibet justus ex imbecillitate, ex urgente,

& inopinata occasione pressus, potest interdum post veram confessionem, & justificationem relabi vel in antiqua, vel in nova peccata. Sed nunc loquimur de frequenti relapsu. Porro afferere, quod nemo prudenter dubitat defuisse dolorem, & propositum, dum videt frequentes relapsus sive in nova, sive in antiqua peccata mortalia, falsitas est apertissima. Immo omnes doctrina evangelica imbuti non modo dubitant, sed prudentissime judicant frequentes hos recidivos sacrilegia patrare. Quoniam si vere justificati essent, gratia Christi, caritas, & cetera dona caelestia suos parerent fructus, vulnera sanarent, infirmitatem & imbecillitatem robarent. Si duo inimici post semel & iterum redintegratum reconciliationis foedus frequenter relaberentur in inimicitias, & mortem vicissim sibi intentarent, vel unus alteri, dices ne sinceram, & veram suisse reconciliationem? Et audes dicere sinceram cum Deo amicitiam inire peccatores illos qui fidem Deo datam frequenter infringunt, qui Deo terga vertunt, & cum inimico dialolo foedus contrahunt?

XXIII. QUEST. xv. Quid sentiendum sit de doctrina tradita in Dissertatione theologica: De danda, vel differenda absolutione recidivo: typis edita hoc anno 1754.? RESP. In hac dissertatione primo loco notio recidivi perhibetur ex communi casuistarum placito. Inquit enim auctor pag. 8. „Quare tria re- „quiruntur ad constituendum recidivum in „hac acceptione theologica. I. Frequens „relapsus post plures confessiones. II. De- „inde relapsus in eadem specie peccata. „III. Defectus omnis etiam inchoate emen- „dationis. Et primo quidem requiritur fre- „quens relapsus post plures confessiones. in- „quit Platelius . . . Requiritur deinde re- „lapsus in eadem specie peccata, quæ ante- „pœnitentis confessus fuerat, nec sufficit re- „lapsus in nova, ac diversa peccata. Pag. 9. „Quare ad recidivum proprie talem, quan- „do inquirunt Theologi, utrum danda „nec ne sit absolutio, requiritur relapsus „in eadem specie peccata.

Pag. 10. „Postremo requiritur defectus „omnis etiam inchoata emendationis. Nam „ex tali defectu dubitant Theologi utrum „recidivus absolvendus sit, nec ne &c.

„Ceterum si recidivus CONATUM AL- „QUEM adhibuerit ad emendationem, si „peccatorum numerum imminuerit, tum ra- „tionabile adesse fundamentum putant com- „muniter Theologi de eo quod ille sit hic „& nunc

, & nunc rite dispositus , & capax absolu-
tionis . ”

XXIV. Quinam sunt Theologi isti qui dubitant , utrum absolvendus sit recidivus qui nullum etiam inchoatoe emendationis signum perhibet ? Sunt plures Casuistæ mollioris Ethics propugnatores . En quos citat auctor dissertationis in sui patrocinium . Layman , De Lugo , Sanchez , Platelius , Gobat , La-Croix , Felix Potesas , Alphonsus Maurique , Navarrus , Azorius , Toletus , Lopez , aliqui quamplures , inquit pag . 11. , qui bene callebant Scripturas , & Patres .

XXV. Platelius damnatam de peccato philosophico doctrinam apertissime propugnat . Layman , Sanchez , Gobat plus minusve opiniones damnatas , & laxas defendunt plurimas . P. Potesas , & Manrique duo sunt Casuistæ laxioris Ethics . Lopez , Azorius , & alii , qui indicantur , sunt Probabilistæ recentiores benignioris disciplinae fautores .

XXVI. Videamus nunc , num recensiti Probabilistæ bene calluerint Scripturas , & Patres . Isti auctores primo dubitant , inquit auctor dissertationis , num absolvendi sint recidivi , seu frequenter relabentes in eadem peccata post plures confessiones , qui nullum neque inchoatoe emendationis signum afferunt . Porro si dubitant , juxta principia Probabilismi , non tutior , sed benignior pars eligenda erit ; atque adeo absolvendi qui nullum omnino neque inchoatoe emendationis argumentum exhibent . At communis Christianorum sensus perhorrescit tale commentum , nempe quod absolvendi sint recidivi qui nullum emendationis signum perhibent .

XXVII. Sed ad id quod caput est , accedamus . Si recidivus conatum aliquem adhibuerit ad emendationem , si peccatorum numerum imminuerit , tunc rationabile adesse fundamentum putant communiter Theologi de eo quod ille sit bic & nunc rite dispositus , & capax absolutionis . Et isti Theologi Probabilistæ bene callebant Scripturas , & Patres . Non modo auctores isti non bene callebant Scripturas , & Patres , sed in hoc argumen-
to tum Scripturas , tum Patres penitus ignorabant . Evinco . Præfati auctores ad veram recidivi emendationem requirunt dumtaxat aliquem conatum , aliquam industriam inchoatoe emendationis . Contra Scripturæ sanctæ , & Patres omnes non aliquem , sed omnino totum conatum , totam industriam postulant ad emendationem non inchoatam , sed integrum assequendam . Ergo præfati auctores prolsus

ignorabant cum Scripturas sanctas , tum Patres . Ostendo secundam propositionem .

XXVIII. Scripturæ sanctæ passim clamant Deut . 4. Cum quæseris Dominum . . . invenies eum , si tamen TOTO corde quæseris eum , & TOTA tribulatione anima tua . Rursus c . 30. Cum ergo . . . obedieris ejus imperiis . . . in TOTO corde tuo , & in TOTA anima tua , reducet te &c. Iterum 3. Reg. cap. 8. Si reversti fuerint ad te in UNIVERSO corde suo , & in TOTA anima sua . . . exaudies in celo . Tandem Joel . c. 2. Convertimini ad me in TOTO corde vestro , in jejunio , & in fletu &c. Denique quid frequenter in universa Scriptura sancta quam hoc oraculum : Dileges Dominum Deum tuum ex TOTO corde tuo , & in TOTA anima tua , & in Tota mente tua ? Matth. 22. & ex Tota fortitudine tua : Deut. 6. Et omnes Prophetæ divini de conversione peccatorum loquentes ajunt . Rugiemus quasi ursi omnes , & quasi columbae meditantes gemimus : Isaiae 59. Dole & fatale filia Sion quasi parturiens : Mich. 4. Quis tam cæcus est ut in his Scripturis sanctis non videat , intelligatque omnem conatum , omnem industriam , omnem fortitudinem , omnem nisum , omnesque vires adhibendas a peccatore esse ut sincere in Deum a via iniquitatis convertatur ; atque adeo colligere hinc Confessarius valeat conversionis recidivorum solidum indicium ? Ergo doctrina recentiorum Probabilistarum , qui non totum , sed aliquem conatum dumtaxat in peccatore recidivo exigunt , ut emendatus & dignus absolutione appareat , hostiliter cum Scripturis sanctis pugnat .

XXIX. Accedit justificationem peccatorum stabilem appellari in Scripturis sanctis . Quæ enim secundum Deum tristitia est , pœnitentiam in salutem STABILEM operatus : 2. Cor. c. 7. Eamdem doctrinam repetit S. Paulus 1. Cor. c. 15. Itaque fratres mei dilecti , STABILES esote , & IMMOBILES . Rursus ad Coloss. c. 1. Si tamen permanetis in fide fundati , & STABILES , & IMMOBILES . Respondet auctor citatæ dissertationis pag . 25. „ Valde miror recentiorem hunc redarguentem „ hac in re plus æquo sollicitum esse de „ libertate indifferentiæ , cum ipse docuerit „ justificationem christianam infusam per sacra- „ mentum Pœnitentia esse firmam , constantem , „ ac stabilem , adeoque communiter non contin- „ gere ut vere justificatus relabatur , & si id „ contingat , illum statim inter gemitus , & pœ- „ nitentias resurgere : quod profecto utrum , „ & quatenus cohæreat cum Scripturis , cum „ Tridentino , & cum ipsa libertate indif- „ ferent .

, ferentia, judicium sit penes alios. Certe calvinianus error de firmitate, & inadmissibilitate justificationis omnibus illis aduersatur. "

XXX. Calviniana ne S. Pauli doctrina. quæ declarat justificationem stabilem, immobilem, firmamque esse? Quid quod ego in libro inscripto: *Instructio Confessorum &c.* hæc pag. 155. præmis. *Quamquam justificatio christiana natura sua stabilis, firma, & immobilem sit, non est tamen inadmissibilis, ut contendunt Calvinistæ, sed singulis momentis perdi valit, spectata humana libertate.* Est quoque verum post innumeros relapsus, & enormia sceleris posse peccatorem cum Deo reconciliari; & Ecclesia oppositum Novatorum errorum damnavit. Quam doctrinam repeto pag. 183. citata a dissertatore laudato. Sed expendamus cetera scripta dissertationis verba. Quid non cohæret cum Scripturis, cum Tridentino, & cum humana libertate? Quod justificatio impiæ sit firma, stabilis, & immobiles? At hoc apertissime testatur S. Paulus. Quid ergo cum Scripturis, Tridentino, & humana libertate non cohæret? Forfitan quod vere justificati communiter non relabuntur in peccata? Cohæret ergo cum Scripturis, Tridentino, & humana libertate, quod vere justificati communiter relabantur in flagitia, & quidem frequenter. Alterum admittamus oportet. Quid denique non cohæret cum Scripturis, Tridentino, & humana libertate? Quod vere justificati, si relabantur in peccatum, statim inter lacrymas & pœnitentias resurgant, ut fecit S. Petrus, & innumeris aliis. Cohæret ergo cum Scripturis, Tridentino, & humana libertate ut justi relapsi in peccatum, diu longoque tempore in vitiorum sentina jaceant, & revolvantur? Aut subscrivendum est doctrinæ quam ex Scripturis, & Patribus haustam tradi; aut deneganda ejusmodi absurdum sunt, quæ cum Religione pugnant.

XXXI. Expendamus aliud caput. Si peccatorum (inquit pag. 10.) numerum inimicuerit, recidivus est rite dispositus, & capax absolutionis, ut communiter Theologi, nempe Layman, Sanchez, Platelius, Gobat, La-Croix, & alii ejusmodi docent. Recidivus in priori confessione patravit viginti fornicationes, in hac confessione quindecim, in altera confessione decem, in altera sex, in altera sexdecim. Hæc flagitorum diminutio, & variatio juxta recentes Casuistæ signum est recidivum esse rite dispositum. Heinc Christiani in continuo flagitorum cir-

culo vitam miserrime ducant. Hac librorum Probabilistarum lectione pœnitenti Confessarii absolvunt recidivos. Recidivi, ut absolutionem asequantur, imminuere, & variare numerum peccatorum student & aliquem conatum adhibent; at commuuiiter in hac scelerum vicissitudine voluntur, ut suæ experientia patefacit.

XXXII. Tertium caput sub examen veniat. Requiritur deinde (inquit Dissertator pag. 8.) relapsus in eadem specie peccata que antea pœnitens confessus fuerat; nec suffici relapsus in nova ac diversa peccata. . . . Accedit ex novis, ac diversis peccatis non resultare in Confessorio judicium prudens de eo quod pœnitenti defuerit verus dolor, ac propositum in priore confessione, ut bene advertit La-Croix. Ergo juxta hanc doctrinam dolor, & propositum ad sacramentum Pœnitentiæ necessarium, non excludit omnia peccata mortalia. Aut si omnia peccata mortalia detestatur, & excludit, æque recidivus est qui in unum, ac qui in alterum peccatum mortale relabitur. Quo te recipis? Theologi docent, recidivum tantum esse qui in eadem specie peccata relabitur. Quinam hi Theologi? Casuistarum laxioris Ethics manipulus. Hæc doctrina nova est, Scripturis, & Patribus adversa. Heinc inferunt Casuistæ citati, Christianos relabentes in peccata specie diversa esse absolvendos, quia non sunt recidivi. Confitetur pœnitens in hac confessione triginta pollutiones, in altera viginti fornicationes, in altera quadraginta adulteria, in altera viginti sodomias, in altera decem furtæ, in altera quindecim perjuræ, in altera decem blasphemias, in altera totidem calumnias, in altera viginti iniustitias, & damna proximo illata. Pœnitens iste non est recidivus, quia non relabitur in eadem specie peccata. Debet igitur absolviri. Quam doctrinam prius ex Filiuio tradiderat Dissertator in altero suo libro inscripto: *Pratica di confessare*, ubi pag. 115. hæc docet: Si perchè non usandosi molta difficoltà in dare l'assoluzione a chi reca peccati di diverse specie; così non si deve usare difficoltà eccedente in affatto chi reca più volte peccati di una stessa specie. Hanc opinionem labefactavi in citato opusculo *Istruzione de' Confessori &c.* Subdit in laudato libro *Pratica di confessare* pag. 124. Dissertator: Un tal rimedio poi consistente nel differire l'assoluzione.... universalmente non credo sia bene usarlo con chi precisamente ricade per forza del mal abito, ed inclinazione cattiva, ma che ha fatto

pel passato ciò che ha potuto, e di presente ha buona volontà di fare ciò che può per astensione.

XXXIII. In hac dissertatione de danda, vel negandi, aut differenda absolutione recidivo pag. 22. & 23. conatur auctor noster descriptam propugnare doctrinam; sed frustra. Ut fucum lectoribus suis faciat, duo puncta conjuncta, quæ errorem constlant, separat; ut quoquo modo sibi caveat. Sermo quippe est de peccatore qui præcise vi pravi habitus, & mala inclinationis relabitur in peccatum, quippe hactenus quod potuit prestatit, ut habitum evelleret, & in praesens bonam habet voluntatem se se corrigendi. Si pœnitens revera quæ potuit remedia executus est, ut vitiorum habitum superaret, & nihilominus præcise vi habitus in peccatum relabitur: ergo alterutrum admittas, necessum est: aut habitum vitiosum esse insuperabilem; aut pœnitentem non præstisse id quod potuit. Ipse fateris, pœnitentem quod potuit peregisse, ut habitum evelleret. Ergo habitus superat vires pœnitentis. Ergo huic pœnitenti desunt vires quibus implere divina præcepta queat.

XXXIV. Nec minus falsa doctrina altera est, quæ docet, Christianum frequenter relabenter in peccata specie diversa absolvendum esse: quia, inquit pag. 8. particula revidetur referri ad actum reiteratum ejusdem speciei. Hæ sunt casuistica subtilitates levissimæ, quæ facere imperitis fucum valent, fecus peritis. Redire ad vomitum, relabi in peccatum, omnia mortalia includit. Ita docent, inquit, Catena, Gobat, Sanchez, La-Croix, Platelius, Layman, Manriquez, & alii recentiores, Esto. Quid inde? Propterea ne falsa doctrina vera evadet? Consultamus S. Paulum Apostolum, qui epist. ad Hebr. cap. 6. hæc docet: *Impossible est enim eos qui semel sunt illuminati, gustaverunt etiam donum cælestis . . . & prolapsi sunt, rursus renovari ad pœnitentiam, rursus crucifigentes sibi meti ipsi Filium Dei.* Impossibile est, idest difficile, explicant Patres, est eos qui post suscepta sacramenta prolabuntur in peccata, renovari ad pœnitentiam. Prolapsus, non relapsus dicitur in Scriptura. Ergo particula re futilis est, & commentum vanum. Nonne peccatores quolibet peccato mortali, sive hujus, sive alterius speciei, crucifigunt Filium Dei? Subdit ibidem Apostolus: *Terra enim sepe venientem super se bibens imbre, & generans herbam opportunam illis a quibus colitur, accipit be-*

neditio nem a Deo; proferens autem spinas, ac tribulos reproba est, & maledicto proxima: cuius consummatio in combustionem. An omnia peccata mortalia non sunt spina, & tribuli? Anima ergo quæ Christi sanguine, sacramentorum susceptione irrigata, eisque sanctissimi corporis epulo roborata frequenter patit spinas & tribulos sive hujus, sive alterius speciei, reproba est, & maledicto proxima: inquit S. Paulus. Rursus cap. 10. subdit: *Voluntarie enim peccantibus nobis, post susceptam notitiam veritatis, jam non relinquuntur pro peccatis hostia . . . Irritam quis faciens legem Moysi sine ulla miseratione, duobus vel tribus testibus, moritur.* Quanto magis putatis deteriora meveri supplicia qui Filium Dei conculcaverit, & sanguinem Testamenti pollutum duxerit, in quo sanctificatus est, & spiritui gratiae contumeliam fecerit? Sacra menta Christi non modo gratia sanctificante ornant animam revera justificatam, sed præterea peculiaribus gratis, & donis eamdem muniant, & roborant, ut resistere temptationibus, & pravis inclinationibus possit. Ergo si hæc anima post plures confessiones, & communiones frequenter prolabitur in peccata mortalia, revera sanctificata, vivificata, & roborata non fuit. Evangelium Christi clamat: *A fructibus eorum cognoscitis eos . . . Non potest arbor bona malos fructus facere, neque arbor mala bonos fructus facere:* Matth. 7. Evangelistis, non quibusdam Casuisticis, aures præbeant Confessarii, si discernere jure velini quinam digni sacramentorum participatione sint. Ipsi oculis conspicunt avaros, libidinosos, prodigos, amasios, & amasius culas, saltatrices, mimos, mimasque, lusores, fraudulentos, debitores morolos, fornicatores, perjuros plaries quotannis ad sacramenta accedere. Quos fructus edunt plantæ istæ tanto donorum cælestium imbre secundata? Ipsi judicium ferant.

XXXV. Audiamus Patres, quos calluisse contendit Dissertator suos Probabilistas. S. Thomas in Psalm. 48. inquit: *Propositum optime manifestatur per operationem.* Rursus 1. 2. q. 20. a. 4. Non est perfecta voluntas, nisi sit talis quæ, opportunitate data, operetur. S. Augustinus lib. 8. Confess. c. 9. hæc scribit: *Unde hoc monstrum? Et quare istud? Imperat animus corpori, & paret flatim: imperat animus sibi, & resistitur? . . . Imperat, inquam, ut velit qui non imperaret nisi vellet: & non fit quod imperat. Sed non ex TOTO corde vult: ergo non ex TOTO imperat . . . Sunt due voluntates, quia una easum TOTA non est,* & hoc

hoc adeat alteri quod deest alteri. Imperat animus recidivi, ut docet Dissertator pag. 10. cum suis Casuistis, nempe aliquem conatum adhibendo, idcirco non sit quod imperat, quia non *toto conatu*, non *toto animo* imperat. Similem laxitatem amaris lacrymis iugebat suo tempore S. Cyprianus lib. de lapis. Emergit, fratres carissimi, novum genus clavis, & quasi parum persecutionis procella sevicerit, accessit ad cumulum sub misericordie titulo malum fallens, & blandis perniciis. Contra Evangelii rigorem, contra Domini, ac Dei leges temeritate quorundam luxatur incautis communicatio. Irrita & falsa pax, periculosa dantibus, & nihil accipientibus profutura. In numeros alios Patres lege Tom. 9. l. 2. diff. 3. Interim audi Concilium Tridentinum sess. 14. c. 2. Plenam, & integrum peccatorum omnium remissionem consequentes, ad quam tam novitatem, & integritatem per sacramentum Pœnitentiae sine MAGNIS nostris flexibus, & laboribus, divina id exigente justitia, pervenire nequaquam possumus, ut merito pœnitentia laboriosus quidam Baptismus a sanctis Patribus dictus fuerit.

XXXVI. Magnos labores, ingentes fletus, totum conatum in pœnitente, potissimum recidivo post plures confessiones frequenter probabente, requirunt Patres omnes, & Concilia. Contra Dissertator, & Casuistæ quo citat, exigunt aliquem conatum, aliquam industriam, aliquam peccatorum diminutionem. Hac duo invicem hostiliter pugnant. Ergo doctrina Casuistarum adversatur doctrinæ Scripturarum, Patrum, & Conciliorum. Opponit Dissertator pag. 17. testimonium P. Alfonsi Manriquez Ord. Pred. Sed omnes Dominicani hunc Casuistam ut laxioris Ethices scriptorem, & omni auctoritate destitutum rejiciunt, contemnunt, & inter Laxistas collocant.

XXXVII. Ut mea minima præfert opinio, Disputator in hac sua dissertatione compilavit laxiora, quæ hoc de argumento trahere Casuistæ solent. Scribit enim pag. 30. Notes proinde, recidivos posse TOTIES QUOTIES absolviri, quando actu vere dolent, ac proponant. Id Confessario innotescit ex ALIQUO ad emendationem conatu, qualis certe est redditus ad confessionem ex Confessarii præscripto, ac propterea iudicem spem faciunt futura tandem stabili conversionis. Quis hæc probet? Redditus ad confessionem ex præscripto Confessarii veri doloris, & verae conversionis argumentum est? Singulis diebus redibunt fornicatores, adulteri ad confessionem, dummo-

do toties quoties a suis adulteriis, & fornicationibus absolutionem obtineant. Aliquem etiam conatum, ut hic repetit Dissertator, ad emendationem adhibebunt, sed non omnem & totum, ut Scripturæ, & Patres exigunt, ut sua frui libidine possint. Recidivi toties quoties absolviri possunt quando actu vere dolent, ac proponunt. Peregrecie. At unde sciare Confessarius potest, recidivos frequenter relabentes post plures confessiones sincere dolere, & vere proponere? Dolor iste supernaturalis est; & in sinu cordis absconditus, quem spectare Confessarius nequit. Ex fructibus dumtaxat emendationis, & bonorum operum colligere Confessarius hunc verum dolorem, & firmum propositum valet. Quo gravius est negotium, & gravioribus periculis obnoxium, eo fortior conatus, & major industria requiritur ad ejusdem consecutionem. Negotium evitandi inferni, & obtinenda æternæ gloriæ est omnium maximum. Ergo requirit totas vires, totum conatum, totum animum, totam mentem, ut Scripturæ sanctæ, ut Patres omnes, & Concilia clamant. Contra laudatus Dissertator in hac sua dissertatione, semper abstinet ab hoc Dei sermone, ab inculcando scilicet ut peccatores *toto corde, tota anima, tota mente* Deum inquirant. Sed pag. 10. requirit *conatum aliquem*. pag. 13. ex aliquo conatu ad novam vitam. pag. 27. conatum aliquem ad emendationem. pag. 30. Id innotescit Confessario ex aliquo ad emendationem conatu. pag. 33. Sufficere ut aliquam adhibuerint operam in emendationem vita. pag. 34. Ex aliqua ipsis pœnitentis emendatione. Ab hoc Scripturarum loquendi modo: Convertimini ad me in *toto corde vestro*, in *jējunio &c.* abstinet veluti a phrasi Merbesii, & Genneri. Et re ipsa pag. 25. veluti errorem rejicit doctrinam de justificatione stabili, firma, & constanti, quam conceptis verbis docet S. Paulus. Totum conatum quem omnes Scripturæ requirunt, alto silentio præterit, & aliquem dumtaxat conatum, aliquam, non totam industriam exigit. Nec semel in universa dissertatione requirit totum conatum, quia totum hunc conatum in suis Casuistis non invenit.

XXXVIII. Venusta sunt quæ scribit Dissertator pag. 34. inquiens: *Duo nunc super sunt, quibus unumquemque ad calcem monitum velim.* Alterum est ne quisquam facile se abripi finat fuso quodam purioris Ethices, ac veteris, ut in oīe nonnulli habent, instaurande discipline, & probitatis. Flamma Laxismi, ne dicam cujusdam Epicureismi, a qua-

quatuor angulis ardentes. Sacraenta iis administranda esse qui theatra frequentant, qui inter amasias dies noctesque ducunt, qui ludis, conviviis, vanitati, luxui continuam navant operam, quorum denique mores antichristiani sunt, dummodo præteritorum criminum dolorem præferant, & ad confessionem accedant, docent Scriptores hujusmodi: & ad ultimum malorum cumulum Christiani isti admonentur ne se abripi finant fuso purioris Ethices? Sed alia paradoxæ que ibidem Dissertator pag. 35. adjicit, rescribamus. *Audit quis e. g. non esse absolvendos prævia consuetudine laborantes: videat, ne brevi gradus inde fiat ad sentiendum præsum habitum... non solum esse peccati effectum, sed peccatum, quo actualiter manente, absque dubio pœnitens justificari non potest. Audit, relapsos non facile absolvendos, sed rejiciendos a Confessario: caveat ne res eo tandem a nonnullis feratur, ut persuaderi velint sacramentum Pœnitentiae esse veluti sacramentum Baptismi, quod iterari non potest. Pericula quæ cavenda suadentur Lectoribus, probabilitia aliquo modo sint oportet. Quis Catholicorum docuit, aut docet, sacramentum Pœnitentiae esse veluti sacramentum Baptismi, quod iterari nequeat? Quis Catholicus aliquid quod vel remotam cum tali errore affinitatem habeat, scripsit? Quis propugnat, habitum vitiosum non modo effectum peccati esse, sed etiam peccatum, quo actualiter manente justificari pœnitens nequeat? Spectra ergo hæc sunt, arbitriae chimærae, & inepta commenta ad tuendum Laxissimum in moribus Christianorum dominantem excogitata, & inventa. Quis dabit capiti meo aquam, & oculis meis fontem lacrymarum? & plorabo die ac nocte interseclos filia populi mei? lugens repeatam cum Jeremias cap. 9.*

XXXIX. „ Alterum est (subdit ibidem) „ ne quis facile eos SS. Patrum textus ad „ rem de qua agimus, opportune allega- „ tos existimet. „ Hoc consilium sibi applicare Dissertator jure debet. Allegat ipse pag. 13. S. Thomam in 4. diss. 17. qu. 3. quest. 5. ad 2. ubi loquens S. Doctor (inquit Dissertator) de cognitione qua Confessarius debet cognoscere pœnitentis DISPOSITIONEM, sic habet. Ut mitissime loquar, hæc est eviden- tissima falsitas, nempe S. Doctorem ibi loqui de cognitione qua Confessarius debet cognoscere dispositionem pœnitentis; sed sermonem ha- bet Angelicus de cognitione peccatorum quæ pœnitens manifestat. Hæc sunt verba S. Do-CTORIS. Alio modo per confessionis manifestatio-

num. Et quantum ad hanc cognitionem non potest maiorem certitudinem accipere quam ut subdito credit: quia hoc est ad subveniendum conscientie ipsius. Unde in foro confessionis creditur homini & pro se, & contra se. Meridiana luce clarius est Angelicum loqui de fide quam Confessarius adhibere debet pœnitenti sua peccata manifestanti. Nec verbum ibi habet de cognitione doloris, propositi, seu dispositionum pœnitentis. Ergo Dissertator manifeste imponit lectoribus suis. Adducit ibidem hunc P. Suarez de recidivo textum. De quo proposito credendum est pœnitenti, non obstante quacumque precedenti fre-quentia, & inconstancia. Si Confessarius te- netur credere pœnitenti ex animo testanti se dolere, & propositum habere emendationis, omnes accedentes ad tribunal pœnitentiaæ absolvendi erunt. Omnes enim sponte accedentes ad sacramentum testantur se do- lere, & propositum jactant abstinenti a pec- catis. Stulti enim essent, nisi hæc duo ostentarent, cum sciant, hæc duo, dolorem nem-pe, & propositum, materiam esse sacraimen-ti. Nec est præsumptio in contrarium, in-quit auctor Dissertationis ibidem, quando constat ex aliqua previa emendatione, ex ali-quo conatu ad novam vitam. Aliquem cona-tum, aliquam præviam emendationem sem-per ostentant pœnitentes. Immo legentes ejusmodi Casuistarum libros, aliquot diebus ante confessionem a peccatis abstinent, ut aliquem conatum ad novam vitam, aliquam præviam emendationem prohibeant Confessa-rio. Et hoc pacto universam vitam suam communiter in peccatorum circulo, & sa- cramentorum frequentia ducent.

XL. Exempla quæ de S. Francisco Xave- rio, de S. Philippo Neri, de S. Francisco Salesio, de S. Andrea Avellino obtrudit, inepta omnino sunt & extranea ad consti-tuentiam regulam quam servare Confessarii debeant. Lege quæ de S. Francisco Xave- rio scripsi Tom. 9. lib. 2. diss. 3. cap. 5. & de Card. Bellarmino clamante: *Non esset tanta facilitas peccandi, nisi esset tanta facili-tas absolvendi. Omnes sancti viri, & sapien-tiores Theologi hanc facilitatem absolvendi, & administrandi sacramenta recidivis, & consuetudinariis deplorant tamquam æta-tis nostræ extremam calamitatem.* Et tamen scopus citatus hujuscæ dissertationis eo ten-dit, ut approbet, & confirmet laxam disciplinam in administrandis sacramentis recidi-vis & pravis habitibus irretitis. Atque, ut hæc lugenda consuetudo altiores radices agat,

errorum monstra obtruduntur, quæ nec sunt, nec ut eveniant vel leve instat periculum. Doctrinæ evangelicæ, quæ in peccatorum conversione requirunt, & altius inculcant totum conatum, nisum vehementem, omnemque industrias, traducunt tamquam doctrinæ inventæ a Merbesio, ab Obstraedt, a Genet, aliisque hujus note & schole, inquit Dissertator. Schola evangelica est quæ docet toto, non aliquo conatu, vehementi, non aliqua industria fatagendum entendumque esse ut quisque a scelerum sentina surgat, Deumque toto corde, tota anima, tota mente, totis viribus diligat. Hæc doctrina evangelica est, quidquid in oppositum clamitent Probabilistæ plures, quorum falsas opiniones in citata dissertatione auctor diligenter coacervavit.

§. III.

Nonnullæ questiunculae de officio Confessarii, quæ præxim spectant, resolvuntur.

I. QUÆST. I. *Quid in primis observare Confessarius debet confessiones auditurus?*

RESP. Duo inter cetera ob oculos habeat Confessarius oportet. 1. Justificationem impii maximum esse opus Dei, Baptisma laboriosum aquæ non frigidæ, ut primum, sed ferventis, quæ veterem pellem excoquat, & excoriet; idque manifestare poenitentibus debet. 2. Multos esse vocatos, paucos electos. Catervatim currunt homines ad confessionem, non secus ac ad aliquam solemnitatem, & videntes communiter paucis rem expediti, perfunctione tantum negotium peragunt. Sedulo ergo, o Confessarii, poenitentes instrute, opus justificationis maximum esse redemptoris christianæ frumentum. Paucos utique lucrabimini; sed pauci electi sunt. Omnia conversionem vos anhelare debetis; sed ne animo despondeatis, si exiguis spondeat fructus. Satis vobis sit vel unam lucrari ovem. Dei est animas sanctificare; vestrum est eas instruere, & disponere ut aptæ evadant ad rorem cælestem fuscipendum.

II. QUÆST. II. *Quid observare debet Confessarius in interrogatione pœnitentium?* RESP. Statum poenitentis domini, servi, uxorati, judicis, advocati, magnatis, Principis, adolescentis, pueræ, matrisfamilias consideret. In examine peccatorum carnalium magna opus prudentia est. Omnes interrogations castæ sint. Duo impedire confessionis integritatem queunt, malitia, & verecundia.

Tom. II.

Hæc obstacula facile superabit, si infinitam Dei clementiam erga peccatores, si passionem Christi Jesu pro salvandis peccatoribus representabit; si animos adjecerit ad vomenda monstra, quæ animam torquent. At nisi Confessarius naturali acumine, & dexteritate prædictus sit, Deique adjutorio fultus, frustra folia implemus.

III. Interroget Confessarius præsertim circa primum præceptum amandi Deum, num frequenter illud implere studuerint. Si deprehenderit amorem Dei prædominari in eorum cordibus, fausta sibi spondeat. Contra si amorem mundi, voluptatum carnalium, divitiarum regnante spectaverit; absurdâ multa timeat. Expendat num viva sit eorum fides, & firma ipsæ. In harum virtutum exercitio plurimos rudes inveniet. Et propterea in his præcipue instruere eos debet. Hæc tres virtutes theologales sunt fundamentum, & forma christiani ædificii. Si fundamenta vacillant, corruit totum ædificium.

IV. QUÆST. III. *Utrum Confessarius interrogare de socio criminis debeat?* RESP. Jam dixi supra, poenitentem teneri manifestare complicem, occultato nomine, & habitatione, quando reperiri Confessarius nequit qui complicem ignoret. Ergo etiam Confessarius interrogare astringitur, quando poenitens aut ignoranter, aut ob aliam causam complicem occultet. BENEDICTUS XIV. duo edidit diplomata, alterum 7. Julii 1745. cuius initium est, *Suprema omnium &c.* alterum 4. nonas Junii 1746. cuius initium est, *Ubi primum.* His decretis abusum proscribit Pontifex illorum Confessariorum qui aut blanditiis, aut minis extorquere a poenitentibus solent nomen complicis prætextu eumdem corrigendi. Idcirco in regno Lusitanæ ad cuius Episcoporum preces emanarunt decreta, seu constitutio confirmans decretum primum, Confessarii curabant ut extra confessionem complicem manifestarent poenitentes, ut possent eumdem corrigere. Quem abusum gravissimum Pontifex damnavit, integra consistente doctrina eumdem patetfaciendi, occultata nomine & habitatione, quoties necessitas id postulat.

V. QUÆST. IV. *An Confessarius astringatur admonere pœnitentes eorum quæ ignorant sive vincibiliter, sive invincibiliter?* RESP. Fusco calamo hanc questionem tractavi Tom. 2. Appar. diff. 1. c. 4. Paucis nunc illam expediam. P. Viva in Cur. p. 6. q. 8. a. 5. n. 4. hæc docet: „Si speratur quod poe-

„ nitens advertens v. g. matrimonium esse invalidum , aut contractum quem putat justum , esse injustum &c. sublatus sit ea peccata materialia ; tenetur Confessarius ignorantiam detegere propter bonum poenitentis , ne sic contra legem Dei pecet etiam materialiter . Quod si non spe- retur profectus , sed potius timeatur quod peccatum materiale deinceps sit futu- rum peccatum formale ; v. g. si sciens matrimonium esse invalidum , non facile tunc abstinere a cognoscenda illa quam conjugem putabat ; in tali casu ignoran- tia non est amoenda , juxta illud Au- gusti. in cap. Si quis &c. . . . Idemque docet Tamburinus ex Pellizario , quando quis BONA FIDE EST IN OCCASIONE PROXIMA , nec speratur emendatio ; vel quando quis bona fide non restituit alienum . Etenim revelatio veritatis noceret pæni- tenti , si deinde cum culpa formalis rema- neret in occasione proxima , aut retineret alienum . Nec hoc prodeisset ei cui alie- num restituendum est : quia supponimus non dari spem quod restituatur , si bona fides illi tollatur . ”

VI. Illi bona fide alienum possident , contractum fenebrem justum existimant : isti bona fide in occasione proxima versantur , bona fide differunt debitorum solutiones . Et minister poenitentiæ , qui ex officio judicis , doctoris , & medici personam sustinet , ac- cedentes poenitentes ad suum tribunal instruere non tenetur ? Ecur ? Ne veritas re- velata noceat poenitenti . Perniciosa ergo est veritas divina ? Non debuit ergo Filius Dei in terram descendere , ut illuminaret omnes homines : debebat illos in bona fide , & igno- riantia relinquere , ne fierent ex peccatoribus materialibus peccatores formales ? Et tamen ipse Joan. 15. clamat : Si non veni- sem , & locutus non fuissim eis , peccatum non haberent . Erat ergo invincibilis eorum igno- riantia . Subdit autem Christus : Nunc autem excusationem non habent de peccato suo . Quis- que judicet quomodo cum Evangelio com- poni doctrina P. Viva queat .

VII. Eamdem doctrinam docet P. Tho- mas Tamburinus ex Lugo lib. 2. Meth. c. 4. n. 3. Ideo illam transcribo ut ab illa si- bi cavere lectores queant . Inquit ergo Tam- burinus : “ Prima regula ex Sanchez lib. 2. de matr. disp. 38 n. 53. Si talis ignoran- tia est contra poenitentem ; v. g. si ipse crederet esse mortale quod hujusmodi non est ; debet ea amoveri a Confessario

„ Secunda regula . Si ignorantia inculpabi- lis quæcumque sive facti , sive juris , & sive juris divini , sive humani , non est contra poenitentem (id est quando poe- nitens non putat esse mortale quod tali- est) & nihil poenitens interrogat de hoc Confessarium , distinguendum est . Si enim Confessarius prævidet poenitentem , igno- rantia ablata , non difficulter reliturum quod re ipsa peccatum est , tenetur ex San- chez disp. cit. n. 6. veritatem aperire propter bonum poenitentis , ne & poeni- tens peccet contra legem Dei etiam ma- terialiter . At si prævidet non reliturum , potius taceat , ne in majus malum illum conjiciat . Idem esse dicendum , quando quis est in occasione proxima , & non spe- retur emendatio , docet Pellizarius tract. de Monial. cap. 10. sec. 3. n. 191 .

VIII. QUÆST. V. Quid si Confessarius inter- rogetur a pænitente ut veritatem eorum que igno- rat , pandat ? RESP. Respondet Lugo disp. 22. sec. 2. n. 22. „ Quid vero si pænitens inter- roget Confessarium , vel Doctorem de re illa ? Respondetur , tunc debere veritatem aperire Addit vero Sanchez cum ali- quibus : quando pænitens non cum du- bio , sed ex scrupulo interrogaret , posse Confessarium tacere , vel respondere , quod (N. B.) deponat scrupulum : quia scru- pulus non impedit bonam fidem , nec ignorantiam invincibilem , qua illum ex- cusat . Hoc tamen non videtur consequen- ter dici : quia etiam si pænitens ex scru- pulo interroget , non potest Confessarius affirmare licitum quod est illicitum : er- go nec poterit tacere Posset quidem Confessarius in illo casu fingere se non audivisse , vel non attendisse , vel obli- tum fuisse respondere , ut sic remaneat in bona fide , quam prius habeat , non tam ipsius auctoritate confirmata . “ Fingere ergo se non audivisse , vel non atten- disse judex , & doctor potest ? Et qui inter- rogatus tacet , non præsumitur consentire ?

IX. Auctores citatos sic urgeo . Aut spe- ratis vos pænitentes vestros restituturos aliena , discessuros ab occasione proxima , reli- eturos contractus injustos ; aut certo prævi- detis , si admoneantur , nihil horum præsti- turos ? Si primum , ipsi conceditis admonen- dos fore . Si secundum ; ergo isti non pœnitentes sunt , sed caci , pessimi , & obsti- nati in viis pessimis . Ergo imparatissimi ad sacramenta . Ergo qui illos absolvant , tre- mendo supplicio a Christo prædicto subja- cent :

cent : *Si cæcus cæco ducatum præstet, ambo in foveam cadunt : cæcus ductus, & cæcus ducens, inquit Augustinus.* Veritas fidei est poenitentes habere propositum debere omnia divina mandata servandi . Qui ita dispositi, & obfirmati sunt ut neque scire eadem mandata velint, habentne propositum istud ? Cedo . Ecce Confessarius non debet manifestare veritatem ? Ex caritate, inquiunt, erga poenitentes, quibus veritas noxia est . Caritatem ergo violavit Christus Dominus, eisque Apostoli, & Evangelistæ, qui veritates mandatorum Dei revelarunt, & explicarunt ? In hæc blasphema absurdâ conjiciunt recensitæ juniorum doctrinæ .

§. IV.

Accommodari ne Confessarii se debent opinionibus pœnitentium, relictis propriis?

I. Sraphicus Doctor S. Bonaventura Confess. c. 4. exclamat : *O inauditum philosophandi genus ! Iudex sententiam ferre debet ad arbitrium rei ; & reus judicis iudicio obtempore non tenetur ?* Exclamationes istæ, inquiunt juniores plurimi, Rigoristarum sunt, & Jansenistarum . Communiter enim Probabilistæ omnes adfirmant, Confessarios posse, & debere sese accommodare pœnitentium opinionibus, relictis propriis . Quam doctrinam communis sensui repugnante & Tom. 2. Appar. & supra etiam profligavi . Quare nunc paucis illam refutabo.

II. Supra rescripti testimonia quibus Probabilistæ evincunt, posse Confessarium dirigere pœnitentem secundum opinionem quam ipse Confessarius falsam esse certo sibi persuaderet, inquit Laymanus, cuius verba dedi supra Tom. 1. lib. 1. præsertim si hæc opinio sit favorabilior & optatior pœnitenti . Si una opinio doceat (inquit P. Viva q. 7. a. 2. n. 6.) pœnitentem teneri ad restitutionem, & removendam talem occasionem, ac acceptandam talem pœnitentiam ; altera opinio doceat non teneri ; NON potest absolutio negari, si pœnitens sequatur opinionem sibi FAVORABILEM, dummodo probabilem ; etiam si Confessarius sit in opinione contraria . Heinc est quod P. Gobat, & P. La-Croix advertunt Confessarium, ut non habeat tantum unam doctrinam, sed plures sententias . Quod si Confessor minus experitus sit, & in crumenâ mentis suæ non habeat has plures sententias, tunc pœnitentes ipsi antequam accedant ad Confessarium legere possunt Leandrum, Zanardi, Escobarium, Gobat, La Croix, Dianam,

Bonacinam, in quorum libris super qualibet fere materia invenient opiniones probabiles contrarias, ut felicitant sibi favorabiles & optatores . His opinionum præsidis adeant Confessarium, cui exponant has opiniones ; & secundum istas absolviri debent.

III. Si christianæ Religionis hostis hæc legat, ea ut fabulationes detestabitur, & Religionem Christi ut vanum commentum repudiabit . Verum nos ipsius Christi testimoniis hæc rejicimus . Clamat Christus Dominus Matth. 24. *Multi venient in nomine meo dicentes, Ego sum Christus, & multos seducerent : & Marc. 13. Cum audieritis bella, & opiniones bellorum, ne timueritis . Oportet hæc fieri, sed nondum finis .* Quid quod in ipso veteri Testamento hæc oppositarum opinionum paradoxa abominatus Deus est . Prov. 20. *Abominatio est apud Deum pondus & pondus . Statera dolosa non est bona .* Opinionum pondera alia majora, alia minora . Pondera autem minora, & minus probabilita per Michælam c. 6. Deus detestatur, Mensura minor ire plena . Numquid iustificabo flateram impium, & facilli pondera dolosa . Si dolosa opinionum pondera non sunt illa quæ judex ipse judicat minora, & falsa, & tamen istis falsis ponderibus administrat sacramenta, & Dei thesauros ; quænam erunt ? Ut ipse judices, quam sit hoc sistema rationi oppositum, audias velim quæ sequuntur .

IV. Accedit ad Confessarium Cinthia amasia doctrina lumine naturali imbuta, quæ obligationem ostendit se separandi ab amasio . Refugit tamen separationem . Dimititur sine absolutione . Accedit amasius Sempronius opinione casuistica contraria armatus, quæ non obligat ad separationem . Absolvitur amasius . Sibi mutuo occurunt in consueta conversatione amasi, & amasianculæ, & alloquia instituunt . Te ne Confessarius absolvit ? Utique . Quid ? Mihi absolutionem negavit . Quid pœnitentia tibi dedit ? Jejunia quatuor, eleemosynas, & hospitalium visitationes . Acceptasti ne talem pœnitentiam ? Ecquomodo non ? Ego nolui eam acceptare . Noluisti ? & te absolvit ? Certe . An non sumus in delicto & circumstantiis pares ? Scilicet . Quæ ergo tantæ diversitatis causa, ut tu absolutus in Paradisum ascendas ; ego sine absolutione in orcum præcepis corruam ? Revela arcanum . Ecce . Tu non legisti Dianam, Leandrum, Zanardi, Tamburinum, Viva, La-Croix docentes impertiendam esse absolutionem . Con-

tra ergo legi. Representavi Confessario opinionem *vere probabilem*, *mibi favorabiliorem*, & *operationem*, quia eam defendunt plures, & graves auctores, ut sunt Lamas, Stoz Totif, Burgaber, aliquae. Gratias tibi ago. In posterum antequam ad tribunal confessio-
nis accedam Casuistis benigniores revolvore volo, donec inveniam opinionem *vere pro-
bablem*, *mibi favorabilem*. Tum Confes-
sarium adibo. Et si pœnitentiam molestam mihi imponet, si ad restitutionem, ad se-
parationem ab occasione proxima me urge-
bit, intrepide respondebo, Non teneor, no-
lo. En opinionem mihi favorabilem, quæ
me liberat a tanto onere. Sed antequam me tanto discrimini committam, oro te ob-
testorque ne me decipere velis. Verum ne
re ipsa est quod narrasti? Verissimum. Ecce
iterum verba Laymani, Viva, & aliorum.
*Si una opinio doceat pœnitentem teneri ad re-
stitutionem, ad removenda (N. B.) talem
occasione, acceptandam talem pœnitentiam;*
*altera opinio doceat NON teneri; NON potest
absolutio NEGARI, si pœnitens (N. B.) se-
quatur opinionem FAVORABILEM, dummodo
probabilem, etiam si Confessarius sit in opinionis
contraria. Intellexisti? Intellexi. Prope me
beasti. Modo modo pergam ad bibliopolam
plures Casuistis empturus, & emptura, le-
gendorum priusquam ad Confessarium accedam.
Tantum mihi arcanum haec tenus ignotum
erat. Nunc . . . Siste calamum. Satyram
scribis. Utinam utinam satyra esset, & non
simplex & germana historia, quam ideo
representavi, non ut auctoribus detrahant,
sed ut Christianorum æternæ saluti succur-
ram. Libri publici juris sunt: auctores sibi
gloriae vertunt hoc sistema propugnare. Hæc
sunt illorum principia. Illi bona fide firmi-
ter judicarunt esse vera. Adversarii, qui
mussit nos detrahere Casuistis, dum ab-
surdæ quæ sistema probabilisticum consequuntur
necessario, in medium exponimus, aut
credunt hæc esse absurdæ, aut secus. Si pri-
mum; detestentur ergo ipsi hoc sistema,
quod auctores verum crediderunt, atque
nullam subeunt notam, etiam si falsum es-
set. An non omnes homines errare queunt?
Si secundum, nempe si judicant hæc non
esse absurdæ, sed veritates; hoc patefaciant,
& me ignorantiae arguant. Et sic salva,
& integra omnia sunt.*

V. Cedo. Quid si in foro, si in tribuna-
li, ubi lites civiles resolvuntur, tales obti-
nerent opiniones? Quid tum esset de hu-
mana societate? Judex rerum temporalium

ex doctrina Ecclesiæ astringitur judicare se-
cundum probabilem doctrinam: & judex
salutis æternæ potest judicare secundum op-
inionem minus probabilem, quam absolute fal-
sam judicat? Immo tenetur se accommodare
peccatorum opinionibus probabilibus, quas ju-
dex iste vices Dei gerens, judicat falsas? Si
hæc non sunt inaudita paradoxa, quænam
erunt? Ita imbecillitati meæ videtur: cete-
rum judicium meum subjicio doctioribus, &
superioribus.

§. V.

*Quomodo se gerere debet Confessarius in con-
cedenda, aut differenda absolutione.*

I. **P**lura hac de re scripsi Tom. 9. lib. 2.
diss. 3. c. 10. paucis nunc rem per-
stringam. Et primo repeto quod saepius di-
xi. Mansuetudine, patientia, & clementia
prædictus singulariter Confessarius fit oportet,
præcipue dum differenda absolutio est.
Absit ut pœnitentes aspere, & rustice re-
jiciat; sed singulare benignitate (& hæc est
vera benignitas) debet persuadere pœni-
tenti, illum capacem non esse in tali statu
absolutionis. Quoniam medicina hæc cæle-
stis non salubris, sed mortifera illi esset.
Eidem representet vulnerum profunditatem,
morbum inveteratum, præteritas confessio-
nes cam frequenti, & fere continuo rela-
pſu conjunctas, nullas fuisse, & sacrilegas.
Necessitatem patefaciat se se disponendi, &
præparandi jejuniis, eleemosynis, precibus
ad tantum sacramentum. Ostendat eidem,
quæ fuerunt suorum relapsuum causæ, quæ
occasions, quæ illicia, a quibus omnibus
se removere debet, & angustam viam in-
gredi. Benignus sit in differenda absolutio-
ne donec videat argumenta conversionis, &
sinceræ voluntatis mutandi vitam.

II. Consuetudinarios nec prima vice ab-
solvat. P. La-Croix lib. 6. p. 2. n. 1820.
inquit: Confessarius potest absolvere con-
„ suetudinarii prima vice, qua se accu-
„ sat de peccato suæ consuetudinis, licet nul-
„ la adhuc emendatio præcesserit, dummodo
„ eam ferio proponat, præcipue si ultro nemine
„ cogente ad confessionem venerit, ut habet
„ communissima contra Huigens, Gabrielem,
„ Opstraedt, & alios Rigoristas. Ratio est,
„ quia sic confitens est rite dispositus, & dat
„ spem emendationis &c., P. La-Croix. Ri-
goristas vocat qui decreta pontificia implent.
Sint Rigorista nec ne Huigens, Gabriel,
Opstraedt, nihil ad me attinet. Illud asse-

ro, doctrinam P. La-Croix parum, aut nihil distare a thesi 6o. damnata ab Innoc. XI. Panitenti habenti consuetudinem peccandi contra legem Dei, nature, aut Ecclesie, et si emendationis spes nulla appareat, nec est neganda, nec differenda absolutio, dummodo ore proferat se dolere, & proponere emendationem. P. La-Croix afferit, quod qui ultro & libere confitetur, sit rite dispositus. Si hoc verum esset, communiter Christiani confitentes justificarentur, quia libere accedunt ad confessionem. Vide plura Tom. 9. lib. 2. diff. 3. cap. 10. interim cave ab hac doctrina, quam judico falsam.

III. Qui frequenter relabuntur in peccatum pollutionis voluntariae, suntne absolvendi? P. Sporer 3. p. c. 2. sec. 4. §. 3. n. 320. respondet: Redire cum iisdem peccatis de se non est signum deesse verum dolorem, & propositum emendationis; certe non magis quam si rediret cum aliis novis diversis, sed solum est signum fragilitatis humane in tali homine. Hanc doctrinam propugnatam a P. La-Croix supra refutavi. Signum ergo emendationis produnt qui incident in nova peccata? Sed quod magis dolet, est quod ejusmodi doctrina dilatatur a discipulis horum Casuistarum in libellis vulgari idiomate editis, ut patet in opella inscripta *Pratica di confessare &c. diretta principalmente a Parochi, e Confessori delle ville*, edita Romæ 1737. in qua pag. 115. descripta doctrina villarum Parochis, & Confessarii porrigitur. Juxta istos auctores, ut recidivi, & habituati facilius obtineant absolutionem, perpetrent peccata diversæ speciei, & tunc absque difficultate admittentur ad sacramenta. Quando subdit P. Sporer ex Gobat, notatur aliquis profetus, seu aliqua imminutio peccatorum, habenda est patientia. Ipsa enim imminutio peccatorum est signum propositi. Habenda sane est patientia. At in quo sita est patientia? In facili absolutionis concessione? Annuo, si absolutio ista eos sanet. Patientia, & misericordia hæc auget, non curat morbum. Quod interdum imminuantur peccata, aliiinde quam ex vero proposito proficitur. Omnes suadent sacramentorum frequentiam pro hoc vulnere medendo. At illos sic urgeo. De fide est sacramentum Poenitentiae peccata delere, animam sanctificare. Eucharistia velut cælestè pabulum Christianum saginat, roboret, spiritum impuritatis extinguit. Ergo qui hæc sacramenta recipiunt, & nihilominus in eadem peccata, non casu aliquo inopinato, non per ac-

cidens aliqua urgente occasione, sed frequenter recidunt, effectus horum sacramentorum non experiuntur. Ergo sacrilegia perpetrant. Quid si ejusmodi polluti Sacerdotes essent, qui quotidie celebrarent? Istis ne sacramentorum frequentia opportunum remedium?

IV. Experientia didici benignitatem facilis absolutionis erga istos saevitiam esse immanem. Ipse pluries peccavi nimia benignitate absolutionis impertitæ. Infirmitatem hanc omnium difficillimam esse fatentur omnes. Quid ergo agendum? Dicam quod sentio, & aliorum iudicio jubicio.

V. Consuetudinarii qui versantur in occasione proxima ex doctrina Ecclesiaz sacramentorum frequentia non curantur, sed occasione derelictione. Similiter isti non sacramentorum frequentia, sed habitus eradicatione sanandi sunt. Intima est occasio hæc, & ipsi natura insita. Eo modo quo exterior derelinqui nequit. Quomodo ergo? Carnis crucifixione, jejunis, precibus, ciliicis, humicubationibus, disciplinis, elemosynis, & segregatione ab omnibus mundi di illecebris. Difficilia hæc sunt. Difficilla, quia difficillimæ curationis morbus est. Ejusmodi infirmum sic alloquere. Quid miser ageres medio in mari constitutus furentibus undis & procellis, cælo tonante & fulminante, tempestate sæpius exagitante, & naufragio jam jam ad te deglutiendum imminentे? Quid, inquam, ageres? Merces, pecunias, vestes, & omnia projiceres ut nudus portum arriperes. In funestiori, sæviorique tempestate versaris. Gehenna aperta est, super latera inferni ambulas, furor divinæ vindictæ, quæ a tanto tempore flagellum distulit, jam jam idem intorquet. Nisi omnium virium conatu, quo utereris in declinando corporis naufragio, utaris in hac expellenda lepra fætidissima, & ipsis visceribus & sanguini hærente, aëtum de tua salute est. Desperationis ergo laqueo me jugulas? In desperationem ne te conjicerem, si in dicto corporis naufragio constituto tibi suaderem ut omnibus afflictis contenderes & nitereris portum nudus & semivivus tenere? Immo tu miser de saluta tua desperare obstinate vis, qui tanta obrutus mortifera peste eam expellere reculas. Difficillima præscribo remedia? Verum habet. At diurna experientia didici hunc morbum putridum aliis remedii non curari. Cedo. Quid difficilius quam projicere merces, thesauros, vestes ipsas, ut corporis

nausfragium evadas? Difficiliora haec sunt, quam quae ego praescribo, ut animae naufragium declines. Vis ergo sanari? Paradisus apertus est. Christus expansis brachiis te expectat. Potes ejusdem adjutus gratia, si vis. Sed necessaria est deliberatio vehementissima, atque fortissima supra quam explicari potest. Requiritur universalis magnanima & robusta mutatio integræ vite. Conatus illos adhibere debes quos exerceres ad corporis naufragium vitandum, & flammorum ardentium fornacem. Remedium efficax in hoc vertitur ut persuasum istis sit, nunquam se emendaturos nisi difficillimo, & violento labore, gemitu, planctu, jejuno, cinere, & cilicio. Si semel portum emendationis post duorum aut trium mensium intervallum severæ poenitentiae attigeris, felicissime triumphabundus ambulabis viam arctam Domini nostri Jesu Christi, non secus ac ille qui naufragium corporis evasit. Tentationum ictus aliquos patieris; sed feliciter eos exsufflabis, & deridebis.

VI. His peractis, tum absolutionem impertimini o Confessarii, & sacramentorum frequentia, aliisque pietatis operibus confratre, & roborate convalescentes. Credite, credite, absolutionum facilitate foveetur haec pestis, non sanatur. Paucos utique lucrabinini, quia pauci sunt electi. Sed cavete ne dum nimia & crudelissima benignitate salvare istos sues continentur se se in luto libidinis revolentes contenditis, æternum pereatis ipsi. Advertite vaftos istos esse & versatos. Se abstinere solent a pollutionibus per unam & alteram hebdomadam, ut vobis eripiant absolutionem. Observate ergo omnia ne decipiāmini, & decipientur ipsi, qui ex facilitate absolutionum ansam peccandi arripiunt.

VII. Debitoribus morosis absolutione non impertiatur, nisi prius debita solvant, cum possint, & aliena restituant. Prætextus & excusationes difficillime admittantur. Communiter illi debitibus gravati sunt qui possunt, & nolunt solvere. Pauperibus nemo fidit pecuniam suam: neque merces iis dantur, nisi protinus solvant. Divites sunt illi qui opprimunt mercatores, & artifices, ut luxum, fastum, & ambitionem foveant.

VIII. Feminis quoque vanis, ambitionis luxum & pompas ad ipsum tribunal deferentibus suspendatur absolutione, & præterim illis expudoratis, quae nuda ubera ostentant, quae cum viris sine necessitate conversantur, quae manuscula, & munera ab

amasis recipiunt. Audite S. Carolum Borromaeum in *Instruct. Conf.* ubi rem hanc saepe explicat. Nec etiam absolvant qui in vestium splendore, aut superfluo corporis ornatu mortaliter peccant. Et quia hodie seculi pompa & vanitates ad summum creverunt potissimum ex CULPA CONFESSARIORUM, qui ab hoc peccato pœnitentes suos incosideratus (N. B.) absolvunt, & nullum fortassis ea de scrupulum ipsis movent. Si plura cupis, consule *Tom. t. 9. lib. 2. diff. 3. c. 10.*

C A P U T I V .

De sigillo confessionis.

I. QUÆST. I. Quo jure Confessarii custodire secretum eorum que audierunt in confessione, debent? RESP. Triplici, naturali, divino, & ecclesiastico, ut docent omnes. Contra haec tria jura peccaret violator. Hoc sigillum oritur ex sola confessione sacramentali, qua pœnitens bona fide sua peccata Sacerdoti manifestat ad obtainendam absolutionem, quamvis ob indispositionem pœnitentis, aut defectum jurisdictionis Confessarii absolutio non impertiatur. Si quis confiteretur alicui se fingenti Sacerdotem, ille obnoxius sigillo esset.

II. Si quis fingeret confessionem, & sub confessionis larva provocaret ad turpia, aut injuriis afficeret Sacerdotem, vel aliquod crimen Sacerdotis ministerio pertentaret, nullum hinc oriretur sigillum. Similiter quando aliquid communicatur sub sigillo confessionis, etiamsi flexis genibus dicatur Confiteor, non oritur sigillum sacramentale, sed tantum naturale. Ex sola itaque confessione ordinata ad obtainendam absolutionem suo tempore opportuno dandam, oritur sigillum sacramentale.

III. QUÆST. II. Quam gravis sit sigilli custodia, & an licet aliquo in casu illud violare? RESP. Gravissima est istius sigilli custodia, triplici jure, ut dictum est, imposita. Nullo unquam in casu sive privato, sive publico licitum est illud aperire, etiamsi subeunda mors esset, & periclitaretur universus orbis. Materia istius sigilli sunt singula peccata sive mortalia, sive venialia determinata in confessione manifestata. Summa prudentia & cautione hoc sigillum custodiendum est.

IV. QUÆST. III. Poteſt ne Confessorius loqui de auditis in Confessione ex licentia pœnitentis? RESP. Certum est pœnitentem posse im-

impertiri licentiam dictam Confessatio , cum sigillum sit in favorem ejusdem poenitentis . Quare sicut poenitens se ipso manifestare sua peccata valet ; ita potest alteri licentiam concedere id praestandi . Hec autem poenitentis licentia debet esse libera , expressa ; nec sufficit interpretativa , vel præsumpta . Interdum poenitens sub gravi tenuerit hanc licentiam concedere , ut ad avertendum aliquod grave malum imminens Reipublicæ , aut alteri .

V. Quæcumque peccata etiam publica in confessione manifestata cadunt sub sigillo . Heinc Confessarius audiens peccata alicujus damnati ad mortem propter furtæ , homicidia , blasphemias , hæreses &c. nequit hæc crimina revelare ut in confessione audita . Si aliunde novit , loqui , ut ceteri , data occasione poterit . Quare Parochus potest & debet suum parochianum , quem novit publicum feneratorem , vel concubinarium rejicere a communione , quamquam ad hoc cavendum parochianus eidem facte confiteatur .

VI. QUÆST. IV. Quid respondere Confessarius debet rogatus an audierit confessionem meretricis , concubinae &c.? RESP. Respondere debet se audivisse ejusdem confessionem , suoque officio functum esse . Quid si meretrix schedam seu testimonium confessionis peteret ? Negant dandam esse aliqui . Sed hæc opinio mihi falsa est . Confessio facta est , ut supponitur . Si Confessarius diceret , se eam non absolvisse , frangeret sigillum , ut omnes fatentur . Negans schedam re ipsa dicit , se eam non absolvisse . Cedo . Cur neganda est hæc scheda ? Quia meretrix non fuit absoluta ? Si hæc ratio consisteret , nullum esset sigillum , nisi cum absolutio impertitur ; quod est manifestus error . Danda ergo scheda est confessio auditæ , quia hoc non est testimonium absolutiois .

VII. QUÆST. V. Potest ne Confessarius dicere , in tali oppido , communitate , collegio gravia crimina patrari , dum ea in confessione audivit ? RESP. Frangeret procul dubio sigillum , dum de tali oppido , civitate , communitate crima gravia panderet . Si tamen civitas ampla , & populosa esset , non crederem sigillum violari . Quando ergo oppidum , sive civitas parva est , tum sigillum violatur , quia & scandalum irritur , & facile deprehendi posset , quis talia enormia crimina patravit . Qui de collegio , conventu crimen auditum in confessione revelaret , sigillum frangeret , quia infameret talem ordinem . Tacendo Confes-

sarius nunquam peccat . In locutione semper periculum adest . Cohibeat ergo lingam suam .

VIII. Nec cum suo poenitente de auditis in confessione loqui Confessarius potest absque expressa ejusdem licentia . Si ipse poenitens loqui sponte incipiat , expressa intelligentur licentia . Continuo post datam absolutionem potest monere , hortari , corriger poenitentem , quia judicium sacramentale adhuc perseverat .

IX. Confessarius nequit uti notitia habita in confessione ad exteriorem gubernationem . Clemens VIII. an. 1594. prohibuit Regularibus ne confessionis notitia utantur ad regimen exterius . Quod decretum confirmavit Urbanus VIII. const. 26. Quare inferatur 1. non posse Confessarium a sacrificio abstinere , fugere , quod cognovit in confessione ab aliquo criminis socio sibi parari insidias , venenum insulsum in calice , si delicti complicis conjicerent ab aliquo sociorum revelatum crimen esse . 2. Nequit Confessarius denegare Eucharistiam , vel benedictionem matrimonii poenitenti coram uno , vel alio teste id postulanti , etiamsi denegarit eidem absolutionem . 3. Non potest sacræ interdicere Sacerdotem subditum , aut rejicere canonice electum propter crimina in confessione detecta , neque vitare excommunicatum propter occisionem Clerici in confessione manifestatam .

X. Maritus invita uxore suscipit Sacerdotium . In articulo mortis uxoris confessionem audiens intelligit matrimonium suum esse invalidum , & nullum . Fictitia uxor convalescit . Debitum petit , debet ne maritus Sacerdos reddere , cum ficta uxor scit eum non reddere ob confessionem auditam ? Casus iste chimæricus est . Si contingeret , deberet Confessarius petere facultatem colloquendi cum ea , si convalesceret , & fictum matrimonium rescindere . Quid si renueret ? Non esset absolvenda utope indisposita , quia parata vivere in concubinatu . Quid si absque absolutione convalesceret ? Hypotheses istæ arbitria commenta sunt . Si hypothesis occurreret , confugiendum ad Deum esset , qui nunquam innocentem tentari supra id quod potest permittit . Sed reperio casum chimæricum esse .

XI. QUÆST. VI. Quomodo se gerere Confessarius debet quando interrogatur de auditis in confessione ? RESP. Si Confessarius absolute interrogetur , potest absolute respondere se nescire , etiam adjecto sacramento , quia præ-

præsumitur non interrogari ut Confessarius. Quid si versutus interrogator peteret ut panderet ea quæ ut Confessarius fecit? Tum intrepide Confessarius respondere debet, interrogationem indignam esse, & rejicere interrogatorem ut hominem iniquum. Plures alii casus discuti solent de hoc sigillo; sed quia obvii sunt, & nullius difficultatis, illos prætero. Confessarius severa, & prudenter linguae custodia omnes resolvet.

XII. QUEST. vii. Quinam teneantur ad hoc sigillum? RESP. Præter omnes Confessarios five legitimos, five fictos, tenentur omnes interpres, quorum ope utuntur poenitentes, ut manifestent Sacerdoti peccata sua. Adstantes quoque huic sigillo subjecti sunt, cum absque eorum præsentia fieri confessio nequeat, ut in communi naufragio, vel peste contingit. Similiter qui audiunt vel casu, vel industria peccatum confitentium sacramentaliter, servare sigillum hoc tenentur, sicut & consiliarii, quibus ex necessitate manifestatur persona poenitens, & superiores a quibus petitur facultas pro reservatis.

C A P U T V.

De sollicitatione.

I. **P**lura diplomata ediderunt Romani Pontifices Paulus IV. an. 1561. Pius IV. an. 1564. Clemens VIII. 1592. Paulus V. 1608. Gregorius XV. 1622. adversus Confessarios sollicitantes, onusque imposuere eosdem denuntiandi ad sacræ inquisitionis tribunal. BENEDICTUS XIV. an. 1741. constitutionem edidit, cuius initium est *Sacramentum Pœnitentiae*: in qua omnia quæ defiderari possunt, resolvuntur perspicuitate summa. Integræ illam exhibeo.

BENEDICTUS EPISCOPUS &c.

„ Sacramentum Pœnitentiae, quam secundam post naufragium deperditæ gratiæ tabulam sancti Patres apte nuncuparunt,
„ Nos licet immerentes ad universi domini gregis curam superna dispositione vocati omne studium, & pastoralem sollicititudinem adhibere tenemur ne, quod post amissam Baptismi innocentiam datum est divina benignitate perfugium, per dæmonum fraudem, & hominum Dei beneficiis perverse utentium malitiam naufragis ac miseris peccatoribus luctuosum evadat exitium; & quod in salutem, &

„ curationem animarum a Deo, qui dives est in misericordia, institutum est, ex crabili scelerum quorumdam Sacerdotum, tum improbitate in earum perniciem, atque interitum vertatur.
„ §. I. Dudum quidem a fel. rec. Gregorio Papa XV. Prædecessore nostro per suas litteras in forma Brevium sub datum Romæ apud S. Mariam Majorem die xxx. Augusti MDXXII. Pontificatus sui anno secundo, sapienter provisum fuit contra quoscunque Sacerdotes audiendis Confessionibus deputatos ad turpia, & inhonesta sollicitantes; & deinceps successivis temporibus ad earum litterarum interpretationem, ac declarationem plara subinde a Congregatione Vener. Fratrum Nostrorum S. R. E. Cardinalium adversus hæreticam pravitatem generalium Inquisitorum sub die xi. mensis Februarii anno Domini MDLXI. prodierunt de Creta, & a rec. mem. Alexandro P. P. VII. pariter Prædecessore nostro in Congregatione generali Sanctæ Romanæ universalis Inquisitionis die xxiv. Septemb. MDLXV. coram eo habita, inter alias ab evangelica veritate, & sanctorum Patrum doctrina alienas & dissonas propositiones, sexta videlicet, & septima, huc revocandæ, damnatae, & prohibitæ fuerunt. Nos itaque mature perpendentes quanti momenti sit ad æternam animarum salutem ea ubique exacte observari, & quanti ad infirmas oves curandas, & decorem S. Ecclesiæ Dei retinendum interest, ne aliqui Sacerdotes Poenitentiæ sacramento nefarie abutentes poenitentiibus pro curatione vulnus, pro pane lapidem, pro pisce serpentem, pro medicina venenum porriganter, sed animo secum recolentes, se a Christo Domino Præsides, & Judices animarum constitutos, ea sanctitate, quæ sublimitati, ac dignitati munera convenit, tam venerandum sacramentum administrent; motu proprio, & ex certa scientia, ac matura deliberatione nostra præfatas litteras hujusmodi, ac omnia, & singula decreta ad illarum interpretationem, & declarationem emanata apostolica auctoritate tenore præsentium approbamus, & confirmamus, illisque omnibus, & singulis inviolabilis apostolicæ firmitatis robur adjicimus, atque etiam, quatenus opus sit, denuo committimus, & mandamus omnibus hæreticæ pravitatis Inquisitoribus,

„ bus, & locorum ordinariis omnium regno-
rum, provinciarum, civitatum, dominio-
rum, & locorum universi Orbis Christia-
ni, in suis respective dioecesibus, ut di-
ligenter, omnique humano respectu post-
posito, inquirant, & procedant contra
omnes, & singulos Sacerdotes tam sacer-
tares, quam regulares quomodolibet exem-
ptos, ac Sedi Apostolicae immediate sub-
jectos, quorumcumque Ordinum, Institu-
torum, Societatum, & Congregationum,
& cujuscumque dignitatis, & præminen-
tiæ, aut quovis privilegio, & induito ma-
nitos, qui aliquem poenitentem, quæcum-
que persona illa sit, vel in actu sacra-
mentalis confessionis, vel ante, vel imme-
diate post confessionem, vel occasione,
aut prætextu confessionis, vel etiam ex-
tra occasionem confessionis in confessio-
nali, sive in alio loco ad confessiones au-
diendas destinato, aut electo cum simu-
latione audiendi ibidem confessionem, ad
inhonesta, & turpia sollicitare, vel pro-
vocare, sive verbis, sive signis, sive nuti-
bus, sive tactu, sive per scripturam, aut
tunc, aut post legendam tentaverint, aut
cum eis illicitos, aut inhonestos fermo-
nes, vel tractatus temerario ausu habue-
rint; & quos in aliquo ex hujusmodi ne-
fariis excessibus culpabiles repererint, in
eos pro criminum qualitate, & circum-
stantiis severe animadvertant per condi-
gnas poenas juxta memoratam Gregorii
prædecessoris Nostri constitutionem, quam
hic de verbo ad verbum pro inserta ha-
beri volumus: dantes etiam, si opus sit,
& rursus concedentes facultatem, ne de-
lictum tam enorme, & Ecclesiæ Dei in-
juriosum remaneat ob probationum defe-
ctum impunitum, jam alias in præfata
constitutione tributam procedendi cum
testibus etiam singularibus, dummodo præ-
sumptiones, indicia, & alia adminicula
concurrant.

„ §. 2. Meminerint præterea omnes &
singuli Sacerdotes ad confessiones audien-
das constituti teneri se, ac obligari suos
poenitentes, quos noverint, fuisse ab aliis,
ut supra, sollicitatos, sedulo monere juxta
occurentium casuum circumstantias de ob-
ligatione denuntiandi Inquisitoribus, seu
locorum Ordinariis prædictis personam,
qua sollicitationem comiserit, etiam si Sa-
cerdos sit, qui jurisdictio ad absolu-
tionem valide impertiendam caret, aut fol-
licitatio inter Confessarium, & poeniten-

„ tem mutua fuerit, sive sollicitationi pœ-
nitens consenserit, sive consensum mini-
„ me præstiterit, vel longum tempus post
„ ipsam sollicitationem jam effluxerit, aut
„ sollicitatio a Confessario, non pro se ipso,
„ sed pro alia persona peracta fuerit. Ca-
veant insuper diligenter Confessarii, ne
pœnitentibus, quos noverint jam ab alio
sollicitatos, sacramentalem absolutionem
impertiant, nisi prius denuntiationem præ-
dictam ad effectum perducentes delinquen-
tem indicaverint competenti judici; vel
saltem, se, cum primum poterunt, dela-
tueros spondeant, ac promittant.

„ §. 3. Et quoniam improbi quidam ho-
mines reperiuntur, qui vel odio, vel ira,
vel alia indigna causa commoti, vel alio-
rum impiis suasionibus, aut promissis,
aut blanditiis, aut minis, aut alio quo-
vis modo incitati, tremendo Dei judicio
posthabito, & Ecclesiæ auctoritate con-
tempta, innoxios Sacerdotes apud Ecclæ-
siasticos judices falso sollicitationis intimu-
lant; ut igitur tam nefaria audacia, &
tam detestabile facinus metu magnitudi-
nis poenæ coercentur, quæcumque perso-
na, qua execribili hujusmodi flagitio se
inquinaverit, vel per seipsum innocentes
Confessarios impie calumniando, vel sce-
leste procurando, ut id ab alijs fiat, a
quocumque Sacerdote quovis privilegio,
auctoritate, & dignitate munito, præter-
quam a Nobis, nostrisque successoribus,
nisi in fine vitæ, & excepto mortis arti-
culo, spe absolutionis obtinenda, quam
Nobis, & successoribus prædictis reser-
vamus, perpetuo caret.

§. 4. Demum magnopere cupientes a sa-
cerdotalis judicii, & facri Tribunalis san-
ctitate omnem turpitudinis occasionem,
& sacramentorum contemptam, & Eccle-
siæ injuriam longe submovere, & tam exi-
tiosa hujusmodi mala prorsus eliminare,
& quantum in Domino possumus, ani-
marum periculis occurrere, quas sacrilegi
quidam dæmonis potius, quam Dei mi-
nistri, loco eas per sacramentum Creatori
suo, ac nostro reconciliandi, majori pec-
catorum mole onerantes in profundum ini-
quitatis barathrum nefarie submergunt,
nonnullorum Venerabilium Fratrum No-
strorum S. R. E. Cardinalium, & aliquo-
rum in Theologia Magistrorum confilio
desuper adhibito, accedentibus quoque ite-
ratis, plurium Episcoporum supplicationi-
bus, hac nostra in perpetuum valitura
,, sau

„ sanctione, quemadmodum a pluribus Episcopis per synodales suas constitutiones „ jam factum esse novimus, omnibus & singularibus Sacerdotibus tam secularibus, quam regularibus cuiuscumque ordinis ac dignitatis, tametsi alioquin ad confessiones excipiendas approbat, & quovis privilegio, & indulto, etiam speciali expressione, & specialissima nota, & mentione digno suffultis, auctoritate apostolica, & nostræ potestatis plenitudine interdicimus, & prohibemus, ne aliquis eorum extra casum extremæ necessitatis, nimur in ipsius mortis articulo, & deficiente tunc quocumque alio Sacerdote, qui Confessarii munus obire possit, confessionem sacramentalem personæ complices in peccato turpi, atque inhonesto contra sextum Decalogi præceptum commissio excipere audeat, sublata propterea illi ipso jure quamcumque auctoritate, & jurisdictione ad qualemcumque personam ab hujusmodi culpa absolvendam, adeo quidem, ut absolutionis, si quam impertierit, nulla, atque irrita omnino sit, tamquam impertita a Sacerdote qui jurisdictione, ac facultate ad valide absolvendum necessaria privatus existit; quam ei per praesentes has nostras adimere intendimus; & nihilominus si quis Confessarius fecus facere ausus fuerit, majoris quoque excommunicationis poenam, a qua absolvendi potestatem Nobis solis, nostrisque successoribus dumtaxat reservamus, ipso facto incurrat.

„ §. 5. Declarantes etiam, & decernentes, quod nec etiam in vim cujuslibet Jubilæi, aut etiam Bullæ, quæ appellatur Cruciatæ sanctæ, aut alterius hujusmodi indulti confessionem dicti complices hujusmodi quisquam valeat excipere, ei que sacramentalem absolutionem elargiri; cum ad hunc effectum, & in hoc casu nullus Confessarius, utpote qui in hujusmodi peccati, & paenitentis genere jurisdictione, ut praefertur, careat, & absolvendi facultate a nobis privatus existat, habendus sit pro Confessario legitimo, & approbato. Non obstantibus Constitutionibus, & ordinationibus Apostolicis præsertim, quæ nuncupantur Cruciatæ sanctæ, vel Jubilæi universalis, & plenarii, nec non quibusvis Ecclesiarum, & Monasteriorum, & Ordinum quorumlibet, quorum ipsi Sacerdotes fuerint, etiam iuramento, confirmatione apostolica, vel

„ quavis firmitate alia roborti, statutis, & consuetudinibus, Privilegiis quoque, Indulis, & Litteris Apostolicis sub quibuscumque tenoribus, & formis, ac cum quibusvis clausulis, & decretis, etiam motu proprio, aut alias quomodolibet concessis etiam iteratis vicibus approbat, & innovatis: quibus omnibus eorum tenores praesentibus pro expressis habentes hac vice dumtaxat specialiter, & expressse derogamus, ceterisque contrariis quibuscumque.

„ §. 6. Volumus demum, ac præcipimus, ut omnes locorum Ordinarii tam praesentes, quam futuri pro tempore existentes in approbatione Confessoriorum tam prædictam Constitutionem Gregorii Praeceptoris, quam praesentem hanc Nostram ab omnibus Sacerdotibus approbandis attente legi, & accurate observari curent, moneantque eos in Domino, atque horrentur, ut sacrum ministerium ipsorum fidei commissum summa animi innocentia, morum puritate, judicij integritate peragant, exhibeantque semetipsos, ut ministros Christi, & dispensatores mysteriorum Dei; memores præterea sint, se locum tenere, ac vices obire summi atque æterni Sacerdotis, qui sanctus, innocens, impollutus, per Spiritum sanctum semetipsum obtulit immaculatum Deo, ut emundaret conscientiam nostram ab operibus mortuis ad serviendum Deo viventi. Sedulo igitur studeant, diligenterque caveat, ne quærentibus & pulsantibus eorum culpa cælum claudatur, ne deperditæ oves ad ovile dominicum redire properantes eorum manibus ferarum dentibus dilaniandæ tradantur, ne Prodigii Filii egentes, & saucii, ad cælestem Patrem revertentes nefaria eorum improbitate gravioribus peccatorum vulneribus dum adhuc in via sunt, confodiantur.

„ §. 7. Ut autem praesentes Litteræ ad omnium notitiam facilius deveniant, & nemo illarum ignorantiam allegare valeat, volumus illas, seu earum exempla ad valvas Ecclesiæ Lateranensis, & Basilicæ Principis Apostolorum, nec non Cancelleriarum Apostolicarum, Curiæque Generalis in Monte citatorio, ac in Acie campi Flora de urbe, ut moris est, affigi, & publicari, sive publicatas, & affixas omnes, & singulos, quos illæ concernunt, perinde arctare, & afficere, ac si unicuique eorum nominatim, & personaliter in-

„ tima-

„ timatæ fuissent: utque ipsarum præsentium Litterarum transumptis, seu exemplis etiam impressis manu alicuius Notarii publici subscriptis, & sigillo alicuius jus personæ in ecclesiastica dignitate constitutæ munitis eadem prorsus fides tam in iudicio, quam extra illud, ubique adhibetur, quæ ipsis præsentibus adhiberetur, si forent exhibitæ, vel ostensæ.

„ §. 8. Nulli ergo omnino hominum licet paginam hanc nostræ voluntatis, sanctionis, præcepti, mandati, & derogationis infringere, vel ei ansu temerario contrarie. Si quis autem hoc attentare præsumperit, indignationem omnipotentis Dei, ac Beatorum Petri, & Pauli Apostolorum ejus se neverit incursum. Datum Roma, mæ apud sanctam Mariam Majorem anno Incarnationis Dominice millesimo sextingentesimo quadragesimo primo, Kalend. Junii, Pontificatus nostri anno I.

II. Quæst. i. Denuntiari ne debent Confessarii sollicitantes masculos ad turpia? RESP. Cardinalis Cozza refert Paulum V. declarasse an. 1612. ejusmodi sollicitantes denuntiandos esse vi constitutionis Pii IV. in hac quippe constitutione dicitur, qui sollicitaverit aliquem pœnitentem. Eque pœnitens est vir, ac mulier. Et ratio urget pro utroque sexu. Comprehenduntur etiam sollicitantes sive pro se, sive pro aliis, ut habetur §. 2. rescriptæ Constat.

III. Quæst. ii. Denuntiandus ne est Confessarius qui cartam provocantem ad turpia mulieri confitenti legendam tradit? RESP. Duas sequentes hac de re opiniones damnavit Alex. VII. n. 6. Confessarius qui in sacramentali confessione tribuit pœnitentii cartam postea legendam, in qua ad venerem incitat, non censetur sollicitasse in confessione, ac proinde non est denuntiandus. n. 7. Modus evadendi obligationem denuntiande sollicitationis est, si sollicitatus confiteatur cum sollicitante: hic potest ipsum absolvere absque onere denuntiandi.

IV. Quæst. iii. Sacerdotes qui fingunt se Confessarios, cum non sint, denuntiari ne debent, si sollicitent ad turpia? RESP. Adfirmans sententia vera est, & colligitur ex §. 1. & 2. rescriptæ Constat. ubi omnes Sacerdotes absque limitatione comprehenduntur. Si tamen laici, vel clerici fingant se Sacerdotes, & sollicitent ad turpia, denuntiandi non sunt, ut communis sententia docet. Si tamen Confessarius per clericum, aut laicum sub larva confessionis sollicitaret, denuntiandi essent vi aliarum constitutionum.

V. Quæst. iv. Quem sensum hæc verba, in actu sacramentalis confessionis, vel ante, vel immediate post, preferunt? RESP. Qui intra spatium incepta confessionis usque ad finem inclusive sollicitant, denuntiandi juxta omnes sunt. Disputant super aliis duabus particulis immediate ante, vel post. Missis cavillationibus verba hæc non physice, sed moraliter accipienda sunt. Immediate ante significat, si quis mulierem paratam ad confessionem, aut confessionem petentem, quamque post accessuram nosceret, provocaret ad turpia, sollicitaret immediate ante confessionem, licet aliquod spatium interflueret antequam confiteretur. Immediate post sollicitaret, si peracta confessione, vel mulieri cartam ad turpia incitantem traderet in Ecclesia legendam, aut verbis obscenis provocaret; si ad domum mulieris accederet, vel in itinere comes sollicitaret, denuntiandus esset.

VI. Quæst. v. Quem sensum hæc verba, vel occasione, vel prætextu confessionis, produnt? RESP. Occasio, & prætextu duo sunt diversa. Occasione confessionis sollicitare quis dicitur qui reipsa ex ipsa confessione ansam sollicitandi arripit ad turpia. Prætextus vero confessionis tunc est, quando quis simulat & fingit confessionem, ut inde provocare ad venerem queat. Variis modis nefarius Confessor sollicitare ad turpia confessionis occasione valet. 1. expressa impudenteria. 2. dum intelligit pœnitentem luxuria flagitia confitentem, & ad venerem proclivem, eam signis, gestibus, spiriis, aliisque indiciis concitat ad libidinem. Hi juxta omnes sunt denuntiandi. 3. Cum ex notitia acquisita in confessione propensionis ad venerem, occasionem nanciscitur eam provocandi paulo post confessionem, dummodo persona sollicitata prudenter judicare queat hanc sollicitationem oriri ex notitia habita in confessione. Quare circumstantiae spectandas sunt.

VII. Prætextu confessionis sollicitat Confessarius qui mulierem invitiat ad confessionem, eamque in Ecclesiæ janua expectat, ibi, nulla confessione mentione facta, ad venerem incitat. Mulier, præmissa conventione de peccato carnis patrando cum Sacerdore, illum domum vocat, & ut domesticos eludat propter executionis difficultarem, ægrotam se fingit, & prætextu confessionis simul commiscentur. Iste denuntiandus est.

VIII. Mulier accedit ad Confessarium dicens se velle crastina die confiteri. Illam iste

iste extra confessionale sollicitat, quin confessionem simulet. Hic est ne denuntiandus? Vera sententia adfirmat. Similiter denuntiandus esset ille Confessarius qui mulier dissuaderet confessionem, ut securius illam concitaret ad venerem. Omnes quoque qui in confessionali absque confessione vera, aut simulata sollicitant, denuntiandi sunt, sicut & illi qui adstantes mulieres expectantes confiteri, nutibus, aut signis sollicitant. Qui in Religiosorum capellis, seu cellulis, ubi confessiones audiuntur, sollicitant ad turpia, denuntiandi sunt, etiamsi nec audiant, nec simulent confessionem. In ceteris aliis locis non deputatis ad confessiones audiendas, tunc solum denuntiandi sunt, quando Confessarii aut re ipsa audiunt, aut simulant audire confessiones, si ad turpia sollicitent.

IX. Qui non ad turpia, sed ad alia crimina, puta furtum, homicidium, sollicitarent, essent denuntiandi ex aliis decretis latitis adversus suspectos de hæresi. Ut sollicitantes denuntientur, non requiritur quod actus quo provocant ad turpia, sit natura sua mortalis; sed sat est quod ex circumstantia loci, temporis, & administrationis sacramenti talis sit. Similiter denuntiandi sunt Confessarii qui in dictis locis turpes sermones habent cum poenitentibus, ut colligitur ex clausula constitutionis: *Aut cum eis illicitos, & inhonestos sermones, sive tractatus habuerint.* Innumeri sunt modi, quibus lupi isti rapaces inficere, & devorare Christi oves solent. Nec eos numerare expedit. Quisque ex circumstantiis deprehendere eos valet.

X. Verba dubia in meliorem partem sunt interpretanda, præsertim dum Confessarius est nota probitatis. Cuilibet etiam cautissimo excidere verba dubia queunt. Quare cavenendum est ne dum iniquorum pravitas coercenda curatur, innocentum & proborum hominum fama maculetur. Dumi Confessarius sollicitatur, si consentiat, denuntiandus est.

XI. Quamquam in omnibus aliis delictis præmittenda sit correctio fraterna; quando tamen delicta sunt contra bonum publicum, ut sunt delicta ejusmodi, & hæreses, prætermissa correctione denuntiari debent. Quare Alexander VII. declaravit an. 1660. denuntiandos esse sollicitantes, non præmissa correctione fraterna. Non solum personæ sollicitatae, sed etiam, qui vel casu audierunt Confessarium sollicitantem, vel ab ipsa persona sollicitata, nisi hæc implere onus suum velit, denuntiare tenentur. Personæ

sollicitatae ipsæ comparere ad tribunal debent: quæ per epistolam denuntiant, proprium nomen & cognomen scribere debent. Si pueræ, & matronæ nobiles non audeant adire vel Inquisitorem, vel Episcopum, id agere per internuntium, nempe per Confessarium valent. Eligatur aut Inquisitor, aut Episcopus, prout melius expedit denuntiationis fini. Ad poenas quod attinet contra calumniatores, & falsos denuntiatores lege rescriptam Const. BENEDICTI XIV.

M O N I T U M

A D C O N F E S S A R I O S .

I. **B** Reviter de sacramento Pœnitentia disputatum. Vos o Confessarii doctrina, zelo, vigilancia supplete quæ ego vel brevitaris studio, vel inscitia, & ignorantia prætermisi. Duo recordari vobis magnopere interest. Unum quod nisi vos ipsi conscientia vestræ vineam sedulo excolueritis, ex eadem evulsi spinis, vepribus, & tribulis; nisi inordinatos animi motus moderari; superbiā, ambitionem refulgendi in hac mundi scena compescere; nisi mundi oblectamentis, illecebris, & præstigijs renuntiare fatageritis; nisi ipsi casti, mortificati, humiles, devoti fueritis; frustra ex librorum lectione regulas & artem alias regendi animas addiscetis. Mementote, Ven. Magistr. Avila docere vix e mille, & S. Franciscum Salesium vix e decem millibus unum Confessarium optimum, & necessariis dotibus ornatum reperiri. Si talia ego scriberem, quæ non intorquerentur in me maledicta? At rogo vos ut sèpe mente revolvatis ejusmodi documenta, & illud S. Thomæ de Villanova: *Quid Ecclesiam Dei hodie perdit, nisi Confessoriorum & Pastorum blandiens adulatio?* Christianorum reformatio a cura vestra potissimum pendet, & in primis ab Episcopis, de quibus infra.

II. Alterum Christi documentum vobis serio meditandum propono, quod habetur Matth. 13. Cum autem dormirent homines venit inimicus ejus, & superseminavit zizania in medio tritici, & abiit. Cum autem crevisset herba, & fructum fecisset, tunc apparuerunt & zizania. Initio zizania non distingueebantur a tritico, sed eidem simillima erant. Heinc est quod servis eadem eradicare cupientibus: *Vis imus, & colligimus ea?* prohibuit Christus inquiens: *Non, ne forte colligentes zizania eradicetis cura eis simul triti-*

vitium. Usque dum nova quædam sistematæ moralis doctrinæ disputantur in scholis, similia apparent veritatis grano. Tot speciosis distinctionum, & cavillationum fucis & lenociniis incraventur, ut a tritico vix discerni zizania queant. Verum enim vero cum fructus pariendo sunt, tunc refulget veritas, & falsitas zizaniorum suas effundit tenebras.

III. Quo hæc tendunt? Ecce. Novum opnandi modum lib. i. vobis exposui, plurimis implicatum subtilissimis sophismatis, & blandis definitum speculationibus. Imperitis, & hebetioris aciei lectoribus triticum veritatis, & a falsitate zizaniorum non omnibus forte perspicue distinctum apparuit. Fruetus illius opinandi modi, teste Pontifice summo, a simplici veritatis evangelicæ grano alienos per omnes haec tenus scriptos liberos, & præsertim in hoc undecimo ipsi vindictis, & manibus fere tetigistis. Quam sit justificationis christiana imago, quam non nulli Casuistæ depingunt, ab imagine quam S. Paulus, & omnes Evangelistæ delineant, diversa, ipsi vindictis, tum in dolore concepro ex timore alicujus ægritudinis, carcerationis, & infamiae, tum in proposito veritati, & inconstanti, tum in contrarietate doctrinarum favorabilium, & non favorabilium. Fructus istos vindictis.

IV. Oculos convertite in ultimos, & visibiliores fructus, nempe in Christianorum mores. Ipsi spectatis amasios & amasias, debitores morosos, feneratores, perjuro, vanitatum, ambitionis, pomparum sectatores turmatim ad sacramenta accedere. Quænam morum reformatio? Veritatis triticum, sacramenta Christi suos pariunt fructus, & quidem uberrimos. Ipsi itaque judices federe, & sententiam dicite num zizania falsitatis immixta sint veritatis grano.

V. Interim huic libro finem imponat doctissimus & piissimus Jesuita Cardinalis Bellarminus, qui epistola ad nepotem suum hæc scribit: *Si quis velit in tuto salutem suam collocare, in animo debet certam veritatem inquire, & non respicere quid multi (N. B.) hoc tempore dicant, aut faciant. Et si rei certitudo non possit ad liquidum apparet, debet omnino TUTIOREM partem sequi, & nulla ratione, nullius imperio, nulla UTILITATE temporali (N. B.) proposita, ad MINUS tutam declinare. Agitur enim de summa rei, cum de salute eterna tractatur. Et facillimum est (N. B.) conscientiam erroneam aliorum exemplo induere. Hac meditamini o Confessarii.*

Tom. II.

L I B E R XII.

DE SACRAMENTIS EXTREMÆ UNCTIONIS,
ET ORDINIS:

DE SIMONIA, & BENEFICIIS.

D I S S E R T A T I O I.

De extrema Unctione, & Ordine.

C A P U T I.

Propositiones damnatae, & laxæ recensentur, quæ reliqua tria sacramenta extremæ unctionis, ordinis, & matrimonii respiciunt.

§. I.

Theses proscriptæ ab Alexandro VII., & Innocentio XI.

Alexander VII. damnavit sequentes.

22. *N*on est contra iustitiam beneficia ecclesiastica non conferre gratis: quia collator conferens illa beneficia ecclesiastica, pecunia interveniente, non exigit illam pro collatione beneficii, sed veluti pro emolumento temporali, quod tibi conferre non tenebatur.

40. *E*st probabilis opinio quæ dicit, esse tantum veniale osculum habitum ob deletionem carnalem & sensibilem, quæ ex osculo oritur, secluso periculo consensu ulteriori, & pollutionis.

Innocentius XI. proscriptit infra scriptas.

9. *O*pus conjugij ob solam voluptatem exercitum omni penitus caret culpa ac defectu veniali.

45. *D*are temporale pro spirituali non est simonia, quando temporale non datur tamquam pretium, sed dumtaxat tamquam motivum conferendi, vel efficiendi spirituale; vel etiam quando temporale sit solum gratuita compensatio pro spirituali, aut e contra.

46. *E*t id quoque locum habet, etiam tempore sit principale motivum dandi spirituale; immo etiam sit finis ipsius rei spirituialis, sic ut illud pluris estimetur quam res spiritualis.

47. *C*um dixit Concilium Tridentinum eos, alienis peccatis communicantes mortaliter peccare, qui nisi quos digniores, & Ecclesie magis uiles ipsi judicaverint, ad Ecclesias promvent, Concilium vel primo videtur per hoc digniores non aliud significare velle nisi dignitatem eligendorum, sumpto comparativo pro pos-

Q

siti.

suivo; vel secundo, locutione minus propria ponit digniores, ut excludat indignos, non vero dignos. vel tandem loquitur tertio, quando fit concursus;

50. *Copula cum conjugata, consentiente marito, non est adulterium; adeoque sufficit in confessione dicere, se esse fornicatum.*

§. II.

Propositiones laxæ quorundam Casuistarum.

Destinaveram nullas de matrimonio re scribere laxas opiniones, quod sint adeo fætidæ, & horrendæ, ut legi sine scandalo vix possint. Verum quia hæretici nobis improperant, a Casuistis catholicis multa proguisiosa defendi; & præsertim impius Petrus Bail plura eorum quæ docet hoc in genere Thomas Sanchez, exaggerat: idcirco paucas aliquas rescribam, ut calumniantium hæreticorum ora obstruam, intelligentque, minime quorundam Casuistarum laxitatis paradoxam a gravioribus Theologis probari.

I. P. Claudius La-Croix Lib. 3. part. 2. n. 1000. „ Gobat n. 10. putat in Germania licitum esse in Monasteriis per famulos vendere vinum & panem: id enim pro prie non esse habere tabernam, aut ne gotiari, sed sua vendere transeuntibus. „

II. PP. Salmanticensis tr. 19. c. 1. pun. 4. n. 55. „ Dicendum igitur est, necessario requiri ad contractum emptionis, & venditionis quod traditio pecunia, vel alterius rei temporalis fiat ex voluntate danni illam ut pretium, seu commensurandi illam cum re spirituali, tantique æstimandi; quod fit per contractum onerosum: hac tamen seclusa prava voluntate, etiam si temporale detur animo consequendi spirituale, non ut pretium onerosum, sed gratis, vel ex gratitudine, aut benevolentia, etiam cum aliqua antidoralis obligationis impositione, nulla simonia constitutit, sive munus ante collationem rei spiritualis conferatur, sive post ipsam, si ve simul cum ipsa. „

III. Idem Salmant. ibid. n. 56. „ Si alii quis resignet beneficium in manibus Prælati, vel in favorem alterius, sed cum eo animo, spe, & intentione ut alter ex gratitudine & antidorali obligatione, munerebus, donis, & obsequiis correspondeat, alias sine tali spe non resignaturus; sed neque intendens illum alia obligatione præter antidoralem obligare, nec pacto alio

„ onerofo, aut conventione interventiente, quo alium rigorose obligare intendat; non erit simonia. „

IV. Idem Salmant. ibid. „ Idem est de eo qui beneficium in manu Prælati, vel in favorem alterius resignat ea spe & intentione ut aliud pinguis ab Episcopo si bi conferatur, aliter non resignaturus; si Superiorem non alia, præter antidoralem, obligatione astrictum relinquere intendat. „ Idem est in similibus casibus. Valentia §. 3. Sotus art. 2. Rodriguez cap. 58. Palauus punct. 4. Suar. Ugol. Sanch. Diana, Lefs. Layman loc. cit. . . qui etiam addunt, id verum esse, etiam si dictam spem verbis, vel scripto exprimat Superiori: quia quod optare licet, etiam verbis exprime re licet; & etiam licitum est petere ab alio quod ex naturali obligatione tenteretur. „

V. Idem Salmant. ibid. c. 2. punct. 7. n. 49. „ Hinc etiam honestatur quod Monasteria nobilium Monialium pinguiorem dotem, & majorem summam pro ingressu sustentatione exigant: quia quo sunt Monasteria celebriora, maiores sumptus habent, & sic major summa, ut dos, pro ingressu assignatur. „

VI. Idem Salmant. ibid. n. 50. „ Ceterum si præter dotem sustentationis amplius recipenter, aut peterent Moniales, vel quia ingressura est minus nobilis, vel deformis, vel alia infamia, vix excusari posse a simonia, inquit Sanchez lib. 2. c. 3. dub. 22. n. 7. quod verum judicamus, nisi forte (N. B.) inde Monasterio aliquod detrimentum eveniat vel in honore, vel in aliis rebus temporalibus: quia hoc compensari per incrementum dotis licite potest; sic ut in matrimonio supra diximus compensari æqualitatem nobilitatis, vel alterius rei inter conjuges per assignatae dotis astatuum. „

VII. Idem Salmant. ibid. „ Hinc libertatur a simonia quod apud nostras Moniales frequenter contingit, nimirum quod ut recipiatur vigesima prima, que apud nos dicitur la veinte y una, major dos exigitur: ut duo forores vel tres recipiantur in eodem Monasterio, adhuc major summa requiritur, nisi aliis superexcellentibus qualitatibus sint ornatæ: ut viduas admittant, exigitur etiam ut dos augeatur. Etenim in priori casu intenditur reddere ingressum difficulter: quia cum ex sanctissima virgine M. N. sancta The- resia

, resia habeant Moniales nostræ ut solum
sint viginti &c. . . . In aliis duobus ca-
sibus eadem ratione major dos exigitur,
ut difficilior sit talis ingressus &c. "

VIII. Idem Salmant. *ibid.* n. 53. , Si
Monasterium etiam ditissimum a recipien-
dis exigit *ex pacto* pecuniam pro susten-
tatione , nec ex jure divino nec ex po-
sitivo simoniam committit. "

IX. P. Nicolaus Mazzotta *tr. 3. disp. 5.*
cap. 3. pag. 225. , Si autem des aliquid in-
tercessori sive mediato , sive immediato ,
non quidem pro intercessione , sed pro
labore , lucro cessante , damno emergen-
te , dispendio temporis &c. in eundo &
redeundo ; non est simonia , quia ista sunt
quid temporale omnino extrinsecum. Croix
n. 91. & alii communiter. "

X. PP. Salmant. *tr. 19. c. 4. punct. 3. n.*
22. , Emens beneficium non facit injusti-
tiam , sed patitur : debebat enim gratis
accipere quod dato pretio accipit , & tan-
tum peccat contra religionem , cuius trans-
gressio non obligat ad restituendum. Nec
etiam beneficium conferens peccat contra
iustitiam , aut ex jure divino invalidam
facit collationem . "

XI. P. Thomas Tamburinus *lib. 8. c. 4.*
§. 4. n. 5. , assero secundo , omnia benefi-
cia , sive majora , ut Cardinalatus , &
Episcopatus , sive minora , ut Canonica-
tus , & Capellania , sive curam anima-
rum habentia , ut Abbatia , & Parochia ,
sive non habentia , ut prædictus Canoni-
catus , & Capellania , & cetera beneficia
qua simplicia nominantur , abstrahendo
ab his qua dantur in concurso (de qui-
bus mox num. 14.) assero , inquam , sa-
tis esse ad evitandum mortale , si confe-
rantur dignis , & idoneis , esto prætermitt-
tantur digniores , vel dignissimi . "

XII. P. Fillicius *tr. 42. in Append. c. 4.*
n. 18. , Dico quinto , sententiam qua cen-
set , satis esse dignos eligere ad beneficia
qua non dantur in concurso , esse proba-
bilem ex Tridentino *sej. 7. c. 2. de ref.*
dicente : Conferantur dignis : & univer-
sali estimatione in creatione Beneficiario-
rum , & Cardinalium , Episcoporum , Ab-
batum &c. qui si inter dignos habeantur ,
laudatur elector , & electio : non lauda-
retur autem communiter , si mala esset ,
& peccatum mortale . "

XIII. P. Tamburinus *loc. cit. n. 8.* , Cum
immediate antea Concilium videatur esse
contentum de dignis , vel primo videtur

" per hoc digniores non aliud significare vel
le nisi dignitatem eligendorum , sumpto
comparativo proposito : vel secundo locu-
tione minus propria ponit digniores , ut
excludat indignos . . . vel tandem tertio
loquitur , quando fit concursus . "

XIV. P. Thomas Sanchez *lib. 2. diff. 15.*
n. 5. , Probabile est valere dispensationem
Pontificis in matrimonio rato absque justa
causa concessam . . . Et ratio est , quia
est probabile indissolubilitatem talis ma-
trimonii esse de jure humano . "

XV. Salmanticenses *tr. 9. c. 1. pun. 6. n. 83.*
Sponsalia faciunt licita oscula , & ample-
xus inter sponsos .

XVI. P. Thomas Sanchez *lib. 3. disp. 18.*
n. 29. , Limitant aliqui hanc sententiam ,
nisi adirent ea loca in fraudem decetti
Tridentini , ut ibi possent libere absque
Parocho , & testibus matrimonio copula-
ri : tunc enim ajunt esse invalidum . . .
Ceterum displicet mihi haec limitatio , &
credo , licet adirent eo fine ut possent li-
bere absque Parocho , & testibus contra-
here , esse ratum matrimonium . Primo .
Nam qui uritur jure suo , non potest di-
ci fraudem committere , ut ea ratione ef-
fectus impediatur .

XVII. Idem Sanch. *loc. cit. disp. 38. n. 7.*
Tertia conclusio . Culpa venialis est ea
verba (*Ego conjungo vos &c.*) omitte-
re . . . Probatur : quia materia non est
gravis , cum ea verba non sint forma sa-
cramenti , nec pertineant ad solemnitatem
magni momenti , nec includant mysterium
magnæ significationis. Præterea quia quam-
vis Tridentinum utatur verbis præcepti-
vis , at sub illo præcepto non continetur
tantum ut Parochus ea verba proferat ,
sed alia magni momenti , nempe ut præ-
mittantur denuntiationes , & ut matrimo-
nium celebretur coram Parocho & testi-
bus , ut habeat librum &c. ,

XVIII. P. Viva *q. 4. art. 4. n. 6.* , Be-
nedictio nuptiarum non videtur esse res
gravis , nec VALDE CONGRUENS PRO-
GRESSUI MATRIMONII . Etenim benedi-
cio nuptialis non est sacramentum , sed
quoddam sacramentale , nec tanti mo-
menti , quanti sacramentalia qua Baptis-
mo præmittuntur . Quamvis autem non
vacet culpa veniali illam simpliciter omit-
tere sine ulla causa contra usum & con-
suetudinem Ecclesie ; nihilominus proba-
bile est nullam esse culpam ex justa cau-
sa , videlicet ratione temporis feriati , in

,, Adventus, aut Quadragesima consummare
 ,, matrimonium ante benedictionem Eccle-
 ,, siae, cum videatur esse consilium, non
 ,, praeceptum illam praemittere. „

XIX. PP. Salmantenses tract. 9. cap. 14.
 punct. 3. num. 41. „ Ex quo inferunt fere
 , omnes Doctores nostra sententia, & in-
 ferri ex illa restaurant Sanchez lib. 8. disp.
 25. a. n. 12. & Palau loco proxime cito-
 to, quod si talis dispensatio remittatur
 Episcopo, & ille, antequam expedit
 eam, interroget contrahentes, an copula
 inter eos incestuosa sit habita: possunt ipsi
 negare, etiam si praestito juramento inter-
 roget: quia talis interrogatio est super-
 flua, & juridice in tali re non interro-
 gat; & sic non tenentur juxta illam re-
 spondere, sed asserere non fuisse inter eos
 copulam, &, ne veritati contraveniant,
 in mente retinere possunt, ne tibi dicam
 mus. Immo etiam in rescripto Pontifi-
 cis veniat illa clausula: *Nisi copula inter-
 eos fuerit habita: quia intelligitur de pu-
 blica, non de secreta.* „

XX. P. Patriitus Sporer par. 4. c. 2. sec. 1.
 n. 428. „ Aliud est consensus, & compla-
 centia in copulam cogitatam ut præsen-
 tem, & delectationem actualem veneream
 ex tali copula cogitata actu in appetitu
 sensitivo, & partibus venereis conseqüen-
 tem; quod est sponsis de futuro, & vi-
 duis de præterito mortaliter illicitum, &
 solis conjugibus licitum est. Aliud est con-
 sensus & complacentia in copulam cogitatam
 ut futuram, & delectationem veneream ex
 tali copula futura aliquando consecuturam;
 quod sponsis illicitum non est. Cum enim ex
 ipsis sponsalibus contractis, velut jure in-
 choato, talis copula, & delectatio sit ali-
 quando futura, non debent de ea contrista-
 ri, vel eam aversari sed licite in eam con-
 sentire, complacere, vel gaudere de ea pos-
 sunt; cum nihil aliud sit quam gaudere de
 spe boni futuri, que spes præsens, & lici-
 ta est. Ita cum plurimis Sanchez, Dia-
 na, &c. „

XXI. P. Thomas Sanchez lib. 1. disp. 2.
 n. 5. „ Secundum communem sententiam
 liciti sunt amplexus, & oscula inter spon-
 sos de futuro; eo quod sponsalia sunt ini-
 tiuum quoddam matrimonii, ac proinde
 concedunt ius utendi voluptate preambula
 matrimoniali. Ergo per sponsalia acquiri-
 tur ius in corpus, alias nullus illius usus
 concederetur; & consequenter violans hoc
 ius per fornicationem, reus erit ultra for-

,, nicationem injustitiae admisse, necessaria
 aperienda in confessione. Et haec senten-
 tia est valde probabilis. „

XXII. Salmantenses tr. 9. c. 15. punct. 6.
 n. 91. „ Utrum inter sponsos de futuro sint
 licita oscula, amplexus, tactus, verba
 amatoria &c. extra pollutionis periculum?
 Respondetur, quod si tales actus ad ca-
 ptandam voluptatem fiant, erunt peccata
 venialia . . . si ob signum amoris, nul-
 lum erit peccatum, dummodo sponsalia
 inter eos sint absoluta; non vero si con-
 ditionata fuerint. Ratio est, quia sicut
 sponsalia sunt inchoatio quedam matrimo-
 nii, sic etiam liciti sunt in illo statu actus
 qui quodammodo sunt copulae inchoatio
 & initium. Sanchez lib. 9. disp. 46. Aver-
 sa, Diana. . . Bonacina, Azor. „

XXIII. Tamburinus lib. 7. c. 3. n. 61. pag.
 mibi 193. „ Sponsis de futuro valde proba-
 biliter sine peccato licent quedam amo-
 ris signa, qualia sunt oscula, tactus, a-
 spectus pudici, ac locutiones amatoria et
 iam proper delectationem in illis residen-
 tia, sed sine periculo pollutionis, vel
 consensus in illam, vel in copulam; at
 nullo modo impudici. Ita Thomas San-
 chez . . . Unam excusationem invenio in
 sponsis eas actiones pudicas exercentes cum
 pollutionis periculo previso, sed non intento,
 & sine periculo consensus in illam. Nam si
 in occasione esset ut INURBANUS habetur,
 si ab illis abstineret, posset eas usurpare:
 quia jam adegit rationabilis excusatio. „

XXIV. P. Georgius Gobat tr. 10. n. 671.
 Certum est apud omnes DD. oscula, ta-
 ctus, amplexus non impudicos licite fieri
 inter sponsos, quando fiunt secundum con-
 fuetudinem patriæ in signum benevolen-
 tiae ad conciliandum & fovendum mutuum
 amorem in ordine ad matrimonium. Ita
 loquitur Perez. Et quidem sunt ob finem
 prædictum licitum liciti hi actus, licet ad-
 sit periculum pollutionis, modo non sit pe-
 riculum consensus in veneream delecta-
 tionem. „

XXV. P. Thomas Sanchez lib. 9. disp. 46.
 n. 48. „ Oscula & amplexus, aliquique tactus
 non impudici excusantur a culpa mortali
 inter sponsos de futuro ratione contractus
 sponsalium inter ipsos initi. Ratio est,
 quoniam sicut matrimonium ipsum coho-
 nestat copulam; ita sponsalia, quæ quod-
 dam matrimonii initium sunt, cohoestia-
 re debent hujusmodi tactus, qui inchoatio
 quedam sunt copulae: præsertim quia sic
 „ magis

„ magis sovetur amor in ordine ad matri-
„ monium . . . num. 49. Atque hæc con-
„ clusio vera est , quamvis sponsi intendant
„ eam delectationem sensitivam quæ ex ipsis
„ amplexibus , & osculis oritur. Quia spon-
„ salia , quæ matrimonii initium sunt , ex-
„ cusant a mortali hanc delectationem , quæ
„ copula inchoatio est ; & in omnino solu-
„ tis effet culpa mortalis . „

XXVI. P. Gobat tr. 10. n. 772. „ San-
„ chez loc. cit. n. 49. utitur quidem nomi-
„ ne delectationis sensitivæ , sed per hanc
„ certo intelligit veneream , ut patet ex n. 5. . .
„ Fateor tamen , non raro fieri ut Confes-
„ sarius cogatur in praxi supponere senten-
„ tiam Sanchezii , nisi velit tales sponsos
„ dimittere sine absolutione , utpote quibus
„ ægre persuadebit aut illos amplexus , o-
„ scula &c. esse mortalia , aut agnoscentes
„ esse mortalia , forment propositum se emen-
„ dandi . „

XXVII. Salmanticenses tr. 9. c. 15. pun. 4.
num. 41. „ Quod verum esse asserit Sanchez
„ cum Aversa , & Navar. etiam ante contra-
„ dum matrimonium , si videat ignorantia
„ invincibili velle ad illud accedere , cre-
„ datque quod ejus admonitioni non acquie-
„ sceret ; sed læsa conscientia contracturam
„ quæ bona fide contraheret , vel magna dis-
„ ficultate , & scandalio a tali matrimonio
„ recessuram . Prudenter igitur Confessarius
„ tunc sileat ; immo taceare tenetur , inquit
„ Sanchez num. 7. etiamsi ignorantia sit ju-
„ ris divini , propter eamdem rationem . „

XXVIII. P. Claudius La-Croix cum Go-
bat ultra pergit lib. 6. par. 3. §. 3. num. 541.
Quamvis prævideatur quod monitio sit
profutura , si tamen conjuncta sit cum
gravissimo incommodo alterius , v. g. pro-
lium , Confessarius non tenetur monere ,
sed potest permettere eos in bona fide . Go-
bat a n. 57. iterumque n. 3. & Sporer . „

XXIX. P. Georgius Gobat tr. 7. n. 315.
Quid faciet Confessarius , si videat pœni-
tentem ex invincibili ignorantia obno-
xium v. g. mollitiei , cuius gravitatem
edoctus ob habitum pravum vix abstine-
bit ? His verbis proposita fuit illa quæ-
stio , applicataque huic peculiari vitio ,
cum posset pluribus . Respondi autem ex
scriptis illo cit. cap. 37. n. 61. Si , probe
consideratis circumstantiis illius pœnitent-
tis , omnino judicetur nihil plane profutu-
ram monitionem , sed cognito a se com-
mitti grave scelus , nihilo rarius patratu-
rum illud quam fecit ignarus turpitudi-

„ , nis tantæ ; coram Deo DISSIMULANDAM
„ ESSE MANIFESTATIONEM VERITATIS . „

XXX. Idem Gobat ibid num. 317. „ Et
„ vero non semel didici , esse qui inculpa-
„ biliter ignorarent mortalem malitiam hu-
„ jus flagiti. Igitur , practice loquendo ,
„ non tam quærendum est de illo qui pla-
„ ne nunquam peccatum illud omittet ob
„ cognitam turpitudinem , quam de illo fo-
„ lo qui vix omittet , seu vix abstinebit , ut
„ loquuntur illæ litteræ , idest qui quando-
„ que , etiam rarissime , abstinebit , sicut , proh
„ dolor ! gemunt Confessatii se nactos com-
„ plures hujus sedissimi simul & fætidissi-
„ mi furfuris . De hoc quoque censeo intelli-
„ gendum sententiam D. Augustini . Morali-
„ ter enim non tam prodest quam obest ILLA
„ MONITIO , quæ tantum impediret sex ,
„ octo , decem peccata formaliter mortalia ,
„ caufabit autem ducenta , trecenta itidem
„ mortalia . „

XXXI. P. Claudius La-Croix lib. 6. par. 3.
n. 299. „ Qui probabiliter putat matrimo-
„ nium esse validum , licite petit debitum :
„ tum quia est possessio pro illo , tum et-
„ iam quia aliquis potest hic , uti & ali-
„ bi , sequi sententiam probabilem . . . Ad-
„ ditique Aversa , etiamsi opinio pro invalidi-
„ tate effet PROBABILIOR ; Et hoc est confor-
„ mo dictis lib. 1. a n. 268. de licto usu opini-
„ onis probabilis . „

XXXII. P. Dominicus Viva de sacram.
„ Matrim. q. 7. art. 3. n. 9. pag. mibi 133.
„ Demum , si alter habeat opinionem pro-
„ babilem de nullitate matrimonii , & si
„ mul habeat opinionem probabilem de ejus
„ valore , licite potest petere , & reddere ;
„ cum possit amplecti alterutram opinio-
„ nem probabilem quam mavult , etiamsi
„ una sit probabilior quam altera .

XXXIII. P. Claudius La-Croix lib. 3. p. 3.
n. 302. „ Si matrimonio bona fide contra-
„ sto superveniat dubium de valore , & post
„ inquisitionem nil resciri , nec dubium de-
„ ponit possit ; prima sententia , quam tenet
„ S. Thomas , S. Bonaventura , S. Antoni-
„ nus , P. Soto , Ledesm. Val. Vasq Azor.
„ Rebell. Pont. Hurt. Turr. Arr. Avers. ,
„ & alii 17. cum Schild. dicit , posse qui-
„ dem reddere debitum , sed non petere ,
„ quia id videtur esse decisum cap. Inquisit.
„ de sentent. excomm. . . . Secunda sen-
„ tentia D. Sot. Veracruz , Viñt. Lopez ,
„ Suar. Con. Laym. Bon. Reg. Less. Lorc.
„ Bresl. Lug. Boſ. Bard. , Sanch. Dian. Di-
„ casil. Terill. Carden. dicit , posse etiam
„ petere

„ petere debitum . . . atque hæc secunda
„ sententia videtur , saltem spectata ratio-
„ ne , esse probabilior . „

XXXIV. P. Dominicus Viva q. 7. art. 1.
„ 3. „ Quæritur secundo , quo tempore sit
„ illicitus actus conjugalis ? Respondeo , non
„ esse illicitum diebus festis , aut jejunii ,
„ nec die communionis , nec quo tempore uxor
„ est gravida , aut prolem lactat , aut men-
„ struum patitur , nec ante benedictiones nu-
„ ptiales ; quamvis consilium sit iis tempo-
„ ribus abstinere . „

XXXV. P. Patritius Sporer par. 4. cap. 2.
sect. 3. §. 3. n. 490. pag. 356. „ Et si enim
„ uxor sciat maritum solere copulam abrum-
„ pere , & semen effundere , non tamen pec-
„ cat nec potendo , nec reddendo , dummodo
„ ipsa non consentiat , nec cooperetur : quia
„ non sequitur ex actione uxoris , sed præ-
„ cise ex malitia viri . „

XXXVI. P. Antoninus Diana part. 3. re-
sol. 37. „ Quidam inchoabat copulam cum
„ uxore , & postea ob morbi periculum de-
„ ejus consenuit retrahere ; verum ex hoc
„ aliquando sequebatur pollutio . Quæsumus
„ a me fuit , an talis actus esset licitus ?
„ Respondi affirmative . „

XXXVII. P. Sporer loc. sup. cit. „ Insu-
„ per cessante omni periculo pollutionis in-
„ utroque conjugi , conjuges mutuo consen-
„ su inchoatam copulam abrumpentes , na-
„ proles generetur , sive ob iuopiam , sive ob
„ aliam causam , non peccare mortaliter ,
„ docent Doctores satis communiter . „

XXXVIII. Idem Spor. ibid. „ Qui (DD.)
„ id etiam ab omni culpa excusat , quando
„ justa causa subest , v. g. ob paupertatem ,
„ ne multiplicetur proles ex una parte , ex
„ altera vero parte ad sedandam aliqualiter
„ concupiscentiam , & incontinentiam vitan-
„ dam . „

XXXIX. P. Thomas Sanchez lib. 9. disp.
37. n. 5. „ Quod si vir in superficie tantum
„ vasis præposteri uxoris fricaret sua veren-
„ da , vel in os ejus intromitteret , cessan-
„ te omni pollutionis periculo , non crede-
„ rem esse mortale . „

XL. PP. Salmant. tr. 10. cap. 8. punct. 4.
n. 52. „ Sed nos cum hac distinctione ad
„ difficultatem respondemus , & propositio-
„ nem damnatam , prout ad nos attinet ,
„ explicamus . Quod si fuga nec periculosa
„ est , nec ignominiosa aggresso , irregularita-
„ tem incurret aggressorem occidendo , si
„ fugiendo posset suum damnum evitare :
„ quia in hoc fas non est &c. ut inquit Pon-

„ tifex . Si vero sit ignominiosa illi , ut si vir
„ nobilis , aut miles esset , quibus indecorum
„ est fugam capere ; potest resistere invaso-
„ ri , & fas est illum occidere non exceden-
„ do moderatione suæ inculpatæ tutelæ . „

XLI. Idem Salmant. ibid. n. 54. „ Sci-
„ mus autem Diana . . . & Fillicium
„ tr. 20. cap. 5. num. 133. afferere , quod si
„ Clerico , aut Religioso in aliquo esset fu-
„ ga ignominiosa , posset se defendere , nec
„ incurreret irregularitatem , si invaforem
„ occidat . Et addit Leander tr. 2. disp. 12.
„ q. 38. quod Clerici , aut Religiosi regu-
„ lariter , & absolute nullo modo tenentur
„ fugere , ut evitent conatum iniuste inva-
„ dentis ; ideoque si occidant defendendo
„ se , non fieri irregulares : quia regulari-
„ ter loquendo fuga in ipsis inveniri non
„ potest quæ aut indecora non sit , aut da-
„ mnosa , aut periculosa . Scimus etiam Fil-
„ licium num. 135. sensisse , quod etiam il-
„ le qui causam sua culpa invasori dedit ,
„ si non prævidit damnum futurum , posset
„ invasori resistere , absque eo quod incur-
„ reret irregularitatem , eum occidendo ,
„ tametsi fugiendo se liberare posset . Sci-
„ mus etiam , Fagundez , & ex illo Lean-
„ drum tr. 2. disp. 12. qu. 36. dixisse ; nobi-
„ les , aut milites , qui etiam absque nota
„ fugere possent , posse licite invadenti re-
„ sistere : quia ex se fuga nobilibus , aut
„ militibus semper ignominiosa est , & per
„ accidens est quod in tali casu non sequar-
„ tur : & addit idem Leander pluribus cita-
„ tis quest. 37. quod etiam homines ignobi-
„ les , aut mechanici , qui fugam sine pericu-
„ lo possent capere , licite invasori resisterent .
„ nec fierent irregulares occidendo : quia
„ omni genere personarum fugere est infa-
„ mia , quam omnes vitare tenentur . „

Hæc ex Salmanticensibus describere vo-
„ lui , ut semper luculentius appareat , quam
„ sit putida , & inaudita impostura illa quam
„ nonnulli fabulatores apud imperitum vulgus
„ disseminant , me truncatas & minus sincere
„ transcribere laxas quorundam Casuistarum
„ opiniones . Numquid dicturi sunt , Salman-
„ tenses minus sincere , aut fraudulenter nar-
„ rare præfata laxitatis paradoxa , quæ tamen
„ omnia nec ipsi probent ? Sed ex iisdem re-
„ scribere illa volui , ut ora obstruerem illo-
„ rum qui omnia casuistica commenta propu-
„ gnare gloriae sibi vertunt . Porro si citati
„ Doctores moderni cum aliis non paucis de-
„ fendere non sunt veriti , etiam nobiles , &
„ mechanicos , & Religiosos ipsos , qui consilia
„ evan-

evangelica profitentur, non debere fugam arripere, ut evitent homicidia, quia *omni genere personarum fugere est infamia*, quam omnes vitare tenentur; sed posse resistendo occidere homines: si, inquam, hæc antievan gelica laxitatis commenta evulgare ausi sunt; & tam evidenter contradicere Evangelio clamanti Luc. 6. *Et qui te percutit in maxillam, præbe ei & alteram*: quisque colligat, qua majori libertate & facilitate laxaverint, at temperaverint, perturbaverint alias leges quæ non sunt adeo luculentæ & manifestæ.

XLII. P. Herman. Busembau lib. 5. c. 3. dub. 5. apud P. Claudium La-Croix n. 293. pag. 43. „ Hinc probabile est quod docet Nav. „ Tol. &c. & non repugnat Laymanus, se- „ cluso scandalo, & alii, veniale tantum „ esse usque ad vomitum se cibo & potu „ IMPLERE: idque etiam si quis VOMAT, „ UT ITERATO POSSIT BIBERE. „

XLIII. P. Claudius La-Croix lib. 5. n. 313. „ Ad morbum gravem etiam non letalem „ curandum, aut cavendum licitam esse ine- „ briationem, docent multi cum Gobat an. „ 15. si aliter curari, aut caveri nequit. „

XLIV. P. Busembau l. 5. cap. 3. art. 2. „ Si quis post potum discernere adhuc pos- „ sit inter bonum & malum, licet nonni- „ hil phantasia turbata sit aut sequatur vo- „ mitus, lingua tubet, pedes vacillent, „ oculi cernant duplicita, vel domus gyrari „ videatur; nondum plena est ebrietas: id- „ eoque tantum peccatum veniale, quam- „ vis ex gravioribus, si DELIBERATE sit „ commissum. Vide Layman loc. cit. „

XLV. Tamburinus lib. 5. in Decal. c. 1. §. 3. n. 37. „ Quando doleo de bono alte- „ riis, ut est diminutivum meæ excellen- „ tiæ, non doleo de bono alterius absolu- „ te, sed formaliter de malo meo, seu de „ diminutione meæ excellentiæ, quæ mihi „ mala est . . . sicut enim si gauderem de „ malo alterius, v. g. de morte patris, ut „ causante immediate bonum meum, puta he- „ reditatis successionem, non esset pecca- „ tum juxta omnes, ut supra vidimus; sic „ contra, si doleam de bono alterius ut cau- „ sante immediate malum meum, culpa „ non erit. „

XLVI. Idem Tamb. ibid. n. 40. „ Et S. „ quidem Thomas, ceterique Doctores ci- „ tati lit. H. quando tanquam certum sup- „ ponunt invidiam esse tristitiam qua quis „ dolet de bono alterius, ut est diminuti- „ vum propriæ excellentiæ, SUNT INTEL- „ LIGENDI descripsiſſe invidiam ab effectu.,,

C A P U T II.

De factamento extrema unctionis, ejusque materia & forma, de ministro, subjecto, & dispositionibus ad illud suscipiendum.

I. QUÆST. I. *Extrema unctio est ne verum sacramentum?* RESP. Negant Lutherus, Calvinus, & Protestantes omnes. Adfirmant contra omnes Catholici, idque evincent Scripturarum testimonis. *Infirmatur quis in vobis?* Inducat Presbyteros Ecclesie, ut orent super eum ungentes eum oleo in nomine Domini: & oratio fidei salvabit infirmum, & alievabit eum Dominus: & si in peccatis sit, remittentur ei. Epist. Jacobi c. 5. Omnia h's verbis continentur quæ ad rationem veri sacramenti requiruntur. Habetur res sensibilis, nempe unctio, quæ materiam, & Presbyterorum oratio, quæ formam constituant. Habetur institutio divina. Apostolus enim ad universas Ecclesias scribit quod a Christo Domino acceperat. Denique effectus sacramenti exponitur, nempe peccatorum, si quæ sunt, expiatio, & ægroti alleviatio, & virium instauratio ad resistendum dæmonis tentationibus, & corporis sanitas, si æternæ expediat saluti. Novatorum errore damnavit fessi. 14. can. 1. Tridentinum.

II. QUÆST. II. *Quænam est istius sacramenti materia?* RESP. Remota est oleum ex baccis olivarum expressum; proxima usus ejusdem, nempe unctio. Oleum istud benedictum sit ab Episcopo necessum est, ut omnes adfirmant. Disputant in utramque partem Theologi num hæc benedictio necessaria sit necessitate sacramenti, nedum praecepsi. Probabilius mihi est benedictionem requiri necessitate sacramenti. Ex pontificia dispensatione, quæ non conceditur nisi urgente necessitate, simplices Presbyteri hoc oleum benedicere queunt.

III. Partes infirmi ungendi, sunt quinque sensus, oculi, nares, os, manus, pedes, & etiam renes. Omnes quinque sensus ungendi sunt ex præcepto Ecclesiæ. Sat est unum oculum, unam manum ungere. Et urgente mortis articulo sufficit caput ungerre formam universale pronuntiando. Sed quique Rituall suæ Ecclesiæ adhæreat.

IV. QUÆST. III. *Quænam sit istius sacramenti forma?* RESP. Est oratio quam pronuntiat Minister. Orent super eum, inquit S. Jacobus. Definita a Christo non sunt verba istius precationis. Ideo variæ sunt in Ecclesia Græca, & Latina orationis hujus for mulx,

mulæ, & omnes ratæ habeatur. Deprecati-
vam orationem sufficientem esse definitivit
Tridentinum sess. 14. can. 3. Et in Romana
Ecclesia deprecativa est.

V. QUEST. IV. *Quis sit extrema unctionis
minister?* RESP. Soli Presbyteri sunt hujus
sacramenti ministri, ut contra Novatores de-
finivit Tridentinum sess. 14. can. 4. Unus
Presbyter sufficit, quamvis olim plures con-
venirent, sicut nunc septem adhibentur in
Ecclesia Græca.

VI. Parochus est minister ordinarius. Ce-
teri Sacerdotes, qui absque Parochi licentia
expressa, aut tacita ministrarent hoc sacra-
mentum, graviter peccarent, & Regulares
excommunicationem incurserent. In extre-
ma tamen necessitate præsumitur Parochi
licentia, & quilibet Sacerdos potest illud
ministrare. Si Parochus ex malitia nec ad-
ministrare, nec concedere licentiam vellit,
tunc quilibet Sacerdos sive sæcularis, sive
regularis administrare hoc sacramentum posset.

VII. Parochus sub mortali astringitur hoc
sacramentum administrare, ut docet communi-
nis sententia. Tempore pestis, si sacra-
menta Pœnitentiæ, & Eucharistiæ essent admi-
nistrata, non teneretur Parochus cum mortis
periculo extremam unctionem conferre.
Si vero præfata sacramenta non essent ab
infirmito suscepta, tunc etiam cum vita dis-
crimine astringeretur hoc sacramentum con-
ferre. Si infirmi hoc sacramentum petant,
denegare illud Parochi, etiam si vita peri-
culum instaret, non possent.

VIII. QUEST. V. *Quibus ministrandum est
hoc sacramentum?* RESP. Apud Latinos solis
decumbentibus confertur. Non est tamen ex-
pectanda ultima periodus; sed dum mortis
periculum instat, & infirmus ratione præ-
ditus est, administrari debet. Extrema ca-
venda sunt. Navigantibus, belligantibus,
ultimo supplicio afficiendis non administratur
hoc sacramentum.

IX. QUEST. VI. *An istius sacramenti suscep-
tio sit sub precepto?* RESP. Negantem sen-
tentiam defendant aliqui. Hæc sententia mihi
falsa est. S. Jacobus inquit. *Inducat Pres-
byteros.* Hæc verba non consilium, sed præ-
ceptum indicant. Tridentinum sess. 14. c. 3.
improbavit eos qui dixerint, *hanc unctionem
vel figmentum esse humanum, vel ritum a Pa-
tribus acceptum, nec MANDATUM Dei, nec
promissionem gratie &c.* Merbesius Diss. 5.
qu. 9. refert sequentem propositionem a fa-
ceta Facultate Parisiensi ann. 1634. censura
inustam.

*Omnis Theologi dicunt, confirmationem non
præcipi, nisi cum commode haberi potest, vel
ut alii dicunt, quando commendissime, quando
sine ullo, vel minimo proflus incommodo.*

CENSURA.

*Ista propositio est scandalosa, in maximum sa-
cramenti Confirmationis contemptum, maligno
animo proposita, & in errorem potest deducere.*

X. Par est utriusque sacramenti & Con-
firmationis, & extrema unctionis ratio. Er-
go eadem utriusque opinionis censura. Quid?
Ecclesia catholica habet sacramenta otiosa,
indifferentia, in cassum instituta? Quorsum
tot Ecclesiæ catholicae conatus adversus No-
vatores in hoc afferendo sacramento, si nul-
la urgeret necessitas illud suscipendi? No-
stram sententiam defendunt Merbesius, Gen-
net, Turnely, Antoine, Ludovicus Habert,
& alii graves Theologi.

XI. Iterari hoc sacramentum potest, ut
declaravit Tridentinum sess. 14. c. 3. Nec in
re aperta diutius immorandum. Si infirmi
convaluerint, iterum relapsi in mortalem
infirmitatem suscipere hoc sacramentum de-
bent. Hoc sacramentum administratur post
alia suscepta sacramenta.

XII. QUEST. VII. *Quæ dispositiones prece-
dere hoc sacramentum debent?* RESP. Aliæ re-
motæ, aliæ proximæ sunt. Remotæ sunt
1. ut ungendus sit baptizatus; 2. ut peri-
culo decubat. 3. ut sit adultus rationis
particeps; 4. ut nulla excommunicatione sit
innodatus. Proximæ dispositiones sunt 1.
ut suscipiens non sit sibi conscient peccati
mortalis; 2. ut cum magna fiducia, & fide
accedit; 3. sancto oleo linendi suam inten-
tionem, & preces conjungere debent cum
intentione, & precibus quibus utitur Eccle-
sia.

XIII. Effectus hujus sacramenti sunt 1.
gratia sanctificans omnibus sacramentis com-
munis; 2. est peccati reliquias abstergere,
3. infirmi allevatio, & erector. Disputant
Theologi num hoc sacramentum per se, an
per accidens peccata dimittat? Sed dissidium
istud nullius momenti est.

CAPUT III.

De sacramento Ordinis.

I. QUEST. I. *Quid sit Ordo sacer,* quo
consecrantur personæ ecclesiastice? RESP.
Est verum sacramentum novæ legis, quo spi-
ritua-

ritualis potestas confertur ad sacrosanctum Christi corpus consecrandum, & ad alia ministeria ecclesiastica rite, & ex officio ob-eunda, ut contra Lutherum, Calvinum, & Protestantes Tridentinum *scilicet* 23. c. 4. definivit.

II. QUEST. II. *An sint plures sacri Ordines?* RESP. Septem numerantur, videlicet Presbyteratus, Diaconatus, Subdiaconatus, Acoluthatus, Exorcistatus, Lectoratus, & Ostiariatus. Tres primi vocantur majores & sacri; alii quatuor minores. Hanc septenarium numerum confirmavit Tridentinum loc. cit. Non improbat tamen Graecorum ritum, qui quatuor tantum Ordines retinunt.

III. Nec Tonsura, nec Cantoratus sunt Ordines. Tonsura est ad eosdem dispositio, & preparatio. Disputant Theologi num Episcopatus sit sacramentum a Presbyteratu distinctum? Negat S. Thomas. Sed disputatio hæc nunc ad nos non pertinet.

IV. QUEST. III. *Quid sit Ostiariatus, & quænam ejus munia?* RESP. Est ordo quo Clericus præficitur sacræ Ecclesiæ supellecili curandæ, Deique domui custodiendæ. Quatuor Ostiarii Clerici munia recenset Catechismus Tridentinus p. 2. de sacr. Ord. i. Januas reserare dignis, & indignis claudere debet, puta infidelibus, & excommunicatis. 2. impedire debet ne laici proprius ad altare accedant. 3. Illius est campanæ pulsu populum fidelem ad divina officia convocare. 4. Servare vasa sacra, & supellecilem Ecclesiæ custodiore. Invigilare etiam debet ut omnes in Ecclesia modeste se gerant.

V. QUEST. IV. *Quid sit Lectoratus, ejusque munia?* RESP. Est Ordo quo confertur potestas legendi in Ecclesia Scripturam sanctam, & SS. Patrum doctrinam. Quinque sunt ejusdem munia. 1. Legere utriusque Testamenti Scripturam divinam. 2. erudire catechumenos, & rudes baptizatos, fidei articulos explicando. 3. Olim Lectoris munus erat, eam divinæ Scripturæ partem legere quam Episcopus interpretaturus erat. 4. Divinas decantare laudes, & psallentibus praesesse. 5. Novos fructus benedicere.

VI. QUEST. V. *Quid sit Exorcistatus, & quænam illius officia?* RESP. Est Ordo quo potestas impetratur expellendi dæmones a corporibus sive cathecumenorum, sive baptizatorum: & hoc est Exorcistarum unicum munus.

VII. QUEST. VI. *Quid sit Acoluthatus, ejusque officia?* RESP. Est Ordo quo potestas

traditur inserviendi Subdiacono, & Diacono in Missæ sacrificio. Tria sunt illius munia. 1. parare vinum cum aqua in ureo lis Subdiacono ab ipso exhibendis. 2. deferre lumina, cum Evangelium solemni ritu a Diacono legitur. 3. Luminaria Ecclesiæ accendere, & asservare.

VIII. QUEST. VII. *Quid sit Subdiaconatus, & que illius munia?* RESP. Est Ordo quo potestas traditur ministrandi Diacono, & Sacerdoti in sacrificio Missæ. Disputant Theologi, sine Ordo iste sacramentum? Verum de hac controversia in præsens nihil ad nos. In Pontificali Romano quinque numerantur illius munia. 1. Caliceum, & patenam in usum sacrificii Diacono offerre. 2. Sacerdoti sacrificanti aquam fundere ad extrema digitorum abluenta. 3. oblationes a populo suscipere. 4. legere Epistolam. 5. pallas altaris, corporalia, & purificatoria abluerere.

IX. QUEST. VIII. *Quid sit Diaconatus, & quænam ejus officia?* RESP. Est sacer Ordo quo traditur potestas spiritualis inserviendi proxime Sacerdoti sacrificanti. Tria illius officia. 1. Diaconi Episcopo, vel Presbytero sacra agenti presto adsunt, materiam sacrificii panem & vinum exhibent, calicem consecrandum cum ipso offerunt. Evangelium in altiori loco legunt solemniter. Indignos a dignis separant hac terribili voce: *Recedant penitentes: sancta sanctis.* 2. Diaconus ex officio baptizat, non quidem solemniter, nisi ut extraordinarius minister. 3. Diaconus vi sue ordinacionis est verbi Dei ministri, si prædicatio fiat per modum cathecheseos, & absque illo apparatu. *Evangelie Diaconi sunt,* inquit auctor libri eccl. Dogmat.

X. QUEST. IX. *Quid erant Diaconisse?* RESP. Aliae erant uxores quas Diaconi ante inaugurationem duxerant: hac ratione uxor Episcopi Episcopa, Presbyteri Presbytera, Diaconi Diaconissa, Subdiaconi Subdiaconissa dicebatur. Ambo apud Latinos perpetuam servare continentiam astringebantur. Aliae Diaconisse erant mulieres viduæ, sive virgines Deo dicatae ad aliquod Ecclesiæ ministerium. Diaconissarum consuetudo ab ipsis Apostolis in Ecclesia universalis sive Latina, sive Graeca obtinuit. Diaconisse erant. 1. Olliariæ mulierum, quæ tunc a viris in templo separatae erant. 2. Mulieres baptizandas exuebant, & induebant. 3. Mulieres rusticanas imbuebant. Sensim sine sensu Diaconisse obsolevere.

XI. QUEST. x. *Quid sit Presbyteratus, & quanam ejusdem munia?* RESP. Est sacerdozo quo datur potestas consecrandi corpus Christi, & remittendi peccata. Quinque in Pontificali Romano numerantur ejusdem munia. Offerre, benedicere, praesesse, prædicare, baptizare. 1. est offerre Sacrificium. 2. est benedicere personas, & quæ ad earum usum attinent. 3. sub manu Episcopi præesse populo. 4. prædicationis officium. 5. Baptizare illis jure ordinario competit.

XII. QUEST. xi. *Quid sit Episcopatus, & que illius munia?* RESP. Est ordo supremus, quo datur Presbytero potestas conferendi sacramenta Confirmationis, & Ordinis, regendique Ecclesiam ipsi commissam, nempe clerum, & plebem. Dicitur ordo, quia est apex & fastigium Sacerdotii. Ordo iste confertur Presbytero, quia nequit esse Episcopus, nisi prius fuerit Presbyter. Potestas conferendi sacramenta Confirmationis, & Ordinis competit soli Episcopo.

XIII. QUEST. xii. *Sunt ne singuli Ordines sacramenta?* RESP. De fide est Presbyteratum esse sacramentum, ut definivit Tridentinum sess. 23. can. 1. Diaconatum sacramentum esse adfirmant nunc omnes: nam Diaconatus confertur per manuum impositionem, quæ est signum sensibile divinitus institutum. Subdiaconatum, & minores Ordines non esse sacramenta permulti Theologi defendunt, nec spernenda opponunt argumenta. Quam controversiam indeciam prætero. Quamvis autem Ordines sive majores, sive minores essent Sacra menta, unum tamen est sacramentum Ordinis, quia omnes ordinantur ad unum Sacerdotium. Qui suscipit hos sacros Ordines in peccato mortali, peccat mortaliter. Et quamvis minores ordines non essent sacramenta, non propterea a gravi malitia im munis esset qui mortifero scelere inquinata conscientia illos susciperet.

XIV. Negant aliqui Diaconum; & Subdiaconum peccare mortaliter dum officium proprium in peccato mortali exercent. Hæc sententia mihi falsa est. Nam isti ministerium sacramentale exercent. Ergo graviter peccant dum sordida conscientia illud profanant. Non defunt qui docent minores ordines esse sacramenta, & simul defendunt non peccare graviter illos qui eosdem in peccato mortali exercent. De hac opinione infra sermo erit.

C A P U T IV.

De materia, & forma sacramenti Ordinis.

I. IN celebri Armenorum decreto Eugenii IV. de materia & forma sacramentorum ordinationum hæc statuit. *Sextum sacramentum est Ordinis, cuius materia est illud per cujus traditionem confertur ordo. Sicut Presbyteratus traditur per calicis cum vino, & patene cum pane porrectionem. Diaconatus vero per libri Evangeliorum dationem. Subdiaconatus per calicis vacui cum patena vacua superposita traditionem. Forma Sacerdotii talis est.* Accipe potestatem offerendi sacrificium in Ecclesia pro vivis, & mortuis in nomine Patris, & Filii, & Spiritus sancti: & sic de aliorum ordinum formis, prout in Pontificali Romano late continetur.

II. Hac auctoritate nixi plurimi Theologi defendant, materiam essentialiem sacramenti Ordinis in porrectione instrumentorum sitam esse, & in oratione quæ recitatur, dum porrigitur, formam. Verum magnum facessit negotium in hac controversia quod Ecclesia Græca sola mannum impositione, & oratione conferat sacras ordinationes nullis adhibitis instrumentis, nisi post ordinationem completam. Quid quod neque Ecclesia Latina longo sæculorum intervallo præfata instrumenta adhibuit? Difficultas hæc in varias sententias divisit Theologos. Illa mihi videtur probabilior quæ docet, manum impositionem esse materiam essentialiem, & orationem annexam formam: instrumentorum vero porrectionem cum verbis eidem adjectis esse materiam & formam accidentalem, & integralem ad maiorem effectus expressionem, & declarationem: & de hac accessoria materia & forma locutum esse Eugenium IV. contendunt istius sententiae Theologi. Accedit perpetuus usus universalis Ecclesiæ, quæ in ordinandis sacris ministris semper adhibuit manuum impositionem, & orationem. Quod instrumentorum porrectio non sit materia essentialis, sed accessoria & integralis, patet ex eo quod nullum ejusdem vestigium in Scriptura sancta habeatur; & ipsa Latina Ecclesia per decem priora sæcula hæc instrumenta non adhibuerit; & Ecclesia Greca nec in præsens iisdem utatur, cujus tamen ordinatio nes ratas habet Ecclesia Latina.

III. Ceterum in praxi ea omnia servanda sunt quæ Ecclesiæ ritus præscribit. Quæ ha-

hactenus dicta sunt, comprehendant potissimum Ordines sacros seu hierarchicos Diaconatum, Presbyteratum, & Episcopatum, quorum materiæ essentiali adjuncta sunt instrumenta, nempe Diaconatus liber Evangeliorum, Presbyteratus uncio, & porrectio calicis, & patena cum sacræ symbolis consecrandis. Aliorum vero Ordinum, puta Subdiaconatus, & quatuor minoram materia, & forma sunt instrumenta, & preces quas recitat Episcopus illa tradendo. Qui defendunt hos Ordines esse sacramenta, dicunt in ipsa instrumentorum porrectione intelligi manuum impositionem. Sic materia ostiarii est traditio clavium, & tintinnabuli. Forma: *Sic agite quasi rationem reddituri &c.* materia Lectoratus est traditio sacræ Scripturæ. Forma: *Accipite, & estote verbi Dei relatores &c.* Exorcistatus materia est traditio libri exorcismorum, seu Pontificalis. Forma: *Accipite, & commendate memorie &c.* Acolythatus materia est traditio candelabri cum cereo extincto. Forma: *Accipite ceroferarium cum cereo &c.* Partialis materia Subdiaconatus est traditio calicis vacui, & patenæ superpositæ. Forma: *Videte cujusmodi ministerium vobis traditur &c.* Materia Diaconatus est impositio manuum cum traditione codicis Evangeliorum. Materia Presbyteratus est impositio manuum cum traditione calicis, & patenæ, adjectis sacræ symbolis consecrandis. Ut jam dixi, in his tribus ordinibus hierarchicis Diaconatu, Presbyteratu, & Episcopatu impositio manus expressa est, & semper in Ecclesia usurpata. Disputant auctores num necesse sit tangere singulas materiæ partes, puta calicem, patenam &c. Et communiter docent sat esse tangere aliquam materiæ partem aut calicem, aut patenam &c. Contactus iste physicus sit oportet, nec sufficit moralis, ut communior sententia docet.

C A P U T V.

De ministro, & subiecto sacramenti Ordinis ejusque effectibus.

I. **Q**UEST. I. *An solus Episcopus sit hujus sacramenti minister?* RESP. Quoad Ordines maiores adfirmant omnes Catholici, idque definitum est in Tridentino *sess. 23. can. 7.* aduersus Novatores. Inferiores dumtaxat ordines conferri a simplice Sacerdote queunt, nempe tonsura, & quatuor minores.

II. **Q**UEST. II. *Ad consecrandum Episcopum quo Episcopi requiruntur?* RESP. Necesse præcepti tres. Plures Theologi, ut Cajetanus, & Bellarminus, defendant tres, aut duos requiri necessitate sacramenti, ita ut nullum sit sacramentum, nisi saltē duo adsint. Plures alii hoc negant, contenduntque validam esse ordinationem, sed illicitam ab uno Episcopo factam. Consuetudo tamen semper obtinuit Presbyterum ordinari Episcopum a tribus Episcopis sublatè necessitatis casu.

III. Clerici a solo Episcopo proprio ordinari licite valent, valide vero a quocumque Episcopo. Episcopus proprius est vel originis vel domicilii, vel beneficii. Episcopibus beneficii ille est in cuius diœcesi beneficium quis re ipsa possidet: originis est in cuius diœcesi ordinandus baptizatus est: domicilii Episcopus in cuius diœcesi quis sedem fixit, animo ibidem commorandi in perpetuum. Ad matrimonium contrahendum sufficit ut quis bona fide per annum commoretur in aliqua parochia, licet postea sit discessurus. Ad sacros vero Ordines suscipiendos nec decennium quidem sufficit, nisi animus adsit ibidem perpetuo commorandi. Quoniam quisque addicitur Ecclesiæ illius loci in quo ordinatur. Episcopus ordinare potest familiarem suum qui per triennium apud eundem commoratus fuerit, ei que beneficium conferre, ut Tridentinum *sess. 23. c. 9.* declaravit. Fraus continget, si Episcopus intentione eximendi ordinatum a proprio Episcopo beneficium illi conferret: quo in casu Episcopus, & ordinatus ponens obnoxii essent a sacris canonibus latis.

IV. Episcopus in aliena diœcesi ordinare nequit suum subditum absque Ordinarii licentia, ut Tridentinum *sess. 6. c. 5. de Refor.* declarat. Regularium Episcopus ille est in cuius diœcesi ipsi commorantur, ut plura Concilia statuerunt. Videndum circa hoc decretum Benedicti XIV. an. 1746. datum, cuius initium est, *Impositi nobis &c.*

V. Litteras dimissoriales concedere possunt 1. Episcopus proprius. 2. Ejus Vicarius generalis, si tamen facultatem expressam acceperit. 3. Capitulum cathedralis Ecclesiæ Sede vacante, elapsò anno ab Episcopi morte, ut Tridentinum *sess. 7. c. 10.* statuit. Has litteras concedere Episcopus non debet nisi iis quos suo examine idoneos judicaverit. Haec litteræ non expirant morte concedentis.

VI. **Q**UEST. III. *Quo tempore administrativa*

vit licite sacri Ordines queunt? RESP. Sabba-
ris quatuor temporum, Sabbato ante Domini-
nicam Passionis, & Sabbato sancto. Con-
secratio Episcopi quolibet die dominico.
Ordines minores privatum quolibet festo,
publice feria 6. ante sabbatum quo conferri
postunt Ordines majores, aut eodem sappa-
to. Prima Tonsura quolibet die. Hec sunt
tempora consueta. Ex privilegio aliis quo-
que diebus conferri sacri Ordines valent.
Idoneos & dignos repellere Episcopus ne-
quit, cum non sit ordinatio dominus sed
dispensator, quemadmodum nec indignos
ordinare potest. Frequenter in hoc, raro in
illo peccatur.

VII. In his ordinationibus interstitia ser-
vari debent, ut Tridentinum *sess. 23. c. 10.*
declaravit. Subdiaconus ordinari nequit, nisi
elapsus sit annus ab ultimo ordine suscep-
to, neque promoveri in Diaconum, nisi elapsus
annus sit a suscepito Subdiaconatu, neque
in Sacerdotium nisi post annum a suscep-
to Diaconatu. Tempore interstitiorum exerce-
re suos Ordines debent ordinati. Super his
interstitiis dispensare Episcopus potest ex
rationabili causa cum suis subditis.

VIII. QUÆST. IV. *Quinam aperte sunt ad
sacros Ordines?* RESP. Soli masculi, exclusis
feminis, ordinari valent. Amentes, & non
baptizati exclusi sunt. Pro minoribus ordi-
nibus nulla determinatur etas a Tridentino,
sed solum *sess. 23. c. 11.* statuitur ut iis
conferatur qui intelligent latinam linguam.
Ad Subdiaconatum requiritur annus 22. Ad
Diaconatum 23. ad Presbyteratum 25. Con-
suetudine prævalente sat est ut anni isti in-
cepti sint. Nequit suscipi Ordo superior non
suscepito inferiore. Qui per saltum ordina-
retur, ipso facto remaneret suspensus ab
executione superioris secus inferioris ordinis.

IX. QUÆST. V. *Qui non confirmatus Or-
dines suscipit, peccat ne mortaliter?* RESP.
Tridentinum *sess. 23. c. 4. de Reform.* hæc
statuit. *Prima Tonsura non iniungitur qui sa-
cramentum Confirmationis non suscepit.* Qua-
re graviores Theologi docent, peccare mor-
taliter qui scienter, prætermissa Confirma-
tione, susciperet Tonsuram, & alios Ordines.
P. La-Croix n. 2223. refert Busen-
baum cum 12. aliis, qui docent esse tan-
tum peccatum veniale. Et hæc sententia,
inquit P. La-Croixius, est probabilior. Quia
ubi agitur (inquit) de mortali contrahendo,
non est asseveranda obligatio, nisi certius constet.
Robusta ratio. Sed neque, subdo ego, tol-
lenda, nisi certius constet non adesse obli-

gationem. Periculose, inquit Angelicus
quod. 9. determinatur, nisi veritas expre-
sse habeatur. Æque determinatur negando,
ad affirmando. In dubiis ergo tutior pars
est eligenda, pulsis *Reflexiarum* commen-
tis. Certum est malum committere illum
qui neglecta Confirmatione Ordines susci-
pit. Quid ergo agendum? *Declina a malo,*
& fac bonum.

X. QUÆST. VI. *Quotuplex est titulus cle-
ricalis?* RESP. Triplex, ecclesiasticus, patri-
monialis, monasticus. Titulus generatim
accipitur pro jure ad quidquam legitime
possidendum. Quare titulus clericalis ecclæ-
siasticus est jus fruendi Ecclesiæ bonis. Jus
istud nunc acquiritur per beneficium pacifi-
ce possesum, aut per pensionem clericalem.
Primitus Ecclesiæ sacerulis non ordinabantur
nisi Ecclesiæ addicti: & ipsa ordinatio ti-
tulus erat quo jus Clerico tribuebatur acci-
piendi alimenta ex bonis Ecclesiæ.

XI. Titulus patrimonialis est jus percipi-
endi fructus ex aliis quam Ecclesiæ bonis,
quæ vel gratuita donatione, aut heredita-
ria successione ordinato obveniunt.

XII. Solo titulo ecclæstico, excluso pa-
trimoniali, usque ad seculum x. ordinati
fuere Clerici uni determinata Ecclesiæ ad-
dicti. Et hoc titulo alimenta ab Ecclesia
accipiebant, & ad aliam transire Ecclesiam
illis permisum non erat.

XIII. Post hæc tempora, & præsertim
seculo xii. vicissitudinem passa est Ecclesiæ
disciplina. Missis pluribus documentis, in
Tridentino, ut narrat Cardinalis Pallavicini-
nus *lib. 7. c. 9.* acerrime disputatum fuit
adversus titulum patrimoniale, & pro in-
stauro antica disciplina summo studio
orarunt plurimi sanctissimi Patres, inquietes,
Sacerdotes vinculo ecclæstici tituli solu-
tos, similes equis esse freno destitutis. Sa-
cra Synodus divino perfusa lumine, ut u-
triusque generis malis occurseret, regulam
condidit saluberriman, quæ si servaretur,
restoreret ecclæstica disciplina. Primum
statuit ut Episcopus neminem etiam titulo
patrimonii ordinet, nisi quem Ecclesiæ util-
lem, vel necessarium judicaverit. *Patrimo-
nium vero (inquit), vel pensionem obinen-
tes ordinari posthac non possint, nisi illi quos*
Episcopus judicaverit assumendos pro necessitate,
vel commoditate Ecclesiæ suarum, eo
quoque prius prospetto, patrimonium illud,
vel pensionem vere ab eis obtineri, taliaque
esse quæ eis ad vitam sustentandam satis sint.
Ut vero Tridentini Patres occurrerent ma-
lis

lis quæ exaggerata fuere adversus Clericos nulli Ecclesiæ addictos , vetuit S. Synodus sess. 23. c. 16. de Refor. ne quis deinceps ordinetur quin sit alicui Ecclesia addicatus . Cum (inquit) nullus debeat ordinari qui iudicio sui Episcopi non sit utilis , aut necessarius suis Ecclesiis , sancta Synodus , vestigiis sexti canonis Concilii Calcedonensis inhaerendo statuit ut nullus in posterum ordinetur qui illi Ecclesie , aut pia loca pro cuius necessitate , aut utilitate assimilatur , non adscribatur , ubi suis fungatur muneribus , nec incertis vagetur sedibus . Quod si locum , inconsisto Episcopo , defenerit , ei sacrorum exercitium interdicatur .

XIV. Est disciplina ecclesiastica ad suum primævum instaurata splendorem . Nihil deest , nisi ut Episcopi exacte servent in promovendis ad sacras ordinationes quæ Tridentinum prescribit . Num hodie plures sint Clerici nulli addicti Ecclesiæ iis qui additi sunt , ceteri iudicent .

XV. Tertius titulus est monasticus , vi cuius ordinantur Regulares , qui titulus paupertatis vocatur . Hi enim de bonis Ecclesiæ , seu domus in qua profissi sunt , sustentantur . Plurima de hoc titulo , & de censibus vitalitatis , qui eundem comitantur , dicenda essent . Sed dicta sunt alibi .

XVI. Quæst. vii. Quot sunt effectus sacramenti Ordinis ? RESP. Tres : 1. gratia sanctificans ; 2. gratia sacramentalis ; 3. character . Gratia major , aut minor conferitur juxta diversam suscipientium dispositionem . Character est signum Christi in anima indelebiliter impressum . Plures alii effectus solent recenseri , ut sunt obligatio servandæ castitatis vi voti annexi , recitandi horas canonicas , privilegium canonis , & fori , & alia quæ non sunt sacramenti effectus , sed obligationes , vel privilegia quæ statum clericalem consequuntur .

C A P U T VI.

De vocatione initiantorum , & signis quibus dignoscí queat .

I. **V**ocatio de qua nunc sermo est , describi potest quod sit actus providentiae supernaturalis , quo Deus hos pre illis eligit , preparatque dotibus consentaneis ad sacra officia obeunda . Status sacerdotalis supernaturalis est , cui nemo propria industria , & labore idoneus est ; ideo necessaria est prvidentia supernaturalis , quæ dirigat , & auxilia conferat tanto fini consentanea . Quos

Deus ad hunc statum vocat , preparat doctibus opportunis .

II. Istius divine vocationis necessitatem Scripturæ sancte manifestant . Christus Dominus , qui factus est exemplar a nobis imitandus , peccatoribus fuit Sacerdos secundum ordinem Melchisedech , ut psal. 109. habetur . Non a semetipso venit , sed missus a Patre , ut nobis esset Pontifex (inquit Paulus Hebr. 9.) sanctus , innocens , impollutus , segregatus a peccatoribus , & excellens celis factus . Quamobrem ipse clamabat in templo docens : A me ipso non veni , sed est unus , qui misit me : Joan. 7. Ille missus a Patre vocavit ad idem Sacerdotium Apostolos . Vocavit ad se quos voluit ipse : Marc. 3. Apostoli cum substituere deberent qui Iudea locum impleret , implorarunt a Deo signa quibus manifestaretur eligendus . Osteade quem elegeris ex his duobus : Act. 1. Qui audent non vocati hanc occupare dignitatem , sic improbantur a Christo : Amen , amen dico vobis , qui non intrat per ostium in ovile ovium , sed ascendit aliunde ille fuit est , & larva : Joan. 10. subdit ibidem : Per me si quis introierit : salvabitur . Tandem S. Paulus Hebr. 5. inquit : Nec quisquam sum miti sibi honorem , sed qui vocatur a Deo tamquam Aaron . Sic & Christus non semetipsum clarificavit , ut Pontifex fieret , sed qui locutus est ad eum : Filius meus es tu .

III. Quæ hactenus ex Scripturis sanctis dicta sunt , confirmari sanctorum Antistitutum exemplis possent . Quo majori resplendebant sanctitate , eo fortius ordinationi sue in animarum Pastores aut resistebarunt , aut nonnulli expresse vocati annuebant . Innumera adducere exempla possem , quæ brevitas praefitura non finit .

IV. Vecatio divina est veluti fons , & radix gratiarum , & donorum quæ statui sustinendo vires pares conferunt . Sublata vocatione desunt praesidia necessaria , & ea posita omnia succedunt prospere . Qui Deo non vocante , sed vel redditum lucello impellente suscipiunt sacros Ordines , Deo placere nequeunt . Numquid famulorum opera grata dominis essent , quæ ipsis repugnantibus sierent ? Audiamus Christum ipsum loquentem Matth. 15. Omnis plantatio quam non planterat Pater meus celestis , eradicabitur . Rursum Joan. 15. Omnem palmitem in me non ferentem fructum , tollet eum . Notanda illa verba sunt in me . Non satis est fructus parere . Videndum num sunt in Deo : In me .

Tan.

Tandem Matth. 7. Multi dicent mibi in die illa: Domine, Domine, non ne in nomine tuo prophetavimus, & in nomine tuo daemonia eje- cimus, & in nomine tuo virtutes multas fecimus? Et tunc confitebor illis, quia nunguam novi eos: Discedite a me qui operamini ini- quitatem.

V. Quis hæc, Christe Jesu, oracula se- rio meditans, totis artibus non contremis- cit? Quis non videt, quam tremenda & formidanda sit deliberatio dirigendi oves tuas, non implorata Dei misericordia, & vocationis gratia? Quid ergo, inquies, a- Etari sunt tot Sacerdotes, tot Pastores, qui nulla precatione præmissa, nullo vocationis examine facto statum illum suscepserunt? Se- minabunt ergo in agro alieno unde metere nequeant? In vanum ne isti currunt, cum non sint a Deo missi? Namquid deserere hunc statum debent? Si status deseriri potest, ut animarum regimen; dubio procul dimit- ti, quando gravia signa occurruerunt quod de- sit ad talen statum vocatio, & desunt vo- cationis dona, debet. Ceterum arcanum divinæ vocationis nos latet, Deoque soli pa- tet. Vocatus Saul fuit, vocatus Judas, & ambo improbati fuere. Aliorum vocationis initia mala hominibus apparuere; sed pro- secutio bona, & exitus sanctus. Catholico- rum pauci electi; multi vocati. Nemo ta- men desperare de sua salute debet. Sed om- nes satagere precibus piis, & laboriosis operibus debent ut certam, sanctamque ef- ficiant vocationem suam. Nemo deserere proprium statum valet, a quo recedere si- ne peccato nequit.

VI. Neque opponas doctrinam datam multos avertere a statu religioso: quoniam repono: Utinam id verum esset ut averte- ret plurimos illos qui turmatim intant non per ostium, sed aliunde, ut fures, & latrones. Satius enim est (inquit Concilium Lateranense IV.) maxime in ordinatione Sa- cerdotum paucos bonos quam multos malos ha- bere. Hæc recognitent illi qui ut Ecclesiæ, Monasteria, Conventus, & Collegia im- pleant, necessitatis fuso propagandæ sobo- lis, & implendi sedes, indiscriminatim ad- mittunt claudos, gibos, cæcos, & dissolu- tos. Propagatio hæc cœlestis, spiritualis, & divina est. A Deo, non ab humana indu- stria profisciscatur oportet.

VII. Quæst. 1. Quænam sunt signa vo- cationis ad statum religiosum, & sacerdotalem?
RESP. Illi non sunt ad sacros Ordines vo- cati quos corporis, animique defectus ine-

ptos reddunt ad sacra ministeria obeunda. Corporis defectus omnibus patent. Animi defectus alii sunt ambiguæ, alii probabiles, alii fere certi. Defectus animi alii sunt ve- luti a natura insiti, & dicuntur naturæ vi- tia, ut animus ferocia, indoles fæva, & fe- rina, vel mollis, fluxa, & ad omnem ven- tum instabilis: ingenium retusum, plum- beum, stupidum, necessariis scientiis com- paradis omnino ineptum. Alii sunt mo- rales, & voluntarii, ut iracundia, super- bia, ambitio, & habitus vitiösi. Qui na- turæ vitiis laborant, ad munia sacra non sunt promovendi. Numquid Sacerdotes fe- rociis indolis allicient gregem? An Pastores plumbei, retusique ingenii effundent in po- pulum eloquia divina? Si mollis fluxæque indolis & effeminate naturæ sint, carent fortitudine evangelica, qua repellere lupos rapaces, deprimere superbos valeant. Ad istorum latera, inquiunt, ministri idonei se- dent, quorum subdicio gregem dirigunt. O homines miserimi in viis suis! Pastores er- go statuæ sunt, & ministri doctores sunt? Ministri carent vocationis gratia, carent cœlestium donorum copia: quoniam isti non Deo vocante, sed humano artificio lenoci- nante plerumque intrusi sunt. Illusio est perniciösissima velle Pastoris ineptitudinem ministrorum peritia compensare.

VIII. Defectus morales animi, quia volun- tarii, corrigi valent, præsertim dum vo- catio vera est. Diversum de ipsis, ac de in- curabilibus naturæ vitiis judicium forman- dum est. Nam si adsit acre ingenium, opti- ma indoles, animi fortitudo, ceteræque na- turæ dotes, crimina & vitia emendari queunt. Prudens director præscribat poenitentibus pie- tatis exercitium, virtutum semina spargat: & ex fructibus colliger, num planta trans- ferenda sit in cœlestis viridianum.

IX. Signa divinæ vocationis juvenis pro- movendi ad sacros Ordines sunt, 1. si ado- lescentes a sacculi oblectamentis avulsus sit, & ab illecebris mundi sejunctus. 2. si non ad vitam privatam secum traducendam, sed ad Dei obsequium, proximique salutem in- cumbendum succensum se sentiat. 3. si orationis studio afficiatur, ut ejusdem ope ex- plorare divinam voluntatem valeat: oratio enim est cum Deo commercium, & ani- mum eidem conjungit, atque dona necessa- ria petit. 4. ardens desiderium adipiscendi sacros Ordines. Hoc tamen signum frequen- ter falsum, utpote a cupiditate lucrandi pa- nis, aut dignitatis indipiscendæ, non ab amo-

amore Deo inserviendi proficisciens. Plures enim appetunt statum clericalem, quia a parentibus ad id incitantur, quia inde sperant exonerare familiam. Alii rei familiae penuria pressi, laborare, ut Paulus Apostolus, manibus suis, fodere, occare, pescari renuant, & statum clericalem considerant veluti artem & professionem, qua abique labore & sudore victimum & vestitum assequi commode valeant. Quare recensita signa ambigua sunt, & prudentis directoris erit pro circumstantiarum diversitate deprehendere quamnam vera, quamnam fucata vocatio sit. Sed eo malorum res devenir ut plurimi nullo praemissio consilio statum ex ingenio assumant, & non omnes Episcopi vigilantes sint in exploranda ordinandorum vocatione.

X. QUEST. II. Licitum ne Clericis est dignitates ecclesiasticas, & animarum regimen appetere? RESP. Qui regimina animatum nempe Episcopatum, Parochiam &c. appetunt, aut stulti, aut superbi sunt. Fuse verat hanc questionem S. Thomas 2. 2. q. 135. a. 1. ubi tria distinguit. 1. Est officium, quod Dei cultum, & proximi utilitatem spectat. 2. est celstido gradus, vi cuius Pastor dominatur in subditos. 3. sunt redditus & obsequium subditorum. Desiderium laborandi, operandique in vinea Domini bonum est; verum ut fertur in dignitates, in honores, & gradus, & emolumenta temporalia, vanum & ambitiosum est. Plurimi ajunt: Cupio vitare otium, & assequi occupationem laborandi, & operandi in vinea Domini, & sub hac larva mentitur iniquitas sibi, latitatque cupiditas, serpit ambitio. Si quis Episcopatum desiderat, bonum opus desiderat: inquit Paulus: & subdit Hieronymus: opus, non dignitatem: labore, non delicias, per quod humilitas decrescat, non intumescat fastigio. Si laborare isti revera vellent in vinea Ecclesiae, an non patet omnibus? Visitent xenodochia, consolentur infirmos: adeant rura & montes, instruant rudes, doceant ignorantes, dedoceant errantes, succurrant pauperibus, prædicent verbum Dei. Adeant Episcopum, & dicant: Ecce ego, mitte me. Quid? mittere, non mitti; imperare, non obedire; inserviri, non inservire; extolli, non extollere nos volumus. Hoc profecto est legitimum germanumque responsum.

XI. Quid de illis qui ambitum agunt, patronos sollicitant, ut sibi Episcopatum, Parochiam procurent; qui matronis ipsis in-

serviunt, ut amasios suis obstringant ad intercedendum, procurandumque gradum & dignitatem? Ipsi sunt vilissima ambitionis mancipia, fures, & latrones, qui nequeunt ingredi per ostium, scalas admoveri fenestrar curant, & ut ascendere queant, adjuvari & erigi a quibuscumque viris & feminis student. Blaterant hac ætate ita distribui omnia ut, nisi industria humana officia & procurationes adhibeantur, omnes jaecant, nullumque sine officiis promoveri. Distingno. Nemo sine procurationibus promovetur ab homine, concedo. A Deo, nego. Cedo: vis promoveri ab homine, an a Deo? A Deo, inquis. Quid ergo garris necessariam esse industriam humanam? An ignorat Deus tuas dotes, & aptitudinem tuam? An si te judicaverit idoneum, non disponit sua infallibili providentia ut praeficiatis Ecclesie moderandas? Insistis, Deum miracula non patrare sine necessitate, humanaque industriam non prohibere, sed præcipere. Humanam quidem industriam Deus requirit in iis omnibus quæ ab homine pendent, secus in iis quæ sibi ipsi reservavit. Vocatio ad regimina Ecclesie christianæ solius Dei opus est. Non ne ipsi sacri canones prohibit ejusmodi officia, & procurationes? Sed quid plura verba fundimus? Nisi illi qui præsunt, rejiciant omnes illos quos noverint officiis, & ambitu parare sibi viam ad gradus, & dignitates Ecclesie, frustrenus est labor noster. Veritas seipsa luculenta est. Executione, non persuasione opus habet.

C A P U T VII.

De iis que prestare, & de iis a quibus abstineri Clerici debent.

I. QUEST. I. Peccant ne mortaliter Clerici qui nec vestem clericalem, nec tonsuram deferunt? RESP. Adfirmant graviores Theologi, & innumera Concilia præcipiunt sub pena excommunicationis ut Clerici & tonsurati, & habitum clericalem palam deferant, & ne comas longas nutriant, defrantque. Probabiliter plures omnia delinquent. P. Claudius La-Croix lib. 4. n. 1371. & seq. refert opinionem Gobat negantem esse mortale, si absit scandalum, & contemptus. Aliam opinionem de Clerico nutritente comam refert n. 1373. & scribit communius, & probabilius esse, talem clericum non peccare mortaliter, licet Episcopi, & Synodi tali-

talibus comminentur excommunicationem: quia, inquit, *communio gravis non semper indicat grave preceptum*. Injustiam ergo perpetrat Synodi, & Episcopi levi culpæ gravissimam pœnam comminantes. Etiamsi gravis comminatio non semper indicat grave preceptum; ideone in hoc casu non indicat? Et sic dicitur in altero casu. Et his distinctiunculis Synodorum, & Episcoporum saluberrimæ sanctiones eluduntur. Rogandi ejusmodi Calvistæ, quo jure Synodorum, & Episcoporum decreta ad proprias cogitatiunculas deforqueant? Quis illis auctoritatem contulit tam frequenter extenuandi, & humanis appetitiis attemperandi leges ecclesiasticæ, & divinas? Quid quod graviores Probabilistæ non excusant a gravi culpa tales Clericos, ut animadvertisit doctissimus Presbyter Bonus Merbesius *dis. 6. q. 15.* inquiens: *Ac re ipsa quidem ipsi Calvistæ, quorum plerique nibil in sacris litteris evolvendis, nibil in sanctis Patribus, & Conciliis lefilitandis versati, plus aequo confisi, omnem in omnibus habent fidem in eam concessere partem, ut tonsure, & habitus clericalis neglectum, & omissionem inter peccata mortalia recenserent; & insuper homines tales omissionis conscientes excommunicationis anathemate percussos, vel percellendos affererent.*

II. QUEST. II. Peccant ne Clerici qui habitum clericalem ad formam habitus laicalis accommodant, comasque ascititas, & cincinnatas, & pulvere odoriferò aspersas deferunt, tonsura vix apparente? RESP. Quid adversus torrentem, & quidem spumantem moris humani hiscam? Numquid aduersus communem, & prevalentem corruptelam vocis sonitum emittant? Numquid Conciliorum, & S. matris Ecclesiæ doctrinam, & Christi Evangelium erubescant? Absit. Status clericalis inter omnes ecclesiasticos ordines resulget, cuius Patriarcha, non homo, sed ipse Christus est, qui vocavit Apostolos, & successores. Habitum clericalis, & monachalis hostiliter pugnat cum luxu, fastu, & vanitate mundana. Quid si Claustrales vestem monachalem ad formam vulgo *alla moda* accommodarent? Quid si cincinnati, comati, crispati, manicati, & cypro pulvere respernas comas deferrent? Clamarent omnes: *Quænam hæc monstræ? nulli ne evaserunt Claustrales?* Exclamationes, & admirationes iustissima. At status clericalis non ne & ipse excellens, atque eminentis? Ergo longius abesse a mundi vanitate, luxu, & pompis debet. Patres Tridentini,

& ceteri Theologi adeo laborarunt ut contra Novatores propugnarent vestem clericalem distinctam a laicali esse: & Clerici nunc plurimi facto negant doctrinam in Tridentino definitam. Immo alicubi laici vestem clericalem, & clerici vanas laicorum pompas deferunt. Quid refert vestem esse nigram, si forma, & ornatus vanitatem spirant? Quamquam plures nec nigram, sed fulgidam & inauratam deferunt, præsertim dum rusticantur, & itinera agunt. Audiamus Tridentinos Patres, qui *ſeff. 14. c. 6. de Refor.* clamant: *Tanta autem bode aliquorum inolevit temeritas, religionisque contemptus, ut propriam dignitatem, & honorem clericalem parvi pendentes, vestes etiam deferant publice laicales, pedes in diversis ponentes, unum in divinis, alterum in carnalibus.*

III. Quid vero de illis Confessariis dicendum qui ejusmodi pulitulos, torosulos, barbatulos, comatos, crispatos, & cincinnatos clericos, fastum, venerem, & satanicam pompam ulquequa crepantes absolvunt, & ad altaria sacrificaturos mittunt? *Qua conscientia*, (inquit Merbesius loc. cit.) *& religione Confessarii iis absolutionis beneficium impendant, extrema supplicia cum hujusmodi larvatis clericis experti?*

IV. QUEST. III. Peccant ne mortaliter Clerici accipientes beneficium cum animo deservendi statum clericalem, si opportunitas occurrerit? RESP. Adfirmant communiter Theologi, quia Clerici isti in re gravi circumveniunt Ecclesiam, & furantur redditus sacros, cum in sortem Domini vocati non sint. Aliqui adfirmant istos mortaliter peccare, si beneficium annexa sit animarum cura, securus si beneficium simplex sit. Distinctio vana, quia in utroque casu circumvenitur Ecclesia in re gravi, licet enornius in uno quam in altero casu.

V. QUEST. IV. A quibus abstinere Clerici debent? RESP. Concilium Mediolanense 1. plura enumerat a quibus abstinere Clerici astringuntur. 1. profanis negotiis se immiscere non debent; 2. abstinere ab arte mendendi; 3. a negotiis, & mercatura; 4. a conducendis prædiosis lucri causa; 5. a tutela seu cura aliorum suscipienda. 6. a fidejubendo pro aliis; 7. a servitute feminis præstanta; 8. a ludis alearum, a venatione clamorosa tenentur. Ut ab his ultimis incipiam.

VI. QUEST. V. Peccant ne Presbyteri seculares qui matronis ancillantur? RESP. Corruptela bodierna, qua Presbyteri laicis familiis inferviunt, & sub prætextu educandi libe-

liberos, familiae negotia tractant, dominibus matronis inferiunt, manus consecratae porrigit, quibus ambulantes sustinent, monstrosa est, & horrenda. Presbyteri isti dignitatem sacerdotalem deturant, vilipendunt proprium characterem, & sacrum gradum profanant. Episcopi evangelico pectore deberent ejusmodi Presbyteros ab altari arcer, & sacris interdicere.

VII. QUÆST. VI. Utrum negotiatio Clericis sit interdicta? RESP. Omnes absolute affirmant. Inquit enim S. Paulus 2. ad Tim. 2. Nemo militans Deo implicat se negotiis secularibus. Casuistæ non pauci plures exco-gitarunt opiniones, quas omnes more suo colligit P. La-Croix lib. 3. p. 2. n. 997. & seq. & primo afferit, Clericum posse emere aliquid ut consumat, & aucto prelio illud vendere sperans se vilius empturum. Est enim, inquit, actus œconomicæ prudenter. Sacra ne, an profanæ? Addit ibi n. 999. & seq. Manriquez, & Delbene, teste Gobat, docent, posse Presbyteros emere uvas, & vinum vendere. Addit num. 1000. Gobat, inquit, putat in Germania licitum esse in Monasteriis per famulos vendere vi-num, & panem. Id enim proprie non esse habere tabernaculum, aut negotiari, sed sua vendere transiuntibus. Hoc fit non modo in Germania, sed etiam alicubi in Italia. Per illam particulam proprie eludentur omnes canones, qui vetant negotiationem, & mercaturam Clericis, & in primis Cœlestibus. Plurimas alias opiniones faventes Clericorum negotiationi refert P. La-Croix, quas indicavi Tom. 10. lib. 1. diff. 2. c. 11. Nunc eas prætereo, satisque sit monere lectorem, ut ab eis quæ minus convenient Clerico, abstineat.

VIII. QUÆST. VII. An venatio sit interdicta Clericis? RESP. Adfirmant absolute omnes, & innumeri sunt canones eamdem prohibentes. Venationes vetitæ sunt clamorosæ, nempe cum canibus, avibus, & armis, puta sclopis, peractæ. Quietæ autem venationes sine canibus, avibus, & sclopis, sed solis retibus, & laqueis licite clericis sunt, ut colligitur ex Tridentino. P. La-Croix lib. 4. n. 1374. inquit: „ Prohibitio-„ nes illæ nunc ita mitigatae sunt, ut si re-„ creationis causa fiant sine magno clamore, „ scandalo, vel contemptu, non facile pec-„ cetur mortaliter. Nav. Mot. Turr. Lug. „ MS. Addunt Suar. Sa Castrop. etiam a-„ veniali excusari, si venatio sit rara & „ moderata, & ad reficiendas vires. “

IX. Fateor me gravi timore & tremore concuti, cum ex una parte videam Pontifices summos, Episcopos, & sacras Synodos comminari excommunicationem Clericis non deferentibus vestem clericalem, prohibere mercaturam, venationem &c. & cum ex altera parte videam citatos Casuistas tribunal erigere supra Pontifices, Episcopos, & Concilia, & clamare ad Clericos, prohibitions istas ita nunc mitigatas esse, ut violatores non peccent mortaliter. Subdit ibidem n. 1376. P. La-Croix: „ Dicastillus n. „ 300. putat venationem etiam cum apparatu, & clamosam non prohiberi Clericis, nisi fiat frequenter; & addit cum Cajet. Nav. Sylv. Bann. Molia. Tur. „ Dian. licet fiat frequenter, non „ audere se damnare mortaliter, si ex recreatione fiat. “

X. Hæc & similia per universam Theologiam interpretamenta grassantur, & ipsæ divina leges similibus distinctionibus accommodantur ad hominum mores. Quid juvat sacra Concilia, Episcopos, & Pontifices pro disciplina reformatione canones condere, si plurimi continuo doceant Clericos, & populum, hodie ita mitigatos esse canones, ut non obligent sub mortali, immo neque sub veniali, si recreationis gratia, quæ veritas sunt, fiant? Profecto omnes Clerici confitentur se recreationis gratia venari, ludere, negotiari, & alia plura quæ fileo. Cur miramur, si nunquam reformari, sed contra in dies laxari disciplinam tum ecclesiasticam, tum monasticam videamus? An plures Casuistæ in causa sint, an vetandum istis sit ne audeant mitigare sacros canones, judicent sapientes.

XI. QUÆST. VIII. Utrum Clericis vetiti sint ludi aleatorum? RESP. Non modo antiqui, sed etiam recentes canones Clericis vetant ludos aleæ seu fortunæ & sortis. Concilium Lateranense IV. sub Innocentio III. can. 26. inquit: Clerici ad aleas, & taxillos non ludant, nec hujusmodi ludis interficiant. Glossa plura adjicit, & citat Novellam cxxiiii. cap. 10. ubi hæc habentur: Interdicimus autem sanctissimis Episcopis, Presbyteris, & Diaconis, & Subdiaconis, Lectoribus, & omnibus aliis . . . ad tabulas ludere, aut aliis ludentibus participes, aut inspectores fieri, aut ad quodlibet spectaculorum spectandi gratia venire. Concilium Tridentinum sess. 22. cap. 1. de Refor. inter plura quæ de vita & honestate Clericorum prescribit, hæc inculcat: Statuit sancta Synodus R. dus

dus ut que alias a summis Pontificibus, & a sacris Conciliis de Clericorum vita, honestate, cultu, doctrinaque retinenda, ac simul de luxu, conmessionationibus, choreis, ALEIS, LUSIBUS, ac quibuscumque criminibus, nec non secularibus negotiis fugiendis copiose, ac salubriter sancta fuerunt, eadem in posterum iisdem pœnis, vel majoribus arbitrio Ordinarii imponentis, obseruantur; nec appellatio executionis hanc, que ad mortum correctionem pertinet, suspendat.

XII. P. La-Croix lib. 4. n. 1370. refert Salas, Mol. Rebel. Azor. Castrop. interpretantes prohiberi consuetudinem ludendi, minime vero una aut altera vice. Immo addit, Sa., & Valentiam ipsam consuetudinem ludendi excusare a mortali, si non fiat ob lucrum; sed recreationis causa. Immo, inquit, Salas putat probabilitatem horum lusuum non extendi ad Religiosos laicos, quia textus tantum habet de Clericis. Sed communis opinio tenet oppositum, concludit ille.

XIII. Clerici hæc legentes, & Probabilismi lenocinio præventi, incipiunt citatorum Casuistarum auctoritate sulti ludere una & altera vice. Ex repetitis vicibus fit consuetudo, & tunc patrocinantibus Sa., & Valentia dicunt se ludere recreationis causa, non ob lucrum. Hoc enim est quid accessorium. Tandem patrocinante Salas concludunt hanc consuetudinem non extendi ad Religiosos laicos. Quoniam, inquit, autores citati sunt graves, probi, & classici. Sed tu lector, missis ejusmodi commentis, in Conciliorum, & maxime Tridentini doctrinam animum serio intendito, & a ludis aleatoris omnino abstine. Noli incipere, nisi vis prosequi, & pravam contrahere consuetudinem. Vix aliquem ex citatis Casuistarum legi, qui ferventi zelo, & sedulo studio promoveat sacrorum canonum observantiam; sed eo dirigunt conatus suos, & studia in universa fere Theologia ut leges, & canones mitgent, liniant, temperent, & humanae fragilitati accommodent. Verum ne hoc sit, tu ipse lector judex esto.

XIV. Clerici larvati incedentes peccant mortaliter. Diana Tom. 7. tr. 5. Resol. 6. inquit: *Puto non esse recedendum a communis sententia Doctorum, nempe in tali casu Clericos seculares, & regulares peccatum mortale committere.*

§. UNICUS.

De scientia ordinandorum.

I. Scripturæ sanctæ ignaros a Sacerdotio repellit Deus. *Quia tu scientiam repulisti, repellam te ne Sacerdotio fungaris.* Ofer c. 4. Et Evangelista Matth. c. 23. clamat: *Vae vobis duces ceci.*

II. Omnes adfirmant in ordinandis scientiam requiri: sed pauci explicant qualis scientia necessaria sit. Scientiam quam Prophetæ, & Evangelistæ inculcant, est scientia Scripturæ sanctæ. S. Paulus 2. ad Tim. 3. inquit: *Omnis Scriptura divinitus inspirata, utilis est ad docendum, ad arguendum, ad corripiendum, ad erudiendum in justitia, ut perfectus sit homo Dei ad omne opus bonum instrutus.* Primum ergo necessarium est Scripturæ Sanctæ studium, ut vera imago christiani spiritus formetur. Hac instructus divina scientia inofensio pede legere poteris etiam autores morales: quia tum discerne-re scies verum a falso. Non modo ipsæ divinæ Scripturæ, sed omnia Concilia, & Patres inculcant studium divinae legis ab ipso Deo sacris scriptoribus dictatæ. Concilium Nicænum II. can. 2. inquit: *Nostra Hierarchie substantia sunt eloquia divinitus tradita, divinatum Scripturarum vera scientia.* Rursum dif. 1. cap. Cum ignorantia, hæc habentur: *Sciunt ergo Sacerdotes Scripturas sanctas, & canones.* Deus te redarguet ob Scripturarum neglectum; atque juxta legis suæ in Scriptura sancta descriptæ mandata judicabit. Lubet huc transcribere verba præclari Theologi: Ludovici Habert de sacr. Ord. p. 2. c. 8.

III. „ Apage ergo modernos illos Theologos morales qui in libris a se vulgatis „ doctrinam morum stabilient ratiunculis, „ & argumentis verisimilibus, ne dicam so- „ phisticis, vixque sacrarum Scripturarum „ meminere, nisi ut earum sensum ad præ- „ conceptas opiniones deflectant; eoque pro- „ grediuntur ut suspectos in fide pronun- „ tient qui sicut fidei dogmata, ita mora- „ les conclusiones afferunt repetendas ex „ Scripturis sacris, canonibus Ecclesiæ, & „ sanctorum Patrum scriptis. Operæ pre- „ tium foret ut viri hierarchici collectas „ apud se haberent propositiones ex hujus- „ modi libris magno numero excerptas, & „ censorie notatas tum a summis Pontifici- „ bus tum ab Episcopis per varia loca, ac „ præsertim Gallicanis an. 1655. & 1700. „ tum ab insignibus Academiis.“

IV. Verum si in ordinandis Clericis, si in Parochis, si in Confessariis requiritur Scripturarum studium, quid de Episcopis dicendum erit? Iste, cum sint populi christiani duces, multo profundius aliis subalternis ministris callere Scripturas, canones, Patres debent, quo possint alios sana imbue-re doctrina, atque dignos apertosque Ecclesiae profectui in sui adjutorium assumere, indi-gnos vero ineptosque a ministerio arcere atque repellere.

DISSERTATIO II.

De simonia.

CAPUT I.

*Simoniae notio, ejus variae species: & que
pretii rationem habent in simonia
contrabenda.*

I. QUEST. I. *Quid sit simonia?* RESP. Simonia a Simone Mago nuncupata, est *studiosa voluntas emendi, vel vendendi aliquid spirituale, vel spirituali annexum, ut inquit S. Thomas 2. 2. q. 100. a. 1.* Prima particula *studiosa voluntas* prodit deliberatam voluntatis actionem. Altera *emendi, vel vendendi* præfert omnem contractum onerosum, & non gratuitum, quo res spiritualis aliquo temporali pretio, seu aliqua re pretio estimabili emitur, venditur, locatur, permutatur, transfigitur &c. Ultimæ particulae significant aliquid a Deo auctore supernaturali proficisciens, aut ad Deum salutis auctorem directum.

II. Hoc spirituale triplex. 1. Aliud in se, ut *gratia, iurisdictio ecclesiastica, virtutes infusa, dona Spiritus sancti, gratiae gratis datae, operatio miraculorum, interpretatio sermonum &c.* 2. Aliud est spirituale efficiens, ut *sacramenta.* 3. Est spirituale productum a causa spirituali, ut *dispensationes in votis, juramentis, absolutio a censuris, mortuos sepelire, cantare in choro &c.* *Spirituali annexum* dupliciter evenit: aut quia antecedenter conjungitur cum spirituali, ut sunt beneficia ecclesiastica, que supponunt ordinem clericalem, aut quia rem spirituali comitatur, vel consequitur, vel ad rem spirituali ordinatur, ut sunt vestes sacrae, vasa sacra, templa, reliquiae Sanctorum, ius patronatus præsentandi ad beneficia.

III. QUEST. II. *Quotuplex sit simonia?* RESP. Duplex. Alia juris naturalis & divini, quæ natura sua mala est, quæque committitur, dum quæ spiritualia sunt, aut spiritualibus annexa, ut *gratiæ, sacramenta, iurisdictio ecclesiastica, dona, virtutes &c.* venduntur, vel emuntur. Altera est ecclesiastici juris, quæ mala est, quia prohibita: & hæc sita est in permutatione, & resignatione beneficiorum &c.

IV. Dividitur ulterius simonia in *mentalem, conventionalem, realem, & confidentiam.* *Mentalis* dicitur quæ intra mentem sit, quæ dupliciter contingere potest: 1. quando quis interno proposito deliberat simoniā committere. 2. quando exterius id indicet. *Conventionalis* ex mentali oritur; estque expressa, vel tacita *conventio dandi temporale pro spirituali, aut contra: sed ex neutra parte executioni mandatur, aut tantum ex una.* *Realis* utramque consequitur, & executioni demandatur, aut in partem, aut in totum, quod animo conceptum, & exterius conventum erat. *Confidentialis* est cum quis beneficium procurat eligendo, præsentando, resignando, aut alia via; cum *confidentia, seu pacto expresso vel tacito, ut is cui procuratur, resignet vel procuranti, vel alteri, aut ut pensionem, vel fructus ex eo reddat.*

V. QUEST. III. *Utrum factus simoniacus veram simoniā committat?* RESP. *Factus simoniacus* est qui pretium promittit pro beneficio, animo se non obligandi, neque tradendi illud. Hunc gravissime peccare affirmant omnes. Sed negant plures hunc esse simoniacum. Opposita sententia mihi vera est. Exerior promissio dandi pretium collidit interiorum intentionem. Prior opinio viam latissimam aperit obtinendi, & retinendi beneficia his factis simonii. Ceterum casus rarus est, quia venditores rerum spiritualium non solent esse minus versuti & veteratores, quam emptores: & nisi securi, & tuti sint de pretio, non vendunt.

VI. QUEST. IV. *Quæ habent rationem pretii in simonia?* RESP. *Munus ab obsequio, a manu, a lingua.* *Munus ab obsequio* est subiectio oblata, ut est inservire collatori rei spiritualis, assistere, eum comitari, docere, instruere &c. *Munus a manu* est pecunia, & quidquid nomine pecuniae venit, sive tradita, sive promissa. *Munus a lingua* est favor, laus, elogia, preces, supplications, adulaciones, & alia hujusmodi. Regula generalis & præcisa designati nequit, quan-

donam in munere ab obsequio, & a lingua simonia patretur. Pecuniae traditio, vel promissio sere nunquam munus gratuitum est. Si Episcopus beneficium conferat ministris ob servitia praestita, vel praestanda absque salario, communiter simoniem committit, etiamsi nullum interveniat pactum: quoniam factum loquitur, & locum pacti obtinet.

VII. Communiter munera a lingua, & ab obsequio, si sint gratuita, non inferunt collationem beneficii esse simoniacam. At raro gratuita sunt, & ingenui animi sincera testimonia. Aliqui distinguunt *principaliter*, & *minus principaliter* offerre. Distinctio absolute vera est. At in praxi distinguere hujus distinctionis, *primario*, & *secundario*, confinia difficultatum est, & versutus animus se transformat, larvamque induit. Quare tam candidati, quam collatores ab ejusmodi muneribus abstinere debent. Qui digni sunt, his præstigiis non indigent.

VIII. Mutuum sub obligatione impositum simoniem continet, cum talis obligatio sit pretio estimabilis. Si mutuum tradatur ex pacto, vel conventione assequenda rei spiritualis similiter simonia est.

IX. Qui titulo consanguinitatis, vel affinitatis conferunt beneficia, præferuntque consanguineum, vel affinem digniori, peccant gravissime contra justitiam, ut docet S. Thomas 2. 2. q. 100. a. 5. ad 2. eique subscriptibunt omnes Theologi. Simoniem perpetrat Episcopus, si conveniat de pensione sibi, aut alteri solvenda, aut conferat beneficium, si alias pensionem non fuisset impositurus. Simoniæ quoque rei sunt candidati qui in Romana Curia pensionem solvendam, aut aliquid aliud pretio estimabile spondent aulicis, aut aliis quibuslibet, ut auxilium favoremque præbeant ad beneficium assequendum. Qui imponunt onus beneficio nullo modo annexum, simoniem committunt. Quare simonia est renuntiare, vel commutare beneficia quibuscumque pactionibus, conditionibus, modisque adjectis in favorem alterius. Simoniæ rei sunt qui permutant, aut renuntiant beneficia cum pensione ex licentia Papæ, sed adjecta conditione ut renuntiarius solvat bullas pensionis. Similiter simoniem perpetrant qui conferunt beneficium curatum cum onere ut beneficium quod habet, libere resignet, quia apponenter conditionem in collatione beneficii quæ de jure non est.

C A P U T II.

Quomodo simonia committatur dum res temporales traditur aut tamquam pretium, vel tamquam motivum, vel ut gratuita compensatio.

I. **I**nvesto novo opinandi modo, peccata plura malitiam exuerunt; cum milrena de mundo, inquit Caramuel, sustulerit unus Diana. Olim viri sancti invehebantur acriter in simoniem larva posita. In praesens tot est phalerata, & compta fucis, & lenociniis, ut vix reperiatur in mundo. Casuistæ plures in pecunia, seu in temporali distinguunt rationes *pretii*, *motivi* *principalis*, *secundarii*, *proximi*, *remoti*, *directe intenti*, *compensationis*, *gratuitæ retributionis*. Hoc distinctiuncularum involucro abscondita simonia, veluti fossa, & vallo munita, retundit omnium sacrorum canonum ietus, & triumphabunda discurrit.

II. Concilium Toletanum can. 1. hæc statuit; *Si quis Episcoporum accepta QUOCUMQUE MODO pecunia ordinaverit Episcopum, Abbatem &c. ipse gradus sui subjaceat periculo.*

III. Concilium Tridentinum, missis innumeris aliis canonibus, sess. 24. c. 18. de Reformat. inter plura hæc decernit. *Caueant ne quidquam prouersus occasione hujus examinis NEC ANTE, NEC POST ACCIPIANT.* *Alioquin simonia vitium tam ipsi, quam alii dantes incurant. A qua absolvi nequeant nisi DIMISSIS BENEFICIIS, que quomodocumque etiam antea obtinebant, & ad alia impostorum inhabiles reddantur.*

IV. Nihil sive ante, sive post tradi examineribus, & collatoribus beneficiorum potest. Ergo vana sunt commenta quæ docent, aliud tribui liceat posse sive ante, sive post, quocumque fuso obiectum. Neque Scriptura sanctæ, neque Patres, neque Concilia distinguunt in re temporali tradenda rationes *pretii*, *motivi proximi*, *remoti*, *principalis*, *accessoriis* &c. sed absolute, technis rejectis, clamant: *Gratis accepisti*, *gratis date*.

V. P. Gregorius Valentia inter primos citati solet qui mandata contra simoniem laxaverit. Et re ipsa Tom. 3. disp. 6. q. 16. punct. 3. hæc docet: „ Potest quis conferre „ spirituale propter temporale principali- „ ter tamquam propter finem; itaut tem- „ porale apud eum non sit finis ipsius rei „ spiritualis, quasi temporale pluris ab eo „ quam

„ quam spirituale aestimetur , sed tantummodo voluntatis , sive applicationis animi ad actum conferendi spirituale ; & hoc non est simonia . “ Quod ibidem fuisus confirmat .

VI. Venustior ne , & acutior excogitari distinctiuncula potest ? Collator beneficii accipere potest principaliter temporale ; sed hoc temporale non est finis rei spiritualis , sed tantummodo voluntatis , sive applicationis animi ad actum conferendi spirituale . Temporale ergo datur non propter rem spiritualem , sed ut collator applicet voluntatem ad conferendam rem spiritualem . An hæretici , & impii legentes hæc festiva interpretationa scandalum accepturi sint , ceteri iudicent . Doctrinam Valentia secutus est Tannerus , aliquique plures , inter quos ipse P. Viva .

VII. Romana Sedes inaudiens simoniae scelus quorundam opinionibus foveri , & in dies graffari , tres sequentes theses damnavit . Alexander VII. hanc num. 22. proscriptis : Non est contra iustitiam beneficia ecclesiastica non conferre gratis : quia collator conferens illa beneficia ecclesiastica , pecunia interveniente , non exigit illam pro collatione beneficij , sed velut pro exolumento temporali , quod tibi conferre non tenebatur . Ven. Innocentius XI. duas sequentes 45. & 46. diris devovit : Dare temporale pro spirituale non est simonia quando temporale non datur tamquam pretium , sed dumtaxat tamquam motivum conferendi , vel efficiendi spirituale , vel etiam quando temporeale sit solum gratitudo compensatio pro spirituali , aut e contra . 46. Et hoc quoque locum habet , etiam si temporeale sit principale motivum dandi spirituale ; immo etiam si sit finis ipsius rei spiritualis , sic ut illud pluris aestimetur quam res spirituales .

VIII. QUEST. I. Qui dat pecuniam tamquam motivum non immediate obtinendi rem spiritualem , sed tamquam motivum medium honestum , ex quo expectetur res spiritualis , committit ne simoniā ? RESP. Negant aliqui . Sed hæc opinio falsa mihi est , doctrinæ Scripturarum , Conciliorum , & S. Thomæ prorsus contraria . Candidatus ad Ordines , aut parochiale beneficium accipiendum offert pecuniam examinatoribus , Episcopo , collatori &c. Quodnam est motivum illud medium verum , & honestum , a quo expectatur beneficium , aut sacramentum Ordinis ? Silent . Ne multa , candidatus non traheret , vel promitteret rem temporalem , nisi speraret beneficij , aut factorum Ordini .

Tom. II.

num assecutionem . Ergo simoniā comittit .

IX. Eamdem opinionem defendunt Salmantenses tract. 19. cap. 1. p. 4. n. 55. ubi docent , ad rationem simoniae requiri voluntatem dandi pecuniam „ ut pretium , seu commensurandi illam cum re spirituali , tantumque estimandi , quod fit per contractum onerosum . Hac tamen seclusa prava voluntate , etiam temporale detur animo consequendi spirituale , non ut pretium onerosum , sed gratis , vel ex gratitudine , aut benevolentia , etiam cum aliqua antidoralis obligationis impositione , nulla simonia committitur , sive manus ante collationem rei spiritualis conferatur , sive post ipsam , sive simul cum ipsa . ”

X. Quid expressus contra Tridentinum , contra omnes sacros canones proferri valeat , profecto me latet . Ad rationem simoniae requiritur voluntas commensurandi pecuniam cum re spirituali , tantumque estimandi ? Qui hanc haberet voluntatem , hæreticus impudentissimus esset , nedam simoniacus . Quis Catholicorum unquam asseruit pecuniam æquare rem spiritualem ordinis omnino superioris posse ? Hæc opinio , meo iudicio , re ipsa continetur in re scriptis damnatis thesibus . Hac quippe doctrina admissa , nulla in mundo simonia est . Si plura cupis , consule Tom. X. lib. 1. diss. 3. c. 2. Nec lubet in doctrina evidenter falsa convellanda diutius immorari .

XI. QUEST. II. Utrum licet dare temporale sub spe obtinendi a donatario spirituale , & contra , titulo amicitiae , & gratitudinis ? RESP. Adfirmat P. Billuart , dummodo sincere , & non siccile expectetur ut donum spontaneum ex mera gratitudine , amicitia , & liberalitate , & non titulo muneris temporalis debitum . Quoniam , inquit , hoc est dare temporale ut motivum quidem obtinendi spirituale sed mediante alio motivo honesto scilicet gratitudine , & amicitia .

XII. Hæc sunt pura putaque commenta ad incrustedum simoniae scelus excogitata . Concilia omnia , & præcipue Tridentinum prohibent dare pecuniam , non animum , non modum dandi . Concilia prohibent dare rem temporalem pro obtinenda re spiritualem . Ineffissime excogitatus est modus dandi , quando re ipsa datur pecunia . Nec collatores beneficiorum , ordinum &c. curant utrum pecunia detur titulo pretii , vel incitamenti , remoti , aut proximi , aut antidorali gratitudinis motivo , dummodo re ipsa detur , & ipsi re ipsa accipient . Hoc unice curant , cetera deri-

derident . Admissa hac præcisionum , & distinctionum farragine , nulla in mundo simonia esset .

XIII. QUÆST. III. *An sacramentorum venditio sit simoniaea?* RESP. Adfirmant omnes , dum pro sacramentorum administratione aliquid exigitur . Similiter simoniacus esset qui venderet Eucharistiam . Quæ sacræ ministris dantur , sunt ad eorum sustentationem destinata , minime ut pretium administrandi sacramenta : *dignus est enim operarius cibo suo* , inquit Evangelista Matth. sicut & Sacerdoti celebranti datur eleemosyna pro ejusdem sustentatione .

XIV. Qui concionantur vel propter plausum , vel propter lucrum , simoniaci sunt , ut docet Angelicus 2. 2. q. 100. a. 3. ad 2. Si Sacerdos in articulo mortis nollet baptizare absque pecunia , si baptizandus puer esset , quisque alius etiam laicus baptizare posset . Si baptizandus esset adultus , & nullus esset nisi Sacerdos simoniacus , tunc supereret baptismus flaminis , ut docet S. Thomas 2. 2. qu. 100. a. 2. ad 1. Quare rejicitur opinio eorum qui docent dari posse pecuniam ad inflectendam voluntatem avari Sacerdotis . Verum commentum istud est prorsus itame . Simonia similiter est quidquam accipere pro administratione sacramentalium . Quæ tribui solent pro cantu Missæ , pro officio funebri , pro processione &c. a simoniæ labore immunia sunt , quia dantur juxta laudabilem consuetudinem in ministrorum sustentationem .

XV. P. Nicolaus Mazzotta tr. 3. disp. 5. qu. unic. de simonia recenset multos docentes aliquid recipi posse absque simonia pro obligatione exercendi spiritualia , quod hæc obligatio sit a functione ecclesiastica sejuncta . Refert quoque oppositam sententiam P. Mazzotta methodum imitatur P. La-Croix proponendi collectionem probabilium contrariarum opinionum , ut lectors eligeant quæ sibi magis artident & blandiuntur . Prior opinio jam proscripta est .

XVI. QUÆST. IV. *An sit simonia vendere , aut emere actus jurisdictionis potestatis ecclesiastice?* RESP. Distinguunt communiter autores jurisdictionis potestatem , quæ spectat forum conscientiæ , ut absolvere a peccatis , & potestatem quæ ad forum externum attinet , ut dispensare in votis , in legibus , visitare , condemnare &c. Pro his omnibus quidquam accipere simonia est , quia actus isti spirituales sunt . Similiter simonia est quidquam exigere pro licentia audiendi confes-

siones , absolvendi a censuris , pro concessione indulgentiarum , pro facultate dispensandi in votis , juramentis , pro assistentia Parochi ad matrimonium , pro electione , collatione , confirmatione beneficiorum &c.

XVII. QUÆST. V. *Simonia ne est quidquam accipere pro ingressu in monasteria?* RESP. Concilium Tridentinum sess. 25. c. 16. hæc statuit . Sed neque ante professionem , excepto viatu & vestitu novitiis , vel novitie illius temporis , quo in probatione est , *quocumque praetextu . . . Monasterio aliiquid ex bonis ejusdem tribuatur* . Convenit penes omnes iure naturali , divino , & ecclesiastico vetitum esse aliquid tamquam pretium accipere , vel tradere sive pro habitus facri susceptione , sive pro monastica professione . Hæc duo certa sunt penes omnes . Verum Casuistæ plures , qui pecuniam considerant & ut pretium , & ut motivum primarium , secundarium , proximum , remotum , & ut titulum antidoralis obligationis , & gratuitæ compensacionis , omnem simoniæ de medio tollunt . Sacri vero canones qui prohibent quidquam accipere , vel tradere pro ingressu in Religionem , adeo sunt luculentí , ut omnes præfatas distinctiunculas , & excogitata commen-ta profligent . Consule Tom. X. lib. 1. diss. 3. cap. 5.

XVIII. QUÆST. VI. *Est ne simonia jure divino vetita , beneficia quecumque conferre intuitu temporalis emolumenti?* RESP. Duo in beneficiis includuntur jura . Aliud spirituale , seu jus administrandi spiritualia , & dicitur officium ; aliud jus percipiendi tempora-lia , & dicitur beneficium . Juxta omnes simonia est omni jure vetita , a qua nec Papa dispensare potest , venditio beneficii pro ut jus dicit administrandi spiritualia . Disputant autores , num sit simonia jure divino vetita captare , vel conferre beneficia intuitu solius temporalis emolumenti ? Negant aliqui . Sed hæc opinio falsa mihi est , quia jus ad temporales reditus ita annexum est cum jure ad officia spiritualia , ut separari nullo modo possit . Distinguendi sunt fructus beneficij , quos vendere , locare , permittare beneficiarius potest , a jure percipiendi hos fructus . Hoc jus beneficiale inseparabile est a priori jure administrandi spiritualia . Idcirco qui unum vendit , vendat & alterum necessum est .

XIX. Offerre aliquid Semponio ut intercedat apud collatorem simonia est . P. La-Croix continuo adjicit distinctionem : *si des pro labore , non est simonia* . Et hanc opinio-nem

nem transcrit P. Mazzotta m. 3. D. 5. c. 3. inquiens: „Si autem des aliquid intercessori „sive mediato, sive immediato, non qui- „dem pro intercessione, sed pro labore, lucro „cessante, damno emergente, dispendio tem- „poris &c. in eundo, & redeundo, non est „simonia, quia ista sunt quid temporale „omnino extrinsecum. Croix n. 91. & alii communiter.“

XX. Revera Croix totidem verbis hanc opinionem docet cum Diana, Castropalao, Raynaudo, & aliis. Istei opinionis falsitas & laxitas imbecillitati meæ evidens est. Tradere pecuniam pro intercessione apud collatorem beneficium simoniam esse farentur auctores isti; tradere vero pecuniam *pro tempore impendendo, pro lucro cessante, & damno emergente in eundo, & redeundo, non est simonia*. Ecce? Quia hæc sunt quid temporale omnino extrinsecum. Peregregie. Cedo. Fieri ne intercessio valet sine aliquo temporis dispendio, sine accessu, & recessu a collatore? Si quis intercedere debet, loquatur oportet. Ut loqui valeat, tempus requiritur, & accessus, recessusque. Ergo si simonia est tradere pecuniam pro intercessione, simonia quoque est tradere pecuniam pro eiusdem necessario annexis. Etiam ipsi collatori dari pecunia poterit, non pro collatione, sed pro dispendio temporis in collatione insumpti. Diana excogitavit has difiniunculas, ex Diana Castropalaus, ex Castropalo La-Croix, ex La-Croix Mazzotta: & postea concludunt: Ita communiter Doctores. Imperiti lectors hæc legentes putant Doctores Ecclesiæ ita docete: heinc tutta conscientia simoniam committunt. En quam verum sit quod initio dixi, admissis his opinionibus, nullam dari in mundo simoniam.

XXI. Venditio habituum ordinum militarium, qui dantur Religiosis choro, & divino officio deputatis simonia est. Similiter vendere pensiones erectas in titulum beneficii, ut præsimonia, seu beneficia simplicia, simonia est, ut farentur omnes. Plura de his pensionibus statuit S. Pius V. in Bulla quæ incipit *Ex proximo*. Quispam asserit hanc bullam nullibi esse receptam. Sed fallitur, & fallit. Testantur quippe Salmantenses n. 74. in Hispania esse receptam. Et communis sententia docet ejusmodi pensiones redimi aut vendi non posse abique simonia. Simoniaca quoque est venditio juri patronatus ecclesiastici:

XXII. Qui electus est ad beneficium,

habetque collationem a legitimo superiori, licet nondum possideat, habet jus in re. Idcirco potest pecunia redimere injustam vexationem, dummodo revera sit iuxta, absque simonia, ut docet S. Thomas 2. 2. q. 100. ar. 2. ad 5. Redimere contra vexationem ante acquisitum jus in re pecunia, est simonia, ut ibidem S. Thomas asserit. Distinguunt tamen auctores vexationem intentatam contra jus acquirendum ab eo qui obesse, sed non prodesse valet, a vexatione intentata contra jus acquirendum ab eo qui obesse, & prodesse potest. Quando redimitur vexatio ab eo qui obesse, & prodesse valet eligendo, confirmando &c. simonia committitur. Redimere vero vexationem intentatam ab eo qui obesse, sed non prodesse potest, nulla est simonia.

XXIII. Commutare res spirituales pro spiritualibus nulla est simonia, exceptis beneficiis. Quare licitum est te hac hebdomada celebrare quatuor Missas pro Petro, ut totidem alio tempore pro te Petrus celebret. Sic tradi possunt reliquia pro reliquiis.

XXIV. QUEST. VII. Permutari ne beneficiis valent absque simonia? RESP. Jure ecclesiastico veritate sunt omnes beneficiorum permutations, & simoniaca declaratae, nisi accedat superioris auctoritas, & dispensatio. Licit enim tituli beneficiorum spirituales sint, & hac ratione spirituale pro spirituali commutari possit; nihilominus, quia beneficiorum titulis annexi sunt redditus temporales, qui avaritiam accidunt; idcirco Ecclesia prohibuit ne absque superioris auctoritate hæc permutations fiant. Nomine beneficiorum intelliguntur omnia spiritualia, quæ annixa habent emolumenta temporalia. Sufficit & exigitur auctoritas illius superioris qui beneficia contulit. Quare Episcopus nequit facultatem concedere permundandi beneficia collata a superiori, nempe a Papa. Si beneficia sint in diversis diocesis, utriusque Episcopi consensus necessarius est, vel patronorum qui jus habent nominandi, & præsentandi.

XXV. Permutatores beneficiorum possunt simul honestas conditiones intre mutuo, & eas proponere legitimo superiori. Alibi evincam has permutations raro licitas esse. Acceptio pecunia pro collatione beneficii non modo simoniaca est, sed etiam contra justitiam; & oppositam opinionem damnavit Alexander VII. n. 22.

XXVI. Episcopi nequeunt concedere facultatem permundandi beneficium cum pensione

clericali spirituali. Si pensio sit laicalis, nullo modo neque Pontificis auctoritate permutari cum beneficio potest, ut patet. Quando beneficia sunt inæqualia vel in redditibus, vel in dignitate, non possunt compensari pecuniae, seu rei temporalis accessione, quidquid nonnulli in oppositum dicant.

XXVII. Transactio in componenda lite super beneficio simoniaca est, si fiat absque Sedis apostolicae auctoritate. Plura de hac re disputant aliqui, quæ expendere non vident, utpote inutilia, quia ad apostolicam Sedem ea dirimere attinet.

XXVIII. QUÆST. VIII. Quomodo resignari beneficium absque simonia posse? **REPO. 1.** Resignare quisque in manibus Episcopi sui potest beneficium, nulla adjecta conditione: 2. in favorem talis personæ: 3. in favorem talis personæ, servata sibi pensione: 4. absque designatione personæ, & cum reservatione pensionis. Resignatio primo modo facta vera est, & tuta esse potest. Pro resignatione aliis modis facta requiritur auctoritas summi Pontificis, qui in bonum, & commodum Ecclesiæ dispensare valet.

XXIX. Salmantenses n. 55. resignationem fieri posse contendunt in manibus Episcopi in favorem Petri, dummodo hæc conditio in toto rigore non fiat a resignante, ita ut suspendat resignationem, sed tantum declareret Prælato modum conceptum a resignante, & servandum in provisione beneficii post absolutam renuntiationem factam. Hæc sunt blandæ cogitationes, quas prudens Episcopus solus resolvere potest, nullam omnino admittendo conditionem sive rigorosam, sive blandam. Hoc enim pacto explorabit sinceritatem resignantis.

XXX. Simoniæ sunt renuntiations reciprocae, quibus tu renuntias in favorem Petri, ut is vicissim tibi renuntiet. Similiter simoniacæ sunt renuntiations quas vocant triangulares, ut dum tu renuntias Petro, ut Petrus renuntiet Paulo, & tandem Paulus tibi suum renuntiat beneficium.

XXXI. QUÆST. IX. An renuntiaio confidentialis beneficiorum sit simoniaca? **REPO.** Resignatio confidentialis beneficii illa dicitur quæ sit in manibus legitimi Superioris cum fiducia quod ille in ejus favorem renuntiatur beneficium, sibi, vel alteri resignabit idem beneficium, vel pensionem, aut quid aliud solvet. Resignatio fiduciaria cum pacto expresso, aut tacito, dubio procul simoniaca est, jure divino, naturali, & humano vetita, ut omnes fatentur. Resignatio

fiduciaria absque ullo pacto, sed cum fpx quod resignatarus titulo gratitudinis opportuno tempore idem beneficium vel sibi, vel amico, consanguineo, vel cui volueris, resignabit, aut partem fructuum solvet, quamvis absolute, & speculative possit absque simonia esse, in praxi tamen fere semper simoniaca reputanda est.

XXXII. Simoniæ rei sunt Canonici qui principaliter choro assistunt propter distributiones, ut docet S. Thomas quodl. 8. art. 2. inquiens: *Clericus qui vadit ad Ecclesiam principaliter propter distributiones quas recipit, tamquam finem operis, committit simoniam.* Facile asserit quisque se non principaliter, sed secundario pergere ad chorū propter distributiones. Sed serio conscientiam suam expendant, num revera chorū adeant propter divinum cultum. Unde colligere hoc queunt? Ex pluribus signis, ex devotionis fervore, modestia, attentione, qua celebrant divinas laudes: ex omissione frequentandi chorū, quando nulla aut parvæ sunt distributiones.

C A P U T III.

De pœnis contra simoniacos, & de restitutione eorum quæ per simoniam acquisita sunt.

I. QUÆST. I. Subjacent ne pœnis contra simoniā conventionalem latis, quando simonia non est completa ex utraque parte? **REPO.** Resignavit Petrus sub promissione centum aureorum Paulo beneficium: is promissam pecuniam non solvit. Iste incurrit ne pœnas contra simoniacos? Negant Sanchez, Lessius, Valentia, & alii: quia usque dum non solvit pecunia, non est simonia realis completa. Aliunde simonia mentalis non subjecit pœnis, ut omnes fatentur. Hæc opinio falsa est. Ad incurendas pœnas contra simoniacos latas sat est rem spiritualem tradi cum promissione solvendæ pecuniae. Tum enim simonia realis est, non mentalis. Pœnas incurrit simoniaci, sive simonia sit contra jus divinum, sive contra jus ecclesiasticum. Quoniam lex non distinguit simoniacos juris divini, aut ecclesiastici. Qui rei sunt simonia contractæ ob ingressum in Religionem, incurrit excommunicationem ipso facto reservatam Papæ. Contendunt plures hanc pœnam non incurtere illos qui rei sunt simonia contractæ in habitus receptione, sed tantum in professione. Sed hæc distinctione arbitraria est, nullo modo erit ut ex lege, cap. 1. Extrav. de simonia.

II. QUEST. II. *Quæ poenæ impositæ sunt sacros ordines simoniace recipientibus?* RESP. Qui per simoniam aliquem ordinat, aut ut ordineretur mediator est, anathemate innodatur, & ab ordinum quorumque collatione, & omnium pontificalium executione suspensus remanet, & ab Ecclesiæ ingressu, & omnium fructuum perceptione interdictatur, si suspensionem violaverit in pontificali munere. Ordinati vero sunt excommunicationi reservatae Pontifici obnoxii; & ab omnium ordinum executione suspensi. Qui facti inscius, alterius ope ordinatus simoniace est, ab executione ordinis suspensus remanet.

III. Qui sub titulo patrimonii facti ordinantur, non possunt ad superiores ordines promoveri, nec suscepimus ordinem exercere valent, ut Tridentinum ses. 21. c. 1. de Ref. statuit. Qui conferunt, aut procurant simoniace alteri beneficium, vel officium ecclesiasticum per electionem, postulationem, confirmationem, nominationem siue publice, sive secreto, ipso facto excommunicationem incurront summo Pontifici reservatam: & huic poenæ obnoxius quoque est beneficium recipiens ut habetur in Extray. *Cum detectabile de simoniacis.* Fraterea irritantur omnes collationes, & provisiones ejusmodi factæ. Quare simonici non faciunt fructus suos, sed ante judicis sententiam restituere eos debent, & beneficium receptum dimittere, etiamsi simonia inscio beneficiario a parentibus amicisve commissa sit, ut S. Thomas 2. 2. q. 100. a. 6. ad 3. docet.

IV. QUEST. III. *An simonia in beneficiorum collatione privet beneficis ante rite obtentis?* RESP. Negant communiter auctores ante judicis sententiam simoniacum privari beneficis quæ jure possidebat ante beneficium per simoniam acquisitum: quia, inquit, in nulla lege id expressum habetur. Excipitur tamen simonia fiduciaria, quæ vi constitutionis S. Pii V. non modo beneficii tali simonia comparati, verum etiam omnium antecedentium privationem inducit; quemadmodum simonia perpetrata cum examinatoribus, quæ ex Tridentino privat omnibus beneficis antea rite obtentis, nedum beneficio simoniace acquisito. Tandem qui beneficia per simoniam assequuntur, inhabiles remanent ipso facto ad alia beneficia obtinenda ante judicis sententiam, ut expresse S. Pius V. in sua constitutione *Cum pri-* *mum declaravit.* Quod Salmantenses ex Lessio, Sanchez, Castropalo ajunt, præfa-

tam constitutionem non esse usu receptam, merum commentum est. Utique non est usum recepta a pluribus, quia reapse simoniam committunt. Sed hac ratione neque Evangelium est a pluribus usum receptum, quia violatur. Usus contrarius non efficit ut iusta leges sufficienter promulgatae non obligent.

V. QUEST. IV. *An acquista per simoniaca restitui debeant?* RESP. Resolutio affirmativa patet ex dictis, nempe omnia beneficia simoniace obtenta, & eorumdem fructus restituenda esse. Salmantenses tr. 19. cap. 4. p. 3. n. 22. inquit: „Emens beneficium non facit iustitiam, sed patitur. Debet enim gratis accipere quod dato preventio accepit: & tantum peccat contra Religionem, cuius transgressio non obligat ad restitutionem. Nec etiam beneficium conferens peccat contra iustitiam, aut ex jure divino invalidam facit collationem.“ Hæc doctrina damnata est ab Alex. VII. n. 22. *Non est contra iustitiam beneficia ecclesiastica non conferre gratis &c.* Ex proscripta doctrina plura inferunt citati auctores absurdæ conjectaria, quæ caveri debent.

DISSERTATIO III.

De beneficiis.

CAPUT I.

Beneficii ecclesiastici notio, & varia beneficiorum genera.

I. QUEST. I. *Quid sit beneficium ecclesiasticum?* RESP. Jus perpetuum percipiendi fructus ex bonis Ecclesiæ proper aliquod officium spirituale, auctoritate Ecclesiæ constitutum. Dicitur *jus*, quia beneficiario ex iustitia debentur fructos, tamquam laboris merces. *Perpetuum*, quia morte beneficiari non extinguitur beneficium, sed vacat. *Ex bonis Ecclesiæ*, significatur quod bona, unde proveniunt fructus, sint Ecclesiæ, quia initio fideles bona sua tradebant Ecclesiæ in sustentationem ministrorum. *Propter aliquod officium spirituale*, nempe administrandi sacramenta, celebrandi sacrarum, canendi in choro, concionandi &c. *Auctoritate &c.* declarat beneficium debere esse Episcopi, aut summi Pontificis auctoritate constitutum. Hinc sex conditiones ad beneficium auctores requirunt. 1. quod sit Episcopi auctori-

Autoritate fundatum : 2. quod rei spirituali sit annexum : 3. quod conferri clero debet, 4. quod sola persona ecclesiastica conferre illud valeat : 5. quod sit perpetuum : 6. quod collator nequeat illud sibi conferre.

II. QUEST. II. *Quoniam sit beneficium?*

RESP. Plura sunt beneficiorum genera. *Majora* sunt Papatus, Episcopatus, Abbatiae ; *minora* sunt plura alia. Præterea aliud est beneficium *regulare*, aliud *seculare*. Illud solis Religiosis professis, ut Abbatia, Prioratus, & aliquæ Paræciae ; istud solis Clericis votis monasticis solutis conferri debet.

III. Dividitur præterea beneficium in *duplicem*, & *simplex*. Illud habet jurisdictionem in clerum, populumque, & administrationem rerum ecclesiasticarum. Ejusmodi sunt Papatus, Archiepiscopatus, Abbatia secularis, Plebanatus, & omnia beneficia curata, seu quibus animarum regimen annexum est, & jurisdictione. Istud nullam habet jurisdictionem, administrationem, vel præminentiam, sed solum eidem annexum est debitum fundendi preces, interviendi altari, & alia ministeria ecclesiastica exercendi, ut sunt Canonicatus, Capellaniæ &c. Præstimo-
nia que sunt beneficia instituta ex proven-
tibus Ecclesiæ, conferenda juvenibus studiorum causa, conjunctum habent onus solven-
di definitas preces.

IV. Rursus beneficium aliud est *electivum*, aliud *collativum*, aliud *mixtum*. *Electivum* a pluribus confertur per electionem confirmandam a Superiori. *Collativum* a Superiori confertur. *Mixtum* patrono designante Episcopus instituit, & confert.

V. Patrimonium, cuius titulo Clerici sacros Ordines suscipiunt, beneficii rationem non habet. Dignitates, & alia officia, licet jurisdictione iisdem annexa sit, proprie beneficia non sunt, ut Generalatus, Provincialatus, Prioratus, Guardianatus &c. quia jure perpetuo percipiendi fructus carent, & idem dicendum de Vicario generali Episcopi. Vicarii tamen perpetui Parochorum sunt beneficiarii, secus temporales.

VI. Capellaniæ, que laici auctoritate sunt instituta, beneficii ratione carent. Quæ vero Episcopi consensu erectæ & instituta sunt, proprie beneficii rationem obtinent. Si quis, prævia Episcopi facultate, instituat Capellaniæ, decernatque ut quoties vacaverit, eligatur Capellanus, qui tot in hebdomadam Missas celebret, non potest eligi qui non sit Sacerdos, aut saltē intra annum promovendus ad Sacerdotium. Quare falsa

mihi est opinio illorum qui docent, eligi posse quemlibet habentem 14. annos. Non minus falsa mihi est altera opinio pluriū qui negant eligendum necessarium Sacerdotem, si Capellaniæ fundator dicat : *Præsen-
tetur, eligatur Sacerdos*. Sensus ipse communis dictat eligendum Sacerdotem esse.

C A P U T II.

De pensionibus, & coadjutoriis.

I. QUEST. I. *Quid sit pensio, & quis imponere eam jure queat?* RESP. Est jus percipiendi fructus aliquos ex beneficio alicui concessum, sive ad vitam, sive ad tempus. Alia est laicalis, alia clericalis in titulo spirituali fundata, & ad finem spiritualem ordinata, quæque Ordinem in accipiente supponit. Aliam vocant mixtam, que datur aut Clerico pauperi, aut Parocho seni in alimentum. Solus Romanus Pontifex potest has adjicere pensiones super beneficis. Episcopi possunt ipsis beneficiariis ob justam causam onus solvendi pensiones imponere : quia non onerant beneficia, sed personas : & ejusmodi pensiones desinunt obitū pensionarii.

II. QUEST. II. *Quoniam requiruntur cau-
se, ut imponi liceat pensiones queant?* RESP. Tres jure assignantur. 1. Est ut resignato-
res habeant, dimiso beneficio, alimenta
unde vivant : 2. Est qualitatis ratio in be-
neficiorum permutatione, ut quando bene-
ficium locupletius cum tenui permutatur :
3. est finienda litis occasio.

III. Pensio moderata sit oportet, habita ad beneficium, cui imponitur, ratione ; ita ut beneficiario semper remaneat ea fructuum pars quæ congrua suæ sustentationi sufficiat. Quare nunquam censemendum est velle Pontificem gravare beneficium contra regulam præsinitam a Tridentino sess. 24. c. 13. de Reform. Ad validam pensionis impositionem communiter requiritur beneficiarii consensus.

IV. QUEST. III. *Quoniam sunt clericalis pen-
sionis capaces?* RESP. Pensio laicalis cui libet laico, etiam feminæ, si conditiones adint, conferri potest. Clericalis vero solis illis tradi-
valet qui prima saltē tonsura iniciati sunt.
Ætas necessaria ad pensionem est 14. annorum. Excommunicati, & irregulares nullius pensionis capaces sunt. Illegitimi quoque incapaces pensionis sunt.

V. Beneficiarius solvere pensionem debet,
ante-

antecessoris tamen pensiones solvere non astringitur, ut mihi probabilius videtur. Pensionarius de bonis pensionis clericalis non potest ad libitum disponere, sed superflua in pios usus distribuere astringitur, quidquid in oppositum dicant aliqui.

VI. Pensionarii onera sunt 1. recitatio Officii B. Virginis: 2. solutio decimæ palpis, & subsidii ad reparationem Ecclesie: 3. inservire pro modulo suo Ecclesie. Quid? Devorabunt ne pios Ecclesie redditus pensionarii, ut otio diffundant, ut ludant, ut inserviant matronulis? Pensionarii manifestare pensiones, & beneficia antea obtenta debent. Sed hoc ex regulis Cancellariae refandum relinquo.

VII. Pensio extinguitur 1. obitu pensionarii: 2. si Clericus militia adscribatur, monitusque eam non deferat: 3. professione ejusdem in aliqua Religione emissa: 4. si matrimonium contrahat: 5. promotione ad Episcopatum: 6. si tonsuram, & habitum clericalem ferre palam recusat: 7. si ipse pensionem remittat; nisi titulo pensionis esset ordinatus, quo in casu remittere illam nequit absque Episcopi auctoritate. Solis Cardinalibus, & paucis aliis concedi privilegium solet transferendi pensiones.

VIII. MONITUM. Hactenus pauca de pensionibus delibavi ex iis qua communiter Canonistæ disputant. Exponenda origo pensionum, illarumque incrementum esset. Sed non est hujus loci, & temporis. Illud in trascursu moneo, redditus a piis fidelibus donatos Ecclesie esse in alimenta ministrorum, & pauperum illius loci in quo Ecclesia est, subsidium. Si beneficiarii gravati sint pensionibus, eleemosynas distribuere nequeunt. Nunquam intellexerunt fideles ut sua bona cederent ad alendos extraneos, longe minus ad fovendum eorumdem luxum, fastum, & otium. Commune dumtaxat Ecclesie bonum verum, & vera utilitas potest esse justa ratio dandi pensiones moderatas illis tantum qui sunt non de magnatis, & matronis, sed de Ecclesia optime meriti, quique in Ecclesie defensionem, & incrementum continent laborant. Sed haec indicasse satis sit.

IX. QUEST. IV. Quotuplex sit coadjutoria? RESP. Duplex: una temporalis, & revocabilis; altera perpetua, & irrevocabilis. Prima assignatur Parocho seni non valenti suum officium peragere, cui datur coadjutor, qui illius vices supplet, assignato ex fructibus beneficii congruo stipendio. Coadjutoriam

perpetuam cum jure succedendi in beneficium a Tridentino concedi prohibetur *sess.* 25. c. 7. de Reform. his verbis: In coadjutoriis quoque cum futura successione idem postea obseretur ut nemini in quibuscumque beneficiis permittantur. Solum sumnum Potificem posse interdum, causa cognita, & necessitate urgente concedere coadjutoriam cum futura successione, Concilium itidem declarat. Coadjutoria non est beneficium. Coadjutores cum futura successione jubente principali inservire præbendæ, & canonicatui tenentur. Quando expediuntur litteræ coadjutoriæ, si principalis obiit, successio nulla est.

C A P U T III.

De pastorum residentia.

I. QUEST. I. *Utrum animarum pastores ju-
re naturali, & divino residere in suis
Ecclesiis teneantur?* RESP. Adfirmant communiter Theologi omnes, idque ex Scripturis sanctis evincitur. *Pecora tibi sunt? Attende illis, & si sunt utilia, perseverent apud te:* Eccl. 7. Rursus Prov. 27. *Diligenter agnoscet
vultum pecoris tui, tuosque greges confiaera.* Christus Dominus luculentius hanc inculeat doctrinam Joan. 10. inquiens: *Ego sum Pa-
stor bonus. Bonus pastor animam suam dat pro
ovibus suis.* Mercenarius autem, & qui non
est pastor, cuius non sunt oves propriæ, video
lupum venientem, & dimittit oves, & fugit,
& lupus rapit, & dispersit oves: & iterum
c. 20. *Pascere oves meas: & S. Petrus epist. I.
c. 1. ait: Pascite qui in vobis est gregem Dei,
non coacte, sed spontaneæ secundum Deum.* Hec
divina testimonia luculentissima sunt.

II. Pascere gregem Dei debent pastores, verbum sanctum prædicando, docendo, sacramenta administrando, infirmis assistendo, eudem a lupis defendendo. Demones enim ut leones rugientes, & lapi famelici circumvent quærentes devorare gregem Dei. Numquid prefata munia exercere pastores valent; numquid solari viduas, erigere pauperes, pascere uno verbo gregem, si distent, queunt? Quare Tridentinum *sess.* 23. c. 1. de Reformati juris divini esse hanc residentiam declaravit. Hanc sententiam triumphali calamo, inquit Natalis Alexander, tractarunt Bartholomæus Caranza Archiepiscopus Toletanus, Dominicus Soto, Cardinalis Cajetanus, Cardinalis Bellarminus, & plures alii.

III. QUEST. II. *Romanus Ponifex, ejus-
que*

que Cardinales tenentur ne residere ut ceteri pastores? RESP. Adfirmant omnes communiter Theologi. Juri enim naturali, & divino omnes subjecti sunt. Plures Canonistæ, Abbas, Gonzalez, Barbosa, & alii defendant, Cardinales institutos Episcopos residere Romæ posse: quia, inquit, qui resident in capite, resident in membris. Hoc axioma supra quam diei potest vanum est, & istorum opinio falsa evidenter est hodie, & contra expressam Tridentini ses. 23. c. 1. declarationem, ubi Cardinales etiam residentia subjicit.

IV. QUÆST. III. Quæ causæ excusant Episcopos a personali residentia? RESP. Eas explicant Tridentinum cit. ses. 23. cap. 1. his verbis. Cum christiana caritas, urgens necessitas, debita obedientia, ac evidens Ecclesiæ, vel Reipublicæ utilitas aliquos nonnunquam abesse postulerint, & exigant; decernit eadem sacrosancta Synodus, has legitimæ absentie causas a beatissimo Pontifice, aut a Metropolitana . . . in scriptis esse approbandas, nisi cum absentia incidet propter aliquod murus, & Reipublicæ officium Episcopatus adjunctum: cuius quoniam causæ sunt notoriae, & interdum repentinae, nec eas quidem significari Metropolitano necesse est . . . Interea meminerint discessuri, ita oibz suis providendum, ut quantum fieri potest ex ipsorum absentia nullum damnum accipient.

V. Abesse a propria Ecclesia pastores valent, si absque ejusdem notabili detrimento caritas Christi postularet ut alii Ecclesiæ periclitantibus succurrerent, ut Principum discordias componerent, quoties ad id illorum industria necessaria esset. Urgens necessitas defendendæ propriæ vita excusat a residentia, quando propriæ Ecclesiæ non immineat ex absentia detrimentum. Celebre est prodigiosi, & ad miraculum heroici virti S. Athanasii exemplum. Quando e contrario absentia pastoris Ecclesiæ graviter obesset, tunc pro oibz danda vita esset, ut Christus Dominus præcipit.

VI. QUÆST. IV. Possum ne Episcopi unius anni trimestre conjungere cum trimestri alterius anni? RESP. Adfirmans aliquorum opinio falsa mihi est, legemque circumvenit. Hac opinione admissa, possent Episcopi sibi præstituere viginti, triginta vita annos, & omnium annorum trimestria copulare. Sed opponunt citati auctores Tridentinum non prohibere hanc copulationem. Verum habet: quia Tridentinum noluit prævidere omnia commenta. Parochi, & ceteri omnes

curam animarum habentes, sicuti Episcopi, jure naturali, & divino tenentur residere.

VII. Causæ excusantes Parochos a residentia sunt illæ quæ excusat Episcopum, christiana caritas, urgens necessitas, debita obedientia, evidens Ecclesiæ necessitas, vel Reipublicæ utilitas. Semper tamen causæ istæ ab Episcopo cognoscendæ sunt, & probandæ. Neque Cardinales, neque Episcopi occupare in propria servitute Parochos, aliosve pastores valent. Immo neque studiorum cauſa abesse a suis parochiis valent Parochi: quia si rudes sint & ignari, dimittere parochias debent. Privilegium quod Tridentinum ses. 5. c. 1. de Refor. concedit beneficiariis, nempe Canonis docentibus revera sacram Scripturam in publica Universitate, non extenditur ad Parochos. Nec suffragatur privilegium Eugenii IV. Qui creditum &c. Verum derogata, & nulla esse eiusmodi privilegia constat ex verbis Tridentini ses. 23. c. 1. ubi haec habentur. Nec excursionem, quolibet privilegio, licentia . . . statuto, etiam juramento, vel quacumque auctoritate confirmato, consuetudine etiam immemorabili, quæ potius corruptela censenda est . . . vel vigore EUGENIANÆ constitutionis suspendi posse. Quid expectari luculentius potest?

VIII. Obligati quoque sunt ad residentiam Canonici, Prebendati, Mansionarii, Capellani Ecclesiæ cathedralis. Electi ad beneficia intra tres menses tenentur suscipere ordines iisdem annexos, ut Tridentinum ses. 23. c. 2. de Refor. declarat. Electi ad beneficium curatum, nisi intra annum capitæ possessionis promoveantur ad Sacerdotium, privantur beneficio.

C A P U T IV.

De qualitatibus ad validam, & licitam beneficiorum acquisitionem necessariis.

I. QUÆST. I. Quæ ætas requiritur in promovendis ad beneficia ecclesiastica? RESP. De eligendo ad Papatum nihil sacri canones decernunt. Ad Episcopatum requiritur annus 30. completus: in Galliis sat est annus 27. Ætas requisita ad Canonicatum, aliasque dignitates definita est a Tridentino ses. 24. c. 12. & est omnibus nota, quin egeat explicazione.

II. QUÆST. II. Quæ scientia & morum probitas requiritur in promovendis ad beneficia? RESP. De scientia jam dictum supra est, & solum repetere juvat scientiam Scripturaræ san-

santæ, & præsertim Testamenti novi appri-
me necessariam esse. Ex hoc saluberrimo
fonte haurire primum debent christiana pro-
fessionis regulas directores animarum. Heinc
discere in primis quis sit spiritus christiana
vitæ, quæ forma morum, quæ vite sancti-
tas, debent. Deinde Tridentinum, ejusque
Catechismum, & alios graviores Theologi
legant. Episcopi super Scriptura sancta pri-
mum, deinde super Tridentino examinare
istos serio debent. Verum tun de moribus,
tun de morum probitate promovendorum
ad regimen animarum plura alibi jam di-
cta sunt. Sed nihil valent scripta nostra,
nisi Episcopi docti sint, & probi, qui se-
ipssis dijudicare valeant, aut nisi saltem præ-
dicti sint mente seria, & prudenti judicio,
quo discernere verum a falso, adulatores a
probis viris queant. Pluris ego facio Epi-
scopum prudentem, maturum, & probum,
qui Christianismi spiritum simplicissimo pen-
nucillo in Evangelio delineatum calleat,
quam plurimos laureatos in utroque jure,
& variis opiniunculis, & sophisticis disputa-
tionibus præventos, & plenos.

III. QUÆST. III. An licitum sit desiderare
regimen animarum? RESP. S. Thomas quodlib. 2. a. 2. hæc scribit: Qui appetit prælati-
nem, aut est superbus, aut injustus. Injus-
titia cùm est quod aliquis velit sibi plus de ho-
nore accipere, aut de potestate, aut de aliis bo-
nis, nisi sit majoribus dignus . . . Quod au-
tem aliquis estimet se esse magis dignum præ-
latione omnibus illis super quos prælationem ac-
cipit, superbæ & præsumptionis est. Unde patet
quod quicunque prælationem appetit, aut
est injustus, aut superbus. Et ideo nullus suo
appetitu debet ad prælationem pervenire, sed
solum Dei judicio, secundum illud Apostoli ad
Heb. 5. Nemo sibi assumit honorem, sed qui
vocatur a Deo tamquam Aaron. Vide quo
habet 2. 2. qu. 100. ar. 3. ad 5. item in 4.
dist. 25. q. 3. ar. 3. ad 4.

IV. QUÆST. IV. Licitum ne est petere va-
cantem Ecclesiam? RESP. S. Raymundus in
Sum. lib. 1. tit. 1. §. 7. hæc scribit. Ego di-
stinguo, salvo meliori judicio, quod non potest
pro se petere Ecclesiam, vel dignitatem, vel
alid beneficium habens curam animarum an-
nexam. Et in hoc sentio cum Hugone. Bene-
ficium vero simplex, si indiget, & sentit se
dignum, potest petere absque metu peccati, &
simonie.

V. S. Antoninus par. 2. tit. 1. c. 5. §. 4.
hæc habet. Si porrigit preces pro se, pro ob-
tinenda dignitate, vel beneficio, seu Ecclesia

habent curam animarum; tales preces indu-
cunt simoniam secundum Hagonem, Raymu-
ndum, & Thomam . . . etiam quantumcum-
que est dignus: quia eo ipso quod se ingerit,
præsumptuosus, & ambitiosus videatur, & per
consequens indignus. Et ratio est secundum
Thomam in quolibet, quia nullus exercere
potest curam animarum extra gratiam, seu cum
peccato mortali digne: quia faciendo ea que
pertinent ad curam, peccabit mortaliter. Sed ne-
mo scire potest, si est extra peccatum mortale:
& sic est præsumptuosus, & simoniacus. Ua-
de & nullus debet sibi adsumere honorum, sed
qui vocatur a Deo, tamquam Aaron.

VI. Licitus tamen est concursus ad exa-
meri juxta regulam præscriptam a Tridenti-
no, si prævio prudentum consilio te fistas
examini, ut Ecclesiæ vocanti pareas, & ju-
dicio tui Pastoris humili obsequio te subji-
cias. Ceterum si beneficii appetitio latiter,
& ambitio testa serpat, vitio infici ipse con-
cursus potest. Quare antequam huic certa-
mini te exponas, semper præmitendum est
consilium viri revera probi & docti. Inten-
tio tua sincera sit laborandi in vinea Domi-
ni, & Deo cultum præstandi. Interroga
conscientiam tuam, expende serio cursum
vitæ tue, tuam fortitudinem, tuum zelum,
& opera tua. Et nisi sponte te decipere
velis, conscientia tua judex rectum pro-
nuntiabit judicium. Si vocationis signa ap-
pareant, confidito non in viribus tuis, sed
in Dei auxilio. Extrema cavenda sunt eti-
am in hoc gravissimo negotio. Superiori
præcipienti ne resistito: sponte te ne in-
gerito.

VII. Opportunum est ut promovendi ad
beneficia sint de gremio Ecclesiæ illius loci
in quo est beneficium. In pluribus regnis
leges obtinent quæ id præscribunt. Quæ le-
ges, utpote iusta, servanda sunt, & amu-
landæ, nisi peculiaris circumstantia obfit.
Quando fundatores determinant beneficia con-
ferenda esse consanguineis, propinquiori con-
ferri debent, in hypothesi quod sit dignus.
Spiriti, & illegitimi exclusi sunt. Gradus
propinquitatis a jure civili defumi debet.
Expositi, seu ob parentum inopiam proje-
cti, communiter habentur pro legitimis.
Majori excommunicatione, suspensione, inter-
dicto, aut irregularitate ligati inhabiles
sunt ad beneficia. Similiter neophyti, seu
recenter ad fidem conversi inhabiles repu-
tantur.

VIII. QUÆST. V. Quot modis acquiri be-
neficia possunt? RESP. Tribus modis. 1. Pa-
tro-

troni præsentatione , & institutione conse-
quente : 2. electione , & confirmatione : 3.
collatione libera . Juspatronatus enim præ-
bet jus nominandi , seu præsentandi aliquem
ad instituendum in beneficium ecclesiasticum
vacans . Tribus modis acquiritur five laica-
le , five ecclesiasticum . 1. Fundatione , quan-
do quis fundum concedit ad Ecclesiam ædi-
ficandam : 2. constructione , quando quis pro-
prios sumptibus Ecclesiam ædificat : 3. dota-
tione , quando quis Ecclesia , & ejus mini-
stris sufficiens redditus tribuit . Ut vero quis
jurispatronatus titulum possideat , certa præ-
bere documenta debet , ut Tridentinum *sess.*
25. c. 9. determinavit .

IX. Patronis ecclesiasticis conceduntur sex
menses , intra quos præsentare candidatos
debent , & secularibus quatuor . Mixtis ex
secularibus , & ecclesiasticis sex . Hoc semel
fieri , vel quadri mestre computatur a die no-
titiae certæ habita vacationis . Si lis exoriat
ur inter patronos & Episcopum , dies non
currunt , ut communiter auctores docent .
Nemo præsentare se ipsum potest . Præsen-
tandi habere conditiones debent quæ cleri-
cum aptum reddant ad Beneficium .

X. Institutio est concessio Ecclesie , seu
beneficii auctoritate Episcopi , vel Ordinarii
facta , non cuivis clero , sed unice ei qui
a patrono est nominatus , seu præsentatus .
Clericus præsentatus intra terminum juris
exhibere præsentationis documentum per-
sonaliter tenetur , ut Tridentinum *sess.* 24. c.
13. de Ref. determinat . Quando a pluribus
patronis plures clerici nominantur , præferri
dignior debet .

XI. Electio est alicuius hominis ad Ec-
clesiam suo vacantem pastore , canonice fa-
cta vocatio , superioris auctoritate confir-
manda . Si electio non requirat confirmationem ,
collatio dicitur , non electio . Ben-
eficia electiva sunt Patriarchatus , Prima-
tus , Archiepiscopatus , Episcopatus , Archi-
mandritæ , Cœnobiarachæ , Prioratus &c. Olim
ad Clerum , & populum electio pastorum at-
tinebat . Diversa nunc disciplina obtinet .

C A P U T V.

De dignioribus ad beneficia ecclesiastica eligendis .

I. Q UÆST. I. An dignior , omisso digno ,
ad beneficia ecclesiastica eligi debeat ? RE-
SP. Dignior ille dicitur qui utilior ministe-
rio est . Hæc dignitas non ex sola scientia ,

UNCT. ORD. &c.

neque ex sola probitate ; sed omnibus do-
tibus serio perpensis colligenda est : judi-
ciumque formandum est quisnam eligendo-
rum utilior sit Evangelico gregi regundo .
Concilium Tridentinum *sess.* 14. c. i. de Re-
for. docet , electores alienis peccatis commu-
nicantes mortaliter peccare , nisi quos digniores ,
& Ecclesiæ magis utiles ipsi judicaverint , non
quidem precibus , vel humano affectu , aut am-
bientium suggestionibus , sed eorum exigentibus
meritis , profici diligenter curaverint .

II. P. Thomas Tamburinus *lib.* 8. *cap.* 4.
§. 4. n. 5. hæc scribit . „ Affero secundo ,
„ omnia beneficia , five majora , ut Cardi-
„ nalatus , & Episcopatus , five minora , ut
„ Canonicatus , & Capellania , five curam
„ animarum habentia , ut Abatia , & Pa-
„ rochia , five non habentia , ut prædictus
„ Canonicatus , & Capellania , & cetera be-
„ neficia quæ simplicia nominantur , abstra-
„ hendo ab his quæ dantur in concursu (de
„ quibus mox num. 14.) affero , inquam ,
„ satis esse ad evitandum mortale , si con-
„ ferantur dignis , & idoneis , esto præter-
„ mittantur digniores , vel dignissimi . “

III. P. Fillius *tract.* 41. *in append.* c. 4.
n. 18. „ Dico quinto , sententiam quæ cen-
„ set , fatis esse dignos eligere ad beneficia
„ quæ non dantur in concursu , esse proba-
„ bilem ex Tridentino *sess.* 7. c. 3. de Ref.
„ dicente : Conferantur dignis : & universali
„ astimatione in creatione Beneficiariorum ,
„ & Cardinalium , Episcorum , Abbatum
„ &c. qui si inter dignos habeantur , lau-
„ datur elector & electio . Non laudaretur
„ autem communiter , si mala esset , & pec-
„ catum mortale . “

IV. Hæc rescripti , ut exploratum , ma-
gisque compertum omnibus sit , quo genius
quorundam Casuistarum tendat . Si luculent-
tissima Tridentini verba non dubitant elu-
dere , quid acturi sint , dum canones , &
leges non sunt adeo perspicuae , judicent sa-
pientes . P. Tamburinus *ibidem* n. 8. hæc ad-
dit . „ Cum immediate antea Concilium vi-
„ deatur esse contentum de dignis , vel pri-
„ mo videtur per hoc digniores non aliud
„ significare velle nisi dignitatem eligendo-
„ rum , sumpto comparativo , propositivo ,
„ vel secundo locutione minus propria , po-
„ nit digniores , ut excludat indignos
„ vel tandem tertio loquitur quando sit
„ concursus . “

V. Ven. Innocentius XI. hanc Tamburi-
ni opinionem damnavit in propos. 46. quæ
ejusmodi est : Cum dixit Concilium Tridenti-

num, eos alienis peccatis communicantes mōrāliter peccare qui nō quis digniores, & Ecclesiā magis utiles ipsi iudicaverint, ad Ecclesiā promovet; Concilium vel primo videtur per hoc digniores non aliud significare vel nisi dignitatē eligendorum, sumpto comparativo proposito; vel secundo locutione minus propria ponit digniores, ut excludat indignos; vel tandem loquitur tertio, quando fit concursus.

VI. Excusandus P. Tamburinus, quia scriptis ante damnationem thesum. Sed P. Viva in hanc thesim n. 1. advertit, Tamburinum vocare oppositam opinionem probabiliorem. Quid inde? Hoc unum deerat quod doctrinam in Tridentino evidenter traditam, nec tamquam probabiliorem recognoscere. Sed quid refert doctrinam Tridentini vocare probabiliorem, cum Probabilistis satis sit oppositam esse probabilem? Immo his vocibus *probabilis*, & *probabilioris* omnia vel evidentissima testimonia eliduntur.

VII. Planum ergo est electores ad omnia beneficia sive simplicia, sive curata debere eligere digniores. Utique gravius, & scelerius peccant electores eligentes dignos prætermis dignioribus ad beneficia curata, quam si eos eligerent ad beneficia simplicia. At hoc non tollit quin graviter peccent, si ordinem præscriptum a Tridentino violent in beneficiorum simplicium distributione. Quoniam & in hoc grave detimentum Ecclesiae inferunt, & iustitia distributiva violatur.

VIII. Disputant hic auctores, num quando excessus dignitatis sit levis, peccent graviter electores, si præferant dignum alteri qui leviter dignor sit? Alii negant, alii adfirmant. Sed, missis speculationibus, electores in gravissimo negotio, in quo de publico Ecclesiæ bono agitur, illam semper præferre tenentur quem spectat omnibus digniorem agnoscunt. Indigno in nullo casu dandum suffragium est; immo, ut electores evitent electionem indigni, cum nequeant eligere digniorem, possunt dare suffragium digno. Resignans beneficiam in favorem aliquius tenetur digniorem querere. Examinatores debent proponere Episcopo quem agnoscunt digniorem. Injusti electores ad beneficia tenentur compensare damna facta Ecclesiæ, vel communitat. Quod attinet ad eum qui iuste prætermittitur, lege S. Thomam 2. 2. q. 62. a 2. ad 4.

IX. QUÆST. II. *Translatio Episcoporum est ne jure naturali, & divino, an tantum eccl-*

sastico prohibita? RESP. P. Suarez. tom. 3. de Religione lib. I. c. 16. cum alii defendit, iure tantum ecclesiastico eam vetitam esse. Soto, Carthusianus, Bannez, Salmantenses propugnant translationem hanc iure naturali & divino prohibitam esse. Evincent auctoritate Innocentii III. cap. Inter corporalia, ubi haec decernit. Cum ergo fortius sit spirituale vinculum quam carnale, dubitari non debet quin omnipotens Deus spirituale conjugium quod est inter Episcopum & Ecclesiam, suo tantum iudicio reservavit dissolvendum &c.

X. Conjugium istud spirituale non in omnibus matrimonio assimilatur, cum istud sacramentum sit, non subjectum humanæ potestati. Subdit tamen Innocentius III. divina potius quam humana potestate dissolvi vinculum illud spirituale, quando Romani Pontificis auctoritate Episcopus removetur ab Ecclesia, & transfertur in aliam. Hinc collige hanc translationem fieri minime posse, nisi urgentissima, & evidentissima causa occurrente, quæ cedat in commendam, & utilitatem non Episcopi, sed Ecclesie. Quamobrem quid dicendum sit de illis Episcopis qui primo accipiunt unam Ecclesiam in sponsam ea intentione, ut haec via sit & gradus ad aliam & aliam dependentiam, donec tandem inveniant unam pulcherrimam, idest ditissimam, & opulentissimam, iudicent sapientes. Num isti adulteri, & non sponsi, lupi, non pastores habendi sint, aliorum esto iudicium. Neque opponas, quæ juris naturalis, & divini sunt, non esse dispensationi etiam pontificie obnoxia: quoniam alia sunt juris naturalis & divini absolute; alia quæ presupponunt actus liberos humanos, quibus positis consurgit ius naturale, & divinum. Hoc, non illud subjacet dispensationi, seu verius interpretationi summi Pontificis, qui, ut Dei vices gerens, interpretatur ejusmodi leges. Vide Tom. 3. de votorum dispensatione.

XI. Confirmatio est actus qui plenaria jus tribuit electo, seu præsentato ad dignitatem ad quam electus est. Confirmator explorare dotes electorum debet, & digniorem confirmare.

XII. Summus Pontifex habet potestatem conferendi omnia beneficia cujuscumque generis in universa Ecclesia. Archiepiscopi, & Episcopi in suis diœcesis, Concilium oecumenicum, Cardinales Ecclesiarum quarumlibet titulos, Cardinales a latere in pro-

vincia legationis conferre beneficia valent. Ecclesiae cathedralis Capitulum simul & Episcopus potestatem habent dispensandi Canoniciatus, & præbendas. In diversis Ecclesiis diversæ obtinent consuetudines. Capitulum sede vacante conferre beneficia nequit ex reg. 2. Cancell.

XIII. QUÆST. III. Quid sit resignatio beneficij? RESP. Vacare beneficium potest vel per obitum beneficiarii, vel per renuntiationem, quæ est voluntaria beneficij dimissio coram Ordinario legitimo facta. Duplex est: altera expressa verbis; altera tacita per actus contrarios retentioni beneficij, ut per matrimonium, per artem militarem, per professionem religiosam &c. Episcopis solas resignationes simplices admittere queunt; Pontifex omnes conditionatas. In bulla S. Pii V. an. 1568. data plures assignantur causæ resignationis. 1. si beneficiarius sit senex septuagenarius: 2. si sit valetudinarius: 3. si sit paralyticus, apoplecticus, lunaticus, leperosus &c. 4. si sit claudus, mutus, surdus: 5. si sit homicida, sodomiticus, concubinarius, blasphemus: 6. si sit censuris ecclesiasticis innodatus: 7. si plura beneficia obtinuerit quæ simul administrare nequeat: 8. quando ob inimicitias capitales inducunt resignationem necessariam.

XIV. Post triennium omnia beneficia resignari valent. Si beneficia sint jurispatronatus, necessarius est consensus patroni. Beneficiarius in articulo mortis renuntiare nequit cum spe regressus, ut Tridentinum *sess. 25. c. 7. de Ref.* declarat. Resignationes in favorem alterius sunt simoniaca. Istarum usus sensim sine sensu inventus est circa finem saeculi xv. contra omnes antiquos canones. Quæ heinc consequantur absurdaria exprimi nequeant. Dispensationes, quibus honestari ejusmodi successiones solent, frequenter obreptitiæ sunt, & subreptitiæ: ideoque coram Deo nullæ.

XV. Permutatio affinis est resignationi in favorem alterius, & solum differt, quod in permutatione resignation est mutua. Si quis solum habens jus ad rem permutaret cum altero habente idem jus, aut in re, simoniaca est permutatio. Ad licitam permutationem semper requiritur major Ecclesiæ utilitas. Beneficiarius per matrimonium contractum amittit beneficium, etiam si postea matrimonium deprehendatur nullum. Nam si revera intendit contrahere, ipso facto respuit beneficium. Si fidei contrahit,

meretur privari. Hoc mihi probabilius est, missis argutationibus plurimum.

C A P U T VI.

De pluralitate beneficiorum.

I. TRidentinum *sess. 24. c. 17. de Ref.* hæc statuit: *Illi vero qui in praesenti plures parochiales Ecclesias, aut unam cathedralem, & aliam parochialem obtinent, cogantur omnino, quibuscumque dispensationibus, ac unionibus ad vitam non obstantibus, una tantum parochiali, vel sola cathedrali retenta, alias parochiales infra spatium sex mensium dimittere: alioquin tam parochiales, quam beneficia omnia que obtinent, ipso jure vacare consentur; nec ipsi antea illa obtinentes, tuta conscientia fructus post dictum tempus retineant.*

II. Qui itaque plura beneficia habet quæ simul administrari nequeant, intra duos menses tenetur renuntiare beneficia quæ cum primo obtento administrare nequit. Addit Tridentinum ibi sub initium: *Cum ecclesiasticus ordo pervertatur, quando unus plurium officia occupat Clericorum, sancte sacris canonibus oautum fuit, neminem oportere in duabus Ecclesiis conscribi. Verum quoniam multi improbe cupiditatis affectu seipso, non Deum decipientes, ea quæ bene constituta sunt, variis artibus eludere, & plura simul beneficia obtinere non erubescunt; sancta Synodus debet regendis Ecclesiis disciplinam restituere cupiens, presenti decreto, quod in quibuscumque personis quocumque titulo, etiam si Cardinalatus honore fulgeant, mandat observari, statuit ut in posterum unum tantum beneficium ecclesiasticum singulis conferatur. Quod quidem si ad vitam ejus cui confertur, honeste sustentandam non sufficiat, liceat nibilominus aliud simplex sufficiens, dummodo utrumque personalem residentiam non requirat, eidem conferri. Hæc que non modo ad cathedrales Ecclesiis, sed etiam ad alia omnia beneficia... pertineant &c.*

III. Nemo, etiam si Cardinalis sit, habere plura beneficia jure potest, non quidem simplicia, si unum sufficiat congrua sustentationi. Si curata beneficia sint, etiam si unum non sufficiat, non propterea possidere plura licet. Hæc clara & luculenta sunt.

IV. QUÆST. UNIC. Utrum pluralitas beneficiorum jure naturali, nedium canonico, vetita sit? RESP. Aliquæ actiones jure naturali ita vetitæ sunt ut in nulla circumstancia licitæ evadere queant, ut perjurium, adul-

adulterium, fornicatio &c. Aliæ sunt jure quidem naturali vetitæ, ut homicidium, quod aliquando auctoritate publica licitum est. In hoc secundo genere collocat S. Thomas quodlib. 9. a. 15. habere plures præbendas. *Sunt vero quedam actiones que absolute considerate deformitatem, vel inordinationem quandam importat; que tamen aliis circumstantiis advenientibus bone efficiuntur; sicut occidere hominem, vel percutere, in se deformitatem quandam importat; sed si addatur occidere malefactorem propter justitiam, vel percutere delinquentem causa discipline, non erit peccatum, sed virtuosum.* In numero harum actionum videtur esse habere plures præbendas. Quamvis enim aliquas inordinations contineat; tamen aliæ circumstantiæ possunt supervenire ita honestantes actum, quod prædictæ inordinations totaliter evanescuntur; ut puta, si sit necessitas in pluribus Ecclesiis ejus obsequio, vel possit plus servire Ecclesie, vel tantumdem absens quam alius præsens, & se quæ alia sunt hujusmodi. Et tunc istis conditionibus supervenientibus cum recta intentione, non erit peccatum, etiam nulla dispensatione interveniente, si consideretur tantum jus naturale: quia dispensatio ad jus naturale non pertinet, sed solum ad positivum.

V. Pluralitas beneficiorum, inquit Angelicus, absolute vetita est jure naturali. Vestita circumstantiis utilitatis, & necessitatis Ecclesiæ licita evadere potest. Sublati his circumstantiis nulla dispensatio honestare vallet beneficiorum pluralitatem, ut conccludit ibidem S. Thomas. Si autem antiqua jura sunt per consuetudinem abrogata, tunc prædictis circumstantiis supervenientibus, etiam sine dispensatione licitum est plures præbendas habere, sine quibus circumstantiis licitum non est, quantumcumque dispensatio interveniat: eo quod dispensatio humana non aucter ligamen juris naturalis, sed solum ligamen juris positivi, quod per hominem statuitur, & per hominem dispensari potest.

VI. Opponunt. Consuetudo obtinet penes vel ipsos Ecclesiasticos probos, beneque moratos plura habendi beneficia. Respondeo, sublati recentis circumstantiis pluralitatem beneficiorum repugnare ipsi naturæ juri, quia unus pluribus Ecclesiis simul inservire nequit, neque plures dissitos greges pascere simul, neque in pluribus choris dissitis simul canere. Fictitia, & larvata est probitas illa quo jus naturale violat.

C A P U T V I I .

Beneficiarii ex justitia, nedum ex caritate astringuntur dispensare omnia superflua pauperibus.

I. **A**uctores nescio qui, ut Pauli Comitoli elegantissimi & doctissimi Jesuitæ verbis utar, novam periculosamque opinionem post mille & quingentos annos in christianam Rempublicam invehere co[n]nati sunt, qua iis qui beneficia obtinent ecclesiastica, fructuum inde perceptorum absolutum dominium tribuunt. Quæ sane opinio sua ipsa novitate confoditur. Sententia quæ astriclos justitiae vinculo Ecclesiasticos ad distribuenda superflua pauperibus defensit, suapte natura perspicua est, quindecim sæculorum præscriptione fulta, Conciliorum, canonum, SS. Patrum, Pontificum auctoritate, atque invictis rationum momentis munita.

II. Quamquam, ut initio beneficiarios dedoceam, parum, immo nihil iis suffragatur opinio juniorum. Convenit enim penes omnes tum Theologos, tum Canonistas, præceptum caritatis sub interdicto æternæ damnationis urgere Ecclesiasticos ad superflorum eleemosynam. Quod vero in ignem æternum descendant ob violatum præceptum sive justitiae, sive caritatis, quid quæ illic prodest, ut advertunt Dominicus Soto, Bellarminus, & ceteri Theologi? Heinc est quod paucis controversiam hanc absolvam. Volumen implerem, si omnia Patrum, Conciliorumque testimonia isthuc transferre vellem quæ beneficiarios illos qui Iesu Christi, suorumque pauperum patrimonia prodiguant in fovendo luxu, ambitione, fastu, in ditandis consanguineis, in munerandis matronulis, in frequentandis theatris, comediis, ludis, in alendis canibus, fures, latrones, sævos raptore vocant. Obvia hæc sunt & comperta.

III. Doctissimus Pontifex BENEDICTUS XIV. in sua *Synodo diœcetana* pag. 234. n. 3. hæc scribit: *Certum pariter est, ante factam divisionem bonorum ecclesiasticorum, debuisse Episcopum, ad quem pertinebat eorumdem administratio, partem singulis assignatam fideliter elargiri, nec potuisse absque violatione justitiae commutativa pauperes fraudare ea quarta parte proveniunt quæ juxta ejus ævi disciplinam erat pauperum indigentias sublevandis destinata: quod quidem onus ex ea profluens*

justitiae virtute, iis in locis in quibus nondum facta est prædicta divisio, etiamnum incumbit Episcopis, Abbatibus, aliis beneficiariis, quorum ecclesiasticis redditibus sunt illi admixti, pauperibus, aut Ecclesia frabrice juxta priuscam institutionem attributi. Ex quibus propter ea si aliquid sibi usurpent, sunt injisti rei alienae detentores, & tenentur ad restitutionem.

IV. In præsencia indivisa hæc bona beneficiariorum sunt. Ergo justitiae vinculati sunt beneficiarii ad distribuenda pauperibus superflua. Et primum jam inde a principio peractæ divisionis administratio portionis pauperum penes Episcopos semper, & beneficiarios remansit. Numquam pauperum cœtui assignata fuit portio redditum ecclesiasticorum. Numquam pauperes suæ portionis administratione, & dominio potiti sunt. Sed Episcopi, & beneficiarii aut seipsis, aut ministrorum opera, portionem hanc, quæ modo major, modo minor erat, juxta maiorem, aut minorem redditum abundantiam distribuebant. Hoc ex plurium Conciliorum decretis, quæ retuli Tom. 2. diff. 6. c. 18. evidens est. Pluribus in locis pauperes in tabulis, seu matriculis Ecclesiarum descripti erant, & matricularii vocabantur.

V. Heinc luculenter constat quam sit chimæricum commentum quod sibi fingunt opposita doctrinæ patroni. Existimant isti, redditus ecclesiastici vivum quoddam esse stabile, & permanens, tributum in partes quartuor, ad præsens usque tempus consistere, nulli obnoxium vicissitudini. Existimant pauperum portionem de vivo detractam, & separatam in pauperum devenisse dominium. Quod commentum quam sit vanum nemo non videt. Reditus ecclesiastici sub initium fidei Episcoporum commissi in communione possidebantur, & ab Episcopis ministrorum opera singulis, prout opus erat, dividebantur. Refrigescente caritate, & Ecclesiasticorum avaritia invalecente, Episcopi aliqui, neglectis pauperibus, Ecclesiarum cultu, Clericoque, in suos & consanguineorum profanos usus, sacros proventus convertentes, omnia suis faucibus deglutiebant. Tum Conciliorum decretis partitio redditum sacrorum imperata fuit, Clero, Ecclesiæ cultui portiones separatim consignatae fuere; sed pauperum portio bonis beneficiariorum permixta, singulis annis taxata ab ipsis beneficiariis conferebatur pauperibus. Sacri redditus illis mutationibus, quibus omnes res temporariae, subiecti fuere. Temporis successu juxta

augmentum vel decrementum redditum, qui a Christi fidelibus in dies conferebantur, crescebat, aut diminuebatur pauperum portio. A tempore primæ divisionis ad hanc usque ætatem nostram innumera sunt instituta beneficia, Episcopatus, Capellania &c. Amplissima prædia, fundi, census, & ingentia bona Ecclesiæ donata sunt. Quando nam de istis dempta fuit pauperum portio? Quisnam œconomus, aut dispensator, præter Episcopos, & beneficiarios, institutus? Evidens ergo est pauperum portionem semper & iterum semper immixtam permanisse bonis beneficiariorum.

VI. Confirmat ea quæ diximus luculentissima ratio a facto evidenti repetita. Cujuscumque sæculi Pontifices, Concilia, Patresque voices exaltarunt adversus Episcopos, & beneficiarios, quod pauperibus subvenire negligebant. Isto semper redarguerunt tamquam Christi, & pauperum patrimonii dilapidatores. Consule omnia Concilia, & Patres ab antiquo ad hoc usque tempus: nullibi invenies vel leve vestigium, quod aliquis œconomus sive dispensator portionis pauperum, distinctus a beneficiariis, increpatus fuerit ut infidelitatis & dispensationis reus in sua administratione. Verum semper reprobarunt Episcopos, & beneficiariis infidelem pauperum portionis administrationem: istos solos accusant, improbat: istis solis pauperum curam tamquam patribus committunt & præcipiunt: istis solis vetant ne pauperum patrimonio ditescant, aut divites efficiant consanguineos, aut in luxum, fastumque Christi redditus convertant. Hoc idem docent posterioris ætatis Patres, & Doctores, Petrus Damianus, Gratianus, Bernardus, Raymundus, Thomas, Bonaventura, Albertus Magnus, Alensis, Antonius, Bernardinus, Paludanus, ceterique communiter. Quid quod adversarii numquam indicare potuerunt administratorem portionis pauperum distinctum a beneficiariis, vel portionem pauperum separatam a bonis beneficiariorum extare, vel extitisse? Quod quidam effutient portionem pauperum ad hospitalia pervenisse, chimæra est manifesta. Quis Patrum, quodnam Concilium umquam redarguit, aut increpavit hospitalia, quod non distribuant redditus beneficiariorum, Episcoporum, pauperibus? Percurramus omnia beneficia tum episcopalia, tum parochialia, tum capitularia a fex & amplius sæculis. Provoco adversarios ut vel unius beneficij jaſtatæ diſcio-

visionis documenta prodant. Perhibeant beneficiarii divisionem redditum ecclesiastico-
rum, quos nunc percipiunt; & continuo illos absolvimus a debito non solum iustitiae, sed etiam caritatis eleemosynae distribuen-
da. Si enim justa divisio est, nihil super-
flui erogandi habent. Sed documenta au-
thentica adferre debent. Quid? Frater ex-
cludere ne fratrem posset a communis pa-
trimonii portione eidem debita, nisi evin-
ceret documentis & quidem luculentis, di-
visionem factam fuisse, suamque portionem
jamdiu habuisse? Nimium perridiculos fese
propinarent, si divisionem obtruderent per-
actam iv. aut v. saeculo, quando hodierna
beneficia necdum instituta erant. Non se-
cūs ac si frater excluderet ceteros fratres a
patrimonii communis divisione, quia iure
gentium a tot saeculis invenia fuit divisio
omnium bonorum.

VII. Evidens ergo compertumque manet
pauperum portionem Episcoporum, & be-
neficiariorum redditibus permixtam esse, e-
iusdemque solos beneficiarios administrandæ
onere devinctos esse. Quo posito hanc con-
ficio argumentationem: Adversarii ipsi uno
ore fatentur, sublata divisione bonorum Ec-
clesia, beneficiarios iustitiae vinculo astringi
ad eroganda superflua in pauperes. Divisio
jactata chimérica est. Ergo concedere ne-
cessario coguntur, hodie beneficiarios ex de-
bito iustitiae obstringi ad dispensanda super-
flua in pios usus, & in pauperum subsidium.

VIII. Argumentationes ineluctabiles sunt,
rationum momenta invicta. Verum avari-
tia, ambitio, superbia ita mentem démen-
tant, ut nec lucem meridianam videre si-
nant. Accedit auctoritas quorundam Ca-
suiolarum, qui licet communiter obligent
beneficiarios ex debito caritatis ad erogan-
da superflua, & ob istius præcepti violatio-
nen reos aternæ damnationis pronuntient;
tamen non defuere Probabilistæ qui etiam
a præcepto caritatis liberant beneficiarios.
Lessius, Baunius, & alii adeo communem
doctrinam laxarunt, ut doceant solo præcepto
ecclesiastico teneri beneficiarios ad dispensan-
da superflua. Vel ipse Diana tom. 4. tr. 7.
ref. 20. inquit: *Ego huic sententiæ non assen-
tor, cum sit contra communem, & omnino
refutandam esse puto.* Vel ipsi laici christia-
ni naturali præcepto caritatis tenentur dis-
pensare pauperibus superflua. Et Lessius,
& Baunius ab hoc præcepto liberant ipsos
beneficiarios? Si plura cupis, consule Tom.
2. diff. 6. c. 18. & seq.

LIBER XIII.

DE MATRIMONIO, CENSURIS, ET
STATU RELIGIOSO.

DISSERTATIO I.

De matrimonio.

CAPUT I.

De matrimonii essentia, & institutione.

I. **S**A Augustinus lib. 1. de adult. conjug. ad
pollentium inquit: *Questionem de con-
jugiis obscurissimam & implicatissimam esse non
negcio. Nec audeo profiteri omnes sinus ejus vel
hoc in opere, vel alio me adhuc explicasse,
vel jam posse, si urgeat, explicare.* Tempore
Augustini, hæretici, nostra ætate nou-
nulli Moralistæ viis diversis hunc tractatum
obscurarunt.

II. Conjunctionis maris cum femina ma-
trimonium potius, quam patrimonium an-
tiqui appellantur, quod feminæ sit parere,
nutrire, & educare sobolem. *Nuptiæ quo-
que vocatur matrimonium a nubendo, &
connubium, & conjugium a communi jugo
cui ambo vir, & mulier subjiciuntur.*

III. Matrimonium tripliciter spectatur.
1. ut contractus naturalis, 2. ut contractus
civilis, 3. ut sacramentum novæ legis: Ab-
solute describitur: *Conjunction maritalis viri,
& feminæ inter legitimas personas, indivi-
duam vitæ confuetudinem retinens.* Additur
vero, ut est sacramentum, divinitus institu-
ta in signum conjunctionis Christi cum Eccle-
sia, habens promissionem gratiæ ad uniuersos
conjugum animos, & prolem pie ac sancte
educandam in fide christiana. Tandem matri-
monium triplex est, legitimum, ratum,
& consummatum. Legitimum est iure gen-
tium, & ad legum civilium normam con-
tractum, quale est etiam infidelium. Ra-
tum quod secundum Ecclesiæ leges perficitur,
& quod ab Ecclesia probatur. Con-
summatum autem quando carnali copula
ambò conjuges commiscentur.

IV. Ex pluribus coalescit. 1. mutuo con-
fensi; 2. externa promissione; 3. reciproca
corporum traditione; 4. inde resultat vin-
culum perpetuum; 5. obligatio mutua redi-
dendi debiti; 6. jus quod uteisque in alte-
rum habet; 7. carnalis copula.

V. Omnes Catholicci negant essentiam matrimonii statim esse in carnali copula. Inter Adamum & Eevam verum fuit matrimonium ante commixtionem. Verum fuit matrimonium Patriarchæ Josephi cum B. Virgine, omni prorsus carnali exclusa copula.

VI. Mutuus contrahentium consensus causa efficiens est matrimonii. Encratitæ, Marcionitæ, Manichæi, Priscillianistæ negarunt honestum bonumque matrimonium. Sed istorum delirantium errorem execrantur Scripturæ sanctæ, & Catholici omnes. Siquidem naturali, divinoque jure institutum matrimonium est. Praeceptum contrahendi matrimonii non singulos spectat, sed multitudinem.

VII. QUÆST. I. *An in lege veteri matrimonium fuerit sacramentum?* RESP. Dupliciter sacramenti ratio spectari valet. 1. In latiore significatu prout quocumque modo signum rei sacræ dicitur. 2. quatenus est signum practicum & efficax gratiæ sanctificantis. Communis Theologorum sententia negat matrimonium ante adventum Christi fuisse verum sacramentum. In latiore vero significatu fuisse sacramentum, concedunt omnes, cum in ipso innocentiae statu institutum in signum fuerit conjunctionis Christi cum Ecclesia. *Hoc nunc os ex ossibus meis, & caro de carne mea . . . Quamobrem relinquet homo patrem suum, & matrem, & adhaerebit uxori sue, & erunt duo in carne una.* Gen. 2.

VIII. QUÆST. II. *Matrimonium in lege evangelica est ne verum sacramentum?* RESP. Negant Hus, Lutherus, Calvinus, & Protestantes; sed de fide est verum esse sacramentum, S. Paulo Ephes. 5. inquiete: *Propter hoc relinquet homo patrem & matrem suam, & adhaerebit uxori sue, & erunt duo in carne una. Sacramentum hoc magnum est. Ego autem dico in Christo, & in Ecclesiæ. Accedit perpetua Ecclesiæ traditio, cuius documenta dedi Tom. 10. lib. 2. diss. 1. c. 4.*

IX. QUÆST. III. *Utrum matrimonium inter fideles absentes per procuratorem celebratum, sit verum sacramentum?* RESP. Adfirmant Soto, Isambertus, Gotti, Turnely, & alii plures. Negant Victoria, Canus, Cajetanus, Catharinus, Vanroy, & alii. Hæc secunda sententia mihi est probabiliior. Nullum quippe sacramentum inter absentes celebratur. Nec minus praesentes contrahentes requirunt hæc verba *Ego vos conjungo* &c. quam praesentem pœnitentem requirunt hæc alia *Ego te absolvo*. Usum absolutionis

datae absenti damnavit Clemens VIII. Respondet Turnely absolutionem datam absenti non esse contra naturam sacramenti pœnitentiae, & dari posse, nisi obstaret prohibitus Clementis VIII. Hec responsio futile videtur. Ex arbitrio ne Clemens VIII. damnavit prefatam opinionem? Eam damnavit, quia hæc verba *Ego te absolvo* requirunt pœnitentem presentem. Validum itaque erit matrimonium in ratione contractus naturalis & civilis initum inter absentes per procuratorem; at verum sacramentum non esse mihi est probabilius.

X. Matrimonium infidelium post promulgatam evangelicam legem non est sacramentum. Similiter sacramentum non est matrimonium fidelis cum infideli, ut mihi probabilius videtur. Si infideles conjuges convertantur ad fidem, illorum matrimonium non evadit sacramentum iuxta probabilem sententiam: quia posterior intentio non potest efficere ut contractus initus, qui non fuit sacramentum, postea evadat.

XI. Matrimonia catholicorum cum hereticis illicita omnino sunt, ut fatentur omnes Theologi. Nullum vero jus illa irrita declarat.

C A P U T II.

De materia, forma, & ministro sacramenti matrimonii.

I. QUÆST. I. *Quænam est matrimonii sacramenti materia?* RESP. Plusquam septem recensere possem Theologorum opiniones in designanda materia, & forma istius sacramenti. Sed his missis, cum S. Thoma, cui communiter Theologi subscribunt, dico esse actus contrahentium. Hæc sunt in suppl. q. 42. a. 1. ad 2. ejus verba. *Sacramentum matrimonii perficitur per actum ipsius qui sacramento illo uititur, sicut pœnitentia. Et ideo sicut pœnitentia non habet aliam materiali nisi ipsos actus sensui subjectos, qui sunt loco materialis elementi, ita est de matrimonio.*

II. QUÆST. II. *An Sacerdos assistens contrahentibus sit sacramenti minister, ejusque verba habeant rationem formæ?* RESP. Dux sunt sententiae, & utraque suos gravissimos patronos habet, etiam in schola Thomistica. Gonet, Gotti, & alii plures docent ipsos contrahentes esse hujus sacramenti ministros, eorumque verba esse sacramenti formam.

III. Contra, ipsum Sacerdotem assistenter esse sacramenti ministrum propugnant gravissimi Guillelmus Parisiensis, Melchior Cano, Cardinalis Toletus, Petrus Ledesma, Petrus de Marca, Maldonatus, Franciscus Sylvius, Astius, Natalis ab Alexandro, Turnely, Le-Druin, Gibertus, Herminier, Du-Hamel, Juvenin, Florentinus de Coq., Vanroy, Piette, Bannez. Hisque argumentis evincunt hanc suam sententiam.

IV. Tridentinum sess. 24. c. 1. de Ref. statuit: *Ad celebrationem matrimonii in facie Ecclesiae procedatur, ubi Parochus viro & muliere interrogatis, & eorum mutuo consensu in-sellectio, vel dicat: Ego vos in matrimonium conjungo in nomine Patris, & Filii, & Spiritus sancti: vel alius utitur verbis juxta receptum uniuscujusque provinciae ritum.* Satis perspicue colligi hinc videtur, Sacerdotem esse hujus sacramenti ministrum, & verba quæ profert, esse formam. Concilium enim verba usurpanda præscribit, vel alia juxta eujuscumque Ecclesiae ritum. Ibidem subdit hanc benedictionem a proprio Parocho faciendam esse. Plura alia Concilia, ut Coloniense, Cameracense, Remense, Turonense, quæ refert Sylvius, prætero.

V. His accedunt Ritualia plurima. Romanum vetus an. 1494. a P. Castellano O. P. collectum. Alterum Romanum Pauli V. iussu editum, hæc verba *Ego vos conjungo &c.* proferenda a Parocho hujus sacramenti ministro præscribit. P. Martene de antiquis Ecclesiæ ritibus Tom. 2. lib. 1. c. 9. plura alia in hanc rem afferit. Unum laudare sufficiat Mediolanense, in quo S. Carolus Borromeus Act. p. 4 hæc inseri curavit, nempe *quinq[ue] dimittaxat esse sacramenta, quæ Parochus ex officio administrare potest: Baptismum, Eucharistiam, Pœnitentiam, Matrimonium, & extremam unctionem.*

VI. Luculentius confirmatur hæc sententia argumento quod solidum responsum non excipit. Lutherani, & Calvinistæ negant matrimonium esse sacramentum, & Scripturarum testimonia, quibus nos evincimus esse sacramentum, acutis cavillationibus eludere student. Cedo. Quibus nos illorum commenta rationibus explodimus? Non sane aliis, nisi apostolica, & universali Ecclesiæ traditione omnium Patrum, & Conciliorum. Porro Patres omnes una voce sacras vocant nuptias, quia sacra Sacerdotis benedictione consecrantur. Patrum testimonia dedi Tom. 10. lib. 2. diss. 1. c. 4. ubi legi possunt.

Tom. II.

VII. Reponunt adversarii, benedictionem Sacerdotis, quam Patres omnes requirunt, necessariam utique esse Ecclesiæ mandato, tamquam cærementiam accidentalem ad matrem nuptiarum solemnitatem, secus ad sacramenti necessitatem divino præcepto impositam. Responso hæc falsa est mihi. Respondeant adversarii. Unde nos ex traditione argumenta hauriemus, ut contra protestantes evincamus matrimonium esse sacramentum, si recensita responso consistet? Profecto si benedictio Sacerdotis, qua consecrari nuptias Patres omnes adfirmant, ut ad sacramenti dignitatem matrimonium euentum ostendant, sit mera accidentalis cæmeria, desunt nobis præsidia omnia ex traditione arcessita, quibus contra Novatores denegantes matrimonium esse sacramentum, pugnemus. Sublata quippe traditione universalis Ecclesiæ, qua est legitimus sacramentum Scripturarum interpres, inermes omnino sumus in certamine, & causa cadimus contra eosdem Novatores.

VIII. Præterea sacramenta sunt sacrae Religionis cæmeria: & ideo sacramentum opus est Religionis. Porro non quodlibet rei sacræ signaculum est sacramentum, sed illud dumtaxat quod sacrum est. Cum igitur matrimonium solis viri & feminæ verbis civiliter & profane contrahitur, licet rei sacræ signaculum sit, non est tamen sacræ Religionis opus, atque adeo sacramentum propriæ dictum. Alioquin & serpens æneus, & manna in deserto sacramenta dicenda essent. Ergo connubia absque sacro ministro, & sine sacra Religionis cæmeria sacramenta non sunt.

IX. Quid plura? Concilium Florentinum enumeratis septem sacramentis novæ legis ita definit. *Hæc OMNIA sacramenta tribus perficiuntur, videlicet rebus tamquam materia, verbis tamquam forma, & persona ministri conferentis sacramentum.* Si horum unum desit, sacramentum non perficitur. Quis sacramenti minister ordinarius, sine quo sacramentum non perficitur? Ipsi conjuges? Homines laici ordinarii sacramentorum ministri? Mulier necessitate urgente baptizat, at ordinarius minister illa non est, sed Sacerdos. Soli Sacerdotes consecrati sacramento Ordinis sunt legitimi dispensatores mysteriorum Christi, ut Apostolus Paulus 1. Cor. 4. inquit: *Sic nos existimet homo ut ministros Christi, & dispensatores mysteriorum Dei.* Quo ergo jure adimi iisdem hæc potestas valet administrandi sacramenti matrimonij,

quod magnum mysterium ab eodem Paulo nuncupatur, ut illa mulieri, cui ne loqui quidem in Ecclesia permittitur, adscribatur? Unde colligunt adverba sententiae patrini laicos contrahentes esse sacramenti ministros ordinarios? Ex quo Scripturarum testimonio, ex quo Concilio, ex qua Patrum traditione eruunt diversam esse sacramenta matrimonii, ac ceterorum omnium rationem? Nullum profecto sacrae antiquitatis monumentum adducere valent. Omnia ceterorum sacramentorum minister ordinarius Sacerdos est. Christus in nova lege matrimonium ad dignitatem sacramenti evexit. Cur ictius sacramenti solius ministrum non instituit Sacerdotem? Ratiocinium solidum, & perspicuum evincit, ut sicut ad aliorum sacramentorum dignitatem matrimonium evexit, ita sicut & ceterorum sacramentorum Sacerdotes ministros instituit, ejusdem quoque matrimonii instituerit Sacerdotes. Hoc evidenter ratio demonstrat, hoc confirmat traditio. Ut hac universalis regula, justoque principio eximant sacramentum matrimonii, non sufficit unam aut alteram conjecturam, aut ambiguum testimonium afferre; sed requiruntur luculentissima testimonia, & exceptio manifesta.

X. Conjuges sacramentum matrimonii suscipiunt. Sacmentorum quæ in sola actione consistunt, minister a suscipiente distinguuntur. Nemò enim baptizare, confirmare, absolvere seipsum potest. Qui ergo fieri potest ut conjuges suscipientes sacramentum matrimonii simili ministri sint? Nam aut quilibet contrahens sibi, aut unus alteri sacramentum administrat. Non primum, quia, ut dixi, memo sibi administrare sacramentum in actione situm potest. Si secundum, duo efficiunt sacramentum: neque enim sacramentum ita dividuum est, ut unus minister unam partem, & alius minister alteram partem perficiat. Nam licet conferre tertio simul in eodem instanti duo ministri queant sacramentum; tamen percipi nullo modo potest, quia ratione valeant duo conjuges unum efficite ministrum, qui sibi meti ipsi sacramentum administret. Ex altera parte neuter sine altero potest sacramentum perficere. Et tum queritur, an prius vir mulieri, aut mulier viro sacramentum conferat. Verba igitur confitentium materia sacramenti sunt, forma non sunt. Forma enim cujusque sacramenti sacra est, a qua dicitur sacramentum. Hæc verba *Ego te accipio in meam nullo modo*

sacra sunt. Hæc enim verba, aut similia adhibebantur antequam Christus matrimonium sacramentum institueret: & adhibentur ab omni ratione fide christiana destituta. Si omnes nugas, quas nonnulli, inquit Melchior Canus, qui primus omnium in apricum hanc sententiam traduxit, excogitarunt, ut distinguant materiam a forma hujus sacramenti, recensere velle, folia impletem. Hic dicit contrahentes ipsos esse materiam sacramenti: ille non ipsos, sed consensem: alius gestus, & nutus, qui a viro, feminaque, exceptis verbis, adhibetur. Alius prioris loquentis verba materiam esse affirmat, posterioris formam. Quæ utinam graviter, & probabiliter dicerentur, ne jure ab haereticis rideantur. Quorsum in re gravissima ad fidem & religionem necessaria tenuiter, ne dicam ridicule, philosophari?

XI. Tandem hæc opinio tutior est, & simul valde probabilis, utpote a gravissimis Theologis propugnata. Quare BENEDICTUS XIV. lib. 8. de Synod. c. 28. n. 3. inquit *Verum quamquam buc usque explicata Melchioris CANI sententia tot Doctorum suffragiis communita, sed VALDE PROBABLIS; ac cuiusque liberum absque erroris nota eam amplecti* &c. Non probabilis modo, verum etiam valde probabilis est sententia hæc. Aliunde vero simul tutior est. Omnes enim ad unum Theologi satentur, matrimonium ecclesiastico ritu a Sacerdote benedictum, esse verum sacramentum. Contra plurimi, & gravissimi Theologi negant prefato ritu sublato esse sacramentum. Illa autem tutior sententia est de qua nemo Theologorum ambigit. Ergo tutior hæc est, & contraria minus tuta. Hæc omnia certa sunt, & extra controversiam. Atqui ex decreto Innocentii XI. quando agitur de valore sacramentorum ex duabus opinionibus probabilibus, & in utramque partem a Theologis disputatis, tutior felicenda est. Ergo amplectenda hæc nostra, rejicienda altera.

XII. Quæ contra opponuntur ab adversariis, nullius, ut ego quidem arbitror, sunt momenti. Omnia expendi Tom. 10. lib. 2. c. 2. & rejeci. Ibi legere illa poteris, ut prolixitatem devitem.

C A P U T III.

De conditionibus consensus mutui ad matrimonium necessariis.

QUEST. I. *An ut matrimonium sit validum, requiratur utriusque conjugis consensus?* RESP. Adfirmant omnes. Consensus iste internus, sincerus & non fictus, liber non coactus, ab errore immunis, & publicus, atque signo exteriore manifestatus sit oportet. Nullo enim modo sufficit consensus internus, nisi signo exteriore manifestatus sit. Quia consensus iste materia est sacramenti, quæ necessario sensibilis esse debet. Exprimi autem exterius consensus iste debet aut verbis, aut nutibus clare consensum internum indicantibus. Peccant tamen regulariter illi qui loqui valentes, omisssis verbis, natus, aut alia signa adhibent. Excipe pueras nimis verecundas, quæ hodie perquam rarae occurruunt.

II. Consensus fictus & simulatus internus, licet verbis exterius expressus, non sufficit ad matrimonium. Peccat mortaliter qui feste, & simulate contrahit, & obstringitur vere & sincere consentire. Neque asserenti feste & simulate se contraxisse fides adhibetur in aliquo tribunali, nec habenda est, sed poenitentia potius plecti iste meretur. Et hujusmodi simulatores absolvendi minime sunt, donec verum & sincerum consensum dederint.

III. Si feste cum prima contraxit, & postea simulator sincero, & vero animo contrahat cum secunda, judex ecclesiasticus iubet ut maneat cum prima: quia judicium jus profert secundum ea quæ apparent, & præsumuntur. Ceterum, si cum prima recta coram Deo fictus fuit consensus, & sincerus cum secunda, tunc debet potius (inquit S. Thomas in supp. q. 45. a. 4. ad 3.) excommunicationem sustinere quam ad primam uxorem accedat, vel debet in alias remotas regiones fugere. Secunda enim in hoc casu esset vera uxor. Et quando certa, & indubitata argumenta apparent fictionis cum priore feminâ, tunc judex ecclesiasticus imposita poenitentia, & damni illati priori feminæ reparatione, absolvere reum, & nullum declarare primum matrimonium deberet.

IV. Proles ex ficto matrimonio suscepta legitima habenda est, usquedam fictio probetur, ut docent omnes. Quando unus coniugum certo lecit prius matrimonium judicis

sententia dissolutum, esse coram Deo validum, nequit secundum conjugium intrare.

V. QUEST. II. *An consensus metu extortus nullum efficiat matrimonium?* RESP. Multipli-
cem metum Theologi distinguunt. Alius gravis est, qui concipitur de aliquo malo gravi imminentे, ut est mors, exilium, carcer, mutilatio; vel gravis esse potest ex vehementi apprehensione timoris. Mulier potest esse grave malum quod viro leve est. Levis timor est de levi malo tum in se, tum respectu personæ timoris. Præterea aliud est timor a naturali interna causa ortus, qui ob vitam servandam, vel ob pe-
nam æternam fugiendam ad agendum impellit. Alius, qui a causa exterius agente proficiscitur. Et hic duplex est: aut enim causa exterius agens est tantum occasio, ut est tempestas maris respectu mercatoris; aut causa exterius directe timorem incutit, ut latro qui pugione districto mortem minatur, nisi pecunia eidem consignetur. Insuper aliud metus justus est incusus a judice, vel legitimo superiore ex iusta causa; ut cum iudex violatorem pueræ conjicit in carcere, obstringitque ut eam ducat in matrimonium. Alius est injustus, qui absque iusta causa incutitur. Alius tandem metus reverentialis, qualis est filiorum erga pa-
rentes.

VI. Matrimonium celebratum ex metu gravi iniuste incusso nullum est, & irritum, ut omnes fatentur: quia pugnat consensus iste tali metu extortus cum perpetua animorum concordia, & benevolentia. Nullum est hoc matrimonium jure ecclesiastico, juri naturali quam maxime consentaneo, ut probabilius mihi videtur. Matrimonium contra ex metu juste incusso sive ex causa naturali interna, sive externa validum est, sicut & matrimonium ex levi metu cele-
bratum.

VII. Heine 1. qui concubinam mortis causa dicit, validum contrahit matrimonium. 2. qui damnatus ad mortem juste, si ab aliquo postulatur ad nuptias ut mortem declinet, valide contrahit. 3. validum quoque est matrimonium illius qui judice mortem comminante, aut carcere, defloratam dicit.

VIII. Sempronius passus injuriam a Ti-
tio ob furtum, aliudve crimen, minatur il-
lum accusare apud judicem, nisi tali pueræ
nubat: matrimonium nullum esset: quia
nullum jus Sempronius habet ad cegendum
Titium ut talem pueram ducat: quamvis

ius habeat eumdem accusandi ob furtum. Qui injusto metu compulsus nupsit, reddere debitum non tenetur.

IX. Matrimonium coacte initum per liberum consensum validum evadit, dummodo in altera parte quæ libere contraxit, perseveret consensus. Temporales domini, ac magistratus, qui directe vel indirecte timorem gravem injuste incutiunt, ut aliquem cogant ad contrahendum matrimonium, sunt ipso facto excommunicati a Concilio Tridentino *sess. 24. c. 9. de Ref.*

X. Consensus conditione limitatus nullum efficit matrimonium. Quare si quis dicat: *Accipio te in meam uxorem, si pater meus consenserit: matrimonium nullum est, quia conditio suspendit consensum.* Conditiones generales & necessariae, ut si dicas, *Ducante, si Deo placuerit, nullo modo suspendunt matrimonium.* Si sint impossibiles & turpes, quæ matrimonii substantiam non insciunt, pro non adjectis habentur. Omnes conditiones quæ insciunt substantiam matrimonii, nullum illud efficiunt, ut sunt istæ: *Accipio te in meam, si nullos mihi genueris filios, si generationem devitaveris, si sterilitatis venenum sumpferis, si adulterandum te prostitueris.* Contraho tecum ulque dum venustiorem, ditionem invenero. Ista similesse conditiones ipsam perimunt matrimonii substantiam, nullumque efficiunt.

XI. Si matrimonio, aut sponsalibus apponantur conditiones de præsenti, aut de præterito, posita conditione subsistunt sponsalia, & matrimonium; sublata conditione, sponsalia, & matrimonium nulla sunt: ut si dicas, *Accipio te in meam, si sis virgo, si sis primogenita, si parentes tui consentiant, si sis nobilis, si sis legitima.* Si consummato matrimonio reprehendatur tempore contractus initi non fuisse virginem, nec legitimam, nec nobilem, nec primogenitam, matrimonium nullum est: nec copula carnalis validum efficere potest. Si quis dicat, *Accipio te in meam, si patri tuo placuerit,* sciebatque patrem esse mortuum, conditio pro non adjecta habetur; si vero ignorabat patris mortem, necessarius est novus consensus, ut matrimonium sit validum. Nullum quippe est ratione primi consensus conditionati, quia conditio suspendit effectum. Si pater vivat, taceatque, quia ei placet contractus, tunc valer matrimonium. Si reprehendatur tacere, quia ei displicet, tunc contractus nullus est. Si dubitatur cur taceat, suspendendus est contractus, donec

se declareret. Si consentiat, & postea dissentiat, validum est matrimonium, dummodo perseverent in voluntate contrahendi usque ad consensum patris. Prudentia tamen opus est, & spectatis circumstantiis colligendum est, num patris consensus plenus, & verus revera fuerit. Immo prudentia dicit, has conditiones, utpote dubitationum scaturientes, in tanti momenti contractu, matrimonio videlicet, esse omnino rejiciendas, & aut absolute contrahendum, aut a tali contractu abstinendum.

XII. Conditio honesta contraria bonis matrimonii matrimonium nullum efficit; ut si contrahant sub conditione perpetua castitatis, tunc nullum jus ad copulam datur. Hoc autem jure sublatu nullum est matrimonium. Nam licet conjungi cum matrimonio possit intentio non perendi debitum, si tamen hoc deducatur in pactum, substantia matrimonii destruitur. B. Virgo, & Patriarcha Joseph absolute contraxerunt, & mutuam corporum potestatem transfluerunt, nullo adjecto pacto reciproco, quamvis animum habuerint ab omni carni copula abstinendi, Deo sic illuminante eorumdem mentem.

XIII. Qui impedimento dirimente irritati contrahunt, adiecta conditione, *si Papa dispensaverit,* conjugium conditionatum efficiunt; sed ejusmodi matrimonia conditionata numquam admittenda sunt, sive impedimentum sit illorum a quibus dispensare Papa solet, sive alterius generis.

XIV. Illis verborum formulis exprimens consensus est quæ juxta morem patriæ declarant consensum verum, sincerum, reciprocum, & de præsenti, ut sunt ejusmodi: *Accipio te in meam uxorem: duco te in meum maritum &c.*

C A P U T IV.

De proprietatibus matrimonii, & de polygamia simultanea, & successiva.

I. **T**Res sunt matrimonii proprietates, seu bona, nempe fides, proles, & sacramentum. Fides accipitur hic pro fideliitate, qua promissa impletur, estque justitiae pars. Fidem violent conjuges, si alterum, vel alteram agnoscunt. Proles est matrimonii finis. Sacramentum indissolubilitatem significat, & confirmat. In fide igitur conjunctio unius cum una intelligitur.

II. Unitati matrimonii opponitur polygamia

gamia simultanea, seu uxorum pluralitas. Penes omnes convenient polygamiam qua una femina nuberet pluribus viris, esse contra jus naturale tum primarium, tum secundarium. Disputatur solum de polygamia qua unus vir plures ducit uxores, num aduersetur iuri naturali, & divino.

III. Communis Theologorum sententia est polygamiam aduersari juri naturali. Advertendum tamen est, jus naturale aliud esse invariabile, & immutabile, cuiusmodi sunt prima & universalis principia, quæ primævum naturæ finem spectant. In his nulla cadit dispensatio, nulla interpretatio. Quæ enim hoc jure prohibentur, intrinsecus mala sunt. Aliud est jus naturale variationi obnoxium ratione temporum, & circumstantiarum. Varietatem hanc solus Deus universi naturæ juris conditor, & sapientissimus comprehensor atque moderator cognoscit. Idcirco ille solus dispensare seu verius interpretari, & declarare valet, quando & quomodo homo huic juri sit obnoxius.

IV. Heinc habes quomodo Deus in veteri lege SS. Patriarchas dispensavit ut simul plures haberent uxores. Nomen tamen uxoris duplice accipitur in Scriptura sancta. 1. in proprio significatu, sub quo venit prima uxor solemní ritu adducta, quæque mater familiæ nuncupabatur, & speciali honore prædicta erat, ejusque filii hæreditati paternæ succedebant. 2. in latiore significazione, prout erant secundæ uxores, quæ præfatis carebant privilegiis, & concubinæ etiam appellabantur.

V. Christus Dominus in novo Testamento sustulit hoc privilegium habendi plures uxores, ut perpetua & universalis Ecclesiæ traditio docet; & Tridentinum definivit *seff. 24. can. 2.*

VI. Montanistæ, quibus accessit Tertullianus, damnarunt polygamiam successivam, seu secundas nuptias. Catholica Ecclesia numquam prohibuit secundas, & ulteriores nuptias. Primit tamen Ecclesiæ sacerdos Ecclesia Graeca severæ pœnitentiæ subjecit bigamos, & trigamos.

C A P U T V.

*De indissolubilitate vinculi conjugalis,
& de divortio.*

I. **Q**UEST. I. *An vinculum matrimoniale sit dissolubile?* RESP. Adiurauit o-

mnes Catholicæ. Firmitatem & perpetuitatem ab ipso naturæ jure repetunt Theologi cum S. Thoma in *Suppl. q. 47. a. 1.* Hanc naturalem perpetuitatem suo divino jure Deus confirmavit Mith. 19. Itaque jam non sunt duo, sed una caro.... Quod ergo Deus conjunxit, homo non separat.

II. QUES. II. *Quid de matrimonio infidelium dicendum?* RESP. Verum & legitimum matrimonium, prout est contractus naturalis & civilis, contrahi apud infideles certum est. Quando ambo conjuges convertuntur ad fidem, eorum matrimonium non dissolvitur ut Theologi omnes docent. Si maritus infidelis amplectebatur primis Ecclesiæ sacerulis fidem Christi, & mulier infidelis pacifice habitare voluisse, licita erat talis habitatio ut ex 1. Cor. c. 7. habetur. Disputant Theologi num in praesens licita hæc coabitatio sit mariti fidelis cum uxore infideli, quæ habitare absque contumelia Creatoris cum marito desiderat. Communior sententia adfirmat, cum nulla extet lex quæ talen cohabitationem prohibeat. Constatudo tamen opposita obtinet, vi cuius illicita est talis coabitatio, nisi prudenter speretur uxor conversio.

III. Quando unus conjugum ad fidem convertitur, altero in infidelitate persistente, si proles sit doli capax, sua fruitur libertate. Si rationis usu destituta sit, sequi parentem conversum ad fidem Christi debet. In dubio an proles prædicta rationis usu sit, in Religionis favorem judicandum est.

IV. QUES. III. *Si conjux infidelis consentiat pacifice habitare cum conjuge fidei, potest ne fidelis conjux aliam ducere?* RESP. Adfirmat Bellarmine; alii negant; alii distinguunt. S. Augustinus lib. 1. de adult. conjug. cap. 25. absolute negat. Similiter Innocentius III. cap. Laudemus negantem sententiam defendit. Si autem conjux infidelis pacifice cohabitare nolit absque contumelia Creatoris, tunc conjux fidelis, illo deserto, alius inire connubium potest, ut expresse S. Thomas docet in *Suppl. q. 59. a. 5.*

V. Quando unus infidelium ad fidem convertitur, matrimonium non solvit per Baptismum, sed per nuptias subsequentes. Quare si infidelis pervicax ante matrimonium a fideli conjuge contractum, secundas celebraret nuptias, nullæ istæ essent: & si ad fidem converterentur conjuges isti separandi essent. Quoniam privilegium dissolvi vinculi conjugalis in favorem dumtaxat fidei, non infidelitatis concessum a Chri-

slo est, ut habetur cap. Quinto de Divortiis. Similiter si fidelis post monitum infidelem conjugem obstinatum in infidelitate contrahat matrimonium, deinde istud secundum solvatur per mortem conjugis; tunc fidelis iste non teneretur redire ad priorem conjugem infidelem, etiamsi ad fidem converteretur. Quoniam cum prius matrimonium legitime solutum fuerit, liber omnino fidelis evasit: atque a deo non tenetur ad priorem conjugem conversum redire in casu mortis secundæ uxoris.

VI. QUÆST. IV. *An matrimonium Judeorum per libellum repudii nullum evaserit?* RESP. Alii adfirmant, negant alii. Christus Dominus Matth. 19. ait, Moysem permisisse libellum repudii ad cordis Judæorum durtiem. Non ergo licitum repudium erat. Ergo vinculum matrimoniale non solvebatur. Et hanc negantem sententiam perspicue docent SS. Hieronymus, Augustinus, Chrysostomus, Isidorus, Teophylactus. Et hanc sententiam communiorum appellat S. Thomas. Sed tanti non est ut discuti longius debeat.

VII. QUÆST. V. *Utrum matrimonium Christianorum per adulterium dissolvatur?* RESP. Negant Catholici omnes. Et veritas hæc aperte traditur in Evangelio Luc. c. 19. ubi hæc habentur: *Omnis qui dimittit uxorem suam, & aliam dicit, mæchatur, & qui dimissam duxerit, mæchatur.* Quæ verba sic disponenda sunt, ut facilius intelligantur. *Quicumque dimiserit uxorem (quod non licet nisi ob fornicationem) & aliam duxerit, mæchatur.* Fornicatio licitam facit dimissionem, minime vero novi conjugii celebrationem. Ultima verba Evangelistæ rem perspicue declarant. *Qui dimissam duxerit, mæchatur.* Dimitti uxor non poterat nisi ob fornicationem, ut omnes fatentur. Qui ergo dimissam fornicationis causa ducit, mæchatur. Ergo non solvitur vinculum conjugale. Accedit perpetua Ecclesiæ traditio.

VIII. QUÆST. VI. *Solvitur ne Christianorum matrimonium ratum non consummatum, per solemnem professionem Religionis approbatæ?* RESP. Adfirmant Catholici omnes; & hæc veritas definita est in Concilio Tridentino sess. 23. can. 6. his verbis. *Si quis dixerit matrimonium ratum, & non consummatum, per solemnem Religionis professionem alterius conjugum non dirimi; anathema sit.* Hæc Concilii definitio universa & perpetua Ecclesiæ traditione nititur.

IX. Utrum Pontifex dispensare a matri-

monii rati vinculo queat, disputant in utramque partem Theologi. Illud penes omnes convenit, gravissimas urgere causas debere, & solum ob majorem Ecclesiæ utilitatem, & decorem dispensare Pontifices posse a præfato vinculo.

X. QUÆST. VII. *Utrum matrimonium Christianorum ratum, & consummatum dirimatur per ingressum in Religionem?* RESP. Negant sententia communis est, & vera. Quoniam Ecclesia declaravit solum matrimonium ratum solvi per professionem monasticam. Si unus conjugum adulterium perpetret, ingredi religionem innocens conjux potest, vel vovere castitatem perpetuam, quia ob adulterii crimen jus habet perpetui divorci. Unus tamen conjux ex consensu alterius conjugis ingredi, & profiteri Religionem potest; conjux tamen consentiens, & remanens in sæculo, si senex sit, votum castitatis emittere; si juvenis, ingredi Religionem debet, ut statuit cap. Cum sis. Maritus invita uxore, five ante, five post consummatum matrimonium nequit sacris ordinibus initiari. Si invita uxore suscipiet sacros Ordines, reddere, non petere debitum posset. Consentiente uxore fieri maritus Sacerdos valet dummodo ipsa uxor approbatam Religionem profiteatur, ut statuit cap. Sane de conv. conjug.

XI. Disputant quandonam consummatum matrimonium dicendum sit. Alii dicunt, sat esse penetrationem vasis mulieris sine seminis effusione; sed probabilior opinio, & communior requirit seminis effusionem in mulieris vas. Copula habita ante matrimonium non sufficit ad matrimonii consummationem: matrimonium enim non per fornicationem, sed per copulam matrimoniale perficitur.

XII. QUÆST. VIII. *Quid sit divortium, & an in utroque conjuge jus ad illud par sit?* RESP. Divortium est separatio a toro, in quo distinguitur a repudio, quod vinculi dissolutionem infert. Divortium licitum esse adulterii causa adfirmant omnes. In utroque conjuge jus ad divortium par est, quia in iis quæ ad totum attinent, utriusque conjugis jura paria sunt. Conjux innocens facto divortio, aut vovere castitatem, aut ingredi Religionem potest, invito conjuge reo. Conjux vero reus nec vovere castitatem, nec ingredi Religionem potest, quamdiu conjux innocens jus retinet illum revocandi. Si tamen conjux innocens non contradicat, valet mutatio status a conjuge reo

reo facta. Si judicis sententia detrusa feminæ rea in monasterium fuerit, biennum conceditur innocentii ut deliberet si revocare illum velit. Intra hoc biennium feminæ professio nulla est, elapso biennio valida habetur.

XIII. QUEST. IX. *Quibus in casibus licetum divortium est inter Christianos?* RESP. Licitum est 1. ex utriusque conjugis consensu, studio sanctioris vitæ 2. adulterii causa 3. immoderata saevitia, si publica, & manifesta sit, justa est divortii causa; si occulta, expectanda est judicis sententia; a toto tamen separare se potest, sed non a domo discedere. 4. si subversionis periculum uni conjugi immineat ex cohabitatione, non modo licetum, sed necessarium divortium est. 5. si alter conjux a fide defecerit.

XIV. QUEST. X. *Quot sunt casus in quibus ob fornicationem licetum divortium non est?* RESP. Septem. 1. Maritus non potest ab uxore fornicaria separari, si ipse similiter fornicarius sit. 2. Si ipse uxorem profiteatur. 3. Si uxor probabiliter virum absentem mortuum credens, alteri nupserit. 4. Si latenter ab alio cognita fuerit sub specie virilem subintrante. 5. Si fuerit vi oppressa. 6. Si maritus adulterii conficius carnaliter uxorem cognoverit. 7. Si matrimonio in infidelitate contracto, vir dederit libellum repudii, & uxor alteri nupserit. Si tamen uterque convertatur ad fidem, tenetur vir eam recipere.

XV. Sola voluntas adulterandi non sufficit ad divortium: immo neque tactus, & oscula. Disputant plures, num copula carnalis absque feminis effusione causa justa divortii sit. Negant aliqui; sed contraria sententia communis, & vera est. Sodomiæ scelus sufficiens est divortii causa. Coniux secretus adulter nequit petere divortium a coniuge adultero publico. Qui enim secreto adulter est, reus est, non innocens. Ergo petere divortium nequit. Coniux innocens certus moraliter de altero coniuge adultero, negare ante judicis sententiam debet jure valet; nequit tamen a coniuge adultero discedere, non expectata judicis sententia. Tenetur coniux innocens divortium facere ab uxore adultera, nisi resipiscat, ut Scriptura sancta docet Prov. 18. *Qui tenet adulteram, stultus est, & impius.* Uxor tamen non tenetur discedere, quia hæc impedire nequit maritum, neque eundem coercere, sicuti maritus uxori. Disputatur uter coniux gravius peccet. Si impudicitia spe-

ctetur, gravius est adulteriu in viro quam in muliere, inquit S. Augustinus lib. 2. de adult. conjug. c. 8. Si iniustitia consideretur, uxor adultera scelestius peccat ob prolis incertitudinem, unde gravia sequuntur absurdia.

C A P U T VI.

De sponsalibus, eorumque conditionibus.

I. QUEST. I. *Quid sint sponsalia?* RESP. Sponsalia, de quibus in præsens, sunt promissio de futuro matrimonio, mutua, & libera, externis signis expressa, obligationem pariens. Promissio mutua sit operet, ut utrumque obliget. Libera, exclusa coactione & metu. Signis externis expressa, quia non sufficiunt actus interni. Obligationem duplēm pariunt sponsalia, naturalem, & canonicam. Jure quippe naturali quisque stare promissis altingitur, maxime in re gravissima, uti sunt sponsalia. Canonica obligatio inducit impedimentum publicæ honestatis. Promissio facta absenti ante ejus acceptationem non obligat. Sponsalia contrahi nequeunt sub levi obligatione. Promittere utique sibi possunt sub pena amittendi arrhas, & etiam sub nulla obligatione; sed haec essent promissiones simplices, & jocofæ, non sponsalia veri, quæ inducent impedimentum publicæ honestatis. Promittere sibi matuo sponsi debent, ut valida & firma sint sponsalia.

II. Requiritur animus deliberatus contrahendi sponsalia juxta Ecclesiæ ritum. Si sponsus decipit virginem ficta promissione, eamque defloret, tenetur eam ducere, nec sat est eam dotare, maxime si non sint disparis conditionis, & si virgo ipsa non consenserit in suam deflorationem & deceptionem. Si contra sponsus deceptor sit conditionis valde superioris, & ut talis cognitus a virginie, tum dotare eam tenetur, non ducere. Quoniam in tali casu præsumitur, & quidem prudenter virginem decipi sponte voluisse. Contra si virginis ignota fuisset superior conditio sponsi, & fide bona promisisset, fictus promissor teneretur eam ducere.

III. Illud tamen mihi certum est paucissimas esse Lucretias invitatas defloratas. Ipsæ puellæ in causa sunt cur deflorentur. Si ipsæ abstinerent ab juvenum commercio, & pudicæ, & verecundæ, atque solitariae vitam degerent, ut earum statum decet, arces essent inexpugnabiles. Verum hodiernæ fictitiae

tia Lucretiae, illæ ipsæ fores aperiunt, occulorum ieius jaculantur, amasios venantur, mitificis modis alliciunt, invitant, provocant. Cum vident miseros adolescentes æstu libidinis despumantes, & impudico amore captos, tum omnia muliebria præstigia adhibent, elegantiorem venustatem stibiis, fucis, & lenociniis ostentant. Non industria, non studio, non versutæ, non fraudi parciunt, ut amatorculos suos, & procos excentent, & in laqueos compellant. Cum vero miseri adolescentes tot technis, & artificiis seducti, ingredi arcem pertendant, tum vafræ Lucretiae fraudulentam jastant repugnantiam, quæ non resistit, sed invitat; non repellit, sed provocat, ut in laqueum promissionis futuri matrimonii juvenes incident. Ejusmodi expudoratae virgines, revera fatuæ sunt, quæ familiæ perturbant, quæ dissidia coacitant, quæ iniurias, homicidia, & funestissimas tragœdias pariunt. Quare si lex ferretur omnes defloratas virgines ad perpetuam pœnitentiam in cinere & cilicio agendum obstricens; hac lege lata, dubio procul solitariae, verecundæ, & pudicæ virgines evaderent, & domi absconditæ degerent.

IV. QUEST. II. *Quibus verbis contrahenda sponsalia sunt?* RESP. Verbis, aut signis, quæ clare manifestent mutuum consensum, ut sunt hæc: *Promitto, me obligo, in fide mea te ducam in uxorem.* Taciturnitas non sufficit. *Qui tacet consentire videtur* valet tantum in favorem proprium, secus ad onus subeundum. Tunc enim valet hæc alia regula: *Qui tacet, non consentire, nec dissentire videtur.* Abiolute verba adhiberi debent. Ceterum juxta nationum diversitatem signa haberi loco verborum possunt.

V. Infani, amentes, ebrii, infantes sponsalia contrahere nequeunt: quia hæc, ut dixi, requirunt libertatem immunem a coactione, & a metu cadente in virum consonantem. Surdi & muti a nativitate, si tali prædicti sint intellectu quo percipere queant quid sint sponsalia, quid matrimonium, contrahere sponsalia valent, ut colligitur ex cap. *Cum apud &c. de spons.* Surdus enim & mutus confiteri, & absolviri potest. Qui tamen simul excus esset, contrahere non posset, quia nullis signis instrui posset, ut perciperet quid sint sponsalia, quid matrimonium.

VI. QUEST. III. *Quæ ætas requiritur tum ad sponsalia, tum ad matrimonium contrahendum?* RESP. Septennium requiritur comple-

tum ad sponsalia, quia communiter hac aetate refulget rationis lumen. Ad matrimonium vero quatuordecim in viris, & duodecim in feminis anni necessarii sunt. Qui ante pubertatis annos completos contrahunt matrimonium, peccant mortaliter, ut habetur c. 20 de spons. impub.

VII. QUEST. IV. *Quando tempus præfinitum sponsalibus non est, celebrari ne illico matrimonium debet?* RESP. Sponsalia obligant sub mortali ad matrimonium contrahendum, ut dictum est. Quando tempus præfinitum est intra mensem, annum &c. neuter alterum cogere potest ante elapsum tempus. Quando vero tempus præfinitum non est, contrahi matrimonium debet statim ac comode potest. Si plus justo differatur, qui est in mora culpabili, pecoat. Quoniam sponsalia præbeant jus ad matrimonium futurum. Ergo dilatio istius juris est injusta privatio. Spectanda tamen circumstantia sunt. Quando una pars plus justo differt, compelli in foro interiori a Confessario debet, ut omnes satentur, nisi aliqua justa & gravis causa oblit. Ad forum externum quod attinet, meo consilio numquam judex coget vi ut matrimonium celebretur; sed potius suadet parti volenti celebrare matrimonium ut renuntiet ejusmodi sponsalibus. Matrimonium enim est animorum conjunctio, quæ absque libertate non consistit. A prudentia Confessarii, & judicis totum hoc pendet negotium. Judex tamen cogere tenetur ut pars læsa ex dissolutione sponsalium resarciatur.

VIII. QUEST. V. *Utrum licitum sit sponsalibus adjicere obligationem ad pœnam?* RESP. Pœna altera positiva, ut si quis obliget se perdere centum aureos, nisi ducat Bertam: altera negativa, ut si quis promittat centum se daturum puellæ, si secum nubere velit, secus non daturus: vel si testator relinquit puellæ legatum, si rati nupserit, aliquoquin legatum amittat. Priorem pœnam prohibet jus canonicum, & invalidam constituit, ut ex cap. *Gemma*, de spons. patet. Obstat enim talis pœna libertati matrimonii. Neque parti resiliendi imponenda pœna est ob eamdem rationem. Licet enim in aliis contractibus licite imponi ejusmodi pœnae valeant; quia tamen matrimonium est animorum vinculum, & quidem perpetuum, cuius felicitas a concordia & benevolentia pendet conjugum, prudentissime Legislatores omnem pœnam positivam prohibuerunt. Si apposita fuerit, pars resiliens non tenetur eam solvere.

IX. QUÆST. VI. *An dissolvi mutuo consensu sponsalia queant?* RESP. Sententia adfirms communis est, quando utraque pars libere consentit. Si una pars ab altera do-lo, fraude, metu, importunis precibus remissionem obligationis extorqueret, non maneret ab obligatione contracta immunis. Quando vero reciprocus consensus sincerus, & liber est, dissolvi sponsalia queunt etiam juramento firmata, quia juramentum istud naturam contractus sequitur. Quare cessante contractu cessat juramentum. Impuberes dissolvere mutuo consensu sponsalia nequeunt antequam ad annos pubertatis pervenerint. Pubertate acquisita reclamare ambo, vel unus illorum potest, & sponsalia rescinduntur, licet altera pars renuat. Si adepta pubertate statim, vel, ut ajunt, post triduum non reclamaverint, nequeunt postea ad unius partis reclamationem sponsalia dissolvi, sed necessarius est utriusque partis consensus mutuus. Si unus prius altero pubertatem assequatur, continuo resilire valet, non expectata alterius partis pubertate. Si pubes cum impubere sponsalia contrahat, nequit rece-dere a contractu; impubes vero nactus pubertatem resilire valet. Quando impuberes contractis sponsalibus pubertatem assequuntur, non est necessarius novus consensus, sed initus contractus perseverat, quia non retractatus. Reclamatio etiam privata sufficit. Si tamen sponsalia coram Episcopo, vel Parocho contracta fuerint ab impuberibus, tunc ad redimendam vexationem reclamatio in foro exteriori fieri debet.

X. QUÆST. VII. *An post sponsalia contracta juramento firmata possit altera pars licite ingredi Religionem?* RESP. Si licitus ingressus est post matrimonium ratum, potiori jure licitus est post sponsalia etiam juramento firmata: quia juramentum sequitur naturam contractus, qui per Religionis ingressum solvit, atque adeo etiam juramentum. Pars quæ remanet in seculo, continuo ac altera pars ingressa Religionem est, remanet libera, quia qui ingreditur, cedit juri suo. Qui vero ingreditur, ligatus manet usque ad professionem: ita ut si pars, quæ remanet exspectare velit, & ingressus redeat ad sacerdolum sine professione, impleri sponsalia debent. Solvuntur quoque sponsalia per suscep-tionem sacerorum Ordinum. Neque peccat qui post sponsalia sacros Ordines suscipit, quidquid in oppositum aliqui dicant, quia semper in sponsalibus inclusa haec conditio est, nisi ad meliorem statum transiero. Simi-

liter dissolvuntur sponsalia per votum aut ingredienda Religionis, aut suscipiendo Ordines sacros.

XI. QUÆST. VIII. *Licetum ne est contractis sponsalibus emittere simplex casitatis votum?* RESP. Emisso hoc voto, dissolvi sponsalia respectu partis quæ non votet, convenit penes omnes, quia votens cedit juri suo. Disputatur dumtaxat de parte votente, num licite voeat, liberque evadat ab onere sponsalium. Negantem tententiam faventem nuptiis defendant Lessius, Laymanus, Castro-palaus, Sanchez, qui plures alios refert au-tores: quoniam, inquit, nequit Deo promitti quod debitum erat homini. Vi sponsaliorum corpus debitum erat homini. Ergo nequit Deo promitti. Quam sit robusta haec ratio nemo non videt.

XII. Adfirmantem sententiam defendant graves Theologi, Cajetanus, Suarez, Rodri-quez, Azorius, Gennet, Pontius, Ledesma, & alii plures. Haec sententia mihi est probabilius, dummodo absit dolus, & fraus. Quoniam semper in promissione facta homini, quæque statum spectat, includitur con-ditio, nisi elegero meliorem statum inservien-di Deo. Celibatus autem melior est statu matrimonii, ut omnes fatentur. Nec ra-tio oppositæ sententiæ urget quidquam: quoniam votum istud non est in damnum tertii, cum omnes creaturæ Deo subjectæ sint. Neque vi sponsalium debitum evadit corpus homini absolute, cum in eisdem in-cludatur dicta conditio melioris status. Caput *Veniens*, quod opponi solet, loquitur de muliere vatra, quæ votum emiserat post di-lationem matrimonii, ut sponsum eluderet.

XIII. Matrimonium subsequens dirimit sponsalia præcedentia, ut omnes fatentur. Peccat tamen mortaliter qui post inita sponsalia matrimonium cum alio vel alia contrahit. Si invalidum sit matrimonium, contrahens ligatus manet, & tenetur ex parte sua sponsalia implere: & si damnum intulit parti, resarcire illud astringitur.

XIV. Matrimonium subsequens validum non solum suspendit sponsalia, sed eadem dirimit, ita ut mortuo conjugi non teneatur implere sponsalia, ut mihi probabilius videtur. Sponsalia præcedentia nullo modo per posteriora dissolvuntur, sed posteriora invalida omnino sunt, etiamsi juramento firmata essent. Semper tamen pars innocens libera manet, ut licite alteri nubere possit. Quid, si secundis sponsalibus copula ac-deret carnalis, & non accessisset in primis?

Si secunda sponsa sciebat priora sponsalia, hæc non dissolvuntur, quia sponte decipi voluit. Si contra sponsalia ignoravit, & revera decepta fuit sub spe fururi matrimonii, tunc valida esse secunda sponsalia mihi probabilius videtur, & hæc secunda virgo deflorata ducenda esset. Quamquam, ut supra dixi, rara sunt virgines quæ invitæ & deceptæ deflorentur. Et ideo rarus est casus in quo subsistant secunda sponsalia. Qui secunda sponsalia celebrat, si priora, quæ valida erant, ex aliquo capite scinduntur, non tenetur implere secunda utpote nulla: quia quod ab initio fuit nullum, tractu temporis non convalescit.

XV. QUEST. ix. *An sponsalia dirimantur aut per temporis dilationem, aut per unius sponsi absentiam, vel domicili mutationem?* RESP. Si tempus sit præfinitum ad finiendam obligationem, elapsi tempore sponsalia dissolvi possunt a parte innocentia, secus a reo. Si tempus sit indefinitum, non dissolvuntur per temporis dilationem, nisi valde nimia foret, & altera pars instaret. Disputant auctores, an unus annus, an biennium, an triennium reputari debeat sufficiens intervallum ad sponsalia dirimenda? Regula certa praescribi hujus dissolutionis nequit. Spectanda est sponsorum ætas, conditio, statutus, & plures aliae circumstantiae.

XVI. Dissolvi sponsalia per discessum in regionem longinquam, etiam animo redundi, communis est opinio, & colligitur ex cap. *De illo s. de spons.* Leges civiles quæ obligant sponsam expectare biennium redditum sponsi in eadem provincia absentis, & triennium, si abiit in provinciam alienam, correctæ sunt per jus canonicum. Forum conscientiarum præcipue in hac materia spectandum est. Si consentiente sponsa sponsus abiit, illa expectare tenetur donec redeat juxta præfinitum tempus. Similiter si consentiente sponsa, domicilium mutetur, subsistunt sponsalia; secus si ipsa inscia id fiat. In his omnibus antequam solvantur sponsalia consulendum semper Parochus est.

XVII. QUEST. x. *Quoniam sunt causæ supervenientes quæ sufficiunt ad sponsalia dirimenda?* RESP. Hæc est regula generalis, quæ communiter assignatur. Quoties gravis mutationis, vicissitudo, circumstantia emergit, quæ cognita & prævisa ante contracta sponsalia impedimento fuisset ne contractus celebraretur, sufficit ad sponsalia dirimenda respectu innocentis, qui in causa non est. Hæc enim conditio, si res stent ut nunc sunt,

nisi contingat notabilis mutatio, insita semper est sponsalium contractui. Neque hinc sequitur omnia sponsalia esse conditionata, sed illa solum quibus ex libera voluntate contrahentium conditio apponitur. Conditio vero generalis insita ipsi contractui non impedit quin sponsalia sint absoluta, & inducant publice honestatis impedimentum.

XVIII. Defectus notabilis pulchritudinis qua prædicta sponsa erat tempore contractus, & postea deformata esset, causa sufficiens est ad sponsalia dissolvenda, quia cum puella notabiliter deformi prudens sponsus non contraxisset. Hæresis crimen, flagitium infamiam patiens, graves inimicitias, rixas inter sponsos, & cetera quæ sufficiunt ad separationem a toro, multo magis sufficiunt ad dirimenda sponsalia. Similiter quodlibet impedimentum sive dirimens, sive impediens, quod matrimonio contrahendo adversatur, sat est ad sponsalia rescindenda. Similiter paupertas gravis superveniens uni sponsorum, qui tempore contractus divitiis affluebat, sat est ad dissolvenda sponsalia. Si tamen sponsa haberet integrum designatum dotem, & sponsus dives esset, licet periissent alia sponsæ bona, tum non videatur sufficiens causa dirimendi sponsalia. Quod si uteisque sponsus pauper factus sit, tunc potiori jure sponsalia dissolvi, quia difficultus tunc onera matrimonii possent sustiniri, docent Pontius, Rebellus, Leander, Salmantenses. Sed hoc absolute verum non est. Quando ambo sunt pauperes, æqualis est utriusque conditio. An valida non sunt inter pauperes sponsalia, dummodo sponsi habiles sint ad panem lucrandum, quo se, & prolem alere queant? In praxi tamen facile dissolvi debere ejusmodi sponsalia, & ipse judico. Quia divites facti pauperes nimis moleste sustinent paupertatem, & difficile indicuntur ad laborem. Et præterea dives sponsus factus pauper forte a matrimonio abstine vult, & tales saepius deberent. Quare casus similes prudentiarum Parochi subjiciendi sunt, ut spectatis circumstantiis judicet quid in Doinino expediat. Illud est certum peccare illos qui matrimonium contrahunt, nisi probabiliter prævidant se posse acquirere illa quæ ad onera matrimonii sustinenda necessaria sunt.

XIX. Si unus sponsorum valde ditior fiat, altero remanente in statu in quo contracta sponsalia sunt, non dissolvi sponsalia mihi probabilius est. Nulla quippe tunc deceptio in eo qui factus ditior est. Fornicatio contra-

tracta post sponsalia illa dirimit tam respectu sponsi, quam sponsæ, quia uterque fidem sponsalium lœdit: & licet turpius flagitium sponsa committat, non tollit tamen quin sponsi fornicatio sufficiat ad dissolven- da sponsalia. Si tamen pars innocens velit matrimonium contrahere, sponsalia confi- stunt. Quando uterque fornicatur, dissolvi sponsalia possunt, quia non datur mutua compensatio, eo quod fornicatio sponsæ longe turpior sit, & infamiam inferat sponso. Sponsa vi oppressa post sponsalia jure rejici a sponso valet, quia gravis, immo gravissima mutatio contigit.

XX. QUEST. XI. *Quæ cause antecedentes dirimant sponsalia?* RESP. Plures sunt, quæ si ignorentur a contrahentibus, dissolvere sponsalia possunt, secus si notæ illis essent. 1. Si vir nobilis & dives promittat puellæ pauperi, ignobili &c. putans esse divitem, nobilem &c. 2. Fornicatio præcedens sponsæ ut primum innotescit sponso, dirimit sponsalia. Contra fornicatio occulta sponsi nullam infamiam irrogat sponsæ, & ideo hæc absolute non dirimit. 3. Causa acci- dentalis ignorata, quæ dedit causam con- tractui, jus præbet parti innocentia ut resiliere a contractu valeat. 4. Sponsa ignobilis reputatur nobilis, pauper creditur dives, deformis pulchra, corrupta censetur virgo: si contrahere sponsalia velit, tenetur hos defectus patefacere, quia si illos occultaret, deciperet sponsum in re gravi. At non tenetur infamare se ipsam. Verum habet. Sed neque decipere proximum jure potest. Quid ergo? Abstineat a contractu. Ceterum si iniire contractum velit, patefacere occultos graves defectus habet. Hoc in venditione equi, vaccæ, asini observatur a viro revera christiano.

XXI. QUEST. XII. *Quis judex legitimus dirimendi sponsalia?* RESP. Est ecclesiasticus, nempe proprius Episcopus, vel ejus delegatus. Parochus in foro contentioso non est judex. Si causa occulta sit, possunt sponsi propria auctoritate resiliere a contractu. Si sponsa rea sit fornicationis occultæ, deber moneri, & suaderi a sponso ut recedat; si nolit, potest eam vocare ad judicem: si infametur, ipsa in causa est.

XXII. Causa quæ assignatur pro dirimen- dis sponsalibus, debet esse moraliter certa. In foro exteriori utriusque partis confessio sufficit. In foro interiori unus testis fide dignus sufficit. In foro quoque exteriori si causa sit impedimentum dirimens, aut im-

pediens, sufficit unus testis gravis, fideque dignus. Verum hæc ad fori ministros at- tentent.

XXIII. QUEST. XIII. *Peccant ne mortali- ter filii qui insciis & invitatis parentibus spo- nsa, vel matrimonium contrahant?* RESP. Adfirmant communiter Theologi, & Cano- nistæ. Si enim honorare, revereri parentes filii debent, iisque obedire, sane iisdem obe- dire, eosque honorare in negotio omnium gravissimo, unde pendet vita institutum, familiarum pax, conservatio civitatum, & regnorum, astringuntur. Cogere tamen pa- rentes nequeunt filios ut hanc præ alia ducent. Filii sub gravi culpa consuliere pa- rentes debent super matrimonio contrahen- do. Parentes vero instruere filios debent, ut ducant sponsam pudicam, honestam, moratam, sibiique parem tum in ditiis, tum in status conditione. Matrimonia tamen in- vitis parentibus celebrata valida sunt, licet illicita.

C A P U T VII.

De matrimonio clandestino, & de proclamatio- nibus quæ precedere matrimonium debent.

I. QUEST. I. *Quid sit matrimonium clan- destinum?* RESP. Est illud quod ce- lebratur absque præsentia Parochi, & te- stium, ut colligitur ex Tridentino sess. 24. c. 1. Ante Tridentinum valida erant matrimonia clandestina. Ea invalida Tridentinum declaravit ob gravissimas causas. Pu- gnant enim ejusmodi matrimonia cum fide servanda inter conjuges. Qui enini clam, & sine testibus contrahant, facile a præsti- to consensu recedere queunt: & una pars impune deserere alteram potest, cum nul- lum adduci testimonium queat. Proles quo- que incertitudini subjecta est. Tandem sa- cramenti dignitas violatur, nexus, & vin- culum.

II. Ecclesia declarando invalida matrimo- nia clandestina, non immutavit sacramenti essentiam, sed ut sacramentum digne cele- braretur conditions apposuit, quibus sub- datis, inhabiles contrahentes ad sacra- mentum celebrandum declaravit. Matrimonium clandestinum neque vim sponsalium habet, ut communis sententia docet.

III. QUEST. II. *An in aliquo casu post Tridentinum validum sit matrimonium clande- stinum?* RESP. Infideles etiam subjecti civili potestati Principum catholicorum, inire ma- tri-

trimonium queunt absque solemnitate praescripta a Tridentino. Similiter matrimonia fidelium clandestina, ubi non est receptum Tridentinum, valida sunt. Lex enim non acceptata non irritat contractum. Ubi vero Tridentinum receptum est, nullus datur casus in quo matrimonium absque praesentia Parochi & testium validum sit. Si Parochus desit, quamvis centum adessent testes, nullum est matrimonium.

IV. Peregrini transeuntes per loca ubi promulgatum est Tridentinum, tenentur contrahere coram Parocco, & testibus. Peregrini discendentes a locis ubi promulgatum est Tridentinum, & transeuntes per loca ubi Tridentinum non est receptum, validum contrahere matrimonium docent plures, peccare tamen istos mortaliter affirmant. Ego validum afferere non auderem ejusmodi matrimonium, cum possit contrahi coram Parocco, & testibus.

V. An vere opinatur qui docet, Catholicos qui in fraudem adeunt ea loca ubi Tridentinum non est promulgatum, posse validum celebrare matrimonium?

VI. Hæc opinio penitus falsa mihi est, & Concilio Tridentino adversa. Poterunt ergo Catholicci ad hæreticorum, aut infideli loca transire, ibique claim contraherere, & in patriam reduces publice aliud matrimonium inire. Hoc enim, inter alia, est absurdum, quod Tridentinum monet consequi matrimonia clandestina. Non facit fraudem, inquit Sanchez, qui utitur jure suo. Verum habet. Sed unde habet, Catholicos jus possidere circumveniendi gravissimam Tridentini legem, quæ inhabiles declarat Catholicos ad ejusmodi occulta matrimonia contrahenda? Negatur istos hoc jure potiri.

VII. Fideles degentes sub infideli tyrranide, si habere praesentiam Parochi nullo modo valent, adhibeant saltem testes, ut eo quo valent modo legem servent. Hoc enim modo impediunt posteriora adulterina conjugia, quod absurdum inter alia vietare Tridentinum intendit.

VIII. Catholici subjecti Principi hæretico post celebratum matrimonium juxta leges Tridentini, nequeunt se sistere ministro hæretico assistenti ut ministro ecclesiastico & sacro: eidem se sistere valent, si assistat ut minister politicus & civilis, ut declaravit Sac. Congr. S. Officii die 29. Novemb. 1672. relata a BENEDICTO XIV. lib. 6. de Synodo c. 5. n. 4. Quam declarationem confirmat ille const. 89. §. 1. Bull. Tom. 1. ubi

fidelibus degentibus in regno Serviæ, finitimisque regionibus, prohibet post celebratum matrimonium ritu catholico, illud renovare ante Caddi, nisi ceremonia nuptiarum explenda coram Caddi esset actus mere civilis, nullamque contineret superstitionem mahumeticam.

IX. QUEST. III. *Quis sit Parochus prescriptus a Tridentino?* RESP. Parochus proprius esse debet saltem unius contrahentium, vel Sacerdos de ejusdem licentia. Uis obtinet pluribus in locis ut matrimonium celebretur in paracia feminæ, quando vir est alterius parochiæ; debet tamen iste habere litteras testimoniales sui Parochi de conuentis proclamationibus. Proprius autem Parochus non originis, sed domicilii est. *Quis sit Parochus domicilii, dictum alias est.* Extra propriam parochiam, vel diœcesim Parochus assistere matrimonio suorum parochianorum potest; sed debet petere licentiam a Paroco loci, ut mihi probabilitus videtur. *Quis sit vagorum Parochus, dictum est alibi.*

X. QUEST. IV. *Qui preter Parochum, vel Sacerdotem ab eo designatum, assistere matrimonio valent?* RESP. Assistere possunt Episcopi in suis diœcesibus, Archiepiscopi in diœcesibus suffraganeorum quando actu visitant. Cardinales in Ecclesia sui Tiruli, Legati pontifici in provincia legationis, Capitulum Sede vacante, five ejus Vicarius, Abbates Ecclesiarum nulli Episcopo subjecti, Vicarius generalis Episcopi.

XI. Licentia vi, metu gravi cadente in virum constantem, fraude extortæ, ut Sacerdos assistat matrimonio, nullæ sunt, & nullum efficiunt matrimonium, quidquid in oppositum alii dicant. Libera enim & expressa sit hæc licentia oportet.

XII. QUEST. V. *Uivum ad valorem matrimonii requirantur duo testes?* RESP. Adfirmant omnes, nullum esse matrimonium contractum coram Parocco, & uno teste: quia Tridentinum præter Parochum duos testes præscribit, qui præsentia physica & morali adesse debent, & utriusque conjugum consensum percipere; & debent esse testes, & contestes simul cum Paroco.

XIII. Parochus vi, dolo, metu vocatur ut assistat matrimonio: validum ne hoc matrimonium dicendum est? Adfirmant communiter recentiores, & plures declarationes Congregationis Cardinalium adducunt. Quibus, si authenticæ sint, subscribo. At his præcisiss., invalidum mihi videretur hoc matrimonio.

trimonium, cui Parochus dolo, fraude, mente cadente in virum constantem coactus assisteret. Nam vota Concilii sunt ut libere hoc sacramentum celebretur. Metus gravis incusus sponsis nullum efficit matrimonium, ut dictum est supra. Quidni & incusus Parocho? Peccare illos mortaliter qui coram Parocho vi, aut dolo retento, aut transeunter & casu assistente, contrahunt matrimonium, docent omnes. Quid si Parochus oculos clauderet, aures obturaret, & protestaretur se nec videre, nec audire quid agatur? Etiam tum valere matrimonium adfirmant Salmantenses, Leander, & afferunt ex Farinacio Declarationes Cardinalium. Præcisus his declarationibus, quas authenticas esse difficile credo, nullum dicerem ejusmodi matrimonium. Standum tamen decisionibus est, si authenticæ sint.

XIV. QUÆST. VI. Quæ prestat Parochus debet in matrimonii celebratione? RESP. Interrogare primum contrahentes debet, velint ne mutuo se conjungere. Audito illorum reciproco consensu conjungere illos debet verba pronuntiando præscripta a Concilio: *Ego vos in matrimonium conjungo &c.*

XV. Peccaret ne mortaliter Parochus omittens hæc verba, *Ego conjungo &c.*? Negat Sanchez. Verum nuptiarum benedictio, & verba relata, vel similia, quibus Parochi conjugunt contrahentes, sunt unum ex potissimis sacrae traditionis momentum, quo Catholici evincunt contra hæreticos matrimonium esse sacramentum. Quo ergo fundamento quispam præfatam verborum formulam *rem levem* vocat? Non præferunt mysterium *magna significacionis*, cum portentant conjunctionem Christi cum Ecclesia? Præterea an non *valde probabilis* est sententia, quæ defendit, illa verba formam esse sacramenti? An in perficiendis sacramentis tuior opinio feligenda non est?

XVI. QUÆST. VII. An denuntiationes futuri matrimonii sine necessarie necessitate sacramenti, an præcepti? RESP. Non esse necessarias necessitate sacramenti, adfirmant omnes, esse vero necessarias necessitate præcepti certum est, ut constat ex Tridentino ses. 24. c. 1. Si diversæ parochiæ conjuges sint, in utraque parochia fieri proclamations debent tribus diebus festivis inter Missarum solemnia. Præceptum hoc sub mortali obligare, docet communis, & vera sententia. Ab hoc præcepto exempti sunt Principes summi. Ab hoc præcepto dispensare solus Episcopus potest, ut Tridentinum decernit. Pro

justa dispensatione aliqua requiritur causa. Cavere tamen Episcopi debent ne nimis faciles sint in ejusmodi dispensationibus concedendis.

XVII. Quicunque scit aliquod impedimentum quod probari per testes possit, tenetur sub gravi culpa illud manifestare, ut omnes docent. Si sit occultum, quod probari per testes nequeat, aliqui negant teneri quempiam ad illud patescendum; sed sententia adfirmans communis est. Quilibet enim parere superiori præcipienti astringitur. Sed Parochus promulgans denuntiationes, legitimate præcipit manifestanda impedimenta inter futuros conjuges. Accedit quod revelanti impedimenta non incumbit probatio.

XVIII. QUÆST. VIII. Peccant ne conjuges, si consummum matrimonium ante benedictionem nuptiale? RESP. Negant aliqui. Sed Concilium Tridentinum hortatur ses. 24. c. 1. ne in eadem domo cohabitent ante sacram benedictionem in Ecclesia suscipiendam. De hac benedictione Siricius Papa in epist. ad Himerium cap. 4. hæc scribit: *Illa benedictio quam nuptiaræ Sacerdos imponit, apud fideles cuiusdam sacrilegii instar est, si ulla transgressione violetur.* Similia scribit Hormisdus Papa; & Concilium Carthaginense IV. relaturn 2. p. D. c. 30. q. 5. c. 5. inquit: *Sponsus & sponsa cum benedicendi sunt a Sacerdote, a parentibus, vel a paronymphis offerantur, qui cum acceperint benedictionem, eadem nocte pro reverentia ipsius benedictionis in virginitate permaneant.* Ita loquuntur omnes Patres: & ex Patrum traditione evincimus contra hæreticos matrimonium esse sacramentum, ut supra indicatum est.

XIX. Ut data occasione lectores intelligent quam distet a SS. Patrum doctrina modus opinandi plurium Casuistarum, audiunt quæ post P. Sanchez scribit P. Viva q. 4. art. 4. n. 6. ubi ait: „Benedictio nuptiarum non videtur esse res gravis, nec VALDE CONGRUENS PROGRESSUI MATRIMONII. Etenim benedictio nuptialis non est sacramentum, sed quoddam sacramentalis: nec tanti momenti, quanti sacramentalia quæ Baptismo præmittuntur. Quamvis autem non vacet culpa veniali illam simpliciter omittere sine ulla causa contra usum & consuetudinem Ecclesiæ; nihilominus probabile est nullam esse culparum ex justa causa, videlicet ratione temporis feriati, in adventu, aut quadraginta sima consummare matrimonium ante be-

„ nedictionem Ecclesiae ; cum videatur esse „ consilium , non praeceptum illam praemit- tere .”

XX. Hæc legi & comparari cum doctrina SS. Patrum , & Conciliorum non pos- sunt , quin animus christiana disciplina ze- lo succendatur . Sacra Pastorum benedictio non videtur esse res gravis , nec valde con- gruens progressui matrimonii ? Matrimonium Catholicorum sacramentum est : & benedi- ctio sacerdotum non est valde congruens ; Quidquam ne piarum aurium offensionis con- tinetur in his verbis , judicent sapientes . Peccant igitur , & quidem mortaliter , qui ante benedictionem matrimonium consum- mant .

DISSERTATIO II.

De impedimentis dirimentibus , &
impedientibus , eorumque
dispensatione .

CAPUT I.

De impedimentis dirimentibus .

I. **Q**uindecim impedimenta numerantur post Tridentinum his versibus con- tenta :

*Error, conditio, votum, cognatio, crimen,
Cultus disparitas, vis, ordo, ligamen,
bonestas,
Amens, affinis, si clandestinus, & impos,
Si mulier sit rapta, loco nec reddit a tuto.
Hec facienda vetant connubia, facta retrahant.*

II. **QUEST.** i. *An error personæ dirimat matrimonium ?* RESP. Error personæ juræ na- turæ irritat contractum , quia hic error adi- mit consensum , quando una persona pro al- tera substituitur . Error tamen iste antece- dens sit oportet , qui det contractui causam , ut dum quis intendit ducere Rachelem pa- ratus noui ducere Liam . Disputatur solum num error concomitans nullum reddit ma- trimonium . Alii adfirmant , alii negant . Mihi probabilior est sententia adfirmans , quia error concomitans quamquam non ef- ficiat involuntarium positive , efficit tamen negative . Error circa qualitates accidenta- les , sive sit antecedens , sive concomitans , juxta probabiliorem sententiam non irri- tat matrimonium ; nisi qualitas accidenta- lis refundat errorem in ipsam substantiam

personæ , vel consensus datus sit solum sub conditione talis qualitatis ; puta : *tu duco , si es dives , si es nobilis : alioquin te non duco .*

III. **QUEST.** ii. *Quid nomine conditionis intelligitur ?* RESP. Conditio servitutem pro- dit . Servi illi dicuntur quorum dominus plenum habet dominium eosdem vendendi , locandi , occupandi &c. & isti vocantur et- iam mancipia . Hæc conditio servitutis jux- ta omnes irritat matrimonium . Disputatur solum num error servitutis irritet jure tan- tum civili , & ecclesiastico , an etiam natu- ra jure . Probabilior mihi sententia est im- pedimentum istud ab ipso naturæ jure pro- ficiisci , & a jure positivo determinatum es- se . Qui novit aliquam esse servam , & ni- hilominus eam ducit , validum est matri- monium . Validum est etiam , si quis igno- rans esse servam , eam ducat , quem & ipse servus sit : quia par est utriusque conditio .

IV. Tres sunt casus in quibus jura dispo- nunt servum per matrimonium libertatem nancisci . 1. est cum dominus dotem tribuit : 2. quando dominus servam in conjugem re- cipit , aut domina servum : 3. quando do- minus tradit servam libero ignorantis servi- tutem . In his tribus casibus etiam in ulti- mo validum est matrimonium . Nam servi- tus hæc nullius momenti est , ac si non esset .

V. In servitate partus sequitur ventrem , ut jura disponunt . Si quis ex matre serva , & patre libero nascitur , servus est . Contra qui a matre libera , & patre servo gigni- tur , liber est . Servi poenæ dicuntur damnati a judice ad triremes , ad perpetuum exili- um , ad mortem , quam fuga declinant . Istorum matrimonia nulla sunt quantum ad effectus civiles , nempe legitimatis , her- editatis &c. Quantum vero ad vinculum conjugale , & sacramentale nulla lege ecclie- siastica irritantur . Aliorum servorum ma- trimonia , invito domino contracta , nunc juxta omnes rata & valida sunt .

VI. **QUEST.** iii. *Quid sit impedimentum voti , & Ordinis sacri ?* RESP. Votum sim- plex illicitum , non invalidum efficit ma- trimonium . Votum solemne in Religione ap- probata emissum nullum reddit matrimonium contrahendum . Itemque votum sim- plex in Societate Jesu post biennium Novi- tatus emissum .

VII. **QUEST.** iv. *Quid sit impedimentum cognationis ?* RESP. Cognatio triplex na- turalis , spiritualis , legalis . Naturalis dicitur *consanguinitas* , quasi sanguinis unitas : quia consanguinei eodem stipite descendunt , & in

in illo quasi conjunguntur. Cognatio spiritualis est affinitas, quae contrahitur ex Baptismo, vel Confirmatione, & dicitur etiam compaternitas. Cognatio legalis ex adoptione legali oritur, & dicitur *adoption*.

VIII. QUEST. v. *Quid, & quotuplex sit consanguinitas?* RESP. Est vinculum personarum ab eodem stipite descendantium carnali propagatione contractum. Dividitur in lineas, & gradus. Linea est ordinata collectio personarum ab eodem stipite descendantium. Duplex est: una *directa*, quæ est collectio eorum quorum unus ab altero descendit, ut filius a patre, nepos a filio, & deinceps in infinitum. Hæc dupliciter spectatur. Altera est *ascendentium*, qua fit ascensus a genitis ad genitores, ut a filio ad patrem, a patre ad avum &c. Altera *descendentium*, qua a patre ad filium, a filio ad nepotem &c. fit descensus. Secunda linea est *transversalis*, quæ est collectio eorum qui ab eodem stipite descendunt, quin unus ab altero ortum ducat, puta fratres, consobrini &c. Hæc duplii aspectu consideratur. Altera est *equalis*, ut duo fratres, qui eodem gradu ab uno stipite descendunt. Altera dicitur *inequalis*, ut *patruus*, & *nepos*, qui inæqualiter ab eodem stipite distant. *Gradus* est distantia major, aut minor unius personæ ab alia secundum lineam consanguinitatis. *Stipes* tandem dicitur illa persona, a qua alias consanguineæ originem trahunt, ut filiorum pater, nepotum avus stipes est.

IX. QUEST. vi. *Quot sunt regulæ quæ a Theologis, & Canonistis assignantur pro gradu consanguinitatis computatione?* RESP. Tres. 1. In recta linea ascendentium, & descendantium tot sunt gradus, quot personæ, stipite deempto. Heinc pater, filius, nepos, pronepos, abnepos quinque personæ sunt, & quatuor gradus, & filius est in primo gradu cum patre, nepos in secundo, pronepos in tertio, abnepos in quarto: quoniam tot sunt gradus, quot generationes. 2. regula. In linea collaterali æquali personæ tot gradibus invicem distant, quot a communi stipite. Sic duo fratres distant in primo gradu inter se, quia uno gradu distant a stipite. Duorum fratribus filii sunt consanguinei in secundo gradu, quia in eodem a stipite distant. 3. regula est. In linea collaterali inæquali tot gradibus inter se distant personæ, quot gradibus distat a stipite qui est remotior. Quare patruus, & filius ex fratre inæqualiter distant ab avo

in quo conjunguntur. Ille enim in primo, cum sit ejusdem filius, hic vero distat in secundo gradu. Ergo in secundo gradu distant inter se, quia persona remotior duobus gradibus distat a stipite.

X. In linea recta conveniunt jus canonicum, & jus civile in graduum supputatione. In linea transversa seu collaterali jus civile discrepat a canonico. Nam jus civile per personas gradus numerat, totque gradus numerat, quot sunt personæ, deempto stipite. Sic duo fratres uno quidem gradu distant a patre communi, at duabus gradibus distant inter se, quia duæ sunt personæ: & duorum fratribus filii distant in quarto gradu, quia quatuor sunt personæ, deempto stipite. Contra jus canonicum, non per personas, sed per distantiam a stipite gradus numerat. Ratio canonica supputationis est, quia personæ in ordine transverso invicem non conjunguntur: nisi ratione stipitis, a quo descendunt. Ergo nequeunt inter se magis aut minus distare, quam distent a stipite, a quo descendunt. Hinc duo fratres in primu gradu distant inter se, quia ambo in primo cum stipite conjunguntur. Si inæqualiter a stipite distant, ut patruus, & filius fratris, eo gradu distant inter se quo distant a stipite qui est remotior, ut dictum est.

XI. In primo gradu lineæ rectæ nulla sunt matrimonia jure naturæ, ut communiter Patres docent. Disputant Theologi num in quolibet gradu lineæ rectæ sint illicita matrimonia, & num Adamus si nunc resurgeret, posset alicui feminæ nubere; sed hanc disputationem futilem judico. Sat enim est, nulla esse usque ad quartum gradum. In quinto enim gradu aut sunt mortui, aut sunt in ætate ita incurvata, ut absurdissimum sit inter eos velle matrimonium contrahere.

XII. In primo gradu lineæ transversæ nulla esse matrimonia jure naturæ contendunt Soto, Toletus, Lugo, Gonet, & alii. Sed contraria sententia negans probabilius est. Nam initio mundi fratres re ipsa ducebant sorores. Nec est quod respondeant, id ex dispensatione divina factum. Quid? Talem ne Deus condidit legem, quæ vix promulgata servari sine dispensatione non potuit?

XIII. Cognatio spiritualis, ut indicatum est, dicitur *propinquitas personarum jure ecclesiastico introducta*. Hæc impedimentum inducit inter patrinos & baptizatum, aut con-

firmatum , patremque & matrem baptizati , aut confirmati . Ad hanc tamen cognationem requiritur solemine Baptisma . Si domi baptizetur privatim , non contrahi hanc cognitionem inter patrinos & baptizatum , baptizatique patrem & matrem , sed solum cum baptizante , plures docent .

XIV. Ut cognatio legalis ex adoptione orta inducat impedimentum , sex requiruntur conditions . 1. ut adoptans sit masculus . 2. ut adoptans sit 25. anoorum . 3. ut possit naturaliter filios gignere . 4. Adoptans decem & octo annis excedere adoptatum debet , ut ratione ætatis ejus filius dici possit . 5. Adoptans , & adoptatus debent esse præsentes . 6. Accedat Principis seu Magistratus auctoritas oportet . Duplicem distinguunt adoptionem . Prima est *perfecta* , quæ etiam dicitur *arrogatio* , & fit rescripto Principis cum persona extranea quæ sui juris est . Alia *imperfecta* , & vocatur *simplex adoptio* . Hæc non requirit ut adoptatus sit sui juris , nec Principis supremi rescriptum ; sed sat est cujusque magistratus auctoritas . Arrogatus succedit necessario arroganti tam ex testamento , quam ab intestato . Simplex adoptatus succedit solum ab intestato .

XV. Adoptionem perfectam inducere impedimentum dirimens jure positivo , adfiramant omnes . De imperfecta disputation in utramque partem . Mihi probabilius est non inducere , ut defendere videtur S. Thomas in Suppl. q. 57. ar. 1. ad 1. Hoc impedimentum durat inter adoptantem & adoptatum , inter uxorem adoptantis & adoptatum , inter uxorem adoptati & adoptantem in perpetuum , inter adoptantem adoptati que posteros usque ad quartum gradum inclusive . In linea collaterali , nempe inter adoptatum , & filios carnales & legitimos adoptantis durat impedimentum solum usque dum subjecti persistunt potestate adoptantis . Sublata patria potestate aut morte adoptantis , aut emancipacione filii adoptati , vel naturalis , evanescit impedimentum istud , nec extenditur ultra primum gradum . Cap. unic. de cognat. legali .

XVI. QUÆST. VII. *Quid sit impedimentum criminis?* RESP. Est adulterium cum promissione futuri matrimonii post mortem alterius conjugis ; aut est homicidium conjugis cum adulterio , aut homicidium utriusque complicis consensu patratum sine adulterio ; aut adulterium cum matrimonio de præsenti contracto cum complice . Itaque crimen istud quadruplex est . 1. solum homicidium . 2.

homicidium cum adulterio . 3. adulterium cum promissione futuri matrimonii . 4. adulterium cum matrimonio .

XVII. Ad hoc ut homicidium cum adulterio inducat impedimentum dirimens , sequentes conditions requiruntur . 1. Quod mors re ipsa secuta fuerit vi talis actionis . 2. Matrimonium antecedens conjugis occisionem debet esse validum . 3. Adulterium debet esse consummatum . 4. Adulterium antecedat occisionem oportet . 5. Adulter , & adultera debent esse consciæ matrimonii utriusque . Requiritur semper animus futuri matrimonii , ut communiter auctores docent , quamvis aliqui doceant sufficere homicidium cum adulterio .

XVIII. Homicidium sine adulterio inducit impedimentum dirimens , quando vir , & mulier conspirent in machinationem mortis uxoris , aut mariti cum intentione ut morte secuta , matrimonium ineat . Et requiritur ut mors re ipsa sequatur .

XIX. Adulterium cum promissione futuri matrimonii sine homicidio impedimentum dirimens inducit , quando adulterium est consummatum , & ambo adulter , & adultera sunt consciæ matrimonii . Rursus tam adulterium , quam & promissio antecedere mortem conjugis debent , & promissio signis exterminis manifestata , & acceptata sit oportet ; non tamen ut sit mutua , nec juxta multos ut sit sincera .

XX. Adulterium cum matrimonio de præsenti contracto inducit impedimentum dirimens , si matrimonium præcedens fuit validum , & ambo consciæ sint , & matrimonium contrahere re ipsa attentaverint .

XXI. QUÆST. VIII. *Quid sit impedimentum disparis cultus?* RESP. Dispar cultus diversam religionem significat , qualis est inter fidelem , & infidelem non baptizatum . Hoc impedimentum jure ecclesiastico inventum est , a quo justa , & gravi causa urgente summus Pontifex dispensare potest , Fidelis enim contraferre matrimonium debet ut sacramentum . Non baptizatus autem nullius sine Baptismo sacramenti capax est . Quando imminet subversionis periculum jure naturali divinoque ejusmodi matrimonia prohibita sunt . Similiter matrimonia catholicorum cum hæreticis jure tum divino , tum ecclesiastico prohibita sunt , non tamen invalida . Hæretici enim excommunicati sunt . Ergo non sunt in arctissimam matrimonii societatem admittendi . Et sane Pontifices summi non nisi in causis gravissimis , & urgen-

gentissimis ad graviora vitanda incommoda eadem permittunt.

XXII. QUEST. ix. *Quid sit impedimentum coactionis, & ligaminis?* RESP. Hoc impedimentum coactionis oritur ex vi, aut metu, quo quis cogit ad matrimonium contrahendum. Vis hæc extrinsecus illata sit oportet, & metus talis esse debet qui cadat in virum constantem, ut supra explicatum est. Impedimentum ligaminis illud est quod conjugati contrahunt ex matrimonio, atque aliam uxorem vivente priore ducere nequeunt. De hoc impedimento, seu de polygamia supra dictum est.

XXIII. QUEST. x. *Quid sit impedimentum publicæ honestatis, & inter quos contrahatur?* RESP. Hoc impedimentum oritur ex matrimonio, & ex sponsalibus. Contrahitur inter sponsum, & matrem, & sororem, ac filiam sponsæ, vel inter sponsam, & patrem, fratrem ac filium sponsi, dum tamen valida fuerint sponsalia prius contracta. Si enim aliquo ex capite invalida sint, nullum oritur impedimentum. Impedimentum autem ortum ex matrimonio rato extenditur usque ad quartum gradum, quia Tridentinum solum impedimentum ortum ex sponsalibus limitavit.

XXIV. Ex matrimonio clandestino oritur impedimentum publicæ honestatis, quia hæc matrimonia non sunt irrita ex defectu consensus, sed ob omissionem solemnitatum. Sola autem matrimonia quæ sunt nulla ex defectu consensus, non inducent impedimentum publicæ honestatis. Hoc impedimentum publicæ honestatis perpetuum est, sive ortum sit ex matrimonio rato, sive ex sponsalibus. Si sponsalia valida mutuo consensu dissolvantur, impedimentum nihilominus durat, quia continuo ac sponsalia valida contracta sunt, impedimentum ortum est. Secunda sponsalia ute pote nulla, posito quod valida sint prima, nullum inducunt impedimentum.

XXV. QUEST. xi. *Quid sit impedimentum affinitatis?* RESP. Affinitas est propinquitas personarum ex copula carnali proficisciens. Ea copula necessaria est quæ sufficit ad matrimonii consummationem. Affinitas ex copula sive licita, sive fornicaria oritur, duratque in perpetuum. Consanguinei viri non fiunt per hujus carnalem copulam affines consanguineis feminæ, qua cum ille copulam habuit, nec contra, quia affinitas non parit affinitatem. Solum ergo ille qui copulam habuit carnalem, fit affinis consanguineis feminæ, & femina fit affinis consanguineis viri. Impedimentum affinitatis dirimit matrimonium, oritur ex copula licita usque ad quartum, ex illicita usque ad secundum inclusive, ut Tridentinum determinavit.

XXVI. QUEST. xii. *Quid sit impedimentum impotentie?* RESP. Paucæ capita, ea qua potero cautione attingam, ne calamus ipse tam putidam materiam versando maculetur.

XXVII. Impotentia est ineptitudo ad exercendam copulam conjugalem cum penetratione vasis muliebris, & effusionis seminis intra illud, apta ad prolis generationem. Hac impotentia alia supervenit, alia antecedit matrimonium: alia perpetua, ad tempus alia: alia naturalis & intima, alia accidentalis extrinsecus adveniens. Naturalis alia ex defectu caloris in viro, alia ex nimia arctatione partium in femina. Rursus naturalis alia absoluta respectu omnium, alia respectiva, idest in viris respectu hujus, & non alterius feminæ. Accidentalis alia est a natura, ut in seribus; alia ab homine, ut in eviratis, & eunuchis; alia a dæmone, ut in maleficiatis.

XXVIII. Impotentia absoluta est impedimentum dirimens matrimonium. Similiter potentia reputatur illa, qua propter nimium calorem, aut arctationem feminæ, immitti semen aut in totum, aut in partem intra vas naturale nequit, quando nullo prorsus remedio tolli potest. Et hæc etiam inducit impedimentum dirimens matrimonium jure & naturali, & ecclesiastico, ut omnes fatentur. Sive hæc potentia sit mutua, sive in uno solo, sive sciatur, sive ignoretur a conjugibus, dirimit matrimonium, nec possunt cedere juri suo: quia absurdæ quæ inde sequentur, nota sunt: & peccant mortaliter qui conscientiæ potentiae contrahunt matrimonium.

XXIX. Impotentia temporalis non dirimit matrimonium, ut habetur cap. Fraternitas, & docent omnes. Illa dicitur potentia temporalis, seu ad tempus, quæ absque peccato, & vita periculo tolli potest. Peccat tamen mortaliter qui vel quæ ejusdem conscientia contrahit, ob injuriam illatam parti, & ob alia absurdæ inde proficisciens. Qui vera coeundi facultate pollent, validum ineunt matrimonium, etiam si steriles sint vel a natura, vel ob senectutem. Plura dicenda essent de potentia respectiva. Verum quia raro hæc accidit, & aliunde luculenta sunt, ideo eadem prætero.

XXX. Impotentia accidentalis proficisciens ex defectu ætatis, ut in pueris, nullum reddit matrimonium jure ecclesiastico. Senectus non est impedimentum dirimens. Si tamen impotentes essent ad coeundem modo apto ad generationem, nullum esset matrimonium. Spadones utroque testiculo carentes inepti sunt ad matrimonium, apti vero, si uno tantum careant.

XXI. Impotentia ex maleficio proveniens si intra triennium orationibus, jejunii, pœnitentia, & exorcismis Ecclesiæ auferri nequeat, perpetua judicatur, & matrimonium irritum reddit. Similiter perpetua reputatur, quando auferri absque alio maleficio nequit, cum nunquam liceat maleficium maleficio tolli.

XXXII. Impotentia superveniens matrimonio ex quocumque capite proficiscatur, nullo modo dirimit matrimonium. Ejusmodi impotentes nequeunt conari ad concubitum, quando periculum sit effundendi semen extra vas, & experimento didicerint se revera ineptos esse ad copulam. Dura res est; sed tribulationem carnis patientur hujusmodi. Si contra contingat semen non infrequenter immitti intra vas, licet interdum præter eorum animum aliter eveniat, non sunt ab officio uxorio prohibendi. Prudentia tamen opus est.

XXXIII. Q U E S T. X I I I . Quid sit impedimentum clandestinitatis, & raptus? RESP. Impedimentum clandestinitatis oritur ex matrimonio occulto absque Parochi, & testium præsentia, dirimitque jure ecclesiastico matrimonium, de quo dictum est supra. Raptus dicitur impedimentum impediens, quando homo uxorem abducit a domo proprii mariti. Raptus iste non modo impedit matrimonium cum femina rapta, sed & cum quacumque alia, quando revera uxor est sub potestate mariti, & iste repugnet. Etsi femina rapta consentiat, & rapta, & raptor impedimento ligantur, si maritus repugnet.

XXXIV. Raptus qui est impedimentum dirimens, est violenta femine abductio de loco in locum matrimonii causa. Duplex violentia. Physica una, qua per vim e domo sua femina trahitur. Moralis altera, quæ minis excitat timorem cadentem in virum constantem. Alterutra ad raptum requiritur. Si enim femina e domo parentum, ipsa consentiente, abducatur, etiamsi dolo, & fraude decepta, non est raptus inducens impedimentum, quia tunc fuga est, non raptus,

cum omnis vis sive physica, sive moralis desit, quoties femina consentit. Nec refert, quod femina rapta sit virgo, vel corrupta. Dicitur de loco in locum, idest de loco in quo est, ad locum in quo sit sub potestate raptoris, deduci debet, quamvis nulla succedit copula. Quare si eam de cubiculo in cubiculum traducat, ut eam cognoscat, non est raptus. Additur matrimonii causa, quia si desit hæc intentio, & ob aliud finem, puta explendæ libidinis, femina traducatur, non est proprie raptus inducens impedimentum. Pœnas constitutas contra raptores lege in Tridentino sess. 24. c. 6.

C A P U T II.

De impedimentis impedientibus.

I. **D**Uplex impedimentorum impedientium genus. Aliud absque delicto, aliud ex delicto proficiscitur. Prioris generis sunt quinque his versibus contenta.

*Ecclesiæ vetitum, nec non tempus feriatum,
Atque catechismus, sponsalia, jungito votum:*

*Impedunt fieri, permittunt facta teneri.
Posterioris generis sunt septem, his aliis versibus contenta.*

*Incessus, raptus sponsatae, mors mulieris,
Suscepitio proprie prolis, mors presbyteralis,
Vel si pœniteat solemniter, aut moniale
Accipiat: prohibent hæc conjugium sociandum.*

II. Ecclesiæ vetitum significat prohibitio nem superioris, nempe Parochi, Episcopi, ne matrimonium celebretur tali tempore. Tempus feriatum est a prima Dominica Adventus inclusive usque ad Epiphaniam inclusive, & a die Cinerum usque ad octavam Paschæ inclusive. Catechismus, seu fideli instructio infert illud impedimentum, quod contrahit ille qui pro infante responderet dum solemnæ cæremoniæ in Ecclesia supplentur, quando Baptisma urgente necessitate privatim administratum fuit. Baptismi impedimentum dirimens, catechismi patrini impedimentum impediens contrahunt. Impedimentum istud sublatum per Tridentinum plures contendunt. Sponsalia cum quacumque persona legitime contracta matrimonium cum alia impediunt. Votum simplex castitatis, non nubendi, suscipiendo ordines sacros, ingrediendæ Religionis est impedimentum matrimonium impediens. Mulier contrahere licite nequit cum viro uno ex his

his votis ligato. *Incestus* est copula mariti cum consanguineis uxoris, aut contra uxoris cum consanguineis viti. De raptu jam dictum est.

III. *Uxoridium* patratum non animo contrahendi, sed ob iram, vindictam, aliquam causam impedit matrimonium cum quacumque alia persona, etiam si adultera uxori fuisset. *Suffepcio filiorum* parit impedimentum ratione cognationis spiritualis, quod tum evenit, si conjux aut alterius conjugis, aut utriusque baptizet filium, aut ex facro fonte elevet, aut confirmandum presentet, animo negandi debitum conjugale. Si tamen ex necessitate filius alterius conjugis baptizetur, nullum contrahitur impedimentum. *Mors presbyteralis* impedimentum infert, quando quis occidit Presbyterum. Ut tamen hoc impedimentum quis incurrat, convictus sit occisionis in foro externo oportet. *Penitentia solemnis* parit impedimentum, quamdiu illa durat, cum nuptias quae latitiam afferunt, celebrare illos non deceat qui iustui, & moestitia operam dant. *Conjugium cum moniali* est ultimum impedimentum, quod tum contrahitur, cum quis scienter virginem Deo despontatam ducere non veretur. Is in perpetuum jure matrimonii privatur ob injuriam irrogatam divino sposo Christo.

IV. Qui aliquo *ex* recentis impedimentis ligatus matrimonium contrahit, non priuatur jure debiti petendi, nisi in voto castitatis, & in incestu; reddere tamen astringitur etiam his ligatus. In reliquis & petere, & reddere valet. Advertunt auctores exceptis *interdicto tempore, voto, & sponsaliis*, cetera impedimenta obsoleuisse. Quare impedimenta impedientia quae nunc videntur, hoc exprimuntur versu

Ecclesie vetitum tempus, sponsalia, votum.

Ad hoc tamen quod attinet, consuetudini hærendum est.

C A P U T III.

De potestate, & causis dispensandi in his impedimentis recentis.

I. **Q**UEST. I. *Quis potestatem habet dispensandi ab impedimentis dirimentibus?*
RESP. Communis Theologorum sententia est, usu & consuetudine accidente, solum Romanum Pontificem jure ordinario dispensare a prefatis impedimentis, exclusis Episcopis, & Legatis a latere.

II. **Q**UEST. II. *An Episcopi, urgente necessitate dispensare ab aliquo impedimento dirimente ante matrimonium contractum valeant?*
RESP. Communis sententia adfirmat, dummodo necessitas sit urgens & gravis, & aditus ad Pontificem sumnum non pateat, & periculum infamiae, vel incontinentiae, vel alterius mali sit in mora. Nulla expressa lex, nullus canon declarat Episcopos non posse in diœcesi ea peragere in his casibus quæ æternæ oviū saluti necessaria sunt. Ex sola consuetudine & usu Pontifices summi in ejusmodi impedimentis dispensant. Ergo cessat, dum talis urget necessitas quæ impedit dispensationem a Pontifice peti, & aliunde concedi ab Episcopo potest. Duo extrema in hac sicut in ceteris declinanda sunt: & nimia dispensandi facilitas absque legitima causa, & nimia severitas coarctandi Episcoporum auctoritatem, quæ natura sua ampla est, & solum in bonum communem Ecclesiarum a Pontificibus summis restricta. Ergo quoties bonum commune postulat, & adiri Pontifex nequeat, periculumque sit in mora, dispensare Episcopi valent tum ante, tum post matrimonium contractum.

III. **Q**UEST. III. *Requiritur ne quod bona fide contractum matrimonium sit, ut dispensare ab impedimento Episcopus queat?*
RESP. Sufficit bona fides in uno solo coniuge, ut communis sententia docet. Plures etiam contendunt dispensare Episcopum posse, etiam si mala fides praecesserit in utroque. Probabilior tamen opinio requirit bonam fidem saltem in uno coniunge.

IV. **Q**UEST. IV. *A quibus impedimentis extra necessitatis casum dispensare Episcopus potest?*
RESP. Bonacina, Henriquez, Sanchez, Castropalaus, Salmantenses docent, Episcopos dispensare posse i^e impedimento superveniente matrimonio & astinitatem, cognitionem spiritualem, verum simplex castitatis, ut conjuges sibi invicem debitum petant, licet nulla sit necessitas urgens: idque constare ajunt ex legitima consuetudine.

V. Afferri solent multa privilegia concessa Mendicantibus Fratribus dispensandi in impedimento superveniente matrimonio ob copulam habitam cum consanguinea conjugis in primo vel secundo gradu, vel ob votum simplex castitatis ante matrimonium emissum, ut possint invicem reddere, & petere. Hæc omnia privilegia mihi commentata sunt, quia nullum reperire authenticum documentum potui, quo evincatur legitima esse hæc privilegia.

VI. Quæst. v. Peccant ne superiores absque iusta causa ab his impedimentis dispensantes? RESP. Convenit penes omnes peccare tum concedentes, tum petentes dispensationem absque causa. Disputant autores num peccatum mortale sit, an veniale. Suarez, Bellarminus, Toletus, & alii graviores Theologi affirmant esse mortale. Hæc sententia vera est. Disputationem sine causa crudelē dissipationem vocat S. Bernardus. Quis non videt leges in bonum commune Ecclesiæ latas pro arbitrio pessimum peccatum esse mortiferum? Materiae parvitas excusare a gravi culpa potest.

VII. Quæst. vi. *Valida ne est hujusmodi dispensatio sine causa concessa?* RESP. Theologi communiter docent dispensationem inferioris in lege superioris sine causa nullam esse. Hinc inferunt, Episcopum in lege pontificia invalide sine causa dispensare. Similiter Papam invalide dispensare in voto, in juramento, & in alia quacumque divina lege, iusta causa sublata.

VIII. Aliqui docent, legislatorem in lege a se lata posse valide dispensare absque iusta causa: quia, inquit, in propria lege Legislator ut dominus operatur. Ergo sicut prodigus, inquit, valide transfert suorum bonorum dominium, tametsi prodigando peccet; ita legislator valide in propria lege dispensat cum aliis, secus cum semetipso. Hæc opinio mihi falsa est. Distinctio dispensationis respectu sui, & aliorum mihi commentitia videtur. Lex quæque in bonum commune lata est. Lege naturali, & divina legislator obstringitur bonum commune promovere tam respectu sui, quam subditorum. Legislatores directive, subditi coercitive subjecti legibus sunt. Ergo qua ratione recentiores isti affirmant invalide secum, eadem adfirmare debent invalide cum aliis dispensare.

IX. Quæst. vii. *Quænam sunt iusta dispensationis cause?* RESP. Plures assignantur. 1. est ablatio litium, scandalorum, rixarum, & bonum pacis. 2. si in oppido in quo mulier degit, commode parem non inveniat cui nubat. 3. defectus dotis, quando puella inveniat consanguineum qui absque dote illam desponset. 4. conservatio divitiarum in eadem familia. 5. instauratio matrimonii bona fide contracti. 6. postulatio Regum, & magnorum Principum. 7. excellentia meritorum erga Ecclesiam. 8. subministratio pecunia in subsidium Ecclesiæ.

X. An omnes istæ causæ legitimæ sint,

illi judicent quorum interest: ultima sane mihi non probatur, de qua P. Viva q. 6. a. 2. n. 4. ait: *Notat tamen Sanchez, quod petens sine causa dispensationes matrimoniales exhibendo copiosam eleemosynam, non peccet, sicuti nec qui sine causa iis petitis utitur.* Ratio, quia quamvis sine causa petantur, non conceduntur tamen sine causa. Ne hec robusta ratio? Non conceduntur sine causa, quia conceduntur propter pecuniam. Que non blaterabunt Lutherani, & Protestantes talia legentes? An non efficiunt leges istas esse crumeniferas? At istorum calumniam labefactamus Tridentinam Synodum opposentes, qua statuit dispensationes 1. raro. 2. ex causa. 3. GRATIS concedendas esse. Nec refert quod aliqui minus recte leges interterentur.

XI. Quando tempore dispensationis extabat causa, etiamsi postea cesset, consilit dispensatio: quia continuo ac dispensatio valida concessa est, auctoritate impedimentum. Secus dicendum est de dispensatione ab iis quæ habent tractum successivum. Obtinuit dispensationem ob debilitatem a jejunio: cessante debilitate cessat dispensatio.

XII. Quæst. viii. *Quid sit dispensatio subreptitia?* RESP. Jam supra dictum est, illam esse quæ aut ob falsitatem expressam, aut ob veritatem occultatam conceditur. Si plura cupis, lege Tom. 10. l. 2. diff. 3. c. 5.

DISSERTATIO III.

De obligatione, & peccatis sponsorum,
& conjugum.

CAPUT I.

De fine sponsalium, obligatione, & peccatis sponsorum.

I. Quæst. i. *Quis sit sponsarium finis?* RESP. Ideo ab Ecclesia instituta sponsalia sunt, ut fideles ad magnum matrimonii sacramentum virtutibus, & sancti monachorum ornati accedant. Sunt enim ad hoc sacramentum sponsalia, quod catechumenatus ad Baptismum, tonsura clericalis ad Ordines, noviciatus Religiosorum ad solemnem monasticam professionem, ut in Suppl. q. 43. a. 1. ad 6. docet Angelicus inquis: *A prima sponsione dicuntur sponsalia proprie, quæ sunt quedam sacramentalia, sicut exorcismus Baptismi.* Præcipue ad hæc tria sacra-

menta rite suscipienda Ecclesia virtutum exercitio disponendos, preparandosque fideles statuit: quia in horum susceptione novum vitæ genus amplectuntur, novumque statum profertur. Quomodo autem novi status onera, officia, munia, ut decet, & expedit tum familiis, tum reipublicæ, ne dum privatæ felicitati, sustinebunt, nisi optimæ morati, imbuti, probatique ad illum accendant? Que nadmodum igitur qui religionem monasticam professuri sunt, sub ex perfecti magistri cura & vigilantia constituantur candidati, ut quæ profiteri debent apprime perdiscant; ita sponsi sub proprii Parochi magisterio tyrocinium status conjugalis exercere debent, ut ad tantum sacramentum celebrandum sese præparent, atque ad ea quæ heinc consequuntur onera sustinenda bene affecti disponantur.

II. QUEST. II. *Quæ sint Parochorum munia in sponsorum instructione?* RESP. Primum omnium instruere juvenes & puellas Parochus debet, ne sponsalia tumultuarie, & repente contrahant, neque in tabernis, locisque profanis, non post compotationes, ludrica spectacula, choreas; sed præmittant serias considerationes, & coram testibus, præsertim parentibus, singulari pietatis affectu præparati ad ritum hunc sacramentalem celebrandum accendant. Sponsorum in christiana religione peritiam Parochus exploret, utrum ea calleant quæ ut Christiani ignorare sine peccato nequeunt. Præter vero ea quæ Christianos scire convenit, in iis erudiantur oportet quæ statum conjugalem spectant. Monendi graviter sunt ne sub eodem recto habitent, ne mutuus & flagrans amor ex nimia propinquitate & familiaritate erumpat in flaminas impuras.

III. Eos instruat ex antiqua Ecclesiæ consuetudine sponsalia, & matrimonia celebrari consueisse per fidelium preces, & Ecclesiæ benedictionem, ut molestam carnis tribulationem, quæ sociare matrimonia sollet, perferre christiana fortitudine maritati queant. Tertullianus Lib. 2. ad uxor. c. 8. hæc docet: unde sufficiamus ad enarrandum felicitatem ejus matrimonii quod Ecclesia conciliat, & confirmat oblatio, & obsignat benedictio, Angeli renuntiant, Pater ratum habet? Num nec in terris filii sine consensu patrum recte & jure nubunt.

IV. Ut veram Christianorum imaginem imprimere sponsorum animis Parochus valeat, illis primum serio meditandum prononiat increatae Sapientiæ ordinem, quo Deus

propagare animas illas voluit quæ damnatorum spirituum sedes occupaturæ sunt. Propagationem hanc carnalem simul & spiritualem, seu divina gratia secundatam esse voluit. Heinc est quod personæ huic generationi destinatae primum sponsalia, quæ sunt quidam sacramentalis ritus, inquit S. Thomas, contrahunt, & peracto christiana rum virtutum tyrocinio, magnum matrimonii sacramentum suscipiunt, quo illorum animæ Redemptoris gratia sanctificantur ad sobolem procreandam. Felicia, ait Tertullianus, matrimonia quæ Ecclesia conciliat, seu quæ sunt in spiritu Ecclesiæ, & propter fines a Deo præstitutos. Subdit Tertullianus, matrimonia oblatione confirmari, cum nempe ab Ecclesiæ præpositis inter Missarum solemnia, & communes fidelium preces cælesti benedictione signantur sponsi. Quemadmodum ad cetera sacramenta rite suscipienda præcedunt sacramentalia, ut aqua lustralis, eulogiz, & interiores animi virtutes, sic sponsalia sunt, ut ex D. Thoma, & Tertulliano vidimus, quædam sacramentalia, quibus matrimonii candidati obsignati in eis præsertim exercere se virtutibus debent quæ ad fœdus conjugale integrum, intaminatumque custodiendum ducunt. Et eo major ac diligentior sit sponsorum præparatio oportet, quo non sibi tantum, sed aliis quoque inferire sponsi debent. Sunt quippe conjugati personæ publicæ, ad præparandam conservandamque christianam rem publicam, Dei populum multiplicandum, & paradisum implendum eleæ. Hoc & sponsalia, & matrimonia divina institutione spectant.

V. Virgo, contractis sponsalibus, velanda est, inquit Tertullianus, idest hominum, & præsertim sponsi oculis, colloquiis, & familiaritatí se subducere debet, ne virginitas flos fortes contrahat, & reciproca libido divinam maledictionem loco cælestis benedictionis sibi concilient. Caste, modeste, & pudice se gerant despontatae, ut a morem, non carnalem, sed divinum in sponsis suis accendant. Desponsatae quidem habent exemplum (inquit Tertullianus lib. de velan. virg. c. 11.) Rebeccæ quæ cum ad sponsum ignotum adibuc ignota perduceretur, simul ipsum cognovit esse, quem de longinquæ prospererat, non sustinuit dextere colluctationem, nec osculi congressiōnem, nec salutationis communicationem; sed confessæ, quod senserat, idest spiritu nuptiæ, negavit virginem velata. O mulierem jam de Christi disciplinis!

na! Ostendit enim etiam nuptias de aspectu, & animo fieri, quemadmodum stuprum. Quid quod non Rebecca modo, verum etiam ethnicarum sponsarum exemplum christianis sponsis opponit Tertullianus? Exterioris apparatus vanitatem, & nuptiarum mulierum pompas carpit. Exprobatur christianis sponsis vel ipsa naturæ jura proscindere, & pudorem ipsum a natura insitum, quemque ethnicæ sponsæ custodiunt, a christianis decorari. At quin etiam (pergit ibi Tertullianus) apud ethnicos velata ad virum ducuntur A nobis nec naturalia servantur, quasi alius Deus naturæ quam noster. Et rursus cap. 12.¹¹ clamat contra sponsarum exquisitiorem cultum, superstitionisque ornatum: Vestunt capillum, & acu lasciviore comam sibi inferunt, crinibus a fronte divisis apertam professe mulieritatem. Tum & constitutum formæ a speculo petunt, & faciem morosore lavacro macerant, forsitan & aliquo eam medicamine interpolant, pallium extrinsecus jactant, calcum stipant multiformem Quid singula persequor? Sola autem manifesta paratura totam circumferunt mulieritatem. Seccessionem ab hominum consortio desponsatis virginibus prescribit ibidem c. 14. & 15. Tertullianus. Profligati pudoris monstrosos abortus exponit, & mala qua studium placendi hominibus parit, sigillatim describit. Ipsa concupiscentia non latendi non est pudica: patitur aliquid quod virginis non sit, studium placandi utique viris. Quantum velis bona mente coacetus, necesse est publicatione sui periclitetur, dum percutitur oculis incisus, & multis, dum digiti demonstrantium titillatur, dum nimium amatur, dum inter amplexus, & oscula assidua concalescit. Sic frons duvatur, sic pudor teritur, sic solvitur, sic discitur aliter jam placere desiderare. Sed enim vera, & tota, & pura virginitas nihil magis timet quam semetipsum: etiam feminarum oculos pati non vult; alios ipsa oculos habet. Confugit ad velamen capitinis, quasi ad galeam, quasi ad clypeum, qui bonum suum protegat adversus ieiunis tentationum, adversus jacula scandalorum, adversus suspiciones, & susurros, & emulationem, ipsum quoque livorem.

VI. Hæc jam obsoleuisse, & contrario usu antiquata, reponent nonnulli, qui vindentes oppositam corruptelam usquequaque grassantem haud posse coerceri intra prescripta & a natura, & a Scripturis pudoris & christiana modestia confinia; Scripturarum testimonia, & Patrum doctrinam, nmo ipsa naturæ jura aptanda & accom-

modanda quoquomodo hodiernis moribus opinantur. Sed veritatis zelo succensus Tertullianus c. 16. hoc pacto detonat. In his consistit defensio nostræ opinionis secundum Scripturam, secundum naturam, secundum disciplinam. Scriptura legem condit, natura contetur, disciplina exigit. Cui ex his consuetudo opinionis prodest, vel qui diverse sententiae color est? Dei est Scriptura, Dei est natura, Dei est disciplina. Quidquid contrarium est istis, Dei non est. Si Scriptura incerta est, natura manifesta est. Et de ejus testimonio scriptura incerta non potest esse. Si de natura dubitatur, disciplina, quid Deo magis ratum sit, ostendit. Nihil est illi carius humilitate, nihil acceptius modestia, nihil perostus gloria, & studio hominibus placendi. Illud itaque sit tibi & Scriptura, & natura, & disciplina, quod ratum Deo inveneris, sicut iuberis omnia examinare & meliora quæque sectari.

VII. Hæc, quantumvis paululum prolixiora, rescribere ex Tertulliano volui, (& ne similia ex Patribus ferme omnibus transcribam, solius brevitatis studium impedit) ut veram & antiquam sponsarum & sponsorum disciplinam inculcandam hodiernis sponsis presentem habeant Parochi. Altius isti clamare debent. Si disciplina, si mores mutati sunt, numquid Scripturæ sanctæ? numquid divinæ leges mutatae sunt? numquid mutata natura est? numquid minus ad malum prona? numquid minus libidinosa, minus fragilis, minus lubrica? Immo antedictor impudentior, luxuriosior facta est usu & consuetudine, inquis. Fortioribus ergo repagulis coercenda, efficacioribus remedii sananda, acriori studio custodienda. Hæc, inquam, inculcare Parochi, hæc exaggerare debent propter electos, & ut reprobi nullam habeant excusationem. Ex Patribus, ex Ritualibus, & ex ipsis scripturis sanctis documenta tradenda sponsis hauriant.

VIII. Imbuant præterea Parochi sponsos propriæ curæ subjectos, doceantque gravissima onera qua statum conjugalem comitantur, amorem illum constantem & reciprocum quo se, sive infirmos, sive sanos, prolequi; patientiam robustam, qua mutuas infirmitates, defectus, excessus tolerare debent. Onus gravissimum educandæ sobolis, regendæ familiæ, & omnia in Dei gloriam dirigendi sedulo explicabunt. Moneant gravioribus verbis ut si aliqua peccandi confusitudine alteruter irretitus sit, statim eradicare illum studeant, ne aut absolutio illis tum denegetur cum celebrandæ sunt nuptiæ, aut

aut sacrilegio sacramentum matrimonii perfriciant ; & novi status fundamenta sacrilegiis & flagitiis jacent , unde postea innumeræ mala, dissidia, odia , & rixæ intestinæ manent . Diligenter eos instruant ut amore christiano & divino sese diligere discant : quia si id egerint, integro vitæ de cursu eadem flamma ardebunt ; contra , si ab amore impudico & venereo , si ab amplexibus , osculis , & tactibus obscenis orsa duxerint , & in hac , & in futura vita pice , & sulphure exurentur . Voluptates carnales sicut non extingunt , sed irritant , & augent . Vehementi desiderio concupiscentur divitiae ab avaris , puellæ ab impudicis ; at possessæ statim vilescant . Redacta sponsa in sponsi potestatem & usum , paucis post diebus fastidio illi est & tædio , nisi divinus amor vinculum firmet conjugale . Cur communiter matrimonia non sunt amoris reciproci foedera , non mutua benevolentia & tranquillitatis nexus , sed discordiarum , odiorum , & ærumnarum occasions ? Quia impotens libido , obscena flagitia , & scelerum catena , non Christi sacramentum corpora conjuxit : ligavit non in Domino , sed in luto luxuria , non secus aequos & mulos , quemadmodum Tob. vi. dicitur . Qui conjugium ita suscipiunt , ut Deum a se , & a sua mente excludant , & suæ libidini ita vacent , sicut equus & mulus , quibus non est intellectus , habet potestatem demon super eos . Tu autem . . . accipies virginem cum timore Domini , amore filiorum magis quam libidine ductus , ut in semine Abrabæ benedictionem in filiis consequaris .

IX. Plura legere Parochus poterit saluberrima documenta tum in scripturis sanctis , tum in virtualibus libris , sponsis explicanda , alia ex altari , alia in tribunali pœnitentiæ . Hortari enim debet sponsos ut divina sacramenta frequentent , quorum gratia & inardescensem libidinem comprimere , & animos virtutum officiis ornatos preparare ad sacramentale fœdus stringendum valeant . In confessione verbis gravissimis instruet , qua castimonia , quo pudore , & honestate exercere matrimonium debeat . Sermonem temperabit pro sponsorum diverso acumine & cognitione . Si prudens Parochus fuerit , omnia quæ ad christianam instructionem necessaria fuerint , manifestare poterit , quin verbum pronuntiet minus pudicum & castum . Imbuet illos , ea tantum permitta conjugatis esse quæ generandis in Christo filiis conducant , iis omnibus reje-

ctis quæ pudor a natura insitus abhorret . Si bene morati sponsi fuerint , brevis de matrimonii usu instructio , semper intra , numquam extra confessionem facienda , sufficiet . Quare in id incumbere Parochus in primis debet , ut in sancto Dei timore educet exercitque pueras , & juvenes , & castos , pudicos , Deique progeniem propagantes efficiet conjugatos .

C A P U T II.

Plures opiniones de peccatis sponsorum resolvuntur .

I. **A**udiisti christiane lector sanctam sponsorum disciplinam ex divinis Scripturis , & Patribus haustam . Plurium opiniones rescribere cogor , ut lectoribus minus peritis succurram , eosque moneam ut ab eisdem abstineant , quæ illis ipsis falsæ apparebunt . Non modo instruendi , sed etiam dedocendi lectores sunt .

11. **Quæst.** i. *An sponsi peccent mortaliter delectando se morose de copula futura ?* **RESP.** Distinguunt aliqui delectationem de copula cogitata ut præsenti , & cogitata ut futura . Ne illis imponere videar , en quæ ex aliis scribit P. Sporer p. 4. c. 2. sec. 1. n. 428 . „ Aliud est consensus , & complacencia in copulam cogitatam ut futuram , & delectationem venereum ex tali copula futura aliquando consecuturam ; quod sponsis illicitum non est . Cum enim ex ipsis sponsalibus contractis , velut jure inchoato , talis copula , & delectatio sit aliquando futura , non debent de ea contristari , vel eam adversari , sed licite in eam consentire , complacere , vel gaudeare de ea possunt ; cum nihil aliud sit quam gaudere de spe boni futuri , quæ spes præsens & licita est . Ita cum plurimi Sanchez , Diana &c. “

III. Animadvertere debuerant isti , mentem humanam effingere utique posse has metaphysicas præcisions . Verum concupiscentia non præscindit , sed fertur & voluntur in venereo luto , sicut re ipsa est . Propterea hæc complacencia æque mortifera in sponsis est ac in ceteris hominibus .

IV. **Quæst.** ii. *Licit ne sunt tactus , oscula , & amplexus inter sponsos ?* **RESP.** P. Thomas Sanchez lib. 1. disp. 2. n. 5. hæc docet . „ Secundum communem sententiam liciti sunt amplexus , & oscula inter sponsos de futuro , eo quod sponsalia sunt ini-

tiuum

tium quoddam matrimonii ; ac proinde concedunt jus utendi voluptate *præambula matrimoniali*. Ergo per sponsalia acquiritur jus in corpus, alias nullus illius usus concederetur; & consequenter violans hoc jus per fornicationem, reus erit, ultra fornicationem, iustitia admissa necessario aperienda in confessione. Et hæc sententia est valde probabilis.

V. Distinguunt igitur isti duplicum voluntatem carnalem : alteram *præambulam*, quæ licita sponsis est ; alteram *consummatam*, quæ maritatis convenit. Rationem produnt. Sponsalia sunt initium matrimonii. Ergo per sponsalia acquiritur jus *inchoatum in corpus*: alias nullus illius usus concederetur. Ergo concedenda est sponsis voluptas *præambula*. Hæc doctrina communis est, inquit P. Sanchez, inter recentiores. Eamdem docent Salmantenses tr. 9. c. 15. pun. 6. n. 91. ubi inquiunt: *Sicut sponsalia sunt inter eos inchoatio quedam matrimonii; sic etiam liciti sunt in illo statu actus qui quodammodo sunt copulæ inchoatio, & initium*. Sanchez &c.

VI. P. Thomas Tamburinus lib. 7. c. 3. n. 61. pag. 193. ait: „ Sponsis de futuro valde probabiliter sine peccato licent quedam amoris signa, qualia sunt oscula, tactus, aspectusque pudici, ac locutiones amatoria: etiam proper delectationem in illis residentem, sed sine periculo pollutionis, vel consensus in illam, vel in copulam: at nullo modo impudici. Ita Thomas Sanchez Unum excusationem invenio in sponso eas actiones pudicas exercente cum pollutionis periculo præviso, sed non intento, & sine periculo consensus in illam. Nam si in occasione esset ut IN URBANUS haberetur, si ab illis abstineret, posset eas usurpare, quia jam adegit rationabilis excusatio.

VII. Hæc doctrina latulenta est præcedenti. Tertulliani verbis opus esset adversus tam inaudita paradoxa. Etiam cum pollutionis prævisione exercere oscula, tactus, & amplexus mutuos sponsi valent? Confessarios, & lectores omnes monemus ut ab his laxis opinionibus sibi caveant. Evincent adversarii hæc commenta non adversarii evangelicæ castitati, & tunc victoriæ assequentur. Etiam cum pollutionis prævisione exercere oscula, tactus, & amplexus mutuos sponsi valent, ne alter inurbanus habeatur?

VIII. Impudicam Tamburini doctrinam

transcribit P. Sporer n. 430., & P. Claudius La-Croix lib. 6. p. 3. q. 22. n. 151. omnia recensita paradoxa transcribit, quin ea improbet, sed suo probabilistico more omnia lectorum arbitrio subjicit; inclinare se tamen ostendit in contrarias sententias ut probabiliores: sed quid refert, si aliæ sint probabiles?

IX. P. Georgius Gobat tr. 10. n. 672. hæc scribit. „ Sanchez loc. cit. n. 49. utitur quidem nomine delectationis *sensitiva*; sed per hanc certo intelligit *veneream*, ut patet ex n. 5. . . . Fatorum tamen non raro fieri ut Confessarius cogitat in praxi supponere sententiam Sanchezii, nisi velit tales sponsos dimittere sine *absolutione*, utpote quibus *egre persuasus* debit aut illos amplexus, oscula &c. esse mortalia, aut ut agnoscentes esse mortalia, forsan propositum se emendandi.“

X. Dilemma P. Gobat mirificum est. Aut difficile suadet confessarius ejusmodi oscula, amplexus, & tactus cum delectatione venerea excitatos esse peccata mortifera; aut si sponsi agnoscant esse mortalia, difficile formabunt propositum se emendandi. Ergo aut dimittendi essent sine *absolutione*; aut adhibenda est sententia Sanchezii. Non primum ergo secundum: ad hoc enim cogitur Confessarius ut admittat sententiam P. Sanchez, nisi velit tales sponsos dimittere sine *absolutione*, & frequentiam Ecclesiarum diminuere. Sed tales sponsi ex tactibus, osculis, & amplexibus capiant delectationem venereum, & secundum Tamburinum interdum cum *prævisione pollutionis*. At hæc delectatio, repunit Sanchez, est copulæ inchoatio, & in omnibus solutis effet culpa mortalis. Advertendum tamen subdit loc. cit. P. Gobat, quod sponsalia sint absoluta; si enim sponsalia essent conditione suspensa, doctrina P. Sanchez, non esset admittenda. Nullo autem modo est hæc doctrina practicanda cum sponsis qui contrarerunt sponsalia sub conditione.

XI. Nihil ego repono contra hæc paradoxa lugenda potius quam refellenda. Confessarii ipsi recentitas opiniones conferant cum SS. Patrum doctrina, quam superiori capite indicavi, cum Evangelio Christi, deinde ipsi judices sedeant.

C A P U T III.

De peccatis conjugum in contrahendo matrimonio: & de obligatione eorumdem in mutua debiti redditione.

I. Peccant mortaliter conjuges, si feste contrahant, si cum aliquo impedimento sive dirimente, sive impediente cognito nuptias sacras celebrent. Præterea peccant, si cum conscientia peccati mortalis ad hoc sacramentum accedant. Hoc enim vivorum sacramentum est. Ergo sacrilegium perpetrant qui peccato mortali contaminati ad il lud accedunt.

II. Peccant quoque plus & minus qui paganorum more sacram nuptiarum solemnitatem nimio & immodesto luxu, & satanæ immoderatis pompis profanant. Plures rituales libri lesti nuptialis sacram benedictionem præscribunt. At numquid inter rediviva ethnicorum spectra sacri Ecclesiæ ritus exercendi sunt? Percurrito paganorum sive vetustas, sive recentes historias, mores, & consuetudines. Inquire num profanior luxus, num immoderationes pompæ, num solutiōes choreæ, num obsecniora cantica, num intemperantiora convivia, num impudentiora tripudia tempore nuptiarum grassarentur apud paganos, infideles, hæreticos, an apud non paucos catholicos, qui nuptias sacras, ut magnum sacramentum, portendens unionem Christi cum Ecclesia venerantur, quique solemini ritu in Baptismate mundi pompis renuntiarunt? Quis non commoveri se sentiat, dum tam profana paganorum præstigia sacratioribus ritibus consociari videt?

III. QUÆST. I. *Quanta est conjugum obligatio ad officium uxorium solvendum?* RESP. Celebrato matrimonio plura heinc onera consequuntur, quorum primum ipsos conjuges spectat, atque in mutua conjunctione situm est. Nemo conjugum absolute obstringitur petere, sed reddere tenetur. Maritus uxori etiam tacite signis petenti reddere astringitur, & mulier viro. Vi enim contractus matrimonialis ad hanc reciprocam solutionem graviter obstringuntur, & qui illum infringunt, graviter delinquent.

IV. QUÆST. II. *Que cause excusant ab officio uxorio reddendo?* RESP. Plures. 1. Periculum vitæ, aut gravis infirmitatis; leve tamen incommodum non sufficit. Uxores sæpe levia sustinent incommoda, nec pro-

pterea ab hoc solvendo liberæ sunt. Prudentia tamen Confessarii opus est, quia præfigi regula generalis nequit. 2. Si qui petit morbo gallico infectus sit, aut lepra, si tamen ex concubitu grave immineat periculum propriæ infectionis: si enim periculum lepræ capienda absit, solvendum debetum est. 3. Si alter conjux petens sit adulter. 4. Nimis frequens petitio excusat a debito reddendo.

V. Multiplicatio prolis non est justa causa debiti negandi. Mulier quæ experta est se proprios filios mortuos parere, non propterea peccat petenti reddendo debitum: & si ipsa periculo incontinentia obnoxia sit, petere etiam potest, fidens divinæ providentiae, quæ succurrere non cessabit iis qui sancte matrimonium exercent.

VI. Peccat conjux qui mediis illicitis se inhabilem reddit ad debitum solvendum ut si se polluat, si ad alias mulieres accedit; ultra hæc crimina injustitiam perpetrat contra conjugem innocentem: immo neque nimia austeritate voluntaria se ita extenuare licet valent, ut inhabiles fiant ad debitum reddendum. Verum hoc rarissime accidit. A moderatis tamen pietatis exercitiis, a jejuniis præscriptis ab Ecclesia non debet se conjux abstinere, ut torosior & vegetior fiat ad reddendum debitum; immo jejuniorum tempore continentiam conjuges servare deberent, licet rigorose non teneantur.

VII. Conjux occultus adulter petere potest sine peccato non tamquam rem debitam ex justitia, sed ex benevolentia concedendam: quia pœnam ante sententiam judicis subire non tenetur. Conjux innocens petere debitum potest ab altero conuge qui ob impedimentum affinitatis contractæ ex fornicatione patrata post matrimonium amisit jus petendi. Si licite petit, potiori jure reddere valet. Conjux voto castitatis ligatus nequit alteri petenti reddere, si huic desit jus petendi; contra si jus adsit, reddere astringitur. Quando conjux illicite petit, quia est voto castitatis astrictus, tum alter reddere potest, si compars averti nequeat, quia votum non adimit jus petendi ex legitimo matrimonio ortum, sed solum efficit ut illicite perat. Neque heinc sequitur reddentem alterius peccati participem fieri. Conjux enim reddens dat operam rei licita, non alterius peccato, sicut qui necessitate gravi pressus mutuum petit ab usurario. Alii, & forte consultius, docent, ut

compars quæ non vovit, petat, dum prævidet a vovente petendum.

VIII. QUÆST. III. *Quomodo ex impedimento affinitatis, aut cognationis spiritualis impedian tur conjuges a debiti petitione?* RESP. Duo impedimenta præter votum supervenire matrimonio solent. Unum ex affinitate contracta ob fornicationem cum consanguineis conjugis; alterum ex cognatione spirituali, ut si alter filium communem extra necessitatibus casum aut ex sacro fonte suscipere, vel in confirmatione teneret; quo in casu graviter peccaret, & privaretur jure petendi debitum. Qui vero incestum committit in primo, aut in secundo gradu cum consanguinea alterius conjugis, privat jure petendi, sed reddere obstringitur, ut dixi. Disputant auctores de conju ge consentiente, aut consilium præbente ad patrandum incestum, an tunc uterque privat jure petendi: & argumenta pro utraque opinione talia sunt, ut rem dubiam efficiant. Petatio enim debiti innocentium dumtaxat conceditur. Consentiens in incestum alterius reus est. Ideo pro conscientia securitate petenda dispensatio est. Conjur qui peccaret cum sui, & non conjugis consanguinea, gravius scelus patraret; at non amitteret jus petendi debitum, quia non contraheret affinitatem. Contra si ambo conjuges incestum patrarent cum consanguinea alterius, ambo jure petendi, & reddendi privarentur: idcirco separandi essent, donec dispensationem obtinerent. Conjur coacta per metum a consanguineo viri ad incestum, nisi coactio talis esset quæ excusaret a peccato, quæ vix ac ne vix quidem accidit, privatetur jure petendi debiti. Si conjur peccat cum consanguinea alterius, & laboret ignorantia facti, nempe esse consanguineam conjugis, communiter auctores docent non privari jure petendi debiti; si vero scit esse consanguineam, licet ignoret penam privationis juris debiti petendi, nihilominus privatur jure petendi.

IX. QUÆST. IV. *Qui certus est matrimonium esse irratum, potest ne debitum reddere conjugi petenti, & ignorantie matrimonium esse irratum, ut evitet infamiam, aut grave damnum?* RESP. Communis sententia docet conjugem certo scientem impedimentum irritans matrimonium, nullo modo reddere posse, etiamsi mortis periculum immineat, aut censuris compellatur. Ratio evidens, quia hoc in casu copula esset fornicaria. Ergo nullo modo est committenda ob quod-

cumque malum, sive mortem, sive infamiam. Quæ opponuntur, nullius sunt momenti. Judge ecclesiasticus ex ignorantia invincibili judicans matrimonium validum, censuris compellit ad matrimonium servandum, & propterea non dispensat. Si judge dispenser, quando potest, cessat omnis quæstio.

X. QUÆST. III. *An Confessarius certo sciens matrimonium esse nullum teneatur monere conjugem pœnitentem ignorantia invincibili credentem esse validum?* RESP. Si mulier laboret ignorantia invincibili, omnes fatentur monendam. Similiter si ignorantia juris & facti sit invincibilis, & Confessarius prævideat profuturam suam monitionem, omnes fatentur debere illum monere pœnitentem. Contra si Confessarius prævideat monitionem suam non profuturam, tunc imprudenter se gereret Confessarius, si admoneret, inquiunt Salmantenses cum pluribus.

XI. Supra Tom. I. jam profligavi has opiniones, quæ mihi falsæ sunt. Paucis nunc rem perstringo. Omnes jure divino tenenter scire veritates quæ ad proprium statum attinent, easque inquirere, & addiscere, ut omnes Theologi cum S. Thoma docent. Impedimentorum dirimentium matrimonia veritas est cuius notitia ad conjugatos magnopere attinet. Ergo conjugati toties violant hoc divinum mandatum inquirendæ veritatis attinentis ad proprium statum, quoties tali sunt dispositione affecti ut vel negligant, vel nolint eam scire. Conjugati laborantes ignorantia invincibili juris, & facti talis impedimenti dirimenti matrimonium, in hac prævidentur dispositione qua nolint hauc ignorantiam expellere, & veritatem addiscere. Ergo violatores, & contemptores sunt divini mandati inquirendæ veritatis. Ergo istorum ignorantia est vincibilis, cum superari ab ipso possit, media monitione Confessarii. Si vincibilis ignorantia; ergo iuxta omnes monendi pœnitentes sunt. Patet ne ad effugium rima? Cur Confessarius filet? Quia prævidet a conju ge pœnitente non suscipiendam veritatem, si eam manifestet. Hæc tota silendi ratio. Falleris. Sunt infamia, scandala, mors, vel alia gravissima mala oritura, quæ silentium præscribunt. Ineptis. Hæc absurdâ silentium non imponunt, si ignorantia sit vincibilis, ut omnes fatentur. Atqui in nostro casu ignorantia, quæ alioquin invincibilis erat, sit vincibilis illo ipso momento quo conjuges prævidentur non suscepturi notitiam veritatis a Confessario manifestandam. Externa mala quæ

quæ timentur, honestare nullo modo valent Confessarii silentium. Ergo pœnitentes indispositi sunt ad hoc sacramentum.

XII. Respondent adversarii, esse tales pœnitentes dispositos, sicuti sunt illi qui non sunt ita animo comparati ad abstinentiam a peccatis, si lento igne essent torquendi: & tamen imprudentia esset talia illis propone-re, & eorum imbecillitatem in discrimen adducere. Exemplum ineptissimum. Imprudentissimum & ego reputarem Confessarium qui similes hypotheses, & atrocissima ty-rannorum tormenta proponeret. Sed cur? quia hic & nunc non urget subeundi martyrii præceptum. Et ut proprio mucrone adversarios confodiam, finge paratum ignem, tyrannumque pro tribunali sedere, atque mortem decernere huic Christiano omnia hæc ignorantis. Numquid si confiteatur, monendus non est imminentis supplicii? Numquid non animandus, non erigendus ad subeundum lentum ignem? Numquid silendum? Tunc ergo solum imprudens Confessarius esset, quando nulla occurrente martyrii occasione, nulla adeset imbecillitatem pœnitentis tentandi causa. In nostro casu urget præceptum non fornicandi in matrimonio nullo. Et gratia divina adest, qua servari præceptum potest. Adversarii docent, Deum impertiri gratiam suam vel ipsis obsecratis, & obduratis. Et nunc vel ipsis suis pœnitentibus justis sacramenta sufficiuntibus illuminationis gratiam, qua amplectantur veritatem, concedendam desperant? Invehuntur illi, merito & contra Jansenium ajentem, deesse justis gratiam qua illis possibilia præcepta fiant: & illi frequenter impossibilia asserunt præcepta di-vina ratione ignorantia invincibilis, negantque gratiam adesse qua possibilia fiant vel ipsis sacramenta frequentantibus? Si enim adsit gratia, qua superari ignorantia possit, hæc vincibilis, non invincibilis est.

XIII. Testimonia Innocentii III., & S. Augustini Tom. 2. Appar. diff. 1. c. 4. fu-so calamo palam feci inepite obrudi ab ad-versariis, sicut & præceptum correctionis fraternæ. Vide etiam supra Tom. 1. lib. 2. diff. 1. c. 2. n. 21. Sententia Salmanticensium, Sanchez, & aliorum, qui docent, Confessarium neque ante matrimonium debere conjuges impedimenti admonere, si prævideat nihil profuturum, mihi est evi-denter falsa. Theologi graves docent mo-nendos pœnitentes, & media opportuna ex- cogitanda ad matrimonium differendum. Ra-

rissime occurunt circumstantiae tales in qui-bus differri matrimonium nequeat. Si ta-men circumstantiae urgerent, sugerunt vel utendum privilegio bimestri, vel eliciendum votum castitatis, donec obtineatur dispen-satio vel ab Episcopo, vel a Papa.

XIV. Nolo longius rem producere. Ali-qua tantum absurdâ hic in transcurso indi-cabo quæ adversariorum opinionem conse-quuntur. 1. Confessarius non astringeretur monere pœnitentes invincibiliter ignorantes esse restituendum lucrum ultra sortem ex-actum tamquam ex benevolentia debitum. 2. Similiter non debet monere virum eque-strem provocatum ad duellum, bona fide putantem acceptandum esse, ne honor ob-nubiletur, & ignavia notam incurrat. 3. Eos non monendos qui bona fide licitam es-se credunt calumniatoris occisionem, quan-do nullus aliis modus occurrat evadendi infamiam. 4. Reliquendos esse in sua igno-rantia qui bona fide credunt, judicem pos-se judicare secundum opinionem minus pro-babilem, & pecuniam posse accipere, quan-do litigantes habent pro se opiniones æque probabiles. 5. Non esse illuminandos illos qui invincibiliter credunt licitum esse reti-nere concubinam valde utilem ob delecta-mentum. 6. Puellas quæ certo existimant procurare posse abortum fetus non animati sine peccato ad evitandam infamiam. 7. Plurimos qui pro certo habent non esse de-ferendam occasionem proximam valde com-modam, relinquendos esse in ignorantia tenebris.

XV. Hæc & sexcenta alia similia igno-rari invincibiliter posse non negabunt ad-versarii, si illa invincibiliter ignorarunt be-nigni Doctores Casuistæ, qui eadem & alia propugnarunt fide bona. Tacendum ergo, si-lendum, dissimulandum est, quando Confes-sarius prævidet pœnitentes adeo addictos es-se ejusmodi vitiis, ut nihil profutura sit ad-monitio sua. Nec est quod opponatur im-pedimentorum ignorantiam facti esse. Ce-terum ut compertum lectores habeant, quo se se extendat laxitatis novus opinandi mo-dus præter ea quæ dicta sunt libro præ-de-denti, audiunt quæ sequuntur.

XVI. P. Georgius Gobat tr. 7. n. 315. hæc scribit. „ Quid faciet Confessarius, si „ videat pœnitentem ex invincibili igno-“ rantia obnoxium v. g. mollitie, cuius „ gravitatem edocet ob habitum pravum „ vix abstinebit? His verbis proposita fuit „ illa quæstio, applicataque huic peculiari „

„ vitio, cum posset pluribus. Respondi autem ex scriptis illo cit. c. 37. n. 61. si „ probe consideratis circumstantiis illius pœnitentis, omnino judicetur nihil plane pro futuram monitionem, sed cognito a se committi grave scelus, nihilo ratus patraturum illud quam fecit ignarus turpitudinis tantæ, coram Deo DISSIMULANDAM ESSE MANIFESTATIONEM VERITATIS.

XVII. Vel ipsorum contra naturam flagitorum notitiam ignorantibus manifestare Confessarius non tenetur, sed dissimulanda est manifestatio veritatis? Dum tam inaudita commenta detestanda proponimus, vociferantur nonnulli, nos gravare Casuistas. Sed verecundari tandem aliquando deberent hæc objicere. An non sunt ista publici juris? an non queunt esse pernicioса imperitis? Addit P. Gobat se censere vix esse Confessarium tam sagacem qui prudenter judicare queat de quoquam, suam admonitionem non profuturam ad immissionem peccatorum contra naturam.

XVIII. Verum continuo ibidem n. 317. subdit P. Gobat: „ Et vero non semel dici esse qui inculpabiliter ignorarent mortalem malitiam hujus flagitii. Igitur, practice loquendo, non tam querendum est de illo solo qui vix omittet, seu vix abstinebit, ut loquuntur illæ litteræ, idest qui quandoque, et si rarissime, abstinebit, sicuti, proh dolor! gemunt Confessarii secundum complures hujus fædissimi simul & fætidissimi furfuris. De hoc quoque censor intelligendam sententiam D. Augustini. Moraliter enim non tam prodest, quam obest ILLA MONITIO, quæ tantum impediret sex, octo, decem peccata formaliter mortalia, causabit autem ducenta, trecenta itidem mortalia. ”

XIX. Sententia S. Augustini inquietis, Si scirem tibi non prodeesse, te non monrem, te non tererem, fide nimis bona abutuntur illi qui ex aliis libris illam rescribunt, quia eam in fonte legerint. Consule Tom. 2. Appar. diff. 1. c. 4. ubi integrum sermonem ex Augustino, non ex Casuisticis transcripti. Alloquitur Doctor sanctus moribundus, eumque ad spem erigit, animatque. Et Casuiste citati hanc tanti Doctoris sententiam eo detorquere non dubitant, ut Confessarii debeant silentio dissimulare ipsa horrenda contra naturam sclera. Si paenitentes admones, ait P. Gobat cum aliis, obtinebis ut ab octo, vel decem pollutionibus formalibus abstineant. Interim

ducenta & trecenta flagitia formalia patrabunt. Ergo silendum, permittendumque ut materialiter se se in luto libidinis voluent, quia cum suis pollutionibus, quarum malitiam invincibiliter ignorarunt, portas Paradisi ingredientur. Hi sunt novæ benignitatis floculi.

XX. QUÆST. VI. An si conjugum alter dubitet prudenter validum ne sit matrimonium contractum, petere debitum, aut reddere queat? RESP. Is continuo inquirere diligenter veritatem debet. Si negligens fuerit, pro negligentia qualitate delinquet. Si, exhibita diligentia, dubium prudens persistat, reddere cojugi non dubitanti tenetur; at petere ille nequit, ut Innocentius III. cap. Inquisitionibus de fent. excom. aperte docet. Quare ut falsam rejicio opinionem eorum qui hunc petere posse docent, etiam si dubium persistat, post adhibitam diligentiam in utroque. Qui leviter dubitat, iudicio prudentis viri excutere dubitationem debet.

XXI. QUÆST. VII. Quomodo redintegranda sunt matrimonia nulla? RESP. Matrimonium irritum esse potest vel ob defectum confessus, vel propter impedimentum occultum, vel publicum, vel quia defuit præsentia Parochi, & testium. Matrimonium quocumque ex his capitibus nullum, ut convaleat, ea omnia supplenda sunt quæ leges Ecclesiæ præscribunt. Si defuit præsentia Parochi & testium, coram Parocco & testibus redintegrandum matrimonium est. Si defuit consensus, renovandus. Si irritum fuit ob impedimentum, petenda dispensatio est.

XXII. Conjugi affirmanti sibi defuisse consensum, nulla habenda fides est, ut habeatur cap. Per tuas, de probat. Qui fidei contraxit, tenetur ex justitia verum consensum apponere, quia cuique jus suum servandum est. Sed conjugi sincere contrahenti jure debetur alterius contrahentis consensus, non modo in ipsa celebratione contractus, sed etiam post celebratum contractum, & toto vita tempore: quia pars innocens in perpetuum contraxit.

XXIII. QUÆST. VIII. Quando matrimonium est irritum ob aliquod impedimentum dirimens, requiritur ne ut eterque conjux cerior fiat? RESP. Si utriusque notum impedimentum sit, qualiter nulla est. Augustin undique prement, quando una sola pars conscientia & rea est impedimenti, quod manifestari conjugi innocentis absque infamia periculo nequit, ut si uxor cum mariti fratre

copulam habuisset , aut contra . Convenit penes omnes primum a parte conscientia impedrandam esse dispensationem , & a petitione debiti abstinentiam interim . Quae sequuntur summum facessunt negotium .

XXIV. Pontificia littera dispensationis hanc continent clausulam : Altero impedimentum ignorante , prius de nullitate consensus prioris certiorato . Ratio quoque urget . Nam redintegrari contractus nullus haud potest , nisi denuo efficiatur validus . Quomodo autem effici validus potest , nisi utraque pars rursus consentiat . Utraque autem pars consentire denuo nequit , nisi utriusque constet , matrimonium prius contractum fuisse nullum .

XXV. Ut hunc gordianum nodum Theologi scinderent , varia excogitarunt . Plures docent conjugem innocentem admonendum generatim & confuse de matrimonio irrito . Facilis res foret si haec generica manifestatio eliceret novum consensum , nullamque suspicionem in conjugi innocentem pareret . Quid enim , si conjux innocens scandalum subeat , & in suspicionem adducatur alterum conjugem re ipsa perpetrasse flagitium ? Tunc alii Theologi docent , nullo modo indicandum impedimentum esse , quando talia timentur ; sed sufficere ut , obtenta dispensatione , pars rea illiciis & blanditiis pertrahat in consensum hoc modo . Tali amore te prosequor , ut si nullum inter nos matrimonium esset , ego nunc tibi nubere velle . Immo nunc te accipio in meum . Hoc ne tu facis ex parte tua ? Si reponat Facio , aut simili verbo consensum prodat , confectum negotium est . Hoc sperari a conjugi simplici , & bona fidei potest .

XXVI. Sed quid dicendum , si a conjugi experrecto hoc sperari nequeat , immo timetur responsum , quod refert n. 459. P. Sporer ? Jam te babere debo . Quod si te non haberem , vellem te omnes haberent diaboli . Ideo alii docent , non esse necessario monendum conjugem innocentem , sed sat esse ut conjux reus renovet consensum copula maritali affectu habita , nam alter reddendo consentit . Ad clausulam dictam certiorata parte respondent intelligendum esse , quando id commode servari potest . Si in hoc consisteret , facillime omnia diluerentur . Ego pro diversitate circumstantiarum consulendos Episcopos suggero . Ipsi enim pastores sunt . Si Pontifices praefata clausula adjecta , ut pars innocens certior fiat , dispensationem impertint , qua auctoritate aliqui tribunal erigunt supra ipsas pontificias dispensatio-

nes , eas ultra clausulas restringentes exten-
dendo ? In his itaque angustiis aut Episco-
pos , aut Romanum Sedem consule .

XXVII. QUÆST. IX. Matrimonium ob im-
pedimentum occultum dirimens , vel ob defi-
ciunt consensu irritum , redintegrari ne coram
Parocho , & testibus debet ? RESP. Adfirmant
omnes , si matrimonium nullum fuit , quia
clandestinum . Similiter quando impedimen-
tum dirimens publicum est , & deductum ,
vel deducendum ad forum contentiosum , red-
integrandum matrimonium est coram Paro-
cho , & testibus . De impedimento occulto ,
quod probari per testes nequit , Theologi
disputant num renovandus coram Parocho ,
& testibus consensus sit .

XXVIII. Adfirmantem sententiam defendunt Theologi gravissimi Basilius Pontius lib. 5. c. 6. Paulius Comitolus lib. 1. q. 120. ubi refert responsum Clementis VIII. sic affirmantis quique dispensavit ut in simili calu conjuges inter se secreto contraherent , renovato consensu , cum legitimatione pro-
lis . Oppositam opinionem defendunt San-
chez , Bonacina , Caltropalaus , & alii plu-
res . Ego paucis respondeo , in his casibus
consulendos Episcopos , vel Romanum Pon-
tificem .

C A P U T IV.

De peccatis que perpetvare conjuges valent in exercitio officii uxori contra finem , situm , locum , & bonum prolis .

I. QUÆST. I. Quomodo peccare conjuges con-
tra matrimonii finem valent ? RESP.
Peccant i. si ob solam voluptatem commi-
scantur . Olim aliqui docebant oppositum ,
quorum opinionem damnavit Innocentius XI. Opus conjugii ob solam voluptatem exercitum ,
omni prorsus caret culpa , ac veniali defectu .
Bruta , non homines ratione prædicti , operan-
tur ob solam voluptatem .

II. QUÆST. II. Quinam est finis ab quem actus conjugalis est licitus , & meritorius ? RE-
SP. Est procreatio prolis , vel debiti reddi-
tio . Aliqui docent actum conjugalem lici-
tum , & bonum esse exercitum ad sanitatem
corporalem aut recuperandam , aut conservan-
dam . Ecclesiæ Doctores oppositum aperte
docent . Unum allegare sufficiat S. Thomam ,
qui in *Suppl. qu. 49. a. 5. ad 4.* hæc ha-
bet . *Quamvis intendere sanitatis conservatio-
nem non sit per se malum , tanen hæc inten-
tio efficitur mala , si ex aliquo sanitas intenda-*

tur quod non est ad hoc de se ordinatum; sicut qui ex sacramento Baptismi tantum salutem corporalem quereret: Et similiter etiam est in proposito in actu matrimonii. Idem docent Augustinus, Hieronymus, & omnes Doctores Ecclesiae. Ratio luculenta. Matrimonium non est ad sanitatem corporis sive recuperandam, sive conservandam institutum. Ergo abutitur matrimonio qui illud exercet tamquam medium quo sanitatem corporalem querat. Viriant quoque conjuges officium uxorium, si impudentius, & intemperantius agant, inquit S. Augustinus lib. de bono conjug. c. 16.

III. QUEST. III. An liberi sint a culpa veniali qui matrimonio utuntur contra propriam incontinentiam, & contra alia graviora flagitia? RESP. P. Claudius La-Croix Lib. 6. p. 3. n. 292. candide fatetur, SS. Augustinum, Bonaventuram, Thomam, Gregorium Magnum relatum cap. Nervi 5. dist. 13. docere esse peccatum veniale actum conjugalem exercitum ad vitandam propriam incontinentiam; at subdit: Alii plurimi Theologi, & Juristi cum Dur. Cas. Medin Nav. Almain. Caspens. Lay. Con. Robell. Hurt. Henrix. Pont. Mastr. Avers. probabilissime dicunt nullum fore peccatum. En quo loco habentur apud plures Probabilistas prima Ecclesiae catholicæ lumina.

IV. At nos, misso hoc novo opinandi modo, SS. Patrum doctrinam in medium adducimus. S. Augustinus verba S. Pauli 1. Cor. 7. Iterum revertimini in idipsum, ne tentet vos satanas propter incontinentiam vestram; hoc autem dico secundum indulgentiam, non secundum imperium: exponens in Enchiridio cap. 78. hæc docet. Putari posset non esse peccatum misceri conjugi, non filiorum procreandorum causa, quod bonum est nuptiale, sed carnalis etiam voluptatis, ut fornicationis, sive adulterii, sive cuiusquam alterius immundicie mortiferum malum, quod turpe est etiam dicere, quo potest, tentante satana, libido pertrahere, incontinentiam devites infirmitas. Posset ergo, ut dixi, hoc putari non esse peccatum, nisi addidisset: Hoc autem dico secundum veniam, non secundum imperium. Quis autem iam esse peccatum neget, cum dari veniam facientibus apostolica auctoritas fateatur?

V. S. Thomas in suppl. q. 49. a. 5. ad 2. doctrinam Augustini, Gregorii, & aliorum Patrum confirmat his verbis: Si aliquis per actum matrimonii intendit vitare fornicationem in conjuge, non est aliquod peccatum: quia hæc est quedam redditio debiti; que ad bonum

fidei pertinet. Sed si intendat vitare fornicationem in se, sic est ibi aliqua superfluitas; & secundum hoc est peccatum veniale: nec ad hoc est matrimonium institutum, nisi secundum indulgentiam, que est de peccatis venialibus. Hanc eamdem doctrinam repetit S. Thomas in 1. ad Cor. c. 7. lect. 1. ubi inquit: Considerandum est, quod actus conjugalis quandoque quidem est meritorius, & absque omni culpa mortali, vel veniali; puta cum ordinatus ad horum prolis procreanda, vel educande ad cultum Dei, sic enim est actus religionis; vel cum sit causa reddendi debiti, sic enim est actus iustitiae. Omnis autem actus virtutis est meritorius, si sit cum caritate. Quandoque vero est cum culpa veniali, scilicet cum quis ad actum matrimoniale ex concupiscentia excitat, que tamen infra limites matrimonii sistit, ut scilicet cum sola uxore sit contentus. Quandoque vero est culpa mortalis; puta cum concupiscentia fertur extra limites matrimonii, scilicet cum aliquis accedit ad uxorem, aequi libenter, vel libenter ad aliam accessurus. Primo ergo modo actus matrimonii non requirit indulgentiam; secundo modo habet indulgentiam, inquantum aliquis consentiens concupiscentie in uxorem, non sit reus peccati mortalis; tertio modo omnino indulgentiam non habet. Similia docent Gregorius, Anselmus, Bonaventura, & ceteri Patres, & ex recentioribus graviores Theologi communiter.

VI. Prudentes tamen sint Parochi, & confessarii in monendis conjugibus, instruendisque in sancto matrimonio fine procreandæ educandæque proliis in cultum Dei. Hunc finem altius inculcent: voluptatis carnalis captandæ, & concupiscentiaz saturandæ cautissime, & castissime meminerint. Cum enim absque voluptate, & concupiscentia exerceri officium istud vix soleat, si subtilius quam par est, despiceret talia velint, aures offendent, & seipso periculo exponent.

VII. QUEST. IV. Peccant ne conjuges actum matrimoniale exercentes diebus festis, jejuniorum, & ipso Eucharistie suscepit die? RESP. Negant plures; sed affirmant Patres, & Concilia. Lubet pauca transcribere ex caus. 33. q. 4. c. 3. ubi hæc de jejuniorum tempore habentur. Fratres, non solum debetis ab omni immunditia abstinere, sed etiam ab uxoriis propriis studiosissime continētis. Nullus omnino uxori sua jejuniorum diebus conjungatur. Rursus ibi cap. 4. subditur de festis diebus: Si causa procreandorum filiorum dicitur uxori, non multum tempus concessum videretur ad ipsum usum, quia & dies festi, & ipsa ratio

ratio conceptus, & partus juxta legem cessari temporibus his debere demonstrant. Iterum ibi cap. 5. ex S. Augustino inculcatum: Christiano cum uxore sua convenire aliquando licet, aliquando vero non licet. Propter dies enim processionis aliquando non licet convenire, quia etiam a licitis abstinentem est, ut facilius impetrari possit quod postulatur. Unde Apostolus ex consensu ait abstinentem ad tempus, ut vacetur orationi. Lege ibi plura.

VIII. La-Croix lib. 6. p. 3. num. 321. inquit: „ Per se loquendo licitum esse die communionis habere usum matrimonii, dictum est lib. 6. &c. „ Ad canones, & SS. Patres respondet cum Sanchez, Com. Avers. & aliis, consilium illos suggerere.

IX. Ut Confessariis evidenter semper compertum sit, quam distet doctrina plurium Casuistarum a doctrina SS. canonum, & Patrum, pauca ex multis rescribo. Cit. caus. 33. c. 1. hæc habentur. Si panes propositionis non poterant ab iis qui uxores suas tetigerant, comediri quanto magis panis ille qui de celo descendit, non potest ab his qui conjugalibus paulo ante hædere complexibus, violari, atque contagi? Non quo nuptias condemnamus (hoc enim non dicimus) sed quod eo tempore quo carnem agni manducaturi sumus, vacare operibus carnis non debeamus. Si ab omni cibo jejunii ad Eucharistiam accedere Christiani debent; quanto magis jejunii sint oportet ab officio conjugal? De festis diebus ibid. cap. 2. ex S. Augustino hæc præscribuntur. Quoties aut dies Natalis Domini, aut reliqua festivitates instant, sicut frequenter admonui, ante plures dies non solum ab infidelium concubinarum consortio, sed etiam a propriis uxoriis abstineremus. Frequenter tunc Patres Ecclesiæ admonebant conjuges.

X. Post canones sacros, & Ecclesiæ Patres S. Thomas in suppl. q. 64. a. 5. rationem assignat. Sicut aliqua sunt sacra, quia deputata sunt sacris; ita aliqua tempora sunt sacra propter eamdem rationem. Sed in loco sacro non licet petere debitum. Ergo nec in tempore sacro. Quid ad hæc Probabilistæ? Labefactar ibidem Angelicus omnia quæ opponi sophismata possunt.

XI. Verum, ut aliquo tangantur pudore illi qui & diebus festis, & ipso die sacrae communionis licitum officium uxorium defendunt, lubet transcribere quæ Concilii Tridentini Catechismus, qui sexcentis Casuistis, præstat, p. 2. c. 8. §. 34. præscribit. Hic est citati §. titulus: *Conjugibus aliquando ab officio uxorio abstinentendum*. Deinde hæc

habentur. Sed quoniam bona omnia sanctis preceptionibus impetranda sunt a Deo, alterum est quod fideles docere oportet, ut Deum orandi, & obsecrandi causa a matrimonii officio interdum abstineant: in primisque id sibi observandum sciant, tribus saltē diebus antequam sacram Eucharistiam percipient, sœpius vero cum solemnia Quadragesime jejunia celebrantur, quemadmodum PARTES NOSTRI vere, & sancte PRÆCEPERUNT. Ita enim fit ut ipsa matrimonii bona majori in dies divine gratiae cumulo augeri sentiant; & pietatis studia settantes, non modo hanc vitam tranquille & placide traducant, sed æterne etiam Dei benignitate consequenda vera & stabili spe, que non confundit, nitantur.

XII. QUEST. v. An officium conjugale ratione loci aut publici, aut sacri sit vitiosum? RESP. Si copula exerceatur coram aliis, peccatum mortale est, nemine diffidente, propter scandalum. Tactus ipsi inter conjuges coram aliis vitiosi sunt. Officium conjugale in loco sacro, urgente necessitate sublata, sacrilegum est. Tempore fluxus menstrui illicitum est conjugale officium. Nam Levit. c. 20. hæc a Deo præscribuntur: Qui coenit cum muliere in fluxu menstrui . . . interficiuntur ambo de medio populi sui. Rursum c. 18. Ad mulierem quæ patitur menstrua, non accedes. Testimonia Augustini, Hieronymi, & aliorum Patrum prætero.

XIII. Nihilominus P. Dominicus Viva hæc q. 7. a. 1. n. 3. scribit. „ Quæritur se, cundo quo tempore sit illicitus actus conjugalis? Respondeo non esse illicitum diebus festis, aut jejunii, nec die communio-nis, nec quo tempore uxor est gravida, aut prolem lactat, aut menstruum patitur; nec ante benedictiones nuptiales; quamvis consilium sit iis temporibus abstinerere. „

XIV. Scriptura sancta præcipit interficiendos de medio populi accedentes ad mulierem menstruum. Reponent Viva, & alii, Christum levigasse legem, non aggravasse. At Patres omnes, canones, & Concilia præpugnant illicitum esse tali tempore hoc officium. Nonne his potius quam modernis auctoribus standum est?

XV. Accessum ad uxorem gravidam omnes ad unum Patres culpa veniali fordescere docent. Clarissimus D. Eusebius AMORT in sua Diss. de coitu conjugali cum uxoribus gravidis omnia Patrum testimonia luculentissima in medium assert, & adversantium contrariam opinionem penitus profligat. Vel

ipsæ nutrices improbat doctrinam eamdem: haec enim dum lactant, ab officio uxorio abstinent; & dominæ matres nutrices suorum filiorum severissime custodiunt ne agnoscantur a maritis propter damnum proli. Dura lex, inquis, Dura duris, carnibus, & insrunitis, qui in libidinis bitumine voluntari ut sues vellet. At suavis lex est Christianis temperatis, & bene moratis, qui conjuncti sunt non explendæ veneris, sed procreandæ proli causa. Conjuges amentes continuo separandi sunt. Ebrio petenti non tenetur uxor reddere, nisi ad evitanda majora mala.

XVI. Q U E S T. VI. *Quomodo peccare conjuges valent contra modum exercendi officii conjugalis?* RESP. Haud opus est talia dispicere, cum sit ipsa natura lumine rationis prædicta magistra. Christiani conjuges habere semper ob oculos propriæ professionis, quæ sancta, & immaculata est regulas debent. Potissima autem conjugatorum regula illa est quam Tobias cap. 7. assignat. *Et nunc Domine tuis, quia non luxurie causa accipio fororem meam conjugem, sed sola posteritatis dilectione, in qua benedicitur nomen tuum.* Naturæ ipsa docet ut in officio conjugali semina sit succuba, & vir incubus. Peccant ergo conjugati, si hunc a natura præscriptum ordinem invertant, exercendo officium istud stanfo, sedendo, si vir succubus, & mulier incuba, si præpostere pecudum more, licet servato vase, congridantur. Nimia virtu pinguedo, & conjugis teneritudo excusare interdum potest ut modo propinquiori ad honestatem se se agnoscant.

XVII. Q U E S T. VII. *Si vir confuecat, dum officium præstat, se retrahere, ut generationem impedit, peccat ne uxor debitum reddendo?* RESP. Hunc casum proponit Joannes Pontas verb. *Debitum conjugale* cas. 55. Contendit ille, mulierem nulli culpæ obnoxiam esse, dummodo ipsa dissentiat, repugnet, obfistatque quoad potest. Et hoc probare nititur exemplo *Onam*, qui ob seminis effusionem in concubitu cum Thamar percussus a Deo fuit. Thamar autem punira non fuit. Quid heinc? Ergo non peccavit Thamar, quia percussa non legitur? Inepta est consecutio ista. Semper ne Deus omnes peccatores in hoc mundo punit? Gravius peccavit Onam: ideo eum Deus punivit. Minus peccavit Thamar, ideo forte eam non percussit. Verum scrutari divina arcana nobis permisum non est. Illud est certum, mortaliter peccare uxorem quæ certo expe-

rimento didicit, bellunum maritum confusare data opera semen ad generationem destinatum prodigere, si debitum non negat, quia dat operam rei natura sua illicitæ, & graviter criminosa.

XVIII. P. Sanchez Diana, Sporer, & alii opiniones propudiosas excogitarunt, seu a spurcissimis maritis executioni demandatos modos concubendi honestandos suscepunt, ut absque naturalis pudoris detrimento referri vix queant. P. Claudius La-Croix lib. 6. p. 3. a. 328. usque ad n. 350. more suo censum infarcit opinionum omnium quas in hac materia excogitarunt moderni doctores, præsertim Sanchez, Diana, Gobat, Mendon, Dicastillus, & alii. Hæc si legant uxorati, addiscant quæ ipsi forte ignorant.

XIX. Nonnulli olim etiam de procurando abortu laxas docuerunt opiniones, quarum duas proscriptis Innocentius XI. nempe n. 34. *Licet procurare abortum ante animacionem fœtus, ne puella deprehendatur gravida.* Sanchez docet feminam vi oppressam posse continuo semen expellere, tamquam injustum castitatis aggressorem, ad evitandani infamiam: quam opinionem ego reputo falsam. Prægnantes procurantes abortum, & ceteri qui operam dant, excommunicationi latæ a Sixto V. obnoxii sunt. Alteram thesim proscriptis idem Innocentius XI. n. 25. *Videtur probabile omnem fœtum, quamdiu in utero est, carere anima rationali,* & tunc primo incipere eandem habere cum paritur: ac consequenter dicendum erit, in nullo abortu homicidium committi.

C A P U T V.

Unde potissimum eveniat quod plurima matrimonio incommodis, & erunniis abundant. Monita ad Confessarios, & Parochos.

I. **C**AUSA princeps est quod plurimi Deo inconsulto, & solius aut avaritiae, aut luxuriae, aut ambitionis suggestione tantum aggreduntur negotium. Causas istas exponit Hugo de S. Victore in epistola ad suum sodalem, inquiens: „Ducuntur uxores homines, non causa vitanda fornicationis, sed causa luxuriae; non causa proli, sed causa pecuniae. Divitiae magis in uxoriibus eligi solent quam pudicitia. Multi non oculis, sed digitis uxores ducunt; idest non ducunt uxores ob virtutes, quas in ipsis videant, sed ob pecunias, quas numerare queant. Optima, & sana res est quam

„ quam non avaritia conciliat , non luxuria copulat . „

II. Qui saturandæ veneris causa magnum matrimonii sacramentum celebrant , in gravissimas se conjiciunt ærumnas . Non minus infelicia sunt connubia quæ pecuniarum cupiditate contrahuntur . Philosophi filiam , sponsam ducere contendebant adolescentes duo , quorum alter pauper , sed prudens , & bene moratus ; alter dives , sed leviculus , & imprudens . Philosophus rejecto divite juvēne filiam pauperi adolescenti despōnsavit . Amicis factum exprobantibus repulit : *Malo dare filiam indigenti viro pecunia , quam pecunia indigenti viro* . Digna sapiente Philosopho sententia .

III. Altera potissima causa jurgiorum , rixarum , aversionum , quæ sociare matrimonium solent , sunt flagitia , turpitudines , obscenitates , quibus contaminati sponsi ad hoc sacramentum accedunt . Unde oritur quod nec uxores subditæ maritis esse velint , nec viri diligere uxores , ut convenit , soleant . Uxores parere maritis astringuntur , inquit Eph. c. 5. S. Paulus . Mulieres viris suis subditæ sunt , sicut Domino . Quoniam vir est caput mulieris , sicut Christus caput est Ecclesia , ipse salvator corporis ejus . Sed sicut Ecclesia subiecta est Christo , ita & mulieres viuis suis in omnibus . Verum cur mulieres hoc præceptum sæpe transgrediantur , ut plurimum in causa mariti sunt , qui virtutum exemplo præaire feminis , qui christiana prudētia infirmioris sexus defectus perferre , qui divino amore prosequi uxores suis negligunt , contra ejusdem Apostoli mandatum : subdit enim continuo ibidem Paulus : *Viri diligite uxores vestras , sicut & Christus dilexit Ecclesiam , & seipsum tradidit pro ea...* Ita & viri debent diligere uxores suas ut corpora sua . Qui suam uxorem diligit , seipsum diligit . Nemo enim umquam carnem suam odio habuit , sed nutrit , & fovet eam , sicut & Christus Ecclesiam . Quia membra sumus corporis ejusdem , de carne ejus , & de ossibus ejus . Propter hoc relinquit homo patrem & matrem suam , & adærebbit uxori sue ; & erunt duo in carne una . Sacramentum hoc magnum est , ego autem dico in Christo , & in Ecclesia . Verumtamen & vos singuli unusquisque uxorem suam sicut seipsum diligit ; uxor autem timeat virum suum .

IV. Causa altera , & gravissima , cur tot familiæ arescant , & extinguantur ; cur tot dissidia , & aversiones ardeant , est pestifera illa , & gentibus omnibus , vel ipsis Ethni-

Tom. II.

cis , & Turcis haec tenus incognita corruptella , promiscuarum scilicet conversationum viros inter & mulieres . Initio matrimonio , maritus suam , uxor suum amasum desponsat . Ambo sin ore , saltēm facto consentiunt , ut uterque suum habeat amatorculum , & amasunculum . Communitas Platonica maritorum , & uxorum , sin plena , dimidiata saltēm infecta est . Etiam si communitas tori non contingeret , quod diffidillimum non est , an non magnum crimen quod uxor unius sit amasia aut alterius mariti , aut impudicissimi adolescentis , quod his solatio , ludo , & diverticulo in servitute esse debeat , ut postea ab ipsis tributa servitutis , manusculturum , & obsequiorum identidem recipiat ? Uxores illæ quæ soleant maritis propriis neglectis , cum aliis viris , & maritis conversantur , ludunt , saltant , tripudiant , non uxores quas Paulus describit , sed vilissima scorta , & de trivio metrericulas imitantur , quæ Christum , quæ Ecclesiam infamant , maritos dedecorant , familiarum successionem abrumpt , societatem perturbant , ignorantium crassam , & supinam inducunt in omnes fere hominum cœtus . Homines neglectis propriis officiis cum suis amasunculis tempus terunt . Omnia malorum ejusmodi causa mariti sunt . Nolunt ipsis suam coercere concupiscentiam . Non sunt contenti proprii fontis poru , sed alienas lutulentas cisternas inquirunt : ideo in ordinem continere uxores nequeunt . Sed & istæ praxis maritorum exemplis audaciores factæ , habenis excussis , effrenatæ sunt , & cum suis amasis vitam degunt . Heinc temporam , horarum , optimi regimini forma perturbata , omnia confusa sunt . Hæc omnia lippis , & tonsoribus nota . Quodnam remedium ? Succensa est enim ira Dei , & furor divinæ vindictæ funeralissima cætitatis flagello illos percussit , qui contra Scripturam sanctam , Patres , Theologos , Concionatores , ipsamque experientiam , ut honestam propugnare audacissime contendunt perniciosissimam corruptelam .

V. MONITUM I. quod Patochis , & Confessariis exhibeo , est ut sacramenta Platonicæ dimidiatae communitatris assecilis maritis , & uxoribus omnino denegent , usquedum resipiscant . Alioquin cum ipsis non resipiscientibus in gehennam descendant . Si aliquod remedium tam diræ pesti applicandum superest , in manu Confessoriorum est . Suspendant ipsis absolutionem , donec commercia hæc maritalia interrumpantur . Nisi hoc

V 3

fiat ,

fiat, jacta alea est, nullaque superest salutis spes.

VI. MONITUM II. est ut Parochi, & Confessarii sermonis rationem, & formam quo alloqui debeant, a S. Paulo Apostolo dicunt. Matrimonii evangelici sublimitatem, præstantiam, & excellentiam gravi oratione exponant. Eiusdem Apostoli documenta divina interpretentur. Officii conjugalis castimoniam, honestatem, & sanctitatem declarant. Sæpe dictum S. Pauli intonent: *Sciat unusquisque vestrum vas suum possidere in sanctificatione, & honore, non in passione desiderii, sicut & gentes, quæ ignorant Deum.* Perpetuitatem reciproci amoris, & mutui vinculi indissolubilitatem usque ad mortem congruis verbis repræsentent. Præveniant oppositionem discipulorum, qui cum audissent matrimonii onera, clamarent: *Si ita est causa hominis cum uxore, non expedit nubere: qui dixit illis; Non omnes capiunt verbum istud:* Matth. 19. Ne multa, si Parochi caritatis ignem accenderint in conjugatis; si spiritum Christianismi in iisdem excitaverint, & veros Christianos formaverint; superflua sunt, & igni addici possunt omnes illæ quas non pauci excitarunt de re uxoria quæstiones, & opinones, quæ hæreticis ipsis scandalum ingerunt. Siquidem uxorati cum fuerint Iesu Christo caritatis vinculo coniuncti, erunt inter se uniti, & ipsa interior virtus, probitas, & sanctitas eloquenter docebit honestatem, puritatem, & castimoniam, qua agnoscere se conjuges debent, quin opus sit ut ab aliis instruantur. Opiniones lutulentissimæ, quæ leguntur in quorundam libris, & lectores offendunt, & Christianos conjuges dedecent. Et hæc de magno matrimonii sacramento dicta sufficiant.

DISSESTITATIO IV.

De censuris in communi,
& sigillatim.

CAPUT I.

Censuræ notio, partitio, & qui possint censuras ferre.

I. QUEST. I. *Quid sit, & quotuplex censura?* RESP. Est pœna ecclæstica medicinalis fori exterioris, qua fidelis baptizatus privatur usu aliorum bonorum spiritualium, ut a contumacia discedat. Pœna vocatur, quia

supponit culpam. Medicinalis, quia vult emendationem. Fori exterioris, quia qui illam infligit, prædictus esse debet iurisdictione. Privat usum aliorum bonorum spiritualium, quæ sunt propria Christianorum. Ipsa conversatio cum fidelibus, qua excommunicatio privat, bonum quoddam spirituale est.

II. Censura tribuitur in species tres: in excommunicationem, suspensionem, & interdicendum. Irregularitas ex delicto, depositio, degradatio non sunt pœnae medicinales. Censatio a divinis non est censura, sed præceptum.

III. Censura alia est ab homine, alia a jure. Omnes utique sunt ab homine; sed quando superiores vi legis, aut statuti censuram infligunt, dicitur censura a jure. Quare soli Pontifices, & Concilia oecumenica in universa Ecclesia, & Episcopus in sua diœcesi ferre censuras a jure valent. Censuras ab homine omnes superiores qui habent jurisdictionem in foro exteriori, infligere possunt. Hæc censura, si non sit contracta, mortuo superiore evanescit: si contracta sit, etiam superiore mortuo durat donec obtineatur absolutio. Censura a jure latâ durat sicut lex. Alia censura dicitur generalis lata in omnes, qui v. g. furantur in tali loco: alia particularis lata in hanc aut illam personam. Alia est late sententia, quæ ipso facto ligat reum ante judicis sententiam. Alia ferenda sententia, quæ solum post judicis sententiam incurritur. Tunc reputatur late sententia, quando dicitur ipso facto, statim, illico, incontinenti. Judicatur ferenda sententia, quando superior dicit *Precipimus sub pœna excommunicationis, interdicti &c. vel excommunicabitur, suspendetur.* In dubio judicandum est ferenda, non late sententia, esse censuram. Quando dicitur, *anathema sit, excommunicatus sit,* est censura late sententia.

IV. QUEST. II. *Quis jure ordinario ferre censuras valet?* RESP. Veritas fidei est Ecclesiæ ferre censuras posse. In primis summus Pontifex jure ordinario potestatem habet in universa Ecclesia ferendi censuras. Similiter Concilia generalia in universa Ecclesia, provincialia in provincia, diœcesana in diœcesi eadem gaudent potestate: similiter Patriarchæ, Archiepiscopi, Episcopi, Cardinales in Ecclesiæ propriis ferre censuras possunt; item Generales, Provinciales, Rectores, Præpositi, Priors, Guardiani Regularium respectu suorum subditorum. Capitulum Ecclesiæ cathedralis sede vacante-

V. Po-

DISS. IV. DE CENSURIS CAP. I. & II.

311

V. Potestas hæc delegari potest jure ordinario etiam Clerico, nedum Sacerdoti, dummodo Clericus non sit conjugatus. Potestas hæc delegata a summo Pontifice potest subdelegari vi privilegii a Sede apostolica concessi delegatis pontificis. Nemo potest se ipsum excommunicare, sicut neque in causa propria sententiam ferre. Qui censuras infligit, requiritur ut sit baptizatus clericus non conjugatus, & prima saltem tonsura insignitus.

VI. Modus ferendi censuras non habet formulam determinatam, seu verba præcisa; sed sat est ea adhibere quæ sufficiunt ad exprimendam judicis voluntatem. Verum habent Tribunalia suas præscriptas formulas. Censuras præcedere admonitio debet, quia censura non fertur nisi in contumaces. Contumax autem non dicitur qui prius monitus non fuit. Et hæc monitio canonica sit oportet, etiamsi delictum sit notorium. Hæc monitio tria esse debet, vel una quæ tribus æquivalat. Tunc tria monitio præcedit, quando ter reus admonetur tempore congruo duorum aut plurium dierum spatio interfluente. Una æquivalat tribus, quando iudex assignat congruum tempus pro tribus, puta sex, aut decem dierum. Si periculum sit in mora, intra eamdem diem, immo inter paucas horas, assignatis semper tribus intervallis, pro tria admonitione, censuram ferre potest. Monitio hæc in scriptis, vel coram testibus fiat oportet. Si censura ferenda contra plures est, sat est ut fiat in Ecclesia coram populo. Si interdictum contra communitem ferendum sit, non singuli, sed illi tantum monendi sunt quorum culpa interdicti causa est. Si delinqiens declinare monitionem studeat, sufficit monitionem fieri vel in Ecclesia, vel ad ejusdem domum. Nullam autores censuram asserunt, nisi præcedat tria monitio, vel una æquivalens tribus.

VII. Diebus feriatis ferri censuræ non debent, validæ tamen sunt, licet non licitæ, etiam his diebus latæ. Qui territorium limitatum habent, extra illud ferre censuras nequeunt. Quando tamen causæ cognitio facta est in proprio territorio, vel quando contumacia adeo notoria est, ut discussione non egeat, & canonica monitio præcessit, valide censura ferri potest ab Episcopo etiam in alieno territorio degente. Quando Episcopus injuste expulsus est a propria diœcesi, in locis eidem propinquioribus jurisdictionem contentiosam in suos subditos exer-

cere potest, petita ab Ordinario licentia, licet non obtenta, ut habetur in Clementina *Quam vis de foro competenti*. Potest etiam Episcopus censuras infligere subdito in proprio territorio delinquenti, etiamsi ad aliud territorium transierit: alioquin impunita manerent delicta, & frustranea esset ecclesiastica disciplina, cum subditus puniri ab alieno Episcopo non posset. In alieno autem territorio peccantem censuris punire Episcopus subditum nequit. Si tamen redeat ad propriam diœcesim, & ibi a parte laesa convincatur de delicto commiso in alieno territorio, cogi censuris ab Episcopo potest, ut partem laesam refarciat. Alienum subditum in propria diœcesi delinquentem punire Episcopus valet, nisi discedat antequam causa cognoscatur.

C A P U T II.

De culpa ob quam censura ferri potest: & que cause excusent a censuris.

I. QUEST. *i. An pro ferenda censura requiratur culpa, & contumacia propria?* RESP. Censura poena est ecclesiastica: ergo culpam supponit contra Ecclesie præcepta. Quare delicta contra jus naturale, vel divinum, nisi simul ab Ecclesia prohibita sint, non subjacent censuris. Quia censuræ feruntur ad reprimendam contumaciam contra Ecclesiam. Heinc censura infligi nequit ob peccatum omnino præteritum, vel præfensi, nisi habeat tractum successivum, vi cuius dici contumax quis possit. Nemo ligari censuris potest ob culpam alienam. Interdictum generale non tangit innocentes immediate, nisi quatenus connexionem habent cum fontibus.

II. Excommunicatio minor ferri potest ob culpam venialem, & re ipsa insertur ob civilem communicationem cum excommunicatione vitando, quæ nisi fiat in contemptum, vel in crimine ob quod contracta est censura, vel in rebus sacris, non excedit culpam levem. Excommunicatio vero major, suspensio, interdictum, cum sint poena gravissimæ, inferri nequeunt nisi ob culpam mortalem. Culpa potest esse levis in se, sed gravis in ordine ad finem. Superiorum est judicare, sit ne gravis respectu finis talis actio circumstantiis spectatis. Quare cum Superioris prohibent aliquid expresso præcepto, adiecta censura, transgressio mortalis est, & censura incurritur. Ob actum in-

sernum ferri censura nequit. Quare ob hæresim mere internam ferri excommunicatio non potest, nisi signo externo manifestetur, sat autem est ut homo solus in cubiculo eam manifestet: quia tum externa est, licet occulta. Contra si quis exercet actum externum hæresis, vel idolatriæ absque actu interiori, non incurrit excommunicationem in foro interiori; quamvis in foro exteriori ut excommunicatus haberetur, si innotesceret. Quando actus internus conexus est cum actione externa, ut attentio mentis cum oratione vocali, tunc qui omittet actum internum, licet poneret externum, censuræ obnoxius foret: quoniam tametsi Ecclesia potestate directa careat in actus interioribus, dum tamen præcipit externos, indirecte jubet internos qui necessario cum externis conjuncti sunt. Hac ratione Ecclesia punit simoniam interiori connexam cum exteriore largitione: excommunicat Inquisidores, qui odio, aut amore lucri aliquid agunt, vel omittunt, dummodo hoc odium vel amor in actus externos erumpant. Peccatum exterius propter quod censura infligitur, debet in suo genere esse consummatum, ut si stuprum sub censura prohibatur, intelligitur copula consummata, nisi lex exprimat etiam conatum.

III. QUEST. II. *Utrum censura lata contra executores criminis comprehendat etiam mandantes, & consulentes?* RESP. Communis sententia negat comprehendi mandantes, & consulentes, nisi in aliqua clausula expresse, vel implicite includantur, quia in meritis poenalibus odia sunt restringenda. Quando censura lata est contra consulentes, vel mandantes homicidium, etiamsi homo paratus sit ad homicidium, qui consulunt, vel mandant, censuram incurront, quidquid in oppositum dicant aliqui.

IV. Quid si consilens consilium, & mandans mandatum revocet ante operis executionem? Aliqui distinguunt inter consiliarium, & mandatarium. Alii hanc distinctionem in hoc negotio rejiciunt. Disputant autem, num incurrit censuram, quando mandatario, vel consiliario innotescit revocatione sincero animo, non languido, sed efficaci, & valida facta a mandante, & consilente. Prima sententia negat. Altera affirmit: & hujus secundæ sententiæ argumenta videntur urgentiora. Quid si mandatario, & consiliario non innotescat revocatione efficax, & valida facta? Etiam tum non incurtere censuram revocatores, defen-

dunt Salmanticenses cum pluribus aliis. Sed hæc opinio falsa est.

V. QUEST. III. *Quæ conditions requiriunt ut quis possit censuram irretiri?* RESP. Plures 1. ut sit viator; 2. ut sit subditus; 3. ut sit baptizatus; 4. ut sit ratione prædictus; 5. ut sit persona determinata. Hæc ultima conditio intelligitur de excommunicatione, quæ ferri in communitatem, civitatem, collegium &c. nequit, ut colligitur ex cap. Romana de senten. excom. in 6. Una persona potest pluribus censuris plecti, ut omnes docent. Qui est excommunicatus, potest interdicari, suspendi. Potest quis excommunicari a diversis judicibus propter idem delictum, nempe, ab Episcopo originis, domicilio, & Pontifice. In praxi tamen nullus reus propter unum delictum excommunicatur, nisi unica excommunicatione.

VI. Disputant autores, an toties multiplicantur censuræ, quoties repetuntur transgressiones contra præceptum, cui annexa censura est? Et communiter respondent, quod si transgressiones sint formaliter interruptæ, ut si quis hodie percuteret clericum, & post hebdomadam iterum eundem, vel alterum clericum percuteret, multiplicaretur censura juxta multiplicationem formalem transgressionum. Quando unus homo simul percutit tres clericos, sicut tria crimina patrat, sic triplicem incurrit penam censuræ, ut probabilius videtur.

VII. QUEST. IV. *Quæ cause excusat a censuris?* RESP. Plures. 1. Necessitas agendi contra præceptum, sicut excusat a peccato, sic excusat a censura. Excommunicatione lata est contra laborantes in die festo. Illa necessitas quæ licitum opus reddit tali die, eximit quoque a censura. 2. censuræ inanitas; 3. hominis innocentia; 4. ignorantia; 5. impotentia; 6. metus; 7. iniustitia causæ.

VIII. Ignorantia, ut alias dictum est, alia juris, alia facti, & alia pœna. Alia invincibilis, vincibilis alia crassa, affectata, & supina. Ignorantia juris laborat qui ignorat legem prohibentem, vel præcipientem. Laborat ignorantia facti qui ignorat esse clericum quem verberat. Ignorantia pœna est dum quis ignorat adjectam esse pœnam tali criminis. Scis prohibitam esse clerici verberationem: scis esse clericum, quem verberas; at nescis huic illicitæ clericorum verberationi adjectam pœnam esse. Invincibilis est, quæ superari humana industria nequit; & vincibilis, quæ superari valet.

IX. P. Viva q. 1. de cens. a. 6. n. 7. cum Probabilistis distinguit vincibilem in culpabilem, & culpabilem. *Vincibilem culpabilem* vocat quam quis potest superare, & credit se obstringi ad diligentiam adhibendum, qua illam supereret, & veritatis notitiam acquirat. *Vincibilem inculpabilem* illam appellat, quam superare adhibita diligentia quis potest, sed credit se non teneri ad hanc diligentiam adhibendam, ut veritatem assequatur. Hæc ignorantia vincibilis malitia expers, nova, inaudita, & post Probabilismi natalitia in lucem erupit, quam Tom. 2. Appar. penitus profligavi. Hæc ignorantia vincibilis, qua semper noxia est, alia dicitur affectata, dum quis studiose ignorare vult quod scire tenetur. Alia est crassa, dum quis ex quodam torpore negligit veritatis inquisitionem. Alia vocatur supina, cum quis variis distentus negotiis oinstitutus investigare quod scire tenetur. Denique alia est antecedens, quæ est causa actus. Alia concomitans, quæ non est causa actus, sed sine illa actus fieret, ut cum quis ita odio ardet contra hominem, ut occidens eum qui vere est clericus, sed ab ipso vera ignoratur, eundem occideret, si agnosceret.

X. Ignorantia revera invincibilis sive juris, sive facti, sicut excusat a culpa, ita eximit a censura. Ignorantia venialiter vincibilis excusat a censura, ad quam incurriendam mortalis culpa requiritur. Ignorantia juris in foro exteriori non præsumitur, nisi probetur, ut cap. *ignorantia de reg. in 6. dicitur*. *Ignorantia facti excusat, non autem juris*. Qui fecit homicidium esse jure divino prohibitum, ignorat vero invincibiliter legem ecclesiasticam sub censura illud prohibentem, non incurrit juxta plurimos censuram, licet peccet contra jus naturale, & divinum: quia, inquit, ad censuram contrahendam necessaria est contumacia, quam præcedere admonitio debet. Poena enim censuræ differt ab iis poenis sive a foro civili, sive a foro ecclesiastico, quæ contrahuntur, etiamsi ignorantur, quando nota lex est. Quare homicida, quem non latet lex prohibens, obnoxius est capitali supplicio, etiamsi hanc poenam ignoret. Similiter qui sciret legem ecclesiasticam prohibentem tamē actum, incurret irregularitatem ex delicto, quamvis tamē poenam ignoraret. Contra, si jus ecclesiasticum invincibiliter ignoraret, sicut esset immunis a culpa, ita liber esset ab irregularitate ex delicto.

XI. Plures, & graves Theologi docent, ignorantiam invincibilem solius censuræ latæ per legem universalem Ecclesie, aut canonem universalem non excusare ab ea incurrienda illum qui scit legem eamdem. P. *Antoine* fuse hanc questionem versat. Paucis rem absolvō. Admissa hypothesi, quod ignorantia censuræ esset propterea invincibilis, licet latæ a lege, vel canone universalis, non contraheretur. Verum quia non ita facile contingit ut ignorantia censuræ annexæ legi universalis sit revera invincibilis, ideo facile exempti ab ea non sunt judicandi ejusdem legis transgressores. *Quis a censura immunem judicaret illum qui committeret duellum, sciens ab Ecclesia prohibitum esse, quia ignorat huic prohibitioni annexam esse censuram?*

XII. Quando in lege dicitur, *qui scilicet hoc fecerit, qui facere præsumperit, qui temerarie id fecerit*, tunc ratione ejusmodi clausularum ignorantiam vincibilem excusare a censura communiter autores docent: quia per tales clausulas lex majorem requirit notitiam quam aliae leges his clausulis destituta. Salmantenses cum aliis contendunt, vel ipsam ignorantiam affectatam excusare hoc in casu a censura. Sed hæc opinio mihi falsa est, quia ignorantia affectata æquivalit scientiæ.

XIII. Metus gravis cadens in virum constantem excusat a censura, & etiam a peccato prohibito tantum jure ecclesiastico. Si res prohibita sit jure divino, & sub censura ecclesiastica, non excusat a peccato, sed a censura tantum. Qui metu gravi percussus occideret clericum, peccaret contra jus naturale, & divinum, at censuram non incurreret.

XIV. Qui dubitat, an iudex protulerit necne sententiam censuræ, indicare debet non esse latam, quia in meritis pœnalibus mitior pars est amplectenda. Qui certus est censuram esse latam sive a jure, sive ab homine, dubitat vero an illam contraxerit, se gerere debet ac si censura irretitus esset, donec aut dubium deponat, aut a censura absolutus fuerit.

XV. Innocens, qui in foro exteriori est excommunicatus secundum allegata, & probata, coram Deo excommunicatus non est. Verum coram illis qui consciæ excommunicationis sunt, & incerti innocentia ejusdem, debet se ut censura irretitum gerere: quia sententiaz judicis validæ & legitimæ, tametsi re ipsa injustæ parendum est, tum

ad evitandum scandalum, tum in obsequium supremæ auctoritatis. Quare probabilius est hunc innocentem debere & a receptione, & ab administratione sui ordinis abstinere etiam privatim, & ab externa communicatione cum fidelibus: unde jure Clemens XI. improbavit theses 90. 91. 92. Paschalis Quesnelli.

C A P U T . III.

De absolutione a censuris.

I. QUEST. I. *An irretitus censura teneatur sub mortali quamprimum potest absolutionem petere, & sollicitare?* RESP. Sententia adfirmans communis est. Salmanticenses tr. 10. c. 2. pun. 1. num. 1. ajunt: quælibet dilatio est mortal is ex genere suo, nisi ob parvitudinem materiæ, vel ex aliis capitibus excusat. Utroque pollice subscribo huic doctrinæ; unde infertur quam falsa sit sententia de dilatione conversionis peccatoris in Deum. Quælibet dilatio procurandæ absolutionis a censura ecclesiastica, quæ aliorum bonorum spiritualium usu privat, est ex genere suo peccatum mortale: & dilatio petendæ absolutionis a peccato mortali, quod privat æterna vita, a culpa mortali immunis erit? Vereor ne respectu aliorum verum sit illud axioma: *Isti amplificant jus ecclesiasticum, & decurrent Decalogum.* Segregatio a Deo, a consortio Angelorum, delinition ad habitandum cum diabolis, quia remota a sensibus non uget, non pungit, sicut segregatio a communicatione externa visibili cum fidelibus.

II. QUEST. II. *Quotuplex sit absolutione a censura?* RESP. Alia est absoluta, qua absolute reus a vinculo solvit. Alia conditionata, quæ a conditione vel præterita, vel præsenti pendet, ut si satisficeris parti, si satisficeris. Alia absolutio vocatur ad cautelam; ut cum quis dubitat se esse censura affectum, quæ absolutio impertiri a quo-cumque Confessario potest, facta promissione de præstanda parti satisfactione, vel de adeundo superiore, veritate comperta. Alia vocantur ad reincidentiam, seu cum poena relabendi in eamdem censuram, nisi quod imponitur egerit ille qui absolvitur. Alia est ab uno determinato effectu, relictis aliis; ut quando Pontifex absolvit, habilemque reddit aliquem ad obtinendum beneficium, aliudve privilegium. Absque harum absolutionum aliqua, censura non aufertur ne-

que per mortem Superioris illam ferentis, neque per mutationem territorii, neque per mortem excommunicati: & contraria opinio damnata est ab Alex. VII. n. 4: *Quoad forum conscientie, reo correeto, ejusque contumacia cessante, cessat censura.*

III. In absolutione a censura servandas sunt formulæ præscriptæ in Ritualibus. Solemnitas servanda in ejusmodi absolutionibus habetur in cap. *Per tuas de sent. ex-com.* Conditiones tamen ibidem præscriptæ hodie non servantur. Disputant Theologi valida ne sit absolutione, parte laesa non satisfacta satisfactione reali, aut pignoratio. Adfirmant multi; sed peccare mortali absolventem ajunt, & restitutioni obnoxium esse. Quando in bulla Jubilæi, vel in alio privilegio conceditur facultas absolvendi a censuris hac clausula, *satisfacta parte, aliter absolutione non teneat;* non valet absolutione, non impleta conditione, nisi absolvendus impotens sit ad satisfaciendum.

IV. Convenit penes omnes posse censuris irretitum valide absolvvi, etiam invitum, & repugnantem, nedium nescientem, aut non petentem. Duplicem tamen repugniam auctores distinguunt: alteram non redendci a peccato, & contumacia, ob quam lata censura est; alteram non petendi absolutionem, licet a peccato emendato reus sit. In priori casu, si peccatum habeat tractum successivum, ut hæresis, furtum &c. non posse absolvvi invitum ajunt, nisi ab eo qui supra jus & præceptum potestatem habet. Si vero peccatum completum sit, ut fornicatio, blasphemia, & alia peccata præterita, tunc absolvvi posse etiam invitum docent. Similiter illum qui emendato a peccato est, & non vult petere absolutionem, absolvvi posse defendant. Advertunt tamen, tunc absolutionem impertiendam dumtaxat esse, cum prævidetur magis medicinalis quam censura.

V. Absolvvi quis potest ab una, secus ab altera censura. Qui vero facultatem habet absolvendi ab omnibus censuris, unica absolutione præstare id valet. Si autem tali careat potestate, tunc absolvvi oportet ab altero qui hac potestate prædictus sit. Qui pluribus irretitus censuris, unam dolose manifestat, occultatis aliis, non est existimandum Confessarium velle absolvire ab omnibus, nisi id exprimat. Si tamen reus ex oblivione aliquam omittat, & judex generaliter absolvat, tunc, nisi aliud constet, eum absolvire velle ab omnibus censendum est.

est. Heinc tempore Jubilæi aliquis generaliter ab omnibus censuris, licet oblitus alijcujus fuerit, manet absolutus, & a peccato oblio cui annexa censura est, a quocumque Sacerdote absolvî potest; nisi tamen aliqua ex censuris habeat conjunctum opus satisfaciendi, & compensandi partem læsam. Si enim absolvendus celaret se non satisfisse parti læsa, se non recessisse ab hæresi, nulla foret absolutio.

VI. QUÆST. III. *Quis absolvere a censuris valet?* RESP. Omnes illi qui ferre censuras, ab eisdem absolvere valent subditos suos: & hoc Episcopus præstare valet etiam in alieno territorio. Qui habet potestatem absolvendi a casibus reservatis, habet simul facultatem absolvendi a censuris, cum absolutio a censuris præcedere debeat absolutionem a casibus reservatis, quibus annexæ censuræ sunt. Facultas concessa in Jubilæo, vel in alio privilegio absolvendi a censuris reservatis summo Pontifici extenditur quoque ad absolvendum excommunicatum denuntiatum nominatim sive a jure, sive ab homine, si tamen prius satisfecerit.

VII. Parochi, & Confessarii ordinarii, qui valent absolvere a peccatis mortalibus, possunt absolvere a censuris a jure latis, & non reservatis, ut communiter auctores docent, & colligunt ex cap. Nuper 29. de sent. excom. & confirmat S. Thomas in suppl. q. 24. a. 1. Contra a censuris reservatis in jure ille tantum absolvere potest qui eas tulit, aut superior, aut successor, aut ab eodem delegatus. Quare a censuris reservatis Pontifici solus Pontifex, a reservatis Episcopo solus Episcopus absolvere valet. In articulo mortis, ut alias dictum est, quilibet Sacerdos potest absolvere ab omnibus censuris, ut Tridentinum declaravit sess. 4. c. 7. & cuilibet Confessario eadem facultas conceditur absolvendi, quando est impossibilis accessus, aut valde difficilis ad superiorem, cui reservatæ censuræ sunt, ut habetur cap. Nuper a nobis 29. de sent. excom. his verbis: *Verum si difficile sit ex aliqua iusta causa quod ad ipsum excommunicationem absolvendus accedat, concedimus indulgendo ut (prestita iuxta formam Ecclesiæ cautione, quod excommunicationis mandato parebit) a suo absolvatur Episcopo, vel proprio Sacerdote.* In his tamen casibus, nempe in articulo mortis, aut ratione impedimenti, Confessarius debet ab eo quem absolvit, jumentum exigere, quod cum potuerit, se superiori præsentabit. Quod si omiserit, op-

portunitate data, exequi quod promisit, in eandem censuram reincident: & quamvis Confessarius vel ex ignorantia, vel ex obliuione omittat imponere hoc onus comparandi, cum pœnitens potuerit, coram superiori; nihilominus pœnitens tenetur comparere, quia hoc onus non a Confessario, sed a jure pendet. Quando tamen absolvitur a reservatis, quibus annexæ censuræ non sunt, nullum est comparendi debitum.

VIII. QUÆST. IV. *Quis valeat absolvere a censuris latis ab homine?* RESP. Ille absolvere potest qui censuram particulari sententia tulit contra determinatam personam, vel superior, vel delegatus. Idem sentiunt plures, si censura lata sit ab homine per modum sententiae generalis, præcepti, vel statuti ad futura delicta evitanda. Sed probabilius alii docent ab his censuris non reservatis, licet latis ab homine, posse quemlibet Confessarium absolvere sicut a censuris latis, a jure.

IX. QUÆST. V. *Quenam sunt censure, & casus reservati summo Pontifici, a quibus Episcopi jure ordinario absolvere possunt?* RESP. Episcopi absolvere jure ordinario valent a censuris reservatis summo Pontifici contractis ex delicto occulto, ut Tridentinum sess. 24. c. 7. de ref. statuit. Item a censuris contractis ob delicta publica, quando urget gravis necessitas, qua difficultem reddit accessum ad Pontificem summum.

X. Disputant, num hæc facultas Episcopis a Tridentino concessa, fuerit revocata per bullam Cœnæ quantum ad casus in ea contentos. Negabant plures, affirmabant alii; sed Alexand. VII. item sustulisse videtur sequentem damnando thesim n. 3. Sententia afferens, bullam Cœnæ solum prohibere absolutionem hæresis, & aliorum criminum, quando publica sunt, & id non derogare facultati Tridentini, in qua de occultis criminibus sermo est, anno 1629. die 18. Julii in consistorio sacre Congregationis Eminent. Cardinal. visa, & tolkata est.

XI. Non desunt tamen qui negant per recentitatem thesim sublatam esse facultatem Episcopis a Tridentino concessam, præsertim cum in thesi proscripta nulla sit Episcoporum mentio, quibus a jure competit hæc facultas, & Tridentinum solum declaravit non esse illis ademptam. Verum decisio hæc non pendet a Theologorum ratiociniis. Quare controversiam hanc illis quorum interest, dirimendam relinquo.

XII. Nomine delicti occulti illud commu-

muniter intelligitur quod aut non est deducum ad forum contentiosum, aut notum non est majori parti parochiæ, provinciæ, monasterii &c. Quare licet per testes probari possit, si non est modo dicto publicum, occultum dicitur communiter. Tunc vero deductum ad forum contentiosum afferunt, quando delatum fuerit, & per unum testem probatum. Si vero accusatus se purgaverit in foro etiam per falsos testes, & absolitus sit, contendunt hunc reum ab Episcopo habente facultatem super delictis occultis absolvvi posse. Ita docent Salmantenses *tr. 10. c. 2. pun. 6. n. 59. & 60.* ubi plures citant auctores. Addunt ibidem Salmantenses, reum punitum in foro contentioso posse ab Episcopo absolvvi, quia iudicium finitum est: quæ opinio mihi falsa est, cum delictum tuæ notum sit notoriata juris, & facti.

XIII. QUEST VI. Quam facultatem habent Regulares absolvendi a casibus, & censuris reservatis summo Pontifici? RESP. P. Viva docet auctores defendere, Regulares posse absolvire ab omnibus casibus Sedi apostolicae reservatis, exceptis casibus bullæ Cœnæ, & sex Clementis VIII. in Italia extra Urbem. Illud est certum, quod potestas absolvendi a casibus pontificis non infert potestatem absolvendi a casibus Episcopo reservatis, cum Alexander VII. damnaverit hanc thesim *n. 10.* Mendicantes possunt absolvire a casibus Episcopo reservatis non obtenta ad id Episcoporum facultate. Distinguit tamen in hanc propositionem *n. 7.* triplex genus casuum Episcopo reservatorum. Nam alii reservantur Episcopo a jure, vel a consuetudine, ut levis percussio clerici &c. & ab his mendicantes absolvire posse ait. Alii casus reservantur Episcopo in Synodo: & ab his quoque absolvire posse Regulares, dum non notantur in tabella, docent auctores, subdit idem P. Viva. Tandem sunt casus reservati, & expositi in tabella, & de his loquitur thesis damnata. Quando conceditur facultas absolvendi ab omnibus censuris, intelligitur, inquit P. Viva, etiam a reservatis, quia quilibet Sacerdos facultatem habet absolvendi a non reservatis.

XIV. Denique per concessionem absolvendi ab omnibus reservatis Sedi apostolicae non intelliguntur casus comprehensi in bullæ Cœnæ. Neque per concessionem absolvendi a casibus bullæ Cœnæ intelligitur facultas concessa absolvendi ab heresi. Oppositum tamen probabile esse concludit P. Viva.

XV. Quæ haec tenus recensui ex P. Viva, re ipsa inveniuntur apud auctores. Salmantenses *tr. 10. c. 2. pun. 6. n. 70.* docent, Praelatos regulares absolvere suos subditos posse ab omnibus censuris Sedi apostolicae reservatis, exceptis iis quæ in bulla Cœnæ continentur. Addunt, Praelatos regulares eamdem jure communi potestatem habere in suos subditos, quam Episcopi in suos diocesanos. Plura afferunt privilegia concessa Mendicantibus, & præsertim constitutionem S. Pii V.

XVI. Nullum ego super facultate Regularium absolvendi tum subditos, tum alienos profero judicium. Omnes perciunt distinctam & perspicuam decisionem casuum, & censurarum reservatarum, a quibus absolvere Regulares valent. Sed frustra a Theologis hoc expectant. Quid enim decidere Theologi valent super privilegiis quæ citantur, & non inveniuntur; vel si inveniuntur, aut fuerint revocata, aut disputatur num fuerint revocata. Decisio eorum quæ absolvendi jurisdictionem spectant, non a Theologorum ratiociniis, sed a voluntate summi Pontificis pendet. Moderatores sacrorum Ordinum regularium sollicitare, & urgere deberent ut ipsis a S. Sede apostolica impetrarent perspicuam declarationem facultatis Regularibus concessæ. Istorum Moderatorum est controversiam hanc gravissimam dirimere modo dicto, ut sciant subditi quid jurisdictionis habeant in recentita materia.

C A P U T IV.

De censuris sigillatim, nempe de excommunicatione majori, & minori.

I. QUEST. I. Quid, & quotuplex sit excommunicatio? RESP. Est censura qua quis ab ecclesiastica fidelium communione separatur. Tribuitur in majorem, & minorem. Major est censura qua quis non modo a participatione sacramentorum, sed etiam a communione fidelium segregatur. Minor vero dicitur censura qua quis privat participatione sacramentorum, eorumdem administratione, & passiva electione ad dignitates, & beneficia Ecclesie. Major privat hominem omnibus quæ subjacent Ecclesiæ jurisdictioni, minime vero bonis omnibus spiritualibus, quæ supra jurisdictionem Ecclesie sunt. Quare si excommunicatus gratia statum recuperet, cum aliis membris ejusdem corporis

ris mystici communicat . Bona ecclesiastica quibus excommunicatus privatur , duplicitas sunt generis . Alia sunt civilia quæ humana spectant societatem , ut cohabitatio , salutatio , colloquia &c. Alia sunt spiritualia , & sacra , quæ similiter in duo genera tribuuntur . Alia sunt exteriora , ut ecclesiastica sepultura , interventus ad divina officia celebranda . Alia vocantur mixta , ut participatio sacramentorum , usus sacrificii , communicatio in precibus &c.

II. Decem recenseri solent effectus excommunicationis majoris . 1. Privatio suffragiorum Ecclesiae : 2. privatio & activa , & passiva sacramentorum . 3. privatio rerum sacrarum : 4. inhabilitas ad ordines suscipiendos , & ad eorumdem usum : 5. privatio jurisdictionis ecclesiastice : 6. inhabilitas ad exercendos actus legitimos in judicio : 7. inhabilitas ad conferenda beneficia ecclesiastica : 7. incapacitas ad eadem obtinenda , eorumque fructus : 8. inhabilitas ad privilegium obtinendum : 10. privatio communiovis civilis , & forensis cum ceteris fidelibus .

III. Hos effectus omnes non parit excommunicatione , si sit injusta , & invalida . Et si constaret publice esse nullam , tunc excommunicatus se gerere posset ac si talis non esset tam in externo , quam in interno furo . Si dubium sit an valida nec ne sit , parendum est excommunicatione .

IV. Quæst. II. *Quinam dicuntur excommunicati tolerati , quinam vitandi ?* RESP. Illud dumtaxat dicuntur vitandi ex constitutione Constantiensis qui nominatum excommunicati , & denuntiati , vel notorii clerici percussores sunt . Ceteri omnes sunt tolerati . Ut vero quis dicatur nominatum excommunicatus ut vitari debeat , duo requiruntur . 1. quod in excommunicatione nomen excommunicatae personæ exprimatur : 2. quod publice declaretur talēm esse excommunicatum ; quæ declaratio in loco publico fieri debet , aut inter Missarum solemnia , aut affigendo chartam loco publico . Antequam excommunicatus denuntietur talis , citandus est ut se defendat , nisi sit publicum , & notorium delictum . Qui declaratus est incurrit excommunicationem , si intra congruum terminum legitime appellat , potest se gerere ut toleratus .

V. Publici , & notorii percussores Clerici illi dicuntur qui noti sunt notorietae juris , & facti . Ipsi excommunicati in uno loco vitandi quoque in alio loco sunt , ubi secreta est excommunicatio , ut probabilior

opinio tenet . Ipsi excommunicati tolerati sequent communicare in divinis , vel humanis cum aliis ; sed ceteri fideles cum iis communicare in humanis valent . Quare constitutio Constantiensis est in beneficium fidelium , non excommunicatorum . Peccat mortaliter excommunicatus , si administraret , si celebret &c. Sacraenta tamen valida sunt , excepto sacramento Pœnitentia , quod nullum est ab excommunicato vitando administratum . Quare fideles , qui confiterentur excommunicato vitando , repetere confessiones deberent . An in articulo mortis petenda ab eodem sit absolutio , dictum est supra .

VI. Docent plures , in periculo mortis assistere Matrimonio posse Sacerdotem excommunicatum vitandum ad consulendum honori feminæ a viro cognitæ , & ad filios legitimos constituentes , si nullus alius Sacerdos esset . Salmantenses n. 37. cum aliis docent , excommunicatum toleratum posse valide & licite administrare sacramenta præter Pœnitentiam . Immo addunt , posse valide administrare ipsum sacramentum Pœnitentia ; & si sit rogatus , etiam licite : quia quando est toleratus , non amittit potestatem administrandi sacramenta in utilitatem fidelium , ut eruitur ex Concilio Constantiensi . Quæ opinio mihi non probatur , nec judicarem bene dispositum fidelem qui habens copiam Confessarii vellet excommunicato tolerato confiteri .

VII. Quæst. III. *Quam pœnam incurrit excommunicatus qui illicite sacramenta administrat ?* RESP. Excommunicatus sive vitandus , sive toleratus incurrit irregularitatem , quando illicite sacramenta administrat , ut communis sententia docet . Peccat quoque mortaliter excommunicatus sive vitandus , sive toleratus , si sacramenta suscipiat . Excusare tamen potest ignorantia , inadvertitia invincibilis excommunicationis , necessitas , scandalum , infamia . In his casibus suscipere sacramenta posse sive vitandum , sive toleratum communis opinio docet . Disputant dumtaxat de sacramento Pœnitentia num valide suscipiatur ab excommunicato ignorantie suam excommunicationem , aut ut evitet grave incommodum . Communior sententia adfirmat , sive vitandus , sive toleratus sit , dummodo ignorantia sit invincibilis juris , & facti , & debitissimis dispositionibus accedat .

VIII. Quæst. IV. *Quæ dama infert terius excommunicationis effectus ?* RESP. Privat

munere celebrandi divina officia, & eisdem assistendi, sive vitandum, sive toleratum. Nomine autem officiorum intelliguntur omnes sacrae functiones quæ ab Ecclesia publice fiunt, ut Missarum celebratio, horæ canonicae, publicæ preces, processiones, benedictiones, chrismatis consecrationes, comitari Eucharistiam dum ad infirmos deferunt. Concionem tamen audire excommunicati possunt, privatim Ecclesiam ingredi, & ibi orare; immo tenentur preces fundere, horas canonicas, si clerici sint, recitare, alioquin commodum ex iniuritate reportarent. Nequeant tamen in horis recipiendas socium adhibere absque veniali culpa, justa causa sublata. Nequeant sive vitandi, sive tolerati Missam audire; immo vitandus si interesset, monendus esset ut evaderet; & si jussus non recederet, novam incurreret excommunicationem. Et quando expelli non posset, recedere fideles deberent, ne cum illo communicarent. Si Sacerdos canonem non incepit, interrumpe Missam debet, & abire. Si canonem incepit, debet Missam persequi cum uno ministro usque ad calicis sumptionem, & cetera omittere, aut in Sacraria, si aptus locus sit, eadem perficere.

IX. Peccant mortaliter excommunicati si differunt obtinere absolutionem, sicuti dixi supra, ut possint audire Missam die festo: quia eodem præcepto quo obstringuntur audire Missam, obligantur removere impedimenta.

X. Privantur excommunicati sepultura ecclesiastica, seu in loco sacro. Nomine loci sacri intelliguntur templa, cœmeteria, claustra, & alia loca deputata ad divina officia celebranda, & ad cultum divinum. Hoc tamen intelligitur de excommunicatis vitandis, qui si sepulti fuerint in loco sacro, extumulandi sunt, & foras projiciendi; locus vero sacer aspersione purgandus. Qui istos in loco sacro sepeliunt, incurront excommunicationem majorem. Mandantes autem, & procurantes minorem contrahunt excommunicationem. Qui vero sepeliunt excommunicatos toleratos etiam hæreticos, qui non sint specialiter denuntiati, non incurront excommunicationem, ut communiter autores docent. Qui vero sepeliret hæreticum per judicis sententiam damnatam, incurret majorem excommunicationem.

XI. Quintus effectus privat omni usu ecclesiasticae jurisdictionis excommunicatum sive vitandum, sive toleratum. Excommuni-

catus tamen toleratus, si a partibus exquiratur, & licite, & valide potest exercere actus jurisdictionis, ut eligere, præsentare, conferre beneficia, ob facultatem quam constitutio Martini V. præbet fidelibus communicandi cum excommunicato tolerato. Si vero fideles litigantes rejicerent excommunicatum toleratum, tunc nullius valoris essent istius acta. Dantes vero exceptionem intra octo dies manifestare excommunicationis speciem deberent. Gestæ per jurisdictionem ecclesiasticam ab excommunicato vitando illicita, & invalida sunt, nec obediunt illi subditi astringuntur.

XII. QUEST. V. An electio sit nulla, ad quam excommunicatus vitandus concurrevit? RESP. Nulla est, si absque suffragio excommunicati vitandi concludi non posset. Si vero istius suffragium non sit necessarium, & electores aut ignorant excommunicationem, aut nequeant excommunicatum repellere, electio abroganda non est.

XIII. Resignatio beneficij ab excommunicato tolerato facta valida est, immo etiam facta a vitando, si sit simplex, & non in favorem alterius: quia talis resignatio non est actus jurisdictionis ecclesiasticae, sed simplex beneficij cessio. Quæ fiunt ab excommunicato vitando ut persona privata, valida sunt, tametsi illicita, si communitet cum aliis. Testamentum tamen factum ab excommunicato propter hæresim, vel percussionem Cardinalis nullum esset ex capitulo Felicis de pœn. in 6. Invalida quoque afferunt instrumenta facta a tabellione excommunicato vitando.

XIV. QUEST. VI. Quam inhabilitatem incurrit excommunicati vi septimi effectus? RESP. Ligati excommunicatione majori inhabiles sunt ad beneficia ecclesiastica. Quare electio, præsentatio, postulatio, nominatio, collatio, impetratio litterarum in favorem excommunicati nullæ sunt: atque tam eligentes, & præsentantes, quam recipientes beneficium sive causa commutationis, sive resignationis &c. peccant mortaliter, & præter excommunicationem minorem, quam conferentes beneficium excommunicato vitando incurrint, suspensionem quoque contrahunt a collatione talis beneficij. Et hæc extenduntur quoque ad suspensum, interdictum, & irregularem. Excipitur collatio facta a Pontifice, quia conferendo dispensare præsumitur, nisi quis esset excommunicatus ob hæresim, quæ non auferatur per clausulam generalem. Si quis ignoraret vin-

vincibiliter suam excommunicationem, vel ab excommunicatione absolutionem, nulla esset beneficii collatio, ut communis sententia docet. Excommunicatus recipiens beneficium non facit fructus suos, sed eos restituere astringitur. Quando vero bona fide illud suscipit, ignorans suam excommunicationem, dum recordatur, debet beneficium dimittere, & restituere id in quo factus est dicitur.

XV. QUEST. VII. *Utrum excommunicatus amittat & fructus, & beneficium?* RESP. Oclavus effectus privat excommunicatum non beneficio, sed fructibus beneficii tantum a tempore quo fuit excommunicatus sive vitandus, sive toleratus. Et nomine fructuum intelliguntur omnes reditus, pensiones, & distributiones; minime vero patrimonium. Disputant acriter Theologi num ante, vel post judicis sententiam restituere excommunicatus fructus debeat. Mihi probabilius videtur excommunicatum ante judicis sententiam debere restituere fructus. Quoniam causa restitutionis est excommunicatione. Ergo posita excommunicatione necessario restitutio consequitur.

XVI. QUEST. VIII. *Quid sit excommunicatione forensis, & civilis?* RESP. Nonus effectus excommunicationis est quod excommunicatus nequit esse iudex, actor, advocatus, testis, tabellio, procurator in foro. Si tamen toleratus sit, potest clientem defendere, dummodo non repellatur, sicuti repelli potest, si ejus excommunicatio nota sit. Quamobrem valida sunt judicia fori in quo actor, testis, vel tabellio est excommunicatus toleratus; contra si vitandus sit, etiam si judex laicus fuerit, irrita sunt omnia acta talis fori, ut communior sententia docet. Testimonium excommunicati si admittatur a iudice, validum est. Citari tamen, & reum agere in iudicio excommunicatus potest. Debet tamen per procuratorem hoc agere, nisi pauper sit.

XVII. Decimus effectus excommunicationis est privatio communicationis politice per modum commercii, vel societatis, nisi necessitas excusat, aut nisi excommunicatus sit requisitus. Qui communicat in civilibus cum excommunicato vitando venialiter, in sacris mortaliter peccat. Communicatio cum tolerato nullam includit culpam. Continuata tamen communicatio civilis cum vitando, juxta probabilem opinionem, non vacat a gravi culpa, & secum adfert excommunicationem minorem. Si tamen ex-

communicatio lata a Papa est per sententiam singularem, & nominatim, is qui sciens communicat cum tali excommunicato, incurrit excommunicationem majorem ipsi Papae reservatam; si tamen sit Clericus, & communicet in divinis. 2. Quando excommunicatione lata est contra participantes: tunc enim qui communicat, eadem qua irretitus est excommunicatus, ligatur excommunicatione, a qua absolvit solum potest ab illo a quo excommunicatus absolvit valet. Non incurrit tamen hanc excommunicationem communicans, nisi monitio tria aut equivalentes tribus praecedat. 3. Quando quis communicat in crimen criminoso, id est in eo crimen ob quod quis excommunicatus est, praebens ei auxilium, consilium, favorem. Ut paucis omnia complectar quinque sunt casus in quibus non licet cum excommunicato communicare, his versibus contenti:

Si pro delictis anathemate quis feriatur,

Os, orare, vale, communio, mensa negatur.

Per os prohibentur verba, signa, amplexus, nutus, epistolæ, nuntii &c. Orare vetat communicationem in sacris. Vale vetat salutationem honorandi causa. Communio prohibet cohabitationem, cooperationem, consilium in quoquecumque negotio. Mensa prohibet communicationem in cibo, potu, convivis, una assistere, sedere &c.

XVIII. QUEST. IX. *In quibus casibus licitum est communicare cum excommunicato?* RESP. Hoc unico versu continentur:

Utile, lex, humile, res ignorata, necesse. Utile significat omnem veram, & non sanctam utilitatem spiritualem, & temporalem sive excommunicati, sive excommunicantis. Lex significat matrimonium, vi cuius uxor petere a marito excommunicato debitum potest, & in ceteris etiam communicare, ut in domus regimine, & in aliis negotiis, exceptis rebus sacris. Et hoc intelligitur, etiam si ambo essent excommunicati, nisi excommunicati matrimonium contraxissent, vel excommunicatio lata est matrimonii causa, vel denique nisi essent divortio separati. His in casibus non fruerentur privilegio communicationis. Humile significat communicationem quam habere possunt filii legitimi, adoptivi, illegitimi, nepotes, pronepotes, & ceteri in gradu linea rectæ: affines ut gener, natus privignus, & privigna mutuo communicare, & pupilli cum tutoribus possunt. Res ignorata significat ignorantiam, vel inadvertentiam invincibilem juris & facti.

Necessitas indicat gravem aliquam necessitatem sive temporalem, sive spiritualem sive excommunicati, sive excommunicantis, aut alterius tertiae personæ.

XIX. QUEST. X. *Quid sit excommunicationis minor, & quinam illius effectus?* RESP. Est censura ecclesiastica privans passiva sacramentorum receptione: & hæc privatio est præcipuus excommunicationis minoris effectus. Quare mortaliter peccat qui hac excommunicatione irretitus aliquod sacramentum suscipit. Circa administrationem sacramentorum dissident, num mortaliter, an venialiter peccet talis excommunicatus. Immo plures defendant nec venialiter hunc peccare. Sed difficile est hunc a culpa veniali eximere. Omnes tamen adfirmant, peccare mortaliter, si celebret, quia tunc suscipit sacramentum. Alter effectus hujus excommunicationis est privatio passiva electionis ad beneficia ecclesiastica. Quilibet Confessarius approbatus ab ea absolvere potest.

XX. QUEST. XI. *Quando incurritur excommunicationis ob clerici percussione?* RESP. „Si quis suadente diabolo manus violentas in Clericum, vel Monachum injecerit, „anathematis vinculo subjaceat, & nullus „Episcoporum illum præsummat absolvere, „nisi mortis urgente periculo, donec apostolico conspectui præsentetur, & ejus „mandata recipiat.“ Hic est canon, qui habetur caus. 17. q. 4. Illud suadente diabolo significat percussionem quæ sit peccatum mortale ratione injuryæ irrogata personæ clericali. Quæ injuryæ gravitas accipienda est, spectata dignitate & statu religioso. Licet reservata sit apostolicæ Sedi, Prelati regulares suos subditos percussores Religiorum absolvere valent.

XXI. Nomine Clerici, vel Monachi veniunt vel ipsa prima tonsura insigniti, dummodo habitum clericalem deferant: omnes Regulares utriusque sexus, Clerici, Noviti, conversi hoc canonis privilegio fruuntur. Item Equites S. Jacobi, S. Joannis, Calatravæ, Alcantaræ, S. Lazari in Sabaudia, S. Stephani Florentiæ, Ordinis Christi in Lusitania, ut plures auctores docent. Hoc privilegio non gaudent clerici conjugati, nisi deferant tonsuram, neque Tertiarii S. Dominici, & S. Francisci: excludentur quoque ab hoc privilegio Clerici qui abjectis vestibus ecclesiasticis, negotiis fæcularibus se se immiscent, & tertio a Superiori moniti non corriguntur.

XXII. Omnes rationis compotes utrius-

que sexus, qui violentas manus injiciunt in Clericum, hanc canonis excommunicationem incurront. Juvenes rei hujus percussionis ante pubertatem ab Episcopo absolvi valent. Mandantes quoque, induentes, consulentes, consentientes, auxilium præbentes, immo qui dolo, fraude, malitia non impedient, hanc excommunicationem incurront. Item qui ratam habet percussionem nomine suo factam, quamvis nec mandatum, nec auxilium præbuerit. Requiritur tamen 1. quod ejus nomine facta percussio sit, judicante percussore illi gratam futuram: 2. quod exteriori signo sensibili prodat suam approbationem: 3. quod quando percussio, executioni demandata est, fuerit ipse habitualiter aptus ad mandatum, vel consilium præbendum; quia si tunc fuisset amens, eam non incurreret. Somnus tamen, & ebrietas non impediunt quominus illam contrahat.

XXIII. QUEST. XII. *Quenam actio violenta in Clericum dicatur, vi cuius percussio excommunicationem incurrat?* RESP. Manum violentam injiciunt omnes qui aliqua corporis parte, ut ore, pede, brachio, manu Clericum, aut rem ei adhaerentem percussint, sive immediate, sive medio fuste, gladio, veneno; si Clericum violenter detineant; si in carcerem detrudant; si illum insequantur, urgeant ad lesionem, aut præcipitum; si sputum, si pulverem in illum conjiciant; si ejus vestimenta lacerent; si arundine verberent; si equum ipsum, cui insidet, lædant, si frenum infringant, vi que fistant: quæ actiones omnes aut personam, aut ejusdem honorem lædunt, & decorant, ut ex cap. *Nuper de sent. excom. colligitur:* atque adeo sufficiunt ad excommunicationem contrahendam. Minime vero illam contrahunt, qui verbis tantum Clericum offendunt, qui idem vibrant, ut illum lædent, re ipsa tamen nec illum, nee rem ei adhaerentem tangunt: neque illi qui absque vi vestes Clerici surripiunt, aut furantur in itinere equum, vel pecunias, licet heinc sequeretur ne persequi iter posset. Qui venenum Clerico propinaret, excommunicantur. Si Monialis potaret venenum ad fetum necandum, non esset obnoxia censuræ huic, quia fetui, non sibi injuriam irrogaret: qui vero Moniali gravidæ venenum vi propinaret, excommunicationem contraheret, quia & Moniali, & fetui necandovim inferret.

XXIV. QUEST. XIII. *Quenam cause excusant*

Sunt injicientes manus violentas in Clericum ab excommunicatione contrahenda? RESP. Ignorantia juris & facti, timor gravis, justa defensio, & cetera omnia quæ a gravi culpa eximunt: correctionis titulus, vi cuius magistri, prælati, parentes percutere discipulos, filios valent, & ea omnia exercere quæ opportuna prudenter judicantur ad eorum emendationem. Similiter immunes ab hac censura sunt qui Clericum turpiter tractantem proprias uxores, matres, sorores, filias, percuterent, sive ut vindicarent injuriam, sive ut a crimine averterent, dummodo percutiant ipsum in ipso criminis, vel immediate post, etiamsi cum eisdem non fornicetur, sed tantum illas oculis, tactibus, amplexibus turpibus dedecoret. Femina quoque sollicitata, & provocata facto a Clerico, si illum violenta percussione rejiceret, quando solis verbis non posset, libera a censura esset. Clerici qui ter admoniti non deferunt tonsuram, & habitum clericalem, si milites, aut gressatores agant, canonis privilegium amittunt.

XXV. De excommunicatione ob duellum contracta dictum supra est in 5. Decal. precept. Dicendum quoque esset de censuris contentis in Bulla Coenæ. Verum integrum illum dedi Tom. I. App. & synopsm ejusdem perstrixi Tom. IO. lib. 3. diss. 2. c. 2. §. 3. Quare si plura cupis, vide ibi.

C A P U T V.

De suspensiōne, ejusque effectib⁹, atque de depositione, & degradatione.

I. QUEST. I. Quid, & quotuplex sit suspensio? RESP. Est cuiusvis officii & dignitatis usus, & exercitii privatio, si absolute spectetur. Sed in præsens est censura ecclesiastica, per quam Clericus privatur usū officii, aut beneficii. Dividitur in eam quæ est ab officio solum, & in aliam quæ est solum a beneficio, & in eam quæ est ab utroque. Insuper alia a jure, alia ab homine est. Nomine officii intelligitur omnis potestas spiritualis sive ordinis, sive jurisdictionis, sive administrationis ecclesiasticæ. Beneficii vero nomine venit jus ad ecclesiasticos proventus, vi spiritualis tituli percipiendos. Dividitur quoque suspensio in temporalem, & perpetuam. Illa est ad mensem, ad annum, ad biennium &c. ista nulla duratio limitatur. Suspensio partialis subdividitur in alias partiales plures. Nam

Tom. II.

Sacerdos interdum suspenditur a sola Missa celebratione, aliquando ab audiendis confessionibus, aliquando simpliciter ab ordine. Episcopus suspendi potest a collatione aut solius tonsuræ, aut Presbyteratus, aut ordinis absolute. Similiter in beneficio aliquando quis suspenditur a quotidianis distributionibus, aut a dimidia fructuum parte: & idem fieri in jurisdictione potest. Ad formam suspensionis nulla in jure designata verba sunt, sed illa usurpantur quæ superioris voluntatem manifestant.

II. Qui suspensionem violant absolute peccant mortaliter. Suspensus ab ordine, si ipsum exerceat, præter peccatum mortale contrahit irregularitatem. Actus tamen exerciti a suspenso validi sunt, quamquam illiciti, si sint actus ordinis, & non jurisdictionis. Qui vero suspensus a jurisdictione est, & sit vitandus, tum irrite actus jurisdictionis exercet, quia suspensio jurisdictionis est illius actualis privatio. Suspensus ab ordine eo ipso non est suspensus a jurisdictione.

III. QUEST. II. An suspensus ab officio sit suspensus a beneficio, aut contra? RESP. Suspensus a beneficio eo ipso non est suspensus ab officio. Quare is celebrare, & alia divina officia recitare potest, & tenetur, quia poena non eximit ab onere. Et quamquam officium sit propter beneficium, in suppliacione tamen delicti potest reus privari fructibus beneficij, manente onere inserviendi Ecclesias. Suspensus ab officio etiam ob crimen gravissimum, non est eo ipso suspensus a beneficio, ut probabilius sententia docet.

IV. QUEST. III. Quinam sunt effectus suspensionis ab officio, a jurisdictione, a beneficio? RESP. Suspensus absolute ab officio manet privatus omni ordinis usu, & jurisdictionis, & cuiuscumque ministerii, quod a solo Clerico exerceri potest. Quare nequit sacramenta administrare, celebrate, excommunicare, absolvere, indulgentias impetrari, approbare ad confessiones, pontificalia exercere, nec alia peragere ministeria quæ ab ordine pendent. Certum tamen est quod si suspensus sit ab ordine tantum, non sit suspensus a jurisdictione.

V. Suspensio a jurisdictione absolute lata privat omni usu spiritualis jurisdictionis, & actu ordinis qui exerceri absque jurisdictione nequit, ut collatio ordinis, & absolutio sacramentalis. Potest vero sic suspensus celebrare, ministrare alia sacramenta; nisi tan-

men ea ex officio administraret ut Parochus, quia tum actus jurisdictionis, qua privatus est, exerceret. Si quis suspendatur a determinata parte jurisdictionis, non est suspensus ab altera; ut si Parochus sit suspensus ab audiendis confessionibus, potest celebrare, & alia sacramenta administrare.

VII. Suspenso ordinis absolute & simpli-
citer lata privat omni actu cuiuscumque ordi-
nis tam majoris, quam minoris, quia pro-
positio indefinita in materia morali aequiva-
let universalis. Similiter qui suspensus est a
collatione ordinum, nullum conferre ordi-
nem potest. Mitto alias questiunculas, qua-
rum deciso pendet a formula qua prescribi-
tur suspensio.

VIII. QUEST. IV. *Quam ob causam ferri suspenso potest?* RESP. Ferri nequit ob pec-
catum veniale, ut supra dictum est. Suspen-
sio enim sua natura poena gravis est, quæ
infligi jure nequit nisi ob culpam gravem.
Obnoxii suspensioni sunt Clerici etiam pri-
ma tonsura insigniti. Censuræ latæ in jure
absolute contra Clericos non comprehendunt
Cardinales, & Episcopos. Ferri suspensio
potest directe in ipsam communitatem, &
indirecte in membra. Non afficit tamen di-
stributive singulas personas quantum ad eo-
rum particularia ministeria, sed secundum
quod unum corpus constituunt, & secundum
officia, & ministeria illis communia.

VIII. Impediri suspensio potest per legi-
timam appellationem congruo tempore in-
terpositam, ut supra de appellatione a cen-
sulis dictum est. Debet tamen appellatio
ipsam suspensionem præcedere, ut eam im-
pediat, si sit suspensio ab officio, & ingre-
su Ecclesiæ, ut habetur cap. *Is qui xx. de
sent. excomm. in 6.* Quæcumque alia suspen-
sio per subsequentem appellationem impe-
ditur.

IX. Suspenso lata ad tempus, elapso tem-
pore cessat seipsa sine absoluzione. A suspen-
sione lata ab homine absolvere ille potest
qui eam tulit. A suspensione lata a jure
absolvere Ordinarius suspensi valet, aut ejus
Vicarius. A suspensione reservata Papæ, si
proveniat ex delicto occulto, Episcopus ab-
solvere subditos suos valet, si non sit ad fo-
rum contentiosum deduxa.

X. QUEST. V. *Quid significat depositio, &
degradatio?* RESP. Sæpe pro eadem accipiun-
tur depositio, & degradatio; unam tamen
ab altera autores distinguunt. Depositionem
simplicem describant his verbis: *Est pena
privans Clericum officio, & beneficio in per-*

petuum jure ordinario irremissibiliter. Degrado-
datio dividitur in verbalem, & realem. Utraque
privat Clericum in perpetuum offi-
cio, & beneficio; sed illa retinet privile-
gium canonis, & fori; hæc penitus illud
amittit. Obstringitur tamen Clericus five
verbali, five reali degradatione confixus re-
citare horas canonicas, si sit in sacris con-
stitutus, nec valide contrahere matrimonium
potest.

XI. Degradatio verbalis olim fiebat ob
adulterium, furtum, homicidium, & alia
graviora crimina. Juxta hodiernam Eccle-
siæ disciplinam atrociora dumtaxat sceleræ
degradatione plectuntur. Crimina in jure ca-
nonico expressa ob quæ degradatione reali
plecti Clericus debeat, sunt hæresis, falsifi-
catione literarum apostolicarum, sodomia,
conspiratio in proprium Episcopum acceden-
te incorrigibilitate. Plura dici solent de so-
lemnitate in degradatione reali servanda,
quæ ad nostrum institutum non attinent.

C A P U T VI.

De interdicto, & cessatione a divinis.

I. QUEST. I. *Quid, & quotuplex sit in-
terdictum?* RESP. Est censura ecclæ-
siastica qua prohibentur omnia divina officia,
& aliquorum sacramentorum administratio, &
ecclæsiastica sepultura. Dividitur in locale, &
personale. Illud locum, istud personas affi-
cit. Mixtum dicitur, quando locus simul,
& personæ interdicuntur. Rursus utrumque
interdictum dividitur in generale, & specia-
le. Illud est quando interdicuntur regnum,
aut provincia, aut dioecesis, aut civitas,
aut oppidum, aut villa. Interdictum gene-
rale personale est, quando fertur in corpus
politicum propriis legibus moderatum, &
similis indirecte in omnes personas confor-
antes tales communitatem. Interdictum per-
sonale speciale est quando in personas de-
terminatas, ut in Petrum, Franciscum &c.
fertur. Quando tamen fertur a jure, non
requiritur ut personæ nominentur. Hoc in-
terdictum personale speciale dividitur in ro-
tale, quod omnes interdicti effectus conti-
net; & in partiale, quod aliquos dumtaxat
comprehendit. Interdictum locale non sem-
per includit personale, nec contra. Quare
interdicto populo non sunt interdictæ Eccle-
siæ, aut parochiæ illius: quia in jure hæc
interdicta sunt diversæ speciei.

II. QUEST. II. *Quinam tenetur observare
inter*

interdictum locale? RESP. Omnes incolæ tam laici, quam ecclesiastici, etiam Regulares, quia interdictum est in tali loco divina officia celebrare. Quare Prælatus ipse (excepto Papa) qui interdictum locale fert, ejusdem observationi obnoxius est. Quando interdicta civitas est per interdictum generale locale, omnes Ecclesiæ ejusdem civitatis etiam Regularium subjectæ interdicto sunt, & omnes persona quæ sunt ejusdem civitatis membra: & licet plures sint innocentes, tamen non ut iucentes, sed ut civitatis partes subjacent interdicto. Excipiuntur Episcopi, qui sub generali interdictio non comprehenduntur, nisi expressa illorum mentio fiat. Infantes quoque, & amenites exempti judicantur; illorum tamen cadavera sepulturæ ecclesiasticæ tradi nequeunt, quia interdicti Clerici sunt. Similiter peregrinos & exterios ab interdicto liberant autores plures, quia non sunt populi partes. Interdicto populo non est interdictus Clerus, nec interdicto Clero est interdictus populus.

III. QUEST. III. *Quis, & quam ob causam ferre interdictum valet?* RESP. Qui habent facultatem ferendi censuras, ferre interdictum valent. Prælati tamen Religionum terre interdictum personale possunt, non autem locale, quo suas Ecclesiæ a facris suspendant, nisi haberent in plebem jurisdictionem. Causa ferendi interdictum est gravis culpa, ut dictum est supra. Interdictum generale locale, & personale potest ferri ob culpam etiam alienam communitatæ, vel rectorum ejusdem, sub quo comprehenduntur etiam innocentes, ut alias dictum est. Interdictum generale personale, vel locale, sive generale, sive speciale sit, nequit ferri ob culpam alicuius particularis, sed imponi solum potest ob culpam vel communitatæ, vel rectoris, vel Principis, vel Prælati. Interdictum vero personale speciale infligi ob culpam alienam etiam capitatis nequit; sed solum ob delictum illius persona quæ interdicto plectitur. Disputant autores, num infligi interdictum personale speciale queat ob culpam venialem. De interdicto lato a jure alii adfirmant, alii probabilius negant. Omnes tamen adfirmant, interdictum latum ab homine requirere culpam mortalem. Interdictum sive generale locale, sive generale personale imponi non potest ob debitum pecuniarum, immo neque interdictum locale speciale; bene vero interdictum speciale personale, ut plures ajuant: at vix hoc fieri consuevit.

IV. QUEST. IV. *Quinam sunt interdicti effectus?* RESP. Tres 1. prohibitiæ celebationis, & auditionis divinorum officiorum: 2. privatio aliquorū sacramentorum: 3. privatio sepulturæ ecclesiasticæ. Nomine divinorum officiorum intelliguntur Missæ, horæ canonicae, & aliæ preces solemniter celebratae, benedictiones nuptiarum, aquæ, olei, chrismatis, & omnis functio ab Ecclesia in cultum Dei ordinata. Hæc omnia prohibentur in communi loco ad id deputato; secus privatim, & in loco non deputato ad divina officia celebranda. Similiter conciones habere licitum est. Immo ex jure novo Bonifacii VIII. in cap. Alma Mater de sent. excomm. in 6. omnes Clerici, & Regulares tempore interdicti generalis localis possunt quotidie Missas celebrare, divina officia peragere, in quibuscumque Ecclesiis, & Monasteriis, quatuor adjectis conditionibus. 1. ut voce submissa, idest sine cantu: 2. januis clausis, ita tamen ut voluntibus egredi exitus pateat: quare ostiarius præficiendus erit, qui prohibeat interdictos ingredi, & privilegiatos egredi permettat: 3. non pulsatis campanis: 4. exclusis interdictis, & excommunicatis. In quatuor tamen solemnitatibus Natalis Domini, Paschatis, Pentecostes, & Assumptionis B. V. possunt divina officia solemniter celebrari januis apertis, & voce alta, pulsatis campanis. Interdicti tamen appropinquare altari non debent, qui causam ejusdem dedere. Quod privilegium extendit Martinus V. ad festum Corporis Christi, & Eugenius IV. ad ejusdem ostavam. Regulares fruuntur privilegio, ut plures referunt (vere ne an falso ignoro) admittendi ad divina officia famulos, procuratores, & operarios Monasterii.

V. QUEST. V. *Quenam sacramenta prohibentur ministri temporis interdicti?* RESP. Prohibentur administratio activa, & receptio passiva quorundam sacramentorum. Excipiatur tamen Baptismus, qui administrari consuetum Ecclesiæ ritu potest, exclusis tamen personis interdictis, quæ, nisi in casu necessitatis, baptizare nequeunt. Sacramentum quoque Confirmationis administrari valet, & confici christisma etiam in loco interdicto. Item sacramentum matrimonii excipiatur juxta plurimos, qui contendunt celebrari posse a persona etiam specialiter, nedium generaliter interdicta. Sacramentum Pœnitentiae conferti omnibus potest etiam sanis, exceptis excommunicatis, & illis qui causam

interdicto dederunt, atque iis qui præbuerunt auxilium, consilium &c. ad patrandum delictum ob quod latum interdictum est, nisi prius satisfecerint, vel dederint de satisfactione cautionem c. Alma de sent. in 6.

VI. Tempore interdicti neque Eucharistia, neque Ordo, neque extrema unctio administrari valent. In mortis articulo deferri Eucharistia ad infirmos etiam personaliter interdictos potest. Plures administrari quoque extremam unctionem infirmis qui nequeunt alia sacramenta percipere, posse adfirmant.

VII. Quæst. vi. *Quibus tempore interdicti prohibetur ecclesiastica sepultura?* Resp. Omne interdictum sive locale, sive personale privat omnes ecclesiastica sepultura. Si tamen interdictum locale sit, persona qua interdicto causam non dederunt, nec sunt nominatim denuntiatæ, sepeliri in loco sacro non interdicto valent. In loco vero sacro interdicto nec infantes, nec amentes sepeliri licite possunt.

VIII. Quæst. vii. *Quodnam peccatum perpetrant, & quas pœnas incurront violatores interdicti?* Resp. Peccant mortaliter quia violent præceptum Ecclesiæ in re gravi, & Clerici interdicti exercentes actum proprii ordinis sunt irregulares; & cogentes Clericos ad publice celebranda divina officia in loco interdicto, juxta sublata causa, incurrent excommunicationem reservatam summo Pontifici. Et hanc censuram contraherent quoque interdicti, qui admoniti non exirent ab Ecclesia. Item Religiosi etiam exempti interdictum violantes contrahunt ipso facto excommunicationem majorem, quando interdictum observatur in Ecclesiæ matrice, vel in parochiali loco, in quo ipsi habitant, ut habetur in Clem. 1. de sent. excomm. Qui scienter interdictos sepelunt in loco sacro, extra casus exceptos, incurront excommunicationem Episcopo reservatam.

IX. Quæst. viii. *Quid intelligatur per interdictum ab ingressu Ecclesiæ?* Resp. Intelligitur privatio exercitii ordinis faci, & sepulturæ in ipsa Ecclesia, ejusque cæmeterio, & privatio audiendi divina officia in Ecclesia.

X. Quæst. ix. *Quis ab interdicto absolve se potest?* Resp. Si interdictum latum ad tempus sit, vel sub conditione, elapsò tempore, vel conditione impleta, cessat sine absolutione; secus interdictum absolute latum. Quando interdictum latum a jure est, sumimus Pontifex suspendere effectus potest,

quoniam illud tollat. Interdictum ad tempus afferre, qui illud tulit, potest. Quando interdictum est locale, etiam si locus, puta Ecclesia, dispensemur, non propterea cessat interdictum, idcirco in tali loco nequeunt cadavera sepeliri. Latum vero interdictum contra communitem, si haec dissolvatur, cessat respectu innocentium. Ab interdicto autem locali, aut generali personali, lato a jure, & non reservato, absolvere Episcopus potest. Si interdictum latum sit ab homine, ille qui tulit, & non inferior, absolvere valet, ut dixi. Plures docent ab interdicto personali particulari non reservato absolvere posse quolibet Confessarium approbatum.

XI. Quæst. x. *Quid sit cessatione a divinis, & quinam illius effectus?* Resp. Est prohibitio imposita Clericis ut sub pena peccati mortalis cessent a celebratione divinorum officiorum, & ab administratione sacramentorum excepto necessitatis casu, abstineant. Non est tamen censura, nec pena; sed merita prohibitio facta ab Ecclesia ob gravissimum mororem conceptum ex gravi aliqua injuria contra divinum cultum, aut Ecclesiam ipsam. Quare hoc non sit nisi propter gravissimum delictum publicum contra commune bonum Ecclesiæ, aut adversus ejus immunitatem, contumacia accedente. Sequentes conditions concurrere debent, ut juste fiat. 1. ut in prohibente sit legitima potestas; 2. ut causa sit evidens, & gravis; 3. ut evidenter constet causam esse datum; 4. haec causa exprimi publice debet; 5. intimari parti debet; 6. pars roganda est, an velit satisfacere; 7. sit major pars capituli judicet cessationem esse inducendam; 8. ut posita cessatione utraque pars eoram Pontifice causam cessationis discepit; 9. ut quando capitula congregantur pro ferenda cessatione omnes vocentur qui habent vocem. Haec conditions colliguntur ex cap. si Canonicæ 2. & cap. quamvis 8. de officio ordinariis in 6. Si vero Prælatus indicat cessationem, sex tantum priores conditions requiruntur. Solum qui habent jurisdictionem Episcopalem, aut illi similem, ferre hanc cessationem valent.

CAPUT VII.

De irregularitate in communi, & in particulari ex delicto, & ex defectu.

I. QUEST. I. *Quid sit irregularitas, & quinam ejus effectus?* RESP. Est impedimentum canonicum, quo vir baptizatus primo & directe interdicitur a susceptione ordinum, & secundario ab eorum usu. Est impedimentum, & non poena, ut distinguatur a censura, quae culpam supponit. *Canonicum* significat hoc impedimentum jure ecclesiastico inventum esse. *Vir baptizatus* prodit neque infidelem, neque mulierem subjacere irregularitati. Ultima particulae distinguunt iterum irregularitatem a censuris.

II. Tres sunt irregularitatis effectus. 1. Impedit ordinum, & primae tonsuræ susceptionem. 2. Privat omnium ordinum usum, si sit totalis; quorundam vero, si sit partialis. 3. Inhabilem reddit ad quodlibet beneficium suscipiendum, si sit totalis: nam si sit partialis, plures contendunt per eam non impediti receptionem beneficii cuius munia obire irregularis potest. Irregularitas quæ supervenit beneficio jam obtento, non inducit ejusdem privationem, sed solum privari per sententiam judicis possunt qui illud possident.

III. QUEST. II. *Quotuplex sit irregularitas?* RESP. Duo sunt irregularitatum genera. Alterum ex defectu, ex delicto alterum. Ex defectu novem numerantur. 1. ex defectu animæ; 2. ex defectu corporis; 3. ex defectu natalium; 4. ex defectu ætatis; 5. ex defectu libertatis; 6. ex defectu obligacionis; 7. ex defectu sacramenti; 8. ex defectu bona famæ; 9. ex defectu lenitatis.

IV. Irregularitas ex delicto octuplex. 1. ex homicidio voluntario injusto; 2. ex iniustitia, & voluntaria mutilatione; 3. ex homicidio aut mutilatione casuali; 4. ex iteratione Baptismi; 5. ex violatione censurarum; 6. ex indigna receptione, aut administratione ordinum; 7. ex apostasia a fide, vel ex heresi externa; 8. ex delicto cui annexa infamia est. Dividitur etiam in totalem, & partialem. Illa privat omni ordine suscipiendo, & exercitio ordinis suscepti, ut est illa quæ contrahitur ex homicidio. Hæc privat aliquo tantum ordinis exercitio; ut si Sacerdoti pollex præcidatur, non potest celebrare; potest vero audire confessores. Similiter Diaconus privatus pollice in-

Tom. II.

habilis est ad Sacerdotium, & habilis ad Diaconi officium.

V. Delictum inducens irregularitatem debet esse peccatum mortale exterum: quoniam poena gravissima contrahi nequit nisi ob grave delictum. Nec refert quod sit occultum. Excipiuntur tamen delicta quibus annexa est infamia, & notorietas, quæ, si fuerint occulta, non inducunt irregularitatem. Alia vero delicta, ut homicidium voluntarium, heres, iteratio Baptismi, violatio censuræ per exercitium ordinis, etiam occulta, irregularitatem pariunt. De homicidio occulto nulla est disputatio.

VI. QUEST. III. *Quenam excusat ab irregularitate contrabenda ex delicto?* RESP. Ea omnia quæ excusat a peccato mortali, ut ignorantia, inadvertentia, metus gravis &c. Dubium non excusat, ut cap. ad Audientiam tit. de homicidio habetur. *Cum in dubiis semitam debeamus eligere tuiores, vos convenit injungere Presbytero memorato ut in sacris ordinibus non ministret.* Nulla hic distinctio dubii juris, & facti.

VII. QUEST. IV. *An irregularitas ex delicto tollatur per Baptismum, professionem religiosum, & dispensationem?* RESP. Irregularitas ex delicto cessat per Baptismum. Cessare quoque per professionem religiosam communis sententia adfimat. Denique cessare per dispensationem omnes fatentur. Summus Pontifex ob justam causam dispensare a quacumque irregularitate potest. Qui irretitus est pluribus irregularitatibus diversæ speciei, in perenda dispensatione omnes exprimere debet: si sunt ejusdem speciei, manifestare debet se pluries has irregularitates contraxisse.

VIII. Præter summum Pontificem Episcopi cum suis subditis, & Prælati regulares cum suis dispensare ab irregularitatibus ex delicto occulto quod non sit ad forum contentiosum deductum, possunt, præter homicidium, ut communis sententia docet.

IX. QUEST. V. *Quid requiratur ut quis contrahat irregularitatem ex homicidio voluntariis?* RESP. Homicidium directe voluntarium dicitur quod directa voluntate occidendi patrat, unde necessario mors sequatur, ut si vulnus mortiferum infligatur, si venenum propinetur &c. Qui similes causas directe ponit, homicida voluntarius dicitur. Heinc sequitur, eum qui occidit invasorem se defendendo cum moderamine inculpatæ tutela, non incurre irregularitatem homicidii directe voluntarii. Requiritur vero ut mors

sequatur, ut dicta irregularitas contrahatur. Quamobrem etiamsi vulnus mortale infigatur, aut venenum propinetur, si mors non sequatur, irregularitas non incurritur. Adhuc Salmantenses c. 8. num. 4. eum quem post mortale vulnus, aut veneni propinacionem delicti poeniteret, non incurrire irregularitatem in foro conscientiae. Sed haec opinio falsa est mihi.

X. Negant quoque Salmantenses cum aliis num. 6. eum qui repentina rixa hominem occidit non incurrire irregularitatem reservatam summo Pontifici. Sed probabilius opinio adfirmat. Et hanc irregularitatem incurrint quoque mandantes, consulentes &c. ut supra jam dictum est.

XI. Ab hac irregularitate posse summum Pontificem dispensare omnes fatentur, ex gravissima tamen, & singularissima causa, ob indecentiam summam quam tale delictum praefert. Ab hac irregularitate non posse Episcopos absolvere, Tridentinum statuit. Ab hac irregularitate posse Pralatos regulares dispensare, si homicidium sit occultum, docent Salmantenses n. 17. addutis privilegiis pontificiis; sed haec privilegia mihi suspecta sunt.

XII. Contrahitur quoque haec irregularitas per aliquius corporis membra mutilationem, ut si quis erueret oculum, amputaret aurem, pedem, & quamlibet partem quae in corpore distinctum officium habet. Qui sibi digitum, aliamve partem officio carentem ex ira abscinderet, aut turpiter se deformatet, fieret irregularis, secus si hoc ageret in alio, ut habetur cap. *Quidem* &c. Qui membrum aliquod ita debilitaret, ut mortuum remaneret, probabilius est quod incurret irregularitatem. Ab hac irregularitate occulta, & non deducta ad forum contentiosum dispensare Episcopi valent.

XIII. QUÆST. vi. *Quandonam contrahatur irregularitas ex homicidio, & mutilatione casuali?* RESP. Homicidium casuale illud est quod præter intentionem occisoris tum directam, tum indirectam accidit: & tunc sicut occisor immanis a culpa, ita ab irregularitate est: & idem est de mutilatione. Qui vero ponit causam unde prævidet, vel tenet prævidere homicidium, aut mutilationem, sit irregularis. Qui opus licitum facit, & omnem diligentiam adhibet ne homicidium sequatur, vel matilatio, tum irregularis non fieret, etiamsi homicidium, vel matilatio eveniat. Si vero actio illa aliquo modo influeret in homicidium, vel mu-

tilationem, jam non esset bona, & licita; & si actor negligens esset in præcavendo effectu, fieret irregularis, nisi levis esset negligentia. Hinc si magister discipulum, aut pater filium leviter tantum percuteret, irregularis non fieret, etiamsi mors succederet, aut mutilatio præter intentionem. Idem dicendum de eo qui in equo feroci equitatet, si contingenter pueri occiso, aut de pulsante campanas, si caderet tintinnabulum quod hominem occideret, aut de custode feræ frangentis vincula, & occidentis hominem. Nec medicus fit irregularis, si infirmus absque ejusdem gravi negligentia moriatur.

XIV. Qui dat operam rei illicitæ, unde mors eveniat, fit irregularis; si vero illicita sit, & nullum periculum natura sua mortis affert, non fieret irregularis, dummodo non fuerit negligentia in præcavendo esse. Qui ex justitia tenetur impeditre occisionem, aut mutilationem, si id per culpam mortalem omittat contra justitiani, sit iuxta probabiliorem sententiam irregularis: quia qui omittit defendere illum quem ex justitia tenebatur defendere, est verus homicida, moraliter enim concurrit ad talem mortem; secus qui tantum ex caritate tenetur.

XV. QUÆST. vii. *Quandonam contrahatur irregularitas ex homicidio, aut mutilatione causa defensionis contra injustum invasorem?* RESP. Qui injustum invasorem occidit excedendo mortaliter modum inculpatæ tutelæ, sit irregularis. Contra qui moderamen observant, ab irregularitate immunes sunt, sicut a culpa. Similiter ejusmodi defensores non contrahunt irregularitatem, si moderamen servent ad evitandum grave vulnus; secus si vulnus, quod timetur, effet leve. Tunc autem videtur defensorem servare moderamen inculpatæ tutelæ, quando invasus nulla alia via neque precibus, neque fuga, neque clamore declinare mortem, aut grave vulnus potest. Si enim his viis declinare mortem, aut vulnus grave posset, non servaret necessariam moderationem.

XVI. Qui furatur, aut adulterium perpetravit, in delicto deprehensus, & invasus a domino, vel a marito, ut se defendat, occidit maritum vel dominum, irregularitatem incurrit, quia dat operam rei illicitæ, & homicidium est voluntarium in causa. Ita adfirmat probabilior & vera sententia.

XVII. Ex iteratione Baptismi, non autem Confirmationis, incurritur irregularitas. Haec irregularitas incurrit a rebaptizato, reba-

rebaptizante , ministrante rebaptizanti , & ab eo qui extra necessitatem se ab haeretico baptizari permittit . Haec irregularitas impedit ascensum ad alios ordines , non in susceptis ministrare , ut communis opinio docet . Plures tamen ad hanc irregularitatem contrahendam requirunt rebaptizationem solemnum , & non sufficere privatam ajunt .

XVIII. Qui majori excommunicatione irretiti , qui suspensi , qui interdicti personaliter , aut in loco interdicto actum majoris ordinis exercent , irregularares sunt . Qui autem suspensus ab uno ordine , alterius ordinis a quo non est suspensus , exercet officium , non sit irregularis . A dicta irregularitate occulta dispensare Episcopus potest , similiter Praepositi regulares absolvere suos subditos valent .

XIX. Qui furtive sacros ordines suscipit , puta absque examine , & approbatione ; qui eodem die plures ordines , quorum unus sit facer , absque dispensatione recipit ; qui post matrimonium contractum , etiam ante consummationem , ordinem sacram recipit , renitente uxore , irregularitatem incurvant . Similiter irregularares sunt Clerici qui usurpan ordinem sacram quem non habent ; & scienter ministrant in eo , & ritu solemni .

XV. Irregularitas quoque contrahitur ex delicto cui annexa est infamia , ut sunt in Clericis perjurium cum falso testimonio in iudicio , sodomia , simonia : quæ crimina , si notoria sint , inducent irregularitatem .

XXI. Ex officio pariter irregularitas contrahitur , ut ex histriotonatu : histriones enim infames sunt , ut ex cap. *Definimus iv. q. 1. & ex l. 1. & 2. de his qui notantur infamia.* Plures quoque officia carnificum , lictorum , macellariorum habere annam infamiam docent : & re ipsa in communi hominum existimatione officia ita infamia laborant .

XXII. Infamia quæ oritur ex delicto personali , auferitur per emendationem , qua sit ita notoria ac factum quod infamiam peperit . Juris vero infamia non tollitur per emendationem , sed per dispensationem . Summus Pontifex ob justam causam dispensare ab hac irregularitate potest . Infamia vero quæ per judicis decretum inducta fuit , per eisdem , aut superioris dispensationem auferri potest . Praepositi vero regulares ab hac irregularitate sive ante , sive post Religionis ingressum dispensare posse , communiter auctores docent .

XXIII. Quæst. VIII. Quenam sunt irregularitates ex defectu animæ ? RESP. Tres ,

nempe defectus rationis , scientie , & fidei . Fueri ante usum rationis , amentes , furiosi , energumeni , lunatici , epileptici , qui morbo comitiali , seu caduco inopinato corripuntur , a sacris Ordinibus excluduntur . Scientia defectus est impedimentum sacrorum ordinum suscipiendorum , a quo nec summus Pontifex dispensare valet . Sola industria , & studio auferri potest . Irregulares defecta fidei sunt filii haereticorum , quorum parentes sunt irregulares ex delicto .

XXIV. Quæst. IX. Quinam sunt corporis defectus irregularitatem parientes ? RESP. Illi quibus deest brachium , manus , & Presbyter cui defunt duo digiti cum medietate palme , si digiti sint pollex , & index , item qui oculi sinistri lumine , qui auditu omni carent , irregularares reputantur . Si tamen privatio auditus superveniat , non reputatur impedimentum . Si lumen oculi dextri supplere defectum oculi sinistri valet , non reputatur impedimentum . Defectus qui parvum notabilem deformitatem , inducunt irregularitatem , ut privatio oculi , nasus , pedis , vel habentes oculos nimis deformes , labrantes nimia corporis debilitate , gibba , lepra , morbo gallico , irregularares habentur . Sed haec omnia iudicio Episcopi permittuntur . Eunuchi , & hermaphroditæ etiam occulti irregularares sunt . Illegitimi omnes , sive nothi , sive spurii , sive incestuosi , sive sacrilegi , sunt irregularares . Nati tamen ex matrimonio bona fide in faciem Ecclesie contracto , sed ob aliquod impedimentum occultum irrito , non habentur irregularares , ut colligitur ex cap. *Cum inter &c. Secus dicendum , si mala fide contractum matrimonium esset .*

XXV. Haec irregularitas cessat 1. per subsequens matrimonium ; 2. per legitimationem absolutam ; 3. per dispensationem quam summus Pontifex impertiri potest .

XXVI. Quæst. X. Quinam dicuntur irregularares ex defectu libertatis , etatis , & obligationis ? RESP. Mancipa , seu servi sunt irregularares usquedam in statu servitutis degunt . Si servus , sciente domino , & non contradicente suscipiat ordines , aut ipsam primam tonsuram , liber evadit ; si vero contradicente domino , aut nesciente id faciat , peccat mortaliter , & manet servus . Si Episcopus conscientia servitutis conferat ordines maiores , satisfacere domino tenetur . De defectu etatis dictum est supra . Defectus obligationis est quum quis tenetur ad ratiocinaria reddenda , vel implicitus invenitur ex

officio negotiis secularibus, ut curiales, milites &c. donec se tali obligatione liberent.

XXVII. QUEST. xi. *Quid sit irregularitas ex defectu sacramenti?* RESP. Est illa quæ oritur ex bigamia, seu ex matrimonio plures contracto. Triplex distinguitur bigamia: vera, interpretativa, similitudinaria. Vera tunc est quando quis plures uxores successive legitimas habuit. Altera bigamiæ species vocatur interpretativa, quæ licet vera non sit, ex juris fictione talis nuncupatur, & quatuor modis contrahitur. 1. quando quis duo matrimonia contrahit, alterum validum, alterum irritum; 2. quando quis contrahit duo matrimonia re ipsa irrita; 3. quando quis viduam, aut corruptam ab altero duxit; 4. quando quis virginem duxit, quæ post nuptias adulteravit, & nihilominus post adulterium eam cognovit. Qui corruptam duxit putans bona fide esse virginem, juxta probabiliorem opinionem fit irregularis. Tertia bigamiæ species dicitur similitudinaria, quam quis contrahit dum post solemnem professionem, vel post suscepitum sacram Ordinem, matrimonium contrahit sive cum virgine, sive cum corrupta.

XXVIII. BIGAMIA. Bigamia dicitur defectus sacramenti, quia non representat unionem Christi cum Ecclesia. Bigami irregulares reputantur tum propter incontinentiam, tum propter divisionem affectus, quem ab uxore defuncta in alteram transferunt, tum propter defectum sacramenti. Ab hoc impedimento dispensare summus Pontifex valet, secus Episcopi.

XXIX. QUEST. xii. *Quomodo contrahitur irregularitas ex defectu lenitatis?* RESP. Homo baptizatus, secus infidelis, fit irregularis, si voluntarie, & proxime concurrevit ad mortem proximi, aut mutilationem ex defectu lenitatis. Heinc irregulares sunt judices ferentes sententiam, assessores judicium, promotores fiscales, procuratores, satellites, comprehensores, accusatores, advocati, deponentes, testes necessarii & voluntarii, quando vi talium actionum reus occiditur; secus qui testantur in favorem rei. Domini temporales ecclesiastici non sunt irregulares, dum habentes jurisdictionem committunt alias causas sanguinis, monentque ut ministri vigilent contra malefactores, eosque juxta leges puniant. Judices ecclesiastici degradatos tradentes brachio seculari, supplicantes ut benigne eosdem tractent, non sunt irregulares; nec Clerici consulti a judice, si respondeant, tale delictum jux-

ta leges plectendum esse poena mortis. Idem dicendum de Confessariis, qui possunt negare absolutionem judicii nolenti juxta leges punire malefactores.

XXX. Qui pugnant in bello justo ex auctoritate publica contra hostes, si propriis manibus occidunt, vel mutilent, irregulares sunt. Ceteri vero milites in tali bello justo adstantes pugnæ, qui propriis manibus neminem occidunt, aut mutilant, non sunt irregulares, ut communiter fatentur omnes. Si bellum sit injustum, & aliquis occidatur, vel mutiletur, omnes sunt irregulares, quia omnes concurrunt ad necem injustam. Militem se defendantem in bello justo cum moderamine inculpatæ tutelæ non fieri irregulares docent plures, quia haec defensio est illi justa. Medici, & chirurgi, qui juxta propriæ artis regulas truncant membrum, non sunt irregulares. Clerici, & Monachi exercentes artem medicam, & chirurgiam sunt irregulares ex defectu lenitatis, si truncent aliquod membrum, quia prohibita sunt illis ejusmodi artes cum incisione, & adustione. Possunt tamen aperire venam ad minuendum sanguinem, quin sunt irregulares. Ecclesia merito removet a sacris Ordinibus homines ob defectum lenitatis, quia mansuetudo & lenitas est prærogativa, & caracter Sacerdotii Christi, qui tamquam agnus mansuetus veat in mundum a Patre missus. Episcopi nequeunt dispensare ab irregularitate ex defectu lenitatis, etiamsi occulta sit, ut probabilior sententia defendit. Qui plura cupit, legat Canonistas, & Moralistas, qui spissa & magna volumina hoc de arguento confarunt.

M O N I T U M .

Repeto quod alias innui, nempe omnes optare ut excommunicationem, & censuratum multitudinem ad maturum examen superiores revocarent, & in eum parvum numerum illas restringerent quem illorum sapientia magis consentaneum judicaret. Illud omnibus sapientibus certum est, præceptorum multitudinem hand fore idoneam ad hominum malitiam coercendam. Animadvertisit S. Augustinus epist. 118. ad Januarium: *Dominum nostrum Jesum Christum, sicut ipse in Evangelio loquitur, levi jugo nos subiudicet, & sarcina levi.* Unde sacramentis numero paucissimis, significatione prestantissimis societatem novi populi colligavit. Fusius epist. 119. ad eundem Januarium Ecclesie præcepta resecanda suggerit his verbis. *Sine ulla dubi-*

dubitazione refecanda existimo. Quamvis enim neque hoc inveniri posset, quomodo contra fidem sint; ipsam tamen Religionem, quam paucissimis, & manifestissimis celebrationum sacramentis misericordia Dei esse liberam voluit, servilibus oneribus premunt, ut tolerabilius sit conditio Iudeorum, qui etiam si tempus libertatis non agnoverint, legalibus tamen sarcinis, non humanis presumptionibus subjiciuntur. Sed Ecclesia Dei inter multam paleam, multaque zizania constituta, multa tolerat; sed tamen quæ sunt contra fidem, vel bonam vitam, non approbat, nec tacet, nec foveat.

DISSERTATIO V.

De statu religioso.

P R A E L O Q U I U M .

Quartuor hoc de arguento volumina editi, quorum primum inscribitur *Commentarius historicoo-apologeticus &c.* alterum *Disciplina apostolico-monaistica*. Adversus hanc *Disciplinam apostolico-monaisticam* duo prodiere volumina: unum inscriptum *Vindiciae Regularium*; alterum hac epigraphe insignitum, *Vita Claustralium*. Hos duos libellos revera famulos plenos erroneous commentis, fabellis, & dicterioris contrivi, & penitus labefactavi opere inscripto, *Defensio decretorum Concilii Tridentini*, in duo volumina distributo, atque jussu sapientissimi Pontificis BENEDICTI XIV. edito. Ex his pauca decerpam.

C A P U T I.

Status religiosi notio, & ejusdem obligatio aspirandi ad perfectionem evangelicam.

I. **Q**UEST. I. *Quid sit status religiosus?*
RESP. Est via facilius perveniendi ad perfectionem evangelicam. A virtute Religionis, quæ inter morales eminet, nomen suum fertur sacer hic status; idcirco religiosus appellatur. Stabilitatem, & immobilitatem secum adfert. Ut sit talis, requirit approbationem ab Ecclesia factam, ut habetur ex Concilio Lateranensi IV. cap. *Ninna*. Necessaria est quoque professio trium votorum juxta aliquam ex regulis approbatis a Sede apostolica. Heinc singuli Ordines suam propriam regulam habent, & constitutiones, ad quarum normam statum religiosum profitentur.

II. **Q**UEST. II. *Utrum Religiosi teneantur sub gravi precepto tendere ad perfectionem?*
RESP. Quæstio hæc, perspicua indiget explicacione. Omnes Christiani, sive laici, sive ecclesiastici, sive sæculares, sive claustrales, precepto ligantur aspirandi ad perfectionem. Fortasse imperitis veritas hæc impervia erit. Sciant ergo oportet, perfectionem hanc, de qua nunc nobis sermo est, in caritate sitam esse, ut Evangelium, & omnes Patres docent. Hinc S. Thomas 2. 2. q. 186. art. 2. describit statum religiosum, quod sit disciplina quædam, seu exercitium perveniendi ad perfectionem. Ut enim Religiosi facilius, & expeditius hanc metam attingerent, tria consilia evangelica, ad quæ revocantur cetera, vovent. Hæc tria vota sunt instrumenta, & veluti currus rotæ, quæ viam sternunt ad hoc pallium assequendum. Omnia præcepta evangelica sunt media necessaria, consilia sunt instrumenta libera ordinata ad præceptum caritatis. Hoc præceptum est finis, & meta omnium præceptorum, & consiliorum. Neque in consiliis igitur, neque in ceteris mandatis, sed in sola caritate sita est perfectio evangelica, ad quam sub præcepto aspirare omnes tum Christiani, tum viri religiosi astringuntur. Cum Christus dixit: *Estate ergo vos perfecti, scut & Pater vester cœlestis perfectus est:* Matth. 5. non Monachis, non Claustralibus hoc intonuit, sed omne prorsus genus humanum alloquitus est, cum tunc nec Monachi, nec Claustrales essent.

III. Crasso ergo obvolvuntur errore Christiani qui existimantes hanc perfectionem evangelicam quid supererogationis esse & consili, virisque dumtaxat religiosis competere, nihil conantur ad eam consequendam. Caritas hæc separat animam ab amore mundi, & eorum quæ in mundo sunt, eamque conjungit Deo. Et quo magis anima separatur a concupiscentia carnis, a concupiscentia oculorum, a superbia vita, ut inquit S. Joan. epist. 1. cap. 2. eo intimius Deo copulatur. Ad hanc unionem cum Deo omnes Christiani ex præcepto astringuntur. Ergo omnes Christiani ad caritatis perfectionem tendere obligati sunt. Hoc dumtaxat discriben est quod Christiani per solam præceptorum viam currere ad perfectionis metam tenentur. Viri autem religiosi ut eam ipsam metam facilius assequentur, consilia amplexi sunt evangelica, & eadem tribus solemibus votis seruanda sibi impo-suere.

IV. Christiani igitur vigiles sint oportet in servandis præceptis, quæ orationis studium, sensuum custodiam, & carnis compressionem, æquitatem, cordisque puritatem jubent: quia hæc, & cetera omnia mandata, ut dixi, sunt instrumenta necessaria pervenienti ad caritatis perfectionem, seu conjunctionem cum Deo. Et quoniam conjunctio hæc major atque intensior in uno, ac in altero est, ideo unus altero perfectior evadit.

V. Contra viri religiosi præter hæc precepta servare tenentur tria vota, & propriam regulam, & constitutiones, quas sancti Patriarchæ divino afflante Numine præscripsere tamquam media quæ adjuvant & facilius conducunt ad præstitutam metam.

VI. Unde, inquies, colligere possumus viros sive christianos, sive religiosos impletere hoc præceptum aspirandi ad perfectionem? Christiani qui a vanis pompis, & luxu, a fastu, ab occasionibus violandi præcepta Decalogi vigilanter abstinent; qui in orationis studium incumbunt; qui iustitiam & æquitatem servantes, cuique quæ sua sunt tribuant; qui quæ sibi fieri vellent; aliis faciunt; qui proprii status officia implent: hi signa perhibent se per viam evangelicæ perfectionis ambulare.

VII. Si Christiani ipsi proprii status officia, & munia regendi familiam, educandi filios, providendi domesticis necessaria, & cetera omnia implera debent; quanto magis propriæ Religionis munia, vota, ritus, statuta, legesque exequi tenentur viri religiosi? Unde vero colligi poterit viros religiosos perfectionis studio operam sincero animo impendere? Forsitan ex observantia silentii, ex orationis assiduitate, ex sensuum, carnis, & appetitionum compressione, ex votorum paupertatis, castitatis, & obedientiæ executione? Profecto hec omnia signa satis probabilia sunt, at interdum fallacia. Hæc enim omnia hypocrisis fructus esse valent. Ut ille viam sibi paret ad regimen, ad præfектuras, ut sibi existimationem yiri religiosi, & proprii instituti observatoris comparet, exequi præfata omnia potest, & sub sacra Religionis pallio diaboli martyr evadere. Quænam ergo animi aspirantis ad perfectionem christianam argumenta? Caritatis exercitia, amor erga omnes, patientia & tolerantia injuriarum, animi candor, lingue sinceritas, mentis docilitas, mundanorum rerum contemptio, politicorum respectuum proculatio, pectoris evangelici for-

titudo, sermones Christi, carni & sanguini hostiliter adversos, palam profitendi studium, propriæ existimationis mundanæ neglectus. Hæc sunt indicia quæ animum in perfectionis christianæ stadio percurrentem indicant. Siquidem reperiri media sine fine queunt: at finis consistere sine mediis nequit. Possunt itaque cæremoniæ, & observationes votorum constitutionum, aliorumque rituum extrinsecus apparere ueste nuptiali destitute, & hypocrisis larva tecke. At caritatis exercitia, quæ sunt illorum suis, sine eisdem stare non queunt.

VIII. Heinc colliges non satis proprio muneri satisfacere illos Regularium superiores, qui in suis Capitulis continenter clamant adversus quasdam cæremoniarum transgressiones, & vix aliud iaculcant suis subditis quam silentii custodiam, chori frequentiam, jejuniorum & quarundam genuflexionum observantiam. Laudo hæc omnia; sed illud doleo quod prætermittant hortari, persuadere & urgere ad caritatis exercitia. Accensa enim flamma hac in Religiosorum animis, cetera omnia sponte fluunt. Caritas quippe planta est fecundissimi fructus pariens ad æternitatem maturos. Caritas benigna est, patiens est, non æmulatur, non agit perperam, non inflatur, omnia sustinet, omnia suffert, non querit quæ sua sunt, sed quæ Iesu Christi, non reformidat saculi potentiam, non pertimescit adversariorum calumnias; sed impavido pectori verbo, & opere Christi legem, & propriæ professionis mania exacte implet. Ignis iste cœlestis semper ardet ubi adeat, & flammæ continentem emittit. Si arderet in Superiorum cordibus, dubio procul favillas suas immitteret in subditorum animos. Illi ergo qui neglecta caritatis prædicatione, cæremoniarum tantum observationem inculcant, ipsi se caritate impleant, ut hanc in alios transfundentes, optimos sibi subditos comparent.

IX. Caritas dulcissimo benevolentia fœdere animos conjungit, efficitque cor unum, & animam unam. In ea communitate in qua aversiones, dissidia, factiones contrarie fertur; in qua Superiores versutiam, vafridiem, cor duplex, linguam amphibologiam, prudentiæ larva induunt, candore, sinceritate, affabilitate pulsis, caritatis flamina certe non ardet; sed spiritus mendax & mundanus, & scientia quam S. Jacobus diabolicam appellat, dominatur. Si superiores verbis ludant, factis tergiversentur, negent, spondeant, illudant, velificantur, adverserunt,

tur, prout temporum rationes ferunt, inter subditos & ipsos superiores, deprehensa illorum vafritia, nulla sinceritas, nullus animi candor, caritas nulla viget. Sed contra munitura, dissidia, aversiones, & perpetua bella grassantur. Superiores qui aperto animo, sincero corde, ingenua lingua subditos colligunt & amplectuntur, illos sibi devincunt obligantque illo ipso tempore quo favores denegant, dum impertiri salva lege nequeunt. Verum in semitam a diverticulo aliquo opportunò revertamur.

X. Religiosi ergo illi qui neglecto orationis, mortificationis, poenitentiae, abstinentiae, & propriæ regulæ atque constitutionum exercitio, ea solum peragunt quæ prætermittente nequeunt, qui ludis, fabulationibus, otio, solatiis, diverticulis indulgent, qui sumpta cappa, aut pallio civitates circum-eunt, curiosa sectantur; qui si mensa ad palatum non sit instructa, obmurmurant, superiorum exhortationes, & mandata derident, & super eisdem jocantur, fabulan-tur, controvèrsiantur, non evangelicæ perfectionis, sed æternæ damnationis viam per-currunt.

XI. Ut multa in pauca contraham, omnes Christiani sive laici, sive religiosi adspitare ad evangelicam perfectionem vi præcepti sub mortali astringentis tenentur, sub mediis variis, quæ omnia per unicam & arctam viam ad eamdem metam ducunt. Christiani laici sola præceptorum observatione exacta; Religiosi ad præceptorum executionem addunt trium votorum, & propriarum constitutionum observantiam. Hæc vota, hæc constitutiones & regulæ non sunt, inquietunt Patres, sarcinæ & pondera quæ opprimant; sed sunt alæ, quæ iter allevant, & sursum erigunt. Quamobrem status religiosus nuncupatur schola facilius pervenienti ad perfectionem caritatis, ad quam omnes Christiani tendere astricti sunt. Gravius utique Religiosi, & scelestius peccant hoc præceptum violantes, quam Christiani laici. Quoniam viri religiosi uberiori gratiarum & donorum copia a Deo instructi, facilius & commodius angustam calcare semitam evangelicam queunt. Idcirco isti sa-crilegi, ingrati, atque nequissimi Dei servi habentur, cum tot talenta a Deo accepta prodigunt, & dilapidant. Quandoquidem a curis sæculi, a mundi periculis, quibus miseri Christiani obnoxii sunt, segregati, nihil de viatu, & vestitu cogitare coacti, unice vacare Deo, & proprii instituti observan-

tiæ facilime queunt. Quare dupliciter vici-pulabunt, si nancisci perfectionem evangelicam omittent, nedum contemnent.

XII. Disputare Theologi solent, num sat-is fit trium votorum observantia, neglectis aliis legibus quæ ad gravem culpam non obligant: & rursus controversantur, num continuata istarum legum transgressio inducat contemptum virtualem, & interpretati-vum. Verum paucis rem dirimo. Tria vota communia sunt omnibus sacris Ordinibus. Quilibet Ordo religiosus ab altero distinguitur suis peculiaribus statutis, regulis, & constitutionibus. Ergo præter tria vota omnibus communia, necessaria est proprii instituti observantia, aliquo nullius determinati Ordinis esset Religiosus ille qui tria dumtaxat vota servaret. Necessaria itaque est propriæ regulæ, & constitutionum ob-servantia, ut quis dicatur studio vacare evan-gelicæ perfectionis.

XIII. Num transgressio hujus aut illius monasticae constitutionis iter intercipit perfectionis christiana? Distinguendus est animus constans, & firmus propriæ professionis implendæ, a transgressione hujus aut illius legis ex animi subreptione, & imbecillitate proficidente. Quotidie labimur omnes. Qui ex infirmitate aliquam legem non obligantem ad culpam, saltem gravem, violent, cespitant, & aliquo modo claudicant in via: at continuo surgunt, animumque & vires redintegrant, ut celerius currant: at quia debiles & infirmi sumus, denuo claudicamus, ac simul denuo alas resumimus plus & minus, prout magis & minus caritatis ignis ardet in corde. Illi igitur qui ob com-munem infirmitatem aliquam constitutionem violent, non sunt extra perfectionis viam, dummodo animum firmum & constantem servent propriæ professionis servandæ. Con-tra qui passim proprii instituti leges pecu-liares violent, nihil earundem transgressio-nes curantes, & in eadem corruptela perse-verantes, extra arctam semitam sunt, at-que latam & spatiösam perditionis viam percurrunt. Neque illis quidquam suffraga-tur quod in Conventibus morentur ubi legum observantia, saltem majori ex parte, in desuetudinem abiit, quoniam nulla cor-ruptela contra legem præscribit. Brevi, vota, & constitutiones reciproco nexo con-juncta sunt. Constitutiones sunt votorum præsidia; vota sunt propugnaculum carita-^{is}. Caritas, vota, & constitutiones sibi mu-nias manus porrigit. Hoc nexus graviter

læso , & disrupto , totum ædificium corruat necessum est . Qui deliberato animo proprias constitutiones indiscriminatum violent , mentiuntur , si jactant aut votorum obseruantiam , aut caritatis exercitium .

XIV. Tria vota necessaria sunt ad religiosum statum constituendum , & quidem solemnis ritu emissæ in faciem Ecclesiæ : status quippe iste firmitatem , & stabilitatem includit . Tria hæc vota paupertatis , castitatis , & obedientiæ bellum perpetuum denuntiant tribus mundi malis , quæ S. Joannes epis. 1. c. 2. describit . Omne quod est in mundo , concupiscentia carnis est , & concupiscentia oculorum , & superbia vite . De his tribus votis mox sermo recurret . Interim si plura haec de re cupis , lege S. Thomam 2. 2. q. 186. a. 6. & 8.

C A P U T II.

De voto paupertatis.

I. Paupertatis votum est primum vitæ regularis fundamentum . Istius voti materia est abdicatio rerum temporalium manifestata a Christo Domino Matth. 19. Si vis perfectus esse , vade , vende quæ habes , & da pauperibus . Alia duo consilia virginitatis calendæ , & voluntatis abnegandæ , hominisque auctoritati subjiciendæ , paucis expressit Magister divinus . Verum methodum ipsam , qua Apostoli , primique Christiani executioni evangelicæ paupertatis consilium demandarunt , clare , & distincte Acto 2. describit Evangelista Lucas . Omnes etiam qui credebat , erant pariser , & habebant omnia communia . Possessiones , & substantias vendebant , & dividebant illa omnibus , prout cuique opus erat . Fusius hanc paupertatis formam exprimit cap. 4. sanctus Evangelista . Multitudinis autem credentium erat cor unum , & anima una , nec quisquam eorum quæ possebat , aliquid suum esse dicebat ; sed erant illis omnia communia Neque enim quisquam egens erat inter illos . Quotquot enim possessores agrorum , aut domorum erant , vendentes afferebant pretia eorum quæ vendebant , & ponebant ante pedes Apostolorum . Dividebatur autem singulis prout cuique opus erat .

II. Hæc est illa paupertas bonorum communione fulta , quam Christus in suo apostolico Collegio præfecit ut fundamentum caelestis perfectionis , quæ in caritate sita , amoris & concordiae vinculo invicem & cum Deo conjugit . Bonorum enim proprietas

cupiditatem accedit , & veluti civis seditus tumultus , iurgia , & dissidia excitat , corda , animosque sejungit , atque in contrarias abstrahit factiones . Communitas autem , cum omnem auferat proprietatem , radicem quoque contentionum , rixarum , & dissidiiorum revellit , & caelestium bonorum communionem inducit . Connexa enim hæc duo sunt . 1. Erat cor unum , & anima una . 2. erant illis omnia communia .

III. Paupertas generatim accepta plures excipit gradus : quorum alter dominium , & usum cujusque rei seu propriæ excludit ; alter dominium , & usum proprium respuit , capacitatem tamen ad dominium retinet ; tertius , qui nec dominium absolute abdicat , nec incapax dominii evadit , sed tantum nulla re tamquam propria utitur ; quartus nec dominii , nec usus privationem prodit , sed eam dumtaxat bonorum mensuram admittit quæ ad vitæ sustentationem necessaria est , & cetera omnia rejicit . Ad hos quatuor gradus omnes alii reducuntur . Primum paupertatis gradum nunc vovent Regulares . Tertium nuncupant scholares Societatis . Alios duos quisque vovere potest .

IV. Theologi plurimi hanc exhibent paupertatis monasticae definitionem : Votum paupertatis est voluntaria bonorum temporalium abdicatio , per quam vovens ipsorum proprietate privatur . Alii pressius ajunt : Est abdicatio dominii . Quæ finitiones ad Metaphysicæ amissim exactæ paupertatem generatim acceptam describant , secus ut executioni demandandam . Duo in hoc voto isti distinguunt . Primum essentiale vocant in abdicatione dominii situm . Alterum accidentale appellant , quod usum bonorum spectat . Heinc inferunt connexionem voti paupertatis cum bonorum communitate accidentalem esse , quod de paupertate generatim accepta verum habet : num id ad paupertatem monasticam explicandam sufficiat mox dicam .

C A P U T III.

Regulares vovent paupertatem evangelicam vovent ipsam bonorum communitatem .

I. T Heologi , & Canonistæ omnes docent , Regulares vi præcepti ecclesiastici graviter obligantis , bonorum communitati astrictos esse , pulsis peculii . Quod autem hoc præceptum communitatis ipsam voti essentiam ingrediatur , vel extra divagetur , ad id quod caput disputationis est , perinde res

res se habet. Nam sive Regulares violent directe votum, dum peculium necessitate sublata retinent, sive praeceptum, mortale sacrilegium perpetrant. Quare etiam si falsum esset quod dicturus sum, non propter ea aliquid emolumenti inde perciperent Regulares, cum juxta omnes & Theologos, & Canonistas praecepto gravissimo ecclesiastico observantia communis vitae astrixi sunt.

II. Et ut id quod dicturus sum, evidentius pateat, ob oculos habeamus necessum est, paupertatis votum generatim acceptum, & ab omni circumstantia praescium, plures excipere gradus, quorum capite superiore mentio facta est: nec unum praetatio alio in hac acceptance prodere, nec communitatem includere, aut rejicere. Alterum non minus manifestum est, quodlibet nempe votum solemne materiam certam, & praeferitam sibi vindicare. Quibus constitutis evinco quod proposui.

III. Regulares omnes paupertatem Deo vovent, non incertam, non ad cuiusdam metaphysicæ definitionis amissim exactam, quam aliqui sibi effinxere; sed eam paupertatem vovent quæ in eorum regulis determinata est. Hæc prima propositio ineluctabilis est. Paupertas enim latitudinem, & gradus plurimos admittit, ut omnes fatentur, & re ipsa constat: ergo voventis intentione determinari debet. Hæc autem determinatio fieri a singulis Regularibus nequit, alioquin tot essent paupertatum genera, quot sunt voventes, & omnia confusa & perturbata essent. Quamobrem omnes sacri Ordines suas regulas habent, in quibus definita est paupertas, quam omnes ejusdem Ordinis propter debent. Atque omnes Regule SS. Basilii, Augustini, Benedicti, Francisci, & omnium SS. Patriarcharum pro materia voti paupertatis determinant vitam communem. Ergo Regulares vovent paupertatem vovent communem vitam. Nisi propositio secunda vera sit, sponte cadere causa velim. Possem huc transcribere omnium Regularum textus, quos brevitatis studio prætereo. Satis sit in transcurso indicare in omnibus præfatis regulis similia haberi: *Sunt vobis omnia communia, ut legitur in Actibus Apostolorum.*

IV. Verum quamvis hæc argumentatio falsa esset, non propterea, ut dixi, licitum peculium fore Regularibus, cum juxta omnes tum Theologos, tum Canonistas gravissimo præcepto ecclesiastico vitam communem servare teneantur cujusque privati

peculii expertem. Heinc Religiosus omnia sua tum præsentia, tum futura sub Religiosis dominio ponit, ea conditione & pacto ut Religio de iis bonis in communem omnium Religiosorum usum disponere, at sibi expediens visum fuerit, queat: & Religio vicissim eodem vinculo se obstringit victum, & vestitum, & omnia necessaria Religioso præstandi. Porro sicut in quolibet contractu una deficiente parte in suo exemplendo munere, deficit quoque altera necessitate est; ita similiter si Religio in congrua victus & vestitus provisione delit officio suo, continuo in Religioso professo jus oritur naturæ, quemlibet antecedens contractum, victimum, & vestitum illum quem Religio tribuere deberet, comparandi. Hoc est totum quod in favorem Religiosorum, & peculii privati dici potest. Ceterum tam Religiosi seu superiores Religionum, quam Religiosi gravissimo præcepto obstringuntur redintegrare contractum, si fractum sit, vel observare, si consistat, ut infra dicturus sum.

C A P U T IV.

Decreta Concilii Tridentini, & constitutiones summorum Pontificum urgent Regulares ad exactam vitam communem, pulsis privatis peculiis.

I. **P**raetermissis antecedentium Concilio rum, & Pontificum decretis, quæ vitam communem Regularibus præcipiunt, rescribam dumtaxat ea quæ Tridentinum præcipit *sess. 25. c. 1.*, „Quoniam non ignorat „sancta Synodus, quantum ex Monasteriis „pie institutis, & recte administratis, in „Ecclesia Dei splendoris, atque utilitatis „oriatur, necessarium esse censuit, quo fa- „cilius ac maturius, ubi collapsa est, ve- „tus & regularis disciplina instauretur, & „constantius, ubi conservata est, perseve- „ret, **PRÆCIPERE**. prout hoc decreto **PRÆ- CIPIT**, ut omnes Regulares, tam viri, „quam mulieres, ad *Regule*, quam pro- „fessi sunt, præscriptum, vitam instituant, „& componant: *aque in primis: que ad sue professionis perfectionem, ut obedientie, paupertatis, & castitatis, ac si que alia sunt alicujus Regule, & Ordinis peculia- ria vota, & PRÆCEPTA ad eorum respecti- ve essentiam, NEC NON AD COMMUNEM VITAM, victimum, & vestitum conservanda pertinentia, fideliter obseruent: omnisque cu- ra & diligentia a superioribus adhibea-*“

„tur

„ tur tam in Capitulis generalibus, & pro-
„ vincialibus, quam in eorum visitationi-
„ bus, quæ suis temporibus facere non præ-
„ termittant, ut ab illis non recedatur,
„ cum compertum sit, ab eis non posse ea
„ quæ ad substantiam regularis vitæ pertinent,
„ relaxari. Si enim illa quæ bases sunt, &
„ fundamenta totius regularis disciplinæ,
„ exacte non fuerint observata, totum cor-
„ ruat ædificium necesse est. „

II. Rursus idem Concilium cap. 2. ad-
dit: „ Nemini igitur Regularium tam vi-
„ torum, quam mulierum liceat bona im-
„ mobilia, vel mobilia, cujuscumque qua-
„ litatis fuerint, etiam quovis modo ab eis
„ acquisita, tamquam propria, AUT ETIAM
„ NOMINE CONVENTUS possidere, vel TE-
„ NERE; sed statim ea superiori tradantur,
„ Conventuque INCORPORENTUR. Nec
„ DEINCEPS LICEAT superioribus bona sta-
„ bilia alicui Regulari concedere, etiam ad
„ usum fructum, vel usum, ADMINISTRA-
„ TIONEM, aut commendam. Administra-
„ tio autem bonorum Monasteriorum, seu
„ Conventuum ad solos officiales eorumdem,
„ ad nutum superioribus amovibles, perti-
„ neat. Mobilium vero usum ita superio-
„ res permittant ut eorum supellex statui
„ paupertatis, quam professi sunt, conveniat:
„ nihilque superflui in ea sit: nihil
„ etiam quod sit necessarium, eis denegar-
„ tur. Quod si quis aliter quidquam tene-
„ re deprehensus, aut convictus fuerit, is
„ biennio activa & passiva voce privatus
„ sit, atque etiam juxta suæ regulæ, & or-
„ dinis constitutiones puniatur. „

III. Clemens VIII. confirmavit Tridentini decreta constitutione data anno 1599. in qua hæc præscribantur. „ I. Quo Tri-
„ dentini Concilii deputati de paupertatis vo-
„ ro custodiendo fidelius obseruentur; præ-
„ cipitur, ut nullus ex fratribus, etiam si
„ superior sit, bona immobilia, vel mobi-
„ lia, aut pecuniam, proventus, census, elec-
„ mosynas, five ex concionibus, five ex le-
„ctionibus, aut pro Missis tam in propria
„ Ecclesia, quam ubicunque celebrandis,
„ aliave ipsorum justo labore, & causa,
„ & quocumque nomine acquisita, etiam si
„ subsidia consanguineorum, aut piorum
„ largitiones, legata, aut donationes fue-
„ rint, tamquam propria, aut etiam nomi-
„ ne Conventus, possidere possit; sed ea sta-
„ tim superiori tradantur, & incorporen-
„ tur: atque cum ceteris illis bonis, redi-
„ tibus, pecunias, ac proventibus consun-

„ dantur, quo communis inde vixit, & ve-
„ stitus omnibus suppeditari possit. II. Ne
„ que superioribus, quicunque illi sint, ullus
„ pacto liceat eisdem Fratribus, aut eo-
„ rum alicui bona stabilia etiam ad usum
„ fructum, vel usum, administrationem,
„ aut commendam etiam DEPOSITI, aut cu-
„ STODIA nomine concedere. III. Eorum
„ vero quæ ad necessitatem concessa erunt,
„ nullus quicquam possideat ut proprium,
„ neque ut proprio utatur. IV. Qui in
„ præmissorum aliquo deliquerit, pœnas ne-
„ dum a Concilio Tridentino præscriptas,
„ sed alias quoque multo graviores supe-
„ riorum arbitrio imponendas incurrat. V.
„ NULLA quorundamque superiorum DISPEN-
„ SATIO, NULLA LICENTIA quantum ad
„ bona immobilia, vel mobilia exclusive possit,
„ quominus culpe & pœna ab ejusdem Con-
„ cili decretis impositæ, & ipso facto in-
„ currētæ obnoxii sint, ETIAMSI SUPE-
„ RIORES ASSEVERENT, HUJUSMODI DIS-
„ PENSATIONES, aut LICENTIAS CONCE-
„ DERE POSSE: QIBUS EA IN RE FIDEM
„ MINIME ADHIBERI VOLUNT. VI. Fra-
„ trum vestitus, & supellex cellarum ex
„ communi pecunia comparetur, & omnino
„ uniformis sit fratum, & quorum
„ cumque superiorum, statuque paupertati-
„ sis quam professi sunt, conveniat. Nihil
„ etiam quod alicui sit necessarium, dene-
„ getur. VII. Quocumque fratum vestes,
„ five laneæ, five lineæ, omnisque alia
„ supplex in aliquem commodum Conven-
„ tus locum deferantur: ibique ab uno,
„ vel duobus, fratribus huic muneri depu-
„ tatis diligenter custodiantur, ut inde fu-
„ perioris arbitrio, prout cuique opus fue-
„ rit, subministrari opportune possint. VIII.
„ Omnes etiam superiores, quicunque illi
„ sint, eodem pane, eodem vino, eodem
„ que obsonio, five (ut ajunt) pictantia
„ in communi mensa prima vel secunda,
„ nisi infirmitatis causa impediti fuerint,
„ vescantur: neque singulare aliquid, quo
„ privatim quisque in cibum utatur, ullo
„ modo offerri possit. Si quis in ea re
„ peccaverit, nihil ea die alimenti percipi-
„ piat, nisi panem, & aquam. IX. Supe-
„ riores omnes etiam Generales, vel qui
„ redditus, aut præfationes particulares ra-
„ tione officiorum habent, eorum accepta,
„ & expensa in libro distincto fideliter, &
„ diligenter adnotari eurent; neque in
„ alios usus, quam ratione officii sui ne-
„ cessarios, quicquam expendant. Cum ve-

„ ro contingit ipsos in aliquo Conventu
 „ commorari , eam pecunia quantitatem in
 „ commune conferant ex qua sibi , & iis
 „ qui cum ipsis erunt , victus ad præscri-
 „ ptum regulæ & constitutionum suppedita-
 „ tetur . X. Nullus ex superioribus loco-
 „ rum administrationem bonorum , aut alia-
 „ rum rerum , dispensationemque pecunia-
 „ rum , & reddituum sui conventus per se
 „ ipsum habere , sive exercere possit ; sed
 „ universum id onus tribus fratribus ejus-
 „ dem Conventus a Generali ita deman-
 „ detur , ut unus rerum , & bonorum , red-
 „ ituunque colligendorum , ac exigendo-
 „ rum curam habeat ; alter tamquam de-
 „ positarius pecunias , ac cetera ab illo col-
 „ lecta , exacte , & fideliter asservet ; alias
 „ de pecuniis , & rebus a depositario ac-
 „ ceptis Priori & Fratribus , ac Conventui
 „ universo de necessariis , mandante tamen
 „ ipso Priore non secundum proprium af-
 „ fectum , sed juxta caritatis regulam , ve-
 „ luti bonus dispensator , provideat , officio-
 „ rum hujusmodi confusione penitus inter-
 „ dicta . XI. Ceterum hi tres tam impen-
 „ si , quam accepti , singulis mensibus Su-
 „ periiori locali , adhibitis etiam duobus
 „ vel tribus Fratribus ejusdem Conventus
 „ probatoriis , rerumque usu petitis , ra-
 „ tionem reddant . Deinde ipsem et rursus
 „ præsentibus Priore , & peritis prædictis ,
 „ Generali cum advenerit . Denique ipse
 „ Generalis in quolibet proximo Capitulo
 „ generali , saltem coram tribus Judicibus
 „ ab ipso Capitulo ad hoc constitutis , il-
 „ lorum omnium , universamque suæ ad-
 „ ministracionis tam publicæ , quam priva-
 „ tæ , rationem reddere teneatur : cuius et-
 „ iam exemplum authenticum ex actis Ca-
 „ pituli describatur , ad hoc ut ad omne
 „ mandatum nostrum , vel Sedis Apostolicæ
 „ transmitti possit . XII. In unoquoque
 „ Conventu , Fratrum is tantum deinceps
 „ constituantur , & in posterum retineantur
 „ numerus qui vel ex redditibus illius pro-
 „ priis , vel ex communibus consuetis , vel
 „ etiam singulorum eleemosynis , aliisque
 „ quibuscumque obventionibus in commu-
 „ ne , ut præfertur , conferendis commode
 „ possit sustentari . Reditus vero , & fu-
 „ pradicta omnia in communi loco , ac tu-
 „ to diligenter asserventur . XIII. Superio-
 „ ribus autem , ne Concilii Tridentini , aut
 „ hæc nostra decreta declarare , interpretari ,
 „ aut relaxare ullo modo possint , omnino in-
 „ terdicimus , & prohibemus , decernentes it-

„ ritum &c. Si quis autem contra præsum-
 „ pserit attentare , is eo ipso omni gra-
 „ du , officioque privatus , & ad ea perpe-
 „ tuo inhabilis existat . "

IV. Urbanus VIII. confirmavit præfa-
 tam Clementis VIII. constitutionem , ut
 habetur in Bullario Romano Tom. 4. pag.
 63. Et Paulus V. Gregorius XV. Alexan-
 der VII. & Innocentius X. confirmarunt
 Clementis ; & Urbani constitutiones . Isto-
 rum Pontificum testimonia prætero ne sim
 longus .

V. Tandem Innocentius XII. & Triden-
 tini decreta , & antecessorum Pontificum
 constitutiones confirmavit , atque adverfus
 falsa & erronea commenta roboravit , omnem
 que tergiversandi & cavillandi radicem aver-
 runcavit . Decreta hæc habentur in Bullario
 ejusdem Pontificis pag. 267. & seqq. Ini-
 tium decretorum hoc est . Sanctissimus &c.
 Ut regularis disciplina ad Religiosorum salu-
 tem , & totius christiani populi ædificatio-
 nem utilitatemque sarta recta custodiatur , ac
 vigeat , ac scibi collapsa est , adjuvante Do-
 mino , reparetur ; constituit , & declaravit ,
 se licentiam recipiendi Novitios in singulis ap-
 probatis Ordinibus benigne concessurum ; dum-
 modo tamen , quæ pro regulari vita recte in-
 stituenda , tam a sacro sancta TRIDENTINA
 SYNODO , quam a Praedecessoribus nostris Ro-
 manis Pontificibus , precipue vero fel. record.
 CLEMENTE VIII. in decretis generalibus pro
 Regularium reformatione , nec non INNOCEN-
 TIO X. & ALEXANDRO VII. pro Novitio-
 rum receptione , & Professorum educatione sa-
 lubriter constituta sunt : quibus omnibus firmi-
 ter inheret Sanctitas sua , eaque quatenus opus
 sit CONFIRMAT , & renovat (salvis tamen
 in hac parte singulorum Ordinum statutis , seu
 alis ordinationibus ab Apostolica Sede in FOR-
 MA SPECIFICA , post eadem decreta forsan
 approbatis , aut editis) exacte , & inviolate
 serventur .

VI. Omissa fuerat in disciplina Aposto-
 lico monastica illa periocha (salvis tamen
 in hac parte &c.) utpote non necessaria ,
 tum quod non exactam communitatem spe-
 ctat , tum quod de approbatione in forma
 specifica sermo est , qua approbatione com-
 pertum est , nullas Regularium constituicio-
 nes peculum permittentes post Clemen-
 tem VIII. fuisse confirmatas . Hoc jam
 jam clarius patebit . Quæ sequuntur igitur
 causam dirimunt .

VII. Quocirca sacra Congregatio ab eodem
 sanctissimo Domino nostro super disciplina re-
 gula-

gulari specialiter deputata . . . de manda-to Sanctitatis sue praesentis decreti tenore de-nuntiat omnium & singulorum ordinum Re-gularium . . . Superioribus, tam Generali-bus, quam Provincialibus quocumque nomi-ne nuncupentur, ceterisque ad quos spectat, ut in unaquaque Provincia, per Itiam & Insulas adjacentes, quamprimum deputent ali-quos Conventus, quos magis artos censuerint, vel unum solum, ibique auctoritate apo-stolica statuant omnino modam observantiam Re-gule, & Constitutionem cujuscumque Ordini-s, & decretorum apostolicorum, praeipue vero EXACTÆ VITÆ COMMUNIS. Postquam ve-ro regularem observantiam, & signantur quoad EXACTAM VITAM COMMUNEM, CUM EF-FECTU stabilitam fuisse, tam ex eorumdem Superiorum Generalium, seu Provincialium re-latione, quam Prepositi, & fratrum in pre-fatis Conventibus argentiun, JURE JURAN-DO FIRMATO TESTIMONIO . . . eidem sa-cre Congregationi sufficienter constiterit, tunc Sanctitas sua antedictam licetiam, quam ha-uenus distulit, Novitios ibidem recipiendi be-nigne concedet . . .

Porro ne regulavis disciplina, dum in Con-ventibus jam erectis statuitur, relaxetur in erigendis, & quod una ex parte constituitur, simili ex altera destruatur; sacra Congrega-tio, Sanctitate sua similiter approbante, sta-tuit, atque decrevit, nulla imposterum Monas-teria, Collegia, Domos, Conventus, aut alia Religiosorum loca fundari, evigi, aut quovis modo institui debere, nisi sub EXPRESSA OBLI-GATIONE EXACTÆ VITÆ COMMUNIS ab omni-bus Religiosis ibi commorantibus perpetuo, & inviolate servande, ac præterea nullas de-incepis admittendas hujusmodi fundationes, nisi prius alia ad id requisita, prius legitime con-sisterit, adeo annos reditus, vel certam ele-mosynarum spem, quibus duodecim solum Religiosi in EXACTA VITA COMMUNI commode valeant sustentari.

VIII. Perpendat nunc, quæ sequuntur, qui contra me scribens, ait, cate, & de-industria præterisse supra indicatam perio-cham: salvis tamen &c. perpendat, inquam, quæ sequuntur in decreto Innocentiano.

IX. Non obstantibus circa præmissa OMNIA & SINGULA constitutionibus, & ordinationi-bus apostolicis, nec non quorūcumque Ordini-num STATUTIS, consuetudinibus, privilegiis, ceterisque convariiis quibuscumque.

Ad extreum eadem sacra Congregatio Re-gulares omnes, cujuscumque Ordinis, & in-stituti sint, SANCTITATIS sue verbis serio

admonet, & in Domino obtestatur, ut omni-mora postposita, sicut filios obedientie deceat, ad Regule, quam amplexi sunt, prescriptum, vitam instituant, & componant, decreuisse apostolicis pro ÆTERNA illorum SALUTE edi-tis, sincete, fideliterque pareant. Nec ab eo-rum obedientia inanibus interpretationibus, & fallaciis, aut RELAXATIONUM PRÆTEXTI-BUS AD EXCUSANDAS EXCUSATIONES IN PECCATIS adduci se sinant. Sed professionis sue memores, qua se totos Dei obsequio man-ciparunt, suscepit christiane perfectionis iter, arduum quidem, sed divine caritatis dulcedi-ne aspersum, abpletis terrenarum verum curis alacriter prosequantur.

X. Tandem ne pretextu silentii, & to-lerantiae Sedis apostolicæ quispiam hone-stare contrariam corruptelam posset, se-quens edidit idem summus Pontifex Inno-centius XII. decretum insertum citato Bul-lario pag. 309 cuius initium est, Debitu-m pastoralis officii, in quo hæc inter alia habentur.

XI. Sicut non sine gravi animi nostri mo-lestia accepimus, tametsi decretorum hujusmo-di observantia in plerisque religiosorum vivo-rum Monasteriis, seu Conventibus prospere ac feliciter introducta fuerit, atque exinde inibi uberior in dies electi sanctorum operum fru-menti messis benedicente Domino exurgat; non eosdem tamen alibi celeste idem semen affe-rat fructus, neque enim cessavit, nec adhuc cessat humani generis hostis in agro Domini superseminare xizania, quæ Patrisfamilias se-mentem suffocant: hinc est quod nos prophe-tici illius moniti memores: Clama, ne cesses, quasi tuba exalta vocem tuam: ut constans enixaque voluntas nostra inceptum opus hujusmodi peculiari studio, summaque animi con-tentione prosequendi magis ac magis innoteat, omnisque TRANSGRESSORIBUS VANO, FALSO-QUE SILENTII NOSTRI PRÆTEXTU sepe ex-cusandi occasio penitus præcidatur, motu pro-prio predicam Congregationem Cardinalium, & Prelatorum super disciplina regulari, te-nore praesentium perpetuo approbamus &c. . . Ipsius autem Congregationis a nobis sic confir-matae facultates iste esse debeant . . . de-signandi, ac deputandi pro Novitiatibus, & Professoriis Conventus, Monasteria, Collegia, ac Domos &c. . . Decreta tum sel. record. CLEMENTIS Papa VIII. Predecessoris nostri super reformatione Regularium . . . potissi-mum vero EXACTÆ VITÆ COMMUNIS obser-vantiam promovendi, atque ad hunc effectum dumtaxat novas quorūcumque Conventuum, Mona-

Monasteriorum, Collegiorum, & Domorum huiusmodi fundationes diligenter examinandi, ne ulla scilicet in posterum religiosorum virorum loca fundari, erigi, aut quovis modo institui contingat, nisi in quibus eadem VITA COMMUNIS juxta ultimum dictorum decretorum prescriptum perpetuo & exakte servari valeat &c.

Non obstantibus &c. quorumvis Ordinum, Congregationum, Societatum, & Institutorum, aliisque quibusvis etiam iuramento firmatis, CONFIRMATIONEQUE APOSTOLICA, vel quavis firmitate alia roboratis statutis, & consuetudinibus, privilegiis quoque, indultis, & litteris apostolicis eisdem Ordinibus, Congregationibus, Societatibus, & Institutis, illorumque superioribus, & personis, ac aliis quibusvis sub quibuscumque verborum tenoribus, & formis, ac cum quibusvis etiam derogatoriarum derogatoriis, aliisque efficacioribus, efficacissimis, & insolitis clausulis irritantibus, ac altis decretis in genere, vel in specie, vel aliis quomodolibet in contrarium concessis, confirmatis, & innovatis &c.

XII. Tandem Innocentius XII. Congregationem peculiarem instituit qua juramentum exactæ communitatis servandæ praestandum a Regularibus recipiat, antequam facultatem impertiat admittendi ad Religionem. Operæ pretium existimo subjecere istius formam juramenti. Est autem tenoris sequentis.

*Exemplar formularii quod jurant Regulares
servandæ exactæ communitatis.*

Nos infra scripti fidem facimus, & in VERITATIS testamur, quod in hoc Conventu N. stabilita est PERFECTA BONORUM COMMUNITAS, & omnia bona Fratrum particularium, tum quoad OMNES PECUNIAS, tum quoad uestes, & alia, sive sunt census vitalitii, sive eleemosyna ex predicationibus, sive undeque provenientia, OMNIA SINT CONFUSA cum bonis & redditibus Conventus, & ipsis incorporata juxta de cuncte sancte memorie CLEMENTIS VIII. & INNOCENTII XII. & sacre Congregationis Discipline, ita ut ex ipsis omnibus aequaliter provideatur tam tempore sanitatis, quam infirmitatis. Et est stabilita Vestiaria communis, in qua reposant sunt omnium Fratrum uestes, ac omnia que ad communem usum sunt: ex qua Vestiaria omnibus aequaliter providetur juxta uniuscujusque Fratris indigentiam. In hoc etiam Conventu ultra bonorum supradictorum perfectam communitatem viget regularis observantia secundum vigorem constitutionum nostrarum. Et Novitii in

Tom. II.

hoc Conventu religiose entruntur, & educantur in omnibus exercitiis ad statum Religionis nostre spectantiibus, & tam de die, quam de nocte probantur. Quare humiliter supplicante infra scripti, cum JURAMENTO omniis supradicta affirmantes, sacre Congregationi Discipline regularis pro licentia recipiendi juvenes ad hanc. Actum die &c. anno &c.

XIII. Hoc est juramentum quod sacra Congregationi super Discipline regulari exhibent Regularium Superiores quoto bennio, aut triennio, ut facultatem recipiendi juvenes ad habitum Religionis ab eadem sacra Congregatione obtineant. Hypothesim formemus, in qua Romana Sedes possit, & velit precipere vitam communem, omni privato peculio vacuam. In hac hypothesi posset ne clarioribus verbis, luculentioribus, & urgentioribus clausulis uti præ iis quas adhibuit in re scriptis decretis? Quo ergo se recipient oppositum opinantes? Invenire ne possunt ipsi aut expressiones luculentiores, aut formulas efficaciores praincipiendi exactæ communitatis observantiam? Negabunt ne Romanæ Ecclesiæ potestatem praincipiendi perfectam rerum communitatem? Nulla hic ad effugium rima patet.

C A P U T V.

*Communitate sublata, nec votum obedientie
nec regularis discipline observantia
consistere diu valent.*

I. *V*olatio paupertatis est scopulus ad quem facillime impingunt viri claustrales. Heinc tam antiquæ, quam posteriores Religiones passæ sunt plus & minus relaxationem. Nihilominus sacrorum Ordinum Institutores non modo hanc paupertatem exacta vita communi circumscriptam non mitigarunt, sed fortioribus praeditis munierunt. Ordines mendicantes videntes collapsam disciplinam monasticam ob redundantes divitias, rejecerunt divitias, & reditus etiam in communi possidendo, & mendicato vivere statuerunt. His successere Clerici Regulares, qui collapsam Mendicantium disciplinam spectantes ne huic vicissitudini obnoxii & ipsi essent, paupertatem adeo severam prescrispere, ut alii nec pro Missarum celebratione oblationes recipere, alii nec petere eleemosynas statuerint. Cur hoc? Paupertatis consilium liberum est. Divitias possidere nihil mali absolute praefert. Sacrorum Ordinum Patriarchæ tot sæculorum expe-

experimento didicere istius vitæ communis observantiam difficultam esse , & facillime a voventibus violari . Illorum caritatis erat hanc temperare paupertatem , peculia , & census vitalitios permittere , ut hac via occasionses peccandi a subditis suis removerent . Quando enim lex de re libera , & innoxia difficile a subditis servatur , sapientis legislatoris est aut eamdem tollere , aut eam temperare , & communi usui accommodare .

II. Contra , omnes ad unum Patriarchæ non modo paupertatis legem non relaxarunt , sed severius eam roborarunt , & novis prædiis munierunt . Cur nemo SS. Patriarcharum peculia , & redditus privatis Religiosis concederunt ? Cur illa severissime prohibueret omnes nullo excepto ? Opponant mihi vel unum Patriarcham qui peculia , & redditus privatos concederit ; & fasces illics submittere , atque victoriam canere volo .

III. Quid ergo causa est cur omnes sancti Patriarchæ hoc conspirarunt ut unanimi consensu hoc paupertatis votum restringerent , arctarent , atque omni excogitabili modo firmarent ? Quia sublata communis vita paupertate , concidat exactæ obedientiæ votum , & disciplinæ regularis observantia necesse est . Siquidem professio vitæ regularis , ad paupertatem quod attinet , contractus matuus est , ut indicavi , vi cuius subditi omnia bona & præsentia , & futura solemní ritu Religioni cedunt ; Religio vicissimi eodem sacro vinculo se astringit alendi , vestiendique subditos tum sanos , tum infirmos . Si Religionum Prælati oppignoratam fidem non solvant , subditis omnia necessaria ministrantes , necessario confequuntur , subditos obedientiæ vinculo solutos esse , quantum ad comparanda ea quæ pro victu & vestitu necessaria sunt . Ergo sublata communitate , obedientiæ votum , atque adeo ipsa disciplina regularis corruit .

IV. Industriæ , labores , media quæ subditi adibent ut peculium acquirant , sæpius Religioni non congruunt . Si Prælati impedit ea pertinent , subditi jus naturæ opponunt sibi prospiciendi in victu & vestitu a Prælati non collato . Quandoquidem in claustris , a quibus exultat perfecta communitas , pro vestibus aliqua summa traditer , alibi major , alibi minor , quæ pro integro non sufficit . Cellarum supellex integra saltem non datur . Pro itineribus , pro epistolis aut parum , aut nihil . Pro infirmitate curanda quedam , ut in hospitali , porrigitur , & qui non habent unde sibi sub-

veniant , miserrime languent . Qui vero abundant , absit ut infirmis fratribus quidquam tribuant . Heinc alii in penuria summa dedidunt ; alii morientes plurimam pecuniam relinquunt . Quibus auxiliis compararunt ingentia peculia ?

V. Fac Prælatos prohibere subditis inepitis ne conciones habeant , quia ea morum probitate non sunt prædicti quæ requiritur ut extra claustra Christianis exemplo sint , ne Monialium Confessiones audiant , ne se negotiis terrenis immisceant , ne patrocinia ambient , ne vagentur per civitates : continuo inclamat subditi : si hæc lucra amittimus , quis nobis vestes , quis epistolarum , itinerum , infirmitatum expensas solvet ? Quis chocolate , quis tabaccum , quis tot alia aut necessaria , aut congrua porrigit ? Census vitalitii aut exigui , aut nulli sunt &c. communi patrimonio nobis non providetur : ergo naturæ jure , quod omne votum antecedit , haec nobis comparare juste possumus . Quid heinc ? Litterarum rudes , morum integritate , vel prudentia destituti e claustris exeunt , concionant imperiti , confessiones audiunt indostri , negotia tractant inepti . Illi favores & patrocinia aucupantur ; isti præfecturas & officia ambient . Si Prælati interdicere velint , subditi opponunt , ut disxi , jus naturæ .

VI. Mala , scandala , disciplinæ relaxatio , & alia absurdæ , quæ heinc profiscuntur , nolo meis verbis exprimere . Dionysius Carthusianus de Reform. Claustr. c. 16. hæc scribit : Ex peculio tamquam ex venenosa radice multa peccata proveniunt , ut puta contumacia , superbia , contentio , partialitas , avaritia , vanagloria , invidia , mendacium , luxuria . Quoniam abundantes in peculio ad resistendum suis superioribus sunt audaces , nec disciplinam , & correptionem patienter suscipiunt , partialitates efficiunt , & interdum confessiōnibus & ebrietatibus vacant , ex quibus ad virtutia carnis labuntur , & votum suum de castitate seruanda sceleratissime frangunt . Quid si nos hac scribendi libertate uteremur ? Similia , & graviora absurdæ ex peculio manantia descibunt Trithemius , Nyder , S. Antonius , Cajetanus , & communiter Theologî . En rationum momenta cur sancti Patriarchæ etiam ultimæ ætatis peculio bellum indixere . Alias austeriorates , ut jejunia , vestitum asperum , & plura alia poenitentiæ exercitia aut linierunt , aut sustulerunt . Communitatem vero bonorum , licet agnoscere suisse lapidem offensionis ad quem plures

impegerunt, non modo non linere, sed, ut dixi, severius illam præceperunt: quia hac exacta bonorum communitate sublata, corrut universa disciplina monastica oportet.

C A P U T VI.

Quam hostiliter pugnant cum voto paupertatis monastice census vitalitii. Excusationes, & sophismata quibus incrassari pecuniorum corruptela solet.

I. **D**ivitiae, & paupertas evangelica non minus opponuntur quam castitas, & luxuria. Quare Christus dixit: *Si vis perfectus esse, vade vnde quæ habes, & da pauperibus.* Vendere, & retinere nonne invicem hostiliter pugnant? Nonne hæc duo: vendere omnia, ut omnes Patres interpretantur, & ipsum Evangelium clare & perspicue effiserit; & retinere aliqua, chimaram monstrosam constituant? Et tamen chimera hæc familiaris est. Antequam professionem juvenes edant, census vitalitios sibi reservant ditiones, aut minores, prout domesticum patrimonium permittit.

II. Reponunt se reservare hos redditus non sibi, sed Religioni. Religio enim absolutum dominium horum reddituum habet; Religiosi vero purum merumque usum facti ex licentia, & facilitate Superiorum. Dominium autem, non merus usus facti cum paupertatis voto pugnat. Recite & venusté. Quid appetitiones nostras explet, & saturat, dominium, an usus? Dominium absolute sterile est, & unice appetitur propter usum. Si separas ab usu dominium, hoc futile, & vanum evadit. Ego facillime tibi perfectissimum dominium concederem, dummodo usum pecuniarum semper Religio haberet. Quid tibi hoc in casu dominium prodesset? Si maritus dominium, alter usum haberet uxoris, is ne castitatem servaret? Maritus cum suo dominio continens esset & castus, alter cum suo solo usu facti venerem expleret.

III. Insistunt. Superior ad nutum revocare hunc usum valet. Peregrie. At numquam revocat, ut experientia constat. Si revocare ad nutum Superiores peculii privati usum valent, cur re ipsa non revocant? Cur communitatem exactam non invehunt? Cur Regulis, & tot Conciliorum, & summorum Pontificum decretis non parent? Responsum pressum, & perspicuum exhibito.

C A P U T VII.

De ludis Regularium, & aliis que cum voto paupertatis pugnant.

I. **Q**UEST. I. Licitu ne sunt Regularibus ludi aleatum, & fortis? RESP. Ludis, qui in joco sermone, factisque ludricis sistant, ut qui corpus exercent, quique ad spiritum exhilarandum, viresque instaurandas directi sunt, indulgere Religiosos posse, omnes cum S. Thoma 2. 2. q. 168. a. 2. concedunt.

II. Contra Theologi, & Regulæ omnes a Sede apostolica approbatæ ludos alearum severissime Religiosis voto paupertatis devinatis prohibent. Nominis aleæ omnes ludi fortuiti intelliguntur. Quid quod ludi isti ipsis Christianis omnibus vetiti sunt; immo omnes ethnici Philosophi ludos ejusmodi execrati sunt, ut Tom. VII. Theologiæ Christianæ palam feci? Constitutiones O. P. ad carceris poenam damnant Fratres qui inventi fuerint ad taxillos iussi, non secus ac reos carnis, furtique. Ludus fortuitus solius avaritiae, & desiderii ditecendi fructus est. Quid magis evangelica paupertati adversum quam desiderium hoc divitias augendi?

III. QUEST. II. An paupertatis voto repugnet quod Regularis habeant instrumenta argentea, ut cochlearia, cultrum, furculam, arcuam pro tabacco, horologia, idque genus similia? RESP. Hæc omnia solemni paupertatis voto opponuntur, statimque monastice disciplinae evertunt. Paupertas enim & aurum, argenteum pretiositas directe pugnant. Comperta hæc sunt natura sua. Omnes Regulæ monastice usum aurum argenteum in ejusmodi instrumentis prohibent. Constitutiones O. P. dist. 1. c. 10. hæc præscribunt. Nullus Frater aut Soror Ordinis nostri, cuiuscunque gradus (N. B.) aut conditionis existat, uti debet cochlearibus, & instrumentis aureis, vel argenteis, aut etiam ex lapidibus pretiosis, sive in mensa, sive in cingulis, sive in cappis, cultris, vel eorum vaginis, sive in quocumque alio genere verum utensilium. Qui autem transgressores reperti fuerint, iisdem instrumentis omnino priventur, & illa communitati applicentur, & GRAVITER præterea transgressores puniantur. Gravis punitio gravem culpam supponit. Nec opponas, constitutiones istas ad culpam non obligare. Utique ad culpam non obligant quæ extra vota sunt. At rescripta constitutio votum pau-

pertatis exponit. Votum autem istud ad cul-pam , & quidem gravem astringit. Usu ergo adeo communem damnum audes? Non ego, sed disciplina regularis, sed vota, quæ distinxerunt labia tua Deo, præfata omnia detestantur. At Religiosi docti, & probi his utuntur instrumentis? Quid inde? Isti gravius peccant, quia sua doctrina, & probitate gravius scandalum ceteris pusillis ingerunt.

C A P U T VIII.

*Quam gravis sit Prælatorum obligatio invehende
communitatis. Quid agere debeant Regulares
degentes in claustris, ubi pulsæ vita
communi peculia serpunt. Et an
juvenes suscipere habitum
religiosum in his locis
licite queant?*

I. QUÆST. I. *Sunt ne in continuo statu pec-*
cati mortalis Prælati Regularium, qui
sincero animo, & toris viribus non conantur
instituare vitam communem ubi collapsa est?
RESP. Adfirmant omnes Patres, omnes Regulæ monachales, Concilia omnia, & tandem ex adductis constitutionibus pontificiis id luculentissimum est. Si ratiociniis meis, quantumvis validissimis, & invictissimis id confirmarem, rigorismi, & infamatoris censuram non declinarem. Quare in medium adducam quæ non modo viri sancti, sed alii non tantæ existimationis Theologi docent.

II. D. Antoninus (3. p. tit. 16. cap. 1.)
Satis credo quod qui se reperiunt in Monasteriis, ubi non vivitur in communi, si Prælati sunt, & non faciunt quantum est eis possibile sine notabili scandalo, ut vivatur in communi, eos non esse in statu tuto.

III. Joannes Exuria (in tract. de Reform. p. 3. art. 2.) Omnes Prælati tam maiores, quam minores, singuli videlicet respecti-ve pro sui dignitate, officio, commissione, aut facultate, de debito iustitiae tenentur subditos suos Religiosos deformati viventes ad vite regularis observantium reformare. De iporum enim manibus sanguis subditorum requiritur.

IV. Sylvester (verb. Religios. 6. §. 7.) Si Prælatus non facit quantum potest sine magno scandalo ut vivatur in communi, non est in tuto statu. (arg. dist. 83.).

V. Ludovicus Lopez de Texeda (lib. 2. tract. 2. cont. 7. dub. 2. n. 24.) Addo, Religionum Prælatos ex meritis officii teneri debitam adhibere diligentiam ut Religiosi subditæ vitam transfigant in communi: & ideo tenen-

tur valde esse solliciti de necessariis illis conser-vendis pro vita, & vestitu. Quare si illa non tribuant, cum commode possint, peccant mortaliter, & sunt indigni Prælatorum officio, & debent deponi: quia tribuant anam Religiosi ut peculia querant, & votum laudabile paupertatis infringant.

VI. Thomas Sanchez (in Dec. lib. 7. cap. 19. n. 27.) Tercio deducitur, non esse in bono statu Prælatum qui in quantum potest absque gravi scando lo, non nititur Religiosos vivere in communi, ac superfluos usus vitare.

VII. Valentia (2. 2. disp. 2. q. 4. a. 2.) Quarto sequitur esse in malo statu tam Prælatos, quam subditos, qui non agunt vitam communem, quando ex redditibus communibus possunt sufficienter vivere.

VIII. Franciscus Pellizarius (Tract. de Monial. cap. 4. sect. 1. qu. 4.) Colligitur ex Sanchez afferente cum S. Antonino, & Sylve-stro, quod sicut Prælatus Regularium non est in bono statu, si quantum potest absque gravi scandalo, non nititur Religiosos in communi vi-vere, ac superfluos usus vitare, sic nec sunt in bono statu subditi resistentes, non quod ne-queant sufficienter vivere, sed quod velint abun-dare, & liberius disponere. Hoc enim adver-satur voto paupertatis.

IX. Joannes Baptista Lezana (quæst. Reg. cap. 18. n. 14.) Prælati qui in quantum pos-sunt, non curant suos subditos vivere vita com-muni absque peculio, aut proprio, & super-fluos usus vitare, non sunt in bono statu con-scientie. Ratio est, quia votum paupertatis id requirit, summiq[ue] Pontifices, & Concilia id precipiunt.

X. Gabriel a S. Vincentio (de Just. & Jur. disp. 3. qu. 10. n. 132.) Superior peccat graviter non providendo subditis de necessariis, tum quia prebet occasionem relaxationis Reli-gionis dando occasionem introducendi peculium, tum quia privat subditos jure quod habent ad bona Monasterii.

XI. Thomas a Jesu (specul. Relig. par. 4. c. 2.) Concludo, Prælatum mortaliter pecca-re, qui non curat ut communis vite ratio in Monasteriis servetur. Idem esto judicium de eo qui communem vitam jam laxatam, quantum in se est, ad pristinam observantium non con-a-tur reducere; quin etiam ipsi subditi, qui Pre-latis vitam communem restaurare volentibus con-tradicunt, eadem culpa multantur. Primo con-trariantur ipso facto decretis Conciliorum, & Pontificum, a quibus hujus vite observantia districte præcipitur. Secundo quia ubi vita com-munis non observatur, Monachi variis animis peri-

periculis circa transgressionem voti paupertatis experuntur. Tertio quia communis vita observantiam Prelati reformare negligentes contraveniunt iustitiae legali, quia ex officio tenentur bono communum consilere. Insuper dispensatione sibi commissa abutuntur, & peccant contra similitatem, & sepe contra iustitiam distributivam.

XII. Servatius Lairvelz gravissimus unaque piissimus auctor in sua Optica Regulatum (specul. 12.) Certum mihi est esse in continuo peccato mortali eos Prelatos qui quantum possunt sua Monasteria non reformat, quique ad vitam communem Religiosos suos, quantum possunt, non reducunt.

XIII. QUEST. II. An subditi Regulares resistentes introductioni vite communis, pulsis peculiis, sint in statu peccati mortalis? RESP. Ex iis quæ dicta sunt, patet evidenter resolutione propositæ questionis. Nihilominus in majorem confirmationem, quæ docent & citati, & alii auctores, subjiciam.

XIV. D. Antoninus (3. p. tit. 16. c. 1.) Si subditi sunt, & resistunt huic bono cum attentatur, non quia non possunt vivere sufficienter, sed quia volunt abundare, & de suis suo modo facere, videntur esse in malo statu, cum seculariter vivant, & velint in malo statu perseverare.

XV. Cardinalis de Turre Cremata in Regulam D. Benedicti (Tract. 94.) Gravissime peccant qui reformationi hujusmodi abusuum temere resistunt in Monasteriis, & se, & alios defendunt ne ab hujusmodi labe purgentur.

XVI. Sylvester (v. Rel. 6. §. 7.) Subditi vero dictæ communitatæ resistentes, non quia non possunt sufficienter vivere, sed quia volunt abundare, videntur esse in malo statu.

XVII. Thomas Sanchez (lib. 7. cap. 22. num. 27.) Similiter peccant mortaliter subditi dantes peculiai causam resistendo vite communis, cum illis necessaria ministrenur, & similiter graviter murmurando, & magis querelas fundendo.

XVIII. Lezana (quest. reg. c. 6. n. 60. Addendum tamen est, & valde notandum, Religiosos paratos esse debere ad recipiendam reformationem, & introductionem vite communis, si a Prelatis de novo instituatur, seu restauretur, nec posse ullo modo resistere sub gravissimo peccato mortali. Ratio est, quia cum vita communis obliget sub peccato mortali omnes Religiosos, ab illa excusari non possunt, nisi quia Prelati Monasteriorum non provident illis de necessariis ad viatum: unde constando predictis necessitatibus sufficienter providendum fore, null-

la romanebit ratio excusationis. Et hec est communis ratio Theologorum.

XIX. Thomas a Jesu (specul. Relig. p. 4. cap. 1.) Graviter peccare dixi, quia nolunt reformationi vite communis acquiescere, nempe propter grave datum emergens ex eorum contradictione.

XX. Franciscus Lopez (lib. 2. tract. 2. contr. 7. dub. 7. n. 24.) Religiosi autem tenentur ex merito sue professionis & status de communis vivere, & contenti esse his que a Religione ministrantur.

XXI. Angelus Pistachius Castelli (tr. 4. de voto pauper. cap. 4. num. 5.) Subditi resistentes vita communis peccant mortaliter.

XXII. Alteserra (Orig. Monast. lib. 1. cap. 15.) Monachi compelli possunt ad reformationem juxta prescriptum regulæ quam professi sunt. Nec tueri se possunt in observantia longi temporis, quia contra ea que sunt de substantia vite regularis, nulla est prescriptio temporis, neque dispensatio.

XXIII. Emmanuel Rodericus (Tom. 2. q. 63. art. 3.) ubi relato Tridentini decreto (§. 25. cap. 2.) haec insert: Ex qua Decreto colliges, quod Religiosi debent, & tenentur reformati seipso ad prescriptum regulæ quam professi sunt: & art. 4. Peccant Superiori negligentes instruere, seu reformare, & magis contravenientes reformare volentibus, & etiam singulares impudentes ea que contraveniunt menti, & verbis Concilii, quod est peccatum.

XXIV. Caramuel in Reg. D. Bened. n. 630. Qui vota emisit in Monasterio irregulari, hoc est ubi contra regulam abusus irreverunt, tenentur reformationi subjaceret, & obediere Antistiti abusus illegitimos eliminanti. Sic loquitur Caramuel; & in hac controversia adeo sibi constat, ut in Theolog. Regul. n. 631. haec scribat: Quam periculose se fallant qui existimant ex vi voti non teneri ad vitam communem, eo quod tempore sue professionis non servabatur in Monasterio.

XXV. Ultimo loco adduco Capitulum Ordinis Præmonstratensis sub doctissimo Joanne le Paigè celebratum, quodve insertum habetur in Bibliotheca Præmonstratensi (lib. 5. pag. 1019.) Reverendus Dominus Abbas Religiosos suos ad vitam communem reducat, revocetque . . . & ne quis sibi in hoc blandiat, & Superiorum obtrudat licentiam, audiatur Innoc. III. in cap. Cum ad Monasterium: Nec aestimet Abbas quod super babenda proprietate possit cum aliquo Monacho dispensare . . . & Concilium Tridentinum sess. 25. in decreto

de Regularibus &c. Quo fit ut sint in malo statu, labanturque tuispiter tam Prælati, quam subditi Religiosi, per quos stat quominus omnes in Monasterio vitam communem ducant. Quid plura? Vix vel unicum alicujus nominis Theologum reperire licet qui oppositum doceat.

XXVI. Ex his omnibus hoc pacto concludo. Juxta commune Theologorum placitum Prælati Regularium sub gravissimo peccato mortali tenentur pro viribus vitam communem peculio vacuam invehere. Hæc prima propositio certissima est. Secunda. Omnes subditi ex lege ad peccatum mortale obligante tenentur animo parati esse ad vitam communem peculii expertem suscipiendam, ut communiter omnes vel benigniores docent. Ergo alterutrum necessario consequitur. Aut Prælati in extremo damnationis periculo versantur, propterea quod præceptum gravissimum introducenda vitæ communis pro viribus implore non conantur; aut subditi sunt veri proprietarii, quod Prælati suis invehere honorum communia satagentibus resistunt, vel contumacem obliſtendi voluntatem produnt, ob cuius repugnantia scandalum vitandum Prælati ab implendo officio suo desistunt. Nullus hic tergiverandi locus superest. Si plura cupis, lege Discip. Apost. Monast. Diss. 3. c. 4.

XXVII. QUEST. III. Quomodo se gerere debeant Regulares qui in iis Conventibus comorantur ubi sublata vita communi, peculiorum pestis serpit, ut proprie consulant salutem? RESP. Rationem propriæ conscientiæ dirigendæ, & peculii habendi vix ego designare valeo. Rescribam quæ celeberrimus Joannes de Turre Cremata Cardinalis in Commentariis in Regulam S. Benedicti cap. 94. docet his verbis.

XXVIII. Gravissime peccant qui reformationi hujusmodi abusuum temere resistunt, & se, & alios defendant ne a tali labe purgantur. Ratio est, quia isti sunt formaliter conniventes remedia suæ salutis, & tale peccatum est in Spiritum sanctum. Unde illi qui vivunt in Monasteriis deformatis, quintuplicis sunt generis. Quidam enim dolenti, & amaro sunt animo, quod non vivunt in observantia, ex animo tamen aspirant ad reformationem. Alii sunt qui nolunt aliter vivere, & sic ut sunt malunt manere, nollent tamen Superioribus resistere, si vellent reformatio-

nem. Tertii sunt qui positive sic vivere sub deformatione volunt, ut omni reformationi perinaciter resistant. Quarti inveniuntur neutrales in omnem partem incurvii de modo vel sic, vel aliter vivendi. Quinti sunt qui apparent bone voluntatis, & se reformatio-

nem intendunt; sed aut quadam animi fra-

gilitate, aut quia nullum modum consentaneum

reformationis sibi intendunt, differunt, & sem-

per inducias captant.

Inter hos omnes Religiosos secundi, & tertii generis, qui deliberate reformati nolunt, sive resistunt, sive non, si sic usque finem persistant, in statu sunt damnationis. De quarti generis Religiosis dicitur, quod sunt sub periculo salutis, eo quod in schola religionis non proficiunt, nec ad perfectionem tendunt pro sui statu exigentia, & incurvi sunt sua salutis. De quinti generis Religiosis appetet periculum sua salutis propter tepiditatem affectus, & quia discrimini se exponunt, & pusilos scandalizant.

Religiosi primi generis qui vivunt in locis deformatis, ubi regula non servatur cum proposito se reformandi, si valerent, ut securius vivant, & tuius saluti sua consulant, haec omnia facere tenentur.

1. Laborare pro alio Conventu, ubi regulariter vivere possint, & illuc se transferre, nisi forsan spem haberent satis certam proprii loci reformandi ex eorum presentia.

2. Si locum reformatum habere non poterunt, ut aliqua digna causa illum omiserint, super hoc doleant, & pro reformatione inducenda, semper quod in se est, faciant.

3. Non seculariter vivant. Bona concessa nonniſi cum licentia Superioris, & in usum necessarium disponant, cum proposito semper resignandi ad placitum Superioris; immo omne superfluum illi dando, aut potius ab alio rerum provisionem sine usu pecuniario recipiendo.

XXIX. Quisque alstringitur declinare occasionem proximam violandi proprium votum. Quando autem occasio est necessaria, tum adhibenda remedia sunt opportuna ad evitandam legis transgressionem. Plurimis occasio habendi peculii necessaria est, cum isti removere illam nequeant. Hi ergo, ut sibi consulant, regulam propriam in vestitu, & vestitu, abstinentiam, jejunia, & vestium alperitatem servent. Tantum peculii illis licitum est, quantum requiritur pro iis rebus comparandis quas Religio subministraret, si in ea exacta vigeret communitas. Quod superest, Religioni tradant cum certis bonis Cœnobii confundendum.

XXX. QUEST. IV. Licitum ne est juvenibus suscipere habitum Religionis, & profiteri in iis clauſtris, ubi non servatur communitas rerum, & alie precipue regulæ? RESP. Negant

gant communiter omnes graviores Theologi. S. Antoninus 3. p. tit. 16. c. 2. inquit: *Et ubi quis ex ignorantia, vel errore intenderet illam (Religionem) ingredi in qua non bene vivitur, crudelitas esset non redere illum cautum, & a proposito suo revocare.* Ut istius crudelitatis crimen declinarem, monere hac de re lectores volui.

XXXI. Cardinalis Cajetanus 2. 2. q. 189. a. 9. hac scribit. *Actus iste qui est inducere ad vitam conventualem, est actus ex genere suo malus, quoniam inducitur quis ad vitam reprehensibilem. Omnis autem vita reprehensibilis mala est. . . . Unde vituperabile est non solum inducere, sed etiam ingredi, & recipere ad vitam irregularē personas utriusque sexus, quamvis hoc toleret permisive. Verum Ecclesia post obitum Cajetani nullum non morbit lapidem ut impedit receptionem juvenum, ubi exacta vita communis, & observantia regularis non videntur, ut ex Clemente VIII., & Innocentio XII. supra vidi mus. Cajetani sententiam confirmat in 2. p. lib. 2. de Reg. can. Cum virum n. 48. Propter Fagnanus. Martinus Navarrus p. 2. Decret. c. 12. n. 55. citata Cajetani doctrina, concludit. Qui alteri suadet ingredi Religionem adeo laxatam, qualem modo dicemus, & ubi regula perveram observatur, peccat. Graviora docent Nazarius, Nyder, & certi communiter.*

XXXII. Ludovicus Lopez in suo Instr. Conf. c. 43. docet: *inducere ad Religionem, vel ingredi ad eam, ubi male ob disciplinam regularem vivitur, peccatum esse.*

XXXIII. Sanchez lib. 4. in Decal. c. 16. n. 14. inquit: *Ilicitum est Monasterium illud ita collapsum, nec proxime reformandum ingredi, quamvis ab Ecclesia toleretur.*

XXXIV. Paulus Layman lib. 4. tract. 5. c. 6. n. 5. scribit: *Qui Religionem absolute vorvit, is non tenetur, immo neque licet potest ingredi Ordinem cuius regularis disciplina collapsa est, ejusque professi plerique male vivunt, ut ne substantialia quidem vota observent. Ideoque ingredienti perversoris periculum immineat, ut docent Cajetanus, Major, Navarrus, Valentia, Rodriguez, Sanchez, Lessius.*

XXXV. Leander hac tratt. 1. de jur. q. 14. & 15. docet. *An predictus vorvens, ingrediens Religionem quoad substantialia collapsam, non solum non satisfaciat voto, verum etiam mortaliter peccet?* Respondeo dicendum, quod non solum non satisfacret voto, sed quod denuo peccaret mortaliter ob perversoris periculum.

XXXVI. Salmanticenses tratt. 15. c. 2. punct. 1. n. 2. hæc inquit: *Ceterum pro comperto habemus non satisfacere (voto ingrediendæ Religionis) ingrediendo Religionem relaxatam, & quoad principales obligaciones collapsam, nisi forte spes subsit proximæ reformationis. Quia talis Religio non meretur nomen Religionis, nec ad perfectionem conductit, sed ad perditionem: nec in eam ingrediendo pericula fugerentur, sed majora forte amplectentur.* Eadem docent Passerinus, Martinez de Prado, Lezana, Cassianus a S. Elia, Rotarius, Bonacina, & communiter omnes. Consule Disciplinam Apost. Monast. diff. 5. c. 13. & Defens. Decret. Concil. Trid. Diff. 2.

XXXVII. Religio schola evangelicæ perfectionis est, in qua facilius ad optatum bravium pervenitur. Religiosi veluti rheda & curru ducti ambulant ad pallium asse quendam. Christiani in seculo pedites iter agunt undique scopulis, & laqueis circum septi. Si currus sit optime ordinatus, bene clausus & fortis, felicissime ambulant viri religiosi. Contra si currus sit perturbatus, lœsus, semifractus, tum infeliciores sunt illi qui tali curru incedunt, & in graviori periculo versantur frangendi crura, brachia, capita, quam Christiani qui pedites ambulant.

XXXVIII. QUEST. v. Utrum habere redditus redundantes in communi pugnet cum voto paupertatis? RESP. S. Thomas 2. 2. q. 88. a. 7. respondet, quod habere superabundantes divitias in communi, sive in rebus mobilibus, sive immobilibus, est impedimentum perfectionis, licet non totaliter excludat eam; habere autem de rebus exterioribus in communi sive mobilibus, sive immobilibus, quantum sufficit ad simplicem victum, perfectionem Religionis non impedit, si consideretur paupertas per comparationem ad communem finem Religionum, qui est vacare divinis obsequiis.

XXXIX. Extrema diligentia summa cavaenda in hac materia sunt. Victum, & vestitum præbere superioris ad normam propriæ Regulæ debent: caritas in hac provisione elucere debet. Victor non debet diligatus esse, sed diligenter, & opportune paratus, ut decet regularem sobrietatem. Vestitus quoque prompte tradatur. Infirorum cura magna habenda est. Aliud extreum divitiarum etiam in communi possidendarum vitandum est. Non ob paupertatem, sed ob divitias Religiones omnes naufragium passæ sunt. Pauperes ne Jesu

Christi, ejusque discipuli, & comites dicendi essent, qui superba adficia, splendida palatia, qui ingentes redditus possiderent? Si talia peragerent, procul dubio Religionis relaxationem, & persionem inducerent. Religio enim Christi Jesu, & redundantes divitiae contradictione opponuntur.

C A P U T IX.

De voto castitatis, & obedientie.

I. QUEST. 1. *Quid sit votum castitatis religiosæ?* RESP. Est abstinentia perpetua ab omni actu venereo tam interno, quam externo. Sacerdotes peccantes contra hoc votum, augent malitiam ob duplēm titulum, seu vinculum, quo Sacerdotes obstringuntur castitati servandæ. Hujus voti observantia a modestia oculorum, a solitudine, a carnis mortificatione, ab otii declinatione plurimum pender. Quare quælibet Religio & jejuna, & virtus temperantiam, & alias virtutes plus & minus præscribit in castitatis præsidium. Renuntiant divitiis, ut animum ab affectu pecuniarum immunitam conservent. Separantur a sacerdote, ut ablata omni occasione facilis castitatem custodian, quam observare & ipsi Christiani in medio laqueorum mundi, & inter ipsa seminarum præstiglia, aut virginalem, aut matrimonialem astringuntur. Aspectus venereus, & sola deliberata delectatio luxuriosa æque Christianum, ac Religiosum virum in Infernum detrudunt, sola circumstantia sacrilegæ diversitate.

II. Virtus hæc veluti limpidissima crystallus in putrido, & lutulento corpore defertur. Facillime bitumen succenditur, & luxuriæ ignis ardet, & sulphureæ exhalationes castitatis candorem offuscant, nisi assidua vigilantia custodiatur. Concupiscentia dira fera est, quæ semper rugit, & revolutiones machinatur. Si initio heroico spiritu cohibeatur, & continua custodia frenetur, ejusmodi victoria facilis. Numquam tamen eidem fidendum, quia versatile, & ex insidiis suam orditum rebellionem. Concionatores, & Confessarii præsertim vigilis sint oportet. Hi quippe ratione ministerii frequenter feminas alloquuntur. A colloquiis spiritualibus initium ducitur; at nisi cautio summa adhibeatur, omnia in carnem defunt. Confessarii habent suas filias spirituales, quibuscum familiares sermones texunt. Habitus ille virginalis, simulque feminineus, ca-

lida illa suspiria, & familiaritas paternitatis spirituallis cum filia spirituali fugienda sunt tamquam sibilis basilisci. Tractandæ feminæ sunt, non secus ac personæ lue inquinatæ. Spirituale alimento porrigitur, & continuo separatio succedat, alioquin pestis luxuriæ sua veneficia immittit. Verum quia innumeris libri sunt qui fusius hoc argumentum tractant, idcirco ab ulteriori abstineo sermone.

III. QUEST. II. *Quid ratione voti obedientie prestare Regularis obstringitur?* RESP. Votum obedientiæ est oblatio proprie voluntatis Deo facta, dum Regularis promittit obdiren fuis superioribus in iis omnibus quæ hi juxta propriam regulam jubebunt. Quare regularis obdiren tenetur sub gravi culpa superioris præceptis. Quando superior non præcipit, sed solum optat, hortatur, etiamsi subditus non pareat, non propterea violat obedientiæ votum, quia nullum transgreditur præceptum. Præcepta autem superiorum de re gravi esse debent.

IV. Quatuor communiter conditiones pro exacta obedientiæ sancti Doctores requirunt: 1. ut sit prompta executio ejus quod præcipitur: 2. ut interior voluntas accedit exterræ executioni: 3. ut subditus proprium judicium in re dubia aut controversa submittat judicio superioris: 4. cognita superioris voluntate non est expectandum præceptum, sed implendum est quod superior cupit. Haec tamen conditions ad maiorem obedientiæ perfectionem requiruntur, secus ad ejusdem virtutis naturam. Ad hanc enim, & ut peccatum, saltum grave, evitetur sat est ut re ipsa subditus obdierat, & exequatur impositum præceptum. Advertendum tamen, quod superiores interdum præcepta suspendunt, ut scandalum evitent, quia prævident subditos minime paratos ad implementum præceptum. Et tum subditi qui haec obseruenti superiorum mandatis argumenta perhibent, sunt in malo statu, & peccare mortaliter valent spectata rei præcipienda gravitate. In his enim circumstantiæ spestandæ sunt.

V. Superiores jure præcipere valent ea omnia quæ intra confinia Regulæ, & Constitutionum continentur, vel ad Regulæ, & Religionis conservationem, & decorem indirecte etiam conducunt. Queunt etiam Praelati ea vetare quæ tendunt ad proprias leges violandas, & alia jubere quæ graviter expediunt Regulæ, & Constitutionum observationi. Quare præcipere superior potest ne-

necessitate urgente, ut subditi inserviant Religiosis, & sacramenta ministrent Christianis peste infectis, præfertim si Religiosi Ordinem profiteantur ad proximorum salutem procurandam institutum.

VI. In re dubia parere subditus tenet superiori præcipienti, quia possessio stat pro superiori, ut communiter Theologi docent. Probabilistæ nonnulli contendunt, subditos habentes pro se opinionem etiam minus probabilem liberos esse ab obedientia præstanta, quamvis opposita sententia probabilior flet pro superiori. Et ita docere coguntur, admisso sistmate probabilistico. Hinc vero luculentius appetat, quam sit auctorati superiorum, & optimo regimini sedentiosus, atque perniciosus Probabilismus.

VII. Superiores nihil supra, aut contra Regulam præcipere valent. Subditus tamen non est legitimus iudex, num id quod Prælatus jubar, sit contra, vel supra Regulam, nisi res evidens sit. Capitula generalia præscribere, & condere statuta valent nova, quæ Ordinis decorem augeant, & observantiam regularem validius firment. Ad præfecturas quoque acceptandas, & obeundas Prælati urgere subditos suis præceptis jure queant, secus ad acceptandas dignitates, vel Episcopatum extra Ordinem.

VIII. Graviter Regulares peccant vel dum præceptum superioris implere recusant, vel dum ejusdem vocem contemnunt, vel dum reformanti abusus, & corruptelas invectas contra Regulam, & Constitutiones resistunt. Peccant venialiter, si ea executioni demandare negligant quæ sciunt a superiori præscribi, quamvis non sub præcepto, ut dum inculcant observantiam Regulæ, & Constitutionum. Et licet Constitutiones natura sua ad culpam non obligant, re ipsa tamen numquam deliberate violantur sine aliqua veniali culpa. Qui vero ex habitu, & consuetudine eas indiscriminatim transgrediuntur, ad tacitum contemptum se se disponunt, & contra præceptum aspirandi ad perfectionem peccant.

IX. Superiores qui Regulæ, & Constitutionum transgressiones dissimulant, qui easdem pro viribus corrigeret, & impedire negligunt, aut ex torpore & negligentia, aut ex quadam conniventia, peccant mortali ter, ut Diana, Salmanticenses, La-Croix, & alii communiter docent. Superiores enim vi munieris sui destinati sunt ad legum custodiā, & universæ disciplinæ observantiam promovendam. Illorum negligentia

in impediendis transgressionibus gravissimum detrimentum infert Religioni. Heinc enim gravissima præficisuntur absurdæ, & heinc omnes sacerdotum Ordinum relaxationes manarunt. His quippe transgressionibus succedunt violationes votorum, scandala, castitatis jactura, & proprietatis pestis.

C A P U T X.

De tyrocinio, seu novitiatu Regularium.

I. **A**ntequam Religionem juvenes sollemitati ritu profiteantur, debent per annum integrum habitum Religionis, & palam gestare. Libera autem, & non coacta sit hæc religiosæ vestis suscepitio necessum est. Qui puellas cogunt ad hanc susceptionem, mortaliter peccant, & excommunicationem contrahunt, ut Tridentinum *sess. 25. c. 18.* statuit. Qui autem juvenes mares cogunt minis, peccant mortaliter, sed excommunicationem non incurunt. Juvenes qui coacti tyrocinium peregrinantur, si libere professionem emitterent, validus fuisse novitiatus. Annus hujus novitiatus integer esse debet, ut Tridentinum *sess. 25. c. 15.* præscribit, continuus & non interrupsus. Qui per diem habitum dimitteret, & e claustro exiret animo non redeundi, licet post diem rediret, novitiatus interruptus diceretur; secus si per aliquot horas dimitteret absque exitu e cœnobio.

II. Inepti jure naturæ ad novitiatum hunc sunt decrepitæ, infani, habitualiter infirmi gravi morbo, servi vere tales repugnante domino, conjuges post consummatum matrimonium sine matuo consenserunt, professi in altero Ordine sine licentia superiorum. Jure positivo recipi nequeunt Episcopi, Archiepiscopi, qui sine expressa summi Pontificis facultate profiteri Religionem regularem nequeunt. Ceteri autem Ecclesiastici liberi omnino sunt etiam curæ animalium addicti, ad profitendam vitam regularem.

III. Pontifices summi plures ediderunt constitutiones, quibus determinant conditiones recipiendorum ad Ordines regulares. Sextus V. sua constitutione *Cum de omnibus* prohibuit ne viri prætergressi annum sextum decimum reciperentur, nisi præmissa severa perquisitione de patria, de acta vita, de parentum qualitate. Quod si repertum fuerit istos latrocinia, aut alia similia scelera patrassæ, vel suspectos de iisdem esse, aut

con-

condemnatos, vel prudenter timeatur condemnatos fore; si ære alieno gravatos supra vires, vel ratiociniis reddendis adstricatos, unde lites, & molestiaz prævideantur; prohibet ne recipientur, & professionem ab istis emissam nullam declarat. Prælatos vero qui scienter ejusmodi receperint, privat voce activa, & passiva, gradibus & præfeturis, inhabilesque constituit ad futuras dignitates, & gradus. Hanc constitutionem altera constitutione ejus initium est, *Ad Romanum Pontificem*, temperavit non quantum ad pœnas, sed quantum ad crimina. Gregorius XIV. alia constitutione dicta *Circumspecta* partim sustulit, partim auxit Sixtinæ constitutionis moderationes. Et tandem Clemens VIII. professionem reduxit ad terminos juris communis: ita ut nisi aliquod juris communis impedimentum obster, professio valida sit. Pœnas vero in transgressores in suo reliquit vigore. Nunc tamen vi constitutionis ejusdem Clementis VIII. Regulares recipere juvenes possunt etiam prætergressos annum decimum nonum, exacto tamen juramento, quod neque criminosi, neque ratiociniis reddendis obnoxii, neque rei furti, aut homicidii, vel aliis impedimentis in Sixtina constitutione recensitis ligati sint. Prælati qui ejusmodi scrutinium negligunt, graviter delinquent, & subjecti sunt Sixtinæ Bullæ pœnis. Valida tamen professio erit, dummodo nihil contra ius commune repugnet.

IV. Novitii omnium privilegiorum Regularium particeps sunt, cum sint sub potestate Religionis, & ejusdem onera sustineant. Quare sunt a jurisdictione Episcopi immunes, & privilegio fori gaudent. Posse sunt superiores Religionis cum iisdem dispensare super præceptis Ecclesiæ, & eorum votis, quæ tamen implere, si habitum Religionis dimittunt, debent. Contra si absolvantur a censuris, irregularitate, vel reservatione, si exeat e Religione, quam bona fide amplexi fuerant, absoluti manent.

V. Si in anno tyrocinii novitius decebat, heres ab intestato ejusdem bonis succedit. Donationes liberæ inter vivos, contractus lucrosi, renuntiationes bonorum temporaliū, officiorum, dignitatum, nisi fiant cum licentia Episcopi, aut ejus Vicarii duobus mensibus ante professionem, irritæ sunt, & nullæ, ut determinavit Tridentinum. Bona quæ sibi obventura sperat novitius, renuntiare potest Religioni quam professorus est, etiam vivente patre, secus alteri determini-

nata personæ. Bonis quæ jure sanguinis obveniunt novitio, nisi ipse disponat juxta præscriptum Tridentini ante professionem, succedit Ordo quem professorus est, si capax sit bonorum immobiliū.

C A P U T XI.

De professione Regularium.

I. Professio monastica, ut alias indicavi, contractus est, quo homo semet ipsum Deo offert in aliqua approbata Religione, solemni ritu tria vota paupertatis, castitatis, & obedientiæ emittendo coram Prælato consentiente, quique Dei nomine hæc vota acceptat. Duplex est: expressa, quæ verbis fit coram superiore; & tacita, quæ signis & actionibus a jure statutis peragitur; ut si novitus expleto anno sexto decimo, & integro anno sui tyrocinii, exercet actiones professorum, eorumque habitum deferat, professionem tacitam emittrit, si tamen Prælatus consentiat, & ipse novitus libere, non coactus, seu nullo timore extrinsecus graviter incusso adductus id agat, advertatque ejusmodi actionibus se tacitam professionem incurtere, & habeat animum profitendi. Verum quamquam tacita hæc professio nuncupetur, re ipsa expressa suo modo est.

II. Ut professio Regularium legitima sit, requiritur legitima potestas, quæ residet vel in Romano Pontifice, vel in superiore Religionis, juxta regulas peculiares cuiuscumque Ordinis. In hoc aut illo Ordine non sufficit solus superior, sed necessarius est consensus majoris partis Patrum a consiliis, vel Capituli. Si major pars istorum Patrum reluctetur, nec superior illius convenitus, in quo est novitiatus, nec superiores majores possunt admittere novitium ad professionem; reluctante vero superiore immediato, & accedente consensu majoris partis Patrum a consiliis, valent superiores majores, ut Provincialis, vel Generalis, admittere novitium ad professionem. Ceterum quilibet Ordo suas consulere leges debet.

III. Plura sunt impedimenta quæ nullam reddere professionem queunt. 1. Ætas ante annum decimum sextum compleatum. 2. Si annus novitiatus non sit integer, vel sit interruptus. 3. Defectus libertatis, ut si servus repugnante domino profiteatur. 4. Matrimonium consummatum altero conjuge repugnante. 5. Episcopatus non accedente

Pontificis licentia . 6. Nimia senectus , aut morbus gravis , non curabilis , impediens Regulæ observantiam . 7. Diversitas sexus , ut si vir in Monasterio mulierum , aut contra , profiteatur . 8. Metus gravis injuste incusus . 9. Error circa essentiam status religiosi . 10. Si desit animus se obligandi , vel si ficto animo acceptetur a superiori , nulla est in foro conscientia . 11. Tandem si contingat aliquis defectus , qui vi Constitutionum talis Ordinis professionem irriteret .

IV. Ut professio nulla ex parte utriusque , & superioris acceptantis , & professi , redintegretur , requiritur utriusque partis , reciprocus consensus . Si vero nulla sit ex defectu consensus solius professi , tunc sat est ut ipse solus renovet consensum , ratamque habeat professionem emissam . Aliqua vero professio nulla esse potest ex impedimento quod non admittat remedium , quo sanari possit .

V. 1. Effectus professionis regularis est remissio omnium peccatorum etiam quantum ad poenam , ut 2. 2. q. 189. a. 3. ad 4. 2. docet D. Thomas , cui subscribunt ceteri Theologi . 2. Est ablato irregularitatis ex defectu natalium pro sacris Ordinibus suscipiendis , secus pro prefectura exercenda . 3. Aufert ingratitudinem filii aduersus patrem , qui exheredare amplius filium nequit . 4. Dirimit matrimonium ratum , & non consummatum . 5. commutat vota in seculo facta in professionem : quæ commutatio per ipsam professionem fit . Quare etiamsi professus frequenter negligeret observantiam jejuniorum , aliarumque austerritatem Ordinis , nihilominus commutatio facta consideret . 6. Est provisio vietus & vestitus , quam Religio ministrare tenetur professis tum sanis , tum infirmis , eosque educare in studiis juxta propriam vocationem astringitur .

VI. Tridentinum sess. 25. c. 19. facultatem Regularibus impertit reclamandi contra professionem emissam tribus adjectis conditionibus . 1. ut reclamatio , & causa rescindendæ professionis ante elapsum a die emissæ professionis quinquennium instituantur : 2. ne reclamans habitum Religionis deponat pendente causa reclamationis : 3. ut causa rescindendæ professionis instituantur coram proprio superiore , & ordinario , qui sententiam ferre debent .

VII. Ut quis reclamare liceat queat contra propriam professionem fundamenta habere certa debet , & evidenter . Qui enim

dubius est , reclamare liceat nequit , quia in dubio presumptio stat pro professione . Plura dicenda de hac reclamatione essent . Verum cum hæc omnia ad forum externum pertineant , & suse tractentur a non paucis Canonistis , idcirco illa pretereo .

VIII. Illud duntaxat heinc colligant velim Magistri novitiorum , quanta diligentia , & vigilancia candidatorum vocationem expendere graviter astringantur . Causa principis relaxata disciplinæ regularis est defectus vocationis divinæ ad illum sublimem statum profundendum . Siquidem plurimi non Deo vocante , ut advertit Cardinalis Bellarminus lib. 2. de gem. col. , sed aliis rationibus , quas explicare non vacat , adducti , huic sacræ militiae nomina dant . Væ novitiorum praefectis , si oculos claudunt super hoc gravissimo negotio , ne propria claustra vacua remaneant , & non vocatos ad professionem admittant . Deficiente hoc primo celestis vocationis fundamento , quid mirum , si universum ædificium corrut ? Castitas donum speciale Spiritus sancti est . Ut intaminata servetur , gratia , non ab humana infirmitate vires expectans , sed ut a Deo manans , viatrix , atque triumphans requiritur . Vocazione divina sublata , deest gratia illa singularissima : & hac gratia defituti castitatem sacrilege polluant , deturpant , corruptunt . En expositam omnium malorum radicem . Cautissimi ergo sint novitiorum Magistri in expendenda eorumdem vocatione .

IX. Non me latet quod opponere isti solent , nempe mundum in maligno positum esse , & Christianorum mores laxatos , atque in dies corruptiores fieri . Ex hac Silva transferendas in Regularium viridiaria plantas esse , quæ si grandine , antequam oliva inserantur , percussæ sit , vix fieri potest ut fructus pariant vita aeterna dignos . Verum habet . Quamobrem fecernendæ sunt plantæ sanæ ab infectis . At sanæ , reponis , paucae sunt , & mutuplicata claustra impletri debent . Nimis longus essem , si pro dignitate hanc discutere objectionem vellem . Vide Disciplinam Apostolico-Monasticam P. 2. Diff. 1. c. 15. , ubi suse hanc difficultatem discussam invenies . Regularium propagatio , & perennis successio non carnalis , sed spiritualis est , a Deo descendens . Tu solos vocatos ad professionem excipe , & curam Deo relinque ut operarios mittat . Si secus feceris , & te , & alios periculo aeternum pereundi expones .

C A P U T XII.

De litterarum studio, in quod incumbere Regulares astringuntur: & que methodus in scientiis addiscendis servanda.

I. **C**hristiani omnes plus & minus, propter eorum conditio fert, Scripturis sanctis dare operam debent. In hoc autem studium Regulares, & omnes viri rebus sacris addicti incumbere gravissime astringuntur. Joannes Thithemius incliti sanctissimi Patriarchae BENEDICTI Ordinis, preclarorum virorum, non modo antiqua, sed etiam aetate nostra, Deo auspice, secundissimi Abbas homil. 4. de studio sacrarum Scripturarum, hoc pacto Monachos suos alloquitur. *Videmus inter vos quosdam Scripturarum ignoratos, instabiles mente, discolors, & vagos, quibus ex magis imputamus ignorantiam, quo minus inclinantur ad disciplinam. Turpe quidem est nescire quod scire juberis, turpius non discere, turpissimum vero contemnere. Et sunt inter vos qui scientiam salutarem nesciunt, sunt etiam qui discere negligunt: quid si ad dam esse & alios qui scientiam divinarum Scripturarum penitus contemnunt?*

Et paulo ante haec habet. *O stulti, & perditissimi petrones, qui scientiam salutarem contemnitis, & ignorantiam divinarum Scripturarum potius quam intelligentiam amatis! Numquid affectata ignorantia paucioribus vos plagis reddet obnoxios? Aut propterea delinquentes eritis coram Deo innoxii, quia mandatorum Dei voluntarie estis ignari? Dupli paxa cruciandi eritis: altera, quod scire viam mandatorum Dei contemnitis; altera, quod sermones Dei non custodistis... De vobis etiam, o stultissimi tenebriones, illud intelligitur S. Hieronymi, quoniam ibi non est ignorantia jam excusabilis, ubi scitur quid sit illud quod ignoratur. Magis autem cavendum vobis ne cum illis tandem computemini qui dixerunt Deo: Recede a nobis, viam scientiarum tuarum nouimus.*

II. Neque illi solummodo culpandi sunt qui crassa, & supina ignorantia eorum quæ proprium statum spectant, infeliciter laborant, qui in sopore quodam funestissimo quam libentissime obdormiunt, qui nec brachium, nec pedem movere volunt ut necessariam consequantur scientiam; verum illi insuper qui tempus terunt in addiscendis artibus, scientiis, disciplinis, quæ a scientia sanctorum abducunt, quam potissimum

comparare debent Claustrales. Rescribere placet verba Ludovici Granatensis par. 2. de vot. cap. 4. §. 7., Quam multi hodie studiosi sunt in Mundo, & inter hos quam pauci qui discipli sunt Iesu CHRISTI! Et quod acerbissimum est, illi ipsi qui, recenter mundo relicto, amplectuntur Religionem, vel eo tempore quo debent expoliare veterem hominem, & huic se disciplinae impendere, cum vix Deum gustare coepерant, atque ad eum cognoscendum ægre aperuere oculos, collocantur inter gentiles Philosophos, & in scientiis mundanis exercentur, ubi in longum tempus nec verbum de JESU CHRISTO auditur. Quod studium, et si propter mutationem temporum, & hereticorum pervertitatem aliquo modo necessarium sit, sic tamen tamquam magnam plagam sculi nostri, & vitae debemus accipere, utpote quod nobis tantum temporis eripiat, & separat, atque exules faciat tot annos a Salvatoris nostri consortio. Præfertim si attendamus quod dicit Gregorius Nazianzenus, omnes illas gentilium scientias & disciplinas tamquam plagas Ægypti ob peccata nostra in Ecclesiam intrasse. Sed cum misera temporum conditione nos ad hanc necessitatem adegerit, congruum illi tempus dandum, & assignandum foret; atque ita providendum ut ædificium, & fundamentum virtutis sic constitutum esset in animis eorum qui incipiunt, ut sustinendo isti oneri sufficerent. Sed quamdiu opus tenerum est, & infans Christianus adhuc gustat lac JESU CHRISTI, stultitia est ipsum illum ablactare, & gustum illi dare librorum gentilium, ubi non videt nisi argumenta subtilia, & plena fallaciis sophismata. Quid vero, si bene expendimus, hoc est aliud quam imitari crudelitatem Pharaonis ruinam populi Dei machinantis, cum imperaret, ut quam primum Hebreus masculus nasceretur, suffocaretur lumine, & aquis Ægypti? Omnia (inquit Sapiens) tempus habent . . . tempus amplexandri, & tempus longe fieri ab amplexibus. Tempus illud amplexando Deo debebatur, comparandoque amori tam fortis, ut nullis aquis mundi suffocari posset, & extingui: quo facto paululum licebit ab ipsius amplexibus recedere, ut necessitatibus proximi intendatur. Quid alias volebat Deus noster in lege, cum prohiberet ne sponsi cogerentur arma sumere, & ad bellum

, pro-

„procedere? Quid significabat, cum veteris operari in primogenito bovis, & non tondere primogenita ovium, nisi genus istud progenitorum, de quo hic loquimur, liberum esse a vinculis, & oneribus istis, ut totum se sibi, & profectui suo impendat. Contra has leges omnes faciunt qui tempus istud suffurantur studio verae sapientiae, & verae scientiae, ut totos se humanis scientiis addicant. „Haec tenus sapientissimus Ludovicus Granatensis, cui nihil praeter antiquitatem deest, unde Pater Ecclesiae nominetur.

III. Si temporum ratio coagit majores nostros, quando Arabum Philosophia vigebat, doctrinæ Aristotelicæ operam dare, ut ethnicos, & superstitiones viros propriis illorum armis confoderent, opposita temporum vicissitudine urgere nos debet ut in ea incumbamus studia quæ revincendis, convertere hæreticos, & malis catholicis opportuna sunt. Nullum in præsens apud sive ethnicos, sive Turcas, qui nos circumstant, Philosophia studium: supina illi laborant ignorantia, parvoque opus est quo illa revincatur. Hæretici nunc sunt, qui dogmata catholica oppugnant, & catholici non nulli scriptores, qui evangelicae Moralis regulas pia intentione, & falso opinandi modo præventi, vel nolentes humanis appetitionibus nimis accommodant. In illud ergo, ut majores nostros imitemur, studium incumbendum, quod convellendis istorum erroribus opportunum est. Credendis, & agendis constat Theologia Christiana: & hæc duo consistere separata diu nequeunt.

IV. Methodus itaque, quam novitiis expleto tyrocinii anno tenendam suggero (ab-

fit enim, ut tribunal erigere velim, illam ut censor proponendo) hæc est. Paucis mensibus justi ratiocinii regulas addiscant ex Dialectica decertas, missis tricis, & cavillationibus sophisticis, quæ mentem corrumperunt, aut faltem pessime disponunt. Regula istæ viam doceant inquirendæ veritatis, cum sola, & unica veritas sit via quæ ad cælum dicit. Elapsis quatuor, aut quinque mensibus in hoc studio, triennium illud quod insumere in Philosophia studio solent, impendant in lectione Scripturæ sanctæ, & historiæ ecclesiasticæ. Optandum summopere esset ut aliquis cursum historiæ ecclesiastice scholæ usi: accommodatum, & in opportunos tractatus, vel dissertationes digestum ederet. Præmittenda esset brevis synopsis historiæ veteris Testamenti paucis, sed opportunis disputationibus illustrata. Post perstringendum esset specimen historiæ christiana, ut scirent juvenes, qui fuerint heroes nostri, quæ illorum acta, & gesta. Aliquæ dissertationes brevissimæ in quodlibet sæculum adjici possent. Opus istud si mile esse deberet cursui philosophico, cui substituendum innuo, & triennio, sicut ille, excludendum. His præsidis instruti juvenes ad sacram christianam Theologiam credendis, & agendis constantem addiscandam accedant. Tum veri Theologi e scholis discederent. Hæc in transcursu indicavi, sapientum judicio subjiciens.

V. Plurima alia de statu religioso dicenda forent; sed compendii confinia transilirem, si ultra pergerem. Hæc itaque dicta sufficient, & in maiorem Dei gloriam cedant, Lectorumque profectum. Amen.

F I N I S.

OPE-

OPERA OMNIA

R. P. F. DANIELIS CONCINA

ORDINIS PRÆDICATORUM

Ad hanc usque diem typis edita.

Latine scripta.

Commentarius Historico-Apologeticus in duas Dissertationes tributus, quarum altera antricriticis Animadversionibus refellit ea quæ adversus paupertatis Disciplinam a D. Patriarcha Dominico in suo ordine constitutam, intemperantiose critice, scriptis prodiderunt Continuatores Bollandi in Commentariis nuper in Acta ejusdem Patriarcha editis. Altera eamdem Disciplinam a laxioribus P. Raphaelis de Pornasio interpretamentis vindicat. Accedunt de origine Disciplinæ Regularis primum in Ord. Pred. per B. Raymundum de Vineis XXII. Magistrum Generalem ejusdem Ordinis, instaurata, Dissertatione Historica, & Questiuncula Moralis de Regularibus personatis, sub nomine Caroli Antonii Plantamure. Venetiis 1736. iterum 1745. 4. Disciplina Apostolico-Monastica Dissertationibus Theologicis illustrata, & in duas Partes tributa: in quarum prima de Voto paupertatis Vita Communi circumscripto: in altera, de ceteris ejusdem Discipline præcipuis capitibus differitur. Accedunt selecta quedam veterum Theologorum Monumenta. Venetiis 1739. iterum 1750. 4.

Prefatio ad Lectorem in Dictionarium casuum conscientiae Joannis Pontas, & Animadversiones Critico-Morales in Menda Pontafiana, sive Observationes quasdam Interpretis Augustani, cum Auctario duorum casuum qui in eodem Dictionario desiderantur.

Epistola Theologico-Morales ad Illustriss. & Reverendiss. Episcopum N. N. Venetiis 1744. 4. iterumque ibid. Luce, & Rome.

In Rescriptum BENEDICTI XIV. P. M. ad Postulata septem Archiepiscopi Compostellæ Jejanii legem spectantia, Commentarius Theologicus. Venetiis 1745. iterum 1755. 4.

Defensio Decretorum Concilii Trident. & Apostolicarum Constitutionum Ecclesie Romane in causa Paupertatis Monastica, adversus duos Libros inscriptos Vita Claustralis, & Vindiciae Regularium &c. ad Pontificem Ma-

ximum BENEDICTUM XIV. Accedunt Censura in Censuram Disciplinæ Apostolico-Monasticae, & Animadversiones in Epistolam Exegeticam P. G. C. Bonon. 1745. iterum 1758. 4.

In Epistolam Encyclicam Benedicti XIV. adversus usuram Commentarius, quo illustrata doctrina catholica, Nicolai Broederen ac aliorum errores refelluntur. Rome 1746. 1748. 4. Usura contractus trini Dissertationibus Historico-Theologicis demonstrata adversus mollioris Ethices Casuistas, & Nicolaum Broederen. Accedunt Appendices due ad Commentarium Auctoris aversus usuram. Rome 1746. & 1748. 4.

Theologia Christiana Dogmatico-moralis, Summo Pontifici BENEDICTO XIV. feliciter regnanti nuncupata, in decem tributa Tomos: quibus accedit Apparatus duobus Tomis comprehensus: quorum alter preter Decreta, & Constitutiones pontificias, fidei morumque reclam tradentes normam, de locis Theologicis, sive de purioris Ethices Christianæ fontibus Librum exhibet; alter vero Conscientia, & Probabilissimi argumenta duobus distinctis libris pertractat. Rome 1750. iterum 1754. & 1758. 4.

De Sacramento Pœnitentiae, ejusque Ministro Commentarius Dogmatico-moralis. Rome 1750. 4. Qui licet Theologie Christianæ pars sit, separatim tamen distractabitur.

De spectaculis Theatralibus Christiano cuique tum laico, tum clero vetitis Dissertationes due. Accedit Dissertatio tertia de Presbyteris Personatis Rome 1752. 1754. 4.

Epistola ad Policarmum Virum Clarissimum, in qua B. Nicolai Justiniani Veneti Monachatus a fabulis, vanisque Commentis assertur. Tridenti 1746. 1755. 4.

De Sacramentali Absolutione impertienda, aut differenda Recidivis, Consuetudinariis Dissertatione Theologica. Rome 1755. 4.

De Vita, & rebus gestis P. Thomae Mariae Ferrarii Ordinis Pred. S. R. E. Card. Tituli

iuli S. Clementis Libri tres . Rome 1750.
1755.

Ad R. P. Carolum Nocetium Epistole esto de singularibus Argumentis in ejusdem Libro inscripto VERITAS VINDICATA contentis . Accedunt Opiniones Laxe quamplurime ex variis Casuisticis collecte : item Censura R. P. Eusebii Amoris Canonici Lateranensis in Theolog. moralem R. P. C. L. C. &c.

Italice emissa , quorum tamen titulos hic latine subjicimus .

Vetus & nova Romana Ecclesie Disciplina circa sacrum Quadragesimale Jejunium , duabus Apostolicis Letteris , Non ambigimus , & In supra Benedicti XIV. Summi regnantis Pontificis expressa , atque Historico-critico-theologicis Animadversionibus illustrata . Venetiis 1742. 1756. 4.

De Probabilismi ac Rigorismi Historia Dissertationes Theologico-morales criticae , quibus fundamenta Christianae Theologie explicantur , atque a recentiorum Probabilistarum cavillationibus vindicantur . Opus in duos Tomos tributum . Ad calcem secundi Tomi adjecta est Dissertatione Apologetica adversus Libellum: Difesa della Dissertatione Teologico-morale-critica de' Signori Abate Pietro Copellotti , ed Arciprete Bartolommeo Calsi ec. Luce 1743. & iterum 1748. 4.

Quadragesima a Foro contentioso recentium quorundam Casuistarum ad recti sensus , boneque fidei populi Christiani Tribunal Appellans super jejunii precepto cum carnium esu conjugendi ex eo dumtaxat quod noceant cibi quadragesimales . Dissertatione adversus Libellos duos nuper hac de re editos . Tertia Editio novis additamentis locupletata , videbilec duobus Brevibus Pontificis de jejunio , & integra Dissertatione in Librum cui titulus Difesa ec. de quo supra in Historia Probabilismi , Venetiis 1744 1756. 4.

Observationes critico-morales , quibus vindicatur Historia Probabilismi , & Rigorismi , adversus Librum cui titulus : Giustificazione di più Personaggi , e di altri soggetti ragguardevoli in Lucca 1748. proposuita in hac Epistola auctori ejusdem Dissertationis . Pisauri 1745. 4.

Examen Theologicum Libri inscripti : Saggio de' Supplementi Teologici , Morali , Critici , di cui abbisogna la Storia del Probabilismo , e del Rigorismo ec. typis editi Luce anno 1744. a R. P. Nicolao Chezzio . Pisauri 1745. 4.

Explicatio quatuor Paradoxorum que plurimum obinent etate nostra . Animadversiones in duos Libros RR. PP. Locchi & Bovio , inscriptor Avvertente , & Dissertazione &c. Premititur brevis notitia Librorum editorum a quibusdam Probabilistis in defensionem tum Probabilismi , tum aliarum moralium opinionum . Luce 1745. & iterum 1750. 4.

Expositio Dogmatis , quod Ecclesia Romana credendum proponit circa usumam , una cum confutatione Libri cui titulus : Dell' impiego del danaro . Neapoli 1746. 1756. 4.

Monumenta Historica circa usum Chocolatis tempore jejunii exposta in Epistola ad Illustriss. & Reverendiss. D. Archiepiscopum N. N. Venetiis 1748. 8. & iterum 1749. additis alterius Anonymi Auctoris Animadversionibus spectantibus Librum scriptum Quarefima appellante .

Confessiorum & Penitentium Instruclio , ut digne ministrent , atque frequentem Penitentie sacramentum . Venetiis 1753. & iterum 1755. 8.

De revelata Religione adversus Atheistas , Deistas , Materialistas , Indifferentistas , qui mysteriorum veritatem inficiantur , Libri quinque . Venetiis 1754. 4. Vol. 2.

De hodiernis Theatris christiana professioni infestis Libri duo , quibus due de spectaculis Dissertationes confirmantur . Rome 1755. 4.

Pro eodem Auctore Opera Apologetica ab aliis vernaculo sermone conscripta , & edita .

Defensio Doctrinae Angelici Doctoris S. Thomae Aquinatis 2. 2. q. 154 art. 4. exhibite . Luce 1746. 4.

Epistole Theologico-morales Eusebii Eranistes , quibus Historia Probabilismi , & Rigorismi P. Danielis Concina vindicatur . Editio tercia Tridenti 1752. 8. Vol. 6.

Adelphi Caritei , & Philermindi Arenii Epistole in Libellum editum adversus Epistolam Theologico-moralem Eusebii Eranistes . Tridenti 1753. & iterum 1754.

Notæ anticritica Eudoxii Filenii in Responsionem ad R. P. J. S. exhibitam Epistolis Theologico-moribus Eusebii Eranistes . Tridenti 1752. & 1753. Vol. 2.

Specimina & observationes Joannis Ambrosii Tonischi circa Theatra , & aleæ Ludos . His additur Dissertatione de iisdem Ludis Auctore Anonymo . Venetiis 1755.

Critice Animadversiones , queis compendio refellitur Opus inscriptum Dell' impiego dela-


- danaro . Luce 1755. 4.
Supplementum , vel Observationes in septem priores Historie Litterarie Italicae Tomos .
Luce 1753. 8. Vol. 2.
Observationes Eusebii Eranistes ad Historiam Litterariam spectantes . 8. Vol. 2. Venetiis 1756.
Epistole Agenoris ad Defensionem P. Concinae , & Eusebii Eranistes spectantes . 8. Vol. 3. Venetiis 1756. 1758.
Probabilismi tenuitas , seu notiones quam brevissime , quibus homo tuto se dirigat in negotio eternae salutis . Venetiis 1758.
Tractatus de Regula proxima humanarum actionum in opinionum deleitu , in quo patet fuit falsitas , improbabilitas , atque absurditas sy-


*stematis probabilistici , nec non illud in pra-
xi sequentium grave periculum . P. F. Io.
Vincentii Pattuzzi O. P. Ven. 1758. Vol. 2.
in 4.*


Latine.

- F. Vincentii M. Dinellii Cathedratici Cafana-
tensis Ord. Pred. ad Carol. Nocetum Soc.
Jesu Theologum , de Danielis Concinae in
indicandis describendisque Casuistarum locis
summa fide ac diligentia , Epistola xii.
Rome & Venetiis 1754. 4.
*Moralium Actionum Regula in Opinabilibus ,
seu Questio de Opinione probabili . 1756. 4.**











CONCINA
Compendio
Theologico
.I.y2.



2647
3407